





R. 6  
1/2



Aut 11

no 118







# ALPHONSI TOSTATI HISPANI.

EPISCOPI ABVLENSIS,  
PHILOSOPHI, THEOLOGI,

Ac Pontificij Iuris, Cæsareique consultissimi, necnon  
linguæ Græcæ, & Hebraicæ peritissimi,

COMMENTARIA IN IUDICES, ET RVTH:

Mendis nunc sanè quàm plurimis diligenter expurgata.

CVM INDICE COPIOSISSIMO.

Ad PHILIPPVM II. Catholicum & Inuietissimum  
Hispaniarum, & Indiarum Regem.



*relacasa resuilla*

*relac. Rojas menor*

VENETIIS. M D X C V I.

Apud Io. Baptistam, & Io. Bernardum Sessam, fratres.



ALPHONSI  
TOSTATI  
HISPANI

EPISCOPI ABULENSIS  
PHILOSOPHI THEOLOGI

Ac Pontifici Juris, Casaridique consilium, necnon  
lingue Græcæ, & Hebrææ peritissimè

COMMENTARIA IN INDICES, ET RATH:

Mendis nunc hæc quæ plurimè diligenter expurgata.

CVM INDICE COPIOSISSIMO.

AD PHILIPPVM II. Catholicum & Illustrissimum  
Hispaniarum, & Indiarum Regem.



*Adm. Regium*

*Adm. Regium*

VENETIIS. M. D. XCVI.

Apud Jo. Baptistam, & Jo. Bernardum Scam, fratres.





# ALPHONSI TOSTATI

Episcopi Abulensis

## COMMENTARIORVM IN LIBRVM IUDICVM

P R Æ F A T I O.



VNC Librum, quem nos Latino sermone vrentes librum Iudicum appellamus, Hebræi patrio more Sophet appellât seu Sophetim: quod idem pœnitus, licet diuersa lingua, est. Hunc scriptores sacri feriem temporalium rerum considerantes Iosue libro subiunxerunt, quippe quia post illam hæc historia consecuta est. Vocatur autem liber Iudicum, quia de gestis Iudicum Israel in hoc libro historia cōtexta est. Hunc librum in auctoritate libro Iosue, & Regum equiparamus: quoniam in secundo ordine canonis, scilicet inter prophetales collocatur, & est secundus illorum, vt ait Ieronymus in Prologo Galeato.

De libri in  
scriptioe.

*Quare vocetur liber istæ Iudicum: & an debeat poni inter libros Sacra Scripturae. Quæst. I.*

QVÆRET aliquis, quare vocatur Liber iste Iudicum. Respondendum, quod populus Iudaicus eductus de Aegypto, & introductus in locum habitationis suæ non semper eundem modum regiminis, & principatus habuit. Quodam autem tempore per viros bonos regebatur, qui iudices appellati sunt, eo quod iudicabant Israelitas ius reddentes in negociis eorum, ad eosque totus populus confluebat, quorū gesta, ne obliuionis caligine velarentur, sacra scriptura in vnum volumen compegit. Et quoniam tota narratio de viris illis iudicantibus est, nec interponuntur alia, nisi quæ sub horum iudicum tempore ab eis, vel ab aliis gesta sunt, rectè liber Iudicum appellatus est.

*An liber Iudicum inter Sacra Scripturae libros poni debuerit. Quæst. II.*

QVÆRETVR vltcrius, an Liber Iudicum debuerit poni inter libros sacrae scripturae. Et primò videtur, quod non, quia vt ait Apostolus 2. Timo. 3. omnis scriptura diuinitus inspirata utilis est ad docendū, ad arguendum, ad corrigendū, ad erudiendum in iustitia, vt perfectus sit homo Dei, & ad omne bonum instructus. Liber tamen Iudicum.

Alph. Tost. super Lib. Iudicum.

A non



# In Librum Iudicum

non est ad aliquid huiusmodi, eo q̄ puram historiam textit : ideo non debuit poni inter libros sacros. In contrarium videtur, quòd debuerit poni inter sacras scripturas, q̄a liber iste a propheta conscriptus est. Quod patet, quia ponitur secundus in ordine librorū prophetarum, ut declarat Hieronimus in prologo Galeato : si tamen non fuisset aliquid utile, & sanctum, propheta non scripsisset illum. Nam prophetia non est a propria voluntate, sed sicut Deus inspirat, ut patet 2. Pe. capit. 2. scilicet: Hoc primum scientes, quoniam omnis prophetiæ scriptura propria voluntate non fit, non enim voluntate humana allata est aliquando prophetia, sed Spiritu sancto inspirati locuti sunt sancti Dei homines. Deus tamen non mouet supernaturaliter hominem, nisi ad aliquid, quod valde utile est : ergo liber iste debuit poni tanquam utilis inter libros sacræ scripturæ. Item patet, quia Christus allegat interdū similes libros, scilicet libros Regum, qui sunt purè historiales, sicut liber iste, ut patet Mat. 12. scilicet: Non legistis, quod fecit Dauid, quando esuriuit, & qui cū illo erant : quomodo intrauit in templum domini, & panes propositionis comedit, quos non licebat comedere, nisi solis sacerdotibus. Et istud habetur 1. Reg. 21. cap. ergo etiam liber Iudicum allegari poterat Christo tanquam eiusdem auctoritatis, vel similis : & consequenter poni debuit inter sacras scripturas. Respondendum, quòd liber iste debuit poni inter sacras scripturas, quia utilitas eius multiplex est. Totius enim sacræ scripturæ intentio est hominem per quædam media conuenientia manuducendo perducere in vitam æternam. Hoc autem fit inquantū homo Deo applicatur. Potest autem Deo applicari homo dupliciter, scilicet feruendo, & amando. Seruiendo quidem, ut domino, & creatori. Amando autem, ut summum bonum. Homines autē Deo seruiunt laudando eum. Ideo intentio sacræ scripturæ est inducere hominem ad laudandum Deum. & iste actus non est alienus, sed de conuenientissimis ad Dei cultum : nec aliquid Deus magis acceptat. Vnde alma mater Ecclesia ministris suis, qui sacri sunt, nullum aliud ministerium dedit, nisi Deum laudare. In veteri autem testamento potissima operatio sacerdotum, & Leuitarum erat, semper manere in canticis diuinæ laudis in varijs generibus musicorum organorum, ut patet 1. Paral. 25. Et licet sacrificia, & aliæ ceremoniæ fierent in sanctuario, nihil erat, quod magis Deo placeret, quā Laus. Sic patet Psal. 49. scilicet: Sacrificiū laudis honorificabit me, & illic ostēdam iter salutarium meorum. Vnde tota intentio Dauid fuit Deum laudare, & omnes creaturas non solum rationales, sed etiam non sentientes ad Dei laudem conuocare : & de hoc solo librū Psalmorum edidit. Laus tamen est sermo explicās magnitudinem : ideo debuerunt nobis aliqua magna de Deo proponi, per quæ moueremur ad laudandum Deum: Hæc autem sunt mirabilia Dei, & stupenda, quæ frequenter Deus exercuit: ideo sacra scriptura curauit admiranda gesta Dei, vel omnia, vel plura stilo, memoriæque mandare, ut habeat omnis ætas quid de Deo admirari possit, & ex hoc in laudes moueatur. Enarrantur autē in libro isto admiranda gesta Dei liberantis populum suum de manu hostium, pro quo ille Iudaicus populus Deum laudare debebat, nos quoque (quamquam ad nos immediatè illa non pertinuerint) quia magnum ubicunque reperiatur laudabile est. Et sicut Deus iussit, ut patres filiis, & nepotibus enarrarent magnalia Dei, ut sic per omnia sæcula extenderetur nomen Dei, ut patet Exo. 13. & Deut. 6. ita scriptura firmiter testimonium literis mandauit de Dei magnalibus, de quo nulli dubitare licet, & in æternum permanfurum est. Amplius autem homines Deo adhærent eum amando, quia qui diligit Deum, vnus spiritus est cum eo. 2. Corin. 6. cap. Deus autem, quamquam propter seipsum diligendus sit, & non propter ea, quæ confert: quia tamen homo, qui animabilis est, mouetur ad diligendum eum per bona, quæ se cognoscit recepisse, voluit scriptura enarrare beneficia collata nobis a Deo. Hoc autem præcipue fuit in populo vetustissimo Hebræorum, qui cū carnales essent, non mouebantur, nisi collatis actualiter beneficiis, vel facta promissione de conferendo. Ideo omnis exortatio huius testamēti promissionibus beneficiorum, & comminationibus poenarum procedit, ut patet Leui. 26. & Deuter. 28. Liber autē iste agit de plurimis misericordiis Dei erga populū Iudaicum, quæ semper ab hostib⁹ oppressi mirabiliter liberabat: ideo liber iste conuenienter inter sacras scripturas collocatus est. Amplius

Respō. ad  
quæsitū.

Dupliciter  
homo ap-  
plicat Deo

Laus quid  
sit.

Deus pro  
pter se ip-  
sum est di-  
ligendus.



plus non solum liber iste populo Iudaico conueniens erat, sed & nobis nimium confert: Nam  
 ut ait Philosophus. Ethicorum libro decimo, in Moralibus magis opera mouent, quam verba. utilita li-  
bri huius  
 Vnde si quis delectationem in sermone detestetur, opere autem delectationes videatur appetere,  
 huius sermo contemptibilis est. Cum igitur sacra scriptura instruxerit nos ad actus virtutum  
 per libros legales, & doctrinales, qui in sola præceptione, & prohibitione consistunt, quales sunt  
 libri Moyfi: instruxit nos etiam exemplis sanctorum circa easdem virtutes. Ista præcepta de  
 actionibus virtuosis posita fuisse constat, sed a nullo vnquam obseruata propter sui difficulta-  
 tem: sicut multæ politiæ ordinatæ sunt a Philosophis, quæ a nullis vnquam gentibus obseruatæ  
 sunt, ut declarat Aristo. secundo Politicorum. Posuit igitur sacra scriptura libros historiales, in  
 quibus declarat virtutes factorum virorum: & quomodo illi perfectius in quibusdam legem  
 obseruauerint, quam ipsa lex iusserit. Et ista fuit causa, quare scriptura vtriusque testamenti  
 posuit, tam libros historicos, quam libros doctrinales. Nam in veteri testamento libri Moy-  
 si, & psalmi ad doctrinam pertinent virtutum: alij autem sunt, qui historiã temporum ad instru-  
 ctionem in virtutibus agunt. In nouo autem testamento libri Euangeliorum, & epistolarum le-  
 gales, siue doctrinales sunt. Liber autem actuum Apostolorum historiam describit nascentis Ec-  
 clesiæ: & quantis se tribulationibus obiecerint viri sancti, & qua sanctimonia in omnibus actio-  
 nibus suis fulserint. Audeo enim dicere, quod licet libri doctrinales ad tollenda dubia aptio-  
 res, quam historici sunt: libri tamen historici ad moralia utiliores sunt, quia animos magis mo-  
 uent facta quam verba, 10. Ethico. & sicut in doctrinalibus erudimur de omni genere virtutum,  
 ita quoque in historicis, quia nullius virtutis genus est, in quo viri sancti se non exercuerint, si-  
 cut liber Iob ad patientiam excitat, & alij libri ad speciales virtutes. Amplius autem potissima  
 causa historialium librorum est ad consolationem seruorum Dei, & ad longanimitatem, & pa-  
 tientiam, & ut aduersitatibus resistamus. Nam licet quidam Deum diligant, quia tamen tene-  
 ri sunt, mouentur ab aduersitate: ideo scriptura exprimit quomodo viri sancti æquanimiter ad-  
 uersa passi sunt. Alij aut, licet tolerant aduersa, quia tamen quotidie expectantes non experiun-  
 tur bona Dei, quæ pro bonis operibus nobis largiturus est, refrigescunt, & retrocedunt: ideo  
 scriptura posuit exempla sanctorum, qui magno tempore Deum sustinuerunt, nihil fuscipien-  
 tes de bono promisso, sic inducit Apostolus exemplum de Abraham, & de aliis, ad Hebræ.  
 vndecimo. Vnde de hoc dat Apostolus sententiam generalem circa scripturam, dicens: Fratres  
 quęcunq; scripta sunt, ad nostram doctrinam scripta sunt, ut per patientiam, & consolationem  
 scripturarum spem habeamus, i. q. per patientiam, quam scriptura asserit fuisse sanctorum patrũ,  
 nos consolemur in nostris aduersitatibus, sustinentes sicut illi sustinuerunt, & habeamus spem  
 quamquam differatur expectatio. Consolantur autem viri boni, qui aliquid spirituale habent, cū  
 ea, quæ Deus nobis promittit, & quomodo viri sancti per multas aduersitates ad illa peruene-  
 rint, audiunt. Sic Apostolus 1. ad Thessa. capit. quarto, cū enarrauit nobis euenturam vitam  
 æternam: & quomodo per mortem illuc perueniemus subiungit: itaque cōsolamini inuicem  
 in verbis istis. Item libri historici in sacra scriptura (licet indirecte) ad id proficiunt, ad quod  
 doctrinales, vel legales: & hoc dupliciter. Primò, quia non est aliquis liber tam historicus, qn  
 interdum aliqua documenta ad agendum, vel intelligendum ponat. Secundò etiam, quia si  
 non ponantur ibi aliqua præcepta viuendi, quia tamen narratur ibi ea, quæ sancti viri egerint,  
 & quæ euitauerint: nobis innotescit quid sequi, aut fugere debeamus. Actio quippe illorum  
 nobis viuendi norma esset debet. Sic enim in moralibus est, quoniam id iudicari debet bo-  
 num, quod viri iusti, & prudentes bonum iudicauerint, ut ait Aristoteles Ethicorum secū-  
 do, ponens medium virtutis, secundum q. sapiens determinabit: & vocantur sapientes non viri  
 speculatiui, sed qui in agendis nimis instructi sunt. Sic etiã dicit Ethicorum libro sexto, q. dictis  
 istorum seniorum siue probationibus tantum assentire debemus, sicut in mathematicis assen-  
 timus demonstrationibus. Tam liber ergo Iudicum, quam cæteri historici in sacra scrip-  
 tura valde conuenientes fuerunt. Quia tamen in historicis multa falsa misceri solent ad lau-  
 dandum, vel vituperandum, noluit scriptura aliquos accipere historiales libros, nisi, qui a pro-  
 phetis conscripti sunt. Cū autem arguebatur, quod non deberet poni liber iste in canone

Vtriusque  
testamenti  
scriptura  
quare tam  
libros hi-  
storicos q.  
doctrina-  
les posue-  
rit.

Dictis sa-  
pientũ si-  
ne proba-  
tione assē-  
tire debe-  
mus.



# Prefatio

Quod sa-  
era scriptu-  
ra sit ad  
docendum  
vtilis.

Quod sa-  
era scriptu-  
ra ad ar-  
guendum  
conducatur.

Quod sa-  
era scriptu-  
ra ad cor-  
rigendum  
sit vtilis.

Quod sa-  
era scriptu-  
ra ad eru-  
diendum in  
iustitiā ex-  
pediat.

ex auctoritate Apostoli: dicendum, q̄ liber iste non est inutilis in sacra scriptura, quin potius nimis prodest, & valet ad oīa, quæ nominauit Apostolus. Dixit enim, quod omnis sacra scri-  
ptura vtilis est ad docendum & cetera. Et primò est vtilis ad docendū: quia docere importat in-  
formationem per modum doctrinæ: Est autem doctrina interdum quantum ad ea, quæ intel-  
ligibilia purè sunt, & non agibilia: interdum verò ad actiones. Vtrunque accidit esse in libris  
historicis: quia sæpe, licet accidentaliter interponuntur aliqua documenta de rebus naturalibus,  
quæ ad actionem non pertinent: sicut in libro Iob, & in quibusdam aliis. Interdum autem  
ponuntur documenta moralia, cum introducuntur in ipsis historiis dicta sanctorum, & illa sunt  
nobis præcepta viuendi. Est etiam vtilis ad arguendum, id est ad reprehendendum, & confutā-  
dum errorem malè opinantium, & peccatum malè operantium. Nā viri studiosi circa sanctam  
scripturam debent esse parati ad reddendum rationem de his, quæ credunt: & confutandum  
contraria opinantes: vt patet prima Pe. cap. 3. s. Parati semper ad satisfactionem poscenti vos ra-  
tionem reddere de ea, quæ in vobis est fide, & spe. Apostolus quoque 2. ad Corinth. 10. ait.  
Arma militiæ nostræ non sunt carnalia, sed potentia Dei ad destructionem munitionum confi-  
lia destruentes, & omnem altitudinem extollentem se aduersus scientiam Dei. Liber autem  
iste est vtilis ad hoc, quia per eum possumus interdum errantes arguere. Sic Samuel redarguēs  
Israelitas vsus est eis, quæ in hoc libro scripta sunt, vt patet primo Reg. 12. capi. scilicet. Nunc  
ergo erue nos de manu inimicorum: & seruiemus tibi. Et misit dominus Ierobaal, & Badan,  
& Barach, & Iephthē, & Samuel, & eruit vos de manu inimicorum vestrorum. Missio tamen illo-  
rum est historia libri huius. Ad corrigendum quoq; (vt ait Apostolus) valet iste liber, quia cor-  
rigere est mores peruersos ad rectitudinem perducere, non arguendo, sed informando: &  
istud est in hoc libro, quia cum exempla virorum sanctorum, quæ hic describuntur legerimus,  
possumus ad normam illorum deprauatos mores nostros, tanquam in speculo, componere: eo  
quod in sacra scriptura licitum est arguere ab exemplis: & est argumentum fortissimum. Sic  
enim arguit Christus Matt. 12. defendendo discipulos suos: Non legistis, quæ fecit Dauid,  
quando esuriuit? Nam introiuit in templum, & comedit panes propositionis: sed ex illo exem-  
plo Christus arguit ad probandum licitum fuisse discipulis suis id, quod fecerant: ergo similiter  
licet nobis arguere ex aliis exemplis virorum sanctorum ad aliquid agendum, & vitādum. Ad  
erudiendum quoque in iustitiam vtilis est iste liber. Eruditio enim propriè significat doctri-  
nam moralem, scilicet ordinem in componendis actibus, quando aliquis formare illos vult,  
cum nondum boni, aut mali præcessissent. Et vocatur iustitia largè omnis virtus. Eru-  
ditur autem homo per sacram scripturam ad actus omnium virtutum. Et sic inducit Aposto-  
lus ad Hebræ. vndecimo, vbi arguit de fide, inducens quomodo per illam homines multum  
merentur, & ponit aliqua exempla huius libri, scilicet. Deficiet enim me tempus dicentem de Ge-  
deone, Barac, & Samsone, Dauid, & prophetis. Hi tamen sunt, quorum historiæ describuntur  
in hoc libro: conueniens ergo fuit poni librum hunc in canone sacrę scripturæ.

*An liber iste post librum Iosue poni debuit, & ante librum Regum. Quest. III.*

**Q**UÆRETUR vltius, an liber iste poni debuerit post librum Iosue, & ante librum Reg.  
Ad primum dicendum, q̄ debuit poni liber iste post librum Iosue, quia ordo historiæ hoc exi-  
git: nā immediatè, vel quasi post mortem Iosue secuti sunt Iudices. Vnde in principio libri  
huius dicitur: Post mortem Iosue consuluerunt filij Israel dñm, & inf. 2. ca. dicitur, q̄ post mortē  
Iosue coluerunt aliquanto tēpore Israelitæ dñm. Post autem declinantibus eis ad idola dominus  
tradidit illos in manus hostium, qui oppresserunt eos, & cum clamarent ad dominum, su-  
scitauit eis iudices, qui liberarent eos. Ad secundum dicendum, quod conuenienter liber iste  
ponitur ante libros Regum, quia etiam ordo historiæ hoc exigat. Nam expleto tempore iudicū,  
Reges ceperunt. Fuit quippe vltimus iudicum Samuel, vt patet primo Regum duodecimo,  
cum dicitur: Et misit dñs Ierobaal, Barac, Badan, Iephthē & Samuel, & eruit vos de manu ho-  
stium. Ipse tñ Samuel vixit primum Regem Israel, & imperauit simul cū eo, vt patet primo  
Reg.



Reg. cap. 10. & 11. Ergo nullus liber interponi debuit : quin potius in ipso primo lib. Reg. ponitur quædam pars libri Iudicum, quia ibi ponitur historia Eli, qui fuit iudex Israel 40. annis 1. Reg. 4. capi. Ponitur quoque historia Samuelis, qui etiam fuit iudex, vt supra declaratum est. Sed obiicietur de libro Ruth, qui interponitur inter librum Iudicum, & Regum. Respondendum, quod non interponitur tanquam aliquis liber distinctus ab isto, & libro Regum, sed tanquam quædam pars libri huius: Vnde & per apocopen pars quædam decisa libri huius est, eo quod in diebus cuiusdam iudicis facta narratur historia, vt patet Ruth cap. 1.

*Quis Librum hunc scripserit.*

*Quest. IIII.*

**Q**UÆRETUR vltius, quis scripsit librum hunc. Respondetur, qd a principio liber iste non fuit vnicus, sed sicut hic de pluribus iudicibus agitur, ita plures historiae, & libelli conscripti sunt. Quilibet enim de iudicibus gesta sui temporis in commentarios redegit, vel p aliū redigi fecit: postea aut cum in varios libellos dispersa gesta forent: aliquis de prophetis in vnum volumen coarctauit. Quis autem iste fuerit, dicunt quidam, quod fuit Esdras, alij Samuel, alij Ezechias: Scholastica autem historia dicit verisimilius esse, qd Ezechias hæc in vnu volumen redegerit, qui libros Regum, & parabolas Salomonis in vnum collegit. Sed hoc non multū stat, quia Ezechias non potuit hæc colligere: cū multa descripta sunt in 4. lib. Regum, quæ post mortem eius gesta sunt. Dicendū aut, qd non stat de collectore huius libri quis fuerit. Constat at, qd non fuit aliquis ante Samuelē. Quod patet, quia aliqua narrantur hic, quæ facta sunt viuentē Samuelæ, vt patet inf. 18. cū dicitur, qd idolū Michæ mansit semper in tribu Dan, quandiu māsit tabernaculum domini in Silo, & tamen Samuel erat iam iuuenis, quando tabernaculum mortuum est de Silo. s. mortuo Eli sacerdote, & in ipso tabernaculo Silo ministrabat Samuel corā Eli sacerdote 1. Re. 3. c. Ergo nō fuit liber iste factus ante Samuelē: sed oportet, qd scriptus fuerit a Samuele, vel ab aliquo post: Communiter autem tenetur, quod Samuel illum scripsisset, & hoc rationabiliter dictum est.

*Quare Pentateuchus Moyfi non vocetur liber Iudicum.*

*Quest. V.*

**Q**UÆRETUR vltius, quare pentateuchus Moyfi non vocatur liber Iudicum, vel Iudicis, quia ibi de Moyse agitur, qui iudex erat Israelitarum. Ipse enim populum iudicabat diffiniendo causas plusquam aliquis de posterioribus iudicibus. Nam sedebat audiendo causas populi de mane, vsque ad vespertum: & totus populus conueniebat ad audiendum eū. Exod. decimo octauo, & Deuteronom. primo. Et quamquam postea Iethro corrigente politiam Iudæorum Moyfes constituerit multos iudices: tamen ipse semper iudicabat in negociis magnis, Exod. decimo octauo. Respondendum, quod libri Moyfi non vocantur libri Iudicum propter duo: primò, quia non vocatur liber Iudicum, qui ab aliquo iudice conscriptus est, sed cuius materia est historiā alicuius iudicis enarrare. De Moyse autem quamquam confiteremur eum esse iudicem: tamen libri sui non vocarentur libri Iudicis, quia non tractant aliquā historiā eius, sed solum ab eo conscripti sunt. Et quia tota continentia eorum est de legibus a Deo datis, præter modicum, quod est de historia populi Dei, vocantur libri legales. Secundò non vocantur libri Iudicum, vel Iudicis, quia Moyfes non erat iudex, quia regebat populum non vt iudex a populo assumptus, sed vt missus a Deo: Maior autem potestas erat Moyfi quàm Iudicum: nam Moyfes erat rector Israelitarum, etiam si ipsi nollent: eo quod erat institutus a Deo, & erat perpetuus, Iudices autem voluntate populi præerāt tanto tempore, quanto populus diffiniuisset. Secundò, quia potestas Moyfi erat ampla nimis, scilicet tā in spiritualibus, quam in temporalibus. Nam in spiritualibus ipse solus præerat populo, docendo eos ceremonias legis, & consulendo dñm pro illis. Sic enim dixit Iethro ad Moysem: Esto tu in his, quæ ad Deum pertinent, ostendasq; cæremonias populo, & ritū colendi, viamque, per quā ingredi debeat, & opus qd facere debeant. Exo. 18. c. In tēporalibus quoq, habebat Moyfes iurisdictionē,

Moyfi potestas ampla erat.

Alph. Toft. in Lib. Iudicum.

A 3

& ma-



# Prefatio

& maximā quidem : nam à principio ipse solus exercebat totā iurisdictionē , post verò cōsilio Iethro quādam partem eius commisit aliis iudicibus. s. in parvis causis, retinendo sibi ciuiles , & arduas . Sic patet eo. cap. Quidquid autem maius fuerit referant ad te: ipsi verò tantūmodo minora iudicantes : & postea sic faciebant. Nā ibi concluditur , quòd isti iudices constituti consilio Iethro iudicabant populum omni tempore, quidquid autem maius erat, referebant ad Moy sen, ipsi faciliora tantummodo iudicantes. Iudices autē, de quibus hic agitur, non habebant aliquam potestatem spiritualem, in ciuilibus quoque solum illam iurisdictionem habebant , quæ consensu populi deferebatur in eos : ideo Moy ses non debuit vocari iudex .

*An liber Iosue debet vocari Iudicum liber .*

*Quest. VI .*

Iosue a iudicibus differt multipliciter.

**Q**UÆRETUR vltcrius, an liber Iosue debeat vocari liber Iudicum. Et videtur q̄ sic, quā ipse iudicauit Israel post mortem Moy si semper quandiu vixit . Respondendum, q̄ Iosue non fuit iudex, ideo liber eius non vocatur liber Iudicum: differt autē Iosue a Iudicibus multipliciter Primò ex institutione in principē. Nam iudices instituebantur a populo, vt iudicarent : Iosue autē à Deo sine petitione populi, sed proprio motu institutus est, vt patet Nu. 27. Differt etiā ex magnitudine potestatis: quia Iosue accepit potestatem a Deo amplissimā super Israel sicut Moy ses. Nā licet nō haberet potestatem in spiritualibus, cū esset merē, laicus, de tribu. s. Ephraim, iussit tñ Deus, q̄ totus Israel, & ipsi sacerdotes mouerentur ad imperiū suum, vt patet Nu. 27. Dedit quoq; Deus illi, si aliqn̄ super aliquo dubitaret, socium, per quē consuleret dñm ad inueniendum respon sum in dubio. s. Eleazarum summū sacerdotem: eo. cap. & cū magna solennitate institutus est in principem per impositionem manuum Moy si: & lecto coram toto populo mandato Dei, eo. ca. Vnde quandiu iste viueret non poterat populus auferre ei iurisdictionem: quia nō acceperat illā ab hoīe, sed a Deo. Iudices verò, quia solo populi consensu iurdictio in eis prorogabatur, tandiu illam tenerent, quandiu populus vellet. Vnde magis isti per modum consilij, & prudentiæ quā iurisdictionis agebant. Item differt Iosue a iudicibus ex causa institutionis in principem: quia ipse institutus est, vt introduceret Israelitas in terram Chanaan, & acquireret eam de manu hostiū, & diuideret eam postea Israelitis sorte, vt patet Deutero. 31. capi. Iudices autem non assumpti fuerunt ad hoc, sed ad liberandum Israelitas de manu tribulantium . Nam aliquando peccantibus Israelitis Deus tradebat eos in manus hostium, & cū clamarent, suscitabat eis iudices, qui liberarent eos, vt patet infra 2. cap. Sed aliquis dicet, quòd tanta debuit esse potestas Iudicū, sicut Iosue: quia sicut Iosue a Deo institutus est princeps, ita quoque iudices a Deo mittebantur . Nam dicitur de quolibet iudice, quòd suscitauit Deus Saluatorem talem, vel talem, infra 3. & 4. cap. Respondendum est, quòd maior debuit esse potestas Iosue: quia licet vtrorumque potestas aliquo modo a Deo esset, non tamen æqualiter. Nam potestas Iosue fuit directē a Deo: eo quòd ipse expressē iussit, quòd viuente Moy se constitueretur in principem : & constitutus est. Dixitque, quòd Moy ses daret ei partem gloriæ, & subiecit totum Israel potestati eius tā populū, quam sacerdotes, vt patet Num. 27. In iudicibus autem non fuit sic, quia Deus non iussit de aliquo iudice, q̄ sumeretur in iudicem, sed populus sola voluntate sumebat eū. Dicitur tñ, q̄ Deus suscitabat illum: eo q̄ Deus compatiens angustia Hebræorum, dabat alicui viro prudentiam, & animositatem, atque virtutem, vt ille posset eripere populum de manu hostium: incipiebatque ille aliquid agere contra hostes, quasi propria auctoritate, quē Israelitæ videntes prospere agere, putabant per manus illius posse liberari: ideo sumebant eum in iudicem . Non ergo tantam potestatem sortiri debebat aliquis horum, quantam ille, qui expressē a Deo instituebatur .

*An liber Regum vocari debeat Iudicum: & in quo reges differebant a Iudicibus .*

*Quest. VII .*

**Q**UÆRETUR vltcrius, an liber Regum debeat vocari liber Iudicum . Aliquis dicet, quòd non, quia illi erant reges : & non iudices . Sed ad hoc dicitur, quòd fortē isti in illo no-



lo nomine differunt: in re autem nulla diuersitas est, scilicet in potestate, & iurisdictione: ideo liber ille poterat liber Iudicum appellari. Respondendum, quòd liber Iudicum non debuit vocari liber Regum: nec liber Regum liber Iudicum, quia isti nimis differunt. Est autē differētia istorum in potestate, & iurisdictione. Amplissima enim potestas erat regum. Nam Iudices solum agebant, vt agentes ex consilio, & populus obediebat eis, quasi ex libertate, cū viderēt, quòd recta præciperent atque consulerent: Reges autem vtebantur potestate. Vnde Iudices non vocabantur domini Israel, nec aliquorum de Israel: sed solum ad iudicandum constituti: ita vt haberent iurisdictionem, sed non dominium. Reges autem domini erant: nam vocabantur domini Israelitarum secundum consuetudinem aliarum gentium. Item Iudices non suscipiebant tributa, nec faciebant alias impositiones super populum, solum viuentes de rebus suis sicut personæ priuatæ. Reges autem imponebant tributa, & multos modos collectarum. Vnde primus rex, scilicet Saul, quamquam bonus esset a principio, tamen omnes Israelitas sibi tributarios effecerat. Sic patet primo Regum 17. Vbi cū Dauid interrogaret, quid daretur viro pugnanti contra Goliath, responsum est, quasi pro magno beneficio, quòd faceret rex domum eius liberam a tributis in Israel, & daret ei filiam suam. Ceteri quoque reges postea tributa imposuerunt. Nam Dauid habuit collectores tributorum in singulis locis Israel, qui vocantur præpositi thesaurorum per singula loca: vt patet primo paralipo. 26. cap. Salomon etiam constituerat Aduram super tributa regni, infra tertio libro, cap. 4. & 12. Ceteri quoque reges sic tributa accepturi erant, vt patet in assumptione Roboam filij Salomonis: nam petiuit populus, quòd minueret aliquid de tributis, quæ imposuerat pater suus, vt patet præallegato cap. & sic volebant viuere sub tributo, & seruire, dum tamen non grauarentur nimis. Item dominium regum super populum patet, quia quando Iudices erāt in Israel, Deus dñabatur Israelitis, & nullus hominum dominus erat: deinde incipientibus regibus non fuit Deus dominus, sed reges isti, vt patet primo Regum octauo capi. scilicet. Audi vocem populi in omnibus, quæ loquuntur: non enim te abiecerunt, sed me, ne regnem super eos. Et sic videtur, quòd antequam acciperentur reges in Israel, Deus erat rex, & dominus: assumpto autem rege priuatus est Deus potestate regnatiua, & dominio, quantum fuit ad intentionem Israelitarum. Sic etiam patet 1. Reg. 12. cap. scilicet: Videntes, quòd Naas rex filiorum Ammon venisset aduersum vos, dixistis mihi, nequaquam, sed rex imperabit nobis, cū dominus Deus vester regnaret in vobis. Videtur ergo, quòd maior valde erat potestas regum, & dominium super Israel, quàm potestas iudicum, cū tempore iudicum dicatur Deus regnasse super Israel, & non tempore regum. Item patet, quòd iudices non dominarentur inter Israelitas, sed solum præessent iurisdictioni. Nam cū Gedeon liberasset populum de manu fortissimorum hostium, Israelitæ volentes ei benefacere pro hoc, volebāt eum constituere dominum super se, & dixerūt: Dominare nostri tu, & filius tuus, & filius filij tui: quia liberaisti nos de manu Madian. Quibus ille ait: non dominabor vestri, nec dominabitur in vos filius meus, sed dominabitur dominus. Ex quo apparet, q̄ nec populus intelligebat iudices esse dominos, nec ipsi hoc arbitrabantur: alioquin non dixisset totus Israel: Dominare nostri & cæt. quia iam erat iudex, & erat nouiter constituendus in iudicē. Etiam ipse non dixisset: Non dominabor in vobis, sed dominabitur dominus, quia post hoc fuit iudex quadraginta annis, vt patet eo. cap. s. infra 8. Ergo quamquā esset iudex, non putabat se esse dominum. Item ad rationem propriè dominij requirebatur, quòd non solum aliquis præesset alicui genti: sed etiam quòd ius præsidendi transmittere posset ad posteros: hoc autem non poterant iudices, quia non veniebant per successionem, sed per solam electionem populi, ideo nunquam filius alicuius iudicis factus est iudex, præter Abimelech filium Gedeonis, qui per seditionem, & violentiam quandam rex constitutus est, vt patet inf. 9. c. Regibus at ius erat relinquere filium successorē in principatu, sicut solitum erat apud oēs gentes. Hunc principatū transferre volebant Israelitæ in Gedeonem, cū dixerunt ei: Dominare nostri tu, & filius tuus, & filius filij tui: infra 8. i. oēs de progenie tua dominantur nostri: sed ipse non acceptauit hoc. Item bene intellexi populus Israel istam diuersitatem potestatis, quando

In quo reges differēbant a iudicibus.

Quid regitur ad e se dñm.



# In Librum Iudicum

petiuit reges. Nam habebat prius Iudices: & non contentus hoc genere principatus, tanquam existens sine capite, & domino, qui haberet specialem curam de illis, sicut de rebus suis, petiuit regem dicens: Constitue nobis regem, ut iudices nos sicut vniuersæ nationes habent: primo Reg. 8. cap. Item Deus voluit facere magnam differentiam inter potestatem regiam, & iudicum. Nam ut cōpesceret Israelitas a petitione stulta regis, iussit Samueli, ut exponeret populo magna iura regis: eodē ca. f. Hoc erit ius Regis, qui imperaturus est vobis: filios vestros tollet, & ponet in curribus: & faciet sibi equites, & præcursores quadrigarum suarum: & cōstituet sibi tribunos, & centuriones, aratores agrorum suorum, & messorum segetum & cæt. Si tamen ista fuissent iura Iudicum præcedentium, non fecisset Deus illa exprimi ad terrorem Hæbreorum, ne regem peterent: ergo videtur, q̄ iudices nulla istorum habebant. Item reges vngēbātur oleo sancto, ad signandum plenitudinē potestatis, ut patet de Saule primo rege Israel. 1. Regum 10. cap. De Dauid etiam 1. Reg. 16. & 2. lib. cap. 2. & 5. De Salomone patet 3. Reg. ca. 1. & sic fiebat de alijs regibus, & imponebant sibi diademata regia, ut patet de Saule 2. Reg. cap. 1. Cū adolefcentis Amalecita attulit ad Dauid de bello diadema Saulis, & Armillam: nullus autem Iudicum vnctus est, nec diadema habuit præter Abimelec filiū Gedeonis, qui vsurpauit sibi regalem principatum super viros Sichem. infra nono capi. Multum ergo differunt reges, & iudices, & consequenter non debuit liber Iudicum vocari liber Reg. nec è cōtrario.

*Quot fuerunt Iudices in Israel, & de quibus tribubus, & quibus temporibus.*

*Quest. VIII.*

**Q**UÆRETUR vltius, quot fuerunt iudices Israel. Respondendum, quod accipiendo propriè iudices, ut distinguuntur a regibus, & a Moyse, & Iosue, qui maiore habuerunt potestatem, fuerunt iudices 16. de quorum 14. habetur in hoc libro historia: de alijs autem duobus habetur in 1. Reg. Primus autē oīum iudicum fuit Hothoniel frater Caleb de tribu Iuda, qui factus est iudex, ut liberaret Israel de manu Cusamrasatahin regis Mesopotamiæ, ut patet infra 3. Secundus iudex fuit Aod de tribu Benjamin, & vocatur filius Iemini. Iste liberauit Israel de manu regis Moab, infra ca. 3. Fuit tertius iudex Sangar filius Anath, qui contra Philisthinos pugnavit, & occidit sexcentos viros vomere. infra cap. 4. Fuit quartus iudex Barac filius Abinoem, de tribu Nepthali, de vrbe Cedes, qui pugnavit cōtra Sisarā principē militiæ Iabin regis Asor: infra 4. ca. Quintus iudex fuit Debhora prophetissa vxor Iapidoth, ad quam totus Israel conueniebat ad audiendum iudicium, & sedebat sub quadam palma in monte Ephraim, inter Rama & Bethel: Infra 4. cap. Sed isti duo iudices pro eodem cōputantur. Sextus iudex fuit Gedeō de tribu Manasse, qui magnifico bello liberauit Israel de manu Madianitarum: infra 6. & 7. & 8. Septimus iudex fuit Abimelec filius Gedeonis de tribu Manasse, qui per seditiones non solum iudex, sed etiam rex factus est: sed quia iniquus erat, celeri morte correptus est, nec inter ceteros reges nomen meruit: ut patet infra 9. cap. Octauus iudex fuit Thola de tribu Issachar, cuius facta nulla leguntur. De hoc infra 10. capi. Nonus iudex fuit Iair Galaadites de tribu Manasse. Hic fuit potens nimis habens 30. filios principes 30. Ciuitatum: de hoc infra 10. Decimus iudex fuit Iephte Galaadites de tribu Manasse, qui pugnas egit contra Amonitas: de quo infra 11. Vndecimus iudex fuit Abesan de tribu Iuda de vrbe Bethlehem, cuius gesta nulla leguntur: de hoc infra 12. capit. Duodecimus iudex fuit Ahialon de tribu Zabulon, cuius nulla gesta leguntur: infra 12. Tertiusdecimus iudex fuit Abdon de tribu Ephraim, & huius quoq; nihil magnificū legitur: infra c. 12. Quartusdecimus fuit Samson de tribu Dan, qui pugnavit contra Philisthinos: infra cap. 13. vsque ad 17. De his autem solis iudicibus res gestæ narrantur in hoc libro: alij duo tamen fuerunt. Quintusdecimus namque fuit Eli de tribu Leui de sacerdotibus familiæ Ithamar. De gestis autem tempore huius habetur 1. Reg. a capi. 1. vsque ad 5. Sextusdecimus iudex fuit Samuel de tribu Leui de familia Caathitarum, qui suscepit principatum post Eli. Gesta quoque huius habentur primo Regum a primo capitulo vsque ad nonum. Iste fuit vltimus iudicum, cui viuenti duo filij eius subministrabant gerentes vicem eius: posuitque eos iudices in Berle-

bæ,



# Prefatio.

5

hæc, ut patet primo Regum octauo, huius tempore vnctus fuit in regem Saul primus rex Israel: & sic cessauerunt tempora iudicum.

*Quanto tempore durauit Iudicum principatus.*

*Quest. IX.*

**Q**UÆRETUR vltcrius, quanto tempore durauit principatus Iudicum. Respondendum, quod in enarratione temporum Iudicum magna varietas sub apparet, eo quod numeri replicantur in multis; & non apparet, an quilibet numerus superaddendus sit in alium vel iam in aliud numeratus sit; diceremus quoque maiorem annorum numerum esse, nisi nos vrgeret id, quod habetur tertio Regum cap. 6. scilicet, quod anno quadringentesimo octogesimo ab exitu de Ægypto anno quarto regni Salomonis fundatum est templum, ideo tempora deserti, Iosue, & Iudicum, & Regum præcedentium vsque ad Salomonis quartum annum debemus reducere ad annos 480. de quibus correspondent Iudicibus anni quasi 380. computando tempora eorum a morte Iosue, a primo iudice Hothoniel, vsque ad principium regni Saulis, in quo finitus est annus 20. principatus Samuelis, qui fuit vltimus in Iudicibus. Sciendum tamen, quod iudices non præerant continuè Israelitis, ita quod mortuo vno, illico succederet alius, sed cum moreretur vnus, si Israelitæ erant in bona dispositione extra potestatem hostium, non curabant eligere Iudicem, sed manebant, quousque exigentibus peccatis suis premebantur ab hostibus: & tunc accipiebant Iudicem, qui liberaret eos. Totum tamen tempus illud medium, quod manebat sine Iudicibus, computatur sub Iudicibus sequentibus: ut si moriente aliquo iudice, terra mansit sine iudice 20. annis, deinde iudex assumptus iudicauit 20. annis, dicet scriptura de isto, quod iudicauit quadraginta annis: & sic nulla tempora intermittuntur. Quod satis constat: quia enarrando annos iudicum, & deserti, & regum, qui fuerunt vsque ad Salomonem, inueniuntur tot anni, & plures, quàm ponuntur 3. Reg. 6. ca. fuisse ab exitu de Ægypto vsque ad tempus illud. Aliqui autem falluntur nimis in computando, quia computant omnes annos, quos reperiunt in libro isto tanquam distinctos, ut cum dicitur infra 3. quod rex Mesopotamiæ afflixit Israelitas 8. annis: & postea suscitauit Deus saluatorem Hothoniel: & quieuit terra quadraginta annis. Volunt enim computare 40. annos sub Hothoniele: sed 8. quibus oppressus est Israel ab rege Mesopotamiæ, non computant in 40. annis Hothonielis. Sic etiam dicitur, quod mortuo Hothoniele oppressi sunt Israelitæ 18. annis a rege Moab, & postea suscitatus est saluator nomine Aod, & quieuit terra 80. annis. Vnde non computant 18. priores annos sub 80. & hoc modo sunt 20. anni sine Iudice, quibus rex Iabin oppressit Israel, ut patet infra 4. etiam ponuntur quadraginta sine Iudice inter Abdon, & Samson: infra 13. Si tamen nos distinxerimus annos istos ab annis, quibus dicuntur iudicasse iudices, non solum reperiuntur inter exitum de Ægypto, & ædificationem templi Salomonis anni 480. ut habetur 3. Reg. 6. cap. sed erunt circiter 600. Non ergo sunt computandi alij anni, nisi illi, quibus dicuntur iudicasse Iudices. De quibus primus, scilicet Hothoniel iudicauit annis 40. computando tempus præcedens, quo Israelitæ fuerunt sine iudice a morte Iosue vsque ad mortem Hothonielis: licet etiam aliqui velint comprehendere annos, quibus præfuit Iosue sub illis quadraginta annis. Secundus Iudex præfuit annis octuaginta, computando in eis annos 18. quibus oppressi fuerunt Israelitæ a rege Moab: infra 3. cap. Iudex tertius, scilicet Samgar, & quartus, scilicet Barac, & quintus, scilicet Debbora præfuerunt annis 40. de quibus infra quinto, computando viginti annos in Samgar, & Barac, quibus oppressit rex Iabin Israelitas, infra 4. Sextus iudex, scilicet Gedeon præfuit 40. annis: infra 8. computando in eis totum tempus, quo Israelitæ oppressi sunt a Madianitis, non habentes Iudicem: infra 6. capi. Septimus iudex, scilicet Abimelec tribus annis præfuit: & inter eum & Gedeonem non intercidit aliquod tempus: nam mortuo patre suo illico petit a viris Sichem, quod facerent eum principem, & fecerunt, ut patet infra 9. cap. Octauus, scilicet Thola præfuit annis 23. & inter eum & Abimelec non videtur intercidisse aliquod tempus. De hoc infra 10. Nonus, scilicet Iair præfuit annis 22. & tempus suum videtur

Numerus  
annorū iu-  
dicum Is-  
rael ē 380.



## Prefatio.

detur continuatum cum tempore Thola: infra 10. cap. Decimus iudex, scilicet Iephthe prae-  
fuit annis sex: infra 12. & manent inter eum & Iair anni 18, quibus oppressus est Israel ab ho-  
stibus, qui non possunt reduci ad annos Iephthe: ad quos autem reduci debeant, infra 10. ca. de-  
clarabitur. Undecimus iudex fuit Abesan iudicans annis 7. infra 12. Duodecimus iudex Ahia-  
lon imperans annis 10. eodem cap. Tertiusdecimus iudex Abdon imperans annis 8. eodē ca.  
inter istos tres iudices non videtur intercidiſſe tempus aliquod medium sine iudice. Quartus-  
decimus, scilicet, Samson iudicauit annis 20. infra 16. inter Samson tamen & Abdon manent  
anni 40. qui videntur sine iudice: & non possent reduci ad tempora Samsonis. Quomodo  
autem reducantur infra 12. declarabitur. Quintusdecimus fuit Eli, iudicans annis 40. vt pa-  
tet 1. Reg. 4. ca. In his 40. intelliguntur cōprehenſa omnia tempora, quæ fluxerunt sine iudi-  
ce inter Samson & Eli: & hoc tempore affirmatur a plurimis accidisse historiā Ruth. Sextus-  
decimus, ſ. Samuel imperauit annis 20. sub quibus computatur tempus, quod inter imperiū  
suum & mortem Eli accidit, & sic perueniet summa annorum conformis, quasi ad 380. Re-  
liqui autem anni, qui desunt de 480. sunt, qui fluxerunt ab exitu de Aegypto, vsque ad tempo-  
ra Iudicum: & a principio regni Saulis, vsque ad Salomonem.

*Quare Iudices inter Israelitas sint constituti: & cur non potius aliud genus maioris principatus.*

*Quæst. X.*

**Q**UÆRETUR vltcrius, quare iudices inter Israelitas constituti sunt. Responden-  
dum, quod Deus volebat habere populum Israel nimis familiare sibi, ita quod ipse so-  
lus videretur dominus, & rector illius, & ob hoc a principio Moysen instituit, vt  
principem illius, vt erudiret Israelitas in lege Dei, & medius esset inter Deum & populum,  
sicut ipse dicit Deu. 5. Mortuo autē Moysē, quamquam populus in lege formatus esset, tamen  
indigebat introduci in terram, quam possessurus erat. Ideo dominus instituit principem, qui  
pugnaret contra hostes, & acquireret terram de manu illorum, diuideretq; illam inter Israeli-  
tas: & hoc non poterat fieri sine principe, ad quod magnam potestatem tribuit Iosue.  
Hoc autē mortuo Israelitæ possidebant terram suā securē, ideo nullo principe indigebant. Nec  
valet si dicas, q̄ indigebant principe ad defendendum eos ab hostibus, & tuendum terram.  
Nam si Israelitæ vellent manere in cultu Dei, nullus hostis auderet insurgere contra eos: eo q̄  
Deus incutiebat timorem mentibus hostium, & non audebant insurgere: sicut fuit de Cha-  
naanæis, qui volebant persequi Iacob: & Deus incussit timorē super eos, & non ausi sunt per-  
sequi recedentes: vt patet Gen. 35. imō faceret Deus, q̄ nullus de hostibus desideraret insurge-  
re contra Iudæos. Sic enim faciebat Deus quolibet anno in terra Chanaan, q̄n omnes ascende-  
bant viri ad locum sanctuarij, & nullus omnino manebat in vrbibus ad custodiendum eas:  
& hoc sciebant hostes, tñ non audebant, nec volebant venire ad occupandum loca eorū. Sic  
patet Exo. 34. cap. Cū enim tulero gentes a facie tua, & dilatauero terminos tuos, nullus infi-  
diabitur terræ tuæ, ascendente te & apparente ter in anno in cōspectu domini. Hoc namq;  
ex tempooribus Iudicum apparet, quia licet Israelitæ non haberent iudices, hostes nō inque-  
rabant eos, quousque peccabant: & tūc mittebat Deus super illos aliquos affligentes, vt patet  
infra 2. cap. Si ergo voluissent obseruare legē, nunquam indignissent aliquo dño, & prote-  
ctore: sed solus Deus esset rex, & dñs illorum: & tanto specialius Deo subiecti essent, quanto  
magis a potestate temporalis subiectionis liberi forent. Sic enim patet 1. Reg. 8. cū dñs di-  
xit, q̄ Israelitæ abiecerunt eum, ne regnaret super illos, quando petiuerunt regem. Ex quo ap-  
paret, q̄ prius ipse regnabat, cū non haberent temporalem regem. Illo autem habito, Deus nō  
poterat esse spetialiter rex, & dominus illorum. Sic patet etiam 1. Reg. 12. cū dixit Samuel:  
Videntes, q̄ Naas rex filiorum Ammon venisset aduersum vos, dixistis: nequaquam, sed rex  
imperabit nobis, cū dñs Deus vester regnaret in vobis. Hoc autē modo volebat Deus, q̄ mā-  
fissent semper Israelitæ. ſ. nullum habētes dñm, sed ipsum solū: quia tñ peccauerunt conuerten-  
do se ad idola, Deus tradidit eos in manus Gentium, & tunc indigebant aliquo liberatore.

Susci-



Suscitabat aut tunc Deus aliquos lib<sup>er</sup>atores inter eos, & isti vocabantur Iudices, qui & dominabantur super populum: & erat tunc populus habens Deum specialiter in dñm, intantum quòd usque ad tempus Regum dicitur dñs regnare super Israel, vt patet 1. Reg. 12. ca. Si aut dñs dedisset Iudæis hoc tempore alterũ genus principatus, nō fuissent sibi ita directè, & immediatè subiecti. Iō non dedit alios principes, nec et istos dedisset, nisi populus declinans ad vitia indigisset illis.

*Quomodo Israelitæ hoc tempore aliquando habebant iudices, & aliquando non: & quomodo Debbora cum esset fœmina fuit index inter ceteros. Quæst. XI.*

**Q**UÆRETUR vltius, quō Israelitæ hoc tempore aliquñ habebant iudices, & aliquando non: quia hoc modo videbatur inconueniēter ordinata politia eorum, cū nemo esset, qui posset in causis quotidie emergentibus ius reddere. in qualibet tñ politia id, quod maxime est necessariũ, est iudex, siue distributiuus iustitiæ. Vnde Arist. Polit. 3. in prin. dicit, in politiis necessariũ esse iudicem sicut panē. Respondēdũ, q̃ Israelitæ poterant esse conuenienter sine iudicibus istis, de quibus in hoc libro agitur, quia isti licet vocentur iudices, non erat principale officiũ suum iudicare diffiniendo in causis Israelitarum, sed liberare eos de manu hostiũ, & pugnare pro eis. Nam ad diffiniendũ litigia alios iudices habebant, quia habebāt domũ cōsiliij, quæ erat sedes magna iudiciũ, ad quã deuoluebantur ad extremum causæ per appellationē: & in hac iudicabatur de rebus arduis, & erat maximus iudex in ea summus sacerdos, de quo Deu. 17. ca. Erāt quoque per singula loca iudices cōstituti habentes secum Leuitas tanquã assessores, eo q̃ illi erant periti in lege, & per hos diffiniebantur oēs causæ: & nō erāt necessarij iudices, de quibus agitur in hoc lib ad hoc. Et dato q̃ cessarent iudices, de quibus habetur hic, nō cessabat ordo iudicum institutorum à Moysē, de quibus declaratũ est Nu. 11. cap. Ideo nihil nocebat ad diffinitionem causarum esse iudices, de quibus hic dicitur erat iudicare in causis: quia nomē suum nō ianiter possum est. Itē patet, quia Debbora mulier fuit iudex Israel, & cōputat̃ inter istos, inf. 4. & tñ ipsa sē per iudicabat in causis, conueniebatq; ad eam totus Israel, vt patet inf. 4. c. Rñdendum, q̃ isti vocati sunt iudices non a iudicando, sed quia accipitur iudex tanquam nomen cuiusdā parui principatus. Est enim differentia inter dñm, & iudicē. quia dñs dicit illum, qui simpliciter habet potestatē: & qđ vult, hoc potest, et si iure cautum non sit. Iudex aut est, qui non habet aliquã libertatē ad mandandũ, sed hoc solũ potest, quod iura imperant: & tradita est illi auctoritas diffiniendi secundũ ius: ideo ille, qui subest iudici, non est subiectus viro, sed iuri. Qui verò domino subiectus est, est subditus viro. Et quia sic erat de principatu istorum respectu regũ, vel aliorũ dñorum, q̃ ipsi nō poterant aliquid agere ex voluntate sua tanq̃ dñi: sed quidquid rō, & ius dictaret, vocati sunt iudices: quia similem principatum iudices habebant. Hoc aut patet, quia si istorum officiũ fuisset iudicare, non fuissent sumpti in iudices, nisi viri prudentes, & maturi ætate, sumebantur tñ viri indocti interdum, & iuuenilibus passionibus deseruiētes, qui nihil nouerāt de statu carum: sicut Samson, qui iuuenis erat, & lasciuiæ deditus. Et sic fuit Iephthē, qui erat princeps latronũ: infra 11. & 14. Ergo non erat officium istorum causas diffinire. Cū aut obiicitur de Debbora: Respondetur, q̃ illa non propriè cōputatur inter iudices (quamquã aliqui eam cōputent) sed Barac, qui fuit tempore eius. Aliter dici potest, q̃ dato, q̃ Debbora esset iudex, non habebat officiũ iudicandi tāquam illud pertineret ad iudices, de quibus agitur in hoc libro, quia tñ erat prophetissa, conueniebant ad eam oēs viri Israel ad inquirendum super dubiis, cū putarent per eā responsum a Deo suscipere. Ita enim erat de oĩbus aliis prophetis: quia oēs Israelitæ concurrebant ad eos super multis interrogantes: licet illi non essent iudices. Sic enim de Holdā prophetissa vxore Selum erat. Nam ad eam mittebant reges, & alij viri ad quærendũ de dubijs, vt patet 4. Re. 22. c.

Dominus,  
& iudex  
differunt.

*Quanta erat potestas istorum Iudicum: & an eius potestas esset a Deo vel ab homine. Quæst. XII.*

**Q**UÆRETUR vltius, quanta erat potestas istorum virorum, qui vocantur iudices. Respondendum, quòd potestas istorũ iudicum parua erat. Primò, quia potestas ista erat voluntariè



# Prefatio

tariè collata toto populo : & quantum volebat potestati, tantum transferebat populus, & non erant sicut reges, quorum potestate malè limitata ipsi possunt oia, quæ contra ius non sunt. Assu-  
mebantur autè isti iudices ad pugnandū cōtra hostes populi. Et quamquā isti vincerent bella, &  
postea opus eorum non esset necessarium Israelitis, manebāt tñ in principatu isto quandiu viue-  
bant : Sic fuit de Iepthe Galaadite, ad quē iuerūt Israelitæ orantes, vt pugnaret pro eis cōtra Am-  
mon, & factus est princeps illorum: inf. 11. c. Aliquis obiiciet, q potestas Iudicū nō erat ab homi-  
ne collata, sed a Deo. Nam dñ inf. 3. suscitauit eis saluatore noīe Hothoniel. Et iterū ibidē, suscita-  
uit eis saluatore noīe Aod, Rñdendū, q iudices per electionem Israelitarum erant, & ab eis ha-  
bebāt potestatiē limitatam. Quantū ad assumptionem tñ suā variè factū est, quia nō fuit idē mo-  
dus in oībus. Quidā enim facti sunt iudices, quia ex parte Dei iuebatur eis, q pugnaret pro po-  
pulo : Sic fuit de Barac. Nā Debbora prophetissa ex parte Dei dixit illi, q pugnaret aduersum Si-  
sarā : inf. 4. ca. & tñ facta pugna nondū erat iudex, & princeps Israelitarū : sed quia ipsi videbant,  
q Deus volebat per manum illius liberare eos, acceperunt eū in iudicem. Sic etiā factū est de Ge-  
deone : nā Angelus Dñi apparuit ei, & iussit, q iret ad liberādū Israel de manu Madian: inf. 6. Cū  
aut egisset magnificū bellū, Israelitæ eū acceperunt in iudicē, nec solū in iudicem eum volebant  
accipere, sed etiā in dñm, vt patet inf. 8. Alij aut sumebātur in iudices, Deo non iubēte, sed incitā-  
te. s. qā qñ Israelitæ erāt in his calamitatibus, & indigebant liberatore, Deus dabat spīritū suū aliq-  
bus viris, vt essent aīosi, & prudentes, & ab bella aptissimi : quos Israelitæ videntes accipiebant  
in iudices : & tunc dicebatur Deus suscitare illis saluatores. Sic intelligit de Hothoniele, & Aod  
inf. 3. Alij aut iudices sumebantur sola populi voluntate. s. quia cū essent in angustiis, inquirebāt  
quis esset inter eos aptus, vt esset belli dux : & interdum eligebant aliquos, qui non erant viri  
virtuosi, solū quia erant exercitati ad bellū. Sic fuit de Iepthe Galaadite, qui erat princeps latro-  
num: Israelitæ tñ, quia viderunt eū dispositū ad bellum, orauerūt, vt esset princeps eorū, & iudex :  
inf. 11. Aliqñ aut iudices sumebantur ex solo fauore, & quasi per violentiam : & sic fuit de Abi-  
melec filio Gedeonis: inf. 9. Cū aut arguitur: suscitauit Deus saluatore: dicendū, q nō intelligitur,  
q Deus iuberet de aliquo, q esset iudex instituens eū, danq; illi certum modum potestatis, sed q  
incitabat Deus Israelitas per modos supradictos, vel aliquos eorum ad accipiendum aliquos in iu-  
dices : & tamen postea a voluntate populi pēdebat accipere, vel non accipere illos, & quantū  
potestatis vellent concedere illis. Secundò dicendum, q potestas Iudicū non deriuabatur per suc-  
cessionē ad posteros, sed manebat in potestate populi eligere mortuo vno iudice aliū, vel nullum  
accipere. Ad magnitudinem aut potestatis pertinet posse deriuare illā in posteros, sicut ille pro-  
pria res nostræ sunt, in quibus alios heredes instituere valemus, in ceteris aut potius sumus admi-  
nistratores, vel procuratores, quā dñi. Differentia huius potestatis ab illa, quæ per successionē trās-  
mittitur patet: quia cū Gedeon esset iudex Israel, volentes Israelitæ exaltare eū ad maiorem ho-  
norem pro magnifico bello, qd egerat, dixerunt: dñare nostri tu, & filius tuus, & filius filij tui, id-  
est oēs de posteritate sua. Ipse aut contentus principatu iudicis ait : Non dominabor ego vestri,  
nec dominabitur in vos filius meus, & tamē voluit principatū iudicatiuum : quia illū semper te-  
nuit quandiu vixit. Ideo non trāsmittebatur principatus iudicatiuus ad posteros. Tertiò dicendū,  
q iudices non poterant imponere populo tributa, nec alias impositiones facere, quia non erant  
dñi, sed viuebant de proprijs sicut priuatæ personæ: præter iura illa, quæ habebāt in bello : quia  
semper inter oēs gētes fuit, q in bello proueniret certa pars specialis predæ principi. Sic patet in  
decretis dist. 1. ca. ius militare. Hoc aut apparet, quia qñ Israelitæ petierunt regem, Deus dixit Sa-  
mueli, vt denūciaret eis ius regis, qui imperaturus erat: vt audita duritia eius, desisteret a petitione,  
vt patet 1. Reg. 8. Et inter cetera posita sunt tributa. Si tamen iudices ante reges consueti foret  
ponere tributa, & alias collectas populo, non exprimeret tunc Samuel ad terrendum: quia cō-  
suetudo non terrēt, ergo tempore Iudicum non erat consuetudo soluendi aliqua tributa illis. Itē pa-  
tet, quia Samuel iudex erat : qui fuit vltimus de iudicibus, ipse tñ nihil accepit in Israel, vt patet  
1. Reg. 12. Si tamen iudices haberent de iure, vel consuetudine imponere tributa, & collectas :  
accepiisset aliquid de his aliquando Samuel, quia iustè accipi poterant, ergo non poterant iudices  
imponere tributa. Quartò dicendum, q iudices non erant domini, nec habebant potestatem  
super

Iudices Is-  
raelitarū  
potestatiē  
limitatam  
a populo  
habebant.  
Vario mo-  
do iudices  
apud He-  
bræos con-  
stituebantur.

Quæ res  
sint pro-  
pria nra.

Iudices Is-  
rael nō po-  
terant po-  
nere tribu-  
ta populo.



super aliquem de Israelitis, sed solū erat dux quantum ad illa, quæ pertinebant ad officiū suū: de quo infra dicitur. Et erat differentia in hoc inter reges, & iudices, quia reges erant dñi populi Israel: & habebant de iure potestatem ad faciendum quidquid vellent, quod contra p̄s nō esset. Ideo ipsi vocabant Israelitas seruos suos, vt Saul vocauit Dauid seruū suū, primo Reg. 22. Et Dauid vocauit seruos suos Israelitas 2. lib. Reg. cap. 20. Scriptura quoque vocat ipsos Israelitas seruos regum: nunquam tamen vocatus est aliquis Israelita seruus Iudicum: nec ipsi vocabantur dñi. Quod patet, qñ Israelitæ dixerunt Gedeoni: Dominare nostri tu, & filius tuus, & filius filij tui: respondit. Non dominabor ego vestri, nec filius me⁹ dominabitur in vos, sed dominabitur in vobis dñs Deus. In quantum dixit: non dñabitur in vos filius meus, exclusit transmissionem potestatis ad posteros. In quantum dixit, non dominabor ego vestri: exclusit magnitudinem potestatis suæ dum viueret: quia noluit tenere illū gradum principatus, secūdū quem principes vocantur domini. Si tamen alij iudices fuissent domini, ipse non recusasset dominari: noluit tñ nouum, & quasi tyrannicum introducere principatum. Quintò dicendum, quòd officium Iudicum ad quod assumebantur, erat pugnare pro populo contra hostes. Quod patet ex institutione Iudicum. Nam infra 2. dicitur, q̄ quodocunque erant Israelitæ in manu hostium, suscitabat Deus iudices, qui liberarent eos. Itē patet ex singularibus institutionib⁹ Iudicū. Nam de Hothoniele, qui fuit primus Iudex, dicitur, q̄ cum opprimerentur Israelitæ à rege Mesopotamiæ, suscitauit eis Deus saluatorem nomine Hothoniel, infra 3. Simile patet de Aod eod. cap. Simile quoque de Barac, infra 4. idem de Gedeone infra 6. & de Iephthe, infra 11. & sic de ceteris. Quantum ad hoc habebant isti iudices plenam potestatem. Nam quæcunque ad bellū spectarent, ad dispositionem eorum pertinebant, & in hoc omnes Israelitarum obediebant ei, sicut in oībus bellis duces habent hanc plenariam potestatem ad disciplinam militarem. Finitis autē bellis manebant isti viri quasi priuatæ personæ, s. q̄ non habebant dominiū aliquod, sed semper erāt nimis honorati a populo, & aliquando committebatur eis regimen ciuitatum, vt ipsi disponerēt quasi principes. Sic fuit de Iair, qui habuit 30. filios principes super 30. ciuitates, infra 10. ca. Iudicare autem in causis non erat officiū istorum directē: sed aliquando cōmittebatur eis: Potissimum qñ erant viri prophetæ, aut prudentes. Sic fuit de Samuele, qui fuit vltimus Iudex Israel, & ipse discurrerat per totum Israel quolibet anno, & iudicabat populum in locis tribus, vt patet primo Reg. 7. cap. Filij quoque sui fuerunt iudicantes: quia erant viri eruditi, licet postea ad auaritiam declinauerunt, vt patet primo Reg. octauo.

*Ad quod genus politici principatus pertinet status Iudicum: & de sex principatibus politicis.*

*Quæst. XIII.*

**Q**UÆRETUR Vtērius, ad quod genus principatus pertinet status Iudicum. Respondēdum, q̄ secundum Arist. 8. Ethic. sunt sex generap̄ principatus, & politiarum. s. Monarchica, siue Regalis, Aristocratica, Thimocratica, Tyrannica, Oligarchica, Democratica, quarum primæ tres sunt bonæ: tres secundæ corruptæ sunt, vt dicit ibidem philosophus. Non potest assignari hic aliqua de tribu speciebus corruptis principatus. Nam non est hic principatus tyrannicus, quia ille est, qui per violentiam introducit, vel cū princeps non principatur ad vtilitatem subditorum, sed ad suam, diripiens bona illorum, vel duro dominio premens. Sed nullum istorum erat in iudicibus, quia illi paruam habebāt potestatem, & ipsa totaliter erat ad vtilitatem populi, & non ad suam. Non potest etiam dici, q̄ principatus iste sit Obligarchicus, quia oligarchia est, vbi principantur, qui diuites, & potentes in populo sunt, respiciendo solū diuitias, & potentatum. Iudices tamen non erant huiusmodi, sed magis eligebantur illi, qui essent apti ad liberandum populum de manu hostium, siue essent diuites, siue pauperes: vnde interdum assumebantur viri pauperes, & paruæ dignitatis, vt Iephthe fuit, qui erat princeps latronum, infra 11. cap. Non potest etiam vocari iste principatus democraticus, q̄a democratia est principatus popularis, s. quando quilibet de populo habebat potestatem dominandi, etiam si sit rudis & inexper-  
tus: & prouenit iste principatus per sortes, vel per tempora determinata, vt patet 2. & 3. Politic. Sed

Sex sūt genera politica.

Obligarchia quid sit.

Democratia.



# Prefatio

Monar-  
chia.

Aristocra-  
tia.

Sed iudicibus non erat sic, quia ipsi eligebantur, & non principabantur nisi illi, qui erant apti ad eruendum populum de manu hostium. De tribus aut rectis principatibus non potest poni hic tertius, scilicet Timocrazia, quia iste principatus est ubi est æqualitas praeiorum: sed est principatus popularis, ut patet 3. Politic. pertinet simul ad multos: sed in principatu iudicatio semper vnus erat iudex: manent ergo duo principatus. scilicet Monarchicus siue Regalis, & Aristocraticus: & non pertinet totaliter principatus iudicum ad aliquem istorum. Non quidem ad principatum Regalem, vel Monarchicum, quia in monarchia tota potestas in vnu translata est, & licet ei agere quod vult: ideo est iste principatus periculosus, ut patet Politicorum 3. Iudicibus tamen non erat commissæ tota potestas. Nam ostensum fuit magnam esse differentiam inter regalem, & Iudicum potestatem. Non est quoque totaliter Aristocrazia, quia in principatu Aristocratico sunt plures principantes secundum differentiam virtutis, & magis virtuoso maior committitur summa regenda. sic enim dicit Aristo. Ethic. 8. Quod inter virum & uxorem erit Aristocrazia, cum quilibet illorum in aliquo principetur. Si tamen vir in se transferat totum principatum domesticum erit principatus tyrannicus. Dicendum tamen, quod magis similatur principatus Iudicum principatu Aristocratico, quam Monarchico, quia solum habet similitudinem ad Monarchicam, vel Regalem in quantum vnus erat principans. Essentialius tamen est in monarchia: quia tota potestas sic translata sit, vel si alij sunt principantes, quod sint subordinati ei, & respectu illius sint subiecti. Iudices tamen non habebant totam potestatem populi. Ad Aristocratiam autem habent iudices maiorem similitudinem, eo quod Aristocrazia est principatus electiuus, iudices autem eligebantur. Aristocrazia quoque perquirat virtutem, & magis virtuoso tribuit maiorem principatum: sic faciebant Israelitæ ad iudices, quia eligebant illos, quos aptiores ad principatum belli putabant. Posset etiam dici, quod iste principatus erat totaliter Aristocraticus, quia multi erant hic principantes. Nam licet non essent multi iudices simul inter Israelitas, erant principes circa alios modos regiminum, qui non pertinebant ad iudices: sicut circa diffinitionem litigiorum ponebatur summus sacerdos, & domus consilij: & alij iudices per omnia loca. Dicendum igitur, quod iudices pertinebant ad principatum Aristocraticum.





# ALPHONSI TOSTATI

Episcopi Abulensis



## IN LIBRVM IVDICVM. COMMENTARIA.

### CAPITVLVM PRIMVM.



**D**OST mortem Iosue cō-  
suluerunt filij Israel Do-  
minum, dicentes: Quis  
ascendet ante nos con-  
tra Chananæum, & erit  
dux belli: Dixitque Do-  
minus. Iudas ascendet: ecce tradidi terram  
in manus eius. Et ait Iudas Simeoni fratri  
suo: Ascende mecum in sortem meam, &  
pugna contra Chananæum, vt & ego per-  
gam tecum in sortem tuam. Et abiit cum  
eo Simeon. Ascenditque Iudas, & tradi-  
dit Dominus Chananæum, ac Pherezæum  
in manus eorum: & percusserunt in Bezec  
decem millia virorum. Inueneruntq; Ado-  
nibezec in Bezec, & pugnauerunt contra  
eum, ac percusserunt Chananæum, &  
Pherezæum. Fugit autem Adonibezec.  
Quem persecuti comprehenderunt, cœsis  
summitatibus manuum eius, ac pedum.  
Dixitque Adonibezec: septuaginta reges  
amputatis manuum, ac pedum summita-  
tibus colligebant sub mensa mea ciborum  
reliquias: Sicut feci, ita reddidit mihi Deus.  
Adduxeruntque eum in Ierusalem, & ibi  
mortuus est. Oppugnantes ergo filij Iu-

da Ierusalem, ceperunt eam, & percusserunt  
in ore Gladij, tradentes cunctam incendio  
ciuitatem. Et postea descendentes pugna-  
uerunt contra Chananæum, qui habitabat  
in montanis, & ad meridiem, & in cam-  
pestribus.

*Post mortem.* Hic incipit Liber Iudicum, in quo eue-  
ntuum tēporalium sub ipsis iudicibus historia textitur.  
Et diuiditur in duo, primò ponitur quedam materi-  
libri huius breuis prælibatio: Secundò ponitur ipsius  
historiæ per tēporales successiones narratio, infra ter-  
tio capitu. Sciendum autem, quòd causa suscitanda  
rum iudicum, vt tangitur infra, fuit, quòd populus re-  
cedens à Deo in pœnam delictorum suorum a genti-  
bus affligebatur: ideo ponuntur tria. Primò poni-  
tur transgressio, Secundò transgressionis reprehensio  
Tertiò materiæ libri huius prælibatio, secunda in pri-  
cipio sequentis capitu. tertia, eod. capitu. *Dimisit ergo I-*  
*sue.* Et quia opposita iuxta se posita clarius cognoscū-  
tur, ponitur primò populi profectus laudabilis, secun-  
dò eius defectus culpabilior. *Manasse quoque.* Prima  
in duas, quia primò ponitur Iudæ profectus, secundò  
aliarum quarundam tribuum successus ibi. *Fily autē*  
*Cinei.* Primus in duas, primò ponitur profectus Iudæ  
in generali, secundò successus prosper Caleb in spe-  
ciali, ibi. *Pergensque Iudas.* Circa primum dicitur. *Post*  
*mortem Iosue.* In hoc ostenditur ordo libri huius ad  
precedentem, scilicet quòd ea, quæ narrantur in hoc  
libro de iudicibus, euenerūt post mortem Iosue. Nā  
si vixisset Iosue, non consulissent Israelitæ dominum,  
quis deberet precedere eos ad pugnam. Nam Iosue  
erat princeps eorum: ipse quippe ingrediebatur, &  
egrediebatur ante eos: & ad verbum illius moueri de-  
bebant omnes Israelitæ: vt patet Num. 27. capi.



*An id quod hic dicitur, fuerit magno tempore post mortem Iosue. Quæst. I.*

**Q**VAERET aliquis, an istud, quod dicitur hic, fuit magno tempore post mortem Iosue, vel immediatè. Rndendum, quod hoc non apparet. Aliquis tamen dicet, quod rationabile est, quod fuerit paruo tempore post, quia infra agitur de temporibus iudicum, & primus iudex fuit Hothoniel, cuius institutio fuit tempore paruo post mortem Iosue. Ista tamen quæ ponuntur hic, fuerunt ante institutionem iudicum, cum ponantur prius. Ideo videtur, quod satis cito post mortem Iosue ista euenerunt. Respondum est quod satis est virisimile, quod ista fuerint pauco tempore post mortem Iosue, non tamen probatur ratione præcedenti, scilicet quia ista fuerunt ante tempora iudicum. Nam non est credendum, quod oia, quæ habentur in hoc cap. euenerint ante tempora primi iudicis. Nam tempus illius incipit computari immediatè post mortem Iosue, alioquin relinquerentur multa tempora intermedia, quæ non computarentur: quod falsum est: & declaratum fuit supra in prologo. Sed ponuntur aliqua istorum hic per anticipationem. Fuit autem intentio scriptoris enarrare statum populi iudaici post mortem Iosue: & quia aliqui euentus erant, qui pertinebant ad quasdam tribus solum: alij autem pertinebant ad omnes tribus, voluit scriptor primò enarrare euentus pertinentes ad tribus specialiter, & hoc fecit in isto cap. in quo describitur, quomodo quælibet tribus se habuit contra hostes sortis suæ, & quæ ab illis passa est. Postea describit status totius populi in generali, & istud fuit enarrando historiam iudicum, scilicet quid accidit iudæis sub quolibet iudicum suorum, & istud incipit infra 3. ca. Ideo licet aliqua de eis, quæ hñtur, acciderunt simul cum ea, quæ facta sunt temporib⁹ iudicum: scriptura noluit illa postea describere, vt seruaret artificiosorem ordinem enarrando prius omnia, quæ pertinebant ad tribus singulas specialiter: vt postea impermixtim narraret quod accidit toti populo generaliter. De hoc tamen satis dici potest, quod antequam institueretur Hothoniel in iudicem, fuit factum id, quod dicitur de consultatione Dei. *Consultauerunt filij Israel dominum.* Scilicet omnes tribus. Non enim accipitur hic pro aliqua tribu speciali; quia tunc nō esset locus dubitationis, scilicet, quæ tribus deberet esse dux belli. Etiam responsio Dei esset friuola, scilicet, quod Iudas ascenderet; sed intelligendum, quod mortuo Iosue Israelitæ voluerunt habere ducem, & nesciebatur, quæ tribus deberet præcedere alias, vt inde acciperetur dux, ideo consuluerunt dominum super hoc: & respondit, quod Iudas ascenderet.

*Quare Israelitæ consuluerunt dominum de eligendo duce. Quæst. II.*

**Q**VAERET aliquis, quare Israelitæ consuluerunt dominum de eligendo duce. Respondera. Salomō quod hoc fecerunt, ne inciderent in malum, quod habuerunt, quādo iuerunt in urbem Hai. Nam tunc inconsulto domino iuerunt, & fugati sunt a viris Hai: occisi sunt etiā 36. viri de eis, vt patet Iosue 7. cap. nunc autem ascendere debebant ad hostes; ideo consuluerunt super ducem. Sed hoc non stat, quia Israelitæ non corrueant ibi, quia inconsulto Deo egerunt: sed quia peccauerat Israel, & volebat Deus, quod nō possent stare coram hostibus suis quousque occideretur ille, qui peccauerat: vt patet Iosue 7. Sed dicendum quod consulerunt dominū nunc pro ducem, quia mor-

**F** tuus erat Iosue, & non habebant ducem. Volentes ergo ire ad hostes, consuluerunt dominum pro ducem, & propter hoc dicitur hic, *Post mortem Iosue.* Scilicet, quia mors Iosue fuit causa, vt consulerent. Nam si ipse vixisset, non consuluissent, cum ipse esset dux. Motiuum autem ad consulendum fuit triplex. Primum, quia negocium istud erat arduum, scilicet constituere principem super totum populum. Nam ex bonitate principis pendet status populi. Magna autem negotia nolebant Israelitæ arbitrio suo diffinire: ideo currebant ad diuinum oraculum, & in hoc bene agebant, cum Deus vellet eis in singulis respondere. Sic enim quando constituit Moyses iudices sub se iussit, quod in causis arduis semper recurreretur ad eū, eo quod ille deferret illas ad diuinum oraculum, quando ignoraret sententiā: sicut fecit in causa filiarum Salphaad, Num. 27. & 36. De hoc Exo. 18. Secundum motiuū fuit, vt non offenderent Deum, si præter eius arbitriū aliquem sibi iudicem, & rectorem acciperent. Nam ante hoc omnes rectores a Deo instituti fuerāt. Patet de Moyse, qui fuit primus: ipse enim a Deo missus est ad regendum populum Israel, & ad educendum de Aegypto, vt ipse probauit in signis, Exod. 3. & 4. capit. Iosue autem, qui fuit secundus princeps, etiā fuit a Deo institutus. Nam ipse iussit Moysi, vt præsentaret eum coram toto populo, & ibi eum principem institueret. Nume. 27. cap. Si autem nunc Deo inconsulto principem eligerent, fortè Deus irasceretur: quia in hoc aliquantulum volebant effugere potestatem illius: ideo consuluerunt super hoc. Tertium motiuum fuit ad tollendum dissensiones. Quælibet enim tribus vellet suscipere principatum super omnes: & quia in hoc esset magna dissensio & inuidia, recurrerunt ad diuinum oraculum: vt, faciendo quod Deus iuberet, tollerentur omnes dissensiones intestinæ.

*Ad quid quærebant Israelitæ de constituendo duce, cum determinatum esset, quod Iudas. Quæst. III.*

**Q**VAERET aliquis, ad quid quærebant super hoc Israelitæ. Nā determinatū eis erat quod Iudas deberet esse dux. Huic quippe tribui propheticè fuerat principatus assignatus. Sic patet Gen. quadragésimo nono, scilicet. Iuda te laudabūt fratres tui: manus tua in ceruicibus inimicorum tuorum: Ergo omnes tribus, quæ erant fratres Iudæ, debebant esse subditæ tribui Iudæ ad hoc, quod laudarent Iudam. Responderi potest vno modo, quod illud intelligitur de principatu regnatiuo: quod patet, quia dicitur: Non auferetur septum de Iuda & cæ. septum autem significat regalem honorem, Israelitæ autē non dubitabant, quin ad Iudam pertineret principatus regnatiuus, quādo ille dandus est. Nunc tamen non quærebant Israelitæ de principatu regnatiuo, quia adhuc non habuerant aliquem regem: sed de alio minori quocunque principatu, qui nō solum poterat pertinere ad Iudam, sed etiam ad alias tribus: quæsierunt quis deberet esse princeps belli. Aliter dici potest, quod Israelitæ cognoscebant principatum populi fuisse promissum Iudæ: nesciebant tamen an immediatè deberet provenire iste principatus illi, vel post aliquanta tempora, Nam primò non fuit datus principatus populi alicui de tribu Iudæ, sed Moysi, qui erat de tribu Leui: deinde autem tradit⁹ est Iosue, qui erat de tribu Ephraim. Num. 13. Sic igitur nunc dubitauerunt, an Deus vellet dare principatū alteri tribui, ideo consuluerunt eum. Dicentes: *Quis ascendet ante nos.* scilicet diriget nos ad bellum, quod est officiū ducis: Ideo duces dñr ingredi, & egredi



ante viros suos: sic patet Num. 27. c. dixit Moyses: Prouideat Deus spirituum omnis carnis hominē, qui sit super hanc multitudinem, & possit exire, & introire ante illos: sic etiam primo Reg. 18. capi. dicitur de Dauid, qui erat dux, quod omnis Israel, & Iuda diligebant Dauid, quia ipse ingrediebatur, & egrediebatur ante eos. *Contra Chananæum.* Idest contra gentes Chananæorum. Non accipitur hic Chananæus specialiter pro vno de illis septem populis, sed generaliter pro omnibus septem. Nam non solum relinquebatur in terra populus Chananæorum, sed etiam partes aliorum populorum, vt patet infra tertio capi. scilicet Hæ sunt gentes, quas dereliquit Dominus & cæte. & subditur: Quinque satrapas Philistinorum, omnem Chananæum atque Sidonium, & Heueum. Contra autem omnes istos volebant pugnare Israelitæ. Sic est aliquando accipitur Amorrhæus proprie pro vno populo, & aliquando pro omnibus Chananæorum septem populis: sic patet Gen. 15. cap. scilicet. Nondum enim implete sunt iniquitates Amorrhæorum vsque in presentem diem. Et tamē ibi loquebatur Deus de peccatis omnium septem populorum terre Chanaan ad hoc, quod excluderentur de terra. Sic etiam patet Gen. 48. scilicet quod Iacob tulit partē agri ab Amorrhæo in gladio, & arcu. Et intelligitur de agro Sichē, vt ibidem declaratum est. Viri tamen Sichimitæ non erant Amorrhæi sed Heuei, vt patet Gen. 34. capitul.

*Quare volebant nunc Israelitæ pugnare contra Chananæos. Quest. IIII.*

**Q**VAERET aliquis, quare volebant nunc Israelitæ pugnare contra Chananæos ad obtinendum terram eorum, cum Deus dixisset ne pugnaret Iosue contra omnes Chananæos, ne terra acquisita redigere tur in solitudinem. Respondetur, quod Deus fecit, quod acquireret Iosue magnam partem terræ Chanaan, sed non totā: eo quod Israelitæ erant pauci non potentes replere illam: & repletetur terra bestiis redacta in solitudinem. Sic patet Exod. 23. scilicet non eiiciā a facie tua anno vno, ne terra redigatur in solitudinem, & crescant contra te bestię: Paulatim eiiciā eos de conspectu tuo, donec augearis, & possideas terram. Et adhuc terram illam, quam acquisiuit Iosue non habitauerunt totam Israelitæ, quia non poterant eam replere: sed omnia loca, quæ acquirebant cremabant, & diruebant præter loca, quæ erant in collib⁹, & locis fortissimis. Et istud erat, quia pauci Israelitæ non possent illa replere, nec defendere ab hostibus. Loca autem existentia in locis fortissimis poterant facilliter defendi: ideo illa relicta sunt, vt patet Iosue 11. capit. & ibi declaratum est. Præter hanc terram mansit multa alia, quæ non acquisita fuit tempore Iosue, & tamen illa diuisa est per sortes, sicut alia terra, quæ acquisita fuit, & hoc Deo mandante. Dixit autem: Ego sum, qui delebo oēs gentes has a facie Israel. Facta autem diuisione volebat quilibet tribus post mortem Iosue acquirere terram, quæ erat in sorte sua, ad quod petebant ducem: & ob hoc rationabiliter mouebantur: quia iam aliquantulum creuerat populus: & poterat replere maiorem partem terræ. Sic enim tribus Ephraim conquesta est de paruitate sortis suæ, Iosue 17. cap. *Et erit dux belli.* Idest de qua tribu accipiemus ducem belli. *Dixitq. Dominus.* Respondendo per sacerdotem Phinees, vt ait scholastica historia. Et satis verisimile est, quia consultationes istæ fiebant in rationali, & Ephod, quæ erant vestes summi sacerdotis. Exo. 28. Phinees tamen erat nunc summus sacerdos. Nam Eleazarus iam mortuus fuerat, de cuius morte patet Iosue vlti. & ei successit filius suus Phineas. Alph. Toit. super lib. Iudicum

**A**es, vt patet primo Paral. sexto. *Iudas ascendet.* Idest de tribu Iuda accipietis ducē. Et accipit hic Iudas pro tribu, & non pro persona, scilicet quod de tribu Iuda acciperet dux. Ista tribus erat ceteris honorabilior, & erant in ea viri fortissimi: ideo ducatum ei dominus prestitit. Sic enim iterum consuluerunt Israelitæ dominum, quis futurus esset dux in bello contra Beniamin, & respondit Deus: Iudas erit dux vester, infra 20. cap. Dicit autem histo. sch. quod dux, qui nunc assumptus est fuit Caleb: tamen pro paucitate temporis nec iudicibus, nec rectoribus connumeratur. Incipit nāque iudicum ordo ab Othoniele fratre eius, vt patet infra tertio. Motiuum autem videtur, quia in isto bello, quod fecerunt hic filij Iuda, videtur fuisse dux Caleb, eo quod ipse dixit apud urbem Dabir exercitui, qui percusserit Cariathsepher, dabo ei Axam filiam meā. Si tamen ipse non fuisset dux, nō pertinuisset ad eum proponere præmium capienti urbem. Alij autē aliter legunt totam istam literam dicentes, q̄ cum filij Israel cōsuluerunt dominū, quis ascenderet ante eos ad Chananæum, non querebāt de duce belli pro omnibus tribubus, sed inquirebant, quæ tribus primò pugnaret cōtra hostes sortis suæ: quælibet. n. habebat aliquos in sorte sua, & est sensus. *Quis ascendet ante nos cōtra Chananæum?* Idest q̄ tribus erit, quæ ascendet cōtra Chananæum. i. contra Gentiles manentes in sorte sua. Ante nos, i. antequam nos ascendamus. *Et erit dux belli.* Idest quæ tribus erit præcedens in pugnando cōtra hostes suos: sicut dux est prior in exercitu. Et respondit Deus, Iudas ascendet, i. tribus Iudæ erit prima, quæ pugnet contra hostes suos: & deinde ceteræ pugnabunt contra suos. Istum sensum tenet Nicolaus, & refert hunc tenere Hebræos. Cuius ratio est, quia aliter sequeretur, quod oēs principes belli contra Chananæos debuissent esse de tribu Iuda: sed falsum est, quia Barac fuit de Nephthali, infra quarto. Aiod fuit de Beniamin, infra tertio. Gedeon, & Abimelech de Manasse, infra sexto, & nono. Et sic de alijs. Nam de alijs tribubus fuerunt multi iudices: imò de omnibus iudices soli duo fuerunt de tribu Iuda, scilicet Othoniel, & Abesā: quia Othoniel, erat frater Caleb, & Caleb erat de sorte Iudæ Num. 13. cap. Abesā autem erat de Beniamin, infra duodecimo, quæ erat vrbis Iudæ, vt patet Mat. 2. & Michæ 5. Sed istud non stat. Nam non sequitur ex hoc, q̄ iudices deberent esse semper de tribu Iudæ, quia Israelitæ, quando nunc cōsuluerunt dominum, consulerunt de duce ad pugnandum contra Chananæos. Postea autem mortuo Caleb non pugnabant contra Chananæos, sed magis alię gentes opprimebant eos, scilicet rex Mesopotamię, infra 3. & rex Moab eodem cap. Ideo non sequeretur ex hac responsione Dei, q̄ ad liberationem suam ab illis gentibus deberent sumere ducem semper de tribu Iuda. Item istud fortè teneret, si assumptio ducum inter Israelitas habuisset causam continuam, scilicet quod mortuo vno sumeretur alius, quia tunc mortuo vno duce de tribu Iuda videretur, quod debuissent accipere alium de eadem tribu, vt videretur semper idē iudex. Duces tamen non accipiebantur continuē inter Hebræos, sed si nunc fuisset vnus dux, vel iudex, non assumebatur alius illicò, sed manebat populus sine iudice, quousque incideret in manus aliquorum hostium, & indigeret duce liberatore, Ideo licet nunc accepissent ducem de Iuda, & postea cessante omnino ducatu inter Israelitas vellent accipere aliū, quia causa erat iam alia, non videbantur obligari ad assumendum illum de tribu Iuda, sed obligarentur, si semper fuisset continuatio in assumendo duces. Aliud tamen motiuum esse potest pro hac parte, quia non ponitur hic aliquod bellum cōe, qd fecit

Nicolaus  
positio li-  
tera.

B totus



totus populos, in quo deberet esse dux de tribu Iudæ: sed Iudas particulariter pugnavit contra hostes tribus, & sortis suæ: & vocavit secum Simeonem fratrem suum. Ideo videtur, quod non petebatur de duce cōi, sed de tribu, quæ primò ascendere deberet ad pugnandum contra hostes sortis suæ. Sed adhuc istud non stat, quia licet hic non agatur de aliquo bello cōmuni: tamen intelligendum est, quod populus putavit, quod aliquod bellum cōe futurum esset, in quo aliqua tribus deberet esse dux belli. Et hoc rationabile est: quia dum Iosue viveret, habebant Israelitæ ducem cōmunem pro omnibus bellis. Nunc autem eo mortuo voluerunt similiter habere ducem belli cōem. Hoc autem patet esse valde rationabiliter dictum. Nam simile proponitur infra 20. cum dixerunt Israelitæ, quod esset dux in exercitu suo contra Benjamin. Et Deus respondit, quod Iudas sit dux vester. Et tunc acceperunt tribum Iuda in dñcem ad pugnandum contra Benjamin. Item quia non possunt trahi verba huius literæ, nisi nimis distortè ad sensum illum, quem volunt Hebræi & Nicolaus, scilicet quod quærat, quæ tribus deberet primò pugnare contra hostes suos. Nam tunc non diceretur, quis ascendet ante nos, sed quis ascendet prior de nobis. Nam cum omnes tribus hic consulerent, non poterat aliqua ascendere ante omnes eas: poterat tamen aliquis dux ascendere ante omnes eas. Etiam quia dicitur: Et erit dux belli. Non tamen vocatur propriè dux belli qui prius pugnat, sed qui dirigit, & præcipit in bello. Item quod efficacius est, quia tunc ista consultatio esset nimis friuola, scilicet quæ tribus deberet pugnare prius contra hostes suos petendo de bello particulari, quia tunc cum una tribus non dependeret ex alia, non debebat ex necessitate ire ad adiuuandum aliam. Quælibet poterat pugnare contra hostes tribus, & sortis suæ quādo vellet, & in hoc non referebat, ideo non consulerent dominum super hoc. Consuluerunt tamen tamquam aliquid dubitabile foret, ideo videtur, quod consuluerunt quæ tribus deberet accipere ducatum in aliquibus bellis communibus, quæ intendebat facere totus populus contra Chananeos. *Ecce tradidi terram in manu eius.* Id est si fuerit ipse dux, tradam terram in manu eius: quod intelligitur tam in bellis omnibus, quā in bellis sortis suæ. *Et ait Iudas Simeoni fratri suo.* Hic incipiunt bella particularia tribuum contra hostes sortium suarum. Et ponitur primò bellum virorum de tribu Iuda, quod prævaluit contra hostes suos. Dixit Iudas Simeoni fratri suo, id est tribus, Iudæ dixit tribui Simeon quæ tribus erat frater, quia istæ duæ tribus descendebant a duobus fratribus.

*Quare vocantur hic Iudas, & Simeon frater.*

*Quest. V.*

**Q**UÆRE ET aliquis, quare vocantur hic Iudas, & Simeon fratres. Nam si accipiantur fratres ex ratione generali, scilicet quia erant ex eodem parente, non solum erant fratres Iudas, & Simeon, sed omnes etiam aliæ tribus descēdebant a fratribus Iudæ. Lab vndecim fratribus eius filiis Iacob. Si autem accipiantur fratres ex aliqua ratione speciali, non debuissent vocari Iudas, & Simeon fratres, sed Simeon, & Leui, quia isti duo magis consentiebant sibi. Respondendum, quod omnes qui fuerunt capita tribuum, erant fratres, scilicet filii eiusdem viri. Vocantur tamen aliqui eorum fratres specialius inter se ex aliqua ratione. Primò illi, qui se magis diligunt, & magis sibi mutuò benefaciunt, vocantur fratres. Sic Simeon, & Leui vocantur duo fratres Dine tanquam nullos alios fratres haberet Ge. 34. Sed hoc fuit, quia isti duo specialius, pro eius defloratione doluerunt, & arreptis gladiis deleverunt Sichimitas in violationem stupri, eodem cap. Secundò vocantur fratres

Qualiter aliqui specialiter fratres vocantur.

**F**illi, qui vterinque sunt specialiter, sicut Thamar filia David vocata est soror Absolon 2. Reg. 13. Quia quāquā haberet multos alios fratres, tamen nullus erat ei vterinus nisi Absolon, quia ambo erant filii David ex uxore sua Maacha filia Thelmai regis Gessur, ut patet 2. Reg. 3. capit. Tertiò vocantur aliqui fratres specialiter, si consentiunt sibi specialiter in aliquo bono, vel malo plusquam ceteri confratres. Et hoc modo Simeon, & Leui vocantur fratres: quia specialiter sibi consenserunt in scelere delendi urbem Sichem. Sic dicit Iacob Gen. quadragesimo nono: Simeon, & Leui fratres vasa iniquitatis bellantia: in consilio eorum non veniat anima mea, id est isti duo fuerunt fratres in hoc, quod ambo essent vasa iniquitatis ad delendum Sichem. Et sicut fuerunt isti fratres in culpa, ita fuerunt fratres in pena, cum dicitur eodem cap. Dividam eos in Iacob, & dispergam in Israel. Quarto vocantur aliqui fratres specialiter ex aliqua coniunctitate. Sic Iudas, & Simeon vocantur fratres, quia sortes simul acceperunt: imò Simeon accepit sortem intra sortem Iudæ, patet Iosue decimo nono cap. *Ascende mecum in sorte mea.* Id est ascende mecum ad pugnandum contra hostes, qui sunt in sorte mea. In hac sorte manebant multi Chananeæ. Nam quinque satrapæ Philistinorum quasi ex maiori parte erant intra sortem Iudæ, ut patet Iosue 15. Vbi ponuntur civitates sortis Iudæ, & enarrantur ibi civitates Philistinorum, quæ erant metropoles, scilicet Gaza, Azot, & Accaron. Alchalon quoque, quæ erat metropolis quarta erat in sorte Iudæ, ut patet infra in litera. Nam Iudas pugnavit contra illam atque cepit eam: quāquam deus dixerit: Ecce tradidi terram in manu eius, non tradidit totam: nam quinque satrapæ Philistinorum postea manserunt, qui non traditi sunt in manus Iudæ, ut patet infra 3. Et post hoc etiam tempore regum non erant traditi Philistini in manus Israel, ut patet in discursu totius primi Regum. *Et pugna contra Chananeum.* Hic accipitur large Chananeus non solum pro illo populo speciali Chananeorum, sed etiam pro omnibus septem populis. Quia infra dicitur, quod Iudas, & Simeon pugnaverunt contra Chananeum, & Pherezeum: & dicitur. *Pugna contra Chananeum.* Id est adiuva me ad pugnandum contra Chananeum. Nam pugna principaliter pertinebat ad Iudam cum pugnaretur contra hostes sortis suæ. Vocavit autem potius Iudas Simeonem, quam aliam tribum: eo quod erat sibi magis coniunctus, scilicet quia in quadam parte sortis Iudæ susceperat Simeon sortem, ut patet Iosue 19. cap. Et illi, qui vicini sunt, cōmodi possunt sibi mutuo opem ferre. Secundò fuit hoc, quia ex pugna contra hostes sortis Iudæ veniebat maior utilitas tribui Simeon, quam alijs tribubus. Duo quippe mala faciebant hostes sortis Iudæ in sorte illa. Primū erat, quia tenebant occupatam terram, quæ debebat viris sortis Iudæ. Secundum erat, quia ex ipso loco hostes inuadebant terram Iudæ, quæ propinqua erat, & agebant predas. Primum damnum horum solum proveniebat tribui Iudæ, & non tribui Simeon, aut alicui alteri, quia hostes sortis Iudæ solum occupabant terram sortis Iudæ. Secundum damnum commune erat tam sorti Iudæ, quam Simeon; quia cum hostes tribus Iudæ essent propinqui tribui Simeonis, veniebant aliquando contra tribum Simeonis, & agebant predas in sorte sua. Ad alias autem tribus, non tantum appropinquabant: ideo poterant non ita graviter nocere, & consequenter magis proveniebat utilitas tribui Simeon, quia eijcerentur hostes sortis Iudæ de terra Iudæ, quam alicui alteri tribui, & ob hoc magis vocavit illam tribum. *Ut ego pergam tecum in sorte tua.* Scilicet ego simile protē faciam.

Iudas quare potius Simeonem, quam aliam tribum vocavit.



faciam. Nam in sorte quoque Simeon erant hostes occupantes illam, & tribus Iudæ adiuuaret postea tribum Simeon ad expellendum illos de terra. Dicit historia scholastica: non legitur Simeon sortem propriam habuisse, sed adhesit Iudæ: ut impleretur quod dixerat Iacob de Simeone, & Leui. diuidā eos in Iacob, & dispergam in Israel. Sed arguetur contra, quia Iosue decimo nono, ponitur fors Simeon. Nam dicitur Iosue 18. quod diuisa est terra residua; quæ non fuerat prius diuisa in sortes septem, & ponitur fors prima Benjamin: deinde dicitur ibidem capi. 19. egressa est fors secunda Simeon: & sic dicendum est, quod sortem habuit. Ad id, quod dicit scholastica historia, dicendum, quod non intelligitur, quod non habuerit sortem propriam distinctam ab aliis fortibus, sed quia nulla tribus accepit in sortem partem sortis alterius tribus, nisi tribus Simeon. Ad quod præsupponendum, quod à principio tribus Iudæ petiit sortem, & data est ei maior fors, quā secundum proportionem ad alias tribus dari debuisset, quæ ponitur Iosue 15. Deinde cum diuideretur residua terra, reperto quod tribus Iudæ accepisset ultra debitum, abscissa est quedam pars parua de illa, & data est tribui Simeon, & illam accepit in sortem propriam, & non pertinuit postea illud ad sortem Iudæ: Fuit autem illud factum, quia illa pars abscissa de sorte Iudæ, erat ita parua, quod non conueniebat alicui tribui, nisi Simeon, quæ erat parua tribus, ideo ei data est. Hoc patet Iosue 19. cum dicitur: Hæc est hereditas filiorum Simeon iuxta cognationes suas in positione, & funiculo Iudæ: quia maior erat, & ideo possederunt filij Simeon in medio sortis eorum.

*Quomodo filij Simeon nolebant ire ad pugnandum contra hostes sortis Iudæ. Quest. VI.*

**Q**UÆRET aliquis, quomodo filij Simeon nolebant ire ad pugnandum contra hostes sortis Iudæ, nisi sub obligatione hic posita ad similia. Nam ante hoc omnes de quacunque tribu obligabatur ire ad pugnandum contra Chanaanos in quacunque sorte essent. Respondendum, quod antequam terra esset diuisa per sortes, erat communis: & quælibet pars terræ Chanaan erat indeterminata, an ad istam tribum, vel ad illam pertinere deberet: sed quælibet tribus possidebat, vel habebat ius ad quamcunque partem terre Chanaana pro indiuiso: ideo tunc omnes obligabatur ire ad pugnandum contra quemcunque locum pugnaretur. Et non solum illi, qui accepturi erant possessionem in terra Chanaan, sed etiam viri de duabus tribus, & dimidia, qui iam acceperant possessionem suam ad orientalem partem Iordanis coacti sunt venire ad adiuuandum nouem tribus, & dimidiam, ut iussit Moyses Num. 32. Et sic postea illud executus est Iosue, ut patet Iosue 1. & 4. Et non redierunt isti postea ad terram suam, quousque cessauerunt bella communia, & diuisæ sunt sortes terræ, ut patet Iosue 22. capit. Cum autem facta est diuisio, incepit quælibet tribus possidere id, quod ei sorte euenerat: ideo iam mansit cuiuslibet tribui cura de terra sortis suæ, ut eam ab hostibus erueret. Ideo iam non obligabatur vna tribus adiuuare aliam ad pugnandum contra hostes suos, sed ex conuentione se adiuuabant, sicut factum est hic. *Et abiit cum eo Simeon.* Id est viri de tribu Simeon iuerunt cum viris de tribu Iudæ ad pugnandum. *Ascenditque Iudas.* Scilicet ad loca illa sortis suæ, quæ adhuc occupata erant ab hostibus. Nam per bella communia, quæ fecerat populus tempore Iosue, maior pars hostium expulsa fuerat de locis. *Et tradidit dominus Chanaanem, & Pherezæum.* Hic accipitur Chanaan specialiter pro vno de septem populis Chananæorum, quia alioquin non distingueretur contra Pherezæum. Et dicitur de his duobus,

Alph. Tost. super lib. Iudicum

**A** quia in sorte Iudæ erant isti duo populi, vel pars eorum. Pars quoque populorum aliorum, scilicet aliqui Iebusæi, cum Ierusalē, quæ dicitur pertinuisse ad filios Iudæ, esset Iebusæorum, ut patet infra in litera, & Iosue 15. *In manus eorum.* Scilicet Iudæ, & Simeon, quia ambæ tribus pugnaverunt contra Chanaanem, & Pherezæum. *Et percusserunt in Bezece decem millia virorum.* Bezece est quidam locus in sorte Iudæ, in quo prius dominabatur Rex Adonibezec: & in isto congregauit Saul exercitum, quando iuit contra Ammonitas, & recensuit eos ibi, ut patet primo Reg. 11. cap. non est autem intelligendum, quod istum locum solum inuaserint, vel ibi solum egerint cedes, sed specialiter nominatus est Bezece, quia ibi fuit magna strages hostilis, scilicet perierunt decem millia: & captus est rex potentissimus Adonibezec. Ista decem millia virorum percusserunt in Bezece, scilicet quia erant in vrbe, & capta illa occiderunt omnes, vel quia isti exierunt in pugnam contra tribum Iudæ, & Simeon, & prostrati sunt. *Inueneruntque Adonibezec in Bezece.* Adonibezec est nomen regis, & erat rex Bezece. Aliqui scribunt Adonisedec: sed litera occupata est. Nam Adonisedec erat vnus de quinque regibus, quos fecit latere Iosue in spelunca, & postea suspendit die, qua stetit sol. Iosue decimo cap. Eratque Adonisedec rex Ierusalem, ut patet ibidem. Potest autem Adonibezec esse nomen commune compositum ex proprio, & appellatiuo, & interpretatur dominus Bezece, quia Adon, vel Adoni est dominus: & est sensus, quod inuenerunt dominum Bezece in vrbe Bezece. Litera autem nostra accepit Adonibezec, tanquam nomen proprium. *Et pugnaverunt contra eum.* Ipse enim habebat illa decem millia virorum, quæ perierunt in bello in Bezece, & deletus exercitus ipse captus est. *Et percusserunt Chanaanem, & Pherezæum.* Potest intelligi, quod in vrbe illa habitabant Chanaanæi, & Pherezæi mixti, & istos percusserunt. Vel quod Bezece erat ciuitas fortis, & regalis, cum esset ibi Adonibezec, & ob hoc conuenerant ad eam multi de populo terræ de locis non muratis, vel non fortibus: quorum pars erat Chananæorum, & pars Pherezæorum. Sic dicitur de vrbe Iericho, Iosue 22. capi. scilicet, & venistis vsque ad ciuitatem Iericho, & pugnaverunt contra vos viri vrbis ipsius Amorrhæus, Pherezæus, & Chananaus, Hethæus, Gergesæus, & Eueus, & Iebusæus, scilicet, quod in ciuitate illa habitabat pars quedam omnium harum gentium. Vel quod conuenerat de omnibus his gentibus pars quedam ad defendendam urbem Iericho: quia illa erat prima introeuntibus in terram Chanaan. *Fugit autem Adonibezec.* Scilicet videns rex Bezece deletum exercitum suum ab Israelitis fugit, ut euaderet in alijs locis terræ suæ. *Quem secuti comprehenderunt.* Cognouerunt eum fugisse, & persecuti sunt eum, ne iterum colligeret exercitum contra Israelitas, & infestaret eos. *Cæsis summitatibus manuum eius, ac pedum.* Id est extremitates digitorum omnium per loca, in quibus firmantur vngues: quo facto tam manus, quam pedes redduntur ad omnia inutiles. In Hebræo dicitur. *Cæsis pollicibus manuum & pedum.* Nā ponitur hic beonoth, quod signat pollices, & hoc est singulare signans pollicem. simile patet Exo. 29. & Leuit. 8. ubi agitur de vnctione sacerdotum, & dicitur, quod deberet tingi sanguine extremitas auriculæ, & pollices manus, & pedis dextri: & ponitur boen, id est pollex in hebræo, & est singulare huius nominis beonoth, quod hic ponitur, & ad idem redit. Nam pollices sunt summitates manuum, & pedum cum sint extremi digiti. Vel forte Ieron. sic transtulit, quia apud hostes erat consuetudo, quod cederentur non solum pollices, sed etiam extremitates omnium digitorum: & putauit hoc vel le literam Hebraicam, licet decurtatè exprimeret.

Error quorundam penes hoc nomen Adonibezec

B 2 Quare



*Quare Israelitę amputarunt regi Adonibezec partes has pedum, & manuum. Quęst. VII.*

**Q**UÆRET aliquis, quare Israelitę amputauerunt Adonibezec partes has. Aliquis respondebit, quod fortę fecerunt ad opprobrium regis huius, ut videret se turpiter mutilatum. Sic enim Naas rex Ammonitarum voluit mutilare Iabefones ad opprobrium, dicens: in hoc feriam vobiscum fędus, ut eruā oīum vestrum oculos dexteris: ponāque vos opprobrium vniuerso Israel, ut patet 1. Reg. 11. Aliter respondet historia scholastica, & Andreas, l. q. hoc factū est, ut redderetur inhabilis Adonibezec ad arma, quia abscisis his partibus homo non potest lanceam, aut aliud genus armorum manu tenere. Sed hoc non multū stat, quia Israelitę cōprehendentes Adonibezec erant occisuri eum, vel mancipaturi ęterno carceri, ad qđ nihil referrebat, quod esset ad arma inutilis. Respondendū igitur, quod istud fuit factum sic propter duo. Primō, quia Deus mouebat Israelitas ad sic faciendū, ut iste pateretur in eo, in quo deliquerat. Sic enim confessus est Adonibezec, quando inflicta fuit ei ista punitio, & putauit, quod a Deo proueniret, dicens: septuaginta reges amputatis manuum, & pedum summitatibus colligebant sub mensa mea ciborum reliquias: sicut feci, ita reddidit mihi dominus. Secunda ratio fuit ad diligentem custodiam. Nam Israelitę volebāt tenere captum Adonibezec, & non occidere illum ad maiore vindictā, & ut nō posset fugere, amputauerūt ei extremitates, pedum. s. digitorum, quia illis abscisis nemo potest pedē in terra figere. Etia si dicamus solos polices abscisos, idem sequitur, quāquam non tam efficaciter. Summitates aut manuum præcisę sunt, vel pollices, ne posset arma manu tenere ad se occidendum præ tædio, vel ad occidendum aliquem de Iudæis de desperatione, ut ipse occideretur. Sicut Codr<sup>9</sup> rex Atheniensis, quendā de hostibus falce percussit, ut eum in mortem suam excitaret, ut ait Valerius lib. 5. & Virgilius meminit huius sexto Aeneidos. Et satis apparet ista positio, quia nunc comprehenderunt Israelitę Adonibezec fugientē, ideo ne amplius fugere posset, præciderunt summitates. Dixitque Adonibezec. Hic cognoscit Adonibezec dei prouidentia, s. quomodo ei pro iniquitatibus suis conlimiles penas reddit. Septuaginta reges amputatis manuum, & pedum summitatibus. Scilicet, quia ipse Adonibezec fecerat hæc illis amputari. In Hebræo ponitur. *Amputatis pollicibus.* Ponit tamē Ieronymus semper summitatibus ex causa supra assignata. Item quia dicitur infra, q. mortuus est Adonibezec in Ierusalem. Si tamen non fuissent amputati nisi soli pollices, nō mortuus fuisset ex hoc: videtur ergo, q. amputauerūt summitates manuum, & pedū. s. oēs digitos, & tunc fortę multus sanguis effluxit, & inde mortuus est in Ierusalem. Colligebant sub mensa mea ciborum reliquias. In Hebræo solum ponitur colligebant, sed quia satis patet, quod subintelligi debeat aliquid de cibis, Ieron. suppleuit illud: iste faciebat magnam crudelitatem mutilando sic reges, & cogendo eos sub mensa sua sicut catulos micæ colligere, quod nomen regium, quod sibi, & illis commune erat, non honorabat: eratq. stultus nimis, quia ad inanem gloriam tot reges mutilauerat, ut poneret eos sub mensa sua.

*Quomodo Adonibezec potuit congregare tot reges ad comedendum micæ sub mensa sua. Quęst. VIII.*

**Q**UÆRET aliquis, quomodo Adonibezec potuit congregare tot reges ad ponendum sub mensa sua. Respondendum, q. reges vocantur hic illi,

**F** qui reguli fuisse: Nam apud antiquos multi imponebant sibi nomen regium, & diadema, etiam si vnū opidum solum possiderent. Sic patet de regibus terrę Chanaan, qui erant valde multi. Nam terra non erat valde magna: & tamen Iosue occidit in illa 31. reges, ut nominantur Iosue 12. & manebant adhuc plurimi. Ita Adonibezec cū esset potens in terra illa, potuit pugnam habens contra Cananeos de terra illa colligere tot regulos, & mutilatos sub mensa sua cogere ad micæ colligendum. Vel fortę de eodem loco multos reges habebat, qui per successionē deuenierunt in manus eius. Vel si regē alicuius loci cepit: & constituēs illum, alium quoq. infidelē sibi, & rebellantem inuenit, accipiebat illum cū præcedēte, & sic multos colligere poterat regulos. Sic fecit Nabuchodonosor duobus regibus de Ierusalem. Nam primō capit Ioachim 4. Re. 24. Postea autem institut<sup>9</sup> est Sedechias. Et quia ille erat infidelis regis Babylonis, cepit eum, & duxit in Babylonem 4. Reg. 25. *Sicut fecit ita reddidit mihi Dominus.* Hic cognouit se peccasse mutilando reges, & tenendo sub mensa sua: & cognouit Deum esse prouidentem in actibus humanis, penas & præmia conuenientia singulis compensantem. Nam licet isti Gentiles non cognoscerent quis erat deus, ille, qui vniuersi vices temperabat, scilicet an esset De<sup>9</sup> Hebręorum, vel aliquis alius: tñ plurimi illorum credebant Deum aliquem esse habentem regimen super omnia hæc. Et quia virtus huius Dei erat cognita, & nomen incognitum, aliqui de gentibus honores magnos illi impendebant, profitentes se honorare ignotum deum. Hoc potissimē fecerunt Athenienses; qui cū essent viri doctissimi, cognouerant Deum quendam esse excellentissimum omnium mūdānorum agentem curas, & illum dignū honore magno duxerunt: & inter ceteros Deos suos ei aram celebrem constituerunt in Ariopago, & erat titulus arę (Ara dei ignoti) ad quā cū venisset Paulus, & inquisiuisset quid de Deo illo profiteretur Athenien. dixit illum esse Deum, quem ipse predicabat, & ipsi inscii eū colebāt, ut patet Act. 17. cap. *Duxeruntque eum in Ierusalem.* Per anticipationē legendum est; nam nondum capta erat Ierusalem, ut infra patet, sed est sensus, quod duxerunt Israelitę secum captiuum in exercitu, & ceperunt post urbem Ierusalem, ibi autem accidit mori Adonibezec, qui portabatur. *Et ibi mortuus est.* Scilicet quia contigit eū mori ex vulnere manuum, & pedum: & hoc dum essent Israelitę in Ierusalem expugnata illa. Vel aliter. s. q. Israelitę miserunt Adonibezec in Ierusalem, ut ibi perpetuo carceri manciparetur: vbi post aliquantum tempus morbo incidenti, vel ex inflictis vulneribus mortuus est: Sed primum rationabilius est.

*An peccauerint Israelitę seruando regem Adonibezec viuum. Quęst. IX.*

**Q**UÆRET aliquis an peccauerunt Israelitę seruando regem Adonibezec viuum. Aliquis dicit quod sic: Nam ex hoc peccauit Saul, & priuatus est regno, quia regem Agag Amalechitarum reliquit viuentem contra mandatum Dei, primo Regum decimo quinto. Item iussum erat, quod de Chananeis nullum omnino viuere permetterent Israelitę sub aliqua conditione pacis, tributū, vel seruitutis, ut patet Deuteronomij vigesimo capitulo. Adonibezec tamen erat Chananeus: ergo peccabant eum dimittendo viuere. Respondendum, quod non peccauerunt dimittendo eum viuum, quia non dimittebant eum, ut viueret, sed dimiserunt ei aliquid de vita modicū, scilicet infligentes ei vulnera, ex quibus non post multum tempus mori deberet. Vel habentes voluntā-

Athenien.  
Deo igno  
to aras cō  
stituerūt.



luntatem occidendi illum nō post multum tempus, vel tenendi eum captum perpetuū ex aliqua causa nō in fauorem eius, sed magis ad amaritudinem. Cum obicitur, quod peccauit Saul, quia reliquit uiuentem Agag. Respondendum, q̄ non est simile, quia ille reliquit eum voluntate donandi ei vitam misertus illius: & hoc erat contra iussu Dei, qui dixerat, quod non moueretur misericordia, nec parceret oculus eius. 1. Reg. 15. cap. Israelitæ autem nunc non habebant uoluntatem relinquendi uiuum Adonibezec ex misericordia, quia iam inflixerat ei vulnera, ex quibus mortuus est non multo post. Et quia non tenebantur ad occidendum eum illico, ut eum apprehenderunt, sed solum, ut non misererentur eius, non peccauerunt, quia nō miserti sunt ad hoc ei, q̄ uitā donarent. Ad secundum, cum dicitur, quod peccauerunt, quia iubetur Deute. 20. quod occidantur Chananæi: dicendum, q̄ non egerunt contra istud præceptum, quia occiderunt illum, licet non immediate.

*An peccassent Israelitæ si capientes Adonibezec non occidissent eum. Quæst. X.*

**Q**UÆRET aliquis, an peccassent Israelitæ si capientes Adonibezec non occidissent eum, nec habuissent uoluntatem occidendi, sed uellent tenere eum in carcere tota uita. Respondendum, quod lex iubebat, quod Israelitæ occiderent Chananæos gladio, & non permitterent eos uiuere sub aliqua conditione, si autem ipsi non occiderent eos, sed tenerent captos, ut per ipsos morerentur, non implebant legem Dei, ideo uidebantur peccare. Sed dicendum, quod aut aliqua causa suberat, ut hoc fieri deberet: ut potest si per captionem alicuius non occidendo ipsum excusarentur aliqua bella Iudæis dura, vel inducerentur alia bona in populo Iudaico, poterat Iudæi tenere aliquos Chananæos carcere mancipatos non occidendo illos, dum tamen non donarent eis totaliter uitam, quia ipsi poterant facere quodcunque, quod non esset directè contra legem Dei ad utilitatem politię suę. Si tamen nulla causa subest ad mancipandum istos carceri, aut mancipabant intentione nunquā occidendi eos, sed q̄ ipsi morerentur se, aut uoluntate occidendi eos post aliquantum tempus. Si primo modo peccabant, quia agebant contra legem sine causa: si autem uellent de tinere eos ad tempus, & postea occidere, etiam si non subesset ad hoc aliqua causa, sed sola uoluntas, non peccabant, quia lex non obligabat ad occidendum Chananæos, statim ut caperent, sed ad aliquando occidendum.

*An peccauerint Israelitæ scindendo summitates manuum, & pedum regis Adonibezec. Quæst. XI.*

**Q**UÆRETUR ulterius, an peccauerint Israelitæ sic mutilando regem Adonibezec. Aliquis dicit q̄ sic, quia confessus est ipse se malè egisse, quia mutilauerat septuaginta reges, & cogebat eos comedere sub mēsa sua micæ: Iudæi autem ista faciebant, ergo peccabant. Respondendum, q̄ non peccauerunt, quia ipsi poterant eū iuste occidere, imò tenebatur, quia Chananæus erat. Ideo q̄ ei infligerent vulnera illa nō peccabant, præsertim quia Deus mouit eos ad faciendum illud, ut Adonibezec pateretur in eo, in quo peccauerat. Ipse autem Adonibezec peccauerat mutilando illos reges, eo q̄ ipse egerat ad inanem gloriam, & tenuerat eos per tyrannidem, vel in bello iniusto: ideo Iudæi sibi iuste intulerunt, quod ipse aliis iniuste inflixerat. Oppugnantes ergo filij Iuda Ierusalem ceperunt eam. Ista erat ciuitas Iebuseorum, & erat de principalibus in tota terra Chanaan: Hic sunt duo dubia. Primum est an Ieru-

Alph. Toft. super lib. Iudicum.

**A** Ierusalem fuerit filiorum Iudæ, vel Benjamin. Cū hic ponatur, quod filij Iuda deleuerint eam, & alibi legitur pertinere ad Benjamin. Secundum est, an Ierusalem capta fuerit nunc, vel tempore Iosue, de quo habetur Iosue 15. de ambobus respondēbitur infra cū dicetur de filiis Benjamin. *Et percusserunt in ore gladij.* Scilicet occideres gladio omnes, tam magnos, quam paruos, viros & feminas existentes in illa, eo q̄ non poterat permittere aliquem vitare de gente Chananæorum, Deute. 20. *Tradentes cunctam incendio ciuitatem.* Intelligitur hoc de parte plana urbis. Nam fortalicium, quod uocatur mons Syon, non fuit captum usque ad tempora Dauid: ut patet secundo Reg. quinto, & j. Paralip. 11.

*Quomodo filij Iuda combusserunt totam Ierusalem. Quæst. XII.*

**Q**UÆRET aliquis, quomodo filij Iuda combusserunt totam Ierusalem, & cur. Nam uidetur, q̄ non fuerit combusta, cū dicatur, q̄ habitauerunt in ea filij Benjamin. Aliquis respondebit, q̄ factum est hoc, quia Israelitæ non poterant replere urbem istam, nec habitare in ea: & ut non uenirent Chananæi ad habitandum ibi, & iterum infestarent eos. Sic enim factum est Iosue 11. cap. Nam omnes ciuitates, quæ capiebantur, & erant in locis planis, cremabantur, & diruebantur, & relinquebantur illæ, quæ erant in collibus, & montibus, quia istæ poterant defendi, & illæ non. Et si relinquerentur illæ, redirent ad eas Chananæi. Sed dicendum q̄ hoc non stat, quia illud faciebant Israelitæ, quando fortes erant indiuisæ, & putabant Israelitæ, q̄ non possent implere terram, quia pauci erant: quia tamen habebant multos hostes, pugnabant contra eos, ut pauci efficerentur, & postea cremabant ciuitates eorum. Nunc autem diuisis sortibus, quilibet tribus pugnabat contra hostes qui erant in sorte sua, ut haberet locum, per quem extenderetur, sicut filij Ephraim non potentes capi in sorte sua petierunt maiorem locum, & Iosue iussit q̄ pugnarent contra hostes, Iosue 17. cap. Ideo non incenderent ciuitates tanquam non potentes replere illas. Sed dicendum uidetur, q̄ filij Iuda pugnabant contra Iebuseos, & illi defendebantur intra urbem in aliquibus magnis edificijs. Ut ergo possent filij Iuda totam urbem delere, exclusis hostibus, succenderunt eam: & sic compulerunt omnes Iebuseos confugere ad fortalicium montis Syon: quibus effugatis potuerunt Israelitæ fabricare domos, in quibus habitarent. *Et postea descendentes.* Scilicet ab Ierusalem ad aliam terram magis meridianam, ad quam est descensus ab Aquilone. *Pugnauerunt contra Chananæum, qui habitabat in montanis.* Id est contragentem Chananæorum habitantem in locis montanis, & arduis. Ista erat pars montana sortis Iudæ. Nam in hac erat terra montuosa, sic patet Luc. 1. c. Et factus est timor magnus super omnes uicinos eorū, & super omnia montana Iudæ. Erat autem ista pars montana contra Iordanem. Et ponuntur aliquæ ciuitates. Iosue 15. quæ dicuntur esse in monte, & deserto Iudæ. *Et ad meridiem.* Id est etiam ad partem meridianam Ierusalem erant Chananæi, contra quos pugnauerunt filij Iudæ. Et dicitur ad meridiem ad differentiam montanæ, quæ erat ad partem orientalem Ierusalem uersus Iordanem, ut dictum est. *Et in campestribus.* Loca campestria uocantur illa, quæ non sunt multum plana. Nam distinguuntur tres modi terræ, scilicet plana, campestria, & montana, ut patet Iosue 11. montana uocatur, quæ totaliter est excelsa, & prærupta: plana uocatur, ut ualles & alia loca æqualia: campestria uocantur loca aequaliter montuosa, ut descensus montium.

B 3 Per.



Pergensque Iudas contra Cananæum, qui habitabat in Hebron, cuius nomen fuit antiquitus Cariatharbe, percussit Sesai, & Haiman, & Tholmai: atque inde profectus abiit ad habitatores Dabir, cuius nomen vetus erat Cariathsepher, idest ciuitas literarum. Dixitque Caleb: Qui percussit Cariathsepher, & vastauerit eam, dabo ei Axam filiam meam uxorem. Cunque cepisset eam Othoniel filius Cenez frater Caleb minor, dedit ei Axam filiam suam coniugem. Quam pergentem in itinere monuit vir suus, ut peteret a patre suo agrum. Quæ cum suspirasset sedes in asino, dixit ei Caleb: Quid habes? At illa respondit: Da mihi benedictionem, quia terram arenam dediisti mihi: da & irriguam aquis. Dedit ergo ei Caleb irriguum superius, & irriguum inferius. Filij autem Cinei cognati Moyfi ascenderunt de ciuitate palmarum, cum filiis Iuda in desertum sortis eius, quod est ad meridiem Arad, & habitauerunt cum eo. Abiit autem Iudas cum Simeone fratre suo, & percusserunt simul Chananeum, qui habitabat in Sephaath, & interfecerunt eum. Vocatumque est nomen vrbis Horma, idest, anathema. Cepitque Iudas Gazam cum finibus suis, & Ascalonem, atque Accharon cum terminis suis. Fuitque dominus cum Iuda, & montana possedit: nec potuit delere habitatores vallis, quia falcatibus curribus abundabant. Dederuntque Caleb Hebron sicut dixerat Moyses: qui deleuit ex ea tres filios Enac. Iebuseum autem habitatorem Ierusalem non deleuerunt filij Benjamin, habitauitque Iebuseus cum filiis Benjamin in Ierusalem usque in presentem diem. Domus quoque Ioseph ascendit in Betel, fuitque Dominus cum eis. Nam cum obsiderent urbem, quæ prius Luza vocabatur, viderunt hominem egredientem de ciuitate, dixeruntque ad eum: Ostende nobis introitum ciuitatis, & faciemus tecum misericordiam. Qui cum ostendisset eis, percusserunt urbem in ore gladii: hominem autem illum, & omnem cognationem eius dimiserunt. Qui dimissus abiit in terram Hetthim, & edificauit ibi ciuitatem, vocauitque eam Luzam, quæ ita appellatur usque in presentem diem.

2. Paral. 2.

Iosue 15.

Iosue 15.  
11. q. 36. c.  
nolue.

Hebrō q<sup>d</sup> sit. Pergensque Iudas, scilicet tribus Iudæ, & Symeon, quia ambæ simul ibant ad pugnandum. Contra Chananeum, qui habitabat in Hebron. Ista ciuitas est gloriosissi-

ma inter ciuitates sortis Iudæ. Est enim metropolis, in qua fuit regnum Dauid annis septem, & mensibus sex, ut patet secundi Reg. 2, & 5. de hac urbe multa dicta sunt Iosue 11. & 12. In hac habitabant gigantes, quos expugnauit Iudas. Cuius nomen fuit antiquitus Cariatharbe. In Hebræo habetur. Cuius nomen fuit primò. Et ad idem redit. vocatur Cariatharbe, idest ciuitas quatuor secundum interpretationem Hebraicam: & hoc quia fuerunt ibi sepulti quatuor Patriarchæ, scilicet Adam primus, & Abraham, & Isaac, & Iacob. Sed dicit aliquis quomodo potuit ab antiquo vocari Cariatharbe? Ab antiquo illa ciuitas erat in potestate Chananeorum, qui non vrebantur idiomate Hebræo: præsertim, quia etiam si illud nouissent, non curarent nominare quatuor prophetas, quia non erant apud eos aliquis honoris. Respondendum est, sicut declaratum est Iosue 14. cap. Vel dicendum, quod hoc, quod dicitur antiquitus, non refertur ad tempus, quo ista terra erat in potestate Chananeorum, & illud tempus esset antiquum respectu introitus in terram: sed refertur ad scriptorem libri huius, scilicet quod tempore suo non vocabatur Cariatharbe, sed Hebron: tamen antiquitus, idest postquam introierunt Israelitæ in terram Chanani, aliquanto tempore vocata est Cariatharbe, & impositum fuit ei istud nomen Hebraicum. Percussit Sesai, & Haiman, & Tholmai. Isti erant tres gigantes in urbe Hebron, quos Israelitæ timuerunt nimis, & propter hoc facta est murmuratio in Cades arne, quando exploratores dixerunt, quod viderant quædam monstra filiorum Enac, quibus comparati videbatur locustæ, Nume. 13. cap.

An pugna contra Hebron, & Dabir fuerit facta per Iosue, vel per Caleb. Quæst. XIII.

QVARET aliquis de his, quæ dicuntur hic de pugna contra Hebron, & Dabir, an fuerit facta per Iosue, vel per Caleb, & filios Iuda. Aliquis dicit, quod facta est per Iosue, quia Iosue 10. cap. dicitur de Hebron, quod ascendit Iosue de Eglon in Hebron, & pugnavit contra eam, cepitque, atque percussit in ore gladii regem eius, & omnia oppida regionis illius, nec reliquit in ea vllas reliquias. Aliqui respondēt, quod Iosue primò cepit urbem Hebron, & deleuit: non tamen accepit gigantes tres, qui habitabant in ea. Ideo postea potuit Caleb redire in mortuo Iosue, cum toto Iuda, & pugnare contra illos tres gigantes. Sed hoc non videtur stare, quia dicitur in littera, quod Iosue non reliquit in ea vllas reliquias, ergo nec manserunt gigantes. Responderi potest, quod intelligendum est de ciuitate plana, quod ibi nullus relictus est, tamen ad arcem vrbis multi confluxerunt, de quibus fuerunt illi tres gigantes, contra quos pugnans postea Caleb cum viris Iuda occidit illos. Sic fuit de Ierusalem, de qua dicitur in littera, quod filij Iuda vastauerunt incendio cunctam ciuitatem, & deleuerunt eam in ore gladii. Manifestum tamen est, quod non incenderunt arcem Ierusalem, nec vastauerunt gladio manentes ibi: sed manserunt ibi Iebusei usque ad tempus Dauid. Sed adhuc obicietur, quia Iosue vndecimo dicitur, quod in illo tempore venit Iosue, & interfecit Enacim, idest gigantes de monte Hebron, & Dabir, & Anab, & de omni monte Iuda, & Israel: vrbesque eorum deleuit, non reliquit vllum de stirpe Enacim in terra Israel: ubique ciuitatibus Gerh, Gaza, & Azoto. Ergo non solum occidit reliquum vulgus de urbe Hebron, sed etiam occidit gigantes. Dicendum quod Caleb ista fecit, sicut patet Iosue 15. Est tamen intelligendum, quod dicatur tecisse omnia hæc Iosue, non quod ipse ea fecerit, sed quia plura eorum sub ducatu suo facta sunt, & talia ei imputantur, vel paulo post facta sunt, & propter hono-



honorem magnum eius ascribuntur ei, quia oīa in eodem tempore videntur facta. Alioquin videtur impossibile saluari scriptura qñ contrarietur, sicut dicitur de Hebron, ita de Dabir intelligendum est. Nam Iosue cap. 10. dicitur, q Iosue de Hebron ascendit in Dabir, & cepit eam, & vastauit: regem quoq; eius, & oīa per circuitum oppida percussit. Quod intelligatur nō fuisse factum tempore Iosue vel ab ipso: sed per Caleb, & Othonielem. Attribuitur tamen Iosue, quia facta sūt hęc quasi in ducatu suo, sicut oīa, quę faciunt subditi, ascribuntur dominis.

*An hac pugna fuerit facta ante Iosue vel post mortem. Quæst. XIIII.*

**Q**UÆR ET vterius, dato quod facta fuerint ista per Caleb, & filios Iuda, & non per Iosue, an fuerint facta viuente Iosue, quia ponuntur hęc Iosue 15. Hic autem ponuntur per recapitulationem, sicut sepe fit recapitulatio in scriptura. Sed dicendum, q non fiat, quia hic in princ. cap. huius dicitur, quod post mortem Iosue & ceter. & continuatur totum hoc sub eodē contextu, & satis apparet ex cōtinuatione litere, quod oīa ista bella fuerint facta eodem tēpore. Sed prima, q narrantur hic necesse est fuisse post mortem Iosue. Ergo etiā oīa hęc de Dabir, & Hebron erunt post mortem Iosue. Cū autem dicitur, q ista ponūtur Iosue 15. Dicendum, q ponuntur per anticipationem. Scriptur enim libri huius non seruauit ordinem naturalē narrando, sed artificialem: & cū vidit alicui rei enarratę aliquid conuenire quāquam tempus illud non pateret, enarrabat illud: vnde Iosue 15. cū ageretur de vrbibus fortis Iudę, & Hebron, & Habir, quę pertinebant ad sortem Iudę, egit ibi de illis. In quo considerandum, q in quatuor locis repetitur ista eadem historia, scilicet Iosue 10. & 11. & 15. & hic in primo loco. Rō fuit, quia ibi ponebantur omnes ciuitates insignes, contra quas pugnavit Iosue, vel contra quas sub ducatu suo pugnatum est, & quia Hebron, & Dabir erant duę vrbes famosę, quamquam non fuerint capte eo viuente, ascribuntur ei, quia paulō post fuerunt. In secundo loco ponuntur istę duę vrbes, quia ibi agitur de deletione gigantum. Et quia in vrbe Hebron & Dabir erant gigantes, quāquam illos non occideret Iosue, fecit mentio, quia videretur pertinere ad ducatum suum. In tertio loco ponuntur, quia ibi enarrātur oēs ciuitates fortis Iudę: & quia Hebron, & Dabir pertinebant ad illam tribum, dictum est, quo modo acquisitę sunt de manu hostium. Hic autem ponitur de eis, quia hic fuit locus proprius, s. quia nūc filij Iuda pugnantes contra hostes tribus suę, caperunt istas duas vrbes. Causa autem anticipationis, & recapitulationis in his omnibus est, quia scriptor fuit multo tempore post rem gestam, & potuit mutare res iuxta arbitrium suum, vt ei visum est expedire rebus enarratis: quod satis interdum legētium aīos turbat. In Hebręo habetur hic. *Percusserit Cohmai, Hayman, & Sirai.* Scilicet filij Israel, qui ibāt cum Caleb, vel Iudas, & Simeō percusserunt: quod tamen litera dicit Iudas pergens: dixit litera nostra ad conuenientiam percussit. In Hebręo autē idiomate ex barbarie eius nō seruantur interdum numeri, nec personę. *At inde perfectus.* Scilicet Iudas perrexit de Hebron, postquam deleuit habitatores eius. *Abijt ad habitatores Dabir.* Iuit de Hebron in Dabir: eo quod istę vrbes erant propinquę, s. ambe in montanis Iudę erant. sic patet Iosue 11. In illo tempore venit Iosue, & interfecit Enacim primo gigantes de mōtanis Hebron, & Dabir, & Anab, & de omni mōte Iuda, & Israel. *Cuius nomen vetus erat Cariathsepher.* Scilicet q nominabatur apud Hebręos ab introitu in terram Canaan Cariathsepher: & istud erat tempus

Alph. Toft. super Iudicum

**A**ntiquū respectu scriptoris huius libri, qui fuit Samuel, postea abolitum est nomen vrbis, & vocata est Dabir. Sed aliquis dubitabit de nomine Cariathsepher, quomodo potuit esse antiquum, quia est Hebręum: & non potuerūt Chananæi ante introitum Israelitarum imposuisse illud. Respondendum est, sicut respōsum fuit Iosue 14. & 15. de Hebron, quod vocabatur antiquitus Cariatharbe. Vel aliter, q nomen vetus non vocatur hic illud, quo utebantur Chananæi ante introitū Israelitarū, sed nomen Israelite, quo ab initio ingressus fuisset, & istud fuit Cariathsepher. Nā mutato noīe, quod apud Chananæos fuit, imposuerūt nomē secundum cōsuetudinem linguę suę Hebręę: & istud fuit Cariathsepher: sed quia post abolitum erat, & tēpore scriptoris huius vocabatur Dabir, dixit scriptor, q nomē antiquum erat Dabir. *Idest ciuitas literarum.* Istud non est in Hebręo, sed est expositio nominis posita a translatores. Nam Cariathsepher est nomen compositum de quiriath, idest ciuitas, & Sepher, idest liber: sed litera nostrorum interpretum dixit ciuitas literarum, quia ornatus est. Hic est vnum dubium, s. quare vocat Dabir ciuitas literarū, de quo vide, qd diximus Iosue 15. Etiam dato, quod dicamus literas fuisse inuentas in vrbe Dabir, quę literę illę esse poterant, declaratum, est eodem c. Rabbi Dauid Chimhi dicit quod Dabir vocabatur olim Cariathsepher, idest ciuitas literarum quia Dabir in idiomate Persico significat id, quod Cariathsepher, s. scholam. Sed hoc non stat. Nam licet contingat, quod Dabir apud Persas idem sit, quod Cariathsepher apud Hebręos: tamen non est verisimile, q a principio Hebręi imposuerunt nomen idiomatis sui illi vrbi, scilicet Cariathsepher, & imposerent nomē Persicum ad significandum. Sed dicendum, q Cariathsepher apud Hebręos fuit nomen antiquū, postea vero ipsimet mutauerunt, & imposuerunt nomē proprium Dabir, quod apud Hebręos nihil signat: sicut nomina propria locorum apud nos raro significāt aliquid, sed voces impositę ad placitum pro locis illis. *Dixitque Caleb: qui percusserit Cariathsepher.* Ex hoc patet, quod Caleb erat dux belli, cū proposuerit capienti prēmium vrbe, contra quam pugnabatur. Vel, vt alii volunt, Cariathsepher erat ipsius Caleb, sicut Hebron, non solum visus est petere eam, sed etiā Dabir, & Anab: quia dixit da mihi montem istum, in quo Enacim sunt vrbes magnę, atque munitę, si forte poterō delere eos, Iosue 14. Sed primū verisimilius est, eo quod scriptura nunquam postea commemorat aliquam vrbe datam Caleb nisi Hebron. *Qui percusserit Cariathsepher, & vastauerit eam.* Non intelligitur, q aliquis de Israelitis deberet percutere vrbe, idest oēs habitatores vrbis, & vastare eos delendo, s. totaliter, quia hoc non posset quisquā facere, sed intelligitur de illo, qui primō irrumperet in vrbe, & inciperet occidere viros vrbis. Simile fecit Dauid: proposuit. n. prēmium ei, qui primo tangeret fistulas domatum, & percuteret Iebusæū, q fieret principes belli, vt patet 2. Re. 5. & primo Paral. 11. hoc satis patet, quia Caleb cum toto exercitu peruenerat in Dabir: ideo non est verisimile, q vnus vir permetteretur pugnare cōtra vrbe, etiam si secum alios collegas haberet. Sed intelligitur de existentibus in acie, quis prior irrumperet in hostē. *Dabo ei Axam filiam meam vxorem.* Istud proposuit Caleb tanquam magnum prēmium, putans quod quilibet de Israel satis conaretur ad irruptionem vrbis, vt haberet Axam in vxorem. Hoc autem, quia illa erat filia ducis Iuda: non enim erat tunc in tota tribu Iuda aliquis vir tam honorabilis. Hic est vnum dubium, scilicet. An ex hac promissione Caleb, teneretur Axa suscipere in virum illum, qui percussisset Dabir. De quo responsum est Iosue 15. capit. *Cumque cepisset*



eam Othoniel. Iste fuit postea Iudex primus in Israel, & liberauit Israelitas de manu regis Mesopotamie; infra 3. cap. *Filius Cenez*. Aliqui volunt, Cenez esse nomē viri patris, & alij nomen matris Othoniel, & ab illo vocatur Iosue Cenezeus. Andreas vult autē, quod Cenez, nō sit nomen progenitoris immediati, sed alicuius distantis. *Frater Caleb minor*. Idest inter omnes fratres Caleb minor erat Othoniel, & exprimitur hoc, quod erat frater Caleb ad significandum quomodo non obstante propinquissima cognatione, accepit in uxorem Axam filiam Caleb. *Dedit ei Axam filiam coniugem*. Quia promiserat, & noluit infringere promissionem: quia forte iuramento vallata fuerat. Hic est vnum dubium, scilicet an peccauerit Caleb dādo filiam in uxorem fratri suo, & an peccauerit Othoniel suscipiendo eam, & Axa consentiendo se illi copulari: de quo responsum est Iosue decimo quinto capit. *Quam pergentem in itinere monuit vir suus*. Illud non fuit immediate post captam urbem, sed aliquanto tempore post. Interponitur tamen hic, quia non fuit alius locus conueniens ad interponendum illud, cum arbitram non tractetur de Caleb, Othoniele, & Aza. Et ista est causa anticipationis, & recapitulationis sepius in scripturis, scilicet vt res pertinentes ad eandem materiam non ponantur seorsum, & dispersim, ita vt sensum turbent, colliguntur simul, & ponuntur ante tempus suum vel post, ita vt dum vult scriptor euitare narrationis obscuritatem ex dispositione rerum ad idem pertinentium, inducit legentium perturbationē ex mutatione temporum. Melius tamen fuit incidere in secundum euitando primum, quā ē contrario. Ideo scriptura modum istum tenuit: nec solum in sacra scriptura hoc fit, sed etiam in secularibus historiis hoc seruatur. In Hebræo habetur. *Quæ pergens in itinere monuit virum suum*. Scilicet quod ipsa suāsit viro, quod peteret a Caleb. Litera tamen nostra posuit, quod vir monuerit eam, eo quod sequitur infra, quod ipsa petierit: & hoc verisimilius est. Litera tamen Hebraica est barbara nimis, & interdum ponit masculinum pro feminino, & interdum ē contrario. Sic patet Exo. trigelimo secundo vbi ponitur in Hebræo *Anoua guedola*: vbi litera nostra dicit, peccastis peccatum maximum: tamen anoua guedola est femininum, ac si quis diceret in Latino, peccastis peccatā maximam. Nā si in Hebræo deberem⁹ ponere per masculinū, vel neutrum, diceretur (anon gadol) idest peccatum magnum. *Vt peteret a patre suo agrum*. Eo quod dotauerat Caleb filiā suā: sed hereditas tradita erat sterilis, scilicet arens, vt patet infra. *Quæ cum suspirasset sedens in asino*. Ipsa ibat equitans per viam, & quia volebat petere suspirauit. In Hebræo habetur. *Quæ cum inclinata fuisset in asino*. Litera tamen nostra posuit suspirasset, eo quod Caleb motus est ad quærendum quid haberet filia ex eo, quod fecit ipsa. Si tamen solum se inclinasset in asino, non fuisset causa motiua ad quærendum quid haberet. Etiam quia ipsa faciebat ista signa, vt conuenirent petitioni suæ. Quod tamen inclinaretur in asino, non faciebat aliquāter ad petitionem suā: ideo non se inclinauit, sed suspirauit. Et cum hoc ad idem redit, scilicet quod inclinauit se in asino, idest fecit quendam motum corporis, qui monstrat sollicitudinem. Et tūc suspirauit. Hoc intendens Ierony. mutauit literā Hebraicā ad explanandum magis. Si tamen velimus dicere secundum literam Hebraicā, poterit dici, quod Axa inclinauit se in asino, scilicet quod ipsa volebat petere aliquid a patre, & quia petentes debent esse suplices, ipsa voluit se inclinare, & exhibuit quendam modum reuerentiæ in asino existens. Et tunc videns pater, quod humiliaretur, & nesciens ad quid hoc esset, dixit ei. Quid habes?

Anticipationis causa, & recapitulationis in sacris literis.

Quare Axa suspirauit antequam peteret a patre suo agrum. Quæst. XV.

**Q**VAERET aliquis, quare Axa suspirauit, antequam peteret. Respondendum, quod ipsa volebat petere agrum, ad quod voluit tenere modum artificiosum, & visum est, quod deberet suspirare. Proficiebat autem suspirium ad tria. Primo ad reddendum animum patris attentum. Nam in petendo non paruas habet vires eorum, a quibus petitur ad audiendum saltem attentos fore animos. Nam vbi attentio nō est, persuasio quāquā efficacissima locum nullum habet. Cum autem vidit Caleb filiam suspirantem putans aliquid magnum esse, attendit quid dictura foret. Secundo fecit hoc, vt tolleretur sibi verecundiam. Nam quod ipsa inciperet petere nullo precedente verbo patris sui, erat sibi magnus rubor, ideo voluit inducere patrem, vt prius loqueretur, & sic auferretur illi materia erubescendi. Ad hoc autem suspirauit, vt pater inquireret, quid hoc esset, & sic ipsa coepto eloquio posset continuare sermonem, & sic factum est. Nam immediate vt ipsa suspirauit, pater inquisiuit, quid hoc esset. Tercio fecit hoc, quia volebat ostendere animum suū nimis motum ad ea, quæ petebat, vt pater intelligens eam ex magno desiderio petere, facilius condescenderet ad petita. Suspiria autem profunda cordis indicatiua sunt magni desiderij: ideo conueniens erat, quod suspiraret: Nam aliās videretur leui motu hoc velle, & fortassis pater non assentiret. *Dixit ei Caleb, quid habes*. Satis vidit Caleb, quod suspiria ista non erant inutiliter fusa: ideo petiuit, ad quid emitterentur. *At illa*. Idest illa illico subiunxit quasi sumpta iuxta loquendi, & captata opportunitate. *Da mihi benedictionem*. Idest fac mihi gratiam: Benedictio enim significat multiplicationem in rebus: sic patet secundæ Corinthio. non capit. scilicet: Qui parce seminat, parce & metet: qui in benedictionibus seminat, de benedictionibus & metet. Et sic opponitur ibi parcitas, & benedictio: parcitas tamen est auaritia, vel diminutio: ideo oportet, quod benedictio sit liberalitas, vel abundantia: & quia gratia fit ex liberalitate cum non sit gratia, quod ex debito veniat, vt patet ad Romanos vndecimo capitulo, vocatur omnis gratia benedictio. *Quia terram arentem dedisti mihi*. In dotem, scilicet quando tradidit eam Othonieli. Iosue decimo quinto dicitur, terrā australem, & arentem dedisti mihi, & hoc, quia australis pars est sicca. Vel quia ventus australis in terram Chanaan est siccus. *Da & irriguam aquis*. Idest etiam iunge terram, quæ possit irrigari fontibus, vel fluminibus, vt non sit dos mea penitus infructuosa.

Benedictio in rebus multiplicationem significat.

Quomodo petiuit Axa terram irriguam aquis, cum in terra Chanaan nulla talis esset. Quæst. XVI.

**Q**VAERET aliquis, quomodo petiuit Axa terram irriguam aquis. Nam in terra Chanaan nulla talis est. Sic patet Deuteronomij vigesimo primo, cum dixit Moyses ad Israelitas: terra, ad quam ingredieris possidendam, non est, sicut terra Aegypti, de qua existi, vbi iacto semine in hortorum morem aquæ ducuntur irriguæ: sed montuosa est, & campestris de cælo expectans pluuias. Aliquis respondebit, quod Axa non petiuit terram irriguam aquis, scilicet aquis fluuiialibus, vel fontalibus: sed terram, quæ celesti irrigaretur pluuiā. Nam in terra, quam acceperat, non compluebatur. Sed hoc nullo modo stat, quia accipiendo hoc modo irriguum, omnes terræ existentes in regione Chanaan sunt equaliter irriguæ, cum cælū equaliter se habeat ad illas quātū ad emissionem pluuiarū, & non euenit hoc ex conditione terræ.

Item



Item patet hoc magis ex litera Hebraica, quæ dicitur. *Da mihi canales, vel alueos aquarum.* Sed hoc non pertinet ad pluuiam: ideo oportet, quod intelligatur, quod peteret terram irriguam fontibus, vel fluuijs. Dicendum igitur, quod Axa peteret à patre terram irriguam aquis fluuijs. Cum autem arguitur, quod non erat terra Chanaan, sicut terra Aegypti, in qua ducuntur aquæ irriguæ: dicendum, quod inter Aegyptum & terram Chanaan erat magna differentia. Aegyptus quippe cum declinet nimis contra torridam zonam nullas nives habet, pluuias autem rarissimas, ita ut nihil de terræ nascentibus coelesti nutrantur aqua, sed omnia fouentur educta aqua de Nilo. Crescit enim Nilus certis temporibus ad magnam multitudinē, scilicet ad decem, & sex cubitos, & ad viginti, vel minus secundum varietatem annorum super alueum suum. Sunt autem facti aqueductus magni, quasi fluuij, per quos educuntur aquæ, & cum sit tota terra Aegypti plana, facilliter irrigatur illa aqua Nili. Terra autem Chanaan non sic irrigatur propter duo. Primum propter indispositionem terræ; quia non est plana, sicut Aegyptus. Et hoc significauit Moyses, cum dixit in allegata auctoritate: sed montuosa est, atque campestris de celo spectans pluuias. Secunda causa est, quia terra Chanaan non est inops pluuiarū, sicut Aegyptus, eo quod non tantum appropinquat ad torridam zonam, sed habet pluuias, sicut aliæ terræ existētes in tertio, vel quarto, & quinto climatibus. Hoc tamen non obstante in aliquibus locis terræ Chanaā fit irrigatio ad maiorem pullulationem fructuum, vel quia interdum non sunt aquæ copiosæ de coelo. Sic enim fit in alijs locis, quæ sunt in quinto climate, in quibus maior pluuiarum copia est. Et in hoc aliquid est terra Chanaan similis terræ Aegypti. Sic patet Gen. 13. cum dicitur de terra Sodomorum. Eleuatis itaque oculis Loth, vidit omnem circa regionem Iordanis, quæ vniuersa irrigabatur antequam subuerteret dominus Sodomam & Gomorram, sicut Paradisus domini, & sicut Aegyptus. Ergo non erat terra Chanaan totaliter dissimilis Aegypto. Et sic Axa petiuit terram irriguam, ut fecundior esset. Ista enim erat causa, quare terra Iericho est vberior reliqua terra Chanaan, ut ait Solinus in Polyhistor: scilicet quia irrigatur Iordane educto per alueos, cum sit in regione Iordanis, ut patet Gen. 13. *Dedit ei Caleb irriguum superius, & irriguum inferius.* Videns Caleb iuste petiisse filiam, concessit quod voluit. In Hebræo dicitur. *Dedit ei Caleb canales superiores, & canales inferiores, vel inferius.* Quod ad idem redit, quia canalis est aqueductus, & istud pertinet ad omnem terram irriguam. Dicitur autem irriguum superius, & inferius, id est agros irriguos, qui erant supra eos, quos prius concesserat, qui erant arentes: dedit quoque alios agros irriguos infra primos agros arentes. Vel aliter dedit irriguum superius, & inferius, id est dedit ei aliquos agros irriguos in collibus, & alios irriguos in valibus. Et istud magis consonat. *Filij autem Cinai.* Hic ponit aliarum tribuum profectus, postquam dictum est specialiter de profectu Caleb. Et redit historia ad bella facta per tribum Iudæ, de quibus supra coeperat, & postea redit ad ea, quæ fecerunt aliæ tribus, & dicitur. *Filij autem Cinai.* Interponitur de istis, eo quod hic agebatur de tribu Iuda, & isti ascenderunt cum filiis Iudæ in sortem suam, ut hic patet. Sunt autem filij Cinai filij Iethro cognati, vel soceri Moyse, qui vocatus est multis nominibus, scilicet Iethro, ut patet Exod. 18. & Raguel Exo. 2. ubi vocantur septem filia sacerdotis Madian, quarum vnā accepit in uxorem Moyses, & ille erat Iethro. Vocatur etiam Ieter Exo. 4. vocatur etiam Obab Num. 10. vocatur etiam Cin, Num. 24. scilicet si electus fueris de stirpe Cin, id est de stirpe

Terra Chanaan non irrigatur, sicut Aegyptus, propter duo.

Iethro multis nominibus vocabatur.

A Iethro. Et inde vocantur Cinci hic isti posteri Iethro, & infra 4. cap. *Cognati Moyse.* Id est soceri. Non enim erat cognatus eius, sed socer, quia Moyses filiam illius coepit uxorem, ut patet Exo. 2. cap. *Ascenderunt de ciuitate palmarum.* Ista est ciuitas Iericho, quæ vocatur ciuitas palmarum, quia regio omnis circa eam palmis, & vineis, & alijs generibus præciosissimarum arborum referta est, ut eam laudat Solinus in Polyhistor. cap. de Iudæa. Et non est alia ciuitas in terra Chanaan, apud quam palmæ sint. Solebant enim esse in magna copia in valle Sodomorum, ubi erant illæ quinque ciuitates, quarum quatuor infelici incendio conflagraverunt. Postea autem nec signa quidem opulentia illius relicta sunt. Sic enim dicitur Gen. 12. Vniuersa regio circa Iordanem irrigabatur antequam subuerteret dominus Sodomam, & Gomorram, sicut Paradisus domini, & sicut Aegyptus. Quod autem Iericho sit ciuitas palmarum, patet Deut. 34. cap. cum dicitur: Vtique ad nouissimum mare, & australem partem, & latitudinem campi Iericho ciuitatis palmarum vsque; Segor, id est Iericho est ciuitas palmarum, quia ponuntur ista ibi, ut exponens, & expositum.

Iericho quare palmarum ciuitas nuncupetur.

Quomodo Iethro filij in palmarum ciuitatem cum filiis Iudæ se potuerint, cum ipsi non venerint in terram Israel. Quæst. XVII.

QVÆRET aliquis, quomodo filij Iethro potuerint esse in ciuitate palmarum cum filiis Israel. Nam ex hoc videretur, quod Iethro venerit cum Moyse in terram Israel, & duxerit secum cognationem suā. Sed falsum est, quia licet hoc oraret Moyses, non accevit Iethro, ut patet Num. 10. & Exo. 18. Dicitur, quod Moyses dimisit Iethro socerum suum, & dimissus rediit in terram suam. Sic probatum est Num. 10. Respondendum, quod Iethro non venit cum filiis Israel per desertum in terram Chanaan, sed cum steteret in deserto montis Sinai cum Moyse, rediit inde in terram suam Madian, ut ibi moraretur, quia cum ipse esset senex, & sciret Hebræos toleraturos esse multos labores acquirēdo terram de manibus hostium fortissimorum, noluit in senectute sua videre dolorem, & quotidianā sollicitudinem. Nam priusquam veniret tempus fruēdi bonis rebus summa pace compositis, credidit se moriturum: ideo id modicum temporis, quod sibi cōcessum putabat, volebat potius in natali solo tranquille agere inter suos. Cum autem mortuus est, quod fuit ante annum quadragesimū mansionis Israelitarum in deserto: sciens socerum suum, & nepotes principes gentis tam magnæ Hebræorum, cui confidebat omnes hostes subdendos, sicut colligitur ex verbis eius Exo. 18. iussit posteris suis, quod irent cum Israelitis in terram Chanaan, ut ibi susciperent ab Israelitis bonum, quod promiserant facere ipsi, ut patet Num. 10. scilicet. Quidquid optimum fuerit in opibus, quas dominus Deus noster traditurus est nobis, dabimus tibi. Cuius iussa explentes, sepulto patre in terra Madian, tota cognatio venit ad Israelitas manentes in deserto, & ibi fuerunt cum eis quousque introirent in terram Chanaan, & tunc coeperunt habitare Cinai in ciuitate palmarum. Vel fortè dicendum, quod filij Iethro habebant animum manendi in terra Madian, in qua fuerant progenitores sui, postea tamen anno quadragesimo ab exitu de Aegypto Deus iussit Israelitis, quod delegerent Madianitas, ut patet Num. 25. & 31. capitulo. Et tunc Moyses condolens progeniei filiorum suorum, fecit vocari totam cognationem Iethro, ut confugeret ad Israelitas, & venerunt ad eos. Primum tamen verisimilius est. Dicitur autem, quod ascenderunt de ciuitate palmarum, non quod ante hoc in ea habitarent,



rent, quia Iosue posuerat maledictionem si quis ædificaret Iericho, postquam sub anathemate deleta est Iosue sexto, sed habitabant in viculis, & territorio vrbis illius: ideo dicebantur habitare in ea. De ista ciuitate Palmarum dicit Rabbi Dauid Chimhi, & coeteri Iudæi, quod erat Iericho.

*Quomodo Cinæi filij Iethro in Iericho, vel in eius territorio habitare potuerunt. Quest. XVIII.*

**Q**UÆRIT aliquis, quomodo Cinæi filij Iethro potuerunt habitare in Iericho, vel in territorio eius, quia ista vrbs pertinebat ad tribum Benjamin, & illi non permetterent eam alijs: hoc patet Ios. 18. Respondet Rabbi Dauid Chimhi, & alij Hebræi, quod Iericho erat terra fecundior totius terræ Chanaan, & diffinitum erat, quod illa pars maneret indiuisa, & daretur illi tribui, in cuius sorte Deus eligeret sanctuariū sibi construi. Et quia postea constructum est templū in Ierusalem, quæ ad tribum Benjamin pertinebat, data est Iericho viris de tribu Benjamin. Et quoniam 480. anni fluxerunt ab exitu de Aegypto, vsque ad constructionem sanctuarij, vt patet 3. Reg. 6. cap. & 40. annis manserunt Israelitæ in deserto: manent 440. anni, quibus dicunt possessam fuisse ciuitatem Palmarum à filijs Iethro, quosq; daretur filijs Benjamin. Sed hoc non stat, primò, quia dicunt, quod diffinitum erat, nè diuideretur Iericho, sed maneret in dubio pro tribu illa, in cuius sorte cōstrueretur tabernaculum. Nam ex diuisione facta tempore Iosue ponitur ista ciuitas, & fuit data filijs Benjamin, vt patet Iosue 18. Item cum dicunt, quod 440. annis possessa est Iericho à filijs Iethro, non stat, quia tunc necesse esset, quod possederent eam vsque ad primum annum fabricationis templi Salomonis. Sed falsum est, quia nunc post mortem Iosue pauco tempore recesserunt de loco ipso filij Iethro cum filijs Iuda in desertum sortis suæ, vt patet in litera. Sed aliquis dicet, quod Cinæi nunc recesserunt de vrbe Palmarum, & tamen post modicum tempus redierunt ad illam, & manserunt ibi vsque ad fabricationem templi. Sed etiam hoc non stat, quia quædam pars Cinæorum habitauit in terra Galilææ apud ciuitatem Cedes, vt patet infra 4. capit. Ibi quippe moratus est Aber Cinæus recedens à coeteris Cinæis. Cedes verò, apud quam habitauit est terra Galilææ, vt patet Ios. 10. & 19. Alia autem pars Cinæorum morata est in parte australi terræ Chanaan, in extremitate sortis Iudæ, apud desertum, in quo morabantur Amalechitæ. Ideo quando Saul iuit ad delendum Amalechitas, dixit Cinæo, quod recederet de medio Amalechitarum, nè inuolueret eos cum Amalechitis 1. Regum 15. cap. ergo tunc non morabatur in terra Iericho, sed in sorte Iudæ, & hoc magno tempore ante ædificationem sanctuarij. Ideo non manserunt filij Iethro 440. annis in ciuitate Palmarum. Dicendum igitur, quod Cinæi habitabant in ciuitate Palmarum tunc, quando ascenderunt cum filijs Iuda, & manserunt post hoc semper in sorte Iudæ apud terram Amalechitarum: præter Aber Cinæum, & stirpem suam. Iste quippe recedens à ceteris habitauit in sorte tribus Nephthalij, apud urbem Cedes, vt patet inf. 4. c. ante hoc autem manserunt in territorio ciuitatis Palmarum. Et poterant ibi manere dupliciter. Primò, quia vsque ad illud tempus quasi manebant sine præiudicio alicuius ibi. Nam à principio acquisita terra non erat diuisa, sed habitabant Israelitæ hic, & ibi pro arbitrio eorū. Et quia tunc ciuitas Palmarum non pertinebat ad aliquam tribum, nulli præiudicabant Cinæi ibi habitantes. Post autem diuisa terra paruo tempore manserunt ibi Cinæi. Nam ierunt cum filijs Iuda in sortem suā,

**I**ta parum præiudicare posset viris de tribu Benjamin. Aliter responderi potest, quod Israelitæ conuenerant inter se, quod in quacunque parte terræ, in cuiuscunque tribus sorte habitare vellent Cinæi, potestatem haberent, & hoc, quia Moyses, qui erat princeps populi, hoc promiserat Iethro dicens: Cunque nobiscum veneris, quidquid optimum fuerit ex opibus, quas traditurus est nobis dominus, dabimus tibi, vt patet Num. 10. cap. Sed Israelitæ nullo modo præterirent pmissa Moyli, quia obseruabant verba eius, sicut verba Dei: Ergo ipsi facerent, sicut promisit Moyses, permittentes eis habitare vbicunque vellent. Et quia à principio placuit eis morari in ciuitate Palmarum, quæ erat viro rum Benjamin, non prohibuerunt eos filij Benjamin. Nunc verò potius voluerunt manere in sorte Iudæ: ideo ascenderunt cum filijs Iuda in desertum sortis suæ. Et quia postea vni de Cinæis nomine Aber placuit morari in sorte Nephthalij apud urbem Cedes: recessit à ceteris fratribus suis, & habitauit ibi, vt patet infra 4. c. *Ascenderunt cum filijs Iuda.* Quia placuit eis magis morari cum his, quàm cum alijs tribubus. Hebræi dicunt, quod ierunt cum filijs Iuda propter Othonielem, qui erat de tribu Iuda, & erat eruditissimus in lege. Sed non est rationabiliter dictum, quia Leuitæ erant eruditi in lege: eo quod semper vacabant lectioni, & nūquam agriculturæ, nec alijs operibus. Laici verò & agriculturæ & bellis, coeterisque occupationibus vacabant. Ideo omnem legis peritiam à sacerdotibus, & Leuitis Deus iussit requiri Malach. 3. scilicet: Labia sacerdotis custodient scientiam, & legem exquirent de ore eius: quoniam angelus domini exercituum est. Potius ergo iuissent ad aliquem locum, in quo essent sacerdotes periti, quàm ad Othonielem. Sed aliqua alia causa foret, vel quia magis placuit eis tribus Iuda ad cohabitandum. *In desertum sortis eius.* Id est descenderunt ad habitandum in deserto sortis Iudæ. Non est autem intelligendum, quod tota fors Iudæ esset desertum: sed quædam pars eius circa Iordanem, & ad extremitatem meridianam, & in hac parte manere voluerunt Cinæi. Quod patet, quia Amalechitæ morabantur extra terram Israel in desertis Arabie, & Cinæi erant in terminis eorum. Vnde quando Saul iuit contra Amalechitas, dixit Cinæis: Abite, & recedite de medio Amalech, nè inuoluam vos cum eis 1. Reg. 15. c. Voluerunt autem Cinæi partem istam deserti, vt esset diuisa à toto Israel, & haberent terram quasi liberam seorsum. *Quod est ad meridiem Arad.* Ista est quædam terra, quæ vocatur Arad: cuius erat rex ille, contra quē pugnaverunt Israelitæ: de quo Num. 21. cap. Sciendum autem, quod ista terra Arad, quaquam possideretur à Chananæis, cum dicatur Chananæus rex Arad Num. 21. tamen non erat pars terræ Chanaan: Quod patet, quia Israelitæ introierunt in terram regis Arad, & deleuerunt vrbes eius Num. 21. Et tamen nōdum dicebantur esse in terra Chanaan. Nam tunc per terram illam transissent in reliquam terram Chanaan, tamen post deletam terram regis Arad, orauerunt Israelitæ, vt rex Edom permitteret eis transitum, & noluit. Deinde circuierunt montem Seir, id est terræ Edom longo tempore, Deuter. 2. & Num. 21. Post autē transierunt per terram Moabitarum, & per terram duorum regum Amorrhæorum, Deut. 2. quousque peruenerunt ad Iordanem, & tunc introierunt in terram Chanaan: Ergo existentes in terra Arad, non erant in terra Chanaan. Item, quia Deus dixit, quod nullus de viris illis, qui murmurauerant in Cadesbarne, intraret in terram Chanaan, nec videret eam, Num. 14. Multi tamen de illis steterunt in terra regis Arad, cum non mortui fuerint omnes vsque ad torrentem Zared, vt patet Deut. 2. & tamen prius steterunt in terra Arad, quàm



quàm in torrente Zared, vt patet Num. 21. cap. Ergo non erat Arad terra Chanaan. Erat autem ista terra Arad apud terram Amalechitarum. Nam ambę gētes pugnaverunt simul contra Israel, & de ambabus dicitur, quod habitabant in montibus eisdem, vt patet Num. 13. scilicet. Descendit Amalechites, & Chananæus, qui habitabant in montibus. Et hoc satis conuenit: nam Cinæi habitabant iuxta Amalechitas, vt patet 1. Reg. 15. Chananæi tamen terræ Arad morabantur apud Amalechitas; ideo satis coaptatur, quod Cinæi habitarent apud terram Arad. Dicitur autem, quod erat desertum Iudæ ad meridiem Arad, idest q̄ pars meridiana deserti huius declinabat versus Arad, & nō quod desertum esset meridianum respectu terræ Arad, quia tunc sequeretur terram Arad esse intra terram Chanaan, & quod necessario accederent prius Israelitæ ad aliquam partem terræ Chanaan, quàm ad terram Arad: quod falsum est. *Et habitauerunt cum eo.* Scilicet cum Iuda, quia cum hac tribu eligebāt potius habitare. *Abijt autem Iudas cum Simeone fratre suo.* Scilicet ad pugnandum contra Chananæum. Vocantur autē Iudas, & Simeon fratres ex causa supra assignata. *Et percusserunt simul Chananæum.* Scilicet vno bello deleuerunt eum, quia non pugnaverunt sæpe, vel p̄ multas partes. *Qui habitabat in Sephaath.* Nomen vr̄bis est pertinentis ad sortem Iudæ, quamquam non ponitur in catalogo vr̄bium sortis Iudæ, sicut multæ aliæ vr̄bes subtrahuntur ibi, & in descriptione sortium aliarum tribuum. *Et interfecerunt eum.* Scilicet Chananæum nō dimittentes quemquam viuere. In Hebræo dicitur. *Et destruxerunt eam.* Scilicet ciuitatem Sephaath, scilicet non solum percusserunt Chananæos terræ illius, sed etiam ciuitatem destruxerunt. Est autem intelligendum, quod non destruxerunt eam ponentes eam in æternum non habitadā, sicut erat de vr̄bibus, quę subijciebantur anathemati, vt fuit Iericho, & Hai: sed destruxerunt, & fortē combusserunt eam, vt excluderent inde habitatores, sicut fecerunt Ierusalem. Nam totam ciuitatem succenderunt, supra in litera. *Vocatumque est nomen loci Horma, idest Anathema.* Idest ciuitas illa vocata fuit postea Horma, quando fuit destructa. Quia heren est in Hebræo separatio, vel anathematizatio. Erat istud anathema, vt nemo habitaret in ea in æternum, sicut fuit de Iericho. Vel fortē nihil de his, quæ in illa erant, acciperetur: sed omnia cremarentur ad honorem Dei.

*Quare ciuitas Sephaath supposita fuerit anathemati.*  
*Quæst. XIX.*

**Q**VAERET aliquis, quare ista ciuitas fuit supposita anathemati. Aliquis dicet, quod fuit posita ex eadem causa, ex qua ciuitas Iericho. Sed non stat, quia ciuitas Iericho anathematizata est quantum ad homines, vt applicaretur totaliter ad cultum Dei, quia erat sicut primitiæ de labore Israelitarum. Nam ille erat primus locus, quem accipiebant in terra Chanaan. Etiam, quia Iericho fuit tradita miraculosius Iudæis, quàm aliquis locus totius terræ Chanaan, vt patet Iosue sexto. De vr̄be Sephaath nihil istorū erat: ideo non fuit subiecta anathemati ex hac parte. Nec etiam est dicendum, quod anathematizaretur eadem ratione, qua aliquæ vr̄bes Iudæorum, de quibus Deut. 13. Quia illud solum erat in ciuitatibus, quę iam erant Iudæorum, & declinabant ad idolatriam. In ciuitatibus Chananæorum, vel aliarum gentium nō tenebat illud. Aliquis potest dicere, quod fuit positum anathema ex voto, scilicet quod pugnaverunt filij Iuda contra viros Sephaath, & fortē non potuerunt præuallere, vel victi sunt, & obligarunt se voto dicentes: q̄ si

**A** Deus traderet vr̄bem illam in manus eorum, subiicerent eam anathemati. Sic factum est de terra Arad. Nam Chananæi pugnantes ibi contra Israel, vicerunt, & tulerunt prædam. Israel autem voto se obligans ait: si tradideris populum istum in manus meas, delebo vr̄bes eius. Num. 21. Sed etiam hoc non stat, quia litera significat contrarium dicens, quod percusserunt Chananæum simul, idest vnico bello, & quasi sine labore. Respondendum, quod causa non apparet: sed satis dici potest, quod fuit ad reddendum Deo gratias de modo captionis vr̄bis, quia sine aliquo labore eam ceperunt, quod est simul accipere eam: ideo in munus eam dederunt Deo, quia non potuissent sic faciliter eam capere, nisi Deus specialiter adiuuisset illos. *Cæpitque Iudas Gazam.* Idest Iudas, & Simeon cæperunt eam. Nominatur tamen Iudas solus, quia Simeon erat vocatus solum in adiutorium, & Iudas erat principaliter pugnans. Ista ciuitas est vna de quinque metropolibus Phylisthinorum, regem habens, vt patet Iosue 13. Et erat in sorte Iudæ, vt patet Iosue 15. Nunc autem pugnavit Iudas contra illam.

*Quomodo stare possit, quod Iudas Gazam cæperit, cum esset de terra Phylisthinorum. Quæst. XX.*

**Q**VAERET aliquis, quomodo possit stare, quod Iudas cæperit Gazam, quia Gaza erat vna de quinque ciuitatibus Phylisthinorum, quæ apud eos manebant non solum nunc, sed etiam tempore Samuelis, & Saul, vt patet 1. Reg. 6. cum principes istarum quinque vr̄bium obtulerunt quinque anos aureos, & toridem mures: sed etiam nunc manebant, quia Deus dixit, quod reliquerat eas, vt erudirentur Israelitæ ad certandum cum Chananæis, & subditur quinq; satrapas Phylisthinorum, & omnē Chananæum, & tamen Gaza erat vna ciuitas satraparum 1. Reg. 6. ergo non ceperunt eam nunc filij Iuda. Aliqui respondent, quod Iudas non cepit vr̄bem Gaza, licet confinia eius, scilicet agros, & rura, & hoc tenet Nicolaus. Sed hoc nimis est alienum à litera, quæ dicit, quod Iudas cæpit Gazam. Aliter dici potest, & melius, quod Gaza capta est à filiis Iuda nunc. Cum autem obijcitur, quod erat in potestate Phylisthinorum post: respondendū, quod Gaza, & aliæ ciuitates Phylisthinorum aliquando erant in potestate Phylisthinorū, & aliquādo in potestate Israelitarum. Nam erant bella continua inter eos, & præualentibus Phylisthinis manebāt istæ vr̄bes apud eos, cum verò præualebant Israelitæ, auferebant eas de manu Phylisthinorum, & sic variabantur: sic patet 1. Reg. 7. cum dicitur de Samuele, q̄ facta est manus domini super Phylisthinos cunctis diebus Samuelis, & redditæ sunt vr̄bes quas tulerant Phylistæi ab Israel ab Acharon, vsque Geth, & terminos suos. Et sic non est inconueniens, quod nunc Acharon, Gaza, & Ascalon caperentur à filiis Iudæ, & denuo redirent ad Phylisthinos. Sed adhuc arguetur, quod nunc non essent in manu Israelitarum, quia sequenti cap. dicitur, quod Deus dimisit quinque satrapas Phylisthinorum, & omnem Chananæum, &c. vt Israelitę haberent consuetudinem præliandi, & Gaza, Ascalon, & Geth erāt tres de metropolibus satraparum istorum: ergo non fuerunt nunc capte. Respondendum est, quod istæ ciuitates capte fuerunt, sicut hic dicitur, quia aliter nō potest saluari litera. Et cum dicitur, quod Deus dimisit istas ciuitates: dicendum, q̄ istud fuit dictum ante captionem. Nam, quamquam hic ponantur ea, quæ habentur hic ante ea, quæ habentur in sequenti cap. tamen illa fuerunt facta ante quædam istorum. Nam non fuerunt simul facta omnia, quæ habentur hic: sed plurima eorum facta sunt temporibus Iudicum.

*Quia*



Quia tamen ista pertinebant ad statum singularum tribuum, specialiter posita fuerunt omnia simul, & non commixta fuerunt cum eis, quæ pertinebant ad totum populum, quamquam secundum conditionem temporis fuerint commixta. Ideo verum est, quod Deus dimiserat omnes illas gentes, de quibus infra 3. quia vi uente Iosue non fuerunt traditæ in manus Israel, nec tempore, quo angelus locutus fuit hoc, fuerunt tamē captæ istæ vrbes post, & iterum redierunt ad manus Phylisthinorum, & iterum ad Israelitas secundum varias successiones. *Et Ascalonem.* Ista erat alia metropolis Phylisthinorum, vt patet Iosue 13. & 1. Reg. 6. & de hac dicitur in planctu Dauid 2. Reg. 1. cap. scilicet. Nolite annunciare in Gerh, nec annuncietis in compitis Ascalonis: erat autem in sorte Iudæ. *Et Accaron cum suis finibus.* Scilicet cum omnibus ruribus, & viculis adiacentibus. Accaron est quædam metropolis Phylisthinorum Iosue 13. & 1. Reg. 6. in vrbe ista erat Beelzebub Deus magnus Phylisthinorum, ad quem cōsulendum interdum ibant Israelitæ. Sic fecit rex Ochozias, qui illuc misit nuncios, quos redarguit Elias dicens: Nunquid non est Deus in Israel, vt eatis ad cōsulendum Beelzebub Deum Accaron? Ista ciuitas vulgariter vocatur Acre: & inde dicitur sanctus Ioannes de Acre. Ista ciuitas erat de sorte Iudæ: Iosue 15. *Fuitq; Dominus cum Iudæ.* Scilicet adiuuando ipsum specialiter. Nam illi, quos in actibus suis prosperari cernimus, dicimus à domino specialiter adiuuari: sic dicitur 1. Reg. 18. quod Saul sciebat dominum esse cū Dauid, scilicet, quia prosperabatur in omnibus. Sic ē dicitur Gen. 39. de Ioseph: Fuitque dominus cum eo, & erat vir in cunctis prospere agens, habitauitq; in domo domini sui, qui optimè nouerat Deum esse cū eo, & omnia, quæ gereret ab eo dirigi in manibus illius. *Et montana possedit.* Id est deleuit populos habitantes in montanis vrbibus, & habitauit ibi. *Nec potuit delere habitatores vallis, quia falcatis curribus abundabant.* Filij Iudæ pugnaverunt contra habitatores excelsorum, quamquam loca ipsa secunda essent, eo quod isti nō habebant fortia genera armaturæ, quibus repellerent Iudæos. Habitatores autem vallium quamquam loca minus tuta haberent, tamen genera armaturæ erant fortissima, scilicet currus falcatis, quibus abundabant Phylisthini, & aut Chananæi. In Hebræo dicitur. *Ferreis curribus abundabant.* Non quod currus isti de ferro facti essent, quia nulla eos iumenta mouere possent, præsertim cū in bello exigantur leuissimi currus: sed quia habebant gladios in rotis curuos in modum falcis, & cū ex impetu mouerentur, arripiebāt quidquid obuium erat, & lacerabant. Omnes timebant genus istud armaturæ, & fugiebant. Habitatores autem vallium vtebantur solum his curribus, quia in locis altis, & inæqualibus non prosunt quidquam isti currus, sed solum in locis planis, vt ait Vegetius libro de re Militari. In plano autem nesciebant Iudæi aliquem modum pugnandi contra currus illos; ideo fugiebant pugnare cum illis gentibus. Contra hoc tamen obiectis sentibus, & vepribus, vt ait Vegetius de re Militari, pugnandum est. Phylisthini autem vtebantur nimis his curribus. Nam semel congregauerunt cōtra Israelitas triginta millia curruum, vt patet 1. Regum 13. *Dederuntq; Caleb Hebron.* Scilicet postquam filij Iudæ pugnantes obtinuerunt multa loca de sorte sua, dederunt Caleb urbem Hebron, quia Deus iusserat ei illam dari,

Quid Vegetius dicat de curribus falcatis.

Quomodo data sit Hebron Caleb, Quæst. XXI.

**Q**VAERET aliquis, quomodo data est Hebrō Caleb, q̄a data est sacerdotibus, vt patet Io. 21. c.

**R**espondendum, quod Deus promisit, quod daretur Hebron Caleb, vt patet Num. 14. scilicet. Terra, quam calcavit pes tuus, erit possessio tua, & intelligitur de Hebron: & de hoc Dei dicto ipse arguit, quod deberet ei dari, vt patet Iosue 14. Iosue autem audita ratione iustissima assignauit in possessionem Caleb urbē Hebron antequam diuideretur terra, aut caperetur de manu Phylisthinorum, & Chananæorum: deinde diuisa fuit terra per sortes, & fuit Hebron in sorte Iudæ, vel prius fuit diuisa terra, & cū n cecidisset Hebron in sorte Iudæ petiuit illam Caleb si bi dari, sed adhuc non tradebatur ei: deinde facta diuisione totius terræ per sortes fuit facta segregatio ciuitatum pro sacerdotibus & Leuitis de qualibet sorte tribus, & de vrbibus Iudæ cecidit Hebron cum alijs, vt patet Iosue 21. cap. postea quoque facta diuisione ciuitatum pro locis fugitiuorum, facta fuit Hebron vrbs fugitiuorum, vt patet Iosue 20. cap. sed in his omnibus nulli adhuc tradebatur possidenda, quia tenebatur ab hostibus, sed post mortem Iosue cum Israelitæ pugnando cœpissent eam, dicitur hic, quod tradiderunt eā Caleb. Non est tamen intelligendum, quod tradita fuerit Caleb ad habitandum in ea, sed soli agri, & viculi, qui erant in territorio Hebron dati sunt Caleb: ipsa autem vrbs sine agris cū folis suburbanis tradita fuit sacerdotibus, vt patet Iosue 21. cap. & fuit quoque ciuitas refugij, quia non ex hoc impediabatur aliquo modo possessio sacerdotū. *Sicut dixerat dominus.* Id est Deus iusserat, quod daretur Caleb in possessionem Hebron: sic patet Num. 14. scilicet. Terra, quam calcavit pes tuus, erit possessio tua, & licet ex hoc non pateret an potius diceret de Hebron, quā de aliqua alia, apparet ex applicatione sua Iosue 14. quia per hæc verba probauit, quod Deus pollicitus fuisset ei dare Hebron, & propter hoc Iosue & alij Israelitæ diuisores terræ dederunt Hebron ipsi Caleb, vt patet Iosue 14. ergo Deus per hæc verba pollicitus fuerat. *Qui deleuit ex eatres filios Enac.* Id est tres gigantes, scilicet, Tolmai, Sesai, Haiman, vt patet supra in litera.

An Caleb tres gigantes ex vrbe Hebron deleuerit. Quæst. XXII.

**Q**VAERET aliquis an Caleb deleuerit tres gigantes ex vrbe Hebron, vel tota tribus Iudæ, vadens cū eo. Aliquis respondebit, quod fecit hoc tota tribus Iudæ, quia supra in litera, cū ponitur de bellis, quæ fecit tota tribus Iudæ contra hostes suos, ponitur bellum contra Hebron, & deletio gigantum. Respondendum, quod non conuenit tota tribus Iudæ ad delendum gigantes ex Hebron, sed Caleb, cui assignata fuerat in possessionem, cum familia sua, & amicis contra urbem illam pugnavit, & cœpit eam, deleuitque gigantes ex illa. Cū autem dicitur, quod p̄gens Iudas contra Chananæum, qui habitabat in Hebron percussit Sesai, &c. Dicendum, quod istud bellū ponitur multoties in scriptura secundum quod conuenit diuersis personis: nam quod caperetur aliquis locus in terra Israel, siue ille pertineret ad istam tribū, siue ad aliam erat publica vtilitas Israelitarum, ideo poterat ascribi toti Israeli captio eius, & pugna contra habitatores illius: sic ponitur Iosue 10. quod Iosue cum toto Israel cœperit urbem Hebron, & deleuerit reliquias eius, eo quod Iosue erat princeps totius populi, & ea, quæ ascribuntur Iosue ascribuntur toti populo: erant etiam in vrbe Hebron gigantes quorum deletio ascribitur Iosue, & toti Israeli, vt patet Iosue 11. Rursum autē ciuitas Hebron pertinebat ad tribum Iudæ: ideo quamquam debellatio, & captio eius fuerit facta ab aliquibus specialibus viris eiusdem tribus, dicitur esse facta

Doe. resp. ad quæst. sum.



facta à tota tribu in quantum ad eam pertinet utilitas priuatorū illius tribus: sic ponitur supra in litera, quod pergens Iudas contra Chanaanum, qui habitabat in Hebron percussit tres gigantes. Rursus pertinebat Hebron, specialiter ad Caleb, cui fuerat specialiter in possessionem assignata: ideo dicitur, quod ipse cepit eam, ut patet hic. Sic etiam patet Iosue 15. Nunc autem manifestum est, quod non fuerit capta Hebron per omnes istos, de quibus dicit scriptura, quod eam ceperint, sed per quos capta fuerit, non patet. Dicendum autem, quod non fuit capta à Iosue, & toto Israel, nec eo vivente, ut declaratum est Iosue 10. & 11. sed an capta fuerit à tota tribu Iuda pugnante generaliter contra hostes sortis suæ, vel fuerit capta specialiter à Caleb, non patet: utrumque enim dici potest. Nam si astruamus, quod cepit eam tota tribus Iudæ, dicitur, quod scriptura dixit, quod coeperat eam Caleb, non quia ipse eam cepisset, sed quia captio eius ad illum pertinebat. Si autem è contrario asseratur, quod capta fuerit Hebron à Caleb specialiter dicitur, quod scriptura astruit captam fuisse à tota tribu Iudæ in quantum erat Caleb de ista tribu, & vertebatur in hoc publica utilitas ipsius tribus totius. Sciendum, quod filij Enac vocantur filij gigantum, quia Enac in Hebræo est nomen commune significans gigantem, & Enacim pluraliter, vocantur gigantes. Sic patet Deut. 2. scilicet. Sicut de Enacim stirpe esse viderentur, idest ita erant magni corporis, quod videbatur de stirpe gigantum. Sic etiam patet Iosue 11. scilicet in tempore illo deleuit Iosue Enacim de montanis, idest gigantes. Vel potest hic accipi Enac, ut sit nomen proprium. Et hoc volunt quidam Hebræi dicentes, quod Enac esset quidam gigas magnus, cuius erant tres filij gigantes, & ab istis quatuor gigantibus dicunt urbem Hebron vocatam Cariatharbe, idest civitatem quatuor virorum, scilicet gigantum. Sed non stat convenienter dictum, cum Enac sit nomen commune, ut patet sæpe: ideo primum tenendum est. *Iebuseum autem habitatorem Ierusalem non deleuerunt filij Benjamin.* Idest non potuerunt delere. Hoc intelligitur quantum ad Iebuseos habitantes in arce Sion. Nam reliqua civitas ferro incendioque vastata est, ut patet supra in litera, & Iosue 15. etiam, quia dicitur hic, quod habitauerunt filij Benjamin cum Iebusæis in Ierusalem: si tamen non cepissent partem planam urbis, non potuissent habitare cum Iebusæis: Arx autem urbis non fuit capta usque ad tempus David, ut patet 2. Reg. 5. & 2. Paralipo. 11. *Habitavitque Iebuseus cum filiis Benjamin in Ierusalem.* Non intelligitur, quod Iebusæi, & filij Benjamin mixtè habitauerint in Ierusalem: nam erant hostes: sed est sensus, quod Iebusæi habitarent in Ierusalem, scilicet in arce solum, & filij Benjamin in parte urbis planæ: *Usque in præsentem diem.* Hoc intelligitur de tempore, quo scriptus fuit iste liber, quia tunc nondum capta arce Sion habitabant simul Iebusæi, & filij Benjamin in Ierusalem. Ex quo patet, quod iste liber non fuit scriptus post tempora David: nam in principio regni eius super Israel desierunt Iebusæi habitare in Ierusalem: fuit autem scriptus liber iste per Samuelem, qui mortuus est antequam regnaret David, ut patet 1. Reg. 25.

*An filij Iudæ, vel Benjamin ceperint Ierusalem.*

*Quest. XXIII.*

**Q**VAERET aliquis, quis pugnavit, & cepit Ierusalem, nunquid filij Iudæ, aut filij Benjamin, quia dicitur hic, quod non potuerunt delere Iebusæi, scilicet de arce: ergo videtur, quod expulerint de urbe plana: alioquin si filij Benjamin nullo modo pugnasent contra habitatores Ierusalem, non diceretur con-

uenienter, quod non potuerunt filij Benjamin delere Iebusæum, sed habitavit cum eo in Ierusalem. In contrarium videtur, quod Iosue 15. dicitur, quod Iebusæi habitatorem Ierusalem non potuerunt filij Iuda delere: habitavitque Iebusæus cum filiis Iuda in Ierusalē. Item dicitur supra in litera: oppugnantes filij Iuda Ierusalem coeperunt eam, & percusserunt in ore gladii tradentes cunctam incendio civitatem. Respondendum, quod filij Iuda coeperunt Ierusalem, & succederunt eam, ut litera plane dicit. De filiis, aut Benjamin dicitur, quod non potuerunt delere Iebusæum, propter duo. Primò, quia fortè filij Benjamin simul cum filiis Iuda pugnaverunt contra Ierusalem. In hac pugna principalis fuit tribus Iuda, & cum filij Iuda non potuerunt delere Iebusæum, dicitur etiam, quod filij Benjamin non potuerunt delere illum. Secundò dicitur hoc, quia licet pugna ab vno facta sit, scriptura tangit illam in omnibus eis, ad quos pertinet, & quia pugna contra Ierusalē pertinebat ad filios Iuda, quia ipsi verè fecerunt eam: scriptura locuta est de filiis Iuda quomodo deleuerint Ierusalem hic, & Iosue 15. Pertinebat quoque Ierusalem ad filios Benjamin, in quantum erat in sorte eorum, & ipsi in ea habitauerunt, ut patet hic: ideo dicitur, quod non potuerunt delere Iebusæum: fice enim factum est de captione urbis Hebron, & de gigantibus eius: de qua dicitur, quod capta fuerit à Iosue, & toto Israel, ut patet Iosue 10. & 11. & dicitur, quod capta fuit à tota tribu Iudæ, ut patet supra in litera, de quo supra in alia questione declaratum est.

*Ierusalem ad quam tribum attinebat. Quest. XXIII.*

**Q**VAERETVR ulterius de urbe Ierusalem ad quam tribum pertinebat, scilicet an ad Benjamin, vel ad Iudam. Ratio dubij est, quia quælibet tribus pugnare debebat contra hostes habitantes in sorte sua: si ergo filij Iuda pugnant contra Ierusalem, videtur, quod pertinebat ad sortem eorum. De filiis etiam Benjamin dicitur, quod non potuerunt delere Iebusæum habitatorem Ierusalem. In quo innuitur quod pugnaverunt contra illum: ergo pertinebat Ierusalem ad Benjamin. Respondendum, quod Ierusalem pertinebat ad Benjamin, & non ad Iudam. Quod patet, quia ponitur inter urbes Benjamin: Iosue 18. & non computatur in urbibus Iuda. Dicendum tamen quod filij Iuda, & Benjamin conuenerunt inter se, quod acciperent filij Iuda urbem Ierusalem pertinentem ad sortem Benjamin, & filij Benjamin susciperent aliquam partem sortis Iudæ, & tunc pugnaverunt filij Iuda contra habitatores Ierusalem, quia pertinebat ad eos. Sed hoc non multum stat, quia videtur, quod ista commutatio non posset fieri, quia Deus iusserat, quod possessiones tribuum, & familiarum manerent distinctæ, sicut ipse eas distinxerat ne confunderentur tribus, ut patet Num. ult. sicut ergo non valebat inter Iudæos aliqua venditio rei immobilis facta ad semper: etiam si venditor vellet renunciare iuri suo, sed in Iubilæo redibat ad venditorem, vel ad successores eius, ut patet Leuit. 25. & hoc ne confunderentur tribus, ita non posset fieri commutatio, quia eandem poenitus confusione operaretur. Sed dicendum est, quod quia in Ierusalem erant hostes fortissimi, filij Benjamin conuenerunt cum filiis Iuda, quod expugnarent illos, & possent habitare in urbe reſeruata semper proprietate filiis Benjamin, & ob hoc filij Iuda pugnaverunt contra Ierusalem, & succederunt eam habitaueruntque postea in ea, ut patet Iosue 15. & supra in litera: filij quoque Benjamin simul cum filiis Iuda habitauerunt in ea, ut patet hic: de hac questione latius declaratum est Iosue 18. circa finem. *Domus quoque Ioseph.* Hic ponitur de

*Doc. resp. ad questionem.*

Liber iste non fuit scriptus tempore David.



De acci-  
dentibus  
tribus E-  
phraim, &  
Manasse.

de accidentibus tribus Ephraim, & Manasse: nam in capitulo isto ponitur epilogus, siue catalogus quidam omnium specialium euentuum, qui pertinuerunt ad tribus sigillatim, & in alijs cap. huiuslibri ponitur ea, quæ communiter pertinent ad omnes Israelitas, ideo primò positi fuerunt euentus Iudæ, deinde Benjamin, scilicet quod non potuerit delere Iebusæum habitato rem Ierusalem, hic cōsequenter ponitur de Ephraim, & Manasse. Vocatur autem domus Ioseph tribus Ephraim, & Manasse simul, quia istud speciale habuit Ioseph inter omnes filios Iacob, scilicet quod ab eo descenderent duæ tribus. A quolibet autem reliquo rum filiorum vnica tantum deriuabatur tribus: hic ta- men vocatur domus Ioseph solùm tribus Ephraim, quia ista ciuitas, de qua hic dicitur pertinebat ad Eph- raim. *Ascendit in Bethel.* Scilicet ad pugnandum con- tra eam, quia ista ciuitas pertinebat ad sortem eius: ista est illa Bethel, quam sic fecit nominari Iacob, quando ibi dormiuit, & vidit scalam Celi, Gen. 28. apud istam moratus est Abraham, quando primò introiuit in ter- ram Chanaan. Nam ædificauit altare inter Hai, & Be- thel, Gen. 12. ca. Ex hoc patet contra illos, qui volunt hanc Bethel esse Ierusalē: nam supra ponitur de mo- do captionis Ierusalem, & hic de Bethel, & sunt diuer- si. Etiam Bethel capta est à filiis Ephraim, Ierusalem autem à filiis Iuda, vt patet hic. Item Ierusalem ponit- ur in tribu Benjamin Iosue 18. & Bethel in tribu Eph- raim Iosue 16. de quo latius diximus Genes. 12. & 28. *Fuitque dominus cum eis.* Scilicet adiuuando eos ad ca- piendum urbem: nam cum aliquis in actibus suis pro- speratur, dicitur Deus esse cum eo: sic patet Gene. 39. de Ioseph, scilicet: *Fuitque dominus cū Ioseph, & erat vir in cunctis prospere agens, habitauitque in domo do- mini sui, qui optimè nouerat dominum esse cum eo, & omnia, quæ gereret dirigi ab eo in manibus illius. Nam cum obsiderent urbem, quæ prius Luza vocabatur.* Sci- licet urbem Bethel, quæ prius vocabatur Luza. Istud nomen fuit mutatum per Iacob, quādo dormiuit ibi, viditque angelos ascendentes, & descendentes per sca- lam, & dixit: Nihil est hic aliud, nisi domus Dei, & por- ta Cœli: appellauitque nomen loci illius Bethel. Ab antiquo enim vocabatur Luza, siue Luz, idest Auella- na. Et dicunt Hebræi, quod ista ciuitas erat facta, sicut Auellana, scilicet non habens portam patentem. *Vide- runtque hominem egredientem de ciuitate.* Obsidebant tunc filij Ephraim ciuitatem latenter, scilicet quod nō putabant eos venisse viri ciuitatis, ideo viri egrediebā- tur aliqui de vrbe: alioquin nullus permetteretur in- gredi, aut egredi, sicut dicitur de Iericho Iosue 6. cap. scilicet: Iericho erat clausa, atque munita timore filio- rum Israel, & nullus egredi audebat, aut ingredi. *Di- xeruntque ad eum: ostende nobis introitum ciuitatis.* Hebræi dicunt, quod ista ciuitas erat facta, sicut auellana non habens portam aliquam patentem, ideo vocabatur Luza, idest auellana: quapropter Israelitæ quamquam obsiderent urbem non inueniebant portam, & quæsi- uerunt ab isto viro, vt ostenderet eis. Aliqui dicunt, quod erat porta ciuitatis huius Negromantice facta, ita vt non posset à quolibet reperiri: sic astruuntur mul- ta incantata esse, quæ non facilliter à quolibet inueniā- tur, et si semel visa fuerint. Sed ista, & multa alia con- fingunt Iudæi inutiliter, & sine causa. Veritas est, q̃ porta vrbs Bethel patens erat, & Israelitæ videbant il- lam, sed non poterāt introire per eam, quia clausa erat, ideo nō petierunt introitum, idest portam, sed introi- tum .i. aliquem locum infirmum ciuitatis, per quem introire possent non considerantibus viris ciuitatis, sci- licet quod Israelitæ fortè per noctem irruerent, & ca- perent urbem nō putantibus viris vrbs adeste aliquos hostes. *Et faciemus tecum misericordiam.* Scilicet non

occidemus te, nec progeniem tuam, & dabimus tibi bona. *Qui cum ostendisset eis.* Scilicet loca infirma, per quæ intrare possent. *Percusserunt urbem in ore gladij.* Scilicet quia fortè irruerunt per noctem non videnti- bus viris vrbs, & non potuerunt resistere. *Hominem autem illum, & omnem cognationem eius dimiserunt.* Pro beneficio quod eis impenderat ostendendo eis in- troitum vrbs.

*An Israelitæ virum hunc viuere permittendo peccauerint.*  
*Quæst. XXV.*

**Q**VAERET aliquis, an Israelitæ peccauerunt permittendo viuere istum virum, & cognationē eius. Aliquis dicet, quod sic, quia iste erat de stirpe Chananæorum. Israelitæ autem non poterant aliquo modo permitttere viuere Chananæos, sed tenebantur occidere tam viros, quàm foeminas in ore gladij: Deu- ter. 20. cap. Aliquis respondebit, quod Israelitæ promi- serant huic viro facere misericordiam, & istud erat, q̃ liberarent eum, & cognationem eius de morte, ideo vt implerent pactum potuerunt, & debuerunt eū sal- uare, & cognationem eius. Sed obijcietur cōtra hoc, quia Israelitæ non poterant facere tale pactum cū ali- quo Chananæo: nam Deus vetuerat fieri foedera, vel copulari amicitia inter hos, vt patet Exod. 34. & Deut. 7. & seq. c. ideo dato, quod fierent pacta nullius erant firmitatis, quia fiebant contra legem diuinam: sed p̃- pria auctoritate poterat quilibet, & debebat contra ve- nire: imò si quis vellet talia obseruare peccabat mor- taliter obseruando, sed solùm debebat dolere, quod contra legem Dei foedera iniuisset, & sic non obliga- bantur, nec debebant filij Ephraim seruare pactum in terpositum cum isto viro, sed debebāt occidere eum. Respondendum, quod Israelitæ non peccauerunt nō occidendo istum virum, & cognationem eius, & hoc non solùm, quia pactum fuit de hoc interpositum, sed etiam si nihil promississent, eo quod naturaliter te- nemur benefacere benefactori, sed iste vir tradiderat urbem in manus Israelitarum: ergo debebant ei bene- facere saltem donando vitam: simile fuit tempore Iosue: nam Israelitæ liberauerunt Raab, & totam co- gnationem eius, quia absconderat exploratores, vt pa- tet Iosue 6. cap. & non peccauerunt tunc Israelitæ: nā mandato Iosue hoc factum est, vt patet præalleg. cap. & tamen Iosue erat vir sanctus, & propheta, cui Deus sepe loquebatur, & non imputauit ei Deus hoc ad pec- catum, quia alioquin puniisset Israelitas pro eo, sicut patet eodem tempore, cū peccauit Achan furando de Anathemate, & totus Israel punitus est, quia non potuit stare coram hostibus, vt patet Iosue 7. iste autē vir, de quo hic, maiora fecit pro Israelitis, quàm Raab, quia illa solū seruauit à morte duos exploratores He- bræorum, & non tradidit ciuitatem Iudæis: iste autem tradidit urbem in manus Iudæorum ostēdendo eis in- troitum. Cū igitur potuerunt licitè Israelitæ facere pactum cum Raab de seruando eam, & totam proge- niem suam, & postea cū seruauerunt, poterant quo- que, & à fortiori licitè seruare à morte virum istum, & totam progeniem suam. Cū autem obijcitur, q̃ Chananæi omnes erant occidendi in ore gladij, & q̃ non erant componenda cum eis foedera. Respondē- dum, quod istę leges erant generales, & non exten- duntur ad istos casus multum particulares, de quibus nō extitit cogitatum, sicut in legibus humanis vtimur epileya, quādo lex aliqua in casu particulari induceret malum, si teneretur secundum verba, & hoc, quia le- gislator non excogitauit illos casus. Sic patet 5. Ethi. De Deo autem non est dicendum, quod non excogi- tauerit istos casus particulares quando legem tulit, quia

Naturali-  
ter tene-  
mur bene-  
facere be-  
nefactori.

Deus sem-  
per omnia  
actualiter  
cognoscit



quia Deus semper actualiter omnia cognoscit, sed exprimerenoluit, quia sunt multum particularia hæc, de quibus cum acciderent, quilibet verisimiliter diceret, quod non deberent comprehendilege: & sic opinione communi Israelitarum diffinitum est, quod in isto casu non agerent contra legem. *Qui dimissus, abiit in terram Hetthim.* Id est dimiserunt eum liberum, & cognationem suam, & abiit in terram Hetthim ad habitandum. Ex hoc patet, quod dato, quod peccassent isti liberando istum hominem à morte, & liberando Raab, & cognationem suam peccassent Israelitæ, magis peccatum fuisset in liberatione Raab, eo quod illa cum tora cognatione sua permissa est vivere in medio Israelitarum, & honorata fuit nimis, ut patet Iosue 6. acceptaq; fuit in uxorem à Salmon principe tribus Iudæ, ut patet Matth. 1. Iste autem homo non dimissus est vivere inter Israelitas, sed missus est ad habitandum extra terram Israel. Ista terra Hetthim, quæ hic ponitur non est illa, quæ ponitur Iere. 2. scilicet transire ad insulas Cethim, & in Cedar quoq; mittite. Nam in Hebræo ponit ibi quethim, & hic ponitur Cethim: & in biblijs nostris correctis non ponitur Cethim, sed Hetthim, & est tale nomen quale consuevit poni in Hebræo pro gente Hetthæorum, non tamen significantur hic Hetthæi, quia Hetthæi morabantur in terra Chanaan, cum essent vnus de septem populis Chananæorum: ista autem terra, ad quam nūciuit iste vir, longe distabat à terra Chananæorum: ideo litera nostra non posuit Hetthæorū terram. *Et edificauit ibi ciuitatem.* Quia iste homo erat vir potens, iuitque cum eo tota cognatio sua, ut patet supra, & hi adiuuerunt eum in constructione vrbis. *Vocauitque eam Luzam.* Scilicet desiderio terræ suæ originis ne illa perijisse videretur, vel non videretur subiecta hostibus, sed habere filios suæ originis. *Quæ ita appellatur vsque in presentem diem.* Scilicet vsque ad tempus, quo scriptus fuit liber iste per Samuelē in quo fuit aliquantulum temporis, scilicet plusquam trecentum annorum, ut patet computādo tempora Iudicum vsq; ad Samuelē.

Manasses quoque non deleuit Bethsan, & Thanac cum viculis suis, & habitatores Dor, & Ieblan, & Magedo cum viculis suis, coepitque Chananæus habitare cum illis. Postquam autem confortatus est Israel, fecit eos tributarios, & dele-re noluit. Ephraim etiam non interfecit Chananæum, qui habitabat in Gazer, sed habitauit cum eo. Zabulon non deleuit habitatores Cetrōn, & Naalol: sed habitauit Chananæus in medio eius, factusque est ei tributarius. Aser quoque non deleuit habitatores Accho, & Sidonis, Ahalab, & Achazib, & Helba, & Aphec, & Roob, habitauitque in medio Chananæi habitatoris illius terræ, nec interfecit eum. Nephthali quoque non deleuit habitatores Bethsamides, & Bethanath: & habitauit inter Chananæum habitatorem terræ, fueruntque ei & Bethannitæ tributarij. Arctauitque Ammor-

rhæus filios Dan in monte, nec dedit eis locum, ut ad planiora descenderent: habitauitque in monte Hares, quod interpretatur Testatio, in Aialon, & Salebiz. Et aggrauata est manus domus Ioseph, factusque est ei tributarius. Fuit autem terminus Ammorrhæi ab Ascensu Scorpionis Petra, & superiora loca.

*Manasses quoque.* Hic ponitur de successu tribus Manasse post Ephraim, quia ambæ tribus pertinebant ad Ioseph, & vocabantur domus Ioseph. Sciendum autem, quod tribus Manasse erat diuisa in duas partes, & medietas eius acceperat possessionem ad orientalem partem Iordanis cū tribu Ruben, & Gad in terra duorum regum Ammorrhæorum, ut patet Num. 32. & Iosue 13. cap. Alia medietas accepit possessionem in terra ad occidentalem partem Iordanis, cum alijs nouem tribubus, de quo Iosue 17. & de ista medietate Manasse dicitur hic. *Non deleuit Bethsan.* Id est non potuit delere, quia quamquam conatus fuisset Manasse delere Chananæos non potuit à principio. Sic patet Iosue 17. scilicet nec potuerunt filij Manasse has subuertere ciuitates, sed coepit Chananæus habitare in terra sua. Patet etiam infra in litera, cum dicitur, postquam autem confortatus est Israel fecit eos tributarios, & delere illos noluit. Sciendum quod Bethsan est duplex: quædam in sorte Iudæ est, ut patet Iosue 15. & ista est, in qua Phylisthini suspenderunt cadauera Saulis, & filiorum suorum de muro, ut patet 1. Reg. 31. & 1. Paralip. 10. cap. erat autem ista Bethsan in terra Phylisthinorum, quia terra Phylisthinorum quasi tota erat in sorte Iudæ, ut declaratum est Iosue 15. Alia Bethsan erat in sorte Manasse, & de ista dicitur hic. *Et Thanac.* Ista est alia ciuitas in sorte Manasse, ut patet Iosue 17. & est ista vna de ciuitatibus regalibus, quarū reges occidit Iosue, ut patet Iosue 13. cap. *Cum viculis suis.* Viculi vocantur rura, vel loca non murata, & et ista loca non potuerunt capere filij Manasse, quia confortati erant Chananæi, qui tenebant ea. *Et habitatores Dor.* Est Dor quædam ciuitas Manasse, quæ est solennis, & famosa habens magnam prouinciam, ut patet Iosue 11. cum dicitur: In regionibus Dor iuxta mare, & est ciuitas Olim regalis, ut patet Iosue 12. cap. scilicet rex Dor, & prouinciæ Dor vnus. *Et Ieblan.* Ista est alia ciuitas Manasse, ut patet Iosue 17. *Et Magedo.* Ista erat ciuitas magna, & regalis: Iosue 13. & est in tribu Manasse Iosue 17. ista est ciuitas, apud quam occisus fuit Iosias optimus regum Iuda, scilicet in campo Magedo, ut patet 4. Reg. 13. & 2. Paralip. 35. capit. *Cum viculis suis.* Id est locis non muratis: habebant istæ vrbes viculos, maximè ciuitas Dor, quæ dicitur habere magnam prouinciam Iosue 11. & 12. cap. *Capitque habitare Chananæus cum eis.* Id est quod non potuerunt filij Manasse expellere habitatores locorum istorum, qui erant Chananæi: habitauerunt Chananæi cum filijs Manasse. Et non est sensus, quod Chananæi tunc coeperunt habitare in terra illa, quia à principio ibi habitabant, sed quia Israelitæ nunc nouiter habitauerunt, & non potuerunt expellere Chananæos coeperunt habitare cum Chananæis, & deberet dici ceperunt Israelitæ habitare cum Chananæis, & ponitur è contrario. In Hebræo habetur. *Consensit Chananæo habitare cum eis.* Et est sensus, quod Israelitæ permiserunt Chananæos secum manere: sed quia istud est contra literam, cum dicatur, quod non potuerunt Israelitæ delere istos populos, & postea dicitur, quod quando confortati sunt filij

De successu tribus Manasse, & Ephraim.



filij Israel fecerūt istos tributarios, litera nostra accepit intentionem, & non verba Hebræa, quia interdum litera Hebraica est nimis in sermone barbara. *Postquam autem confortatus est Israel.* Scilicet filij Manasse, quia ipsi soli pugnabant contra habitantes in sorte sua, & non totus Israel, sicut declaratum fuit in principio capituli, & dicitur. *Postquam confortatus est Israel.* Quia a principio diuisionis terræ Israelitæ non erant multi, ideo Chananæi poterant eis resistere: postea autem multiplicati sunt in sobole, & facta ē magna pugnatorum multitudo: & ista erat confortatio. *Fecit eos tributarios.* Scilicet habitatores omnium prædictarum urbium. *Et delere noluit.* Scilicet quamquam potuisset noluit, vt haberet magnū lucrum de tributis eorum.

*An filij Manasse, & alij non delendo habitatores terræ peccauerint. Quæst. XXVI.*

**Q**VAERET aliquis an filij Manasse, & alij, de quibus infra dicitur, quod delere noluerunt habitatores terræ peccauerint. Respondendum est, qd Deus iusserat Israelitis, quod omnes Chananæos tam viros, quā fœminas percuterent in ore gladij, & nō miserentur eorum, Deu. 20. cap. ideo data facultate ad occidendum illos tenebantur occidere eos: à principio autem voluerant filij Manasse percutere Chananæos, sed non potuerant, ideo tunc non peccauerunt: postea autem confortati fuerant, & poterant delere Chananæos, sed cupidine tributorum noluerunt, ideo peccauerunt contemnentes præceptum Dei: potissimum cū Deus sæpe admonuisset illos per Moysen, & Iosue, quod non componerent amicitias cum his gentibus, nec permitterent eos viuere in terra: alioquin totum malum, quod Deus facturum erat eis, conuerteret in Israelitas, vt patet Num. 33. & Iosue 23. & ista fuit causa, quare Deus nimis iratus noluit delere gentes istas de conspectu Israelitarum, etiam si postea hoc ipsi precarentur, vt gentes hæ fierent eis scandalum, vt patet sequenti capitulo. Nimis ergo peccauerunt, & quia pactum istud fuit quasi in omnibus tribubus, Deus dedit generalem populo poenam. *Ephraim etiam non interfecit Chananæum, qui habitabat in Gazer.* Postquam supra positus est prosper successus filiorum Ephraim capiēdo urbem Luzam, hic ponitur eorum peccatum nolendo delere gentem Chananæorum, & dicitur, quod non interfecit Chananæum, idest noluit interficere, & hoc, vt esset ei tributarius: est autem Gazer vna de nobilibus ciuitatibus sortis Ephraim, vt patet Iosue 16. & mansit in potestate Chananæorum quousque Pharaon rex Aegypti cœpit eam, & dedit illam in dotem filiae suæ vxori Salomonis, vt patet tertio Reg. 9. capit. *Sed habitauit cum eo.* Idest habitauit Chananæus cum tribu Ephraim, non quidem in eadē vrbe, sed in eadem prouincia: nam in vrbe Gazer soli Chananæi habitabant. *Zabulon quoque.* Hic ponitur successus tribus Zabulon, quia etiam Zabulonitæ peccauerunt, sicut & alię tribus non delendo hostes, quos poterant. *Non deleuit.* Idest noluit delere: nam poterat si voluisset, sed noluit, vt efficerentur sibi tributarii, vt patet immediatē. *Habitatores Cetron, & Naalol.* Istæ sunt duę vrbes in sorte Zabulon, licet non ponantur sub eisdem nominibus Iosue 19. vbi ponitur descriptio sortis Zabulon. *Sed habitauit Chananæus in medio eius.* Idest in medio Zabulon, scilicet Chananæi habitantes in Cetron, & Naalol habitauerunt in medio Zabulon, quia istę vrbes erant intra sortem Zabulon, & alię vrbes in circuitu harum habitabantur à filiis Zabulon. *Factusque est ei tributarius.* Scilicet soluens annuas impositiones, & seruitia, & propter hoc pmissus est manere in terra Zabulon. *Aser quoque.* Hic ponitur

successus tribus Aser circa hostes, scilicet quod peccauit, sicut cœteræ tribus non delendo quos hostes delere poterat. *Non deleuit.* Idest delere noluit istos, qui sequunt, vt efficerentur ei tributarii. *Habitatores Accho.* Ista est ciuitas in sorte Aser. *Et Sidonis.* Ista est ciuitas magna, atque famosa antiquissima iuxta mare, quæ cecidit in sortē Aser, & est apud Tyrum: manseruntq; semper Chananæi in ciuitate hac, & in coniunctis, scilicet in Tyro. Quod patet, quia quando Christus ambulabat in confinibus Tyri, & Sidonis egressa est mulier Chananæa de finibus illis clamās ad Iesum, Domine miserere mei: Matth. 15. cap. regnauit autem in ciuitate ista, & in Tyro Hiram, qui fuit valde amicus Dauid, & Salomonis, præbuitque ligna, & artifices ad construendum templum, vt patet 3. Reg. 5. idem præbuit ad ædificandum domum Dauid 3. Reg. 5. accepitque in terra Galilææ viginti oppida, vt patet 3. Reg. 9. ideo Israelitarum reges tenuerunt pacem perpetuam cum eo, & sic manserunt semper Chananæi de regno eius illæsi. *Et Ahalab.* Ista est alia ciuitas sortis Aser, de qua Iosue 19. *Et Achazib.* Ista etiam enumeratur Iosue 19. *Et Helba.* Istæ ciuitates omnes quasi erāt simul, vt colligitur Iosue 19. *Et Aphec.* Ista est alia ciuitas eisdem tribus. Est autem duplex Aphec. Vna ponitur in sorte Iudæ, de qua habetur Iosue 15. & ista est, apud quam castrametati sunt Israelitæ, & Philisthini in pugna, quando capta est arca, vt patet 1. Reg. 4. apud hanc etiam castramentati sunt in bello, quo mortuus est Saul, vt patet 1. Reg. 29. est autem illa Aphec apud urbem Iezrael, & montem Gelboe: nam Israelitæ dicebantur esse super fontem Iezrael, & in mōte Gelboe, & Philisthini erant in Aphec, vt patet in allegatis ca. & tamen castra Philisthinorum erant tunc cōiuncta castris Israel, cū immediatē pugnauerint. Alia Aphec erat in sorte Aser satis distans ab illa, cū fors Iudæ sit nimis meridiana in terra Chanaan, & fors Aser esset valde aquilonaris, & de ista dicitur hic, *Et Roob.* Ista est etiam ciuitas nimis aquilonaris in terra Israel, & est quasi extrema in latere aquilonari. Quod patet, quia Num. 13. cū ponitur terra, per quam discurrerunt exploratores, dicitur, quod explorauerunt à deserto Sin vsque Roob ingredientibus Emath, & tamen ponitur desertum Sin pro latere meridiano, vt patet Numeri 34. Ergo Roob erat in extremitate lateris oppositi, scilicet aquilonaris. Etiam, quia Roob, & Emath erant coniuncta, vt patet Num. 13. Emath tamen ponitur esse in ipso latere aquilonari terræ Chanaan Numeri 14. ergo Roob est nimis Aquilonaris. *Habitauitque in medio Chananæi.* Scilicet tribus Aser fuit in medio Chananæorū, quia ciuitates Chananæorum erant multæ circueñtes terram, in qua habitauit Aser. Etiam sciendum, quod Chananæus accipitur largē hic: non prout est vnus de septem populis Chanaā, sed vt significat quemcūque de terra illa, siue Chananæum, siue Amorrhæum, Pherezæum, &c. Quod patet, quia de qualibet tribu istarum dicitur, quod non deleuit Chananæum, & tamen manifestum est, quod non solum relictus erat populus de Chananæis, sed de Iebusæis, & Hethæis, & alijs ferē omnibus. *Habitatoris illius terra.* Scilicet quod Chananæi in terra illa multum possidebant, & dicebantur principaliter ipsi habitatores. *Nec interfecit eum.* Scilicet, quia noluit, vt fieret sibi tributarius, sicut faciebant aliæ tribus. *Nephthali.* Hic ponitur successus tribus Nephthali, scilicet quod ipsa peccauit, sicut ceteræ non expellendo Chananæos de terra, sicut cœteræ non expulerunt. *Non deleuit.* Idest noluit delere, potuisset enim, sed non fecit, vt haberet tributarios. *Habitatores Bethsames.* Ista ciuitas est duplex: nam quædam Bethsames est in sorte Iudæ, de qua habetur Iosue 15. Alia autē est in sorte Nephthali

Successus tribus Aser penes hostes.

Duplex est Aphec.

Peccatum filiorum Ephraim.

Successus tribus Zabulon.

Successus tribus Nephthali.



& est coniuncta vrbi Bethfames: nam ambæ ponuntur simul Iosue 19. sicut hic. *Et habitauit inter Chanaan.* Scilicet, quia vrbes possesse à Chanaanais, & filiis Nephtali erant mixte, sed in nulla habitabant simul Chanaanai, & Israelitæ. *Habitatorem terræ.* Scilicet, quia Chanaanai tenebant magnam partem ibi terræ, maiorem quàm in tribu Benjamin, & Ephraim, & Manasse: ideo ipsi vocabantur principales habitatores terræ. *Fueruntque ei Bethsamita, & Bethanitha tributarij.* Idest habitatores Bethfames, & Bethanath non permisi fuerunt sub alia conditione viuere in terra, nisi vt tributarij forent, quod ipsi gratis susceperunt. *Arctauitque Ammorhæus.* Hic ponitur successus tribus Dan, scilicet quòd infelicitè se habuit cum hostibus: nam non dabat ei locum habitandi, & dicitur. *Arctauit Ammor-*

Successus  
tribus Dā.

*rhæus filios Dan in monte.* Idest quòd filij Dan acceperāt à principio possessionem inter populū Ammorrhæorum, & habuit aliqualem locum ad habitandum, sed postea confortati sunt Ammorrhæi contra filios Dan, & arctauerunt eos in montibus, dando eis paruum locum ad habitandum. Sciendum autem, quòd hoc tēpore accidit id, quod refertur infra 18. cap. de filiis Dā, scilicet quòd illo tempore filij Dan nondum acceperant possessionem, & iuerunt ad inquirēdum locum, vbi habitarent, & obtinuerunt ciuitatem Lais, siue Lesem, quam postea vocauerunt Lais Dan. Hoc tenet Iosephus quinto antiquis. Et satis rationabile est: scriptura tamen facit sæpè anticipationes, & recapitulationem. *Nec dedit ei locum, vt ad inferiora descenderet.*

Apud montem hares, in quo morabantur filij Dan, erant valles, & loca plana bonæ habitationis, quæ occupata erant ab Ammorrhæis, qui non sinebant filios Dan descendere ad habitandum in vallibus: & hoc fuit quousq; tribus Ephraim, & Manasse auxiliatæ sūt filiis Dan, & superauerūt Ammorrhæos, recluserūtq; eos, sicut ipsi recluserant filios Dan. *Habitauitque in monte Hares.* Scilicet tribus non habuit tunc locum habitandi, nisi in monte Hares. *Quod interpretatur testatio.* Istud non est in Hebræo, sed in litera nostra additū est.

*In Baelon, & Saliabim.* Istæ erant vrbes in monte Hares, in quibus morabatur tribus Dan, & ponuntur Ios. 19. in sorte Dan inter cœteras vrbes. Est autem Haialon duplex: vna est in sorte Iudæ. Alia autem est in sorte Dan: & de hac dicitur hic: de quadam autem istarū locutus est Iosue dicens: Sol non mouearis cōtra Gabæon, & luna contra vallem Haialon, vt patet Ios. 10. *Et aggrauata est manus domus Ioseph.* Scilicet super Ammorrhæos, quia grauiter oppresserunt eos. *Factusque est ei tributarius.* Idest non permisit domus Ioseph Ammorrhæo manere in terra, nisi sub conditione tributarij. Est sensus, quòd fors filiorum Dan tangebatur aliquo modo sortem Ephraim, & Manasse: & ob hoc cum istæ duæ tribus, quæ vocantur domus Ioseph, preualuerunt contra Ammorrhæum, non solum ex hoc ipsi habuerunt maiorem locum habitandi, sed etiam filij Dan deficiētibz Ammorrhæis potuerunt descendere de monte eis inuitis, & habuerunt locum habitandi. *Fuitque terminus Ammorrhæi.* Scilicet ante hoc cum confortatus esset Ammorrhæus erat diffusus per terram, postea autē confortato Ephraim, & Manasse arctatus est Ammorrhæus, & datus est ei termin⁹ iste, qui ponitur in litera ad habitandum. *Ab ascensu Scorpionis.* Est ascensus scorpionis quædam terra montuosa sic appellata, quæ ponitur in latere meridiano terræ Chanaan, vt patet Num. 34. & Iosue 15. & non accipitur hic ille ascensus scorpionis, quia iste est in sorte Iudæ, vt patet Iosue 15. hic autem agitur de Ammorrhæis habitantibus in sorte Ephraim, & Manasse, & Dan, & isti fuerunt coarctati intra ascensum scorpionis. s. q. in sorte alicuius harum tribuū est aliquis mons

Alph. Toft. super lib. Iudicum

A sic dictus, in quo inclusi sunt Ammorrhæi. *Petra, & superiora loca.* Petra est nomen ciuitatis in monte, qui dicitur ascensus scorpionis, & istam ciuitatem tenuerūt Ammorrhæi, & superiora loca: i. alia loca magis accedētia ad vertices montiū: & sic Ammorrhæi receperūt hic cōtrapassū, q. sicut ipsi incluserāt filios Dā ī mōte Hares, & nō pmiserūt eos ad inferiora descendere, ita nūc versā vice filij Ephraim, & Manasse arctauerūt Ammorrhæos in superiorib⁹ locis mōtis, q. d. ascēsus scorpionis. Isti sunt euentus speciales singularum tribuum, ideo deinceps dicetur de cōibz euentibus totius populi.

## CAPITVLVM II.



Scenditque Angelus Domini de Galgalis ad locum flentium, & ait: Eduxi vos de Aegypto, & introduxi in terram, pro qua iuravi patribus vestris, & polli-

citus sum, vt non facerem irritum pactum meum vobiscum in sempiternum: ita duntaxat vt non feriretis fœdus cum habitatoribus terræ huius, & aras eorum subuerteretis, & noluiſtis audire vocem meam: cur hoc fecistis? Quamobrem nolui delere eos a facie vestra: vt habeatis hostes, & dij eorum sint vobis in ruinam. Cumque loqueretur Angelus Domini hæc verba ad omnes filios Israel: eleuauerunt vocem suam, & fleuerunt. Et vocatum est nomen loci illius Locus flentium, siue lachrimarum. Immolaueruntque ibi hostias Domino.

Minos cre  
tēſibus le  
gēs dedit.

Iosue 7.

*Ascenditque.* In præcedentibus descripta est populi culpa: hic consequenter coniungitur debita pœna. Et diuiditur in duo, quia primò ponitur ad populum facta comminatio. Secundò breuis huius libri materiæ prælibatio ibidem. *Dimisit itaque Iosue populum.*

*An hic sit aliqua ordinis mutatio. Quest. I.*

Q V A E R E T aliquis circa hoc an ea, quæ dicuntur fuerunt post præcedentia in capitulo præcedenti, vel sit aliqua mutatio ordinis. Respondendum, quòd hic est magna mutatio ordinis, quia præcedenti capitulo dictum est, quomodo se habuerunt tribus filiorum Israel singulæ cum hostibus suis, & de multis pugnis factis post mortem Iosue: hic autem repetuntur aliqua, quæ fuerunt ante mortem Iosue. Quod patet, quia apparitio angeli, de qua hic dicitur fuit in Galgala, deinde in loco flentium, tamen quando Israelitæ manebant in Galgala viuens erat Iosue cum post mortem eius, imò ante mortem singuli Israelitæ erant iam in sortibus suis. Item, quia dicitur infra post apparitionem angeli. Dimisit ergo Iosue populum, & abierunt singuli in possessionem suam: ergo viuens erat cum daret eis licentiam recedēdi in possessiones suas.

C Confi-

Quid sit  
Scorpio-  
nis ascen-  
sus,



Considerandum autem, quod in principio libri huius usque ad medium cap. 3. non tenetur aliquis naturalis ordo in narrando, sed solum artificialis: nam intendit narrare hic scriptura de successione iudicum, & quæ facta fuerint sub temporibus singulorum: & istud non inchoatur usque ad medium cap. 3. Causa autem est, quia scriptura voluit hic ostendere duo. Primum erat status cuiuslibet tribus singulariter in comparatione ad hostes, qui tenebant occupatam terram eius. Secundum est status totius populi respectu hostium communium. Primum non pertinet directe ad historiam iudicum, ut tamen sacra scriptura nihil intactum relinquat de his, quæ necessaria sunt sermonem fecit de hoc: & istud tangitur in toto præced. cap. in quo nihil aliud agitur: ideo in princ. cap. dictum est de pugnis, quas fecit tribus Iudæ contra hostes, & consequenter descriptum est de omnibus alijs usque ad tribum Dan, quæ est ultima. Secundum autem principale est materia temporis iudicum, quæ incipit infra 3. circa medium: & in hoc facit scriptura duo. Primum ponit occasionem introducendi iudices. Secundum ponit tempora, & actus iudicum introductorum infra 3. in medio. In primo autem processit sic scriptura, quia peccatum fuit causa necessitatis iudicum, ideo describuntur modi peccatorum. scilicet quod Israelitæ concubabant in coniugijs, & in fœderibus cum Chanaanais contra domini interdictum, & quia viuentis Iosue incepit hoc malum, introducit hic scriptura quandam reprehensionem factam ab angelo Dei coram toto Israel viuentis Iosue, & presente: & tunc aliquantulum abstinuerunt ab his malis Israelitæ in reliqua parte vitæ Iosue: quo mortuo redierunt ad priora peccata, ideo describuntur peccata eorum post mortem Iosue, & necessitas introducendi iudices, & modus successionis eorum, & hoc describitur in toto isto cap. ideo si quis vellet continuare ista 3. ca. prima deberet dicere, quod primum. scilicet partim ponitur per anticipationem, & partim per rectum ordinem ad ea, quæ dicuntur infra 3. & usque ad finem libri, eo quod aliqua ponuntur præc. c. quæ fuerunt facta postquam ceperunt iudices, & alia ponunt, quæ fuerunt facta ante introductionem iudicum. Si autem comparemus ea, quæ habentur præc. c. ad ea, quæ habentur hic, debemus dicere, quod omnia illa ponuntur per anticipationem cum ea, quæ habentur hic, fuerint facta ante omnia, quæ habentur præc. c. scilicet quia illa facta sunt post mortem Iosue: hæc aut facta sunt ante mortem eius. De his, quæ habentur c. isto dicendum est, quod sunt duæ partes. Prima usque ad locum illum. *Dimisit autem.* Et secunda usque ad finem. Illa secunda non potest habere ordinem anticipationis, nec recapitulationis, eo quod ibi non tanguntur gesta temporalia, sed causæ introductionis iudicum. De prima parte dicendum, quod ponitur totaliter per recapitulationem, quia istud quod habetur hic, fuit factum ante ea, quæ habentur præc. c. & ante ea, quæ habentur in toto libro isto, seruauit tamen scriptura in hoc ordinem artificialem, quia ad describendum tempora iudicum conueniens erat præmitti causas introductionis eorum. Hæc tamen mutationes ordinis vehementer turbant lectorum aures, nisi perspicaciter, & diligenter aduertat. *Ascendit autem angelus domini de Galgalis.* Hic ponitur reprehensio facta non pro peccatis factis præc. c. quia illa fuerunt post mortem Iosue, & ista increpatio fuit viuentis Iosue: sed pro peccatis, quæ faciebant Israelitæ viuentis Iosue, quorum similia postea egerunt, & fuerunt causa introductionis iudicum. Introducitur autem reprehensio huius peccati per angelum, ut sint Israelitæ minus excusabiles. Nam non solum Deus lege vetuerat communicationem Israelitarum cum Chanaanais, sed etiam angelus domini venit ad increpandum eos de illa, & hoc non obstante post mortem Iosue redierunt ad ista peccata. Et dicitur, quod angelus domini ascendit de Galgalis in locum silentium, scilicet

et quod Israelitæ erant in Galgalis quando locutus fuit eis angelus, & post recesserunt inde, & iuerunt in locum silentium, & ibi increpuit eos de transgressione.

*Quis erat iste, qui apparuit hic, an homo, vel angelus. Quæst. II.*

**Q**VAERET aliquis de isto angelo, quis erat. Respondent quidam Hebrei, quod erat Phyneas filius Eleazari summi sacerdotis, & vocatur angelus, quia erat sacerdos: omnes autem sacerdotes vocantur angeli: Mala. 1. f. Labia sacerdotis custodient scientiam, & legem exquirent de ore eius, quia angelus domini exercituum est. Sed hoc non stat, quia scriptura loquitur hic de isto tanquam de vero angelo: de sacerdotibus autem loquitur, ut de veris hominibus, nec reperiatur sæpe eos vocatos angelos, & tunc quando sic vocantur, apparet dictum esse per metaphoram. Item si Phyneas locutus fuisset hic redarguendo Israelitas, non dixisset: Eduxi vos de Aegypto, & introduxi in terram, pro qua iuravi, sed dixisset: Deus eduxit vos de Aegypto, &c. Ratio differentiae est, quia quando loquebantur angeli Israelitis, illi putabant esse Deum, ideo loquebantur angeli ut Deus, & ipsa scriptura (ut communiter) vocat eos Deum. Sic patet Exo. 3. de angelo apparente in rubo, & ibi dicitur, quod erat Deus. Stephanus tamen Act. 7. dixit, quod erat angelus: ille quoque, qui dedit legem in montem Sinai erat angelus, ut patet ad Gala. 3. vocatur tamen Deus Exo. 20. f. Ego sum dominus Deus tuus, qui eduxi te de terra Aegypti, & sic in omnibus locis generaliter ubique dicitur Deum locutum fuisse aliquid, fuit aliquis angelus locutus, quia Deus non potest loqui, ut declaratum est Exod. 25. Si autem homo locutus fuisset, ut Phyneas, apparebat illum esse hominem, ideo non loqueretur ille sic in persona Dei, cum constaret eum esse hominem: fuit tamen locutus in persona Dei: ergo erat angelus. Item dicitur, quod ascendit angelus Dei de Galgalis ad locum silentium, in quo innuitur, quod solum fuerit cum eis in Galgalis, & postea in loco silentium, ubi increpuit Israelitas. Si tamen intelligeretur de Phyneas hoc, non diceretur, quod specialiter ascendit de Galgalis in locum silentium, quia ille semper erat cum Israelitis, & ibat quo cunque illi ibant: ergo non erat Phyneas. Item Israelitæ tenuerunt istum, ut verum angelum: quod patet, quia postquam ipse cessauit loqui, immolauerunt domino victimas in eod. loco, ut patet infra 1. littera: si tamen fuisset Phyneas, non immolassent propter reuerentiam eius. Alij Hebrei dñt, quod iste, qui locutus est erat verus angelus, & tamen erat Phineas filius Eleazari summi sacerdotis, eo quod dñt istum fuisse angelum incarnatum. Et ex hoc dñt, quod iste se faciebat aliquantulum visibile, quia erat angelus, & sic volunt propter id quod habetur Ios. 2. de duobus exploratoribus, ubi littera nostra dicit: Tollens mulier viros abscondit. Et in Hebr. dñt: Tollens mulier viros abscondit eum: ex quo dñt, quod mulier duos viros accepit, sed unum solum abscondit, eo quod unus eorum erat Phyneas, & ille erat angelus, ideo faciebat se invisibile quoniam volebat. Sed ista est magna infania: peccat. n. in radice nature: nam angelus non potest esse incarnatus, quia substantia angelica non est forma, sed tota species: ideo non est unibilis: unde impossibile est, quod formaliter uniat angelus bonus, vel malus alicui corpori ad viuificandum id, sed solum uniantur, ut motor mobili, sicut angeli mouent corpora coelestia, ut patet Iob 9. cap. & declarat Aristot. 12. Metaph. & angelus domini portauit Abacuc de Chaldaea in Babylonem, ut patet Dan. 13. capit. & quando angeli videntur in aliquibus corporibus, illa sunt aerea, & non uniantur angeli illis tanquam forma materię ad efficiendum unum per se resultans, sed sunt totaliter diuisa. scilicet motor, & mobile, sicut

*Inde ostenditur ridiculum commentum.*

*Angelus non potest uniri formaliter alicui corpori.*

*Ad populum facta comminatio.*



sicut nauta & nauis: Iudei autem, qui circa omnia rudes sunt, nec principia naturę de conditione formarum, nec theoricum aliquid nouerunt de conditione angelorum, ideo in singulis errant. Item Phynees erat filius Eleazari, vt testatur Deus Num. 25. ergo erat verus homo, & non angelus. Patet consequentia, quia homo non gignit nisi hominem præterquam æquiuocè: & tunc gignitur alterum genus animalis: angelus autem non est animal, nisi quis cum Poetis, & quibusdam Platonicis desipiat: ergo non erat Phynees angelus. Item Phynees genuit filios, qui ei successerunt in summo sacerdotio 1. Paral. 6. & Deus dixit, quod summum sacerdotium māsulum erat in posteris Phynees descendentibus de semine suo, vt patet Num. 25. ergo non erat angelus. Patet consequentia, quia angelus non gignit quidquam: nam licet aliqui demones immundissimi sint, qui improbo libidinosoque accessu mulieres vexant, quos incubos, & succubos vocamus, vt ait Aug. 15. de ciuit. Dei: tamen nullus demon, vel angelus gignere potest, quia semen effundere nequit, cum non sit animal. Item quando dicunt, quod Phynees erat angelus domini, quia Ios. 2. dicitur: Tollens mulier viros abscondit eum: non est vllatenus rationale motuum, quia litera Hebraica est nimis barbara, & interdum non seruat numeros, nec personas, sic patet Isa. 19. cum dicitur in litera nostra: Tradam Aegyptum in manu dominorum crudelium: habetur in Hebræo: Ponam super Aegyptum dominos durum, vel crudelem, cum deberet dicere, duos, vel crudeles. Itē satis apparet, quod non erat angelus aliquis de illis exploratoribus, quia tunc, sicut vnus eorum seipsum faceret inuisibile, ita & posset facere de socio suo, & non fuisset opus, quod Raab abscondisset eos sub stipula lini, vel etiā fecisset, quod viri venientes ad inquirendum eos in domum Raab non inuenirent portam, sicut duo angeli venientes sodomam in effigie virorum percusserunt omnes viros Sodomorum cecitate, ita vt p totā noctē nō possēt inuenire portam domus Gen. 19. c. Item non dimitterentur à Raab per funem per murum, sed aliter possent ire volando. Item non iussent ad latendum in montibus tribus diebus, sed ambulauissent securi nullum timentes. Item non facerent pactum cum Raab dicentes, quod obseruarent pactum, si nō proderet eos: In quo innuitur, quod timebant. Quæ omnia patent Ios. 2. c. Ergo nullus illorum erat angelus, quia se posset facere inuisibile. Et sic patet, quod Phynees non erat angelus incarnatus. Dicendum ergo, quod iste nō fuit Phynees, vel aliq̃s alius hō, sed verus angelus Dei, & apparuit corā oībus Israelitis in forma humana sumpto corpore de aere, & locutus est, & Israelitę venerati sunt eum, vt angelū Dei.

*Quomodo angelus de Galgalis in locum flentium venerit.*

*Quest. III.*

**Q**VAERETVR vltius quomodo angelus dñi venit de Galgalis in locum flentium, & quomodo hoc fecit. Respondet historia scholastica, quod angelus domini apparuit in Galgalis, & cum venissent ad eum de finibus suis transtulit se ad alium locum, & Israelitę secuti sunt eum. Sed aliquis dicet, quod ista litera non bene sibi cōsonat, quia necesse est, quod Israelitę fuerint in Galgalis quando fuit ibi angelus, & tamen non fuerunt Israelitę congregati in Galgalis, nisi tēpore Iosue à principio antequam haberent possessionē terrę Chanaan: nam Israelitę mox, vt introierunt in terram Chanaan castrametati sunt in Galgalis, & ex loco ipso procedebant ad bellum illi, qui ituri erāt, & reliqua multitudo mulierum, & paruulorum, & impotētium ad bellum manebat in Galgalis, & bellatores finitis bellis redibāt in castra Galgalæ. Sic patet Ios. 10. vbi ponuntur multa Alph. Tost. super lib. Iudicum.

**A** bella Iosue facta contra Chananæos, & in fine dicitur, quod rediit in castra Galgalæ: postquam autē obenta est magna pars terrę de manu hostium, & diuisa fuit, iuerunt singuli in possessiones suas, & non manserunt in castris Galgalis: hic tamen dicitur infra quod postq̃ angelus locutus ē, dimisit Iosue singulos in possessiones suas: ergo iā tenebant possessiones, & consequenter non erant in Galgalis. Item, quia angelus iste increpauit Israelitas, quod fecissent fēdera, & coniugia cum Chananæis, & non subuertissent aras eorum, sed cum Israelitę erāt in Galgalis antequam habitaret per loca terrę Chanaan non communicabant cum aliquo de Chananæis, ergo non erant tunc in Galgalis, sed iā habitauerunt aliquanto tempore diffusi per terram Chanaan. Respondendum, quod Israelitę erant in Galgalis, qñ ibi fuit angelus, & inde iuerūt in locum flentium: & tamen non fuerūt hæc facta in Galgalis prima vice, quando erat ibi Iosue cum toto Israel, quia tunc Israelitę nondum habebant possessiones: ideo assignandū est aliter, & dicendum, quod viuente Iosue aliquanto tempore post diuisionem sortium Israelitis communicantibus cum Chananæis angelus à Deo missus venit ad increpandum Israelitas super hoc, & apparuit angelus ille in Galgala, vbi aliqui habitabant, iussitq; illis, vt cōuocarent ad ipsum locum Iosue, & totum Israel, cumque omnes cōuenissent, angelus recessit inde ad locum, qui postea dictus est locus flentium, & ibi eis allocutus est. Et hoc tenet historia scholastica, dicens: Apparuit angelus domini in Galgala, & cum venisset ad eum de finibus suis transtulit se ad alium locum, & secuti sunt eum. *Ad locum flentium.* Hoc ponitur per anticipationem, quia quando angelus venit ad locum istum non vocabatur locus flentium, sed postea vocatus est cum omnes Israelitę fleuerint loquente angelo, & ipsi tunc nominauerunt sic locum, vt patet infra. In Hebræo habetur. *Ad flentes.* Litera tamen nostra dixit ad locum flentium, quia aliās esset sensus, quod angelus venit ad flentes, scilicet quod Israelitę flebant quando venit ad eos angelus. *Et ait: eduxi vos de Aegypto.* Loquitur angelus in plōna Dei, nō quod ipse esset Deus, quia angeli isti apparebāt, vt Deus, & populus putabat eos esse Deum, & impropere Israelitis beneficia præstita, quia ipsi debebant seruare legem Dei cum benefecisset eis nimis, & nunc præuaricabantur, ideo reddebāt se indignos prestito beneficio. Nominauit autē hic angelus duo beneficia solum. scilicet educationem de Aegypto, & introductionē in terram Chanaan, quia in his duobus includuntur oīa particularia beneficia. scilicet oīa adiutoria præstita in Aegypto, & plagę inflictę Aegyptijs, & transitus maris rubri, morsq; Aegyptiorum in mari, intelliguntur sub educatione de Aegypto: manna autē collatum in deserto, & aqua de petra, & victorię cōtra hostes, aliq; singularia bona; deinde pugne factę contra reges terrę Chanaan, & apertio Iordanis, & omnia alia accipiuntur nomine introductionis in terram Chanaan. *Et introduxi in terram.* Non solum introduxi, sed & illam ad possidendum dedi deletis hostibus vestris. *Pro qua iuravi patribus vestris.* Scilicet iurauit Abraham de dādo terram Chanaan: nam pepigit cum eo fēdus super hoc, vt patet Gen. 15. & in fēdere interuenit iuramentum: de alijs Patriarchis non legitur, quod Deus iurauerit eis dare terram Chanaan: legitur tamē quod p-miserit eam dare illis sub prestito iuramento. Sic patet de Isaac Gen. 36. c. f. tibi & semini tuo dabo vniuersas regiones has complens iuramentum quod spopondi Abraham patri tuo. Dicere autem aliquid, vel p-mittere sub prestito iuramento, vel sub pena prestiti idem est, ac si de nouo super illo articulo iuramentum præstaretur. *Et pollicitus sum, vt non facerem irritum pactum meum.* Id est promuli eis, quod pactū meū initū cū eis non esset frustra.

Doc. resp.  
ad quæ-  
stium.

Angelus  
alloquitur  
Israelitas  
in persona  
Dei.

Doct. resp.  
ad quæ-  
stium.

Historia  
scho. resp.  
ad quæ-  
stium refel-  
litur.



Ista erat secunda promissio. .i. q̄ primò iurauit Deus Israelitis, & pepigit cum eis fœdus de dando terrā Chanaan. Postea aut̄ promisit, q̄ ista promissio p̄cedens nō esset inanis, & ista erat cōfirmatio fœderis. *In sempiternū.* Idest nunq̄ facerē irritū, quia qđ in sempiternū non fit nunquā fit, sicut dixit Augus. super illo verbo Petri ad Iesum, quod habetur Ioan. 13. scilicet. Domine non la uabis mihi pedes in æternum, idest nunquam lauabis.

*Quomodo Deus seruaturus erat fœdus cum Iudeis vsque in sempiternum. Quest. IIII.*

**Q**VAERET aliquis, quomodo Deus seruaturus erat fœdus cū Iudeis vsq; in sempiternū, q̄a dato, q̄ Israelitē seruarent ex parte sua id, qđ seruaturi erant, non maneret istud pactum in eternū, cū Deus dispo suisset mutare alium statū. .i. legem veterem in nouā, & q̄ omnia antiqua cessarent. Respondendum, q̄ siue Iudæi bene se haberent ad Deum seruando omnia, q̄ lege iussa erāt, siue oīa p̄uaricarent semper status Iudaicus mutandus erat, quia nō dederat legem veterem tanq̄ semper mansurā, sed vt quoddā manu ductiū ad inducendum postea legem noui testamenti. Sic declarat Apostolus ad Gal. 3. & 4. c. .i. q̄ lex pedagogus no ster fuit in Christo. .i. q̄ erudiuit nos lex Moisaica tanq̄ pedagogus per timorē, vt postea reciperemus legem Christi. Et iterum, q̄ qñ eramus in lege veteri, eramus vt paruuli sub elementis mundi seruientes. .i. sub rudimentis puerilibus, quæ sunt prima, sicut elemēta sunt prima in rebus: dicebantur tñ ea, quæ in lege ponebātur pacta sempiterna, non q̄ pro semper duratura forent, sed quia magno tempore. Sic patet de circuncisione Gen. 17. .i. q̄ erat fœdus sempiternū: & Leui. 3. dicitur oīs adeps dñi erit iure ppetuo: & tñ ista non erant obseruanda, nisi quandiu maneret status Iudaicus, qui non erat ad semper. Ad rationem in contrariū respōderi potest dupliciter. Vno mō, q̄ Deus promiserat, q̄ non faceret pactum suum irritum in sempiternū. .i. ad magnum tempus, & tñ, quia ipsi peccabant, cito Deus irritaret pactū. Aliter & melius dici debet, q̄ istud pactum de dando terrā Chanaā Iudeis erat eternū, vt patet Gen. 17. non solum ad magnū tempus, imō etiā ad semper qñ homines viuerent super terrā. Et ratio dñe huius pacti, & eorū, q̄ in lege fiunt est, quia ea, q̄ posita fuerunt in lege, solum manere debebāt quandiu duraret status Iudaicus, & tñ iste non debebat semper durare: ergo nulla lex, aut pactum in eternū extendebatur: quamquam in eo exprimeret, q̄ dabatur in fœdus perpetuū. De promissione aut̄ facta de possidendo terrā Chanaan in eternum secus erat, q̄a ista nō attinebat ad statum legis: ideo dato, q̄ tota lex mutaret̄ adueniente nouo testamēto, poterat manere ista promissio. Vnde dicendum est, q̄ si Iudei nunq̄ peccauissent saltē grauit̄, sicut peccauerunt, et si Christus aduenisset tēpore suo, quo nūc aduenit, & Iudæi oēs relicto Iudaico ritu tenerent ceremonias noui testamenti, maneret semp̄ promissio facta illi populo de possidendo terrā Chanaā. .i. q̄ nunq̄ ducti fuissent captiui ad aliquas nationes, & nullus occupasset terrā illorū, nec mutasset illa gens sedes suas. Et sic esset ista gens inter Christicolos ceteros habēs aliquid speciale. .i. p̄missionē de manēdo, & possidendo in eternū terrā Chanaā: fuit tñ irritatum fœdus istud propter peccata multiplicia Iudeorum. *Ita duntaxat, vt non seriretis fœdus cum habitatoribus terræ huius.* Idest & cum ista conditione feci pactum istud, vt vos non cōponeretis fœdera cū habitatoribus. Nō posuit Deus istam cōditionē qñ pepigit fœdus de dando terrā Chanaan in possessionē eternā Israelitis, sed simpliciter locutus est Ge. 15. & 17. c. intelligebatur tñ in verbis Dei cōditio, & sic est generale in oībus p̄missionibus Dei,

& cōminationibus intelligatur, q̄ si res permaneat in eo statu, in quo erat qñ facta ē p̄missio, vel cōminatio. Sciendū, q̄ duntaxat ponit̄ hic improprie: nā si teneat̄ proprie est sensus, q̄ Deus promisit non irritare pactū suū, ita vt Hebræi solum seruarent hoc, q̄ non inirent fœdera cum habitatoribus terræ huius: & tñ falsum est, quia dato, q̄ Israelitē obseruarent oīa, q̄ habentur hic, poterant peccare in multis alijs grauissimē, & expellerēt de terra. Nam Leui. 26. cōminatur Deus omnia mala expulsionis, & captiuationis pro quibuscunque peccatis, in quibus Iudei essēt incorrigibiles: sed debet accipi, ita duntaxat. .i. ita tamē, vel sub hac conditione. Sciendū, q̄ inire fœdus accipitur hic large, q̄a proprie initur fœdus qñcunq; intercidit aliquod pactū super remagna: & postea confirmatur ceremonijs fœderis. .i. occidendo animalia, & transeundo p̄ medias diuisiones. Hic autem vocatur fœdus quęcunque compositio, vel contractus. .i. q̄ Israelitē non debebant accipere vxores de stirpe Chanaanorū, nec dare illis filias suas ī vxores: Exo. 34. & Deut. 7. et non erant contrahendę vlle amicitie cum eis, et emptio, & venditio, & alij contractus cōmunes, & quęcunq; cōmunicatio erant illicita, sed tenebantur Israelitē occidere Chananæos viros, & feminas qñcunq; possent nullo interposito fœdere pacis, aut seruitutis: Deut. 20. cap. *Et aras eorum subuerteretis.* Scilicet non solum tenebātur Israelitæ occidere Chananæos, vel non cōicare cū eis, dum viuerent, sed et tenebantur subuertere aras eorū. .i. destruere altaria illis mortuis, nē deletis Chananæis aræ superstites essent Israelitis occasio idolatrando, & per hoc intelligit̄ exclusio oīs cultus diuini apud Gentiles: nam Deus iusserat Deut. 12. q̄ exclusis Chananæis de terra Israelitē nō inquirerent ceremonias eorum dicētes, sicut coluerunt gentes istæ Deos suos, ita & ego colā. *Et noluiſtis audire vocem meam.* Idest noluiſtis obedire mihi. Ex quo patet eos nimis reprehensibiles, & beneficijs indignos: tum quia p̄cepta erant rationalia, & debebant eis obedire et nullo alio intercidente: tum quia Deus benefecerat eis, & ex hoc magis tenebant̄ ei ad mandata, vt ipse inducebat Exo. 19. *Cur hoc fecistis?* Potest teneri interrogatiue. .i. quare fecistis hoc. q. d. non habebatis aliq̄ causam ad faciendū: ideo male egistis. Vel pōt teneri causaliter pro quia. .i. quia fecistis hoc, nolui delere gentes à facie vestra. *Quamobrem.* Scilicet quia vos irritum fecistis pactum meum, ego quoq; irritaui pactum qđ vobiscum pepigeram. *Nolui delere eos à facie vestra.* Scilicet occidendo eos, vel expellendo de terra.

*Quomodo Deus dicit quamobrem nolui delere eos. Quest. V.*

**Q**VAERET aliquis, qñ Deus dicit: *Quamobrem nolui delere eos*, q̄a videtur pouere Deus idē pro pena quod erat culpa: fuit. n. culpa Hebræorū, q̄ noluerint delere Chananæos, cū possēt, & nūc dicit Deus, q̄ ipse noluit propter hoc delere eos à facie ipsorum. Respondendum, q̄ Deus iusserat Israelitis nō cōicare cū Chananæis, & expellere eos de terra qñ possent, & tñ Deus promiserat, q̄ daret Hebræis vires ad expellendū eos de terra, vt patet Ios. 13. .i. Ego sum, q̄ delebo eos à facie filiorū Israel. Et si Israelitē nollent occidere Chananæos, cū possent, Deus cōminatus fuerat, q̄ conuerteret mala super Israelitas, & q̄ ipsi Chananæi offenderent Israelitas, vt patet Nu. 33. .i. si autē nolueritis interficere habitatores terrę, q̄ remāserint, erūt vobis quasi clauis in oculis, & lanceę in lateribus, & aduersabuntur vobis in terra habitationis vestrę, & qđquid facere illis cogitaueram, vobis faciam. Idem patet Iosue 23. cap. Vnde cū Israelitæ à principio potuissent expellere Chananæos de terra, & noluerunt Deus suscitabat in eos



eos hostes acerrimos Israel, & tunc vellent libenter Israelitæ excludere Chananæos de terra, & non cōmunicare illis: sed Deus dabat illis vires ad praualeandum contra illos in pœnam delicti eorum, scilicet, quia noluerunt expellere eos, quando poterant. Et hoc dicitur hic, scilicet. Nolui delere eos à facie vestra. i. nunc ego nolo delere eos, etiam si vos velitis, quia vos irritastis pactum meum, & in hoc Deus irritabat pactum suum, quia ipse promiserat tradere totam terram Chanaan Israelitis, & excludere omnes gētes de cōspectu eorum. *Et habeatis hostes.* Aliqui legunt literam istam consecutiue, & non finaliter, scilicet quod non dereliquit Deus Chananæos in terra ad hanc intentionem, vt haberent Israelitæ hostes: sed dereliquit gentes, & ex hoc consequbatur, quod haberent hostes manentibus eis in terra: legenda tamen est litera finaliter, quia intentio Dei fuit punire Israelitas p peccato, & fuit ista pœna suscitando illis Chananæos in hostes. *Et dij eorum sint vobis in ruinam.* Ista litera est legenda obsecutiue. scilicet quia non dereliquit Deus Chananæos in terra ad hanc intentionem, vt Israelitæ haberent occasionem peccandi in dijs illorum, sed dereliquit eos, & ex hoc consequbatur, quod dij Chananæorum essent in ruinam Israelitis cōmunicando cum Chananæis. Et ratio est, quod ista clausula legatur consecutiue, & superior finaliter, quia superior importat pœnam solum. Ista autē importat directius culpam, quā pœnam. Deus autē nō vult culpam, pœnam autem vult, quia illa bona est, ideo pœna potest poni, vt finis, culpa autem nequaquā: dij autem Chananæorum erant in ruinam Israelitis, quā manentibus in terra Chananæis viderent Israelitæ altaria, & Deos Chananæorū, & inclinarentur ad colendum eos: & ista erat ruina in culpam: ex qua sequebatur ruina in pœnam, scilicet, quia Deus nimis acriter vindicabat in Iudæos, cū colerent Deos alienos. Sciendū, quod Deus posuit hic duo mala cōtra Iudæos, scilicet quod haberent hostes, & quod dij Chananæorum fierent eis in ruinam, & hoc ppter duas transgressiones, quas fecerunt Israelitæ: nam Deus iussit, q nullo mō componerent foedera, vel amicitias cum Chananæis. Secundō iussit, q destruerent altaria eorum, & vtrunque prauaricati sunt. Contra primum Deus dedit in pœnam, q haberent Chananæos in hostes, quia contra voluntatem, & pceptum dñi voluerāt eos habere in amicos. Contra secundum fecit, q Israelitæ haberent occasionem peccandi, & consequenter recipiendi pœnam propter Deos Gentiliū, & hoc, quia Deus dixerat, q aras eorum subuerterent, & noluerūt. *Cumq; loqueretur angelus domini.* Id est cū finiuiſſet loqui verba hæc.

Chananæorū dij erāt in ruinam Israelitis.

*Quare vocatur iste hic angelus cum sacra scriptura consueuerit Deum vocare quemlibet angelum. Quæst. VI.*

**Q**VAERET aliquis, quare vocatur iste hic angelus, cū sacra scriptura consueuerit vocare Deum quemlibet angelum apparentem, & loquentem, vt patet ex toto discursu librorum Moyſi. Respondendum, quod sacra scriptura curauit nimis tollere Iudæis occasionem idolatrando: erant autem nimis prompti ad idolatriam, cū mansissent in Aegypto; vbi tota gens colebat statuas tanquam Deos, & quia si dictū fuisset Israelitis, quod Deus suus erat corporeus habēs aliquam effigiem rerum, quæ sunt, fecissent ei imaginem ad colendum illum, & illam imaginem colerēt, in quo idolatrarent. Noluit dicere scriptura Deum habere imaginem, ideo quodocunq; aliqui angeli loquebantur Israelitis ex parte Dei, non apparebant in aliqua forma corporeitatis, sed solum audiebatur vox, & ipsum corpus quod ipsi assumpsissent ad loquendū, velabant intra caliginem nubis, vel fumi. Et iste

Alph. Toſt. super lib. Iudicum

**A** fuit causa, quare fiebant apparitiones angelorum in nube, vel igne, aut fumo, vel in loco abscondito, sicut in propitiatorio super arcam, vt non videretur corpus assumptum. Et tunc vocabantur isti Deus, nec erat aliquod periculum, quia ex hoc Iudæi non insurgerent ad fabricandum aliquam imaginem, eo quod nullam vidissent figuram: nunc autem angelus iste apparuit manifestē in figura humana, vt à toto populo cerne- retur, & verba eius attenderentur, & tunc si scriptura vocasset hunc Deum, cū vidissent eum Israelitæ sub humana effigie, putassent Deum corporeum esse, & fingerent ei statuas, ideo non vocatus fuit Deus, sed angelus. In angelis autem non erat periculum, quod apparerent in humana effigie, quia illi non iubebantur coli, & cōsequenter non fierent eis imagines. Quod autem ista esset intentio scripturæ patet ex verbis Moyſi Deuter. 4. dissuadentis Israelitis fabricationē imaginum ad colendum, cū ait: Custodite sollicitē animas vestras: non vidistis aliquam similitudinem in die, qua locutus est domin⁹ in Horeb de medio ignis, nē fortē decepti faciatis vobis sculptam similitudinē, vel imaginem masculi, vel femine, &c. Ideo attendendum diligenter, quod scriptura sollicitē obseruauit istā consuetudinem, scilicet quod vbicunq; angelus apprens manifestē apparebat sub aliqua effigie, scriptura sacra vocat eum angelum, vbi autem apparebat sine similitudine vocat eum, vt communiter Deum, quāquam rarō vocet angelū. De primō patet, quia angelus dñi apparuit Agar fugienti, & quia ipsa vidit eum, vt patet Gen. 16. f. Profecto hic vidi posteriora videntis me: propter hoc appellauit puteum illum puteum videntis, & viuētis: & ibi nō vocatur Deus, sed angelus. Sic etiam patet infra 6. de Gedeone, cui apparuit angelus in effigie humana; ita vt Gedeon putaret illū virū, & scriptura vocauit eū ibi angelū, & non Deū. Sic etiā patet de Manue patre Samsonis, cui apparuit angelus Dei in effigie viri, & postea constitit eū non esse virū: scriptura tñ nō vocauit eum Deū, sed angelū, vt patet infra 13. c. De secundō apparet p totū discursū librorum Moyſi, & vet. test. in quibus sepe dicit Deū locutū fuisse aliqua, & intelligūtur omnia illa de angelo, quia Deus nunq loquitur. Quod aut angelus non apprens: interdum vocetur angelus, patet Exo. 14. vbi dīr, q angelus, qui pcedebat in columna nubis trāstulit se ad posteriorem partem castrorum, & tamen ille angelus non videbatur: primum tñ semper stat inconculsē. i. q angelus, qui videbatur, nunq vocat Deus, sed angelus.

*Quare angelus, qui dedit legem in monte Sinai, apparuit sine effigie, & vocatur Deus, & angelus, de quo hic, apparuit in humana effigie, & vocatur angelus.*

*Quæst. VII.*

**Q**VAERETVR vltorius cū scriptura vocet angelum apparentem in humana effigie, & angelū apparentem sine effigie vocat Deum, cur apparuit angelus in datione legis sine effigie, & hic in effigie, scilicet quare ambo non apparuerūt sine virorum effigie, vel ambo cum effigie. Respondendum, q quāquā generale sit, q quādocunq; aliquid ex parte Dei hominibus dicitur, vel aliquid fit cū eis, quod non fit p Deum, sed per angelum, quia hoc non congruit dignitati Dei, nec etiam est possibile, cū omnia ista fiant per motum, qui in Deo esse impossibile est: tamen quedā sunt operationes, q pertinent ad magnam potentiam, & dignitatem, & alia sunt, quæ important nudum ministerium. Quantum ad primas operationes licet angeli illas efficiant, tamen nō dicuntur illas ipsi efficere, sed Deus, quia tunc suscipientes ista magna beneficia inclinarentur ad colendum totaliter angelos, vel ex

C 3 parte



parte propter hæc. Sic fuit in datione legis. Nam legem condere est maximæ potestatis, & ei tota politia subiecta est, qui ei leges imponit. Si igitur Iudæi putassent leges datas sibi per angelum, credidissent, quod illi obediendum foret, ideo angelus in datione legis vocavit se Deum, dicens: Ego sum dominus Deus tuus, qui eduxi te de terra Aegypti: non habebis Deos alienos coram me: Exo. 20. Et quia iste actus legislationis erat maxime potestatis, Moyses conatus est persuadere Israelitis istum fuisse Deum: quod patet Deut. 4. ca. ex verbis suis, cum vult probare, quod non debebat fieri aliqua sculptura ad exprimendum Deum, ait: Custodite sollicitè animas vestras: non vidistis aliquam similitudinem die, qua locutus est dominus in Horeb: quasi dicat, quia Deus non habet aliquam similitudinem, nec vos vidistis eam, non deberis facere imaginem. Si tamen Moyses præsupposuisset, quod iste erat angelus, non oportebat, quod sic argueret, quia dato, quod apparuisset in aliqua effigie die, qua locutus est in Horeb: non sequebatur, quod Deus haberet effigiem, quia ille non erat Deus, sed angelus. Dicendum ergo, quod quamquam Moyses sciret illum esse angelum, tamen conabatur persuadere illum esse Deum populo rudi, ne haberet occasionem errandi colendo angelos. Sic etiam fuit ante educationem Israelitarum de Aegypto, quia angelus apparuit Moyfi in rubo flammanti, & incombusto, & dixit, quod audierat clamorem populi sui, & quod volebat liberare illum de manu Aegyptiorum: & tamen iste vocatus est Deus: Exo. 3. quia liberatio ista erat magnū beneficium: & si Moyses nunciasset Israelitis ista dicta fuisse per angelum, credidissent illum esse, quæ colere debebant pro tanto bono: ideo scriptura vocavit eum Deum. Alii actus sunt parvæ dignitatis, & potestatis, sed important nudum ministerium, & tunc angeli missi vocantur angeli, & non Deus. Sic patet de columna præcedente Israelitas in via, quia illa movebatur ab angelo, & quia movere illam erat purum ministerium, vocavit scriptura illum angelum: Exo. 14. c. Sic etiam fuit hic, quia iste angelus solum veniebat ad increpandum Israelitas de transgressionem legis, & monendum eos ad bonum. Hoc autem erat ministerium solum, ideo scriptura vocavit illum angelum, & consequenter oportuit, ut angelus, qui dedit legem, & qui locutus est in rubo apparerent sine effigie, ut possint vocari Deus, & angelus iste cum deberet vocari angelus, poterat apparere in humana effigie. Sic est de angelo apparente Gedeoni, & de angelo Manue. Nam illi nudum ministerium exercebant, & poterant vocari angeli, & apparere in corpore. *Elevarunt vocem suam ac fleverunt.* Ille fletus fuit propter duo. Primò ex contritione, scilicet, quia dolebant se peccasse contra Deum. Secundò timore poenæ, scilicet, quia Deus comminatus fuerat mala, id est quod Chanaanæi manerent in terra, & essent hostes eorum. *Et vocatum est nomen loci illius flentium, & lachrymarum.* Nomen istud ab eventu positum est, scilicet, quia ibi lachrymati sunt Israelitæ, sicut Gulgala ab eueru sic dicta est, quia ibi proputia abscessa sunt: Iosue 5. cap. *Immolaueruntque ibi hostias domino.* Scilicet, quia angelus apparuerat, & ut Deum sibi placarent.

Duplici  
causa flet  
Israelitarum  
fuit.

*Quomodo Israelitæ potuerunt domino in loco flentium immolare: an in hoc peccauerunt. Quest. VIII.*

**Q**VAERET aliquis, quomodo Israelitæ potuerunt immolare domino in loco flentium, & an peccauerunt in hoc: nam iussum erat, quod non fieret immolatio extra locum sanctuarii sub poena mortis, ut patet Leuit. 17. & Deuter. 12. Aliquis fortè dicet, quod Israelitæ peccauerunt in hoc, sicut in multis alijs Deum offenderant. Sed dicendum, quod non stat,

quia Iosue esset nunc præsens, cum dicitur immediate, quod dimisit Iosue populum, & abierunt singuli in possessiones suas: ipse tamen non permetteret populo agere contra legem Dei. Item cum angelus nunc increpasset Israelitas de præuaricatione legis, non est verisimile, quod immediate eo recedente contra illam agerent. Item scriptura signat hic, quod postquam iste angelus locutus fuit plebi, semper seruierunt Israelitæ Deo usque ad magnum tempus post mortem Iosue, cum dicitur infra, *Seruieruntque domino cunctis diebus eius, & seniorum, qui longo post eum vixerunt tempore: ergo nunc non peccauerunt immolando hic.* Dicendum, quod antequam tabernaculum domini fingeretur in Silo, licitum erat immolari ubicumque, vel facere quasunque caeremonias, aut eas omittere, eo quod nondum obligabat lex, sicut in deserto, quia nondum data erat pax, ut patet Deuter. 12. cap. Postquam tamen fixum est sanctuariū, peccatum erat alibi immolare: nunc autem fixum erat sanctuarium in Silo, cum iam Israelitæ haberent possessiones: quod tamen non fuit usquequo locatum est tabernaculum in Silo, ut patet Iosue 18. ergo regulariter peccatum erat alibi immolare, sed fuit hic casus specialis. Sed aliquis dicet, quod nondum erat fixum sanctuarium in Silo, ideo quod generaliter licebat fieri immolationem ubicumque. Quod patet, quia dicitur infra, quod dimisit Iosue populum, & abierunt unusquisque in possessionem suam, ut obtinerent eam: ergo nondum habebant possessiones, & consequenter non erat locatum tabernaculum in Silo. Respondendum, quod erat ibi locatum tabernaculum, & Israelitæ habebant possessiones iam diuisas. Quod patet, quia dicitur: *Et abierunt filii Israel unusquisque in possessionem suam: ergo quilibet habebat possessionem, quod erat impossibile, nisi totalis diuisio sortium facta fuisset.* Cum autem dicitur, ut obtinerent eam: dicendum quod non signatur ex hoc, quod nondum habebant possessiones, sed quod nondum plene erant obtenta de manu hostium. Nam magnam partem earum tenebant hostes, & hoc non solum fuit viuente Iosue, imò etiam tempore iudicij, & regum usque ad Salomonem. Nam nondum erant obtentæ possessiones, & expulsæ gentes de terra: erat ergo regulariter iam peccatum immolare extra locum sanctuarii: fuit tamen casus specialis, & erant duo, scilicet reuelatio diuina, & apparitio angelica. Primus est, si Deus reuelaret alicui, quod immolaret hic, vel ibi, poterat licite hoc facere, quia Deus dispensabat in lege. Secundus erat ex apparitione angelica: nam apparente aliquo angelo, & nunciante aliquid ex parte Dei, licebat in loco ipsius apparitionis Deo immolari sacrificia. Sic fuit in Gedeone: nam ipse dixit angelo: *Non recedas hinc, donec reuertar ad te portans sacrificium, & offeram tibi.* Qui respondit: *Ego præstolabor aduentum tuum, & tunc venit Gedeon ferens carnes, & azymos panes, & angelus cremauit omnia, tangens illa virga, ut patet infra 6. & sic angelus approbabat sacrificium quod facere volebat Gedeon extra locum sanctuarii in loco apparitionis suæ: & non solum angeli hoc approbabant, sed interdum illud iuebant, ut patet infra 13. de Manue, qui ait ad angelum: obsecro, ut acquiescas precibus meis, & faciamus tibi hædum de capris: cui respondit: si me cogis non comedam panes tuos: si autem vis holocaustum facere, offer illud domino: & tunc fecit illud, & angelus ascendit in flamma: ergo angeli approbabant ista sacrificia, & inducebant homines ad faciendum: angeli tamen non inducunt ad illicitum, ergo licitum erat in loco apparitionis angeli fieri sacrificium: quamquam non esset ibi sanctuariū. Sic autem fuit hic: nam apparuit angelus in loco illo, ergo non peccauerunt immolando extra sanctuarium.*



An Iosue peccarit permittendo Israelitas communicare cum Chananæis. *Quest. I X.*

**Q**VAERETVR vltcrius an Iosue peccauerit permittendo, quod Israelitæ communicarent cum Chananæis, & non subuerterent altaria eorum: eo namque viuente ista facta sunt. Et videtur, quod sic, quia Deus constituerat Iosue principem super totum Israel, vt obedirent ei in omnibus, vt patet Numeri 27. & Moyses hortatus fuerat eum nimis, vt faceret custodiri legem Dei. Deuter. 31. cap. Deus quoque post mortem Moyfi sollicitè iussit ei obseruare legem Moyfi, & populo obseruandam mandare, vt patet Iosue 1. quod ergo ipse permetteret Israelitas præuicari legem Dei, peccatum magnum erat. Respondendum, quod tempore Iosue Israelitæ præuicari legem Dei antequam angelus iste increparet, & si hoc factum fuisset ex negligentia Iosue non curantis adhibere disciplinam, grauiter peccasset: ipse tamen sollicitè agebat quantum poterat inducendo semper Israelitas ad custodiendam legem, & semper congregabat eos ad exhortandum illos super hoc: ideo duæ congregationes solennes factæ leguntur, vt patet Iosue 23. & 24. Et vt fortius stringeret, Israelitas ad colendum Deum, inducebat eos ad faciendum super hoc publicam promissionem, & confirmandum eam foedere. Sic factum est semel, vt patet Iosue 24. cap. Præter hæc specialiter hortatus fuit Iosue Israelitas super his duobus, de quibus nunc increpuit angelus eos, scilicet quod non communicarent cum gentilibus terræ, nec colerent Deos eorum, vt patet Iosue 23. capit. scilicet postquam intraueritis ad gentes, quæ inter vos futuræ sunt, non iuretis in nomine Deorum earum, nec seruiatis eis, aut adoretis illos. Et postea dicitur, quod si volueritis gentium harum, quæ inter vos habitant, erroribus adhærere, & cum eis miscere connubia, atque amicitias copulare, iam nunc scitote, quod dominus Deus vester, non deleat eas ante faciem vestram, sed vobis erunt in foueam, ac laqueum, & cetera. Iosue ergo quantum in se fuit fecit, vt Israelitæ non peccarent, non præualuit tamen, quia tota multitudo erat in contrarium, quam ipse non poterat corrigere, sed solum admonere: si autem aliquæ personæ priuatæ, & raræ hoc fecissent, poterant corripiri per Iosue: non ergo peccauit ipse ex negligentia.

Cur Iosue non pugnabat contra Israelitas peccantes. *Quest. X.*

**Q**VAERETVR vltcrius dato, quod isti peccantes multi essent, cur non pugnabant contra eos Iosue cum reliqua multitudine populi: sic enim facere volebant contra duas tribus & dimidiam. Nam recedentibus duabus tribubus & dimidia à Iosue, & fabricantibus altare apud Iordanem, putauerunt reliqui Israelitæ, quod vellent illa recedere à lege Dei, ideo fecit Iosue parari ad pugnam tribus nouem, & dimidiam contra duas & dimidiam ad delendum eas, nisi constitisset, quod non fuerat fabricatum altare ad idolatriam, vt patet Iosue 22. capit. ergo sic debuisset pugnare hic. Respondendum, quod Iosue non potuit hic pugnare contra peccantes, quia in casu allegato duæ tribus solum & dimidia erant peccantes. Reliquus autem Israel erat immunis à culpa, & volebat gratis pugnare contra præuicatores, vt patet Iosue 22. cap. Hic autem erant omnes Israelitæ peccantes: nam non erat tribus, quæ non communicaret cū Chananæis, & pmitteret eos viuere in terra sua sub tributa, vt patet præced. cap. vbi dicitur de singulis tribubus, qd

Alph. I ost. super lib. Iudicum.

**A**noluerunt delere Chananæos habitatores terræ suæ, sed fecerunt eos sibi tributarios: non ergo haberet Iosue aliquos, qui adiuuarent eum ad pugnandum contra præuicatores, ideo videns hoc Iosue, nō procedebat per modum correctionis, nec minarum, quia hoc nō poterat, sed per modum suasionis. Sic patet Iosue 24. f. Eligite vobis hodie quod placet, cui potissimū debeatis seruire, vtrum dijs, quibus seruierunt patres vestri in Mesopotamia, an dijs Amorrhæorum, in quorū terra habitatis. Ego autem, & domus mea seruiemus dño. Non ergo peccauit Iosue agēs quantū in se erat.

**D**imisit ergo Iosue populum, & abierunt filij Israel vnusquisq; in possessionem suam, vt obtinerent eam: seruieruntque Domino cunctis diebus eius, & seniorum, qui longo post eum vixerunt tempore, & nouerant omnia opera Domini, quæ fecerat cum Israel. Mortuus est autem Iosue filius Nun, famulus Domini, centum & decem annorum, & sepelierunt eum in finibus possessionis suæ in Thannathfare in monte Ephraim a Septentrionali plaga montis Gaas. Omnisque illa generatio congregata est ad patres suos: & surrexerunt alij, qui non nouerant Dominum, & opera quæ fecerat cum Israel. Feceruntque filij Israel malum in conspectu Domini, & seruierunt Baalim, ac dimiserunt Dominum Deum Patrum suorum, qui eduxerat eos de terra Aegypti: & secuti sunt deos alienos, deosque Populorum, qui habitabant in circuitu eorum, & adorauerunt eos: & ad iracundiam concitauerunt Dominum, dimittentes eum, & seruientes Baal, & Astaroth.

*Dimisit itaque.* Hic ponitur secundum principale huius capituli, scilicet brevis materiae totius libri huius prælibatio. Nam in summa continetur vsque ad finem capituli huius quidquid habetur vsque ad finem libri. Et diuiditur in quatuor partes, quia primò ponitur foederis renouatio. Secundò foederis præuicatio ibidem. *Et surrexerunt alij.* Tertiò præuicationis vltio ibidem. *Iratusque Dominus.* Quartò vltionis releuatio ibidem. *Suscitauitque Dominus iudices.* Circa primum considerandum, quod Iosue fecerat cum Israelitis pactum, quod seruarent legem Dei, vt patet Iosue vltimo: deinde præuicati sunt illud communicando cum Chananæis: nunc autem increpiti ab angelo redierunt ad obseruandum pristinum foedus, & ista erat renouatio foederis in iteratione non in obseruatione. *Dimisit ergo Iosue populum.* Id est dedit illis licentiam recedendi: nam Iosue, qui erat princeps fecerat omnes congregari ad audiendum verba angeli, & disparente angelo non ausi sunt recedere Israelitæ quousque Iosue daret eis licentiam, & abierunt filij Israel vnusquisque in possessionem suam, scilicet iam diuisa fuerat tota terra per sortes, & quælibet tribus habitabat in sorte sua, ideo singuli potuerunt hinc ire ad possessiones suas.

C 4 Quomodo



Quomodo Israelitæ ad locum flentium ad angeli verba audienda  
nunc congregari potuerunt. *Quest. XI.*

**Q**UÆRET aliquis, quomodo potuerunt nunc congregari Israelitæ ad locum flentium ad audienda verba angeli: nam manerent vacuæ ciuitates, & caperentur à Chananæis. Responderi potest dupliciter. Vno modo, quod non erant hic congregati omnes viri Israel, sed magna pars eorum de principibus: omnes autem alij manebant in vrbibus, vt isti custodirent eas, nè caperentur à Chananæis: sic enim factum est in alia cōgregatione, quam fecit Iosue: nam dicitur congregasse omnes tribus Israel, & tamen solū venerunt principales, vt patet Iosue 24. scilicet: Congregauitque Iosue omnes tribus Israel in Sichem, & vocauit maiores natu, & principes, & magistros, & iudices, stetitque in conspectu domini. Aliter posset dici, quod dato, quod conuenissent omnes Israelitæ ad audiendum verba angeli nullo prorsus manente in vrbibus, non timebant, q̄ hostes inuaderent vrbes eorū, quia Deus incuteret eis tunc timorem, vt non auderent venire ad ciuitates Hebræorum. Sic fiebat in tribus festiuitatibus anni: nam tunc ascendebant omnes Iudæi in sanctuarium nullo manente in vrbibus, & tamen hostes non ascendebant tunc ad capiendam urbem aliquam in terra eorū. Sic patet Exo. 34. scilicet. Cum tulerō gentes à facie tua, & dilatauerō terminos tuos, nullus insidiabitur terræ tuæ ascendente te, & apparente in conspectu domini Dei tui ter in anno. *vt obtinerent eam.* Id est ibant singuli Israelitæ ad acquirendum possessionem suam de manu hostium: nam licet assignatæ essent sortes, nōdum erat obtenta tota terra de manu hostium, sed quædam particula. Et dicitur, quod ibant ad obtinendum ad significandum, quod Israelitæ recedebant à peccatis pristinis, de quibus angelus eos increpauerat: erat autem vnum peccatum, q̄ communicabant cum Chananæis, & permittebāt eos manere in terra sub conditione tributi: nunc autem ibant ad obtinendum terram, scilicet q̄ iam nolebant cōmunicare Chananæis, nec habere illos tributarios, sed obtinere terram de manu eorum. *Seruiuntq̄ domino cunctis diebus eius.* Scilicet postquam increpiti sunt nunc ab angelo: nunquam redierūt ad peccata priora, dum viueret Iosue, eo q̄ ipse corripiebat peccantes, & hortabatur totum populum sollicitè ad seruandam legem Dei, vt patet Iosue 23. cap. Sed quanto tempore vixerit Iosue post istam increpationē angeli, nō patet. *Et seniorum, qui longo post eum vixerunt tempore.* Non solum tempore Iosue, sed etiam aliorum virorum post mortem Iosue. Isti seniores vocantur quidā viri grandæui, & prudentes, & magnæ auctoritatis in populo: quorum admonitioni populus assētiebat, sicut verbis Iosue. Et sic tpe eorū non peccauit populus. s. publicè, vel saltē totus populus non declinauit à lege, licet aliqui specialiter, & occultè declinarēt. Nā peccatū illorū nō vocat pc̄m populi. *Et nouerant opera dñi, q̄ fecerat cū Israel.* Quasi dicat, ex hoc, q̄ isti cognouerāt beneficia collata populo à Deo, inclinabant magis ad colendū eū, & inducebant populū ad hoc cōmemorādo beneficia prestita: isti senes erant, qui fuerunt in deserto, & viderūt mala, q̄ passi sunt Israelitæ, à quibus Deus liberauit eos tā in ipso deserto, q̄ postea in introitu in terram Chanaā.

*Qui fuerit seniores, qui vixerunt longo tempore post Iosue, &c. Quest. XII.*

**Q**UÆRET aliquis, qui fuerunt isti seniores, q̄ vixerunt longo tempore post Iosue, & quanto tempore post vixerunt. Aliqui respondent, q̄ isti fuerunt iudices, qui surrexerunt post Iosue: nam isti fuerunt in

magna auctoritate, sicut Iosue, & dum ipsi iudicabant populum non peccauit Israel: isti autem vixerunt magno tempore, quia durauit tempus horum plusq̄ 300. annis, vt patet colligēdo omnia tempora Iudicum per annos singulorum. Sed hoc nō stat, q̄ hic describitur tēpus, in quo Israelitæ non peccauerūt post increpationem factā ab angelo: ante tñ q̄ insurgerent iudices, peccauerunt Israelitæ, vt patet seq. c. ergo non sunt ipsi seniores, de quibus hic dī. Item iudices non introducti fuerūt, nisi propter mala, quæ patiebātur Israelitæ propter peccata, vt patet infra in litera: ergo quando inceperunt iudices, iam trāsierat tempus istorum seniorum. Item patet, quod non sint iudices, q̄ hic dicitur, q̄ isti seniores nouerāt omnia opera, quæ fecerat dominus cum Israel: iudices autem non nouerant, quia hic fuerunt ipsi nō in deserto, nec in introitu in terrā Chanaā, & plurimi illorum nihil viderunt de mirabilibus, quæ Deus fecit cum Israel: ergo erant alij. Respond. ergo, *Doc. resp. ad quæsitum.* quod isti seniores fuerunt aliqui viri magnæ auctoritatis ad coætanci, vel quasi coætanei Iosue, q̄ dū viueret Iosue, tenebantur à populo in magna reputatione. Hi nati sunt in Aegypto, vel in deserto: nam potuerunt nasci in Aegypto, dum tamen in exitu de Aegypto nōdum essent viginti annorum: nullus autem de complentibus viginti annos, vel quasi in exitu de Aegypto introiuit in terram Chanaan præter Iosue, & Caleb, vt patet Num. 14. & 26. cap. poterant ergo isti vidisse plagas, quas Deus intulit Aegyptijs propter Israel, & trāsitum maris rubri, & mortem Aegyptiorum, & omnia beneficia collata in deserto, & ista erant omnia opera domini, quæ fecerat cum Israel. Quod autem isti essent de coætaneis Iosue patet, quia infra dicitur: Mortuus est Iosue, & sequitur: Omnisque illa generatio congregata est ad patres suos, scilicet omnis generatio illius temporis. Et agitur de senioribus ibi: quod patet, q̄ immediatè sequitur: Surrexerunt alij, qui non nouerant dominum, & opera, quæ fecerat cum Israel, scilicet, qui non erant cōtemporanei Iosue, & non potuerunt videre illa, sed nati sunt in terra Chanaan. De tempore autem longo, de quo hic dicitur, quod vixerunt isti seniores post Iosue: dicendum quod non fuerunt multi anni: nam cū omnes isti essent coætanei Iosue, & vidissent omnia, quæ Deus fecit in deserto: non poterant viuere magno tempore post Iosue, & fortè non fuerunt anni triginta post mortem Iosue. Quod patet, quia à tempore exitus de Aegypto vsque ad ædificationem templi Salomonis fluxerunt solum anni quadringenti & octuaginta, vt patet 3. Reg. 6. ca. qui colliguntur sufficienter computando annos, quibus dicuntur regnasse reges, & iudicasse iudices, & cōputando quadraginta annos māsionis Israelitarum in deserto, ita quod oportet tempora Iosue, & istorum seniorum includi sub quadraginta annis, quibus dicitur quieuisse terra sub Othoniele, vt patet sequenti capitulo: alioquin si præter tempora Othonielis assignamus tempora pro Iosue, & senioribus, qui post eū fuerunt necesse est, quod ab exitu de Aegypto vsque ad cōstructionem templi fluxerint plures, quàm quadringenti & octuaginta anni, quod est contra id, quod habetur 3. Reg. 6. ca. ergo cū isti quadraginta anni, qui attribuuntur Othonieli conueniant ei, & Iosue, & senioribus, qui post eum vixerunt: non possumus assignare his senioribus multos annos durationis: scriptura tamen interdum vocat longum tempus decem, vel duodecim annos, vel pauciores. Sic dixit Iosue ad duas tribus, & dimidiam: Fecistis omnia, quæ præcepit vobis dominus, mihi quoque in omnibus obedistis, nec reliquistis fratres vestros longo tempore, vt patet Iosue 22. & tamen illud tempus non fuit septem annorum secundum Iosephum quinto antiquitatū. *Creden-*

*Ab exitu de Aegypto vsque ad ædificationem templi Salomonis fluxerunt anni 480.*



Credendum esse autem quod vnus de his senioribus fuerit Caleb, qui vixit post mortem Iosue: & fuit dux tribus Iuda in bellis, vt patet precedenti capitul. ipse enim fuit coetaneus Iosue: & vidit omnia opera, quae fecit dominus cum Israele. Nā erat maior vigesimo anno, quando egressus est de Aegypto, & postea cum ipso Iosue missus est in exploratorem, vt patet Num. 13. & Iosue 14. alij etiam similes fuerunt, qui non multis annis post Iosue mortui sunt; quibus dum viuerēt obediuit populus, & non declinavit ad idola, nec praeuaricatus est legem. *Mortuus est autem Iosue filius Nun.* Hoc dicitur ad differentiā, quia alij vocabantur Iosue: & dicitur hoc de morte Iosue per recapitulationem ad ponendum causam introductionis Iudicum: nam de illa supra positum fuerat Iosue ultimo cap. *Famulus Domini.* Scriptura testatur, quod fuerit famulus Dei, quia fuit valde attentus ad obseruandam legem, & credidit nimis Deo: fecitque Deus per manū illius mirabilia magna. *Centum viginti annorum.* Iam dimi-  
*Mos sepeliendi Hebraeorum.* nuta erat etas humana, & rari excedebant has metas. *Sepelieruntq; eum in finibus possessionis suae.* Scilicet in agro suo. Tunc temporis non sepeliebantur homines intra vrbes in templum, vel in ceteriis communib⁹, sed quilibet sepeliebatur in agro suo extra urbem, vel in montibus: & locus ille, in quo sepeliebatur erat sacer. Istum etiam modum tenuerunt Gentiles in sepeliēdo, vt patet in legibus humanis digestis de sepulchro violato: & digestis de religiosis, & sumptibus funerum. Vel accipiebatur aliquis paterfamilias agrum, & sepeliebatur ibi: dedicabatq; illum in sepulturam totius cognationis, & posteritatis suae. sic fecit Abraham qui emit agrū ab Ephron Hebraeo ad sepeliendū vxorem suam Gen. 23. & postea sepultus est ipse ibi, & vxor sua, & Isaac, & Rebecca, & Iacob, & Lia, vt patet Gen. 49. cap. in *Thamnathfare.* nomen ciuitatis est, quam accepit Iosue in possessionem: nam postquam totus Israel acceperat possessionem, ipse petiit, vt daretur ei ciuitas Thamnathfare, q̄ erat in sorte Ephraim tribus suae: & assignata fuit ei, vt patet Iosue 19. capi. Hebrei dicunt quod Thamnathfare vocatur sic, quia interpretatur similitudo, vel imago solis: & dicunt q̄ mortuo Iosue super sepulchrum suum fuit factū quādam simulachrum solum marmoreū, vt omnes transeuntes cognoscerent gloriā viri illius, ad cuius preces Deus fecerat stare solem, & dolerent de morte eius, quod talis vir periret. Sed hoc non stat, quia ista ciuitas non fuit vocata Thamnathfare post mortem Iosue, sed etiam quando ipse eam accepit in possessionem, sic vocabatur, vt patet Iosue decimo nono. Item si propter imaginem debet imponi istud nomen, non fuisset positum vrbi sed sepulchro, quod simulachrum factum est in sepulchro, & ipsum sepulchrum erat extra urbē, quia intra urbem nemo sepeliebatur. Quod patet quia dicitur in finibus possessionis suae. Cum autem dicitur, q̄ sepultus est in Thamnathfare, est sensus, idest in territorio Thamnathfare: quia ea, quae sunt in territorio dicuntur esse in vrbe. Sic patet Iosue 5. vbi litera nostra dicit, quod cum Iosue esset in agro Iericho apparuit ei Angelus, & in Hebraeo dicitur: Cū esset Iosue in Iericho. Et tamen manifestum est, q̄ non erat tunc in Ierico, quia nondum capta erat. *In monte Ephraim.* Idest ista ciuitas Thamnathfare est in monte Ephraim. Non est intelligendum quod esset aliquis mons specialis in sorte Ephraim, in quo esset Thamnathfare, sed tota sors Ephraim vocatur mons Ephraim, quia pro maiori parte erat mōtuosa: sic patet Iosue decimo septimo, scilicet angusta est tibi possessio montis Ephraim. Et dicebatur hoc ad totam tribum Ephraim. Ex quo patet q̄ tota habitabat in monte Ephraim. Sic etiam patet Iosue 20. &

A 21. scilicet quod dederunt Sichem urbem refugij in montem Ephraim. sic etiam primo Regum dicitur, fuit vir de Ramathaim, Sophin de monte Ephraim. *A septentrionali plaga montis Gaas.* Iste mons Gaas erat in monte Ephraim, & ciuitas Thamnathfare erat ad partem septentrionalem eius, scilicet quod iste mōs declinabat magis ad meridiem quā Thamnathfare. Dicit Rabbi Salomon, quod Gaas interpretatur tempestas, & vocatus fuit sic mons ille: quia venit tempestas super Israelitas, eo quod morati sunt in sepeliendo Iosue. Sed ista fictitia sunt, & sine colligatione. Sed dicendum q̄ iste mons semper sic vocabatur. *Omnisque illa congregata est generatio ad patres suos.* Idest omnis generatio coetaneorum Iosue, scilicet omnes coetanei Iosue, qui fuerant in deserto egressique fuerant de Aegypto: & viderant omnia opera Dei mortui sunt, non multis annis post Iosue, & ista fuit occasio, quod Israelitae peccarent postea in Deum: ista autem generatio est generatio seniorum, qui vixerunt post Iosue: ex quo patet, quod fuerunt contemporanei sui, alioquin non diceretur omnis illa generatio, quia importat coetaneitatem. *Et surrexerunt alij.* Hic ponitur secundum, s. f. federis renouati praeuaricatio. Nam quod in diebus Iosue, & seniorū populus obseruauit illis, mortuis praeuaricatus est: & dicitur: Et surrexerunt alij, scilicet successores Iosue, & seniorum. *Qui non nouerunt Dominum.* Idest qui non cognoscebant virtutem eius, scilicet bonitatem, & magnitudinem, atque potestatem: & ob hoc non inclinabantur ad colendum eum. *Et opera, quae fecerat cum Israel.* Idest non cognoscebant beneficia praestita Israelitis a Deo, eo quod non viderant ea, quia nō fuerunt in Aegypto, nec in deserto, sed nati sunt in terra Chanaan: ponuntur autē ista duo. s. qui non nouerant dominum, & opera, quae fecerat cum Israel, quia duo sunt, quae debent mouere hominem ad colendum Deum. Primum est ipsa Dei natura, scilicet quia Deus est, & summum bonum, & summē potēs, & sapiens: & etiam si nihil aliud esset, propter hoc te-  
*Duobus mouetur homo ad Dei cultū.* nebantur Deum colere. Secundum est ipsa beneficiorum collatio, quia nullus est, cui Deus non beneficiat: nam quidquid sumus, & habemus, Dei munus est, in quo sumus, viuimus, & mouemur, vt dixit Paulus: & habetur Act. 17. cap. & sunt haec generalia beneficia. Alij autem recipiunt specialissima, pro quorum singulis nimis tenemur Deo: nam & benefactori naturaliter tenetur bona passus honorem, & famulatum impendere, vt ait Aristot., & habetur 5. & 8. Aethico. praesertim quando beneficia maxima sunt, qualia a Deo recipimus, ideo ad maximum honorem ei tenemur. Primum tamē est, propter quod directius eum venerari tenemur. Israelitae autem neutrum horum attenderunt, vt Deum colerent, ideo dicitur propter primum, quod non nouerant Deum: propter secundum dicitur, nec opera, quae fecerat cum Israel. *Feceruntq; filij Israel malum in conspectu Domini.* Scilicet recedentes a cultu Dei veri, & permittentes caeremonias legis, & istud erat malum coram domino, quia Deus illud malum iudicabat. *Et seruierunt Baalim.* Scilicet coluerunt Deos terrae Philistinorum, qui vocabantur Baalim: est enim Baalim plurale, & singulare est Baal, & significat idola quaecunque: cum autem ponitur Baal i singulari, ponitur pro speciali idolo: ali quando tamen ponitur Baalim tanquam singulare, & est nomen vnus specialis idoli. Sciendum quod nomina idolorū, vt communiter denominantur a Baal, vel Bel. Vnde aliquando dicitur Baal, & aliquando Bel, & Beelphegor, & Beelzebub, & Balberich, & Baalim. De Bel patet Dani. 14. vbi dicitur magnus est Bel, scilicet Deus Babyloniorum. Baal vocatur infra & 3. Reg.

Federis re-  
nouati prae-  
uaricatio.



Reg. 18. vbi vocati sunt 400. prophetæ Baal. & 4. Re. 10. cap. Baalim vocatur hic, & primo Re. 7. Beelphegor vocatur Psalm. 105. scilicet initiati sunt Beelphegor, & conederunt sacrificia mortuorum. Et Num. 25. vocatur Beelzebub Deus Acharon quarto Reg. primo, vocatur Baalberith Deus Sichimorum, vt patet infra nono. Causa autem quare nomina idolorum (vt in plurimum) habeant initium à Bel, est, quia primum idolum factum ad colendum fuit factum ad simulachrum cuiusdam regis Babyloniorum, qui vocabatur Belus, siue Bel: & filius eius Ninus rex potentissimus fecit illud coli, vt testatur omnes antiquæ historiæ, & habetur in libro Methologiarum Fulgentij. *Ac dimiserunt Dominum Deum patrum suorum.* Scilicet non solum coluerunt Deos exterorum, sed etiam Deum patrum suorum, id est quem patres sui coluerant, dimiserunt. Et satis intelligebatur hoc ex præcedentibus: nam ex hoc quod isti colebant Baalim, non poterant tenere Deum suum, quia ille solus vult coli, cum solum se dicat esse Deum: & sic iussit Exo. 20. non habebis Deos alienos coram me: ponitur tamen ista tamquam distincta clausula, quia ad maius dedecus pertinebant: nam licet Deus non acceptet quod colatur simul cum aliis diis, tamen magis contemnitur quando deserto eo colunt alij, quã cum ipse & idola simul colunt: istud malum tenebant Samaritani, qui Deum celi timebant, nihilominus tamẽ Deos suos colebant, & eis sacrificia offerebant, vt patet 4. Reg. 17. cap. nunc autem Israelitæ deteriores erant, quia idola colebant, & nullo modo Deum: & proruperant in tantam infaniam, vt omisso cultu Dei publicè fieret templum pro idolis, & ornarentur auro, & argento. Sic patet infra nono, cum dicitur, quod viri Sichem acceperunt, & dederunt septuaginta pondera argenti Abimelech de Fano Baalberith. *Qui eduxerat eos de Aegypto.* Quasi dicat, in hoc erant ingrati tanto beneficio: & nominatur istud beneficium, quia maximum erat, & includebantur in eo alia beneficia particularia. Et ex hoc tenebantur Israelitæ in æternum obedire Deo etiam si nihil aliud intercideret. *Et secuti sunt Deos alienos.* Vocantur alieni dii non pertinentes ad Hebræos, scilicet quos non coluerunt patres eorum, sed aliæ nationes: & sunt alieni, id est incogniti, quia Iudæi non poterant cognoscere istos, vt Deos: dupliciter enim hoc cognoscitur, scilicet per ostensionem magnæ potestatis in operatione miraculorum, vel per collationem specialium beneficiorum: neutrum autem erat quantum ad Iudeos, quia ipsi non nouerant Deos Chananæorum per ostensionem virtutis, cum illi nulla vnquam miracula egissent, nec etiam secundo modo, quia nunquam benefecerant Israelitis. Vtrunque horum cognitum erat apud Hebræos de Deo suo, scilicet, quia eum multis mirabilibus cognouerant esse Dominum tam in Aegypto, quã in mari rubro, & in deserto, & postea in terra Chanaan. Secundò etiam cognoscebant eum Deum, quia eis multa contulerat, quanta nec ipsi sufficienter enarrare poterant. *Deosq; populorum, qui habitabant in circuitu eorum.* Non distinguuntur hic tamquam membra opposita, & disparata dii alieni, & dii populorum, qui erant in circuitu, quia omnes dii præter verum Deum Israel erant dii alieni. Sed est sensus, quod tenuerunt Baalim, qui sunt dii terræ Chanaan, scilicet Baalim, & Astaroth, & non solum Deos terræ in qua habitabant, sed etiam Deos quarumcunque gentium habitantium in circuitu, & in hoc significatur magnum desiderium declinandi a cultu Dei, scilicet quia omnibus idolis adhærebant. *Et adorauerunt eos.* Scilicet humiliantes se coram eis, & faciendo eis sacrificia, & istud est sequi illos. Vel dicuntur secuti illos, quia non solum adorauerunt eos, sed et

Qui vocatur dii alieni.

secuti sunt omnes ceremonias colendi Deorum illorum relictis ceremoniis Dei Israel. *Et ad iracundiam concitauerunt Dominum.* Idest prouocauerunt eum ad inferendum penas, qui est actus hominis irati, vt nos arbitramur: aliter autem iracundia in Deo non est, cum sit passio animalis. Apud Deum autem non est transmutatio, Iacob. primo, scilicet: Apud quẽ non est transmutatio, nec vicissitudinis obumbratio. *Dimittentes eum.* Non poterat esse rationabilior iracundia, quã pro dimissione: sicut in viro, si dimittatur ab vxore: omnia autem alia vitia vxoris venialia sunt, & toleranda, dum tamen viri thorum immaculatum seruauerit, quo contempto, nihil boni super est: ita & contra Deum interdum peccamus contra aliqua præcepta specialia, in quibus præiudicatur charitati, & tunc Deus non omnino deseritur, nec fornicari nos dicimur, sed cum fide deserta alium credimus esse Deum eum, quia colimus, nihil boni superest, & tunc fornicamur, pro quo iracundia dei iustissima est. *Et seruientes Baal, & Astaroth.* Isti erant duo dii Chananæorum, & erant multum cõmunes: nam Baal multarum gentium Deus erat, cui Iudæi quoque seruiebant: & tantum huic inheerant quod filios suos tradebant ei, vt cremarentur in cultum eius, quod Deus valde prohibuit Leui. 20. capi. dicens: Homo de filiis Israel, aut de aduenis, qui habitant inter vos: si quis dederit de semine suo, id est de filiis suis idolo moloch, id est Baal, morte morietur: populus terræ lapidabit eum. Astaroth etiam erat Deus Chananæorum, & maxime Philisthinorum: vnde mortuo Saul in bello, Philistini posuerunt arma eius in templo Astaroth, & caput in templo Dagon, vt patet primo Regum ultimo. Et primo Paralipo. 10. cap. Ad istos duos Deos colendos communiter declinabant Israelitæ: ideo Samuel hortatus Israelitas Deum colere, ait: Si in toto corde vestro conuertimini ad Deum, auferte de medio vestrum Deos alienos Baalim, & Astaroth, vt patet primo Regum septimo cap.

Chananæi filios diis immolabant.

Iratusque Dominus contra Israel, tradidit eos in manus diripientium: qui cœperunt eos, & vendiderunt hostibus, qui habitabant per gyrum: nec potuerunt resistere aduersariis suis: sed quocunque pergere voluissent, manus Domini super eos erat, sicut locutus est, & iurauit eis: & vehementer afflicti sunt. Suscitauitque Dominus iudices, qui liberarent eos de vastantium manibus: sed nec eos audire voluerunt, fornicantes cum diis alienis, & adorantes eos. Cito deseruerunt viam, per quam ingressi fuerant patres eorum: & audientes mandata Domini, omnia fecere contraria. Cumque Dominus iudices suscitaret, in diebus eorum flectebatur misericordia, & audiebat afflictorum gemitus, & liberabat eos de cede vastantium. Postquam autem mortuus esset iudex, reuertebantur, & multo faciebant maiora quã fecerant patres eorum, sequentes deos alienos, seruientes eis, & adorantes illos. Non dimiserunt

Zetus musicus amphionis fratris iter factor.



sachoma-  
to brutius  
historicus  
insignis.

serunt ad inuentiones suas, & viam duris-  
simam, per quam ambulare consueuerunt.  
Iratuſque est furor Domini in Israel, & ait:  
Quia irritum fecit gens ista pactum meū,  
quod pepigeram cum patribus eorum, &  
vocem meam audire contempsit: & ego  
non delebo gentes, quas dimisit Iosue, &  
mortuus est: vt in ipsis experiar Israel, vtrum  
custodiant viam Domini, & ambulent in  
ea, sicut custodierunt patres eorum, an nō.  
Dimisit ergo Dominus omnes nationes  
has, & cito subuertere noluit, nec tradi-  
dit in manus Iosue.

*Iratuſque Dominus contra Israel. Hic ponitur tertium, sci-  
licet fœderis violati punitio, quia Deus non dereliquit  
Israelitas impunes super hoc. Tradidit Israel in manus  
diripientium. Id est in manus hostium, qui diriperent  
bona eorum, & filios, & venderent aliis nationibus.*

*Quomodo Deus tradebat Israelitas in manus diripien-  
tium. Et quas paſſiones cauſabat in cordi-  
bus eorum, & hostium suorum.*  
*Quæst. XIII.*

**Q**VAERET aliquis, quomodo Deus tradebat  
Israelitas in manus diripientium. Responden-  
dū, quod hoc multipliciter fiebat. Primò auferendo  
custodiā suam ab eis: nam cū Israelitę Deū colebāt  
tenebat eos in custodia, & non poterant mala appro-  
pinquare illis. Sic dicitur Psalm. 90. vbi agitur de illis,  
quos Deus in sua custodia tenet, scilicet: Qui habitat  
in adiutorio altissimi, in protectione Dei celi commo-  
rabitur: & sequitur. Scapulis suis obumbrabit tibi,  
& sub pennis eius sperabis: & rursus. Cadent a late-  
re tuo mille, & decem millia a dextris tuis: ad te au-  
tem non appropinquabit: non accedet ad te malum,  
& flagellum non appropinquabit tabernaculo tuo. &  
subditur causa, scilicet, quoniam angelis suis Deus mā-  
dauit de te, vt custodiant te in omnibus viis tuis: In ma-  
nibus portabunt te, ne forte offendas ad lapidem pe-  
dem tuum. Et Psalm. 36. de viro iusto, qui in custo-  
dia Dei est, dicitur: Apud dominum gressus hominis  
dirigitur, & viam eius vult: cū ceciderit non col-  
lidetur, quia dominus supponit manum suam. Deus  
etiam promisit Israelitis Leui. 26. quod quando cole-  
rent eum, non transirent per eos gladius, fames, & ho-  
stis, aut alia mala. Cū autem homo a Deo deseritur,  
inueniunt eum omnia mala, cū non sit illis resisten-  
tia. Alio modo Deus tradebat Israelitas in manus di-  
ripientium, in quærendo occasionem contra Iudeos, vt  
inlurgerent in eos hostes, & affligerent. Cū autem  
erant Israelitę in Dei cultu, Deus non dabat in men-  
tem hostibus iudeorum, vt pugnarent contra Israel:  
quin potius incutiebat timorem eis, ne auderent  
insurgere contra Israel. Sic fuit factum in Iacob, quā-  
do multi Chananæorum populi congregati erant ad  
delendum eum, & domum suam, quia filij sui occi-  
derant Sichimitas. Deus tamen incussit timorem il-  
lis populis, & nō ausi sunt persequi Iacob, vt patet Ge-  
nesi. 35, capitu. scilicet. Cūque profecti essent, terror  
domini inuasit omnes per circuitum ciuitates, & non  
sunt ausi persequi recedentes. Idem faciebat quoli-  
bet anno ter in festiuitatibus tribus ascēdentibus om-  
nibus masculis in locum sanctuarij: & non manenti-

**A** bus vllis ad custodiam ciuitatum: nam tunc, licet Cha-  
nanæi scirent vacuas manere ciuitates, non audebant  
occupare eas. Sic patet Exo. 34. scilicet. Cū tulero  
gentes a facie tua, & dilatauero terminos tuos, nullus  
insidiabitur terræ tuæ ascendente te, & apparente in  
conſpectu domini Dei tui ter in anno. Cū autem  
ē contrario Deus inquirebat occasiones, vt Philisthi-  
ni, & alij Chananæi desiderarent insurgere contra  
Israel. Iste enim est modus quo Deus punit aliquē  
per manus aliorum, quando hoc vult, scilicet dando  
occasionem alicui, vt irascatur alteri: sic fuit contra  
Philisthinos cū Deus vellet punire eos per manum  
Israelitarum. Nam inquirebat occasiones, vt Samsō  
irritaretur contra eos: sic patet infra 14. cū Samson  
peteret a parentibus, vt darent ei in vxorem quandam  
puellam de terra Philisthinorum: qui responderūt?  
Nunquid non est mulier in filiabus fratrum tuorum,  
& in omni populo Dei, quia vis accipere vxorem de  
Philisthiim, qui incircuncisi sunt? Dixitque Samson  
ad patrē. Hanc mihi accipe, quia placuit oculis meis.  
Et subditur: Parentes eius nesciebant, quod res a do-  
mino fieret, & quæreret occasiones p̄tra Philisthiim:  
scilicet vt occasione huius vxoris Samson exerceret  
plagam magnā in Philisthinos, sicut postea exercuit.  
Alio modo poterat tradere Deus Israelitas in manus  
Philisthinorum, & Chananæorum, scilicet diminuen-  
do vires Israelitarum, ita vt quanquā temporibus præ-  
teritis potuissent pugnare contra Chananæos, & supe-  
rare eos, nunc non possent: quod patet ex oppositis:  
nam si cū Israelitę erāt in cultu Dei, licet nō essent  
potentes pugnare contra hostes, Deus dabat illis vi-  
res, vt præualerēt, ita cū desererent eum, auferret eis  
fortitudinem. Sic patet Deutero. octauo capit. scili-  
cet: Ne diceres in corde tuo: fortitudo mea, & robur  
manus meę hæc mihi omnia præstiterunt, sed recor-  
deris domini Dei tui, quod ipse vires tibi præbuerit, vt  
impleret pactum suum. Aliter poterat Deus trade-  
re Israelitas in manus diripientium, scilicet incutien-  
do timorem illis, ne auderent resistere, sed quibuscū-  
que quantumcunque paruę potentie subicerentur.  
Sic patet Leuit. 26. vbi Deus cōminatur eis timorē in  
maledictionē, qñ peccarent, dicens: Et q de vobis re-  
māserint, dabo pauorē in cordibus eorū in regionib⁹  
hostiū: terrebit eos sonitus folij volantis, & ita fugiēt  
quasi gladium, cadent nullo persequente, & corruent  
singuli super fratres suos: quasi bella fugientes: nemo  
vestrum inimicis audebit resistere: peribitis inter gen-  
tes, & hostilis vos terra consumet. Similia ponun-  
tur Deut. 28. in fine. facile ergo erat Deo his, vel alijs  
modis sibi placitis tradere Iudeos in manus Chanæo-  
rum. Qui ceperunt eos. Scilicet in seruos, cū non  
possent resistere. Et vendiderunt hostibus, qui habitabant  
per gyrum. Ista erat infelicitissima conditio. Nam q  
hostes dissiparent bona Israelitarum, erat aliquid tole-  
rabile. Quod tamen eos venderent, pessima fors erat,  
quam potius fugere debuissent, quam bellicam mor-  
tem: sed non habebāt animum ad resistendum, quia  
Deus reliquerat illos, sed tradebantur hostibus qua-  
si oues in manus occisorum. Accedebat etiam aliud  
quod magis eorum acerrimam grauaret sortem, scili-  
cet quia non solum vendebantur. Nam si gentibus  
ignotis venderentur, forte propter humanitatem  
misererentur eorum, nunc autem hostibus vendi-  
ti non solum duram seruitutem, sed etiam accerri-  
mam vindictam tolerabant. Nec potuerant resistere ad-  
uersarijs suis. Scilicet quia Deus debilitauerat eos, incus-  
serat eis formidinem, & confortauerat hostes eorum  
super eos. Sed quocūque pergere voluissent, manus Domi-  
ni erat super eos. Id est non habebant aliquem modum  
euadendi, sed ad quemcūque locum confugerent,  
vel

Mod⁹ quo  
Deus ali-  
quos punit  
per alieno-  
rum man⁹



vel quamcunque artem ad euadendum inquirerent, Deus percutiebat eos, faciendo hostes semper potentiores: quasi istud bellum non esset illorum, sed Dei. Et verissimè sic erat, quia sicut cum Israelitè Deum colebat, ipse pugnabat pro eis contra hostes, ut patet Exo. decimo quarto, scilicet. Ipse dominus pugnabit pro vobis, & vos tacebitis. & Exod. decimo septimo, dicitur: Scribe hoc in monumentum in libro, & trade in auribus Iosue: delebo memorià Amalec de sub cælo. Et iterum: Manus solius Dei, & bellum domini erit contra Amalec a generatione in generationem. Ita cum ipsi recederent a Deo, Deus pugnaret pro hostibus suis contra eos. *Sicut locutus est, & iurauit eis.* Id est promisit sic se facturū sub iuramento. Istud habetur Leuit. 26. & Deutero. 28. ubi ponuntur omnia mala, quæ Deus inducere deberet si eum dereliquerent. *Et vehementer afflicti sunt.* Non poterat enim esse maior afflictio, quàm ut venderentur hostibus suis perditis omnibus, quæ possidebant: & tamen hoc nunc eis accidit, ut supra dicitur: & satis colligitur infra ex processu libri. Acciderunt tamen eis alia mala post tempora iudicum, scilicet quod comederent filios suos, & filias: & mulieres parientes comederent pelles secundinas, id est sanguinem coagulatum exeuntem de ventre cum fetu. Et ista erant nimis inhumana, & tamen prænunciata fuerunt illis Deuteron. 28. capit. & acciderunt eis aliquando, sicut tempore regis Ioram filii Achab regis Israel, ut patet quarto Reg. sexto capi. *Suscitauit Dominus iudices.* Hic ponitur quartum, scilicet punitionis releuatio, quia licet Deus puniret Israelitas propter scelera, tamen aliquando miserebatur eorum, & liberabat eos de hostibus. *Qui liberarent eos de manu vastantium.* Isti iudices erant duces populi, & pugnabant contra hostes liberabantque populum.

Mala, quæ  
acciderunt  
Israelitis  
post tēpo-  
ra iudicū.

*Quomodo Deus suscitabat iudices.*

*Quest. XIII.*

**Q**VAERET aliquis, quomodo Deus suscitabat iudices. Respondendum, quod Deus tradebat Israelitas in manus hostium pro sceleribus suis, quia tamen nondum consummata erant peccata eorum, quibus mereretur vltimatam desertionem a Deo, sicut dicitur de Amorrhæis Ge. decimo quinto: Nondum implete sunt iniquitates Amorrhæorum vsque ad præsens tempus: nolebat eos tradere in totale exterminium, sed liberabat de manu hostium: & quia populus totus per se si ducem non habeat, non potest quidquam agere bellicè, etiam si copiosa multitudo, & robustissima sit, propter defectum vnitatis, volebat Deus dare ducem, & huic tribuebat Deus specialem virtutem tam animositatis, quàm virium, & consilij, ut pugnare auderet contra hostes, & præualere posset. Et dicebatur Deus istos iudices suscitare, quia ipse aliquando tribuebat eis supernaturaliter vires, & prænunciabat eorum potestatem, & statum. sic fuit de Samson, cui Deus dedit vires supra omnes homines, & erant supernaturaliter manentes, quia solū manebant cum haberet cesariem, qua abscessa manebat infirmus. De hoc infra decimo tertio, & vsque ad decimū septimū capi. aliquando etiam suscitabat, id est iubebat illis ex nomine, quod irent ad liberandum Israel. Sic patet de Barac, cui Debora prophetes ex parte Dei iussit, quod iret ad pugnandum contra sisaram ut infra quarto, sic etiam fuit de Gedeone, cui angelus dixit: Dominus tecum virorum fortissimè: vade in hac fortitudine tua: & liberabis Israel de manu Madian, infra sexto cap. Aliquando autem suscitabat iudices, quia quāquam non vocaret eos ex nomine, ta-

men dabat eis fortitudinem ad liberandum populum, & populus cognoscens in eo aliquod donum Dei motus a Deo sumebant illum in iudicem, sic fuit de Iephthe Galaadite, quem populus elegit cum prius foret princeps latronum, infra vndecimo capitu. Aliquādo autem suscitabat iudices, quia quāquam populus nō eligeret eos, nec Deus vocaret illos ex noīe, tamen dabat eis fortitudinem, & ponebat eis in corde ut pugnarent contra hostes: sic fuit in Sangar, qui percussit sexcentos de Philisthinis vomere, ut sequenti capit. Sic etiā Samson, quāquam nondum esset electus a populo in iudicē, Dominus dedit in corde eius, ut pugnaret contra Philisthinos, & pugnabat etiam inuitis Israelitis, ut patet infra 14. & vsque ad 17. & quamquam isti iudices a Deo non vocarentur ex nomine, sed eligerentur a populo, vel ipsi se iungerent moti a Deo, semper Deus dabat illis fortitudinem, & impetum cōtra hostes. Sic patet de Iephthe Galaadite infra vndecimo, cum dicitur: Factus est super Iephthe spiritus domini. De Samson quoque dicitur: Cēpitque spiritus domini esse cum eo in castris Dan, infra decimo tertio cap. Omnes autem iudices a Deo suscitati sunt: solus autem Abimelech fraude humana, & violentia in principatum se intrusit, ut patet infra nono, & in hunc nō factus est spiritus Domini, sed demonis: nam fecit inhumana occidendo septuaginta viros fratres suos super lapidem vnum, & postea infelicitè perijt eodē capi. recte ergo dicitur quod Deus suscitabat iudices.

Sciendum autem, quod isti iudices non erant continuati per successionem, scilicet quod mortuo vno illi cosumeretur alius, sed expectabatur vsque ad tempus, quo esset necessarius, scilicet cum Israelitæ subiecti essent hostibus. De hoc autem, & potestate iudicum, & ceteris qualitatibus eorum declaratum fuit satis late in prologo huius libri. *Sed nec illos audire voluerunt.* Scilicet, quia quāquam isti iudices liberarent populum de manu hostium, & admonerent illum recedere ab idolatria, non acquiescebat. Sed obijciatur, quia infra dicitur: Cunque dominus suscitaret iudices in diebus eorum fledebatur mina, & audiebat afflictorum gemitus, & liberabat eos: ergo ipsi iam conuersi erant ad Deum cum gement, & inuocarent eum. Enam quia si non conuersi essent Deus nō liberaret eos manentes in pertinacia sua. Dicendum, quod Israelitæ temporibus iudicum semper bene vivebant, quia iudices habentes potestatem inducebant eos: mortuis tamen iudicibus, conuertebantur ad idola. Sic patet infra, scilicet. Postquam autem mortuus esset iudex reuertebantur, & multo maiora faciebant, quàm fecerant patres eorum. Cum verò dicitur hic, quod noluerunt eos audire. Est sensus, quod non audiebant eos ad hoc, quod manerent in admonitionibus eorum toto tempore, manebant tamen saltem quādiu ipsi iudices vivebant. *Fornicantes cum dijs alienis, & adorantes eos.* Scilicet adorabāt Baal, & Astaroth, & Deos gentium, qui erant in circuitu. Ponuntur adorantes, & fornicantes pro eodem: nam ex hoc quod adorabant illos dicebātur fornicari cum eis, & est metaphora tracta de vxore & viro: nam vxor eo quod est alligata legi viri, si eo viuente alteri commiscetur, dicitur adulterari, vel fornicari, ut patet ad Rom. septimo, & 1. Corinth. 7. capi. ita Iudei acceperant Deum verum, in Deum suum, erantque obligati specialiter ad colendum eum, ideo quādo cunque declinarent ad idola, dicebantur fornicari tanquā rupto federe matrimonij semper. *Deseruerunt cito viam, per quam ingressi fuerant patres eorum.* Vocantur patres istorum illi, qui fuerunt tempore Iosue, & seniorum, qui vixerūt post eum, nam tempore hoc obseruata est lex Dei, & isti filij illorum surrexerunt, qui non cognoscebant dominum.

De iudicibus a Deo suscitatis.



minum, et deseruerunt cito viam, per quam ingressi fuerant patres eorum, scilicet custodiam legis, quam illi tenuerant. *Et audientes mandata domini omnia fecere contraria.* Hoc ponitur ad tollendum excusationem. Nam aliquis diceret, quod fortè isti recedebant a custodia legis Dei, quia in diebus illorum non predicabatur lex Dei, & nesciebant quid agere deberent. Sed dicitur quod non fuit ex hoc, quia isti audiebant mandata Dei, & tamen omnia faciebant in contrarium: ex quo patet peccatum eorum durissimum, scilicet quia scientes, & inobedientes peccabant propter duricem ceruicis. *Cumque dominus suscitaret iudices.* Faciendo quod aliquis constitueretur in iudicem per aliquem de modis supra positis. *In diebus illis flebatur misericordia.* Scilicet, non affligebat Israelitas, et erat istud, quia tunc colebant Deum instigante iudice. *Audiebat afflictorum gemitus.* Hic est ordo mutatus nam prius Deus audiebat gemitus quam suscitaret iudicem. Pro quo sciendum quod modus erat, quod mortuo Iosue, & senioribus, qui post eum fuerunt, aliquanto tempore Israelitæ conuersi sunt ad idola: & tunc tradidit illos Deus in manus hostium, sub quibus manserunt aliquot annis: cumque ipsi non possent vllatenus effugere, clamabant ad Deum suum, vt eriperet eos. Deus autem audiebat gemitus eorum, & suscitabat illis iudicem, qui eriperet eos, & in diebus iudicis eius semper colebant Dominum. Hoc vero mortuo nullum habentes castigatorem, conueriebantur ad idola, & non accipiebant alium iudicem, sed manebant in idolatria, & faciebant peiora quam prius: & tunc tradebat eos Deus in manus hostium, qui non potentes euadere, denuo clamabant ad dominum, & dabat eis iudicem, & faciebant omnia sicut dictum est. Iste fuit modus, quem habuerunt Israelitæ toto tempore iudicum. *Et liberabat eos de manu vastantium.* scilicet per manum iudicis suscitati nouiter: nam iste faciebat bella contra hostes Israel. *Postquam autem mortuus esset iudex.* Hoc generaliter dicitur de quibuslibet iudicibus: nam sub omnibus tenuit istum modum Israel. *Reuertebantur.* Scilicet ad idolatriam & mala priora. *Et multo maiora faciebant, quam fecerant patres eorum:* Ista erat conditio Israelitarum, scilicet quod non minuerentur in malis suis, sed semper crescerent, ideo filij magis idolatrantes erant quam patres. *Sequentes deos alienos.* Scilicet quantum ad omnes ceremonias cultus eorum. *Et seruientes eis.* Scilicet sacrificando eis, & viuendo per omnia præcepta illorum *Et adorantes illos.* Scilicet inclinantes se coram illis in signum diuinæ venerationis. *Non dimiserunt adiuuentiones suas.* Adiuuentio dicitur, modus viuendi ab aliquo inuentus, quasi dicat: non tenebant isti modum viuendi, quem Deus lege tradiderat, sed inuenerant modum, quem voluerunt, & sequendo ceremonias deorum terre Chanaan. *Et viam durissimam.* Vocatur via durissima modus viuendi inobediens: nam cum quis iubenti obedire non vult & monenti acquiescere, est duræ ceruicis: huiusmodi erant Hebræi. Nam volebant tenere legem Dei, sed adiuuentiones suas, & sic Deus vocauit illos duræ ceruicis Exod. 32. & Moyses valde hortatus esse, dicens: Et ceruicem vestram durissimam amplius ne induretis, vt patet Deutero. 10. *Per quam ambulare consueuerant.* Scilicet quia semper consueuerant esse duræ ceruicis: ita & nunc erant: sic dixit Moyses: Semper fuistis rebelles a die, qua nosse vos cepi, Deutero. nono. Istud (Per quam ambulare consueuerant) non est in Hebræo.

A Unde insurgbat Iudeis tantum desiderium colendi idola.  
Quæst. XV.

Q V A E R E T aliquis vnde erat iudeis tantum desiderium colendi idola, scilicet quod cum semel traditi essent in manus hostium, & duram seruitutem propter idola, & a Deo liberati essent gementes, rursus, & sæpius in eandem idolatriam redirent, licet semper pro ea affligerentur. Respondendum quod hoc potuit esse ex tribus causis. Prima fuit ex consuetudine: Erant enim Israelitæ assueti ad colendum idola in Aegypto, & postea in terra Chanaan; ideo licet aliqui ex necessitate quasi compulsi colerent Deum, tamen rursus data oportunitate redibant in idolatriam, eo quod consuetudo causat fortissimam inclinationem, nam est consuetudo vt altera natura, vt patet 7. Ethic. ideo sicut fortiter inclinamur ad ea, quæ naturæ sunt, ita & ad ea, quæ sunt consuetudinis. Istam causam assignauit Ieremia contra Israelitas quod semper in malum redirent, scilicet quia consueti erant, dicens. Si potest ethiops mutare pellem suam, & pardus varietates suas, ita & vos poteritis benefacere, cum didixeritis malum: Secunda causa huius erat, quia Deus ad tentandum Iudæos, vel ob alias causas fortè aliquando, quando colebant eum permittebat famem, vel aliqua incommoda super eos, & aliquo tempore quo colebant idola euenerunt eis prospera, & quia Israelitæ erant populus rudis soli sensui traditus, colebant illum in Deum, cuius tempore videbant sibi temporalia bona euenire. Sic patet Iere. 44. vbi hoc respondit populus Israel Ieremie increpanti eos de idolatria, & dixerunt: Sermonem, quem locutus es ad nos in nomine domini non audiemus ex te, sed faciemus omne verbum quod egredietur de ore nostro, vt sacrificemus reginæ celi, & libemus ei libamina: sicut fecimus nos, & patres nostri, & reges nostri, & principes nostri in viribus Iuda, & plateis Ierusalem, & saturati sumus panibus, & benè nobis erat, malumque non vidimus. Ex eo autem quod cessauimus sacrificare reginæ celi, & libare ei libamina, indigemus omnibus, & gladio, & fame consumpti sumus. Tertia causa fuit vt puto ex conditione naturæ: nam licet virtus celi non moueat efficaciter hominem ad operandum in his, quæ sunt liberi arbitrij, potissime in his, quæ non videntur aliquatenus dependere a natura, sicut est colere deum, vel recedere ab illo: tamen sicut experimur in ceteris qualitatibus animæ ad aliquid mouere possunt corpora celestia, licet nobis semper libera facultas maneat agendi hoc, vel oppositum, & sic non est efficax motus. Et secundum hoc dicendum, quod quibusdam gentibus maior inclinatio est ad colendum deum, & ad opera regionis, id est ad ceremonias quam alijs, secundum quod dominantur eis varia astra celi: quæ claris experientijs a multis temporibus comparata sunt inclinare ad hoc vel illud: & quia terra Chanaan, in qua habitabant Iudei, est subiecta tali parti celi, quæ indisponebat homines ad colendum Deum faciendo eos instabiles & infidos ad Deum, inclinabantur Iudæi ad mutandum sæpe cultum dei, scilicet quia aliquando idola, & interdum vnum idolum, & postea aliud, sicut conqueritur dominus per Ieremiam cap. 2. Scilicet Transite ad insulas Certhim, & in Cedar quoque mitite, & videte si mutauit gens deos suos, & certè ipsi non sunt dii, populus autem meus mutauit gloriam suam in idolum: super hoc obstupescite celi, & portæ eius desolamini. De inclinatione mata gentium istarum ad cultum dei loquitur Ptolemæus in quadripartito libro 2. capi. de secunda quatuor mundi, dicens: Istorum autem hi qui sunt in parte terrarum Syriæ profundæ ac Idumææ regionis, terræque Iudæorū Arie-

Idem Aug.  
1. Physico.  
com. 71.



Cur Hispania religio  
ni satis inclinetur.

ti, & Marti propriè assimulantur, ideoque sunt in maiori parte instabiles, & proditores, creatorem ignorant. Sicque autem isti propter Martem, & Arietem indisponuntur ad cultum Dei, ita & illi, quibus Iuppiter & Sagittarius præsumunt à contrario opera religionis magis diligunt, & constantiores in cultu Dei sunt: & hoc quia Iuppiter religioni, idest cultui Dei præest: & huiusmodi est Hispania, cui Sagittarius, & Iuppiter dominantur: ut ait Ptolemæus in quadripartito lib. secundo capitu. de prima 4. terrarum. Et ob hoc ut cõiter nõ est aliqua natio terrarum, in qua tãtum viris Ecclesiasticis obediat, & prompto animo fiant, quæ pertinet ad ritus colendi Deum. Istam rationem vltimam minoris efficaciam esse volo duabus prioribus, quia si aliquid probat parum est, eo quod ad ista parua est fide-  
G ribus virtus, sed duæ priores sufficienter inducunt. Iratusq; est furor domini in Israel. Idest Deus videbatur iratus contra Israelitas, eo quod inferebat eis malum. Et ait: quia irritum fecit gens ista pactum meum. Ista verba non sunt referenda ad præcedentia, quia hic agebatur de successione iudicum quomodo post mortem cuiuslibet illorum peccabant Israelitæ: & tunc esset sensus. quod expleto tẽpore iudicum, Deus dixit, quod non expelleret gentes istas de terra Chanaan. Quod nõ stat, quia infra dicitur, quod erat ad experiendum an Israelitæ timerent dominum vel non, & ista experientia facta fuit tempore iudicum, ut colligitur sequenti cap. vbi ponitur tanquam præfatio ad historiam iudicum, quod Deus reliquerit gentes has ad experiendum Israel, & haberent consuetudinem præliandi. Sed dicendum, quod fuerunt ista verba dicta paulo post mortem Iosue ante institutionem iudicum. Etiam non potest dici, quod angelus apparens supra, dixerit ista: quia illa apparitio fuit ante mortem Iosue, ut supra probatum est. Ista tamen necessariò dicta sunt post mortem Iosue cum dicatur infra. Ego non delebo gentes, quas Iosue dimisit, & mortuus est. Et dicitur, quod gens ista fecit pactum irritum, quia non seruauit legem Dei, quam nouerat, & pepigerat obseruare. Et vocem meam audire contempsit. Scilicet quia sæpe admonui eos, quod seruarent legem, & non communicarent cum Chananæis, & noluerunt. Et ego non delebo gentes, quas dimisit Iosue, & mortuus est. Idest quamquam Israelitæ conentur pugnare contra gentes istas ad delendum eas, iam non poterunt, quia ego non delebo eas, idest non dabo vires Iudeis ad delendum illas, sed in penam eorum manebunt, & istæ sunt gentes, quas non obtinuit Iosue viuens. Ut in ipsis experiar Israel, vtrum custodiant viam Dei, & ambulent in ea. Non est sensus quod Deus vellet capere experientiam quid acturi essent Israelitæ manentibus Chananæis in terra, scilicet an colerent dominum vel non, quia Deus oia ista cognouerat cum sibi semper præsentia sint, sed est, quod ipsi sinit Israelitis, & aliis gentibus daretur experientia, an Israelitæ colerent Deum, vel non, præsentibus Chananæis, quasi dicat manentibus eis in terra habebant maiorem opportunitatem, & occasionem ad colendum idola, quã expulsi eis: ideo si expulsi essent non tantum pateret intentio Israelitarum circa cultum Dei, sed præsentibus eis verè nota fieret. Sicut custodierunt patres eorum. Illi qui fuerunt post tempora Iosue: nam tunc coluerunt Deum. Dimisit ergo dominus omnes has nationes. Scilicet eas, quæ nominat sequenti capit. in principio. Et dicitur dimisit, & non dedit Iudæis opportunitatem ad delendum eas. Et cito subuertere noluit. Quasi dicat, aliquando subuertit, sed non cito, sed postea tempore Dauid, & Salomonis, ut patet secundo Paralip. octauo, scilicet. Omnem populum, qui derelictus fuerat de Hertheis, & Amorrhæis, & Pherezæis, & Heueis, & Iebusæis, qui non erant de stirpe Israel de filiis eorum, & poste

F ris, quos non interfecerant filij Israel subiugauit Salomon in tributarios vsque in diem hanc. Nec tradidit in manibus Iosue. Scilicet quod quamquam multo tempore pugnasset Iosue contra gentes istas, non potuit præualere. Et credendum est, quod Deus iusserit ei cessare a bellis postquam obtinuit magnam partem terræ Chanaan.

Chronica temporum de omnibus gestis, quæ fuerunt inter Gentiles ab exitu Iudeorum de Aegypto vsque ad tempora iudicum. Quæst. XVI.

CHRONICAM rerum descriptionem coetaneam reb<sup>9</sup>, quæ in sacra scriptura digerunt ab initio librorum istorum inchoatam, & continuatam ex cap. nono libri Exodi omiseramus, vbi de gestis tempore Moyfi aliquid ex parte tactum est. Nunc autem tanquam postliminio quodam redeunt, vbi cessatum est, denuo inchoandum erit. Temporibus Moyfi, ut ait Cathelmandus in Chronicis lib. nono apud Cretenses regnauit Abdera, qui & urbem condidit. Puto autem, quod Abdera sui nominis urbem condidit, de qua fuit Democritus Abderides appellatus. Iustinus autem de Cretensibus in chronicis suis sic ait: Curetes saltus Carthesiorum incoluere, in quibus dicitur Titanas aduersus Deos pugnasse. Horum rex vetustissimus recolligendi mellis usum primus inuenit. Huius filia cum ex incestu filium procreasset, pater pudore flagitij eius iussit exponi: post dies aliquot cum ad corpus expositi missum esset, inuentus est vario ferarum lacte nutritus: postmodum hunc domi relatum in callem angustum, per quem armenta comedere consueuerant proiici iussit: cunque esset ibi, & ab armentis non tangeretur, sed aleretur, canibus eum proiici fecit multo ieiunio ad eius esum incitatis: post hoc suis, a quibus cum aleretur, in Oceanum mergi iussus est, vbi iactus ab æstu, idest feruore maris in littore sanus ibi expositus a quadam cerua nutritus est, & inde nimia velocitas pueri fuit, & inter greges ouium, & ceruorum peragravit: ad vltimum laqueo captus regi donatus est, quem recognoscens, & miserans, successorem sibi constituit, nomen illi impositum fuit Anidis, qui rex factus leges populo suo adinuenit: boues primus aratro, & in frumenta sulcos facere docuit: ab hoc, & ministeria seruilia populo interdicta sunt, & plebs per septem vrbes diuisa est. Regnum autem illo mortuo a successoribus per multa secula possessum est. Eusebius libro chronicorum ait Anno 35. Moyfi, qui fuit ante exitum de Aegypto per 45. annos Cecrops regnabat in Attica, a quo vsque ad Troie captiuitatem fuerunt anni 375. De regno isto Atheniensium Helinandus in chronicis, & Vincentius in speculo historiali dicunt, quod anno primo regni Athenie. annotatur principium, in quo Cecrope regnante in arce diuina Minerva nata est: & ex Minerue nomine, quæ græcè Athena dicitur, Athenæ nuncupatæ sunt. Huius autem regno annotantur anni 50. post hunc regnauit ibi Granaus: siue Danaus, ut quidam volunt annis 19. Amphitriū annis 10. Erichthonius 50. Pandion 40. Hic fuit Erichthonij filius, cuius filie Progne & Philomena. De istis narrat Ouidius historiam 6. Metamorphoseos, scilicet qualiter maritus Progne voluit cognoscere Philomenam sororem illius, cui omnino recusanti, ne clamaret, linguam abscidit, & crebra eam libidine maculauit, quod dum insignis iniuria innotuisset sorori, filium comunem sibi & viro in vindictam sceleris occidens coxit, eumque comedendum patri tribuit: unde ortum est: quod petis intus habes. Post hunc regnauit Cecrops secundus annis.

Reges qui Athenis regnarunt. Regnum cretensum.

Anidis ortus, & sortus.

Athenæ ex Minerua nomen sortitæ sunt.

Progne historia.



40. Pandion 25. Egrus Pandionis filius 48. Iste suscepit in vxorem Medeam magam profugam de domo viriquippe, quę filios excitata rabie presente viro occiderat in vindictam desertionis. Nam eam vir suus Iason, vt acciperet Creusam filiam regis Creontis expulerat domo, & regno exulem faciens. De quo Seneca in Tragoedia 7. cuius titulus est Medea. Hanc suscepit Egrus rex Atheniensis, cuius consilio filium suum Theseum tanquam peregrinum poculo toxicato occidere parauerat: de quo Ouidius 7. Metamorphoseos. Post hunc regnavit Theseus filius eius 30. annis, qui aduersus Thebas dimicauit. Iste fuit vir fortissimus multa admiranda exercens, cuius laudes tangit Ouidius 7. Metamorphoseos. Hic sorte ductus pugnavit contra Minotaurum inclusum in labyrintho, quem Dædalus mira arte parietibus perplexis construxerat: de quo victoria potitus duas sorores Ariadnā videlicet, & Phedram Minoi regis Creten. filias diligens accepit, quarum Ariadnā fallens in littore reliquit, quę dure de eo conquesta epistolam scripsit, quę habetur in libro Heroidum Ouidij, & incipit

*Mitius inueni quam te genus omne ferarum.*

Phedram autem vxorem duxit in regnum suū Athenien. quę postea filium Thesei eiusdem Hippolytum priuignum suū castitatis amatorem ardentem diligens ad incestum sepe sollicitauit: quod alterne etiā morti dedit. De quo latē Seneca in tragedia quarta, cuius titulus est Hippolytus. Post Theseum Mnestheus regnavit annis 23. post hūc Demophoon filius Thesei, & hic fuit tempore belli Troiani. Iste vadens in bellum Troianum cum per terram Thraciæ transitum faceret, Phyllis filia regis Thraciæ eum in virū, & hospitem suscepit, præstita fide de redeundo ad eā post bellum, qui cum, fide mentita, non reuertetur, Phyllis præ amore, & quia se delusam conspiciebat, laqueo se suspendit, prius lachrymabili descripta querimonia in epistola, quę vocatur Phyllis ad Demophoontē, & habetur in libro Heroidum Ouidij & incipit.

*Hospita Demophoon tua te Rhodopeya Phyllis.*

Phyllis, & Demophoontis historia. Iste regnavit 33. annis: post hunc regnavit Exites 12. annis, post hunc ofidas, idest Tymetes 8. annis, Melampus 37. post hunc Codrus 31. iste fuit, qui iuxta Apollinis Delphici oraculum se interim fecit obijciens se hostibus prouocando eos bello Peloponensiaco, in quo Eritidarum imperium destruitur. Fuit autē iste Codrus tēpore Saulis regis, vel Eli sacerdotis summi, vt alij tradunt, de quo dicitur in subnotatione chronica in fine primi regum, in quo cessauit imperium Atheniē. qđ 487. annis perseuerauerat. post Codrū apud Athenien. principes fuerunt, quorum primus Medo regnum in fine suę vitę obtinuit, & post eum cæteri reges. Præfuit aut Atheniensibus anni 20. post hunc Acastus annis 35. Archippus 19. Theusippus 41. forbas 31. Megathes 30. Diogenicus 28. Feredus 19. Arifron 20. Thespicus 27. Agamestor 20. Esthilus 23. Almeon, vel Altinœe, vt quidam volunt 11. annis. Post hunc cessauerunt esse principes Athenis, qui vsq; ad mortem suam imperarent: & in decem annis regnandi magistratum consuetudo conuersa est. Regnavitque primus Carops, siue Cecrops filius Esthili annis 10. Stilles post eum 10. Hipomones 10. Licrates 10. Aabfander 10. Flexias 10. Post hunc Athenis principes constituti sunt cessantibus regibus, qui principes ex nobilibus vrbis electi fuerunt, & præfuerunt annua li Imperio rempublicam agentes. Rursus temporibus Moyfi Hercules primus ( quoniam multi fuerunt ) fertur Anthemum luctę vicisse certamine, prius

A ceteris bouem immolans Iouem appellauit. Deucalion hoc tempore, vt fertur, apud eos regnare orsus est, qui circa Parnasum mōtem morabatur. Diluuiūque sub Deucalione in Thessaliis fuit, de quo latē de scribit Ouidius primo Metamorphoseos. Hoc etiam tempore incendium in Aethiopia magnum sub Feonte factum est. de quo latē Ouidius secundo Metamorphoseos in principio, in quo apparet ipsum rectē secutum historias, & successiones temporum. Hoc tempore multę pestilentię locales, vt Plato memorat, fuerunt. Templum Apollinis Delphici eiusdem Moyfi tempore a filiis Cecropis fabricatum est. Enarrauimus autem totam istam successionem regum, & principum Athen. non quasi tota cōtemporanea fuerit Moyfi, quia impossibile erat, cum extendatur per multos annos, sed quia primus regum Athen. f. Cecrops fuit tempore Moyfi, scepit regnare anno vitę Moyfi 35. vixit autem Cecrops annis quinquaginta in regno, vt dictum est, ideo apparet ipsum mortuū fuisse anno quinto, post exitum Israelitarum de Aegypto dum manerent in deserto apud Cadesbarne. Patet hoc quia ab anno trigesimoquinto Moyfi vsque ad exitum de Aegypto fluxerunt anni 45. cum fuerit iste exitus anno octuagesimo vitę Moyfi, vt patet Exod. 7. ca. restabant ergo quinq; anni vsque ad mortem Cecropis, qui fuerunt quinque anni post habitationem in deserto. Post hunc regnavit Granaus secundus Rex Athenien. annis 19. & sic mortuus est anno vigesimoquarto. postquā Israelitę erant in deserto, & manebant in Cadesbarne, cum manserint ibi quadraginta annis. Post hunc regnavit Amphitriton tertius annis decem. & mortuus est anno trigesimoquarto mansionis in deserto in Cadesbarne. Iste Amphitriton habuit vxorē Alcmenam nomine. De qua iupiter dicitur genuisse Herculem, vt colligitur in Tragedia prima, quę vocatur Hercules furēs. Sed nō fuit iste primus Hercules. Post Amphitritonem regnavit Erichthonius annis quinquaginta, huius regni anno sexto Israelitę transierunt Iordanem, & introierunt in terram Chanaan, & facta sunt tempore eius omnia, quę scripta sunt in libro Iosue: nā Iosue post introitum in terram Chanaan vixit, vt fertur, annis viginti sex. Ideo oportet qđ mortuus fuerit anno trigesimoquarto Regni huius Erichthonij, cui adhuc restabāt sexdecim anni de regno. Sub eo ēt fuerunt Seniores, qui dicuntur lōgo tempore vixisse post Iosue, vt patet supra in litera. Sub eo etiam fuit iudex primus Israel, f. Othoniel, & mortuus fuit anno quadagesimo sexto Regni Erichthonij. Quod patet, quia tempora Othonielis sunt anni quadraginta. vt patet seq. ca. sub quibus computatur totum tempus, quod fuit in ducatu Iosue ab introitu in terrā Chanaan, vt probatum fuit in prologo libri huius. Erichthonius autem regnavit annis 50. & transierant sex anni de regno eius, quādo introierunt Israelitę in terrā Chanāā vt nunc probatum est: ergo supererant adhuc de regno eius quatuor anni quādo mortuus est Othoniel. E reliqui autem reges & principes Atheniens. coincidunt cum temporibus Regum & Iudicū, de quibus locis suis fiet applicatio. Erichthonius ergo 4. Rex Athenien. tam Moyfi, quam Iosue contemporaneus fuit, sed potius ipsi Iosue. Nunc autem historiam Iosue sub brachilogia tangamus, vt ordinemus tempora secundum intentionem Iosephi: nam ipse non cōtinuat literam, vt est continuata, sed anticipationem, & recapitulationem esse asserit. Tangit autem Iosephus in quinto antiquitatum historiam Iosue, & continetur in ipso prædicta historia, & tempora iudicum cum historia Ruth, & tempora Samuelis: principium quoque primi libri Regum vsque ad capit. quintū de porta-

Templum Apollinis Delphici a filiis Cecropis fabricatū ē.

Grana<sup>9</sup> secundus rex Athenien. Terti<sup>9</sup> rex amphitriton.

Quartus Erichthonius.



portatione arcae in terram Philistinorum. Dicit. n. q. conuocans Iosue principes tribuum Ruben, & Gad, & præsulas Manasse: huius enim tribus mediam partem in Arnon descripserat, quæ Chananæorum pars septima est cum equitibus quadraginta milibus a loco, qui dicitur Abela ad Iordanem accessit in stadijs 60. & ista est historia primi cap. Iosue deinde transito Iordane sacerdotibus cum arca 50. stadijs præcedentibus accessit vsque ad decem stadia ab vrbe Iericho ad locum, qui postea dictus est Galgala. Facta autem circuncisione prima die azymorum Iudæi cum arca urbem Iericho circumdederunt: factumque est quod legitur de Achan, & de vrbe Hai. Et hoc est vsque ad medium 8. cap. & vsque ad locum istum rectus ordo est. Hoc autem tempore manebant Israelitæ in castris Galgalæ, & Gabaonitæ videntes mala, quæ acciderant alijs populis, fecerunt quod habetur Iosue 9. & parum post secutum est bellum contra 5. reges die, quo stetit Ibl: de quo decimo capi. Deinde dicit quod venerunt Chananæorum reges ad Berothi ciuitatem Galilææ superioris, qui locus non procul a Galilæis est: & totius exercitus armatorum erant trecenta millia, & duo millia currum. turbabatur autem hæc multitudo Iosue, & Israëlitas, qui persequens eos multum perambulauit, & omnem exercitum hostiū præter paucos occidit, sed & reges ceciderunt vniuersi. Deficientibus autem hominibus ad occidendos equos Iosue se conuertit. Er istud est bellum, quod habetur vndecimo cap. annus ab ingressu in terram Chanaan transferat, & nullus Chananæorum remanserat, nisi qui ad tuitionem murorum effugerant. Iosue autem de Galgalis denuo castrametatus sacrum tabernaculum constituit iuxta urbem, Silo. Locus enim opportunus pulchritudine videbatur, donec ædificare templum quietis causa permitteret, & sic post 11. capi. Introducit Iosephus 18. nam id quod in cap. 12. & 13. non pertinet ad successionem temporum: nec potest proprie dici per anticipationem, vel recapitulationem, aut continuum ordinem positum, cum non sit historia temporis Iosue. Quod autem habetur, cap. 14. & vsque ad 18. vult esse positum per anticipationem. De Silo autem constituto sanctuario transferunt, ut ipse vult, in Sichem. vbi est mons Hebal, & Garizim, & posuerunt maledictiones, & benedictiones, atque scripserunt Deuteronomium, quod habetur Iosue 8. ca. Sed Iosephus vult, quod sit anticipatio: ibi quoque ea vice dicit fuisse factum fœdus cum Israel: quandoquidem positus est lapis in testimonium, de quo habetur Iosue 24. Sed est recapitulatio. Inde autem dicit quod redierunt in silo: & tunc posuerunt sortes mittentes prius viros, qui describerent terram, quos septimo mense post dicit esse reuersos: tunc sortes positæ sunt. Et dicit, tribus Iudæ sorte elegit superiorem Idumeam, quæ in longum extenditur, vsque ad Iosoliam: latitudinem vero vsque ad paludem constituta Sodomæ est. In hac autem sorte ciuitates erant Ascalon, & Gaza. Simeoni verò in secunda sorte prouenit Idumea, quæ circa Aegyptum est, & Arabiæ montem. Beniamitæ sortiti sunt a Iordane vsque ad Mare longitudine, latitudine verò Ierosolymis Bethleis, qui terminatur, id est apud Ierusalem, & Bethlehæ: hæc autem sors angustissima fuit propter terræ fecunditatem: Ierico autem, & Ierosolymorum tulerunt urbem. Ephraim autem tribus a Iordane vsque Gazaram longitudinem habuit, quæ nunc vsque ad maximum campum terminat. Manasse autem medietas a Iordane vsque ad ciuitatem Doron, sine Dor latitudinem habet, quæ nunc Sitopolis appellatur. Post hanc autem Issachar Carmelum montem, & fluuium in longitudine habuit: taburium verò id est montem Tabor in longitudine. Zabulonitæ vero vs-

que Genezar et tendentem circa Carmelum, & mare fortiti sunt, & conuallem, quæ Carmelum appellatur, & ex huiusmodi est. Aseritæ verò omnem terram, quæ ad Sidonem conuersa est habuerunt. Ciuitas autem Ace in eorum parte fuit, quæ etiā Atipos appellatur. Partes verò ad Orientem conuersas vsque ad Damascus, & Galilæam superiorem Nephtalitæ sumpserunt vsque ad montem Libanum, fontemque Iordanis, quorum fluctus de montibus est collectus. Danitæ autem, id est filij Dā loca conualium ad Occasum solis postea tenuerunt Azo, & Doris, determinationem quæ Lamiam simul, & Gaza, & Bethoron, vsque ad montem, ex quo tribus Iuda pendebat. Loca autem circa Sidonem, & Arathæos, & Amathæos, & Arithæos tunc inculta erant. Tunc Caleb petiit Hebron in possessionem, quod habetur Iosue decimo quarto: tunc et assignatæ sunt vrbes refugij, & sacerdotum. De quo Iosue vigesimo, & vigesimo primo. In 15. autem 16. & 17. & 19. de sortium diuisione agitur, de qua dictum est. Post hoc anno vigesimo, per diuisionem sortium factam, ut ait idem Iosephus Iosue congregauit omnem Israel, & fecit quod habetur Iosue vigesimo tertio cap. vixit autem Iosue annis centumdecem: quorum 44. fluxerant quando exiuit de Aegypto, cum Moyse autem 40. annis fuit in deserto, deinde in terram Chanaan 26. annis tenuit principatum, de quo Iosephus ait. Iosue defunctus est cum vixisset annos centumdecem, quorum quidem cum Moyse pro doctrina rerum vtilium commoratus est quadraginta. Dux autem post illius mortem sex & viginti fuit. Vir nec sapientia indignus, nec eorum, quæ cogitabat, ut multa sapienter ediceret inexpertus. Eodem tempore mortuus est Eleazarus pontifex Phinees filio suo sacerdotum relinquens, cuius sepultura facta est in ciuitate Gaba. In diebus Iosue, ut ait Historia scolastica Erichthonius primus quadrigam iunxit in Græcia: erat quippe apud alias nationes, sed iuxta aliorum sententiam aliquanto tempore post mortem Iosue contigit: nam Erichthonius postea fuit. Sed falsum est, nam Erichthonius fuit quartus rex Athenien. regnans quinquaginta annis, cuius annus primus fuit sex annis antequam egredieretur Israelitæ de deserto, & vltimus fuit quatuor annis post mortem Othonielis primi iudicis Israel, ut supra declaratum est. Hoc tempore Bursis tyrannidem in Aegypto exercuit, quem Hercules occidit: ipse quippe hospites per fraudem occidere consueuerat. Hoc tempore Phœnix, & Cadmus de Thebis Aegyptiorum profecti in Syriam in regione Tyri, & Sidonis regnauerunt, sed Gadmo recedente in Græciam terra a Phœnice Phœnicia dicta est. Europam filiam Phœnicis Iuppiter rapuit, & cognouit quam postea Asterius Creten. rex uxorem habuit, & ex ea Minoem procreauit, qui Minos postea in Creta regnauit. Danaus frater Aegypti, ut ab illo regnum auferret, & transferret in progeniem suam quinquaginta filias quas genuerat dedit uxores quinquaginta filiis Aegypti fratris sui composita fraude cum filiabus, quod ipsos viros prima nocte in lecto occiderent: nam omnium eadem die nuptiæ celebratæ sunt: mortui fuerunt autem quadraginta nouem relicto vnico, qui postea successit patri Aegyptio. Aliqui autem volunt hoc fuisse prius, scilicet tempore Moyse: de quo in Exodo. capitu. decimo quarto dictum, sed non est magna differentia. Nunc autem de his, quæ pertinent ad principium libri huius iudicum secundum intentionem Iosephi dicamus. Iosephus autem quinto antiquitatum vult, quod post mortem Iosue quasi immediatè consuluerunt Israelitæ dominum: & Phinees prophetando respondit ad delendum genus Chananæorum tribui Iuda deberi dari principa-

Sortes tribuum Israel.

Iosue vixit annis 110.



capitulum: contra Ierusalem autem cum tunc pugnaretur longo tempore post capientes eam omnes habitantes in illa occiderunt. Relinquebatur autem in Hebron genus gigantum, qui propter magnitudinem ac formas in nullo aliis hominibus proximabant ultra modum admirabiles, quorum ossa hactenus monstrantur, in nullo de quibus habetur fides æqualia. Isti autem gigantes tunc deleti sunt. Dederunt etiam tunc possessionem filiis Ietto, qui fuerant in deserto cum Israelitis, & secuti sunt eos semper relinquentes possessionem terræ suæ. Hæc autem omnia ante iudices ortos in modico tempore, quod fuit inter mortem Iosue, & institutionem Othonielis in iudicem Iosephus accidisse vult. Præter hoc ait quod ea, quæ narrantur de Leuita. infra 19. & 20. & 21. fuerint post mortem Iosue, & ante iudicem. Quod loco suo probabitur. Idolum quoque Michæ eo tempore dicit fuisse: de quo infra decimo septimo. Dicit etiam quod hoc tempore cum Israelitæ bellorum studia reliquissent, & ad terræ opera se dedissent: Chananæi eos contemnentes, nec aliquid ab eis pati posse credentes suum collegerunt exercitum firmam habentes spem quasi Hebræos affligerent, & de cætero ciuitates licenter inhabitarent, currusque faciebant, & exercitabantur, & aliquæ vrbes Iudæorum sibi consentiebant: vnde de tribu Iudæ Aschalonem, & Gazam abstulerunt, & multas in campatribus constitutas. Danitas quoque, id est, filios Dan in montana fugere compulerunt, nec parum eis locum in campatribus relinquentes, & dum illi nec ad bellandum essent idonei, nec sufficientia ad habitandum haberent loca, quinque viros ad loca mediterranea miserunt: & factum est quod habetur infra decimo octauo, & sic omnia hæc euenerunt ante tempora iudicum: & tunc sequitur tempus Othonielis primi iudicis, quæ est materia sequentis capituli.

## CAPITVLVM. III.



**H**Æ sunt gentes, quas Dominus dereliquit, vt erudiret in eis Israelem, & omnes, qui non nouerant bella Chananæorum: & postea

discerent filij eorum certare cum hostibus, & habere consuetudinē præliandi. Quinq; satrapas Philisthinorum, omnemque Chananæum & Sidonium, atque Heuæum, qui habitabat in monte Libano, de monte Baal Hermon, vsque ad introitum Emath. Dimisitque eos, vt in ipsis experiretur Israelem, vtrum audirent mandata Domini, quæ præceperat patribus eorum per manum Moyfi, an non. Itaque filij Israel habitauerunt in medio Chananæi, & He-thæi, & Amorrhæi, & Pherezæi, & Heuæi, & Iebusæi, & duxerunt vxores filias eorum, ipsique filias suas filijs eorum tradiderunt, & seruiuerunt dijs eorum. Feceruntque malum in conspectu Domini, & obliui sunt Dei sui, seruientes Baalim,

Alph. Tost. super lib. Iudicum.

**A** & Astaroth. Iratusque contra Israel Dominus, tradidit eos in manus Cusan Rasathaim regis Mesopotamiæ, seruiueruntque ei octo annis. Et clamauerunt ad Dominum, qui suscitauit eis Saluatorem, & liberauit eos Othoniel videlicet filium Cenez fratrem Caleb minorem. Fuitque in eo spiritus Domini, & iudicauit Israel. Egrediusque est ad pugnam, & tradidit Dominus in manus eius Chusan Rasathaim regem Syriæ, & oppressit eum. Quieuitque terra quadraginta annis, & mortuus est Othoniel filius Cenez.

De p. di.  
1. ca. vide  
supra. 2. &  
infra. co. &  
inf. 4. & 6.  
& 10.

*Hæ sunt gentes.* In præcedentibus præmissa est brevis materia libri præfatio. Hic consequenter subditur eius narratio. Quia incipit iam historia Iudicum, quia primo historia textitur. Secundo triplex casus, vel incidens annectitur, infra 17. c. Primus diuiditur in septem partes secundum tribulationes septem, quas passi sunt Israelitæ pro peccatis suis, a quibus penitentia ducti liberati sunt per duodecim iudices sibi succedentes. Duæ primæ tribulationes tangunt in hoc c. 3. in c. 4. Et tribulatio. 4. i. c. 6. & 5. in c. 9. & 6. in c. 10. & 7. in c. 13. Præfens aut c. diuidit in duas partes secundum duas tribulationes, quæ in eo tanguntur. Secunda ibi. *Addiderunt autem.* Prima in duas, quia primo ponitur ad præmissa continuatio, secundo tribulationis descriptio ibi. *Itaque filij Israel.*

*An in his sit aliqua ordinis mutatio. Questio I.*

**Q**VAERET aliquis, circa primum an ea, quæ dñr hic, habeant continuatū ordinē ad præcedentia, vel sit aliqua mutatio. Rñdendum est, quod iste liber est de iudicibus, quorum materia incipit in c. isto. In duobus aut præmissis posita fuerunt quedā, quæ non pertinebant ad iudices, sed erāt quæ necessaria præambula: nā inter mortem Iosue, & iudices intercidit aliquantū tps, in quo acciderunt aliqua narratu digna, quæ scriptura præmittere non debuit: & sic fuerunt ea, quæ hñr supra 1. vt pced. c. in fine declaratum est. Fuerunt aut illa duplicia, quæ fuerunt, quæ pertinuerūt ad quosdā psonas spāliter, vel ad totū Israel simul. Alia verò ad ipsas tribus specialiter, & non ad aliquas psonas priuatas, nec ad totā plebem Israel. Prima non ponunt pced. c. nec primo, quanquā fuerint ante tps iudicum. Sic est casus de idolo Michæ, & de vxore Leuitæ. Sed reseruatur p fine libri, quia idolum Michæ ad vnum virū solum pertinuit. infra 17. casus autē de vxore Leuitæ partim ad vnū virum ptinuit, & partim ad totum Israel, de quo infra 19. & vsq; ad finem. Casus autem de filijs Dan inquirentibus locum habitandi pertinet ad vnā tribū specialiter: quia tñ in generali tactum est supra primo, non fuit ibi explicitum, sed seruatum vsq; infra 18. ca. reliqua autē, quæ ad quālibet tribum specialiter pertinebant, supra primo cap. descripta sunt: ideo dictum fuit ibi de qualibet tribu, quomodo se habuit ad hostes suos in suscipienda hæreditate: & illud est primum præambulum, quod requiritur in hoc libro ad hoc quod tangantur non solum ea, quæ pertinebant ad totum Israel, sed etiam illa, quæ pertinebant ad singulas tribus, & primo pro maiori parte facta sunt ante tempora iudicum. Secundum præambulum est cum hic dicatur de iudicibus, tangere causam, quare introductum fuit istud genus principatus, cum prius non esset, & hoc tangitur in capitu. præcedenti.

D dñt.

33. q. 5. ca.  
remittunt.  
5. si. vers. p  
scientes.





Ad præ-  
missa con-  
tinuatio.

denti, ut ibi declaratum est: & sic cap. istud habet al-  
quem ordinem naturalem ad ea, quæ habentur supra  
primo. sed ad ea quæ habentur præcedenti capitulo,  
solum habent ordinem artificialem. *Hæ sunt gentes.*  
præcedenti capit. dictum est quod Deus dereliquerat  
gentes ad experiendum in eis an Israelitæ colerent eū,  
vel non: hic autem per modum continuationis sub-  
iungitur quæ gētes erant istæ, & nominantur, scilicet,  
hæ sunt gentes, id est, istæ quæ infra nominantur.  
*Quas dereliquit dominus.* Dicitur Deus dereliquisse eas,  
licet Israelitæ eas dereliquerint, quia ipse in pœnam  
peccatorum illorum, & propter alias causas concessit  
quod permanerent, & noluit dare vires Israelitis ad  
subito expellendum eas. Ipsi autem non poterant eas  
expellere, nisi Deus illas vellet delere adiuuando Is-  
rael, quia dixit: ipse ego sum, qui delebo eas a facie filio-  
rū Israel: Iosue decimotertio: *ut erudiret in eis Israel.*  
id est, erudiretur ad pugnandum: nam si non haberēt  
hostes nunquam pugnarent: essentque viri inepti ad  
bellum, & ad omnia opera fortitudinis. *Et omnes, qui*  
*non nouerant bella Chananæorum.* Hic ponitur (&) exposi-  
tiue pro id est, scilicet, ut erudiret in eis Israel, &  
omnes, qui non nouerant bella Chananæorum, id  
est, ut erudiret eos, qui non nouerāt bella Chananæorū  
& erant de Israel. Nā si non teneatur expositiue, ne-  
cesse est, quod Israel, & qui non nouerant bella Cha-  
nanæorum accipiantur hic pro diuersis: sed non stat  
quia solum volebat Deus Israelitas erudire in bellis  
Chananæorum, & non alias gentes: ideo tenebitur  
expositiue. *Ut postea dicerent.* id est, in tempore futuro,  
quasi dicat, si nunc expellerentur hostes a facie Israe-  
litarum, bene haberent, cum quibus nunc exercitārē-  
tur in arte pugnandi, sed expulsis illis non haberent  
cum quo pugnarent. Prouidit ergo Deus pro post.  
*Filij eorum certare cum hostibus.* scilicet, filij Israelitarum,  
qui erant tempore illo, quo Chananæi expellēdi fue-  
rant, & cessatura erant bella, haberent postea hostes,  
cum quibus certarent.

*An Deus gentes has dereliquerit, ut Israelitæ haberent  
cum quibus in pugna exercitarentur.*  
Quæstio II.

**Q**UÆRET aliquis, circa hæc an Deus dereli-  
querit gentes istas, ut haberent Israelitæ, cum  
quibus exercitarentur in pugna, sicut hic dicitur.  
Aliquis dicet quod non, quia Deus cessauit expelle-  
re Chananæos de terra, ut non redigeretur terra in soli-  
tudinem: ergo non fuit, ut haberent Israelitæ con-  
suetudinem præliandi: patet hoc Exod. 23. scilicet.  
Non expellam eos a facie tua anno vno, ne fortè ter-  
ra in solitudinem redigatur, & crescant contra te be-  
stia. Item Chananæi non fuerunt exclusi propter  
peccata Israelitarum, sed, ut ipsi haberent hostes, qui  
essent eis clauis in oculis, & lanceæ in lateribus, ut pa-  
tet præcedenti capitulo, ergo non relictī sunt ad exer-  
citationem. Item relictī fuerunt ad experientiam capi-  
piendam an colerent Deum, vel non: ergo non ad  
exercitationem belli. Patet hoc præcedenti capitulo,  
scilicet, ego non delebo gentes istas, quas dimisit Io-  
sue, & mortuus est, ut in ipsis experiar Israel vtrum  
custodiant mandata domini, an non. Responden-  
dum, quod sicut non est inconueniens ad vnum effe-  
ctum concurrere multas causas in eodem genere; ita  
non est inconueniens eandem rem fieri ad diuersos  
fines. Et sic hoc quod erat manere Chananæos in ter-  
ra cum ad multa proficere posset, non est inconue-  
niens, quod fuerit propter multa: & sic dimissio Cha-  
nanæorū in terra Israel potuit esse ad omnia quatuor  
quæ nominata sunt. Sed aliquis obiiciet, quod non

Doc. resp.  
ad quæsi-  
tum.

**F** stat, quia quando fines inter se consonant, satis stat can-  
dem rem esse ad diuersos fines, sicut in subordinatis  
ubi multi fines censentur esse vnus finis, vel in non  
subordinatis, dum tamen habeant quandam similitu-  
dinem, propter quam extendatur idem effectus ad  
omnia illa: cum tamen sunt contrarii fines, non stat  
hoc. Sic videtur in his finibus, quia quidam sunt ad  
Iudæorum gratiam, scilicet, ut non reducatur terra in  
solitudinem, alii in pœnam, ut quod haberent hostes.  
Respondendum, quod quanquam fines sint contra-  
rii, satis stat, quod eadem res sit ad illos: quoniam pro-  
uenit ex magna Dei sapientia, cui ipsum quoque quod  
malum est, bonum est: ideo cum aliqua res sit ad ma-  
lum, siue ad pœnam, Deus ex sapientia sua ordinat eā  
ad aliquem finem bonum, quem simul res illa attin-  
gat cum aliquo fine malo, vel penali, & sic erat hic.  
Pro quo considerandum, quod prima causa, propter  
quam Deus noluit tradere Israelitis ipsos Chananæos,  
fuit ad eorum gratiam, scilicet, ut non redigeretur ter-  
ra in solitudinem, & crescerent bestia; sed traditurus  
erat eos paulatim, & per partes, donec Israelitæ auge-  
rentur, & possent replere terram: Exod. 23. capi. Istud  
fuit dictum Israelitis, quando nondum peccauerant,  
ut demereretur relinqui Chananæos in terra, ideo da-  
to quod non peccassent vllatenus, Deus non erat tra-  
diturus in manus eorum Chananæos totaliter in vno  
anno, vel paucio tempore: sed ista causa cessauit post-  
quam manserunt Israelitæ aliquanto tempore intra,  
& multiplicati sunt ita, ut possent illam possidere: nā  
etiam tunc non fuit eis tota tradita: ideo nunc succes-  
sit alia causa, scilicet, in pœnam Israelitarum. Nam Is-  
raelitæ potuerant delere Chananæos, quando ipsi per-  
uenerunt ad aliquātam multiplicationem, sed nolue-  
runt: quin potius communicauerunt eis in coniu-  
giis, & aliis contractibus: & ob hoc Deus noluit in pœ-  
nam Israelitarum delere Chananæos de terra. Erat au-  
tem pœna, quia propter præsentiam Chananæorum non  
habebant Israelitæ locum habitandi: sicut patet de fi-  
liis Dan, quos arctauit Chananæus in monte Hares, &  
non dedit locū descendendi ad campestria, supra 1. c.  
filii quoque Ephraim, & Manasse propter Chananæos  
manentes in sorte in vallibus non habebant locum ha-  
bitandi, sicut conquesti sunt coram Iosue, ut patet Io-  
sue 17. c. erat etiam pœna, quia isti relictī in terra erant  
Israelitis, sicut clauis in oculis, & lanceæ in lateribus, ut  
patet Nume. 33. & Iosu. 23. c. si autem non peccassent  
Israelitæ quanquam aliquanto tempore detinisset  
Deus Chananæos in terra: tamen non tāto tempore,  
sicut patet præcedenti capit. scilicet. Dimisit dominus  
omnes has nationes, & cito subuertere noluit: quasi  
dicat citius subuersurus erat eas, si nō peccasset Israel.  
Causa ergo principalis nunc quare manerent Chana-  
næi in terra, erat in pœnam Israelitarum, quia tamen  
pœna quodammodo habet rationē mali saltem quan-  
tum ad eum, qui eam suscipit, Deus, qui est omnipo-  
tens, & immensus in sapientia, produxit alia bona ex  
ista pœna. scilicet, quod Israelitæ haberent cum quibus exercita-  
rentur ad pugnam, & per quos cognosceretur an dili-  
gerent dominum, vel non. Primum horū erat Iudæis  
valde vtile, ne bellica virtus languesceret. Secundum  
erat eis causa merendi. Videtur tamē rationabiliter di-  
cendum, quod si Israelitæ non peccassent, non reliquisset  
Deus Chananæos in terra ad hoc, quod exercitarentur cū  
eis, vel ad hoc quod per eorum præsentiam cognosce-  
retur, an Israelitæ diligerent dominum vel nō; quia iste  
erant causæ non principales, sed in defectum, scilicet,  
eliciendo bona ex malis. Quod patet, quia Exo. 23. pro-  
miserat Deus tradere Israelitis totam terrā Chanaan,  
quando multiplicati essent ad tantum numerum, ut  
possent illam possidere.

Quomo-  
do De-  
nialum  
bonum  
nem ord-  
nat.



*An Israelitæ peccarent, si conarentur de terra Chananeos expellere penitus: postquam ex parte Dei hoc eis denunciatum est. Quæstio III.*

**Q**VAERETVR vterius, an Israelitæ peccarent si conarentur penitus expellere Chananeos de terra postquam ista eis denunciata sunt. Aliquis respondebit quod sic; quia Deus reliquit gentes istas, vt erudirentur cum eis Israelitæ: ergo si quis vellet eas prorsus excludere, faciebat contra voluntatem Dei, & peccabat. Respondendum, quod non peccabant Israelitæ volendo prorsus excludere Chananeos de terra, quia dato quod Deus vellet q̄ manerent, non tenebantur Iudæi hoc velle, quia erat istud ad penam eorum, sed non tenetur quilibet conformare voluntatem suam voluntati diuinæ in volito: sed satis est q̄ conformet in modo volendi, alioquin quando Deus nobis penas infligit tenemur velle pati illas penas, & consequenter non possemus orare, vt auferantur: qđ falsum est: ergo solum obligamur non murmurare recipiendo illas, tamen non velle illas, & consequenter non conformamur in volito. Item patet hoc quia Deus iubebat Israelitis interdum, vt pugnarent contra Chananeos, sicut iussit Barac, quod pugnaret contra Sisaram principem militiæ Iabin, & pugnaret ad deletionem: ergo debebant isti desiderare expellere Chananeos de terra. Item interdum Chananeæ pugnabant contra Israelitas nolentibus Israelitis: ideo si Israelitæ non deberent velle expellere eos de terra, nõ possent resistere eis in bello. Item hoc implicaret contradictionem: nam Deus dimisit Chananeos, vt haberent Israelitæ cum quibus exercitarentur in bello, sed exercitatio bellica inter hostes est ad deletionem alterius partis: ergo licebat Israelitis desiderare expellere Chananeos de terra. Item patet quia Deus iusserat Deuterono. vigesimo, q̄ Chananeis non parcerent Israelitæ, sed omnes occiderent in ore gladij viros, & feminas: sed istud præceptum nunquam reuocatum est: ergo semper licebat Israelitis occidere quoscunque possent de Chananeis. Dicendum ergo q̄ licitum erat imò meritorium Israelitis velle expellere Chananeos de terra, & dare operam ad hoc quantum possent: quinimmo peccarent mortaliter, si secus facerent, scilicet, nolendo expellere eos, vel permittendo manere, quia tunc sequeretur, q̄ possent foedus inire cum eis de nunquam nocendo illis, & tamen in hoc peccarent mortaliter: nā de hoc redarguti sunt præcedenti capitulo. & Num. 33. dicitur quod si Israelitæ nolent expellere Chananeos de terra, fierent eis sicut clauis in oculis, & lanceæ in lateribus: & Deus faceret Israelitis omnia mala, quæ cogitauerat facere Chananeis: sed ista non faceret Deus Israelitis, nisi peccarent mortaliter, ergo videtur quod peccarent si non conarentur ad expellendum Chananeos de terra. Cum autem dicitur, quod Deus dimisit gentes istas, vt erudirentur Israelitæ ad bellum: non est sensus quod iussit, quod non occiderentur, sed quod dimisit eas, idest, noluit expellere eas ita cito sicut alias expulsurus erat, sed permisit eas Israelitis expellendas, vt ipsi paulatim atq; per partes expellerent eas in magno tempore, & sic haberent locum exercitationis semper bellicæ.

*An ad hoc quod Israelitæ locum exercitationis haberent, opus erat dimitti aliquos Chananeos in terra.*

*Quæstio IIII.*

**S**ED quæretur vterius, an ad hoc, quod haberent Israelitæ locum exercitationis oportebat, quod dimittatur aliquos Chananeos in terra. Alph. Tost. super lib. Iudicum.

**A**mitterentur aliquæ gentes Chananeorum in terra sicut litera innuit. Aliquis dicit quod non, quia etiam non manentibus illis habebant Israelitæ locum exercitationis cum aliis gentibus vicinis, scilicet, cum Ammonitis, Moabitibus, Idumæis, Amalecitis, Syris, Damascenis, & aliis gentibus: nam cum omnibus his pugnaverunt Israelitæ tam tempore iudicum, quam regū. De Ammonitis patet tempore Iephthæ Galaaditis, qui fecit magnum bellum contra filios Ammon, vt patet, infra vndecimo. Tempore verò Saulis factum est bellum contra Naas regem filiorum Ammon: etiā contra Ammonitas pugnatum est tempore Eglon regis Moab, quem occidit Aod, infra in litera. Tempore Dauid etiam pugnatum est contra illos: nam Dauid mensus est Moab coequans terræ faciens duos funiculos, vnum ad occidendum, & aliud ad viuificandū. secundo Reg. 8. de Amalecitis, Idumæis, & Syris, patet infra in litera. Dauid quoq; pugnavit contra istos. secundo Reg. octauo. contra Madianitas etiam infra septimo, contra hos omnes pugnavit Saul. 1. Reg. 14. Ergo dato quod non manerent Chananeæ in terra, haberent Israelitæ locum exercitationis bellicæ. Respondendum est dupliciter. Vno modo quod quanquam Israelitæ possent habere aliquod exercitium cum gentibus finitimis, tamen non erat illud cōueniens: nam si non mansissent Chananeæ in terra, & Israelitæ vellent esse boni, non haberent locum pugnandi contra finitimos, ipsi quippe non insurgerent contra extraneos, quia non habebant aliquam causam, cum de terra eorum non essent suscepturi in possessionem: gentes quoque illæ non pugnarent contra Israel, quia istæ gentes nunquam nocebant Israelitis, nisi cum Deus mouebat illas ad hoc: & istud erat peccantibus Israelitis. Si autem bene agerent non incitaret gentes contra eos, & sic manerent sine bello: cum autem essent Chananeæ in terra, habebant Israelitæ locum pugnandi ex necessitate: nam siue boni, siue mali essent pugnarent; quia si boni essent nunquam facerēt aliqua foedera cum Chananeis, sed semper conarentur ad eripiendum terram de manibus eorum. Si autem mali essent, Chananeæ incitarentur a Deo ad insurgendum super eos, cum deberent eis esse tanquam clavis in oculis & lanceæ in lateribus: Num. 33. capit. & sic non deficeret necessitas pugnandi. Item dato quod Israelitæ aliquando vellent cessare a pugna, nonmitterentur a Chananeis. Nam cum accepissent magnam terram Israelitæ, quæ pertinebat ad Chananeos, nunquam quiescerent Chananeæ quousque illam recuperarent, & sic esset continuum exercitium: conuenientior ergo modus exercitandi erat relictis Chananeis in terra, quam quod cum finitimis esset bellum. Aliter potest responderi. & melius, quod non fuit causa principalis manendi Chananeorum in terra, vt Israelitæ haberent cum quibus exercitarentur, sed quia peccauerunt dereliquit Deus in penam eorū Chananeos in terra: & si non peccassent nunquā Deus dimisisset Chananeos ad exercitationem, vel ad aliā causam in terra; quia tamen dimittendi erant pp peccatum in penam voluit Deus cum illa pena facere aliquam vtilitatē Israelitis. scilicet, q̄ hñrent cum quibus exercitarentur, & fuit ista exercitatio conueniens magis q̄ cum finitimis gentibus; sed ista conueniētia exercitationis non erat cā sufficiens manendi in terra Chananeorum. Hoc patet, quia si per se fuisset ista causa sufficiens, ergo omni tpe tenuisset, cum omni tpe bonū esset Israelitis exercitari, & sic nūquam Deus iubecisset Chananeos Israelitis, vt semper haberent locum dimicandi. Sed falsum est, quia iubecit tempore Dauid, & Salomonis: sic enim Salomon dixit 3. Reg. 5. scilicet, Nūc autem requiem dñs dedit per circuitum, nec est

Respō, r.  
ad quæstionem.



Satan, nec occurſus malus. Sic etiam 2. Paralipom. 8. dicitur: Omnem populum, qui relictus fuerat de Hethæis, Amorrhæis, Pherezæis, & Heuæis, & Iebuſeis, qui non erant de stirpe Israel de filiis eorum, & de poſteſis, quos non interfecerant filii Israel, ſubiugauit Salomon in tributarios: ergo non erat cauſa ſufficiens ad manendum Chananæos in terra, quod Israelitæ haberent cum quibus exercitarentur.

*An neceſſarium, & vtile erat Israelitis Chananæos manere in terra, vt exercitarentur cum eis ad bellum, & quam vtilitatem bella afferunt Politijs, & quid proſuerunt Romanis. Quæſt. V.*

**Q**VAERETVR vltcrius, an neceſſarium vel G vtile erat Israelitis, quod Chananæi manerent in terra, vel quod haberent alias gentes in hoſtes, ad hoc quod exercitarentur in bello. Reſpondendum, quod non fuit neceſſarium manere Chananæos ad exercitationem ex cauſa ſup. aſſignata, quia alioquin ſemper manſiſſent: ſed fallum eſt nec ex hoc manſerunt, ſed quia peccauerunt Israelitæ. Ad ſecundam de vtilitate dicendum, quod magis dubium eſt, & dicendum quod non eſt dubium, quin aliqua vtilitas eſſet Israelitis quod haberent Chananæos, cum quibus exercitarentur ad bellum: nam non habendo illos, fierent Israelitæ inexperti in armis, & lægueſceret virtus fortitudinis: & ſi contingeret ex inſperato aliquod bellum poſtea inſurgere, non poſſent reſiſtere Israelitæ; H quia nec haberent animoſitatem pp̄ deſidiam: nec armorum peritiam propter diſſuetudinem, qđ eſſet cauſa ſubitanei exterminij. Bonum ergo erat hñe hoſtes ad continuam exercitationem. Item patet hoc de Romanis: nam cum ſecundo ceperunt Carthaginē Africanam diſputabant an delenda foret, vt nunquam haberent hoſtes, vel an relinquenda propter exercitium belli. Scipio autē Naſica, qui vir optimus a Romanis ex conſulto deorum habitus eſt, diſſinuit in hoc non eſſe Carthaginem euertendā, ne ceſſante bello, populus non hñs locum exercende fortitudinis, ad luxum & vitia deſlueret, ſed præualuit ſententia vulgi quietem, & non virtutem amplectentis. De hoc Augu. de Ciuita. Dei lib. 1. Poſtea autem hoc euenit. ſ. qđ deleta Carthagine Romani ad vitia prolapſi quaſi effeminati ſunt: vtile ergo fuit Iudæis habere Chananæos ſemper in terra. Rñdendum qđ non erat vtile Israelitis manere Chananæos in terra, quia cum Deus eſſet rector politiæ Hebræorū, ſi expediuiſſet illis, qđ ſemper manſiſſet gens Chananæorū infeſta Iudæis ad aliquid boni, ſemper feciſſet eā infeſtam, tñ tempore Salomonis ſubiecit totam gentem illam: & in hoc videbatur face re ſpeciale gratiæ Israelitis, ideo non erat vtile Israelitis, qđ manerent ſemper Chananæi. Item præſentia Chananæorum erat occaſio Israelitis ad idolatriam, vt patet præce. c. vt. ſ. Habeatis hoſtes, & dii eorum ſint in ruinam vobis. ſed idolatria erat maximum malum maxime poenę Israelitis: ergo erat valde inutile imò K nociuum manere Chananæos. Item manſio Chananæorū impediēbat Israelitas a multis bonis operibus: ergo erat inutilis. Quod patet, quia Dauid cogitauit facere templum dñi, & occupatus bellis non poterat, vt habetur 3. Re. 6. ſ. Tu ſcis vocem patris mei Dauid, & quod non potuerit edificare templum nomini domini, propter bella imminētia, donec daret dñs eos ſub veſtigio pedum eius: & ex hac cauſa dedit domin⁹ pacem in diebus Salomonis, vt poſſet ædificare templū, vt patet Eccleſ. 47. c. ſ. Salomō imperauit in diebus pacis, cui ſubiecit dominus omnes hoſtes, vt cōderet domum in nomine ſuo, & pararet ſanctitatem in ſempiternum. ſi tamen Chananæi ſemper fuiſſent infeſti Iſ-

F raelitis nunquā potuiſſet ædificari templum, cum dixerit Salomō, quouſq; daret dominus eos ſub veſtigio pedis eius, ergo nō erat vtile manere ſemper Chananæos. Dicendum igitur quod aliqualiſter erat vtile Deter. qđ manere Chananæos in terra, & aliqualiſter inutile, quod maius eſt damnum, quā vtilitas vocatur ſimpliciter inutile, & ob hoc Deus tāquam inutile noluit quod ſemper manerent in terra. Ad rationes in contrarium reſpondendum quod ille bene probant vtilitatem aliquam eſſe in Iudæis ex præſentia Chananæorum: tamen illa vtilitas erat minor quā damnum, quod ſequēbatur ex eorum præſentia, ideo vocatur ſimpliciter inutile.

*An eſſet vtile Iudæis habere ſemper gentem infeſtam. Quæſtio V. I.*

**Q**VAERETVR vltcrius, an vtile eſſet Israeli- tis, quod haberent ſemper aliquam aliam gentem infeſtam. Reſpondendum quod Israelitis, aliqua ſequēbatur inde ſilla, quę ſupra arguebamus in Chananæis, & rursus non ſequēbatur tātum damnum ex eorum infeſtatione, ſicut ex mñſione Chananæorum in terra; quia Chananæi erant intra terram Iudæorū, & ob hoc neceſſariō habebant cum eis maiorem cōmunicationem quā cum gentib⁹ finitimis, & ſic inducerentur per iſtos ad idolatriam, & non per finitimos. Etiā quia ſiue finitimi pugnarent contra Israel, ſiue nō, ſemper manebat eadem cauſa inductionis ad idolatriam, ſcilicet, quia gentes finitimæ non erant expellendę de terra; ideo non erat tam nociuum bellum contra gentes propinquas, ſicut ſi manerent in terra Chananæi ad hoc quod poſſent Israelitæ, conuerti ad idola: erat tamen aliud malum ſi ſemper haberent Iſraelitæ gentes contra repugnantes. ſ. quia per hoc diſtraherentur a cultu Dei: nam impedirentur aliquę ceremoniæ cultus, vel feſtiuitates inſtante bello: ſic fuit quando rex Aſſyriorum infeſtabat terram Iſrael: nam tunc non poterant celebrare feſtiuitates ſuas Iſraelitæ: pereuntibus autem Aſſyrijs per Babylonios Deus nunciavit lætitiā: & quod iam poſſint celebrari feſtiuitates, vt patet Naum. 1. ſ. Ecce ſuper mōtes pedes euangelizantis pacem, celebra Iuda feſtiuitates tuas, & redde vota tua; quia non adiciet vitra, vt pertranſeat in te Belial: vniuerſus enim interiit. Deus ē poſuerat pro cauſa exemptionis a lege ipſam exercitationem belli. ſ. quod tempore, quo durarent bella, nō eſſent obligati Iſraelitæ ad faciendum ceremonias legis, vt patet Deuter. 12. ſ. Non faciatis ibi quę nos hodie facimus ſinguli, quod ſibi rectum videtur, nec. n. vſq; ad præſens tempus veniſtis ad requiem, & poſſeſſionem quam dñs daturus eſt vobis. ſ. quod ex eo, qđ nondum habebant quietem, poterant facere quodcūque vellent: & quando illam haberent obligarentur ad obſeruandum legem. Hoc etiam ſignificat litera ſequens ibidem, ſcilicet, tranſibitis Iordanem, & habitabitis in terra, quam dominus daturus eſt vobis, vt requieſcatis a cunctis hoſtibus per circuitum, & abſque vſlo timore habitetis in loco, quem elegerit dominus, illuc omnia, quę præcipio conferetis holocauſta, & hoſtias: quaſi dicat, quia non obligabātur ad holocauſta, & hoſtias, & cetera ceremonialia quouſque quieſcerent a cunctis gentibus per circuitum, & ſic exercitatio bellorum tollebat obligationem legis pro tempore, ideo non erat ſimpliciter vtile, quod daret aliquam gentem infeſtam Iudæis ad ſolam informationem bellicam. Cum autem obijcitur de Romanis, qđ vtilius fuiſſet non deleri Carthaginem. Reſpon- dendum qđ non accidebant Romanis ex pugna cum Carthaginenſibus damna, quę eueniebant Iudæis per

Nociuum erat Israeli- tis Chananæos cum eis com- morari.

Reſponſo ad ſecundam dam.



Enumera-  
tio gentiū  
in terra Cha-  
naan reli-  
starum.

Sidō quid  
sit.

Libanus  
quid sit.

De monte  
Baal Hermon.

Petrus se-  
dit annis  
septem in  
Antiochia  
quæ dice-  
batur Re-  
blata, & E-  
math.

per bella, ideo in Romanis erat simpliciter vtile, in Iudæis autem erat nocuum. *Quinque satrapas Philisthinorum.* Hic enumerantur gentes relicte in terra Chanaan, & primi sunt Philisthini, quia isti erant magnus populus, & vocantur quinque satrapæ, id est, quinque principes, scilicet. Reliquit Deus terram quinque principum Philisthinorum. Isti erant reges, ut patet Iosue decimotertio, ubi dicitur quod terra Philisthinorum diuiditur per quinque regulos: satrapæ autem, vel duces vocantur ut communiter: sic patet i. Re. 6. nominantur autem isti quinque satrapæ, a quinque ciuitatibus præcipuis, scilicet, metropolibus Philisthinorum, quæ sunt Gaza, Acaron, Geth, Ascalon, Azotus, ut patet Iosue. 13. & i. Reg. 6. *Omnesq; Chanaanæum.* id est, totam terram populi, qui vocatur Chanaanæus: licet enim omnes populi terre huius vocarentur largè Chanaanæi a terra Chanaan, in qua morabantur: tamen vnus eorum vocatur specialiter Chanaanæus: & pro isto potest hic accipi, scilicet, totus populus dictus Chanaanæus adhuc manebat, vel quasi totus. *Et Sidonium.* id est, gentes pertinentes ad terram Sidoniorum: erat enim tunc Sidon ciuitas magna, & habens magnam potestatem: tota autem terra subiecta illi vocata est terra Sidoniorum: & ista est terra Phœnicie, quia Phœnix, & Cadmus de Thebis Aegyptiorum profecti terræ illi dominati sunt. *Atque Heuæum.* Iste est alius de populis septem terræ Chanaan, & magna pars huius populi derelicta erat. *Qui habitabat in Libano.* Libanus est mons magnus in terra Chanaan ad latus aquilonare eius, in quo erant ligna præciosissima, scilicet cedri, & abietes, & aliorum generum: de quo ducta sunt omnia ligna, quæ necessaria fuerunt ad constructionem sanctuarii, ut patet 3. Reg. quinto, est autem Libanus in terra Sidoniorum, ideo Hiram, qui erat rex Tyri, & Sidonis præerat Libano, & ad eum misit Salomō, ut mitteret ei ligna de Libano, ut patet præallegato capitu. In hoc monte habitabant multi populi, tam Sidonii, quàm Heuæi. *De monte Baal Hermon.* id est, iste gentes extendebantur de monte, qui dicitur Baal Hermon, vsque ad terram Emath. Potest accipi Baal Hermon, tanquam non proprium vnus montis, & sunt duæ diuisiones, & accipitur Baal pro valle, & est senius, quod extendantur istæ gentes de valle, quæ est apud montem Hermon vsque Emath: sed litera nostra accepit Baal Hermon, tanquam vnicum nomen, & propriū montis, & ponitur hic latitudo, scilicet, Baal Hermon est in latere meridiano, id est, versus illud, Emath autem est in ipso latere septentrionali: & inter hæc loca morantur multæ gentes. Non est tamen sensus, quod omnes gentes hic nominatæ sint inter Baal Hermon, & Emath, quia Philisthini non sunt inter hæc duo loca: cum terra eorum incipiat in ipso latere meridiano terræ Chanaan apud turbidum flumina Aegypti, ut patet Iosue decimotertio: sed referenda est ista determinatio ad immediatā, scilicet quod Heuæi, & Sidonii, qui remanserunt, erant inter Baal Hermon, & Emath, aliæ autem gentes declinabant ad alias partes terræ Chanaan. *Usque ad introitum Emath.* id est, vsque ad principium terræ Emath. Est Emath quædam ciuitas in ipso latere aquilonari terræ Chanaan, ut patet Num. 34. et vocatur alio nomine Reblata, & postea vocata est Antiochia, in qua beatus Petrus sedit annis septem, tanquam pons rex totius orbis, & inde in urbem Rōmā sedes apostolica trāsiit. Ita terra Emath erat nunc sine populo, quia nondum fuerat habitata, ideo non dicitur vsque Emath, sed vsque ad introitum Emath, scilicet, vsq; ad principium terræ illius. De hac dicit Iosephus quinto antiquitatum: Loca autem apud Amatheos, et Si-  
Alph. Toit. super lib. Iudicum.

donem, & Arathæos, atq; Arithæos tunc inculta erant, id est, sine habitatione: et loquitur de tempore diuisionis terræ per sortes. vocantur autem Amathæi, id est, populi habitantes apud Emath. *Dimisitque eos, ut in ipsis experiretur Israel.* id est, acciperet experientiam: Nō est intelligendum quod per præsentiam harum gentium in terra Chanaan Deus acciperet experientiam an Israelitæ colerent eum, vel non, quasi aliter nesciret: quia Deus omnia simul per seipsum cognoscit: nec accipit cognoscere ex rebus extrinsecis intantum, quod si per seipsum non cognosceret, impossibile esset quod partes extrinsecas doceretur, cum non sit ens possibile ad aliquod recipiendum. Sed est sensus quod manifestum esset ipsimet Israelitis, & alijs Gētib; an veræ desiderarent Deum colere manentibus istis in terra. Nam si non manerent ibi Chanaanæi non esset locus tam opportunus experiendi sicut manentibus eis: & hoc propter maiorem opportunitatem colendi idola. Nam cum viderent Israelitæ Chanaanæos colere idola, ipsi quoque inclinabantur ad colendum, & erat eis hoc quasi quædam tentatio: si autem non manerent Chanaanæi, non haberent inclinationem ad colendum, ideo facilius sibi esset colere Deum, & non pateret firmitas eorum ad Deum. *Utrum audirent.* id est, opere completerent, quia audire nihil prodest, nisi subsequatur obedire in minoribus, vel exaudire in maioribus. *Mandata domini, quæ præceperat patribus eorum.* scilicet legem, quia nihil noui coneris eis nunc imponebat. Etiam non loquebatur hic de tota lege, sed specialiter de ipso cultu Dei, scilicet, an colerent Deum verū, vel declinarent ad Deos alienos. Nam si Israelitæ declinarent ad Deos alienos consummata præuicatio, & tota lex destruebatur, & si colerent Deum suum non declinantes ad idola, non poterat in reliquis esse magna præuicatio. *Per manum Moysi.* id est, per Moysen, scilicet, quod ipse tulit eam ad populum, & erat medius inter Deum & populum in datione legis Deuteronomio. quinto, et populus petiuit quod loqueretur eis Moyses, & non Deus, ne morentur, ut patet Exod. 20. Deuteronomio. 5. *An non.* id est, sic cognoscerentur quid facerent. Sciendum autem quod non erat ista causa sufficiens ad dimittendum Chanaanæos in terra: nam si non peccassent Israelitæ, non dimisisset Chanaanæos in terra. Quod patet, quia tunc semper subsistebat ista causa, scilicet, ut Deus experiretur Israelitan sequerentur mandata eius, ideo semper reliquisset Deus Chanaanæos in festos Israelitis: sed factum est. De quo supra dictum est. Sed est sensus quod causa principalis, quare manserunt Chanaanæi in terra, fuit quia peccauerunt Israelitæ: & hoc fuit in pœnam. Ex ista autem pœna Deus produxit per sapientiam suam duo bona: primum quod isti essent ad hoc, quod exercerentur Israelitæ ad bella, & non languescerent virtus. Secundum quod per Chanaanæorum præsentiam cognosceretur an Israelitæ diligerent dominum, vel non. *Itaque filij Israel.* Hic ponitur secundum huius capituli. in quo describitur prima tribulatio Israelitarum, quæ fuit per regem Syriæ, & diuiditur in tres partes. Primo ponitur culpa: secundo pœna inflicta ibi. *Iratus dominus.* Tertio subleuans misericordia ibi. *Qui suscitauit eis.* Circa primum ponitur culpa, quæ fuit, quia Israelitæ duxerunt uxores de filiabus Chanaanæorum, & per hoc conuersi sunt ad idola. *Itaque filij Israel habitauerunt in medio Chanaan.* scilicet, post mortem Iosue antequam haberent aliquem iudicem habitauerunt inter hos populos, & ex hoc per quandam communicationem habuerunt occasionem cadendi in malum. Accipitur hic Chanaanæus specialiter pro vno populo de septem populis Chanaanæorum.

Ex hac Israelitarum pena Deus duo bona produxit.

Prima Israelitarum tribulatio. Diuisio eorum. Israelitarum culpa.



Quod patet, quia nominantur hic specialiter omnes populi Chananeorum præter Gergeſeum, qui raro nominari conſuevit.

*An manerent omnes ſeptem populi Chananeorum in terra tempore quo cæperunt iudices. Queſt. VII.*

**Q**VAERET aliquis, quomodo Iſraelitæ potuerunt habitare inter hos populos: nam iſti populi iam non erant, quia ſolùm relictæ fuerant Chananej, Sidonij, & Heuæi: vt patet ſupra in littera. Aliquis reſpondebit, quod nomine Chananej intelliguntur omnes iſti populi: eo quod Chananeus eſt nomen generale ad omnes ſeptem populos, inquãtum omnes erant de terra Chanaan, & ibi, vt breuius diceret, nominauit Chananeum generaliter: hic autem expreſſit omnes ſex populos. Sed dicendum quod non ſtat, quia quãdo Chananeus ponitur generaliter pro omnibus ſeptem populis, non conſtingitur contra alios populos, cum partes non ponant in numerum cum toto: ibi tamen dicitur, quod relictæ ſunt quinque Satrapæ Philſthinarum, & Heuæi, & Sidonii, & Chananej: ergo non ponuntur Chananej pro omnibus populis Chananeorum, ſed pro vno ſpeciali populo. Item quia dicitur ſupra, omnem Chananeum: ergo ſi acciperetur largè, neceſſe eſſet, quod de terra Chanaan adhuc nullus populus vaſtatus eſſet ab Iſraelitis, eo quod dimittebatur totus populus Chananeorum, ſed magna pars erat expulſa & occiſa: ergo non accipitur Chananeus pro omnibus populis, ſed pro quodam populo. Aliquis reſpondebit aliter, ſcilicet, quod verum eſt quod de omnibus populis Chananeorum, Heuæorum, Iebuſeorum, Pherezeorum: &c. manebant adhuc aliqui, ita quod nullus de ſeptem populis Chananeorum totaliter perierat: ſcriptura tamen ſupra fuit breuiſſima, & ſolùm tetigit de quibusdam populis, ſicut ſæpe multa fiunt, quæ in ſcriptura enarrantur incompletè, vel penitus ſubticentur. Sed dicendum, quod non ſtat, quia cum maxima pars terræ Chanaan ſubiecta fuiſſet Iſraelitis, & manſiſſet aliqua, cum qua deberent dimicare, voluit ſcriptura completè enarrare; alioquin non oportuiſſet, quod enarraſſet quosdam populos ſpecialiter, ſicut enarrauit, & ſubticuiſſet alios, ſed quod diceret generaliter manſiſſe quaſdam gentes de populis Chananeorum. Item fortius patet hoc, quia iterum poſuit ſcriptura omnes has gentes, quæ relictæ fuerunt de Chananeis, & tamen non fuerunt poſitæ plures quàm ponantur ſupra, vt patet Iſue decimotertio, vbi ponuntur Philſthini quinque reguli, & Heuæi, & Sidonii habitantes in Libano, & inter Baalgad de monte Hermon vſque quo ingrediaris Emath: & ſic in ſententia nihil ibi eſt magis, ideo non ſubticentur hic aliqui, quia tunc ſi hic ſubticentur, non contingeret alibi ſubticeri, & tamen ponuntur iſti ſoli populi Iſue decimotertio, ergo iſti ſoli relictæ ſunt. Aliquis reſpondebit aliter, ſcilicet, quod illi populi, qui ſupra nominantur, ſolùm manſerunt in terra: & cum dicitur quod habitauerunt filij Iſrael in medio Chananej &c. dicit quod iſta ponuntur per recapitulationem, ſcilicet, quod iſtud fuit prius quàm eſſet dimiſſio populorum in terra Chanaan, cum paucæ gentes Chananeorum erant deletæ. Cum autem poſtea dimiſit Deus quaſdam gentes propter peccata Iſraelitarum, ſolùm ſupererant illæ, quæ ſuprà nominantur, ideo illæ ſolæ relictæ ſunt. Sed hoc non ſtat, nam nullo modo poteſt eſſe anticipatio, vel recapitulatione, ſed eſt rectus ordo, quia prius fuit dimiſſio gentium in terra Chanaan, quàm id quod hic dicitur de habitatione Iſraelitarum inter iſtos populos: quod

patet, quia Deus dimiſit gentes iſtas viuente Iſue cū propoſito non delendi eas, vt patet precedenti c. quãdo angelus domini increpuit Iſraelitas, & ait: Cur hoc feciſtis? quomobrem nolui delere eos a facie veſtra, vt habeatis hoſtes & dij eorum ſint vobis in ruinam. Erat autem tunc præſens Iſue, vt patet ibidem, & tamen immediatè in principio. cap. iſtius nominantur gentes, quas Deus dimittebat: ergo ſolæ hæc erant, quas angelus dixit dimittendas fore, vt exercerentur cum eis Iſraelitæ. Quod autem dicitur hic. ſ. q. Iſraelitæ habitauerunt in medio Chananej, & Hethej, Amorrhæj, Pherezej: &c. neceſſariò fuit poſt, eo q. fuit poſt mortem Iſue. ſ. quãdo rex Syriæ oppreſſit Iſrael, & factus eſt Othoniel iudex: ergo poſt dimiſſionem gentium adhuc manebant omnes iſti populi. Item patet hoc eſſe efficacius, quia pauco tempore poſt introitum in terram Chanaan ante dimiſſionem fortium dixit Deus ad Iſue, q. diuideret totam terram forte, & enarrauit ei gentes, quæ nondum ſubiecte erant Iſraelitis, & ſolùm nominatæ fuerunt illæ, quæ dicuntur ſupra derelictæ, vt patet Iſue 13. ergo videtur quod non fuit hic aliqua mutatio ordinis, ſed illa dimiſſio gentium fuit magno tempore ante hoc quod dicitur hic. Item patet hoc quia non ſolùm nunc erant relictæ plures populi Chananeorum, quàm nominantur ſupra, ſed etiam tempore Salomonis, vt patet 2. Paral. 8. ſcilicet: Omnem populum, qui derelictus fuerat de Hetheis, & Amorrhæis, & Pherezeis, & Heuæis, & Iebuſeis, qui non erant de filiis Iſrael de filiis eorum, & de poſteris quos non interfecerant filij Iſrael, ſubiugauit Salomon in tributarios: ergo tempore Salomonis ſupererant iſti populi, & tamen non ponuntur hic inter gentes, quæ dicuntur derelictæ. Reſpondendum igitur, quod gentes derelictæ ad experimentum filiorum Iſrael fuerunt de omnibus ſeptem populis Chananeorum, ſcilicet, quod non erat aliquis de illis ſeptem, de quo non ſupereſſent aliqui. Dicendum etiam quod omnes iſti ſeptem populi, ſiue partes iſtorum ſeptem populorum relictæ nominantur ſupra in littera, & Iſue decimotertio, hoc quidem non quantum ad nomen, ſed quantum ad partem terræ, in qua habitabant: velut ſi diceretur, manſerunt omnes gentes, quæ habitabant inter talem, & talem locum. Declaratur autem hoc magis: nam hic nominantur duo populi ſpecialiter, ſcilicet Chananej, & Heuæi: deinde ponuntur Philſthini, qui neceſſariò ſunt diſtincti ab alijs, erantque de Pherezeis, vel Iebuſeis, Amorrhæis, Hetheis, vel Gergeleis, aut fortè de omnibus hijs: nam Philſthini erant multi, ſcilicet, diuiſi in quinque reges: ideo de multis generibus poterant eſſe inter eos. Nominat etiam Sidonios, qui ſunt magni populi, cum dixerit, omnem Sidoniam: & iſti non computantur inter Chananeos, vel Heuæos: ideo neceſſe eſt quod eſſent de aliquo aliorum quinque populorum, vel fortè de omnibus ſimul. Et ob hoc fuit ſcriptura cauta, quod nominauit loca habitationum, vt non cogeretur nominare nomina populorum, quia iſtud magis eſt expreſſiuum, cum per hoc cognoscatur an magna pars Chananeorum relictæ foret, vel pauca, quod nõ fieret exprimendo nomina. *Et duxerunt vxores filias eorum.* Dupliciter peccabant in hoc Iudej. Primò quia iniebat ſedus de pace cū Chananeis: nam non acciperent filias eorum, & e contra, niſi pax eſſet: Deus tñ vetuerat pacem inter Iſraelitas & Chananeos, dicēs q. ſub nullo federe conuenirent cum eis, ſed occideret omnes in ore gladij, vt patet Deute. 20. c. Secundò peccabant contrahendo coniugia, quia Deus hoc vetuerat Deutero. 7. & Exod. 34. *Ipsi q. filias ſuas eorum filijs tradiderunt.* Iſtud adhuc eſt maius dedecus, quàm q. Iſraelitæ acciperent filias Chananeorum in vxores. Primò quia cum

Doct. reſpond. ad queſtum



cum vir sit maior vxore, Chananæi accipientes filias Iudæorum in vxores, cogerent eas ad idolatriam, & dato quod mulier vellet resistere, cum maneret extra terram suam, & non haberet aliquos eruditores in vera fide, nec sanctuarium, ad quod aliquando iret, vt confirmaretur in amore cultus diuini, nequaquam potuisset. Vir autem accipiens filiam Chananæi, in vxorem non poterat violentare eam ad cultum idolorum. Etiam non transit in terram alienam, sed manet in sua, vbi habet templum domini, & eruditores in fide. Quinimmo Iudæus accipiens Chananeam in vxorem poterat eam conuertere ad ritum Iudaicum, & saluaretur. Secundò quia cum filij sint de familia patris, & sint sub potestate eius, quādo aliqua mulier Hebræa tradita Chananeo filios procreasset, patet qd illi essent Chananæi: & sic genus Iudæorum necessario conuerteretur ad ritum Chananeorum, & efficeretur Chananeum. In viro secus erat, quia Iudæus accipiens Chananeam vxorem faceret omnes filios suos Iudæos, & sequentes ritum iudaicum. Tertiò quia dehonestabatur genus Iudæorum: nam cum ipsi acciperent vxores de Chananæis subijciebatur genus Chananeorum Iudæis cum mulier sit subdita viro: si autem acciperent Chananæi filias Iudæorum, esset genus Iudæorum subiectum Chananeis, in quo erat dedecus.

*Quare Deus non permittebat Israelitas accipere vxores de filiabus Chanaan. Quæstio VIII.*

**Q**VAERET aliquis, quare Deus non permittebat, quod Israelitæ acciperent vxores de filiabus Chanaan: nam quod filia Iudæorum traderetur in vxores Chananeis erat nimis inconueniens propter prædicta, quod tamen filie Chananeorum essent vxores Iudæorum, non erat aliquid de illis inconuenientibus, imò poterat sequi ex hoc duplex bonum. Primum erat, quia mulier illa Chananeæ conuerteretur ad ritum Iudaicum compellente viro & saluaretur. Secundum erat, quia filij illius mulieris, qui alii futuri erant Chananæi si acciperet virum Chananeum, nunc essent Iudæi, & in cultu Dei. Respondendum quod aliqua vtilitas sequi poterat. Tamen Deus magis voluit vitare in Iudæis damnum, quod sequi poterat accipiendo vxores Chananeas, quàm desiderauerit bonum, quod in dubio inde poterat prouenire: poterant autem Israelitæ conuertere ad idola accipiendo vxores de Chananeis propter amorem mulierum, ideo omnino vetuit talem contractum, vt patet Exod. 34. cap. f. Nec vxorem ducas de filiabus eorum filiis tuis, ne postquam ipse fuerint fornicatæ fornicari doceant filios tuos in Deos suos. Causa autem potissima huius fuit, quia Deus putauit verisimilius esse quod Hebræi ducerentur ad idola propter vxores, quàm quod conuerterentur vxores Chananeæ ad dominum propter viros: imò Deus sciebat hoc; ideo non permisit vilo modo talem contractum. Patet hoc in Salomone, qui erat sapientissimus virorum; & tamen vxores inclinauerunt cor eius, vt sequeretur idola, & fabricauit templa ac idola vxorum suarum, & co-luit ea; vt patet 3. Reg. 11. potius ergo falli poterat quilibet alius minus sapiens; ideo nulli Iudæo fuit cōcessum qd acciperet vxorē de Philistinis, vel alijs Chananeis. Secunda causa ad hoc fuit pp filios Israelitarū, vt ait Arist. 1. Politic. vlt. c. in fine; Dimidiū liberorum est mater. Ad hoc qd filij sint boni, vel mali: viri medietas huius. i. maior pars facultatis, vel opportunitatis ad hoc est in matre: nā cum mater bona fuerit, erunt boni filij. Causa huius est, qd potissima doctrina viro-rū est f m ea, q accipiunt in tenera etate: nā sigs ad recte Alph. Tost. super lib. Iudicum.

**A**gendū a pueritia instruat, facile sibi postea est tenere semp rectā consuetudinē: si autē instruat in malo, cum nimia difficultate postea ad bonum retrahet, qd mores paruulorum valde infigunt, & tunc erit qd dicit Ieremias: Si pōt mutare Aethiops pellē suā, & pardus varietates suas, & vos poteritis bñfacere, cum didiceritis malum. f. a tenera etate. Ob hoc autem Arist. Ethic. li. 2. sequens doctrinā Platonis: Non modicum pferat statui a iuvene. i. ex infantili etate sic, vel sic assuesci. Sic Aug. 1. De ciuitate Dei. c. 3. f. qd ob hoc Romani faciebant, vt paruuli sui in Virgilio mox erudirentur, vt tāquā maximus poetarū teneris ebibitus annis non possit faciliter aboleri: paruuli tñ in parua etate, i. qua sic, vel sic erudiri debent, conuersant apud matrem: ergo mater est plus q dimidium liberorū: cum igitur filij Hebræorum nutrentur apud matres Chananeas, instruerentur ab eis f m ritus Chananeorū; ideo esset difficile istos postea bene agere. Causa tertia fuit, qd De⁹ habebat exolum totum genus Chananeorum pp infandissima peccata, ideo volebat delere illud fundit⁹ tam in viris q in fēminis paruulis: vnde nō debebat ali qua dari in vxorem Hebræo viro, ne postea delenda foret: sicut. n. in peccato Sodomorum fēminę directē non peccabant, Deus tñ propter iniquitatem magnā illorum voluit funditus delere genus illorum, ideo tā viros q fēminas & paruulos cremauit: ita in peccatis Chananeorum cum tanta essent, voluit Deus perdere tam viros q fēminas. De magnitudine peccatorū Chananeorum patet Sapi. 12. c. f. Illos. n. antiquos inhabitatores terrę sanctę tuę quos exhorruisti, qm odibilia tibi opera faciebant per medicamina, & sacrificia iniusta, & filiorum suorum necatores sine misericordia, & comestores viscerum hoīum, & deuoratores sanguinis, & auctores parentes aīarum inauxiliatarum p-dere voluisti, & hoc fuit, quia Chananeī nullo modo corrigibiles erant: sic patet eodem. ca. f. non ignorans qm in qua natio est illorum, & naturalis malitia illorum, & qm non poterat permutari cogitatio cordis illorum in perpetuum: semen. n. erat maledictū a principio, nec timens aliquē. non ergo permisit Deus Israelitas accipere vxores de filiabus Chananeorum. *Seruiunt dijs eorum. f. omnibus dijs terrę Chananeorum* **D** exhibendo illis sacrificia, & tenendo reliquas ceremonias illorum relicto cultu Dei sui. *Fecerunt q, malū in conspectu domini. f. declinando ad idola, & preuaricando totam legem. Et obliti sunt Dei sui.* Non obliti sunt se habere Deum, scientes qd patres eorū aliquem Deum coluissent, quem ipsi non colebant, sed obliti sunt beneficiorum eius. f. qd non impenderunt ei honorem vllū tanq nunquam eis bñfecisset. *Seruientes Baalim & Aseroth. i. declinauerunt ad colendum istos duos Deos; qd isti erant precipui in terra Chanaan, vt declaratum est precedenti c. in Hebræo hñ. Baalim, & Aseroth.* Et est in Hebræo Aseroth pluralis numeri, & significat lucos: nam asera est singulare, & significat arbores, vel magis vnā arborem plantatam: Aseroth plurali significat multas arbores: sic patet Deu. 16. cum litera nra dicit, non plantabis lucum in Hebræo hñ: Non plantabis Asera: cuius plurale est Aseroth. Fiebāt autem altaria apud arbores pp sacrificia Priapi. f. qd post sacrificia possent vacare libidini inter arbores, & ob hoc dicunt Hebræi qd per Aseroth siue lucos intelligunt hic Priapus, & Adonis. Nam vtriq; fiebant sacrificia pertinentia ad libidinem. De Priapo qd coleretur cum turpitudine, patet 3. Re. 15. f. qd in specu subteraneo colebat, & vocabatur simulachrum turpitudinis. De Adonide patet, quia ille erat amasius Veneris, vt narrat Ouidius decimo Metamorphos. & huic exhibebant anniuersarium luctum mulieres, et sacrificia quædam, vt patet Ezech. 8. scilicet. Vidi mulieres plangen-

Ad quid apud arbores faciebant altaria apud Chananeos.



tes Adonidem, & quia isti duo dii pertinebant ad libidinem, fiebant eis altaria inter arbores, siue Aseroth. Hieronymus autem trāstulit Astaroth, eo quod Aseroth non erat nomen idoli, sed arboris. Litera tamen hic videtur intelligenda de dijs, cum dicat, quod seruiuerunt Baalim, & Astaroth. Est autem leuis mutatio de Aseroth ad Astaroth: non tamen habetur hic in Hebræo sicut in alijs locis, vbi litera nostra ponit Astaroth, vt patet primo Reg. 7. vbi dicitur Baalim, & Sataroth. Et primo Reg. vltimo. s. posuerunt arma eius in templo Astaroth, & vtrouque in Hebræo ponitur Astaroth, sicut in litera nostra. *Iratusq; contra Israel dominus.* Hic ponitur secundum huius primæ partis. s. pena inflicta. Et dicitur iratus dominus indignatus. s. ad puniendum, ex quo nos arguimus iram eius quanquam non sit. *Tradidit eos in manus Chusan Rasathaim.* s. amouit protectionem suam ab Hebræis, & incitauit regem istum, vt pugnaret cōtra eos: ideo faciliter capti sunt ad seruiendum ei. Est autem Chusan Rasathaim vnū nomen istius regis, & fortè est compositum ex pluribus ex aliqua causa. *Regis Mesopotamiæ.* Ista est ciuitas inter duo flumina, & est apud Euphratem in Syria. In hac ciuitate habitabat Nachor, & Aram, & Abraham cum patre suo Thare post exitum de terra Chaldeorum: & mortuo Thare exiuit inde Abraham, & venit in terram Chanaan iubente Deo, vt patet Gen. 11. & 12. c. In hac etiam habitauit Iacob pascens oues Laban, & accepit vxores: Gen. 28. & 29. c. In Hebræo habetur hic. *Regis Aran Naharain.* quod interpretatur Aran fluuiorum: nam Aran est nomen proprium vrbis: Naharain significat flumina, quia Nahar singulare significat vnum fluuium: & hoc est quia ista ciuitas est inter duo flumina. Vocatur hic Mesopotamia, quod idē est, quia Mesopotamia est nomen Græcum, & dicitur a Meso, quod est mediū, & potamos, quod est fluuius, quasi in medio fluuiorum. Vocatur autem in litera nostra locus iste aliquādo Aran, & aliquando Mesopotamia. De primo patet Genes. 11. & 12. de secundo patet Gen. 28. & ratio diuersitatis est, quia in Hebræo aliquando ponitur Aran, & aliquādo Aran Naharain. Quando ponitur Aran etiam litera nostra ponit Aran: cū verò ponitur Aran Naharain litera nostra ponit Mesopotamiam, quod significantius est quā Aran Naharain. *Seruiueruntq; ei octo annis.* scilicet, fuerunt sub potestate eius isto tempore, quia peccauerunt.

*Quomodo tanto tempore manebant Israelitæ sub seruitute regis Syriæ. Quest. I X.*

**Q**VAERET aliquis quomodo tanto tempore manebant Israelitæ sub seruitute regis Syriæ: nam quando inuocabant dominum exaudiebat eos, & dabat eis Saluatorem, vt patet infra. In tanto ergo tempore quid fecerunt? Respōderi potest dupliciter: vno modo quod Israelitæ non clamauerunt ad dominum in his octo annis vsque ad finem eorū, vel quasi: ideo prius non fuerunt liberati. Et hoc poterit esse verisimile, quia cū Iudæi recessissent a cultu Dei, fortè non putabant malum istud euenire eis propter defertionem cultus diuini, sed ex alijs causis: ideo tolerabant amaritudinem suam. Postea autem, vexatione dante eis intellectum, cognouerunt quod eueniant mala hæc quia dereliquerant dominum, ideo clamauerunt ad ipsum. Aliter potest responderi, qd Israelitæ cito postquā traditi sunt in manus regis Mesopotamiæ clamauerunt ad dominum, tamen non exauditi sunt vsque ad annum octauum, & istud est verisimilius. Ratio huius est, quia Israelitæ peccauerant recedendo a Deo, & putabant se quasi nihil age-

**F**re, ideo Deus voluit, quod sustinerent pro hoc conuenientem penam, scilicet captiuitatem octo annorum. Vnde quanquam Hebræi clamarent non exaudiebantur, vt scirent quod Deus vellet punire eos pro delictis. Sic factum est tempore Eglon regis Moab. Nam seruiuerunt ei Israelitæ decem octo annis, vt patet infra in litera: non tamen est verisimile, quod in octo annis non clamauerint. Deus tamen non exaudiebat eos in toto illo tēpore, & quia nunc magis peccauerunt quā prima vice, magis punirentur quam clamarent. *Qui suscitauit eis Saluatorem.* Hic ponitur tertium huius primæ partis, scilicet, subleuās misericordia: nam Deus licet puniat, misereretur nisi homo efficiatur incorrigibilis. Et dicitur quod Deus suscitauit Saluatorem, scilicet, quia ipse dedit illum immittendo ei spiritum fortitudinis, & prudētiæ: & dando desiderium, vt pugnaret cōtra hostes Israel. quod patet quia dicitur infra, fuitque in eo spiritus domini, & iudicauit Israel. Et vocatur iste Saluator, quia saluabat, id est, liberabat Israelitas de manu hostium. *Et liberauit eos.* s. pugnando contra Chusan Rasathaim. An verò alia bella egerit non habetur. *Othoniel videlicet filium Cenez.* Aliqui putant Cenez esse nomen mulieris matris Othonielis. Sed non est verisimile, quia scriptura parum curat in describendis genealogiis nominare matrem sed patrem. Item quia filii recipiunt nomen cognationis a patre, cū dicantur esse de familia patris, et progenie. Caleb tamen frater Othonielis vocatur Ceriezeus a Cenez: ideo verisimilius est qd sit nomen patris. *Fratrem Caleb minorem.* id est, erat minor quā Caleb, vel inter omnes fratres Caleb nullus erat minor quā Othoniel.

*Quomodo Othoniel potuit esse primus iudex Israel. Questio X.*

**Q**VAERET alijs quomodo Othoniel potuit esse primus iudex Israel, quia præcedenti c. dicitur quod mortuus est Iosue omnisque illa generatio congregata est ad patres suos, & surrexerunt alii, qui non nouerant dominum: et tunc peccauit Israel, et introducti sunt iudices. Othoniel tamen fuit de illa generatione seniorum, quæ dicitur congregata ad patres suos: ergo ipse non potuit esse iudex primus. Hoc patet quia generatio illa vocatur generatio coætaneorum Iosue: Othoniel tamen fuit de istis, quia Caleb erat de coætaneis Iosue, et pertinēs ad generationem illam, sed Othoniel erat frater Caleb: ergo erat ille de generatione illius temporis, & consequenter fuit iudex. Respondendum quod Othoniel fuit primus iudex sicut litera testatur hic, et cum dicitur quod omnis illa generatio congregata est ad patres suos, antequam peccarent Israelitæ, et insurgerent iudices. Dicendum quod Othoniel nō fuit de generatione illa: nam de generatione illa vocantur illi, qui erant coætanei Iosue, et egressi sunt de Aegypto. Quod patet quia dicitur, quod isti seniores viderant omnia opera domini, quæ fecerat cum Israel præcedenti capit. scilicet tam in Aegypto, quā in deserto: et sic fuerunt Iosue et Caleb, et multi alii, qui quando egressi sunt de Aegypto erāt sexdecim, vel septemdecim annorum, & viderant atque considerauerant mirabilia Dei. Othoniel autem non exiuit de Aegypto, sed natus est in deserto: et non viderat omnia mirabilia Dei, sed pauciora, ideo non est de generatione illa. Et non obstat qd sit Caleb frater, quia vocatur frater minor eius, scilicet, quod erat valde minor, & semper vocatur minor, vt patet Iosue 15. et supra primo, quasi esset valde minor: et sic nō pertinebat ad coætaneos Caleb, et Iosue, qui dicuntur esse illa generatio seniorū, ideo viuente Otho-

Pena inflicta Israelitis.

Situs Mesopotamiæ

Mesopotamia vnde dicatur.

Subleuās misericordia.

Improbatio opinionis quorundam. Prima. Secunda.

Othoniel natus est in deserto.



Othoniele mortuus est Iosue, & Caleb, & omnes, qui A  
exiuerant de Aegypto, & peccauerunt Israelitæ, fuit-  
que ipse assumptus in iudicem. *Fuitq; in eo spiritus domi-  
ni.* In hoc apparet quod essent isti iudices suscitati a  
Deo, quia veniebat super eos spiritus domini, & hoc  
dicitur quasi de omnibus iudicibus, siue essent a Deo  
vocati, siue electi a populo. Vocatur autem spiritus  
domini fortitudo, & prudētia, & impetus ad bellum.  
Est autem modus loquendi scripturæ, quod quæcun-  
que qualitas missa a Deo in animam nostram dicatur  
spiritus, eo quod sicut spiritus dicit aliqd habens mo-  
tum, ita quodcunque a Deo causatum in anima no-  
stra mouet nos. *Et iudicauit Israel.* idest, vindicauit de  
manibus hostium, vel iudicauit, idest, rexit, scilicet qd  
dabat eis præcepta circa opera belli. *Egressusq; est ad pu-  
gnam.* Istud bellum motum fuit ex parte Chusan Ra-  
sathaim. Nam prius dominabatur Israelitis, & recipie-  
bat ab eis tributa, quæ volebat. Cum autem incidit spi-  
ritus domini in Othonielem, noluit quod solueren-  
tur tributa, & tunc Chusan mouit bellum ad quod e-  
gressus est Othoniel. *Et tradidit dominus in manus eius  
Chusam Rasathaim regem Syriæ.* scilicet, fecit eum victorē  
in bello contra Chusan.

*Quomodo tradidit Deus Chusan in manus Othonielis.  
Quæstio XI.*

**Q**VAERET aliquis quis modus fuit, quo Deus  
traderet Chusan in manus Othonielis. Respō  
denaum quod forte sicut cum Israelitæ peccabant  
contra dominum Deus incutiebat eis timorem ma-  
gnum, ita vt nullo modo resistere possent, vel aude-  
rent hostibus, vt patet Leui. 26. & Deute. 28. ita cum  
nunc conuersi fuissent ad Deum, Deus incussit timo-  
rem hostibus eorum, ita vt nequaquam auderent ex-  
pectare Israelitas. Sic enim fuit generaliter in omni-  
bus bellis Chananæorum: nam Deus incutiebat timo-  
rem Chananæis, & terga vertebant, vt patet Exod. 23.  
f. Timorem meum mittam in præcursum tuum, &  
occidam omnem populum, ad quem ingrederis, cum  
etorumque inimicorum tuorum coram te terga ver-  
tam. Aliter esse poterat quod Deus mitteret aliquas  
aues, vel bestias, quæ adiuuarent in bello Israelitas, vel  
saltem impedirent Syros. Sic fuit in bello contra Cha-  
nanæos: nam misit Deus vespas, quæ sunt parua ani-  
malia habentia aculeos venenatos, & pcutiendo Cha-  
nanæos in faciem impediabant a bello, & occidebant  
quosdam. Sic patet Exod. 23. & Deuter. 7. scilicet. In-  
super cabrones mittet dominus Deus tuus in eos, do-  
nec deleat omnes atque disperdat qui te fugerint &  
latere potuerint. De hoc etiam dicitur Sapien. 12. sed  
& his tanquam hominibus pepercisti, & misisti ante-  
cessores exercitus tui vespas, vt illos paulatim exter-  
minarent. Aliter potuit hoc fieri. scilicet, vt Deus de  
cælo daret auxilium, vt mittendo lapides grādinis: si-  
cut quando pugnavit Iosue contra quinque reges: &  
in descensu Bethoron misit Deus lapides grādinis vs-  
que Azecha: & plures fuerunt pereuntes lapidibus, q̃  
quos Iosue occiderat, vt patet Iosue 10. ca. Vel poterat  
alio modo mitti auxilium de cælo; sicut dicitur de  
pugna Barac contra Sisaram. Stellæ manentes in ordi-  
ne suo contra Sisaram pugnaverunt: & de cælo contra  
eum dimicatum est, vt patet infra quinto c. Multi alij  
modi esse poterāt, quibus Deus traderet regem Syriæ  
in manus Othonielis: de quibus magis declarabitur  
primo Reg. 23. ca. *Et oppressit eum.* idest, occidit illum,  
vel humiliavit, & compulit in fugam. Iste Chusan a  
principio dominatus fuerat Israelitarum per bellum,  
vt ait Iosephus quinto antiquitatum, scilicet, Castra  
quidem agente contra eos Cusarchorege Assyriorū

multi pugnantes perierunt, & oppressi fortiter capti  
sunt: quidam se illi propter timorem sponte tradide-  
runt: postea verò agente Othoniele ab Israelitis supe-  
ratus est. *Quienitque terra quadraginta annis.* idest, fuit in  
pace post superationem Chusan, cum postea non op-  
presserit Israelitas.

*Quomodo isti quadraginta anni sint computandi & a  
quo tempore inchoandi. Quæstio XII.*

**Q**VAERET aliquis de istis quadraginta annis  
quomodo computati sunt, & a quo tempore  
inchoandi. Aliqui putabunt quod incipere debent a  
tempore victoriæ habitæ de Chusan. Quod patet quia  
dicitur: *Quienit terra.* & tamen terra non quiescit  
quousque cessent bella. Sed hoc non stat, quia tunc  
necesse est, quod octo anni quibus fuit terra sub pote-  
state Chusan distinguantur, & ponant in numerum  
contra istos: sed hoc modo colligentur multi anni in  
tempore iudicum; quia etiam 18. anni qui habentur  
infra in litera condistinguentur contra quadraginta  
annis, quibus quiescit terra: & viginti anni sub rege  
Afor condistinguentur cōtra quadraginta annis, qui-  
bus quiescit terra, de quibus infra quinto, & sequenti  
cap. si tamen sic computantur erunt valde plures an-  
ni, quā ponantur 3. Reg. 6. vbi ponuntur 480. anni  
ab exitu de Aegypto vsque ad principium fabricatio-  
nis templi Salomonis: nam plures quā 600. collig-  
gentur. quod tamen scriptura sacra solum asserit fuisse  
tot annos, necesse est vt nos taliter computemus  
omnia tempora intermedia, quod solum contineant  
istos annos. Ob hoc autem considerandum, qd quan-  
docunque ponuntur aliquot anni, quibus Israelitæ op-  
pressi sunt ab aliquibus hostibus, illi nō sunt per se cō-  
putandi, sed computantur sub annis, quibus terra di-  
citur quiescisse: vel quibus dicitur præfuisse aliquis  
iudex, & hoc modo reducuntur omnia ad concordia.  
Modus autem colligendi istos annos erit incipiendo  
ab exitu de Aegypto, & sunt quadraginta anni vsque  
introitum in terram Chanaan. Deinde successit Iosue  
in principatu, cuius tempora non computantur, nec  
tempora seniorum, qui vixerunt post eum, sed solum  
computantur quadraginta anni, quibus quiescit terra  
iudicæ Othoniele: & sub istis computare debemus  
tempus, quo præfuit Iosue, & fuerunt vigintifex anni,  
vt ait Iosephus quinto antiquitatum, & manent qua-  
tuordecim computandi. Sunt etiam anni octo quib⁹  
Chusan Rasathaim oppressit Israel, & manent sex.  
Ex quo concluditur quod longum tempus, quo di-  
cuntur vixisse seniores post Iosue, quando non pecca-  
uerunt Israelitæ ad plus fuit sex annorum: alioquin di-  
cemus male numerasse sacram scripturam. Deinde  
fuit secundus iudex Aod, sub quo computantur 80.  
anni, vt patet infra in litera, non quod omnibus his an-  
nis ipse præfuerit, sed quia totum tempus quod fuit a  
morte Othonielis vsque ad principatum Aod finitū  
fuit annorum octuaginta, & in hoc includitur tem-  
pus illud, quod fuit sine iudice. Nam mortuo Otho-  
niele non fuit illico constitutus in iudicem Aod: sed  
mansit terra sic quousque Israelitæ oppressi ab hosti-  
bus eguerunt duce. computatur etiam sub hoc anni  
decem & octo, quibus oppressi sunt Israelitæ a rege  
Moab infra in litera. Tertius iudex fuit Sangar, sub  
quo nullum tempus computatur, vt patet infra in li-  
tera. Quartus iudex fuit Barac: & simul cum illo Deb-  
bora prophetes sequen. cap. & sub his dicitur quiescisse  
terra quadraginta annis, non quod principatus isto-  
rum durauerit quadraginta annis, sed quia de his sub-  
trahi debet tempus, quo iudicauit Sangar quod non  
computatur: tempus quoque viginti annorum qui-  
bus

Anni qui-  
bus iudi-  
ces Israeli-  
tarum re-  
gnarunt.

Omnis  
qualitas a  
Deo in a-  
nima no-  
stra immis-  
sa dici po-  
test spiritus



bus Iabin oppressit Israelitas sequen. c. & totum tempus, quod fuit sine iudice inter Sangar & Barac: & inter Aod, & Sangar. Quintus iudex fuit Gedeon sub quo computantur quadraginta anni, infra octavo ca. sed non præsuit ipse his quadraginta annis, sed computari debet in his tempus, quod fuit sine iudice: & septē anni, quibus oppressi sunt a Madianitis, infra sexto ca. Sextus iudex fuit Abimelech per violentiam, & intrusionem, qui tribus annis solum præsuit, ut patet infra 9. ca. Septimus iudex fuit Thola, sub quo computantur anni 23, sed etiam sub hoc computandum est tempus, quod fuit inter eum & Abimelech. De hoc infra decimo. Octavus iudex fuit Iayr, sub quo computantur anni 22. & subintelligendum est tempus inter ipsum, & Thola. Nonus iudex fuit Iephte, qui iudicavit sex annis, ut patet infra duodecimo: ante hunc autē ponunt anni decem & octo sine iudice, quibus Philisthini, & aliæ gentes oppresserunt Israelitas. Et isti 18. anni possunt colligi sub annis Iephte, qui sunt sex solum, ideo ponuntur per se sicut anni ipsorum iudicum. Et hoc quia ratio numeri hoc expetit. Nam si isti 18. non ponantur distincti contra alios annos, non complebitur æqualiter numerus annorum 480. qui habetur. 3. Re. 6. Decimus iudex fuit Abesam, sub quo sunt septē anni. infra duodecimo. Undecimus iudex fuit Chialon, sub quo computantur decem anni. infra duodecimo. Duo decimus iudex fuit Abdon, sub quo computantur anni octo. ut patet infra duodecimo. Tertiusdecimus iudex fuit Samson, sub quo computantur anni viginti infra sextodecimo. Inter Abdon autē, & Samsonem ponuntur anni quadraginta, quibus Philisthini afflixerunt Israelitas, ut patet infra tertidecimo. Et si isti per se computentur, superexcreset summa annorum positorum. 3. Re. 6. si autem velimus ponere eos sub annis Samsonis, est impossibile; quia sunt pauciores. Sed potest dici quod illi quadraginta anni ponuntur sub temporibus Abesam Chialon, & Abdon, & Samson, qui simul sumpti sunt anni quadragintaquinque. Vel possumus ponere illos annos sub tempore Samsonis, & partim sub temporibus Heli sacerdotis, qui fuit iudex post Samsonem. Nam sub tempore utriusque premebantur Israelitæ a Philisthinis. Quartusdecimus iudex fuit Heli summus sacerdos, sub quo computantur quadraginta anni, ut patet 1. Reg. 4. & computantur sub hoc tempora, quæ fuerunt intermedia inter eum, & Samsonē. Quintusdecimus iudex & ultimus fuit Samuel, cuius tempora non ponuntur determinata, quanquam colliguntur fuisse viginti anni primo Re. 7. computantur autem simul tempora Samuelis, & Saulis regis primi, & faciunt annos quadraginta, quos scriptura, computat sub Saule, ut patet Actu. 13. c. huic successit secundus rex. I. David. cuius regnum fuit quadraginta annorum, ut patet 3. Re. 2. c. cui successit Salomon, in cuius anno quarto, in principio fundatum est templum domini, ut patet. 3. Re. 6. ideo de tempore huius computabantur solum tres anni: & sic proveniet totalis summa annorum 480. æquata, quæ habetur allegato cap. Et mortuus est Othoniel. In morte sua consummati sunt anni quadraginta, qui nominantur hic, licet non inceperunt sub principatu suo, ut declaratum est. Filius Cenez. Est Cenez pater eius, ut dictum fuit. Aliqui volunt quod vocatur Othoniel Cenezæus a loco: & eodem modo Caleb, sed error eorum apparet hic, cum vocetur filius Cenez.

Infra eo.  
& supra  
eodem.

Addiderunt autem filij Israel facere malum in conspectu Domini: qui confortavit aduersum eos Eglon regem Moab: quia fe-

cerunt malum in conspectu eius. Et copulavit ei filios Amon, & Amelec: abiitque & percussit Israel, atque possedit urbem palmarum. Seruieruntque filij Israel Eglon regi Moab decem & octo annis: & postea clamauerunt ad Dominum: Qui suscitavit eis Salvatorem vocabulo Aod filium Gera filij Iemini, qui utraque manu pro dextra utebatur. Miseruntque filij Israel per illum munera Eglon regi Moab. Qui fecit sibi gladium ancipitem habentem in medio capulum longitudinis palmæ manus, & accinctus est eo subter sagum in dextro femore. Obtulitque munera Eglon regi Moab. Erat autem Eglon crassus nimis. Cumque obtulisset ei munera, persecutus est socios, qui cum eo venerant: & reuersus de Galgalis ubi erant idola, dixit ad regem: Verbum secretum habeo ad te o rex. Et ille imperavit silentium: egressisque omnibus, qui circa eum erant, ingressus est Aod ad eum. Sedebat autem in æstiuo cœnaculo solus, dixitque: Verbum Dei habeo ad te. Qui statim surrexit de throno. Extenditque Aod sinistram manum, & tulit sicam de dextro femore suo, infixitque eam in ventrem eius tam valide, ut capulus sequeretur ferrum in vulnere, ac pinguisimo adipe stringeretur. Nec eduxit gladium, sed ita ut percussisset reliquit in corpore: statimque per secreta naturæ alui stercorea proruperunt.

Addiderunt autem filij Israel. Hic ponitur secunda Israelitarum tribulatio, quæ fuit sub secundo iudice, scilicet, Aod, & diuiditur in duas partes. Quia primò ista tribulatio describitur, secundò de iudice. Secunda agitur ibi. Post hunc autem. Prima in quarto. Primò ponitur Israelitarum culpa: secundò iungitur pena ibi. Qui confortavit. Tertiò subditur penitentia ibi. Et clamauerunt. Quartò annectitur Dei misericordia ibi. Qui suscitavit. Et quoniam ista liberatio fuit facta per Aod. ponitur primò eius conditio: secundò eius legatio ibi. Miseruntque. Tertiò Eglon interfectio ibi. Cumque obtulisset. Quartò exercitus Eglon regis debellatio ibi. Aod autem. Circa primum dicitur. Addiderunt filij Israel facere malum in conspectu domini. Istud malum quod faciebant erat idolatria, quia de alijs malis non multum Deus curabat, sed tolerabat Israelitas, cum essent viri imperfecti. Et dicitur quod addiderunt facere malum, quasi dicat, non contenti sunt fecisse malum ante Othonielem, sed etiā nunc mortuo illo redierunt. Est autem putandum quod tempore Othonielis Israelitæ non peccabant, & eo mortuo aliquanto tempore manserunt in bono, sed cum non haberent principantem redierunt ad mala priora. Et tunc magis se tradiderunt idolis quam a principio:

Phrygia  
regni sub  
Tantalo  
principi.

Tantalus  
Corinthiorum rex  
claret.

Israelitarum tribulatio quæ fuit sub Aod iudice secundò.



principio: sic dicitur præcedenti ca. quod mortuo iudice quocunque, reuertebantur & multo maiora faciebant, quam fecerant patres eorum sequentes Deos alienos. *Qui confortauit aduersus eos Eglon regem Moab.* Istud est secundum huius partis, scilicet, pena pro peccatis. Et dicitur quod confortauit regem Moab, scilicet, dedit ei potestatem præualendi contra Iudæos, ut subiiceret eos sibi in seruitutem. *Quia fecerunt malum in conspectu domini.* idest, non confortauit Deus ob aliud regem Moab contra Israelitas, nisi propter peccata: nam aliàs dato quod omnes reges terræ conati fuissent percutere Israelitas, non valuissent. *Et copulauit ei filios Ammon, & Amalec.* Hoc fuit ut rex Eglon esset fortior ad subiiciendum sibi Hebræos, & postquam subiecisset, grauius eos premeret, cum haberet secum multas gentes, quæ prædarentur, & vim inferrent, quam si pauce essent.

*Quomodo Deus confortauit regem Moab contra Israel. Quæstio XIIII.*

**Q**VAERET aliquis, quomodo Deus confortauit regem Moab contra Israel? Respondendum, quod hoc fiebat dupliciter. Primo indirecte tollendo fortitudinem Hebræorum: nam sicut cum Israelitæ quando colebant Deum ipse dabat eis animositatem pugnandi, & vires magnas contra hostes: ita cum ipsi peccarent faciebat e conuerso, quia dabat animositatem hostibus pugnandi, & fortitudinem. De primo patet Deuteronom. 8. scilicet. Ne forte diceres in corde tuo, fortitudo mea, & robur manus meæ hæc mihi omnia præstiterunt, sed recorderis domini Dei tui, quia ipse tibi vires præbuit, ut impleret pactum suum. De secundo patet, quia quando Iudæi delinquebant, Deus incuriebat timorem validum cordibus eorum, ut non possent stare coram hostibus; imò fugerent, interdum nullo persequente, tanquam si fugerent gladium; ut patet Leuitic. 26. & Deuteronom. 28. Inualidatis autem hoc modo Hebræis hostes efficiebantur fortiores. Secundo modo fortificabat, vel confortabat Deus hostes Israelitarum directè, scilicet, apponendo illis vires, & animositatem; ita ut si prius gentiles auderent pugnare contra Israelitas, quia videbantur eis formidabiles, nunc viderentur contemptibiles, & faciliter superandi, & sic egrediebantur confiderenter. De viribus etiam dicendum, quod Deus apponebat maiores vires hostibus Iudeorum, ut iam magis possent tolerare labores belliquam prius. Sic patet de Nabuchodonosor, quem Deus contra Hebræos misit. Et dicit de eo Abacuc. cap. 1. Domine in iudicium posuisti eum, & fortem, ut corripes fundasti eum. quasi dicat, domine non dedisti ei hanc magnam potentiam, nisi ut corripere nos, & esset executor iudicii tui super nos irrogando poenam. Etiam confortabat Deus hostes Hebræorum ponendo nimis in corde eorum, ut pugnarent contra Hebræos, & conferendo fortitudinem, ut non lassarentur in bello, qui aliàs lassandi erant. Etiam faciendū ut prospere euenirent eis omnia, quæ incipiebant, & desiderabant, & ut nihil desit eis de apparatu belli. Hæc omnia tanguntur Isai. quinto. ubi Deus confortauit Nabuchodonosor, ut pugnaret contra Hebræos: cum dicitur: Et eleuabit signum in nationibus procul, & sibilabit ad eum de finibus terræ, & ecce festinus veniet velociter, non est deficiens, nec laborans in eo, nec dormitabit, nec dormiet, nec soluetur cingulum renū eius, nec rumpetur corrigia calciamenti eius: sagittæ eius acutæ, & omnes arcus eius extenti, vngulæ equorum eius ut silex, & rotæ eius quasi strepitus tempestatis, rugitus eius, ut le-

nis, & rugiet ut catuli leonum, frendet & tenebit prædam. Ecce patent omnia hic. Desiderium patet, cum dicitur: Et eleuabit signum in nationibus procul, & sibilabit ad eum de finibus terræ, scilicet, Deus ponet desiderium ei veniendi de finibus terræ ad pugnam contra Israel. Desiderium ex parte ipsorum hostium patet, cum dicitur: Ecce festinus veniet velociter, nec dormitabit, nec dormiet, scilicet, tanto desiderio mouetur ad pugnandum. Vires collatæ ad sustinendum labores patent, cum dicitur: Non est deficiens nec laborans in eo, idest, nullus est egrotans, nec sentiens lassitudinem. Apparamenta ad bellum patent, cum dicitur: Sagittæ eius acutæ, & omnes arcus eius extenti, vngulæ equorum eius sicut silex. Quod autem nihil sit impediens intentionem illorum, sicut interdum solent impedire bella quedam defectus rerum, quos patiuntur bellatores, patet cum dicitur, non soluetur cingulum renū eius, nec rumpetur corrigia calciamenti eius, idest, non frangetur cingulum, nec rumpentur vestes, aut calciamenta, ut ob defectū horum aliquāter ad bellum impediri debeat, aut distrahi. Et per hoc intelligitur de aliis necessitatibus quæ per nullam distraherentur a bello. Itā omnia Deus daret Eglon ad confortationem contra Hebræos.

*Quomodo Deus Amalec, & Ammon cum Rege Eglon contra Israel copularit. Quæst. XIIII.*

**Q**VAERETVR vltius, quomodo Deus copulauit filios Amalec, & Ammon cum rege Eglon contra Israel. Respondendum quod causa copulandi istos populos potius quam alios fuit, quia isti duo populi erant apud terram regis Moab, qui erat principalis hostis Israel: nam Ammonitæ & Moabitæ terras coniunctas habent, ut patet Deuter. 2. scilicet, tu transibis hodie terminos Moab urbem nomine Ar, & accedes in vicinia filiorum Ammon. Vnde olim tota terra Ammon, & Moab erat coniuncta ab oriente usque ad occidentem vtriusque, sed postea duo Reges Amorrhæi, Sehon, & Og ruperunt continuitatem capientes magnā partem terræ Moab, & Amorrhæi. De quo declaratum est Nume. 21. cap. & Iosue 13. Terra quoque Amalec est in deserto Arabiæ coniuncta terræ Moab, & sic duxit has duas gentes secū rex Moab. Modus autem, quo Deus copulauit istas duas gentes regi Moab ad pugnandum contra Hebræos fuit, scilicet, quia Deus posuit in mente eorum desiderium pugnandi contra Israel, & confederandi se cum rege Moab. Hoc autem poterat esse dupliciter, vno modo quod Deus quereretur aliquas occasiones, ut desiderarent pugnare istæ gentes contra Israel: sic patet de Samsonē infra quartodecimo, quia Deus voluit quod acciperet uxorem de Philistiim; ut haberet occasionem pugnandi contra illos propter uxorem, cum Deus vellet illos punire, cum dicitur: Parentes autem nesciebant quod res a domino fieret, & quereretur occasio contra Philistiim. Facile autem Deo erat repetire occasionē. Secundo modo fieri poterat quod Deus non poneret aliquam occasionem, sed solum quod moueret corda istarum gentium ad pugnandum contra Israel. Hoc etiam Deo facile est: nam corda nostra sunt in manu eius, & imprimet eis quamcunque cogitationem voluerit. Sic patet Prouer. 21. scilicet. Cor regis in manu domini, & quocumque voluerit verter illud. Potest etiam quia sicut in potestate Dei est ponere timorem in cordibus nostris, ita erit ponere desiderium, vel quamcunque aliam passionem. Antecedens patet Leui. 26. f. & qui remanserint de vobis, dabo pauorem in cordibus eorum. Item patet, quia sicut Deus alicui desideranti pugnare facit quod non desideret, ita de aliquo non cogitante

Modus copulariōis Amalecitarum & Ammonitarum regi Moab contra Israel.

Cor hoī in Dei manu est.



cogitāte de pugna faciet, quod nimis illam desideret. Primum autem facit, vt patet de Sennacherib, qui desiderabat euertere Ierusalem, & iam hoc disposuerat: Deus tamen milit cogitationem in corde eius, & fecit eum inde recedere non incepta pugna, vt patet 4. Reg. 19. cum dicitur: Noli timere a facie sermonum, quos audisti, quibus exprobrauerunt pueri regis Assyriorum me: ecce ego immittam ei spiritum, id est, cogitationem, & audiet nuncium & reuertetur in terram suam. Potest ergo Deus concitare aliquem ad desiderandum bella, de quibus prius nō cogitabat: & sic fortē fuit hic de his gentibus concitatis contra Israel. *Abijtq; & percussit Israel.* scilicet, rex Eglon venit cum filiis Ammon, & Amalec: & in bello superauerunt Israelitas, atque percusserunt plurimos.

*Atque possedit urbem palmarum.* i. urbem Iericho: sic vocatur multotiens, vt patet Deutero. ultimo, & supr. 1. Aliqui autem volunt qd ciuitas palmarum sit ciuitas Engaddi, quæ vineis, & arboribus claret in tota terra Israel: & non multum distat a Iericho. Sed falsum est, quia Deuteron. ultimo, accipiuntur pro eodem vrbs palmarum & Iericho, cum dicitur quod ostendit dominus Moyfi vniuersum Nephthalin, & australem plagam, & latitudinem cāpi Iericho ciuitatis palmarum: ergo ipsa Iericho est ciuitas palmarum. Vocatur autem sic, quia est vallis magna Iericho, apud quem fluit Iordanis, quæ palmis confita est: ibi etiam sunt arbores, de quibus balsamum colligitur. Vnde ait Iosephus quinto antiquitatum: terra Chanaanē comparata alijs terris creditur esse felix: cum autem locis Ierichontinis, & Ierosolymorum estimata, putatur valde vilissima.

*Quomodo rex Eglon palmarum urbem cepit.*  
*Quæstio XV.*

**Q**VAERET aliquis, quomodo potest stare, qd rex Eglon cepit urbem palmarum: nam illa nunc deleta erat, quia Iosue imprecatus fuerat maledictionem si quis eā reedificaret, vt patet Iosue sexto. Aliquis respondebit quod post hoc aliquis non obstāte maledictione Iosue eam reedificauit: quia erat terra vberima. Sed dicendum quod non stat, quia Iericho semper fuit destructa quousq; fuit reedificata tempore regis Achab, quando quidam vir de Bethel eam reedificauit, & in eo cōpletæ sunt maledictiones, quas imprecatus fuerat Iosue. scilicet, quia in primogenito suo iecit fundamenta: & in nouissimo liberorum suorum posuit portas, vt patet 3. Reg. 16. Dicendum igitur quod Iericho hoc tempore non erat reedificata propter timorem maledictionum Iosue, vocabatur tamen ciuitas Iericho ipsum territorium eius: vel quia aliqui nunc habitabant ibi, licet non haberent muros, quos non audebant ponere. Quod patet quia filius Iethro soceri Moyfi data est ciuitas palmarum, & habitauerunt ibi aliquanto tempore, vt patet supra primo. Tempore etiam Iosue quando deleta erat, & non habitabatur, posita est in numero vrbiū ad diuidendum inter tribus, vt patet Iosu. 18. & sic occupauit eam rex Moab, quia est propinqua terræ Moab: nam terra Moab extenditur vsque ad Iordanem, vt colligitur infra in littera, cum dicitur: Et occupauerunt vada Iordanis, quæ transmittunt in terrā Moab: & tamen Iericho est circa Iordanem: & sic est propinquissima ciuitas omnium ciuitatum terræ Chanaan Iericho ipsi terræ Moab. *Seruiuntque filij Israel Eglon regi Moab.* scilicet, dādo ei tributa, & sustinendo quascunq; impositiones, & seruitia ipse vellet facere illos subire cum non possent resistere ei. *Decem & octo annis.* Tanto tempore seruiuerunt, quia non habuerunt in hoc tempore libe-

ratorem: computantur autem isti decem & octo anni sub annis octuaginta, pertinentibus ad Aod: quanquā isto tempore non esset Aod iudex, sed vacabat ante principatus.

*Quare tanto tempore nunc Deus presserit Israelitas seruitute. Quæstio XV.*

**Q**VAERET aliquis, quare tanto tempore nunc Deus presserit Israelitas, cum ante hoc solum 6. annis eos presserit sub rege Syria pro idolatria, vt patet supra in littera. Responderi posset qd hoc factum est propter maiorem contumaciam: nam quanto peccatum pluries iteratur, est maior contumacia, & pœna maior infligenda est. Cum ergo ibi non fuerint castigati nunc pœna augmentata est. Sic etiam factum est seq. cap. nam cum iterum rediissent Israelitæ ad idolatriam, Deus tradidit illos viginti annis sub manu Iabin regis Asor. Hoc aliquāliter erat verisimile, sed nō stat: quia tunc cum pluries post hoc redierint Israelitæ ad idolatriam, qualibet vice debebant maiori tempore puniri quā precedenti; & tamen non factum est sic, quia postea liberati sub Debhora redierunt ad peccata, & traditi sunt solum septē annis in manibus Madianitarū, vt patet infra sexto. Aliter potest dici qd non fuit factum hoc solum propter cōtumaciam, sed quia hac vice plus se tradiderunt idolis Israelitæ quā precedenti, & fecerunt maiores abominationes: sic enim dicitur precedenti c. qd mortuo vno iudice reuertebatur filij Israel & faciebant maiora, quā fecerant patres eorum. Sed adhuc dicendum, qd ista causa non sufficit, quia quanquam inæqualia peccata inæquales pœnas mereantur, & tamen interdum Deus maiora peccata minoribus cruciatibus punit, & quædam magna quasi impunita reseruās quædam parua acriter punit. Et hoc quia Deus non dat hic totam pœnam debitam peccatis, sed in futuro seculo reseruāt pœnarum complementum. Ideo nō bene arguitur, si nos videamus hic aliquos æqualiter puniri a Deo, quod illi æqualiter peccauerint: vel si acius puniuntur, quod grauius peccauerint: teneret tamen argumentum, si illi pœnæ essent in futuro seculo apud inferos. i. qd qui in maiori bus decesserunt culpis atrociori pœna plectuntur: & si aliqui beati viderent pœnas damnatorum, dato quod non cognoscerent quantitatem culpārum, per proportionem pœnarum cognoscerent culpārum determinationem: solum ergo reedificandum est ad voluntatē Dei, scilicet, qd Deus dat tantam, vel tantam pœnam hic pro peccato: non quia rātum vel tm dehctum est, sed quia ipse punire rātum vult, & sic iudicat expedire. Vnum tñ est, quod hic, & in futuro seculo nunquā Deus punit vltra exigentiā culpæ, licet saepe minus puniat. Et postea clamauerunt. Hic ponitur tertium huius partis secundæ, scilicet, Israelitarum penitentia. Viderunt enim tanto tempore se afflictos per regem Eglon, & non putabant se liberari posse per aliquem, nisi per Deum suum; ideo vexatione dāte eis intellectum, redierunt ad clamandum ad dominum: *Qui suscitauit eis Saluatorem.* Hic ponitur quartum. scilicet, Dei misericordia: nam quanquam saepe petemus, & indigni simus misericordiis eius, non desinit nobis misereri cum clamauerimus. Et dicit Deus suscitasse Saluatorem; quia spiritus domini factus est super Aod ad liberationem Iudæorum, sicut dicebatur de Othoniele & liberauit iste Israel. *Vocabulo Aod.* Iste fuit secundus iudex Israel, & fuit de tribu Beniamin. Primus autem fuerat de tribu Iuda. *Filius Gera.* Filius Gera vocatur ad exprimendum cognationem; quia de omnibus iudicibus signatur de qua stirpe fuerint. *Filij Iemini.* Idest Beniamin, vt aliqui volunt.

*Quis*

De ciuitate palmarum.

Doct. respond. ad quæstionem.

Deus in hoc seculo non punit cōpletē peccatores.



Quis dicatur esse hic Iemini cuius filius vel nepos describitur Aod. Quæst. XVII.

**Q**VAERET aliquis, quis dicatur esse hic Iemini, cuius filius vel nepos describitur Aod. Alii qui volunt quod iste vocetur filius Iemini, idest, habens geminam dextram, scilicet, quia vtraque manu pro dextra utebatur, & sic dicimus aliquem filium iniquitatis, idest, habentem iniquitatem. Sed hoc non stat, quia tunc Iemini non referretur ad Gera, sed ad Aod: ita ut diceretur quod Aod erat filius Gera, & erat filius Iemini. Dicitur tamen hoc de ipso Gera, scilicet, quod erat Aod filius Gera filij Iemini, idest, ipse Gera erat filius Iemini. de ipso tamen non dicitur quod vtraque manu utebatur pro dextra, sed de Aod. Item non stat, quia iste sensus statet si Iemini esset genitivus Latinus de Iemino: & tamen falsum est, quia in Hebræo habetur Iemini: & littera nostra posuit Iemini, quia dicere Iemini repugnat Latino more, & sic ponitur tanquam proprium in littera nostra. Aliter autem dicitur aliquis, scilicet, quod Iemini fuit avus Aod. Sed non stat, quia in multis ponitur quod sint filij Iemini, tanquam non sit Iemini vir aliquis specialis, sed caput alicuius tribus a quo multi deriventur. Aliter dicunt quidam quod Iemini fuit quidam vir in stirpe Benjamin valde vituperabilis, qui sepe nominatur ad vituperium filiorum Benjamin. Sed hoc non stat: nam tunc non poneretur nomen huius, nisi in illis, quos scriptura vellet vituperare, cum tamen scriptura enarraret progeniem Saulis vocavit eum filium Iemini, primo Reg. 9. & tamen volebat eum vituperare, cum ibidem summe laudaverit eum, dicens quod erat vir bonus & electus, & quod in toto Israel non erat vir melior illo. Item Saul semel dixit ad servos suos: Audite me filij Iemini. primo Reg. 22. cap. & tamen ibi non dicebat ad vituperandum, cum ipse vellet persuadere eis, ut consentirent sibi contra David, & annuntiarent illi de eo: ergo non est Iemini nomen viri vituperabilis. Aliter autem dicendum quod Iemini est nomen Benjamin: & vocatur sic, quia Iacob vocavit eum Benjamin, siue Benjamin, idest, filium dextræ Gen. 35. & per apheresim tollendo ben manet Iamin, quod significat dextram, & inde derivatur Iemini, quod apud Hebræos est denominativum, vel possessivum, sicut in Latino quis a dextera dextrarium appellaret. Et sic vocatur iste filius Iemini, idest, dextrarii, scilicet, qui vocatur filius dextræ. Ista est opinio Iudæorum. Istud probatur ex duobus. Primo quia in multis genealogiis ponitur Iemini: si tamen esset aliquis vir prius, utpote avus Aod, non poneretur in aliis genealogiis: patet hoc 1. Reg. 9. ubi in genealogia Saulis ponitur Iemini. Item in genealogia Mardochei, & Esther ponitur Iemini. Esther. 2. cap. Item ponitur & etiā Saul vocavit omnes servos suos filios Iemini, & tamen non omnes erant de eadem cognatione particulari immediata, sed nominavit per hoc caput alicuius tribus, sub qua omnes colligerentur: & ista erat tribus Benjamin, quia cum esset Saul de stirpe Benjamin omnes famuli domus suæ erant de tribu Benjamin, & sic vocavit eos filios Iemini, velut sic vocaret filios Benjamin. Secunda ratio est, quia cum ponitur in aliqua genealogia Iemini semper ponitur ultimus tanquam ipse sit caput illius, si tamen non esset Benjamin, vel caput alterius tribus, contingeret quod interdum poneretur alius superior eo in genealogia, quousque accederetur ad caput tribus, & hoc nunquam fit. Ideo dicendum quod ipse sit caput, & consequenter erit nomen Benjamin, & sic tenendum est hic, quod iste fuerit filius Benjamin, & ponitur hic immediate nomen tribus non compu-

**A**tando successiones medias inter Aod. & Beniamin, quia sic fit in omnibus alijs, ut patet primo Regum nono, & Esther secundo capitulo. Qui vtraque manu utebatur pro dextra. In hoc apparet magna eius dispositio ad bellum, & quod tarde lassaretur, quia poterat vtraque manu uti ut dextra. Istud enim fuit documentum Platonis, & recitat illud Aristotel. secundo Politic. in fine, scilicet, quod in Politia debent studere viri ambi dextros fieri, idest, vtraque manu pro dextra utantur, quia per hoc nimis efficiuntur potentes ad bellum. In Hebræo habetur. *Sinistra manus sua dextra.* Et videtur idem significare, scilicet, quod sinistra erat dextra, idest, quod non solum dextra erat dextra, sed etiam sinistra erat dextra: & sic vtraque manu pro dextra utebatur. Hebræi retorquent ad alium sensum dicentes, quod sinistra sua erat dextra, idest, quod utebatur sinistra ut dextra: eo quod dextra sua erat inutilis, scilicet, clauda, & non poterat aliquid operari per illam. hoc tenet littera Chaldaica. Idem Ra. Sa. Idem Ra. Da. Kimhi. Sed primus sensus, quem facit littera nostra est melior, quia non est verisimile, quod homo prius altera manu efficeretur princeps pugnantium, cum ex hoc ad pugnam esset inutilis. *Miseruntque perillum.* Hic ponitur secundum huius partis, scilicet, Aod legatio. Nam missus est in nuncium ad regem Eglon, & ex hoc habuit opportunitatem occidendi ipsum. *Miseruntque perillum munera filij Israel Eglon regi Moab.* Ista munera erant tributa ad quæ tenebantur singulis annis Israelitæ regi Eglon: & nunc soluere illa volebant, vel erant ista munera aliqua gratis oblata in supererogationem, ut Israelitæ favorabiliorem sibi facerent regem Eglon. *Qui fecit sibi gladium ancipitem.* idest, habentem duo capita. Aliqui vocant gladium ancipitem bis acutum, sicut est ensis. Sed falsum est. Vocatur autem anceps, idest, duo capita, vel mucrones habens. alii gladii & enses habent unicum caput, eo quod caput est ad unam extremitatem, & ad aliam est capulus: & vocatur caput acuties, vel mucro: iste autem gladius non habebat capulum in una extremitate, sed in medio, & vtraque extremitas erat acuta.

Quare Aod secundus index sibi ancipitem gladium fecerit. Quæstio XVIII.

**Q**VAERET aliquis, quare Aod fecit sibi talem gladium. Aliquis respondebit quod hoc fecit, ut ipse gladius facilius percutere posset, sicut Ioab fecerat gladium fabrefactum, qui levi motu poterat euaginari ipso nihil agente: & infingeretur in femore adversarii: sic patet secundo Regum vigesimo, scilicet. Porro Ioab vestitus erat tunica stricta ad mensuram habitus sui, & de super accinctus gladio dependente usque ad ilia in vagina, qui fabrefactus levi motu egredi poterat, & percutere. Et videtur satis similari huic gladius Aod, quia etiam ipse indutus erat Sago sicut Ioab tunica stricta. Sed obiicitur, quod Aod non percussit Eglon egrediente sponte gladio per artificium de vagina, sed ipse eduxit eum, & percussit fortiter regem Moab, ut patet infra. Aliter dici potest, quod fecit istum gladium ancipitem, ut facilius posset percutere, scilicet, quia ad vtraque partem convertibilis erat, & vtraque parte percuteret. Si tamen velis dicere quod erat factus ad idem ad quod fecerat Ioab gladium suum, satis stat. Cum autem obiicitur, quod non percussit sicut Ioab egrediente gladio sponte, sed ipse eduxit. Dicendum quod iste modus percutiendi est, quando quis nimis potest appropinquare ei.



re ei, quem percutere vult: Aod autem fortè non tantum potuit cōmodè appropinquare, ideo percussit alio modo quanquam ad alium finem fecerat. Vel fortè quanquam disposuerat percutere Eglon egrediente gladio; tamen cum fuit præsens vt fortius percuteret mutauit consilium, & eduxit gladium. *Habentem in medio capulum.* idest, non erat capulus in vna extremitate gladij sicut est in alijs gladijs, & ensibus, sed in medio, & in vtraque extremitate erat acuties, vt mucro, velut si essent duo gladij, & dicitur capulus non a capite, sed a capiendō; quia per capulum gladius capitur, & tenetur. *Longitudinis palmae manus.* Tanta erat longitudo capuli solum, vt posset teneri manu, & esset locus sufficiens ad capiendum. *Et ac-*

*Sagum qd cinctus est eo subter sago.* Sagum est genus vestis militaris quadratæ, vt dicit historia scholastica. Et in hoc discordat Aod a Ioab; quia Ioab accinctus erat gladio super tunicam strictam. 2. Reg. 20. Aod autem sub Sago. Ratio diuersitatis est, quia Ioab erat in bello, & non erat suspectum in eo quod accinctus esset gladio: Aod autem non ibat ad bellum, sed ad offerenda munera, essetque suspectus si intraret coram rege accinctus gladio; ideo sub sago abscondit. *In dextro femore,* idest, in latere dextro. Ex hoc arguunt Iudæi, quod Aod erat claudus manu dextra, & utebatur sinistra; quia posuit gladium in dextro femore: nam dextri ponunt gladios in sinistra. Sed dicendum, quod non colligitur ex hoc: quia cum Aod esset ambidexter, poterat ponere gladium in quocunque latere. Vel aliter, & melius, quia ista regula tenet i gladijs magnis, vt in ensibus, qui non facilius educi possunt de vagina, ideo ponuntur semper in lateribus oppositis ad manum, qua utimur: paruum tamen gladium in quacunque parte indifferenter consueuerunt poni; & sic erat de gladio Aod. *Obtulit munera regi Moab,* scilicet, licet multi Israelitæ irent cum Aod ad honorem munerū, vt patet infra in litera, scilicet, persecutus est socios suos, qui cum eo venerant: tamen ipse tanquam dignior obtulit illa regi. *Erat autem Eglon crassus nimis.* Hoc ponitur hic ad declarandum quæ postea sequuntur, scilicet, quod tam pinguis erat, vt gladius stringeretur adipe. *Cum obtulisset.* Hic ponitur tertium huius partis, scilicet, Eglon interfectio, scilicet. *Cumq; obtulisset ei munera,* idest, postquam obtulit, & expeditus se a rege. *Prosecutus est socios, qui cum eo venerant,* idest, reuersus est cum socijs suis, & venit vsq; ad Galgalam, & inde rediit solus ad Eglon. *Et reuersus de Galgalis,* scilicet, ipse veniebat expeditus a rege, & cum accessit in Galgalam reliquit socios procedere, & ipse rursus ad regem venit.

*Quare nunc reuersus est Aod de itinere ad occidendum regem &c. Questio XIX.*

**Q**VAERET aliquis, quare nunc reuersus est Aod de itinere ad occidendum regem, cum potuisset prius, quando obtulit munera idē facere quod postea fecit. Aliquis respondebit quod nondum venerat sibi in mentem occidere regem, & nunc quādo venit in Galgalam venit sibi in mentem, q̄ forte De⁹ posuit hoc in corde eius, & reuersus est. Sed non stat, quia Aod iam fecerat dispositionem ad hoc, cum dixerit scriptura q̄ fecerat sibi gladium ancipitem, & istud erat apparatus ad occidendum Eglon, ergo prægogitauerat hoc. Nicolaus dicit q̄ cum venit Aod in Galgalam, & vidit ibi idola iratus est nimis: nam ibi fuit prima mansio Israelitarum in terra Chanaan, & posita fuit ibi arca, celebrataque est ibi circumcisio, & apparuit angelus domini: de quibus omnibus patet Iosue quinto. Erat præter hæc memoria duo

**F** decim tribuum Israel ibi in duodecim lapidib⁹, quos Deus duci fecerat de Iordane: nunc autem in dedecus omnium istorum erant ibi posita idola, ideo prouocatus nimis Aod contra regem Eglon rediit ad occidendum ipsum. Sed hoc nō stat propter duo. Primò quia non est verisimile, q̄ ante hoc nesciret Aod ibi esse idola, ideo non rediisset tunc, sed prius cum obtulit munera occidisset regem. Secundò non stat, quia ante hoc patet Aod prægogitasse de morte Eglō cum fecerit sibi gladium ancipitem. Dicendum ergo, q̄ Aod disposuerat iam occidere regem Eglon; noluit tamen quando obtulit munera, vt auferret suspitionem, quia non poterat hoc fieri nisi omnibus absentibus, & si illico vt munera obtulit, voluisset secretè loqui cum rege, fuisset aliqua suspitio: nam putaretur q̄ ad hoc solum munera tulerat, vt posset loqui regi secretè, & aliquid mali agere. cum autem de nouo rediret ad loquendum: & non ostenderet aliam causam, nisi q̄ vellet loqui regi, non esset tanta suspitio, ideo posset securius agere, quod intendebat. Aliter dici potest, & ista est ratio potissima, scilicet, q̄ hoc fecit propter socios suos: nam ad hoc q̄ offerret munera regi oportebat q̄ multi irent cum eo ad honorem munerum; non expediebat tamen q̄ manerent ibi dum Aod occidebat Eglon; quia oportebat q̄ si presentibus eis hoc faceret, q̄ denunciaret illis, quid facturus erat, vt quando ipse fugeret illi quoque fugerent: timuit tamen indicare hoc Aod alicui; quia fortè, vt esset acceptus regi Eglon nūciaret ei quisquam, quid disposuisset agere contra cum Aod; ex quo sequebatur periculum omnium Israelitarū; ideo noluit cuiquam pandere quod proposuerat. Ergo oportet q̄ absentes essent, alioquin cum fugeret Aod mortuo Eglon, non contingeret omnes congregari ad fugiendum, aut expeditè fugere. Item dato q̄ Aod potuisset dicere eis sine periculo id quod intendebat, & dixisset illud: non expediebat quod manerent socij in loco, in quo occideretur rex Eglon, quia aliqui ex pusillanimitate obstupescerent & mutarent colorem. In quo Moabite, qui aderant colligerent argumenta malorum, & posset impediri factum, vel tenerentur Israelitæ. Item mortuo Eglon, fugit Aod, & si socij sui manerent ibi necesse erat, quod omnes simul fugerent cum Aod, quod non expediebat; tum quia aliqui propter timorem non possent fugere, sicut quibusdam hominibus euenit, scilicet, quod postquam percusserint, vel occiderint hostes suos non possint fugere, sed destituuntur totis viribus corporis, & per hoc cognito facto possent capi, vel quia cognoscerentur fugere: in solo autem Aod nihil horum accideret, ideo voluit ipse ponere socios suos in loco, in quo de eis iam timendum non esset, & tunc ipse expeditus rediit ad faciendum quod intendebat. *Vbi erant idola.* Erant idola in Galgalis, scilicet, quia rex Eglon duxerat idola de terra sua, & posuerat ea in Galgalis ad colendum ea ibi, vt semper haberet locum colendi. Sic exponit historia scholastica. Rabbi Salomon, & Rabbi David Kimhi, & litera Chaldaica dicunt quod erant hic idola, idest, erat lapidicina, de qua scindebantur lapides ad formandum idola, & postea ibi poliebantur. *Dixit ad regem: verbum secretum habeo ad te, o rex.* Iam Aod erat notus & acceptus apud regem, quia obtulerat munera, ideo poterat accedere faciliter ad regem quandocunque vellet, & dixit q̄ habebat verbum secretum ad eum, ad hoc q̄ omnibus inde recedentibus haberet opportunitatem ad faciendum quod intendebat.

Nunquid



Nunquid mentitus fuerit hic Aod & peccarit?  
*Questio XX.*

A

Ad quid dicebat hoc Aod ipsi Eglon.  
*Questio XXI.*

**Q**V A E R E T aliquis, an mentitus fuerit hic Aod, & an peccavit. Aliqui respondent quod non mentitus est, quia volebat ei aliquid exponere. scilicet quia Aod habebat a Deo revelationem, & sic dicitur in historia scholastica. Sed hoc non stat, quia dato quod Aod habuisset a Deo revelationem super morte Eglon, aut super aliquo alio, non erat aliquid huius expositurus ipsi Eglon. Etiam quia litera manifeste indicat, quod Aod nihil locutus fuerit secreta ad Eglon, sed solum occidit eum. Dicendum igitur, quod mentitus est Aod ad occultandum intentionem suam, & ut posset illam exequi: nam alias non potuisset accedere secreta ad regem, nec oportet excusare Aod a mendatio, quia alii viri maiores eo, & sanctiores non excusantur, sicut patet de Patriarchis, ut de Abraham, & Isaac, & de David & alijs. Ad secundum, an peccaverit Aod, dicendo istud. Respondendum est, quod mendacium istud erat officiosum, ideo licet peccatum veniale sit, tamen excusatur a mortali. Sed aliquis dicet, quod non fuerit istud mendacium officiosum, sed potius perniciosum: perniciosum autem semper est peccatum mortale. Respondendum, quod si Aod potuit iuste occidere Eglon, non fuit mendacium perniciosum, cum perniciosum sit semper in damnum alterius: malum tamen quod alicui iuste infligitur non vocatur damnum, nec iniuria: si autem iniuste facta est occisio, fuit mendacium perniciosum, & est peccatum mortale: hoc autem dependet ex quadam dubitatione, de qua infra dicitur. Sed ad presens teneatur, quod non peccavit Aod occidendo Eglon, & consequenter mendacium quod finxit ad occidendum illum, non fuit perniciosum; quia non fuit in damnum vel iniuriam alicuius. *Et ille imperavit silentium.* id est, rex imperavit omnibus presentibus silentium. Vocatur silentium recessus: nam non iussit quod tacerent, & consisterent, sed quod recederent, ut liberior loqui posset Aod: quod patet, quia illico egressi sunt omnes, ut patet in litera. In Hebreo habetur. *Et dixit tace.* Hebraei referunt hoc ad Aod, scilicet, quod rex dixerit ei, tace, scilicet, donec omnes isti egrediantur: sed sensus literę nostre consonantior est. *Egressisq; omnibus, qui circa eum erant,* scilicet, omnibus comitantibus regem, quia semper ei multi aderant tanquam magnifico regi, & potenti. *Ingressus est Aod ad eum.* Non est sensus quod ingressus est post egressum aliorum, quia quando locutus est ad regem, dicens: verbum secretum habeo ad te, iam ingressus erat: sed dicitur quod nunc ingressus est; quia postquam omnes recesserunt a rege introiit in aliam domum secretiorem, scilicet, in estivo cenaculo, ubi erat thronus, & illuc etiam introiit Aod ad eum. *Sedebat autem in estivo cenaculo solus,* scilicet, nunc exclusis omnibus solus sedebat, quia nullus aderat nisi Aod: & hoc ponitur ad significandam opportunitatem occidendi eum. Vocatur autem cenaculum estivum, id est, domus facta pro tempore æstivo, & ista est domus frigida collocata versus aquilonem: nam in domibus magnorum virorum consueverunt disponi loca pro omnibus quatuor partibus anni, quæ habent diuersas qualitates, & potissime loca hybernalicia, & æstiva: sic enim iubet Aristot. fieri, ut patet secundo *Aeconomic.* Vocatur cenaculum large quædam domus disposita ad hoc, quod ibi cœnetur, id est, comedatur in aliquo tempore. *Dixitque ei: verbum Dei habeo ad te,* id est, debeo tibi loqui ex parte Dei.

**Q**V A E R E T aliquis, ad quid dicebat hoc Aod ipsi Eglon. Respondendum, quod dicebat ad hoc, quod Eglon descenderet de throno suo in terram causa verbi Dei. Sed dicitur ad quid volebat Aod, quod descenderet Eglon de throno: nam cum ibi soli essent, poterat facere Aod, quod vellet. Respondendum, quod Aod voluit occidere Eglon fine rumore, ita quod a nullo audiretur. Si autem mansisset in throno Eglon, & Aod accederet ad eum ad occidendum ipsum, videret hoc Eglon, quia ipse erat eleuator super Aod: & non erat aliqua causa quare accederet Aod ad thronum. Videns igitur quod accedere vellet, timeret suspicans aliquod malum, & clamaret priusquam percuteretur, & caperetur Aod, vel saltem conaretur effugere manus eius, & sic fieret aliquis rumor magnus, qui audiretur a manentibus extra, & conuenirent: ideo voluit ut descenderet, quia tunc posset appropinquare ad eum Aod, & nihil suspicaretur Eglon, nec videret gladium, sed simul mors & dolor, & cognitio vulneris essent.

Quod Dei verbum erat, hoc quod habebat Aod ad Eglon.  
*Questio XXII.*

**Q**V A E R E T V R vterius, quod verbum Dei erat istud quod habebat Aod ad Eglon: Respondet historia scholastica, quod erat somnium vel mandatum domini. Sed non stat multum, quia dato quod habuisset somnium de occidendo Eglon, & mandatum domini, nihil de hoc enarraret ei. Etiam non enarraret ei aliqua alia, quia illa viderentur impertinentia, & dum enarrabantur posset Eglon suspicari aliquid mali, & cauere ab Aod. Sed dicendum quod immediate, ut descendit de throno occidit eum: dixit tamen istud mentiendo ad habendam opportunitatem, ut sicut prius dixerat quod habebat verbum secretum, ut omnes recederent: ita nunc dixit quod habebat verbum Dei, ut rex descenderet de throno. *Qui statim surrexit de throno.* scilicet, in reuerentiam verbi Dei, ut non audiret illud sedendo. Hebraei dicunt quod Eglon meruit quod surrexit ad audiendum verbum Dei, ideo de genere eius fuit Ruth Moabitidis, de qua descendit David. Sed ista multum sunt distantia a ratione: nam Ruth non erat de genere regali, sed plebeia, & pauper, cum tradita fuerit in uxorem cuidam viro pauperi, & alienigenæ. scilicet Maalon filio Noemi, ut patet Ruth. I. Item dato quod esset de genere regis, non fiebat aliqua gratia ipsi regi, nec ipse existimaret in premium alicuius bonę operationis, quod illa pauper femina tradenda viro Hebreo descenderet de stirpe eius, ideo siquid meruit in hoc (quod non confiteor) cum esset in peccato mortali, non datum fuit ei hoc in premium, sed aliquid aliud.

Cum dixit Aod ad Eglon, verbum Dei habeo ad te,  
 de quo Deo intellexerit Eglon.  
*Questio XXIII.*

**Q**V A E R E T aliquis, cum dixit Aod ad Eglon: verbum Dei habeo ad te, de quo Deo intellexerit Eglon, cum non reputaretur vnus Deus apud omnes. Responderi potest, quod quanquam gentiles diuersimode Deum colerent, tamen existimabant esse vnum Deum. Est enim opinio multorum poetarum, quod vnus erat Deus, qui vocabatur Iuppiter: & iste propter diuersas proprietates varia nomina

Opi. multorum poetarum quod vnus erat Deus.

Doct. resp. ad primū quæsitum.

Resp. ad secundum quæsitum.

Silentium quid.

Littere expositio.

Doc. resp. ad quæsitum.



mina accipiebat, ut aliquando vocaretur Iuppiter, aliquando Phebus, aliquando Mars, & interdum nomine viri, & interdum nomine foeminae, ut Diana, Minerva, Venus, Vesta, & non solum nomina multiplicarentur, sed etiam diuersa sortiretur simulachra: siue apud eandem gentem; siue diuersas: intantum quod in eodem templo essent viginti simulachra representantia eundem Iouem sub diuersis nominibus & figuris: & non solum putabant istum solum esse Deum, sed etiam istum esse ubique, & esse omnia. Ista fuit opinio magni Catonis Uticensis, & recitat eam Lucanus libro nono, dicens. Iuppiter est quid vides. Eadem quoque positio fuit Virgilij in Bucolicis Egloga tertia, cum dicit;

Magni Catonis opinio de Deo.

*A Ioue principium Musae, Iouis omnia plena.*

Tangit etiam istam positionem Aug. 7. de Ciuit. Dei. Hoc modo idem Deus putaretur esse apud omnes gentes, licet diuersis nominibus vocaretur, & varias sortiretur effigies, ideo audito nomine Dei, quicumque ille esset, quia non poterat esse, nisi Iuppiter, putaret eum Eglon esse Deum suum, & reuereretur illi. Aliter dici potest, quod inter Gentiles erant varij dii, ex institutione populorum, putabant tamen esse aliquem vnum Deum, qui esset verè potens & sublimis, licet non cognoscerent eum. Et de hoc praedicabant magnam excellentiam, licet non tantam ut nos: & ista erat positio philosophorum. Vnde Athenienses cum poluissent deorum multitudinem & altaria, constituerunt quandam aram Deo ignoto, quem valde laudabant, & concordauit cum eis Paulus, quod iste erat Deus, quem ipse praedicabat, ut patet Act. decimo septimo capitulo: hoc modo poterat esse apud Gentiles, quod quodcumque vellet aliquis loqui de diis populorum, quod illos specialiter nominarent. cum verò nominarent Deum absolute, deberet intelligi locutio de illo Deo incognito, & supereminenti: & istud fortè putauit Eglon quando dixit Aod: Verbum Dei habeo ad te. & ob hoc surrexit de throno. Aliter dici potest, quod licet apud Gentiles essent multi dii, & quilibet gens, vel ciuitas afficiebatur specialiter ad vnum, quem super ceteros colebat, & illum nunquam mutabat pro alio, ut patet Ierem. 2. scilicet. Transite ad Insulas Cetthim, & in Cedar mittite, & videte si factum est, & si mutauit gens Deos suos, & ipsi non sunt dii. tamen omnes alios ducebant dignos quodam honore, & nullum contemnebant putantes se puniri ab illo, si quemquam contemnerent: siue ergo esset Deus Hebraeorum, siue gentis cuiuscunque rex Eglon ducebat illum dignum honore; ideo non curauit petere, cuius Dei esset verbum illud, sed illico ut audiuit, quod erat verbum domini, surrexit de throno. *Extenditque Aod manum sinistram.* Ex hoc putant Hebraei, quod patet intentio eorum, scilicet, quod erat Aod claudus dextra, ideo eduxit sicam manu sinistra. Sed magis dicere debemus, quod eduxit manu sinistra, quia vtraque manu ut dextera utebatur, & non curauit an dextra, vel sinistra percuteret. *Et tulit sicam de dextro femore suo,* scilicet, quod erat ligata in dextro femore sub sago, ut iaceret, ut patet supra. *Infixitque eam in ventre eius,* id est, in ventre Eglon, percussit eum ibi potius quam alibi propter duo. Primum erat, ut non videretur Eglon se percuti: si autem in capite, vel parte superiori corporis voluisset Aod percutere Eglon, vidisset gladium, & fugisset, vel clamasset, vel mouisset corpus aliquo modo, & sic fieret magnus rumor, ut audiretur ab exterioribus: cum autem in ventre circa inguinem percuteret, quia non eleuabat gladium, non putauit Eglon se percuti quousque percussus est.

Aod propter duo percussit Eglon regem in ventre potius quam alibi.

Secundum erat, ut Eglon facilius, & citius moreretur. Si enim percussisset eum in alia parte superiori, & non in ventre, etiam si percussisset in capite: non ita cito fuisset mortuus, vel fortè non moreretur: in ventre autem ruptis intestinis mors erat necessaria, ideo ibi eum percussit. *Tam validè, ut capulus ferrum sequeretur in vulnere,* id est, fuit tam fortis percussio, quod non solum introiuit ferrum in ventrem: sed etiam capulus, & manus: fuit autem tam dura percussio, ut non indigeret alio ictu. Et ut non posset clamare ruptis visceribus. Etiam quia nimis pinguis erat, & non pertingeret ictus ad ruptionem illam, nisi esset validus. *Ac pinguisimo adipe stringeretur,* id est, erat Eglon pinguisissimus, ideo gladius strictè detentus fuit intra vulnus. Et hoc dicitur ad duo; primum

est ad significandum, quod cum ictus fuerit ita validus, ferrum & manus intrassent aliquantulum in ventrem, sed tanta erat pinguedo, quae strinxit gladium, ut non posset libere introire. Secundo ponitur ad significandum, quod quanquam voluisset Aod educere gladium, non fuit ei facile, quia adeps strinxit eum; ideo non eduxit illum, sed mansit in vulnere. *Nec eduxit gladium.* scilicet, quia non potuit cum esset nimis strictus: nam iste gladius non habebat capulum in extremitate, sed in medio; & quia percussio fuit valida non solum introiuit gladius, sed etiam capulus; & mansit alia medietas gladii extra ventrem, cum esset anceps: & cum non haberet per quid teneret gladium Aod, & pinguedo stringeret illum, mansit in ventre. Quasi dicat, si non fuisset venter ita pinguis, dato quod infixus fuisset totus gladius, non mansisset, sed spontè cecidisset in terram. *Sed ita, ut percussisset, reliquit in corpore,* scilicet, quia non potuit educere eum, cum esset capulus intra ventrem in vulnere. *Statimque per secreta naturae, alui stercora proruperunt,* id est, illico ut percussus est proruperunt stercora. Aliqui volunt quod haec proruperunt per vulnus, quia ruptis visceribus, quidquid intus tenetur, effluit. Sed non proruperunt sic, sed magis per posteriora, quae sunt loca naturae secreta, scilicet, quia natura constituit foramina illa in loco abscondito & secreto: per vulnus autem non potuerunt prorumpere stercora, quia pinguisissimus adeps vulneris locum obstruxerat. Cum ergo non posset gladius educi pinguisimo strictus adipe, multo minus stercora prorumpere possent. Causa autem prorumpentis stercoris fuit, quia Eglon mortuus fuit, & in mortuis non manent aliquae potentiae animales, aut naturales, ideo cum potentia retentiva sit secundum quam stercora, & vrina tenentur, ne fluant: mortuo animali, stercora pondere naturali ad inferiora tendunt, nullo detinente, & ob hoc hominibus recenter mortuis obstruuntur foramina inferiora, alioquin stercora prorumpunt, antequam sepeliantur.

Causa prorumpentis stercoris Eglon

Aod autem clausis diligentissime ostijs coenaculi, & obfirmatis sera, per posticum egressus est. Seruique regis ingressi viderunt clausas fores coenaculi, atque dixerunt: forsitan purgat alium in aestiuo cubiculo. Expectantesque diu donec erubescerent, & videntes quod nullus aperiret, tulerunt clauem, & aperientes inuenerunt Dominum suum in terra iacentem mortuum.

Aod



**A**od autem dum illi turbarentur, effugit, & pertransiit locum idolorum vnde reuerfus fuerat. Venitque in Seyrat: & statim insonuit buccina in monte Ephraim: descenderuntque cum eo filij Israel ipso in fronte gradiente. Qui dixit ad eos: Sequimini me: tradidit enim Dominus inimicos nostros Moabitas in manus nostras. Descenderuntque post eum, & occupauerunt vada Iordanis, quæ transmittunt in Moab: & non dimiserunt transire quæquam: sed percusserunt Moabitas in tempore illo, circiter decem millia, omnes robustos, & fortes viros. Nullus eorum euadere potuit. Humiliatusque est Moab in die illo sub manu Israel: & quieuit terra octoginta annis. Post hunc fuit Samgar filius Anath, qui percussit de Philisthiim sexcentos viros vomere: & ipse quoque defendit Israel.

Pelops rex a quo Peloponnesus, p uincia nomen accepit.

Ilion ædificata a Laomedonte rege.

Exercitus Eglon debellatio.

*Aod autem.* Hic ponitur quartum huius partis, scilicet exercitus Eglon debellatio: nam illo mortuo facilliter viri sui occisi sunt a Iudæis. *Aod autem clausis diligentissime ostijs cœnaculi.* Scilicet clausit ostia cœnaculi illius in quo reliquerat mortuum Eglon. *Et affirmatis sera.* Id est non solum clausit ianuas, sed etiam affirmavit sera, id est posuit vestem, & pessulum. Hebræi dicunt, quod inuenit Aod clauem portæ illius, & clausit clauem, & fugit. Sed falsum est, quia dicitur infra, quod postea venientes serui regis ad ostium expectauerunt, donec erubescerent, id est magno tempore: si tamē esset clausa porta a foris clauem, vidissent hoc serui regis, & non expectassent, quia satis viderent, quod erat malitiosè factum, quod aliquis clausisset portam a foris clauem manente rege interius: præsertim, quia nullus eorum hoc fecerat: ideo præsumptio fortis esset, & illico aperirent portam, ut viderent quid de rege actum foret. Item quia cum diu ipsi expectarent, dixerunt: forsitan purgat aluum in cœstiuo cœnaculo, & tamen si esset clausa ianua a foris clauem, non esset bona præsumptio, si rex clausisset per partem interiorē, & quia tandiu non aperiebat eratque firmata porta sera, esset præsumendum, quod purgaret aluum in cœstiuo cœnaculo: mouentur tamē Hebræi ad hoc: quia dicitur infra: tulerunt clauem, & aperientes inuenerunt dominum suum mortuum: ergo clausa erat per partem exteriorē clauem. Dicendum igitur, quod ista porta erat sicut solent esse quædam portæ communes, scilicet quod ad hoc, quod claudantur non egent clauem, sed solum quod iungantur ostia; ad aperiendum tamen egent clauem. Etiam sunt portæ quædam, quæ possunt claudi per partem interiorē sine clauem, & per partem exteriorē aperiantur clauem: & hoc modo stat litera, scilicet quod cum Aod egressus est, non habuit aliquam seram, scilicet clauem ad claudendum, sed solum coniunxit portas diligenter, & hoc erat affirmare eas sera, & hoc non obstante poterat aperire quicumque staret interius sine clauem, sed qui exterius erant non poterant aperire, & sic manserunt serui regis ad portam.

Alph. Toft. super lib. Iudicum.

**A** tam. In Hebræo habetur loco totius istius clausule. *Clausit diligenter portas, & clausit.* Quia tamen ponitur bis clausit, ne semel ponatur superuacue litera nostra retulit primum ad coniunctionem portarum. Secundum ad affirmationem serarum, non quidem, quod clauem vteretur ad obfirmandum sera, sed quia diligenter coniungendo valuas clauderentur sera.

*Quare Aod clausit Eglon regem mortuum.*  
*Quæst. XXIIII.*

**Q**VAERET aliquis, quare clausit Aod domum; nam iam sciebat mortuum esse Eglon, & non poterat egredi ad persequendum ipsum, vel ad vocandum seruos suos. Respondendum, quod Aod iam expleuerat optatum, ideo iam non optabat nisi saluare se, & quia si serui regis cognoscerent hoc antequam plene Aod fugisset, tenuissent eum & occidissent, voluit quod hoc lateret seruos regis, & clausit ianuam, quæ erat valde accomodata huic operi, quæ intendebat Aod: nam poterat claudi ex parte interiori sine clauem, ita quod non posset aperiri ab extra nisi cum clauem. Poterat etiam ab extra claudi sine clauem, & ab intra poterat aperiri sine clauem, sed non ab extra: unde quando exiit Aod, non erat ad portam quicumque de seruis regis, alioquin introissent illico ad regem ne maneret solus, & non potuissent claudere Aod illis præsentibus, & sic vidissent mortuum Eglon ante recessum Aod, & tenuissent eum: sed nemo erat ad portam, ideo potuit claudere portam, & recedere: cum autem venerunt serui regis, inuenerunt portam clausam, & obfirmatam sera, putaueruntque quod obfirmasset eam Eglon, ut purgaret ventrem, & nemo tunc introiret ad eum: & ob hoc quamquam ipsi potuissent illico aperire cum tenerent clauem, noluerunt ne offenderent regem purgantem aluum, vel facientem aliquid secreti; sed expectauerunt tandiu, ut rex veniret ad aperiendum, cum vero supra modum moraretur, & ipsi iam erubescerent, aperuerunt portam, & inuenerunt regem mortuum. Hæc autem omnia existimauit prius Aod, quia erant verisimilia: ideo fecit ea ne caperetur: si autem reliquisset apertam portam, venientes serui regis ingressi fuissent illico, & inuenientes regem mortuum, tenuissent Aod, qui non poterat longe recessisse. *Per posticum egressus est.* Id est egressus fuit per quandam portam paruam, quæ vocatur postica, vel posticum: & ponitur mutatio ordinis, scilicet quia prius egressus est per posticum, quam obfirmaret portas, alioquin non potuisset egredi. Posset tamen secundum istam literam esse alius sensus, scilicet quod mortuo Eglon ipse Aod clausit portas cœnaculi magnas, per quas erat introitus, & clausit eas a parte posteriori, siue interiori, & ipse non fuit egressus per eas, sed per quandam aliam portam paruam in posteriori parte domus, ut non viderent eum serui regis. Et vocatur postica porta posterior: sic enim Ebrardus distinguit anticam, & posticam. Vocat anticam portam, quæ est in parte anteriori domus: & dicitur de ante. posticam vocat portam, quæ est in parte posteriori domus: & dicitur de post. Iste sensus valde conueniens erat, & ista litera totaliter videtur illum velle. Obstat tamen aliquantulum litera Hebraica, quæ dicit, quod clausa porta egressus est Aod in quodam deambulatorio, vel domum publicam, & sic videtur, quod egressus fuit per portas illas. Item quia si sic egressus fuisset Aod, mansisset postica aperta,

Postica, & antica quod.



aperta, & eadem difficultas esset de postica quæ de antica; ideo tenendum videtur primum. Si tamen volueris tenere istud secundum, satis stat, & causa egressus Aod per posticum esset, ut lateret egressus eius seruos regis: sed putarent semper eum esse intus, & ob hoc non curarent: si autem vellet egredi per portam anticam, scilicet maiorem viderent eum serui regis, & illico ingrederentur illuc: ad posticam autem forte nulli serui regis obseruabant, id est potuit egredi incognita fuga eius. *Seruique regis ingressi.* Id est ingressi sunt ad videndum quid rex faceret, & est sensus quod veniente Aod fecit Eglon, quod exirent omnes serui sui: & ista egressio fuit de quadam domo communi, in qua tunc erat rex, deinde ingressus est in quo erat cubiculum interius, scilicet in cænaculum æstiuum. Postquam verò transiit aliquantum temporis, ita ut putaretur finitam esse colloquutionem regis & Aod, reuersi sunt ad illam primam domum, in qua regem reliquerant, & ingressi sunt in eam, sed non inuenerunt eum ibi, quia introierat in cænaculum æstiuum, & inuenerunt obfirmatas portas. *Viderunt clausas fores cænaculi.* Scilicet tetigerunt eas, & reppererunt esse obfirmatas sera, atque dixerunt postea. *Forſitan purgat aluum in æſtino cubiculo.* Erat cubiculum æstiuum interius, & in illo putabant eum tunc purgare aluum. Motiuum autem fuit duplex, primum quia viderunt ianuas obfirmatas sera. Si autem esset colloquendo vel faciendo aliud, quod pudendum non esset, sed tenuisset portam pitentem vel saltem non obſerasset eam, & quia obſerata erat hoc putauerunt. Secundum motiuum erat, quia tamdiu morabatur, & putabant quod maneret purgando ventrem.

*Quomodo non viderunt serui regis Eglon egredientem Aod*  
*Quæst. XXV.*

**Q**VAERET aliquis quomodo non viderant serui regis egredientem Aod. Responderi potest dupliciter, vno modo, quod quando rex iussit omnes egredi, ut colloqueretur Aod, putauerunt serui regis quod manerent aliquantulum in colloquutione, ideo recesserunt inde per aliquantulum. Aod autem nihil moratus est, sed illico ut introiuit, occidit regem, & clausit ianuas, atque fugit: ita quod cum ipse fugit non erant presentes serui regis. Post modicum autem redeuntes inuenerunt portas clausas, & expectauerunt dicentes, forſitā purgat aluum, & cætera. Aliter dici potest quod serui regis erant ad portam aliquantulum distantes ab illa: & cum Aod occidisset regem, non egressus est per illam portam, apud quam erant serui regis, sed clausit illā, & egressus est per posticam, unde quamquam non procul a porta essent serui regis, non viderunt egredi Aod, sed post aliquantulum redeuntes putabant adhuc ipsum Aod manere cum rege. Sed tunc diceretur quomodo ergo serui regis dicebant, forſitan purgat aluum, & cætera. Dicendum quod quamquam putarent esse Aod interius, quia tamen intra cubiculum illud, in quo erat Aod cum rege, quod erat obfirmatum, erat adhuc aliud secretius, putauerunt, quod maneret Aod in cænaculo primo, & ingressus fuisset rex in secundum: obſtruxerat tamen portam, ne quis introiret nesciens, & moleſtaret regem. Alij autem volunt dicere aliter, scilicet quod serui regis viderant ingredientem Aod per anteriorem portam, & tunc ipsi venerunt ad regem, & cum reperirent portam cubiculi clausam, & obfirmatam, putauerunt quod purgaret aluum. Hoc

**F** autem aliquo modo videtur rationabile. Sed non stat, quia si egressus fuisset Aod videntibus seruis regis, & illi reperissent portam clausam, suspicati fuissent aliquid mali, & tenuissent eum, ideo magis verisimiles sunt duo modi premissi. *Expectantesque diu, donec erubescerent.* Expectauerunt a principio putantes, quod purgaret aluum, sed cum iam moraretur supra modum erubuerunt. Expectando erubescencia erat: quia cum tamdiu rex moraretur non aperiendo, ceperunt suspicari aliquid mali euenisse illi, & quia istud eueniebat, quia non bene custoditus fuerat ab eis, in quo merebantur panam, erubuerunt. In Hebræo habetur. *Usque ad vesperam.* Vbi nos dicimus donec erubescerent. Et causa diuersitatis est, quia in Hebræo ponitur (bos) & est nomen equiuocum ad verecundiam, vel confusionem, & ad vesperum; ideo equaliter potest exponi pro erubescencia vel pro vespere: litera tamen nostra posuit donec erubescerent, quia rationabilius erat, quia si poneretur pro vespere, non poneretur diu, scilicet expectantes diu usque ad vesperam, quia esset superuacuum, sed solum diceretur expectantes usque ad vesperam: ergo accipitur ibi bos pro erubescencia. *Videntes, quod nullus aperiret.* In hoc patet id, quod supra dicebatur, scilicet quod ista porta erat talis, quæ posset claudi per partem interiorem sine clauē, & non aperiretur per partem exteriorem sine clauē. Posset etiam per partem exteriorem claudi sine clauē, sed ad aperiendum per partem exteriorem requirebatur clauis. Unde putabant, quod rex clausisset per partem interiorem: & ob hoc expectabant quod ipse veniret ad aperiendum ne contristarent eum in vacatione sua. Cum autem viderunt quod nullus aperiebat, sine rex, nec Aod, ipsi aperuerunt. Ex hoc patet aliquo modo quod ipsi putabant Aod intus manere, alioquin non diceretur, videntes quod nullus aperiret, sed videntes quod rex non aperiret, quia nullus relictus fuerat cum rege nisi Aod, & sic putabant eum intus manere, quia non viderunt exeuntem. *Tulerunt clauem.* quia ipsi habebant clauem, qua aperire possent per partem exteriorem quamquam clauderetur per interiorem, vel ab extra. *Et aperientes inuenerunt dominum suum iacentem in terra mortuum.* Nam illico ut percussit eum Aod, corruit mortuus, quia percussio fuit dura: & sic cum introierunt isti serui regis diu erat, quod mortuus fuisset,

*An Aod occidendo per insidias regem Eglon stante tregua, & pace peccauerit. Et an tregua de iure naturali sint obseruandæ.*  
*Quæst. XXVI.*

**Q**VAERET aliquis, an Aod peccauit occidendo regem Eglon. Aliquis respondebit quod non, quia Deus iussit occidi omnes Chananæos, ut patet Deuteronomij vigesimo: scilicet quod omnes perirent in ore gladij, & sic erat de Eglon, qui opprimebat Israelitas: ideo potuit licite occidere eum Aod. In contrarium videtur, quia illicitum est statuta pace, quod aliquis occidatur, sed inter Israelitas & Eglon erat pax; quia seruiebant Israelitæ regi Eglon: ergo occidendo eum peccabant. Item Aod occidit Eglon per insidias, & fraudem magnam, dicendo quod haberet verbum secretum ad eum, & talis occisio semper est illicita, ergo peccauit. Respondendum est, quod non peccauit Aod, sed potius meruit occidendo regem Eglon, quia abstulit



stulit hostem Hebræorum, & ipse ponitur in catalogo virorum bonorum. Item quia dicitur, quod Deus suscitauit eum ad liberandum Israel, vt patet supra, ipse tamen nullam aliam liberationem fecit nisi istam: ergo Deus mouit eum ad hanc, & sic non peccauit in illa. Item Deus dedit virtutem Aod ad faciendum omnia hæc, & reuelauit ei, quod faceret, vt infra declarabitur, ergo non peccauit faciendo. Cum autem obiicitur, quod non potuit eum iuste occidere, quia erat pax inter Israel, & regem Eglon: Responderi potest vno modo, quod de lege communi illicitum erat, quod Aod occideret Eglon: nam quicumque hominum sit, postquam cum eo pax posita fuerit, seruanda est, & hanc non seruauit Aod. Sed dicendum, quod cum Deus reuelauerit ei, quod hoc faceret, erat actus licitus: quia præceptum Dei efficit quemcunque actum licitum. Sed adhuc dicet aliquis, quod præter diuinam reualationem fieret iste actus licitus, quia Israelitæ non poterant componere aliqua fœdera cum Chananæis vetante domino, ideo si aliqua interdum componerent de facto non tenerent, quia ea, quæ contra ius diuinum fiunt nullius efficaciam sunt, & potest quis contrauenire propria auctoritate, imò debet: velut si quis iurasset non colere Deum, vel non seruare præcepta, iuramentum est nullius vinculi, & debet propria auctoritate contrauenire. Fœdera autem huiusmodi erant nulla, quia contra legem Dei interposita: ergo poterant propria auctoritate contrauenire Israelitæ: & sic non peccarent. Sed dicendum quod ista solutio non stat propter duo. Primò, quia rex Eglon non erat Chananæus, sed Moabita, vt patet in littera, prohibitio autem stat de Chananæis, scilicet quod nullo modo componeretur fœdus cum eis, sed occiderentur in ore gladij, Deuteronomij vigesimo: cum Moabitis autem, & ceteris gentibus bene poterant componi fœdera de pace, & si componerentur, seruanda erant. Secundò non tenet, quia dato, quod cum Chananæis non deberent iniungi fœdera, & Iudæi peccarent iniungendo ea: tamen seruari debebant ne deciperentur gentes: nam putarent Chananæi, quod fœdera inita inter eos & Iudæos tenerent, sicut inter reliquas gentes, & ob hoc non se obseruarent ab eis. Quod autem non seruarent ea Iudæi, quia Deus vetuerat, & possent in pace percutere Chananæos, tanquam nullo fœdere interposito, erat penitus contra ius naturale: ideo licet non tenerent fœdera ex parte Iudæorum, tenebant tamen in fauorem Chananæorum, ne notabiliter deciperentur, vel saltem si Iudæi vellent non tenere fœdera, debebant denunciare Chananæis, quod illa fœdera interposita non tenerant, quia erant contra legem Dei sui: ideo quod deinceps cauerent tanquam nullo fœdere interposito, & tunc licitum erat Iudæis pugnare de cætero contra Chananæos. Eglon igitur dato, quod fuisset Chananæus, non potuisset ex hac parte iuste occidi ab Aod quousque denunciaretur ei non tenere fœdera. Ad secundum cum dicitur, quod occidit eum per insidias, dicendum eodem modo, quod de lege communi hoc non licuisset: licuit tamen Aod ex mandato Dei, & reuelatione. Aliter autem potest responderi ad ista duo argumenta, scilicet quod de lege communi poterat Aod occidere Eglon, nec peccauit quidquam, quia Eglon erat hostis Israelitarum, Aod verò erat princeps Israel, ideo licebat ei occidere hostem. Cum autem dicitur, quod egit contra pacem interpositam, negandum est hoc: nam non erant fœdera inter Moabitas & Israel: quia fœdera sunt inter eos, qui sunt quasi æquales, & vnus non dominatur alteri: Moabitarum tamen premebant Israelitas, & exigebant ab eis tributum, ideo non

Alph. Tost. super lib. Iudicum

A erant fœdera inter eos. Nec mouere debet quemquam, quod maneret securè rex Eglon in terra Israel, quia hoc non fiebat propter aliquod fœdus interpositum, sed quia cum non possent Israelitæ resistere ei, manebat in terra eorum eis inuitis, non tamē petita, nec impetrata pace: & ob hoc ne quid mali Iudæi tentare vellent, habebat secum rex Eglon decem millia Moabitarum, vt patet infra in littera. Eglon igitur potuit occidi ab Aod, vel a quolibet Israelita impunè. Ad secundum quando dicitur, quod per insidias occidit eum. Respondendum, quod occisio per insidias, vel palam habet locum inter illos, qui tenentur mutuo aliquo vinculo pacis, & nullus cauet sibi ab alio nisi dictum fuerit ei: inter hostes autem non habet locum ista distinctio occidendi, quia quocumque modo quis hostem suum occidat, qui publicè est hostis, dum tamen non interuenerint aliqua fœdera, licet eum occidit, nec dicitur eum per insidias occidere, quia quilibet se tenetur custodire a publico hoste, sed inter Eglon & Israelitas nullum erat interpositum fœdus, vt dictum est: ideo potuit licet Aod occidere Eglon. Si autem obiicias, quod si non fuisset aliquod fœdus inter Eglon & Israelitas, non permisisset Eglon accedere ad se Aod solitarie loquentem. Respondendum, quod non fecit hoc propter aliquod fœdus interpositum, sed quia putauit, quod non auderet aliquid agere Aod timore seruorum Eglon: nam etiam si fœdus fuisset interpositum non agebat cautè Eglon permitiendo ad se accedere Aod, sed non considerauit, quia excæcauit eum Dominus, vt traderet illum in manus Aod.

An Deus reuelarit Aod, quod occideret Eglon, vel iussit ei.  
Quæst. XXVII.

Q VAE RET VR vltius, an Deus reuelauit Aod quod occideret Eglon, vel iussit ei. Respondendum, quod non apparet ex littera, an iussit vel reuelauerit. Credendum tamen est omnino, quod reuelauerit: nam alioquin non ausus fuisset Aod tanta aggredi, scilicet quod vellent occidere solus hominem habentem decem millia virorum secum, & quod posset euadere. Etiam quomodo poterat existimare Aod, quod rex Eglon vellent loqui cum illo in secreto abeuntibus omnibus: nam istud est contra consuetudinem regum, quibus nemo loqui potest nisi presentibus aliis, præsertim quando est alienigena, & suspectus. Potius ergo credere debuisset Aod quod nunquam posset habere oportunitatem ad loquendum sic Eglon. Item dato quod crederet hoc fore possibile, quomodo credidit, quod posset euadere: nam omnino erat verisimile, quod dato, quod Eglon permetteret secum loqui secretè Aod, quod manerent famuli regis ad portam custodientes quid fieret, & sic quando egrederetur Aod ingrederetur illico serui regis, ne ipse solus maneret: & videntes eum mortuum tenerent Aod, & occiderent: ipse tamen obtulit se oibus his. Verisimile ergo est, quod Deus reuelauisset ei, quod subiret hoc, & quod ipse dirigeret actum eius. Item patet, quia sicut existimauit: ita oia euenerunt, licet essent contra consuetudinem communem: nam mox vt voluit loqui secretè cum rege, ille imperauit ceteris silentium, & quod inde recederent. Etiam cum petiuisset Aod ab Eglon, quod descenderet de throno, quia habebat verbum Domini ad eum, confestim descendit: & tamen mirum est, quia reges etiam nimis deuoti non solent tantam reueren-

E 2 uiam



tiam exhibere verbo Dei quātam iste Gentilis exhibuit: ex quo apparet, q̄ Deus eum inuitum trahebat. Item quando exiret rege interfecto Aod erat magnū periculum, quia serui regis deberent stare ad portam: & tamen tunc nullus stetit, quia omnes recesserant, ita quod tantam rem nemine sciente fecit. Dicendū igitur manifeste, quod nullo modo iste facere potuisset talia, nisi Deus eum specialiter direxisset: & dato quod ipsum dirigeret, ipse non ausus fuisset talia facere, vel aggredi saltem nisi Deusei reuelasset de possibilitate, & de modo. *Aod autem.* Hic potest esse quartum huius partis, scilicet hostium debellatio. Nam mortuo Eglon faciliter omnes viri sui occisi sunt. *Aod autem dum illi turbarentur effugit.* Non est sensus, quod fugeret dum illi turbabantur, scilicet quod dum erant turbati de morte insperata Eglon recesserit Aod, sed prius fugerat nescientibus Moabitibus. Dicitur tamen dum illi turbarentur, scilicet quod dum illi erant turbati, habuit locum Aod integre fugiendi: quia cum vidissent tam graue, & tam insperatum malum, diu turbati subsisterunt: ita quod non venit eis in mentem persequi Aod: cum autem redierunt in seipsos, iam fugerat longe Aod. *Et pertransiit locum idolorum.* Scilicet Galgalam ubi erant idola Eglō: vel ubi de lapidicina lapides cedebantur ad fabricandum idola. Sed primum verius est. *Vnde reuersus fuerat.* Id est ab illo loco reuersus fuerat ad occidendum Eglon. Ierat namque primò Aod cum multis alijs Israelitis ad ferendum munera regi, & expeditus ab eo redijt cum socijs suis, venitque vique ad locum idolorum, & ibi dimittens eos vt recederent reuersus est ad Eglon, & occidit eum. *Venitque in Seirath.* Iste locus est in sorte Ephraim, & erat prope qua fors Ephraim loco in quo occisus est Eglon: nam apud Galgalam sunt confina sortis Benjamin, & Ephraim, locus tamen idolorum erat Galgala. *Et statim insonuit buccina in monte Ephraim.* Mons Ephraim vocat tota fors Ephraim: vnde in oībus locis ubi agit de aliquo loco sortis Ephraim dicitur, quod est in monte Ephraim. Patet Iosue ca. decimo septimo, & vigesimo, & vigesimo primo, patet etiam supra primo, & primo Regum primo, & multis locis. Insonuit autem buccina ad conuocandum viros belatores ad pugnandum contra Moabitas, & insonuit immediate vt occidit Eglon; quia Moabitae videntes regem mortuum timerent tanquam non habentes ducem: putarent etiam quod Israelitae qui hoc aggressi fuerant aliud maius malum disposuissent facere, ideo non auderent expectare, sed fugerent in terrā suam: ad hoc autem Aod preoccupauit clāgere buccina, vt congregarentur cito viri bellatores, & occuparent vada Iordanis ne fugerent Moabitae.

*An Aod Israelitis reuelarit antequam faceret, quod volebat occidere Eglon.*  
Quest. XXVIII.

**Q**VAERET aliquis, an Aod reuelauerit Israelitis antequam faceret, quod volebat occidere Eglon. Respondendum quod non patet ex litera. Dicendum tamen quod non reuelauit eis, quia ex hoc poterat periclitari ipse Aod, & etiam alij Israelitae: nam forte aliquis esset inter Israelitas proditor, sicut semper sunt aliqui in magnis communitatibus: & ille vt magna bona impetraret a rege Eglon reuelaret ei, vel seruis suis quid facere vellet Aod: & tunc caperetur Aod & occideretur: reliqui autem Israelitae tanquam conscij huius criminis premerentur nimis supra solitum, ideo vt euitaret hęc tacuit: & ob

**F** hoc etiam noluit quod quando ipse occideret Eglon manerent & cōfij sui in vrbe palmarum, in qua erat Eglon, sed venit cum eis vsque ad locum idolorum, & inde redijt ad occidendum regem. Item patet hoc, quia si Aod nunciasset hoc Israelitis, ipsi congregati essent antequam Aod rediret de occisione, & non oporteret quod clangeret buccina ad congregandū exercitum. *Descenderuntque cum eo filij Israel.* Non omnes Israelite, sed illi, qui congregari cito potuerunt de monte Ephraim: nam licet magnam multitudinem potuisset congregare Aod, quia tamen interim Moabitae fugientes transirent vada Iordanis, accepit quos potuit viros belli, & preoccupauit vada Iordanis, dum non transiisset aliquis Israelita. *Ipsa*

**G** *in fronte gradiente.* Ipse erat dux, ideo gradiebatur in fronte, id est in principio exercitus ad dirigendum, & animandum ceteros, vt nemo recusaret accedere quādo ipse iret. *Qui dixit ad eos: sequimini me.* In hoc reddebat eos attentos ad agendum quod ipse ageretur: & ob hoc ipse praebat in fronte exercitus, quia volebat, quod ceteri sequerentur eum. *Tradidit Dominus*

**H** *inimicos vestros Moabitas in manus vestras.* In hoc cōfortabat eos, & hortabatur ad bellum, scilicet: si vultis pugnare, inimici vestri Moabitae in manu vestra sunt, scilicet quia non permittetis eis transire Iordanem: & hoc fecit dominus, scilicet qui dedit vobis istam opportunitatē, vt sic possitis eos occidere. *Descenderuntque post eum.* Scilicet quia ipse gradiebatur in fronte exercitus. *Et occupauerunt vada Iordanis.* Ista fuit opportunitas Iudaeis ad occidendum Moabitas. Nam erat rex Eglon in vrbe palmarum siue in Iericho, & cum eo viri sui: ista autem ciuitas non multum distat a Iordane. Cum autem vidissent Moabitae mortuum regē, scientes se non posse resistere Israelitis, deliberauerunt fugere in terram suam Moab, quae coniuncta est Iordanis ab Orientali parte. Iordanis vero est fluuius magnus, qui raro transiudari potest. Pontes etiam non habet: in quodam tamen loco erant vada, per quae ibatur in terra Moab: & cum non essent nisi in illo loco, occupauerunt ea Israelitae, & tenebant clausos Moabitas: cumque aliquis ad transeundum veniret occidebant eum. *Qui transmittunt in Moab.* Licet Iordanis alibi vada habeat, non tamen habet aibi vada, per quae eatur in terram Moab nisi illa, ideo Israelitae in illo loco solum expectabant Moabitas certi, quod illuc venturi essent. *Et non permiserunt transire quemquā.* Scilicet, quia Israelitae erant multi apud vada, Moabitae autem desiderio euadendi disperierant, & quilibet fugiebat qua poterat: vnde omnes facilliter capiebantur. *Sed percusserunt Moabitas in tempore illo.* Siue ad vada Iordanis siue alijs bellis, si qua postea gesta sunt. *Circiter decem millia.* Tot secum habebat rex Eglon, quia erat rex potentissimus, & erat nunc in terra hostium: ideo ne quid auderent in ipsum committere, tenebat secum magnum, & robustum exercitum. *Omnes robustos, & viros fortes.* Id est omnes isti

**K** viri decem millia erant robusti, quia cum Eglon veniret in terram hostilem, in qua paratus esse debebat ad bellum, debebat secum habere viros ad bellum aptos: vnde elegerat fortissimos viros in tota terra Moab. In Hebraeo habetur. *Omnes pingues, & viros fortes.* Et ponitur hic eadem dictio ubi nos ponimus robustos, quae ponitur supra, cum dicitur: de Eglon, quod erat crassus nimis, scilicet lamem, quod significat pinguedinem. litera tamen nostra posuit robustos, quia secundum modum Hebraicum viri magnarum virium vocantur pingues: consuetudo autem latini hoc non suscipit, ideo transtulit sensum ex sensu, & nō verbum ex verbo. Nullus eorum euadere potuit. scilicet quia non habebant transitum nisi per vada Iordanis.



& illa occupauerant Israelitę antequam quisquam de Moabitis transiret, ideo omnes interfecerunt. *Humiliatusq; est Moab die illo sub manu Israel.* Idest non ausus fuit amplius se erigere contra Israel, sicut prius. Non tamen est intelligendum, quod Israelitę oppreserint Moabitas sicut ipsi oppresserant Israelitas: nam Israelitę nō transierunt in terram Moab ad subiiciendum illam sibi, & ponendo sub tributo.

*An peccauerint Israelitę pugnando contra Moab.*  
*Quest. XXIX.*

**Q**VAERET aliquis, an peccauerint Israelitę pugnando contra Moab. Aliquis dicit quod sic, quia Deus dixit Deuter. 2. quod non mouerentur nec pugnarent contra Moab, & Ammon. Respondendum quod non peccauerunt Israelitę, quia ex parte Dei ibant ad pugnandum, & Deus dabat eis istam victoriam, sicut dixit Aod, scilicet tradidit dominus inimicos nostros Moabitas in manus nostras. Deus tamen non induceret eos ad pugnandum, nec diceret hoc Aod, si peccarent pugnando, ergo non peccauerunt. Ad rationem in contrarium dicendū, quod illud pręceptum fuit temporale, ideo non obligauit ad semper; quod patet, quia in eodem capitulo dicitur: Tu transibis hodie terminos Moab vrbem nomine Ar, & accedes in vicinia filiorum Ammon, caue ne pugnes contra eos, nec mouearis ad pręlium, & sic solum vetatur ibi pugna pro illo tempore, quo transibant Israelitę per terminos Moab, & Ammon, & non pro sequenti tempore: vnde licet pugnare poterant, si aliqua causa rationabilis suboriretur. Item prohibitio pugne non fuit ibi directę ad tollendum pugnam, sed vt Israelitę non caperent aliquam partem terre Moab, vel Ammon: nam subditur in eadem auctoritate. Non enim dabo tibi de terra filiorum Ammon, quia filijs Loth dedi eam in possessione, quasi dicat: non pugnes contra eos ad enpiendum terram de manu eorum, quia nihil dabo tibi de terra eorum. Et sic est dicendum, quod nunquam licuit Israelitis, saltem pro tunc, accipere terram Moabitarum, & Ammonitarum, vel aliquam partem eius in possessionem, etiam si pugnarent ex causa legitima: licebat tamen interdum pugnare: & sic David multoties pugnavit contra Moabitas, & Ammonitas. De Moabitis patet secundum Regū octauo. De Ammonitis patet 2. Regum vigesimo capitulo. Saul quoque pugnavit contra Ammon, & Moab, vt patet primo Regū vndecimo, & decimo quarto capitulo. Item illud pręceptū intelligitur quantum ad hoc, quod Israelitę non mouerent bella contra Moabitas, & Ammonitas: si tamen Moabitę, & Ammonitę pugnaret contra Israel, nulla ratio esse poterat, quę tolleretur Israelitis istam defensionem, & pugnandi ius ad repetendum, & resarciendum iniurias, & damna inflictā.

*An Israelitis nunc contra Moabitas, & Ammonitis liceret pugnare.*

*Quest. XXX.*

**Q**VAERETVR vltius, dato quod liceret Israelitis insurgente causa pugnare contra Moabitas, & Ammonitas, an nunc liceret pugnare. Aliquis respondet quod non, quia oportebat, quod Moabites inferrent aliquam iniuriam, vel damnum Israelitis, propter quod ipsi possent iuste moueri: nunc autē non erat sic, quia erat pax inter Moabitas, & Israelitas. Alph. Tost. super lib. Iudicum

**A**tas, cum manerent Moabitę in terra Israel, & ipsi Israelitę ruperunt pacis foedera armando bellum contra Moabitas: ergo peccauerunt. In contrarium dicendum, quod habuerunt Israelitę iustam causam pugnandi: nam Moabitę mouerant a principio iniusta bella contra eos, & interfecerant multos de eis, & rapuerant bona ipsorum, subiecerantque eos in seruitutem annis decem & octo, & tributa graua imponebant super eos. Pro his omnibus poterant Israelitę pugnare contra Moabitas vsq; ad plenam satisfactionem pro iniurijs, & damnis: nec oportebat quod adhuc Israelitę indicerent bellum cum solennitate ipsis Moabitibus ad hoc quod se pararent & postea pugnaret, quia istud requiritur quando nondum cepta est hostilitas inter aliquas gentes: qñ tamen cepit, & continue durat, non oportet indici bellum cum aliqua solennitate. & postquam aliquis semel hostis est, quousque desinat esse hostis, admonitus est vt se custodiat. Sed adhuc subiicitur, quod quāquam ista mala passi fuerant Israelitę a Moabitibus, quia semel fuerat pax interposita, non poterant mouere bellum, quia sic omnia pręterita erant remissa per fędera superuenientia, vel si non erant remissa, saltem dum fędera durabant, nō debebant mouere bellum, ergo peccauerunt. Respondendum quod inter Israelitas & Moabitas nulla erāt fędera, sed Israelitę victi fuerunt a Moabitibus, qui violenter manebant in terra eorum ad premendum eos, & exigendum tributa per 18. annos, & dato quod mille annis mansisset, non causabatur aliquod vinculum pacis, eo quod Israelitę hoc sustinebant, quia illud non poterant elidere. Data igitur eis quacunque opportunitate contra Moabitas, poterant licetę insurgere ad pugnandum siue publice, siue latenter: & sic nunc fecerant, ideo non peccauerunt: ratio autem adducta in contrarium pręsupponit falsum, scilicet quod esset pax inter Israelitas & Moabitas. Et quoniam terra octuaginta annis a pręlijs. Isti octuaginti anni computantur sic, scilicet a morte Othonielis primi iudicis postquam populus manens aliquanto tempore sine iudice, bonus fuit: deinde declinans ad idola oppressus est ab Ammonitis, & Moabitibus annis decem & octo, post quos surrexit Aod: & principatum tenuit vsque ad annum octuagesimū completum, sed forte principatus suus nō fuit 50. annorum, quia reliquum tempus intermedium fuit sine iudice. Post hunc fuit Samgar. Hic ponitur de tertio iudice, qui fuit Samgar, de quo pauci enarrantur. Filius Anad. Non describitur nomen tribus, & familie, de qua erat iste Samgar, sed solum, quod erat filius Anath, & hoc forte, quia Anath erat aliquis vir tam cognitus inter Israelitas, quod illo nominato cognita erat tribus, & familia. Qui percussit de Philistinjs sexcentos viros. Istud fuit opus clarissimum, scilicet quod vnus vir occideret sexcentos in pugna. Nicolaus autē vult, quod iste Samgar non occidit oēs 600. sed aliquos illorū, & induxit aliquos de Israelitis ad sic faciendū: & omnes simul occiderunt sexcentos viros. Sed hoc non multum stat, quia litera expresse dicit: quod ipse occidit sexcentos viros: quod ergo velimus eam distrahere a suo sensu sine necessitate, est valde irrationabile, & sic tolleretur omnis certitudo significationis in scriptura: si autem esset aliqua necessitas, deberet mutari sensus scripturę quantum ad corticem: hoc autem non esset nisi dicamus, quod Samgar non potuit occidere sexcentos viros vomere: sed hoc non stat, sed Samson occidit mille viros habens solum mandibulam asini, vt patet infra decimo quinto: ergo a fortiori posset iste occidere sexcentos. Nec obstat, quod si dicas, quod spiritus domini erat in Samsonē, & dederat ei vires supernaturaliter:

E 3 nam

De Sagar  
tercio Is-  
raelitarū  
iudice.

Nicolai  
opi. de Sagar.



nam nō solum erat Deus in eo, sed etiam de omnibus aliis iudicibus dicitur, quod Deus suscitauit eos in iudices, & quod factus est spiritus domini super illos: ergo his quoque dari vires poterant supernaturaliter, & verisimile est ad tempus eis datas, licet non continue sicut Samsoni, & hoc tenent omnes, vt Iosephus, & historia scolastica: & ad hoc litera expressit illud tanquam speciale opus Dei. *Vomere*. In Hebreo habetur aliud nomen quod significat virgam, qua minantur boues, & vocatur vulgariter aguiada: & pro vomere habetur communiter aliud nomen apud Hebræos vbicunque ponitur, sicut patet primo Regum decimotertio, & Isa. secundo litera tamen nostra posuit vomerem, quia virga qua minantur boues fragilis est, & non poterat esse sufficiens instrumentum ad occidendum tot viros. Dicunt tamen Hebræi, & Nicolaus, qd de illa fecit lanceam, vel vsus est ea tanquam lancea, & occidit multos. *Et ipse quoque defendit Israel*. Id est licet non egerit opera tam grandia, vt aliqui iudices: tamen etiam ipse defendit Israel: nam volentibus Philisthinis introire in terram Israel, iste Sagar restitit eis, & occidit sexcentos, & cessauerunt hac vice Philisthini ab ingressu in terram Israel.

*Quare non computatur tempus, quod fuit sub principatu Samgar tertio iudice.*  
Quæst. XXXI.

**Q**VAERET aliquis quare non computatur tempus, quod fuit sub principatu Samgar, sicut computatur sub aliis iudicibus. Respondendum, quod duplex ratio fuit, prima est paruitas operis: nam licet Samgar quantum ad personam suam plus forte egit, quam iudices præcedentes, & quam quilibet de sequentibus præter Samsonem: tamen quantum ad populum fuit paruum opus, quia nō liberauit populum de magna afflictione sicut quilibet illorum factus est iudex, scilicet ante Othoniel sex annis: & ante Aod annis 18. & isti fecerunt magna bella contra reges, & populos, & liberauerunt Israel de seruitute: cum verò surrexit Samgar non erat populus Israel de seruitute sub aliquo populo: sed Philisthini tunc volebant opprimere eos: & Samgar exiens illis obuiam compescuit illos occidens sexcentos, sed ista non est causa potissima: nam alij iudices minus fecerunt quam Samgar ad vtilitatem populi, scilicet quia nihil boni egisse leguntur, sicut Thola Iair infra decimo, & Abesān, Chialon, Abdon infra duodecimo. Nam de nullo horum legitur, quod fecerit aliquod bellum. Secunda causa, & præcipua fuit paucitas temporis: nam fertur, quod Samgar eodem anno, quo mortuus est Aod surrexit, & eodem mortuus est, vt ait historia scolastica, & tenent istud historiographi: vnde tempus suum computatur cum tempore Aod. Quod patet, quia mala facta post mortem Samgar dicuntur facta post mortem Aod, vt patet sequenti capitulo. scilicet addiderunt filij Israel facere malum post mortem Aod, & cum illud malum quod ibi fecerunt, & captiuitas, vel seruitus, quā sustinuerunt pro malo illo sub rege Iabin computatur sub quadraginta annis Barac, & Debboræ, tantum inter Aod & Debboram non fuerit aliquis iudex. Et sic de vno anno non fit mentio. Alij autem iudices, qui rexerunt septem, vel octo, aut decem annis, quamquam nihil fecisse legantur, habent computationem temporis per se in scriptura, sicut Thola Iair, Abdon, Abesān, Chialon: quia maiori tempore rexerunt, vt patet infra decimo, & duodecimo.

*Quare de Samgar non dicitur, quod suscitauit eis dominus saluatorem nomine Samgar.*  
Quæst. XXXII.

**Q**VAERETVR vterius, quare de Samgar non dicitur, quod suscitauit eis dominus saluatorem nomine Samgar: sicut dicitur de aliis, suscitauit eis saluatorem nomine Othoniel, vel Aod. Respondendum, quod fuit propter duo. Primo quia spiritus domini significat aliquid magnum, & nunquam dicitur de aliquo, quod mouetur a spiritu Dei, nisi egerit aliquid valde magnum. Samgar autem non fecit aliquid magnum in Israel, quia non triumphauit in magnis bellis sicut alij iudices, ideo non dicitur, quod suscitauerit eum Deus. Patet hoc, quia alij iudices liberabant penitus terram tempore suo de manu hostium. Samgar tamen licet egerit stragem illam Philisthinis non liberauit penitus Israel de manu hostium, sed habitabant Israelitæ cum timore, vt patet infra quinto capitulo in diebus Samgar filij Anath, & in diebus Iahel quieuerunt semite, & qui ingrediebantur per eas ambulauerunt per calles deuios, cessauerunt fortes in Israel, & quieuerunt, donec surgeret Debbora, surgeret mater in Israel: quasi dicat, tempore Samgar Israelitæ nō audebāt ambulare publice per terram, etiam si essent viri fortes: sed ambulabant per calles deuios, & incognitos: & hoc durauit vsque ad Debboram, cuius tempore fuit facta plena liberatio. Secunda ratio huius est, & præcipua, quia Deus dicebatur suscitare aliquem saluatorem quando Israelitæ premebantur ab hostibus & clamabant, & ad clamorem eorum Deus suscitabat aliquem, qui liberaret eos, sicut patet supra de Othoniele, & Aod. De Samgar autem non fuit sic, quia non erat Israel clamans ad dominum quando surrexit Samgar, sed Philisthini veniebant super terram Israel, & Samgar obuius illis percussit sexcentos. hoc etiam patet, quia dicitur hic in litera, & ipse defendit Israel: de aliis autem iudicibus dicitur, quod liberauerunt Israel. Differentia autem horum est, quia defendere est resistere alicui inuadenti. Liberare, vel saluare est tollere aliquem, qui premebatur de potestate opprimendis. Sic Samgar restitit Philisthinis venientibus, ne introirent, & non repulit vel exclusit aliquos iam dominantes. Othoniel autem, & Aod expulerunt hostes iam dominantes in terra. Per hoc etiam probatur, quod non fuerint magna opera Samgar: quia non dicitur de illo, quod liberauit Israel, sed qd defendit, non quidem ab omnibus, sed a Philisthinis solum: manebant tamen adhuc Israelitæ in timore vsque ad tempus Debboræ, vt patet infra quinto.

*Quare non dictum est terram quieuisse tanto, vel tanto tempore sub Samgar.*  
Quæst. XXXIII.

**Q**VAERETVR vterius, quare non non dictum est de tempore: quieuit terra tanto, vel tanto tempore, sicut de aliis iudicibus dicitur, vt patet supra in litera de Othoniele, & Aod, & infra quinto de Debbora, & infra octauo de Gedeone. Respondendum, quod causa fuit duplex: vna est, quia terra dicitur quieuisse toto illo tempore, quod computatur sub illo iudice, vt si computantur anni 40. dicitur quieuisse annis quadraginta, sed sub Samgar non computatur aliquod tempus, quia paucum fuit, sed colligitur tempus eius sub Aod, vt supra dictum est, vel



vel sub Debbora, vt quidam volunt: ego non potest dici quod quiescit terra sub eo. Secunda causa est, quia terra dicitur quiescere, quia penitus liberatur ab hostibus, sub Samgar tamen non fuit penitus liberata, ideo non dicitur quiescere. Patet hoc quia sub Othoniele dicitur quiescere terra, eo quod ipse oppressit Cusan Rasathaim regem Syrię, & liberauit penitus terram Israel de manu Syrorum. Aod quoque humiliavit Moabitas, & expulit eos de terra, & occidit regem eorum, ita quod postea Moabitis nunquam inquietauerunt Israelitas, tempore tamen Samgar non quiescit terra, quia non audebant Israelitę ambulare publicę per terram, vt patet infra quinto cap. scilicet in diebus Samgar filij Anath, & in diebus Iahel cessauerunt semite, & qui ingrediebantur per eas ambulauerunt calles deuios, cessauerunt fortes in Israel, & quiescerunt, scilicet non audentes publicę ambulare, donec surgeret Debbora, surgeret mater in Israel.

*Quare non dicitur tempore Sagar, quod addiderunt filij Israel facere malum coram domino.*  
*Quest. XXXIII.*

**Q**VAERETVR vterius, quare non dicitur tempore Samgar, quod addiderunt filij Israel facere malum coram domino: nam sub aliis iudicibus sic dicitur: sic etiam patet presenti cap. cum dicitur, quod mortuo vno iudice, reuertebantur filij Israel, & faciebant maiora quam fecerant patres eorum, & tunc demum afflicti clamabant, & Deus dabat alium iudicem. Responderi potest dupliciter: vno modo, quod ante tempora Samgar Israelitę non diuerterunt ad idola, hoc modo, scilicet Samgar surrexit eodę anno, quo mortuus est Aod, & nondum declinauerant Israelitę ad idola, ideo non dicitur addiderunt: & hoc consonat cõsentientię historię scholasticę, & aliorum. Aliter potest dici, quod Samgar pauco tempore iudicauit, scilicet vno anno, vel parum plus, & tamen non fuit immediate post Samgar, sed annis aliquot post, & ante eum declinauerant Israelitę ad idolatriam, & Deus tradiderat illos in manus regis Iabin, & tamen, quia non computatur aliquod tempus sub ipso, sed sub Debbora, non fit mentio quasi ipse fuerit iudex, sed quasi non fuerit quisquam inter Aod, & Debboram. Hoc autem colligitur sequenti, ca. cum dicitur: Addiderunt filij Israel facere malum coram domino post mortem Aod: & sic ante Samgar fuit. Sed aliquis adhuc dicit, quod malum quod fecerunt filij Israel post Aod, non fuit ante Sagar, sed post: dicitur tamen post Aod, & non post Sagar, quia non computantur tempora Samgar. Sed hoc non stat, quia infra quinto dicitur: in diebus Samgar filij Anath, & in diebus Iahel cessauerunt semite, & qui ingrediebant per eas ambulauerunt calles deuios donec surgeret Debbora, surgeret mater in Israel: ergo videtur quod tempore Samgar opprimebantur Israelitę ab aliquo, ita vt non auderent ambulare: & illa oppressio fuit ablata tempore Debborę, sed sub Debbora non fuit ablata aliqua oppressio, nisi quam faciebat Iabin rex Asor, ergo tempore Samgar iam premebat Israelitas Iabin. Dicendū ergo necessariō, quod inter Aod & Samgar intercederunt aliqua tempora, & in illis aliquatulum post mortem Aod seruierunt Israelitę domino, quo cito derelicto coluerunt idola, pro quo Deus tradidit illos in manus Iabin regis Asor, & opprimebat eos nimis. Hoc dum fieret accidit, vt Philistini ruerent super Israelitas, quibus exiens obuiam Samgar occidit sexcentos vomere, & defendit Israel quantum ad illos, tamen non potuit aliquid agere contra Iabin regem Asor, & sicut quiescebat tunc semite, scilicet

Alph. Toft. super lib. Iudicum.

**A** pro timore regis Asor, ita quod non audebant Israelitę publicę ambulare de loco ad locum, sed ambulabant calles deuios, vt dicitur infra quinto, & ista est veritas. Non ergo debuit poni hoc, quod addiderunt filij Israel facere malum coram domino, quia sequenti cap. ponitur malum quod fecerant ante Samgar. Causa autem quare non ponitur illud antequam dicatur de Samgar, est quia Samgar non liberauit Israelitas a malo, quod incurrerunt propter malum quod fecerunt post Aod: nam illud fuit seruitus sub rege Iabin, a qualiberauit Debbora, & Barac Israelitas, vt patet sequenti capi.

*Chronica euentuum temporalium sub Othoniel, & Aod iudicibus. Quest. XXXV.*

**C**HRONICA euentuum temporalium sub his duobus iudicibus Othoniel, & Aod hæc fuit. Othoniel, iudicauit quadraginta annis quamquam non incipiant sub eo, sed ab introitu Israelitarum in terram Chanaan, & finiuntur in morte eius. Ccepit tamen principatus suus anno 66. ab exitu de Aegypto, scilicet computado 26. annos priores sub Iosue, vt ait Iosephus 5. antiquitatum, & fuit hoc anno 572. ætatis tertię, quę cepit ab Abraham: anno autem mundi, vt volunt, bis millesimo quingentesimo vicesimo secundo: & hoc secundum computationem, quā tenet litera Biblię Hebręcę circa etatem primam seculi, in qua ponit annos 1654. & tamē secundum Bibliā 70. interpretum, & vt ait Aug. 14. De ciuitate Dei, fuerunt anni bis mille ducenti quinquaginta duo. Et sic supersunt anni quasi 600. & secundum hanc computationem esset tunc annus mundi quasi tertius millesimus demptis 60. Huius inquam tempore regnauit Athenis quartus rex Erichthonius, cui supererant adhuc 4. anni pro tempore Aod, vt declaratum est precedenti cap. & mortuus est 4. anno Aod, cui successit quintus rex Atheniensis nomine Pandion, qui regnauit annis 40. & mortuus est iudicante adhuc Aod anno suo quadagesimo quarto, iste Pandion habuit duas filias, scilicet Prognę, & Philomenam, de quibus precedenti capiti. prosecuti sumus. Post Pandionem cepit Athenis regnare sextus rex nomine Erichthonius, qui fuit secundus Erichthonius, rexitque quinquaginta annis: mortuusque est post mortem Aod annis 14. Quod pater, quia vt supra dictum fuit nunc anno 44. Aod mortuus est Pandion; ideo supererant de annis Aod ad complendum 80. annos 36. sed Erichthonius secundus regnauit annis 50. ideo oportet, quod 14. annis post mortem Aod mortuus fuerit: eratque ille annus 14. sub Barac, & Debbora. Hoc tempore, scilicet Othonielis Charinus in Thebis Gręcorum regnauit, ex cuius filia Semele nat⁹ est Dionysius, qui a poetis vocatur Bacchus, vel Liber pater, scilicet quia inuenit vsum vitis in Grecia. De genealogia huius Charini, & infortunis domus suę enarrat Ouidius Metamorphoseos libro tertio per maiorem partem eius. Sub hoc fuit Lynus Thebeus musicus de antiquissimis poetis. Eo tempore Danae fuit, ex qua Perseus genitus est, qui per implunium, aureum genitus dicitur, vt ferunt poete: de quo Terentius in Eunuchis, & Agustinus De ciuitate Dei libro secundo. Iste Perseus pugnavit contra quasdam gentes Asię, quas redactas in ditionem suam, ex nomine suo Persas appellauit tempore Othonielis. Bithinia ciuitas condita est a Phœnice: ista est, in qua beatus Lucas mortuus est. Phœnix quidam literas Phœnicibus tradidit, & ad alendum vermiculum, vt inde literę fiant, vel picturę instruxit. Vnde, & color ille

Pandion  
quint⁹ rex  
Athenien-  
sis Prognę  
& Philo-  
menam fi-  
lias habu-  
it.



# Iudicum

## Cap. III.

Ephira ci-  
uitas.

Phæniceus dictus est, qui postea mutata litera puni-  
ceus dicitur. Ciuitas Ephira, quæ postea Corinthus  
appellata fuit in Græcia tunc à Sisypho condita est.  
Minor filius Europæ regnavit in Creta. De his Vin-  
centius in speculo historiali lib. 3. & historia scholasti-  
ca. Aod iudicauit Israel octuaginta annis, non quod  
toto hoc tēpore iudicauerit, cum includantur hic tē-  
pora sine iudice & 18. anni quibus rex Eglon oppressit  
Israelitas, sed quia in fine istorum annorū Aod mor-  
tuus est, & terminatur istud tempus anno 160. ab exi-  
tu de Aegypto. Quod patet computando 40. annos  
deserti, & totidem Othonielis, & 80. sub Aod. fuit  
autem iste annus ab initio 3. ætatis 665. & ab exordio  
seculi 2613. volunt autem, quod ceperit principatus  
Aod elapsis solum 18. annis de istis 80. & sic fuit prin-  
cipatus suus 62. annorum. Hoc autem est si illi 18. an-  
ni, quibus Israelitæ seruierunt regi Eglon computen-  
tur statim post mortem Othonielis, quia satis est veri-  
simile. Tempore Aod, vt dictum est, regnabat A-  
thenis Erichthonius secundus, vel Erichtheus, vt alij  
noīant, cuius filia fuit Orinthia, q̄ Boreas rex Trassum  
rapuit. De hoc ponitur fabula 6. Metamorphoseos:  
quia Boreas sit ventus, & quod rapuerit Orinthiā per  
aerem: vnde dicitur.

*Orinthiam amans fuluis amplectitur alis.*

Et sic continuat Ouidius istas historias, vt chrono-  
graphi. In diebus Aod Cirene ciuitas famosa in Ly-  
bia condita est, de qua habetur Act. secundo, scilicet.  
Et qui habitant Cirenem, & partes Lybiæ. Tunc tri-  
ptolemus longa naui Eleusim veniens frumenta ibi  
distribuit. De hoc est fabula quod duxerit frumenta  
super serpentes, vt patet per Ouidium quinto meta-  
morphoseos. Et veritas fuit, quod in naui longa por-  
tauit cuius insignia erant duo picti serpentes, sed poe-  
tæ habent locum transformandi. Sic etiam dicitur,  
quod Iuppiter in forma Tauri rapuerit Europam fi-  
liam regis Tyri, & duxerit super mare in dorso, vt pa-  
tet secundo Metamorphoseos, & Seneca in Tragedia  
4. cuius nomen est Hippolytus carmine quod incipit.

*Diu non miti generata ponto.*

Veritas autem fuit, quod rapuit eam, & duxit in  
quadam naui cuius insignia erant Taurus pictus. Sed  
Ouidius aliter ordinat istud de Triptolemo: nam di-  
cit illud accidisse ante regem Pandionem, & historiā  
de Progne, & Philomena. Nam de Triptolemo po-  
nit in fine 5. Metamorphoseos, & de Pandione, & fi-  
liabus ponit ultra medium 6. Hoc tempore ferunt  
fuisse raptā Proserpinā, de qua fabulose loquitur Oui-  
dius 5. Metamorphoseos circa finem: Veritas autem  
fuit quod Orcus rex Molossorum Proserpinā rapuit,  
ad cuius raptum ē conuerso venerant Hercules, The-  
seus, & Pyrihous. Canis autem ingens quidam regis  
Molossorum, qui Cerberus dicebatur, Pirithoum deu-  
orauit, & deuorasset Theseum, nisi eum Hercules li-  
berasset. Ex hoc habuerunt poetæ locum fingendi,  
quod Cerberus erat capis inferni, & ille deuorauit Pi-  
rithoum, eo quod dominus suus rex Molossorum vo-  
cabatur Orcus, qui eandem significationem habet cū  
inferno. Et istud apud multos poetas vulgatur. Hoc  
tempore Frixus, & Helles soror sua insidias nouerçę  
euaferunt in quadam naui, cuius insigne erat aries  
pictus. Helles autem timens fluctus maris in Pelagus  
demersa est, quod ab ea nomen accepit: & vocatur  
hodie Hellespontus, idest pontus, vel mare Helles: &  
est nomen tā maris, quā insule circa finē Europe  
versus Orientem. Ex hoc autem insurrexit fabula  
apud poetas quod Frixus, & Helles super arietē quen-

F dam equor transierunt, & ob hoc rudis vulgus arietē  
inter celi constellationes collocauit, & est primū in-  
ter signa Zodiaci, quamquam aliās communes astro-  
nomi ponant: Eo tempore in Dardania regnabat  
Tros, a quo Troiam urbem conditam, & nominatā  
ferunt: tunc Perseus pugnavit contra Gorgonē, q̄ me-  
retrix erat, & præ nimia pulchritudine, & maleficiis  
aspicientes mētis impotentes reddebat. De hac fabula  
est tres fuisse sorores Gorgonidas, q̄ vno oculo vtebā-  
tur, & aspicientes conuertebant in lapides. De quo  
Ouidius quarto Metamorphoseos. In quo ipse dis-  
cordat a narratione temporis secundum nos, quia præ-  
ponit hoc ad omnia facta, quæ nos preposuimus ex tē-  
pore Moyſi vsque huc. Eo tempore Dionisius, idest  
Baccus, vel Liber in India ciuitatem Nisam cōdidit:  
& eam suo nomine appellauit. De his Vincentius  
in speculo historiali libro tertio, & historia schola-  
stica.

### CAPITVLVM. IIII.



Dideruntque filij Israel facere malum in conspectu Domini post mortē Aod, & tradidit illos Dominus in manu Iabin Regis Chanaā, qui regnavit in A-

for, habuitque Ducem exercitus sui nomi-  
ne Sisaram, ipse autem habitabat in Aro-  
seth gentium. Clamaueruntque filij Israel  
ad Dominum: nongentos enim habebat  
falcatos currus, & per viginti annos vehe-  
menter oppresserat eos. Erat autem Deb-  
bora Prophetes vxor Lapidoth, quæ iudi-  
cabat populum in illo tempore. Et sedebat  
sub palma, quæ nomine illius vocabatur,  
inter Rama, & Bethel in monte Ephraim:  
Ascendebantque ad eam filij Israel in om-  
ne iudicium. Quæ misit, & vocauit Ba-  
rac filium Abinoem de Cedus Nephthali:  
dixitque ad eum: Præcepit tibi Dominus  
Deus Israel, vade, & descende, & duc ex-  
ercitum in montem Tabor, tollesque te-  
cum decem millia pugnatorum de filiis  
Nephthali & de filiis Zabulon: ego autem  
adducam ad te in loco torrentis Cison Si-  
saram principem exercitus Iabin & currus  
eius atque omnem multitudinem, & tra-  
dam eos in manum tua. Dixitque ad eam  
Barach: si venis mecum vadam: si nolue-  
ris venire mecum, non pergam. Quæ dixit  
ad eum: Ibo quidem tecum, sed in hac vi-  
ce victoria non reputabitur tibi: quia in  
manu

Supra 12.  
& 3. & in  
fra 6. 2. Re-  
gum 12.

Perseus rex  
claret, &  
Ardean in  
Italia vr-  
be condit  
dit.

Fesulant  
Thuseis ci-  
uitas con-  
ditur.

De his la-  
re doct. in  
con. super  
Euf.



Sybilla fa-  
mia claret

manu mulieris traderetur Sisara. Surrexit itaque Debora, & perrexit cum Barach in Cedès, Qui accitis Zabulon, & Nephthali, ascendit cum decē milibus pugnatorum, habens Debboram in comitatu suo. Aber autem Cinæus recesserat quondam a cæteris Cineis fratribus suis filiis Obab cognati Moyfi: & tetenderat tabernacula vsq; ad vallem, quæ vocatur Sennim, & erat iuxta Cedès. Nunciatumque est Sisaræ, quod ascendisset Barac filius Abinoem in Montem Tabor, & congregauit nongentos falcatos currus, & omnem exercitum de Aroseth gentium ad Torrentem Cifon.

*Addideruntque.* In præcedentibus posita est Iudæorum tribulatio, secundò hic consequenter describitur tertia, & fuit sub rege Iabin, & diuiditur in tres partes, quia primò ponitur tribulatio: secundò de tribulatione liberatio, ibidem. *Erat autem Debbora.* Tertiò pro liberatione gratiarum actio in toto cap. 5.

*An hac continuum ordinem ad præcedentia habeant.*  
*Quæst. I.*

**Q**VAERET aliquis circa primum an ista, quæ ponuntur hic, fuerint post præcedentia, vel sit ordo mutatus, & an immediatè fuerint, vel interciderit magnum tempus inter vtraque. Respondendum, quæ hæbentur hic, continuum ordinem habent ad præcedentia: nam præcedenti capitulo agitur de temporibus Aod: hic autem subditur de his, quæ facta sunt post Aod, vt patet in principio literæ, scilicet addiderunt filij Israel in conspectu domini facere malū. Est tamen mutatio ordinis ad aliquid, quia in fine præcedentis capituli dictum est de Samgar, & hic in principio dicitur de peccatis, quæ fecerunt Israelitæ post mortem Aod. Prius tamen peccauerunt Israelitæ post Aod, quàm Samgar fuerit iudex, vt declaratum est præcedenti capitulo ad finem. Quantum ad alia autem est continuus ordo, & facta sunt, quæ habentur hic immediatè post ea, quæ habentur præcedenti capitulo: nam paulo post mortem Aod peccauerunt Israelitæ, & tamen peccatum eorum ponitur hic: *Addideruntque filij Israel.* Scilicet super mala, quæ fecerunt tempore præterito addiderunt nunc istud: ista enim conditio erat, quod non quiescerent prauè agere, sed mortuo vno iudice agebant peiora, quàm prius egerant, vt patet supra 2. ca. *Facere malum in conspectu domini.* Scilicet colere idola, quia cætera mala, quasi venialia Deus reputabat in ipsis Iudæis, si in hoc non peccaret. *Post mortem Aod.* Scilicet, quia dum ille viueret non peccauerunt, & quod habebant castigantem, & amonentem: mortuo autem illo ducebantur à mala consuetudine præcedenti cum nullū haberent repugnantem. Aliquis obijciat, quod deberet hic dici, quæ peccauerunt filij Israel post mortem Samgar, quia ille post mortem Aod mortuus est, & de ipso Samgar præcedenti capitulo dicitur. Respondendum, quod non ponitur post mortem Samgar, sed post mortē Aod, quia ista peccata Israelitarum propter quæ traditi sunt in manus Iabin, non fuerunt post mortem Samgar, sed post mortem Aod antequam Samgar esset iudex, vt declaratum est præcedenti capitulo in fine. *Et traditis*

**A** illos dominus in manus Iabin. Ista est tribulatio, scilicet, quia traditi sunt in seruitutem, & erat durior in quantum erant sub seruitute Chananæorum, qui erant hostes acerrimi eorum: erat quippe Iabin Chananæus, cum vocetur rex Chanaan. Traditio autem ista fuit, quia Deus deseruit Israelitas amouendo ab eis adiutorium suum, & tribuendo animositatem, & vires regi Iabin ad præualendum contra Israel. De modo huius declaratum est satis præcedenti capitulo. *Regis Chanaan.* Non est Chanaan aliqua ciuitas specialis, in qua regnaret Iabin: nam ciuitas sua erat Asor, vt patet in litera. Nec accipitur etiam Chanaan pro tota terra Chanaā, quia non erat Iabin rex totius terræ Chanaā, cum maiorem partem eius tenerent nunc Iudæi. Etiam tempore, quo nihil tenebant Iudæi in terra Chanaan non erat Iabin rex totius terræ Chanaan: nam præter eum erant multi reges, cum Iosue, & Israelitæ occiderint 31. de quibus Iosue 12. & manebant adhuc multi alij, scilicet 5. reguli Phylisthinorum, & patet Iosue 13. & præcedenti capitulo, & alij reges Sidoniorum, & Heueorum: sed vocatur rex Chanaan, idest rex terræ illius populi, qui vocatur Chananæus: nam inter septem populos Chananæorum erat vnus, qui specialiter vocabatur Chananæus: & terra huius vocatur specialiter terra Chanaan: hoc patet præcedenti capitulo iuncto Ios. 13. nam cum describerentur gentes derelictæ in terra de stirpe Chananæorum præcedenti capitulo, dicitur, quod reliquit dominus 5. Satrapas Phylisthinorum, & omnem Chananæum, & Heuæum, & Sidonium, & Iosue 13. ponuntur istæ gentes mer derelictæ in terra, & vbi ponitur hic omnem Chananæum, ponitur ibi omnis terra Chanaan, & omnis Chananæus, & tamen manifestum est, quod Chananæus, de quo hic dicitur non cōprehendit omnes septem populos Chananæorum, sed solum est quidam populus specialis de illis, ergo terra Chanaan non erit hic tota terra Chanaā, sed solum terra huius populi Chananæi: & sic rex Iabin, qui vocatur rex Chanaan, non dicitur rex totius terræ Chanaan, sed solum terræ illius populi specialis, qui vocatur Chananæus. Alio modo dici potest, & satis conuenienter, quod Iabin vocatur rex Chanaan, idest totius terræ Chanaan, scilicet omnium septem populorum Chanaan, & non vocatur rex Chanaan tanquam nūc esset rex, vel dominus totius terræ Chanaan, sed quia antiquitus antequam intrarent Israelitæ in terram, erat Iabin rex totius terræ Chanaan. Etiam hoc non est intelligendum quantum ad hoc, quod præter eum nullus rex esset, sed quia ipse dominabatur omnibus regibus terræ Chanaan: sic patet Iosue 11. cum dicitur: Asor enim antiquitus inter omnia regna hæc principatum tenebat, & vocantur omnia regna hæc. scilicet Chanaan, vel quæ hic demonstrata sunt. Item patet eo. c. quia dicitur, quod Iabin rex Asor fecit vocari multos reges, qui omnes ibidem nominantur: & illico conueniunt ad pugnam, & sic præerat illis cum postea dicitur: Asor enim, idest rex ciuitatis Asor tenebat principatū inter omnia hæc regna, sed ibi nominantur reges Iebusæi, Chananæi, Pherezæi, Heuæi, & de omnibus alijs gentibus: ergo Iabin rex Asor erat dominus, vel rex non solum illius populi, qui vocabatur Chananæus, sed etiam totius terræ Chanaan, scilicet omnium septem populorum, & iste est verus sensus literæ.

*An rex Iabin exercitum magnum congregauerit, & contra Iosue pugnauit.* *Quæst. II.*

**Q**VAERET aliquis an iste rex Iabin fuerit, de quo dicitur Ios. 11. quod congregauit magnum exercitum, & pugnauit contra Iosue. Aliquis dicet, quod sic, quia ille vocatur ibi Iabin rex Asor, & iste etiam vocatur

Quomodo Iabin erat rex Chanaan.



vocatur hic rex Afor. Item iste Iabin vocatur hic rex terræ Chanaan, & Ios. 11. idem videtur, cum dicitur: quod Afor antiquitus inter omnia regna illa. f. Chanaanorum principatum tenebat: ergo idem Iabin est. Respondendum est, quod eadem ciuitas Afor est, de qua dicitur hic, & Ios. 11. & tamen iste Iabin, & ille, de quo ibi non est idem: quod patet, quia ab illo tempore vsque nunc non poterat superuiuere, quia illud bellum fuit in principio introitus Israelitarum in terram Chanaan, scilicet primo anno, vel in principio secundi, & tamen ab illo tempore vsque huc transierant anni ferè ceterum quadraginta: nam anni quadraginta Othnielis computantur ab introitu in terram Chanaan, de quibus tollamus vnum annum si voluerimus, deinde addamus octuaginta annos Aod præcedenti capitulo, deinde ponamus annos viginti, quibus oppresserat Iabin Israelitas, quando pugnavit contra Sisaram magistrum militiæ eius Barac, vt patet in litera: & tamen quando ipse fecit bellum contra Iosue, vt patet Ios. 11. esset annorum viginti, vel triginta, quia faciebat bella, & congregabat reges: ergo si addantur his peruenient anni ad centum septuaginta annos, vel quali: sed nulli hominum illo tempore hoc datum est, ideo non erat iste idem Iabin cum illo. Item efficacius patet hoc, quia ille rex Iabin occisus fuit à Iosue: ergo iste erat alius Iabin. Quod patet Iosue 11. cum dicitur: Reuersus cœpit Afor, & regem eius percussit gladio: Iabin tamen erat ibi rex Afor, ergo ille mortuus fuit. Item, quia dicitur ibidem, quod ciuitas Afor combusta est, & omnes, qui de illa erant, nec mansit quisquam: ergo etiam rex Iabin periit. Sed dicendum est, quod iste rex Afor nunc vocabatur Iabin, sicut alius, quia fortè sic eum vocari accidit, vel quia omnes reges Afor sic vocabantur, sicut quodam tempore omnes reges Aegypti Ptolomæi dicebantur, & omnes reges Romanorū Cæsares Augusti, & reges Iudæorum Herodes, & reges Philistinorum Abimelec, & reges Aegypti alio tempore Pharaones, sic & reges Afor vocabant Iabin. Qui regnavit in Afor. Non solum regnavit in Afor, sed etiam in magna alia terra: sed vocatur ab ista ciuitate, quia ista erat caput regni sui: sic patet Iosue 11. scilicet, Afor enim antiquitus inter omnia regna hæc principatum tenebat. Alij putant, quod vocatur rex Afor, quia ibi morabatur semper. Sed falsum est, quia nunc Iabin morabatur in Aroseth gentium, vt infra patet in litera.

Determinat. quæst.

Quomodo potuit Iabin regnare in Afor.  
Quæst. III.

**Q**VAERET aliquis, quomodo potuit Iabin regnare in Afor, quia illa iam combusta erat: nam Israelitæ combusserunt eam, & diruerunt, vt patet Iosue 11. Respondendum est, quod Afor erat princeps communium ciuitatum, & regnorum terræ Chanaân, & rex huius vrbs dominabatur toti terræ Chanaân, ideo Chananæi, vt non perderent istum principatum, construxerunt instaurantes Afor, quæ exusta fuerat, & nunc dominabantur in ea reges. Sed adhuc obijcietur, quia non solum combusta est, sed etiam Israelitæ tenebant eam: nam cœperunt illam de manu Chananæorum, vt patet Iosue 11. Aliquis respondebit, quod Afor fuit in potestate Israelitarum, sed postea Chananæi pugnantes cœperunt eam de manu Israel, sicut factum est de multis alijs vrbus, quas tenebant Iudæi, vt ait Ios. 5. antiquitatum. Nam cœperunt eas Chananæi, sicut Gazam, & Ascalonem cœperunt de sorte Iudæ: & postea filij Iudæ recuperauerunt istas vrbes: sic etiam fuit de filiis Dan, quos arētauerunt Ammorithæi in monte Hares, & non dederunt locū manendi

**F** in vallibus, accipiendo omnia loca eorum, quæ tenebant in vallibus: de quo supra primo. Sed dicendum, quod hoc non stat, quia Israelitæ non tenebant occupatam urbem Afor, ita vt habitarent in ea, sed combusserunt eam, & diruerunt, ideo non poterant de manu Israelitarum accipere eam Chananæi, cum illi non possiderent eam. Sed dicendum, quod Israelitæ exusserunt ciuitatem istam, & non habitabant in ea. Chananæi autem postea desiderio ciuitatis illius ducti instaurauerunt eam, quod non potuerunt prohibere Israelitæ, & habitauerunt ibi, sicut prius, fueruntque reges habentes principatum, quem tenebant prius. Causa autem quare Chananæi voluerunt potius urbem istam exustam reparare, quam ceteras cum multæ alię exuste essent, fuit desiderium principatus illius prioris, quæ ista ciuitas antiquitus tenebat inter omnia regna terræ Chanaân. Causa autem quare Israelitæ combusserunt eam, fuit quia ipsi tempore Iosue cœperunt multas vrbes, vt patet Iosue 11. & non poterant replere illas, & vt Chananæi non venirent ad accipiendum eas rursus, & esset iterum Israelitis pugna, sicut à principio, combusserunt eas, & diruerunt, nè possent habere recursum ad illas Chananæi. Et istud fuit de vrbus, quæ erant in platia: nam hæc combusserunt: vrbes verò manentes in collibus, & montibus non combusserunt: & hoc erat, quia vrbes, quæ erant in plano quamquam occuparentur ab Israelitis, non posset defendi, & caperentur rursus à Chananæis manentibus, sicut prius. Vrbes autem, quæ erant in collibus poterant faciliter defendi: ideo illas nō combusserunt excepta vnica, scilicet Afor, quæ erat super colles, & in loco forti tamen combusta est, vt patet Iosue 11. Ratio specialis fuit, quia Chananæi specialiter afficiebantur ad istam urbem, quia ipsa fuerat caput regnorum suorum, & dato quod teneretur ab Israelitis, Chananæi pugnarent aduersus illam, & caperent, ideo vt totaliter desperarent de illa, combusta, & diruta fuit. Sed adhuc tanto desiderio mouebantur ad eam Chananæi, quod illam instaurauerunt magnis laboribus, & fecerunt esse caput terræ Chanaân, sicut à principio. *Habuit ducem exercitus sui nomine Sisaram.* Ille erat potentissimus vir, quia tota potentia Iabin erat sub eo, & dicitur de Sisara, quod ipse fecit bellum hic contra Barac, & non Iabin. *Ipsæ autem habitabat in Aroseth gentium.* Aliqui libri habent hic Aseroth, sed corrupta est litera. Potest autem referri hoc ad Iabin. f. quod habitabat in Aroseth, vel referretur ad Sisaram, scilicet quod Sisara magister militiæ non habitabat in eodem loco, in quo Iabin, sed ille in Afor, & Sisara in Aroseth. Videtur autem magis intelligendum esse de Sisara, quod habitaret in Aroseth, eo quod de loco ipso congregauit exercitum, vt patet infra, scilicet congregauit nō gentes falcatos currus, & omnem exercitum de Aroseth gentium. Vocatur autem ista ciuitas Aroseth gentium per excellentiam, quia erat ibi maior multitudo habitatorum, quàm in quacunque alia vrbe Chanaân. Vel quia in loco isto habitabant gentes variarum linguarum ex consuetudine. *Clamaueruntque filij Israel ad dominum.* Scilicet vt liberaret eos de manu Iabin regis. *Nongentos enim habebant falcatos currus.* Dicitur hoc ad indicandum causam clamoris: quasi dicat, clamauerunt Israelitæ ad dominum, quia opprimebat eos nimis rex Iabin, & ad significandum magnam oppressionem inducitur multitudo potentiæ, qua poterat eos affligere, scilicet, quod nongentos currus falcatos habebat: magnę enim potentatis erat habere nongentos currus falcatos, ideo in signum maxime potentiæ ipsius Iabin ponitur de nongentis curribus. Erant autem isti currus falcati quidam drigæ quædam habentes in rotis gladios extentos, & curuatos fortiter affixos, cumque currus velociter ex impetu

Doc. rel.

Quid cur-

rus falcati



impetu mouerentur, quidquid curribus obuium erat lacerabatur, & isto modo omnes armati ex parte oppositi timentes impetum curruum fugiebant: eratque magna pugna cum illis, & ob hoc omnes reges conabantur habere de his curribus: quia tamen magnorum sumptuum erant, non poterant multos habere, & sic quod Iabin habuerit nongentos, reputatum est ad aliud quid magnum. Iam vero ista instrumenta bellica cessauerunt, quia solum erant apta in planissimis locis: in montibus autem, vel locis asperis, nihil omnino valebant. Etiam, quia in planis obiectis vepribus nihil proficiebant, ut ait Vegetius de re Militari. Vocantur autem isti currus falcati a falcibus, id est gladiis curuatis, quos rotis affixos habent. In Hebræo vocantur currus ferrei: non quod penitus sint de ferro, quia tunc essent immobiles propter pondus, sed quia ferrum habent in rotis, scilicet gladios curuatos. *Et per viginti annos vehementer opprefferat eos.* Isti viginti anni incipiunt post mortem Aod: nam paulo post peccauerunt, ut patet in litera, & in fine istorum viginti annorum pugnaverunt Sisara, & Barac. *Erat autem Debhora.* Hic ponitur secundum huius capituli, scilicet liberatio populi, & diuiditur in tres partes. Quia primo ponitur diuina reuelatio. Secundo exercitus utriusque congregatio, ibid. *Qui accersitis.* Tercio hostium debellatio ibid. *Dixit Debhora.* Circa primum dicitur. *Erat a Debhora ante.* Scilicet diebus quibus accidit hoc, erat Debhora in Israel.

*Quare scriptura facit hic mentionem de Debhora.*

*Quest. IIII.*

**Q**UÆRET aliquis, quare fit hic mentio de Debhora. Respondendum, quod ipsa habebat multas perfectiones, propter quas scriptura hic de illa sermonem ageret, tamen specialiter egit sermonem propter causam præsentem. Sciendum autem, quod quando historia de aliquo bello, vel aliqua re textitur, si illo tempore fuit aliquis vir, vel mulier notabilis, vel accidit aliquod factum famosum, licet illud non pertineat directe ad historiam, interponitur propter sui excellentiam: ita etiam fuit de Debhora, quia cum ipsa fuerit prophetes, & ad ipsam conflueret totus Israel erat aliquid valde famosum propter quod de illa mentio fieri debebat. Sed adhuc dicendum, quod causa præcipua, propter quam facta est mentio, fuit, quia bellum istud factum est per Barac, & ille non egisset, nisi dicente ei Debhora ex parte Dei, imò etiam sic non egisset, nisi illuc iuisset Debhora: sic enim dixit, ut patet infra, scilicet, si venis mecum, pergami, si nolueris venire, non pergami: ipsa etiam egit Deo canticum postea propter istam victoriam, de quo habetur sequenti capitulo, ideo debuit hic introduci de illa.

*An Debhora fuerit iudex Israel: & an tempus eius computetur sub iudicibus.* *Quest. V.*

**Q**UÆRET ulterius, an Debhora fuerit iudex Israel, & computetur vnus de iudicibus, sicut Othoniel, Aod, & ceteri. Aliquis dicet, quod sic, quia Debhora iudicabat toti Israel, & veniebant ad eam in omnem iudicium, ut patet immediate in litera: ergo erat iudex. Item tempora computantur sub iudicibus eo tempore, quo ipsi vivebant, sicut sub Othoniele computat scriptura quadraginta, & sub Aod octuaginta, sed viuentem Debhora computatur tempus sub illa: ergo ipsa erat iudex, & princeps illius temporis. Hoc patet sequenti capitulo, cum dicitur: In diebus Samgar filij Anath, & in diebus Iael cessauerunt semite, & qui ingrediebantur per eas ambulauerunt calles de-

**A**nios: cessauerunt fortes in Israel, & quieuerunt, donec surgeret Debhora, surgeret mater in Israel: & sic computat sub se tempus, in quo fuit Israel pacificus, sicut computat tempus sub Samgar sub quo erat inquietus: & tamen Samgar erat iudex: ergo etiam Debhora ponitur ut iudex. Respondendum, quod Barac, & Debhora fuerunt simul, & computantur sub tempore eorum quadraginta anni, de quibus sequenti capitulo, non poterant tamen ambo esse simul iudices, quia sicut duo eiusdem regni non possunt simul esse reges, quia rex dicit plenitudinem potestatis, quæ in duobus simul circa idem esse non potest conuenienter, ita iudices continebantur in Israel totam potestatem super populum, quam tunc aliquis posset tenere: ergo non poterant esse simul multi iudices. Manet ergo dubium quis istorum erat iudex, scilicet an Barac, vel Debhora.

**B** Quod patet, quia dominus iussit Debhoræ, quod diceret Barac, ut iret ad bellum, & quod in manus eius traderet Sisaram, si tamen ipsa Debhora fuisset iudex, ipsa missa fuisset ad bellum, & non Barac. Item iudices vocabantur illi, qui saluabant Israel de manu tribulantium: sed Debhora non saluauit, quin potius Barac, cum etiam Deus dixisset, quod in manus eius tradendus esset Sisara, ut patet infra: ergo non erat Debhora iudex, sed Barac. Nec valet si quis obijciat, quod non ausus est Barac ire ad bellum, nisi iret cum eo Debhora. Nam dixit, si veneris mecum pergami, si autem venire nolueris non vadami, quia hoc non dicebatur tanquam ipsa Debhora principaliter iret, ut dux belli, sed quia erat Prophetes, & posset per eam Barac consulere dominum, si oporteret de dubijs emergentibus circa bellum.

**C** Ipse autem Barac erat dux belli, & Debhora non erat dux, sed comitabatur Barac, sic patet infra in litera, scilicet, qui accitis Zabulon, & Nephtali ascendit cum decem milibus habens Debhoram in comitatu suo, ergo ipse erat iudex. Item patet hoc, quia cum Samuel exprobraret Israelitis beneficia a Deo collata, & induceret quemodo, iudices liberauerant Israel de manu hostium, posuit Barac in numero Iudicum, & non Debhoram, ut patet 1. Reg. 12. cum dicitur: Et misit dominus Ierobaal, & Bedan, & Barac, & Iephthe. Item Apostolus ad Hebræos 11. cum introducit quanta tulerunt viri sancti, qui fuerunt iudices in Israel

**D** introducit ibi Barac, dicens: Deficiet enim tempus me enarrantem de Gedeon, Barac, & Samson, Iephthe, & Samuel: ergo Barac erat iudex, & non Debhora. Item non decebat, quod Debhora esset iudex, quia iudex in Israel habebat plenitudinem potestatis: videbatur autem inconueniens nimis existentibus viris tradere totam potestatem, & plenam mulieri super illos: non ergo decuit, quod ipsa esset iudex in Israel. Ad rationes in contrarium respondendum. Ad primam, cum dicitur: quod ipsa iudicabat totum Israel, & quod ascendebant ad eam in omne iudicium. Dicendum, quod iudex prout hic accipitur non est nomen officij, vel dignitatis pertinentis ad diffinitionem causarum, sed magis est nomen potestatis ad bellum, ut satis declaratum est in prologo huius libri. Ideo dato, quod Debhora iudicaret causas, non vocaretur iudex, quia præter eam, manebat semper ordo iudicum in populo, & domus concilij, ubi erat sacerdos magnus princeps iudicum, & hoc modo quilibet de illis potius debuisset vocari iudex, quam illi, de quibus in libro isto: sed hi vocantur iudices ex causa alia, ut dictum fuit. Ad secundam rationem, dicendum quod tempus non computatur sub Debhora, sed sub Barac. Cum autem dixit ipsa in diebus Samgar, &c. Dicendum quod ex hoc non apparet, quod computetur tempus sub Debhora: nam hoc modo sequeretur, quod tempus computatum fuerit aliquid sub Samgar. Sed falsum est, quia scriptura nullo

Respō. ad  
quæsitum.

Ratio prima, quod  
Debhora  
non fuerit  
iudex Is-  
rael.

Ad primam  
rationem in  
diuersum.

Ad secundam  
rationem.

annos



annos eius exprimere voluit. Etiam sequeretur, quod sub Iahel computaretur tempus, quia dicitur, & in diebus Iahel quieverunt semite, & tamē manifestum est, quod Iahel non fuit iudex, nec aliquis de hoc dubitat. Solum ergo dixit, quousque surgeret Debhora: non quod tempus illud computetur sub illa, sed quia in illo tempore, quo ipsa fuit, potuerunt Israelitae ambulare confidenter per vias. *Erat autem Debhora Prophetes.* Spiritus propheticus non solum datur viris, sed etiam feminis. Sic enim Anna mater Samuelis fuit prophetes, & aliae multae foeminae, & apud Gentiles etiam feruntur fuisse mulieres prophetisse, scilicet decem Sybillae. *Vxor Lapidoth.* Aliqui libri habent Lapidoch cum c. sed corrupti sunt: nam debet esse cū t. Ista Debhora quamquam prophetes esset, habebat virum, quia in lege veteri quantuncunque mulier aliqua esset religiosa, non seruabat virginitatem, sed omnes contrahabant, quia non concipere fuit tempore illo tamquam magnum opprobrium. *Quae iudicabat populum in illo tempore.* Scilicet tempore quo Iabin rex Asor premebat Israelitas per viginti annos.

*Quis esset vir Debhora. Quæst. VI.*

**Q**VAERET aliquis de Debhora quis esset vir suus, scilicet an Barac esset vir suus: nam multi dubitant in hoc, & plurimi putant Barac esse virum eius. Aliquis dicit, quod non, quia hic dicitur, quod erat vxor Lapidoth, ergo non erat vxor Barac. Item si esset Barac vir suus, cohabitaret ei, multum tamē ambo distabant, quia Debhora morabatur in monte Ephraim, & Barac morabatur in sorte Nephtali in vrbe Cedes, ergo non erat vir suus. Respondendum, quod communiter tenetur, quod Barac sit vir Debhoræ: sic tenet Magister in hist. Icho. & Andreas: sic etiam Rabbi Salomon, & Rabbi David Kimhi, & ferē omnes catholici doctores, & Hebrei. Cum autem in litera dicitur, quod erat vxor Lapidoth, dicunt nostri, q̄ Lapidoth, & Barac erat idem vir, quia habent hæc nomina duo eandem interpretationem. Sic dicunt Andreas, & historia scholastica. Hebraei autem dicunt, quod Lapidoth non sit nomē proprium, sed commune, & significat Lapidoth lychnariam, vel illuminatricem, scilicet quæ facit lychnum pro lucernis, & volunt, quod Debhora vocatur sic, quia ipsa faciebat lychnum pro omnibus lucernis olei sanctuarij, & hoc modo nō ponitur hic nomen viri eius. Sed possumus nos dicere de quocunque voluerimus, quod est vir eius, & sic dicunt de Barac. Sed ista expositio non conuenit literæ nostræ: nam ipsi volunt, quod Lapidoth non sit nomē proprium, sed cōmune pro lucernaria, quod non contenti litera nostra, dicens, quod erat vxor Lapidoth. Ergo erat Lapidoth vir aliquis. Oportet igitur, quod Hebraei, qui tenent istam positionem, dicant quod deficiat litera nostra, quia cū debuisset dicere mulier Lapidoth dixit vxor: nam vxor est nomen coniugij, & significat, quod Lapidoth esset vir eius: mulier autem solum significat sexū, & vocaretur mulier Lapidoth, idest mulier lucernaria. Respondendum igitur, quod ista quæstio est problema neutrum: nam neutra pars est sufficienter manifestata. Possumus ergo tenere si volumus, quod Lapidoth, & Barac sint duo viri, & q̄ Debhora sit vxor Lapidoth, & non Barac. Et hoc tenet manifeste litera nostra, quæ posuit Lapidoth pro nomine proprio. Vel possumus tenere contrarium, quia oēs illud tenent, & non repugnat literæ, & tunc debemus dicere secundum literam, quod Lapidoth nomen proprium viri est, sicut Barac, & sunt ambo nomina eiusdem, sicut frequenter multi sunt multominij, vt Petrus, qui etiam Bariona, & Simon, & Cephas

**F** vocatur. Et ideo iste vir Debhoræ aliquando vocatur Barac aliquando Lapidoth. Quod autem dicamus Lapidoth esse nomē commune secundum positionem Hebræorum facimus literam nostrā defecisse in duobus. Primum, quia debuisset ponere Lapidoth tanquam commune dicens Lychnariam, vel lucernariā, & non tanquam proprium. Secundum, quia debuisset ponere mulier, & posuit vxor. Quod inconuenienter dictum est, cum possit litera nostra saluari: imō si recipiatur litera Hebraica, ille est sensus eius, scilicet quod esset Debhora vxor Lapidoth: nam similis modus loquendi per omnia ponitur in alijs locis in Hebræo, vbi dicitur de aliqua muliere, quod est vxor alicuius viri. Et per hoc patet responsio ad primam rationem. Ad secundum dicendum, quod quamquam vir, & vxor regulariter debeant cohabitare, tamen Debhora propter spiritum propheticum nō cohabitabat viro, quia spiritus prophetiæ non tangit prophetas tempore, quo vacant accessibus carnalibus, etiam si illi sint liciti: & sic de Moyse ferunt, quod separabat se ab vxore sua propter spiritum propheticum, qui continuo quasi sedebat in illo. Ista positio satis teneri potest: sed mihi magis placet prima, scilicet quod Lapidoth, & Barac essent duo viri, & quod esset Debhora vxor Lapidoth, quia istud magis videtur signari in litera Hebraica, & istud manifeste vult litera nostra. Etiam, quia responsio ad secundam rationem non est multū conueniens: nam licet Debhora abstineret a viro propter spiritum propheticum, tamen non habitaret ab eo tam distans, quia saltem habitarent in eadem vrbe, nunc autem Debhora & Barac non solum habitabāt in eadem tribu, sed nec in eadem sorte tribus, sed Debhora habitabat in Bethel in monte Ephraim: Barac autem habitabat in Cedes vrbe in sorte Nephtali, tanquam non pertinerent ad eandem tribum. Etiam verba, quæ loquitur Debhora ad Barac, & modus se habendi ad ipsum non est, vt vxoris ad virum, vt colligitur discurrendo per literam, sed tanquam duorum extraneorum. Hoc ergo verisimilius est.

*Quomodo Debhora iudicabat Israel, cum non esset iudex: & cur mulieribus non permittitur esse iudices. Quæst. VII.*

**Q**VAERETVR vltcrius, quomodo dicitur, q̄ Debhora iudicabat Israel. Nam non accipitur iudicare, idest esse iudicem eo modo, quo accepimus in isto libro, cum iudex hic sit nomē potestatis, & dux belli, & non diffinitoris causarum: ergo oportet, quod Debhora iudicaret populum, scilicet diffiniendo in causis eorum, sed hoc erat inconueniens, quia mulier non debet esse iudex: nam si in teste non accipitur, nisi in defectum, & testimonium suum est debile, a fortiori debet repelli a iudicando. Item si Debhora fuisset iudex, turbaretur totus ordo iudicum, & cessaret: nam in Israel fuit semper ordo iudicum, sed quod esset domus consilij, quæ erat domus aggregationis septuaginta iudicum maiorum, ad quos deuolvebantur omnes causæ per appellationem, & præsidebat in his summus sacerdos: in singulis autem locis ponebatur alij iudices minores, qui iudicabant de causis illius loci, & causæ magnæ, in quibus illi dubitabant deferre batur iudicibus domus consilij: etiam omnes causæ, in quibus extitisset appellatum. De quo declaratum est magis Num. 11. Deut. 17. cap. Si autem Debhora iudicaret, esset superfluum, quod ageret cum pro toto Israel essent iudices, vel ipsa turbaret ordinem iudiciorum, quia non deberent ire caute directè ad audientiam illorum, ad quos pertinebat, nec per appellationem etiā deuoluerentur legitime. Respondendū, q̄ Debhora erat

Ad primam rationem.

Ad secundam rationem.

Spiritus propheticus nō tangit prophetas tempore, quo vacant accessibus carnalibus, etiam si illi sint liciti: & sic de Moyse ferunt, quod separabat se ab vxore sua propter spiritum propheticum, qui continuo quasi sedebat in illo.

Prima ratio.

Mulier testimonium debile. Secunda ratio.

Doc. resp. ad quæstionem.

Resp. ad quæstionem.



erat iudex, quia iudicabat populum: non est tamen intelligendum, quod ipsa ordinariè, vel ex subdelegatione alicuius audiebat causas formales ciuiles, vel criminales, sed cum esset propheta sciebat respondere de occultis, ideo conueniebat ad eam totus populus, ad querendum de aliquibus dubijs, quæ emergebant, sicut tempore Samuelis confluxerat ad eum totus Israel ad inquirendum de dubijs: intantum quod Saul venit ad petendum responsum de asinabus perditis, ut patet 1. Reg. 9. Simile autem erat in Debhora, scilicet quod ipsa respondebat ad omnia quæ sita populi, & in hoc dicebatur iudicare totum populum: accidebat autem interdum, quod pro aliqua causa deducta in iudicium dubitaretur per omnes iudices, scilicet quod ne scirent, quid iudicandum esset in ea, illa deuolvebatur ad Debhora, non ut ad habentem iurisdictionem, & ad quam causa legitime deuoluenda foret, sed per modum dubij quærebatur ab ea de causa illa, & ipsa respondebat: litigantes autem hoc suscipiebant gratis scientes, quod non erraret in respondendo. Nam ex parte Dei respondebat, & ista erat causa quare totus populus in deserto desiderabat agere causas suas coram Moyse, scilicet quia ipse respondebat eis, ut ex parte Dei, ut patet Exo. 18. scilicet: Venit populus ad me querens Dei sententiam. Et secundum hoc Debhora non perturbabat iurisdictionem iudicum ceterorum, quia ipsa non audiebat de aliquibus causis foralibus ordinariè, sed per accidens. Ad rationem primam in contrarium dicendum dupliciter: primò concedendo quidquid concluditur, scilicet quod inconueniens sit mulierem esse iudicem, & quod Debhora non erat iudex, sed responderi, & melius, quod regulariter est inconueniens mulierem esse iudicem, & causa est, quia iudiciū mulieris est imperfectum propter duo, primò ex parte incompletionis iudicandi: nam mulieribus rara prudentia est, & vix formant opinionem vniuersalem, sicut bestia, ut ait Aristoteles Ethic. 7. & ob hoc quodam modo dici potest de mulieribus, quod non sint incontinentes quamquam mala agant, ut ait ibidem Philosophus: ad iudicandum autem requiritur complementum actus intelligendi, & opiniones vniuersales circa agibilia. Secundum propter quod non sunt aptæ ad iudicandum prouenit ex passionibus. Nam sicut iustitia est constans, & perpetua voluntas ad reddendum vnicuique quod suum est, ut ait iurisconsultus, ita & iudex debet esse constans ad reddendum vnicuique quod suum est dictante iure. Mulieres autem non sunt constantes nimium, quoniam facile alterantur à qualibet passione: ergo non conuenit eas iudices esse. Quod ius considerans illis iudicandi officiū interdixit. Nec solū iudicandi, sed et iudicandi, quia varium, & instabile testimonium est, quod femina profert. Hæc autem sunt, quæ communiter, & quasi ex conditione naturæ mulieribus accidunt, propter quod iura eas ab his actibus excluderunt: si igitur interdum euidentissimè constet in his duobus feminam esse constantem, & sufficientem, & quia Deus suppleuit in illa, quod natura non potuit, non erit inconueniens eam iudicem fore, sic enim fuit de Debhora: nam habebat spiritum propheticum, per quem excellentius sciebat dicere verum de quolibet dubio, quam quicunque vir, ut quia per causam diuinam etiam constans esset, scilicet quod non moueretur passionibus ad hoc, vel illud, cum Deus moueret eam ad respondendum: ergo non erat inconueniens eam fore iudicem: imò melius erat eam, vel quamcunque feminam iudicare (dum tamen haberet spiritum propheticum) quam quod quicumque vir iudicaret quantumcunque perfectus, & prudens, si non haberet spiritum prophetiæ: sed adhuc ipsa non erat iudex, sed

A solū diffiniebat in dubijs eo modo, quo supra dictū est. Ad secundam rationem dicendum, quod non turbabatur ordo iudicum propter Debhoram, quia si ipsa fuisset posita ut iudex audiens ordinariè causas forales, vel ex delegatione, perturbaret aliquantulum iurisdictionem aliorum iudicum, scilicet, quia non tractarentur causæ coram illis iudicibus, coram quibus ordinariè tractandæ erant: ipsa tamen non diffiniebat aliquam causam huiusmodi, sed solū, quia erat propheta, respondere ad quæcunque dubia occulta, ad quæ non posset responderi modo humano, & in hoc dicebatur iudicare: & ista ut communiter non pertinebat ad causas, quæ iudicialiter tractantur, sed ad quascunque res, de quarum statu, vel euentu dubitatur, ut potè, quod quereretur ab illa, an talis, vel talis res euentura foret anno illo, & si interdum contingeret causas forales dubias fore, ut quia emergerent, vel inciderent casus, de quibus nullum ius videretur expressum, poterat recurri, & recurrebatur ad Debhoram, non per modum iudicii foralis, sed per modum dubij, quod potest diffiniri per hominem iuris peritum nullam habentem iurisdictionem. Et sedebat sub palma. Iste erat locus, in quo Debhora sedebat expectans omnes Israelitas venientes ad interrogandum de dubijs, & habebat locū determinatum istum, ne cogerentur Israelitæ diuagari querendo eam hinc & inde. Quæ nomine illius vocabatur. Idest illa palma vocabatur Debhora, sicut ipsa mulier propheta. Istud non habetur in Hebræo, licet possit colligi ex litera. Inter Rama, & Bethel in monte Ephraim. Idest ista Palma erat in monte Ephraim extra omnia loca, & vrbes: erat tamen inter urbem Bethel, & Rama. Mons Ephraim vocabatur tota ipsa fors Ephraim, sicut reperitur communiter, erat palma ista in sorte Ephraim in extremitate sortis: unde loca ista, quæ ponuntur hic, inter quæ erat palma non erant de terra Ephraim, sed de terra Benjamin, ut patet Ios. 18. ubi ponuntur Bethel, & Rama in sorte Benjamin, & nullus talis locus reperitur in sorte Ephraim, quia tamen ista palma erat in extremitate sortis Ephraim, eratque magis coniuncta istis duobus locis sortis Benjamin, quam aliquibus locis terræ Ephraim, dicitur fuisse ista palma inter Rama, & Bethel. Sciendum autem quod Rama, de qua hic dicitur, & Ramatha, de qua fuit pater Samuelis, ut patet 1. Reg. & 2. capit. non sunt idem locus, quia Rama est in sorte Benjamin, & Ramatha est in sorte Ephraim. Hebræi autem, scilicet Rabbi Salomō, Rabbi David Kimhi, dicunt, quod intelligitur ista aliter, scilicet quod fuit sub palma inter Bethel, & Rama, idest quod Debhora habuit possessiones in tribus locis, scilicet in Iericho habuit palmas, quia illa vocatur ciuitas palmarum, & in Bethel habuit Oliueta, in Rama habuit vineas, & ista erant ad sustentationem Debhoræ. Sed istud est nimis alienum, quia litera nihil accedit ad hoc, sed solū designat locum, in quo sedebat Debhora, scilicet sub palma inter Rama, & Bethel. Item non poterat habere Debhora possessionem in his omnibus locis. Quod patet, quia inter Hebræos possessiones tribuum erant distinctæ, & possessiones familiarum, & personarum descenditum de istis familijs, ut patet Num. 36. cap. & non poterat possessiones vendi, vel donari, vel permutari, aut aliquomodo alienari, ut maneret distinctio in personis per possessiones, ut patet eodem capitulo, & si fieret venditio quantumcunque pura esset, redibat possessio ad hæredes suos saltem in Iobeleo Leuit. 25. capit. sed eadem persona non poterat pertinere ex parte patris ad diuersas familias, & vna familia ita habebat hereditatem, & originem in vno loco, quod non in alio: ergo non poterat eadem persona habere hereditatem in multis locis. Sed obijcies, quia primo Reg. 25. dicitur: Erat

Ad secundam rationem.

Quo in loco Debhora sedebat.

Notandum de Rama, & Ramatha.

Hebræorum explicatio.

Ad primam rationem in diuersum.

Mulierem esse iudicem est inconueniens.

Iustitia quid sit.

Vide de claris mulieribus ubi multe per secliores fuerunt mulieres viris: nam teste Salomone procul, & de vltimis finibus eum eius. Quando mulieres possunt esse iudices.



Erat homo quidam in Maon, & possessio eius in Carmelo. Respondendum, quod iste non habebat possessionem in diuersis locis, sed habitabat in vno, & habebat possessionem in alio. Vel aliter, & melius, quod Carmelus erat mons apud urbem Maon, & ille habendo possessionem in Carmelo habebat eam in territorio Maon, & consequenter diceretur habere possessionem in Maon. *Ascendebantque ad eam filij Israel in omne iudicium.* Idest ibant ad eam ad querendum de omni dubio. In Hebraeo habetur. *Ascenderunt ad eam.* Sed debet intelligi pro ascendebant: nam ascenderunt significat actum prateritum, & sufficit, quod sit vnus ad hoc, quod sit istud verum: ascendebant autem significat consuetudinem ascendendi, & hoc necessario significat multos actus, quod conuenit litera dicenti in omne iudicium, idest ad omne iudicium: & tamen non poterant vna vice ascendere ad omne iudicium, ideo quamquam litera Hebraica per barbariem suam posuerit ascenderunt, quia sensus erat, quod ascendebant: litera nostra transulit ascendebant.

*Quomodo populus poterat ascendere ad Debboram ad omnem iudicium.* *Quest. VIII.*

**Q**VAERET aliquis, quomodo poterat populus ascendere ad Debboram ad omnem iudicium. Nam istud videtur difficile, & fere impossibile ex duobus: primo ex parte Debborae: nam ipsa vnica existens non poterat diffinire, vel saltem audire per successionem causas omnium de Israel, cum esset tantus populus: nam causa, quae orirentur per totum Israel in vno mense fortè non possent diffiniri ab vno homine iudicialiter, & secundum successionem in decem annis. Quod apparet, quia Moyses abundantius habebat spiritum propheticum, quam Debbora, & erat aptior ad tolerandum labores, quia erat vir, & populus, qui tunc sub eo erat, paucus erat in comparatione eius, qui fuit sub Debbora. Nam si de septuaginta animabus, quae introierunt in Aegyptum de femore Iacob Gen. 46. in ducentis quindecim annis, quibus mansit Israel in Aegypto, vt declaratum est Exo. 13. creuit populus ad sexcenta millia virorum pugnatorum Exo. 12. quanta multitudo creuisset de sexcentis millibus in annis centum octoginta, qui fuerunt ab exitu de Aegypto vsq; ad Debboram, quo tempore iudicabat Moyses. Hoc patet accipiendo quadraginta annos ab exitu de Aegypto vsque ad introitum in terram Chanaan, & accipiendo quadraginta annos sub Othoniele, de quibus praecedenti capitulo, qui incipiunt computari ab introitu in terram Chanaan, vt ibidem declaratum est, & accipiendo octuaginta annos Aod, & viginti annos, quibus oppressit Iabin Israelitas antequam esset istud, qd hic dicitur, qui simul sunt centum octoginta anni. Ad quantam ergo multitudinem peruenissent in tanto tempore, & tamen Moyses non poterat diffinire omnes causas Israelitarum in exitu de Aegypto, vt dixit Iethro Exo. 18. scilicet: Stulto labore consumeris tu, & populus, qui tecum est: supra vires tuas negociu est, & solus non poteris illud tolerare: ergo a fortiori Debbora non posset nunc iudicare totum populum in omni iudicio. Secundò videbatur hoc difficillimu ex parte populi: nam quod totus populus veniret pro quacunque causa de extremitatibus terrae Chanaan ad Debboram, erat depauperare totum populum superuacuis expensis, & dare quandam occupationem infinitam, ita vt non possent vacare agriculturæ, & alijs laboribus. Respondendum est, quod verè sequebantur ista inconuenientia, si Debbora fuisset iudex ad omnem iudicium ad iudicandum de omnibus causis foralibus tam ciuilibus, quam criminalibus, tamen Deb

Respōs. ad  
quæsitum.

**F** bora nō iudicabat de aliquibus causis, sed solum, quia erat propheta, & cognoscebat occulta, sciebat respondere ad dubia, de quibus inquirebatur, & quia in his respondebat toti populo, cum nullus esset tunc propheta, nisi ipsa, dicebatur populus ascendere ad ipsam ad omne iudicium, idest ad hoc, quod iudicaret de qualibet re occulta, de qua dubitarent Israelitæ: hoc autem modo nō sequebatur inconuenientia supra assignata, quia non insurgent multa dubia de his, sicut quotidie emergunt mille lites. Etiam, quia ad ista dubia inquirenda non veniebat populus ex necessitate, sed sponte, ideo non vexabatur veniendo, & hoc modo sufficiens erat Debbora respondere ad omnia dubia huiusmodi. Ita fuit de Moyses, quia postquam ipse reliquit causas forales alijs iudicibus, & ipse cepit praesse populo in his, quae ad dominum pertinebant, potuit faciliter tolerare laborem: Exod. 18. *Quæ misit & vocauit Barac filium Abinoem.* Propter istam particulam introducta fuerunt omnia praecedentia ad indicandum quomodo Debbora erat propheta, vt videatur quomodo propheticè locuta fuerit ad Barac. Est autem subintelligendum, quod Deus locutus fuit Debborae in spiritu prophetico iubens, vt vocaret Barac. Non ponitur hic modum stirpis Barac, sed intelligendum, quod fuerit de stirpe Nephtali, cum dicatur immediate, quod erat de Cedus Nephtali. Regulariter autem habitabant viri Israel in locis suarum originum, quia ibi poterant habere possessiones, & non in alijs terris. *De Cedus Nephtali.* Idest de vrbe Cedus, quae erat in terra Nephtali. Erat enim Cedus quædam ciuitas in sorte Nephtali in Galilæa, & fuit data sacerdotibus, & locuitis in possessionem Ios. 21. c. & postea fuit assignata in urbem fugitiuorum Ios. 20. cap. *Dixitq; ad eum.* Scilicet postquam venit ad illam sub palma sua: nam erat honorabilis Debbora in Israel, & omnes obediebant dictis eius, quia putabantur dicere ex parte Dei. *Præcepit tibi dominus Deus Israel.* Idest præcepit mihi, vt præciperem tibi. *Vade & duc exercitum in monte Thabor.* Iste mons est in extremitate sortis Isachar, vt ait Iosephus 5. antiquitatum, & est inter Isachar & Nephtali: nam duabus leucis ferè distat a Nazareth contra orientem, vt patet in libro de situ Terræ Sanctæ. Areth autem in sorte Nephtali est, vt declaratum est Iosue 19. & ibi patet in litera. In hoc monte Saluator noster transfiguratus est coram quibusdam discipulis suis, vt patet Matth. 17. Sciendum autem, quod iste Barac non erat aliquis princeps Israelitarum habens magnum exercitum, cui Deus mādaret, quod cum exercitu suo iret ad pugnandum contra Sisaram, sed erat vir priuatus, & parue potentiae: Israelitæ tamen iam sciebant, quod Deus suscitabat quem volebat in iudicem super Israel, & illi dabat spiritum suum. Huic autem confestim Israelitæ obedientes erant tradentes quantum exercitum ipse voluisset, & ob hoc postquam Debbora dixit ei, quod acciperet decem millia virorum, illico accepit de tribubus, de quibus voluit.

*Quare Deus misit Barac, quod duceret exercitum in montem Thabor.* *Quest. IX.*

**Q**VAERET aliquis, quare Deus misit Barac, & duceret exercitum in montem Thabor. Respondet aliquis, quod hoc factum fuerit ex prudentia bellica, scilicet vt Barac haberet locum tutiorem ad pugnandum: mons autem Thabor erat altissimus. Sed hoc non stat propter duo. Primò, quia Deus datus erat istam victoriam supernaturaliter, ergo non quaereret prudentiam bellicam, & fortitudinem ex situ loci, quia diminueretur tunc laus victoriae, & nō attribueretur plenè Deo. Secundò non stat, quia quaerere

Barac erat  
de stirpe  
Nephtali

Situs montis  
Thabor



rere loci fortitudinem ad pugnandum est pro illo, qui vult se defendere, & non pro eo, qui vult inuadere, quia inuasor debet persequi inuasum quocunque fugerit. Barac autem nolebat hic prouocare Sisaram ad bellum, ideo non debebat querere loci firmitudinem. Sed dicendum est, quod Deus nolebat, quod Barac prouocaret Sisaram, cum ipse dixisset: Ego adducam ad te Sisaram in torrentem Cison. Erat autem Sisara in Aroseth gentium, ut patet supra, & audio, quod aliquis de Israelitis armabat exercitum, ipse exiret ei obuiam, & quia si locus, in quo esset Barac cum exercitu, esset procul ab Aroseth, ubi habitabat Sisara, forte pigritaret illuc ire, vel iret sero: voluit Deus, quod Barac iret ad locum propinquum Aroseth gentium, & iste erat mons Thabor: ideo iussit, quod iret ad montem Thabor, non quidem, quod ascenderet in illum, & tueretur se loci firmitate, sed quod esset prope illum, quia illuc veniret Sisara. Et patet hoc, quia dixit Deus, quod adduceret Sisaram ad torrentem Cison: ergo pugna apud torrentem futura erat in plano, & non existente Barac in monte. *Tollensque tecum decem millia pugnatorum.* Noluit Deus, quod essent plures, ut ascriberetur victoria illi: nam multitudo Sisarae erat quasi innumerabilis, scilicet ultra trecenta millia, ut vult Iosephus s. antiquitatum. *De filiis Nephthali, & de filiis Zabulon.* Istae duae tribus erant simul apud montem Thabor.

*Quare potius de tribu Nephthali, & Zabulon congregati sunt bellatores, quam de alijs. Quest. X.*

**Q**VAERET aliquis, quare potius de his duabus tribubus congregati sunt bellatores, quam de alijs. Aliquis respondebit, quod hoc erit, quia istae duae tribus habebant viros magis promptos ad bellum. Sed non stat, quia tribus animosior, & bellicosior erat tribus Iuda, sic significatur Gen. 49. cum dicitur: Iuda te laudabunt fratres tui, manus tuae in in ceruicibus inimicorum tuorum, ad praedam ascendisti fili mi, requiescens accubuisti, ut leo, & quasi leena, quis suscitabit eum? idem patet Deut. 33. in benedictione Moysi: nam dixit Moyses de illo: audi domine vocem Iudae, & ad populum suum introduce eum: manus eius pugnabunt pro eo. idem ipsemet Iudas pugnabit pro se, in quo innuitur fortitudo, scilicet quia ipse sufficiens erat pugnare pro seipso, tribus etiam Gad erat fortissima ad bellum, sic colligitur in benedictione Iacob Gen. 49. scilicet Gad accinctus praeliabitur ante eum, & ipse accingetur retrorsum: & in benedictione Moysi, Deuter. 33. commendatur fortitudo Gad bellica, cum dicitur: Benedictus in latitudine Gad, quasi leo requieuit: cepit brachium, ut verticem, id est vno ictu amputauit brachium, & verticem: Zabulon autem, & Nephthali, qui iubentur hic ire ad bellum, non enarratur aliqua fortitudo, vel aptitudo ad bellum. Respondendum, quod forte hoc factum est, quia Deus volebat istud bellum cito fieri, scilicet quod gentes iturae ad bellum cito armarentur, ne Sisara praecuparet venire in terram Israel, & inueniret eos nondum paratos, & quia Zabulon, & Nephthali erant apud montem Thabor, ubi debebat fieri bellum, propinquiore, quam aliae tribus, iussit potius, quod irent de his tribubus, quam de alijs: non tamen per hoc innuebatur, quod solum deberet Barac accipere istos ad bellum, quia etiam si plures sponte venirent susciperentur. Quod patet sequenti capitulo, cum dicitur: qui sponte obtulistis animas vestras de Israel benedicite domino. Etiam, quia non solum Zabulon, & Nephthali iuerunt ad bellum, sed etiam Itachar, ut patet sequenti capitulo, scilicet duces Itachar fuerunt cum Debbora, & Barac vestigia sunt secuti. Item, quia increpantur illi, qui propinqui erant ad locum belli de

**A** terra Israel, & non venerunt ad illud. *Ego autem adducam ad te.* Scilicet quasi per violentiam, scilicet, quia ego mouebo eum, veniet. Dicunt Hebraei, quod astrologi Sisarae dixerant ei, quod non ascenderet hac vice ad pugnandum contra Israel, quia non esset ei prosperum, & ipse nolebat ascendere: Deus tamen mouit eum ad veniendum, ut traderetur in manus Israelitarum. *In locum torrentis Cison Sisaram.* Apud istum torrentem fuit pugna, & plurimi de mortuis ex parte Sisarae corruerunt in torrentem, ut patet sequenti capitulo, scilicet: Torrens Cison contraxit cadauera eorum, torrens cadum in torrens Cison. *Principem exercitus Iabin.* Scilicet, quia Iabin non iuit ad bellum, sed suus princeps exercitus Sisara, quia ista est consuetudo magnorum regum non exire ad bellum. *Et currus eius ac omnem multitudinem.* Idest currus Iabin, & omnem multitudinem exercitus Iabin, quam congregauerat, scilicet Sisara ad pugnandum contra Israel. *Et tradam eos in manu.* Idest dabo in potestate tua, ut possis facere de illis quod volueris. *Dixitque ad eam Barac: si venis mecum, vadam.* Debbora mittebat Barac ad bellum, & non dicebat, quod itura foret cum ipso, ideo ipse dixit, quod si illa iret cum eo veniret ad bellum. *Si nolueris venire non pergam.* Idest si tu nolueris venire ad bellum, etiam ego non veniam.

*An Barac peccaret, si nolisset ire ad bellum, non eunte illuc Debbora. Quest. XI.*

**Q**VAERETVR an Barac peccaret, si nolisset ire ad bellum, non eunte illud Debbora. Respondendum, quod constituto, quod Deus iuberet Barac ire in bellum, siue Debbora iret illuc, siue non tenebatur illuc ire, etiam si sciret se moriturum in bello: ideo si Debbora non iuisset, & ob hoc cessasset Barac ire peccasset: iuerunt tamen postea ambo, ut patet in litera. Sed dicitur an peccauerit Barac dicendo istud, scilicet si venis mecum, vadam, & si nolueris venire, non pergam. Respondendum, quod si hoc dixisset, quia formidabat aliter ire, vel quia intendebat sic facere, ut dicebat, peccabat: non intendebat tamen sic facere Barac: sed etiam si illuc non iuisset Debbora, ipsa iuisset, nec petiuit Barac Debboram ad eundum secum quasi sine illa ire timeret: confidebat enim, quod Deus daret ei victoriam etiam illa abutente, cum hoc promississet, sed petiuit eam ad consulendum dominum in bellum per eam, si oporteret de dubijs emergentibus, ne aliquid ageret iustius cum ipse non esset propheta, & in hoc petiuit iniustum, iuit autem Debbora ad hoc cum ipso: unde, & ipsa instruxit eum in omnibus, quae facturus erat. Sic patet infra. Cum esset Barac in monte Thabor, dixit ad eum Debbora: surge, haec enim est dies, in qua tradidit dominus Sisaram in manus tuas, en ipse est ductor tuus, & tunc surrexit Barac, & ante hoc non pugnabat. Etiam non fecit hoc Barac ex paruitate fidei, quod crederet se liberandum in bello praesente Debbora, & non absente illa, quia tunc fuisset Barac modicae fidei. Sed falsum est, quia Apostolus in Catalogo Sanctorum, quos de fide laudat, dicens: sancti per fidem vicerunt regna: ponit Barac inter ceteros, cum ait: Deficiet me enim tempus enarrantem de Gedeone, Barac, & Samson, Iephte, & Samuel, & alijs prophetis, ut patet ad Hebraeos 11. cap. ergo iste fidem plenam habuit, & consequenter non peccauit petendo, quod iret cum eo Debbora. Et cum dixit, si venis mecum vadam. Respondendum, quod non intendebat sic facere Barac, quia etiam non eunte illa iuisset, sed posuit hec, ut moueret Debboram ad eundum cum ipso, quia hoc multum desiderabat ex causa supraposita. *Quae dixit ad eum: ibo quidem tecum.* Scilicet consensit facilliter, quia Barac petebat

Doc. resp. ad questionem.

Hebraeorum opinio.



petebat iusta. *Sed in hac vice tibi victoria non reputabitur.* Idest, quia vis, quod ego vadam tecum, non reputabitur victoria tibi, sed foeminae. In Hebræo habetur. *Tamen non erit pulchritudo tua super iter, quo vadis.* Idest, quia vis, quod eam tecum non habebis pulchritudinem, vel honorem super iter quo vadis, idest in actu quem facis hac vice, scilicet, quia non reputabitur ibi, sed foeminae, & ad idem redit. *Quia in manu mulieris tradetur Sisara.* Ista est causa, scilicet, quod non tradetur Sisara in manus tuas, sed in manus mulieris, & ipsa laudabitur, & non tu. In Hebræo habetur. *In manus mulieris vendetur Sisara.* Scilicet dabitur ei tanquam venditus, ita quod possit de illo facere quod voluerit.

*Quæ mulier sit ista in cuius manus traditus est Sisara.*

*Quæst. XII.*

**Q**VAERETVR quæ mulier ista sit, in cuius manus traditus est Sisara. Respondetur communiter, quod fuit Iahel, quæ occidit ipsum, ut patet infra in litera: multi tamen tenent, quod dicitur hoc de Debbora, & sic vult Rabbi David Kimhi. Et hoc patet, quia dato, quod non iret Debbora cum Barac, erat tradendus Sisara in manus Barac, ut patet supra, quia dixerat supra Debbora, & Sisara fugiturus erat ad domum Iahel, & occidendus ab ipsa, & tamē si non iuisset illuc Debbora, ipsa non dicebat, quod victoria non esset ascribenda Barac, sed quia petiuit, quod illuc iret dixit hoc: ideo videtur, quod non de Iahel, sed de se intelligebat, & est sensus valde rationabilis, scilicet quia si Barac iret sine Debbora, ipse esset dux belli, & omnia quæ fierent imputarentur ei, cum autē iuit nunc illuc Debbora, & ipsa erat prophetes, estimabatur magis ipsa, quam Barac. Vnde iam non putabatur Barac, ut dux, sed potius ministrans ad imperiū Debboræ, ideo dato quod Barac occideret Sisaram, non imputaretur ei, sed Debboræ, & est sensus: in manus mulieris tradetur Sisara, idest iam non reputabitur traditus in manus tuas, sed in manus mulieris, idest in manus meas. Nec obstat, quod Iahel occiderit Sisaram: nam sicut si Barac persequeretur Sisaram, & cōtingeret ab aliquo de suis capi, & occidi, non imputaretur illi viro, sed Barac, qui erat dux: ita cum Sisara fuerit compulsius fugere a Barac, & perierit exercitus suus, quamquam contingeret eum occidi ab aliqua foemina, non attribueretur illi foeminae, sed Barac, quia ipse eum ad talem necessitatem compulit. Si autem velis accipere in manus mulieris tradetur, idest occidetur Sisara, intelligitur de Iahel, sicut communiter intelligitur. Non est ergo magna differentia quid velimus dicere. Sed obijciatur, quia supra dictum est ad Barac, & tradam eum in manus tuas. Respondendum, quod est duplex traditio, scilicet una ad persequendum, & alia ad occidendum: fuit traditus in man<sup>9</sup> Barac, quia de ipso triumphauit, & persecutus est eum, totumque exercitum eius deleuit, fuit traditus in manus Iahel ad occidendum. *Sur-rexit itaque Debbora, & perrexit cum Barac in Cedes.* Erat Debbora in monte Ephraim sub palma, & inter Rama & Bethel, & recedens inde iuit cum Barac, ut venirent in bellum, sed venerunt prius in Cedes, quæ erat ciuitas Nephthali, de qua erat oriundus Barac, ut ibi cōgregarent exercitum de Zabulon, & Nephthali: nam ista ciuitas erat propinqua mōti Thabor, ad quem cū exercitu venire debebat Barac. *Qui accitis.* Hic ponitur secundum huius partis, scilicet populi cōgregatio. Et diuiditur in duo, quia primò ponitur congregatio facta ex parte Barac. Secundò congregatio ex parte Sisare ibid. *Nunciaturque est.* Circa primum dicitur. *Qui accitis Zabulon, & Nephthali.* Idest vocatis illis ad bellum: vocauit autem istas duas tribus, quia de eis

**F** iusserat dominus, quod sumeret pugnatores, ut patet supra, & non vocauit totum Zabulon, & Nephthali, sed solum decem millia virorū de ambobus tribubus, sicut dominus dixerat. *Ascendit.* Scilicet vadens in montem Thabor, ut spectaret ibi aduentum Sisare, de quo Deus dixerat, quod adduceret eum ad torrentem Cison, ut patet supra. *Cum decem millia pugnatorum.* Istos iusserat Deus accipere, & istos accepit: alij tamē præter hos sponte venerunt, sicut de Isachar, ut patet sequenti capitulo, scilicet de Isachar duces fuere cum Debbora, & Barac vestigia sunt secuti. *Habens Debbora in committatu suo.* Scilicet, quia ipsa iuit cum Barac vsque ad locum belli, scilicet vsque ad montem Thabor & torrentē Cison: postea autem in persecutiōe Sisara, & fuga non fuit cum Barac, sed mansit in loco castrorum, quia actus pugnandi non pertinebat ad ipsā. Etiam, quia ipsa solum erat opportuna in bello ad denunciandum tempus, quo incipiendum esset bellum. Et hoc dixerat antequam recederet Barac de Thabor. *Haber autem Cinæus.* Hic ponitur de Haber Cinæo, quia agit ad historiam, scilicet, quia vxor eius Iahel occidit Sisaram. Iste Haber Cinæus erat vnus de Cinæis descendētibz de stirpe Iethro soceri Moyfi. *Recesserat quondam à ceteris Cinæis fratribz suis.* Cinæi dicuntur de Cin: nam Iethro socer Moyfi multa nomina habebat, scilicet Raguel, Iethro, Ieter, Obab, Cin. De primò patet Num. 10. de secundò patet Exod. 3. & 18. de tertio patet Exo. 4. de quarto patet Nu. 10. de quinto patet Num. 24. scilicet, si electus fueris de stirpe Cin, idest Iethro: Filij huius venerūt cum Israelitis per desertum semper deserta terra natali, ut ait Iosephus 5. antiquitatum: postea in terra Cnanaan acceperunt illico habitandi locum in vrbe palmarum, scilicet in Iericho, ut patet supra primo: manserunt autem ibi aliquanto tempore, & postea recesserunt cum filijs Iuda in desertum partis suæ ad partem meridianam, ut patet eodem capitulo: ab illis autem Cinæis congregatis in vnum recessit ob aliquam causam Haber, & habitauit in terra Galileæ. *Filij Obab.* Iethro etiam vocabatur Obab, ut patet Num. 10. *Cognati Moyfi.* Idest soceri: nam non habebat cognationem aliquam ad Moysen, sed affinitatem, scilicet, quia Moyses acceperat filiā eius in vxorem, sed vocatur largē cognatus pro affine. *Et extenderat tabernacula sua.* Scilicet in terra Galileæ in sorte Nephthali. Iste Haber habebat tabernacula, sicut pastores consueuerunt habere, & sicut habet quædam gens Afrorum, quæ non habet certum, & fixum locum ad manendū, sed mouetur hinc, & inde: ideo non faciunt domos, sed habent tabernacula portatilia, quæ alio nomine vocantur mapalia, & vocantur istę gentes vulgariter Alarabes, & sunt agareni, ita antiquitus, quia substantia hominum maximē consistebat in pecoribus, & terra latissima erat nondum plene habitata, ad hoc, quod semper possent eligere loca melioris habitationis, non faciebant domos manentes, sed habebant tabernacula portatilia, & sic erat de Haber. **K** Intelligendum autem, quod Haber Cinæus erat vir diues habens magnam substantiam, & familiam. Quod patet, quia habebat multa tabernacula, quæ extendit per vallem. Item, quia dicitur infra, quod pax erat inter domum Haber Cinæi, & Iabin regem Afor: si tamen fuisset Haber aliquis homo parui status, non fecisset mentionem vllam de eo maximus rex terre, scilicet Iabin ad hoc, quod componeret cum eo pacem, sed erant fœdera inter eos: Haber Cinæus ergo erat vir magnus, & famosus. *Vsq; ad vallem, quæ vocatur Sennim.* Scilicet extendit tabernacula in parte quadam terræ Galileę, & illa pars perueniebat vsq; ad vallem quādā, quæ vocatur Sennim, quæ erat vallis magna, & famosa in terra Nephthali. *Et erat iuxta Cedes.* Scilicet habitatio Haber

De Haber Cinæo.



Haber Cinai; & vallis illa Senim erat iuxta urbem Ceddes, de qua erat Barac, ut patet supra in litera. Ex hoc patet, quod quando fugit Sisara non fugit directe in terram suam, sed magis rediit in terram Israel. Nam Barac persecutus est exercitum Sisara usque ad Haroseth gentium, in qua morabatur Sisara, ut patet supra: ipse autem Sisara fugit in domum Haber, qui erat iuxta Ceddes, de qua erat oriundus Barac dux belli. *Nunciatumque est Sisara.* Hic ponitur congregatio populi ex parte Sisara: nam non potuit congregare ita cito, nec ita secrete Barac decem millia virorum, quin prae cognosceret illud Sisara, & ipse quoque armavit multitudinem suam. *Quod ascendisset Barac filius Abinoem in montem Thabor.* Scilicet cum decem millibus armatorum, & intelligitur, quod ascendisset. id est ascendere disposuisset. Nam fama erat quando congregabat exercitum, quod ascendere vellet in montem Thabor ad expectandum Sisaram, & quamquam nondum factum esset, nunciatum est tamen iam factum, vel forte iam ascenderat, & tunc nunciatum est Sisara. *Et congregavit nongentos falcatos currus.* Hic ponitur apparatus belli Sisara, & nominantur currus eius, quia in his consistebat maior virtus belli.

*An solum nongentos currus tulit in bellum Sisara, vel tria millia, ut vult Iosephus. Quæst. XIII.*

**Q**VAERET aliquis, an solum nongentos currus tulerit in bellum Sisara. Et videtur, quod non, quia hic nominantur isti nongenti tanquam non tulerit plures. Item Iabin rex non habebat plures, ergo Sisara princeps militie eius non poterat habere plures. Patet hoc supra in litera cum describeretur potentia Iabin, & dictum est: nongentos quippe currus falcatos habebat. In contrarium videtur, quod plures habuerit in bello: nam Iosephus 5. Antiquitatum dicit: Iabin rex de ciuitate Afor posita super paludem Samachonitidem habebat armatorum trecenta millia, & equitum decem millia, curruum tria millia possidebat, & sequitur ibi quomodo cum toto isto apparatu pugnaverit contra Barac: ergo saltem tria millia curruum habebat. Respondere posset aliquis, quod non est curandum de Iosepho cum ex sacra scriptura constet contrarium. Sed istud non est conuenienter dictum: nam cum Iosephus sit maximus auctor in historiis antiquis, & sit certissimus, noueritque plenè historiam Biblicam, non addidisset aliquid, nisi quod non credidisset repugnare scripturæ. Cum igitur concordari potest scripturæ, potius interpretandum est pro ea, quam è contra, quia res potius debet interpretari, quod valeat, quam quod pereat. Dicendum igitur, quod Sisara habuit in bello totam istam multitudinem armatorum, & equitum, quæ nominata est, & in hoc non dubitatur, quia non repugnare videtur literæ. De curribus etiam dicendum, quod fuerint tria millia curruum, sicut dicendum putauit Iosephus. Et quando dicitur hic, quod erant nongenti currus, responderi posset, quod isti nongenti currus erant ipsius regis: alij autem scilicet duo millia, & centum erant aliorum sibi subiectorum, ideo non computantur inter currus regis. Vel aliter dicendum, quod habebat Iabin tria millia curruum, & nongenti erant electi: duo millia autem, & centum erant qualescunque, ideo nominati sunt in scriptura solum nongenti. Sic patet de curribus Pharaonis: Exo. 14. nam dicitur: Tulit sexcentos currus electos, & quidquid in Aegypto curruum fuit. Istum sequitur Iosephus dicens: Congregauit Sisara exercitum ad torrentem Cison trecenta millia armatorum, & decem millia equitum, & nongentos currus falcatos, & alios currus duo millia, & centum. scilicet de alijs, qui non erant ita electi, sicut nongenti. Si autem velis intelligere alios. id est non falcatos, non est conueniens sensus, quia currus non falcati non erant

Alph. Tost. super lib. Iudicum.

**A** in exercitatione bellica. *Omneque exercitum de Haroseth gentium.* Id est etiam congregauit omnem exercitum, quem habebat in Haroseth gentium, & in territorio illius. Erat. n. Sisara princeps militie, ideo habebat exercitum ad manum suam, & poterat faciliter congregare quodcumque vellet. Erat autem ista multitudo exercitus trecentorum millium armatorum, & decem millium equitum. *Ad torrentem Cison.* Ad locum istum congregauit, quia Barac erat apud montem Thabor: Torrens autem Cison erat circa montem Thabor.

Dixitque Debbora ad Barac: Surge, hæc est enim dies, in qua tradidit dominus Sisaram in manus tuas: en ipse ductor est tuus. Descendit itaque Barac de monte Thabor, & decem millia pugnatorum cum eo. Perterritusque dominus Sisaram, & omnes currus eius, vniuersamque multitudinem in ore gladij ad conspectum Barac: intantum, ut Sisara de curru desiliens, pedibus fugeret, & Barac persequeretur fugientes currus, & exercitum usque ad Aroseth gentium, & omnis hostium multitudo usque ad interitionem caderet. Sisara autem fugiens peruenit ad tentorium Iahel vxoris Haber Cinai. Erat autem pax inter Iabin regem Azor, & domum Haber Cinai. Egressa igitur Iahel in occursum Sisara, dixit ad eum: Intra ad me domine mi, intra ne timeas. Qui ingressus tabernaculum eius, & operatus ab ea pallio, dixit ad eam: Da mihi obsecro paululum aquæ, quia sitio valde. Quæ aperuit utrem lactis, & dedit ei bibere, & operuit illum. Dixitque Sisara ad eam: Sta ante ostium tabernaculi, & cum venerit aliquis interrogans te, & dicens: nuncquid hic est aliquis? respondebis: Nullus est. Tulit itaque Iahel vxor Haber clauum tabernaculi, assumens pariter & malleum: & ingressa abscondite, & cum silentio, posuit supra tempus capitis eius clauum, percussumque malleo defixit in cerebrum usque ad terram. Qui soporem morti consocians defecit, & mortuus est. Et ecce Barac sequens Sisaram veniebat: egressaque Iahel in occursum eius, dixit ei: Veni, & ostendā tibi virum, quem quæris. Qui cum intrasset ad eam, vidit Sisaram iacentem mortuam, & clauum infixum in tempore eius. Humiliavit ergo Deus in die illo Iabin regem Chanaan coram filiis Israel: qui crescebant quotidie, & forti manu opprimebant Iabin regem Chanaan, donec delerent eum.

F Dixitque

25. q. 5. 9. fin. in fin.



Hostium  
debellatio

*Dixitque Debbora.* Hic ponitur tertium huius cap. f. *Dixitque Debbora ad Barac.* Erat. n. ipsa cum Barac in monte Thabor quādo venit Sisara, & hortata est Barac ad pugnandum. *Surge.* Idest celeriter fac, & non timeas inchoare bellum propter multitudinem hostium. *Hæc est enim dies, in qua tradidit dominus Sisaram in manus tuas.* Nondum. n. tradiderat Deus Sisaram in manus Barac, cum non esset adhuc inchoatum bellum, sed traditurus erat eum: dicitur tñ, q̄ iam tradidisset propter certitudinem, nam Deus id quod facere disponit, ita certissime eueniet, q̄ dato, q̄ nōdū factum sit, habere debemus illud ita certum, ac si iam factum fuisset. Vel dicitur. *In qua tradidit.* Idest tradere disposuit. Sed obijcietur, quod non tradidit Deus in manus Barac Sisara, sed in manus Iahel. Respondendum, quod in manus vtriusque traditus est, sed in manus Barac ad triumphandum de eo, & delendum exercitum eius: in manus autem Iahel ad occidendum ipsum. *En ipse est ductor tuus.* Idest ipse diriget te, vt p̄pere agas contra Sisaram. Ad hoc aut erat necessaria Debbora in bello. vt diceret quando esset tēpus bellandi.

*An superstitiosus fuerit Barac expectando tempus ad bellandum.* *Quæst. XIII.*

Ratio in  
contrariū.

**Q**VAERET aliquis, an superstitiosus fuerit Barac expectando tempus ad bellandum. f. quousq; tibi diceret Debbora. Aliquis dicit, quod sic, quia obseruare dies, vel tempora ad pugnandum, vel ad faciendum similia, est superstitio, cum hoc sit ascribere virtutem corporibus cœlestibus ad faciendum hæc, sed Barac expectauit quousque Debbora dixit ei: *Surge,* hæc enim est dies: ergo superstitiosus fuit. In contrarium videtur, quod obseruare superstitiones erat Deo valde odibile, sicut habetur *Leuit. 19. & Deutero. 18.* Barac tamen laudatur, vt vir sanctus, & ponitur ab Apostolo in Catalogo Sanctorum ad Hebræos 11. ergo non obseruauit superstitionem. Item si hoc obseruasset, Deus non dedisset ei victoriam, sed potius fecisset eum succumbere, vt videretur, quod nihil proderant superstitiones sue: dedit tamē Deus magnificam victoriam: ergo non seruauit superstitionē. Respondendum, quod Barac non fuit hic in aliquo superstitiosus. Et cum dicitur, quod obseruauit tempus. Dicendum, quod si seruasset tempus, scilicet quod esset dies Martis, & non Mercurij, vel talis, & non talis, vel quod esset tunc tale signum ascendens, vel tale, aut quod esset tunc hora talis planetæ, vel esset cōiunctio, aut aspectus aliquis talium, vel talium planetarum, esset superstitiosus, quia erat obseruare aliqd inutiliter, scilicet, quia ex hoc ascriberemus virtutem temporibus, vel corporibus cœlestibus ad dandum victoriam huic, vel illi. Quod falsum est, cum ista solum proueniant a Deo, & ipse vetuit respici ad istas superstitiones, vt patet *Ierem. 10.* scilicet: iuxta vias gentium nolite discere, & a signis celi nolite metuere, quæ timent gentes, quia leges populorum vanæ sunt, idest obseruare hoc est vanum, & istud est superstitio, scilicet cū obseruatur id quod nullius utilitatis est: tamen si seruetur solum tēpus, quia Deus iubet aliquid fieri nunc, & non postea, vel sic, & sic non est superstitiosum, sed ad obediētiam pertinet, & sic Debbora dixit ad Barac: *Surge,* hæc est enim dies, in qua tradidit dominus Sisaram in manus tuas. Nominauit enim diuinam voluntatem ad obseruandum illud tempus, & non aliud tempus, ideo non erat superstitio. Sic enim fuit de Dauid, quia Deus iussit ei, quod non inciperet pugnare cōtra Phylistinios quousque audiret sonitum gradientis in cacumine pirorum, vt patet 2. Reg. 5. Causa huius fuit, quia forte Deus disposuerat hoc tempore

Respon.  
ad  
quæsitum.Obiectum  
ad  
tempus  
et  
cetera  
componit  
ceterum  
et  
superstitio

facere miraculum pro Barac, & non alio. Nam hic fuit pugnatum de cœlo contra Sisaram, vt patet sequenti capitulo, scilicet: De cœlo dimicatum est contra eos: stellæ manentes in ordine suo contra Sisaram pugnauerunt. Voluit verò Deus istam pugnam de cœlo esse certo tempore, ideo vt concurreret cum illa Barac iussum est ei, quod aggrediretur certo tempore. Hoc exprimitur in mandato facto Dauid 2. Reg. 5. scilicet: cum audieris sonitum gradientis in cacumine pirorū, tunc inibis præliū, quia tunc egredietur dominus ante faciem tuam, vt percutiat castra Phylistinim. Ad rationem in contrarium dicendum quod obseruare dies, & tempora ad pugnandum, vel agendum similia ex superstitione est Deo odibile, cum tamen obseruatur tempus mandato Dei, non est superstitiosum, sed meritum. *Descendit itaque Barac de monte Thabor.* Non erat Barac super montem, sed apud illum: dicitur tamen descendisse, quia iuit ad torrentem Cifon, ad quē venerat Sisara, & erat ibi locus humilior. *Et decem millia pugnatorum cum eo.* Scilicet decem millia virorū, quos acceperat de Zabulon, & Nephthali: aliqui autem alij venerunt de alijs tribubus, vt de Isachar, quia tamen erant pauci, non facit hic de eis scriptura mentionem. Vel fortè, quia non venerunt ad principium belli, sed postea in fuga Sisaræ. *Perterruit dominus Sisaram.* Scilicet vt non auderet pugnare, sed fugere.

Ad ratio-  
nem in di-  
uersum.

*Quomodo Deus perterruit Sisaram in bello.* *Quæst. XV.*

**Q**VAERET aliquis, quomodo Deus perterruit Sisaram. Respondendum, q̄ fuit iste terror mittendo aliqua signa de cœlo, quæ incuterent formidinem magnam Sisaræ, sicut si tonaret Deus de Cœlo super Sisaram, vel concuteretur terra. Sic factum est tempore Samuelis, vt patet 1. Reg. 7. f. Intonuit dñs de cœlo fragore magno super Phylistinim in die illa, & exterruit illos, & celi sunt a filiis Israel: vel fortè misit sonitū magnum de cœlo tanquam adueniētis magne multitudinis exercitus, & terrore eius fugerunt Chananæi: sic fuit de Siris pugnans contra Israel, vt patet 4. Reg. 6. f. siquidē sonitū fecit Deus audiri in castris Sirie curruū, & equorū exercitusq; plurimi. Dixerūtq; adinuicem Syri: ecce mercede conduxit aduersum nos rex Israel reges Hetheorū, & Aegyptiorū, & venerunt sup nos. Surrexerunt ergo, & fugerunt in tenebris relinquētes tentoria sua, equos, & alinos, & mulos in castris, fugeruntq; animas tantū suas saluare cupientes. Vel fortè Deus ostendit multitudinē angelorū armatorū exeuntium ad pugnandū contra Sisara, quos ipse putabat viros armatos, & extimuit. Sic fuit qñ Deus ostēdit mortem plenū equorū, & curruū igneorū in adiutorū Eli-sei contra Syros, vt patet 4. Reg. 6. Vel poterat Deus mittere lapides de cœlo, qui occiderent, & turbarent exercitum Sisaræ, sicut fuit contra quinq; reges, contra quos pugnauit Iosue. Nā misit dominus lapides grandinis de cœlo in descēsu Bethoron vsq; Azecha, & pluribus lapides intulerunt mortem, quā gladio perijissent, vt patet Iosue decimo. Multis alijs modis similib. hoc fieri poterat: necesse erat tamen, quod esset aliqd signum de Cœlo, quo terrentur, quia sequenti capitulo, dicitur: De Cœlo contra eos dimicatum est: stellæ manentes in ordine suo contra Sisaram pugnauerunt. Iosephus autem dicit 5. antiquitatum, quod congressis Israelitis cum Sisara, Hymber eis magnus influxit, & quia nimia simul grando, & pluuia in faciem Chananæorum versa est, & ventus eorum aspectibus imminebat, arcus eorum, & fundibulæ inutiles fiebant, & armati propter frigora vti gladijs non valebant: Israelitis verò tempestas inimica post tergum minus nocebat, & circundantes hostes medios multos eorum occide-

Prim' mō-  
dus dicēdiSecundus  
dicēdi mō-  
dus.Tertius  
dicēdi mō-  
dus.Iosephi  
sententia



ciderunt. Ita tenet Historia Scholastica. Verisimile est autem, quod Sisara, & exercitus suus videntes hoc fugerent, scientes quod Deus pugnaret contra eos: sicut dixerunt Aegypti: in mari rubro: fugiamus Israel, quia dominus pugnat pro eis contra nos: Exo. 14. c. *Et omnes currus eius.* Id est omnes sedentes in curribus, & etiam equos curruum, quoniam si de Caelo aliqua portenta, ut tonitrua, vel lapides, vel fulgura viderent; non solum viri, sed etiam equi terrentur, & fugerent. *Vniuersamque multitudinem in ore gladij.* Id est etiam iste terror fuit supra totam multitudinem pugnatorum eius, quæ fertur fuisse trecentorum millium armatorum, & decem millium equitum, & trium millium curruum, ut ait Iosephus 3. antiquitarum. Et dicitur, quod perterriti omnes in ore gladij: non quod terreret eos per gladium, sed quia terruit eos de Caelo modo predicto, & fecit cadere perterritos in ore gladij, quia non cecidissent, nisi perterriti fuissent. *A conspectu Barac.* Id est perterriti illos, ita ut non auderent sustinere conspectum Barac, sed fugiebant. *Ita ut Sisara de curru desiliens pedibus curreret.* Id est in tantum prævaluit ista turbatio & terror, quod Sisara non potuit se continere eundo in curru, sed descendit, & pedibus fugit.

*Quare Sisara de curru descendit, & pedibus fugit.*  
Quest. XVI.

**Q**VAERET aliquis, quare Sisara descendit de curru, & pedibus fugit: nam cum iam non possent Chanaanæi sustinere impetum Israelitarum: si fugiendum foret, conuenientius fugeret Sisara in curru, quia velociores erant equi, quam quod ipse pedibus curreret, vel saltem si curru non erat ita velox poterat equum sumere. Respondendum, quod Sisara fugit pedibus, quia putauit aliter se non posse euadere: tantum enim terruerat Deus Chanaanæos, quod resistere non audebant, & etiam fugere sufficienter non poterant: putauit ergo Sisara, quod breuiter caperetur oēs de exercitu suo, & sic factum est, quia Barac persecutus est eos usque ad Haroseth gentium, & deleuit totum exercitum & curru. Ut ergo posset euadere Sisara, voluit pedibus fugere: non quod sic velocius fugeret, sed quia magis tutus foret: nam si mansisset in curru, cum esset curru suus distinctus ab alijs curribus in pluribus, Israelitæ persequerentur eum potius, quam coeteros: sic fuit quando pugnaverunt Siri contra Israel tempore regis Achab: nam iussit rex Siria seruis suis, ut contra nullum pugnarent, nisi contra regem Israel solum: ille autem mutauerat habitum, & manserat Iosaphat rex Iudæ in habitu regali, ideo illum persecuti sunt Siri vehementer quousque clamauit, & cognitum est eum non esse regem Israel. De hoc 3. Reg. vlt. Ut ergo non caperetur descendit de curru, & quia si fugeret recto itinere in terram suam, caperetur pedester inter ceteros fugientes, & occideretur: diuertit & fugit in domum Iahel. *Et Barac persequeretur fugientes curru, & exercitum usque ad Haroseth gentium.* Id est tantus fuit timor Chanaanæorum, & animositas Iudeorum, quod persecuti sunt eos usque ad Haroseth gentium, id est usque ad terram Iabin. Nam Sisara habitabat in Haroseth gentium, & ibi consueuerat habere exercitum, ut patet supra in littera, scilicet congregauit Sisara non gentes curru, & omnem exercitum de Haroseth gentium. *Et omnis hostium multitudo usque ad internitionem caderet.* Id est accidit quod omnes hostes ceciderunt gladio: & hoc fuit usque ad internitionem, id est ad totalem deletionem. scilicet quod nullus maneret. Vnde in Hebræo dicitur hic. *Et non mansit nec vnus.* Et istud non habetur tam expresse in Latino, sed significatur per hoc. scilicet quod omnis multitudo hostium cecidit usque ad internitionem. *Sisara autem*  
Alph. Tost. super lib. Iudicum

**A** fugiens peruenit ad tentorium Iahel. Non fugit Sisara recto cursu, sed declinavit ad domum Iahel, & vocatur domus Iahel, quia quamquam debuisset nominari a viro & non a femina, tamen quia ipsa occidit Sisara, & non vir suus, nominatur ipsa. *Uxoris Haber Cinai.* Hic nominatur vir suus, quia cum nominata fuerit ipsa, si non nominaretur vir suus, putaretur non habere virum: ideo nominatur. Etiam ut sciatur, quod fuerit ista Iahel, vel de qua stirpe, nam supra tactum est de Haber Cinæo, cum autem nunc dicatur, quod ipsa erat vxor Haber, cognoscetur, quæ erat, vel ad quam gentem pertinebat.

*Quare Sisara non fugit directè in terram suam, sed rediit in domum Haber Cinai.* Quest. XVII.

**Q**VAERET aliquis, quare Sisara non fugit directè in terram suam, sed rediit in domum Haber Cinai. Respondendum, quod Sisara videns magnum impetum Barac persequendo Chanaanæos, putauit, quod sequeretur omnes illos usque ad terram ipsorum, & quod antequam illuc plenè peruenirent nullum dimitteret viuere, sicut factum est. Nam persecutus fuit eos usque ad Haroseth gentium, & nullum permisit viuentem. Si autem ipse fugeret cum illis, etiam si mutasset habitum inter ceteros, ut incognitus occideretur, & quia omnes Chanaanæi fugiendo directè ibant in terram suam, scilicet ad Haroseth gentium: ipse Sisara declinavit, & venit in domum Iahel, quæ erat in terra Galilææ apud Cedem, de qua erat Barac. Et quia contra illam partem nemo fugiebat, & etiā non erat aliqua persecutio versus illuc, putauit se tuto fugiturum. Alia causa erat, quia inter regem Iabin, & domum Haber erat pax, & amicitia, ut dicitur immediate: ideo putauit Sisara, quod seruaretur ibi absconditus per aliquot dies dum cessabat persecutio hostium, & tunc abscondite poterat ire in terram suam.

*Quomodo Haber usque ad vallem Senim iuxta Cedem habitare permittebatur.* Quest. XVIII.

**Q**VAERETVR etiam circa hoc præter ea, quæ dicta sunt supra. scilicet quod habitabat Haber usque ad vallem Senim iuxta Cedem, quomodo permittebatur ibi habitare: nam ista erat terra Nephthali, & Haber non erat de stirpe Nephthali, ideo præiudicabat eis manendo in terra sua, & occupando partem magnam eius: nam cum esset vir diues, & potēs magnam partem terre occupabat. Sic patet supra, cum dicatur, quod extenderat tabernacula sua usque ad vallem, quæ vocatur Senim. Respondendum, quod Haber erat de Cinæis, & isti erant filij Iethro soceri Moyse. Israelitæ autem promiserant Iethro in deserto, quod si iret cum eis in terram Chanaan, quod quidquid optimum esset in illa, darent ei: cum ergo filij eius venerint cum Israelitis sub spe huius sponsonis, non debebant eis mentiri fidem, sed dare eis locum ad habitandum: & quia isti non erant de filiis Israel, non poterat eis assignari terra aliqua in sorte, sed dabatur eis facultas eligendi in qua terra habitare vellet, & tribus quæ haberet sortem illam permittebat eos ibi dans eis partem sufficientem terræ ad manendum. Et ob hoc à principio isti elegerunt urbem Iericho, quæ dicitur urbs palmarum ad habitandum, quia illa terra est fertilissima in toto Israel, & habitauerunt ibi, ut colligitur supra primo, pertinebat autem terra illa ad Benjamin, tamen permisit eis ibi manere: de inde elegerunt Cinæi manere cum filiis Iudæ in sorte sua, & dicitur, quod ascenderunt de ciuitate palmarum cum filiis Iudæ in desertum sortis sue, ut patet supra primo. Postea autem placuit Haber Cinæo recedere à fratribus suis, & morari in terra Nephthali, ideo permixtus est, quia nullus



nullus de Israel poterat prohibere Cinæos, & putabāt F  
Israelitæ se obligatos ad hoc, & etiam ad alia maiora  
propter beneficia, quæ susceperant à lethro in deserto.  
Sic dixit Saul quando pugnare voluit contra Amale-  
chitas, scilicet, Dixit Saul Cinæo: Abite, recedite ab A-  
malech, nè fortè inuoluam te cum eo: tu enim fecisti  
misericordiam cum omnibus filiis Israel cū ascende-  
rent de Aegypto, vt patet 1. Reg. 15. *Erat autem pax inter*  
*Iabin regem Asor, & domus Haber Cinæi.* Quasi dicat, licet  
Iabin haberet bella contra Israelitas, & premeret eos  
seruitute, tamen cū Haber Cinæo habebat pacem,  
& hoc fortè, quia Haber non erat de origine Iudeorū.  
Vel forte, quia nouiter venit ad habitandum circa ter-  
ram regis Iabin, & antequam veniret, iniuit cum eo fe-  
dus de pace tenenda. Ex hoc autem patet magnitudo  
diuitiarū, & potentia Haber Cinæi, quia aliàs non cu-  
rasset facere mentionem de eo vnus rex potētissimus.  
*Egressa igitur Iahel.* Posita morte exercitus ponitur hic  
mors ducis, scilicet Sisare, quem occidit Iahel. *In occur-*  
*sum Sisare.* Vidit Iahel Sisaram fugientem, & cognouit  
eum, ideo exiuit in occursum illius, vt eum gratis susci-  
peret, quasi beneficium exhibitura. *Et dixit ad eum: intra*  
*ad me domine mi.* Idest ingredi in domum: nam secū-  
dum modum cōmunem loquendi Hebraicum acci-  
pitur ingredi ad aliquam mulierem, idest cognoscere  
eam carnaliter: sed hic nō accipitur sic. *Intra ne timeas.*  
Dicebat ad securandum animum eius, quia posset pu-  
tare latere infidias. *Qui ingressus tabernaculum eius.* Quasi  
nihil formidans mali propter pacem, quæ erat inter Ia-  
bin & Haber Cinæum. *Et opertus ab ea pallio.* Non fuit  
opertus pallio ad dormiendū, licet ipse illico dormie-  
rit: sed ad latendum, nè quis de transeuntibus eum vi-  
deret. *Dixit ad eam: da mihi obsecro paululum aque, quia val-*  
*de sitio.* Labor magnus belli, & fugæ induxerāt magnā  
sitim, & fortè diu erat, q̄ nō biberat. s. à principio belli,  
nam impetus Barac non permittebat Chananæos ad  
aliquid attēdere, nisi ad fugam. *Quæ aperuit virem lactis,*  
*& dedit ei bibere.* Erat, n. Haber diues in gregibus, ideo  
promptum fuit vxori sue habere vtrē lactis ad dandum  
de eo Sisare. *Et aperuit illum.* s. postq̄ bibit Sisara operuit  
eum rursus Iahel, sicut prius, nè quis posset eū videre.

*Cur Iahel dedit lac Sisare aquam petenti. Quest. XIX.*

**Q**VAERET aliquis, cur Iahel dedit lac Sisare pe-  
tenti aquam. Respondebit aliquis, q̄ fortè non  
occurrit Iahel ita cito habere in domo aquam, vel vi-  
num, vt satisfaceret voluntati Sisare: ideo dedit ei lac,  
quod in promptum erat. Vel aliter potest dici, quod  
fortè in terra illa viri, & foemine vtuntur poculo lactis  
communiter, vt poculo aquæ, vel vini, & reputāt illud  
sapidius, & preciosius: Sisara autem, vt minus peteret  
petiuit modicum de aqua: Iahel autem, vt esset vrba-  
nior, & seruiret illi principi, obtulit ei lac, & ille gratis  
accepit: quod patet, quia non respuit lac, quod ei pro-  
pinauit Iahel. Alij dicunt aliter, quod fecit hoc Iahel  
ad capiendum experientiam de Sisara, an esset in suo  
sensu, vel propter timorem incepisset esse extra men-  
tem, & hoc, vt si sciret eum extra mentem, faceret de  
eo quod vellet, alioquin abstineret, & quia dedit ei lac,  
cū ipse petiuisset aquam, & ille non considerauit an  
esset lac, vel aqua, sed bibit putās esse aquam, apparuit  
esse extra mentem, ideo tunc concepit Iahel securam  
opinionem de occidendo ipsam. Aliter autem & me-  
lius dici potest, quia Iahel cogitauerat occidere eum,  
quod non poterat nisi ipso dormiente, ideo procura-  
uit quomodo eum cito soporaret, & istud erat dan-  
do lac, quia lac bibitum, vel in cibum sumptum facili-  
ter soporem prouocat, & est ille sopor fortis, & tenax.  
Et cū Iahel dedit lac Sisare, credendum est, quod ip-

Doct. resp.  
ad q̄situm.

se dixerit, cur non dabat ei aquam, & ipsa nō se habē-  
re quicquam potabile ad præsens, nisi lac responde-  
rit, & tunc biberit Sisara. Istæ duæ positiones vltimæ  
sunt conueniētes, & potissimum vltima, quia necesse  
est dici, quod lac traditum fuerit tanquam quoddam  
apparamentum ad mortem Sisare. Quod patet: nam  
sequenti capitulo laudat Debbora ipsam Iahel, quia  
occidit Sisaram, & inducit ibi ea, quæ pertinebant ad  
mortem eius tanquam instrumēta dicens: Sinistram  
manum misit ad clauum, & dextram ad fabrorū mal-  
leos, percussitque Sisaram. Ponitur etiam ibi de lacte,  
cū dicitur: Benedicta inter mulieres Iahel, aquam  
petenti lac dedit. Si tamen non pertinuisset ad mor-  
tem eius lac, non fuisset ex hoc benedicta Iahel. Ideo  
dicendum, quod datum est lac, vt obdormiret Sisara  
facilius. *Dixitque Sisara ad eam.* Hic patet, quod Sisara  
non erat extra mentem præ timore, vt voluit aliqui di-  
centes, quod biberit lac putans se bibere aquam: nam  
de salute sua diligenter prauidit: putauit enim, quod  
quamquam fuga hostium non fuisset cōtra illam par-  
tem, in qua erat Sisara, tamen finita persecutione, &  
bello putauit, quod Barac, & viri sui inquirerent per  
omnia loca circumlatentia ad locum belli, an aliquis  
à casu latuerit, & quod veniret in domum Iahel, ideo  
voluit, quod ipsa euitaret malum hoc. *Stā ad ostium ta-*  
*bernaculi.* Hoc voluit Sisara, nè introirent aliqui ad in-  
quirendum eum intra domum, & inuenirent: nam  
cū ipsa ad hostium maneret, responderet transeun-  
tibus, & non intrarent in domum: si autem ipsa esset  
intra tabernaculum inquirentes Sisaram, introirent in  
domum cū nullus sibi responderet, & inuenirent eū.  
*Et cum venerit aliquis interrogans te.* Hoc dicebat, quia  
non credebatur verisimile, quod post bellum non inqui-  
rerentur loca circumstantia, vt sciretur an aliquis latuis-  
set, & quod ad domum Haber Cinæi veniretur, quia  
erat propinqua loco belli. *Num est hic aliquis.* Scilicet  
non inquisituri erant specialiter p̄ Sisara, sed pro quo-  
cunque: quamquam ille erat, quem ipsi magis inue-  
nire desiderarent. Sic patet, quia cū venit Barac, &  
Iahel occidisset Sisaram, dixit ad Barac: veni & osten-  
dam tibi virum, quem quæris. *Respondet nullus est.* Cre-  
dendum est, q̄ Iahel sponderit Sisare se sic respon-  
suram, & facturam ad salutem eius quæcunque posset,  
cū recepisset eum, & vocasset benigne, & quia aliàs  
non mansisset Sisara securus in domo eius.

*Siquis quærens Sisaram petiisset à Iahel, & illa respondisset non*  
*est hic, an peccasset. Quest. XX.*

**Q**VAERET aliquis, si aliquis quærens Sisaram  
petiuisset à Iahel, & illa respondisset, nō est hic,  
an peccasset. Aliquis respondebit, quod solum pecca-  
ret venialiter, quia erat peccatum mendacij officiosi,  
scilicet pro saluanda vita alicuius. Respondendum,  
quod non est dubium an peccaret, sed dubium est an  
mortaliter, vel venialiter peccaret: nam si esset men-  
dacium istud perniciosum etset peccatum mortale: si  
autem officiosum etset veniale. Sed dubium est, an  
etset mendacium officiosum, vel perniciosum. Et re-  
spondendum, quod si ista Iahel fuisset mulier de stirpe  
Iudæorum, & vxor viri Iudæi, mendacium etset perni-  
tiosum, si ad defendendam vitam Sisare mentiretur:  
nam non vocatur officiosum, eo quod est ad defendē-  
dam vitam, sed quia est ad defendendam vitam, quæ  
iniuste auferenda erat: nunc autem vita Sisare nō au-  
ferebatur iniuste, sed iustissime, quia iussu Dei, cū ipse  
iussisset fieri bellum contra illum, & dixisset, quod tra-  
deret illum in manus Barac, vt patet iupra: imò de-  
fendere vitam illius etset valde perniciosum, quia ille  
postea fugiēs armaret Chananæos rursus cōtra Israel,  
&



& opprimeret populum, & quicumq; liberaret eum a morte, esset reus omnium malorum, quæ ipse postea ageret: potissimè, quia quælibet mulier Iudæa tenebatur diligere salutem terræ suæ, & abominari hostes, atque ad eorum interitum agere quātum posset. Quod ergo aliqua mulier Iudæa eū occultasset, & negasset, ut fugeret incolumis, erat fauere hostibus, & tenebatur crimine partiē proditæ, & ipsa erat hostis: non solum ergo peccaret mortaliter, sed etiam grauius. De Iahel autē videbatur dubium propter duo. Primò, quia ipsa non erat de populo Israel origine, sed de Madianitis. Etiam non erat vxor viri Israelitæ, sed Cingæ. Secundò, quia vir suus, & tota domus eius fecerat pacem cum rege Iabin. De primò dicendū, quod licet non esset Iahel origine Iudæa tenebatur ad defendendum, & procurandum salutem Israel iuxta vires, quia quamq; proauī sui fuissent Madianitæ, cū ipsa non nata fuerit in terra Madian, sed in terra Israel, & fortè aui sui, & proauī ibi nati fuerant, quia iam centū octoginta anni ferè transierant ex eo tempore, quo Cinæi coeperat esse cū filiis Israel. Cā primo anno exitus de Aegypto, quando venit Iethro ad Moysen in Sinai desertum, de quo Exo. 18. & Nu. 10. quibus quadraginta annis deserti addantur quadraginta anni Othonielis & octuaginta anni Aod, & viginti anni in oppressione Iabin erūt simul centum octuaginta anni: & sic in isto tempore iam plenè erant Cinæi effecti pars populi Israel: vnde tenebantur ipsi, & vxores eorum procurare vtilitatem huius populi, sicut Hebræi ex genere. Item licet non esset Iahel vxor viri Hebræi, tamen erat vir suus natus, & non conuersus ad Iudaismum, & fortè patres, & proauī eius fuerunt in ritu Iudaico, ideo tenebatur ipse procurare vtilitatem populi Iudaici, & consequenter vxor eius. De secundò, scilicet de pace facta inter Iabin, & domū Haber nō dicitur nunc, sed infra: præsupponatur tamen nunc, quod non obstabat illa, quin posset Iahel prodere ipsum Sisaram. Dicendum igitur, quod Iahel non peccasset venialiter, scilicet officiosè, sed magis peccaret mortaliter, & grauius, si mentita fuisset, ut abiceret Sisaram. *Tulit itaque Iahel vxor Haber clauum tabernaculi.* Clauus tabernaculi est paxillus ferreus, quo in terra tabernaculum funibus extētum figitur, & tulit Iahel vnum de clauis illis. *Assumens pariter & malleum.* Ista instrumenta erant valde necessaria vtentibus tabernaculis ad figendum ea, & ad mutandum, & deponendum, & ob hoc Iahel habuit illa in pròptu, quia vir suus utebatur tentorijs portatilibus. Intelligendum autem, quod fecit hoc Iahel postquam cognouit sopore grauatū fore Sisaram. *Et ingressa absconse, & cum silentio.* Scilicet leuiter, ut non excitaretur Sisara, & impediretur opus eius. *Posuit supra tempus capitis eius clauum.* Eo quod partem istā pròptam inuenit ad figendum ea, vel quia pars ista tenerior est, & leui ictu posset caput transfodere. Hic ponitur tempus, & est antiqua grammatica: nam nūc tempus dicitur, ut asseuerant omnes doctissimi, & reputant puerile dictum esse tempus, & temporale: sed olim non fuit puerile cum Ieronimus, qui se proficitur inter grammaticos, & rhetores ab ipsa sua infantia enutritum, ut patet in prologo super Iob, qui incipit: Cogor per singulos: hoc dixerit. Consuetudo tamen ex tempore in vocabulis introducit, & cessant, quæ fuerunt, & noua superducuntur, & fiet quidquid volent vsus, ut ait Horatius in libro suo de correctione poetarum, qui incipit.

*Humano capiti cervicem pictor equinam.*

*Percussit malleo.* Scilicet clauum positum supra tempus. *Defixit in cerebrum vsque ad terram.* Vnica percussio fuit, sed fuit valida: ideo potuit transuerberare vsq; ad Alph. Tost. super lib. Iudicum.

A terram, alioquin si prima percussio fuisset debilis surrexisset Sisara ante secundam percussionem. *Qui soporem morti socians.* Id est sopor suus fuit coniunctus cum morte: quasi dicat, quod postquam coepit dormire, nunquam euigilauit, sed in ipso sopore mortuus est. *Defecit & mortuus est.* Scilicet defecit viribus: nam cū valida fuisset percussio non habuit vllas vires ad surgendum, voluebatur tamen per terram in primo limine mortis, sic patet sequenti capitulo, scilicet inter pedes eius ruit, defecit & mortuus est: ante pedes illius voluebatur, & iacebat examinis.

*Quare Iahel occiderit per seipsam Sisaram, & non tradidit eum in manus Israelitarum. Quæst. XXI.*

**Q**VAERET aliquis, quare Iahel occiderit per seipsam Sisaram, sed debuisset seruare eum, ut traderet in manibus eorum, qui inquirerent eum, & sic nō ageret tam directè cōtra pacem interpositam cum rege Iabin. Respondendum est, quod Sisara erat magnus hostis Israel, & si euasisset inde, poterat facere multa mala Israelitis, quæ abominabatur Iahel, ideo defiderauit ipsa nimis, quod moreretur, & quia timebat, quod fortè nullus veniret ita cito ad inquirendum ipsum, & ipse expergefactus de somno fortè recedere inde veller, deluderetur intentio Iahel, ideo festinauit occidere eum per seipsam. Alia ratio erat, quia si ipsa non occidisset eum, sed tradidisset in manus inquirentium eum, forsitan præsumeretur contra eam, quod ipsa voluisset ei sponte dare locum euadendi, & quia nunc non prodidisset eum sponte, sed quia nō potuit eum celare: haberetur autem ad hoc radix suspicandi, scilicet, quia domus Haber habebat pacem cum rege Iabin, ut patet supra, & si suspitio ista vera esset, Iahel esset rea criminis, ideo ut excluderet à se istam suspicionem, interfecit eum. Alia ratio fuit, quia fortè Iahel erat mulier auida laudis, & quia occidere istū principem erat magna gloria, cū esset tam potēs, potius ea voluit eum occidere, quàm tradere alteri occidendum. Cū autē dicitur, quod minus directè egisset contra pacem interpositam, si ipsa nō occidisset eum. Respondendum, quod si pax interposita obligabat eā quocunque modo eum occideret peccabat, & agebat contra fœdera, nec est differentia in hoc an ipsa per se eum occideret, vel alteri eum traderet occidendum, & ad hoc solum seruasset eum, ut occideretur, & tamen neutrum agendo putabat se Iahel teneri crimine ruptorum fœderum, de quo infra dicitur.

*Cum venisset Sisaram ad domum Iahel cur non dixit ei Iahel, quod inde recederet. Quæst. XXII.*

**Q**VAERETVR vltèrius, cū venisset Sisara ad domum Iahel, cur non dixit ei Iahel, quod recederet inde, & quia non poterat ibi esse securus, & in hoc videtur, quod satisfecisset vtriusq; scilicet tam paci interpositæ, quàm Iudæis: nā si sic dimisisset eum satisfecisset ei, quod non occidebat illum, nec tradebat alteri occidendum: nunc autem ipsa occidit, & visa est violasse fœdera: satisfecisset etiam Hebræis, quia non receperat eum in domo sua ad dandum illi locum fugiendi, & euadendi. Respondendum, quod Iahel cautius egit eum sic occidendo, quàm dimittendo: nam illo modo offendisset vtramque partem, & nulli profecisset: nam si respexisset fœdera pacis, & ob hoc nollet eum occidere, nec seruare alteri occidendum, non solum obligabatur ad hoc, sed etiam ad occultandum eum: nam si non reciperet illum, caperetur in agro non habens locum se abscondendi, & hoc ipsa videbat, ideo tenebatur rea fracti fœderis.

F 3 Etiam



Etiam non satisfaciebat Israelitis, quia si ipsa, sic eum non reciperet, & ob hoc fugeret, poterat ille euadere, & postea egisset mala multa in Israel, quorum omnium tenebatur rea Iahel, quia potuisset eum occidere, & noluit, sed ob hoc eum a se eiecit, ut non occideretur, ergo teneretur crimine faultricis hostium: non fuit igitur conueniens modus ille. Iste autem, quem tenuit fuit valde conueniens: nam non putabat, se obligatam foedere, quin posset occidere Sisaram, ideo ut plenè redderet debitum populo suo, & natali terræ, se solum eum recepit, sed etiam induxit, ut intraret, dicēs: intra ad me domine mi, nē timeas: & postea occidit illum. *Et ecce Barac*. Id est postquam occidit Iahel Sisaram accidit, quod veniret Barac dux exercitus Israelis. *Sequens Sisaram veniebat*. Id est veniebat ad inquirendum Sisaram an alicubi lateret, quia compererat ipsum in bello fugisse de curru. Et non dicitur, quod veniebat sequens Sisaram. scilicet quod vidisset Sisaram fugientem, & nunc persequeretur eum per iter, quo fugerat, sed persequeretur eum. scilicet inquirendo. *Egressa quoque in Iahel in occursum eius*. Scilicet ad congratulandum ei de morte Sisara, & ut aliquid boni nuntiaret: nam Barac putabat, quod fortè euassisset Sisara, de quo nimis doleret, quia poterat rursus mouere bella contra Israel, nunc verò nunciando ei mortem Sisara aliquid lætum enuntiabatur. *Dixit: veni & ostendam tibi virum, quem quæris*. Antequam quicquam loqueretur Barac, locuta est Iahel, quia sciebat, quod ipse principaliter inquirebat Sisaram, quam aliquem alium. *Qui cum intrasset ad eam*. Id est in domum, vel tabernaculum eius. *Vidit Sisaram iacentem mortuum*. Quia non excluderat eum de domo quousque veniret viri Israel, & videret quid egerat Iahel. *Et clavum infixum in tempore eius*. Scilicet, quia sicut infixerat eum configens terræ, ita & nunc manebat, ut daretur probatio rei facte, & non crederetur, quod aliunde mortuus ductus fuisset. *Humiliavit ergo Deus in die illa Iabin*. Scilicet fecit eum impotentem, ut iam non posset eleuari super populum Israel præcedendo illos, sicut prius, quia mortuo Sisara duce exercitus, & deletio exercitus, combustis quoque curribus, & subneruatis equis, non manebat ei adminiculum contra Israelitas: ideo non solum non poterat eos opprimere, sicut à principio, sed etiam non poterat iam defendere se ab illis. *Regem Chanaan*. Vocatur rex Chanaan, id est totius terræ Chanaā, quia ciuitas Asor, in qua ipse regnavit, erat principatum tenens super omnia regna Chanaā, ut patet Iosue 11. *Coram filiis Israel*. Id est videntibus eis humiliatus est, scilicet quia per terrorem, quem Deus misit de coelo super Sisaram, & exercitum eius humiliatus fuit Iabin, ita quod non auderet iam pugnare contra Israelitas. Vel dicitur. *Coram filiis Israel*. Id est à facie filiorum Israel, scilicet quod ipsi fuerunt, qui humiliauerunt eum, domino tamen agente hoc. *Qui crescebant quotidie*. Scilicet in potestate: nam diminutio vnius oppositi est confortatio alterius, & quia quotidie decreviscebat rex, crescebant Israelitæ, quia nunc sub Barac colebant dominum. Ipse enim suscepto beneficio illo speciali à Deo, coegit illos ad colendum semper Deum dum ipse vixit. *Et forti manu opprimebant Iabin*. Id est cum magna potestate insurgentes in eum opprimebant ipsum inferendo ei violentias multas. Nam postquam semel præualuerunt, armaabant sæpe exercitum, ut eum oppugnarent, & prædabantur in terrā eius, atque capiebant loca. *Regem Chanaan*. Quamquam non maneret nunc iste titulus, tamen semper nomen manebat, quia antiquitus hoc fuerat, ut patet Iosue vndecimo. *Donec deleverit eum*. Scilicet totaliter eius potentiam destruendo, & capebant terram eius: unde post hoc nunquam iste rex pugnavit contra Israel.

*An Haber Cineus peccauerit faciendo pacem cum Rege Iabin.*  
*Quæst. XXIII.*

**Q**VAERET aliquis, circa supra dicta, an Haber Cineus peccauerit faciendo pacem cum rege Iabin: nam dicitur in litera, quod pax erat inter Iabin & domum Haber. Aliquis dicit, quod sic, quia Iabin erat hostis Israelitarum, & premebat eos durissimè. Haber autem erat unus de populo Israel, quod ergo ipse iniret pacem cum hoste Israel, videbatur agere contra populum. Respondendum, quod Haber Cineus non peccauit faciendo pacem cum Iabin, nec offēdit in hoc Israelitas, quia alioquin ipsi eum expulissent de medio sui tanquam hostem, & faulorem hostium, & publicassent bona eius: sed nihil ei mali intulerunt permittendo viuere, ubi vellet: ergo non offēdit populum. Pro quo sciendū, quod ista pax poterat multipliciter iniri. Vno modo, quod cum Iabin esset rex potens, & Haber esset habitans circa terram eius quod præstitis aliquibus magnis seruitiis, & muneribus ei ab eo obtinuerit pacem. scilicet quod nullus de regno Iabin noceret Haber Cineo, nec rebus eius, & tamen Iabin non petiuit hoc ab Haber Cineo, quia cum ille non esset vir potentissimus, sed solum quidam vir diues, non timebat, quod ei quicquam mali infligere posset, ideo non curauit petere ab eo aliquam securitatem, sed solum ei illam præstitit, & in hoc non faciebat Haber quippiam contra Israelitas, quia quod ipse quæreretur utilitatem suam, non nocendo Israelitis non faciebat iniustum. Si autem promississet adiuuare regem Iabin contra quemcunque hostem suum, tunc Israelitæ offēderentur, quia Haber deberet pugnare contra eos. Alio modo poterat iniri pax, scilicet quod Iabin & Haber conuenirent inter se, scilicet quod nullus de regno Iabin noceret Haber, & quod Haber, vel domus eius non offēderet in aliquo Iabin, & habitatores regni eius: tamen non conueniunt ulterius de mutuo adiutorio impendendo. Aliiter ēt fieri poterat, scilicet cum quod Israelitæ opprimerentur à Iabin tributis, & vellēt aliquantulum resistere, non habebant pacem cum eo, quia non subdebantur omnino. Haber autē soluebat tributa immoderata. scilicet quantumcunque petisset Iabin, ideo specialiter ei præstitit securitatem, & pacem. Aliiter esse poterat, quod Haber & Iabin conuenissent inter se de non nocendo in alterutrum, & de compugnando mutuo. scilicet quod quicunque esset hostis vnius esset hostis alterius, & quicunque vnus indigeret auxilio ad bellum, teneretur alius ei auxilium prestare: istud autem non solum vocatur pax, sed etiam fœdus, & amicitia: sic Arist. 8. & 9. Ethic. dicit esse amicitiam inter duas ciuitates, quod de compugnando conueniunt: simile fœdus & amicitiam composuerunt Romani cum Iudæis, ut patet 1. Mach. 8. Dicendum autē, quod in tribus modis primis non offēdebat aliquantulum Haber Cineus Israelitas, sed solum procurabat utilitatem suam. In quarto modo ipse offēderet eos, essetque hostis populi cum per hoc obligaret se ad pugnam contra Israel, & tunc Israelitæ non passi fuissent eum inter eos viuere. Dicendum igitur, quod habebat pacem aliquo de tribus modis primis cum Iabin.

*An Iahel Sisaram occidendo peccauit.*  
*Quæst. XXIII.*

**Q**VAERETVR ulterius, an peccauit Iahel occidendo Sisaram. Aliquis dicit, quod sic, quia dicitur supra in litera: erat. n. pax inter Iabin regem, & domum Haber Cinei: ergo occidendo Sisaram violabat fœdera interposita, quod est graue peccatum, non solum de iure positivo, sed et de iure naturali, & gērium. Item Iahel induxit Sisaram, ut introiret in domum suam promittens securitatem, & postea occidit eum: ergo peccauit. Respondendum, quod non peccauit Iahel occidendo Sisaram: quia

Pax  
Iabin  
domi  
ber m  
pliciter  
niri p  
rat.

Cuius  
ratione  
diuina



quia sacra scriptura laudat eā, vt patet seq. c. in cantico  
eum Debbora, pphetes dixit: Benedicta inter mulieres  
Iahel vxor Haber Cināi: scriptura tñ non laudat vitia.  
Dicendū ergo, q̄ nō peccauit, sed potius meruit, eo q̄  
habet multiplex incentiuū ad hoc. Primum fuit, quia  
sicut quilibet de populo tenebat iuxta vires dare ope-  
ram ad procurandum salutem populi & maxima salus  
populi erat in occidendo Sisarā, ita & Iahel tenebatur  
ad laborandū p salute populi, & consequenter poterat  
licite conari ad occidendū Sisarā: nam Haber Cinus,  
& vxor sua, & tota domus sua erāt partes domus Israel,  
eo q̄ morabantur in terra illa, & non habebāt alibi ha-  
bitationē: ideo tenebant magis pugnare p salute terre  
huius, q̄ alicuius alterius. Item Haber erat Iudcus. ser-  
uans ritum Iudaicū ipse, & vxor sua, & tota domus sua,  
ideo pugnandū sibi erat p gente, q̄ tenebat hanc legē.  
Item Haber erat quasi habens originē de Iudcis: nam  
licet antiqua pgenies eius, & aliorū Cinorū fuerit de  
Madianitis, tñ iam erant quasi 180. anni, quibus Cinci  
pertinebant ad populum, ita q̄ iam habuerant auos, &  
proauos in populo Israel, ideo rationabiliter agēdum  
eis erat pro salute huius populi. Item Iahel poterat hoc  
iuste agere, q̄ sciebat istā esse voluntatē Dei. sc̄p̄ Deus  
dixerat, q̄ traderet Sisarā in man⁹ Barac, vt patet supra  
in litera: ergo sciebat licitū esse cuilibet eē ministrum  
Dei occidēdo Sisarā. Item hoc ostēsum est, quia Deus  
de cēlo pugnauerat contra Sisarā, & exercitum eius, vt  
patet seq. c. & supra in litera dī, q̄ perterritus dñs Sisarā,  
& omnes currus eius, ideo non erat culpabile exercere  
vindictā in illos, quos De⁹ puniri volebat. Ad primam  
rationē in contrariū dicendū, q̄ non egit Iahel contra  
fēdera, & pacē. Nam si primō modo de 4. supra positis  
fuerit pax, non obstante illo poterat Haber, & quilibet  
de domo sua pugnare contra Iabin, & quoslibet de re-  
gno eius: eo quod Haber nihil promiserat Iabin. Si  
autem fuerit pax secundo modo nō peccauit Iahel,  
quia illud fēdus tenebat, quando Iabin non innouaret  
aliquid in quo lēderetur Haber, sed nunc in pugna ista  
lēsus est aliquāliter, ideo poterat frangenti fidem ean-  
dem frangere. Aliter & melius dici potest, quod da-  
to, quod isto modo teneretur Haber nihil nocere Ia-  
bin, aut rebus eius: tamen Iahel nō tenebatur ad hoc,  
eo quod ipsa non interuenerat in hoc fēdere, quia vt  
communiter viri componunt fēdera, & non fēmine,  
quia non timetur de eis ad hos casus. Vel aliter dicen-  
dum, quod dato, quod ipsa sic pepigisset, Deus mouit  
cor eius ad hoc faciendum quod ipsa bene cognouit,  
ideo non tenebatur ad aliquid, quia spiritus Dei mo-  
uet in libertatem iuxta illud Apostoli: Qui spiritu Dei  
aguntur, non sunt sub lege. Si autem tertio modo ef-  
set pax facta, tam ipse Haber, quā quilibet de domo  
sua poterat habita opportunitate liberare se ab illa ser-  
uitute, quia illa nō erat compositio fēderis, sed solum  
redemptio vexationis per ingentia munera: potest au-  
tem quilibet quādoque ei occurrerit eximere se  
à tali vexatione. Si autem dicas, quod quartō modo  
erant fēdera inita non est concedendum, quia non p-  
miserat Israelitæ, vt supra dictum est: non ergo pec-  
cauit Iahel contra pacem positam. Ad secundam ra-  
tionem cum dicebatur, quod promisit ei securitatem,  
& non seruauit. Respondendum, quod licet aliqua  
circūstantialia essent in actu Iahel non bona: tamen  
ipse actus bonus fuit.

An Iahel in verbis, quæ locuta est ad Sisaram peccauit.

Quæst. XXV.

**Q**UÆRITUR vltius, an Iahel peccauerit  
in verbis, quæ locuta est ad Sisaram, dato quod  
non peccauerit occidendo ipsum. Aliquis dicet, q̄ sic  
Alph. Toft. super lib. Iudicum

**A** Primō, quia ipsa egressa est in occursum Sisare osten-  
dendo ei bonam faciem, vt vellet manere apud eam,  
& posset eum interficere. Secundō, quia dixit: Intra  
ad me domine mi, intra ne timeas, & ob hoc Sisara se-  
curus introiuit in tabernaculum. Tertiō, quia post  
introitum in domum ostendit se nimis obsequiosam  
Iahel circa Sisaram operiendo eum pallio, & dando ei  
bibere, & hæc omnia faciebat, vt eum securaret ad oc-  
cidendum. Quartō, quia vt colligitur ex litera ipsa,  
consensit, vel promisit se mentituram pro illo, & ta-  
men non intendebat mentiri, nec mentita est, & in  
hoc ipso mentita est, scilicet quando Sisara dixit sta ad  
ostium tabernaculi, & cum venerit aliquis interrogās  
te, nunquid hic est aliquis: responde, nullus est: & hoc  
facere consensit Iahel, quia alioquin non mansisset  
Sisara in domo illius: ergo mentita est, cum non in-  
tenderet sic agere. Respondendum est, quod in actu  
Iahel interuenerunt aliqua, quæ erant licita, scilicet  
desiderare occidere Sisaram, qui erat hostis populi Is-  
rael, & cooperari ad hoc ipsum: & ob hoc scriptura  
laudat Iahel non simpliciter, sed quantum ad ea, in  
quibus bene egit: vnde sequenti capitulo, non lauda-  
tur Iahel, nisi quod occiderit Sisaram percutiendo eū  
malleo, & clauo, & quod ei lac in potū dederit, quod  
erat ad faciliter dormiendum. De verbis autem, quæ  
locuta est non fit ibi vlla mentio, quasi non esset lau-  
dabilis propter illa: sic enim fit in quibusdam alijs fa-  
ctis: nam factum Raab, scilicet quod liberauerit ex-  
ploratores Israelitarum laudatur, sed non mendacia  
eius ad liberandum illos: effectus quoque obstetriciū  
Aegypti, & actus comendatur, & Deus laudat eas pro  
mittens bona, sed non laudantur mendacia: Exod. 1.  
& de Raab Iosue 2. & 6. scriptura quoque laudat opus  
Iudith, & deuotionē eius ad populum, pro quo morti  
se exposuit, vt occideret Holofernem, sed non com-  
mendat multiplicia mendacia eius, quæ dixit corā  
Holoferne, & simulauit, vt posset eum occidere. De  
hoc per totum librum Iudith: non sunt ergo com-  
mendanda omnia verba Iahel, nec excusanda à pec-  
cato. Sed tunc dicetur, quomodo peccauit? Aliquis  
respondebit, quod peccauit mortaliter, quia mentiri  
ad defendendam vitam alicuius est officiosum, ideo  
est veniale: è contrario ergo mentiri ad occidendum  
aliquem erit perniciosum, sed sic fecit Iahel. Respon-  
dendum, quod non omne mentiri ad conseruandum  
vitam est officiosum, nec mentiri ad occidendum est  
semper perniciosum, sed considerata est causa pro  
qua hoc fit: nam si quis mentiatur ad tuendam vitam  
alicuius in casu, quo tenebatur velle mortem illius  
perniciosum est: sicut si quis sit hostis publicus patrie  
omnia diripiens, & diruens: si ille capiendus sit, & ali-  
quis de terra illa, quam iste depauperat per mendaciū  
suum liberauerit eum, cum ex hoc det ei occasionem  
ad cœtera furta, & faueat hosti publico, mortaliter  
peccat, & peccatum suum est perniciosum, quia in  
perniciem patriæ vertitur vita huius: qui ergo manife-  
stat, vt moriatur, non peccat: velut si quis eum in bel-  
lo iuste indicto occidat, & qui eum cœlauit patriæ  
proditor est. Ita igitur de Sisara, & Iahel: nam Sisara  
hostis patriæ erat, ideo quod Iahel mentiretur ad oc-  
cidendum eum non erat perniciosum, sed salubre  
patriæ: ipsum tamen mendacium in se per nullam  
viam honestari potest, sed potest esse bonum quod  
per mendacium est: & sic saltem semper erit veniale  
mendacium quantuncunque illud excusauerimus.  
Hoc dicendum videtur de Iahel, scilicet quod venia-  
liter in his mendacijs, & fictionibus peccauerit.

Doc. resp.  
ad quæsi-  
tum.

Mendaciū  
officiosum  
& pnicio-  
sum.



## CAPITVLVM V.



Hercules  
Iouis filius  
vir immen-  
si roboris  
claret.

Ecineruntque Deb-  
bora, & Barac fi-  
lius Abinoem in il-  
lo die, dicentes:  
Qui sponte obtuli-  
stis de Israel animas  
vestras ad pericu-  
lum: benedicite Do-  
mino. Audite reges, auribus percipite prin-  
cipes: ego sum, ego sum, quæ Domino ca-  
nam, psallam Domino Deo Israel. Domi-  
ne cum exires de Seir, & transires per re-  
giones Edom, terra mota est, cælique ac  
nubes distillauerunt aquis. Montes fluxe-  
runt a facie Domini, & Sinai a facie Do-  
mini Dei Israel. In diebus Samgar filij A-  
nath, in diebus Iahel quieuerunt semitæ:  
qui ingrediebantur per eas ambulauerunt  
per calles deuios. Cessauerunt fortes in Is-  
rael, & quieuerunt; donec surgeret Deb-  
bora: surgeret mater in Israel.

*Cecineruntque.* Posita est in superioribus hostium  
debellatio, hic consequenter pro collata victoria sub-  
ditur gratiarum actio, & vocatur istud canticum Deb-  
bora, & Barac. Est autem principaliter ipsius Debbo-  
ra, in quo ipsa primò se, & alios ad laudes diuinas inci-  
tat. Secundò constantiam filiorum Israel recitat ibid.  
*Demachir.* Tertiò cui sit attribuenda victoria explicat  
ibidem. *De celo dimicatum est.* Quartò ipsam Iahel  
comendat ibidem. *Benedicta Iahel.* Prima in duas, quia  
primò se, & alios ad Deū laudandum incitat: secundò  
ad hoc rationem applicat ibidem. *Domine cum exires.*

*An hic sit ordo mutatus.* Quest. I.

**Q**VAERETVR circa primum, an ea, quæ di-  
cuntur hic, sint continuata ad præcedentia, vel sit  
ordo mutatus. Respondendum, quòd non potest hic  
conuenienter assignari ordo cum superiori, eo quòd  
in superioribus tangebatur historia, hic autem solum  
canticum sine historia: facta autem inter se cōtinuari  
possūt ordine nature, vel dicta inter se ordine rationis,  
dicta tamen cum factis, vel è conuerso non possunt di-  
rectè habere ordinem. Dicendum tamen hic, quòd  
non est ordo mutatus, quia præcedenti capitulo dictū  
est de bello, & victoria Barac cōtra Sisaram, hic autem  
subijcitur canticum pro hac causā factum, & istud fuit  
factum immediatè post bellum, ideo conuenienter  
ponitur post præcedentia: nam nulla gesta temporum  
inter hoc, & illa supra dicta interuenerunt, præcipuè  
cū istud canticum videatur factum die qua consum-  
matum est bellum, vt patet in litera, scilicet cecinerūt  
Debbora, & Barac in die illa, scilicet in die belli, vel die  
occisionis Sisare. *Cecinerunt.* Canere ponitur, vt est  
distinctum contra loqui: nam ea, quæ profaice dicun-  
tur ad locutionem pertinent, & dicitur aliquis loqui illa,

**F** vel dicere, quæ autem metricè dicuntur, vel pertinent-  
tia ad cantilenas non dicuntur dici, sed cantari, & sic  
cū ea, quæ habentur in toto isto capitulo, procedant  
lege metrica, & per certa membra carminis, sicut me-  
lius apparet apud Hebræos: nam hoc est, sicut carmi-  
na, quæ in choreis dicuntur, & in voce simul, & musi-  
cis instrumentis. Sic patet de cantico Mariæ sororis  
Moyfi: nam ipsa sumpsit tympanum, & cum cœteris  
mulieribus cantauit primò canticum, quod Moyfes fe-  
cerat: de quo Exod. 15. ideo apud Hebræos ista canti-  
ca aliter punctuantur, quàm oratio profaica, sicut ali-  
ter metra diuisim punctuantur apud prophetas, quàm  
oratio soluta apud oratores. *Debbora, & Barac filius A-  
binoem.* Ambo cantabant, sed Debbora erat auctrix cā-  
tici, cū ipsa haberet spiritū propheticum dictantem  
hæc: Cantabant autem ambo, quia ipsi fuerant media-  
tores huius misericordiæ Dei, s. in victoria contra Si-  
saram. Nam Debbora hoc denunciauit, & Barac il-  
lud expleuit actualiter pugnando. *In die illa.* Scilicet  
die qua occisus fuit Sisara. Vel die, qua redierunt de  
prælio. *Dicentes.* Scilicet ea, quæ sequuntur. *Qui sponte  
obtulistis animas vestras ad periculum, benedicite Domino.*  
In hoc incitat Debbora se, & alios ad incipiendū lau-  
des Dei. Et refertur ad bellatores, qui sponte se obtu-  
lerūt ad eundem ad bellum, scilicet, quòd licet Deus  
iussisset ire decem millia de Nephthali, & Zabulon,  
& ex hoc tenerentur ire etiam inuiti: tamen dicente  
eis Barac, & Debbora ex parte Dei sponte iuerunt.  
Et isti incitantur ad benedicendum domino: quasi di-  
cat: vos fuistis in periculo pugnando contra Sisaram,  
& Deus liberauit vos adiuuando de cœlo, ideo bene-  
dicite ei in retributione beneficii agendo gratiarum  
actiones.

*An hi eundo ad bellum obtulerunt se ad periculum, cū essent  
certi de victoria.* Quest. II.

**Q**VAERET aliquis, an isti eundo ad bellum  
obtulerunt se ad periculum. Aliquis dicet, quòd  
non, quia Deus eripuit Israel de manu Sisaræ, & de cœ-  
lo dimicatum est contra eum. Respondendum, quòd  
Nicolaus vult, quòd non fuit propriè periculum, sed  
large cū Deus pugnaturus esset, & non ipsi. Etiam  
aliqui volunt, quòd accipiat periculum pro bello,  
quod est materialiter periculum, scilicet, qui obtuli-  
stis vos ad periculum, id est ad bellum. Sed dicendum  
est, quòd fuit hic periculum. Pro quo considerandū,  
quòd periculum quamquam à pereundo dicatur, ta-  
men non est illud, in quo aliquis perit, sed in quo time-  
tur, quòd aliquis pereat, aut verisimile est, quòd pereat  
& sic communiter omnes actus fortitudinis sunt peri-  
cula, quia in illis potest homo perire, vel mala pati: &  
sic est de omnibus bellis, quæ propriè vocantur bella:  
nam quòd homines nimis inæqualiter se habentes pu-  
gnent, vt inermes cum armatis, vel decem cōtra unū,  
regulariter non est periculum, ideo quòd decem ho-  
mines offerant se ad pugnandum contra alium homi-  
nem de communibus, non dicuntur se offerre ad peri-  
culum. Si igitur pignantibus Iudæis contra Sisaram  
erat aliquod dubium de salute omnium, vel aliquorū  
iporum, dicebantur se exponere periculo. Ratio au-  
tem dubitandi an fuerit periculum est, quia Deus pu-  
gnauit pro Israel, vt patet infra, scilicet de cœlo pugna-  
tum est contra Sisaram. In hoc autem considerandū,  
quòd aliquando pugna Dei supplebat omnem pugna  
Iudæorum, ita quòd eis non pignantibus tradebatur  
victoria, iuxta illud Exo. 14. scilicet: Dominus pugna-  
bit pro vobis, & vos tacebitis, id est nihil facietis: & sic  
euenit, quia Israelitis ambulanti per mare percuf-  
sit dominus castra Aegyptiorum per columnā ignis,  
&



& nubis, & ferebantur in profundum maris, & tunc non est dicendum, quod Iudæi se exponerint periculo, quia nihil fecerunt. Sic etiam fuit in torrentibus Arnon: Nume. vigesimo primo: sic etiam tempore Ezechie quando percussit Dominus castra Assyriorum per noctem, & perierunt 185. millia, ut patet quarto Regum decimo nono capit. Aliquando autem Deus dabat Israelitis victoriam non faciens ipse omnia, sed adiuuans Israelitas, sicut fuit persequente Iosue quinque reges Amoræthos: nam in descensu Bethoron vsque Azeca misit Deus lapides grandinis de coelo magnos, & plures ceciderunt lapidibus, quam gladio, ut patet Iosue decimo. Sic etiam fuit quando tempore Samuelis intonuit Dominus de celo super Philistinim: atque perterritus eos, & cæsi sunt ab Israelitis: primo Regum septimo. Et in hoc distinguendum est, quia Deus aut prænuñciabat, quod adiuturus esset Israelitas, aut non: si non prænuñciabat dicendum, quod exponerent se periculo, quia a principio non patebat quicquam de Dei adiutorio: & isti obijciebant se ad omnem eventum: ideo habebant in hoc actum fortitudinis, quamquam Deus postea totum bellum ageret. Si autem prænuñciaret Deus, quod adiuturus erat, aut certificabat quod nullus de Hebræis periret, aut non: si primum, dicendum, quod non se exponerent periculo, sed labori: si secundum, dicendum, quod se exponerent periculo, quia per promissionem Dei certi erant de victoria, sed non de euasione omnium in bello. Erat tamen expositio ad periculum magna, vel parua: secundum quod promissio Dei magis vel minus certificabat. Aliquis autem dicit, quod non potuit hic esse periculum vllum, quia ante bellum Deus certificauit Barac de totali victoria, ut patet præcedenti capitulo cum dixit Debhora: ego ducam ad te in locum torrentis Cifon Sisaram, & currus eius atque omnem multitudinem, & tradam eos in manus tua. Respondendum quod hoc non obstat, quin fuerit hic periculum, quia per hoc certificatus erat Barac, quod nullus euaderet de viris Sisaræ: tamen non erat certificatus an aliqui de suis perirent, quia satis stat plenitudo victoriae cum morte aliquorum de suis. Item etiam si Deus dixisset Barac, quod saluaret eum, & viros suos in bello, nisi nimis determinate loqueretur, ita ut omnino pateret determinatio voluntatis sue, semper manebat dubium & periculum, quia si aliqui de eorum ad bellum peccarent post istam Dei denunciationem: forte illi, & alij non peccantes traderentur in manus hostium, & ceteri vincerent bellum. Sic fuit tempore Iosue: nam Deus promissit ei dicens: Omnem locum, quem calcauerit vestigium pedis vestri vobis tradam. Et postea sequitur: Nullus poterit resistere vobis cunctis diebus vite tue, & tamen paulo post hoc in secundo bello terre Chanaan contra Hai ceciderunt triginta sex de Israelitis, & fugati sunt a Chanaanais, ut patet Iosue septimo. Ita ergo facta promissione ad Barac poterat timere quilibet de exercitu eius an Deus vellet tradere eum hostibus propter peccata sua: ideo quilibet se offerebat periculo, sed non magno: sicut in aliis bellis, in quibus Deus nihil prænuñciat. In Hebræo habetur hic. *Ulciscendo ultiones in Israel, nobilitando vel liberando populum benedicite domino.* Litera Chaldaica, & omnes Hebræi exponunt hoc, scilicet ulciscendo ultiones in Israel, id est Deus ultus est in Israel peccata eorum, quia propter mala, quæ egerunt tradidit eos in manus regis Iabin: & iste oppressit eos, & nunc Israelitæ vendicabant in exercitu eius istam ultionem, scilicet quod pro vindicta, quæ exercuit in eos ex promissione Dei vendicabant se nunc retribuentes aliam vindictam pro eis: & pro hac vindicta, quæ eis Deus concedebat, debebant benedicere Deo. Ista sententia

aliqualiter concordat literæ nostræ, sed non tantum euacuat totam sententiam literæ Hebræicæ, sicut litera nostra. Pro quo sciendum, quod apud Hebræos ponitur hic una dictio, quæ significat nobilitare, vel liberum facere, & extenditur ad significandum spote, vel gratis, & ob hoc transtulit Ieronymus solum sensum omittens aliqua verba, & posuit sponte loco illius. Et quia dicit ulciscendo ultiones, & iste est actus belli, transtulit Ieronymus loco huius. Qui sponte vos obtulistis pericula, quod idem est, quod qui sponte iuistis ad ulciscendum ultiones, sed est apertius. *Audite reges.* Hic reddit attentos auditores, & ad notandum magnitudinem rei, pro qua canit dicit. *Audite reges.* Scilicet quia etiam reges debent esse attentissimi ad enarrationem tanti facti. *Auribus percipite principes.* Eadem sententia est repetita, sicut fit in canticis, & est exaggeratio rhetorica pertinens ad eos, qui nimis volunt mouere affectus. *Ego sum, ego sum.* Fit duplicatio ad maiorem demonstrationem, quasi dicat: attendite diligenter ad me, quia ego sum, quæ laudabo dominum pro beneficiis collatis Israel. Rabbi Salomon introducit hic quandam fabulam de monte Thabor, & Hermon: & causa introductionis est, quia immediate agitur de his montibus, dicit enim quod cum Deus vellet dare legem, mons Thabor, & Hermon contendebant dicentes, mihi dabit legem: & alius est contrarius mihi dabit: cum autem dedit eam in monte Sinai erubuerunt isti duo montes, ideo dixit eis Deus, non solliciti sitis, quia ego sum, ego sum, qui vos nobilitabo plusquam montem Sinai, & quia loquebatur duobus montibus dixit bis, ego sum, ego sum. Sed ista non solum est fabula, sed etiam infania vecors: nam cum fabula in iocosis proponitur, fabula est, quia terminis suis contenta est: sed cum in sacra scriptura proponitur, non iam fabula, sed magis infania est. *Quæ domino canam.* Debhora loquitur, in quo patet quod quamquam vocetur canticum Debhoræ, & Barac, quod canticum est Debhoræ. *Psallam Domino Deo Israel.* Canere est in voce, psallere est cum vasis musicis cantare, vel solum in eis harmoniam redere: & in Hebræo utrobique ponitur canere: sed litera nostra mutauit istam duplicationem, & posuit, psallam. Istud canere, vel psallere est pro beneficiis præstitis, quæ in cantico subiunguntur. *Domine cum exires.* Hic Debhora rationem motiuam ad canendum applicat: & diuiditur in tres partes, quia ponuntur rationes motiuæ: prima est de datione legis: secunda est de populi liberatione imperfecta: tertia de liberatione completa. Secunda ibi. *In diebus Samgar.* Tertia ibi. *Nona bella.* In primo introducit legis datio, & potest introduci tanquam aliquid in canticum ad laudandum positum, sicut in carminibus heroicis describuntur magnifica gesta virorum ad laudandum eos. Vel potest introduci tanquam aliquod motiuum ad canendum, scilicet quia est quoddam beneficium, pro quo tenebantur Israelitæ laudare Deum. Pro quo sciendum, quod Iudæi quidam exponunt hoc fabulosè de datione legis, & dicunt, quod Deus obtulit legem Idumæis habitantibus in monte Seir, & ipsi noluerunt eam recipere, quia cum Deus recitaret eam, & peruentum esset ad illum locum, scilicet, non occides. Dixerunt Idumæi, non conuenit nobis ista lex, quia pater noster Isaac benedixit nobis, dicens: viues in gladio Gene. vigesimo septimo. Dicunt etiam, quod proposuit legem Ammonitis, & Moabitibus, & ipsi quoque non caperunt eam, quia cum diceretur in ea, non me habebis, non visa est eis conueniens. De Ismahelitis idem dicunt. Et secundum hoc exponunt literam dicentes. *Domine cum exires de Seir.* Id est de monte Seir in quo habitant Idumæi, scilicet cum veneris de

Fabula  
Rab. Salo.  
de Thabor  
& Hermon

Iudeorum  
commentum.



de dando eis legem, & ipsi noluerunt eam. *Et transires per regiones Edom.* Idest per regiones Idumæorum, quæ idem est, sed repetitur sententia: nam Edom, & Seir sunt nomina Esau: nam Gene. vigesimo. quinto, dicitur, quod vocatus est Seir, idest hispidus, vel villosus, vocatus est Edom, idest rubeus, scilicet quia concupivit lenticulam rufam, & dixit: da mihi de coctione hac rufa. & sequitur ibi, quod propter hoc vocatum est nomen eius Edom: terra autem, in qua habitabant posterii Esau vocatur terra Edom, vel mons Seir, vel mons Esau, ut patet Abdiæ. capitu. vnico, & Mala. primo, & Deuteronomij secundo. *Terra mota est.* Ista omnia sequentia pertinent ad montem Sinai secundum expositionem omnium, vñ infra dicitur, sed quia ista expositio præsupponit aliquid ridiculum, ut declaratum est Deuteronomij trigesimo tertio, non oportet ei insistere. Nicolaus autem, & alij doctores exponunt de datione legis in monte Sinai, scilicet. *Domine cum exires de Seir.* Scilicet dimittendo populum Seir in erroribus suis iusto tuo iudicio non dando eis legem, sed velles eam dare Hebræis, facta sunt ea, quæ sequuntur in monte Sinai, scilicet quod terra mota est, & cetera. Sed ista expositio videtur nimis aliena a litera: nam dicitur, domine cum exires de Seir, & transires per regiones Edom, in quo significatur motus, & transitus Dei, in quo oportet dari aliquem motum Dei, vel transitum saltem largum, sed Deum deferere Idumæos in errore suo nihil pertinet ad transire per regiones Edom. Item si intelligitur de dimissione illius gentis in errore suo, cum non solum illam sed etiam omnes alias gentes Deus dimiserit in errore, quoniam dimisit omnes gentes ambulare in vias suas, ut patet Actu. decimo tertio, & solis Iudeis legem dedit, ut patet Psalm. 147. scilicet. Non fecit taliter omni nationi, & iudicia sua non manifestauit eis. Debuisset dicere de qualibet alia gente, quod Deus exiuit de illa, vel transiuit per terram eius. Item dicitur in litera, quod cum Deus exiret de Seir terra mota est, & sic referuntur ista ad idem tempus, sed Deus non dimisit Idumæos in errore suo tunc quando Iudeis dedit legem, sed ab æterno dimiserat eos in errore, vel saltem a principio gentis illius, cum nunquam eis lumen cognitionis suæ ostenderit: ergo non est dicendum, quod tunc quando exiuit de Seir terra mota est. Patet quia actus dei circa nos non sunt ab æterno, sed non facere ab æterno est sicut apud nos propositiones negatiue sunt ab æterno vere, scilicet sortem non cucurrisse hodie, vel non fuisse Episcopum ab æterno est: & tamen si Episcopus fuit eum fuisse Episcopum non est ab æterno: ita Deum illuminare gentem aliquam, vel dare ei legem ex tempore est, sed non illuminare, vel non dare legem est ex æterno: ergo a principio Deus dimiserat Idumæos, & non tunc cum mota est terra in monte Sinai. Huic modo loquendi consonat scriptura Mala. primo ad Romanos nono, scilicet antequam quicquam boni vel mali egissent, Iacob dilexi, Esau autem odio habui. Dilectio autem dei ad Iacob quantum ad propositum mentis diuinæ fuit ab æterno, ideo dicitur: antequam quicquam boni, vel mali ageret: benefacere tamen Iacob quod erat actus dilectionis ex tempore fuit: odiū verò ad Esau quantum ad propositum diuinæ mentis ab æterno fuit, scilicet antequam Esau malum faceret, & quia ad deserendum eum non requiritur aliquis actus positivus ex tempore, manet desertio ab æterno sicut diximus de proportionem negatiua, quæ ab æterno est vera. Aliter exponit literam rabbi David Kimhi de bellis dicens, quod fuerunt facta bella apud montes Seir, & tunc dicitur terra mota a facie domi-

ni, & distillasse montes, quia Deus ostendit aliqua mirabilia super montes illos. Sed etiam istud non multum applicatur, quia non apparent bella hic facta, nec mirabilia in bellis: Aliter exponit Andreas, scilicet quod in hoc innuitur habitudo gloriæ Dei ad res irracionales, scilicet quando Deus transibat per desertum præcedens Israelitas, montes illi, & terra quasi honorantes gloriam Dei moti sunt, & tremuerunt, & istud fuit quod transiuit apud montes Seir, quia in deserto per quod transierunt Israelitæ erant montes Seir, ut patet Num. 21. & Deuter. 2. & ista expositio est valde conueniens. Nam necesse est hic fieri metaphoram, quia alias non staret quod montes fluere, idest liquefierent, sicut illud: montes distillabunt dulcedinem: & illud, quod valles abundabunt frumento, & hymnum dicent. Et tunc est sensus quod Debora velit hic ostendere gloriam magnam Dei, quia non solum res rationales ei reuerentur, sed etiam res inanimatæ ut terra, & montes, & dicitur. *Domine cum exires de Seir.* Deus non exit, nec intrat in aliquem locum, quia cælum, & terram implet, Jer. 23. Etiam quia Deus moueri non potest: ergo non exit, Mala. 3. & Iacobi 1. sed dicebatur exire, quia Israelitæ mouebantur per desertum, & credebant Deum præcedere eos ad omnia loca, ad quæ debebant moueri: unde quando mouebantur castra, dicebat Moyses: Surge domine, & dissipentur inimici tui, & fugiant qui oderunt te a facie tua. Et cum castra figerentur dicebat: Reuertere domine ad multitudinem exercitus Israel, ut patet Nume. 10. Istud autem dicebat, quando mouebatur, & deponebatur arca, eo quod in ea credebatur Deus habitare, de quo dictum est Exo. 25. capi. & hoc modo exibat Deus, & transibat loca, per quæ transibant Israelitæ, transierunt autem Israelitæ in circuitu montis Seir: nam dicitur Deuter. 2. circuiuimus montem Seir longo tempore, postea autem introierunt in terram Seir, ut patet ibidem cum dicitur: concede nobis transitum, sicut fecerunt filij Esau, qui habitant in Seir. Et iterum: Cumque transissemus fratres nostros filios Esau, qui habitant in Seir per viam campestram, ideo tunc Deus exiuit de Seir. *Et transires per regiones Edom.* Eadem sententia est, quia filij Edom & Seir sunt idem. sic etiam de regionibus Seir, & Edom: transierunt autem Israelitæ & Deus cum eis per regiones Edom, sed modicum: nam cum essent apud Cadesbarne non concessit rex Edom Israelitis transitum in terram Chanaan per terram suam, ut patet Nume. 20. Ideo coacti sunt Israelitæ circuire montem Seir longo tempore Deuter. 2. quousque rederet eos itinervis, & laboris, Num. 21. & tunc concesserunt introitum Idumæi in quandam partem extremam terre suæ, quæ est deserta, ut patet Deuter. 2. Scilicet cumque transissemus fratres nostros filios Esau, qui habitant in Seir per viam campestram de Helath, & Asiongaber. *Terra mota est.* Andreas, & Nicolaus & omnes terè referunt omnes istas clausulas ad montem Sinai, scilicet terra mota est in monte Sinai, celi ac nubes distillauerunt aqua scilicet in monte Sinai. Motuum autem eorum est, quia non reperiunt aliquid, ad quod applicent hæc nisi ad montem Sinai. Sed ista expositio non satis stat. Primò quia dicitur hic, domine cum exires de Seir terra mota est, ergo oportet, quod istud saltem de motu terre referatur ad tempus, quo exiuit Deus cum Israelitis de monte Seir, & tamen Israelitæ fuerunt in monte Seir 40. annis postquam facta sunt illa, quæ dicta sunt antedens, quia Israelitæ steterunt in deserto Sinai tertio mense post exitum de Aegypto, & tamen in monte Seir non steterunt vsque ad medietatem, vel amplius anni 40. nam Aaron mortuus est in monte Hor.

Nu.

Andreas  
positio  
terz.Expositio  
Nico. & aliorum  
doctorum.And. Nic.  
& omnia  
literæ  
positio.Rab. David  
Kimhi  
exponit  
literam



Numeri 20. & post hoc steterunt Israelitæ in terra Seir Numeri 21. & tamen Aaron mortuus est mense 5. anni 40. ab exitu de Aegypto, vt patet Nume. 33. cap. Item non stat ista positio, quia in litera dicitur, & Sinai a facie domini Israel, & hoc ponitur post oīa, ergo ponitur tanquam diuersum ab alijs, alioquin superflue poneretur. Item quia ponitur ibi &, quæ facit diuersitatem in copulatis: ergo diuersa sunt, quæ enarrantur hic. Exponendum ergo est, quod referantur ista ad diuersa tempora, scilicet terra mota est cum Deus exiit de regione Seir, quia realiter sic factum est: Nam quando Israelitæ intrare debuerunt in terram duorum regum Amorrhæorum per angustum introitum inter duos scopulos, erant multi Amorrhæi latentes in caernositatibus scopulorum, vt occiderent omnes Israelitas transeuntes, & prohiberēt transitum, Deus autem inclinauit scopulos vsque ad terram, & oppressi sunt ibi omnes Amorrhæi, vt patet Nume. vigesimo primo, cum dicitur: vnde dicitur in libro bellorum Domini. sicut fecit in mari rubro, ita faciet in torrentibus Arnon: scopuli torrentium inclinati sunt, vt requiescerent in Arnon, & recumberent in finibus Moabitarum. Istud miraculū de terræ motu accidit quando exierunt Israelitæ de terra Seir: nam parum post exitum de terra Seir venerunt ad torrentem Arnon, vbi hoc fuit, quia ista vicina sunt, vt patet Deuteronomij secundo, & Num. vigesimo primo, & ibidem declaratum est. *Celi ac nubes stillauerunt aqua.* Istud refertur ad aliud miraculum, quod factum est, quando nondū exierat Deus de Seir, sed dum transiret per regiones Edom, idest dum ambularet in circuitu illarum regionum: & forte intra ipsam terram Edom: nam cum Israelitæ non potuissent habere transitum p̄ terrā Seir apud Cadesbarne ceperunt circuire montem Seir longo tempore, in quo cepit populum tedere itineris, & laboris, & murmurauerunt Nume. vigesimo primo, tunc misit Deus in populum ignitos serpentes, & peribat populus: deinde factus est serpens æneus, ad cuius aspectū sanabantur vulnerati. Hoc autem fuit insigne miraculum, & fuit intra terram Edom, vel in circuitu illius. De hoc autem celi & terra mirati sunt, quia hoc insolitum erat, ideo ponitur actus ipsorum ad significandum quendam motum admirationis per Metaphoram, scilicet. *Celi ac nubes stillauerunt aqua.* Scilicet quod celi fecerunt conuerti nubes in aquam, & sic distillabant. *Montes fluxerunt a facie Domini.* Idest montes p̄ admiratione tanti miraculi in conspectu domini, qui videbatur esse p̄sens per operationē miraculi, fluxerunt, idest liquefacti sunt. *Et Sinai a facie Domini Israel.* Idest etiam Sinai fluxit, vel liquefactus est a facie domini non potens sustinere conspectum gloriæ eius intelligendo per metaphoram. Hoc autem fuit, quia in datione legis apparuit gloria domini super montem, vt dicitur Exo. decimo nono cap. scilicet etiam aduenerat dies tertius, & mane inclaruerat, & ecce ceperunt audiri tonitrua, ac micare fulgura, & nubes densissima operire montem, clangorque buccinæ vehementius perstrepebat, totus autē mons Sinai fumabat, eo quod descendisset dominus super eum in igne, & ascenderet fumus ex eo quasi de fornace: eratque mons omnis terribilis. Alio modo potest exponi tota ista litera de admiratione, & tremore gentium habitantium circa desertum, per quod transibant Iudæi: & est sensus, quod quando Deus transibat per desertum coram Israelitis, gentes, quæ in circuitu habitabant, cognoscētes miracula, quæ Deus faciebat pro Israelitis, & quomodo nubes sua precedebat eos per diem, q̄ columna ignis per noctem omni tempore, timebant, quod Deus Israel veller contere-

re eos, & turbabantur nimis: sic patet Exo. decimo quinto, quando audierunt gentes transitum Israelitarum per mare, scilicet. Ascenderunt populi, & irati sunt, dolores obtinuerunt habitatores Philisthim: tunc turbati sunt principes Edom: robustos Moab obtinuit tremor, & obriguerunt omnes habitatores Chanaan. Sic etiam patet Josue 2. cum dixit Raab exploratoribus: Noui quod tradiderit dominus vobis terram, etenim irruit in nos terror vester, & elanguerunt omnes habitatores terræ. Audiuius, quod siccauerit dominus aquas maris ad introitum vestrum, & hoc audientes pertinuimus, & elanguit cor nostrum, & non remansit in nobis spiritus. Iste autem terror populorum significatur hic per terræ motum, & per celum, & nubes distillantes, montesque fluentes: Et fuit istud quando Deus exiit de Seir, quia per miracula tunc facta timebant habitatores terræ. Ista sententia aliquo modo potest stare, sed melior est præcedens, scilicet quia si diceretur hic solum de montibus, & terra generaliter possent intelligi habitatores terræ, & potentes principes, tamen nominatur etiam ibi Sinai, ideo oportet, quod specialiter referatur hoc ad montes, & terram, siue realiter, siue secundum metaphoram. In Hebræo dicitur: *Et Sinai arsit a facie Dei Israel.* Vbi nos dicimus, & Sinai a facie Dei: quia deficit verbum apud nos, & est sensus, quod montes fluxerunt a conspectu Dei, & etiam Sinai fluxit a facie Dei. Secundum literam Hebraicam est sensus, q̄ arsit, scilicet quia apparuit ignis super eum in datione legis Exo. decimo nono, & Deuteronomij quinto, & non solum tunc, sed etiam quadraginta diebus post quando ascendit Moyses in monte Sinai pro tabulis, & toto tempore sequenti quandiu manserunt Israelitæ ibi apparuit gloria domini in sp̄ ignis super montem, ita vt videretur ardere, Exo. vigesimo quarto cap. *In diebus Samgar.* Hic ponitur secunda ratio, vel motiuum ad laudandum Deum, scilicet pro liberatione, licet imperfecta, quæ fuit tempore Samgar. & dicitur. *In diebus Samgar filij Anath.* Iste fuit tertius Iudex Israel, de quo supra tertio capitul. *Et in diebus Iahel.* Ista fuit, quæ occidit Sisaram. Et non est intelligendum, quod sub Iahel computetur aliquod tempus, quia solum computabatur tempus sub iudicibus, cum illi præsiderent populo, Iahel autem non fuit iudex, sed dicitur. *In diebus Iahel.* Idest dum ipsa vixit, & tamen dies illi non computabantur sub ea, sed sub iudicibus, scilicet Aod, & Barac: sub Samgar autem computari tempus debuisset, quia erat iudex, quia tamen fuit paucum tempus, non curauit de illo scriptura, sed adiunxit temporibus Barac, & dicitur. *In diebus Iahel.* Scilicet non postquam occidit Sisaram, quia tunc non cessabant semitæ, vt infra dicitur: sed intelligitur de diebus Iahel, ante mortem Sisaræ cessauerunt semitæ, idest non audebant Israelitæ publicè ambulare per vias, nisi essent multi simul propter timorem hostium.

Secundū  
motiuum  
ad laudan-  
dum Deū.

Quomodo in diebus Samgar non erat tutum per vias incedere.  
Quæst. III.

QVARET aliquis, quomodo in diebus Samgar non erat securum incedere per vias: nam ipse erat vir fortissimus, & ipse occidit sexcentos de Philisthim vomere, & dicitur quod ipse defendit Israel supra tertio capitul. Respondetur, quod Samgar non fecit salutem plenam in Israel, quia solum defendit populum a Philisthinis, qui tunc inuadebant Israelitas, quia illi erant pauci, & impotentes: rex tamen Iabin tunc præmebat Israelitas, & per viginti annos oppressit: fuitque tempus Samgar dum esset Iabin: ta-  
men



men non potuit saluare de manu Iabin: ideo licet saluasset de manu Philistinorum egrediebatur oppressores de terra regis Iabin, & obsidebant vias: ideo non audebant Israelitae incedere per vias, nisi multi essent simul, & sic semite, quae olim tempore pacis erant vsitate, nunc cessabant. *Et qui ingrediebantur per eas.* Id est qui solebant alio tempore incedere per istas vias. *Ambulauerunt per calles deuos.* Id est per itinera recurua, scilicet omnia itinera publica erant obfessa, ideo non relinquebantur nisi quaedam viae paruae per syluas, & montes: & istae erant deuiae, & circueuntes terram. Vel ambulabant Israelitae per loca inuia, & in hoc vt declinaret loca periculosa latronum cogeantur circuire hincinde. *Cessauerunt fortes in Israel.* Scilicet cessauerunt a bello, quia quamquam fortes essent, propter multitudinem, & rationem hostium non audebant pugnare contra eos. Vel cessauerunt fortes, scilicet ab itineribus, quia etiam viri fortes non audebant publice per vias ambulare. *Et quienerunt.* Scilicet cessando ab omnibus operibus, quae sunt in egrediendo de loco ad locum propter timorem hostium: ista autem omnia dicuntur ad significandum magnitudinem victoriae tempore Barac, cum fortes temporis praecedentis non ausi fuissent propter timorem Iabin publice ambulare per vias. *Donec surgeret Debbora.* Scilicet quia ipsa nunciauit Barac ex parte Dei, quod acciperet decem millia virorum contra Sisaram: & non dicitur: *Donec surgeret,* id est donec esset, quia etiam ea iudicante Israel, premebantur Israelitae, quia ipsa praecessit per aliquod tempus ad victoriam habitam de Sisara, & semper premebatur vsque ad mortem Sisara: ideo intelligitur. *Donec surgeret.* Scilicet ad dicendum Barac, quod pugnaret contra Sisaram. *Surgeret mater in Israel.* Id est surgeret mulier: est repetitio sententiae sicut sepe fit in isto cantico. Accipitur hic mater absolute pro muliere, & non pro habere filios, sicut filius, vel filia, & nurus sepe accipiuntur absolute, vt patet Cantic. secundo. Sicut lilium inter spinas, sic amica mea inter filias. Et ibidem: Sicut malus inter ligna sylvarum, sic dilectus meus inter filios: & tamen hic necesse est, quod accipiat absolute, quia non ponitur ad quid referatur, & sic vulgariter dicimus: tu es bonus filius, id est bonus iuuenis, vel bona filia, id est bona femina.

Noua bella elegit Dominus, & portas hostium ipse subuertit. Clypeus, & hasta si apparuerunt in quadraginta millibus Israel. Cor meum diligit principes Israel: qui propria voluntate obtulistis vos discrimini, benedicite Domino. Qui ascenditis super nitentes asinos, & sedetis in iudicio, & ambulatis in via, loquimini. Vbi collisi sunt currus, & hostium suffocatus est exercitus, ibi narrentur iustitiae domini, & clementia in fortes Israel. Tunc descendit populus Domini ad portas, & obtinuit principatum. Surge, surge Debbora, surge, surge, & loquere canticum: Surge Barac, & apprehende captiuos tuos fili Abinoem. Saluae sunt reliquiae populi. Dominus in fortibus dimicauit. Ex Ephraim deleuit eos in Amalec, &

fabulose hoc  
tempore pri-  
mum inuen-  
it.

post eum ex Benjamin in populos tuos o Amalec: de Machir principes descenderunt, & de Zabulon, qui exercitum ducerent ad bellandum. Duces Issachar fuere cum Debbora, & Barac vestigia sunt secuti. Qui quasi in praecipit, ac baratrum se discrimini dedit: diuiso contra se Ruben magnanimorum reperta est contentio. Quare habitas inter duos terminos, vt audias sibilos gregum: diuiso contra se Ruben magnanimorum reperta est contentio. Galaad trans Iordanem quiescebat, & Dan vacabat nauibus. Aser habitabat in littore maris, & in portibus morabatur. Zabulon vero, & Nephthali obtulerunt animas suas morti in regione Merome. Venerunt reges, & pugnauerunt, pugnauerunt reges Chanaan in Achan iuxta aquas Mageddo, & tamen nihil tulere praedantes.

**H** *Noua bella.* Hic ponitur tertia ratio, vel motuum ad laudandum dominum, scilicet quia fecit mirabilia bella, & consummata victoriam. Et agit duo, quia primo ponuntur bella praesentia, secundo bella praeterita ibi. *Dominus in fortibus.* Circa primum dicitur: *Noua bella elegit Dominus.* Scilicet faciendo, quod magnus exercitus vinceretur per foeminam: nam lahel occidit Sisaram principem magnae militiae, & hoc haecenus inauditum fuerat, ideo noua bella fuerunt haec: vel vocatur noua bella, scilicet quia Deus illa fecit mirabiliter pugnando de celo, vt infra dicitur: & huic sensui consonat litera sequens, scilicet. *Portas hostium ipse subuertit.* Id est non fuit bellum istud hominum, sed Dei, quia ipse subuertit portas hostium, scilicet quia Israelitae non solum nunc vicerunt in campo, sed etiam pugnabant postea contra viros terre Iabin obsidendo vrbes, & frangebant portas. Nam occiso Sisara, cum sepe postea Israelitae pugnarent contra terram regis Iabin semel ducerunt sub duce Barac exercitum contra urbem Asor, & obuuium sibi regem Iabin cum multo exercitu interfecit: ciuitatem funditus diruens, vt ait Iosephus quinto antiquitatum, & historia scholastica. Et hoc est quod dicitur praecedenti capitulo. Humiliauit Deus in die illo Iabin regem Chanaan coram filiis Israel, qui crescebant quotidie, & forti manu opprimebant Iabin, donec deleuerent eum, id est occiderent. In Hebreo dicitur hoc. *Elegit Deus novos tunc subuertit portas.* Et exponit hoc Rabbi Salomon, & Hebraei, quod Israelitae elegerunt Deos novos, scilicet Baalim, & Astaroth supra secundo, & tertio. Et ob hoc Deus faciebat, quod hostes pugnarent vique ad portas Hebraeorum, & subuerterent eas. Sed ista sententia non coaptatur literae, quia ista innuit penam Israelitarum: hic tamen agitur de victoria, & bonis, quae Deus eis conferebat, ideo conuenientius exposuit litera nostra literam Hebraeam, quae Barbara est, & extrahitur sensus literae nostrae de Hebraea sic, quia dicitur in Hebreo: elegit novos Deos, vbi ponitur nomen Dei indestinans ad singulare, & plurale, scilicet Eloim quod plurale est quantum ad declinationem, & tamen in sensu est singulare: sic patet Gen. primo, vbi super po-

Tertium mo-  
tuum ad  
laudandum  
dominum

Iosephus  
antiqui-

nitur



nitur Eloim pluraliter, ubi litera nostra transfert Deus singulare, & Hebrei sic super exponunt: Elegit autē in Hebreo est singulare, ideo litera nostra dixit Deus elegit, & quia in Hebreo ponitur nomen significans nouitatem in plurali, quia significat nouas res, ac si dicatur, Deus elegit noua. Litera nostra ad magis exprimendum addidit bella, cum hic de bello agatur. Alia clausula, scilicet. Tunc subuertit portas hostium, planior est: quia eadem est in Hebreo, & Latino: & debet referri ad Deum, qui subuertit portas hostium. *Clypeus, & hasta si apparuerunt in quadraginta millibus Israel.* Quidam Hebrei exponunt literam istam dicentes: clypeus, & hasta si apparuerunt in Israel, idest in decem millibus Israel, qui iuerunt de Zabulon, & Nephtholim cum Barac. In quadraginta millibus, idest dato quod essent quadraginta millia hostium pugnantium contra Israel cum Sisara, Et est sensus, quod nullus de decem millibus euntibus cum Barac habuit gladium aut lanceam, vel clypeum. Sed ista sententia nimis errat. Primò quia est nimis aliena, cum ponuntur quadraginta millia Israel, & exponuntur pro decem millibus per quasdam interpositiones nimis extraneas. Secundò, quia videtur falsum, quod cum Sisara solum fuerint quadraginta millia virorum pugnatorum: nam potentia istius regis Iabin apud Iudeos reputabatur sicut infinita, & ob hoc non se audebant ei opponere: si tamen essent solum 40. millia pugnatorum inter equites, & pedites, non esset valde magna multitudo: maximè quia Iosephus antiquitatum dicit, quod erant trecenta millia pugnatorum, & decem millia equitum, & tria millia currum. Tertiò videtur falsum, quod omnes, qui iuerunt cum Barac fuerint inermes ad bellum, scilicet quod non habebant lanceam, nec clypeum: non est enim vllatenus verisimile, quod penitus inermes irent ad bellum. Aliter exponit literam istam litera chaldaica & quidam Hebrei, scilicet clypeus, & hasta si apparuerunt in 40. millibus Israel, idest nullo tempore, quo premebantur Israelitè a Iabin etiam si essent 40. millia de Israel simul, non audebant pugnare contra viros Iabin, nec etiam audebant pugnare contra eos dato quod vellent: quia non habebant clypeum nec hastam. Sed etiam istud non conuenit, qui non adaptatur ad sententiam, quæ signat releuationem Iudeorum, & victoriam, & non depressionem. Nicolaus, & nostri exponunt clypeus, & hasta si apparuerunt, idest non apparuerunt in 40. millibus Israel, idest in 40. millibus, qui cum Barac iuerunt. Tunc autem obijciunt, quod solum fuerunt decem millia, vt patet præcedenti capi. Respondet Nicolaus, quod quamquam a principio solum elegit Barac decem millia: tamen incipiendo bello, & iam incepto aggregati sunt alij 30. millia: & isti non habebant lanceam, aut hastam. Litera Chaldaica exponit clypeus, & hasta & cætera, idest Israelitè timebant regem Iabin, ideo etiam 40. millia de alijs non audebant pugnare contra Israel, & dato quod vellent pugnare non habebant lanceam, nec clypeum. Sed videtur dicendum quod sensus literæ est, quod Debbora laudet istum bellum, quia erat factum a male armatis, & quasi inermibus contra armatos valde: nam exercitus Sisara erat valde munitus apparatu bellico, scilicet in curribus, & equis, & omnibus armaturis 40. millia autem Israelitarum idest, tota multitudo Israel (Nam ponitur numerus determinatus pro indeterminato) erat inermis, ita quod vix apparebat inter eos gladius, lancea, vel clypeus. Sed aliquis dicet, hoc non esse verisimile, quia quomodo inermes irent ad bellum? Respondendum quod fundis utebantur ad bellum, & alijs generib⁹ leuis armaturæ deficientibus clypeo, & hasta, & etiā his deficientibus

A cōfidentes de Dei adiutorio procedebāt ad bellū: sic patet in bello Saulis contra Philistinos: nam cum venisset dies belli, dicitur quod non est inuentus ensis aut lancea in manu totius populi, nisi in manu Saulis, & Ionathæ: primo Regum 13. cap. Et tamen intrepide inceserunt tunc Israelitè ad bellum: eodē lib. 14. *Cor meum diligit principes Israel.* scilicet principes illos, qui iuerunt ad bellum. Congratulatur enim eis Debbora, quod de solo Deo confisi exposuerunt se morti procedentes ad bellum. *Qui propria voluntate obtulistis vos discrimini.* Idest periculo bellico. Dicit propria voluntate, quia multi iuerunt, quibus non iussit Barac: nam ipse solum elegit 10. millia, & tamen plures postea sponte iuerunt, & isti, qui ire iussi sunt, sponte iuerunt. *Benedicite Domino.* Idest laudate eum, scilicet quia eripuit vos de periculo, cum pugnaretis pauci, & inermes contra numerosum exercitū, & valde munitū: & hoc dicit ad illos solū, qui se obtulerunt discrimini, vel saltē principaliter, quia licet alij manentes in locis suis deberet benedicere Deo de liberatione de manu hostium, cum premerentur ante hoc ab eis: tamen illi, qui iuerunt ad bellum, liberati sunt a maiori malo, scilicet a morte. *Qui ascenditis super nitentes asinos.* Hic inducuntur ad benedicendum domino minus principaliter illi qui non iuerunt ad bellum, recipiebant tamen beneficium libertatis mortuo Sisara: & dicitur: qui ascenditis super asinos nitentes, idest pulchros vel lucidos aut pingues. In hebreo dicitur. *Super asinas albas.* Et idem est, quia lucidus & albus, vel nitens idem significant, & non dicuntur nitentes, idest fortes de nitor, eris: sed nitentes, idest lucidi, vel albi de niteo nites, idest luceo: Est sensus, tempore Sisara non audebant Israelitè per terram Israel discurrere, vt patet supra in litera, scilicet cessauerunt femine, & qui ambulauerunt pereas, ingressi sunt cales denios, cessauerunt fortes in Israel, & quieuerunt, donec surgeret Debbora, & si aliquando debebant Israelitè transire per vias publicas, oportebat quod equitarent super velocissimos equos, vt hostes non possent eos in cursu consequi; nunc autem data pace poterant Israelitè securè ambulare per totam terram suam, etiam equitando super asinas, quæ sunt animalia pigerrima ad cursum, ideo vos qui equitatis super asinas albas, scilicet propter magnam securitatem terre: & non cōsueueratis hoc prius facere: benedicite domino. *Et sedetis in iudicio.* In Hebreo habetur. *In domo iudicij.* Scilicet, erat vna domus magna, in qua erat cōsistoriū iudicum. Et pro quo sciendum, quod sicut declaratum est, Num. 11. & Deuterono. decimo septimo, in Israel ponebantur iudices per singula loca de viris illius tribus, & assistebant cuilibet iudici duo Leuitæ, quia Leuitici populi erant eruditi in lege quantum ad iudicia, & isti iudicabant in causis tam ciuilibus, quam criminalibus, vt patet Deuterono. decimo septimo, scilicet inter causam & causam, lepram & lepram, sanguinem & sanguinem. Sanguis tamen signat causam criminalem, quæ est causa sanguinis. Supra istos iudices erant alij iudices, qui erant numerati septuaginta, scilicet, & erant succedentes illis septuaginta senioribus, quos accepit Moyses in coadiutores in deserto: Num. vndecimo, & princeps horum erat summus sacerdos: hi omnes erant in vno loco, & ille vocabatur domus iudicij, ad quam deuoluebantur causæ Israelitarum dupliciter, scilicet per modum dubij, vel per modum appellationis: & ista duo tanguntur Deuterono. decimo septimo. Si ambiguum, & difficile iudicium repereris inter portas tuas. Ambiguum iudicium est cum iudices inter se non concordabant, aut non erant certi de iure, & tunc ipsi deuoluebant causam, aut de consensu eorum partes deuoluebāt illud ad

Quare dicitur, propria voluntate obtulistis vos discrimini.

De iudicibus Israelitici populi



ad dominum iudicij ferentes illuc omnia acta prioris iudicij. Difficile iudicium vocatur aggrauatorium, scilicet quando sententia continebat grauamen: nam tunc per appellationem deuoluebatur ad domum iudicij. Isti iudices erant in quodam loco, & sedebant vt communiter in publico: & nunc cum erat viuens Sisara non erant isti in domo iudicij, & hoc quia non audebant sedere in locis publicis: & potissimè quia, licet ipsi in domo consilij manerent siue iudicij, tamē nullus veniebat ad ventilandum coram eis causas, eo quod cessauerunt semite in Israel, vt patet præcedenti capitu. ideo vacabat officium iudicum: deinde mortuo Sisara, & data tranquillitate multi ad causas confluēbant, & sedebant iam iudices in domo iudicij: ideo benedicere Deo debebant, qui eis tale tempus præstiterat. Si autem dicatur, qui sedetis in iudicio: sicut dicit litera nostra, potest intelligi tam de domo consilij quàm de iudicibus particularibus existētibus per singula loca: nam isti consueuerant sedere in portis ciuitatis, quia erant loca publica, vt omnium transeuntium causas audirent, & faciliter determinarent, vt colligitur Deutero. decimo septimo, scilicet, & iudicum videris intra portas tuas verba variari, idest si videris variari verba iudicum, qui in portis sedent. Idē patet Ruth quarto capit. vbi cum Booz vellet tractare cum consanguineo suo de iure cognationis, ad suscipiendam hereditatem, iuit ad portam ciuitatis, & ibi sederunt decem viri audientes de causa. Tempore autem Sisare non audebant sedere iudices in portis timore hostium, & nunc audebant occiso illo: ideo deberent benedicere Deo. *Et ambulatis in viam.* Idest omnes, qui iam ambulatis per vias benedicite Deo, qui hoc vobis tribuit: nam paulo ante hoc non audebat quisquam vestrum ambulare propter hostes. Nā cessauerunt semite, & ambulauerunt per calles denios præcedenti capitu. *Loquimini vbi collisi sunt currus.* Idest vos omnes laudate Dominum, & proferte magnalia ei, scilicet vbi collisi sunt currus, scilicet Sisare quos ipse confregit: nam de cælo dimicatum est, & timore magno fugiebant equi per abrupta, & frangebantur currus. *Vbi hostium suffocatus est exercitus.* Istud fuit ad torrentem Cison, & Cadumin apud quos fuit bellum, vt patet precedenti cap. nam dicitur, quod Sisara congregauit exercitum apud torrentem Cison, & Dominus dixerat Barac: ego ducam ad te in locum torrentis Cison Sisaram, & omnem exercitum eius, vt tradam eos in manus tuas: postea cum fugerent viri Sisare, coacti sunt transire per torrentem Cison, & Cadumin, & ibi suffocati sunt, patet infra in litera, scilicet torrens Cison contraxit cadauera eorum: torrens Cadumin, & torrens Cison. *Ibi narrentur iustitia Domini.* Idest in loco vbi hæc facta sunt narrentur: dicendo Deus fecit hic talia, & talia miracula, & istud est ad exaltationem Dei. Vocantur iustitiæ Dei, quia Deus iuste se habuit occidendo Sisaram, & exercitum eius, quia isti erant iniqui & merebant mortem hanc. *Et clementia in fortes in Israel.* Idest ibi narretur clementia, quam Deus habuit in fortes Israel: in eodem. n. facto Deus fuit iustus, idest rigorosus, & clemens: iustus quidē, quia nocentes pro qualitate culparū puniuit: clemens autē erga Israelitas, quia ex sola misericordia adiuuit eos, ipsi autem non merebantur adiuuari cum sæpe offenderent Deum. In Hebræo habetur. *A voce sagittantium, vel frangentium haurientium aquas iustitia Domini in Israel.* Et istud est loco totius clausulæ nostræ, scilicet: *vbi collisi sunt currus.* Vsq̃ue. *Clementia in fortes Israel.* Et Hebræi dicunt, quod est sensus, quod tempore Sisare Israelitæ nō audebant egredi de vrbibus ad hauriendum aquam. Sagittarij erant in circuitu ciuitatū, & vulnerabant haurientes aquam, & tunc est sensus:

illi, qui solebat haurire aquam in medio sagittantium, & ponebant se in periculo, laudent Deum, & enarrant iustitias eius, quia dedit eis locum hauriendi aquam secūre. Sed ista litera idem significat, quod litera nostra si recipiatur, sed nostra accepit sensum ex sensu, quia istud idioma Hebraicum est Barbaricum, & dicitur a voce sagittantium, vel frangentium. Terminus hic positus propriè significat frangentes, & significat voces, vel strepitus fractorum currum, scilicet, ibi vbi fractorum currū audiebatur sonitus laudentur mirabilia Dei. *In medio haurientium aquas.* Terminus hic positus significat haurire aquas, vel submergi in aquis, & est sensus in medio submersorum, idest in loco, vbi submergebantur hostes narrētur mirabilia Dei. *Iustitia Domini in Israel.* Idest narretur iustitia domini. Hic autem suppleuit litera nostra dicens iustitiam, & clementiam: iustitiam ad hostes, & clementiam ad fortes Israel. Vocantur autem fortes illi, qui sponte iuerunt in bellum: nam fortitudo est medietas circa timores, & audacias, & est secundum quam homo confidenter, & impauide exponit se terribilibus: isti autem, qui iuerunt ad bellum exposuerunt se discrimini, & hoc sponte, ideo fortes sunt. Hoc pater in litera. *Tunc descendit populus Domini ad portas.* Idest quando mortuus est Sisara. *Populus domini.* Idest populus Israel. *Descendit ad portas.* Idest vsque ad portas hostium: nam persecuti sunt Israelitæ cum Barac exercitum Sisare fugientem vsque ad Haroseth gentium, vt præcedenti cap. & tamen Sisara habitabat in Haroseth gentium, vt patet eodem cap. Etiam intelligitur de t̃pibus sequētibus: nā cū semel obtinuisent Israelitæ in bello contra Sisaram pugnabāt quotidie contra terram Iabin, & obtinebant loca de terra eius. Sic patet præcedenti capitu. scilicet. *Humiliauit ergo Deus in die illa regem Iabin coram filiis Israel,* qui crescebant quotidie, & forti manu opprimebant Iabin regem Chanaan. *Et obtinuit principatum.* Non habetur istud in Hebræo. Et est sensus, quod tunc quando descendit ad pugnandum contra hostes, obtinuit principatum, scilicet quia ante hoc erant Israelitæ subiecti Chananeis: nunc autem obtinuerunt principatum, quia præualuerunt contra Iabin, & occiderunt eum, vt ait Iosephus quinto antiquitatum, & obtinuerunt terram. *Surge Debbora.* Ista est excitatio ad laudandum Deum, & incitat seipsam Debbora dicens. *Surge Debbora.* Idest incipe cantare vel confortare in cantu, quem cepisti. *Surge Barac.* Incitat Barac ad canendum, quia ipsi fuerat facta magna misericordia Dei, cū eum tanti exercitus principē fecerit, & tam felices triumphos tribuerit. Rabbi Salomō exponit literam istam dicens, quod ista erant verba Israelitarum ad Debbora dicentium surge Debbora ad canendū, ipsa verò defecit ad canendū, quia spiritus propheticus recessit ab ea, ea quæ gloriata fuerat dicens: cessauerunt fortes, & quieuerunt, donec surgeret Debbora, surgeret mater in Israel: cūq; Iudæi viderent eā non posse quicquam dicere, hortati sunt Barac, vt caneret, dicentes: surge Barac, idest incipe canere. Sed fabula est hæc, quia manifestum est, quod totum quod ponitur hic est canticum Debboræ, & si diceremus, quod ista dixit populus, oportet etiā, quod diceremus omnia sequentia esse verba populi, quia omnia sunt in eodem cōtextu, & modus loquendi est continuatus. *Surge Barac.* Repetitur verbum ad maiorem immutationem. *Loquere canticum.* Idest profer verba cantici in laudem Dei. *Apprehende captiuos tuos filij Abinoen.* Eadem sententia est repetita: nam Barac, & filius Abinoen idem sunt, sicut sæpe eadem sententia, per diuersa verba repetitur, vt cū dicitur secundo Reg. 20. non est nobis pax in Dauid, nec hereditas in filio Ithai.

Idem

Expositio  
Rab. Salom.



Idem patet tertio Regū. 12. & tamen Dauid, & filius Isai idem sunt, & dicitur. *Apprehende captiuos. Idest ea, quæ de spoliis belli duxisti.*

*An licuit Barac aliquos captiuos ducere de bello facto contra Sisaram. Quest. IIII.*

**Q**VAERET aliquis, an licuit Barac ducere aliquos captiuos de bello facto contra Sisaram. Aliquis respondebit, quod non, quia Deus iussit Deuteronomij vigesimo, quod cum Chananeis non facerent Israelitæ aliquod pactum ad permittendum eos viuere postquam caperent, sed omnes occiderent in ore gladij. Simile patet Nume. trigesimo tertio, sed isti, qui veniebant cum Sisara erant Chananeæ, quia Iabin, qui erat dominus horum vocatur rex Chananae precedenti capit. ergo non licebat Barac ducere captiuos, sed occidere tenebatur omnes. Responderi potest, quod Barac captiuauit multos, & secum duxit, sed non duxit, vt illis vitam concederet, sed vt occideret in terra Israel: Deus autē nō prohibuerat istud, sed solum eis dare vitam sub aliqua conditione pacti, vel tributj. Alio modo dici potest, quod isti, qui captiui ducti sunt, non erant Chananeæ, sed de alijs gentibus: quia fortē in regno Iabin morabantur gentes aliorum nationum, quæ non erant de origine Chananeorum: & de illis poterat Barac captiuos ducere. Hoc autē verisimile est potissimē de Haroseth, quia vocatur illa ciuitas Haroseth gentium precedenti capit. vt omnes volunt, quia ibi erant gentes de multis nationibus, sicut ad ciuitates celeberrimas conuenire solent. Vel tunc forte de extra regnum Iabin venerunt aliqui in auxilium eius, qui non erant de stirpe Chananeorum. Aliter potest dici, quod hic accipiuntur large captiui, idest omnes res captæ in bello, & ista erant spolia, licet non esset inter ea aliquis captiuus.

*An Barac in ducendis Chananeis captiuis ad occidendum peccaret. Quest. V.*

**Q**VAERETVR vltius, quia dictum est, quod fortē ducibat Barac Chananeos aliquos ad occidendum eos ibi, an in hoc peccaret. Aliquis dicet quod sic, quia sic Saul duxit regem Amalec nomine Agag de terra Amalec viuētem, & postea occidit eū Samuel primo Regum decimo quinto, & tamē Saul peccauit ducendo eum, & redarguitur, vt patet ibidē. Respondendum, quod licuit hoc Barac, scilicet ducere aliquos de Chananeis ad occidendum in terra Israel, quia id, quod ad Dei laudem fit, dum tamen nō sit ab eo prohibitum, semper est licitum, poterat tamen hoc agere ad laudem Dei Barac, scilicet, vt populus Israel, qui non iuerant ad bellum videns hostes suos coram se occidi: de hoc laudaret Deum, & gauderet. Sic namque apud multas gentes consuetum est: nam & Romani cum dabant alicui victori triumphū in vrbe in cōplemento festiuitatis occidebant principē hostiū apud capitoliū si potuisset capi viuēs in bello sic fuit in bello Iudaico cum datus est triūphus Vespasiano, & Tito: nam Simon princeps seditionis in Ierusalem viuens captus ad capitoliū occisus est, vt ait Iosephus libro de bello Iudaico. Poterat quoque hoc facere ad tollendum Israelitis timorem Chananeorum, vt iam non timerent eos, cum viderent coram se miserabiliter occidi, sic enim fecit Iosue quando cepit quinq; reges Chananeos in spelunca vrbis Maceda: nam educens illos, fecit quod viri de exercitu suo ponerent pedes super colla regū ad hoc, quod iam non timerent illorum gentem: Iosue deci-

**A**cimo capitu. Sic etiam fecit Gedeon ad conuincendum perfidiam virorum Soccoth, qui dixerant eis: forsitan palme virorum Zebee, & Salmana in manu tua sunt, & Gedeon captis illis in bello duxit eos in Soccoth ad conuincendum perfidiam virorum Soccoth, & ibi occidit Zebee, & Salmana, vt patet infra octauo capitu. sic enim poterat Barac ex multis causis ducere aliquos de Chananeis captis in bello ad occidendū in terra Chanaan, vbi erant Israelitæ: Ad rationem in contrarium dicendum, quod Saul non peccauit ducendo Agag viuētem, sed quia duxit eum intentione dandi ei vitam, quod erat contra Dei iussu, ideo occidit eum Samuel: Barac autem ducebat istos animo occidendi eos in terra Israel. *Saluati sunt reliquie*

Ad rationem in contrarium.

**B**populi. Idest saluatus est Israel de manibus hostium. Vocantur autem reliquie populi, quia Chananeæ occiderant aliquos de Israelitis in viginti annis, quibus oppresserunt eos, & residui nunc saluati sunt. *Dominus in fortibus dimicauit.* Hic ponitur debellatio hostiū preterita, & futura: enarratur enim hic aliqua magna lra Dei incidentaliter ad incitandum in canticum: & dicitur. *Dominus in fortibus dimicauit.* Idest adiunxit fortes Israel ad dimicandum contra hostes, & ipse fecit bella eorum. In Hebræo habetur: *Dominus descendit mihi, vel fregit in fortibus.* Ideo signant, scilicet dominus fregit mihi, idest ad utilitatē meam, vel pro me, scilicet fregit hostes nostros: & hoc in fortibus, idest per fortes. *Ex Ephraim deleuit eos in Amalec.* Hic incipit enumerare bella, quæ Deus egit in fortibus Israel, & dicitur, quod Deus deleuit eos, idest hostes Israel in Amalec, scilicet ipsos hostes, qui erant Amalechitæ: & hoc ex Ephraim, idest ille fortis, qui fuit, per quē Deus deleuit Amalechitas fuit de Ephraim, idest de tribu Ephraim, scilicet Iosue: nam Iosue fuit primus, qui pugnavit contra Amalec quando Amalechitæ inuaserunt Israelitas in Raphidi Exo. decimo septimo. *Et post eum ex Benjamin in populos tuos Amalec.* Idest quod postquam Iosue pugnavit contra Amalec pugnavit etiam Saul, & est sensus: o Amalec post eū, idest post Iosue, qui primo contra te pugnavit, ex Benjamin, in populos, idest fuit quidam de Benjamin, qui pugnavit contra populos tuos, scilicet Saul: nam Saul erat de tribu Benjamin primo Regum nono, & iste deleuit Amalechitas primo Regum decimo quinto. In Hebræo habetur. *Ex Ephraim sua radix in Amalec.* Et est sensus: sua radix, idest suum principium pugnandi in fortibus fuit ex Ephraim. scilicet quia primus fortis de Israel, quē Deus ad pugnandū adiunxit fuit de Ephraim. scilicet Iosue, qui fuit de Ephraim & hic in Amalec, idest contra Amalec, quia primum bellū quod fecit Iosue contra hostes fuit contra Amalechitas. Exo. decimo septimo. Nā ante hoc non fuit aliquod bellum Hebræorum contra aliquam gentem, & istud est quod dicitur Num. 24. scilicet principium gentium Amalec, cuius extrema perdentur, idest prima gens de gentibus, quæ pugnaverunt contra Israel fuit Amalec: & extrema huius perdentur, scilicet quia ad extremum Saul deleuit gentem illam, & dicitur sua radix, idest radix Dei, scilicet quia dictum est dominus in fortibus dimicauit, & subditur, ex Ephraim sua radix, idest principium bellorum quod Deus fecit in fortibus pro Israelitis fuit ex Ephraim, scilicet Iosue. Et istud, quod dicit littera nra, ex Ephraim deleuit eos in Amalec. *De Machir.* Hic ponuntur bella presentia, scilicet illud quod factum est contra Sisaram. Et ponitur solum bellum factū contra Amalec de preteritis, eo quod Amalec offendit nimis Israelitas, quia fuit prima gens, quæ pugnavit contra Israel, vt patet Nu. 24. & ob hoc Deus iussit Israelitas nimis tenere mente iniuriam istam susceptam ab eis, vt deleuerent eos data oportunitate Deuteron. 25. scilicet

Romani solebāt reges in bello captos post triūphū interficere.



scilicet memento quid fecerit ibi Amalec, quando egrediebaris ex Aegypto, & extremos agminis tui, qui lassii residebant ceciderit, quando tu eras fame, & labore confectus, nec timuerit dominum: cum ergo dominus dederit tibi requiem, delebis nomē eius iuxta cēlo, caue ne obliuiscaris. *De Machir principes descenderunt.* Enarrat Debbora illos, qui de Israelitis iuerunt ad bellum cū Barac: & dicitur, quod de Machir descenderunt principes, scilicet, qui irent ad istud bellum: isti erant de Tribu Manasse, nam Manasse genuit Machir, ut patet Gen. quinquagesimo cap. & ab isto nominata est familia Machiritarum Num. vigesimo sexto capitu. Aliter autem potest exponi secundum quosdam, quod hic tangatur bellum præteritū. scilicet de Machir principes descenderunt, id est de stirpe Manasse, siue Machir filij Manasse præfuerunt aliqui, qui pugnaverunt contra Amorrhæos, & obrinuerunt terram Galaad: sic patet Nume. 32. scilicet porro filij Machir filij Manasse perrexerunt in Galaad, & vastauerunt eam interfecto Amorrhæo habitatore eius. Etiam Iair fuit de filiis Machir: & iste obtinuit viculos urbis Nobe eodem cap. Sed ista sententia non conuenit huic literæ; quia hic dicitur de Machir, & Zabulon sub eodem contextu, scilicet de Machir principes descenderunt, & de Zabulon, qui ducerent exercitum ad bellandum. Sed manifestum est, quod id quod dicitur de Zabulon intelligitur de præsentī bello; quia illos vocauit Barac ad pugandum præcedenti cap. ergo etiam filij Machir fuerunt in bello isto, & de hoc hic tangitur. *Et de Zabulon, qui exercitum ducerent ad bellandum.* Id est etiam fuerunt viri de stirpe Zabulon, qui duxerunt exercitum secum ad bellandum: nam erant principes. In Hebræo habetur. *De Zabulon ducentes in virga scripturis.* Et exponunt Hebræi, quod cū Debbora fuerint scriptores ad bellū, scilicet forte ad orandū, sed idem est quod sensus literę nostrę; quia virga scriptoris equiuocum in Hebræo: & potest significare virgam ducis regentis in bello. *Duces Issachar fuere cum Debbora.* Id est etiam de tribu Issachar descenderunt aliqui ad bellum; & dicitur quod fuerunt cū Debbora, quia Debbora, & Barac erant tanquā duces huius belli, & idem erat esse cum Debbora, quod cum Barac. Hebræi dicunt quod isti erant cum Debbora, scilicet ad orandum, & non ibant cum Barac ad pugandum. Dicunt etiam quod isti ibant ad dicendum qua hora pugandum foret. Hoc autē quia primo Paralip. 12. dicitur quod de filiis Issachar venerunt ad David viri eruditi, qui nouerant singula tempora ad præcipiendum quid facere deberent filij Israel. Sed hoc nihil est, quia illud non intelligitur, nisi de quadam prudentia politica, que pertinet ad disponendum res debitis temporibus. Dicendum ergo, quod isti iuerunt ad pugandum sicut ceteri, quamquam dicantur iuisse cum Debbora, quia idem erat ire cū Debbora, & cum Barac. *Et Barac vestigia sunt secuti.* scilicet iuerunt cum ipso ad bellandum: nam Debbora & Barac simul ibant. *Qui quasi in præceptis ac baratrum discrimini se dedit.* Hoc refertur ad Barac, scilicet quod ille dedit se in præceptis, id est in præcipitum, & casum magnum: & in baratrum. Vocatur autem baratrum profunditas magna a vorando dicta: & est sensus quod Barac exponendo se discrimini pugnano contra Sisaram dedit se quasi in baratrum, & præceptis. *Diuiso contra se Ruben magnanimorum reperta est contentio.* Potest dupliciter intelligi: vno modo quod tempore huius belli erat magna contentio inter viros de tribu Ruben, & ob hoc attendentes domestica bella non iuerunt ad pugnam totius populi: & est sensus, diuiso contra se Ruben, id est in isto tempore belli erat diuisus contra se Ruben, id est inter se per seditiones: & reperta est

Hebræorum  
opinio pene  
litera

Baratrum  
quid sibi  
velit.

contentio magnanimorum, id est fuerunt viri magnanimi tunc in tribu Ruben, qui fouerent contentione. Aliter potest intelligi quod audito isto bello filij Ruben dubitabant an ire deberent in bellum istud, vel non: & dum moram facerent deliberando, accidit quod soli filij Zabulon, & Nephthali irent illuc: & isti vocantur magnanimi, & est sensus: diuiso contra se Ruben, id est habere diuersas sententias, scilicet quia quidam dicebant eundem esse in bellum, & alii non. Magnanimorum reperta contentio, id est reperti fuerunt in contentione, id est in bello contra Sisaram soli magnanimi, scilicet filij Zabulon, & Nephthali. Istos sensus ponit Andreas, sed primus illorum est melior. In Hebræo habetur. *Duces mei in Issachar cum Debbora Issachar: sic Barac in valle missus est pedibus suis: in partibus Ruben duces magni corde.* Istud est quod continet litera nostra ex illo loco. *Duces Issachar.* Usque ad illum locum *Quare habitas.* Et consonat in sensu cum litera nostra. nam cum dicitur. *Duces mei in Issachar cum Debbora.* Est idem quod litera nostra dicit. *Duces Issachar fuere cū Debbora.* Cum autem dicit Hebræus. *Issachar sic Barac.* Dicit litera nostra. *Et Barac vestigia sunt secuti.* Et est sensus Hebræę literę. *Issachar sic Barac.* Id est sic iuerunt duces Issachar cum Barac, sicut cum Debbora. Et hoc est, quod secuti sunt vestigia Barac. Cum autem dicitur. *In valle missus est pedibus suis.* Dicitur in litera nostra. *Qui quasi in præceptis ac baratrum discrimini se dedit.* Et est sensus quod Barac dimissus est in valle pedibus suis id est ita fuit in periculo exponendo bello se, sicut si dimitteret pedibus suis in valle, id est ad cadendum de altitudine in vallem pedibus suis, id est super pedes suos. Et hoc clare signat idem, quod quasi in præceptis ac baratrum. Cum autem dicit Hebræus. *In partibus Ruben duces magni corde.* Est sensus, quod in tribu Ruben erant magnanimi fouentes inter se contentione: & ob hoc non venerunt ad bellum: & hoc significat litera nostra, scilicet diuiso contra se Ruben magnanimorum reperta est contentio, id est erant magnanimi in tribu Ruben fouentes contentione, & ob hoc erat diuisus contra se Ruben. *Quare habitas inter duos terminos.* Est quedam vituperatio ad tribum Ruben, quia noluit venire ad bellandum, sed manebat in quiete in pascuis. Dicitur autem habitare inter duos terminos, ut ait Nicolaus, quia habitabat in medio Gad, & dimidię tribus Manasse in terra duorum regum Amorrhæorum. Sed hoc non stat, quia Ruben tenebat loca coniuncta terrę Moab, & erat in extremitate terrę illius: Gad autem erat in medio Ruben, & dimidię tribus Manasse, ut patet ex locis, quę data sūt cuilibet istarum tribuum, & declaratum est Numeri trigesimo secundo, & Iosue decimo tertio, ubi ponitur diuisio possessionis harum tribuum. Sed dicitur habitare inter duos terminos, id est inter terram Moab ex vna parte, & terram Chanaan ex alia, tribus namque Ruben habebat ad latus meridianum totam terram Moab, & ad latus occidentale ipsum Iordanem, qui est principium terrę Chanaan ad occidentem Nume. 34. & hæc declarata sunt Numeri 32. & Iosue 13. *Ut audias sibilos gregum.* Dicitur hoc, quia Ruben cum non iret nunc ad bellum vacabat officio pastoralis: nā tribus illa abundabat nimis in pecoribus, & iumentis, & tradebat se penitus occupationi gregum gaudebatque audiendo balatus pecorum. Hoc patet Nume. 32. nam dicitur, quod filij Ruben, & Gad habebant infinitā substantiam in iumentis, & pecoribus, ideo petierunt a Moysē terram Galaad, quam viderunt aptam alendis animalibus. *Diuiso contra se Ruben magnanimorum reperta est contentio.* Exponatur sicut supra. Et repetitur hic modo cantici, quia in canticis sepe eadem repetuntur: sic etiam repetitur supra illud

Exponatur  
hic cantici  
ratio.

verbum,



verbum, qui sponte obtulistis & cetera in Hebræo habetur. *In partibus Ruben magni inquisitores corde*, id est erant in tribu Ruben viri nimis inquirentes iurgia, quia erant duri corde. Et istud significat litera nostra, scilicet magnanimatorum reperta est contentio. *Gad trans Iordanem quiescebat*. Hic redarguitur tribus Gad, quia non venit ad bellum, cum potuisset: potissime quia in hac tribu erant viri fortissimi, & satis apti ad bellum, & laudantur de fortitudine per Moysen Deuteronomo trigesimo tertio, in benedictione sua. Et Gene. quadragesimo nono: & ipsi egerunt aliquid magnæ fortitudinis quando tulerunt cadauera Sarris, & filiorum eius de platæa, vel muro Bethsan primo Regum trigesimo primo, & Paralipo. decimo capitu. Et dicitur, quod quiescebant trans Iordanem, quia tribus Gad acceperat possessionem in terra duorum regum Amorrhæorum, Schon, & Og ad Orientalem partem Iordanis Nume. trigesimo secundo, & Iosue decimo tertio. *Dan vacabat in nauibus*. Hic redarguitur tribus Dan, quod non venerit ad bellum. Et dicitur, quod vacabat nauibus, id est laborabat in nauibus transferendo merces in eas per mare, quod est opus negotiatorum. Rabbi Salomon, dicit quod vacabat nauibus, id est intentus erat ad parandum se ad fugam per mare, ne veniret ad bellum, vel timore hostium si præualerent contra Israel. Pertingit enim possessio Dan ad mare magnum, quod vocatur mare Mediterraneum, & est in termino Occidentali terre Chanaan. De hoc patet Iosue decimo nono, scilicet quod pertingit possessio Dan in Ioppen, & ipso fine concluditur, & tamē Ioppē est portus in mari Mediterraneo, quo appellant cunctes hinc Ierosolymam. Et vocatur vulgariter Iaffa. Afor habitabat in littore maris, scilicet habebat occupationem suam in litore maris circa merces, & morabatur in portibus, id est in locis, ad quæ solent de locis extraneis per mare conuenire mercatores: habebat enim Afor multos portus, quia in eius sorte ponitur Tyrus, & Sidon, & magna pars litoris mari Mediterranei in termino Occidentali terre Chanaanorum, ut patet Iosue decimo nono. *Zabulon verò, & Nephthali obtulerunt animas suas morti*. Id est iuerunt ad bellum, in quo offerebant se morti, & mortui fuissent, nisi Deus eos adiuuasset: & dicitur de istis duabus tribubus, non quod non iuissent aliæ, quia de tribu Manasse iuerunt aliqui, cum dicatur supra, de Machir principes descenderunt. Etiam filij Issachar venerunt in bellum, cum dicatur: Deces Issachar fuere cum Debbora, & Barac vestigia sunt secuti. Sed dicitur de istis solis: quia isti fuerunt præcipui, qui iuerunt ad bellum, & de istis elegit Barac iuxta mandatum Dei decem milia præcedenti capitu. In Hebræo habetur. *Zabulon, qui vituperabat animam suam morti, & Nephthalim*. Hebræi intelligunt, quod isti desperabant de vita, ideo nihil pro ea dabant, sed vituperabant illam. Sed non stat, quia tunc non vocarentur fortes, cum fortes sint confidentes in periculis. Isti tamen vocantur fortes supra, ideo debet intelligi, quod isti vituperabant animam suam morti, id est exponebant se morti pro toto Israel, & in hoc videbantur vituperare animam suam, cum non curarent de ea pro salute aliorum. *In regione Merome*. Iste fuit locus belli, ubi iste tribus obtulerunt animas suas. In Hebræo habetur. *Super altitudinem campi*. Scilicet quod istud bellum fuit super aliquem campum altum. Litera autem nostra posuit regionem Merome, quia multa nomina Hebræa sunt, quæ possunt accipi indifferenter pro communibus, & propriis, nisi quantum contextus scripturæ hoc prohibeat: & ita accepit hic pro nomine proprio litera nostra, quod conuenientius videbatur. Hebræi autem exponant per commune nomen. *Venerunt* Alph. Tost. super lib. Iudicum.

*Reges, & pugnauerunt*, intelligitur de bello isto facto tempore Sisaræ, in quo venerunt reges, sed in exercitu Sisaræ: nam Iabin rex Chanaan habebat multos reges sibi subiectos, cum antiquitus omnia regna terre Chanaan subiecta forent regi Afor, qui vocabatur rex Chanaan: unde ad vocationem Iabin regis Afor conuenerunt illico multi reges ad pugnandum contra Iosue undecimo capitu. Vel dicuntur reges, scilicet duces, qui veniebant cum Sisara, quia erant cum magna potentia, & ob hoc vocabantur reges, sicut dicit Sennacherib: nōne principes mei reges sunt? Rabbi Anai dicit, quod in terra Chanaan erant sexaginta duo reges, & occisi sunt triginta duo in Iericho, & triginta duo, tempore Sisaræ nunc. Sed falsum est. *Pugnauerunt reges Chanaan*. Replicatio eiusdem sententiæ sæpe fit, sicut in canticis. *In Tanach iuxta aquas Mageddo*. Tanach est quedam ciuitas in sorte Manasse, ut patet Iosue decimo septimo, & supra primo. Sed dicitur quomodo ergo fuit istud bellum in Tanach, cum fuerit apud aquas Mageddo. Aliquis respondet, quod Mageddo & Tanach sunt idem locus. Sed non stat, quia Iosue decimo septimo computantur tanquam due ciuitates, & supra primo, & Iosue decimo secundo, ponuntur duo reges de his duobus locis. Sed dicendum est, quod Tanach, & Mageddo erant loca coniuncta satis, & quia exercitus Sisaræ erat inter vtramque locum, dicitur esse apud vtrumque, vel extendebat se exercitus propter magnitudinem ab vno loco in alium: *Et tamen nihil tulere prædantes*. Scilicet quod isti reges, qui veniebant cum Sisara, licet pugnauerunt, non tulerunt aliquid de Israelitarum terra, eo quod debellati sunt ab eis, & dimiserunt spolia sua in terra Israel.

Expositio  
Rab. Anai

Tanach qd  
fit.

De cælo dimicatum est contra eos: stelle manentes in ordine, & cursu suo, aduersus Sisaram pugnauerunt. Torrens Cison traxit cadauera eorum, torrens Cadumim, torrens Cison: conculca anima mea robustos. Vngulæ equorum ceciderunt, fugientibus impetu, & per præceptis ruentibus fortissimis hostium. Maledicite terræ Meroz, dixit Angelus Domini: maledicite habitatoribus eius, quia non venerunt ad auxilium Domini, in adiutorium fortissimorum eius. Benedicta inter mulieres Iahel vxor Aber Cinæi, & benedicatur in tabernaculo suo. Aquam petenti lac dedit, & in phiala principum obtulit butyrum. Sinistram manum misit ad clauum, & dextram ad fabrorum malleos. Percussitque Sisaram quærens in capite vulneri locum, & tempus valide perforans. Inter pedes eius ruit: de fecit, & mortuus est: voluebatur ante pedes eius, & iacebat exanimis, & miserabilis. Per fenestram respiciens vlulabat mater eius, & de cœnaculo loquebatur. Cur moratur regredi currus eius?

Manet  
Aegyptius  
historicus.

Sinistram  
non est de  
textu, sed  
videtur ab  
interprete

Picus rex  
Pilæ Iudæ  
primus in-  
uenit, & Pi-  
cenū pro-  
uinciam a  
se nomina-  
uit.

G quare



quare tardauerunt pedes quadrigarum illius? Vna sapientior ceteris vxoribus eius, hæc socru verba respondit. Forsitan nunc diuidit spolia, & pulcherrima feminarum eligitur ei: vestes diuerforum colorum Sisare traduntur in prædam, & supellex varia ad ornanda colla congeritur. Sic pereant omnes inimici tui Domine: Qui autem diligunt te, sicut sol in ortu suo splendet, ita rutilent. Quieuit terra per quadraginta annos.

Cui victo-  
ria attri-  
buenda sit

De cælo dimicatum est contra eos. Hic ponitur quartum huius capi. scilicet cui victoria attribuenda sit explicat, scilicet quod non ab hominibus, sed a Deo pugnatum est, & dicitur, de cælo dimicatum est, idest Deus, qui in cælo est, dimicauit contra Sisaram, & exercitum suum: nam Israelitæ non valuissent dimicare contra eos. *Stella manentes in ordine & cursu suo contra Sisaram dimicauerunt.* In hoc patet, quod de cælo pugnatum sit contra Sisaram: quia stellæ pugnauerunt contra eum. Et dicitur manentes in ordine & cursu suo, ad differentiâ belli facti sub Iosue contra quinque reges Amorricorum. Nā tunc de cælo pugnatum est: tamen stellæ non fuerunt in ordine et cursu suo, sed omnes steterunt in monte: nam sol, & luna steterunt, cum dicatur Iosue 10. scilicet, sol ne mouearis contra Gabaon, & luna contra vallem Aialon: nunc autem alia, licet pugnant, mouebantur.

*Quomodo dimicatum fuit de cælo contra Sisaram,  
& stella pugnarunt contra eum.  
Questio. VI.*

**Q**VAERET aliquis, quomodo dimicatum fuit de cælo contra Sisaram? Respondendum quod principaliter pugna contra Sisaram fuit hic de cælo, scilicet in grandine, & pluuia cadente super exercitum Sisare: & compellente illum ad fugam; sic ait Iosue 3. antiquitatum dicens: Congressis Israelitis cum Sisara imber eis magnus influxit, & quia simul nimia pluuia, & grando in faciem Chananeorum versa est, & ventus eorum aspectibus imminabat, arcus eorum & fundibulæ inutiles fiebant: & armati propter frigora uti gladiis non valebant: Israelitis vero tempestas immissa post tergum minus nocebat, & circumdantes hostes medios multos eorum occiderunt. Est autem hoc verisimile: nam sic iterum pugnavit Deus contra Chananeos sub Iosue mittendo super eos gradines magnos & multos, ita ut pluribus mortem lapides & gladius Hebræorum intulerint, Iosue 10. potuit etiam esse quod de cælo fieret aliquis strepitus super Sisaram & exercitum eius ad hoc quod territi non auderent resistere Israelitis: sic fuit tempore Samuelis contra Philistinos, ut patet primo Regum septimo, scilicet. Intonuit dominus fragore magno de cælo super Philistinos: & cæsi sunt a facie Israel. Sic etiam 4. Regum septimo, factus est magnus tonitus per noctem, quem putantes Siri esse strepitum magnæ militiæ superuenientis, fugerunt relinquentes castra sua plena spolijs. Vel fortè apparuerunt milites venientes de cælo quos nimis formidabant ipsi Chananej. De hoc quarto Regum sexto cap.

*Quomodo stellæ pugnarunt contra Sisaram manentes in cælo.  
Questio. II.*

**Q**VAERET Aliquis, quomodo stellæ pugnauerunt contra Sisaram? Respondet Rabbi Salomon, quod stellæ de cælo incanduerunt, & calefecerunt lutum iterum, & præ calore cadebant ungulæ equorum Sisare: sic habetur infra. *Ungulæ equorum ceciderunt.* Et tunc Sisara fuit impotens ad pugnam mutilatis equis. Sed istud ridiculū est, quia stellæ non sic calefaciunt, ut faciant feruere lutum. Etiam quia ungulæ equorum non ceciderunt ob hoc, sed propter aliam causam ut infra dicitur. Rabbi David Kimhi, respondet aliter dicens, quod stellæ manentes in ordine suo pugnauerunt, idest ita velociter pugnatum est contra Sisaram. Litera tamen hoc innuit: sic etiam supra dicitur, dominus in fortibus dimicauit. Aliter responderi idem Rabbi David Kimhi, scilicet quod stellæ calefecerunt Chananeos exercitus Sisare nimis: & illi ingressi sunt torrentem Cison, ut refrigerarentur, & aqua occidit eos. Et hoc dicit signare literam infra, scilicet, torrens Cison contraxit cadauera eorum. Sed etiam istud non multum stat, quia magis diceretur tunc pugnare Cison, quam stellæ. Etiam quia ad causandum istum calorem in corporibus Chananeorum non debebāt operari stellæ, sed alio modo fieri debebat. Andreas respondet quod stellæ vel corpora cælestia non pugnauerunt nec egerunt quicquam in isto bello, & redarguit ipse in hoc mathematicos, qui istam victoriam astris tribuunt, sed dicit, quod est sensus, quod stellæ pugnauerunt, idest Deus præsidens cælo, & stellis pugnavit. Sed etiam istud non multum stat, quia non significaretur hoc modo aliquod speciale opus, aut miraculum: & de quolibet vertente posset dici hoc, scilicet quod stellæ manentes in ordine suo pugnauerunt pro illo: nam non potest aliquis vincere, nisi Deus ei dederit. primo Machabeorum tertio, scilicet. Sicut fuerit voluntas in cælo ita fiat. Idem primo Regum decimo quarto. Dicendum ergo, quod stellæ manentes in ordine suo pugnauerunt contra Sisaram, quia fortè sidera videbant inflammata venire super exercitum Sisare, & hoc quia fortè aliqua cometa vel succensiones flammæ dimittebantur ab alto, quasi sidera caderent, quæ vulgares ignem esse putant, & ista peruenientia ad Chananeos exurebant quos tangerent. Maius tamen malum erat, quod per timorem incutiebant: nam æque turbati currus huc illucque trahebant per prona, & abrupta, & sic cadebant equi, & currus, atque ascensores, & frangebantur currus, & moriebantur ascensores, & equi fracturam patiebantur membrorum: & hoc est quod supra dicitur, scilicet ubi collisi sunt currus, scilicet cadendo per abrupta in præceps ac baratrum. Et hoc modo equi timore & rabie stimulat, impetu magno ferebantur in torrentem Cison, & Cadumim, & suffocabantur equitantes. Hoc etiam est, quod infra dicitur, scilicet quod ungulæ equorum ceciderunt, scilicet cum discurrerent per loca petrosa, ac abrupta, & caderent de altissimis in præceps. Torrens Cison contraxit cadauera eorum. Hoc fuit quando fugientes viri Sisare ab Israelitis præ timore, & turbatione mentis inciderunt in torrentem Cison, & Cadumim: nam apud istos torrentes bellum factum fuit, & specialiter apud torrentem Cison, ut patet præcedenti capitulo. Et dixit, quod contraxit cadauera eorum, idest collegit, scilicet quia multi in eo mortui sunt. In Hebræo habetur. Torrens Cison contraxit eos. Idest simul mortuos traxit, & pertinet ad idem. Torrens Cadumim.

Resp. R.  
Kimhi.



Iste erat alius torrens circa torrentē Cifon, & in hunc quoque multi Chananæorum lapsi sunt. Cadumim secundum Hebræos potest esse nomen commune & proprium: si sit nomen commune, signat antiquitatē, & est sensus quod torrens antiquitatum contraxit cadauera eorum, scilicet mare rubrum, quod vocatur antiquum, quia antiquitus transferunt Israelitę per illud, scilicet quando exierunt de Aegypto. Sed istud nimis alienum est a sensu literę, quia hic agitur de bello contra Sisaram, & est idem cōtextus, ideo ista particula torrens Cadumim non potest trahi ad aliam historiam longē distantem, ideo litera nostra posuit Cadumim pro nomine proprio. *Torrens Cifon.* Est sententia decurtatē repetita, idest torrens Cifon contraxit cadauera eorum sicut supra dicitur. *Conculca anima mea robustos.* Incitat se Debbora ad se exaltādū propter istam victoriam, & contemnendum Chananæos, scilicet conculca anima mea robustos, idest Chananæos, qui gloriantur in robore suo, & non in potētia Dei: nam hi cito conculcantur. Vel potest intelligi de conculcatione reali, scilicet quod aliqui de Chananæis ducti fuissent de bello ad terram Israel, vt Israelitę ponerent pedes super colla eorum, sicut factum est Ios. tempore, regibus quinq; Ios. 10. & postea occiderentur, & Debbora posuit pedes super colla istorū. Hoc satis est verisimile, quia supra dicitur: Surge Barac, apprehende captiuos tuos fili Abinoem, vt ibi declaratum est. *Vngulę equorum ceciderunt.* Idest confracti sunt pedes equorum, & vngulę in bello: & significatur causa, cū subditur. *Fugientibus in impetu, & in præceps ruentibus fortissimis hostium.* Idest hoc factum fuit propter cursum immoderatum: nam tanto fuerant Chananæi timore concussi ardente de super cēlo, & flammarum globis in modum stellarum venientibus vsque ad eos, quod non poterant se, aut equos continere: sed fugiebant impetuosē per quācūque partem possent, & accidebat quod caderent de altis rupibus in præceps, & confringebantur currus, & equorum vngulę ac ipsi hostes peribant. In Hebræo habetur. *Tunc confracti sunt calcanei ab hinnitibus fortium.* Est autem ista litera valde decurtata more Hebræo, scilicet tunc confracti sūt calcanei, idest vngulę equorum, sicut dicit litera nostra: cū autem dicitur ab hinnitibus fortium: est sēsus quod fortes, idest hostes hinniebant, scilicet fremebant mente, sicut hinniebant: & præ istorum impetu, & turbatione ceciderunt vngulę equorum, scilicet quia fortissimi hostium turbati mente & fugientes permittebant equos ire quocūque vellent, vel ducebant eos per loca confragosa & præcipitij, & cadentibus equis frangebantur vngulę. *Maledicite terrę Meroz.* Nicolaus dicit quod Meroz est nomen dēmonis, qui incitauit Sisaram ad veniendum in pugnam contra Israel. Et est sensus: maledicite terrę Meroz, idest terrę Chananęorū subiectę huic dēmoni: maledicite habitatoribus eius, scilicet Chananęis, qui habitant cum eo: & hoc quia non venerunt ad adiutorium domini, sed magis ē cōuerso venerunt in pugnam contra Israelitas. Sed iste sensus valde alienus est, quia dicitur hic, quia non venerunt in adiutoriū: est tñ adiutoriū qñ est bellū cōstitutū. Chananęi aut fuerunt, qui pugnauerūt: ergo nō poterat dici de ipsis, quod non venerunt in adiutoriū, sed deberet dici quod non venerunt in pręlium. Item quia maledictio nunquam ponitur, nisi pro peccato cū sit pēna: Chananęi tamen non tenebantur adiuuare Israelitas in bello: ergo non erat eis maledicendum, quia non veniebant in adiutorium eorum, ergo alii erant hi, qui tenebantur adiuuare Israelitas. Est ergo Meroz nomen terrę cuiusdā existentis apud locum belli, & habitatores illius noluerunt venire ad

bellum, ideo maledicuntur: alii verō qui longe erāt a loco belli, quamquam increpantur quod non venerint, sicut patet supra de multis tribubus, tamen non maledicuntur. *Dixit angelus domini.* Iste angelus est Michael, qui est princeps Hebręorum, vt patet Dani. 10. & iste tanquam dux iussit maledici illi terrę, quę noluit ire ad bellum. Alii dicunt quod iste angelus fuit Barac princeps belli, qui vocatur angelus domini eo quod a deo missus est ad istum bellum, vt patet præcedenti cap. Et in Hebręo quicūque nuncius vocatur angelus, quia idem nomen est pro vtroque. Est sensus quod Barac iussit maledici huic terrę, quia ipse cū esset dux belli poterat his imponere pēnā nō euntibus, si moniti fuissent illuc ire. *Maledicite habitatoribus eius.* Scilicet non solum maledicite terrę, sed etiam habitantibus in ea: imō magis maledicendum est habitatoribus, quia ipsi peccauerunt & non terra. *Quia non venerunt ad auxilium domini.* Vocatur auxilium domini, non quod Deus egeat auxilio, sed quia bellum Israelitarum quando boni erant vocatur bellum domini, & hostes eorum vocantur hostes dei: patet Exod. 23. cap. ideo consequenter auxilium eis præstitū dicebatur auxilium Dei. *Et in adiutorium fortissimorum eius.* Fortissimi dei vocantur famuli dei fortissimi, qui se exposuerūt huic bello, scilicet Zabulon, & Neptali & alij qui cum eis descenderunt, scilicet de Machir, & Isachar, vt patet infra in litera.

An peccauit Debbora prouocando Israelitas ad maledicendum terrę Meroz  
Quest. VIII.

QVAERET aliquis, an peccauit Debbora prouocando Israelitas ad maledicendum terrę Meroz. Aliquis dicet, quod sic: quia diabolo, qui est pessima creatura, non est maledicendum, ergo a fortiori nec aliis rebus. Patet hoc, quia cū Michael Archangelus disceptaret cū diabolo super corpore Moy si, & nollet satana quiescere iussis Dei, Michael non ausus est maledicere ei, quamquam merebatur illud, sed dixit, imperet Deus in te Satan, vt patet Iudeynico capit. vnde ibi valde arguuntur illi, qui maledicunt indifferenter cuicūque rei. Item dicitur, quod nō est verisimile, quod Angelus hic iusserit maledicere, quia ipse Angelus noluit maledicere diabolo in canonica Iude. ca. vnico. Rñdendū, q maledicere siue infligat iustē, siue siue causa iniustū est. Attendēdum est tamen, quod qui maledicunt nullam causam habentes semper peccant, qui verō habent causam, aut habent iurisdictionem ad hoc imponendum, aut non: si non habent, peccant: quia maledictio est pēna quādam: non tamen quilibet sua auctoritate debet pēnas infligere male agenti, sed solum ipse iudex: etiam si quis passus fuerit non potest licitē maledicere ei, a quo iniuste patitur, quia iam ipse propria auctoritate imposeret pēnam ledenti, quod non licet. Hoc autem verum est, nisi nō habens iurisdictionem moueatur a Deo ad maledicendū ex dispensatione quadam, quia tunc licitum opus est. Sic fuit in David, qui maledixit montibus Gelboe secūdo Regum primo. Qui autem non mouetur, peccat. Sic patet de Iob, qui arguitur, quia dixit, pereat dies in qua natus sum: Iob tertio. Si autem maledicere sit ab illo, qui habet iurisdictionem, licita est: sicut pēnę alię infliguntur licitē ab habēte iurisdictionem, cū causa sub sit, ita & maledictio licitē imposeretur, cū sit pēna quādā: sic de patet maledictionibus, quas impoluerunt Israelitę super non obseruantes legem, vt patet Deuterono. 27. Nam quantum ad illud habebāt auctoritatem a Deo,

Maledicere vt sit licitum.

Iob peccauit maledicendo.



qui iussit illas poni: sic etiam Ecclesia cum anathematizat, imponit maledictiones super excommunicatos, ut patet ex forma anathematizandi. De Debbora dicendum est, quod non peccauerit, dicendo quod maledicerent terrae Meroz: quia Angelus Domini mandauit hoc, sed Angelus nunquam iubet nisi quae recta sunt, & a Deo volita. Et si accipiat Angelus Domini pro ipso Barac. Dicendum, quod non peccabat Debbora hoc dicendo, nec Barac imponendo maledictionem, quia Barac erat iudex Israel, & habebat iurisdictionem, ideo poterat proferre istam sententiam: si autem accipiat Angelus Domini pro ipsa Debbora, ita quod ipsa pro se loquatur, sicut vult historia scholastica, erit licita maledictio, quia ipsa loquebatur prophetice Deo mouente, ideo quodcumque dicebat, rectum erat.

*An ex maledictione Debbora aliquid sit secutum:*

*& quando ex maledictione sequitur effectus, & quando non.*

*Quest. IX.*

**Q**VAERETVR vltius, an ex ista maledictione aliquid secutum fuerit. Respondendum, quod non constat an euenit aliquid: imò non constat an fuerit interposita aliqua maledictio, quia solū Debbora hortata fuit hic Israelitas ad maledicendum terrae Meroz: sed non dicitur, quod ipsa maledixerit illi terrae nec aliquis de Israelitis, ideo an maledictio euenit, non est inquirendum. Dicendum autem est, quod quando quis habet auctoritatem maledicendi, & maledicit, quod euenit id quod imprecatur ipse per maledictionem. Sic patet de Paulo, qui habebat auctoritatem tradendi hominem demoni per inuocationem tanquam iudex: & hoc est maledicere, & inuocauit hoc super quendam iuuenem Corinthium, & venit in eum demon, ut patet primae Corinth. cap. 5. Generaliter etiā dicendum, quod quascumque maledictiones imprecantur iudices habentes auctoritatem hoc faciendi, certissime euenient, nisi ille in quem petuntur euenire doluerit, & sic obtinuerit solutionem a Deo, & quia hoc modo parentes habent quandam auctoritatem super filios, non in modum iudicum, sed ut illorum, ad quos res pertinet quasi totaliter, quia filius est pars patris, quinto Ethicorum, possunt maledicere, & si interdum filius maledixerit eueniunt mala, quae impræcantur sic patet Eccle. tertio, scilicet, Benedictio patris firmat domos filiorum, & maledictio matris eradicat fundamenta. Interdum etiam, qui iurisdictionem non habent, sed mouentur a Deo, ut maledicant faciunt maledictiones suas euenire: sic patet de Dauid, qui maledixit montibus Gelboe dicens: Montes Gelboe, necros, nec pluuia descendat super vos, nec sint ibi agri primitiarum, quia ibi abiectus est Clypeus fortium. Patet hoc secundo Reg. 1. capit. Hec autem euenisse ferunt auctores certissimi: nam super montes illos pluuere nunquam dicunt, ut ait historia scholastica. Si igitur maledictio a Debbora, vel Barac posita fuisset super terram Meroz, certissime euenisset, quia iuste ponebatur, & ab illis quae habent auctoritatem imponendi eam. *Benedicta inter mulieres.* Hic fuit actus suus valde utilis Israelitis, & animositatis magnae in femina, ideo sine laude non debuit praeteriri: sic enim commendabatur Iudith occiso Holoferne, & canebat coram ea totus Israel: Iudith vlti. capit. Sciendum autem quod, ut declaratum fuit precedenti cap. in actu Iahel aliquid fuit laudabile, & aliquid vituperabile: hic autem non laudatur simpliciter, sed solum in quantum bene egit. *Benedicta inter mulieres Iahel.* Idest benedicatur pliusquam ceterae mulie-

Quia maledictio comprehendit maledictum

Maledictio parentum in filios quantum valeat

**F**res, quia nulla mulier illo tempore tantum Israelitis contulit. *Uxor Haber Cimai.* Dicitur hoc ad differentiam, quia aliae mulieres vocabantur Iahel. *Benedicatur in tabernaculo suo.* Dupliciter potest exponi ista litera: vno modo, quod benedicatur in tabernaculo suo, id est augeatur, & multiplicetur nimis in rebus domesticis: Benedicere enim importat multiplicationem. Est autem benedictio in tabernaculo, quando multiplicantur res domesticae, vel familiares: & quia felicitas feminarum reputatur ipsa domus opulenta, & tranquillitas, imprecata est Debbora super Iahel benedictionem in tabernaculo. Alio modo intelligitur: benedicatur in tabernaculo, id est manens in tabernaculo suo benedicatur, quasi dicat: usque huc benediximus euntibus ad bellum: manentibus autem in tabernaculis ex parte malediximus, & ex parte eos redarguimus: ipsa tamen Iahel quamquam mansit in tabernaculo, benedicatur in tabernaculo, quia tantum ipsa egit in tabernaculo, sicut bellatores in pugna, scilicet quia in domo sua occidit Sisaram. *Aquam petenti lac dedit.* Ad quid dederit lac declaratum est precedenti cap. & laudatur hic de isto, quia fuit quedam conueniens cautela ad occidendum Sisaram, quod daretur ei lac: nam sic facilius sopiretur, & esset sopor grauior, haberetque maiorem opportunitatem ad occidendum eum, quam data aqua. *Et in phiala principum obtulit butyrum.* Ponitur hic phiala non pro vase angusto, quod est ad potum ministrandum, sicut communiter accipimus, sed pro quodam vase amplo, quod peluis vel catinum appellatur. Et dicitur, quod obtulit butyrum, non quod verè illud obtulerit, sed ponitur quasi ad repetendum sententiam de lacte, quia lac, & butyrum coniuncta sunt. Vel forte postquam obtulit lac etiam dedit ei butyrum, ut comederet. Dicitur autem in phiala principum: non quod illa phiala esset aliquorum principum, sed quia tunc fuit applicata ministerio principum. *Sinistram manum misit ad clauum.* Scilicet quando voluit percutere Sisaram in capite. *Et dexteram ad fabrorum malleum.* Accepit malleum in manu dextra, quia illa est ad opus certior & accommodatior. Vocatur malleus fabrorum, quia fabri ferrari utuntur illo magis quam alii artifices. *Percussitque Sisaram.* Scilicet transfigendo clauum usque ad terram. *Querens in capite vulneris locum.* Idest eligens in quo loco eum percuteret, ut facilius moretur: & quia tempora sunt ad haec aptiora percussit in eis. *Tempus valide perforans.* Scilicet quia fortiter percussit: ideo suffecit vnica percussio ad inferendum mortem Sisarae. *Inter pedes eius ruit.* Istud proprie pertinet ad eos, qui vulnerantur stantes, vel sedentes, & cadunt ad pedes vulnerantis, sed non fuit sic de Sisara, quia ipse iacebat in terra extensus, & sic potuit clauus configi cum terra. Dicitur tamē, quod ruit inter pedes eius, id est ante pedes eius mortuus est. *Defecit.* Idest viribus, quia euacuatus est sanguis, & vulnus erat magnū, *Mortuus est.* Scilicet quia vulnus erat incurabile, & quasi immediate post percussione mortuus est. *Ante pedes illius voluebatur.* Non est sensus, quod Sisara surrexerit, vel saltem motus fuerit de loco suo, quia clauus infixus capiti erat confixus cum terra, & sicut ipsa confixit, ita manebat quousque venit Barac: nam dicitur precedenti capitulum, quod Barac ingressus in domum Iahel vidit Sisaram mortuam, & clauum infixum in tempore eius: sed est sensus, quod illico, ut percussus est Sisara fuit caput eius confixum, & non potuit illud mouere; sed mouebat pedes: & mouebatur paululum per terram. *Et iacebat exanimis, & miserabilis.* Idest postquam percussus est, iacuit exanimatus coram Iahel, & miserabilis. i. factus miser, scilicet quondam in tanta rerum celsitudine praesidebat, nunc instantanea calamitate



mitate feminea dextra fugitiuus, & latens occubuit. In Hebræo habetur pro tota ista clausula alia litera, scilicet. *Inter pedes suos incuruatus est, cecidit, cecidit iacuit inter pedes suos, cecidit iacuit ubi incuruatus est: ibi cecidit damnificatus, vel læsus.* Sententia totis istius literę est, quod Sisara mortuus est ante pedes Iahel. Est autem hic litera Hebraica superflua nimis: ita quod litera nostra studens sententię soli non potuit ponere tot verba, licet fecit ea diuersa: nam hic nullum verbum est nisi iacuit, cecidit, incuruatus est: & tamen ponitur septies eo quod sit repetitio superuacua, ideo non fuerunt posita in litera nostra septem verba, sed solum quinque: quia non potuerunt plura reperiri diuersę significationis quantum ad hoc: & ubi dicitur damnificatus vel læsus, litera nostra posuit exanimis, & miserabilis; quia ista fuit læsio, quam ibi suscepit Sisara. Quidam autem turpissimus Talmudista exponit, quod septies Sisara carnaliter cognouit Iahel: & hoc inducit, quia septies ponitur hic cadere, vel incuruari inter pedes Iahel, talia tamen consueuerunt poni in Hebræo pro cognitione carnali. Sic patet Iob trigesimo primo capit. cum dicitur: si deceptum est cor meum super mulierem, & si ad ostium amici mei insidiatus sum, scortum sit alterius vxor mea, & incuruentur super eam alij. Sed ista expositio est infandissima: nam dato quod accidisset (quod nequaquam veresimile est) ut patet ex multis consideranti conditionem temporis, & personarum, & opportunitatis, de quibus non expedit loqui: nunquid scriptura laudasset Iahel de hac turpitudine? quid enim aliud foret nisi sacrę scripturam scenicam meretriculam constituere, quę relatis suis turpitudinibus delectetur? sed hoc adhuc in poetis impudicum est. Patet ergo quantum iudei miserii, & vecordes atque deliri sint. *Prospiciens per fenestram vlulabat mater eius.* Hic ponitur planctus, & quęrela pro tardo reditu Sisarę. quamquam enim mater Sisarę sciret Iudæos impares potentia esse Sisarę, ita ut vix expectare auderent eum in campo, tamen quia diligebat eum nimis, sollicita erat, timebat id quod non iudicabatur possibile. Ista est enim conditio amoris: sic quidem ait Ouidius in libro heroidum Epistola Penelope ad Vlysssem, scilicet.

*Res est solliciti plena timoris amor.*

Aspiciebat ergo mater Sisarę per fenestram, quando videret redeuntem Sisaram de bello, & quia tardabat vlulabat ipsa & gemebat. *Et de cenaculo loquebatur.* Idest loquebatur de domo. Est sensus, quod mater Sisarę propter cordis amaritudinem erat inquitata, & non poterat consistere in eodem loco, ideo aliquando erat ad fenestram respiciens an veniret, rursus autem domum siue palatium intrabat, & illud vocabatur cenaculum, quia cenaculum est omnis domus, quę ad ibi ponendas mensas disposita est, & tamen siue esset mater Sisarę ad fenestram, siue rediret in cenaculum semper vlulabat, & loquebatur, quia amaritudo non sinebat eam esse tacitam: nam in Hebræo habetur. *Semper fenestra in utroque.* Litera autem nostra mutauit nomen, ne videatur repetitio inutilis. *Cur morantur regredi currus eius.* Sisara in curru sedebat, & in eo pugnabat: nam præcedenti capitulo dicitur quod Sisara de curru desiliens pedibus fugit. De isto curru conqueritur mater eius, quod tardaret. *Quare tardauerunt pedes quadrigarum illius.* i. rotę quadrigarum. Repetitio eiusdem sententię est, sicut sæpe fit in hoc carmine. *Vna sapientior ceteris vxoribus eius hæc socru verba respondit.* Scilicet Sisara habebat multas vxores, & concubinas, quę cum matre Sisarę erant, & vna de sapientioribus vxoribus Sisarę respondit ea, quę sequuntur socru, idest matri Sisarę. In Hebræo habetur. *Sapientior*

Alph. Tost. super lib. Iudicum.

*tes principisse* respondebant, etiam ipsa in se sua dicta reflectebat. Et secundum hoc volunt Hebræi, quod ista verba, quę sequuntur erant vxorum Sisarę: & etiam mater sua loquebatur hæc. Sed non est iste sensus, sed potius, quod sapientes principisse, idest vna vxor principissa de sapientioribus respondit hæc, quę sequuntur, & nihilominus mater Sisarę reflecteret in se sua dicta priora, scilicet quare morantur regredi currus eius. *Forsthan nunc diuidit spolia.* Scilicet non conqueraris, quia licet multum tardet non moratur in bello, sed in diuisione spoliorum, & hoc prosperum est. Ex hoc patet, quod mater magis diligit filium, quàm vxor virum, quia mater suspicabatur malum de filio, & vlulabat: concubine autem, & vxores suspicabantur bonum, scilicet quod diuideret spolia, & acciperet pulchram feminam, qui tamē magis diligit magis timet, atque sollicitus est, quia

*Res est solliciti plena timoris amor.*

Ut ait Ouidius in libro Heroidum Epistola prima. Sed dices, quod vxores non suspicabantur hæc, sed dicebant socru, ut consolarentur eam. Sed non stat, quia dato quod non putarent ista esse vera, aut verisimilia, tamen cum possent illa cum quodam vultu non lachrymoso proferre, non tantum dolebant, ut mater, quę vlulabat. Etiam qui vere dolet, non potest alium dolentem consolari, sed iste consolabantur matrem: ergo illa amarior erat. *Et pulcherrima seminaris eligitur ei.* Hoc suspicabantur vxores: nam cum amor vxoris & viri etiam si honestus sit, ceperit quoddam initium ex commixtione semper vxor zelat virum, & vir vxorem: & zelatę sunt vxores Sisarę, quod in exercitu Hebræorum essent puellę speciosę, de quibus eligerentur speciosissimę pro Sisara. In Hebræo habetur. *Puella puellarum capiti viri.* Et potest esse sensus quod puella puellarum, idest de numero puellarum captarum in bello eligitur puella, idest vna puella capiti viri, scilicet quod cuilibet viro daretur vna puella, & diuiderentur per capita virorum. Et est sensus forte tardat Sisara diuidendo spolia, & dando cuilibet vnā puellam, quia in eligendo eas morabantur. Aliiter & melius exponitur ad sensum literę nostrę, scilicet. *Puella puellarum capiti viri.* Idest vna puella speciosior inter ceteras: quia ille genitiuus significat excellentiam, ut flos florum capiti viri, idest eligitur viro capitaneo, scilicet Sisarę, qui erat caput belli: & hunc sequitur litera nostra, quia erat magis ad propositum.

*Vxores Sisarę quare potius suspicatas sunt de speciosis feminarum quam de aliquo alio.*  
Quest. X.

**Q**UARE ET aliquis, quare vxores Sisarę potius suspicatas sunt de speciosissima feminarum quā de aliquo alio. Respondetur, quod secundum conditionem amoris omnis amās est timens, & sollicitus, ut ait Ouidius. & secundum quod diuersa sunt ea, circa quę est amor, ita sunt varij timores: nam qui solam pecuniam cupit, de solius pecunię habitudine sollicitus est: vxores autem cum viros diligunt, habent initium amoris sui ex commixtione carnali, potissime cum ex commixtione proles nascitur alioquin steriles cito dissoluuntur, ut ait Aristoteles octauo Ethicorum. In hac quoque commixtione conseruatur amor coniugum: nam dum veter alicui extraneo non comiscetur, alternus durat amor: si verò ad alienum fiat commixtio, cessat omnis vicissitudo amoris.

G 3 Et



Et quia vxores diligunt, si bonæ sunt: & si viri ceperint alias diligere, cessabit omnem bonum, quia inter eos sunt maximè suspecte circa viros quod accipiant alias, & ob hoc, quia si Sisara acciperet aliam familiam pulchriorem cæteris de filiabus Israel, illam præponerent cunctis vxoribus suis, & aliarum minueretur status, magis sollicitæ erant vxores Sisaræ an sumeret aliquam puellam speciosam, quam circa vitam eius. Mater autem Sisaræ diligebat eam, quia genuerat illum: ideo de sola persona & vita sollicita erat. *vestes diuersorum colorum Sisaræ traduntur in prædam.* Idest dantur ei in partem prædæ vestes variorum colorum, scilicet quia colligerentur de terra Israel multæ vestes: & de illis partem maiorem & potiorem sumeret Sisara. *Et suppellex varia ad ornanda colla congeritur.* Idest etiam congeritur, idest congregatur varia suppellex ad ornandum colla, idest ad ponendum in collis equorum, vel ad ornanda colla virorum, & feminarum: vt si colligebantur lapides preciosi, vel alia pulchra iocalia. In Hebræo habetur ex loco illo vestes diuersorum colorum. *Spolia tincturarum Sisaræ spolia tincturarum panni preciosi, spolia tincturarum ceruicibus spoli.* Ista litera est superabundans nimis: quia repetuntur aliqua verba sine sensu: & dicitur. *Spolia tincturarum Sisaræ.* Idest traduntur Sisaræ spolia tincturis, idest de pannis tinctis varijs coloribus. Et hoc dicit litera nostra. Vestes diuersorum colorum Sisaræ traduntur. Cum autem dicitur. *Spolia tincturarum panni preciosi.* Superabundans est, & repetitur eadem sententia per alia verba, vel quasi eadem, scilicet quod ista spolia tincturarum sunt panni preciosi. Cum autem dicitur. *Spolia tincturarum ceruicibus spoli.* Est sensus, quod spolia diuersorum colorum accipiebantur pro ceruicibus, idest ad ornandum colla, & hoc dicit litera nostra: & suppellex varia ad ornandum colla congeritur, ille autem genitiuus spoliij superabundans est, sicut multa alia in sermone Hebræo. Sic pereant omnes inimici tui Domine. Ista est conclusio cantici, & finitur in oratione, scilicet quod Debbora orabat, vt omnes inimici Dei, idest Israelitarum sic perirent sicut periit Sisara. Vocantur autem inimici Dei, non quod Deus inimicos illos habeat, cum nihil odisse potest, Sapientie vndecimo: sed quando Israelitæ colebant deum, promiserat eis Deus quod inimicus esset inimicorum eorum, & affligeret affligentes eos, Exo. vigesimo tertio cap. ideo Israelitæ vocabant vt cõiter inimicos suos inimicos Dei. *Qui diligunt te sicut sol in ortu suo resplendet ita rutilent.* Idest colentes te cuiusmodi erant iudæi, rutilent per eminentiam prosperitatis, sicut cum sol in ortu suo fulget. Hebræi exponunt hoc de futuro sæculo, & putant hoc esse id quod habetur Esa. 30. f. & erit lux lune, sicut lux solis, & lux solis septemplex, sicut lux septem dierum: quod satis conuenienter dici potest: hic tamen non intendebat Debbora nisi de presenti prosperitate, quia orauerat quod oēs inimici Israel perirent sicut Sisara: nunc orat quod Israelitæ, qui Deum diligunt semper habeant prosperitatem: & non subdantur hostibus, nec obscuretur eorum felicitas aduersa calamitate, sicut non est obscurata lux solis, quando est in ortu, quando totum orbem sua luce letificat irradiando.

Hebræorum  
expolitur  
litera.

*Chronica temporalium euentuum sub Samgar, Debbora, & Barac. Quæst. XI.*

**C**HRONICA temporalium euentuum sub Samgar, Debbora, & Barac, quorum tempora ad idem pertinet, scilicet quia sub omnibus simul computantur anni quadraginta de quibus dicitur hic.

**F** *Quæritur terra annis quadraginta.* In principio horum annorum regnabat apud Athenienses Erichthonius secundus in hoc nomine, cuius anni 14. fuerant completi anno, quo mortuus est Aod, vt declaratum est supra tertio in fine. Restabant ergo de regno suo triginta sex anni ad complendum 50. postquam regnavit apud Athenas Cecrops secundus in hoc nomine annis 40. cuius annus 4. erat quando mortuus est Barac & completi fuerunt isti 40. annis, de quibus hic. Eo tempore vt ait historia scholastica regnum defecit apud Argos, & translatum est in Micenas. Obijt Liber pater, qui & Bacchus dicitur, & nomine proprio Dionysius: cuius sepulchrum est apud Delphos iuxta Apollinem aureum. Pingitur vero muliebri corpore, quia mulieres militantes in suo exercitu habuit. Hoc tempore Ilium, qui Troia dicta est, ab Iliorege sic nominato, condita fuit. Milletus quoque ciuitas Græciæ tunc condita est. Quæ verò dicuntur de Liberopatre, sine Dionysio secundum Paulum Orosium lib. primo de Ormesta mundi, longe ante fuerunt, scilicet quinque annis ante exitum Israelitarum de Aegypto, qui fuit annus ante urbem conditam octingentesimus decimus.

Troia quæ  
reparata  
dicitur.

## CAPITVLVM VI.



**F**ECERVNT autem filij Israel malum in conspectu Domini: qui tradidit illos in manu Madian septem annis, & oppressi sunt valde ab eis. Feceruntque sibi antea, & speluncas in montibus, & munitissima ad repugnandum loca. Cunque leuisset Israel, ascendebat Madian, & Amalec, cæterique Orientalium nationum: & apud eos figentes tentoria, sicut erant in herbis cuncta vastabant vsque ad introitum Gazæ: nihilque omnino ad vitam pertineans relinquebant in Israel, non oues, non boues, non asinos. Ipsi enim, & vniuersi greges eorum veniebant cum tabernaculis suis, & instar locustarum vniuersa complebant, innumera multitudo hominum, & camelorum, quidquid tetigerant deuastantes. Humiliatusque est Israel valde in conspectu Madian. Et clamauit ad Dominum postulans auxilium contra Madianitas. Qui misit ad eos virum prophetam, & locutus est: Hæc dicit Dominus Deus Israel: ego vos feci conscendere de Aegypto, & eduxi vos de domo seruitutis, & liberaui de manu Aegyptiorum, & omnium inimicorum, qui affli-

Supra 3. & 4.

Tyrrheni  
Tyrrheni  
provincie  
& maris  
mei iudæi  
dic.



fligebant vos : Eiecique eos ad introitum vestrum, & tradidi vobis terram eorum, & dixi : Ego Dominus Deus vester, ne timeatis Deos Amorrhæorum, in quorum terra habitatis. Et noluitis audire vocem meam.

*Fecerunt autem.* Descripta fuit in præcedentibus tertia tribulatio inflata per reges Chanaanæorū, hic subditur quarta tribulatio inflata per reges Madianitarū, & Ammonitarum. Fuerunt autem Israelitæ liberati ab ista tribulatione per Gedeonem. Et diuiditur in duas partes. Primò ponitur pars principalis, secundo incidentalis, infra nono cap. prima in duas, primò ponitur tribulatio, secundo a tribulatione liberatio ibi.

*Qui misit ad eos.*

*Nunquid hic sit ordo continuus.*

*Quæstio. I.*

**QV A E R E T V R** circa primum, an ea, quæ habentur hic sint continuata ad præcedentia, vel sit ordo mutatus. Respondendum est, quod ordo continuatus est, quia prius Israelitæ liberati fuerunt de manu Iabin, quàm de manu Madianitarum: hic autem agitur de plaga, quàm intulerunt Madianitæ Israelitis. Dicendum etiam, quod istud cœpit paucò tempore post ea, quæ habentur præcedenti capitu. nam ibi ponitur totum tempus, quo duravit Barac, in quo Israelitæ non declinauerunt ad idola: illo autem mortuo quamquam aliquanto tempore manserint Deum colentes, cito tamen deseruerunt eum, & Deus illico tradidit eos in manus Madianitarum: ista enim erat conditio Israelitarum, scilicet quod tēpore iudicis cuiuscunque non colerent idola, & illo mortuo colerent ea multo magis quàm prius, supra secundo capitu. Hic tamen agitur de persecutione facta per Madianitas, ergo modicum fuit inter complementum quadraginta annorum, de quibus præcedenti capitu. & principium huius persecutionis per Madianitas. *Fecerunt filij Israel malum in conspectu domini.* Istud malum erat, quod colebant idola, quia istud vocatur malum per excellentiam, & alia in comparatione huius non reputabant mala a Deo in Iudæis, & hoc erat commune in Iudæis: nam dicitur supra secundo quod mortuo iudice quocunque declinabant Israelitæ ad idola, & faciebant peiora quàm prius.

*Quare dicitur hic, quod fecerunt malum Israelitæ.*

*Quæst. II.*

**QV A E R E T V R** secundum Rabbi Salomon, quare dicitur hic quod fecerunt malū Israelitæ, cum supra tertio, & quarto, & alijs locis dicatur: addiderunt filij Israel facere malum. Respondit Rabbi Salomon, quod in omnibus alijs vicibus non erant remissa peccata Israelitarum ideo peccata superueniētia dicebantur superaddita prioribus: nunc autē erant remissa omnia peccata præcedentia per canticū Debborę in præcedenti capitu. ideo dicitur: fecerunt malum, scilicet nunc noviter ceperunt non existentibus peccatis veteribus. Sed istud non stat quantum ad aliquam partem. Prima pars est falsa, scilicet quod in præcedentibus vicibus peccata non erant remissa. Nam aut loquimur de peccatis illis quantum ad culpam, vel quantum ad pēnam. Primum non stat: nam Is-

Alph. Tost. super lib. Iudicum

**A**raelitæ clamabant ad dominum, & dabat eis saluatorem, qui liberabat eos de manu hostium, vt patet supra tertio, & quarto: si tamen non fuissent abolitę culpę Israelitarum, non dedisset eis saluatorem, quoniam non exaudiret eos: nam orationes peccatorum non exaudit dominus, Ioan. nono: ergo quando habebant iudicem, remissę erant culpę. Item quia dicitur, quod antequam daretur iudex Israelitis clamabant ad dominum, per quod innuitur contritio, & oratio lachrymosa, ista autem causant remissionem peccatorum. Item toto tempore, quo aliquis iudex principabatur, Israelitę colebant dominū: ergo iam recesserāt a cultu idolorum, & consequenter non manebant in peccato priori. Quod autem quantum ad pēnam remissę essent iniquitates, apparet, quia pēna, quę dabatur a Deo pro his, erat quod tradebatur Israel in manu hostium, & ab hac liberabantur per iudicem aduenientem: ergo erat remissum peccatum quantum ad pēnam, & sic debet teneri generaliter, quod quandoque moriebatur aliquis iudex, remissę erant peccata Israelitarum præterita quantum ad culpam, & pēnam. Secunda pars dicti non stat, scilicet quod per canticum Debborę nunc fuerant remissę peccata omnia præterita: & ista non stat, quia dato quod temporibus præteritis nullum peccatum fuisset remissum, si cut isti presupponunt non remittuntur omnia per canticum. Et primo patet, quia non remittebatur aliquod peccatum, quia peccatum quantum ad culpam sola contritione deletur, Ezech. decimo octavo: Quacunque hora ingemuerit peccator, peccati eius non memor ero: sed per istum canticum non conterebantur Israelitę de peccatis præteritis, quia poterant illud cantare non dolendo de peccatis, cum multotiens peccatores enarrant iustitias domini: iuxta illud Psal. 49. Peccatori autem dixit Deus, quare tu enarras iustitias meas, & sumis testamentum meum per os tuum? Item dato, quod velles quod illi, qui cantabant istud canticum cantarent contriti corde, & per hoc remitterentur peccata illorum, tamen non omnes Israelitę hoc cantauerunt, sed Debbora, & Barac, vt patet præcedenti capitu. Si autem dicas, quod quamquam isti soli cantarent, tamen cantabant nomine omnium Israelitarum, & proficiebat eis. Adhuc non potest stare, quia non fuit istud canticum pro omnibus, sed solum in laudem eorum, qui expoluerunt se morti. Vnde dicitur: qui sponte obtulistis vos discrimini, benedicite Domino, & tamen non omnes iuerunt ad bellum de Israel: sed quidam maledicuntur, quia non iuerunt, vt dicitur de terra Meroz, scilicet. Maledicite habitatoribus terrę Meroz, dicit Angelus domini. Alij autem increpantur, sicut Ruben, Gad, Dan, Aser, & alię tribus: ergo non poterant per canticum dimitti omnia peccata præterita. Dicendum ergo, quod omnia peccata Israelitarum, propter quę tradebantur in manu hostium dimissa erant, quando moriebatur aliquis iudex: dicitur tamen aliquando: addiderunt facere malum, scilicet quod non fuerunt contenti malis, quę fecerunt tēpore præcedenti, sed etiā nunc alia mala adiungebant: hic autem ponitur, fecerunt, nō ad significandū aliquid speciale, sed quia non curat scriptura distinguere, an dicatur addiderunt, vel fecerunt. *Qui tradidit eos in manu Madian septem annis.* Id est dedit eos sub potestate Madianitarum septē annis, vt affligerentur: & non solum sub Madianitis, sed etiam sub Ammonitis, & alijs populis orientalibus, vt patet infra in litera, & sequenti cap.

Peccantiū orationes non exaudit dominus.



Quomodo Israelitæ in manu Madian tradi poterant.

Quest. III.

**Q**VAERET aliquis, quomodo poterant tradi Israelitæ in manu Madian, cum nunc non essent Madianitæ. Respondendum, quod Madianitæ nunc erant in magna multitudine, ita ut subiici possent eis Hebræi. Sed obiiciet aliquis, quod non essent, quia Israelitæ deleuerant omnes Madianitas, ut patet Num. 31. nam non reliquerunt, nisi feminas virgines, reliquos autem tam viros, quam feminas magnos, & paruos occiderunt eodem cap. Respondendum, quod nunc erant multi Madianitæ, quia licet Israelitæ occiderunt omnes Madianitas, quos habere potuerunt: multi tamen conspecta durissima clade bellorum ante tempus belli de terra fugerunt, alij verò in ipso bello existentes, cum se Israelitis inferiores viderent fugerunt ad alias gentes, & isti multi erant. Recedentibus autem de terra illa Israelitis redierunt isti in terram suam, & breuiter multiplicati sunt ad magnum numerum, quia illi, qui fugerant multi erant: etiam quia a tempore, quo ista facta sunt de pugna Madian usque ad tribulationem istam Israelitarum transierunt anni multi, in quibus possent Madianitæ multiplicari ad magnum numerum. Quod patet, quia illud bellum factum est vltimo anno exitus de Aegypto ad intrandum terram Chanaan, scilicet 40. anno quo steterant in deserto. Quod patet ex ordine libri Numerorum: nam iam peruenerant circa Iordanem ad mansionem penultimam, quando fecerunt istud bellum, quia habetur de aduentu apud Iordanem Nume. vigesimo primo, & tamen postea habetur de pugna contra Madian Nume. trigesimo primo: ergo iam peruenerant ad Iordanem. Item quia Aaron mortuus fuisset anno 40. ab exitu de Aegypto 5. mense, ut patet Nume. trigesimo tertio, mors tamen sua fuit in monte Hor Nume. 20. & hoc multo antequam veniret ad locum, de quo iuerunt ad pugandum contra Madian, ut patet ex ordine libri Numerorum: ergo bellum istud fuit anno quadragesimo ab exitu de Aegypto. Accipiantur ergo quadraginta anni, quibus iudicauit Hothoniël, sub quibus comprehenduntur tempora Iosue, ut declaratum est in prologo libri huius, & supra tertio his addantur anni 30. sub Aod supra tertio, deinde iungantur quadraginta anni sub Barac & Debhora precedenti cap. qui sunt 160. anni, in quibus poterant Madianitæ multiplicari nimis: nam Israelitæ quando ingressi sunt in Aegyptum erant solum 70. computatis magnis, & paruis Gene. 46. & Exod. primo, & tamen ibi existentes solis ducentis quindecim annis, ut declaratum est Gen. 15. multiplicati sunt intantum, quod in exitu erant sexcenta millia peditum absque paruulis, & mulieribus: Exo. 12. cap. ergo Madianitæ in centum sexaginta annis poterant multiplicari ad magnum numerum. Item simile fuit de Amalechitis: nam Saul pugnavit contra illos, & deleuit eos neminem derelinquens masculum aut feminam primo Reg. 15. tamen post paucum tempus Dauid pugnavit contra Amalechitas primo Reg. 17. & 30. hoc autem, quia tempore belli multi fugerunt de bello, & de terra: & finito illo redierunt, & populauerunt eam: sic ergo facile fuit nunc multos esse Madianitas. *Et oppressi sunt valde ab eis.* Modus oppressionis infra ponitur, scilicet quod vastabant totam terram Israel, ita ut nihil eis ad cibum relinquerent, sed omnia cum gregibus suis, & iumentis comedebant, & depascebantur. *Fecerunt que sibi antra.* Idest fecerunt caueas in montibus, in quibus laterent propter timorem aduenientium Madianitarum, quia non solum vastabant terram, sed et occidebant habitatores eius. In Hebræo habetur. Me-

**F**nacharoth. Quod Hebræi exponunt, idest luminaria, eo quod Macharoth deriuatur de luce, vel lumine, & putant aliqui Hebræi, quod erant ista luminaria flammæ cremantes factæ in montibus ad ostendendum aliquid a longe per fumum: sicut fit inter pugnantem in confinibus regnorum: sic etiam fecerunt Israelitæ, quando ceperunt urbem Hay: nam per fumum dederunt signum capte urbis Iosue octauo. Dicit tamen Rabbi Dauid Kimhi, quod (Menacharoth) signat caueas habentes aliquas paruas fenestras in uis, & hoc accepit litera nostra, scilicet. *Antra, & speluncas in montibus.* Aliud genus cauearum in quibus latebant: iste erat modus Israelitarum, scilicet quod quando timebant hostes, iacebant in montibus, in speluncis, & fixuris petrarum: sic fuit tempore Saulis quando Philistini duxerunt magnum exercitum contra Israel, primo Regum 13. scilicet quod cum viderent Israelitæ se in arcto positos (afflictus enim erat populus) absconderunt se in speluncis, & in abditis, & in petris quoque, & in antris, & in cisternis. *Et munitissima loca ad repugnandum.* Idest quia putabant Israelitæ, quod non possent se defendere a Madianitis manentes in urbibus, fugerunt ad loca altissima montium, quæ solis ibicibus peruia erant primo Reg. 24. & ibi putabant se defendendos de manu Madian. Vocantur autem loca munitissima, non quæ erant artificio humano munita aut valle circumdata, sed naturaliter habebant fortitudinem ad resistendum ibi hostibus. *Cunque seruiset Israel.* Hic ponitur modus tribulationis Israelitarum cum gentibus, scilicet quia Israelitæ colebant agros, & serebant: Madianitæ autem, & aliæ gentes comedebant fructus eorum. *Ascendebat Madian, & Amalec.* Scilicet postquam seruerant, & creuerat seges antequam perueniret ad maturitatem vel spicam, veniebant Madianitæ, & Amalechitæ. Iste gentes fauebant sibi inuicem contra Israelitas: nam Deus qui volebat percutere Israelitas concordabat gentes istas, ut vnanimiter conuenirent contra Israelitas, & magis possent eos affligere: sic etiam supra tertio, Deus conuocauit Moabitas contra Israel, & coniunxit eis filios Ammon, & Amalec. Quomodo autem Deus vni-  
ret corda istarum gentium ad persequendum Israel, declaratum est supra tertio. In Hebræo dicitur. *Veniebant Madian, & Amalec.* Sed idem est. *Et ceteri orientales veniebant.* Vocantur hic orientales: qui habitant ad orientem terre habitabilis, ut Indi, & aliæ gentes: sed quicumque populus est magis propinquus orienti quam alius, etiam si sit sibi propinquus vocatur orientalis respectu eius, sic patet de Madianitis, & Amalechitis, qui vocantur orientales respectu terre Iudeorum: manifestum tamen est, quod vtraque harum terrarum est coniuncta terre Iudeorum. Nam terra Amalec est coniuncta terre Iudeorum ex latere meridiano, & est in desertis Arabiæ, ut colligitur primo Regum 15. & 27. capit. & extenditur aliquantulum ad Orientem versus mare rubrum plusquam terra Iudeorum. & quando Israelitæ steterunt in Cadesbarne erant apud Amalechitas, ut patet Numeri 14. Nam ibi erant in Cadesbarne. Numeri 13. & ibi murmurauerunt: & dixit Deus Israelitis, quia Amalechites, & Chananeus habitant in vallibus cras mouete castra, Numeri 14. Et iterum ibidem dicitur, quod descendit Amalechitus fuit Israel usque horma: est tamē Cadesbarne iuxta terram Israel, scilicet in latere suo meridiano, ut patet Numeri 34. & Iosue 15. sic etiam Madianitæ sunt apud terram Chanaan: nam Israelitæ exeuntes apud Iordanem anno quadragesimo ab exitu de Aegypto, ut declaratum est supra, pugnaverunt contra Madian Nu-

Hebræi opinio.

Modus tribulationis Israelitarum cum gentibus

Situs terre Amalec, & Madian



Num. 3. r. cap. non tamen potuissent pugnare, nisi esset A  
Madian circa terram Chanaan: sic etiam alia terra sa-  
tis propinqua terra Chanaan vocantur ei orientales,  
scilicet Mesopotamia, siue Haran, vt patet Num. 23.  
cū dixit Balaam de Haran vocauit me Balach rex  
Moabitarum de montibus orientis, est tamen Mesop-  
otamia, siue Haran satis coniuncta terra Chanaan, vt  
declaratum est eodem capitulo. Hoc modo quidam  
nostrorum erant putantes, quod Magi, qui venerunt  
ad Christum venerint de extremo orientis apud Indos,  
quia dicitur, q̄ viderunt stellam eius in oriente Mat. 2.  
erat tamen illud satis propinquum terra Chanaan.

Error quo-  
rundā no-  
strorū cir-  
ca aduen-  
tū Magorū  
ad Christū

Vocantur autem hic ceteri de nationibus orientalibus,  
scilicet Moabita, Ammonita, Idumei, Syri, qui erant  
coniuncti terra Iudaeorum, & erant magis orientales  
nominantur, tamen Amalechita, & Madianita, quia  
isti erant principales hostes. Et apud eos figentes tentoria.  
Scilicet istę gentes non dominabantur Israelitis ma-  
nendo in terra eorum, & exigendo tributa, & faciēdo  
alias impositiones, sicut Phylisthini tēpore Saulis do-  
minabantur Israelitarum, & tenebant semper magnā  
turmā militum in terra Israel, quę vocatur statio Phy-  
listhinorum 1. Reg. 10. & 13. & isti milites cogeant  
Israelitas ad non habēdum fabros ferrarios, nec arma  
1. Reg. 13. sed veniebant singulis annis in terrā Israel,  
dum erant segetes virides, & omnia vastabant ducen-  
tes secum greges suos, & iumenta. Et dicitur, quod  
figebant tentoria apud Israelitas, scilicet, quia ducebāt  
tentoria, & totam familiam suam, vt aliquanto tēpore  
quolibet anno manerent in terra Israelitarum, quous-  
que comederent omnia, q̄ apud illos erant. Sicut erant  
in herbis cuncta vastabant. Idest antequam venirent ad  
maturitatem consumebant omnia, vt Israelita nō ha-  
berent inde aliquos cibos, & iste erat modus ad subij-  
ciendum Israelitas in seruitutem defectu ciborum.

Vsq̄ ad introitum Gazę. Idest isti populi orientales ex-  
tendebantur per totam terram Chanaan, & accedebāt  
vsq̄ ad introitum Gazę. Est autem Gaza quidam  
terminus terrę Chanaan, vt patet Gen. 10. cap. scilicet  
facti sunt termini Chanaan venientibus à Sidone Ge-  
rarum vsq̄ ad Gazam, donec ingrediaris Sodomam, &  
est Gaza in confinio lateris Meridiani, & Occidentalis:  
nam latus Occidentale est mare Magnum Num. 34. c.  
Gaza autem est apud mare Magnum Iosue 15. & po-  
nitur solum istę terminus Occidentalis ad significan-  
dum, quod istę gentes extendebantur per totam terrā  
Chanaan: nam iste gētes erant orientales respectu terrę  
Chanaan, cū dicatur hic, quod veniebant Madian,  
& Amalech, & ceteri orientalium nationum, ideo  
introitus suus erat per frontem orientalem terrę Cha-  
naan: maior autem extensio sua esset si extenderēt  
vsq̄ ad latus occidentale terrę illius, & sic fiebat.  
Ad quod significandum posita est Gaza, quę erat in  
extremitate occidentis terrę Chanaan. Et dicitur:  
vsq̄ ad introitum Gazę, idest terrę Gazę: nam istę  
gentes non vastabant terram Gazę, quia illa pertine-  
bat ad Phylisthinos, & istę gētes nō erant hostes Phy-  
listhinorum, sed Israelitarum. Nihilq; omnino ad vitam  
pertinens relinquebant in Israel. Idest istę gentes vastabant  
omnia, quę habebant Israelita, & non relinquebant  
aliquid viuens in terra eorum, & hoc tam in plantis,  
quam in animalibus: nā omnes segetes comedebant  
ante maturitatem: animalia quoque quacunque ha-  
bere poterāt ducebant in terram suam, ita vt non ma-  
neret Israelitis aliquid de quo viuerent. Non oves, non  
boves, non asinos. Per ista animalia intelliguntur om-  
nia alia quacunque haberent Israelita. Nam ea, quę  
ad cibos pertinebant, comedebant istę gentes in terra  
Israel: iumenta verō ducebant in terram suam. Ipsi  
enim & vniuersi greges eorum veniebant. Idest non venie-

bant istę gentes expedite ad pugnandum: sed ducebāt  
secum omnes greges suos, & arma, & iumenta: hoc  
autem vt possent vastare omnia terrę nascentia terrę  
Israel, & vt pascerentur ibi sine labore eo tēpore, quo  
ista sufficerent: non veniebant autem expediti ad bel-  
lum scientes, quod Israelita non resisterent eis, ita vt  
pugnare oporteret, sed fugerent in montes. Cum ta-  
bernaculis suis. Maior pars istarum gentium, scilicet  
Amalechita non habent certa habitacula, sed tentoria  
portatilia habentes, quando expedire putant mutant  
domicilium, & sic est nunc inter quasdam gentes A-  
fricanorum. Portabant ergo isti domos suas, vt mane-  
rent aliquanto tempore in terra Israel. Et instar locu-  
starum vniuersa complebant. Idest istę gentes cum gre-  
gibus suis, & armis replebant totam terram Israel ad  
modum locustarum: nam gentes erant multę, & ha-  
bebant pecora, & iumenta innumerabilia, & extende-  
bantur per totam terrā ad inquirenda meliora pascua,  
quę inuenire possent, sicut extenduntur locustę super  
vniuersam faciem terrę. Vniuersa multitudo hominum,  
& camelorum. Intelligitur dupliciter, vno modo refe-  
rendo ad præcedentia, scilicet quod veniebant de A-  
malech, & Madian vniuersa multitudo hominum, &  
camelorum, quę erant in terris illis, ideo facilliter de-  
struebant quidquid erat in terra Israel. Alio modo re-  
ferendo ad sequentia, scilicet quod vniuersa multitu-  
do hominum, & camelorum quidquid tetigerat deu-  
astabat. Sed primus sensus est melior. Quidquid teti-  
gerant deuastantes. Idest istę gentes cum pecoribus, &  
iumentis quidquid tangebant vastabant, scilicet, quia  
quamquam non comederent omnia, solo tactu va-  
stabant ea conculcando præ multitudine hominum,  
& camelorum. Dicitur hic de camelis specialiter,  
quia terra illa abundabat nimis in camelis potissimē  
in terra Madian, & in desertis Arabia. Sic tangitur Il.  
60. f. Inundatio camelorum operiet te, dromedarii  
Madian, & Ephra. Humiliatusque est Israel valde in conspe-  
ctu Madian. Idest oppressi sunt valde Israelita à Madi-  
nitis, scilicet deducti ad magnam calamitatem, & non  
poterant resistere eis. In Hebræo habetur. Depaupe-  
ratus est Israel coram Madian, vel miser factus est. Sed ad  
idem redit, quia pauperes, qui olim diuites fuerunt  
depauperantur, & humiliantur. Dicitur autem de so-  
lis Madianitis, quia isti erant præcipui hostes, licet mul-  
ti alij orientales populi venirent cum eis. Et clamauit  
ad dominum postulans auxilium contra Madianitas. Istud  
fuit in fine septem annorum, cū Israelita nō possent  
aliunde habere liberationem, clamauerunt ad Deum  
suum, vt liberaret eos: tunc autem doluerunt de pec-  
catis suis præteritis, quia alioquin Deus non liberasset  
eos. Et credendum est, quod Israelita promiserint  
tunc Deo, quod semper colerent eum si liberaret eos,  
sicut fecerunt infra 10. quando assumptus est Iephthē  
Galadites in iudicem: nam dixerūt: peccauimus, red-  
de tu nobis quidquid tibi placet, tantū nūc libera nos.

E Quando Deus liberabat Israelitas de oppressione à Deo sibi im-  
posita, an totus Israel derelinquebat idola.

Quæst. IIII.

QVAERET aliquis, quando Deus liberabat Is-  
raelitas de oppressione, quam imposuerat eis  
propter illorū idolatriā: an totus Israel derelinquebat  
idola, & quomodo Deus conuertebatur ad afflictionē  
Israelitarum. Respondendum, quod Israelita toto tē-  
pore, quo colebant idola intentione indurata, pre-  
mebantur à gentibus, cū autem non inuenirent li-  
beratorem, dabat eis vexatio intellectum, iuxta illud Il.  
28. & clamabāt ad dominum, vt liberaret eos: & quia  
sciebant q̄ non exaudiret eos, quia offenderant eum,  
nisi





nisi desererent idola, & conuerterentur ad eum, abieci-  
bant idola, & petebant à Deo, quòd liberaret illos,  
& colerent eum, & in hoc confitebantur peccatū suū:  
sic patet quando assumptus est Iephthe cūm dixerunt:  
peccauimus, redde tu nobis quidquid tibi placet, tantū  
nunc libera nos. Et istud fiebat generaliter quando-  
cunque Israelitæ premebantur à gentibus, & dandus  
erat aliquis iudex: sic patet 1. Reg. 12. scilicet postea  
clamauerunt ad dominum, & dixerunt: peccauimus,  
quia dereliquimus dominum, & seruiuimus Baalim,  
& Astaroth. Nunc ergo erue nos de manu inimico-  
rum nostrorum, & seruiemus tibi, & misit dominus  
Ierobaal, & Badan, & Barac, & Iephthe, & Samuelem.  
Et sic videtur, quòd quodocūque mitti deberet qui-  
libet istorum, Israelitæ promittebant Deo, quòd cole-  
rent ipsum: nō solum hoc, sed etiam actualiter projie-  
ciebant à se idola, & tunc Deus adiuuabat eos: sic pa-  
tet ante sumptionem Iephthe infra 10. cūm dicitur:  
Peccauimus, redde tu nobis quidquid tibi placet: tan-  
tum libera nos nunc. Et sequitur: quē dicentes om-  
nia de finibus suis alienorum Deorum idola proiece-  
runt, & seruierunt domino, qui doluit super miserijs  
eorum: sic etiam factū est tempore Samuelis 1. Re. 7.  
cūm ipse dixit ad Israelitas, si in toto corde vestro re-  
uertimini ad Deum, auferte de medio vestri Deos alie-  
nos Baalim, & Astaroth, & dicitur: abstulerunt filij Is-  
rael Baalim, & Astaroth, & seruierunt domino soli, &  
ibi sequitur quomodo pugnaverit pro eis contra Phy-  
listhinos. Sciendum tamen, quòd quamquam aliqua  
idola manerent inter Israelitas rara, cūm tamen ferē  
totus Israel deposuisset idola, Deus mittebat libera-  
tores: sic enim fuit hac vice: nam Deus misit Gedeonem  
in liberatorem, & tamen nondum erant ablātē  
omnes arā idolorum, quia in vrbe sua erat quēdā ara  
Baal pertines ad familiam patris Gedeonis, & Deus  
iussit ipsi Gedeoni, quòd suffoderet eam, vt patet infra  
in litera. Credendum est autem, quòd raræ arā ido-  
lorum manserant tunc in Israel, quia iam clamauerāt  
Israelitæ ad dominum, & iste clamor importat contri-  
tionem quandam de peccatis, scilicet, quia dicebant:  
peccauimus tibi, libera nos, vt supra dictum fuit. *Qui  
misit ad eos.* Hic ponitur secundum huius capituli, sci-  
licet de tribulatione liberatio. Sciendum autem, quòd  
Israelitæ nunquam à Deo liberabantur, nisi quando  
dolebant de peccatis præteritis, ideo Deus misit Israe-  
litis repræhensorem, vt verē peniteant: secundò misit  
liberationem, vt vincant, ibidem. *Venit autem angelus.*  
Circa primum dicitur. *Qui misit ad eos virum prophetam.*  
Scilicet in fine annorum istorum misit Deus prophe-  
tam ad Israelitas, vt redargueret eos.

De tribu-  
latione re-  
uelatio.

*Quomodo & ad quid missus fuit vir iste propheta,*  
*Quest. V.*

**Q**VAERET aliquis, quomodo & ad quid mis-  
sus fuit iste vir propheta. Respondendum est, q̃  
postquam Israelitæ septem annis oppressi sunt à Ma-  
dianitis, clamauerunt ad Deum, tamen tunc nondum  
omnes Israelitæ abstulerant idola de terra sua: ideo nō  
erāt dispositi ad hoc, quòd Deus illos liberaret: Deus  
tamen compatiens eis, quia premebantur nimis, mi-  
sit ad eos virum prophetā, vt redargueret eos ex parte  
Dei, & cessarēt Israelitæ à cultu idolorum, & tūc Deus  
conuenienter posset eos adiuuare: & sic Deus ex beni-  
gnitate sua nō solum miseretur nobis, sed etiam facit  
nos dignos misericordia sua, inquirēs tempus, in quo  
miseretur: & sic interdum non sumus digni miseri-  
cordia, & si Deus vellet agere cōtra nos, oporteret, q̃  
affligeret nos: ideo differt punitionem, vt adueniat tē-  
pus, in quo sumus digni redemptione, & misericor-

**F**dia. Sic patet Isa. 30. scilicet: Ideo expectat nos Deus,  
vt misereatur nostri. Sic autem iterum misit Deus  
quendam repræhensorem ad Israelitas viuentē Iosue,  
vt patet supra 2. nam angelus venit ibi ad locum flen-  
tium, & ibi locutus est contra Israelitas. Credendum  
est, quòd nunc facta redargutione per istum virum ad  
Israelitas ipsi doluerint, & fleuerint, & reliq̃runt idola:  
sic enim factum est quando angelus venit ad increpā-  
dum Israelitas supra 2. nam fleuerunt omnes: ideo vo-  
catus est locus ille locus flentium, & ex tunc fuerunt  
Israelitæ dispositi, vt Deus illos adiuuaret.

*Quis fuerit iste vir propheta, quem nunc Deus misit.*  
*Quest. VI.*

**Q**VAERETVR vltius, quis fuerit iste vir p̃-  
pheta, quem nunc Deus misit. Respondent  
communiter doctores nostri, quòd fuit angelus Dei  
veniens in figura viri, sicut sæpe veniunt, ideo vocatus  
est vir. Sed istud non est rationabiliter dictum: nam  
quòd angeli aliquandò vocētur viri satis stat. Nam sic  
vocatur Gabriel, vt patet Dan. 10. & tamen erat ange-  
lus: hoc aut̃ propter similitudinem corporum assum-  
ptorum: non tamen vocantur angeli conuenienter  
prophete, eo quòd nullam similitudinem cum p̃phe-  
tis habent, quia prophete dicuntur à quadam condi-  
tione enigmatica cognitionis, quia prophete, vel per  
somnia, vel per alios quosdā modos obscuros cogno-  
scunt: angeli verò cognoscunt per verbum, in quo est  
clarissima cognitio: ideo nequaquam concordant cū  
prophetis, vnde non reperietur in tota sacra scriptura  
angelos vocari prophetas, licet prophete vocentur an-  
geli, & angeli vocētur viri: sic enim dicit Augustinus:  
Nomine virorum sæpe dicuntur angeli: sed angelos  
prophetas dici non occurrit quamuis ē conuerso. Alij  
tamen dicunt, quòd si angeli futura prænunciant, cur  
non dicuntur prophete: quasi dicat, nil prohibet. Sed  
falsum est, quia modus cognitionis hoc vetat: nam si-  
quis astrologicē enunciet aliquid futurum, nō dicitur  
propheta, sed sapiens: si quis tamen à Deo solo instru-  
ctus ista enunciet, propheta dicitur: quia iste sic, & ille  
aliter cognoscit: ita ergo circa futurum differunt co-  
gnitio prophetarum, & angelorum. Dicendum igitur,  
quòd iste fuit vir, & non angelus: quamquam ite-  
rum venit quidam angelus ad arguendum Israelitas,  
sicut iste redarguit supra 2. ca. Sed tunc dubitant, quis  
propheta fuerit. Hebræi autem & Nicolaus dicunt,  
quòd fuit iste Phyneas, qui erat propheta. Respondē-  
dum, quòd nullo modo potest stare: nam verum est,  
quòd Phyneas erat propheta, vt vult Iosephus 5. anti-  
quitarum: tamen nō potuit ipse venire vique ad tem-  
pus istud, quòd patet, quia Phyneas in anno, quo Israe-  
litæ introierunt in terram Chanaan occidit scortum  
Madianitidem, & Zambri principem tribus Simeonis  
Num. 25. & sic ille erat tunc vir fortis, & animosus, &  
saltem esset tunc annorum viginti quinque, vel quasi:  
deinde accipiuntur quadraginta anni sub Horthonie-  
le, in quibus includuntur tempora Iosue, & octuaginta  
anni Aod supra 3. & 40. anni sub Barac, & Debbora p̃-  
cedenti capitulo, & septem anni quibus oppressi sunt  
Israelitæ à Madianitis, sunt simul quasi anni ducēti, sci-  
licet 192. nullus tamen ad tantam ætatem accessit illo  
tempore, sed ad medietatem, vel paulo plus. Hebræi  
tamen non attendunt tempora, ideo nimis errant. Sic  
etiam dicunt, quòd iste fuit vir ille, qui locutus est ad  
Eli sacerdotem summum 1. Reg. 2. in fine temporis  
sui, & tunc fierent anni Phyneas vltra 370. computan-  
do sequentia tempora vique ad finem principatus Eli:  
sed ista absurda sunt. Dicendum ergo, quòd iste fuit  
quidam vir propheta, & non constat quis ille fuerit  
quia

Prophet  
quomodo  
cognoscit



quia nihil de illo scriptum habemus. Sic enim fuit de illo viro Dei, qui venit ad Eli 1. Reg. 2. quia nihil ultra de illo exprimitur, & sic fuerunt multi alij prophetae non famosi, quorum nulla scripta fuerunt. *Locutus est: hac dicit dominus Deus Israel.* Primò asseruit se à Deo missum, ut reciperentur verba eius. *Ego vos feci conscendere de Aegypto.* Istud beneficium Deus exprobrat Israelitis præcipuè, quia istud fuit maximum, quod eis impedit: ideo sæpe commemoratur. Sciendum autem, quòd Deus quancumque vult increpare aliquos, semper exprobrat eis beneficia si aliqua specialia ab eo receperunt, quia ex hoc redduntur ingrati non obediens Deo susceptis beneficijs. Item, quia violator pacti est, quia fuit interpositum pactum inter Israelitas & Deum, scilicet, quòd haberet Deus Israel in populum specialiter eis benefaciendo, & Israelite haberent Deum in Deum suum eum specialiter colendo, & legem datam observando: Exod. 19. cap. *Et eduxi vos de domo servitutis.* Id est, in Aegypto eratis servi, & non solum servi, sed etiam maxima, & grauissima premebantur servitute. Vnde vocatur illa servitus fornax ferrea Aegypti. Vocatur etiam ergastulum Exod. 6. scilicet: *Ego dominus, qui educam vos de ergastulo Aegyptiorum.* Vocatur etiam catena comprimens ceruices Leui. 26. scilicet, confregi catenas ceruicium vestrarum, ut incederetis erecti. *Et liberaui de manu Aegyptiorum.* Eadem sententia est repetita, quia idem est educere de Aegypto, & liberare de manu Aegyptiorum. Vel potest esse distincta sententia, scilicet liberaui vos de manu Aegyptiorum, quando persequiebantur vos extra Aegyptum super mare rubrum: nam tunc educti erant Israelitae de Aegypto, sed non de potestate, vel manu Aegyptiorum, nec erant plene liberati, nisi ibi liberati fuissent. De hoc Exod. 14. & 15. *Et omnium inimicorum vestrorum, qui affligebant vos.* Intelligitur tam de illis, qui erant in deserto, quam de illis, contra quos pugnaverunt in terra Chanaan. Nam in deserto pugnaverunt multae gentes contra Israelitas, scilicet Amalecitarum Exod. 17. postea Chanaanæ, & Amalecitarum Numeri 14. postea soli Chanaanæ regis Arad Num. 21. deinde duo reges Amorrhæi Num. 21. & Deuter. 2. & 3. postea Madianitæ Num. 31. & ab omnibus his liberati sunt, quia triumphauerunt de eis, ut patet allegatis capitulis: in terra autem Chanaan transito. Iordane multa bella habuerunt, de quibus per totum Iosue, & non intelligitur hic de illis, contra quos pugnaverunt post mortem Iosue sub iudicibus præteritis, quia patet in sequenti litera, scilicet: *Eieciue eos ad introitum vestrum.* Id est, Chanaanæos eieci de terra ad introitum vestrum, id est, quando vos ingrediebamini. Accipitur eieciere, id est, facere, quòd non occuparent terram, & hoc siue occidendo eos, siue expellendo de terra: maxima tamen pars erat eiectionum per occisionem. *Et tradidi vobis terram eorum.* Scilicet feci vos possidere illam, & vos non potuissetis vllatenus possidere eam, nisi ego mirabiliter vos adiuissem. *Et dixi: ego dominus Deus vester.* Id est, ego solus sum Deus vester, & non debetis timere alium, nec tenere idolam in Deum. *Nè timeatis Deos Amorrhæorum, in quorum terra habitatis.* Accipiuntur hic Amorrhæi: non prout dicit vnum de septem populis terræ Chanaan, sed ut nominat omnes illos septem, quia isti Israelitæ, ad quos Deus loquebatur, non habitabant omnes in terra populi Amorrhæi, quia quidam in terra Iebusæorum, Hethæorum, & Pherezeorum: sic enim Chanaanæus interdum accipitur generaliter pro omnibus septem populis, interdum verò pro vno. Et dicitur: non timeatis Deos Amorrhæorum, id est non existimetis eos timendos, quia nihil sunt, sed solum lapides, & ligna: qui verò putat illos timendos arbitratur illos Deos esse, vel habere aliquam virtutem, &

A hoc erat inducere eos ad credendum, quòd dii Amorrhæorum non erant dii, sed figmenta. *Et nolui audire vocem meam.* Scilicet quia semper timuistis, & coluistis eos deferendo me.

Quomodo iste ad increpandum veniens non denunciavit poenam aliquam Israelitis. *Quest. VII.*

QVAERET aliquis, quare iste, qui venit ad increpandum non denunciavit aliquam poenam Israelitis: nam ille, qui venit ad increpandum supra 2. denunciavit poenam magnam, scilicet, nolui delere gentes istas à facie vestra, ut habeatis hostes, & dii eorum sint vobis in ruinam. Respondendum, quòd non denunciavit iste poenam propter duo. Primò, quia poena, quæ denunciari debebat istis, ex parte erat in eis, & ex parte denunciata erat: nam quòd communicarent Israelitæ gentilibus, & colerent Deos eorum erat causa, ut manerent gentes in hostes eorum, & dii illarum gentium in ruinam Israelitarum: ista autem poena iam denunciata fuerat tempore Iosue supra 2. cap. ideo cum nunc esset eadem culpa, & deberetur eadem poena, non oportebat iterum denunciari. Item ex parte Israelitæ sustinebant istam poenam: nam tunc premebantur à Madianitis, quia ista redargutio fuit anno septimo servitutis sub Madian. Cum autem venit angelus ad nunciandum Israelitis poenam, & increpandum eos supra 2. non patiebantur Israelitæ aliquam poenam, quia erat tempore Iosue. Ideo decuit tunc annunciari poenam tanquam futuram, sed nunc superfluum erat cum eam haberent actualiter. Secunda ratio est, quia iste nūcius, qui nunc venit, fuit disposens ad liberationem Israelitarum, scilicet, quia Deus volebat eos liberare: ipsi tamen erant indispositi, quia adhuc multi eorum colebant idola, ideo misit increpatorem, ut recederent ab idolis, & colerent Deum, & tunc essent dispositi, ut Deus liberaret eos. Sufficiebat ergo, quòd hic poneretur increpatio, ut corrigerentur, & non denunciaretur aliqua poena, quia non tenebantur ad hanc: sed supra 2. debuit poena denunciari, eo quod non veniebat nūcius ad disponendum eos, ut liberarentur ab aliqua oppressione, sed solum ad increpandum pro malis, quæ agebant, ut magis moueret eos prænunciavit poenam, nè arbitrarentur impunes futuros.

Venit autem Angelus Domini, & sedit sub quercu, quæ erat in Ephra, & pertinebat ad Ioas patrem familiæ Ezri. Cumque Gedeon filius eius executeret atque purgaret frumenta in torculari, ut fugeret Madian, apparuit ei Angelus Domini, & ait: Dominus tecum virorum fortissime. Dixitque ei Gedeon: obsecro mi Domine: si Dominus nobiscum est, cur ergo apprehenderunt nos hæc omnia? Vbi sunt mirabilia eius, quæ narrauerunt patres nostri, atque dixerunt: de Aegypto eduxit nos Dominus? Nunc autem dereliquit nos Dominus, & tradidit in manu Madian. Respexitque ad eum Dominus, & ait: Vade in hac fortitudine tua, & liberabis Israel de manu Madian. Scito quòd miserim te,

Qui

Inimici Israelitarum contra quos pugnaverunt.

Hic quomodo Amorrhæi accipiuntur



Qui respondens ait : Obsecro mi Domine, in quo liberabo Israel ? Ecce familia mea infima est in Manasse, & ego minimus in domo patris mei. Dixitque ei Dominus. Ego ero tecum, & percuties Madian quasi vnum virum. Et ille : si inueni, inquit, gratiam coram te : Da mihi signum, quod tu sis qui loqueris ad me. Nec recedas hinc, donec reuertar ad te, portans sacrificium, & offerens tibi. Qui respondit : Ego prestolabor aduentum tuum. Ingressus est itaque Gedeon, & coxit hedum, & de farine modio azymos panes, carnesque ponens in canistro, & ius carniuum mittens in ollam, tulit omnia sub quercu, & obtulit ei. Cui dixit Angelus Domini : Tolle carnes & azymos panes, & pone supra petram illam, & ius desuper funde. Cumque fecisset ita, extendit Angelus Domini summitatem virge, quam tenebat in manu, & tetigit carnes, & panes azymos. Ascenditque ignis de petra, & carnes, azymosque panes consumpsit : Angelus autem Domini euauit ex oculis eius. Vidensque Gedeon, quod esset Angelus Domini, ait : Heu mi Domine deus : quia vidi Angelum Domini facie ad facie. Dixitque ei Dominus : Pax tecum : Ne timeas, non morieris. Aedificauit ergo ibi Gedeon altare Domino, vocauitque illud, Domini pax, vsque in presentem diem.

Micenarū  
regni prin-  
cipium.

1. q. 1. cap.  
cum scri-  
ptum.

Missio li-  
beratoris  
Israelitarū

Dux eligit  
ad pugna-  
dum.

*Venit autem angelus. Hic ponitur missio liberatoris, & diuiditur in duo: primò dux belli eligitur: secundo ad pugnandum mittitur sequenti cap. prima in quatuor: primò dux eligitur ad pugnam: secundo certificatur circa personam angelicam, ibid. Et ille: si inueni gratiam. Tertio præcipitur ei ad tollendam patris idolatriam, ibidem. Cumque adhuc esset in Ephra. Quarto duplex signum petitur ad certificandum victoriam, ibid. Igitur omnis Madian. Circa primum dicitur. Venit angelus domini, & sedit sub quercu. Iste angelus veniebat ad dandū Israelitis liberatorem, & venit ad Gedeonem, quia ipse futurus erat liberator. Sciendū, quòd licet iste esset angelus Dei, tamen nondum constabat Gedeoni, an esset angelus, sed putabat hominem esse, ideo petiuit ab eo signum, & quando vidit eum euauisse credidit eum esse angelum, & tunc timuit mortem. Et sedit sub quercu, quæ erat in Ephra. Est Ephra nomen loci, in quo erat quædam magna quercus famosa, & sub illa sedit angelus.*

*Quomodo dicitur angelum sub quercu sedisse.  
Quest. VIII.*

**Q**VAERETVR quomodo dicitur, quòd sedit angelus sub quercu: nam apparuit Gedeoni, & Gedeon erat in torculari, ideo nō apparuit sub quercu.

**R**esponderi potest multipliciter: vno modo, quòd angelus sedit sub quercu, & non erat ibi Gedeon, nec ibi apparuit ei, sed inde iuit ad torcular, in quo excutiebat Gedeon far. Sic dicitur supra 2. quòd angelus domini ascendit de Galgalis in locum flentium. Aliter dicunt alij, quòd Gedeon erat sub quercu, vbi sedit angelus, & non erat ibi in torculari aliquo, sed in area: dicebat tamen esse in torculari, quia vbi erat nunc area fuerat quondā torcular. Aliter potest dici, q̄ sub illa quercu erat aliqua domus, in qua erat torcular, & in illa apparuit angelus Gedeoni, primus & secundus sensus non multum stant. De primò, patet, quia superflue diceretur, q̄ sedit angelus sub quercu Ephra, si ibi nihil facturus erat. Etiam, quia hic non dicitur, quòd venit de quercu Ephraim ad torcular, in quò erat Gedeo, sicut supra 2. dicitur, quòd ascendit angelus domini de Galgalis in locum flentium. Secundus autem sensus non stat, quia litera dicit, q̄ erat in torculari, & omnes expositores tenent, q̄ esset in torculari: vnde Iosephus 5. antiquitatum ait: hoc maximū fuisse diuinæ prouidentiae indicium, vt tunc vteretur torculari pro area, quia futurum erat per eum, vt area, & torcularia replerentur. Dicendum ergo, quòd torcular erat sub quercu: erat tamen locus ille forsitan aliquo modo occultus, & ibi Gedeon purgabat triticum, nè videretur, & posset fugere à facie Madianitarum.

*Quomodo dicitur, quòd sedit angelus sub quercu, quæ erat in Ephra. Quest. IX.*

**Q**VAERETVR vterius, quomodo dicitur hic, quòd sedit angelus sub quercu, q̄ erat in Ephra: nā Ephra est ciuitas in sorte Benjamin, vt patet Ios. 18. vbi ponitur inter vrbes Beniamin. Aliquis dicet, q̄ erat tunc Gedeon in Ephra terre Benjamin quamquā ipse esset de tribu Manasse. Sed hoc non stat, quia hic dicitur, q̄ ista Ephra pertinebat ad tribum Manasse: nam dicitur, q̄ ista area Ephra pertinebat ad Ioas patrem familie Ezri: sed familia Ezritarum est in Manasse, vt patet Num. 6. ergo Ephra erat in sorte Manasse. Item patet, quia ista area erat Ioas, & Ioas erat pater Gedeonis infra in litera: Gedeon autē erat de tribu Manasse infra in litera: ergo ista ciuitas Ephra erat in sorte Manasse. Respondendum, q̄ Ephra erat in sorte dimidiæ tribus Manasse habitatis ad partem Occidentalem Iordanis: erat tamen duplex Ephra. Vna in sorte Beniamin de qua Ios. 18. & 1. Reg. 13. cum dicitur, quòd vnus cuneus pergebat contra viam Ephra. Alia Ephra ponitur in sorte Manasse, & de illa dicitur hic, & saepe vique ad c. 9. Sic enim est de multis alijs ciuitatibus, q̄ equiuocantur in noīe: sic patet de Bethlehem: nam est in tribu Iuda, vt patet Mat. 2. & Mich. 5. & est in tribu Zabulō, vt patet Ios. 19. sic etiā Asor duplex est in tribu Iuda, & alia Asor in tribu Nephthali, patet Ios. 15. & 19. ideo p̄ diuersitate istorum locorum oportet considerari modū loquendi scripturæ, vt ex hoc cognoscatur an de isto, vel de alio dicatur. Et pertinebat ad Ioas: Scilicet illa quercus, & torcular, quòd erat ibi, pertinebat ad Ioas: & ob hoc Gedeon purgabat ibi triticum, quia Gedeon erat filius Ioas, vt patet infra in litera. Patrem familie Ezri. Non vocatur pater huius familie quasi ipse fuerit primus in hac familia, quia ista familia habuit originē ab Ezri, ideo vocatur familia Ezri, vel Ezritarum Nu. 26. sed vocat pater. i. princeps, quia iste Ioas erat vir honorabilior in tota familia Ezritarū, & fortē ipse descēdebat directē ab Ezri p̄ primogenitorū lineā, & ob hoc principatus familie pertinebat ad eum. Considerandū autem, q̄ tribus Israel distinguuntur per familias, & familias per domos, & domus per viros, vt patet Ios. 7. ca. tribus nominantur ab ipsis filiis Iacob, ideo tot sunt tri-  
bus

*Quomodo dicitur  
angelum sub  
quercu  
sedisse.*



bus quot filij eius, excepto q̄ Leui non computatur in tribum, quia non accepit sortem, & Ioseph computatur in duas tribus. scilicet Ephraim, & Manasse, quia accepit duas sortes 1. Paralip. 7. cap. familiae autem vocantur cognationes magis speciales sub ipsis tribubus, & istae denominantur à filiis, vel nepotibus illorum, qui nominauerunt tribus, ut sicut à Iuda nominatur tribus Iuda, ita à filiis Iudae. scilicet Sella, Phares, & Zaram vocantur familiae Sellaitarum, Zareitarum, Pharesitarum, & à nepotibus Iudae Efron, & Amul filijs Phares nominantur duae familiae. scilicet Amelitarum, Efronitarum, ut patet Num. 26. cap. & sic est in tribu Ruben, & Zabulon, & singulis: de numero autem familiarum totius Israel, & quot familiae sunt sub qualibet tribu habetur Nu. 26. Deinde quaelibet familia diuiditur per suas partes, quae vocantur domus, & illae sunt minores cognationes: sic enim patet de Dauid: nam ipse erat de tribu Iuda, & de familia Phares, & postea ipse constituit quandam specialem cognationem in familia Pharesitarum, quae non vocatur familia, sed domus: & sic dicitur Luc. 1. de Domina nostra, quod erat de domo Dauid, idest de progenie. In qualibet autem familia erat deriuatio à capite familiae, & ille, qui descendebat directè à capite familiae per lineam primogenitorum erat princeps, vel pater, & isti vocantur patres: sic fuit Ioas in familia Ezri, & consequenter Gedeon, qui erat primogenitus eius, erat princeps huius familiae. Cumque Gedeon filius eius. Scilicet Ioas, ad quem pertinebat quercus Ephraim. Excuteret atque purgaret frumenta in torculari. Fortè non erat adhuc inuentus vsus tritrandi messes, scilicet excutiendi grana percutiendo flagello, & baculo, sicut in quibusdam terris fit. Vel fortè quamquam inuentus esset vsus tritrandi, non audebant Iudaei tunc triturae, quia hoc deberet fieri in publico: hoc tamen non auderent propter Madianitas, ideo in secretis locis excutiebant grana baculo, & flagello. Sic fuit nunc in Gedeone. Et ista videtur causa quare fecit in torculari, scilicet, quia erat locus secretus. Vel si vis dicere, quod non fiebat propter timorem, dicitur, quod excutiebatur ibi triticum, quia erat locus mundus, & non poterant grana effugere. Ut fugeret Madian. Idest ut fugeret à facie Madian.

Ad quid proderat Gedeoni excussio granorum, ut fugeret.

Quest. X.

**Q**VAERETVR quomodo poterat effugere, vel ad quid proderat ei excussio granorum, ut fugeret. Respondendum, quod Madianitae, & ceteri populi orientales, de quibus supra dicitur, veniebant in terra Israel tempore messis cum nondum matura erat, ut possent omnia vastare, & extēdebant se per terram totam Israel: venientibus autem eis Israelitae fugiebant ad montes: nam dicitur supra, quod fecerant sibi antra, & speluncas in montibus, & munitissima ad repugnandum loca: in his locis manebant Israelitae absconditi timore mortis eo tempore, quo manebant Madianitae in terra eam vastando, quibus recedētibz de terra Israelitae descendebant de montibus, & colebant terram pro sequenti anno ne omnino perirent, & in angustia, & miseria, sed ut poterant sustentabant. Adueniente autem tempore messium, si manerent aliqua loca nondum inuasa à Madianitis preoccupabant Israelitae, segetes non plenae maturas qualitercunque metere, & excutiebant grana, ferebantque quod poterant secum in montes, ut ibi sustentarentur eo tempore, quo manebant in terra Madianitae: vnde quia nunc nondum Madianitae occupauerant villam Ephra, Gedeon purgabat triticum, ut ferret secum in montes ad manendum in antris, & speluncis quousque recederent Madianitae.

**A**ngelus Domini apparuit ei. Scilicet in figura viri, quia aliter non poterat videri ab eo, nec potuisset loqui, sed nondum credebat Gedeon esse angelum. Et ait, Dominus tecum virorum fortissime. Ista salutatio fuit magnae laudis, qualis nullus virorum suscepit vnquam ab angelo, nec potest dici, quod ista esset falsa, & adulatorie dicta: nam angeli Dei non mentiuntur, & hoc dicitur ad confortandum eum: est sensus, dominus tecum, idest ipse adiutor tuus, & liberabit te ab omnibus malis.

Qualiter Gedeon vocatus fuerit ab angelo virorum fortissimus.

Quest. XI.

**Q**VAERETVR qualiter Gedeon vocatus fuerit ab angelo virorum fortissimus. Respondendum, quod multipliciter hoc potest accipi. Vno modo, quod dicatur ad consolandum eum: nam Deus missurus erat eum in ducem ad pugnandum contra Madian. Et quia si putaret se virum infirmum non auderet pugnare, testimonio Dei vocatus est fortissimus: sic fuit de Iacob, quando ingressus est terram Chanaan, & occurrit ei frater suus Esau: nam timebat eum valde: Gen. 32. cap. & ut Deus consolaretur eum, misit angelum, ut luctaretur cum eo ad auroram, quando visurus erat fratrem suum, & finxit angelus, quod non potuit eum superare, & volebat recedere à Iacob, nec poterat: & postea subditur ibi, quod angelus dixit ibi Iacob: non vocaberis ultra Iacob, sed Israel, quia si contra Deum fortis fuisti, quanto magis contra homines praeualebis, & tunc consolatus abiit Iacob, ita fuit hic consolatio Gedeonis contra Madianitas. Aliter dici potest, quod vocatur fortissimus non propter dispositionem, quam nunc habebat, quia nunc ad fugiendum se parabat, sed propter ea, quae facturus erat postea: nam magnifica gesta fecit contra Madianitas, ut patet infra. Sed adhuc dicendum, quod nihil obstat ad hoc, quod non esset nunc Gedeon virorum fortissimus, licet noluit Nicolaus, qui tenet istam immediatam positionem. scilicet quod non erat fortissimus, quia fugere parabat. Nam non fugiebat Gedeon ex timore, sed desiderio conseruandi vitam: nam insipientia magna erat fugiente toto Israel in montes ipse solus tantae multitudini Madianitarum se obijcere.

**D**Aliter dici potest, quod erat fortissimus robore, & animo sitate, ita quod inter Israelitas nullus erat ei aequalis robore, aut animo: & hoc est satis rationabiliter dictum. Primus tamen modus est conuenientior literae: nam litera sequens de hoc intelligitur, & etiam ista: nam est sensus: Dominus tecum virorum fortissime. idest ipse est tecum adiuuans te, & liberans in omnibus: & ob hoc es fortissimus. Et in hoc sensu intellexit Gedeon verba angeli. Quod patet ex responsione sua. scilicet si dominus nobiscum, cur nos apprehenderunt haec omnia. idest si verum est, quod dominus est adiuuans nos, & liberans, & fortificans, cur tanta mala patimur? Rabbi Salomon, & Rabbi David Kimhi dicunt aliter vocari Gedeonem fortissimum. scilicet per quandam illusionem, & ad hoc introducunt quandam quasi fabulam dicentes, quod Gedeon, & Ioas pater suus erant in torculari excutientes grana, & Gedeon dicebat patri suo, tu senex es, & impotens: venient hostes, & fugere nequibz: recede ergo prius, quam capiaris: ego autem manebo, quia sum vir fortis, & licet veniant hostes, fugere potero: recessit autem Ioas, & manente Gedeone apparuit angelus dicens ei, virorum fortissime, quia ipse dixerat se virum fortem, & sic est ista quasi illusio. scilicet quod angelus ideo eum sic vocauerit, quia ille sic se appellauit. Sed ista fabulosa, & ridiculosa sunt: nam angeli domini non agunt aliquid ludendo, vel irridendo, sed seriosè. Item, quia non est verisimile, quod angelus domini irrideret eum, quem hortabatur ex parte Dei, ut esset dux belli. Item falsum est quod praesupponunt. quod pater Gedeonis Ioas fugerit

Rabbi Salomon, & Rabbi David Kimhi opinio.



fugerit de torculari: nā sequenti die adhuc manebant in vrbe illa Ephra, quando perductum est ad eū, quod Gedeon suffodisset altare Baal infra in litera: ergo ista nihil sunt, sed tenēdus est primus sensus supra positus. *Dixitque Gedeon, obsecro domine mi.* Idest obsecro vt respondeas ad hoc quod obijcio. *Si dominus nobiscum est, cur apprehenderunt nos hæc omnia.* Quasi dicat, non videtur verum, qā si Deus nobiscum esset, non euenissent nobis tanta mala, quanta euenierunt. Sciendum autem, quod nunc nō credebat Gedeō, q̄ iste, qui loquebatur erat angelus, aut propheta, sed q̄ mentiebatur, ideo obiecit ei hoc, quia impossibile esset dictum angeli, sed postea cognouit, q̄ erat aliquis nuncius Dei, q̄ angelus dñi respexit in Gedeonem, vt infra patet ex modo loquēdi Gedeonis, sed adhuc non cognoscebat, quod erat angelus, sed putabat esse aliquem virum quousq; euauit in sacrificio. *Vbi sunt mirabilia eius, quæ narrauerunt patres nostri nobis.* Est modus quasi conuersionis de Deo. s. si vera sunt mirabilia, quæ patres nostri narrauerunt nobis de Deo, vbi illa sunt. i. vbi est nunc potestas faciendi illa mirabilia? quasi dicat, quare nō facit nunc talia si potestatem habet? Dicitur: quæ narrauerunt patres nostri, quia Gedeon non fuit in Aegypto, nec fuit tempore Iosue in introitu terræ Chanaā, quia tunc fuerunt facta miracula, de quibus nulla vidit Gedeon: fluxerant. n. ab exitu de Aegypto vsque ad tēpus istud quasi ducenti decem anni, scilicet quadraginta in deserto, & quadraginta sub Iosue, & Hothomiele, & octuaginta sub Aod supra 3. & 40. sub Barac præc. cap. qui simul faciunt ducentos annos, quibus addatur tēpus medium post mortem Barac vsq; ad istum annū septimū tribulationis Israel sub Madiā, & essent quasi decem anni. Non ergo viderat aliqua miracula Gedeon, sed patres sui narrauerant ei, quia Deus iubebat, quod patres narrarent filiis, & illi nepotibus, vt sic deriuaretur memoria operum Dei per omnes generationes: sic patet Exo. 13. & Deut. 6. & Ios. 4. *Atque dixerunt, de Aegypto eduxit nos dominus.* Scilicet & educendo nos fecit multa mirabilia, & nunc non agit aliquod liberando nos. *Nunc autem dereliquit nos, & tradidit in manu Madiani.* Idest tunc fecit mirabilia multa, & nunc nulum agit, sed potius deseruit nos in manus hostium. Rabbi Salomon, & Rabbi Dauid Kimhi exponunt aliter istam literam. s. q̄ Gedeō dixit angelo: heri fuit pascha, & p̄r meus narrauit mihi mirabilia Dei, scilicet: Psalmum illum: in exitu Israel de Aegypto, & tamen nunc non agit Deus aliqua miracula similia illis. Et arguit, aut patres nostri, qui erant in Aegypto erāt iusti, aut peccatores: si iusti liberauit eos meritis suis, si peccatores liberauit eos benignitate sua: nunc autem liberet nos aliquo modo istorum, sed non liberat. Ista tamen expositio ridicula est: nam non erat tunc pascha, vt infra dicitur. Etiam non est verum, q̄ pater Gedeonis enarrauerit ei Psalmū: In exitu Israel de Aegypto, quia iste Psalmus nondum erat factus: sed debet intelligi, q̄ enarrabatur in vespere paschali, scilicet 14. luna mensis primi, qui erat vespere festiuitatis, & erat ipse dies paschæ omnia gesta Dei educendo Israelitas de Aegypto. Item cū dicunt, q̄ Gedeon arguit contra angelum, aut patres nostri erant iusti, & cē. dicendum falsum esse, quia istud argumentum est inconueniēs. Nam dato, q̄ essent Israelitæ viri iusti, dum manebant in Aegypto, non merebantur educi de Aegypto, eo q̄ actus nostri boni facti propter Deum nō sunt causantes debitum, vel obligationem ad hoc, q̄ Deus pro nobis aliquid agere debeat, quia nos tenemur ei ad seruitutem, & cū seruierimus nihil fecimus supererogationis, sed adhuc sumus serui inutiles: sic patet Lu. 17. cū dixit Christus parabolam, scilicet quis autem vestrum habens seruum arantem, aut bouem pascentē,

qui regresso de agro dicat illi statim, transi, & recūbe, & non dicat ei para, q̄ cenem, & præcinge te, & ministra mihi donec manducem, & post hæc tu manducabis, & bibes, nō puto: sic vos cū feceritis omnia, quæ præcepta sunt vobis, dicite, serui inutiles sumus: quod debuimus facere fecimus. Quantaunque ergo bona pro Deo faciamus, nūquam erit nobis obligatus ad faciendum aliquod bonum, quia vbi est obligatio incidit iustum politicum, quod est iustum proprie dictū, & tamen inter hominē & possessionem suam, vel inter hominē & seruum nō est iustum simpliciter, vel politicum, vt ait Arist. 5. Ethic. homo tamen quilibet est seruus Dei per naturam, & est possessio eius, vt patet Deut. 32. qui possedit te, fecit, & creauit te: ergo non potest esse iustum politicum inter Deum, & hominē, & consequenter non potest ex aliqua causa Deus obligari homini. *Respexitque ad eum dominus.* Idest ille angelus respexit nunc ad Gedeonem.

*An Gedeon peccauerit dicens, vbi sunt mirabilia, quæ narrauerunt nobis patres nostri.* Quæst. XII.

**Q**VAERET aliquis, an Gedeon peccauit dicens: vbi sunt mirabilia, quæ narrauerunt nobis patres nostri? Aliquis dicit, q̄ sic, quia Gedeon dicebat ista obijciendo cōtra verba angeli, & non credendo, q̄ ille vera diceret, vt supra declaratum est. Respondendū, q̄ non peccauit Gedeon, quia ipse nō negabat mirabilia Dei, quæ narrauerant patres sui dicendo illa falsa, sed mirabatur, & quasi conquerebatur, cū Deus fecisset illa, cur nunc non faceret similia mirabilia liberando: non credebat tamen Gedeon, q̄ ille, qui loquebatur esset angelus, nec propheta, & etiā putabat verba sua falsa esse, scilicet q̄ Deus erat cum Israelitis, & ob hoc arguit contra eum dicens: si dominus nobiscū est, cur apprehenderunt nos omnia mala hæc? & in hoc non peccabat, quia nondum constabat ei illum esse angelum, vel prophetam. *Vade in hac fortitudine tua.* Idest vade cum fortitudine tua, quam nunc habes. *Et liberabis Israel de manu Madian.* Scilicet percuties Madianitas, & non persequentur ultra Israel.

*In qua fortitudine iturus erat Gedeon ad liberandum Israel de manu Madian.* Quæst. XIII.

**Q**VAERET aliquis, quæ fortitudo erat ista, in qua iturus erat Gedeon ad liberandum Israel de manu Madian. Respondendum, quod fuit quædam fortitudo nouiter causata in Gedeone, quā Deus contulit, ita vt non formidaret multitudinem Madianitarum. Et ista fuit tradita quando angelus respexit eum, non quidem quod angelus posset talem virtutem conferre: nam nullus potest agere in hominē, vel in aliū conferendo talem virtutem, vel aliam quamcunque nisi per mediā naturalia ad causandum illam per generationem, vel alterationem, nisi sit Deus, qui totam naturam in virtute continet: potissime, quia ista erat qualitas quædam collata animæ; nullus autem potest agere in animam, nisi Deus, qui ei illabitur, & intrinsicus est: fuit autem ista fortitudo collata respiciēte angelo, quia tūc q̄ ipse respexit Deus operatus est, sicut sacerdote proferente verba consecrationis Deus consecrat, & sacerdos nihil agit: simile autem Christus respiciendo fecit: nam Petrus negauerat Christum ter, & vltima vice Christus respexit Petrum, & immutauit fortissime cor eius, ita vt q̄ prius negauerit, tunc subito in amarissimas lachrymas prolapsus est: Luc. 22. scilicet: Et cōuersus dominus respexit Petrum, & recordatus est Petrus verbi, quod dixerat ei: priusquam gallus cantet, ter me negabis: & egressus foras fluxit amare.

Vel

Rabbi Salomon, & Rabbi Dauid Kimhi expositio literæ.



Vel dicitur: vade in hac fortitudine tua, id est ad fortitudinem adiutorij quod tibi promitto. scilicet quod tu possis liberare Israel de manu Madiā. Scito quod miserim te. Idest cognosce, quod ego miserim te. i. cum pugnaueris contra hostes, vel videris eorum multitudinem non paueas, sed recordare, quod ego misi te, & possum tibi subijcere, atque subijciam omnia castra Madian. Sciendum, quod nunc cognouit Gedeon, quod ille, qui loquebatur ei erat à Deo missus, quia sensit in se quandam immutationem factam cum respexit eum angelus: Tamen nesciebat an angelus esset, vel propheta. *Obsecro domine mi, in quo liberabo Israel.* Idest quomodo liberabo, vel per quid: quasi dicat, nulla mihi ad hoc opportunitas est, quia paucitas est potentiae meae, vt patet immediate. *Ecce familia mea infima est in Manasse.* Scilicet, quia familia Ezri fortè erat de minimis familijs tribus Manasse, & hoc quantum ad multiplicationem prolis, quia erant pauci viri in ea. *Et ego minimus in domo patris mei.* Idest, & de omnibus viris domus patris mei: ego sum minimus in potentia. Etiam si essem primogenitus, vel maioris excellentie. Hoc dicebat Gedeon, quia si ipse pugnare deberet, putabat, quod deberet preualere contra Madian in multitudine gentis, sed in hoc ipse deficiebat. Adiutores sui debebant esse illi, qui erant in familia sua, sed illa erat parua: quia dicitur esse minima in tota tribu Manasse: ergo magis aptus videbatur ad hoc quilibet de alijs familijs, quam ipse: iste specialiter aliter pugnare potest fultus adiutorio domesticorum suorum, sed in tota domo patris sui non erat alius minor eo in potentia: ergo ineptus erat ipse ad pugnandum contra Madian: simile enim obiecit Saul Samueli, quoniam denunciavit ei, quod futurus esset rex, dicens nunquid non filius gemini ego sum de minima tribu Israel, & cognatio mea nouissima inter familias de tribu Benjamin, vt patet 1. Reg. 9. quasi dicat: ego non sum aptus, vt sim rex propter paruam potentiam cognatorum.

*An peccauit Gedeon dicendo in quo liberabo Israel.*  
Quaest. XIII.

**Q**VAERET aliquis, an peccauit Gedeon dicendo, in quo liberabo Israel, & obijciendo, quod familia sua erat parua. Aliquis respondebit, quod peccauit, quia non credidit illico, vt dictum sibi est. Etiam, quia visum est ei, quod non possem facere hoc, quia potestas sua erat parua: nam familia erat parua, & domus paternae ipse minor erat. Respondendum, quod non peccauit. Aliqui enim dicunt, quod non peccauit, quia non dubitauit de victoria, sed de modo: & hoc non est peccatum, quia non erat sibi reuelatus modus: sic enim. Domina nostra ad verba angeli dubitauit dicēs: Quomodo fiet istud, quia virum non cognosco? Et tamen non peccauit, quia dubitauit non posse fieri quod angelus dixerat, sed nesciuit modum, & quaesiuit. Sed dicendum, quod non fuit hoc in Gedeone: nam non dubitauit de modo, sed etiam de ipsa victoria, scilicet an posset eam habere, vel an Deus ei illam concedere velleret: nam non solum nunc dubitauit, sed etiam multis factis postea dubitauit, infra in litera. Dicendum tamen, quod non peccauit Gedeon hac vice, quia ipse non cognoscebat angelum, qui loquebatur, vt patet infra in litera: ideo dato, quod non assentiret verbis, eius non erat admirandum. Quousque ergo magis declararetur Gedeoni putabat, quod ista pugna fieri debebat potestate humana, sed ipse non habebat potestatem ex familia sua, quia parua erat in tribu Manasse, nec ex familiaribus suis, quia ipse minimus erat in domo patris sui, ideo ratioabiliter dubitabat in quo liberaret Israel. i. per quid. *Domine, quae ei dominus: ego ero tecum.* Idest non indiges magno auxilio humano, quia ego ero tecum, & sufficiens

**A**erit tibi ad superandum hostes. In hoc ostendit iste, qui loquebatur, quod erat Deus, vel angelus, quia alius non poterat adiuuare in bello. *Et percuties Madian quasi vnum virum.* Idest cum auxilio meo ita facile erit tibi percutere Madian quasi si percuteres vnum virum. Vel percuties quasi vnum virum, id est sicut quando vnus vir percutitur nihil manet de eo viuens, ita percuties Madian, quod nullus maneat de omnibus castris Madiā. Nam rari manserunt, vt patet seq. cap. & infra 8. sed primus sensus est melior. *Et ille.* Hic ponitur certificatio circa personam angelicam. scilicet iste, qui loquebatur esset angelus. *Et ille.* Idest Gedeon dixit ad angelum. *Si inueni inquit gratiam in oculis tuis.* Idest si diligis me, vel si vis mihi facere aliquod bonum. Quod enim aliquis coram alio gratiam inueniat: est quod ea, quae ipse facit illa sibi bona videantur, vel ipsamet persona appareat, & desideret ei complacere. *Da mihi signum, quod tu sis, qui loqueris ad me.* Idest da mihi signum, siue fac aliquod miraculum ad demonstrandum, quod tu, qui loqueris ad me, es angelus Dei, vel es talis, qui potes in bello me adiuuare, vt percutiam Madian.

Certificatio potest personam angelicam

*An peccauit Gedeon petendo signum ad sciendum quis erat iste, qui loquebatur ei.* Quaest. XV.

**Q**VAERETVR an peccauerit Gedeon petendo signum ad sciendum quis erat iste. Aliquis dicit, quod sic, quia tenebatur credere Gedeon: nam verbis prophetiae credere obligamur plusquam eis, qui oculis conspiciamus, vt patet 2. Petri ca. 1. ergo siue iste acciperetur, vt angelus, siue vt propheta, credendum erat sibi simpliciter, & adhuc magis angelo, quam prophetae, quia angeli boni nunquam possunt loqui mendacium. Respondendum, quod non peccauit, quia obligamur credere prophetiae quando constat nobis verba esse prophetica dicta: sed Gedeon nesciebat an iste esse propheta, vel angelus, ideo etiam si non crederet aliquid de verbis suis non peccabat: & isto modo intelligitur dictum Beati Petri: credere tamen non obligamur, quod aliquis sit propheta, vel angelus quamquam ipse profiteatur illud, nisi ostenderit in aliqua probatione necessaria: sic patet Deut. 18. vbi Deus dixit, si dubitabatur de verbis alicuius, qui se prophetam dixerat, quod peteretur signum ab eo: & si eueniret erat probatio sufficiens, alioquin non. Item dato quod crederemus aliquem esse prophetam, non obligabamur credere illum vera dicere, quia interdum prophetae non loquuntur propheticè, & mentiuntur, vel errant, interdum enim ex solo errore, vt in Nathā propheta accidit, qui iussit Dauid, quod edificaret templum, & postea tamen contrarium dixit: quia Deus illud non dixerat 2. Reg. 7. cap. Interdum autem ex iniquitate, sicut fuit in Balaā, qui mala loquebatur, licet esset verè propheta Dei, Num. 22. & 23. & 24. cap. & ob hoc dato, quod constaret aliquem prophetam esse ex multis actibus praeteritis, quando aliquid postea loqueretur, non obligabamur credere illud à Deo datum esse, ideo ad hoc, quod assentiretur ei tenebatur indicare signum, sicut habetur Deut. 18. similiter quoque Beatus Ioa. Cano. 1. cap. 4. dixit: Nolite credere omni spiritui, sed probate an spiritus ex Deo sint. Quod intelligitur de spiritibus apparentibus, vt de angelis, & de hominibus: non enim credendum est immediate angelo, quamquam dicat se à Deo missum, & bona enunciet: nam Sathanas sepe transfiguratur se in angelum, Luc. 2. Corin. 11. Intelligitur etiam de prophetis, & predicatoribus: nam non est credendum omni vocanti se prophetam, nec sunt accipienda dicta omnium praedicantium, sed in his omnibus probandum est an ex Deo sint: sic patet eodem capitulo Io. nam dicitur: Nolite omni spiritui credere, sed probate spiritus

Aliquando prophetae mentiuntur.

Non semper angelis credendum est licet bona dicant. nisi bonis.

Doc resp. ad q. sum.



spiritus si ex Deo sunt, quoniam multi pseudo pphete exierunt in mundum: & hoc quantum ad prophetas: deinde subditur de prædicatoribus. scilicet in hoc cognoscitur spiritus Dei, omnis spiritus, qui confitetur Christum Iesum venisse in carne, hic ex Deo est. Licitum ergo erat Gedeoni inquirere quis erat, qui loquebatur: imò meritum, quia de mentia quedam est cuiuslibet assentire de se magna dicenti, nisi quatenus constiterit legitimis documentis. i. probatione certissima. Ista petitio signi, vel inquisitio est licita, quando nondum præcessit aliqua certificatio: si tamen aliquis semel certificatus est, dubitare postea, & petere probationes infidelitas quedam est: nam qui certus est certiorari non debet. Et sic intelligitur, quod ait Apostolus: an experimentum queritis eius, qui loquitur in me Christi, scilicet, quia isti iam habuerant de hoc probationem: quod ergo nunc peterent iterum experimentum erat quedam infidelitas: non fuit autem tale quid in Gedeone, quia nihil certitudinis adhuc susceperat. *Nē recedas hinc, donec reuertar ad te portans sacrificium.* Referatur ad superiora, scilicet non recedas hinc quousque reuertar ad te, & portabo sacrificium, id est materiam aliquam ad offerendum.

*An Gedeon peccauerit offerens Angelo Sacrificium.*  
*Questio XVI.*

**Q**VAERET aliquis, an peccabat Gedeon offerens Angelo Sacrificium, cum soli Deo offerendum sit, & ad quid offerret Sacrificium. Nam dicitur hic: & offeram tibi, scilicet, quod Sacrificium illi Angelo apparenti erat offerendum. Respondendum, quod non peccauit: nam non offerebat ei cum nesciret quis esset, sed dicitur offeram tibi, id est ponam coram te, & tamen ad honorem Dei offerendum erat Sacrificium. Sic patet in Hebreo: nam dicitur. *Fac signum, quod mihi loqueris.* Vbi litera nostra dicit: da mihi signum, quod tu sis, qui loqueris ad me: sed in hoc litera nostra clarius locuta est, & postea subditur in Hebreo. *Non recedas hinc quousque reuertar ad te portans sacrificium, & ponam ante te.* Nunc ista litera ponam ante te potest habere triplicem sensum. Primus est ponam ante te. scilicet ad hoc, quod tu offeras, & non ego, & offeratur Deo. Secundus sensus ponam ante. i. presente te offeram ad honorem Dei. Tertius sensus ponam ante. i. offeram coram te ad honorem tuum: primus, & secundus stant: & non tertius: ideo litera nostra est exponenda in aliquo illorum. Cum autem queritur ad quid Gedeon volebat ducere sacrificium. Respondendum, quod ad certificationem de angelo loquente an esset angelus, vel quis: nam ipse locutus fuerat taliter de se, quod oporteret eum esse Deum, vel Angelum eius: nam dixit: Ego ero tecum, & percuties Madian quasi vnum virum: ideo Gedeon dixit, si inueni gratiam coram te, da mihi signum, quod tu sis, qui loqueris ad me, id est quod tu, qui loqueris ad me, sis ille, qui potes me adiuuare ad occidendum Madianitas quasi vnum virum. Ad hoc autem putauit Gedeon, quod nihil erat, in quo conuenientiùs appareret, quam in sacrificio, scilicet si angelus ille faceret venire ignem de Celo super sacrificium, ideo tulit sacrificium, & signum huius est, quia talit Gedeon sacrificium, & non ignem, & angelus tetigit illud summitate virge, & exultum est: tunc cognouit certissimè Gedeon, quod angelus Dei erat, qui loquebatur.

*An peccauerit Gedeon offerendo holocaustum per se ipsum.*  
*Quest. XVII.*

**Q**VAERETVR vterius, an peccauerit Gedeon offerendo holocaustum per se ipsum. Aliquis dicit,

quod sic, quia istud erat specialissimum ministerium sacerdotum, & nulli licebat, nisi sacerdotibus, si quis autem præter eos conaretur hoc facere, moriebatur. Num. 4. & 18. & sic fuit de Core, & socijs suis 250. viris, qui combusti sunt coram altari Num. 16. cap. Gedeon autem erat de tribu Manasse, in qua non erant sacerdotes, nec leuitæ: ergo erat ei illicitum. Respondendum, quod non peccauit Gedeon, quia ipse nolebat offerre sacrificium, ita quod ipse faceret ceremonias sacrificij, sed duxit materiam sacrificij ad hoc, quod angelus sacrificium faceret, & per hoc cognosceret Gedeon an ille esset angelus, vel aliquis à Deo missus: quod patet, quia dixit Gedeon ad angelum, quod portaret sacrificium, & poneret coram eo. scilicet ad hoc, quod ipse angelus cremaret illud, & faceret ceremonias illius postea verò iussit angelus, quod poneret super petram sacrificium illud, & posuit: angelus verò tetigit illud virga, & exultum est: nihil ergo Gedeon egit de ceremonijs sacrificij, sed Dei angelus, ideo non præuaricatus est in lege. Aliqui autem respondent aliter dicentes, quod egit hoc Gedeon ex dispensatione, sicut multi sancti patres egerunt similia, vt Samuel obtulit sacrificia, & non erat sacerdos, & etiam obtulit extra locum sanctuarij primo Reg. 7. similiter quoque Elias non erat sacerdos, & tamen obtulit sacrificium in conspectu populi etiam, & extra sanctuarium. scilicet in monte Carmelo 3. Reg. 18. Sed ista responsio non stat propter duo. Primum, quia nunquam recurrendum est ad priuilegia existente iure communi, & peccatum est dici fieri ex priuilegio quod sit ex iure communi: sed Gedeon faciebat hæc iure communi: nam præsentare materiam sacrificij ipsi sacerdoti cuiuslibet licebat laico, & sacerdoti, viro, & foemina: sed hic nihil actum est, nisi quod præsentauit Gedeon materiam sacrificij angelo, & nihil fecit de ceremonijs sacrificij: ergo licuit hoc sibi iure communi, & sic non est alleganda dispensatio, vel priuilegium. Secundum est, quia si egisset ex dispensatione, hoc fuisset, quia Deus moueret eum ad faciendum hoc, & istud esset signum propheticum, scilicet, quia Deus reuelabat ei, quod faceret. Sic fuit in Samuele, & Elia, quia erant prophete, & inspirabantur à Deo ad faciendum hoc, sicut incitabantur ad alia dicenda, vel reuelaretur ei per angelum, aut per prophetam, sicut reuelatum fuit Dauid, quod faceret sacrificia in monte Moria per prophetam Gad, vt patet 2. Reg. 24. c. Gedeon tamen non erat ppheta, vt Deus ei hoc per spiritum propheticum inspiraret. Nec etiam reuelauit ei per aliquem prophetam, aut angelum, quia ipse nunc dubitat de angelo, & ad hoc adducebat, vt angelus offerret, & cognosceretur an esset angelus: ergo non habuit ex dispensatione.

*Quomodo Gedeon poenitus à peccato excusaretur si angelus non offerret sacrificium, & ipse deberet offerre.*  
*Quest. XVIII.*

**Q**VAERETVR vterius, quomodo excusaretur totaliter à peccato Gedeon, si angelus non offerret sacrificium, & ipse deberet offerre. Respondendum, quod Gedeon portabat sacrificandi materiam non intentione sacrificandi per se, sed vt cognosceret angelum per sacrificium: unde erat intentio sua ponere materiam istam coram angelo, vt ipse eam sacrificaret: si angelus hoc faceret nihil peccaret Gedeon. Si autem angelus nollet facere ceremoniam aliquam super materiam illam, sed relinqueret intactam, vel conaretur facere, & nequisset succendere illud, vt potest si non esset angelus, Gedeon cognouisset hunc non esse angelum, nec à Deo missum: & hoc sufficiens sibi erat, nec fecisset sacrificium de materia illa, sed comedisset, vel seruasset ad alios vsus, & sic non peccaret.

Nonnulli  
rum resp.  
ad quæst.

Improbatio.

An



An peccauit Gedeon sacrificando in loco isto. *Quest. XIX.*

**Q**VAERETVR vltius, an peccauerit Gedeon sacrificando in loco isto. Aliquis rñdebit q sic, qd solum erat licitū offerre sacrificia in loco sanctuarij Deut. 12. vnde si quis extra sanctuariū offerret erat reus mortis, sicut si sanguinē effudisset Leuit. 17. Rñdendum est, qd non peccauit Gedeon, quia aliās Deus non haberet eum, tam acceptum in oībus istis, & tribuens magnificam victoriam per manus eius. Et stat eadem ratio, quæ in præced. q. s. quia Gedeon non intendebat offerre sacrificium in loco illo, nec p se; sed intendebat præsentare illam materiam sacrificandam angelo, vt per eam cognosceret, an esset angelus, & si angelus veller eam sacrificare, & sacrificare nō peccabat Gedeon, quia ipse nihil agebat: angelo autē ubi cunq; licebat hæc facere: si verō non esset ille angel⁹, non posset succedere materiam illam, & maneret vt prius: tunc Gedeon cognito, qd ille non erat angelus reseruaret materiam illam ad cibos, & non sacrificaret; & sic non peccaret sacrificando, nec extra sanctuariū sacrificando, quia neutrum eorū egit. Nicolaus autem dicit, qd hoc fuit ex dispensatione speciali: erat enim vnus casus, in quo specialiter licebat offerre sacrificium extra sanctuariū. s. quando in aliquo loco apparebat angelus: sic Dauid pstruxit altare in Areunam Iebusæi. 2. Reg. 24. Quia ibi apparuit angelus percutiens: sic etiam Manue pater Samsonis obtulit sacrificium extra sanctuariū, vbi apparuit ei angelus, infra tredecim. Sed dicendum, qd ista positio non stat propter duo, sicut supra dicebatur. Primò, quia existēte iure communi pētū est recurrere ad priuilegium: & prouenit ex ignorantia iuris cōis: sic fuit hic in Gedeone, quia non fecit aliquid, quod non liceret facere cuilibet. tam viro, q̄ femine sine dispensatione vlla, quia non fecit sacrificium, vt declaratum est. Secundum est, quia non est verum, qd vbi cunq; apparet angelus, vel Deus possent Israelitæ facere sacrificia, nisi constaret aliquo modo de voluntate Dei per reuelationem angeli, vel aliās qd veller ibi fieri sacrificia: sic patet in locis allegatis: nam Dauid non obtulit sacrificium in monte Moria, in Areunam Iebusæi, quia ibi apparuit angelus, sed quia propheta ei dixit ex parte Dei. Sic patet 3. Reg. 24. vbi dī, qd Gad propheta iussit Dauid hoc facere. Item quod allegat, infra 13. de Manue sic fuit: nam volebat Manue dare cibos angelo Dei, putans eum esse prophetam, & angelus dixit: si me cogis non comedam panes tuos: si autem vis sacrificium offerre, offer illud dño: & tūc Manue obtulit sacrificium iussu illius, & licuit sibi, aliās autem nō obtulisset: nam quando cognouit Manue, qd erat angelus domini iam obtulerat sacrificium, hic autē nondum cognoscebat Gedeon, qd ille erat angelus, nec etiam ille iubeat tanquam angelus, nec tanquā propheta: ergo non licebat ei ex aliqua dispēatione offerre sacrificium in illo. Sed dicendum est, sicut prius.

*Qui respondit, ego prestolabor aduentum tuum.* videbat angelus, qd Gedeon volebat ducere sacrificium ad experiendum, an ipse esset angelus, & qd hoc erat conueniens expectauit angelus illū. *Et ingressus est itaque Gedeon, & coxit hædum.* Voluit Gedeon facere sacrificiū, tam de carnis, q̄ de pane, ideo coxit hædum, & azymos panes. Erat iste hædus paruulus, & tener, ideo offerebatur; qd De⁹ volebat tenera, & pingua pro se. *De farina modio azymos panes.* i. de vno modio farinae accepit partem, & fecit panes azymos ad offerendum. In Hebreo habetur. *Et fecit vnam fanecam farinae azymos panes.* est sensus, qd unam totam fanecam, vel modium farine fecit panes. Litera autem nostra ponit de modio farinae. s. qd fortē visum est ei, qd multū erat facere vnam fanecā,

Aiph. Tost. super lib. Iudicum.

**A** vel modium tritici panes: satis tñ p̄t intelligi litera nostra, sicut Hebræi. s. qd vnam totā fanecā tritici panes fecit. s. qd de modio farine fecit panes. i. de toto modio farine fecit panes, & est hoc satis rationabile, qd sicut erant multe carnes. s. vnus hædus, ita debebāt esse multi panes, & tñ non erat magna mensura modius, sicut nunc est, qd non erat vnus modius, fortē decima pars fanecæ n̄æ. Quod patet, qd Booz dedit Ruth sex modios tritici portados, super humeros in pallio, vt patet Ruth. 3. & tñ modicum sic portare puella poterat de area in domum. *Carnesq; ponens in canistro.* s. postq̄ coxit hædum posuit eum in canistro, vt ferret ad angelum manentem sub quereu. *Et ius carnum mittens in ollam.* Id est, tulit ius, seu coquinam in olla ad angelum.

*Quare Gedeon hædum coxit ad offerendum.*

*Questio XX.*

**Q**VAERET aliquis, quare Gedeon coxit hædum ad offerendum: nam nō offerri solet aliquid coctum, sed carnes crudæ cremantur in altari, vt patet Leuit. 1. 3. et 4. et 7. Respondendum, qd Gedeon coxit carnes ad duos vsus. s. ad comedendum, & ad offerendum: non enim sciebat Gedeon, an ille esset angelus, vel homo, ideo duxit cibos, vt comedere posset de illis, si esset homo propheta, & residuum offerret domino in sacrificium, & fieret experientia, quam volebat Gedeon: sic enim fecit Manue pater Samsonis: nā voluit facere hædum de capris, & panes, vt comederet angelus, quem putabat esse hominē. Angelus verō respondit, qd nō comederet, sed offerret illud Deo in sacrificium. infra 13. cap. sic autē angelus iste, qui erat verus angelus non comedit, sed succendit cibos in holocaustum, quia tamen Gedeon dubitabat, & volebat facere cibos, pro viro oportuit, quod coqueret, vel assaret cibos.

*Quod sacrificij genus erat hoc Gedeonis.*

*Questio XXI.*

**Q**VAERETVR vltius, quod genus sacrificij erat istud. Respondendum, qd nō erat proprie in aliquo genere sacrificij; nam nullum genus sacrificij erat, i quo tales ceremonie fierent. Quod patet, qd erant tria genera sacrificiorum, holocaustum, hostia pacifica, & hostia pro peccato. In holocausto autē nihil coquebatur, sed omnes carnes crudæ ponebant in altari super ignem, & cremabantur: Leuit. 1. In 2. s. hostia pacifica nihil coquebatur: nam nihil de illa Deus accipiebat, nisi adipēs, vt patet Leuit. 3. & interdum renes siue lumbos, quando erat pacifica hostia de arietibus, vt patet ibidem. Hostia autem pro peccato non erat, quia illa cremabatur, interdum tota cum pelle cornibus, & fimo: vt si esset p peccato sacerdotis magni, vel totius populi: Leuit. 4. & interdum soli adipēs cremabant: & oēs carnes proueniebant sacerdotibus Leuit. 6. vocatur tñ sacrificium in quantum oblatum est Deo, & combustum, sicut cætera sacrificia: sic. n. est i quibusdam alijs, q̄ non sunt in aliquo illorum triū generum, tamen vocantur sacrificia: sicut agnus paschalis, qui vocatur sacrificium domini. Nume. 9. et tamē non erat in aliquo illorum triū generum cum carnes eius totaliter comederentur a popularibus. Exod. 12. sic etiam vitula rufa erat sacrificium Numeri 19. tamen non pertinebat ad aliquod genus triū cū tota cremaretur extra castra, & nihil de ea, scilicet, adipēs: nec sanguis offerebatur in sanctuario, tamē ista de omni sacrificio pertinebant ad Deum. Sic patet Leuit. 3. s. Omnis adeps dñi critiure ppetuo in cunctis generationibus, & habitaculis vestris, nec adipem, nec

H sangui-

Triagenera sacrificiorum.

Hædus tener quare Deo offerebatur.

Litera Hebræa.



sanguinem omnino comedetis. Reducebantur tamē ista duo sacrificia, ad tria genera sacrificiorum pprie dicta, scilicet, agnus paschalis ad holocaustum, & vitula ruffa ad hostiā pro pētō, vt declaratum est Nu. 19.

*Ad quod genus sacrificij reduceretur hoc Gedeonis sacrificium. Quæstio XXII.*

**Q**VAERETVR vltius, ad quod genus sacrificij reduceretur istud sacrificium Gedeonis, quod cum quolibet habet paucam similitudinem. Respondendum, q̄ reducitur tamen magis ad holocaustum, quam ad alia genera, quia in holocausto qd̄ quid apponebatur, cremabatur, & nihil habebāt inde sacerdotes. Leuit. 1. & 6. ita hic fuerunt omnes carnes combustæ cum panibus, & iure carniū: in alijs autem sacrificijs non cremabant omnia, sed partes quedam secundum varietatem, de quibus Leui. 3. 4. & 7.

*An sacrificium de carnibus coctis offerri licuit, vt Gedeon fecit. Quæstio XXIII.*

**Q**VAERETVR vltius, an licuerit offerri sacrificium, sic vt obrulit Gedeon. i. de carnib⁹ coctis. Aliquis dicet quod non, quia nulli licebat agere contra ea, quæ scripta erant in lege Moyſi, sed ipse describens de sacrificijs iussit carnes omnium sacrificiorum crudas offerri, & incendi super altare, vt patet Leuit. 1. et 3. et 4. & in multis alijs locis: ergo offerēs carnes coctas in sacrificium peccauit. Respondendum, q̄ non peccauit propter duo: primò quia Gedeon nō fecit istud solum ad offerendum, sed principaliter ad comedendum, vt si ille homo esset propheta, & de reliquo faceret experientiam, quam ipse intendebat, non poterat, tamen caro esse disposita ad cibum humanum, nisi coqueretur aut assaretur, ideo debuit eā coquere vel assare, deinde cum præsentauit eam angelo ipse noluit comedere, quia angelus erat, sed succedit, & sic non peccauit Gedeon, quia ipse committebat carnes illas, & panes dispositioni angeli, scilicet, quod comederet, vel sacrificaret sicut vellet: voluit autem sacrificare ille carnes: ergo angelo imputandum est, siue bonum, siue malum quod hic esset. Secunda ratio est, quia si quis vellet facere holocaustū, vel hostiam pacificam, vel pro peccato, & cremaret carnes, peccaret si coxisset illas, vel assisset prius. Gedeon tamen non intendebat, hic facere aliquod istorum sacrificiorum, sed solum suscipere experientiam de angelo, an esset angelus per cremationem carniū, scilicet, si posset illas succendere non appposito igne: & ad hoc nihil magis erat, quod carnes essent coctæ vel assæ, quamquam essent crudæ: ideo non fuit circa hoc attendendum. Nam sicut fuit experientia in carnibus & pane, ita potuisset facere eam in panno, vel lignis, aut lapidibus: obtulit tamen potius carnes, & panem ex causa dicta, scilicet, vt possent esse ad cibum. *Tulit omnia sub quercu.* quia ibi manebat angelus expectando sub quercu. *Et obrulit ei.* scilicet, potuit coram angelo, scilicet, vt faceret de illis quidquid vellet, siue cremando, siue comedendo. Sciendum autem, quod Hebræi dicunt, quod quando facta sunt hæc, erat Pascha, quod probant ex duplici motiuo, vnum est, quia obtulit Gedeon angelo azymos panes, Hebræi tamen non comedebant azyma, nisi in festiuitate azymorum. Secundum est, quia in die Paschæ ad noctem patres narrabant filiis ea, quæ fecerat Deus pro illis in exitu de Aegypto, & tamen supra dixit Gedeon: patres nostri narrauerunt nobis mirabilia, & sic exposuit Rabbi Salomon, & Rabbi Dauid Kimhi illam litteram.

*An verum sit, quod tunc esset Pascha, siue festum azymorum. Quæstio XXIII.*

**Q**VAERETVR circa hoc, an verum sit, quod tunc esset Pascha, siue festum azymorum. Respondendum quod non, & patet primò, quia festum azymorum erat semp̄ die decimoquinto, mensis primi, vt patet Leui. 23. & in isto festo nondum erant aliquæ segetes maturæ in terram Chanaan, vnde in secunda die azymorum mittebatur, primò falx in messe ordeacea, vt patet eodem c. & ante hoc nulli Hebræo licebat quicquam metere, nec comedere panes novos aut saltem sumere grana de spicis, cum dicatur eodē ca. panem polentam, & pultes non comedetis de segete, vsque ad diem, quo offeretis ex ea domino Deo vestro, Gedeon tamen iam excutiebat triticū, quod mesum erat: ergo præterierat tempus paschale. Item patet, quia sicut in festo azymorum iubeat sibi Deus de primis segetibus, scilicet, de ordeis antequam quicquid comederetur, vel meteretur offerri sibi partem in manipulo: ita antequam quicquam comederetur de nouo tritico iubeat in festo Pentecostes offerri sibi de qualibet domo, duos panes novos Leui. 23. Gedeon autem excutiebat, nunc triticum in torculari, ergo transierat festum Pentecostes, quod est quinquaginta diebus post festum azymorum. Leui. 23. vel tūc erat, & nondum comedere intēdebat de farre illo, qd̄ excutiebat vsquequo transiret Pentecostes. Item non stat positio Rabbi Salomon, quare repugnat littera: nā ipse dicit, quod Gedeon dixit angelo: heri fuit Pascha, & pater meus narrauit mihi miracula exitus de Aegypto. ergo dies iste, in quo dicebat Gedeon ista, esset dies quintuldecimus mēsis primi, quæ est primus dies azymorum, & consequenter esset dies magnæ festiuitatis. Nam in illo non licebat facere aliquod opus Leui. 23. Gedeon tamen excutiebat triticum, & Deus non increpuit eum, scilicet, angelus præsens: ergo nō erat dies azymorum. Sed adhuc aliquis respondet, quod prædicta tria argumenta non cōcludunt: nam licet teneret illud regulariter, tamen q̄ obligarentur Iudæi ad non metendum ante illas festiuitates, & quod in die primo azymorum nihil facerent: tamen necessitas nimia absoluebat, sicut Christus dixit Matt. 12. qñ apostoli in sabbato vellebant spicas & comedebāt, & ipse defendit eos allegās exemplum de Dauid: hic autem erat vrgens necessitas, scilicet, quia volebat fugere Gedeon propter timorem superuenientium Madianitarum, vt patet supra in littera: & si distulisset ad alios dies præuenissent Madianitæ, & occupassent oppida, & segetes: ideo licuit ei hoc facere. Dicendum, q̄ non stat, quia dato q̄ contra legem voluisset metere far, & excutere die primo azymorum non reperisset in terra, quia nondum habebat spicam. Nam tempore illo vix est, aliqua spica ordei matura in terra Chanaan: sed virides erant omnes, & nondum quicquam messuit, sed primæ spicæ virides de ordeo ducebantur corā dño in manipulo ad offerendū, vt patet Leui. 23. ergo nihil erat de tritico, qd̄ colligi posset: Gedeon tñ messuerat & excutiebat: ergo necessariò iā transierat festū azymorum. Ad argumenta Iudeorū dicendum, q̄ nulla sunt. Ad primū, non ualet, vt ait Nicolaus: quia facti sunt panes azymi pp̄ festiuitatē, sed pp̄ sacrificiū, q̄ in sacrificio nihil fermentatum poterat offerri Leui. 23. Omnis oblatio, q̄ offert dño, absq; fermento erit, nec quicquid fermenti, aut mollis adolebitur in sacrificio dñi Dei tui. Sed ista solō non tenet, quod patet, quia si fuisset istud, quod obtulit Gedeon propriè sacrificium, etiam non potuissent carnes coctæ cremari in altari, sed crudæ, quia sic iubebatur in omni sacrificio. Leuit. 1. et 3. et 4. vbi ponuntur ceremoniæ omniū sacrificiorum;



erificiorum; sed potuit hoc fieri, ergo potuerunt panes fermentati offerri. Sed dicendum, quod causa fuit ipsa festinatio Gedeonis: nam ipse volens hñe experimentum de angelo, orauit nimis, vt prestolaretur: Si inueni grām in oculis tuis nō recedas donec reuertar. & cessit hoc angelus. Putauit autem Gedeon, quod si ipse magnam morā faceret, recederet angelus, vel fastidiretur, ideo voluit cito expedire: & quia non habebat panes in domo, oportuit, q̄ nouos faceret, & q̄a si illi debuissent fermentari oportebat expectare diutius quousq; fermētarent, voluit ergo facere azymos, vt cito expediret, quia illi mox vt formantur possunt

coqui. Considerandū autē p hoc q̄ in terra Chanaan, & in terra Aegypti, & in magna parte Asiē ī terris valde calidis, in tertio vel secundo climate, pp caliditatē regionis panes formati & cocti, illico dureſcunt, ideo coguntur quasi quotidie formare panes hoīes terræ illius, & quia si hñent massā fermentatā semp factā illa corrumpereť velociter pp fermentum, & pp calorem regionis, faciunt pastā massę nō fermentatę, & illam custodiunt p quotcunq; dies volunt: quia non p̄t corrumpi faciliter cū nō hñat fermentum, & si induratur mollificant eā aqua, & de illa qñcunq; volunt sumunt partes, & formant quot panes volunt: manet aut reliqua massa. Et hoc mō si oporteat velociter pari cibos, sic panes formāt. Istud patet aliquialiter Exo. 12. nā Israelitę exeuntes de Aegypto ligauerūt massās in pallijs, & portauerunt in itinere non fermētatas, & de illis faciebant quotidie panes quandiu durauerunt illę massę. Si aut fuerant fermentatę corruptę fuissent illico anteq̄ Iudæi possent facere aliquem panē. s. die, quo exierunt de Aegypto, ideo non fermentauerunt massas: & ista fuit cā quare in exitu de Aegypto Israelitę nō fermentarent massas. Sed arguet quod falsum est, quia Exo. 12. dñr: tulit pp̄s conspersam farinā anteq̄ fermentaretur, & ligans in pallijs imposuit super humeros suos, & iterum, coxerūt farinā, quam dudū de Aegypto p̄persam tulerant, & fecerunt subcineritios panes: nec. n. poterat fermentari cogentib⁹ exire Aegyptiis, & nullam moram facere sinentibus. Rñdē dum, q̄ Israelitę habebant intentionem cōspargendi massam, & fermentandi illa nocte, & faciendi fermētatos panes, vt recederēt in aurora, quia tñ coacti sunt media nocte recedere ex inopinato, surrexerunt & p̄perserunt farinā aqua, & potuissent tunc ponere modicum de fermento, & ipsa massa p se postea fermentaret: quia tñ non permittebant tantam moram facere in Aegypto, vt posito fermēto posset massa fermētari, & formari in panes ac coq, noluerunt eas fermentare, quia tunc cum portaretur fermentata corrumpetur ante finē diei ipsius: imò ante 4. vel 5. horas pp terræ calorem, & tñ Israelitę non poterāt illa die sedere ad coquendum, & formandum panes pp festinantiam exeundi de Aegypto, ideo noluerunt fermētare massas: voluntariū ergo fuit in Israelitis q̄ nō fermentarent massas. Istum modum supra positum massarū non fermentatarum seruant vsq; hodie gentes Aegypti, & Arabia, & Chanaā, vt referunt, qui viderunt, & refert Rabbi Abrahā Abenezra sup Exodum, q̄ fuit ī Aegypto, & Arabia, vt ipse testatur. Hoc ēť obseruatū fuit a principio in terra illa, anteq̄ essent Iudæi in ea. Et hoc apparet Gen. 18. quia qñ venerunt tres angeli ad eum fecit cito azymos panes, vt pater ibidem: eodē quoq; die iuerunt duo angeli istorum Sodomā in domum Loth, & dedit illis azymos panes Gen. 19. non tamen accidisset hoc, nisi quia erat talis consuetudo ī terra illa. Ad secundam rationem Rabbi Salomō, dicē dum, q̄ illa est fabula: nostra litera non dicit quod p̄cedē die recitauerat pater Gedeonis ei miracula exitus de Aegypto, sed ait: vbi sunt mirabilia eius, q̄ nar-

Alph. Toſt. super lib. Iudicum.

Arauerunt patres nostri nobis: & est sensus quod alias cōsueuerant eis talia narrare. Et patet, quia dñr patres, & significat antiquitatem narrationis: alias dixisset q̄ narrauit pater meus mihi: non ergo erat tunc festum azymorum, sed aliud tps post, ante Pentecosten, vel paulopost, quia farra non erant oīno matura, tamen excutiebant de spicis. Cui dixit angelus: tolle carnes, & panes azymos. Gedeon posuerat hæc coram angelo, vt disponeret de eis q̄ vellet, ipse autem iussit, quod poneret super petram: erant enim ista simul in canistro. Et pone super petram illam. ostendit eā sibi angelus ad oculum, & voluit ipsam esse altare. Et ius desuper funde. i. funde coquinam carniū sup carnes, & panes simul posita, ita vt omnia madescerent.

Angelus quare iussit ius desuper fundi. Quæst. XXV.

QV A E R E T aliquis, quare iussit angelus, quod funderetur ius desuper. Respōdendum, quod ad hoc fuerunt duæ rationes. Prima fuit quia angelus voluit dare experientiam de se, quod esset angelus: esset autem tanto maior experientia, quanto esset mai⁹ miraculum; & quia quanto magis madescerēt carnes & panes, tāto erant minus disposita ad cōbustionem, voluit ea madesieri. Sic fecit Elias qñ coram populo ī monte Carmelo obtulit sacrificium ad conuincēdos prophetas Baal. Nā vtriq; sine igne sacrificium facturi erant; Elias verò ad manifestationem magnam miraculi fecit repleri quatuor hydrias aque, & illas effudit super carnes, & ligna sacrificij; iterū autem ac iterū hoc fecit. s. duodecim hydrias aque effundi fecit, quousque fossę apud altare repletę sunt aqua: & cum orasset, ignis egressus a dño vorauit carnes, & ligna & lapides altaris, & puluerem in circuitu, & aquas, vt patet 3. Reg. 18. ca. & sic manifestē cognita fuit pōtestas Dei. Secunda causa fuit, quia Gedeon obtulit angelo carnes, & panes, & ius carniū nesciens an homo esset, & si vellet comedere, hñet de quō fm consuetudinem humanam comederet: Angelus autem nō erat comestur⁹, quia verus angelus erat, ideo voluit vt oīa, quæ Gedeon tulerat, in Dei sacrificium cederent, & sic fecit ius carniū super carnes, & panes fundi. Cumque fecisset ita. s. quia posuit omnia super petram, & fudit ius super carnes. Angelus domini extendit summitatem virgæ, quam tenebat manu. scilicet, extendit virgam ad tangendum sacrificia, vt sic insurgeret ignis, & cognosceretur, quod per angelum fiebat. Et tetigit carnes, & azymos panes. s. vt vtrunq; cremarentur. Ascenditque ignis de petra. s. immediate vt angelus tetigit azymos panes & carnes, ad significandum, quod voluntate eius exibat ignis ille, & non ab accidenti. Et carnes azymosque panes consumpsit. s. cremauit faciliter nihil dimittendo, quia ille ignis a Deo datus erat.

Quare volebat Gedeon probationem istam in crematione sacrificij &c. Quæstio XXVI.

QV A E R E T aliquis, quare volebat Gedeon probationem istam in crematione sacrificij ad sciēdum an iste, qui loquebatur erat angelus, vel propheta missus a Deo. Respōdendum, quod crematio huiusmodi erat supernaturalis, & quomodocunque aliquis ostendit miraculum ad confirmationem dictorum suorum, sufficiēter probat: sic enim iussit Deus, quod si dubitaretur de propheta, an vera diceret, q̄ peteretur signum, & si eueniret, vel non, cognoscereťur, an esset propheta, vel non, Deutero. 18. Alia causa erat, quia crematio sacrificij specialius pertinebat ad Deum, ideo si presente isto cremaretur sacrificiū, manifestū esset a Deo missum. sic. n. pbauit Elias coram

H 2 toto



roto Israel cum Israelitæ adulterati fuissent post Baal, & ait. quousque claudicatis in duas partes? si Deus est sequimini illum, & si Baal est sequimini eum: & obtulit eis probationem de crematione sacrificiorum, quam sponte susceperunt, & quia sacrificium suum crematum est, & non sacerdotum Baal, illi occisi sunt. 3. Re. 18. c. petiuit ergo hanc probationem Gedeon tanquam convenientem.

*An iste ignis, qui combussit sacrificium, de celo venerit.*

*Questio XXVII.*

**Q**VAERETVR ulterius quomodo iste ignis, qui combussit sacrificium venit. scilicet an venit de celo, vel an causatus est de carnibus vel lapide. Aliquis dicet, quod Deus misit illum de celo ad significandam acceptationem sacrificij: sic patet de sacrificio, quod fecit Aaron in principio sacerdotij sui: nam ignis venit de celo: quod dicitur Levit. 9. ecce ignis egressus a domino deuorauit holocaustum. Item patet de Elia. Nam orante eo cecidit ignis de celo super sacrificia sua, ut patet. 3. Reg. 18. cum dicitur: cecidit autem ignis domini, sed cadere est de alto, & sic venit de celo. Item quando Elias vocauit ignem super quinquagenarios, venit de celo, ut patet. 4. Re. 1. ergo sic fuit hic. Respondendum, quod quocumque modo ueniret iste ignis ad cremationem hostiarum, erat a Deo: poterat tamen utroque modo esse. Nam quod de sphaera ignis duceret aliqua pars ignis, miraculum erat, tum quia est contra naturam ignis descendere: tum & principaliter, quia non videtur quomodo posset ignis de celo descendens transire per frigidissima interstitia caliginosi aeris, & non extinguatur. Quod est subito ignis generaretur in terra de petra sine percussione, vel de ipsis carnibus, & panibus, miraculum est: ponendum est ergo illud quod magis conuenire videtur littere, magis autem conuenit, quod dicatur ignis iste genitus subito de carnibus sacrificij, vel de petra, cum dicatur ignis ascendisse de petra: ergo dicendum erit, quod iste ignis non venit de celo, sed fuerit causatus de petra. Cum autem obicitur de igne qui egressus est a domino, dicendum quod non apparet an ueniret de celo, vel egressus fuerit de altari: magis autem videtur dicendum, quod ille ignis egressus fuerit de altari: sic patet Levit. 10. de igne, qui egressus est a domino, & combussit Nadab, & Abiu: nam de illo declaratum est, quod egressus fuerit de altari holocaustorum, cum ipsi irent ad offerendum: si tamen dicamus quod uenit de celo iste ignis, non obstat ad id quod dicimus, quia non est dubium utroque modo fieri posse: ideo tenebitur modus ille, qui magis conformatur littere: iste autem est, quod iste ignis egressus fuerit de petra. Ad secundum dicitur de igne, quem Elias fecit venire super sacrificium dicendum, quod illud fiebat ad manifestationem magnam virtutis Dei, quia Elias contendebat contra omnes prophetas Baal, & quia expressius miraculum erat, si viderent venientem ignem de celo ad cremandum sacrificium, quam si succenderetur de ipso sacrificio, ideo uenit de celo: hic autem non fuit hoc necessarium, sed satis erat, quod ostenderetur miraculum aliquod: ideo fuit surgens ignis de petra. Ad tertium de igne veniente de celo super quinquagenarios. Dicendum, quod sic uenit, quia sic eum vocauit Elias: si autem uocasset eum aliter, scilicet ut surgeret de terra, sic surrexisset. Gedeon autem nihil petiuit specialiter, ideo suffecit quod Deus daret quemcumque modum cremationis sacrificij. *Angelus autem domini euauit ex oculis eius.* id est consummata crematione sacrificij, angelus disparuit. Hoc autem, quia iam probauerat id, quod intendebat se esse angelum: & hoc opus erat Gedeoni ad hoc quod crederet, & disponeret se ad faciendum illa, quae ipse dixerat, & in ista fuit, vel disparitione dedit signum, quod erat angelus. nam si fuisset homo verum corpus habens, non potuisset sic euanescere: vidensque Gedeon quod esset

Responso  
ad quaestio-  
nem.

Ad primam  
rationem.  
in diuersum.

Ad secundam  
rationem.

Ad tertiam  
rationem.

**F** angelus domini, scilicet, per ista signa data cognouit eum esse angelum.

*Quomodo ex his Gedeon cognoscebat quod iste esset angelus.*

*Questio XXVIII.*

**Q**VAERET aliquis, quomodo ex his cognoscebat Gedeon, quod iste esset angelus: nam non dum videbatur aliquod signum exprimens hoc: quod non esset consumptio sacrificiorum per ignem a Deo inuocatum, non probabat eum angelum, quia sic Elias fecit venire ignem super sacrificium suum. 3. Reg. 18. et quodcumque miraculum factum non magis probat esse angelum, cum quocumque miracula fieri possint per prophetas inuocato Deo, & ipse iussit, quod a prophetis peterent signa ad confirmationem dictorum suorum, Deut. 18. sed solum concludebat istud signum necessarium, quod iste erat aliquis missus a Deo, sed an esset angelus, vel propheta non distinguebat. Respondendum, quod cognouit Gedeon hunc esse a Deo missum & esse angelum, quia facto sacrificio euauit: quod non potuisset si fuisset homo. Sed arguetur, quia sic euauit Elias: nam raptus est ab oculis Elisei, & ductus est in paradysum. 4. Reg. 2. c. Respondendum quod non euauerunt isti duo similiter: nam Elias non euauit, sed propter magnam elongationem desinit uideri, unde Eliseus uidit Eliam cum raperetur ab eo, quousque longe ab eo fuit, ideo clamabat dicens: o pater currus Israel, & auriga eius. Sic etiam Apostoli uidebant Christum ascendentem in celo per longa spatia aeris: deinde euauit ab oculis eorum Act. 1. angelus tamen iste subito disparuit, ita quod Gedeon non uidit eum euntem, nec a se recedentem, ideo manifestum fuit ipsum esse angelum. *Ait, heu mihi domine Deus, quia uidi angelum domini.* id est, ueni mihi, quia Deus uult super me mala inducere, cum uiderim angelum eius. Erat enim inter Iudeos opinio, quod qui uideret angelos Dei, vel Deum, moreretur, ideo putauit Gedeon, quod moriturus esset. *Facie ad faciem.* id est, manifeste, & non per aliqua simulachra occulta. Considerandum quod istud posuit hic Gedeon pro causa principali mortis suae, scilicet, quia uiderat faciem ad faciem.

*Quomodo Gedeon, vel alij Iudei putabant, quod si uiderent angelum morerentur.*

*Questio XXX.*

**Q**VAERET aliquis, quomodo Gedeon, vel alij Iudei putabant, quod si uiderent angelum morerentur. Respondendum, quod si uiderent angelum morerentur. Respondendum, quod Deus dixerat Moysi in monte Sinai: non uidebit me homo & uiuet. id est, non poterit me aliquis uidere qui possit postea uiuere. Exo. 33. c. ex hoc opinati sunt contra Israelitæ, quod quicumque uideret Deum, vel angelos Dei moreretur: quia angeli sunt nimis Deo propinqui, & ob hoc quodcumque aliquis de uulgariis Iudeorum uidebat angelum Dei, putabat se moriturum: sic fuit de Gedeone hic: sic etiam fuit de Manue patre Samsonis, infra decimotertio, qui dixit de se & uxore sua, quod morituri erant, quia uiderant angelum. Et posuit Gedeon, quod uiderat faciem ad faciem, quia istud faciebat precipue quod moreretur, putabat namque quod si uidisset angelum Dei per posteriora, & non faciem ad faciem, quod non moreretur. Hoc patet ex eo quod habetur Exo. 33. quod dixit dominus Moysi, non poteris uidere faciem meam. Et sequitur: non enim uidebit me homo, & uiuet. id est, nullus poterit uidere faciem meam quin moriatur: quod tamen posset uidere posteriora, & non moreretur patet, quia immediate sequitur: ecce locus est apud me, & stabis super petram: cumque transibit gloria mea, ponam te in foramine petrae, & protegam te de latera mea, donec transieris: tollamque manum meam, & uidebis posteriora mea, faciem autem meam uidere non poteris.



poteris, scilicet, ponam te in foramine petre, vt non videas me transeuntem, & protegam te. Extera mea donec transeam, id est, operiam vultum tuum ponendo manum meam super illum, vt non videas vultum meum cum transeo. tollamque manum de oculis tuis, & videbis posteriora: faciem autem meam videre non poteris, scilicet, quia iam ego transui. Necesse est ergo, quod intelligatur de visione faciei quantum ad illos, qui morituri essent, & visio posteriorum nihil nocebat: vnde quando aliquis videbat posteriora angeli, vel Dei non conquerebatur tanquam moriturus, sic fuit de Agar, quæ vidit angelum & ait: hic profecto vidi posteriora videntis me, ideo vocauit nomen putei viuentis, & videntis me.

*Cum Iacob vidit angelos Dei, cur non dixit quod moreretur. Questio XXX.*

**Q**VAERET aliquis, cum Iacob vidit angelos Dei, cur non dixit quod moreretur: idem de Moyse qui sæpe videbat illos. De Iacob patet, nam obuiam habuit multos angelos, & dixit de eis: castra Dei sunt hæc: Gen. 32. postea venit angelus in specie viri, & luctabatur cum eo vsque auroram, & vocauit nomen loci Phanuel, dicens: vidi dominum facie ad faciem, & salua facta est anima mea. De Moyse patet quod videret angelos, quia Deus dixit de illo: ore ad os loquor, & palam & non per enigmata Deum videret Numeri 12. cap. Respondendum de Iacob, quod ipse non timuit visum angelo quod moreretur, quia opinio Israelitarum non, quod morerentur visum angelo, vel Deo causata fuit eo quod Moyse dixit: non videbit me homo & viuet. Sed hoc non fuit dictum ante Iacob: ideo ipse non habebat opinionem istam. De Moyse dicendum, & de alijs prophetis, quod ipsi erant viri sapientes, id est, a Deo illuminati, & cognoscebant qui erant illi, qui apparebant eis, & ad quid veniebant: ideo non pauebant eorum aduentum. soli autem vulgares veritatis ignari hoc putabant, de quibus erat Gedeon & Manue pater Samsonis: ideo isti putauerunt, quod morerentur visis angelis. Sed adhuc instabitur, quia Deus dixit Exo. 33. non videbit me homo & viuet. quod de vultu intelligitur. Respondendum, quod illud intelligitur de quodam corpore glorioso nimis, & lucido, quod Deus fecit transire ante Moysem, cuius pars anterior erat tam excellens, quod nulla armonia sensuum humanorum posset pati illius lucem, & decorem, sed necesse erat hominem mori: pars autem posterior non erat tam admiranda, sed contemperabatur ipsi humano aspectui, ideo illam potuit videre Moyse: faciem autem non vidit tunc Moyse, nec vnquam postea vidit, & si aliquando videbat angelos facie ad faciem, non videbat sub illa admiranda: ideo nec timebat, nec cladebatur. Vulgares autem putabant, quod quodocunque viderent angelos Dei facie ad faciem, videbant illam faciem, de qua locutus fuerat Moyse: ideo putabant se morituros, & timebant. Moyse autem, & alij prophetae sciebant se non videre faciem illam, & non timebant. *Dixitque ei dominus, pax tecum.* iste erat angelus, qui locutus fuerat prius Gedeoni, & nunc disparuerat: quia tamen timebat Gedeon se moriturum, angelus ille formauit quandam vocem in aere non apparente corpore, & audiuit illam ad se delapsam Gedeon, & consolatus est.

Hoc tenet Rabbi David Kimhi. Ex hoc apparet, quod argumenta quadam quæ faciunt quidam de nostris contra Iudeos, & vt communiter omnes ad probandum Metliam esse Deum verum, non tenent: nam nos probamus eo quod scriptura prædicat de illo nomen domini Tetragrammaton, & dicimus quod nulli conuenire

Alph. Tost. super lib. Iudicum.

A potest nisi Deo, etiam secundum positionem omnium Iudeorum; & tamen manifestum est, quod hic ponitur nomen Tetragrammaton vbi littera nostra dicit dominus, & non intelligitur de Deo, sed de angelo, qui loquebatur prius Gedeoni.

*An posset stare, quod hic significet istud nomen Tetragrammaton ipsum Deum verum, & quod iste, qui nunc locutus est, sit Deus verus. Questio XXXI.*

**Q**VAERET aliquis, an posset stare, quod hic significet istud nomen Tetragrammaton Dei ipsum Deum verum, vt confirmetur rationes nostre contra Hebreos arguendo de deitate Messiae. Respondet David Kimhi quod hic accipitur pro Deo vero, & quod ipse locutus fuerit & non angelus. Sed dicendum, quod ista positio est impossibilis, quia Deus verus non potest loqui, eo quod loqui dicitur necessarium motum. Deus autem non potest facere aliquid quod sit cum motu, sed omnia in instanti, cum scriptura dicat, quod Deus non mutatur, & competit ei ex natura hoc summi boni, & puri actus: vnde nec potest facere aliquid aliud quod motum inducat, sed quocumque aliqua talia predicantur de Deo intelligitur, quod angeli illa fecerint, & non Deus. De hoc magis declaratum est Exod. 25. & 28. c. necesse est ergo, quod angelus locutus fuerit hic: sic errant argumenta nostrorum: sed Iudei concedunt ea, quia Deus excecauit intellectum eorum, ita vt esset ad falsitates obiectiones eis a quibusdam nostris respondere nequeant. Patet etiam contra hoc Exod. 20. vbi dicitur: ego sum dominus Deus tuus.

**C** & ponitur ibi Tetragrammaton nomen Dei in Hebreo; & tamen ille, qui loquebatur non erat Deus verus, sed angelus, vt patet ad Galat. 3. ca. flex data est per transgressionem ordinata per angelos in manu mediatoris, ergo angeli erant, qui protulerunt omnia verba legis, idem patet clarius Exod. 3. de Moyse cum vidit ignem in rubo. Et dicitur quod locutus est dominus de rubo. Exponitur in contextu illo in Hebreo nomen Dei Tetragrammaton, & tamen constat quod ille erat angelus Act. 7. cum dixit beatus Stephanus, expletis 40. annis apparuit angelus in deserto Sina in igne flamme rubi. ergo non accipitur semper nomen tetragrammaton pro Deo vero, sed interdum pro angelis. sic est in multis alijs locis sepius. Potest tamen poni aliter regula illa, quam Hebrei, & nostri ponunt, & erit vera, scilicet quod nomen

Regula pulchra.

**D** Dei Tetragrammaton nunquam ponitur, nisi ad significandum Deum verum: significat tamen interdum illos, qui non sunt Deus. Quod declaratur sic: intentio scripturae est attribuire Deo actus excellentes, qui fiebant ad utilitatem populi Iudaici, vt putaret Israelita illos factos pro Deo, & ei soli gratias agerent. si autem scirent facta hæc per angelos, vel per alios, putaret se teneri illis. ideo faciebat Deus quod angeli, qui veniebant ad loquendum aliquid Israelitis, vocarentur Deus, & non angeli, vt sic crederent Israelita, quod Deus erat verus, qui faciebat hæc: & tunc predicabatur de eis nomen Dei Tetragrammaton. Quod vero Deo conuenit eo quod ipsi tunc fungebantur vice Dei, & quod amplius est scriptura volebat innuere simplicibus quod illi erant Deus: quando tamen angeli apparebant manifeste in effigie corporali humana, quamquam vocarentur adonai, vel Elohim, tamen nunquam predicabat de eis Tetragrammaton: quia quamquam tunc fungerent vice Dei, nolebat scriptura innuere esse Deum, sed angelos; cum expresse eos angelos nominaret, & tunc stat vera regula, quia nunquam reperietur in scriptura quod nomen Tetragrammaton predicetur de aliquo, qui apparuit in effigie corporali, ita quod posset putari Deus per non videri corpus eius, & tamen non omnes hi, de quibus predicatur Tetragrammaton erant verus Deus. Et tunc quando argueremus de Christo, quod erat verus Deus, quia vocatus est hoc nomine. Posset respondere Hebreus, quod omnes illos, quos scriptura vocat Tetragrammaton nomine, vult significare esse Deum: tamen

H 3 non



non omnes sunt Deus, sicut apparet de multis angelis. & sic diceret quod non sequitur de Christo, quod sit Deus verus, ideo argumentum ex hac parte non est solidum veraciter: quia tamen Iudei, & nostri pariter affirmant illam regulam primam supra datam, tenet argumē contra Iudeos ex concessis. *Dixitque dominus ei: pax tecum.* id est salus vel quies sit tecum: pax. n. significat tranquillitatem, & securitatem a malis: & est sensus, quod nullum malum eueniret Gedeoni, quanquam viderat angelum Dei. *Ne timeas, non morieris.* id est non timeas quod times, quia non morieris propter visionem angeli, sicut arbitraris. *Aedificauit ergo ibi Gedeon altare domino.* Istud fuit ad regrandum Deo pro incolumitate praestita: nam putabat Gedeon se moriturum.

*Quod altare fuerit istud quod Gedeon aedificauit.*  
*Questio XXXII.*

**QV A E R E T V R** circa altare istud quod fuit, scilicet, an fuerit aliquod de altaribus, qui nominantur in cap. isto, vel fuerit distinctum ab omnibus illis. Respondet Nicolaus, quod istud ponitur hic per anticipationem, scilicet, quod istud altare non fuit nunc factum, sed fuit illud quod iussit postea Deus fieri super petram, de quo infra. Dicendum, quod ex littera non apparet euidenter, an istud sit distinctum altare, vel idem. Sed videtur dicendum rationabilius, quod fuerit distinctum, quod patet, quia altare illud, quod fecit Gedeon super petram egit, quia Deus ei iussit, & reuelauit ei modum faciendi: istud autem fecit Gedeon ex alia causa. scilicet quia Deus denunciavit ei liberationem a timore, quod patet ex nomine: nam vocauit illud domini pax: ergo non fuit idem, si tamen volueris tenere oppositum, non multum in isto, quamquam hoc est rationabilius,

*An licuerit Gedeoni hoc altare aedificare.*  
*Questio XXXIII.*

**QV A E R E T V R** an licuerit Gedeoni edificare istud altare. Aliquis dicit quod non, quia nulli licebat hunc aliud altare, praeter altare holocaustorum, quod erat in sanctuario, alioquin esset sacrilegium: Ios. 22. c. & reus mortis esset, qui talia faceret, Leu. 17. Respondeo ad hoc Nicolaus facillime. scilicet quod non peccauit, quia mandato Dei egit: nam secundum ipsum altare istud & illud, de quo dicitur infra, idem est. sed mandato Dei licitum erat quodcumque fieri. Tenendo tamen aliam positionem, quae rationabilior erat. scilicet quod istud altare sit distinctum ab alijs, dicendum est, quod licuit ei agere, quia ibi locutus est ei dominus: sic. n. sancti patres varia altaria construxerunt, ut Abraham inter Bethel, & Hay. Genes. 12. Isaac autem in Bersabee altare aedificauit, ubi Deus apparuit ei Gen. 26. Iacob quoque edificauit altare ad puteum iuramenti. Genes. 46. erexit etiam titulum in Bethel: Gen. 28. iterum autem ibi edificauit altare: Gen. 35. Moyses etiam aedificauit altare in Raphidim: Exo. 27. iterum etiam erexit 12. titulos in monte Sinai. Exo. 24. c. Sed respondebitur, quod istud non stat, quia non licuit Gedeoni facere, quod istis licuit: nam isti fecerunt ante prohibitionem: cum. n. nondum data esset lex licebat cuique offerre quod voluisset, & quicquid ibi, quod nos hic facimus singuli quod rectum sibi videtur, Abraham autem Isaac, & Iacob fuerunt ante dationem legis, ideo licitum erat eis facere altaria vbicumque vellent. De Moysse dicendum, quod etiam ipse construxit altare ante dationem legis, Exo. 17. in Raphidim, & postea in Sinai data est lex: data autem lege, vetita sunt altaria vbique fieri: Leuit. 17. & patet Iosu. 21. unde ob hoc insurrexerunt decem tribus

**F** ad pugnandum contra duas, & dimidiam, ut patet eod. c. scilicet quia edificauerant altare, ideo non licebat iam Gedeoni. Respondendum, quod non licebat alicui Israelite sine mandato Dei expresso, vel sine inspiratione prophetica facta ei construere altare praeter illud quod erat intra sanctuarium, & hoc intelligitur de altari ad offerendum victimas: licebat tamen construere altare in memoriam & testimonium alicuius rei sine mandato Dei: sic fuit de altari facto per duas tribus & dimidiam apud Iordanem: Ios. 22. nam nouem tribus & dimidia putauerunt quod faciebant altare illud ad faciendum sacrificia, ideo volebant pugnare tanquam contra hereticos, & schismaticos: cum autem responderunt illi, quod faciebant solum in memoriam, placare sunt nouem tribus & dimidia, & non pugnaverunt: si tamen fuisset hoc illicitum, non placata fuissent, nec permisissent: sic autem Gedeon fecit ad solam memoriam. scilicet ut sciret quod Deus locutus fuerat ei, sic renouens timorem: ideo et sine mandato Dei expresso licuit ei construere altare. Quod patet, quia non legitur ibi aliquas victimas imolasse. Sed adhuc aliquis arguet, quod non solum altaria ad sacrificia, sed etiam tituli ad memoriam gestarum rerum erant illiciti. Quod patet Leuit. 26. c. scilicet non facietis idolum, & sculptile, nec titulos erigetis, nec in signem lapidem ponetis in terra vestra. altaria autem facta ad memoriam vocantur tituli: ergo ista non erant licita. Respondendum, quod ista omnia erant illicita quando fiebant ad aliquas ceremonias idolatriae, ut patet eod. c. cum dicitur: nec titulos erigetis, nec in signem lapidem ponetis in terra vestra, ut adoretis eum. ergo ad alios usus bonos licita erant altaria, & tituli. Hoc autem potissime erat, quando fiebant ad memoriam alicuius rei pertinentis ad laudem Dei: sic enim fuit istud altare, quia manebat in memoriam quod Deus locutus fuisset ibi Gedeoni de salute sua, & totius Israel: simile patet de Moysse. Nam ipse constituit in datione & confirmatione legis duodecim titulos per duodecim tribus Israel, ad memoriam quod duodecim tribus susceperant ibi legem Dei, sic etiam duae tribus & dimidia construxerunt altare in titulum & memoriam, quod ipsi pertinerent ad Deum Israel: Iosue 22. c. licitum ergo fuit hoc Gedeoni, quamquam Deus non iussit. *Vocauitque illud, domini pax.* nomen altaris fuit istud, quia Deus dixerat ibi Gedeoni: pax tecum, ne timeas, non morieris: simili modo imponebantur antiquitus nomina rebus ex euentibus: sic patet Exod. 27. cum vocauit Moyses altare, quod fecit, dominus exaltatio mea, eo quod quando fuit factum illud altare, exaltati sunt Israelitae praeualendo contra Amalecitas, ut patet ibidem, sic etiam Abraham vocauit montem, ubi voluit filium suum imolare, dominus videt, quia Deus vidit ibi voluntatem eius, & liberauit filium suum: Gen. 22. c. scilicet Appellatur nomen loci illius, dominus videt, unde videtur quod hodie dicitur, in monte videbit dominus. id est quod ipse mons vocatur dominus videbit: sic etiam patet Ezech. ultimo: ubi de quadam ciuitate agitur, quae est de vita aeterna, & dicitur: & nomen ciuitatis ex illa die, dominus ibidem. *Vsq; in presentem diem.* refertur ad tempus scriptoris libri huius. scilicet ad Samuelem, cuius tempore adhuc manebat altare illud in loco, ubi Gedeoni Deus locutus fuerat.

Cumque adhuc esset in Ephra, quae est familiae Ezri, nocte illa dixit Dominus ad eum: Tolle taurum patris tui, & alterum taurum annorum septem, destruesque aram Baal, quae est patris tui: & nemus, quod circa aram est, succides: & aedificabis altare Domino Deo tuo in summitate petrae huius:

Doc. res ad quatuor.

An licet erigere titulos.

Mercurius lyricus ad reg.



ius, super quam ante sacrificium posuisti: tollesq; taurum secundum, & offeres holocaustum super struem lignorum, quæ de nemore succideris. Assumptis ergo Gedeon decem viris de seruis suis, fecit sicut præceperat ei Dominus. Timens autem domum patris sui, & homines illius ciuitatis, per diem noluit facere, sed omnia nocte compleuit. Cumque surrexissent viri oppidi eius mane, viderunt destructam aram Baal, lucumque succisum, & taurum alterum impositum super altare, quod tunc ædificatum erat. Dixeruntque ad inuicem: quis hoc fecit? Cumque perquirerent auctorem facti, dictum est: Gedeon filius Ioas fecit hæc omnia: & dixerunt ad Ioas: pro duc filium tuum huc, vt moriatur, quia destruxit aram Baal, & succidit nemus. Quibus ille respondit: nunquid ultores estis Baal, vt pugnetis pro eo. Qui aduersarius est eius, moriatur antequam lux crastina veniat: si Deus est vindicet se de eo, qui suffodit aram eius. Ex illo die vocatus est Gedeon Ierobaal, eo quod dixisset Ioas: vlciscatur se de eo Baal, qui suffodit aram eius. Igitur omnis Madian & Amalec, & orientales populi congregati sunt simul: & transeuntes Iordanem castrametati sunt in valle Iezrael. Spiritus autem Domini induit Gedeon, qui clangens buccina conuocauit domum Abiezer, vt sequeretur se: misitque nuncios in vniuersum Manassen, qui & ipse secutus est eum: & alios nuncios in Aser, & Zabulon, & Nephtalim, qui occurrerunt ei.

**A** nocte illa dixit dominus. Sed dicendum, quod ista litera satis conuenit literæ nostræ. Et potest exponi dupliciter. Vno modo, quod accipiat in neutro ipsum: & refertur ad altare, scilicet, & adhuc ipsum est in Ephra, idest, altare illud manet in Ephra, & hoc est quod dicit litera nostra, quod vocauit altare illud Gedeon domini pars vsque in præsentem diem, idest, vsque hodie quo scriptus fuit liber ille, erat altare in Ephra: & vocatur sic. Aliter, & melius debet accipi, quod ipse ponatur in masculino: & refertur ad Gedeonem. Et est sensus, & adhuc ipse in Ephra, idest, Gedeon manebat in Ephra, & fuit nocte illa, idest, in illa nocte qua manebat in Ephra, locutus est ei dominus quæ sequuntur. *Dixit dominus ad eum.* scilicet, angelus qui per noctem locutus est Gedeoni. Nam Deus non potest loqui, vt dictum est. *Tolle taurum patris tui.* scilicet, tolle eum ad imolandum. Isti tauri erant mansueti. Nam Iudei arabant in tauris: & eos iungebant curribus, & plaustris ad ferenda onera. nam non licebat Israelitis tollere testiculos alicui animali ad mansuetandum eum, vel ad efficiendum illud conuenientius ad cibos, vt patet Leui. 22. ca. scilicet: Omne animal, quod vel contritis vel tunsis vel sectis, vel ablatis testiculis est, non offeretis domino: & in terra vestra, hæc omnino non facietis, scilicet, non auferetis testiculos animalibus: & tamen tauri a parua ætate mansuebantur: & quamquam postea magni essent non erant feroces, sed obediebant iugo. Vnde poterat Gedeon istos tauros portare faciliter quo vellet. & dicitur. *Tolle taurum patris tui:* non quod non haberet pater suus, nisi vnum taurum, siue bouem: sed quia ille erat aliquis specialis seruatus ad aliquem vsum, scilicet ad idolatriam. *Et alterum taurum annorum septem.* Iste taurus erat totius populi, qui erat excellens, & seruatus ad idolatriam, vt ait historia scholastica. Et vocatur annorum septem, quia seruatus fuerat magno tempore, vt impinguaretur nimis ad idolatriam: & peruenit ad tantam ætatem, vel vt ait Nicolaus isti septem anni non referuntur ad ætatem tauri: sed ad tempus impinguationis, scilicet, quia maioris ætatis erat: tamen fuerat septem annis custoditus in pascuis, vt impinguaretur ad idolatriam.

*Quare Deus iubebat Gedeoni occidere tauros. &c.*  
*Questio XXXIIII.*

**Q**VAERET aliquis, quare Deus iubebat Gedeoni facere hæc, scilicet, occidere tauros: & suffodere altare Baal. Respondendum, quod Deus volebat liberare Israelitas de manu Madianitarum: & ad hoc oportebat, vt ipsi essent dispositi ad suscipiendum misericordiam suam: & quia nihil est, per quod homo magis auertatur a Deo, quam per idolatriam, voluit Deus quod Israelitæ prius desererent idolatriam, quam ipse liberaret eos: ad hoc autem misit quendam virum prophetam, vt increparet Israelitas, vt patet supra in litera. Non fuerunt autem omnes castigati: nam adhuc manebat aram Baal in ciuitate, de qua erat oriundus Gedeon, & erat illa Ara patris sui, vt patet hic. videbatur autem valde irrationabile, quod Deus liberaret Israelitas per manum illius in cuius ciuitate & familia atque progenie manerent idolorum altaria. Fuit ergo valde conueniens, vt ille esset ultor Dei Israel destruendo idola, qui futurus erat ultor Israelitarum contra Madian: & ob hoc iussit ei, quod hæc faceret. *Destruesque Aram Baal, quæ est patris tui.* Ara, & altare pro eodem accipiuntur generaliter in scriptura: quamquam nos vocemus Aram lapidem quendam consecratum positum super altare ad celebrandum: & ille lapis est altare, vocatur. saltare portatile. Ista Ara erat in publico loco: ideo poterat Gedeon ire per noctem

H 4 ad

*Gedeon instruitur ad destruendam aram patris idolatriæ.*  
*Cumque adhuc esset.* Hic ponitur tertium huius partis, scilicet ubi instruitur Gedeon ad destruendam patris idolatriam, & dicitur. *Cumque adhuc esset in Ephra.* idest, manebat adhuc Gedeon in Ephra, quando dicta sunt ei, quæ sequuntur, quasi dicat, quamquam excuteret Gedeon triticum, vt fugeret a facie Madianitarum, vt patet supra, tamen nondum fugerat, sed manebat in Ephra. *Quæ est familia Ezri.* idest, pertinet ista ciuitas ad familiam Ezri: est enim Ephra in sorte Manasse in dimidia tribu, quæ accepit sortem ad occidentem Iordanis, & cum diuiderentur vrbes huius tribus, per familias fuit Ephra in parte familiæ Ezri, quia familia Ezritarum est vna de familijs Manasse, vt patet Numeri 26. & de ista familia erat Gedeon. *Nocte illa dixit dominus ad eum.* scilicet, ista præcedentia dicta sunt ad Gedeonem, per diem cum excuteret triticum, quæ autem sequuntur dicta sunt per noctem in sequenti nocte. Ex hoc accipiendum est, quod ista dicta fuerint Gedeoni dormienti per somnium, & expergefactus surrexit, & fecit quæ iussa sunt, vt patet infra. In Hebræo non habetur ista litera sic, nec punatur sic: sed dicitur. *Et adhuc ipsum est in Ephra: & fuit* Alph. Tost. super lib. Iudicum.



ad eam & suffodere. *Quæ est patris tui.* idest, ista ara erat Ioas patris Gedeonis. hoc autem quia forte ipse eam construxerat: vel in aliquo prædio suo erat: vel ipse tribuebat impenas ad sacrificandum in ara illa: & ob hoc quando destructa fuit, non ausi fuerunt oppidani occidere Gedeonem: sed ierunt ad Ioas nuntiantes de suffola ara per Gedeonem quasi non perlineret hoc ad eos, sed ad Gedeonis patrem Ioas. *Et nemus quod circa aram est succide.* erant ligna plantata apud altare: & istud erat quasi generat in altaribus gentilium, quod apud illa plantarent arbores densas: ut expletis sacrificiis vacarent libidini inter illas arbores.

Apud gentium altaria specus & nemora erant ad libidinem exercendam.

& hoc maxime accidebat in sacrificio priapi, in quo velerant arbores apud altare ad libidinem exercendam: vel erant aliquæ specus occulte, in quas introibant cultores idoli, & vacabant libidini: & aliquando erat utrunque scilicet arbores, & specus. Sic patet 3. Reg. 15. cum dicitur de rege Asa, quod amouit Maacham matrem suam, ne esset princeps in sacris Priapi, & in loco eius quem consecrauerat: subuertitque specum eius, & confregit simulachrum turpissimum: & combussit in torrente Cedron. Ita autem fuit causa, quare Deus iussit, quod apud altare suum nunquam plantaretur lucus aut aliqua arbor, Deutero. 16. c. ne per hoc Israelitæ inclinarentur ad sacra Priapi, & inhonestam libidinem. Iussit autem Deus succidi nemus, ne maneret locus ad hoc, quod Israelitæ vellent restaurare altare, & haberent ibi nemus in quo exercerent libidinem sicut prius. Nunc verò licet restaurarent altare non haberent nemus: & sic non proderat altare. *Et edificabis domino Deo tuo.* scilicet, illud altare erat Baal: tu autem facies aliud quidem sic pro Deo tuo Israel. Cōsiderandum autem in hoc, quod hic multa facta sunt ex dispensatione Deo iubente, quæ nullo modo licuissent aliter ipsi Gedeoni. Primum est, quod ipse construxit altare: & nulli hoc licebat. Secundum erat, quod obtulit sacrificium cum non esset sacerdos: & hoc erat vetitum Num. 3. & 16. & 18. Tertium erat, quia obtulit extra sanctuarium, ubi nulli licebat. Leuit. 17. c. Quartum fuit, quia obtulit per noctem: tamen non licebat fieri hoc nisi per diem, nisi in sacrificio vespertino, quod incipiebat ad Solis occasum: & ardebat tota nocte, usque ad auroram. Quintum fuit, quod obtulit in sacrificio animalia dedicata ad idolatriam. Et hoc erat valde illicitum. Nam non solum hoc, sed etiam de manu gentilium non licebat, sumi aliquid ad sacrificium, eo quod omnia erant suspecta de idolatria Leui. 22. scilicet, De manu alienigenæ, non offeretis panes domino Deo vestro: nec quicquid aliud dare voluerit: quia corrupta sunt omnia. Sextum fuit, quia ad sacrificium sumpsit ignem alienum: tamen solum licebat sumi ignem altaris holocaustorum. Vnde Nadab, & Abiu mortui sunt, quia acceperunt de igne alieno, de quo Deus non iusserat Leui. 10. ca. Septimum erat, quia ad sacrificium istud fuerunt sumpta ligna de nemore consecrato idolatriæ, ut patet in litera. Nihil tamen de rebus idoli applicandum erat Deo.

Multa fecit Gedeon Deo dispense, quæ sibi non licuerant secundum legem.

*Quare Deus voluit, quod Gedeon nunc construeret ei altare in loco isto, &c.* *Questio XXXV.*

**Q**UÆRERE TVR quare Deus voluit, quod Gedeon nunc construeret ei altare in loco isto, cum hoc esset contra legem ab eo datam. Respondendum, quod causa esse potuit duplex. Vna quod Gedeon, ad hoc prius immolaret domino, quam iret ad bellum contra Madian: sed ipse iturus erat in breui: ideo voluit quod faceret sacrificium in Ephra. Hoc patet, quia consuetudo erat apud Hebræos, quod non irent ad bellum prius quam facerent sacrificia. Sic fuit de Saule, qui expecta-

**F**bat Samuelem. Et cum videretur sibi morari, & timeret, quod Philistiim irruerent subito super ipsum, obtulit sacrificium non expectato Samuele. Sic patet primo Regum decimotertio c. scilicet: Et dixi, Nunc descendent ad me Philistiim, & faciem domini non placui, necessitate compulsus obtuli holocaustum: & sic ista consuetudo inter Israelitas obligabat quasi lex, cum esset diuturna, & laudabilis. Secunda causa fuit, quia Deus voluit disperdere idolatriam de ciuitate Ephra, in qua erat Ara Baal: & ob hoc iussit, quod destrueretur Ara Baal. Non sufficebat autem ad hoc quod coleretur Deus: ideo expulso Baal voluit Deus esse quasi in possessione, quod ipse coleretur in Ephra, & non Baal: ideo iussit destrui altare Baal, & construi altare sibi: quia per hoc accipiebatur possessio ad colendum Deum, cum altare solum fit ad sacrificia.

*An licuit Israelitis offerre in altari a Gedeone constructo.*

*Questio XXXVI.*

**Q**UÆRERE T aliquis, an licuit Israelitis postea offerre in isto altari, quod construxit Gedeon. Respondendum, quod secundum Hebræos, & Nicolaum licitum erat. Dicunt enim, quod quandiu mansit sanctuarium in Sylo, & in locis extra templum Salomonis, licuit altaria construi in diuersis locis. Postea autem non. Hoc autem tempore manebat in Sylo: & mansit ibi usque ad tempus Heli summi sacerdotis. De quo primo Reg. 4. nam ibi dicitur, de ablatione arce, & paulo post ablatum est deinde sanctuarium: & ductum est in Nobe. Vnde tempore Saulis ibi erat, ut patet primo Reg. 21. & 22. c. Sed istud falsum est: quia postquam sanctuarium fuit collocatum in Sylo tempore Iosue cepit obligare lex, & fuit peccatum offerre extra sanctuarium, nisi ex dispensatione quadam, de quo dicitur primo Reg. 9. c. Dicendum ergo, quod nulli licuit offerre hic. Nam id quod ex concessione speciali factum est, non debet trahi ad consequentiam. Sic patet extra de electione. c. cum in cunctis. Deus autem concessit hoc Gedeoni, imò iussit ex causa speciali, quæ supra tacta est: & aliàs illicitum fuisset. Sed postea non fuit ista causa, nisi Deus specialiter mandaret: ideo nemini licuit, sed debebat manere istud altare in memoriam facti præteriti. Sic enim multa alia manserunt: ut illud de quo Iosue 22. & illud, de quo Exod. 17. & illud, de quo Exod. 24. cum duodecim titulis coniunctis loco duodecim tribuum Israel: & illud quod fabricatum est inter montem Hebal, & Garizim. De quo Deute. 27. & Iosu. octauo, & illud quod fecit supra Gedeon, & vocatur pax domini. *In summitate petre huius super quam sacrificium ante posuit.* idest, quod istud altare constructum est de aliquibus lapidibus super petram illam, in qua prius Gedeon obtulerat sacrificium, scilicet, quando tulit Gedeon carnes, & panes azymos, iussit angelus quod poneret super quandam petram, & ibi combusta sunt sacrificia. Sciendum, quod hic non fit demonstratio ad oculum: quia nunc non erat Gedeon in loco, ubi apparuerat ei angelus sub quercu, sed in domo sua: quia erat nox, ut hic dicitur, sed fit demonstratio ad intellectum: quia Gedeon nouerat lapidem hunc, de quo Deus loquebatur.

*Quare Deus permisit super lapidem illum fieri altare.*

*Questio XXXVII.*

**Q**UÆRERE TVR quare permisit Deus, super lapidem illum fieri altare. Respondendum, quod Deus elegit sibi locum sacrum: sed ipse iam consecrauerat miraculo suo petram illam, causando ibi ignem supernaturaliter ad cremandum sacrificium: ideo convenientius



uenientius ibi, quàm alibi fieret istud altare. Etiam quia hic erat iam vltus consecrandi: cum semel fuisset facta oblatio: ideo conueniebat ad deinceps offerendū. *Tollesq; taurum secundum.* Iste erat taurus impinguatus septem annis ad idolatriam, qui erat taurus populi. Hunc enim occidit Gedeon. *Et offeres holocaustum.* Id est offeres eum in holocaustum. scilicet faciendo omnes ceremonias holocausti decorando, & ablucendo intestina: omnes autem carnes ponendo in igne. vt patet Leni. primo. *Super lignorum struem.* Strues est tumulus, & super tumulum lignorum ponebatur holocaustum: nam primò incendebantur ligna valde, deinde superponebantur carnes animalis, vt cremarentur totaliter. *Qua de nemore succideris,* id est, ista ligna erant de nemore illo, quod erat apud altare Baal, & Gedeon debebat totum nemus succidere, & cremare in holocausto taurorum.

*Deus quare iussit offerri hos tauros idolo dicatos.*

*Quaestio XXXVIII.*

**Q**VAERETVR quare Deus iussit offerri hos tauros in holocaustum, qui erant dedicati ad imolandum idolo: cum posset Deus alia animalia habere in holocausta. Et quare iussit nemus succidi. Respondendum, quod Deus volebat hic extirpare idolatriam in ciuitate Ephra, vt deinceps solus Deus cole-retur ibi, & ob hoc voluit quod omnia, quae ad idolatriam pertinebant tollerentur: pertinebat autem altare ad idolatriam, quia in illo fiebant prophana sacrificia: ideo iussit illum suffodi, & sic fecit Gedeon: deinde illi duo tauri pertinebant ad idolatriam, quia primum eorum dedicatum tenebat loas pater Gedeonis ad idolatriam. Secundum verò totus populus consecrauerat, & iste impinguebatur a septem annis, vt esset solennis victima: vt ergo viri de Ephra non facerent magnificum festum Baal offerentes illos tauros, voluit Deus quod occideret eos Gedeon. De luto siue nemore, dicendum quod istud erat principium, quod ad idolatriam pertinebat: nam si altare suffoderetur facile, erat ibi vel alibi denuo construi: si verò occiderentur tauri illi dedicati facile erat haberi alias oblationes, destructo tamen nemore quod erat de ritu sacrorum necessarium, non poterat aliud sic aptum illico haberi: vnde si mansisset nemus ibi denuo constructum fuisset altare: debuit ergo succidi lucus tanquam principium pertinens ad idolatriam.

*Quomodo de tauris idolo consecratis fieri potuit holocaustum.*

*Quaestio XXXIX.*

**Q**VAERETVR vltius, quomodo potuit de istis rebus immundis fieri holocaustum domino, scilicet, de tauris consecratis idolo, cum Deus vetuerit hoc Leuit. 22. c. cum dicitur quod de manu alienigenae non sunt panes accipiendi ad offerendum domino, nec aliud quidquid dare voluerit, quia omnia contaminata sunt. scilicet suspecta de aliqua immunditia per adhesionem ad idola. A fortiori ergo quando de aliquo constat, quod ad idola pertineat, minus offerri poterit: sed de istis duobus tauris constabat, quod a multo tempore, scilicet, a septem annis erant publice dedicati ad idolatriam: ergo non debuisset de illis aliquid offerri. Respondendum quod licuit, & potest dupliciter dici, vno modo, quod ista quae erant consecrata illis: etiam si actualiter consecrarentur eis in altari non contrahebant aliquam consecrationem, vel benedictionem, per quam essent munda vel immunda: vnde non sunt prohibita a cibo idolothyta, vt ait Apostolus primè Corinth. 8. dicens, quod idolum nihil est.

non potest causari aliquid boni, vel mali ex eo: quia nihil est, id est nullius virtutis, vel efficaciae: & sic Deus voluit in sacrificijs suis munda solum offerri: consecrata autem idolis non erant realiter immunda, quamquam essent opinione legis immunda, ideo Deus in talibus poterat aliquando aliter interpretari, & sic fuit hic. Aliter & melius responderi debet, quod sacrificium dupliciter accipitur, aliquando enim est sacrificium propriè dictum, quod directè fit ad laudem Dei, & tunc debet fieri de his, quae statuta sunt in lege: aliquando verò sacrificium largè dicitur, pro quacunque re, quae destruitur, vel crematur ad honorem Dei: & isto secundo modo sacrificium fit interdum de immundis, imò magis de immundis quam de mundis: sic enim quando erat aliqua ciuitas idolatrarum debebat tota succendi, cum omnibus suppellectilibus suis, occisis prius omnibus animalibus eius, & omnia quae erant in vrbe erant posita sub grandi anathemate, vt nulli liceret de eis quicquam accipere: Deus tamen dicebat, quod omnia illa cremarentur in sacrificium eius Deuter. decimo tertio. Ecce ergo qualiter de immundis sumis est sacrificium, hoc autem non est directè sacrificium, sed indirectè in penam idolatrarum, & ne alicui humano ministerio applicentur, res eorum tanquam execrandae, iubeat Deus illas cremari propter se: sic fuit hic. Nam non fuit directè sacrificium, quia tunc accepisset Deus de alijs animalibus non dedicatis idolis, sed voluit idolatris causam idolatradia auferre, & ob hoc iussit sibi hæc offerri, ne idolis offerrentur. Et tunc concedendum est, quod de immundissimis sacrificia fieri possunt. Cum autem dicitur, quod non sunt accipienda dona de manu gentilium ad offerendum domino. Respondendum, quod intelliguntur de sacrificijs propriè dictis, quae nos Deo offerimus, secus autem de quibusdam sacrificijs largè dictis, quae ipse sibi offerri iubet. *Assumptis igitur Gedeon decem viris de seruis suis,* id est, ad explendum hæc sacrificia, & caeremonias istas non sufficiebat solus Gedeon, ideo accepit secum decem seruos suos. Fuit autem hoc ex dispensatione factum, quia isti non erant de stirpe sacerdotali, ideo non poterant esse ministri sacrificiorum, sicut hic fuerunt. *Fecit sicut praeceperat ei dominus,* scilicet, omnia supra posita tam de altari, & nemore, quam de sacrificijs compleuit. *Timuit autem domum patris sui.* id est viros de domo patris sui, scilicet, totam cognationem: nam multi erant, & prohibuissent Gedeonem hæc agere, si vidissent. *Et homines illius ciuitatis.* Nam in ciuitate Ephra erant alij, qui non erant de domo patris Gedeonis, qui etiam prohibuissent Gedeonem: quia cultum publicum Baal destruebat, ideo postea isti accusauerunt eum, vt patet infra in litera. *Per diem facere noluit.* scilicet, noluit facere sequenti die: nam ista per noctem reuelata sunt, scilicet, nocte illa, quae secreta est, postquam fecerat sacrificium super petram. *Sed omnia nocte compleuit.* scilicet, in illa nocte, quae reuelata sunt surrexit postquam dormiebant omnes viri oppidi cum seruis suis, & compleuit hæc. *Cumque surrexissent viri oppidi mane,* viderunt destructam aram. Nemo enim per noctem audierat hoc, fortè quia erat ista ara separata aequaliter ab habitationibus hominum, vt esset in loco sacro, & ibi potuerunt securè omnia complere: in aurora tamen viderunt, quia fortè pergebant ad sacrificium, vel ad orandum coram ara Baal, & erat ara destructa. *Lucumq; succisum,* scilicet, nemus quod erat iuxta aram, in quo vacabat libidinibus succidit Gedeon, & cremavit cum holocausto. *Et taurum alterum impositum super altare.* Iste erat taurus secundus, scilicet, qui impinguatus fuerat septem annis ad idolatriam, & alius erat taurus patris Gedeonis, vt patet supra.

*Quomodo*



Quomodo dicitur quod taurus iste erat impositus  
super altare. *Questio XL.*

**Q**VAERET aliquis, quomodo dicitur hic, quod taurus iste erat impositus super altare, quia Deus iussit specialiter de tauro isto, quod offerretur in holocaustum, ut patet supra. Respondendum, quod Gedeon fortiter completis omnibus alijs posuit istum taurum super altare, ut cremaretur, & iam erat quasi aurora, & tunc ut non videretur ab oppidanis recedens reliquit taurum incombustum super altare in prunis: illi vero venientes reppererunt eum super altare nondum crematum: fuit autem hoc conueniens, ut illi scirent tauros, quos dedicauerunt idolatriæ, iam crematos, nec inquirerent illos.

Quid factum sit de alio tauro Ioas. *Quest. XLI.*

**Q**VAERETVR ulterius, quid factum est de alio tauro Ioas, qui etiam ad idolatriam segregatus erat. Aliquis dicit, quod non fuit factum de eo quidquam, sed mansit. Sed dicendum, quod non stat, quia litera dixit, tolle taurum patris tui, & alterum taurum septem annorum. Si autem de illo nihil fieri deberet, frustra iuberet etiam Deus accipi. Dicendum, ergo videtur, quod Gedeoni iussu est, quod imolaret illum, & imolauit ipsum, scriptura tamen subticuit. Et tunc dicendum, quod illum taurum primo imolauit, & cremauit Gedeon, deinde circa auroram finito illo imposuit taurum alterum septem annorum super ignes altaris, & illum incombustum reliquit, vel præ angustia temporis, & illum reppererunt oppidani super altare. Super altare quod tunc edificatum erat. S. altare Baal erat suffossum, & erat constructum nouum altare super petram, in quo nunc erat taurus Deo oblatu. Dixeruntque ad inuicem, quis fecit hæc? istud dicebant admirantes, quis ausus fuisset facere hæc. Vel quis saltem desiderasset hoc facere, cum omnes essent cultores Baal. Cumque perquirerent auctorem facti, scilicet, diligenter inquisuerunt per præsumptiones & testes. Dictum est: Gedeon filius Ioas fecit hæc omnia. Istud dictum fuit a testibus, quia fortiter aliqui viderunt eum facientem aliquid horum, vel saltem viderunt eum per noctem ambulante, & euntem contra partem illam, quanquam non viderunt agentem, & ex similibus coniecturis collectum est ipsum egisse hæc. Et dixerunt ad Ioas, scilicet totus populus iuit ad Ioas petendo mortem Gedeonis, quia ista iniuria erat publica, cum Deus Baal esset Deus totius populi, & lucus, & taurus communia erant. Produces filium tuum, ut moriatur. id est, educ eum de domo, & trade nobis, ut occidamus eum. Non acceperunt isti Gedeonem propria auctoritate, eo quod Gedeon erat filius Ioas, qui erat princeps in familia Ezritarum, & sic erat princeps in loco illo, ideo ab eo petierunt illum nihil facere audentes contra illius præceptum: & quia Ioas noluit eis tradere Gedeonem, non conati sunt ulterius eum accipere. Quia destruxit aram Baal, & succidit nemus. Istæ duæ erant magnæ iniuriæ tunc; quia erant factæ contra Deum eorum, & contra totum populum; ideo reus mortis erat. Occiderat etiam Gedeon duos tauros consecratos, sed hoc non allegauerunt, quia non erat tanta iniuria. Quibus respondit: nunquid ultores estis Baal & pugnat is pro eo? Ioas noluit permittere occidi Gedeonem pro his, ideo conuertit verba colorata ad excusationem dicens: nunquid ultores estis Baal & pugnat is pro eo? q. d. ridiculum est, quia si Deus est, ipse debet vindicare iniurias suas: & non debetis vos pugnare pro eo. Vel potest aliter introduci per modum increpationis. S. quis vos constituit ultores Baal, & pugnatores pro illo? nã si ipse Deus est, ipse

se vindicabit. Qui aduersarius est eius moriatur antequam lux crastina veniat. q. d. moriatur aduersarius eius, si aliquem habet ante lucem crastinam: & tñ non occidamus nos eum, sed ipsemet occidat, si Deus est. Sicut patet ex litera sequenti. In Hebræo habetur. Nunquid ultores estis Baal, & saluabit is eum? Vbi litera nostra dicit, & pugnat is pro eo. Sed idem est, quia pugna pro aliquo fit ad liberandum illum. Si Deus est, vindicet se de eo, qui suffodit aram eius. Videbatur argumentum istud concludere ex utraque parte. S. quia aut erat Deus Baal, aut non: si non erat, non erat pugnandum pro eo, qui nullum honorem merebatur. Si autem erat Deus, ipse poterat seipsum defendere, & non oportebat quod aliquis pugnaret pro eo. Sed istud argumentum Ioas non tenebat: nam si Deus fuisset Baal, poterat seipsum vindicare, tamen non erat relinquendum ei quod se vindicaret, sed cultores eius debebant eum vindicare: sic patet de Deo nostro. Nam est Deus verus, si quis tñ blasphemet eum, vel publice velit destruere cultum illius, nos non debemus permittere, sed iudices tenent punire talia delicta, & si non punierint peccant mortaliter: quia sicut nos tenemur eum colere, ita tenemur iniuriatoribus suis repugnare, licet ipse neutro horum egeret, Ioas autem fecit istud argumentum apparens ad excusationem Gedeonis, ne occideretur. Ex illa die vocatus est Gedeon Ierobaal. Istud nomen est aduentitium. S. eueniens a casu: nam vocatur tribus nominibus iste. S. Gedeon, Ierobaal, Ierobesech: Gedeon est nomen proprium a natiuitate impositum, Ierobaal interpretatur resistens Baal. S. quia Ioas dixit, qui hostis est Baal vindicet se de eo, & non potuit se vindicare de Gedeone, qui erat hostis suus, visus est ei Gedeon restitisse: Ierobesech non reperitur apud nos: & tamen in Hebræo sepe ponitur Ierobesech, ubi litera nostra ponit Ierobaal: sic patet 2. Reg. 11. cum dicitur in litera nostra: quod occidit Abimelech filium Ierobaal. In Hebræo habetur filium Ierobesech, & interpretatur Ierobesech resistens confusio, vel verecundiæ: nam idola sunt confusio vel verecundia pro illis, qui faciunt illa & colunt: & quia Ierobaal dicitur resistens Baal, vel idolo, idem erit: nam Besech verecundia, vel confusio interpretatur: sic patet in Isbesech verecundia, vel confusio: nã vocatur Isbesech, vel Isbaal, de Isbesech. patet 2. Re. 2: & 3. & 4. de Isbaal patet primo Paralipom. octauo ca. & interpretatur Isbesech vir confusionis, vel verecundiæ: Isbaal autem vir idoli, vel Baal: & ista idem sunt. Eo quod dixisset Ioas: vlciscatur se Baal de eo, qui suffodit aram eius. Non enim propter hoc vocatus est sic, quia tunc non vocaretur Ierobaal, cum non interpretetur ultor Baal, vel vlciscatur Baal, sed interpretatur resistens Baal, sed vocatur Ierobaal, quia dixit ista Ioas, & non vindicauit se Baal de Gedeone, & tamen iste erat hostis eius: ideo videtur quod non potuerit Baal vindicare se de Gedeone, & quod restiterit ei Gedeon.

Igitur omnis Madian. Hic ponitur quartum, scilicet, datur signum ad certificandum victoriam. Et diuiditur in duo, quia primo ponitur quidam apparatus ad pugnam. Secundo subditur signum de certificata victoria. Dixitque Gedeon. Circa primum dicitur. Igitur omnis Madian, & Amalec, & orientales populi. Isti omnes veniebant contra Israelitas quolibet anno; & venerunt nunc in isto septimo, & erat præcipuus populus Madian, deinde Amalecite: orientales verò populi erant, ut Ammonite & Moabite: & ceteri qui erant ad frons orientalem terræ Israel. Congregati simul. Ut non possent eis resistere Israelitæ propter multitudinem eorum. Nam dicitur supra quod erant multi sicut locustæ. Et transientes Iordanem. Omnes isti populi introibant in terram Israel per Iordanem, quia Iordanis est in fronte orientali terræ Chanaan, Numer. 34. & omnes

Tria ha  
noia Ge  
deonis  
de origi  
nem tra  
runt.

Signu  
ad cer  
tificand  
victoria.

De situ  
danis.



& omnes isti populi erant orientales ad terram Chanaan, Amalecitæ autem poterant intrare in terram Israel per latus meridianum, quia attingebant ad latus meridianum terræ Chanaan, sed ut intrarent simul cum aliis gentibus, intrauerunt per partem orientalem, scilicet, per Iordanem. *Castrametati sunt in valle Iezrael.* idest, fixerunt castra in quadam valle apud urbem Iezrael: est enim Iezrael in forte Iudæ, ut patet Iosue 15. & est apud montem Gelboe, apud eam verò factum est bellum, in quo mortuus est Saul, & Ionathas: vnde dicuntur ibi fixisse castra. 1. Reg. 29. de hac urbe erat prima vxor David. scilicet Achinoem. Fortè autem Madianitæ, & aliæ gentes fixerunt castra in loco isto, quia ibi erant segetes maturiores, & ibi volebant depascere terram, & deinde extenderent se ad alia loca. Est etiam Iezrael non longè a Iordane, ideo transito Iordane castra fixerunt apud Iezrael, & hoc est verisimilius. *Spiritus autem domini induit Gedeon.* idest, spiritus domini venit super Gedeonem incitando eum ad bellum.

*Quis spiritus induerit Gedeonem. Quæst. XLII.*

**Q**VAERET aliquis, quis spiritus erat iste. Respon-  
detur, quod spiritus Dei multipliciter accipi  
potest. nã spiritus a spirando dicitur: & ob hoc omne  
cuius patet aliquis motus, vel impulsus, vocatur spiri-  
tus, & quia quilibet habitus existens in intellectu, vel  
voluntate est principium alicuius operationis, & quã-  
tum ad hoc videtur habere motum, vel impulsum  
quedam, vocatur spiritus: sic enim dicitur spiritus do-  
mini septuplex. scilicet spiritus sapientiæ, scientiæ, fortitudi-  
nis, cõsiliij, timoris, pietatis, intellectus, ut patet Isa. 11.  
sic etiam dicimus esse spiritum prophetiæ. scilicet quandam  
illustrationem factam in anima nostra, per quam in-  
tellectus noster mouetur ad intelligendum ea, quæ  
naturaliter intelligi non poterant: hic autem non ac-  
cipitur spiritus pro prophetia, quia non erat necessa-  
ria ad præsens, vel saltem non erat prophetia maximè  
necessaria, quia magis necessaria erat fortitudo, & pru-  
dentia bellica. Dicendum ergo, quod accipitur hic spiri-  
tus dñi pro spiritu fortitudinis. scilicet quia ante hoc Gedeon  
erat timidus: nam propterea excutiebat triticum, ut su-  
gereta facie Madian, ut patet supra in litera: nunc autè  
Deus dedit ei quandam animositatem, qua non for-  
midaret hostes, etiam si multi essent: vnde nõ timuit  
vocare paucos ad pugnandum contra omnes popu-  
los orientales. Sic accipitur 1. Reg. vndecimo, cum di-  
citur, quod spiritus domini insiliit in eum: & diuisit  
boues in frusta mittens per oēs terminos Israel, com-  
minatus, quod qui non exiret ad bellum, sic fieret bo-  
bus eius, erat ille spiritus fortitudinis, vel animositatis  
ad pugnandum contra Ammonitas. Iterum autem di-  
citur, quod incidit in eum spiritus domini. 1. Reg. 10.  
Sed ibi accipitur pro spiritu prophetandi. Quod patet,  
quia cum haberet obuium gregem prophetarum, in-  
siliit in eum spiritus domini, & cepit prophetare cum  
eis: ideo cum multiplex sit spiritus domini, debet ac-  
cipi secundum materiam subiectam, idest, secundum  
conditionem rei, de qua dicitur: hic autem dicitur de  
bello: ideo oportet quod accipiat spiritus pro robo-  
re, vel animositate. *Qui clangens buccina vocauit domum  
Abiezer.* Quanquã nullus elegisset Gedeonem in du-  
cem belli, ipse se fecit ducem: quia Deus incitabat eum,  
& vocauit domum Abiezer, idest, familiam Abiezer.  
Ista est familia Ezri, de qua supra dicitur, quæ aliquan-  
do vocatur Abiezeritarum, & aliquando Ezritarum  
secundum quod ipse, qui est caput familie habet mul-  
ta nomina. Vocauit autem illos, qui erant de ista do-  
mo, quia erant cognati sui, & promptius venirent ad  
adiutorium eius, quàm de alijs familijs, vel tribubus.

**A** *ut se sequeretur.* idest, ut irent quocunque ipse iret, scili-  
cet, quia nondum fuerat aliquid precõsiliatum de bel-  
lando: nec sciebant isti de domo Abiezer quid factu-  
ri essent; ideo tãquam nescientibus loquebatur quod  
sequerentur eum. *Misit q̃ nuncium in vniuersum Manasse.*  
Etiam misit nuncios ad vocandum totam tribum Ma-  
nasse, quod intelligitur de dimidia tribu Manasse, quæ  
erat ad occidentalem partem Iordanis: nam alia me-  
dietas manebat ad orientalem partem Iordanis cum  
tribu Ruben, & Gad, & quia diuisis erant locis ab alia  
tribu Manasse, in qua morabatur Gedeon ad occiden-  
tem Iordanis non vocauit illos: vocauit autè Gedeon  
tribum istam, quia erant cognati sui: & putauit quod  
gratè venirent. *Qui & ipse secutus est eum.* Putauerunt  
quod fortè Deus suscitasset eum liberatorem Israel,  
sicut suscitauerat alios iudices, ideo spontè venerunt.  
*Et alios nuncios misit in Aser, Zabulon, & Nephtholim.* Ad  
istas tribus etiam misit nuncios, quia istæ fortè habe-  
bant aliquam compositionem, vel amicitiam specia-  
lem cum tribu Manasse: ideo putauit quod facilius ve-  
nirent, & sic factum est. *Qui occurrerunt ei.* Cum sciam  
recessisset Gedeon de Ephra, & veniret versus castra  
Madian occurrerunt ei istæ tribus tres.

*Quare non vocauit Gedeon alias tribus cum vocatis  
istis. Quæstio XLIII.*

**Q**VAERETVR quare non vocauit Gedeon  
alias tribus, cum vocauerit istas. Aliquis dicit  
quod omnes vocauit, tamen non fit mentio, nisi de  
quibusdam. Dicendum, quod non stat, quia infra 8. c. cõ-  
questa est valde tribus Ephraim de Gedeone, cur non  
vocauerit eos, & ipse placauit illos verbis. Item patet,  
quia si omnes tribus vocasset, venissent de omnibus  
aliqui pugnatores, & cõgregati fuissent valde multi;  
tamen omnes simul solum erant 32. millia. Dicendū  
ergo, quod solum vocauit istas quatuor tribus. scilicet Ma-  
nasse, Aser, Zabulon, & Nephtholim. Causa autem po-  
tuit esse duplex. Prima, quia non erat necessaria tanta  
multitudo, quanta veniret de omnibus tribubus: nã  
non in multitudine exercitus erat victoria belli: sic e-  
nim dictum est ad Barac, quod cum pugnaret contra  
Sisaram, sumeret decem millia virorum de Zabulon,  
& Nephtholim supra quarto c. erat tamen penè innu-  
merabilis exercitus Sisaræ. Alia causa fuit, quia istæ tri-  
bus habebant fortè maiorem communicationem, &  
confederationem cum Manasse alijs tribubus, & ob  
hoc cognito quod Manasse iret ad bellum, ipsi quo-  
quẽ irent: fortè autem aliqui de alijs tribubus erant  
superbi propter dignitatem suam, & multitudinem,  
sicut tribus Iuda, & Ephraim, & Benjamin, ideo non  
dignarentur venire ad vocationem Gedeonis, ut es-  
sent sub ducatu eius, sic etiam in pugna Barac con-  
tra Sisaram non fuit tribus Iuda, nec Ephraim, ut col-  
ligitur supra quarto & quinto cap.

**E** *Quare Gedeon vocauit tantam multitudinem exercitus  
de quatuor tribubus. Quæst. XLIIII.*

**Q**VAERETVR vterius, quare Gedeon voca-  
uit tantam multitudinem exercitus, scilicet, de  
quatuor tribubus: nam Deus noluit quod pugnarent  
omnes, sed solum trecenti de triginta duo millibus,  
ut patet sequenti capitulo. Respondendum, quod  
Gedeon sciebat victoriam a Deo futuram, & non  
virtute hominum; ideo noluit vocare omnes tribus:  
essent tamen illæ, & plures necessariae, si viribus pu-  
gnandum esset contra Madianitas, & alios orientales:  
putauit tamen futurum sicut in alijs bellis, quæ facta  
sunt opere Dei, scilicet, sub Barac contra Sisaram: nam  
iussu

Prima vxor  
David  
Achinoem.

Spiritus pro  
prophetia quod  
dicitur.



iussu Dei accepit Barac decem millia virorum: sic etiam sub Aod & sub Hothoniele, supra tertio, Gedeoni autem non fuit dictum quot pugnatore acciperet, ideo accepit quos putauit conuenire, sicut fieri solebat tempore aliorum iudicum; Deus tamen voluit facere aliquid specialius tempore Gedeonis; ideo congregato toto exercitu trigintaduo millium virorum dixit Deus, quod erat multus exercitus, vt patet sequenti capitulo, & redegit illos vsque ad trecentos viros: hoc autem non fuit denunciatum Gedeoni ante congregationem exercitus, ideo congregauit tot: fuit autem conueniens, quod Deus permitteret Gedeonem congregare exercitum, vt postea iuberet dimittere illū; quia maior gloria erat sicut Dei triumphantis, quam si non conuenissent nisi trecenti pugnatore, quod cum eis vicisset Madianitas.

Dixitque Gedeon ad Deum: Si saluum facis per manum meam Israel, sicut locutus es, ponam hoc vellus lanæ in area: si ros in solo vellere fuerit, & in omni terra siccitas, sciam quod per manum meam, sicut locutus es, liberabis Israel. Factumque est ita. Et de nocte consurgens expresso vellere, concham rore impleuit. Dixitque rursus ad Deum. Ne irascatur furor tuus contra me, si adhuc semel tentauero, signum quærens in vellere. Oro vt solum vellus siccum sit, & omnis terra rore madens. Fecitque Deus nocte illa vt postulauerat: & fuit siccitas in solo vellere, ros in omni terra.

Signum  
de certifi-  
canda vi-  
ctoria.

Dixitque Gedeon ad dominum. Hic ponitur signum de certificanda victoria: nam petiuit Gedeon signum, & dominus ei dedit. Dixitque Gedeon ad dominum, idest, locutus est ad eum petens ab eo signum.

Quomodo Gedeon loquebatur nunc ad Deum, & qui sunt modi, quibus homo potest loqui Deo.  
Questio XLV.

**Q**VAERET aliquis, quomodo loquebatur Gedeon ad dominum. In quo sciendum, quod non potest dari hic talis modus, sicut cum Deus loquitur alicui: nam tunc nihil agit ille, cui Deus loquitur, sed Deus apparet ei, quando vult, & loquitur, & ille audit quæ dicuntur. Ad hoc autem, quod aliquis loquatur Deo, oportet quod ipse faciat Deum sibi apparere, aut saltem respondere sibi in voce, quando ipse quæserit. Respondendum, quod regulariter ad hoc erant tres modi, scilicet vulgarium, sacerdotum: & prophetarum. Modus vulgarium est, quod ipsi quando de aliquo voluerint habere responsum, petant a summis sacerdotibus, quod consulant dominum pro eis in vestibus sacris, & Deus respondebat: sic enim David, qui laicus erat, de dubijs circa bellum inquirebat per Abiathar in rationali, vt patet primo Regum vigesimo tertio, & trigesimo. sic etiam Deus instituit fieri: nam quando ipse constituit Iosue principem super Israel, dixit: pro hoc si quid agendum erit Eleazar sacerdos consulat dominum, vt patet Nume. 27. capit. Secundus modus erat sacerdotum magnorum: & isti poterant consulere dominum super dubijs duo-

bus modis. Primo modo in die propitiationis introeuntes in sancta sanctorum, vbi loquebatur eis angelus respondens ad quæsitum: de quo declaratum est Leuit. 16. capit. Secundus modus sacerdotum magnorum erat, quando ipsi volebant sæpe consulere dominum, quod induerentur rationali, & Ephod, & de quocunque inquirerent, respondebatur eis, vt patet Exod. 28. & iste modus erat pro quocunque tempore. Tertius modus erat prophetarum, & isti consulebant dominum super aliquo petentes responsiones, & vt Deus responderet eis orabant & ieiunabāt. Et post aliquot dies Deus respondebat: sic patet Iere. 42. capit. vbi consuluit dominum Ieremias pro filiis Israel, an deberent descendere in Aegyptum, & post decem dies respondit eis: sic etiam erat in Daniele, cui Deus ostendebat aliquas visiones, & non dabat intelligentiam illarum: ipse verò affligebat se ieiunio per multos dies quousque Deus ei responderet, & postea mittebatur ad eum Gabriel, vt declararet ei visiones, vt patet Daniel. 9. & 10. capit. Gedeon autem erat laicus, & non correspondebat ei regulariter nisi primus modus, scilicet, quod ipse consuleret dominum per sacerdotem magnum. Dicendum tamen est, quod ipse non fuit locutus ei per hos consultores: sed Deus voluit facere aliquid speciale in eo, scilicet, quod sicut eum destinauerat, vt esset liberator Israel: ita ei aderat in omnibus, quæ vellet responsum reddens: quia alioquin cum Gedeon esset adhuc vir imperfectus laicus, qui de Deo nulla magna cognouerat, diffideret se posse pertingere ad hanc rem magnam, ad quam Deus eum mittebat, & cessasset. Ideo dicendum, quod quandocunque Gedeon dubitabat de aliqua re, & volebat sibi Deum præsentem ad respondendum, apparebat angelus domini, & quærebat ab illo: & sic cum in duabus noctibus bis quæserit Gedeon a domino, aderat ei angelus in qualibet nocte ad respondendum. Vel potest dici, quod Deus non apparebat Gedeoni ad hoc quod loqueretur ei Gedeon, sed solum orabat Gedeon Deum, vt fieret sic vel sic: & orando dicebatur loqui ad Deum, licet Deus non responderet, cum faceret quod petebatur, & hoc satis rationabile est.

Quando & vbi Gedeon fecerit has signorum petitiones. Questio XLVI.

**Q**VAERET aliquis, quando & vbi Gedeon fecit istas inquisitiones, & petitiones signorum. Respondendum, quod hic fuerunt duo signa petita, & fuerunt in duabus noctibus consequentibus: in prima enim nocte petiuit, vt solum vellus esset roridum, & terra arida, & expressit concham roris. In secunda nocte petiuit aream esse complutam, & vellus siccū, & factum est, & tunc fuit certificatus Gedeon de istis signis. Dicendum est, quod habuit illa Gedeon antequam iret ad bellum: nam ipse misit ad vocandum quatuor tribus suprapositas, & dum veniebant expectauit paucis diebus, & tunc in duabus noctibus habuit ista duo signa, postea verò iuit ad bellum contra castra Madian. Ista tamen signa videtur habuisse in Ephra, sic patet sequenti cap. nam dicitur, quod post hoc Gedeon, & omnis populus qui cum eo erat, venit Madiā. Si saluum facis per manum meam Israel. idest, si vis saluare Israelitas de manu Madian per manū meam. i. me existente iudice & duce belli. Sicut locutus es. i. quia dixisti mihi, vade in hac fortitudine tua, & liberabis Israel de manu Madiā. Et iterum: ego ero tecum, & percuties Madian quasi vnum virū. Ponam vellus hoc lanæ in area. i. permittite quod ponam vellus lanæ in area: & quod tu facias complutum vellus. q. d. si feceris, vt peto, intelligam quod vis saluare

Primus  
signū  
deus.



uare Israel per manum meam, alioquin intelligam, q̄ non saluabo Israel. Si in solo vellere ros fuerit, & in omni terra siccitas. i. q̄ in tota terra, q̄ in circuitu est per aliquam tam distantiam nulla oīno sit gutta rosis. Sciam quod per manum meam sicut locutus es liberabis Israel. i. ex hoc cognoscam certissimè q̄ liberabis Israel per manum meā. i. me ducē exercitus: alioquin dubitabo de hoc an facturum sis. Factumq̄ est ita. i. quod posuit Gedeon vellus in area, & apparuit complutum vellus tota area sicca manente. Et de nocte confurgens. Istud signum per noctem fuit, quia ros de nocte venit, & surrexit de nocte ne falleretur in signo per diem surgendo: utpote si surgeret per diem, & calor diei desiccasset rorem leuē terræ, & adhuc maneret in vellere, & putaret euenisse signum, & nō euenisset: surgendo autem per noctem, si aliquis ros ceciderat: siue super vellus, siue super aream manifestè appareret, quia non esset cōsumptus calore diurno. Expresso vellere concham compleuit. i. tantum fuit de rore in vellere, quod exprimendo illud repleta est cōcha. Istud erat signum manifesti miraculi: quia istud non erat sicut in rore, qui cōiter accidit, sed velut, si vellus missum fuisset in flumē. & subintelligendum quod in terra nullus ros erat, quia ita petierat Gedeon, alioquin non fuisset ex hoc certificatus ad aliquid.

An peccauerit Gedeon petendo hoc signum a Deo pro certificatione victoriae. Quæst. XLVII.

Hebræorū  
rñsio ad q̄-  
stionem.

**Q**UÆRETUR circa hoc, an peccauerit Gedeon, petendo istud signum a Deo pro certificatione victoriae. Respōdent Hebræi, ut ait Rabbi Dauid Kimhi, q̄ non peccauit, quia peccatum est cum quis dubitat de potentia Dei ad faciendum. san potest facere hoc vel illud. dubitare tñ, an aliqd faciat non est infidelitas, nec peccatum. Sed ista rñsio nō stat, q̄ p̄ctm infidelitatis est, in quantum negamus aliquam Dei perfectionem, vel non assentimus illam esse. In Deo autem non solum est summa potestas, sed ēt immensa bonitas, ideo sicut negare Dei potestatem infidelitas est, ita negare eius bonitatem. qui autē negat Deum aliquid agere posse, q̄d non includit contradictionem negat potentiam Dei, & est infidelis; qui autē negat, vel non credit Deum facere quē promittit, vel qui asserit negat bonitatem Dei: ergo est æqualiter infidelis cum illo, qui negat Dei potentiam. Fortè dicas q̄ in Deo non est tanta perfectio bonitatis, sicut potētia, q̄d falsum est; quia oīa absoluta in Deo sunt idem. Quod autem negetur bonitas illo modo patet, q̄ ad bonum virum p̄tinet complere p̄missa, vel obseruare veritatem in verbis: alioquin Deus esset mendax & infidelis: sic autē arguit apostolus. 2. ad Tim. 2. c. i. si nos credimus fidelis ille p̄manet, & seipsum negare non p̄t. q. d. quia Deus fidelis est: non pōt negare nobis p̄mium p̄missum: si ergo negaret, vel non seruaret promissa vel assera, non maneret fidelis. Sed dicendum infidelem, vel posse esse infidelem infidelitas pessima est: ergo q̄ non credit, vel qui dubitat an De⁹ faciet ea, q̄ promittit, infidelis est: & sic non stat positio istorum Iudeorum. De Gedeone autem sic erat, quia Deus dixerat ei, q̄ per manum ei⁹ traderet Madianitas in manus Israelitarum: ergo si dubitaret an sic futurum esset erat infidelis. Aliquis dicet, q̄ non peccauit, quia sic declaratum fuit supra, q̄ Gedeon petens signum non peccauit. Rñdendum, quod non est idem hic, & ibi: nam ibi Gedeon nondum cognoscebat an ille, q̄ loquebat̄ esset p̄pheta vel angelus, vel alius hō; ideo voluit hñe signum, & petiuit signum in sacrificio combusto sup petram: hoc autē licitum erat, q̄ Deus p̄mittebat, q̄ peterent signa a p̄phetis Deut. 18. ca. nunc tñ

**A** erat certificatus: quia iam certificauerat eum angel⁹; ideo q̄ denuo peteret signum vñ infidelitatis cuiusdā. Dicendum ergo, q̄ satis apparet Gedeonem dubitasse circa verba Dei, & errasse: nā angelus apparuit Gedeoni, & dixit ei, q̄ p manum eius liberaret Israel, & q̄ p̄ceteret Madian tanq̄ vnum virum. & Gedeō tunc solum dubitauit, q̄a nesciebat quis esset, qui loquebat̄. Probauit at̄ postea angelus dictum suum p̄ miraculū: nā cremauit sacrificium sup petra non appposito igne, & postea iterum locutus est ad eum iubens alia; ideo non debuisset Gedeon maiorem petere certificationem. Item ipsemet p̄fessus fuit, hoc dicens: si saluum facis Israel p̄ manus meas, sicut locutus es. Item, quod amplius est, Deus imisit sp̄m ipsi Gedeoni ad pugnam contra Madian, & tunc ipse misit nuncios, & congregauit populum: non debuisset ergo dubitare de p̄missione Dei facta cum immitteret ei sp̄m ad hoc faciendum. Item, q̄d maius est, si Gedeon nunc semel tñ petiisset signum, aut ī solo vellere, vel in sola area, esset aliqd tolerabile: sed duplex signū petijt. i. vna nocte in vellere, & alia nocte in area: cum q̄dlibet istorum esset sufficienter expressiuum & certificatiuum. Nō est ergo dubitandum Gedeonem fuisse nimis infidelem, & peccasse grauiter in his nisi aliquid sit, per q̄d excuset̄. Sed aliquis arguet, q̄ nullo modo peccauit, quia tunc Deus non condescendisset alicui signo ab eo petito, condescendit tñ singula faciens, ut ille petebat: ergo non peccauit. Respondendum, q̄ hoc non probat: nā quanquam aliqui peccatores sint, nō desinit De⁹ operari per illos. Sic fuit de Balaam, qui erat nequissimus: & conabat̄ Deo repugnare: Deus tamen loquebatur & p̄dicebat futura per eum, ut patet Num. 22. & 23. & 24. c. Idem patet de Caipha, qui malus erat: tñ spiritus sanctus locutus est p̄ eum Io. 11. Sed adhuc obijcietur, quia Deus non exaudit peccatores, ut patet Io. 9. & intelligitur quantum ad operationem miraculorum sicut in casu isto. i. quia dicebatur ibi Christum esse peccatorem, & rñsum est ibi, q̄ non erat peccator cum oratione sua Deus sanasset cecum, quia scim⁹ q̄ peccatores Deus non exaudit. ergo si esset peccator Gedeō Deus non exaudiret eum orantem, ut fieret miraculum. Respondendum est, quod Deus non exaudit peccatores, ut faciat pro eis miracula, si miracula sunt solum in fauorem eorum: si tamen sunt in fauorem aliorum, interdum Deus exaudiuit eos, sic fuit hic: q̄a istud miraculum certificationis fiebat in fauorem totius Israel, potius quā in fauorem Gedeonis, ideo ēt si ipse esset peccator exaudiret eum. Sic n. Spiritus sanctus p̄ Caipham locutus est de salute totius orbis, per mortem Christi, licet Caiphas iniquus esset; quia ista verba non erant in fauorem Caiphe, sed ad vtilitatem totius orbis. Manet ergo semper, q̄ erat Gedeon infidelis ex his, nisi sit aliquid, per quod excusatur. Nicolaus excusat eum, quod quando signum petitur ex diffidentia promissionis, est p̄ctm infidelitatis: si tamē petitur ex quadā familiaritate colloquutionis diuinæ, non est p̄ctm. sic fuit de Gedeone: nam ipse non diffidebat complendum esse, quod dictum fuerat; sed quia familiariter Deo poterat loqui; petebat sæpe sup eadē re. Sed adhuc istud non satisfacit; q̄a familiaritas loquēdi est cum aliquis plura loquitur q̄ alias locuturus esset, & cum maiori confidentia non formidando durum rñsum: non tamen facit petere supflua oīno. Hoc dato, aut erat oīno certus Gedeon, q̄ Deus daret ei victoriā de Madianitis, sicut p̄miserat: aut dubitabat; si dubitabat ecce infidelitas, q̄ non excusatur p̄ familiaritatem loquēdi: nec tunc fieret petitio signi p̄ familiaritatem, sed p̄ dubitationem. Si autē dicatur quod oīno erat certificatus, q̄ haberet victoriā contra Madian, frustra erat q̄rere signum super hoc, potissimè quia non semel,

Doc. rñsio  
ad quæstionē  
q̄ Gedeon  
peccauit ī  
petendo si  
gna.

Duplex a  
Deo signū  
petijt Ge-  
deon.

Gedeonis  
excusatio.  
per Nico-  
laum.



Alia excu-  
satio Ge-  
deonis.

semel, sed bis petiuit cum magna instantia: non ergo  
p̄t dici quin Gedeon dubitauerit, quia verba sua ma-  
nifeste hoc signant. Sed p̄t aliter excusari Gedeon. s.  
q̄ ipse certificatus erat primò, q̄a Deus traderet Ma-  
dian in manus ei⁹, quia tñ p̄missiones facte a Deo itel-  
ligunt semp cum condōne, et si non exprimat aliqua  
conditio, vt patet Iere. 18. s. repente loquar de regno, &  
gente, vt edificem & plantē illud: & si fecerint malum  
sup oculis meis p̄niam agam super bono, qd̄ locutus  
fuerā, vt facerem illi: & sic Gedeō timere posset quod  
quanquam Deus promississet hoc agere, & verba Dei  
firma sunt: tñ p̄p demerita ei⁹, vel aliquorum de Israel  
mutaret qd̄ dixerat. Dubitabat ergo an hoc eueniret  
nunc, ideo licet primò certificatus esset, petijt nūc cer-  
tificari, vt sciret si Deus mutauisset interim sn̄iam p̄p  
demerita alicuius. Ista excusatio est nimis legitima, &  
p̄cordat l̄rā; quia confitemur sic dubitasse Gedeonē,  
tñ ista dubitatio non inducit p̄c̄m. Sed adhuc nō suffi-  
cit ista r̄nsio, quia si ob hoc dubitasset Gedeon solum  
petiuisset vnum signum. s. quia primò certificatus fue-  
rat supra ab angelo; ad sciendum aut̄ an iterum fuisset  
mutata sn̄ia Dei p̄p demerita sua, vel populi, sufficie-  
bat petere vnum istorū signorum. s. in area, vel in vel-  
lere: petijt tñ in vtroq;: & vnum post aliud, ergo non  
egit ex hoc: sed dubitans an Deus ageret, & nequaquā  
p̄p mutationem meritorum ppli. Sed adhuc respon-  
debit, q̄ hoc non concludit; quia ista duo signa petita  
sunt in duabus noctib⁹ succedentib⁹ sibi, & inter vnā  
noctem, & aliā poterat mutari sn̄ia Dei, cum Israelitae  
in vna die possent agere aliquid, per qd̄ demereretur  
a Deo adiuuari, sicut p̄miserat eis: quia Iere. 18. d̄r: re-  
pente loquar de gente & regno, & sic repente mutat  
sn̄ia Dei: ideo non erat irrationabile petere sequenti  
nocte p̄ mutatione, si qua erat. R̄ndendum, q̄ hoc nul-  
lo modo stat, quia nunc cum in qualibet hora possit  
Dei sn̄ia mutari, et si nunc De⁹ respōdeat super aliqua  
re, oportunitas erit in sequenti hora rursus petere: &  
licet in illa, vt in prima respondeat, expediet petere in  
3. & 4. & sic nunq̄ cessare a requisitione, qd̄ est valde  
absurdum. Item non stat, q̄a Gedeon non attendit ad  
hoc: nam tunc cum bis q̄sierit et sequenti die iterum  
inquirere debebat, & in quolibet sequēti die quousq;  
obtineret victoriā: quia hoc modo non magis aliquis  
certificat p̄ duas responsiones q̄ per vnā, nec magis  
p̄ mille q̄ per duas. Gedeon non q̄siuit amplius super  
hoc, sed illico iuit ad bellum, & licet aliq̄ dies itercide-  
rint inter ista signa posita & bellum, nō petiuit aliqua  
signa illis dieb⁹: ergo non petebat p̄p certificationem  
de mutatione sn̄iā, sed quia ignorabat an De⁹ comple-

Causa po-  
sitionis ho-  
rum signo-  
rū Gedeo-  
nis.

An Gedeō  
mortaliter  
peccarit.

re vellet, qd̄ promiserat. Dicendum, q̄ causa positionis  
horum signorum fuit magna dubitatio Gedeonis: nā  
Iudei erant & fuerunt semp nimis increduli: nec ali-  
quid credunt, nisi multa signa p̄cesserint: sicut ap̄tus,  
1. ad Corint. 13. Iudei signa petunt, Gr̄ci autē sapiam  
q̄runt. Erat insuper Gedeon rusticus non cognoscens  
virtutem Dei, nec p̄dōnem in obseruatione promisso-  
rum: erat et timidi cordis. s. quia non confidebat reb⁹,  
nisi quas videbat, ideo licet semel petiuisset signum,  
iterum petebat quousq; visum est sibi, q̄ erat sufficie-  
ter certificatus: ideo De⁹ sciens p̄ditionem eius, conde-  
scendebat ei in his signis, imò & alia superaddit, q̄ nō  
petebat Gedeon. Quod patet seq. c. qñ Deus iussit Ge-  
deoni, q̄ descenderet in castra Madian, & fecit quod  
ibi quidam enarraret alteri somnium & interpretatio-  
nem eius in fauorē Israelitarum. Sed tunc dicet cum  
tñ dubitauerit Gedeon, an peccauerit mortāl. Aliq̄s  
dicet quod non, quia ponitur in catalogo sanctorum,  
vt patet ad Hebr̄eos 11. vbi ap̄s noīat viros sanctos lau-  
datos, inter quos ponit Gedeon. Item & efficacius pa-  
tet, quod non fuerit dubius, vel infidelis, quia dicitur ad

Hebr̄eos 11. Sancti per fidē vicerunt regna, operati sunt  
iustitiam, & ponit ibi exemplum de Gedeone & aliis:  
ergo iste fidē habuit. Item quia d̄r ibidem, quod hi  
oēs testimonio fidei probati sunt, & tamen ante hoc  
ponitur de Gedeone, & alijs, ergo fuit fidelis. Respon-  
dendum, q̄ ista non obstant, quin potuisset in hoc Ge-  
deon peccasse mortāl. Ad primum dicendum, quod  
quanquam aliquis ponat in catalogo sanctorum, non  
sequit quod non peccauerit; sed sequitur quod non  
finiuit in p̄c̄ō. Nā Dauid ponitur in catalogo, imò te-  
stimonio Dei laudatur nimis, quia d̄r. 1. Re. 13. Inueni  
virum f̄m cor meum, & p̄cepi ei, vt pasceret populū  
meum Israel. Idem patet Psal. 88. & tamē grauitē pec-  
cauit Dauid in homicidio, & adulterio. 2. Re. 11. Item  
Iep̄te Galaadites peccauit, quia erat princeps latronū,  
& agebat p̄das ip̄se, vt patet infra 11. ponitur tamen in  
catalogo sanctorum virorum, quos laudat ap̄s, vt pa-  
tet ad Hebr̄eos 11. Ad f̄m dicendum, quod Gedeon lau-  
datur per fidem, quia licet a principio non crediderit,  
tamen postea sepe a Deo certificatus credidit: hic autē  
adhuc erat aliqua fides, q̄ laudabilis erat; quia non vi-  
dens victoriā aliquam, nec sentiens se h̄re excellentiā  
sup hostes, solo Deo iubente, accepit trecētōs viros,  
& perexit p̄tra innumerabilem penē multitudinem  
Madianitarum. Ad tertium dicendum eodem modo  
q̄ Gedeō p̄batus fuit testimonio fidei cum alijs, quia  
licet a principio fuit aliquāliter infidelis, postea credi-  
dit, & non dubitauit se exponere morti contra hostes  
postquā credidit: nam sufficit ad esse aliquem fidelē,  
quod qñ fuerit infidelis, q̄ aliquando credat. sic patet  
de Thoma, q̄ dixerat quod non crederet Christū sur-  
rexisse, nisi mitteret manū suam in lat⁹ eius, & videret  
loca clauorum, & tamen Ch̄s veniens dixit ei: noli  
esse incredulus, sed fidelis: ergo quanq̄ nimis fuisset in-  
credulus, poterat adhuc esse fidelis in eadem re: & sic  
de Gedeone, quanq̄ a principio nimis dubitasset, pote-  
rat postea esse probatus testimonio fidei: & sic fuit, q̄a  
p̄ solam fidem exposuit se rebus durissimis. Dicendū,  
quod de Gedeone nō est dubium, quin peccauerit ve-  
niāl, sed an peccauerit mortaliter, est dubium: pecca-  
ta tñ infidelitatis magna sunt, sed p̄t dici quod quanq̄  
in alio viro propheta, vel sapiente q̄ habuisset aliquam  
experientiam de colloquutione Dei, vel de p̄prietatib⁹  
eius, esset p̄c̄m totiens signum petere: in Gedeone tñ  
quia erat vir simplex & inexpertus sermonis, vtpote q̄  
putauit se moriturū, quia vidit angelum dñi, non erat  
hoc p̄c̄m. Nam multa in vno sunt p̄c̄m, q̄ in alio non  
reputātur mala. Si tñ aliquis asserere velir Gedeonem  
peccasse mortaliter in hoc, non resisto ei, quia satis est  
ei rationalis confirmatio, nec est inconueniēs cum  
peccasse mortaliter.

Dato quod non peccasset Gedeon, petendo signum sepe, an pec-  
casset petendo tale signum. Questio XLVIII.

Q V A E R E T V R vltorius, dato quod nō peccas-  
set Gedeon petēdo signum sepe, an peccasset,  
quia petijt tale signum. s. in vellere & area. Aliquis r̄n-  
debat quod sic, quia petere tale signum p̄tinet ad au-  
gurium: sunt autē auguria illicita. Quod patet, quia si  
De⁹ dixisset Gedeoni, quod traderet Madian in man⁹  
eius, & ad hoc traderet ei istud signū de area, vel velle-  
re, debebat illud suscipere Gedeon, & non erat aliqua  
sup̄stitio: quod tñ ip̄se Gedeon poneret sibi istud  
signum dicēs, quod si esset vellus complutum, & area  
sicca, intelligeret quod De⁹ volebat tradere ei Madiā,  
aliās non, videbatur esse sup̄stitio. & per istum mo-  
dum Deo nihil nobis respondente poteramus nos cō-  
sulere Deum, & conari accipere certificationem de  
qualibet re, vtpote si quis dicat, si in via inuenero talē,  
vel talem rem, intelligo quod Deus vult, quod expe-  
diam.



diuini negotium, pro quo venio: alioquin nō. Et istud nihil aliud est, q̄ obseruare auguria in auihus, quod est oīno superstitiosum. Item patet, quia hoc gentiles obseruabant, sic patet. 1. Mach. 5. c. cum dixit Timothe⁹ principibus exercitus sui: cum appropinquauerit Iudas, & exercitus eius ad torrentem aquarū; si transierit ad nos prior non poterimus sustinere eū, quia potens potest contra nos, si vero timuerit transire, & posuerit castra circa fluuium, transfretemus ad eum, quia poterimus contra Israel. Iudeis tamen prohibita erant ista, quibus gentibus utebantur. Respondendum, q̄ non fuit superstitio in petitione signi huius in vellere, & area. Pro quo considerandum, q̄ talia signa s̄m se sunt auguria, cum homo constituat sibi aliquid, per quod diuinum iudicium cognoscere conetur, Deo nihil dicente, efficitur tamen istud signum interdum non superstitiosum, & hoc per duo: primum est si illud signum quod ponitur non possit euenire, nisi supernaturaliter, vt si quis dicat, si Deus suscitauerit istū mortuum, intelligam q̄ vult prosperare iter meum, alioquin non: si tunc suscitet illum mortuum manifestū est, quod a Deo factum sit: & sic colligitur q̄ Deus velit prosperari iter illius. Secundum est cum ista signa ponuntur pramissa oratione ad Deum, quod ipse dirigat illa, & ostendat sententiam suam per ea. Nā tunc Deus oratus interdum eō descendit, & ostendit quid velit. In signo autem Gedeonis fuerunt ista duo. Primum, quia non videtur q̄ possit hoc accidere, nisi supernaturaliter ab aliquo agente intelligente. s̄ in prima nocte esset vellus in idens, & tota area sicca. In secunda autem terra compluta, & siccum vellus, & sicut petebat Gedeon ita eueniebat. Secundum etiam fuit hic, quia Gedeon posuit istud signum pramittēs oronem: nam dixit oro, vt solum vellus siccum sit, & tota terra rore madēs, similia autem exempla sunt in scriptura: nam sic Eliezer seruus Abraham scire volens an Deus prosperum egisset iter illius, posuit signum dicens: Ego ito ad fontem & puella, cui dixerō, inclina hydriam tuam vt bibam, & illa responderit: bibe tu, & chamelis tuis dabo potum, illa est, quam praparaui seruo tuo Isaac, & per hoc sciam, quod feceris mihi misericordiam cum dño meo. Ille autem pramissit oronem ad inuestigandum sententiam Dei, per istud signum, & sic euenit, vt ipse petiuit Gen. 24. & iste non dī peccasse. Sic quoq; Ionathas volens ire ad pugnandum contra Philistinos cum armigero posuit signū, dicens: Ecce nos transibimus ad viros istos, cumq; apparuerimus eis, si taliter locuti fuerint ad nos: manete donec veniamus ad vos, stemus in loco nostro, nec ascendamus ad eos: si autē dixerint, ascendite ad nos, ascendamus: quia tradidit eos dñs in manib⁹ nostris: hoc erit nobis signum, vt patet 1. Re. 14. & sic factum fuit postea. Pramissit autem oronem ibi Ionathas, vt patet ex litera: sic etiam apostoli electuri vnum loco Iudæ posuerunt sortes ad inuestigandum diuinā sententiam, & dixerunt: Domine Deus, qui corda nostri omnium, ostende quem elegeris ex his duobus, vnū accipere locum ministerij, de quo prauaricatus est Iudas, vt patet Actū. 1. c. & Deus ostendit voluntatem suam faciens, q̄ caderet fors super Mathiam, quem ipse elegerat: in his tamen omnibus nihil est, quod minus videatur pertinere ad superstitionem, quā quod egit Gedeon: nam in omnibus cōe fuit, q̄ ista signa nō ponerentur, nisi pramissa oratione, tñ factum Gedeonis fuit supernaturaliter eueniens. Alia autem poterant contingere aliter naturaliter: nam nūc aream totam siccam fore vellere compluto: & rursus terrā madescere vellere desiccato eo modo, quo petebat Gedeon agentis ab intentione est: & nō videbatur posse contingere, nisi supernaturaliter. In seruo Abraham po-

terat accidere aliter, quā da to q̄ Deus nō mouisset specialiter cor puellæ; poterat ipsa ex liberalitate offerre viro potū, & chamelis suis. De Ionatha eodem mō, q̄ dicerent ei hostes ascendite, vel manete in ipsis erat: & non oportebat q̄ poneret aliquid supernaturale. Sic ēt fuit de sortib⁹ ap̄lorum: nam licet verum sit, q̄ Deus fecit, q̄ caderet fors super Mathiā, tñ ēt si ipse specialiter non ageret poterat cadere, quā necesse erat, q̄ caderet super eum, vel super alium. Considerandum q̄, quamquam, oīa ista fuerint licita, non fuerunt simpliciter licita, sed ex dispensatione, q̄ patet, quia Ecclesia nō tolleravit, id q̄ semel apostoli fecerunt, nec est nunc licitum id fieri. Item patet hoc efficacius, quā quolibet istorum poterat accidere error magnus, ita vt non cognosceret voluntas Dei per hęc, & fallerentur inquirentes. In primo. s̄ de Eliezer seruo Abraham patet, quā ipse dixit q̄ mulier, q̄ dixerit ei: bibe tu, quin ēt chamelis tuis potum tribuam. nam poterat accidere, q̄ nulla de toto populo, vel de venientib⁹ ad fontem hoc ei diceret, & tñ in illis erat aliqua, quam Deus elegerat per Isaac. Item poterat accidere, q̄ quolibet puella, hoc ex liberalitate diceret, & falleret Eliezer, quia poterat putare aliquam paratā esse q̄ nō parata erat dño suo. In signo Ionathæ poterat accidere error: nam poterant Philistini dicere ei, accedite ad nos, & ostendemus vobis rem, & tñ Deus non intenderet tradere Philistinos in manu Israelitarum; quia ista verba ad vtrumq; euentum flecti poterant: vel poterat dicere, manete donec eamus ad vos, & forte Deus disposuisset dare victoriā Iudæis. In signo etiam sortium ap̄lorum non erat cōueniens inquisitio. quia poterat esse, q̄ fors caderet super illum, quem Deus non elegisset; quia Deus permittit hoc propter peccata apostolorum male eligentium; sicut Deus permittit regnare hypocritam propter peccata populi, vt patet Iob 34. & hoc modo Deus permittit, interdum iniusta omnia propter peccata eorum, qui tolerant illa: et de his dicit dñs, regnauerunt, & non per me; principes extiterunt, et nō cognoui: vt patet Osee 8. c. Ideo in his tribus signis s̄m se magna erat superstitio, & illicitum opus: sed Deus ex dispensatione conuertit illa in bonum, & ostendit voluntatem suam per ea. In signo etiam Gedeonis poterat esse error: nā dato q̄ Deus mitteret rorem super vellus, & rursus super aream: non sequitur q̄ signaret, quod traditurus erat Madianitas in manus Gedeonis, quia propter peccata Gedeonis. s̄ quia per superstitiones consulebat eum, poterat iuste permittere eum errare. s̄ q̄ euenirēt ista signa, & non traderetur Madian in manus Israel, nec Deus in hoc fallebatur: quia ipse nihil promittebat, nec dabat signum, sed Gedeon petebat illud. Dicendum igitur, q̄ omnia hęc, et similia secundum se illicita sunt, et superstitiosa: licuerunt tamen istis, quia erant viri imperfecti, & in statu imperfecto. s̄ tempore veteris testamenti. Apostoli etiam, qñ posuerunt sortes imperfecti erant, quia nondum acceperant Spiritū sanctum, quia de his sortibus dī Act. 1. et de missione Spiritus sancti dī Act. 2. post missionem autē Spiritus sancti, iam non vsi sunt sortibus, sed per electionē susceperūt oēs ministros, sicut patet in Stephano, et aliis sex viris, quos elegerunt, vt præessent viduis. Act. 6. c. Licetum ergo fuit signum Gedeonis ex permissione. Dixitq; rursus ad dominum. Hic petiuit secundum signū. Et potest intelligi q̄ locutus est ad dñm apparente sibi angelo Dei, quādoque ipse loqui vellet. Vel q̄ ista dicebat Gedeon orando, et non apparebat sibi angelus: confidens tamen quod Deus faceret, quā ipse petebat ponebat signum, et istud est rationabilius. Ne irascatur furor tuus contra me. Hoc dicebat Gedeon: quia cum semel tentasset, & reperisset signum, non debebat conari iterum petere: & quia Deus poterat ratio-

De forte  
an liceat  
forte nut-  
tere.

In signo  
Gedeonis  
hęc duo  
fuerunt.

Determi-  
natio.



rationabiliter irasci ei, & imputare hoc ad penam ait: Ne irascatur &c. Sic locutus fuit Abraham ad dñm. Gen. 18. quando sepe orauit, ne deleteretur sodoma, si reperirentur tot iusti; & semper diminuebat: & vt nō irascereetur Deus frequentatis petitionibus prēmittere illud. *Ne irascatur &c. Si adhuc tentauero. i. si iterum solum tentauero. Signum quærens in vellere.* Non erat signum in vellere solum, sed etiam in terra, quia hac vice debebat esse terra compluta, & vellus siccum. *Oro ut solum vellus siccum sit: omnis autem terra rore madens. i. tota area, vel tota terra, quæ est in circuitu velleris ad aliquantam distantiam. Fecitq; dominus nocte illa, ut postulauerat.* Istud fuit nocte secunda, quæ in duabus noctibus acciderunt ista duo signa. *Et fuit siccitas in solo vellere. i. vt nulla gutta roris appareret in eo: imò nec appareret tenerū tactu nocturni aeris, sicut oīa nocturna tacta aura mollescent ēt si ros non sit, quia humidior nox est regulariter die. Et ros in omni terra. i. in tota terra in circuitu, & erat tota continuatē, & vniformiter madens, ne putaretur qd si esset per partes madens, qd ēt accidisset in loco velleris nullum distillare rorem.*

*Quod istorum fuerit maius signum. Quest. XLIX.*

**Q**UÆRET aliquis, quod istorum fuit maius signum. Respondendum, qd vtrunque fuit supernaturaliter: nam non erat verisimile naturaliter accidere, qd tota terra in circuitu vnus velleris sicca esset, & in vellere tantus esset ros, quod exprimeretur vna concha roris, & ē contrariū. Dicendum tamen, quod maius videtur secundum. i. quod esset tota terra in circuitu velleris compluta: & in vellere esset omnimoda siccitas; quia ros & pruina magis solent inhaerere, & facilius fiunt in pilis, quā in rebus duris & compactis; sicut in principio hyemis, vel autumnū videmus paruam glaciem, quæ in terra nullo modo apparet, & pendet in capillis hominum, & in vestibus longorum pilorum, si per noctem in agro fuerint: sic etiam erat vellus: ergo facilius appareret ros ibi, vel quæcunque impressio, quā in terra, vel in alia re dura: potentia tamen agentis non est magis facile hoc, quā illud.

## CAPITVLVM VII.



**I**GITVR Ierobaal, qui & Gedeon de nocte confurgens, & omnis populus cū eo venit ad fontem, qui vocatur Harad. Erant autem castra Madian, in valle ad Septentrionalem plagam collis excelsi. Dixitq; Dominus ad Gedeon: Multus tecum est populus, nec tradetur Madian in manus eius: ne gloriatur contra me Israel, & dicat: meis viribus liberatus sum. Loquere ad populum, & cunctis audientibus prædica: qui formidolosus & timidus est, reuertatur. Recesseruntq; de monte Galaad, & reuersi sunt ex populo vigintiduo millia virorum, & tantum decem millia remanserunt. Dixitq; Dominus ad Gedeon: Adhuc populus multus est, duc eos ad aquas, & ibi pro-

Deute. 30.  
1. Mach 3.

**F** habo illos: & de quo dixero tibi, vt tecum vadat, ipse pergat: quem ire prohibuero, reuertatur. Cumque descendisset populus ad aquas, dixit Dominus ad Gedeon: Qui lingua lambuerint aquas, sicut solent canes lambere, separabis eos seorsum: qui autem curuatis genibus biberint, in altera parte erunt. Fuit itaque numerus eorum, qui manu ad os proijciente, aquas lambuerant, trecenti viri, omnis autem reliqua multitudo flexo poplite biberat. Et ait Dominus ad Gedeon. In trecentis viris, qui lambuerunt aquas, liberabo vos, & tradam in manu tua Madian: omnis autem reliqua multitudo reuertatur in locum suum. Sumptis itaque pro numero cibarijs, & tubis, omnem reliquam multitudinem abire præcepit ad tabernacula sua: & ipse cum trecentis viris se certamini dedit.

**H** Igitur Ierobaal. In præcedentibus descripta est vocatio Ducis, hic consequenter ponitur modus certaminis. Et diuiditur in quatuor, primò ponitur bellatorū electio, secundò electorum asscuratio ibi. *Castra autē Madian.* Terriò asscuratorum certatio ibi. *Diuisitq; trecentos.* Quarto adiutorum associatio ibi. *Conclamantes autem.*

*An hic sit ordo continuus, & an immediatē factus. Quest. I.*

**Q**UÆRETVR circa primum, an ea q̄ habent hic sint p̄tinuata ad præcedentia, & an immediata facta fuerint. Rñdendum, qd hic est ordo cōtinuus: nam p̄cedenti c. agebatur, quō vocatus fuit Gedeon a Deo ad hoc qd pugnaret cōtra Madian, hic autem agitur qualiter pugnaverit: ergo istud est post illud. Ad secundum dicendum, quod istud fuit factum vno, vel duobus diebus post præcedentia: & fuit modus, quia Deus primo iussit Gedeoni, qd iret ad pugnandum cōtra Madianitas, & illa nocte diruit altare Baal, & fecit sacrificia, de quibus p̄cedenti c. deinde sequenti die, cum vellent ire ad bellū, petiuit a Deo signum p noctē in vellere & terra; & alia nocte tertia petiuit p̄m signū in vellere, & terra: & interim venit p̄p̄s, quē ipse miterat vocari de Manasse, Aser, Nephthali, et Zabulon. Et v̄ qd quarto, vel quito die ipse iuerit ad bellum. Igitur Ierobaal, qui & Gedeon. i. iste vocat Gedeon, & Ierobaal, & ēt Ierobesech. Causæ horum nominum declaratae sunt p̄cedenti. ca. post hoc tñ communius nomen fuit sibi Ierobaal q̄ Gedeon: nam dñ p̄cedenti. cap. ex illa die vocatus est Gedeon Ierobaal. *De nocte confurgens.* Istud intelligitur, qd fortē erant propē castra Madianitarum, & voluerunt de nocte confurgere, vt non sentirent Madianitæ aduenire Gedeonem, quousq; viderent eum super se. Vel fortē, vt irueret super castra eorum nocte. i. surrexit de nocte. i. multū ante aurorā, vt ambularet nocte, & die & posset venire sequenti die ad castra Madianitarum. *Et omnis populus cum eo.* Ille erat popul⁹ quatuor tribuū. i. Manasse, Aser, Nephthali, et Zabulon. Nā de his tribub⁹ solū vocauit bellatores, vt p̄ced. c. Et isti conuenerunt ad eū in Ephra. Vel melius est, qd cōuenerunt cū eo obuiantes in alio loco.

Sic



Sic colligitur præcedenti capitulo, f. Gedeon clangens buccina, vocauit domum Abiezer, vt sequeretur, misitque nuncium in vniuersum Manasse, qui & ipse secutus est eum, & alios nuncios in Aser, Zabulon, & Ne-phthali, qui occurrerunt ei: ergo non uenerunt ad Ephra, sed ad alium locum in via qua ibatur ad bellum.

*Venit ad fontem, qui vocatur Arad.* Scilicet, quia ibi requieuerunt aliquantulum fumendo cibos, vel retrahendo spiritum. Iste fons Arad erat apud montem Galaad, de quo hic dicitur, & fit mentio de fonte, quia in aqua fontis facta fuit probatio, quæ infra habetur de bibentibus, & lambentibus aquas. Erat autem fons iste non longe à castris Madian, ideo dicitur immediatè de castris Madian. *Erant autem castra Madian in valle.* Scilicet castra Madianitarum, & omnium orientalium populorum, qui ueniebant simul in modum castrorum, vel exercitus, & nondum dispersi erant per terram Israelitarum ad comedendum segetes, & vastandum. *Ad septentrionalem plagam collis excelsi.* Fortè iste collis excelsus erat mōs Galaad, de quo dicitur immediatè, quod erant Israelitæ apud illum, & accesserunt illuc triginta duo millia virorum. In Hebræo habetur. *Ad septentrionalem partem ostendentis in valle.* Et ad idem redit, quia ostendens in valle vocatur scopulus altus, qui supereminet ad alias partes terræ, & quantum ad hoc est ostensor, & dicitur ostendens in valle, quia super vallem ostendit. Vel vt dicit Rabbi David Kimhi, quod super scopulum illum erat aliquis speculator ostendens vias transeuntibus per valles, ideo dicitur ostendere super vallem, & est modus ad significandum locum excelsum, quia de talibus locis fiunt ostensiones, ideo litera nostra dixit. Collis excelsi. *Dixitq; dominus ad Gedeonem.* Hic ponitur electio pugnatorum, & ponitur duplex electio. f. vna per legem cōmunem de formidolosis: alia per speciale mandatum de lambentibus aquas: secunda ibi. *Dixitq; Dominus.* Et dicitur, qd dominus dixit Gedeoni. f. qd angelus Dei locutus est Gedeoni ista apparendo ei in humana effigie, vel fortè loquendo ei per somnium, vt si dormierunt apud fontem illum: sed magis videtur, quod locutus fuerit in vigilia. Deus autem nunquam loquitur, nec apparet alicui. *Multus populus tecum est.* Erant enim trigintaduo millia. Nam facta prima electione recesserunt de monte Galaad vigintiduo millia, & tamen manserunt decem millia, vt patet in litera. Et vocatur multus non respectu Madianitarum, quia illi erant centum trigintaquinq; millia, de quibus coesa sunt in principio centum viginti millia, & fugerūt quindecim millia, vt patet sequenti capitulo, sed erāt multus populus respectu eius, quod Deus volebat agere. *Nec tradetur Madian in manus eius.* Idest ego non tradam in manus eius. In Hebræo habetur. *Ad hoc, quod ego dem Madian in manus eius.* Et est eadem sententia. *Nē gloriatur contra me.* Idest nē vsurpet sibi gloriam mihi debitam: nam etiam si iuisset totus ille populus, scilicet trigintaduo millium non esset sufficiens ad pugnandum contra Madianitas, quæ erant centum trigintaquinq; millia: ideo oportebat, quod per miraculum liberarentur, sicut existentibus trecentis, sicut postea fuerunt: sed existentibus trigintaduo millibus gloriarentur dicentes, quod viribus suis pugnaverant: ergo melius erat, quod soli trecenti pugnarent. *Et dicat meis viribus liberatus sum.* Hoc fortè dicerent Israelitæ si trigintaduo millia pugnassent contra Madian.

*Quomodo Israelitæ gloriari poterant contra Deum dicētes, quod viribus suis liberati fuerant. Quest. II.*

**Q**VAERET aliquis, quomodo Israelitæ poterant gloriari contra Deum, dicentes, qd viribus Alph. Toft. super lib. Iudicum.

**A** suis liberati fuerant: nam Madianitæ erant pugnatu-  
contra seipfos, & mutua se coede truncaturi: ergo victoria non erat Israelitarum, sed Dei: vnde sicut nunc  
euntibus trecentis ad bellum cum tubis, & amphoris  
Madianitæ se mutuo truncauerunt, & bellum nō fuit  
istorum, sed Dei: ita trigintaduo millia, imò etiam si  
centum millia Israelitarum conuenissent in modum  
istorum, nihil magis agerent, quàm isti, & non attri-  
bueretur eis victoria, sed Deo: sic enim super mare Is-  
raelitæ erant sexcenta millia peditum: Exod. 12. & ta-  
men ipsi nō dicuntur pugnasse contra Aegyptios, sed  
Deus. Nam dicitur Exod. 14. dominus pugnabit pro  
vobis, & vos tacebitis. Respondendum, quod si om-  
nes Israelitæ trigintaduo millia ituri fuissent contra  
**B** Madian cum solis tubis, & amphoris, & lampadibus,  
non potuissent sibi vsurpare victoriā: tamen non ituri  
erant sic, quia superfluum erat tantam multitudinem  
sic ire: sed pugnatu-  
ri essent ordinatis aciebus modo  
hostili, & tunc si Israelitæ vincerent possent dicere, qd  
viribus suis egerant. Sed adhuc dicitur, qd non pote-  
rant sibi vsurpare victoriam istam, quia Deut. 8. dicit:  
Nē fortè dicas in corde tuo, fortitudo mea, & robur  
manus meæ hæc mihi omnia præstiterunt: sed recor-  
deris domini Dei tui, quoniam ipse tibi vires præbuit,  
vt seruaret pactum suum. Item ex parte Madianitarū  
erant ceterum trigintaquinq; millia seq. cap. & Israelitæ  
solum trigintaduo millia: ergo si superarentur Madi-  
anitæ ab Israelitis etiam in congressu belli appareret af-  
**C** fuisse diuinum adiutorium. Respondendum ad pri-  
mum, quod quamquam omnia bella, quæ Israelitæ p-  
spere agebant Deo auctore facerent, tamen ipsi ex ini-  
quitate sua vsurparent sibi interdum laudem, nisi esset  
aliquod manifestum signum, qd nequaquam negare  
possent. Ad secundum dicendum, qd Israelitæ poterāt  
dicere, qd fortitudo sua, & experientia bellica, & cōue-  
niens ordo fecerunt eos victores contra hostes, sicut  
interdum inter gentes accidebat, in quibus Deus non  
ostendebat specialiter fauorem suū, quod pauci bene  
ordinati, & confidētes, multos prauè dispositos supe-  
rarent. Cōueniens ergo fuit, qd fieret pugna, sicut facta  
est in trecentis viris, qd nihil pugnaverint, & in qbus ne-  
gari nō poterat, qn Deus illud egisset. *Loquere ad populum.*  
**D** Scilicet in voce præconis, vt cuncti audirent. *Et cunctis  
audientibus prædica.* Idest fac prædicari per præconem.  
Vel vade per omnes turmas, & partes exercitus, & præ-  
dica istud, vt omnes audiant. *Qui formidolosus est, & timi-  
dus.* Ista duo timorem significant, sed differunt, quia  
vnum significat maiorem timorem, & aliud minorē.  
*Reuertatur.* Scilicet in domum suam, nē pauere faciat  
corda fratrum suorum: Deuter. 20.

*Quomodo fiebant istæ proclamationes ad hoc, quod fugerent de bello formidolosi ante conflictum. Quest. III.*

**Q**VAERET aliquis, quō fiebant istæ proclama-  
tiones ad hoc, qd fugerent de bello formidolosi.  
Respondendum, quod modus erat, quod quando Is-  
raelitæ ibant ad bellum locatis castris in loco, vbi ma-  
nere debebant circa locum pugne, surgebat vnus de  
sacerdotibus, qui ibant ad bellum, & clamabat: ibant  
namque semper sacerdotes ad bellum, scilicet ad clā-  
gendum saltem, quia buccinæ argenteæ sacræ por-  
tandæ erant in bellum, & tamen in istis nemini lice-  
bant clangere, nisi sacerdoti, de quo Num. 10. ca. dicit:  
Filij Aaron sacerdotis clangent tubis, eritque hoc le-  
gitimum sempiternum in generationibus vestris: si  
ad bellum exieritis de terra vestra contra hostes, qui  
dimicant aduersus vos, clangentis vlulantibus tubis,  
& erit recordatio vestri coram domino Deo vestro,  
vt eruamini de manu inimicorum vestrorum.

Sacerdo-  
tes tēpore  
Hebræ. rā  
ad bellum  
ibant, vt  
tubis clan-  
gerent, &  
aliqui dimi-  
carent.

I Ibant



Ibant etiam sacerdotes interdum cum arca ad bellū, sicut duo filij Eli sacerdotis 1. Reg. 4. & alij sacerdotes 1. Reg. 14. Et ibant sacerdotes ad excitandum, vt Deuter. 20. Interdum etiam ibant ad pugnandum, quia licebat eis, sicut tempore Machabeorum ipsi erant duces belli, & præcipui bellatores. Quocunque modo esset, necesse erat aliquem sacerdotem semper esse in bello, & locatis castris vnus de præcipuis sacerdotibus, qui ibi manerent, stare debebat coram toto populo, & loqui verba hæc exhortando, scilicet. Audi Israel: vos hodie contra inimicos vestros pugnam committitis, nō pertimescat cor vestrum, nolite metuere, nolite cedere, nec formidetis eos, quia dominus Deus vester in medio vestri est, & pro vobis contra aduersarios dimicabit, vt eruat vos de periculo. His dictis tacebat sacerdos, vt patet Deut. 20. Deinde cū essent castra bellatorum distincta per duces, quilibet dux surgebat in turma sua, & dicebat transeundo per medium, ita quod audiretur ab omnibus. Quis est, qui ædificauit domum nouam, & non dedicauit eam? vadat, & reuertatur in domum suam, nē moriatur in bello, & ali⁹ dedicet eam. Quis est, qui plantauit vineam, necdum fecit eam esse communem? vadat, & reuertatur in domum suam, nē moriatur in bello, & alius homo eius fungatur officio. Quis est homo, qui despondit vxorem, necdum accepit eam? vadat & reuertatur in domum suam, nē moriatur in bello, & alius homo accipiat eam. Quis est formidolosus, & corde pauido? reuertatur in domum suam, nē pauere faciat corda fratrum suorum, sicut ipse timore perterritus est. His dictis filebant duces exercitus, & recedebant quicunque volebant habentes conditiones has, & tunc duces exercitus singuli cuneos suos ad bellandum præparabant, & comittebatur bellum.

*An soli formidolosi de bello recedebant, vel alij quoque.*

*Questio IIII.*

**Q**VÆRETVR an soli formidolosi, & pauido corde recedere poterant de bello, vel etiam alij. Aliquis dicet, q̄ soli formidolosi, vt patet hic. Nam iussu domini Gedeon proclamauit, qui formidolosus & timidus est reuertatur. Respondendum, q̄ in quocunque quatuor modorum poterat quicunque habēs illum reuerti de bello: nam Deuter. 20. iussit Deus, q̄ duces turmarum dicerent. Quis est homo, qui plantauit vineam? Quis est, qui ædificauit domum? Quis est, qui duxit vxorem? Quis est formidolosus? reuertatur. Ergo tenebantur duces in quocunque bello dicere ista quatuor, cū lex ea posuisset quasi æqualiter impediencia. Item etiam nouiter coniugatis, qui nondum compleuerant annum cum vxore, nō debebat imponi manere in bello, sed recedere poterant cū ceteris, vt patet Deuter. 24. scilicet quando accepit homo vxorem, nō procedet ad bellum, nec ei quippiam necessitatis publicæ iniūgetur, sed vacabit absq; culpa domui suæ, vt vno anno lætetur cum vxore sua. Item patet, quia in alijs bellis, quæ erāt maioris necessitatis, quā istud, obseruabantur omnia illa quatuor: ergo obseruarentur in hoc. Apparet, quia istud bellum nullius necessitatis erat quantū ad multitudinem pugnantium, imō Deus quærebat occasionem quomodo expelleret pugnatōres, quia erant multi, vt dicitur in litera, scilicet populus multus est, nec tradetur Madiā in manus eius. In omnibus autem bellis erant necessarii bellatores magis, quā in hoc, sed in alijs seruabantur illa quatuor, quæ ponuntur Deut. 20. ergo etiā seruarentur hic. Quod autem in alijs seruaretur patet 1. Mach. cap. 3. cū dicitur: Et dixit Iudas his, qui ædificabant domos, & spondebant vxores: & plantabant

**F** vineas, & formidolosis, vt redirent vnusquisque in domum suam secundum legem, & tamen illud erat bellum maxime necessitatis, quia omnes gentes conueenerant super Iudæos, & non erat aliquod miraculum, per quod liberarentur, sicut hic, sed oportebat eos viriliter pugnare. Item, quia dicitur, quod dixit Iudas his, quod recederent singuli in domos suas secundum legem, id est, quod secundum legem obligatur ad faciendum hoc: sic igitur obligaretur Gedeon prædicare hic de omnibus quatuor modis, exprimitur tamen vnus illorum, & subintelliguntur alij. *Receſſeruntq; de monte Galaad.* Omnes isti, qui receſſerunt venerunt de monte Galaad, quia fons Arad, apud quem castrametati fuerant, & mons Galaad erant simul.

*Quomodo stat quod dicitur in litera. Quest. V.*

**Q**VÆRET aliquis, quomodo stat hoc, quia dictum fuit, quod ista fiebant ad Occidentalem partem Iordanis, Galaad tamen est ad Orientem Iordanis, scilicet in terra duarum tribuum, & dimidiæ Numeri 32. cap. Aliquis dicet, quod fuerunt ista ad Orientalem plagam Iordanis, quia ciuitas Ephra, de qua erat Gedeon, erat ad Orientalem partem Iordanis, cū dimidia tribus Manassē habitet in parte illa ad Orientem Iordanis cum tribu Gad, & Ruben, vt patet Num. 32. & Deut. 3. & Ios. 13. & sic erat Gedeon cum socijs suis nunc apud montem Galaad. Sed hoc nō potest stare, quia dicitur, quod Madianitæ venerunt ad Iordanem, & transito illo castrametati sunt in valle Iezrael, vt patet in litera: sed isti veniebant per partem Orientalem: ergo prius venirent in terram Manassē, quæ est ante Iordanem, in qua erat Gedeon, quā accederent ad Iordanem, & sic prius pugnasset contra eos Gedeon, vel saltem iam fugisset de terra sua. Sed vtrumq; falsum est, quia semper manserat in Ephra, & excutiebat fegetes, vt fugeret à facie Madian, vt patet præcedenti capitulo. Item si esset Gedeon ad partem Orientalem Iordanis in terra duarum tribuum, & dimidiæ, necesse erat ad hoc, quod veniret ad pugnandum contra hostes, qui iam transierant Iordanem, quod ipse transiret Iordanem, sed non transiuit nunc Iordanem, sed postea persecutus est Madianitas vsque ad Iordanem, & transiuit, vt patet sequenti capitulo: ergo habitabat Gedeon ad Occidentalem plagam Iordanis. Item si bellum Gedeonis fuisset, vt venientis de parte Orientali Iordanis, compulisset fugere Madianitas ad Occidentalem partem versus mare magnum: fugerunt tamē ad partem Orientalem ad aquas Iordanis, vt patet in litera infra: ergo Gedeon veniebat à parte Occidentis. Item Gedeon persequens Madianitas transiuit Iordanem, & accedens ad viros Socoth, qui erant apud Iordanem petēs, qui cū ei impropersent ait illis, cū reuersus fuero victor in pace conteram carnes vestras, vt patet sequenti capitulo: si tamen habitaret Gedeon ad Orientalem partem Iordanis apud Galaad non erat rediturus ad transeundum Iordanem: ergo non erat Ephra in dimidia tribu Manassē, quæ habitabat ad Orientem Iordanis. Dicendum ergo, quod mons Galaad non accipitur pro illo, in quo Laban persequens Iacob apprehēdit eum Genesis trigessimoprimum, quia iste est ad Orientem Iordanis, & iste est, de quo dicitur Numeri trigesimosecundo, scilicet, quod regiones Galaad erant vberimæ ad alenda pecora, sed est quidam mons paruus ad Occidentalem partem Iordanis in sorte Iudæ circa urbem Iezrael. Et quia Madianitæ castrametati fuerant in valle Iezrael, Gedeon duxit exercitum circa montem illum. *Et reuersi sunt de populo viginti duo millia virorum.* Scilicet de trigintaduo millib⁹ reuersi sunt 22. millia: quia quidam erāt formidolosi, alij



alii vineas plantauerunt, alij domos, alij uxores duxerant, iuxta illud Deut. 20. *Et tantum decem millia remanserunt.* Scilicet, quia tota congregatio pugnantium de quatuor tribubus solum erat trigintaduo millium, de quibus recedentibus 22. millibus manebat 10. millia.

*Cur Deus inquirebat occasiones ad excludendum multitudinem de exercitu. Quest. VI.*

**Q**VAERET aliquis, cur Deus inquirebat occasiones ad excludendum multitudinem de exercitu, ut relinquerentur soli trecenti, cum postea ad pugnam contra Madianitas Gedeon vocauerit alias tribus; scilicet Nephthali, Manasse, & Aser, & Ephraim. Respondendum, quod Deus voluit, quod Israelitae non possent gloriari, quod ipsi vicissim fortitudine sua, si multi conuenissent ad pugnam, ideo eiecit omnes de castris praeter trecentos, & dum isti manerent facta est victoria mirabilis. scilicet quia Madianitae occisi sunt. scilicet de illis centum viginti millia, & solum manserunt 15. millia seq. cap. & fugati sunt illi a facie Israelitarum trecentorum: illi vero de Israelitis, qui postea vocati sunt, non fuerunt vocati ad pugnam, ut haberent victoriam, quia iam illam habuerant: sed ad persequendum fugientes, ut maior esset victoria: & hoc modo non poterant Israelitae sibi ascribere victoriam, sicut si a principio venissent ad pugnam: nam de pugnantibus, qui semel fugere incipiunt terga vertentes victi sunt, sed Madianitae iam fugerant, quando vocatae sunt alias tribus in adiutorium: unde Gedeon non vocauit viros Ephraim, ut venirent ad locum certaminis, sed ut irent ad occupandum vada Iordanis, ne transirent Madianites, ut patet infra in litera. Item Madianitae erant 135. millia, & de illis perierant centum viginti millia antequam vocarentur aliqui de Israelitis: postea autem manserunt 15. millia solum, de quibus plurimi fugerunt: ergo quamquam Israelitae vocati in his 15. millibus agerent magnam caedem, non poterant sibi ascribere victoriam, cum centum viginti millia, qui perierunt Deo incitante eos contra seipsos occisi sunt. Nam mutua se cede trucidabant, ut patet infra: ideo quamquam postea Israelitae occiderent aliquos de Madianitis, non poterant sibi ascribere victoriam, cum id quod erat potissimum Deus per se egisset. *Dixitque Dominus ad Gedeon.* Idest angelus Dei locutus est Gedeoni, quae sequuntur: frequenter enim hic loquebatur ei, quia multa agere debebat mandato Dei, & nullum illorum auderet agere Gedeon, imo nec sciret an acturus esset, nisi Deus ei reuelaret. *Adhuc populus multus est.* Scilicet manebant decem millia virorum, & isti non erant opportuni ad pugnam contra Madian eo modo, quo Deus volebat. scilicet tenendo buccinas, & lampades, quia etiam isti possent ascribere sibi victoriam si pugnarent contra Madian, cum deberent pugnare in acie. Deus autem noluit, quod haberent colorem contra ipsum usurpandi victoriam. *Duc eos ad aquas.* Scilicet ad fontem Arad, apud quem erant: de quo supra dicitur. *Et ibi probabo eos.* Scilicet, qui debebant ire, vel reuerti per modum infra positum. *Et de quo dixero tibi, quod tecum uadat, ipse uadat.* Idest quem ostendero tibi per signum debere illuc ire, tecum ducas. *Et quem ire prohibuero reuertatur.* Idest ille quem prohibuero per signum datum reuertatur.

*Quare Deus dixit hoc Gedeoni. Quest. VII.*

**Q**VAERETVR quare Deus dixit hoc Gedeoni, quia etiam si hoc non fuisset dictum, manifestum erat, quod Gedeon solum faceret quod Deus iuberet. Respondendum, quod fuit hoc dictum ad tollendam ambiguitatem, & nimis instruendum: nam Gedeon

Alph. Tost. super lib. Iudicum

**A**putabat, quod quamquam Deus de illis decem millibus tolleretur aliquos, manerent sex millia, vel quinque millia: cum vero per signum datum reperiret solum trecentos, putasset aliquem errorem intercidisse, & dubitaret hoc facere, vel denuo super hoc consuleretur dominum, quia non videretur ei quomodo trecenti viri pugnare deberent contra 135. millia Madianitarum. Ut ergo Gedeon non obstupesceret, nec dubitaret reperitis solum trecentis viris, fuit sibi specialiter commendatum, quod faceret id quod Deus iuberet. scilicet non dubitaret mittere illos, quos Deus prohibuisset, & recipere solum illos, quos Deus ire iussisset. Sic enim factum est de Samuele: nam iussit ei Deus ire ad vngendum vnum de filiis Isai, & ait: ego ostendam tibi quid facias, & vnge quem monstrauero tibi, & tamen manifestum erat, quod Samuel non erat facturus contra id, quod Deus diceret. Fuit tamen dictum sibi specialiter hoc ad instructionem quamdam ne turbaretur cum Deus aliquem ostenderet ei, quem vincturus esset. Nam postea sic accidit, quia putauit Samuel, quod primogenitus vngendus erat, potissimum, quia erat ille pulcher aspectu, & corpore, & statura mirabilis, unde voluit vngere eum: sed dixit dominus ad Samuelem, ne respicias vultum eis, nec altitudinem staturae eius, quoniam ego abieci eum, nec iuxta intuitum hominis ego iudico. Si autem Deus non praeuidisset specialiter instruens Samuelem, quod illum vngeret, quem ei ostenderet, forte vnxisset primogenitum Isai. scilicet Eliab: ideo ne miraretur dictum esse ei hoc. *Cumque descendisset populus ad aquas.* Ad fontem Arad. *Dixitque dominus ad Gedeon.* Ista fuit alia locutio: nam quando dixit, quod duceret eos ad aquas, & quod probaret eos ibi, non dedit modum probandi, sed postea quando fuit totus exercitus apud aquas: unde erat nimis familiaris hic Deus Gedeoni. *Qui manu, & lingua lambuerit aquas.* Lambere aquas est eas non totaliter absorbere, sed aqua ad os attracta aliquam partem deglutire alia cadente in terram. *Sicut solent canes lambere.* Quia iste modus bibendi canum est per attractionem. *Separabis eos seorsum.* Idest isti erunt in una parte, quia pertinebant ad electos. *Qui autem curuatis genibus biberint.* Scilicet fixis genibus in terram, & in mergendo os in aqua ad deglutendum aquas: ecce quamquam forte Gedeon, & socii sui portarent aliqua vasa ad bibendum: tamen non biberunt per vasa, quia sic non distingueretur modus bibendi.

Lambere quid sit.

*Quomodo est factum quod dicitur in litera. Quest. VIII.*

**Q**VAERET aliquis, quomodo factum est hoc? Respondendum, quod Gedeon dixit omnibus viris suis, quod Deus iubeat, quod omnes biberent ad aquas illas, quia ibi volebant distinguere eos, alioquin non est verisimile, quod omnes de exercitu bibissent, quin aliquis relinqueretur, cum essent decem millia. Etiam dato, quod biberent omnes, si non agerent ex praecepto biberent taliter, idest in locis ita separatis, quod non posset indicari de quolibet qualiter biberat, sed ad hoc, quod cognosceretur hoc, necesse erat, quod omnes singulatiim biberent coram Gedeone, & ipse faceret eos separari in partes duas, secundum quod dupliciter bibeant: ergo oportet dicere, quod eis fuerit datum mandatum de hoc, & ipsi sciuerint, quod ad hoc bibeant, ut probarentur, & ob hoc quamquam non de siderarent potum bibeant. Sicut quando Moyses voluit cognoscere peccatores in fabricatione vituli, fecit quod omnes biberent, & tunc apparuerunt signa in peccatoribus: Exo. 32. non tamen fuit istis dictum, quod erat signum repellendorum, & quod signum accipiendorum, ideo quilibet bibeat secundum quod conueuerat, vel secundum quod desiderabat, & certissimum cogniti sunt.

1 2 An



# Iudicum

## Cap. VII.

An Gedeon etiam biberit. *Quest. IX.*

**Q**VAERETVR vltius, an Gedeon etiam biberit. Respondendum, quod non, quia istud fiebat ad cognitionem, scilicet, qui deberent ire ad bellum: de Gedeone autem notum erat, quod ire deberet, eo quod ipse erat dux: ergo non oportebat, quod biberet. Item ipse sciebat, quæ signa erant repellendorum, & quæ accipiendorum, ideo poterat tenere quemmodum voluisset, scilicet, vel eundo, vel recedendo: probatio ergo nulla erat, quia nihil hoc proficiebat, nisi in non cognoscente modum probationis. Item Deus dixit ei, quod ipse separaret quosdam in partem vnam, & quosdam in partem alteram: ergo si ipse bibere deberet, alter deberet separare eum. Item ipse erat iudex aliorum videndo quomodo bibebant, separando illos: ergo oportebat, quod respectu eius alius esset iudex, & illi notificaretur signum de accipiendis, & reijciendis: sed hoc nulli nisi Gedeoni reuelatum est. Item si daretur Gedeoni, quod biberet, posset bibere flexo genu, & deberet reijci de bello, & oportebat accipi alium: sed istud ridiculum est, quia Deus elegerat eum in ducem, & facta fuerant circa ipsum omnia, quæ habentur præcedenti capitulo: ergo non debebat ipse bibere. *In parte altera erunt.* Vt distinguantur reijciendi ab accipiendis. Istud non habetur in Hebræo: litera tamen nostra posuit, quia necesse erat subintelligi ad complementum sententiæ. *Fuit autem numerus eorum, qui manu ad os projiciente aquas lambuerant, trecenti viri.* Isti fuerunt in parte vna, qui sicut canes biberunt, & ituri erant ad bellum, voluit autem Deus, quod solum essent trecenti de istis, vt esset parvus numerus euntium ad bellum, & patrata pugna non posset Israelitæ sibi ascribere victoriam. *Omnis autem reliqua multitudo flexo poplite biberat.* Erat autem multitudo quasi decem millium virorum, quia solum deerant isti trecenti, & biberunt flexo poplite, idest fixis ambobus genibus in terram, & toto corpore complanato terræ. *Et ait Dominus ad Gedeonem, in trecentis viris, qui lambuerunt aquas liberabo vos.* Idest per manum trecentorum virorum lambentium aquas liberabo Israel de manu Madian. Hic sepe loquebatur Deus Gedeoni, & non dicebantur omnia hæc simul. Causa autem fuit, quia si Gedeon sciuisset quod erat signum euntium ad bellum, & quod reijciendorum, cum ipse desideraret, quod multi irent ad bellum, quia putabat hoc securius, verbo, vel signo expressisset quem modum bibendi ipse vellet habere Israelitas. Sed dicitur, quod non faceret hæc Gedeon, quia peccaret declarando signum Dei, quod ipse volebat esse occultum. Nam directè repugnabatur voluntati Dei in hoc. Ipse enim volebat, quod probarentur Israelitæ in hoc: sed si aliquo modo cognoscerent aliqui de istis modos bibendi, non fieret in eis probatio conueniens. Dicendum, quod quamquam Gedeon ab intentione non ostenderet verbo, vel nutu alicui, quem modum de istis duobus bibendi tenere deberent: tamen cum ipse cuperet, quod Israelitæ biberent, vt taliter omnes, vel multi irent ad bellum, quando videret, quod aliqui flexo vtroque genu bibebant, conturbaretur necessariò vultus eius: nam affectio hominis in vultu significatur, nec est facile eam omnino tegere: ideo ne Gedeon magis in vnam, quàm alteram partem moueretur voluit Deus adhuc occultum sibi esse signum. *Et tradam Madian in manu tua.* Scilicet subiiciendo tibi. *Vel effugando à facie tua.* Vel tradam eos tibi vulnerandos, sicut dixit Deus Iosue, vt patet Iosue 11. ego tradam omnes istos vulnerandos in conspectu Israel. *Omnis autem reliqua multitudo reuertatur in locum suum.* Scilicet

**F** nouem millia septingenti viri, qui flexerant vtrumque genu ad bibendum, & isti reuersi sunt in domos suas: postea tamen fortè aliqui de istis redierunt ad pugnam contra Madian effugatis Madianitis: nam de Nephthali, Aser, & Manasse venerunt postea multi bellatores, vt patet infra in litera.

*Quare Deus accepit potius bellatores de lambentibus aquas, quàm de flectentibus vtroque genu.*

*Quest. X.*

**Q**VAERET aliquis, quare Deus accepit potius de illis, qui lambebant aquas, quàm de flectentibus vtroque genu. Respondet Nicolaus, quod fuit duplex causa. Vna quia Deus volebat accipere illos, qui pauciori egerent cibo, & potu, & fortè, quia magis cōueniebant ad istam expeditionem: sic enim fuit de lambentibus, quia illi non bibunt quasi ad satiatum ventrem, sed ad irrorandum, & sic est in eis paucitas sitis: in alijs verò magna. Secunda causa est, quia volebat eligere viros tolerantissimos laborum, & quia illi, qui toto corpore procumbebant ad bibendum paucos labores sustinerent, eo quod præ lassitudine quasi ad recreandum membra in terra extendebant: alij verò non inclinabantur quasi non egerent recreatione, sed manebant super vnum poplitem: ideo accepit lambentes aquas, & non flectentes genua, quia illi erant assueti sic flectere genua coram Baal. Sed ista non est causa literalis, nec etiam est vera, quia quando aliqui colebant idola flectebant vnicum genu, vel vtrumque coram illis, sed non extendebant toto corpore super terram: ad bibendum tamen totaliter extendebantur super terram, vt applicarent os aque, & immergerent, nisi qui lambebant aquam, vt canes, quia isti flectebant vnum genu, vel vtrumque, sicut adorantes, ideo isti potius debebant reijci à bello. Iosephus autem s. antiquitatum vult, quod isti trecenti electi sunt tanquam timidiore: nam Deus volebat ostendere victoriam istam magnificam, eo quod exercebatur per paucos, & timidos, quia & qui procumbentes bibebant confidentiores erant, scilicet bibentes spatiose prostrati in terram, nec timentes hostem, qui verò lambebant aquas, biberant velociter præ timore, & non audebant procumbere terræ, vt non grauarentur surgere irruentibus hostibus, ideo hos elegit, vt sic sciret totus Israel, quod victoria erat Dei, & non ipsorum. Istud est satis rationabile, & concordans intentioni literæ, scilicet, quia Deus volebat paucos Israelitas in bello, vt non ascriberent sibi victoriam: ita volebat eos timidos, & debiles, vt minorem colorem haberent ascribendi sibi victoriam: vnde ait vbi supra de Gedeone: præcepit Deus, vt circa medium diem in solis ardore ad flumē faceret venire exercitum, & eos quidem, qui inclinati biberent, magnanimos estimaret, qui verò cum festinatione biberent, eos crederet formidine hostium detineri, & cum hoc Gedeon iuxta Dei voluntatem K adimplet, trecenti viri reperti sunt, qui timore manibus aquam lamberent, & hos duxit. Sed adhuc potest dici, & valde rationabiliter, quod Deus voluit, quod illi, qui lamberent aquas irent ad bellum, quia Deus volebat, quod pauci irent ad bellum, & quia de bibentibus, vt communiter plures sunt, qui aquam prostrato corpore bibebant, quàm lambentes, noluit accipere lambentes.

*Cur Deus non dixit Gedeoni, elige tibi trecentos viros de his, Quæstio XI.*

**Q**VAERETVR, cum Deus vellet solum trecentos viros ad istud bellum, cur non dixit Gedeoni elige



elige tibi trecentos viros de his, & non essent tot experimenta. Respondendum, quod Deus egit hoc ad tollendum contentiones, & animositates: nam si Gedeon elegisset trecentos, videbatur innuere ceteros non esse idoneos ad bellum, vel saltem istos esse meliores omnibus alijs, in quo alij indignarentur, quod praeponerentur isti eis, quia forte multi de eis, qui relinquebantur erant idonei magis, quam qui eligebantur. Etiam putarent, quod non faciebat hoc Gedeon mandato Dei, sed ex corde suo: ad tollendum ergo hæc, dedit signum manifestum, scilicet, quia biberunt omnes de populo, & qui lambebant aquas separati sunt in partem unam, alij verò in aliam, & omnes lambentes accepti sunt, & alij reiecti. Et in hoc non visa fuit aliqua acceptio personarum, nec potuit fieri ex voluntate Gedeonis: nam si accepisset aliquos de una parte, & alios de alia fuisset acceptio: fuerunt tamen accepti omnes, qui erant in una parte. Expediuit ergo dari istud signum, vel aliud simile, in quo non appareret aliquis fauor. *Sumptis itaque pro numero cibis.* Id est cum accepit Gedeon trecentos viros, remisit alios, & quia isti habebant multos cibos tanquam omnes ituri essent ad bellum, diuiserunt cibos, & acceperunt socij Gedeonis cibos pro numero, id est quantum putabant eis sufficere secundum numerum suum, & reliquos cibos tulerunt alij, qui recesserunt. *Et tubis.* Id est etiam tulerunt tubas pro numero, id est tot, quot ipsi erant: nam trecentas habuerunt, cum essent trecenti, & quilibet buccinabat, ut patet infra in litera.

*Quomodo nunc socij Gedeonis tot tubas sumpserint.*

*Questio XII.*

**Q**VAERET aliquis, quomodo nunc socij Gedeonis tot tubas sumpserint, quia regulariter non sunt necessariae in bello tot tubae, quot viri. Respondet aliquis, quod non sumpserunt trecentas tubas quot ipsi erant, sed tot tubas quot necessariae eis erant: ita intelligitur de cibis, quod sumpserunt cibos pro numero, id est secundum necessitatem tot virorum. Sed hoc non conuenit, quia constat, quod isti tubas habuerunt, quot ipsi erant, ut patet infra in litera, quia omnes tubis clangebant. Dicendum ergo, quod multitudo bellica, quae ibat cum Gedeone, habebat multas tubas, & de illis accepit Gedeon trecentas pro socijs suis. Et hoc, quia iam sciebat modum pugnandi, scilicet, quia Deus ei reuelauerat, quod ipse, & viri sui debebant tenere tubas, & lampades in manibus, sicut postea factum est, & quam non dicatur hic, quod istud iam Deus dixisset, tamen subintelligendum est, quia etiam postea non exprimitur, quod Deus hoc iusserit: tamen manifestum est, quod iusserit, quia alioquin non auderet Gedeon facere aliquid tale. *Omniem reliquam multitudinem abire praecepit ad tabernacula sua.* Iohannes nouem millia septingentos iussit ire in tabernacula sua, quia Deus iussit his solis trecentis, quod irent ad pugnam. *Et ipse cum trecentis viris se certamini dedit.* Id est iuit ad locum certaminis, & ibi spectauit quid Deus ei facere iuberet.

Castra autem Madian erant subter in valle. Eadem nocte dixit Dominus ad eum: Surge, & descende in castra: quia tradidi eos in manu tua. Sin autem solus ire formidas, descendat tecum Phara puer tuus. Et cum audieris quid loquantur, tunc confortabuntur manus tuae, & securior ad

Alph. Tost. super lib. Iudicum.

**A** hostium castra descendes. Descendit ergo ipse, & Phara puer eius in partem castrorum, ubi erant armatorum vigiliæ. Madian autem & Amalech, & omnes orientales populi fusi iacebant in valle, ut locustarum multitudo: cameli quoque innumerabiles erant, sicut arena, quæ iacet in littore maris. Cumque venisset Gedeon, narrabat aliquis somnium proximo suo: & in hunc modum referebat quod viderat: **B** vidi somnium, & videbatur mihi quasi subcinericius panis ex hordeo volui, & in castra Madian descendere: Cumque peruenisset ad tabernaculum, percussit illud, atque subuertit & terræ funditus coæquauit. Respondit is, cui loquebatur: Non est hoc aliud, nisi gladius Gedeonis filij Ioas viri Israelitæ: tradidit enim Dominus in manus eius Madian: & omnia castra eius. Cumque audisset Gedeon somnium, & interpretationem eius, adorauit, & reuersus est ad castra Israel, & ait: Surgite, tradidit enim Dominus in manus nostras castra Madian.

Mars Ioas filius belli Deus à gentibus appellatus claret.

*Castra autem Madian.* Hic autem ponitur secundum huius capituli, scilicet electorum ad bellum assertio, & fuit ista assertio in duobus, primo ex Dei promissione, secundo ex somnij narratione, & interpretatione ibidem. *Cumque venisset Gedeon.* Circa primum dicitur. *Castra autem Madian erant subter in valle.* Id est non distabant multum à loco, in quo nunc erat Gedeon cum trecentis viris suis, & in quo probati fuerunt alij ad aquas: & dicitur, quod erant in valle, scilicet in valle vrbis Iezrael, ut supra dicitur. *Eadem nocte dixit dominus ad eum.* Scilicet nocte, qua accessit ad locum illum circa castra, locutus est angelus domini ad illum, quod faceret hæc, quia non expediebat, quod maneret Gedeon ibi vsque ad sequentem diem nihil agens, quia cum solum haberet trecentos viros, cognoscerent hoc Madianitæ, & irruerent super eum, atque delerent. Etiam non haberet opportunitatem ad fallendum eos postea, scilicet eundo postea per noctem cum buccinis, & lampadibus, quia cum subito venit putauerunt infinitam multitudinem bellatorum aduenisse, quæ circundederat castra Madian, & præ turbatione conuersi in se mutua se coede truncabant: si tamen cognoscerent paucitatem virorum Gedeonis, non possent turbari visis lampadibus, & buccinis. Factum est ergo nocte illa, ut prius Gedeon in castra irrueret, quam putaretur adesse. *Surge descende in castra.* Scilicet in castra Madian: ista descensio erat ad audiendum somnium, de quo infra. *Quia tradam eos in manu tua.* Id est iam tradidi, scilicet quamquam nondum sint occisi, tamen iam traditi sunt, quia nunc tradentur in descensu.

Electorum ad bellum assertio.

*Quare iussus est descendere Gedeon in castra.*

*Questio XIII.*

**Q**Veretur quare iussus est descendere Gedeon in castra, cum nunc non descenderet ad pugnam, sed postea.

13 Respon-



Respondendum, quod ad confortationem, quia Deus volebat confortare eum, & quia hoc fieret auditis verbis somnij, & interpretatione eius, voluit quod descenderet ad audiendum. Sed dicitur, ad quid erat opus hoc, cum Gedeon certus esset ex præcedentibus, quod Madianitæ tradendi essent in manus eius. Respondendum, quod Gedeon erat vir imperfectus, & dubitans de victoria sibi danda, & quamquam Deus certificasset eum, adhuc erat trepidus, sicut patet præcedenti capitulo, quia licet Deus certificasset eum, tamen postea bis signum petijt. Nunc igitur quamquam ipse non peteret signum, Deus certificauit ipsum in enarratione somnij, cui valde assensit Gedeon, & hoc fecit, vt cõdescenderet conditioni eius, quia valde dubius erat super hoc, & nimis cõfortaretur relatione aduersariorum. *Si solus ire formidas, descendat tecum puer tuus Phara. Idest armiger.* Quamquã enim sciret Gedeon, quod non posset ipse cum puero magis resistere hostibus, quàm ipse solus, tamen magis confortaretur eo præsentem, ideo dixit ei Deus, quod descenderet cum eo. *Et cum audieris quid loquantur.* Idest cum audieris somnium, & interpretationem eius. *Tunc confortabuntur manus tue.* Idest tu confortaberis magis ad pugnandum, quàm aliàs, quia cum ipsi aduersarii cõfiterentur, hoc signum esset, q̃ Deus concusserat eos timore. *Et securior ad hostium castra descendes.* Idest audito hoc descẽdes securior, scilicet in secunda vice, quando iueris ad pugnandũ: nam nunc non ibant ad pugnandũ, sed ad audiendum quid diceretur in castris, in Hebræo habetur. *Et cum audies quid loquantur.* Sed idem significat.

Quomodo confortarentur manus Gedeonis audiendo quod diceretur in castris. *Quest. XIII.*

**Q**VAERETVR quomodo cõfortarentur manus Gedeonis audiẽdo quod diceretur in castris. Respondendum, quod cum plures probationes sunt ad aliquid, tanto res, quæ probatur, firmior efficitur: cum ergo super præcedentes probationes adderetur ista, confortaretur manus Gedeoni, plus quàm prius. Aliter dicendũ etiam, quod omnes probationes quas hactenus dederat Deus Gedeoni, firmę erant, sed nõdum patebat aliquid de illis in opere, per istam autem probationem pateret aliquid in re: nam nunc auditurus erat Gedeon somnium, in quo Madianitę confiterentur timorem suum de Gedeone conceptum, & cũ aliquis hostis incipit formidare alium quasi desperando de etasione minor illo efficitur, ideo Gedeon hoc audiens sciret se maiorem Madianitis, & confortaretur contra eos. Item Madianitę erant multo plures quàm Israelitę, scilicet vt nullo modo timere deberẽt Israelitas, nunc verò cum Gedeon audiret eos enarrantes timorem suum conceptum de Gedeone, sciret manifeste, quod Deus incusserat eis timorem illũ, & confortaretur nimis. Item sciebat Gedeon, q̃ omnes istę gentes erant nimis supersticiosę attendentes ad somnia, ideo cũ somniarent se delendos à Gedeone, illico crederent, & conseruarent mente, & videntes subito per intempestam noctem irruisse super se Gedeonẽ, putarent verum esse somnium, & fugerẽt, vel turbati sequerent in seipso. *Descendit ergo ipse, & Phara puer eius in partem castrorum.* Noluit descendere solus, vt non timeret, & dicitur in partem castrorum, scilicet ad primam partem castrorũ: quoniam nõ ausus est introire in castra. *Ubi erant armatorum vigilie.* In extremitate castrorum semper solent esse armati custodiẽres, nè hostes subito irruant in castra, & vsque ad illam partem descendit, nec visus est, vel fortẽ non est cognitus, quia putauerunt vigilẽs, q̃ esset de manentibus in castris. *Madian autem, & Amalech, & omnes orientales populi.*

**F** Omnes isti conuenerant contra Iudæos. Vocantur orientales omnes, qui morabantur ad orientalem partem Iordanis & terrę Israel, scilicet Amon, & Moab, & reliqui. *Foras iacebant in valle.* Idest dispersi per vallẽ: dormiebant enim securi, quia multi erant, & quia habebant super vigilias armatorum. *Ut locustarum multitudo.* Scilicet, quod sicut locustę sunt valde multę, & quando veniunt, & insident alicui terrę operiunt superficiem terrę: ita isti populi operiebant terram præ multitudine. *Cameli quoque innumerabiles erant, sicut arena, quę est in litore maris.* Iste gentes abundabant maxime in Camelis, potissimẽ Madianitę, vt patet Is. 60. capi. scilicet: Inundatio Camelorum operiet te, dromedarii Madian, & Ephra. Ducebant autẽ secum gentes istę Camelos suos, scilicet, vt saturarentur, & impinguarentur in terra Iudæorum. Etiam, vt in eis portarent onera: nam cum tabernaculis suis veniebant cũ filiis, & vxoribus, præcedenti capitulo. Erant etiam adferendum onera de terra Iudæorũ, scilicet res aliquas mobiles, vt quęcunque supellestilia. Et dicitur, quod erant sicut arena, quę est in litore maris, eo quod erant valde multi. *Cumque venisset.* Hic ponitur assecuratio ex somnij relatione, & interpretatione, scilicet. *Cumque venisset Gedeon.* Scilicet cum accessisset ad extremam partem castrorum, in qua erant vigilẽs. *Narrabat aliquis proximo suo.* Idest incipiebat narrare, quia alioquin Gedeon non aduertisset plenẽ sententiam: in Hebræo dicitur. *Narrabat aliquis vir somnium proximo suo.* Et idem est: sed litera nostra posuit solum aliquis, quia hoc magis congruit ad signandam incertitudinem qualis erat hic. *Et in hunc modum referebat, quod viderat.* Scriptura exprimit somnium, & interpretationem, vt videatur quomodo ex somnio illo confortatus est Gedeon.

Quomodo Deus misit hic Gedeonem ad audiendum somnium cum ipse retaret somnia. *Quest. XV.*

**Q**VAERET aliquis, quomodo Deus misit hic Gedeonem ad audiendum somnium, quia ipse prohibebat nimis attendere somnijs, & quibuscũque superstitionibus Deut. 18. f. Non inueniatur in te, q̃ lustrat fratrem suum, aut filiam ducens per ignem, aut q̃ ariolos sciscitetur, & obseruet somnia. Simile Leu. 19. capi. iubendo tamen Gedeoni ire ad audiendum somniũ, & interpretationẽ eius, fauebat somnijs innuẽdo illa esse alicuius auctoritatis. Ideo non erat conueniẽs. Respõderi potest, q̃ somnia sũt duplicia, quędam sunt à Deo immissa: alia verò ab alijs causis. De somnijs à Deo immisissis nõ est prohibita interpretatio, & auditio. In somnijs autem prouenientibus ex alijs causis, vt cõmuniter est supstitio, licet quędã naturaliter eueniãt, de quibus non intendo. De primis patet, vt de somnijs prophetarum: nam Deus per somnia, vt cõiter reuelabat eis veritates supernaturales Nu. 12. f. Si fuerit inter vos ppheta dñi: in visione apparebo ei, aut in somnio loquar ad illũ: reuelationes tñ ppheticę sunt neceßę, cum dicat Beatus Petrus: plus assentiemus eis, q̃ rebus; quas videmus: secunda Petri c. 1. Quia tñ non constat nobis ista somnia pphetarũ esse ppheticę immissa, vel aliter euenisse, licebat cuiq; assentire illis quousq; propheta daret signũ, vt patet Deut. 18. Interdũ et accidit esse somnia immissa illis, qui non sunt pphetę, & non intelligunt illa, sed alij exponunt: & tunc si à viris prophetis, vel approbatis in sacra scriptura illa exponantur, credendum est tam somnio, quàm expositioni, sicut de somnio duplici Pharaonis in vaccis, & spicis, Gen. quadragesimoprimum. Nam à Deo immissum est, vt dixit Ioseph Gen. 41. & nullus potuit exponere præter Ioseph, cui Deus dederat sapientiam exponendi somnia. Vnde ipse dixit: nunquid non est dominũ inter-

Somnia sunt duplicia: quędam à Deo immissa, & quędam ab alijs causis.

Credendum est tam somnio, quàm expositioni, si à viris prophetis, vel approbatis in sacra scriptura illa exponantur.



interpretatio? Gen. 40. & iterum respondit Pharaoni A  
quærenti, quòd interpretaretur, absque me responde-  
bit Deus prospera Pharaoni: Gen. 41. Sic etiam fuit in  
Nabuchodonosor, qui non erat propheta. Nec intelle-  
xit somnia: Deus tamē misit ei duo somnia, vnum de  
statua Dan. 2. & exposuit illud Daniel, dicens: Deus,  
qui reuelat mysteria, reuelauit tibi, quæ ventura sunt.  
Et aliud de sua deletione per arborem magnam Dan.  
4. & vtriusque interpretationem Daniel dedit, & asse-  
ruit illa venire à Deo. De his autem non vetitum est  
obseruari somnia, imò iussum est, quia istæ sunt pro-  
phetiæ. Alia somnia sunt, quæ accidunt ex multis cau-  
sis indeterminatis, & ista sunt superstitiones, & qui ista  
obseruant, facilius incidunt in idolatriam; ideo Deus  
vetuit obseruari illa. Somnium autē, quod nunc nar-  
rabat Madianita, verè à Deo immissus erat, ideo habe-  
bat certam significationem, & poterat ei fides certissi-  
ma adhiberi. Quod autem à Deo esset immis-  
sum, patet, quia ipse misit Gedeonem ad audiendū ipsum.  
Aliter potest responderi, quod quamquam indistinctè He-  
bræi nō deberēt insistere somniis, vel expositioni eo-  
rum accommodando aliquam fidem, tamen Gedeo  
poterat confortari, quia gentes adhibebant fidem his:  
& habito isto somnio terrentur, & timerent Gedeo-  
nam, & hoc satis erat Gedeoni, vt confortaretur: sed  
primum melius est.

Nunquid Gedeon superstitiosè ageret assentiendo expositioni da-  
tæ ab alio Madianita. Quæst. XV I.

QVAERETVR vltius, dato quod somniū esset  
à Deo, an Gedeon superstitiosè ageret assentiē-  
do expositioni datæ ab alio viro Madianita. Aliquis  
dicet, quod non erat superstitio, cum somniū esset à Deo,  
in diuinis autem non est superstitio. Sed dicendum,  
quod hoc nō stat, quia dato, quod somnium esset à Deo,  
poterat esse friuola interpretatio, & esset supstitutio ob-  
seruando illam, sic patet in sacra scriptura. Nam con-  
stat illam verissimam esse, aliquis tamen poterit eam  
taliter exponere, vt nullo modo expositio admittenda  
sit, à fortiori ergo accidet in expositione somniorum.  
Vnde dicendū, quod dato, quod constet aliquod som-  
nium esse à Deo, nunquam est firmiter assentiendum  
alicui expositioni eius, nisi expositor sit propheta, sed  
iste vir Madianita, qui exponebat, non videbatur pro-  
pheta, sed magis exponebat secundum doctrinam su-  
perstitionis gentium in expositione somniorum, & in  
augurijs: ergo assentire expositioni eius erat superstitio-  
sum. Respondendum, quod non constat plenè an vir iste  
haberet spiritum propheticum ad interpretandū som-  
nia, ideo indifferens erat eius interpretationi assentire,  
& cuilibet audiētī illam melius erat iudicare, vt super-  
stitiosum, quàm vt firmam veritatem. De Gedeone  
tamen dicendum, quod rationabile erat, quod crede-  
ret istam interpretationem esse à Deo: imò quod om-  
nino sic tenere debebat. Primò patet, quia, sicut con-  
stabat ei somnium à Deo esse, vt patet ex dictis, ita cō-  
staret interpretationem esse à Deo, quia aliqui nihil  
prodesset somniū à Deo, mitti. Item, quia Deus misit  
Gedeonem ad audiendū somnium, & interpretatio-  
nem, vt roborarentur manus eius: si tamen expositio  
non esset certa, & à Deo confortatio nulla esset, vel  
falsa: ideo oportebat veram esse expositionem. Item  
totum, propter quod mittebat Deus Gedeonem in  
castra est expositio somnij, quia de somnio secundū se  
ipse nihil intelligeret, ergo expositio à Deo erat. Item  
si expositio non fuisset à Deo immissa cordi exponen-  
tis, esset superstitiosa, & Deus mitteret Gedeonem ad  
audiendam superstitionem: sed hoc falsum est, ergo  
erat expositio à Deo. Sciendum tamē, quod tam ille, qui  
Alph. Tost. super lib. Iudicum

somniabat, quàm ille, qui exponebat, à Deo moueban-  
tur, sed non intellexerunt. *Vidi somnium.* Id est vidi ima-  
gines rerum per somnium. *Et videbatur mihi quasi subci-  
nericius panis ex ordeo volui, & in Madian castra descendere.*  
Id est apparebat mihi, quod super vnum collem istorū  
erat vnus panis subcinericius, & veniebat rotando sup-  
castra ista Madian, quæ sunt in valle. Sic enim dicitur  
in somnio Nabuchodonosor, quod lapis excisus de mōte  
fine manibus percussit statuam in pedibus, & commi-  
nuta est: Dan. 2. In Hebræo habetur. *Videbatur mihi ca-  
nistrum panis hordeacei volui.* Scilicet, quod in canistro  
erant multi panes, & rotabatur canistrum, & disperse-  
bantur panes. Litera autem nostra posuit vnum pa-  
nem, quia rationabilius est hoc, quàm quod rotaretur  
canistrum: nam dispersio panum de canistro non im-  
portabat aliquam conuenientem significationem su-  
per illos, qui importabantur nomine panis. Item, quia  
si poneretur canistrum multorum panum, nō solum  
significaretur Gedeon, sed æqualiter omnes, qui cum  
eo erant. Expositor tamen interpretatus est, quod si-  
gnificabatur Gedeon: ergo cōueniētius ponitur vnus  
panis, sicut dixit litera nostra. *Cumque venisset ad taber-  
naculum percussit illud, atque subuertit.* Intelliguntur mul-  
ta tabernacula, quia non solum vnum tabernaculum  
deleturus erat Gedeon, sed etiā omnia castra Madian.  
*Et terra funditus coæquauit.* Scilicet, quod non dimisit  
aliquid de tabernaculo erectum, sed totum compla-  
nauit: ita vt nihil maneret de tabernaculi figura, vel sta-  
tu. In Hebræo habetur præter hæc. *Et cadebat tentorium.*  
C Quod satis intelligitur per hoc quod dicitur, & terræ  
funditus coæquauit. *Respondit is, cui lquebatur.* Scilicet  
ille cui narrabatur somnium: Deus tamen immisit  
spiritum propheticum ad intelligentiam huius som-  
nij, & vera exposuit.

Quomodo spiritus propheticus communicabatur Madianitis,  
qui erant Gentiles. Quæst. XVII.

QVAERETVR quomodo spiritus propheticus  
cōmunicaretur his, qui erāt incircuncisi, & ido-  
latræ. Respondendum, quod Deus quantum ad gra-  
tiam gratis datam cuiusmodi est spiritus propheticus,  
non distinguebat inter bonos & malos, & inter circun-  
cisos & incircuncisos: sicut facit oriri solem suum su-  
per bonos & malos, & pluit super iustos & peccato-  
res. Matth. 5. quia ista sunt gratis data, & non gratum  
facientia: ita & spiritus propheticus indifferenter im-  
mittitur. Nam parum differt ab excellenti ingenio,  
sed ingenia maiora fuerunt inter incircuncisos quàm  
inter Iudæos, vt patet ex inuentione totius sapientiæ,  
quæ penè a gentilibus exorta est, & catholici nostri eā  
compleuerunt. In quo ambiguum est valde, an Iudæi  
aliquam particulam sibi ascribere possint, sed quid-  
quid habent mendicatum est. In Iudæis quoque qui-  
busdam pessimis sapientia data maxima est. Sicut Sa-  
lomoni, qui turpissimus vir postea fuit. De spiritu etiā  
prophetiæ satis patet. Nam gentilibus datus est, sicut  
fuit Balaam ariolus de Mesopotamia, & tamen erat  
verus propheta, cui multa, & magna reuelata sunt, vt  
patet Num. 24. Patet etiam de sybillis: nam decem sy-  
billæ fuerunt, vt tangit August. 18. de Ciuit. Dei, & no-  
minat eas Lactantius lib. 1. de falsa religione, siue de  
natura Deorum. Omnes has prophetas aiunt, & nō  
solum prophetauerunt, sed etiam prophetiam vnus  
earum, quæ Erithrea dicitur ab Ecclesia recipitur, &  
recitat eam August. 18. de Ciuit. Dei, quæ constat in  
vigintiseptem versibus exametris, & multa dicta  
sunt ibi de domino Iesū, & leguntur in lectionibus ma-  
tutinalibus Natalis Domini. Inter Iudæos etiam aliq-  
uali fuerunt prophetæ, sicut Cayphas, de quo Io. 11.

Inuentio  
sapientiæ  
Gentibus  
quasi tota  
exorta est.



Ideo nō est mirum si ad vtilitatem populi Dei Madi-  
nite quoq; datus fuerit spiritus propheticus ad horā. s.  
vt per hoc confirmarentur Israelitæ in proposito pu-  
gnandi. *Non est hoc aliud nisi gladius Gedeonis filij Ioas viri  
Israelitæ.* Scilicet totum istud somnium intelligitur de  
gladio Gedeonis. *Tradidit enim Dominus in manus eius  
Madian.* Scilicet populum Madian, & per hunc intel-  
ligitur etiam Amalec, & omnes alij populi orientales,  
qui conuenerant in valle. *Et omnia castra eius.* Scilicet,  
quia gentes occidet, & castra diripiet.

*De quo Deo intellexerat hic vir iste, quod tradiderat Madian in  
manus Gedeonis. Quæst. XVIII.*

**Q**VAERETVR de quo Deo intellexit hic vir  
iste, quod tradiderat Madiā in manus Gedeonis.  
Respondendum sicut supra dictum fuit, quod iste vir  
exposuit somnium per spiritum propheticū, & sic iste  
nihil dixit, nisi qđ Deus posuit in mēte eius, sed Deus  
locutus est de seipso; ideo necesse erat, qđ intelligeren-  
tur hæc de vero Deo, qui ista indiderat cordi viri. Sed  
tunc restat dubium, cum iste vir nesciret se moueri à  
Deo exponēdo hoc, sed putabat, qđ à seipso ista loque-  
batur, quem sensum ipse habebat. s. quem Deum ipse  
putabat esse, de quo loquebatur, quia fortē intelligen-  
ret de alio nimis diuerso, sicut fuit de Caypha, qui pro-  
pheticē dixit: Expedi vt vnus homo moriatur pro po-  
pulo, & non tota gens pereat: & hoc dixit à spiritu san-  
cto Io. 11. ipse tamen accepit in hoc sensu, qđ expedie-  
bat ad bonum statum vr̄bis Ierusalem, & vt nō periret  
illa tota gēs, occideretur Christus, quia si non occide-  
retur venirent Romani, & tollerent gētem, & locum:  
Spiritus San. protulit ad significandum, qđ expediebat  
Christum mori pro salute totius generis humani, nē  
omnes perirent, vt ibidem exponitur in litera: ita hic  
potuit esse. Respondendum, qđ vir iste potuit de hoc  
Deo concipere dupliciter. Vno modo, qđ iste Deus  
esset quidā Deus supremus inter alios Deos, qui tamē  
non plene cognoscebatur, & quodocunq; nomina-  
bant Deū non exprimentes nomen intelligebatur de  
hoc, quia erat supremā virtus. Atheniēses autem, qui  
ceteris gentibus peritiores erant de Deo isto, abundā-  
tius senserunt, constituentes ei arā inter ceteros Deos,  
& concordauerunt in multis proprietatibus eius cum  
Beato Paulo: Act. 17. fortē autem intellexit vir iste de  
hoc Deo. Secundō modo poterat concipere de Deo  
Hebræorum: nam quælibet gens Deum suum habe-  
bat, & putabant aliæ gentes Deum Hebræorum esse,  
sicut Deos ipsarum, sicut dixerunt Syri serui regis Be-  
nadab: dij montium sunt dij eorum, ideo superauerūt  
nos: sed melius est, qđ pugnemus contra eos in campe-  
stribus, & obtinebimus eos, vt patet 3. Reg. 20. & tamē  
dij montium sunt quidam dij speciales apud Gentiles,  
qui vocabantur Iugatini. Quicquid tamen esset puta-  
bant Deum Hebræorum esse potentiorē dijs Gen-  
tium: sic dixerunt Philisthini 1. Reg. 4. Venit Deus in  
castra, & ingemuerunt dicentes: Væ nobis: non enim  
fuit tanta exultatio heri, & nudiustertius: væ nobis, qđ  
nos seruabit de manu Deorum sublimum istorum? hi  
sunt dij, qui percusserunt Aegyptum omni plaga in  
deserto. Concedebant etiam imō astruebant Genti-  
les bella Deorum, quomodo quædam gens pugnans  
habebat Deos pugnantes pro se, & alij dij pugnabant  
pro alia gente: sic in bello Troiano introducit Iuno  
pugnasse pro Græcis, & Venus pro Troianis, & Vene-  
rem fuisse in bello vulneratam. De hoc Ouidius in  
libro de Remedio amoris, & de Arte amandi, & Vir-  
gilius in 10. Aeneidos. De hoc August. de Ciuit. Dei  
lib. 3. ita Gentiles putabant, quod Deus Iudæorum pu-  
gnaret pro eis contra Madian, & contra Deos Madi-

**F** nitarum, & traderet Madian in manus Israel. Quod  
etiam pugnaret Deus Israel contra Deos Gentilium  
ipse met dixit Num. 33. quod fecit iudicia in omnibus  
dijs Aegyptiorum, confringendo eos: confitebantur  
autem istud bellum Philisthini dicentes, quod Deus  
Israel percutit pat Deos suos 1. Reg. 6. scilicet, Dabit  
gloriam Deo Israel, si fortē releuet manum suam à vo-  
bis, & à dijs vestris, & à terra. Dicendum ergo verifi-  
milis esse, quod iste vir exponens somnium intelle-  
xerit, quod Deus Israel traderet Madianitas in manus  
Gedeonis: nam Madianitæ nouerant potentiam Dei  
Israel, cum essent vicini Iudæorum.

*Cum somniator, & expositor cognouerint destructionem Ma-  
dian certissimē, cum mouerentur à Deo, cur non fecerunt  
Madianitas de loco recedere, & cetera.*

*Quæst. XIX.*

**Q**VAERETVR vltius, cum isti duo viri, scili-  
cet somniator, & expositor cognouerint destru-  
ctionem Madian certissimē, cum mouerentur à Deo,  
cur non fecerunt, vt recederent Madianitæ de loco,  
vel saltem, vt adhiberent super se maiorem diligentia.  
Respondendum, quod quamquam isti duo viri à Deo  
moti sunt ad somniamdum, & exponendum non pu-  
tauerunt se moueri à Deo, sed somnium esse de com-  
muniter accidentibus: expositionem verò non esse à  
Deo, sed per artem suam, quam in expositione som-  
niorū obseruabant, & quia somnia sæpe fallebant eos,  
licet interdum verum reperirent, non multum atten-  
derunt ad hoc, putantes esse sicut in alijs. Quod autem  
isti, quamquam à Deo mouerentur, non intellexerint  
se moueri ab illo, patet: nam somniatoribus sic sæpe  
accidit: sic fuit in Ioseph, qui habuit somnia à Deo si-  
gnātia prælationē suam super patrem, & fratres, Gen.  
37. & ipse non intellexit tunc: postea verò, quando ac-  
cidit compleri illa, scilicet inclinatis coram eo fratrib⁹  
suis, recordatus est somniorum, quæ aliquando vide-  
rat, vt patet Ge. 42. cap. sic etiam Pharaō habuit à Deo  
somnia, sicut dixit Ioseph Gen. 42. tamen non puta-  
bat Pharaō se à Deo moueri, sed quod ista acciderent,  
vt cōmuniter accidit. Sic etiam de Nabuchodonosor  
fuit, qui vidit duo somnia, Dan. 2. & 4. & vtrumq; fuit  
à Deo: ipse tamen non putabat à Deo prouenire, sed  
Daniel dixit ei, quod Deus volebat ei per hoc reuelare  
futura. De expositoribus etiam, quod interdum ne-  
sciant se moueri à Deo patet, quia sicut per aliquos ad  
denunciandum futura loquitur Spiritus sanctus, & ipsi  
non putant se moueri à Deo, vt fuit de Caipha Io. 11.  
ita ad exponendum aliqui illuminabuntur à Deo, &  
non putabunt se à Deo dicere motos. Ita etiam si quis  
perat à Deo spiritum intelligendi, vel respondendi in  
aliquo tempore necessitatis, si deuote petit, & confi-  
denter, & est honor Dei, certissimē Deus dat, & tamē  
interdum isti loquentes accepto spiritu loquuntur, &  
nesciunt an ex se, vel à Deo dicant, nisi cum interdum  
magna dicunt, quæ aliās non nouerunt.

*Quomodo hæc applicentur Gedeoni. Quæst. XX.*

**Q**VAERETVR vltius, cum totum istud si-  
gnum dicatur de Gedeone, sicut dixit exposi-  
tor, qđ nihil aliud est, nisi gladius Gedeonis: quomodo  
hæc applicentur Gedeoni. Respondendum, quod se-  
cundum Rabbi Salomon: erat panis ille hordeaceus,  
quia tunc erat festum azymorum, in cuius secūda die  
offerebatur manipulus spicarum hordei: Leuit. 23. ca.  
Sed hoc non stat, quia tunc non erat Pascha, vt declara-  
tum est præc. ca. Item, quia dato, qđ esset Pascha, nihil  
attinebat ad somnium panem hordaceū esse, vel non.  
Dicen-



Dicendum ergo, quod Gedeon significatus est in pane hordaceo, quia est hordeum aliquid contempnibile, & non accipitur ab hominibus in cibum: ita Iudei, de quibus erat Gedeon, erant contempnibiles apud Madianitas, & alias gentes, quia opprimebantur ab eis nimis. vocatur panis subcinericius, quia subcinericius velociter formatur, & coquitur, & non expectat tempus fomentandi: sic bellum Gedeonis fuit velociter, & inopinatè factum: nam non opinantibus Madianitis superuenit eis Gedeon: videbatur etiam panis iste volui super castra Madian, idest descendere rotando, eo quod Madianites posuerant castra in valle, & Gedeon stetit cum viris suis in summitate montis, & postea descenderunt ad castra cum impetu, quasi descenderent rotando: dicitur et quod percutiebat ille panis castra Madian, & coquebat terræ tabernacula, quia Gedeon nihil reliquit de castris Madian, sed deleuit omnia.

*Quomodo Gedeon audito somnio, & interpretatione confortatus est. Quest. XXI.*

**Q**VAERETVR ulterius, cum Gedeon descendit in castra, & audiuit somnium & interpretationem, quomodo confortatus est, quia videtur quod non poterat confortari, cum non posset intelligere, cum ille gentes essent multum differētes ab Hebræis. Responderi potest, quod Gedeon intelligebat linguam istarum gentium, quia iste gentes erant conuicte terre Chanaan, & omnes quasi habitabant in terminis illius. Vel potest dici quod cum Deus mitteret eum ad castra, quamquam non intelligeret prius linguam gentis illius, fecit eum intelligentem illam, & cognouit quæ dicebantur, melius tamen est primū: nam sequenti cap. habetur quomodo Gedeon loque retur ad Zebee, & Salmana reges Madian: & tamen ibi non est necessitas ponendi miraculum, cum non ageretur aliquid quod pertineret ad Deum: dicendū ergo quod lingua erat alternatim cognita propter vicinitatem prouinciarum. *Cumque audiisset Gedeon somnium & interpretationem eius, adorauit.* Scilicet dedit gratias Deo inclinando se in terram & adorando, quia ostenderat ei tale signum, in quo manifestabatur totalis victoria eius certissima. *Et reuersus est ad castra Israel.* Ista castra erant trecentorum virorum, qui erant socij Gedeonis: reliquerat enim eos in loco latibuli, cum ipse, & Phara puer eius descenderunt ad castra Madian. *Surgite. tradidit enim dominus Madian in manus nostras.* Idest paramini ad bellum, scilicet accipiendo tubas, & lampades. *Quia Deus tradidit castra Madian in manus nostras.* Idest certissimum est, quod tradet.

Diuisitque trecentos viros in tres partes, & dedit tubas in manibus eorum lagenasque vacuas ac lampades in medio lagenarum. Et dixit ad eos: Quod me facere videritis, hoc facite: ingrediar partem castrorum, & quod fecero sectamini. Quando personuerit tuba in manu mea, vos quoque per castrorum circuitum clangite, & conclamate domino & Gedeoni. Ingressusque est Gedeon & trecenti viri, qui erant cum eo, in partem castrorum, incipientibus vigilijs noctis me-

**A** diae, & custodibus suscitatis, ceperunt buccinis clangere, & complodere inter se lagenas. Cumque per gyrum castrorum in tribus personarent locis, & hydrias confregissent, tenuerunt sinistris manibus lampades, & dextris sonantes tubas, clamaruntque gladius Domini & Gedeonis: singuli in loco suo per circuitum castrorum hostilium. Omnia itaque castra turbata sunt, & vociferantes, vlulantesque fugerunt: & nihilominus insistebant trecenti viri buccinis personantes. Immisitque Dominus gladium in omnibus castris, & mutua se cede truncabant, fugientes usque ad Bethsetta, & crepidinem Abelmehula in Tebbath.

*Theſeus Aegri filius claret.*

*Diuisitque.* Hic ponitur tertium huius capituli. Scilicet asscuratorum certatio, & dicitur. *Diuisit trecentos viros in tres partes.* Solū erant trecenti, & diuisit eos in tres partes: centenos, & centenos, ut consistere in diuersis partibus in circuitu castrorum Madiā. *Et dedit illis tubas in manibus.* Scilicet cuiuslibet dedit vnam tubam, quia pugna eorum erat nunc in buccinando, & non in mouendo arma. *Et lagenas vacuas.* Scilicet singulo vnam lagenam, ut intra eas ferrent lampades, ut viderentur multi esse exercitui Madianitarum. *Ac lampades in medio lagenarum.* Idest posuerunt lucernas in medio amphorarum. Vocantur lampades, ut volunt Hebræi carbonēs igniti, vel torres, aut aliquid aliud incensum, quod satis magnum lumen prestare poterat, & non poterat faciliter extinguī. Ex quo patet, quod non erant lucernæ simplices, quia faciliter potuissent extingui a patente aere post cōfractionem lagenarum. Iste lampades fuerunt positæ in lagenis quādo exiuerunt Israelitæ de castris, & erāt lagenæ vndique clausæ præter quā in orificio superiori, ita ut venientibus Israelitis cōtra castra Madian nullum venire viderent, si tñ essent lagenæ fractæ, vel ex aliqua parte aperte vidissent Madianitæ venientes Israelitas ad castra a longe, ut interim se pararent ad resistendum eis. *Et dixit ad eos, quod me videbitis facere, hoc facite.* Ante hoc non dixerat Gedeon sociis suis, quid agere deberent: nunc autē, ut auferat sibi onus semper præcipiēdi dixit eis, quod me videbitis facere, hoc facite, idest non expectetis alia mandata a me, sed quidquid ego faciam, vel dicam, hoc vos facite, & dicite. In Hebræo habetur. *A me videbitis, & facietis.* Idest vos videbitis me facere aliqua, & illa facietis, quia idem est. *Ingrediar partem castrorum.* Scilicet partem, in qua erant vigiliæ. sic enim fuit prius quando venit Gedeon in castra Madian, venit solū in partem castrorum, in qua erant vigiliæ, ut patet supra. *Et quod fecero sectamini.* Idest sicut ego clangam, & tenebo lampadem, & complodam lagenas, ita & vos quando personuerit tuba in manu mea, vos quoque tuba clangite, scilicet quilibet de vobis clangat: nam quot viri erant, tot tubas habebant: & primus debebat esse Gedeon, ut daret signum aliis, ut scirent quando oportebat clangere, ne facerent ante tempus.

*Asscuratorum certatio.*

*Lampades quid more Hebræorum.*

*Aegreum mare ab Aegro re-cto denominatur.*



*Quare Gedeon, & eius socij habuerint nunc tubas, & lampades: & an fuerit propter solennitatem dationis legis.*  
*Quest. XXII.*

**Q**VAERETVR quare Gedeon, & socij sui habuerunt nunc tubas, & lampades. Respondet **Rab. Salo.** Rabbi Salomon, quod hoc factum fuit propter solennitatem dationis legis, quia tunc sonitus tubarum erat, & apparebant lampades. Sic patet Exod. decimo nono, scilicet: Iam dies tertius aduenerat, & mane inclarauerat: & ecce ceperunt audiri tonitrua ac micare fulgura, & nubes densissima operire montem, & clangor buccinae vehementius perstrepebat. Sed dicendum, quod hoc nihil ad propositum attinet, quia hic agebatur de opere bellico, & non de commemoratione festorum: potissimè, quia tunc non erat festum Pentecostes, in quo dicunt datam fuisse legem ut asserit Rabbi Salomon, sed festum azymorum quod est quinquaginta diebus prius. Sed dicendum, quod fuerunt ob aliam causam. Quod enim haberent socij Gedeonis aliquam buccinam, causa erat, quia semper in buccinis clangendum est ad bella, quia sunt ad dandum signum inchoandi, vel desinendi, vel faciendi aliquid. Aliud etiam quia incitant animos itatem propter sonitus iratos. De hoc Arist. octauo Politicorum. Et ob hoc omnes gentes utuntur classicis in bello. Erat etiam specialis causa in Iudeis, quia Deus iubebat, quod in bellis clangerent tubis, ut Deus recordaretur eorum. de hoc Numeri decimo, scilicet: Si exieritis ad bellum de terra vestra contra hostes, qui contra vos dimicant, clangeritis vultantibus tubis, & erit recordatio vestri coram Deo vestro, ut eruamini de manibus inimicorum vestrorum. Quod autem essent tot viri, quot tubae alia causa est, scilicet quia Deus volebat, ut bellum istud Israelitarum non esset in armis, sed in clangoribus, ut Madianites videntes per non item subito super se tot tubas putarent tantum esse exercitum, quantum requirebat tubarum pluritas, si autem esset una tuba vel paucæ, non putaretur esse tantus exercitus, nec crederetur venire ex omnibus partibus castrorum, sed solum ex una. De lampadibus autem causa est ad terrendum Madianitas, quia cum ipsi subito viderent tot faculas in circuitu suo: ita ut quasi essent castra undique vallata, putaretur quod conuenissent super eos valde magni exercitus, qui tantum lumen exigent, ideo conturbarentur magis. Sed dicitur, quare non erant solae faculae, vel solae tubae. Respondendum, quod neutrae sufficiebant: nam si solae faculae ponerentur, & non audiretur aliquis alius strepitus bellicus, Madianites putassent hoc esse miraculum, qualia sunt illa, quae a Deo accidere solent, & non crederent esse exercitum, ideo quamquam in se timore concuterentur, tamen non mouerentur in seipsos tanquam in hostes: si autem solas tubas audiuiissent non videntes lumen non putarent esse tantum exercitum, nec scirent a qua parte veniebant. Etiam & potissimè, quia cum istae tubae sonarent intra castra Madianitarum, scilicet in prima parte castrorum putaretur, quod istae tubae erant vigilum, & non tantum terrerentur Madianitae, sicut visis faculis, & tubis, ideo simul fuerunt tubae, & lampades.

*An istae tubae quas ferebant socij Gedeonis, essent tubae sanctuarij.* *Quest. XXIII.*

**Q**VAERETVR ulterius, an istae tubae quas ferebant socij Gedeonis, essent tubae sanctuarij, quas iusserat Deus fieri. Aliquis dicit quod sic, quia Deus iussit quod clangeretur in bellis illis tubis, & essent in recordatione coram Deo. In contrarium vi-

**F**detur, quod non fuerint tubae illae, quia illae fuerunt solum duae, ut patet Numeri decimo, isti autem habuerunt nunc tredecim tubas. Sed ad hoc respondebitur quod non fecerunt, quia quamquam iusserit Deus Moysi facere duas tubas, non vetuit facere plures: ideo postea multae factae leguntur: nam in bello contra Iericho, quando circumdabatur ciuitas sacerdotes clangebant septem tubis iubilatorum, ut patet Iosue sexto. Dicendum tamen adhuc est, quod non fuerint istae tubae sacrae: quod patet, quia licet multae tubae sacrae essent, tamen non fierent tot, ut essent tredecim, quia illae solum fiebant, ut clangerent in bellis, & ad sacrificia, & similia de quibus Num. 10. in quibus non requirebatur tantus numerus tubarum. Item patet efficacius, quia tubae sacrae solum erant, ut clangerent in eis sacerdotes, ut patet Num. 10. scilicet: Filij Aaron Sacerdotis clangent in eis: hoc erit legitimum sempiternum in generationibus vestris. Sed isti euntes ad bellum non erant sacerdotes, sed de filiis aliarum tribuum, cum dicatur precedenti cap. quod conuocauit tribum Manasse, Aser, Zabulon, & Nephthali. Et de his solum manserunt trecenti viri ad extremum, ideo oportet, quod essent de aliqua vel aliquibus harum tribuum: ideo non liceret eis clangere tubis sacris. Sed aliquis obicit, quod quamquam non esset licitum hoc regulariter, licuit nunc ex dispensatione, sicut Gedeoni licuerunt alia precedenti cap. ut facere sacrificia, & altaria constituere. Dicendum, quod non stat, quia non fuit aliqua dispensatio: nam tubae istae non fuerant specialiter assumptae ad istud ministerium, quo postea usus fuit in eis Gedeon, sed ferebantur ad bellum, cum iret multitudo magna, scilicet triginta duae millia, & tunc remissis omnibus ad loca sua praeter trecentos de tubis aliorum sumptae sunt tubae pro his & cibi, ut patet supra in litera, ergo non erat dispensatio, sed ferebantur tubae multae a laicis venientibus de diuersis tribubus. Cum autem arguitur, quod Deus iubebat in bellis sumi buccinas argenteas, quas fecerat Moyses. Dicendum quod illud erat verum in bellis totius Israel, quando totus Israel ex communi consensu, vel princeps populi faciebat bellum contra hostes: nam tunc portabantur buccinae sacrae, & ibant sacerdotes ad clangendum in eis: istud autem non fuit bellum totius populi: sed Gedeon cum viris de familia sua iuit, & postea congregauit sibi quosdam de populo: ideo non oportebat, quod ferrent tubas sacras. Et clamate: Domino & Gedeoni. Id est quando buccinaueritis interdum voces emittite clamando de Deo, & Gedeone, scilicet dicentes: gladius domini, & Gedeonis, ut patet infra.

*Quomodo Gedeon in tantam arrogantiam prorupit, ut iuberet hoc dicere.* *Quest. XXIII.*

**Q**VAERETVR quomodo Gedeon in tantam arrogationem prorupit, ut iuberet hoc dici: quia in hoc videtur victoriam Deo, & sibi ascribere: sed nulli hoc fas est, cum victoria totaliter a Deo sit, potissimè nunc. Nam hoc totum miraculo gestum est, cum Gedeon, & socij sui nihil egerint. Respondendum, quod non fecit hoc Gedeon ad aliquam arrogantiam, sed ad incutiendum timorem Madianitis, sicut ipsi conceperant. Nam in expositione somnij dictum est: non est hoc aliud, nisi gladius Gedeonis filij Ioas viri Israelite: cum autem nunc nomen Gedeonis audiret, crederent somnium verum fuisse, & facilius timore concuterentur. Item factum est ad hoc, quod cognosceretur dux exercitus: nam interdum quidam duces sunt terribiles hostibus, quorum nomine audito pauescunt hostes, quos nominari in bello valde bonum est:



est: nam accidit, quod aliqui pugnares interdū cum aliquibus viris fortibus, si putent eos debiles poterunt preualere, quia pugnabunt confidenter, tanquā preualituri, & si putent eos viros fortes patiebunt, & vocatur ista fortitudo per ignorantiam, de qua Arist. 3. Ethic. ponit exemplum, dicens quod Argæi solebant pugnare contra Sicionios, qui debiles erant, & preualebant: semel autem contingit, quod pugnarent contra Lacones, qui erant fortissimi, a quorum facie si cognouissent illico fugituri erant Argæi: putauerunt tamen eos Sicionios fore, & confidentes fortiter pugnauerunt atque preualuerunt: nominandus ergo erat Gedeon, quia hostibus terribilis habebatur. *Ingressus est & Gedeon, & trecenti viri, qui erant cum eo.* Hic descenderunt Gedeon, & socij sui ad castra Madianitarum, & ingressi sunt omnes trecenti, ut omnes simul clangerent, & clamarent. In Hebræo habetur. *Et centum viri, qui erant cum eo.* Dicendum quod varietas insurgit, quia Gedeon introiens castra Madian, diuisit socios suos in tres partes, ut poneret eos ad tres partes castrorum Madian, ut patet in litera, scilicet cum que per gyrum castrorum in tribus personarent locis: & in qualibet parte erant centum viri: ideo Gedeon fuit in vna parte, in qua erant centum viri, & de his intelligitur litera Hebraica, scilicet. *Centum viri, qui cum eo erant.* Idest in parte sua: litera autem nostra voluit ponere omnes viros Gedeonis: ideo posuit trecentos in partem castrorum. Scilicet in primam partem castrorum, in qua erant vigiles.

*Quare socij Gedeonis venerunt ut introirent in primam partem castrorum. Quest. XXV.*

**A** licet vigilibus. *Ceperunt buccinis clangere.* Scilicet tunc accedendo ad castra ceperunt clangere. De custodibus suscitatis potest dupliciter intelligi: vno modo, quod erat media nox, quando ceperunt Israelitæ introire castra, & tunc vigiles præcedentes suscitauerunt a sonore vigiles noctis mediæ, & in illa suscitatione venerunt Israelitæ. Aliter potest intelligi, & melius quod vigiles castrorum circa medium noctis sopore grauati fuerunt, & tunc venit Gedeon, & socij sui, nec excitati sunt custodes quosque cepit strepitus, & clamor Gedeonis apud castra: & sic etiam ipsi vigiles putauerunt esse hostes intra castra, quia non viderunt eos venientes: unde omnes conturbati sunt, & in se conuersi. *Et complodere inter se lagenas.* Idest ceperunt percutere eas inuicem, & sic sunt fractæ: habebat enim quilibet lagenam vnam, & complodebat eam cum lagena alterius, & sic frangebatur. *Cunque per gyrum castrorum in tribus personarent locis.* Isti viri diuisi fuerunt in tres partes per centenos, & centenos erant in tribus locis in circuitu castrorum: & non clauserunt omnia castra ne Madianitæ non videntes locum euadendi irruerent per mediū clangentium, & occiderent aliquos eorum. Reliquerunt autem partem quandā apertam, ut per illam possent fugere Madianitæ, & sic factum est: nam pars Orientalis versus Iordanem, per quam erat iter ad terram ipsorum mansit aperta, quia illa erat, per quam ipsi magis fugere cuperent. *Et hydrias confregissent.* Scilicet confregerunt lagenas inuicem collidendo eas.

*Quare Israelitæ confragerunt lagenas. Quest. XXVI.*

**Q** V A E R E T V R quare confragerunt lagenas. Nunc respondendum, quod fecerunt per duo, primum erat, quia ipsi portauerunt ignem intra lagenas, ut existentes in castris non viderent: nam si essent facule patentes, possent Madianitarum vigiles, vel aliqui de castris videre a longe venientes Israelitas cum Gedeone, & cauere sibi ab illis: nec timerent postquam venissent scientes, quod nullus introierat in castra: & sic non concitarentur in seipsos: postquam autem accesserunt ad castra, si non confregissent lagenas, mansissent lampades occultæ, & nihil viderent Madianitæ, ideo ut viderent subito super se tot faculas, & putarent hostes ingressos in castra, oportebat, ut cum accederent ad castra confringerentur lagenæ, & subitanea appareret lux. Secundum erat ad terrendum Madianitas, ut putarent esse fragorem exercitus: simul enim buccinasse ceperunt, & concutere trecentas lagenas, ut secundum multitudinem tubarum, & facularum ita putaretur multitudo exercitus: & quia ille fragor fuit factus apud castra subito expergefacti Madianitæ putauerunt super se irruisse Gedeonem cum magno exercitu, ideo mox ut expergefacti sunt conuerterunt gladios in se inuicem. *Tenuerunt sinistris manibus lampades.* Scilicet fractis lagenis tenuerunt faculas manibus, ut putarentur illuminare exercitum, qui introierat in castra Madian. *Et dextris sonantes tubas.* Idest in dextris manibus tenuerunt tubas, & clangebant: est enim manus dextra aptior ad hoc quam sinistra, quia sinistra est ad motum inepta, dextra ad applicandum ad quæcunque locum eleuando, vel deprimendo aptior, ut ait Isidorus vndecimo Etymo. *Clamauerunt: Gladius domini, & Gedeonis super castra.*

**Q** V A E R E T V R quare socii Gedeonis venerunt, ut introirent in primam partem castrorum: nam cum commouerentur Madianitæ, poterant percutere socios Gedeonis, sicut se alterna cede truncabant. Respondendum quod Gedeon cum viris suis introierunt in primam partem castrorum, scilicet in qua erant vigiles, & non in aliquam partem castrorum multitudinis: ibi enim potuissent percuti: quia essent intra ipsam multitudinem, quæ tumultuabatur, sed in loco vigilum nequaquam illi autem vigiles confugerunt in castra populi, & oportuit Gedeonem cum sociis esse coniunctos castris, quia alioquin nondum putaretur quod aliquis exercitus hostilis introisset in castra Madian, & non mouerentur in alterutrum: nunc autem cum starent coniuncti castris tenentes faculas & buccinas, putabatur Madianitæ, quod reliqui de exercitu hostili introierant intra castra Madian ad percutiendum, & illi manebant exterius ad illuminandum, & ob hoc putantes Madianitæ esse hostes inter se ceperunt mutuo se percutere tanquam contra hostes pugnarent. *Incipientibus vigilijs noctis mediæ.* Idest tunc erat media nox quando introiuit Gedeon cum sociis suis. Causa autem quare illo tempore introirent, fuit, quia voluit subito Gedeon terrere hostes, & istud esset, si nec ipsi hostes dormientes, nec vigiles eorum cognosceret, quia in media nocte incipiebant quidam vigiles, ut dicitur hic. *Incipientibus vigilijs noctis mediæ.* Et si venissent dum manerent alij vigiles, qui vigilauerant a principio noctis scirent illi, quod nulli essent ingressi castra: & non commouerentur in se subito Madianitæ, quamquam viderent in circuitu tubas, & lampades, essent parati si quis eorum castra introire vellet: nunc autem vigiles nondum erant excitati, qui vigilare debebant in principio mediæ noctis, sed Gedeon, & socij sui excitauerunt eos, ita ut subito viderent eos apud castra, & tunc nescierunt an aliqui essent intra castra vel non, & turbati sunt. *Et custodibus suscitatis.* Sci-

Gedeon cum sociis suis quare media nocte introierunt in castra Madian.



*Quare clamabant, gladius Domini, & Gedeonis non pugnantibus Israelitis contra Madianitas.*  
*Quaest. XXVII.*

**Q**V A E R E T V R cum nullus de Israelitis pugnaret contra Madianitas, quare clamabant gladius Domini, & Gedeonis. Respondendum, quod Israelitae volebant per omnem modum innuere Madianitis, quod magna multitudo exercitus introiuerat in castra eorum, & ad hoc dicebant, gladius domini, & Gedeonis, id est gladius Gedeonis, qui est intra castra confortetur per gladium Dei: & tunc Madianitae putauerunt, quod intra castra essent iam hostes cum Gedeone, & isti, qui clangebant buccinis clamabant hoc ad confortandum, & concitandum bellatores suos. **G** Nam in bellis ista classica, vel litua habentur ad clangendum, quia conditio eorum est excitare iram, vel animositatem, & generaliter in omnibus instrumentis, quae habent longum tractum, & angustum, & non habent multa spiracula. De his octauo Politicorum.

*An peccarint Israelitae faciendo fraudes, ut conuerterent Madianitas ad bellum intestinum.*  
*Quaest. XXVIII.*

**Q**V A E R E T V R vltius, an peccauerunt Israelitae faciendo istas fraudes, ut fallerent Madianitas, & conuerterent eos ad pugnandum contra se ipsos. Respondendum, quod licebat, quia Deus iussit, & quidquid Deus iubet etiam si alias malum esset, bonum efficitur: sicut iussit Abraham occidere filium suum, & licuit Gen. 22. iussit Israelitis furari bona Aegyptiorum, & licuit: Exo 3. & 11. atque 12. Sed adhuc dicendum, quod dato, quod Deus non iussisset, erat licitum: nam si licebat Israelitis occidere Madianitas: ergo licebat eis occidere illos quomodocumque possent. Bellum autem licitum erat, cum Madianitae quolibet anno sine causa inuaderent terram Israelitarum, & demolirentur illam, & depascerentur vniuersa. Sed obliuiscitur, quod hoc faciebant Madianitae propter peccata Israelitarum, ut executores diuinae iustitiae, ut patet praecedenti ca. scilicet. Fecerunt Israelitae malum in conspectu Domini, qui tradidit eos in manu Madian septem annis: ergo non peccabant. Respondendum, quod Madianitae solum mittebantur a Deo venire super Israelitas propter peccata eorum, & alias non permissi fuissent: non tamen iuebantur a deo venire, nec ipsi sciebant se venire a deo missos, sed veniebant propter desideria sua, scilicet ut lucrarentur, & dominarentur Israelitis. Et adhuc dato, quod dicerent se missos a Deo, nesciebant, & peccabant: sic patet de Sennacerib, qui dixit regi Ezechiae se missum a deo, quarto Reg. 19. & Isa. 36. & secundum veritatem sic erat, ut patet Isa. 10. tamen ipse non putabat se missum a Deo, nec in virtute Dei haec agere, quamquam illa diceret. Sic patet eodem capit. scilicet. Vt Assur, virga furoris mei, & baculus ipse: in manu eorum indignatio mea, ad gentem fallacem mittam eum, & ad populum furoris mei mandabo illi, ut auferat spolia, & diripiat praedam: ipse autem non sic arbitrabitur, & cor eius non sic existimabit, sed ad conterendum erit cor eius dicit enim nunquid non principes mei simul reges sunt & cetera. peccabant ergo, quia contra conscientiam agebant bella iniusta. Cum ergo Israelitae haberent iustum bellum, licebat eis per quemcumque modum occultum pugnare, & ponere insidias, sicut iussit Deus Iosue 8. quando pugnatum est contra urbem Hai,

*An liceret Israelitis pugnare contra Madianitas agendo fraude.* *Quaest. XXIX.*

**Q**V A E R E T V R vltius, an liceret Israelitis pugnare contra Madianitas agendo ista, si manifestum esset eis, quod Madianitae mittebantur a Deo, & quod etiam ipsi Madianitae non mouebantur desideriis suis, sed solum, quia Deus eis expresse iussisset. Respondendum, quod iste casus est difficilior quam suprapositus, quia tunc constabat Israelitis, quod Deus permittebat super eos venire Madianitas propter peccata, ut reuelauit eis vir Dei veniens ad eos, supra praecedenti capit. tamen sciebant, quod Madianitae non erant expresse missi a Deo, sed mouebantur ex affectionibus suis, ideo legitime poterat responderi eis, ut personis priuatis: nam persona priuata etiam pro iustissima causa non potest penam ullam infligere. Sed adhuc dicendum quod quamquam constaret eis, quod Deus expresse misisset Madianitas ad pugnandum contra illos, non tenebantur non resistere illis, sed licite resisterent. Causa est, quia quocumque esset, Deus non mittebat illos, ut iudices, sed ut hostes, hosti autem resisti semper potest. Ad hoc autem, quod deus mitteret illos, ut iudices oportebat, quod mandaret Madianitis, quod irent in terra Israel, & deleurent illam propter peccata. Etiam, quod denuntiaret Israelitis, quod obedirent Madianitis volentibus destruere terram: & tunc ex mandato illo erant obligati Israelitae non resistere, alias nequaquam. Causa est, quia ut est determinatio omnium sanctorum, & habetur 1. Sententiarum dist. vlti. non tenemur conformare voluntatem nostram Deo in voluto, sed in radice volendi, & in fine, scilicet quod sicut ipse ex charitate vult, ita & nos velimus, & sicut ipse omnia ad bonum finem vult, & nos ad bonum velimus. Unde si vult quod pater meus moriatur, & hoc mihi constet, non teneor velle, imo volendo quod moriatur pecco, & volendo, atque contrarium exorando, & conado ad illud mereor, nisi deus expresse mihi dixerit, quod illud velim: quia tunc non obligor ex voluntate Dei cognita, sed ex precepto imposito: ita hic quamquam determinate deus iussisset Madianitis, quod deleurent terram Israel, & ipsi venientes nihil praeterirent de forma mandati, & hoc constaret Israelitis, adhuc non tenebantur parere Madianitis, sed poterant illos occidere, ut hostes.

*An peccarent Israelitae innuentes Madianitis, quod introisset exercitus magnus in castra eorum, cum nullus introisset.*  
*Quaest. XXX.*

**Q**V A E R E T V R vltius, an peccarent Israelitae innuentes Madianitis quod introisset exercitus magnus in castra eorum, cum nullus introisset. Aliquis dicit quod sic, quia hic erat mendacium, & illud semper est peccatum. Respondendum, quod non fuit illicitum, quia omnia sic ut fecerunt Israelitae Deus fieri iusserat. Sed adhuc dicendum, quod praeter mandatum Dei licebat, quia ubi est iustum bellum, licet hosti contra hostem occidere, & praedari, & consequenter omnia, sine quibus ista fieri nequeunt: sicut si alicui delegatur causa, ut sententiet in ea, delegatur omnia, sine quibus non potest sententiare. Extra de Officio dele. cap. praeterea. solum autem cauendum est in hostibus, ne federa imposita violantur, vel in aliquo mentiantur, quia tunc peccant: & quodcumque bellum inde secutum iniustum fit, quamquam alias iustum foret ex causa, pro qua fit. Ratio diuersitatis est, quia cum quis scit aliquem esse hostem suum, scit quod ille inquireret ei omnia mala, quae poterit, & debet sibi cauere

Quomodo tene-  
mur color  
mare volu-  
tatem non  
stram diu-  
nae volun-  
tati.

Federa se-  
uanda ho-  
stibus.



*Infidie in bello licite*  
 vere ab illo, & si hostilitas sit publicata inter illos, qui vicissim bellum indicere possunt: non oportet, quod aliquis eorum moneatur, sed quod obsecret se per omnem modum: quia nihil hostibus illicitum est. Vnde quocunque modo potuerit vnus occidere alterum, siue per insidias, siue per fraudem, vel quocunque modo licet, quia non vocantur ibi insidiae, nec fraus, cum ius gentium ista concedat, & vbi ius aliquem monuit, non oportet ad illud amplius admoneri: sicut dies interposita ad aliquid agendum, vel soluendum pro homine interpellat, & non oportet admoneri debitorem ad soluendum in termino. Cum autem interponuntur fœdera, vel quaecunque verba promissionis inter hostes, illa sunt omnino seruanda de iure gentium, ideo qui contra illa fecit, tanquam violator iuris peccat, & omnia bella facta prætextu fraudis huius mendacii, vel ruptorum fœderum iniusta sunt, quamquam alias sint iusta ex causa: sic tenet Aug. & declaratum est super Iosue capit. octauo, hic autem non intercidit aliquod mendacium, quia Israelitæ nihil promiserunt Madianitis quod violarent, nec aliquid locuti sunt, quod falsum esset, ideo non peccabant. Quod autem vellent, quod Madianitæ intelligerent esse exercitum magnū hostium in castris ipsorum, non erat mendacium, licet conarentur occultare veritatem. Nam qui ponit insidias vult innuere hostibus, quod non sint plures belatores, quam qui apparent: & quod non sunt alibi quam vbi apparent, & falsum est: tamen istud licitum est, vt tenet Aug. & declaratum est Iosue octauo. Ratio diuersitatis huius, & mendacii quod est in voce, est, quia de iure gentium est, quod hostes se inuicem fallant, vt poterunt, & quod insidias ponant, ideo quilibet debet esse præmonitus ne hostis suus ei insidias posuerit: sed si fœdera tamen interposita sunt, vel quæque verba inuicem habita, de iure gentium seruanda, & ob hoc hostes non se obseruaret inuicem super hoc tanquam nihil mali passuri, & possent faciliter perire: tunc quomocunque in verbo mentiri peccatum est, sicut in quibuscunque alijs communicationibus humanis: quia ibi sicut non est licitum verbo mentiri, ita nec fraudes vel dissimulationes fieri: & hoc ad fallendum animo lucrandi, vel alium lædendi: animo tamē euadendi pericula, vel damna licet quibusdam dissimulationibus vti in rebus, licet non in verbis, vt declarabitur primo Regum decimo sexto capitul. Licuit ergo Israelitis dicere, gladius Dei, & Gedeonis: quia per hoc non mentiebantur, cum non assererent illum esse in castris, sed orabant, vt confortaretur, & volebant quod Madianitæ sic intelligerent. *Stantes in loco suo singuli.* Idest isti viri trecenti diuisi fuerant in tres partes, & in tribus locis, & vbi quilibet confregit lage nam suam, ibi mansit. *Per circuitum castrorum.* Hostilium, non est intelligendum, quod essent totaliter in gyro, ita quod ambirent omnia castra, vt supra dictum fuit: sed solum erant in tribus locis per circuitum, & manebant aliqua partes mediæ per quas poterant exire fugiendo Madianitæ.

*Quare quilibet istorum virorum stabat in loco suo.*

*Quest. XXXI.*

**Q**VAERETVR, quare quilibet istorum virorum stabat in loco suo, scilicet quod non introibat in castra, vel non recedebat aliquantulum inde. Respondendum, quod propter duo. Primum vt non occiderentur a Madianitis: nam mox vt isti buccinis increpauerunt turbati Madianitæ conuersi sunt in se putantes in hostes agere, & si accessissent ad partem interiorem Gedeon, & loci sui inuoluti fuissent in mortem gladio Madianitarum. Et ista eadem causa

**A** fuit quare non circumdederunt omnia castra, scilicet ne Madianitæ volentes fugere cogerentur irrumperere per medium clangentium, & occiderent aliquos eorum. Etiam non expediebat, quod aliquo modo discederent a castris, ne Madianitæ putarent eos fugere, & persequerentur illos. Secundum erat, vt Madianitæ putarent quod isti non erant pugnantes, sed illuminantes exercitum pugnatorum, qui erat intra castra: ad illuminandum autem non expediebat, quod accederent, & recederent, sed quod manerent in eodē loco. *Omnia itaque castra turbata sunt.* Idest omnes qui erant in castris turbati fuerunt, quia subito viderunt super se tot lumina, & buccinas, & fragorem tanti exercitus. *Et vociferantes vlulantes fugerunt.* Idest videntes se sic circumdatos, & putantes esse hostes in castris suis fugerunt nescientes contra quem pugnarent, & in fuga vociferabant, & vlulabant. Istæ voces non erant exortationum ad bellum, nec compellentium ad fugam, sicut dicitur Exod. 32. sed erat vox meroris fugientium. *Et nihilominus insisterant trecenti viri buccinantes.* Idest quamquam fugerent Madianitæ semper sequebantur eos viri Gedeonis buccinantes.

*Cum Madianitæ essent in fugam conuersi, & viri Gedeonis non essent percussuri illos, quare illos persequerentur.*

*Quest. XXXII.*

**Q**VAERETVR cum Madianitæ, essent conuersi in fugam, & viri Gedeonis non essent percussuri illos, quare persequerentur eos, & insisterant semper buccinantes. Respondendum, quod omnia, quæ Gedeon faciebat, erat vt Madianitæ putaret hostes esse in castris, & conuerterentur in seipsos tanquam in hostes: Madianitæ autem mox audito fragore, non conuersi sunt in se, sed fugerunt, ideo si viri Gedeonis mansissent in loco, suo nihil factum esset, quia fugientes Madianitæ putarent, quod hostes non persequerentur eos, vel quod non erant in castris, cum viderent buccinatores cum faculis manere, & non haberent motum conuertendi gladios in alterutrum: cum autem viderunt quod semper persequerentur eos putauerunt quod hoc faciebant, quia erat exercitus Gedeonis intra Madianitas: ideo conuersi sunt in se tanquam in hostes. *Immisitque Dominus gladium in omnibus castris.* Idest concitauit Deus Madianitas in omnibus partibus castrorum suorum, vt in alterutrum pugnarent. *Et mutua se cedere truncabant.* Idest vnus occidebat alium sicut hostem. Erat autem facilis ista occisio, quia omnes erant inermes, & coniuncti loco & turbati, ita quod non se obseruaret alter ab altero: vnde in breui mortui sunt valde multi, scilicet centum viginti milia, vt patet sequenti capit. In Hebræo non habetur mutua se cedere truncabant, sed est explanatio literæ præcedentis.

*Quomodo factum est, vt Madianitæ in se conuerterentur gladio percutiendo nemine illos percutiente.*

*Quest. XXXIII.*

**Q**VAERETVR quomodo factum est, vt Madianitæ in se conuerterentur gladio percutiendo nemine percutiente illos. Respondet Iosephus quinto antiqui. quod hic erant multæ gentes linguis discordantes, & ob hoc putantes se hostes conuerterant in alterutrum gladios. Quod autem diuersæ gentes essent, patet, quia præcedenti capit. & hic dicitur, quod erant Madianitæ, & Amaleciti, & reliqui orientales populi, & isti linguis discordabant. Ista causa satis verisimilis est, & nunc potissimè mouere poterat eos, quia subito excitati a somno viderunt super se tot buccinatores & faculas, putauerunt hostes esse in castris,

*Iosephi responsio ad questionem.*



Deus ad  
quancun-  
que passi-  
one potest  
corda mo-  
uere.

Deus qui  
doque  
ad impru-  
dentiam  
mouet

Deus inter-  
dū hoīem  
ad dementi-  
ā mouet.

stris, & quia incipientes loqui audierunt inter se lin-  
guarum diuersitatem, quilibet coniunctum sibi ho-  
stem putabat. Aliter dici potest, & melius, quod hoc  
fuit ex quadam perturbatione immissa eis supernatu-  
raliter a Deo, ita ut non se cognoscerent: & ista per-  
turbatio signatur cū dicitur: immisit dominus gladiū  
in castris, idest perturbauit eos, & fecit quod vicissim  
se gladiarent. Est enim in potestate Dei cor hominis  
Prouerbio 21. sicut diuisiones aquarum, sic cor regis  
in manu domini, & quocunq; voluerit, verter illud:  
ita de cordibus omnium aliorum virorum intelligen-  
dum est: ideo potest Deus mouere corda ad quamcū-  
que passionem, scilicet ad iram, gaudium, tristitiam,  
timorem, vel insaniam, vel dolorem. Patet de ira Le-  
uit. 26. scilicet qui remanserint de vobis dabo pauorē  
in cordibus eorum in regionibus hostium, terrebit  
eos sonitus folij volantis, & ita fugient quasi gladiū,  
cadent nullo persequente, & corruent singuli super  
fratres suos quasi bella fugientes. Simile patet Exo.  
23. scilicet terrorem meum mittā in pręcursum tuū  
& cæt. idem Deutero. 28. cap. De gaudio, vel clemen-  
tia patet Esther 14. nam cum introiuit Esther erat As-  
suerus quasi furibundus, & Esther occidenda erat, quā  
accessit non vocata, & subito Deus conuertit Assue-  
rum in clementiam, & gaudium, & ipse consolabatur  
Esther tanquam sororem. Aliquando mutat in irā,  
sicut quando peccabant Israelitę, Deus cōcitabat po-  
pulos finitimos in irā contra eos, & persequiebantur il-  
los: sic patet supra, scilicet. Addiderunt filij Israel fa-  
cere malum in conspectu domini, qui confortauit ad-  
uersus eos Eglon regem Moab, & copulauit ei filios  
Ammon, & Amalec. Sic etiam erat quodocunq;  
concitabat alios populos, ut Assyrios, Chaldeos: quā  
patet clarē Isa. 10. scilicet. Vt Assur virga furoris mei  
& baculus ipse: in manu eorum indignatio mea: ergo  
Deus concitabat istos ad iram, ut per eos vlsceretur  
iram suam. Aliquando Deus mouet ad imprudentiā,  
scilicet ut nesciant homines iudicare de eis, quę sunt  
notissima. sic factum est cum orauit Dauid, q̄ Deus  
infatuaret consilium Achitofel secundo Regum 15.  
& quamquam consilium eius vtile foret, infatuauit  
Deus Israelitas, ut non assentirent consilio eius, sed cō-  
silio Chusi quod erat ridiculum, & stultum, secundo  
Regum 17. Interdum mouet Deus hominem ad tā-  
tam dementiam, ut nesciat quando est dies, & quādo  
est nox, & palpet in meridie quasi cæcus: sic patet  
Deutero. vigesimo octauo, scilicet: Percutiat te Deus  
amentia, & cecitate atque furore mentis, & palpes in  
Meridie sicut palpare solet cæcus in tenebris, & non  
dirigas vias tuas. Interdum etiam mouet mentē no-  
stram, ut ea, quę coram nobis sunt cernentibus oculis,  
& non excæcatis non videamus: sicut fuit in Sodo-  
mitis Gene. decimo nono, & in seruis Benadab regis  
Syrię quarto Regum sexto cap. & sic de aliis passioni-  
bus. Interdum etiam mouet ad obliuionem præce-  
dentium subito, & inducit novos modos, & habitus  
in anima: sic factum est in edificantibus Babylonem:  
nam Deus confudit subito linguam vnā, ut non se  
intelligerent, & dedit illis 72. linguas, vel 70. ut alij vo-  
lunt. De hoc Genesi vndecimo, ita poterat Deus  
causare quemcunq; modum perturbationis vellet,  
ita ut non se intelligerent Madianitę, & putarent cer-  
tissimē esse hostes. Simile factum est tempore re-  
gis Iosaphat: nam Amonitę, Moabitę, & Idumæi,  
qui venerant, ut contra pugnarent, conuersi sunt in  
seipso, & mutuis vulneribus conciderunt, ut patet 2.  
Paralipo. vigesimo cap.

**F** ubi fuerit maius miraculum in diebus Iosaphat vel in bello  
Madianitarum. Quæst. XXXIII.

**Q**VAERERE TVR, cum hic, & in diebus Iosaphat  
fuerit simile bellum, ubi fuit maius miraculum.  
Respondendum, quod maius fuit in bello Iosaphat:  
nam hic habita fuerunt multa incentina, quę non fue-  
runt in bello Iosaphat: nam istud fuit factum per no-  
ctem, in qua minus poterant iudicare an hostes essent  
inter eos. Illud autem fuit per diem. Item hic vi-  
derunt Amonitę buccinatores subito super se con-  
clamantes: Gladius Domini, & Gedeonis, & stre-  
pitum lagenarum quasi magni exercitus. ex quo  
putabant hostes esse in castris: ibi autem nihil tale vi-  
derunt: nam consotios suos venientes viderunt. Item  
hic Madianitę erant dormientes, quando irruit Ge-  
deon, ideo turbari verisimile erat, illic autem vterque  
exercitus vigilabat, & contra se veniebat. Item hic  
non pugnaverunt Madianitę contra aliquos extrinse-  
cos ad quos irent, sed putātes intra castra esse hostes,  
in seipso, tāmquam in hostes conuersi sunt: illi autem  
viderunt socios suos venientes, & in illos tanquam in  
hostes impetum egerunt, per quā oīa, & plura mate-  
rię differendi colliguntur conferendo ea, quę habē-  
tur hic, & secundo Paralipo. vigesimo capit. *Fugientes  
vsque Bethseca.* Ista est ciuitas quędam in terra Israel ci-  
tra Iordanem, & vsque ad illā durauit intefectio, quia  
fortē ibi illuxit dies, & Madianitę cognouerunt seip-  
so, & sic non  
occisi sunt omnes Madianitę. *Per crepidinem Abelme-  
hula in Tebbath.* Idest etiam persecuti sunt eos Abel-  
mehula vsque ad locum Tebbath per quandam crepi-  
dinem, idest montem præruptum, quia nō erat via pla-  
na, sed per abrupta: & quodocunq; fors obtulisset,  
ferebantur præ turbatione in præceps, & Israelitę per  
eadem loca persequiebantur eos. In Hebræo habetur.  
*Ceredaza.* Quod ponitur tanquam nomen proprium,  
vbi nos ponimus per crepidinem. Et Hebræi ponūt  
ut nomen proprium vrbis, vel montis. Et fortē erat  
aliqua terra, vel mons præruptus, cuius causa litera  
Hebraica, nomen posuit. Ieronymus autem cogno-  
scēs terram illam cū ipse ambulasset totam terram  
Chanaan, & Aegyptum pedibus, ut cognosceret om-  
nia loca, de quibus fit mentio in scriptura, & sic posset  
confidenter transferre, ut ipse testatur in quodam pro-  
logo super Paralip. qui incipit Eusebius. sic transtulit  
quasi esset mons præruptus. Aliqui putant, quod Teb-  
bath est ciuitas, quę vocatur Thebes, de qua hī supra,  
de qua fuit Elias propheta, sed nō patet, an sit verum.

Conclamantes autem viri Israel de Ne-  
phthali & Aser, & omni Manasse perse-  
quebantur Madian. Misitque Gedeon nun-  
cios in omnem montem Ephraim, dicens.  
**K** Descendite in occursum Madian, & occu-  
pate aquas vsque Bethbera, atque Iordanē.  
Clamauitque omnis Ephraim, & præoccu-  
pauit aquas atque Iordanem vsque Bethbe-  
ra. Apprehensosque duos viros Madian,  
Oreb, & Zeb, interfecit Oreb in perra.  
Oreb, Zeb vero in torculari Zeb. Et per-  
secuti sunt Madian, capita Oreb, & Zeb  
portantes ad Gedeonem transfluenta Ior-  
danis.

Isa. 70. 29.  
q. 5. s. 6. in  
ibi mont  
tradidit.  
Tyrus Sy-  
ria ciuitas  
conducit.



A. iutorum  
associatio.

Conclamantes autem. Hic ponitur quartum, scilicet adiutorum associatio, scilicet, quia fugientibus Madianitis coniuncti sunt Gedeon, & viri eius alij Israelitę ad persequendum hostes. *Conclamantes autem viri Israel de Nephthali, & Aser, & omni Manasse persequantur Madian.* Idest fugientibus Madianitis alij Israelitę, scilicet de Nephthali, & Aser, & Manasse, idest de istis tribubus conclamabant, idest conuocabant se exhortantes ad persequendum Madianitas.

*Quomodo Israelitę ad persequendum Madianitas conuocari poterant. Quęst. XXXV.*

**Q**UÆRETUR quomodo Israelitę poterant conuocari ad persequendum Madianitas: nam Madianitę ceperunt fugere media nocte, & non cesauerunt fugere quousque euaderent de periculo, sed dum venirent Israelitę conuocati effugissent Madianitę. Aliquis dicet, quod istę tribus, quę nunc iuerunt ad persequendum Madianitas, erant paratę in aliquo loco, ita quod poterant mox, vt ipsi fugerent persequi eos. Quod patet, quia istęmet tribus sunt, quę precedenti capitulo commemorantur venisse ad Gedeonem, scilicet misit nuncium in vniuersum Manasse, qui secutus est eum. Alios etiam nuncios in Aser, Zabulon, Nephthali, qui occurrerunt ei. Respondendum, quod isti non erant in aliquo loco expectantes: nam Gedeon nesciebat euentum belli, vt iubere illis expectare, ideo cum Deus iussisset, quod recederent, ipse hoc etiam iussit, & recesserunt in domos suas, vt patet supra in litera, scilicet omnem reliquam multitudinē pręcepit ire in tabernacula sua. Aliter dici potest, quod istud factum est, quia Madianitę erant intra terram Israel in valle Iezrael precedenti capitulo, & cum fugerunt transierunt per multa loca Israel sicut hic in litera dicitur: & de illis locis exiebant viri ad persequendum Madianitas, & isti coniungebantur Gedeoni. Sed hoc non stat, quia isti cōgregati erant de Manasse, Nephthali, & Aser, vt patet in litera: sed non occurreret Gedeoni, & viris suis persequendo Madianitas transire per loca omnium harū tribuum. Dicendum ergo, quod istę tribus conueniunt per vocationem, quia videns Gedeon fugisse Madianitas, misit nuncios per omnes tribus propinquas, vt persequerentur Madianitas. Quod patet, quia dicitur infra, q̄ misit Gedeon nuncios in oēm montē Ephraim dicens: descendite in occursum Madiā. Ita ergo mittere poterat ad omnes alias tribus, de quibus hic. Cum autem obijcitur, quod prius quā aliqui de istis vocatis venirent, effugerent penitus Madianitę. Dicendum quod non putabat hoc sic futurū Gedeon. Et causa erat, quia iste tribus erant in via, per quam fugituri erant Madianitę, vel quasi: ideo prius quam Madianitę accederent ad loca illa, accederent nuncii Gedeonis vel quasi, & sic satis conuenienter poterant exire de illis tribubus. Et quamquam Madianitę pręcederent, cum ipsi iam essent lassī, & Israelitę recentes ad laborem surgerent, breuiter consequi possent eos. Alia causa erat & potissima, quia ad hoc quod Madianitę egredierentur de terra Israel in terram suam, necesse erat, q̄ ambularent fortē plus quā per duos dies, vel tres, & in his necesse erat, q̄ iter dum requiescerēt pp̄ laborē, & ad sumendū cibos: & tunc Israelitę poterant consequi eos, quamquam multum pręcederent eos Madianitę: & sic factum est, quia sequenti ca. dicitur q̄ cum Gedeon persequeretur Madianitas, reperit Zebee, & Salmana cū exercitu suo requiescentes in pace inter urbē Nobe, & Iecbaa, & tunc irruit super eos iterum Gedeon: viri quoque Ephraim tenuerunt multos ad vada Iordanis infra in

**A** litera. Alia causa erat, quia ad hoc quod fugerent Madianitę in terram suam, debebant primō transire Iordanem, qui pontem nō habebat, sed vada angusta, in quibus transeundis moraretur multitudo Madian fortē vna die, cū esset tanta, & interim poterant venire Israelitę vocati. *Et dedit dominus victoriam populo suo Israel in die illo.* Duplex victoria fuit, vna quā Deus per se solus fecit, nihil agentibus Israelitis, scilicet inquantum Madianitę conuersi sunt in seipfos: & ista fuit, quia perierunt quasi centum viginti millia. Secūda victoria fuit, in qua Israelitę aliquid egerunt, scilicet quia ipsi persecuti sunt Madianitas, & occiderūt multos apud Iordanem, & postea sequenti cap. *Misit Gedeon nuncios in omnem montem Ephraim.* In sortem Ephraim. Vocatur tota fors Ephraim mons, eo q̄ erat montuosa, sicut enim nominatur vbique, vt patet Iosue 17. & 20. & 21. & supra 4. & 1. Reg. 1. ad istos misit quia propinqui erant.

*An peccarit Gedeon vocando pugnatores, cū Deus prius iussisset multos Israelitas de bello recedere.*

*Quęst. XXXVI.*

**Q**UÆRETUR an peccauit Gedeon vocando pugnatores, cū Deus prius iussisset recedere de bello multos de Israelitis. Respondendum quod non, quia Deus volebat quod essent pauci in bello, vt non possent vsurpare sibi victoriam, vt ipse dixerat Gedeoni supra in litera: nunc autem iam bellum, quod Deus facturus erat, finitum erat, scilicet quod Madianitę in seipfos conuersi multos trucidarent, iō quamquam Deus nihilei nunc locutus est, credidit nō esse iniuriam diuinę vltionis, quod Israelitę congregarentur ad persequendum iam Madianitas, quia ēt si aliquos de illis occiderent Israelitę, imō & si omnes superstitēs occiderent, non poterant sibi vsurpare victoriam. Rationes huius supra assignatę sunt. *Dicens, descendite in occursum Madian.* Scilicet descendite de montibus, in quibus habitatis, & ite contra Madianitas. *Et occupate aquas vsque Bethbera, atque Iordanem.* Idest occupate omnes aquas Iordanis vsque Bethbera. Hęc litera videtur quod deberent Ephraim occupare alia flumina, quę erant vsque Bethbera, & ipsum flumen Iordanis. Sed hoc non stat: quia Iordanis est qui circuibat terram Chanaan in parte orientali: Numc. 34. & per illum transire debebant Madianitę; nec oportebat aliquas occupari aquas, nisi Iordanem: sed erit sensus. *Occupate aquas vsque Bethbera atque Iordanem.* Idest occupate Iordanem, qui est in directo sortis vestro, & omnes aquas eius vsque Bethbera. Pro quę sciendum, quod caput sortis Ephraim erat apud Iordanem, & apud illam ex parte meridiana erat fors Benjamin, quę etiam perueniebat ad Iordanem, vt patet Iosue 18. & apud illam ad meridiem fors Iosue, quę etiam perueniebat ad Iordanem Iosue 15. erat autem vrbs Bethbera, de qua hic dicitur in termino sortis Iude, vt patet Iosue 15. vnde est sensus quod Ephraim occuparent Iordanem, scilicet qui erat in directo sortis eorum: & omnes aquas eius vsque in Bethbera; quia forte vsque ad illum locum erant vada Iordanis, & per illa transire debebant Madianitę, sic vt aliqui volunt. Sed melius exponetur secundum quod litera innuit, & sine aliqua difficultate, scilicet quod inter locum, de quo fugiebant Madianitę vsque Bethbera erant aque, idest flumina, quę hēbant vada in certis locis solum, & illas aquas debebant occupare Ephraim, vt non possent transire Madianitę, & occiderentur ibi, & postea occupare debebant Iordanem, vbi erat principium impeditiū hostium: quia illud flumen erat magnum, & erat in paucis locis vadabilis.



*Quomodo poterant Ephraim ire ad præoccupandum aquas  
& Iordanem. Quest. XXXVII.*

**Q**VAERETVR quomodo poterant Ephraim ire ad præoccupandum aquas, & Iordanem: nã, non est hic simile ei, quod supra dictum est: eo quod inter locum fugæ, & Iordanem non erat magna distantia. Respondendum, quod Ephraim erant prope viam fugæ & poterant cito venire. Item quacunque aquam deberent transire Madianitæ cum essent valde multi, necesse esset, quod morarentur magno spatio, & ob hoc dum transibant aquas priores poterant descendere Ephraim in Iordanem ad occupandum eum, & ad aliquas aquas coniunctas Iordani, & sic factum est. *Clamavitque omnis Ephraim.* Idest omnes Ephraim exhortati sunt se ad veniendum, & venerunt ad aquas: nam ipsi velociter per omnia loca sua propinqua miserunt nuncios, & descendeabant priores, qui poterant de urbibus, quibus primo facta est vocatio: deinde de aliis urbibus. *Præoccupavit aquas, atque Iordanem.* Scilicet constituerunt magnum exercitum apud Iordanem, & apud singula flumina per quæ transire erant Madianitæ, ut cum venirent illi dispersi occiderent eos Ephraim. *Apprehensosque viros Madian.* Idest duos viros principes Madian, scilicet Ephraim manentes apud Iordanem inter ceteros Madianitas, quos occiderunt ceperunt istos duos principes Oreb, & Zeb viuos. *Et interfecit Oreb in petra Oreb.* Scilicet occidit eum super quandam petram, quæ postea vocata est petra Oreb. & quando scriptus est liber iste vocatur petra Oreb, ideo scriptor sic eam cognominavit. *Zeb verò in torculari Zeb.* Idest occiderunt Ephraim Zeb in torculari quodam, quod postea vocatum est torcular Zeb ab euentu.

*Quomodo fiat quod Ephraim occiderint Oreb, & Zeb.  
Quest. XXXVIII.*

**Q**VAERET aliquis, circa hoc quomodo fiat, quod Ephraim occiderint Oreb, & Zeb, quia sequenti ca. dicitur, quod Gedeon occidit Zebee. Aliqui respondent quod Oreb, & Zeb, & Salmana, & Zebee sunt idem: quod patet quia sequenti cap. tã isti duo, scilicet Oreb, & Zeb, quam illi duo, scilicet Zebee, & Salmana vocantur duces, vel reges: & satis apparet, quia Ephraim duxerunt capita eorum trans Iordanem infra in litera: si tamen fuissent viri paræ conditionis non duxissent Israelitæ capita eorum trans Iordanem. Sed hoc non stat, quia dicitur hic Ephraim occiderunt istos, sed sequenti capi. dicitur quod Gedeon per se occidit Zebee, & Salmana. Nec potest aliquis obijcere, quod quamquam ista fecerint Ephraim, quod ascribantur Gedeoni, quia facta sunt sub ducatu suo, sicut factum est de Iosue in quibusdam, ut declaratum est Iosue 11. quia hic ponitur quod Ephraim occiderint Oreb, & Zeb: & ponitur locus. s. vnum in petra alium in torculari: sed de Salmana, & Zebee ponitur sequenti cap. quod Gedeon dixit filio suo, quod occideret eos, & non ausus est: deinde ipse irruit in eos, & occidit illos. Item sequenti cap. & hic dicitur, quod Ephraim attulerunt capita Oreb, & Zeb. ad Gedeonem trans Iordanem, & Gedeon ait quid tale facere potuit quale vos fecistis? Dicendum ergo, quod isti viri erant quatuor viri principes Madianitarum, & duos ceperunt Ephraim apud Iordanem, & duos cepit postea Gedeon ultra Iordanem inter Nobe, & Iechaa, ut patet sequenti capitu. Quod autem sint quatuor distincti patet Psal. 82. cum dicitur: Pone principes eorum sicut Oreb, & Zeb, & Zebee, & Salmana. Differunt etiam nomina, quia v-

**F**nus horum vocatur Zeb, alius vocatur Zebee. *Et persecuti sunt Madian.* Scilicet Ephraim erant apud Iordanem, & istas aquas prædictas, & cum veniebant Madianitæ percutiebant eos: illi verò non curabant principaliter pugnare ne interim congregaretur totus Israel, & opprimeret eos simul, sed transibant aquas, dum percuterent, & sic transierunt Iordanem, & omnes aquas & occisi sunt multi de eis, & capti: nam tunc capti sunt duo principes eorum, scilicet Zeb, & Oreb, & cum transissent omnes Madianitæ Iordanem, ipsi quoque Ephraim transierunt post eos, ut rursum sequerentur eos a tergo, & occiderent. *Capita Oreb, & Zeb portantes ad Gedeonem trans fluentia Iordanis.* Hec portabant in signum victoriæ magnæ, scilicet quod occidissent duos reges Madianitarum. Aliquis turbabitur in hoc, quomodo Ephraim præoccupaverunt Iordanem, scilicet antequam transirent Madianitæ, & steterunt ibi occidentes de eis dum transibant, & postquam transierunt ipsi quoque Ephraim transierunt. Quomodo ergo non habuerunt obuium Gedeonem, sed ierunt ad eum trans Iordanem? Ex quo patet, quod Gedeon transierat antequam ipsi venirent: sed tunc sequeretur inconueniens, scilicet quod Gedeon transierat Iordanem ante Madianitas, quod falsum est, cum persequeretur eos. Dicendum ergo, quod Iordanis habebat plura vada, & Madianitæ fugientes diuisi sunt ad plura vada, ut facilius, & velocius transirent: Gedeon verò secutus fuit aliquam partem Madianitarum: & illa transiit per aliquod vadum, in quo non erant viri Ephraim, ideo postea ierunt ad illum ultra Iordanem ferentes capita Oreb, & Zeb regum Madian.

## CAPITVLVM VIII.



**D**IXERVNTQVE ad eum viri Ephraim: Quid est hoc quod facere voluisti, ut nos non vocares cum ad pugnam pergeres contra Madian? Iurgantes fortiter, & prope vim inferentes. Quibus ille rñdit: Quid enim tale facere potui, quale vos fecistis? Nonne melior est racemus Ephraim vindemijs Abiezer? In manus vestras Dominus tradidit principes Madian, Oreb, & Zeb. Quid tale facere potui, quale vos fecistis? Quod cum locutus esset, requieuit spiritus eorum, qui tumeabant contra eum. Cunque venisset Gedeon ad Iordanem transiit eum cum trecentis viris, qui secum erant: & præ lassitudine fugientes persequi non poterant. Dixitque ad viros Soccoth: Date, obsecro, panes populo; qui mecum est, quia valde defecerunt: ut possimus persequi Zebee, & Salmana reges Madian. Responderunt principes Soccoth: Forsitan palmæ manuum Zebee, & Salmana in manu tua sunt:



& sunt, idcirco postulas, ut demus exerci-  
tui tuo panes. Quibus ille ait: Cum  
ergo tradiderit Dominus Zebec, & Sal-  
mana in manus meas, contera in carnes  
vestras cum spinis, tribulisque deserti. Et  
inde conscendens, venit in Phanuel: locu-  
tusque est ad viros loci illius similia: Cui  
& illi responderunt, sicut responderant  
viri Soccoth. Dixit itaque eis: cum reuer-  
sus fuero victor in pace, destruam turrim  
hanc.

*Dixeruntque.* Descripta in præcedentibus hostium  
expugnatio. hic ponitur victoriæ perfectio quomodo,  
scilicet occisi fuerunt plures de Madianitis, & etiam  
reges eorum. Et diuiditur in septem partes. Primò  
ratione victoriæ ponitur quædam contentio; Secun-  
dò malignorum derisio ibi. *Cumque venisset Gedeon.*  
Tertiò hostium comprehensio ibi. *Zebec autem, &  
Salmana.* Quartò derisorum punitio ibi. *Reuertensque  
de bello.* Quintò aduersariorum occisio ibi. *Dixitque  
ad Zebec.* Sextò præde diuisio ibi. *Et tulit ornamenta.*  
Septimò nascitur quædã hæc transgressio ibi. *Fecitque  
ex eo Gedeon.*

*An sit hæc aliqua mutatio, & an immediate facta post  
precedentia. Quest. I.*

**Q**VAERETVR circa primum an ea, quæ ha-  
bentur hic habeant ordinem continuatum ad præ-  
cedentia, vel sit aliqua mutatio, & an fuerint hæc fa-  
cta immediate post precedentia. Ad primum dicen-  
dum quòd ordo continuatus est, quia supra poneba-  
tur quomodo persecutus sit Gedeon principes Madiã  
hic autem subditur qualiter comprehendit eos, & di-  
uisit prædam, fecitque alia consequentia ad bellum,  
ideo necessariò sunt hæc post illa. Ad secundum dicen-  
dum, quòd ista facta fuerunt immediate post præce-  
dentia: nam dicitur supra quòd viri Ephraim ceperunt  
Oreb, & Zeb, & decollauerunt eos, duxeruntque ca-  
pita ad Gedeonem transiens Iordanem. Hic autem  
ponitur contentio habita inter Ephraitas, & Gedeo-  
nem respectu huius belli: & fuit tunc facta quando  
obtulerunt ei capita Zeb, & Oreb, & sic non fuit mo-  
ra aliqua vel interpositio inter ea, quæ habentur præce-  
denti cap. & hic. *Dixeruntque ad eum viri Ephraim.* Sci-  
licet cum superbia quadam, & timore protulerunt  
quærelæ verba. *Quid est quod facere voluisti. Quasi di-  
cat malum est, quòd fecisti. Ut non vocares nos. quasi  
dicerent nos vocandi eramus.*

*Quomodo Ephraitæ dicunt se non vocatos.  
Quest. II.*

**Q**VAERETVR quomodo Ephraitæ dicunt se  
non vocatos: nam præcedenti cap. ponitur quòd  
Gedeon miserit nuncios in oëm montem Ephraim,  
& de aliis tribubus non ponitur quòd vocatæ fuerint.  
Respondendum quòd Ephraitæ conqueruntur quòd  
non fuerint vocati a principio, cum iuit Gedeon ad  
bellum, cum factum est principale bellum: nã nunc  
non fuit bellum præcipuum, sed persecutio hostium  
fugientium, & quia maior honor erat existentibus in  
præcipuo bello conquesti sunt.

Alph. Toft. super lib. Iudicum.

*Cur Conquesti sunt Ephraitæ de Gedeone.  
Quest. III.*

**Q**VEARETVR vltius cur conquesti sunt E-  
phraitæ de Gedeone. Respondendum quòd  
hoc fuit quia putauerunt se contemni: erant enim su-  
perbi Ephraitæ: ideo faciliter putabant se contemni,  
scilicet si non obseruarentur eis multæ ceremonie ho-  
noris. Erat autem motiuum huius præcipuum, quia E-  
phraim, & Manasse erant pars tribus Ioseph, sed Ia-  
cob pater Israelitarum ex priuilegio speciali fecit E-  
phraim, & Manasse esse duas tribus, & quamquam  
esset Manasse ætate Maior, Iacob benedicens posuit  
manum dextram super Ephraim, & dixit eum dila-  
tandum ingentes, & Manasse solum in populos, &  
quod minor ætate esset maior honore. Gen. 48. Ob hoc  
constitutus est Ephraim tanquã princeps, & sub eius  
vexillo erat tribus Manasse in deserto Num. 2. capi-  
nunc autem quia Manasse erat maior secundum car-  
nem contendebat interdum cum Ephraim, de digni-  
tate, & ob hoc quidquid agerent viri Manasse atten-  
debant viri Ephraim, an in contemptum eorum age-  
rent, vel ad preponendum se eis, & quia Gedeon erat  
de tribu Manasse supra 6. cap. & perrexit ad bellum, nõ  
vocata tribu Ephraim, putabant Ephraitæ, quod fecisset  
Gedeon in contemptum eorum, ut ipsi de Madiani-  
tas obtinerent victoriam, & viderentur maiores  
Ephraitis.

*Quare potius Ephraitæ conquesti sunt, quam aliæ tribus.  
Quest. IIII.*

**Q**VAERETVR, vltius quare potius Ephrai-  
tæ conquesti sunt, quòd non vocati fuissent, quã  
aliæ tribus. Respondendum, quòd forte hoc factum  
est, quia non vocati fuerant primo ad bellum: nunc  
autem vocabantur ad fugam, in qua esset labor perfe-  
quendo hostes, & non esset honor, quia non conse-  
querentur inde magnã victoriam, sicut in bello prin-  
cipali. Sed hoc non stat, quia etiam aliæ tribus nõ vo-  
cate fuerunt a principio, & vocatæ fuerunt postea, imò  
quòd grauius est aliq(u)æ tribus repulsæ fuerunt a bello  
prius, & postea vocatæ fuerunt, scilicet Nepthali, Aser,  
Zabulon, Manasse: Ephraitas autem non decuit tunc  
nominari. Potissimum ergo quòd commouebat E-  
phraitas erat: quia putabant quòd Gedeon, & viri Ma-  
nasse egissent hoc in contemptum eorum. non erant  
autem aliquæ tribus, quibus cum tribu Manasse es-  
set aliqua contentio super aliqua prælatione alterna si-  
cut erat inter Ephraim, & Manasse: ideo isti potius  
conquesti sunt. Alia causa fuit, quia cum filij Manas-  
se essent competitores sui, & obtinuissent nunc ma-  
gnificam victoriam, scilicet quam Deus per illos exer-  
cuit, & non per Ephraitas inuiderunt eis Ephraitæ: quia  
noluissent, quòd in hoc videretur excellentiores eis fi-  
lij Manasse, si tamen Manassitæ non obtinuissent nunc  
in bello, vel non fuisset tam memoranda victoria non  
contendissent, quare non vocauerant eos: imò for-  
te a principio, si vocasset eos Gedeon designati fuisset  
ire cum eo, ne subicerentur ducatu filiorum Ma-  
nasse. In Hebræo habetur. *Dixeruntque viri Ephraim.*  
Sed istud est per improprietatem idiomatis, in quo nu-  
meri, & personæ, & aliæ proportionalitates non ser-  
uantur. *Iurgantes fortiter, & prope vim inferentes.* Id-  
est cum hæc dicebant viri Ephraim non profereban-  
tur ea pacifice, sed cum magno iurgio, & iniurijs  
verbis, & quasi volentes inferre vim, idest facere bel-  
lum contra Gedeonem, quia non vocauerat eos. &  
sic vlciscerentur iniuriam suam.

K

An



*An Ephraim peccarent iurgium contra Gedeonem facientes.*  
*Quaest. V.*

**Q**VAERETVR an Ephraim peccarent facientes iurgium contra Gedeonem. Respondendum, quod sic, quia ex sola superbia, & inuidia collatae victoriae viris de tribu Manasse mouebantur, ut dictum est, sed quidquid propter ista sit peccatum est. Item quia nullam causam habebat vocare eos ad bellum, dux enim potest quos voluerit ad bellum vocare: forte autem deuitauerat Ephraim tanquam tumultuantes, & non bene sibi subiicibiles propter superbiam, ideo vocauit alios. Item Deus fecerat, quod omnes vocati recederent de bello praeter trecentos: quoniam ergo Ephraim poterant manere in bello? Intentio autem Ephraimorum erat, quod ipsi omnes fuissent in bello, ut eis imputaretur victoria. Valde ergo iniuste agebant iurgantes contra Gedeonem: hoc enim sollicitum habebant Ephraim praeter superbiam suam de desiderio honoris. Sic enim iterum contra Iephthe Galaaditem tumultuati sunt dicentes: quare vadens in pugnam contra filios Ammon vocare nos noluisti, incendemus igitur te, & domum tuam igne infra 12. Et orta est ibi grauis seditio. Et ille respondit. Scilicet Gedeon respondit molliter: videns enim superbiam, & tumorem Ephraimorum noluit eis respondere iuxta stulticiam suam, sed blande, ut placarentur, alioquin necesse erat oriri durum bellum inter utrosque, & forte Gedeon habebat paucos de Manasse, Ephraim erant multi. Vel dato quod posset praualere contra Ephraim noluit esse auctor effusi sanguinis in Israel. Etiam quia propter bellum intestinum, dimitteretur bellum hostile, & hoc graue peccatum erat, ideo ut sapiens respondit molliter. *Quid enim facere tale potui, ut vos fecistis.* Vidit, quod Ephraim solum tumultuabantur desiderio honoris, & praeter inuidiam honoris, quem videbantur accepisse Manassites, ideo ut quiesceret spiritus eorum ascripsit eis honorem. In Hebraeo habetur. *Quid feci ut vos.* Quasi dicat, non feci ego aliquid laudabile, sicut vos. Istud refertur ad occasionem Oreb, & Zeb, quos occiderunt Ephraim praecedenti cap.

*An peccauit Gedeon dicens quid tale facere potui & cetera.*  
*Quaest. VI.*

**Q**VAERETVR an peccauit Gedeon dicens quid tale facere potui, ut vos, cum ipse maiora fecisset quam Ephraim: quia ipse occidit duos reges potentissimos Madianitarum, scilicet Zebee, & Salmana. Sed dicendum, quod hoc non stat, quia Zebee, & Salmana nondum erant occisi, sed postea capti, & occisi sunt infra in litera. Dicendum tamen quod Gedeon maiora fecerat, quam Ephraim. Nam ipse cum trecentis viris non expauit consistere ante castra 135. millium: & tenuerunt buccinas, & faculas coram illis cum posset Madianitas conuerti in eos. Etiam persecuti sunt semper Madianitas, ita ut propter eos Madianites conuersis in alterutrum gladiis alterna secede truncabant. Gedeon tamen erat valde humilis, & forte ex humilitate propria merita non mensurabat: nam humilium ista conditio est, ut non respiciant quantum proficiunt, sed quantum a perfectione deficiunt non quid merentur, sed quid demerentur: bona autem aliorum humiles considerant, & appreciantur. Vnde actus Ephraimorum poterat attendere Gedeon tanquam laudabiles, & ad suos non attenderet, & diceret: quid tale potui agere, ut vos fecistis? quasi ipse nihil egisset, & illi ma-

gnae egissent. Vel potest esse, quod intelligatur hoc per hironiam, scilicet quod maiora essent gesta Gedeonis quam Ephraimorum: ipse tamen per quandam hironiam plus laudauit gesta Ephraimorum. Sed istud finem non multum stat, quia tunc Ephraim intelligentes se irrideri magis contristarentur, ut vim facerent Gedeoni: erat tamen intentio Gedeonis placandi, & non concitandi Ephraim. Aliter potest dici, quod istud intelligebat Gedeon a seipso, scilicet quid tale potui ego agere viribus meis quale vos fecistis, sed si aliquid feci illud viribus Dei egi, & hoc verum est, quia non potuisset Gedeon viribus suis, & suorum capere duos principes Madian, scilicet Oreb, & Zeb cum solum essent trecenti, sed et Ephraim non potuissent hoc agere viribus propriis, sed adiuti a Deo egerunt istis duobus modis, scilicet primo & tertio: non ergo mentiebatur Gedeon nec peccaret. Sed tamen nihil impedit dici, quod Gedeon sciens se maiora egisse, quam Ephraim dixerit hoc illis non ex humilitate, sed ut placaret illos, & hoc etiam modo, licet esset mendacium erat officiosum, sed tollendum scandalum, & solum peccabat venialiter, & melius erat illud dicere, quam non dicere permittendo scandalum oriri. *Nonne melior est racemus Ephraim vindemia Abiezer.* Hic magis extollit Ephraim dicens: melior est racemus Ephraim, id est modicum de Ephraim, quam vindemia Abiezer, id est quam multum de tribu Manasse. Ista litera ponitur ad significandum excellentiorem esse tribum Ephraim tribu Manasse, & familia Gedeonis, ut sic Ephraim videntes se de hac victoria magis laudari, quam Gedeon, qui erat praecipuus auctor quiescerent. Et potest introduci dupliciter. Vno modo, quod racemus Ephraim, id est pauca persona de Ephraim erant meliores quam tota vindemia Abiezer, id est quam omnes viride familia Abiezer: ista est familia, de qua erat Gedeon, ut patet supra sexto, & nominauit istam familiam, & non totam domum Manasse, ne videretur grauare familias alias Manasse subiiciendo illas in laude Ephraim: contra suam autem familiam confidenter loquebatur, putans quod ex hoc non grauarentur. Vel quia Ephraim putarent satis sibi esse ad suam exaltationem, quod praeponebantur familiae, de qua erat Gedeon, qui erat victor. Vel forte, quia illi trecenti viri, qui steterunt soli contra Madianitas erant de familia Abiezer, & istud est verissimilius. Aliter potest introduci litera, scilicet melior est racemus Ephraim, quam vindemia Abiezer, id est patet personae occise ab Ephraim sunt maioris ponderis, quam omnes quos occiderunt filii Manasse, & intelligitur hoc de Oreb, & Zeb regibus Madii, quos occiderunt Ephraim. *In manibus vestris tradidit Dominus principes Madian, Oreb, & Zeb.* Quasi dicat non habetis de quo contendatis mecum super bello: nam vos fecistis totum bellum, & habetis laudem illius, quia Deus noluit tradere in manus meas principes Madii Oreb, & Zeb: sed in manus vestras, in quo fecit vos laudabiliores. *Quid tale facere potui, quale vos fecistis.* Repetitio sententiae est, sed non inutiliter, quia ponitur ad exaggerandum: nam in rethoricis magnam vim obtinet exaggeratio, quod potissimum conuenit passionatis, vel contra passionatos, qui leni persuasio ne ad appositum non flectuntur. Item supra posuerat istam propositionem, quam non probauerat: deinde probata ea per duas rationes repetit illam: sic enim saepe habetur in multis locis scripturae. *Quod cum locutus esset requieuit spiritus eorum, quo tumescebant contra eum.* Scilicet isti erant superbi, & nihil desiderabant nisi gloriam, & laudem, & erant inuidi, & nolebant, quod ascriberetur alteri victoria: utrunque fecit Gedeon. Nam primo laudauit Ephraim super Manassitas. Secundo

Exaggeratio potius me conuenit passionatis.



candò dixit non fuisse victoriam Manassitarum, sed Ephraitarum, & hoc dicto requieuit spiritus Ephraitarum, idest superbia, vel ira: sic accipitur Iud. 2. f. Quiesce te ab homine cuius spiritus in naribus eius, quia excelsus reputatus est ipse, idest cessate loqui cum homine, qui habet iram in naribus, quia superbus est: sic erant Ephraim, scilicet superbi, & irati: & magis erat iste spiritus superbiæ quàm iræ, quia dicitur: quo tumescebant contra eum, tumor autem ad superbiam pertinet.

*Quare Gedeon non respondit directè Ephraitis.*

*Quest. VII.*

**Q**UÆRETUR quare Gedeon non respondit directè Ephraitis: nam ipsi quærebant quare non vocauerat eos ad bellum. Respondendum, quod non respondit directè, quia forte non habuit aliquam causam, quàm honeste exprimere posset: nam forsitan Gedeon non vocauit eos, quia cognoscens superbiam Ephraitarum sciuit, quod non subiicerentur ei, ideo noluit vocare eos, sed vocauit alias tribus: ista tamen causa non poterat conuenienter exprimi, quia magis concitarentur Ephraim. Vel forte non vocauit eos, quia credidit quod non venirent dedignantes se subiicere viro de tribu Manasse. Et hoc etiam non poterat conuenienter exprimi in excusationem, quia semper concitarentur Ephraim. Sed obicitur contra hoc, quia postea vocati a Gedeone venerunt. Etiam ipse putauit quod ad vocationem suam venirent, quia alias non vocasset eos. Respondendum, quod non erat simile nunc, & a principio, quia prius Ephraim erant incerti de victoria, ideo nolent ire, nunc autem cum hostes erant profugi, & in persecutione, possent aliquid laudis, vel lucri consequi: ideo iuerunt: sic enim fecerunt cum Iepthe: nam vocauit eos, ut adiuuarent eum contra Ammonitas, & noluerunt: deinde cum Iepthe obtinisset magnificam victoriam inuidentes insurrexerunt in eum, dicentes: incendemus te, & domum tuam igne, quia non vocasti nos, infra 12. cap. Aliter dici potest, quod forte Deus cauuit hoc ad tollendas seditiones: nam ille tribus, quæ vocatæ fuerunt a Gedeone iussæ sunt a Deo recedere de bello in tabernacula sua. Si autem venisset tribus Ephraim, & iussæ fuisset recedere, habuisset ad magnam iniuriam putans, quod Gedeon fecisset ista de corde suo in contumeliam Ephraitarum, & non iussisset Deus, & tumultuarentur durè contra Gedeonem, quia maius erat repellì vocatos, quàm non vocari: sic enim Israelitæ de tribu Leui, & Ruben insurrexerunt contra Moysen, & Aaron propter summum sacerdotium datum Aaron, asserentes quod non fecisset ista Moyses iussu Dei, sed de corde suo, ut honoraret cognatos suos, & tunc Deus mandauerat: in quo facta est magna seditio, Num. 16. ca. Itè dato quod constaret Ephraitis, quod Deus mandabat hoc, videntes viros de Manasse prepositos eis, dolerent nimis, & tumultuarent præ superbia: non fuerunt ergo vocati. Nihil autem horum respondit Gedeon, sed solum laudauit Ephraitas, & remouens victoriam a Manassitis dedit eam Ephraitis. Ratio horum est, quia Gedeon erat vir prudens, & voluit respondere secundum subiectam materiam: nam intendebat placare tumorem eorum, & tamen si respondisset directè, nequaquam potuisset placare Ephraitas, respondendo autem sic placabat: quia cum cognosceret eos superbos sciebat, quod hoc lenimento egebant: ideo sic respondit. *Cumque venisset.* Hic ponitur secundum, scilicet malignorum derisio, quia non solum non concesserunt petitionem iustam, & necessariam Gedeoni, sed etiam irriserunt eum ex malignitate, & dicitur. *Cumque venisset Gedeon ad Iordanem.* Madianitæ præcesserant iam transito Iordane, & Gedeon videbat reliquias eos tanquam iam non persequi. Alph. Tolt. super lib. Iudicum

**A**turus illos. Et hoc quia viri sui erant fatigati, & non poterant itinerare: & hoc potissimum præfame, quod patet ex sequentibus. Etiam quia viri, qui ibant nunc cum Gedeone erant solum trecenti, & dato quod sequeretur Madianitas, non auderet tangere illos, quia multi erant, scilicet quindecim millia, ideo oportebat, quod expectaret Israelitas, quos vocauerat, ut omnes coniuncti irruerent super eos. Etiam voluit præbere quandam securitatem Madianitis, ut facilius consequeretur eos, & sic factum est: nam Madianitæ putantes, quod Gedeon omnino destitisset persequi illos, quieuerunt apud urbem Nobe, velut nihil formidantes, & tunc irruit super eos Gedeon cum aliis Israelitis, ut patet in litera. *Transiit eum.* Ad persequendum Madianitas, quia iam illi transierant Iordanem. *Cum trecentis viris, qui secum erant.* Isti trecenti viri erant, qui steterant cum eo tenentes tubas, & lampades, & hi soli veniebant nunc cum illo: nam alij quos ad vocandum miserat nondum venerant. *Et præ lassitudine fugientes sequi non poterat.* Fuerant enim lassii ex magno labore totius noctis præcedentis, quàm insomnem duxerant. Etiam quia persecuti fuerant hostes per magna spacia terrarum breuissime. Increbuerat enim eis fames, ideo ut vtrunq; incommodum tolleretur egebant cibis, ut confortato stomacho possent persequi hostes. In hebræo habetur. *Et præ lassitudine persequens fugientes.* Sed quia ista litera non videtur facere sensum determinatum, litera nostra posuit clarius dicens; præ lassitudine fugientes persequi non poterant. *Dixitque ad viros Soccoth.* Ista est quædam ciuitas, & non est locus, in quo castrametati sunt Israelitæ exeuntes de Aegypto, ut patet Num. 33. quia locus ille est intra Aegyptum, quia est ante mare rubrum, & est prima mansio Israelitarum, ut patet Exo. 12. & Num. 33. c. sed est quædam ciuitas in terra duorum regum Amoræorum, quæ fuit duarum tribuum & dimidiæ, & cecidit in partem tribus Gad, ut patet Ios. 13. Et vocatus est locus iste Soccoth, quia quando venit Iacob de terra Mesopotamiæ in terram Chanaan fixit ibi tabernacula, ut patet Gen. 33. c. & est locus iste apud Iordanem: nam transito Iordane cum Gedeon, & viri sui famescerent, illico petiit panes a viris Soccoth. *Date obsecro panes populo, qui mecum est.* Petiit confidenter Gedeon panes, arbitrans quod viri Soccoth non negarent illos, cum persequerentur eam reipublice. In hebræo habetur: *Date panes populo, qui est ad pedes meos, id est populo qui sequitur in itinere vestigia mea.* & idem est. *Quia valde defecerunt.* Scilicet præ lassitudine, & fame. *Ut persequi possimus Zebee, & Salmana reges Madian.* Isti duo erant præcipui reges Madian, quos persequabatur Gedeon.

Soccoth  
quid sit.

*Quomodo Madianitæ cum essent vnus populus habebant duos reges.* *Quest. VIII.*

**Q**UÆRETUR quomodo Madianitæ cum essent vnus populus, habebant duos reges: nam alie gentes vnicum habebant, sicut Ammonitæ vnum, & Moabitæ vnum. Respondendum, quod terra Madianitarum quamquam non esset maior aliis gentibus: tamen habebat plures reges: habebat. n. quinque; reges paruos, ut patet Num. 31. f. Sur, Retem, Heui, Vr, & Rebe, qui occisi sunt quando Israelitæ iuerunt ad pugnandum contra Madianitas, & quia isti reges erant parui, vocabantur interdum duces: sic patet Iosue 13. vbi istimet vocantur duces: sic enim erat de regibus Philistinorum, qui erant quinque reges paruuli, & vocantur quinque reguli Iosue 13. & vocantur quinque duces, vel sarrapæ primo Reg. sexto capitu. isti reges Madian, quia parui erant semper erant aliquantulum subiecti regibus terrarum vicinarum: unde viuente rege Schon, qui dominabatur in Eiebon, isti quinque reges seruiebant ei,

K 2 &



& vocabantur duces eius, vt patet Iosue 13. deinde mortuo eo subiecti fuerunt regi Moabitarum: vnde assistebant ei in omnibus cōsilijs: & ipse mittebat eos in nuncios quod volebat, vt colligitur Nume. 22. intautū q̄ quando fēminā Moabitarum exponendū fuerūt Israelitis, vt p̄ eas auerterentur a Deo, filia nobilissimi regis Madian fuit vna de expositis, vt patet Nu. 25. Sic autem nunc dicendum, quod erant quinque reges: in terra Madian, & duo illorum erant Zebec, & Salmana, de quibus dicitur hic: & erant precipui reges: alii duo erant Oreb, & Zeb quos apprehenderunt Ephraite. Quod patet, quia vocantur principes Madian supra in litera, nec obstat, quod vocentur duces, vel principes solū, quia sic etiam quinque reges Madianite, qui erant tempore Moyſi, vocabantur reges Nume. 31. & duces Iosue 13. Cū autem obiicitur quod erat vna gens, & habebat multos reges. Dicendum, q̄ hoc sic accidebat in alijs regibus aliarum gentium: nam Philistini vna gens erat, & tamen septem reges habebat, Iosue 13. Et in terra Chanaan solū erāt septem populi, s. Chanaanī Heuei, Hethei, Iebusei, Gergeſei, Pherezai, Amorrhēi: & tamē isti hēbant plures quam 40. reges. Nam in bellis factis per Iosue occisi sunt 31. reges, qui numerantur Iosue 12. *Respon- deruntque ei viri principes Soccoth.* Isti responderunt nōte totius populi, quia ex dispensatione & arbitrio istorum pendebat totus populus: & ob hoc Gedeon q̄n voluit punire viros Soccoth, inquisiuit solū p̄ nōibus principum & seniorum, & hos solū puniuit infra in litera. *Forſitan palmę manuum Zebec, & Salmana in manu tua sunt.* Id est nunquid comprehendisti eos, & tenes manus eorum in manibus tuis, & ob hoc quasi bene meritis petis, vt demus tibi panes: quasi dicat, nihil ad huc fecisti: quando tenueris eos, poteris petere panes. Erat autem ista irrisio magna: & volebant innuere viri Soccoth, quod Gedeon frustra conabatur, scilicet quod non posset capere Zebec, & Salmana, quia illi iam cū velocitate præcesserant fugientes. Etiam quia multi erant, Gedeon autem & viri sui erant pauci. Et ad hoc respondit Gedeon dicens, quod quādo Deus traderet eos in manus eius, puniret seniores Soccoth. *Et iccirco postulas, vt demus exercitui tuo panes.* Potest dupliciter intelligi: vno modo quod dicerent Soccothitæ: nunquid tenes iam comprehensos viros Madian, & ob hoc tanquam aliquid boni egeris petis panes pro exercitu? Alio modo quod Soccothitæ intelligerent, q̄ si verisimile esset, quod Gedeon posset capere reges Madian, ita q̄ prope esset, vt caperet eos, istud erat, vt daretur ei cibus, quia aliquod bonum proſequabatur, nunc tamen non erat verisimile, quod posset capere reges illos, quia nimis effugerant, ideo frustra petebat panes sibi dari, & est sensus; nunquid palmę manuum Zebec, & Salmana in manib⁹ tuis sunt, i. nūquid prope est, vt teneas manus virorum illorum in manu tua? nā quod prope est, inesse videt: & ad istū f̄m sensum magis refertur r̄ſio Gedeonis.

*An viri Soccoth, & Phaniel peccauerint sic respondendo Gedeoni. Quest. IX.*

**QVARETVR**, an viri Soccoth, & Phaniel peccauerint sic respondendo Gedeoni. Dicendum q̄ peccauerunt. Primò quia denegauerunt id, ad quod tenebantur: nam Gedeon & viri sui proſequabantur causā publicā, quę ad viros Soccoth, & Phaniel, & totius Israel cōis erat, ideo tenebantur oēs Israelitę prouidere eis, & ad quemcūque locum venissent, debebant recipere quod peterent, & si viri de loco illo grauarentur dando bellatoribus multa de necessarijs, postea sibi satisfieri dēbat ab alijs populis.

**F** Semel tamen illi tenebant pugnatoribus offerre necessaria petita: nam non tenebantur bellatores viuere suis expensis, quia nemo cogit suis stipendijs militare 1. Corin. 9. Item peccauerunt, quia multis a Deo non succurrerūt: nam qui recipit missum a Deo dicitur recipere Deū: & qui illū expellit, Deū expellit, vt patet Mat. 10. s. Qui vos recipit me recipit, & qui vos spernit me spernit: sed expellere Deū peccatū est, ergo cū De⁹ misisset istos præcedenti cap. & hoc constaret viris Soccoth, cū scirent fugisse Madianitas, peccabant grauius non dando istis petita. Item isti peccauerunt contra naturam vel humanitatem, quia iuxta Aristot. 4. Ethic. in fine inhumanum est auxilium expelli: sed Gedeon & viri sui erāt auxiliores imò saluatores totius Israel: ideo inhumanè agebant isti, quia non dederunt eis saltem cibos. Item quia licet dominus tenetur suo negotiorum gestori satisfacere de vtiliter gestis, & administratis etiam si ipse non iusserit: ergo cū Gedeon, & viri sui valde proficuè administrassent negocia totius Israel occidendo hostes eorum, & expellendo eos de terra tenebantur eis omnes Israelitę, & singuli. Item peccauerunt, quia viri isti erant laſſi præ fame, & non poterant persequi hostes, & oportebat eos cito fame perire, nisi quis eis cibos daret: ergo saltem propter extremam necessitatem, quę eis imminabat, tenebantur viri Soccoth dare illis cibos. Item peccauerunt illudendo, quia quicūque verbum cōtumeliosum animo iniuriandi profert, mortaliter peccat: sed isti protulerunt verba pungitiua, & amara contra Gedeonem, ergo peccauerunt. Item non solū illi illudebant Gedeoni, sed etiam Deum contēnebant: quia dicentes, forte manus, vel palmę Zebec, & Salmana in manu tua sunt, innuebant, quod ridiculum erat persequi illos, quia nunquam posset capere eos, sed in hoc contēnebant Deū, & desperabant valde irrationabiliter: nam cū Deus tradidisset totā multitudinem Madian, s. 135. millia in manus Gedeonis, ipso nihil agente, quid mirum erat, quod nūc paucis fugientibus cum Zebec, & Salmana traderet De⁹ illos in manus Gedeonis? Valde ergo peccauerūt isti viri. *Quibus ille respondit.* Ista responsio fuit cōminatio mali inferendi. *Cū ergo tradiderit Dominus Zebec, & Salmana in manus meas.* Id est vos irridetis dicentes, q̄ frustra persequar Zebec, & Salmana, ego autem confidens, quod Deus tradet eos in manus meas, prænuncio vobis, quod quando hoc fuerit, ego puniam vos, vt patet in litera. Gedeon expertus Dei misericordiam, & bonitatem, s. quod tradidisset in manus eius tantam multitudinem a principio ipso non pugnāte, confidebat nūc certissimè, quod traderet reges duos in manus eius. *Et cum reuersus fuero victor in pace.* Scilicet post factam pugnam, & captos vel occisos reges ego redibo in pace, scilicet non vulneratus, quia Deus liberavit me, & exercitū meum. *Conteram carnes vestras spinis tribulisque deserti.* Scilicet extendam vos super spinas, id est vepres vel paluros, & tribulos deserti, s. tribulos valde pungentes plusquam tribuli camporum: & non solū cōtrivit carnes, sed etiam combussit viros istos, vt asseritur, & infra videbitur.

*An iustè poterat Gedeon istam penam infligere viris Soccoth, scilicet conterere carnes eorum tribulis deserti. Quest. X.*

**QVARETVR** an iustè poterat Gedeon istam penam infligere viris Soccoth. Respondendum, quod ad hoc, q̄ penam aliquis alteri iustè infligat, necesse est tamen considerari primum si peccauerit. Secundum si peccatum tantam exigit penā, quāta infligitur. Tertium vt iurisdictionem ad illam infligē-



fligendam habebat. Quartum possumus addere, scilicet quod bona intentione moueatur, qui penam infligit: sed istud magis extrinsecum est, quia non est ad hoc, quod pena iuste inferatur, sed ad hoc, quod inferens non peccet quantum ad Deum. De primo patet, quia pena directe debetur pro culpa, & licet aliqui casus sint speciales, in quibus punitur quis sine culpa, & perdit priuilegium suum, quos notat glo. in decre. dist. 22. cap. renouantes: tamen contrarium est regulariter, & potissimum in pena capitali, nunquam quis capite punitur, nisi pro culpa sua, nec ad hoc est aliquis casus specialis in contrarium. De secundo patet, quia cum pena detur pro peccato, debet ei commensurari, sicut medicina morbo: nam pœnæ sunt medicine peccatorum, ut patet 2. Ethic. medicina tamen si non est con-  
 B temperata morbo, ut quia est excedens: non solum corrumpet morbum, sed etiam naturam. Etiam sicut alicui sine culpa penam infligere peccatum est, ita ultra debitum peccati infligere est malum: ideo dicitur Deuter. 25. iuxta mensuram delicti erit, & plagarum modus, & Apoc. 18. dicitur: quantum glorificauit se in deliciis suis, tantum date illi de tormento. De tertio patet, quia si quis non habeat iurisdictionem, & punire velit aliquem delinquentem, peccat grauissime, usurpando sibi iurisdictionem, & committit crimen concussionis agens tanquam iudex, cum non sit iudex, & per istud turbatur nimis respublica: unde non solum in alienis peccatis, sed etiam si quis mihi iniuriam, aut damnum intulerit, non possum aliquam partem pœnæ  
 C illi infligere, nisi forte repellendo vim in continentem, & cum moderamine tutelæ inculpatæ. De quarto patet, quia ad hoc quod aliquis coram Deo liber sit, non oportet quod solum aliquid bonum agat, sed etiam quod ex bona intentione: nam in moralibus actus accipiunt speciem, & perfectionem ex fine. De hoc Deuter. 16. dicitur: iuste quod iustum est persequeris. id est non solum tractabis negotia, quæ iusta sunt, sed etiam, quæ iusto animo: omnia hæc erant in presenti. De primo patet, quia viri Soccoth, & Phaniel peccauerunt non dando panes, & irridendo Gedeonem, ut supra probatum est. Secundum patet, quia peccatum istud erat ex multis causis, quæ supra declarate sunt, & potissime, quia notorie impediebant utilitatem totius populi nolentes succurrere in necessitate viris, qui persequiebantur hostes totius populi, & tanta bona egerant, & presertim, quia contempserant, & illuserant principem populi Dei contumeliam, vel maledictionem inferendo, lex tamē uenit dicens. Diis non detrahes, & principi populi tui non maledices: Exo. 22. ideo cum a lege non esset taxata pœna pro talibus delictis, poterat index arbitrari, quid equum esset, & manifestum est, quod crimina tantum scandala, & detestabilia morte plectenda erant. Tertium patet, quod potuit Gedeon iuste imponere hanc pœnam, quia ipse habebat iurisdictionem: nam Deus suscitauerat eum in iudicem, supra sexto cap. & patet 1. Reg. 12. iudices autem huiusmodi habebat potestatem delinquentes omnes puniendi, cum essent principes populi. Quartum patet, quia Gedeon poterat agere hoc bono zelo: non enim habemus probationem, quod bono zelo non egerit Gedeon, sed animo vindicandi, sed in istis, quæ occulta sunt potius est iudicandum bonum quam malum, imò nunquam est iudicandum, nec suspicandum, nisi appareat: sic patet extra de Regu. iur. cap. estote. & nullus presumitur deliquisse, nisi probetur. In Gedeone autem suberat causa, ut ipse posset hoc agere non animo vindicte, sed quia ipse erat iudex totius populi, & sua intereat punire omnes delinquentes, ideo ut non relinqueretur tantum crimen impunitum, quod esset scandalum puniret eos: potissime, quia cedebat istud crimen manifeste in Dei iniuriam, & quamquam in-  
 Alph. Tost. super lib. Iudicum.

A iuriam suam posset remittere Gedeon, tamen non debebat remittere iniuriam Dei. Item quia, quamquam principaliter fuisset offensus Gedeon hic quia viri, qui cum eo erant, tamen etiam ista erat offensa sociorum suorum, & illam non poterat ipse remittere, sed ad petitionem eorum tenebatur procedere ad penam contra viros Soccoth, & Phaniel: patet ergo, quod iuste potuit Gedeon penam istam infligere. Et inde conscendens venit in Phaniel. Id est quia viri Soccoth male responderunt, venit Gedeon ad viros Phaniel: iste locus est magis ad Orientem quam Soccoth contra terram Madianitarum, unde erat iter Gedeonis de Soccoth in Phaniel ad consequendum Madianitas: est enim Phaniel quidam locus ad Orientem Iordanis, qui sic vocatus est a Iacob quando ueniebat de Mesopotamia, quia ibi luctauit cum Angelo, & vocatur Phaniel. id est facies Dei: quod Hebræus vocat piniel: nam dixit ibi Iacob, vidi dominum facie ad faciem, & salua facta est anima mea Gen. 32. ca. Locutus que est ad viros loci illius similia. Scilicet quod darent panes exercitui, quia defecerat fame, & lassitudine, & non poterant persequi Madianitas sicut locutus fuerat ad viros Soccoth. Cui & illud responderunt sicut responderant viri Soccoth. Scilicet negauerunt dare cibos, & irriserunt Gedeonem, dicentes: forsitan palmae Zebee, & Salmana in manu tua sunt, erant enim viri isti pessimi Belial nescientes Deum, & omne bonum, & equum. Dixitque eis cum reuersus fuero victor in pace. Isti peccauerunt sicut viri Soccoth, ideo merebantur similem penam, & comminatus est eis Gedeon talia dicens: cum reuersus fuero victor in pace, quia hoc certissime sperabat Gedeon.

Quare dixit, destruam turrem hanc. Quest. XI.

QVARE RETVR quare dixit, destruam turrem hanc. Aliquis dicit, quod hoc comminabatur eis in penam ipsorum: erat enim quædam turris pulchra, & fortis in loco Phaniel, quæ destrui pœna erat viris loci, ideo in penam dixit, destruam turrem hanc. Sed hoc non stat, quia ista non erat pœna directa, scilicet, quod si viri peccarent, destruerentur muri solum. Item non stat, quia non solum Gedeon subuertit turrem Phaniel, sed etiam occidit habitatores eius, ut patet infra. Dicendum ergo videtur, quod hic subiceatur aliquid. scilicet quod cum male respondissent Phanielitæ, Gedeon diceret eis, ego vos occidam, vel infligam talem aut talem penam, & tunc Phanielitæ irridendo replicarent non timemus te, nec quemuis habentes turrem hanc, & tunc dixit Gedeon, ego subuertam etiam turrem hanc. Ista sententia confirmatur ex his, quæ habentur infra, cum non solum Gedeon euertit turrem, sed et occidit viros: & verisimile est, quod sicut fecit ita prædixisset.

Zebee autem, & Salmana requiescebant cum omni exercitu suo. Quindecim enim millia viri remanserant ex omnibus turbis Orientalium populorum cæsis centum viginti millibus bellatorum, educantium gladium. Ascendensque Gedeon per viam eorum, qui in tabernaculis morabantur, ad Orientalem partem Nobæ, & Iecbaa, percussit castra hostium, qui securi erant, & nihil aduersi suspicabantur. Fugeruntque Zebee, & Salmana, quos persequens Gedeon comprehendit, turbato omni exercitu eorum. Reuer-  
 K 3 tenique



rensque de bello ante solis ortum, apprehendit puerum de viris Soccoth: interrogauitque eum nomina principum, & seniorum Soccoth, & descripsit septuaginta-septem viros. Venitque ad Soccoth, & dixit eis: En Zebee, & Salmana, super quibus exprobraſtis mihi, dicentes: Forſitan manus Zebee, & Salmana in manibus tuis ſunt, & idcirco poſtulas vt demus viris qui laſſi ſunt, & defecerunt, panes. Tulit ergo ſeniores ciuitatis, & ſpinas deſerti, ac tribulos, & contriuit cum eis atque comminuit viros Soccoth. Turrim quoque Phanuel ſubuerit, occiſis habitatoribus ciuitatis. Dixitque ad Zebee, & Salmana: quales fuerunt viri, quos occidiſtis in Thabor? Qui reſponderunt: Similes tui, & vnus ex eis, quaſi filius regis. Quibus ille reſpondit: fratres mei fuerunt filij matris meae. Viuit Dominus, quia ſi ſeruafſetis eos, non vos occiderem. Dixitque Iether primogenito ſuo: Surge, & interfice eos. Qui non eduxit gladium: timebat enim, quia adhuc puer erat.

Argo nau-  
tarum na-  
pugatio.

*Zebee autem.* Hic ponitur ſecundum huius capi. ſ. aduerſariorum comprehenſio: nam Gedeon perſequens reges Madian irruit ſuper eos. *Zebee autem, & Salmana requieſcebant cum omni exercitu ſuo.* Iſti erant duo reges Madian, qui relictſi fuerant: nam duo alij, ſcilicet Oreb, & Zeb occiſi fuerant apud Iordanem ab Ephraitis, vt patet praeſcedenti capi. & ibi declaratum eſt. De quinto rege Madian nō patet quid factum ſit, ſed forte periit in bello cum Madianitae in ſe conuerſi mutua ſe cede truncabant: iſti autem duo requieſcebant cum omni exercitu ſuo, ſcilicet cum illis, qui relictſi fuerant de ſuperiori interfectione, putantes, q̄ iam non perſequerentur eos Iſraelitae: cum tranſito Iordane neminem vidiffent poſt ſe venientem. In Hebraeo dicitur. *Zebee, & Salmana in carcor cum exercitu ſuo.* Et eſt carcor nomen proprium loci, & eſt inter Nobe, & Iecbaa, ſcilicet aliquis campus, in quo erat iſte exercitus: litera autem noſtra poſuit, quieſcebat, non curans exprimere nomen loci. *Quindecim millia virorum enim remaſerant ex omnibus turmis Orientaliū populorū.* Ideſt nunc in Exercitu Salmana, & Zebee ſolum erāt 15. millia virorum, quia de omnibus populis Orientalibus, ſcilicet Madianitis, Amalecitis, & reliquis, ſolum manſerant 15. millia: erant autem a principio in caſtris Madianitarum 135. millia virorum, quod patet, quia dicitur, quod perierant 120. millia, & nunc manebant 15. millia: ergo erant ſimul centum trigintaquinque millia. *Ceſis centum viginti millibus bellatorū educentium gladium.* Iſti fuerant occiſi alternis gladiis putantes ſe occidere hoſtes: vnde dicitur ſupra praeſcedenti capitu. quod alterna ſe cede truncabant. De iſtis quaſi omnes perierant hoc modo: rari autem ad Iordanem occiſi fuerant ab Ephraitis, quando occiſi ſunt duo viri principes, ſcilicet Oreb, & Zeb, vt praeſcedenti cap. *Ascendens autem Gedeon per viam eorum, qui in tabernaculis morabantur.* ſcilicet de vrbe Phanuel aſcē-

Carcor  
quid ſit.

dit per viam hanc vſque quo inuenit Salmana, & Zebee cum viris ſuis: & differunt quidam habitantes in tabernaculis, quia in forte tribus Gad in terra Galaad erant quaedam gentes habitantes per agros diſfuſe in tabernaculis portatilibus, & non habebant aliqua loca muſita, nec domos, & iſta fuit olim vita paſtorum, & multi de Africanis vtuntur hoc modo manendi in tentoriis ſine certo loco: & per viam iſtorum tranſiit Gedeon de Phanuel verſus urbem Nobe, quouſque reperit Madianitas. *Ad Orientalem plagam Nobe, & Iecbaa.* ſcilicet Madianitae quieſcebant in aliquo campo, qui erat ad Orientalem partem reſpectu iſtorum locorum. Et eſt Nobe ciuitas, in qua fuit ſanctuarium poſtquam ablatum eſt de Silo mortuo Eli ſummo ſacerdote, & manſit ibi tempore Saulis, ipſe autem occidit ſacerdotes, & deleuit urbem, primo Reg. 22. & inde tranſlatum eſt ſanctuarium in Gabaon. *Percuſſitque caſtra hoſtium, qui ſecuri erant.* ſcilicet quieſcebant in campo tanquā ſecuri: nam licet mala paſſi fuiſſent, tamen iam putabant ſe ſecuros, eo quod tranſito Iordane neminē de Iudeis viderunt ſe perſequentem, & ſic putauerunt futurum, ſcilicet quod iam non perſequerentur eos. *Et nihil aduerſi ſuſpicabantur.* ſcilicet non ſuſpicabantur hoſtes ſup ſe incurſuros, vel quod aliās poſſent eis aliqua mala inſurgere. *Fugeruntque Zebee, & Salmana.* Iſti duo reges ſoli de Madianitis ſuperfuerant occiſis iam tribus regibus, cum iſtis erat exercitus 15. milliū virorum: & videntes Hebraeos ſuper ſe irenere, fugerunt reges cum exercitibus ſuis. *Quos Gedeon perſequens comprehendit turbato omni exercitu eorum.* Ideſt Gedeon perſecutus fuit eos, & perueniens ad eos impetū egit in illos, tunc conturbatus eſt totus exercitus Madian, & pauerunt ſicut prius quando audierunt clangorem buccinarum, & viderunt lampades, & non ſe potentibus prae turbatione defendere, cepit Gedeon viuientes duos reges Madian: de aliis autem credendum eſt, quod multos occiderit, quia aliter non occurreret ei capere duos reges. hoc ſatis litera innuit dicens, turbato omni exercitu eorum, ſcilicet cladi-bus inuoluto, & fugato, comprehenſis autem duobus regibus non curauit Gedeon perſequi reliquos fugientes: tum quia parui momenti illi eſtimabantur comprehenſis regibus, tum quia iam non poſſet Gedeon conſequi illos: & laboraret nimis perſequento eos, quia illi iam fugerent totis viribus nullam expectantes ſecuritatem. *Reuertenſque de bello.* Hic ponitur quartum, ſcilicet deriſorum punitio, ſcilicet quia viri Soccoth, & Phanuel qui deriſerant Gedeon perſequentem Madianitas, ab ipſo puniti ſunt. *Reuertenſque de bello.* ſcilicet de perſecutione Salmana, & Zebee. *Ante ſolis ortum apprehendit puerum de viris Soccoth.* Iſta determinatio ante ſolis ortū, poteſt referri ad duo, ſcilicet ad (Reuertens) vel ad verbum (apprehendit) Primo modo eſt ſenſus; quando ceſſauit Gedeon perſequi Madianitas & reuerſus eſt, erat ante ſolis ortum, ſcilicet in aurora, & ſic apparet quod irruerat ſuper Madianitas per noctem dormientes in campo: & ſic poterat faciliter turbare exercitum eorum vt ſupra dicitur Vel refertur ad apprehendit ſcilicet quod quando reuertebatur de bello, venit ad Soccoth ante ſolis ortum: & apprehendit quendam puerum de viris Soccoth. Iſte forte erat aliquis paſtor, qui dormiebat in agris, ideo non introeundo in urbē potuit tenere illum Gedeon. Sciendum tamen q̄ iſte non erat paruus puer, ſed aliquis vir diſcretus: quilibet tamen iuuenis vel ſeruiēs vocatur puer modo veteris teſtamenti: ſic vocatus eſt Abſalon puer 2. Re. 18. ſcilicet, eſt ne pax puero Abſalon? & tamen ipſe tūc erat quaſi triginta annorum, vt declarabitur ibidem. Enā omnes

Punitio  
Soccoth  
carum.



omnes viri Dauid vocantur pueri primo Regū 21. & A 25. cap. & tñ erant viri, & aliqui erant senes, vel quasi. Quod iste esset iuuenis discretus patet quia sciuit discernere nomina principum & nominauit 77. vt patet in litera. Interrogauitque eum nomina principum, & seniorum Soccoth. Pro his interrogauit, quia nolebat occidere vel punire omnes viros vrbs, sed solum eos, qui irriserunt eum dicentes: forsitan palme manuum, & cetera. Isti autem fuerant principes, & seniores Soccoth, ideo horum solū nomina scripsit ad occidēdū. Et descripsit septuaginta septē viros. Scilicet quia tot erāt principes, & seniores Soccoth, quorum iussu, & consilio regebatur vrbs Soccoth.

Quare inquisiuit hec nomina a puero in agro, & non in urbem introiuit. Quæst. XII.

QVAERETVR quare inquisiuit ista nomina a puero in agro, & non introiuit in urbem, quia ibi magis potuisset informari qui erant rei huius criminis, & occidisset illos. Respondendum quod ad plenam informationem non fuit necesse, quod introiret Gedeon urbem, quia ipse sciebat qui erant delinquentes, scilicet quod peccauerant principes & seniores vrbs: sed non sciebat nomina eorum, ideo non oportuit, quod introiret in urbem, quia nomina principum scire poterat. Si autem dubitasset de personis, quæ fuissent tunc, debuisset introire in urbem ad faciendum inquisitionem. Item non solum non erat necesse introire in urbem, imò erat valde nocuum, quia si quæreret Gedeon in vrbe, qui erant principes, & seniores per quos regebatur vrbs, testes corrūperetur, & paucos proderent, sed imposerent totam culpam vni, vel duobus, vt illi soli morerentur, nunc aut cum puer extra Soccoth nesciret ad quid Gedeon ista quæreret, diceret ei veritatem. Et sic factum est: vnde cautela magna fuit extra urbem a puero petere. Venit quæ ad Soccoth, & dixit eis. Scilicet senioribus & principibus Soccoth. En Zebee, & Salmana. Idest ecce videtis eos: propter hoc duxit Gedeon viuentes Salmana, & Zebee, vt conuinceret malitiā virorum Soccoth, qui putauerant quod non possent capi: & si occidisset illos Gedeon cū aliis in loco, in quo caput eos, negaret viri Soccoth captos fuisse Salmana, & Zebee, & sic maneret nō conuicta malitia illorum, nunc aut conuincerentur & erubescerent. Super quibus exprobrauisti mihi. Scilicet irridendo me, quod nō possem capere eos, & quod frustra conarer, & peterem panes. Dicentes. forsitan manus Zebee, & Salmana in manibus tuis sunt. Idest ita petis panes, quasi aliquid boni fecisses, propter quod mereris panes tenendo Zebee, & Salmana in manibus. Vel ita petis panes pro exercitu ad persequendum Zebee, & Salmana tanquam propinquum esset, quod caperes eos, & teneres manibus: nam nō est prope: imò irridebatur Gedeon tñquam stultè ageret. Et idcirco postulas, vt demus panes viris, qui lassī sunt, & defecerunt. Quasi dicat stultè petis, quia nec tu, nec viri isti, qui panes volunt, nihil proficietis persequendo Zebee, & Salmana. Tulit ergo seniores ciuitatis. Scilicet principes & seniores: nam omnes intelliguntur nomine seniorum, & peccauerāt omnes hi, vt patet supra in litera. Et spinas ac tribulos deserti. Spine fortè sunt ruborum, vel aliorum arborum, aut lignorum habentium aculeos, sicut est in Rhamnis: tribuli sunt deserti, scilicet quidam tribuli duri nimis, & habentes longos, & grossos aculeos, sicut sunt palniri. Et contriuit cum eis. Idest contriuit istos tribulos, & spinas in carnibus virorū Soccoth, & iste erat durus cruciatus. Atque cōminuit viros Soccoth. Idest totaliter deleuit illos.

Alph. Toft. super lib. Iudicum

An Gedeon occiderit hos viros Soccoth ipsis cōtritis spinis. Quæst. XIII.

QVAERETVR an Gedeon occidit istos viros Soccoth postquam cōtriuuit eos spinis, vel solum afflixit eos infixis spinis. Respondendum sūm quosdā quod puniti solū fuerunt tribulis & nō morte, quia tunc pro eodem delicto punirentur bis, sed est contra id, quod habetur Naum primo: non iudicabit dominus bis in idipsum, idest non puniet bis pro eadem re. Sed dicendum quod non solum contriuit tribulis, sed et occidit, vt patet ex litera, cum dicatur quod contriuit eos tribulis, & spinis, & cōminuit. Conterere. n. refertur ad tormentum inflictum per spinas, & tribulos: comminuere verò ad mortem, sicut si dicatur delere, alioquin frustra poneretur comminuit. Item equaliter peccauerunt viri Phaniel, & Soccoth, vt patet supra in litera, cum dicitur quod petiuit panes Gedeon a viris Phaniel, & responderūt sicut viri Soccoth: ergo pænæ debuerunt esse equales, sed viri Phaniel occisi sunt, & turris eorum subuersa est, vt patet infra in litera, ergo etiam seniores & principes Soccoth occisi sunt. Ad rōnem in contrarium dicendum quod nō stat, quia illud intelligitur quando pro eodem peccato pœna sufficiens inflicta est, quia tunc nihil repetetur, alioquin poterit quis puniri etiam mille pœnarum modis, vt omnes simul æquiualeant culpæ peccati. Sic declarat Ieronymus Naū, & habetur 4. sen. dist. 15: sic etiam fit communiter in omnibus penitentiis inpositis: nam cum imponantur penitentiæ parue, punitur hic homo pro peccato, & adhuc manet ei pœna toleranda in purgatorio: sic fuit hic, quia pœna prior in tribulis & spinis non fuit sufficiens pro peccatis virorum Soccoth, iō addita fuit eis pœna mortis.

An Gedeon se habuerit hic crudeliter torquendo viros Soccoth spinis & cætera. Quæst. XIII.

QVAERETVR vterius, an Gedeon se habuerit hic crudeliter torquendo viros Soccoth spinis, & tribulis, deinde occidendo eos: nam videtur quod suffecisset eos occidere. Respondendum, quod non fuit crudelitas, sed datum est tantum de pœna quantum expediebat: nam quædam crimina sunt, in quibus solum oportet ipsos reos occidi, ne aliquid vltra simile agant: sicut in homicidio, & furto, & adulterio, vel similibus. Alia autem sunt crimina, in quibus non solum opus est puniri ipsos delinquentes, sed etiam dari exemplum ceteris, ne talia agant: & in istis oportet præter mortem ipsorum delinquentium fieri aliquid durum, vt ceteri terreantur: & sic est in peccatis, vbi contemnitur maiestas principis, & vbi contemnitur auctoritas Ecclesiæ, & similibus: sic enim fuit de Dauid: qui misit nuncios ad consolandum Anon regem Ammonitarum super morte patris, & ille rasit dimidiam partem barbæ, & scidit vestes eorum vsque ad nates, secundo Regum decimo, & Dauid postea subiiciens eos diuersis tormentis subegit illos, scilicet ferrauit illos per medium, & duxit super eos carpenta ferrata, & diuisit cultris, & traxit in typolaterum, vt patet secundo Regum duodecimo, & primo Paralipomenon vigesimo, & tamen illud non fuit imputatum Dauid ad crudelitatem, quamquam essent tormenta magna nimis, quia illud egit, vt omnes aliæ terræ timerent contemnere, & dehonestare nuncios Dauid. Sic etiam Ecclesia imponit interdum qualdam pœnas, quæ non sunt directè pro peccato, sed ad terrorem, sicut



sicut in raptoribus notoriis, vel incendiariis, si admoniti efficaciter noluerint restituere. Ecclesiis, quæ abstulerunt, vel destruxerunt, nec cautionem de restituendo dare volunt: si postea in articulo mortis non habeant unde soluant, nec possint dare sufficientem cautionem, etiam si doleant nimis de peccato, & sint pressi ad restituendum, si supervixerint, licet eis non denegetur penitentia, & eucharistia: tamen non debent clerici interesse sepulture eius, nec debent dicere aliqua diuina officia pro eo, nec recipere elemosinas illius, ut patet extra de Raptoribus, & incendiariis cap. super eo. ita nunc in Gedeone factum est: nam viri Soccoth irriderant eum, cum esset princeps populi, & a Deo missus: ideo ut nemo de cetero præsumeret irridere principes, non solum occidit illos, sed etiam prius afflixit eos tribulis, & spinis. *Turrem quoque Phanael destruxit.* Scilicet venit etiam Gedeon ad viros Phanael, qui peccauerant sicut viri Soccoth, & occidit eos. Sciendum autem, quod non occidit omnes, quia non omnes de urbe essent rei criminis, & potissime femine, & paruuli, ad quos de regimine urbis nihil attinebat, sed occidit solum principes, & seniores, sicut in urbe Soccoth, supra in litera.

*Quomodo Gedeon subuertit turrem Phanael, & ad quid.*  
*Quest. XV.*

**Q**VAERETVR, quomodo Gedeon subuertit turrem Phanael, & ad quid. Respondendum quod poterat facere propter duo: primo, quia promiserat: nam dixit viris Phanael: cum reuersus fuero victor in pace, destruam turrem hanc: causa autem quare dixit supra posita est. Alio modo potest dici, quod cum veniret Gedeon in urbem Phanael, volentes Phanaelites resistere, confugerunt in arcem, & occidendū eos, oportuit quod Gedeon destrueret turrem, vel expugnet eam. Sic enim Abimelech filius huius Gedeonis pugnans contra Sichimitas confugientes ad arce, cum non posset eos capere, apposuit ignem ramorum virentium, & fumo extinxit omnes manentes in arce, ut patet seq. cap. Vel forte, Gedeon expugnauit viros Phanael manentes in turre, & postea ipsam turrem deleuit. *Occisus habitatoribus ciuitatis.* Scilicet occidendo eos intra turrem. Vel occidendo extra, & postea destruendo turrem. *Dixitque ad Zebee.* Hic ponitur quintū huius cap. s. hostium occisio: nam postquam Gedeon ostendit Salmana, & Zebee ipsis viris Soccoth, & Phanael, occidit eos coniuncta illorum pertinacia. *Dixitque ad Zebee, & Salmana.* Locutus fuit ista, quæ sequuntur, ut ostenderet Gedeon ipsis Zebee, & Salmana, quod habebat causam occidendi illos. *Quales fuerunt viri, quos occidistis in monte Thabor.* Iste mons est in sorte Zabulon, ut colligitur Iosue 19. capit. & est circa fortem dimidiæ tribus Manasse, de qua erat Gedeon, & in illo monte fuerunt fratres aliqui Gedeonis, quos occidit Salmana, & Zebee, cum vastarent terram Israel, & forte non fuit istud in hac vastatione, sed alio anno: quia septem annis continuis venerunt Madianites in terram Israel, quolibet anno ante tempus messis, supra sexto ca. *Qui responderunt: similes tui.* Nesciebant Salmana, & Zebee ad quid quærebatur Gedeon, ideo responderunt verum. Vel forte non poterant negare, quia erat notorium, ideo sponte confessi sunt. *Et vnus ex his quasi filius regis.* Scilicet erat valde pulcher. Et dicitur quasi filius regis, quia filii regis solent esse pulchriores aliis hominibus, eo quod caro eorum tenerior est, quod ad pulchritudinem requiritur: eo quod sunt voluptuose nutriti, conseruati ab æstu, frigore, & nuditate, & quia vescuntur cibis teneris. *Quibus ille ait: fratres mei fuerunt.* Nam forte habitabant ibi fratres

**F** Gedeonis. Vel casu accidit, quod essent ibi: & isti reges Madian occiderunt eos. *Filii matris mee.* Erant fratres solum ex parte matris, ideo potuit accidere, quod Gedeon, & fratres sui essent de diuersis tribubus, cum solum conuenirent in matre, & tribus, vel familiæ nominarentur ex patre. *Viuit Dominus.* Modus iurandi est. *si iuro per vitam Dei.* *Si seruassetis eos, non vos occiderem.* Id est si non occidissetis eos, ego non occiderem vos, sed quia occidistis fratres meos, iustum est, quod ego vos occidam.

*Nunquid licuisset Gedeoni seruare hos viros, si eius fratres occidissent.* *Quest. XVI.*

**Q**VAERETVR, an licuisset Gedeoni seruare viros istos, si non occidissent fratres eius. Et videtur quod non, quia Deus mandauerat de Madianitis, quod Israelitæ occiderent illos, & nemini parcerent, imò etiam nec mulieribus, ut patet Num. 31. quia femine reseruatae fuerunt, & iussit Moyses omnes illas occidi præter virgines, paruulos etiam occiderunt. Respondetur, quod Gedeon non erat obligatus occidere istos duos reges, nisi forte intelligeret, quod permittendo eos viuere sequeretur malum Israelitis; quia tunc cum Gedeon teneretur procurare indemnitate populi Iudaici, tenebatur occidere illos reges, alioquin non. Quod patet, quia Deus non obligauerat eum ad hoc: nam Deutero. 20. ponuntur gentes, quas occidere obligabantur Iudæi: nam quando pugnarent contra aliquas de septem gentibus Chananæorum, tenebatur occidere tam viros, quam feminas, & sub nulla conditione poterant relinquere eos viuentes: de aliis autem non erat obligatio aliqua ad occidendum illos, sed poterant interdum Israelitæ occidere illos per pugnam, ut si resisterent: interdum non licebat eis, ut si se traderent suscipientes pacem. Madianites autem non erant de septem populis Chananæorum, ideo quamquam nunc capti essent aliqui de illis in bello, non obligabantur Israelitæ occidere illos. Cum autem arguitur, quod non solum viri, sed etiam paruuli, & femine occidi iussum est de Madianitis. Respondendum, quod illud præceptum fuit temporale, & pro causa, quædam enim præcepta pro tempore, quædam pro certis causis, quædam pro certis personis data sunt: sic innuitur in decretis dist. 29. per totum. Præcepta autem, quæ aliqui personæ specialiter data sunt, ab illo solum seruari debuerunt. Et quæ pro vno tempore data sunt, in illo solum obligauerunt. Et quæ pro vna causa, & ad illam causam, solum obligauerunt in illo negotio: sic fuit de præcepto dato Israelitis de occidendo Madianitas: nam illud fuit datum pro malo, quod Madianitæ fecerunt contra Israelitas fallendo eos adiuuando Moabitas, ut patet Nume. vigesimo quinto, & pro isto peccato debuerunt omnes perire, & sic factum est, quia Iosue pugnavit contra Madian, & occidit omnes reges Madian, & quotque viros, & paruulos inuenit, mulieres autem duxit captiuas: sed etiam de his omnes occise sunt præter virgines, & istud fuit ad habendam malam vindictam pro malo suscepto: & tunc habita fuit abundanter in illo bello. Unde illud præceptum Moysi solum fuit pro illa vice, postea verò manebat eadem lex Israelitis ad Madianitas, quæ ad alias gentes, quæ non erant de Chananæis, & sic poterant dimittere captos in bello, si vellent. Et Gedeon fecisset hoc duobus regibus Madian, si non occidissent fratres eius: sed quia illos occiderunt, noluit eis gratiam facere. *Dixitque Iether primogenito suo: surge, & interfice illos.* Quia iam non erant isti viri in bello, nolebat eos per se occidere

Hostium  
occisio.

Desumptio  
ris Thabor.



cidere, sed voluit per ministrum: iussit autem filio suo primogenito hoc facere, quia volebat ei auferre timorem regum gentilium, cum ipse duos manu sua occideret: sic enim Iosue præcepit Israelitis, quod ponerent pedes suos super colla quinque regum, quos comprehendit in spelunca urbis Maceda Iosue 10. ca. *Qui non eduxit gladium.* Idest quamquam iuberet pater, non eduxit gladium ad occidendum illos, non ex contemptu præcepti paterni, sed ex timore, & sequitur. *Timebat enim, quia puer adhuc erat.* Vidit enim Iether istos reges in habitu honorabili, & reuerendos viros, timuitque moueri contra eos, & potissima causa erat, quia erat puer, & in pueris non est animositas, qua confortantur ad aggrediendum magna: repugnat enim eis propter defectum ætatis habere fortes motus iræ.

Dixeruntque Zebee, & Salmana. Tu surge, & irruere in nos, quia iuxta ætatem robur est hominis. Surrexit Gedeon, & interfecit Zebee, & Salmana, & tulit ornamenta ac bullas, quibus colla regaliū camelorum decorari solent. Dixeruntque omnes viri Israel ad Gedeon: Dominare nostri tu, & filius tuus, & filius filij tui: quia liberaisti nos de manu Madian. *Quibus ille ait:* Non dominabor vestri, nec dominabitur in vos filius meus, sed dominabitur vobis Dominus. Dixitque ad eos: Vnam petitionem postulo a vobis: date mihi in aures ex præda vestra. In aures enim aureas Ismahelitarum habere consueuerant. Qui responderunt: Libentissime dabimus. Expandentesque super terram pallium, proiecerunt in eo in aures de præda: & fuit pondus postulataram inauriū, mille septingenti auri sicli, absque ornamentis, & monilibus, & veste purpurea, quibus Reges Madian uti soliti erant, & præter torques aureas camelorum.

Dixeruntque Zebee, & Salmana. Nolebant manu pueri trucidari.

Quare reges Madian optarunt manu Gedeonis occidi.  
Quæstio XVII.

QVARETVR, quare optauerunt manu Gedeonis occidi. Respondendum, quod propter duo, primum erat propter honorem: occidi enim à puero, & à foemina quasi par est: foemina quidem vir occasionatus est, puer autem vir imperfectus, & foemina non peruenit ad viri perfectionem repugnante natura: puer autem eandem non attingit obstante ætate. Sed nihil differt an impediēte natura, vel ætate aliquis vir non sit, sicut nihil differt an aliquis secundum ætatem iuuenis sit, vel secundum passionem iuuenilis, ut ait Aristot. 1. Ethico. sed à foemina verecundum erat, quod aliquis occideretur, ita ergo à puero erat magnum dedecus occidi, potissime ipsi regibus. Sic patet de Abimelech filio Gedeonis: nam cum quædam mu-

lier de super turrin fragmentum molæ iniecit capiti eius, atque moriturus esset, nè diceretur, quod fuerat occisus à foemina, dixit armigero suo, quod enim occideret, ut sequenti capitulo. Secundum fuit propter dolorem, quia si puer occisurus esset illos, oporteret, quod sæpe percuteret eos, quia paucas vires habebat, & paterentur nimis in hoc: ideo ut leuiori cruciatu vitam finirent, voluerunt occidi à viro, qui posset eos vnicuique istu occidere, & hoc vñ colligi ex litera, cum dicitur ex verbis Zebee, & Salmana: surge tu, & irruere in nos, quia iuxta ætatem robur est tibi hominis, & condescendit eorum præcibus Gedeon. *Dixerunt Zebee, & Salmana: surge tu, & irruere in nos.* Scilicet videntes, quod puer timeret percutere eos, & ex hoc si cogeretur agere trepidè, & multo eos labore, & diuturno afficeret dolore, orauerunt, quod irrueret in eos Gedeon. *Quia iuxta ætatem, & robur est hominis.* Idest puer non audet, nec potest, quia paucarum virium est: tu habes robur magnū secundum ætatem tuam: tu ergo nos interfice. *Surrexit Gedeon, & interfecit Zebee, & Salmana.* Non est sensus quod Gedeon, & primogenitus suus soli essent: ita quod oporteret Gedeonem, vel filium suum occidere istos reges, quoniam alij assistebant eis: tamen ad honorandum illos reges, & fortè precibus ipsorum Gedeon per seipsum voluit occidere illos, quia puer non occidit: nam idem fere honor erat, quod ipse, vel primogenitus suus hoc facerent. *Et tulit ornamenta.* Hic ponitur sextum huius capituli, scilicet prædæ diuisio, scilicet quid de præda acceperit Gedeon, & quid alij Israelitæ. *Et tulit ornamenta, & bullas, quibus colla regaliū camelorum decorari solent.* Scilicet occisis, & fugatis hostibus accepit Gedeon prædam, & inter alia, quæ erant in præda accepit ornamenta camelorum regaliū: nam in terra illa sunt multi cameli, ut patet supra 6. & sicut onera apparumentorum regaliū apud nos super mulas, & mulos ferri consueuerant: ita & apud eos ferebantur in camelis. Etiam reges equitabant in camelis: nam consuetudo virorum terræ illius est equitare in camelis, sicut nos super equos: sic patet de Amalecitis, qui etiam venerunt in hoc exercitu, ut patet præcedenti capitulo, & supra 6. & tamen ipsi equitabant in camelis, ut patet 1. Reg. 30. cum dicitur, quod pueri Amalecitarum quadringenti ascensis camelis fugerunt, & ita nunc reges, & alij viri nobiles Madian equitabant super camelos, & illi erant ornati valde ornamentis aureis, vel argenteis: ob hoc specialiter nominantur hic ista ornamenta camelorum, quia erant valde magni precij. Et vocantur bullæ quædam laminæ pendentes de collis camelorum, quæ concussæ sonitum reddunt: & sic nunc gerulæ ferre solent: & ab hoc sigilla plumbea rotunda pendentia de rescriptis vocantur bullæ, licet aliqui nimis imperiti ipsas literas, vel rescripta bullas vocent. *Dixeruntque omnes viri Israel ad Gedeonem.* Postquam reuersi sunt de bello. *Dominare tu nostri, & filius tuus, & filius filij tui.* Idest dominare tu nobis, & omnes posterij tui, quia per filium, & nepotem intelliguntur omnes posterij. *Quia liberaisti nos de manu Madian.* Scilicet propter hoc bonum quod nobis egisti, volumus tibi gratias referre faciendo, quod sis dominus noster.

Quare dicebant nunc Israelitæ Gedeoni: dominare tu nobis, cum iam dominaretur eis. Quæst. XVIII.

QVARETVR, quare dicebant nunc Israelitæ Gedeoni, dominare tu nobis, quia iam dominabatur, cum esset princeps totius populi: & quomodo ipse respondit, quod non dominaretur, cum ipse suscepisset, quod esset iudex, & specialis dominus in Israel: nam dicitur, quod Israel quicquid 40. annis terra sub eo. Respon-

Sibylla  
Delphica  
claret.

Nequaria  
quidam

Prædæ di-  
uisio.

Reges an-  
tiqui in ca-  
melis equi-  
tabant.

Bullæ qd.



Domini,  
qui sint.

In quo im-  
perabant  
iudices Is-  
rael.

Respondendum, q̄ Gedeon nunquam suscepit, quòd dominaretur Israelitis, & quamquam ipsi libenter obtulissent, noluit suscipere Gedeon dicens: non dominabor in vobis, nec dominabitur filius meus. Pro quo considerandum, quòd quamquam esset Gedeon iudex Israel nondum habebat ista, quæ offerebant ei Israelitæ, quia ipsi volebant eum constituere regem, vel dominum, ita vt iure suo dominaretur Israelitis, & transmitteret ius dominandi ad posteros, & non habebat Gedeon ista, quæ offerebant ei Israelitæ, sed erat principatus suus minor in duobus. Primum erat, quia non dominabatur, sed solum principabatur, quia domini sunt illi, qui agunt quidquid volunt præter id, qd̄ contra legem, vel rationem est, & ad omnia tenentur ei subditi obedire, & sic sunt reges. Alij autem principes sunt, quorum potestas non extenditur ad plura, quàm ad ea, quæ lege scripta sunt, sicut in iudicibus locorum. Et est magna differentia inter istos, & reges, quia reges possunt quidquid lex non prohibet: isti autem solum possunt quod lex iubet. Iudices autem Israelitarum habebant principatum suum directum super actus bellicos, in alijs autem parum poterant, vt de potestate eorum declaratum est in prologo libri huius: ideo non dicebantur dominari, sed principari, vel iudicare, & ob hoc cum dixerunt Israelitæ, dominare tu nobis, &c. ipse dixit: non dominabor vestri, nec dominabitur in vobis filius meus: & tamen cõsensit, quòd esset iudex, & fuit semper vsque ad mortem suam: ergo multum differebat esse iudicem Israel, vel dominari, vt illi volebant. Secundum erat, quia iudices Israel non erant per successionem, nec habebant ius transmittendi ad posteros, sed sumebantur per electionem, vel inspirationem, aut præceptum Dei, vt declaratum est in prologo huius libri: vnde nullus iudicum fuit, qui haberet filium successorem sibi in iudicatoria potestate super populum, nisi iste Gedeon, cuius filius Abimelech per intrusionem quandam, & conspirationem iudicauit tribus annis: nunc autem volebant Israelitæ, quòd Gedeon, & posteri sui ex iure successionis haberent principatum super Israelitas, & essent veri reges, sicut erat in alijs gentibus. Et hoc fuit, quia Israelitæ vidētes, quòd Gedeon eis benefecisset, voluerunt eum maiori principatu honorare: nam cum solum haberet principatum iudicatum auctoritate Dei, ipsi sponte sua voluerunt in eum transferre principatum dominatum. *Quibus ille ait.* Non recipiendo eorum oblationē. *Non dominabor ego vestri.* Scilicet exercendo iura domini, vel regis, sed solum ero iudex, vt sum. *Nec dominabitur in vos filius meus.* Scilicet, quòd per successionem habeat. Et dato, quòd contingat eum succedere mihi in isto principatu, tamen saltem non dominabitur, sed erit iudex. *Sed dominabitur dominus.* Id est solus Deus verus erit dominus vester.

*Quare Gedeon non suscepit principatum quem sibi populus offerebat.* *Quest. XIX.*

Moyse do-  
ctor Israe-  
litarum.

**Q**VAERETVR, quare Gedeon non suscepit principatum quem populus sibi offerebat, cum ille esset magnus, & sponte offerretur. Respondendum, q̄ istud fuit ex humilitate Gedeonis, quia noluit eleuari ad tam excellēs genus principatus, sed sufficiebat ei esse ministrum bellorum, vel iudicē in populo. Item putauit, quòd peccatum esset, quia causabatur in hoc quædam nouitas: nam nullus de præcedentibus in populo Iudaico habuit tale genus principatus. Quod patet: nam Moyse nō erat dominus: sed solum, vt legem ferens Israelitis ex parte Dei, & ipse nihil præcipiebat Israelitis, quasi ex corde suo, sed quasi à Deo: vnde nō vocabatur dominus, sed doctor Israelitarum.

**F** Et apparet, quòd si fuisset dominus Israelitarum, vel quasi rex, pertinuisset ad eum collatio dignitatum instituendo, & destituendo, & nullus de populo posset ei resistere, vel accusare eum super hoc saltem de iure, & si de facto accusaretur non tenebatur respondere, sed poterat comprimere insurgentes nihil respondendo: contra ipsum tamen insurrexit Core cum ducēis quinquaginta viris. Et etiam tres principes de tribu Ruben, scilicet Dathan, Abiron, & Hon, propter summum sacerdotium: dicentes, quòd dedisset illud iniuste Aaron, scilicet volens omnia tradere cognatis suis, & ipse se purgauit dicens: in hoc scietis, quoniam dominus misit me, vt facerem vniuersa, quæ cernitis, & non ex proprio ea corde protulerim, si consueta hominum morte perierint, non misit me dominus, vt patet Num. 16. cap. Item ibi dixit Core ad Moyse & Aaron: sufficiat vobis, quòd omnis multitudo sanctorum est, & in ipsis est dominus: cur eleuamini super populum domini? eo capitulo. Si tamen fuisset Moyse dominus, vel rex, non potuisset ei quisquā hoc dicere, quia eleuare se poterat ille, qui dominus erat: imò nō est maior eleuatio, quàm esse dominum. Item Iosue non fuit dominus, nec rex super populum, sed dux solum, quia dirigebat Israelitas ad bellum: non tamen habebat ipse auctoritatem iudicandi, sed iudices alijs constituti erant. Nec obstat, quia Num. 27. Deus iussit, quòd ad mādatum Iosue tam Eleazar, quàm totus Israel moueretur, quia istud intelligitur de his, quæ pertinebant ad bellum, & quia totum tempus Iosue, vel præcipuum fuit in bellis domando Chanaanos, fuit potestas magna Iosue: nunquam tamen dominus, nec rex vocatus est. Alij quoq; iudices non erant domini, sed potestas eorum erat valde minor, vt declaratum est supra in prologo: ideo non ausus est Gedeon primus inter Israelitas dominium, vel principatum regnatum sibi usurpare, quia credebatur se peccare. Alia ratio fuit, quia Deus commiserat Gedeoni solum principatum iudicis cum eum vocasset, vt liberatorem Israelitarum: & hoc non pertinebat ad principatum dominatum, ideo accipere quod Deus non tradiderat peccatum fore putauit. Alia causa fuit, quia putauit, quòd fortē in hoc putabat se præiudicare Deo tollendo dominium eius quod habebat specialiter super Israelitas, cum dixit, sed dominabitur dominus in vobis: quasi dicat, si ego dominarer non dominaretur dominus, ideo ego nolo dominari, vt Deus dominetur.

*An peccaret Gedeon si accepisset dominium à populo ei tributum.* *Quest. XX.*

**Q**VAERETVR vltcrius, an peccaret Gedeon si accepisset principatum regalem, vel dominatum, quem populus ei tribuebat. Respondendum, quòd aliquem peccare contingit, vel quia agit contra legem scriptam, vel quia contra cōscientiam, quæ lex est, vbi lex deficit, dicente Apostolo, q̄ gentes ostendunt opus legis descriptum in cōscientia sua: Ad Ro. 2. & alibi. Hæc est gloria nostra, testimonium cōscientiæ nostræ: sed non videtur Gedeonem peccasse aliquo istorum modorum: non primò, quia non erat vetitum fieri regem inter Israelitas, sed potius videbatur permissum cum Deus dedisset legem qualiter se deberent reges, qui constituerentur habere in Israel, quando constituerentur, & postea: si tamen nunquam constituendi forent, frustra fuisset legem poni. Item patet, quia Deus prædixerat, q̄ de lumbis Iacob egredierentur reges Genes. 25. isti futuri erant necessariò in gente Iudaicā, quia alijs non essent de lumbis Iacob: ergo licebat eis constituere regem. Item ipse Iacob prænunciauerat ante mortem suam dicēs: non auferetur

Iosue do-  
ctor Is-  
raelis



retur sceptrum de Iuda, & dux de femore eius: sceptrū autē ad reges pertinet; ergo de tribu Iuda futuri erant reges: Gen. 49. cap. ergo nō repugnabat legi, q̄ aliquis efficeretur rex, sed magis conueniebat. Item non videbatur repugnare conscientiæ, quia si Gedeon uolenter uoluisset dominari populo abutendo principatu concessio à populo, & accipiendo sibi maiorem potestatem, erat peccatum, quia erat species tyrannidis: omnis autem species huius est peccatum, & principatus deordinatus, & corruptissimus, ut patet 8. Ethico. Gedeon tamen non accipiebat inuito populo, sed libenter offerente, ideo non præiudicabat eis. Item Gedeon merebatur principatum istum propter virtutes suas, sed quod dignus recipiat honorem, vel dignitatem, quæ sibi non petenti offertur licitum est. Item quicumque bona sibi inquit nulli præiudicando, non peccat, sed Gedeon accipiendo principatum istum faciebat sibi bonum sumendo maiorem honorem, & non faciebat cum præiudicio alicuius: ergo non peccabat. Respondendum, quod Gedeon peccaret, si accepisset principatum regalem offerente populo, non facta aliqua alia inquisitione: quia licet lex cōcessisset, quod Israelitæ aliquando haberent reges, non tamen diffinierat tempus, in quo reges esse debebant, & quia nunc Deus regebat populum quasi immediatē per se in omnibus arduis causis, denunciando quando deberent ire ad bellum, & quid agere deberent, & sic de ceteris, & quia constituere super se regem erat arduissima causa, peccaret Gedeon, si Deo incōsulto accepisset principatum regnatiuum, etiam populo libenter offerente. Item Deus instituebat principes in populo, nam ipse constituerat Moysen mittendo eum: Exo. 3. & 4. ipse etiam post eum constituit Iosue Nu. 27. cap. constituit etiam post Iosue omnes iudices, ut communiter vocando eos, vel suscitando eos immittendo spiritum suum eis, sicut dicitur de singulis iudicibus vsq; huc, quod ergo Israelitæ uellent nunc ponere regem, erat priuare Deum possessione ponendi rectores, & principes in populo, sed etiam secundum iura humana hoc esset iniustum fieri contra hominem aliquem, quantum magis fieri contra Deum? Quod ergo Gedeon susciperet principatum regalem, vel dominatiuum ab Israelitis Deo incōsulto, erat recipere principatum ab eo, qui non potest dare in præiudicatione eius, ad quem de iure collatio spectabat, ideo præiudicabat ei, & peccabat mortaliter. Item non accepit Gedeon propter conscientiam, quia Israelitæ dabant istum principatū Gedeoni, quia liberauerat eos de manu Madian, ut patet in litera: si autem Gedeon suscepisset hoc modo, videretur sibi ascribere victoriam contra Madianitas, & tamen Deus illam totaliter exercuerat, ideo ex hac causa Deo attribuendus erat principatus, & non ipsi: unde ipse conuenienter respondit: non dominabor ego in vobis, nec dominabitur filius meus, sed dominabitur dominus Deus, scilicet, quia ego non liberaui vos de manu Madian, nec filius meus, sed Deus liberauit, ideo ipse dominetur. Ut ergo non superbiret, non accepit principatum: nunquam enim ausus est Gedeon sibi quicquam ascribere de hac victoria. Unde plus ascripsit filiis Ephraim, quam sibi, dicens: quid tale facere potui, quale vos fecistis? & tamen tam id quod ipse fecit, quam q̄ fecerunt Ephraimæ Gedeon ascripsit Deo, dicens: in manus vestras tradidit dominus principes Madiā, Zeb, & Oreb supra in litera. Item fuit visum quasi iniustum Gedeoni, q̄ acciperet principatum, in quo succedere deberet ei filius suus, quia forte, si ipse dignus foret, filius suus, & posterii essent indigni, & turbarent populum: & istud eueniret occasione eius, qui talem principatum assumpserat, ideo visum est, q̄ erat peccatum: si ergo egisset contra hanc

conscientiam recte formatam peccasset. Cum autem obijciatur, quod non erat contra legem. Dicendum, quod non erat contra ipsam legem datam: erat tamē contra modum dispensationis illius, scilicet, quia sumendo non debebant constitui reges, licet ipse dederit potestatem ad constituendum eos: ideo ipse conqueritur de quibusdam regibus, quod constituti fuerint sine Dei mandato, scilicet, ipsi regnauerunt, & nō per me: principes extiterunt, & non cognoui: Osee 8. Cum autem dicitur, quod non videbatur esse contra conscientiam, declaratum est, quod erant, & causæ positæ sunt ad hoc.

An populus peccaret tribuendo Gedeoni principatum regnatiuum. Quæst. XXI.

**Q**UÆRITUR ulterius, an populus peccaret tribuendo Gedeoni principatum regnatiuum, & offerendo. Aliquis dicet, quod non, quia quod ego me subijciam alicui, nulli iniuriam ago, licet agerem, si me præferrem ei: sed offerendo principatum regnatiuum Gedeoni subijciebant se ei Israelitæ plusquam subiecti erant: ergo non peccabant. Item cum subijcere se alicui sit actus humiliatis, quantuncunque nos subijciamus nō peccabimus, quia Beatus Petrus dixit: subditi estote omni humane creature propter Deum, siue regi tanquam præexcellenti, &c. primæ Petri c. 2. ergo nunc cum subijcerent se Israelitæ Gedeoni ad principatum regnatiuum, magis mererentur. Respondendum, quod Israelitæ volendo constituere Gedeonem regem super se, & denunciando ei, quod uellent hoc facere, non peccabant, cum tamen haberent intentionem consulendi dominū super hoc, & q̄ aliās non facerent. Alioquin volendo ad omnem casum Deo incōsulto tribuere regnum ei, peccatum erat. Quod patet, quia Deus erat rector huius populi, & in omnibus negocijs arduis ipse diffiniebat quid agendum foret, imò etiam interdum in minimis: sed constituere regem erat arduum negotium valde, tum quia erat maximus principatus, tum quia inusitatus erat in populo Israel, quod ergo ipsi incōsulto Deo agere uellent constituendo regem graue peccatum erat. Item Deus ab antiquo semper fuerat in possessione, & iure instituendi principes in populo Israel, sicut declaratum est præcedenti quæstione, quod ergo nunc Israelitæ incōsulto illo constituerent principem, erat cum priuare iure suo, ergo erat iniustum. Item constituto principatu regali derogabatur aliquantulum iuri Dei, & præminentia super populum Israel, ideo non debebat fieri eo non consentiente, quia quod aliquem tangit, ab illo debet approbari. Patet hoc, quia si aliquis rex, vel dominus haberet magnum principatum in populo, quanto maior iste esset, tanto esset minor principatus Dei, & hoc sentit Gedeon, cum dixit: Non dominabor ego in vobis, nec dominabitur filius meus, sed dominabitur dominus Deus: quasi non staret simul, q̄ Gedeon esset dominus Israelitarum, & etiam Deus. Item patet primo Reg. 8. quia per hoc, q̄ Israelitæ petiuerunt regem, dixit Deus, quod abiecerat eū, nē regnaret super eos, quasi non staret, quod uterque regnaret super Israel. Item patet, quia Israelitæ, qui tempore Samuelis petiuerunt regem, peccauerunt nimis: nam dicitur 1. Reg. 6. quod cum petiuerunt regē displicuit valde sermo iste Samueli: si tamen non fuisset peccatum, non tantum displicuisset ei. Item ipsi Israelitæ dixerunt 1. Reg. 12. cap. addidimus enim peccatis nostris malum, ut peteremus regē: ergo isti quoque offerentes regnum Gedeoni, vel cuius, Deo non incōsulto, peccarent grauiter: si tamen Israelitæ, nondum incōsulto Deo, quærerent à Gedeone, an uellet

Resp. ad rationes in contrariū.

Rationes in diuersū

Resp. ad quæsitum.

ethici

Doc. resp. ad quæsitum.



effici dominus, vel rex, vt si ipse consentiret, postea  
 Ad ratio- consulerent dominum, non erat peccatum. Ad ratio-  
 nem 1. in nem primam in contrarium dicendum, quod antecede-  
 diuersum. dens est falsum, quia interdum, quod quis se subijciat  
 alicui est facere iniuriā alteri, quia sicut cum quis trāsfert  
 rem alterius ad se praeiudicat illi, ita cum quis subiectus  
 alicui subijcit se, alteri, praeiudicat. Primò cum iurisdictiones  
 sint aliquo modo differentes, quia tunc prior iudex, vel dominus,  
 minus iurisdictionis, vel nihil haberet transeunte subdito ad  
 alium. Ita etiam, q̄ seruus vnus est, si se vellet facere  
 seruū alterius, valde praeiudicaret domino: q̄a ergo, si  
 Israelitae fecissent Gedeonem regem, vel dominum, detraxis-  
 set aliquid de dominio Dei super se, vt declaratum est, praeiudica-  
 bant alicui subijciendo se Gedeoni, & consequenter  
 Ad 2. ratio non poterant. Ad secundam rationem, cum dicitur,  
 nem. quod subijcere se alicui est actus humilitatis. Respon-  
 tur homo dendum, quod nō est vniuersaliter verum, quia istud  
 cuilibet tenet quando quis se subijcit alteri secundum regulam  
 principii se rationis, alioquin subiectio est vitium, sicut si quis  
 subijci. se subijciat passionibus, & affectibus ad seruiendū eis,  
 sicut Apostolus admonet: ad Rom. 6. quod non seruiamus  
 iam peccatis, sicut aliquando seruieramus. Etiam seruire, vel  
 subijci cuicunque homini non est secundum rationem: nam quod  
 Christianus subijciat se infideli, vel clericus subijciat se iudici  
 seculari, peccatum est, quia istud est contra rationem, & contra  
 iura, ita etiam quod quis vellet se subijcere alicui non praelato,  
 vel iudici suo in praeiudicium iudicis sui, vel praelati peccatum  
 est. Cum autem confirmatur auctoritate Beati Petri, scilicet  
 subditi estote omni humanae creaturae, &c. dicendum quod non  
 intelligitur, nisi de constitutis in praelatione, vel potestate iudicandi.  
 Quod patet, quia cum posuisset exemplum, solum dixit de potestatibus,  
 scilicet, siue regi tanquam praeexcellenti, siue ducibus tanquam  
 à Deo missis: de priuatis personis nullum exemplum posuit.  
 Et his vniuersaliter est non est obediendum, scilicet, quia ego non teneor obedire  
 cuilibet regi, nec quibuslibet ducibus, sed soli regi in cuius regno  
 maneo, & sic de ducibus. Et hoc patet, quia potestati obediendum  
 est in quantum est ordinata, quia istud est fundamentum Apostoli:  
 ad Ro. 13. Omnis anima sublimioribus potestatibus subdita sit:  
 nō est enim potestas nisi à Deo, quae autem à Deo sunt, ordinata  
 sunt: sed nō est ordinatum à Deo, quod potestatibus extra territoria  
 sua pareatur, quia istud esset destruere omnem ordinem humane  
 politie, & inducere inextricabilia bella: ideo non est virtutis opus  
 vniuersaliter subijcere se cuique, sed secundum regulas rationis,  
 sed quod Israelitae subijcerent se Gedeoni erat contra regulam  
 rationis, cum praeiudicarent Deo in hoc: peccabant ergo, si facerent  
 eum regem.

*Quomodo Israelitis Deus dominabatur, & an tolleretur Dei  
 dominium per illud Gedeonis.*

*Quest. XXII.*

**Q**VAERETVR. vltius, quomodo dominabatur Deus Israelitis, & an p̄ dominium Gedeonis tolleretur dominium Dei, & quomodo. Respondendum, quod dominium Gedeonis, vel principatus regnatiuus, si fuisset super Israelitas, valde praeiudicasset principatui Dei, & hoc intellexit Gedeon cum dixit: non dominabor ego, nec filius meus, sed dominabitur in vos dominus Deus: si tamen non praeiudicasset vnus principatus alteri, non dixisset, sed, quae est conitiō aduersariua. Item, quia cum Israelitae elegerunt accipere regem, & petiuerunt, dixit Deus Samueli: Nō te abiecerūt, sed me, nē regnem super eos 1. Re. 8. si tamen isti duo principatus omnino se compaterent,

**F**tur, non abiecerunt Israelitae Deum, quamquam elegerunt Saulem in regem, & etiam nunc eligendo Gedeonem. Modus autem incomprehensibilitatis est, quia impossibile est aliqua duo esse summa in eadem qualitate, sed esse dominum, vel regem dicit maximū principatum. Ergo respectu alicuius non possunt duo habere istum principatum: sic, si homo accepisset super Israelitas principatum regnatiuum, cum iste esset maximus, non posset Deus tenere hunc principatum, vel si vellet Deus tenere principatum istum, non maneret penes illum, qui efficeretur rex, & sic propriè nō esset rex. Pro quo sciendum, quod rex, vel dominus absolute importat magnam potestatem, quam habēs potest exercere super subditos quidquid voluerit, dum tamen non sit contra legem, & voluntati suae tenentur omnes parere, & ob hoc est nomen magni honoris, quia propter istam praeexcellētiā tenentur homines valde subijci illi, parere, & humiliari: hoc tetigit Beatus Petrus, dicens prima Pe. cap. 2. Siue regi tanquam praeexcellēti: & sic conditio regis est esse excellētem valde: de ducibus autem nō dixit sic, sed solum, quod erant à Deo missi. Rursus autem considerandus est modus principatus Dei, quem habebat antequam instituerentur reges in Israel: nam ipse erat tanquam dominus, & caput specialiter policiae Iudaice, & eum vocabant solum dominum, & ad eum recurrebant in omnibus necessarijs, & ipse dicebat quid agendum foret, & ponebat rectores, quos volebat, & illi non vocabantur domini, nec habebantur vt domini, sed vt ministri Dei, & totus principatus attribuebatur Deo. Si autem institueretur aliquis in regem super Israelitas, cum iste haberet valde magnum principatum super eos, iure suo ageret quidquid vellet, dū non esset contra legem, nec debebat expectare praeceptum Dei ad singula, filij quoque eius iure suo succederent in regno, & non peteretur cōsensus Dei in hoc, & ipse quoque rex vocaretur dominus, & honoraretur nimis à populo: sed ista solebant prius soli Deo dari: ergo multa detraherentur de illis, quae specialiter pertinebant ad honorem Dei, quia hoc modo non maneret iam Deus, vt princeps specialis, sed vt dominus generalis, quia quantum ad dominium nihil magis haberet super Israelitas, quam super alias gentes, cum ita haberent Israelitae regem, sicut ceterae gentes: nunc autem non constituto rege, erat Deus dominus generalis Hebræorum, sicut aliarum gentium, & insuper erat specialis in quantum nullum alium rectorem habebant, nisi ipsum, & quos ipse ponebat, & sic erat principatus ille Monarchicus quodam modo, cuius Deus erat Monarcha, & habebat sibi paruos iudices, & principes subordinatos: cum autem electus est rex, ablatus est principatus specialis, ideo ipse dixit, quod abiecerunt eum, nē regnaret super Israel, id est nē esset specialiter rex 1. Reg. 8. Gedeon ergo noluit regnum, nec principatum dominatiuum, nē subtraheretur Deo iste honor debitus. Dixit q̄ ad eos. Scilicet non consentiendo petitioni, & obligationi gratuita illorum. Vnam petitionem postulo à vobis. Id est nolo suscipere hoc magnum beneficium, quod vos mihi impendere vultis: sed solum peto aliquid paruum, scilicet de inauribus. Date mihi in aures ex praeda vestra. Iste in aures erant aureae, & erant multae. Petiuit autem eas Gedeon, vt inde faceret Ephod, vt patet infra. Istud vocabulum quod hic ponitur in Hebræo pro inauribus significat interdum aliquid, quod est in naribus, & interdum aliquid, quod est super aures: sed secundum veritatem significat solas in aures: abusus tamen idiomatis hoc facit. Sic patet Ge. 35. vbi dicit litera nra: dederunt illi Deos alienos, quos habebant, & in aures, quae erant in auribus eorum. In Hebræo habetur, & olfatoriola, siue ornamenta narium, quae

Principatus Dei  
 per Israelitas.

Deus erat Monarcha in populo Israel.

In aures quid sint.



quæ erant in auribus eorum: & sic posuit ornamenta narium esse in auribus per magnam Barbariem locutionis. Sic etiam Gen. 24. dicit littera nostra: suspendi itaque in aures ad ornandum faciem eius: & in Hebræo dicitur: appendi ornamenta narium super nares suas: sed manifestum est, quod non ponuntur ornamenta aliqua in naribus, sic dictio hic posita significat ornamenta narium, sed debet intelligi de inauribus, sicut posuit littera nostra: petiuit enim Gedeon in aures de præda, quia diuisa præda proueniebat ei portio principis, quæ erat magna: & sic suscepit partem inaurium: ipse tamen voluit habere omnes in aures ad fabricandum Ephod, de quo infra dicitur. *In aures enim aureas Ismahelita habere consueuerant.* Hic ponitur verisimilitudo præcedentis dicit: quia dubitaretur quomodo in præda captæ fuisset in aures, quia soli viri erant in præda, & non iuerunt Israelitæ in terram Madian, vel in aliam terram hostilem nunc, ut inde acciperent prædā, quia per solam terram suam persecuti sunt hostes fugiētes. Quod patet, quia apud urbem Nobe ultimo irruerunt in eos supra in littera: & tamen ista ciuitas erat in terra Israel, ut patet Num. 32. cap. & fuit in sorte Manasse. Dicitur ergo, quod potuerunt habere istas in aures, quia Ismahelita consueuerunt portare in aures in auribus, sicut femine, & inde cum multi Ismahelita essent hic cum Madianitis, & Amalecitis, cæterisque orientalibus populis, acceperunt in aures de Ismahelitis mortuis. *Qui dixerunt: libentissime dabimus.* Nihil enim erat quod Gedeon petiisset ab Israelitis, quod tunc non concessissent etiam si totam prædam postulasset, cum liberaisset eos: nā cum se ei, ut domino subijcere voluissent, facilius concessissent quodcumque aliud. *Expandentesque super terram pallium proiecerunt in eo in aures de præda.* Intelligendum est, quod hoc fuit ante diuisam prædam: nam licet ipse habiturus esset magnam partem, tamen non omnes in aures, ideo petiit ab omnibus in communi, ut donarent ei partes suas: si autem fuisset post diuisam prædam, quia in aures peruenissent ad quosdam, & non ad alios grauarentur quidā, & fuisset difficile, quod concederentur: nunc autem non facta diuisione non magis lædebatur vnus, quam alius, ideo gratis concesserunt, & proiecerunt super pallium, ut ibi videretur numerus earum. *Et fuit pondus postulatatum inaurium.* Non solum intelligitur de pondere inaurium, quas alij donabāt ei, sed etiam de inauribus, quas ipse habiturus erat: sed adhuc non erant diuisæ. *Mille septingenti auri sicii.* Siclus nomen est monetæ, & ponderis: nam cum esset moneta argentea, erat constituta in certo pondere: nam viginti obolos continet, ut patet Leuit. 27. & Num. 3. & 18. & erant duo sicli valor vnus arietis, ut patet Leuit. 5. quod dari debebat in redemptione delicti aries, qui valeret duos siclos. In Hebræo non habentur sicli, sed dicitur, quod fuit pondus mille septingenti de auro, & non nominatur nomen ponderis, vel numeri: posuit autem Ieronymus siclos, quia apud Hebræos in ponderibus, vel computabatur per stateres, quæ sunt pars quædam sicli, de quo 1. Re. 9. scilicet: Ecce inuenta est in manu mea quarta pars stateris argenti: vel ponderabatur per siclos, sicut fit computatio Gen. 24. & in alijs locis, vel per talenta, ut in fabricatione templi, & tabernaculi. De hoc Exod. 25. & 3. Reg. 6. & 7. Sed non erat verisimile, quod intelligeretur hic de talentis, quia istud erat valde magnum pondus, nec erat verisimile etiam si omnes in aures omnium gentium congregarentur, quod tot talenta auri contineret, quia talentum, ut quidam volunt continebat centum libras, ideo posuit Ieronymus de pondere siclorum, de quo verisimile est, quod fuerint in aures. *Abique ornamentis, & monilibus.* Ornamentum generale nomen est cuiusque apparatus corporis: monilibus

A autem pectus, vel faciem exornant. *Et veste purpurea.* Istæ sunt vestes præciosæ de coloribus purpureis, de quibus dictum est Exo. 25. *Quibus reges Madian uti soliti erant.* Id est reges Madian utebantur ornamentis, & monilibus, & vestibus purpureis. Non est intelligendum, quod omnia ista Israelitæ dederint Gedeoni, quia tunc relictum nihil esset de præda illis. Etiam, quia Gedeon solum petiuit in aures: sed ponuntur ista ad significandum, quod non solum fuerint in aures in præda, sed etiam monilia, & vestes purpureæ, & alia multa, & cum dicitur absque ornamentis: non refertur hoc ad participium postulatarum. i. quod et omnia ista fuerunt postulata præter in aures aureas, nec et ad illud. scilicet proiecerunt in eo in aures aureas, quia tunc esset sensus, quod præter in aures aureas et proiecerunt monilia, & omnia hæc. Sed debet referri ad illud fuit pondus. scilicet quod mille, & septingenti sicli non fuerunt pondus totius præde, sed solarum inaurium præter monilia, & omnia alia. Dicitur de regibus Madian quod tenebantur istis, quia ipsi in quibusdam ornabant se sicut femine: nam monilia ornamenta feminarum sunt. Sic et Ismahelita utebantur ornamentis feminarum habentes in aures in auribus, ut patet supra in littera. *Et præter torques aureas camelorum.* Id est et sine omnibus istis erant supra dicta de præda. scilicet non fuerunt posita sub pondere torques aureæ, sicut in aures virorum, quia forte erant de puro auro tam ornamenta virorum, quam camelorum. Isti cameli torqueum aurearum erant cameli regum, scilicet quibus reges istarum gentium infidebant.

Fecitque ex eo Gedeon Ephod, & posuit illud in ciuitate sua Ephra. Fornicatusque est omnis Israel in eo, & factum est Gedeoni, & omni domui eius in ruinam. Humiliatus est autem Madian coram filiis Israel, nec potuerunt ultra ceruices eleuare: sed quieuit terra per quadraginta annos, quibus Gedeon præfuit. Abiit itaque Ierobaal filius Ioas, & habitauit in domo sua: habuitque septuaginta filios, qui egressi sunt de femore eius: eo quod plures haberet uxores Concubina autem illius, quam habebat in Sichem, genuit ei filium nomine Abimelech. Mortuusque est Gedeon filius Ioas in senectute bona, & sepultus est in sepulchro Ioas patris sui in Ephra de familia Ezri. Postquam autem mortuus est Gedeon, auersi sunt filii Israel, & fornicati sunt in Baalim. Percusseruntque cum Baal fœdus, ut esset eis in Deum: nec recordati sunt Domini Dei sui, qui eruit eos de manibus inimicorum suorum omnium per circuitum: nec fecerunt misericordiam cum domo Ierobaal Gedeon iuxta omnia bona, quæ fecerat Israeli.

*Fecitque ex eo.* Hic ponitur quedam post bellum orta transgressio, scilicet ex Ephod, quod fecit Gedeon de auro inaurium: & dicitur. *Fecitque ex eo.* Id est ex auro postulatarum inaurium. Ephod. Nomen est ornamentum Pontificis. *Et posuit illud in urbe sua Ephra.* Scilicet

Orpheus  
Theolo-  
gus, & Po-  
eta clares.

Quidam  
post bellum  
exortat  
transgressio.  
Ephod  
quid sit.



Scilicet de vrbe, de qua erat oriundus, & in qua morabatur, ut ibi maneret. Est autem Ephod nomen preciosæ vestis Pontificis. Et propriè accipiendo Ephod dicitur esse dimidia vestis, scilicet, quæ habet in medio foramen per quod caput poni potest, & pendet ex parte anteriori, & posteriori solum vsq; ad Zonam, & in loco pectoris sacerdotis erat quoddam foramen, vel vacuitas ad magnitudinem palmi, in quo poni debebat rationale, & erat istud Ephod sub brachijs quibusdam condilis cõplosum, ut cohereret sacerdoti: habebatq; duos onychinos super duos humeros sacerdotis, & istud ornamentum erat de auro, & purpura, & hyacintho coccoque bis tincto, & bysso retorta, de cuius fabricatione patet Exod. 28. cap.

*Quid fuerit istud Ephod à Gedeone factum.*

*Questio XXIII.*

Nonnullorum rationes in diuersum, quod Ephod fuerit idolum.

**Q**VAERETVR, quid fuerit istud Ephod quod fecit Gedeon. Aliqui volunt, quod fuit idolum quoddam pulchrum nimis, & illud fecit posuitque in vrbe Ephra, & sic est quædam parua gloriola in historia scholastica, quod fuerit idoli genus. Et apparet hoc, quia dicitur, quod fornicatus est Israel in eo: fornicatio autem importat idolatriam, ut patet ex modo loquendi scripturæ. Sed Ephod non pertinet ad fornicationem, siue idolatriam, sed idolum; ideo videtur, quod fuit idolum. Item dicitur, quod Gedeon petiuit in aures aureas, & ex hoc auro fecit Ephod, sed Ephod cum sit vestis, non fit ex auro, sed magis ex filis; idolum autem quod statua est, potest fieri ex auro puro, ideo videtur, quod fuit idolum. In contrarium videtur, quod non fuerit idolum. Primum, quia dicitur hic, quod fuit istud Ephod in ruinam: est ruina occasio peccandi, & est quando aliquid non fit directè ad malum, tamen sequitur malum ex re: sic dicitur supra 2. quod dii gentium erant Iudæis in ruinam, scilicet non quod ipsi fecissent sibi illos ad colendum, sed quia cum viderent eos inter se interdum inclinabant ad eos colendos, & visio erat occasio huius mali. Si ergo Gedeon fecisset idolum ex auro, cum idolum directè non sit nisi ad colendum, non esset illud in ruinam, sed directè esset malum: vocatur tamen ruina. i. occasio mali, ideo apparet, quod non erat aliquid quod fuerit factum ad malum, per accidens tamen præstabat causam mali. Item istud nomen Ephod significat vestem sacerdotalem: Exod. 28. & nullo modo æquiuocatur ad significandum idolum: si ergo intendisset scriptura, quod istud erat idolum, nominasset illud, & non nominasset Ephod, quod est valde distans. Item Gedeon tenuit istud Ephod semper in ciuitate sua, quandiu vixit, & tamen dicitur, quod mortuus est in senectute bona, quod est quædam magna laus, quæ pertinet solum ad viros sanctos: & si fecisset idolum esset pessimus, & vocaretur inueteratus dierum malorum: ergo non fecit idolum. Item dicitur infra, quod post mortem Gedeonis auersi sunt Israelitæ, & fornicati sunt cum Baalim, perculseruntque cum Baal sedus, ut esset Deus eorum: & sic patet, quod ante hoc colebant Deum, vel saltem non colebant idola, quia alioquin non diceretur, quod auersi sunt post mortem Gedeonis, sed ante mortem eius essent auersi. Etiam si ipsi constituissent idolum, & adoratum fuisset eo viuente, non esset aliqua innouatio post mortem suam, quod Israelitæ colerent Baalim, & facerent cum eo foedus, & tamen ponitur tanquam aliqua magna innouatio, & mutatio à statu priori, ergo non fuerat idolum tempore Gedeonis. Item quomodo erat verisimile, quod Gedeon, qui fuerat maximus persecutor idolatriæ suffodiens aram Baal, & destruens nemus eius, & tauros, qui erant consecrati ei, & statuerat altare iussu domini supra 6. nunc tan-

tum declinaret, quod faceret idolum? Item dato, quod Gedeon aliquando esset immemor diuini beneficii. i. post magnum tempus à præstito beneficio, & tunc declinaret, non erat valde admirandum, quia ista multorum qualitas, & iniquitas est: quod tamen illico, ut beneficium perstitum fuerat sibi à Deo, faceret idolum, non est verisimile: Gedeon tamen cum veniret de bello petiuit in aures aureas ad fabricandum Ephod, ut hic dicitur: ergo non erat istud Ephod idolum. Dicendum igitur, quod Ephod non fuit idolum, sed vestis sacerdotis magni, quæ pariter secum habebat rationale, & erat vestis nobilissima, ut patet Exod. 28. Ad rationem primam in contrarium dicendum, quod illa gloriola parua historiae scholasticæ, non est magnæ auctoritatis, præsertim cum ipsa historia scholastica teneat contrarium, ut sequenti quæstione dicitur. Ad secundam rationem dicendum, quod aurum petiuit Gedeon pro Ephod, & non pro idolo, quia voluit facere Ephod, & rationale, in quibus multum de auro est: potissimè in rationali ad inclusiones duodecim gemarum, quæ omnes auro includuntur: Exod. 28. cap. & de laminis auri fit extenuatio in fila, & illa contexuntur filis sericeis, purpureis, coccineis, hyacinthinis, atque byssinis, ut patet præallegato capitulo. Et maximè, quod fortè voluit Gedeon facere istud Ephod preciosissimum, & ob hoc posuit multum de auro, ut totum aureum videretur.

*Ad quid Gedeon istud Ephod fabricauit.*

*Questio XXIII.*

**Q**VAERETVR, ad quid fabricauit Gedeon istud Ephod. Responderet historia scholastica, quod non solum fabricauit Ephod, sed etiam omnes vestes Pontificales, & ipse factus sacerdos immolauit victimas indutus vestibus his, fecitque aliud tabernaculum in Ephra præter illud, quod erat in Sylo, & ob hoc Deus indignatus occidit omnes filios eius. Sed hoc non multum stat, quia tunc peccauisset grauissimè Gedeon usurpando sibi officium sacerdotis, Deo non iubente, & non euaderet impunitus. Nam nemo legitur hoc egisse, quin grauiter punitus fuerit: sic patet de ducentis quinquaginta viris socijs Core, qui voluerunt usurpare officium Aaron, & omnes combusti sunt coram altari: Num. 16. sic etiam fuit de rege Ozia, qui conatus offerre incensum, sicut sacerdos percussus est lepra in fronte, & mansit leprosus vsque ad mortem 4. Reg. 15. cap. sed Gedeon vixit semper prospere, ideo non est aliquid tale præsumendum de Gedeone, potissimè cum scriptura laudet eum dicens, quod mortuus est in senectute bona. Item si Gedeon hoc egisset, peccatum esset Gedeonis solius, & non Israelitarum, vel esset principaliter ipsius, & tamen Israelitæ referuntur peccasse in hoc Ephod, & non Gedeon, cum dicitur, quod omnis Israel fornicatus est in eo, & factum est domui Gedeonis in ruinam: ergo non offerebat Gedeon sacrificia indutus Pontificalibus vestibus. Aliter potest dici, quod istud Ephod fuit fabricatum à Gedeone in memoriam victoriæ, & in laudem Dei, & ob hoc fuit factum de auro prædæ, & istud tenet Rabbi David Kimhi, & Rabbi Salomon, & tunc stat conuenienter, scilicet, quod non peccaret Gedeon fabricando illud, quia ad bonum finem fabricauerat, sed peccauit Israel, & domus Gedeonis, quia (ut isti volunt) postea Israelitæ videntes pulchritudinem eius, inclinati sunt ad colendum illud. Sed adhuc ista positio, licet sit aliquid conueniens, non stat totaliter, quia si ad memoriam belli fecisset, magis debuisset facere aliquod insignium belli, ut scutum, vel gladium, vel vexillum, aut alia insignia: Ephod autem nihil pertinebat aliorum.



ad representandum victoriam, cum esset ornamentum sacerdotale. Item si fuisset ad memoriam victoriarum, & laudem Dei, positum fuisset in loco sancto, scilicet in sanctuario: sic enim fecit David occiso Philisthæo: nam posuit gladium illius in sanctuario domini, & seruabatur apud Ephod, vt patet 1. Reg. 21. cap. posuit tamen istud Ephod Gedeon in Ephra, vbi non erat locus sanctuarij: ergo non posuit ad memoriam victoriæ. Aliter dici posset, qd fecit Gedeon Ephod, & alia ornamenta Pontificis ad offerendum sacrificiū domino in Ephra semper, non quod ipse offerret, sed quod esset ibi aliquis sacerdos, qui indueretur vestibus, & offerret. Et motiuum huius esse potuit, quia Deus iusserat Gedeoni in Ephra fabricare altare, & immolare ibi domino, ideo putaret fortè, quod semper licitum esset, sicut quando iussu est supra 6. & ob hoc voluit habere ibi ornamenta sacerdotum, & sacerdotes ad semper ministrandum. Sed hoc etiam non videtur poenitus stare: primò, quia tunc non solum fieret mentio de Ephod, sed etiam de alijs vestibus, vel saltem diceretur in generali, quod fecit ornamenta sacerdotalia, vel pontificalia, & non dicitur. Secundò, quia hoc dato, non videtur quomodo Israelitæ fornicarentur cum Ephod, scilicet idolatrando, quia cum solum esset, vt vestis, non videbantur habere causam motiuam ad colendum illud. Etiam Gedeon peccasset in hoc grauiter, & tamen non videtur ei ascribi hic aliqua culpa. Aliter ergo dicendum videtur, & melius, scilicet, quod Gedeon fecit solum Ephod cum rationali: erat enim rationale quidam pannus paruus quadratus ad mensuram palmi, habens duodecim gēmas in quatuor ordinibus distinctas, & locabatur intra quoddam foramen Ephod in pectore sacerdotis, & ligabatur cum Ephod firmiter: ita vt nunquam ab inuicem separari possēt, vt patet Exo. 28. ideo Ephod, & rationale computabantur tanquā vnum ornamentum, & ambo simul vocabantur Ephod; fecit autem Gedeon istud Ephod ad consulendum dominum, nā Israelitæ quādoque volebant consulere dominū consulebant per Ephod, scilicet sacerdote induto, & immediatè respondebatur ex parte Dei ad quæstionē: sic dicitur Exo. 28. quando portabat sacerdotes in pectore rationale, & Ephod, quod gestabat iudicium filiorum Israel in pectore suo, scilicet id per quod iudicabatur de dubijs, & quæsitis eorum: sic enim David consulebat dominum per Abiathar sacerdotem habentem secum Ephod 1. Reg. 23. & 30. cap. Gedeon autem cum factus esset iudex populi putabat se sæpe initurum bella cum hostibus, & quod ad hoc oporteret sæpe cōsuli dominum, ideo voluit habere Ephod, id est rationale cum Ephod per qd consuleretur Deus, non quidem, vt ipse indutus Ephod consuleret dominum: sed vt haberet secum aliquem sacerdotem, qui indueretur illo, quando consuleretur Deus, sicut David habebat secum Abiathar: & ob hoc istud Ephod manebat semper in Ephra, vt præsto esset ad consulendum dominum, & quia erat valde pulchrum, & videbant Israelitæ, quod per illud respondebatur ad omnia dubia, attribuebant ei virtutem diuinam, & colebant illud, & sic non sequitur nunc aliquod inconueniens, nec manet aliquod dubium; nam ad bonum finem factum fuit istud Ephod: tamen postea peccauerunt Israelitæ abutentes eo.

An peccauerit Gedeon faciendo istud Ephod.

Quæst. XXV.

**Q**UÆRETUR vltius, an peccauit Gedeon faciendo istud Ephod. Aliquis dicet, qd sic, quia erat ad scādalum, nam totus Israel fornicatus est in eo,

**A** & ipsi domui Gedeonis factum est in ruinam. Respondendum, quod secundum, quod variè ponebatur finis huius Ephod, ita potest assignare variè, quod peccauerit, vel non peccauerit. Nam qui ponunt, quod fuit idolum, necesse est, quod ponāt grauiter peccasse Gedeonem. Qui autem dicunt, quod fecit omnia vestimenta sacerdotalia, & sanctuarium in Ephra sacrificabatq; ibi, etiam ponere coguntur, quod grauiter peccauerit. Qui verò dicunt fecisse Ephod ad memoriā victoriæ, & laudis Dei: dicere debent, quod non peccauit, quia hoc licitum erat. Qui dicunt fecisse omnes vestes ad hoc, quod essent ibi sacerdotes ministrātes, dicere debent, quod peccauerit, nisi dicant fuisse ex dispensatione, sicut licuit David tenere arcam in domo sua, & constituere sacrificantes coram illa, & facientes alia ministeria, de quibus 1. Paralip. 15. & 16. Dicendū autem, quod vltimo modo nō peccauit Gedeon, quia licebat ei velle consulere dominum in agendis cum esset princeps populi: imò erat valde conueniens, qd nihil vellet agere in arduis causis sine consulto Dei: sic enim Deus cum instituit Iosue in principem populi, dedit ei Eleazarum sacerdotem, vt siquid opus esset consuleret pro eo dominum Num. 27. cap. tenendo etiam Ephod in Ephra non peccabat, quia licet esset peccatum fieri sacrificia, vel alia ministeria extra sanctuarium, tñ tenere Ephod, & cōsulare dominum nō erat ministerium sanctuarij: ideo vbicunque teneri poterat Ephod, & consuli Deus in illo. Si autem dicatur simpliciter an peccauerit Gedeon, vel non. Dicendum, quod non, quia scriptura laudat eum dicens, quod mortuus est in senectute bona: quod de solis viris sanctis dicitur, sicut de Abraham: Gen. 15. scilicet tu ibis ad patres tuos in pace sepultus in senectute bona: peccatorum autem vocatur mala senectus, & mali dies; sic patet Dan. 14. scilicet inueterate dierum malorum, nunc inuenerunt te peccata tua. Item si peccauisset agendo hoc imputaretur culpa ei, & culpæ sequentium etiam quodam modo ascriberetur illi, sed non imponitur aliqua culpa in hoc ipsi Gedeoni, sed solum dicitur; quod omnis Israel fornicatus est in Ephod, ergo ipse non peccauit. Ad rationem in contrarium dicendum, quod nō erat verisimile illud caturum esse scādalum, ideo non peccauit faciendo, sed postea cum inciperet esse scādalosum debebat destrui, sicut factum est de serpente æneo, quem fecit Moyses, & postea, quia adorabatur à populo, destruxit illum Ezechias 4. Reg. 18. cap. Et posuit illud in ciuitate sua Ephra. Scilicet vt illud præsto haberet quādoque vellet consulere dominum, & non cogeretur mittere in locum sanctuarij pro Ephod. Fornicatusq; est omnis Israel in eo. Id est totus Israel peccauit in illo Ephod adorando illud in Deum, & istud fuit propter magnā pulchritudinem, & quia putabant inesse sibi aliquid deitatis cum per illud responderetur ad quæsitā. Et factum est Gedeoni, & omni domui eius in ruinam. Id est istud Ephod quamquam nō fuit factum ad malum finem, tamen fuit occasio mali tam Gedeoni, quā omni- bus de domo sua, quia fortè aliqui de domo Gedeonis coluerunt illud. De ipso autem Gedeone non est verisimile, qd ipse coleret illud, sed dicitur magis, qd fuit in ruinam illi, & domui suæ, id est occasio poenæ alicui, scilicet, quia Israelitæ coluerunt illud, & sciēs hoc Gedeon non destruxit illud, vel prouidit de remedio, & ob hoc postea filij sui perierunt, vt asserunt multi. Humiliatus est autem Madianeorum filijs Israel. Scilicet non superbiuit amplius, sicut prius fecerat veniendo quolibet anno ad destruendum totam terram Israel. Nec potuerunt vltra eleuare ceruices. Scilicet ad inuadendum, sicut prius. Non est enim sensus, qd Israelitæ subiectis nunc Madianitis facerent eos tributarios, & ipsi non possent

Dubium.  
Respon.

Ad ratio-  
nem in di-  
uersum.

Ephod  
fuit mali  
occatio.



Literæ hu-  
ius expositi.

possent eleuare ceruices ad resistendum, quia Israeli-  
tae non iuerunt in terram Madian, aut Amalec, aut Ima-  
hahitarum, aut alicuius de gentibus, quæ nunc ve-  
nerant contra Israel, sed solum persecuti sunt illas ex-  
cludendo de regno Israel, sed dicitur quod. *Non potue-  
runt eleuare ceruices.* Scilicet ad impugnandum Israeli-  
tas, sicut prius: nam quolibet anno veniebant ante mes-  
sem ad vastandum omnia, vt patet supra 6. cap. & po-  
stea nunquam venerunt. Hoc autem fuit dupliciter,  
scilicet, vel, quia non relictæ sunt, nisi pauci de Madia-  
nitis potentes pugnare, cum occisi fuerint quasi centum  
trigintaquinque millia: nam prius occisi fuerunt cen-  
tum viginti millia cum Madianitæ pugnarent contra  
seipso: deinde manentibus quindecim millibus irruit  
Gedeon super illos, & occidit multos, accepitque vi-  
uentes reges eorum, vt patet supra in litera. Vel fortè  
quamquam multi essent Madianitæ, qui pugnare pos-  
sent contra Israel, tamen non audebant, quia cum vi-  
dissent tantum exercitum, scilicet 135. millium nullo  
contra pugnante perijisse, putabant, quod etiam simi-  
les millia, & centena millia irent rursus contra Israeli-  
tas perirent, sicut prius, & istud secundum est verum,  
*Sed quieuit terra per quadraginta annos quibus præfuit Gedeon.*  
Id est toto tempore, quo præfuit Gedeon quod fuit tem-  
pus quadraginta annorum quieuit terra, quia nec Ma-  
dianitæ, nec alij hostes Israelitarum ausi sunt aggredi il-  
los: nam audita tam magnifica victoria diuinitus fa-  
cta, omnes gentes in circuitu tremuerunt, & non ausè  
fuerunt inferre bellum Israelitis: sic etiam audito mi-  
raculo, quod Deus fecit Israelitis in mari rubro, om-  
nes gentes finitimæ audientes turbatæ sunt, vt patet  
Exo. 15. scilicet ascenderunt populi, & irati sunt, dolo-  
res obtinuerunt habitatores Philisthim: tunc turbati  
sunt principes Edom, robustos Moab obtinuit tremor,  
& obriguerunt omnes habitatores Chanaan.

Quomodo computandi sint isti quadraginta anni, quibus quie-  
uit terra. Quest. XXVI.

**Q**VAERETVR, quomodo computandi sunt  
isti quadraginta anni. Aliquis dicit, quod com-  
putantur ab initio principatus Gedeonis, scilicet quan-  
do fecit bellum contra Madian vsque ad mortem suam,  
& istud fuit tempus annorum quadraginta, quod pa-  
tet, quia dicitur, quod requieuit terra quadraginta an-  
nis quibus præfuit Gedeon, ergo illis omnibus præfuit.  
**Confutatur.** In contrarium videtur, quod non computetur ab ini-  
tio belli solum, quia tunc manerent septem anni per-  
secutionis Madian contra Israel extra hos annos, quod est  
inconueniens. Dicendum igitur, quod computantur  
isti quadraginta anni: ex morte Barac postquam man-  
sit terra aliquanto tempore non conuersa ad idola:  
deinde conuersi fuerunt ad idola, & Deus tradidit il-  
los in potestate Madianitarum septem annis, & sic fortè  
transirent decem anni medij inter Gedeonem, & Ba-  
rac sine iudice. Sed huiusmodi anni semper compu-  
tari consueuerunt sub iudice sequente, ideo oportet,  
quod computentur isti anni sub Gedeone, & sic for-  
tè totum tempus principatus Gedeonis fuit triginta  
annorum solum: ad computandum tamen annos ne-  
cessè dicitur, quod fuit quadraginta annorum: alioquin  
necessè esset, quod præter tempora, quibus iudices di-  
cuntur præfuisse computaremus tempora media per se.  
Sed non stat, quia tunc superabundaret ad illum nume-  
rum, qui habetur 3. Reg. 6. scilicet, quod ab exitu de  
Aegypto vsque ad ædificationem templi fluxerunt anni  
quatuorcentum octuaginta, sed hoc modo essent plu-  
res, quàm sexcentum, vt declaratum est supra 3. & in  
prologo libri huius. *Abijt itaque Terobaal filius Ioas.* Id est  
Gedeon, qui vocatur Terobaal, quia restitit idolo Baal

**F** supra 6. & est filius Ioas. *Et habitauit in domo sua.* Scilicet  
venit de bello contra Madianitas, & habitauit in do-  
mo sua in Ephra, sicut prius. *Habuitque septuaginta filios.*  
Scilicet de multis vxoribus. *Qui egressi sunt de femore eius.*  
Id est omnes fuerunt verè filij eius. Hoc dicitur, quia  
cum tot filij nominentur, putaret aliquis, quod non ef-  
fenti isti filij geniti, sed plures eorum essent adoptiui:  
ad quod tollendum dicitur, quod egressi sunt de femore  
eius, scilicet per derivationem feminalem. *Eo quod plu-  
res vxores habuit.* Scilicet ductas matrimonialiter, & po-  
terat simul multos filios suscipere, vt fortè, quod ali-  
quo anno nascerentur ei octo, vel decem filij, aut plu-  
res. Considerandum quod iste habuit multas vxores,  
& non increpatur à lege, quia non erat contra legem  
habere multas, sicut dicitur infra, & 1. Reg. 25. nunc  
autem est contra legem Christi plures accipere. Scien-  
dum etiam, quod isti septuaginta filij erant omnes le-  
gitimi, quia in veteri testamento nunquam est con-  
suetudo, quod in numero filiorum computentur na-  
ri ex concubinis: vnde dato, quod aliquis haberet to-  
tidè filios ex concubinis, aut plures, quot ex vxoribus,  
cum dictum fuerit, quod habuit tot, aut tot filios, in-  
telligendū est de vxoribus legitimis. Sic patet in Saule;  
nam 1. Reg. 14. ponuntur nomina filiorum Saulis, &  
1. Paral. 3. & 9. & ponuntur quatuor, & tamen constat,  
quod habuit duos filios ex concubina, qui non com-  
putantur ibi, scilicet Armoni, & Miphiboseth ex con-  
cubina nomine Respha, vt patet 2. Reg. 21. cap. Sic et  
ponuntur nomina filiorum Dauid 2. Reg. 5. & 1. Para.  
3. & solum ponuntur ibi filij legitimi, quasi non ha-  
beret alios filios, & tamen 1. Paralip. 3. ad magis expri-  
mendū dicitur: hi omnes sunt filij Dauid absque filiis  
concubinarum, & illorum nunquam ponuntur nomi-  
na: ita hic cum ponantur septuaginta filij Gedeonis,  
intelligendum est, quod omnes erant ex vxoribus: A-  
bimelech autem, qui erat ex concubina nō est de istis  
septuaginta. *Cōcubina autem illius quam habebat in Sichem.*  
Habuit etiam cōcubinā, licet multas haberet vxores,  
& hoc fortè licuit sibi ex dispensatione, vt dicitur 2.  
Reg. 5. c. ista erat oriūda de Sichem, ideo Abimelech  
filius Gedeonis cum voluit principari mortuo patre,  
iuit in Sichem, & conciliauit animos virorum sibi, sci-  
licet quia erant cognati eius ex parte matris, vt patet  
seq. c. *Genuit ei filium Abimelech.* Iste occidit postea om-  
nes fratres suos seq. c. *Mortuusque est Gedeon filius Ioas in se-  
nectute bona.* Et hoc apparet, quod fuit Gedeon vir sanctus,  
quia dicit scriptura de illo, quod mortuus est in sene-  
ctute bona, quod de nemine dicit nisi de viris sanctis,  
vt de Abraham Gen. 15. *Et sepultus est in sepulchro patris  
sui Ioas in Ephra.* Ista erat consuetudo antiqua maxime  
apud Iudeos: nam in sepulchro Abraham sepultus est  
Isaac filius eius, & Jacob nepos suus Gen. 49. & in se-  
pulchro Saulis sepulti sunt filij sui 2. Reg. 21. sic etiam  
Berzellai petiuit à Dauid, dicens: obsecro, vt vadam in  
ciuitatem meam, & sepeliar in sepulchro patris mei,  
& matris meæ, 2. Reg. 19. Achitophel quoque sepul-  
tus est in sepulchro patris sui, 2. Reg. 17. c. *In Ephra de fa-  
milia Ezri.* id est ciuitas, in qua erat sepulchrum Gedeo-  
nis erat Ephra, quæ erat de familia Ezri: ista erat vna  
de familiis Manasse, quæ vocatur interdum familia  
Ezeritarum, vt patet Nu. 26. *Postquam autem mortuus est  
Gedeon, auersi sunt filij Israel.* Id est postquam mortuus est  
Gedeon Israelitæ auersi sunt à cultu Dei: ex hoc appar-  
et, quod viuentem Gedeone non colebant Israelitæ ido-  
la, quia aliàs non dicerentur auersi post mortem, sed  
viuentem eo auerterentur. Ista fuit conditio tempore  
omnium iudicum: nam supra secundo, dicitur, quod die-  
bus cuiusque iudicis Israelitæ sequebatur dominum, sed  
mortuo illo conuertebantur, & faciebant peiora, quàm  
prius fecerant patres eorum. *Et fornicati sunt cum Baalim.*  
Id est

Notandum  
de septu-  
aginta filiis  
Gedeonis

Gedeon  
sanctus

Apud He-  
breos filij  
in sepul-  
chro pa-  
trum sepe  
liebantur.

Baalim  
quod idola



Idest coluerunt illum. Est enim Baalim interdum nomen vnius Idoli singulariter, & interdum nomen plurale, & accipitur fornicari pro idolatrare ad similitudinem mulieris, quæ tenetur alligata viro, & si ad alium accesserit fornicatur: ita cum teneamur colere solum Deum, si colamus idola dicimur fornicari cum illis. Ex hoc patet, quod Israelitæ coluerunt Ephod, quod fecerat Gedeon, quia dicitur, quod totus Israel fornicatus fuerat in illo, sicut dicitur hic, quod fornicati sunt cum Baalim. *Percusseruntq; cum Baal fœdus, vt esset eis in Deum.* Istud ponitur ad grauitatem peccati Israelitarum, scilicet, quod non solum coluerunt Baal, sed etiam dederunt ei promissionem certam de semper colendo eum, & ista promissio fuit per pactum: est enim Baal, & Baalim idem.

*Quomodo Israelitæ potuerint cum Baal fœdus inire.*  
*Quest. XXVII.*

**Q**VAERETVR, quomodo potuerunt Israelitæ facere fœdus cum Baal, quia ad hoc requirebatur, quod esset præsens Baal, vt mutuo ipse & Israelitæ componerent aliquid, ipse tamen non poterat apparere. Aliquis dicit, quod vocatur hic pactum large, nam licet propriè vocetur pactum aliquod conuentum inter duos, cum ex qualibet parte aliquid promittitur, aut promissio acceptatur, tamen interdum vocatur large pactum quæcunque promissio, & sic poterat dici, quod Israelitæ solum promitterent Baal, quod colerent eum ipso non promittente aliquid ex parte sua, nec etiam præsente ad acceptandum promissionem, & vocaretur pactum. Respondendum, quod non consuevit istud vocari pactum, sed quando duæ partes mutuas sibi promissiones faciunt, quas aliquo firmamento muniunt: sic cum hic dicatur pactum inter Israelitæ, & Baal, necesse erat, quod Baal esset præsens cum Israelitis ad acceptandum promissionem, vel aliquis loco eius; primum autem poterat esse, scilicet, qd Baal interesset, quia Baal dæmon est, & poterat corpus sumens de aere interesse Israelitis, & loqui. Sicut angeli boni sæpe fecerunt, vt patet Gen. 17. & 18. & 19. & supra 6. & infra 13. & tamen hoc non est credendum, quia Deus non permitteret talia: nam daret Iudicis occasionem, vt perirent omnino: nam ipsi erant facillimi ad idolatriam, & si permitteretur aliquid tale crederent certissimè Deum esse, qui sic loqueretur, & firmissimè adhererent ei, essetq; ista tentatio supra possibilitatem resistendi Iudeorum: Deus tñ non permittit nos tentari ultra id, qd possumus, sed facit cum tentatione prouentum 1. Corin. 10. Dicendum ergo, qd aliquis intererat loco Baal. scilicet aliquis de sacerdotibus eius, qui loco illius acceptabat stipulationem, vel promissionem Iudeorum, & ipse quoq; ex parte Baal promitteret, qd acciperet eos in suos cultores, & qd beneficeret eis: sic enim, quando Israelitæ pepigerunt fœdus cum Deo in datione legis, fuit Moyses loco Dei referens promissionem Dei Israelitis. scilicet qd acciperet eos in populum peculiarem sibi de cunctis populis terræ, & in gentem sanctam, & tunc ipsi promiserunt, qd colerent Deum accipiendo legem illius: Exo. 19. & factum est pactum. Sic etiam iterum Iosue fecit pactum cum Israelitis, vt custodirent legem Dei: & ipse stetit loco Dei petens, an vellent seruare legem Dei, & promitterent illud, & sic factum est: Iosue 24. hic ergo sacerdotes Baal credendum est astitisse ad confirmationem, & factionem fœderis huius. Cum autem arguitur, quod Baal non poterat apparere, falsum est, quia poterat (vt diximus) sed non apparuit, nec tamen requirebatur hoc ad copulandum fœdus, quia præsencia procuratorum suorum, scilicet sacerdotum iusticiebat ad contrahendum fœdus.

*Alph. Toft. super lib. Iudicum.*

*A An in isto fœdere obseruata fuerint aliqua cœremonia, & quæ fuerint. Quest. XXVIII.*

**Q**VAERETVR vltius, an in isto fœdere obseruata fuerint cœremonia aliquæ, & qd fuerint. Respondendum, qd fœdus fiebat inter homines ab antiquo ad confirmandum aliquid inter eos: & ad hoc occidebatur aliquod animal in partes, & aspergebatur ambo contrahentes de sanguine effuso illius animalis, significantes, qd quicunq; violaret fœdus pateretur sanguinis effusionem, vel transibant inter partes animalis occisi ad significandum, qd sic diuidendus esset qui fœdus infringeret. Sic ait Paulus Orosius libro de Ormesta Mundi. De hoc dicendum est, qd Israelitæ nunc obseruauerint istam cœremoniam, quia alioquin non esset fœdus, sed solum iuramentum, vel simplex promissio. Patet etiam hoc, nam Deus istas cœremonias obseruabat quando componebat fœdus cum aliquo: sic cum Abraham volens fœdus facere ad certificandum, quod daret ei terram Chanaā iussit diuidi vaccam, & ouem, & capram per medium, & obseruabat Abraham partes illas, & Deus transiuit in igne per medias diuisiones, vt patet Gen. 15. & tunc dicitur, qd iniuit fœdus cum illo, vt patet ibi. scilicet in die illo pepigit dominus fœdus cum Abraham, dicens: semini tuo dabo terram hanc, &c. sic etiam in datione legis confirmatum fuit fœdus inter Deum, & Israelitas. Et ad hoc fuerunt occisa multa animalia, & fuit sanguis aspersus super populum ad confirmandum fœdus, & super altare, & librum legis loco Dei, cum Deus incorporeus esset, & ipse sanguine aspergi non posset. De hoc Exo. 24. & melius ad Hebr. 9. Sic etiam tempore Sedechiæ regis Israelitæ pepigerunt fœdus de dimittendo cum domino seruos suos, qui erant de stirpe Hebræorum, & de non reducendo eos in seruitutem. Et ad hoc diuiserunt vnum vitulum per partes, & transierunt omnes de populo inter diuisiones vituli, vt patet Ierem. 34. non minus ergo fieret hic, scilicet, quod occiderentur animalia, & transirent Israelitæ inter diuisiones, vel aspergerent se sanguine, & sacerdotes aspergerent sanguine loco Baal, & sic firmum esset fœdus.

*D Ad quid fiebat hoc fœdus de tenendo Baal in Deum cum sine fœdere possent tenere. Quest. XXIX.*

**Q**VAERETVR vltius, ad quid fiebat istud fœdus de tenendo Baal in Deum. Respondendum, quod Israelitæ desiderabāt colere Baal, qui erat Deus Chananæorum, & vt verè efficerentur cultores, & serui eius hoc fœdere confirmarunt. Nam si solum accepissent in Deum eum spontaneè possent quacumque vellent abicere illum: vt ergo appareret, quod verò animo adhærebant Baal tanquam nunquam recesserent ab eo, faciebant fœdus. Nam in fœdere interueniebat promissio de semper tenendo eum in Deum, & illa confirmabatur per cœremonias fœderis, & potissimè hoc fiebat, quia maxima cautio expectanda est ab illis, qui minus certi esse putantur, & quia Israelitæ consueuerant colere Deum verum, & nunc redibant ad cultum Baal, vt sciretur, quod non fictè acederent, faciebant fœdus quod ostendebat omnino dam securitatem de semper manendo in hac professione cultus. Alia ratio esse potest persuasio sacerdotum Baal, quia fortè ipsi dicerent Israelitis, quod non proficiebat eis colere Baal, nisi fœdus facerent super hoc, quia aliàs non acceptarent eos in seruitores, nec beneficeret eis: putabant autem Israelitæ, quod Baal posset eis facere bene, imo quod quando recedebant à cultu eius male erat eis, vt patet Ierem. quadragesimo quarto cap. vt ergo consequerentur ab eo

*L bona;*

Modus cō  
firmandi  
fœdera apud anti-  
quos.

E



bona, quæ putabant se posse consequi fecerunt fœdus. *Nec recordati sunt domini Dei sui.* Scilicet non recordati sunt beneficiorum, quæ Deus eis contulit, alioquin non recessissent ab eo fœdus componentes cum Baal. *Qui eruit eos de manibus omnium inimicorum suorum.* Id est etiã si non attēdissent ad eum, qui erat verus Deus, saltem attendere debuissent ad beneficium, scilicet, quia eripuerat eos de manibus inimicorum suorum, & Baal, vel alia idola nunquam eruerunt eos ab aliquo hoste. *Per circuitum.* Id est non solum de manu Madianitarum, sed etiam ab hostibus omnibus, qui in circuitu terræ eorum habitabant: nam Israelitæ ad omnem partem habitabant, scilicet Madianitæ Ismahelitæ, Ammonitæ, Moabitæ: ad orientem Idumæi, Amalecitæ, Philisthiim à meridie: Syri à Septentrione. Et ab omnibus istis Deus liberauerat Israelitas, quia sæpe pugnaverant istæ gentes contra eos, sicut patet nunc: nam venerunt Madianitæ, Amalecitæ, Ismahelitæ, ut patet supra sexto & præcedenti capitulo, & hic: Venerunt quoque fortè Moabitæ, & Madianitæ: nam dicitur, quod venerant omnes populi orientales, & isti sunt orientales, & propinqui respectu Israelitarum, venerunt quoque Moabitæ, Amalecitæ, & Ammonitæ iterum supra tertio: Venerunt quoque Syri tempore Hothonielis, & Philisthiim tempore Samgar eodem capitulo. Et de omnibus liberati sunt Israelitæ per Deum. *Nec fecerunt misericordiam cum domo Ierobaal Gedeon.* Istud fuit aliud peccatum Israelitarum, scilicet, quia non fecerunt misericordiam cum domo Ierobaal, qui dicitur Gedeon: nã ipse fuit minister Dei pro eis, & liberauit illos à morte de manu Madianitarum, & ipsi voluerant tunc facere eum dominum, vel regem, & tamen postea non miserti sunt domui eius: nam permisit occidi omnes filios eius, & non occiderunt interfectorem. *Iuxta omnia bona, quæ fecerat Israeli.* Id est debuerant ei recompensare bonum pro bono, sicut ipse fecerat toti Israeli liberando de omni gentibus orientalibus, & non liberauerunt eius domum de manu occisoris, & nequissimi viri, scilicet Abimelech, ut patet sequenti cap.

*Chronica temporalium euentuum sub Gedeone.*

*Questio XXX.*

**A**NNO quingentesimo sexagesimo ante Romam conditam, ut ait Paulus Orosius primo libro de Ormesta Mundi, annis mille trecētis duobus, qui erat annus vicesimus septimus Imperij Gedeonis secundum modum computandi Orosij, atrocissimum inter Cretenſes, & Athenienſes certamen fuit, ubi populus utrinque infelicitè proſtigatis cruētiorem victoriam Cretenſes exercuerunt, qui nobilium filios Athenienſium Minotauro vtrum ferro homini, an humanæ bestię apertius dicam, nescio, deuorandos crudeliter adijciebant, atque informe prodigium effoſſis Græciæ luminibus ſaginabant. De hoc Ouidius Metam. 8. Iſdem diebus Laphitæ, & Theſſali famoſis nimium certaue re conſictibus Theſſalus Paleſfactus in libro incredibiliū prodit ipſos Laphitheos creditos dictoſq; fuiſſe Centauros, eo quod diſcurrētes in bello equites veluti vnum corpus equorum, & hominū viderentur: vnde cepit bellum Theſſalorum, & Laphitarum, & quomodo in nuptijs ortum ſit, & cuius cauſa, & quid ibi actum extitit latè deſcribit Ouidius 13. Metam. Hoc tempore hiſtoria Theſei fuit, qui de nobilibus Athenienſibus miſſus eſt, cum eſſet filius regis Athenarum, ut traderetur Minotauro deuorandus, vel cum illo pugnaret, cum quo vtraq; ſororum. ſ. Ariadna, & Phedra eius amore flammate diuerſis aſſatibus collocutæ ſunt: ſed prior Ariadna, quæ ei modum occidēdi Minotaurum, ut ferrur, tradidit, fide data de eam ducēdo in vxorem eam potius eſt. Sed expleto negotio cum glorio-

ſa induſtria Ariadnæ de minotauro obtinuiſſet palmā, in Athenienſem rediturus urbem, illam ſecū de Creta ducturus erat, ſed rupto fœdere, & decepta puella, atq; in littore Crei eſi relictā, ſororē eius Phedrā, quā poſtea dilexerat, duxit: cūq; relictā ab ingrato indignoq; amatore per Ktebras noctis fugiente ſola in vacuo littore plangeret Dionyſius rex Thebarum, qui aliter liber pater, vel Bacchus appellatur ad fuit, qui eam ſuo coniugio honorauit: feruntq; eam ad aſtra tranſlatā, & quia de floribus caſu in capite tunc ſerta tenebat, velocitate motus ad æthera vna de roſis coronę delapſa eſt, ideo poetæ aſſerūt cum Ariadna locaretur in aſtris coronę eius vnā deſuiſſe roſam. Et iſtam cauſam eſſe dicunt cur corona, quæ eſt ad meridianam partem Zodiaci apud ſignū Scorpionis incompleta ſit. ſ. deſiciēte vno aſtro ad complementum circuli: & iſta vocatur corona Ariadnæ, ut ait Virgilius in Georgicis, ſcilicet:

*Gnoſia, quæ ardentis deſcendit ſtella coronæ.*

Et vocatur Gnoſia. ſ. Creteſis. ſ. quia de inſula Cretæ erat Ariadna, cuius eſt iſta coronæ. De hac hiſtoria Ouidius Metamor. 8. Scribit autem Ariadna epiſtolam Theſeo, in qua duram proponit quærimoniam, ut patet in libro Heroidum Ouidij in Epiſtola, quæ incipit.

*Mitius inueni, quàm te genus omne ferarum.*

Alij volunt hoc alio tempore accidiffe, ſed ſm modum computationis Oroſij neceſſe eſt, qd tēpore Gedeonis, vel paulo ante, aut poſt acciderit. Hoc tempore, ut ait Magiſter in hiſtoria ſcholæſtica Mercurius inuenit ſyringas. Eſt enim Syringa muſicum inſtrumētum de fiſtulis, ſiue de calamis compactum: traxit autē hoc nomen à ſyringa vxore Carhim filij Agenoris, quæ propter zelum armoniæ à viro ſuo reſceſſerat. Inuenit etiā lyram hoc modo: reperit. n. concham teſtudinis mortuæ, & putrefactę cuius arentes, & tinuli nerui extenſi in ore conchæ ad auram tenuem ſibulum reddebant: Incertum autem eſt quis fuerit iſte Mercurius an Hermes, vel Trimegiſtus, vel Mercurius minor. Tres. n. leguntur fuiſſe. Secundum Joſephum Tyrus cōdita eſt ante templum Ieroſolymorum annis ducētis quadraginta, & pro hoc neceſſe eſt, qd cōdita fuerit imperāte Gedeone. Quod patet computando tempora media inter Gedeonem, & conſtructionem templi Salomonis, quæ computatio poſita fuit à nobis ſupra tertio ca. Dedalus hoc tpe aues fecit metallinas, quas volare fecit artificioſè incluſo ſpiritu. Dñ et feciſſe ſimulachra ſe mouētia. De hoc Ari. 1. Pol. c. 2. Primus oīum pedes ſtatuarū à ſe inuicē ſeparauit, cum alij coniunctos eos facerent, qd cū filio ſuo Icaro fugiēs propter inopinatā fugam, & inueſtigabilē penis euolaſſe dict⁹ eſt: Icarus tamen naufragio periit: vnde mare Icaricum ab eo in Græcia nominatum eſt. Et tunc conſicta eſt fabula de Icaro. De hoc Ouid. 8. Metam. Hoc tpe ſm hiſtor. ſcho. Orpheus clauit, cuius diſcipulus fuit Muſeus: Linus magiſter Herculis clauit. Minos credit Cretenſibus legem dediſſe, quod Plato negat. Iſte Minos Athenienſibus bella grauia intulit propter mortē Androgei filij ſui, qd propter inuidiā dū apud Athenas ſtuderet, occiſus eſt. De hoc 7. Meta. Tunc accidit mutatio, qd vocat cuiuſdā filiæ regis, qd Scylla vocabat in Amne Cirrim, quæ crinē aureū patris abſtulerat, ut potirēt amore ſuo cum Minoe Cretenſiū rege. Eo tpe Paſiphe vxor Minois abſente eo in bellis, induſtria Dedali à quodā tauro cognita carnaliter eſt intra artifiçiū ligneum, velut vacca clauſa, & inde Minotaurus genitus eſt: Timens autem Dedalus aduentū Minois de inſula Creteſium clam cū filio ſuo auſugit: tūc accidit factū de Theſeo, & Ariadna, & Phedra duab⁹ filiab⁹ Minois regis, & Paſiphe, de quo diximus. De his 7. & 8. Meta. Tunc etiam hydrā fuiſſe ferunt, qd ab Hercule poſtea occiſa eſt, ſed Plato dicit eam fuiſſe quemdam fallacem ſophiſtam.

CAP.

Quoddā peccatum Israelitarū

Bellum inter Creteſes, & Athenienſes tēpore Gedeonis.

Laphitæ crediti ſunt Centauri.

Theſei hiſtoria quomodo accidit.

Cur corona, quæ eſt ad meridianam partem Zodiaci apud ſignū Scorpionis incompleta ſit.

Syringa quid ſit.

Quomodo lyra à Mercurio reperta eſt.

Tyrus condita ante Ieroſalem annis 400.

Quomodo Icarus à ſua fabula conſictus eſt.

Vnde Minotaurus ſit genitus.



## CAPITVLVM IX.



BIIT autem Abimelech, filius Ierobaal in Sichem ad fratres matris suæ, & locutus est ad eos, & ad omnem cognationem domus patris matrisq; suæ, dicens:

Loquimini ad omnes viros Sichem: Quid vobis est melius, ut dominentur vestri septuaginta viri omnes filij Ierobaal, an ut dominetur vnus vir? Simulque considerate, quod os vestrum, & caro vestra sum. Locuti que sunt fratres matris eius de eo ad omnes viros Sichem vniuersos sermones istos, & inclinauerunt cor eorum post Abimelech, dicentes: Frater noster est. Dederuntque illi septuaginta pondo argenti de phano Baalberith. Qui conduxit sibi ex eo viros inopes, & vagos, secuti que sunt eum, & venit in domum patris sui in Ephra, & occidit fratres suos filios Ierobaal septuaginta viros, super lapidem vnum: remansitque Ioatham filius Ierobaal minimus, & absconditus est. Congregati sunt autem omnes viri Sichem, & vniuersæ familiæ vrbis Mello: abieruntque, & constituerunt Regem Abimelech iuxta quercum, quæ stabat in Sichem.

*Abijt autem.* Posita in præcedentibus sublimatione domus Gedeonis. Hic ponitur origo totalis desolationis, scilicet, quia vnus de filiis eius deleuit totam domum paternam. Et danditur in tria, primo ponitur Abimelech promotio, secundo nuntiatio ei digna ibidem. Quod cum nuntiatum esset. Tertiò vltio domini ibidem. Misit dominus.

*An hic aliqua sit ordinis mutatio, & an fuerint hac immediate facta post præcedentia.* Quest. I.

QVAERETVR circa primum, an ea, quæ habentur hic habeant ordinem consequentem ad præcedentia, vel sit aliqua mutatio ordinis: Et an fuerint facta immediate post præcedentia. Ad primum dicendum, quod ordo continuus est inter hæc, & præcedentia, quia præcedenti capitulo actum est de morte Gedeonis: hic autem agitur quid filij eius post mortem suam egerint, aut passi fuerint, ut adipiscerentur principatum eius. Ad secundum dicendum, quod inter istud, & ea, quæ habentur præcedenti capitulo paucum tempus intercidit: nam Abimelech desiderauit habere principatum patris, & quia post mortem eius illico constitutus erat aliquis successor, verisimile est, quod immediate post mortem eius requisierit à viris Sichem, quod facerent eum principem. *Abijt itaque Abimelech filius Ierobaal in Sichem.* Scilicet Abimelech erat filius Alph. Tost. super lib. Iudicum

A Ierobaal, idest Gedeonis, qui sic appellatus est, ut declaratum fuit supra sexto, & iuit in Sichem, scilicet, quia ipse manebat in Ephra cum patre suo. Nam habitabat Gedeon in Ephra, & ibi mortuus ac sepultus est, ut patet præcedenti capitulo: Abimelech autem fortè interfuit sepulture eius, & inde iuit in Sichem prouisurum sibi de principatu.

*Cur Abimelech iuerit ad viros Sichem, ut ipsum Israelitarum regem crearent.* Quest. II.

QVAERETVR cum Abimelech desideraret habere principatum super totum Israel, sicut tenuerat pater suus, cur iuit ad viros Sichem, ut eum efficerent regem: nam non videbatur modus iste ad hoc, quod efficeretur princeps super totum Israel, sed potius debuit conuocare totum Israel in concilium, ut eum sumeretur in principem. Aliquis fortè dicit, quod Abimelech non volebat principatum super totum Israel, sed solum super Sichem, ideo iuit contra solos Sichimitas. Sed non stat, quia sciebat Abimelech, quod aliquis constituendus erat in principem super totum Israel, sicut hactenus quilibet de iudicibus fuerat princeps super totum Israel. Si ergo ipse solum dominaretur Sichimitis, ille, qui præficeretur toti Israel, excluderet eum de principatu Sichimitarum tanquam occupantem partem principatus sui. Item non est verisimile, quod Sichimitæ vellent accipere Abimelech in principem hac intentione, quod super eos dominaretur, quia tunc vellent diuidi a toto Israel, & hoc erat sibi occasio durissimi belli, sicut diuisione facta regnorum tempore Roboam, & Ieroboam graues pugne secutæ sunt, cum Abias propter hoc pugnavit contra Ieroboam, ut patet 2. Paralip. 13. Dicendum igitur, quod Sichimitæ acceperunt Abimelech in principem hac intentione, quod totus Israel pariter dominus futurus erat. Ipse quoque Abimelech intendebat toti populo dominari, volebat tamen prius dominari Sichimitis, & tunc posset accipere reliquum Israel: putabat enim quod cum reliqui Israelitæ viderent, quod Sichimitæ fecissent eum regem, quod etiam totus populus non recusaret eum accipere, cum esset vnus de filiis Gedeonis. Vel fortè intendebat, quod habita illa vrbe posset pugnare contra reliquos Israelitas, qui aduersarentur ei in principatu. Hoc patet, quia postquam cepit urbem Sichem pugnabat contra urbem Thebes, & ibi mortuus est, ut patet infra in littera: ita ergo intendebat facere contra quoslibet de Israelitis, qui recusarent eum accipere in principem: & sic fuit conueniens, quod iret in urbem Sichem, ut dominaretur ibidem.

Doct. solidior resp. ad q̄situm.

*Quare Abimelech non congregauit totum Israel ad hoc, quod crearet ipsum principem.* Quest. III.

QVAERETVR, quare Abimelech non congregauit totum Israel ad hoc, quod eligerent eum in principem, sicut fuerat pater suus, & esset simul princeps totius Israel, nec oporteret ipsum discurrere pugnando contra varias vires. Respondendum, quod Abimelech hoc libenter egisset, si putasset sic se posse intentionis suæ habere successum, sed non profecisset ei hoc. Primo, quia hoc non pertinebat, nisi ad hominem habentem magnum fauorem, qui posset congregare totum populum: Abimelech tamen nunc nullum habebat fauorem, quia ipse erat minimus dignitate inter fratres suos cum ceteri essent legitimi, ipse autem illegitimus de concubina, ut patet præcedenti capitulo. Etiam, quia nondum sibi conciliauerat aliquos amicos, qui fouerent partem eius.



Illegitimi  
non succe-  
dunt parē-  
tibus in di-  
gnitatibus

Ad primo  
genitos at-  
tinet prin-  
cipatus.

Alia ratio est, quia si congregaretur totus Israel cre-  
debat certissime, quod principatus traderetur alicui  
de fratribus suis, & non sibi propter duo: primò, quia  
alii erant legitimi, ipse verò illegitimus. Illegitimi ta-  
men non succedunt parentibus in dignitatibus, quia  
non retinent nobilitatem eorum, & hoc innuit Ioa-  
thas minimus de filiis Gedeonis mortem euadens, qui  
ait: constituistis regem Abimelech filium ancillæ  
eius: quasi dicat, eo quod erat filius ancillæ, vel con-  
cubinæ non poterat succedere in dignitate, potissime  
apud Hebræos hoc obtinebat. Nam filij concubina-  
rum non computabantur, vt filij, vt declaratum est  
præcedenti capitulo. Secundò, quia Abimelech da-  
to, quod esset de filiis legitimis Gedeonis, non perti-  
nebat ad eum principatus, quia ad primogenitos per-  
tinet principatus, & hoc maximè secundum obserua-  
tionem Hebræorum: sic patet Gen. 49. cum dixit Ia-  
cob ad Ruben: Ruben primogenitus meus, tu forti-  
tudo mea, maior in donis, potior imperio effusus es,  
sicut aqua: non crescas, id est ad te, quia eras primoge-  
nitus pertinebat maiorem esse imperio. Abimelech  
autem non erat primogenitus Gedeonis, sed Iether,  
vt patet præcedenti capitulo, scilicet: dixit Iether pri-  
mogenito suo, surge & interfice eos: ergo ad illum  
pertinebat principatus, & non ad Abimelech: non  
ergo fuit vtile sibi, quod congregaretur populus in  
consilium. Alia ratio est, quia fortè non erat consue-  
tudo, quod congregaretur populus ad eligendum prin-  
cipes tēpore iudicum. Causa est, quia istud fuit post-  
quam coeperunt principes esse continuè in populo  
secundum successionem, scilicet, quod mortuo vno  
acciperetur alius, sicut fuit tempore regum: nam tunc  
mortuo vno rege conueniebat populus ad eligendum  
aliū: sic fuit mortuo Salomone: nam totus populus  
conuenit ad eligendum, vel potius constituendum re-  
gem, vt patet 3. Reg. 12. cap. Nunc autem iudices non  
erant continui per successionem, scilicet, quod mor-  
tuo vno subrogaretur alius, sed manebat populus tam  
diu, sine iudice quousque egebant eo, & Deus consti-  
tuebat eum, vel populus, vt colligitur supra tertio.  
Nam mortuo Hothoniele, non fuit constitutus illico  
Aod, sed transierunt decē & octo anni intermedij, qui-  
bus oppressi sunt Israelitæ à rege Eglon: mortuo etiā  
Aod, & Sangar non illico constitutus est Barac, sed  
mansit populus vnginti annis seruens regi Iabin supra  
quarto, & sic de reliquis: ideo cum nunc mortuo Ge-  
deone non egeret adhuc populus iudice non congrega-  
retur ad constituendum illum: & ob hoc putauit  
Abimelech superuacuum esse intercedere pro hoc  
apud totum populum. Alia ratio fuit, quia dum con-  
gregaretur populus fratres sui efficerentur potēiores,  
& ipse non posset contendere cum illis de paritate cō-  
gregatis omnibus fauoribus in partem fratrum suorum.  
Primum ergo fuit sibi visum conueniens procurare  
faueores in partem suam, & ob hoc iuit in Sichem, vt  
semel efficeretur rex illius vrbs, & non curauit ag-  
gregare populum in consilium.

*Abimelech, cur potius voluit in Sichem fauorem sibi conciliare,  
quàm in alijs vrbibus. Quæst. IIII.*

**Q**VAERETVR vltius, cum Abimelech vel-  
let prius conciliare sibi faueores alicuius loci ex  
causis supra positis, cur potius voluit hoc in vrbe Si-  
chem, quàm in alijs vrbibus. Respondendum, quod  
hoc fuit propter duo. Primum, quia Abimelech vo-  
lebat sibi conciliare fauorem: & non putauit, quod in  
toto Israel aliquid tantum sibi fauerent, sicut viri Si-  
chem propter cognationem, scilicet, quia mater sua

**F** erat origine Sichimita præcedenti capitulo: & sic di-  
citur hic, quod abiit Abimelech in Sichem ad fratres  
matris suæ, & dicitur, quod locutus est ad omnem co-  
gnationem domus matris suæ. Etiam persuadendo  
illis dixit singulis considerate, quod os vestrum, & caro  
vestra sim. Etiam ista fuit causa potissima, quare Si-  
chimitæ eum in regem vnixerunt, vt patet ex verbis Io-  
nathe infra in litera, scilicet: Et constituistis Abime-  
lech filium ancillæ eius in regem super habitatores  
Sichem, eo quod frater vester sit. Secunda causa est,  
quia fortè volebat accipere titulum dominandi Abi-  
melech, & iste tradi debebat in Sichem, quia fortè  
consuetudo erat apud Iudæos, quod ad constituendum  
aliquem in principem congregarentur in Sichem, &  
hoc, quia fortè domus Ioseph erat præcipua inter Is-  
raelitas, & Sichem erat in sorte filiorum Ioseph, vel  
propter honorem Ioseph cuius ossa tumulata erant in  
Sichem, vt patet Iosue 24. cap. hoc patet aliquo-  
modo: nam mortuo Salomone ad constituendum filium eius  
in regem totus populus congregatus est in Sichem,  
vt patet 3. Reg. cap. 12. Ideo voluit ire ad hanc vr-  
bem: prima tamen ratio est efficacior.

*An Abimelech fuerit creatus princeps super totum Israel, vel  
super Sichem. Quæst. V.*

**Q**VAERETVR vltius, an Abimelech fuerit  
acceptus in principem super totum Israel, vel so-  
lum super Sichimitas. Aliquis dicet, quod solum su-  
per Sichimitas, quia ipsi vnixerunt eum: & non appa-  
ret, quod acquisierit alia loca terræ Israel, vel quod illa  
sponte eum in principem acceperunt. Responden-  
dum, quod Abimelech regnavit super omnes Israeli-  
tas, quod patet ex duobus. Primò, quia dicitur infra  
in litera: regnavit Abimelech itaque super Israel tri-  
bus annis. Si tamen solum dominatus fuisset Sichi-  
mitis, non diceretur, quod regnavit super Israel, cum  
ab vnica ciuitate non denominetur totum regnum.  
Secundò patet, quia præcedenti capitulo, & infra in li-  
tera increpantur Israelitæ, quod non fecerunt miseri-  
cordiam cum domo Gedeonis: si tamen ipsi non su-  
scepissent Abimelech in principem, sed restitissent ei  
pro occisionem fratrum suorum, non increpantur,  
quod non fecissent misericordiam cum domo Ge-  
deonis, increpantur tamen: ideo videtur, quod ipsi su-  
sceperunt Abimelech, & quod non curauerint vlscisci  
iniuriam occisionis fratrum suorum. Modus autem,  
quo factus est iudex, vel rex in toto Israel est, quia ipse  
factus est primo rex super Sichimitas, deinde reliqui  
Israelitæ consenserunt, vel saltem non restiterunt ei:  
vnde non constituerunt aliquem alium principem eo  
viuente, & tamen immediate post mortem eius con-  
stitutus fuit alius in principem, vt patet sequenti capi-  
tulo: si tamen ipse non esset princeps totius Israel ac-  
cepissent reliqui Israelitæ alium principem. Aliqua  
autem loca Israelitarum restiterunt ei, & contra illa  
ipse pugnabat, & subiciebat ea sibi, & sic fuit de vr-  
be Thebes, in qua mortuus est pugnando infra in li-  
tera. Sed obijciatur, quia si totus Israel suscepisset  
eum in regem, & consensisset malo facto contra do-  
mum Gedeonis, Ioatham filius Gedeonis non so-  
lum maledixisset Sichimitis, sed etiam toti Israel: so-  
lis tamen Sichimitis maledixit, vt patet infra in litera:  
ergo illi soli fecerunt regem Abimelech, & super il-  
los solum dominatus est. Item si totus Israel suscepisset  
super totum Israel: posuit tamen super solos Sichimitas  
infra in fine capituli, cum dicitur: reddidit dominus  
malum quod fecerat Abimelech contra patrem suum,  
Sichimitis quoque quod operati erant retributum est.

Ad



*Ad primam rationem responso.* Ad primam istarum duarum rationum dicendum, quod A Ioatham posuit istam maledictionem super Sichimitas, quia verba Ioatham fuerunt à principio. scilicet quoniam occisi fuerunt omnes fratres sui, & tunc soli Sichimitae fauebant Abimelech, & tunc nullus de Israel adhuc sequebatur Abimelech nisi Sichimitae: ideo eis solis maledixit, quia & ipsi fuerunt participes mortis filiorum Gedeonis: postea tamen occisis istis totus Israel suscepit Abimelech in regem. *Ad secundam rationem dicendum.* quod quamquam totus Israel peccauerit non faciendo misericordiam cum domo Gedeonis, praecedenti capitulo, tamen ponitur infra poena solum Sichimitarum propter duo. Primo, quia ipsi fuerunt causa principatus Abimelech: nam cum nullum adhuc fauorem haberet, eum regem constituerunt, & dederunt ei occasionem ad omnia mala, quae fecit. Secundo, quia ipsi fuerunt participes in morte filiorum Gedeonis: nam dederunt septuaginta pondera argenti de templo Dei sui ipsi Abimelech, ut posset sibi conducere viros, cum quibus occideret omnes fratres suos, ut patet infra in littera: & istud fuit graue peccatum. Ad rationem in principio conclusionis dicendum, quod licet solum ponatur, quod viri Sichem fecerint Abimelech regem, tamen postea totus Israel eum suscepit, quia hic expressenon ponuntur, nisi exordia regni Abimelech, & ista fuerunt in Sichem: postea tamen regem factum reliquus populus suscepit quibusdam gratis fauentibus alijs bello cedentibus.

*Quomodo Abimelech iuit ad Sichimitas, ut constituerent eum principem, ex eo, quod erat filius Gedeonis.*  
*Questio. VI.*

**Q**VAERETVR, quomodo nunc Abimelech iuit ad Sichimitas, ut constituerent eum principem, eo quod erat filius Gedeonis: nam iudices, qui ante hunc fuerunt, non veniebant per successionem progeniei, imò non erant de eisdem tribubus, quia primus Iudex Hothoniel fuit de tribu Iuda supra tertio. Secundus, scilicet Aod fuit de tribu Benjamin eodem capitulo. Quartus autem Barac fuit de Nephtholim, ut declaratum est supra quarto. Gedeon fuit de Manasse supra sexto: sic etiam omnes iudices, qui post hunc fuerunt non venerunt per successionem progeniei. Respondendum, quod Abimelech, nec aliquis de fratribus suis non habebat ius ad petendum principatum, quia pater suus regnauerat, vel fuerat iudex: petiuit tamen Abimelech propter duo. Primo, quia putabat se habere quendam fauorem in viris Sichem, ideo quamquam non tenerentur de iure eum constituere credidit, quod fauore moti agerent. Secundum, & praecipuum erat propter promissionem factam Gedeoni ab Israelitis: nam cum venit de bello Madianitarum dixerunt ei omnes viri Israelitae: dominare tu nostri, & filius tuus, & filius filij tui, quia liberaisti nos de manu Madian: Gedeon autem humilians se ait: non dominabor vestri, nec dominabitur in vos filius meus, sed dominabitur dominus Deus. Putauit ergo Abimelech, quod vellent Israelitae facere, sicut dixerant constituendo in principem posteros Gedeonis, ita quod de illa stirpe essent semper principes, ideo petiuit putans, quod ei, vel alicui de fratribus suis tradendus esset principatus.

*Quomodo Abimelech mortuo Gedeone patre suo, contulit se ad Sichimitas ad petendum principatum.*  
*Questio. VII.*

**Q**VAERETVR, vltius, quomodo Abimelech mox, ut Gedeon mortuus est, iuit ad petendum principatum. Alph. Tost. super lib. Iudicum.

**A**dum principatum à viris Sichem: nam inter Israelitas constitutum fuerat ex tempore Iosue, quod mortuo vno principe non subrogaretur illico ei alius, sed tamdiu maneret populus sine principe, quamdiu non premeretur grauius ab hostibus, ut supra declaratum est. Nunc tamen mortuo Gedeone illico non erat aliqua oppressio hostilis, ita ut Israelitae egerent principe. Ideo non erat tempus petendi principatum. Respondendum, quod fecit propter duo. Primum fuit, quia principatum credidit Abimelech aliter se habiturum iam, quam ante hunc se habuerat, quia ante hunc principatus erat introductus de voluntate populi: nam nulli erat ius principandi: sed cuicumque voluisset populus tradere principatum tradebat, ideo mortuo illo, si nulli voluisset tradere nulli tradebat, & quia melius erat populo liberum esse, quam subijci, dum tamen ex defectu principis non euenirent aliqua mala in populo, tamdiu manebant sine principe quamdiu non egebant, cum autem egebant, vel Deus suscitabat eis principem, vel ipsi illum eligebant: nunc autem putabat Abimelech, quod principatus mansurus erat apud aliquam progeniem tamquam ex iure suo, eo quod Israelitae dixerant Gedeoni: dominare tu nobis, & filius tuus, & filius filij tui: in quo volebant tradere ei ius principandi super Israel pro se, & posteris suis: in habentibus autem ius principandi ex seipsis est ista regula, quod mortuo viro subrogatur ei, qui de iure succedere debet, & non manet aliquod tempus sine principe, quia alioquin fieret prauiudicium ipsis, qui habent ius principandi: ita ergo putauit Abimelech, quod mortuo patre suo ipse, vel aliquis de fratribus suis illico in principem constituendus erat. & sic in posterum, ita ut nullum tempus iam principe careret. Secunda ratio fuit, quia dato, quod crederet non esse statim constituendum aliquem in principem: erat tamen dubius de intentione populi, ideo non eo ignorante populus constitueret aliquem de fratribus eius, voluit ipse preuenire petendo à viris Sichem, quod constitueret eum in principem. *Ad fratres matris suae.* Hic accipiuntur fratres proprie, & infra accipiat large, scilicet, quod mater Abimelech habeat viros aliquos potentes in Sichem, qui erant fratres sui. Quod patet, quia illi poterunt congregare totum populum Sichem, & persuadere, quod acciperent Abimelech in regem, erant autem isti viri potentes, & mater Abimelech erat de viris claris, nec in hoc erat defectus Natalium Abimelech, sed solum, quia erat illegitimus: potuit autem accipere Gedeon hanc potestatem, & claram mulierem in concubinam, quia ipse erat princeps totius Israel. *Et locutus est ad eos.* Scilicet ad fratres matris, quia isti erant viri maioris auctoritatis. Etiam, quia isti magis attinebant ei, cum essent auunculi eius, quam tota alia cognatio matris, & magis isti desiderarent honorem Abimelech. *Et ad omnem cognationem domus matris suae.* Idest etiam locutus est ad omnes cognatos matris suae, ut omnes ei fauerent, quia ad omnes res ista attinebat. *Dicens: loquimini ad omnes viros Sichem.* Idest congregare eos in concilium, & exponite eis de me, quod me constituent principem. *Quid enim vobis melius est, ut dominantur vobis septuaginta viri.* Posuit duas rationes suauitatis: Abimelech. Prima erat ex utilitate Sichimitarum, scilicet, quia si eligerent eum in principem, haberent vnum principem: & si non acciperent eum, deberent accipere septuaginta viros, sed habere septuaginta viros in dominos laboriosum est, & intolerabile, quia quilibet iubebit. Etiam, quia omnes extorquebunt aliquid à populo, & ut omnibus provideatur necesse erit fieri magnas extortiones, & depauperationes. Secunda ratio erat, quia Abimelech erat cognatus Sichimitarum ex parte matris.



alii autem filij Gedeonis vllam habebant cognationem cum Sichimitis. *Ut dominetur vobis septuaginta viri.* Scilicet, quia totidem erant filij legitimi Gedeonis. Ex hoc patet, quod Abimelech non computatur inter septuaginta viros cum ponat se hic tanquam distinctum ab illis. *Omnes filij Ierobaal.* Istud etiam ponitur ad magis grauandum, quia si isti essent filij diuersorum patrum non se tantum diligerent, nec inuicem sibi nimis fauerent; ideo vnus non permitteret alium facere magnas extorsiones: nunc autem, quia isti omnes erant filij eiusdem patris satis conuenirent inter se, & permetterent sibi inuicem extorsiones, & grauamina, quæ quilibet infligeret populo, & sic grauaretur valde populus. *An vt dominetur vobis vnus vir.* Scilicet, vt dominer ego solus: quasi dicat, melius est, quod solus dominer, quia non tantum grauabimini tolerando imperium meum, sicut tolerando imperium septuaginta virorum.

*Quomodo faciebat Abimelech istam disiunctiuam, scilicet, quod dominetur vobis septuaginta viri, aut quod vnus vir dominetur.* *Quæst. VIII.*

**Q**VAERETVR, quomodo faciebat Abimelech istam disiunctiuam, scilicet, quod dominetur vobis septuaginta viri, aut quod domineat vir vnus: nam poterant eam excludere Sichimitæ dicentes, nec volumus nobis dominari septuaginta viros, nec vnū, sed manebimus liberi, sicut manebat alijs temporibus mortuis iudicibus, qui præsidebant. Respondendum, quod Abimelech putauit, quod non excluderetur ista disiunctiuam, eo quod Israelitæ dixerant Gedeoni: dominare tu nobis, & filius tuus, & filius filij tui: ideo necesse erat, quod aut ipse, aut vnus de fratribus suis dominaretur, & iam non maneret Israelitis ius ad nullum sumendum in principem, sicut prius, vel ad differendum assumptionem, quamdiu ipsi vellent. Et etiam Sichimitæ non negauerunt hanc disiunctiuam, sed acceperunt alteram partem.

*An tenebantur Israelitæ constituere aliquem de filiis Gedeonis in iudicem, & an cogerentur illico acceptare eum.* *Quæstio IX.*

**Q**VAERETVR vltius, an Israelitæ cogerentur acceptare aliquem de filiis Gedeonis in iudicem, vel an possent de alijs tribubus, vel familijs accipere iudices, sicut prius, & an cogerentur immediate acceptare eum, vel poterant differre constitutionem ad alia tempora quandoque ipsi vellent. Ad secundum respondendum, quod istud dependet ex primo, scilicet, quod si filij Gedeonis habebant aliquod ius ad hoc, quod dominaretur, tenebantur Israelitæ mortuo patre illico aliquem de eis constituere principem, qui de iure deberet succedere patri. Et patet hoc, quia cum istis iure suo competeret principatus, sicut auferre eis simpliciter, siue pro omni tempore erat peccatum, ita auferre eis ad aliquod tempus, erat peccatum, sicut patet in rebus possessis, quia quandoque quis priuet eis dominos suos, vel teneat eas inuitis dominis, peccatum est: ita in ablatione regni ad tempus: si autem nullum ius habebat regnandi, vel qualitercunque principandi filij Gedeonis non tenebantur Israelitæ immediate, vel post aliquanta tempora constituere aliquem de eis in principem. Ad primum aliquis dicet, quod tenebantur Israelitæ constituere aliquem de filiis Gedeonis principem. Quod patet, quia ipsi se obligauerunt promissione sua dicentes: dominare tu nobis, & filius tuus, & filius filij tui. Secundum, quia Deus increpat Israelitas, quia non seruauerunt misericordiam cum domo Gedeonis pro omnibus bonis, quæ fecerat Israeli

**F** præcedenti capitulo: hoc autem videtur, quia non dederunt principatum alicui de filiis legitimis eius; ergo tenebantur dare. Respondendum, quod non tenebantur Israelitæ constituere aliquem de filiis Gedeonis in principem: nunquam enim fuit determinata linea principatum in Israel usque ad Dauid; cui Deus promisit, quod posterius sui regnarent post eum usque in æternum 2. Reg. 7. cap. nunc autem licuit cuicunque vellet populus dare principatum: & sicut ante Gedeonem seruatum fuerat, ita etiam semper postea fuit seruatum in sequentibus iudicibus: nec fuit acquisitum aliquod ius posteris Gedeonis principandi super Israel alioquin dato quod nunc peccarent Israelitæ, postea aliqui de eis emendarent peccata præcedentium, & constituerent principes de domo Gedeonis. Si autem dicas, quod non poterant, eo quod nullus manebat de domo Gedeonis, quia occisi fuerunt omnes septuaginta filij eius: Dicendum, quod non stat hoc, quia manerent aliqui nepotes quamquam non essent filij, eo quod cum isti septuaginta filij Gedeonis essent viri magni cum Ioatham, qui erat minimus eorum venerit ad redarguendum viros Sichem infra in litera: non est verisimile, quod de aliquo istorum non manserint filij, & de alijs poterant Israelitæ postea sumere principes, & tamen nunquam ceperunt principes de cognatione hac, & non increpantur de hoc sequentes Israelitæ: ergo non erant obligati accipere principes de hac stirpe. Ad primam rationem in contrarium dicendum, quod non obligati fuerunt Israelitæ ex illo verbo, quia ad hoc, quod aliquis obligetur ad aliquid agendum, non solum requiritur verbum obligatorium ex parte ipsius, sed etiam, quod ille, cui fit promissio accipiet eam, sed non solum Gedeon non accepit, sed etiam non habuit promissionem acceptam, sed etiam expressè repugnauit dicens: non dominabor ego vestri, nec dominabitur in vos filius meus, sed dominabitur dominus Deus: ergo non mansit obligatio ex promissione hac. Ad secundum dicendum dupliciter. Vno modo, quod non intelligitur illa litera de constituendo aliquem de filiis Gedeonis principem, sed de eruido eos à morte, vel de vindicando mortem eorum. Nam Israelitæ tenebantur eruire filios Gedeonis de manu Abimelech, sed non eruerunt quin potius aliqui de Israelitis fuerunt adiutores Abimelech ad hæc patrandum. Vel saltem si non cognouit totus Israel quid moliretur facere Abimelech priusquam faceret, ita vt liberare posset filios Gedeonis de manu eius; tamē debuerat saltem hoc facto vindicare mortem illorum occidendo Abimelech, sed non curauerunt: quin potius consenserunt in eum velut in principem, vt supra declaratum est. Aliter potest dici, quod non seruauerunt misericordiam ad domum Gedeonis, scilicet, quia quamquam non tenerentur velut ex debito, tamen ex quadam æquitate debuerunt filios Gedeonis honorare, & aliquem eorum constituere principem cum tanta bona eis Gedeon fecisset, & ipsi ei principatum pro se, & posteris suis obtulerant, sed ipse ex urbanitate non accepit: quanto ergo urbanior ipse fuit, tanto Israelitæ promptiores ad benefaciendum ei, & posteris suis esse debuerunt, sed non fecerunt.

*Quomodo dixit Abimelech, quod septuaginta viri filij Gedeonis regnaturi erant.* *Quæst. X.*

**Q**VAERETVR, quomodo dixit Abimelech, quod septuaginta viri filij Gedeonis dominaturi erant. Nam principatus semper vni committitur: maximè secundum modum principatus Hebræorum, quia inter eos nunquam fuerunt Aristocratia, nec Oligarchia, Timocratia, aut Democratia, sed semper Monarchicus principatus.

Respon-

Resp. ad 1.  
quæsitum.

Rationes  
pro prima  
dubitatio-  
ne.

Resp. ad  
1. quæsitum.

Improba

Ad primam  
rationem.

Ad secundam  
rationem.

Aliter ad  
secundam  
rationem.



Respondendum, qd si filijs Gedeonis tradendus fuisset principatus non datus fuisset omnibus, sed vni, scilicet primogenito, quia in omnibus dignitatibus, quæ per successionem deriuatur primogeniti succedunt: & hoc tam in dignitatibus secularibus, vt patet in Ruben de quo supra dictum est, quàm in spiritualibus, scilicet in summo sacerdotio. Nam per primogenitos deriuabatur, vt patet Leui. 21. f. qd summus sacerdos debet semper maior eẽ inter fratres suos: dicebat tñ Abimelech Sichimitis hoc mentiendo ad terrendum eos, vt sic facilius consentirent intentioni suæ. Vel fortè intelligebat Abimelech, qd isti septuaginta viri diuiderent principatum, ita quod vnus dominaretur vni parti terræ, & alius alteri cum essent fratres, & tñ tñ magis grauerentur subditi quanto minor pars esset data cuilibet de p̄cipibus, cum quilibet eorum vellet ita magnus, & gloriosus videri, velut si quisque eorum in solidum dominus esset Israel, & hoc esset in grauamen Sichimitarum, quia quamquam vnico dño subdendi erant, tñ ille p̄meret nimis eos extorquẽdo ex causa dicta.

*Quomodo potuerunt Sichimitæ credere Abimelech, quod omnes septuaginta viri dominari deberent. Quæst. XI.*

**Q**VAERETVR quomodo potuerint Sichimitæ credere Abimelech, qd omnes 70. dñari deberent. Respondendum, qd q̄q̄ non crederent, qd oēs in solidum dominari possent, aut aliqui dominaretur, tñ credebant fortè, qd dominarentur diuisa inter se terra. f. qd q̄q̄ de iure ad solū primogenitum veniret totū ius dominandi, quia tñ reliqui erant fratres sui diuideret cum eis terram, licet inæqualiter: & tñ graueretur terra, vt supra dictum est. Vel fortè crederent, qd omnes dominaretur. f. per successionem, & vicibus permutatis. f. qd vnus dominaretur vno mense, & alius alio: & sic fieret circulus per illos secundum determinationem tēporis.

Et hoc modo grauerentur Israelitæ in duobus. Primò in varietate dominorum. Nam cum sint tot sensus, quot capita, eo qd ad diuersitatem corporum sequitur varietas animorum, quilibet imperaret modo suo, & sic essent Israelitæ semper in altercatione, sed hoc est molestum. Secundò grauerentur per extorsiones: Nā cum nullus esset princeps ad semper, eo tempore quo principaretur raperet multa, de quibus viueret dñ non dominabatur. Iste modus fuit inter Etheoclem, & Polynicem filios regis Oedippi, & Iocastæ, qui dominabantur in ciuitate Thebarū, & quia ambo eodē partu effusi sunt non videbatur, cui deberetur ius regnandi, ideo cum concēderent conuentum est, quod alternis annis regnarent, & primo anno regnauit Polynices, q finito anno cū nollet cedere principatui infanda bella inter fratres secuta sunt. De quibus statius in Thebaidæ, & Seneca Tragœdia tertia, quæ vocatur Thebais. Aliter & melius poterat hoc intelligi, scilicet, qd principatus in solidum vni daretur ad semper, tamen quia ceteri erant fratres sui permitterent eis, quod iuberent in populo, & sic nihil different ipsi à veris dominis, licet non vocarentur dñi, & p̄cepta multorum dominorum grauerent nimis subditos. Etiam, quia ille, qui teneret principatum totius Israel, vt conseruaret, & gubernaret fratres suos in magno statu faceret extorsiones à populo: nam septuaginta viri in statu principatū non poterant gubernari, nisi valde pressis subditis.

*Quomodo dixit Abimelech, an vellent potius Israelitæ, quod dominaretur eis vnus vir, vel septuaginta viri, &c.*

*Quæstio XII.*

**Q**VAERETVR vterius, quomodo dixit Abimelech, an vellent potius, qd dominaretur eis vnus vir, Alph. Tost. super lib. Iudicum

**A** vel septuaginta viri, qd eadem ratio videbat esse de eo, & de quolibet alio: nam sicut dominante alio de filijs Gedeonis dominarentur omnes, quia fratres erant: ita dominante ipso dominarentur reliqui, quia fratres sui erant. Aliquis respondebit, quod Abimelech minori consanguinitate eis coniungebatur, eo quod erat solū frater ex patre: illi tamen, qui ex vtroq; parente fratres sunt, magis sibi attinent, magisque se diligunt. Sed dicendum, quod hoc non stat, qd sicut Abimelech non erat frater istorum septuaginta ex matre, sed ex patre tantum, ita ipsi inter se non erant fratres vterini, sed ex diuersis matribus: sic patet p̄cedenti capitulo, scilicet habuit Gedeon septuaginta filios, quia habuit plures vxores: ideo quantum ad hoc non erat differentia.

**B** Sed dicendum, quod omnes isti septuaginta erant fratres ex vxoribus, erantque legitimi; Abimelech autem solus erat ex concubina, ideo illi septuaginta se inuicẽ tanquam fratres diligebant, ipsum autem Abimelech non tenebant tanquam fratrem, nec ipse eos: nam consuetudo legitimorum erat odisse illegitimos, & fugare eos: sic enim fuit de Iephthe Galaaditæ, quem fratres sui eiecerunt de domo patris sui, & de terra, eo quod esset illegitimus infra vndecimo capitulo: ideo cum dominaretur aliquis de septuaginta diuideret bona principatus sui alijs fratribus, & sic viderentur tanq̄ septuaginta domini, vt declaratum est: ipse autem Abimelech non censebat sibi aliquid commune cum illis septuaginta, eo quod ipse erat illegitimus, ideo si dominaretur non traderet eis partem principatus, sed potius occideret eos, vel deprimeret, nẽ possent ei auferre principatum. *Simulque considerate, quia os vestrum, & caro vestra sum.* Id est etiam considerate aliud, quia ego sum caro vestra, & os vestrum, id est sum de progenie vestra, ideo si ego principor vos quoque censebimini principes. Dicebat hoc, quia mater sua erat de Sichẽ, & habebat ibi cognationem magnam supra in litera, & p̄cedenti capitulo.

*Doct. solior resp. ad q̄sum.*

*Cur moueri deberent Sichimitæ ad constituendum Abimelech in principem. Quæst. XIII.*

**Q**VAERETVR, cur moueri deberent Sichimitæ ad constituendum Abimelech in principem, eo quod erat cognatus eorum. Respondendū, quod utilitas Sichimitarum mouere debebat eos: nam ex hoc, quod esset rex cognatus eorum, ipsi consequerentur maiores immunitates, & honores, & etiā fruerentur bonis: nam efficerentur ditiores. Sic patet 1. Re. 9. cum Samuel vellet signare, qd Saul futurus erat rex in Israel, ait: & cuius erunt optima quæq̄ in Israel nonne tibi, & omni domui patris tui? id est omnes communicabunt tecum in bonis regni. Item essent Sichimitæ honorabiliore, qd censerentur generosiores propter coniunctionem sanguinis ad regem. Item haberet magnam curam de eis potius, quàm de alijs Israelitis ex affectione cognationis, & quæcunque bona abundantius illis conferret: Sichimitarū ergo intererat, quod Abimelech constituerent regem, ideo si necesse esset aliquẽ de filijs Gedeonis regnare magis benefaciebat Abimelech Sichimitis, si vellet suscipere regnum, quàm illi facerent ei offerendo, vel dando ipsi regnū. *Locutiq; sunt fratres matris eius.* Viderunt, quod erat vile valde eis hoc, ideo diligenter hoc putauerunt: erant autem isti fratres matris honorabiliore reliquis de cognatione, ideo ipsi proposuerunt, & tractauerunt istud factum. *Ad omnes viros Sichem.* Scilicet congregando eos ad concilium. *Omnes sermones istos.* Scilicet illas duas rationes suasorias quas posuit Abimelech, alia quoq; dicerent, qd ex tempore, & loco congruere viderentur: scriptura tamen sola magis necessaria studiosẽ narrat.



*Et inclinauerunt cor eorum post Abimelech.* Ideſt inclinauerunt oēs Sichimitas, vt deſiderarent accipere in principem Abimelech. *Dicentes frater noſter eſt.* Ideſt Sichimitæ inclinati ſunt ex hac parte, quòd Abimelech eſſet frater eorum. Nam ex hoc ſciebant ſe participaturos bonis regni eius, & quamquam alia ratio eſſet ſatis efficax, ſcilicet, quòd melius erat dominari vnum virum, quàm ſeptuaginta tamen huic magis aſſenſerunt, quia illa erat communis toti populo, & iſta de cognatione erat ſpecialis in eis: magis autem diliguntur bona propria, quàm communia.

*Quare Sichimitæ acceperunt Abimelech in regem, cum non obligarentur ad hoc.* *Quæſt. XIIII.*

**Q**VAERETVR, quare Sichimitæ acceperunt Abimelech in regem ex eo, quòd erat frater eorum, quia ſiue eſſet frater, ſiue non minimè cogebantur eum in principem accipere, nec etiam quemquam alium de filiis Gedeonis. Dicendum, quòd Sichimitæ non obligabantur accipere eum, nec quemquā aliū in principem de filiis Gedeonis, vt declaratū eſt in quadā quæſtione ſupra: putauerunt tamen fortè Sichimitæ, quòd propter verba, quæ dixerunt Iſraelitæ Gedeoni, ſcilicet dominare tu nobis, & filius tuus, &c. quòd nūc vellent aliquos de filiis eius accipere, ideo voluerunt inter cœteros ipſi hunc accipere, quia vtilior eis erat, eo quòd erat frater eorum. Alia cauſa eſt, quia dato, quòd Iſraelitæ non eſſent aſſumpturi aliquem de filiis Gedeonis, & hoc ſcirent Sichimitæ: tamen ipſi vellēt accipere Abimelech in principem potius, quàm aliquem de aliena ſtirpe de alijs tribubus Iſrael. Primum tamen verius eſt, quia putauerūt, quòd principatus nō daretur alicui extra domum Gedeonis. *Dederuntq; illi ſeptuaginta pondera argenti.* Non ſolū Sichimitæ voluerunt accipere Abimelech in principem, ſed etiam dederunt ei magnum fauorem ad principandum toti Iſrael: nam pecunias ei magnas tradiderunt, & cum non haberent de proprijs, tradiderunt de pecunijs Dei ſui, quæ erant lacræ.

*Ad quid Sichimitæ dederunt Abimelech pecunias has.* *Quæſt. XV.*

**Q**VAERETVR ad quid Sichimitæ dederunt Abimelech pecunias has. Reſpondendum, qd fortè hoc fuit ad hoc, quòd inciperet habere ſtatum: nam faciebant eum principem ſuum, & tamē erat vir pauper, & quia erat opprobrium eos habere principē pauperem dederunt ei pecunias iſtas. Aliter dicendū eſt, & melius, quòd iſtas pecunias dederunt ei ad hoc, quòd conduceret viros bellatores, & effectus potens occidere poſſet fratres ſuos, & tunc eſſiceretur rex. Et hoc patet, quia non dederunt ei iſtas pecunias poſtquam conſtituerunt eum regem, ſed prius, & deinde occiſis fratribus conſtituerunt eum regem.

*An peccauerint Sichimitæ in his, quæ cum Abimelech fecerunt.* *Quæſt. XVI.*

**Q**VAERETVR, an peccauerunt Sichimitæ in his, quæ fecerunt cum Abimelech. Reſpondendum, quòd peccauerunt, quia Deus dedit pœnam eis pro hoc, ſed Deus non infligit pœnam iniuſtè, ergo peccauerunt. Patet hoc infra in fine capituli, ſcilicet & reddidit Deus malū quod fecerat Abimelech contra patrem ſuum: Sichimitis quoq; quod operati erāt retributum eſt. Item Ioatham imprecatus eſt mala ſuper Sichimitas, ſcilicet, quòd Abimelech occideret eos, vt patet infra in litera: & iſta maledictio venit per

**F** ſententiam Dei ſuper eos, ſcilicet in fine capituli, ſcilicet Sichimitis quoq; quod operati erant, retributū eſt, & venit ſuper eos maledictio Ioatham filij Ierobaal: ergo peccauerunt, quia ſi innocētes eſſent maledictio conuerteretur potius in benedictionē. Reſpondendum, quòd peccauerunt Sichimitæ in his, quæ egerūt erga Abimelech, & domum Gedeonis, quia ipſi dederunt ei conſilium de occidēdo fratres ſuos: Quod patet, quia non acceperunt eū in regem quouſq; occidit fratres ſuos. Si tñ præter eorum cōſcientiā hoc egieſſet, magis abieciſſent eum poſtquā occidit fratres, q̄ ante, ſed non abiecerunt: imò ſuſceperunt poſtquā occidit illos: ergo neceſſaria pſumptione conuincuntur participes criminis ſaltem conſilio, & non prohibendo. **G** Item quod maius eſt, quia ipſi dederunt ei auxilium ad faciendū hoc, ſcilicet ſeptuaginta marchas, vel pondera argenti, de quibus conduceret viros bellatores ad occidendum fratres ſuos, & ſi ipſi non dedieſſent ei pecunias iſtas Abimelech erat pauper, & nequaquā poſuiſſet occidere fratres ſuos. Valde ergo peccauerunt, & ſic eis redditum eſt, quia ſicut ipſi dederunt fauorē ad occidendū filios Gedeonis, ita Abimelech, cui ipſi fauorem dederant, occidit eos, & deleuit Sichem, ita vt ſal in ea ſpargeret, vt patet infra in litera.

*An peccaſſent, ex eo quòd ſolū acceperunt Abimelech in regem.* *Quæſt. XVII.*

**H** **Q**VAERETVR vltorius, dato quòd non feciſſent Sichimitæ aliquod malum contra filios Gedeonis, an peccauiſſent, ex eo, quòd ſolū acceperunt Abimelech in regem. Reſpondendum, quòd ſic, quia licet non dedieſſent conſilium de morte illorum virorum, nec ad hoc dedieſſent pecunias, ſaltem tamē, quia cognita morte illorum recipiebāt in regem iſtum infandiſſimum peccabāt: nam Deus increpat Iſraelitas, eo quòd non fecerunt miſericordiā cū domo Gedeonis præcedenti capitulo, & hoc fuit, quia non vindicauerunt mortem ſeptuaginta virorum iniuſtè occiſorum: tenebantur ergo Sichimitæ, ſicut cœteri vindicare iſtam mortem, quia ipſi quoque ſuſceperant beneficia Gedeonis, ſed poterant occidere Abimelech, & noluerunt: ergo peccauerunt. Item patet, quia peius eſt benefacere malefactori, quàm non nocere ei, ſed Iſraelitæ peccauerunt, quia non nocuerunt, vel punierūt Abimelech: Sichimitæ autem non ſolū non punierunt, ſed etiam expleto facinore eum regem cōſtituerūt, quaſi in præmium huius ſceleris: ergo valde grauiter peccauerunt conſtituendo eum regem.

*An Sichimitæ peccaſſent creando Abimelech regem non occiſis eius fratribus.* *Quæſt. XVIII.*

**K** **Q**VAERETVR vltorius, dato quòd Abimelech non occidiſſet fratres ſuos, an Sichimitæ peccauiſſent conſtituendo eum regem. Reſpondendum, quòd peccauiſſent, quia ipſi conſtituebant in principem manifeſtè indignum, ſcilicet illegitimum, & tales erant inhabiles ad dignitates, niſi interdum ex neceſſitate cum non inueniretur alius conueniens ad regendum, ſicut fuit de Iephthe Galaaditæ, qui fuit illegitimus: quia tamen Iſraelitæ non inueniebant inter te virum fortē, & animoſum, & doctum in armis, ſicut Iephthe: non ſolū receperunt eum in principem, ſed etiam orauerūt, vt acceptaret, vt patet infra i. c. Alias tñ ſicut ordinantes ſimphiceiter aliquos, vel indignos, priuantur poteſtate conferendi ordines, quos conuulerunt, vt patet in decretis diſtin. 36. cap. qui in Eccleſi.



Ita cōferentes principatum alicui indigno priuari debent iure eligendi alium in principem. Sic etiam patronus præsens sciens aliquem indignum priuatur iure præsens pro illa vice, & eligēs in Ecclesiasticis dignitatibus sciens indignos, priuantur iure eligendi, sed ista poena non datur sine peccato: ergo peccauerunt mortaliter viri Sichem eligendo illegitimum, cum nulla esset necessitas dispensandi. Item qui circa electionem praelatorum, & in illis, in quibus versatur status publicus, vitur acceptione personarū, peccat mortaliter, cum Deus hoc vetet Deuterono. primo: sed Sichimitē vsi sunt acceptione personarū constituentes Abimelech in regem, quia erat cognatus eorum solum, vt patet in litera, scilicet dixerunt: frater noster est, & inclinati sunt post eum: ergo peccauerunt. Item si alicui de domo Gedeonis dandus erat principatus, oportebat dari primo genito, qui de iure succedebat, vel saltem alicui aliorum si habilior reperiretur, quia isti magis pertinebant ad Gedeonē, sed in pręiudicium istorum constituerunt Abimelech in regem: ergo peccauerunt, & tunc stabat increpatio Dei, scilicet quia non seruauerūt misericordiam ad domum Gedeonis, quia ad hoc debebant cum illis, qui erāt magis proprie filii eius seruare misericordiā. *De fano Baal Berith.* Idest istud argumentum acceperunt Sichimitē de fano, vel templo Dei sui ad dandum Abimelech.

*Quare hoc idolum vocetur Baal, Berith.*  
*Quæst. XIX.*

**Q**VAERETVR quare vocatur sic istud idolū. Respondendum, quod Baal Berith est nomē compositum, & interpretatur fœdus, vel pactū, quia Berith significat fœdus. Et vocatur sic, quia in illo fano in initum fuit fœdus: & potest hoc dupliciter intelligi: vno modo, quod Sichimitē inierunt fœdus in fano illo cum Abimelech desumendo eum in regem, & ipse aliquid promiserit obseruare Sichimitis, & istud pactum fuit quando data est pecunia Abimelech. Alio modo potest intelligi, quod fuit factum fœdus in illo templo cum Baal, scilicet quod totus Israel inuit fœdus cum Baal in illo templo: & hoc colligitur cap. præcedenti. Nam dicitur, quod Israelitæ percusserunt fœdus cum Baal, vt esset eis in Deum, & celebrauerunt solennitatem fœderis in templo illo, & ex hoc specialiter vocaretur illud fanum fœderis. Alio modo dicendum, & melius quod ipsi habitatores Sichem specialiter inierant fœdus cum Baal: & hoc fecerunt in isto fano, & inde nomen accepit, vt patet infra in litera, scilicet ingressi sunt fanum Dei sui Berith, vbi fœdus cum eo pepigerant: & ex eo locus nomē accepit, quia erat valde munitus. *Qui conduxit sibi viros inopes, & vagos.* Idest ex illa pecunia conduxit viros, vt adiuuarent eum ad occidendum fratres suos. Et dicitur: inopes & vagos, quia isto paruo pretio datos conducere potuit: diuites autem, & aliquibus rebus studiosè operam dantes conducere non potuit, vel quia illi nolebant huius commotionibus, & nouitatibus vacare, relicta cura rerum suarum, vel quia non poterat eos nisi magno pretio dato comparare. Inopes autem, & vagi non solū paruo pretio dato venirent, sed etiam nullo dato, tamen præstaretur eis victus, & haberēt ducem ad prædam: sic enim ad Dauid fugientem a facie Saulis conuenerunt viri inopes, & oppressi ære alieno, & amaro animo, factusque est princeps eorum primo Regum 22. & tamen nullum pretium eis dedit. *Secuti sunt eum.* Scilicet nullum principē quocunque ire vellet, & ei in omnibus obediebant.

**A** *An Abimelech peccauerit conducendo sibi viros vagos & inopes.* *Quæst. XX.*

**Q**VAERETVR an peccauerit Abimelech cōducendo sibi viros vagos, & inopes. Aliquis dicet, quod non, quia Dauid congregauit viros inopes, & oppressos eræ alieno, & amaro animo: primo Regum 22. & tamen non culpatur de hoc. Respondendum, quod peccauit Abimelech conducendo viros, quia quodcumque mala intentione sit, malum est, ipse tamen conduxit viros istos ad occidendum fratres suos: ergo peccabat. Quod patet, quia immediatē dicitur, quod venit in domum patris sui, & occidit septuaginta viros. De Dauid autem non est simile, quia non congregauit viros istos ad occidendum aliquem: imò cum haberet eos, & ipsi vellent occidere Saulem hostem Dauid prohibuit valde Dauid, & hoc bis, primo Regum 24. & 26. capit. sed congregauit sibi istos viros ad alias causas licitas, vt dicitur primo Regum 22. capit. Item dato quod postea isti viri congregati a Dauid aliquod malum agerent, non peccaret, sicut Abimelech, quia Dauid non conduxit illos: imò non vocauit eos, sed ipsi scientes vbi esset Dauid conuenerūt ad eum, vt patet allegato capitu. Ex quo patet, quod non intendebat facere malum, cum nollet congregare viros illos, sed postea ad se venientes tanquam viles sibi suscepit. Item peccauit Abimelech, quia accepit istos viros ad agendum prædas, & agebat illas, vt patet infra. Sed obiicitur, quod etiam Dauid agebat prædas, & inde viuebat. Respondendum, quod Dauid agebat prædas, & bella contra illas gentes, contra quas licitum erat Israelitis hoc agere, scilicet contra Amalechitas, & Gessuri, & Geze primo Regum 27. & contra Israelitas nunquam egit prædam, nec cuiquam nocuit, licet Israelitæ nocerent ei, quoniam iniuste eum a se expulerant; primo Regum 26. Abimelech autem agebat prædam inter Israelitas exercens tyrannidem, cum Israelitæ non nocuissent ei, peccauit ideo. *Et venit in domum patris sui in Ephra.* Scilicet venit secretē illuc, ignorantibus fratribus, nihilque mali suspicantibus: erat autem domus patris sui in Ephra, quia ibi habitabat Gedeon, vt patet præcedenti cap. **D** *Et occidit fratres suos filios Hierobaal septuaginta viros.* Scilicet cepit omnes fratres suos in domo paterna, & occidit.

*Quomodo potuit Abimelech occidere omnes fratres suos simul.*  
*Quæst. XXI.*

**Q**VAERETVR quomodo potuit Abimelech occidere omnes fratres suos simul. Respondendum quod fratres sui non potuerunt suspicari aliquod malum de Abimelech, quia frater suus erat. Itē quia nunquam interciderat eis aliquid disensionis, propter quod deberent cauere. Item quia non putabant quod propter principatum, vellent aliquid mouere Abimelech contra illos, quia non poterat pertinere ad eum, tum quia ipse erat illegitimus, tum quia erat minor multis aliis fratribus suis. Item quia non erat nunc tempus sumendi principem sicut consuetū fuerat, cum accipiebantur alii iudices Israel: nam nunquam sumebatur, nisi cum esset populus in angustia propter hostes. Item nesciebant fratres, Abimelech quo iret: aut quid facere intendisset. Item quia ad hoc quod Abimelech aliquid moneret pro principatu, necesse erat quod aliquem fauorem, & magnum quidem haberet. Sed hunc non putabant eum habere fratres sui. *Super lapidem vnum.* Omnes isti manebant ad huc in domo paterna, quia modicum tempus transierat ex morte patris, & occidit omnes Abimelech.



melech non tanquam hostis trucidans eos, sed tanquam iudex, cum super vnum lapidem fecerit, oēs decapitari, scilicet quia eos singillatim capi faciebat a viris suis, quia multos secum portabat, & iugulabat eos: & ex hoc maius facinus erat, scilicet quia vicem Iudicis vsurpauerat, cum tamen hostis esset, & vocatur hoc 70. viri, idest 69. nam minimus eorum, scilicet Ioatham euasit, vt patet infra. *Remansitque Ioatham filius Hierobaal minimus.* Scilicet de 70. fratribus legitimis iste solus euasit. *Et absconditus est.* Scilicet abscondit se in domo, dum fiebat ista interfectio, & postea fugit: non tamen erat iste minimus, idest valde paruus ætate: quia immediatè cum Sichimite vngerent Abimelech in regē occisis fratribus ascendens super mōtē Garizim proposuit parabolam corā sichimitis de arboribus vngentibus regem, & tamen illam parabolam nesciret proponere, nisi vir sensatus, ideo esset plusquam 20. annorum. *Cogregatique sunt omnes viri Sichem.* Postquam Abimelech occidit fratres suos hic Sichimite congregati fuerunt ad vngendum eum in regem, & congregati fuerunt omnes, quia concordēs erant in hoc eo quod putabant se aliquid magni boni assequi cum haberent regem de stirpe sua. *Et vniuersæ familiæ vrbs Mello.* Idest omnes cognationes vrbs mello, etiam venerunt ad hanc vñctionem.

*Quæ sit vrbs Mello. Quest. XXII.*

**Q**VAERETVR quid sit vrbs Mello. Aliqui putant, q̃ Mello sit eadem ciuitas, quæ Sichē, & volunt quod sit hic petitio sententiæ per alia verba, sicut fit interdum in aliis locis, vt patet secundo Regū 20. non est nobis pars in domo Dauid, nec hereditas in filio Isai. Simile est tertio Regum 12. & istæ locutiones frequentantur multoties in prophetis. Sed dicendum, quod hoc non stat, quia iste modus loquendi non conuenit proposito: nam istud fit in carminibus: sicut patet in omnibus Psalmis ferè. Etiam fit in prophetis, & maximè in Isa. & pertinet iste modus ad increpantes, vel quoscunque passionatos. Ad historiā tamen vbi simplex veritas enarratur non pertinet. Itē patet quia sicut hic ponitur vrbs Sichem, & vrbs Mello tanquam duæ, ita ponuntur infra in verbis Ioathā. scilicet si autem peruersæ ignis egrediatur ex eo, & cōsumat habitatores Sichem, & oppidum Mello. Aliquis autem dicit, quod Mello sit nomen appellatiuū, quia secundum Regum quinto, dicitur de Dauid, q̃ edificauit a Mello intrinsecus: ergo non est nomē vrbs. Dicendum, quod Mello secundum Hebræos interdum est nomen commune, & significat profunditatem, vel præcipitium. Et sensus est illic, quod Dauid edificauit murum castrū Sion a Mello, idest a quodam loco præcipitij inchoans: & aliqui falluntur putantes a Mello esse vnam dictionem, sed falsum est. Nam ponitur ibi vt positio: quod patet in Hebræo, vbi solum ponitur Milo vbi nos dicimus a Mello. Et patet hoc magis primo Paralipo. 11. cum dicitur. Aedificauit urbem in circuitu a Mello vsque ad gyrum. Ioab verò reliqua vrbs extruxit, & sic adiicit ibi terminū cum ponatur etiam vsque. Hic tamen non potest stare Mello pro nomine cōmuni, sed est necessario nomen vrbs. Quod patet, quia dicitur: Vniuersæ cognationes, vel familiæ vrbs Mello, & infra dicitur oppidum Mello. Ideo dicendum, quod ista Mello, erat aliqua parua ciuitas apud Sichem, quæ etiam fuit consentiens Sichimitis vngendo Abimelech in regē, & viri vrbs illius venerint ad coronationem Abimelech. *Abieruntque, & constituerunt regem Abimelech.* Scilicet faciendo cum eo pactum de modo regnandi, & præstando iuramenta de fidelitate seruanda interueni-

**F**runtque alię ceremoniæ, quę interuenire solent in regum coronatione, & constitutione.

*Quare nunc Sichimitæ creauerunt regem Abimelech occisis fratribus omnibus, & non prius.*  
Questio XXIII.

**Q**VAERETVR quare nunc constituerunt regem Abimelech occisis fratribus omnibus, & prius non. Respondetur, quod quamquam prius Sichimite iniuissent fœdus cum Abimelech, & dedissent ei pecuniam de templo Dei sui, tamen noluerunt eū constituere regem propter multa. Primò propter securitatem suam. Nam si superuiverent fratres Abimelech ipso constituto in regem, illico conuenirent omnes contra eum cōgregantes totum Israel tanquā contra vsurpatorem principatus eorum, & Sichimitas tanquam fautores, & suasores mali occiderent, vel affligerent valde: nunc autem mortuis omnibus fratribus Abimelech, nullus manebat, qui petere posset principatū. Etia Israelitæ nullum videntes superesse de stirpe Gedeonis, cui adhererent, non curarent mouere bella contra Abimelech, & Sichimitas: ideo tunc securè eum regem vnixerunt. Secundò quia dum viuerent fratres Abimelech putabant Sichimitæ, quod posset conuenire cū eis de modo principatus: & tunc illi suscepta potestate contra Sichimitas tanquam cōtra auferentes eis principatum ipsis debitum durè se haberent, ideo noluerunt Sichimite se firmiter ostendere pro parte Abimelech quousque constaret eis, q̃ non posset iam fieri concordia inter Abimelech, & fratres suos: & istud erat mortuis fratribus, ideo vsquequo mortui sunt non constituerunt eum regem. Simile fuit Israelitis cum Absalone contra Dauid: sed nondum firmati erant cum ipso timentes, quod concordarentur cum patre suo, & Israelitæ paterentur pro hoc: ideo Achitofel, qui erat prudentissimus cōsiliarius dixit Absaloni, quod ingrederetur ad concubinas patris eius: & cum totus populus vidisset quod deturpasset patrem credens, quod impossibilis iam foret concordia cōfirmaretur cum eo, & sic factum est, secundo Regum decimo sexto cap. Causa tertia fuit, quia volebant Sichimite videre, an rex constituendus super eos esset vir bellicosus dignus regno, quia alioquin stultum erat talem efficere regem: & ad hoc de derunte ei talenta septuaginta argenti, vt inde comparatis sibi bellatoribus præcederet contra fratres suos: ex quo videri poterat an esset vir bellicosus. Cum autem ipse cautè se habuit contra fratres suos, occiditq; omnes præter minimum, viderunt Sichimite eum similiter posse pugnare contra hostes: ideo spōte eum constituerunt regem. *Iuxta quercum, quę stabat in Sichem.* Ponitur locus, in quo fuit vñctus, quia consueuerant gentiles constituere reges apud aliqua loca insignia, vt apud arbores, vel fontes, vel lapides magnos. De fontibus patet de vñctione Adoniæ filij Dauid in regem: nam vñctus est apud lapidem Zolet, qui cōiunctus est fonti Rogel tertio Regum primo capitul. Salomon quoq; vñctus est apud fontem: quia Dauid iussit, quod ducerent eum in Gion, & ibi vngerent eum, eo capi. Est autem Gion fons Syloe, vt omnes volunt. De arboribus aut patet, vt Abimelech vñctus fuit hic apud quercū Sichē. Rō huius est, quia illi, qui faciūt istas vñctiones regū volunt regnum illorū permanere, & imprecantur, q̃ permaneat: ideo faciunt ceremonias, per quas significant se hoc velle. Sic enim cum fons emittat semper aquas vñctio apud fontem significat continuitatem, & perennitatem regni apud arborem autem significatur, quod sicut arbor viret, ita regnum illud semper in prosperitate vigeat.

Error quod rûdam opinantium a Metallo esse vnam dictionem.

Consuetudo gentium in regum creatione.



Labyrin-  
thus Cra-  
ter per De-  
dalum cō-  
ditur.

Electrum  
lachrimæ  
Prætoriz  
dum.

Iason cla-  
ret, & Tro-  
iam pri-  
mo cap.

Quod cum nunciatum esset. Hic ponitur secundū, scilicet digna maledictio Abimelech, & virorum Sichem pro institutione Abimelech in regem. Et diducitur in duo, quia primò ponitur parabole assignatio. Secundò eius expositio, vel interpretatio ibi. *Nunc igitur.* Circa primum dicitur. *Quod cum nunciatum esset Ioatham.* Ille erat niinimus de fratribus 70. qui occisi sunt, & euasit, & cum post aliquot dies a morte fugerit. Hic ponitur digna maledictio Abimelech in regem. Hic ponitur digna maledictio virorum Sichem pro institutione Abimelech in regem. Hic ponitur digna maledictio virorum Sichem pro institutione Abimelech in regem.



Situs mons  
eis Garizim.

lio Gedeonis, qui iam non latebat. *Abiit & stetit in vertice montis Garizim.* Est enim mons Garizim apud urbem Sichem, scilicet quod vrbs est ad radicē montis: est enim Sichem ciuitas, quę nunc Neapolis, idest noua ciuitas appellatur, vt patet in libro de situ terre sanctę. Mons Garizim est ille, super quē posite fuerunt benedictiones pro seruantibus legem, & in monte Hebal sibi coniuncto positę fuerunt maledictiones pro violatoribus: Deuteronomij vigesimo septimo, & Iosue octauo. *Et eleuata voce clamauit, & dixit.* Distabat aliquantulum Ioatham a Sichimitis: ideo vt perueniret vox eius ad illos, clamauit ad illos. Item Sichimitę erant multi, qui conuenerant ad vngendū regē, vt omnes ergo audirent clamauit. *Audite me viri Sichem, ita vt audiat vos Deus.* Modus obsecrationis est, scilicet rogo quod Deus vos exaudiat in omnibus, quę petieritis, si me audire volueritis.

*Ad quid volebat ad Sichimitas Ioatham clamare.*  
*Quest. XXV.*

**Q**UARE TVR ad quid volebat Ioatham clamare ad Sichimitas. Respondendum quod voluit Ioatham conuertere cor Sichimitarū ad se, ostendendo eis quomodo egissent pessimē constituendo Abimelech in regem, & dando ei fauorem, vt occideret 70. fratres suos filios Gedeonis, & ipsi fortē tūc erubescerent, & relicto Abimelech redirent ad eum. Vel saltem volebat monere Sichimitas ad abominationem Abimelech commemorando eis nequitiam illius, & indignitatem ad principatum, vt sic saltem desererent eum, & puniretur Abimelech, qui iniustissime occiderat fratres suos. Vel fortē dato quod nullum istorum sequeretur, volebat saltem ostendere ipsi Sichimitis maliciam suam, & imprecari super eos maledictionem. Nam hoc quodammodo vindictam sumebat.

*An peccauit Ionatham exponendo se huic periculo.*  
*Quest. XXVI.*

**Q**UARE TVR vterius an peccauit Ionatham exponendo se huic periculo, scilicet loquendo ista coram Sichimitis. Aliquis dicet, quod sic quia quod quis exponat se periculo graui, & sine causa, peccatum est; sed sic se exponebat Ionatham: nam locutus est verba contumeliosa contra Sichimitas, vt patet in litera: Etiam erat ibi Abimelech frater eius, qui ceteros fratres occiderat, & conaretur etiam hūc occidere: Respondendum quod non peccauit Ionatham, quia posuit se in loco tuto: nam erat in loco quodam eminentissimo montis Garizim, ex quo videbat omnes Sichimitas, qui conuenerant in agrum apud quercum ad constituendum regem, & erat satis distans ab eis. Quod patet, quia ad hoc quod audiretur ab eis clamabat eleuata voce, vt patet hic. Etiam erat in loco eminenti, de quo videret, an ex aliqua parte ei insidię pararentur, & aliquis iret ad renendū eum, & si quis vellet eum persequi, poterat fugere: ita vt nemo eum cursu cōsequi posset. Sic enim bis fecit Dauid erga Saulem. Nam primo cum precidit oram clamydis eius stans a longe clamauit, dicens: si erat illa pars vestimenti eius, & cum esset propē non ausus est clamare. De quo 1. Regum 24. cap. Iterum etiam quando intrans castra Saulis cepit lanceam, & scipsum, quę erant ad caput eius, egressus castra, & stans a longe in quodam colle clamauit ad Saulem in crepando eum 1. Regum 26. cap. & tamen Dauid nō peccauit in illis, quia non se exponebat periculo, sed magis erat in loco tuto: sic etiam Ioatham nunc.

**F** Cum autem dicitur, quod erat ei periculum magnū tam propter Sichimitas, quā propter Abimelech. Dicendum quod si fuisset prope, vel in loco, in quo posset capi, periculum graue esset, & peccaret exponendo se illi, sed cum esset longē super montem nulli periculo se exponebat. *Ierunt ligna, vt vngerent super se regem.* Hic incipit parabola de lignis vngentibus regē.

*Cur Ioatham vsus est hac parabola.*  
*Quest. XXVII.*

**Q**UARE TVR cur Ioatham vsus est parabola hac. Respondendum quod Ioatham volebat concludere quandam maledictionem contra Sichimitas, eo quod vnixerant in regem Abimelech, & si proponeret sic verba nuda videretur esse nullius auctoritatis, ideo voluit incipere a quadam parabola, secundum quam concluderetur intentus suus conformiter ad parabolam, & tunc esset maioris auctoritatis dictum suum: nam videtur habere ortum ex ipso. Sic enim est modus rhetoricus: nam & in quibusdam sermonibus nostris ab apologo, vel fabula inchoare iubet Tullius in primo libro rhetoricę nouę. Interdum autem proponuntur parabole, vt dulcedine parabolarum attēti auditorum animi melius quid intendat loquens aduertat. Et hoc modo utebatur Christus sape parabolis, quia populus attentus parabolis veritatem grātius capiebat: hunc etiam finem habere voluit Ioatham, scilicet quia desiderans Sichimitas attentos effici verbis eius, proposuit gratam parabolam, vel fabulam, vt conuersioni eius libenter animum applicarent.

*Quomodo hac parabola de lignis regem vngentibus coaptatur intentioni Ioathę.*  
*Quest. XXVIII.*

**Q**UARE TVR vterius, quomodo ista parabola de lignis vngentibus regem coaptatur intentioni suę. Pro quo sciendum, quod Ioatham voluit concludere, quod Sichimitę vnixerāt super se Abimelech iniuste, & in huius preuaricationis panā Deus faceret, q̄ Abimelech affligeret illos. Aliqui autē applicant sic dicentes, q̄ hic ponunt cedri, ficus, oliua, & vitis. Per cedros intelliguntur principales fautores Abimelech, per ficum qui habet fructum dulcem, & per oliuam, quę habet nitorem, & dulcedinem olei, & per vitem, quę crescit valde in fructibus, intelliguntur filii alii Gedeonis, qui erant dulces mansuetudine, sicut ficus, & pingues diuitiis sicut oleum, & abundantes in prole, sicut vitis. Per rhamnum vilissimam arborem accipitur Abimelech, qui erat vilissimus genere cum esset de concubina, & hunc petierunt Sichimitę in regem. Sed ista expositio non pertinet ad alios filios Gedeonis, sed ad solū Abimelech: alios namque non petierunt in reges, sed, potius pecuniam, & fauorem ad occidendum eos prestiterunt. Sed solum dicunt, quod concordat quantum ad hoc, scilicet quod Sichimitę tractabant inter se, an deberent accipere in dominos filios Gedeonis, & dixerūt: si fortē requisierimus eos, quod sint domini nostri, ip si secundum magnificentiam suam dedignabuntur nostram vilitatem, ideo voluerunt accipere Abimelech in regem, qui vilis erat: & ob hoc non superbiret super eos, sed curam illorum ageret. Sed ista nō stat, quia falsum est, quod Sichimitę, vel aliqui de Israel tractauerint inter se de petendo in dominos filios Gedeonis, sed potius ipse Abimelech mortuo Gedeone iuit illico ad sollicitandum viros Sichem, vt susceperent eum in dominum. Item non est venisimile, q̄

Respon  
ad quæ

In quib  
dā serm  
nibus a  
bulis  
choadum  
est.

2.

Sichi-



Sichimite inter se putarent, quod filij Gedeonis deditur eos accipere in subditos, quia nullus est dominus quantuscunque ille sit, qui dedignetur suscipere aliquos in subditos quantumcunque sint parue dignitatis, quia maioris honoris est habere seruos parue excellentie, quam non habere illos. Potissime, quia viri Sichem non erant indigni, imò videbantur sibi nobiliores, quam filij Gedeonis, quia Sichimite erant de filiis Ephraim: & filij Gedeonis de Manasse: Ephraim tamen erant superbi nimis. Vnde semel intumuerunt contra Gedeon, ita vt vellent ei inferre vim, precedenti capitul. quousque Gedeon laudauit eos plusquam se, & iterum contra Iephte Galaaditem superbierunt infra 12. Aliter dicunt Hebrei, & Nicolaus, scilicet quod ponuntur hic tres arbores, quæ noluissent accipere regnum inter arbores ad significandum tres personas, quæ inter Israelitas ante hoc recusauerant principatū. I. Hothoniel, Debbora, & Gedeon: de Gedeone patet, quod recusauerit principatum, quia noluit effici dominus, supra precedenti capi. De Hothoniele, & Debbora dicunt idem esse, scilicet quod recusauerunt quamquam non legatur de illis, & significatur per oliuam Hothoniel, quia ille erat de tribu Iuda, supra tertio. est tamen oliua significans iudam, vt pater Iere. vndecimo, scilicet. Oliuam fructiferam vocauit dominus nomen tuum. Debbora significatur per dulcedinem ficuum, quia Debbora in Hebreo interpretatur apis, quæ mellis dulcedinem causat: per vitem significatur Gedeon, quia fuit de stirpe Ioseph, qui vocatur filius accrescens Gen. 49. Sicut vitis valde crescit in fructibus. Et quamquam istæ tres personæ essent meliores quàm Abimelech noluerunt suscipere regnum, & Abimelech, qui erat vilissimus sicut rhānus suscepit illud. Sed adhuc non stat ista positio, quia satis apparent conficta hæc: quæ inducuntur. Nam dicunt, quod Hothoniel, & Debbora noluerunt principatum regalem, sed non constat an alicui oblatus fuerit, imò verisimile, quod vlli fuisset oblatus ante Gedeonem, quia si alicui fuisset oblatus, & noluisse illum recipere, iam Israelite videntes, quod male facerent talem principatum offerentes, nemini illum darent. Item istæ applicationes de arboribus ad istas tres personas sunt multum alienæ, vt cuilibet patet. Item erant contra conditionem parabolarum, vel fabularum, quia nunquam fabula secundum se tota applicatur ad id, de quo agitur: sed satis est quod applicetur secundum quid, & isti volunt excludere expositionem priorem, eo quod non applicatur quantum ad omnes partes suas. Dicendum ergo videtur, quod Iohatham tempore erat ista fabula vulgata de lignis ad vngedum regem super se, & erat prouerbialis, ipse autem voluit eam nunc applicare ad propositum suum, & applicabatur in quadam particula finali. scilicet quod ligna acceperunt super se rhamnum in regem, & egressus ignis de rhamno combussit cedros. Ita nunc Sichimite non curantes de alijs filiis Gedeonis, qui erant viri meliores quàm Abimelech elegerunt Abimelech, & si recte egerunt euenienteis, quod rhamnus dixit ad arbores. scilicet sub umbra mea requiescite: & si non recte fecerunt accideret eis malum, quod dixit Rhānus. scilicet egredietur ignis de Rhamno, & comburat cedros libani. Ita imprecatur Iotham, quod egressum malum ab Abimelech vastaret habitatores Sichem. Et ista maledictio postea euenit Sichimitis: quia Abimelech concitatus fuit contra eos, & occidit illos, deleuitque ciuitatem, ita vt in ea sal spargeret infra in littera. *Dixeruntque oliuæ in opera nobis.* Istud est lignum excellens, & magne utilitatis: nam oleum inde natum tam ad condimenta, quàm ad curanda vulnera est, sic Samaritanus infudit vinum, & oleum vulneribus sauciati: Luc. 10. Et inducebatur comuniter

A istud prouerbiū antequam proponeret illud hic Iothan ad significandum, quod boni recusant principatum, & mali usurpant illos. *Quæ respondit: Nunquid possum deferere pinguedinem meam? Quasi dicat nolo suscipere principatum istum, vt suscipiendo eum non perdam pinguedinem meam.*

*Quare oliua respondit, quod nolebat vngi in regem, ne perderet dulcedinem suam: & de conditione, & occupationibus regum, & prelatorum, & misera vita eorum.*  
Quest. XXIX.

Q V A E R E T V R quare sic respondit oliua, quia non videtur, quod quamquam promoueretur inter ligna, perderet pinguedinem suam. Considerandum pro solutione, quod omnes arbores bonæ similem excitationem posuerunt: nam ficus dixit: Nunquid possum deferere dulcedinem meam fructusque suauissimos, vt inter ligna promouear? & vitis dixit: Nunquid possum deferere vinum meum & cet. quasi ex hoc quod regnaret, priuaretur his bonis. Dicendum est, quod cum ista fabula secundum rem non competat lignis, non debet attendi veritas, vel falsitas sua secundum id, quod apparet in lignis: sed secundum id, quod apparet in illis, ad quæ ista fabula applicatur. Debet autem applicari viris bonis, quibus regnum offertur, & non suscipiunt illud, scilicet quod ipsi sumendo regnum perdunt bona, quæ in seipsis reperiunt: quod profecto ex parte verum est. Nam cum homo manet vt persona priuata, potest conari ad proficiendum in bonis suis, & potest exornare mores suos considerando quantum quotidie proficiat, & quantum deficiat: cum verò ad statum regiminis extollitur tanta alienarum curarum mole premitur, quod ad seipsum vix redire potest, cum tota sollicitudo, quæ iam pridem erga se impendebatur, nunc ad exteros adhibenda sit. Descent autem præcipue viri verè contemplatiui, qui Deum toto pectore sitientes, vix hic ad eius amplexibus diuagari querunt defixis in eum peruigili cura oculis mentis eorum, de quibus Isa. 61. dicebat: Qui sunt isti, qui vt nubes volant, & quasi columbæ ad fenestras suas. ad regiminis autem sublimati thronum a contemplatione in actionem ex suscepto statu descendere compelluntur? pro quo Gregorius, qui prius diebus, noctibusque contemptus expertus sortis suæ esset, considerans mentis perditam tranquillitatem, & tumultuantium negociorum importunas agitationes, velut naufragus concussionem mentis suæ inter feros fluctus deplorabat, vt patet in principi dialogorum. Reges quoque huiusmodi patiuntur: nam si prius viri boni fuerunt sibi ipsis vacantes, si suscepit ad regiam celsitudinem rem non perfectorie, sed qualiter oportet agant, variis perurgentium quotidie causarum frequentationibus agitant, quas tamen declinare fas non est. Accedit, & insuper timor, qui regentem attonitum tenet: nam & ipsos, in quorum manibus situs est, exhorrescit. Vnde aperte tyrannus ille Siculus expertus sortis suæ periculorum, quod regni metus pendentis supra verticem gladii terrore simulauit, vt ait Boetius de consolatione libro tertio, prosa quarta. Verè ergo oliua pinguedinem suam, & ficus dulcedinem, & vitis vbertatem viniq; iocunditatem dimitterent, si inter ligna promoueri vellent. *Qua dii vtuntur, & homines.* Homines vtuntur pinguedine olei in condimentis, & in vulneribus fomentandis. Dii autem vtuntur, scilicet quia tam Deo Iudæorum quàm diis aliarum gentium oleum ad lucernas præstatur. Nam in sanctuario domini ad lucendum nihil suscipiebatur nisi oleum, quia cera, & sepum non cremabantur ibi, vt declaratum est Exod. vigesimo septimo cap. Etiam vtuntur dii in sacrificiis.

Regum, & rectorum vita curarum plena.

Vnde Adrianus 3. ad pontificatum Ro. assumptus scribens cui dam amico dicebat dignus est miseria quod tanta pugnat miseria in include, & malleo dilatabit modum & cetera. vide originale Greg. & Adria. quia pulchra.

Hebræorum ac Nicolai respon. ad quæst.

Doc. folior resp. ad quæst.



crificiis, quia in omni holocausto, & hostia pacifica apponuntur libamenta, & ista sunt de simila, oleo, & vino Nume. decimo quinto. *Vt inter ligna promouear.* Idest non est iustum, quod ego deferam pinguedinē meam propter promotionem, scilicet, quia necesse erat dimitti illam, si regnaret: & hoc, quia reges si benē regunt non debēt intendere vtilitatibus suis, sed subditorum. Alioquin Tyranni, & non reges sunt. Sic patet octauo Ethicorum. *Dixeruntque ligna ad arborem ficum.* Dictum fuit in ista fabula de istis quatuor arboribus principaliter de tribus bonis, & vna mala, quia compositor fabulæ voluit inducere tales arbores quæ rere se perdere, si regnarent. De rhamno autem positū est vt de mala arbore, quia non inueniebatur aliqua tā inutilis. *Veni, & super nos regnum accipe.* Quia ista erat digna regno offerebatur ei. *Qui respondit.* Scilicet non acceptando regnum. *Nunquid possum deferere dulcedinem meam.* Scilicet, quia ficus valde dulces sūt potissimē in terra Chanaan, in qua abundant, & sunt in magna quantitate ad modum mellos, tanta est cōpia eorum, quod ad cibos communes fiunt massæ caricarum apud omnes, quæ alias vocantur massæ palatarum. Vnde primo Regum 25. dicitur quod Abigail obtulit inter alia munera ducentas massas caricarum, idest caseos factos de ficibus, & Syba seruus Miphiboset obtulit ipsi David centum massas palatarum, quod idem est, secundo Regum decimo sexto capit. *Frustrisque suauissimos.* Quia ad cibum valde suaves sunt propter dulcedinem: in Hebræo dicitur. *Renouationem meam bonam.* Idest nunquid dimittam renouationem meam. Istud dicitur propter duplicitem fructuum: nam bis in anno ficus produciunt fructus, & maturis primis fructibus incipiunt nasci secundi fructus. *Et ire, vt inter cetera ligna promouear.* Quasi dicat iniustum est, quod hoc deferam, vt regnando aliis lignis, & non mihi proficiam. *Locutaque sunt ligna ad vitem.* Etiam ista est arbor excellens: imò nulla est tam humanæ naturæ conformis, & salubris: ita vt nō immerito ceteras arbores datas ad bene esse humanū arbitremur: istam autem ad necessitatem vitæ. *Veni & impera nobis.* Quia regni digna erat plusquam cetera. *Que respondit.* Innegando. *Nunquid possum deferere.* Idest nunquid expedit quod deferam. Sic enim accipimus ex modo vulgato non posse fieri, quod non expediēter fit. *Vinum meum quod letificat decem, & homines.*

Dij q̄ho letificantur.

Hoies vino dupliciter letificantur.  
1. modo.  
2. modo.

Accipitur letificatio largē quantum ad Deos, quia dii non possunt letificari vino cum non gustent illud, sed letificantur in quantum iubent illud apponi sacrificiis: nam in sacrificiis Dei apponuntur libamina, & vnum de illis est vinum: Numeri decimo quinto capitulo. Vel posset accipi de diis, secundum modum loquendi Gentilium. Nam ista fabula non habuit exordium a Iudeis, sed a gentilibus: alioquin non diceretur de Diis pluraliter, sed de Deo. Dij autem secundum modum gentilium, & poetarum suorum cibis utebantur, & potibus libidinique operam dabant. Quod & nunc efficere aiunt, vt ait Martianus Mine<sup>9</sup> Felix Capella lib. primo de nuptiis Mercurij, & Ephiosologie prosa prima: Homines autem letificantur vino dupliciter. Vno modo directē in quantum vinū apponit quandam letitiam multiplicando spiritus, & confortando cor: & sic accipitur Psal. 103. scilicet vt educas panem de terra, & vinū letificet cor hominis. Secundō modo letificat indirectē, scilicet tollendo curas, & inducendo obliuionem dolorum, & ob hoc erat consuetudo inter Hebræos, quod quando aliquis erat tristis nimis pro morte parentum, vel amicorum, quod daretur ei vinum, vt obliuisceretur tristitiæ & consolaretur. Sic patet Iere. 16. scilicet. Et nō frangent inter eos panem lugenti ad consolandum su

per mortuo, & non dabunt eis potum calicis ad consolandum sub patre suo, & matre: idem fiebat in omnibus tristitiis, vt patet Prover. 31. scilicet. Date sicceram merentibus, & vinum his, qui amaro sunt animo, vt bibant, & obliuiscantur egestatis suæ, & doloris sui nō recordētur amplius: simile patet tertio Esdræ cap. 3. scilicet vinum mentem liberi, & serui, pauperis, & diuitis, & omnem mentem conuertit in securitatem, & non meminit omnem tristitiam & debitum, & omnia precordia facit honesta. *Et inter cetera ligna promoueri.* Quasi dicat non expedit quod istud perdam, vt inter ligna cetera promouear. *Dixeruntque omnia ligna ad rhamnum.* Vt ille regnaret: est .n. rhamnus arbor spinosa & inutilis, & sicca, quæ facili motuo calorem concidit & ignē. *Veni & impera nobis.* Scilicet quia cetera non suscipiunt principatum. *Qui ait: si vere me regem constituistis vobis.* Non dixit hoc aliqua de arboribus prænominatis, sed dixit rhamnus, eo quod cum nullam haberet excellentiam putauit, quod non vero corde alia ligna sumerent eum in regē sed illusorie. *Sub vmbra mea requiescite.* Idest venite ad manendum sub vmbra mea, quia in venerationē regiam debetis in omnibus mihi famulari. *Si autem non vultis.* Idest si non vultis verē me constituere regem, sed illuditis. *Egrediatur ignis de rhamno.* Hoc dicitur quia rhamnus facili motu ignē cōcipit, vt ait Aug. *Et deuoret cedros libani.* Idest non solum arbores parue crementur, sed etiam magni, scilicet cedri: sunt enim cedri arbores proceræ nimis, & valde solide. Gignuntur autem potius in monte libano, qui est in terra Chanaan quam in aliis montibus, ideo dicitur de cedris Libani specialiter. Vel aliter potest intelligi. *Si vere me regem constituistis vobis.* Idest si ego verē rex sū. *Sub vmbra mea requiescite.* Idest iubeo, quod faciatis mihi hoc obsequium, scilicet quod requiescatis sub vmbra mea. *Si autem non vultis.* Idest si non vultis mihi obedire, cum sim rex vester. *Egrediatur ignis de rhamno.* Scilicet egrediatur in penam inobedientiæ ignis, per quem designatur quæcūq; pœna. Et ponitur specialiter de igne, quia ignis gignitur facilius de rhamno. *Et deuoret cedros Libani.* Idest puniat potentissimos. Et quantum ad istam partem vltimam applicatur ad Sichimitas, scilicet quod illi puniendi essent sicab Abimelech, quem constituerant in regem: quamquam ante hoc fuerat Abimelech abiectus, & impotens. sicut de rhamno, qui erat arbor abiectissima egrediebatur ignis ad cremandos cedros Libani. Nunc igitur. Hic ponitur Metaphoræ suæ fabulæ applicatio ad Sichimitas. *Nunc igitur si rectē absque peccato constituistis super vos regem Abimelech.* Idest sicut est de lignis ad rhamnum, ita sic de vobis ad regem vestrum Abimelech. Nam si non peccastis sumendo illum, gaudete in eo. *Et bene egistis cum Ierobaal, & domo eius.* Idest custodistis id quod seruare debebatis ipsi Gedeoni, qui vocatur Ierobaal. *Et domui eius.* Idest filiis eius. *Et reddidistis vicem beneficiis eius.* Idest retribuistis beneficium pro beneficio: ista omnia dicit Ioatham, quia manifestum est quod Sichimitæ non egerunt sic, sed præuicariunt misericordiam, quam seruare debuissent Gedeoni. Si autem quaratur, an Sichimitæ peccauerunt constituendo Abimelech in regem supra declaratum est.

Quomodo Sichimitæ poterant rectē agere cum Ierobaal siue Gedeone. Quæst. XXX.

QVARETVR quomodo Sichimitæ poterant rectē agere cum Ierobaal, siue Gedeone. Nam

Nota consuetudinem Iudæorum.

Rhamnus quid sit.

Cedrus sit.

Ignis de rhamno facilius gignitur.

Fabulæ applicatio ad Sichimitas.



iam erat mortuus & non se poterant ad eum habere bene, vel male; quia si accipiatur hic pro ipso met Gedeone constat, quod nec bene, vel male ad eum se poterant habere. Si autem dicatur, quod accipiatur bene, vel male se habere ad Gedeonem, id est habere se sic ad filios eius non stat, quia istud expressum est in litera, scilicet & bene egistis cum Ierobaal, & domo eius: ergo non apparet quomodo se deberent habere bene, vel male cum Ierobaal. Aliquis dicet, quod non poterant Sichimitæ secundum veritatem habere se bene vel male cum Gedeone, tamen accipitur istud se habere quantum erat in ipsis Sichimitis, scilicet quod quamquam non possent verè nocere, vel proficere Gedeoni: tamen quantum in ipsis erat, nocebant, vel proficiebant Gedeoni. Sic enim dicit Ierony. super Malachiam, & habetur in decretis dist. quadragesimo nono ca. sacerdotes, & sacerdotes quantum in se est panem domino pollutum offerunt, licet non sit verè polutus ille panis. Aliter potest dici quod accipitur bene se habere ad Gedeonem, id est ad filios eius, quia bonum quod fiebat filiis Gedeonis censebatur fieri ipsi Gedeoni. Et cum dicitur & ponitur expresse cum Ierobaal, & domo eius: unde, & ponitur ibi magis expositiue quàm copulatiue. Aliter potest dici, & melius, quod Sichimitæ se poterant bene, vel male habere cum Gedeone, quia licet defuncti non participet bonis, & malis pronepotum, & amicorum manentium hic realiter, sicut aliqui hic manent participant aequaliter, scilicet saltem secundum opinionem nostram, istud tamen bonum, vel malum non est tantum, ut non beati efficiantur beati, aut beati efficiantur calamitosi, ut patet primo Ethicorum cap. pro nepotum autem fortunas. Istud autem bonum, vel malum, licet sit leue, euenit tamen ipsis defunctis, & est istud præter malum, quod euenit pronepotibus, vel amicis viuentibus, & sic ex dehonoratione, & iniuria grauissima, quàm intulerunt Sichimitæ filius Gedeonis proueniebat quoddam malum Gedeoni, scilicet sedatio gloriæ eius in opinione nostra. & erat istud præter malum inflictum filiis: ideo Sichimitæ non se habuerunt absque peccato cum Ierobaal. *Qui pugnavit pro vobis.* Scilicet pro toto Israel excludendo hostes totius Israel de terra, & faciendo quod nunquam redirent. *Et animam suam dedit periculis.* Id est posuit vitam suam in periculis. Accipitur anima pro vita in modo communi loquendi. Rarò autem accipitur anima pro spiritu in veteri testamēto: sed vel pro persona, vel pro vita. Pericula ista, quibus se exposuit Gedeon, fuerunt contra Madianitas tam in pugna quàm in persecutione eorum supra 7. & præcedenti capitulo. *Ut erueret vos de manu Madian.* Scilicet istud fuit bellum quod fecit Gedeon. Nam non legitur nec creditur postea pugnasse contra aliquas gentes, sed illud bellum fuit magnum, & solum ipsum est magna gloria dignum: sicut multa bella simul & dicitur de Madian: quia istæ erant gentes speciales, & maiores, quæ venerunt: sed præter eas venerunt alia, scilicet Amalechitæ, Ismahelitæ, ut patet supra sexto, & præcedenti capitulo. & supra septimo. *Qui nunc surrexistis contra domum patris mei.* Scilicet contra omnes filios eius. Nam in filiis servatur domus patris. *Et interfecistis filios eius septuaginta viros.* Non occiderunt septuaginta, sed sexaginta novem, quia ipse Ioatham erat septuagesimus, & evasit. Scriptura tamen non curat interdum de parvis numeris. Sic etiam nos in communi modo loquendi facimus. *Super lapidem unum.* Istud ponitur ad magis grauandum, quia si occidissent omnes modo bellicos videretur furor hostilis esse, sed omnes succilque, & quiete occiderunt iugulantes eos super unum lapidem.

*Quomodo dicitur hoc quod Sichimitæ occideret filios Gedeonis. Quæst. XXXI.*

**Q**UAE RETVR quomodo dicitur hoc quod Sichimitæ occiderunt filios Gedeonis: quia supra in litera dicitur, quod Abimelech occidit eos. Aliquis dicet, quod Ioatham loquebatur ista ex ira magna contra Sichimitas: tamen mentiebatur, quia Abimelech fecerat hoc solum, sed ipse transferebat hoc in Sichimitas. Sed dicendum quod non stat. Primò quia non est verisimile, quod Ioatham publice ausus fuisset mentiri: hoc tamen dixit coram toto populo Sichimorum: ergo non mentitus est. Secundò patet fortius: quia in fine cap. dicitur, quod venit super Sichimitas maledictio dei, quàm imposuerat Ioatham: si tamen mentitus fuisset loquendo contra Sichimitas non induxisset dominus maledictionem, quàm ipse imprecaretur, quia iniuste imprecaretur illa, ergo verè locutus est. Dicendum ergo, quod Sichimitæ occiderunt filios Gedeonis: & hoc quia dederunt fauorē Abimelech ad occidendum illos. Nam cum esset Abimelech vnus vir solus, & pauper: si Sichimitæ non fauissent ei, non ausus fuisset occidere fratres suos. Itē consilium dederunt ei, ad occidendum illos. Item dederunt ei pecuniam ad conducendum sibi adiutores, quia alias non habebat unde prouideret alicui sibi socio, vel adiutori. Item noluerunt eum accipere in regem vsquequo occideret fratres suos, & occisis illis illico regem constituerunt eum. Item quod maius est, ipsi Sichimitæ realiter occiderunt illos, quia ipsi iuerunt cum Abimelech in domum Gedeonis, & tenuerunt filios illius occideruntque illos, ut patet infra, scilicet quod Sichimitæ ceperunt detestari Abimelech conferendo in eum scelus occisionis fratrum septuaginta, & in ceteros principes Sichimorum, qui eum adiuerant: Magis ergo, vel saltem æqualiter, videbantur culpabiles Sichimitæ, & Abimelech. *Constituitisq. regem Abimelech.* Quasi dicat, etiam in hoc iniuste egistis contra Gedeonem, quia cum teneremini honorare filios suos, & debueratis primogenitum eorum constituere in principem, sicut quondam ei sponte offerebatis, quod dominaretur ipse, & filius suus, & filius filij sui, ut patet præcedenti cap. constituitis in regem filium concubinæ eius, qui non tantum pertinebat ad eum sicut ceteri filij: & in hoc dehonoratis domum eius. *Filium ancillæ eius.* Vocatur ancilla, id est concubina, eo quod non erat in tanto honore, sicut vxores: nec in tanta libertate erga virum: non tamen erat vere ancilla, quia tunc fuisset Abimelech seruus cum esset filius ancillæ: & tunc non est verisimile, quod constituerunt eum principem Sichimitæ. *Super habitatores Sichem.* Scilicet non fuit tunc constitutus super totum Israel, sed super Sichem: postea tamen paulisper cepit dominari super Israel, sicut supra declaratum fuit: & non solum super Sichem, sed etiā super urbem Mello. tamen non fit mentio de vrbe Mello, eo quod erat parua. De qua supra dictum est, quod viri illius conuenerint cum viris Sichem ad vngendum Abimelech. *Ergo quod frater vester sit.* Id est non attēdistis aliud in eo, nisi quod erat frater vester, & non curastis, quod esset filius Gedeonis, nec quod esset vir bonus, & dignus principatu. Et in hoc peccauerunt dupliciter habitatores Sichem. Primò, quia non reddiderunt debitam vicem beneficiis Gedeonis honorandos filios suos sicut iustum erat. Secundò, quia fuerunt acceptatores personarum, scilicet quia acceperunt in principem aliquem indignum solum, quia erat de progenie ipsorum cum possent habere alios viros dignos ad principatum. *Si ergo reser.* Hic repetitur propolitiuo sumpta, quia erat sententia

*Doct. resp. ad quæst.*

*In qua dupliciter Sichem habitatores peccauerunt.*

*sulpen.*



suspensiuā, ut videatur quomodo ista omnia faciunt eadem sententia repetitur. *Et absque uirio egistis cum Ierobaal, & domo eius.* Idest si faciendo omnia precedentia recte fecistis, & non peccastis contra Ierobaal, nec contra domum eius. *Hodie letemini in Abimelech.* Tanquam in rege iuste electo, scilicet si in eligendo eum nullam iniquitatem commisistis, semper prospere remini cum Abimelech rege vestro. *Et ille letetur in uobis.* Idest gaudeat in vobis tanquam in populo suo si ille nihil peccauit, ut perueniret ad hunc principatum. quamquam enim sciret Abimelech, & per se notum esset quod Sichimitę peccauissent faciendo predicta: tamen Ioatham dicit ista per modum contumelię: quia sic allegando vitia contra aliquem, valde dehonestatur. *Si autem peruerse.* Idest si peruerse egistis in omnibus predictis, vel in aliquibus eorum. *Egredietur ignis ex eo, & comburat habitatores Sichem.* Idest ipse concitetur contra vos, ut deleat vos, ut sit pena iustissima: ut sicut vos iniustum ei fauorem tribuistis, ita ipse sit vobis pena pro fauore iniuste concessio. Et est similitudo de rhamno, scilicet quia sicut arbores dederunt ei iniustum principatum, quia ipse indignus erat: & exiens ignis ex illo conbussit cedros libani: ita quia vos iniustum regem fecistis vobis, dignum est, ut ipse comburat habitatores Sichem etiam quoscunque excellentissimos in vobis, qui sunt inter vos, sicut cedri libani inter ceteras arbores. *Et oppidum Mello.* Ista erat alia ciuitas parua apud Sichem, quę congefferat Sichimitis fauendo Abimelech: & conuenerunt viri illius cum Sichimitis ad vngendum in regem ipsum Abimelech: ideo erat dignum, ut etiam oppidum Mello pereat. *Egredieturque ignis de uiris Sichem, & de oppido Mello, & deuoret Abimelech.* Scilicet ut sicut Abimelech, quia iniuste electus est in regem a Sichimitis dignum est, quod eos cremet igne: ita quia ipse voluit esse, & fuit iniuste rex eorum, dignum est, ut Sichimitę, & habitatores Mello destruāt ipsum. Et est sensus, quod concitetur discordia inter utrosque, per quam utrique pereant: quia sicut iniustus consensus inter eos fuerat: ita iustus dissensus eos utrunque morte afficiat. Et sic factum est: nā intestinum bellum natum est, per quod tam Sichimitę quam Abimelech perierunt. *Qua cum dixisset fugit in Bera.* Erat Ioatham dum ista dicebat super montem Garizim, & non timebat Sichimitas, nec Abimelech, quos coram videbat: sed dictis istis fugit de monte, & iuit in urbem Bera. *Habitauitque ibi metu Abimelech fratris sui.* Scilicet non ausus est manere in terra Sichimorum, nec in Ephra, quę erat in sorte Manasse, in qua habitauerat Gedeon, quia timebat occidi a fratre suo Abimelech: sed habitauit in Bera, quę multum distabat ab urbe Sichem: eratque in sorte filiorum Ephraim, nec timebat ibi tunc Abimelech, quia nondum dominabatur toti terrę illi. *Regnauitq; Abimelech super Israel tribus annis.* Pauco tempore durauit principatus eius, quia Deus voluit conterere eum, eo quod iniuste regnabat, & bello periit.

*Quare non dicitur Abimelech indicauit Israel & cat.*  
Quest. XXXII.

**Q**UÆRERETVR quare non dicitur de isto: Iudicauit Israel: sicut dicitur de omnibus aliis precedentibus, & omnibus sequentibus vsque ad finem libri. Respondendum, quod ceteri erant solum Iudices, & non assumebāt sibi maiorem principatum nec populus eis tribuebat. Abimelech autem vnctus est in regem, & imposuit sibi diadema regni. Et iste principatus excedit principatum Iudicum, qui paruus

erat: quia illi nec vocabantur reges, nec domini, ut declaratum est precedenti capitulo. Ideo de isto dictum est, quod regnauit. Et dicitur quod regnauit super Israel non quod totus Israel constituisset eum in regem, quia soli viri Sichem, & urbis Mello vnixerūt eum regem, ut patet supra. Sed postea totus Israel consensit, vel saltem non repugnauit ei, & sic cepit regnare per totum Israel, quia omnia loca inuadebat, & quaedam obediabant ei, contra alia autem pugnabat. Vel (ut alij volunt) vocatur rex super Israel nō, quod super totum Israel regnaret, sed quia dum ipse dominabatur in Sichem & urbe Mello, nullus alius erat iudex aut rex, aut dominus aut princeps in Israel.

*An Abimelech peccauit accipiendo regnum.*  
Questio XXXIII.

**Q**UÆRERETVR vltius an Abimelech peccauit accipiendo regnum. Respondendum quod manifestum est, quod peccauit: quia ut perueniret in regnum perpetravit infanda scelera, scilicet occidit fratres suos, & sollicitauit Sichimitas ad hoc. Sed omissis his de quibus nō est dubium, manet questio, an dato quod Abimelech nulla scelera egisset, sed quod susciperetur in regem sponte a viris Sichem an peccaret accipiendo. Respondendum, quod peccabat Abimelech ambiendo principatum dato, quod nulla alia illicita committeret assequendo eum. Item peccabat quia cum esset indignus manifeste suscipiebat principatum. Qui tamen sic accipiunt principatus priuandi sunt eis: & non priuarentur, nisi grauiter peccarent. ergo peccat grauiter, qui indignum se sciens ad principatum anhelat, & illum acceptat. Item peccauit, quia pręiudicauit iuri alieno. Nam si principatus regalis alicui dandus erat hoc maxime comperebat ipsi primogenito Gedeonis: vel in defectum eius alteri ex fratribus suis legitimis: Abimelech autem illegitimus vsurpauit locum fratrum. Peccabat autem amplius, quia dato quod dignus foret quocunque principatu, non debebat suscipere principatum regalem, vel dominatiuum: quia precedenti capitulo declaratum est in quadam questione, quod tam Israelitę, quā ille, qui susciperet principatum regalem peccaret si Deo inconsulto hoc agerent: sed Sichimitę inconsulto Deo contulerunt principatum regalem Abimelech: ergo peccauerunt utrique, scilicet Abimelech suscipiendo, & Sichimitę dando.

*Cum Abimelech regnauit super totum Israel, cur Ioatham non maledixit toti Israel, sed solum uiris Sichem.*  
Quest. XXXIII.

**Q**UÆRERETVR vltius cum Abimelech regnauerit super totum Israel: & hoc Israelitę fecerunt contra Gedeonem, & domum eius: cur Ioatham non maledixit toti Israel, sed solis uiris Sichem & urbis Mello. Respondendum, quod hoc fuit propter tria. Primo, quia Ioatham conquerebatur principaliter de occisione facta in domo Gedeonis. Hanc autem non fecerunt Israelitę, sed soli Sichimitę cum urbis Mello: nam Israelitę nec fecerunt, nec fauorem tribuerunt ad hoc cum ignorantibus eis factum sit. Sichimitę autem istud fecerunt, ut ipse Ioatham eis improuerant supra in litera: ergo eis solis maledicere curauit. Secundo, quia Sichimitę constituerunt regem Abimelech, & dederunt occasionem, ut ceterę vrbes eum reciperent. Nam si ipsi non constituerent eum ex affectione quadam nunquā Israelitarum

Mello quod sit.

H

I

K



quisquam dedisset ei aliquem principatum. Israelitę autem constitutum regem susceperunt, & non constituerunt: ideo non maledixit eis. Causa tertia est, quia Ioathan maledixit illis, quos sciebat culpabiles in hoc. Verum est autem quod Israelitę fuerunt rei postea, quia nō restiterunt Abimelech pro tanto scelere persequendo eum ad penam, cū dignus esset acerrima, & Israelitę tenebantur vlcisci hanc iniuriam: tum quia aliquid deordinatum erat, quod non debebat relinqui impunitum, tum quia propter Gedeonem, cui valde tenebantur, erant obligati vlcisci iniurias domus eius, & non solum non fecerunt, sed etiam ipsam scelestum iniuriatorem domus Gedeonis super se regem susceperunt, quod satis graue peccatum erat, sed neutrum ipsorum tunc constabat quando Ioathā posuit maledictionem super Sichimitas, ideo non posuit super totum Israel. Pater antecedens, nam Ioathā locutus fuit ista verba die, qua vngebatur Abimelech in regem, & conuenerat totus populus Sichimitarum apud quercum extra urbem: sed tunc Israelitę nondū receperant Abimelech in regem, sed postea susceperunt. Item non erant tunc Israelitę rei tanquam non vlciscentes iniuriam factam domui Gedeonis: quia tunc recenter illata fuerat: & adhuc restabat tēpus opportunum ad vltionem, nec poterant vocari ita cito negligentes in puniendo Abimelech: ideo ante peccatū nō debuit imponere maledictionē super eos.

*Cur Abimelech, cum fuerit rex & non iudex, non ponitur in catalogo regum. Quest. XXXV.*

**Q**VAERETVR vterius cur Abimelech cū fuerit rex & non iudex, non ponitur in catalogo regum, sed dicitur primus rex fuisse in Israel Saul. Respondendum, primam rationem esse, quia status iudicum & regum sunt distincti: quia status regum totaliter pertinet ad reges; & status iudicum totaliter ad iudices, illi qui fuerunt mixti secundum tempus non computantur, nisi inter illos de quibus fuerunt. durauerunt autem iudices ab Hothoniele vsque ad Samuelem, qui fuit vltimus, & cepit status regum in Saule: ideo omnes qui fuerunt post Saulem vocantur reges, eo quod status ille fuit continuatus, & impermixtus. & dato quod aliquis princeps fuisset intermedius, qui non fuisset rex, ille poneretur in catalogo regum, & diceretur pertinere ad statum regum. Illi autem qui fuerunt in principatu tempore iudicū, pertinebāt ad iudices: vnde licet aliquis eorū esset rex, nō debebat poni in catalogo regū, eo quod nō pertinebat ad tēpus regum. Et sic Abimelech fuit tēpore iudicum, quia ante ipsum fuerunt iudices, & post ipsum: ideo licet ipse fuerit rex, nō ponitur in catalogo regum sed iudicum. Secunda ratio est, quia scriptura vult computare tempora per principantes: sic tempora iudicum computantur per annos iudicum: & tēpora Hebræorum sub regibus computantur per annos regum: si autem non poneretur Abimelech inter iudices, sed inter reges, sequerentur duo inconuenientia. Primū est, quod tres anni, qui fuerunt sub principatu suo deficerent de tempore iudicum. Secundum inconueniens est, quia computaretur tempus eius cum tempore regum, & sic adderetur aliquid tempori regum: vltra quā habebat. Causa tertia est, quia illi ponuntur secundum sacram scripturam in catalogo regum, quos Deus voluit, quod reges essent: & quib⁹ ipse dedit principium, vt reges essent: sed Abimelech nō est factus rex iussu Dei, sed quadam fraude, & iniquitate Deo non iubente, ideo non notatus fuit ipse in catalogo regum: Saul autem fuit primus in catalogo regum, quia de illo Deus iussit, quod vngeretur in regē, primo Reg. 9. Sed obijcietur, quod quidā fuerunt po-

*Alph. Tost. super lib. Iudicum.*

**A**stea mali reges, & vncti in reges contra voluntatē Dei, de quibus ipse dixit Osee. 8. Regnauerunt, & non per me: principes fuerunt, & non cognoui. & tamen ponuntur in catalogo regum. Respondendum, quod quamquam ipsi fuerūt mali, & Deo quasi nolente vncti, tamen quia fuerunt successores illorū, quibus Deus voluit conferre hunc principatum, & quos regnare iussit, ponuntur in Catalogo regum. Quarta causa est, quia illi ponuntur in Catalogo regum, qui volente populo constituti sunt: & tunc postquam populus cepit habere reges post vnctionem Saulis, semper voluit habere reges: & ob hoc sequentes in Catalogo ponuntur: Abimelech autem nolentibus Israelitis, sed per quadam priuatam affectionem virorum Sichem super eos rex factus est: ideo nō debuit poni in Catalogo.

**M**isitque Dominus spiritum pessimum inter Abimelech, & habitatores Sichem. Qui ceperunt eum detestari, & scelus interfectionis septuaginta filiorum Ierobaal, & effusionem sanguinis eorum conferre in Abimelech fratrem suum, & inter ceteros Sichimorum principes, qui cū adiuuerant. Posueruntque insidias aduersum eum in summitate montium: & dum illius preestolabantur aduentum, exercebant latrocinia, agentes prædas de prætereuntibus. Nunciatumque est Abimelech. Venit autem Gaal filius Obed cum fratribus suis, & transiit in Sichimam. Ad cuius aduentum erecti habitatores Sichem, egressi sunt in agros vastantes vineas, vasaq; calcantes: & factis cantantium choris ingressi sunt fanum Dei sui, & inter epulas, & pocula maledicebant Abimelech, clamante Gaal filio Obed: Quis est iste Abimelech, & quæ est Sichem vt seruiamus ei? Nunquid non est ipse filius Ierobaal, & constituit principem Zebul seruum suum super viros Emor patris Sichem? Cur ergo seruiemus ei? Vtinam daret aliquis populum istum sub manu mea, vt auferrem de medio Abimelech. Dictumque est Abimelech: Congrega exercitus multitudinem, & veni. Zebul enim princeps ciuitatis auditis sermonibus Gaal filij Obed, iratus est valde, & misit clam ad Abimelech nuncios, dicens: Ecce Gaal filius Obed venit in Sichimam cum fratribus suis, & oppugnat aduersum te ciuitatem. Surge itaque nocte cum populo, qui tecum est, & larita in agro, & primo mane Oriente sole irrue super ciuitatem. Illo autem egrediente aduersum te cum populo suo, fac ei quod potueris.

*Vercellensis ciuias conditur.*



*Tamiris musicus claret.*

*Phylemō Delphicus musicus.*



Virorum  
Sichem ad  
Abimelech  
rebellio.

*Misitque dominus.* Hic ponitur tertium principale. f. vtrorumque punitio. Et diuiditur in tria, quia primo ponitur virorum Sichem ad Abimelech rebellio: secundò rebellantium impugnatio ibi. *Dictumq; est.* Tertiò vtrorumq; destructio ibi. *Porro Abimelech.* Circa primum dñ. *Misitq; dominus spiritum pessimum inter Abimelech, et habitatores Sichem.* idest, misit Deus grauissimum odium inter istos, ita vt pugnarent ad inuicem & perirent. *Qui ceperunt detestari eum.* idest, Sichimitæ ceperunt habere valde exosum Abimelech. *Et scelus interfec-tionis septuaginta filiorum Ierobaal.* idest, ceperunt ei opponere occisionem fratrum suorum: considerauerunt enim Sichimitæ, qd malum fuisset, qd occisi fuissent septuaginta filij Gedeonis, qui tanta bona contulerat Israel, & quia ipsi fuerant aliquantulum rei huius sceleris dando consilium, & pecuniā, accusabant valde ipsum Abimelech, qui principaliter hoc egerat.

*Quomodo immisit spiritum malum Sichimitis.*  
*Questio XXXVI.*

Deus mouet ad di-  
uersas pas-  
siones cor-  
da hoīum.

**Q**VAERETVR circa hoc, quomodo immisit Sichimitis spiritum malum. Respondendum, qd iste spiritus malus est odium magnum causatum ptra Abimelech, & hoc erat in penam ipsius Abimelech, & Sichimitarum, quia per hoc haberetur occasio, & origo ad hoc qd perirent. Liberum est autem Deo cau-sare, iter aliquos passionem odij, vel quamcunq; aliā, eo qd cor hominis dependet in manu Dei, & vertit il-lud quocunq; vult. Sic patet Prouerb. 21. f. Sicut diui-siones aquarum, ita cor regis in manu domini, & quo-cunque voluerit vertet illud: ideo si Deus vult, incitat corda nostra ad timorem, vt patet Leui. 26. f. Et qui re-manferint de vobis dabo pauorem in cordibus eorū in regionibus hostium: terrebit eos sonitus folij volātis, & ita fugient quasi gladiū, cadent nullo persequen-te: & corruent singuli super fratres suos, quasi bella fu-gientes. Causat etiam Deus lætitiā, & clementiam in aliquo, qui habet cor durum qñ vult. sic fuit in As-suero intrante ad eum Esther. Nam erat superbus, & subito vt vidit Esther conuersus est ad clementiam ad eam, vt patet Esther. 15. Incitat ēt Deus in aliquib⁹ de-siderium pugnandi contra alios. Sic fuit in Chaldaeis, quos Deus dicebatur vocare de longe, & ipsi veniebāt velociter, vt patet Isa. 5. et 7. & istud nihil aliud est, nisi imponere desiderium veniendi ad pugnandum. Sic etiam patet Iudi. 3. cum dicitur, quod fecerūt malum Israelitæ coram dño, qui confortauit contra eos Eglō regem Moab. Item Deus mouet aliquem ad deside-riū cessandi ab aliqua re, qñ vult. sic patet in Sennache-rib, qui minatus fuerat diruere Ierusalem, & propera-bat ptra eam ad delendum, sed Deus pvertit cor eius, vt vellet recedere in terram suam, vt patet 4. Re. 19. c. f. Noli timere a facie sermonum, quos audisti quibus pueri regis Assyriorū blasphemauerunt me: ecce ego immittā ei spm. i. desiderium recedendi, & audiet nun-cium, & reuertetur in terram suam: & deiciam eum gladio in terra sua. Item Deus interdum dat animosi-tatem aliquibus mutando cor eorū de timore in forti-tudinem ad pugnandū: & sic mutabat corda Hebræo-rum, qui non audebant pugnare contra Gentiles: & tñ Deus confortabat eos in corde, & pugnabāt. sic patet Deut. 8. f. Ne dixeris in corde tuo: fortitudo mea, & ro-bur manus meæ, hæc mihi omnia præstiterunt: sed re-corderis dñi Dei tui, qd ipse tibi vires præbuit, vt imple-ret pactum suum. Item Deus immittit aliquibus spm concordie ad desiderandum facere eandem rem: sic fuit inter Moabitas, Ammonitas, & Amalechitas. Nā isti non erant prius concordēs ad aliquid, & Deus de-dit eis spm concordandi, vt oēs vno animo persequerentur Israelitas, vt patet Iudi. 3. f. Qui confortauit contra eos Eglon regem Moab, & copulauit ei filios Amon, & Amalech. Sic aliqñ inter eos, qui sibi mutuo cōcor-dant in aliquo, Deus immittit discordiam: ita fuit hic. Nam Sichimitæ valde puenierant a principio, cū Abi-melech dantes ei totalem, fauorem ad occidendū fra-tres suos, & efficiendo eum regem sup se: & tñ Deus postea in penam peccati vtriusq; partis posuit discor-diam, vt sic perirent: & istud est, quod dñ hic. f. qd Deus misit spm pessimum, idest, odium grauissimum. Nā quælibet affectio vocatur spiritus, inquantum est quæ-dam iterior motus, fm quem impellimur ad hoc, vel illud agendum. & istam discordiam, vel odium sæpe Deus causat inter homines, vt mali sibi disconueniāt. & hoc modo tollit omnia damna, quæ sequi possent ex concordia malorum.

*An Deus sit auctor peccati, quia causauit odium inter Si-chimitas, & Abimelech.* *Quest. XXXVII.*

**Q**VAERETVR quō Deus causauit istum spm odij inter Sichimitas, & Abimelech, quia cū odium pñm sit, Deus esset auctor peccati. Responden-dum, qd Deus non cooperatur homini ad malum, sed operat ad penam illius, qñ oportet: & sic fuit immittēdo istum spm odij. Pro quo sciendū, qd Deus nō misit aliqd malum inter Sichimitas, & Abimelech: sed solū dedit quendā scrupulum in pñciētia Sichimitarum, p quem inciperent detestari malum, qd fecerat Abime-lech: & ex parte Abimelech nullum scrupulū posuit. Ante hoc. n. licet fecissent malum Sichimitæ, & Abi-melech: tñ non iudicabant Sichimitæ fuisse malū: po-stea verò excitauit Deus pñcientiam Sichimitarum ad hoc, qd detestarent valde istud scelus occisionis filiorū Gedeonis: & ipsum Abimelech auctore eius. Ista exci-tatio pñcientiæ fit aliqñ nobis ad magnum beneficiū, vt cū quis dormit in pñcō, & sic periturus foret, qd nō iudicat malum qd egit: & Deus pñciat ei fortes stimu-los conscīæ, ad detestandum illud vitium, & tunc rece-dit ab illo vitio, a quo aliās recessurus nō esset. Et istud est maximum beneficium, qd Deus peccatori in hoc seculo pñfert. f. mouere in eo spm compunctionis. Ali-qñ autem est iste scrupulus pñciētiæ pena quædam: sic .n. est in damnatis. Nam de maximis pñis eorum est, qd praua eos remordeat conscīa, & iste est vermis con-scīentiæ de quo Isa. vlti. f. Ignis eorū non exstinguet, & vermis eorū non moriet: sed erunt vsq; ad facietatem omni carni. Et ista est pñia quā infructuosē mali apud inferos facere dñr: vt patet Sap. 5. vbi mali nimis se ac-cusant, & dolent. Est aut ista pñcientia, interdum in vi-uentibus ad penā, vt qñ Deus vult alicui penā inflige-re: affigit ei memoriā pñtūam, & non pōt istam con-scīentiam a se tollere. De hac dicit Arum, Eth. 9. quō mali interdum memores malorum pñteritorum secū pacem hñe non pñt, & seipsos interimunt. Et reguñt oēs mali turbant hic inquietudine conscīe sue prauæ, vt ait Aug. in lib. Cōfessionum. f. Iussisti Dñe, & sic est, vt pena sit sibi oīs inordinatus aīus. Nunc autē viris Si-chem data est ista detestatio criminis in penā quādā, & ex hac insurrexit bellum inter eos & Abimelech. Cū aut arguit, qd Deus nō est auctor malorū. Rñden-dum, qd Deus non fuit hic causa alicuius culpe. Nā nō fecit, qd Sichimitæ directē hñerēt exosum Abimelech, sed causauit in eis detestationē criminis occisorū filio-rū Gedeonis, & istud nō erat malum. Sed poti⁹ ex hoc poterant peedere Sichimitæ ad bonū dolendo de pñcō cōmissō, licet De⁹ nō pñnderet eis istā scrupulositatē, nisi iquantū erat penalis. Postea verò Sichimitæ causa-uerunt odiū cū iudicārēt malū esse, qd fecerat Abime-lech: et suscitauerūt rixas, qd fuerūt origo destructionis vtro-

Deus dat  
animosita-  
tem homi-  
nibus.



virorumque. Et effusionem sanguinis eorum conferre in Abimelech fratrem suum. id est, quauquam Sichimitæ essent omnes rei huius criminis occisionis filiorum Gedeonis: tamen ceperunt ipsum totum crimen transferre in Abimelech fratrem suum, ipsi enim a principio dederant ei consilium, & pecuniam ad exequendum illud promittentes, quod acciperent illum in regem hoc facto: quod postea fecerunt. Nam illico, ut rediit Abimelech occisis fratribus, vnixerunt eum in regem, supra in litera: & tamen quia non omnes Sichimitæ fuerunt cum Abimelech ad occisionem fratrum suorum, imponebant ei totam culpam. Et ista detestatio intantum processit, quod quasi in vindictam effusi sanguinis voluerunt Sichimitæ occidere Abimelech, ut patet infra in litera. Et in ceteros Sichimorum principes, qui eum adiuuerant. Quando Abimelech suscepit a Sichimitis septuaginta pondera argenti de templo Dei sui ad occidendum fratres suos, conduxit ex eo viros vagos, & inopes, qui eum sequebantur. & cum his fuerunt aliqui principes Sichimitarum sequentes eum, & forte erant de cognatione matris suæ, & contra hos ceperunt etiam odium habere ceteri Sichimitæ. Posueruntque insidias aduersus eum in montium summitate. Istud est intelligendum post causatum odium, quod Sichimitæ intantum incanduerunt, quod volebant occidere Abimelech: & ipso manente in alijs locis extra Sichem, ad aliquid agendum: posuerunt Sichimitæ insidias contra eum in montibus, per quos rediturus erat, ut ibi eum occiderent. Et dum illius præstolabantur aduentum. scilicet, expectabant, quod rediret in urbem Sichem, de alijs locis, quibus iam dominabatur. Exercebant latrocinia agentes prædas de prætereuntibus. scilicet exercitus Sichimorum expectatum aduentum, Abimelech exercebat prædas. Et hoc forte propter duo. Primum ad sustentationem vitæ: quia in expectatione illa multa expendebant. Secundum ad offendendum Abimelech: ideo credendum est, quod magis exercebat prædas de illis, qui fouebant partes Abimelech, quam de alijs. Nunciatumque est Abimelech, quomodo Sichimitæ insurrexissent contra eum, & posuerant ei insidias in montibus. Venit autem Gaal filius Obedi: iste fuit adiutor Sichimorum contra Abimelech. Et transiit in Sichimam cum fratribus suis. id est, transiit cum multis viris de cognatis suis in urbem Sichem, quæ vocatur Sichima, vel Sicima secundum modum latinæ formæ. Sic patet in Paralip. partibus Sichimam, & conuallem tabernaculorum dimetiar.

*Duplici de causa exercit. Sichimorum prædas exercebat.*  
Gaal quis fuerit. *Questio. XX. XXI. II.*

**Q**VAERETVR quis fuit iste Gaal. Respondendum, quod ipse fuit adiutor Sichimitarum contra Abimelech, ut patet infra, nam ipse pugnavit contra eum. Dicendum etiam, quod iste Gaal non erat de urbe Sichem, quia dicitur hic, quod transiit in Sichimam cum fratribus suis; scilicet venit illuc non iter ad habitandum, vel manendum ducens illuc fratres suos, id est, cognationem suam, ut potenteret: & forte erat iste de tribu Ephraim, de qua erant Sichimitæ habitabant tamen in alio loco, & Sichimitæ cepta discordia contra Abimelech vocauerunt hunc in adiutorem, quia erat vir potens. Ipse autem sponte iuit, quia putavit se habiturum principatum super viros Sichem cum conarentur expellere Abimelech, quem nunc tenebant in regem. Et patet hoc, quia dicitur infra, quod ad aduentum Gaal latati sunt nimis Sichimitæ, & erecti sunt contra Abimelech, scilicet, confidentes de istius potentia: & iste postea clamavit, quis daret in manu eius populum illum. Ad cuius aduentum, scilicet, quia non morabatur in urbe, sed erat de alia urbe, & vocauerat eum in adiutorem. *Erecti habitatores Sichem. scilicet erecti contra Abimelech.*  
Alph. Tost. super lib. Iudicum.

**A**melech. scilicet quia quauquam ante hoc erecti fuissent: tamen non tam manifeste sicut nunc. Vel aliter & melius. scilicet erecti in confidentiam pugnandi: quia ante hoc non habentes adiutorem non tamen de se confidebant: tunc autem adueniente Gaal confisi sunt, quod possent prevalere contra Abimelech: ideo erecti sunt in confidentiam & superbiam. Et hoc patet in Hebreo cum dicitur. *Confisi sunt in ipso habitator Sichem.* et deberet dici hitatores: tamen mutat numerus ex improprietate idiomatis. scilicet confisi sunt in potentia eius Sichimitæ, quod prevalerent. *Egressi sunt in agros vastantes vineas suasque calcantes.* Erat tempus vindemiæ in terra illa, quando fiebant hæc. Et intelligendum est, quod erant aliqua loca apud Sichem, quæ tenebant cum Abimelech: & in contumeliam illius egressi sunt Sichimitæ ad vastandum vineas, & calcabant racemos in vineis, ne quicquam inde colligeretur. Vel aliter, & melius dicendum quod isti agri, & vineæ erant urbis Sichem: tamen erant aliqui Sichimitæ, qui fouebant partes Abimelech, scilicet, illi principes, qui adiuuerant eum in occisione fratrum suorum, tenebant nunc cum Abimelech: & erant extra urbem cum illo. Nam illos ceperant et detestari ceteri Sichimitæ, & transferre in eos crimen occisionis septuaginta filiorum Gedeonis, ut patet supra, & istorum vineas nunc vastauerunt, & calcauerunt vvas: & forte etiam vineas Abimelech destruxerunt. *Et factis cantantium choris.* vastatis vineis aduersariorum tantamquam iam habita prima victoria, ceperunt Sichimitæ gaudere, & dare gratias dijs suis: feceruntque choros ad cantandum. *Ingressi sunt sanum Dei sui.* scilicet cum canticis.

*Ad quid ingressi sunt in templum Dei sui cum canticis Sichimitæ.* *Questio. XX. XXI.*

**Q**VAERETVR ad quid ingressi sunt in templum Dei sui cum canticis Sichimitæ. Responderi potest, quod forte ad sumendum cibos: nam habita ista prima victoria voluerunt gaudere in cibis, & potibus: & ad hoc forte strauerunt sibi locum, & mensas in templo Dei sui, qui ibi erat spaciosus, & capax locus, & hoc colligitur ex litera, quia dicitur quod ingressi sunt sanum Dei sui, & inter epulas, & pocula male dicebant Abimelech. Ex quo patet, quod ibi comedebant, cum nihil aliud interponatur. Aliter potest dici, quod Sichimitæ ingressi sunt in templum ad laudandum Deum suum, & forte ista erant cantica laudis Dei. Nam putabant antiqui gentiles, quod dijs sui adiuvarent eos in bellis. Sichimitæ autem conuersi ad idola, scilicet, ad Deum Baalberith eandem opinionem tenebant, scilicet, quod ille adiuuaret eos in bello: ideo laudabant eum. Sic faciebant Philistini, qui occiso Saul in bello, fecerunt duci caput eius per terram Israel, & posuerunt arma illius in templo Asarothe: & annuari fecerunt in omnibus templis idolorum. *Regum trigessimoprimo. & i. Paralip. 10. cap.* putabant etiam, quod quando venit arca fedæ in castra, quod adiuuarentur contra Philistinos Iudæi. Vnde genuerunt Philistini nimis dicentes. *Vae nobis, quis nos liberabit de manu Deorum sublimium istorum?* *Reg. 4.* Sic etiam capto Samson, iterum faciebant Philistini magnum conuiuium, ut patet infra 16. *Condemnauerunt principes Philistinorum in vnu, ut immolarent hostias magnificas Deo suo Dagō, et epularentur, didentes: tradidit Deus noster inimicum nostrum Samson in manus nostras.* Quod populus videns laudabat Deum suum, eademque dicebat. Idem autem videt hic fuisse omnino in Sichimitis. scilicet quod ipsi ingressi fuissent in templum Dei sui, ut ibi letarentur in conuiuio, & simul laudarent Deum, pro principio victoria: nam Israelitæ cum querebant ad idola tenebant omnino eandem consuetudinem, quæ Chananæi habitatores terre illius. *Et inter epulas.*



*lat & pocula maledicebant Abimelech. iam detestabantur eum, vt hostem: ideo gaudebant maledicendo ei. Clamante Gaal filio Obed. Iste concitabat populum Sichem ad maiores maledictiones contra Abimelech, vt semper grauius detestarentur eum. In quo putabat Gaal causam suam agere, quia vt magis detestarentur Abimelech, magis prouiderent ad suscipiendum eum in dominum. Quis est Abimelech, & quæ est Sichem, vt seruiamus ei. Dicebat hoc ad improprium, scilicet, nunquid est Abimelech, tam excellens, vel Sichem tam vilis, vt debeamus seruire ei. Quasi dicat, Abimelech est vilissimus, Sichem autem est ciuitas incluta, ideo inglorium & indecens est, quod Abimelech sit rex Sichem. Nunquid non est filius Ierobaal. quasi dicat, non est maioris excellentiæ, quàm quod sit filius Ierobaal, idest Gedeonis, sed ex hoc non est tam nobilis, vt debeat imperare viris Sichem.*

*Quare dixerit Gaal, nunquid non est filius Ierobaal. Questio XL.*

**Q**UÆRETUR quare dixit Gaal, nunquid nō est filius Ierobaal. Respondendum, quod voluit Gaal deprimere Abimelech ex generis conditione, & quia erat filius Gedeonis, & mulieris cuiusdam Sichimitæ depressit eum ex parte patris, dicens: Nunquid non est filius Gedeonis? Debebat autem deprimi ex parte matris, scilicet, quia erat illegitimus, tamē quia mater erat Sichimita, & deprimendo eam deprimere indrectē Sichimitæ, noluit vituperare eū ex parte matris, sed solum patris. Aliter potest dici, quod fecit hoc Gaal, vt complaceret Sichimitis. Nam Sichimitæ erant Ephraitæ. Gedeon verò erat de tribu Manassæ. supra sexto, & præced. ca. Erant autem contentiones, & animositates inter has duas tribus super prepositura in alterutrum, eo quod Manassitæ erant filij primogeniti Ioseph secundum carnem. Iacob autem prætulera Ephraim ipsi Manassæ. Gen. 48. Ideo semper erat alterna contentio, & gaudebant vicissim maledicere sibi, & aduersari. Præterea ante hoc Deus fecerat Gedeonem de tribu Manassæ iudicem Israel, & victorem in bello contra Madian: contra quem Ephraitæ valde indignati sunt, quod non vocasset eos ad bellum: & voluerunt inferre vim ipsi Gedeoni; præcedenti capit. quousque laudando placauit illos Gedeon: & tamen mansit quedam inuidia, eo quod ipsi non habuerant victoriam illam, & habuere eā Gedeon: & ex hoc eum exosum habebant, quod sciens Gaal voluit deprimere Gedeonem, vt complaceret Sichimitis. Et constituit principem seruum suum Zebul super viros Emor. Istud posuit Gaal ad exaggerandum causam concitationis contra Abimelech. Nam non solum ipse Abimelech, qui erat de vili genere, dominabatur Sichimitis, sed etiam constituerat quendam seruum suum nomine Zebul in principem Sichimitarum: ex quo Sichimitæ magis cōquerebantur: quia iam suberant alteri viliori quàm Abimelech. Iste Zebul, quem constituit principem Abimelech, presens erat: sed non auius est, quicquam dicere cōtra verba Gaal, eo quod totus populus Sichem erat fauens Gaal. Et etiam ipse Zebul, ostendit se fauere ei contra Abimelech, vt patet infra. Super viros Emor patris Sichem. quasi dicat, indignum est, quod viri tantæ probitatis habeant, tam viles dominos. Nominauerunt autem se viros Emor, id est, habitantes in vrbe Emor. Nam ipse fuit rex huius vrbis: Gen. 34. in hoc voluerunt ostendere excellentiā suam, & non ostenderunt eam ex genere, scilicet, dicentes se filios Ephraim: sed ex vrbe, in qua morabantur, putabant se contrahere quandam nobilitatem appellantes se viros Emor, quod essent de stirpe Emor.

**E**rat enim Emor rex de genere Heuororum, & fortē ipse condidit urbem Sichem: & ob hoc vocabantur viri Emor habitantes in ea. Vocatur iste Emor pater Sichem dupliciter. Primò, quia Sichem est nomen vrbis, vel viri: nam Sichem fuit ille iuuenis, qui exardescens in filiam Iacob Dinam rapuit eam, & viribus oppressit: Gen. 34. & iste erat filius regis Emor. Alio modo vocatur Emor pater Sichem, idest, conditor vrbis, vel possessor: & sic accipitur Gen. 33. & hoc modo accipitur hic, & notatur nobilitas vrbis ex auctore. Cur igitur seruiamus ei, quasi dicat, indignum est, quod viri tantæ excellentiæ, seruiant viro tam ignobili: & nō est aliquis, qui nos ei seruire compellat. Gaal autem facit se hic, tanquam vnum de Sichimitis, licet ipse non esset de illis, eo quod fuerat vocatus in adiutorem, & captabat in hoc fauorem populi. Utinam daret aliquis populum istum sub manu mea. hoc dicebat, quia licet vocatus fuerat in adiutorem, nondum erat in dominum assumptus. Et ob hoc petebat effici dominus, postquam iam putabat, quod persuasi essent ad hoc Sichimitæ, præ odio Abimelech. Ut auferrem de medio Abimelech. idest, ego occiderem Abimelech, tollendo eū de medio, idest, de hominibus, scilicet, quod non maneat super terram. Hoc factum fuit postea, scilicet, qd Sichimitæ constituerunt Gaal principem suum, & pugnauit cōtra Abimelech: sed fugatus est ab eo, & expulsus de vrbe Sichem. infra in litera. Dictum est. Hic ponitur secundum huius partis, scilicet, rebellantium impugnatio. Nam Abimelech pugnauit, postea fortiter contra Sichimitas, quousque deleuit eos. Dictum est Abimelech. congrega exercitus multitudinem, & veni. istud misit Zebul ad dicendum Abimelech, vt patet infra in litera: quia ipse manserat, vt princeps loco Abimelech in vrbe. Et dixit quod congregaret multitudinē exercitus, scilicet, de alijs locis, quia habebat alia loca sub dominio suo Abimelech præter Sichem: & de illis poterat congregare exercitum, & hoc erat necessarium ad expellendum Gaal de vrbe, qui factus fuerat adiutor Sichimitarum. Zebul enim princeps ciuitatis auditis sermonibus Gaal filij Obed. Iste Zebul erat seruus Abimelech: & relictus erat princeps vrbis loco Abimelech. Hoc est quod dixit Gaal. s. & constituit Zebul seruum suum principem super viros Emor: iste audiuit sermones Gaal. s. quomodo maledicebat Abimelech, vt patet supra. Iratus est valde. s. propter contumeliā domini sui Abimelech, & suam etiam, quia vidit quod ipse incitabat populum ad totaliter se subtrahendum Abimelech: & in hoc erat grauis iactura Zebul, quia in hoc perderet principatum suum, quem exercebat in vrbe cum fungeret vice Abimelech. Et misit clam seruos ad Abimelech. hoc fecit propter duo: Primò, quia si mitteret eos manifestè, vidēs hoc populus Sichem, teneret nuncios, & occideret ipsum Zebul, tanquam nunc fauentem Abimelech contra ipsos. Secundò ad hoc, qd Sichimitæ non essent parati ad aduētum Abimelech cum non cognoscerent eum venturum, & posset facilius Abimelech subijcere eos sibi. In Hebræo habet. Fraudulenter. vbi litera nostra dicit clam. i. absconditè: & istud procedit ex equiuocatione. Etiam quia uerū est, qd fraudulenter misit nuncios. s. ad fraudandum Sichimitas inducendo super eos repentē Abimelech. Vel dicitur fraudulenter, quia nō misit veritatem referri per nuncios ipsi Abimelech, vt patet infra. s. qd ius sit dici, qd oppugnabat ciuitatem Sichem Gaal: & tñ erat falsum. Ecce Gaal filius Obed uenit in Sichem cum fratribus suis. idest, venit in Sichem cum omnib⁹ cognatis suis, qui multi erant, & sic habebat magnam potētiā ad pugnandum. Et oppugnat aduersus ciuitatem. idest, pugnans vt capiat ciuitatem Sichem pro se.



Quare mentitus est hic Zebul ipsi Abimelech iubendo ei  
filium enarrare. *Quaestio XLI.*

A Quomodo Zebul misit nunc ad dicendum, quod veniret Abi-  
melech solum cum populo suo. *Quaest. XLII.*

**Q**VAERETVR quare mentitus est hec Zebul  
ipsi Abimelech iubendo ei enarrari falsum, quia  
non oppugnabat ciuitatem Gaal, sed potius adiuua-  
bat viros vrbis. Aliquis dicit, quod non misit falsum  
ad dicendum, quia Gaal oppugnabat urbem, scilicet,  
verbis persuadendo, ut viri Sichem declinarent ab A-  
bimelech, & susciperent eum in dominum. Sed hoc  
non stat, quia ista est metaphora: & non vteretur tali  
metaphora Zebul ad Abimelech, quia Abimelech  
intelligeret verba ista planè, secundum quod signa-  
bant: & falleretur cum non esset aliquod motium  
ad aliter intelligendum. Item non stat, quia hic pos-  
set esse locus metaphore: si fortè Gaal suaderet Sichi-  
mitis, quod recederent ab Abimelech, & acciperent  
eum in dominum cum ad hoc inclinati non essent:  
quia tunc videretur pugnare verbis contra urbem: vi-  
ri Sichem, tamen desiderabant hoc, quod faciebat  
Gaal, quia ipsi miserunt ad vocandum eum in adiuto-  
rem, & adueniente eo latati sunt & recti, ut patet in  
litera: ergo non pugnabat contra urbem. Aliquis  
fortè dicit, quod Zebul voluit decipere Abimelech,  
ideo misit ei referri falsitatem. Sed non stat, quia  
Zebul erat princeps constitutus ab Abimelech, &  
iratus fuit valde contra Gaal, ut patet supra, ergo non  
volebat fallere eum. Sed dicendum, quod misit hoc  
ad dicendum Abimelech, quia ipse non nouerat om-  
nino repugnantiam Sichimitarum contra se: & si  
misisset Zebul ad dicendum Abimelech, quod Gaal  
erat in vrbe de consensu virorum vrbis, & quod om-  
nes pugnabant, vel pugnare intendebant contra A-  
bimelech: expauisset videns difficultatem praeualendi  
contra Gaal, & ciuitatem & pigritaretur venire: & in-  
terim Gaal, & Sichimitæ fortificarentur magis: ideo  
misit ad dicendum, quod Gaal oppugnabat urbem,  
quasi Sichimitæ non consentirent ei custodientes fi-  
dem Abimelech: & tunc non timeret Abimelech ve-  
nire putās, quod faciliter posset expugnare Gaal: quia  
ipse pugnaret contra eum ab extra, & viri vrbis pugna-  
rent ab intra. Alia causa esse poterat, quia si diceretur  
Abimelech, quod tam Gaal, quam vrbs Sichem repu-  
gnabant ei, putaret magnum robur exercitus, sibi ne-  
cessarium fore ad praeualendum contra eos: & ad col-  
ligendum exercitum moraretur magno tempore,  
quod verteretur in damnum suum, ideo occultauit  
hoc, ut Abimelech cito veniret dicens, quod Gaal op-  
pugnabat urbem, & non erat intus. Alia ratio esse po-  
test, quia Zebul manserat in vrbe, tanquam princeps  
loco Abimelech: & si dixisset, quod Gaal introinerat  
in urbem, & ipse cum Sichimitis pugnabant contra  
Abimelech, irasceretur nimis Abimelech, quod Ze-  
bul permisisset illuc ingredi Gaal, & putaret eum fuisse  
participem criminis: ut ergo non indignaretur con-  
tra eum dixit, quod Gaal oppugnabat ciuitatem. Alia  
causa esse potest, quia Zebul intendebat hoc facere  
quod dicebat, scilicet, quod maneret Gaal extra urbem,  
tanquam oppugnans eam: nam si veniret Abimelech  
contra urbem, sciebat Zebul, quod Gaal tanquam princeps Si-  
chimorum egredere ad pugnandum contra eum: & tunc Ze-  
bul posset Gaal semel exeuntem de vrbe non recipere  
postea, & sic maneret ei bellum contra Abimelech in ca-  
po, tanquam si propriè oppugnaret urbem: sic factum est, ut pa-  
tet in lra inf. Surge itaq; cum populo, qui tecum est nocte, & latita  
in agro. i. veni immediate per noctem, ut nullus de Sichimitis,  
vel de viris Gaal sentiat & dr. Cum populo qui tecum est. s. non  
cures morari aliquanto tpe ad congregandum maiorem exer-  
citum, sed solum accipe viros qui tecum sunt, & immediate veni:  
quia et non huius maiorem exercitum poteris praeualere contra Gaal.

Alph. T ost. super lib. Iudicum.

**Q**VAERETVR quomodo Zebul misit nunc  
ad dicendum, quod veniret Abimelech solum cum  
populo, qui erat cum eo; quia supra misit ad dicendum,  
congregare exercitus multitudinem & veni. Respondendum,  
quod in vrbe Sichem erant aliqui, qui fouebant partem A-  
bimelech, praeter Zebul: & illi non habito consilio Zebul  
miserunt ad dicendum Abimelech congregare exercitus  
multitudinem, & veni. Hoc autem dixerunt: quia putabant sic  
expedire: viso quod tanta ciuitas, quam Gaal repugnaret A-  
bimelech: sed Abimelech non curauit de verbis horum cum  
Zebul, qui erat princeps loco eius, nihil ad nunciandum  
misisset. Postea Zebul prudentius considerans propter cau-  
sas assignatas praecedenti questione, misit ad nunciandum  
quod veniret immediate, & quod non curaret congregare  
exercitum maiorem, sed cum populo suo veniret, & hoc  
ut non incuteret ei formidinem: etiam ut immediate  
veniret. Huius dictum secutus est Abimelech, & ve-  
nit illico per noctem, & latuit sicut iusserat ei Zebul quod  
lateret. Dixit autem, quod veniret per noctem quasi inspe-  
ratus, ut Sichimitæ non audirent venisse Abimelech,  
& essent imparati ad bellum: & deberet latitare A-  
bimelech in agro, ut Gaal non videns eius militiam egrede-  
retur ad pugnandum contra eum. *Et primo mane orien-  
te sole irruit super ciuitatem.* Hoc dixit ne maneret A-  
bimelech latens in agro, usque ad aliquantam partem  
diei, quia cognoscere hoc a viris Sichem, & pararent  
se ad bellum: vel fortè deuiteret opportunitas pugnae  
Gaal contra Abimelech: nam primo mane oriente so-  
le, Gaal sollicitus erat stare in porta vrbis, & tunc appa-  
rente Abimelech, Zebul irritaret verbis ipsum Gaal  
ad pugnandum contra Abimelech, sicut postea factum  
est. *Illo autem egrediente aduersum te cum populo suo. i. egre-  
dictur Gaal de loco suo, in quo manet ad oppugnandum  
urbem. & cum populo suo. i. solum cum viris suis,*  
quia nullos alios adiutores habet pugnabit contra te.  
*Fac ei quod potueris. i. tunc in bello, fac quod potueris con-  
tra ipsum.* In Hebræo habetur. *Fac quod poterit manus  
tua. idem est.*

**D** Surrexit itaque Abimelech cum omni  
exercitu suo nocte, & tetendit insidias  
iuxta Sichimam in quatuor locis. Egres-  
susque est Gaal filius Obed, & stetit in  
introitu portae ciuitatis. Surrexit autem  
Abimelech, & omnis exercitus cum eo  
de insidiarum loco. Cumque vidisset po-  
pulum Gaal, dixit ad Zebul: Ecce de  
montibus multitudo descendit. Cui ille  
respondit: Umbras montium vides, quasi  
capita hominum, & hoc errore decipe-  
ris. Rursumque Gaal ait: Ecce populus  
de umbilico terrae descendit, & vnus cu-  
neus venit per viam, quae respicit quercum.  
Cui dixit Zebul. Vbi est nunc os tuum,  
quo loquebaris? quis est Abimelech ut ser-  
uiamus ei? Nōne hic populus est, quem de-  
spiciebas? Egredere & pugna contra eum.  
Abijt ergo Gaal Spectante Sichimorum popu-  
lo, & pugnavit contra Abimelech. Qui perse-

M ; cutus



cutus est eum fugientē, & in urbem compulit: cecideruntque ex parte eius pluri-  
mi, vsque ad portam ciuitatis: & Abimelech sedit in Ruma: Zebul autem, Gaal,  
& socios eius expulit de vrbe, nec in ea pas-  
sus est commorari. Sequenti ergo die e-  
gressus est populus in campum. Quod  
cū nunciatum esset Abimelech, tulit  
exercitum suum, & diuisit in tres turmas,  
tendens insidias in agris. Videntque quod  
egrederetur populus de ciuitate, surrexit,  
& irruit in eo cum cuneo suo, oppugnans,  
& obsidens ciuitatem: duæ autem tur-  
mæ palantes per campum aduersarios per-  
sequebantur.

Abimelech  
quare tē-  
derit infi-  
dias iuxta  
Sichem in  
quatuor lo-  
cis.

*Surrexit itaque Abimelech cum omni populo suo  
nocte, Quia secutus fuit per omnia consilium Zebul,*  
qui erat vir prudens: & surrexit de vrbe illa, in qua ma-  
nebat nocte cum toto exercitu suo non congregans no-  
uum exercitum, ne moraret cōgregando illum: ēr ne  
Sichimitæ hoc cognoscentes inuocarent plures adiu-  
tores. *Tetendit insidias iuxta Sichem in quatuor locis.* hoc  
fecit propter duo. Primò, vt cum Sichimitæ viderent  
vnum cuneum Abimelech putarēt paruum esse exer-  
citum eius, & confidenter pugnaret contra eum Gaal,  
& caderet in manus eius. Secundò, quia cū lateret  
populus in quatuor locis ingrediente vno cuneo, &  
committente pugnam: fortè Gaal declinans ab illo cu-  
neo irrueret in alias partes exercitus Abimelech, &  
periret facilliter. In Hebræo habetur. *Diuisit exercitum  
per quatuor Duces,* sed idem est, quia istæ quatuor partes  
exercitus, quæ latuerūt in quatuor partibus, habebant  
quatuor duces: nam non lateret aliqua pars exercitus  
non habens ducem. Litera tamen nostra secuta fuit  
sententiam manifestiorem, quia cū dicatur supra.

Litera in  
Hebræo.

*Latitas in agro.* & immediatè dicatur de quatuor ducib⁹  
exercitus: subintelligitur, q̃ isti quatuor duces habue-  
runt quatuor partes exercitus latentes in quatuor lo-  
cis. *Egressusq̃ est Gaal filius Obed, & stetit in introitu portæ.*  
Iste erat in vrbe cū Sichimitis, quia venerat, vt adiu-  
tor eorum: & nunc exiit ad portam nō desiderio, vel  
intentione pugnandi, quia non putabat venisse Abi-  
melech, contra quē pugnaret: sed egressus est ad portā  
ex p̃suetudine primo mane, & accidit q̃ videret Abi-  
melech, qui cum exercitu suo irruerat super urbem.  
*Surrexit autem Abimelech, & omnis exercitus cum eo de in-  
sidiarum loco.* s. surrexerunt ad irruendum in urbem. Et  
dicitur. *Omnis exercitus cum eo.* id est, totus exercitus, qui  
erat in parte, in qua ipse latebat. Vel totus exercitus, q̃  
erat in locis quatuor latibulorum, quia fortè viso, q̃  
nullus de Sichimitis esset in agro, sed eundum esset  
contra urbem, surrexerunt omnes. & tñ magis videt̃,  
quod surrexissent omnes quatuor partes exercit⁹: sed  
non simul, ita vt singulæ partes venirent per loca sua.  
Quod patet, quia Gaal dixit infra. Ecce populus de vm-  
bilico terræ descendit, & vnus cuneus venit per viam,  
quæ respicit quercum. *Cumque vidisset populum Gaal.*  
erat Gaal in introitu portæ Sichem: & vidit a longe ve-  
nientem populum Abimelech descendente de mon-  
tibus. *Dixit ad Zebul.* iste Zebul erat princeps Sichem  
loco Abimelech: & nunc pauca erat ei potestas in vr-  
be p̃sente Gaal, q̃a totus p̃p̃s p̃spirauerat cum Gaal cō-  
tra Abimelech. Manerat autē iste Zebul in vrbe, & nūc

F erat cum Gaal ad portā vrbis: vnde locutus fuit ad eū  
Gaal hæc. *Ecce de montibus multitudo descendit.* Apud Si-  
chem sunt duo montes. s. Garizim, & Ebal, in quib⁹ po-  
sitæ sunt benedictiones, & maledictiones pro obserua-  
toribus, & violatoribus legis. Deut. 11. & 27. & Ios. 8.  
de monte Garizim supra in litera dictum est, q̃ in illo  
erat Ioathan filius Gedeonis, qñ maledixit Sichimitis.  
in istis montibus latuit Abimelech cum populo suo,  
quia isti sunt iuxta urbem: & in aurora descendit vt ir-  
rueret in urbem. & tunc vidit Gaal populum descēden-  
tem. *Et vnus cuneus venit per viam, quæ respicit quercum.*  
Erant enim quatuor cunei, quos fecerat Abimelech  
latere in quatuor locis: & quanquam in aurora descē-  
derent omnes contra urbem: tñ non ibāt simul in vno  
cumulo, sed diuisi: & vnus descendebat per vnam viā,  
& alius per aliam: vnde de vno illorum dixit Gaal, q̃  
descendebat per viam, quæ respicit quercum. i. per quā  
itur ad quandam quercum famosissimam, quæ erat  
apud Sichem. ista est quercus illa, apud quam vnctus  
est in regem Abimelech, vt patet supra in lra. & ista est  
illa, apud quā infodit deos aureos, & argenteos Iacob,  
de qua Gen. 35. de hac quercu supra declaratum est. In  
Hebræo habetur. *Vnum caput venit per viam, quæ respicit  
augurium.* & idem est: nam cuneus, & caput idem sunt:  
quia cum exercitus diuisus esset in quatuor partes, vel  
cuneos, quilibet pars poterat vocari caput. Quercus  
vocatur augurium, eo q̃ Sichimitæ tenebant illā quer-  
cum in venerationem magnam, & in illa considera-  
bant auguria. Erat. n. arbor annosa, vt supra dictū fuit;  
& sicut gēriles dicebant quasdam arbores esse sacras,  
scilicet, consecratas dijs: sicut laurus Phēbo consecra-  
ta erat, vt patet 1. Meta. & alias dicebant adhuc sacra-  
tissimas: quia quædam nymphæ, vel Deæ latebant sub  
illis, vel conuersæ fuerant in illas, sicut fuit de Phaerō-  
tiadibus conuersis in alnos, vt dictum fuit. Ita Sichimi-  
tæ sequentes viam gentilium similia credebāt, & ob-  
seruabant: ideo tenebant illam quercum sub sacra ve-  
neratione, & obseruabant auguria in illa. & ob hoc cō-  
stituerunt Abimelech regem apud illam, vt patet su-  
pra in litera. *Cui ille respondit, vmbas montium vides quasi  
hominum capita.* Zebul respondit hoc ipsi Gaal irriden-  
do eum: erat tñ aliqualis verisimilitudo ad hoc: q̃a istæ  
turbæ distabant ab vrbe. serant in montibus: ita vt du-  
bitari posset aliquoter, an essent vmbre montium: vel  
hoīes, vel aliqd aliud. etiam erat aurora, qñ extendunt  
radij Solis orientis: & tunc vmbre mōtium fiunt ma-  
gnæ, & poterant diuersæ vmbre arborum montium,  
vel petrarum videri homines. *Atque hoc errore deciperis.*  
i. non est verum, q̃ videas descendente multitudi-  
nem, sed decipit visus tuus. In Hebræo non h̃r. *Errore  
deciperis.* sed addidit translator ad magis explanandū.  
*Rursusque Gaal ait: ecce populus de vmbilico terræ descendit.*  
Cognouit Gaal certissimè, q̃ non erant vmbre, sed vi-  
ri: ideo confirmauit sententiam dicens: ecce populus  
de vmbilico terræ descendit, id est, de montibus. voca-  
tur enim mons quilibet, vmbilicus terræ: quia sicut  
vmbilicus est pars eminēs in ventre, tanquam aliquid  
per se existens, ita montes sunt eminentes super terræ  
superficiem. *Et dixit Zebul.* ista sunt iam verba increpa-  
toria, & pungitiua ad irritandum Gaal ad bellum con-  
tra Abimelech. *Vbi nunc est os tuum, quo loquebaris: quis  
est Abimelech, vt seruiamus ei.* q. d. non habes nunc tan-  
tam confidentiam, sicut habebas iactantiam oris, cū  
loquebaris contra Abimelech cōtemnens eum, & di-  
cens: quis est Abimelech, vt seruiamus ei? q. d. non est  
tantæ excellentiæ, vt debeamus ei seruire: erubescit er-  
go nunc ista dixisse, si non audes contra eum p̃sente  
pugnare. *Nonne iste est populus, quem despiciebas?* id est, nū-  
quid nescis, q̃ iste sit p̃p̃s Abimelech, quē tu despicie-  
bas cū auctore, & principe suo? *Pugna ergo nunc,* si es  
vir

Mons quilibet  
terre vocatur  
vmbilicus.



vir. *Egredere & pugna contra eum.* id est, cum despexeris eum, & dixeris q̄ tolles eum de medio, non debes formidare, egredi de vrbe ad pugnandum p̄tra eū. *Abijt ergo Gaal spectante populo Sichimorum, & pugnavit contra Abimelech.* scilicet, egressus est de vrbe cōtra Abimelech, & pugnabat: sed populus Sichem non pugnabat: solum respiciens, quō pugnaret Gaal contra Abimelech. Fortē hoc factum est, quia Sichimitæ timuerunt, q̄ si egrederentur cum Gaal in campum, q̄ ipse colluderet cum Abimelech, & efficeretur de parte illius: traderetq̄ Sichimitas in manu eius: ideo tutius fuit q̄ per se cū viris suis pugnaret Gaal contra ipsum Abimelech. Aliter potest dici, q̄ Gaal volebat habere principatum Sichimitarum excluso Abimelech. Et ad hoc vt magis animaret eos p̄misit, q̄ ipse solus contra Abimelech pugnaret, & illo victo reciperent eum in dñm: quam conditionem libenter suscepit populus Sichem: ideo stabat spectans qualiter pugnaret Gaal contra Abimelech: & ob hoc cum victus, & expulsus de vrbe fuisset Gaal: sequenti die pugnavit populus Sichem contra Abimelech. *Qui persecutus est eum fugientem.* Exercitus Abimelech erat fortior, & animosior. Etiam incitabatur magis voluntariē ad bellum, quā exercit⁹ Gaal, quia Abimelech pugnabat, vt defenderet quæ sua erant. s. vr̄bem Sichē, cuius erat rex. Gaal autem pugnabat, vt acquireret quod nunquam possederat: ideo non potuit Gaal consistere ante faciem Abimelech, sed fugit. *Et in vr̄bem compulit.* i. compulit Abimelech Gaal fugere in vr̄bem Sichē: quia non habebat alium locū, in quo lateret, & se tueret. *Cecideruntq̄, ex parte eius plurimi, vsque ad portam ciuitatis.* id est, mortui sunt multi de servis Gaal pugnātib⁹ acertimē cum viris Abimelech: sed plures in fuga, quā in bello mortui sunt: ideo dicitur vsque ad portam ciuitatis, id est, ceciderunt fugiēdo vsq; ad portam ciuitatis. *Et Abimelech sedit in ruina.* Iste est locus modicum distans a Sichem, qui pertinebat ad dñm Abimelech, & ibi sedit. s. māsit & recreatus est illa die, facto bello vsque ad diem sequentem cū regressus est ad pugnam contra populum. *Zebul autem Gaal, & socios eius de vrbe expulit.* iste Zebulerat princeps loco Abimelech: & vidēs q̄ superasset Abimelech, ipsum Gaal cum aliquibus de fouentibus partem Abimelech expulit Gaal de vrbe. Nam iam Gaal paruæ potestatis effectus erat, eo q̄ plurimi de populo eius deciderāt in bello, vt dictum fuit supra, ad hoc autem mansit Zebul in vrbe, vt posset redeuntē Gaal non recipere clausis portis: vel eum repente de vrbe excludere. *Nec in ea passus est commorari.* Ante hoc non ausus fuerat Zebul quicquam tentare contra Gaal: quia tota ciuitas tenebat Gaal, & ipse non videbat auxilium aliquod in propinquo. nunc autem viso, q̄ victus esset Gaal, manifeste surrexit contra ipsum: & expulit eum de vrbe. *Sequenti ergo die egressus est populus in campum.* Postquam Gaal victus fugit, totus Sichimitarum populus collectus egressus est sequenti die in campum, vt pugnaret contra Abimelech. Sciēdum autem, q̄ Gaal non erat nunc cum Sichimitis, quia iam expulerat eum de vrbe Zebul. vnde dicendum, q̄ redierit in terram suam vidēs, q̄ negocia eius nō p̄perarent apud Sichimitas.

*Cum vidissent Sichimitæ quod non possent resistere Abimelech, cur non petebant ab eo veniam.* *Questio XLIII.*

**Q**UÆRETUR cū vidissent Sichimitæ, q̄ nō possent resistere Abimelech: cur non petebant ab eo veniam, & pacē cū essent populus eius, & non destrueret vr̄bem: quia damnum eius erat. Rōderi p̄t, q̄ putauerunt Sichimitæ superuacuum esse, q̄ petebant veniam, q̄ non peruenirent ad eam, eo q̄ nimis

Alph. Tolt. super lib. Iudicum.

**A** iniuriati fuerant Abimelech insurgēdo contra eum, & vastando vineas fautorum eius, & maledicendo ei inter epulas & pocula. Etiam quia cōtra eum induxerant hostem. s. Gaal, qui acrius maledixerat quā ipsi: & ipse pugnavit contra Abimelech. Putauerūt ergo, q̄ Abimelech non parceret habitatoribus Sichem. & quanquam promitteret securitatem, vt traderetur ei ciuitas, postea effectus dominus illorum duris cruciatibus illos afficeret: iudicauerunt ergo melius esse, vt contra eum pugnarent, etiam si in bello perire cōtingeret. Alia causa est, quia Deus volebat, quod veniret super Sichimitas maledictio Ioathan filij Gedeonis, scilicet, vt perirēt ipsi, & postea Abimelech: & ob hoc indurauit cor eorum, vt pugnarent, & caderent in manus Abimelech. Simile habetur Iosue 11. de populis Chananaeorum occisis per Iosue cū dicitur: Domini enim sententia fuerat, vt induraretur cor eorum, & pugnarent contra Israel, & caderent, ne mererētur ullam clementiā. Aliter dici potest, q̄ Sichimitæ perueniunt ad tantam infatuationem, q̄ putauerunt se posse praualeere contra Abimelech: ideo quāquam putarent se habituros veniam si peterent, noluerunt: ad hoc autem Deus excecauit eos, quia quāquam ipsi aliās iudicaturi essent, quod nōn poterant praualeere contra Abimelech: Deus tamē perturbauit iudicium eorum, vt pugnarent: nam sic infatuat consilium aliquorum, q̄ vult eos perire: sicut patet de Absolone & complicibus suis: nam Achitofel dederat cōsilium vtile contra Dauid: ita vt posset capi, & occidi: Deus tamen infatuauit Israelitas, vt putarēt cōsilium Achitofel nullum esse, & crederent cōsilium Chusi esse melius: & sic caderent in manus Dauid, vt patet 2. Re. 17. c. Alia ratio esse p̄t, q̄ licet Sichimitæ cognoscerēt se viribus impares ipsi Abimelech, & putarent ēt, q̄ si veniam peterent concederet eam Abimelech: tū tam graui odio eum persequerent, q̄ p̄ligerēt mori, quā ei subijci. Istud aut grauiissimum odium Deus procurauerat in poenam eorum, vt patet in Iſa. s. Misit Deus sp̄m pessimum iter Abimelech & habitatores Sichē. *Quod cum nunciatum esset Abimelech.* s. q̄ populus egressus fuisset in campum, quasi paratus ad pugnandum. *Tulit exercitum suum.* s. totum, quem habebat in Ruma, in qua tunc quiescebat. *Et diuisit in tres turmas.* s. fecit tres partes cum tribus ducibus, & posuit illos in trib⁹ locis: ipse autē mansit, vt dux vnius turme. Et hoc fecit, vt cum vna turma, vel duæ pugnarent contra Sichimitas, alia turma pugnaret contra vr̄bem. Nam populus Sichem, inde fuerat egressus in agro ad pugnandū, & Abimelech insurgens cum vna turma de loco infidiarum poterat pugnare cū Sichimitis, trahendo eos aliquantulum ab vrbe: & interim aliq̄ turmæ possent pugnare contra vr̄bē, & non permitterent Sichimitas egressos de vrbe redire ad illā, q̄ licet fugerent a facie alterius turmæ ad vr̄bē, duæ turmæ stantes apud vr̄bē, & pugnantes non pmitterent intrare fugientes, & ne necesse erat semel egressos p̄ire non hñtes vllum locū refugij. Itē erat alia vtilitas in hoc, q̄ dum vna turma, vel duæ pugnaret p̄tra Sichimitas egressos in campum, reliqui de viris Abimelech pugnarent contra vr̄bem, vt introirent in eam: & cum ibi p̄tū manerēt, possent int̄mpere vr̄bē, & sic factum est: nam egressio populo Sichem duæ turmæ Abimelech pugnabāt per agros contra illum, & Abimelech cum vno cunco contra vr̄bem petrexit, quam pugnando ipsa die cepit. *Tendens insidias in agris.* Ista insidia erant circa vr̄bem, vt egressis Sichimitis, & incipientibus pugnare cōtra viros Abimelech, aliquis de cuneis Abimelech posset prius ire ad vr̄bem, quā redire possent Sichimitæ, etiam si fugere velient.

*Vidensque, quod populus egrediretur de ciuitate, idcirco, iam*

M 4 egiclius

Respon. 2.  
ad quæsi-  
tum.



egressus fuisset: nā si Abimelech irruisset in Sichimitas, quando egrediebantur de porta vrbis retrocessissent Sichimite in urbem, & non potuisset ita faciliter pugnare contra eos Abimelech, quia omnes essent in vrbe, & ibi fortiter se defenderēt: sed permisit omnes procul ab vrbe recedere, & tunc ipse inuasit urbē quasi indefensam paucis manentibus in ea. *Surrexit & irruit in eos.* non intelligitur hoc de exeuntibus extra urbem. s. q. Abimelech irrueret & pugnaret cōtra illos, quia dī quod duæ turmæ pugnabant, & percutiebant eos. Et dicitur, quod ipse oppugnabat ciuitatem. Sed dicitur. *Irruit in eos.* idest, in illos qui manebant in vrbe, & tunc stat litera clara. *Cum cuneo suo oppugnans, & obsidens ciuitatem.* scilicet, totus exercitus diuisus erat in tres cuneos, vel turmas, & vnum cuneum accepit pro se Abimelech, & cum illo iuit ad urbem, quasi solam manentem, & cepit oppugnare, & obsidere, vt irrumperet eam existentibus foris habitatoribus eius. In Hebræo habetur. *Abimelech & duces, qui cum eo erant ambulauerunt & steterunt ad portā vrbis.* Idem significat quod litera nostra, scilicet Abimelech, & duces qui cum eo erant steterunt ad portam vrbis. i. venerunt ad portam vrbis, ad obsidendum ciuitatem. Et vbi litera Hebraica ponit duces, litera nostra ponit cuneum: quia supra dicitur, quod diuisus erat exercitus in tres turmas. Etia dicit litera sequens, quod duæ turmæ percutiebant Sichimitas per agros. Ergo oportebat, quod cum Abimelech, qui iuerat ad urbem, iret vna turma, & in hac turma ibant duces aliqui, sicut dicit litera Hebraica. **H** Vt tamen clarior esset litera, voluit translator noster ponere cum cuneo suo, & non cum ducibus suis, & optimè fecit: quia non solum fuit intentio sua transferendi, sed etiam elucidandi, & vbi dicit litera Hebraica. *Steterunt ad portam.* Dicit litera nostra *oppugnans, & obsidens.* Et idem est, scilicet, quia obsessio, & oppugnatio cepit ad portam vrbis, quia ad illum locum cepit pugnare Abimelech, vt perfringeret portam vrbis, vel cremaret eam. *Dua autem turmæ palantes per campum.* i. alij duo cunei manentes in campo, quia Abimelech vnicum cuneum tulerat secum ad expugnandam urbem. Dicuntur palantes, idest, diuagantes, vel discurrentes, scilicet, quia non ibant tramite recto ad aliquam partē, sed nunc huc, nunc illuc pugnando cōtra Sichimitas, qui erant in campo: & quia Sichimite egressi de vrbe videbant, iam sibi præclusum vrbis introitum non fugerunt ad urbem, quanquam se inferiores viderēt: sed nunc fugientes, nunc redeuntē diuagabantur, sicut impetus illos ferebat. *Aduersarios persequēbantur.* Isti erant, qui egressi fuerant de vrbe ad pugnandum: & hi non potuerunt postea redire ad urbem, nec legitur qd de eis factum sit. Credendum autem est, quod duæ turmæ Abimelech occiderint omnes illos Sichimitas per agros. Vel fortē, quia ipsi videntes non superesse sibi locum redeundi in urbem, nec etiam poterant resistere duabus turmis, Abimelech fugerunt ad varia loca, & in fuga occidebant multos eorū per agros istæ duæ turmæ. In Hebræo habetur. *Due autem turmæ per campum spoliauerunt, & percusserunt aduersarios.* Vbi nos dicimus, duæ turmæ palantes per cāpum aduersarios persequēbantur. Sed idem est, quia istæ turmæ persequēbantur aduersarios, & persequendo percutiebant multos: & tollebant spolia eorum.

Porro Abimelech omni die illo oppugnabat urbem, quam cepit interfectis habitatoribus eius, ipsa quoque destructa, ita vt sal in ea dispergeret. Quod cum audissent, qui habitabant in turre Sichimorum,

**I**ngressi sunt fanum Dei sui Berith, vbi fœdus cum eo pepigerant, & ex eo locus nomen acceperat, qui erat munitus valde. Abimelech quoque audiens viros turris Sichimorum pariter conglobatos, ascendit in montem Selmon cum omni populo suo: & arrepta securi præcidit arboris ramum, impositumque ferens humero, dixit ad socios: Quod me vidistis facere, cito facite. Igitur certatim ramos de arboribus præcidentes, sequebantur ducem. Qui circumdantes præsidium, succenderunt. Atque ita factum est, vt fumo, & igne mille homines necarentur, viri pariter, & mulieres habitatorum turris Sichem.

*Porro Abimelech.* Hic ponitur tertium. s. vtrorumq; destructio. Et primò ponitur calamitas Sichimitarū, secundò mors Abimelech ibi. *Abimelech autem inde.* Circa primum dicitur. *Porro Abimelech omni illo die oppugnabat urbem.* s. bellum cepit in aurora: nam latuit in agro Abimelech per noctem, & egressis Sichimitis de vrbe ipse irruit super eam, & pugnavit vsque ad vesperam, & tunc cepit eam. *Quam cepit.* s. quia fregit portas, vel combussit aut irrupit, per aliquam partem muri. *Interfectis habitatoribus eius.* Non est sensus, qd prius interficeret omnes habitatores vrbis, & deinde ingrederetur in eam, quia nō poterat occidere omnes nondum ingressus in urbem, sed irrupit urbem, & tūc percussit omnes, qui erant in ea, tam magnos quam paruulos.

*Quomodo dicitur hoc quod Abimelech occidit nunc omnes habitatores vrbis Sichem.*

*Questio XLIIII.*

**Q**UÆRETUR quomodo dicitur hic, qd Abimelech occidit nunc omnes habitatores vrbis Sichem, quia postea dicitur, quomodo occidit in turre Sichem quasi mille animas. Responderi potest dupliciter: vno modo quod turris Sichem, non erat aliquis intra urbem Sichem, sed erat aliquis locus parvus extra urbem, qui vocabatur turris Sichem. Et tūc dicendum, quod pugnavit nunc Abimelech contra Sichem, & occidit omnes, qui erant in vrbe nullum relinquens. postea autem occidit eos, qui in turre Sichimorum erant. Ista sentētia adiuvatur, quia dicitur infra, quod Abimelech audiens habitatores turris Sichimorum pariter conglobatos, & sic cum perueniret ad eum, hoc per nūcium videtur quod extra urbē Sichimorum erant. Aliter potest intelligi, quod turris Sichimorum erat castrū vrbis Sichem, in quo habitabant multi, & quando Abimelech cepit urbem, & occidit habitatores eius, illi, qui erant in castro, non occisi fuerant, quia nondum pugnaverant contra eos Abimelech: postea autem pugnavit, & occisi sunt ibi quasi mille animæ, infra in litera. *Ipsaq; destructa, ita vt sal in ea dispergeret.* i. destruxit eam totaliter intantum, quod sparsit sal per eam. Iam enim ista vrbs Sichem, iterum fuerat totaliter destructa: ita vt non maneret in ea aliquis vir, scilicet, quando filij Iacob occiderunt omnes habitatores propter deflorationē sororis suæ Dinæ, vt patet Gen. 34. cap. nunc autem magis deleta est. quod signat litera dicens: ita vt sal in ea spargeret, idest,



id est, intantum destruxit urbem, quod sparsit in ea A sal, quod pertinet ad ultimam destructionem.

*Quare Abimelech sparsit sal in vrbe Sichem, postquam delensit eam: & unde habuit hoc exordium.*

*Questio XLV.*

**Q**VAERETVR quare Abimelech, sparsit sal in vrbe Sichem. Respondendum, quod in signum maximæ pene. Consuevit autem istud fieri in penam criminis læsæ maiestatis. scilicet quādo ciuitas aliqua rebellat iniuste regi committens prodicionem. Vrbs autem Sichem insurrexerat contra Abimelech iniuste, & intulerunt ei iniurias graues maledicendo ei, & mouendo bellum contra eum, & inducendo hostes eius in urbem, vt pugnarent contra illum. scilicet Gaal, & socios eius: ideo nō solum Abimelech dedit penam Sichimitis, pro præsentī occidendo omnes Sichimitas, sed etiam sparsit sal per ciuitatem: quod fit ad hoc q̄ terra fiat sterilis, & nunquam habitetur. Nam sal quāquam de aqua fiat est naturæ igneæ: ideo cum in terra spargitur, terra fit sterilis: & si multum de sale fundatur, terra omnino sterilis fiet. ideo vt vrbs Sichem esset in æternum sterilis, & inepta ad habitationem propter rebellionem ibi commissam, contra Abimelech sparsit sal in ea. Hæc autem de sterilitate causa per sal apparet, quia terra ante diluuium erat valde fertilis, & ex temperie eius homines veniebāt in ætatem, quasi mille annorum: mox autem post diluuiū incepit esse vita humana, infra trecentos annos, vt colligitur Gen. 11. & in breui redacta est in centum viginti annos, vel parum plus. hoc non fuit principaliter, nisi propter dispositionem terræ, variam in virtute alimentorū: fuit enim terra corrupta falsugine intrante oceano, & effuso super totam terram, & aqua maris præ falsugine redit terram, quā sterilis. Sic etiam quæcūq; terra sit falsuginosa sterilis fit. Sic dicitur Psal. 106. scilicet Posuit flumina in desertum, & exitus aquarum in sitim: terram fructiferam in falsuginem, a malitia habitantium in ea. Et sic esse terram fructiferam, & falsuginosam sunt opposita, & consequenter sterilem esse, & falsuginosam idem est. Sciendum autem, quod spargi sal in ciuitatibus, quæ committerent crimen læsæ maiestatis, erat ab antiquo vsitatum, ex quo coeperūt esse reges super terram, & magni domini, fueruntque contra eos prodiciones factæ. Nec enim Abimelech fuit auctor spargendi salis, sed sicut ab aliis regibus reperit vsitatum: ita & ipse egit. Fit quoque nunc sic: nam aliquæ vrbes sunt, nūc apud nos habitatae, quæ olim nec a multis temporibus sale sparsæ fuerunt. sic enim fuit de vrbe Sichem: nam licet nunc deleta fuerit, & sale sparsa postea habitata fuit.

*An Abimelech pugnando contra Sichimitas, & spargendo sal in vrbe peccauerit. Questio XLVI.*

**Q**VAERETVR vltius, an peccauerit Abimelech pugnando contra Sichimitas, & delendo eos tam dure, atque spargendo sal in vrbe. Aliquis dicet quod sic, quia Sichimitæ iuste pugnabant contra Abimelech. ergo Abimelech iniuste pugnabat contra Sichimitas. Patet hoc, quia Sichimitæ volebant auferre regnum Abimelech, qui erat indignus cum occidisset fratres suos: & dare ultionem de hac cæde iniusta, pertinebat ad Israelitas: ideo iuste agebant Sichimitæ mouendo bellum contra Abimelech, vt tollerent ei regnum. Item Sichimitæ mouebantur spiritu, quem Deus immisit eis: sed qui aguntur spiritu Dei sunt filij Dei, ad Rom. 8. & isti non sunt sub lege, ergo bene agebant per spiritum sibi a Deo immisum persequē-

do Abimelech. Respondendum quod, Abimelech non peccauit faciendo ista bella, & infligendo quascūque penas Sichimitis. Nam ipse agebat iusta bella contra Sichimitas, ideo poterat punire eos, secundū quantitatem iniuriarum susceptarum. Pro quo sciendum, quod Abimelech a principio suscepit regnum iniuste quia occidit ad hoc fratres suos: tamen nunc non poterant Sichimitæ eum expellere, sed quantum ad Sichimitas, erat Rex legitimus cum sponte eum susceperint nulla inflicta eis violentia, quin potius ipsi adiuerunt eū ad hoc quod esset rex, vt patet in litera: ideo non poterant licite Sichimitæ facere contra Abimelech, quod non liceret fieri contra aliquem regem legitime regnantem: Sichimitæ tamen commiserunt crimen læsæ maiestatis, in multis contra Abimelech. Nā primò maledixerunt ei grauitur inter epulas, & pocula, supra in litera. Secundò induxerunt hostes in ciuitatem, vt pugnarent contra Abimelech. scilicet Gaal. Tertiò fecerunt vastationem in vineis illorum, qui fauebant Abimelech: & redierunt cantantes in choris, quasi obtenta victoria. Quartò ipsi exierunt, ad pugnandū contra ipsos non prouocantem illos ad bellum, ideo cum hoste offento ab altero hoste, liceret ei exercere, hoc contra hostem: a fortiori liceret regi contra subditos insurgētes in eum ad atrocissimas iniurias. Abimelech autem non fecerat aliquid mali Sichimitis, propter quod mouerentur rationabiliter contra eum, sed ex inperato posuerunt ei insidias in montibus, vt cum venirent, occiderent eum: sed pro crimine læsæ maiestatis, licet alijs regibus occidere viros, & ciuitates disperdere, spargendo sal in eis: liceret ergo hoc Abimelech, qui verus rex erat Sichimitarum, & ab eis grauitur offensus. Ad primam rationem in contrarium cum dicitur, quod iuste pugnabant Sichimitæ, contra Abimelech ad tollēdum ei regnum, eo quod erat indignus rex. Dicendum quod Abimelech iniuste regnabat, quantum ad duo. Primò, quia regnum non competeat ei, sed fratribus suis, cum alij essent legitimi, & ipse illegitimus. Etiam ipse non erat primogenitus, cui iure competeret successio in principatu paterno. Secundò regnabat iniuste, quia acquisiuit regnum per magna scelera, scilicet, occidendo fratres suos. Istud autem erat respectu domus Gedeonis, cui præiudicauerat Abimelech, sed respectu Sichimitarū non regnabat Abimelech iniuste: imò non poterat esse inferior principatus: quia ipsi Sichimitæ elegerunt eum in regem: & non affuit ad hoc violentia, sed cum adhuc Abimelech esset vir nullius potentia Sichimitæ eum acceperūt. Item non obstabat, quod esset illegitimus, quia ipsi cognouerāt hoc a principio: imò ob hoc, quod mater eius erat eorum cognata, acceperūt eum, dicentes, caro nostra est, vt patet, supra in litera. Item non obstabat, quod occidisset fratres suos, quia antequam elegerūt eum in regem, occiderat illos. & hoc cognito eum elegerūt: ideo non poterant ei hoc postea obijcere. Item quod magis est ipsi fuerūt participes criminis, quia ipsi cōsuluerūt ei, quod occideret fratres suos: & dederūt ei fauorē ad hoc, scilicet, quod dederūt ei septuaginta pōdo argenti ad conducendū bellatores, cum alijs ipse nullam haberet pecuniam, nec posset pugnare contra fratres. Etiam multi de Sichimitis iuerūt cum eo, & adiuerūt in occisione fratrum, vt patet supra. Item, quod maius est, ipsi valde approbauerunt hoc factū. Nam nunquam voluerunt eum constituere regem, quousque iam occidisset fratres, vt patet supra in litera: & declaratum est in quadam quæstione. Item Sichimitæ moniti fuerūt, & increpati per Ioatham filium Gedeonis. Nam die, quo vngebant Abimelech in regem, cum nullum adhuc ius quæsitum esset Abimelech, & liceret Sichimitis retroce-

Sichimite in quibus commiserit crimen læsæ maiestatis contra Abimelech.

Ad primā rationē in diuersum.

Abimelech iuste Sichimitis imperabat.

Ad quid spargebat sal in vrbe Sichem.

Quare terra post diluuium sterilis facta est.



retrocedere, Ioatham increpuit eos valde clamans de monte Garizi: & tunc potuissent Sichimitæ nō vngere Abimelech, & vngere Ioathan, quæsito tamen sibi iure postquam vnctus erat, non poterant propter præcedentia quicquam agere contra ipsum. Item cū dicitur, quod Sichimitæ volebant punire Abimelech p malis, quæ fecerat contra fratres, non stat: quia ipsi erant participes delicti: sed particeps non potest punire cōparticipem. Item Abimelech erat rex, legitimè cōstitutus super Sichimitas: ideo quodcunque pōtū egisset quantumcūq; graue, non poterant eū punire Sichimitæ. sic enim dixit Dauid, q non licebat mittere manum in Christum. i. in regē, dato q esset malus. i. Reg. 24. & 26. c. sed q Deus occideret eum per se, vel more retur aliās. Item quia subditi non habent directē potestatem iudicandi super regem, & pro peccatis præteritis quorum non manet continuatio. s. quia iam rex de illo doluit, vel recessit, non possunt subditi directē, vel indirectē aliquid agere contra ipsum. Si autem rex peccet, & permaneat in peccato, si sit tale peccatum, in quo nimis læditur regnum: vel timetur q permittēte populo regem manere in peccato illo, q Deus irascatur, & fundet furorem suum super populum: postquā populus legitimè admonuerit regem, pōt ei subtrahere obedientiam: non tñ procedere rectē ad infligendam penam corporalem, vel aliās pugnando contra ipsum, nisi forte rex ad defendendam obedientiā pugnet contra regnicolas suos. Tunc. n. poterunt ipsi contra eum pugnare, vt defendentes & non vt aggredientes: sed nunc Sichimitæ processerunt ad pugnandum contra regem suum, nullo pmissio, nec maren te rege in continuatione alicuius delicti; in quo læderetur regnum, vel Deus irasceretur: ergo non licebat eis mouere hoc bellum contra eum. Licuisset autem alijs Israelitis, antequam pñtirent in eum vt in regē, pugnare contra illum ad vindicandam iniuriam factā domui Gedeonis: & in istis non erat aliquod impeditiuum, quia non fuerant participes in crimine Abimelech, nec eum in regem acceperant. Ad secundam rationem cū dicebatur, q isti incitati spiritu Dei egerunt, ergo non peccabant. Rñdendum, q si agitati fuissent bono spiritu Dei ad hoc, non peccassent, sed incitati sunt malo spiritu: nam dñr supra in litera, q misit Deus inter Abimelech & habitatores Sichem spiritū pessimum. Sodum grauissimum: ideo agentes per illum non excusarentur, sed potius sequit q peccarent, cū dicatur q erat malus spiritus: sic. n. quia a demone incitantur, spiritu Dei mouentur, & tñ peccāt. Sic fuit de prophetis Achab, quos fecit esse mendaces spiritus, idest demon. 3. Reg. 22. Item non obstantib⁹ oībus prædictis, adhuc non stat, q Sichimitæ excusarentur: quia ipsi non mouebantur contra Abimelech, vt punirent delicta illius: sed ex odio quodam detestantes eum, & contemnentes, dicentesq;: quis est Abimelech, vt seruuiamus ei? Nonne ipse est filius Ierobaal? Fecerunt ergo valde iniuste Sichimitæ: & Abimelech potuit eis iustissimè penas istas, vel maiores infligere, tanquam peccantibus subditis in crimine læsæ maiestatis.

*An Abimelech licitè potuit delere ciuitatem Sichem, & inferre Sichimitis quasunque penas.*

*Questio XLVII.*

*Cuiusdā rationes.*

**Q**VÆRETUR vltius, dato q Abimelech licitè inferret quasunque penas Sichimitis, an potuerit delere licitè ciuitatem. Aliquis dicit q non, quia sicut fiebat in hostibus, quod Israelitæ pugnantes contra eos debebant offerre pacem, & si illam suscipere efficerentur tributarij. Si autem nollent suscipere pugnando capta vrbe omnes occidi debebant, præ-

ter mulieres, & paruulos. Deut. 20. Sed hic Abimelech occidit omnes habitatores vrbs. Item Sichem erat ciuitas sacerdotalis, & destruendo illam præiudicabatur sacerdotibus minuēdo illorum hæreditatem, ideo peccabat. Hoc patet Ios. 2. vbi ponuntur omnes ciuitates sacerdotales, & leuiticæ. Item ista erat vna de ciuitatibus refugij, vt patet Ios. 20. & præiudicabatur oībus fugiētibus, imò omnibus Israelitis, qui aliquando fugitiui esse poterant, tollendo eis vnam vrbe con-fugij. Respondendum, quod nō peccauit Abimelech faciendo hoc, ita quod saltem ipsum opus secundum se non erat malum, licet ipse posset hoc agere ex ira: nam pro crimine læsæ maiestatis ī multis: ideo potuit eis licitè tanquā rex, & iudex infligere istam penā. **G** Ad primam rationem dicendum, quod illa lex, quæ habetur Deut. 20. non intelligitur de Israelitis, sed de extraneis non habitantibus in terra Chanaan, vt patet ex verbis ibi positis. Patet etiam, quia ibi dicitur, q si susciperent pacem efficerentur tributarij: illi tñ, qui erant Israelitæ iam erant tributarij regum suorum, vel si vna ciuitas pugnaret contra aliam, et si foueret iustū bellum, non poterat illam efficere tributariam, quia non erant tanquā hostes, sed tanquā ciuitates existentes sub eodem dño, vel eisdem iudicibus saltem. Item ista lex non seruabatur inter Israelitas, quia interdum pugnandum erat cōtra aliquas ciuitates, quibus non erat offerenda pax, etiam si ille vellent esse tributarij, vel se in seruitute dare: sed debebant dirui ille vrbes occisis omnibus habitatoribus, & etiam pecorib⁹: & postea ciuitas tota cū omnibus supellectilibus eius cremanda erat, Deut. 13. istæ. n. erant ciuitates colentium idola: sicut ergo pro isto peccato maximo, quod in Deum erat, debebat exerceri ista seueritas: ita p crimine læsæ maiestatis regalis quod nimis est, vt patet extra de hæreticis. ca. vergentis. poterat infligi seueritas aliquantum minor: potissime cū istud consuetū esset in legibus gentium, quod pro crimine læsæ maiestatis, hæc pena infligeretur. Ad secundam rationem, cū dicitur q præiudicabatur sacerdotibus destruendo ciuitatem illorum. Respondendum, quod omnes habitatores Sichem, tam sacerdotes, quam non sacerdotes insurrexerunt contra Abimelech: ideo æqualiter potuit punire sacerdotes, vt laicos. Nam in veteri testamento non erant distinctæ iurisdictiones, scilicet sacerdotalis, vel ecclesiastica, & regalis: sed ambæ conueniebant in rege: ideo sicut licebat Abimelech diruere vrbe, quanquam præiudicaretur postea habitatoribus in vrbe de laicis: ita etiam in præiudiciū quorumcunque sacerdotum futurorum licebat ei diruere vrbe. Item non est inconueniens, quod quibusdam, qui non peccauerūt penę infligantur indirectē: ad correctionem plenā quorundam magnorum criminū: sic enim Deus iubebat ciuitatem, in qua fuissent idolatræ cremari, & dirui, & poni in tumulum æternum. Deut. 13. & tamen manifestum est, quod in hoc præiudicabatur reliquo Israeli, qui nō peccauerat, quia iam habebant pauciores vrbes: sed De⁹ non curabat de hoc præiudicio, dum tamē daretur pena terribilis pro hoc crimine. Item etiam apud nos filij hæreticorum priuantur successione paterna, licet ipsi nihil peccauerint, vt patet extra de hæreticis. cap. vergentis. Hoc autem fit, vt cum istud crimen sit grauissimum, detur pro illo pena horribilis: crimen autem læsæ maiestatis, est huiusmodi apud nos secundum leges humanas: quia filij illorum, qui committunt crimen læsæ maiestatis, priuantur omni successione paterna reſeruata eis solū vita ex pietate quadam, vt patet præallegato capitulo, ita ergo non erat iniustum, quod ageret Abimelech aliquid quod vrgeret in præiudiciū quorūdam, qui non peccauerant. Item patet hoc magis, quia cum in aliqua

*Respō. & quæstio*

*Ad primam rationem*

*Ad secundam rationem*

*Non peccantes & figurantur quandoq;*

*Filij hæreticorum priuantur successione paterna.*



Ad tertiā  
rationem.

aliqua vrbe erant cultores idolorum, debebat poni il-  
la vrbs in tumultum æternum: & non poterat quisquā  
in ea habitare. Deut. 13. cap. & tamen licet nunc fuisset  
vrbs Sichem delata, non interdicebatur restauratio e-  
ius: nam postea habitata fuit sicut primò, ideo non  
nimis erat senerus Abimelech in puniendo. Ad ter-  
tiam rationem, cum obijciebatur de vrbe Sichem, q̃  
esset ciuitas refugij, & præiudicabatur toti Israel delen-  
do eam, posset responderi, sicut supra responsum est,  
scilicet, quòd in quibusdam peccatis p̃næ infliguntur,  
quæ sunt in præiudicium quorundam, qui non pecca-  
uerunt: & istud est propter horrorem criminis. Aliter  
potest dici, & melius, quòd nō præiudicabatur in hoc  
vrbi refugij: nam vrbes refugij habebant priuilegia,  
quæ continentur Num. 35. & Ios. 20. sed dato, quòd  
vrbs diruta esset, non perdebat priuilegium eius:  
nam intra ambitum murorum, ita gauderent profu-  
gi, sicut aliàs manente vrbe illa. Sic patet de Eccle-  
sia, quoniā si corrueret Ecclesia, non minus gauderēt  
immunitate confugientes ad eam, quasi cum non  
corruit. Item si fortè daretur, q̃ vrbs Sichem non ef-  
set habitanda in æternum, mutaretur priuilegium il-  
lius ad vrbem propinquam, & nihil magis grauaren-  
tur profugi manere apud illam quàm in Sichem. Itē  
q̃ istud ex alijs causis fieri posset, manifestum est: nam  
si contingeret in illa vrbe, quæ esset sacerdotum coli  
publicè idolum, lex iubebat facere eā tumultum æter-  
num. Idem fieret, etiam si esset ciuitas transfugarum:  
nullum enim priuilegium poterat excusare ab hac le-  
ge Dei: ita ergo propter peccatum lese maiestatis de-  
strui poterat quæcumque vrbs, siue esset sacerdotalis,  
siue transfugarum: priuilegia autem illarum urbium  
transferenda essent ad alias vrbes. Patet hoc, vt si conti-  
gisset oēs vrbes fugitiuorum idola colere, erāt omnes  
delendæ: si aut non trāsferentur priuilegia illarum ad  
alias, maneret terra sine vrbus refugij, quod erat cō-  
tra legem Dei, ideo ad seruandam vtrāq; legem, erat  
necesse priuilegia vrbs dirutæ mutari ad aliam urbē.  
*Quod cum audissent, qui habitabant in turre Sichimorum.* tur-  
ris Sichimorum, & turris Sichem idem est, quia Sichē  
vocatur aliqui S. chima, vel Sicima, vt patet hic. Isti viri  
turris S. chem audientes malum, quod factum fuerat  
habitantib; in vrbe S. chem, voluerunt sibi cauere mu-  
nitione se contra Abimelech. *Ingressi sunt fanum Dei sui*  
*Berith,* quanquam n. turris esset fortis, siue castrum il-  
lud, tñ fanum erat fortius: ideo confidebant ibi posse  
melius conseruari. *Ubi fœdus cum eo pepigerant.* i. in fano  
isto pepigerant Sichimitæ fœdus cum Deo suo. Scien-  
dum, q̃ nomen Dei non vocatur Berith, licet hic vi-  
deatur sic vocari. Sed nomen est Baal, & vocat Baalbe-  
rith, quia ibi fuit fœdus initum cum Baal: nam Berith  
fœdus est. Vocatur autem ipse Deus Berith, non q̃ sit  
nomen eius: sed vocatur nomine appellatiuo, vt sciat  
q̃ fœdus fuit initum cum illo Deo: cum Berith sit fœ-  
dus, istud fœdus fecerūt Sichimitæ cum Baal: nam post  
mortem Gedeonis conuersi sunt Israelitæ ad idola, &  
pepigerunt fœdus cum Baal, vt esset eis in Deum, vt pa-  
tet præced. c. & credendum est, q̃ singuli Israelitarum  
per vrbes suas hoc facerent. Sichimitæ aut in vrbe sua  
conuenientes in templum Baal pepigerunt ibi fœdus  
cum illo. *Et ex eo locus nomen accepit.* i. fanum vocatum  
est Baalberith. i. fœdus Baal ex causa dicta. & aliquando  
ipsum idolum vocabatur Baalberith, vt patet supra in  
litera. f. dederunt illi septuaginta pondo argenti de fano  
Dei sui Baalberith: licet ibi posset dici, q̃ solum voce-  
tur templum Baalberith, & sit nomen idoli. *Qui erat*  
*locus valde munitus.* Templum istud erat fortius natu-  
ra loci, & magnis munitionibus, quàm castrum, vel  
aliqua pars vrbs: ideo ad fanum confugerunt. *Abime-  
lech autem audiens viros turris Sichimorum pariter cōglobatos.*

A scilicet, quòd congregabantur in fano Dei sui ad de-  
fendendum ibi se. *Ascendit in montem Selmon cum omni*  
*populo suo.* Mons Selmon est apud vrbem. & de illo du-  
xerunt ligna virentia Abimelech, & viri sui, vt crema-  
rent templum, vel fumo replerent.

Situs mon-  
ti Selmon.

*Quid erat ista turris Sichimorum.*

*Questio XLVIII.*

QVAERETVR de ista turre Sichimorum qd  
erat: nam supra dictum est, quòd poterat esse ali-  
quis locus circa Sichem, qui sic vocaretur. Vel erat  
arx vrbs Sichem: & vocatur turris Sichem, quia erat  
locus munitior, quàm reliqua vrbs. Quid ergo istorū  
verius est? Respondendum quòd videtur probabi-  
lius, q̃ esset castrum intra vrbem Sichem. & castra vo-  
cantur turres: & aliquando turris singulariter: sic pa-  
tet de arce Sion: nam castrum Ierusalem vocabat tur-  
ris Sion, vt patet 2. Reg. 5. scilicet, quòd cepit Dauid  
arcem Syon, in qua morabantur Iebusei. sed manife-  
stum est, quòd non morabantur omnes Iebusei intra  
vnam arcē. Item patet, quia dicitur hic, quòd viri hu-  
ius turris cōuenerunt intra fanum Dei sui Baalberith;  
sed manifestum est, quòd Baalberith erat templum  
Sichimorum: nam supra dicitur, quòd dederunt Si-  
chimitæ septuaginta pondo argenti Abimelech de tē-  
plo Dei sui Baalberith: ergo nō erat in alia vrbe istud  
templum, sed erat in castro ciuitatis. Erat tamen castrū  
ciuitatis magnum, ita vt possent ibi multi morari: istos  
non potuit capere Abimelech, quando diruit vrbem,  
quia arx vrbs distincta erat a reliqua vrbe, necdum  
pugnam inierat contra viros istos: imò fortè credidit,  
quòd ipsi spontē se traderent Abimelech, ideo cum  
audiuit, quòd omnes congregati erant in templo ad  
se defendendum, instituit bellum contra illos. *Et arre-  
pta securi præcidit ramum arboris.* Abimelech uolebat vt  
noua pugna contra manentes in fano: nam ipsi confi-  
debant ex natura loci se capi non posse: Abimelech  
quoque sciens se nihil posse proficere pugnando, in-  
stituit alium modum capiendi locum. Iapposuit ma-  
gnam lignorum virentium struem in circuitu, & sup-  
posito igne fumus multus & grossus exhalās de lignis  
repleuit fanum, & occidit omnes qui intus erant. Et  
vt milites Abimelech promptius istud exequerentur,  
ipse prior exemplum dedit illis scindens ramum,  
& portans. In Hebræo habetur. *Arripuit secures, quæ in*  
*manu eius præcidit, ramum lignorum.* Sed istud est per  
magnam improprietatem idiomatis. Nam simul nul-  
lus habet multas secures ad scindendum. Etiam quia  
dicitur, quòd scidit ramum arborum: nam idem ra-  
mus non poterat esse multarum arborum, sed vel de-  
bebat dicere ramos arborum, vel ramū arboris: ideo  
litera nostra correxit istam barbariem sermonis. Con-  
stat autem, quòd debebat dici ramum arboris, quia  
vnicus ramus erat, quod patet ex sequentibus. Nam  
dicitur quòd impositum illum humero ferebat: si ta-  
men fuissent multi aliter diceretur. *Impositumque fe-  
rens humero dixit ad socios,* idest, incidit arboris ramum:  
& ferebat in humero ad succedendum fanum, & di-  
xit socijs suis sic facere. *Quod me vidistis facere cito facite.*  
Non solum imperauit hoc Abimelech, sed fecit, &  
tunc iussit, quia magis mouent in moralibus opera  
quàm verba, & cum omnes uidissent regem hæc fa-  
cere, erubescerent non facere, etiam si essent magni  
viri, & promptē illud facerent. Istud didicerat Abime-  
lech exemplo patris sui Gedeonis: nam in pugna con-  
tra Madian, sic ipse dixit socijs suis, vt supra septimo,  
scilicet, quod me videritis facere, facite: ingrediar per  
castrorum medium, & quod fecero sectamini. *Igitur*  
*cerratim ramos de arboribus præcidentes sequebantur eum,*  
scilicet,

In morali-  
bus magis  
mouet o-  
pera quàm  
verba.



scilicet, videntes omnes quod fecerat rex eorum, faciebant & ipsi. Et dicitur, certatim, idest, per turmas. Nā vna turma scindebat hic ligna, & alia ibi: & sic omnes faciebant simulque ferebant ea sequentes regem. *Qui circumdantes præsidium succenderunt.* Vocatur præsidium locus ille fortis, & non est accipiendum præsidium pro toto castro Sichem, quia illud erat magnū, & habitabant ibi multi, vt supra dicitur. Et quāquam succenderentur ligna in circuitu non congregaretur tantus fumus, quod necaret absconditos in templo, cum castrum contineret magnum ambitum. Sed intelligendum est, quod cum omnes habitatores turris latuissent intra fanum deserto ambitu murorum potuerunt Abimelech, & viri sui introire in castrum factis scalis, & positis lignis interius, apposuerunt ignem fano: & tamen non potuit fumus tunc nocere existentibus interius. Vocatur autē fanum illud præsidium, eo quod erat locus munitissimus, vt dictum est supra. *Atque ita factum est, vt fumo & igne mille hominum animæ necarentur,* scilicet, supposito igne exusta fuerunt portæ fani: & introibat ignis & fumus: & ad quosdam perueniens ignis exurebat eos, ad alios autem non poterat peruenire ignis: & fumus implens totum fanum suffocabat illos. *Viri paruuli atque mulieres,* idest, de istis mille, quidam erant paruuli, quidam viri, & quædam erant feminae: erant enim tā pauci, quia isti non erant de habitantibus in vrbe, sed in castro: nam omnes habitatores vrbs iam occisi fuerant: ipsaque vrbs deleta fuerat, ita vt sal spargeretur in ea.

*An Abimelech peccauit occidendo, & paruulos, & magnos, & viros, & feminas. Quæst. XLIX.*

**Q**VAERETVR an Abimelech peccauit, quia occidit tam paruulos, quā magnos, tam viros, quā feminas. Aliquis dicet q̄ sic, quia inter hostes non licet hoc, quanto minus licebit inter eos, qui sunt de eadem tribu. Patet quia Deute. 20. iussu est, q̄ repugnante vrbe, & capta occiderentur soli viri, & seruarentur foeminae & paruuli. Respondendum, q̄ istud non stat, quia ista lex non habebat locum in Israelitis, sed in gentilibus, qui erant extra terram Chanaan, vt supra in quadam quæstione declaratum est, & patet ex verbis legis Deut. 20. Sed adhuc obiicietur, q̄ non possit occidere paruulos, & feminas: quia dato q̄ Sichimitæ deliquissent in crimine læsæ maiestatis, quod est grauissimum: tamen adhuc in isto crimine legis humanæ non occidunt patres pro filiis, sed referunt eis vitam ex pietate, tollendo successionem in hereditate, vt patet extra. de hæreti. ca. vergentis. cum suis concordantijs. Aliquis respōdebit ad hoc, quod nunc lex humana concedit vitam ex pietate: olim tamen etiā filij occidebantur istorum. Sic patet in criminibus, quæ committuntur contra Deum, quia Deus iubeat, q̄ occiderentur omnes Chananæi, tā magni, quā paruuli: constat tamen paruulos nondum peccasse. Item in vrbe idolatrarum iubeat, q̄ omnes occiderentur, tam magni, quā paruuli. Deut. 2. ita ergo liceret Abimelech occidere paruulos pro peccato patrum, cum crimen læsæ maiestatis esset grauissimū. Respondendum, q̄ hoc non stat, quia non est simile de iudicio Dei, & iudicio humano: quia Deus vult sibi seruare quædam specialia iura iudicandi, & puniendi: ideo ipse dicit, q̄ puniet peccata patrum in filios vsq; in tertiam, & quartam generationē. Iubet etiam in aliquibus casibus, q̄ nos auctoritate sua occidam⁹ filios pro peccato patrum: sicut fuit generaliter in morte Chananæorum, de quib⁹ nullum omnino paruulum, aut magnum relinqui permittebat viuentem. Deute. 20. & istud erat, quia præuiderat totam gentem istam, &

Deus habet specialia iura puniendi & iudicandi.

**F** posteros eorum incorrigibiles fore, vt patet. Sap. 12. c. Iubeat etiam in casu idolatrie omnes occidi, tam magnos, quā paruulos: ipsamq; dirui urbem in terrore cæterorum. Sic etiam factum est de Achan, qui furatus est regulam auream in Iericho: nam ipse solus peccauit: & tamen ipse, & filij, filiaq; occisi sunt, vt patet Iosue 7. c. quod ex causa prædicta fuit. In iudicio tamē hominum Deus iussit, q̄ nunquam occiderentur patres pro filiis, nec filij pro patribus. Deut. 24. Nec obstat, si quis dicat debere hoc intelligi in minoribus criminibus capitalibus: nam etiam in maximis hoc tenet, quia in crimine læsæ maiestatis, de quo hic agitur patet: nam non potest esse grauior casus criminis læsæ maiestatis, quā regem nulli nocentem per insidias, occidi a seruis suis, & tamen pro hoc non debebant occidi pro patribus filij, sed solum, qui peccauerant, vt patet de rege Amasia, cuius patres, scilicet, Ioas regē occiderant serui sui. Sed Amasias rex factus occidit interfectores patris sui, sed non occidit filios eorum, vt patet 4. Reg. 14. & 2. Paralipom. 25. & subditur ibi, q̄ fecit hoc, quia scriptum erat in lege Moysi, quod non occiderentur filij pro patribus, nec patres pro filiis, sed vnusquisque morietur pro peccato suo, & sic lex dat ibi istam causam: & dicit extendi legem illam ad istū casum: ergo cum minus læsisset maiestatem regis Sichimitæ quā illi, qui occiderunt regem Ioas: a fortiori non possent occidi filij istorum pro peccatis patrum. Sed aliquis dicet, q̄ licet nunc in legibus humanis cautum sit, non occidi filios pro patribus in crimine læsæ maiestatis: tamen fortē antiquitus erat lex, vel consuetudo occidi posteros, & sic non peccaret Abimelech. Respondendum, q̄ non stat, quia nulla lex aut consuetudo poterat habere vigorem contra legē Dei, quantumcunque esset magni temporis, vt colligitur in Decretis distin. 8. & 9. per totum. Sed adhuc dicendum, quod Abimelech non peccauit, occidendo paruulos & magnos, qui erant in præsidio, quia ipse non intēdebat occidere paruulos: sed solum viros: quia tamen latuerunt intra fanum, & non poterat aliter pugnare contra eos, nisi igne, & fumo: ipso inuito moriebantur paruuli, cum magnis. Si tamen ipse bello capiens illos iussisset trucidari paruulos cū magnis, peccasset: nunc autem parentes occidebāt filios suos ponentes eos in loco tali, & non occidebat illos Abimelech. *Habitatorum turris Sichem.* idest, omnes istæ mille animæ erant de habitatoribus turris, vel castri Sichem: quia nullos alios secum receperant in castro de vrbe, vel de alijs locis.

**A**bimelech autem inde proficiscens, venit ad oppidum Thebes, quod circumdans obsidebat exercitu. Erat autem turris excelsa in media ciuitate, ad quam confugerant simul viri ac mulieres, & omnes principes ciuitatis clausa firmissimè ianua, & super turris tectum stantes per propugnacula. Accedensque Abimelech iuxta turrim pugnabat fortiter: & appropinquans ostio, ignem supponere nitabatur. Et ecce vna mulier fragmen molæ desuper iaciens illisit capiti Abimelech, & confregit cerebrum eius, qui vocauit cito armigerum suum, & ait ad eum. Euagina gladium tuum, & percutite me: ne

2. Reg. 11.  
1. Reg. 11.  
1. Paralipom.



ne fortè dicatur, quòd a femina interfe-  
ctus sim. Qui iussa perficiens, interfecit  
eum. Illo quoque mortuo, omnes qui  
cum eo erant de Israel reuersi sunt in sedes  
suas: Et reddidit Deus malum, quod fe-  
cerat Abimelech contra patrem suum in-  
terfectis septuaginta fratribus suis. Sichi-  
mitis quoque, quod operati erant, retribu-  
tum est, & venit super eos maledictio  
Ioatham filij Ierobaal.

Quare Abimelech obsidebat oppidum Thebes.  
Questio LI.

**Q**VAERETVR quare Abimelech obsidebat  
oppidum istud. Respondendum, quod fortè viri  
loci huius simili vitio laborabāt, ut Sichimitæ. scilicet quod  
subditi fuerunt eius, & nunc volebāt retrocedere: ideo  
contra eos moliebatur vindictam. Vel fortè cum fa-  
ctus esset rex in Sichem, conabatur, ut esset rex in toto  
Israel, & cum aliqua loca resistebant ei, pugnabat con-  
tra illa. Sic fuit de viris Thebes, qui noluerunt subijci  
Abimelech. Sciendum autem, quod Deus mouebat  
viros Thebes, ut rebellaret Abimelech, & ipsum mo-  
uebat, ut contra illos atrociter dimicaret, ut sic cade-  
ret in manus illorum, & non manerent peccata sua  
impunita. Nesciebat autem Abimelech, a quo mo-  
ueretur in tantum desiderium pugnandi, sed trahe-  
bant illum scelera sua. Sic dicitur de Chanaanitis oc-  
cis a Iosue, & Israelitis: Iosue undecimo, quod do-  
mini sententiæ fuerat, ut indurarentur corda eorum,  
& pugnarent contra Israel, & caderent: nec mereren-  
tur ullam clementiam: ita sententia Dei fuerat sup-  
Abimelech ad penam: ideo obscurauit cor illius, & mo-  
uit desiderium eius ad pugnandum, & sic periret. *Erat  
autem turris excelsa in media ciuitate. Ista erat arx ciuitatis.  
Ad quam confugerant viri simul ac mulieres. Hoc intelli-  
gendum est, quia fortè pugnavit prius Abimelech cō-  
tra urbem, & inuitis ciuibus irrupit illam: & tunc con-  
fugerunt ciues ad arcem. Vel aliter, scilicet, quod mu-  
rus ciuitatis non erat benè defensibilis: utpote quæ erat  
ciuitas malè munita, vel valde plana, & malè defen-  
sibilis, ideo prius quàm inciperet pugnare contra urbē,  
ascenderunt omnes, qui erant in vrbe in arcem: & fir-  
mauerunt portam: tunc Abimelech introiuit in vr-  
bem, nullo obsistente: & accessit ad arcem, ut oppu-  
gnaret eam. Et omnes principes ciuitatis. Omnes enim  
ex deliberato consilio illuc conuenerant: quia non  
putabant se posse defendere in vrbe. Clausa firmissimè  
ianua. scilicet, ne posset irrumper Abimelech. Ex  
hoc patet, quod supra dicebatur, scilicet, quod non cō-  
fugerint de vrbe ad turrem, postquā capta esset vrbs:  
quia tunc euntes, ex impetu non possent firmissimè  
claudere portam, quia fortè veniret Abimelech prius  
ad turrem, quam viri de vrbe: vel saltem priusquam  
omnes ingrederentur, & non possent claudere portā.  
Ideo dicendum, quod prius quàm inciperet pugnare  
Abimelech contra urbem, ex deliberato consilio cō-  
fugerant omnes de vrbe in arcem non confidentes  
se posse tueri, si manerent in vrbe. Et super turris te-  
ctum stantes per propugnacula, id est, viri existentes in tur-  
ri disposuerunt se in tecto turris per propugnacula, id  
est, per loca disposita ad pugnandum, scilicet, ad mit-  
tendum sagittas, vel lapides. Vocatur tectum turris  
solarium superius, in quo erant pugnatōres, tanquam  
in loco securiori, & posuerūt se ibi ad defendendum,  
prohibendumque ipsi Abimelech accessum turris.  
Nam sciebat, quod vellet succendere portas, ut irru-  
peret in turrem, vel ut cremarentur existentes intra.  
Accedensque Abimelech iuxta turrem pugnabat fortiter,  
scilicet, quia Abimelech conabatur apponere ignem  
portæ turris. Viri autem desuper existentes iaculis,  
& sagittis eum abigebant procul: contra quos ipse pu-  
gnabat fortiter sagittarum, & fundarū impetu, ut eos  
de solario turris tolleret: & sic liceret ei impunè ac-  
cedere ad portam turris ad supponendum ignem. Appro-  
pinquans ostio ignem supponere nitēbatur. Iam expulerat pu-  
gnatores, de superiori parte turris, scilicet, quod eis nō  
obstantibus accedere poterat ad portam turris, &  
tunc volebat supponere ignem, volebatque sequi  
eundem modum pugnandi, quem tenuerat in Sichē,  
scilicet,*

Quid m-  
ciū turris.

*Abimelech autem. Hic ponitur secundum ultimam  
partis. scilicet Abimelech destructio. Nam postquam per  
manum eius Sichimitæ, qui peccauerant, eiq; ad occi-  
dendos fratres suos auxilium, consilium, & fauorē de-  
derant, occisi sunt: voluit Deus, quod ipse per manū illo-  
rum caderet, & dicitur: Abimelech autem inde proficiscens.  
scilicet deleta vrbe Sichem, & castro atque fano, nec  
aliquo iam manente in vrbe, quod ad vñs humanos  
pertineret, recessit inde Abimelech. Venit ad oppidum  
Thebes. Voluit enim oppugnare istud oppidum sicut  
Sichem.*

*Quod oppidum Thebes erat hoc ad quod venit Abimelech  
deleta vrbe Sichem. Questio L.*

**Q**VAERETVR quod oppidum erat istud. Re-  
spondendum quod vocatur Thebes, & tamen  
more latinorum vocatur Thebe, Thebarū sicut aliæ  
vrbes vocantur Thebe. Pro quo sciendum, quod tres le-  
gantur Thebe: quedam sunt Thebe Græcorū in pro-  
vincia Beotia, quas Cadmus pdidit: de quo per Ouid.  
3. Meta. Aliæ sunt Thebe in Aegypto, quæ est ciuitas  
magna, quæ nunc vocatur Thebaida, & apud quosdā  
modo vulgari vocatur Tauaria. Tertia est ciuitas The-  
bes in Iuda, de qua hic dicitur, quæ nō multum distat  
a Sichem; a prima ciuitate vocantur Thebani, a secun-  
da Thebei, a tertia Thesbite. Prima n. opulentissima,  
fuit ciuitas Græcorum, de qua multa referuntur. Secū-  
da est, quæ in Aegypto multa nomina habuit: nā prius  
vocata est Gessen, & est ista ciuitas, in cuius terra habi-  
tauit Iacob cum filiis suis, quādo venit in Aegyptum.  
De ista ciuitate fuit beatus Mauritius, qui p̄fuit legio-  
ni Thebeg, qui pro Christi nomine apud Rhodanum  
extinctus est nollens idolis sacrificare: ideo legio The-  
bea, & non Thebina appellatur. Ista ē ciuitas fuit illa,  
quam amplauerunt Israelitæ cōstruentes magna edi-  
ficia illius sub Pharaone: & vocata est Ramesses. De  
hac vrbe dicit hystoria scholastica, quod Gese apud quos-  
dam vocatur vrbs Heroū, id est, quod Ramesses, quæ  
tunc Gessen, postea Thebais dicta est (aqua Thebei  
cuius legioni p̄fuit beatus Mauritius) postea cum  
reges Aegypti fuerunt ex illa, vrbs Heroū dicta est, &  
quia Heroes Aegypti eius habebāt custodiam. In fi-  
nibus regionis illius, postea edificauerunt Hebræi cō-  
gentibus Aegyptiis urbem tabernaculorum, quæ di-  
cta est Ramesse: post pagus Arsenoites dicta, quæ so-  
nat sine sexu: sic dicta, quoniam vterq; sexus sine di-  
scerptione cepit regnare in Aegypto. Tertia autem, sci-  
licet, Thebes erat ciuitas, de qua oriundus extitit Elias  
propheta: ideo vocatur Elias Thesbites, ut patet quar-  
to Reg. 1. & in multis locis. Quod circumdāns obsidebat  
exercitu. Abimelech erat vir magni cordis, & dispo-  
situs ad bellum. Et quia nunc p̄ualuerat contra Si-  
chimitas, usque ad destructionem vrbs totalem con-  
fusus est se contra omnes posse.



scilicet, vt fumo, & igne occiderentur omnes, qui e-  
rant intra turrin.

*Quomodo Abimelech accedebat primus ad supponendum  
ignem, cum hoc esset periculosum.*

*Questio LII.*

**Q**VAERETVR quomodo Abimelech acce-  
debat primus ad supponendum ignem, cum  
esset hoc periculosum? Respondendum, quod hoc fa-  
ciebat ad incitandum suos: nam vt omnes promptius  
agerent ipse pracedebat in agendo, sic fecit in Sichem:  
nam ipse primus abscondit ramum de monte Selmon,  
& imposuit humero suo dicēs, quod me vidistis face-  
re cito facite. Alia causa erat, quia Abimelech erat su-  
perbus nimis & cupidus: & volebat in omnib<sup>9</sup> magni-  
ficis gestis habere gloriam: non solum vt rex glorians  
de his quæ ageret suus exercitus: sed ex propria actio-  
ne laudem cupiebat, ideo ipse primus periculis se ex-  
ponebat, vt sic totius sequentis facti gloriam ipse obti-  
neret. Tertia causa, & potissima erat incitatio Dei, quia  
Deus volebat tradere eum in manus virorū Thebes  
propter peccata: & si alius prior accessisset ad suppo-  
nendum ignem ille occideretur, & Abimelech caue-  
ret accedere ad turrin: incitauit eū Deus, vt ipse vel-  
let prior accedere, & sic occideretur. Nam sæpe Deus  
perturbat iudicium hominis, vt agat aliquid quod stul-  
tum est: & hoc in penam peccatorum suorum, sicut  
fuit in Absolone, & Israelitis, quos Deus infatuauit,  
vt non sequerentur consilium Achitofel, & caderent  
in manus Dauid. 2. Reg. 17. *Ecce mulier vna fragmen mo-  
le desuper iaciens.* Vidit mulier q̄ ille appropinquabat  
ostio, & appositurus erat ignem: ideo quendam lapi-  
dem magnum, qui erat pars mola misit de turre, per  
aliquod foramen propugnaculorum, quia huiusmo-  
di essent in castris, & locis fortibus in directo portarū,  
ne quis accedere audeat. *Illisit capiti Abimelech, & con-  
fregit cerebrum eius.* Venit lapis directē, & sedit super ca-  
put. vnde confractum est cerebrū eius, ita vt illico mo-  
reretur. Sciendum, q̄ hoc non sine mysterio Dei fa-  
ctum est, quia Deus voluit valde punire Abimelech  
pro grauibus sceleribus. Et quia ipse erat superbus val-  
de, non solum puniuit eum priuādo vitā, sed etiam fa-  
ciendo q̄ caderet manibus mulieris, quod ipse valde  
detestabatur. Vnde dixit armigero suo. euagina gla-  
dium tuum, & percutite me: ne forte dicatur, q̄ a femi-  
na interfectus sum. Fuit etiam aliud, quia Abimelech  
vidit istam mulierem: nam si non vidisset, & putasset  
esse virum nō doluisset sic, credens q̄ vir occidisset eū.  
Vidit tamen, & detestatus est nimis, intantum quod  
elegisset plus bis mori manu viri, quam semel cadere  
feminea manu. *Qui vocauit cito armigerum suum.* i. iuue-  
nem ferentem arma eius, qui non ausus fuerat accede-  
re ad turrin. *Et ait ad eum. euagina gladium tuum, & per-  
cute me: ne dicatur quod a femina interfectus sim.* Ex magna  
superbia dolebat nimis, q̄ occideretur a femina, ideo  
potius voluit, q̄ viri sui occiderent eum superaddētes  
plagas plagę eius, quā q̄ mors sua femine ascriberet.

*Ad quid Abimelech volebat occidi ab armigero suo &c.*

*Questio LIII.*

**Q**VAERETVR ad quid volebat, q̄ occideret  
eum armiger suus, ne diceretur occisum fuisse a  
femina, quia non occultabatur per hoc mors eius, a  
quo esset: nam si viri Thebes essent infra in vrbe, & pu-  
gnarent contra Abimelech: & mulier de turri iaciens  
molam percuteret eum, ipseq; iuberet armigero suo,  
q̄ occideret eum, poterat occultari mors eius, quia pu-  
taretur, q̄ aliquis de viris Thebes percussisset eū: nunc

autem cum essent oēs super turrin, & sola mulier illa  
tunciaceret fragmen mola, manifestum est q̄ mulier  
occidebat eum, nec aliquid faciebat ad hoc q̄ armi-  
ger suus eum percuteret, quia non erat verisimile, q̄  
armiger suus eum percuteret, nisi ipse iuberet, ideo nō  
excusabatur per hoc, quin cognosceretur eum fuisse  
occisum a femina. Respondendum q̄ hoc fecit, quia  
Deus perturbauit illius iudicium, vt magis pateretur,  
& efficeretur calamitosior: nā ita excecauit Deus cor  
illius, q̄ putauit omnino per hoc occultare mortem  
suam, & tñ nullo modo occultabatur, & fiebat hoc, vt  
magis pateretur: quia super plagam illisionis lapidis, q̄  
sufficiebat ei ad mortē, adhuc gladio percussus est, ab  
armigero suo suscipiens alias percussiones, q̄ ad mor-  
tem sufficerent. In quo dupliciter erat infelix. Primo,  
quia suscipiebat, quasi duplicem mortem. Secundo,  
quia a viris suis occidebatur, sed miserimū est ab eo  
occi, a quo quis iuuandus est: Deus tamen ad plenā  
punitiōem alicuius mutat cor illius, secundū q̄ vult.

*An peccauerit mortaliter Abimelech iubendo armigero  
suo, quod occideret eum, & an perierit aternaliter.*

*Questio LIIII.*

**Q**VAERETVR an peccauerit Abimelech iu-  
bendo armigero suo, q̄ occideret eum, & an  
peccauerit mortaliter. Aliquis dicet q̄ non, quia non  
egit hoc Abimelech desiderio se occidendi, sed vt ef-  
fugeret quandam ignominiam, ne diceretur quod a  
femina erat occisus. Item sciebat Abimelech, quod  
non posset euadere mortem, ergo nō peccabat iubendo  
armigero suo, quod occideret eum: nam si Abi-  
melech non esset alias moriturus, & iuberet se occidi:  
non esset dubium ipsum peccare grauiter: nunc tamē  
necessario moriturus erat, cum illa fuisset capiti eius  
magna pars mola: & ita ipse proposuit cum dixit: ne  
dicatur, quod a femina interfectus sum. Si tamen pu-  
taret se non moriturum inde, non staret quod conue-  
nienter iuberet armigero, quod occideret eum, ne di-  
ceretur, quod a femina occisus fuisset. Respondendū,  
quod Abimelech peccauit grauiter iubendo armige-  
ro, q̄ eum occideret, quia sicut nulli homini licet seip-  
sum occidere, ita nec licet iubere alteri, quod eum oc-  
cidat: nam plus quisquam tenetur se diligere quā a-  
lium, sed nullus potest alium occidere sine causa, & iu-  
risdictione regulariter: item non potest alteri iubere,  
q̄ illum occidat: ergo a fortiori non poterit aliquis se-  
ipsum occidere, aut iubere alteri, quod eum occidat:  
quocunque enim modo, quis præstet causalitatem ad  
mortem suam, peccat mortaliter. Et quod amplius  
est præter offensam, quā aliquis agit Deo præuarican-  
do præceptum suum, adhuc agit iniuriam animæ suę.  
Nam ipsa habet pro domicilio corpus, in quo Deus  
eam locauit, & ad quod inclinatur tanquam ad id, in  
quo quiescit: & q̄ est pars speciei suę, in quo habet o-  
perationes suas perfectas. Quod ergo homo occiden-  
do se animam inuitā de suo eiciat habitaculo, offen-  
dit eam, & mortaliter peccat. Præterea iniustus est se  
occidens, quia lædit urbem: nam Aristot. Ethic. li. 5. que-  
rit an iniustum faciat se occidens: & respondit quod  
sic, quia agit contra rectam legem, quæ nulli permit-  
tit se occidere. Dicit tamen, q̄ quanquā non agat iniu-  
riam sibi ipsi volens, tamē iniuriam facit vrbi, cuius est  
pars, inquantū diminuit partes eius. Item probat hoc,  
quia leges humanæ infligunt quandam dehonoriatio-  
nem se occidentibus post mortē, scilicet, quia vel non  
sepelitur eos, vel facit per terrā trahi ignominiose: gra-  
uare tñ urbem peccatum est, cum bona communia sint  
meliora, & diuiniora bonis particularibus, vt patet pri-  
mo Ethico. ergo occidens seipsum, vel cooperans iu-  
bendo,

Deus quā-  
doque iu-  
diciū ho-  
minis per-  
turbat.

Notandum  
de occiso-  
ne Abime-  
lech.

Abimelech  
in morte  
dupliciter  
infelix.

Prima rō

Secunda rō

Qui se  
occidit  
cur mortem  
peccat.



bendo, vel persuadendo, vel quomodocumq; aliàs, peccat grauissime. Item patet q̄ peccauit, quia licet Abimelech percussus foret grauiter: poterat tamen fortassis euadere: inferendo ergo sibi mortem certam, peccabat. Ad primam rationem in contrarium dicendū, q̄ non stat, quia non est causa legitima, ad hoc q̄ quis occidat se, q̄ fugiat ignominiam. Nam si non licet mihi occidere alium, vt non incidam in verecundiam aliquam, ita nec licebit mihi meipsum occidere, imò minus. Nam Saul habet multas causas excusandi se, q̄ se occideret propter ignominiam. Sine Philisthini illudentes ei occideret ipsum, vt declaratum est. 1. Re. 3. 1. & tñ his non obstantibus, non excusatur q̄ iusserit armigero, q̄ occideret eum: & quod ipse se occiderit: ergo minus excusabitur Abimelech, cum sint eadē causæ in Abimelech, quæ erant in Saule: nam si ille nō se occidisset, venissent Philisthij, & capientes eum vitium, occidissent illum per multa ludibria, quod vergeret in opprobrium Israel, quia hostes Dei tribueret magnam gloriam dijs suis de hoc. In Abimelech autē nihil horum subsistebat, sed solum iussit se occidi, ne diceret, q̄ a femina occisus fuerat, ergo non excusabit Abimelech. Item peccauit adhuc graui⁹ Abimelech, in quantum non solum ipse peccabat, sed etiam armigerum suum ad peccandum inducebat iubendo ei, q̄ occideret ipsum. Ad s̄m quando dicitur, quod Abimelech moriturus erat certissime, ideo non peccabat se occidendo. Rñderi potest vno modo, q̄ nesciebat Abimelech certissime an moriturus esset, licet potius C mortem de se quàm vitam speraret: inferendo ergo sibi mortem certam pro incerta peccabat. Aliter pōt dici, q̄ peccabat Abimelech, quia dato quod sciret se necessariò moriturum, non licebat ei manus sibi iniicere ad mortem, sicut licet aliquis se sciat capitaliter condemnatum, non potest licet se occidere: nec aliquis dubitat, quin iste valde peccet. Etiam dato quod sciam, quod aliqua virgo ab aliquo defloranda est, nō licet mihi deflorare eam, cum non possum euitare, ne ab alio defloretur: quia in omnibus his differt sicut in pati malum, & agere malum. Nam pati malum peccatum nullum est, agere autem est peccatum. Si ergo sciret Abimelech se certissime moriturum & moreretur, patiebatur malum solum, & in hoc non D peccabat: si autem hoc sciens se occideret, non solum patiebatur, sed etiam malum agebat, ideo peccabat.

*An æternaliter perierit Abimelech.*  
Questio LV.

QVÆRETUR vterius, an æternaliter perierit Abimelech. Aliquis respondebit, non esse in hoc dubium, quia si concedimus ipsum peccasse mortaliter iubendo se occidi, mortuus est in peccato, & consequenter æternaliter perit. Respondendum, quod non sequitur, quod si quis occidendo se, vel iubendo occidi peccet mortaliter, quod ideo pereat æternaliter: sequeretur tamen si diceretur sic, iste mortuus est in peccato mortali, ergo perijt. Sed tunc negandum est antecedens, quia licet aliquis iubeat se occidi, & confestim occidatur, vel ipse seipsum occidat. Verum est, quod hæc faciendo peccat, tamen peccatū suum, non tandiu durat, quandiu durat pena illa, qua iste moritur: ideo postquàm aliquis se ad mortē percussit, vel iusserit percuti, poterit dolere in illo modico spatio, quod restat ante mortem, & consequi veniam. Nam ad contritionem non exiguntur longa tēpora, sed contritio quasi in instanti sufficit ad obtinendam veniam. De hoc latè declaratum est per rationē, & extra. 1. Re. 3. 1. Ita ergo poterat esse de Abimelech, quod quanquam iuberet se occidi, q̄ postquam per-

A cuteretur ab armigero, doleret de hoc: & contritio eū liberaret: cum autem arguitur, quod in peccato mortali mortuus est, falsum est: quia licet quis moriatur in pena inflicta per actum, qui est mortale peccatum, nō moritur in peccato mortali: eo quod potest dolere de mala volitione, in qua consistit peccatum, licet iam non posset plagam reuocare. Dicendum tamen, quod licet dubium sit, de sic morientibus quid consequantur, tamen magis credendum est, eos perire, quàm saluari. secus autem est de illis, qui existentes in actu peccati mortalis alterius occiduntur ab aliquo alio intuiti, quia hi facilius dolere possunt, & saluari. Scriptura quoq; hoc videtur innuere de Abimelech, quia semper loquitur de Abimelech, tanquam de malo. Nam B sicut a principio cum occidit fratres suos, scriptura eū vt malum increpat: ita & in morte. Dicit enim quod Deus reddidit malum in caput Abimelech s̄m maledictionem, quam imprecatus fuerat Ioathā: ergo credendum est satis verisimiliter, quod æternaliter damnatus sit. *Qui iussa perficiens interfecit eum.* Armiger obediuit ei illico, & interfecit illum: & non fuit iste sicut armiger Saulis, qui noluit occidere Saulem licet iussisset, ideo ipse Saul seipsum occidit, & armiger videns eum cecidisse gladio suo, irruit etiā ipse super ense suum. 1. Re. 3. 1. In Hebræo habetur. *Gladiauit eum.* Vbi nos dicimus, interfecit eum; sed idem est, quia ista mors fuit in gladio.

*An peccauerit iste armiger occidendo Abimelech.*  
Questio LV I.

QVÆRETUR an peccauerit iste armiger occidendo Abimelech. Respondendum quod sic, quia occidit virum nulla causa rationabili subsistente. Item erat dominus suus, & ex hoc grauabatur magis delictum, cum grauissimum sit mittere manū in dominum. Item erat rex, & iste cum esset subditus eius adhuc peccabat grauius. Item patet hoc, ex eo quod fecit Dauid. 2. Re. c. 1. nam adolescens veniens ad Dauid ferens armillam, & coronam Saulis confessus est se occidisse Saulem: & Dauid iussit cuidam iuueni, q̄ occideret eum, quia dixerat, quod occiderat Saulem: & tamē ille iuuenis allegauerat, quod Saul hoc ei iusserat, & quod etiam si ipse non occidisset eum, nō poterat euadere, & tamen hoc non obstare iussit Dauid occidi illum: si tamen non mereretur mortē occidendo Saulem, etiam si ille iuberet non occidisset eū Dauid: ergo videtur quod mandatum Saulis non excusauit iuuenem: sic igitur hic mandatum Abimelech nō excusaret istum armigerum, quin peccaret mortaliter. Item si iste armiger occidisset Abimelech sine mandato, non est dubium, quin peccasset grauiter: ita ergo occidendo eum ex mandato peccabat. Quod patet, quia mandatum nō potest excusare aliquem a malo quod facit: nā nulli homini tenemur obedire, nec etiam Papæ in his, quæ notoriè mala sunt: sed occidere aliquem est malum non subsistente causa, ergo ad mandatum regis non tenebatur hoc facere armiger. Illoque mortuo omnes, qui cum eo erant de Israel. Multi erant nunc cum Abimelech. Nam a principio conduxit Abimelech viros vagos, & inopes antequam esset rex de septuaginta pondo argenti, quæ dederant ei Sichimitæ: postea autem factus rex super Sichem & alia loca: habuit secum magnum exercitum: nā in quatuor cuneos illum diu isit, qñ pugnavit contra Gaal supra in litera, & iste exercitus erat collectus de diuersis locis terræ Israel. *Reuersi sunt in sedes suas.* idest, quilibet reuersus est in locum suum, eo quod iam non habebant iudicem, qui dirigeret eos, & dimiserunt obsidionem turris ciuitatis Thebes. *Et reddidit Deus malū, quod fecerat*

Ad primam rationem in diuersum.

Ad secundam rationem.

Contritio fuit in instanti sufficiens ad obtinendam veniam.



*fecerat Abimelech contra patrem suum interfecit septuaginta fratibus suis. tradendo in manibus hostium, dedit ei malum quod fecerat. Ex hoc patet, qd De<sup>o</sup> fecit, quod viri Thebes praevalerent contra Abimelech, & ipse moreretur ibi. Quia sicut De<sup>o</sup> fecerat Abimelech fortem contra Sichimitas, vt traderentur in manus eius, eo quod peccauerant: ita fecit qd viri Thebes fortiter pugnarent, vt moreretur ibi Abimelech. Nā cum Deus vult occidere aliquem pro peccato suo, constituit hostes eius fortes, & tunc facilliter moritur. Sic dicit Abacuc, ca. i. de Nabuchodonosor: Domine in iudicium posuisti eum, & fortem; vt corripes fundasti eum. i. dedisti ei fortitudinē, vt posset punire iudeos, & alias gentes. Et dicitur de malo quod fecit contra patrem suum, quia licet Abimelech directe malum egit contra fratres suos, quos occidit: tñ maius malum egit contra patrem suum. Quia magis debebat respicere Abimelech ipsos filios Gedeonis, in quantum erant filij patris sui, & in quantum erant aliquid illius: quam in quantum erant tot viri innocentes. Nam committebat magnam irreuerentiam erga patrem, & ingratitude occidendo filios illius, eo quod sic faciebat eum manere sine nomine. Etiam videbatur occidere ipsum Gedeonem: nam filius est quaedam pars patris decisa de patre. s. Ethic. Ideo occidendo particulas patris, ipsum patrem occidere videbatur. Item filijs morientibus pater dñr mori & illis manentibus, licet pñ sit mortuus, non vocat mortuus, vt patet Eccl. 30. i. mortuus est, & quasi non est mortuus pñ eius: reliquit. n. filiū similem sibi. ergo qd occidit filios vester occidere patrē. Item pñ nihil habet qd magis, quam filios diligit: sed cum quis auferat alteri, quod maxime amat, infert ei grauissimam iniuriam, ergo Abimelech grauissimū malum infligit patri suo, & hoc Deus reddidit in caput eius tradendo eum in manus virorum vr̄bis Thebes, vt manu feminea moreretur. Sichimitis autem, quod operati erant, retributum est. i. Sichimitas operati erant malum multipliciter, scilicet, volendo recipere in regem Abimelech, cum esset illegitimus: & hoc in prauidicium omnium filiorum Gedeonis, quibus compete-  
bat directius principatus. Item quia nō recordati sunt beneficiorum, quae fecerat eis Gedeon, vt redderent vicem filijs eius pro eo, sed habuerunt se ad illos, tanquam ad extraneos, vel potius sicut ad hostes. Item Sichimitas dederunt consilium, & fauorem Abimelech, ad occidendum septuaginta filios Gedeonis. Itē dederunt pecunias Abimelech septuaginta pondo argenti, scilicet, de fano Dei sui: cum alias non haberet facultates Abimelech ad nocendum fratribus suis, vel insurgendum contra eos. Item ipsi fuerunt executores mortis septuaginta iuuenum: sic dicitur supra in litera, quod principes quidam Sichimitarum adiuerunt Abimelech ad occidendum fratres suos: & pro his malis Deus iuste retribuit, scilicet, vt cum ipsi per iniustitiam fauissent Abimelech, ipse Abimelech per iustitię rigorem deleret eos: ita vt ciuitatem eorum dirutam sale aspergeret: vnde seueram in eis expleuit vltionem. Et venit super eos maledictio Ioathan filij Ierobaal. Maledictio imposita ab isto est, quae habetur supra. i. qd si Sichimitas non recte egerant sumendo Abimelech in regem, egrederetur ignis de Abimelech, & cremaret Sichimitas: & egrederetur ignis de Sichimitis, & cremaret Abimelech: & sic factum est, quia Sichimitas perierunt gladio Abimelech.*

*Quomodo sit verum, quod venerit maledictio Ioathan.*

*Questio LVII.*

**Q**VAERETVR quō est verum, qd venit maledictio Ioathan. Nā ipse orauit, vt egrederetur ignis

**F** de Abimelech ad deuorandum Sichimitas, & ignis de Sichimitis deuorans Abimelech. Primum cōpletum est, qd Abimelech occidit Sichimitas, & cōbussit partem vr̄bis. i. templum, & aliā partem, primō diruens, postea sale asperxit. Sed nō fuit cōpletum fm. i. qd egrederetur ignis de Sichimitis & cremaret Abimelech, quia non perijt manibus Sichimitarū, sed in vr̄be Thebes. Rñderi pōt, qd vtraque pars maledictionis completa est: nam licet hoc diceret Ioathan, intentio sua erat solum, qd periret Sichimitas, pro hoc scelere, & periret Abimelech. Quod autem Abimelech manibus Sichimitarum periret, vel aliorum non referebat ad intentionem Ioathan, potuisset tñ vtrunq; compleri. i. qd Abimelech occideret Sichimitas, & simul periret in ipso bello. Vt tamen Sichimitas penitus delerent, voluit Deus, qd nō moreretur Abimelech in illo bello; & sic nullas dimitteret reliquias Sichimitarum. Postea autē ipse miserrimē mortuus est. Aliter pōt dici, qd non fuit completa tota maledictio Ioathā, sed solum pars illi, scilicet, illa quae attinebat ad Sichimitas, & pro hac parte allegatur hic: nam dñr qd Sichimitis retributum est malum qd fecerant, & venit super eos maledictio Ioathan: & nō dicitur, qd venit super Abimelech. Etiam non dicitur, quod completa fuit maledictio Ioathan absolute, quia tunc intelligeretur, tam super Abimelech, quam super Sichimitas.

*An Ioathan filius Gedeonis peccarit maledicendo Sichimitis, & Abimelech, & cui licet maledicere, & pro qua causa, & quando est peccatum.*

*Questio LVIII.*

**Q**VAERETVR ulterius, an Ioathā filius Gedeonis peccauit maledicendo Sichimitis, & Abimelech. Aliquis dicet, quod non peccauit, quia maledictio eius venit, si tamen esset iniusta non venisset: ergo non peccauit imprecando eam. Item scriptura facta videtur approbare maledictionem istam, quia inducit eam, tanquam penam a Deo impositam, & executioni traditam: ergo non peccauit eam imprecando. Item Deus dicit per Malachiam viris iniustis, maledictionibus vestris, & benedictionibus vestris, scilicet, vt omnia per cōtrarium ver-  
tantur. sed hic sicut maledixit Ioathan, ita maledixit Deus: ergo Ioathan non peccauit maledicendo. In cōtrarium videtur quod peccauerit, quia Apostolus ad Rom. 12. ait: Benedicite persequentibus vos: benedicite, & nolite maledicere: sed Sichimitas, & Abimelech nocuerant valde Ioathā occidendo fratres eius, & nunc maledicebat eis, ergo videtur quod peccabat. Item iubetur nobis, qd diligamus hostes, scilicet, Diligite inimicos vestros, & bñfacite his, qui oderunt vos, Matth. 5. c. sed qui alterum diligit, & benefacit ei, non maledicit illi: ergo qui maledicit peccat. Item Petrus in canonica prima. c. 2. ait: Christus mortuus est relinquens exemplum, vt sequamini vestigia eius, qui peccatum non fecit, nec inuentus est dolus in lingua eius: qui cum malediceretur non maledicebat, & cum pateretur non comminabatur. ergo nos tenemur ad hoc exemplum, scilicet, quod non maledicamus alicui. Respondendum, quod maledictio fm se mala actio est, ideo non est licita simpliciter. vnde ē nec minimis rebus ē pro magna causa maledicendum est: nam nil peius diabolo: tñ archangelus Michael non ausus est maledicere ei, licet faceret contra voluntatē Dei, volendo publicare corpus Moyſi, vt patet Iuda. 1. scilicet, cum Michael archangelus cum diabolo disputans altercatur de Moyſi corpore, non est ausus iudicium inferre blasphemiae, sed dixit: imperet dominus in te Satan: & ibi valde increpat beatus Iudas maledicos dicens, eos esse sicut animalia bruta. Confide-

*Filius est pars quaedam patris.*

*Rationes qd non peccarit Ioathan. Prima rō. Secunda rō.*

*Tertia rō.*

*Respo. ad quatuor.*



est maledicere ei, licet faceret contra voluntatē Dei, volendo publicare corpus Moyſi, vt patet Iude. 1. ſcilicet cum Michael Archangelus cum diabolo diſputās altercaretur de Moyſi corpore, non eſt auſus iudiciū inferre blaſphemiæ, ſed dixit, Imperet dominus in te Satan. & ibi valde increpat beatus Iudas maledicos

dicens eos eſſe ſicut animalia bruta. Conſiderandum tamen eſt de maledictione, quod aliquando ponitur, vt pœna a iudice: aliquando autem ponitur in modum vindictę, ſcilicet cum quis non potens aliter iniuriam vlcifci, mala verba proferat. De ſecundo modo dicendum, quod quicunq; ſit, qui proferat maledictionem, peccat mortaliter: & iſtud vetatur in auctoritatibus allegatis. Nec licet hoc iudicib⁹: nec perſonis priuatis. Cum autem ponitur in modū

pœnę interdum licita eſt, vt infra dicitur. De hoc habetur in Decretis 24. quæſt. 3. capit. ſi igitur Michael. cum dicitur: Distinguendum inter maledictum, quod prohibetur: & eſt illud, quod procedit ex odio vltionis, & odio perſequentis non amore iuſtitię. Maledictum, quo ſancti vtuntur, eſt quod procedit amore iuſtitię. De hoc etiam Gregorius in Moralibus, & habetur 24. quæſt. tertio cap. cum ſancti, ſcilicet. Cum ſancti viri maledictionis ſententiam proferunt, nō in hanc ex voto vltionis: ſed ex iuſtitię examine prorumpunt, intus ſubtile iudicium reſpiciant, mala foris vrgentia qua maledictione ferire debebant, cognoscūt: ideo maledicendo non peccant, quo ab interno iudice non diſcordant. In hoc autem conſiderandum, q

maledictio eſt verborum malorum expreſſio ſub intentione, quod eueniat id, quod imprecamur, vel per verba ſignificatur. Et iſta maledictio interdum proferitur a Deo, ſic enim pro peccato Adę maledixit ei, dicens: Maledicta terra in opere tuo: Geneſi tertio. Etiam cum benediceret Deus Abrahę ait: Benedicam benedicientibus tibi, & maledicam maledicentibus tibi Gene. duodecimo, ſcilicet. Inferam mala ſuper imprecentes tibi mala. Sic etiam Chriſtus maledixit ficulneę, & arefacta eſt cōtinuo a radicibus cum non inueniſſet in ea ficus, cum dixiſſet: nunquā naſcantur ex te fructus in æternum Matt. 21. capi. Hęc autem omnia faciebat Deus tanquam iudex potēs inferre pœnam, cui dignum iudicaret. Hoc modo Apoſtolus, qui nobis maledicere vetuit ſepe maledixit. Nā ipſe erat doctor gentium, & exercens iuriſdictionem vbicunq;: ideo pro peccatis maledicebat aliquibus. Et hoc aliquando in generali, & aliquando in ſpeciali. De ſpeciali maledictione patet, quia quendam iuuenem Corinthium præ inceſtu tradidit Satane, vt ſalū eſſet ſpiritus eius in die Domini: prima Corinth. quinto, & iſta vocatur maledictio, vt ait Pelagius Papa, & habetur 34. quæſt. 3. capi. Apoſtolicę auctoritatis. Sic etiam beatus Petrus maledixit Simoni mago dicens. Pecunia tua tecum ſit in perditionem: Act. octauo eo quod voluit gratiam ſpiritus ſancti pecunia emere. Sic etiam maledixit Petrus Ananię, & Saphirę, quia negauerunt pretiū agri mentiendo ſpiritus ſancto: & mortui ſunt ambo: Act. quinto. In generali etiam maledicebat Apoſtolus, quādo ponebat decretum, in quo contineretur maledictio contra aliquos peccantes: ſic dixit ad Gala. cap. primo, Si quis vobis Euangelizauerit præter id, quod Euangelizatum eſt, anathema ſit. Et iterum ibidem fert ſententiam ſuper angelos, dicens: ſed licet nobis aut angelus, aut homo Euangelizet præter id quod Euangelizatum eſt, anathema ſit. Secundum hunc modum etiam alij homines per modum ſententię maledicunt quibuſdam maledictione generali: ſic patet de duodecim tribubus Iſrael quarū ſex poſitę fuerunt ſuper montem Ebal ad maledicendum trans

Agreſſoribus legis, & ſex ſuper mōtē Garizim ad benedicendum manentibus in lege. Et exprimuntur ibi maledictiones, & benedictiones, vt patet Deuterono. vigefimo ſeptimo capit. Sic etiam iudices Eccleſiaſtici poſſunt infligere ſententiam maledictionis in pœnam: ſiue in generali, ſiue in ſpeciali ſuper peccantes: In generali quidem quādocunq; inſtituunt canonem, in quo feratur ſententia excommunicationis, & ſunt ſic multi, in quiquiſd anathema ſit: ſic patet ferē in omnibus, q̄ habentur in Dec. di. 30. & hoc ſiue ſit canon latę ſnię, ſiue ferendę. In ſpeciali at maledictionem proferunt quādo in aliquem ſpecialiter pro delicto ſuo, & cōtumacia excomunicationis ſententiam ferunt: & potiſſimē in excommunicatione grauiſſima, in qua proferuntur maledictiones per modum imprecationis. Et leguntur quidam pſalmi continentes maledictionem. Sicut autem iſta dicta ſunt in maledictione hominum, qui interdum iuſtē maledicūt; ita etiā eſt de rebus inanimatis, vel irrationalibus, quibus ex nonnullis cauſis iuſte maledicuntur. Sic enim Deus maledixit terrę propter peccatū Adę, dicens: Maledicta terra in opere tuo, ſpinas & tribulos germinabit tibi. Sic etiam maledixit rebus irrationalibus Hebręorum, ſcilicet. Maledictum ſit horreum tuum, maledictę reliquię tuę, maledictus fructus iumentorum tuorum, maledictus fructus terrę tuę & cat. Deuterono. vigefimo octauo cap. Chriſtus quoque ficulneę maledixit, nunquam ex te fructus naſcantur in æternum Matt. 21. cap. Sic etiam David maledixit montibus Gelboe, dicens: montes Gelboe nec ros, nec pluuiā veniāt ſuper vos: quia ibi abiectus eſt clypeus fortium, & perierunt arma bellica, vt patet ſecundo Regum capit. primo. Conſiderandum autem de hac maledictione, quę imponitur tanquam pœna, & non deſiderio vindictę, quod non licet cui- cunq; imponere illam alteri, etiam ſi peccet, quia pœnalis eſt maledictio, ſed imponere panā peccati nō pertinet ad quemlibet, ſed ad ſolum iudicem: ideo ē maledictio iuſtē a ſolo iudice infligitur: cōteris vero non eſt ius proferendi maledictionem, ſiue ſuper bonos, ſiue ſuper malos: niſi Deus moueat interdum quosdam ad maledicendum aliis, ſicut mouebat prophetas: ſed tunc iſti efficiebantur iudices ad proferendas maledictiones. Nunc de Ioatham maledicentem Sichimitis, & Abimelech dici poteſt, quod ipſe non dixit iſta per modum imprecationis, ſed per modum prænunciandi, ſcilicet quod iſta mala euentura forent Sichimitis, & Abimelech, & non obſtat quod nō videatur litera applicari ad prænunciationem, ſed imprecationem, quia etiam Prophete interdum proferunt aliqua mala Prophetice, & videntur dicere illa imprecando: ſic eſt de Ieremia, qui dixit capitu. decimo ſeptimo. Confundantur, qui me perſequentur, & non confundar ego: paueant illi, & non paueam ego: induc ſuper eos diem afflictionis, & duplici contritione conterere eos. Sic etiam Iere. vigefimo, dicitur: Et tu domine probator iuſti, qui vides renes, & cor, videam vltionem tuam ex eis. Et tamen Ieremias non deſiderabat vltionem. Sic patet Ieremię decimo ſeptimo cum dicitur: Et ego non ſum turbatus te paſtorem ſequens: & diem hominis non deſideraui, tu ſcis, iſt eſt non deſideraui diem mortis alienius. Hoc modo manifeſtum eſt, quod non peccaret Ioatham. Aliter poteſt intelligi, quod Ioatham malediceret ex deſiderio, vt eueniret, eo, q̄ Deus moueret eum ad maledicendum, & tunc cum concordaret voluntas ſua voluntati Dei, non peccabat, ſic colligitur p Greg. in moralibus, & habetur in decre. 24. quæſt. tertio capitu. cum ſancti: ſic enim Moyſes videtur im-

B

C

D

E

Notandum de maledictione imponi tanquam pœna, & non deſiderio vindictę.



precatus fuisse mala contra Core, & Dathan, & Abi- **F**

ron, & collegas eorum Numeri decimo sexto dicens cum esset iratus, ne respicias sacrificia eorum, tu scis quoniam nec asellum quidem acceperim ab eis, nec afflixi quempiam illorum. Si autem dicatur, quod Ioatham rabie iracundie motus in quendam modum vindictae proferebat hanc contra Abimelech, & Sichimitas peccabat. Si ergo voluerimus tenere, quod peccasset, respondemus ad rationes primas. Ad primam cum dicitur, quod Maledictio ab eo imposita venit.

Ad primam rationem, quod non peccauit Ioatham.

Dicendum quod non sequitur, quia ad hoc quod maledictio alicuius super alium veniat, non requiritur, quod ille, qui profert, iuste proferat, sed quod ille contra quem profertur illam mereatur: & tamen satis stat, quod aliquis mereatur maledici propter ea, quae mihi egit: tamen ego peccem maledicendo illi: velut si quis occidit patrem meum, meretur mortem propter hoc, & tamen si ego, cui inflata est iniuria, mortem sibi inferam, pecco. Deus autem cum infligit penas aliquibus non respicit an imprecantes maledictionem potuerunt eam iuste imprecari, sed an hi, contra quos fit imprecatio mereantur, & sic fieret de Ioatham, quod licet peccaret maledicendo ex sola iracundia, quia tamen Sichimitae & Abimelech dignerant maledictione induxiteam super illos. Ad secundam rationem, cum dicitur, quod scriptura videtur approbare eam. Dicendum quod approbat eam tanquam iuste venientem super eos, contra quos petita est, & ob hoc refert illius executionem, sed non refert tanquam iustam, nec approbat ex parte dantis. Ad tertiam rationem, cum dicitur: benedicam maledictionibus vestris. Dicendum quod hoc non intelligitur de benedictionibus, vel maledictionibus secundum quod iuste, vel iniuste infliguntur, sed secundum quod in se iuste, vel iniuste sunt, & proferuntur pro causa rationabili, vel irrationabili. Et secundum Gregorium, & Ieronymum intelligitur de sacerdotibus, qui benedicebant quibusdam malis adulatione. Hic autem erat causa iusta maledicendi, licet non esset iustus animus, scilicet quia ex ira mouebatur, ideo non benediceret Deus maledictioni eius, sed potius traderet eam executioni. Si autem tenere volumus, quod non peccauit respondebimus ad illas rationes. Ad primum cum dicit Apostolus: Benedi-

Ad 2. rationem.

Ad tertiam rationem.

Ad primam rationem, quod peccauit Ioatham.

Ad 2. & 3. rationem.

cite, & nolite maledicere. Dicendum quod intelligitur de maledictione, quae exprimitur zelo vindictae, & ista semper est peccatum. Sed quae fit zelo iustitiae, vel mouetur homo a Deo ad proferendum illam, non est peccatum. Et sic fecit Ioatham, ut supra declaratum est. Apostolus quoque, qui maledictionem vetuit sepe maledixit, ut supra inductum fuit: eo quod maledictio non est omnibus modis vetita. Ad secundam, & tertiam rationem eodem modo respondendum est, quod intelliguntur de maledictione, quae fit zelo vindictae: quia illa nunquam est alicui infligenda. Nunc autem si queratur quid potius tenendum sit, scilicet quod peccauerit, vel quod non. Dicendum, quod potius tenendum est eum non peccasse, quia promptiores esse debemus ad absoluendum, quam ad condemnandum. Etiam quia res potius debet interpretari ut valeat, quam ut pereat. Etiam quia dubia in bonam partem interpretanda sunt, & quia sicut nemo praesumitur malus, nisi probetur: ita nemo praesumitur peccasse, nisi probetur. Sed de Ioatham non probatur aliquid necessano.



**D**OST Abimelech surrexit dux in Israel Thola filius Phua patru Abimelech, vir de Issachar, qui habitauit in Samir montis Ephraim, & iudica-

uit Israelem viginti & tribus annis, mortuusque est, ac sepultus in Samir. Huic successit Iair Galaadites, qui iudicauit Israelem per viginti & duos annos, habens triginta filios sedentes super triginta pullos asinarum, & principes triginta ciuitatum, quae ex nomine eius sunt appellatae Auo-thiair, id est, oppida Iair, usque in praesentem diem in terra Galaad. Mortuusque est Iair, ac sepultus in loco, cui est vocabulum Camon. Filij autem Israel peccatis veteribus iungentes noua, fecerunt malum in conspectu Domini, & seruierunt idolis Baalim, & Astaroth, & diis Syriae, ac Sidonis, & Moab, & filiorum, Ammon, & Philisthiim, dimiseruntque Dominum, & non coluerunt eum. Contra quos Dominus iratus tradidit eos in manus Philisthiim, & filiorum Ammon. Afflicti que sunt, & vehementer oppressi per annos decem, & octo, omnes qui habitabant trans Iordanem in terra Amorrhæi, quae est in Galaad: intantum ut filij Ammon, Iordane transmissio, vastarent Iudam, & Benjamin, & Ephraim. Afflictusque est Israel nimis. Et clamantes ad Dominum, dixerunt.

Medea  
ga clari  
maleficu

Supra  
& 3. & 4.  
& 6. & 7.  
fra 13.

*Post Abimelech.* Descripta in praecedentibus quarta tribulatione Israelitarum, de qua per Gedeonem liberati sunt. Hic describitur, de qua liberati sunt per Iephthe. Et diuiditur in duas, quia primo ponitur pondus tribulationum hic, & sequenti cap. Secundo impetus seditionum infra 12. cap. Prima in duas. Primo ponitur tempus pacis. Secundo tempus tribulationis ibi. *Filij autem Israel.* Tempus autem pacis fuit sub duobus iudicibus subsequentibus, & consequentibus, scilicet Thola, & Iair. & primo ponitur de Thola, secundo de Iair ibi. *Huic successit.*

*An in his sit ordinis mutatio, & an immediate facta post praecedentia. Quast. I.*

**Q**VAERETVR circa primum, an ea, quae habentur hic fuerint facta post praecedentia ordine continuato, vel sit mutatio, & an fuerint facta immediate, vel aliquanto tempore post. Ad primum dicendum, quod ordo est hic continuatus, quia supra dictum est de Abimelech: hic autem de



de Thola: prior tamen fuit Abimelech quàm Thola, quia Abimelech successit Gedeoni. Item patet ex litera, quia dicitur in principio, post Abimelech surrexit dux in Israel. Ad secundum non patet manifestè, an immediatè, vel aliquanto interiecto tempore. Aliquis dicet quòd immediatè, quia mortuo vno principe alius succedit, ita inter Israelitas mortuo vno iudice alius illico surgeret. Sed hoc non concludit, quia cò-mune erat inter Israelitas, quòd moriente vno iudice non institueretur alius illico, sed manebat terra sine iudice quandiu non egebat illo, scilicet quosque Israelitæ colentes idola subiicerentur hostibus: & tunc accipiebant iudicem. & sic aliquando inter iudicem & iudicem fluebant anni 18. sicut inter Hothonilem & Aod, vt patet tertio cap. Et aliquando 20. sicut inter Aod & Barach. supra quarto, & aliquando septem sicut inter Barach & Gedeonem, supra 6. cap. Ita ergo nunc inter Abimelech & Thola poterant interciderè aliquot anni. Respondendum, quòd hic paucum tempus, vel quasi nullum intercudit inter Abimelech & Thola. Quod patet quia quando inter vnum iudicem, & alium erant aliqui anni medij, illi scribebantur sicut inter Hothonilem, & Aod, & inter Aod, & Barach, & inter Barach, & Gedeonem, vt patet allegatis capi. Hic tamen nō ponitur aliquod medium tempus inter Abimelech & Thola: ideo non videtur, quòd inter ciderint aliquot anni, præsertim quia dicitur: post Abimelech surrexit Thola. in quo innuitur, quòd quasi mediate surrexit.

*Quomodo iste Thola creatus fuerit iudex.*

*Quæst. II.*

**Q**UAE RETVR vltèrius, quomodo iste Thola factus est iudex. Pro quo sciendum, quòd aliqui efficiebantur iudices Deo iubente illis, sicut Gedeon factus est: nam Angelus domini venit ad eum, & dixit quòd pugnaret còtra Madian supra sexto, & septimo. Alij efficiebantur iudices, quia Deus suscitabat eos dando illis animositatem ad pugnandum contra hostes: & confidentiam de victoria: & cùm pugnarent sumebantur a populo in iudices: sic fuit de Hothonile, & Aod, de quibus dicitur, quòd suscitauit eos dominus in Saluatores, & postea ipsi fecerunt bella magna, & præfuerunt populo, supra tertio. Alij fuerunt facti iudices electione populi. Sic fuit de Iephthe, vt in sequenti capi. Nam Israelitæ iuerunt rogaturi ipsum, vt esset princeps eorum, vt pugnaret contra Ammō. Alij efficiebantur principes per quandam instructionem, vel fauorē, & scelera: & sic fuit de Abimelech, quem præcibus acceperunt Sichimitæ, & postea meruit principatum occisis fratribus suis, præcedenti cap. His quatuor modis assumpti leguntur iudices, & de Thola non apparet, quòd fuerit primus modus, quia nō legitur vocatus a Deo per angelum, nec etiam fuit secundus, quia non dicitur quòd suscitauit eum Deus: nec etiam fuit aliquod bellum factum per ipsum propter quod in ducem acciperetur. Nam tempus ei⁹ & iudicis sequentis fuit tempus pacis. Nec etiam fuit quartus modus, quia non fecit intrusionem aliquam: nec fuit per ambitionem, quia tunc accepisset principatum regalem, sicut tenuerat Abimelech. Dicendū ergo videtur, quòd fuit modus tertius, scilicet quòd electus fuit a populo. Et dato quòd non exprimatursic intelligendum est. Scriptura autem non curat exprimere ea, quæ magna non sunt, & quia eligi a populo concorditer non erat aliquid boni famosi aut grauis mali, scriptura subicit.

*Alph. Tost. super lib. Iudicum*

*Quare Thola non creatus fuerit illico iudex defuncto Abimelech. Quæstio. III.*

**Q**UAE RETVR vltèrius, quare Thola non fuit electus in iudicē immediate post mortē Abimelech: nam consuetudo inter Israelitas erat, quòd mortuo vno iudice non eligerent illico alium, sed tandiu manerent sine iudice, quandiu terra non egeret illo, sicut post Hothonilem mansit terra 18. annis sine iudice, vsque ad Aod, supra tertio, & post Aod vsque ad Barach mansit terra sine iudice 20. annis, supra quarto capitul. & sic etiam fuit inter Iair, & Iephthe post hoc. Nam interciderunt anni decem & octo, vt patet infra in litera. Aliquis dicet, quòd fortè interciderunt aliqua bella, sed non leguntur, quia multa subticentur in scriptura. Respondendum, quòd non est verosimile, quia cùm scriptura ponat iudicem, & tempus quo præfuit, non est probabile, quòd subticeret bella, propter quæ factus est iudex, si aliqua fuissent: non ergo fuerunt aliqua. Sed dicendum est, quod populus sano consilio ductus voluit mortuo Abimelech instituire iudicem ad vitandum scandalum, sicut factum fuerat mortuo Gedeone. Nam post mortem illius non curabat populus quemquam iudicem instituire volens seruare antiquum morem, scilicet quòd nō eligeretur iudex quousq; esset necessarius, & iterim surrexit Abimelech, & fauore Sichimitarum factus est rex: & postea concitauit scandala magna pugnās contra loca multa, & agens violentias. Nunc autem putauerunt, quòd forte mortuo Abimelech aliqui velent similiter insurgere ad vsurpandum sibi regnum, & grauissima scandala suscitarent in populo, ideo voluerunt illico instituire Thola, quo præidente, vt iudex nullus auderet mouere scandala, quia ille imperās toti populo præ magnitudine potentiæ illa sedaret.

*Quare Thola non successit in regali principatu, in quo fuerat Abimelech. Quæst. IIII.*

**Q**UAE RET vltèrius, quare Thola non successit in principatu regali, in quo fuerat prædecessor suus Abimelech: nam domini terrarum rarò solent diminuere de iugo introducto p prædecessores suos, dato quòd iniustum sit: sicut respondit Roboā filius Salomonis petentibus Israelitis, quòd allenuaret aliquid de iugo, quod imposuerat pater eius, scilicet, grossior est digitus meus tergo patris mei, & pater meus cecidit vos flagellis, ego cedam vos scorpionibus tertio Regum duodecimo. Respondendum quòd non successit Thola in principatu regis, sed factus est dux. i. iudex sicut fuerant omnes a principio præter Abimelech. Et hoc propter duo. Primò quia Thola erat vir bonus, & vidit, quòd principatus regalis non fuerat iustus principatus in populo, sed tyrannicus, & Abimelech illum fraude, & iniquitate obtinuerat, ideo ipse nolebat succedere in vitio. Etiam sequutus est exemplum boni viri Gedeonis, qui oblatum sibi principatum regalem, vel domitium repulit, dicens: non dominabor vestri: nec filius meus dñabitur in vos, sed dominabitur dominus Deus, supra octauo capi. Vidit etiam quòd erat contra voluntatem Dei, cui auferebatur quædam pars honoris, & principatus in populo, si ipse sibi vsurparet principatum regalem, vt declaratum est supra de Gedeone, octauo. Secunda ratio fuit, quia Thola suscepit principatū electione populi, vt supra dictum est: populus aut noluit eū cōstituire regē, sed iudicē, ideo solū fuit iudex. Hoc aut fecit populus quia putabant se peccare, si quē regē institueret.

*N 2 Etiam*



Etiam quia videbant principatum illum non conuenire sibi: nam occasione huius principatus Abimelech multa mala egit in populo. *Post Abimelech surrexit dux in Israel.* Scilicet mortuo Abimelech, qui tribus tantum annis præsuit precedenti cap. surrexit dux in Israel, scilicet electus consensu populi, & fuit dux idest iudex rediens ad statum prioris principatus. *Thola filius Phua.* Ponitur nomen patris eius ad differentiam, quia alii sic nominabantur: sic etiam dicitur Io sue filius Nun ad differentiam aliorum. *Patruus Abimelech.* Idest iste Phua erat patruus Abimelech, scilicet frater patris eius Gedeonis.

*Quomodo stat hic litera, quoniam eidem videtur litera sequens repugnare. Quest. V.*

**Q**VAERETVR quomodo stat ista litera: nam videtur repugnare litera sequens, scilicet vir de Issachar, idest quod erat Thola vir de Issachar: Gedeon autem erat de tribu Manasse, supra sexto: ergo non poterant ambo esse fratres, quia tribus Israelitarum, & familie debebant esse impermixtae, ut patet Numeri trigesimo sexto, & Leuit. vigesimo quinto. Respondet Nicolaus, quod hoc esse potuit propter matrem Gedeonis, scilicet quia ipsa accepit unum virum de tribu Manasse, scilicet Ioas, de quo concepit Gedeonem, & alium suscepit de tribu Issachar, de quo peperit Phua patrem Thola, & sic Gedeon, & Phua essent fratres ex parte matris, & essent de duabus tribubus, quia tribus, & familia nominantur a patre, & non a matre: & sic Phua esset patruus Abimelech, idest frater patris eius, & essent Abimelech & Thola patruales, scilicet filii duorum fratrum: & tamen non essent de eadem tribu. Sed obiicietur non stare, quia veritum erat mulieres unius tribus, vel familie suscipere in viros homines de alia tribu, vel familia Numeri trigesimo sexto capi. & sic non posset mater Gedeonis habere viros, de duabus tribubus. Respondet Nicolaus, quod illa lex intelligitur de mulieribus; quae succedebant patribus in hereditate in defectum filiorum: sicut fuit de filiabus Salphaad, de quibus ibi dicitur, Numeri vigesimo septimo capit. ne miscerentur possessiones tribuum, & familiarum: sed cum mulier non succedebat patri, poterat accipere virum alterius tribus, sic fuit de matre Gedeonis. Sed ista responsio forte claudicat per intellectum illius legis, de quo Num. 36. declaratum est. Sed dicendum, quod ista varietas venit, quia in litera nostra non habetur, sicut in Hebreo, quia in Hebreo dicitur (Dodo) ubi nos dicimus patruus eius, & est nomen æquiuocum, quia interdum est nomen proprium, & interdum commune: cum enim accipit pro communi significat patruum eius, & sic accipit litera nostra. Hebraei tamen accipiunt quod (Dodo) sit nomen proprium, quod Thola fuerit filius Phua, & Phua filius Dodo. Sic etiam accipit interdum Iosephus, ut patet secundo Regum vigesimo tertio capit. ubi dicitur post hunc Eleazar filius patris eius. In Hebreo habetur filius (Dodo) & Iosephus septimo antiquitatum dicit, filius (Dodi) in quo vult esse nomen proprium viri, & sic tenendo quod (Dodo) sit proprium (ut volunt Hebraei) erit ablata contentio. Sed magis videtur dicendum secundum literam nostram, scilicet quod accipiat (Dodo) pro patruo: nam si diceretur: Surrexit Thola filius Dodo: crederetur satis rationabiliter, quod erat nomen patris, dicitur tamen Thola filius Phua, deinde ponitur Dodo, & non dicitur filius, nec aliqua alia determinatio: ponitur ut videatur Dodo esse proprium. Ideo accipiendum est pro patruo. Sed tunc obiicitur, quia in Hebreo non habetur Abimelech, & litera nostra ponit. Respondendum quod

Doc. resp. ad q̄sum.

**E** si Dodo accipiat pro patruo, necessario intelligetur Abimelech, quamquam non ponatur, quia Dodo non significat solum patruum, sed etiam cum dependentia, scilicet patruum eius, & particula eius, debet referri ad adiumentum: & iste est Abimelech. Nam dicitur: post Abimelech surrexit Thola filius Phua patris eius, idest patris Abimelech, scilicet quod Phua erat patruus Abimelech. Et tunc dicendum, quod quamquam regulariter non contrahebant mulieres unius tribus cum viris alterius, tamen aliquando factum legitur, sicut Numeri trigesimo sexto declaratum est. *Vir de Issachar.* Scilicet Thola erat de Issachar, quia pater eius Phua erat de Issachar. De matre autem non erat cura, de qua tribu vel familia esset. *Qui habitavit in Sanir montis Ephraim.* Ponitur locus habitationis eius, & sepulturae: nam utrumque fuit in Sanir.

*Quomodo dicitur Tholam habitasse in monte Ephraim. Questio VI.*

**Q**VAERETVR quomodo dicitur quod habitavit Thola in monte Ephraim, quia erat de tribu Issachar, & inter Israelitas erant possessiones distinctae secundum tribus, & familias, ita quod homo de una tribu, etiam si esset ditissimus, non poterat habere possessionem in sorte alterius tribus, quia non poterat ei vendi, etiam si daret infinitam pecuniam, quia Deus vetuerat permixtionem possessionum, ne permiscerentur tribus Numeri trigesimo sexto: ideo Thola non poterat habere possessionem in monte Ephraim, quia erat extra tribum suam. Aliquis dicit quod habitavit in monte Ephraim, non quasi habens ibi principale domicilium, & possessiones suas, sed in sorte Issachar: habitavit tamen peregrinus in Sanir, quia licebat Israelitis peregrinari ubi bonum sibi esse cognouerunt: dum tamen in alienis tribubus non obtinerent possessiones. Sed dicendum, quod hoc non stat, quia scriptura semper nominat id quod principaliter est, ideo nominaret locum, in quo possessiones suas habebat Thola, & erat domicilium suum ex natiuitate ibi, & non locum, in quo peregrinus maneret. Item non stat, quia dicitur quod Thola sepultus est in Sanir, sed Israelitae sepeliebantur semper in sepulchris patrum suorum, quia hoc desiderabant valde, ut patet secundo Regum decimo septimo, & decimo nono, & sic fecerant Patriarchae, quia omnes tres Patriarchae cum vxoribus suis in eode sepulchro conditi iacent: Gene. quadagesimo nono capit. ergo oportet dici, quod habitatio sua, & origo erat in monte Ephraim. Dicendum igitur, quod Sanir ciuitas montis Ephraim erat locus originis Thola, & ibi habitavit ipse, & cognatio eius, & erat iste locus in sorte Issachar. Nec obstat, quod dicatur, quod in monte Ephraim erat locus aliquis Issachar sortis, quia mons, in quo erat fors Ephraim extendebatur aliquantulum extra sortem Benjamin, & ibi poterant esse vrbes aliarum tribuum; & patet hoc de tribu Issachar. Nam tribus Ephraim, & Manasse coniunguntur sorti Issachar, quia in parte Orientali, ut patet Iosue decimo septimo, & ibi extenditur mos Ephraim, ultra forem Ephraim, & est in sorte Issachar. Simile patet secundo Regum decimo octauo, cum dicitur, quod bellum fuit in saltu Ephraim. & illud erat trans Iordanem: tamen fors Ephraim non extenditur trans Iordanem, sed intelligitur de quadam parte illius montis, quae est ultra Iordanem ad Orientem. *Et iudicauit Israel viginti tribus annis.* Scilicet a iudicatura suscepta usque ad mortem suam iudicauerunt isti viginti tres anni: nam quilibet iudex praeratur usque ad mortem: nec cuiquam auferabatur ista dignitas

Doc. resp. ad q̄sum.



gnitas semel collata. *Mortuusque est atque sepultus in Sanir.* A Ibi erat locus originis, & sepulti fuerant ibi progenitores sui, ideo ibi sepultus est. De hoc iudice nulla gesta magnifica narrantur, quia tempus suum fuit in pace, nec habuit materiam exercendæ virtutis bellicæ: sed solum iuste iudicauit, toto tempore suo continens populum Hebræorum in magna tranquillitate, quod non parvæ virtutis est. *Huic successit Iair Galaadites.* Hic ponitur de alio iudice, qui similis fuit precedenti, eo quod tempus utriusque fuit sine bellis, & non leguntur gesta bellorum alicuius eorum.

*De qua tribu erat iste Iair iudex.*  
*Quest. VII.*

**QVÆRETUR** de qua tribu erat iste iudex. Respondendum quod scriptura non exprimit, eo quod putat manifestum esse, cum dicat eum esse Galaaditem: sic etiam dicitur sequenti cap. de Iephte quod erat Galaadites, & non nominatur de qua tribu erat: & tunc si terra Galaad cecidisset in partem specialem alicuius tribus, dicendo quod aliquis erat Galaadites, sciretur tribus eius: non tamen fuit tota terra Galaad sub vna sorte, sed sub duabus. Nam diuisa fuit in tribum Gad, & Manasse. Medietas quippe data est tribui Gad, & medietas Manasse: Deutero. 3. Nec obstat Nume 32. ubi dicitur quod data est terra Galaad dimidiæ tribui Manasse: nam istud intelligitur de media parte terre Galaad. Ideo dubium manet de isto Iair an fuerit de tribu Gad, vel de Manasse. Potest dici quod fuerit de Manasse, quia magis alludit ei quod dicitur, quia vocantur ab eo ciuitates 30. Auothiair, id est villæ Iair, de quo postea dicitur.

*An tempore istorum iudicum, scilicet Thola, & Iair Israelitæ idola coluerint.*  
*Quest. VIII.*

**QVÆRETUR** vterius, an tempore istorum duorum iudicum, scilicet Thola, & Iair Israelitæ coluerint aliquando idola, scilicet quod mortuo vno colerent idola, & surgente alio recederent ab eis. Aliquis dicit quod mortuo Abimelech coluerint idola, & surgente Thola cessauerint idola tota vita sua, quo mortuo antequam surgeret Iair etiam fuerunt idola, & surgente Iair cessauerunt, quia ista erat conditio generalis Hebræorum: sic patet supra secundo, scilicet: Cunque dominus suscitaret iudices flebatur misericordia, postquam autem mortuus esset iudex reuertebantur, & multo maiora faciebant quam fecerant patres eorum sequentes deos alienos. Respondendum quod illa regula erat quasi communis, quia mortuo vno iudice conuertebantur ad idola: plus quam conuersi fuerant antequam ille institueretur iudex: tamē aliquando non tenebat, scilicet quod transirent duo, vel tres iudices, sub quibus non colerent idola: tenet autem generaliter illa regula in illis iudicibus, qui non succedebant sibi immediate. Nam in his sine fallentia aliqua Israelitæ colebant idola mortuo vno iudice antequam institueretur sequens: & ob hoc instituebatur sequens, scilicet quia populus premebatur seruitute a gentilibus propter idola quæ colebant. sic patet in Hothonie, & Aod, & Barach, & Gedeone, Iephte, & Samson. Nam omnes hi surrexerunt ad liberandum populum iacentem sub hostibus propter idola. De Hothonie, & Aod supra tertio. De Barach supra quarto. De Gedeone supra 6. De Iephte patet hic iuncto sequenti cap. De Samson infra 12. iuncto. 13. & sequentibus. De istis autem non apparet an coluerint idola tempore eorum: posset tamen dici, quod tem-

*Alph. Tost. super lib. Iudicum.*

pore istorum non cessauerunt idola. Nam supra. 8. dicitur quod mortuo Gedeone Israelitæ fecerunt fedus cum Baalim, ut esset eis in deū, & tamen immediate mortuo Gedeone successit Abimelech, & sic tempore eius fuerunt idola. De tempore autem horum non apparet, quod aliquid mutauerint, ideo poterat teneri, quod fuerunt. Rationabilius tamen dicendum quod non fuerint saltem tempore ultimi horum, quia post mortem Iair dicitur infra in litera, quod filij Israel peccatis veteribus noua iungentes seruierunt Baalim in conspectu domini: si tamen fuissent etiam tempore istorum duorum iudicum idola, nihil videretur mutatum propter quod diceretur, quod iunxerunt peccata noua veteribus, cum semper illa continuarent. Item quia tempus istorum duorum iudicum fuit tempus pacis, & tamen dominus consueuerat Israelitis colentibus idola dare ducē super hostes, & sic mortuis his iudicibus cum dicatur, quod Israelitæ coluerint idola, subiungitur quod Philisthæ, & aliæ gentes oppresserunt eos 18. annis.

*An Iair creatus fuerit iudex illico mortuo Thola: & si fuit quare factum sit.* *Quest. IX.*

**QVÆRETUR** an Iair fuerit factus iudex immediate post mortem Thola: & si fuit, quare factum est. Ad primum respondendum, quod fuit factus illico iudex: quod patet, quia dicitur, quod successit ei in quo significatur quædam continuatio temporis. Item quia non distribuitur aliquod tempus medium: si tamen transissent aliqui anni inter Thola, & Iair scriptura expressisset illos: sicut faciebat in omnibus aliis iudicibus discontinuato tempore presidentibus, ut patet de Hothonie, Aod, & Barach, & Gedeone: & supra dictum fuit de eis in questione de Thola. Ad secundum dicendum, quod fuit institutus immediate post Thola ex eadem causa, qua Thola successit Abimelech, scilicet quia putabant Israelitæ, quod adhuc mortuo Thola aliqui vellent facere scandala super principatu obtinendo, sicut in diebus Abimelech: ideo consultius erat, quod constitueretur illico iudex, ut nullus timore eius auderet contendere super principatu. Si autem dicatur, quomodo institutus est in iudicem, cum essent quatuor modi instituendi, ut declaratum est, cum dicebatur de Thola. Respondendum, quod institutus fuit tertio modo, scilicet per electionem populi, & est reddenda eadem causa, quæ de Thola reddita est. *Qui iudicauit Israel per viginti duos annos.* Tot annis vixit postquam sumpsit principatum, & nihil valde magnificum egisse legitur, nisi quod populum in pace gubernauit. *Habens triginta filios sedentes super triginta pullos asinarum.* Istud ponitur tanquam gloriosum de isto viro, scilicet quod tot filios habuerit omnes simul viros, qui sederent super triginta pullos asinarum. Et credendum est, quod iste Iair habuerit multas vxores simul, & concubinas, de quibus susciperet istos filios, ita quod multi eorum essent coetanei: alioquin aliqui essent iam veteres: alij ita paruuli, quod non possent equitare super pullos asinarum: sic enim fuit de Gedeone, qui habuit septuaginta filios. Et dicitur de eo supra octauo, quod habuit multas vxores, & sic potuit habere tot filios. Rabbi Salomon dicit, & etiam Nicolaus, quod isti pulli erant parui equi, vel teneri, ideo vocantur pulli: nam in Hebræo non ponitur iste genitiuus asinarum, sed solum dicitur super triginta pullos: & pullus significat teneritudinem ætatis. Litera autem nostra addidit asinarum, quia visum est ei magis conuenire.



*Et principes triginta ciuitatum*. Idest isti triginta filij Iair erant principes triginta ciuitatum, quia pater instituerat eos. Sic in Hebræo habetur. *Principes triginta viculorum vel rurum*. Signat enim nomen positum in Hebræo hic locum paruum non muratum: quem nos Græcè rus appellamus, & vocantur villæ, vel viculi: Iosue 15. & 16. vsque ad 22. capitu. & huic consonat litera sequēs, scilicet quod appellate sunt ciuitates istæ Auothiair, idest oppida Iair, & tamē Auoth significat viculos, & non vrbes.

*Quomodo isti filij Iair triginta ciuitatum principes fuerint.*  
Quæst. X.

**Q**VAERETVR quomodo erant isti iuuenes triginta ciuitatum principes. Respondendum, quod non erant principes, idest reges, quia Iair non suscepit principatum regnatuum, sed solum fuit iudex: ideo filij eius non possent esse reges, quia non permetteret populus. Item non erant principes, idest domini, quia principatus dominatus nunquam fuit inter Hebræos vsque ad tempora regum, quando Deus denunciavit Israelitis, quæ essent intra regum super populum, ut patet primo Reg. octauo capi. ex quo apparet, quod ante tempus illud non erant illa imposita: alioquin non imponderentur tanquam noua. Etiam Gedeon recusauerat dominari super Israelitas supra octauo dicens: non dominabor vestri, nec dominabitur in vos filius meus: ergo non daret populus principatū hunc filiis Iair. Sed dicendum, quod erant principes, idest iudices triginta ciuitatum, scilicet quia non poterant imponere tributa illis ciuitatibus, nec facere alia, quæ faciunt domini iubendo quidquid volunt præter id, quod est contra legem: sed solum erant iudices exercendo officium iudicaturæ quantum ad pauca, ad quæ se extendebant, de quibus diximus in prologo huius libri. Fecit autem Iair hoc, quia cum ipse præesset toti Israel in iudicando, constituit istos triginta filios suos, ut adiunuerent eum gerendo curam de triginta ciuitatibus. & in illis iudicabant, & præerant. Sic enim fecit Samuel, quia cum esset senex, & non posset sine magno labore discurrere per totū Israel ad iudicandū constituit duos filios suos in principes, & iudices in Bersabee, ut patet primo Regum octauo, & illi iudicabant populum: & semper iudicauissent, nisi quia secuti sunt auaritiam recedentes a via Samuelis, ut patet ibidem: & tunc conquesti sunt Israelitæ, & petiuerunt regem.

*Nunquid hi filij Iair successerint ei in principatu iudicaturæ, vel saltem aliquis illorum.*

Quæst. XI.

**Q**VAERETVR vterius, an isti filij Iair successerint ei in principatu iudicaturæ, vel saltem aliquis illorum. Aliquis dicet, quod sic, quia sicut instituit Samuel duos filios suos successores suos in iudicando, & populus tenebat illos in iudices, iam non iudicante Samuele, & tenuisset eos semper, nisi declinassent post auaritiam: ita filij Iair poterant succedere in principatu ei. Respondendum, quod non successerunt ei. quod satis clare patet, quia dicitur, quod Iair iudicauit Israel viginti duo annis, & post mortem eius transierunt 13. anni sine iudice, quibus terra fuit subiecta Philistinis: si tñ isti vel aliquis eorum successisset patri post mortē eius, aliquis superesset qui principaret: & tñ nullus fuit: nam non fuit inter Iahir, & Iephthe aliquis iudex: sed solum tempus 18. annorum sine iudice. Aliquis autem dicet, quod isti filij Iair, vel saltem

**F** aliquis eorū successurus erat ei, & tamen omnes mortui sunt antequam moreretur Iair. Sed non est verosimile mori triginta filios iuuenes ante patrem senē. Sed dicendum, quod licet omnes ei morienti superessent nullus eorum successit in iudicatura, quia ipsi erant viuente patre tanquam vicarij eius in his triginta ciuitatibus, quibus præerant. Defuncto autem iudice ordinario spirat iurisdicatio vicariorum eius. Cum autem arguitur de filiis Samuelis. Dicendum, quod illi non succedebant patri, nec ponebantur ut successores: ideo dato quod non declinassent post auaritiam non mansissent in principatu defuncto patre: sed Samuel cum esset iam inueteratus, & non posset commode exercere iudicandi officium, de consensu populi substituit duos filios suos iudices, quamdiu ipse viveret. Postquam verò moreretur, expiraret officium illorum, & esset in potestate populi, quem vellent habere in iudicem, an illos vel aliquem alium: sed adhuc officio vicariatus priuati sunt viuente patre, quia declinauerunt ad auaritiam, & coactus est a Samuel constitutare regem petente populo. Causa autem precipua, ut isti non succederent patri erat, quia Israelitæ toto hoc tempore instituebant quos volebant in principes, & non dabant alicui ius principandi ex successione. Vnde non fuit aliquis inter iudices, cui succederet filius in principatu, licet haberet filios, qui essent viri optimi ad principatum: præter Abimelech, qui non tanquam ex iure succedendi, sed per quasdam fraudes, & fauores suscepit principatum præcedenti capitu. ideo licet forte isti filij Iair essent viri conuenientes ad principatum, neminem de eis in iudicem mortuo patre sumperunt. *Quæ ex nomine eius appellate sunt Auothiair.* Et exponitur in litera, idest oppida Iair, quia Auoth signat villas, scilicet parua loca non murata, quæ appellantur villæ, vel villulæ, aut viculi, & dicitur tam Auothair, quam Auothiair. Idest oppida Iair. Istud non est in Hebræo: sed posuit illud noster translator ad exponendum significatum nominis Hebraici, sicut fit in aliis multis locis. *Vsque in præsentem diem.* Refertur ad tēpus, in quo fuit liber iste scriptus, scilicet tempore Samuelis, qui illum scripsit. Nam etiā tunc durabat istud nomen. *In terra Galaad.* Idest sunt ista oppida in terra Galaad: est enim terra Galaad diuisa in duas partes. Vna medietas eius pertinet ad tribū Gad, & ista est Meridiana. Alia medietas pertinet ad Manasse, & ista est Septentrionalis apud terram Ammonitarum.

*Quomodo dicitur hic, quod vocatæ sunt istæ vrbes Auothiair ab Iair nunc iudicante Israel.*

Quæst. XII.

**Q**VAERETVR quomodo dicitur hic, quod vocatæ sunt istæ vrbes Auothiair ab isto Iair, qui iudicauit nunc Israel, quia Numeri trigesimo secundo capitu. dicitur, quod Iair filius Manasse cepit viculos Galaad, & vocauit illos Auothiair ex nomine suo. Aliqui respondent, quod sit idem iste & ille, quia iste vocatur Iair, & ille vocatur Iair. Item, quia iste est de stirpe Manasse, & ille etiam. Vnde vocatur filius Manasse, idest de stirpe Manasse. Item ista oppida sunt in terra Galaad, & illa etiam. Nam dicitur, quod ille cepit viculos Galaad, etiam iste villæ vocatur Auothiair, & ille etiam. Respondendum, quod non stat, quia ille fuit antea istum magno tempore, scilicet trecentis annis: nam Iephthe dixit, quod iam fluxerant trecenti anni ex quo Israelitæ occupauerant terram regis Sehon, sequenti cap. Et tunc Iair de quo ibi dicitur cepit viculos Galaad, qui quondam erant de terra Am.



Ammon, & illo tempore Iair erat iam vir magnus, prudens, & bellator: ideo non potuit tanto tempore vivere, ut nunc fieret iudex, quia nullus homo isto tempore ultra centum annos aut parū plus excedebat. Item non stat, quia non vocantur hic istę villę Auothair ex eadem causā, ex qua illę nominatę sunt sic, quia cepit eas Iair, & omnibus imposuit nomen Auothair. Hic autem nomen inpositum fuit quia isti. 30. filij Iair principabantur in alijs. 30. ciuitatibus. Respondendum quod non fuit idem iste Iair, & ille: nec etiam fuerunt eadem loca, quia Iair, qui cepit viculos terrę Galaad, vocauit omnes viculos illos Auothair Nume. 32. & non est certus numerus istorum viculorum: hic autem patet quod istę villę vocatę Auothair erant solum 30. & vocatę sunt sic, quia specialiter pertinebant ad Iair, eo quod licet ipse præfesset toti Israel, tamen filij eius præerant illis ciuitatibus sub eo constituti. *Mortuusque est Iair, & sepultus in loco, cuius nomen est Camon.* Iste locus est in terra Galaad in sorte Manasse, & quia Iair erat Galaadites, sepultus est ibi, quia forte ille erat locus sue origins, & iuxta consuetudinem Hebręorum quilibet sepeliebatur in sepulchro maiorum suorum. In Hebręo habetur Maon. Vbi nos dicimus Camon. Et forte est locus ille binomius sicut viri sunt saepe binomij & trinomij. Sic et alia loca, ut Hebron, & Ierusalem, quorum quodlibet habet multa nomina. *Filij autem Israel.* Hic ponitur secundum principale huius cap. scilicet tempus tribulationis, in quo Israelitę afflicti sunt a gentibus deo tradente eos illis, quia colebant idola. Et diuiditur in tres partes. Primò ponitur culpa. Secundò subditur pena ibi. *Contra quas.* Tertiò adiungitur penitentia ibi. *Peccauimus.* Circa primū dicitur. *Filij autem Israel peccatis veteribus noua iungentes.* Idest non contenti fuerunt antiquitus peccasse: sed etiam nunc peccata noua addiderunt. *Feceruntque malum in conspectu domini.* Scilicet eo vidente adorabant deos alienos, & dimittebāt iptum.

*Quomodo hoc factum sit: & quę vocentur hic peccata vetera, & peccata noua Questio. XIII.*

**Q**UÆRETUR. quomodo fuit hoc factum, & quę vocantur hic peccata vetera, & quę peccata noua. Respondendum ad primum, quod Israelitę fecerunt istud post mortem Iair: nam viuentē eo nō coluerunt idola nec etiam tempore Thola: & quia inter Thola & Iair non intercidit aliquod tempus, nec habuerunt Israelitę tempus declinandi ad idola, & fuerunt tempore horum duorum iudicum boni. Peccata autem eorum fuerunt post mortem Iair: Nam tunc nullus fuit in iudicem institutus, qui coerceret Israelitas a malo, ideo fecerunt sicut soliti erant, scilicet quod mortuo iudice maiora peccata facerēt quā prius. Sic patet supra secundo. Nam dicitur quod viuentē iudice Israelitę benē se habebant, sed illo mortuo, faciebant peiora quam fecerant patres sui, & sic fuit hic, quia antiquitus colebant Israelitę Baalim: nunc autē ceperunt colere simul deos multarum gentium, scilicet Baalim Astaroth deos Sidoniorum, & Syrię, & Moab, & Ammon, & Philistinorum. Ad secundū dicendum quod peccata vetera vocantur illa quę fecerant postquam delierunt peccare, scilicet ante Gedeonem peccauerant nimis, & eo præfidente boni fuerunt, & postea tempore Thola, & Iair etiam. Vel vocantur peccata vetera, quę fecerunt Israelitę mortuo Gedeone dum principaretur Abimelech. Nam supra octauo dicitur quod post mortem Gedeonis Israelitę fecerunt pactum cum Baalim, ut esset eis in deum. Abimelech autem non curauit extir-

Alph. Tost. super lib. Iudicum

pare idolatriam, quia animus eius solum erat ad dominandum, & non ad iustitiam exequendum. Vnde in illo paucō tempore trium annorum, quibus regnauit occupatus bellis nihil boni agere potuit, nec curauit ad auferendam idolatriam. Thola autem & Iair, qui postea surrexerunt, & fuerunt, in tempore pacis extirpauerunt idolatriam, ideo peccata vetera erant illa, quę fiebant tempore Abimelech. Ad tertium dicendum, quod peccata noua vocabantur illa, quę agere ceperunt Israelitę mortuo Iair, & tunc venit illis tribulatio. Aliter posset intelligi de peccatis veteribus, & nouis, scilicet quod peccata vetera erant illa, quę Israelitę ante hoc frequentauerant. Peccata autem noua erant illa, quę nunc super illa addiderunt, & tunc non erit sensus, quod delierint peccare aliquanto tempore Thola, & Iair: sed quod exercuerint peccata vetera, idest ab antiquo vsitata; scilicet quod colerent Baalim. Istud namque in consuetudinem duxerant, & vsque tunc continuauerunt: sed nunc exercuerunt peccata noua, idest non vsitata, scilicet quod coluerunt deos multarum gentium, quos prius non coluerant, & ponuntur 7. dij, ut patet in litera, & istud satis stat. Primus tamen sensus melior est, quia verisimilius est quod tempore Thola, & Iair non coluerint idola, quā quod coluerint. *Et seruierunt idolis Baalim, & Astaroth.* Hic ponuntur septem idolatrię, scilicet idolatria cum 7. dijs vel cum dijs 7. gentium, & ponitur hoc ad significandum magnam peruersitatem Iudeorum, & desiderium colendi idola, quia nō sufficiebat eis colere vñum idolum, vel deos vñius gentis, sed deos omnium gentium, quas nouerant, colebant. ponuntur Baalim, & Astaroth, quia isti erant dij communiore, ut declaratum est supra tertio, & istos duos deos colebant tempore Samuelis, bene dixit eis Samuel. si in toto corde vestro reuertimini ad dominum, auferte de medio vestri Baalim, & Astaroth: primo Reg. 7. capi. *Et dijs Syrię.* Comunicabant Israelitę cum Syrijs, ideo cognoscebant Deos eorum, & ritum colendi, & ob hoc colebant: sunt autem Syri ad partem Aquilonarē terrę Chanaan apud Euphratem, & forte isti dij, scilicet Baalim, & Astaroth erant de dijs Sirig, licet haberent in super alios, & quia coluerunt istos, tradidit eos dominus in manus Syriorum: sic enim patet supra tertio. Nam post mortem Iosue prima captiuitas, & subiugatio Israelitarum fuit sub manu Chusanrasathain regis Mesopotamię, siue Syrię, quod idem est. Et ibi ante hoc dicitur, quod traditi sunt in manus eius, quia colebant Baalim, & Astaroth. *Et Sidonis.* Habebant Sidonij alios Deos, quos colebāt Israelitę, & erat Deus Sidoniorum principalis Astarthas: sic patet 3. Reg. 11. capi. cum dicitur de Salomone, quod colebat Astarthę Deam Sidoniorum. Conuersabantur autē Israelitę cū Sidonis, quia illi in terra Israel erant: nam Sidon in sorte Aser est, ut patet Iosue 19. capi. habitant autem Sidonij apud mare in parte occidentali terrę Chanaan, & sciebant Israelitę Deos eorum. *Et Moab.* Deus Moabitarum erat Chamos, ut patet tertio Regum 11. scilicet quod colebat Salomō Chamos idolum Moabitarum. Idem patet 4. Reg. 23. capi. ideo Moabite vocātur populus Chamos, ut patet Num. 21. & Isai. 15. & 16. sunt autē Moabite coniuncti terrę Chanaan ex parte Orientali: nam terra Moab peruenit vsque Iordanem, ut patet Deutero. tertio, & Iordanis est pars Orientalis terrę Chanaan Nume. 34. capi. ideo sciebant Israelitę de Deo Moab. Alii autē volunt Phegor esse Deum Moabitarum, quia vocantur excelsa Phegor Nu. vigesimo tertio, & vigesimo quinto, vocatur etiam fanum Phegor Deuter. tertio. Sed dicendum Phegor esse nomen montis, in quo erat fanum Dei Moabitarum, qui vocabatur Beelphegor.

Animus  
Abimelech solum  
ad dominum  
nēdū erat.

Idolatria  
cum septē  
dijs.

De situ Sy-  
riorum.

Sidoniorū  
Deus A-  
stharthes.

Deus Moa-  
bitarum  
erat Cha-  
mos.

Phegor qd  
fit.



gor, eo quod erat in monte Phegor. *Et filiorum Ammon.* Deus Ammonitarum erat Moloch, ut patet tertio Regum 11. ubi dicitur de Salomone, quod colebat Moloch deum Ammonitarum: sed quarto Regum 23. cap. vocatur Melchom. Sic etiam primo Paral. 20. c. sed idem est. Nam sepe idem vir, vel res, aut locus est binomius, vel trinomius. Isti Ammonitæ erant ad Aquilonarem partem Israelitarum, & partim ad orientalem, & communicabant cum eis duæ tribus, & dimidia, quæ morabantur ad Orientalem partem Iordanis, & nouerant ritus eorum. *Et Philistim.* Dij Philisthinorum erant Astaroth, Dagon, & Beelzebub; nam in ciuitate Acharon erat Beelzebub, ut patet quarto Regum primo, & ad illum mittebantur de omnibus partibus consultationes: nam Ochozias rex Israel misit ad consulendum eum, an curaretur de infirmitate sua, ut in allegato capitu. In vrbe Gaza, & Azoto erat Deus Dagon. De Azoto patet primo Regum quinto, cum Philisthini arcem Dei ad se ductâ posuissent in Azoto in templo Dagon corruit Dagon coram arca. De Gaza patet infra decimo sexto: nam Philisthini concurrerunt in vrbe Gaza ad offerendum hostias magnificas Deo suo Dagon. Astaroth erat in aliis urbibus: nam dicitur primo Regum trigesimo primo, quod in templo Astaroth posita fuerunt arma Saulis, & ista omnia erant in terra Philisthinorum. Istos communes cognouerant Israelitæ: quia communicabant cum Philisthinis, eo quod Philisthini morabantur intra terram Israelitarum in partem Meridianam, & quodam tempore erat magna communicatio Israelitis cum eis: nam non erat faber ferrarius in Israel, & descendebant in terram Philisthinorum ad acuendum vomerem, & sarculum, usque ad stimulum asini, ut patet primo Regum decimo tertio capitu. & ex hoc potuerunt cognoscere Deos eorum. *Dimiseruntque Dominum.* Scilicet non obseruando mandata eius. *Et non colebant eum.* Scilicet non faciendo ei sacrificia, nec offerendo alias caeremonias cultus. *Contra quos iratus Dominus.* Hic ponitur secundum huius partis, scilicet pena peccati, scilicet quia Deus infligit penam Israelitis pro peccato suo: nam iratus est, scilicet dispositus fuit ad infligendam punitionem. *Tradidit eos in manus Philisthinum.* Scilicet concitauit Philisthinos, contra illos in bellum, & fecit Israelitas inferiores, intelligendo sicut declaratum est supra tertio, & præcedenti capitu. quod Deus mouet corda hominum ad amorem, vel odium, vel alias passionem, & hic mouit Philisthinos, ut nocerent Israelitis: & non contulit vires Israelitis ad resistendum: sed potius incussit eis timorem ne possent resistere. *Et filiorum Ammon.* Ille duæ gentes pugnaverunt tunc contra Israelitas, & oppresserunt eos seruitute: sicut supra tertio, Moabitæ confortati sunt contra Israel, & copulati sunt eis Amalechitæ, & Amonitæ. Philisthini autem magis oppresserunt nunc Israelitas quam Amonitæ. ex hoc tempore cepit bellum durum contra Israelitas a Philisthinis infligi: unde semper ab hoc tempore fuit bellum mutuum. Vel erant Israelitæ in seruitute Philisthinorum: nam nunc seruierunt eis 18. annis. post hoc etiam seruierunt quadraginta annis ante tempore Samsonis, ut patet infra duodecimo, tempore quoque Samsonis erant Israelitæ seruientes Philisthinis infra quatuordecim postea etiam continuo seruierunt eis, scilicet sub tempore Heli summi sacerdotis, qui fuit iudex post Samsonem: deinde tempore Samuelis et seruiebant, & postea tempore Saulis primi regis Israel, qui fuit post iudicaturam Samuelis, seruiebant Israelitæ Philisthinis. Nam tempore Saulis erat statio philisthinorum in Israel primo Regum decimo, & decimo tertio, & non erat faber ferrarius in Israel, quia hoc iusserant Philisthini, eodem capitu. & descendebant Israe-

lites in terram Philisthinorum ad acuendos vomeres, secures, & tridentes: & ad acuendum stimulum, eodem capitu. & postea durauerunt continua bella inter Saulem & Philisthinos toto tempore regni Saulis, & in eis mortuus est Saul: primo Regum trigesimo primo. Deinde David succedens contra Philisthinos habuit bella, & abstulit frenum tributum de manu eorum, secundo Regum octauo, & egit postea multa bella contra illos eodem lib. capitu. vigesimo primo, & sic non fuit aliqua gens, quæ tanto tempore Israelitas affligeret. *Afflictique sunt uehementer.* Scilicet quia Philisthini vastabant terram eorum, & ipsi non poterant resistere: fortè enim faciebant sicut Madianitæ tempore Gedeonis: nam quolibet anno, quando omnes segetes erant quasi maturæ prius quam Israelitæ metere eas possent veniebant Madianitæ cum omnibus populis Orientalibus, & ad modum locustarum replebant terram, vastabantque segetes in herba, itaque ut nihil relinqueretur Iudeis ad cibos, ut patet supra sexto capitu. *Et oppressi per annos decem, & octo.* Durauit ista tribulatio 18. annis inchoando a morte Iair Iudicis usque ad constitutionem Iephthe in Iudicem. Nam licet illico post mortem Iair non oppressi fuerint Israelitæ, quia tamen illico ceperunt peccare, & pro peccatis Deus misit gentes contra eos computantur omnes 18. anni, ut non maneat aliquid de tempore, non computantum, quod non comprehendatur sub aliquo, quia tunc inducendo ex particularibus summis illam summam totalem, quæ colligitur tertio Regum sexto, esset illa maior, quam summæ particulares. Sed falsum est. *Qui habitabat trans Iordanem in terra Amorrhæi.* Quamquam totus Israel puniebatur, tamen puniebantur nunc magis habitantes trans Iordanem, scilicet ad Orientalem partem eius, & hoc significatur, quia dicitur. in terra Amorrhæi, id est in terra duorum regum Amorrhæorum: nam Sehon, & Og, qui erant duo reges Amorrhæi, ut patet Deuteronomij secundo, & tertio, tenebant totam terram, quæ est ad Orientem Iordanis, quam postea ceperunt Israelitæ viuentem Moysen, & illa terra data est duabus tribubus, & dimidiæ, scilicet tribui Ruben, & Gad, & dimidiæ Manasse, Numeri trigesimo secundo, & Deuteronomij tertio capitu. hanc terram vocat scriptura terram Amorrhæi, id est duorum regum Amorrhæorum: & hanc vastauerunt nunc atrocius hostes. Nam Philisthini, & Ammonitæ erant nunc hostes, & copulabantur, ut simul pugnarent contra Israel: & quia Ammonitæ morantur ex parte orientali Iordanis, & Aquilonari, veniebant etiam cum eis Philisthini, & inuadebant terras coniunctas ex parte Israel. Istæ autem sunt terre duarum tribuum, & dimidiæ. *Quæ est in Galaad.* Id est vastabant terram Amorrhæi, quæ est in prouincia Galaad. Vocatur terra Galaad quedam regio, quæ adiacet monti Galaad. Ex utraque parte montis est regio vberima, & pascualis plurimas habens vrbes, ut patet Numeri trigesimo secundo.

*Quare potius vastabant terram Galaad quam alias terras Israelitarum.* Quæst. XIII.

**Q**UARE TVR, quare potius vastabant terram Galaad, quam alias terras Israelitarum, licet alias aliquantulum vastarent. Respondendum quod hoc fuit propter duo. Primum fuit quia terra Galaad erat valde propinqua hostibus. Nam hostes erant hic Ammonitæ, & Philisthini: ex parte autem Ammonitarum nulli erant ita coniuncti sicut Galaaditæ, quia in confinibus iacent utraque regiones potissime, quia terra Galaad fuerat olim pars terre Ammonitarum. Ita



Ista causa significatur, cum dicitur, quod Ammonitæ vexabant eos, qui erant in terra Galaad intantum, quod Iordane transmissio vastabant interdum filios Iuda, & Ephraim: quasi dicat, semper vastabant Galaaditas, eo quod coniuncti eis erant, & quando multum progrediebantur, transibant Iordanem, & vastabant Iudam, & Ephraim, qui sunt ad occidentalem plagam Iordanis. Secunda causa erat, quia Ammonitæ volebant reducere ad se terram Galaad: fuerat enim olim terra Galaad pars terræ Ammonitarum, & temporibus præteritis non repetiuerat eam rex Amon, quia putabat se impotentem ad obtinendum: nunc autem visa oportunitate, scilicet, quia Israelitæ affligebantur sub manibus eius, & Philisthinorum, coepit petere restitui sibi terram Galaad, ut patet sequenti capitulo, & ad hoc, quod facilius illam obtineret, vexabat nimis Galaaditas bellis, ut ipsi vexatione constrikti, & non habentes auxilia torem sponte se traderent Ammonitis, nè tãdiu mala hæc paterentur. Hoc autem significatur, quod rex Ammonitarum contra Galaaditas coepit agere bellum, & fixit tentoria in terra Galaad infra in litera, & tunc coacti sunt Galaaditæ sumere de se iudicem: sumpseruntque Iephte Galaaditem, qui pugnavit contra Ammonitas sequenti capitulo. *Intantum ut filij Amon Iordane transmissio vastarent Iudam, Benjamin, & Ephraim.* Idest intantum excedebat audacia Ammonitarum, quod interdum non solum inferebant bellum Galaaditis, sed etiam illis subiectis, & afflictis transibant in terram ultra Iordanem, ubi erant nouem tribus, & dimidia, & vastabant Iudam, & Ephraim, & Benjamin, quæ erant tres tribus coniunctæ. *Afflictusque est Israel nimis.* Scilicet, quia multæ violentiæ, & depauperationes inferebantur eis ab hostibus. *Et clamantes ad dominum dixerunt.* Idest non habentes iam aliquem adiutorem, nisi Deum cœli, inuocabant eum, ut liberaret eos.

*Quare non dicitur de aduersitate illata à Philisthinis Israelitis, sed solum de malo illato ab Ammonitis.*

*Quest. XV.*

**Q**UÆRETUR cum hic essent duæ gentes aduersantes Israelitis, scilicet Ammonitæ, & Philisthini: quare non dicitur hic de aduersitate, quam inferebant Philisthini, sed solum de malo, quod inferebant Ammonitæ. Aliquis fortè dicet, quod Philisthini parum, vel nihil mali inferebant, ideo non computantur. Sed dicendum, quod non stat, quia Philisthini fuerunt semper potiores Ammonitis, & nulla gens est, quæ tantum afflixit Israelitas, sicut Philisthini, ideo cum nunc essent, ut hostes Iudæorum, & Deus dedisset potestatem illis super Iudæos, non est verisimile, quod parum eos affligerent: potissimè, quia supra in litera dicitur, quod Deus tradidit Israelitas in manus Philisthinorum, & filiorum Amon. Item si soli Ammonitæ persequerentur terram Israel, totum malum euenisset super Galaaditas, & interdum super Iudam, Benjamin & Ephraim. Nam ad has tribus solum se extendebant, ut patet supra in litera. Sed non est verisimile, quod solum istæ tribus paterentur in toto Israel, cum totus Israel peccaret: ideo dicendum est, quod Philisthini ex alia parte inuadebant terram Israel, & vexabant alias tribus. Istud autem necesse est poni, quia litera supra dicit, quod tradidit dominus Israelitas in manus Ammon, & Philisthinorum, ergo aliquid faciebant Philisthini contra Israel: nihil tamen facient, nisi isto modo dicamus. Respondendum est, quod Philisthini etiam grauiter affligebant Israelitas, sicut Ammonitæ, tamen fit mentio de Ammonitis solum, eo quod ista, quæ dicuntur hic, sunt introductoria, & quasi præambulum ad continuandum successionem iudicum. Nam post Iair fuit

**A** Iephte, & ille fuit factus iudex, ut pugnaret contra Ammonitas, ut in sequenti capitulo, ideo, ut inducatur electio illius, & gesta, introducit hic scriptura præambula solum de pugna Ammonitarum contra Israel. Bellum autem Philisthinorum nunc non fuit causa institutionis Iephte: ideo de illorum impugnatione contra Israel non fit mentio.

*Quomodo Israelitæ non clamarunt ante istos decem octo annos cum semper affligerentur. Quest. XVI.*

**Q**UÆRETUR ulterius, quomodo Israelitæ non clamauerunt ante istos decem octo annos, cum semper affligerentur. Responderi potest vno modo, quod Israelitæ pepigerant fœdus cum dijs suis expectabantque liberationem ab eis, & quia toto hoc tpe non acceperunt liberationem, conuersi sunt ad clamandum ad dominum: Israelitæ enim erant rudes, & putabant, quod dii gentium haberent aliquam virtutem adiuuandi cultores suos in bellis, & conferendi eis bona temporalia: imò putabant, quod dii gentium magis hoc possent, aut facere vellent potius, quam Deus eorum: unde quando Ieremias dixit Israelitis manentibus in Aegypto, nè colerent reginam cœli: responderunt, quod non obedirent eius verbo ex parte Dei: sed colerent reginam cœli, & offerret ei libamina, & subiunxerunt, quod quando libabamus ei, saturati sumus panibus, & bene nobis erat, & malum non vidimus. Ex eo autem tempore, quo cessauimus sacrificare reginæ cœli, & libare ei libamina, indigemus omnibus: & gladio, & fame consumpti sumus. Ob hoc autem faciebant fœdus Israelitæ cum dijs gentium, quod susciperent illos in Deos ad semper illos colendum, & quod illi susciperent Israelitas in populum ad benefaciendum eis specialiter: sic patet supra octauo. Nam dicitur, quod post mortem Gedeonis Israelitæ fecerunt fœdus cum Baalim, ut esset eis in Deum: & sic Israelitæ credebant verè hoc, scilicet, quod dii gentium, quos colebant, possent eis benefacere, & liberare eos de aduersitatibus, ideo adueniente aduersitate expectauerunt auxilium ab illis, & in hoc manserunt decem octo annis, quibus oppressi sunt à Madianitis, & Philisthinis, cumque iam desperarent, quod dii gentium illos liberarent, conuersi sunt ad Deum Israel, ut liberaret eos, & ille in fine decem & octo annorum liberauit eos per Iephte Galaaditem. Aliter potest dici, quod Israelitæ toto hoc tpe non clamauerunt ad Deum, eo quod Deus non indurauit corda eorum, ut clamarent. Nam peccauerunt grauiter Israelitæ, & ob hoc volebat Deus, quod paterentur aliquanto tempore, scilicet decem octo annis, & quia si in principio clamassent, exaudisset illos, & liberasset, & non paterentur penam, quam ipse volebat, ideo indurauit cor eorum, ut non aduerterent ad clamandum ad dominum: Simile habetur Isa. 6. Ecce cor populi huius, & aures eius aggraua, & oculos eius claude, nè fortè videat oculis suis, & auribus suis audiat, & corde suo intelligat, & conuertatur, & sanem eum. Simile patet Mat. 13. nec est hoc iniustum, quia poena à Deo iuste inflicta est, ut induretur cor alicuius in petendo veniam, quod in peccato induratum noluit erubescere. Aliter potest intelligi, scilicet, quod Israelitæ clamauerunt ad dominum ante annum decimū octauū, scilicet fortè à principio tribulationis huius: tamen Deus non exaudiebat eos, quia licet Deus oratus illico culpas remittat, poenas tamen non illico remittit, aut transfert. Et ratio potissima, quare Israelitæ licet clamarent non exaudiebantur erat, quia non digne clamabant, scilicet, quia nunquam cessabant colere idola: nam nunquam abiecerunt ea usque ad annum decimū octauū, quando Deus respondit eis, quod irent ad Deos, quos colebant,

&



& illi liberarent eos de angustia, & tunc dixerunt Israelitæ: Peccauimus, redde tu nobis quidquid placet, tantum nunc libera nos, & hæc dicentes omnia de finibus suis alienorum Deorum idola proiecerunt, & tunc secuta est illico liberatio eorum.

*Quomodo isti decem octo anni computantur, vel sub quo iudice  
Quæstio XVII.*

**Q**VAERETVR vltius de istis decem octo annis, quomodo computantur, vel sub quo iudice: nam consuetudo est in isto libro, quod cum alijs numeris partialibus valde excedat ad numerum totalem, qui ponitur 3. Reg. 6. ideo est regula, quod anni, quibus dicitur mansisse populus in afflictione computentur sub illius iudicis summa, qui liberauit Israel ab illa afflictione, sicut dicitur supra 3. quod Israelitæ oppressi sunt octo annis ab rege Syriæ Cusanrasathain, & dicitur ibi, quod Hothoniel liberauit Israel de hac angustia, & præfuit quadraginta annis. Dico quod illi octo anni sunt pars illorum quadraginta, & quamquā in illis octo nondum esset iudex Hothoniel computatur sub ducatu suo, sicut etiam ibidem dicitur, quod Israelitæ decem octo annis oppressi sunt à rege Moab, & Aod liberauit Israelitas de manu eius, qui præfuit octuaginta annis, dico quod illi decem octo anni sunt pars octuaginta annorum. Sic autem oportet, quod isti decem octo anni, quibus oppressi sunt Israelitæ à Madianitis, & Philisthinis debent computari sub aliquo iudice, & secundum regulam communem deberent computari sub iudice, qui liberauit Israel ab ista angustia, & ille fuit Iephthæ: tamen non possunt includi sub tempore suo, quia ille rex annis solum præfuit infra 12. ca. debet ergo recurri ad præcedentes, ut sub temporibus eorum includantur. Respondendum, quod isti decem octo anni non fortiantur regulam communem, scilicet, quod computentur sub tempore alicuius iudicis. Quod patet, quia deberent computari sub iudice sequenti, qui liberauit populum ab illa angustia. Sed non stat, quia Iephthæ præfuit solum sex annis. Etiam non possunt computari sub præcedentibus, quia Iair præfuit vigintiduo annis, qui fuit ante istam tribulationem, & quando ipse mortuus est, nondum coeperat aliquis de istis decem octo annis, ideo non potest comprehendere sub eo aliquis de istis annis, alioquin deberent poni quadraginta anni in iudicatu suo, scilicet vigintiduo, quibus ipse præfuit, & decem octo, quibus Israelitæ subditi fuerunt Madianitis, & Philisthinis. Ideo dicendum, quod isti decem octo anni hic specialiter computantur per se, tanquam essent tempora alicuius iudicis. Quod patet, quia colligendo summam totalem, quæ habetur 3. Reg. 6. ex summis particulibus ab exitu de Aegypto usque ad ædificationis templi initium prouenit summa præcisa, si computentur isti decem octo anni simul per se cum alijs: si autem ponantur sub annis alicuius iudicis, deficiet aliquid de summa illa, ut patet ex computatione, quam fecimus supra tertio capitulo. Necessè est igitur, quod isti decem octo anni computentur per se.

*Quare post Iair non fuit illico alius iudex creatus.  
Quæstio XVIII.*

**Q**VAERETVR vltius, quare post Iair non fuit illico alius iudex institutus, sicut fuit post Abimelech ipse Thola, & post Thola electus est illico Iair. Respondendum, quod in illis facta est electio secundum successionem immediatam propter timorē scandali, nè aliqui non existente aliquo iudice intromitterent se de principatu, sicut fecerat Abimelech

post mortem Gedeonis, sed nunquam fuerant visa aliqua scandala tempore Thola. Etiam tempore Iair successoris eius nullus aliquid tale mouit, ideo putauerunt, quod iam nullum moueretur super hoc scandalum: & sic voluerunt permanere, vel redire ad antiquam consuetudinem, scilicet, quod non sumeretur aliquis in iudicem, quamquam moreretur prædecessor, quousque esset necessarius ad repellendos hostes, & quia nunc mortuo Iair erant tempora pacis, & non erat necessarius iudex ad hoc, non curauerunt quemquam instituere: fuisset tamen utilis ad conseruandum populum in cultu Dei. Nam dum iudices viuerent populus colebat Deum, quibus morientibus declinabat populus ad peiora, quam à principio, ut patet supra secundo capitulo.

Peccauimus tibi, quia dereliquimus Dominum Deum nostrum, & seruiuimus Baalim. Quibus locutus est Dominus: Nunquid non Aegyptij, & Amorrhæi filijque Ammon, & Philisthiim, Sidonij quoque, & Amalech, & Chanaan oppresserunt vos, & clamastis ad me, & erui vos de manu eorum? Et tamen reliquistis me, & coluistis deos alienos: idcirco non addam ut ultra vos liberem. Ite, & inuocate deos, quos elegistis: ipsi vos liberent in tempore angustie. Dixeruntque filij Israel ad Dominum: Peccauimus, redde tu nobis quidquid tibi placet: tantum nunc libera nos. Quæ dicentes, omnia de finibus suis alienorum deorum idola proiecerunt, & seruiuerunt Domino deo: Qui doluit super meris eorum: Itaque filij Ammon conclamantes in Gaalad fixere tentoria: contra quos congregati filij Israel, in Maspha castramentati sunt. Dixeruntque Principes Galaad singuli ad proximos suos: qui primus ex nobis contra filios Ammon ceperit dimicare, erit Dux populi Galaad.

**Peccauimus.** Hic ponitur tertium, scilicet Israelitarum penitentiā, scilicet, quia doluerunt de peccato suo. In penitentiā autem primum est ipsa contritio de peccato. Secundum est confessio in ore. Vtrumque colligitur hic in isto verbo: nam in hoc, quod Israelitæ dicebant peccauimus, significatur, quod dolebant se peccasse. Et patet, quia si fuisset ista propositio delusoria, scilicet, quod ore dicerent, & non verè dolerent, Deus non exaudiuisset illos: exaudiuit tamen, quia liberauit illos, ideo fuit vera contritio. Secundum etiam fuit, scilicet confessio peccati: nam proposuerunt illud in voce, dicentes: peccauimus, quia dereliquimus dominum: & dicitur, quod dixerunt hoc clamantes. *Quia dereliquimus dominum Deum nostrum.* In quocumque peccato Deum dereliquimus recedentes à lege eius, ideo dicitur, quod in quolibet peccato est conuersio, & auersio, scilicet auersio à Deo, quod est ipsum derelinquere, & conuersio ad creaturam, qua inordinate abutimur fruētes ea. *Et seruiuimus Baalim.* Hic declaratur in

Medus à quo Medus nomen accepit claret.

Ionius Ar chadæ rex à quo mare ionium

De poenit. dicitur. 1. & denique.

Agō olim Patrix ab Hercule instituitur.

Israelitarum penitentiā. Duo sunt in poenitentiā.



In quo enim in quo consistebat peccatum, scilicet, quia seruierunt Idolis, & non expresserunt hic alia peccata, licet Israelitae in multis alijs peccarent, quia cum istud sit peccatum grauissimum in comparatione huius alia peccata non censentur esse quasi peccata: nam Deus magis punit istud peccatum, quam reliqua, & ipsi Israelitae iam videbant, quod Deus non tantum curabat de alijs sicut de hoc. Et ponuntur hic duo, scilicet dereliquimus dominum, & seruiimus Baalim, quia aliquando Israelitae colebant Deum suum, & cum hoc colebant Idola, sicut faciebant Samaritani, vt patet 4. Reg. 17. de quibus dicitur: fuerunt gentes istae timentes Deum, sed nihilominus Idolis suis seruientes. Israelitae autem nunc non fecerunt sic, sed cessauerunt offerre Deo cultum debitum: & totaliter coluerunt Idola. Sic patet supra in litera, scilicet seruierunt Astaroth, & Baalim, & dimiserunt dominum, & non colebant illum. Hic autem solum dixerunt Israelitae, & seruiimus Baalim, quia per hoc intellexerunt omnia Idola, quibus seruierunt. *Quibus locutus est dominus.* Hic ponitur quaedam increpatio Israelitarum, quia licet Israelitae orarent, & dolerent corde, & Deus vellet eis misereri, tamen voluit eos subannare, & increpare eos, quia peccauerant, vt ex hoc sentirent quandam poenam, quae esset ad remissionem peccatorum. Etiam, quia ista subannatio moueret Israelitas ad magis dolendum de peccatis. Etiam, quia quamquam Israelitae verè dolerent, tamen nondum abiecerant Idola de terra sua. Cum autem dominus subannauit eos, dicēs, quod recurrerent ad Deos, quibus seruierant, expulerunt eos de regione sua, & tunc Deus plenè exaudiuit eos, vt patet infra. *Nunquid non Aegyptij.* Quasi dicat, omnes istae gentes oppresserunt vos propter Idola, & cum clamaretis, ego vos exaudiebam: nunc autem adhuc non erubuistis redire ad colendum Deos, pro quibus ista mala sustinebatis, ideo clamate ad illos, quia nolo vos liberare: ponuntur autem hic multae gentes ad significandum multa pericula, de quibus liberati sunt Israelitae: quasi dicat: si semel tantum peccauissetis, & nunc reuertentes clamaretis, dignum esset, qd exaudirem vos: quia tamen totiens peccastis, & adhuc redire non erubescitis, nunquam eritis boni, sed redibitis semper ad consuetudinem vestram, sicut dicitur Iere. 13. si mutare potest Aethiops pellem suam, & Pardus varietates suas, & vos poteritis benefacere, cum didiceritis malum: quasi dicat: iam non potestis bene operari ex habitu fortissimè radicato in malis propter assuetudinem longam. *Nunquid non Aegyptij.* Ista fuit prima gens, quae Israelitas afflixit, cum manserunt ibi in captiuitate multis annis, & fuit illa tribulatio propter idolatriam, scilicet, quia Israelitae coluerunt idola in Aegypto, sic patet Ezech. 23. cum dicitur: Insuper fornicationes suas, quas habuerat in Aegypto, non derelinquit: nam & ibi dormierunt cum ea in adolescentia eius: & illi confregerunt vbera pubertatis eius, & effuderunt fornicationem suam super eam. Ob hoc autem ponitur hic de poena Aegypti inter alias tribulationes, quae euenerunt propter idolatriam: nam omnes istae gentes, quae hic ponuntur insurrexerunt contra Israelites, quia colebant idola, scilicet, quia dabat dominus Israelitis in manus istarum gentium. *Et Amorrhæi.* Etiam istae gentes oppresserunt eos.

*Quando Amorrhæi oppresserunt Israelitas pro idolatria.*

*Quaestio XIX.*

**Q**VAERETVR quando Amorrhæi oppresserunt Israelitas pro idolatria. Aliquis dicit, quod Amorrhæi non oppresserunt Israelitas aliqua vice specialiter, scilicet, quod Amorrhæi tunc opprimerent illos,

A & singulae aliae gentes, quae habentur hic oppresserunt eos alijs temporibus quod patet, quia Amorrhæi vocantur quaedam gentes terrae Chanaan: sed hic etiam ponitur, quod Philistini erant de terra Chanaan, & de gentibus Amorrhæorum. Sed dicendum est, qd hic oportet poni tanquam distincti Philistini, & Amorrhæos, & Chanaan, cum ponantur, vt faciant numerum, & est dicendum, quod fuerint inflictae diuersae tribulationes ab istis. Pro quo sciendum, qd Amorrhæi dupliciter accipiuntur, aliquando vt est quidam populus specialis terrae Chanaan, & sic quando numerantur illi septem populi, est vnus de illis Amorrhæus. Secundò modo Amorrhæus prout significat omnes septem populos Chananæorum. Sic accipitur 2. Reg. 21. ca. cum dicitur, quod Gabaonitae erant de reliquijs Amorrhæorum, & tamen Gabaonitae non erant de stirpe Amorrhæorum accipiendo, vt est quidam populus specialis, quia Gabaonitae erant de populo Heuæorum, vt patet Iosue 11. scilicet: prater Heuæum, qui habitabat in Gabaon omnes pugnando cepit. Et sic oportet, quod accipiantur Amorrhæi, prout denominant omnes septem populos Chananæorum: hic autem accipiuntur sic, & distinguuntur contra Philistini, & Chanaan. Et dicendum, quod Amorrhæi oppresserunt Israelitas pro idolatria, & istud fuit tempore Iabin regis Asor, qui oppressit Israelitas viginti annis, & fuerunt liberati per Barac. Sed istud non stat, quia Iabin nō vocatur rex Amorrhæorum, sed potius rex Chanaan, vt patet supra quarto. Dicendum ergo est, quod ista fuerit aliqua tribulatio, qua gens Amorrhæorum specialiter insurrexit contra Israelitas, & nō habetur omnia scripta, quia sacra scriptura multa subticet. Quod tamen hoc sit verisimile patet, quia Deus dixit, quod Israelitae expellerent omnes gentes Chananæorum de terra: alioquin essent eis tanquam clauis in oculis, & lanceae in lateribus, & aduersarentur eis in terra possessionis suae: Num. 33. cap. Idem dixit Iosue Israelitis: Iosue 23. & postea angelus domini dixit Israelitis viuente Iosue, quod reliquerat dominus quaedam gentes Chananæorum, vt Israelitae haberent hostes, & dii eorum essent illis in ruinam: supra 2. Et etiā 3. dicitur: haec sunt gentes, quas dereliquit dominus, vt in illis experiretur Israel, ergo apparet, quod quandoque Israelitae peccabant insurgebant istae gentes contra eos, erant tamen aliquando istae tribulationes paruae; ideo scriptura non curauit illas designare, sicut alias magnas, quae scriptae sunt. Vel fortè, quia tribulationes, quae infligebantur ab istis gentibus, erant communes, scilicet quandocumq; Israelitae peccabant, ipsae insurgebant: aliae autem gentes extra terram Chanaan non ita communiter insurgebant, scilicet Madianitae, Moabitae, Syri, Amalecitae, Idumaei, Ismahelitae: ideo tribulationes ab illis inflictae describuntur. Dicendum quod ista tribulatio per Amorrhæos facta habetur supra 1. cum dicitur, qd Amorrhæus arctauit filios Dan, nec dedit eis locum, vt ad planiora descenderent: nam licet ibi scriptura sacra non plura exprimat, tamen Iosephus 5. Antiquitatum dicit fuisse magnam tribulationem tunc inflictam ab Amorrhæis, qui coarctauerunt Israelitas in terram suam, & multos illorum expulerunt de urbibus suis, intantum quod viri de tribu Dan, non habentes tunc locum habitandi propter Amorrhæos coacti sunt ire ad terram Sidonis, & pugnantes coeperunt urbem Lais infra 18. & illud fuit ante hoc, vt vult Iosephus, & declaratum est supra 1. capit. tunc etiam filij Iuda perdidit Gazam, & Ascalonem, & Acharonem, & postea illas recuperauerunt. De hoc tangitur supra 1. cap. Filij Ammon. Etiam isti pugnauerunt, & oppresserunt Israelitas.

Amorrhæi quandoq; pro Chananæis accipiuntur.

Doc. resp. ad q̄sum.

*Quando*



# Iudicum

# Cap. X.

*Quando fuit hac tribulatio per Ammonitas.  
Quæstio XX.*

**Q**VAERETVR, quando fuit ista tribulatio per Ammonitas. Aliquis dicet, quod nunc: nā nunc opprimebant Israelitas, & transibant interdum Iordanem, & pugnabant vastantes Iudam, Beniamin, & Ephraim, vt patet supra in litera, & infra. Respondendum, quod non stat, quia Deus ponebat istas tribulationes tanquā præteritas. Quod patet ex verbis suis. Nam dicitur: clamastis ad me, & erui vos de manu eorum, & dereliquistis me, & coluistis Deos alienos, idcirco non addam vos vltra, vt liberem. Et tamen de ista persecutione Madianitarum non erant liberati, qā Israelitæ post hæc, dixerunt: Peccauimus, redde tu nobis quidquid tibi placet, tantum nunc libera nos: ergo non potest intelligi de hac persecutione. Sed dicendum, quod intelligitur de oppressione, quæ facta est tempore Eglon regis Moab, qui oppressit Israelitas decem & octo annis, supra tertio. Sed dicet aliquis non stare, quia ibi fuerit persecutio per Moabitas, & Eglon, de quo ibi dicitur, rex Moab erat. Respondendum, quod ibi fuerunt tres gentes in persecutione illa. scilicet Moabitæ, Ammonitæ, Amalecitæ, vt patet supra tertio, fuerunt tamen principales Moabitæ: nam dicitur ibi, q̄ confortauit dominus contra Israel Eglō regem Moab, & copulauit ei filios Ammon, & Amalec: ideo rationabiliter, & secundum communem regulam debuerat nominari ista persecutio Moabitarum. Voluit tamē scriptura nominare eam Ammonitarum: ita enim potuisset nominare eam persecutionem Amalecitarum si voluisset, quia Amalecitæ etiam fuerunt in ea, sed nominauit illam persecutionē Ammonitarum, quia voluit: nam fas ēt ei quomodocunque voluerit loqui: sic enim est nos interdum variamus locutiones nostras. *Et Philisthij.* Etiam Philisthini persecuti sunt Israelitas.

*Quando fuit ista persecutio. Quæst. XXI.*

**Q**VAERETVR, quando fuit ista persecutio. Aliquis respondebit, quod nunc, quia supra dictum est, quod Deus tradidit Israelitas in manus Philisthij, & filiorum Ammon, vt patet supra in litera. Sed dicendum, quod hoc non stat ex eadem ratione, quæ declarata fuit supra, scilicet, quia istæ aduersitates præteritæ erant, & iam liberauerat Deus Israelitas de illis, sed ista persecutio, de qua agitur, scilicet Ammonitarum, & Philisthinorum erat præsens, necdum liberati fuerant Israelitæ de illa, ideo oportet intelligi de alia. Etiam non potest intelligi de persecutione Philisthinorum, de qua habetur infra duodecimo, quia illa postea fuit. Ideo dicitur, quod intelligitur de quadam persecutione, quæ fuit post mortem Aod secundi iudicis Israel: nam Philisthini opprimebant terram, & Samgar insurgens contra illos interfecit sexcentos vomere, vt patet supra tertio. Credendum est autem, quod nō solum illi fuerint occisi, sed etiam multi alij: ponuntur tamen solum illi, quos occidit Samgar vomere, eo quod illa fuit magna virilitas. *Sidonij quoque.* Etiam isti persecuti sunt Israelitas. Habitant autem Sidonij in terra Chanaan, scilicet ad occidentalem plagam: nam Sidon ciuitas maritima est.

*Quando pugnarunt Sidonij contra Israel.  
Quæstio XXII.*

**Q**VAERETVR, quando pugnaverunt Sidonij contra Israel. Respondendum, quod non reperitur scriptum, quod ante hoc, quod Sidonij pugna-

**F**uerint cōtra Israel, sed dici potest dupliciter. Vno mō, quod bellum Syrorum sit bellum Sidoniorum: nam prima gens, quæ legitur persecuta Israelitas post mortem Iosue fuit Syrorum gens: nam dicitur, quod dedit Deus Israelitas in manus Chusanrasathaim regis Syriæ, vel Mesopotamiæ. Est autem Mesopotamia, siue Syria in latere Aquilonari terræ Chanaan. Sidon autem est in latere Aquilonari, vbi est coniunctio lateris Aquilonaris, & Occidentalis: magis tamen pertinet ad latus Occidentale, & sic Syria peruenit vsque ad Sidonē, vnde Sidonij irent cū Chusanrasathaim rege Syriæ ad pugnaudum contra Israelitas, quia fortē Sidonij tunc erant subiecti eius, & nominatur bellum Sidoniorum, licet non essent illi principales, sicut bellum factum tempore Aod pertinebat principaliter ad Moabitas, scriptura tamen vocauit persecutionem Ammonitarum, vt supra dictum fuit. Aliter potest dici, quod Sidonij, qui erant de gentibus terræ Chanaan, pugnaverunt aliquando contra Israelitas, & oppresserunt eos, scriptura tamen non enarrat illud bellum, quia non omnia enumerat: hoc autem verisimilius est, quia Deus dereliquit gentes quasdam Chananæorum in terra, vt quando peccarent Israelitæ, illē insurgentes punirent illos. De his autem erant Sidonij, vt patet supra tertio, cū dicitur: Hæ sunt gētes, quas dominus dereliquit, & sequitur: Omnem Chananēū Sidonium, atque Heuæum. Et sic cū aliquando peccarent verisimile est, quod Sidonij insurgentes opprēsserint Israelitas. *Et Amalec.* Etiam Amalecitæ pugnaverunt contra Israel.

*Quando fuit hoc bellum Amalecitarum.  
Quæstio XXIII.*

**Q**VAERETVR, quando fuit istud bellum. Aliquis potest dicere, quod fuit tempore Saulis, de quo 1. Reg. 15. Sed hoc non stat propter duo. Primō, quia ista persecutio iam præterita erat: sed tempus Saulis erat futurum. Secundō, quia ibi non pugnavit Amalec contra Israel, sed Israel cōtra Amalec, & deleti fuerunt Amalecitæ, allegato capitulo. Sed dicendum, quod istud bellum potest assignari multipliciter. Primō in exitu de Aegypto in Raphidim: nam ibi Amalecitæ percusserunt extremam partem castrorum, & pugnavit contra illos Iosue, & cœsus fugatusque est Amalech, vt patet Exo. 17. ca. tunc enim Israelitæ clamauerunt ad dominū: nam Moytes stans in monte orabat, & cū eleuaret manus suas vincebatur Amalec, cūque deprimeret eas, vincebatur Israel, & quia postea supposito lapide manibus Moyfi non lassabantur manus, permansit sic orans vsque ad vesperum: fugatusque est Amalec: Exod. 17. cap. fuit autem istud primum bellum, quod factum est à Gentilibus contra Israel: ideo dicitur Num. 24. Principium gentium Amalec, cuius extrema perduntur, idest Amalech fuit prima de gentibus, quæ pugnaverunt cōtra Israel. Item pugnaverunt secundo Amalecitæ cōtra Israel anno secundo ab exitu de Aegypto cū essent Israelitæ in Cadesbarne, & vellent Israelitæ ascendere in terram Chanaan per montes in quibus morabantur Chananæi, & Amalecitæ: descenderunt Chananæi, & Amalecitæ de montibus: persecutique sunt, & occiderunt plurimos de Israelitis vsque Horma: Num. 14. Deus tamen liberauit Israelitas ab hac persecutione, scilicet nē Amalecitæ delerent eos. Sed obijcietur, quod non intelligatur de illa persecutione Amalecitarū, quia hic agitur de illis persecutionibus, quas passi sunt Israelitæ in terra Chanaā post mortem Iosue, sed illarum quælibet fuit ante introitum in terram Chanaan. Respondendum, quod ista ratio non militat,

De sit  
Mesopot  
miz ac Si  
donis.

Bellum A  
malecitæ  
rum affi  
gnat mul  
tipliciter.

Primum  
bellum il  
latū à Gen  
tilibus Is  
raelitis.



militerat, quia non solum dicitur de persecutionibus, quas passi sunt in terra Chanaan Israelitae: sed etiam de illis, quas tolerauerunt prius, quam introirent in illam: sic patet de prima persecutione Aegyptiorum, de qua hic dicitur: sed manifestum est, quod illa fuit prius, quam Israelitae venirent in terram Chanaan. Aliter potest dici, quod ista persecutio Amalec fuit illa, quam tolerauerunt Israelitae tempore Gedeonis. Nec obstat si quis dicat, quod illa fuit persecutio, quae a Madianitis fuit inflata, quia non solum fuerunt Madianitae, sed etiam Amalecites, & Ismahelitae, & multae aliae gentes: nam supra sexto, dicitur, quod veniebant omnes populi orientalem, & vastabant omnia, quae erant in terra Israel: & quamquam secundum regulam communem debuisset nominari ista persecutio Madianitarum, quia illi erant principales, tamen nominata est ab Amalecitis, qui non erant tam principales: sic enim factum est supra in bello Ammonitarum, quod debuisset vocari bellum Moabitarum. Sic etiam in bello Sidoniorum, quod debuisset vocari bellum Syrorum, vel Chusanrasathaim regis Syriae, ut supra declaratum est. Et sciendum, quod licet Amalecites fuerint in illo bello Gedeonis minus principales, quam Madianitae: tamen fuerunt magis principales, quam aliae gentes: nam in illo tempore fuerunt omnes populi orientales, ut patet supra 6. cap. tamen specialiter nominantur Madian, & Amalec supra 6. & 7. & omnes alij populi includuntur sub clausula generali: nam dicitur, & omnes populi orientales, ideo conuenienter nominatur bellum istud Amalecitarum. Quae autem istarum positionum tenenda sit, in alia quaestione infra declarabitur. Et Chanaan oppresserunt vos. Etiam Chananai vos oppresserunt.

Quando Chananai oppresserunt Israelitas.

Quaest. XXIIII.

**Q**VAERETVR, quando fuit istud. Responderi potest, quod cum Deus reliquerit multas gentes Chananorum in terra, ut quando Israelitae peccarent insurgerent gentes illae contra ipsos, cum saepe peccarent, saepe contra eos insurgebant, & opprimebant eos quousque conuertebantur ad dominum: nam tunc exaudiens dominus liberabat eos, & istae persecutiones non describuntur, quia communes erant, & accidebant saepius. Sed dicendum, quod hoc non stat rationabiliter: nam cum habentur remedia ordinaria, nunquam recurrendum est ad extraordinaria: dicere tamen esse hanc persecutionem generalem non scriptum est generale remedium, & si potest dari, quod sit specialis persecutio, & scripta non debet recurri ad generale. Potest autem dici, quod istud fuit bellum, quod fecerunt Chananai contra Israelitas in deserto antequam introirent in terram Chanaan, quando venerunt apud montem Hor mortuo Aaron in anno quadragesimo ab exitu de Aegypto. Nam dicitur, quod Chananus rex Arad audiens venisse Israelitas per exploratorum viam pugnavit contra illos, & victor existens cepit praedam Num. 21. cap. postea autem Israelitae liberati sunt, quia voto se obligauerunt domino, dicentes: si tradideris populum istum in manus meas, delebo vrbes eius. Dominus autem exaudiuit Israel, tradiditque Chananum in manus eius, quem ille interfecit subuersis viribus eius, ut patet in allegato cap. Iterum etiam Chananai pugnaverunt contra Israelitas, scilicet anno secundo ab exitu de Aegypto in Cadesbarne, quando Amalecites, & Chananus descenderunt de montibus percusseruntque Israelitas usque Horma: Num. 14. cap. & de manibus horum liberavit Deus Israel. Alter potest dici, quod accipitur tri-

**A**bulatio inflata per populum Chananorum, scilicet per Iabin, qui erat rex Chanaan. Sic patet supra quarto, ubi Iabin rex Asor, qui vocatur semper rex Chanaan, oppressit Israelitas viginti annos: & postea liberati sunt per Barac, qui occidit Sisaram exercitum. Quae autem istarum positionum sit conuenientior, infra dicetur.

An pugna Amalec sit illa, quae facta est in deserto, vel illa, quae est facta tempore Gedeonis per Madianitas.

Quaest. XXV.

**Q**VAERETVR circa id, quod supra dicebatur, scilicet an pugna Amalec, de qua supra dicitur sit illa, quae facta est in deserto, vel illa, quae facta est tempore Gedeonis per Madianitas, sicut supra in quaestione tactum est. Respondendum, quod fuit pugna facta, & oppressio per Madianitas, & non tangitur hic de oppressione, vel bello deserti. Quod patet: primo, quia omnes istae oppressiones, quae inducuntur, fuerunt factae pro cultu idolorum, ut patet ex processu literarum: nam Deus intendit talem rationem contra Israelitas, scilicet, vos saepe coluistis idola, & cecidistis in manus gentium, & ego liberaui vos, & nolulistis recedere de via vestra mala, ideo iam non liberabo vos: sed quando Amalecites pugnaverunt contra Israelitas in Raphidim, non colebant idola, nec coluerant illa post exitum de Aegypto, sed propter murmurationes factum fuit hoc: ideo non potest intelligi de illo bello. Item non potest intelligi de secundo bello Amalecitarum in Cadesbarne ex eadem ratione, quia in deserto non coluerunt Israelitae idola, nisi semel quando coluerunt vitulum: Exo. 32. sed pro illo iam puniti fuerant, & domino reconciliati. Secundo patet, quia hic dicitur, oppresserunt vos, quod refertur ad omnes gentes istas: opprimere autem est cum quis violenter obtinet terram aliquam, & cogit incolas ad obediendum sibi, sed Amalecites non oppresserunt Israelitas, quia non preualuerunt in bello ad hoc, quod tenerent Israelitas subiectos sibi aliquanto tempore, sed eadem die, qua bellum inchoatum est finitum fuit, & preualuit Israel contra Amalec. Etiam in secundo bello in Cadesbarne non oppresserunt Amalecites Israelitas subiiciendo eos sibi, sed solum descenderunt de montibus persequendo illos, & occiderunt de illis aliquos usque Horma, ibi autem fugientibus Israelitis cessauerunt Amalecites percutere eos. Tercio patet, quia dicitur, clamaui ad me, & erui vos de manu eorum: in quo patet, quod Israelitae postquam tenebantur in potestate Amalecitarum clamauerunt, & tunc exaudiuit eos Deus, & tamen in nullo illorum bellorum Amalecitarum contra Israel tenuerunt Amalecites Israelitas in manu sua ad hoc, quod Deus erueret eos de manu illorum. Quarto patet, quia Deus intendit enarrare omnes liberationes mirabiles, quas fecerat hucusque in Israelitis de manu gentium, quae conscriptae sunt in hoc libro, quia istae sunt excellentiores, quam aliquae aliae paruae, quae subtrahuntur: & tamen intelligendo, ut nunc exponitur, ponentur hic omnes liberationes descriptae in hoc libro: accipiendo autem aliter, non describerentur, ideo debet hic accipi pugna Amalecitarum pro pugna tempore Gedeonis. Patet antecedens: nam prima oppressio facta post mortem Iosue in Israelitis fuit per Chusanrasathaim regem Syriae, & ista fuit, quae vocatur per Sidonios, ut supra declaratum est: secunda fuit per Eglon regem Moab, & ista fuit signata per filios Ammon, ut declaratum fuit: tertia fuit per Philistinos, & ista posita est in litera, scilicet Philisthim. Iste tres persecutiones ponuntur supra tertio. Quarta fuit per Iabin regem Chanaan, & ista significatur, cum dicitur hic, & Chanaan: De hac supra quarto. Quinta

Persecutiones Israelitarum post Iosue

perit.



persecutio fuit tempore Gedeonis per tales, & ista significatur hic per Amalec: & sic omnes persecutiones notabiles huius libri, quæ præcesserunt describuntur hic hoc modo. Aliter autem exponendo non ponerentur omnes, sed subtraheretur persecutio tempore Gedeonis, sed non est verisimile, quia illa fuit de maximis. Etiam, quia liberatio fuit miraculosior, quam in omnibus alijs supra 7. cap. ponendo autem istum sensum non sequitur aliquod inconueniens de suprapositis. Primum patet, quia Israelitæ traditi sunt in hac persecutione propter idolatriam, ut patet supra sexto, scilicet filij Israel fecerunt malum in conspectu domini, qui tradidit eos in manu Madian. Secundum, & tertium patet, scilicet, quia nunc Israelitæ fuerunt in potestate Madianitarum, & Amalecitarum, & postea liberati sunt de manu eorum: nam septem annis oppressi sunt ab eis supra sexto: ideo tenendum est, quod istud bellum fuerit tempore Gedeonis.

*Quæ sit conuenientior positio, scilicet an intelligatur bellum Chanaan de bello facto in deserto, vel de bello regis Iabin.*

*Quæstio XXVI.*

**Q**VAERETVR vterius, quæ sit conuenientior positio circa id quod supra dicebatur, scilicet an intelligatur bellum Chanaan quod hic ponitur de bello facto in deserto: vel de bello & oppressione regis Iabin, ut supra tactum fuit in quæstione. Respondendum, quod debet intelligi de oppressione facta per regem Iabin, & patet ex quatuor rationibus assignatis in præcedenti quæstione. Prima patet, quia quando Chanaanæ pugnaverunt in deserto contra Israelitas non coluerant Israelitæ idola, siue accipiat bellum quod factum est in Cadesbarne: Num. 14. siue bellum factum quando Chanaanæ coeperunt prædā de Israel: Nu. 21. Nam in deserto non coluerunt Israelitæ idola, ut dictum est. Secunda ratio est, quia in illis duobus bellis non fuerunt Israelitæ subiecti in potestate Chanaanorum, ita ut dicantur oppressi. De prima vice, quæ fuit in Cadesbarne patet, quia Amalecites, & Chanaanæ descenderunt de montibus, & percusserunt Israelitas usque Horma: Nu. 14. ibi autem cessauerunt: unde nec ibi leguntur coepisse prædā, nec dominati fuisse aliquorum Israelitarum, sed fugerunt omnes Israelitæ præter aliquos, qui corruerunt gladio. De secundo bello patet, quia ibi Chanaanæ victores existentes coeperunt prædā de Israelitis: Num. 21. sed illa victoria non fuit per hoc, quod Israelitæ subderentur potestati Chanaanorum, sed quia fugerunt, & in fuga capta est prædā. Quod patet, quia Israel obligauit se voto dño, & repetito bello præualuit contra Chanaanos, subuertitque vrbes eorum. Tertia ratio eadem quasi est, ideo non replicetur. Quarta ratio patet, quia si accipiat hic pugna Chanaan pro aliqua duarum prædictarum, subtraheretur hic vna de oppressionibus maximis, à quibus Deus liberauit Israelitas, & quæ descriptæ sunt in hoc libro. Sed non est hoc verosimile cum describatur ceteræ omnes, quod subtrahatur ista: potissimè, quia ista fuit de maximis, ut patet supra 4. nam dicitur, quod rex Iabin vehementer oppresserat Israelitas, quia nongentos currus falcatos habebat. Exponendo autem isto modo non sequitur aliquod inconueniens. De primo patet, quia ista persecutio secuta fuit propter idolatriam, ut patet supra quarto. Secundum etiam patet, & tertium, quia nunc manserunt Israelitæ in potestate regis Iabin viginti annis, & clamantes postea ad dominum liberati sunt de manu eius. *Oppresserunt vos.* Scilicet quælibet gentium supradictarum oppressit Israelitas tenendo eos in seruitute multis annis, & infligendo multa incommoda.

**F** *Et clamauistis ad me.* Scilicet postquam Israelitæ videbant se non posse aliter liberari, recurrerant ad Deum suum clamantes. *Et erui vos de manu eorum.* Quia in omnibus his licet Israelitæ iterarent peccata, tamen cum conuertebantur ad Deum toto corde, exaudiebat eos. *Et tamen reliquistis me.* Id est licet facerem vobis ista beneficia, non aduertistis ad illa, sed reliquistis me, scilicet, non custodientes mandata mea. *Et coluistis Deos alienos.* Scilicet offerendo eis sacrificia, & exhibendo reuerentiam, & non faciendo mihi aliquem cultum: in quo apparet magna ingratitudo: potissimè, quia erat ingratitudo iterata: nam si semel tantum, vel rarò fuisset, non erat grauissimum quid. *Idcirco non addam, ut ultra vos liberem.* Id est, quia totiens peccastis iam nunquam liberabo vos de manu hostiū, & est sensus: si vos essetis corrigibiles, bonum quidē esset, quod liberarem vos, ut seruiretis mihi: tamen estis incorrigibiles, quia etiam si nunc liberem vos illico redibitis ad colendum idola, & hoc inutile est: istud autem proueniebat ex magna assuetudine colendi idola, ideo cum aliquando quasi ex quadam necessitate, & violentia colerent Deum, illico ad colendum idola redibant.

*Quomodo fiat in veritate dictum Dei, scilicet, quod non liberaret eos amplius.* *Quæst. XXVII.*

**Q**VAERETVR, quomodo fiat in veritate dictum Dei, scilicet, quod non liberaret eos amplius: nam mox liberauit eos, ut patet sequenti capite. Responderi potest dupliciter. Vno modo, quod intelligatur: non addam, ut ultra vos liberem, scilicet si manseritis in statu, in quo nunc statis: nam Israelitæ licet ad Deum clamarent, dicentes: peccauimus: nondum plenè poenitebant, quia non abiiciebant à se idola. Nam postquam Deus fecit istam increpationem, dixerunt: peccauimus, redde tu nobis, quod placet: & hæc dicentes omnia de finibus suis alienorum Deorum idola proiecerunt, & tunc fuerunt sufficienter dispositi ad hoc, quod Deus liberaret eos, ideo illo facto liberauit illos. Aliter potest dici, quod Deus dixit istud per modum comminationis, scilicet, quod Deus intendebat Israelitas liberare, & tamen comminatio eis dixit, quod non liberaret eos ultra, nec fuit frustra ista comminatio: nam tunc Israelitæ doluerunt magis, quam prius. Etiam expulerunt idola à se: quod aliter facturi non erant: sic etiā fit in prophetis: nam aliqua dicuntur per comminationem, & aliqua per firmam Dei sententiam, ut sæpe declaratum est, & fit comminatio propter mutationē status, scilicet quando Deus scit aliquos in malo statu existentes ad bonum mutandos, loquitur per comminationem, & mutantur: sic fuit in Niniuitis, ut patet Ione 4. ca. scilicet, adhuc quadraginta dies, & Niniue subuertetur: & postea non factum est, quia poenitentiam egerunt. *Ite & inuocate Deos, quos elegistis.* Scilicet Deos gentium, quos elegerant Israelitæ ad colendum.

*Quomodo Deus dixit, quod inuocarent Deos quos elegerant.* *Quæstio XXVIII.*

**Q**VAERETVR, quomodo Deus dixit, quod inuocarent Deos, quos elegerant, cum istud esset peccatum. Respondendum, quod Deus non dixit Israelitis istud iubendo eis ire ad Deos, sed dixit increpando, & subfannando: nā ipse sciebat, quod non erant dii, nec habentes potestatem ullam. Etiam sciebat, quod Israelitæ iam hoc nouerant: nam ipsi prius expectabāt an dii illi possent liberare illos in angustia, & cum non possent, recurrerant ad Deum Israel. & tunc



tunc ad inferendum eis verecundiam, & confusione, A dixit: ite ad Deos, quos elegeratis, & ipsi vos liberent. Quasi dicat: apparet, quod stulti fuistis, qui tales Deos elegistis, qui vos liberare non possunt. Similiter habetur Deute. 32. Et dicent, ubi sunt Dij eorum, in quibus habebant fiduciam? De quorum victimis comdebant adipēs, & bibebant vinum libaminum: surgāt & opitulentur vobis, & in necessitate vos protegant. Et ipsi vos liberent in tempore angustiae. Quasi dicat, cum serueritis eis tempore latitiae, liberēt vos tempore angustiae, quia non sunt boni Dij, qui non proficiunt ad omne tempus. Dixerunt q̄ filij Israel ad dominum. Quamquam viderent, quod Deus subannaret eos, quia tamen in eo solo spes illorum erat, non desinebant opē humiliter petere. Peccauimus. Rectum ordinem tenuerunt nunc Israelitae: nam cum conarentur placare dominum nihil est, quo magis eum placare possent, quam confitendo peccatum suū, ideo cum Deus vellet liberare eos, ponebat in mētibus eorum, vt semper continuarent in confessione peccati: & sic placaretur Deus. Redde tu nobis quicquid placet. In hoc apparet humiliatio cordis Israelitarum, quia non praecabatur simpliciter, quod Deus remitteret ei poenas debitas pro peccatis, sed cum essent valde Rei solum orabant permutationem poenae, scilicet, quod non punirentur per hostes, sed Deus daret eis poenam quamcunque vellet, scilicet pestem, vel famem, vel aliquid aliud. Sic enim Dauid cum peccauisset numerato populo: & daretur ei optio in fame, peste, & hostibus, ait: Melius est incidere in manus Dei, quam in manus hominū, id est melius esse, quod puniretur populus peste, vel fame, quod est incidere in manus Dei, quam per hostes quod est incidere in manus hominum 2. Reg. 24. & 1. Paralip. 21. cap. Tantum nunc libera nos. In hoc etiam patet magis humiliatio cordis contribulati: nam non dixerunt: Libera nos, sed: Tantū nunc libera nos: quasi dicat: si iterum peccauerimus, nunquam nos liberes.

An peccauerint Israelitae dicendo, quod nunc solum Deus eos liberaret. Quasi. XXIIX.

QVAERETVR, an Israelitae peccauerint dicēdo, quod nunc solum liberaret eos Deus. Respondendum, quod si quis velit semel cadens in peccatum liberari, & in alijs vicibus non vult liberari, peccat mortaliter: & est peccatum grauissimum, scilicet desperatio. Sed istud intelligitur quantum ad culpam peccati, de qua liberatur homo per gratiam Dei mouentem, & postea gratificantem. Si autem intelligatur de poena, quam homo incurrit pro peccato, & petit semel liberari ab illa, & in alijs vicibus non vult liberari: Dicendum, quod aut hoc vult, quod desperat in alijs vicibus se posse liberari, aut Deum nolle liberare, quamquam possit, vel quia ipse non desiderat liberari: sed sponte vult tolerare pro peccato poenam debitam. Si primò modo, est desperatio, & est crimen heresis, vel infidelitatis, scilicet, quia credit domini manum abbreviatam, vt solum liberare possit semel. Vel credit bonitatem limitatam, ita quod nolit misereri quamquam possit eruere: & sic est grauissimum peccatum. Si secundò modo non est peccatum, sed potius est in quibusdam perfectio, si est talis poena, per quam homo disponatur ad merendum, vt in penis grauibus, & continuis, quae non tollunt omnem actum intellectus. Si autem sint tales poenalitates, quae ex conditione sua, vel personae non disponunt hominē ad merendum: potius debet aliquam petere à Deo liberationem, vt alio modo vtiliori possit satisfacere pro peccatis. De Israelitis autem dicendum, quod ipsi nunc non petebant liberationem à culpa, sed à poenalitate,

& non petebant se liberari tantum nunc, & quod in alijs vicibus nunquam liberarentur, sed dicebant hoc, quia nunc erant in corde contrito, & proponebant nunquam peccare, ideo quod amplius non egerent liberatione à poena pro simili opere. Quae dicentes. Id est postquam hoc dixerunt. Istud non habetur in Hebraeo, sed ponitur in litera, quia est quoddam cōtinuum sententiae. Omnia de finibus suis alienorum Deorum idola proiecerunt. Id est proiecerunt omnes statuas, vel imagines Deorum: nā idola pro nullo accipitur hic, nisi pro ipsa figura, vel statua. Et potest accipi iste genitiuus alienorum Deorum dupliciter. Vno modo intransitiuè, scilicet omnia idola alienorum Deorum, id est omnia idola, quae sunt Dij alieni, & tūc est sensus quod statuae erant ipsi Dij gentiliū, & ipsos Deos solum colebant Iudaei, nec intelligebant per illas statuas, aut figuras aliquid aliud. Secundò modo potest intelligi transitiuè, scilicet, quod erant idola alienorum Deorum, id est, quod statuae, vel imagines, quae vocantur idola, solum ponebantur, vt signa Deorum alienorum, & tamen nō sunt ipsa Dij; sed Dij sunt quaedam substantiae corporeae, vel incorporeae, quae non cernuntur: & pro illis idola, id est imagines repraesentatiuas gentiles faciebant, quae essent eis praesentia: & ista expulerunt Iudaei de finibus suis: non quidem exponendo illa ad terram gentiliū, sed confringendo, & faciendo, quod in tota terra Israel non maneret aliquod idolum in honore, sicut prius. Et seruierunt domino. Id est inceperunt iam colere solum Deum verum imponendo ei sacrificia, & caeremonias reliquas. Qui doluit super miserijs eorum. Id est doluit Deus, quod Iudaei tam miserales facti essent, scilicet, quia nimis vastati, & afflicti erant. Sciendum, vt ait Rabbi Dauid Kimhi in litera Chaldaica, in qua conatus est in quantum potuit auferre à Deo locutiones, quae significant corporeitatem, vel passionem humanas, non videns quomodo reduceret istam locutionem ad sensum non causantem corporeitatem, omisit istam propositionem: quod ipse raro facit in omnibus suis scriptis: poterat tamen dicere, qui disposuit eruere eos de miserijs suis: nam nihil aliud est misereri, vel dolere miserijs alicuius, nisi habere animum promptum ad eruendum, si daretur facultas, & quia ante hoc Deus nolebat eripere Israelitas, cum non deseruissent idola, & nunc desertis illis voluit, dicitur, quod doluit super miserijs eorum. Itaq̄, filij Ammon. Hic ponitur praebulum ad ad ea, quae habentur sequenti capitulo de assumptione Iephthe in iudicem: nam Ammonitae congregati sunt in bellum contra Israelitas, vt vastarent, & tollerēt terram Galaad de manu ipsorum, & tunc Israelitae non habentes principē elegerunt Iephthe, vt patet sequenti capitulo: ideo hic poterat incipi capit. conuenienter. Conclamantes. Id est conuocantes se ad bellum: putabant enim Ammonitae, quod Israelitis nullum subsidium esset, ideo quod possent tollere nunc terram de manibus eorū, & ob hoc conuocati sunt omnes Ammonitae, vt facilius possent Israelitas excludere de terra, & vt desperantes Israelitae se posse defendere cito se traderent manibus Ammonitarum. In Galaad fixerunt tentoria. In terra ista fixerunt tentoria Ammonitae propter duo. Primum, quia terra Galaad est magis coniuncta terrae Ammonitarum, quam alię partes terrae Israel: nam exeuntibus de Ammonitarum terra in terram Israel illico occurrit terra Galaad, & fixerunt castra in propinquiore partibus terrae hostilis. Secunda est, quia Ammonitae faciebant istud bellum ad recuperandum terram Galaad, quae olim fuerat pars terrae Ammonitarum: & petebant eam nunc ab Israelitis sequenti capitulo: & ob hoc castrametabantur in illa, vt ibi vincentes terram illam inciperent possidere.

Idola alienorum Deorum dupliciter accipitur.

Israelitae duplici de causa fixerunt tentoria in Galaad.



Maspha  
quid sit,

Contra quos congregati filij Israel. Non intelligitur hoc de omnibus Israelitis, sed de Galaaditis, & præcipuè de omnibus duabus tribubus, & dimidia habitantibus ad orientem Iordanis, quia contra istos specialiter urgebat bellum. Quod patet, quia Ephraimæ suscitauerunt bellum contra Iephthe, eo quod non vocauerat eos ad bellum contra Ammonitas infra 12. cap. In maspha castrametati sunt. Est Maspha in terra Galaad. Quod patet, quia sequenti capitulo, dicitur, quod Iephthe habebat domum suam in Maspha in terra Galaad. Est autem Maspha locus, in quo Samuel iudicabat populū, & in quo erat ipse cum Israelitis quando Philisthini venerunt ad pugnandum contra Israel, & dominus intonuit de cælo fragore magno, & fugati sunt Philisthini à facie Israelitarum 1. Reg. 7. cap. Dixeruntque principes Galaad singuli ad proximos suos. Id est principes Galaaditarum loquebantur inter se ista, quæ sequuntur ad accipiendum principem: nam nondum habebant aliquem ducem totius multitudinis, ut esset dux belli. Ex hoc patet, quod non conuenerat nunc totus Israel ad bellum contra Ammonitas, sed solum Galaaditæ, scilicet duæ tribus, & dimidia, quæ habitabant in terra Galaad, & circa illam: nam alioquin non loquerentur soli principes Galaad de constituendo duce, sed loquerentur omnes principes Israel. Etiam, quia immediate dicitur, erit dux populi Galaad: si tamen hic esset totus populus Israel, & concordaretur de duce belli, non solum diceretur, quod esset dux populi Galaad, sed etiam populi Israel totius. Item patet, quia Iephthe respondit infra 12. Ephraim quomodo ipse cum populo suo, scilicet Galaaditarum pugnaverunt contra Ammonitas nolentibus venire Ephraim. Qui primus ex nobis contra filios Ammon cepit dimicare. Scilicet, qui coeperit pugnare, & obtinuerit contra illos. Vel dederit alijs audaciam pugnandi. Erit dux populi Galaad. Id est faciemus eum ducem totius terræ Galaad. Erant hic enim multi principes terræ Galaad: sed nullus eorum erat super omnes ad hoc, quod esset dux; ideo volebant ducem.

Quare principes Galaad non tenuerunt hoc quod dixerunt, scilicet, quod qui primus de eis pugnaret, &c.

Quæst. XXX.

**Q**VAERETVR, quare principes Galaad non tenuerunt hoc, quod dixerunt, scilicet, quod qui primus de eis pugnaret contra Ammonitas esset dux terræ Galaad, sed acceperunt in ducem Iephthe. Respondendum, quod hoc fuit propter tria. Primum, quia non erat istud rectum consilium: nam Israelitæ cogebantur pugnare contra Ammonitas: bellum autem non potest fieri sine duce, quia ubi non est rector corrumpitur populus: si autem facerent quod disposuerat cum nullum adhuc instituissent ducem belli oportebat, quod quilibet pugnaret, & quando vellet, & quod nullus pugnaret, & hoc erat inconueniens. Secundum erat, quod cum proponeretur istud præmium forte multi desiderio præmij præoccuparent pugnare, quia quilibet desideraret istud præmium: & ob hoc inordinatè pugnarent, & omnia perirent. Tertium est, quia nullus istorum principum Galaaditarum erat vir fortissimus corde, nec in bellis instructus ad hoc, quod efficeretur dux: ideo concordauerunt postea, quod nullus eorum pugnaret, ut dux: sed quod mitterent ad vocandum Iephthe Galaaditem, qui erat vir fortissimus, & expertus in bellis, cumque ducem constituerent. Quod factum est: nam maiores natu Galaad iuerunt ad vocandum Iephthe offerendo ei principatum, ut in sequenti capitulo.



**V**IT itaque illo in tempore Iephthe Galaadites vir fortissimus atque pugnator, filius mulieris meretricis, qui natus est de Galaad. Habuit autem Galaad uxorem,

de qua suscepit filios: & postquam creuerant eiecerunt Iephthe, dicentes: Hæres in domo patris nostri esse non poteris: quia de altera matre natus es. Quos ille fugiens atque deuitans, habitauit in terra Tob: Congregatique sunt ad eum viri inopes, & latrocinantes, & quasi principem sequebantur. In illis diebus pugnabant filij Ammon contra Israel. Quibus acriter instantibus perrexerunt maiores natu de Galaad, ut tollerent in auxilium sui Iephthe de terra Tob: Dixeruntque ad eum: Veni & esto princeps noster, & pugna contra filios Ammon. Quibus ille respondit: Nonne vos estis, qui odistis me, & eiecistis de domo patris mei, & nunc venistis ad me necessitate compulsi? Dixeruntque Principes Galaad ad Iephthe. Ob hanc igitur causam nunc ad te venimus: ut profisciscaris nobiscum, & pugnes contra filios Ammon, sisque dux omnium, qui habitant in Galaad. Iephthe quoque dixit eis: Si verè venistis ad me, ut pugnem pro vobis contra filios Ammon, tradideritque eos Dominus in manus meas, ego ero vester princeps? Qui responderunt ei: Dominus, qui hæc audit ipse mediator ac testis est, quod nostra promissa faciemus. Abiit itaque Iephthe cum principibus Galaad, fecitque eum omnis populus principem sui. Locutusque est Iephthe omnes sermones suos coram Domino in Maspha.

Fuit eo tempore. In præcedentibus positum est urgentis afflictionis pondus, hic subiungitur liberationis modus. Et diuiditur in tres partes. Primò ponitur conditio principis liberantis: secundò humiliatio ducis pro pace supplicantis ibi. Et misit nuncios. Tertio expugnatio aduersarij. Prima in duas: primò ponitur Iephthe de terra sua eiectio: secundò eius reductio, & in principem constitutio ibi. In diebus illis.



An hic sit aliqua ordinis mutatio, & an illico post præcedentia hoc factum sit. *Quæstio I.*

**Q**VAERETVR circa primum an ea, quæ habentur hic fuerint ordine continuato post præcedentia: & an sit ordo mutatus, & an fuerint facta immediatè post præcedentia, vel aliquanto tempore post. Respondendum ad primum, quod hic est ordo continuatus, quia supra ponebatur aduersitas Iudæorum, hic ponitur liberatio eorum. Etiam ponebatur tempus sine iudice, quo Israelitæ propter defectum iudicis erant in angustia; hic ponitur tempus, quo iudicem habuerunt Israelitæ, scilicet Iephthæ, qui eos de prædicta aduersitate eripuit. Ad secundum dicendum, quod ista fuerint facta immediatè post præcedentia: nam præcedenti capitulo dicitur quomodo Ammonitæ castra fixerant in Galaad, Israelitæ quoque fixerant castra in Masphat ad resistendum Ammonitis pugnantis: non habebant autem tunc Israelitæ ducem, ideo principes tempore Galaad inter se conueniebant, quod qui primus eorum pugnaret contra filios Ammon, efficeretur dux Galaad, sed postea iudicantes non esse hoc competens consilium, noluerunt habere ducem antequam inchoarent pugnam, & tunc castris fixis in Masphat deliberato consilio inter Israelitas miserunt maiores natu de seipsis orantes Iephthæ, qui morabatur in terra Tob, ut veniret ad principandum, & ut esset dux eorum, & factum est in hoc capitulo: & sic non videtur aliqua temporis interpositio inter hæc & præcedentia: sed continuata historia est. *Fuit in illo tempore Iephthæ Galaadites.* Hic ponitur cōditio ducis liberantis, qui fuit Iephthæ Galaadites, & isti Israelitæ, qui nunc periclitabantur erant Galaadites: ideo cōueniret, quod esset dux eorum plusquam alteri extraneo.

*Quare vocatur Iephthæ Galaadites. Quæst. II.*

**Q**VAERETVR, quare vocatur Iephthæ Galaadites. Respondet Nicolaus, quod Galaad accipitur pro virbo, & pro terra, & pro ciuitate, & quocunque modo competit ei, quod esset Galaadites. Nam erat de terra Galaad oriundus: erat etiam filius viri cuiusdam nomine Galaad: erat etiam de vrbe nomine Galaad. De primò patet, quia quadam terra vocatur Galaad, scilicet tota terra, quæ coniuncta est monti Galaad, & est ista terra ad Orientalem partem Iordanis, & diuisa est in duas tribus, scilicet medietas prouenit tribui Gad, & medietas dimidiæ tribui Manassæ, ut patet Deut. 3. sic accipitur præcedenti capitulo, scilicet dixerunt principes Galaad, qui primus ex nobis contra filios Ammon coeperit dimicare, erit dux populi Galaad. Secundò patet, quod pater huius Iephthæ vocabatur Galaad, quia dicitur immediatè: habuit autem Galaad uxorem, de qua suscepit filios, qui postquam creuerunt eiecerunt Iephthæ. Tertium quod asserit Nicolaus, quod Galaad sit nomen ciuitatis non approbo: ipse tamen probat illud, quia seq. capit. dicitur, quod Iephthæ Galaadites sepultus est in ciuitate sua Galaad, sed ex hoc non probatur, quia Nicolaus accipit ibi Galaad intransitiuè, id est quod sit ablatiuus, & tunc esset nomen ciuitatis, sed debet accipi transitiuè, ut sit genitiuus. I. sepultus est in ciuitate sua Galaad, id est in ciuitate sua, quæ erat in terra Galaad: & ista ciuitas sua videtur esse Maspha, quia infra in litera dicitur, quod habitabat in Maspha, & Maspha est in terra Galaad, sed mos Hebræorum erat sepeliri in locis, in quibus habitabant, quæ erant loca sue originis, ideo sepeliretur in Maspha, quæ vocatur ciuitas Galaad, quia erat in terra Galaad. Item patet hoc magis, quia ubi nos dicimus, sepultus est in ciuitate sua Galaad. In Hebræo habetur: sepultus est in ciuitatibus

Alph. Tost. super lib. Iudicum.

A suis Galaad: & exponunt Hebræi, id est in vna de ciuitatibus Galaad: & ducunt simile 1. Reg. 18. ubi dicitur in litera Hebraica: in duabus generibus meuseris: & exponunt ipsi, id est in vna duarum: ideo non videtur conuenire, quod Galaad sit ibi nomen vrbis, sed terræ: ideo manent duo, ex quibus poterat Iephthæ vocari Galaadites, scilicet ex terra Galaad, vel ex patre suo nomine Galaad. Sed tunc dicitur ex quo illorum vocatur hic Galaadites. Respondendum, quod vocatur Galaadites à patre, quia patet ex ordine literæ: nam dicitur fuit Iephthæ Galaadites vir fortissimus, & sequitur: habuit autem Galaad uxorem: ex quo apparet, quod sit litera suspensiva: & sit istud reddituum rationis dicti superioris, scilicet, quod sit Galaadites

B An Iephthæ fuerit iudex totius Israel, vel solum terra Galaad.

*Quæstio III.*

**Q**VAERETVR, an Iephthæ fuerit iudex totius Israel, vel solum terræ Galaad. Aliquis dicet, quod fuerit solum terræ Galaad. Primum patet ex institutione, quia origo fuit, quia non habebant Galaaditæ ducem ad bellum, & acceperunt Iephthæ: sed ipsi dicebant præcedenti capitulo, qui primus ex nobis contra filios Ammon coeperit dimicare, erit dux populi Galaad: sed Iephthæ fuit institutus in defectum istorum principum, scilicet, quia non executi sunt nunc consilium quod præposuerant, sed concordauerunt accipere Iephthæ, ergo solum fuit assumptus in ducem Galaad, sicut sumendus erat ille, qui de Galaaditis primus pugnasset, si illud consilium mansisset. Item patet ex potestate instituentium, quia ad hoc, quod Iephthæ efficeretur iudex, vel dux totius Israel, necesse erat eum ordinari, vel præfici à toto Israel, vel à procuratoribus totius Israel: sed solum institutus est princeps à principibus terræ Galaad: nam infra dicitur, quod maiores natu terræ Galaad venerunt ad Iephthæ, quasi nomine omnium Galaaditarum, & suscepunt eum in principem: ergo non poterat ex hoc effici princeps totius Israel. Item patet ex pacto, quod Iephthæ iniuit pactum cum maioribus natu Galaad, qui venerant ad vocandum eum, quod facerent eum principem sui si pugnaret contra filios Ammon, ergo non efficiebatur princeps totius Israel. Item patet hoc, quia infra in litera dicitur: Abijt itaque Iephthæ cum principibus Galaad, fecitque eum omnis populus principem sui, ergo solum populus Galaad eum præfecit, & non erat super Israel. Item Iephthæ fuit factus dux ad pugnandum solum pro Galaaditis, ergo solum fuit factus princeps eorum. Nam Ammonitæ solum censebantur nunc hostes Galaaditarum, & ipsi solum exierant ad pugnandum contra illos. In contrarium videtur, quod fuerit iudex totius Israel, quia iste liber est de iudicibus, qui erant duces totius populi: & non agitur hic de principibus specialibus aliquarum tribuum, & hoc verum est. Nam putandum est, quod omnes, qui fuerunt iudices fuerunt duces vniuersales populi, sicut Moyses & Iosue præfuerunt toti populo, nec differunt iudices à Moysè, & Iosue, nisi in magnitudine iurisdictionis, sed non in extensione. De hoc declaratum est in prologo huius libri. Item patet, quia si Iephthæ non fuisset dux totius Israel non computaretur per eum ætas populi Israel, sed computatur per eum tempus, ut patet sequenti capitulo, sicut per omnes alios iudices, ergo fuit iudex totius populi. Item patet efficacius, quia sequenti capitulo dicitur: Iudicauitque Iephthæ Galaadites Israel sex annis: si tamen non fuisset iudex totius Israel non dixisset iudicauit Israel, sed iudicauit populum Galaad.

O Item

Respons.  
ad q̄sum,  
quod Iephthæ  
fuerit iudex  
totius  
Israel.



Item patet, quia Samuel 1. Reg. 12. increpat Israelitas ex parte Dei, & enarrat iudices, quos Deus misit ad liberandum totum Israel, & ponitur ibi Iephthe, cum dicitur ibi: & misit dominus Ierobaal, & Badam, & Barac, & Iephthe: sed manifestum est, quod non loquebatur ibi Deus per Samuelem contra Galaaditas specialiter, sed contra totum Israel, quem conuocauerat Samuel, quod patet ibidem: ergo erat datus a Deo Iephthe in iudicem totius Israel. Item aliquantulum colligitur ad Hebr. 11. ubi Apostolus loquitur de constantia iudicum exponentium se ad mortem per fidem pro populo Dei, & ponit ibi Iephthe inter ceteros, & sic videtur, quod ipse fuerit de iudicibus populi Israel.

Ad rationem primam in diuersum.

Ad secundam rationem.

Ad tertiam rationem.

Ad quartam rationem.

Ad quintam rationem.

Iephthe vocatur dupliciter fortissimus.

Meretrix dupliciter sumitur.

Ad rationem primam in contrarium dicendum, quod a principio institutus est in iudicem a principibus terrae Galaad in defectum ipsorum, quia nullus reperiebatur conueniens dux: & ipsi non presciciebant eum nisi terrae Galaad: tamen postea cum Iephthe prospere egisset contra Ammonitas totus Israel gratis suscepit eum in ducem. Ad secundam dicendum, quod illi, qui instituerunt Iephthe in principem, solum habebant potestatem ad instituendum super terram Galaad, & super eam solum eum instituerunt: postea tamen consensu populi toti Israeli prepositus fuit. Ad tertiam rationem dicendum, quod Iephthe solum intendit effici princeps super terram Galaad, eo quod causa, pro qua princeps efficiebatur, pertinebat solum ad Galaaditas, & ob hoc cum solis Galaaditis pactum iniuit, ut esset princeps eorum, & ex hoc pacto solum fuit princeps ipsorum: postea autem fuit alia noua assumptio, qua factus est princeps totius Israel. Ad quartam dicendum, quod cum ipse iuit cum principibus Galaad solum factus est dux Galaaditarum, & ante bellum inchoatum, & cum fieret solum erat princeps Galaaditarum, sed post victoriam totus Israel accepit eum in ducem. Ad quintam dicendum, quod nunc solum fuit Iephthe prepositus ad agendum bellum Galaaditarum contra Ammonitas, & solum fuit princeps Galaaditarum: facto tamen bello videns totus Israel istum habere a domino spiritum ad victoriam bellorum: credens illum utilem ad pugnandum contra hostes totius populi fecerunt eum ducem populi. *Vir fortissimus.* Ista est causa quare volebant eum in ducem Galaaditae, quia erat fortissimus: & ex hoc erat aptior ad ducatum belli, quam quisquam de eis. Et vocatur fortissimus dupliciter, scilicet robore corporis, quod pertinet ad tolerandos labores bellicos, & ad patranda opera fortia. Secundum vocatur fortissimus secundum quod fortitudo est virtus moralis, & pertinet ad quandam animositatem, vel confidentiam, secundum quam aliquis non formidat subire terribilia aggrediendo, vel expectando, & utramque habebat Iephthe: ideo erat ad bella aptissimus. *Atque pugnator.* Scilicet non solum habebat fortitudinem, sed etiam erat pugnator, idest exercitatus in pugna, & istud maximè valet: nam si quis sit vir fortis, & non est sic exercitatus ad actus bellicos, per defectum prudentiae bellicae facilius corrumpet. Istud non habetur in Hebraeo, sed solum vir fortissimus: littera autem nostra posuit illud tanquam de subintellectione textus. *Filius meretricis mulieris.* Aliqui accipiunt meretricem, idest eam, quae omnium libidini patet. Sic accipit Ieronimus, & habetur in Decretis 34. distin. cap. vidua. Sed non conuenienter accipitur, quia tales non consueuerunt filios habere. Hebrei accipiunt, quod erat meretrix, idest hospitatrix, quia nomen hic positum æquiuocatur ad meretricem, & ad hospitatricem; de quo declaratum est Iosue secundo capitulo: & sic volunt honorare Iephthe dicentes eum filium esse hospitatricis mulieris, quae tamen erat vxor legitima.

An Iephthe mulieris meretricis, vel vxoris legitime fuerit filius. Quæstio IIII.

QVAERETVR circa hoc an filius fuit Iephthe mulieris meretricis, vel vxoris legitime. Respondendum, quod non erat filius mulieris meretricis, idest, quae publice omnium pateret libidini, sed erat concubina Galaad, & suscepit ex ea Iephthe. Nec tamen potest dici, quod erat filius vxoris legitime Galaad, quia littera dicit, quod erat filius meretricis, nec valet, quod Hebraei vellent dicere eam hospitatricem. Item in littera dicitur infra, heres patris nostri esse non poteris, quia de adultera matre natus es, ergo non de legitima. Respondebunt Hebraei non militare ista. De primo patet, quia potest accipi meretrix secundum æquiuocationem Hebraicam, pro hospitatrice, & poterat esse mater Iephthe hospitatrix, & legitima vxor. De secundo patet, quia in Hebraeo non habetur adultera matre, sed de altera, ideo non probatur. Dicendum, quod non stant istae responsiones, quia nomen positum in Hebraeo hic, scilicet (Zona) ubi nos dicimus meretricem, non est proprie æquiuocum apud eos ad meretricem, & hospitatricem: sed dicunt, quod per similitudinem quandam fit translatio, scilicet, quia ipse hospitatrices publicae solent esse impudicae, & multorum venientium libidine interdum maculantur, & sic semper directe, vel indirecte redit ad meretricem. Item secunda excusatio non stat, quia si deberet intelligi secundum quod volunt intelligere Hebraei, quod esset de alia matre scilicet, & non esset illa adultera, non esset ratio conueniens, quam assignauerunt fratres Iephthe, dicentes: heres patris nostri esse non poteris, quia de altera matre natus es. Nam licet, non esset Iephthe ex eadem matre cum ceteris fratribus suis, dum tamen mater sua esset vxor legitima, succedebat ipse patri suo, sicut ceteri fratres: ipse tamen Iephthe fugit de domo patris ex hac causa, quasi esset rationalis, ergo mater sua non solum non erat mater aliorum fratrum eius, sed etiam non erat vxor. Dicendum ergo, quod mater Iephthe erat concubina Galaad, & ob hoc Iephthe erat illegitimus, & fratres sui expulerunt eum de domo patris ne succederet patri. Vocatur tamen hic mater eius meretrix largè, idest fornicaria, quia quaelibet concubina alicuius fornicaria est, sed non meretrix, idest omnium libidini patens.

Quare scriptura nominat matrem Iephthe esse meretricem denominando potius genus eius ab imperfecto. Quæstio V.

QVAERETVR vterius, quare scriptura nominat matrem Iephthe esse meretricem denominando potius genus eius ab imperfecto. Respondendum, quod hic ponuntur pater, & mater Iephthe: de patre dicitur, quod erat Galaad, scilicet, habuit Galaad vxorem, de qua suscepit filios: mater autem primo ponitur, eo quod de illa principalis est intentio. Sed tunc manet dubium cur de illa intendatur, cum potius pertineat ad dedecus, quam ad honorem Iephthe. Aliqui dicunt, quod hoc fuit ad significandum, quod quamquam esset Iephthe de ignobili coniugio natus, scilicet de fornicatione, & ex hoc non erat aptus ad aliquam dignitatem, vel honorem: necessitas tamen temporis eum fecit principem, scilicet, quia virgens erat bellum, & nullus alius idoneus reperiebatur. Sed dicendum est, quod causa est, quia vult præponere scriptura præambulum historiae. Nam infra dicitur,



tur, quod principes Galaad iuerunt in terram Tob ad vocandum Iephthe, ut esset princeps illorum: & quia ipse erat de terra Galaad, tollitur dubium, scilicet quomodo erat op<sup>o</sup>, quod mitteretur pro eo extra terram Galaad: & dicitur, quod hoc est, quia fugerat: expulerant quippe cum fratres sui de terra, ut patet infra, & ad declarandum causam huius præponitur, quod erat filius mulieris meretricis, scilicet concubinae Galaad: ideo fratres eius expulerunt de domo patris, ne contenderet succedere patri cum eis, & quia omnia ista habent originem ex eo, quod mater Iephthe erat fornicaria, quia alias non potuisset expelli de domo patris, præponitur, quod erat filius mulieris fornicariæ. *Quia habitabat in Galaad.* Scilicet Iephthe habitabat in terra Galaad. Nicolaus intelligit Galaad, quod esset nomen urbis Iephthe, ut supra dictum est: sed debet accipi pro terra Galaad, & ibi habitabat Iephthe in ciuitate Maspha, ut patet infra, cum dicitur: reuertenti autem Iephthe in Maspha domum suam. Sed obijcietur, quod non habitaret Iephthe in terra Galaad nunc quando vocatus est à principibus Galaaditarum, quia infra dicitur, quod fratres sui eiecerunt eum de domo patris, & ille fugiens habitauit in terra Tob. Respondendum, quod terra Tob est quedam pars terræ Galaad: nam ciuitas Maspha est in terra Tob: sed Iephthe fugit solum de domo patris sui Galaad, & de vrbe sua, habitauit tamen in alia vrbe terræ Galaad: & est aliqua prouincia, vel regio specialis in terra Galaad, quæ vocatur terra Tob: & ad illam fugit Iephthe. Vnde verum est, quod habitabat in Galaad, & in terra Tob. *Habuit autem Galaad uxorem, de qua suscepit filios.* Ille est pater Iephthe, & est sensus, quod Galaad habuit uxorem de qua suscepit filios legitimos, & habuit concubinam, de qua suscepit Iephthe.

*Quis erat iste Galaad.*

*Questio VI.*

**Q**UÆRETUR de isto Galaad quis erat. Aliquis dicit, quod fuit ille Galaad, qui erat de stirpe Manasse, & ponitur in familijs eius Numeri vigesimo sexto, & trigesimo secundo: conuenit autem hoc valde, quia Iephthe fuit vir fortissimus, & pugnator, & verisimile est patrem suum fuisse fortissimum, & pugnatorem: & sic dicitur de illo Galaad, ut patet Iosue decimo septimo capitulo, quod fuit vir pugnator: habuitque possessionem Galaad, & Balan. Respondendum, quod hoc non stat, quia ille Galaad non potuit viuere vsque ad tempus istud. Imò ille non egressus est de Aegypto ad veniendum in terram Chanaan, sed ibi mortuus est. Quod patet, quia Galaad est filius Machir, Iosue decimo septimo, & ille natus est viuente Ioseph filio Iacob: nam in genibus eius natus est, ut patet Genesis quinquagesimo, scilicet: Filij quoque Machir filij Manasse nati sunt in genibus Ioseph. Ioseph autem mortuus est postquam descendit Iacob cum filiis suis in Aegyptum annis septuaginta unum. Quod patet, quia Ioseph vixit annis centum decem, Genesis quinquagesimo, & cum descendit Iacob in Aegyptum erat annorum triginta nouem, ergo vsque ad mortem suam manebant septuaginta unus annus. Patet, quia anno quo stetit Ioseph coram Pharaone ad interpretandum somnia erat annorum triginta, ut patet Genesis quadagesimo primo, & sequenti anno coepit fertilitas magna, ut patet ibidem, & illa durauit septem annis, & deinde coeperunt septem anni famis, & in fine secundi anni famis descendit Iacob in Aegyptum, Ge. 45. cum dixit Ioseph fratribus suis: Biennium est, quod cepit famem esse in terra, & adhuc quinque anni restant, quibus

Alph. Tost. super lib. Iudicum

**A** nec poterit arari, nec meti, & sic erunt nouem anni postquam stetit Ioseph coram Pharaone, qui faciunt triginta nouem annos eius, quibus subtractis à centum decem annis, quibus vixit, manent septuaginta unus: totidem autem expletis post descensum Iacob in Aegyptum mortuus est Ioseph: ergo ante septuaginta annos post descensum Iacob in Aegyptum natus est Galaad, cum natus fuerit in genibus Ioseph: manent autem à morte Ioseph vsque ad exitum de Aegypto anni centum quadraginta quatuor. Quod patet, quia mansio Israelitarum in Aegypto fuit annorum ducentorum quindecim, sicut declaratum est Gen. 15. & Exo. 12. à quibus detrahendo septuaginta unum manent anni centum quadraginta quatuor: sed illo tempore rari homines accedebant ad illam ætatem. Moyles qui fuit quasi cocetaneus Galaad, non vixit nisi centum viginti annis: Deuteronomij trigesimo primo, & Aaron annis centum viginti tribus, ut colligitur Numeri trigesimo tertio capitulo: ergo non accederet Galaad ad centum quadraginta quatuor, & tamen à natiuitate eius vsq; ad exitum de Aegypto ad minus fuerunt tot anni, ergo non egressus est Galaad de Aegypto, sed ibi mortuus est. Dicendum, ergo, quod non fuit ille Galaad. Et si fortè velles contendere, quod ille erat, quia magno tempore vixit, non stat: nam necesse erat tunc, quod vixisset annis fere quingentis. Quod patet, quia nunc erant ab introitu Iacob in Aegyptum vsque ad egressum Israelitarum anni centum quadraginta quatuor, quibus addantur quadraginta anni, quibus manserunt Israelitæ in deserto, erunt anni centum octuaginta quatuor: deinde addantur anni trecenti, qui fluxerunt ab introitu in terram Chanaan vsque ad annum, quo Iephthe factus est dux belli (nam pie dixit ad regem Ammon, quare per trecentos annos tacuerat super repetitione terræ Galaad.) & computantur illi anni à tempore, quo coepit Israel terram de manu Sehon, & Og regum Amorrhæorum, qui fuerunt debellati ab Israelitis anno quadagesimo ab exitu de Aegypto, ut declaratum est Numeri vigesimo primo, & satis patet ex processu numerorum anni capitulo vigesimo vsque ad finem libri: & sic cum Iephthe esset nunc iuuenis, & fortis pugnator, non esset pater suus mortuus à magno tempore, præsertim, quia quando ipse eiectus est de domo patris sui, erat iam vir, & fratres sui eiecerunt eum ne succederet: ergo iste Galaad erat nunc viuens, vel paulo ante hoc mortuus fuerat: si tamen esset Galaad de quo dictum est compleret tunc annos quingentos demptis decem, & sex, ut ex computatione patet supra posita. Dicendum ergo, quod fuit alius vir nomine Galaad, quia multi hoc nomine appellabantur.

*De qua tribu erat iste Iephthe.*

*Questio VII.*

**Q**UÆRETUR vltèrius, de qua tribu erat iste Iephthe. Respondendum, quod non patet de qua, cum scriptura illud non referat: dicitur autem, quod erat Galaadites, ex quo aliqui volunt, quod erat de tribu Manasse, quia in tribu Manasse erat quedam familia, quæ vocabatur Galaaditarum, ut patet Num. 26. & Iosue 17. capit. Sed dicendum, quod Iephthe non vocatur Galaadites, id est de familia Galaaditarum, sed quia pater suus vocabatur Galaad, ut patet hic. Vel quia erat de terra Galaaditarum, si voluerimus intelligere sic. Ad hoc ergo dicendum, quod per hoc, quod Iephthe erat de terra Galaad, patet aliquantulum de tribu eius, sed non plenè: nam terra Galaad diuisa fuit inter duas tribus, scilicet tribum Gad, & dimidiam tribum Manasse. Deuter. 3. capit.

O 2 ideo



ideo oportet, quod sit Iephthe de aliqua istarum duarum: sed non apparet de qua, ideo aliqui volunt eum esse de tribu Gad: alij verò de Manasse: sed plures volunt de Manasse: sic enim dicitur precedenti capitulo, quod Iair erat Galaadites. Et historia scholastica dicit eum fuisse de tribu Manasse, eo quod volunt precipuam partem Gad fuisse in Manasse, & nunc quidem verum est, quod illi quibus magis periculum imminerebat erant de tribu Manasse viri, eo quod ipsi viri erant magis coniuncti terræ Ammon, quam tribus Gad, ut colligitur Iosue decimotertio capitulo. *Qui postquam creuerunt, eiecerunt Iephthe.* Erat Iephthe maior ætate istis: & non poterant eicere eum quousque fuerunt facti viri, & tunc eiecerunt, scilicet eiecerunt de domo patris, & de vrbe. Quod patet, quia dicitur, quod fugit in terram Tob. *Dicentes: hæres in domo patris nostri esse non poteris.* Id est non poteris de iure succedere patri nostro. Vel non poteris, id est non permittemus te esse hæredem, & vtrumque verum est. *Quia de adultera matre natus es.* Scilicet, ex hoc non competit tibi successio, sicut nobis: & sic ista lex de non succedendo illegitimos patri semper observata est ab antiquo. In Hebræo dicitur, *Quia de altera matre natus es.* Debet tamen intelligi de altera, id est de adultera, quia si solum hoc haberet Iephthe, quod non esset filius eiusdem matris cuius erant reliqui fratres sui, dum tamen illa esset vxor legitima, non priuabatur successione, sed ipsi priuant eum propter matrem, ergo oportet, quod illa esset adultera: litera tamen Hebraica posuit de altera, quod etiam est ad propositum fratrum Iephthe: nam Galaad pater eorum habuit solum vnam vxorem legitimam, si ergo Iephthe erat natus de altera muliere, necesse erat, quod illa esset adultera: hoc colligitur ex litera, quia dicitur in principio, quod fuit Iephthe Galaadites filius mulieris meretricis, & sequitur: habuit autem Galaad vxorem, de qua suscepit filios, ex quo innuit, quod vna erat meretrix, de qua Galaad suscepit Iephthe: & alia erat vxor, id est legitimè ducta, de qua suscepit filios, scilicet legitimos, ideo bona est litera Hebraica: sed planior est nostra. Nec tamen aliquis putet, quod Ieronymus transtulerit de altera matre, sicut habet litera Hebraica, & postea vitio librariorum scriptum sit adultera pro altera, quia facilis erat mutatio, præsertim correspondente eis significatione. Sed dicendum, quod Ieronymus transtulit de adultera: quia planior erat sententia, licet Hebræus haberet de altera, & hoc sæpe facit.

*An fratres Iephthe iuste expulerunt eum de domo patris, ne succederet. Quest. VIII.*

**Q**VAERETVR, an fratres Iephthe iuste expulerint eum de domo patris, ut non succederet patri. Respondendum, quod iustum erat, quod Iephthe non succederet patri, eo quod erat illegitimus. Et tamen an ob hoc de domo poterat expelli est dubium. Aliquis dicet, quod iuste potuerunt eum fratres sui excludere: sic enim fecit Sara de Ismahele: nam ipse erat filius Agar, & dixit Sara ad Abraham: Eijce ancillam, & filium eius: non enim hæres erit filius Ancillæ cum filio meo Isaac: & tunc Abraham eiecit Ismahelem, quamquam dure suscepisset pro filio suo: angelus tamen Dei dixit illi, quod faceret id quod dicebat Sara, Gen. 21. Item Gen. 25. dicitur, quod Abraham separauit filios concubinarum a filio suo Isaac versus partem Orientalem. Respondendum, quod aut Iephthe gerebat se in domo patris sui, ut hæredem cum cæteris fratribus suis, aut non: si primo modo, poterat iuste expelli, quia ipse usurpabat aliquid in-

**F** debitum: ideo priuandus erat illo: si secundò modo, aut expellebant eum, quod timebatur, quod suscitaretur scandalum inter eum & fratres legitimos ex patre eius, aut expellebant eum solum, quia erat illegitimus, & nolebant, quod esset inter eos. Si primò modo timebatur verisimiliter scandalum ex parte Iephthe futurum propter successionem paternam, poterat expelli de domo non per fratres suos, sed per iudices, vel per patrem, qui filiorum suorum iudex erat: filij tamen non poterant fratrem suum Iephthe expellere. Primò, quia nullum ius habebant super ipsum cum essent pares, & par in parem non habet realiter imperium. Secundò, quia ipsi erant pars de successione contra Iephthe, & nemini licet ius dicere in causa sua, ideo si ipsi eijcerent eum etiam propter scandalum peccarent: si autem eijceret eum pater suus, vel iudex non peccabat: sic intelligitur quod allegatur de Sara, quæ petijt ancillam, & filium eius eijci, quia timebat scandalum futurum: nam ipsa vidit Ismahelem ludentem cum Isaac, Gen. 21. & fortè iste ludus erat noxijs, scilicet percutiendo eum: nam aliquando vocatur ludus ipsum bellum: sic patet 2. Reg. 2. scilicet: Surgant pueri, & ludant coram nobis, & surrexerunt vigintiquatuor viri, & occiderunt se mutuo. Et ita fortè nunc Sara vidit, quod Ismahele percutiebat acriter Isaac, & fortè insidiabatur ei ad occidendum ipsum, ut succederet totaliter Abraham: & ad tollendum istud scandalum petijt eum de domo eijci, & eiecit eum Abraham, qui erat pater, & iudex in domo sua: Sic etiam intelligitur de Abraham, Gen. 25. quod separauit filios concubinarum ab Isaac, scilicet propter scandalum, quia Abraham dederat omnia bona sua Isaac, & filijs concubinarum solum dederat munera, & illi inuiderent ei. Et fortè post mortem patris insurgerent contra eum, & auferrent bona eius, vel occiderent ipsum: ideo ut tolleretur scandalum, diuisit eos valde Abraham, & ipse egit hoc tanquam iudex: sic enim potuisset Galaad expellere Iephthe, cum fratres eius non poterant. Si secundo modo, scilicet, quod non erat aliquod scandalum, nec timebatur, sed eiecerunt eum, quia erat illegitimus. Dicendum, quod siue fratres expellerent eum, siue iudices, peccabant, quia iniuste priuabant eum quodam bono, scilicet cohabitatione paterna, & alimentatione: nam pater alimentaret eum dum maneret in domo, & postea non. Priuauerunt eum etiam quibusdam muneribus, quæ posset ei dare pater. Et hoc modo significauit Iephthe se expulsus, scilicet ex odio, & inuidia: unde conquestus est senioribus Galaad venientibus ad eum dicens: nonne vos estis, qui odistis me, & eiecistis de domo patris mei, & sic significat iniuriam sibi factam. Primò, quia dicit, quia oderunt eum, & ex odio eiecerunt illum. Secundò, quia ipse conqueritur illis publicè: si tamen putaret se iniuste conqueri, non fuisset conquestus.

**K** *An Iephthe, ut illegitimus erat simpliciter priuandus successione. Quest. IX.*

**Q**VAERETVR vterius, an Iephthe ex hoc, quod erat illegitimus, erat simpliciter priuandus successione, vel poterat succedere in aliqua parte. Dicendum, quod nunc non oportet distinguere de successione illegitimorum secundum iura humana. s. aut succedat matri, aut patri, & si patri, aut stantibus liberis legitimis, aut non stantibus, & in quota portione potest institui hæres, vel succipere legatum, quia fortè non erat tunc eadem lex ciuilis, quæ nunc, & sic nihil faceret ad propositum dicere de successione, ut modo fit.

Secd

iephthe  
iniuria  
bi a fratribus  
illa significat.



Sed dicendum secundum successiones illius temporis, quod filij illegitimi non poterant succedere, vniuersaliter patribus ex institutione in testamento, nec ab intestato: sed poterant institui heredes in aliqua parte. Vel saltem poterat eis dari aliquod per modum legati magis, quam per modum heredis: Nec patet Gene. 25. de Abraham, qui dedit omnia, quæ possedit filio suo Isaac, filijs autem concubinarum largitus est munera: largiri autem munera dicit propriè legatum, quia legata dantur ex liberalitate testatoris, successio autem, vel institutio heredis interdum necessaria est, scilicet, cum quis legitimos heredes habet, quos exheredare nequit: & sic fratres Iephte priuauerunt eum hoc bono, quia poterat ei pater suus donare aliquid viuens, vel in testamento relinquere per modum legati: illo autem excluso, nihil horum fieret, & fortè ex hac causa fratres sui expulerunt eum, & ipse recessit ab eis: non solum non manens in ciuitate patris sui, sed etiam longe recedens de prouincia illa. *Habitauit in terra Tob.* Ista terra Tob erat in terra Galaad: erat quippe quædam parua regio terræ Galaad, & in illa erant aliquæ vrbes, quarum vna erat Masphat, in qua habitabat Iephte, vt patet infra, non quod nunc habitaret in Masphat, sed postea habitauit, quia nunc Galaaditæ erant in Masphat præcedenti capitulo, & tamen miserunt pro Iephte in terram Tob, vt patet infra in litera. Et apparet hoc, quia supra dicitur, quod habitabat Iephte in terra Galaad, & hic, quod habitabat in terra Tob, & vtrumque refertur ad idem tempus, scilicet, quando Galaaditæ iuerunt ad vocandum eum: ergo oportet, quod terra Tob esset in terra Galaad, vel è conuerso, & sic erit terra Tob in Galaad, quia alioquin non posset fugere in terra Tob cum stas in terra Galaad esset in terra Tob. *Congregati sunt ad eum viri inopes.* Ille Iephte erat vir fortis, & bellator. Quando recessit de domo patris sui, & nunc nihil habens, de quo viueret exercebat latrocinia, vt inde pascere: & quia videbatur esse vir aptus ad principandum multi de pauperibus non habentes aliunde victum congregati sunt ad eum, vt illo ductore de præda, vel aliàs viuerent.

An Iephte peccauit colligendo ad se viros inopes.  
Quæstio X.

**Q**VAERETVR, an Iephte peccauit colligendo ad se viros inopes. Aliquis dicit, quod sic, quia Abimelech congregauit sibi viros inopes, & vagos, & peccauit, quia accepit illos ad malum finem, scilicet ad occidendum fratres suos supra nono capit. Item viri inopes, qui nullis artibus honestis vitam assequi possunt, non conueniunt ad aliquem, nisi cum illo potest eos de artibus inhonestis pascere, sed conuenerunt ad Iephte: ergo peccabat, quia dabat illis occasionem, vel incitabat ad studia inhonestæ. In contrarium videtur, quod non peccabat, quia Dauid recepit ad se viros inopes oppressos à re alieno, & amaro animo 1. Reg. 22. cap. & tamen ille non peccauit, vt declaratum fuit ibi: ergo etiam non peccaret Iephte. Respondendum, quod congregare viros inopes ad se non est peccatum secundum se, sed erit peccatum, vel bonum opus ex fine, ad quem congregat eos: nam si eos congregat ad pascendum, vel vt vtatur eis ad ministrandum eis ad aliquod bonum, scilicet ad pugnandum contra hostes, bonum est, vel si congregantur ad defensionem alicuius innocentis, qui aliter defendi non potest. De Iephte dicendum, quod congregauit ad se viros inopes, & vagos, & illi sponte venerunt ad eum, Alph. Tost. super lib. Iudicum.

**A** quia vtrisque vile erat: & hoc fuit ad defendendam vitam: nam Iephte expulsus de domo paterna cum illegitimus esset, nihil possidebat, quo vitam defendere posset, nec vidit aliquas artes honestas sibi posse proficere, sed recurrit ad id, ad quod eum natura sua, & habilitas maxima inclinabat: erat enim vir fortis, & pugnator, ideo putauit nullo modo melius vitam transigere posse, quam pugnando, & de præda viuendo, & quia solus hoc agere non poterat congregauit ad se viros inopes, qui eum velut principem sequebantur: si autem prædari, & pugnare ad tuendam vitam licitum erat, esset quoque licitum congregare viros inopes ad hæc agenda. Si autem bellum, & præda illicita erant essent, quoque illicitè congregati isti viri inopes. De hoc autem sequenti, quod videbitur. **B** Ad rationem primam in contrarium dicendum, quod non erat simile de Iephte, & Abimelech: nam ad Abimelech non conuenerunt viri inopes, & vagi; sed ipse conduxit eos pretio, scilicet de septuaginta pondo argenti, quæ dederant ei Sichimitæ supra nono: Iephte autem non conduxit viros inopes, sed ipsi conuenerunt ad eum gratis scientes sibi vile fore: non est autem tam culpabile aliquos, qui malum exercere possunt, conducere, & excitare sicut illos venientes recipere. Secundò est dissimile, quia Abimelech congregauit istos viros ad occidendum fratres suos, & occidit illos, quod erat scelus: Iephte autem non congregauit viros istos inopes ad occidendum iniuste aliquem, sed ad latrocinandum, vt tueretur vitam, & acquireret necessaria: & ista poterant in aliquo casu licitè fieri sicut infra dicitur: ideo non peccauit Iephte. Cum autem dicitur in parte contraria, quia non peccauit: eo quod Dauid sicut congregauit viros inopes, & non peccauit: agit ad propositum, & non est ad illud respondendum. Si tamen velimus dicere, quod peccasset: poterat dici, quod Dauid non congregauit eodem modo viros inopes, sicut Iephte, quia causa principalis in Dauid fuit, quod posset vitam defendere: nam persequebatur eum Saul, & poterat capi faciliter in quocunque loco esset, nisi haberet adiutores, ideo congregauit viros inopes, vt patet cinium ei ferrent.

se viros inopes congregavit.

Ad rationem in contrarium.

**D**

An Iephte peccabat agendo prædas, & bella.  
Quæstio XI.

**Q**VAERETVR vltèrius, an Iephte peccabat agendo prædas, & bella: nam supra dictum est, quod prædas agebat: quod satis patet: quia in litera dicitur, quod congregati sunt ad eum viri inopes, & latrocinantes. Aliquis dicit, quod non peccauit, quia spiritus domini veniebat super Iephte, ergo non peccabat. Patet infra in litera, cum dicitur, quod spiritus domini factus est super ipsum. Item patet ad Hebræos vndecimo, vbi in Catalogo Sanctorum ponit Apostolus Iephte: ergo non peccauit faciendo prædas. Responderi posset, quod Iephte peccauerit faciendo prædas, nec est hoc aliquod inconueniēs, vt infra declarabitur: nam nunc non erat Iephte vir alicuius perfectionis, vt de eo deberemus negare peccatum mortale. Si tamen volumus dicere, quod non peccauit etiam poterimus hoc dicere: nam fortè faciebat Iephte latrocinia, & bella sicut Dauid, ille enim cum esset in terra Philistinorum agebat prædas contra Gessuri, & Geze, & Amalecitas, atque occidebat quotquot poterat primo, Regum vigesimo septimo, & tamen ibi declaratum est, quod non peccabat, eo quod agebat contra gentes, contra quos licitum erat pugnare, sic fortè erant aliquæ gentes hostes.

Cuiusdā rationes in diuertum.

Responsum ad quæstionem.



hostes Israelitarum, contra quos Israelitis erat semper iustum bellum, & quicumque vellet de illis non petito consilio plebis, nec consensu poterat pugnare, sicut nunc fit inter illas gentes, quæ ad inuicem non habent pacem: & Iephthe, quia erat vir fortis congregatis viris inopibus pugnabat contra istam gentem, & prædas agebat, de quibus vivebat ipse; & consortes sui. Cum autem dicitur, quod erant latrocinantes cum Iephthe non obstat, quia fortè illi, qui prius erant latrocinantes in terra Israel conuenerunt ad eum, ut non essent iam latrocinantes in Israel, licet contra hostes Israelitarum. Si autem vellemus dicere, quod Iephthe peccauit latrocinando: utpotè si latrocinia agebat in terra Israel, non est inconueniens: nam non est Iephthe aliquis vir semper conuersionis sanctæ, de quo nefas sit aliquid sinistri confiteri. Ad rationem primam, cum dicitur, quod in Iephthe veniebat spiritus domini, ergo non peccabat. Non tenet consequentia, quia iste spiritus multiplex est, & cum illo stare potest peccatū, nisi sit spiritus gratiæ gratificantis, vel cum quo necessariū est, & gratia gratificans, sic patet de Balaam, super quem fiebat spiritus domini: & tamen peccabat grauiter Num. 24. cap. etiam super Saulem factus est spiritus domini 1. Reg. 10. & 11. & 19. & tamen peccauit grauiter post hoc, & ante hoc. Item spiritus domini, qui irruisse dicitur super Iephthe fuit spiritus animositatis ad bellum, ut auderet pugnare contra filios Ammon, contra quos aliàs non ausurus esset pugnare, & iste spiritus non inducit secum gratiam gratificantem, ideo habentes illum possunt peccare. Ad secundum dicendum, quod Apostolus ponit Iephthe in catalogo sanctorum, scilicet illorum, qui habuerunt magnam fidem, & per hanc exposuerunt se periculis, & sic Iephthe non dubitauit se exponere contra Ammonitas, quamquam illi plures, & fortiores essent confidens de Dei adiutorio: non tamē ex hoc tollitur, quin Iephthe peccauerit antequam per fidē se exponeret, sicut non repugnat, quod aliquis moriatur pro Christo, & ante hoc peccauerit: imò etiam, quod moriatur pro Christo, & pereat æternaliter, ut ait Augustinus in Enchiridion de illo, q̄ in aliqua heresi, vel schismate existens moritur ne Christum neger: nam non est ei salus, & habetur hoc per Magistrum quarto Sententiarum dist. 3. in fine. Etiam Gedeon poterat peccare postquam se exposuit ad mortem per fidem contra Ammonitas: nam non fuit per hoc factus impeccabilis: potest ergo teneri in hoc, quod peccauerit Iephthe, vel quod non peccauerit. Sed rationabilius est, quod dicamus eum non peccasse, quia in dubijs fauorabilius eligendum est. Et latrocinantes. Idest conuenerunt ad Iephthe aliqui, qui prius erant latrocinantes, sed postea cum eo manentes non latrocinabantur de Israel, sicut prius, sed de hostibus, ut supra dictum est. In Hebræo non habetur latrocinantes, sed apposuit illud Ieronimus, quia ad sententiam videtur pertinere, eo q̄ isti viri inopes, & vagi non habent unde viuant, nisi de latrocinij. Et eum quasi principem sequebantur. Obedientes ei in omnibus, quia erat vir fortissimus: & prudens, & exercitatus in bello, ideo suberant directioni eius in omnibus. Exierunt cum ipso. Sed est mutatio temporis, & oportet dici exhibant cum ipso, quia per hoc imperatur consuetudo, & non vnicus actus, & dicitur exhibant cum ipso, idest ibant cum eo quocumque vellet, & hoc est, quod eum quasi principem sequerentur. In diebus illis. Hic ponitur secundum huius partis, scilicet Iephthe honorabilis reductio, & in principem constitutio, & istius fuit occasio bellum contra Ammonitas, ideo ponitur illud bellum, & dicitur. In diebus illis. Scilicet, quando Iephthe cum viris suis agebat prædas. Pugnabant filij Ammon contra Israel:

Ad rationem primam in diuersum.

Ad secundam rationem.

Quis mori possit pro Christo, & damnari.

Iephthe honorabilis reductio, & in principem constitutio.

Scilicet, quia castrametati fuerant in terra Galaad, & ibi pugnabant, & faciebant prædas: Israelitæ tamen nondum præcesserant contra Ammonitas in bellum, eo quod nondum habebant ducem belli. Quibus acriter instantibus. Idest acriter pugnantibus Ammonitæ, scilicet pugnant durè, & tanto durius quanto minor resistentia erat ex parte Israelitarum non habentium ducem, & si Ammonitæ leuiter pugnauissent non curauissent Galaaditæ inquirere Iephthe de terra Tob, sed magnitudo belli coegit eos. Perrexerunt maiores natu de Galaad. Idest seniores Galaaditarum iuerunt pro Iephthe, & missi sunt isti, quia erant maioris auctoritatis, ut magis posset moueri ad veniendum Iephthe videndo, quod tantum eum honorabant, quod mitterent honorabiliores viros de tota terra Galaad pro eo. Item, quia isti debebant conuenire cum Iephthe, quod veniret ad pugnandum pro Galaaditis, & quod esset princeps eorum, Iephthe tamen non crederet nuncijs, nisi essent viri magnæ auctoritatis inter reliquos de populo Galaad, & totus populus ratum haberet quod facerent isti principes. Item, ut Iephthe veniens ad eos veniret honorabiliter comitatus tanquam iam princeps eorum factus. Ut tollerent in auxilium suum Iephthe de terra Tob. Sciebant eum habitare nunc in terra Tob latrocinando, & illuc miserunt ad ducendum eum, ut esset eis in auxilium, scilicet in ducem. Nam nesciebant alium, qui ita vtiliter posset eis ducatum præbere. Dixeruntque ad eum. Scilicet seniores Galaaditarum. Veni esto princeps noster. Idest dux belli pro nunc, & etiam princeps pro omni tempore, ut domineret terræ nostræ. Et pugna contra filios Ammon. Idest sis dux noster in pugna contra Ammonitas. In Hebræo habetur. Pugnabimus contra Ammonitas. Idem est, sed litera nostra voluit significantius loqui attribuendo totam istam pugnam Iephthe, scilicet, quod ipse debet eam ordinare, & principalem curam gerere de illa, quam ipse totam ageret. Et patet, quia Israelitæ hoc imponebant ei in onus, ut darent in præmium, quod esset princeps illorum, si autem diceretur pugnabimus non videbatur hoc magis incumbere Iephthe, quam Galaaditis: sed esset negotium commune. Quibus ille respondit: nonne vos estis, qui odistis me, & eiecistis de domo patris mei. Quasi dicat: quomodo iustum est, quod ego vobis auxilium præbeam, cum me oderitis, & eieceritis de terra mea, & domo patris mei: & dicebat hoc ad significandum, quod non crederet eis: nam ipsi, qui oderant eum, eiecerunt ipsum de domo patris sui: ita nunc quamquam adiuuaret eos postea eum non reciperent in principem. Etiam non credebat, quia veniebant ad eum in tempore necessitatis: ideo recedente necessitate putabat, quod non seruarent ei fidem: increpuit ergo eos hoc modo, ut illi videntes se rationabiliter increpitos facerent magnas promissiones, & firmas.

Quomodo Iephthe dixit: vos estis, qui odistis me, & eiecistis de domo patris mei.  
Quasi. XII.

QVAERETVR, quomodo Iephthe dixit: Vos estis, qui odistis me, & eiecistis de domo patris mei, quia soli fratres sui eiecerant eum: & isti erant seniores Galaaditarum. Nicolaus respondet vno modo, scilicet, quod fortè erant hic aliqui de fratribus suis inter istos seniores. Sed non est verisimile, quia sciebant Galaaditæ, quod Iephthe oderat fratres suos, eo quod eū de terra eiecerant, ideo si mitterent aliquem de illis exasperaretur magis, & non veniret, quia



quia cum is, qui displicet, ad intercedendum mittitur: animus iratus ad deteriora prouocat, ut ait Gregorius in Moralibus, & habetur in Decr. 49. dist. cap. sollicitate. Aliter potest dici, quod fratres Iephthe eiecerunt eum de domo patris auctoritate iudicis tanquam scandalosum, ut non succederet in hereditate paterna cum illis, & isti iudices veniebant nunc cum istis senioribus, vel erant aliqui istorum seniorum iudices, ideo conque- rebatur de eis, quod eum iniuste eiecissent de domo patris sui. Aliter potest intelligi, quod isti eiecerunt eum, & oderunt, scilicet dederunt fauorem fratribus suis ad hoc, quod eum eiecerent, dato quod non essent iudices: & istud fuit ex odio. Aliter etiam potest intelligi, scilicet, quod soli fratres Iephthe eum eiecissent de domo patris sui, quia tamen isti erant de terra illa transfert crimen in istos: sic enim cum alicui in aliqua communitate, vel loco iniuria est illata, quoscunque de illa communitate, aut loco viderit, conqueritur tanquam ad omnes illos pertineat delictum de iniuria sibi illata. Et nunc venistis necessitate compulsi. Scilicet, quia filij Ammon præsumunt vos: quasi dicat: dum eratis tranquilli non venistis ad petendum me in principem vestrum, ut pugnarem pro vobis, sed nunc necessitate compulsi venistis, ideo non deberem vobis prestare auxilium: nam præsumitur contra illos, qui aliquid agunt necessitate compulsi, quod non bono zelo agant. Sic Ecclesia præsumit contra illos, qui baptizantur, quando sunt in egritudine, & dum essent sani nolebant, quod non agant deuotione religionis, ideo statuit, quod qui baptizatus fuerit, dum in egritudine est, post ad sacros ordines non possit promoueri, ut patet in Decr. 57. dist. cap. si quis in egritudine. Sic etiam mitius agitur in iudicialibus cum sponte confessio, quam cum conuicto, & tamen si confiteatur metu, & necessitate probationum instantium non agitur mitius.

Quare seniores Galaad non se excusarunt de hoc crimine eiectionis Iephthe. Quæst. XIII.

**Q**VAERETVR, quare seniores Galaad non se excusauerunt de hoc crimine eiectionis Iephthe: quia poterant se excusare rationabiliter, si ipsi non fuerunt participes quamquam essent de eadem terra. Etiam dato, quod essent iudices, poterant se excusare, si iure hoc existente fecerunt. Respondendum, quod isti seniores noluerunt se excusare quamquam possent, eo quod excusando se loquerentur contra Iephthe, & in hoc mouerent eum ad iram ideo: erat melius, quod darent locum ire eius relinquendo verbum in ore ipsius, & sic mitigaretur spiritus furoris: plus enim iram taciturnitas, quam responsio mollis, vel excusatoria frangit, & quia isti nolebant prouocare ad iram ipsum Iephthe, sed ducere eum secum, non responderunt, ut sic euacuaretur furor. Dixeruntque principes Galaad ob hanc ergo causam venimus ad te. Responderunt isti seniores, qui erant principes Galaad verum esse quod dicebat Iephthe, scilicet ob hanc causam venimus ad te, & tamen non ob hoc minus confidendum nobis est, quia cum te egeamus, certissime constituemus te principem. Ut proficiscaris nobiscum. Scilicet illico eas, quia instant Ammonitæ. Et pugnes contra filios Ammon. Scilicet, quod tu sis dux in pugnando, & sic totum bellum tibi videbitur imputari. In Hebræo habetur supra. Cum sis in tribulatione. Vbi litera nostra dicit necessitate compulsi venistis, & idem est. Si quis dux omnium, qui habitant in Galaad. Id est & postquam pugnaveris maneat semper princeps omnium Galaaditarum, etiam si nunquam postea sint bella. Per hoc autem constituebant eum principem super dimidiam tribum Manasse, & super tribum Gad: nam istæ gentes morabantur in terra Galaad. Creden-

Alph. Tost. super lib. Iudicum

**A**dum est etiam, quod tribus Ruben veniret in hanc conditionem, quia licet non habitarent Rubenitæ in terra Galaad: tamen habitabant simul cum tribu Gad, & dimidia tribu Manasse in terra duorum regum Amorrhæorum: Num. 32. & Iosue 13. tota autem terra istarum duarum tribum, & dimidiæ fuit olim terræ Ammonitarum, & Moabitarum: sed Schon, & alij reges Amorrhæi ceperunt eam violenter de manibus Moabitarum, & Ammonitarum, ut colligitur Num. 21. & Iosue 13. si igitur nunc Ammonitæ repetentes terram Galaad tanquam sibi debitam, quia olim fuit de terra eorum, obtinerent contra Manasse, & Gad: ita Moabitæ peterent terram, in qua manebant Rubenitæ, quia illa erat de iure eorum. Ideo verisimile est, quod nunc omnes duæ tribus, & dimidia simul pugnarent contra Ammonitas, & omnes se subiecerint ducatu Iephthe ad semper. Dicitur tamen de habitantibus in terra Galaad, quia propter istos erat nunc bellum. Iephthe quoque dixit eis. Putauit Iephthe, quod Galaaditæ vellent eum fallere, ideo noluit petitioni eorum assentire sine firma promissione, scilicet, quod iurarent ei, quod haberent eum semper in principem. Si verè venistis ad me, ut pugnem pro vobis contra filios Ammon. Id est, quod dubitabat an verè venirent ad hoc: nam non dubitauit de isto, quia benè nouerat, quod necessitate compulsi veniebant ad eum, ut pugnaret contra Ammonitas, sed dubitabat an verè vellent eum facere principem, & quia ipsi hoc dicebant, dixit: si verè venistis, id est cum vera intentione ad me faciendum principem. Tradideritque eos dominus in manus meas ego ero princeps vester. Id est si cum vera intentione faciendi me principem ad pugnandum venitis, promittatis mihi, quod facietis me principem, si præualuero contra Ammonitas.

Quare Iephthe non dixit ad omnem casum, quod facerent eum principem Israelitæ pugnatis Ammonitis, &c.

Quæstio XIII.

**Q**VAERETVR, quare non dixit ad omnem casum, quod facerent eum principem postquam pugnaret contra filios Ammon, siue traderentur in manus eius, siue non, quia cum ipse faceret quantum in se erat merebatur principatum, siue obtineret, siue non. Respondendum, quod Iephthe dixit solum si tradiderit dominus filios Ammon in manus meas, ut ostenderet, quod volebat iustissime habere principatum: nam si antequam traderentur Ammonitæ in manus eius efficeretur princeps eorum: poterat conuenire cum Ammonitis, ut non pugnaret, quod daret eis aliquam partem terræ Galaad, quā ipsi petebant, & tunc manerent delusi Galaaditæ, scilicet, quia haberent in principem illum, qui nihil eis proficeret, sed magis noceret: si autem non efficeretur princeps, sed solum dux belli quousque traderentur Ammonitæ in manus eius, merebatur postea sine dubio habere principatum exercitus. Vel dixit hoc, quia Ammonitæ poterant dupliciter tradi in manus Iephthe, scilicet per hoc, quod ipse in bello victos occideret. Vel quia eos de terra Galaad effugaret: nunc autem intendebat Iephthe pugnare indefinenter contra Ammonitas, scilicet, vel quod ipse, & Israelitæ bellando deficerent, & morerentur, vel expellerent Ammonitas de terra. Si autem Iephthe moreretur pugnando: non egebat principatu, si autem superuivisset expelleret de terra Ammonitas victos, & tunc essent traditi in manus eius: ergo non egebat Iephthe principatu, nisi Deus traderet in manus eius Ammonitas.



An Iephthe potuit licite principatum terræ Galaad desiderare : F  
 & an desiderare liceat beneficia, & dignitates Ec-  
 clesiasticas, vel temporales.  
 Quæstio XV.

**Q**VAERETVR, an Iephthe potuit desiderare  
 licite principatum terræ Galaad: nam noluit  
 ire ad adiuvandum eos, nisi iurarent ei de constituen-  
 do illum principem. Respondendum, quod contin-  
 git desiderare honorem secularem, aut Ecclesiasticū.  
 In honore Ecclesiastico, qui concernit curam anima-  
 rum non est licitum alicui desiderare absolute, quia  
 nemo debet se iudicare dignum ad perfecte exequen-  
 dū id, quod dignitas illa requirit: & potissimum hoc  
 est in magnis dignitatibus, scilicet in Episcopatu, &  
 maioribus, ideo nullus spontaneus debet assumi, sed  
 vocatus, & iussus. Et in signum huius Ecclesia iubet  
 ei, qui cōsecratur in Episcopum, quod bis dicat nolo,  
 cum petitur ab eo, si vult Episcopari: & in tertia dicit,  
 volo; quasi obediendo, & non cupiendo: si tamen li-  
 ceret alicui desiderare Episcopatum absolute, non iu-  
 beretur ei, quod diceret, nolo: quia tunc Ecclesia in-  
 duceret eum ad mentiendum. In illis autem Eccle-  
 siasticis officijs, vel dignitatibus, quæ non habent cu-  
 ram animarum, sed habent iurisdictionem, adhuc dif-  
 ficultas est, quæ licet magis alicui liceat desiderare istas,  
 quam illas, quæ requirunt curam animarum, tamen  
 non licet cuilibet desiderare eas, sed ei soli, qui virtute,  
 & prudentia iuste præesse potest exercendo vtiliter  
 iurisdictionem suam. Si autem sunt Ecclesiasticæ di-  
 gnitates, vel officia, aut beneficia, quæ non exigunt a-  
 nimarum curam, nec iurisdictionem annexam habent,  
 sed solum exigunt seruitium Ecclesiasticum, quilibet  
 potest desiderare illa, cum tamen moribus se ornare  
 contendat agendo, quod in se est. In scholaribus au-  
 tem dignitatibus quædam sunt, quæ non concernunt  
 iurisdictionem, sed solum habent quasdam utilitates  
 consequi dignitatem, vel officium. Aliæ dignita-  
 tes exigunt iurisdictionem. De primis dicendum, quod  
 cuique licet desiderare illos, eo quod solum est ibi vi-  
 litas temporalis, quæ cuique convenire potest. Si au-  
 tem concernunt iurisdictionem, non licet cuique de-  
 siderare: nam si leges humanæ ambitum dignitatum  
 reprobant, quanto magis lex diuina reprobare debet?  
 Siquis tamen est, qui virtutibus, & prudentia sufficiens  
 est præesse iurisdictioni, potest illam desiderare: licet  
 iudicare de se hoc non sit nimis tutum, nec tamen est  
 valde reprobandum. Nunc autem dicendum de Ie-  
 phthe, quod ipse desideravit dignitatem secularem, quæ exi-  
 gebat iurisdictionem, scilicet, quia volebat esse prin-  
 cept terræ Galaad: principalis tamen iurdictio isto-  
 rum Iudicum Israelitarū, nō erat in diffinitione causa-  
 rum, sed in bellis, ut declaratum est in prologo huius  
 libri. Ad hæc autem erat aptissimus Iephthe: nam ob  
 hoc eligebatur à viris Galaad in Ducem, ideo poterat  
 desiderare iustum principatum. Considerandum ta-  
 men circa hoc, quod cum aliqua dignitas est, vel offi-  
 cium, in quo est honor, & reditus, potest aliquis desi-  
 derare illam, vel in quantum habet honorem, vel in-  
 quantum habet reditus. Primò modo non est deside-  
 rium tam licitum, quia honor secundum se non de-  
 bet ab aliquo desiderari, licet honor iam obtentus de-  
 bet, vel potest saltem magno studio conservari. Causa  
 huius est, quia desiderare honorem secundum se est  
 velle frui seipso, & istud nulli licet. Si autem deside-  
 retur in quantum habet reditus potest esse licitum de-  
 siderium magis respectu cuiuscunque dignitatis, vel  
 officij: in quantum aliquis, qui alias non habet unde  
 vivat illo modo habebit, cuilibet tamen licet deside-  
 rare, & procurare, quæ ad vitam necessaria sunt, nisi in

Nulli Epi-  
 scopatum  
 absolute  
 optare li-  
 cet.

De cupidi-  
 tate scho-  
 larium di-  
 gnitatum.

Honor de-  
 siderandus  
 non est.

procurando sit modus illicitus. Dixeruntq; ei: Dominus,  
 qui hæc audit, ipse mediator ac testis est, quod nostra promissa  
 faciemus. Id est Deus audit, quod nos promittimus ti-  
 bi nomine omnium Galaaditarum, quod faciemus  
 te principem super terram Galaad, & ipse est testis:  
 & nos inuocamus eum in testem, quod faciemus, quæ  
 promittimus. Nam tunc Deus in testem vocatur,  
 cum dicitur: Deus, qui hæc audit: loquendi vulgari-  
 ter modus est. Nam Deus nihil audit, cum non sit ani-  
 mal: ad animalia autem perfecta aliquantulum pertinet  
 audire cum habeant organa potentie auditivæ: Deus  
 autem, nec habet organa, nec potentiam auditivam,  
 ideo nō potest audire. Quia tamē Deus intelligit quæ-  
 cunque nos loquimur nihil audiendo, ac si omnia au-  
 dierit dicitur à vulgaribus audire: sic etiam Deus nihil  
 videt, cum nec oculos habeat, sed quia, quæ nos viden-  
 tes intelligimus, ipse quoque perfectius intelligit, dicitur  
 illa videre: vocatur Deus mediator, & testis inter  
 Iephthe, & seniores Galaad propter duo. Primò, quia  
 ipsi inuocauerunt eum in testem, & mediatorem.  
 Secundò, quia dato, quod ipsi non inuocarent eum:  
 Deus omnibus, quæ fiunt, & dicuntur præsens est. In  
 Hebræo habetur. Dominus sit audiens inter nos. Vbi li-  
 tera nostra dicit: dominus, qui hæc audit, ipse media-  
 tor, ac testis est: & posuit istud litera nostra ad expo-  
 nendum: quia litera Hebraica interdum præ breuitate  
 non explicat quod intendit. Abijt itaq; Iephthe cum  
 principibus Galaad. Iam certificatus, quod non fallerent  
 eum, perrexit cum illis ad adiuvandum eos. Fecitq;  
 eum omnis populus principem sui. Scilicet venit Iephthe  
 ad locum illum, in quo Galaaditæ castrametati fue-  
 rant: nam Ammonitæ castrametati fuerant in terra  
 Galaad contra ipsos Galaaditas, & Galaaditæ castrame-  
 tati sunt in Masphat, præcedenti capitulo, & de ipso lo-  
 co missi sunt seniores ad Iephthe in terram Tob: & re-  
 duxerunt eum in Masphat, ubi erat totus populus con-  
 gregatus, & ibi constituerunt eum in principem.

Quare Galaaditæ constituerunt nunc in principem Iephthe terræ  
 Galaad antequam pugnaret contra Ammonitas.  
 Quæstio XVI.

**Q**VAERETVR, quare Galaaditæ constituerunt  
 nunc Iephthe principem terræ Galaad antequam  
 pugnaret, & traderentur Ammonitæ in manus eius,  
 quia sic ipse dixerat, scilicet, si tradiderit dominus Am-  
 monitas in manus meas, ero princeps vester. Respon-  
 dendum, quod Galaaditæ constituerunt eum nunc princi-  
 pem ante bellum propter tria. Primum est, ut ostende-  
 rent affectionem suam ad Iephthe: & quod non haberent  
 desiderium fallendi ipsum, quia antequam adueniret  
 conditio, quæ ipse posuerat, suscipiebant eum in principem,  
 & sic Iephthe magis se exponeret ad quæcūq; pericula  
 pro illis. Secundum erat, quia Galaaditæ non dubita-  
 bant de fide Iephthe, ideo non putabant differre, quod tra-  
 derent ei principatum antequam pugnaret, vel post:  
 nam non recte agente illo poterant ei auferre princi-  
 patum. Tertium erat ad imponendum ei maiorem  
 curam pugnandi: nam cum facerent eum principem,  
 putaret iam pugnare pro re sua, & afficeretur valde ad  
 pugnandum. Si autem nondum factus esset princeps,  
 quia poterat dubitare adhuc an seruirent promissa nō  
 tanto affectu pugnaret. Locutusq; est Iephthe omnes sermo-  
 nes suos coram domino in Masphat. Scilicet proposuit ibi  
 omnia verba sua de compositione, quam faciebat cum  
 Galaaditis ad hoc, quod pugnaret pro eis fideliter vsq; ad  
 mortem contra quoscunque hostes, & Galaaditæ pro-  
 miserunt, quod sicut nunc recipiebant in principem Iephthe:  
 ita eum semper tenerent finitis bellis.

Quomodo

Deus vo-  
 catur me-  
 diator, &  
 testis in-  
 ter Iephthe  
 & seniores  
 Galaad.



*Quomodo dicitur, quod Iephthe posuit omnia verba sua coram domino.  
Quest. XVII.*

**Q**V A E R E T V R quomodo dicitur hic, quod posuit Iephthe omnia verba sua coram domino. Aliqui respondent quod erat sanctuarium in Masphat: & loquendo coram illo dicebantur loqui coram domino. Sed dicendum quod non stat, quia licet aliqui teneant, quod fuerit sanctuarium in Masphat aliquando, scilicet tempore Samuelis, scilicet quando immolabat ibi 1. Regum 7. ut vult Nicolaus, tamen nunc non poterat esse in Masphat sanctuarium, quia erat in Silo: nam ex tempore Iosue vsque ad tempus Heli semper fuit in Silo: Israelitę enim postquam introierunt in terra Chanaan, & obtinuerunt quandam partem terrę: antequam diuiderent eam per sortes posuerunt tabernaculum domini in Silo, Iosue 18. Et postea non fuit mutatũ vsque ad tempus Heli, ut patet 1. Re. 1. & 4. Nā tunc ibi erat cū capta esset arca Philistinis. Dici potest quod Israelitę constituerant ibi aliquod altare, in quo immolarent domino, & stando coram illo altari dicebantur esse coram domino. Sed adhuc magis videtur dicendum, quod proposuit Iephthe sermones suos coram domino, idest Deo vocato in testem, sic enim dixerunt supra Galaaditę ad Iephthe. Dominus, qui hęc audit: ipse mediator, & testis est, quod nostra promissa faciemus, vel coram domino, vel publicę: & isti duo modi fuerunt: quia Iephthe, & Galaaditę vocauerunt in testem dominum eorum, quę tunc promittebant, & in ultorem si quis promissa infringeret. Etiam fecerunt illud publicę, & quicquid publicę fit, coram domino fieri dicitur: simile habetur Iosue ultimo, ubi dicitur quod locutus est Iosue ad totum populum coram domino: & tamen in Sichem, ubi tunc erat Iosue cum populo, non erat sanctuarium, sed in Silo, ut ibi declaratum est: sed dicebatur coram domino, idest pręsente toto populo.

**A**ram Moab: venitque ad Orientalem plagam terrę Moab, & castrametatus est trans Arnon: nec voluit intrare terminos Moab: Arnon quippe confinium est terrę Moab. Misit itaque Israel nuncios ad Sehon regem Amorrhęorum, qui habitabat in Efebon: & dixerunt ei: Dimitte ut transeam per terram tuam vsque ad fluvium. Qui & ipse Israel verba despiciens non dimisit eum transire per terminos suos: sed infinita multitudine congregata egressus est contra eum in Iasa, & fortiter resistebat. Tradiditque eum Dominus in manu Israel cum omni exercitu suo, qui percussit eum, & possedit omnem terram Amorrhęi habitatoris regionis illius, & vniuersos fines eius de Arnon vsque Iaboc, & de solitudine vsque ad Iordanem. Dominus ergo Deus Israel subuertit Amorrhęum pugnante contra illum populo suo Israel, & tu nunc vis possidere terram eius? Nonne ea, quę possedit Chamos Deus tuus, tibi iure debentur? Quę autem Dominus Deus noster victor obtinuit, in nostram cedent possessionem: nisi forte melior es Balac filio Sephor rege Moab: aut docere potes, quod iurgatus sit contra Israel, & pugnaverit contra eum, quando habitauit in Efebon, & in viculis eius, & in Aruer, & villis illius, vel in cunctis ciuitatibus iuxta Iordanem per trecentos annos. Quare tanto tempore nihil super hac repetitione tentastis? Igitur non ego pecco in te, sed tu contra me male agis, indicens mihi bella non iusta. Iudicet Dominus arbiter huius diei inter Israel, & inter filios Ammon. Noluitque acquiescere rex filiorum Ammon verbis Iephthe quę per nuncios mandauerat. Factus est ergo super Iephthe spiritus Domini, & circuiens Galaad & Manasse, Malpha quoque Galaad, & inde transiens ad filios Ammon, votum vouit Domino, dicens: Si traderis filios Ammon in manus meas, quicumque primus fuerit egressus de foribus Domus meę, mihi que occurrerit reuertenti cum pace a filiis Ammon cum holocaustum offeram Domino.

*Sybilla Eupropea propheta.*

*Sybilla Cumana vaticinatur.*

**E**t misit nuncios ad regem filiorum Ammon, qui ex persona sua dicerent: Quid mihi, & tibi est, quia venisti contra me, ut vastares terram meam? Quibus ille respondit: quia tulit Israel terram meam, quando ascendit de Aegypto a finibus Arnon vsque Iaboc atque Iordanem: nunc ergo cum pace redde mihi eam. Per quos rursum mandauit Iephthe: & imperauit eis, ut dicerent regi Ammon: Hęc dicit Iephthe: Non tulit Israel terram Moab, nec terram filiorum Ammon: sed quando de Aegypto conscenderunt, ambulauit per solitudinem vsque mare Rubrum, & venit in Cades. Misitque nuncios ad regem Edom, dicens: Dimitte me, ut transeam terram tuam. Qui noluit acquiescere precibus eius. Misit quoque ad regem Moab, qui & ipse transitũ præbere contempsit. Mansit itaque in Cades, & circuit ex latere terram Edom, & ter-



Iephthe sup-  
plicatis hu-  
miliatio.

*Et misit nuncios.* Hic ponitur secundum principale huius capit. scilicet Iephthe supplicatis humiliatio: quia humiliter misit ad petendum a rege Ammon, quod non indiceret ei bella. Et diuiditur in tres partes. Primo ponitur petitio Iephthe rationabilis: Secundo regis Ammonitarum responsio irrationabilis ibi. *Quibus ille respondit.* Tertiò irrationabilis responsionis iusta euacuatio ibi. *Per quos rursum mandauit.* Circa primum dicitur. *Et misit nuncios.* Scilicet Iephthe princeps constitutus consilio habito cum Galaaditis misit nuncios ad regem Ammon, vt desisteret a bello.

*Quare Iephthe misit nuncios ad regem Ammon vt desisteret a bello.* *Quest. XVIIII.*

**Q**VAERETVR quare Iephthe misit nuncios ad regem Ammon, vt desisteret a bello: quia potius debuisset pugnare contra illum: cum videret, qd procedebat per terram suam vastando illam. Respondendum quod voluit Iephthe amonere regem Ammon iustis exortationibus si fortè sine bello cederet, & hoc quia fortè rex Ammon ex quadam ignorantia mouebatur ad petendum terram Galaad tanquam sibi debitam, & Iephthe nunc protulit rationes euidentissimas, per quas rex Ammon deberet cognoscere se non habere ius, & cedere: & fortè illas ignorabat. Item proficiebat missio nunciorum ad iustificandum bellum, quia cum nunc rex Ammon iniustum bellum indicens Israelitis, & ostenso quod bellum iniustum esset non desistere, poterat Iephthe iuste occupare id quod erat nunc de terra Ammon, cum iniuste vellet vexare Israelitas, & poterat facere cedem, & prædam iustam in terra Ammon. Et sic fecit: nam cum non assensisset rex Ammon verbis Iephthe ipse pugnans contra illum percussit Ammonitas effugans illos, & postea ciuitates 20. percussit de terra Ammonitarum, & tulit spolia illarum, vt patet infra in litera. *Et misit nuncios ad regem filiorum Ammon.* Scilicet qui erat nunc in terra Galaad iam vastans terram Galaaditarum. *Qui ex persona sua dicerent.* Id est nomine suo. Istud dicitur, quia non mittebantur nuncij ex persona totius populi: nã si fuissent Galaaditæ sicut prius non habentes principem, misissent nuncios ex persona totius populi, quia tñ principem habebant, ille debebat mittere nuncios nomine suo. In Hebræo non hñ. *Qui ex persona sua diceret.* sed solum misit nuncios ad regem Ammon. Ieronymus tamē posuit hoc, quod colligitur ex litera sequenti: cum dicitur: *Quid mihi, & tibi,* quia venisti contra me, vt vastares terram meam? Et sic sunt ista verba ex persona solius Iephthe: litera autem nostra sæpe addit aliqua verba, quæ non habentur in Hebræo, quantum ad literam: & tamen necessariò subintelliguntur, & quia optimum genus interpretandi non est transferre semper per verbum ex verbo, sed magis sensum ex sensu: interdum aliqua verba addit, vel mutat sequèdo semper sententiam: vt patet cuicumque sine inuidia intuenti. *Quid mihi, & tibi.* Id est quid habes mecum: vel quid ego feci tibi. *Quia venisti contra me.* Scilicet contra me & populum meum. Solum tamen se exprimit, quia omnia sua sunt: & contra eum solum agere censetur. *Et vastares terram meam.* Id est terram Galaad, quæ mea est, non enim erat terra sua sicut aliæ terræ sunt regum, vel dominorum, quia Iephthe non fuit constitutus rex vel dominus, sed solus princeps, vel iudex: nam inter iudices computatur Iephthe. Potestas autem iudicum valde minor erat, quàm dominorum, vel regum, vt declaratum fuit in prologo huius libri, & supra octatio capit. sed vocauit terram suam quantum ad protectionem: nam ad eum pertinebat protectio, cum fecissent eum principem omnes Galaaditæ. *Quibus ille*

Genus optimum interpretandi

**R**espondit. Hic ponitur secundum huius partis, scilicet irrationabilis responsio regis Ammon: *Quia tulit Israel terram meam, quando ascendi de Aegypto.* Quasi dicat iuste pugno contra te petens restitutionem: nam Israel tulit terram meam quando ascendit de Aegypto, ideo licetè repetere possum, & bellum indicare si non redatur.

*Quomodo acceperunt Israelitæ terram Ammonitarum cum non pugnassent contra illos.*  
*Quest. XIX.*

**Q**VAERETVR, quomodo acceperunt Israelitæ terram Ammonitarum, cum non pugnassent contra illos, imò dominus iussit, quod non pugnarent, quia non daret eis de terra illorum saltem vestigium pedis: Deuterono. secundo. Respondendum, quod Israelitæ acceperunt terram Ammonitarum non pugnando contra Ammonitas, sed pugnando contra Sehon, & Og reges Amorrhæos, qui detinebant illam Nume. 21. Sed obijcietur, quod non ceperunt Israelitæ partem terræ Ammonitarum, sed solus Moabitarum. Nam Nume. 21. quando dicitur de terris, quas cepit Israel de manu Sehon regis Esēbō: subiungitur: Vrbs Esēbon, quæ fuit regis Sehon, qui pugnavit contra regem Moab, & tulit omnem terram, quæ ditionis illius fuerat vsque Arnon, & de terra Ammonitarum nihil dicitur. Respondendum, quod quamquam ibi non exprimitur de terra Ammonitarum, tamen exprimitur alibi, scilicet Iosue 13. cum dicitur, quod Moyſes dedit tribui Gad dimidiam partem terre Ammon, scilicet medietatem illius terre, quæ fuerat olim Ammonitarum, & nunc erat Israelitarum, & in eo tempore fuerat regum Amorrhæorum. Vel aliter posset dici quod Sehon rex solus accepit ciuitates, quæ erant de terra Moab: Og autem rex cepit ciuitates, quæ erant Ammonitarum, & sic ambo reges Amorrhæi tenebant ciuitates Moabitarum, & Ammonitarum. Aliter posset responderi secundum intentionem Nicolai, quia ipse vult, quod Balac, qui erat rex Moabitarum eo tempore, quo Israelitæ introierunt in terram Amorrhæorum, erat etiam rex Ammonitarum, & cum dicitur Nume. vigesimo primo capitulo, quod tulit Sehon omnes ciuitates, quæ ditionis illius fuerant vsque Arnon: non solum intelligitur de ciuitatibus terre Moab, sed etiam Ammon, quia vtrisque ipse præerat. *A finibus Arnon vsque Ieboc, atque Iordanem.* Hic ponuntur duo termini terre istius, quæ capta est ab Israelitis, scilicet terminus Orientalis, & Occidentalis. Nam Arnon est terminus Orientalis, quia est ad partem Orientalem. Arnon est desertum quoddam, quod vocatur via campestris, per quā ambulauerunt Israelitæ de Helath, & Asiongaber, quæ sunt ciuitates terre Edom, vt patet Deuterono. secundo. Patet etiam infra: nam cū steterunt Israelitæ in terra, quæ est apud Arnon, miserunt ad Amorrhæos, vt concederent eis viam Numeri vigesimo primo, & Deuterono. secundo, & sic non erat ante Arnon aliquis locus terre Amorrhæorum, quem cepissent de terra ipsorum, & continuisset olim ad Moabitas, vel Ammonitas. Ieboc est quidam parvus fluuius apud Iordanem, qui distat quasi per duo miliaria: & illum transiit Iacob antequam transiret Iordanem, quando veniebat de Mesopotania, Gene. trigesimo secundo capitulo. & iste fluuius est apud terram Ammonitarum: nunc enim cū erat ista contentio inter regem Ammon, & Iephthe per locum illum: distinguebatur terra Israel, & Ammon, & dixit. ad Iordanem: quia Iordanis est principium terre Chanaan a parte Orientali, & est finis Occidentis terre Moab, & Ammon, vnde a principio totum quod erat

Irrationabilis responsio regis Ammon.

Respondens secundum Nicolai Lyranum

Ieboc sic



erat ultra Iordanē inter Ammon, & Moab erat Moabitarum, & Ammonitarum: postea Sehon rex, & Og Amorrhæi acceperunt magnā partē terræ Moab, & Ammon, ita ut fierent ibi duo regna magna secundum magnitudinē regnorum temporis illius, in quib⁹ acceperunt possessionē duē tribus, & dimidia. Vnde non posuit hic rex Ammon aliquem terminum Meridianum, & Septentrionalem, sed solum Occidentalem, & Orientalem, quia procedendo a Meridie in Septentrionem totum, quod erat inter terrā Moab, & Ammon erat ablatum de terra eorum, quia olim inter terram Ammon, & Moab nulla erat interpositio. *Nunc igitur cum pace redde mihi eam.* Id est antequā plus pugnem contra terram tuam: nam iam non poterat dari cum pace, eo quod rex Ammon introierat in terram Galaad, ibique castrametatus erat præcedēti capit. & pugnabat acriter contra terram illam, ut dicitur, supra. Quibus acriter instantibus perrexerūt maiores natu de Galaad, ut tollerēt in auxiliū suū Iephte, sed dicebat. *Redde in pace.* Scilicet ne cogar pugnare contra te, & tunc deuictō populo tuo ego tollam terram. *Per quos rursum.* Hic ponitur tertium huius partis, scilicet euacuatio iusta responsionis irrationabilis regis Ammon: & allegat hic Iephte multas rationes ostendens, quod ipse nihil accepit de terra Ammonitarum. *Per quos rursum mandauit Iephte.* Id est per eosdem nuncios misit legationem iterum ad regem Ammon: quia illi melius possent expedire negociū, quod iam ceperant, & dicitur mandauit, id est misit: Sic accipitur Gene. quadragesimo quinto, scilicet. Hæc mā dat Ioseph filius tuus: Et tamen filius non mandaret aliquid patri, sed dicitur mandat, id est mittit ad dicendum: Sic etiam accipitur Numeri vigesimo capi. scilicet hæc mandat tibi frater tuus Israel, & tamen ibi Israelitæ non mandabant Idumeis, sed humiliter supplicabant. Accipitur ergo pro mittere. *Et imperauit eis ut dicerent regi Ammon.* Hæc dicit Iephte. Scilicet ut loquerentur omnia sequentia ex nomine Iephtæ sicut præcedentia. *Non tulit Israel terram Moab, nec terram filiorum Ammon.* Scilicet tu petis a nobis restitutionē terræ tanquam abstulerimus tibi, Israel autem non accepit aliquid de terra Moabitarum, aut Ammonitarum: & si fortē nunc possideat id, quod fuit aliquando Ammonitarum, vel Moabitarum, non competit contra eum actio spoliationis, & petitio restitutionis, quia solum competit contra spoliantem, vel iubentē vel rem ratam habentem: nos autem nec spoliauimus, nec spoliari iussimus, nec spoliationem ratam habuimus, cum ad nos nihil tunc pertineret, qui in Aegypto eramus, ideo non competit tibi contra Israelitas actio. Dicitur autem de terra Moab, & Ammon, quia Israelitæ habebant ciuitates aliquas, quæ fuerant Ammonitarum, & alias Moabitarum, & tamen neutras illarum acceperant de manu Ammonitarum, vel Moabitarum.

*An iste rex Ammon peteret nunc vrbes quæ fuerant olim terre Ammon solum, vel vrbes tam Ammon quam Moab.*

*Quest. XX.*

**Q**VAERETVR an iste rex Ammon peteret nunc vrbes, quæ fuerant olim terræ Ammon solum, vel tam vrbes Ammonitarum, quam Moabitarum. Respondendum quod iste petebat tam terrā Moabitarum, quam Ammonitarum. Quod patet quia posuit terminos vtriusque terræ capte: nam quæcunque petitio debet continere aliquid certum quod petit: ideo ad hoc quod peteret rex Ammon terram ab Israelitis, oportebat quod limitaret eam, & ad hoc

**A** limitauit terram dicens: Ab Arnon vsque Ieboc vel Iordanem, ista autem terræ limitatio non solum continet terram Ammonitarum captam ab Israelitis, sed etiam terram moabitarum, ut patet Deutero. 2. vbi victo rege Sehon dicitur, quod possederunt Israelitæ terram ab Arnon vsque ad ea, quæ adiacent torrenti Ieboc, & vsque ad terram Ammonitarum, & tamen rex Sehon tenebat loca, quæ fuerunt de terra Moabitarum Nume. 21. cap. ergo non solum petiuit iste terrā Ammonitarum, sed etiam Moabitarum. Item patet quia solum ponuntur hic termini ab oriente, & ab occidente, & non a meridie, & septentrione. Ex quo apparet quod cum totum quod erat nunc inter terram Ammonitarū, & Moabitarum fuisset olim Moabitarum, & Ammonitarum totum illud petitum, quia alioquin limitaretur pars terræ ab aquilone, & meridie, sed cum totum, quod est inter meridiem, & aquilonem petat non curauit aliquid limitare. ab oriente autem, & occidente, quia non erat limitatum ipse limitauit. Item patet hoc ex responsione Iephte, quia ipse non responderet ad impertinēs: respondit tamen ad terram Ammon, & Moab, dicens non tulit Israel terram Moab, nec filiorum Ammon: ergo vtranque petebat iste.

*Quomodo iste cum esset rex Ammonitarum poterat petere terram Moabitarum.*

*Quest. XXI.*

**Q**VAERETVR quomodo iste cum esset rex Ammonitarum poterat petere terram, quæ fuerat Moabitarum. Responderi potest dupliciter. Vno modo, quod iste petebat iniuste tam terrā, quæ olim fuerat Ammonitarum, quam Moabitarum, quia tamen videbat se potentem, & putabat Israelitas non posse resistere ei, petebat quod volebat: credens ex necessitate Israelitas assensuros ei, alioquin bello subigendos. Aliter potest dici, & melius, quod iste rex Ammonitarū erat etiā simul rex Moabitarum, quod patet quia infra dixit Iephte huic regi: Nisi fortē melior est Balac filio Sephor: ille tamen erat rex Moab, & iste comparatur illi in iure: ergo necesse est quod etiam iste esset rex Moab. Et est sensus Balac filius Sephor erat rex Moab, & non ausus est petere terram Moab, quā tenebant Israelitæ tanquam nō haberet ius repetendi, ergo nec tu, qui succedis, poteris eam repetere, nisi fortē sis melior illo, id est potior in iure: erat ergo etiam iste rex Moab, alioquin non procederent verba Iephte. Itē patet quia dixit Iephte quod ea, quæ Chamos Deus istius regis obtinuit pertinebant ad eum, sed Chamos non erat Deus Ammonitarum, sed Moabitarum, ut patet 3. Regum 11. vbi ponitur Chamos Deus Moab, & Moloch, siue Melchon Deus Ammonitarum, ut patet 4. Regum 23. vocatur quoque populus Moabitarum populus Chamos, id est cultor eius Nume. 21. scilicet Væ tibi Moab peristi popule Chamos; ergo iste rex cuius Deus erat Chamos necessariō erat rex Moabitarum, & sic erat rex vtriusque regni tam Moabitarum, quam Ammonitarum: ideo fungens iure vtriusque gentis petebat totam terram, quæ olim fuit Moabitarum, & totam terram, quæ fuit Ammonitarum: & secundum hoc non maneret aliqua terra, in qua habitarent duæ tribus, & dimidia: quia tota sua possessio fuerat terra duorum regum Amorrhæorū, & illa fuerat terra Moabitarum, & Ammonitarum, sed oportebat quod duæ tribus, & dimidia reciperent possessionem ad occidentalem partem Iordanis, cum aliis nouē tribubus, & dimidia. *Sed quando de Aegypto.* Declarat Iephte quod competat regi Ammon repetitio contra Israelitas ex parte Ammonitarum, vel Moa-



Moabitarum. Et hoc tribus rationibus: prima ex iusta terræ possessione. Secunda ex Dei auctoritate ibi. *Tradiditque eum Dominus.* Tertia ex diuturna præscriptione ibi. *Nisi forte.* Circa primam ostenditur, quod Israelitæ iuste possiderunt a principio terram illam, & nunc quoque iuste tenebant, eo quod non pugnaverunt contra Moabitas, vel Ammonitas ad obtinendum aliquid eius, sed extorserunt illam de manu regis Sehon & regis Og, contra quos iustum bellum habuerunt.

*An licuerit aliquo modo Israelitis accipere aliquid de terra Moabitarum, vel Ammonitarum.*

*Quest. XXII.*

**Q**VAERETVR, vltius ad intellectum istius responsionis Iephthe de duplici dubio. Primum est si licuit aliquo modo Israelitis accipere aliquid de terra Moabitarum, vel Ammonitarum: nam licet non acceperunt quod actualiter possiderent Moabitarum, vel Ammonitarum: tamen susceperunt id quod acceperat ab eis pauloante hoc rex Sehon, & Og. Videtur tamen quod nullo modo liceret Israelitis accipere de terra illorum, quia Deus dixit: nec enim tibi dabo de terra eorum quantum potest vnus pedis calcare vestigium Deute. secundo cap. sed ista terra erat Moabitarum, & Ammonitarum, ergo non licebat Israelitis accipere illam, licet ab aliis tunc teneretur. Respondendum, quod Deus non vetuit Israelitis accipere terram, quæ olim fuerat Ammonitarum, & Moabitarum, & nunc tenebatur ab aliis gentibus, sed solum illa, quæ actualiter possidebatur ab eis, quod patet, quia Deus vetuit pugnare Israelitis contra Moab, & Ammon: nam forte Israelitæ desiderio capiendi multum de possessione, inferrent bellum Moabitis, & Ammonitis, vt terram eorum caperent: Deus autem vetuit dicens, ne pugnarent Israelitæ contra filios Ammon, nec contra filios Moab, sed transirent apud terras eorum: nam non daret Deus de terra illorum Israelitis quantum poterat vnus pedis calcare vestigium: Deuterono. secundo, bellum autem contra Moabitas, & Ammonitas solum etiam ad obtinendum terram, quam illi actualiter possiderent: ergo solum vetabat Deus Israelitis accipere aliquid de terra Moab, & Ammon quantum ad id, quod possidebant, istud tamen quod acceperunt possidebat ab Amorrhæis, ideo potuerunt accipere.

*Si Israelitæ contra præceptum Dei, pugnarent contra Moabitas, & Ammonitas, & obtinerent aliquid de terra eorum an tenerentur ad restitutionem.*

*Quest. XXIII.*

**Q**VAERETVR vltius si Israelitæ fortè contra præceptum Dei pugnarent contra Moabitas, & Ammonitas, obtinerent aliquid de terra eorum; an tenerentur ad restitutionem. Aliquis respondebit, quod sic, quia faciebant contra Dei mandatum. Sed huic posset responderi, quod non tenet: quia multa fieri prohibentur, quæ si fiant obtinent firmitatem: sicut prohibentur conferri ordines extra tempora ordinata a iure: & tamen si conferantur tenet collatio, & sic de multis. Respondendum est, quod non est admittendus casus, quia dato quod Israelitæ conarentur ex cupiditate contra Dei prohibitionem pugnare contra Moabitas, & Ammonitas, vt obtinerent terram eorum, non possent obtinere de terra illorum, nec vnus pedis vestigium, quia Deus dixerat, quod non mouerentur ad pugnandum contra illos, quia non daret de

**F** terra illorum Israelitis, nec vnus vestigium pedis: ideo impossibile erat Israelitis quantumcunque fortiter pugnarent obtinere quicquam de terra illa, sed potius caderent in manus Moabitarum, vel Ammonitarum, & fugarentur ab eis: imò etiam Ammonitis, vel Moabitis non pugnantibus contra Israelitas Deus pugnaret contra eos tanquam contra manifestè rebelles, & percuteret eos peste, vel alio genere plagæ, ideo non est admittendus casus, scilicet quod Israelitæ protùc potuissent aliquid obtinere de terra Moab, & Ammon: non quidem ex hoc quod Deus vetuit, sed quia dixit. Non dabo, ideo impossibile erat, quod aliquid reciperent de illa. Sed adhuc dato per impossibile, quod Israelitæ possent aliquid obtinere de terra Moab, vel Ammon, & obtinerent: dicendum quod tenebantur ad restitutionem, quia ille, qui non potest effici dominus rei possesse, vel detentè tenetur ad restitutionem semper: cum aliàs semper maneat iniustus possessor: sed Israelitæ obtinentes aliquid de terra Moab, vel Ammon nunquā possent effici dñi: nam tituli rerum verius dependent a Deo quàm ex alio iure, eo quod dñi est terra, & plenitudo eius. Si ergo Deus dicat alicui quod non accipiat rem, quia non intendit eam dare sibi: nunquam isti potest esse titulus rei. Sic autem erat de possessione Ammonitarum, & Moabitarum, quia Deus dixit quod Israelitæ non pugnarent contra eos ad obtinendum terram, quia non daret eis de terra illorum saltem vestigium pedis, quia dederat eam in possessionem filiorum Loth, idest Moabitarum, & Ammonitarum qui erant filii Loth Gene. decimo nono capit. ergo apparet, quod Deus volebat manere firmum titulum terrarum illarum apud Ammonitas, & Moabitas: & nunquam transire ad Israelitas, ergo dato quod per mille annos possideret eas Israelitæ: semper essent iniusti detentores, & Moabitarum essent domini. Item quandocunque aliquid obtentum est per iniustum bellum, tenemur ad restitutionem illius, nec poterimus vnquam effici domini illius, sed bellum factum contra expressam Dei prohibitionem est iniustum, & consequenter nihil obtentum ibi potest effici capientium. Sic autem esset, si Israelitæ pugnarent contra Moab, & Ammon, quia esset contra Dei prohibitionem: Deuterono. secundo: ergo terram obtentam non poterant vnquam suam efficere, sed tenebantur ad restitutionem.

*De restitutione terra Ammonitarum, & Moabitarum.*  
*Quest. XXIII.*

**Q**VAERETVR vltius de 2. dubio scilicet quia tota defensio Iephthe contra regem Ammon fundatur in hoc, scilicet quia Israelitæ non acceperunt terram de manu Moabitarum, vel Ammonitarum, sed de manu Amorrhæorum, ideo quamquam fuisset olim Moabitarum, & Ammonitarum non tenebantur eis ad restitutionem. Sed videtur quod ista ratio non stet, quia sicut non licet mihi rem alterius rapere, ita non licet eam a raptore accipere. licet enim quas rapuerit rem alterius, ego non possum tollere raptori, vt possideam: sed ita competet domino vindicatio rei contra me, apud quem rem inuenit, quam probat fuisse suam sicut competere contra raptorem, non agendo actionem furti, sed solum vendicando rem: & non potest aliquis se defendere iudicialiter, dicendo accepi a raptore. Nec etiam in foro conscientie est tutus, sed semper tenetur ad restitutionem, & insuper peccauit accipiendo eam. Sed aliquis dicet, quod hoc verum est quando accipit eam iniuste a raptore: nam sicut raptor nullum ius habuit ad rapiendum, ita si ego sciens illam raptam accipiam ab

*Res furto ablata nemini retineri potest.*



ab eo, ut mea sit: non preterita alia causa iniuste accipio: sed si forte habeo ius accipiendi, dicetur quod possum retinere: sic enim probavit Iephthe contra regem Ammon: quia non solum ostendit se non rapuisse, sed etiam ostendit iuste se accepisse a raptore, scilicet quia iusto bello pugnans Israel contra regem Sehon, qui possidebat istam terram, & fuerat raptor, accepit eam, ut patet infra. Sed adhuc dicendum quod istud non sufficit, quia dato quod ego habeam iustam causam accipiendi aliquid a fure, ut pote quia est debitor meus, non possum suscipere ab eo rem furtim acceptam, vel raptam, licet rem aliam ab eo iuste accipere possim: quam ergo iustum bellum habuerit Israel contra reges Amorrhæos Sehon, & Og: non sufficiebat ad hoc, quod terram, quam possidebant, & rapuerant de Ammonitis, & Moabitibus possent licite obtinere, & possidere. Dicendum ergo quod ad defensionem Iephthe non sufficiebat id quod allegabat hic in principio, scilicet quod non rapuerat Israel, sed cepit de manu raptoris, & quod iusto bello acceperat de manu raptoris: nam hic erat duplex defectus. Primus est, quia licet aliquis bona fide accipiat a debitore suam rem, & postea constet sibi rem esse raptam: incipit iam esse possessor male fidei, & non solum in foro conscientie tenetur, sed in civili etiam tenetur ad reddendum rem domino. Secundus defectus erat, quia Israel non suscipiebat terram, quæ fuerat Ammonitarum, & Moabitarum bona fide de manu Amorrhæorum: cum tunc constaret terram illam fuisse Moabitarum, & Ammonitarum, qui autem a debitore recipit in solutionem rem, quam constat furto habitam, vel raptam, non solum non potest eam efficere suam, & tenetur ad restitutionem: sed etiam peccat mortaliter, & est particeps criminis: imò esset contra eum directa actio sicut contra furem, & custodientem, vel receptantem res furto ablatas: sed Israel sic accepit terram illam de manu Amorrhæorum: ergo non solum non poterat efficere eam suam: sed et peccabat suscipiendo. Dicendum igitur quod ad hoc, quod Iephthe defensio procederet, oportebat esse unum de duobus. Primum erat, quod Sehon, & Og iusto bello accepissent terram de manu Ammonitarum, & Moabitarum: nam tunc iuste possidente Amorrhæo solum requirebatur, quod haberet Israel instantiam suscipiendi ab eo, & istam probat Iephthe, scilicet quod iusto bello accepit Israel terram istam de manu Amorrhæorum, ut patet in litera. Quod autem Amorrhæi haberent iustam causam pugnandi contra Ammonitas, & Moabitas, erat si forte recepissent ab eis valde magnas iniurias, propter quas possent suscipere terram in satisfactionem, vel si forte alio iure ante bellum continebatur ista terra Amorrhæis, quia tunc iusto bello poterant eam capere de manu Moabitarum, & Ammonitarum. Secundum erat ex auctoritate Dei, scilicet si forte Deus iussit, quod Israelite caperent terram illam de manu Amorrhæorum, quia cum ad Deum pertineat verissime titulus rerum: si ipse iusserit alicui, quod accipiat res quas alius iusto titulo, & pacifice possedit, erit verus dominus, qui accipit, sicut fuit Israelitis comodata vasa, & vestes petere ab Aegyptiis, & pro se accipere: nam Aegyptii iuste possidebant illa, nec competebat specialiter ius aliquod Israelitis contra illos, a quibus ista susceperunt comodata, licet competere contra reges Aegypti, qui iniuste opprimebant eos: Deo tamen iubente hoc fuit iustissima ablatio. Sic fuit hic: nam dato quod Amorrhæi cepissent bello iustissime terram istam de manu Ammonitarum, & Moabitarum, Deus precepit Israelitis, ut ascenderent, & inciperent possidere terram istorum duorum regum Amorrhæorum, quæ promissit se tra-

diturum illis, ut patet Deutero. secundo, & Numeri vigesimo primo: ergo iuste susceperunt terram, & possidebant eam.

*An Israelitis iusto bello pugnando contra Amorrhæos terram eriperent de eorum manibus, possent eam iuste possidere.*  
Quæst. XXV.

**Q**UÆRETUR ulterius, dato quod Deus non iussisset Israelitis, quod acciperent terram duorum regum Amorrhæorum, sed ipsi pugnando contra Amorrhæos iusto bello terram eriperent de manibus eorum, an possent eam iuste possidere. Respondendum quod iusta bella sunt ad perendum reparationem iniuriarum, vel restitutionem ablatarum rerum, vel damnorum, & cum bellum iustum incipit tandiu continuari potest usquequo recuperentur damna, vel res ablate, & impense, quæ fiunt in bellis: ut puta si fiat bellum ad restitutionem aliquarum rerum ablatarum, si determinate sunt: ut si aliqua loca repetuntur: tandiu est bellum iustum quousque illa loca recipiantur, & accipiatur tantum in valore de terra illa quantum gens, quæ infligit iustum bellum expendit in faciendis bellum, quia istæ sunt expensæ rationabiles, & necessarie ad quas tenetur victus victori, vel fovens iniquam litem ei, qui litem iustam fovet, & hoc in contumacia ipsius qui noluit sine bello restituere res, quas iniuste tenebat. Si autem perantur damna inflicta in bello iusto, tandiu procedet bellum iustum, quousque sit recepta estimatio damnorum, & insuper expensæ, quæ in bello fiunt ex causa supra assignata. Si autem fiat bellum ad reparationem iniuriarum: tandiu poterit esse bellum ad occidendum, & rapiendum: quousque secundum arbitrium bonorum virorum, & sapientum sit satisfactum de iniuria. Quidquid autem ultra pugnatur rapiendo, vel occidendo, aut vastando terram, ad iniustum bellum pertinet: ideo qui ceperunt bellum iustum agere, nunc bellum iniustum agunt, & tenentur iam ad restitutionem omnium, quæ faciunt de damno supra iustam estimationem damni vel iniuriæ. Nunc ergo si iniuriam, vel damnum quod Israelite suscepunt ab Amorrhæis: si non esset tanta, ut Amorrhæi mererentur omnes perire, & terram perdere, Israelite non iuste egissent possidendo totam terram illorum. Pro quo sciendum quod Amorrhæi non fecerunt aliam iniuriam Israelitis: nisi quia non concesserunt transitum eis per terram suam usque ad Iordanem: cum nullum alium locum transiendi haberent ad terram suam. Ista autem non erat valde magna iniuria, imò ut aliquis iudicabit forte nulla erat, quia non volebant permittere aliquos transire per terram ipsorum, quam timebant ledi ex transitu. Sed maior iniuria fuit quia rex Amorrhæorum occurreret Israelitis antequam inciperent transire per terram eius cum magno exercitu ad pugnandum. In hoc autem considerando litteram Numeri vigesimo secundo, & Deuterono. secundo, possumus eam interpretari pro utraque parte. Nam si volumus dicere, quod rex Sehon non peccavit, quia non intēdebat offendere Iudeos, sed solum arcere eos de finibus suis, satis stabit, & tunc dicemus, quod Israelite, licet alias non foverēt iustum bellum, tamen ex mandato Dei, qui iusserat eis transire per locum illum, cum angelus domini dirigeret eos in columna nubis per terram illam, etiam quia Deus iussit eos pugnare contra reges illos Amorrhæos, fuit factum bellum iustum. Et ista est secuta positio, sed tamē volendo interpretari, quod Israelitis licebat pugnare contra Amorrhæos, ut darent eis transitum per terram suam ad Iordanem, dicemus quod tandiu licebat



Quod in  
nullius bo-  
nis est, pri-  
mo occu-  
pani con-  
ceditur.

cebat eis pugnare, quandiu darent eis locum, & quia nunquam voluerunt dare, semper licuit eis pugnare, quousque totam gentem illorū duorum regū Amor-  
rhæorum delerent, & tunc poterant transire libere, & iam non habebant causam pugnandi, quia iam non habebant causam accipiendi aliqua loca de terra Am-  
orrhæorum, cum iam non restaret aliqua pars ini-  
urię, pro qua deberent accipere loca, quia tamen ma-  
nebant loca deserta expulso, vel occiso iustę habitato-  
re, poterant Israelitę iustę accipere loca, ne alię gentes  
superuenientes occuparent illa, quia quod in nullius  
bonis est, primo occupanti conceditur: si tamen fuisset  
aliqua gens Amorrhæorum, quę restitisset Israeli-  
tis in transitu, & alia consensisset: non poterat pugna-  
re contra contentientes, sed occisis repugnantibus te-  
nebantur cessare a bello, & dimittere loca libera A-  
morrhæis, qui non resistebant.

*Ad quid probatur à Iephthe tam longa ratione, quod Israeli-  
tę acceperant terram hanc in bello iusto.*

*Quest. XXVI.*

**Q**VAERETVR cum Iephthe non probaret se  
iustę possidere, dato quod Israelitę acceperant  
iusto bello terram de manu Amorrhæorum, ad quid  
probabat per tam longam rationem, quod Israelitę ac-  
ceperant terram istam in bello iusto: nam ad proba-  
tionem impertinentem nemo in iudicio debet admit-  
ti, & nunc quamquam non contenderet iudicialiter  
Iephthe: tamen debuisset euitare probationem imper-  
tinentem Respondendum quod Iephthe probauit hoc,  
quia licet probatio ista non esset sufficiens, per se tamē  
erat ad iudicium, ut cum aliis probationibus sufficiē-  
ter concluderet. Nam fundamentum debebat esse  
eo quod Amorrhęi iustę acceperant de manu Am-  
monitarum, ideo poterant Israelitę accipere eam iustę de  
manu Amorrhæorum, & tunc proficiebat ad hoc, quod  
Israelitę in bello iusto acceperant terram de manu  
Amorrhæorum, quia dato quod Ammonitę, & Moa-  
bitę iustę perdidissent, & recuperassent iustę Amor-  
rhęi. tamen Israelitę non habebant ius ad accipiendū  
de manibus Amorrhæorum, ideo cum tenerent Is-  
raelitę terram, quę olim fuerat Ammonitarum, &  
nunc nullum ius haberent ad possidendum illam, pe-  
terent Ammonitę, & Moabitę tanquam ab iniusto  
possessore. Et dato quod non oriretur ex hoc Am-  
monitis iusta causa petendi, tamē maiorem colorem  
haberent ad petendum, quā si Israelitę iusto titulo  
possiderent. Probando autem bellum iustum pro-  
batur iustus titulus. Vnde non haberent Am-  
monitę colorem petendi ab Israelitis, & sic Iephthe cona-  
tus est hoc probare longa ratione. *Sed quando de Aegy-  
pto conscenderunt.* Dicuntur ascendere, quia terra Cha-  
naan est altior, quā terra Aegypti in situ, eo quod est  
magis Aquilonaris. *Ambulant per solitudinem vsque ad  
mare rubrum.* Hic incipit ponere mansionum discursus  
ex Aegypto, ut det principium narrationi sue. Et  
dicitur quod ambulauerunt vsque ad mare rubrum,  
quia ibi ceperunt Israelitę esse extra terram Aegypti.  
Et dicitur quod venerunt per solitudinē, quia exeūdo  
de Rameses vrbe, in qua conuerunt Israelitę ad exeū-  
dum, ambulauerunt per quandam solitudinem faciē  
do quasdam mansiones vsque quo peruenirent in ma-  
re rubrum. De hoc patet Exod. decimo quarto, &  
magis Numeri vigesimo tertio, ubi ponitur Catalo-  
gus mansionum, & dicitur: Profecti de Socoth ve-  
nerunt in Ethan, q̄ in extremis finibus solitudinis est,  
& deinde ceterę mansiones, quę ponuntur per terram  
Aegypti vsque ad mare Rubrum sunt per solitudinē.  
Considerandum autem, quod Israelitę ter venerunt

Discursus  
mansionū  
ex Aegyp-  
to.

**F** apud mare rubrum. Primō quando exeuntes de Aeg-  
ypto transferunt illud: Exo. 14. & ibi mortui sunt Aeg-  
gyptij. Secundō venerunt apud illud q̄n steterūt in mā-  
lione, quę vocatur Helim. sic dicitur Nu. trigesimo ter-  
tio. Profecti de Helim castrametati sunt super ma-  
re rubrum, & profecti de mare rubro venerunt in  
desertum Sin. Tertiō steterunt apud mare Rubrum  
anno quadragesimo ab exitu de Aegypto, quando  
mortuus est Moyses, & prędicauit totum Deute-  
ronomium coram Israel. Vnde dicitur in princi-  
pio Deuter: Hęc sunt verba, quę locutus est Moy-  
ses ad omnem Israel trans Iordanem in solitudine  
campestri contra mare Rubrum: istis tribus vici-  
bus steterunt apud mare rubrum. Sed aliis duabus  
vicibus stetit Israel apud mare rubrum, licet magis  
distans. Prima vice cum iussit Deus quod recederēt  
Israelitę de Cadesbarne: Nume. 14. scilicet: Quia  
Amalecites, & Chananeus habitant in vallibus, cras  
mouete castra, & reuertimini in solitudinē per viam  
maris rubri. Iterum fuerunt apud mare rubrum in  
terminis terre Idumæorum, quando transferunt per  
viam campestrē de Helath, & Asiongaber Deute-  
2. scilicet profectique inde venerunt in solitudinem,  
quę ducit in mare rubrum. Sciendum quod hoc, quod  
dicitur hic de mari rubro intelligitur de prima vice, &  
ponuntur hic duę mansiones solum ante terram Am-  
orrhæorum, de qua intenditur, scilicet mare rubrū,  
& Cadesbarne, eo quod istę fuerunt principales, sci-  
licet mare rubrū propter miraculum, & Cadesbarne  
propter moram, quia manserunt Israelitę in Cades-  
barne 38. annis non euntes ad aliam mansionem, ut  
declaratum est Nume 14. cap. *Et venimus in Cades.*  
Ista est Cadesbarne, vel Cades deserti Sin, quod idem  
est, ut declaratum est Nume. 13. Et non est intelligēdū  
quod immediate post mare rubrū venerint in Cades,  
quia Cadesbarne est vicesima, vel vicesima prima in  
mansionibus, ut patet Nume. 33. cap. Considerandum  
quod Israelitę bis venerunt in Cadesbarne. Prima vi-  
ce in anno 2. ab exitu de Aegypto quando miserunt  
inde exploratores 12. in terram Chanaan: de quo Nu-  
me. 13. & 14. & tunc transitori erant illico in terram,  
Chanaan, nisi murmurassent, quia tamen murmu-  
rauerunt, imposuit dominus in penam quod manerēt  
40. annis in deserto, eodem cap. & tunc declinantes in-  
de ad solitudinem, quę erat apud mare rubrum, mā-  
serunt ibi annis fere 38. & incipiente anno 40. ab exitu  
de Aegypto primo mense mouerunt castra de solitudi-  
ne illa, & venerunt iterum in Cadesbarne, siue in  
desertum Sin, ut patet Numeri vigesimo, & ibi de-  
claratum est.

*De qua vice intelligitur quod Israelitę venerint in Cadesbarne.*  
*Quest. XXVII.*

**Q**VAERETVR, cum bis venerint Israelitę in  
Cades, de qua intelligitur. Respondendum  
quod intelligitur de secunda, quod patet ex sequenti  
litera, scilicet quia dicitur, quod misit Israel nuncios  
ad regem Edom: & tamen hoc fuit in secunda vice.  
Nam in prima vice non misit Israel nuncios ad aliquē  
regem, sed solum misit exploratores 12. in terram  
Chanaan, Nume. 14. In tertia autem vice, misit Israel  
nuncios ad regem Edom, ut permitteret transitum ei  
per terram suam, Num. 20. scilicet, misit in terra nun-  
cios Moyses de Cadesbarne ad regem Edom: & fit  
mentio de ista vice ex causa supra assignata: & etiam  
quia hic incepta occasio pugnandi contra Amorrhęos,  
& capiendi terrā. Misitq̄ nuncios ad regem Edom. Refertur  
hoc ad Israel, qui misit nuncios. Sed Nume. 20. cap.  
dicitur quod Moyses misit nuncios. Respondendum  
idem

Israelitę  
ter apud  
mare ru-  
berrimum



idem esse, quia Moyses erat princeps Israelitarum, ideo ipse nomine totius populi mittebat. *Dicens; mitte me ut transeam per terram tuam.* Iephthe est hic breuiloquus, solum enarrans, quæ tangunt substantiam facti, & non curas referre verba petitionis Israel ad regem Edom. Considerandum quod Israelitæ a multis petierunt transitum, scilicet ab Idumæis, & Moabitis, & Amorrhæis. Deuter. 2. primi tamen fuerunt Idumæi, eodem cap. ideo ponuntur hic primi. Et causa fuit, quia nulla terra erat, per quam Israelitæ velocius, & ita breuiter transire potuissent quam per terram Edom. Pater quia Israelitæ erant in Cadesbarne, quæ erat in extremitate terræ Edom, Num. 20. & est Cadesbarne est in extremitate terræ Israel in latere meridiano, ut patet Iosue 15. postea autem non concedente transitu rege Edom, coacti sunt magno tempore circumire terram Seir, ut patet Deute. 2. *Qui noluit acquiescere precibus eius.* Nam dixit rex Edom: non transibis per me, alioquin armatus occurram tibi: Num. 20. & statim egressus est obuiam Israel cum infinita multitudine, & manu forti, nec voluit acquiescere deprecanti. *Misit quoque ad regem Moab.* Non est intelligendum quod immediate miserit, sed non concessio transitu a rege Edom recesserunt Israelitæ de Cadesbarne circumdantes montes Seir longo tempore contra Helath, & Asiongaber. Deute. 2. & in isto circuitu magno cepit populum tædere itineris, & laboris: & murmurauerunt, & tunc misit Deus serpentes ignitos, qui multos occidebant, Num. 21. postea venerunt Israelitæ ad ciuitatem Ar, quæ est Moabitarum, & petierunt transitum a rege Moab. *Qui & ipse transitum præbere contempsit.* Scilicet noluit rex Moab concedere transitum, sicut nec concessit rex Edom.

*Quomodo Idumæi noluerunt concedere transitum Israelitis.*

*Quest. XXVIII.*

**Q**VAERETVR quomodo dicitur hic, quod noluerunt Idumæi concedere transitum Israelitis, quia Deute. 2. dixerunt Israelitæ ad regem Amorrhæum. Aquam pecunia tribue, & sic bibemus, tantum est ut concedas nobis transitum sicut fecerunt filii Esau, qui habitant in Seir. Respondendum quod Idumæi timuerunt, quod si Israelitæ introirent in terram eorum, postea non possent inde expelli, ideo noluerunt concedere eis transitum per terram, in qua nocere possent. De timore isto patet Deute. 2. tamen dixit Deus Israelitis: transibitis hodie per terminos fratrum vestrorum filiorum Esau, qui habitant in Seir, & timebunt vos, & quamquam non concessissent transitum Idumæi per Cadesbarne, cõcesserunt per aliã partem regni: nam Cadesbarne erat in loco tali terræ Edom, in quo possent valde nocere Israelitæ, ideo per partem illã non concessit transitum. sed concessit quod transiret per extremitatem quandam regni ad partem orientalem apud mare rubrum iuxta duas ciuitates, scilicet Helath, & Asiongaber. Ista colliguntur allegato cap. scilicet Profetaque de Cadesbarne, venimus ad solitudinem, quæ ducit ad mare rubrum, & circuiimus montem Seir longo tempore. Deinde Deus dixit, transibitis hodie per terminos fratrum vestrorum filiorum Esau, qui habitant in Seir: & timebunt vos, videte diligenter ne moneamini contra eos: cibos emetis pecunia ab eis, & comedetis; aquam emptam haurietis, & bibetis: Et sequitur: cumque transissemus fratres nostros filios Esau, qui habitant in Seir per viam campestram de Helath, & Asiongaber. Quod autem istæ ciuitates sint terræ Edom patet 3. Regum 9. cap. scilicet: Classem fecit rex Salomon in Asiongaber, quæ est iuxta Hailan in littore maris rubrum terra

**A** Idumæe. Et sic dicitur hic quod noluit rex Edom præbere transitum, scilicet per locum, per quem petiuit Israel, concessit tamen per alium locum.

*Quomodo dicitur quod Moabitæ non concesserunt transitum Israelitis. Quest. XXXI.*

**Q**VAERETVR vterius, quomodo dicitur, quod Moabitæ non concesserunt transitum Israelitis, quia Deuter. 2. dicitur quod Moabitæ qui morabantur in Ar concesserunt transitum Israelitis. Respondendum quod aliquæ auctoritates videntur significare, quod Israelitis non concesserint transitum Moabitæ: nam Moabitæ volebant abigere Israelitas de terra sua, ut non introirent in illam ad dissipandum Num. 22. cap. Item Deute. 23. imponitur maledictio Moabitis, quia noluerunt occurrere cum pane, & aqua Israelitis quando transibant. Respondendum quod Israelitis concesserunt transitum Moabitæ, ut patet Deuterono. secundo, scilicet quia Moabitæ, qui morantur in Ar permiserunt eos transire apud se. Etiam dicitur ibidem: Tu transibis hodie terminos Moab urbem nomine Ar, & accedes in vicina filiorum Ammon caue ne pugnes. Sed dicendum, quod Moabitæ non concesserunt transitum Israelitis per locum, per quem ipsi volebant: nam sicut voluerant transire per terram Edom apud Cades per transuersum terræ illius in parte Meridiana, & noluit rex Edom, sed concessit transitum per terram orientalem, scilicet per Asiongaber, ideo voluerant transire Israel per transuersum terræ Moab, & a parte Meridiana in Septentrionalem, ut facilius irent in terram Chanaan, & sic non oporteret transire per alia regna usque ad Iordanem, sed timentes Moabitæ non concesserunt, sic patet ex verbis Balac regis Moab: Numeri 22. videns Balac filius Sephor, quod pertinuissent Moabitæ Israel, & eius impetum ferre non possent, dixit ad maiores natu Madian: ita delebit hic populus omnes, qui in nostris finibus commorantur, quemadmodum solet bos syluestris herbam usque ad radices carpere. Concessit tamen rex Moab Israelitis, quod transiret per extremitatem Orientalem regni eius apud ciuitatem nomine Ar, quæ erat in parte Orientali terræ Moab, & hoc significatur hic in litera, cum dicitur: Venitque ad partem Orientalem Moab, & castrametatus est trans Arnon. Ex hoc autem non potuit Israel transire cito in terram Chanaan, sed oportuit eum transire per tria regna, scilicet per extremitatem terræ Edom: deinde per extremitatem terræ Moab, postea per terram regum Amorrhæorum: si tamen rex Edom, vel Moab voluisset liberum transitum præbere, transeundo per terram vnius non oportebat transire per terram aliorum. Cum autem obiicitur, quod Moabitæ voluerunt abigere Israelitas, ne introirent ad nocendum in terra sua, Num. 22. dicendum, quod iam concesserant transitum per terram suam apud ciuitatem nomine Ar: quia tamen iam occiderant reges Amorrhæos, & erant coniuncti terræ Moab, timuit rex Moab, quod vellent Israelitæ introire in terram Moab ad vastandum eam, ideo vocauit Balaam ariolum ad maledicendum Israelitis: Num. vigesimo secundo. Cum autem dicitur, quod maledicuntur Moabitæ Deuterono. vigesimo tertio. Respondendum, quod fuit hoc, quia duxerunt Balaam ariolum ad maledicendum Israelitis. Etiam exprimitur ibi, quod noluerunt eis occurrere cum pane, & aqua. Non dicitur quod noluerint præbere eis transitum, in quo patet quod transitum præbuerunt, tamen ex timore forte nocerent illis cum pane, & aqua. *Mansit itaque in Cades.* Hoc refertur ad petitionem factam regi Edom, scilicet quod postquam noluit concedere transitum

Ad rationem primam in diuersum.

Ad rationem secundam.



fitum rex Edō per Cadesbarne transiit Israel circuen-  
do totam terram Edom ex latere: nam si iuisset per  
Cadesbarne transibata meridie versus aquilonem, &  
erat rectus transitus: nunc autem coacti sunt circuire  
ex latere, scilicet ascendendo versus Orientem in late-  
re terre Edom vsque ad mare rubrum, vbi erant duæ  
ciuitates Idumæorum, scilicet Helath, & Asiongaber  
in litore maris rubri, & inde transierunt in terrā Moab,  
vt patet Deuterono. secundo, & supra declaratum est.

*Et terram Moab.* Circuitus terre Moab fuit in capite o-  
rientali terre eiusdem, scilicet postquam transiit ter-  
ram Edom per Helath, & Asiongaber venit ad quod-  
dam desertum, qd̄ erat in fronte oriē tali terre Moab;  
& postea accessit ad ciuitatem nomine Ar, quæ erat  
de terra Moabitarum, & ibi transierunt per terrā Moa-  
bitarum: Istud patet Deuterono. secundo, scilicet cū-  
que transissemus fratres nostros filios Esau, qui habi-  
tant in Seir per viam campestrē de Helath, & Asio-  
gaber venimus ad iter, quod ducit ad terram Moab,  
& ibi sequitur quomodo transierunt per terrā Moab  
in vrbe Ar. *Et castrametatus est trans Arnon.* Scilicet  
postquam transiit urbem nomine Ar, posuit Israel ca-  
stra trans torrentem Arnon. Quod patet, quia existēs  
Israel in Arnon misit nuncios ad regem Schon, vt cō-  
cederet transitum per terram suam, & tamen nuncij  
dixerunt, concedē nobis transitum sicut fecerūt Moa-  
bitæ, qui morantur in Ar, Deuterono. secundo. *Nec  
voluit intrare terrā Moab.* Istud videtur contra iam dicta:  
sed intelligitur, noluit intrare in terram Moab, scilicet

Dubiū de  
Arnon.

inuito rege Moab, bene tamen intrauit quantum ad il-  
lam particulam, in qua concessit apud urbem Ar, &  
tamen postea licet potuisset inuito rege Moab introi-  
re in terram eius noluit. Istud patet, quia Balac filius  
Sephor rex Moab vidit Moabitas pertimescētes Israel,  
& quod non possent ferre impetum eius, & tunc re-  
currit ad ariolos vocans Balaam, vt malediceret Israe-  
litis: Nume. vigesimo secundo cap. *Arnon quippe confi-  
nium est terræ Moab.* Ista verba interposuit scriptor libri,  
scilicet Samuel ad explanandum: nam ista non fuerūt  
in defensione Iephthæ contra regem Ammon. De Ar-  
non est dubium quid sit, scilicet an sit oppidum, vel  
mons, aut fluuius. Non est autem dubium esse quen-  
dam fluuium siue torrentem, qui vocatur torrens Ar  
non, sed an dicatur torrens Arnon, siue quia fluit apud  
aliquam urbem, vel locum nomine Arnon, plerisque  
est dubium. Sed dicendum quod Arnon est nomen  
castrī, vel scopuli in terra Moab, vt patet Num. vigesi-  
mo primo, castrametati sunt in Arnon, quæ est in de-  
serto, & prominet in finibus Amorrhæi. Item quia  
eo. cap. dicitur. Ignis egressus est de Efebon, & deu-  
rauit Arnon Moabitarum, & habitatores excellorum  
Arnon: si tamen fuisset fluuius, non potuisset crema-  
ri Arnon. Etiam non vocarentur aliqui habitatores  
Arnon si esset fluuius, sed necesse esset quod poneretur  
esse locus aliquis, vel scopulus montis, & si est locus,  
erit in scopulis montis, cū dicatur prominerē in fi-  
nibus Amorrhæi: vocauit Arnō confiniū terre Moab,  
quia est in terra Moab in extremitate eius, & diuidit  
Moabitas, & Amorrhæos, sic patet Nume. vigesimo  
primo cap. *Misit itaque Israel nuncios ad Schon regem Amor-  
rheorum.* Quia Moabitas, & Idumæi noluerunt totale  
transitum præbere per terram suam Israelitis: coacti  
sunt petere transitum a rege Amorrhæorum. Voca-  
tur iste Schon rex Amorrhæorum, non quod ipse ef-  
set rex omnium Amorrhæorum, sed quia tota gens  
sua erat de stirpe Amorrhæorum, & tamen præter gen-  
tem eius erant multalij Amorrhæi in terra, quæ est  
citra Iordanem ad occidentem, vt patet Iosue quinto,  
*Qui habitabat in Efebon.* Est Efebon nomen ciuitatis ma-  
gnæ in regno regis Schō, in qua semper ipse habitabat:

Efebon qd̄  
sit.

fic rex Og semper habitabat in Astaroth: Iosue 12. &  
13. capit. quia istæ erant vrbes famosiores regnorum  
suorum. Fuit autem ista ciuitas de terra Moab, & cē-  
pit terram illam Schon, vt patet Num. 21. ca. *Et dixe-  
runt ei: dimitte vt transeam per terram tuam vsque ad fluuium.*  
Scilicet concede transitum vsque ad Iordanem, & po-  
nitur de isto fluuiō sine nomine proprie expresso pro-  
pter excellentiam, eo quod Iordanis erat fluuius ex-  
cellens in terra illa, in qua loquebantur. Etiam voca-  
uerunt eum sic, quia sæpe faciebant mentionem de il-  
lo, & ex præcedentibus patebat quod intelligerent de  
Iordane. Ista verba petitionis non habentur sic Nu.  
21. & Deute. 2. vbi etiam ponuntur: nam sic est con-  
suetudo sacræ scripturæ: quod quando aliquid in diuer-  
sis locis ponit, non ponat eodem modo semper, sed  
secundum diuersa verba tenendo semper eandem sē-  
tentiam: & aliquando magis, & aliquando minus  
de illa exprimendo: Israelitæ autem petierunt vsque  
ad fluuium, idest Iordanem, quia in Iordane erat fons  
orientalis terre Chanaan, quam ipsi possessuri erant,  
vt patet Numeri trigesimo tertio capitu. In Hebreo  
habetur. *Transibimus per terram tuam vsque ad locū meum.*  
Idest dimitte vt transeamus per terram tuam vsque ad  
locum meum, idest vsque ad terram Chanaan,  
quæ est mea, idest mihi debita, & est improprietas lo-  
quendi, quia deberet dici vsque ad locum nostrum:  
& dixit meum: quia barbarizat sermo Hebraicus, &  
idem est cum litera nostra, quia principium terre Iu-  
deorum erat fluuius, scilicet Iordanis, ideo posuit de  
Iordane. *Qui & ipse Israel verba despiciens.* Idest etiam ip-  
se, idest rex Schon despexit verba Israel, scilicet, sicut  
despexerunt alij duo reges, scilicet Idumæorum, &  
Moabitarum. *Non dimisit eum transire per terminos suos.*  
Idest dixit quod non dimitteret. Nam postea ipso in-  
uito & occiso transiit Israel. *Sed infinita multitudine  
congregata.* Scilicet valde magna, est hyperbole, vel  
hyperbaton, scilicet transcensus veri ex modo loque-  
di. Sic etiam dicitur Nume. 20. quod rex Edom egres-  
sus est cum infinita multitudine obuiam Israeli, &  
tamen Num. 21. dicitur quod congregato exercitu.  
Et Deut. 2. dicitur: congregato omni populo suo. sed  
idem est, quia populus istius Schon erat valde multus,  
qui vocatur infinitus. *Egressus est contra eum in Iessa.*  
Est Iessa quidam locus in deserto in terra Schon regis.  
Sic habetur Num. 21. cap. scilicet egressus est ei obuiā  
in desertum, & venit in Iessa. Idem patet Deut. 2. cap.  
*Et fortiter resistebat.* Scilicet ne introiret Israel per terrā  
suam, & erat iste locus Iessa apud Arnon, vbi castrame-  
tati fuerant Israelitæ in principio regni Schon regis.  
*Tradiditque.* Hic ponitur secunda ratio, qua pro-  
bat Iephthæ intentionem suam, scilicet ex dei auctori-  
tate, scilicet quia Deus tradidit Amorrhæos in manus  
Israelitarum, bellum erat iustum, & ea, quæ obrinētur  
in bello efficiuntur capientium: ergo non tenebantur  
Israelitæ ad restitutionem. *Tradiditque eum dominus in  
manu Israel.* Scilicet dedit Israelitis victoriam, vt eum  
occiderent, & caperent terram illius: quasi dicat, non  
potuissent Israelitæ contra regem Schō, nisi ex Dei vo-  
luntate, qui subiecit hunc regem potentem Israelitis.  
*Cum omni exercitu suo.* Idest etiam totus exercitus eius  
traditus est in manus Israel, scilicet quia non potue-  
runt aliqui effugere de exercitu regis Schon, sed om-  
nes perierunt. *Qui percussit eum.* Scilicet cum exerci-  
tu suo nullum derelinquens vitæ. *Et possedit omnem ter-  
ram Amorrhæi habitatoris regionis illius.* Scilicet mortuo  
cū exercitu ipso pugnavit contra illos, qui latebant in  
ciuitatibus, & oppidis: & interfectis illis possedit om-  
nem terram illorum. De morte autem Amorrhæo-  
rum loquitur Iosephus Antiquitatū lib. quarto dicens.  
Hebræi persequentes populos regis Schon, non fatiga-  
bantur.

Confirma-  
do facta  
terre.

Iessa quid-  
sit.

Iosephus  
de morte  
Amorrhæo-  
rum li. 4.  
cap. 4.



De flu Ar  
non.Situs soli-  
tudinis.

bantur iaculis, & fundibulis percutientes: labora-  
runtque potius propter sitim quam propter pugnam:  
erat enim tempus aestatis: unde cum multi ad fluuium  
concurrissent, Iudæi circumstantes eos occidebant. *Et  
vniuersos fines eius.* Id est terram vniuersam illius cape-  
runt, quæ erat inter omnes fines siue terminos, qui ex-  
primuntur hic. *De Arnon vsque Ieboc.* Arnon est partim  
ad orientem terræ huius, & partim ad meridiem. Quod  
patet quia Arnon est confinium terræ Moab, & regis  
Amorrhæi supra in litera, & Num. 21. c. & tamen Moab  
est ad meridiem terræ Sehon Amorrhæi. ergo etiam Arnon  
ad Meridiem est, sed est circa latus orientale. Ieboc  
autem torrens partim ad occidentem partim ad septentrionem:  
nam Ieboc est apud Iordanem: Gene. trigesimo secundo, & tamen Iordanis  
est ad occidentem. Hic autem ponitur Arnon pro parte  
meridiana, & Ieboc pro septentrionali. *Et de solitudine  
vsque Iordanem.* Solitudo est terminus orientalis terræ  
huius, & est apud sinum arabicum maris rubri: Iordanis  
ponitur pro termino occidentali, & sic ponuntur hic omnes  
quatuor termini terræ huius Sehon. De terræ huius  
terminis dicit Iosephus quarto antiquitatum, scilicet, terra  
regum Amorrhæorum est inter tria flumina posita: naturā  
insulā tenēs, quam a meridie Arnon circumdat: Ieboc  
septentrionis circuit latus, qui in Iordanem fluuium  
cadens illi etiam nomen tradit: occidentalem verò portum  
eius regionis Iordanis, ripa concludit. De Arnon dicit:  
Arnon fluuius de montibus Arabiæ descens per totum  
desertum fluens in stagnum asphaltidē erumpit diuidens  
Moabitidem, & Amonitam, quæ est terra frugifera.  
*Dominus ergo Deus subuertit Amorrhæum pugnātem  
contra illum pro populo suo Israel.* Id est Deus destruxit  
Amorrhæum regem pugnātem contra illū, scilicet Israel.  
Pro populo suo Israel, id est ista fecit pro populo suo  
Israel. *Et tu nunc vis possidere terram eius.* Id est Deus  
acquisiuit terram istam pugnando pro populo suo: quomodo  
ergo iustum est, vt tu qui nō laborasti, possideas terram  
illius?

A carum, & propter ista iniusta Deus bellā inflixit  
istis mala, vt patet de Sennacherib allegato c. & de Nabu-  
chodonosor Abacuc primo: ergo licet Deus aliquem  
adiuuet, non sequitur, quod foueat iustum bellum.  
Item patet in bello, quod fecerunt omnes tribus Israel  
contra tribum Benjamin, quod fuit ex bona intentione,  
scilicet ad puniendum scelus grauissimum, & ex Dei  
consilio, & Beniamite erant peccatores grauissimi,  
& tamen Deus adiuit Beniamitas contra totum Israel,  
& ceciderunt de Israel in primo bello viginti duo  
millia, & in secundo ceciderunt decem octo millia:  
& tamen Deus iubebat istis, q̄ ascenderet ad bellum,  
vt patet infra 20. & ipsi propter eum solum pugnabant,  
vt iniuriam ei factam punirent, ergo quamquam  
aliqui adiuuentur a Deo in bello, non constat eos  
habere iustum bellum, imò generaliter omnes, qui  
victoriam in aliquo bello habent, a Deo illam habent:  
& tamen certum est multos interdum bella iniusta  
gerentes superare. Ideo quamquam Israelitæ adiuti  
a Deo contra Amorrhæos cepissent terram: non  
sequitur, quod iusto bello accepissent, sed quæ non  
obtinentur iusto bello, non possunt teneri iustē,  
ergo non poterant Israelitæ tenere terram, quam  
obtinuerunt de Amorrhæis: ex hoc quod Deus adiuit  
illos ad capiendum eam. Sed dicendum, quod Israelitæ  
habuerunt a Deo mandatum, quod pugnarent contra  
Sehon regem, & quod possiderent terrā eius Num. 21. &  
Deuter. 2. cap. & quia mandatum Dei facit quamcunque operationem licitam, etiam si  
aliās ipsa foret per se mala: sicut patet de homicidio  
innocētis in Abraham, & Isaac, sic etiam in furto  
Aegyptiorum, & similibus. Ideo Hebræi Amorrhæorū  
terram iustē possederunt.

Quare hanc causam attulerit Iephthæ.

Questio XXXI.

**Q**VAERETVR de ista causa, scilicet q̄ Deus Israel subuertit  
Amorrhæos, & ob hoc debetur terra ipsa Israelitis,  
cum non sit sufficiens, quare illam allegauit Iephthæ.  
Respondendum, quod contra quemcunque potest argui  
dupliciter. Vno modo ex his, quæ per se vera sunt,  
vel absolute. Alio modo ex datis, vel concessis ab ipso:  
vnde licet positio alicuius sit falsissima ex eis,  
quæ asserit illa, ita arguitur contra eam, sicut ex  
verisimis simpliciter. Ita ista ratio non erat  
sufficiens absolute, quia tamen rex Amon haberet  
eam pro conuenienti, licebat argui ex illa contra eum.  
Pro hoc sciendum, quod Gentiles putabant, quod  
singulæ gentes habebant sibi Deos speciales, & illi  
pugnabant pro illa gente, contra quamcunque  
aliam gentem, & ipsi Dij gentium diuersarum  
pugnabant inter se pro gentibus colentibus eas.  
Sic enim introducit Virgilius in 10. Aeneidos Deos  
Troianorum conuenisse in consilium, & Deos terræ  
Italicæ, & Græcorum, & quosdam pugnasse pro  
Aenea, & Troianis, alios verò pro hostibus horum.  
Sic etiam ipsi Dij vnius gentis arbitrabantur alias  
gentes, a quibus non colebantur, vel quæ pugnabant  
contra cultores suos, esse hostes. Nam Iuno vocauit  
Troianos inimicos suos: quia pugnabant contra Græcos  
cultores suos: vnde dixit in primo Aeneidos ad Deum  
ventorum.

Gens inimica mihi Tyrrenum nauigat æquor.

Et ibi orauit, quod submergeret Troianos in mare.  
Hæc eadem opinio fuit apud antiquos Gentiles tempore  
hoc: vnde Philistiim pugnantes contra Israel, sciētes  
quod venisset arca in castra, timuerunt vade,

Dupliciter  
pōt argui  
contra quem-  
cunque.Gentiliā  
infantia cir-  
ca Deos.De fauēt  
iustis: ubi  
he q̄q̄: &  
vult se ven-  
dicare de  
inimicis  
suis: cui in-  
imicis suis:  
cur autem  
hoc fiat la-  
ter in scri-  
ptis suis se-  
creti confi-

An bene arguat Iephthæ contra regem Amon, scilicet q̄  
cum Deus adiunisset Iudæos in bello ad capiendum  
terram Amorrhæorum, q̄ iustē possiderent illam. *Quest. XXX.*

**Q**VAERETVR, an ista ratio Iephthæ sit contre-  
nians, scilicet Deus suus adiuit Israel contra  
Amorrhæos ad obtinendum terram, ergo iustē illam  
possident. Respondendum, quod non est sufficiens  
ratio: quia Deus interdum adiuvat quosdam fouentes  
iniusta bella, & eis quasi nihil faciētibz Deus pugnat  
pro illis, & subdit eis aduersarios. sic patet de rege Assy-  
riorum, quem Deus misit ad pugnandū contra Israeli-  
tas, & ipse a Deo mouebatur, & adiunabatur: & facili-  
tas victoriarum eius erat a Deo, vt confringerentur Iu-  
dæi, vt patet Isa. 10. scilicet. Vā assur virga furoris mei,  
& baculus ipse, in manu eorum indignatio mea, ad  
gentem fallacem mittam eum, vt auferat spolia, & di-  
uidat prædam. Et ibi Deus increpat eum, quia fortitu-  
dinem, quam sibi Deus dedit ad subiiciendum gentes  
multas, ascripsit sibi met. Idē patet de Nabuchodonoso-  
r, de quo dicitur Abacuc primo: domine in iudiciū  
posuisti eum, & fortem, vt corripere fundasti eum.  
Sicut etiam patet Isa. 5. & 7. vbi ponitur de isto Nabu-  
chodonosor, q̄ Deus ei subiiciat faciliter Israelitas, &  
tamen manifestum est q̄ isti faciebant bella iniusta, s.  
ex iniqua intentione, nulla causa subistente, & crude-  
liter se habebant: sicut dicitur de Sennacherib Isa. 10.  
Ipse autem non sic arbitrabitur, sed ad conterendum  
cor eius, & ad destructionem gentium non pau-  
A. ph. Tost. super lib. Iudicum.



de, dicentes: Væ nobis, quis nos liberabit de manu Deorum sublimium istorum? isti sunt Dij, qui percusserunt Aegyptum omni plaga, primo Regum 4. Sic etiam putauerunt Syri serui regis Benadab, dicentes ad eum. Dij montium sunt Dij eorum, i. Iudæorū, ideo præualuerunt contra nos, sed melius est vt pugnemus contra eos in vallibus, & obtinebimus eos 3. Reg. 20. Et sic putabant Syri, q̄ Dij Israel pugnabant pro Israelitis in montibus. & quia non erant Dij vallium, non haberent potestatem ad pugnandum ibi, & hoc dato putabant Gentiles, q̄ cū Dij alicuius gentis pugnant pro ea obtinerent aliquam terram, quod gens illa iuste possidebat illam terram, & quia Deus Israelitarum obtinuerat terram Amorrhæorum pro Israelitis, quod nō negaturi erāt Ammonitæ, habebat Iephte sufficientem probationem ex hoc contra Ammonitas. Quod autem Iephte non argueret hic ex veris simpliciter, vel ex his, quæ ipse probaret vera, sed ex illis, quæ putabat vera rex Ammon, patet quia dixit: Nonne ea, quæ possedit Chamos Deus tuus tibi iure debentur? quæ autem Deus noster victor obtinuit in nostram cedent possessionem. Sed manifestum est, q̄ Iephte nō putabat q̄ Chamos Deus Ammonitarum, & Moabitarum fecisset Ammonitas aliquid possidere: quia sciebant Israelitæ q̄ nullus erat Deus præter suum Deum: & consequenter non poterat aliquis alius dare populo cultori suo possessionem, aut facere bellum pro eo. Quod tamen rex Ammon putabat q̄ Chamos Deus suus erat potens ad adiuuandum eum, & interdum adiunabat, credebatur q̄ fecisset eum possidere aliqua. Et sic potuit conuenienter ex sua positione arguere Iephte, non tamen confitendo illam: sic etiam Philisthæi præualescentes contra Israel occiso Saul, & filiis eius, fecerunt laudes magnas Dijs tanquam ipsi dedissent eis victoriam hanc: & posuerunt arma Saulis in templo Astaroth, & caput eius in templo Dagon, primo Reg. 31. c. sic etiam quando comprehenderunt Philisthini Samsonem factis hostijs laudabant Deum suum Dagon dicentes q̄ tradidisset Samsonem in manus eorum infra 16. c.

Ex quibus arguebat hic Iephte

*Quare Iephte non allegauit istam causam, quæ hic fertur.*

*Quest. XXXII.*

**Q**VAERETVR vterius cū vera causa, quæ faceret bellum Israelitarum iustum contra Amorrhæos, esset, quia Deus iusserat pugnare, & possidere terram illorum, quare non allegauit istam Iephte. Respondendum, q̄ ad probationem faciendam contra aliquem possumus vt præmissis simpliciter veris, vel his, quæ apparent respondententi, & dato quod apparentes respondententi, non sunt simpliciter veræ, sufficiunt, & si simpliciter veræ non apparent respondententi, non conuenienter arguitur contra eum, quousque illæ efficiantur ei respondententi apparentes: & quia licet esset causa simpliciter ad efficiendum bellum iustum, quod Deus iussisset: quia tamen rex Ammon non iudicaret istam esse sufficientem causam, non allegauit eam. Nam tunc oportebat quod rursus probaret Iephte istam præmissam faciendo eam apparentē. Et in hoc principaliter laborandum erat, sicut in probatione conclusionis principalis, & istud erat inconueniens. Alia autem allegata licet non esset vera, quia tamen erat apparens ipsi, contra quam arguebatur sufficiebat: ideo ipsam allegauit. Quod autem non esset apparet regi Ammon ista causa, apparet quia illa fundatur super hoc, quia Deus Hebræorum erat Deus totius orbis, & quidquid ipse iuberet esset licitum, & quod vniuersaliter sibi obediendum foret, quia alioquin præceptum suum non extenderetur ad omnes

gentes: nec propter illud posset tolli ius alicuius, & transire in alterum. Probare autem hoc erat difficile ipsi Iephte: ideo non curauit allegare hanc probationem, quæ est valde difficilis, & non concludens ad regem Ammon. Et hoc quia ipse putabat, quod Deus Hebræorum non esset Deus totius orbis, sed alicuius gentis, & non maioris perfectionis quam alij Dij gentium.

*An causa assignata, casu supposito a Iephte procederet.*

*Quest. XXXIII.*

**Q**VAERETVR vterius, dato quod fuisset per impossibile, quod intelligebat rex Ammon, scilicet quod Deus Israelitarum esset Deus specialis, sicut Chamos Deus Moabitarum, & Dij aliarum gentium, an causa assignata a Iephte procederet. Respondendum quod non: quia dicit Iephte, quod sicut ea, quæ possedit Chamos Deus Moab iure debentur huic regi, ita quæ Deus Israel vincendo obtinuit deberentur Israelitis. Sed hoc dato, nec Deus Israelitarum erat Deus Moab, & Ammon: nec Chamos erat Deus Israel: ideo præceptum Chamos solum obligaret Moabitas, & præceptum Dei Israel solum obligabat Israelitas, & sic esset Deus Chamos erga omnes gentes præter Moab, & Ammon sicut persona priuata, & Deus Israel esset contra omnes gentes præterquam ad Israel persona priuata: sed præceptum alicuius priuati, aut affirmatio, vel negatio non constituit ius, vel tollit ius alterius, vel factum illius: ergo sicut si alia gens pugnaret contra aliam sine causa, & obtineret aliquid, esset bellum iniustum, & teneretur ad restitutionem rei obtentæ, ita cū Deus Israel esset persona, vt priuata contra Amorrhæos, non potens illis ius dicere: dato quod per violentiam suam obtineret aliquid de terra illorum, esset bellum iniustum, & teneretur Israelitæ ad restitutionem. Nec enim in Dijs hoc modo essent bella aliter iusta, vel iniusta, nisi vt sunt in hominibus, scilicet subsistente causa aliqua rationabili, vel nulla existente: rex tamen Ammon, & alij Gentiles arbitrabantur ea, quæ a Dijs suis, vel quibuscunque alijs facta erant iuste facta: ideo si Deus Israel obtinuit terram de manu Amorrhæorum, licite possidebant Israelitæ secundum hanc possessionem. Et sic dicendum, q̄ ista procedunt non ex veris: sed ex his, quæ apparebant respondententi, scilicet regi Ammon. Nonne ea, quæ possedit Chamos Deus tuus. Id est ea, quæ tibi dedit in possessionem: vel ea, quæ te possidere fecit, scilicet adiuuando te in pugna contra aliquas gentes. Non enim potest aliter intelligi, quia sic dicitur infra, quæ autem Deus noster victor obtinuit, in nostram cedent possessionem. Hoc etiam magis patet ex litera Hebraica, vt infra dicetur. Vocatur Chamos Deus regis huius, scilicet principalis. Est enim Chamos Deus Moabitarum: Numeri vigesimo primo, & 3. Regum 11. & 4. Regum 23. Iste autem vocatur rex Ammonitarum. Sed, vt supra declaratum fuit, intelligendum est, quod iste erat simul rex Moabitarum, & Ammonitarum, & quia regnum Moab erat præcipuum, vocabatur Deus suus Chamos, & tamen ex parte Ammonitarum erat Deus suus Melchon, siue Moloch 3. Reg. 11. & 4. Reg. 23. c. & 1. Paralip. 20. Alia causa est quare vocatus fuit Chamos Deus huius regis, quia licet tam de terra Ammon, quam de Moab aliquid captum esset ab Amorrhæis, & postea ab Israelitis de manu Amorrhæorum: maior pars tamen fuit illa, quæ pertinebat ad Moabitas, ideo Deus suus nominari debuit. Tibi iure debentur. Id est quæ ipse fecit te possidere adiuuando te contra aliquam gentem debent tibi iure, & non potest quis a te repetere, vt

Chamos Deus Moabitarum.



ut tu afferis: ideo etiam sic erit de Israelitis respectu Dei sui. Sed dicendum, quod hic sunt duo falsa. Primum est, quod Chamos Deus Moabitarum fecerit eos aliquid possidere: nam cum ille nihil sit, non poterat adiuuare. Secundum est, quia dato quod fuisset Deus particularis potens adiuuare cultores suos: non sequebatur, quod bella ab eo facta essent iusta: aut obtenta per huiusmodi bella possent licite possideri ab Ammonitis, ut supra probatum est. Sed ista duo posuit Iephte, non tanquam vera aut ab ipso credita, sed ut apparentia respondent, scilicet, regi Ammon. *Quae autem dominus noster victor obtinuit.* id est illa, quae obtinuit pugnando contra aliquas gentes. *In nostram cedent possessionem.* Dupliciter legi potest. Vno modo interrogatione, scilicet, quae possedit Chamos Deus tuus, debentur tibi iure. nunquid ergo, quae Deus noster obtinuit non debebuntur nobis? quasi dicat debebuntur. Alio modo potest intelligi per consecutionem, scilicet, quae Chamos Deus tuus possedit debentur tibi. Ergo quae Deus noster obtinuit in nostram cedent possessionem: & tunc bene arguit Iephte: quia si verum est quod ea, quae acquireret Chamos, pertinebant ad Ammonitas, & Moabitas, ut praesupponebat rex Ammon: eadem ratio erat, quod acquisita per Deum Israel, pertinerent ad Israelitas. Et est sensus quod Ammonitae, & Moabitae colebant Chamos, & alios Deos: & cum obtinuerunt terram, quam nunc possidebant de manu quorundam gigantium, ut patet Deutero. 2. putabant se habuisse adiuuante Chamos, & alijs dijs suis: & ex hoc dicebant se iuste possidere illam: quia Chamos fecerat possidere illam: ergo cum Deus Israel adiuuisset Israelitas capere terram Amorrhcorum, iuste possiderent illam. In Hebraeo habetur. *Certe quod fecit te possidere, vel hereditarie habere Chamos Deus tuus, illud possidebis, vel hereditarie tenebis: & totum quod fecit dominus possidere ante nos, vel hereditarie habere: illud possidebimus, vel hereditabimus.* Et ea dem sententia est. Et potest conuerti ad modum interrogationis, sicut litera nostra: vel ad modum consecutionis. Et habetur hic clarius, quam in litera nostra, scilicet, quod fecit te possidere Deus tuus: litera autem nostra dicit, quod possedit Chamos, id est, dedit tibi ad possidendum. *Nisi forte melior es.* Hic ponitur tertia ratio, scilicet, ex diuturna praescriptione, scilicet, quia longo tempore possedit Israel terram istam: & nunquam fuit facta repetitio nisi nunc. Et dicitur. *Nisi forte meliores Balac filio Sephor rege Moab.* Istud non refertur ad immediatam, scilicet. Nonne quae possedit Chamos Deus tuus. nam ad hoc nihil attinebat, quod iste esset melior quam Balac. Sed est sensus, scilicet, non potes repetere terram istam, sicut intendis, nisi forte melior es quam Balac. Accipitur melior, id est, potior in iure: quia melioritas morum, vel potentiae aut alterius nobilitatis ad petendum terram, nihil de iure tribuit: sed est sensus: nisi plus de iure habeas, quam Balac filius Sephor, non poteris petere restitutionem terrae: quia ille non ausus est petere diffidens de iure suo. Iste Balac erat rex Moab, qui misit ad vocandum Balaam ariolum: Nume. 22. cap.

*Quare nominauit hic Iephte Balac regem Moab.*

*Questio XXXIII.*

**Q**VAERETVR, quare nominauit hic Iephte Balac regem Moab, cum iste cui respondet esset rex Ammon, ut patet hic, & praecedent. cap. & non ageret ad propositum, de iure vnus & alterius. Respondendum, quod potest dici dupliciter. Vno modo, quod Balac esset rex Moab, & Ammon. vocabatur tamen rex Moab, quia erat principalior terra Moab. Alph. Tost super lib. Iudicum

**A**tanum: sic iste, de quo hic agitur erat rex Moabitarum, & Ammonitarum, ut supra declaratum est: & tamen solum vocatur rex Ammon: & sic successit iste in iure Balac regis Moab: & quia successor consequitur idem ius praecise, quod praedecessor tam immediatus, quam medius: sed Balac, qui fuit rex prior in terra Moab, & Ammon, & fuerat de terra sua tota terra, quam acceperant Amorrhci: non habuit ius ad petendum terram hanc. Etiam non haberet ius iste rex Ammon, qui nil plus de iure habebat quam Balac. Secundo dici potest, quod Balac solum erat rex Moabitarum: & tamen ponitur, quia terra, quam acceperunt Amorrhci, & nunc tenebatur ab Israelitis, erat partim pertinens ad Moabitas, & partim ad Ammonitas. De Moabitis patet: Nume. 21. ca. cum dicitur, quod Seon rex tulit terram, quae fuit regis Moab, scilicet Hesebon, & alias vrbes. De Ammonitis patet Iosue 13. scilicet, quod Moyses dedit tribui Gad medietatem terrae Ammon, scilicet medietatem terrae, quae acquisita fuerat ab Amorrhcis de terra Ammonitarum. ideo si aliquod ius repetendi terram competebat hic: necesse esset, quod competere equaliter regi Moab, & Ammon: dato quod essent duo, scilicet, quod si vnus habebat ius petendi, & alius etiam: & si vnus non habebat, & alius non habebat etiam: & tunc stat argumentum, scilicet, Balac rex Moab non putauit se habere ius: & ob hoc non repetijt: ergo etiam tu non habebis ius repetendi, nisi forte melior es illo, id est, potior in iure, & tamen hoc falsum est.

*Quare nominatur hic Balac rex Moabitarum, potius quam alius rex Moab. Questio XXXV.*

**Q**VAERETVR, vltterius, quare nominatur hic Balac rex Moabitarum, potius quam alius rex Moab cum haberet omnes idem ius si aliquod erat. Respondendum, quod potest esse propter duo. Primo quia iste fuit ille rex, de cuius manibus terra erepta est: nam rex Seon accepit terram istam de manu regis Moab: Num. 21. & tunc rex erat in Moab Balac filius Sephor: Nume. 22. ergo cum essent praetemporanei de manu illius eriperet terra: licet enim non sit necessarium in argumentum, quia poterat tolli de manu praedecessoris sui: tamen verisimile est, quod litera faciat mentionem tibi de his duobus regibus: & ideo si aliquis poterat de Moabitis, vel Ammonitis petere terram, tanquam bello iniusto ablatam, ille posset plene oēs: eo quod erat ille, cui prima iniuria inflata est: & si ipse illico repenuisset, non videretur aliquando habuisse animam perdedi dominium: si autem post multa tempora repeteretur, videretur res habita pro derelicta, ideo melius ipse, quam ceteri successores poterat petere: sed ipse non putauit se posse petere, nec petiuit terram, ergo nulli successori competebat repetitio. Secunda est, quod iste rex Balac fuit tempore, quo Israelitas acceperunt terram de manu Amorrhcorum, ut patet Nume. 21. & 22. nam cum occiderit Israel Seon regem, erat Balac rex Moabitarum, & timuit: & ob hoc misit ad vocandum Balaam, ut malediceret eis: Num. 22. c. Et dato quod rex, qui perdidisset terram Moabitarum, & Ammonitarum fuisset magno tempore ante Balac, nunquam fuisset ius repetendi contra Israelitas, sed contra Chananeos: eo quod tempore huius regis Israelitae ceperunt possidere terram istam: & sic iste poterat maxime petere ab Israelitis, & tamen ille non putauit se posse petere: ergo nec ceteri poterant. Secundo dici potest, quod istud posse inducitur hic pro maiori parte iuris. Nam tempore Balac ceperunt Israelitae possidere terram istam: & cum nondum aliquanto tempore possiderent, non habebant aliquod ius ex possessione diuturna, nisi forte aliunde haberent ius: nunc autem erat longissima praescriptio,

P 2 quia



quia fluxerant trecenti anni, ut allegauit Iephte: ergo si tempore Iephte nondum finita, ut incepta præscriptione non habebant Moabitæ, & Ammonitæ ius repetendi: & ob hoc non repetiuit Balac: nunc a fortiori minus de iure haberent, cum iam esset præscriptio longissimi temporis finita.

*An verum sit, quia non repetijt Balac, qui perdidit terram istam, quod non haberent ceteri reges repetendi ius. Quæstio XXXVI.*

**Q**VAERETVR, an verum sit, quod ex hoc quod non petijt Balac, qui perdidit terram istam, quod non haberent ceteri ius petendi. Respondendum, quod verum est, quod Balac non poterat repetere: ideo etiam posteri non poterant repetere, eo quod Israelitæ bello iusto acquisiuerunt terram, & consequenter facta est ipsorum: ideo nunquam poterat, ipse, aut quisquam alius petere ab Israelitis: & tamen si arguatur ex conditione præscriptionis, sicut infra arguit Iephte, non valet consequentia. Primò, quia dato, quod tacuisset Balac, poterat successor suus, vel Moabitæ, vel Ammonitæ: & nondum completo tempore præscriptionis, interromperetur per proclamationem iudicalem: vel per petitionem factam de vno rege ad alterum, cum non haberent superiorem, coram quo altera pars posset iudicialiter proclamare: vel per bellum inflictum ex hac causa, sicut nunc infligebatur: & quia per quamcunque interruptionem factam, præscriptio redit ad initium: sufficiebat quod quicumque successor Balac faceret aliquam interruptionem, dato quod Balac nihil petiuiisset. Secundo non tenet, quia contra aliquem præscribitur, si intra tempus præscriptionis non interrupit finitur præscriptio: nisi fortè causa iusta excusauerit interruptentem, scilicet, quia non potuit, vel timuit tali timore, qui poterat cadere in constantem virum. Sic enim fortè diceremus de Balac, quod excusaretur timore iusto, quod non interromperet: nam viderat, quod Israelitæ occiderant duos reges fortissimos Amorrhæos: & timuit valde, dicens. Sicut solet bos syluestris herbam vsque ad radices carpere, sic populus iste delebit omnes, qui in nostris finibus commorantur: Numeri 22. Si ergo nunc debuisset Balac interrompere bellando, timendum sibi erat: quia cum duo reges potentissimi occisi fuissent ab eis, a fortiori ipse cum populo suo deleberetur: si autem vellet interrompere, petendo terram sine bello: Israelitæ concitarentur ad iram, quia Moabitæ offenderant eos valde mittendo filias suas ad fallendum eos: Numeri 25. Ideo timore iusto excusabatur Balac ne interromperet præscriptionem: & quod ipsa non curreret. Postea autem sui posteri habita opportunitate, scilicet, recedente illo timore poterant petere illam, non facta aliqua præscriptione. In Hebræo habetur hic. *Nisi melior, melior es Balac.* Sed ista duplicatio verbi nihil agit, sed accidit ex consuetudine sermonis. *Aut docere potes, quod iurgatus sit contra Israel.* Est alia probatio, quæ ad præscriptionem pertinet. Et dupliciter potest exponi, secundum quosdam. Vno modo sic. Aut potes, scilicet, quod Israel sit iurgatus contra Balac, vel contra alium regem Moab, ad obtinendum istam terram, quasi dicat, tunc nos non fouebimus iustam causam: & istud respondet dictis Iephte in principio, scilicet, quod Israel non pugnavit contra Moab, vel Ammon, nec cepit aliquam terram eorum, sed pugnavit contra regem Amorrhæorum, & cepit terram de manu eius. Sed iste sensus non potest stare, quia oportet quod referant ad Balac, quod ipse pugnaverit contra Israel. Et est sensus:

**F**aut docere potes, quod iurgatus sit contra Israel, id est, si potes docere, quod Balac iurgatus fuerit contra Israel, scilicet, verbis repetens terram istam reclamando iniuriam sibi factam: nam per hoc interruppisset præscriptionem. *Et pugnavit contra.* id est, potes docere, quod pugnavit contra Israel ipse Balac ad extorquendum istam terram de manu eius. Ponit ista duo, scilicet, iurgari & pugnare: quia per ista duo, vel per quodlibet eorum poterat interrompere rex Balac præscriptionem Israelitarum, scilicet, perturbando eos in possessione pacifica, quæ requiritur ad præscribendum. *Quando habitauit in Hesebon & viculis eius.* id est, postquam cepit habitare in ista terra: quasi dicat, præscriptio procedit in possidente: ideo debet fieri interruptio præscriptionis contra possidentem. Et sic ad hoc, quod Israel præscriberet, & interromperetur præscriptio contra eum, oportet ut iam habitaret in terra: & posuit exemplum, de quibusdam locis terre acquisitæ, ut intelligantur reliqua loca per illa, scilicet Hesebon. Hesebon est ciuitas metropolis, totius terre capte de parte Moabitarum: ideo rex Sehon habitabat in Hesebon, tanquam in loco optimo. Viculi eius vocantur quedam rura adiacentia Hesebon, siue loca non murata. *Et in Aroer, & viculis eius.* Ista est alia ciuitas, quæ est versus orientem terræ huius, & adheret lateri meridiano: ideo assignando terminos terre illius ponitur primò Aroer, Deuterono. 2. & Iosue decimotertio, & quando Dauid fecit computari totum Israel, in Aroer coepit computatio: sic patet secundo Regum vigesimoquarto, & primo Paralipome. vigesimoprimum. capit. cecidit tamen, tam Aroer, quam Hesebon in forte Ruben, ut patet Iosue decimotertio capitu. *Et in cunctis ciuitatibus apud Iordanem.* Iste ciuitates sunt ad occidentem terræ illius: ideo cum posuerit Aroer, & Hesebon, quæ sunt magis orientales: posuit postea occidentales, quasi dicat, nūquid dum habitaret Israel in omnibus ciuitatibus, & viculis terre huius, pugnavit Balac, ad interrompendum præscriptionem.

*An si Balac rex Moabitarum interruppisset præscriptionem Iudeorum, pugnando contra eos, postquam acceperunt terram de manu Amorrhæorum: ex hoc tolleretur, quod nunc Iudæi possent præscribere. Quæstio XXXVII.*

**Q**VAERETVR, dato quod Balac pugnasset contra Israel in isto tempore: an ablatum fuisset ius Israelitis, ita quod non possent nunc præscribere. Et dato, quod non fecisset: an ex hoc sequebatur Israelitas habere ius firmum ex præscriptione. Respondendum ad primum, quod si Israelitæ cepissent terram pacificè possidere: & deinde Balac per verbale iurgium, vel per bellum inquietasset Israelitas in præscriptione, interromperetur præscriptio, si incepta erat: & tamen non tolleretur ex hoc, quin possent postea præscribere: nam istud solum tollebat ius præteriti temporis, sed non futuri. Interruptio quippe legitime facta tollit ius, quantum ad prius ex præscriptione, sed non impedit, quin manente possessione possit de nouo inchoari præscriptio: & quia a principio huius terræ capte, vsque nunc fluxerant anni fere trecenti, licet Balac interruppisset præscriptionem: poterant post illam interruptionem legitime compleri multe præscriptiones longissimi temporis. Ad secundum dicendum, quod si non interromperet præscriptio per Balac non sequeretur ius plenum Iudæis ex præscriptione, quia fortè postquam coeperunt Israelitæ possidere terram istam, vixit

*Resp. ad quæstionem.*



vixit Balac minori tpe, quàm vt posset præscriptio legitima inter abfentes præfentes finire, ideo fufficiebat quòd per aliquod paruum tempus ante illam finitã ali quis reclamaret per iurgium, vel per bellũ: & fic fufficere Balac reclamãte ante finitam præfcriptionem, fatis erat ad tollendũ ius ex præterita præfcriptione dato quòd Balac non reclamaffet. Sed dicendũ, quòd ad hoc quòd tolleretur ius ex præfcriptione Iudeis: non folum oportebat, quòd Balac, vel aliqis fuffeffor eius a principio reclamaffet, fed quòd multoties reclamatum foret: quia in trecentis annis vna, vel duę, aut tres reclamaciones non fufficiebant, fed requirebãtur multę ad hoc, quòd non fieret aliqua præfcriptio, quia in tanto tempore multę præfcriptiones fieri poffunt. Et hoc intendit Iephthe dicens: per trecentos annos, fcilicet cum habitauerit Ifrael per trecentos annos in terra ifta, cur Balac a principio non interruptit præfcriptionẽ pugnando, & poftea fuffeffores eius cõfequenter nõ interrupterunt? Et fatis apparet quòd non refertur ad folum Balac: nam dicitur. Cur Balac non pugnavit cũ habitauerit Ifrael per trecentos annos in his locis? Sed manifeflum eft, quòd Balac non poterat pugnare in his trecentis annis, quia modico tempore viveret: ergo refertur ad fuffeffores fuos, qui vixerunt in his trecentis annis, & ponitur ipfe primus, quia debuerat inchoare interruptionem, & continuare debebant eam fuffeffores fui. Per trecentos annos. id eft trecentis, vel fere habitavit Ifrael in terra ifta: cur in tanto tempore non eft facta repetitio, nifi nunc. Videtur quòd ex præfcriptione longiffimam temporis, perdiderit ius fuum rex Moab, & Ammon dato quòd aliquod habuerit.

*Quomodo Iephthe dixit, quòd a tempore, quo Ifraelita ceperunt poffidere terram iftam, vſque nunc fluxerunt anni trecenti cum non finirent. Quæſt. XXXVIII.*

**Q**VAERETVR, quomodo Iephthe dixit quòd a tempore, quo Ifraelita ceperunt poffidere terram iftam vſque nunc fluxerunt anni trecenti. Reſpõdetur, quòd pauciores ſunt: quòd dupliciter patet. Primo accipiendo de ſumma annorum, quę habetur 3. Reg. 6. partem illam, quę habetur ab exitu de Aegypto, vſque ad introitum in terrã Chanaan, ſive ad adeptionem huius poſſeſſionis: & partem, quę habetur ex nunc, vſq; ad templi Salomonis foundationem. Eſt enim ſumma totalis ab exitu de Aegypto, vſq; ad foundationem templi quadringentorum octoginta annorum, vt tertio Regum texto, a quibus demantur quadraginta anni, qui fluxerunt ab exitu de Aegypto, vſque ad adeptionem huius poſſeſſionis: nam ipſa fuit anno quadageſimo, poſt medietatem anni: nam Aaron mortuus eſt annorũ quadraginta, menſe quinto: Num. 33. & tamen poſſeſſio hæc acquiſita fuit aliquanto tempore poſt mortem Aaron, quòd patet quia Aaron mortuus eſt in monte Hor: Num. vigefimo, & poſt hoc Ifraelita circumierũt longo tempore mortem Seir: Num. vigefimo primo, & Deuteronom. ſecundo, & venerunt ad Arnon, vt declaratum fuit ſupra. Et fic eſſet iam menſis ſeptimus, vel octauus anni, quando inciperent pugnare cõtra Seon regem, quem occidentes inceperunt poffidere terram. Tollantur etiam omnia tempora, ex nunc vſque ad conſtructionem templi, ſcilicet, ſex anni Iephthe, & ſeptem anni Abela, & decem anni Chialon, & octo anni Abdon, ſequenti capitulo. & viginti anni Sapſonis, infra decimo ſeptimo, & quadraginta anni Heli. primo Regum quarto, quadraginta anni Samuel, & Saul ſimul, Actuum decimo tertio, & quadraginta anni David: ſecundo Regum quinto, & tertio Alph. Toſt. ſuper lib. Iudicum.

**A** Regum ſecundo. & tres anni, qui fluxerunt de regno Salomonis, cum cepit ædificare templum, ſcilicet, in principio quarti anni ſui regni, ſunt ſimul anni centum & ſeptuaginta quatuor, quibus addendo quadraginta, ab exitu de Aegypto, vſque ad adeptionem poſſeſſionis, ſunt ducentorum & quatuordecim, quibus ſubtractis, de quadringentis octoginta, manent ducenti ſexaginta ſex: & deficient de ſumma trecentorum anni triginta quatuor. Aliter etiam poteſt hoc computari incipiendo a tempore adeptæ poſſeſſionis vſque nunc, ſcilicet, quadraginta anni Hothoniel, ſub quibus computantur tempora Iſſae, & octuaginta anni Aod, ſupra tertio, & quadraginta anni Barac, ſupra quinto, & quadraginta anni Gedeonis, ſupra octavo, & tres anni Abimelech. ſupra nono, & vigintiduo anni Thola, & vigintitres anni Iair: & decem & octo anni ſine iudice, ſupra præcedenti capitulo. qui ſimul ſunt anni ducenti ſexaginta ſex. Cum autem dicitur: quare ergo ponuntur hic anni trecenti? Reſponderi poteſt dupliciter, vno modo, quòd iſta non eſt aſſertio ſcripturæ, ſed ipſius Iephthe: & ſcriptura refert verba eius, & fic interdum ſcriptura refert aliqua fallia, non tanquam a ſe aſſerta, ſed ab alijs dicta. Poterat autem Iephthe mentiri in aliqua ſumma annorum fortẽ ex ignorantia. Vel quòd verifimilius eſt dixit ad augendum ius ſuum, vt oſtenderetur præſcriptio valde longa. Vel aliter, & melius dici poteſt excuſando Iephthe ab intentione mētiendi, ſcilicet, quòd ſciebat quantitatẽ temporis præteriti: & tamen noluit ponere numerum præciſum, ſed parum plus, vel minus. Et etiam iſte modus loquendi interdum eſt in ſacra ſcriptura, vt ſæpe patet: potiſſimẽ quia non referebat quantum ad ius Ifraelitarum, quòd ponerentur trecenti, vel ducenti ſexaginta ſex: quia in quacunque ſumma finita eſſet longiſſima præſcriptio.

*Alia computatio.*

*Quomodo Iephthe allegavit præſcriptionem trecentorum annorum, cum videretur eſſe cum mala fide: & an inter antiquos præſcriptio longiſſima cum mala fide teneret. Quæſtio XXXIX.*

**Q**VAERETVR vterius, quomodo Iephthe allegavit præſcriptionem trecentorum annorum, quia aut volebat ſe defendere ex aliquo titulo, qui ſufficenter cauſaret dominium, & tunc non oportebat allegari præſcriptionem, cum ſine ipſa eſſet tutus, & ſecurus de iure. ſi autem non habebat titulum ſufficientem, iſta præſcriptio trecentorum annorum, imò potius poſſeſſio trecentorum annorum, non dabat dominium, aut ius retinendi: quia iſta poſſeſſio eſt cum mala fide: & poſſeſſor malæ fidei nullo tempore præſcribit, vt patet extra de præſcriptio. capitulo vigilantibus. & de regulis iuris in ſexto. in regula poſſeſſor. ideo ſive iſta poſſeſſio longiſſima per ſe allegaretur: ſive vt adminiculum iuris alterius, nihil omnino conferret: & tunc eſt dubium, ad quid volebat allegare Iephthe, id quòd nihil proderat probatum. Reſpondendum, quòd Ifraelita habebant iuſtum titulum, quòd non ſolum daret cauſam præſcribendi, ſed etiã conſtituerat dominium verum, ſine adminiculo præſcriptionis, ſcilicet, quia obtinuerant terram iuſto bello ex mandato Dei: ex quo efficiebantur veri domini. Sed vltra titulum voluit Iephthe allegare præſcriptionem longiſſimam, quæ erat ius diſiunctũ: & illa eſt per ſe daret plenum ius retinendi terram. Et patet, quia aliàs eſſet oĩno ſuperflua allegatio iſtius præſcriptionis. Quòd eſt intẽdat ſe habere ius aliqd ex illa, patet ex verbis ſuis, quia dixit: Quare

*Reſpõ. ad quæſtum.*



Quo Ieph-  
te opina-  
bat ex hac  
pſcriptione  
habere ius  
cum non  
pcedat p-  
ſcriptio cū  
mala fide.

tanto tempore, nihil super hac repetitione tentastis? Non ergo ego pecco in te, sed tu peccas in me, indicens bella iniusta. q.d. quia tanto tempore nihil propoſuisti super repetitione terræ, ego præſcripsi: & ex hoc iuste possideo: ideo indicēdo mihi bellum ad repetendum, facis bellum iniustum. Sed tunc dicendum, quo modo Iephthe putabat ex hac pſcriptione habere ius, cum non procedat præſcriptio cum mala fide. Est autem mala fides, quando possessor habet conscientiam rei alienæ: sed Israelitæ accipientes terram de manu Amorrhæorum habuerunt semper conscientiam rei alienæ. ergo non potuerunt præſcribere etiam in mille annis. Si autem velis dicere, q non habebant conscientiam rei alienæ: necesse erat, quod crederet fuisse iusto bello captam terram de manu Moabitarum, & Ammonitarum per Amorrhæos, q ipsi iusto bello acceperint illam de manu Amorrhæorum, & hoc dato non erat bona fides, sed titulus sufficiens dans causam possidendi, & habendi plenum dominium: ita ut non requireretur præſcriptio: imò nec esset possibilis, quia præſcriptio non currit nisi in re aliena, quæ nostra esse putatur. Respondendum, quod Iephthe putavit præſcriptionem currere cum mala fide, dum tamen esset longi temporis: & sic allegavit præſcriptionē trecentorum annorum: nec in hoc erat iniusta opinio eius, q sic erat de iure civili. I. q in præſcriptione parui temporis, scilicet decem, vel viginti annorum requireretur bona fides: & tñ in præſcriptionibus longi temporis. I. annorum triginta, vel quadraginta sufficeret possidere sine bona fide, ut patet extra de præſcriptionibus. c. vigilant. Sed dicitur, q ista lex civilis nō erat tunc, quia illa fuit a legistore Iephthesino, ut patet præallegato ca. & tamen iste postea fuit. Item dato, quod iam fuisset, non obligaret Ammonitas, Moabitas, & Hebræos, quia non erant subditi legibus talibus pertinentibus ad alias gentes, sed quælibet gens proprias habebat leges, quia quod quilibet populus statuebat, hoc lex illius populi erat. Item dicendum, quod dato q contingeret legem de præſcriptione cum mala fide haberi apud Hebræos solum, vel Ammonitas, & Moabitas solum: non possent Israelitæ mala fide præſcribere cōtra Moabitas, & Ammonitas: quia ad hoc oportebat, quod vtrorumque ius commune esset. Nā si ista lex solum esset Hebræorum, non possent per eā præſcribere contra Moabitas, & Ammonitas, quia illi non obligabantur legibus Iudæorum, ut posset eis præindicare per illas: si autem esset lex ista Ammonitarū, & Moabitarum, & non Iudæorum: non possent Israelitæ per illam præſcribere, quia non poterant gaudere privilegio legis pro se, quam non recipiebant contra se. Item dato quod contingeret legem de præſcriptione cum mala fide esse legem Moabitarū, & Ammonitarum, & Israelitarum: dum tamen non esset vtriusque lata ab eodem legistore, sed contingeret eandē legem a legistore cuiusdam terræ ferri ab alio: non possent præſcribere Israelitæ cōtra Ammonitas, & Moabitas. Nam licet ista lex obligaret quamlibet gentem istarum specialiter, vel inter se: tamen non obligaret in comparatione ad aliam gentē, quia ista lex licet vtriusque servaretur, vtriusque genti erat propria, & non communis. quia communitas legis est per communitatem legistore, cuius potestas ad vtriusque extenditur. Nam itante casu, aut Israelitæ vellet præſcribere per istam legem cōtra Ammonitas, & Moabitas in quantum lex erat propria Ammonitarum, vel Moabitarum, vel in quantum erat propria Israelitarum, vel in quantum erat communis vtriusque. Non primo modo, quia Israelitæ non poterant gaudere privilegio legis contra Ammonitas, quam contra se non recipiebant. Non secundo modo, quia

Ius Israelitarum non obligabat Ammonitas, & Moabitas, cum in quantum huiusmodi erat ius privatum, vel municipale. Non tertio modo, quia ista lex non erat vere communis, sed solum equivoce: nam esset verè communis, si propter eundem legistorem esset communis. Sed falsum est, quia cum lata est in vna regione, non obligabat in alia quousque per alium legistorem fuit lata in altera regione: & ita est communitas legis in nomine, & non in re per equivoocationem: sicut cum multi vocantur Petrus, & equivo-catur istud nomen, & non est aliqua identitas rei signate in vtriusque: unde cum secundum rem ista lex esset duæ leges, scilicet, vna Moabitarum & Ammonitarum, & alia Israelitarum: per neutram illarum posset Israel præſcribere contra Ammonitas, & Moabitas, ut supra declaratum est. Ideo dicendum, quod Iephthe putavit se posse præſcribere per possessionem longi temporis cum mala fide, non ex aliqua lege positiva sua, vel Moabitarum, sed ex iure gentium: nam sicut quedam communia sunt de iure gentium, ut servitutes, bella, emancipationes, manumissiones, & similia, ut patet. ff. de iustitia et iure, lege ex hoc iure: lege manumissiones: ita & præſcriptio cum mala fide per longum tempus, erat inter omnes gentes, tunc approbata: ideo putabat quilibet cōtra alium sibi esse plenum ius, cum longo tēpore sine interruptione, etiam cum mala fide præſcripsisset: & huic iuri tanquam communi non resisterent Ammonitæ, vel Moabitar: unde nec respondet rex Ammon, tanquam obijciens aliquid de iure contra hæc: sed solum viribus voluit opprimere Israel. si tamen ista omnia non essent firma, secundum ius illius tēporis respondisset rex Ammon: ergo erant hæc de iure. *Quare ta to tempore, nihil super hac repetitione tentastis?* id est, cum per trecentos annos ferè possederit Israel, inconculsè iam præſcripsit. quare enim non tentastis per tantum tempus repetere, ad hoc quod non præſcripsisset Israel, nunc autem, licet repetatis, non competit vobis repetitio iure: In Hebræo dicitur. *Cur non liberaſtis hora ipsa?* id est, cur non liberaſtis terram istam de manu nostra hora ipsa, id est, tempore Balac regis Moab, cum illam perdidit, vel cum eo vivente, nos eam acceperimus de manu Amorrhæorum. I. litera autem nostra aliquantulum mutata est ad ponendum ius ex præſcriptione Israelitarum: nam ad hoc, quod non præſcriberent Israelitæ, non requirebatur, quod Moabitar, vel Ammonitar liberaſsent terram, scilicet, eam eruendo totaliter de manu Israelitarum: sed satis erat, quod interrumperent præſcriptionem pugnando, vel petendo. quod est iurgari, ut supra patet in litera: ideo litera nostra non dixit: *Quare non eripuiſtis.* sed: *Quare nihil super repetitione tentastis.* Etiam non requirebatur, quod in ipsa hora, id est, tempore Balac facta fuisset repetitio: sed satis erat, quod fieret quando-cunque, dum tamen ante completam præſcriptionem: ideo litera nostra non dixit in ipsa hora, sed: *Quare tanto tempore, scilicet, quia iam transiit tempus plenæ præſcriptionis, & nihil interrupistis.* Igitur *non ego pecco in te.* scilicet, quia iam præſcriptio legitime finita, dedit mihi titulum, non pecco ego contra te, scilicet, detinendo loca, quæ olim fuerunt de terra tua, sicut tu dicis me iniuste detinere illa. *Sed tu contra me male agis, indicens mihi bella non iusta,* id est, quia iam sciens dominium istius terræ meum esse ex causa assignata, male agis, movendo contra me bella, ut reddam tibi terram, & sic bella ista erunt iniusta, quia non habent instantiam motuam, quia Iephthe in hac responsione sua fundavit se principaliter super præſcriptionem. Erunt aliqua dubia convenientia de præſcriptione, quæ in fine huius expediuntur.

Quædam  
de iure  
gentium  
sunt apud  
omnes na-  
tiones.

Indicet



*Indicet dominus arbiter huius diei inter Israel, & filios Ammon.* quia putabat Iephthe, quod rex Ammon non consentiret rationibus suis, sed violenter vellet auferre terram, sicut dictum est, inuocauit Deum in iudicem contra Ammonitas, scilicet, dominus indicet, scilicet, declararet per effectum, quis nostrum fouet iustam causam; & hoc dando victoriam fouenti iustum bellum. Vocatur arbiter huius diei, idest, quia in illa die Iephthe eligebat eum in arbitrum, idest, iudicem: vel quia inter Israelitas & Ammonitas, qui illa die contendebant nullus erat iudex superior, elegit Iephthe Deum: & illa die debebat esse iudex cum illa die contenderetur. *Noluit que acquiescere rex filiorum Ammon verbis Iephthe.* scilicet, non dedit nunc aliquam responsionem, vel excusationem sicut prius fecerat, sed solum dixit, quod non curabat de his, sed oportebat terram dari, vel bello, vel pace. & hoc quia nunc rex Ammonitarum nesciuit quid responderet ad verba Iephthe, quae erant iustissima. *Qua per nuncios mandauerat.* scilicet, omnia ista verba misit ei per nuncios bis, ut patet supra in littera. *Factus ergo.* Hic ponitur tertium huius cap. scilicet hostis rebellantis expugnatio. & dicitur. *Factus est super Iephthe spiritus domini.* scilicet, venit super eum spiritus Dei ad confortandum illum contra hostes suos Ammonitas: nam cum exposuisset Iephthe iustam causam regi Ammon, ut non pugnaret contra eum, non assensit: ideo inuocauit Deum in iudicem, idest, ultorem iniuriae: & nunc venit spiritus Dei ad confortandum eum, ut pugnaret.

*Quis spiritus Dei fuerit iste, qui venit super Iephthe.*  
Quaestio XL.

**Q**VAERETVR quis spiritus Dei fuerit iste, qui venit super Iephthe. Respondetur, quod spiritus vocatur quodlibet motuum, vel impulsuum motuum: tamen sit aliquod, quasi incorporale: sic enim ventus vocatur spiritus, quia fiat a seipso, & mouetur: sic accipitur Psal. 9. Spiritus procellarum pars calicis eorum. & Psal. 149. Spiritus procellarum, quae faciunt verbum eius. & ex hoc quodlibet, quod est in anima nostra: & potest nos mouere ad aliquid intelligendum, volendum, aut agendum, vocatur spiritus: sic dicimus spiritum propheticum id, per quod prophetae mouentur ad praenunciandum futura. Sic etiam dicimus, quo spiritu iste egit hoc, idest, quo incentiuo. Istum modum loquendi seruat valde scriptura. Sic patet Isa. 11. scilicet, spiritus sapientiae, spiritus timoris, spiritus consilij &c. Vbi omnia septem dona Spiritus Sancti vocantur spiritus, quia sunt aliquid, quod nos mouet interiorius. Et secundum hoc spiritus Dei multiplex est: nam allegato cap. ponitur sexcuplex spiritus: & Sapient. 7. ponitur, spiritus sapientiae variatus bene per viginti modos. Vnde aliquando dicitur venire super aliquem spiritus domini, idest, spiritus prophetiae. Sic patet 1. Reg. 10. & 19. cum dicitur: Insiliet in te spiritus domini, & prophetabis, mutaberisque in virum alterum. Nam ibi solum intelligitur de spiritu prophético, cum sequatur: Prophetabis. Aliquando accipitur pro spiritu roboris, & animositatis, secundum quem aliquis audet pugnare contra aliquos, contra quos prius non audebat: & quia ista animositas, vel confidentia est quoddam motuum ad agendum, vocatur spiritus: & quia est a Deo immissa, vocatur spiritus Dei: sic habetur 1. Reg. 11. cum dicitur de Saule: Et insiliit spiritus domini in eum, cum audisset verba virorum Iabes Galaad. Et patet quod fuerit spiritus roboris & animositatis: quia immediate posuit praecceptum toti Israel de Alph. Tost. super lib. Iudicum

**A** veniendo ad bellum sub interminatione pene: & progressus est contra regem Ammon, atque praeualuit. Ita nunc in Iephthe fuit, qui ante hoc forte timebat Ammonitas confidentes de virtute sua, & erat ei durum committere bellum contra illos: nunc autem confortatus est ad hoc, quod confiderenter pugnaret, quasi certus de victoria: & isto modo saepe accipitur, ut primo Reg. 16. scilicet, quod spiritus domini recessit a Saule: & quod directus est ex die illo spiritus domini in Dauid, & intelligitur de spiritu animositatis, ut ibidem dicitur. *Et circuiens Galaad, & Manasse.* scilicet, postquam rex Ammon omnino ostendit, quod volebat pugnare ad eruendum terram de manibus Israelitarum, parauit se ad bellum Iephthe: & ad hoc circuiuit omnia ista loca, quae nominantur hic, scilicet, praemuniens illa, si forte Ammonitae per terram illam vagari vellent, & constituens custodes, & bellatores in illis. Aliquis dicit ex hoc, quod terra Manasse sit extra terram Galaad, quia dicitur quod circuiuit Manassae & Galaad. Et tamen falsum est, quia terra Galaad diuisa est in duas medietates: & medietas eius data est tribui Gad, & medietas dimidia tribui Manasse, ut patet Deut. 3. c. Ideo dicendum, quod accipitur hic Galaad pro quadam parte terrae Galaad. *Maspha quoque.* Ista erat quaedam ciuitas in quadam parte terrae Galaad, in qua erant Galaaditae castrametati, quando miserunt ad vocandum Iephthe de terra Thob, & ibi fecerunt eum principem suum. *Et inde transiens ad filios Ammon.* scilicet, de Maspha transiuit ad pugnandum contra Ammonitas. Nam Ammonitae castrametati fuerant in quadam parte Galaad praecedenti cap. & cum hoc ageret Iephthe, non mouebantur ipsi ad pugnandum, nec recedebant inde in terram suam, cum nollent desistere a bello. Iephthe autem transiuit ad expellendum eos de loco suo. *Votum vouit domino, dicens: Si tradideris filios Ammon in manus meas.* idest, si dederis victoriam mihi de illis, scilicet, occidendo illos, vel effugando, & faciendo, quod iam non repetant terram istam. Istud erat votum conditionale, & non obligabat, nisi stante conditione: An vota conditionalia teneant, declaratum est Numeri 30. cap. *Quicumque primus egressus fuerit de foribus domus meae.* Siue ipse videret eum existentem, siue nondum occurreret ei in via, etiam si in aliquanta distantia a domo sua. *Mibi, occurrerit reuertenti cum pace.* Vocatur reuertens cum pace, scilicet, victis hostibus: nam si reuerteretur fugiens, non tenebatur ad reddendum votum. Sed dato, quod perdidisset de viris suis multos in bello, & ipse vulneratus foret: si obtineret victoriam tenebatur ad votum. *A filijs Ammon.* idest, a pugna contra filios Ammon. *Et holocaustum offeram domino.* idest, occidam & immolabo domino in holocaustum, quod est genus sacrificij, in quo carnes totaliter cremabantur in altari, & non cedebat aliqua pars offerentibus, aut sacerdotibus. De ceremonijs huius habetur Leuit. 1. & declaratum est ibi.

Improbatio opinio nis de situ terrae Manassae.

Holocaustum quid sit.

*An peccauerit Iephthe vouendo immolare primum occurrentem sibi de domo sua: & an in isto voto solum intellexit de solo animali immolatio.*

Quaestio XLI.

**Q**VAERETVR an peccauerit Iephthe vouendo, quod immolaret primum exeuntem de domo sua. Respondendum, quod Iephthe voluit nimis Deo famulari, & ad hoc fecit votum indeterminatum. scilicet, quod offerret, quicquid ei primo occurreret: nam ex hoc erat sollicitus, quia poterat occurrere ei aliquid quod valde diligeret: & tenebatur illud occidere.

Respon ad quaestum.



Et ut magis se traderet Deo obligando ad maiora, non determinauit votum suum. Dicendum tamen, quod peccauit sic vouendo, quia fuit valde indiscretus: nam vouit immolare eum, qui sibi primo occurreret: & tamen poterat sibi occurrere aliquis homo, vel qui non cadit sub immolatione, & holocausto: eo quod illum immolare in holocaustum est impium, cum homo non debeat occidi sine causa. Secundo, quia dato, quod homo esset reus mortis, non poterat immolari in holocaustum, quia istud pertinet ad animalia bruta determinata in lege, scilicet, ad boues, oues, & capras. Item erat indiscretus, quia poterat occurrere aliud animal, quod non esset immolatorium, sicut canis, vel asinus: quia nihil huiusmodi Deo in holocaustum immolabatur, lege vetante. Vnde quedam sunt, quæ ad omnem euentum sunt bona, & in istis tenet votum: alia sunt, quæ semper sunt mala, & in istis nunquam tenet votum: alia sunt, quæ possunt euenire in bonum, & in malum: & in quantum possunt bene euenire, tenet votum: & in quantum male eueniunt, non tenet. Et patet exemplum in isto voto Iephthe, in quo poterat votum malum euentum habere: ut si occurreret homo, vel asinus, quod non erat animal immolandum: unde beatus Hieronymus ait, quod vouendo fuit indiscretus, & reddendo fuit impius.

*An Iephthe in voto suo intellexerit de solo animali bruto, aut de solo homine, aut de utroque.*

*Questio XLII.*

**Q**UÆRITUR vltius, an Iephthe in voto suo intellexerit de solo animali bruto, vel de solo homine, vel de utroque, cum dixit: Quicumque egressus primus fuerit de foribus domus meæ. Aliquis dicit, quod solum intelligebatur de animalibus brutis, ut de ouibus, bobus, & capris: quod patet quia dixit: offeram eum holocaustum domino: & tamē sciebat Iephthe, quod holocaustum non poterat offerri, nisi de tribus generibus animalium, scilicet, ouibus, bobus, & capris, & hoc de pecoribus: de volucribus autē fieri de duobus generibus solum, scilicet, de turturibus, vel de pullis columbarum, ut patet Leuiti. 1. ergo solum

intelligebatur de brutis. Aliquis dicit e contrariō, quod etiam intelligebatur de hominibus, & de pecoribus, quod patet quia si solum intellexisset de brutis immolatijs, licet occurrisset ei filia sua, non tenebatur illam immolare, & tamen ipse dixit: Decepisti me, & ipsa decepta es: aperui os meum ad dominum, & aliud facere non potero. & istud tenet beatus Thomas de Aquino, dicens, quod votorum quedam eueniunt interdum in bonam partem, & interdum in malam: & in quantum eueniunt in bonam, seruanda sunt: & ut in malam eueniunt, non obligant. Et ponit exemplum de voto Iephthe, quod poterat euenire in bonum, si occurreret ei animal immolatorium, vel in malum, ut si occurreret ei homo, vel asinus, vel animal quod non erat immolandum: si tamen de solis brutis immolatijs intellexisset, non posset conuerti istud ad votum bonum & malum. Aliquis arguet, quod solum intelligeretur de immolatione hominis solum: & hoc patet in duobus, vel tribus. Primum, quia dicitur, quicumque primus egressus fuerit de foribus domus meæ: sed quicumque dicit personam: bruta autem non sunt personæ: ergo solum intelligendum est de illis, quæ sunt personæ, scilicet, de hominibus.

*Thome ratio secunda.*  
*Opi. Thomæ secunda secundæ q. 84. ar. 2. ad secundam.*  
*Vota dupliciter eueniunt.*

*Rationes cuiusdā p. tertia positione.*  
*Prima ratio.*

*Secunda ratio.*

*Tertia ratio.*

Secundo patet quia dicitur: mihi quæ occurrerit reuertenti. Occurrere autem non pertinet ad bruta, quia non dicimus, quod occurrit mihi bos, vel capra, sed inueni bouem, vel capram in via. De homine autem dicitur, quod occurrit alteri. Tercio patet, quia

**F** Iephthe voluit domino offerre aliquid magnum; si autem intelligeret ipse in aliquo casu de animalibus, non dixisset confusè: Quicumque occurrerit. quia tunc solum intelligebatur vnum pecus in isto voto: & istud votum erat paruum. Vnde si intellexisset de pecoribus, videtur quod ipse vouisset determinatè multa, scilicet, viginti vel triginta, aut valde multa pro tanto bono, scilicet, victoria contra hostes: & tamen non vouit determinatè multa, ergo videtur, quod intelligebatur aliquod magnum sacrificiū per hoc: & istud erat immolatio alicuius hominis, qui præponderaret multis pecoribus simul sumptis. Quarto patet, quia Iephthe fecit magnam distantiam voti in hoc, quod non determinauit quid offerret, sed dixit: Quicumque pri-

*Quantum no.*

**G** mus egressus fuerit. si tamen intelligeretur de pecoribus, modicum differebat, quod offerretur istud pecus, vel illud: ergo non intelligebatur de illis, sed de hominibus, scilicet, quod quemcūque sibi occurrentem immolaret, & in hoc multum differebat, quia aliqui erant de domo sua, quos multum diligebat, scilicet, filia sua vnigenita, & alios minus diligebat, scilicet, famulos, & noluit de his diffinire, ut magis se astringeret, ut cogeretur Deo reddere quodcūque eueniret. Respondendum, quod quemlibet istarum trium partium teneri posset. De prima patet, scilicet, ut dicamus quod Iephthe solum intellexit de animalibus immolatijs. Et quando obiicitur, quod tunc non putasset se obligatum ad occidendum filiam, nec occidisset. Dicendum, quod votum Iephthe fuit generale, scilicet, quicumque primus exierit de foribus domus meæ. Et quantum erat ex verbis intelligebatur votum, tam de hominibus, quam de pecoribus; ideo licet intentio sua fuisset solum de pecoribus, putauit se ex verbis obligari ad immolandum filiam suam. Ad aliud, quando dicit beatus Thomas, quod poterat istud votum euenire in bonam partem, vel in malam: dicendum quod istud erat quantum ad significationem verborum, quia cum essent verba vniuersaliter dicta, poterant capi pro animali immolatio, & pro non immolatio. Et quantum ad hoc intelligitur dictum Hieronymi, scilicet, quod fuit stultus vouendo, scilicet, quia non distinxit verba sua, ita ut determinatè intelligerentur pro animali immolatio: cumque circa ea, quæ inducunt obligationem nimis cauere debemus qualiter proferantur, ut sciamus ad quid obligamur. Si autem tenere volumus secundam positionem, dicemus quod votum Iephthe intelligebatur de animali bruto, & de homine. Ad rationem in contrarium, pro prima parte dicendum, quod licet animalia bruta in tribus speciebus propriè immolentur in holocaustum: Leuiti. 1. tamen largè vocatur immolari in holocaustum, quodcūque occiditur animo famulandi Deo, & istud applicatur ei, de quo infra declarabitur. Ad primam rationem pro tertia positione dicendum, quod quicumque, licet perionam signet, propriè tamen hic ponitur ad significandum personam, vel non personam: & tamen ponitur ut significet personam denominando a nobiliore. Ad secundum dicendum, quod occurrere potest esse commune ad rem rationalem, & irrationalem. Ad tertium dicendum, quod cum Iephthe voueret indistinctè, quod ei prius occurreret, siue homo, siue brutum, satis magnū Deo vouebat, quod confusè vouendo vouebat, id quod preciosissimum sibi erat: nam si illud sibi occurrisset, tenebatur saltem ex intentione sua illud immolare. Ad quartum dicendum, quod non militat contra hanc positionem, sed solum contra primam, quod intelligeretur de solis brutis: quin potius confirmat istam, quia propter hoc non determinauit de pecoribus, ut intelligeretur de hominibus, vel de pecoribus: & differebat nimis an homo, vel pecus immolaretur.

*Ad rationem contra hanc primam positionem.*

*Ad rationem Thomæ.*

*Pro secundā positione.*

*Ratio ad rationem in contrarium.*

*Ad primam rationem pro tertia positione.*

*Ad secundam & tertiam rationem.*

*Ad quartam rationem.*

*Si au-*



*Pro tertia positione.* Si autem velimus tenere tertiam, dicemus ad rationem primæ positionis, sicut supra diximus, scilicet, quod immolare in holocaustum aliquando accipitur large, & potest pertinere ad homines, de quo infra dicetur. Ad primam rationem secundæ positionis non est respondendum, sed concedendus est, quia solum est contra primam positionem. Ad secundam rationem de positione Sancti Thomæ dicendum esset, negando positionem illius, quia non cogit quando veritas Sacre Scripturæ aliter petere potest, quam ipse asserat. Sed dicendum, quod inter istas tres positiones, licet quælibet sustentabilis foret: tertia tamen minus sustentabilis est, quam reliqua: ideo de ea non est curandum. De primis est dubium, quidam tenent, quod vouerit indistinctè de homine, vel de pecore: & quod intentio sua fuerit se obligandi ad hæc duo, si quodlibet illorum eueniret diuini. Sed dicendum, quod prima positio est rationabilior, & magis pia, scilicet, quod Iephthe solum intelligeret de pecoribus, & tamē fuit sermo suus vniuersalis, qui de vtrisque intelligi poterat: & tunc magis excusatur Iephthe, scilicet, quia nullo modo intendebat de occisione humana, sed postea dubitauit de suis verbis, & putauit se obligare ad occidendam filiam. Item patet, quia dicitur: immolabo eum domino in holocaustum: & tamen si intellexisset etiā de hominibus, non dixisset, immolabo in holocaustū, sed immolabo solum. Sed tunc obijcietur, quia si solum intellexisset de pecoribus, occurrere filia, non teneretur occidere eam. Dicendum, quod licet intenderit poenes se solum de pecoribus, tamen verba generaliter protulit, & putauit, quod ex eis obligaretur ad occidendam filiam.

**A** duobus mensibus, reuerfa est ad patrem suum. Et fecit ei sicut vouerat. Quæ ignorabat virum. Exinde mos increuit in Israel, & consuetudo seruata est, vt post anni circulum conueniant in vnum filia Israel, & plangent filiam Iephthe Galaaditæ diebus quatuor.

*Transiuitque Iephthe ad filios Ammon.* scilicet, iuit contra illos in bellum, vbi erant castrametati in Galaad terra. *Vt pugnaret contra eos.* Ammonitæ autem a principio volebant incipere bellum contra Israel: nunc autem Iephthe iuit contra Ammonitas, ipsis non pugnantis contra Israel. Causa huius est, quia a principio introierunt Ammonitæ in terram Galaad, quæ erat terra Israel: & in hoc mouebant bellum contra Israelitas: nunc autem manebant in terra eadem: ideo Iephthe ibat ad pugnandum contra eos, non tanquam aggrediens, sed tanquam defendens terram suam.

*Quos tradidit dominus in manus eius.* scilicet, quia vertit Deus illos in fugam incutiendo timorē, & sic Iephthe poterat occidere de illis multos. *Percussitq; ab Aroer.* Sciendum quod hic fuerunt duo bella, scilicet, vnum fuit contra Ammonitas, qui conuenerant in castra, & erant in terra Galaad, præsentibus enim partim interfecit, & partim fugauit. Aliud bellum fuit post fugatos Ammonitas: nam pugnauit contra terram illorum, & percussit multas vrbes eorum occidendo habitatores, & terram desolando: & de isto secundo bello dicitur. *Quod percussit ab Aroer vsque dum venias in Memnith viginti ciuitates.* scilicet, quod iste ciuitates incipiebant ab Aroer, & finiebantur in Memnith. est enim Aroer ciuitas terræ Israel, vt patet Iosue decimotertio: nam ibi data est filiis Ruben: ideo debet hic accipi sic. exclusiue, scilicet, quod ab ista ciuitate cæperunt Israelitæ introire in terram Ammonitarum percutiendo, & percusserunt viginti ciuitates, scilicet, capiendos eas bello, & occidendo eos, qui intus erant, & fuit finis in Memnith, & Abel: nam noluerunt ulterius pugnare.

*Et vsque ad Abel, quæ est vineis confita.* Ista est quædam ciuitas Ammonitarum, satis famosa in excellentia vini: ideo vocatur confita vineis, quasi nulla alia ciuitas terræ, illius sic confita foret. *Plaga magna nimis.* id est, in istis ciuitatibus fuit magna plaga, quia occisi sunt valde multi: vel quia occidebantur omnes, qui inueniebantur. *Humiliatiq; sunt filij Ammon a filiis Israel.* scilicet, superbia illorum humiliata fuit: nam ante hoc quotidie petebant terram Galaad ab Israelitis, & vastabant illos: nunc autem cessauerunt petere, & pugnare: & satis illis erat, quod se possent defendere, ne Israelitæ acciperent eis reliquam terram, quam possidebant.

*An bellum hoc contra Ammonitas Israelitis facere licuit.*

*Questio XLIII.*

**Q**VAERETVR, an licuit Israelitis facere istud bellum cōtra Ammonitas. Aliquis dicet, quod non, quia Deus vetuit Israelitis pugnare contra Ammonitas, & Moabitas: Deute. 2. c. Respondendum, quod licebat Israelitis pugnare contra illos, qui habebant iniustam causam pugnandi. Ad auctoritatem dicendū, quod illa fuit quoddam præceptum temporale, ideo solum obligauit pro illo tempore, quo datum est, scilicet, quando Israelitæ transaturi erant inter confinia Moabitarum, & Ammonitarum: nunc autem non obligabat illud præceptum. Aliter dici potest, quod illud præceptum datum est ad excludendum iniustum bellum,

bellum,

*Transiuitque Iephthe ad filios Ammon,*

vt pugnaret contra eos. Quos tradidit Dominus in manus eius: percussitque ab Aroer, vsque dum venias in Memnith viginti ciuitates: & vsque ad Abel, quæ est vineis confita, plaga magna nimis. Humiliatique sunt filij Ammon a filiis Israel. Reuertenti autem Iephthe in Maspha domum suam, occurrit ei vnigenita filia sua cum tympanis & choris. Non enim habebat alios liberos. Qua visa, scidit vestimenta sua, & ait: Heu me, filia mi, decepisti me, & ipsa decepta es: aperui enim os meum ad Dominum, & aliud facere non potero. Cui illa respondit: Pater mi, si aperuisti os tuum ad Dominum, fac mihi quodcunque pollicitus es, concessa tibi

ultione, atque victoria de hostibus tuis. Dixitque ad patrem: Hoc solum mihi præsta, quod deprecor. Dimitte me, vt duobus mensibus circueam montes, & plangam virginitatem meam, cum sodalibus meis. Cui ille respondit: Vade. Et dimisit eam duobus mensibus. Cumque abisset cum socijs ac sodalibus suis, flebat virginitatem suam in montibus. Expletisque

Aroer qd sit.

Abel qui a sit.

*Arachne femina repta prima inuenit. 16. dicit. ca. rasi. 22. q. 4. ca. vniuers. 23. q. 5. c. si non licet. in fine. Typhis carpentarius nauis gubernaculum prius inuenit.*



bellum, scilicet, quia Israelitæ fortè mouerentur ad pugnandum contra Moabitas, & Ammonitas desidio capiendi terram eorum in transitu: nunc autè non pugnabant, vt caperent terram eorū, sed ex iusta causa, ideo licitum erat pugnare.

*An Israelitæ habuerint aliquam causam pugnandi contra Ammonitas. Questio XLIIII.*

Rñ. cuiusdā ad quæ situm.  
Et ratio.  
Doc. resp. ad quæ situm.  
Bellum est iustum dupliciter.

**Q**VAERETVR vterius, dato quòd liceret Israelitis nunc pugnare contra Ammonitas, si haberent causam: an habuerint aliquā causam pugnandi. Aliquis dicet quòd non, quia bellum quod nunc fecit Iephthe contra Ammonitas, erat ad expellendum eos de terra sua: nam ipsi introierant in terram Galaad præcedenti capi. postquam ergo impulsissent eos, videbatur iniusta pugnatio contra eos: quia cessabat causa efficiens bellum iustum. Respōdendum, quòd Israelitæ licitè pugnaverunt contra Ammonitas, ad destruendum viginti ciuitates: quia bellum est iustum dupliciter, scilicet, ad repetendum satisfactionem pro iniurijs, vel pro damnis datis, & quandiu manet pars iniuriæ, vel damni adhuc est bellum iustum: nunc autè erat vtrunque in Israelitis ad Ammonitas: quia Ammonitæ fecerant iniuriam Israelitis introeundo in terram eorum nolentibus eis. Secundò erat damnum, scilicet, quòd existentes in terra eorum vastabāt multa. Quantum ad iniuriam erat satisfactio, quòd Israelitæ expellerent Ammonitas de terra sua, & intrarent tātum in terram Ammon, quantum ipsi intrauerant in terram Israel. Etiam poterant occidere multos de Ammonitis, quia iniuria Israelitarum fuerat magna, cum stetit magno tempore Ammonitæ in terra eorum nolentibus ipsis. Insuper fuerat magnum damnum Israelitarum, quia sæpe introierant Israelitarum terrā ipsi Ammonite, & prædabantur totam terrā Galaad, & interdum nimis confidentes transibant Iordanem, & vastabant tribum Iudam, & Benjamin, præcedē. c. pro hoc Israelitæ poterant facere magnas prædas iuxta arbitrium suum, vt satisfaceret eis de omnibus, quæ abstulerant ipsi de terra illorum toto tempore præterito. Etiam sicut multi occisi fuerant de Israelitis, poterant occidere multos de Ammonitis, & cū destruxissent viginti ciuitates, iudicauit Iephthe satisfactū esse Israelitis pro dānis, & iniuria: ideo noluit magis vastare de terra Ammon: alioquin plus vastare potuisset.

*Cum Iephthe occidisset habitatores viginti vrbium, quare non caperit eas, vt essent pro Israel.*

*Questio XLV.*

**Q**VAERETVR vterius, quare cū Iephthe occidisset habitatores istarum viginti vrbium, nō cepit vrbes, vt essent pro terra Israel cū essent in confinio terræ Israel. Respondendum, quòd licitum erat Israelitis punire Ammonitas pro iniuria, & damnis. Et etiam facere pro iniuria tributarios: & tamen non licebat accipere terram eorum, ad vniendum terræ Israel: sic patet de Dauid: nam ipse pugnavit contra Moabitas, vt faceret de illis duos funiculos, vnum ad occidendum, & alium ad viuificandum: tamen cū fecerit illos tributarios, non legitur accepisse aliquem locum de terra illorum, ad vniendum terræ Israel. 2. Reg. 8. c. Sic etiam fuit de Ammonitis. Nā pro dehonoratione nunciorum suorum pugnavit contra illos, & durè puniuit, & carpentis ferreis, & ducens eos in typo laterum: vt patet 2. Reg. 12. & 1. Paralipom. 20. c. & fecit residuos tributarios, vt ibidē patet: tamen nō legitur vniuisse terram illam, vel partē eius terræ suæ. Causa huius erat, quia Deus dixerat Deut. 2. quòd nō

**F**daret nec vnum vestigiū pedis Israelitis de terra Idumæorum, Moabitarum, & Ammonitarum, eo quòd dederat illam in possessionē filijs Eiaū, & filijs Loth: ista autem erat determinatio Dei, ideo nunquam licebat Israelitis pugnare ad accipiendum partem terre istorum. Et si aliquando pugnando in bello iusto, vel iniusto acciperent aliquam partem terræ, tenebantur ad restitutionem: & sic est casus, in quo quis in bello iusto non efficitur dominus rei captæ: sic etiam est si in bello iusto aliquis rapiat rem sacram: nam nunquā potest constitui dominus illius, & istud est propter specialem prohibitionem de re illa: sic enim erat de terra istarum gentium: nam erat Israelitis vetita, scilicet, quòd nullo modo caperent eam. Alia etiam causa est, quia generale erat Israelitis, quòd nullam terram caperent ad vniendum terræ suæ: nā Num. 34. Deus limitauit eis terrā, quā possidere deberent. scilicet, terra possessionis vestræ his limitibus terminabitur: ideo dum non obtinuerant illam, licebat eis pugnare contra gentes habitantes in terra illa, & acquirere terram, sed postea licet pugnarent contra alias gentes, & obtinerēt, non poterāt vnire ciuitates terræ suæ ad augendum eam: sed aut ciuitates captæ recipiebant pacem oblatam ab Israelitis, aut non. Si primo modo debebat ciuitas supponi tributis, & dimitti. Si autem non reciperet, debebat expugnari, & omnes viri debebant occidi: mulieres autem, & paruuli seruabantur, & efficiebantur serui vel vendebantur, & ipsa ciuitas destruebatur, vt Deutero. 20. & sic in nullo casu licebat vnire terram captam terræ suæ, ne excederent Israelitæ terminos possessionis limitatæ eis a Deo: vnde nō solum fuit hoc custoditum in Ammonitis, & Moabitis, de quibus erat præceptum speciale, ne caperetur terra eorum, sed etiam in alijs gentibus, vt patet de Syris terræ Soba, quos sibi subiecit Dauid, & fecit eos tributarios: & tamen nullam terram Syriæ vniuit Israel, vt patet 2. Reg. 8. c. *Reuertenti autem Iephthe in Maspha domum suam.* scilicet, reuertebatur Iephthe de cede Ammonitarum, & ibat in urbem Maspha, vbi erat domus eius, scilicet, quia ibi fortè tunc constituerat domum suā, quando ductus est de terra Thob, vt efficeretur princeps Israel. *Occurrit ei vnigenita filia eius.* scilicet, sciens aduentum patris, venit cum magna lætitia obuiam ei, quia vicerat in bello: & erat ista vnigenita, quia nullos alios liberos habebat, & fortè nec expectabat. *Cum tympanis, & choris.* Multæ virgines ibant cum filia Iephthe, quod patet quia dicitur: cū tympanis, & choris: & tamen ipsa non poterat ducere plura tympana, & choros: sed multæ virgines ibant cum ea, eo quòd ipsa erat filia principis Israel. Etiam quia nunc Iephthe redibat victor: ideo virgines exhibant ei obuiam canendo. Sic factum est in Dauid, & Saule: cum enim Saul iret in Ierusalem Dauid portante illuc caput Goliath, egrediebantur mulieres de singulis vrbibus, ducentes choros in tympanis lætitiæ, & lystris. 1. Reg. 18. capitu. Et sciendum, quòd ista puella Iephthe filia, & aliæ virgines cantarent aliquid pertinens ad laudem Dei dantis victoriam, & ad laudem Iephthe, qui erat victor: sic etiam Maria soror Moyli tulit tympanum, & ipsa cū filiabus Israel, canebat canticum illud facta liberatione de mari rubro, scilicet, Cantemus domino. Quod habetur Exod. 15. Sic etiam mulieres, quæ egressæ sunt obuiam Sauli, & Dauid canebant: Percussit Saul mille, & Dauid decem millia, vt patet. 1. Reg. 18. c. Tympanum est musicum instrumentum de ligno opertū corio extenso, quod percussū modulatos tinnitus reddit: & vocatur tympanum a tinniendo. Chorus potest accipi dupliciter hic. Vno modo pro chorea puelarum canentium: & sic dicitur. 1. Reg. 18. quòd ducebant choros. i. choreas: & est sensus quòd ibant multæ puellæ

Chorus dupliciter accipitur.



puellæ cum filia Iephthe, unde faciebant choreas multas. Alio modo chorus est quoddam instrumentum factum de ligno, & opertum corio: sed differt ab imagine tympani, ut quidam volunt. Fuit chorus parum ante tempus istud inuentum in Græcia, ut infra dicitur, & ibi de figura eius. Quocunque modo horum poterat accipi: quia ad lætitiā pertinet chorus. *Non enim habebat alios liberos.* Istud potest dici propter duo. Primo ad significandum, quod non venerunt obuiam Iephthe plures de filiis, vel filiabus eius quā illa, de qua dicitur: eo quod non habebat alios liberos. Secundo potest hoc dici, ad significandum magnitudinem doloris, quem habuit Iephthe: quia si multos filios, vel filias habuisset, occidendo illam, quæ sibi occurrebat, non doleret tam acriter, sicut nunc doluit. Sciendum autem, quod licet cum ista filia Iephthe irent aliæ puellæ virgines, non occidit aliquam illarum Iephthe: eo quod votum suum solum intelligebatur de domesticis suis. *Qua rixa scidit vestimenta sua.* id est, in signum doloris. Sic erat mos antiquis; unde Dauid audita morte Saulis & Ionathæ scidit vestimenta sua ipse, & viri sui. ut 2. Reg. 1. & audita morte Ammon filij sui. 2. Reg. 13. unde etiam quando dolebant de peccatis, & petebant veniam a Deo, scindebant vestimenta sua: sed hoc vetuit Iohel propheta dicens. scindite corda vestra, & non vestimenta vestra: Iohel. 2. c. *Et ait: Hec filia mi, decepti sunt me.* scilicet, quia fecisti votum meum euenire præter intentionem meam, scilicet, qui decipitur aliud in re sentit, quā ipse iudicauerit: ita Iephthe non putauit aliquid de filia, & nunc videns eam putauit se obligatum occidere ipsam, ideo credidit se ab ea deceptum. *Et ipsa decepta es.* scilicet, quia putasti gaudium esse exire mihi obuiam, & tamen ex hoc morieris. *Aperui os meum ad dominum.* scilicet, emisit votum, scilicet, de faciendo holocaustum, de primo exeunte de domo mea. *Et aliud facere non potero.* id est, non potero variare illud, quia egresso semel verbo de labijs meis, maneo obligatus ad illud: & sic innuebat, quod cum sub voto suo caderet occisio illius, quod non poterat euitare, quin eam occideret.

*An Iephthe tenebatur occidere filiam suam propter votum emissum. Quæstio XLVI.*

**Q**VAERETVR an verum esset, quod Iephthe tenebatur occidere filiam suā propter votum emissum. Respondendum quod non: quia aut Iephthe vouens hoc generaliter, scilicet, quicumque primus egressus fuerit de foribus domus meæ offeram eum holocaustum domino, cum intentione obseruandi hoc, tam in pecoribus, quā in hominibus: aut solum cum intentione occidendi animalia bruta pertinet ad sacrificium. Si primo modo votum non tenebat, quia erat impium, & quod malum est non obligat: unde nec iuramenta præstita, nec vota emissā super re simpliciter mala causant aliquam obligationem: & peccabat Iephthe emittendo tale votum, & postea si illud seruaret: sed magis impius erat seruando, quā emittendo: si autem vouit intelligens de solis brutis, etiam si de omnibus intelligeret, non tenebat votum, quia quedam peccata sunt, quæ non cadunt sub sacrificio, imò nullum genus sacrificij fiebat, nisi de tribus speciebus pecorū, scilicet de bobus, ouibus, & capris, ut declaratum est, Leui. 1. Si vero intellexit de solis animalibus immolatis tenebat votum, & tamen non obligabatur occidere filiam: dato quod ipsa primò occurreret, licet verba vniuersaliter dicta possent extendi, tam ad homines, quā ad pecora, quia sermo debet seruire rei, & res non debet subiectus esse sermoni, ut ait Hilarius in libro de Trinitate. & habet extra de regulis iuris. ca. in-

telligentia. nisi fortè verba dicantur in fauorē, vel præiudicium alicuius: quia tunc non debet attendi, quid proferens intellexit, sed quid verba secundum communem interpretationem sonant, ut patet extra de sponsalibus: cap. ex literis, & hoc nisi fortè aliā cōstet de intentione loquentis, quod alia fuerit, quā per verba significatur. & sic sine vlla difficultate debebat Iephthe cessare ad impletionem voti, cum non incurrisset ei res, in qua intelligebatur votum suum.

*Quare Iephthe filiam suam occiderit. Quæstio XLVII.*

**Q**VAERETVR cum non obligaretur Iephthe occidere filiam, quare occidit illam. Respondendum, quod putabat Iephthe obligatum se ad occidendum illam ex voto, quod patet quia dixit. aperui os meum ad dominum, & aliud facere non potero. Sed dicendum, quod istud eueniebat ex imprudentia virorum illius temporis circa interpretationem sacræ scripturæ, & votorum: nam lex ponebat sub magna districtione vota, scilicet, quod homines obligabatur valde ad soluendum illa, Deuter. 23. c. & ob hoc putabant, quod sub forma verborum, qua vouebatur erat tenendum votum, dato quod votum vergeret in deteriore exitum, et quia sub verbis Iephthe generaliter videbatur comprehendere filiam, licet intentio sua fuisset solum obligare se in pecoribus: putauerunt quod ad occidendum illam teneretur Iephthe. Et sicut interdum insipienter interpretabantur in fauorem votorum: ita interdum contra vota absoluendo aliquos insipienter agebant: sic patet infra vigesimoprimo, ubi cum iurasset totus populus non dare filias suas in uxores filiis Benjamin: postea iusserunt virginibus, ut ducerent choreas per agros, & filiis Benjamin quod laterent in illis, & de virginibus venientibus raperent sibi aliquas in uxores: & tamen nemo dubitabat, quod sic infringatur votum, sed tenuit: sed putauerunt se Deū sic deludere, ex quadam graui ignorantia, circa intellectionem legis, & rationem. Sciendum autem, quod Hebræi volunt Phinees nepotem Aaron fuisse nunc summum sacerdotem: & dicunt quod quia noluit liberare a voto ipsum Iephthe recessit ab eo spiritus prophetiæ. Dicunt etiam, quod tam Phinees, quā Iephthe peccauerunt hic: & uterque ex superbia: nam Phinees ex superbia noluit venire ad Iephthe, ad denunciandum solutionem a voto, & quod non obligaretur occidere filiam. Iephthe peccauit, quia ex superbia noluit ire ad Phinees, ut declararet ei de voto suo: ideo uterque punitus est, et puella occisa fuit. Phinees enim caruit ex tunc spiritu prophetico, ut volunt. De Iephthe dicunt, quod putrefactus est, et partes eius singillatim cadebant, & sepeliebantur in diuersis locis. Quod probatur sequenti cap. ubi litera nostra dicit: sepultus est in ciuitate sua Galaad. In Hebræo dicitur: sepultus est in ciuitatibus Galaad. Vna pars in vna: et alia pars in alia. Sed ista posuit Rabbi Salomon, & aliorum Hebræorum est fictitia. De primo patet, quia tempore huius voti non videret Phinees, quod patet quia ab introitu in terram Chanaan, usque nunc erant anni trecenti, sicut dixit Iephthe contra regem Ammonitarum: & tamē antequam incipiat computatio ipsorum annorū, erat Phinees triginta annorum, vel plurium. Nam eodem anno, quo factum est bellum contra Amorrhæos, & capta est terra: Phinees occidit scortum Madianitidem coeuntem cum principe tribus Simeon. Num. 25. et Deus promissit tunc illi sacerdotium æternum, et tamen ad faciendum oportebat, quod esset ætatis maturæ, ut ista pro Deo zelaret, & facere auderet: ergo erat nunc pluriusquam trecentorum annorum, si superueneret: nullus tamen ad talem perueniebat ætatem in hoc

Hebræorum dicta de Phinees.

Improbabile est, quod Phinees.

Mos antiquorum pro nimio dolore.

Refertur ad quæritum.

Quod malum est non obligat.



in hoc tempore: ergo non erat nunc viuis Phinees. Quod autem dicunt, quod Iephthe ex superbia noluit ire ad Phinees, sed potius occidit filiam suam, est omnino irrationabile: Nam dato, quod esset Phinees viuis, cum Iephthe diligeret valde filiam suā, quia erat vnigenita: non solum iuisset petiturus consilium ad Phinees, vt non moreretur filia sua, sed etiam ad vilissimum hominum. Etiam quod dicunt, quod Iephthe computruit, & sepultus est in multis ciuitatibus: non est verisimile, quia cadentibus aliquibus partibus corporis eius per putredinem moreretur ipse. Etiam dato, quod sic accidisset, non diceretur sepultus in multis ciuitatibus, sed in vna: quia ibi solum dicitur aliquis sepultus, vbi est caput eius, siue aliae partes sint ibi, siue non. ideo tenendum est, id quod primò dixi. Etiam dicendum, quod dato q̄ Phinees nunc vixisset, nesciuisset interpretari istud votū, in quo obligabat. sic enim fuit tempore suo factum, cum ipse esset sacerdos in Sylo. nam tunc fecerunt Israelitē iuramentum, siue votum de non dando filias suas in vxores filijs Beniamin: postea dederunt exponendo votum, vel iuramentum, vt supra dictum fuit, & credendū est, quod istud ageret totus populus de consilio eius, vel saltē eo non repugnante: ergo nesciebat Phinees interpretari vota, scilicet, in quo casu obligarent, & in quo non. Sed dicendum, q̄ imputandum fuit, quod saltem Iephthe non fecit consuli dominum per sacerdotem magnū, vt responderet super hoc voto. *Cui illa respondit.* Cognouit filia Iephthe, q̄ ipsa occidenda erat ex voto patris: & respondit quae sequuntur. In quibus patet magna virtus puellae, quae mortem non exhorruit, vt pater suus votum impleteret in ea. *Pater mi si aperuisti os tuū ad dominum.* id est, si emisisti verbum voti contra me, ita vt debeam mori. *Fac mihi quodcunque pollicitus es.* s. siue infligendo mortem, siue quamcunque aliam penam voueris inferre. *Concessa tibi vltione, atque victoria de hostibus.* Ista litera potest dupliciter intelligi. Vno modo, q̄ ex quo Iephthe vouerat immolare, si Deus traderet filios Ammon in manus eius, & iam tradiderat: dignum erat, quod immolaret eam. Secundò potest intelligi, scilicet, quod pater tristabatur valde, quia occidebat filiam, & quia filia dixerit: pater non debes tristiari de morte mea, ex quo obtinuisti victoriam, & vltionem de hostibus: quia maximum bonum, & gaudium quod habere poterat erat istud: ideo quaecunq; mala acciderent, postquam tantum bonum consecutus es, non est tantum dolendum. Et ponuntur vltio, & victoria, quia vltio est in quantum tantum malum, & fortè plus intulit Iephthe Ammonitis, quam ipsi intulerant Israelitis. Victoria erat in quantum conuertit eos in fugam, & percussit viginti ciuitates eorū subiiciendo eas. Potest autem esse victoria sine vltione, & vltio sine victoria. De primo patet, quia quando nullum bellum, vel damnum aut iniuria precessit, quia tunc obtinens vincit: sed non habet vltionem, cum non sit recompensatio: vel quando aliquis de hostibus triumphauit, & tamen non potuit eos tantum ledere, quantum ab eis percussus fuerat, vel lesus. De vltione sine victoria patet, vt si mansit bellum dubium, scilicet, q̄ neutra pars alteram fugauit, & tamen vna intulit alteri magna detrimenta, & passa est parū malum: vtrumque autem habuit Iephthe, scilicet, quia Ammonitas fugauit: & maiora mala eis inflixit, quam ipsi inflixerant Israelitis.

*An filia Iephthe peccauit consentiendo, quod pater suus occideret eam propter votum. Quæst. XLVIII.*

**Q**VAERETVR, an puella ista peccabat consentiendo se immolari a patre. Aliquis dicit quod

non, quia licet eam immolari malum esset: tamen non poterat euitare, quia pater volebat eam in omni casu occidere: ideo voluit inuita: sicut dixit Porphyrius.

*Odero si potero: si non inuitus amabo.*

Sed dicendum quod non stat, quia si puella sciebat, vel putabat malum esse, licet sciret se cogendam ad hoc, non debebat consentire: sicut si quis vult me occidere sine causa, & ego volo occidi, pecco mortaliter: si autem nolo, & cogit me, ego non pecco, quia non ago, sed solum patior: ideo non poterat puella hoc modo excusari a peccato. Sed dicendum, quod puella voluit occidi, & non peccauit: imò valde meruit sicut declaratum est Gen. 22. c. de Isaac, qui consensit patri suo, quod eum immolaret: eo q̄ Deus iusserat, quod immolaret ipsum: ita puella ista putabat, q̄ uotum patris erat valde licitum: & quod Deus valde acceptabat tale sacrificium, quod patet, quia iussit Abrahā, quod immolaret filium suū Isaac: & tamen si hoc non esset ei gratum non iussisset. Quod autē postea iusserit non occidi illum: putarent fortè, q̄ fuit, quia Deus misertus est senectuti Abrahā. Et sic ista puella vltra feminam constantiam fortis fuit non exhorrescens amarissimam mortem, & in ætate iuuenili: & non solum non timuit, sed etiam ipsa patrem ad non tristandum super hoc persuasit. Etiam postquam duobus mensibus super montes virginitatem planxisset, ipsa spontē ad patrem rediit sciens, quod ab ipso occidenda foret: quicunque autem gratus accedit ad id, quod putat obsequium Dei esse, meretur: nec debet imputari isti puellae ignorantia iuris sup hoc: nam si pater suus, & totus Israel putabat votum istud tenere, & bonum esse solui, a fortiori ipsa credere poterat hoc, quia nullus erat, qui eam in contrarium informare posset.

*An filia Iephthe obligaretur subire velle mortem, pro voto patris. Quæstio XLIX.*

**Q**VAERETVR, dato quod istud votum licitū fuisset, scilicet, q̄ immolaretur aliquis homo Deo in holocaustum, an obligaretur filia Iephthe velle subire mortem pro voto patris. Respondendum, q̄ hoc dato peccabat Iephthe emittendo tale votum, sine consensu omnium illorum, contra quos poterat militare votum: nam filia Iephthe, & quilibet de domesticis eius erat sui iuris, quia licet essent omnes subiecti Iephthe quantum ad aliquam potestatem, quam super eos exerceret: tamen non habebatius super vitam eorum. Nam nec etiam est quis dominus vitæ seruorum, vnde si voluerit occidere eos spōtē nulla existente causa, ipse occidendo peccat mortaliter: quia in quantum sunt serui, habet ius plenum sup eos, & non in quantum sunt homines: vnde dato quod Iephthe voueret specialiter, de immolando filiam, vel uouisset in confuso, scilicet, quicūque primus egressus fuerit &c. nullus erat obligatus ad subeundum mortē, sed sicut si quis uouet res ad eum non pertinentes, non poterit implere uotum, nisi consentiente domino: tenebatur tamen Iephthe in hoc casu persuadere filiæ suæ, uel cuiunque domesticorum suorum, hoc euenisset, quod subiret mortem: & hoc facto si illi nollēt, soluebatur Iephthe a uoto: & tamē peccauerat a principio uouendo rem non sui iuris: si autem non conaretur suadere cuilibet istorum, cui eueniret quod dictum est, quod subiret mortem, erat uiolator uoti. Simile est, si quis vouerit q̄ introibit in religionem in tali monasterio: nam si ibi nolunt monachi eum recipere: tenetur perse, & amicos precari, vt permittatur intrare: si autem non permittatur intrare, absolutus est a voto introeundo in aliud, secundum distinctionem, quæ habetur Numeri 30. vbi de hoc multa locuti sumus: nunc autē si filia

Magna virtus filiae Iephthe.

Potest esse victoria sine vltione, & vltio sine victoria.



si filia Iephte nolisset subire mortem, non peccabat: A & tamen si subiisset illam, mereretur, quia actus erat per se bonus, ut patet ex calu dato. Sed obijciebatur de Isaac, quia ille obligabatur ad subeundum immolationem, quam pater suus volebat facere de illo. Respondendum, quod si Abraham non dixisset Isaac, quod volebat eum occidere ex parte Dei, non tenebatur subire mortem: imò subeundo peccabat mortaliter. Si autem dixisset, quod Deus iusserat, tunc non obligabatur credere Isaac istud, quia cum esset res magni præiudicii, & insolita, & contra rationem, non teneretur credere sine certissima probatione, quam non potuisset ostendere Abraham, cum non haberet testes de hoc: ideo si voluisset fugere de manibus Abraham licebat ei: si autem credidisset certissimè, quod Deus hoc iubebat, tenebatur subire mortem, quia præceptis Dei quantumcunque durissimis obedire tenemur, quia præcepta Dei nunquam possunt esse iniusta. In Iephte autem secus erat, quia obligatio sua fuerat inducta per votum, & non præcepto Dei: ideo non tenebatur stare voto eius. Sciendum tamen est, quod cum Iephte putaret se obligatum ad istud votum, dato quod filia recusaret, ipse occisurus erat eam: alioquin non plorasset quousque illa consensisset in mortem. *Dixit ad patrem: hoc solum mihi præsta, quod deprecor.* Consensit filia Iephte sponte, quod occideretur ad complendum votum patris, & quia pater volebat eam illico occidere, petiuit ab eo tempus modicum ad lugendum. *Dimitte me, ut duobus mensibus circueam montes.* Scilicet, ut discurram montes terræ Israel, & plangam super illos. *Et plangam virginitatem meam cum sodalibus meis.* Scilicet, ut eant mecum puellæ virgines sodales meæ, quæ coætaneæ sunt meæ, vel connutritæ mihi: & omnes simul plangamus virginitatem meam super montes. *Cui illi respondit: vade.* Quia non petebat aliquid quod esset contra votum concessit: alioquin non erat concessurus. *Et dimisit eam duobus mensibus.* Id est dedit ei licentiam per duos menses ambulandi super montes, sicut ipsa petierat. Credendum est, quod miserit cum ea custodes ne permitterent abire illam, quia fortè ipsa timore mortis fugeret extra terram Israel, & hoc patet ex litera sequenti, in qua ponuntur viri euntes cum illa. *Cumque abiisset cum sociis, & sodalibus suis.* Id est cum aliquibus iuuenibus, quæ erant connutriti ei. *Et cum sodalibus.* Scilicet cum virginibus, vel vocantur socii aliqui viri de servis Iephte dati huic puellæ in custodiam, & quia sociabant eam in viâ, vocabantur socii, & non propter connutritionem: sodales autem sunt virgines coætaneæ. Petiuit autem puella solum sodales dicens: plangam virginitatem meam cum sodalibus meis. Iephte tamen dedit socios, & sodales ei. Et hoc propter duo. Primum ad custodiam puellarum, ut honestè ambulant, quia cum filia Iephte cum alijs puellis discurreret per montes, si nullus vir custodiret eas, poterant pati castitatis detrimenta. Secundum fuit, ne fugeret filia Iephte, quia licet sponte se obtulisset ad mortem, putabat Iephte, quod cum videret se liberam à potestate patris, fugeret. *Flebat virginitatem suam in montibus.* Id est circueundo omnes montes per duos menses semper flebat se in brevi morituram.

*Quare filia Iephte flebat virginitatem suam, & quid est flere virginitatem, & an peccauerit in hoc.*

*Quæstio L.*

**Q**UÆRERETVR, quare filia Iephte flebat virginitatem suam. Aliqui turpissimi exponunt, quod fleuit virginitatem suam, scilicet, quia moriebatur in virginitate non experta delectatione venera. Sed ista est derisio, & nefas: nam si hoc fieret, facile erat sibi carere hoc desiderio, quia poterat in illis duobus

mensibus vacare libidini. Item non stat, quod aliqua mulier morti propinqua doleat, quod non experta fuisset delectationem veneream, quia licet delectatio venerea instante passione appetatur, & tunc quæ succumbunt libenter vellent carere virginitate: tamē ablata passione quælibet corruptionem corporis horrent, & ipsa virginitatis integritas quoddam gaudium magnum, & spem confert morientibus, quod de hoc sæculo integritate salua recedant: quomodo ergo puella ista imminente morte plangeret sic virginitatem? nam tunc illa ei libidinis passio insurgere non posset timore, & solitudine instantis mortis. Sed dicendum, quod flebat virginitatem suam, id est, quod moriebatur in statu virginali, scilicet in parua ætate: nam indigna mors erat, quæ eam in tam tenera ætate rapiebat, & cum desideraret vivere flebat suam iuuenilem, siue puellarem ætatem in ipso flore inchoante dissolui. Aliter etiam dici potest, quod flebat virginitatem suam, id est infœcunditatem: omnes enim virgines sunt infœcundæ (nisi Domina Nostra,) & quia in veteri testamento reputabantur infœlices mulieres infœcundæ: flebat se puella ista, non quod moreretur, sed quod moriebatur infœlix sine liberis. Hoc patet, quia Lia vxor Iacob vocauit se foelicem, quia pariebat multos filios, & sic putabat se teneri ab omnibus mulieribus tanquam foelix ex hac fœcunditate, ut patet Gen. 30. Nam cum peperit sextum filiū, scilicet Aser, dixit: hoc pro beatitudine mea: beatam quippè me dicent mulieres. Sic etiam patet de Rebecca vxore Isaac: nam cum fratres eius imprecarentur ei maximum bonum, quod imprecari poterant, dixerunt: soror nostra es, crescas in millia: Gen. 24. & sic crescere in filiis erat foelicitas: è contrario autem non habere filios erat infœlicitas, & mulieres steriles desiderabant mortem. Sic patet de Rachel Gene. 30. cum dicitur: cernens Rachel, quod infœcunda esset, dixit marito suo: da mihi liberos, alioquin moriar, id est si non facis, quod habeam filios, ego volo mori. Et sic ista puella videns, quod moriebatur antequam gigneret prolem, doluit nimis, & hanc suam infœlicitatem plangebatur. Isti duo sensus sunt conuenientes: sed secundus magis stat, quia virginitas magis significat hic integritatem, quàm teneram ætatem: quod patet, quia immediate sequitur, quæ ignorabat virum: ignorare virum pertinet ad virginitatem.

Respon. r. doctor. ad quæsitum.

Antiquit. crescere in filiis erat foelicitas.

*An peccabat filia Iephte flendo virginitatem suam.*

*Quæstio LI.*

**Q**UÆRERETVR vltèrius, an peccabat ista puella flendo virginitatem suam. Respondendum, quod si acciperetur flere virginitatem primo modo, id est pro desiderio delectationis venereæ, peccabat, quia desiderare delectationem illam absolute, nisi cum cœteris circumstantijs appetatur, peccatum est. E Accipiendo secundò modo, scilicet, quod fleret se mori in tali ætate tam tenera, non erat peccatum, quia quodcumque aliquis sciat se occidendum, potest licitè plangere sibi compatiendo: à fortiori ergo in ætate illa, in qua mors indigna, & immatura est. Accipiendo secundò modo pro infœcunditate etiam licebat ei plangere, quia licebat Racheli viuenti, & ali quando filios expectanti tantum dolere, ut diceret se morituram, nisi filios susciperet: quantomagis huic puellæ, quæ breuiter de hac luce recessura nulla fœcunditatis suæ relinquebat vestigia. Sed certè rude sæculū erit, & rusticana ætas, quæ de eo plangebatur, de quo potius magna hilaritate exultandum foret. Nam nihil femine excellētius post charitatem, quæ cœteras ornat virtutes,

Laus virnitatis.



virtutes, q̄ in eadem integritate recedat, in qua huic seculo, & cōi luci orta est. Vnde virgines aureolā quam p̄sequuntur gaudij specialis. *Expletisq̄ duobus mensibus reuersa est ad patrem suum.* Solū petiuerat duos mēses ad plangendum, vt suā infelicitatis vestigia relinqueret: ideo illis finitis reuersa est. *Et fecit ei sicut vouerat.* s. occidit eam immolando sicut vouerat. *Qua ignorabat virum.* id est, & ista puella tunc ignorabat virum, quia nondum tradita fuerat matrimonialiter. Istud ponitur ad exponēdum superiora, scilicet, quod fiebat virginitatem suam, & hoc quia nondum cognoscebat virum.

*Quomodo Iephte poterat in holocaustum filiam suam immolare, seruando ceremonias holocausti.*

*Questio LII.*

**Q**VAERETVR quomodo poterat Iephte immolare filiam suam in holocaustum: nam ipse vouit immolare in holocaustum, & hic dicitur, q̄ fecit sicut vouerat. R̄ndendum, q̄ cognitio huius dependet ex voto Iephte: si enim ipse vouēdo solū intellexit de pecoribus immolatijs, q̄ primum sibi occurrens immolaret: non poterat esse propriē holocaustum de filia sua, q̄ nō est credendum, q̄ eam immolauerit in sanctuario, & cremaret in altari holocaustorum, sicut fiebat in sacrificijs alijs: quia hoc non permisissent sacerdotes, quia erat cōtra legem fieri tales victimas, sed fieret alio modo: si autem votum Iephte intelligebatur, q̄ qui primus sibi occurreret siue homo siue pecus immolaretur dño: tūc acciperet diuersimodē, quia non poterant eodē modo ista offerri. & tunc dicendum, q̄ vocaret immolationē in holocaustum iugulationē, quē fiebat ad cultum Dei cremādo postea carnes totaliter. Pro quo sciendum, q̄ qualitercunque votum Iephte intelligeret, dicendum q̄ ipse filiam suam immolauit in holocaustum. i. occidit, & postea cremauit totam ad honorem Dei. Differebat aut̄ ab alijs holocaustis, quia alia fiebant in altari sanctuarij, istud aut̄ fieret extra. Et patet istud, quia ista immolatio filiae Iephte habuit ortum ex immolatione, quam dñs iussit facere Abrahā de filio suo, quā videbatur ei accepta: & iussit sibi eum immolari in holocaustū: Gen. 22. sed in isto holocausto voluit Abraham iugulare Isaac, & cremare eum in quodam altari facto in monte: nam iam erat colligatus Isaac super ligna, & extendebat Abraham gladium ad occidendum eum, & intendebat postea subicere ignē lignis: & sic arderet totus Isaac: cū ergo filia Iephte occisa fuerit, vt patet ex litera. dicendum q̄ cremata fuerit super lignorum struem s̄m illam formam, quē fiebat in Isaac p̄allegato. c. *Exinde mos increuit.* scilicet, postquam sic occisa fuit filia Iephte singulis annis fiebant eam puellae. Et potest dupliciter intelligi exinde. Vno modo, vt significat tempus, scilicet, exinde. i. ex eodē tempore creuit mos, vt plangerent illam puellae. q. d. non orta fuit ista consuetudo aliquot annis post, sed in eodem anno. Secundo modo potest dicere causam vel originem, scilicet, exinde. i. ex fletu, quem fecit filia Iephte, antequam occideretur, plangendo duobus mensibus virginitatem suam, super montes, nara est consuetudo, q̄ quolibet anno plorent eam puellae Israel, sicut ipsa se cum alijs puellis plorauit: & iste sensus secundus est, quem intendit litera. s. q̄ si non plangisset ipsa se, non orta fuisset ista consuetudo, q̄ puellae Israel plangerent eam quolibet anno. *Et consuetudo seruata est.* scilicet ista consuetudo mansit multo tēpore: nam tempore scriptoris huius libri. s. Samuelis seruabatur. Et credendum est, q̄ etiam semper postea serua-

*Duplex li-  
terę expō.*

ta sit, quādiu māsit populus Israel in terra sua. *Et post anni circulum.* i. expleto anno. s. quolibet anno facerent. Vnde erat iste planctus anniuersarius pro filia Iephte: & incipiebat iste annus non s̄m inchoationē anni Iudaeorum, sed computando a die, quo occisa est, ita vt semper in eodē die fieret planctus pro ea. *Conueniant in vnum filiae Israel.* s. virgines: quia sicut solae virgines sodales filiae Iephtae circueiunt montes cum ipsa plangendo virginitatem eius, ita postea cōueniebant puellae virgines ad plangendum. Et debet intelligi, q̄ conueniunt filiae Israel in vnū: non de oībus locis in vnū, sed q̄ virgines cuiuslibet loci p̄gregabantur in vnum, & ibi plangebant. & sic in quolibet loco terrae Israel plangebatur filia Iephte. *Et plangent filiam Iephte Galaditis diebus quatuor.* scilicet, quolibet anno durabat solennitas planctus diebus quatuor.

*Quare virgines Israel annuatim Iephte filiam plangebant.*

*Questio LIII.*

**Q**VAERETVR, quare virgines Israel plangebant singulis annis filiam Iephte. R̄ndendum, q̄ faciebant hoc p̄p̄ tria vel quatuor. Primū erat p̄p̄ honorem Dei. s. quia ista puella oblata fuerat Deo in holocaustum, ideo p̄p̄ honorem Dei, cui ipsa oblata fuerat faciebant ei memoriam anniuersariam. sic. n. dicūt Iudaei dies festi clangoris, quod sit quolibet anno die prima mensis Septembris s̄m cōputationem eorū celebratur in memoriā arietis immolati pro Isaac: & ob hoc clangit eadem die in cornu arietino: si ergo, pro Isaac, eo q̄ voluit Deo immolari fuit celebritas: videbat a fortiori, q̄ esset pro filia Iephte, quae realiter immolata est Deo. Secunda causa est ad honorem ipsius puellae p̄p̄ virtutē suam: quia ipsa vltra fortitudinē mulierē morti se intrepidē obtulit p̄eligens vita carere, quā votum paternum incompletum manere: virtus autem semper laudanda est, vt saltem laudata virtute, qui superstitēs sunt ad magnanimitatem, & preciosissimas virtutes accendantur, spe consequendi quendam honorem: & deinde ad meliorem finem dirigantur. Causa tertia erat propter honorem Iephte: nam ipse liberauerat Israel de manu Ammonitarum: ideo tenebantur Israelitae ad valde honorandum eum: cū ergo ipse nimis lugeret pro hac filia, quam pro victoria obtinenda sacrauerat: voluit totus Israel honorare eum, magnum planctum anniuersarium pro filia sua celebrando. Et credendum est, quod in memoria huius puellae magnum sepulcrum, & venerabile factum sit. Quarta causa fuit pro salute patriae: nam ista puella pro salute Israel immolata est: nam Iephte vouit domino, quod si traderet in manus eius Ammonitas, immolaret primum egredientem de domo sua: & Deus inclinatus precibus tradidit Ammonitas in manus eius: postea filia Iephte ex hac causa mortua est: ideo pro salute patriae, videtur ipsa directē occisa. Magnam ergo memoriam, & gloriosam ei patria praestare debuit, quae pro patria seipsam gratis impendit. Sic enim duobus fratribus Arx constitutae sunt, qui pro vtilitate patriae se viuos sepeliri passi sunt: & manent vsque hodie illae Arx memorabiles in Libya apud Cyrenem. De hoc Salustius in Iugur. & Valerius Maximus libro 5. & Paulus Orosius in libris de Ormesta mundi. Si ergo illi honorem diuinum hominibus morientibus, pro vtilitate patriae tribuerunt: isti saltem honorem humanum in anniuersario planctu, & honorabiliter pulchro tribuere debebant.

*Arx fratri-  
bus consti-  
tuta pro  
patria ob-  
euntibus.*



*An puella virgines Israelitarum peccabant quolibet anno plorando pro filia Iephthe. Quæst. LIIII.*

**Q**VAERETVR vltius, an puellæ Israelitarum peccabāt quolibet anno plorando p filia Iephthe. Aliquis dicet, quod sic, quia planctus pro mortuis parvus cōceditur, sicut Homerus cōcessit ad vnam diem, vt amoris signa ostendamus, sed maiori tempore flere irrationabile iudicauit. Idem tenet Seneca in libro de Consolatione ad Martian: & in libro de Consolatione ad Polibium: & in libro ad Eusebiam matrem. Nos verò aliter arguimus, quia planctus paruus designat compassionem quandam, quā debemus mortuētibus, & nostram aduersitatem ex eorum discessu. Planctus autem longus, vel semper tentus signat desperationem de resurrectione, scilicet quando omnino pro moriente dolemus, quia credimus illum omnino deficere: & nos in æternum illius consortio esse priuatos. Sed existimatio falsa est, quia post paruam ætatem transactam boni maiori, & cariori, quā hic fuit consortio, vnientur in vita æterna indissolubiliter: sed diffidere de resurrectione peccatum est: ergo planctus longus illicitus. Respondendum, quod non fuit peccatum fieri planctum anniuersarium pro filia Iephthe, quia iste planctus iā non fiebat ex dolore semper continuato, sed solum ad memoriam mortis eius honorandam, quæ pro salute patriæ mortua est. Si autem licuit pro Isaac sponte se offerente ad immolandum, & non realiter immolato coelebritatem festi clangoris quolibet anno fieri: liceret aliquid fieri memorabile pro filia Iephthe, quæ sponte mortem amplectens est pro religione paterni voti, & patriæ suæ salute. Cum arguitur, quod iste planctus erat valde longus, & signabat resurrectionem non esse. Respondendum, quod iste planctus si fuisset ex dolore, vel ad significandum dolorem esse de morte illius, non licebat tanto tempore extendi, quia tamen fiebat solum ad honorandum, vt manifeste omnibus apparebat, nihil derogabatur ex hoc fidei resurrectionis. Sed obijcietur de Christo, quia anniuersarium dolorem pro morte eius die crucis agimus. Respondemus, quod iste dolor non tantum agitur, vt quasi mortem Christi fuisse nobis contra voluntatem ostendamus: nam potius gauisi sumus ex morte eius, cum per eam redempti fuimus, sed dolemus compatiētes, vt mereamur dolendo. Talis autem dolor non solum anniuersarius esse deberet, sed etiam si quis posset semper deberet eum recolere, dicente Apostolo: si fueritis socij passionum, eritis & consolationum: ipse quoque istam memoriam semper agebat: vnde de se dixit: nemo mihi molestus sit: ego enim stigmata Domini Iesu in corpore meo porto, scilicet per quotidianam compassionem. Et ne adhuc dolor ille de Christo moriente aliquid spei resurrectionis præiudicare videatur, mox post dolorem passionis coelebramus festiuitatem magnam resurrectionis. In qua & resurgenti congaudemus: & pro nobis spem resurgendi firmamus, dicente Apostolo prima Corin. 15. si Christus surrexit, & nos resurgemus.

*An planctus iste anniuersarius pro filia Iephthe aliquid ei ad peccatorum remissionem proficeret. Quæst. LV.*

**Q**VAERETVR vltius, an planctus iste anniuersarius pro filia Iephthe aliquid ei ad peccatorum remissionem proficeret. Aliquis respondebit, quod sic, quia ea, quæ sunt pro mortuis proficiunt eis. Respondendum, quod non proficiebat, quia si opera bona sunt pro morientibus, quæ per se sunt satisfactoria, alleuantur defuncti à pœnis purgatorijs. Nam si ipsi

**A** pro se illa egissent fuissent omnino absoluti à pœnis, vel alleuiati. Et quia propter vnitatem in corpore Christi, & charitatem opera, quæ sunt ab vno pro alio, viuorū de defunctis proficiunt ei, ita alleuiabuntur per opera, quæ alij pro ipsis faciunt, sicut si ipsi viuentes illa egissent, intelligendo non generaliter, sed proportionaliter: quia magis prodest cum quis pro se agit, quā quod alius nomine eius, & quia orationes, ieiunia, elemosynæ, & oblationes sacrificiorum, atque similia sunt opera satisfactoria, per quæ mortui potuissent viuendo satisfacere: ita & nos pro illis operando satisfaciemus: sic enim patet 2. Macha. cap. 12. vbi misit Iudas duodecim millia dragmarum auri offerri in Ierusalem, pro peccatis mortuorum, & subditur ibi: sanctè, & religiosè de resurrectione cogitans: nisi enim eos, qui ceciderant resurrecturos speraret, superfluum, & vanum esset orare pro mortuis: & quia considerabat, quod hi, qui cum pietate dormitionem acceperant, optimam haberent repositam gratiam. Sancta ergo & salubris cogitatio est pro defunctis exorare, vt à peccatis soluantur. Cum autem pro mortuis fiunt aliqua, quæ non sunt secundum se opera satisfactoria, nec directè fiunt, vt proficiant animabus eorum, non proficiunt illis: sed solum sunt solatia viuorum: & ita in Israel iste planctus anniuersarius, qui pro filia Iephthe inceptus est, & fuit ad consolationem patris, & honorem eius: ideo sex annis, quibus ipse post hoc vixit factus est: deinde in consuetudinem ductus semper obseruatus est: sed nihil proficiebat isti puellæ, quia nec ad hoc fiebat. Quæ enim ad honorem solum fiunt, solum honorem procurant.

*An Iephthe occidit filiam suam, vel solum fecit eam manere in virginitate perpetua occidendo morte civili, sicut quidam volunt. Quæst. LVI.*

**Q**VAERETVR vltius circa istam filiam Iephthe, an occisa fuerit à patre, quia licet litera illud manifestè dicere videatur, quibusdam dubium est. Considerandum autem, quod quidam Hebræi tenent, quod non fuerit occisa, sed quod Phinees absoluerit Iephthe ab isto voto, qui erat tunc summus sacerdos. Alij volunt, quod sapientes absoluerint eum dicentes votum non tenere: vnde quædam glossa Hebraica super locum istum, scilicet dimitte me, vt circueam montes: dicit, dimitte me, vt circueam sapientes: & inquirant illi si est aliquis modus solutionis ab hoc voto. Nicolaus dicit etiam, quod gratia collationis ipse tenet, quod filia Iephthe non fuerit occisa, sed dicitur occisa largè, scilicet per mortem civilem: quia fuit dedicata cuidam speciali ministerio, vel vitæ, scilicet, vt seruaret virginitatem perpetuam, & maneret in orationibus, & ieiunijs, & alijs operibus abstinentiæ vsque ad mortem suam. Istum modum mortis probat, quia Leuit. 27. dicitur: Omnis consecratio, quæ fit ab homine non redimetur, sed morte morietur: & dicitur, quod intelligitur de omnibus rebus, quæ applicantur ad Deum, & tamen aliquæ res inanimatæ applicabantur ad Deum, vt agri, & aliæ res: tamen non poterant dici mortui propriè, sed largè in quantum erāt translati ab vsu hominum ad vsu Dei, & sic ista puella priuata potestate contrahendi, & manens in virginitate perpetua propter Dei obsequium dicebatur mortua. Item probat hoc, quia Iephthe voluit facto super se spiritu Domini, sed ille non incitat ad malum: ideo licet secundum verba videretur votum stultum si compleret illud bono modo, quo compleri poterat, compleuit, scilicet per consecrationem virginitatis. Item Iephthe dedit filiæ suæ spatium duorum mensium ad plangendum virginitatem suam.

Hebræorū  
responsio  
ad q̄stūm.

Nicolai re  
sponsio ad  
quæsitum,  
& r. ratio.

2. Ratio.

super



3. Ratio.

Doc. resp.  
ad quum.Improbatio opin.  
Nicolai.  
1. Ratio.Resp. Nic.  
ad obiect.  
contra se.

super montes: ergo in tanto tempore verisimile est, quod haberet consilium super hoc cum sapientibus, & ipsi cum absoluerent à tali voto. Item Apostolus collocat hunc in catalogo sanctorum ad Hebræos 11. si tamen occidisset filiam, cum istud esset scelestissimum, non poneretur inter viros sanctos. Sed dicitur, quod Iephthe occidit filiam suam, & hoc tenent omnes ferè tam Hebræi, quàm Latini, qui aliquid intelligunt: sic enim dicit Iosephus 5. Antiquitatum, scilicet, Iephthe filiam immolauit, nec legitimum faciens holocaustum, nec Deo dignum, non vtiue deliberans apud animum suum qualis apud ceteros causa huius facti videretur. Eo modo Rabbi Salomon, & Rabbi David Kimhi tenent occisam fuisse puellam, & peccasse ex superbia Iephthe, & Phinees. Omnes autem Latini nostri, qui maioris auctoritatis sunt, hoc tenent. Sic Ieronymus ait, quod Iephthe vouendo fuit stultus, & reddendo impius: si autem non occidisset illam, sed consecrasset domino, non fuisset impius, sed religiosus, offerens Deo speciale votum, quale nusquam fuerat in veteri testamento. Idem etiam tenet historia scholastica. Idem Sanctus Thomas secunda secundæ, quæst. octuagesimo octaua articulo secundo in solutione secundi argumenti, dicens: Votum Iephthe esse de his, quæ interdum habent bonum euentum, & interdum malum, & quod in casu, in quo habent malum euentum non sunt tenenda: de Iephthe tamen tenuit votum suum, licet euenerit in malum: ideo dicit cum Ieronymos, quod fuit in soluendo impius. Item patet hoc ex litera: nam cum vouit Iephthe domino non intellexit de applicatione per consecrationem virginitatis, sed de vero holocausto, & postea dixit: aperui os meum ad Dominum, & aliud facere non potero: ergo omnino diffiniebatur votum complendum per occisionem illius. Item puella videns diffinitionem patris, dixit: Hoc solum peto: dimitte me, vt circueam: & plangam duobus mensibus virginitatem meam: quasi dicat: non peto indulgentiam super voto: sed solum, vt possim flere: ergo pater voluit eam occidere, & occidi ipsa consensit. Item dicitur, quod expletis duobus mensibus rediit ad patrem, & fecit ei, sicut vouerat: sed manifestum est, quod votum intelligebatur de voto holocausti, ideo verè eam occidit. Item si filia Iephthe non occisa fuisset: non planxissent eam cum tanto desiderio filia Israel continuantes quolibet anno festum planctus, sed fecerunt hoc, ergo ipsa verè mortua fuit: nam planctus nunquam fit pro viuientibus quandiu adhuc viuere possint, sed pro his rebus, de quibus nulum habetur remedium: ergo pro filia Iephthe, si viueret, non plangeretur. Item non stat positio Nicolai, quia si pater vellet solum eam vouere Deo consecrando ad seruandam virginitatem, ipsa non peteret duos menses ad plangendum virginitatem suam, quia toto tempore, quo viueret poterat eam plangere, sed petiit duos menses, & isti solum concessi fuerunt ei, & post illos rediit ad patrem: ergo intendebat eam occidere, & ipsa sciens se morituram petiit solum duos menses, alioquin nullum tempus petiisset. Sed Nicolaus dicit, quod Iephthe à principio vouerat facere verum holocaustum, & ita intendit facere de filia sua, sed in spatio duorum mensium quibus puella planxit, ipse consuluit sapientes, & veniente puella erat mutatum propositum patris, & non occidit illam. Et quando obijcitur: quare ergo planxerunt puellæ ex eo tempore quolibet anno? Dicit Nicolaus, quod hoc fecerunt, eo quod illa puella propter reuerentiam voti paterni voluit subire perpetuam virginitatem, quæ erat contra consuetudinem illius temporis. Sed non possunt stare istæ limitationes Nicolai.

De prima patet, quia dicitur, quod reuertente puella post duos menses, pater fecit ei, sicut vouerat. Sed ipse vouerat de vera immolatione, vt etiam Nicolaus confitetur, ergo eam verè occidit. Ad hoc autem, quod positio Nicolai sit aliquantulum verisimilis, oportebat, quod postquam Iephthe dedit filia suæ spatium duorum mensium plangendi virginitatem, quod nihil diceretur quid factum fuisset: & tunc posset intelligi, quod non occidisset eam pater: dicitur tamen, quod illa reuertente fecit ei, sicut vouerat: ergo oportet de occisione intelligi. Nec potest intelligi de consecratione ad seruandam virginitatem, quia non vouerat hoc Iephthe, sed verum sacrificium: illud ergo egit. Item non stat, quia dicitur, fecit ei pater, quod vouerat, dato quod velimus intelligere de custodia virginitatis, cum obligatione ad seruandum illam: non faceret aliquid nouum reuertente puella, quia solum faceret, quod abstinere à viro, sed ipsa semper hoc fecerat: & saltem ex tempore, quo pater suum votum interpretatus esset, istud esset, scilicet, quod ipsam obligaret ad obseruandum virginitatem. Sed dicitur, quod fecit ei aliquid, & istud significat aliquam mutationem corporis, ergo non fuit istud obseruatio virginitatis, sed aliquid aliud: & hoc non esset, nisi occisio, quia non erat alius modus medius secundum intentionem Iephthe ad implendum votum. Item ista positio est contra totam assertionem Catholicam: nam Ecclesia dicit de Domina nostra. Sola sine exemplo placuisti Domino Iesu Christo: si tamen fuisset aliqua alia in veteri testamento consecrata ad custodiendum virginitatem, iam Domina nostra haberet exemplum, quod imitaretur: ergo filia Iephthe non fuit consecrata ad custodiendam virginitatem. Ad rationes in contrarium responsio patet. Ad primam cum dicitur, quod Spiritus sanctus mouit eum, & tamen ille nunquam mouet ad malum. Respondendum, quod non accipitur ibi spiritus pro ipso Spiritu sancto, nec pro aliqua gratia gratificante, sed solum pro robore, & animositate collata, vt auderet pugnare contra Ammonitas, contra quos prius non audebat pugnare, vel saltem non tantum confidebat: & iste spiritus non efficit bonum hominem, quia non est gratificans, sed solum gratia gratis data, & potest stare cum peccato quocunque mortali, nec dirigit hominem ad bonum, sicut patet de spiritu prophético, qui stat in pessimis viris, sicut in Balaam, & Caypha: Num. 22. & Ioan. 11. cap. Et sic poterat Iephthe vouere stulta vota, & soluere stante isto spiritu. Ad secundam rationem quando dicebat, quod in duobus mensibus concessis puellæ ad lugendum mutaret consilium, quia à peritis super hoc peteret. Dicendum, quod ista ratio non stat propter duo, quia Nicolaus vult, quod à principio deliberauerit Iephthe filiam suam occidere, & tunc concesserit ei duos menses, & quod postea mutauerit consilium. Sed istud est valde irrationabile: nam si Iephthe dubitaret an vllatenus teneretur occidere filiam, vel posset alio modo compleri votum antequam faceret mutationem aliquam, consulere sapientes super hoc, & tamen dimisit filiam suam circuire duobus mensibus montes plangendo virginitatem: & ista erat magna mutatio: ergo non mutaret consilium postquam puella circuiret montes, sed prius cognosceret certissimè quid agere deberet. Cum autem permisit ei duobus mensibus plangere, credendum est, quod omnino decreuisset immobiliter illam occidere. Secundum patet, quia dato quod consulere summus sacerdos, qui erat vir sanctus, cui Deus pactum æternum confirmauerat de summo sacerdotio, vt patet Num. 25. nesciuit

In probatio resp. quantum ad primam dicitur.

2. Ratio.

4. Ratio.

Responsio ad rationes in contrarium ad primam.

Ad secundam.



nesciuit interpretari quomodo tenebat votum facti, infra vigesimo, & vigesimo primo: nam tempore ei<sup>9</sup> ei missum fuit, & interpretatum, & tamen interpretatio fuit valde rudis, vt supra dictum fuit. Ad tertiam rationem de catalogo Sanctorum responderi potest satis planè, quia ad hoc quòd aliquis sit vir sanctus nō requiritur, quòd nunquam peccauerit: sed quòd in bono statu moriatur. & quia Iephthe fuit huiusmodi, dato quòd peccauerit prius, poterat poni in catalogo Sanctorum. Aliter potest dici, & magis in radice, quòd Apostolus solum laudat ibi viros bonos ex merito fidei incipiens ab exordio sæculi vsque ad tempus suum: nam in toto illo 1. capit. non tangitur aliud nisi laus fidei, & quia Iephthe confidens Deo exposuit se ad mortem contra gentem robustam Ammonitarum, quæ tunc premebat Israelitas, laudatur ex merito fidei: satis autem stat quòd Iephthe, & quilibet de alijs viris, qui in catalogo illo ponuntur, habuerint iniquitates multas. Alia confirmatio Nicolai erat à principio, scilicet quòd moreretur Iephthe filia mortuæ, scilicet applicando eam totaliter Deo. Dicendum, quòd non stat hoc, quòd allegat, quia non videtur ista, quæ applicantur Deo mortua, & id quòd habetur Leuit. capitu. 27. non intelligitur nisi de morte naturali, scilicet omnis consecratio, quæ offertur, non redimetur, sed morte morietur. Nam non potest intelligi propriè, licet quidam cauillentur, nisi de animalibus mundis, & licitis ad immolandum: quia si offerrentur animalia immunda, vel non licita ad immolandum, redimebantur dato precio pro illis iuxta arbitrium sacerdotis, & tamen si esset animal licitum ad immolandum, non poterat redimi, vel commutari: etiam si offerens, vel vouens vellet dare aliud animal immolaticium melius pro illo, sed si conaretur aliud dare pro ipso vtrumque erat consecratum domino, & sic talia animalia non poterant redimi postquam erant consecrata domino, sed morte moriebantur, scilicet occidebantur in sacrificium. De alijs autem rebus non potest hoc intelligi: nam si homo voueretur Deo redimi poterat, & ponuntur Leuit. 27. capitu. precia pro qualibet ætate, & sexu, scilicet quòd secundum varias ætates ipsorum, qui se vouebant Deo, diuersum premium darent pro redemptione sua. Idem de agris, quia vouenti agrum licebat illum redimere certo tempore, & constituit lex premium redemptionis eodem capitu. Etiam de animalibus immundis idem fit: nam sacerdos iudicabat premium illorum: nulla ergo res erat, quæ voueretur, & non posset redimi, nisi animal immolaticium, & de isto propriè dicitur, quòd deberet mori, & nunquam redimebatur, & sic nihil probat de morte filie Iephthe ciuili per hoc.

*An peccauit Iephthe filiam suam occidendo.*

*Quest. LVII.*

**Q**UÆRERETUR vterius, an peccauit Iephthe occidendo filiam suam. Aliquis dicet, quòd non, quia fecit hoc Spiritu Sancto irruente in eum, & Deus ad bonum incitat. Item sicut Deus iussit Abraham, quòd immolaret Isaac filium suum, ita moueret Iephthe ad immolandum filiam suam. Item Iephthe ponitur in catalogo Sanctorum: ergo faciendo istud non peccauit. Respondendum, quòd peccauit valde Iephthe occidendo filiam suam, quia votum irrationabile emisit, sed huiusmodi vota non sunt complementa: sicut dicit Beatus Isidorus: In malis promissis reiciende fides. In turpi voto muta decretum. Item Alph. Tost. super lib. Iudicum.

**A** si iniquitas est in vouendo aliquid, maior iniquitas erit in soluendo: sicut si aliquid turpe, & illicitum est quanto deturpius, & culpabilius erit, quando efficitur. Item vota, quæ non placent Deo, non sunt complementa: sed votum Iephthe non placebat, quia erat stultum: ergo reddendo peccabat. sic patet Prouerb. 15. scilicet, victimæ impiorum abominabiles coram domino: vota autem iustorum placabilia. Item Iephthe vouit id, quòd non erat in potestate sua, scilicet filiam suam, quæ erat alieni iuris quantum ad vitam, & impendit vitam illius in holocaustum, ergo peccauit. Item occidere innocentem est in omni casu peccatum: sed filia Iephthe erat innocens, quia nihil peccauerat in patrem aut in legem, vt mori deberet: ergo iniustum fuit, quòd occideretur. & quòd durius est peccabat, quia filiam suam occidebat vetante lege occisionem innocentis. Ad rationem primam in contrarium dicendum, quòd non egit instinctu Dei, sed ex quadam deuotione stulta, & indeliberata, & postea quando votum impleuit, non motus fuit à Deo, sed ipse impius illud egit, & nimis ignoranter. Nec valet quando obijcit, quòd spiritus domini mouit eum ad faciendum istud votum, eo quòd dicitur: Factus est super eum spiritus domini, & votum vouit dicens: si tradideris, &c. Nam ille spiritus, qui venit super Iephthe fuit spiritus roboris, vt dictum fuit, & ille solum potest mouere ad actum belli tolerando, vel aggreduendo durissimam, & non mouebit ad alium actum bonum vel nralum: sicut temperantia non potest mouere nisi ad actus suos, & sic liberalitas ad suos, eo quòd virtutes distinguuntur in habitibus, & obiectis, & actibus, & non potest vna exercere actum alterius: sicut nec potest auris videre: aut oculus audire: motus fuit ergo Iephthe ex quadam leuitate. Sciendum tamen, quòd historia scholastica dicit peccasse Iephthe, quia fuit vouendo stultus, & soluendo impius, sicut tenet Beatus Hieronymus. & Sanctus Thomas, & tamen dicit, quòd potuit esse bonus antequam votum emitteret: quia tunc super eum irruit spiritus domini, & potuit etiam post votum esse bonus, & tunc ponitur in catalogo Sanctorum ab Apostolo. Sed ista solutio præsupponit aliquid esse necessarium, quòd non est, scilicet quòd fuerit bonus ante votum, eo quòd irruit super eum spiritus domini: nam istud esset si ille spiritus esset gratia gratificans: tamen fuit gratia gratis data, scilicet animositas data à Deo, vt supra declaratum est. Etiam cum vult, quòd postea bonus fuerit ad hoc, quòd poneretur in catalogo Sanctorum, non stat, quia ponitur ibi pro actu, quem egit ante complementum voti. Nam ibi ponuntur multi viri, qui laudantur de fide, scilicet quòd confidentes in domino non dubitauerunt tradere se morti exponendo se contra hostes durissimos: & hoc non faciebant confidentes in virtute exercitus, aut apparatus bellico, sed in Deo: sic patet cum dicitur ad Hebræo. vndecimo, de Iephthe inquit Apostolus: Deficiet enim me tempus enarrantem de Gedeon, & Barac, & Samson, Iephthe, David, Samuel, & alijs Prophetis, qui per fidem vicerunt regna, operati sunt iustitiam, adepti sunt repromissiones, obtinuerunt ora leonum, extinxerunt imperum ignis, effugauerunt aciem gladij, conuulnerunt de infirmitate, fortes facti sunt in bello, castra verterunt exterorum. Et sic fides Iephthe, & horum fuit expugnando hostes, sed Iephthe antequam occideret filiam pugnavit ex fide, & vicit Ammonitas: ergo fuit positus in catalogo propter ea, quæ prius egit: & non oportuit, quòd post completum votum bonus fuerit, ad hoc, quòd poneretur in catalogo Sanctorum.

*Q. Dicit*

*Ad rationem primam iudicium.*

*Opinio historice scholasticæ confutatur.*



Alia opi.  
ab historia  
scholasti-  
ca posita,

Dicit etiam, quod quidam volentes excusare eum, dicunt quod fecerit familiari consilio Spiritus Sancti. Sed dicendum quod non stat, quia Deo nunquam est grata immolatio innocentis. Etiam isti mouentur, ad hoc dicendum, quia dicitur quod factus est super eum spiritus domini: & votum vouit dicens, &c. putantes, quod Spiritus domini, qui hic nominatur fuerit Spiritus Sanctus. Sed supra improbatum est. Sed Beatus Hieronymus, & Sanctus Thomas dicunt, quod Iephte fuit vouendo stultus, soluendo impius. Sed permittitur, quod factus est super eum Spiritus domini, quia fides, & deuotio, ex qua motus est ad vouendum a Deo fuit siue a Spiritu Sancto, propter quod ponitur in catalogo Sanctorum, & propter victoriam quam habuit. Et quia probabile est ipsum poenituisse de facto iniquo, quod tamen aliquod bonum praefigurabat, tantis patribus repugnare non debet. Sed cogor, quia isti volunt, quod fides, & deuotio ad vouendum fuit a Spiritu Sancto. Hoc quidem concedi potest in vniuersali, scilicet quod Spiritus Sanctus mouit Iephte ad deuotionem vouendi aliquid, & tamen non mouit determinate ad vouendum istud, quia tunc non peccasset Iephte vouendo illud. Sed cum dicunt, quod propter istam deuotionem vouendi dicitur in littera, quod factus est super eum Spiritus domini, non stat: quia non potest accipi ibi Spiritus, nisi pro Spiritu animositatis a Deo collato, qui solum mouet ad opera belli, vt supra declaratum est. Dicunt etiam quod quia fides, & deuotio, qua motus est ad vouendum fuit a Spiritu Sancto, & propterea ponitur in catalogo ab Apostolo. Sed non stat, quia, vt apparet ibidem ex littera, solum laudantur ibi viri illi, qui confidentes de adiutorio Dei, exposuerunt se magnis periculis: ideo, etiam si Deus non mouisset eum ad id vouendum, poneretur, sicut ibi ponitur Samson, & Barac, qui nihil voverunt, sed solum exposuerunt se morti contra hostes ex fide. Quod autem dicunt, quod postea poenituerit, istud est satis credibile, & tamen dato quod non poenitisset, poneretur in catalogo: quia ibi non laudantur illi viri, vt boni simpliciter, sed solum quantum ad meritum fidei. Ad secundam rationem, scilicet quod Deus iussit Abrahe, quod immolaret Isaac, & licuit ei sic, moueret Iephte. Dicendum, quod Abraham licuit velle occidere filium suum, & occideret illum realiter, nisi Deus vetuisset: eo quod ipse iusserat, & omne preceptum Dei bonum est. Iephte autem occidit filiam suam ex voto, & non ex precepto Dei, sed votum suum non poterat facere licitam esse mortem huius puellae sicut mandatum Dei. Cum autem dicitur, quod Deus incitaret eum sicut incitauit Abraham, Dicendum quod non stat, quia Deus solum mouit Abraham ad occidendum Isaac, vt appareret omnibus hominibus obedientia eius, & non animo hoc expleri volenti. Quod patet, quia cum vellet illud explere Abraham, Deus prohibuit. Etiam quia dicitur, quod tentauit Deus Abraham: sed tentatio non est ad hoc, quod aliquid fiat, sed ad cognoscendum voluntatem alienius: ideo si ipse mouisset Iephte non compleuisset opus, & tamen compleuit: ideo non fuit motus a Deo, sed stulto quodam motu: & Deus permisit eum sic moueri in poenam aliquorum peccatorum suorum, vt nimis doleat de morte filiae, quae vnigenita erat. Ad tertiam rationem, cum dicitur de catalogo, dicendum quod etiam si aliquando peccaret, sanctus esse poterat, & poni in catalogo, sicut est de multis alijs, & sic soluit historia scholastica. Aliter & melius dicendum est, quod ad hoc quod esset Iephte in catalogo, non erat necessarium opus suum bonum ante hoc, nec post votum: sed solum posuit ibi Apostolus pro laude fidei, vt de-

Ad secundam  
rationem,

Ad tertiam  
rationem,

Aliter ad  
tertiam ra-  
tionem,

Claratum est: quamquam ergo post bellum istud peccaret, poneretur in catalogo, quia ibi fuit fides de qua in catalogo laudatur.

Quid sit praescriptio, & de diffinitione, & natura praescriptionis, tam secundum theologos, quam iuristas.  
Quaest. LVIII.

**N**VNC autem, quia in c. isto Iephte arguens contra regem Ammonitarum fundauit se valde super praescriptione, quia terra iam praescripta erat propter diuturnitatem temporis: circa praescriptionem erunt aliqua dubia, & primum circa quidditatem, vel diffinitionem praescriptionis. Quaretur ergo, quid sit praescriptio. Quidam diffiniunt eam dicentes: Praescriptio est exceptio ex tempore substantiam capiens, & ponitur ista descriptio per Ioan. Glofatore in decretorum 16. q. 3. in summa, in qua ponuntur duo, scilicet effectus praescriptionis, & causa. Et sciendum, quod ista est descriptio, & non diffinitio: nam datur per quaedam extrinseca, & non significantia quidditatem. Primum significat effectum, scilicet praescriptio est exceptio: nam omnis praescriptio parit exceptionem. Pro quo sciendum, quod duplex effectus consequitur sequi ad praescriptionem, scilicet exceptio, & acquisitio dominij. Primus effectus est necessario annexus: nam non est aliqua praescriptio, ad quam non sequatur exceptio, & tamen aliqua est ad quam sequitur acquisitio dominij. Primum patet dupliciter: primo ratione; nam si non competeret exceptio omni praescriptioni, sequeretur quod aliqua praescriptio esset, quae nullius foret efficaciae; quia non competeret actio, vt aliquid aliud cui non competit exceptio, cum ipsa sit in minus. Secundo patet inductiuè, quia inducendo in singulis speciebus praescriptionis est verum, quod pariunt exceptionem: sic patet de decem diebus datis ad appellandum: nam illis transactis, praescribitur contra non appellantem, vt amplius non possit appellare 2. quaestione 6. capitu. biduum, sic etiam lapsu trimestris temporis praescribitur contra non eligentem, de electione capitu. ne pro defectu, & in his si non appellans infra decem dies, vel non eligens infra trimestre conaretur postea appellare, vel eligere, esset exceptio contra eos ex praescriptione: quod non poterat postea, aut appellare, aut eligere. De secundo patet, scilicet quod acquisitio dominij, non sit effectus necessario annexus praescriptioni: nam quaedam praescriptiones sunt in quibus causatur actio, & exceptio, scilicet in praescriptionibus bonae fidei, in quibus acquiritur dominium directum, vel vtile solum secundum quosdam. In alijs autem sola exceptio causatur, scilicet in praescriptionibus longi temporis, & malae fidei: nam praescribens non acquirit ibi dominium. Secunda pars diffinitionis erat ex tempore substantiam capiens, id est totum esse. sic Philosophus 4. Phy. dicit quod nunc est substantia temporis, id est totum esse: quia in tempore nihil est realiter nisi nunc. Ista particula patet, quia illud quod non habet vim aliquam, nisi elapso termino temporis, & post elapsum sortitur efficaciam, habet substantiam suam ex tempore: sed huiusmodi est praescriptio, ergo ipsa capit substantiam ex tempore. Patet hoc, quia in praescriptione, vel succapione accipitur tempus strictissime: intantum quod si transierit totum tempus praescribendi, quod sit viginti annorum, & restat adhuc dimidia dies, nullum ius aut pars iuris innotatum est ipsi praescribenti: et lapso illo die, ad com-

Diffinitio  
praescriptio-  
nis.



complementum est ius plenum præscribentis ad ex-  
 cipiendum, & agendum si sit præscriptio bonæ fidei.  
 Contra hanc descriptionem obijcit frater Gerardus  
 de Senis Augustinianus, & Ioan. Andræ. in Mercu-  
 riali in regula possessor. triplici ratione. Prima  
 quia dicitur: ex tempore substantiam capiens. tem-  
 pus autem est naturalis causa: præscriptio autem  
 non capit efficaciam suam ex natura, sed potius ex le-  
 ge. Secunda quia omittit causam principalem, ex qua  
 præscriptio sumit efficaciam, scilicet ex legum aucto-  
 ritate. Tertia quia omittit causam finalem præscri-  
 ptionis, scilicet ad quid introducta est descriptio: tamē  
 definitio maximē debet accipere causam finalem, eo  
 quod per eam innotescit valde quælibet res. Ideo dat  
 aliam descriptionem præscriptionis, quæ tangit tam  
 efficientem principalem, quā finalem, scilicet. Præ-  
 scriptio est ius quoddam ex tempore congruens, au-  
 ctoritate vim capiens, poenam negligentibus infe-  
 rens, & finem litibus imponens. In ista descriptione  
 suppleantur omnia, quæ omissa fuerant in alia, scilicet  
 limitatio congruens temporis, sine qua ignorantia  
 non esset inexcusabilis. Secundò tangitur legum au-  
 ctoritas, quia præscriptio inducitur, per quam contra  
 sic negligentem causatur exceptio in re præscripta,  
 ne possit eam petere. Tertiò tangitur finis, scilicet  
 quia inuenta est præscriptio ad imponendum poenam  
 negligentibus, ut rerum dominia perdant, & ut litibus  
 finis imponatur: ne, nō existente præscriptione, essent  
 immortales, cum semper posset peti res: etiam si ma-  
 gno tempore, & bona fide possessa esset. Dicendum  
 autem, quod utraque harum descriptionum est con-  
 ueniens, & prima magis accedit ad naturam definitio-  
 nis: secunda autem est descriptio notificans quasi to-  
 tam esse descriptionem. Sed cum arguitur primo con-  
 trā descriptionem Ioan. Glorioris non stat, quia ipse  
 non accipit ibi tempore pro causa, vel mentura rerum  
 naturalium, sed pro limitatione temporis introducta  
 à iure, scilicet præscriptio est ex tempore substantiam  
 capiens, id est habens efficaciam ex lapsu temporis à  
 iure statuti. Ad secundum dicendum, quod dicendo  
 ex tempore substantiam capiens, intellexit auctori-  
 tem legum, cum ibi non accipiat tempus absolute,  
 sed solum pro limitatione temporis, quæ limitatio est  
 à lege. Ad tertium dicendum, quod licet positio fi-  
 nis notificaret aliquid de substantia præscriptionis, ta-  
 men non est necesse poni finem: quia notificatio po-  
 tissima, quæ fit à fine tenet in artificialibus: nam in ar-  
 tificiatis per finem notificatur materia, & forma: in  
 naturalibus autem, & moralibus non tantum est ne-  
 cessitas finis ad notificandum. Si quis autem vellet  
 dare quiddam definitionem, diceret: Præscriptio  
 est ius ex labente tempore constans, quo quis ex negli-  
 gentia alterius ius habet in re, in qua prius nullum ha-  
 bebat. Considerandum autem, quod consuetudo, &  
 præscriptio habent quādam similitudinem: nam utra-  
 que tempore constat, sed differunt, quia consuetudo  
 non debet causari à quolibet, qui debet se ex ea iuua-  
 re. Præscriptio autem causari debet à quolibet, qui  
 ex illa se iuuabit: etiam consuetudo non respicit tem-  
 pus valde limitatum, quia aliquando in maiori, ali-  
 quando in minori capitur. Præscriptio autem respi-  
 cit tempus limitatissimum, ita ut, si saltem dimidius  
 dies desit, nullum ius præscribentis adhuc sit. Consi-  
 derandum etiam, quod in præscribendo semper sunt  
 duo, scilicet ipsa præscriptio, & ius causatum ex præ-  
 scriptione. Præscriptio autem non consistit post la-  
 psu temporis: sed semper dum tempus labitur effe-  
 ctus autem præscriptionis est in instanti lapsu tempo-  
 ris: nam dum incipit tempus præscriptionis usque quo  
 consumetur semper dicitur aliquis præscribere, &  
 Alph. Tost. super lib. Iudicum.

A semper præscribit, & ipsa præscriptio est, & tamen  
 nondum est ius causatum ex præscriptione, scilicet  
 acceptio, vel dominij acquisitio. Et quando fuerit  
 causata exceptio, iam non manet præscriptio: nec di-  
 citur aliquis præscribere, sed præscripsisse, & tamen li-  
 cēt præscriptio sit via ad acquirendū ius, non est tamē  
 propriē ius: sicut alteratio est via ad generationem,  
 sed non est generatio: & sic se habent præscriptio, &  
 exceptio inde causata, sicut motus & mutatum esse,  
 & sicut magnitudo, & punctus terminans, & alteratio  
 & generatio. Aliqui autem putant, quod præscriptio  
 non sit, nisi completo tempore, eo quod si interrup-  
 patur, nihil est. Dicendum, quod isti grossē accipiunt,  
 quia exceptio causata per præscriptionem est finito  
 tempore: & tamen præscriptio ante tempus finitum  
 semper est, sed isti nesciunt distinguere inter præscri-  
 ptionem, & effectum præscriptionis, ideo notanter di-  
 xi labente tempore constans, & non ex lapsu tempo-  
 ris: quia ex lapsu temporis consistit effectus præscri-  
 ptionis, & non præscriptio: tempore autem labente,  
 id est cum labitur semper constat præscriptio. Dici-  
 tur quo ex negligentia alterius, ad differentiam con-  
 suetudinis, quia in consuetudine non attenditur ne-  
 gligentia alicuius: nam nullo negligente ex moribus  
 ventium causabitur ius consuetudinis. Etiam dici-  
 tur quo quis habet ius in re alterius, siue accipiat  
 res pro ipsa re, quæ possidetur: siue pro seruitute rei, vel  
 iuribus in corporalibus, qui præscribuntur. Et dicitur  
 iure alterius, quia præscriptio semper est ad rem alte-  
 rius ad hoc, quod quis habeat ius in illa, scilicet agendi  
 pro illa, ut sic consequatur dominium directum, vel  
 utile, vel saltem excipiendi pro illa contra alium, &  
 quia aliquid istorum causatur, semper dicitur ipsa,  
 per quam quis habet ius in re alterius. Ex hoc est alia  
 differentia consuetudinis, & præscriptionis, quia præ-  
 scriptio semper est contra aliquem, & rem, quæ ab ali-  
 quo possidetur. Aliquando autem consuetudo non  
 est contra aliquem, nec est ad tollendum bona alte-  
 rius: ideo nunquam dubitatur de consuetudine, an sit  
 contra ius naturale: sicut dubitatur de præscriptione:  
 intantum quod præscriptio non potest esse contra  
 rem, quæ nullius est: unde si quis occupet rem, quæ  
 nullius unquam fuit, & ex hoc habebat exceptionem  
 contra quemlibet agentem pro illa: non vocatur ista  
 præscriptio, quia non est ad acquirendum ius in re al-  
 terius: sed in re, quæ nullius est: ideo hic non est neces-  
 sarius lapsus temporis, sed per solam occupationem  
 ius acquiritur.

An præscriptio sit contra ius naturale. Et quid sit ius posi-  
 tium & naturale: & quomodo inter se conueniant, &  
 differant. Et an rationes Ioan. Andræ, & Iu-  
 ristarum ad probandum, quod præscriptio con-  
 cordet iure naturali, concludant.

Quæst. LIX.

QVAERETVR secundò, an sit præscriptio con-  
 tra ius naturale: non enim quæritur an sit con-  
 tra ius positium, quia manifestum est, quod non  
 cum ab ipso iure constituta sit. Etiam non quæritur,  
 an sit contra ius diuinum: quia ius diuinum vocatur a  
 quibuidam ius naturale, & partim est positium, sicut  
 in caeremonialibus, & iudicialibus. Quidam dicunt,  
 quod est contra ius naturale: sic patet, ff. de regulis iu-  
 ris, l. in iure naturali. Item contra æquitatem natura-  
 lem est aliquem locupletari cum aliena iactura, ff. de  
 regulis iuris, l. locupletari, sed in præscriptione aliquis  
 locupletatur alio perdente, ergo est contra ius natura-  
 le.

Q 2



le. Item videtur, quod non potuerit lex humana statuere aliquem medium præscriptionis, quo tolleretur dominium, quia dominia sunt introducta de iure gentium, ergo lex positiva non poterit illa tollere. Primum patet, ff. de iustitia, & iure, l. ex hoc iure. Secundum patet, quia ius positivum est minus naturale, & iure gentium: ideo non potest illi præiudicare. Respondendum, quod præscriptio non est contra ius gentium.

Ius rectitudinis dicitur.

Pro quo sciendum, quod ius dicitur rectitudinem, siue sit naturale, siue legale, & quamquam ius naturale, & legale, vel positivum sint distincta, tamen non sunt distinctæ rectitudines eorum, sed est eadem rectitudo aliter, & aliter se habens, quia ius naturale dicitur rectitudinem quādam vniuersalem, & confusam: ius autem legale dicitur eandem rectitudinem, ut iam explicatam. Et dicitur esse eadem rectitudo, quia ius est regula actionis, & rectitudo fundatur realiter in actu, sed mensuratur & directur in regula, siue iure:

Naturale ius potest tripliciter per positivum specificari.

& quia eadem actiones diriguntur numero per ius naturale, & civile dicitur esse eadem rectitudo utriusque: velut si eadem res significetur per aliquam propositionem obscuram, & per aliquam manifestam: nam eadem res, & eadem veritas utrobique est: cum autem ius positivum sit ius specificativum, & ius naturale sit speciale, potest tripliciter naturale per positivum specificari, scilicet. Primo determinando illud per congruos modos: secundo applicando illud ad varios actus: tertio declarando per quosdam euentus.

De primo patet: ius naturale est punire delinquentem, sed modus non est ab eo taxatus, ius autem humanum illa limitat secundum modum, & quantitatem. De secundo patet: ius naturale vult nemini subtrahi, quod suum est, ius positivum distinguit actus ab illa rectitudine deviantes, scilicet actum furandi, capiendi, feneratorandi, dolose extorquendi, de quibus non dixit ius naturale, quod essent modi subtrahendi aliena. Ostendit etiam quis actus istorum magis deviat à naturali rectitudine, scilicet per quem actum magis iniuste subtrahantur alicui sua, & secundum hoc statuit inæquales, & varias poenas. De tertio patet, quia ius naturale ponit aliquas regulas, quæ dicunt in generali rectitudinem, & tamen non exprimit an aliqui casus sint, in quibus observatio illorum tollat rectitudinem naturalem: sicut de iure naturali est depositum reddi: tamen non est limitatum, an aliquis casus sit, in quo malum sit reddi, & hoc limitavit ius positivum, quod non est reddendum, quando ex redditione malum provenit: velut si quis deposuerit penes me arma, non teneor ei reddere, si petierit existens in furore, vel factus hostis patriæ: quia in utroque casu posset nocere. Sic etiam de iure naturali est neminem cum alterius detrimento ditiores fieri: & tamen aliquis casus est, in quo rectum est fieri ditiores altero perdente, scilicet in præscriptionibus, & in usucapionibus: quia qui sic perdunt, licet damnum recipiant, non patiuntur iniuriam: eo quod ex negligentia perdunt sua, per quam merentur perdere, & sic licet videatur in superficie recedi ab æquitate naturali, tamen secundum negligentiam literæ non receditur: nam si nullus casus esset, in quo quis locupletaretur cum iactura alterius, faceremus contra duas regulas iuris naturalis. Primus est, quod bonum commune non sit negligendum: si tamen præscriptio, & usucapio tollantur in omni casu dabitur, quod multi negligent bona sua, & alij nollent capere ea, quia possidendo non efficient illa sua, & perditis bonis particularibus perit bonum commune, quod constat ex bonis privatorum. Secunda regula iuris naturalis est, bonum commune diligibilius esse, & magis curandum quam bonum particulare, ut patet 1. Ethicorum, si tamen non introducat præscriptio, & usucapio: turbabitur pax communis, in qua consistit magna pars felicitatis politicæ, & hoc quia lites fient immortales, cum etiam post magnum tempus liceat repetere quasque res pacifice ab alio possessas: debuit ergo introduci præscriptio, & usucapio contra iura privatorum, ut non tollatur totum bonum publicum, scilicet pax communis: & sic non est contra ius naturale, imò adiuvat illud, cum duæ leges iuris naturalis inducant præscriptionem, & una solum videatur tollere illam quantum ad corticem literæ: ideo fuit conveniens, & necessaria præscriptio, qua leges iuris naturalis inter se concordarentur: nam sicut de necessario intellectu iuris positivi est illud, sine quo leges plures dissonantes in voce inter se concordare non possunt, ita de iure naturali est illud, sine quo plures regulæ iuris naturalis non possunt inter se concordare, & sic eadem rectitudo est iuris positivi, & naturalis aliter, & aliter sumpta. Item patet hoc, ff. de iustitia, & iure, lege, ius civile. ubi dicitur: Ius civile est, quod nec in totum à iure naturali, aut iure gentium recedit: nec per omnia ei servit. Itaque cum addimus, vel subtrahimus iuri communi, ius proprium, id est civile, efficiamus: si enim rectitudo iuris positivi esset alia à iuris naturalis rectitudine, in totum ab ea recederet, & non esset sicut specificativa illius: sed ut duæ rectitudines disperatæ: si autem ius civile totaliter serviret iuri naturali, non esset specificativum eius, sed esset idem penitus, vel per modum: sed quia in aliquo subtrahimus, & in aliquo addimus, ius civile specificativum iuris naturalis efficiamus: nam addendo, & subtrahendo est quidam modus specificationis per additionem: ut in duobus primis modis, scilicet cum ius naturale dicit puniendum delinquentem, & non dat modum: lex humana specificat addendo speciem punitionis, & quantitatem, vel durationem. Secundo modo, ut lex dicit, quod non est alicui subtrahenda res sua, ius humanum addit modos subtrahendi tanquam ponens exempla, scilicet furtum, rapinam, ludos prohibitos, usuram, dolosum contractum, spoliationem sepulchrorum, & sic de ceteris, & limitat in his poenas subtrahendo. Specificat, scilicet tertio modo, quando lex dicit aliquid servandum, & lex humana declarat aliquos casus, in quibus debet servari, ut, non est aliquis locupletandus cum alterius iactura: lex humana subtrahit præscriptiones ab hac regula, & usucapionem. Sic etiam in deposito reddendo lex humana subtrahit casus, in quibus non reddatur, si efficiatur depositus furiosus, vel hostis. Assignant autem quatuor rationes frater Gerardus de Senis Augustinianus, & Ioan. And. in regula Possessor. in Mercuriali ad probandum, quod præscriptio concordet iuri naturali. Prima. Illa iura, quæ habent eandem rectitudinem, sic se habent, quod non potest vnum alteri contrariari: sed ius naturale, & positivum sunt huiusmodi, ergo in præscriptionibus non possunt inuicem contrariari. Vtraque pars patet ex dictis. Secunda ratio est: illud ius positivum, quod habet congruam, & rationabilem rationem consonat iuri naturali, sed ius positivum de præscriptionibus est huiusmodi, ergo consonat iuri naturali. Maior patet, quia ius, & ratio convertuntur, & ius naturale est invariabilis ratio. Minor patet ex dictis supra. Tertia ratio est: illud ius positivum, quod punit peccatum negligentie, quod est contra publicum bonum, est concordans iuri naturali, sed ius de præscriptionibus est huiusmodi, ergo &c. Maior patet, quia de iure naturali est conservari bonum publicum plusquam privatum, & puniri transgressores. Minor patet, quia præscriptio, & usucapio tollunt omnia rerum negligentibus. Quarta ratio: illud ius positivum, quod tollit lites, quæ alias efficerentur immortales,

Fuit necessaria præscriptio politica.

Quid ius civile sit.

Quod depositum reddi non debet.

in quibus observatio illorum tollat rectitudinem naturalem: sicut de iure naturali est depositum reddi: tamen non est limitatum, an aliquis casus sit, in quo malum sit reddi, & hoc limitavit ius positivum, quod non est reddendum, quando ex redditione malum provenit: velut si quis deposuerit penes me arma, non teneor ei reddere, si petierit existens in furore, vel factus hostis patriæ: quia in utroque casu posset nocere. Sic etiam de iure naturali est neminem cum alterius detrimento ditiores fieri: & tamen aliquis casus est, in quo rectum est fieri ditiores altero perdente, scilicet in præscriptionibus, & in usucapionibus: quia qui sic perdunt, licet damnum recipiant, non patiuntur iniuriam: eo quod ex negligentia perdunt sua, per quam merentur perdere, & sic licet videatur in superficie recedi ab æquitate naturali, tamen secundum negligentiam literæ non receditur: nam si nullus casus esset, in quo quis locupletaretur cum iactura alterius, faceremus contra duas regulas iuris naturalis. Primus est, quod bonum commune non sit negligendum: si tamen præscriptio, & usucapio tollantur in omni casu dabitur, quod multi negligent bona sua, & alij nollent capere ea, quia possidendo non efficient illa sua, & perditis bonis particularibus perit bonum commune, quod constat ex bonis privatorum. Secunda regula iuris naturalis est, bonum commune diligibilius esse, & magis curandum quam bonum particulare, ut patet 1. Ethicorum, si tamen non introducat præscriptio, & usucapio: turbabitur pax communis, in qua consistit magna pars felicitatis politicæ, & hoc quia lites fient immortales, cum etiam post magnum tempus liceat repetere quasque res pacifice ab alio possessas: debuit ergo introduci præscriptio, & usucapio contra iura privatorum, ut non tollatur totum bonum publicum, scilicet pax communis: & sic non est contra ius naturale, imò adiuvat illud, cum duæ leges iuris naturalis inducant præscriptionem, & una solum videatur tollere illam quantum ad corticem literæ: ideo fuit conveniens, & necessaria præscriptio, qua leges iuris naturalis inter se concordarentur: nam sicut de necessario intellectu iuris positivi est illud, sine quo leges plures dissonantes in voce inter se concordare non possunt, ita de iure naturali est illud, sine quo plures regulæ iuris naturalis non possunt inter se concordare, & sic eadem rectitudo est iuris positivi, & naturalis aliter, & aliter sumpta. Item patet hoc, ff. de iustitia, & iure, lege, ius civile. ubi dicitur: Ius civile est, quod nec in totum à iure naturali, aut iure gentium recedit: nec per omnia ei servit. Itaque cum addimus, vel subtrahimus iuri communi, ius proprium, id est civile, efficiamus: si enim rectitudo iuris positivi esset alia à iuris naturalis rectitudine, in totum ab ea recederet, & non esset sicut specificativa illius: sed ut duæ rectitudines disperatæ: si autem ius civile totaliter serviret iuri naturali, non esset specificativum eius, sed esset idem penitus, vel per modum: sed quia in aliquo subtrahimus, & in aliquo addimus, ius civile specificativum iuris naturalis efficiamus: nam addendo, & subtrahendo est quidam modus specificationis per additionem: ut in duobus primis modis, scilicet cum ius naturale dicit puniendum delinquentem, & non dat modum: lex humana specificat addendo speciem punitionis, & quantitatem, vel durationem. Secundo modo, ut lex dicit, quod non est alicui subtrahenda res sua, ius humanum addit modos subtrahendi tanquam ponens exempla, scilicet furtum, rapinam, ludos prohibitos, usuram, dolosum contractum, spoliationem sepulchrorum, & sic de ceteris, & limitat in his poenas subtrahendo. Specificat, scilicet tertio modo, quando lex dicit aliquid servandum, & lex humana declarat aliquos casus, in quibus debet servari, ut, non est aliquis locupletandus cum alterius iactura: lex humana subtrahit præscriptiones ab hac regula, & usucapionem. Sic etiam in deposito reddendo lex humana subtrahit casus, in quibus non reddatur, si efficiatur depositus furiosus, vel hostis. Assignant autem quatuor rationes frater Gerardus de Senis Augustinianus, & Ioan. And. in regula Possessor. in Mercuriali ad probandum, quod præscriptio concordet iuri naturali. Prima. Illa iura, quæ habent eandem rectitudinem, sic se habent, quod non potest vnum alteri contrariari: sed ius naturale, & positivum sunt huiusmodi, ergo in præscriptionibus non possunt inuicem contrariari. Vtraque pars patet ex dictis. Secunda ratio est: illud ius positivum, quod habet congruam, & rationabilem rationem consonat iuri naturali, sed ius positivum de præscriptionibus est huiusmodi, ergo consonat iuri naturali. Maior patet, quia ius, & ratio convertuntur, & ius naturale est invariabilis ratio. Minor patet ex dictis supra. Tertia ratio est: illud ius positivum, quod punit peccatum negligentie, quod est contra publicum bonum, est concordans iuri naturali, sed ius de præscriptionibus est huiusmodi, ergo &c. Maior patet, quia de iure naturali est conservari bonum publicum plusquam privatum, & puniri transgressores. Minor patet, quia præscriptio, & usucapio tollunt omnia rerum negligentibus. Quarta ratio: illud ius positivum, quod tollit lites, quæ alias efficerentur immortales,

Bona communitatis non est negligenda.

Rationes probantes præscriptionem concordare iuri naturali.

Quid sit ius naturale.



tales, & causat pacem publicam, est concordans iuri naturali: sed ius de præscriptione est huiusmodi, ergo &c. Maior patet, quia ius naturale dicitur bonum publicum, & pacem politicam valde amandam: ideo quod ad hoc adiuuat, valde consonat iuri naturali.

Minor patet, quia præscriptio tollit lites, quæ aliàs efficerentur immortales, scilicet quia à pacificè possidente etiam post ducentos annos posset res peti. Istæ rationes ex parte concludunt, & ex parte sunt calumniantes. Nam cum prima dicit, quod ius de præscriptionibus habet rectitudinem eandem cum iure naturali: intelligendum est de præscriptione cum bona fide, per quam acquiritur dominium. secus de male fidei longi temporis præscriptione. Secunda ratio habet maiorem falsam: nam præscriptio male fidei habet causam rationabilem, & congruam: scilicet ut puniatur negligentia, & non pereat bonum publicum: quod interdum periret, nisi permitteretur præscriptio male fidei, & tamen illa non consonat iuri naturali. Tertia ratio habet etiam maiorem falsam: nam non omnis lex puniens negligentiam contra bonum publicum bene agit, quia potest punire aliter quam debet, vel plus quam debet: ut si aliquo negligente res suas non solum permitteretur contra eum: præscriptio male fidei, sed etiam quod perderet aliquam de rebus, quam non desinebat possidere. Quarta ratio habet maiorem falsam eodem modo: nam licet imponi finem litibus boni fit, tamen modus aliquis erit, per quem valde grauentur litigantes, vel præiudicetur iuri multorum, sicut patet in præcedenti exemplo. Sciendum vltius, quod Ioan. Scotus, & Franciscus de Maironis ponunt in 4. Sententiarum dist. 16. rationes quatuor ad probandum, quod præscriptio sit rationabiliter introducta. Prima est propter bonum publicum, scilicet ne contemnantur bona particularia, & pereant: cum ex particularibus subsistant bona communia. Secunda ratio est, quia legislator potest transmutare dominia rerum ex causa: sic est negligentia: nam nullus debet destruere bonum publicum ex negligentia sua, ideo constituit princeps præscriptionem tanquam modum transferendi dominium, & consonabit hoc æquitati ad conseruandum bonum publicum. Tertia ratio est ad tollendum lites, quæ aliàs fierent immortales: nam liceret agere contra possidentem pacificè, licet possidisset ipse, & prædecessores sui per ducentos annos, & sic causarentur lites de rebus antiquissimis, & ob hoc essent valde difficiles, & ad quietandum statum publicum introduci debuit præscriptio, & usucaptio transferentes dominium. Quarta ratio est ad quietandum conscientias: nam si præscriptio non daret dominium, esset qui libet dubius de re, quam possidet, an esset sua: nam dato quod possidisset eam bona fide longo tempore, & etiam prædecessor suus, adhuc non esset dominus nisi daretur præscriptio, & usucaptio: ideo ut quietaretur conscientia, debuit tale ius introduci. Nunc enim cum quis scit se possidisse bona fide aliquam rem determinato tempore, dato quod non habebat titulum illius, est securus in conscientia: quia dato quod non esset aliquid tradens dominium, saltem ipsa præscriptio tribueret. Sed considerandum, quod ratio potissima probandi præscriptionem esse licitam, imò necessariam, fuit illa, per quam inducebatur supra, quod agebatur contra duas leges iuris naturalis, nisi daretur præscriptio: ergo dari debuit ad confirmandum, & concordandum leges iuris naturalis inter se. Considerandum vltius, quod præscriptio sit contra ius naturæ, vel concordans re illi potest intelligi tripliciter. Primo modo, quod sit aliqua de regulis ipsius iuris naturæ, sicut est nemini aliquid iniuste subtrahendum esse, & hoc modo non proprie diceretur præscriptionem concordare iuri naturali. Tost. super lib. Iudicum

A naturali, sed esse de iure naturali. Secundo diceretur, concordare, ut licet non sit aliqua regula iuris naturalis, sit tamen aliquid directè conclusum, & necessariò ex iure naturæ non obuiante ei alia regula iuris naturalis in superficie, vel in re, & sic concordat iuri naturæ plus punire latronem quam furem, & insidiatorem quam solum ex ira percutientem, quia ex regula illa iuris naturæ, quæ est peccatum debere puniri, induceretur conclusione necessaria vnum plus altero puniri debere. Tertiò modo dicitur aliquis concordare iuri naturali, quando est ad concordandum regulas iuris naturalis, & tamen aliquid est quod saltem in superficie ei repugnat de regulis iuris naturalis. Primo modo non est præscriptio concordans iuri naturali, quia non est lex introducta a iure naturali, sed à positio. Secundo modo etiam non consonat iuri naturali, quia aliqua regula iuris naturalis est, quæ non consonat ei, sed repugnat, scilicet quod nullus debet cum iactura alterius locupletari, quod fit in præscriptione, & quantum ad istum modum accipiunt omnes, qui dicunt præscriptionem esse contra ius naturale. Tercio modo concordat præscriptio iuri naturali, imò est de necessariò intellectu illius, in quantum sequitur ex quibusdā regulis illius quantum ad intellectum, & literam. & est quid concordandum ad regulas iuris naturalis inter se, quod supra declaratum est, ideo dicendum plus concordare iuri naturali quam discordare ab illo. Ad primam rationem in contrarium iam responsum est supra, quod licet regulariter non debeat quis locupletari cum iactura alterius, tamen interdum iustum est: sicut tamen alicuius bona confiscantur propter crimina magna, ille cui applicantur locupletatur cum iactura alterius, & tamen iusta est acquisitio. Sic etiam est in omnibus legibus, quæ imponunt delinquenti poenam pecuniariam: quia necesse est tunc illam alicui applicari, & ille locupletatur per illam, id est ditior fit quam prius: ita fuit in præscriptione, quia ipsa introducit in poenam magnæ negligentie hominum deserentium res suas in magnum damnum reipublicæ: ergo non est magis ratio dubitandi de hoc, quam de alijs modis transferendi dominium per poenam. Ad secundum dicendum quod ea, quæ sunt de iure gentium non possunt tolli per ius positium directè derogando illis, scilicet statuendo legem contrariam, sicut tollitur vna lex positua per aliam, & tamen indirectè potest tolli priuando aliquem beneficio illius, scilicet lex siue ius gentium introduxit dominia: ideo ius positium non potest introducere, quod nullum dominium sit, & tamen potest statuere ius positium quod aliquis careat dominio rerum suarum, & hoc consonat iuri naturali, scilicet quod quis puniatur, cum deliquit: sed pena, vel erit in rebus, vel in corpore, ideo licitum est priuari aliquem dominio rerum.

An de iure canonico, & civili debuerunt esse diuersæ præscriptiones. Et an sit vera opinio Ioan. Andreae, & Iuristarum, scilicet quod ius civile supplet, & subuenit iuri canonico in materia præscriptionis.

Quæst. LX.

QVÆRETVR vltius de varia præscriptione iuris canonici, & civilis an debuit esse distincta. In quo præsupponendum, quod secundum canones, solum præscribitur cum bona fide, ut extra de præscriptionibus capit. vigilantibus, & de regulis iuris in 6. in regula possessor. secundum leges præscribitur etiam cum mala fide Codice de præscriptionibus triginta annorum l. prima, & l. omnes, & lege cum notissimi, & extra de præscr. vigilantibus. Nunc autem dicit aliquis, quod non debuit esse ista varietas præscribendi canonum, & legum:

Q 3

gum:



gum: quia aut præscriptio cum mala fide est iusta, aut non: si iusta tam canones quam leges debuerunt illam concedere: si iniusta, utrique debuerunt eam vetare.

*Præscriptio cum mala fide dupliciter considerat.*

Sciendum vltius, quod præscriptio cum mala fide consideratur, vel quantum ad intentionem iuris civilis: vel quantum ad intentionem præscribentis. Primo modo concordat iuri naturali, quia intendit ius per istam præscriptionem punire hominum negligentiam, quæ vertitur in damnum publicum, & imponere finem litibus, & ista ita sunt per præscriptionem malæ fidei, sicut bonæ fidei, & si sola præscriptio cum bona fide sit, non poterit sufficienter puniri negligentia quorundam, & terminari lites, quæ aliàs non terminantur, & hoc quia iustum est, Præscriptio cum mala fide iusta est, sed ex parte præscribentis est iniusta: quia ipse intendit per huiusmodi præscriptionem usurpare rem alienam. Ex hac parte dissonat regulæ naturæ, scilicet, quod tibi non vis, alteri ne feceris. Nunc manet dubium, cum

*Cur præscriptio malæ fidei non acceptatur à lege canonica.*

secundum ius considerata præscriptio malæ fidei sit iusta, quare canones non introduxerunt eam sicut leges. Respondendum, quod præscriptio cum mala fide partim est iusta, & partim iniqua ex intentione iuris, sed contra ipsum negligentem iusta est, sed ex parte præscribentis iniusta: ideo non totaliter est ista præscriptio a iure introducta: sed partim est introducta, scilicet contra eum, contra quem præscribitur: quia sic bona est, & partim est permessa, scilicet ex parte eius, contra quem præscribit: nam sic ius non iubet illam, quia est iniusta: sed permittit quia ex illa elicitur bonum, scilicet quod lites efficiantur mortales aliquando, & quod puniatur negligentia. Nunc autem permittere istam præscriptionem malæ fidei propter bonum publicum debuit pertinere ad leges, & non ad canones. Quod

*Finis politica.*

patet quia quodlibet ius debet attendere finem suum, & illo considerato quidquid adiuvat ad illud, iustum est: finis autem politicæ communicationis, propter quem introducit ius politicum, est conservatio ipsius politicæ in pace, & abundantia rerum: ideo quidquid agit ad ista duo est iustum politicæ, imò necessarium, & quia pax politica tollitur per litigia immortalia, & copia rerum tollitur per hoc quod quilibet negligenter curat res suas, ideo debuit dare ius politicum remedium contra utrunque: istud autem est per præscriptionem interdum bonæ fidei, & interdum malæ, quia præscriptio cum bona fide non sufficeret ad tollendum ista inconuenientia, ideo debuit utraque a iure politico permitti, vel introduci. Ius autem canonicum, licet ad negotia civilia extendatur: cum etiam oporteat Episcopos sæcularium negotiorum peritos esse 39. dist. c. Petrus. tamen præcipue est quoddam ius limitatum regulæ Euangelicæ per modum additionis, & explanationis: ideo debet tenere illum finem, quem tenet lex euangelica, & iste est seruare per omnia conscientie sinceritatem, ut per illam perueniatur ad vitam æternam: iuxta illud Matthæi 5. Beati mundo corde, quoniam ipsi Deum videbunt: ideo ius canonicum debet attendere per omnia mentis sinceritatem: sed est contra mentis sinceritatem, quod aliquis mala fide præscribat rem alterius, ideo non solum non debuit ius canonicum præscriptionem permittere, sed etiam debuit expresse prohibere. Et potest ex hoc formari sic ratio: illud quod sequitur veritatem euangelicam, debet discordare ab omni illo, a quo discordat lex euangelica: sed lex euangelica discordat à iure civili, eo quod euangelica lex punit malam cogitationem, sicut malam operationem, ut apparet Matthæi 5. scilicet qui viderit mulierem ad concupiscendum eam, iam mechatus est in corde suo: lex autem civilis solum punit malum actum, vel cogitationem in quantum incipit aliquantulum tendere in actum, cum

*Ius canonicum debet per omnia attendere mentis sinceritatem.*

per ista turbetur pax publica, & cogitationis peruersæ solius nullus secundum legem poenam habet: ergo debuit ius canonicum deuiare in aliquo a iure civili, & sic fuit in hac præscriptione, quæ contra conscientiam permetteretur, scilicet peruertendo actum interiorem. Alia ratio erit sic: illa iura debent discordare ab inuicem, quorum vnum intendit iustitiam seruare propter litigia terminare, & alterum intendit litigia terminare ad iustitiam conservandam. Ius autem civile iustitiam seruat ad tollendum litigia, quia finis suus est pax publica, & abundantia, atque prosperitas rerum, ut patet 9. Politicorum: sed huic fini magis coniuncta est ablatio contentionum, quam conservatio iuris: ergo intendet magis tollere scandala, quam seruare æquitatem, & consequenter intendet iustitiam seruare propter terminare lites, & non è contrario. Sicut ad militarem subordinatur equestris, & frenefractiua, & quia equus immediatè est, & usus eius ipsi militi quam habere frenum, vel sellam: magis intenta est equestris quam frenefractiua, & sic intendit frenefractiuam propter equestris. Sic patet 1. Ethic. c. 1. de subordinatione finium. Ius autem canonicum intendit principaliter iustitiam colere, in quantum per eam peruenitur in vitam æternam: ideo intendet sic iustitiam conservare simpliciter, & intendet litigia sic terminare, ut iustitia conservetur, & non conservare taliter iustitiam, ut litigia terminentur: sed præscriptio cum mala fide facit ad terminationem litigiorum, & contra

iustitiam: ergo eliget potius lex civilis, sic litigia terminare non seruata iustitia quam è contrario. Ius autem canonicum intendet sic conservare iustitiam, non permittendo tale in præscriptionem, licet litigia non terminentur. Alia ratio: illa iura, quæ sic se habent quod vnum eorum sic tenet forum litigij, ut vltimatè remittat ad forum conscientie, & alterum sic totum forum litigij, ut in illo sistant, debent necessario discordare in præscriptione malæ fidei cum illa ad conscientiam remordentem pertineat: sed ius canonicum, & civile sunt huiusmodi, quia ius civile nunquam ponit aliquid in conscientia, canonicum autem remittit omnia delicta conscientie de poenit. & remis. ca. omnis. ergo in præscriptione malæ fidei, quæ est contra conscientiam, & ius canonicum, debuit prohibere, & civile permittere debuit. Aliud fundamentum huius ponit frater Gerardus de Senis, & Ioan. Andreas in regula possessor. in Mercuriali, scilicet ius canonicum, & civile sic se habent, quod vnum alteri subuenit: quia quod vnum deficit alterum supplet: eo quod sunt fundata super eandem rectitudinem iuris naturalis: sicut est in puniendo clericum, quia ius canonicum punit eum usque ad degradationem, & cum vltra non possit agere, si non esset ius civile, manerent quædam graua scelera insufficienter punita, ideo ius civile subuenit, quia exiens potestatem canonici iuris traditus curie seculari, & degradatus plectitur capite secundum conditionem criminis: ista est in præscriptione: nam ius canonicum propter sinceritatem conscientie præscriptionem cum mala fide prohibet: ius autem civile propter terminationem litigiorum, & negligentiam tollendam permittit præscriptionem: si autem non esset ius civile, non possent puniri negligentes bonum publicum, & tollentes pacem, ideo subuenit ius civile canonico puniendo ista duo: introducendo, vel permittendo præscriptionem cum mala fide. Sed ista ratio nullo modo stat, quia tunc vnum ius subuenit alteri, quando id quod deficit vni iurium, alterum supplet, & tunc propriè ei subseruit, & sic cum iustum sit sacerdotem hæreticum, & incorrigibilem, & alijs grauib. facinoribus mixtum vltra poenam statutam à canone aliam suscipere, &

*Ius canonicum principaliter intendit iustitiam, in quantum per eam peruenitur ad vitam æternam.*

*Aliud fundamentum ponit Gerardus de Senis, & Ioan. Andreas.*



& illam nō potest determinatē canon imponere, nec A minister eius exequi, conueniens fuit q̄ ius ciuile determinaret penas cōuenientes illi, & minister eius inferret illas: sed in præscriptione malę fidei nimis hoc distat, quia ius canonicum solū se extendit ad puniendum negligentes res suas, turbatores pacis publicę in dicendo præscriptionē in casu quo bona fide præscribi potest, & cū non sufficienter puniantur ista per præscriptionem cū bona fide: si ius ciuile permetteret præscriptionē cū mala fide, puniret eos, & subueniret iuri canonico: quia puniret illud, quod non posset punire ius canonicum: & tamen non subuenit ei: quia non punit illos, cū ius canonicum tollat præscriptionem malę fidei: & non finit, q̄ quis præscribat mala fide: ideo ius ciuile non subuenit canonico, sed ius canonicum ciuile destruit. In alio autem casu secus erat, quia ius canonicum non prohibet clericum degradatum punire ciuili lege: imō iubet q̄ tradatur curię seculari: & si non iuberet hoc, nō liceret iudicibus secularibus punire degradatos: ergo ista ratio nequaquam stat. Item non stat, quod dicunt. Ius ciuile non introducit præscriptionem cum mala fide, quia licet nō introducat iubens, introducit tamē ius tribuēs, quia tempore, quo erat ius ciuile sine canonico, currebat præscriptio cum mala fide: & tamen si nō fuisset ius, q̄ præscriptio quadrigenalis, vel trigenalis cum mala fide valeret: nō obtineret in iudicio præscribens contra negligentem per exceptionem: ergo non fuit hec permissio solum, sicut dicitur, quod iura permittunt fornicationē simplicem, id est non puniunt eam: sed fuit iuris constitutio, licet non iubendo, sicut id quod per se bonum est.

*An præscriptio cum mala fide in aliquo casu sit iusta.*

*Questio LXI.*

**Q**UÆRETUR vterius, an præscriptio cum mala fide esset iusta. Aliquis dicit, q̄ sic, quia sacra scriptura introducit illam, vt patet hic in litera: nam Iephthe defendit se contra Ammon dicens: Cur nihil vsque nunc super hac repetitione tentasti? & tamen erat illa præscriptio malę fidei, quia sciebat se accepisse rem, quę fuerat Ammonitarum, & à principio vsq; ad finem tenuit conscientiam huius, ideo non poterat præscribere, nisi cum mala fide. Item patet, q̄ de iure naturali est crimina puniri: potissimē, quę militant contra bonum publicum, quod magis conseruandum est, quā bonum priuatum, & tñ bonum publicum consistit in duobus potissimē. scilicet in pace politica, & in abundantia rerum, vt colligitur 7. Politic. ideo punire fractores publicę pacis, & copiam rerum tollentes, de iure naturali est: sed nisi permittatur præscriptio cum mala fide, fient hęc, quia litigia fient immortalia per hoc, q̄ quis possidens à tempore quantumcunque longo potest inquietari super re: & sic nullus erit securus de re sua vsque in eternum, etiam qui libet poterit contemnere ex negligentia possessiones suas, & nullus accipiet eas sciens esse alterius cū non possit præscribere mala fide, & sic peribunt illę res per quarum perditionem diminuitur bonum publicum, quod constat ex particularibus. Respondendum, q̄ in præscriptione malę fidei considerantur duo, scilicet ipse negligens res suas, & ipse præscribens. Quantum ad negligentem dicendum, q̄ valde iustum est, q̄ priuaretur dominio illarum, & q̄ possit contra eum præscribi. Nam iste ledit bonum publicum diminuendo eum, quia de proprijs non curat: etiam tollit pacem politicam, quia litigia immortalia efficit. Item in præscriptione bonę fidei securę præscribitur, & tamen nihil magis peccat ille, contra quem præscribitur in præscriptione bonę fidei, quā in præscriptione malę fidei, Aph. Tost. super lib. Iudicum.

cū vterq; sit aqualiter negligens rerum suarum nō repetēdo illas, ideo meretur per præscriptionem malę fidei perdere dominium rerum: nam q̄ bona fide, vel mala præscribatur non se tenet ex parte eius, contra quem præscribitur: sed ex parte præscribentis, ideo culpa in negligente non minuitur. Item videtur, q̄ magis rationabile sit in præscriptione malę fidei aliquem perdere res suas, quā in præscriptione bonę fidei, q̄a introducit præscriptio in poenam negligentium: ergo quanto aliquis magis negligens est, tanto iustius contra eum præscribitur: sed in præscriptionibus malę fidei est quis negligētior, eo quod maiori tempore est negligens, quia præscriptio ista fit in maiori tempore, quā præscriptio bonę fidei: ergo magis merebitur iste, quod contra eum præscribatur, & quod perdat dominium rerum. Consideratur secundum in præscriptione malę fidei ipsa intentio præscribentis: & quantum ad hoc dicūt aliqui, quod est iniusta, quia iniusto animo res possidetur, & intenditur vsurpari, ideo quantum ad primum lex introducit præscriptionem, & quantum ad secundum permittit eam. Sed dicendū est, quod cū præscriptio malę fidei inducat duo, scilicet, quod aliquis iuste perdat, & quod aliquis iniuste acquirat: si posset esse vnum sine alio, scilicet, quod aliquis iuste perderet dominium, sine hoc, quod aliquis illum iniuste acquireret, esset præscriptio ista iustissima, sicut cum bona fide: non tamen potest aliquis perdere dominium rei suę, quin alius efficiatur dominus illius: ideo præscriptio ista inducit malum permixtum bono, ipsi tamen taliter permixtum est malum simpliciter, quia consistit bonum ex causa integra, scilicet ex collectione omnium circumstantiarū particularium, & malum consistit ex defectu particularium bonorum, vel circumstantiarum: ita quod deficiente quacunque circumstantia boni fit actus malus, vt patet secundo Ethicorum: ergo præscriptio malę fidei est mala. Istud autem est loquendo simpliciter de bono considerando per habitudinem ad aliquam politiam. Nam descendendo ad politias, dicendum erit præscriptionem longi temporis cum mala fide esse bonam, quia in omnibus est iste ordo, quod finis est melior his, quę ad finem, & vt politia aliqua iuste reguletur, debet habere tale ius quod directē ducat ad finem illius: alioquin ius erit, sicut via obliqua: & quia finis cuiuslibet politię in quantum politia est pax communis omnium politicę viuientium, & copia rerum: totum ius politicū debet ad ista procuranda ordinari. Et quia pax communis tolleretur per litigia antiquata, & copia rerum tolleretur per negligentiam bonorum particularium, ex quibus resultat bonum commune, oportuit dari ius tollens hęc, & istud non potuit esse, nisi præscriptio, & vsu captio tam cū bona fide, quā cū mala pręcederet. Et ista fuit causa, quare de iure, vel consuetudine gentium introducta fuit præscriptio cū mala fide, & etiam ius ciuile illam habere vigorem constituit. Sciendum tamen, quod si ius vellet sequi iustum simpliciter, tolleretur præscriptionem cum mala fide, & posset punire alio modo negligētes res, & tollere lites, nē essent immortales, scilicet, qui rem suam per tot, vel tot annos definiret possidere permittens venire ad quemlibet, nisi omnino haberet illam pro derelicta, ita vt primo occupanti concederetur, quod perderet rem, & applicaretur filco, vel bonis communis, aut cogeretur illam curare, & multaretur in aliqua summa pecunię, eo quod interest reipublicę, nē quis re sua male utatur. Ad rationem primam in contrarium dicendum, quod Iephthe allegauit præscriptionem contra regem Ammon, licet non esset ibi verē præscriptio, quia cū quis habet titulum qui confert dominium, nō potest

Præscrip-  
tio malę fi-  
dei duo in-  
ducit.

Præscrip-  
tio malę fi-  
dei indu-  
cit malum  
permixtū  
bono.

Mod⁹ tol-  
lendi prę-  
scriptionē cū  
mala fide.

Ad ratio-  
nes primā  
in diuersū

Q 4 præscri-



præscribere rem, cuius titulum habet: sed Israelitæ habebant terram Ammonitarum sub titulo iusto, ut declaratum est, supra. f. Deo iubente possidere illam, ideo non præscribebant: quia tñ nemo prohibetur uti pluribus defensionibus, ut patet de regulis iuris in sexto, regula, nullus. pluribus poterat allegare Iephthe præscriptionē, s. dato quod non stare titulus ex mandato Dei, adhuc de terra esset iam præscripta longissimo tempore. f. trecentorum annorum: & tñ cum mitteret Iephthe præscriptionē ipsa esset male fidei, ut in casu si nō fuisset acquisitus titulus per mandatum Dei, & tunc intelligebat Iephthe, q̄ sufficiebat ei præscriptio male fidei. Et tunc dicendum, q̄ ista non erat de iure diuino, sed de iure gentium: volebat tamen Iephthe uti illa cōtra Ammonitas, sicut utebantur alię gentes. Scriptura autē sacra non approbavit hanc præscriptionem, sed solum retulit quod Iephthe illam allegasset se defendendo: & sic multa, quę mala sunt, & falsa, ponuntur in sacra scriptura: quia illa recitat ut ab aliis facta & dicta. sic etiam ius canonicum refert, quod fm̄ leges procedit præscriptio cum mala fide, & tamen non approbat illam. extra de præscriptio, cap. vigilanti. Ad secundā rationem dicendum, q̄ punire delinquentes in bonū publicum: siue tollendo pacem politicā, siue diminuendo copiam rerum est de iure naturali, & tamen punire sic, vel sic est limitatio iuris positiui, ideo potest taliter limitari, ut bona punitio sit: vel potest aliter determinari, & quia pēna, quę est p̄ præscriptionē male fidei inducit peccatum non est ponenda ad emendationem. sed dicendum, q̄ poterat aliter puniri delinquentes in negligentia, imponendo sibi multam certam pecunię postquā tanto tempore neglexisset bona, vel q̄ applicarentur fisco illa sua: & sic nullus indebitē, vel contra conscientiam aliquid acciperet. Et adhuc dato q̄ nullus esset modus puniendi istos sic delinquentes, potius deberet dimittere illos impunitos, quā pēnas infligere, in qua simul culpa foret.

Ad secundam rationem.

*An mala fide præscribens haberi debeat tanquam raptor, vel sit minor in culpa. Quæst. LXII.*

Differētia inter furtū rapinam, & usuram.

Duo sunt de ratione furti.

Tria sunt de ratione rapinę.

Tria sunt de ratione usurę.

**Q**UAIERETVR vltius, an mala fide præscribens cēseri debeat cum raptore, vel sit minor in culpa. Respondendum, q̄ ad hoc scienda est differentia inter furtum, rapinā, & usuram: nam ista tria sic se habent per ordinem, q̄ furtum se habet plusquam rapina, & rapina plusquam usuram. De ratione furti sunt duo. Primum usurpatio rei alienę. Secundum est, q̄ sit occulta. Per primum istorum furtum includit rapinam, eo q̄ rapina est usurpatio rei alienę 14. quęst. 5. ca. penale. Per secundum distinguitur ab ea, ut patet extra de furtis cap. 2. De ratione rapinę sunt tria. Primum est, q̄ sit usurpatio rei alienę, & ex hoc extēditur ad usuram, in qua usurpatur aliquid, & etiā collocatur sub furto. Secundum est, quod usurpatio sit sciente domino, & per hoc rapina differt a furto, & extenditur ad usuram, in qua usurpatur res supra sortem sciente domino. Tertium est, quod usurpatio sit penitus violenta: & p̄ hoc distinguitur ab usura, in qua non est talis violentia. De ratione usurę sunt tria. Primum est quod sit usurpatio rei alienę. Secundum quod sit sciente domino. Tertium quod sit per consensum aliquo modo coactum, vel non simpliciter liberum 16. quęst. prima. Merito quæritur. Quantum ad prima duo conuenit cum rapina, quantum ad tertium conuenit cum nullo. Nunc dicendum, quod propriē loquendo nō potest vocari præscriptor cum mala fide fur, vel raptor: quia peccatum præscriptoris est detinendo rem alienam, peccatum autem furis principaliter est usurpando siue accipiendo, & non tenendo: nam dato, quod

**F**ur, vel raptor reperiatur in actu usurpandi rem alienā vocabitur fur, vel raptor: & punietur pēna furis, vel raptoris: & tamen nunquam tenuit rem illam. Quod autem fur, vel raptor tenuerit aliquanto tempore rem raptam, non constituit ipsum peccatum principaliter, sed quandam circumstantiam aggrauationis: quia tanto grauiora sunt peccata, quanto diutius infelicem animam detinent alligatam. extra de consuetudine, cap. quia tanto, ideo punietur grauius magno tempore detinens, quā si capiatur in ipso actu furandi: præscribens autem mala fide non habet peccatum in accipiēdo rem, sed in detinendo: nam iste a principio bonā fidem habet, quando rem capit: sed postea nascitur mala fides cum detentat, & tunc peccat. Istud autem est, nisi forte velles dicere, quod præscribens mala fide secundum leges etiam a principio cum rem caperet mala fide caput: quia tunc nullo modo videtur differre, qui a principio habet malam fidem, sed debet habere a principio bonā fidem, ut vocetur præscribens, & non fur: & postea debet oriri mala fides: ad hoc, q̄ dicatur præscribere cum mala fide. Ex hoc autem patet, quod præscribens mala fide non debet puniri pēna furis, vel raptoris secundum legem, quę punit fures: nam præscribere mala fide solum est peccatum cōtra conscientiam: & pacem politicā tollit, quā ipsa iura principaliter conseruare conantur: & si iura non punirēt raptore, & fures, nullus pacificē aliquid possideret, & tolleretur omnis ciuilis societas, essetque bellum continuum, & consequenter omnes perirent cū nullus conaretur ad ampliandum bona, quę non posset pacificē possidere. Qui autem mala fide præscribere conatur, conscientiam grauat: & tamen pacem publicā non perturbat: eo quod ille, qui sic perderet bona sua, non deberet imputare iniquitati alterius, qui præscripsit, sed suę negligentię, quia non curauit repetere: ideo iuste perdit: & sic licet non debet per-mitti præscriptio cum mala fide, eo quod est contra conscientiam, tamen qui sic præscripserit postquā priuatus fuerit re, qua conatus est præscribere, non punietur: sed relinquitur diuinę prouidentię puniendus, quia multa talia lex humana non punit: & Deo punienda relinquit: sic ait August. lib. de lib. arb. scilicet. Lex ista, quę regendis ciuitatibus fertur, multa concedit, & impunita relinquit, quę per diuinā prouidentiam vindicantur. Dicendum ergo, quod licet præscribens mala fide non possit directē locari cum raptore, vel fure, quia non turbat pacem, & grauat conscientiam simul sicut illi, sed solum conscientiam inficit: tamen interpretatiuē, & quantum ad Deum fur, & raptor vocabitur, quia Deus principaliter intendit animum, & consequenter manum. Sic etiam intelligitur illud: siquid inuenisti, & non reddidisti, furtum commisisti 14. quęst. quinta, siquid. Nec tamē est intelligendum, quod tantum puniretur apud Deū præscribens mala fide, sicut fur, aut raptor, quia cum plura, & maiora mala illi faciant, necesse est iusto iudicio plus puniri. Quod plura, & maiora faciant declaratum est: & tamen sicut fur, & raptor debent rectificare conscientiam suam restituendo rem alienam: ita & præscribens mala fide habens conscientiam infectā: non potest alio modo rectificari, nisi restituendo: ergo tenebitur ad restitutionem. Et hoc etiam sequitur, quod cum fur, & raptor non possunt aliquo iure defendere sibi rem ablatam, sed tenentur indistinctē ad restitutionem: ita & præscribens mala fide non habet aliquod ius ad defendēdum rem quamquam fuerit longo tempore possessio ad præscribendum.

Tanto grauiora sunt peccata, quanto diutius infelicem animam detinent.

Ad quæst.

Determinatio quæstionis.

Siquid inuenisti, & non reddidisti, furtum commisisti.



*An mala fides superueniens completa prescriptione vitiet eam, & faciat non valere, & prescribens obligetur ad restitutionem. Quæst. LXIII.*

**A** quæ debent in prescriptione concurrunt. Sed si non acquiescit, non audet illum ponere inter saluandos per superiores rationes, nec inter damnandos propter iura in contrarium: maximè, quia per vniuersum per quod Ecclesiæ potestas extenditur sic seruari videmus. Goffredus dicit opinionem Theologorum non esse de necessitate, sed consilium; ideo non necessariò tenendâ 14.q.1. cap. qd præcipitur. Hosti. dicit, qd si conscientia est erronea super hoc, & remordet, nec informatur ad dictum peritorum, sequi eam debemus: sic de sen. ex. com. cap. inquisitioni. & de Simo. c. per tuas 2. De opinione autè, quæ vocatur Theologorum dicit non esse Theologos istos, sed scrupulosos timentes, vbi timendum non est. Dicit se de illis non esse, præsertim cum iure diuino possit fieri prescriptio. Inducit Leuit. 25. & quod finita prescriptione non habet conscientiam rei alienæ, sed suæ, quia iam facta est sua. Idem tenet Beatus Thomas de Aquino in quodam quolibet, dicens: Qui prescripsit bona fide, ad restitutionem non tenetur, licet sciat rem alterius fuisse. Istam opinionem tenent ferè omnes iuristæ. f. Io. Inno. Gof. & Ray. & Io. An. & addit quasdam allegationes in Mercuriali in regula possessor. sed non curo de illis. Sed potest esse ratio duplex ad confirmandum positionem istam, quod non teneatur restituere, quā teneo. Et prima fit. Ius canonicum sequitur forum conscientie: & tamen vult, qd finita prescriptione, si repetatur res prescripta, possit possessor se defendere prescriptione: & tamen manifestum est, qd tunc possessori constat rem alterius fuisse, alioquin non defenderet se prescriptione, sed negaret titulum alterius, cum ipse non cogatur pbare titulum possessionis suæ, quia non possidet contra ius commune: ergo vult, qd non sit contra conscientiam prescripta re bona fide, qd adueniente postea conscientia rei alienæ teneatur ad restitutionem. Si autem aliquis dicat, qd ius determinat ibi in foro contentioso, in quo multa sunt nobis concessa, quæ non conceduntur in foro conscientie. Dicendum, quod nō stat, quia ius canonicum non attendisset conscientiam si forū contentiosum permisisset prescriptionem cum mala fide, sicut permiserūt leges, cum sit ad vtilitatem republice vt declaratū est: & tamen nō permittit: ergo sequitur conscientiam: & postea permittit imò statuit, qd completa prescriptione possit quis defendere excipiendo contra illum, qui probat rem fuisse suam: ideo nō est contra conscientiam retinere rē sic prescriptā. Secunda ratio est. Qui prescribit aliquo tempore, facit rem suā acquirendo dominium vtile, vel directè: si facit rem suam impossibile est, qd habeat eam iniuste, qd nemo iniuste potest possidere, quod suum est: si autem non est sua: ergo causatum non est dominium per prescriptionem, quod falsum est. Si autem dicas, lex potest facere aliquem dominum, & tamen non iuste. Dico, quod includit contradictionem, quia lex, vel potestas principis potest alicui dare rem, ita qd nullus audeat eā repetere, qd tñ iuste possideat, non potest efficere voluntas principis, aut lex, nisi ratio ipsa hoc agat: & tunc aut prescriptio egit, qd iuste iste ciceretur dominus, aut non: si iuste, non potest iniuste vnquam possidere, nisi efficiatur res alterius: si autem non iuste effectus est dominus, non differret inter prescriptionem cum bona fide, & mala fide. Item, qui rem prescribit, si nunquam haberet conscientiam rei alienæ, semper esset verus dominus, & de hoc nullus dubitat: completa prescriptione, non potest tenere contra conscientiam rem prescriptam, nisi fortè dicatur, qd conscientia rei alienæ nouiter veniens conferat dominium: sed hoc falsum est, quia rem fuisse alterius aliquando non dicit aliquā obligationem ad aliquid agendum, nec etiam dicit aliquod ius, quia eodē modo cum emerim aliquam rē,

Opinio Goffred⁹ quæ coincidit cum prima. Hosti. opi. quæ coincidit cum prima.

Thomæ opinio.

Vera ratio auctoris ad confirmandam positionē S. Thomæ & iuristarum. Et ratio.

1. Ratio.

1. Ratio.

Resp. cuiusdam ad rationem. Confut. 1.

Secunda.

**Q**VAERETVR vltèrius, an mala fides adueniens completa prescriptione tollat prescriptionem vitando eam, & an sic prescribens teneatur ad restitutionem rei prescripte, sicut si prescripsisset cum mala fide. Ad hoc respondetur per Bernardum extra de prescriptionibus capitulo vigilanti, & communiter per omnes, qd non. Primò, quod si compleatur prescriptio bona fide, tutus videtur prescribens nō solum de iure ciuili, sed etiam de iure canonico, extra de prescriptione, capitulo de quarta. Secundò patet, quia si compleatur prescriptio durante bona fide, factum est ius meum, quod erat alienum: ideo iam non habeo conscientiam iuris alienæ rei confirmatæ vtroq; iure: ideo nec ad restitutionem rei meæ tenebor. Tertiò patet, quod nullus obligatur restituere quod iuste possidet: & tamen prescribens huiusmodi possidet iuste, quia iure, & quod iure fit, iuste fit 14.q.4. quid dicam. Contra hæc tenet Gerardus de Senis Augustinen. f. qd prescribens bona fide tenetur restituere, si postea finita prescriptione incipiat habere fidem malā: & dicit quod rationes in contrarium supra allegatæ cōcludunt in foro contentioso, sed non in foro conscientie. Et quando arguitur, qd ius canonicum facit aliquem tutū facta prescriptione quantum ad conscientiam, quia et illud loquitur in foro conscientie: respondet, qd istud intelligitur de illis, quæ possunt reduci ad vtrumq; forum. f. conscientie, & litigij: & tamen in illis, qd solum reducuntur ad forum conscientie, sicut nunc. f. qd consideratur an fm conscientiam teneatur restituere, secus erit: vnde solum secundū cōscientiam iudicandum est. Ad hoc ipse facit tres rationes. Prima est, quia contra intentionem iuris dantis efficaciam bonæ prescriptioni esset, si superueniēs mala fides non noceret prescribenti, quia secundum hoc mala fides haberet fauorem a precedenti prescriptione, cuius contrarium statuere intendebat. f. qd eius cursus nullum fauorem præstaret malæ fidei. Secunda ratio, quia bona fides est fundamentum prescriptionis, & illi dat efficaciam: quo cessante cessat effectus ei⁹. f. dominium acquisitum, quia ad hoc, quod maneat, oporteat semper manere bonā fidem, vt sic semper acquisitio, & duratio bonæ fidei conueniant fundamento naturalis iuris. Tertia ratio est, quia veritas semper est correctiua falsitatis, ergo correctā fide erronea per fidem veram superuenientē, omne secutum ex illa erronea fide est corrigendum: & sic prescriptio mutabitur in non prescriptū, & tenebitur restituere, sicut si non prescripsisset. Ad istas tres rationes videret facere 3. tex. f. 34. q. 2. si virgo, & extra de prescriptione vigilantibus: & de regulis iuris in 6. regula: peccatum. Ponuntur autem 3. opiniones circa hoc p Bernard. in glo. c. vigilantibus. Prima est, qd teneatur restituere: & dicitur esse Theologorū. Secunda, quod non teneatur, & dicitur iuristarum. Tertia est media dicēs, qd aut prescriptio causat ius in his, qd sunt ex causā lucratiua, vt quod sola possessione nihil dando quis acquisierit ius in rebus alterius: aut habet ex causā onerosa, scilicet si emit ab illo, qui furatus est. Primò modo dicunt, qd teneatur restituere per malam fidem superuenientem. Secundò modo, quod non. Sed istam distinctionem improbat Hosti. Dicit Ray. qd si absens prescribens conscientiam remordentē non satisfaciat, vel si dicit se de peritorum consilio conscientiam non habere, vel siquam habuit completa prescriptione dicit se ad illorum consilium deposuisse: consulit adhuc tenendam tutiorem viam. f. qd restituat propter duplicis ambiguum: & maximè, quia non facile omnia,

Opinio Bernardi, & communiter omnium iuristarum.

1. Ratio.

2. Ratio.

3. Ratio.

1. Opinio Gerard.

2. Opinio Gerard.

3. Opinio Gerard.

4. Opinio Gerard.

5. Opinio Gerard.

6. Opinio Gerard.

7. Opinio Gerard.

8. Opinio Gerard.

9. Opinio Gerard.

10. Opinio Gerard.

11. Opinio Gerard.

12. Opinio Gerard.

13. Opinio Gerard.

14. Opinio Gerard.

15. Opinio Gerard.

16. Opinio Gerard.

17. Opinio Gerard.

18. Opinio Gerard.

19. Opinio Gerard.

20. Opinio Gerard.

21. Opinio Gerard.

22. Opinio Gerard.

23. Opinio Gerard.

24. Opinio Gerard.

25. Opinio Gerard.

26. Opinio Gerard.

27. Opinio Gerard.

28. Opinio Gerard.

29. Opinio Gerard.

30. Opinio Gerard.



Tertia.

si recolo illam fuisse alicuius tenerer ad restitutionē, quia ita effecta est semel mea res, quam præscripsi durante bona fide, sicut res quam emi. Item si adueniente tali fide post completam præscriptionem tenerer restituere rem, aut tenerer restituere illi, qui possedit eā primò, vel alteri: sed neutri, ergo nulli. Patet hoc, quia res non est restituenda, nisi habenti ius in illa, alioquin ipse fur, vel raptor, qui non habet ius, posset tenere rē: sed completa præscriptione cum bona fide desinit habere ius ille cuius erat primò res: alioquin præscriptio fidei bonæ nullo tempore constitueret verum dominium: ergo necesse est, q̄ adueniente isti consciētia rei alienæ, ille acquireret dominium, & iste perderet: sed non est aliquid, per quod ille acquirat pl<sup>9</sup> dominium in re, quàm quilibet alius, cum iam totaliter desierit habere ius: ergo non magis restitutio fieri debet isti, quàm alteri: sed quòd alteri non debet fieri manifestū est: ergo etiam non fiet isti. Sed obijcietur, q̄ perdat iste dominium p̄ hoc, q̄ aduenit ei fides de re aliena, quia sic est in præscribendo: nam dum nō habet fidem rei alienę præscribit, & quando habet fidem illius, nō præscribit. Respondendum, q̄ nō est simile propter duo. Primò, quia fides ante præscriptionem finitam de re aliena est mala fides, eo q̄ res ad alium pertinet tunc: post præscriptionem autem conscientia rei alienę non est mala fides, quia res effecta est possessoris. Secundò patet, & efficacius, quia fides bona, vel mala non constituebat dominium, nec tollebat dominium: nam dato q̄ ante finitam præscriptionem haberet quis bonam fidem, nō erat ex hoc dominus, & dato q̄ haberet malā fidē, non desinebat esse domin<sup>9</sup>: sed lex est, quæ faciebat eū dominum finita præscriptione: sed adueniente fide huiusmodi post completam præscriptionē nulla lex est, quæ tollat dominium, sicut fuit aliqua, quæ conferret præscribendo: ergo nō poterit desinere esse dominus. Dicendum ergo, q̄ non tenetur restituere adueniente huiusmodi fide completa præscriptione. Etiam debet negari positio casus. I. q̄ finita præscriptione cum bona fide, potest alicui aduenire mala fides: nam q̄ completa præscriptione cōperiat rem alterius fuisse, nihil magis est, quàm post emptionē sciat rem emptam fuisse alterius antequam eam emeret. Etiam non debet cōcedi, q̄ completa præscriptione possit quis habere cōscientiam rei alienæ: sed potest habere conscientiam, quòd res aliquando fuit aliena, & nunc est verè sua, quod nihil obstat. De hac materia plura dixi in quadam repetitione, cuius principalis quæstio erat an teneremur restituere res præscriptione quæsitæ: & ibi vide illa, quæ dixi.

Determinatio quæstionis. Per hoc respondetur faciliter ad motum Gerardi de Senis. Auctor fecit repetitionem de præscriptione q̄ nō apparet, sicut multa alia opera eius

*Chronica temporalium euentuum sub Abimelech, & Thola, & Iair iudicibus Israel. Quæst. LXIII.*

**C**HRONICA temporalium euentuum hic inseremus, quam ex morte Gedeonis omisimus. Huic successit Abimelech filius eius ex concubina anno ab exitu de Aegypto ducentis quadraginta cōpletis, & fuit tribus annis rex in Sichem: quem odiolum habuerunt Sichimitæ. Huius tempore in Græcia inuentum est musicum instrumentum, quod vocatur Chorus, & dicit Strabus esse pellem cum duabus cicu-  
tis eris, per alteram inspiratur, & per alteram reddit sonum, & scribitur secundum quosdam sine aspiratione. Pro voce autem canentium, & mensura, & vento cum Ch aspirato: sic ait historia scholastica. Chronica temporalium euentuum sub Thola, qui successit Abimelech, de quo habetur præcedenti cap. Iste cepit iudicare Israel anno ab exitu de Aegypto ducētesimo quadringentesimo tertio, & iudicauit annis 23. cuius tempore fm q̄ refert historia scholastica, Hercules vi-

Chorus in Græcia inuentus tempore Abimelech. Chronica temporalium euentuum sub Thola.

**F**cit Anthæum in palestra, & Ilium vastauit: Bellū fuit inter Laphitas, & Centauros, quos Palefactus in libro de incredibilibus nobiles fuisse scribit equites Thessalorum. Priamus Laomedontis filius regnavit in Troia: Androgeus Athenis dolo interficitur, & Theseus in agone Minotaurum occidit, propter quod Atheni pueri tributarij pēna liberati sunt. Fuit autem, vt quidam aiunt, inhuman<sup>9</sup>, & valens in palestra ingratius Minois quasi Minois taurus, idest carnifex. Sciendum autem, q̄ Paulus Orosius primo de Ormesta Mundi, dicit hoc bellum Laphitarum, & centaurorum, & bellum Thesei, & Minotauri prius fuisse. Anno 27. præsulatus Gedeonis, vt declaratum est supra 8. sed modicū differt. Sciendum autem, q̄ iste raptus Helenę, q̄ hic ponitur non fuit quando eā rapuit Paris filius Priami, propter quem surrexerunt bella Troiana: sed de raptu Thesei, qui iterum eam prius rapuit. Etiam bellū Troianum, de quo hic dicitur: non fuit istud quod accidit tempore Priami, quod fuit sub Agamemnone euntibus 50. regibus Græcorū, sed de bello, quod fecit Hercules, & Thelamon contra Laomedontem: postea autem fuit aliud bellum, q̄ decem annis durauit: in quo Troia excisa est. Sed adhuc istud bellum vult Paulus Orosius postea fuisse: sed adhuc de raptu Helenæ à Theseo melius sub Iair esse volunt. Chronica temporalium euentuum sub Iair, qui cepit præsidere anno ab exitu de Aegypto ducentesimo sexagesimo tertio, & præfuit annis 22. vt patet præced. c. huius tempore verius Helenam à Theseo raptam asserūt, quàm postea recuperauerunt fratres eius Pollux, & Castor captiuādo matrem Thesei, eo peregre profecto.

Opinio Minotauri.

De raptu Helenę.

Chronica temporalium euentuum sub Iair.

## CAPITVLVM XII.



**C**C E autem in Ephraim orta est seditio: nam transeuntes contra Aquilonē dixerunt ad Iephthā: Quare vadens ad pugnam contra filios Ammon vocare nos

noluisti, vt pergeremus tecum? Igitur incēdemus domum tuam. Quibus ille respondit: Disceptatio erat mihi, & populo meo contra filios Ammon vehemens: vocauiq̄ vos, vt præberetis mihi auxilium, & facere nolulistis. Quod cernens posui animā meā in manibus meis: transiuique ad filios Ammon, & tradidit eos Dominus in manus meas. Quid commerui, vt aduersum me confurgatis in prælium? Vocatis itaq̄, ad se cunctis viris de Galaad, pugnabat contra Ephraim: percusseruntque viri Galaad Ephraim, quia dixerat: Fugitiuus est Galaad de Ephraim, & habitat in medio Ephraim, & Manasse. Occupaueruntque Galaaditæ vada Iordanis, per quæ Ephraim reuersurus erat. Cumq̄ venisset ad ea de Ephraim nu-

Priamus, hector, paris, & reliqui illi cauerunt.

Helenę Troiani belli causa rapitur.



mero fugiens, atq; dixisset: Obsecro vt me transire permittas, dicebant ei Galaaditæ: Nunquid Ephrateus es? Quo dicente: non sum: interrogabant eum: Dic ergo schiboleth, quod interpretatur Spica. Qui respondere Siboleth: eadem litera, spicam exprimere non valens. Statimque apprehensum iugulabant in ipso Iordanis transitu. Et ceciderunt in illo tempore de Ephraim quadragintaduo millia. Iudicauit itaq; Iephthe Galaadites Israel sex annis, & mortuus est, ac sepultus in ciuitate sua Galaad.

*Ecce autem.* Descripta in præcedentibus tribulatione, & liberationis modo: hic ponitur impetus seditionis, scilicet, quia per istam pugnam cum Ammonitis facta est quædam seditio in Israel. Et primò seditio describitur. Secundò trium iudicum tempus succintè subditur ibidem. *Post hæc iudicauit.* Illa pars diuiditur in tres partes, secundum quòd fuerunt tres iudices: partes per se satis patent.

*An in his sit aliqua ordinis mutatio, & an fuerint immediatè facta.* Quæstio I.

**Q**VAERETVR, an ea, quæ habentur hic descendunt à præcedentibus ordine continuato, vel sit aliqua mutatio ordinis, & an fuerint facta immediatè post illa, vel interiecto aliquanto tempore. Ad primum dicendum, quòd fuit hic continuatio ordinis: nam supra ponebatur principium iudicaturæ Iephthe, scilicet quomodo institutus est, & immediatè contra Ammonitas pugnavit. Hic autem subditur de seditione, quam postea iudex factus habuit. Etiam ista seditio orta est, quia non vocauit Iephthe Ephrateos ad bellum contra Ammon, vt ipsi assererant: ergo fuit post bellum illud. Ad secundum dicendum, quòd videtur, quòd immediatè factum fuerit post præcedentia de bello Ammonitarum: nam Ephratei moti sunt contra Iephthe, quòd non vocasset illos ad bellum, ideo credendum est, quòd immediatè persequerentur iniuriam suam mouentes istud bellum, quia si magno tempore post moueretur, non videretur esse ad propositum talis commotio, cum non haberet aliquam causam recentem. Sicut etiam Ephratei moti sunt contra Gedeonem, quia non vocauit eos ad bellum contra Madianitas: & tamè illud fuit immediatè, vt finitum est bellum, vt supra 8. cap. & sic esset hic. *Ecce autem in Ephraim orta est seditio.* Non est intelligendum, quòd Ephratei inter se haberent istam seditionem, quòd contra Iephthe tumultuabantur: sed dicitur in Ephraim, idest de Ephraim, scilicet, quia ipsi mouerent eam procedentes contra Iephthe. Nam transeuntes contra Aquilonem dixerunt ad Iephthe. Idest postquam in iram inter se successi sunt contra Iephthe, venerunt ad eum in terram suam Galaad ad tumultuandum contra ipsum, quasi ab eo iniuriam suscepissent. Et dicitur, quòd iuerunt cōtra Aquilonem, quia habitabant Ephratei ad partem meridiana respectu Iephthe: nam Iephthe erat in terra Galaad in vrbe Masphad, vt patet præcedenti capitulo. Et ista vrbs erat ad latus septentrionale terre Israel: fors aut Ephraim erat magis meridiana, eo quòd erat circa sortem Iuda, & Benjamin, quæ erant maximè meridiana: & ad veniendū ad locū Iephthe descendebant ad Aquilonem, & aliquantū ascendebant versus Orientem: vnde transie-

runt Iordanem: & ob hoc postea in regressu tenuerunt Galaaditæ vada Iordanis, & ibi occidebant Ephrateos.

*Quare Ephratei tumultuabantur contra Iephthe.*

Quæstio II.

**Q**VAERETVR, quare Ephratei tumultuabantur contra Iephthe. Respondendum, quòd erant valde superbi, & nolebāt, quòd aliquis haberet honorem, nisi ipsi, & quia tunc Iephthe consecutus fuerat victoriā magnificā, & ipsi non consecuti fuerant aliquā partem gloriæ, doluerunt nimis, & ob inuidiam voluerunt delere ipsum Iephthe, & quæsierunt occasionē pugnandi contra eum dicentes, quòd non vocauerat eos ad bellum, licet in hoc mentirentur: sicut enim quando Gedeon processit contra Madianitas, & non vocauit eos, postea iurgati sunt valde contra ipsum, ita vt vellent vim facere supra 8. cap. Et sciendum, quòd nulla alia tribus venit nunc contra Iephthe, nisi tribus Ephraim, eo quòd viri de ista tribu erant magis superbi, quā omnes viri de alijs tribubus, & sicutam contra Iephthe, quā contra Gedeonem ipsi soli iurgati sunt. Alia ratio specialis inuidiæ esse potest, quia Ephratei valde inuidebant filiis Manasse, & quia Iephthe erat de filiis Manasse, doluerunt specialiter de victoria illi concessa. Sciendum autem, quòd Manasse, & Ephraim erant fratres, & Manasse erat primogenitus Ioseph, sicut patet Gen. 48. Iacob tamè in benedictione pposuit Ephraim ipsi Manasse, & postea erat maioris honoris in actibus publicis tribus Ephraim, quā Manasse: nam tribus Ephraim habuit vexillum, sub quo erat tribus Manasse: Nu. 2. c. & princeps filiorum Ephraim prius obtulit in consecratione sanctuarij, quā princeps Manasse: Nu. 7. ca. & sic de cæteris: Manassitæ autem, quia secundū carnem ipsi erant de linea primogeniti, conabatur se superponere Ephrateis, & ex hoc nascebat magna inuidia, & contentio inter eos, nec aliqua duæ tribus tantum sibi inuidebant in toto Israel, sicut istæ due, ideo quando Manassitæ, qui minores erant, & æmuli Ephrateorum, faciebant aliquid gloriosum, dolebant valde Ephratei: & sic fuit quando Gedeon, qui erat de stirpe Manasse obtinuit contra Madianitas: nam tunc nulla tribus iurgata est contra eum, nisi Ephraim, supra 8. c. nunc etiam Iephthe erat de dimidia tribu Manasse, quæ erat ad Orientem Iordanis, quòd patet, quia vocatur Galaadites, & tamen medietas terræ Galaad data est medietati tribus Manasse Deuter. 3. & sic inuiderunt valde ei plusquam si fuisset de alia tribu, & quia nulla tribus habebat specialem inuidiam contra Manasse, nisi tribus Ephraim, ipsi soli pugnaverunt contra Iephthe: istud procedit dicēdo Iephthe fuisse de tribu Manasse. Aliqui tamen volunt eum fuisse de tribu Gad, quia vtraq; tribus habebat medietatem terræ Galaad, sed magis dicendum est fuisse de tribu Manasse, quā Gad, & hoc communius tenetur.

*Quare Ephratei cupidi gloriæ non iuerunt ad bellum, vt victoriam obtinerent, sicut Iephthe.* Quæstio III.

**Q**VAERETVR vltèrius, cum Ephratei essent cupidi gloriæ, quare ipsi non iuerunt ad bellum, vt obtinerent victoriā, & gloriarentur, sicut Iephthe: nam cum vocati essent à Iephthe ire noluerunt, vt patet infra. Respondendum, quòd fuit propter duo, primum fuit, quia timuerunt Ephratei, quòd non possent habere victoriā: nam Ammonitæ vsque nunc fuerant potentes nimis, & premebant valde Israelitas, non solum habitantes in terra Galaad, sed etiam interdum transibant Iordanem, & vastabant sortem Iudæ, & Ephraim supra 10. & non poterāt resistere eis Ephratei, ideo

Ephraim  
superbissi-  
mi, & in-  
uidi.



ideo nunc timuerunt pugnare contra eos, & sic non venerunt quamquam vocarentur. Secundum fuit ex magna dedignatione: nam cum Ephratei essent valde superbi, & inuidi contra Manassitas, dedignabantur Iephthe Manassitam esse ducem eorum, quia siquid boni agerent, totum imputaretur Iephthe, & si paterentur mala, essent omnibus communia, ideo noluerunt ire nunc: quando viderunt autem, quod Iephthe obtinisset tam magnificam victoriam, doluerunt valde, quod ipsi ascriberetur victoria.

*Quare cum Ephratei tumultuati fuerunt contra Gedeonem ex simili causa cessauerunt: & nunc non cessauerunt, sed intulerunt bellum.*

*Questio IIII.*

**Q**UÆRETUR vltius, quare cum Ephratei tumultuati fuerunt contra Gedeonem ex simili causa cessauerunt, & nunc non cessauerunt: sed intulerunt bellum. Respondendum, quod Ephratei valde irati sunt contra Gedeonem: sicut nunc contra Iephthe, & iurgabantur acriter, ita ut iam vellent vim inferre supra 8. & tamen placauit eos Gedeon verbis: hic autem placari non potuerunt, & hoc fuit propter duo. Primum erat, quia Gedeon locutus est eis verba valde dulcia, ascribendo eis totam victoriam, & sibi nihil, ut supra 8. scilicet: Quid enim tale facere potui, quale vos fecistis? nonne melior est racemus Ephraim vindemijs Abiezer? in manus vestras tradidit dominus principes Madian: excusando se quod vocauisset eos, & venire contempsissent: sed nunc Iephthe non laudauit eos plusquam se: ideo non potuit quiescere superbia eorum, quia nihil fuit quod eorum impetum mitigaret. Secundum fuit, quia quando litigabant contra Gedeonem: ipsi egerant aliquid quod erat verè laudabile, scilicet quod occidissent Oreb, & Zeb principes Madian, licet maiora egisset Gedeon, & cum laudaret eos Gedeon, & viderent se egisse aliquid, de quo possent verè laudari, gloriati sunt, & potuit cessare eorum impetus: nunc autem nihil gloriosum egerant, quia non iuerant ad bellum, ideo etiam si laudasset eos Iephthe, satis non possent contentari, ut cessaret tumor illorum. *Quare vadens ad pugnam contra filios Ammon vocare nos noluit, ut pergeremus tecum?* Istud posuerunt per occasionem filij Ephraim ad pugnandum contra Iephthe, & tamē mentiti sunt, quia Iephthe vocauit eos, ut patet infra, & vocati noluerunt venire. Sed adhuc dato quod nolisset vocare eos Iephthe ad bellum, non grauabat eos, sed potius faciebat gratiam: nam ipse erat princeps populi, & poterat vocare quos vellet ad bellum dimittens alios. Etiam quando Iephthe fecit istud bellum contra Ammonitas: erat constitutus solum princeps super terram Galaad, ut patet precedenti cap. sed non super reliquum Israel: ideo non vocans de alijs quam de Galaaditis non male agebat, quia nolebat impetare, nisi subditis suis. *Incendemus igitur domum tuam.* Iniuste agebant, quia nullā iniuriam, aut damnum eis inflixerat Iephthe: & dato quod inflixisset, non debebant ipsi propria auctoritate inferre bellum, sed ex sententia iudicis de domo consilij teneretur Iephthe respondere, & satisfacere viris Ephraim. *Quibus ille respondit.* Non tenebatur Iephthe respondere verba tam mollia, quia poterat dicere nolui vocare vos, quia non tenebar, vel quia non eratis populus meus: sed quia vidit eos iratos nimis, ut non daret occasionem bello, & effusioni sanguinis, tacuit ab his, & respondit verba mollia: nam responsio mollis frangit iram: & verbum durum suscitatur furorem: Prouerbiorum 15. *Disceptatio erat mihi, & populo meo vehemens contra filios Ammon.* Id est pugna gravis, vel vocatur disceptatio, id est altercatio, quæ non est bellum sed origo belli, & sic fuit hic: nam

**F** contēdebāt Ammonites, & Israelites super terra Galaad petētibz Ammonitis eam sibi reddi, Galaaditis verò respondentibus non deberi, & ista disceptatio erat terminanda bello, & ad hanc vocauit Iephthe Ephraitas, & venire noluerunt, & vocatur vehemens disceptatio, quia erat questio de tota terra, quam tenebant Galaaditis quod perderent eam. In Hebræo dicitur. *Vir contentionis fui ego, & populus meus.* Scilicet ego & populus meus eramus in contentione cum Ammonitis: & idem est quod litera nostra, & dicitur: ego & populus meus, quia terra Galaad iam erat subiecta Iephthe, eo quod fecerant eum principem precedenti cap. & non vocauit aliam terram, vel populum suum. *Vocauitque vos ut mihi prestaretis auxilium.* Scilicet antequam inciperet, vocauit Ephrateos, ut venirent ad iuuandum eos, quia erant fratres sui, & noluerunt venire. *Et facere noluitis.* Scilicet, quia cōtempserunt ire sub principatu Iephthe, qui erat Manassita. Etiam quia timebant se non posse obtinere contra Ammonitas. *Quod cernens, posui in manibus meis animam meam.* Id est videns, quod vos nolebatis me adiuuare, posui animam meam in manibus meis, id est posui me ad periculum. Vel posui terram meam in potestate manuum mearum. *s. quod si bene pugnarem, anima mea, id est vita mea liberaretur: si autem male, periret anima mea: quasi dicat: si vos venissetis in adiutorium meum, non solum esset vita mea in manibus meis, sed et in vestris: quia tamen non iuistis, fuit anima mea in manibus meis solum.* *Transiui ad filios Ammon.* Scilicet iui ad locum, in quo castrametabantur, ut pugnarem contra eos. *Tradiditque eos in manus meas dominus.* Id est licet solus cum populo meo pugnarem, Deus tradidit Ammonitas in manus meas sine adiutorio vestro, & occidi fugauitque illos. In Hebræo habetur. *Et non saluaui me de manibus suis.* Vbi litera nostra dicit, & posui animam meam in manibus meis, scilicet, quia vos noluitis me saluare, id est venire ad me adiuuandum: posui animam meam in manibus meis. *Quid commerni, ut aduersum me consurgeretis in prælum?* Quasi dicat, cum ista sit veritas facti, ut vos noitis: quid mali ego commernui vobis, ut consurgeretis ad pugnandum contra me, sicut contra hostem? In Hebræo habetur. *Cur ascenditis contra me ad bellandum?* Et est litera breuior, sed idem significat. *Vocatis itaque ad se cunctis viris Galaad pugnabāt contra Ephraim.* Non est intelligendum, quod Iephthe vocauerit viros Galaad ad pugnandum contra Ephrateos eundo in terram illorum, sed subintelligendum, quod cum nunc dixerint Ephratei, quod volebant incendere domum Iephthe, ita continuauerint: Iephthe autem defendit se cum viris, qui erant in vrbe sua Masphad: & iterum misit ad vocandum omnes Galaaditas, quibus ipse specialiter perat, & venientes occupauerunt vada Iordanis, ne possent transire Ephratei fugientes, & pugnatum est contra Ephrathæos existentes in terra Galaad, quod patet: quia si Ephrathæi iam rediissent in terram suam: non iussisset Iephthe occupari vada Iordanis: nam Ephrathæi erant ad Occidentalem partem Iordanis, & non oportebat, quod transiret Iordanem ad aliquam partem, & cum nunc veniebant ad vadum Iordanis, & petebant transitum, & ibi occidebant eos Galaaditas, ergo erant in terra Galaad, & ibi pugnabant contra Iephthe, & postea vocatis Galaaditis pugnauit ibi Iephthe contra illos. Ista vocatio Galaaditarum fuit, quia dum Ephrathæi fortè obsideret ciuitatem Masphat, in qua habitabat Iephthe, & ipse se defendebat: mitteret nuncios per totam terram Galaad, ut veniret in auxilium contra Ephrathæos. *Percusseruntque viri Galaad Ephraim.* Istud fuit pugnando in terra Galaad, & postea Ephrathæi videntes se impares viribus Galaaditis fugerunt, ut transirent per vada Iordanis in terram suam, & iam erant occupata vada Iordanis. *Dixerunt: fugitiuius Galaad*



laad de Ephraim. Idest dixerunt velut improprium Ephraim de Galaaditis, fugitiu<sup>s</sup> est Galaad de Ephraim, idest fugit à facie Ephraim, & ob hoc concitati sunt grauit<sup>r</sup> ad bellum Galaaditæ, & percusserunt Ephra-  
thæos. *Habitabat in medio Ephraim, & Manasse.* Idest, & tamen Galaad habitabat in medio Ephraim, & Manasse, quia terræ istæ erant coniunctæ. Alij exponunt de Iephthe. scilicet dixerunt Ephraim<sup>i</sup> improprium Iephthe: fugitiuus est Galaad. i. Iephthe Galaadites. scilicet quia fugatus fuit à fratribus suis tanquam ignobilis, & nunc principatur, ideo non est dignum huic viro tam ignobili subijci. Sed non stat ista expositio, quia dicitur: fugitiuus est Galaad de Ephraim, & tamen Iephthe non fugatus est ab Ephraim<sup>i</sup>, sed à fratribus suis Galaaditis. Aliter exponit Nicolaus. Fugitiuus Galaad, idest Galaaditæ sunt populus contempnibilis, & nullius valoris comparando ipsi Ephraim, & Manasse, & istud erat improprium, ideo suscitabantur in bellum ipsi Galaaditæ contra Ephraim<sup>i</sup> tanquam ab ipsis contempni: sed magis conuenit literæ nostræ alius sensus, qui ponit, & habitabat in medio Ephraim, & Manasse. In Hebræo habetur. *Fugientes ab Ephraim vos à Galaad in medio Ephraim in medio Manasse.* Et super hanc literam vult fundare Nicolaus sensum præcedentem, eo quod non ponitur in illa, habitabat. Sed non conuenit, quia necesse est, quod intelligatur habitabat ex habitudine literæ, vel aliud verbum: fugientes ab Ephraim, vos à Galaad, idest Galaad est fugiens à facie Ephraim. scilicet non potens sustinere bellum illius. In medio Ephraim, & Manasse, idest tamen habitat Galaad in medio Manasse, & Ephraim. scilicet circa Ephraim, & Manasse: accipitur hic Manasse pro dimidia tribu Manasse, quæ habitabat ad Occidentalem partem Iordanis, quæ erat iuxta sortem Ephraim Iosue 17. nã alia medietas Manasse tenebat medietatem terræ Galaad, & contra istos erat nunc bellum Ephraim<sup>i</sup>, & contra tribum Gad, qui erant Galaaditæ. *Occupaueruntq; Galaadite vada Iordanis.* Iordanis est fluius magnus pontem non habens, & vada rara. scilicet circa Hierico: ideo Galaaditæ iuerunt ad illum locum, vt occuparent vada, scientes, quod Ephraim non possent in terram suam ire per alium locum, quia non erat pons, nec puppis ad transcendendum alibi. *Per quæ Ephraim reuersurus erat.* Scilicet, quia sciebant Galaaditæ nulla alia vada esse, per quæ redire possent in terram suam, etiam si vellent: & dicitur hoc, quia manebant nunc Ephraim<sup>i</sup> pugnantes contra Iephthe, & quædam pars Galaaditarum venit ad auxilium Iephthe, alia verò occupauit vada Iordanis, & cum Iephthe præualeret contra Ephraim<sup>i</sup> fugiebant ad Iordanem, vt transiret, & ibi iugulabantur. *Cumq; venisset ad ea de Ephraim numero fugiens.* Idest Galaaditis tenentibus vada, veniebant aliq; fugientes de numero Ephraim. i. de numero Ephraim<sup>i</sup>, qui transierant ad pugnandum contra Iephthe, quia fugabantur à Iephthe, & veniebant ad vada Iordanis. *Atque dixisset: obsecro, vt me permittas transire.* Idest veniebant Ephraim<sup>i</sup> diuisim, sicut fugiebant de bello, & quia multi Galaaditæ erant tenentes vada, non poterant sine licentia illorum transire Ephraim<sup>i</sup>, & dicebat: obsecro, vt me transire permittas. Dicebant ei Galaaditæ: nunquid Ephraim<sup>i</sup> es? Hoc querebant, quia Ephraim<sup>i</sup> erant hostes, & nolebant permittere aliquem transire, sed iugulare omnes. *Quo dicente non sum.* Omnes negabant se Ephraim<sup>i</sup> esse, ne occideretur, quia sciebant ad hoc se interrogari, an essent Ephraim<sup>i</sup>. Dicebant ei: dic ergo Schibboleth. Hoc dicebant ad experientium eos: nam si Ephraim<sup>i</sup> esset, non posset dicere Schibboleth per eadem literam, & prolationem, quæ dicebant Galaaditæ. *Quod interpretatur Spica.* Istud non est in Hebræo, sed posuit Ieronymus ad ostendendum significatum illius nominis, in quo experiebantur.

**A** Ephraim<sup>i</sup>. *Qui respondet Sibboleth eadem litera, Spica exprimeret non valens.* Idest non dicebant Ephraim<sup>i</sup> Schibboleth: quia non poterant dicere: sed dicebant Sibboleth, & sic solum errabant in vna litera, quæ erat in principio dictionis. Nicolaus dicit, quod Schibboleth est æquiuiocum ad Spicam, & ad impetum aquæ fluentis, & quod Galaaditæ accipiebant Schibboleth per impetum, eo quod apud aquam experiebantur ipsos Ephraim<sup>i</sup>, sed plurimi exponunt Schibboleth pro Spica, quàm pro impetu aquæ: sed dato, quod vtrumque significet hic, non magis pro vno, quàm pro alio accipiebatur, eo quod non attendebatur hic significatum vocis, sed ipsa vox, an possent eam proferre Ephraim<sup>i</sup>.

**B** *Quis modus experiendi erat, quis esset Ephraim<sup>i</sup> per prolationem literæ. Quæst. V.*

**Q** V A E R E T V R, quis modus experiendi erat iste ad cognoscendum Ephraim<sup>i</sup>. Respondendum, quod erat in prolatione vnius literæ, quàm poterant proferre alij Israelitæ, & non Ephraim<sup>i</sup>. Pro quo sciendum, quod apud Hebræos sunt tres literæ loco literæ nostræ, s, quantum ad officium: licet in asperitate sonoritatis nimis differunt. scilicet Sin, Samech, quàm ipsi, cama, vocant, & sade, quàm ipsi, cadi, vocant: prima. scilicet Sin est fortis sonoritatis, siue ponatur in principio dictionis, siue in fine, sicut litera nostra, s, quando ponitur in principio, vel fine lectionis, quia licet ponatur simplex: videtur duplata in sono, Samech, siue cama, habet sonum debiliorem qualem faciunt in litera nostra, s, illi, qui habent linguam Blesam, quia non possunt pronuciare illam cum tota sua grauitate, vel asperitate prolationis, & assimilatur sonus ei<sup>9</sup> literæ, c. Sic autem erat in Ephraim<sup>i</sup>: nam ista dictio Schibboleth habet literam Sin in principio cum aspera pronunciatione. Ephraim<sup>i</sup> verò non poterant proferre Schibboleth cum Sin, sed proferebant cum Samech, ita vt dicerent Sibboleth. Sic autem est in quibusdam nominibus idiomatis nostræ: nam Agareni non possunt proferre, sicut nos, licet iam linguam nostram nouerint: erant autem omnes Ephraim<sup>i</sup> Blesi, vel per corruptionem proferebant, ita vt non possent pronuciare cum Sin: dicentes Schibboleth. Istud autem cognitum erat apud omnes Israelitas. scilicet Ephraim<sup>i</sup> non bene pronuciare: ideo experiebantur eos in hoc. Sed sciendum, quod ista experientia erat valde periculosa, quia sicut erant omnes Ephraim<sup>i</sup> Blesi, contingeret aliquem de alijs tribubus Blesum esse, & non pronuciare Schibboleth, & occideretur innocens. In Hebræo habetur. *Et non intelligebat loquendum sic.* Vbi dicitur litera nostra: eadem litera spicam exprimere non valens, & idem est. Dicitur autem. *Et non intelligebat ad loquendum sic.* Idest non poterat sic loqui. scilicet sicut Galaaditæ, qui proferebant Schibboleth cum Sin, & Ephraim<sup>i</sup> cum Samech. *Statimq; apprehensum iugulabant in ipso Iordanis transitu.* Scilicet cum non posset dicere Schibboleth, non querebant aliam probationem contra ipsum, sed tanquam notorie Ephraim<sup>i</sup> occidebant. *In transitu Iordanis.* Idest apud vada. *Et ceciderunt in illo tempore de Ephraim quadraginta duo milia.* Scilicet dum durauit istud bellum, & computatur ista tam in illis, qui ceciderunt pugnando contra Iephthe, quam in illis, qui apud vada Iordanis occidebantur.

Apud Hebræos tres sunt literæ loco nostræ literæ, s.

Ephraim<sup>i</sup> erant omnes Blesi.

Litera in Hebræo.

*An occisio quam fecit Iephthe in Ephraim<sup>i</sup> iusta fuerit. Quæstio VI.*

**Q** V A E R E T V R, an ista occisio quam fecit Iephthe in Ephraim<sup>i</sup> iusta fuerit. Respondendum, quod occisio est iusta, si bellum est iustum, fuit autem bellum iustum Iephthe, qui erat ad defensionem: nam Ephra-



Ephrathei venerunt ad incendendum domum Iephte sine causa, ipse autem defendit se solum, & vocavit in adiutorium suum Galaaditas: omnis tamen concertatio, & occisio, atque vulneratio facta ad defendendum, licita est: unde non solum poterat pugnare Iephte usquequo securus esset de Ephratheis, sed etiam usquequo eos excluderet de terra sua, in qua iniuriose intraverant: unde de viris Ephratheis, quos occidit Iephte defendendo se & pugnando: non est dubium quin iuste egerit. Sed de illis, qui iugulati sunt ad vada Iordanis cum iam fugerent, qui erant valde multi, est dubium an potuerint licite occidi. Respondendum, quod isti non poterant iam occidi per modum defensionis, quia iam fugiebant de certo bello, sed poterant occidi licite alio modo, scilicet repetendo vindictam iniuriarum: nam praeter hoc, quod deberet Iephte se defendere, & occidere quos posset isto modo, competeat ei repetitio iniuriarum. scilicet quia illi valde iniuriati fuerant ei introeundo in terram eius, & mouendo bellum iniustum contra eum: istam iniuriam poterat repetere Iephte infligendo bellum: ideo nunc in vindictam iniuriarum poterat occidere Ephratheos quos reperiebat in terra sua. Sed adhuc dicendum, quod iniuria Iephte erat maior ex alio capite, scilicet quia ipse erat princeps, & iudex Israelitarum, & subditi sui mouebant contra ipsum, per quod videbantur incurrere quasi in crimine lese maiestatis, & ipse Iephte, quia iudex erat, poterat iubere infligi eis magnam poenam. scilicet quod occiderentur omnes, & etiam publicarentur bonis eorum, solum tamen occisi sunt illi, qui reperti sunt contra Iephte: ideo sententia iudicis recte condemnabantur. Credendum autem est, quod Iephte interfecit Galaaditis occupantibus vada Iordanis, quod occiderent omnes Ephratheos transeuntes, & sic habebat eis, *Iephte Galaadites sex annis.* Idest praefuit sex annis computando: a tempore quo ductus est de terra Tribus usque ad mortem eius: nam ille, qui semel erat iudex, nunquam priuabatur potestate illa. *Mortuus est.* Scilicet post illos sex annos: *Sepultusque est in ciuitate sua Galaad.* Idest sepultus in ciuitate sua, idest in qua morabatur, quae erat Maphad praecedenti capit. & ista erat ciuitas Galaad, idest in terra Galaad. Nicolaus dixit praecedenti capitulo, quod accipiebatur hic Galaad pro nomine ciuitatis. scilicet in ciuitate sua Galaad, idest in ciuitate sua, quae vocatur Galaad. In Hebraeo habetur: *Sepultus est in ciuitatibus Galaad.* Et exponunt quidam Hebraei, quod Iephte propter hoc, quod noluit consulere sacerdotem Phinees super voto de immolatione filiae suae, & immolauit illam: Deus fecit eum compulscere, & dissecabantur partes corporis eius ab inuicem, & sponte cadebant, & sic sepehebatur vna pars in vna ciuitate, & alia in alia, & sic fuit sepultus in multis ciuitatibus Galaad: sed istud improbatum est praecedenti capitulo. Ideo exponit Rabbi David Kimhi, quod sepultus est in ciuitatibus Galaad, idest in vna de ciuitatibus Galaad, & sic exponit quod habetur 1. Reg. 18. secundum litteram Hebraicam, scilicet in duabus eris generis meus, idest in vna duarum. Littera autem putauit hoc factum ex improprietate sermonis Hebraei, quae consueta est, scilicet, quod ponatur plurale pro singulari, & e conuerso: ideo dixit in ciuitate sua Galaad, idest terra Galaad.

Panthasia  
lea amazo  
ni regina.

Post hunc iudicauit Israel Abesam de Bethlechem, qui habuit triginta filios, & totidem filias, quas emittens foras maritis dedit, & eiusdem numeri filijs suis accepit uxores, introducens in domum suam. Qui septem annis iudicauit Israel. Mortuusque est, ac se-

pultus in Bethlechem. Cui successit Ahialon Zabulonites, & iudicauit Israel decem annis: mortuusque est, ac sepultus in Zabulon. Post hunc iudicauit Israel Abdon filius Illel Pharatonites, qui habuit quadraginta filios, & triginta ex eis nepotes ascendentes super septuaginta pullos asinarum, & iudicauit Israel octo annis: mortuusque est, ac sepultus in Pharaton terrae Ephraim in monte Amelec.

Post hunc iudicauit Israel. Hic ponitur secundum huius capit. in quo tempus trium iudicum succincte describitur.

An isti tres iudices immediate fuerint assumpti.

Questio V. II.

QVAERETVR circa istos tres iudices, qui ponuntur hic, an immediate. scilicet per successionem, vel mediate tempore fuerint assumpti. Respondendum, quod a principio institutionis iudicum, fuit ista consuetudo, quod nunquam instituerentur iudices sine causa urgente, ideo mortuo vno iudice, non immediate assumebatur alius, sed expectabatur aliquanto tempore usque dum esset opus illo, scilicet cum Israelitae colebant idola, & tradebat eos Deus in manus hostium, & tunc clamantes ad dominum suscipiebant iudicem, vel quem ipsi eligebant, vel quem Deus suscitabat. Et cum ille moreretur essentque in pace, Israelitae non suscitabant alium iudicem quousque rursus caderent in manus hostium, & sic inter iudicem, & iudicem, intercidebant aliquot anni, sic patet in Hothoniele, qui fuit primus iudex: nam inter eum & Aod fuerunt 18. anni supra 34. cap. & inter Aod & Barac fuerunt 20. anni supra 4. ca. & inter Barac & Gedeonem intercidit 6. annorum spatium, supra 6. cap. Dicendum tamen, quod isti tres iudices, imò 4. computando cum eis Iephte fuerunt succedentes sibi sine medio. Quod patet, quia quando intercidebat tempus inter iudicem & iudicem, illud describebatur, & quid Israelitae agerent, vel paterentur in illo, ut patet supra 3. & 4. & 6. sed inter istos 4. iudices nullum tempus medium ponitur: ergo non fuerunt tempora intermedia, sed per successionem instituti fuerunt.

Quare fuerunt instituti per successionem contra consuetudinem iudicum praecedentium. Questio V. III.

QVAERETVR, quare fuerunt instituti per successionem contra consuetudinem iudicum praecedentium. Respondendum, quod in praecedentibus iudicibus Israelitae non curabant statuere iudicem mortuo praedecessore, quia putabant non esse necesse: sed apparere necessitate instituebant illum: postea autem inuenerunt quod instituendo sic iudices sequebantur scidala, scilicet quia aliqui usurpabant sibi dominium terrae tyrannizantes. Sic fecit Abimelec mortuo Gedeone: nam factus est rex a Sichimitis, & postea faciebat preda & bella contra vrbes, supra 9. ideo illo mortuo Israelitae constituerunt in iudicem Thola, ne aliquis surgeret ad tyrannidem exercendam post Abimelech. Etiam post Thola immediate instituerunt lair iudicem ex eadem causa, ut declaratum est supra 10. post lair putantes cessasse causam scandali, non statuerunt iudicem immediate, & corruit populus in magna dana, scilicet, quia oppressus est a Philistinis, & Ammonitis, supra 10. Et

Troia destruit post  
decennarium ob-  
dionem.



Et compulsi sunt Israelitę eligere Iephthe in iudicem A  
precedenti cap. post hoc autem videntes, q̄ ex discon-  
tinuatione iudicum incidebat populus in aduersitates,  
decreuerunt sumere iudices per successionem, & sic  
post Iephthe sumpserunt tres iudices, qui sequuntur si-  
ne medio, & omnes alij fuerunt etiam sine medio,  
scilicet Samson, & Heli. Nec valet si quis obijciat, q̄  
inter vltimum istorum, & Samsonem fuerunt quadraginta  
anni, vt colligitur seq. capit. quia illi 40. anni non sunt  
computandi intermedij, vt eodem cap. declarabitur.

*Quis fuit modus accipiendi istos tres sequentes in iudices*

*Questio IX.*

**Q**VAERETVR vterius, quis fuit modus acci- B  
piendi istos tres sequentes in iudices. Rñdēdū,  
quod aliquādo efficiebantur aliqui iudices Deo iubē-  
te, sicut fuit de Gedeone supra 6. Aliquādo Deo insti-  
gante, scilicet dando eis virtutem, vt auderent pugna-  
re contra hostes, & per hoc efficerentur iudices popu-  
li, sicut fuit in Hothonie, & Aod supra 3. nam dicitur  
q̄ Deus suscitauit eos. Interdum erant aliqui iudices  
propter hoc, q̄ Deus prænunciabat de his, q̄ futuri es-  
sent iudices, & postea populus tenebat eos in iudices:  
sic enim fuit de Samson, de quo prænunciavit ange-  
lus patri suo, & matri, q̄ liberaret Israel de manu Phi-  
listhinorum sequenti cap. Alij autem accipiebantur in  
iudices solum per consensum populi, quia populus  
videbat illos esse viros bonos ad regendum populum, C  
& pugnandum pro illo: sic fuit de Iephthe, ad quem  
vocandum miserunt Galaaditę supra precedenti cap.  
Dicendum de istis, quod fuerunt electi cōsensu popu-  
li, quia erant viri excellentes, & populus volebat illos  
accipere in iudices, & iste modus intelligendus est de  
oībus illis, de quibus nō ponitur modus expressus: nam  
illi, qui a Deo sumebantur aliquo mō nominantur, quō-  
fumerentur, eo quod istud erat aliquid specialiter.  
Quod autem electione populi consisterent, non erat  
aliquid speciale, ideo scriptura non curat exprimere.  
Item est alia ratio multū apparens ad hoc, quia quādo  
Deus vocabat aliquem hominem specialiter, vt esset iu-  
dex, vocabat eum ad faciendum aliquem actum ex-  
cellentem, vt pater discurrendo a principio libri huius  
vsque ad finem, in omnibus illis, de quibus dicitur, q̄  
Deus suscitauit illos, vel iussit eis per angelum, quod  
essent iudices: nam fecerunt aliqua opera magnifica,  
& tamen isti nihil memorabile fecerunt: vnde scriptu-  
ra nihil de eis explicat, ideo credendum est, q̄ non  
designati fuerunt a Deo, vt essent iudices, sed populus  
elegit illos. *Post hunc iudicauit Abesā de Bethlehem.* Iste  
iudex erat de sorte, & tribu Iudę: nam Bethlehem erat  
in sorte Iudę: Mat. 2. & Micheę 4. De isto dicit Rabbi  
Salomon, quod fuit Booz, & quod fuit fames tempo-  
re eius. Sed dicendum, quod non stat, quia Booz non  
legitur habuisse, nisi Obeth in filium de Ruth Moabi-  
tide, vt patet Ruth 4. & tamē iste Abesā habuit filios  
30. & totidem filias. Respondet Rabbi Salomō, quod E  
omnes isti filij, & filię mortui sunt, & non mansit ei fi-  
lius, nisi Obeth, quē postea genuit ex Ruth. Sed istud  
non stat, quia satis videtur fuisse fictitium. Item iste A-  
besā fuit vir valde honorabilis, vt patet hic, & potens  
in diuitijs. De Booz autem non potest conuenienter  
dici, quod fuerit valde diues, & potens, vt colligitur  
Ruth 3. & 4. Item ille, q̄ semel erat iudex semper erat  
iudex: ergo si Booz factus fuisset iudex, mansisset in isto  
principatu vsque ad mortem. & tamen quando acce-  
pit Ruth in uxorem, non videbatur esse iudex Israel,  
quia erat, vt vir simplex, vel priuatus, vt colligitur ex  
his, quę habentur in libro Ruth: ergo nunquam fuit  
iste iudex. Item Iosephus 5. Antiquitatum, & alij Hi-

storio-graphi volunt accidisse id, quod legitur de Ruth  
tempore Heli summi sacerdotis: ergo cum ipse esset  
iudex 1. Reg. 4. & tūc esset Booz, vt patet Ruth 3. & 4.  
non fuit Booz Abesā, nec fuit aliquando iudex: *Qui  
habuit triginta filios, & totidem filias.* Intelligendum est,  
quod de multis vxoribus haberet, quia de vnica habe-  
re non poterat: sic enim dicitur supra 8. de Gedeone,  
quod habuit septuaginta filios masculos ex diuersis  
vxoribus, & hoc, quia illo tempore licebat simul plu-  
res esse eiusdem viri vxores: ponuntur autem isti filij  
quantum ad quoddam mirabile.

*Quare non ponitur aliqua historia gestorum istorum trium iudi-  
cum succedentium. Quest. X.*

**Q**VAERETVR, quare non ponitur aliqua hi-  
storia gestorum istorum trium iudicum succe-  
dentium. Respondendum, q̄ tempora horum fue-  
runt tempora pacis, quia ipsi rexerunt bene populum,  
vt non coleret idola, & ex hoc Deus nō tradebat illos  
in manus hostium, & sic non erant aliqua bella tem-  
pore suo, ne tamen ex hoc sunt minus laudabiles, q̄  
melior est sapientia, quā vires: sed isti prudentia, &  
virtute auferebant omnia bella, q̄ esse poterant. Bene  
regendo populum: ergo ita laudandi erant, sicut illi,  
qui post bella exorta illa viribus superabant, nē tñ om-  
nino subtriceatur de istis, ponuntur aliqua significātia  
prosperitatem eorū. s. q̄ multos filios habuerint. Nam  
istud prosperitatem faciebat secūdm opinionē tem-  
poris illius. Sic dicit Iosephus 5. Antiquitatum. De isto  
Abesā, q̄ moriente Iephthe principatum tenuit A-  
besā de tribu Iudę de Bethlehem: hic 60. habuit filios. s.  
triginta masculos, & triginta virgines, qui cum nihil  
egisset in septem annis memoria, & sermone dignū:  
in senectute defunctus est. *Quas mittēs foras maritis dedit.*  
Id est misit extra domum. s. dando eas viris: nam post-  
quā maritate erant non manebant in domo paterna.  
*Et eiusdem numeri filijs suis accepit vxores.* Scilicet accepit  
triginta vxores pro filiis suis, q̄ tot filios habuit quot  
filias: ideo tot generos habuit, quot nurus. *Introducens  
in domum suam.* Scilicet, vt habitarent filij cū vxoribus  
suis in domo patris. De filiabus dicitur, q̄ emisit eas,  
& de vxoribus filiorum dicit, q̄ introduxit eas in do-  
mum. Ratio diuersitatis est, quia vir est caput vxoris,  
& debet vxor sequi virum, & quia mariti filiarum suarū  
non erant de familia sua, expulit filias de domo,  
vt essent extra domum cum maritis, quasi non essent  
iam de familia eius: & quia filij sui erant de familia sua,  
& vxores sequuntur maritos, poterant esse in domo  
vxores, sicut erant filij: & sic natus pertinebant magis  
ad eum, quā filię. *Qui septem annis iudicauit Israel.* Sci-  
licet, quia erat iam senex quādo incepit principatum  
istum, & cito mortuus est post illum acceptum. *Mor-  
tuusq̄ est, atque sepultus in Bethlehem.* Erat de vrbe Beth-  
lehem, ideo ibi sepultus est, quia ista erat consuetudo  
antiquorum Iudeorum. s. q̄ sepelirentur in locis sua-  
rum originum in sepulchris patrum suorum. *Cui suc-  
cessit Abialon.* Iste est secundus iudex istorum nomine De Abia-  
Abialon, & a quibusdam vocatur Chialon per corru-  
ptionem: sed in Hebræo vocatur Elon. De isto de-  
bet dici, q̄ fuit sumptus in iudicem immediate post  
mortem Abesā, sicut fuerat sumptus Abesā moriē-  
te Iephthe, & fuit electus concilio populi, & voto, sicut  
Abesā, nec describuntur aliqua gesta eius, quia nihil  
memorable egit, eo q̄ erat tūc tempus pacis, vt supra  
dictum est. Et dicitur. *Cui successit Abialon.* Scilicet, quia  
inter Abesā nō fuit tempus quo vacaret iudicatura,  
sed illico assumptus est ex causa supra assignata. *Zabu-  
lonites.* Variabantur iudices per tribus: nam precedens  
iudex fuerat de tribu Iudę, & iste fuit de tribu Zabulon.  
26



*Et iudicauit Israel decem annis.* Quia sumptus est in iudicem in senectute, & non vixit, nisi decem annis postquam sumptus est. *Mortuusq; est, atque sepultus in Zabulon.* Et sepultus est in sorte tribus Zabulon, quia de illa tribu erat. In Hebræo dicitur. *Sepultusq; est in Ahialon.* quia fortè erat aliquis locus in tribu Zabulon sic vocatus, ut ipse iudex, & ibi sepultus est. Est autem Ahialon quidā locus, de quo dixit Iosue die, quo stetit sol: sol contra Gabaon ne mouearis, & luna cōtra vallem Ahialon: Iosue 10. sed ciuitas Ahialon ponitur in sorte Nephtalim: Iosue 19. Et tamen poterat esse alius locus nomine Ahialon in sorte Zabulon, quia multa loca erāt binomia, vel multinomia. *Post hunc.* Hic ponitur de tertio iudice horum, & etiam iste fuit electus votis populi, & fuit in tempore pacis, ideo nihil memo-

De tertio  
iudice Is-  
rael.

Obiectio  
contra di-  
ctum Iose-  
phi.

Magnitudo  
status  
istius Ab-  
don.

Pharaton  
quid sit.

rabile egit. *Iudicauit Israel.* Id est præfuit in principatu iudicatio. *Abdon filius Helles Pharatonites.* Vocatur Pharatonites, id est de vrbe Pharaton. Et iste videtur fuisse de tribu Ephraim, quia dicitur infra, q̄ sepultus est in Pharaton terræ Ephraim. De isto dicit Iosephus 5. Antiquitatum, q̄ erat filius Ahialon, siue Chialon iudicis præcedentis, & consequenter erat de tribu Zabulon, sicut ille. Sed obijciatur, q̄ non possit stare dictū Iosephi, quia necesse est filium esse de eadem tribu, de qua pater, sed Ahialon erat Zabulonites, & iste Abdō erat de tribu Ephraim, cum dicat hic, q̄ sepultus est in terra Ephraim, & quilibet sepeliebatur in terra originis suæ: ergo erat Ephrathæus. Responderi potest, q̄ non cōcludit, quia licet sepeliretur in terra Ephraim, poterat esse de alia tribu. Sic fuit de Thola, qui erat de tribu Issachar supra 10. & tamē sepultus est, atque habitauit in Sanir montis Ephraim, ut patet ibidem. Et hoc, quia mons Ephraim non solum erat intra sortem, sed etiā extēdebatur ad alias sortes propinquas, & erat partim in sorte Issachar, & Zabulon, & alijs tribubus coniunctis. Videtur tamen magis dicendum, q̄ Abdon non fuerit filius Ahialon, quia nō vocatur hic, sicut supra: nam ibi vocatur Ahialon, vel Chialon, & hic vocatur Helles. *Qui habuit quadraginta filios, et triginta ex eis nepotes.* Istos habuit Abdon viuens, quia post mortem suam fortè fuerunt plures nepotes eius, quia illi nō faciebāt ad manifestam felicitatem eius, sicut illi, qui viuebant eo viuente, descripti sunt solum isti. *Ascendentes super septuaginta pullos asinarum.* Ex hoc patet magnitudo status istius Abdō, quia de posteris suis habebat simul septuaginta milites iam viros effectos, qui ascendebāt super equos septuaginta, sic dicitur supra decimo, q̄ triginta filij lair ascendebant super triginta pullos asinarum, & erant principes triginta ciuitatum. *Et iudicauit Israel octo annis.* Scilicet erat senex, quando factus est iudex, & non vixit nisi octo annis post sumptionem principatus. De hoc dicit Iosephus 5. Antiquitatum: Abdon Chilonis filius habuit filius quatuor, & ex eorum semine omnes superstitēs derelinquens defunctus est in senectute, & honorabilem in Pharaton promeruit sepulturā. *Mortuusq; est, atque sepultus in Pharaton.* Ab isto loco vocatur Pharatonites, & erat locus suæ originis. *Terra Ephraim monte Amalec.* Id est iste locus Pharaton erat in terra Ephraim: & sic erat de tribu Ephraim iste Abdon. Vel secundum Iosephum erat de tribu Zabulon, & Pharaton esset in terra Ephraim, id est in terra montis Ephraim, quæ extenditur ad alias tribus, ut supra dictum est. Est autem Amalec nomen montis, in quo erat ciuitas Pharaton ipsius Abdon.

*Chronica temporalium euentuum, quo tempore iudicauit Iephte.* Questio. XI.

Herculis  
mors.

CHRONICA temporalium euentuum tēpore, quo iudicabat Iephte. Eo tempore Hercules in

F morbum incidit pestilētem, & ob remedium doloris flammis se iniecit, & sic defunctus est. De hoc Chrysostomus ad Dariam ait: Quæ nam sanctitas Herculis, qui vicinorum interfectione fatigatus, se viuum flammis iniecit, & combustus est cum machæra, & pelle, quam gestabat? Hunc Herculem vocat Seneca Oethēum, de quo in Tragedia decima, cuius titulus est Hercules Oethēus: & hoc, quia in monte Oethēo combustus est. Varro lib. 4. Diuinarum rerum: ideo hunc Herculem victorem putat dici, quia omnium generum animalia vicerit: Hercules Iouis filius oībus alijs inuictus Onipholes præ amore subiacuit, qui eum ad ancillaria ministeria, & muliebria coegit. De hoc Seneca Tragedia quarta cuius titulus est Hippolytus carmine 3. ait.

Omnium  
generum  
animalia  
vicit Her-  
cules Iouis  
filius

*Natus Alcmena posuit Pharetras;  
Et minax vasti spoliū Leonis.  
Passus aptari digitis smaragdos,  
Et legem dari rudibus capillis.  
Crura distincto reliquit auro:  
Luteo plantas cohíbente focco.*

De hoc Albericus in historijs ait: Hercules deuictio Gerione veniens in Italiam ab Euandro tunc rege susceptus est, & cum Iouis filium se diceret, & virtutem suam nece Caci probasset, pro numine habitus est, & aram meruit, quæ maxima dicta est, & ei data est: quam Delphicus Apollo ei in Italia esse futuram prædixerat. Primò tamen susceptus non est apud maiores, quia rarò aduenæ, nisi ius hospitalitatis haberet, suscipiebantur. Cum ergo de suo armēto boues dedisset ad sacrificia Pinario, & Potitio duobus senibus, cū circa solis occasum sacrificia essent repetēda, dixit Potitius prior familia ministret epulantibus Potitijs. De hoc et Solinus in Phylistor. ca. de vrbe Rom. hic potes inferere quicquid historiæ de Hercule referunt. Anno eodē Hercules, & Iephte mortui sūt, ut ait hist. scholastica, & Eusebius, & Vincentius in speculo historiali, & hoc anno Alexander filius Priami, qui & Paris dictus est Helenam rapuit: ex quo Troianum bellum secundum famosissimum originem habuit. Hoc tempore Menelaus Lacedæmonia regnabat, quæ postea Constantinopolis dicta est. Tunc etiam Agamēnon in vrbe Micenarum imperabat, qui fuit princeps omnium regum pugnatium contra Troiam, licet aliqui velint, q̄ tempore Ahialō iudicis sequētis hoc factum sit, sed nihil refert. Sciendum, q̄ bellum Troianum coepit hoc tempore. Anno secundo Ahialon, & durauit decem annis, scilicet octo annis residuis Ahialon, & duobus annis iudicis sequentis, scilicet Abdon, & anno tertio huius Troia capta, & euerfa est, sicut enim ex historia Francorum constat, Troia tempore Aod iudicis secundi Israel condita est. Anno suo 54. lapso, & durauit annis centum octoginta quinq; .i. vsq; ad tertium annum Abdon: deinde multitudo magna Troianorum fugiens duos duces de posteritate Priami secuta: duos populos fecit, ex quibus sunt magni illi populi, quos nos Turcos vulgariter appellamus, id est Teucros, quia sunt de sanguine Teucris, qui fuit de Troianorum regum stirpe. Hic perijt nobilis illa ciuitas Illiū, cuius bella famosissima fuerunt, ad quæ penè totus vltimque cōuenit orbis, cuius opera tam celebria, quæ vulgata sūt, ideo ad nos nihil de eis referre attinet: rari enim sunt historiographi, qui illud magnum bellum, aut non ex toto expedierint, aut saltem nō tetigerint. Scripsit enim illud Daretēs Frigijs Athenis, scripsit Cornelius nepos ad Salustium Crispum, scripsit etiam in magna laude Græcorum Homer⁹ in libro, qui Illas dicit, scripsit Virgili⁹ in Aeneide 2. & 3. scripsit Ouidi⁹ 12. & 13. Meta. scripserunt ferè oēs historici, & Poetæ, scripsit nouissimè magno apparatu Guido de columis.

De hoc te auctor  
supra Eul.  
38. cap.

Constanti  
nopolis  
Lacedæmo  
nia diceba  
tur.

Troia du-  
rauit an-  
nis 185.

Turcarum  
imperium  
quando, &  
a quo ince-  
perit.

Sciēt



Sciendum, quod secundum horum trium iudicum. scilicet Ahia-  
lon in Biblia 70. interpretum cum suis annis non poni-  
tur, ideo Eusebius in Chronicis ad complendum annos  
480. qui ab exitu de Aegypto usque ad principium con-  
structionis templi fluxerunt 3. Reg. 6. addidit plures an-  
nos, quam reperiit in Iosepho tempore Samuelis, &  
Saulis, cuius tempus non describitur in hoc libro, nec  
in libro regum. Quidam volunt turbationem, quae  
accidit pro muliere Leuitae contra tribum Benjamin  
fuisse tempore Abdō. Sed falsum est, quia valde prius  
fuit, sicut infra 19. declarabitur: à Troia capta usque ad  
annotationem primae Olympiadis fluxerunt anni 406.  
tunc Graeci ad gloriam victoriae ceperunt annotare tem-  
pora sic: anno tali à captiuitate Troie: inceptis autem  
Olympiadibus, annotauerunt tempora iuxta numerum  
Olympiadum, tandem Romani florentes annotaue-  
runt aetatem ab urbe condita, scilicet, anno tali ab urbe  
condita: deinde Christiani à Christi incarnatione po-  
suerunt annorum computationem. Capta Troia Me-  
nelaus recepta Helena coniuge sua, propter quam bel-  
lum fuerat, ad Polybium regem Aegypti iuxta Ho-  
merum venit. Anno tertio post captam Troiam, ut  
quibusdam placet, vel anno octauo iuxta alios, Aeneas  
cepit regnare in Italia, qui regnavit annis tribus, ante  
quem fuerant alij reges in Italia, de quibus Solinus in  
Polyhistor, & fuerunt gentes illae Aborigines ferè non  
habentes certam originem: primus autem rex, qui in  
Italia regnauerat, fuit Ianus, deinde Saturnus, postea Pi-  
lus, deinde Faunus, & postea Latinus, qui regnabat quā-  
do venit Aeneas in Italiam, & fuerat tempus horum re-  
rum annorum ferè centum quinquaginta ante Ae-  
neam. Sciendum autem, quod bellum istud Troia-  
num secundum Paulum Orosium primo de Ormesta  
Mundi aliquanto tempore post hoc coepit. scilicet anno 18.  
Heli summi sacerdotis, quod fuit post hoc ferè 30. an-  
nis, sed modicum differt. De naufragijs, & laboribus  
Ulyssis, qui hoc tempore acciderunt: sufficienter nar-  
rat Homerus in libro, quem Odissaeam appellauit. De  
bellis, quae Aeneas fecit in Italia, & de naufragijs eius  
sufficienter tractat Virgilius in Aeneide.

## CAPITVLVM XIII.



**R**URSVM QV E  
filij Israel fecerunt  
malum in conspe-  
ctu Domini: qui  
tradidit eos in ma-  
nus Philistinorum  
quadraginta annis.  
Erat autem quidā

vir de Saraa, & de stirpe Dan, nomine Ma-  
nue, habens uxorem sterilem. Cui apparuit  
Angelus Domini, & dixit ad eam: Sterilis  
es, & absque liberis: sed concipies, & paries  
filium: caue ergo ne bibas vinum ac sicerā,  
nec immundum quidquam comedas, quia  
concupies, & paries filium, cuius non tanget  
caput nouacula: erit enim nazareus Dei ab  
infantia sua, & ex matris utero, & ipse in-  
cipiet liberare Israel de manu Philistino-  
rum. Quae cum venisset ad maritum suum,

Alph. Toft. super lib. Iudicum

dixit ei: Vir Dei venit ad me habens vul-  
tum angelicum, terribilis nimis, quem cū  
interrogassem, quis esset, & vnde venisset,  
& quo nomine vocaretur, noluit mihi dice-  
re: sed hoc respondit: Ecce concipies, & pa-  
ries filium: caue ne vinum bibas, nec sicerā,  
& ne aliquo velcaris immundo: erit enim  
puer Nazareus Dei ab infantia sua, ex utero  
matris suae, usque ad diem mortis suae.

Hecuba  
mater Cal-  
sandra, &  
& Polyxe-  
na filiae cla-  
reat.

*Rursusque.* In praecedentibus posita fuit Israelita-  
rum tribulatio sexta: hic consequenter describitur  
septima. Et diuiditur in duo, quia primò ponitur  
tribulationis pondus. Secundò liberationis modus  
ibidem. *Erat autem vir.*

*An hic sit ordinis mutatio: & an haec fuerint imme-  
diatè facta. Questio I.*

**Q**VAERETVR circa primum, an ea, quae ha-  
bentur hic habent continuum ordinem ad præ-  
cedentia, vel sit mutatus, & an ista, quae habentur hic  
fuerint immediatè facta post praecedentia, vel aliquan-  
to tempore interiecto. Respondendum, quod hic est  
ordo continuatus ad praecedentia: nam supra ageba-  
tur de tribus iudicibus consequentibus: quorum  
tempore nulla venit aduersitas: hic autem incipit  
quedam hostilis calamitas, scilicet, quod oppressi sunt  
annis quadraginta, & apparet ex litera continuatio,  
quia dicitur hic: rursusque Israel filij fecerunt ma-  
lum, scilicet post iudices praecedentes. Ad secundum  
dicendum, quod pauco tempore fuerunt ista post ea,  
quae habentur praecedenti capitulo. Quod patet, quia  
tempore iudicum quatuor positorum praecedenti ca-  
pitulo continuatim non coluit populus idola, & non  
venit aliqua aduersitas, & postquam fuerunt sine iu-  
dice, coluerunt idola: nam cum nullus esset, qui co-  
geret eos recedere à malo, declinabant mox ad idola:  
ideo modico tempore post praecedentia accideret ista  
præuaricatio, & afflictio ab hostibus, & etiam tempus  
iudicaturae Samsonis illico aduenit, quia non compu-  
tatur aliquod tempus inter iudices praecedentes, &  
Samsonem. *Rursusque filij Israel fecerunt malum in  
conspectu Domini.* Scilicet coluerunt idola, quia istud  
erat malum, quod ipsi dicebantur facere, & erat ma-  
lum per excellentiam. Alia autem tam parua erant  
in respectu huius, quod non iudicarentur mala: & di-  
citur, quod rursus fecerunt, scilicet postquam iterum  
fecerant mortuo Iair: nam tempore quatuor iudicum  
consequenter se habentium supra, scilicet Iephthe, A-  
besan, Ahialon, Abdon populus non coluit idola, &  
ob hoc non venit aliqua aduersitas: & sic coluerant  
idola post mortem Iair quando multa idola coluerunt,  
supra decimo capitulo: & tunc cum afflisset eos do-  
minus valde per manus Ammonitarum, & Philistino-  
rum: clamauerunt valde ad dominum promitten-  
tes, quod nunquam colerent idola post hoc, & Deus  
dolu super afflictionibus eorum, & dedit eis Iephthe  
in liberatorem, & manserunt tempore quatuor iudi-  
cum non peccantes: nunc autem obliu prioris fœ-  
deris redierunt ad idola colenda. *Qui tradidit eos in  
manus Philistinorum quadraginta annis.* Id est tradidit  
eos, ut opprimerentur à Philistinis, & oppressi sunt  
quadraginta annis.

R Tempore



Tempore cuius iudicis computabuntur isti quadraginta anni.

Questio II.

**Q**VAERETVR de istis quadraginta annis quādo computabuntur, scilicet tempore cuius iudicis. Aliquis dicet, quod computantur isti 40. anni per se sine iudice. Et si obiciatur quod anni afflictionum computantur sub annis iudicum aliquorum, vt declaratum est tertio. Potest dici quod sic factum est supra de annis 18. quibus afflicti sunt Israelitæ a Philisthinis, & Ammonitis supra 10. cap. nam illos vocauimus annos sine iudice, & per se computamus. Sed dicendum, q̄ non stat ista positio, quia necesse est, q̄ omnes summæ partiales annorum, quæ colliguntur ab exitu de Aegypto vsque ad primum annum fabricationis templi simul collectæ: perueniant ad annos 480. solum, quia tot ponuntur 3. Reg. 6. cap. Si tamen computentur isti 40. anni per se tanquam pars summæ, erunt anni plus quam quingenti, quia istis non computatis venit summa æqualis, vt declaratum est supra tertio: ergo non debent computari per se isti anni, sed sub annis alicuius iudicis. Si autem dicatur, q̄ isti anni non computentur per se, sed sub tempore iudicum, non stat: q̄ semper anni, qui ponuntur alicuius afflictionis computantur sub illo iudice, qui liberauit ab illa afflictione, sicut patet supra 3. de 8. annis, qui fuerunt ante Hothonielem: & 18. ante Aod: & viginti ante Barac, supra 4. & 7. ante Gedeonem, supra 6. cap. Ideo deberent isti 40. anni poni sub tempore Samsonis, qui fuit iudex sequens, & tamen non potuerunt sic computari, quia Samson præfuit 20. annis solum, infra 16. in quibus non includuntur 40. Etiam non potest includi ista summa in tempore iudicis præcedentis, scilicet Abdon, quia ille solum 8. annis præfuit. Item quod nunquam computantur huiusmodi summæ, nisi sub iudicibus sequentibus, qui liberauerunt populum ab illis angustiis. Item quia necesse est, q̄ peccatum quod fecerunt Israelitæ pro quo traditi sunt 40. annis in manus Philisthinorum, fuit post Abdon: vt patet hic, cum dicatur: Rursumque filij Israel fecerunt malum in conspectu domini. Etiam si vellemus ponere istud tempus sub 4. iudicibus præteritis simul non stat: quia tempore illorum Israelitæ non peccauerunt, nec subiecti fuerunt hostibus. Etiam dato q̄ vellemus facere, non possemus, quia non potest includi istud tempus in tempore illorum, quia tota duratio illorum fuit annorum triginta vnus, scilicet Iephthe sex, Abefan septem, Ahialon 10. Abdon 8. Ideo necesse est, quod transferatur ad tempus aliorum. Et si vellemus extendere cum tempore præcedente: coincideret cum 18. annis afflictionis, qui fuerunt ante Iephthe supra 10. Aliquis dicet q̄ ponantur isti 40. anni esse 40. anni quibus præfuit Heli: nam 40. annis iudicauit, primo Reg. quarto. Dicendum q̄ non stat, quia relinquitur hic iudex medius, scilicet Samson: nam oportet, quod communicentur isti anni temporis sui: cum post iudices superiores dicatur accidisse istud malum. Item & fortius, quia dicitur infra, q̄ Samson inciperet liberare Israelitas de manu Philisthinorum, ergo iam premebant Israelitas, quando ipse iudicauit, & sic tempus suum capietur sub tempore illorum. Dicendum igitur, quod isti anni sunt inchoadi a morte Abdon iudicis præcedentis, & durabunt per totum tempus Samsonis, scilicet per 20. annos eius: & per totidem annos temporis Heli summi sacerdotis, & sic non supercrescet summa, nam hoc tempore Philisthini oppresserunt Israelitas.

F Quomodo sit hic aliquid insolitum, scilicet quod computatur aliqua afflictio per tempora duorum iudicum.

Quest. III.

**Q**VAERETVR vltius quomodo sit hic aliquid insolitum. scilicet quod computetur aliqua afflictio per tempora duorum iudicum, nam supra semper anni afflictionis ponebantur sub tempore iudicis sequentis. Respondendum q̄ hoc factum fuit, quia iudex primus istorum non potuit totaliter liberare Israelitas de ista tribulatione, & manserunt etiam in illa tempore secundi iudicis. Pro quo sciendum quod post Samsonem iudicauit Heli Israel 40. annis 1. Reg. quarto cap. & toto tempore, quo Samson præfuit, fuerunt confortati Philisthini super Israel, ideo adhuc tempore illius computabantur tempora afflictionis. Quo moriente successit in principatu Heli summus sacerdos, & durabat persecutio, & afflictio Philisthinorum vsque ad annum 20. eius: & tunc cepit diminui oppressio Israelitarum, quia quasi æquales erant Philisthinis. Hoc patet quia de Samson prænucliauit angelus matri suæ, q̄ ipse inciperet liberare Israelitas de manu Philisthinorum. scilicet quod non posset totaliter liberare, sed esset quoddam principium liberationis. Patet etiam, quia Samson mortuus est in potestate Philisthinorum infra 16. scilicet cum ipsi tenerent eum captum, infra 16. capi: ideo non finiuit liberationem Israelitarum, sed adhuc extenta fuit tribulatio ad tempora sequentis iudicis, scilicet Heli. In aliis autem iudicibus, vt communiter finiebantur tribulationes tempore ipsorum. scilicet quia ipsi præualebant contra hostes: ideo non extendebatur tempus tribulationis ad sequentes iudices, sicut tribulatio a rege Mesopotamiæ finita fuit ab Hothoniele, & computatur sub tempore suo, & tribulatio a rege Eglon Moabita finita fuit per Aod: & computatur tempore suo supra 3. & sic de aliis: fuit tamen quidam alius iudex, in cuius tempore non finita fuit tribulatio ante hoc, & ob hoc non computantur ei aliqua tempora, sed iudici sequenti. scilicet in Samgar, qui percussit Philisthinos: & fuit post Aod, supra 3. & tamen post Aod cepit tribulatio quā intulit rex Iabim, supra 4. & quia Samgar non potuit liberare perfecte Israel ab illa, non computantur aliqua tempora ei. Sic patet supra 5. scilicet. In diebus Samgar filij Anath cessauerunt feminae, & qui ingrediebantur per illas, ambulauerunt calces deuios. scilicet tempore suo propter timorem hostium cessabat discursus, & frequentatio itinerum. ita accidit hic quod Samson non perfecte liberare potuerit Israel: ideo extenditur ista oppressio Philisthinorum ad tempora sequentis iudicis.

Quare non computantur tempora Heli sicut Samsonis.

Quest. IIII.

**Q**VAERETVR vltius, cum computentur isti 40. anni partim de Heli tpe, & computetur tota ætas Samsonis in illis: quare est non computatur sic totum tempus Heli, sed solum computatur vsque ad 20. annos eius, cum nullam mutationem videamus in toto tempore suo. Respondendum q̄ ista afflictio a Philisthinis super Israelitas fuit propter idola quæ colebant: & quādiu ipsi coluerunt ea, tādīu fuit persecutio magna Philisthinorum contra eos: cum verò desierunt colere persecutio cessauit. Et quia toto tpe Samsonis Israelitæ cessauerunt a cultu idolorum, non potuit Samson perfecte liberare Israel: deinde tpe Heli Israelitæ colebant et idola sicut prius: ideo durabat persecutio. Anno autem 20. principatus eius desierunt colere idola, cum viderent q̄ propter illa affligebantur, & tunc Philisthini non potuerunt opprimere Israelitas, sicut a principio. Istud colligit, quia ante mortem



tem Heli aliquāto tempore erant Israelitæ aliquāliter liberi à iugo Philisthinorū: nam iam pugnabant cōtra eos in acie, vnde fecerunt duas pugnas 1. Reg. 4. & tūc vivebat Heli, & tū si Philisthini valde dominarentur tunc Israelitis, nō auderēt pugnare cōtra eos. Sic patet de tempore Samsonis, quia tunc Israelitæ subiecti erāt Philisthinis seq. c. & non solum ipsi nō audēbant pugnare contra Philisthinos, sed et increpabant Sālonē, quia pugnavit contra illos, & ipsi venerunt ad ligandū eum, vt traderent illum Philisthinis, infra 15. c. & tū tēpore Heli Israelitæ pugnabant contra Philisthinos, ergo nō erāt circa mortem Heli tam oppressi Israelitæ à Philisthinis, sicut tēpore Samsonis: Item patet ex verbis Philisthinorū 1. Reg. 4. cū. n. Philisthini audirent gaudiū Israelitarū in castris veniente arca, timuerunt, & dixerunt: Confortamini, estote viri Philisthini, nē seruiatis Hebræis, sicut illi seruiērunt vobis. Ex quō apparet, q̄ iam transierat tempus, quo Israelitæ seruebāt Philisthinis, & fuit istud in toto tempore Samsonis, & in annis 20. seq. Heli sacerdotis summi, & quia postea Israelitæ fuerūt liberati aliquāliter ab istā oppressionē, computantur solum 40. anni durantes vsq; ad 20. annū Heli. *Erat autem vir.* Hic ponitur secundū. liberationis modus, & diuiditur in partes quatuor. Primō ponitur liberatoris ducis cōditio. Secundō inuasionis occasio ibi seq. capit. Tertiō hostium debellatio, infra 15. capit. Quartō Samsonis mors, & consummatio, ibi infra 16. Prima in duas, primō ponitur ducis conceptio. i. eius natiuitas, & conditio ibi. *Peperit itaque filium.* Circa primum sciendum, q̄ mater Samsonis non suscepit filiū virtute naturę tm̄, sed virtute naturę à Deo adiutę per gratiam. Circa quam gratiam ponuntur quatuor: primō ponitur reuelatio angeli. Secundō reuelatio verbi ibi. *Cumq; venisset.* Tertiō confirmatio facti ibi. *Oravit itaq;.* Quartō oblatio sacrificij ibi. *Dixitq; Manue.* Circa primum dicitur. *Erat vir quidam de Saraa.* Iste pater Sālonis erat de Saraa, quia Saraa erat de sorte Dā, de qua erat iste vir. Patet Iosue 19. cap. vbi ponuntur Saraa, & Hestaol in sorte Dan. Sed obijciētur, q̄ non essent ista duo loca in sorte Dan, sed Iudę. Nam Iosue 15. cap. dicitur. Quod in cāpestribus sortis Iudę erat Saraa, & Hestaol. Respondendū, q̄ multoties eodē nomine vocantur multa loca, sicut Bethlehem erat quādā ciuitas in sorte Iudę, de qua erat Dauid, Mat. 2. & Io. 7. & Michee 4. Et etiam Bethlehem erat in sorte Zabulon, Ios. 19. ca. Sic etiam erat triplex Afor: duæ in sorte Iudę, Ios. 19. & vna in sorte Nephtalim: Iosue 19. Ita de Hestaol, & Saraa: nam erant duo loca sic vocata in sorte Iudę, & alia duo sic vocata in sorte Dan: ideo ponuntur Iosue 15. & 19. cap. Aliter poterat dici, quod solum erat Saraa, & Hestaol in vna tribu, quia tamen erant in extremitatibus sortis illius, ponebantur pro limitibus illius sortis, & alterius sibi coniunctæ. Sed primum est veritas. *De stirpe Dan.* Ista erat de paruis tribubus Israel, & non habebat possessionem plenam, sicut aliæ tribus. De hoc supra primo. De hac tribu prænunciatum erat per Iacob, quod venturus esset Samson saluator Israel, Genesis quadragesimono, scilicet: fiat Dan coluber in via, cerastes in semina, & cōtera, vt ibi expositum fuit. *Nomine Manue.* Iste erat vir honorabilis valde, & famosus in tribu sua. *Habens uxorem sterilem.* Istud ponitur ad significandum impedimentum habendi filium, ideo oportebat, quod filius nasciturus virtute supernaturali produceretur. In Hebræo superabundat litera, scilicet. *Habens uxorem sterilem, quæ non pariebat.* Sed idem sunt ista: sermo tamen Hebraicus interdum est immoderate brevis, & interdum irrationabiliter decurtatus.

Quare expressit scriptura hic, quod erat sterilis mater Samsonis. Quæst. V.

**Q**VAERETVR, quare expressit hic scriptura, quod erat sterilis mater Samsonis. Respondendum, quod Samson, qui nasciturus erat, excellens robore, & admirabilis in omni opere suo appariturus erat, & nē crederetur ista ei naturaliter euenisse, sicut saepe aliquos accidit partim ex conditione seminis, partim ex natura loci generationis, partim ex influenza speciali cōlestium corporum pro tunc gigni viros robustissimos. Factum est sic de gigantibus à principio, qui à cōteris hominibus robore, & proceritate differentes erant. Descripsit scripturā, quod mater huius erat sterilis, vt describatur, quod iste non conditione naturæ, sed Dei munere genitus est, & ex hoc colligi poterat, quod robur eius admirabile non esset ex accidenti per conditionem naturæ, sed à Deo. Et hoc apparet dupliciter. Primō, quia quando Deus aliquid specialiter vult producere, producere debet ad aliquem specialem finem, quia alioquin frustra esset aliquid fieri vltra id, quod natura facit, si nihil specialius futurum esset in eo, quā in illo quod natura facit. Secundō patet per exemplum, quod considerando omnes, qui geniti sunt ex matribus sterilibus, reperimus in eis aliquid admirabile, ideo sic etiam in isto futurum erat. Patet de Isaac, qui natus est de Sara sterili, & in senectute Genes. 18. & postea factus est caput, & origo totius populi Dei, & in eo benedictæ sunt omnes gentes: Genes. 12. & 22. cap. Sic etiam Samuel natus est de matre sterili, & fuit Propheta sublimis, & coronans regem primo Reg. 1. cap. Iacob quoque, & Esau de Rebecca sterili nati sunt, & facti fuerunt magni viri principes gentium, scilicet alter Idumæorum, & Amalechitarum, & alter Israelitarum: ipse quoque Ioseph de sterili Rachel genitus est, Gen. 30. & postea factus princeps Aegypti à Deo pavit patrem suum, & Israelitas: Genes. 45. & 50. Beatus Ioannes Baptista de sterili Elisabeth natus Saluatorem prænunciavit in terris primō, & tantum laudis meruit, vt saluator diceret de ipso Matth. 11. Inter natos mulierum non surrexit maior Ioanne Baptista. Ante ergo, quā Samson aliquid faceret, poterant Israelitæ aliquid magnum opinari de ipso, & certissimē opinarentur, eo quod de sterili matre per angelicam nunciationē natus fuerat. Sic enim dixerunt de Beato Ioanne Hebræi videntes patrem mutum in natiuitate sua locutum, & matrem sterilem concepisse: Quis putas puer iste erit? Et posuerunt hæc in corde suo: Lucæ 1. capit. *Cui apparuit Angelus Domini.* Scilicet in figura humana, quod patet, quia ipsa dixit: Vir Dei venit ad me habens vultum angelicum. *Et dixit ad eam, sterilis es, & absque liberis.* Idest sterilis es non potens parere naturaliter, & absque liberis, nullos filios hactenus genuisti. *Sed concipies, & paries filium.* Idest quamquam sis sterilis, concipies, scilicet Deo dante tibi conceptum. In Hebræo dicitur. *Sterilis es, & non paris.* Idest nunquam peperisti, & ad idem pertinet quod sine liberis.

Robur  
Samsonis  
à Deo fuit

Ad quid Angelus dixit mulieri sterilis es.

Quæstio VI.

**Q**VAERETVR, ad quid angelus dixit mulieri sterilis es, quia licet conueniens fuerit describi, quod ista mulier sterilis erat, vt cognosceretur, quod iste puer nasciturus aliquid magnum facturum erat, tamen non videbatur oportere, quod denunciaretur ipsi mulieri, quod erat sterilis, quia ipsa hoc nouerat.



**Responsio** Dicendum, quod Angelus hoc denunciavit, ut ipsa **F**  
ad q̄sum. sciret, quod filius, quem pariebat, erat ex Dei munere,  
& ipsa erat verè sterilis: nam si Angelus non prænun-  
tiasset, ipsa non putasset se verè sterilem, licet non pe-  
perisset temporibus præteritis: sed hoc euenisse à ca-  
su, sicut accidit multis mulieribus, quod quodam tē-  
pore in iuuentute parere non possint, & postea cūm  
declinant ad maiorem ætatem pariunt. Et dato, quod  
ipsa putasset se prius sterilem, quia non pariebat, cūm  
postea videret, quod pariebat, putaret se non fuisse ve-  
rè sterilem, sed accidisse ex aliquo impedimēto, quod  
in illo tempore non peperisset. Vnde si non prænun-  
tiaretur ei, quod erat sterilis, quando postea pareret,  
putaret naturaliter peperisse: & ad declarādum istud,  
dixit Angelus, & non paris. Vel. *Absque liberis es.* **G**  
Id est patet, quod sis sterilis, quia si non esses sterilis,  
iam peperisses in tanto tempore, quo coniugata es  
viro tuo.

*Quomodo dedit Angelus hanc probationem ad sterili-  
tatem, scilicet non paris.*

*Quest. VII.*

**Q**VAERETVR vltorius, quomodo dedit An-  
gelus hanc probationem ad sterilitatem, scilicet,  
non paris, id est nunquam peperisti: nam non sufficiē-  
ter probabat, quia aliqua mulieres sunt, quæ non pa-  
riunt in iuuentute, & postea in senectute, vel in ætate **H**  
matura disponuntur ad pariendum, quia aufertur ali-  
quid quod impediēbat conceptum, & sic poterat ista  
mulier postea concipere, licet nondum concepisset.  
Respondendum, quod ad probandum de aliqua mu-  
liere, quod sit sterilis opinio, & quod non possit conc-  
cipere, nisi Deo dante supernaturaliter, necesse est, q̄  
expectetur tempus senectutis, in quo desinunt fieri  
muliebria. Nam quamdiu menstrualis humor fluit  
mulieri, non est impossibile eam naturaliter parere,  
vel saltem si aliquod sit quod obstat, non potest appa-  
rere sufficienter aliquid tale esse, & sic scriptura cūm  
vellet dicere de Sara, quod concepisset supernaturaliter  
Gen. 18. cap. dixit, quod erat Sara prouectæ ætatis,  
desiderantque fieri ei muliebria: quasi dicat, quod non **I**  
sufficiebat, quod ipsa esset prouectæ ætatis ad non con-  
cipiendum, nisi desinerent ei fieri muliebria: istud au-  
tem non erat in matre Samsonis, quia non erat tam  
inueterata, ideo non poterat de ea firmiter constare,  
quia esset sterilis. Dicendum igitur, quod Angelus  
dixit istud non tanquam firmam probationē, sed tan-  
quam signum quoddam: nam si non fuisset sterilis  
mater Samsonis, cūm ipsa, & vir suus dedissent operā  
proli gignendæ genuissent, sed non genuerant. Aliter  
potest dici, quod Angelus non ponebat hoc ad pro-  
bandum, quod erat ista mulier sterilis, sed ut quando  
ipsa pareret, sciret, quod verè fuerat sterilis, eo quod  
Angelus dixerat ei, quod paritura esset, & quod erat  
sterilis: sed euenit, quod peperit, sicut dixerat Ange-  
lus, ergo verum erat, quod sterilis esset, & sic partus fu-  
turus erat probatio sterilitatis. Aliter potest dici, quod  
Angelus dixit istud non ad probandum, quod mulier  
erat sterilis, quia hoc ipsa nouerat: sed dicebantur ista  
ad probandum verum esse quod prædicebat de filio  
nascituro, ac si diceret: ego prænuncio tibi, quod pa-  
ries filium, & ad hoc, quod credas, dico tibi, quod tu  
es sterilis, & nunquam peperisti, velut si diceret ei  
aliquid aliud occultū sibi, per quod probaret se à Deo  
venire, & occultorum habere notitiā.

*An Samson supernaturaliter, vel purè naturaliter fuerit conce-  
ptus. Et de quatuor modis quibus Deus operatur su-  
pernaturaliter in conceptione alicuius.*

*Questio VIII.*

**Q**VAERETVR vltorius, an Samson conce-  
ptus fuerit supernaturaliter, vel purè naturaliter.  
Respondendum, quod ad hoc, quod aliquis actus sit  
purè naturalis, oportet, quod perficiatur à causis tota-  
liter naturalibus, non operante aliquid causa superna-  
turali, nisi in quantum ipsa est prima, vel in concatena-  
tione causarum naturaliter ordinarum ad hoc, q̄ ali-  
quod opus sit supernaturale largè sumendo, oportet,  
quod illud sit tale, quod non possit expleri sine opera-  
tione speciali causæ supernaturaliter operantis, siue ip-  
sa sola operationem expleat, siue alię causę, scilicet na-  
turales, concurrant. De conceptione Samsonis dicen-  
dum, quod fuit supernaturalis non purè supernatura-  
lis: nā causa supernaturalis interuenit, scilicet Dei gra-  
tia naturam adiuuans, & defectum eius supplens: cau-  
sæ etiam naturales fuerunt, scilicet commixtio sem-  
inis masculini, & foeminini, & omnis operatio reliqua  
causarum naturalium concurrentium. Causa tamen  
supernaturalis interuenit ad supplendum sterilitatem,  
qui erat defectus impediens. Considerandum vltē-  
rius pro hoc, quod ad hoc, quod Deus dicatur super-  
naturaliter agere ad conceptum alicuius, potest tri-  
pliciter operari. Primo modo inclinando gignen-  
tes ad tempus, in quo gignere possunt, utpote, si sint  
aliqui duo dispositi ad gignendum, scilicet, quia non  
sunt steriles, si tamen coeunt in talibus temporibus, in  
quibus non est dispositio in eis ad gignendum nun-  
quam gignent, sicut multi sunt, qui interdum dantes  
operam proli, gignunt, & interdum non gignūt: istud  
autem est, quia contingit interdum semen esse ad hoc  
dispositum, & interdum non. Quod ergo Deus incli-  
net eos ad tali tempore coeundum, quo poterunt gi-  
gnere, est adiuuare supernaturaliter ad generationē,  
quia si isti non inclinarentur sic à Deo: fortè nunquā  
inclinarentur, vel conuenirent in tali tempore, in quo  
gignerent, & sic sine sterilitate priuarentur generatio-  
ne, & dabitur eis è contrario, quod gignant superna-  
turaliter, similiter ad gignendum masculum aliter ef-  
se debet semen dispositum, quā ad gignendum fe-  
mellam: & fortè aliqui dispositi, & potentes gignere  
masculos coeunt semper in tempore, quo sunt dispo-  
siti ad gignendum foeminas, & gignunt foeminas: vn-  
de licet desiderent gignere masculos, nunquam eis e-  
uenit. Si autem Deus inclinet eos ad coeundum in  
tali tempore, in quo semen sit dispositum ad gignen-  
dum masculos, gignent masculos, & erit ista gene-  
ratio partim supernaturalis. Et hoc modo quando  
aliqui non potentes habere filium, sed filias, orant  
Deum, ut det illis filios, faciet, quod non dando super-  
naturaliter aliquam virtutem semini eorum, incitabit  
eos ad coeundum in tali tempore, in quo semen sit di-  
spositum ad procreationem masculi, & sic, qui obti-  
nent hoc modo filium, dicerent verè, quod orationi-  
bus, & supernaturaliter illum obtinuerunt, quia non  
erant eum aliter habituri. Item hoc modo interdum  
Deus facit excellentes homines, qui nascuntur, siue in  
robore, siue sapientia, siue alijs perfectionibus natu-  
ralibus. Nam licet non debeamus dare corporibus  
coelestibus aliquam potestatem super liberum arbi-  
trium directè, non debemus indirectè tollere eis, quin  
possint causare in natis maius, vel minus robur, aut  
debilitatem membrorum, timiditatem, aut confi-  
dentiam, inclinationem ad libidinem, ad ebrie-  
tatem, vel inclinationem ad abstinendum ab his,  
dispo-

*Deus tri-  
pliciter po-  
test opera-  
ri ad conce-  
ptum super-  
naturali-  
ter gignē-*

*Corpora  
coelestia in-  
clinant ho-  
mines ad  
multa.*



dispositionem magnam phantasiae ad faciliter intelligendum, & in dispositionem, vel aptitudinem ad stultitiam, insaniam, & alias passionem. Si ergo Deus vult facere aliquem hominem perfectum in aliquo praedictorum, vel defectuosum: non oportet, quod semper ei infundat ista, sed sufficit, quod eum in tali tempore concipi, & nasci faciat; in quo secundum conditionem operationis celestis, necesse sit ista accipere: & sic si aliquis oret Deum, ut det ei filium sapientem valde, & bonis moribus ornatum in quantum inclinatio naturalis valet, obtinebit eum si Deus inclinet eum ad gignendum in tali tempore, in quo contingat corpora celestia haec in fluere. Ex hoc, illi, qui naturali ingenio excellentes sunt, si sciunt, etiam per infusionem, nihil sibi datum, sed quidquid habent naturaliter euenisse, ita debent Deo gratias referre, velut si eis per infusionem tale ingenium praestitisset. scilicet quia ideo sibi hoc euenit, quia Deus inclinavit parentes eorum ad gignendum in tali tempore, in quo ista naturaliter euenirent: & si ipse non inclinasset, nunquam sic facturi essent: nisi forte dicat, quod ex acciden hoc fuit, sed istud repugnat omni catholice positioni, & etiam philosophicae veritati, quia nihil potest esse omnino a fortuna, sed necesse est cuncta esse praevia, quia regimen vniuersi temeritati committendum non est. Non ergo accidit istud, qui in tali tempore genuit, sic genuisse, quasi nullus eum mouerit magis ad illud tempus, quam ad aliud, sed necesse est aliquam causam esse praudentem, & inclinantem, ut nihil excedat, aut subterfugiat diuinam providentiam: & tunc magnas gratias agere Deo debebo, quia ipse voluit inclinare parentes meos ad me in tali tempore gignendum sub hac intentione, in qua necesse esset me dispositum esse valde in per omnes alios homines ad intelligendum. & ad quamdam naturalem morum honestatem, ad quod non inclinavit multos alios. Secundo modo Deus confert supernaturaliter ad generationem alium, cum semen patris, & matris est omnino indispotum ad aliquid gignendum, vel saltem semen alterius eorum, & istud est in feminibus. Iste modus est excellentior operationis Dei, quam praecedens, quia in praecedentibus non disponebat semen, quia ipsum in se dispositum erat, sed solum inclinabat ad gignendum in tali tempore, in quo semen sit dispositum. In isto autem modo semen non erat dispositum, nec poterat naturaliter disponi, & Deus illud supernaturali operatione disponit. Tertius modus est, quando Deus non solum semen disponit, sed etiam administrat: sic fuit in conceptu Isaac: nam Sara erat iam provecatae aetatis, & desierant ei fieri muliebria, ut Gen. 8. cap. Et Muliebria, id est fluxus menstrualis, sunt materia ipsius fetus formandi: & sic non solum erat virtus activa formativa indispotita ad generationem, sed etiam pars materialis: nam ex menstruo formatur fetus, & iste modus est mirabilior, hic autem utrumque deficit. Quartus modus operandi in conceptione supernaturaliter est quando Deus semen non disponit, nec administrat, sed ex solo semine, vel menstruo muliebri foetum format: & sic fuit in conceptu Saluatoris nostri: & iste modus est excellentior omnibus alijs, quia in alijs commixtio seminis masculini, & foemini est: hic autem solum menstruum muliebre. In primo modo horum sunt multi homines, quos Deus voluit gigni in tali tempore, in quo essent excellentes valde in aliqua perfectione naturali, siue roboris, siue sapientiae. In secundo modo est Samson, Elau, Iacob, Samuel, Ioannes Baptista. In tertio modo est Isaac. In quarto modo solus Christus: ideo Christi conceptio fuit excellentior, quam conceptus coeterorum hominum: deinde conceptus Isaac fuit excellentior, & miraculosior conceptu Samsonis, & reliquorum, & sic per ordinem.

Alph. Tost. super lib. Iudicum

**A** An postquam angelus nunciauit patri, & matri Samsonis, quod habituri erant filium, obligabantur conuenire carnaliter, vel erat sibi liberum.

Quaestio. I X.

**Q**VAERETVR vterius, postquam angelus nunciauit patri, & matri Samsonis, quod habituri erant filium, an obligabantur conuenire in vnum, & an peccarent, si non darent operam proli. Aliquis respondet, quod non tenerentur conuenire carnaliter, quia actus matrimonialis non est sub praepcepto impositus, sed sub indulgentia datus ad tollendam fornicationem, & aliter difficulter excusaremus, ut patet 1. Cor. 7. cap. ideo coniugati non obligantur conuenire, sed potius si pari consensu abstineant valde merentur, & sic Apostolus magis consulit virginem esse, quam nubere: erit ergo similiter melius in primo matrimonio continere, quam amplexibus vacare. Respondendum, quod obligabantur Manue, & vxor eius post istam denunciationem angelicam conuenire carnaliter, quia Deus denunciabat eis filium nasciturum, & hunc per carnalem commixtionem: si autem ipsi nolent conuenire carnaliter, repugnassent voluntati Dei, scilicet, quia nolent gignere filium, ergo peccabant. Sed aliquis responderet ad hoc, quia non obligarentur, quia angelus denunciabat eis, quod habituri essent filium si conuenirent carnaliter, & quia istud erat in fauorem eorum, & licet cuique renunciare ei, quod pro se introductum est, vel in fauorem suum, possent ipsi licet, imo magis merendo abstinere, scilicet, quod magis vel lent abstinere propter Deum, & non gaudere de filio, quam gaudere de filio, & non abstinere. Respondendum, quod non stat ista ratio, sed obligabantur pater, & mater Samsonis post verba angeli vacare proli quousque scirent conceptam prolem, eo quod istud erat eis tunc sub praepcepto. Et non valet ratio in contrarium, scilicet, quod poterant renunciare ei, quod in fauorem eorum introductum fuerat: respondendum, quod si in solum fauorem eorum fuisset filius introductus, licebat eis renuntiare, scilicet nolle habere illum, ut gauderent in eo: erat tamen iste nasciturus magis ad populum Israel utilitatem, scilicet, ut liberaret populum: nam dixit angelus: ipse liberare incipiet populum meum de manu Philistinorum: si ergo nolissent coniungere ad habendum hunc filium, peccassent mortaliter praeducantes toti Israel, ad cuius salutem puer iste nasciturus erat. Etiam peccabant contra Deum, quia vellent turbare modum dispositionis eius, scilicet, quia ipse disposuerat liberare per puerum illum, & ipsi nolent. Item confirmatur hoc per consimile, quia licet nunc nulla necessitas sit ad conueniendum carnaliter cum aliqua, sed magis meretur potius, qui nunquam conuenit, tamen aliquando fuit praepceptum, & necessitas conuenire, scilicet ab exordio seculi, quia Deus volebat genus humanum prodire modo propagatio, qui pertinet ad speciem, & hoc sine conuentione: ideo iussit expressè, crescite, & multiplicamini, & replete terram: Genesis primo. Vnde si quis fuisset in exordio primae aetatis, ut puta filius, vel nepos Adam, qui proli vacare noller, peccaret mortaliter: & maxime peccaret Adam, si noller cognoscere Heuam, & hoc, quia praepceptum urgebat, & etiam necessitas erat ad sic multiplicandum genus humanum. Ita nunc erat necessitas coitus Manue, & vxoris iuxta ad gignendum Samsonem: & hoc, quia iste erat liberaturus Israel. Etiam Deus iubeat illum gigni. Sed adhuc dicendum, quod dato, quod angelus non expressisset, quod iste puer liberaturus esset Israel, sed solum diceret, quod genituri essent quendam filium, quem facerent

Si Adā nō cognouisset Heuam carnaliter peccasset mortaliter

R 3 Naza-



**Nazaræum**, tenebantur sub pena peccati mortalis conuenire in vnum ad gignendum, quia ex hoc, quod dicebat Angelus, quod facerent eum nazaræum, dicebat eum domino specialiter applicandum, & significabant deum velle quendam cultum specialem in ipso: nam obseruantiam nazaræorum erat in veteri testamento aliquid superogationis, sicut consilia in nouo testamento: nolle ergo coire ad gignendum puerum, in quo deus talē cultū sibi predicabat, erat velle impedire cultum dei, ideo peccarent mortaliter. Item dato quod angelus solum dixisset, quod gignerent filium, & non imponeret ei aliquam obseruantiam: si ipsi nollent conuenire carnaliter, peccabant: quia deus non solet iubere, vel prenuntiare aliquid specialiter, nisi ad aliquod bonum specialiter: sed ipse non solebat prenuntiare alijs, quod genituri sint filios, & prenuntiavit hoc in Manue; ideo satis apparebat, quod aliquid magnum facere vellet de Samsonē inde gignendo: quod ergo istud impedirent parentes, erat peccare mortaliter. Item cum Manue sciret se habere uxorem sterilem, & nunc a Deo promitti filium, videbat magnam liberalitatem dei erga se: quod ergo nollit conuenire carnaliter cum uxore ad gignendum, erat ingratitudo, & contemptus diuini beneficii, scilicet quia nolebat beneficium sibi sponte a deo oblatum. Et ratio potissima est, quia nescit an ille filius sit ad aliquod magnum bonum, quod ipse perturbaret nolendo conuenire carnaliter.

Casus in quo licet alicui non vacare propter ad habendum filium.

Vnus casus est, in quo videtur licitum alicui non vacare proli ad habendum filium, quamquam prenuntietur ei quod habebit a Deo filium, scilicet si quis orans sepe petiuit filium cum sterilis esset vel alias non potens generare, & postea angelus denūciauit ei, quod Deus concesserat quod petebatur, si iste nimis afficiatur ad continendum poterit non conuenire carnaliter ad habendum filium. Et ratio est, quia cum ad preces eius concessus fuerit filius, videtur introductus in fauorem eius, & licet ei renuntiare illi: potissimè cum hoc facit non contemnendo dei beneficium, sed desiderio continentie. Non sic est de illo puero, qui erit ad aliquod magnum bonum, quia tunc parentes tenentur sub pena peccati mortalis conuenire. Sed adhuc dato quod precibus concessus sit, & non exprimatur de eo, quod aliquid magnum facturus sit, videtur securius, quod parentes conueniret, quia verissimum est, quod aliquid speciale Deus per illum facturus sit: & sic licet in vno casu non obligentur parentes ad conueniendum carnaliter, videtur tamen vniuersaliter tutius esse conuenire. De patre autem, & matre Samsonis manifestius est, quod obligarentur propter causas assignatas supra. *Cave ergo ne vinum bibas, ac siceram.* Hic ponitur obseruantia propter puerum nasciturum, & imponitur duplex, scilicet vna matri, & alia filio, ut patet infra.

*Quare imposita fuit matri Samsonis hæc obseruantia, & vsque ad quantum tempus. Quest. X.*

**Q**VAERETVR, quare imposita fuit matri ista obseruatia, & vsque ad quantum tempus. Ad primum respondendum, quod sicut Deus voluit sibi consecrare Samsonem per specialem cultum nazaræorum incipere obseruationem, eo quod faciebat eum liberatorem populi sui, & dabat ei vires excellētes: ita voluit ad reuerentiam pueri nascituri matrem esse mundam, & obseruare omnia hæc, quæ pertinebant ad quādam excellentiam munditie: nam quod aliqua res sit nimis, vel modicum reuerenda, ex ceremonijs ei exhibitis apparet: nam cui multas ceremonias honoris exhibemus, multum honorabilis est: illa verò cui paucas facimus, iudicatur minus honorabilis: ut ergo donum Dei conferendum Samsoni magis honorabile videretur, non solum iussum est,

**F** quod ipse esset nazaræus, sed etiā, quod mater seruaret hæc. Ad secundum dicendum, quod ex litera non apparet vsquequo mater deberet obseruare ceremonias istas, & tamen dicendum, quod illas obseruaret vsquequo pareret, quia mater non obseruabat ceremonias istas propter se, sed propter filium, & tamen ex obseruatione matris in similibus non videtur aliquid filio aduenire, nisi quoniam mater aliquo modo identificatur filio: sed mater identificatur saltē apparenter filio, quando est in vtero, ideo tunc debebat obseruare circa matrem munditiam hæc: nam quoniam filius est extra vterum, iam apparet quoniam sit distinctus a matre, & tunc debebat incipi seruari in puero munditia, quæ habetur in litera, ergo cessabat munditia circa matrem seruari: alioquin diceretur, quod matri non iubebatur munditia ista, in quantum identificabatur aliquo modo cum filio, sed in quantum erat causa eius, & tunc non solum matri, sed et patri iniungenda fuisset ista obseruatia, quia et ipse erat causa filij præcipua, nihil tamen patri iussum est. Posset tamen satis rationabiliter dici, quod ista obseruantia in matre debebat esse vsquequo puer ablaçtaretur, quia sicut cum puer est in vtero, ipse de substantia materna nutritur, ita dum est extra vterum nondum ablaçtatus continuè nutritur de substantia matris, & ob hoc mater munda esse debebat, ut non videatur aliquid immundum pertinere ad filium propter matrem: ablaçtato autem filio, quia iam nihil ipsius matris communicabatur filio: cessaret obseruatio munditie in matre. Et est satis rationabilis positio ista: magis tamen est firmum, quod solum seruaret hoc vsque ad partum, quia in litera dicitur: *Cave, ne vinum, & siceram bibas, aut quidquam immundum comedas, quia concipies, & paries filium, cuius non tangeret nouacula caput.* Et sic erat ista obseruantia, quia debebat concipere, & parere: ergo postquam concepisset, & peperisset, liberatur ab hac obligatione.

*Quo tempore ista obseruatio debebat inchoari. Questio XI.*

**Q**VAERETVR vterius, quo tempore ista obseruatio debebat inchoari. Aliquis respondet, quod debebat inchoari prima die, qua accederet ad virum: nam dixit angelus, quia concipies, & paries, sed concipere non debebat vsquequo vir tangeret eam: ergo vsquequo ad illud tempus non tenebantur ad hanc obseruationem. Item abstinentia erat propter aliquam causam. scilicet quod concipere debebat: ergo quoniam non suberat aliqua causa. scilicet quia nondum conceperat, non videbatur propter quid deberet abstinere. Respondendum, quod tenebatur mulier ista abstinere ex eo tempore, ex quo ista dicebantur: nam præcepta negativa omni tempore obligant, nisi in eis exprimitur tempus, quo debeant obligare, affirmatiua autem solum pro loco, & tempore: sed præceptum istud erat negativum. scilicet de non comedendo, siue de abstinentia, & abstinentia negationem importat, & non limitat tempus aliquod ipse angelus, ergo immediate obligauit. Item aut præceptum istud seruari debebat postquam mulier concepisset, aut prius: non post solum, quia tunc repugnat literæ, quæ dicit: *immundum quidquam non comedas, quia concipies.* Et sic ponitur ibi, concipies, tanquam aliquid futurum ad obseruationem istam, & sic priusquam conciperet debebat obseruare hoc. Item debebat ex tunc incipere, ut quando conciperet esset iam munda, & disposita per obseruationem præcedentem: si autem non obseruaret aliquid, vsquequo iam concepisset, esset conceptus in immunditia. Ideo tam necessarius videbatur ad honorem nati apparatus obseruationis ante conceptum, sicut postea: imò ista erat ratio potissima, scilicet, ut videretur iam sanctificata mater, quando conciperet filium.

Ad

Præcepta negativa omni tempore obligant.



*Ad rationem primam.* Ad rationem primam in contrarium dicendum, quod A quamquam non conciperet quousque tangeretur à viro, tamen prius debebat se continere ab immundis, quam accederet ad virum, quia ista observantia fiebat ad disponendam matrem, ut esset sanctificata, quando iam conciperet. Item ista probatio potius inducit propositum nostrum, quam oppositum, quia cum dicitur, quod abstineret ab immundis, quia conceptura erat, ergo antequam conciperet debebat observare istud. *Ad secundam rationem,* quando dicitur, quod abstinentia erat propter aliquam causam, & tunc non videbatur aliqua causa quare abstineret: respondendum, quod causa magna suberat. scilicet ut mater esset disposita per sanctificationem ad fetum, qui ex Dei dono gignebatur.

*An mater Samsonis obligata esset ad votum Nazæorum.*  
*Quæstio XII.*

*Ad rationem secundam.* **Q**UÆRETUR ulterius, de ista observatione, scilicet, an mater Samsonis obligata esset ad votum Nazæorum. Aliquis dicet, quod sic, quia istæ sunt caeremoniæ, quæ imponuntur nazæis, ut patet de ritu eorum: Num. 6. In contrarium dicet aliquis, quod non iubeatur ei ritus nazæorum, quia iste ritus ad masculos pertinet, ideo non iuberetur matri Samsonis. Dicendum non stare hoc, quia votum nazæorum tam viro, quam femine convenire poterat, quod patet dupliciter. Primo, quia lex dicit: Num. 6. Vir, siue mulier, cum fecerint votum domino, & se consecrare voluerint, &c. & ibi est totum cap. de voto nazæorum, ergo patet, quod istud votum non competeret mulieribus, si forte esset aliqua caeremonia in voto nazæorum, quæ non posset convenire foeminis, & tamē non erant aliqua, quæ indifferenter non conveniant viris, & foeminis, ut patet discurrendo per eas: Num. 6. Sed & adhuc dato, quod competeret foemine votum istud, non apparet an mater Samsonis obligabatur ad illud ex istis, quæ dixit ei angelus. Respondendum, quod votum nazæorum poterat esse dupliciter. scilicet perpetuum, & temporale: nā poterat se quis consecrare dño per illud votum ad semper. Temporale erat, quando quis volebat certo tempore observare caeremonias nazæorum solum, & istud erat ad placitum voueris. scilicet per annum, vel duos annos, aut mensem, & sic de ceteris. Si autem erat temporale erant duplices caeremoniæ, vel triplices: si autem perpetuum erant simplices. scilicet quædam caeremoniæ erant, quas observare debebat nazæus temporalis incipiens votum, usque ad consummationem voti: erant quas faciebat ad solennitatem expletionis voti: aliæ erant, quas faciebat si forte interromperetur votum per aliquam immundiciam super mortuo quam incurreret nazæus, quia tunc factis quibusdam caeremoniis repetebatur votum. Primæ caeremoniæ erant, quod vouēs istud votum debebat abstinere à vino, & siceram, aut oī potu, aut cibo, qui potest inebriare. Etiam non comedebat vias recentes, aut siccas, aut quidquid villo comederet vias recentes, aut siccas, aut quidquid villo modo ad vias pertinet, aut quod ex vuis sit. Etiam acetum non comedebant, & super mortuos non debent pollui villo modo, scilicet tangendo eos, nec eunbant ad funera, aut plangendo pro illis in funere, licet posset secretè lugere. Etiam non poterant ingredi in domum, in qua aliquis mortuus erat, nec licebat eis sepulchra tagere, aut ossa cadaverum in agro reperta. Etiam ex die consecrationis suæ, vel voti non debebat novacula ascendere super caput eorum. Secundæ caeremoniæ sunt, quas faciebat nazæus temporalis in expletionem voti sui. scilicet quod omnes capilli eius tondebantur die vltima in sanctuario, & cremabantur in altari holocaustorum, sicut quodlibet aliud sacrificium. Etiam offerebat illa die ad ostium tabernaculi agnum annu-

**A** culum in holocausto, & ouem pro peccato, & arietē in hostiam pacificam, & canistrum azymorum, & libamina omnium istorum sacrificiorum, & in istis sacrificiis fiebant à sacerdotibus caeremoniæ, quæ habentur Num. 6. Tertiæ caeremoniæ erant, quæ fiebant quando ante completum votum Nazæus incidebat in aliquam immundiciam, utpotē, si tangebatur aliquem mortuum, vel aliquis subito moriebatur coram eo. Nam eodem die, quo pollueretur, debebat radere totum caput, & iterum die septimo post hoc radebat capillos renascentes. Die autē octavo offerebat duos turtures sacerdoti ad ostium tabernaculi, vel duos pullos columbarum: unum pro peccato, & alterum in holocaustum, & ex eo die incipiebat de nouo votum suū, quasi si nihil ante hoc observasset. Ista tria genera caeremoniarum erant pro nazæo temporali: nazæus autem perpetuus solum observabat primum genus caeremoniarum, secundas autem non, quia ipse nunquam finiebat votum, & illæ erant in die expletionis voti: tertias autem non observabat, quia illæ erant quando nazæus polluebatur ad hoc, quod reinciperet votum suū, & esse tunc mundus quando inciperet, quia aliàs quidquid postea faceret, reputaretur factum in immundicia, & nihil esset, & illæ caeremoniæ mundificabatur pollutum. Sed nazæus perpetuus non reincipiebat votum, eo quod qualitercunque se haberet semper debebat observare in perpetuum votum illud: ergo solum manebant ei caeremoniæ primi modi. De his oībus Num. 6.

**C** Nunc dicendum de matre Samsonis, quod ipsa non erat obligata ad votum nazæorum, quia non ad perpetuum, nec ad temporale: ergo ad nullum. De primo patet, quia supra declaratum est, quod observatio matris Samsonis solum extendebatur usquequo pareret. Etiam non erat temporalis observatio, quia tunc imposuisset ei angelus omnia, quæ pertinebant ad istam observantiam, sed solum imposuit de his, quæ pertinebant ad nazæorum observationem. scilicet quod non biberet vinum, nec siceram, & omisit omnia alia. scilicet comestionem omnis generis vuarum, & acetum, & non tōderi capillos novacula, & ceteras caeremonias omnium trium modorum supra positorum. Item patet istud, quia si intendisset ponere ei angelus observationem nazæorum, cum filius nasciturus deberet esse nazæus, imposuisset ei, quod servaret ea, quæ puer servaturus erat: & tū ei solum dixit cauere vinum, & res immundas: de puero autem dixit, quod ipse esset semper nazæus, & nunquam ascenderet novacula super caput eius. Item cum angelus nollet explicare in particulari omnia, quæ servaturus erat puer, dixit quod futurus erat nazæus, ut per hoc intelligeretur, quod debet tenere regulam nazæorum: Num. 6. De matre ergo, cum dixit, quod non comederet immunda, nec biberet siceram, aut vinum, dixisset, quod ipsa nazæa futura esset hoc modico tempore, & tamen nihil addidit per quod hoc intelligeretur, ideo non debebat ipsa servare votum nazæorum. Item matri Samsonis iubeatur hic observare quasdam caeremonias propter filium nasciturum, sed quod observaret votum nazæorum nihil ad hoc attinebat. Nam tota consecratio nazæorum erat in capite, vel capillis: ideo Num. 6. nil vocatur in nazæo consecratum, nisi caput. Etiam quando polluebatur nazæus nihil dicebatur pollui, nisi caput, & ipsum solum radebatur. Etiam quando desinebat votum nazæorum soli capilli tondebantur, & dabantur ad cremandum in altari holocaustorum iussu Dei. Hæc omnia habentur Num. 6. & tamen consecratio capillorum matris Samsonis nihil attinebat ad Samsonem: ideo frustra erat ei imponi observationem nazæorum.

*De matre Samsonis penes observantiam in caeremoniarum nazæorum.*

*In capite erat nazæorum consecratio.*



*Quare imponebantur matri Samsonis quedam attinentia ad votum Nazæeorum, si non erat obligata ad illud.*

*Quæstio XIII.*

**Q**VAERETVR vltius, cum mater Samsonis non esset seruatura votum Nazæeorum, quare imponebantur ei quedam pertinentia ad illud, scilicet non bibere vinum, & sicerā, & non comedere aliquid immundum. Aliqui dicunt tenentes superiorem positionē, q̄ matri Samsonis imposita fuit observatio nazæeorū, quia fuerunt ista dicta, vt per ea inteligerentur alia, q̄ pertinebant ad votū nazæeorū. Sed dicendū, q̄ non stat, quia supra probatū est, q̄ non fuit imposita ista observatio matri Samsonis, nec valet fūdamētū eorum. s. quia imposita fuerunt hic quedam pertinentia ad nazæeos: nam nullum istorum ptinebat specialiter ad nazæeos. De primō patet, quia licet nazæei non biberent vinum, Nu. 6. tamen non erat istud speciale eis, quia ēt sacerdotes toto tēpore quo manebant in sanctuario ministrantes, non poterant vinum, aut siceram bibere, vel aliud inebriatium: Leui. 10. c. vnde si quis de sacerdotibus, veniente vice sua, deberet ministrare in aliquo ministerio in sanctuario per vnū mensem continuē: non debebat toto illo mēse bibere vinū. Secundū ēt quod iuebatur. s. q̄ non comederet aliquid immundū, non erat speciale nazæeis, quia erat præceptū oībus Israelitis, vt patet Leui. 11. & Deu. 14. vbi determinantur res immunde, & munde, & vetantur oībus immunda. Etiam non comedere immunda non erat præceptum nazæeorū: nam oīa præcepta illorum ponuntur Nu. 6. & tñ non ponitur ibi hoc. Dicendum ergo, q̄ Deus non iussit hic aliquid istorū, inquantum ptinebat ad nazæeos, nec expediebat sub hac ratione iuberi, sed solum voluit, q̄ mater Samsonis seruaret quandam mundiciam, & reuerentiam, quia cōceptura erat filium sanctificandū. Et proficiebant ista duo imposita homini dupliciter: primō ad quandam reuerentiam. s. quia cum iuberetur matri Samsonis se abstinere ab his, quia erat paritura Samsonem, significabatur eum futurum magnum. Et ista ratio supra assignata est, & ad hoc principaliter pertinebat non bibere vinum, aut siceram, quia ista interdum inebriāt, & per ebrietatem redditur qs valde despicibilis, & potissimē mulier, & quia istud vergebat in dedecus nascituri, debuit abstinere ab his, nē aliquādo inebriaretur. Etiam est sic de rebus immundis, quia inter Hebræos res immundæ determinatæ à lege erant abominabiles, & habebantur vt viles, qui comedebāt eas, pertineret ad dedecus Samsonis matrem suam his pollui. Secundum erat ex parte nutritionis foetus. s. quia foetus in vtero nutritur de substantia matris. s. de sanguine suo, & postea etiam sanguis iste conuertitur in lac, vt inde fetus eductus de vtero alatur, sicut disponit sanguis mulieris, ita disponitur nutritio fetus, & quia res immundæ causant immundum nutrimentum, & disconuenientem fetui, nō debuit comedere res immundas. De vino, & siceris eodem modo applicari potest. Et sic ista iussa sunt matri Samsonis, non inquantum sunt partes voti nazæeorum, sed ob aliam causam. *Nec immundum quidquam comedas.* Solum vetantur in potu illa, quæ poterant inebriare, & in cibo res immundæ.

*Immunda quæ matri Samsonis comedenda vetantur, quanam fuerant.* *Quæstio IIII.*

**Q**VAERETVR, quæ immunda erant ista. Respondendum est, quod dupliciter accipi potest: vno modo vocantur immunda omnia, quæ lex iudicauit immunda, siue in comedendo, siue in tangendo, & sunt multa genera animalium quadrupedum

vetita, & volucrum, & piscium, & omnia reptilia: insuper res, quæ per se moriuntur, aut occiduntur à bestiis, sunt immundæ. De his omnibus Leuit. 11. & Deut. 14. cap. Omnia hæc vetita erant Iudæis in cibo. Alio modo possunt vocari immunda omnia, quorum cibus mundus, vel sanus nō est: nam etiam in eis, quæ concessa sunt à lege erant aliqua interdum, quæ non causabant conueniētem cibum, & ab his vtile erat abstinerere. Sed dicendum, quod hic vocantur immunda primō modo à quibus lex vetabat. Et hoc patet, quia solum dicitur, quod caueret ista mulier immunda, & non exprimitur, quæ essent illa immunda, quasi ei nō essent: & hoc, quia lex deducta in quotidianum vsum omnium Hebræorum ab antiquo fecerat illa cognita: si tamē intelligeretur de alijs rebus immundis, necesse erat, quod exprimerentur, quia mulier non nouerat, quæ illa essent, & præceptum non daretur incertum, quia esset valde irrationabile, nec obligaret.

*Quare iuebatur hic matri Samsonis, quod non comederet immunda.* *Quæstio XV.*

**Q**VAERETVR vltius, quare iuebatur hic matri Samsonis, q̄ non comederet immunda, quia istud necessarium erat iam, cum lex illud posuisset, & dato quod non paritura esset, obligabatur. Respondetur, quod hoc ponitur, non quasi nō obligata esset ad istud obseruandum, sed ad significandum specialem sanctimoniam, quam debebat mater seruare propter filium nasciturum. s. quia dato quod lex non iussisset illud prius, deberet nunc illa obseruare hoc. Alia ratio est, scilicet, quia ponitur istud præceptum hic per modum repetitionis: est enim consuetudo sacræ scripturæ quedam præcepta sæpe scribendo repetere, & hoc, vt magis memoriæ commendet illa, quia sunt valde necessaria: ita licet nunc non esset necesse repeti quod iam scriptum erat, propter magnam tamen necessitatem præcepti huius repetitum fuit matri Samsonis. Aliiter potest dici, quod quedam præcepta repetuntur sæpe, quia sunt homines faciliores ad peccandum contra illa, & quia sic erat de comedendo immunda, licet iam essent ista iussa, repetiuit illa angelus mulieri. Aliiter dici potest, quod ponitur ad significandū specialem obligationē, scilicet, quia generaliter ex præcepto legis erat obligata mater Samsonis ad hoc, sicut ceteri Hebræi: quia tamen Deus volebat specialiter obligare eam ad tenendum mundiciam propter puerum nasciturum, expressit ei de ciborum mundicia, vt sic specialiter obligaretur. Aliiter etiam potest dici, quod licet Hebræis præceptum esset de ciborum mundicia, tamen circa quædā non obseruabant illam mundiciam non curantes, vel faciliiter peccantes, sicut nos solemus peccare in quibusdam peccatis cōmunibus: & quia si non iuberetur nunc specialiter matri Samsonis abstinere ab immundis, forte interdum comederet immunda, quod erat contra intentionem Dei, qui volebat magnam puritatem seruari hic propter foetum nasciturum, ideo conueniens fuit, q̄ exprimeretur de ista mundicia, & ista fuit causa potissima.

*Cum angelus iusserit nunc matri Samsonis aliquid, ad quod erat obligata ex lege, an fuerit causata ex hoc aliqua noua obligatio. Et an excommunicatus possit vltra excommunicari.* *Quæst. XVI.*

**Q**VAERETVR vltius, cum Angelus iussit nunc matri Samsonis, nē comederet immunda, & lex prius dixerat de hoc, an esset aliqua noua obligatio. Ad hoc respondendum, q̄ præceptum inducit obligationē: & quia nunc iuebatur matri Samsonis

necesse



necesse erat, quod obligaretur. Nec obstat, quod iam obligata esset ad hoc, quia obligatio ligamen quoddam est: sed in ligamentis corporalibus, qui ligatus est amplius ligari potest: ergo in obligatione ad aliquid faciendum, qui obligatus est poterit magis obligari. simile patet in excommunicatione: nam, qui excommunicatus est amplius excommunicatur, & tamen quilibet excommunicatio est aliquod ligamen: ergo ligatus ligatur. Sed considerandum, quod in excommunicatione est ligamen, quod est aliquid positivum, & est ipsa poena excommunicationis privativa: nam excommunicatus non dicitur quantum ad aliud ligari, nisi quod per sententiam excommunicationis latam in eum, siue à Canone, siue ab homine, obligatur ad tenendum poenam privationis cuiusdam. Et ista obligatio non magis est in excommunicatione, quam in quibuscunque penis impositis à iudice Ecclesiastico: potissimum in foro conscientiae utendo clauibus: ideo imponendo alicui, quod peniteat per tot dies, dicitur ipsum ligare. Nam ob hoc vocatur clavis ligandi, & soluendi, quia est potestas ad remittendum poenam, vel obligandi nos ad poenam. Est autem aliud in sententia excommunicationis, scilicet privatio à Sacramento, & Communione fidelium, & ista est poena privativa. De hoc dicendum, quod quantum ad istam poenam privativam non potest aliquis magis ligari, aut minus, & postquam est ligatus non potest magis ligari, quia qui extra Ecclesiam est non potest magis extra Ecclesiam esse, potest tamen esse distantior ab Ecclesia, & hoc operantur excommunicationes iteratae, scilicet, quia faciunt excommunicatum distantiorē esse ab Ecclesia, & ideo tardius, & difficilius reuocatur, & reconciliatur Ecclesiae, qui pluribus sententijs innodatus est, quam qui vnica. Etiam, quia licet privatio secundum se non habeat magis, & minus, tamen bonum, quo quis priuatur habet magis, & minus unde potest quis priuatus magis priuari. Et sic est in sententijs excommunicationis iteratis, quia per quamlibet illarum subtrahit excommunicato aliquod Dei adiutorium, si iuste excommunicatur, & nouo bono semper priuatur: ergo ligatus adhuc potest religari. Simile etiam est in voto, quia interdum obligant se homines voto ad ea, ad quae alias obligati sunt, sicut est in votis Baptismalibus, in quibus vouemus recipere fidem, & abrenunciare Satanæ, & pompis eius. Et ob hoc magis peccat, qui facit contra fidem, postquam illam suscepit in baptismo, quam prius: licet etiam prius obligatus esset ad omnia, quae erant in Euangelio, & peccabat non agendo illa. Sic etiam dicendum de praeceptis decalogi, quia antequam darentur obligabant omnes homines, cum insint conscientiae nostrae, sine aliqua lege data, ut colligitur ad Ro. 2. Et tamen postquam data sunt, causauerunt aliquam nouam obligationem: unde non immerito Deus petiuit consensum Hebraeorum ad dandum eis legem: Exo. 19. cap. & ob hoc illi, qui peccant contra haec praecepta postquam data sunt, magis peccant, quam à principio. De matre autem Samsonis sic dicendum, quia à principio ipsa erat obligata ex lege ad non comedendum immunda, & nunc nouiter obligata fuit ad idem: ideo peccaret magis transgrediendo: nam esset maior contemptus, quam praeuaricari mandatum semel datum. *Quia concipies, & paries filium.* Quasi dicat propter filium nasciturum ex te, qui erit domino sanctificatus, debes tu nunc seruare mundiciam, & esse disposita ex nunc.

Notandum  
de ligami-  
ne excom-  
municatio-  
nis,

Potest ali-  
quis ma-  
gis distare  
ab Eccle-  
sia altero.

**A**mus Ieremiam, & Beatum Ioannem Baptistam. Quidam dicunt, quod sic, quia dicitur hic: Erit enim puer nazareus dño ex vtero matris: & tñ nazareus significat consecrationem, vel benedictionē, ut patet Num. 6. Respondendum sñm positionem communē, quae est doctrina sanctorū, & ferē oīum doctorū, q̄ Sālon non fuit sanctificatus in vtero, sicut Ieremias, vel B. Ioānes. Et ratio ad hoc potest esse duplex. Prima est, quia sanctificati in vtero non possunt peccare mortaliter, ut est doctrina cōis: Samson tñ peccauit saepe mortaliter. Item, quia de Samsonē non dicitur, q̄ fuerit sanctificatus in vtero matris, sicut dicit de quibusdam. s. Ioāne, & Ieremia. Dicendum, quod non fuit consecratus, vel sanctificatus in vtero, sed ex vtero. s. q̄ fuit antequam exiret de vtero obligatus ad obseruādum ceremonias Nazariorum, & illas obseruare debebat ex prima die Natiuitatis: & hoc est ex vtero. i. immediate, ut egrederetur de vtero. Sanctificati tamen in vtero matris non sanctificantur ex vtero. i. postquam exeunt, sed in terius sanctificantur. s. tollēdo eis culpam originalem, & confirmando eos, nē possint mortaliter peccare: in Samsonē autem non erat sanctificatio, sed quaedam consecratio, id est obseruatio ceremoniarum nazareorum ex die, quo nasceretur vsque ad mortem: sanctificati autem non consecrantur dño mox, ut exeunt de vtero, sed intra vterum, sicut patet de Ieremia, qui dicitur esse vnus de istis, ut legitur Iere. 1. s. Priusquam te formarem in vtero noui te, & antequam exires de vtre, sanctificaui te. De Beato Ioanne simile est Lu. 1. Erit puer magnus coram Domino, & Spiritu Sancto replebitur adhuc ex vtero matris. Satis tamen dici potest secundum veritatem, licet sit cōtra doctrinam antiquorum, q̄ non sit talis sanctificatio, qualem volunt doctores nostri. Nam volunt, q̄ Deus aliquos in vtero, sic sanctificauerit, q̄ maculam originalem abstulerit, & animam eorum impeccabilem fecit. s. culpa mortali. Et hoc quidem non nego fieri posse ex Dei priuilegio. Etiam non nego factum fuisse in aliquibus, tamen in applicatione errant, quia dicunt Ieremiam fuisse huiusmodi. Quod probant, quia Iere. 1. dicitur: Et antequam exires de vtero sanctificaui te. Sed istud nihil est, quia sanctificare non accipitur ibi pro mundare, vel facere sanctum, id est impeccabilem, sed pro disponere, vel praordinare aliquid ad aliud: ut si quis praordinatur ad praedicandum, dicitur sanctificari ad praedicandum: & iste modus loquendi est frequentatus in sacra scriptura, sicut patet Exo. 19. cap. s. Sanctificamini in diem tertium: lauate vestimenta vestra, & non appropinquetis vxoribus vestris. Et sic accipitur sanctificamini, id est parati estote. Et hoc apparet clarius, quod ibi exponitur vnum per aliud: nam Deus dixit Moyse, quod sanctificaret Israelitas, & ipse dixit eis: Estote parati in diem tertium: quasi idem esset sanctificare, & esse paratum. Item Iosue 3. sic accipitur. s. Sanctificamini, cras faciet domin⁹ mirabilia inter vos, id est parati estote ad videndum mirabilia, quae dominus faciet. Et magis patet Ioel. 3. s. Sanctificate bellū, id est parate bellum: Ierem. 1. s. Sanctifica eos in diem occisionis. i. para eos ad occidendum. Unde secundū modum Hebraicū loquendi, quem accepit litera nra, non est sanctificare, nisi preparare, vel praordinare: & sic Ieremias sanctificatus est ex vtero, quia cū adhuc esset in vtero dispositus, praedestinatus fuit ad praedicandum. Et hoc conuenit literae Iere. 1. s. Antequam exires de ventre sanctificaui te, & prophetā in gēribus dedi te. i. in vtero sanctificaui. i. praordinaui te, ut esses propheta in gentibus. Quod autē Ieremias fuerit mundatus à peccato originali in vtero, & fuerit confirmatus, nē posset peccare mortaliter, nō potest probari. Doctores tñ nri dicunt hoc, q̄ accipiunt ibi sanctificaui. i. sacratū feci:

Quid sit  
in vtero sã  
ctificari.

Opin. cō-  
munis do-  
ctorum re-  
fellitur.

Quo Iere.  
sanctifica-  
tus est in  
vtero.

An fuerit Samson sanctificatus in vtero. Quæst. XVII.

**Q**VAERETVR vterius, an fuerit Samson de sanctificatis, seu consecratis in vtero, sicut dici-



**S**anctus dicitur duo, & tamen sanctus dicitur duo, scilicet mundiciam totalem, & statum immutabilem in bono: & ob hoc viros bonos, qui hic sunt vocamus bonos, sed non sanctos, quousque sint in vita æterna: eo quod adhuc peccare possunt. Propter primum dicunt de Ieremia, quod fuerit in vtero ablata ei macula originalis, quia non est mundus, qui manet in peccato mortali, quale est originale. Propter secundum dicunt, quod Ieremias fuit factus impeccabilis, scilicet, quod non posset peccare mortaliter. Sed istud non stat villo modo, quia est contra modum loquendi scripturæ: nam tunc Ios. 3. cum dixit Iosue: sanctificamini, cras enim faciet dominus mirabilia: ipsi sanctificauissent seipsos: sed hoc non conuenit homini, quia non est in potestate hominis, quod se faciat impeccabilem, sed Dei priuilegium est.

**I**tem Exo. 19. dixit Deus Moyfi: Sanctifica eos in die tertium: & postea sequitur: Sanctificauit eos Moyfes: & tamen manifestum est, quod Moyfes, nec directe, nec ministerialiter poterat eis dare priuilegium impeccabilitatis. Item dicitur ibi, quod sanctificati sunt, ergo facti sunt impeccabiles: sed falsum est, quia post modicum facti sunt idolatræ facientes vitulum aureum, Exo. 32. ideo nec Ieremias ex hoc probabitur sanctificatus, id est mundatus à peccato originali, & confirmatus, nè peccaret mortaliter. Dicendum ergo, quod an Ieremias fuerit purgatus ab originali, & confirmatus in gratia, antequam exiret de vtero, est problema neutrum. Et si volumus credere doctoribus nostris, faciemus eis gratiam. Quod tamen ipsi possent probare hoc, vel saltem habere aliquod motiuum ex sacra scriptura, falsissimum est. De Beato Ioanne, quod sit sanctificatus in vtero magis patet, quia Luc. 1. dicitur: Quod Spiritus Sanctus replebit eum ex vtero matris: ideo de hoc satis concedo, quod fuerit sanctificatus in vtero. Cuius non tanget caput nouacula. Hic significatur observatio pueri postquam posita est matris observatio, scilicet, quod puer teneret votum nazareorum. Et sciendum, quod votum istud erat duplex, scilicet, perpetuum, & temporale, ut declaratum fuit supra, observatio autem Samsonis debebat esse perpetua. Quod patet, quia infra dicitur: erit puer nazareus Dei ab infantia sua ex vtero matris usque ad diem mortis sue. Ideo dicendum, quod licet incideret Samson in aliquam immundiciam, utpote aliquo subito moriente coram ipso, non tenebatur ad aliquam cœremoniam obseruandam de illis, quæ habentur Num. 6. quia illud intelligitur de nazareis temporalibus.

**Ioā. Bapt.**  
an à peccato  
origin.  
fuerit purgatus.

*Quare magis dictum sit de nouacula, quod non ascenderet caput Samsonis, quam de alia cœremonia.*

*Questio XVIII.*

**Q**VAERETVR, quare magis dictum est de nouacula, quod non ascenderet caput eius, quod de alia cœremonia nazarej. Respondendum, quod istud fuit ad significandum, quod erat futurus nazareus: ideo oportebat exprimi aliquam cœremoniam nazarej, & fuit illa expressa, quæ magis pertinebat ad nazareos: nam in omnibus, quæ ad nazareos pertinebant, nihil erat tam precipuum, ut capillus nazarej: ideo nihil dicebatur consecrari domino de nazareo, nisi caput. Et sic dicitur sepe Num. 6. caput cōsecrationis sue. Etiam nihil polluebatur cum nazareus polluebat, nisi capilli sui, sicut patet Num. 6. scilicet, polluetur caput cōsecrationis eius. Etiam in nazareis temporalibus expleto tempore voti tondebantur omnes capilli capitis, & cremabantur in holocausto in altari tanquam de eis fieret aliquod sacrificium Deo gratissimum: Num. 6. & non erat alia res eius, de qua aliquid Deo daretur: ideo capilli pertinebant principaliter ad votum nazareorum, & de eis ob hoc principaliter hic dictum est.

**F** An liceret Samsoni capillos suos tondere, licet non raderet nouacula. *Quest. XIX.*

**Q**VAERETVR, ulterius, an liceret Samsoni capillos suos tondere, licet non raderet nouacula. Respondendum, quod sicut hic dicitur de nouacula, ita dicitur Num. 6. de nouacula, quod non ascenderet super caput nazarej: ideo putabit aliquis, quod cum Samson esset obligatus ad votum nazareorum solum, quod posset capillos forficibus tondere, sed non nouacula radere. Dicendum tamen, quod non licebat Samsoni, aut alicui nazareo temporali, vel perpetuo tondere capillos qualitercunque. Quod patet, quia si liceret ei hoc, posset esse sine capillis seruando votum nazareorum, & tamen hoc est falsum, quia in fine voti tondebantur omnes capilli capitis nouacula, & cremabantur in altari: Num. 6. ergo non licebat eos habere rasos, vel tonsos forficibus. Item patet, & fortius, quia quādocunque nazareus temporalis obseruabat votum, & moriebatur aliquis coram eo, polluebatur caput eius, & debebat radi, & reincipere votum, Num. 6. si tamen liceret nazareo tondere capillos, etiam sine nouacula: aliquis moreretur quisquam coram eo, & non pollueretur, nec posset radi, quia nullos capillos haberet, ergo semper debebat habere capillos quamdiu erat nazareus. Item Num. 6. dicitur de nazareo, quod omnibus diebus cōsecrationis sue non transibit nouacula super caput eius. Et sequitur: Sanctus erit Domino crescente cœsarie capitis eius, id est à die quo cōsecratur semper debet permittere crescere cœsariem suam, id est capillaturam: si tamen liceret nazareo tondere caput forficibus, non cresceret cœsaries postquam cōsecraretur: ergo non licebat ei tangere cœsariem suam postquam voueret votum nazareorum ad illam amputandum. Item regula iuris est, quod id quod non permittitur alicui vno modo, non debet ei permitti alio modo, sicut si quis est facinorosus, & diffinitur de eo, quod sit ineligibilis ad Episcopatum, non poterit consequi illum per viam postulationis, quia tunc fieret fraus legi: ideo cum raderet capillos nouacula, vel tondere forficibus perueniat ad eundem effectum, scilicet, quod caput nudetur capillis: si non licet nudare caput nouacula, nec licebit nudare illud forficibus, vel alio instrumento. Item patet hoc de Samson specialiter, quia ipse non fecit differentiam de tonsione capillorum pro nazareo an nouacula fieret, vel alio modo: nam infra 16. dixit Samson ad Dalilam: ferrum non ascendit super caput meum, quoniam nazareus, id est cōsecratus sum Domino. Ergo videtur, quod ad integritatem status nazareorum requirebatur, quod non tonderentur capilli eorum ferro, quodcunque illud esset: & sic una de causis, quare specialiter dictum est matri Samsonis, quod non ascenderet nouacula super caput eius, fuit quia attendere debebat ne puero nato ob aliquam causam capillos amputaret, sed sineret crescere Cœsariem. *Erit enim nazareus Deo ab infantia sua.* Subditur ratio præcedentis dicti, scilicet, quod non ascenderet nouacula super caput eius: & hoc, quia erat nazareus futurus. Et dicitur ab infantia, id est immediate, ut nasceretur, sicut infra dicitur ab vtero matris. Et hoc, quia votum istud, vel observatio in Samson non erat temporale, sed perpetuum, ideo incipere debebat in infantia, & cōtinuare usque ad mortem: sic dicitur infra: erit puer nazareus Dei ab infantia sua usque ad diem mortis sue. Sciendum autem, quod nazareus est nomen Hebreorum, quia licet forma declinandi sit Latina, nomen est Hebræum: nam ubi nomen est nazareus dicunt Hebræi (Nazir). Nec fecit aliquid translator nisi mutare formam Hebraici nominis in formam declinandi latinorum, & signat nazir separatim, scilicet quia nazarej erant separati a cæteris hominibus.



Phariseus  
qd signat.

Responsio  
ad q̄situm.

Ad rōnem  
primam in  
diuersum.

### Ad 2. rŏně

**Q**VAERETVR ulterius, quid si Sāson suadentibus parentibus suis nolleret obsequiare votum Nazareorum. Respondendum quod erat auctoritate, & sententia iudicis lapidandus. Vno modo poterat hoc fieri officio iudicis, vt si constaret ei aliquo modo, quod Deus iussisset, quod Samson serparet ceremonias Nazareorum, & nolleret eas tenere, poterat eum lapidare tanquam superbientem contra mandatum Dei: & tamen Deus iubebat, quod iudices punirent contemptores legum suarum, & in defectum iudicum populi poterant hoc agere, & potissime illi qui erant cognati peccantium. Simile est Leui. 20. de illo, qui dedit de semine suo idolo Moloch: nam iubetur, quod populus terræ lapidet eum: si autem populus noluerit lapidare illum, quasi contemnens imperium Dei, ipse ponet faciem suam contra hominē illum, & progeniem eius quousque deleat eam. Quicunque autem de cognatis Samsonis sciret eum nolle obsequiare ceremonias Nazareorum contumaciter, tenebatur denunciare illud iudici, & cū condemnaretur ex hoc, iste denunciāns, vel accusāns tenebatur primum lapidem mittere in eum: sicut erat de peccato idolatrię, in quo maritus accusabat uxorem, vel filios Deuterono. decimo tertio, & lapidabat eos primus, deinde totus populus. Secundus modus erat si pater, & mater Samsonis vellent eum accusare tāquam protervum, & inobedientem, & contemnentem ceremonias eorum: quia tunc sententia iudicis lapidandus erat, sicut iubetur Deuterono. vigesimo primo capitu. & si parentes contemnerent hoc facere celantes crimen filij, Deus eradicaret ipsos de terra & Samsonem, iuxta illud, quod dictum est Leuitic. vigesimo capitu. *Et ipse incipiet liberare Israel de manibus Philistinorum.* Po-  
test



test dupliciter intelligi. Vno modo quod ipse incipiet liberare Israel, idest ipse erit primus, qui liberabit Israel de manibus Philistinorum, & post eum Saul, & David, & Ionathas. Alio modo, quod iste incipiet liberare Israel, scilicet incipiet, & non cōplebit, quia non fuit in diebus Samsonis perfecta liberatio Israelitarum de manu Philistinorum. Primus sensus non stat, quia alius liberavit Israelitas prius de manu Philistinorum q̄ Samson, scilicet Samgar tertius index Israel, q̄ sexcentos Philistinos occidit vomere, supra 3. capit. Etiam postea liberati fuerunt Israelitae de manu Philistinorum: nam post Iair, & ante Iephthe iudicem fuerunt 18. anni intermedij, in quibus Israelitae oppressi fuerunt ab Ammonitis, & Philistinis, & postea liberati fuerunt: cū tempore Iephthe non haberent aliquos, qui permerent eos: supra decimo, nunc autem nouiter Philistini irruerunt iterum, & oppresserunt Israelitas 40. annis, vt patet supra in litera. Sed dicendum, quod ponitur istud ad significandum, quod liberatio facta per Samsonem nō fuit plena, sed quādam alleuatio ad tempus: tamen adhuc erant Philistini domini Israelitarum: & mansit istud dominium vsq; ad annum 20. principatus Heli, in quo completi sunt quadraginta anni seruitutis Israelitarum sub Philistinis. de quibus supra dictum est. Causa semiplenae liberationis fuit, quia Israelitae non recedebant ab idolis, & manentibus eis in culpa manebat semper poēna. Sciedum, quod non dixit angelus, quod liberaret Israelitas Samson, nisi de manu Philistinorum, & quod Israelitae tempore Samsonis nullos alios hostes habuerunt, nisi Philistinos. In Hebræo habetur. *Erit puer Nazareus Dei ex utero matris.* Vbi litera nostra dicit supra: erit ab infantia sua nazareus Dei, & ex matris utero: & idem est, quia vbi litera Hebraica posuit puer, posuit litera nostra ab infantia: & ad idem pertinet.

**Verbi reuelatio.** *Qua cum uenisset.* Hic ponitur secundum huius partis, scilicet verbi reuelatio: nam reuelauit mater Samsonis viro suo id, quod viderat. Et dicitur. *Qua cum uenisset ad maritum suum, dixit ei.* Scilicet apparuit angelus soli feminæ, & ipsa nunciauit postea viro. *Vir Dei uenit ad me habens vultum angelicum.* Vocauit istum angelum virum Dei, quia cum vidisset eum in forma viri putauit eum esse virum: quia tamen nunciauit ei ea, quae futura erant, & designauit ea, quae ipsa patiebatur, scilicet sterilitatem, & quod non haberet filios, credit esse eum prophetam, & ob hoc vocauit eum virū Dei, idest a Deo missum, & sic consueuerunt vocari prophetae: sic vocatus est Elias quarto Reg. primo. Sic etiam vocatus est Eliseus quarto Regum quarto. Et dixit quod habebat vultum angelicum, idest valde pulchrum: nam cū esset angelus, erat in potestate eius accipere qualemcūque corporis formam vellet, siue nimis pulchram, siue corrugatam. In Hebræo habetur. *Et visus eius sicut visus viri Dei.* Vbi nos dicimus habēs vultum angelicum, & litera nostra mutauit hebraeam: quia videtur esse inculcatio, & insipientia quēdam dici: venit ad me vir Dei habens vultum viri Dei. Et quia ista clausula fuit posita ad aliquid significandum, necesse est, vt aliquid signet, ideo litera nostra sic interpretata est ruditatem sermonis Hebraici, scilicet quod vir Dei vocetur vir, qui cum Deo est: & isti sunt sancti sui Angeli, qui ei assistunt iuxta, Daniele. cap. septimo: & isti vocantur interdum viri, sicut Daniel. nono, vocatur Gabriel vir, scilicet venit ad me Gabriel vir. Ideo dixit habens vultum angelicum.

**Conditio bonorū angelorum.**

*Terribilis nimis.* Idest valde reuerendus, vel *Terribilis.* Scilicet, quia quamquam esset pulcher, tamen erat aspectus non formidandus, & ista est conditio bonorum Angelorum, quia vt communiter se ostendunt terribiles, & istud est non ad terrendum, sed ad reue-

rentiam ostendendum, vt appareat dignitas honoris eorum. Sic etiam omnia, quae ad Deum pertinent, vocantur terribilia: sic pater Gene. vigesimo octauo, quando vidit Iacob scalam Bethel, per quam ascendebant angeli, & descendebant, & dixit: Terribilis est locus iste, idest valde reuerendus. *Quem cum interrogasse, quis esset, & unde uenisset, & quo nomine uocaretur, noluit mihi dicere.* Idest tunc ego quaesui ab eo unde uenisset, & quis ipse esset, & de nomine suo: sed ad nulum mihi voluit respondere, scilicet: quaesui unde uenisset, idest an Deus misisset eum ad nunciandū hec, vel ipse a se diceret: & quis esset, scilicet homo, vel angelus: vel quis, idest qualis, scilicet propheta, vel non propheta: & quo nomine vocaretur, scilicet vt postea scirem dicere: ille, qui denunciavit mihi de filio, vocabatur sic: & erant omnia haec ad certificandum. In Hebræo habetur. *Non quaesui unde erat ipse, & nomen suum non indicauit mihi.* Scilicet, quod nec mulier quaesuit aliquid ab eo, nec ipse respondit aliquid de se, nec de nomine suo. Sed iste sensus non est verisimilis, quia cū mulieri appareret, & dicere ei ista, verisimile est, quod ipsa inquireret quis esset: vt sciretan ea, quae dicebat erant firma, vel leuia. Litera tamen Hebraica consuevit interdum ponere sine negatione, quod debet esse cum negatione: & è conuerso: & tamen ex habitudine littere appareret an debeat poni negatio, vel non: sic patet Deuteronomij vigesimo capitu. cū dicitur, quod quando oppugnarent Israelitae aliquas vrbes, non cederent ligna fructifera: & subditur: lignū est, & non homo, vt possit contra te bellatorum augere numerum. Et dicitur ibi in Hebræo, lignum est homo, & tamen manifestum est, quod debet intelligi negatiue. *Sed hoc respondit: ecce concipies, & paries filium.* Scilicet noluit respondere ad alia, sed solum respondit ad hoc, dicens, quod conciperem, & parerem. *Cauene vinum bibas, aut siceram.* Nec aliud quid inebriatum: causa supra posita est. Etiam voluit aliqui, quod non deberet comedere vuas, nec aliquid natum ex vinea, vt patet infra, scilicet ab omnibus, quae dixi uxori tuae abstineat se, & quicquid ex vinea nascitur non comedat. Dicendum, quod illud intelligitur de Samsonē, scilicet quod deberet Samson abstinere ab omnibus illis, quae angelus dixerat uxori Manne: & in illis includebatur non comedere vuas, eo quod erat votum nazareorum non comedere vuas: Nume. sexto. *Nec aliquo uesticis immundo.* Scilicet in cibis, qui vocabantur a lege immundi, tam in quadrupedibus, quam volucribus, quam piscibus. De quibus Leuiti. vndecimo, & Deuteronomio. decimo quarto capit. *Erit enim puer nazareus ab infantia sua.* Idest ex hoc quod puer erit Nazareus, & valde sanctificatus, & hoc ex infantia, idest a principio infantiae: tu etiam debes custodire munditiam magnam, quousque illum parias. *Et ex utero matris.* Idest ex die, qua exiuerit de utero debet incipere obseruantiam Nazareorum: nam ex illo die poterat infringere hanc obseruationem, vt supra declaratum est. In Hebræo dicitur. *Erit puer Nazareus ex utero matris.* Et non habetur ab infantia sua, sed ponitur ad exponendum in litera nostra, & idem est. *Vsq̄ ad diem mortis sua.* Istud non fuit supra expressum in verbis Angeli. Dicendum tamen, quod angelus illud dixit mulieri: tamen litera non expressit, eo quod iterum dictura illud erat: nam consuetudo sacrae scripturae est quando aliquid saepe referre debet, non referat qualibet vice plene, sed satis est, quod semel plene enunciet, & interdum non enunciat plene aliqua vice, sed ex multis narrationibus varis colligitur vna integra narratio. Apparet autem ex hoc, quod Sam-

Consuetudo sacrae scripturae.



Samson erat nazareus perpetuus: ideo licet aliquando pollueretur, moriente aliquo coram eo, non observabat ceremonias purificationis, quæ habentur Num. sexto, quia ille sunt pro Nazareis temporalibus, ut supra declaratum est in litera.

*Quare Angeli Domini apparuit mulieri a principio, & non patri Samsonis. Quæst. XXII.*

**Q**UÆRITUR quare apparuit Angelus domini mulieri, & non patri Samsonis a principio. Aliquis respondet, quod hoc factum est, quia ad mulierem magis pertinebat quam ad virum: nam vir non debebat aliquid observare propter istam conceptionem pueri, mater autem debebat observare mundiciam, quæ habetur supra, usquequo pareret. Item puer debebat ex utero matris servare votum Nazæorum, & istud pertinebat ad matrem, & non ad patrem: nam paruuli a principio apud matrem nutriuntur, & non ad patrem, ut patet extra de conversione infidelium capitu. ex parte. ubi iubetur filium paruulum triennio minorem apud matrem regulariter alere nisi aliquid timeatur. Et ob hoc philosophus primo Politicor. capitu. ultimo dicit matrem esse dimidium liberorum suorum, id est ad hoc quod filij sint boni medietas boni eorum est matrem esse bonam, scilicet quia si mater bona fuerit, erunt quoque filij boni, scilicet licet quia apud eam nutriuntur in parva ætate: & tamen non modicum differt a iuventute statim, sic vel sic afficiuntur, id est afficiuntur ad bonum, vel ad malum, ex pueritia: nam in hoc consistit potissima pars morum humanorum, ut patet secundo Ethicor. circa principium. Et quia votum debebat incipi observari ex prima die natiuitatis Samsonis, cum dicatur quod erit Nazæus ab infantia, & ab utero matris, ad matrem pertinebat cura faciendi eum observare ceremonias istas, scilicet quod ipsa non daret ei in cibis aliquid quod esset contra regulam Nazæorum: ergo ad matrem non attinebat, sed ad matrem, & ei referendum erat. Sed dicendum quod non stat, quia tunc cum non esset necesse, quod apparet viro ex causa dicta, nunquam ei apparuisset: & tamen apparuit infra: ergo non fuit ex hac causa. Dicendum igitur, quod fuit apparitio soluta facta uxori ad magis confirmandum factum istud, quia Angelus intendebat pluries apparere: ut sæpe apparendo, & referendo verba confirmaretur magis quod dicebatur de Samson: Et quia si a principio apparuisset simul matri, & patri, non apparuisset iterum, voluit apparere, & postea orante patre, quod apparet ei iterum apparuit, & sic factum est: nam apparuit denuo mulieri soli, & illa iuit ad vocandum virum suum: & utrique tunc visus est Angelus.

*Quare iussum est Samsoni, quod esse Nazæus. Quæst. XXIII.*

**Q**UÆRITUR ulterius, quare iussum est Samsoni, quod esset Nazæus. Respondendum, quod Deus dedit quoddam donum excellens Samsoni, scilicet, quia fecit eum robustissimum super omnes homines huius sæculi, quia nec talem unquam etiam in historiis fabulosis audiuimus. Et ad honorem huius magni doni, ne contemneretur tanquam esset aliquid naturaliter adueniens, & ut non putarent Israelitæ se liberari per robur alicuius viri, iussit Deus, ut servaret semper ceremoniam nazæorum, tanquam semper recolens beneficium sibi a Deo præstitum, & semper illud honorans. Et hoc patet, quia quandiu tenuit observantiam voti huius manserunt

in eo vires, & quando abscissi ei fuerunt capilli eius cessauerunt vires, infra decimo texto capit. Sed obicitur, quia Deus dedit alios iudices liberatores Israel præter Samsonem, & quod amplius est illi fuerunt verius liberantes: sicut Barac, Gedeon, & Iephthæ, Hothoniel, & Aod, qui multitudinem hostium occiderunt, & fecerunt, quod in diebus eorum nunquam auderent pugnare contra Israel, & abstulerunt totaliter iugum ab Israel: Samson autem non abstulit omnino iugum, sed solum dicitur quod incepit liberare Israel, ut patet in litera: ergo magis debuisset imponi aliis iudicibus, quod servarent regulam nazæorum. Respondendum, quod non debuit aliis imponi, nam licet Israelitis Deus contulit magnum bonum per alios iudices liberando eos de manibus hostium: tamen ipsi iudicibus non contulit tantum bonum, sicut Samsoni, quia Samsoni contulit tantum robur quantum nunquam auditum fuit de aliquo: per quod fuit famosus in toto seculo: ideo pro hoc speciali dono debebat aliquem specialem honorem Deo impendere, & iste honor erat observatio regulæ nazæorum: nam non erat aliquid impositum in toto veteri testamento per modum consilij, nisi votum nazæorum: in alijs autem iudicibus, quia Deus non conferebat aliquod speciale beneficium ipsis, sed populo Israel, cui dabatur victoria, & liberatio de manu hostium, non erat rationabile, quod observare regulam nazæorum obligaret eos Deus.

**O**rauit itaque Manue Dominum, & ait: Obsecro Domine, ut vir Dei, quem

misisti veniat iterum, & doceat nos, quid debeamus facere de puero, qui natus est. Exaudivitque Dominus deprecantem Manue, & apparuit rursum Angelus Dei uxori eius sedenti in agro. Manue autem maritus eius non erat cum ea. Quæ cum vidisset angelum, festinavit, & currit ad virum suum: nuntiavitque ei, dicens: Ecce apparuit mihi vir, quem ante videram. Qui surrexit, & secutus est uxorem suam: veniensque ad virum, dixit ei: Tu es qui locutus es mulieri? Et ille respondit: Ego sum. Cui Manue: quando, inquit, sermo tuus fuerit expletus, quid vis ut faciat puer? aut a quo se observare debet? Dixitque angelus Domini ad Manue: Ab omnibus, quæ locutus

sum uxori tuæ, abstineat se: & quidquid ex vinea nascitur, non comedat: vinum, & ficeram non bibat, nullo vescatur immundo: & quod ei præcepi, impleat atque custodiat. Dixitque Manue ad Angelum Domini: Obsecro te, ut acquiescas præcibus meis: & faciamus tibi hœdum de capris. Cui respondit angelus: Si me cogis non comedam panes tuos: si autem vis holocaustum facere, offer illud Domino. Et

nescie,

*Gen. 18. c. Luce. 1. su. præco.*

*Penelope vxor Ulixis castissima.*

*Circæ magica, & meretricia.*

*In quæ cōsistat potissima pars morum humanorum*

*Improbatio.*

*Doctrina quæ ad quædam.*



nesciebat Manue, quod Angelus Domini esset. Dixitque ad eum: Quod est tibi nomen? ut si sermo tuus fuerit expletus, honoremus te? Cui ille respondit: Cur queris nomen meum, quod est mirabile? Tulit itaque Manue hœdum de capris, & libamenta, & posuit supra petram offerens Domino, qui facit mirabilia: ipse autem, & vxor eius intuebantur.

*Oravit itaque Manue.* Hic ponitur tertium huius partis scilicet confirmatio facti, quia id quod reuelatum fuerat soli mulieri, reuelatum fuit viro, & mulieri simul nunc: & per hoc confirmatum est magis. *Oravit itaque Manue dominum.* Scilicet ut mitteret virum, quem prius miserat, & per hoc certificaretur an esset verum quod dicebat mulier, etiam informaretur magis.

*Ad quid oravit Manue, ut veniret iterum vir Dei.*  
*Quæst. XXIIII.*

**Q**UÆRETUR ad quid oravit Manue, ut veniret iterum vir Dei: nā ille iam docuerat vxorē suam de eo, quod factura esset tam ipsa quam paruul⁹ postquam nasceretur, ideo nō opus erat, quod denuo appareret. Respondendum secundum quosdam, q̄ oravit, ut veniret Angelus, quia putabat quod vxor sua diligeret alium virum, & non esset ille Angelus, sed vis auctus pro quo zelatus est nimis Manue cum haberet vxorem pulchram, & si veniret angelus crederet vxorem suam non deliquisse: si autem maneret adhuc suspitio contra ipsam. Vnde & Iosephus tenet, q̄ ad præces mulieris angelus iterum venerit, quia ipsa voluit se purgare de zelotypia, quam conceperat vir contra ipsam. capit. 10. vnde dicit in 3. Antiquitatum: Quidam Manue de tribu Dan inter paucos egregius, & patrie suae sine dubio primus, vxorem accepit primam, & pulcherrimam, quæ inter ceteras cōprouinciales feminas eminebat: illa autem viso Angelo marito venienti indicauit Angeli visionem indicando iuuenis pulchritudinem, ita ut ille zelatus in eius laudibus obtupesceret, & quasi suspicionem de extraneo amore conciperet: at illa volens irrationalem eius tristitiam mitigare, rogauit Deum, ut Angelum denuo destinaret: quatenus maritus conspiceret, & iterum Dei gratia Angelus venit in suburbano illorum, & apparuit mulieri a viro remotæ, quæ rogauit illum, ut sustineret quousque virum suum adduceret: permittente Angelo Manue vocatus venit, qui cum vidisset, nec tunc a suspicionem cessaret, rogauit ut quæcunque vxori dixerat, illi declararet, & tunc cessauit suspitio. Sed ista positio Ioseph: licet satis possit literæ applicari, non conandum est ad hoc, quia in expositione sacrarum scripturarum reprehensibile est, quod conemur literā applicare intentioni nostræ; sed magis, ut conemur iudicium nostrum submittere veritati literæ, ut ait beatus Clemens papa, & habetur in Decr. 37. di. capi. relatum est. Dicendum autem magis, q̄ Manue oravit, ut appareret Angelus, & hoc ut ipse cognosceret quid fieri deberet de puero nascituro, ut patet in litera, scilicet. Obsecro domine veniat vir, quem ante misisti, & doceat nos quid agere debeamus de puero, qui nasciturus est. Sed tunc obijciatur, quia iam Angelus dixerat ista vxori

**E** Manue, & ipsa retulerat viro suo: ideo non erat necesse, quod appareret Angelus ad notificandum hæc. Aliquis dicet quod non credidit Manue vxori suæ; ideo voluit certificari per Angelum venientem: Sed dicendum, quod non stat; quia littera dicit contrariū, scilicet. Obsecro veniat vir domini, quem misisti: ergo credebatur visum venisse, & a Deo missum. Respondendum quod Manue credidit vxori suæ, quod vidisset virum Dei, & tamen putauit quod ipsa non erat plenè informata ab ipso, & quia periculum erat si puer nasceretur, & per ignorantiam alicuius ceremoniæ ob seruandæ peccaretur: voluit plenè informari de omnib⁹, quæ facere debebat puer, & quid fieret ei, quādo esset paruulus. Et motiuum Manue erat rationale, quia credidit quod mulier nō sufficienter quæsiuisset ab Angelo pro omnibus, quæ puero euentura erant, vel quæ obseruaturus erat. Et etiam quia Angelus nō plenè informauerat eam: nam dixit ipsa quod quæsiuerat ab eo, quis esset, & vnde venisset, & quo nomine vocaretur, & non responderat ei. Patet etiam hoc quia postquam apparuit Angelus, quæsiuit ab eo Manue quid acturi essent circa puerum. *Obsecro domine, ut vir dei, quem misisti veniat iterum.* Ut ille propheta, quem misisti ad vxorem meam veniat iterum, ut & ego possim eū videre. *Et doceat nos quid facere debeamus de puero, qui nasciturus est.* Scilicet ut plenè nos doceat, quia vxor mea non fuit plenè instructa ab ipso circa omnes ceremonias, quæ obseruandæ erant in puero nascituro. In Hebræo habetur: *Quid debeamus facere de puero nato.* Et ponitur ibi participium præteriti pro futuro, quia manifestum est, q̄ nondum natus fuerat puer, & hoc propter improprietatē magnā sermonis Hebraici. *Exaudiuitque dominus præcantem Manue.* Scilicet quia Deus volebat quod Angelus iterum appareret ad confirmationem facti, & ipse incitauit Manue ad orandum, ut eum exaudiret. Ex hoc apparet quod non præcabatur videre Angelum, ut sciret an vxor sua diligeret virum alterum, vel an verè apparuisset ei Angelus, & locutus fuisset: nam si hac intentione oraret iniusta esset oratio, & non exaudiretur. Iosephus tamen vult quod ex hac causa Angelus veniret, & dicit quod ad petitionem mulieris venit & non orante Manue. Historia autem scholastica volens temperare hoc dictum reducendo Iosephum ad concordiam literæ, quia valde sequitur Iosephum dicit, quod Manue valde zelatus est, quasi mulier sua alium diligeret virum, & de hoc tristabatur, quod mulier intelligens voluit auferre viro hanc tristitiam irrationabilem, & suavit ei ut orarent dominum, quod veniret denuo Angelus, & referret ei quæ prius dixerat: & tunc orante viroque apparuit Angelus, sed prius mulieri, deinde Manue. *Et apparuit rursum Angelus Dei vxori eius sedenti in agro.* Scilicet erat mulier extra domum in suburbano, sicut dicit Iosephus, & tunc venit Angelus ad eam.

**K** *Quare non apparuit nunc Angelus prius Manue: quam vxori eius.* *Quæst. XXV.*

**Q**UÆRETUR quare non apparuit nunc Angelus prius Manue, quam vxori eius, quia non veniebat ad certificandum eam, sed ad certificandū virum. Respondendum, quod apparuit prius vxori, quia non viderat prius Manue Angelum, & non cognoscebat eum: ideo etiam si nunc apparuisset ei, non cognouisset illum: & sic debuit prius apparere vxori, ut ipsa eum ostenderet viro. Item factum est hoc ad maiorem confirmationem, scilicet ut appareret vxori, & ipsa orante consisteret Angelus quousque vocaret virum. Iosephus autem quinto Antiqui-

Doc. cetera  
Ioseph.  
Opi. hila.  
schola.



tiquitatum dicit, quod cum venit Manue in locum, in quo apparuerat Angelus, & vidit eum, non cessauit suspitio eius, quia vidit eum pulchrum valde, sed postquam locutus est omnia, quæ prius fuerat locutus, cessauit suspitio. Poterat esse causa huius, quia poterat Manue suspicari de vxore sua, quod ipsa diligeret alterum virum: & haberet accessum ad eum, & quia poterat concipere de illo, quod nunquam euenerat de ipso Manue: licet sepe dedisset operam gignendæ proli, cognosceret Manue, vel saltem valde suspicaretur, quod vxor sua cognita fuisset ab alio viro, de quo concipere potuisset: vt ergo ipsa prouideret sibi ponense excusationem ante tempus, quasi de ipso Manue susciperet filium virtute Dei: dicebat quod ad illam venerat vir Dei, & ille vir, cum quo ipsa vellet adulterari posset venire coram Manue ad magis certificandum dictum vxoris Manue, ideo Manue viso iuvene tam pulchro, non cessauit a suspitione, sed magis zelaret arbitrans quod conspecta tanta pulchritudine vxor sua moueri potuisset. Postquam tamen locutus est omnia, quæ prius locutus fuerat, & fecit signa, quæ infra habentur, cum cognouerit Manue, quod verè erat angelus, cessauit praua suspicari. *Manue autem maritus eius non erat cum ea.* Quia forte erat in domo, vel in alia parte agri. *Quæ cum vidisset Angelum festinauit, & cucurrit ad virum suum.* Ad vocandum eum, vt videret Angelum, quem videre optauerat. Iosephus: Antiquitatum dicit, quod vxor Manue petiuit ab Angelo quod sustineret modicum, dum ipsa vocabat virum suum, quo concessio ipsa iuit ad vocandum virum, & hoc verisimile est, quia mulier non auderet ire ad vocandum virum, quousque sciret an angelus permaneret ibi: alioquin dum ipsa iret, poterat recedere angelus, & veniente viro suo non appareret, crederetur quod mentita esset vxor eius, & cresceret contra eam suspitio: ideo verisimile est quod obtinuerit ab eo, quod expectaret: sic enim Gedeon petiuit ab angelo, qui apparuit ei quod expectaret modicum in loco, in quo erat quousque ipse veniret ad offerendum sacrificium coram illo, supra sexto capitulo. *Nunciavitque ei, dicens: ecce apparuit mihi vir, quem ante videram.* Semper enim existimabant eum virum, & etiam postquam apparuit ista vice, quousque ascendit in fumo sacrificij, quia ibi manifestè apparuit eum esse angelum, infra in litera: cucurrit autem festinans, & valde læta ista mulier ad virum suum, quia forte credebatur, quod nunc tolleretur irrationabilem viri suspitionem de zelotypia contra se conceptam, vt vult Iosephus. *Qui surrexit secutusque est vxorem suam.* Forte ipse quiescebat sedens in domo, quando vxor vocauit eum: & surrexit sollicitus scire de angelo venienti. *Veniensque ad virum, dicit ei: tu es, qui locutus es mulieri.* Idest nunquid es tu ille vir qui prius apparuit mulieri isti, & locutus es tibi? Hoc dixit Manue, quia volebat aliquid loqui quærendo de illis, quæ dicta fuerant vxori prius, & informari plenius: & quia si non esset iste vir, qui prius apparuerat loqueretur in vanum, ideo quæsiuit, an esset idem. *Et ille dixit: ego sum.* Scilicet quære si aliquid vis, quia ego sum vir, qui apparui. *Cui Manue. Scilicet dixit. Quando sermo tuus fuerit expletus.* Scilicet quando vxor mea cõceperit, & peperit filiū, sicut tu prædixisti. *Quid vis, vt faciat puer?* Dixit hoc Manue, quia vxor sua dixerat aliquas cæremonias, & ipse putabat quod forte alię non fuerant ei indicatę; ideo quærebat generaliter, vt angelus diceret quid facere deberet puer. *Et a quo se obseruare debet?* Istud dixit, quia omnis obseruatio humana, qualitercunque ponatur, nõ potest consistere nisi in duobus, scilicet in agendo aliquid, & in cauendo ab aliquo: & ista tetigit dicēs quid faciet, & a quo se obser-

uabit. Obseruatio autem nazaræorum magis constabat in abstinendo a quibusdam quam in faciendo aliquid, vt patet Nume. sexto cap.

*Quare Manue incepit loqui Angelo sic dicens, quando sermo tuus fuerit expletus.*  
Quæstio XXVI.

**Q**VÆRETUR, quare Manue incepit loqui Angelo sic dicens: quado expletus fuerit sermo tuus, quia magis debuisset interrogare, an deberet aliquando concipere, & parere vxor sua. Respondendum quod Manue solum volebat certificari, de quibus erat dubius: ipse autem non dubitabat, quod aliquis vir Dei venisset ad vxorem suam, & nunciasset ei quod conceptura foret, quod patet, quia ipse orauit supra ad dominum dicens: obsecro domine, vt vir Dei quem misisti veniat iterum: si tamen dubitasset non sic oraret: ideo cum solum restaret ei dubium, an vxor sua fuisset plene informata de cæremoniis obseruandis circa puerum, de eis solum quæsiuit, scilicet quid agere deberet, & a quo cauere. Vel aliter dicendum, quod licet non sciret per certitudinem, an apparuisset angelus vxori, & nunciasset ei, quod conceptura esset: tamen non oportuit de hoc facere specialem interrogationem: nam cum dixit an esset ipse vir, qui prius locutus fuerat mulieri, & ipse respondisset quod sic, sciuit Manue, quod ipse locutus fuisset vxori suæ, & per hoc credidit, quod sicut vxor sua verum dixerat in hoc, ita verum dixisset in toto, quod retulerat. In Hebræo habetur. *Modo veniet verbum tuum, quod erit iudicium pueri, & opus suum?* Vbi nos dicimus, quando expletus fuerit sermo tuus, quid vis, vt faciat puer, & a quo se obseruare debet? Et idem est quantum ad sensum: litera tamen nostra vult ponere modum loquendi Hebraicum, qui est valde alienus a proprietate Latini sermonis, & vocatur iudicium pueri, idest regula, vel præceptum iudiciale datum de his, a quibus debet cauere: opus eius vocatur cæremonia, in qua se debet exercere. *Dixitque Angelus Domini ad Manue.* Informando eum circa cæremonias pueri. *Ab omnibus, quæ locutus sum vxori tuæ abstineat se.* Aliqui referunt hoc ad vxorem Manue, scilicet vxor tua abstineat se ab omnibus, quæ dixi ei, scilicet a vino, & sicera, & comestione immundorum, vt supra patet. Sed non stat, quia Manue quæsiuit hic de puero quid obseruaturus esset: quomodo ergo responderet angelus de obseruatione vxoris, quia istud erat nimis disparatum. Et dato quod vellet simul respondere de vxore, de qua non querebatur, saltem tamen responderet etiam de puero, & tamen nihil respondit de illo isto modo. Ideo referenda est litera ad puerum, scilicet abstineat se puer ab his, quæ locutus sum vxori tuæ, scilicet quia illi dixi omnia, quæ facere deberet, & non tenetur facere plura, ideo non expedit repetere illa. *Et quidquid ex vinea nascitur non comedat.* Scilicet nec vias, nec agrestas, nec vinum bibat, nec acetum, nec sumat aliquid confectum de vuis, vel in quo vinum sit. Istud tam ad mulierem, quam ad puerum poterat pertinere, sed de puero dicitur. In Hebræo dicitur. *Quidquid nascitur ex vite vini non comedat.* Sed idem est. *Vinum, & sicaram non bibat.* Et per hoc intelliguntur prohibita omnia alia inebriantia. Vnde si alius potus, vel cibus erat, qui posset inebriare tenebatur abstinere puer ab illo, quia nazaræis inebatur cauere ab omni, quod poterat inebriare, vt patet Numeri sexto, sicut est fructus palmæ Aegyptiacæ, quia comedentes ebrios reddit. lingua & sensu impeditos,



Doc. expo  
silio.

Litera in  
Hebræo.



velut si vinum abundanter bibissent, vt ait Solinus in Polistho. capitul. de Aegypto. *Et nullo vescatur immundo.* Istud supra iussu fuerat matri Samsonis, sed etiam ipsi Samsoni conuenit: imò omnibus Israelitis: specialiter tamen illis, qui viuebant vita nazaræorum. *Quod ei præcepi impleat, atque custodiat.* Scilicet omnia alia, quæ præcepi impleat, scilicet faciendo, & custodiat, scilicet cauendo se ab aliis, quia quædã erant præcepta affirmatiua, & quædam negatiua: nam dixerat quòd nazaræus esset puer ex vtero matris, & quòd nouacula non ascenderet super caput eius. Etiam intelligitur per hoc id, quòd dictum est ipsi mulieri, vt ipsa obseruaret, scilicet quòd non biberet vinum, & si ceram, & quòd non comederet immunda. *Dixit itaq;*

**Oblatio** Hic ponitur quartum. Oblatio sacrificij post confirmationem verborum angeli factam. *Dixitque Manue ad Angelum Domini.* Postquam notificauerat Angelus ipsi Manue ex parte Dei de filio nascituro: tanquã suscepto beneficio quodam per ipsum, voluit eum inuitare ad cibos, putans quòd vir esset. In Hebræo dicitur. *Inuitabimus nunc te.* Vbi litera nostra dicit, obsecro, vt acquiescas præcibus meis: sed idem est, quia præces, quas fundebat nunc Manue ad angelum, non erant, nisi de inuitando ipsum, vt acquiesceret manducare cum Manue. *Et faciemus tibi hædum de capris.*

**Litera in**  
**Hebræo.**

**Cibus de**  
**hædulo gra**  
**tus est.**

Et parabimus tibi ad manducandum hædulum de capris: dixit enim de hædulo, quia cibus iste gratus est, & sapidus quando est tener. Accipitur facere pro parare: sic dicitur aliquis facere barbam, vel capillos, id est ornare illos. sic etiam dicitur facere vngues Deuteronomij vigesimo primo, secundum Hebraicam literam, vbi nostra dicit, & circuncidet vngues. Iste modus etiam est apud poetas, vt patet per Virgilium in Bucolicis Egloga secunda, scilicet.

*Cum faciam vitulam pro frugibus, ipse venito.*

Id est dum ego coquo vitulam, & dispono ad cibos. *Cui dixit angelus: si me cogis, non comedam panes tuos.* Id est si vis me cogere ad comedendum, non comedam de pane tuo. Dicitur hoc, quia Manue non solũ præcabatur, sed etiam trahebat, quasi vim præcando faciens. Sic dicit Gregorius in quadam homilia super Lucam, quòd pauperes, & peregrini non solũ sunt inuitandi, sed etiam trahendi. Sic patet Luc. vigesimo quarto, de discipulis, qui putantes Christum esse peregrinum coegerunt illum secum declinare ad manducandum, licet ille fingeret se longius ire, & est sensus: etiam si multum me depreceris, vt comedam, ita vt velis mihi vim inferre, non comedam. Et dicitur: panes tuos, id est res a te appositæ ad comedendum, quia nomine panis intelliguntur omnia quæcũque comedi possunt: nam etiam mel intelligitur nomine panis, vt patet primo Reg. decimo quarto capit. etiam quarto Reg. sexto dicitur quòd dixit Eliseus: appone panem coram eis, & sequitur quòd apposita fuit ciborum magna præparatio. In Hebræo habetur.

**Litera in**  
**Hebræo.**

*Si me inuitaueris, non comedam in pane tuo.* Et idem est, scilicet si inuitando me cogere volueris, non comedam de pane tuo. Vel aliter dicendum, quòd verbum positum hic in Hebræo est æquiuocum ad inuitandũ, vel ad cogendum: & ista fuit causa mutationis. *Si autem vis holocaustum offerre, offer illud Domino.* Id est ego nolo bibere, aut comedere de pane tuo. si tamen vis totaliter expendere aliquid circa me: expende illud in holocaustum, & offer illud domino.

*Quare Angelus Domini noluit comedere de cibis Manue.*  
*Quæst. XXVII.*

**Q**VAERETVR, quare Angelus Domini noluit comedere de cibis Manue. Respondebit aliquis, quòd non poterat, quia erat angelus, & angeli non possunt comedere, cum non sint animalia. Sed dicendum quòd non stat, quia res angeli venerunt ad Abraham sub ilice Mambre, & comederunt ibi cum eo, Gen. decimo octauo. Etiam duo de illis angelis venerunt eadem die Sodomam, & hospitati in domo Loth, comederunt ibi: Gen. decimo nono capit. Respondendum, quòd comedere dicit duo, scilicet transglutire cibum, & conuertere illud in substantiam suã digerendo in locis debitis. Quantum ad primum quod est transglutire, angeli & demones in assumptis corporibus comedunt: quia ad os panes mittentes transglutiant: & tamen nec stomachum habent, in quo digerere possint, nec virtutem digestiuam, aut conuersiuam, nec aliquas partes corporis, in quas per assimulationem conuertatur, ideo est in eis comedere quantum ad apparentiam, sed non realiter: sic dixit Raphael Angelus ad vtrumque Tobiam patrem, & filium: Cum essem vobiscum per voluntatem Dei, videbar vobiscum manducare, & bibere, sed ego cibo inuisibili, & potui, qui ab hominibus videri nõ potest, vtor, vt patet Tob. duodecimo capi. Deinde aut quòd angeli vel demones sic comedunt, dicendum est, quod integrum manet: sicut ipsi illud assumunt: & videntur deglutire: tamen occultant illud transferentes ad alia loca, vt non videatur. Etiam poterant huiusmodi angeli comedentes cum aliis omnia, quæ assumebant, & transglutire videbantur, secretè in mensa reponere, nullo vidente, & sic viderentur semper comedere, & nunquam deficeret cibus, si vellet. sic in litera patet, scilicet & nesciebat Manue quòd Angelus domini esset: quasi dicat ideo inuitabat eum, quia nesciebat, quod esset angelus: & ipse non comedit ideo quia erat angelus, & illi non comedunt.

*Quomodo angeli & demones comedunt*

*Quare iste Angelus non comedit, sicut illi qui comederunt coram Abraham, & coram Loth.*  
*Quæst. XXVIII.*

**Q**VAERETVR vltius, cum Angeli interdũ comedant, saltem largè sumendo comedere angelus, sicut illi, qui comederunt coram Abraham, & coram Loth? Respondendum quòd cum angeli secundum se non egeant cibo, nunquam sument illum, nisi sit aliqua causa, secundum quam sumptio illa proficiat: angeli autem, qui venerunt ad Abraham comederunt, quia illi veniebant ad nunciandum conceptum Saræ, & quia si non comedissent, non habuissent occasionem manendi cum Abraham loquẽdo, vt denunciarent ei de conceptu Isaac, & vt rideret Sara, voluerunt comedere cum Abraham: & tamen ad hoc ipsi non se fecerunt pròptos, sed potius volebant transire, & Abraham currit ad illos, & dixit: domine si inueni gratiam in oculis tuis, ne transeas seruum tuum, sed afferam pauxillum aquæ vt lauentur pedes vestri, & requiescite sub arbore: ponamque bucellam panis, & confortate cor vestrum, ita Gen. decimo octauo capit. & tunc cum sederent ad mensam sub arbore, locuti sunt de Abraham, quòd habiturus esset filium sequenti anno: & Sara, quæ abscondita erat post ostium tabernaculi, risit: ideo vt hæc possent con-



conueniēter accidere voluerunt angeli sumere cibos. A Idem fuit de angelis duobus, qui iuerunt Sodomam in domum Loth, quia illi volebant ostendere, quod viri essent ad experiendum iniquitatem Sodomitarū, & quia si nollēt comedere, haberetur præsumptio ad cognoscendum eos ante, tempus voluerunt comedere, nē cognoscerentur esse angeli, Gen. 19. Sic etiā fuit de Raphaele Angelo, qui fuit ductor Tobiae per tot terrarum spatia, & coram illo comedebat, & bibebat, quia vt ipse dixit postea Tob. 12. expediebat, quod illo tempore se occultaret in viri effigie. Et quia si non comederet cognosceretur esse angelus, voluit semper comedere: nunc autē non erat procuranda aliqua vtilitas si comederet iste angelus, ideo comedere noluit: sed potius ē cōuerso si comedisset secuta fuissent duo inconuenientia, vel quæ non ita bene fierent, sicut nō comedente eo. Quod patet, nam primum esset, quia si comedisset putaretur esse propheta, & non angelus Dei. Nam ob hoc dabat ei Manue cibos, quia putabat non esse angelum Dei, vt patet in litera, scilicet, & nesciebat Manue, quod esset angelus domini: magis tamen certitudo de annunciatione erat, & in maiori auctoritate haberetur sciendo, quod Angelus annunciasset, quā cū putaretur, quod Propheta erat annuncians. Secundum erat, quia si angelus vellet comedere, non obtulisset sacrificium Manue. Vt ergo incitaret illum ad offerendum, dixit: si me cogis, non comedam panes tuos: si autem holocaustum offerre vis offer illud domino. Melius ergo fuit nō comedere, quā conuiuium acceptare. Et nesciebat Manue, quod Angelus Domini esset. Scilicet, ideo inuitabat eum ad comedendum, quia nesciebat, quod esset Angelus Domini: sed putabat esse virum Prophetam, si autem putauisset esse angelum non inuitasset eum.

*Quomodo ex hoc, quod putabat Manue istum non esse Angelum inuitabat eum, &c.*

*Quest. XXI.*

**Q**VAERETVR, quomodo ex hoc, quod putabat Manue istum non esse angelum, inuitabat eum, & si cognouisset non inuitasset, & quid circa hoc Iudæi credebant de angelis. Aliquis dicet in cōtrarium, quod quamquam putaret eum esse angelū, poterat eum inuitare ad comedendum, quia notum erat apud omnes Hebræos, quod Abraham pater eorum inuitasset tres angelos, & comedissent cū eo sub arbore: Gen. 18. cap. Loth etiam inuitauit duos angelos, & comederunt cum eo: Gen. 19. ergo etiam ipse poterat inuitare Angelos ad comedendum. Respondendum, qd si putasset Manue illum esse angelum, nō inuitasset eum, quia putabant Israelitæ angelos Dei non esse animalia, vel homines, ita vt egerent cibo, sed esse substantias alterius modi, & licet crederent illos esse corporeos, tamen putabant esse sua corpora indefectibilia, cibo, aut potu non egentia ad conseruationem. s. vt corpora animalium, & sic licet crederet Manue, quod possent angeli transglutire cibos, quia tamen illud non erat proprium comedere, nec erat eis necessarium non inuitaret ad epulas Angelum. Cū autem arguitur de angelis venientibus ad Abraham, & Loth, posset dupliciter responderi. Vno modo, quod Iudæi intelligerent illos esse Angelos, id est nūcios, sed non angelos, scilicet de substantia angelorū. Pro quo sciendum, quod in Hebræo ponitur Malach, vbi nos ponimus angelum, quia angelus est nomen Græcum significans superbum nuncium: Malach autem in Hebræo significat nuncium absolute, nec magis nuncium Dei, quā nuncium hominis. Inde

*Alph. Tost. super lib. Iudicum*

quilibet homo, qui aliqua nunciat, vocatur Malach in Hebræo, & si nunciat aliquid bonum, quod est ex parte Dei vocatur Malach Elohim, id est nuncius Dei. Sic dicitur Mala. cap. 2. Labia sacerdotis custodient scientiam, & legem exquirent de ore eius, quia angelus domini exercituum est. Ideo Hebræi poterant ponere indifferentes illos, qui venerunt ad Abraham, & ad Loth fuisse viros missos ex parte Dei, vel fuisse angelos. Primo modo accipiendo manifestum est, quod poterant comedere, & sic dato, quod essent verē angeli poterat esse, quod Abraham putaret illos viros, & ob hoc inuitaret illos ad comedendum: si autem putasset illos esse verē angelos fortē non inuitasset. Alio modo potest intelligi, quod Abraham putaret illos viros ad se venientes non esse homines, sed angelos veros. Et ista est veritas, quia ipse locutus est ad eos tanquam ad Deum, vel Angelum eius: & maximē, quia quando cum eis ibat versus Sodomam, petebat ab vno illorum remissionem pro vrbe Sodomorum tanquam ille esset Deus, & dicebat ei, quod ipse iudicabat omnem terram, & quod nō perderet iustum cum impio, ita Genesis decimo octauo, & tamen ista non diceret si non putasset esse verē angelos Dei, & Deum in eis valde representari. Et tunc dicendum, quod inuitauit eos, quia Abraham putauit, quod etiā angeli Dei cibo vtebantur, eo quod Abraham erat rudis circa hæc, quia non cognouerat naturam angelorum, eo quod scriptura nulla erat de eis. Etiam Deus de illis nihil reuelauerat: sed sicut videbat eos in corporum humanorum effigie, ita putabat eos facere eadem, quæ homines, præter hoc, quod non moriebantur, sicut homines. Paulisper autem procedente magis ætate Iudæorum eruditi sunt aliquantulum circa naturam angelorum, scilicet, quod non essent habentes talia corpora, sicut homines, & quod non egebant cibo, sicut homines, & ista opinio erat iam inducta tempore Manue, ideo si ipse sciuisset esse angelum domini, non inuitasset eum ad cibum. Nec erat hoc mirandum, quod posteri Iudæorum cognouissent aliqd, quod non cognoscebat Abraham, licet ille sanctior esset, quia sanctitas interdum stat cum rusticitate, quia sanctitas ad sinceritatem volentis pertinet: sapientia autem ad intellectus perspicacitatem. Etiam non erat inconueniens, dato quod Deus diligeret valde Abraham, & promitteret ei magna, & se ostenderet ipsi, quia etiam Prophetis hoc accidebat, scilicet, quod licet Deus se eis reuelaret, alij homines essent tam inspeculabilibus sapientiores, quā in agilibus prudentiores: sic patet de Moyse, qui erat eximius Prophetarum, & tamen Iethro Madianita sciuit melius ordinare populum, quā ipse Exo. 18. etiam multæ quæstiones satis planæ petebantur à Moyse, & nesciebat quousque consuleret dominum super eis.

*Sanctitas quādoque stat cū rusticitate.*

*Quomodo Angelus Domini iubebat Manue, quod offerret holocaustum Domino, cū ipse non esset sacerdos. Quest. XX.*

**Q**VAERETVR, quomodo Angelus Domini iubebat Manue, quod offerret holocaustum Domino si vellet, quia peccaret valde in hoc Manue. Primò, quia non offerret in loco debito: nam in sanctuario super altare holocaustorum offerendum erat omne sacrificium, sicut præcipitur: Leuit. decimo septimo, alioquin offerens reus erat, ac si sanguinem effudisset. Item peccabat, quia ipse non erat persona idonea ad faciendum sacrificium, quia istud pertinebat ad solos sacerdotes: Numeri tertio, & 18. capitulo.

*S. Respon-*



Respondendum est, quod Angelus iussit ei hoc, quia poterat ex parte Dei dispensare cum illo: nam lex ab eo condita, per illum poterat recipere dispensationem: angelus autem fungebatur vice Dei, quia erat nuncius, & sciens Deo placitum esse: dixit illud Manue: alias autem fuisset ei illicitum. Nam sicut dispensabatur cum alijs viris sanctis, & Prophetis super hoc, ita & cum isto dispensatum est.

*Quomodo Manue audebat ad mandatum huius ipsi  
sum alloquentis facere sacrificium.*  
*Quest. XXXI.*

**Q**VAERETVR vltius, cum Manue nesciret angelum istum esse, qui iubebat, vel suadebat, hæc quomodo audebat facere sacrificium ad mandatum illius? quia non esset tutus, quod non peccaret. Respondendum, quod Manue putauit hunc esse Prophetam aliquem magnum, & quia Prophetæ veniunt à Deo, non dicerent aliquod malum, credidit quodliceret sibi ex dicto illius offerre holocaustum: sic enim alias ab aliquibus non sacerdotibus, & in locis non sacris facta sunt sacrificia: quia ipsi erant Prophetæ. Sicut ergo ipsi licite faciebant, quia sciebant sibi permissum à Deo: ita, illi quibus ipsi dicerent hoc facere possent tuti esse faciundo. Sed obicietur, quia Deuterono. decimo tertio, dicitur, quod quando aliquis Prophetam prædiceret aliquod signum, & eueneret, & postea diceret venite eamus, & sequamur Deos alienos, non debebant Israelitæ assentire illi, sed fugere: sic autem erat hic: quia facere sacrificium extra locum debitum, & quod fieret per personam non idoneam erat illicitum, ideo dato quod Prophetam hoc iuberet, peccaret qui faceret. Respondendum est, quod illa regula Dei intelligitur in illis, quæ sunt secundum se mala, sicut colere Deos alienos, vel occidere innocentes, vel adulterare: tunc quodcumque horum, vel similiū diceret Prophetam, non erat sibi assentiendum: si tamen diceret aliquid de illis, quæ solum erant mala non ex se, sed in quantum prohibita erant, sicut offerre in tali, vel tali loco, & cum talibus, vel talibus caeremoniis, poterat ei credi, quia ista erant faciliter dispensabilia, & iam legimus ea dispensata in bonis Prophetis, scilicet in Samuele, qui offerebat in multis locis, & ipse non erat sacerdos. Etiam Elias obtulit in monte Carmelo, vbi non erat sanctuarium: etiam ipse non erat sacerdos. De Samuele patet 1. Reg. 7. de Elia 3. Regum 18. Ideo Manue assentiens in hoc ipsi viro, quem credebatur esse Prophetam, non peccabat. Alii respondent aliter, scilicet quod non egit hic Manue aliquid, quod non posset agere sine speciali dispensatione: nam poterat hic esse peccatum propter locum, vel propter personam offerentem: sed neutrum erat peccatum. De loco patet, quia dicunt, quod toto tempore, quo fuit altare domini in Silo, & vsque quo fuit in templo Salomonis, fuit licitum offerre vbiunque quis vellent. Nicolaus autem dicit aliter de loco, scilicet quod alias non esset ibi licitum offerri: ex apparitione tamen angeli erat licitum, quia vbi apparebat angelus poterat offerri sacrificium. Sed dicendum, quod non stat: primum, quia tota lex obligauit ex eo tempore, quo Israelitæ fuerunt pacifice in terra Chanaan, vt colligitur Deuterono. decimo secundo: sed istud erat speciale præceptum, ergo semper obligauit vbiunque esset sanctuarium. Quod satis apparet allegato capit. nam cum ibi diceretur, quod in deserto non obseruaretur lex, sed quilibet faceret, quod sibi placebat, &

**F** quod non sic futurum esset postquam transirent Iordanem, & habitarent pacifice: subiunctum est, quod tunc non debent sacrificia offerri in quacunque vrbe quis vellent, sed solum in vrbe, quam dominus sibi elegisset, & vbi esset sanctuarium suum, ergo non licebat cuique altari construere, vbi vellent. Secundum etiam, quod Nicolaus dicit, non stat: nam si apparitio angeli faceret licitum esse locum ad offerendum, si ipse iuberet ibi offerri, vel scito quod erat angelus apparens propter sanctitatem, quam acquisiuerat locus ex eius presentia, quod posset ibi offerri, sed Manue nunc nesciebat angelum ibi apparuisse, & nesciebat illud suaderi sibi ab angelo, ideo non excusabatur ab hoc: excusaretur autem post apparitionem istam, si ibi offerret Manue. Aliud in quo peccabatur erat persona non idonea, quia ipse Manue non erat sacerdos. Respondet Nicolaus, quod in hoc non peccauit, quia ipse non fecit sacrificium, sed solum dedit materialia sacrificij: angelus autem suscitauit ignem, & compleuit sacrificium. Sed non stat, quia sicut non licebat laico cremare super altare carnes sacrificij, ita non licebat immolare: scilicet occidere pecus, & decoriare, atque diuidere carnes: quia omnes isti erant actus sacerdotales: nam & leuitis non competeabant, nisi in dispensatione in casu necessitatis, scilicet non stantibus sacerdotibus: sic fuit tempore regis Ezechiae, quando sanctificauit templum domini, quod erat pollutum, & fecit festiuitatem magnam, offerendo multa sacrificia, & erant tunc multa holocausta, & pauci sacerdotes, qui illa facerent, eo quod in tempore præcedenti, cum seruiebatur idolis, non fuerant consecrati, & Leuitæ adiuuerunt sacerdotes ad explendum sacrificia solum decoriando animalia 2. Paralipo. vigesimo nono. Ergo decoriare animalia cremanda in altari nunquam licebat, nisi sacerdoti regulariter. occidere tamen animalia immolanda, & sanguinem offerre non fuit permissum Leuitis ex paucitate ministrorum: ergo non licebat Manue occidere animal cremandum, vel decoriare, & diuidere partes, & ponere super petram, quæ erat altare, quia istud non est dare materiam offerendam, sed exercere ministrationem sacerdotalem: secus si ipse Manue dedisset hædum de capris viuientem angelo, & ipse occidisset illum: decoriasset atque posuisset super altare. Dicendum ergo, quod non poterant ista licere Manue regulariter, sed ex dispensatione licuerunt. Et sic tenenda est solutio prima data ab initio.

*Quod genus sacrificij erat, quod obtulit Manue.*  
*Quest. XXXII.*

**Q**VAERETVR, quod genus sacrificij erat, quod obtulit Manue. Dicendum, quod erat holocaustum, quia sic angelus sibi suaserat, dicens: si autem vis offerre holocaustum, offer illud domino: & non est credendum, quod faceret, nisi quod angelus monebat. Item dicitur, quod posuit Manue hædum de capris super petram: si tamen esset sacrificium pacificum, vel pro peccato non poneretur ad cremandum, nisi particula quædam: quia omnes alie partes cedebant in ius sacerdotum, & offerentium: nam de sacrificio pacifico adeps offerebatur, & interdum cauda, vt Leuit. 3. capit. de sacrificio pro peccato nihil nisi adeps: Leuit. 6. cætera proueniebant sacerdotibus, & offerentibus. Hic autem totus hædus ad cremandum positus est. Respondendum, quod hic non fuit verè aliquod de tribus generibus sacrificij, quæ scriptura

enumo-



enumerat, eo quod nullius illorum caeremoniae totaliter obseruatae sunt: maior tamen similitudo fuit ad holocaustum, quam ad alia. Primum patet, quia non fuit sacrificium pro peccato, nec pacificum cum fuerit totus haedus incensus in altari, & tamen in his duobus sacrificiis quaedam particulae solum cremabantur, ut dictum est. Etiam non fuit holocaustum, quia in illo prius accipiebatur sanguis in crateris, & fundebatur super parietes altaris, & fluebat ad basim. Etiam ipsum animal diuidebatur in frusta, & ponebatur sic super altare: hic autem non fuit sanguis oblatus ad fundendum per gyrum altaris, ideo non fuit holocaustum totaliter. De his Leuit. primo. Quod autem magis esset holocaustum, quam alia species sacrificij: patet eo quod totum corpus haeduli crematum est in holocausto, & etiam angelus iussit holocaustum offerri. Ad primam rationem in contrarium dicendum, quod angelus dixit, quod offerretur holocaustum, & tamen non fuerunt obseruatae omnes caeremoniae holocausti. Ad secundam dicendum, quod licet totum corpus haeduli crematum est, non probatur esse holocaustum: nam ex hoc patet non esse pacificam hostiam, nec pro peccato: & tamen non conuincitur esse holocaustum, quia ad illud requiruntur caeremoniae aliae, ut dictum est, & illae non fuerunt hic obseruatae. Dixitque ad eum. Cum nollet angelus comedere cum Manue, & recedere vellet, quia forte nunquam postea videret eum, quaesuit de nomine illius, dicens. Quod est nomen tibi? ut si sermo tuus fuerit expletus, honoremus te. Scilicet antequam expleatur sermo tuus, non est aliqua causa honorandi te etiam si certum essemus de euentu eius, sed cum expletus sit sermo, honorabimus te laudantes te, vel euntes ad te in loco, ubi habitaueris, & ferentes tibi munera. Quia tunc quareret Manue pro tali viro, qui sic nominabatur, & veniret in locum eius ad honorandum eum muneribus, & accipitur hic. Si expletus fuerit. Id est quando expletus fuerit, quia supra ostenderat se non dubitare de hoc ipse Manue, dicens: quando sermo tuus fuerit impletus, quid vis, ut faciat puer. Cui ille respondit. Scilicet angelus Manue: Cur quæris nomen meum, quod est admirabile? Quasi dicat, nomen meum non est sicut nomina vestra, & non potest sic declarari, ideo non debes quærere illud. Sciendum tamen, quod nomen positum hic in Hebræo est æquiuocum ad admirabile, vel difficile, & utrunque erat, scilicet erat nomen admirabile, & occultum, & etiam difficile ad explicandum.

Quomodo nomen huius angeli erat admirabile, & quare nomina angelorum dicuntur admirabilia. Et à quibus nomina eorum fuerunt inuenta.

Quæst. XXXIII.

**Q**VAERETVR, quomodo nomen huius angeli erat admirabile. Respondendum, quod angeli habent nomina apud nos, si nos eis illa volumus imponere: ipsi tamen in vita æterna nomina nulla habent. Causa huius est, quia nomen imponitur ad certificandum rem dubiam, vel indeterminatam: sicut cum in eadem specie sunt multa indiuidua similia: ad faciendum differentiam inter illa, ponimus nomina illis ad placitum: sic est in omnibus, in quibus nullam faceremus certitudinem sublatis nominibus, ideo vsus nominum compertus est. In angelis autem non subsistit hoc, quia angeli sunt determinati in essentia sua per hoc, quod quilibet angelus est in vna specie, & non multiplicatur indiuidua: sicut in rebus naturalibus per materiam signationem, ideo oportet poni nomina differentie causa: quia tamen non omnes recipiunt istud fundamentum (licet verum sit) sunt alie causae. Vna est quia nomina sunt, ubi res siue in specie, siue in indiuiduo non est cognita nisi per nomen: sed Deus cognoscit angelos suos sine nomine, immutando quem voluerit ad aliquid ministerij exercendum in creaturis, & quilibet angelorum sentit se à Deo immutari, & aliquid sibi præcipi à Deo sine vsu nominis, ideo non est eis necessarius vsus nominis per relationem ad Deum. Etiam eorum inter se non sunt nomina necessaria, quia nominum vsus est ad tollendum incertitudinem, sed ubi est plena scientia, & determinatissima, nulla est incertitudo, nec varietas, ideo superuacuum foret vsus nominis. Alia etiam causa est, & de potissimis, quia nomen imponitur ad vocandum rem, quæ tali nomine appellatur, vel ad loquendum determinatè de illa re: sed in vita æterna inter Deum & angelos nulla vox est: nec etiam, ut sic sunt, esse possent habere vsu nominum. Alia causa est, quia si aliqua nomina essent, aliquando fuissent imposita, & ab aliquo, sed à nullo imponi potuerunt, quia nullus inter angelos Deo assistentes loqui potest, ideo nullum nomen ibi est, & sic angeli in particulari non habent aliqua nomina, siue ponatur quilibet continere vnam speciem, siue multi in vna: sed ea nomina, quæ sunt imposita quibusdam, fuerunt imposita à sanctis viris, scilicet à Prophetis, ut Daniel primo, inuenit nomen duorum angelorum, scilicet Gabrielis, & Michaelis. In Tobia autem primo inuentum est nomen Raphaelis. Etiam Luciferi nomen in Isaiâ inuentum est: Dicendum etiam, quod sicut ipsi particulares angeli non habent aliquam denominationem, ita nec ordines eorum nouem: nec Hierarchiarum tres, sed nomina ordinum inuenta sunt ab Apostolo in Epistola ad Colossenses. ubi ponit quaedam nomina ordinum, & alia in Epistola ad Ephesios. Nomina etiam Hierarchiarum à Dionysio inuenta sunt, qui fuit discipulus Beati Pauli, & creditur ab eo edoctus circa hoc. Nos igitur, qui assueti sumus res particulares nominibus distinguere, in qualibet re nomen inquirimus, nec tamen quilibet res nomen habet, & cum fuerimus in vita æterna, non cognoscemus angelos nominibus, quia nulla habent. Nec etiam tunc nouiter imponentur, sed eos seipsis determinatissimè cognoscemus, sicut ipsi se nunc cognoscunt, & sicut quilibet homo cognoscit seipsum, dato quod nomen non haberet. Etiam nos, qui nunc nominibus vtimus, ibi non distinguemur nominibus, sed quilibet alium ibi cognoscet sine nomine, sicut hic seipsum sine nomine cognoscit.

Cur nomina angelorum vocantur admirabilia. Quæst. XXXIII.

**Q**VAERETVR denuo, cum angeli non habeant nomina, cur vocant nomina sua admirabilia? Dicendum, quod nomen angeli est admirabile, quia hoc ipsum, quod est carere nomine admirabile est, cum in nobis non sit distinctio aliqua rerum sine nomine, quantum ad colloquendum: alijs etiâ ad intelligendum cum ab alijs nobis res aliqua ponuntur. Item est nomen eorum admirabile, quia sicut in nobis nomen est distinctiuum, & certificatiuum, ita in illis est quædam certitudo cognitionis, & distinctionis qua res sine ambiguitate cognoscitur, non vtendo nomine aliquo pilla, & ista certitudo est ex parte cognoscentis,

S 2 &

A quibus nomina ordinum angelorum fuerunt inuenta.

Nō erunt nomina in vita æterna.

Angeli spēs determinati sunt.

Alph. Tost. super lib. Iudicum.



& rei cognite in comparatione ad cognoscentem. Supplet in eis locum nominis, & fieri istud est admirabile, vel illa certitudo admirabilis est, quia in nobis non reperitur aliqua talis certitudo, quia sine nominibus distinguamus, & cognoscamus: ideo nomen eorum admirabile est: nam excedit iste modus certificatione nostram, quæ fit per nomina.

*Quomodo nomina Angelorum dicuntur occulta.*

*Quest. XXXV.*

**Q**VAERETVR vterius, quomodo nomina angelorum possunt vocari occulta. Respondendum, quod ad euidenciam huius considerandum sicut supra dicebatur, quod angeli secundum se non habent nomina: ideo si aliqua debent habere, oportet quod competant eis ex habitudine ad nos, scilicet secundum officia, quæ in nobis exercent: sic etiam omnes spirituales substantiæ in quantum ad nos mittuntur, vocantur angeli, idest nuncij. In speciali etiam consequuntur nomina ipsi angeli ex officiis, sicut angelus, qui venit ad purgandum labia Isaia: vocatus est Seraphim, non quod esset de ordine Seraphim, sed quia in Hebræo vocatur combustor, vel ardens, & quia ille angelus, qui venit, tulit calculum ardentem de altari, & tetigit labia Isaia: ut patet Isaia 6. & tamen Seraph, vel Seraphim non est ibi nomen ordinis, sed nomen commune pro combustore: sic namque Num. 21. vbi litera nostra dicit: serpentem æneum. dicit litera Hebraica Seraph, idest ardentem, vel combustorem, eo quod serpentes erant igniti, eo. cap. sic etiam angelus veniens ad Tobiam, vocatus est Raphael, idest medicina Dei: quia venerat ad medicandum Tobia: scilicet ut sanaret oculos eius. Et alius angelus vocatus est Gabriel, Dan. 9. quia interpretatur fortitudo Dei, & ipse veniebat ad confortandum Daniele. Etiam dictus est Gabriel, qui venit ad Virginem, Luca primo, scilicet. Missus est angelus Gabriel. & hoc quia venerat ad indicandum aliquod opus magnæ potentie, vel fortitudinis Dei, scilicet quod virgo conciperet, quod impossibile erat naturæ. Vnde ad significandum Dei potentiam, & fortitudinem dixit: Nunquid erit impossibile apud Deum omne verbum? quasi dicat, Deus fortis est, & nihil est sibi impossibile, ideo congrue nomen accepit Gabriel, idest fortitudo, vel potestas Dei, quia veniebat ad annunciandum potestatem Dei. Sic etiam vocatus est alius angelus Michael, quod interpretatur, quis ut Deus: & significat Deum admirabilem esse: quod nomen convenienter introductum fuit à Daniel, eo quod ipse induxit Michaelem, ut Principem maiorem populi Hebraici, & quod ille maximè pugnabat contra potestates aduersantes, & quia Michael, & Gabriel, qui erant principes Hebræorum pugnaverunt viginti vno diebus, contra angelum principem Persarum, qui volebat Israelitas exire de potestate Persarum, scilicet de Babylone: acceperunt convenientia nomina à potestate, vel fortitudine, aut admiratione. De hoc Dan. 10. capitulo. Nunc autem de istis officiis dicendum, quod mutantur, quia si nunc missus vnus angelus de vno ordine ad vnum actum exercendum, poterit mitti, & mittetur realiter aliquando alius angelus de eodem ordine ad similem actum. & quia ex officiis, quæ apud nos faciunt, nomina accipiunt, necesse est, ut isti duo angeli accipiant idem nomen, & sic continget multos angelos accipere idem nomen, & tunc cum nominatur aliquis illo nomine, non certificatur per illud nomen, quia putauimus esse angelum, qui prius venit quam hunc, qui nunc venit, & fortè erit alius eiusdem nominis: ideo nomina sunt occulta ex æquiua-

latione, quæ non potest reduci ad vniuocationem: sicut fit apud nos in nominibus proprijs virorum, quando eodem nomine multi appellantur, quia per adiuncta limitatur æquiuocatio, & fit vniuocatio: sed in angelis non inuenimus aliquid per quod determinemur æquiuocationem nominum, cum non sint notæ nobis conditiones eorum particulares, sicut sunt in indiuiduis humanis. Hoc modo poterat esse, quod angelus Gabriel, qui venit sæpe ad Dan. ut patet Dan. 8. & 9. & 10. non esset ille Gabriel, qui venit ad Beatam Virginem. De quo Luca primo: sed quia vterque veniebat ad confortandum ex parte Dei, vel fortitudinem Dei indicandam, ut supra declaratum est, poterat vterque vocari Gabriel, & hoc modo nomina angelorum sunt nimis occulta. Alia occultatio adhuc maior est in nominibus angelorum, scilicet quod cum nomina imponantur ex actibus, quos circa nos exercent, & quia idem angelus venit sæpe ad diuersos actus exercendos, oportet quod ex illis acciperet vocabula diuersa, ut puta quod nunc vocaretur Raphael, si veniret ad curandum egritudinem, & iterum vocaretur Gabriel, si veniret ad indicandum Dei fortitudinem super aliqua re, & sic putaret iam aliquis ex nominibus illum angelum esse duos angelos: nimis ergo occulta sunt nomina angelorum, idest non notificant eos distinctè, sicut nomina nostra notificant nos, & quia cum vnus angelus mittitur ad vnum actum, adhuc nescit, an mittetur ad alium actum diuini, ignorat quod nomen magis ei conuenire debeat, & sic non solum nobis nomina angelorum occulta sunt, sed etiam ipsismet angelis.

*Quare angeli, ut communiter quando veniunt ad nos nolunt nomina sua manifestare.*

*Quest. XXXVI.*

**Q**VAERETVR vterius quare angeli, ut communiter quando veniunt ad nos nolunt nomina sua prodere. Respondendum, quod aut angeli se ostendunt potius, ut viros, & volunt teneri ut viri, aut se ostendunt, ut angelos, aut se ostendunt de bios nolentes pro tunc indicare vtrum angeli, vel viri sint. Primo modo angeli continentur nomina sua tanquam nomina virorum. Et hoc ut si non dixerint nomina redeant illos suspectos, cum quibus communicant. Etiam quia sine nomine inter homines communicare nequeunt: sic fuit de angelo, qui duxit Tobiam iuniorem in Rages: nam quæ fuit Tobias senior nomine illius: & ipse dixit, ne te sollicitum reddam, ego sum Azarias Ananiae magni filius, ut patet Tobia 5. Quando autem angeli sunt, ut angeli, interdum nomina sua dicunt, & interdum nolunt: de primo pater Tobia 12. Nam postquam angelus ille expleuit opus suum, confessus est nomen suum, & dixit: Ego sum Raphael vnus de septem spiritibus, qui astamus ante dominum, & istud fuit non petente Tobia: nam ipse tunc non petebat nomen eius, tamen angelus sponte sua nomen expressit ad tollendam erroneam opinionem vtriusque Tobia: nam putabant eum esse virum, & vocari Azariam, & quia iam recedens ab eis volebat indicare se esse angelum, negauit omnes conditiones humanas, quæ prius videbantur in eo, scilicet quod comederet, & biberet, & dormiret, dicens: quod ipse licet videretur comedere, & bibere, tamen non utebatur his cibis, sed spiritualibus. Etiam quia putabatur nomen eius esse Azarias, dixit, quod nomen suum erat Raphael. Aliquando autem angeli non produnt nomina sua, licet ostendant se esse angelos: sic patet Gen. 32. c. vbi angelus luctabatur cum Iacob, & dixit ei: Si contra dominum fortis fuisti, quæ-

*De officiis angelorum.*

*Aliquid angelus apparet propter nomen suum quando.*

*tomagis*



tomagis contra homines praeualebis? Et post hoc A  
quaesivit Iacob de nomine illius, & ipse dixit: Cur  
quaeris nomen meum? Et non expressit nomen.  
Fortè hoc fuit, quia erat ille angelus datus particulari-  
ter in custodiam Iacob, vel princeps populi Hebraici  
exituri de Iacob, & quia sepe facturus erat aliqua circa  
Iacob, ex quib⁹ diuersa nomina sortiri deberet, noluit  
aliquod sibi nomē tunc imponere, ne illud solum ha-  
bere putaretur. Aliqñ autē angeli apparent in effigie  
dubia, quia nolunt totaliter videri viri, nec haberi vt  
viri, & rursus volunt tunc haberi determinatè vt an-  
geli, & tunc occultant nomina sua. sic fuit hic: nam  
iste angelus nolēbat videri angel⁹ vsquequo per flam-  
mam sacrificii indicaretur. Etiam nolēbat totaliter  
haberi vt vir: quia modico tempore erat mansurus in  
illa habitudine, ideo noluit nomen aliquod exprime-  
re, quia vel illud esset angeli, vel hominis, sed quocun-  
que dato notificaretur eum esse hominem, vel ange-  
lum: & sic redditus fuit incertus ipse Manue, & non  
cognouit ex hac conuersione eum esse angelum, vel  
hominem: magis tamen putabat eum virum. *Tulit*  
*itaque Manue hādum de capris.* Scilicet illū volebat parare  
pro angelo, vt comederet, vt patet supra, & quia no-  
luit, sed dixit, quod offerret holocaustum duxit ipsum  
hādum ad holocaustum. *Et libamenta.* Vocantur  
libamenta quaedam accessoria ad sacrificia: nam cūm  
sacrificiis holocaustorum, vel victimis pacificis offe-  
rebantur libamenta, Nume. decimo quinto, & vige-  
simo octauo, & vigesimo nono. Erant autem quin-  
que genera rerum de quibus fiebant libamenta, scili-  
cet de farina, & oleo, vino, sale, & thure, & duo vltima  
ponebantur sine mensura, & alia tria cum mensura,  
scilicet quodd de sale, & thure imponebatur in sacrifi-  
cio, quantum vellet offerens, quia non limitabat lex  
aliquam mensuram. De his duobus patet Leuit. se-  
cundo. Nam de sale specialiter iubebatur, quod nul-  
lum esset sacrificium, in quo non poneretur. De thu-  
re etiam iubetur ibi, quod ponatur. De oleo simila  
farina delicato, & vino habetur Nume. decimo quin-  
to, vbi ponitur mensura istarum rerum, scilicet quia  
maior pars simile vini, & olei offerebatur in sacrificio  
bouis quā arietis, & magis in ariete, quā in agno  
anniculo, & pro singulis erat ibi limitata mensura co-  
gnita apud Hebræos: ista omnia posuit Manue secun-  
dum exigentiam hāduli, qui offerebatur. De modo  
autem quo ista ponebantur in sacrificio, vel quomo-  
do miscebantur declaratum est Leuiti. secundo, &  
Nume. decimo quinto. Est autem sensus, quod Ma-  
nue occidit hādulum, & decorauit, & exclusis inte-  
stinis posuit super altare, & cūm eo posuit libamenta.  
*Et posuit supra petram.* Quia ibi non dicit aliud altare.  
*Offerens domino.* Scilicet ipse Manue obtulit domino  
sacrificium illud tanquam sacerdos: nec fuit aliquid  
in illa immolatione, & oblatione sacrificij, quod non  
faceret Manue, sed fecit ex dispensatione, vt supra di-  
ctum est. *Qui facit mirabilia.* Id est obtulit istud sa-  
crificium Deo, quia facit mirabilia, & dignum est,  
quod sibi offeratur tanquam soli omnipotenti. In  
Hebræo habetur. *Obtulit domino, & mirabile ad faciendū.*  
Id est obtulit domino holocaustum, & Deus est ad fa-  
ciendum mirabile, scilicet nullus est, qui faceret mira-  
bile, nisi Deus. *Ipse autem & uxor eius intuebantur.* Scilicet  
Manue, & uxor eius intuebantur quid faceret angel⁹,  
vel quomodo cremaretur sacrificium.

Cumque ascenderet flamma altaris in  
coelum, angelus Domini pariter in flam-  
ma ascendit. S 3 ruerunt

ma ascendit. Quod cūm vidisset Ma-  
nue, & uxor eius, proni ceciderunt in  
terram, & vltra eis non apparuit ange-  
lus Domini. Statimque intellexit Ma-  
nue, angelum Domini esse, & dixit ad  
uxorem suam: Morite moriemur, quia  
vidimus Deum. Cui respondit mulier:  
Si Dominus nos vellet occidere, de ma-  
nibus nostris holocaustum, & libamen-  
ta non suscepisset, nec ostendisset nobis  
hæc omnia, neque ea, quæ sunt ventu-  
ra, dixisset. Peperit itaque filium, &  
votauit nomen eius Samson. Creuitque  
puer, & benedixit ei Dominus. Cœpitque  
spiritus Domini esse eum eo in castris Dan  
inter Saraa, & Esthaol.

Cumque ascenderet flamma altaris in coelum. Id est a-  
scenderet directè contra coelum. Hebræi dicunt,  
quod ascendit flamma de petra, & contumpsit sa-  
crificium.

An in sacrificio patris Samsonis ignis natus  
fuerit de petra, uel de lignis.

Quest. XXXVII.

QVÆRETUR circa hoc an sit verum. Ali-  
quis dicit quod sic, & patet quia dicitur, quod  
obtulit holocaustum domino Manue, qui facit mira-  
bilia, id est quod mirabile fecitum est immediate ob-  
lato holocausto. & istud non esset, nisi quia ascenderet  
ignis de altari: alioquin non videretur ad quid pone-  
retur immediate post oblationem holocausti, quod  
Deus faceret mirabilia. Item quia dicitur, quod Ma-  
nue, & uxor eius intuebantur: in quo significatur quæ-  
dam magna attentio, & sic videtur quod erat ad rem  
magnam, scilicet quia videbant flammam consurge-  
re de altari, quod erat mirabile. In contrarium vide-  
tur, quod non esset flamma ascendens de petra, sed  
quod posuerit Manue ligna super petram, & igne  
succenso cremarentur victimæ: quia alioquin si iussis-  
set angelus poni carnes ad cremandum sine igne co-  
gnitum esset, quod erat angelus, quia istud mirabile,  
& tamen non cognouerunt eum tunc, sed postea,  
quando ascendit in flammam: ergo non ascendit ignis de  
petra, sed de lignis. Item si ascendisset ignis de  
petra, fuisset istud miraculum magnum, & scriptura  
narrasset illud, quæ intendit enarrare laudes Dei, &  
ostendere illum nobis laudabilem, sed non narrauit,  
ergo non fuit. Item quando Manue, & uxor eius vi-  
derant angelum ascendentem in flammam, corruerūt  
in faciem suam tanquam videntes mirabile: si tamen  
vidissent prius succendi carnes, non supposito igne,  
vidissent mirabile: ergo ibi cecidissent in terram,  
sed non ceciderunt: ergo non fuit ignis egrediens  
per se de petra, sed suppositus erat in lignis: simile  
patet Leuitic. nono, cūm venit ignis ad creman-  
dum hostias, & non fuerat ab aliquo appositus, sed  
a Deo: Israelitæ laudauerunt dominum, & cor-  
ruerunt

Dyome-  
des à quo  
istula Dyo-  
media.  
Latinorū  
regi exor-  
dium.

Rōnes cu-  
iusdam  
1. ratio.

2. ratio.

Rōnes in  
diuersum.  
1. ratio.

2. ratio.

3. ratio.



Responso  
ad questu

ruerunt in facies suas. Respondendum, quod ista  
questio est dubia: potest enim quodcunque tene-  
ri, quia vtrumque est satis rationabile: vel saltem non  
contra rationem. Si autem velimus tenere, quod non  
fuit ignis à domino veniens, sed succensus à Manue.

Ad primā  
rationem.

Respondetur ad primam rationem, quod obtulit  
sacrificium Deo Manue, qui facit mirabilia, non quod  
fecerit nasci ignem de altari, sed obtulit, quia faciebat  
mirabilia, idest in gratiarum actionem pro hoc mira-  
bili, quod nunc faciebat: scilicet quia promiserat, q  
mulier sterilis pareret, & quod puer inde genitus su-  
bijceret hostes, vel turbaret, & affligeret eos, & istud  
est nimis rationabile, scilicet quod pro hoc bono nun-  
ciato per angelum sacrificauerit, & propter hoc scri-  
ptura designauit causam dicens: obtulit Deo, qui facit  
mirabilia, idest propter hoc, quod facit mirabilia in-  
dando foetum sterili. Ad secundam, quando dicitur

Ad 2. rōnē

quod intuebantur Manue, & vxor eius; dicendum q  
non intuebantur flammam miraculosē egredien-  
tem, quia nulla talis erat, sed intuebatur sollicitē quid  
acturus esset angelus, vel quomodo cremaretur sacri-  
ficiū. Si autem vellemus tenere, quod flamma or-  
ta fuit hic de petra, diceremus ad primam rationem

Ad primā  
rōnem in  
diuersum.

in contrarium, cognosceretur angelus antequam as-  
cenderet in flamma, sed falsum est. Dicendum, q  
non cognosceretur ex hoc, quia crematio victima-  
rum igne coelesti facta fuerat aliās sine praesentia an-  
geli, sicut quando consecratus est Aaron, vt patet Le-  
uit. nono. Etiam facta est quando Elias disceptrauit in

Carmelo contra Prophetas Baal: nam ignis de coelo  
consumpsit sacrificium, & etiam lapides altaris 3. Re-  
gum 18. capitulo, ideo poterat intelligere Manue,

quod iste erat vir Propheta, & in approbatione dicti  
sui inducebat quod fieret sacrificium sine igne, & q  
Deus daret ignem: nam ita per Prophetas fiebant mi-  
racula, sicut per angelos: vnde non cognosceret eum

Ad 2. rōnē

esse Angelum. Ad secundam rationem dicendum,  
quod scriptura interdum omittit quādam enarrare,  
sicut Christus multa miracula fecit, quā scripta non  
sunt, vt patet Ioan. vigesimo capitulo, ita & in veteri

testamento omitterentur aliqua mirabilia scribi.  
Potest dici aliter, quod scriptum fuit istud miracu-  
lum, in quantum dictum est: obtulit Deo, qui facit mi-  
racula, scilicet succendendo sacrificium, sine igne ap-  
posito. Ad tertiam dicendum, quod non corruerunt

Alia rō. ad  
secundam.

Manue, & vxor sua visa flamma supernaturaliter  
accensa, eo quod secundum istam positionem iam  
angelus comprahendisset, quod eis apparitura erat il-  
la flamma, & aliās hoc euenerat, ideo non tantum mi-  
rarentur, viso tamen quod angelus erat ille, qui loque-  
batur eis cum ascenderet in flamma, timuerunt se

Ad 3. rōnē

morituros, & prae pauore corruerunt. Dicendum  
tamen rationabiliorem positionem esse, quod non  
fuit hic ignis supernaturaliter suscitatus de petra, sed  
accensa fuerunt ligna per Manue, sicut in alijs sacri-  
ficijs fiebat. Motiuum namque contrariae opinionis  
est, quia hic dicitur, quod ascendit flamma altaris, &  
non fit mentio de aliqua successione ignis facto per

Manue. Sed istud nihil est, quia scriptura debet enar-  
rare ea, quae insolita sunt, & quae aliās nescirentur, si  
non scriberentur, ea autem quae per se sciuntur, etiam  
si non scribantur superfluum est scribi. Ideo ex hoc,  
quod nihil scriptum est de succensione lignorum fa-  
cta per Manue credendum est potius, quod facta fue-  
rit, quā quod non: nam si non facta fuisset, necesse  
erat, quod fieret miraculosē: sed miraculosa sunt in-  
solita, & de quibus non praesumitur, nisi cum sciuntur,  
ideo de illa scriberetur. Item si talis flamma exorta  
fuerit de petra, dato quod eis angelus praedixisset.

quando surgeret, corruerent in terram, vel timore  
rei magnae, & diuinæ, vel saltem in reuerentiam Dei:  
sic enim Moyse praenunciauerat Israelitis, quod ignis  
egrederetur à domino ad cremandum sacrificia Aa-  
ron, & tamen quando viderunt illum, corruerunt su-  
per facies suas, laudantes dominum: Leuitic. nono.

Item tempore Eliæ iam erat cognitus iste modus cre-  
mandi sacrificia, & tamen cum ad inuocationem eius  
venisset ignis, totus populus corruit in terram, vt patet  
3. Regum 18. *Angelus domini in flamma pariter ascendit.*  
Idest ascendente flamma de sacrificio ascendit ange-  
lus in altum cum flamma, & istud fuit ad indicandum  
se esse angelum. *Quod cum vidissent Manue, & vxor eius*  
*prostrati ceciderunt in terram.* Videntes angelum eleuari.

Iste casus in terram potest esse ex humiliatione, scili-  
cet ad reuerentiam angeli, quia prius putabant eum  
esse virum, & modicum reuerabantur, postea autem  
videntes esse angelum, inclinati sunt. Vel poterat  
hoc esse ex timore, scilicet quia timuerunt mori vi-  
dentes, quod angelus erat, qui locutus fuerat eis, sicut  
infra dicitur. *Et ultra non eis apparuit angelus domini.*  
Scilicet postquam euauit in fumo, & hoc quia nihil  
eis erat reuelandum super statu pueri. *Statimque intel-  
lexit Manue angelum esse domini.* Scilicet videns, q  
eua-

nauisset in flamma, intellexit quod erat angelus.

F

G

H

K

*Quomodo pater Samsonis cognouit illum angelum esse*

*verum angelum per signa, quae vidit.*

*Quaest. XXXVIIII.*

Q V A E R E T V R, quomodo per hoc intellexit

Manue esse angelum illum. Respondendum, quod intellexit dupliciter, scilicet per negationem, &  
per positionem. Per negationem intellexit, quia aut  
erat iste, qui locutus fuerat angelus, aut homo: cum  
nullus alius posset loqui, sed non poterat esse homo,

quia homini nō competit talis conditio, scilicet quod  
ascendat in flamma ignis, & euanescat, ergo erat an-  
gelus. Secundō cognouit hoc positinē, scilicet quia  
Hebraei existimabant tunc de Angelis, quod essent

substantiae corporeae ad figuram corporum humanor-  
um, & tamen corpora eorum erant indefectibilia, &  
ex hoc non vegetabantur cibo, ideo inuitauerat eum  
prius ad cibos, quia nesciebat, an esset angelus, vt patet  
in litera, & hoc significatur Tobiae 12. vbi dixit, Ra-  
phael angelus, quod ipse erat angelus: & licet videretur  
comedere, non comedebat, sed utebatur cibo spe-  
ciali, quem ipsi non videbant. Putabant etiam Israe-  
litae, quod essent corpora angelorum aerea, vel de alia  
materia valde subtili, ideo poterant volare, & quia  
materia corporum suorum erant rara, poterant ipsi  
euanescere a conspectibus nostris: sic enim tenuerunt  
etiam Gentiles antiquissimi. Vnde Apuleius Plato-

nicus, & Socraticus eorum doctrinam sequens, dixit  
dæmones habere corpora aerea, & tamen dæmones  
vocantur ipsi angeli tam boni quā mali. Etiam  
Plato angelos bonos, quos calodæmones, idest  
bonos dæmones, vel bonos angelos appellauit, dixit  
habere corpora aerea, & sic competebar eis, quod  
possent eleuari in igne ex natura leuitatis corporum  
suorum: sic etiam Manue credidit, nam cum loque-  
retur angelus ei, nesciebat an esset angelus: cum vero  
ascendit in flamma credidit esse angelum, vt patet  
sup. 6. c. & sic non solum erat ista opinio apud Manue,  
sed etiam apud Iudeos omnes, & fuerat ab antiquo.

Sed dicendum, quod licet esset aliquale argumentum,  
tamen non erat necessarium: quia etiam si fieri poterat

in

Opinio A-  
pulei de  
dæmonib.



in homine: nam Abacne Propheta ductus est in Babylonem volans per aerem, quia tenebat eum angelus domini per capillum, & duxit ad lacum leonum, ut patet Dan. 14. Etiam poterat euanescere ab oculis eorum, quia non solum Deo operante potest aliquis euanescere ab oculis omnium hominum, sed etiam operenaturali potest fieri inuisibilis. Manue, & vxor eius arguebant à communibus, & putauerunt certissime esse angelum.

*An posset aliquis homo naturaliter fieri inuisibilis.*

*Quaest. XXXIX.*

**Q**VAERETVR circa hoc, an posset aliquis homo naturaliter fieri inuisibilis. Aliquis dicet, quod non, quia quicumque talis sit, vel sit opere Dei, vel daemonum; sed neutrum est naturale opus, ergo non fit naturaliter quis inuisibilis. Considerandum ad euidenciam huius, quod non accipitur inuisibilis, id est ex se habens conditionem inuisibilitatis, quia tunc quod esset inuisibile semel, non posset postea videri, quia oporteret, quod reduceretur ad inuisibile, vel careret colore, & luce, scilicet ad hoc quod aliquid propriè efficiatur inuisibile, requiritur vnum de duobus. Primum est, quod res sit indiuisibilis: nam in re indiuisibili, siue sint color & lux, siue non, non poterit videri, & repugnat ei ex conditione sua videri: patet de primo, ut anima est indiuisibilis secundum quantitatem continuam, & angelus: & neutrum illorum potest videri: sic etiam Deus, & quilibet spiritus. sic etiam accidentia spiritualia, ut actus animae, vel habitus causant in corpore ad aliquid agendum, quia consistunt illi indiuisibili. De secundo etiam, ut si homo habens totam quantitatem suam extensam reducatur ad inuisibile, manebit ibi color, & quantitas, & omnia accidentia illius. nihil autem est quod tollatur, nisi extensio, quae consequitur quantitatem non essentialiter, & accidentia, quae consequuntur extensionem, s. figura, & quaelibet circumscriptio. Quocumque modo istorum erit res inuisibilis, quia repugnat ei ex conditione sua, ut sic est videri. Ratio est, quia omnis visio fit per pyramidem radiosam, cuius basis est in re visa, & conus est in centro oculi, sed indiuisibile non potest facere basim, quia basis est linea, vel superficies super cuius extremitates terminantur lineae, vel superficies, quae in parte opposita causant angulum conalem. Ista probatio patet in principio perspectivae: ergo includit contradictionem rem indiuisibilem etiam per potentiam diuinam videri. Secundus modus inuisibilitatis est, si res manens in sua excessione, priuetur luce, vel colore existenti in superficie: nam cum nulla potentia possit agere ultra obiectum suum formale, non poterit oculus videre, nisi quod est obiectum visus, sed nihil est obiectum, nisi color & lux: ergo impossibile est aliquid videri, ubi non fuerit color, vel lux, sicut impossibile est audiri aliquid, ubi nullus sonus est. Sed ablato colore, & luce de superficie corporis, manet corpus in quantitate, & extensione priori, & non manet ibi aliquid obiectum visus: ergo non poterit videri res ista, sicut per potentiam diuinam oculus non potest audire, nec auris videre, quia implicat contradictionem. Inter inuisibile tantum isto modo, & primo modo ista differentia est, de qua infra dicitur. Istis modis est aliquid inuisibile propriè, scilicet ex conditione sua. Alio modo vocatur aliquid inuisibile, non quod includat contradictionem illud videri, vel quia ex conditione sua competit ei non videri, sed quia nullus oculus poterit illud videre pro aliquo tempore.

*Alph. Tost. super lib. Iudicum.*

**A** quo constituimus illud inuisibile. Et dico, quod istud potest effici dupliciter, scilicet diuinitus, vel naturaliter. Diuinitus autem poterat effici aliquo de duobus modis supradictis. Primo modo, quod Deus reduceret ad indiuisibile aliquod corpus, sicut facit in Eucharistia, quia ibi est totus Christus in qualibet parte hostiae: & istud non potest esse, nisi quia est sub indiuisibili, & hoc omnis confitetur Ecclesia. Sic etiam creditur à quibusdam, quod exierit Christus de utero virginis, quod manerent claustra integra. Licet alius modus ponatur per penetrationem corporum, de quo magis dixi in libro de 5. Metaphoricis Paradoxis ad reginam castellae: & in illis modis nullus dubitat colorem Christi in corpore esse, & omnes qualitates suas, & ipsam quantitatem. Secundo modo etiam, poterat efficere hoc, scilicet auferendo colorem, & lucem à superficie, quia ista non dependunt ab inuicem dependentia essentiali: & satis statet vnum sine altero naturaliter postquam facta esset talis separatio: quia tamen istis duobus modis res est propriè inuisibilis, ut supra declaratum est: oportet quod dicamus alio modo, scilicet quod Deus faciat aliquam rem inuisibilem, non reducendo illam ad indiuisibile: nec etiam auferendo colorem, vel lucem: & istud est causando quandam passionem, quam Graeci aurisiam vocant, de qua August. 22. de Ciuitate Dei. & ista est secundum quam aliquis habens oculos sanos, videt omnia ante se consistentia, & vnicum illorum videre non potest: istud iam saepe Deus fecit. Primo enim legitur factum in vrbe Sodomorum, quando conueniunt omnes Sodomitae ante portam Loth: & Angeli percusserunt eos cecitate, & tota nocte non poterunt inuenire portam, cum apud illam essent, & non erat illa cecitas vera, quia si ipsi excecati fuissent, videntes se percussos à Deo, desissent perquirere viros, & poeniterent: sed tota nocte inquirebant portam, ut dicitur Gen. 19. ergo non erant excecati, sed videbant totam domum, & nunquam poterant videre portam, & sic praed desiderio inueniendi tota nocte circumbabant domum. Item fuit simile factum tempore regis Ioram regis Israel, & Ioram regis Iuda: nam veniebant Syri serui Benadab ad capiendum Eliseum Prophetam, qui erat in vrbe Dothaim, & ipsi cognoscebant eum: egressus est autem ad eos Eliseus, & percussit illos cecitate, id est aurisiam, & cum essent apud ciuitatem Dothaim, in qua erat Eliseus, dixit eis ipse: Non est ista ciuitas, quam queritis, nec via: & duxit illos per viam Samariae, & introduxit in urbem Samariae, in qua erat rex Israel, qui erat hostis Benadab, & ipsi viri videbant omnia alia, scilicet coelum, & montes, & tamen non videbant viam, per quam ibant, nec ciuitatem Samariae, in quam introiuerunt, & cum introiissent, ablata est cecitas illa siue aurosisia, & viderunt hostes suos in quorum manibus erant, & timuerunt, voluitque rex Israel occidere illos, sed non permisit Eliseus, dicens: Non accepisti eos in gladio tuo, & arcu, sed potius appone panem coram eis, ut patet 4. Regum 6. capitulo. Iterum factum est hoc per Christum cum praedicaret, & vellent eum lapidare Iudaei: nam dicitur, quod abscondit se, & exiit de templo: & fecit Christus ter istud. Primo quando Nazareni voluerunt eum precipitare de summo periculo montis: nam tunc cepit ire Iesus per medium illorum, & nemo illi loquebatur, scilicet quia non videbant eum, Lucae quarto. Iterum fecit cum in quadam festiuitate enceniorum praedicaret, voluerunt enim Iudaei tenere eum, & lapidare, lapsusque est de manibus eorum, & non viderunt: Io. c. 10. iterum etiam paulo ante passionem suam cum vellent eum lapidare, dicitur quod abscondit se, & exiit de templo: Ioan. 8.

*Quo De faciat aliqd visibile.*

*Ter Iesus Christus reddidit se inuisibile*



Alio modo potest fieri humanitus, vel ut melius dicam opere naturali fit, quod res videatur maior vel minor quam sit, vel videatur in maiori numero quam sit, & alterius coloris quam sit, & in alio situ. similiter erit aliquid naturale, quod possit totaliter immutare oculum, ut ipsam rem presentem non videat. De primo patet, quia si aliquid sit intra aquam videbitur ab existentibus extra aquam maioris quantitatis, sicut patet de denario proiecto in aqua, & a fortiori si aqua sit gelida. Cuius causa est, quia propter maiorem diuersitatem medij magis franguntur radij declinantes a sua rectitudine, sic etiam fit in illis, qui vident per specularia, quia videntur eis literae grossiores propter diuersitatem medij facientis varium angulum. De secundo, scilicet quod videatur minor patet, scilicet si quis sit intra aquam apparebunt sibi homines extra aquam existentes necessarii minoris quantitatis ex causa opposita, scilicet quia radij per medium densum constringuntur ad perpendicularem: sic etiam si quis videat rem in superficie connexa speciali rotundi, videbit illam minorem quam sit. De tertio patet, scilicet quod videatur res alterius coloris quam sit: nam si quis patitur ophthalmiam, quae est apostema album inter pelliculas oculi, videbit omnes res esse albas, vel medio modo coloratas inter album, & nigrum, scilicet fuscas, siue res virides, siue rubee, vel cuiusque coloris sint. De quarto, scilicet quod videat res in maiori numero, patet quia si quis posuerit digitum sub oculo oculum aliquantulum eleuando, vel mutando oculum a sua dispositione, videbit quolibet rem esse duas, cuius causa est ex diuersitate nerui producentis speciem sensibilem visibilem: nam cum transferat speciem centrum visus, sunt duo nerui colligati, & cancellati, per quos peruenit species usque ad sensum communem, in quo iudicatur, & ibi terminantur simul extremitates illorum duorum neruorum, sicut vnus, neruus licet veniant a duobus oculis, & si maneant illi nerui in situ suo species, licet sit duplex in toto medio, tamen in extremitate nerui fit vnum, ideo repraesentat vnā rem numero: si autem supponatur digitus vno oculo eleuatur vnus neruus ab alio, quantum ad extremitates suas, & tunc species, quae feruntur per illos neruos, nunquam concurrunt in identitatem, sed presentantur, sicut duae species, ideo repraesentant duas res numero. Ex hoc autem accidit, quod videmus interdum quod si quis supponat digitum vtrique oculo aequaliter, & ex eadem parte res non videbitur, nisi vna: eo quod per eleuationem vtriusque oculi eleuatur vterque neruus, & tantum vnus sicut alius, & manent simul sicut prius manebant. sed hoc raro possumus facere in oculis, eo quod vix potest quis aequaliter mouere duos oculos aequaliter eleuando illos digito, ideo apparebit differentia saltem in modico. Item patet, quod vna res videtur, quod multae res: nam potest vna res habere usque ad quatuor imagines in vno speculo, & praesentabitur sicut quatuor res. sic patet in speculis sphericis concavis, vel columnaribus, in quibus possunt apparere interdum tres, & interdum quatuor imagines, ut probatur in secunda parte perspectiuae Pisani propositione 47. & 48. De quinto patet, scilicet quod possit videri res in alio situ: nam quaedam specula de facientibus varias imagines demonstrant rem retro caput, & aliquando supra, ut patet in secundo libro allegato perspectiuae propositione 49. Etiam aliquando res, quae est conuersa ad nos, apparet euerfa, & aliquando res existens recta, videtur habere pedes supra, & e contrario, ut patet eodem libro propositione quinquagesimo, & sic de multis alijs varietatibus. De sexto patet, quod si non ens videatur, quia quoddam oleum est, quod si cremetur, tota domus apparebit plena propaginis, & racemis, & nihil erit: & multa alia apparere non interueniente aliqua daemonum operatione: si

ergo natura potest facere omnia ista, potest etiam facere rem, quae est, non videri, quia equale est rem, quae non est, videri, & rem, quae est praesens, non videri, sed natura facit rem, quae non est videri, ut dictum est: ergo poterit facere non videri rem, quae praesens est. Nec oportet quod aliquis hoc neget, quia experientia teste conuinceretur: & istud est per appositionem alicuius rei naturalis, quae oculos omnium videntium siue hominum, siue pecorum ludificat. Considerandum autem est, quod quando aliquis sic fit inuisibilis, non desinit res illa emittere speciem visibilem, per quam videatur: sed emittitur species visibilis usque ad visum omnium: sed defectus est ex parte videntium, quia non possunt pati, vel immutari ab illis speciebus: sic accidit existentibus in ecstasy, quia cum habeant oculos apertos nihil vident, & habentes aures apertas magnos clamores non audiunt: solum est ergo virtus illius rei naturalis in disponere sensum visus ad percipiendum speciem, quae ad ipsum peruenit: non tamen potest aliqua potestas naturalis tollere alicui rei, quod emittat species suas ad quamcunque partem, ut videatur quod ista virtus necessario inest colorato, vel lucido. Sciendum tamen quod isti, qui sic efficiuntur inuisibiles palpari possunt, quia soli oculi in nobis respectu eorum ludificati sunt: sensus autem tactus non est ludificatus, & ipsi habent quantitatem extensam, quae manibus attrectari potest, sicut prius. Item isti si moueantur audietur strepitus pedum eorum, & videbitur locus, per quem transeunt, sed de eis nihil videbitur, eo quod audiri sonitum pertinet ad auditum, qui non ludificatur tunc. Item si aliquis fiat inuisibilis existente sole non videbitur corpus eius, sed videbitur vmbra illius: nam licet fallantur oculi nostri, tamen non potest falli sol, quia necesse est, quod faciat vmbra omne corpus, quod non possunt penetrare radii rei luminosae, sed non possunt corpus aliquod humanum penetrare radii solis: ergo necesse est, quod faceret vmbra, sicut alias faceret. Item qui sic efficitur inuisibilis, si moueat se ad solem, videbitur vmbra eius discurre, & de eo nihil videbitur, sicut interdum videmus vmbra alicuius rei, & ipsam rem non videmus. Item isti si maneant in loco vmbroso non facient vmbra, per quam possint cognosci, occultabunt tamen res, quae post eos sunt, scilicet si paries, vel alia res sit post eos, non videbitur, & causa est, quia species visibiles illius rei emittuntur, & non possunt transire obiecto eis isto corpore denso, ideo tantum occultabuntur de rebus oppositis, quantum isti magnitudine corporis sui occupant. De angelo autem isto dicendum est, quod euauit, non quidem faciendo se inuisibilem aliquo de modis praecedentibus, sed quia angelus videbatur prius in corpore assumpto de aere condensato, & lineato: subito autem aerem illum condensatum dissoluit, & fecit quod maneret aliqua species visibilis, quia non manebat color propter rarefactionem, & dissolutionem corporis prioris aerei. Et dixit ad uxorem suam: *morte moriemur, quia vidimus dominum*. Timuit valde Manue, & dixit, quod moreretur, eo quod viderant dominum, id est angelum domini.

*Quare dixit Manue, quod moreretur, quia viderat Angelum.*

*Quest. XL.*

**Q**VAERETVR quare dixit Manue, quod moreretur, quia viderant angelum. Respondendum quod inter Hebraeos erat opinio communis, quod si quis videret Angelum, vel Deum, moreretur: sic patet ex positione Gedeonis. Nam ipse vidit Angelum, & dixit: Heu mihi, domine Deus, quia vidi angelum Dei faciem ad faciem: dixitque ei Dominus: pax tecum, ne timeas: non

Qui inuisibiles efficiunt palpari, & audire, & vmbra faciant.



non enim morieris: vt patet supra 6. cap. sic etiam Manue, & vxor eius videntes timuerunt, atque dixit Manue, q̄ morerentur. Fuerat autem orta ista positio, quia Deus dixerat Moyſi, Exod. 33. Non videbit me homo, & viuet, idest non poterit me aliquis homo videre, & q̄ postea viuat. Accipiebant tamen indistincte pro Deo, vel angelo, ideo vtroque modo putabant se morituros. Quod autem non distinguerent inter hoc apparet, quia Manue viderat angelum Dei, & sciuit illum esse angelum, & nō Deum: quod patet, quia supra dicitur statim, q̄ intellexit Manue angelum Dei esse, & tamen subdidit ad vxorem suam: moriemur quia vidimus dominum. *Cui respondit mulier: si dominus nollet nos occidere, de manibus nostris sacrificium, & libamen non suscepisset.* Idest si Deus esset iratus contra nos, ita q̄ vellet nos occidere, non accepisset de manibus nostris sacrificium, & libamen, idest non iussisset, q̄ offerremus ei sacrificium, & libamen. Et refertur ad angelum, quem Manue vocauit Deum, & ille dixerat ei, q̄ offerrent Deo sacrificium. Vel potest accipi Deus p̄ Deo vero, qui acceptauit sacrificium de manu istorū: nam ipse ostendit aliquod signum, per quod cognouerunt ipsi sacrificium suum esse acceptū: erant quippe aliqua signa inter eos hæc ostendentia, & fortē si cōcederetur, q̄ flamma erupit de lapide, esset signum manifestissimum, q̄ Deus acceptauisset sacrificium. Etiam hoc non stante cū ascendente flamma ascenderet angelus in illa, signum erat, q̄ Deus acceptabat sacrificium: alioquin non acceptauisset ascendere in flamma, sed potius refugisset, & abominaretur illam, quia victimæ impiorum sunt abominabiles, Prouerb. 15. c. vocatur hic sacrificium ipse hēdulus immolatus. Vocabatur libamen accessorium, q̄ cum illo offerebatur quædam pars farine delicatæ, quæ vocatur simila, & quædam pars vini, & olei, & salis, & thuris, vt declaratum est supra. *Nec ea, quæ sunt ventura, dixisset.* Scilicet denunciavit nobis de paruulo nascituro, & q̄ liberaturus esset Israel: & de his, quæ facturus erat, sed talia non reuelat Deus his, quos odit, ergo Deus volebat nos occidere.

*An vxor Manue bene arguit ad probandum, quod*

*Deus nollet eos occidere.*

*Quest. XLI.*

**Q**VAERETVR an vxor Manue bene arguit ad probandum, q̄ Deus nollet occidere eos. Dicendum, q̄ rationes vxoris Manue non sunt omnino concludentes, & tamen satis persuadent, & sunt duæ rationes. Prima ratio est, quia Deus acceptauit sacrificium eorum. Ista ratio potest habere vigorem dupliciter. Vno modo q̄ Deus iussit, & suavit eis facere sacrificium, & tamen si non fuisset Deo acceptum sacrificium non iussisset: sacrificia tamen non sunt accepta, nisi quando fiunt à viris bonis: nam vota impiorū sunt Deo abominabilia: Prouerb. 15. ergo non habebat Deus exosos Manue, & vxorem suam postquam viderunt angelum, & consequenter nolebat occidere illos. Secundo ista ratio fundatur ex acceptance: nā cū Deus acceptauisset, s. in aliquo signo, & tamen Deus non respicit ad sacrificia malorum, quia Gen. 4. dicitur, q̄ Deus respexit ad Abel, & munera eius, ad Cain autem, & ad munera eius non respexit: & hoc quia Cain erat malus, & Abel erat bonus: sed sacrificium istorum à Deo acceptum fuit: ergo erant ipsi à Deo boni reputati, sed mors est pena, & non infligitur violenter, nisi in poenam alicuius specialis peccati: ergo non volebat Deus eos pro hoc occidere. Secunda ratio vxoris Manue erat, quia Deus reuelauerat eis futura, s. de Samſone nascituro. Ista ratio potest dupli-

**A**lter accipi. Vno modo, q̄ cū Deus denunciaret eis futura, diligebat eos, q̄ istud erat speciale priuilegiū, & tamen Deus non occidit illos, quos diligit: ergo nollet occidere istos. Secundo modo potest sumi hinc ratio, s. Deus prædixit, q̄ puer de nobis nasciturus erat, qui liberaret Israel de Philistinis, & q̄ nos deberem⁹ nutrire eum in regula Nazaræorum: si tamen occideret nos nunc, esset impossibile, q̄ ista fierent: ergo impossibile est, q̄ occidamur nunc à Deo, quia vidimus angelum. Ista ratio est omnino concludens, & non est persuasio. Aliter etiam posset hoc probari præter fundamenta sumpta ex litera, s. quia non potest aliquis peccare in eo, quod non est vllatenus in potestate sua, sed videre angelum non fuit in potestate Manue, & vxoris suæ, quia non est in potestate nostra, quibus visis tangamur, vt ait August. ergo non peccauerunt, & consequenter Deus non occideret illos. Sed obijciatur contra rationem istam, quia non erat in potestate Bethsamaritarum videre arcam, vel non videre cū arca venit ad locum, in quo ipsi erant, & tamen mortui sunt, quia viderunt eam, vt patet 1. Reg. 6. ergo etiam si non esset in potestate istorum videre, vel non videre peccarent videndo angelum. Respondendum q̄ non stat, quia Bethsamitæ non peccauerunt, quia viderunt arcam solū, sed quia iuerunt ad eam, & discooperuerunt aliquid eius, & viderunt curiosè, & tamen dictū erat, q̄ quicumque de laicis, vel de Leuitis vellet videre aliqua curiositate arcam nudam, vel alia vasa, morerentur: Num. 4. si autem vidissent solū arcam operatam, vt ipsa veniebat de terra Philistinorum, non perisset aliquis eorum, imò etiam si venisset discooperata, & aperta, s. ablato propitiatorio de terra Philistinorum: & sic vidissent eam Bethsamitæ, quousq; operiretur, nullus eorum moreretur, quamquam viderent, sed peccauerunt solū, quia arcam operatam discooperuerunt, vt aliquid curiosè in ea cernerent, quod lege vetitum erat. Manue & vxor eius non videbant aliquid curiosè, ideo non peccabant. Item vbi est omnino ignorantia inuincibilis non est peccatum: sed in Manue, & vxore sua fuit ignorantia inuincibilis, respectu angeli, quia dato q̄ vellent declinare oculos in terram, vt non viderent eum, non poterant, quia nesciebant an esset angelus: ideo non peccabant videntes eum. Patet hoc, quia semper putauerunt, quod esset vir Propheta quousque viderunt eum ascendentem in flamma, vt patet supra in litera. Item non erat rationabilis positio Manue, quia Gedeon viderat angelum Dei, sed non mortuus fuerat, supra 6. ca. ergo nec sequebatur, quod ex hoc solo moreretur ipse, & vxor eius. Item fundamentum positionis huius erat inconueniens, quia solū dixerat lex de Deo: non videbit me homo, & viuet. De angelo autem nihil expressum fuerat: ergo non debebat aliquis mori, quia videret angelum. Conuenienter ergo dixit vxor Manue, quod non morerentur: & sic fuit ipsa animosior quā vir suus non timens. Etiam fuit prudentior, quia sciuit inducere rationes pro hoc, & vir non. *Peperit itaque.* Hic ponitur secundum principale, huius scilicet ducis Natiuitas, & conditio. Et dicitur. *Peperit itaque filium, & vocauit nomen eius Samson.* Scilicet mater vocauit puer nomine Samson: nam licet ex litera nostra nō appareat, an vocauerit nomen pueri ipsa mater, vel pater: tamen ex litera Hebraica apparet, in qua verbum pertinet ad fœmininum genus. *Crenitque puer.* Scilicet ætate, & corpore. *Et benedixit ei dominus.* Benedicere est multiplicare, s. Deus multiplicauit perfectiones corporis Samsonis: nam dedit ei tantum robur, quantum nulli vnquam homini dedit. *Cepitque spiritus domini esse cum eo.* Idest spiritus fortitudinis, & roboris, & non spiritus gratiæ gratificantis.

Nemo peccat in eo, quod non est in sua potestate.

Bethsamitæ quō peccauerunt videndo arcam.

Samsonis ducis natiuitas, & conditio.

Benedicere quid sit.



cantis, quæ vocatur spiritus bonus Dei, de quo Ps. 30. Scilicet, Spiritum rectum innoua in visceribus meis. sed hic non potest accipi pro gratia. Nam tunc gratia Dei esset cum eo ex die, quo circumciscus est, quia per circumcisionem conferebatur gratia, & auferebatur macula, & reatus peccati originalis, sicut per baptismum: sed intelligitur de spiritu roboris, quia Deus dedit spiritum roboris ipsi Samsoni: sic enim accipitur sæpe spiritus Dei in scriptura, vt patet supra 1. & 1. Re. 11. & 16. & in alijs locis. Nam quando fuit adolescentulus, dedit istam fortitudinem Deus Samsoni, & incepit facere admiranda opera. *In castris Dan.* Possunt accipi castra pro multitudine, s. quod in tota multitudine tribus Dan non fuit aliquis, in quo apparet maior robur, quam in Samstone. Vel accipiuntur castra Dan pro quibusdam tentorijs sicut in exercitu, s. quod tribus Dan nondum habebat loca ciuitatum, & villarum, in quibus habitaret, & morabatur in agris in tabernaculis, vel tentorijs, & congregatio illorum tentoriorum vocabatur castrum, vel castra Dan. Hoc patet infra 19. s. in diebus illis non erat rex in Israel, & tribus Dan querebant sibi possessionem, vt habitarent in ea. Et cum nondum habebant istam possessionem plenam, habitabant in tentorijs, vel castris: & in illis erat pater Samsonis & ipse, & ibi faciebat opera roboris: & vt q. Samson dum ibi fuit fecit aliquod opus magnū in bello contra hostes, vel alias, ex quo patebat in eo esse spiritum domini, & istud opus non narrauit scriptura distincte, sed tetigit in vniuersali. *Inter Saraa, & Esthaol.* Iste erant duæ vrbes in sorte Dan, vt pater Iosue 19. & dicitur habitasse inter Saraa, & Esthaol, quia non habebat aliquam urbem, in qua maneret, cum nondum ista tribus haberet plenam possessionem, sed habitabat in agris in tabernaculis inter istas duas vrbes: alia duo loca sunt, sic vocata in sorte Iudæ, & ponuntur simul sicut ista Iosue 15. In Hebræo dicitur. *Cepit spiritus domini facere ei recordationem.* Vbi litera nostra dicit: cepit spiritus domini esse cum eo, & idem est: nam accipitur facere recordationem in Hebræo, sicut nos vulgari sermone dicimus, quod quando aliquis excitat alium a Sonno dicitur eum facere recordari, quasi dicat, Sāson prius nihil faciebat, sicut dormiens, qui nihil agit: & licet sit sapiens, vel robustus, nihil horum apparet. cum autem euigilauerit, possunt apparere opera eius, ita de Samstone à principio non apparebat an fortis esset, quia nihil agebat. Cum autem Deus excitauit cor eius ad aliquid agendum, dicitur fecisse ei recordationem, id est excitasse eum, vt appareret robur eius.

## CAPITVLVM XIII.



Aeneas in  
Italia nauigat.

**D**ESCENDIT ergo Samson in Thamnata. Videnſque ibi mulierem de filiabus Philisthijm, ascendit, & nunciauit patri suo, & matri suæ, dicens: Vidi mulierem in Thamnata de filiabus Philisthinorum, quam quaſo, vt mihi accipiat vxorem. Cui dixerunt pater, & mater sua: Nunquid non est mulier in filiabus fratrum tuorum, & in omni populo meo, quia

vis accipere vxorem de Philisthijm, qui incircuncisi sunt? Dixitque Samson ad patrem suum: Hanc mihi accipe, quia placuit oculis meis. Parentes autem eius nesciebant, quod res à Domino fieret, & quæreret occasionem contra Philisthijm. Eo enim tempore Philisthijm dominabantur Israeli.

*Descendit.* Descripta est in præcedentibus ducis liberantis conditio, hic ponitur consequenter inuasionis occasio, s. vnde habuerit Samson occasionem ad pugnandum cōtra Philisthinos. Et diuiditur in quatuor: primò ponitur vxoris pētitio, secundò eius dispensatio ibi. *Descendit itaque.* Tertiò desponsata acceptio ibi. *Et post aliquot dies.* Quartò inuasionis occasio ibi. *Cum igitur cūes.*

*An hic sit ordinis mutatio, & an immediatè hoc fuerint facta. Quæst. I.*

**Q**VAERETVR circa primum an ea, quæ habentur hic habeant ordinem continuatum ad præcedentia, & an fuerint facta hæc immediatè post illa, vel fuerit aliquantum tempus inmedium. Ad primum dicendum, quod est continuatio ordinis, quia supra actum est de natiuitate Samsonis, hic autem agitur de quibusdam actibus eius, ideo necessariò fuerunt ista post illa. Ad secundum dicendum, quod fuerunt facta immediatè: nam supra dicitur quomodo coepit spiritus domini esse in Samstone in castris Dan: & istud fuit in ætate iuuenili, & in eadem acciderunt quæ habentur hic, s. quod desponsauit sibi Samson mulierem Philisthinam, & pugnavit contra Philisthinos, ideo continuata est historia, ita q. nihil de actibus Samsonis interciderit in medio. *Descendit itaque Samson in Thamnata.* Est Thamnata ciuitas Philisthinorum, & ibi vidit mulierem Samson, quam concupiuit.

*Quomodo Samson potuit descendere in Thamnata. Quæst. II.*

**Q**VAERETVR quomodo Samson potuit descendere in Thamnata, quæ erat ciuitas Philisthinorum, & Philisthini erant hostes Israelitarum. Aliquis dicet, quod descendit illuc quemadmodum vnus homo solet interdum intrare in terram hostium suorum clam ad nocendum. Sed dicendum, quod non stat, quia Samson intrauit in urbem, & vidit mulierem, & concupivit eam, & sic ambulauit pacificè per urbem, cum posset aspicere virgines, & delectari. Etiam quia volebat illam habere vxorem, & tamen si essent omnino hostes Israelitæ & Philisthini, prohibitus esset omnis contractus inter eos: & non possent vicissim matrimonia copulari. Item pater, & mater Samsonis descenderunt in Thamnata, & locuti sunt puellæ ad accipiendam eam in vxorem Samsoni: ergo non intrabant, vt hostes in terram hostium. Respondendum quod inter Philisthinos & Israelitas erat nunc pax: nā Israelitæ subiecti erant Philisthinis, & soluebant eis aliqua tributa, & ob hoc Philistini nullum bellum inferebant Israelitis, sed erat pax, & vtrinq. omnes contractus fieri poterant tanquam esset vnus populus: sic enim dicitur infra in litera, & sequenti ca. quod Philisthini dominabantur tunc Israelitis, nec erat pugna Israelitarum ad Philisthinos quamquam pugnaret Samson contra illos: ideo potuit Samson descendere

secu-



secure in terram Philistinorum, & accipere inde vxorem; nam nec ipse solum inde accepit: sed etiam alij Israelitæ credendi sunt accepisse vxores de Philisthinis, & dedisse illis de filiabus suis. *Vidensque ibi mulierem de filiabus Philistinum.* Scilicet quæ placuit valde in oculis eius, & desiderauit eam ad accipiendam in vxorem. *Ascendit & nunciauit patri suo, & matri dicens.* Quia volebat eam accipere in vxorem, & non poterat si pater, & mater non darent ei illam, vel non consentiret: quia aliàs nihil haberet in bonis illorum, annunciauit eis, vt acciperent ei illam in vxorem. *Vidi mulierem in Thamnata de filiabus Philistinorum.* Scilicet puchram nimis, & quam accipere desiderauit in vxorem: *Quam queso, vt mihi accipiat vxorem.* Id est rogo, vt detis illam mihi in vxorem. Ex hoc patet, quod aliqua consuetudo erat inter Israelitas, quod acciperent vxores de Philisthinis, & è contrario: alioquin non ausus fuisset Samson contra solitum aliquid petere. Etiam pater, & mater eius nunquam accepissent ei vxorem de Philisthinis, si non fuisset assuetum inter Israelitas.

*An peccauit Samson accipiendo vxorem de Philisthinis.*

*Quest. III.*

**Q**VAERETVR an peccauit Samson accipiendo vxorem de Philisthinis. Aliquis dicit, qd sic, quia contractus matrimoniales erant prohibiti inter Hebræos, & Chananæos, & tamen Philisthini erant de Chananæis: sic patet Exod. 34. c. & Deut. 7. vbi dicitur, qd auerterent mulieres alienigenæ cor Israelitarum a Deo suo. Etiam supra 2. nimis increpuit Deus Israelitas, quia copulabant matrimonia, & exercebant alios contractus cum Chananæis. Respondet Rabbi David Kimhi, qd non peccauit. Primo quia quandoque acciperet aliquam vxorem de Philisthinis, conuertebat eam ad Iudaismum, & sic non poterat cor eius peruertere ab illa ad colendum idola, quæ est ratio prohibitionis Exod. 34. c. Item dicit, qd non legitur peccauisse accipiendo mulierem Philistinam: nam scriptura non redarguit eum, si tamen peccasset redargueret illum. Item dicit, qd Samson erat iudex, & non erat verisimile, qd faceret istud si esset contra legem Dei, ideo credendum, qd ipse faceret tali modo, qd non esset contra legem Dei. Item dicit, qd Deus dabat robur contra Philisthinos etiam postquam accepit mulierem Philistinam: si tamen peccaret, non dedisset illi Deus post hoc robur. Item dicit, qd Deus quarebat occasiones contra Philisthinos, ergo ipse incitabat Samsonem ad accipiendum vxorem de Philisthinis, & sic non peccaret. Nicolaus etiam dicit, qd non peccauit, quia a Deo motus est ad faciendum istud: nam infra dicitur: parentes autem eius nesciebant, qd res a domino fieret, & sic solum excluditur cognitio ista a parentibus, sed non a Samson, & sic innuitur, qd ipse cognoscebat, qd Deus volebat, qd acciperet vxorem de filiabus Philistinum, & agens quod sibi reuelatum esset, non peccaret. Dicendum, qd adhuc istæ rationes non multum probant, licet hoc non obstante verum videatur, qd Samson non peccauerit. Prima non stat, quia præsupponit, qd conuerteret Philistinam quam acciperet ad ritum Iudaicum. Sed non stat, quia tunc Samson duceret vxorem, quam acciperet in terrâ Israel, quia manens inter Philisthinos coleret idola, imò Samson si semel accederet ad vxorem suam recedebat ab ea magno tempore relinquendo illam in terra Philistinorum infantum, qd illa daretur alteri viro Philisthino, si tamen conuersa esset ad Iudaismum non acciperet in virum aliquem Philistinum post Samsonem, maxime illo non repudiante illam, & tamen fecit sic seq. c. Secundo peccat ista ratio, quia dato qd co-

**A**uerfa esset ad Iudaismum ista mulier accepta in vxorẽ a Samson, non licebat ei accipere illam: quia lex permiserat in mulieribus, quæ erant de alijs Gentilibus, quæ non erant Chananææ, & maxime quando capiebantur mulieres in bello, vt patet Deut. 21. & tamen de mulieribus terræ Chananæorum non mittebatur, sed iubebatur qd nullum omnino de gente illa permitterent Israelitæ viuere aliqua occasione. Item quia Deus valde increpat supra secundo Israelitas, quia contraxerunt fœdera cum Chananæis, si accipiendo vxores de filiabus eorum: si tamen liceret eis accipere de illis vxores, dum tamen conuerterent eas ad Iudaismum: non deberent redargui, quia acceperunt vxores de Philisthinis, vel Chananæis, sed quia non conuertebant eas ad Iudaismum. Item in alijs gentibus erat permittum, qd Israelitæ acciperent vxores de filiabus illarum, dum tamen conuerterent eas ad Iudaismum. ergo si sic liceret in Chananæis, non esset differentia de Chananæis ad alias gentes: sed falsum est, quia de Chananæis dixit Deus Deut. 20. qd nullum de illis omnino permitterent viuere, sed occiderent omnes gladio: ergo non licebat accipere vxorem de illis conuertendo eam ad Iudaismum. Secunda ratio non stat, si qd non legitur peccauisse, quia scriptura non refert peccata omnium illorum, de quibus aliquid refert: maxime quia cum aliquod factum est damnatum, & scriptura refert illud de aliquo, non oportet qd dicatur, qd peccauit in illo: quia notum est, qd peccat cum factum sit damnatum, & de talibus semper debet iudicari, qd peccauerit, nisi probetur dispensatio: quia intentio est fundata de iure communi, si qd mittunt factum damnatum: ideo non est necessarium, qd quicquam probetur. Tertia ratio etiam non stat, quia dato qd Samson esset iudex poterat peccare, & peccauit: nam propter aliqua peccata permittitur ei cadere in manibus Philistinorum, vt suffoderentur oculi eius. Etiam alij iudices interdum peccabant, sicut fuit de Iephte, qui vouit sacrificium, & obtulit filiam suam in holocaustum, supra 11. cap. Quarta ratio non tenet, si Deus dabat ei robur contra Philisthinos, quia non peccauit, quia ista est gratia gratis data, & est aliquid corporale: si ergo gratia gratis data, quæ est donum Prophetiæ, & est aliquid spirituale datur viris valde scelestis, sicut erat Balaam, & Caiphas: a fortiori robur, quod est perfectio corporalis dabitur viro peccatori, & non tolletur propter peccatum adueniens. Quinta ratio erat, quia Deus quarebat occasionem contra Philisthinos. Dicendum, qd adhuc ista ratio non stat, quia quamquam Deus vellet punire Philisthinos per Samsonem accipiente Samsonem vxorem de Philisthinis, non sequitur qd erat licitum Samsoni talen vxorem accipere, quia sic etiam Deus puniebat Iudæos per Assyrios, & Babylonios: & tamen non sequitur qd ea, quæ faciebant isti ad puniendum Iudæos erant simpliciter iusta. Ad rationem Nicolai dicendum, qd non constat, an voluntas Dei esset, qd iste acciperet mulierem de Philisthinis: sed erat ista voluntas permissionis, vel operationis, quia mala culpe Deus permittit, vt interdum eliciat mala penæ, quæ directe intendit, & quia ad penam est voluntas eius directe, & pena procuratur mediante culpa, dicitur velle culpam permissiue. Dicendum ergo ad istud dubium, qd est problema neutrum. Potest tamen teneri, qd peccauerit Samson accipiendo vxorem de Philisthinis, quia erat contra legem, & qd merito huius permissus fuerit cadere in manus Philistinorum, & eruti fuerint oculi eius: & sicut in muliere peccauerat, ita per mulierem ad mortem traderetur, si quia Dalila tradidit eum in manus Philistinorum, & ipsa interfecit eum, quia torondit capillos illius, quibus stantibus erat robur, infra 16. c. In contrarium etiam teneri potest, qd non peccauerit

Impro. secundæ rationis.

Impro. tertiæ rationis.

Imp. quartæ rationis.

Impro. quintæ rationis.

Impro. rationis Nicolai.

Docto. rati ad quæsum

Rabbi David Kimhi

Nic. ratio.



uerit accipiendo vxorem de Philisthinis, & videtur q̄ Deus reuelauerit ei, siue per angelū, siue mouēdo cor eius ad hoc, q̄ acciperet istam vxorem, ita q̄ ipse plane intelligeret, q̄ à Deo mouebatur ad faciēdū istud. Et istud colligitur ex litera, s. parentes autem nesciebant, q̄ res à domino fieret, s. q̄ à Deo fiebat, q̄ Samson acciperet vxorem de Philisthinis. Et tunc aut fiebat ab eo, ita q̄ ipse iubebat Samsoni, quod faceret, vel mouebat eum, aut Deus tentauit eum, vt faceret, & fecit. Si primò modo, bonum egit, quia Deus non iubet nisi bonum, nec inclinat hominem nisi ad bonū, quia Deus operator bonorum est, & non volens iniquitatem. Secundò non stat, s. quia Deus non tentat hominem ad malum: sic patet Iacobi c. i. s. Nemo, cū tentatur, dicat q̄ à Deo tentatur: Deus enim tentator malorum non est: ipse enim neminem tentat. Ideo licuit ei agere, quia Deus volebat, & suadebat ei facere. *Cui dixerunt pater, & mater sua.* Mirabantur, q̄ ille vxorē vellet de Philisthinis. *Nunquid non est mulier in filiabus fratrum tuorum?* Quasi dicat, ita tu petis vxorem de Philisthinis, quasi si in toto Israel nulla mulier esset, quam posses accipere in vxorem, & tamen multæ sūt. Accipiuntur hic fratres Samsonis pro cognatis suis de familia, de qua ille erat, vel de ipsa tribu Dan: nam omnes de vna tribu vocantur fratres. Non possunt autem accipi fratres propriè, quia non liceret accipere Samsoni aliquam filiam sui fratris, quia iste gradus erat prohibitus Leuit. 18. & 20. c. vt quidam putant. Etiam nō habebat Samson fratres aliquos, quia mater sua erat sterilis, & nunquam pater suus, & mater habuerant aliquos filios ante eum, & sic non poterat habere fratres aliquos habentes filias, de quibus aliquam acciperet in vxorem. *Aut in omni populo tuo.* Id est in toto populo Israel, quasi dicat, illi qui accipiebant vxores de Israelitis, habebant istam consuetudinem, q̄ acciperēt vxores de familia sua, vel saltem de tribu sua, & si non reperirent in familia, vel tribu, poterant accipere de Israel de quacunque tribu, eo q̄ sic iussum erat Num. 36. s. Omnes viri ducent vxores de tribu, & cognatione sua, & omnes feminae maritos de eadem tribu accipient, vt hæreditas permaneat in familijs. Et tamen adhuc erant mulieres aliqua in terra Israel, ideo non licebat Samsoni accipere de filiabus Philisthim vxorem. *Quia vis accipere vxorem de Philisthim, qui incircuncisi sunt.* Quasi dicat, turpe est accipere vxorē de Philisthinis, propter hoc q̄ sunt incircuncisi; ideo nunquam debet accipi nisi in defectum, & tamen in populo tuo sunt mulieres, ideo non debes accipere vxorem de Philisthin. Sciendum q̄ istud nomen incircuncisus proferebatur inter Hebræos ad opprobrium magnum: quia cū omnes Hebræi essent circuncisi, reputabant gentes incircuncisas valde viles, & opponebāt eis tanquam opprobrium. Sic dixit Dauid 1. Reg. 17. *Quis est iste Philistheus incircuncisus, qui exprobrauit aciem Dei viuentis?* Et iterum: Erit iste incircuncisus sicut vnus de illis. Et sic canem, & incircuncisum æquiparauit in opprobrio. Sic etiam Ionathas filius Saulis dixit armigero suo: Ascendamus ad stationem incircuncisorum horum, & ob hoc innuebat pater Samsonis, q̄ erant omnes Philisthinorum filie de vili genere, quia erant filie incircuncisorum: ideo nō erat accipiēda vxor de eis, nisi in magnum defectum. Non tamen erat ista causa potissima, quare non deberet accipere Samson vxorem de mulieribus Philisthinis, quia accipere mulierem degenerē penale est, & non culpabile: culpa tamen magis fugienda est quam pena, sed debebat fugere talem vxorem, quia à Deo prohibita erat, Exo. 34. & Deut. 7. c. Pater tamen Samsonis fortè dixit istud, quia putauit istam esse efficaciorē suasionem pro Samsonē: quia cū esset iuuenis,

& arderet in feminam, non multum curaret de lege: sed potius si indicaretur ei, q̄ erat magnum dedecus talem accipere vxorem.

*An liceret Samson accipere vxorem de Philisthinis.*  
Quæst. IIII.

**Q**VAERETVR dato, q̄ non haberet Samson aliquam mulierem in toto Israel, cum qua contrahere posset, an liceret ei accipere vxorem de Philisthinis. Respondendum, q̄ secundum quosdam liceret, eo q̄ Israelitæ habebant pro infelicitate non gignere prolem, ideo non inuenta vxore apud suos oportebat, q̄ apud alienos illam inquiri liceret. Dicendum, q̄ hoc dato casu, qui ferè erat impossibilis, non liceret Samsoni accipere vxorem de Philisthinis: nam tunc debebat accipere vxorem de alijs gentibus, quæ non erant Chananæ, & conuerteret illam ad Iudaismum, & tunc acciperet: si tamen de alijs gentibus nō reperiret aliquam vxorem, quæ vellet vilo modo sequi ritum viri: non debebat suscipere vxorem, ne ipse peruerteretur ad idola per mulierem, & ne filios idolatras gigneret: nam mater conuerteret eos ad ritum suum. De Chananæis in nullo licebat casu suscipere, siue illa vellet conuertere ad Iudaismum, siue non: quia omnino erat prohibita communicatio cum eis, & tamen Philisthini erant de Chananæis, ideo non licebat cum eis sic habere contractum: nam melius est alicui mori sine filiis, quam filios illicitè procreare. Sed obicitur, quia ex verbis patris Samsonis colligitur, quod si non esset mulier in toto Israel, quod liceret ei accipere vxorem de Philisthinis. Dicendum, quod non dicebat hoc pater Samsonis ad innuendum, quod in defectum Israelitarum mulierum liceret accipere de Philisthinis, sed ad fortiter increpandum, scilicet quod si in aliquo casu liceret, illud non esset, nisi saltem cū deficerent mulieres in Israel, & tamen nunc non deficiebant. Ad rationem in contrarium dicendum, quod licet Israelitæ pro magno bono reputarent prolem gignere, & tamen propter hoc nō debebant illicitè filios gignere: sed gignere illos de mulieribus Philisthinis erat illicitus modus: ergo etiam si deficerent mulieres Israelitarum, non liceret accipere Philisthinas: sicut nunc, licet quis non posset habere vxorem aliquam Christianam, non liceret ei accipere vxorem de Hebræis, vel Saracenis. Etiam si aliquis Hebræus esset, qui nullam omnino posset habere vxorem, non liceret ei desiderio generandi coire cum vxore proximi sui Hebræi: nulla ergo necessitas poterat esse ad gignendum, quæ tolleretur legem de prohibitionē vxorum alienigenarum. Sed his non obstantibus dicendum quod licebat, vt patet infra 2. in quadam questione. *Dixitque Samson ad patrem suum: Hanc mihi accipe.* Licet pater rationabiliter increparet Samsonem, non assensit. Cuius ratio erat duplex: prima quia Deus incitabat eum ad hoc, & non erat faciendum contra incitationem suam. Secunda quia pulchritudo virginis concusserat animum Samsonis, & effruescebat iuuenilis sanguis præ amore eius. *Quia placuit oculis meis.* Id est diligo eam valde, quia visa est mihi pulchra. Ista ratio Samsonis videbatur conueniens, scilicet: istam diligo, & cum ea delectabiliter, & quiete viuam: si autem das mihi aliam, quam nō diligam, erit mihi amara vita cum ea, & litigiosa, & necesse erit repudiare eam.



*An pater, & mater Samsonis peccauerint accipiendo  
ei in uxorem aliquam Philistinam.*  
Quaest. V.

**Q**VAERETVR an pater, & mater Samsonis peccauerint accipiendo ei in uxorem aliquam Philistinam. Aliquis dicet, quod non, quia Samson non peccauit desiderando uxorem illam, & accipiendo: ergo pater, & mater non peccauerunt dando eam illi. Sed dicendum, quod ista ratio non valet, quia poterat ipse habere causam rationabilem petendi, & accipiendo, & illi non haberent causam dandi: sicut fit saepe in alijs contractibus, quod aliquis dando non peccat, & alius accipiendo peccat, sicut in redimere ius suum. Etiam interdum datus peccat, & recipiens non: sicut qui dant ordinatoribus aliqua munera parua secundum statum eorum, ut moueant corda eorum ad conferendum ordinem, vel beneficium: & tamen ipsi collatores non mouentur ex munere, nec recipiunt illud mente simoniacam, ut extra de simo. c. & si quaestiones. Ita ergo hic potuit ex altera parte tantum esse peccatum, & apparet quod peccauerunt parentes, quia Samson solum excusatur ex reuelatione Dei, quae ei licitum fecit hoc de parentibus tamen Samsonis dicitur, quod parentes ei nesciebant, quod res a domino fieret, & quareret occasiones contra Philistinos: ergo ipsi non habebant excusationem aliquam. Dicendum quod aequaliter potest tene-ri, quod peccauerint, vel non peccauerint. Nam si dicam, quod nescierunt parentes Samsonis inquam, motum Samsonis, nec dederunt ei uxorem de Philistinis, nisi quia ipse dixit, quod diligebat eam valde peccabant: quia desiderio complacendi filio transgredebantur legem Dei. Et istud patet, quia mox ut Samson dixit: hanc mihi accipe, quia placuit oculis meis: non repugnauerunt ei parentes, sed descendentes in Thamnata acceperunt ei uxorem. Et dicitur, quod non cognoscebant, quod res a Deo fieret, id est nescierunt illi, quod Deus mouebat Samsonem ad hoc, cum nescirent istud: sed quia Samson dixit, quod placuerat mulier oculis eius. Si autem velimus excusare parentes Samsonis, dicemus quod Samson eis reuelauerat, quod Deus incitauit eum ad hoc querendo occasionem contra Philistinos, & tunc parentes conseruerunt, & erit istud rationabiliter dictum, si quia a principio parentes Samsonis resisterunt ei. Vnde videtur, quod postea non consensissent ei, nisi expressisset causam rationabilem, & ista esset si diceret reuelationem Dei fuisse. Si autem obijciatur, quod dicitur, quod parentes nesciebant, quod res a Deo fieret. Debet exponi, quod nesciebant istud a principio, quando repugnauerunt Samsoni volenti accipere uxorem, & ob hoc solum, quia nesciebant quod res a domino fieret: postea autem eo reuelante cognouerunt, quod Deus illum incitabat ad hoc, & tunc non resisterunt ei, sed adiungerunt potius descendentes cum illo in Thamnata, & disponendo sibi mulierem Philistinam.

*An pater, & mater Samsonis tenebantur credere,  
quod illis dicebat Samson.*  
Quaest. VI.

**Q**VAERETVR vterius, si Samson diceret patri suo, & matri quod Deus reuelauerat ei, quod acciperet uxorem de Philistinis, si tenebantur ei dicenti credere. Respondet Nicolaus, quod tenebantur, quia fuerat Samson supernaturaliter promissus, per angelum annuncius, & mirabiliter natus. Sed dicendum, quod si ex his sequeretur, quod Samson non poterat mentiri, & peccare, tenebantur ei credere parentes, & tamen peccare poterat, & peccauit,

**A** ideo non tenebantur ex hoc credere. Item quia in rebus, in quibus alicui vertitur in magnum praedictum si credit, & credendo operatur: non tenetur faciliter credere. Sed sic erat hic de parentibus Samsonis: nam credendo ei, si non esset verum agebant ipsi contra legem Dei, & peccabant mortaliter, ideo non debebant faciliter credere. Respondendum, quod si Deus reuelauerat Samsoni istud: haberet ipse forte aliqua signa, per quae posset patri suo, & matri probare istud esse verum, & tenerentur credere plene probationi: si autem non haberet alia signa, poterat reddi hoc verisimile ex eo, quod praedixit angelus parentibus Samsonis, scilicet quod ipse inciperet liberare Israelitas de manu Philistinorum, ut praecedenti cap. & istud erat per bella: nunc autem occasione huius matrimonij poterant oriri bella mutua inter Samsonem, & Philistinos: ideo apparet conformare dictum Samsonis dicto angeli, & tunc deberent credere ei. *Parentes autem eius nesciebant, quod res a domino fieret.* Id est nesciebant, quod Deus incitaret Samsonem ad accipiendo uxorem de Philistinis: quia per hoc haberetur occasio pugnandi, & aliter non. Et forte Deus fecit, quod mulier illa Philistina placeret oculis Samsonis: nam cor nostrum est in manu Dei, & quocumque voverit verteret illud, scilicet ad aliquid amandum, vel exosum habendum, ut declaratum fuit, supra 3. & 9. c. *Et quareret occasiones contra Philistinos.* Id est Deus querebat occasionem ad pugnandum contra Philistinos, & tradendum eos in manus Samsonis. *Occasio autem haberi poterat per mulierem, quam Samson accepit, scilicet quod ipsa traderetur postea alteri viro, & ipse stimulatus iniuria, pugnaret contra Philistinos, & sic factum est sequenti cap.*

*Deus quare puniendi Philistinos occasiones quarebat.*

Quaest. VII.

**Q**VAERETVR, quare Deus quarebat occasiones puniendi Philistinos: nam Philistini, si merebantur malum, ipse poterat punire eos non querendo aliquam occasionem: si autem non merebantur, occasio erat iniusta. Respondendum, quod Philistini merebantur puniri a Deo, & volebat ipse infligere poenas, nec egebat ipse occasione ad hoc, quod poena ab eo inflicta esset iusta, aut non conquererentur de eo: quia poterat eis immittere pestem, vel famem, aut aliud genus poenae: volebat tamen poenam immittere eis per Samsonem. Et licet Deus posset poenam iuste infligere, tamen non videbatur, quod iuste posset Samson exequi illam contra Philistinos, ideo voluit Deus inquirere occasionem pro Philistinibus, scilicet ne possent conqueri de Samsonem, quamquam iuniret eos, & istud fuit dando ei uxorem de terra Philistinorum, quia Philistini grauarent eum tollendo uxorem suam, & ipse moueretur contra eos ad vindictam, & occideret de eis multos terramque eorum vastaret.

**E**

*Ad quid opus erat, quod quareret Deus occasiones pro Samsonem*

*ad pugnandum contra Philistinos.*

Quaest. VIII.

**Q**VAERETVR vterius, ad quid opus erat, quod quareret Deus occasiones pro Samsonem ad pugnandum contra Philistinos: nam ipse poterat non exquisita aliqua occasione pugnare, eo quod terra Philistinorum erat in terra Chanaan, & tamen Israelitae poterant, imò obligabantur pugnare contra omnes Chananeos quousque excluderent eos de terra: Num. 33. & Deut. 20. Ideo ex hoc solo, quod Philistini, qui erant de Chananeis, occupabant terram debet

Doct. de-  
ter.



Nic. rñso  
ad quæsiu

debitam Israelitis, poterat iustissimè pugnare contra eos Samson. Respondet Nicolaus, quod Deus tradiderat Israelitas meritis suis in manus Philistinorū, & postea fecerant cum eis aliqua pacta firmata iuramenti, contra quæ non poterant venire: ideo oportuit quærere occasiones, ita ut Israelitæ possent pugnare contra Philistinos non frangendo promissa: istud autem non poterant ex iure quod habebant contra illos in quantum erant Chananæi, quia fortè super hoc factum extiterat aliquod fœdus, & ista fœdera interdum fiebāt pro causā iusta, & poterant seruari ad tempus, & peccabant Iudæi, si postquam fecissent illa, non seruassent. Sic patet de rege Sedechia. 2. Paralip. vi. timo. ubi increpatur, quod non custodierit pactum factum cū Nabuchodonosor: nec erubuit faciem Ieremiæ loquentis ad se, à rege quoque Nabuchodonosor recessit, qui adiurauerat eum per Deum: ita ergo ponitur inter peccata sua, quod non seruauerit iuramentum, & sic Philistinis seruanda essent iuramenta, quæ cum illis posita essent. Dicendum autem, quod licet non posuissent Israelitæ aliqua fœdera cum Philistinis, necesse erat quærere occasiones ad hoc, quod Samson pugnaret contra Philistinos. Pro quo sciendum, quod Israelitæ nunc erant subiecti Philistinis, ut patet in littera, & non poterant resistere illis, & si Samson, vel aliquis de Israelitis pugnaret contra Philistinos, ipsi retorquerēt totum malum in totum populum Israel, & ut non haberet colorem retorquendi malum super populum, oportebat quod Samson haberet aliquam causam specialem ex parte sua solum, pro qua deberet pugnare contra Philistinos, & illa non rangeret Israelitas: alioquin Philistini pugnarent contra Israelitas tanquam suasionem eorum Samson inferret damna Philistinis, & sic fuit occasio de ablatione mulieris sue à Philistinis. Et adhuc sic aliquantulum conabantur Philistini retorquere malum super Israelitas, & nisi viri Iuda inuissent ad ligandum Samsonem, & tradendum manibus Philistinorum, non credidissent, quod Samson ex seipso ageret, sed consilio populi: de quo seq. capit. ideo non agebat aliquid ad hoc, quod Israelitæ haberent aliqua pacta cum Philistinis, vel nihil haberent, quia nisi ponerentur occasiones. retorquerent Philistini malum super totum Israel, & pugnarent contra illos. Etiam responsio Nicolai esset conueniens ad excusandum Israelitas, si ipsi deberent pugnare contra Philistinos, & tamen non erant ipsi pugnatū, sed solus Samson: ideo non conuenit illa responsio. Item illa excusatio Nicolai erat ad excusandum Israelitas in conspectu Dei, scilicet quod non obstante fœdere posito cum Philistinis possent pugnare contra eos, sed non erant ad excusandum in conspectu Philistinorum: quia Philistini non curabant de præcepto, quod Deus dederat Israelitis, ut excluderent omnes Chananæos de terra: sed si ex hac parte vellent pugnare illico resisterent eis durissimè. Deus tamen volebat dare causam apparentem Samsoni in conspectu Philistinorum, ideo dato quod non statet fœdus aliquod, debebat quærere aliqua occasio. Et patet, quod ista intentio sit litteræ, quia dicitur immediate in littera: eo tempore Philistini dominabantur Israel. quasi dicat: propter hoc quod dominabantur oportebat quærere aliquam occasionem nimis manifestam contra eos: ne habito aliquo leui colore retorquerent omne malum contra Israelitas, & premerent eos nimis potentia sua.

Doc. rñso  
ad quæsiu

Quare Israelitæ habentes Samsonem ducem non conueniebant cum eo ad pugnandum contra Philistinos, ut eorum seruitutem exuerent.

Quæst. IX.

**Q**VAERETVR, quare Israelitæ habentes talem ducem, scilicet Samsonem non conueniebant cum eo ad pugnandum contra Philistinos, ut exuerent seruitutem eorum: nam alij iudices non erant ita fortes, sicut Samson, & tamen populus conueniens cum illis pugnabat contra hostes, & vincebat, manebatque postea liber, & in pace. Respondendum, Nicolaus rñso ad quæsiu. Philistini habebant pacta cum Israelitis, propter quæ non licebat Israelitis pugnare contra eos: ideo licet haberent conuenientem ducem, & scirent quod vincebant Philistinos, non pugnarent, ne iuramentum violarent. Aliter tamen, & melius dicendum est, quod Israelitæ, scilicet non habebant cor ad resistendum Philistinis: putabant enim quod non possent prauallere contra illos, & si committerent bellum etiam superarentur, & premerentur nimis ab illis: ideo eligebant potius seruire Philistinis. Vnde non solum ipsi Israelitæ non audebant pugnare contra Philistinos: sed etiam increpabant Samsonem, quia pugnabat contra illos, ut patet seq. cap. scilicet: Nescis quia Philistini dominantur nobis? quare hoc facere voluisti? Et tunc ipsimet Israelitæ ligauerunt eum, & duxerunt victum ad Philistinos: si tamen Israelitæ non timerent nimis Philistinos, dato quod fecissent cum eis pacta, non tenebantur ipsi ducere victum Samsonem: sed solum quod non adiuuarent contra Philistinos ipsum Samsonem. Sed ipsi etiam iue-runt ad ligandum Samsonem, ut complacerent Philistinis, quia erant subditi illis: ergo ex timore faciebant: iste autem timor erat in cordibus Israelitarum incussus à Deo in poenam, quia Israelitæ peccabant continuè contra Deum, & Deus nolebat eos eruere de manibus Philistinorum. Et quia si Samsonem ducem secuti fuissent omnes Israelitæ possent superare Philistinos (quod Deus nolebat) ideo voluit, quod Israelitæ non auderent pugnare contra Philistinos, nec acciperent Samsonem in ducem contra illos. Alia ratio esse poterat, quia angelus prædixerat de Samsonem, quod ipse inciperet liberare Israel præcedenti c. id est quod non posset totaliter eruere de manu Philistinorum, sicut quilibet aliorum iudicum fecerat. & fortè Israelitæ sciuerant hoc, & timebant quod si pugnarent, & dux suus non posset eos totaliter liberare, ad extremum semper manerent Philistini dominantes Israelitis, & premerent eos, ideo iudicabant melius sibi esse manere in parua seruitute, quam pugnando incidere in magnam calamitatē, & ista est ratio efficacior.

Nic. rñso  
ad quæsiu

Quare Samson Israelitis datus est in iudicem, cum non potuerit eos liberare de manu Philistinorum.

Quæst. X.

**Q**VAERETVR, cum Samson non potuerit liberare Israelitas de manu Philistinorum, quare datus est in iudicem. Aliquis dicet, quod licet Samson non potuerit liberare ab ipsa tota seruitute Philistinorum: tamen liberauit à quadam parte eius, & hoc sufficiebat. Sed adhuc dicitur, quod hoc non stat, quia à tota non liberauit, ut notum est. A parte etiam non



non liberavit, quia Samson licet vastaret quandam partem terræ Philistinorum, & occideret aliquos de illis, non minus subiecti erant Israelitæ eis quam prius, nec soluebant minora tributa: nam tunc quando Samson pugnabat contra Philistinos non rebellabant Israelitæ Philistinis ad non solvendum aliquid, vel ad hoc, quod tollerent eis aliquid de servitute: alioquin rebellarent poenitus. sed ipsi adiuuabant Philistinos contra Samsonem: nam cum cremauit vineas Philistinorum, & fugit: ipsi Israelitæ duxerunt eum vinctum, & tradiderunt manibus Philistinorum, sequenti capit. Et si ipsi non vinxissent eum funibus, non potuissent eum ligare Philistini, cum contra eum etiam ligatum pugnare nequiverint.

ideo non diminuebatur aliquid de servitute Israelitarum per opera Samsonis. Responderi potest satis rationabiliter, quod Samson fuit datus iudex Israelitarum non principaliter, ut liberaret Israelitas, sed ut pugnaret contra Philistinos, & puniret eos: nam Deus iratus Philistinis volebat percutere aliquos illorum, & harum poenarum faciebat Samsonem ministrum: & quia erat de Israelitis poterant gaudere Israelitæ in hoc, & secundum istud poterat vocari iudex eorum. Sed obijciatur, quia præcedenti capitulo dicitur: ipse incipiet liberare Israel de manu Philistinorum: ergo licet non liberaret totaliter saltem quantum ad aliquid liberabat, & tamen si nihil omnino liberaret non diceretur, quod inciperet liberare Israel. Respondendum ergo, quod Samson liberavit aliquantulum Israelitas de manu Philistinorum. Et istud potest dupliciter intelligi. Vno modo, quod liberavit eos, scilicet quia Philistini fortè volebant aliquando pugnare contra Israelitas ad redigendum eos in maiorem servitutem: & tamē vivente, Samsonē non audebāt, quia cum viderent, quod ipse solus pugnaret contra eos, & superaret illos: quanto magis hoc fieret, si totus Israel sequeretur eum ut ducem: & tamen hoc necesse erat si Philistini pugnarent contra Israelitas, ideo non audebant Philistini pugnare, & hoc modo liberabantur Israelitæ per Samsonem à multis malis, quæ aliàs eis infligenda erant. Aliiter potest intelligi, quod abstulerit aliquid de magnitudine servitutis, quam habebant Israelitæ. Et hoc poterat dupliciter intelligi. Vno modo, quod vivente Samsonē aliquando exactores Philistinorum, qui colligebant tributa Israelitarum non ausi fuerint venire ad colligendum formidantes Samsonem. Secundo modo potest intelligi, quod in morte Samsonis liberati fuerint Israelitæ à magna parte servitutis, scilicet quod Samson moriens occidit omnes principes Philistinorum, qui erant congregati in vrbe Gaza in templo Dagon ad faciendum reitum pro victoria de Samsonē: & tunc Samson cœcutiens domum, & ad terram prostratus occidit omnes principes Philistinorum, & multos alios usque ad tria milia virorum, ut infra decimo secundo capitulo. tunc Israelitæ videntes periisse principes, qui dominabantur eis, poterant resistere Philistinis, ut diminuerent eis iugum: vel quod totaliter rebellarent. Et tunc verisimile est, quod Philistini diminuerent aliquid de iugo Israelitarum, & istud consecuti sunt Israelitæ per Samsonem, ideo ipse cœpit liberare Israel de manu Philistinorum. *Eo enim tempore Philistini dominabantur Israeli.* Scilicet tempore, quo Samson petit, ut daretur sibi vxor de filiabus Philistinorum: inceperat autem istud dominium ante natiuitatem Samsonis: nam præcedenti capitulo dicitur, quod post mortem Abdon tradidit Deus Israelitas quadraginta annis in manus Philistinorum, & iterum dicitur, quod angelus dixit ad matrem Samsonis, quod naceretur ex ea filius, qui liberare incipe-

ret Israel de manibus Philistinorum. Dicitur autem istud ad reddendum rationem præcedentis dicti, scilicet quod Deus quærebat occasionem contra Philistinos: quasi dicat: si Israelitæ fuissent liberi tempore, quo Samson petiisset vxorem, non oportebat, quod ad pugnandum contra Philistinos quæreretur occasio, quia si pugnante Samsonē contra Philistinos, siue cum causa, aut sine causa, Philistini vellent pugnare contra Israelitas, ipsi resisterent Philistinis: quia tamen Philistini dominabantur eis, & non audebant resistere illis, debuit quæri occasio, ut, quamquam Samson pugnaret contra Philistinos, ipsi non haberent colorem pugnandi contra Israelitas.

B Descendit itaque Samson cum patre suo, & matre in Thamnatā. Cumque venissent ad vineas oppidi, apparuit catulus leonis seuus, & rugiens, & occurrit ei. *Supra ea* Irruit autem spiritus Domini in Samson, & dilaceravit leonem, quasi hædum in frustra decerpens, nihil omnino habens in manu, & hoc patri, & matri noluit indicare. Descenditque, & locutus est mulieri, quæ placuerat oculis eius. Et post aliquot dies reuertens, ut acciperet eam, declinavit, ut videret cadauer leonis, & ecce examen apum in ore leonis erat, ac fauus mellis. Quem cum sumpsisset in manibus, comedebat in via: veniensque ad patrem suum, & matrem dedit eis partem, qui & ipsi comederunt: nec tamen eis voluit indicare, quod mel de corpore leonis assumpserat. Descendit itaque pater eius ad mulierem, & fecit filio suo Samson conuiuium. Sic enim iuvenes facere consueverant. Cum ergo ciues loci illius vidissent eum, dederunt ei sodales triginta, ut essent cum eo. Quibus locutus est Samson: proponam vobis problema, quod si solueritis mihi intra septem dies conuiuij, dabo vobis triginta sindones, & totidem tunicas: si autem non potueritis soluere, vos dabitis mihi triginta sindones, & eiusdem numeri tunicas. Qui responderunt ei: propone problema, ut audiamus. Dixitque eis: De comedente exiit cibus, & de forti egressa est dulcedo. Nec potuerunt per tres dies propositionem soluere.

*Descendit itaque.* Hic ponitur secundum huius capitulo. scilicet vxoris desponsatio, quia nunc pater, & mater Samsonis desponsauerunt ei puellam Philistinam, & postea secuta est matrimonialis copula, & interpo-

*Anthenor Padua cōdidit.*

*Pyrhus fili⁹ Achil- lis à quo Epyrus de nominat primus Pyrrata.*



terponitur hic quidam casus ostensius fortitudinis Samsonis, scilicet quod pugnavit contra leonem, & strangulavit eum, atque decerpit in partes, & dicitur. *Descendit itaque Samson cum patre suo, & matre in Thamnata.* Scilicet postquam pater, & mater Samsonis consenserunt dare ei uxorem de mulieribus Philisthinorum, descenderunt cum eo in Thamnata urbem illorum ubi puellam viderat, ut acciperent eam illi. *Cumque venissent ad vineas oppidi.* Hic interponitur casus de pugna Samsonis contra leonem, & dicitur, quod ac-

Casus de pugna Samsonis contra leonem.

cesserunt ad vineas oppidi, id est ad vineas urbis Thamnata, & in illis erat leo. *Apparuit catulus leonis seuus rugiens.* In terra Chanaan sunt multi leones, & vrsi: quia est terra calida, & nutriuntur ibi: unde David dixit, quod cum ipse pascebat gregem patris sui, sepe veniebat leo, & vrsus, & ipse dilacerabat eos tenens mentum eorum, ut patet 1. Regum 17. Veniebat autem iste catulus rugiens, scilicet ut teneret pradam, & volebat irruere in Samsonem. *Et occurrit ei.* Scilicet Samsoni, scilicet soli ei occurrit, quia forte Samson recesserat modicum a patre, & matre ad purgandum alium, vel ad aliquid aliud, & non viderunt ipsi quid faceret Samson, nec ipse indicavit eis, quod occidisset leonem, ut patet infra. *Irruit autem spiritus domini in Samson.* Id est venit super eum fortitudo a Deo missa ad pugnandum contra leonem. *Et dilaceravit eum.* Scilicet tenuit illum per barbam, & aperuit os eius, & inde cepit decerpere in frusta. *Quasi hadum in frusta decerperet.* Id est non fuit maioris difficultatis Samsoni dilacerare leonem, quam unum hadum teneri cuius dilaceratio satis facilis foret. *Nihil omnino habens in manu.* Istud ponitur ad indicandam magnam fortitudinem Samsonis, scilicet quia non habebat in manu gladium, vel baculum, aut lapidem, quo percuteret, vel lanceam, aut telum: sed nudis manibus tenuit leonem, quod ad indicibile robur pertinet. *Et hoc patri, & matri noluit indicare.* Id est quamvis occidisset leonem, non dixit patri, & matri quid egisset.

*Quare Samson noluit patri, & matri leonis occisionem indicare?*

Quaest. XI.

**Q**VAERETVR, quare Samson noluit hoc indicare patri, & matri, & ad quid ponitur hic, quod noluerit indicare. Respondendum, quod hoc fecit Samson, quia volebat accipere in leone aliquod problema, quod proponeret Philisthinis: ut eis nescientibus solvere obtineret laudem ab eis, & lucrum: & istud fuit de fauo mellis reperto in corpore leonis: & quia si patri, & matri indicasset, illi ad ostendendam fortitudinem filij sui dixissent illud in urbe Thamnata, & inducerent in testimonium dilaceratum leonem ab ipso, & sic quando proponeret problema Philisthini adverterent, & possent considerare facilliter hoc dictum de leone: tacuit ergo, ne pater, & mater hoc dicerent Philisthinis. Sed dicitur, quod non tacuit propter hoc, quia problema fuit propositum postea quando venit alia vice Samson ad accipiendum uxorem, & inuenit fauum mellis in corpore leonis, & de illo proposuit problema, scilicet. De comedente exiit mel, & de forti egressa est dulcedo. Samson tamen nesciebat nunc, an positurus esset problema de melle, quia nondum erat mel in leonis corpore, nec sciebat an aliquando ibi futurum esset: ergo non tacuit hac intentione. Respondendum, quod Samson quando occidit leonem intendit proponere aliquod problema de illo, & tacuit, & tamen tunc non erat determi-

natus ad modum problematis, sed secundum ea, quae postea reperiret in eo leone proponeret genus problematis. Quod autem intenderit aliquid facere de leone apparet, quia quando rursus venit in Thamnata ad accipiendum uxorem, declinavit ad cadauer leonis, & etiam non dixit, quod ibat patri, & matri, & reperto melle in corpore leonis formavit problema de leonis melle. Si autem non reperisset mel, sed aliquid aliud, non formasset de melle, sed de aliquo reperto in leone mortuo.

*Ad quid ponitur hic de ista occisione leonis, &c.*

Quaest. XII.

**Q**VAERETVR ulterius ad quid ponitur hic de ista occisione leonis, cum non pertineat ad principalem historiam. Respondendum, quod ponitur ad duo. Primum est ad indicandum fortitudinem Samsonis: nam occidere leonem erat quid excedens humanam fortitudinem, scilicet occidere nudis manibus, ideo in praconium roboris a Deo data descripta est res. Secundum erat, & melius, scilicet quod Samson erat positus in iudicem Israel, ut pugnaret contra Philisthinos, & puniret illos, & Deus inquirebat occasiones quomodo per Samsonem Philisthinos percuteret: ideo ponitur ista quia fuit quedam occasio ad poenam Philisthinorum, scilicet quia occiso leone natum est mel, & de illo positum est problema, & cum Philisthini obtinuissent contra Samsonem soluentes problema: ipse descendit ad urbem Aschalonem, & occidit triginta de Philisthinis, & cepit vestes eorum ad satisfaciendum eis, qui soluerant problema, ut patet in litera infra, & sic occisio triginta virorum fuit poena inducta per occisionem. Istae causa verissima, quare ponatur. Quod patet ex duobus: primo quia immediate, ut dictum est, quod Deus inquirebat occasiones contra Philisthinos subiunctum est de ista occisione leonis, quia ista erat quoddam principium ad inquirendam occasionem contra Philisthinos. Secundum est, quia si fuisset intentio principalis ad enarrandum fortitudinem Samsonis non curasset scriptura aliquid describere, postquam dixisset, quod Samson occidit leonem, & tamen cum magna diligentia descripsit quidquid inde secutum est usque ad mortem triginta virorum: ideo oportet quod principaliter fuerit descripta occisio leonis, in quantum erat principium illius occasionis contra Philisthinos. Tertia ratio raddi potest, quia Samson fecit alia opera fortitudinis praeter hac, ut innuitur praecedenti capitulo, scilicet quod spiritus domini coepit esse cum Samsonem in castris Dan. Et Rabbi David Kimhi dicit, quod illa fuerunt aliqua magnifica opera, quae scriptura non refert. Et hoc quia illa non erant facta contra Philisthinos, scilicet in castris Dan, id est inter ludaeos, ut ibi dicitur cetera autem, quae describuntur de Samsonem erant poenae quaedam per occasionem datae Philisthinis: ergo etiam istud, quod hic describitur de occisione leonis fuit positum, in quantum erat occasio occidendi triginta Philisthinos. *Descenditque.* Scilicet intrauit in urbem Thamnata, quia nunc erat in vineis apud urbem, ubi occiderat leonem. *Et locutus est mulieri, quae placuerat oculis eius.* Scilicet locutus est ei verba pertinentia ad contractum matrimonialem, & fuerunt tunc sponsalia de praesenti, quae vocantur matrimonium: & non fuit per copulam consummatum, & solemnizatum: sed post



post paucos dies rediit iterum Samson in Thamnata, & accepit uxorem per copulam. Et post aliquot dies. Hic ponitur tertium huius capituli. scilicet uxoris desponsatæ acceptio. Et dicitur. Et post aliquot dies reuertentes. Scilicet pater, & mater Samsonis cum eo reuersi sunt in urbem Thamnata. Et est sensus quod prima vice Samson accepit puellam solum in sponsam per verba de præsentem, & non consummauit matrimonium, sed rediit cum patre suo, & matre in terram suam ad parandum aliquid, quod ad solennitatem matrimonij erat necessarium: & illo facto redierunt simul in Thamnata, vt Samson consummaret matrimonium. Vt acciperet eam. Scilicet, vt acciperet eam ad consummandum matrimonium per copulam, & ad cohabitationem, quia licet prius desponsasset eam, non acceperat eam, scilicet vt esset in potestate ipsius, quia hoc fit quando vir & uxor cohabitant. Declinavit, vt videret cadaver leonis. Scilicet quid factum esset de eo: nam ex illo volebat sumere materiam formandi problematis: & hac intentione supra tacuerat nihil dicens patri de leone, quem occiderat. Deus autem mouebat Samsonem ad hoc, quia ipse inquirebat occasionem contra Philistinos, vt supra dictum est: & ipse sic reseuenire faciebat, vt omnia coaptarentur ad intentionem Samsonis. Et ecce examen apum in ore leonis. Id est reperit examen apum mellificasse in ore leonis. In Hebræo dicitur in corpore leonis. sicut infra dicit littera nostra, quod voluit Samson indicare, quod sumpisset mel de corpore leonis, & tamen idem nomen est vtroque in Hebræo.

Quomodo apes mellificauerunt in ore leonis, cum esset res putrida. Quest. XIII.

**Q**VAERE TVR, quomodo apes mellificauerunt in cadavere leonis cum esset rex putrida, & iordida, & apes abominantur nimis res putridas, & olentes, ideo eligunt flores optimos, & cibos valde suaves, & incontaminatos. Dicendum quod quædam sunt apes generose, vel domesticæ, & istæ mellificant in solis rebus mundis, & locis mundis, & abominantur, & fugiunt omnia loca contaminata: sunt autem aliæ apes rusticanæ, quæ nullum locum dedignantur, ideo siue in loco puro, siue in immundo mellificare possunt, & consueuerunt: & harum esset examen quod reperit Samson in corpore leonis. Aliquis dicet, quod licet apes non consueuerunt mellificare in locis immundis: tamen nunc Deus induxit apes ad mellificandum in tali loco, vt Samson haberet inde locum problematis. Sed istud non stat propter duo. Primo quia cum aliquid potest fieri naturaliter, introducere miraculum ad factionem illius est inconueniens, quia irrationabile est per plura fieri, quod potest per pauciora fieri, octauo Topico. & tamen ponere miraculum est ponere plura: ergo non debet poni ubi natura sufficit. Secundò non stat, quia si contra consuetudinem omnium apum esset mellificare in locis sætentibus, licet nunc miraculose factum fuisset, Samson non potuisset conuenienter hoc proponere, quia sic fortè verteretur postea in dubium, de quo intelligebatur problema, & si Samson diceret de melle inuento in cadavere leonis, diceretur ei, quod insaniebat, quia contra eum erat natura apum, & insententia omnium hominum. Et etiam, quia nunquā aliquid tale inuentum fuisset, ideo ipse condemnaretur: & sic oportebat quod problema suum non præsupponeret aliquid inopinabile. Ac fauus mellis. Scilicet Alph. Tost. super lib. Iudicum

**A**licet quia iam formauerant mel in corpore leonis. Quem cum sumpisset in manibus. Scilicet accipiens de cadavere leonis. Comedebat in uia. Scilicet dum veniret de diuerticulo, in quo erat cadaver usquequo accederet ad patrem, & matrem, quos reliquerat in via publica veniens ad patrem suum, & matrem, scilicet ipsi gradiebantur via publica, & Samson diuertit modicum ab eis, vt videret cadaver leonis, quod reliquerat. Dedit eis partem. Quia multum de fauo ferebat, scilicet totum quod reperit in corpore leonis, qui & ipsi comederunt nihil interrogantes unde suscepisset, quia putabant aliqua aluearia apum apud viam consistere. Nec tamen eis voluit indicare, quod mel de corpore leonis assumpserat. Scilicet ipsi non interrogauerunt unde sumpserat, & ipse non dixit: sed etiam si quesuissent, nolisset eis dicere, quod erat de corpore leonis, sed dixisset de aliqua alia re: causa autem taciturnitatis fuit illa, quæ supra posita est, scilicet ne pater suus, & mater possent dicere in urbe Thamnata, quod comederant mel de corpore leonis, quia per hoc solueretur problema Samsonis a iuuenibus. Descendit itaque pater eius ad mulierem. Non solum descendit pater Samsonis, sed etiam mater, vt supra patet, cum utrique in via dedit de fauo: sed dicitur de patre specialiter, quia ipse erat principalis persona, & ipse faciebat solennitatem nuptiarum. Et dicitur, quod descendit ad mulierem, scilicet dicens illi, quod pararet se ad consummationem matrimonij. Et fecit filio suo Samson conuiuium. Ad honorem nuptiarum filij sui Samson, scilicet quia tunc consummabat matrimonium per copulam: & ad solennizandum nuptias fecit conuiuium magnum multis secundum consuetudinem terræ illius. Sic enim iuuenes facere consueuerant. Id est iuuenes consummantes matrimonium in terra illa solebant facere conuiuia per aliquot dies: & sic fecit pater Samsonis filio suo. Cum igitur ciues. Hic ponitur quartum, scilicet inuasionis occasio, & fuit ista occasio immediata ex propositione problematis Samsonis quamquam mediate iam accepisset originem ex occisione leonis: & dicitur. Cum igitur ciues loci illius uidissent eum. Scilicet ciues urbis Thamnata, in qua nuptiæ celebrandæ erant: & isti erant cognati puellæ, qui curam gerebant de solennitate nuptiarum. Dederunt ei triginta sodales, qui essent cum eo. Scilicet istos dederunt ei ad comitandum eum toto illo tempore, quo durabat conuiuium, vt gauderet cum illis. Quibus locutus est Samson. Iuuenes autem ad solatiū solent proponere inter se aliquas quæstiones secundum ingenium suum, vt tempus expendant, & gaudeant in illis. Proponam vobis problema. Id est proponam vobis quæstionem: & sic Aristoteli primo Topicorum vocat aliqua problemata neutra, quia neutra pars prædictio- nis est iatis solida; sicut ibi de quibusdam exemplificat. Et proprie problema importat dubitationem: sic enim quæstio quælibet est dubitabilis propositio. Quod si solueritis mihi intra septem dies conuiuij. Dedit eis spatium septem dierum, quia conuiuium durabat septem diebus ad solennitatem nuptiarum, & in illis septem diebus poterat soluere problema, vel soluerent penam: transactis autem diebus conuiuij recederent iuuenes isti a Samstone, ideo non erat tunc conueniens tempus soluendi: & sic solum dedit eis spatium, dum durabat conuiuium, & fuit propositum problema in primo die conuiuij. Dabo vobis triginta sindones. Erant triginta iuuenes, ideo ponebat triginta sindones, & triginta tunicas, vt a quolibet reciperet vnam tunicam, & vnam sindonem, vel cuiuslibet tantundem daret. Sindon vocatur quædam vestis linea pulchra, qua utebantur viri in terra Chanaan super ceteras vestes. Et etiam in terra ista aliqui vtuntur ea, & ponitur ista cum

Problema quid.

T cum



Venetis, cum alijs ornamentis muliebribus. Tunicae vocantur  
& in alijs  
terris Lom-  
bardiae fa-  
mina vti-  
tur ista ve-  
ste.

ipſe veſtes de panno lanco, & ſic erat ſindon, & tuni-  
ca completum quaſi veſtimentum alicuius. *Si autem  
non potueritis ſolvere.* Scilicet declarando veritatem ei.  
Quid ſi iuvenes dediffent aliquam expoſitionem, &  
non eſſet conueniens, vel non eſſet illa quam Samſon  
intendebat, quis arbitrari debebat, quòd obtinerent?  
Reſpondendum quòd erat recurrentum ad commu-  
ne iudicium: nam ſi verba problematis coaptarentur  
ſolutioni iuuenū ipſi obtinerēt: & ſi Samſon diceret,  
non eſt ipſe ſenſus problematis, non erat ei credendū,  
niſi doceret ſenſū magis coaptari verbis problematis  
quàm ſenſum a iuuenibus datum. *Vos dabitis mihi trigin-  
ta ſindones, & eiusdem numeri tunicas.* Et ſic erat æqua cõ-  
dicio pacti ex vtraque parte, quia tantum lucrari debe-  
bat Samſon quātum ſolueret ſi ſuccumberet, & idem  
de quolibet iuvene. Nam ad vnā tunicam, & ſindo-  
nem quilibet extendebatur, vel obtinendo, vel ſuc-  
cubendo. *Qui reſponderunt ei: proſer problema ut audiamus.*  
Subintelligendum eſt, q̃ prius acceptauerunt condi-  
tionem iſtam & firmauerunt eam pacto, quām Sam-  
ſon enunciaret problema, alioquin cū problema  
videretur difficile, reſiſſent ab illo. Conſenſerunt au-  
tem iuvenes propter duo, primò quia tempus indul-  
tum ad excogitandum erat magnum, ſ. ſeptem dierū,  
& in illis de quocunq̃ quantumcumq̃ dubio poſ-  
ſent certificari per ſe, vel per alium. Secundum erat,  
quia multi erant, quibus proponebatur; & vnus vel  
alius inueniret ſolutionem. Etiam putauerunt iſti  
iuvenes, q̃ non poſſet Samſon aliquid tam obſcurum  
dicere quod omnes ipſi non poſſent inuenire.

*Quando Samſon propoſuit problema Philiſthinis quid in-  
tendebat. Quæſt. XIII.*

**Q**VAERETVR, quando Samſon iſtud proble-  
ma propoſuit quid intendebat, vel quomodo  
audebat ſe exponere tãtę obligationi, ſcilicet q̃ ſi per-  
deret daret triginta tunicas, & totidem ſindones, &  
tamen ipſe non habebat vnde ſolueret quicquam ho-  
rum. Reſpondendum quòd Samſon habere poterat  
intentionem ad vnum de duobus, ſcilicet ad ipſum  
problema quod occultum erat, vel ad robur ſuum,  
ſcilicet quia ſi ſuccumberet poſſet cito 30. tunicas, &  
totidem ſindones prædando recipere, & dare iuueni-  
bus. Sed dicendum quòd Samſon non attendit ad ro-  
bur ſuum, quaſi perditurus eſſet, & acquiſiturus ſin-  
dones, & tunicas prædando. Sed attendit ad proble-  
matis difficultatem, quia putauit quòd erat eis forte  
impoſſibile inuenire ſolutionem, & ſic quando inue-  
nerunt, dixit eis: ſi non arauiffetis in vitula mea non  
inueniffetis propoſitionem meam, quaſi dicat aliter  
erat vobis impoſſibile ſcire; & tamen ipſe putauit q̃  
vxor ſua non declararet illis iuuenibus, ideo tenuit ſe  
ex parte difficultatis. Item pater, quia ſi Samſon attē-  
diſſet ad robur ſuum, iam intendiſſet, vel putafſet ſe  
ſaltem perditurum: & ad hoc ipſe non contenderet,  
quia nulla vtilitas erat laborare ad ſoluendū id, in quo  
obligaretur. Conſiderandum tamen cū hæc om-  
nia a Deo fierent, qui querebat occaſionem contra  
Philiſthinis, vt ſupra patet, quòd Deus incitabat Sam-  
ſonem ad proponendū iſtud problema ex parte con-  
traria, ſcilicet quia volebat Deus, quòd Samſon ſuc-  
cumberet, ſoluentibus iuuenibus problema: & ad  
hoc dedit viam, vt illi per vxorem Samſonis inueni-  
rent ſolutionem: Et ſic ſuccumberet Samſon, & te-  
neretur inquirere tunicas, & ſindones occidendo  
Philiſthinis, & occidit triginta viros. totum hoc

**F**uit ergo ingenium mouendi Samſonem ad occi-  
dendum iſtos viros triginta, & ipſe non ferebatur  
hac intentione. Et ſic accidit in alijs negocijs, quan-  
do Deus vult in manus noſtras aliquid ad iuſtitiam  
ſuam pertinens exequi, quia ad idem ferimur nos &  
Deus: & tamen nos mouemur vna intentione, &  
Deus mouet nos alia intentione & actu: completur  
in actu non quod nos volumus, ſed quod Deus vult.  
*Qui dixit eis: de comedente exiuit cibus.* Scilicet de leo-  
ne qui erat comedens, & deuorans exiuit cibus, id-  
eſt mel, quia in cadauere eius nidificauerunt apes,  
& fabricauerunt mel, de quo pater, ipſe, & mater  
ſua comederunt, vt patet ſupra in litera. *Et de forti  
egreſſa eſt dulcedo.* Repetitio eſt eiſdem ſententię per  
alia verba, & fortè poſita fuit ad turbandum, vt  
putarent eſſe duas ſententias: & quamquam vnā  
inuenirent non inuenirent aliam: & dicitur de for-  
ti, id eſt leone egreſſa eſt dulcedo, id eſt mel dulce.  
*Nec potuerunt per tres dies ſolvere propoſitionem.* Id eſt  
non potuerunt inuenire intellectum eiſ: conati ſunt  
enim omnes triginta iuvenes in tribus diebus primis  
inuenire ſolutionem: & cū non poſſent putantes  
eſſe impoſſibile inuenire, ceſſauerunt fruſtra anxia-  
ri, ſed recurrerunt ad alia remedia. Iſti tres dies in-  
telliguntur primi tres dies conuiuij.

Cumque ad eſſet dies ſeptimus, dixerunt  
**H**ad vxorem Samſon: Blandire viro tuo,  
& ſuade ei, vt indicet tibi quid ſignifi-  
cet problema. Quod ſi facere nolueris,  
incendemus te, & domum patris tui. An  
idcirco vocaſtis nos ad nuptias, vt ſpo-  
liaretis? Quæ fundebat apud Samſon la-  
chrymas, & querebatur, dicens: Odis  
me, & non diligis: idcirco problema,  
quod propoſuiſti filijs populi mei, non vis  
mihi exponere. At ille reſpondit: Patri  
meo, & matri nolui dicere, & tibi indi-  
care potero? Septem igitur diebus conui-  
uij flebat ante eum: tandemque die ſep-  
timo cū ei eſſet moleſta, expoſuit. Quæ  
ſtatim indicauit ciuibus ſuis. Et illi di-  
xerunt ei die ſeptimo ante ſolis occubi-  
tum: Quid dulcius melle, & quid fortius  
leone? Qui ait ad eos: Si non araffetis  
in vitula mea: non inueniffetis propoſi-  
tionem meam. Irruit itaque in eum ſpi-  
ritus Domini, deſcenditque Aſchalonem,  
& percuffit ibi triginta viros: quorum ab-  
latas veſtes dedit his, qui problema ſol-  
uerant. Iratusque nimis aſcendit in do-  
mum patris ſui: vxor autem eiſ acce-  
pit maritum vnum de amicis eiſ, &  
pronubis.

*Cumque ad eſſet dies ſeptimus.* Iſte dies ſeptimus non  
vocatur dies ſeptimus conuiuij, nec ſolutionis  
dandæ, quia Samſon dederat problema primo die

Verona  
condiur.

Supra eo.  
& iſt. 15.



conuiuij, & indulſit 7. dies conuiuij ad dandam ſolutionē: & nō poteſt vocari iſte dies ſeptimus, ſ. termini, vel conuiuij, quia nunc propoſuerunt iuuenes problema vxori Samſonis, vt patet hic: & tamen infra dicitur quod ipſa eratei moleſta per omnes dies conuiuij & flebat: & tandem dixit ei, vt patet infra, ergo non erat iſte dies ſeptimus, quia cū iuuenes ſextimo die ante ſolis occubitum ſoluerint problema, vt infra patet; non potuiſſet vxor Samſonis moleſta eſſe Samſoni, niſi vna die incompleta, ſcilicet die ſeptima: & tamē dicitur hic quod erat ei moleſta omnibus 7. diebus conuiuij: ergo ante ſeptimum diem per aliquot dies venerunt ad eam, & vocatur iſte dies ſeptimus, ſcilicet, hebdomadæ, vt exponunt omnes tam Hebræi qua Latini. Vel poteſt intelligi cū adeſſet, i. cū B appropinquaret, ſ. quia erat iam quartus dies: & videbant, quod appropinquaret dies ſeptimus, & ipſi nō dum inuenire poterant ſolutionem acceſſerunt ad remediū vxoris Samſon. *Dixerunt ad vxorem Samſon.* Putauerunt quod ipſa poſſet extorquere ab eo veritatem: nam ipſe diligebat eam valde: & nunc nouiter acceperat eam, inceperatque illius frui amplexibus, ideo nullo modo eam contriſtaret, ſed exponeret problema: & ſic factum eſt. Deus autem incitauit iuuenes ad iſtud remedium, vt ſuccumberet Samſon, & cogeretur quærere ſindones, & tunicas occidendo. 30. Philſthinos. *Blandire uiro tuo.* Ideſt fac ei blanditias, vt inducas ipſum ad exponendum problema. Iſtæ blanditiæ poterant eſſe in opere faciendū ei de ſeipſa aliquod ſpeciale gaudium, quo ſolicitaret animum eius. Vel dicitur blandire, ſcilicet in verbis, & ſic faciebat famina iſta: nam lachrymas fundebat apud Samſonem, & forte in lecto, quod amarè ferebat Samſon ſcilicet teneriter amante anxiani, & amor erat principium deceptionis. In Hebræo habetur. *Decipe virum tuum.* Et ad idem redit, i. decipe eum blandiendo illi dulcibus verbis, & teneris lachrymis, ita vt commoueantur viſcera eius ad teneritudinem præ amoris inumanitate. *Et ſuade ei, ut indicet tibi quid ſignificet problema.* Ideſt, & per blanditias ſuade ei. i. inducas eum ad hoc, vt indicet tibi quid ſignificet problema, ſ. & tu nobis indices illud. In Hebræo habetur litera breuior. *Decipe virum tuum, & indicet nobis quid ſignificet problema.* Et tamen D non debebat indicare Samſon viris illis, ſed vxori: quia manifeſtum eſt, quod ipſe non conſentiret viris indicare: ſed litera hebraica eſt barbara, & mutat perſonas, & modus loquendi: & dicitur indicet nobis. i. tibi, & ſic poſuit litera noſtra, quia tamen poſtquam Samſon indicaret vxori ſuæ ipſa erat indicatura iuuenibus; dixit litera Hebraica: & indicet nobis, ſ. mediante te indicabit nobis. *Quod ſi facere nolueris.* Scilicet diligenter laborando, & rem ad effectum producendo. *Incendemus te, & domum patris tui.* Ideſt incendemus te, & partem tuam, & totam familiā eius, & quidquid ad eum pertinet: nam domus non accipitur hic pro ædificio, ſed pro familia, ſicut communiter dicitur: dom⁹ Iacob benedicite domino. Iſtam penam comminati ſunt iuuenes vxori Samſonis, quia forrè putabant, qd ipſa potius diligeret virum ſuum quā eos: & vellent, qd obtineret vir, ideo ſi non amore, aut clemētia aſſentiret eis, ſaltem timore ducta aſſentiret. Et iſta timebat iuuenes, quia ſciebat, quod poterant facere id, qd dicebant, ideo ſolicita fuit ad opus. *An idcirco nos vocaſtis ad nuptias, ut ſpoliaretis.* Ideſt vel nunquid non vocaſtis nos ad honorandum nuptias, niſi vt expoliaretis nos? quaſi dicat: venimus ad honorandum nuptias tuas, & nihil hinc conſequimur, niſi quod expoliabimur, vnde honorem conſecuturi eramus. Hoc dicebant quod quilibet illorum daturus erat vnam tunicam, & vnam ſindonem, & ſic manerent nudi. & Alph. Toſt. ſuper lib. Iudicum

iſta videbatur quædam ratio motiua ad hoc quod vxor Samſonis conaretur exponere problema iuuenibus, vt cū ipſi veniſſent ad honorandum eam, non conſequerentur inde dedecus: & tamē non dedit medium conuenienter vxor Samſonis, quia debuerat ipſa intercedere inter virum & iuuenes, ſ. quia ſolueret eis poenam in quam incidebant non ſoluentes problema: & ſic nec Samſon aliquid perderet, nec iuuenes dehonorerentur: ſi autem contenderet ad exponendum problema depauperaret virum ſuum obligando eum ad ſolutionem triginta tunicarum, & totidem ſindonū; in quo ſatis exhauriretur ſubſtantia viri ſui. Si autem non faceret quidquam dehonorerentur, & obtineret Samſon: ideo debuit intercedere, vt mediatrix, & nō vt partialis. In Hebræo habetur. *Si ad hæreditandum uocaſtis nos.* Ideſt nunquid vocaſtis nos ad nuptias ad tollendam hæreditatem noſtram? Et accipitur hæreditare pro exhæredare, vel hæreditatem tollere, ſcilicet quia obligando quemlibet ad ſoluendum vnam tunicam, & vnam ſindonem, tollebant partem hæreditatis eorum. *Quæ fundebat apud Samſon lachrymas.* Ideſt quando erat cum Samſon plorabat intendens, quod ploratus eius moueret Samſonem, & forrè erat ſletus iſte in lecto, vt magis iuuenem aut libidine furem, & ad modica aduertentem teneritudine ſuperaret. *Et querebatur dicens.* Ideſt conquebatur de eo. *Odiſti me, & non diligis.* Ideſt nunc oſtendis, quod habes me exoſam, & non me diligis, quamquam dicas, quod me diligis. *Idcirco problema quod propoſuiſti, filijs populi mei non uiſi mihi exponere.* Ideſt ſi tu me diligeres exponeres mihi problema, qd propoſuiſti filiis populi mei, ideſt viris de ſtirpe Philſthinarum, qui ſunt filij populi mei, ideſt de populo meo. Et hoc dicebat, quia Samſon non erat de populo illius mulieris, ideſt de ſtirpe Philſthinarum, quaſi dicat, ſi me diligeres non occultares mihi quicquam de eo, quod a te peterem: & tamē occultas: ideo exoſam me habes. *At ille reſpondit: patri meo, & matri nolui dicere.* Scilicet quando occidit leonem in cuius caduere poſtea fuit mel, non indicauit patri, aut matri quod leonem occidiſſet. Etiam quando poſtea accepit fauū, & dedit patri, & matri noluit indicare quod de corpore leonis eſſet fauus. *Et tibi indicare potero?* Ideſt nunquid iuſtum erit, quod tibi indicem, cū illis non indicauerim? quaſi dicat non: quia magis tenebar obedire illis, & diligere eos quā te debeam amare, ergo iniuſtum petis. *Septem igitur diebus conuiuij flebat apud eum.* Quamquam Samſon iuſtè reſpondiſſet, non ceſſauit pertinacia feminæ, ſed fundens ſemper lachrymas inquietabat eum. Et dicitur per ſeptem dies conuiuij, ideſt vſque ad complementum ſeptem dierum conuiuij: nam non cepit mulier inquietare Samſonem ex prima die conuiuij, ſed ex quarta: quia primis tribus diebus conuiuii conati ſunt iuuenes inuenire ſolutionem, & cū non inueniſſent putantes ſibi eſſe impoſſibile ſic inuenire, diuerterunt ad vxorem Samſonis, vt ipſa inueniret per virum: & incepit ex die quarto ſolicitare virum vſque ad finem dierum conuiuij. *Tandemque die ſeptimo, cū ei moleſta eſſet expoſuit.* Ideſt etiam vxor in omnibus diebus non potuit extorquere a viro ſolutionem problematis: in die autem ſeptimo cū ipſa ſciret ſiniri terminum moleſta erat nimis: & tunc Samſon expoſuit. Nam erat Samſon iuuenis inſenſatus ardens in vxore: vnde egrè ferebat quod vxor ſua, quam tenerè diligebat coram eo fleret: commouebantur quippe viſcera, amante in ſletum verſa, ideo non ſuſtinuit, quin exponeret ei.

Litera in  
Hebræo.



Quomodo Samson voluit indicare problema vxori suæ  
Quæstio XV.

**Q**VAERETVR, quomodo Samson voluit indicare problema vxori suæ, quia manifestum erat, & ipse satis conspiciere poterat, quod ipsa scire vellet ad exponendum 30. viris sociis Samsonis: & tunc licet ipsa fieret non debebat commoueri ad assentiendum; sed magis habere eam exosam; & magis tacere, cum insidiatrix loqueretur ei. Respondendum quod Samson inductus fuit ad hoc dupliciter: Primò quia vxor Samsonis innuebat quod nullo modo volebat scire expositionem ad proponendum iuuenibus sed solum ad intelligendum. Et fortè sepe iuraret quod nulli proderet, & Sansō nimis credulus putans, quod vxor magis diligeret eum quàm extraneos, credidit quod non indicaret illis. Confirmatiuum huius erat motus interior Samsonis, quia iuuenis erat, & diligebat nimis puellam hanc, vt patet supra, & nunc quoque nouiter amplexibus illius frui cæperat; ideo nihil erat quod ei proponeret: cum autem vultum illius considerabat tristem, & obortas lachrymas commouebatur viscera eius præ teneritudine amoris, quia amor ipse durus sit omnia tenera reddit: nec mirum si puel læ amanti ipse quoque amans comploraret, & consolaretur eam blanditijs tanquam dimidiū animæ suæ egrè ferens illam anxiam. sic ille intensus, & feruens amator Sichem Dinam filiam Iacob flētem, vi oppressam blāditijs consolabatur, quia irruerat in eum amor fortis, vt patet Gen. 34. cap. & ideo satis declaratum est: passio autem dura commouet rationem ad assentiendum alicui, vel dissentiendū: & sic licet verba vxoris Samsonis credibilia non essent, amor qui eum vrebatur illis vires dabat persuadendi. Secundum, & efficacius erat incitatiuum affixum cordi Samsonis a Deo. Volebat enim Deus quod expositio problematis per vxorem Samsonis reuelaretur iuuenibus, & Samsonē succumbente oporteret, vt ipse inquireret vnde solueret 30. tunicas, & totidem sindones, & cogetur occidere 30. de Philisthinis. Quod autem potius ex hac parte quàm amore vxoris motus fuerit apparet, quod petente vxore cum lachrymis solutionem problematis ipse rationabiliter respondit dicens: patri meo, & matri nolui dicere, & tibi dicere potero. Sic ē postea cū per oēs dies conuiuij molesta ei esset, non potuit obtinere: septimo autē die tandem obtinuit. si tamen præ amoris magnitudine exposuisset, non potuisset tolerare eam flentem omnibus diebus præteritis, quibus eius fruebatur amplexibus. *Quæ statim indicauit ciuibz suis.* Idest illis triginta iuuenibus, qui erant dati in sodales Samsonis, & erant ciues istius mulieris, scilicet erant de vrbe Thamnata, & fortè de cognatione sua. Et illi dixerunt ei die septimo ante solis accubitum. Scilicet iuuenes dixerunt Samsoni solutionem die septimo, & hoc ante solis occubitum: quia dixerat Samson quod soluerent ei intra septem dies conuiuij. & si post solis occasum soluissent, erāt extra terminum, & tenebātur ad penam non obstante, quod soluerent problema. *Quid dulcius melle, & quid fortius leone?* Non dixerunt ei, quod intelligebatur de leone, & quod in illo inuentus fuerat fauus, sed per breuia verba expresse runt sententiam. *Qui ait ad eos: si non arasseis in vitula mea.* Modus metaphoræ est: vocauit enim vxorem suam vitulam: & non dixit vaccam ad significandum teneritudinem, quia puella erat, scilicet si non sollicitauisset eam inquirendo problematis expositionem. *Non inuenissetis propositionem meam.* Idest non inuenissetis solutionem eius. Et verum dicebat in hoc Samson: nam illi per tres dies laborantes non po-

Amor fortis oia vincit.

**F**tuerunt inuenire, & desperauerunt se posse inuenire. Irruit itaque in eum spiritus domini. vidit sibi nunc Samson imminere necessitatem soluendi triginta tunicas, & totidem sindones, & non habebat vnde solueret, ideo iratus nimis, & nesciens quid ageret descendit in Aschalonem, & occidit triginta viros, quorum vestes rapuit. Et vocatur spiritus domini hic spiritus roboris, qui irruit in Samsonem, idest venit in eum subito ad accedendum eum contra Philisthinos, vt pugnans contra illos obtineret tunicas, & sindones. Et sciendum, quod accipitur spiritus non pro robore, sed etiā animositate: nam si Deus daret Samsoni solum robur quamquam esset potens ad pugnandum contra multos viros simul: tamen non auderet aggredi illos, aut resistere illis pugnando, sicut videmus multos homines corpore quidem robustos, & animo infirmos, & fugiētes a facie aliorum corpore debiliorum: Samson tamen audebat pugnare contra leones nudis manibus: etiam contra quantamcunque Philisthinorum multitudinem sine armis solus pugnabat, sequenti capitu. ideo erat animositas sua magna equalis robori. Vtrunque autem dabatur ei a Deo, & vocatur spiritus domini. *Descenditque Aschalonem.* Est Aschalon vna de quinque metropolibus Philisthinorum, vt patet Iosue decimo tertio, & primo Regum sexto, nunc autem descendit Samson de Thamnata, in qua celebrabantur nuptiæ, & iuit Aschalonem ad rapiendum ibi vestes, vt solueret. *Et percussit ibi triginta viros.* Potuerat Samson occidere 30. viros, & plures tñ solū 30. occidit, quā nō occidit eos ex desiderio occidendi, nec quia offenderant eum: sed quia volebat rapere vestes eorum, & quia solis triginta vestibus egebat, occidit solū triginta viros. *Quorum ablatis vestes dedit his, qui problema soluerant.* Idest abstulit vestes omnium triginta occisorum, & veniens in Thamnata dedit illas triginta iuuenibus, qui soluerant problema suum. Ex hoc patet, quod omnes viri in terra Philisthinorum induebantur tunicis, & sindonibus: alioquin cū obligaretur Samson dare triginta tunicas, & totidem sindones, si quilibet vir non indueretur tunica, & sindone, non occurreret, quod in triginta viris, quos occidit reperiret triginta tunicas, & totidem sindones.

Aschalon quid sit.

An Samson peccauit occidendo istos triginta viros Philisthinos, vt acciperet vestes eorum.  
Quæstio XVI.

**Q**VAERETVR, an Samson peccauerit occidendo istos viros Philisthinos. Aliquis dicet, quod non, quia isti erant Chananei, & Israelitæ poterāt pugnare contra Chananeos, imò debebant occidere eos gladio neminem viuere permitendo: Deuteronomij vigesimo capitu. In contrarium videtur, quod peccauerit, quia viri isti non offendebant Samsonem, & ipse sine causa inuadens occidit illos. Item inter Israelitas, & Philisthinos erat nunc pax: quod patet, quia ingrediebantur securē Israelitæ in terram Philisthinorum, & è contrario. Contra fœdera tamen bellum committere peccatum erat. Respondendum, quod Samson non peccauit occidendo istos viros, quod patet, quia Deus mouebat eum ad hoc: nā Deus inquirebat occasionem cōtra Philisthinos per Samsonem, & ad hoc fecit quod acciperet vxorē de Philisthinis, vt patet supra: ergo faciendo mala, ad quæ Deus incitabat eum non peccabat. Item quando Samson nō habuit vnde solueret iuuenibus, qui soluerant problema, irruit in eum spiritus domini, & descendit in Aschalonem ad occidendum istos viros: ergo Deus incitauit eum ad hoc. Quod patet, quia iste erat spūs roboris, & animositatis, & non erat prius in Samsonē

nunc



nūc autem subito venit, sed istud robur nō erat nisi ad faciendum aliqua opera fortia: ergo dando illi pro tūc illam fortitudinem incitabat eum ad faciendum aliquā occisionem, vel bellum, quia Deus non solum conferebat tunc robur, sed etiam animositatem, vt supra declaratum est. Item Samson sciebat se positum iudicem Israel a Deo ad nocendum Philisthinis, ideo non reputabat peccatum esse nocere illis, imō reputabat esse peccatum, si non noceret, cum Deus infundendo ei spiritum suum incitaret eum ad hoc. Itē Samsō videbat, quod Deus mouebat eum contra Philistinos, sicut Moyses stans inter Aegyptios mouebat a Deo ad vindicandum iniuriam Israelitarum: vnde ipse occidit Aegyptium facientem iniuriam Iudæo, & abscondit eum sub sabulo: Exo. 2. cap. & quāquam regulariter non liceret ei hoc, quia erat opus iudicis, & ipse non erat constitutus iudex, tamen sciebat se a Deo cōstitutum iudicem, & liberatorem Israelitarum, & putabat quod Iudæi sic existimabant de illo. Sic patet Actu. 7. cum dicitur de occisione istius Aegyptij facta a Moysē, & subditur: Existimabant autem intelligere fratres, quoniam Deus per manum ipsius daret salutem illis, at illi non intellexerunt. Ita erat de Samsonē, quia ipse sciebat se positum in liberatorem, quia sic Angelus prędixerat, & postea Deus incitabat eum specialiter quādo immittebat ei spiritum fortitudinis, ideo non dubitabat se benē agere. Ad rationem primam in contrarium dicendum, q̄ licet isti viri nō offenderent Samsonem, tamen ipse potuit eos licitē occidere, quia sicut iudex potest occidere reos mortis, licet eum nō offenderint vnquam: ita & Samson erat iudex constitutus a Deo ad puniendum Philistinos: & nunc Deus mouit eum ad occidendum istos viros, ideo non peccabat. Ad secundam rationem dicendū quod erat pax inter Israel & Philistinos pro tunc: ideo nō licebat alicui de Israelitis pugnare contra Philistinos, non facta amonitione aliqua, vel non apparenre aliqua causa: Samson autem pugnavit nunc nō tanquam vnus de Israelitis, sed tanquam iudex constitutus a Deo, & incitatus ab illo ad occidendum illos triginta viros.

*An licuerit Samsoni tollere spolia illorum occisorum.*

*Quaest. XVII.*

**Q**VAERETVR. vltērius, an licuerit Samsoni tollere spolia illorum occisorum. Aliquis dicit quod non, quia quāquam iudex occidat aliquos reos, non licet ei tollere bona illorum, sed permanent hereditibus eorum: imō si iudex aliquem reum occidat, vt possit rapere bona illius peccat. Respondendum q̄ licuit Samsoni occidere, & rapere vestes Philisthinorum, quia Samson licet esset a Deo datus iudex Israelitis, & ex auctoritate ei a Deo data, licebat occidere Philistinos, nō procedebat cōtra Philistinos, tanquam contra subditos, sed tanquam contra hostes: in bello aut iusto, quācumq; licet occidere, licet ēt prędari: ideo poterat Samson istorum bona rapere, quos iustē occidebat. Item quod ex Dei motu fit iustum est, sed si eut Samson motus fuit a Deo ad occidendum Philistinos, motus fuit etiam ad prędandum bona eorum, quia ad vtrūque fuit idē motus: ergo licuit rapere sicut occidere. Ad rationem in contrarium repositam est, quod Samson magis procedebat contra Philistinos, vt contra hostes, quā vt contra subditos: sed a deo auctoritatem habebat procedendi contra illos.

*Alph. Toft. super lib. Iudicum*

**A** *An fuerit conueniens occasio hoc ad procedendum contra Philistinos, vt occiderentur isti triginta viri.*

*Quaest. XVIII.*

**Q**VAERETVR, an fuerit conueniens occasio hoc ad procedendum contra Philistinos, vt occiderentur isti triginta viri. Respondendum quod potest hic considerari occasio, aut quantum ad Deū, aut quantum ad Samsonem, aut quātum ad Philistinos. Primo modo accipiēdo, dicēdum quod non erat occasio aliqua, q̄ Deus ex causa iusta mouetur semper, & non habet aliquam occasionem tanquam motiū: & hic ipse voluit occidere triginta viros Aschalonitas, quia erat aliqua causa iusta, quare occiderentur. Si autem considerentur respectu Samsonis, dicendum q̄ ipse iustē occidit, vt supra declaratum est: & tamen nō motus fuisset ad occidendum illos, nisi habuisset occasionem, scilicet quia daturus erat 30. tunicas: & totidem sindones, & non habebat vnde solueret: voluitque occidere 30. viros, vt inde consequeretur illas. Quantum ad Philistinos autē non potuit hic haberi occasio. i. color aliquis ad occidendum eos, quia ex hoc q̄ Samson obligabatur ad 30. sindones, & tunicas, nō habebat causam rationalem occidendi aliquos de Philisthinis: & si notum fuisset Philisthinis, quod Samson egisset hoc, potuissent iustē contra eum pugnare: sed occultum fuit opus Aschalonitis, quia fecit illud Samson, vt latro infidians in via: solum ergo fuit ista occasio sic, quia Deus volebat nunc occidere 30. viros de Aschalonitis, & illos per Samson volebat occidere, & quia Samson non moueretur ad istud, nisi Deo expresse mandante. Vel magis, vt consequeretur aliquam vtilitatem inde, posuit talem casum, scilicet inducendo, quod in solutione problematis ipse succumberet, vt cogeretur descendere in Aschalonem ad rapiendum, & tunc Deus obtulit ei illos 30. viros, quos volebat perire, & occidit illos rapuitque tunicas eorum.

*An Samsonis fortitudo fuerit naturalis, vel supernaturaliter data.* *Quaest. XIX.*

**Q**VAERETVR. vltērius, de robore Samsonis, an esset naturaliter, vel supernaturaliter in illo. Respondendum, quod erat supernaturaliter: nam quādocumq; Samson deberet agere aliquid magne fortitudinis, dicitur quod spiritus domini irruebat in ipsum: ergo ex Deo erat. Sed adhuc dicendum, q̄ robur esse supernaturaliter potest multipliciter intelligi. Primō modo, quod Deus fecisset, quod Samson in tali spē, & de materia taliter disposita perciperet, q̄ haberet vires magnas nimis: nā quæ sic pferuntur, quāquā videantur naturaliter euenire, tamen a Deo specialiter dātur, vt declarātū est pręce. ca. Secūdo modo poterat esse robur supernaturaliter, i. q̄ non provenisset ei ex natiuitatis conditione, sed Deus ei nato postea dedisset, sicut sapiētiam infundit alicui quā nunquam separat, sicut fuit in Salomone, qui a principio non erat valde sapiēs, sed Deus ptulit ei sapiētiam, q̄ semper mansit in illo vsque ad mortem, licet malus effectus fuerit. Sic autem poterat esse in Samsonē, scilicet quod conferretur ei fortitudo, quæ nunquam postea separaretur ab illo. Tertiō modo esse poterat robur supernaturaliter. s. quod daretur ei a Deo ad aliquem actum, & cessante illo actu cessaret, & iterum quando esset necessarium robur ad alium actum, conferretur a Deo, & sic est de spiritu prophetico, q̄ a Deo confertur: nam ille subito illustrat prophetam: & tunc desinit esse in illo, & iterum redit in illum ad aliū actum: & ptingit multotiens, q̄ propheta nō habēs spūm ppheticū si conet intelligere aliquid altissimum.

*T 3 mum*



num nō poterit, nec sciet plusquam ceteri homines. De primo modo dicendum, quod non compete-  
bat Samsoni: nam non fuit ei robur collatum ex tempo-  
re natiuitatis: quia tunc non oportebat quod vocaret  
spiritum domini ad operandum aliquid. & tamen ora-  
uit, vt Deus daret ei fortitudinem ad concutiendum  
columnas domus infra 16. ca. ergo non fuerat sibi ex  
natiuitate. Item quando Samson agebat aliqua ope-  
ra fortia, dicebatur q̄ irruebat spiritus dñi sup eum, vt  
patet qñ occidit leonē, & qñ occidit 30. viros Ascha-  
lonitas: ergo nō erat robur ex cōditione cōplexionis.

Opinio  
quorūda.

Manent aut̄ alij duo modi, & de istis est dubium quis  
eorum fuerit. Aliquis dicet quod fuit tertius, scili-  
cet quod Samson nunquam haberet robur manens,  
sed vt communiter ipse esset infirmus, sicut ceteri ho-  
mines. Sed quando aliquid magnum acturus erat ve-  
niebat spiritus domini super ipsum, & tunc habebat  
robur, & animositatem. Hoc patet quia quādo-  
que Samson ageret aliquid magnum, dicitur quod  
spiritus domini irruebat super eum: sic enim fuit in  
occisione leonis: sic etiam fuit in occisione 30. vi-  
rorum Aschalonarum, supra in litera: sic etiam fuit  
in occisione milli Philisthinorum, quando solus pu-  
gnauit contra eos sequenti ca. sic etiam quando con-  
cussit columnas domus, infra 16. cap. Sic etiam est de  
prophetis, quia spiritus Prophetiæ non est manens, &  
tunc quando prophetant, dicitur quod fit super eos  
manus domini, vel spiritus domini. Sic patet de Balaā:  
Nume. 24. Sic etiam de Eliseo 4. Regu. 3. & aliis pro-

Quo mo-  
dum robo-  
ris habue-  
rit Samso.

phetis. Dicendum tamen est, quod Samson habuit  
modum secundum fortitudinis, scilicet q̄ Deus dedit  
ei fortitudinem postquam natus est ex munere pre-  
ter complexionem, sicut dedit Salomoni sapientiam  
quam continue habebat, & ideo quādo-  
cunque vel-  
let exercere aliquod opus fortitudinis exercebat, non  
expectans tempus determinatum, vel quod Deus in-  
funderet ei spiritum roboris: erat autem istud robur,  
quia Deus voluerat ei dare specialiter, dum maneret  
in obseruatione nazareorum: & quia semper hanc re-  
gulam seruauit vsquequo Dalila præcidit capillos ei⁹,  
semper fuit in eo robur. Hoc patet, quia quando Da-  
lila quærebat vbi erat robur Samsonis, ipse respondit  
varia vsq; ad vltimum, cum dixit, quod erat nazareus  
ab vtero matris, & quod si abscindertur capilli e⁹ eius,  
esset infirmus sicut ceteri homines, infra 16. & ibi dici-  
tur quod enarrauit tunc veritatem illi mulieri: ergo  
virtus erat semper manens in eo quamdiu manebant  
capilli, & non veniebat ei vicissim, sicut venit spiritus  
prophetiæ super prophetas. Item si Samson non ha-  
beret robur continue manens: per hoc quod capilli  
abscinderentur, nō tolleretur robur, cū illud non inef-  
ficeret sibi, & tamen robur ablatum est: ergo immanebat  
ei semper: patet antecedēs, quia si robur non semper  
maneret, sed veniret quando irruebat in eum spiritus  
domini, quando capilli radebantur, non tolleretur spi-  
ritus domini, q̄ ita posset postea irruere, sicut prius  
irruebat, & tamen abscisis capillis iam nihil potuit Sā-  
son, infra 16. Item tonsis capillis Samsonis eo. cap. dici-  
tur, q̄ Samson nesciebat, q̄ Deus recessisset ab eo, &  
putauit q̄ posset se excutere de manibus Philisthino-  
rum, sicut prius: ergo videtur quod prius erat semper  
Deus cū illo, quantum ad robur, & tonsis capillis non  
mansit. Item eo. cap. vult q̄ robur Samsonis conse-  
queretur capillos, quia dicit quod detonsis capillis ces-  
sauit robur: & postea cum vult signare, quomodo per  
antiquum robur potuit Samson cōcutere columnas,  
dicitur quod iam capilli eius renasci ceperant: & ta-  
men si nihil capilli agerent ad robur, superflue pone-  
retur. Ideo dicendum, quod robur cepit esse in Sā-  
sone ex aliquanta ætate sua: & postquam cepit nun-

quam desit esse in illo dum manserunt capilli: & illis  
ablatis, cessauit robur: redeuntibus autem eis rediit  
denuo robur, & concussit prostrauitque domum.  
Dicendum tamen, quod erat magna differentia inter  
robur Samsonis, & sapientiam Salomonis, quia licet  
vtrunque esset infusum, & vtrunque semper manens,  
tamen sapientia Salomonis manebat tanquam natu-  
raliter inexistens: nam sicut sapientia acquisita est ha-  
bitus quidam infixus intellectui difficulter mobilis a  
subiecto, ita sapientia infusa Salomoni erat habitus  
radicatus, & infixus, & immanebat naturaliter, imò  
erat magis radicatus habit⁹ quā per acquisitionem:  
quia habitus acquisiti possunt deleri, & traditur scien-  
tia obliuioni, & tamen sapientia Salomonis non po-  
terat obliuione deleri: robur autē Samsonis non erat  
aliquid manens quasi naturaliter in eo, quia nos sen-  
timus robur nostrum, quod est quādam conditio mē-  
brorum nostrorum: & cum quis est robustus, vel de-  
bilis sentit illud: robur tamen datum Samsoni non  
insisteat in membris, ita quod esset virtus membro-  
rum effecta, quia tunc Samson sentiret quando esset  
robustus, vel quando debilis, & tamen quando detōsi  
fuerant capilli Samsonis, putabat ipse, quod posset ef-  
fugere sicut aliis vicibus: & non potuit infra 16. ergo  
non erat robur tanquam conditio membrorum. Di-  
cendum igitur, quod robur Samsonis in membris,  
erat cum membra sua mouerentur ad fortes operatio-  
nes: alioquin non possent manus sue esse organa tam  
fortium operationum, scilicet quia frangerentur, si-  
cut ligna tenera, licet moueantur a forti agente, non  
poterunt esse organa fortis percussione: non erat ta-  
men ista fortitudo Samsonis tanquam conditio ipso-  
rum membrorum, scilicet infixis eis, & quæ verè vo-  
carentur accidens eorum, ideo habebat minorem ad-  
hæsiōem, & infixiōem in Samsonē, quā sapientia  
Salomonis in intellectu eius. Cum autem arguitur,  
quod quando Samson operabatur aliquid forte, irrue-  
bat super eum spiritus domini. Dicendum quod po-  
test hoc dupliciter intelligi. Vno modo, quod Deus  
tunc non infundebat ei robur tanquam prius non ha-  
beret illud, sed augebat, vt posset habere actus fortissi-  
mos. Aliter potest dici, quod tunc non infundebat ei  
Deus robur, sed solum animositatem, quia prius ha-  
bebat robur, & non habebat desiderium ad aliquid agē-  
dum. Deus autem infundebat ei animositatem ma-  
gnam ad aggrediendum aliqua fortius, quæ aliter non  
aggesseretur. Er iste modus est verior: & ita fuit  
de occisione leonis, & triginta virorum: & postea de  
pugna contra multos Philisthinos, quando rupit vin-  
cula. Sed adhuc obicietur, quod infra decimo sex to-  
capit. dixit Samson quod Deus daret ei pristinam for-  
titudinem suam, vt haberet victoriam de hostibus. Di-  
cendum quod tūc perditum erat robur, scilicet quia  
quando capilli præcisi fuerant cessauerat robur, & cre-  
scentibus capillis Samsonis denuo venerat robur, &  
tamen nesciebat illud Samson: ideo petiuit a Deo, q̄  
redderet ei pristinam fortitudinem, & sensit illā in sa-  
facto in se spiritu dñi, & concussit colūnas domus. Ira-  
tusque nimis ascendit in domum patris sui. Scilicet Samson  
iratus valde fuit contra uxorem suam, quia disco-  
peruerat secretum de expositione problematis iuue-  
nibus, & ipse succubuerat: in quo erat duplex  
malum. Primum, quia ex illo coactus est trigin-  
ta tunicas, & totidem sindones iuuenibus præstare.  
Secundum erat, quia istud erat signum, quod vxor  
Samsonis magis diligeret alium quā ipsum: cum  
potius elegeret, quod succumberet vir suus quā  
iuuenes compatriotæ sui: & istud erat signum  
quod non esset fidelis viro, sed adulteraretur.  
Uxor autem eius accepit maritum vnum de amicis eius.  
Scili-

Discrimen  
inter robur  
Samsonis  
& Salomo-  
nis sapien-  
tiam.

Deterior  
Samsonis.

1. respōdit  
ad rōnem

Respon-



Scilicet vnum de illis 30. iuuenibus qui fuerant sodales tempore conuiuii Samsonis, & obtinuerat in problemate. *Et de pronubis.* Illi iuuenes vocantur pronubi, id est socii nubentis, vel custodētes nubentem, quos nos vulgariter patrilinos nuptiarum appellamus. Sic custodes puellae antequam tradantur viro, vocantur paranymphe. para quod est iuxta, & nymphe, quod est puella, quasi iuxta puellam, scilicet quia sunt iuxta eam custodiendo eam.

*Quare uxor Samsonis acceperit in virum alium uiuente Samstone. Et an potuit eam repudiare propter hoc.* *Questio XX.*

**Q**VAERETVR, quare vxor Samsonis accepit in virum alium uiuente Samstone. Respondendum, quod causa videtur duplex. Primo quia puella non multum diligebat Samsonem: nam dum adhuc ipse maneret cum ea in diebus nuptiarum, ipsa diligebat potius iuuenes socios Samsonis quam ipsum: nam voluit, quod obtinerent illi contra Samsonem in solutione problematis, & soluit eis illud, ut patet supra, & hoc conuincitur ex posterioribus. Nam recedente Samstone accepit in maritum vnum de iuuenibus illis, qui erant tunc cum Samstone. Et videtur, quod amore illius ipsa laborauisset cum Samstone ad inquisitionem solutionis problematis. Ipsa ergo gauiſa est, quod recederet Samson, ut acciperet alium in virum. Secunda causa fuit, quia quando Samson dedit vestes his, qui soluerant problema, iratus fuit contra vxorem, quia ipsa exposuisset: & ob hoc recessit de ciuitate Thamnata, & sic putauit pater illius, & ipsa puella quod Samson nollet ad eam redire, ideo tradita est alteri in vxorem. Et istam causam exprefſit pater puellae dicens: putauit quod odisses illam, ideo tradidi eam amico tuo: sequenti cap.

*An Samson poterat repudiare istam puellam, quae tantum offenderat eum.* *Questio XXI.*

**Q**VAERETVR vterius, an Samson poterat repudiare istam puellam, quae tantum offenderat eum. Aliquis dicit quod sic, quia concessus erat libellus repudij iudeis, quando displicerent eis vxores, ne alias occiderent, Deute. 24. & Matt. 19. sed ista displicebat nimis Samsoni, quia offenderat valde eum adiuvando alios extraneos contra ipsum, ideo licebat ei repudiare illum. Respondendum, quod ex illa lege non licebat Samsoni repudiare eam, quia illa lex data fuerat iudeis, & tenebat inter illos, qui erant subiecti illi, & non in preiudicium illorum, qui non erant subiecti illi legi: & tamen vxor Samsonis erat Philisthina, & non ligabat eam illa lex, ideo virtute illius non poterat eam repudiare, nisi forte a principio conuentum fuisset, quod posset eam repudiare. alioquin conueniretur Samson coram iudicibus Philisthinorum, & cogeretur manere cum illa. Dicendum tamen, quod potuit eam repudiare, quia tam lege hebraeorum quam lege Philisthinorum matrimonium recipiebat repudium: de lege Hebraeorum patet ex dictis. De lege autem Philisthinorum patet ex verbis patris vxoris Samsonis: nam dixit ad Samsonem: Putauit quod odisses eam: ideo tradidi illam amico tuo. in quo innuit quod ex odio dimittere poterat illam, alioquin (licet odisset eam) non diceret, quod dederat eam alteri viro. Item intelligebat pater illius puellae, quod Samson poterat nunc accipere in vxorem sororem illius puellae: si tamen non procederet repudium non posset accipere sororem, ergo poterat repudiare illam lege Philisthinorum.

Alph. Tost. super lib. Iudicum

**A** Quare Samson non repudiavit puellam hanc. *Questio XXII.*

**Q**VAERETVR vterius, quare Samson non repudiavit puellam istam, quia prius acceperat eam, quia placuerat oculis eius, ut patet supra in littera: nunc autem nimis displicuerat ei, quia diligebat potius iuuenes quam ipsum, & exposuerat eis problema, instantum quod Samson iratus reliquit illam, debuisset ergo illam repudiare. Respondendum quod Deus fecerat quod Samson acciperet mulierem de Philisthinis, quia querebat occasiones ad hoc quod Samson pugnaret contra eos, ut patet supra: si autem dimitteret illam per repudium, non haberet occasiones ne propter eam inferendi malum Philisthinis: Deus autem volebat, quod hinc nascerentur multae occasiones contra Philisthinos: nam primo propter eam, quae exposuit problema coactus est Samson descendere in Aſcalonem ad occidendum 30. viros, & rapiendum vestes, & rursus, quia ipsa offenderat eum habuit eam exosam, & recessit ab ea: pater autem eius hoc videns tradidit eam alteri viro, ex quo iratus Samson combussit segetes, & vineas, & oliueta Philisthinorum: & iterum fecit plagam magnam in eis, ut patet ca. seq. Si autem Samson repudiasset vxorem, non habuisset occasionem faciendi aliquid istorum: ideo Deus inclinavit eum ad non repudiandum illam, licet iratus fuerit illi, inclinavit tamen eum ad recedendum ab ea, ut interim pater puellae tradere posset eam alteri viro, & sic haberetur occasio ad pugnandum contra Philisthinos, & nocendum illis.

## CAPITVLVM XV.



**P**OST aliquantulum autem temporis, cum dies triticeae messis instarent, venit Samson, inuisere volens vxorem suam, & attulit ei haedum de capris.

Cumque cubiculum eius solito veller intrare, prohibuit illum pater illius dicens: Putauit quod odisses eam, & ideo tradidi illam amico tuo: sed habet sororem, quae iunior, & pulchrior illa est, sit tibi pro ea vxor. Cui Samson respondit: Ab hac die non erit culpa in me contra Philistheos: Faciam enim vobis mala. Perrexitque, & cepit trecentas vulpes, caudasque earum iunxit ad caudas, & faces ligauit in medio, quas igne succedens dimisit, ut huc illucque discurrerent: quae statim perrexerunt in segetes Philisthinorum: quibus succensis, & comporratae iam fruges, & adhuc stantes in stipula, concrematae sunt, intantum ut vineas quoque, & oliueta flamma consumeret. Dixeruntque Philisthiim: Quis fecit hanc rem? Quibus dictum est: Samson gener Thamnathaei: quia tulit vxorem eius, & alteri tradidit, haec operatus est. Ascenderuntque Philisthiim: & combusserunt tam

- T 4 mulie.



mulierem quàm patrem eius. Quibus ait F  
Samson: Licet hæc feceritis, tamen ad-  
huc ex vobis expetam ultionem, & tunc  
quiescam. Percussitque eos ingenti plaga,  
ita vt stupentes suram femori inponerent.  
Et descendens habitauit in spelunca pe-  
tre Etham.

*Post aliquantulum.* Supra posita est occasio prima  
Samsonis pugnandi cōtra Philisthinos, hic ponitur  
ocasio secunda: & diuiditur in duas, quia primò po-  
nitur occasio, secundò Philisthinorum inuasio. ibi. G  
*Perrexitque & cepit.*

*An sit ordinis mutatio, & an hæc immediatè fuerint facta.*  
Quest. I.

QVAERETVR circa primum, an ea quæ ha-  
bentur hic, fuerint facta post præcedentia conti-  
nuato ordine: & an fuerint facta immediatè, vel in-  
teriecto aliquanto tempore. Ad primum dicendum  
quòd est ordo rectus, quia supra fit mentio quomodo  
vxor ablata est Samsoni. Hic autem ponuntur mala  
secuta in Philisthinis propter ablationem vxoris. Ad  
secundum dicendum quòd fuit modicum tempus  
inter præcedentia, & ista, quæ habentur hic, scilicet  
iratus Samson recessit de Thamnata relicta vxore, &  
iuit in domum patris sui: mansitq; ibi aliquot diebus,  
& post aliquantum temporis venit rursus ad vxorem,  
& facta sunt quæ habentur hic: & litera cōtinuat se hic  
cum dicit: post aliquantulum temporis, idest quòd mo-  
dicum tempus intercidit. *Post aliquantulum temporis.*

Samson  
quare ite-  
rit aliquan-  
to tempo-  
re non re-  
diens ad  
vxorē suā.  
Scilicet computando a tempore, quo recesserat Sam-  
son de Thamnata relinquens vxorem. Causa autem  
quare Samson stetit aliquanto tempore nō rediens ad  
vxorem suam, fuit duplex. Vna fuit ex parte eius &  
alia ex parte Dei. Prima fuit quia, quando Samson re-  
cessit ab vxore, erat nimis iratus, & non hēbat ani-  
mum redeundi ad illam: nunc autem aliquanto tem-  
pore intercidente ira deferbuit, & cepit Samson dili-  
gere vxorem suam sicut prius. Etiam quia cum iuue-  
nis esset libido eum vexabat, & habens memoriam  
consuetudinis præteritæ cum vxore, voluit redire ad  
eam. Secunda causa fuit ex parte Dei. Scilicet Deus  
noluit quòd Samson rediret cito postquam recessit,  
quia Deus intendebat quòd vxor iamsonis traderetur  
alteri viro: & ob hoc Samson iratus percuteret Philis-  
thinos: & quia si rediret immediatè, vel pauco tem-  
pore postquam recessit, nondum esset vxor eius tradi-  
ta alteri viro, nec traderetur: & ob hoc non esset oc-  
casio Samsoni pugnandi contra Philisthinos, ideo in-  
clinauit Samsonem ad non veniendum vsque post ali-  
quantum tempus. *Cum dies triticeæ messis instarent.* Sci-  
licet istud tempus erat quādo Samson rediit ad vxorē  
suam. Est autem in terra Chanaan tempus messis  
triticeæ in Maio; quia est terra calida magis quam ista,  
cum sit partim in 3. & partim in 4. climate, & nomina-  
tur hic tempus messis triticeæ propter ea, quæ infra  
habentur, scilicet quòd Samson ligauit vulpes ad com-  
burendum segetes, & combusserunt illas. *Venit Sam-  
son inuisere volens vxorem suam.* Nam reliquera eam ex  
aliquot diebus iratus: nūc autem rediit ad eam volens  
visitare illam, & cohabitare illi. *Et attulit ei hādum de  
capris.* Istum attulit de domo patris sui Manue, quia  
hactenus manserat in domo patris sui, cum iratus re-  
cesserat ab vxore sua, & ferebat hunc hādum ad latifi-  
candum eam.

*Quomodo Samson recedens ab uxore nimis iratus, nunc  
non solum redibat ad eam, sed etiam redibat  
ferens hādum.* Questio. II.

QVAERETVR, cum Samson tantum offensus  
fuisset ab vxore sua ita vt recederet ab ea nimis  
iratus, quomodo nunc non solum redibat ad eam, sed  
etiam redibat ferens hādum. Respondendum quòd  
istud erat ex duabus causis. Prima erat ex parte Sam-  
sonis: nam ipse a principio dilexerat valde istam Phi-  
listhinam, quia placuit oculis eius, & ob hoc eam  
in vxorem acceperat, vt patet præce. cap. fuerat autem  
subito valde iratus Samson contra ipsam, quia offen-  
derat eum nimis. Nunc autem effertur eadem ira re-  
diit pristinus amor. Item Samson eius fruebatur prius  
amplexibus, quia iuuenilis eum flamma vrebatur: ad tē-  
pus autem ira præualuit amor, & recessit ab ea: nunc  
autem crescente pristina flamma Samsonis, cepit te-  
nerè diligere vxorem suam, cupiens de nouo eius frui  
amplexibus: & ob hoc ad eam rediit, vt patet infra cū  
dicitur: cumque cubiculum eius solito intrare vellet  
& cætera, ideo Samson amans non solum iniuriæ sa-  
tisfactionem ab vxore volebat, sed potius ē contrariio  
timebat eam sibi iratam inuenire: ideo ad eam letifi-  
candam, & inuitandum ad pristinum amorem, & iu-  
uenilia gaudia hādum de capris ei in munus attulit.  
Secunda causa fuit ex parte Dei, scilicet volebat Deus,  
quòd aparet manifestè Philisthinos offendisse Sam-  
sonem: & istud erat quia vxorem eius tradiderant al-  
teri viro, & quòd respondere volebat pater puellæ quia  
fecerat hoc quia Samson oderat eam, & iam nolebat  
eam in vxorem, inclinauit Samsonem ad ducendum  
hādum de capris vxori suæ, vt per hoc pateret quòd  
non solum non oderat eam, sed etiam diligebat ni-  
mis cum afferret ei munera. *Cumque cubiculum eius solito  
vellet intrare.* Scilicet quando uenit ad videndum vxorē  
voluit eam cognoscere effectū maritali sicut prius.  
Et dicitur: *Solito.* quia eo tēpore quo mansit in Tham-  
nata, scilicet celebrādo nuptias solitus erat cognosce-  
re illam. *Prohibuit eum pater illius.* Dicens, ne accede-  
ret ad eā, quia iam non erat vxor eius, sed alterius viri.  
I. *Dicens: putauit quòd odisses eam:* ideo tradidi eam amico tuo.  
Cum Samson uellet intrare ad puellam vt ad vxorem  
suam: pater vidit, quòd errauerat tradens eam alteri  
viro, ideo cepit se excusare, dicens. *Putauit quòd odisses  
eam.* Idest quòd iam nolles habere in vxorem: istud  
motiuum fuerat principale patris: nam Samson ni-  
mis iratus recesserat de domo soceri, vt patet præced.  
capit. & ira fuit contra mulierem, quia reuelauerat ex-  
positionem problematis iuuenibus, ideo putauit pa-  
ter eius quòd nunquam reuersurus esset ad eam. Et  
dicitur. *Tradidi eam amico tuo.* quasi dicat, quòd in  
hoc fecerat ei gratiam, quia cum vxor ei adempta fo-  
ret, melius erat quòd daretur alicui amico suo quàm  
alteri.

R. *An vxor Samsonis peccauit accipiendo alterum virum  
uiuente Samfone.* Quest. III.

QVAERETVR, an vxor Samsonis peccauerit  
accipiendo alterum virum uiuente Samone.  
Aliquis dicet quòd non, quia secundum leges suas  
poterat repudiare illum, & accipere alterum. Respō-  
dendum quòd peccabat, quia vxor soluitur a lege vi-  
ri per mortem viri, vel eam repudiaret tunc quando  
durabat tempus repudij. Samson tamen uiuebat, &  
no repudiauera vxorē, ideo ipsa manebat ligata lege  
eius. Nec poterat ipsa repudiare eū, quia licet lex he-  
breorum, & leges positivæ aliarū gentiū permitterent  
repu-



repudium, nunquam dabatur ista potestas, nisi viris: femina autem in nulla vnquam politia habuit potestatem repudiandi virum, quia causa repudij cessat ex parte femine. Et sic fuit facta magna offensa Samsoni, quia vxor sua alteri copulata est, non solum adulterando, sed etiam accipiendo alium in virum, quasi ei liceret. Vnde Samson conquestus fuit, alde de hoc, vt patet infra. *Sed habet sororem, quæ illa pulchrior, & iunior est.* Videns pater vxoris Samsonis, quod offendisset nimis Samsonem, voluit eum placare, & quia Samson dilexerat puellam illam, quia pulchra erat, putauit quod pulchritudine alterius pulchrioris placaret eum, & dixit: habet sororem, quæ est iunior, & pulchrior: quasi dicat: non tristeris, quod ista ablata sit, quia dabo tibi sororẽ eius, quæ est pulchrior, & iunior, & magis gaudebis cum illa. *Sit tibi pro illa vxor.* Idest accipe eam in vxorem, sicut habebas aliam, & non tristeris.

*An liceret Samsoni accipere in vxorem istam sororem vxoris suæ. Quest. III.*

**Q**VAERETVR, an liceret Samsoni accipere in vxorem istam sororẽ vxoris suæ. Aliquis dicit, quod nõ propter duo. Primò, quia durabat matrimonium cum prima, & manẽte illa non poterat accipere aliam vxorem. Secundum erat, quia dato, quod cessaret primum matrimonium, non posset cum sorore illius contrahere, quia iste gradus erat prohibitus. Dicendum, quod ista ratio non stat ex omni parte: nam primum non tenet: quia licet matrimonium adhuc primum teneret, quia mulier non potuit illud dissoluere recedendo à Samsonem, tamẽ Samson poterat repudiare vxorem, & iam non statet matrimonium, & posset accipere aliam vxorem. Secunda etiam ratio non stat, quia licet dicatur gradus ille phibitus secundum quãdam gentes, tamen secundum alias nõ erat prohibitus. Vnde dicendum, q̃ Samson fm̃ legem Philisthinorum poterat accipere in vxorem sororem vxoris suæ. Sic patet ex verbis patris: *habet sororem, quæ iunior, & pulchrior illa est, sit tibi pro eã vxor:* si tamen inter Philisthinos esset oĩno verita ista copula, non diceret pater puellæ: *sit tibi pro eã vxor.* Dicendum tamen, quod secundum legem Hebræorum nõ poterat Samson illam accipere, & ipse tenebat seruare legem Hebræorum, & non Philisthinorũ, quia agẽdo contra illam, peccaret. In Hebræo habetur: *Habet sororem, quæ iunior, & melior illa est.* Vbi nos dicimus pulchrior: nam bon⁹ in Hebræo accipit pro pulchro, sic & interdum accipit litera nostra. *Cui respondit Samson: ab hac die non erit culpa in me contra Philisthaos.* Non consensit Samson huic pacto, quia erat prouocatus nimis ad iram, sed succensus fuit ad ultionem huius offensæ; & dixit, q̃ non esset ei culpa cõtra Philisthaos, idest si ageret contra illos, quia offenderant eum grauit̃, ita vt mererentur magnas penas. *Faciam enim vobis mala.* Idest omnibus Philisthæis faciam malum propter hoc, scilicet, quia in terra eorum facta est mihi ista offensa. *Perrexitq̃.* Hic ponitur secundum, scilicet ipsa inuasio Philisthinorum. Et diuiditur in duo: primò ponitur inuasio bonorum: secundò inuasio personarum ibi. *Quibus ait Samson.* Circa primum dicitur: *Perrexitq̃, & cepit trecentas vulpes.*

*Quomodo Samson capere poterat trecentos vulpes viuentes. Questio V.*

**A**LIVIS dicit, quomodo Samson poterat capere tot vulpes. Aliquis respondebit, q̃ Samson, sicut erat fortissimus, ita erat velocissimus, & poterat velocitate feras cõsequi, & capere, & sic posset capere

**A** multas quotque reperiret in terra: similis enim velocitas fuit in Asahel fratre Ioab, & Abisai 2. Reg. 2. de quo dicit, quod erat Asahel cursor velocissimus, quasi vnus ex capreis, quæ morantur in montibus. Sic credendum est de Samsonem, quia cum Deus daret ei hanc dotem roboris ad affligendum Philisthinos, daret etiã quicquid aliud necessarium erat ad persequendum: sed velocitas erat ita necessaria, sicut robur: ideo Deus daret ei robur cū velocitate, & posset sic persequi vulpes, & maxime hoc est verisimile: quia cum Samson aliquid magnũ aeturus erat irruebat in eum spiritus domini, vt patet præcedenti cap. & hic, & in sequenti: & tunc adiuuabat eum specialiter, & quia congregare vulpes erat aliquid ad penam Philisthinorum ordinatum, Deus daret ei specialem velocitatem ad consequendum eas: Aliter dici potest, & melius, q̃ Samson cepit istas vulpes in retibus, vel per alia artificia, & non fuerit ipse solus, sed alij adiuuerint eum: licet ipse fuerit ingeniator, & potuit faciliter capere tot, quia in terra illa sunt multæ vulpes, intantum, quod demoliuntur vineas florentes, & alia terræ nascẽtia, vt oporteat illas artificiosè capi, nè tantum lædant, sicut patet Canticor. secundo, scilicet: *Capite nobis vulpes paruulas, quæ demoliuntur vineas:* nam vinea nostra floruit: & sic poterat Samson in breui capere tot vulpes, ita vt non aduerterent ad hoc Philisthini.

In terra Chanaan sunt multe vulpes.

*Ad quid voluit Samson tot vulpes. Quest. VI.*

**S**ED quæretur, ad quid voluit Samson tot vulpes. Dicendum, q̃ ipse volebat comburere, si potuisset, terram totam Philisthinorũ, & cõburere debebat apponendo ignem vulpibus, ideo quãto pluribus apponeret, ille diffugeret in plures partes, & cremaretur maior pars terræ Philisthinorum. *Caudasq̃ earum vinxit ad caudas.* Non est intelligendum, q̃ ligauerit vnã caudam cum alia torquendo ipsas caudas, & faciẽdo, quod ipse essent ligamina non apponendo alia ligamina, quia hoc impossibile erat, q̃ trecentæ vulpes posset inter se solis caudis suis ligari, quia vix duæ vulpes ligari possent: sed intelligitur, quod ponebantur aliqua ligamenta magna de funibus, quæ sumerent principium ex cauda, & mediantibus illis ligarentur omnes caudæ illarum.

*Ad quid Samson ligabat vulpes simul ad cremandum totam terram. Quest. VII.*

**Q**VAERETVR, cum Samson vellet missis vulpibus cremare terram Philisthinorum, ad quid ligabat eas simul, quia sufficiebat, q̃ quilibet vulpis ligata face ad caudam si mitteretur discurreret p̃ segetes, & vineas, & cremaret, sicut si omnes simul ligaretur, & postea mitterentur. Respondendum, q̃ intentio Samsonis fuit, vt cremaretur terra Philisthinorum ad omnem partem, & si mitteretur quilibet vulpis p̃ se non fieret sic, quia contingeret omnes vulpes, aut plures earum concurrere in eandẽ partem: & sic non plus proficerent multæ vulpes, quàm pauce, & cremarer pauca terra: nunc autem ligando omnes simul necesse erat, q̃ discurrerent ad partes contrarias, & nõ relinquerent aliqua loca intacta, ad quæ non pergerẽt: & sic omnia cremarentur. Pro quo sciendum, quod modus erat, quod captis omnibus vulpibus poneretur funes magnæ, quibus ligarentur, ita vt omnes simul tenerentur ligatæ vno ligamine. Et præter hoc esset cuiuslibet vulpi aliquis funis singulariter ligatus, in quo penderet aliqua facula, vel torris artificiosè, & diligenter incensus, vt non posset faciliter extinguĩ: vtpotẽ apposita pice, & stuppa, vel alijs fomentis igniũ, & talis



fax erat ita ligata ad caudam vulpis, q̄ non posset cremare vulpem, sed videret eam, & tunc apposuit Samson ignem in medio trecentorum vulpium, & cremata sunt vincula magna, quibus omnes inuicem tenebantur ligatę, & ipse videntes ignem ceperunt timentes fugere ab eo, & cū vna vulpes videret aliam ardentem fugiebat ab ea, & alia ab alia: intantum, quod necesse erat eas in partes contrarias fugere. Et hoc mō totam terram in circuitu perambularent; insuper vulpes videntes ignem post caudam suam timebant illū, & fugiebant velut possent recedere ab eo, & quia semper illum secum portabant semper timebant, & semper fugiebant putantes, q̄ ignis moueretur ad eas, & sic necesse erat, q̄ discurrerent per multa loca, & omnia succenderent. Amplius autem, quia vulpes putabant ignem non esse sibi alligatum, sed quod veniret, & per se moueretur post eas, desiderabant fugere ad loca occulta, in quibus ignis non posset consequi illas, ideo introibāt in segetes, & inter oliueta, & vineas putantes ibi posse latere, & quod ignis non consequeretur illas: & sic succendebāt segetes, vineas, & oliueta: & cū in aliquam segetem intrabant, videntes illam succendi fugiebant magis, quā prius timentes ignē: & hoc modo necesse erat discurrere per omnes segetes, & arbuta quousque omnia cremarent, vel deficerent faces succensę ligatę ad caudas vulpium.

*Quare non apposuerit Samson ignem per se.*

*Questio VIII.*

**Q**VAERETVR, vterius, quare non apposuit Samson ignem per se, quia etiam non succensis caudis vulpium poterat cremari terra appposito igne per eam, & per alios confocios suos. Respondendum, q̄ Samson non potuit conuenienter cremare segetes, & arbuta per se, sicut per vulpes, quia vt descriptum est, vulpes discurrerent per omnem partem terrę, & non reliquerent aliquid incombutum in terra illa. Samson autem non poterat ponere ignem, nisi in paucis locis: & si fortē vellet ponere in multis, poterat ipse periclitari, quia cū in diuersis locis poneret inuadente flamma omnia, quę in circuitu erant, poterat ipse capi medius, & exuri, ideo facilius, & melius potens facere per vulpes fecit per illas.

*Quare magis accepit Samson vulpes ad cremandum terram, quā alia animalia. Questio IX.*

**Q**VAERETVR, quare magis accepit Samson vulpes ad cremandum terram, quā alia animalia. Respondet Rabbi David Kimhi, & alij Hebręi, quod fecit hoc ad similitudinem Philisthinorum: nam merebantur puniri per vulpes, cū ipsi essent vulpes, scilicet, quia sicut vulpes sunt animalia dolosa retrocedētia, ita Philisthini erant dolosi, & retrocedētes a pacto iuramenti: nam socer Samsonis, non obstantibus fœderibus matrimonialibus, dedit filiam suam alteri in uxorem, & sic retrocessit. Sed dicendum, q̄ istud est ridiculum, quia Samson non intendebat hic designare malitiam Philisthinorum, sed punire illos: si ergo aliud animal esset conuenientius ad puniendum illos, quā vulpis, licet non designaret malitiam illorū potius acciperet illud Samson, quā vulpes. Ideo dicendum, quod accepit Samson vulpes propter duo. Primō, quia erant animalia multum conuenientia ad hoc faciendum, vt declaratum est, & vt patuit iure. Secundō, quia ista animalia erant communiora in terra illa, quā alia, scilicet, quia facilius capi poterant multę de illis, & non possent capi sic alia animalia: quod patet, quia accepit trecentas vulpes. Et faces ligauit in medio.

**F** Non intelligatur, quod erant caudę inter se ligatę, & faces essent in medio, sed erant ligamina longa de funibus in medio, & in quibusdam ligaminibus specialibus ipsarum erant faces, idest facule ardentes, scilicet aliqua ligna succensa, q̄ pice, & stuppis, & alijs fomentis ignium essent illita, vel aspersa, ita vt nō posset ignis faciliter extingui. *Quas igne succendens.* Scilicet succendit faces, & combussit ligamina media, vt possent ab inuicem diffugere. *Dimisit ut huc, illucque discurrerent.* Scilicet dimisit eas, vt mouerentur arbitrio suo, & mouebantur in partes contrarias fugiente vna ab alia: nam quęlibet timebat ignem, quem ferebat, & quem alia habebat. *Quę statim perrexerunt in segetes Philisthinorum.* Causa erat, quia videntes ignem post se venire, nō putabant sibi alligatum, sed putabant, quod ipse moueretur per se contra illas ad cremandum eas: & ob hoc fugiebant semper ab illo, & ibant ad loca occulta putantes, quod possent ibi euadere ab igne latendo, & quia segetes erant altę iuerunt ad latendum ibi, & sic succendebant illas. *Quibus succensis.* Scilicet postquam succensę fuerunt segetes, ad quas iuerunt vulpes. Et comportatę iam fruges, & adhuc stantes in stipula concremata sunt. Idest succensę sunt segetes Philisthinorum euntibus illuc vulpibus, & tunc nō solum segetes, quę erant in agris nondum collectę, sed etiam fruges, quę erant collectę in areis concremata sunt, eo q̄ vulpes discurrerunt tam per agros messium, quā per áreas, in quibus erant fruges collectę. Vocantur enim fruges comportatę illę, quę de agris iam portatę erant ad areas ad tritrandum: segetes stantes in stipula vocantur illę, quę adhuc stant in agris vbi natę sunt, & non sunt falce demessę. *Intantum vt vineas quoque, & oliueta flamma consumeret.* Idest non solum flamma consumpsit segetes, sed etiam vineas, & oliueta: hoc dicitur, quia segetes facilius cremari poterāt, quia erāt stipulę siccate, & tamen vineę, & oliueta virebant, & poterant magis resistere igni, nec tantum nocuit ignis illis, sicut messibus, & alijs rebus aridis. In Hebręo habetur ista sententia breuius, scilicet, *Succendit aū aceruo usque ad messem vineam, & oliueta.* Scilicet succendit aceruum, scilicet fruges comportatas messę, idest segetes stantes in stipula: vineam, & oliueta, idest etiam peruenit ignis ad cremandum vineas, & oliueta.

*An peccauit Samson comburendo terram Philisthinorum, & an ablatio uxoris esset causa, quare posset hoc iuste facere. Questio X.*

**Q**VAERETVR, an peccauerit Samson faciēdo istud. Respondendum, quod non peccauit, quia Deus mouebat eum ad faciendum hęc, quia ipse inquirebat occasiones contra Philisthinos, vt patet precedenti cap. & Deus specialiter cor eius mouebat ad faciendum talia, vel talia mala, & in tali, vel tali loco: licet forte ista non tam distinctē cognosceret Samson sibi a Deo iussā. Etiam Samson ad hoc natus fuerat, vt malum faceret Philisthinis, & sic liberaret Israelitas de manu eorum supra, i. 3. cap. ideo malum faciēdo non peccabat. Sciendum autem, quod Deus volebat percutere istos Philisthinos, quorū nunc Samson succendit segetes, & vineas, & voluit percutere per manū Samsonis, ideo dirigebat eum, vt solum noceret illis, quos ipse volebat percutere, & etiam ipse Deus direxit vulpes, vt transirent ad succendendum prędia illorum, & fructus, quibus Deus nocere volebat: & sic Samson in vniuersali sciebat, q̄ Deus moueret eum ad nocendum Philisthinis, & sciebat, q̄ bonum esset nocere illis: & tamen quod noceret istis, vel illis nesciebat, nisi in quantum se moueri contra ipsos, & non contra illos videbat. Ad hoc autē Deus pręstabat ei causam particu-



particulariter, vt vellet expetere vindictam ab istis, & non ab illis: & sic nunc verisimile est, q̄ succenderit terram Thamnata, & aliam terram vicinam, q̄ Thānathēi offenderāt ipsum. s. quia vxor eius ablata fuerat ibi ei, & Deus mouit istam occasionē particulariter in istis, q̄ volebat pcutere nunc istos per manū Sāsonis.

*An ablatio vxoris erat causa propter quam terra Philisthinorum posset exuri. Quest. XI.*

**Q**VAERETVR vterius, an ista erat causa, propter quam terra Philisthinorum posset exuri, vel habebant iustam causam Philisthini occidendo Samsonem. Aliqui dicunt, quod habuit Samson iustam causam intantum, q̄ Philisthini nihil rationabiliter ei obijcere poterant, quia hoc fecisset. Sed non stat, & hoc propter duo, vel tria. Primum erat, quia Samson fuerat offensus ab vnico viro, & combussit prædia, & fructus multorum virorum, & magnam partem terre Philisthinorum. Secundum erat, quia etiam contra illum virum Thamnathæū socerum suum non poterat procedere ad pœnam infligendam propria auctoritate, sed iudice diffiniente ille puniendus erat, & si iudex fauens illi non condemnaret eum, licebat tūc Sāsoni, vel saltem non erat tam illicitum, q̄ ipse puniret socerum suum: & tamen ipse non accusauit eum, sed propria auctoritate egit, ideo iniuste agebat. Sed adhuc dicet aliquis, quod Samson potuit percutere terrā Philisthinorum, quia in ea fuit ei facta magna iniuria. s. q̄ ablata fuerit vxor, & scientes Philisthini noluerunt ei satisfacere, ideo potuit contra vtrosque pugnare. Respondendum, q̄ non stat, quia ad hoc, q̄ iudices Philisthinorum essent in culpa, oportebat q̄ Samson peteret sibi satisfieri de iniuria, & illi nollent: tunc enim, quia non haberet Samson aliquem iudicem superiorem, ad quem recurreret, poterat propria auctoritate repetere damna inferendo iustum bellum, & tñ antequam peteret satisfactionem sibi fieri, non licuit hoc facere: sic patet de toto Israel pugnante contra viros Gabaa: nam quia ibi magnum scelus patratum fuerat, petijt totus Israel viros scelestos ad pœnam, vt illi soli punirentur, & quia noluerunt viri Gabaa, sed exposuerunt se ad defendendum illos, totus Israel pugnavit ex auctoritate Dei contra Gabaa, vt patet infra 19. cap. & vsque ad finem libri: Samson autem non petijt hic vltionem, sed per se illam exercuit. Ideo dicendum, q̄ Philisthini gerebant propter hoc iustum bellum contra Samsonem ad occidendum eum, & Samson etiam iuste ista mala intulit Philisthinis. Sed tunc dicitur: quomodo stat, quod Samson gereret iustum bellum contra Philisthinos, & Philisthini etiam iustum bellum agerent contra Samsonem: & hoc super eadem re, quia videtur includere contradictionem. Respondendum, quod vtrumq; erat iustum bellum, sed non secū dum idem: nam Samson faciebat bellum iustum contra Philisthinos non ex aliqua causa exteriori, aut propter aliquam offensam ei factam, sed solum ex Dei reuelatione, & inclinatione. s. quia inclinabat eum ad pugnandum contra Philisthinos: Philisthini autem iustum bellum fouebant contra Samsonem ex ratione, & lege humana. s. quia ipsi nihil nocuerant Samsoni, & ipse inferebat eis bellum, & non requisierat eos super iniuria, & volebat eos punire tanquam negligentes, ideo omnes homines debebant Samsonem iudicare, ideo omnes homines debebant Samsonem iudicare, simile vt inipium in hac causa, & condemnare eum. Simile accidit interdum in iurisdictione Ecclesiastica, q̄ quis excommunicatur iniuste, & tamē Ecclesia eum iuste excommunicatur, & licet sit iuste excommunicatus, si consenserit excommunicationi. s. faciēdo quod iubet iudex, peccauit mortaliter. s. si quis contraxit matrimo-

nium cum consanguinea in gradu prohibito, & non potest probare cōsanguinitatem, & tamen certissime constat illi, vel fortē pars aduersa probat per falsos testes non esse consanguinitatem: non debet reddere debitum, nec exigere tanquam non stante matrimonio, & Ecclesia eum excommunicabit, vt reddat, & tunc debet sustinere sententiam excommunicationis, & non reddet debitum, & si reddit peccat mortaliter: sic patet extra de restit. spol. cap. literas, & de sent. excom. ca. inter alia: excommunicatio tamen ista iuste ab Ecclesia infligitur: vnde habet hic iste iustam causam non obediendi: & iudex habet iustam causam ipsum excommunicandi.

**B** Quomodo ablatio vxoris facta Samsoni hic fuerit occasio pugnandi, &c. Quest. XII.

**Q**VAERETVR, quomodo ablatio vxoris facta Samsoni fuerit hic occasio pugnandi, & an fuerit occasio pro Samsonem, vel pro Philisthinis. Respondendum, quod ista non fuit occasio Deo ad puniendum Philisthinos, quia Deus ex causa iusta mouebat Samsonem ad puniendum Philisthinos, & apud eum nunquam est occasio, sed veritas causæ. Dicendum autem, quod fuit occasio pro Samsonem, & etiam contra Philisthinos. De primò patet, quia Deus volebat punire Philisthinos per Samsonem, & nō omnes, sed quosdam. s. viros vrbis Thamnata, & alios conuicinos, & quia Samson non moueretur diligenter ad exequendum illud, nisi aliqua vtilitas ibi verteret ei, vel aliquo modo causa efficeretur sua, ideo Deus inquisiuit occasionem ad incitandum Samsonem, & fecit, quod socer auferret ei vxorem, & Samson iratus prosequeretur iniuriam istam contra Philisthinos, & diligenter puniret eos. Ex hoc autem patet, quod viri imperfecti, qui desiderio boni principaliter trahi debent ad bonū agendum, debent trahi desiderio alicuius interesse: vnde quando viderimus aliquos bonum agentes, licet non bona intentione agant, sed propter quæstum, vel laudem, aut aliam causam propriam, non debemus increpare tanquam male agentes, nec impedire ab actu suo: sic enim dixit Apostolus, siue per occasionē, siue per veritatem Christus prædicetur, non refert. *Dixeruntq; Philisthini, quis fecit hanc rem?* Isti Philisthini erant de alijs vrbibus, quā de vrbe Thānatha: quod patet, quia responsum est eis: Samson gener Thamnathæi fecit hoc: ergo tam interrogantes, quā respondentes non erant Thamnathæi, quia alias non diceretur gener Thamnathæi. Item, quia dicitur, q̄ ascenderunt Philisthini, & combusserunt puellam, & patrem eius: si tamen essent isti de vrbe Thamnata, in qua erat vxor Samsonis, non diceretur, q̄ ascenderūt: erant ergo isti de alijs vrbibus, & venerunt ad urbem Thamnata ad comburendum patrem puellæ, & ipsam. Ex hoc patet, quod Samson nō solum combussit agros, & menses, vineas, & oliueta vrbis Thamnata, sed etiam aliorum locorum vicinorum, quia vulpes ferentes faces ardentes mouebantur illuc, & cremabant omnia: etiā cum semel cepit per omnia loca flamma dispergi cremans omnia coniuncta, quosq; nihil inueniret quod cōbureret. *Quibus dictum est: Samson gener Thamnathæi.* Vocabatur Samson gener Thānathæi, quia socer suus erat de vrbe Thamnatha. *Qui tulit vxorem eius, & alteri tradidit.* Expresserunt etiam quare hoc fecisset, quia ablata erat ei vxor, & ob hoc faciebat. *Ascenderuntque Philisthini.* Erant isti Philisthini de alijs ciuitatibus terre illius, & videntes, q̄ malum istud euenisset eis, per virum illum Thamnathæum, voluerunt petere vltionem in eo. *Combusserunt tam mulierem, quā patrem eius.* Vterq; videbatur in culpa. s. pater, quia dedit illā alteri viro



Samson gerebat iustum bellum in foro Philisthini etiam gerebat iustum bellum in foro fo-



viro viuentepriore, & ipsa, quia consensit alteri tradi: nam potius debuisset mortē pati, quā se permittere adulterandam: sed istud secundum matrimoniū non erat matrimonium, sed adulterium. In Hebræo habetur. *Combuſerunt mulierem, & domum patris eius*. Et hoc signat aliquid grauius. s. q̄ non solum combuſerunt eam, & patrem suum: sed etiam totam domum eius, idest familiam. s. filios, & filias, & quidquid ad illū pertinebat. Litera autem nostra noluit accipere tam duram sententiam, sed solum, q̄ puella, & pater suus combuſti fuissent, eo quod ambo solum peccauerāt: & litera Hebraica interdum permutat sententias accipiendo vnum pro altero.

*An peccauerint Philisthini cremando hanc puellam, & eius patrem.* Quæst. XIII.

**Q**VAERETVR, an peccauerint Philisthini cremando istam puellam, & patrem. Respondendum, q̄ Philisthini faciebant hoc animo vindictæ, quia magnum malum venerat super eos propter Thānathæum, & filiam suam. Moueri autem ad infligendum penam aliquam, etiam quæ alias iusta est, peccatum est, si ex solo desiderio vindictæ fiat, quia fit bonū, sed non benè. Si autem consideretur ipse actus. s. an esset iustus: respondendū, q̄ aut fuit combuſta puella cum toto domo patris sui, sicut videtur innuere litera Hebraica, aut fuit solum pater puellæ combuſtus cum ipsa puella. Si autem fuerit pater combuſtus, & puella iuxta literam nostram, non peccabant Philisthini, quia dato quod nunquam aliquod malum intulisset Samson Philisthinis propter vxorem ablatam: merebatur mortem pater puellæ, qui eam tradiderat alteri viro viuentepriore: etiam puella, quæ consensit se copulari alteri meruit mortem. Si autem combuſerūt puellam, & patrem, & totam domum patris dicendū, quod peccauerunt, quia isti duo erant rei in hoc crimine. Sed aliquis dicet, q̄ non peccauerunt, quia pro peccato patris merebatur cremari tota familia: nam sepe sic factum est, & iuste, vt patet in Achor, qui furat⁹ est de Anathemate Iericho, & peccante ipso solo combuſta est familia eius; vel lapidata, Iosue 7. sic etiā peccauit, Saul occidendo Gabaonitas, & multo tempore post filij sui occisi sunt pro hoc peccato; vt patet 2. Reg. 21. cap. & tamen non peccauerunt isti, qui occisi sunt, quia nondum erant nati, quando factum est peccatū, vel erant valde parui, vt ibidem declarabitur. Respondendum, q̄ non est idem iudicium de occisis mandato Dei, & de occisis mandato humano propter crimina: nam homines nunquam debent punire aliquos capitaliter quantūcūq; sit peccatū, nisi ipsi peccauerint: etiam si magnam colligationem habuerint isti inter se, sicut pater cum filiis. Sic patet Deut. 24. cap. s. Non occidentur filij pro patribus, nec patres pro filiis. In iudicio autem Dei secus est, quia ipse occidit filios pro peccatis patrum. Ratio diuersitatis est, quia homines solum debent iudicare, quantum ad ea, quæ apparēt:

Deus fm occulta iudicat homines, & nō fm manifestata sunt.

Inuasio in personis.

Deus autem iudicat fm occulta; vt patet 1. Reg. 16. ca. ideo interdum Deus iudicat quosdam morte dignos pro quibusdam causis, pro quibus non est licitū apud homines iudicare illos dignos morte: vt utrumq; autem iudicium, quod in contrarium allegatur. s. Iosue 7. & 2. Reg. 21. fuit iudicium Dei. In iudicio autem humano secus fieri debebat; ideo nō licebat Philisthinis punire totam familiam focii Samsonis pro peccato eius, & filiarū suarū solius: *Quibus ait Samson*. Hic ponitur inuasio in personis, postquam posita est supra inuasio in bonis, & diuiditur in duo, fm q̄ facta est duplex inuasio. Secunda ibi. *Igitur ascendentes*. Circa primum dī. *Quibus ait Samson*. Scilicet postquam Philisthini con-

**F**bufferunt vxorem Samsonis, & patrem eius, in quo videbantur expetiuisse vltionem loco Samsonis, dixit eis Samson ista, quæ sequuntur. *Licet hæc feceritis, adhuc ex vobis expetam vltionem*. Idest licet occideritis focerū meum, & vxorem vindicando iniuriam meam, non cessabo à malo, quod cepi agere contra vos: sed adhuc expetam vltionem à vobis, sed vltionem completā: quia vsque nunc solum habui vltionem semiplenam. *Percussitque eos ingenti plaga*. Scilicet occidit multos de Philisthinis. *Vt stupentes suram femori imponent*. Idest intantum fuit plaga ista magna, q̄ Philisthini erant attoniti cogitantes, quomodo possent vltionem accipere de Samson. Vocatur enim sura pars posterior cruris. Femur vocatur pars anterior, & sic in eodem crure sunt sura, & femur: sed solum differunt positione, & tunc ponitur sura super femur, qm̄ homo sedet, & ponit vnum crus super aliud, quia tunc pars posterior vnius cruris est super partem anteriore alterius, & istud ponitur ad significandum, q̄ erant meditabundi, quia homines attente cogitantes aliquid, & attoniti ponūt cruris suram super femur. Et hoc significatur cū dī: ita vt stupentes suram femori imponent. i. pre stupore, & cogitatione hoc faciebant. In Hebræo est ista sententia breuior, scilicet. *Percussit eos crus super femur plaga magna*. Litera autem nostra supplet literam istam, vt patet supra. Hebræi tñ dicūt, q̄ Salōn percussit plaga magna exercitū Philisthinorū tā egtes, q̄ pedites: nā egtes mittuntur femoribus super equos: pedites autem inniuntur pedibus, vel tibis: Samson autem percussit egtes Philisthinorum, qui vocantur femur, & pedites eorum, qui vocantur crus, vel tibia. Istum sensum tenet litera Chaldaica, & ferè omnes Hebræi: conuenienti⁹ tamen ad literam Hebraicam dixit litera nostra: nam si in Hebræo diceretur: percussit eos crus, & femur: staret aliquāliter expositio Hebræorum, sed dicitur: Crus super femur: ideo litera nostra dixit: ita vt obstupentes suram femori imponent. i. suram sup femur. *Et descendens habitauit in spelunca petra Etam*. s. postquam percussit Philisthæos plaga magna, sciebat q̄ Philisthini congregarentur ad pugnandum contra eum, vel contra Israelitas propter eum, & fugit in spelunca petre Etam, est enim quædam petra, nomine Etam, vel in solitudine Etam, in qua erat spelunca magna. Illuc autem descendit Samson non quidem, vt ibi liberaretur, quia nō poterat ibidem liberari magno tempore, eo quod saltem fame cōficeretur, sed in illuc, vt resciretur, ubi erat. Si autem velis dicere contrarium non multam inhisto.

*An peccauit Samson pugnando contra Philisthinos, postquam crematam terram corruisti, & vxorem.*

Quæstio

**Q**VAERETVR, an licuerit Samsoni nunc pugnare contra Philisthinos. Aliquis dicet, q̄ nō, quia Philisthini non faciebant nunc aliquam iniuriā, imò potius ipsi vlti sunt iniuriā eius plenè occidētes vxorem suam adulteratam, & patrem eius. Respondet Nicolaus, quod non peccauit, quia Philisthini non occiderant patrem, & puellam vxorem Samsonis amore iustitiæ, sed solum, vt vindicarent ipsi iniuriā suam in eis. Secundò, quia Samson erat cōsecratus ad percutiendum Philisthinos, ideo nō debebat cessare propter hoc. Dicendum, quod ratio prima Nicolai non stat, quia siue Philisthini occiderent patrē vxoris Samsonis, & ipsam vxorem ad vindicandum se, siue ad vindicandum Samsonem, non differebat quātum ad ius Samsonis de expetendo vltionem: nam ius vltionis solum erat eicōtra illos, qui intulerant iniuriā, & isti erant puella, & pater eius, & hos occiderūt Philisthini: ideo

Nicolai responsio ad quæstionem resellitur.



ideo non manebat Samsoni ius iniuriæ expetendæ contra alios. Item quando dicitur, q̄ consecratus erat ad hoc, ideo non debebat cessare ab istis, non consonat multum verbis Samsonis, quia ipse dixerat supra, q̄ expeteret ultionem de Philistinis: nūc autem dicebat, quod adhuc expeteret ultionem, quamquam occidissent socerum suum, & uxorem tunc quiesceret, & sic Samson dicebat se agere pro iniuria. Esse autem consecratum ad aliquid dicit officium: ergo nō consonat intentioni Samsonis. Respondendum, q̄ Samson nō poterat iuste nocere nunc Philistinis pro iniuria suscepta de ablata uxore, quia non erant isti, qui intulerant, contra quos ipse pugnavit. Item, quia iam fuerant occisi illi, qui intulerant iniuriam Samsoni. Item, quia si volebat pugnare pro offensa oportebat, q̄ primò peteret pacificè restitutionem damnorum, vel satisfactionem offensæ. Et si non fieret tunc pugnaret, & tamen nō petijt: imò cum Philistini vindicassent iniuriam eius addidit, quod adhuc expeteret ultionem de eis, & tunc quiesceret: ergo non iuste pugnabat tanquam repetens satisfactionem iniuriæ. Dicendum tamen, quod Samson non peccavit puniendo nunc Philistinos, eo quod Deus incitabat eum contra eos, & ad hoc dederat ei robur, ut pugnaret contra eos, & et immittebat ei specialiter audaciam interdum, qua incitabat eum contra illos, quādo dicitur, q̄ irruebat spiritus domini in Samsonem, ideo potius peccaret si immissa ei audacia, & desiderio pugnandi subito à Deo contra Philistinos non pugnaret contra illos. Cum autem obijcitur, quod non poterat iuste repetere satisfactionem iniuriæ; concedendum, quod nō poterat iuste repetere satisfactionem iniuriæ sibi factæ, & non satisfactum esse reclamans, solum agebat in quantum Deus immutabat eum, & inclinabat: unde si Deus nō inclinaret eum nō potuisset nunc aliquo modo agere contra Philistinos pro uxore sibi ablata propter rationes in contrarium allegatas. Sed obijcitur, quia supra dicebatur, quod Samson dixit, quod expeteret nunc ultionem, & postea quiesceret. i. cessaret. Respondendum, quod Deus movebat Samsonem, & ipse non cognoscebat determinatè ad quid Deus eum moueret, & ob hoc Deus inquirebat occasiones, ut moueret Samsonem contra Philistinos, quia alias non diligenter moueretur, sicut declaratum fuit supra, sicut nunc Deus volebat, q̄ omnes isti quos nūc occidit Samson morerentur, & quia si Samson nō haberet causam suā ad persequendum illos, non moueretur bono desiderio, Deus dedit illi zelum magnum ad se vindicandum pro offensa sibi inflicta, faciens credere, q̄ non fuit perfecta ultio facta, & tunc quamq̄ Deus moueret Samsonem ad occidendum istos, quia merebatur, ipse occidebat illos tanquam in vindictam propriæ iniuriæ, & faciebat Deus tamdiu durare desiderium vindictæ in Samsonem, quousq; occiderentur illi omnes, quos ipse volebat occidi, & tunc Samson putavit sibi satisfactū, & cessavit à bello. Sed adhuc obijcitur, q̄ Samson peccaret, quia ipse agebat ista animo vindictæ, & ideo non liceret ei pro satisfactione iniuriæ pugnare, quia iniuria nulla iam manebat, & pro Dei inclinatione ipse non pugnabat, ex qua liceret pugnare: ergo peccaret: sic enim erat de Sennacherib, & Nabuchodonosor, & alijs pugnantis contra Iudæos. Nam Deus movebat eos, cum diceretur vocare eos de ultimis terræ, Isa. 5. & 7. & 10. & tamen isti peccabant, quia non agebant tanquam à Deo vocati, vel ut positi iudices, sed solum desiderio dominandi, & ex superbia, ut patet Isa. 10. & Abacuc 1. cap. Respondendum, quod non peccabat Samson, quia movebatur à Deo contra Philistinos, & tamen intentionem Dei distinctè interdū ignorabat Samson, & ista erat, ut percuterentur Philis-

thini, qui erant peccatores: ipse quoque Deus infligebat menti Samsonis aliam intentionē. i. desiderium habendi vindictam, & sic utraq; erat à Deo: ista tamen infligebatur à Deo animo Samsonis, eo q̄ ista moueret eum convenientius, quā alia, quia tangebatur magis propriam causam, & sic non agebat Samson ex desiderio suo, sed ex desiderio à Deo dato, quod concernebat causam Samsonis. De Sennacherib autem, & Nabuchodonosor, & alijs punitoribus Hebræorum non est simile, quia isti movebantur à Deo, ut venirent contra Israelitas, tamen desiderium, quod eos immediate movebat non erat à Deo eis immissum, sed à seipsis, scilicet ad dominandum, & conterendum: imò ipsi movebantur contra Deum, ideo isti peccabant tanquam minus moti à Deo, quā à seipsis: Samson autem quantum ad utrumq; desiderium à Deo erat motus. Secundò est dissimilitudo, quia Nabuchodonosor, & alij tantū movebantur proprio desiderio, q̄ repugnabant Deo Israel: unde ipse Sennacherib misit ad blasphemandum Deum Israel coram toto populo tempore Ezechie, dicens, quod non confiderent, q̄ Deus suus posset liberare eos de manu eius, quia sicut ceteri dii gentium non potuerunt liberare suos cultores de manibus eius, & aliorum regum Assyriorum: ita nec Deus Israel posset liberare eos, ut patet 4. Reg. 19. ca. sic etiam patet Isa. 10. cum dicit Dominus de Sennacherib: Virga furoris mei, & baculus ipse: in manu eorū indignatio mea: ad gentem fallacem mittam eum, & de populo furoris mei mandabo illi, ut auferat spolia, & diuidat prædam. Et sequitur: Ipse autem non sic arbitrabitur, & cor eius non sic existimabit: sed ad conterendum erit cor eius, & ad internitionem gentium non paucarum. De Samsonem autem erat è contrario, quia ipse putabat se moveri à Deo in omnibus his, quæ agebat, & laudabat Deum, quando fecisset aliquid magnificum, sic fuit quando occidit mille viros in maxilla asini, infra in litera: nam tunc cantavit canticum dñō, & ibi exaudiuit eum inuocantem pro aqua. Tertiò differebat Samson ab his, quia isti non fuerant à Deo dedicati ad delendum, vel opprimendum Israelitas, vel alia regna terræ: sed desiderio dominandi movebant bellum omnibus gentibus, & tūc Deus subijciebat eis gentes illas propter peccatum ipsorum: in Samsonem autem secus erat, quia Deus ad hoc solum dederat ei robur, ut pugnaret contra Philistinos, sicut reuelauerat angelus patri & matri eius, supra 13. & sic ipsi dicebant postea Samsoni: unde ipse agens id, quod ad officium suū pertinebat nullo modo putabat se peccare,

*Illata iniuria ablata uxoris Samsoni, an ei liceret nunc pugnare contra Philistinos. Quæst. XV.*

**Q**VAERETVR vltius, dato quod licuisset Samsoni propria auctoritate sumere vindictam de iniuria ablata uxoris, an liceret nunc ei pugnare, & occidere multos Philistinorum, sicut egit. Respondendum, quod non liceret propter duo. Primò, quia petitio satisfactionis iniuriæ est solum contra illos, qui iniuriam intulerunt directè, vel indirectè, qui de iure puniri possunt pro crimine: isti autem erant solum duo. i. socer Samsonis, & filia eius: ideo dato, quod propria auctoritate liceret petere ultionem, tamen de his solis petere debebat, & quia isti erant mortui, quando Samson fecit istam occisionem in Philistinos, non poterat Samson agere tanquam pro iniuria. Secundò patet, quia dato quod licuisset Samsoni comburere segetes, & vineas à principio pro iniuria sibi inflicta transmutando ultionem ad alium: tamen iam non licebat ei facere aliam ultionē, quia bellum est iustum pro repetitione damnorum, vel satisfactione iniuriarū, quando



quando non se extendunt damna, quæ inferuntur in bello ultra quantitatem satisfactionis debitæ, & tamē damnum quod intulit Samson cremando terriā Philisthinorum erat maius eis, quā in iuriā illata: ergo nō poterat plura inferre damna pro suscepta iniuriā, intulit autem ista Samson, & licitē agebat, quia Deus mouebat ipsum ad faciendum hæc, vt declaratum est precedenti quæstione.

*An tenebantur Philisthini cremare socerum Samsonis,*

*& uxorem eius in vindictam ipsius.*

*Quæstio XVI.*

**Q**VAERETVR, vterius, cū Philisthini occiderint socerum Samsonis, & uxorem eius adulteratam, & per hoc vindicabant iniuriā Samsoni inflatam, an tenebantur ad hoc. Respondendum, qd si Samson non vltus fuisset iniuriā suā propria auctoritate, tenebantur Philisthini eo petente vindicare illam: nunc autem non tenebantur vltisci iniuriā illius propter duo. Primum est, quia iam ipse vltus fuerat propria auctoritate iniuriā suā. Secundū erat, quia vltus est in illos, qui nihil mali ei intulerunt: & ob hoc non solum non merebatur iuris beneficium, sed etiam merebatur extremum supplicium pro tāto facinore. Dico tamen, qd tenebantur Philisthini occidere socerum Samsonis, & filiam eius non inquantum per istud erat vltio Samsonis, sed quia isti egerant contra legem. sc. dando uxorem vnus viri alteri viro.

*Benue-*  
*tum in Sā-*  
*nio con-*  
*gunt.*

Igitur ascendentes Philisthij in terram Iuda, castrametati sunt in loco, qui postea vocatus est Lechi, idest, maxilla, vbi eorum fusus est exercitus. Dixeruntque ad eos de Tribu Iuda: Cur ascendistis aduersum nos? Qui responderunt: Vt ligemus Samson venimus, & reddamus ei quæ in nos operatus est. Descenderunt ergo tria millia virorum de Iuda ad specum silicis Etam. Dixeruntque ad Samson: Nescis quod Philisthij imperent nobis: Quare hoc facere voluisti? Quibus ille ait: Sicut fecerunt mihi, sic feci eis. Ligare, inquiunt, te venimus, & tradere in manus Philisthinorum. Quibus Samson, iurate, ait, & spondete mihi, quod non occidatis me. Dixerunt: Non te occidemus, sed vinctum trademus. Ligaueruntque eum duobus nouis funibus, & tulerunt eum de petra Etam. Qui cū venisset ad locum maxillæ, & Philisthim vociferantes occurrissent ei, irruit spiritus Domini in eum: & sicut solent ad ardorem ignis ligna consumi, ita vincula quibus ligatus erat dissipata sunt, & soluta. Inuentamque maxillam, idest, mandibulam asini, quæ iacebat arripiens: interfecit in ea mille viros.

Igitur ascendentes. Hic ponitur secunda inuasio Samsonis in Philisthinos, & diuiditur in tres partes: primò ponitur inuasionis occasio, secundò ipsa inuasio ibid. Qui cum venisset. Tertiò gratiarum actio ibid. Et ait in maxilla asini. Circa primum dicitur. Igitur ascendentes Philisthini in terram Iuda. Scilicet postquam Samson fecit tam magnam plagam super Philisthinos, recessit in terram Israel: & tunc Philisthini congregati venerunt in terram Israel in sortem Iudæ ad capiendum Samsonem.

*Quare Philisthini non pugnant contra Israelitas pro damnis, &c. Quæst. XVII.*

**Q**VAERETVR, quare Philisthini non pugnant contra Israelitas pro dānis, & iniuriis, quas inferebat eis Samson cū ipse esset de terra Israel. Respondendum, qd non habebant nunc aliquem colorem ad hoc: nam si Samson ageret istud iubentibus Israelitis, aut consulentibus, aut ratum habentibus, vel villo modo fauentibus, poterant Philisthini pugnare contra eos: tamen Israelitæ non iuebant, nec pugnat Samson pro aliqua causā Israelitarū, sed pro causā suā. sc. quia erat sibi iniuriā illata à Philisthinis singulariter. Item quod maius erat, Samson quando cepit agere ista bella habitator erat terræ Philisthinorum: nā habebat uxorem in Thamnata, ideo non attinebat ad Israelitas aliquid de hoc, nunc tñ Samson fugerat, & latuerat in terra Israelitarum, & si nollent dare Israelitæ illum Philisthinis, viderent peccare contra eos tantquam receptatores hostium suorum, & tunc possent Philisthini iuste pugnare contra Israelitas: ob hoc autem cū Philisthini venirent contra Israelitas pro Sāsonē tradiderunt eum in manus illorum.

*Quare potius Philisthini venerint contra tribum Iudæ, quā contra aliam. Quæst. XVIII.*

**Q**VAERETVR, quare potius venerunt Philisthini contra tribum Iudæ, quā contra aliam, nam Samson non erat de tribu Iudæ, sed de tribu Dā: nam pater suus Manue erat de tribu Dan, supra 13. Respondendū, qd potuit esse hoc propter duo. Primum erat, quia fortē audierant Philisthini, qd esset Samson in sorte Iudæ. sc. qd specus petre Etam esset in sorte Iudæ, & quia tribus illa, in qua Samson esset, debebat eū exhibere Philisthinis, iuerunt ad tribum Iudæ. Secunda causa esse potest. sc. quia fors tribus Iudæ erat magis coniuncta terræ Philisthinorum, quā alia tribus, vt colligitur Iosue 15. vbi ponitur ferē tota terra Philisthinorum in sorte Iudæ: vnde venientes ad introeundum in terram Israel Philisthini, necesse erat, qd introirent prius in sortem Iudæ. Castrametati sunt in loco, qui postea vocatus est Lechi. Iste locus est in extremitate terræ Philisthinorum, & habitationis filiorum Iudæ in confinibus, & noluerunt introire in terram Iudæ, quia pax erat Philisthinis, & Israelitis, & si introirent in terram eorum cū exercitu grauabant eos, & pugnare poterant Israelitæ licitē contra illos. Ex illo autē loco venerunt aliqui ad viros Iudæ, & fuit collocutio inter eos. Dicitur, quod iste locus postea vocatus est Lechi, idest Ramathlechi, vt patet infra, scilicet eleuatio maxillæ, vt infra declarabitur. Vbi eorum fusus est exercitus. Scilicet postea fusus est, idest dispersus, vel percussus exercitus Philisthinorum in eodem loco a Sāsonē: nam Philisthini locuti sunt ibi cū viis Iudæ, qui iuerunt ad capiendum Samsonem ad petram Etā: duxeruntq; eum vinctum, & interim manebat exercitus Philisthinorum in eodem loco, & cū Samson ligatus ductus fuisset ad eos, pugnavit contra illos.



& eorum exercitum disperfit. In Hebræo non habetur ista clausula, ubi eorum fufus est exercitus, sed appofuit illud litera noſtra ad declarandum. *Dixeruntq; ad eos de tribu Iuda: cur ascenditis contra nos? Quafi dicat: non habetis aliq; cauſam pugnandi contra nos: quomodo ergo facitis bellum? Dicebant hoc rationabiliter viri Iuda, quia erat pax inter Iſraelitas & Philifthinos, cum Philifthini dominarentur Iſraelitarum, & ſoluerēt Iſraelitæ tributa, nunc autem non fecerant Iſraelitæ aliquem inſultum contra Philifthinos: etiam non ceſſabant à ſolutione ſtatutorum tributorum, ideo non habebant aliquam cauſam Philifthini aſcendendi cōtra viros Iuda. *Qui reſponderunt, vt ligemus Samſonem venimus. Ideſt non venimus ad pugnandum contra vos, ſed ad ligandum ſolum Samſonem, qui eſt hoſtis noſter. Et reddamus ei, quæ in nos operatus eſt. Ideſt occidamus eum, ſicut ipſe occidit multos de nobis.**

*An Philifthini iuſtum petebant, quòd traderetur eis Samſon, &c. Quæſt. XIX.*

**Q**VAERETVR, an Philifthini iuſtum petebant, quòd traderetur eis Samſon, & occiderent eum. Reſpondendum, quòd ſic, quia Philifthini non offenderant Samſonem, & ipſe offenderat eos valde, ideo poterant contra eum iuſtum bellum facere, vbi-  
cunque ille eſſet, & niſi eis traderetur, poterant etiam mouere bellū contra deſenſores, & receptatores eius: ideo dicendum, q̄ ſi Philifthini occidiſſent eum, non faciebant contra aliquam legem humanam, vel rationem, nec etiam peccabant mortaliter, ipſe tamen Sāſon non peccauerat mortaliter, ſed potius merebatur inſligēdo Philifthinis omnia mala, quæ intulerat, quia Deus mouebat eum. Quomodo ſtet, quòd ſimul Sāſon faceret iuſtum bellum contra Philifthinos, & Philifthini iuſtum bellum cōtra Samſonem declaratum eſt ſupra in quadam quæſtione. *Descenderunt ergo tria millia virorum de Iuda ad ſpecum ſilicis Etam. Sciuerunt ibi latere Samſonem, & iuerunt illuc.*

*Quare tot viri iuerunt ad quarendum Samſonem.*

**Q**VAERETVR, quare tot viri iuerunt. Reſpondendū, quòd putauerunt, quòd Samſon nollet ſe tradere eis, vt portaretur ad Philifthinos timens mortem, ideo pugnaret contra viros Iuda, nè ducerent eū, & quia ſi non poſſent ducere eum, vel euadens de manibus eorum fugeret, putarent Philifthini, q̄ Iſraelitæ calumniarentur, & quòd nollent eis dare Samſonem, & ob hoc pugnarent contra eos: q̄ timentes viri Iuda voluerunt multi deſcendere contra Samſonem, vt ſi fortè nollet ſponte venire coactus bello duceretur: iuerunt autem tria millia, quia ſciebāt Samſonem fortiffimum, & quòd poſſet occidere: ideo tot iuerunt quot ipſe occidere non poſſet, nec auderet pugnare cum illis.

*Si Samſon nollet pacificè venire cum filiis Iuda, an poſſent licitè pugnare contra eum, ut eum caperent, ut traderent Philifthinis, & an ei liceret ſe defendere ab eis.*

*Quæſtio XX.*

**Q**VAERETVR, ſi nollet Samſon venire pacificè cum filiis Iuda, an poſſent licitè pugnare cōtra eum, vt caperent eum, & traderent Philifthinis. Reſpondendum, q̄ vt quidam putant poterant hoc facere viri Iuda: nam ſi hoc non facerent viderentur facere Samſoni hoſti Philifthinorum, & poſſent ipſi licitè pugnare contra Iſraelitæ, & quia non tenebantur Iſraelitæ exponere ſe morti propter Samſonem, pote-

**A**rant pugnare contra Samſonem ad tenendum eum, & tradendum in manus Philifthinorum. Sed dicendum, quòd non, quia non licebat Iſraelitis tradere Sāſon ad mortem Philifthinis, quia ſciebant ipſi, q̄ non erat reus mortis: nam omnia, quæ fecerat contra Philifthinos fecerat auctoritate Dei incitantis eum: nam nouerant dixiſſe angelum, q̄ ipſe eſſet liberator Iſrael de manu Philifthinorum: tradere autem innocentem ad mortem, erat peccatum mortale, ideo potius debebant ipſi mortem potius ſuſtinere, quàm dare Philifthinis Samſonem ad occidendum: ſed poterant Iſraelitæ pugnare contra Samſonem, vt exiret de terra Iſrael, & in hoc faciebant vtrumq; ſ. quia non tradebāt innocentem ad mortem, cum eiſcerent ad aliud regnum, in quò eodem modo erat in pendenti vita ſua, ſicut apud Hebræos. Secundum erat, quòd liberabant ſeipſos à periculis Philifthinorum: nam non pugnarent contra illos, ſi Samſon fugeret de terra Iſrael: ſi tamen dicas, Samſon poterat erui de manibus Philifthinorum, fortè manendo in terra Iſrael, quia defenderent eum Iſraelitæ ſi vellent pugnare contra Philifthinos, & ſi eiſcerent eum de terra, putarēt, quòd vix poſſet euadere, an tenebantur eum defendere. Dicendum, quòd non, quia tenetur aliquis nō peccare mortaliter, ſed occidendo per ſe aliquem, vel tradendo occiſori, peccat mortaliter, & potius debet ipſe mori, q̄ iſta agere, tamen non tenetur eum emere opponendo ſe morti: imò dato, q̄ ſciat certiffimè, q̄ occidet ſi eiſcit eum de regno, vel domo poteſt eum eiſcere, nè ipſemet occidatur, & ſic licet putarēt certiffimè Iſraelitæ, q̄ recedente Samſone de terra Iſrael caperent eū Philifthini, & occiderent: non tenebantur ipſi exponere ſe morti pugnando contra Philifthinos, vt eum defenderent: ſi autem Samſon nollet exire de terra Iſrael, nec ſe tradere manibus Iſraelitarum, vt illum ſta-  
tuerent corā Philifthinis, poterant licitè pugnare contra ipſum ad occidendum eum, & occiderent, quia ſi nollet exire de terra irrogabat iniuriam & damna Iſraelitis, ſ. quia conſtituebat eos hoſtes Philifthinorum, & licet non mereretur aliàs mortem, pro hoc mereretur, quòd iniuſtè eos efficiebat hoſtes Philifthinorum ad hoc, quòd paterentur ab eis damna.

*An Samſon licitè pugnare poſſet contra viros Iuda, &c. Quæſtio XXI.*

**Q**VAERETVR, an Samſon licitè pugnare poſſet contra viros Iuda, qui iuerunt ad ligandū ipſum, vt non ligarent eum. Reſpondendum, quòd Samſon non meruerat mortem ſibi inſligi à Philifthinis, quia quidquid contra illos egerat Deo mouente egerat, ideo quicunq; vellent eū tradere manibus Philifthinorum ad occidendum erat hoſtis ſuus, & ſic ſi viri Iuda vellent eum ligatum omnino tradere Philifthinis, ita quòd ipſi poſſent eum occidere, poterat pugnare contra eos, & tamen ipſi ſic conſeſſi ſunt dicentes: **E** ligare te venimus: Samſon ergo poterat pugnare, & occidere quotcunq; illorum, nec obſtabat, q̄ eſſent Iſraelitæ, quia cum ipſi iniuſtè eum capere, & tradere hoſtibus vellent, ipſi efficiebantur hoſtes eius: ſi tamē Iſraelitæ offerrent Samſoni optionem, dicētes: aut exi de terra noſtra, aut per mitte te ligari, & duci ad Philifthinos, tenebatur Samſon efficere vnum illorum. Si autem neutrum illorum vellent, Iſraelitæ poterant iuſtè pugnare contra eum, & ipſe nō poterat pugnare contra illos occidendo, vel vulnerando quemquam de illis. Sed obijciatur, q̄ non poterat compelli Samſon ad exiendum de terra, quia illa erat terra ſuæ originis, ideo non poterat cogi exire de illa. Reſpondendum, quòd poterat, & hoc propter duo. Primum erat, quia



quia in iudicio humano magis attenditur vtilitas, vel bonum publicum, quā priuatum; manente tamen Samsonē in terra Israel totus status Israelitarum erat in periculo, quia pugnaturi erant contra eos Philisthini, quos valde timebant Israelitæ, ideo pro salute publica poterant licite excludere de terra Samsonem. Secundum erat, quia Samson non debebat priuari beneficio terræ suæ, de qua erat oriundus sine culpa sua, & tamen ipse secundum humanum iudicium peccauerat inferendo bella iniusta, & grauissima dāna Philisthinis, ideo sicut cū quis peccauit in quibusdam criminibus potest infligi ei exilium, ita & nunc, quia bella iniusta intulerat Philisthinis, eis accusantibus Samsonem iustè poterat exulare: tenebatur ergo alterum istorum Samson suscipere, & sic fecit.

*Quare Samson non pugnavit contra viros Iuda, qui se contulerant ad ligandum. Quæst. XXII.*

**Q**VAERETVR, vltius, cū liceret Samsoni pugnare contra viros Iuda si vellent eum vinctū in manus Philisthinorum tradere ad occidendum, & sic ipsi volebant dicentes: ligare te venimus Samson, & non obrulerunt ei optionem, quod ligari se permitteret, vel exiret de terra, sed indistinctè eum ligare dixerunt, quare non pugnavit contra eos. Aliquis dicet, quod non ausus est, quia erant valde multi, & ipse non audebat pugnare contra tot viros. Sed dicendum, quod non stat, quia Philisthini, quibus traditus est, erant fortè plures, quia vocantur exercitus, & viri Iuda expauerunt venientibus illis, atq; dixerunt, quare venistis contra nos? & tamen Samson pugnavit contra exercitū istorum, & occidit de eis mille viros, vt infra in litera: ergo etiā auderet pugnare cōtra viros Iuda tria millia. Item dato quod timeret tot viros, exponeret se periculo, & timens pugnaret: nam putare debebat periculosius sibi esse, quod vinctus traderetur in manus omnium Philisthinorum, quā pugnare non posset, quā quod nunc pugnare potens exponeret se in dubio ad pugnam contra viros Iuda. Dicendum igitur, quod Samson noluit pugnare contra viros Iuda, satis n. ipse confidebat, quod posset eos percutere, & fugare, tamen voluit potius vires suas exercere in Philisthinos contra quos dedicatus erat, quā in contribulos suos: confidebat enim, quod quemcūq; Philisthinorum exercitū superare posset: ideo petijt à viris Iuda, quod non occideretur fraudulenter, sed solū traderetur Philisthinis, quia tunc putabat, quod ipse posset rumpere vincula, & pugnare contra Philisthinos: si tamen viri Iuda nolissent ei promittere, quod non occiderent eum postquam ligarent: pugnaret contra eos, & faceret quod facturus erat contra Philisthinos. *Dixeruntq; ad Samson.* Nolebant viri Iuda pugnare contra Samsonem, vt eū ligatum ducerent ad Philisthinos, ideo præmiserunt culpam eius, vt ipse intelligeret, quod iustè tradendus erat in manus Philisthinorum, & vt cognosceret, quod viri Iuda iustè mouebantur contra eum. *Nescis, quod Philisthini imperent nobis.* Idest scis, quod sunt dñi nostri. scilicet quia tributa eis præstamus, & sunt potentiores nobis: nam cū voluerint possunt nos affligere valde. *Quare ergo hoc facere uoluisti?* Scilicet pugnando cōtra eos iniuste, & infligendo magna damna in terra eorum: quasi dicat: male agebas, quia ponebas totam terram nostram in periculo: scire enim debuisti, quod cū tu eis damna inferres, ipsi contra nos pugnaturi erant, vt nos omnia damna solueremus. *Quibus ille ait: sicut fecerunt mihi, sic & feci eis.* Scilicet malum mihi fecerunt, & ego malum eis iatuli.

*Resp. doc. ad q̄situm.*

*Quare Samson non respondit aliter viris Iuda, cū posset melius. Quæst. XXIII.*

**Q**VAERETVR, quare Samson non respondit aliter viris Iuda, cū posset melius respondere. Pro quo sciendum, sicut supra declaratum est, quod Samson non poterat agere illa, quæ fecit contra Philisthinos, si fecisset ea solo intuitu iniuriæ sibi illatæ, quia non per se, sed per iudices debebat vindicta expeti, eo quod iudices aliqui erant, qui potuissent iudicare: etiā, quia Samson excessit modum repetendi vindictam p. iniuria: nam non erat tanta iniuria, quanta fuerunt dāna, quæ intulit, ideo ex hac parte non habebat iustam defensionem, & Philisthini iustè mouebantur contra eum: poterat autem bene respondere, dicens, quod Deus insserat ei, quod hoc faceret, & quod ad hoc ipse nat⁹ fuerat, sicut angelus prædixerat, ideo quod licitè egisset: non tamen respondit isto modo, quia fortè non crederent ei Israelitæ, eo quod apparebant ista iniusta, & quia ipse non poterat probare præceptum Dei, non crederetur. Alia ratio est, quia si istam causam proposuisset Samson, fortè viri Iuda morti fuissent timētes Deum, vt pugnarent contra Philisthinos adinuando eū: Deus autem nolebat hoc, quia nolebat, quod Israelitæ præuolerent nunc contra Philisthinos in bello, cū adhuc seruiret Idolis, & diffinierat Deus, quod tempore Samsonis non excuterent iugum Philisthinorum de ceruicibus suis, ideo inclinauit eum Deus ad dandū aliud responsum. Alia causa est, & fortè efficacior, quia licet Samson in generali sciret, quod Deus mouebat eum, adhuc tamen in particulari ipse mouebatur ad vindictam contra Philisthinos, quia etiam Deus dabat ei zelum vindictæ, vt in quadam quæstione supra declaratum est. Ideo non expressit id, quo mouebatur in generali, sed id quo in particulari mouebatur, quia istud erat propriū motuum suum. scilicet vt iniuriam sibi inflictam vlcisceretur. *Ligare inquit te venimus, & tradere in manibus Philisthinorum.* Idest, quia iniuste pugnaisti contra eos, & ipsi veniunt contra nos ad pugnam, nos venimus ad ligandum te, & tradendum eis, vt sic euadamus pugnam eorum.

*An tenebantur Israelitæ Samsonem tradere ligatum Philisthinis. Quæst. XXIII.*

**Q**VAERETVR, an tenebantur Israelitæ tradere Samsonem ligatum Philisthinis. Respondendum, quod Israelitæ cōsiderare debebant prius an Philisthini haberent iustam querelam contra Samsonem, vel non. Si non haberent iustam querelam non tenebantur eis tradere Samsonem: imò si traderent, peccabant, quia iniuste tradebāt eum morti, & potius debebant sustinere bellum à Philisthinis, vel facere aliquid aliud, quā tradere eum innocentem ad mortē. Si autem Philisthini peterent iustè cōtra Samsonem, tenebantur ad vnum de pluribus. scilicet ad dandum illum Philisthinis, vel ad occidendum eum, si mereretur per accusationem Philisthinorum, vel ad excludendum eum de terra, vel ad dandum Philisthinis licentiam psequendi eum intra tertiam Israel: notum autem erat quod Philisthini iustum peterent contra Samsonem, ideo Israelitæ obligabātur ad aliquid horum alioquin haberent iustum bellum Philisthini contra illos. Secundum autem noluerunt Israelitæ, quia ipsi iniuste occiderent Samsonem, cū sciret eum datum à Deo in liberatorem Israel. Etiam, quia ipsi putabant, quod posset eis amplius proficere, ideo nefas putabant eum occidere. Tertium etiam noluerunt, quia licet istud esset minus malum quod Samsoni fieri poterat, quia tamen Israelitis dicentibus, quod vellent eum ligare, &



& tradere Philisthinis, ipse consensit, non oportuit de A uenire ad istum modum. Quartum modum nullatenus recipere Israelitæ, scilicet, quod permetterent Philisthinis intrare in terram Israel, quia in hoc multum læderetur terra, & quod Philisthini bello acturi erant, volebant potius ipsi agere in pace. Primum autem modum acceptauerunt Israelitæ, quia Samson illum acceptauit, & duxerunt eum vinctum. Dicendum tamen, quod non tenebantur Israelitæ determinatè ad tradendum Samsonem manibus Philisthinorum: unde si Philisthini hoc petiissent non acceptantes aliquam aliam conditionem, non tenerentur Israelitæ hoc facere, quia satisfaciebant (si vellent) tenendo eum in terra sua exhibere complementum iustitiæ occidendo Samsonem, vel effugando de terra, scilicet B si permetterent Samsonem fugere, & si bellum vellēt super hoc mouere Philisthini Israelitis, debebāt illud sustinere tanquam iniuste inflatum.

An peccabant viri Iuda ligando Samsonem, & eum Philisthinis tradendo. Quæst. XXV.

QVAERETVR vterius, an peccabant viri Iuda ligando Samsonem, & tradendo eum manibus Philisthinorum. Respondendum, quod cum sciret viri Iuda, quod Samson à Deo dedicatus fuerat tanquam dux Israel ad nocendum Philisthinis, licet secundum humanum iudicium videretur mereri mortem, peccabant mortaliter, si tradidissent eum ad mortem certissimè: sed cum ipsi non possent negare debitum iustitiæ Philisthinis, tenebantur facere de Samsonem vnū de quatuor positis præcedenti quæstione, ideo tenebantur minimum horum facere, scilicet, quod excluderent eum de regno, & tunc Philisthini non habebant causam pugnandi contra Israelitas. Et si Samson non consentiret, peccarent Israelitæ aliquid aliud ei facere volentes, & tamen nunc non peccauerunt, quia Samson cōsensit, quod ligaretur, quia sciebat, quod posset rumpere postea vincula, & pugnare contra Philisthinos. Etiam viri Iuda hoc crediderunt, cum cognoscerent robur Samsonis. Unde non dubitauerunt illum sic ligatum tradere Philisthinis. Quibus respondit Samson: iurate, & spondete mihi, quod non me occidatis. Posuit Samson istam conditionem cum Israelitis, quia si non consentirent in hoc intendebat pugnare contra eos, & habuisset iustū bellum, vt supra declaratum est, & satis confidebat, quod posset totum illum exercitum triū millium superare: potius tamen voluit in extraneos, quàm in cōtribulos vires suas exercere, cum esset sibi securitas, etiam si daretur ligatus Philisthinis.

Quare Samson voluit securitatem ab Israelitis, nè eum occiderent. Quæst. XXVI.

QVAERETVR, quare Samson voluit securitatem ab Israelitis, nè occiderent eum, quia non videbatur necessaria: nam etiam si esset in vinculis esset securus, quia poterat rumpere vincula, sicut fecit coram Philisthinis, & pugnare. Respondendum, quod necessaria erat securitas Samsoni, quia alioquin posset faciliter occidi: nam aliquis occultè poterat Samsonem gladio trāsuerberare dum ligaretur, vel postquā ligatus esset cum dormiret poterat occidi antequam traderetur Philisthinis, unde licet non posset Samson occidi, si ipse videret sibi imminere periculum, quia rumperet vincula, & fugeret, tamen, quia occultis modis poterat occidi voluit securitatem, quod non occideretur ab eis: alioquin non præstantibus eis hanc securitatem, pugnare intendebat contra illos. Dixeruntque, non te occidemus. Intelligendum est, quod istud fuerit Alph. Tost. super lib. Iudicum

sub iuramento, & promissione firmatum. Sed vinctum trademus. Scilicet cōstituemus te vinctum coram eis, deinde tu fac quod potueris, & volueris. Ligaueruntque eum duobus funibus nouis. Erant isti funes valde grossi, vt non frangeret illos Samson, & dicitur, quod erant noui, vt innuatur, quod erant fortiores, quia vigor eius non debilitatus fuerat in aliquo opere. In Hebræo non habetur duobus funibus nouis, sed solum ligauerunt eum, quia tamen colligitur hoc ex litera sequenti in Hebræo, interposuit illud litera nostra ad magis exponendum. Et tulerunt de petra Etam. Scilicet ibi latuerat, & ibi ligauerūt, fuitque in toto itinere ligatus. Sciendum autem, quod licet Samson iret ligatus, tamen sponte ibat ad Philisthinos, quia aliàs potuisset rumpere vincula, & fugere de manu virorum Iuda, sicut rupit vincula coram Philisthinis, & percussit eos: sed ipse gaudebat, quod sic duceretur, quia essent securi viri Iuda circa Philisthinos, quia faciebant quantum in ipsis erat: etiam ipse Samson habebat occasionem occidendi Philisthinos, quod ante facere non poterat si ipsi non mouerent aliquid contra eum. Qui cum venisset. Hic ponitur secundum huius partis, scilicet Philisthinorum inuasio, & dicitur. Qui cum venisset ad locum maxilla. Id est cum ductus fuit: nam cum esset ligatus magis videbatur trahi, quàm venire, licet veritas esset in contrarium, cum potuisset rumpere vincula antequam illuc veniret. Vocatur locus maxillæ per anticipationem, quia postea sic vocatus est facta ibi pugna: prius autem non vocabatur sic. Et Philisthim vociferantes occurrissent ei. Videntes enim illum, magno gaudio commoti sunt, quia percusserat eos nimis, & nunc putabant plenam victoriam se habituros de illo: & ob hoc vociferabant in signum lætitiæ. Irruit spiritus domini in eum. Scilicet animositas ad pugnandum, & desiderium: nam robur ad faciendum fortia semper in eo erat, vt præcedenti capitulo declaratum est. Et sicut solent ad odorem ignis ligna consumi. Id est ligna consumuntur, cum odor ignis venerit super illa, scilicet mox, vt coeperit ignis venire super ligna, quod est venire odorem eius, consumuntur. Ita vincula quibus ligatus erat dissipata sunt. Scilicet non stetit magno tempore in frangendo illa, sed subito rupit, & soluit. Inuentamque maxillam, id est mandibulam, quæ iacebat arripiens. Id est non habebat Samson tunc aliqua arma, sed Deus parauit ei quandam maxillam asini, quam accipiens pugnavit. Exponitque litera nostra maxillam, id est mandibulam, & idem est: dicitur enim mandibula à mandendo, id est terendo cibum, quia in mandibula inferiori sunt dentes, quibus cibus teritur. In Hebræo habetur. Maxillam teneram. Et exponunt aliqui, quod erat tenera, id est alicuius asini parui, & teneri, & ex hoc erat magis mirabile, quia esset maxilla minor, & fragilior, scilicet facilius poterat frangi percutiendo, vel vocatur tenera, quia erat alicuius asini nouiter mortui, nam haberet adhuc alias partes pellis, vel carnis. Interfecit in ea mille viros. Id est interfecit cum ea, quia sæpe accipitur (in) pro cum: sic accipitur Genesis trigesimo secundo. In baculo meo trāsui Iordanem, id est cum baculo meo transui, non habens aliquid aliud.

De Samso-  
ne ligato  
eunte ad  
Philisthi-  
nos.

Philisthi-  
norum in-  
uasio.

An Samson peccabat occidendo Philisthinos.  
Quæstio XXVII.

QVAERETVR, an Samson peccabat occidendo Philisthinos, quia non offenderant eum nunc, nec et ipse vltimècebatur iniuriā. Respondendū, quod non peccauit, quia egit se defendens: cuiuslibet autem licita est defensio, Philisthini nunc volebant occidere Samsonem, ideo ne occideretur, poterat occidere illos.

V Sed



Sed obijcietur, quia Samson non se defendit hic sed egressus est, quia defensor, vel defendens, & inuadens opponuntur, sed Samson inuasit Philisthinos: nam cum ipsi adhuc non inferrent ei aliquod malum, rupit vincula, & cepit occidere Philisthinos: inuasio tamen non licebat Samsoni, quia non habebat aliquam causam. Ad hoc respondendum, quod Samson non erat inuasor: nam licet Philisthini adhuc non percuterent Samsonem, nec forte intenderent percutere, veniebant ad eum quasi hostes, ut tenerent eum, & ducerent in terram suam, ibique facerent mille opprobria ei, & postea vilissimam mortem infligeret, & hoc solum erat inuasio: ideo antequam accederent ad eum Philisthini vocabantur aggressores: & si ipse inciperet percutere illos non vocabatur aggressor, sed defendens se, ne traderetur manibus eorum, eo quod si semel caderet in manus eorum, defensio ei nihil conferret, ideo tunc defensio licita est, quando aliquid conferre potest. Patet etiam quod Philisthini aggresserentur, quia cum viderent, quod duceretur Samson ad eos, occurrerunt vociferantes ad tenendum eum: & ideo si quis videns hostes suos venientes ad capiendum se, ut occidant, non possit effugere, nisi incipiat percutere, & occidere aliquos, licebit ei, & non dicetur aggressor, sed defendens, se dato quod alijs nondum mouentibus arma ipse percutiat aliquos, & occidat. Sed adhuc obijcietur, quod non licite egerit Samson, quia defensio est licita, quando fit cum moderamine, & sine culpa: unde si quis potens euadere, nullum occidendo, aut percutiendo vult aliquos percutere, non vocatur defendens, sed aggressor, & iam non caret culpa. De Samson autem licet, quia cum rupit vincula, poterat fugere, & nullus de Philisthinis potuisset eum capere, quia erat velocissimus. Voluit tamen tot occidere quousque fugauit omnes, & occidit mille: ergo non erat inculpara tutela. Respondendum, quod si Samson solum deberet excusari, tanquam egisset defendendo, non posset excusari, quia potius debuisset fugere, cum posset: & tamen noluit. Et patet hoc, quia quando ipse ductus est a viris Iuda, potuisset rumpere vincula in via, & non fuisset tractus ad Philisthinos, sed noluit: ergo sponte ductus. Dicendum ergo, quod Samson semper inquirebat occasionem ad pugnandum contra Philisthinos, & quia ipse vidit, quod sic poterat occidere multos de illis, voluit duci ad eos non ad se defendendum, sed ad inuadendum illos: excusatur tamen Samson, quia agebat ista Deo mouente, ideo non solum non peccabat, sed etiam bene agebat pugnando.

*Quomodo Samson, cum esset nazareus, mortuos tangebatur, & occidebat. Quest. XXVIII.*

**Q**VAERETVR vltius, quomodo Samson cum esset nazareus tangebatur mortuos, & occidebat, & sustinebat quod multi morerentur coram eo, quia ista erant contra obseruantiam nazareorum, ut patet Numeri sexto capitu. Respondet Rabbi Dauid Kimhi quod Samson forte tangebatur mortuos in aliquo modo, qui ei licitus esset. Vel dicit quod Samson non vouit votum nazareorum, sed angelus dixit, quod obseruaret: ideo poterat contaminari in mortuis. Vel dicit quod Samson non occidebat Philisthinos, sed percutiebat: & ante mortem spoliabat. Vel dicit quod Samson occidebat Philisthinos, sed non tangebatur eos postquam mortui erant: sed iubeat cuidam Philisthino, quem secum habebat, quod spoliaret eos, & sic ipse non contaminabatur. Sed nulla istarum responsionum stat. De prima patet, quia illa est indeterminata: nihil enim magis est sic respondere quam nihil

respondere, velut si peteretur ab aliquo a iudice: quare occidisti hominem, & diceret: ego habui aliquam causam occidendi, & non exprimeret illam, tantum erat ac si nihil responderet. Secunda responsio non stat, quia vult innuere Rabbi Dauid Kimhi, quod iubente angelo, quod seruaret votum Nazareorum, quod non teneretur, & tamen falsum est, quia certum erat, quod istud preceptum angeli erat a Deo, nec de hoc dubitauit pater Samsonis, aut mater postquam sciuerunt illum esse angelum: sed si Deus iuberet, certum est, quod obligabat: ergo iubente angelo tenebatur ad istam obseruationem Samson. Item patet, quia Samson obseruabat alias coeemonias, quae pertinebant ad Nazareos. Nam ipse nunquam totondit capillos suos usquequo Dalila totondit illos, & ipse dixit ei: ferrum nunquam ascendit super caput meum, quia Nazareus domini sum: ergo innuebat in hoc, quod seruabat coeemonias Nazareorum. Item patet, quia si non obligatus fuisset seruare coeemonias Nazarei detonsis capillis de culpa sua non defecissent vires eius: & tamen defecerunt: nam illico fuit infirmus, ut patet omnia hac sequenti capitulo: ergo non potuit esse liber a coeemonijs Nazareorum quamquam ipse non vouisset, sed iussisset angelus. Solutio tertia non stat, quia falsum asserit, & praesupponit falsum. De primo patet, quia manifestum est, quod hic occidit Samson mille viros, applicat tamen Rabbi Dauid istam solutionem ad id, quod dicitur praecedenti capitulo de triginta viris Aschalonitis, quorum vestes rapuit, quia in Hebraeo non habetur, quod occidit illos, sed quod percussit, & tamen istud nihil est, quia percutere, ut communiter accipitur pro occidere in historijs tam sacrae scripturae, quam in alijs Chronicis. Item non stat, quod ipse occideret illos triginta viros adhuc viuentes, quia quando Samson percutiebat eos: etiam si haberet intentionem non occidendi eos, non erat in potestate sua, quia cum ipse percuteret illos, ne insurgerent in eum, vel ut non resisterent percutiebat sicut poterat, & contingeret aliquos fortiter percussos illico mori: unde non est verisimile, quod omnes illi triginta sic fortiter percuterentur, ut omnes in terram caderent, & non possent surgere contra Samsonem, & tamen sic esset percussio parua, quod nullus eorum moreretur dum ipse spoliabat omnes triginta. Item non stante illo manifestum est, quod hic occidit mille viros, & dum ipse occideret quosdam alij expirabant, & ipse conculcabat eos, persequendo eos, quousque fugaret totum exercitum, & occideret mille. Item praesupponit falsum, quod faciendo sic non pollueretur, quia cum Samson percuteret aliquos poterant multi mori coram eo ex forti percussione, potissime cum ipse duraret in bello magno spacio quousque totum exercitum fugaret, vel prosterneret: & sic morientibus aliquibus coram eo polluebatur: etiam cum se exponeret huic periculo. Item quia verisimile erat, quod aliquis moreretur coram eo peccaret. Item praesupponit, quod quamquam ex percussione Samsonis morerentur aliqui: dum tamen ipse non tangeret eos postquam mortui essent, quod non polluebatur, ideo ponit, quod expoliabat eos antequam morerentur. Sed hoc falsum est, quia non solum ex tactu polluebatur Nazareus: sed et si quis coram eo moreretur, & ipse non tangeret eum polluebatur, ut patet Num. 6. Quarta solutio non stat, quia praesupponit id quod praecedens est, scilicet, quod Samson manere coram mortuis, vel aliquem coram eo mori non erat peccatum, siue pollutio: sed solum si spoliaret illum: istud tamen est falsum, quia quocumque moriente coram Nazareo ipse erat pollutus.

Item

Obiectio  
an liceat  
alicui se  
defendere  
inuadendo  
hostem, an  
requam in  
uadat ab  
eo.

Rabbi Dauid  
refellit.



Item falsum est, quod Samson haberet secum Philistinum, qui spoliaret mortuos; nam istud applicat Rabbi Dauid ad occisionem, quam fecit Samsō apud Aschalonem præcedenti cap. Sed non videtur stare, quia nullus auderet de Philistinis ire cum illo, nè reputaretur reus criminis pro societate criminis. Item Samson nollet secum aliquem Philistinum habere, ne ille declararet iniquitatem illius Philistinis alijs. Item dato quod habuisset ibi aliquem Philistinum secum, constat, quod hic nullum habuit, quia ipse ducebatur victus à viris Iuda, vt poneretur in manibus Philisthinorum, & rupit vincula subito, atque pugnavit contra exercitum Philisthinorum, & ipse spoliaverit morientes. Dicendum ergo, quod non stat aliqua istarum solutionum: sed dicendū, quod Samson erat Nazareus perpetuus, & polluebatur in occidendo aliquos, & tangendo mortuos, quia erat contra legem Nazæorum, & tamen Deus non reputabat istud in eo tanquam pollutionem, eo quod Samson ad hoc fuerat à Deo consecratus, vt occideret Philistinos, sicut significavit angelus, dicens, quod ipse inciperet liberare Israel de manu Philisthinorum: liberatio tamen ista nō fiebat sine bello, & occisione: ideo oportebat ipsum vacare occisionibus, & tamē angelus, qui ista dixit denunciavit, quod Samson esse semper Nazareus. scilicet ab utero matris vsq; ad mortem, supra 13. cap. ergo innuebat, quod simul seruari poterat in Sāsone status Nazæorum cum pollutione super mortuo.

*Quare viri Iuda videntes Samsonem pugnātem contra Philistinos, non adiuerunt eum.*

*Questio XXIX.*

**Q**UÆRETVR vltērius, quare viri Iuda videntes Samsonem pugnātem contra Philistinos, non adiuerunt eum. Respondendum, q̃ Israelitæ erant subiecti Philistinis illo tempore soluentes tributa, vt colligitur hic, & præcedenti cap. & non audebant insurgere contra illos: credentes, quod si nunc contra eos pugnarent, postea congregarentur omnes Philistini, & deleterent Israelitas: nec enim dabat Deus cor Israelitis contra Philistinos propter peccata sua, ideo licet haberent ducem optimum, non audebant pugnare. Alia causa esse poterat, quia ipsi videbant, quod Samson solus pugnare sufficiebat contra Philistinos: ideo credebant inutile esse, quod ipsi pugnarent: imò credendū est, q̃ qñ Samson pugnabat nunc contra Philistinos, nullus de Israelitis erat præsens: quod colligitur infra, quia finito bello qñ Samson siti moriebatur, nō fit mentio, q̃ ibi esset aliquis, qui astaret ei, vel cōsolaretur eum, & fortē hoc fuit, quia Philistini erant in extremitate terræ suæ expectantes, qñ viri Iudæ ducerent ligatum Samsonem, & cum viri Iuda accesserunt ad terminos terræ suæ relinquerunt ibi ligatum Samsonem, & redierunt in terram suam: & tunc Philistini venerunt ad tenendum eum, & ipse rupit vincula, & pugnavit contra illos.

**E**t ait: In maxilla asini, in mandibula pulli asinarum deleui eos, & percussi mille viros. Cumque hæc verba canens complectetur, proiecit mandibulam de manu, & vocavit nomen loci illius Ramathlechi, quod interpretatur eleuatio maxillæ. Sitientque valde, clamavit ad Dominum, & ait: Tu dedisti in manu serui tui salutem hanc maximam, atque victoriam, & en siti morior,

*Alph. Toft. super lib. Iudicum*

**A**incidamque in manus incircuncisorum.

Aperuit itaque Dominus molarem dentem in maxilla asini, & egressæ sunt ex eo aquæ.

Quibus haustis, refocillauit spiritum, & vires recepit. Idcirco appellatum est nomen loci illius, fons inuocantis de maxilla, vsque in presentem diem. Iudicauitq; Israel in diebus Philisthijm viginti annis.

*Cumana ciuitas cāpaniæ ab Aenea restituitur.*

**E**t ait: In maxilla. Hic ponitur tertium huius partis, scilicet gratiarum actio, quia pro victoria sibi à Deo data cepit cātare coram Domino id, quod sequitur. scilicet. In maxilla asini, in mandibula pulli asinarum deleui eos. Istud est canticum. scilicet. Domine Deus gratias tibi ago, quia in mandibula asini. i. habens solū vnā mandibulam asini deleui exercitum Philisthinorum. Et replicatur sententia ad modum carminum: nam maxilla asini, & mandibula pulli asinarum idem sunt. An verò istud solū fuerit canticum, vel fuerit solū principium cantici, & alia taceantur non apparet: sed creditur, q̃ iste erat primus versus, qui replicatur, sicut in multis carminibus sunt versus intercalares, qui replicantur dictis quibusdam sentētijs, & obseruatur in carminibus vulgaribus semper: apud Poetas autem interdum fit in illis, qui obseruant intercalares versus. Sic accipitur in Ouidio in libro Heroidum, siue Epistolarum in Epistola Deianiræ ad Herculem, quæ incipit.

*Versus intercalares quid.*

*Gratulor Aetoliam titulis succedere nostris.*

*Et versus, qui repetitur est.*

*Impia quid dubitas Deianira mori?*

Idem obseruat Thodolus in fine sui libri, scilicet.

*Cede dies colo, quia nescit cedere virgo.*

Sic etiam Virgilius in Bucolicis, & est versus,

*Incipe Menalios mecum mea tibia versus.*

Et in alia Ecloga ponitur alius versus intercalaris, scilicet.

*Ducite ab vrbe mea carmina ducite Daphnim.*

Sic Dauid facit in planctu pro Saule, & Ionatha 2. Reg. 1. vbi repetitur versus, scilicet: Quomodo ceciderunt robusti, & perierunt arma bellica: sic etiam Psal. 106. ponitur vnus versus intercalaris, qui saepe repetitur, scilicet. Confiteantur Domino maiestatem diuinitatis eius, & mirabilia eius filijs hominum. Samson autem fecit nunc istud canticum, quia conuersus erat Israelitis quando aliquas pugnas mirabiles faciebant, ad laudem Dei facere cantica: sic enim Moyses fecit magnum canticum, cum perierunt Aegyptij in mari rubro, & habetur Exodi decimo quinto, scilicet. Cantemus Domino: gloriose enim honorificatus est: equum, & ascensorem proiecit in mare. Sic etiam post bellum Barac contra Syllaram factum est magnum canticum Debbore, quod habetur supra quinto, sed istius cantici solū habetur principium. Sic etiam interdum apud gentiles factis magnis bellis fiebant carmina in laudem victorum, & factum est, quando Seon rex cepit terram Moabitarum, vt patet Numeri vigesimoprimum capitulo. Et percussi mille viros. Istud etiam cantabat Samson. Necessè est autem, quod isti mille manerent mortui, aut vulnerati ad mortem in campo, & Samson computaret eos finito bello, alioquin nesciret quot percussisset. Cumque hæc canens verba complectetur. Quia ista verba erant tanquam versus intercalaris, qui repetitur, & sicut in principio cantici ponerentur, ita & in medio, & fine, & sic complebatur in eis canticum. Proiecit mandibulam de manu. Quia iam non erat necessaria: fortē enim finito bello semper tenuit eam, dum inuestigabat eos,

*V 2 qui*



qui corruerant in campo: vt si quis fortè illorum non erat mortuus occideret eum: nunc autem numeratis eis, & finito cantico proiecit, maxillam in terram. *Et vocauit nomen loci illius Ramathlechi.* Istud nomen impositum fuit a casu, qui ibi fuit, s. quia in maxilla occidit ibi viros mille. *Quod interpretatur eleuatio maxillæ.* Istud non est in Hebræo, sed additum fuit ab expositore & translatore nostro, vt sciatur quid signant nomina in Hebræo: nam Rama, vel Ramath interpretatur eleuatio, vel excelsum: Lehi, vel Lechi corrupta voce significat maxillam. *Sitienſque valde clamauit ad Dominum.*

Miraculū  
quod post  
Philisthi-  
norum oc-  
cisiōe ac-  
cidit.

Hic ponit quoddam miraculum, quod accidit post occisiōem Philisthinorum, s. quia Deus dedit aquam supernaturaliter Samsoni de maxilla asini: & dicitur quod sitiuit valde, quia laborauerat nimis Samson pugnando contra Philisthinos, cum occidisset mille ex eis: labor autem causat calorem, & de ficationem, & consequenter sitim quandam: videns autem Samson, q̄ non haberet aquam, nec erat ad propinquū aliqua aqua recurrit ad dominum: nam in eis vbi iam deficit potestas, & prudentia humana, debemus semper ad dñm recurrere, vt patet 2. Paralip. 20. cap. l. Sed cum ignoremus quid agere debeamus, hoc solum habemus residui, vt oculos nostros dirigamus ad te. *Tu dedisti in manu serui tui salutem hanc maximam atque victoriam.* Idest tu fecisti per manum meam, qui sum seruus tuus, istud bellum magnum, s. q̄ occisi sunt mille viri ab vno viro inermi. Vocatur salus maxima, quia ipse liberatus est a morte: & quia fuit per excellentem modū pugnandi vocatur victoria maxima: vocatur autem victoria, quia non solum ipse liberatus fuit a morte vtpote si fugisset: sed etiā obtinuit victoriam de Philisthinis congregatis ad bellum, mille viros occidit, & reliquū exercitum disperdidit. *Et en siti morior.* Scilicet quod non habeo aquam nec possum ire ad aliquem locum vbi habeam aquam, quia prius siti moriar, quā ad locū aliquem vadam, vbi reficiar. *Incidamque in manibus incircuncisorum.* Scilicet ego lassabor siti, & deficiam paulisper, & antequam moriar venient Philisthini, qui incircuncisi sunt, & te nebunt me, & in manibus eorū moriar. Ex hoc patet quia quādo Sāson pugnauit contra Philisthinos, non erāt ibi aliqui de viris iuda, vel Israel cum eo, quia tūc non dixisset ipse: incidāq; in manus Philisthinorum, quia dato q̄ moreretur siti, nō incideret in manus Philisthinorum, eo q̄ viri iuda ducerent eum in terram suam, sed timebat, q̄ moreretur, vel lassaretur in loco ipso, in quo erat, & venientes Philisthini tollerent eū. Orabat autem hic Sāson valde suasoriē ad Deum, quia si dicat. Tu domine Deus dedisti istam victoriam magnam per manus meas ad laudem tuam, & tamen si nunc siti morior, & incido in manus Philisthinorum, nulla erit gloria de ista victoria, quia ego, qui eram victor, ero victus cadens in hostium manibus, & sic istud opus mirabile, quod egisti, nullius utilitatis erit: ideo vt opera tua non sint superuacua, da mihi aquam, vt bibam. *Aperuit itaq; Dominus molarē dentem in maxilla asini.* Deus cōdescendit pręcibus Samsonis, quia iuste orabat, & confidenter, sciens q̄ Deus posset ei dare aquam quocunq; vellent: & de maxilla illa, de qua occiderat Philisthinos fecit prodire aquam copiosam: & ad hoc excussit vnum de dentibus maxillę, & per foramen illius egrediebatur aqua tanquam scaturigo fontalis esset intra maxillam, & prodiret vena aquarum per rupturam eius, sicut fit in terra, in qua laterent aquę viuentes. *Et egressę sunt ex eo aquę.* Idest de vno foramine maxillę egressę sunt aquę copiosę ad satiandum Samsonem. *Quibus haustis refocillauit spiritum.* Idest postquam haustit, idest bibit aquam refocillauit: recreauit spiritum,

quia iam incipiebat deficere, & anxiare ad mortem. *Et vires recepit.* Nam prius cum sitiret nimis, vires sue erant valde debilitatę: & ob hoc timebat, quod incideret in manus Philisthinorū, quia dato, quod viuens esset si superuenirent aliqui Philisthini, non posset se defendere ab eis, & incideret in manus eorum. In Hebræo habetur. *Et vixit.* Vbi nos dicimus. *Viros recepit.* Sed litera nostra est conuenientior ad exprimendum, quia non poterat nunc viuere, nisi mortuus fuisset: sed dicitur. *Vixit.* Idest reuixit spiritus eius, scilicet, quia prius erat tanquam mortuus prę siti.

*Quomodo fluxerunt aquę de maxilla asini, & quantum durauit illa scaturigo. Quęst. XXX.*

**Q**VAERETVR, quomodo fluxerunt aquę de maxilla asini. Respondendum, quod Deus poterat dupliciter hoc facere: vno modo, quod crearet aliquas aquas de nihilo, sicut fecit in exordio rerū creans omnia de non ente. Secundo modo, quod de aliqua materia, scilicet de aere formauerit aquas, sicut de materia formauerat animalia, & arbores, & hominem, atque foeminam, & cetera entia distincta in speciebus suis, & istud adhuc fieri poterat dupliciter: vno modo, quod de materia illa per diuinam virtutem sine aliquo naturali agente formasset subito aquas: alio modo, quod per angelos formatę fuerint applicando actiua passiuis, scilicet, sicut generantur aquę in suis fontalibus originibus. Nam subintrante aere ad loca, in quibus generantur aquę per frigiditatem loci condensatio fit, & conuertitur in aquam: sic igitur poterat dari frigiditas talis in circuitu maxillę, quod aerem circumstantem conuerteret in aquam, & licet prius non esset ibi talis dispositio, tamen angeli poterant faciliter hoc operari. Sciendum autem quomodocunq; ponatur ista aqua producta, quod ipsa non egrediebatur de maxilla asini per dentem erutum, quia intra maxillam non erat, sed faciebat Deus locum generationis illius aquę esse in foramine dentis ablati, & sic videbatur aqua egredi de maxilla. Sciendum etiam, quod Samson iam proiecerat istam maxillam in terram, vt supra dictum est, & tamen cum ipse oraret ad dominum pro aqua, coepit erumpere in altum impetus aquę de foramine dentis, quod Samson videns, coepit maxillam, & bibit.

*An durauerit scaturigo aquę in maxilla asini, postquam bibit Samson. Quęst. XXXI.*

**Q**VAERETVR, vterius, an durauerit scaturigo aquę in maxilla illa postquam desijt bibere Samson. Aliquis dicet, quod non, quia istud factum est supernaturaliter solum ad satiandum Samsonem: illo igitur satiato non maneret miraculum. Respondendum, quod cum aliqua sunt huiusmodi miraculose ad aliquem finem, habito illo fine, vt communiter deficiunt, & quia sic fiebat ista eruptio aquę pro Samphone, videtur, quod illo satiato, cessauerit. Dicendum tamen, quod aliqua facta sunt sic miraculose, & tamen durant vsque in hodiernum diem: sic namque Deus dedit Israelitis aquam in deserto in Raphidim de petra Horeb ad satiandum populum, vt patet Exodi decimo septimo, & tamen hodie, & propter cum tota illa vallis Arabia, quę ab antiquo inhabitabilis fuerat, facta est habitacionis bonę, vt patet in libro de diuisione terrę sanctę, vbi agitur de Arabia: sic ergo aliquis dicet, quod manere poterat in maxilla scaturigo aquę perpetua.

Respon-



Respondendum, quod non est dubium, quin posset manere, quia Deus potest quodcumque voluerit, & quod voluerit operari, & tamen Deus nunquam operatur miraculose continue, quia tunc operatio miraculosa esset sicut naturalis: sed si miraculum aliquando fit, cito cessat. De fonte autem Arabie in Raphidim, dicendum, quod cum Moyses percussit virga coram filiis Israel, non erat ibi aqua, nec virtus scaturiginis fontalis, sed Deus subito formavit aquas, & fecit eas copiose defluere, & quia locus ille erat dispositus ad hoc, quod secundum naturam gignerentur ibi aque, sicut in alijs locis, accidit, ut tunc efficeretur noviter fons ibi, & iam non fluerent ibi aque supernaturaliter, sed naturaliter genitae, sicut in alijs scaturiginibus fontalibus: in maxilla autem, non poterat sic fieri, quia non poterat esse intra maxillam locus contentivus materiae convertende in aquam, quia tota erat solida. Etiam deficiebat ibi qualitas conversiva, quia illa conversio fit per condensationem, & condensatio fit a frigore, sed non potest esse in foramine maxillae talis frigiditas, quia aer existens in circuitu aliqui esset siccus, & aliquando calidus, ideo non fieret ibi continuus defluxus aquarum: tale enim non potest fieri, nisi in locis subterraneis, & absconditis valde, ubi aer non potest alterari ad tot qualitates, sicut hic super terram: si tamen tanta fuisset frigiditas maxillae, quae semper in ea duraret, poterat emanare aqua ex illa per conversionem aeris circumstantis, sed modica aqua illa esset: sic est in lapidibus tempore hyemis, quia ex frigiditate complexionali adiuta a frigore temporis aerem circumstantem convertunt in aquam condensando, & videtur semper emanare aqua de illis. Sic etiam est quidam lapis preciosus valde frigidae naturae, qui semper sudare aquam videtur, & sic est, nec ab hoc cessat in tempore aestatis. Et istud est, quia per frigiditatem complexionalem alterat aerem, & condensat, & in aquam vertit: non ergo poterat manere maxilla aquam emittens naturaliter, sed si manebat oporteret, quod semper continuaretur miraculum: Deus autem non continuat miracula, cum illa fiat propter causas valde speciales. Ideo certissime dicendum, quod non mansit mandibula aqua fluens, sed solum duravit dum Samson bibit, & illico cessavit: si tamen mansisset semper fluens non fuisset res preciosior, & utilior toto orbe: nam ipsa sola valeret plusquam unum regnum, cum posset quocumque ferri in manu hominis, & tamen praebebat copiosissimas, & indeficientes aquas. Idcirco appellatum est nomen loci illius fons innocantis de maxilla. Scilicet locus, in quo tunc Samson erat, vocatus est fons innocantis, scilicet fons Samsonis, qui innocavit ibi dominum, ut daret ei aquam, & dicitur de maxilla referendo ad fontem, & non ad innocantem, scilicet, quod fuit fons de maxilla erumpens. In Hebraeo habetur. *Fons clamantis, qui est in Lehi.* Idest vocatus est locus ille fons clamantis, siue innocantis, & est in Lehi, idest in Ramathlehi. Considerandum autem, quod iste locus habebat nunc duo nomina, quae conveniunt ei, quasi simul propter diversos casus, scilicet Ramathlehi propter Philistinum, qui occisus fuit ibi cum mandibula asini per Samsonem: & vocatus est fons clamantis propter aquam manantem de maxilla asini. Et ista duo nomina manserunt simul loco illi pro semper: sic enim factum est in quibusdam alijs locis. Nam Israelitae venientes de monte Sinai in desertum Pharam murmuraverunt, & accensus est ignis contra eos, vocatusque est nomen loci illius Incensio. Et post paucum ibidem concupierunt Israelitae carnes, & dedit dominus coturnices, & postea occidit multos de Israelitis, ob hoc locus ille vocatus est sepulchra concupiscentiae. De utroque patet Numeri undecimo. *Vsq. in praesentem diem.* Scilicet usque ad tempus, quo scribitur.

Alph. Tost. super lib. Iudicum

Apertus est liber iste, scilicet per Samuelem. Fluxerunt autem inter Samsonem & Samuelem solum anni quadraginta, quibus praefuit Heli summus sacerdos, primo Regum quarto, & tunc Samuel factus est iudex, & ille fuit ultimus iudicum. *Iudicavitq. Israel in diebus Philistinum viginti annis.* Idest fuit iudex Israel viginti annis, & tunc erant dies Philistinorum, idest dies quibus Philistini dominabantur Israelitis, ut patet supra.

Quare dicitur hic iudicavit Samson Israel.

Questio XXXII.

**Q**VAERETVR, quare dicitur hic iudicavit Israel, quia in alijs iudicibus nunquam ponitur tempus, quo iudicaverunt quousque ponatur mors illorum: hic autem ante mortem Samsonis ponitur tempus iudicaturae eius, & quare postea replicatur sequenti capitulo, quod iudicavit viginti annis. Respondet Rabbi David Kimhi, quod hoc factum est, quia usque ad tempus istud visus est iudicasse Samson & non amplius: eo quod post hoc non egit aliquid mirabile, nec timebant eum Philistini, sed captus est ab eis. Sed dicendum, quod non stat, quia post haec Samson concutiens domum diruit eam super Philistinos, & occidit tria millia, sequenti capitulo, etiam timebant eum Philistini, & insidiabantur ei quando ingressus est Gazam, & fecit ipse opus magnificum, scilicet eruit portas urbis simul cum vestibibus, imposuit humeris suis, tulitque in montem. Dicitur post, quod si scriptura posuisset istam clausulam circa principium capituli sequentis ubi dicitur: Post haec amavit mulierem, quae habitabat in valle Soreth: convenienter diceremus, quod posuisset hic tempus iudicii Samsonis: eo quod sequens tempus non spectabat ad honorem, & principatum Samsonis, sed ad ignominiam, eo quod captus est a Philistinis, in carcere ad molas sicut asinus ligatus est, & periit ibi totus honor temporis praecedentis capituli. Et si obijciatur, quod in morte occidit multos de Philistinis. Dicendum, quod illud factum non excusat ignominiam Samsonis, quia captus, & in potestate hostium erat, quando ista egit: ideo potius vocari debebat servus insurgens, quam hostium princeps pugnans: & tamen scriptura non sic posuit. Ideo dicendum, quod scriptura non fecit istam duplicationem, ad significandum aliquid speciale, quia non omnium, quae in scriptura sacra ponuntur, ratio reddi potest, nec conari debemus ad illud, quia multa dicta sunt superabundanter ex conditione idiomatis eorum, qui scribebant. Unde Hieronymus multos modos loquendi Hebraeos mutat in litera nostra. Si tamen illi fuissent sic specialiter positi ad aliquid significandum, non mutati fuissent a Beato Ieronymo.

Quomodo computantur isti viginti anni,

quibus praefuit Samson.

Questio XXXIII.

**Q**VAERETVR ulterius, quomodo computantur isti viginti anni, quibus praefuit Samson. Respondendum, quod de fine istorum annorum non est dubium, ubi ponatur: nam in quolibet iudice erat finis suae iudicaturae mors sua, & sic necesse erat, quod in Samstone finis istorum viginti annorum erat mors sua: sed de principio eorum est difficultas, pro quo sciendum, quod isti viginti anni possunt habere triplex exordium, scilicet, quod inchoent ante nativitatem Samsonis, scilicet a morte Abdon, qui erat iudex praecedens, vel a nativitate Samsonis,

V 3 vel -



Ordo in  
omnibus  
iudiciis.

vel à tempore, quo coepit pugnare contra Philisthinos, scilicet quando descendit in Thamnata, & accepit sponfam: nam tunc fuit initium bellorum suorum contra Philisthæos. Prima positio videtur esse necessaria, quia in omnibus iudiciis erat iste ordo, quod mortuo vno iudice mox inciperet computari tempus alterius, licet ipse non illico succederet, quia transirent aliqua tempora sine iudice, quibus Israelitæ subijcerentur gentilibus, vt declaratum est supra tertio, & quarto: ideo oportet, quod post mortem Abdon, mox incipiant computari anni Samsonis. Item totum tempus quod fuit ab exitu de Aegypto vsque ad ædificationem templi Salomonis computatur per tempora iudicum coniungendo eis duos reges, scilicet Saulem, & Dauid, & quadraginta annos mansionis deserti: si autem inter mortem Abdon, & Samsonis essent aliqui anni non computarentur in tempore Samsonis, nec Abdon, & deficerent isti de summis particularibus, ex quibus colligitur necessariò summa illa annorum quadragesimorum octuaginta, vt patet Reg. 6. quæ summa colligitur præcisa ex summis particularibus intermedijs, quæ habentur in isto libro cum quadraginta annis deserti, & annis Heli Samuel Saulis, & Dauid, & si deficerent aliqui anni de summis particularibus inter Abdon, & Samsonem, qui in nullius tempore computarentur; non posset colligi præcisa summa illa totalis ex summis partialibus, & tamen colligitur, ideo non potest intercidere aliqua summa annorum inter Abdon, & Samsonem. Sed contra istam positionem est inconueniens; quia tunc necesse erit, quod quando Samson mortuus est, erat solum decem septem, vel decem octo annorum, quod videtur esse difficile. Hoc patet, quia post mortem Abdon Philisthini dominati sunt Israelitis peccantibus eis, & postquam ipsi coeperunt dominari denunciatum est matri Samsonis, quod conciperet puerum, qui liberaret Israel de manu Philisthinorum, & sic ad minus esset aliquantum tempus, quo ipsi dominari coeperant saltem vnus annus, & inde vsque ad natiuitatem Samsonis transiret alius annus, & tamen tempus iudicaturæ Samsonis est solum viginti annorum, vt patet hic, à quibus tollantur duo anni, qui interciderent inter mortem Abdon, & natiuitatem Samsonis, vt nunc computatum est, ideo solum viueret Samson decem & octo annis. Quomodo ergo in his temporibus acciperet uxores, & diligeret concubinas, & faceret bella, quæ habentur in his tribus capitulis: nam in etate hac non diligunt adolescentuli bella, sed ludos pueriles. Si autem teneatur secunda positio, scilicet, quia incipiat computatio à natiuitate Samsonis, non multum differt ista positio à præcedenti in euitando inconueniens, & non habet motiūm aliquod. Quod patet, quia cum Samson dicatur viginti annis iudicasse, erit mors sua in anno vigesimo, sed non videtur conueniens ætas ista ad faciendum, vel saltem ad desiderandum aggredi ea, quæ fecit Samson. Item non habet motiūm aliquod, sed patitur potius inconueniens ex principio suo, quia tunc inter mortem Abdon, & natiuitatem Samsonis manebunt duo anni, vel quasi, qui non computantur cum aliqua illarum summarum, & facerent varietatem in summa totali, quæ habetur tertio Regum sexto, sed falsum est, ideo non potest sic computari. Tertia positio est, quod computetur ab eo tempore ista summa annorum, quo coepit Samson bella contra Philisthinos descendens in Thamnata, & ista positio habet bonum motiūm, scilicet, vt Samson faceret ista bella in tempore conuenienti secundum ætatem, vt puta in anno vigesimo quinto, vel trigesimo, & fieret sic, quod cum Samson descenderet in Thamnata ad accipiendum uxorem, esset 24. annorum, vel quasi: & tunc

Secunda  
positio re-  
felliur.

Tertia po-  
sitio repro-  
batur.

inciperent bella Philisthinorum, & durarent ista bella aliquanto tempore, cum sint multa bella, & post viginti annos ab inceptis bellis moreretur, & sic esset annorum 44. vel quasi. Sed ista positio sustinet magnum inconueniens, quia tunc totum tempus quod fluxit à morte Abdon præcedentis iudicis vsque ad annum quo Samson bella inciperet, non comprehenderetur sub aliqua summa particulari, & deficerent tot anni de summa totali, qui essent vigintiquinque, vel plures, & tamen falsum est, cum summa totalis colligatur præcisa ex summis particularibus, vt inductum est supra 3. ideo non stabit ista computatio. Aliquis autem poterit dicere, quod Samson natus est viuentem Abdon, vel Ahialon, & tamen principium indicaturæ suæ fuit primo anno post mortem Abdon, & tunc videretur oia bene stare. scilicet quod Samson esset magnus quando inciperet tempus iudicaturæ suæ, vt potest, si esset annorum 20. vel plus, & posset facere conuenienter opera bellica, & moreretur anno 40. vel quasi. Etiam non sequeretur inconueniens ex parte principij, quia computaretur iudicatura Samsonis à morte Abdon, & non maneret aliqua summa annorum intermedia, sicut manebat computando alias. Sed dicendum, quod ista positio non stat, quia præsupponit, quod Samson natus fuerit ante mortem Abdon quod falsum est, quia post mortem Abdon coeperunt quadraginta anni, quibus Israelitæ fuerunt sub seruitute Philisthinorum, vt colligitur supra 13. Nam descripta morte Abdon cap. 12. sequitur in cap. 12. quod rursus Israelitæ fecerunt malum coram domino, quod tradidit illos in manus Philisthinorum 40. annis, & tamen quando natus est Samson iam ceperant Philisthini dominari Israelitarum: nam angelus veniens ad matrem Samsonis dixit ei, quod paritura esset quædam filium, qui inciperet liberare Israel de manu Philisthinorum: si tamen non esset iam Israel subiectus Philisthinis, non diceretur hoc: ergo necesse est, quod Samson natus fuerit post mortem Abdon saltem vno, vel duobus annis, & sic non stabit ista positio. Aliquis dicet aliter. scilicet quod Samson natus est post Abdon magno tempore. scilicet inter principatum Abdō, & Samsonem interciderint quadraginta anni. scilicet quod mortuo Abdon Philisthini inceperint dominari Israelitarum, & durauerit istud dominium per quadraginta annos, quibus expletis cepisset tempus principatus Samsonis. Et hoc conformatur literæ valde. scilicet quia supra 12. dicitur quomodo mortuus est Abdon, & immediatè in principio 13. ca. dicitur, quomodo Philisthini dominati sunt 40. annis Israelitis, & postea dicitur de natiuitate Samsonis: & sic dicitur, quod Samson natus fuit intra istos 40. annos ante completionem eorum annis 15. vel viginti, aut pluribus, & tamen principatus suus non incepit, nisi finitis illis 40. annis, & sic tollerentur omnia inconuenientia. Primum. scilicet quia quādo Samson cepit agere illa bella, esset iam vir fortis 25. annorum, vel plurium, & viginti anni principatus sui, qui ponuntur hic computarentur à tempore, quo inciperet bella, & sic quādo moreretur Samson esset 40. annorum, vel plurium. Etiam tolleretur aliud inconueniens. scilicet quod inter Abdō, & Samsonem non maneret aliqua summa annorum non computata, quæ deficeret in summa totali, quæ habetur 3. Reg. 6. etiam tolleretur aliud inconueniens. scilicet quod non poneretur Samson natus ante mortem Abdon. Ista positio est multum conueniens, sed obstat ei valde computatio 40. annorum: nam computat illos inter Abdon, & Samson. Sed hoc non potest stare: nam si illa summa computetur tanquam distincta ab alijs, & addat in numero: sequetur, quod summe particulares, quæ colliguntur in libro isto, & libro regum sint maiores, quæ summa totalis, quæ habetur 3. Reg. 6. nam ibi ponuntur 480. anni, & si adduntur isti 40. anni erunt 520. anni: unde non computatis

Quarta  
positio tol-  
liur.

Quinta  
positio re-  
mouetur.



putatis istis quadraginta annis tanquam summa distincta ab alijs, colligitur summa totalis precisa ex summis partialibus, ut inductum fuit supra tertio, ideo non debent computari isti quadraginta anni tanquam distincti, sed in annis Samsonis, & Heli computabuntur, ut declaratum est supra 13. c. Aliquis dicet aliter, quod computentur isti viginti anni iudicaturæ Samsonis ante natiuitatem Samsonis. si immediate post mortem Abdon, sicut computabat prima positio, & tñ quod Samson iudicauerit quadraginta annis. scilicet quia iudicauit viginti annis computando ante natiuitatem suam usque, ad bellum istud de maxilla, & inde usque ad mortem Samsonis fluxerint alij viginti anni, & sic fuerit tota iudicatura Samsonis quadraginta annorum. Istud patet, quia hic dicitur, quod iudicauit Samson viginti annis. scilicet à principio suæ iudicaturæ usque nunc, & seq. cap. in morte Samsonis dñ, quod iudicauit Israel viginti annis. scilicet computando ab isto tempore usque, ad mortem suam. Ista positio non videtur includere aliquod inconueniens de supra positio, ut patet si quis velit inducere, sicut induximus in alijs, quod omitto breuitatis causa. Sed non stat ista positio propter duo. Primo, quia ponit pluralitatem inutiliter: nam qui conantur in vita Samsonis ponere plures quam viginti annos, faciunt hoc, ut ista gesta fortia, quæ egit, dicatur fecisse in ætate virili: nam in decimo sexto, vel in decimo septimo anno nullus est habilis saltem ad aggrediendum talia, & tñ isti coguntur dicere, quod Samson fecit ista opera fortia ante viginti annos, quia postquam pugnavit, & occidit mille viros maxilla, dñ, quod iudicauit viginti annis, & pro alio opere paruo quod ponit seq. cap. ponunt alios annos viginti, quod est superfluum, ut declarabitur. Secundo errant, & fortius, quia tunc necesse erat computari annos 40. in iudicatura Samsonis. Sed falsum est, quia computando annos viginti summae partiales reddunt totalem summam præcisiuam, ut declaratum est supra tertio: ideo non possunt poni Samsoni plures quam viginti anni, nisi de summis aliorum iudicum auferatur aliquid, & istud est omnino irrationabile. scilicet quod tollatur aliquid de his, quæ sunt in textu. Dicendum ergo, quod totum tempus iudicaturæ Samsonis fuit viginti annorum solum, & debet computari, sicut computabatur in prima positio. scilicet quod incipiant post mortem Abdon ferè duobus annis ante natiuitatem Samsonis, & tunc tota vita Samsonis debet poni ad plus annorum decem octo, vel 19. in qua ætate mortuus est, & debet dici, quod rationabiliter hoc euenit eo, quod bella Samsonis durauerunt modico tempore contra Philistinos. Quod patet, ponamus, quod Samson anno suo decimo septimo, vel quasi 18. duceretur à patre, & matre in Thamnata ad desponsationem, & tunc occidit in via Leonem, præcedenti ca. & post paucos dies rediens ad accipiendum uxorem intra septem dies primos nuptiarum succubuit Samson in solutione problematis, & illico descendit Ascalonem, & occidens triginta viros vestes eorum tulit, & dedit his, qui soluerant problema, & immediate recessit iratus valde in domum patris sui, deserta uxore, ut patet præcedenti cap. & post paucos dies. scilicet post unum mensem, vel duos rediit ad uxorem ferens hædum de capris, & iam ipsa acceperat alium virum, & tunc ipse iratus trecentas vulpes ligans combussit terram: quo facto Philistini venerunt, & combusserunt focerum Samsonis, & uxorem, ut supra in litera, & ipse dixit, quod non erat contentus hac vindicta: sed adhuc faceret plagam in Philistinos, & fecit plagam magnam, ita ut obstupescerent Philistini, & tunc congregati Philistini ascenderunt contra viros Iuda ad ligandum Samsonem, & traditus est eis, factumque est bellum in maxilla. Et sic ista omnia sunt continuua, & poterant conuenienter fieri minus quam in vno, vel saltem in

Alph. Tost. super lib. Iudicum

A vno anno. Ea autem, quæ habentur sequenti capitulo: breui tempore fieri potuerunt, scilicet in vno, vel duobus mensibus: nam prius amauit mulierem in Gaza, & vna vice solum iuit ad eam, scilicet quando tulit fores ciuitatis super humeros, iterum & quasi immediate dilexit Dalilam in valle Soreth, & illico Philisthinorum principes venerunt ad eam, ut deciperet illum, quæ mox executæ est, & captus fuit Samson. Post captionem autem usque ad mortem Samsonis, non interciderunt duo menses: Quod patet ex duobus, primo quia die, quo mortuus est Samson congregati erant principes Philisthinorum ad faciendum festum magnum Deo suo Dagon, & conuiuia quia tradiderat in manus eorum hostem suum Samsonem: & tamen manifestum est, quod non morarentur magno tempore facere solennitatem illam post captionem Samsonis. hoc patet sequenti cap. Item patet, quia quando Samson captus est tonsus fuit: nam aliter capi non potuisset: & dicitur quod in die, qua concussit domum, & mortuus est ceperant iam crescere capilli eius, sequenti cap. ergo modicum tempus inciderat, scilicet vnus mensis, vel quasi, alioquin magni capilli eius essent iam, & sic ea, quæ habentur in capit. sequenti, non addunt duos menses, aut parum plus ad tempus, quod habetur in hoc capit. & ista fuit principalis causa si velimus assignare eam, quare dicitur hic, quod Samson iudicauerat viginti annis, & sequenti cap. dicitur idem, scilicet quia nunc erant completi viginti anni, & tempus sequentis c. fuit valde modicum, & nihil videtur addere ad ea, quæ habentur hic: potuit autem Samson conuenienter facere ea, quæ habentur in hoc c. & præcedenti anno decimo octauo, vel decimo nono, quia Samson habebat robur, & animositatem à Deo, & non solum in hoc tempore, sed etiam multo ante hoc facere potuisset. Item non solum stat hoc rationabiliter, sed etiam videtur, quod non possit aliter bene stare. Nam Samson fecit ista in vno anno, vel quasi postquam accepit uxorem, sed certum est, quod non expectaret Samson accipere uxorem ad magnam ætatem, sed acciperet in anno vigesimo, vel quasi, & sic paulo ante annum viceesimum ista egit, & mortuus est nondum completo anno decimo nono ætatis suæ.

Inter Samsonis captionem, & eius mortem non duo menses interciderunt.

## CAPITVLVM XVI.



BIIT quoque in Gazam, & vidit ibi mulierem meretricem, ingressusque est ad eam. Quod cum audisset Philisthijm, & percubisset apud eos, intrasse urbem Samson, circunderunt eum, positis in porta ciuitatis custodibus, & ibi tota nocte cum silentio præstolantes, ut facto mane exeuntem occiderent. Dormiuit autem Samson usque ad medium noctis. Et inde confurgens apprehendit ambas portæ fores cum postibus suis, & fera, impositasque humeris suis portauit ad verticem montis, qui respicit Hebron.

Tholosa conditur.

Ascanius Albā condidit.



*Abijt quoque.* Dicto in præcedentibus de multiplici Samsonis contra Philisthinos inuafione, hic agitur de eius morte, & consummatione. Fuit autē causa mortis Samsonis mulier. Ideo primò agitur, quomodo pro quadam muliere periculo se exposuit. Secundò dicitur quòd p alia morti succubuit, ibi. *Post hæc amauit.*

*An hic sit mutatio facta, an immediatè fuerint facta.*

*Quæstio I.*

**Q**VAERETVR circa primum, an ista quæ habentur hic habeant continuum ordinem ad præcedentia, & an fuerint facta immediatè post illa, vel interiecto aliquanto tempore. Ad primum dicendum, quòd est hic ordo continuus, quia supra agitur de actibus Samsonis, hic agitur de fine suæ durationis, qualiter captus, & mortuus est. Ad secundum dicendum, quòd ista facta fuerunt paucis diebus post præcedentia, quòd colligitur, quia ista, quæ habentur in hoc capitulo, non addunt aliquod tempus in cōputatione scripturæ ad tempus, quòd ponitur præcedenti capitulo: nam ibi dicitur, quòd iudicauerat Samson viginti annis Israel, scilicet computando à principio vsque tunc complebantur anni viginti, & in hoc capitulo mortuo Samson, dicitur, quòd iudicauit annis viginti: si tamē inter ea, quæ habentur præcedenti capitulo, & hic simul cum tempore, quo durauerunt in fieri ea, quæ habentur hic transiisset vnus annus, cum dicatur præcedenti capitulo, quòd iudicauit viginti annis: diceretur hic, quòd iudicauit vigintivno annis, & tamen dicitur viginti, sicut supra: ergo videtur, quòd nec inter hoc, & illa, nec in fieri istorū durauerit annus vn⁹ influēdo. *Abijt quoque in Gazam.* Scilicet post bellum factū contra Philisthinos in Ramathlechi descendit Samson in terram Philisthinorum, & introiuit in urbem Gazā: est enim Gaza vna de quinq; ciuitatibus Metropolitana terræ Philisthinorum: nam diuiditur terra Philisthinorum in quinq; regulos, Iosue decimotertio, vel in quinq; Satrapas, primo Regum sexto, & isti reguli, vel Satrapæ principātur in his quinq; ciuitatibus cum locis comprouincialibus, & adiacentibus sibi, Iosue decimotertio: ad istam urbem tanquam famosam in terra Philisthinorum descendit Samson.

*Quomodo audebat descendere Samson in terram Philisthinorum cum esset hostis eorum.*

*Quæst. II.*

**Q**VAERETVR, cum Samson esset hostis Philisthinorum, quomodo audebat descendere in terram eorum, & introire in vrbes suas. Respondendum, quod Sāson incaute se exposuit, & tamen erat iuuenis, & amor iuuenilis eum ferebat: amabat enim mulieres Philisthinorum, & non Hebræorum, & ideo vt frueretur illis descendebat in terram ipsarum. Nec mirum quod Samson hæc faceret, quia & ipse foemina, quia sexu fragiles, & audacia deficientes sunt: si infanē amare ceperint, omnibus se exponent malis, & nihil durum suspicabuntur, vt suo fruantur amore. Sic enim Phedra diligens infanienti amore Hippolytum loquitur ad eum Tragædia quarta Senecæ, cuius nomen est Hippolytus carmine quinto, scilicet.

*Me vel sororem Hippolyte, vel famulam voca:  
Famulamque potius, omne seruitium feram  
Non me per altas ire, si iubeas, niues,  
Pigeat, gelatis ingredi Pindi iugis  
Non si per ignes ire, & infesta agmina  
Cunctis paratis ensibus pectus dare,  
Mandata recipe, sceptrā, me famulam accipe.*

**F** Multa quoque amantum atrocia facta, & insanæ sunt, quæ abundanter poetarum carminibus enarrantur. Etiam faciebat hoc Samson confidens de robore suo: nam si ipse videret omnes Philisthinos sibi obuios, non fugeret a facie eorum, sicut factum est præcedenti capit. Nam pugnavit contra totum exercitum Philisthinorum, & occidit mille viros. Solū autem timendæ erant Samsoni insidiæ, scilicet ne quie tus, & iacens occideretur, aut teneretur, sed adhuc quòd maius erat non timebat capi, quia si quis teneret eum, aut ligaret non posset retinere: nam rumperet vincula sicut fecit præcedenti c. Amplius autem putauit Samson, quòd ipse satis incognitus esset apud Philisthinos, quia latenter introiuit in urbem Gazam, & putauit, quod Philisthini non cognoscerent aduentum eius, sed magna insanæ erat ista: nec tamen mirandum, quia amor ad omnia impellebat. *Et uidit ibi meretricem mulierem.* Scilicet quæ pulchra erat, & placuit oculis eius, & vocatur meretrix, quia omnium libidini pater. Vel non omnium, sed aliquorum magnum precium offerentium. Hebræi autem dicunt, quod erat hospitatrix mulier, & non meretrix per æquiocationem huius nominis, quia æquiocant illum ad meretricem, & ad hospitatricem. Sed istud est inconuenienter dictum: nam istud nomen, quòd hic ponitur in Hebræo, scilicet zona, significat propriè meretricem: Non signat autem hospitatricem, nisi per analogiam, in quantum consueuerunt hospitatrices non honestè viuere: ideo debet semper accipi nomen in significatione propria, nisi aliquid sit quòd impediāt: hic autem nihil impedit, cum Samson non esset tam honestus, vt de eo negare debeamus, quod ad meretricem accederet. Item videtur potius contra literam, quod accipiat pro hospitatrice, quia litera vult hic, quod vidit mulierem, & ingressus est ad eam, scilicet propter hoc, quod vidit ingressus est, in quo innuitur, quod dilexit, quia vidit, & ideo introiuit, & tamen si acciperetur pro hospitatrice, non diceretur, quod vidit mulierē, & ingressus est ad eam, sed ingressus est in domum cuiusdam mulieris. Item Samson diligebat mulieres Philisthinas, sicut patet de prima muliere, quam dilexit in Thamnata supra 14. Etia de ista muliere dicendum est, quod dilexit eam, quia pulchra erat, & petierit eam ad libidinem. *Et ingressus est ad eam.* Scilicet cognouit eam carnaliter. sic accipitur communiter ex modo loquendi scripturæ. Sic dicitur Gen. 16. scilicet ingredi ad ancillam eam, si fortè suscipiam liberos ex illa, id est cognosce illam carnaliter. Sic etiam Gen. 29. Da mihi vxorem meam, quia tempus est, vt ingrediar ad illam, id est vt cognoscam illam carnaliter. Hebræi tamen accipiunt, quod ingressus est ad eam, scilicet ad hospitandum in domo sua. sed istud nihil est, vt declaratum fuit nunc. *Quod cum uidissent Philisthini.* Scilicet viderunt, quod ingressus fuerat Samson in domum mulieris meretricis. *Et percrebuisse apud eos intrasse urbem Philistiin Samson.* Id est fuit fama per ciuitatem subito, quod Samson introierat in urbem. *Circundederunt.* Scilicet circundederunt domum mulieris meretricis, vt quando exiret caperetur.

*Quare Philisthini non acceperunt Samsonem in domum mulieris occurrendo.*

*Quæst. III.*

**Q**VAERETVR quare Philisthini non acceperunt Samsonem in domum mulieris occurrendo, quia non posset fugere, & ibi poterant eum iaculis confodere, vel diruere domū super ipsum, vel cremare eum cū domo. Respondet Nicolaus, quod fortè domus talium mulierū sunt priuilegiata, vt intra eas nullus capiatur, aut possit sibi noceri, quantumcunq; sit facinorosus;

*Lyrans  
refellunt.*



rosus: sic. n. est in quibusdā regionibus: & ob hoc Philisthini seruantes legem terræ suæ nō nocuerunt ei in domo: sed disposuerunt custodias extra domum, & in portis vr̄bis, vt non posset exire: & postquam egredieretur de domo mulieris, caperetur. Sed ista ratio non stat, quia hosti non est seruanda lex: erat autem Samson atrocissimus hostis Philisthinorum, & intrauerat in vr̄be eorum, ideo non solum non gaudebat aliqua immunitate locorum, sed etiam erat valde iniustum quod gauderet, cum hostis veniat ad disperdendum terram & legem, & loca ipsa, in quibus immunitas est: nihil tamen hosti seruandum est, nisi quod cum eo conuenitur, aut quod omnium gentium vsu, & approbatione communiter inter hostes obseruatur, & vocatur ius gentium. non est tamen de iure gentium quod aliquis intrans occultē in loca hostium suorum gaudeat aliqua immunitate locorum. Item dato quod Samson deberet de iure gaudere hac immunitate, Philisthini non obseruassent ei hoc: quia valde cupiebant eum occidere, eo quod nimis nocuerat eis. Sed dicendum quod Philisthini non curauerunt capere eum intra domum mulieris, quia clausis portis vr̄bis poterant eum capere conuenienter egrediētem de domo mulieris: si autem villa non habuisset muros, & portas, ipsi conati fuissent capere eum intra domum ne effugeret. Item putauerunt Philisthini, quod si vellent capere eum intra domū potius eum occiderent, quā caperent, & tamen ipsi desiderabant ipsum viuētem capere vt excercerēt in eo ludibria, sicut postea fecerunt, ideo voluerunt q̄ egredieretur domum, quia extra putabant eum sine morte capiendum. Item non potuissent eum capere intra domum mulieris, nisi vel dirueretur domus, vel incenderetur domus, & cum putarent se aliter posse capere eum, noluerunt hoc damnum inferre. *Positis in portā ciuitatis custodibus.* Præter custodes, qui erant in circuitu domus mulieris, posuerunt alios ad portam vr̄bis, vt si fortē Samson elaberetur manus eorum, qui erāt in circuitu domus, veniret ad portas vr̄bis, vt fugeret, & ibi teneretur. Etiam erant isti custodes, vt Samson nō posset effugere per murum dimissus in aliqua corda, quia fortē cum videret portas clausas conaretur descendere per murum ligatus funibus: isti autem custodes poterant hoc impedire nō dantes ei locum ad faciēdum hæc: & sic conuocaretur tota ciuitas, & caperent Samsonem. *Et ibi tota nocte cum silentio præstolantes.* Scilicet expectabant quidam custodes apud domum meretricis in circuitu: alij autem ad portam vr̄bis, & vtrique erant cum silentio, vt Samson non putaret aduentum suum cognitum, & inopinatus egredieretur tanquam nullis ei insidiantibus, & caperetur. *Vt facto mane exeuntem occiderent.* Scilicet vt cum exiret in aurora caperent eum, & occiderent si vellent. Vel seruarent ad ludos: sicut fecerunt, quando caperunt eum industria Dalilæ meretricis, vt infra in litera. *Dormiuit autem Samson vsque ad noctis medium.* Scilicet mansit vsque ad illud tempus cum meretrice, & ad mediam noctem surgens recessit. hoc autem fecit, quia voluit latere Philisthinos introitum, & exitum eius. Nam putabat q̄ Philisthini nesciebant eum introiisse in vr̄bem, & si exiret in aurora, viderent illum, & caperent, voluit media nocte egredi, quando nullus eum videre poterat. *Et consurgens apprehendit ambas portas cum postibus suis, & sera.* Siuit vt egredieretur per portam, quæ clausa erat firmiter, ideo tulit ambas fores, & imposuit humeris suis atque recessit. Accipiuntur autem hic proprie fores & porta, quia porta non est ianua aliqua, sed ipsa apertio muri, in qua ponuntur valvæ, vt claudant, & aperiant: fores autem vocantur ipsæ valvæ, vel ianvæ. Samson autem por-

A tavit ambas fores, quia cum forte essent fores clausæ, ipse percussit calce portas, & deiecit ad terram, & cū tunc posset exire, non fuit contentus exire, sed accepit valuas portæ simul cum sera, & etiam postes, scilicet superliminaria, & liminaria, & omnia ligna, quæ in circuitu erant terræ infixæ, quibus valvæ innitebantur eruit, & simul tulit. *Et imposuit humeris portauit ad verticem montis.* Idest imposuit eas super humeros vtrunque simul eleuans: nam ambæ erant ligatæ sera forti, & noluit frangere seram, vt melius portaret valuas. *Qui respicit Hebron.* Iste mons satis distabat ab vr̄be Gaza, & erat versus terram Israelitarum, & respicit vr̄bē Hebron, scilicet quod circa Hebron est mōs, ille, vel inde videtur Hebron. Erat autem Hebron Situs montis Hebrō.  
B quædam ciuitas de famosissimis in tota sorte tribus Iudæ, vbi Dauid vnctus est in regem, & regnauit ibi annis septem & dimidio, vt patet 2. Regum secundo, & quinto cap.

*Quomodo Samson potuit valuas vr̄bis ferre, non impediētibz custodibus. Quest. II II I.*

Q V A E R E T V R, quomodo Samson potuit valuas vr̄bis ferre, non impediētibz eum custodibus, qui erant in circuitu domus meretricis, & custodibus, qui erant ad portam vr̄bis. Aliquis dicet, quod illi custodes abierant ad dormiendum, quia putabant quod non egredieretur vsque ad auroram, & ipsi intendebant redire ante auroram. Sed obijcietur, quia dicitur in litera, quod circūdederunt domū ei positos in porta ciuitatis custodibus, & ibi tota nocte præstolantes cum silentio, vt facto mane eum occiderent: ergo non potuit egredi quando starent ibi custodes. Aliquis dicet, quod Philisthini sic concordauerant, quod manerent custodes ad portam tota nocte: & tamen postea putauerunt, quod caperent eum in aurora, etiam si non starent ibi tota nocte, & ob hoc recesserunt, & cum venit Samson ad portam, nullus custodiebat. Sed hoc non potest stare, quia significat litera non solum, quod sic distinuisent facere Philisthini, sed etiam quod sic fecerint, quia dicitur quod circūdederunt domum positos custodibus ad portam vr̄bis, & ibi tota nocte cum silentio præstolantes. Ergo narratur hoc tanquam factum, & nō tanquam cogitatum solum. Cogitauerunt autem occidere Samsonē, & hoc non fecerunt: ideo, vt, quod importat finem solum determinat illud, scilicet vt facto mane eum occiderent. Videtur ergo dicendum, quod custodes ad portam erant, quando Samson surrexit. Et tunc aliquis dicet, quod tenebantur sopore grauissimo, & non viderunt recedentem Samsonem. Sed istud non stat, quia Samson deiecit portas vr̄bis in terram calce, vel alio ictu ad hoc quod portaret eas in humeris, ad quod necessarius erat magnus fragor, & sic euigilarent custodes, qui erant apud portas. Aliquis dicet aliter, quod custodes erant in circuitu Samsonis egredientis de domo, & ipse pugnavit cum eis, atque fugauit, & rursus cum alijs, qui erant apud portā pugnavit, & fugauit illos, & tunc nullo impediēte valuas deiecit atque portauit. Sed istud videtur dubium nimis, quia si pugnasset contra custodes, illi vocassent facto clamore viros totius ciuitatis, & sic anteq̄ Samson exiret, oportebat q̄ pugnaret cū tota ciuitate, & faceret magnam stragem, quam non subtriceret scriptura. Etiam dato quod cum solis custodibus pugnaret non subtriceretur, quia scriptura computat bella sua, quæ fecit contra Philisthinos etiam minimum, scilicet in quo occidit triginta viros Atchalonitas supra 14. cap. ideo etiam istud saltem in consilio tangeret. Dicendum ergo videtur, quod Samsonē egrediente, erant



erant custodientes aliqui in circuitu domus meretricis, & alij ad portam urbis, sed viso eo contremuerunt, nec ausi sunt mouere manum contra eum, sed potius fugerunt, ne occideret eos, si praesentes essent: sciebant enim quod ipse solus fugauerat totum exercitum Philisthinorum, & occiderat mille viros, precedenti cap. & sic nullo impediēte deiecit ianuas urbis ad terram, & portauit eas.

*Ad quid Samson portauit urbis ianuas super humeros ad montis verticem. Quæst. V.*

**Q**UÆRETUR ulterius, ad quid Samson portauit ianuas urbis super humeros ad verticem montis. Respondendum quod Samson fecit hoc ad ostentandum magnum robur suum. Nam ea, quæ fecerat Samson pugnando contra omnes Philisthinos simul, & occidendo mille, licet ostendant magnum robur, magis tamen ostendunt animositatem magnam quam vires. Hic autem ostense sunt vires, quia erat aliquid admirandum, & non solum supra vires huius hominis, sed etiam supra vires multorum simul, quod portas simul cum postibus nullo adiuvante super humeros poneret, cum postibus, & omnibus appenditijs suis eas per magnum tractum ab urbe portaret usquequo poneret eas super verticem montis: placebat autem Samsoni ostentare robur suum, cum quilibet gaudeat ostentando perfectionem, quæ in eo est, quia in hoc videtur esse fruitio. Secundo fecit hoc ad ostendendum se non timere Philistinos simul, nec appreciari in aliquo, quia exiens de urbe illorum non fugiebat quantum poterat, sicut qui euadit de manu hostis, sed leuiter gradu mouebatur secum ferens valuas ciuitatis eorum. Tertiò fecit hoc ad irridendum Philisthinos, & ad delionorandum, scilicet quia non solum obtinebat contra eos in bello, & fugabat illos, sed etiam urbibus suis portas auferabat ad opprobrium, quia non poterat esse maius opprobrium illorum. Sic etiam cum Hispania propter peccata vetera ab Afris de secta Maometica vastaretur: peruenit quidam rex potētissimus eorum usque Compustellam in finibus Gallitiæ, ubi beati Iacobi Apostoli corpus tumulatum iacet, & portas maiores Ecclesiæ inde tulit, ferens ad urbem Cordubam longe inde distantem ad insigne gloriæ suæ, & magnam ignominiam Hispanorum. Vnde usque hodie porta illa maior Ecclesiæ sine valuis manet in Ecclesia Iacobitana.

Post hæc amauit mulierem, quæ habitabat in valle Soreth, & vocabatur Dalila. Veneruntque ad eam principes Philisthinorum, atque dixerunt. Decipe eum, & disce ab illo, in quo habeat tantam fortitudinem, & quomodo eum superare valeamus, & vinctum affligere. Quod si feceris, dabimus tibi singuli mille centum argenteos. Locuta est ergo Dalila ad Samson: Dic mihi, obsecro, in quo sit tua maxima fortitudo; & quid sit, quo ligatus erumpere nequeas? Cui respondit Samson: Si septem neruiceis funibus nec dum siccis, & adhuc humentibus ligatus fuero, infirmus ero, vt cæteri homines. Attuleruntque ad eam satrapæ Philisthi-

*Parifius  
conditur.*

**F** norum septem funes, vt dixerat, quibus vinxit eum, latentibus apud se insidijs, & in cubiculo finem rei expectantibus, clamauitque ad eum: Philisthijm super te Samson: Qui rupit vincula, quomodo si rumpat quis filum de stuppa tortum sputamine, cum odorem ignis acceperit: & non est cognitum, in quo esset fortitudo eius. Dixitque ad eum Dalila: Ecce illusisti mihi, & falsum locutus es: Saltem nunc indica mihi, quo ligari debeas. Cui ille respondit: Si ligatus fuero nouis funibus qui nunquam fuerunt in opere, infirmus ero, & aliorum hominum similis. Quibus rursum Dalila vinxit eum, & clamauit: Philisthijm super te Samson, in cubiculo insidijs præparatis. Qui ita rupit vincula quasi fila telarum. Dixitque Dalila rursum ad eum. Usquequo decipis me, & falsum loqueris? Ostende quo vinciri debeas. Cui respondit Samson: Si inquit septem crines capitis mei cum licio plexueris, & clauum his circumligatum terræ fixeris, infirmus ero. Quod cum fecisset Dalila, dixit ad eum: Philisthijm super te Samson: Qui consurgens de somno, extraxit clauum cum crinibus & licio. Dixitque ad eum Dalila. Quomodo dicis, quod amas me, cum animus tuus non sit mecum? Per tres vices mentitus es mihi, & noluisti dicere, in quo sit maxima fortitudo tua.

*Parma  
co-  
ditur.*

*Supra eo-  
& infra eo.*

*Supra eo-  
& infra eo.*

*Post hæc. Hic ponitur secundum principale huius c. Quod Samson pro quadam muliere Samson morti succubuit scilicet pro Dalila. Et diuiditur in tres partes, quia primo ponitur mulieris inquirentis fraudulenta roboris Samsonis inquisitio. Secundo veritatis apertio ibi. Cumque molesta ei esset. Tertiò Samsonis comprehensio ibi. Quem cum comprehensissent. Prima in 3. secundum quod ponitur triplex inquisitio, & fallax Samsonis responsio. Secunda ibid. Dixitque ad eum Dalila. Tertia ibi. Dixitque Dalila rursus. Circa primum dicitur. Post hæc amauit mulierem, quæ habitabat in valle Soreth. Scilicet postquam exiuit de urbe Gaza adhuc non fugit omnino de terra Philisthinorum timens hostes, sed rediit ad terram illam, & vidit in valle Soreth mulierem pulchram, & dilexit eam: non fuit magnum tempus iter id quod fecit in urbe Gaza, & id quod dicitur hic, vt declaratum est in principio cap. In Hebræo dicitur. In torrente Soreth. Litera autem nostra posuit in valle, quia certum erat, quod non habitabat in torrente, sed apud torrentem: & quia torrentes sunt in locis decliuibus, scilicet in vallibus, dixit in valle Soreth. Potuisset etiam dicere quod habitabat apud torrentem Soreth. Et vocabatur Dalila. Ita est quæ Samsonem morti tradidit, & scriptores aliqui corrumpunt nomen istud*

*Quod Samson pro quadam muliere morti succubuit*



istud dicentes Dalida interponētes .d. sed nihil est. Nā in Hebræo vocatur Delila sed mutata est e. in a: vt magis conformaretur modo latinorum.

*Quare Samson uenit rursus in terram Philistinorum ad Philistinam mulierem Quest. VI.*

**Q**VAERETVR, quare Samson venit rursus in terram Philistinorum ad mulierem Philistinam, quia iam viderat se in periculo in vrbe Gaze. Respondendum, quod Samson mouebatur multiplici motiuo. Primum erat, quia amabat, & amantes nequeunt tenere modum. Nam in amore tenere modum aut seruare prudentiam nihil aliud est quam si quis cum ratione insaniat: & quia iuuenis erat, & diligebat nimis, passio naturaliter contemptis periculis imò non reputatis, prosequatur suum delectabile, quia vt supra dictum fuit, non solum Samson, sed etiam cuicumque infirmo viro, & etiam mulieri, dum tamen insanè amet nullum periculum reputatur. Secundū erat, quia Samson contemnebat Philistinos tanquam nihil ei obesse possent: videbat enim, quod ipse solus effugauerat totam aciem eorum, & occiderat mille viros, nihil difficultatis in hoc reperiens. Etiam ingressus in urbem Gazam nihil mali passus est: quin potius portas urbis ad eorum opprobrium portauit humeris vsq; ad mortem: nūc ergo putabat, quod nihil ei nocere possent. Tertium erat, quia Samson non putabat se nunc exponere periculis: nam cum introiuit Gazam, in qua erant portæ, & fere, erat periculum aliquod, sed nunc amabat mulierem in valle Soreth, vbi erat villula sine muris, & posset effugere, nec videbatur sibi, quod se exponeret periculo. Quartum erat, quod peccata Samsonis demerebantur mortem, & Deus in penam permittebat eum cadere in manus hostiles, & finebat imò excecabat eum, vt illa faceret, quæ ei nocitura erant.

*Quomodo Samson semper amabat mulieres Philistinas.*

*Quest. VII.*

**Q**VAERETVR vltius, quomodo samson semper amabat mulieres Philistinas: nam inter Israelitas erant mulieres pulchræ, quibus sine periculo frui poterat. Aliquis respondebit quod hoc fiebat a Deo incitante Samsonem, vt magis diligeret istas, quàm Hebræas. sic patet supra 14. nam petiuit Samson in cōiugem mulierem Philistinam; & pater nolēbat eam dare, & sequitur. parentes autem eius nesciebant quod res a Domino fieret, & quæreret occasionem contra Philistin, scilicet ad hoc quod occasione vxoris pugnaret contra illos, sicut factum est postea, ita & nunc fieret. Dicendum quod non stat propter duo. Primò quia quando Deus incitauit ad amandum puellam Thamnathæam fuit hoc, vt faceret bella, & damna, quæ fecit Philistinis, patet supra 14. & præcedenti cap. & tamen post cum dilexit Dalilam non pugnavit ipse contra Philistinos, sed potius ipsi caperunt eum, & exoculauerunt. Secundum est, quia Samson motus est ibi desiderio licito, scilicet ad accipiendum puellam in uxorem: hic autem mouebatur ad cognoscendū fornicariē: Deus autem ad licita mouet, sicut est matrimonium: ad illicita autem siue meretricium non mouet. Sed dicendum quod mouebatur Samson ad Philistinas potius quàm ad Israelitas mulieres, quia fortè erant aliquæ pulchriores inter Philistinas, quàm inter Israelitas, & cum iuuenis esset & feruens, mouebatur in pulchritudinem. Vel fortè licet non essent tam pul-

chræ, erant inter eas aliquæ, quæ magis placebant Samsoni quàm aliæ, quæ erant inter Israelitas. Est enim quædam passio, quæ medici amorem hereos vocant, secundum quam aliquis fertur tam insano amore in aliquam, vt pereundum sit sibi morte certissima, atque veloci, nisi amore suo potiatur: sicut Ammon filius David patiebatur ad sororem suā Thamar, secundo Reg. 13. sic etiam Sichem filius regis Emor ad Dinam filiam Iacob, Gen. 34. Mulieres quoque è contra

Hereos difficilis curationis.

Amor quoque fit

rio ad viros, vt fuit Phedra ad Hippolytum. Et sic de aliis innumeris, de quibus apud poetas, & historiographos magna enarratio est. Ista autem passio fit non ex desiderio naturæ ad euacuandum superfluum propter titillationem caloris venerei, quia amor vt qualibet expleri potest: sed ex sola apprehensione formæ, quia illa forma videtur ei iucunda: & nulla alia mulier, etiam si sit nimis speciosa etiam plusquàm illa, placebit: omnes enim repudiabuntur propter illam, quæ tali amore diligitur. Est autem curatio talis ægritudinis difficillima, quia cum ipsa non insurgat ex qualitatibus aliquibus corporalibus, sed ex Phantasie apprehensione, per phantasiam curari debet: sed phantasia directè medico non subest. Prouenit autem ut plurimum passio ista ex actione celi: nam corpora celestia magnam virtutem habent super phantasiam, licet non super intellectum, & voluntatem: intantum quod naturaliter causatur concordia inter aliquos in operibus, vel discordia ex conditione natiuitatis, licet sit postea homini facultas ad euitandum istos actus, ad quos inclinatur. De hoc Ptholomæus in centiloquio propositione 32, ait: Concordia aliquorum in re aliqua est, quod reparatur ex significatore illius rei in vtriusque natiuitate. Si ergo fuerit in esse laudabili erit inter illos concordia bona: & qui fortior loco fuerit, erit sicut princeps, & agens: & debilior sicut patiens, & subiectus: scilicet quod quando quæritur specialiter de aliquo opere, vtpote de legendo, vel comedendo, vel pugnando, an aliqui duo in illo concordabunt, non oportet quod astrologus consideret figuram natiuitatis cuiuslibet eorum, & aspiciat significatorem illius negocij, vel operis, de quo quærebat an concordaret. & si fuerit vnus eorum aspiciens alterum ex trino, vel sextili aspectu: significabit per hoc quod conuenientia in illo opere erit: si autem fuerit aspectus ex quarto, vel opposito signat maximam discordiam, quæ erit inter illos in hac re, & si non se aspexerint non perficietur concordia inter eos in re illa. & cum se aspexerint fortior in domo, & in angulo erit princeps. Sic ait Aly, Abben, Razel. Sic etiam ex opere celi causatur inter aliquos inclinatio magna ad amicitiam, & dilectionem. Sic ait Ptolemæus in centiloquio propositione 33. scilicet. Amicitia, & inimicitia accipiuntur ex mutatione locorum duorum luminarium in duabus natiuitatibus ex consimilitudine ascendentium in amicitia, & discordia: & signum obediens est fortioris amicitie. Et est sensus, quod cum sol fuerit in alicuius natiuitate, vbi fuerit luna in natiuitate alterius, & fuerit luna in natiuitate prima, vbi fuerit sol in natiuitate secunda: fueritque ascendens vnus in sextili aspectu ascendētis alterius, vel in trino: firmabitur inter illos dilectio, & signum obediens alterius erit fortioris dilectionis, & inclinationis, idest diliget magis alium quàm diligatur ab eo; vt ait Aly, Abben, Razel. ita ergo accidet ex figura celi aliquem ad amandum moueri aliquem insanè: licet è conuerso non sit motus: & quia non est concordia illa ad alias formas, quamquā pulchras, non afficietur iste vir sic ad alias mulieres, sicut ad istam, licet pulchriores sint: vnde verè dixit ille, qui dixit.

Curatio amoris hereos de difficillima.

*Quisquis amat ranam, ranam putat esse Dianam.*

Sic



Sic forte accidit misero Sāsoni, ut pateretur ad aliquas de mulieribus Philisthinorum, ideo amabat pl<sup>9</sup> illas, quā mulieres Israeliticas. Alia causa esse potest ex excacatione Dei, quia licet Deus non incitaret Samsonem ad hoc, quia malum: tamen propter demerita sua permittebat eum diligere nocentia sibi. *Veneruntque ad eam principes Philisthinorum.* Scilicet scietes principes Philisthinorum, quod Samson frequenter veniret ad Dalilam, venerunt ad eam exorantes, & offerentes precium, ut traderet Samsonem in manibus eorum.

*Qui erant principes hi Philisthinorum.*  
*Questio VII.*

**Q**VAERETVR, qui erant isti principes Philisthinorum. Respondendum, quod erant quique principes totius terrae Philisthinorum: erat enim diuisa terra in quinque regna per quinque ciuitates metropoles terrae illius, scilicet Gaza, Aschalon, Geth, Acharon, & Azotum, ut patet Iosue 13. & primo Reg. 6. Erant autem isti quinque principes reges, vel satrapae, id est principes magni, ut patet allegatis c. Quod autem isti principes erant, qui venerunt ad Dalila, patet, quia intradit, quod satrapae Philisthinorum attulerunt ad Dalilam septem funes, & tamen satrapae erant reges eorum: isti autem humiliabant se tantum, ut venirent coram Dalila, quia erant nimis solliciti de salute terrae suae, & honore: & tamen ipsi per Samsonem dehonorabantur, & terra eorum vastabatur: & quia putauerunt, quod mulier ista posset eum tradere in manus eorum, iuerunt omnes ad eam, ut magis eam inclinarent, & voluerunt eam inclinare duobus modis, scilicet honore, & pecunia, utrunque enim magnum est allicitiuum feminarum. De primo patet, quia non poterat esse maior honor Dalilae quā ut quinque reges terrae Philisthinorum venirent ad praecandum aliquid obtinere ab illa: feminae autem cum sint elatae naturaliter, mouentur valde ad aliquid per laudis conditionem, & honorem. De secundo patet, quia quilibet istorum principum promisit ei dare mille & centum argenteos, ut patet infra, & tunc ipsa nimis ad hoc commota diligētem operam exhibuit, quousque compleuit. *Atque dixerunt: decipe eum.* Scilicet per blanditias, ut non intelligat quod inquirat fortitudinem eius ad aliquod malum: sic dixerunt iuuenes primae puellae, quā dilexit Samson: Blandire viro tuo, & suade ei, ut indicet tibi quod significet problema. supra 14. cap. *Et discet ab illo, in quo tantam habeat fortitudinem.* Scilicet ut nos cognoscamus, & possimus tenere eum.

*Quomodo Philisthini quaesierunt de Samson in quo tantam haberet fortitudinem.* *Quest. IX.*

**Q**VAERETVR, quomodo Philisthini quaesierunt de Samson, in quo tantam haberet fortitudinem: nam videbatur ista questio nimis superflua, quia existimare debebant, quod Samson habebat vires, ubi alij homines habebant. Insunt enim vires ossibus, nervis, & musculis, quia qui nervos propensiores habet, & ossa grossiora fortior est, ut ait Isidorus 11. Etimologiarum. Sic debebant de Samson imagineari. Respondendum, quod Philisthini moti sunt rationabiliter ad inquirendum hoc, quia ipsi videbant corpus Samsonis, quod non erat maius corporibus aliorum hominum, nec membra erant differentia a membris aliorum: & dato quod ex bona complexione, vel ex aliqua speciali virtute excederet aliquantulum vires aliorum, non erat admirabile, tamē ipse faciebat ope-

**F**ra, quae excedebant tam differenter vires humanas, quod non solū vnus homo solus, imō quod nec centum homines simul possent facere, quae ipse faciebat, scilicet portas urbis simul cum postibus humeris imponere, & portare ad montem. Etiam rumpere tantum fortia vincula, quae a centum hominibus trahentibus rumpi non possent, ideo erat opinio apud omnes Philisthinos, quod vires suae non erant naturaliter in eo sicut in ceteris hominibus, sed quod forte adiuuabatur a demonibus ad facienda haec, vel habebat aliquid alligatum alicui parti corporis, quo stāte haberet vires, & illo absente careret eis, ut possent Philisthini illud ei auferre, & secundum veritatem sic erat, quia vires suae non erant in ossibus, & nervis tanquam ex eis existentes, sicut sunt in alijs hominibus, sed erant ex Dei munere, & erant in praesentia capillorum, quibus ablatis manerent Samsoni solae vires, quas ex complexione habebat. De alio autem homine non sic inquirerent, quia putarent eum habere vires, sicut ceteri homines habent. *Et quomodo eum superare valeamus.* Quasi dicat, nunc ipse superat omnes nos: nec isto modo est possibile, quod nos habeamus victoriam de illo, ideo quare ubi habeat vires: & sic superabimus eum. Vel ponuntur istae tanquam duae clausulae, scilicet quod Dalila sciret, ubi erat fortitudo Samsonis: & quia non sufficiebat istud ad intentionem Philisthinorum, adhuc quærere debebat, quomodo poterat carere istis viribus.

*Cur Philisthini quærebant qua in parte corporis Samson vires haberet.*

**Q**VAERETVR, quare Philisthini inquirebant istud, quia poterant eum alio modo occidere: nam Samson saepe veniebat ad Dalilam in vallem Soreth, & manebat cum ea: tunc poterant Philisthini parare exercitum magnum subito superuenientem: vel per noctem, dum maneret Samson cum illa, & tenerent eum. Respondendum, quod Philisthini poterant saepe circumdare Samsonem ad tenendum eum, & tamen non audebant putantes se non posse proficere: nam iam conuenerat semel exercitus Philisthinorum contra eum in campo, & ipse inermis occidit mille, & effugauit reliquos, precedenti capitu: etiam iam fuerat inclusus intra urbem Gazae: tamen non potuit totā urbem tenere eum, quia portas humeris imponens abstulit: & sic credebant, quod quamquam nunc congregaretur totus exercitus terrae Philisthinorum, non possent superare eum, sed potius darent ei victoriae materiam, & occisionis in Philisthinos. Sed dicitur, quare saltem dum saepe dormiret Samson cum Dalila, non ligabāt eum multis funibus grossis, & sic tenerent eum. Respondendum, quod putabant istud non proficere, quia viderant quod quando duxerunt eum viri Iuda victum habebat funes grossos, & tamen illi continuo, ut ipse traxiteos rupti sunt, ideo nisi scirent quid erat, in quo erant vires Samsoni, sputabant superfluum esse tentare haec. *Et vinculum affligere.* Id est quo possimus eum ligare, & non effugiat, sed possit ibi affligi. *Quod si feceris dabit tibi singuli mille & centum argenteos.* Ista erat multa pecunia, sed erat res magna, quam facere debebat Dalila, & satis merebatur apud Philisthinos pecuniā istam, & maiorem. Erant enim argentei nummi facti de argento magni valoris. Principes autem qui daturus erat hanc pecuniam, erant 5. satrapae Philisthinorum, & sic darent quinque millia, & quingentos. *Locuta est Dalila ad Samson.* Hic incipit prima inquisitio, quia Dalila honore magno commota, scilicet quia

Honor, & pecunia multū alliciunt feminas.

In quibus partibus corporis insunt vires.

Prima inquisitio de Samsonis fortitudine.



ad eam veniebāt principes totius terræ Philisthinorū. Etiam quia promittebant magnam pecuniam se daturos, sollicitè capit negocium. *Dic mihi obsecro, in quo sit tua maxima fortitudo.* Credendū est quòd Dalila prēmī sit aliquas blanditias, vt alliceret Samsonem. Vel fortè erat cum ea in aliqua magna iucunditate, & tunc quæsiuit, quia credidit quòd non posset negare. Et dixit: maxima fortitudo tua que est maxima inter fortitudines omnium hominum. Vel maxima fortitudo, scilicet quòd tu habes fortitudinem in multis partibus, sed dic mihi in qua parte corporis tui, vel in qua re est fortitudo tua maxima? *Et quid sit quo ligatus erumpere nequeas.* Non bene quæsiuit Dalila, quia fortè talis erat conditio fortitudinis Samsonis, quòd nullum ligamen erat, quo ligatus posset firmiter teneri: & tamen poterat alio modo superari, ideo debuisset potius dicere, quid est quo potes superari. Putauit tamen Dalila, & Philisthini, quòd si cognoscerentur vires Samsonis, quòd possent deficere: & aliquid esset, quo posset ligatus teneri. In Hebræo dicitur. *Quid est, quo ligari potes ad te affligentium.* Sed idem est affligi, & non posse erumpere. Cui respondit Samson. Noluit veritatem ei exprimere, & tamen, vt non contristaret eam, cum diligeret eam nimis, dixit ei istud quod sequitur, vt interim gauderet putās se veritatem cognouisse. *Si septem neruiceis funibus.* Dixit istud Samson, licet nō esset verum ad colorandū mendaciū suū, quia non videtur aliquid fortius quam nerui, iō nerui grossi extracti de corporibus aīaliū sunt fortissimi ad ligandū. *Necdum siccis, & adhuc humentibus.* Ista duo eandem sñiam faciunt, quia esse neruos nondum siccis, & esse humentes idem est: dixit autem Samson hoc ad colorandum mendacium, quia tales nerui cum trahuntur extenduntur, sed nunquam rumpuntur: nerui autem deficcati frangi possunt præ duricie magna. *Infirmus ero, ut ceteri homines.* Scilicet habebo paucas vires, vel saltem non potero rumpere vincula.

*An Samson peccarit penes eius fortitudinis expressionem.*  
Quest. X.

**Q**VAERETVR, cum Samson mentitus fuerit hic circa expressionem fortitudinis suæ an peccauerit. Respondendum quòd peccauit, quia non habebat Samson aliquam causam quæ induceret eum ad mentiendum aut quæ efficeret mendacium istud perniciosum, officiosum, ita vt esset excusabile. Sed tunc dicitur, quòd si Samson peccauit mentiundo: ergo tenebatur veritatem dicere, scilicet ostendendo fortitudinem suam, & sic putaretur malum: quia Philisthini comprehenderent eum. Respondendum quod non tenebatur Samson ad aliquid istorum, scilicet nec ad mentiendum, nec ad veritatem manifestandum, sed poterat tacere, quia nullus obligabat eum respondere illi mulierculæ, ipse tamen voluit respondere, vt non contristaret eam, quia diligebat illam, & ille amor erat illicitus, scilicet fornicarius, & vt non inueniretur fortitudo sua, voluit mentiri, ideo peccauit. Attuleruntque ad eam sarrapæ Philisthinorum septem funes. Isti sarrapæ erant nimis diligentes in hoc opere. Et est presupponendum quòd cum Dalila quæsiuit ista a Samsonem latebant sarrapæ Philisthinorum, idest quinque reges, vel principes in aliquo loco, in quo Dalila eis colloqui posset, & detulit ad eos responsum de funibus neruiceis. Illi autem continuo inquisuerunt, & attulerunt ad Dalilam: & non mittebant nuncios aliquos isti reges Philisthinorum, sed ipsi per se veniebant, vt diligentius fieret istud opus, & vt ipsi consequerentur hanc gloriam, scilicet capiebant hostem tam terribilem. Agebant autem magna sollicitudine, & industria istud

**A** opus, quia tota salus Philisthinorum pendebat in capiendo Samson: nam si non caperent eum, paulatim destrueret eos, sicut fecerat in duobus bellis, quæ habentur præcedenti capit. *Vt dixerat.* Idest tales sicut Dalila dixerat, scilicet funes neruiceos, & humentes, quibus vinxit eum, scilicet Dalila vinxit eum dum dormiebat, vt Philisthini venientes tenerent eum.

*Quare non ligabatur Samson ab aliquo de Philisthinis potius quam a Dalila.* Quest. XI.

**Q**VAERETVR, quare non ligabatur Samson ab aliquo de Philisthinis, qui firmitus ligaret quā Dalila: nam forte ipsa ligaret ita debiliter, quòd sine ruptione vinculorum ipse posset illa soluere. Respondendum quòd nullus ausus est, quia timuerunt quòd dum ligaret eum fortè excitaretur, & tunc percuteret ad mortem, quem apud se reperiret, & omnes alios, qui laterent in domo in insidijs. Etiam si comperiret hoc, nunquam consideret Dalila: imò occideret eam, & caueret sibi de cetero a Philisthinis, nec posset eum capere. Si autem Dalila ligante eum Samson euigilaret antequam plenè ligaretur, non ob hoc timeret mortem Dalila, quia diceret quòd faciebat ex amore nimio, quæ ad eum gerebat: ideo volebat habere experientiam fortitudinis eius, ideo tutius fuit quòd ipsa ligaret. *Latentibus apud se insidijs.* Scilicet in domo Dalilæ erāt sarrapæ 5. Philisthinorum cum alijs Philisthinis latentes, vt cum ligatus esset Samson tenerent eum & affligerent. *Et in cubiculo finem rei expectantibus.* Scilicet latebant intra cubiculum isti insidiatores, & expectabāt vsquequo Dalila ligaret Samsonem, & vt videret an ligatus posset erumpere. Et est intelligendum, quòd insidiæ erant in cubiculo, quia Samson non erat tunc in cubiculo cum Dalila, sed extra in alio loco manifestiori: & dormiebat ibi in gremio eius: insidiæ autem latebant in cubiculo, vt essent in loco secretiori. Vel fortè erat Dalila cum Samsonem in cubiculo, idest in camera, & ibi in aliqua parte camere erant absconditi insidiatores, quia camera erat magna. Sed primum verisimilius est.

**D** *Quare Philisthini non irruerunt illico super Samsonem a Dalila captum.* Quest. XII.

**Q**VAERETVR, quare Philisthini non irruerunt super Samsonem illico, vt Dalila eum ligauit, sed expectabant finem rei. Respondendum, quòd Philisthini nesciebant an verum dixisset Samson, & an Dalila vellet eos fallere, & si antequam viderent finem rei erumperet, fortè Samson rumpere vincula, & percuteret eos, sicut fecerat præcedenti capit. quando rupit vincula. Vel saltem si videret insidijs, & fugeret de manibus illorum; nunquam posset eum capere, quia caueret nimis illos, ideo expectabant finem rei, scilicet an postquam Dalila excitaret Samsonem, & ipse conaretur vincula rumpere posset, vel non: quia si posset, manerent in insidijs suis, & non cognosceretur quòd venissent ad eum. Si autem non posset rumpere vincula egrederentur, & tenerent eum. *Clamauitque ad eum: Philisthini super te Samson.* Dormiebat Samson quando ligabatur, & postquam ligatus est clamauit ad eum Dalila.

*Quare Dalila clamauit in capiendo Samsonem.*  
Questio XIII.

**Q**VAERETVR, quare Dalila sic clamauit, quia securius capi poterat Samson, si dormiens postquam



quam ligatus esset tenerent eum Philisthini. Respondendum, quod non audebant Philisthai sic tenere eum, quia nesciebant an fortitudo eius adhuc maneret, vel non: & si maneret, & erumperet de laqueo, occideret oēs astantes: ad sciendū autem an haberet fortitudinē, oportebat sic eū vocari, ut ipse conaretur se solvere si posset, alioquin scirent eū carere viribus, & tunc confidentes tenerent illum. Sed dicitur, quod alio modo poterat hoc sciri, scilicet si Samson permitteretur euigilare ligatus non dicto ei de Philisthinis. Nā tunc si posset se solvere, solueret: alioquin vocarentur tunc Philisthini de insidiis: Vel fieret aliās. scilicet quod Dalila tunc solueret eum, & cognitō certissime ubi erant vires eius vocaret Philisthinos iterū ligando eum, dum dormiret, & tunc dormientem caperent. Dicendum, quod per istum modum non possent scire Philisthini fortitudinem Samsonis, quia forte Samson volens fallere Dalilam, quando euigilaret ligatus neruicis funibus fingeret se nequaquam posse rumpere, sed faceret quod Dalila rumperet vincula ferro, vel solueret nōdos, & crederet ipsā quod vere carebat tunc Samson viribus, & vocaret tunc Philisthinos ad capiendum eum iterum, cum dormiret ligando eum. Sic & Samson tunc euigilans rumperet vincula, & percuteret Philisthinos: iste autem modus, de quo nunc erat ad sciendum vires Samsonis cōuenientissimus, quia cum Samson dormiens ligaretur, & vocaretur subito dicendo: Samson Philisthiin super te: ipse timens, & indeliberatus ageret quantum posset ad rumpendum vincula, & non posset habere animum fallendi, & si non posset tunc rumpere vincula, iceretur, quod veraciter effectus fuerat impotens. *Qui rupit vincula.* Scilicet audito, quod Philisthini venissent super eum timuit, & traxit fortiter brachia, & rupit vincula. *Quomodo rumpat quis filum de stuppa.* Quasi dicat vincula ista erant fortissima, & tamen Samson rumpendo illa non sensit magnam difficultatem, sed ita faciliter rupit, sicut quis rumpere posset filum de stuppa, quia ista sunt fila valde infirma. *Tortum sputamine.* Id est fila ista torquentur cum sputo: nam in filando mulieres ponūt sputum: alioquin non possent particula durā, & hispide conglobari ad faciendum filum: essetque filum nimis pulchrum, & debilius. etiam quando postea torquentur fila complicando vnum cum alio sputa apponuntur, quia aliās nihil fieret propter siccitatem desiliensibus filis ab inuicem. *Cum odorem ignis acceperit.* Quasi dicat, nō solum quod rumpatur viribus filum, sed quod ponatur ad ignem. nam tunc sine viribus rumpitur, scilicet ita velociter, & sine difficultate Samson rupit illa vincula sicut quis rumperet filum ponēdo illum ad ignē. *Et non est cognitum in quo esset fortitudo eius.* Quia rupit vincula quā dixerat se non posse rumpere. *Dixitque ad eum Dalila.* Hic ponitur secunda inquisitio. Dalila enim quamquam hac vice decepta fuisset, non cessauit inquirere ubi esset robur Samsonis nō diffidens blanditiis, & inquietudine sua illum capiendum. *Ecce illusi mihi, & falsum locutus es.* Scilicet quod putabam me accepisse a te verum responsum, & gaudebam tanquam sciens secretum tuum: & tamen mentitus eras. *Saltem nunc indica mihi, quomodo ligari debeas.* Id est quamquam mentitus es vice precedenti, dicas mihi nunc veritatem: quid est, quo ligari debeas, scilicet ad hoc quod non possis erumpere.

Quare Samson non occiderit Dalilam cum machinaretur ad eius mortem. *Quest. XIII.*

**Q**VAERETVR, quomodo Samson reperiens quod Dalila ligasset eum, & machinabatur ad

mortem eius, non occidit eam: vel non iratus fuit dū rē, ita ut nunquam rediret ad eam. Et videtur quod debuisset facere, quia alia quā acceperat prius in vxorem, non tātum offenderat eum, & tamen iratus fuit contra eam durissimē: nam ipsa exposuerat iuuenibus problema Samsonis, & obtinuerunt cōtra eum in 30. tunicis, & totidem sindonibus, & pro hoc iratus Sālon reliquit eā, & iuit in domum patris sui, supra 14. capi. ista autem durius egit contra Samsonem: nam ligauit eum ad mortem, & putabat eum tenere ligatum, ita ut non posset erumpere. Respondendum, quod Samson non occidit Dalila, imō nec iratus est saltem contra eam, quamquam reperit se ter ab ea ligatum, ut patet in litera. Et causa est, quia Samson diligens Dalilam credebat se ab ea diligi, & non putabat, quod ipsa machinaretur in mortem eius, & quod non non inquirebat, in quo erant vires eius ad nocendum ei, sed solum ex amore, quia amici gaudent scire in alterutrum secreta: nam actus amicorum est conuiuere, ut patet nono Ethicorum: est autem conuiuere, mente, & verbo participare: & non quemadmodum animalia in eodem pasci, ut patet ibidem. Sed communicare mente est reuelare in alterutrum secreta, unde non habebat Samson tāquam malum, quod Dalila inquireret de robore eius. Etiam quod eum ligauerit nō putauit malum, quia credidit quod faciebat ad accipiendum experientiam de verbo eius, & sic non fuit iratus: fuit autem iratus cōtra primam mulierem, non quidem quia quāsiuit ab eo expositio nem problematis, sed quia postea publicauit illud Philisthinis, supra 14. De ista autem non repererat Samson quod aliquid fraudulentē egisset contra eū: nam non putabat, quod teneret Philisthinos inclusos in dōmo cōtra eum, quia nunquam vidit illos, ideo licet nūc ligauisset eum, & postea bis non iratus fuit cōtra eam. *Cui ille respondit.* Etiam nunc respondit Samson fallum; & tamen voluit potius respondere, quā tacere: quia si taceret affligeret tristitia amantem, quod graue sibi erat: & quousque experiretur istud mendacium, transiret aliquantulum temporis, in quo frueretur gratanter Samson desiderio suo. *Si ligatus fuero nouis funibus, qui nunquā fuerunt in opere.* Samson volebat colorare mendacium suum, ideo ad significandam magnam fortitudinem funium dixit: qui nunquā fuerunt in opere. nam operando debilitantur, & facilius rumpuntur. *Infirmus ero, & aliorum hominum similis.* Id est non habeo tantas vires, sicut nunc: sed ero similis aliorum, scilicet non habeo maiores vires, quā alij homines, ut communiter. *Quibus rursum Dalila vinxit eum.* Scilicet, licet fuisset decepta prius ab eo funibus neruicis: tamen non recusauit subire secundam experientiam, quousque veritatem reperiret: vinxit autem eum quando dormiebat, quia alioquin Samson non permisisset se ligari, ut caperetur in eo aliqua experientia, & si permitteret se vigilantem ligari, caperet in dolo Dalilam: nam cum ligatus esset fingeret se non posse solvere quousque Dalila solueret, vel amputaret vincula: & si Dalila nollet amputare, sed vocaret Philisthinos, venientibus eis Samson rumperet vincula, & occideret tam Dalilam, quā illos: si autem non vocaret eos tunc, sed solueret vincula, & iterum quando dormiret ligaret eum, & vocaret Philisthinos confidens quod teneretur Samson in vinculis, & venientibus eis rumperet Samson vincula, ideo oportebat, quod vinciret eum dormientem. Etiam quia Dalila debebat vocare Philisthinos: vel clamare super Samsonem dicens: Philisthiin super te Samson: & tamen eo vigilante non poterat hoc conuenienter facere, quia ipse videret, quod ista erat delusio. *Et clamauit, Philisthiim super te Samson.* Sci-

Debilatio  
responsio-  
nis.

Actus ami-  
corum est  
conuiuere.



Scilicet dormiente Samsone, & hoc factum est: quia putabat Dalila quod teneretur Samson, & volebat ex petiri an verum esset locutus. *In cubiculo insidijs pre- paratis.* Scilicet dormiente Samsone extra cubiculum in gremio Dalilæ latebant insidiæ in cubiculo, vt Sam son non posset videre insidias: vel fortè erat ipse in cu biculo, & etiam insidiæ in aliqua parte cubiculi, sed melius est primum, quia infra dicitur, quod quando totondit Dalila Samsonem dormiebat ipse in gremio eius, vnde non esset in cubiculo. *Qui ita rumpit vincula si- cut fila telarum.* Quasi dicat nullam difficultatem sen sit rumpendo, sed sicut facile est cuique rumpere fi- la telarum.

*Quare Philisthini non occidebant Samsonem dormientem.*  
*Questio XV.*

**Q**VAERETVR, quare Philisthini non occi- debant Samsonem dormientem: nam istud facile erat eis, quia Dalila daret eis locum, quia sicut ipsa poterat ligare eum non sentientem, ita ipsi pos- sent occidere illum. Aliquis dicet, quod non aude- bant Philisthini accidere ad eum, etiam dormientem. nam timebant, quod euigilaret, & occideret quot- quot ibi essent: & postea caueret ab eis sibi, vt nun- quam sic capi posset ab eis: & haberet illos magis exosos, & noceret magis quam prius. Et si arguatur de Dalila, quæ ligabat eum dormientem nō stat, quia ipsa se exponebat huic rei, quia etiam si Samson euigilaret dum ligabatur non putabat quod eam percu- teret, sicut fecit in omnibus his vicibus, quia scie- bat se ab ea ligatum fuisse. Philisthini autem se ex- ponentes huic periculo deficerent propter prædicta. Sed adhuc dicendum quod ista ratio non stat, quia cū Samson dormiret inermis, poterant duo, vel tres Phi listhini venire sub silentio cum laterent intra cubicu- lum Dalilæ vt patet hic, & incuterent gladios Sam- soni, vel iacerent super eum lapidem grandem, ita vt prius moreretur quam euigilaret. Et si adhuc di- cas, quod timerent hoc facere: dicendum quod po- terant eum sagitta percutere ex loco insidiarum sua- rum, & sic faciliter occideretur. Respondendum, quod Philisthini poterant hoc facere, & tamen non faciebant, quia desiderabat eum capere viuētem, vt illuderent ei, & fieret plena victoria de illo, sicut postea factum est: quia coegerunt eum in carcere molere, & deinde ludebat corameis. Et quia cre- debant eum posse capere viuētem, nolebant eum oc- cidere per insidias: si autem desperassent omnino eū posse capere ligatum, occidissent eum dormientem. Alia causa erat, quia Deus diuertebat valde cogita- tionem Philistinorum ab hoc: nā Deus volebat quod Samson captus a Philisthinis noceret eis valde occide- do plures, q̄ viuens occiderat, vt patet infra in litera: Et quia si nunc occideretur Samson sic per insidias nō eueniret illud, noluit Deus q̄ sic occideretur, & auertebat mentem Philistinorum ab eo solum po- nens in corde eorum, quod eum viuū caperent. Vel fortè Philisthini putabant, quod sicut Samson habebat vires super conditionem humanam, ita cor- pus suum non posset ferro, aut lapide conteri aut perforari: & ob hoc inutiliter aggredierentur talia, & Samson ista sentiens euigilans occideret omnes, sed præcedens solutio melior est. *Dixitque Dalila rursus.* Hic ponitur tertia inquisitio in qua etiam Dalila fuit decepta. *Vsquequo decipies me, & falsum loqueris.* Istā sunt verba querele. Quasi dicat: cum tu me diligas deberes dicere veritatem, & non me affligere totiens

**A** mentiendo. *Ostende quo vinciri debeat.* Id est quid est quo ligatus non possis dissolui. Ista dicebat Dalila imperiosè quasi offensa esset nimis a Samsonē per fre- quentata mendacia. *Si inquit septem crines capitis mei cum licio plexueris.* Id est filigaueris cum baculo gros- so textentium. Sciendum quod Samson per septem crines incluserit omnes capillos suos, vt ait Rabbi Sa- lomon, & rabbi Dauid Kimhi. & hoc quia Samson nunquam comebat capillos: ideo erant commixti in aggeres sicut fieri solet in hominibus, qui raro caput rum. *Opinio Rabbino-*

**B** uacula super caput eius, & vt non impedirent eū huc illucque inordinate fluentes, diuiserat eos in septem partes: & ligauerat singulam septem particularum per se: & circumligabat capiti, vel ad partem poste- riorem: sicut facere solent famine, quæ longos ca- pillos capiti contorquent sic circumligatos. & sic om- nes septem particulae plectendæ erant capillorum li- cio. *Et clauum his circumligatum terræ fixeris.* Modus au- tem faciendi hoc erat, quod sumeretur lignum gros- sum textentium in quo tela reuoluitur. quod aliās vo- catur liciatorium textentium, vt patet de hasta Goli- ath, quæ dicebatur esse sicut liciatorium textentium, primo Regum decimo septimo, & secundo Reg. vigesimo primo capituli. erant autem plectendi capilli cum licio, quia debebant singulæ capillaturæ illarum septem regirari in circui tu licij sicut tela regiratur in illo, & quod maneret quædam particula capillo- rum extra liciū, & illa ligaretur clauo forti: & cla- uus terræ figeretur. & tunc ad hoc quod Samson sur- geret de terra oporteret, quod eradicaret clauum fi- xum in terra: & eleuaret simul liciū quod erat ma- gni ponderis. Erat autem verisimile, quod hoc face- re non posset viribus capillorum. Hoc autem diffi- cile erat fieri, nisi propter magnam longitudinem ca- pillorum. *Infirmus ero.* Scilicet non habebō vires ad euadendum de manu alicuius. *Quod cum fecisset Da- lila.* Scilicet dormiente Samsonē in gremio eius li- gavit capillos cum licio, & clauo: & fixit clauum for- titer in terra non sentiente Samsonē. *Dixit, Philisthim super te Samson.* Ad experiendum an posset euadere: quia cū subito euigilaret, si infirmus esset, licet co- naretur euadere non posset: si autem potens subito præ timore apponeret totum suum conatum, & co- gnosceretur veritas rei. *Qui consurgens de somno extra- xit clauum cum crinibus, & licio.* Id est subito euigilans eradicauit clauum fixum, & eleuauit liciū. *Dixitq̄ ad eum Dalila.* Hic nimis indignata est, quia videbat se semper falli, & quia cupiebat nimis hoc scire afflige- batur non sciendo. *Quid dicis, quod ames, me cum animus tuus non sit mecum.* Id est, tu mentiris dicendo, quod a- mas me, quia cor tuum non est ad me: nam si tu ve- rē me diligeres, cor tuum mecum esset, & nihil se- cretum tibi seruares, quod non indicares mihi, sed istud modicum, quod saepe a te petui nunquam mi- hi aperire voluisti: patet ergo, quod me non diligas: nam amantes debent mente, & verbo participare: cū in hoc sit actus eorum, nono Ethicorum. & re- uelare secreta adinuicem est participare mente, ideo volebat Dalila, quod sic esset inter eam & Samso- nem. Sed non bene arguebat, quia istud intelligitur de amicis honestis, qui sunt veri amici, & quorum amicitia indissolubilis, & reuelatio secreti non potest verti in damnum alicuius eorum: secus autem in amicis vtilibus, & delectabilibus, quia isti non sunt amici propter seipsos, sed propter delectabile, vel vri- le quod inuicem communicant: quo cessante perit

• • ami-



amicitia: & velox motus istorum est, vt patet octauo Ethicorum. Samson erat dubium si erat amicus eius propter delectabile, sed erat amans: cum nimis differat amare delectabile alicuius, vel esse amicum eius propter delectabile, vt colligitur octauo Ethicorum, ideo Samson non tenebatur ex lege amantis referare secreta pectoris sui Dalilæ. *Per tres vices mentitus es mihi.* Scilicet in omnibus tribus experientiis supra positis. *Et noluit dicere, in quo sit tua maxima fortitudo.* Idest vbi sint precipuæ vires tuæ: quasi dicat, in omnibus partibus corporis erant vires, sed in aliqua parte specialiter putabat esset maximam fortitudinē, & hoc noluerat Samson indicare.

Cumque molesta esset ei, & per multos dies iugiter adhæreret, spatium ad quietem non tribuens, defecit anima eius, & ad mortem vsque lassata est. Tunc aperiens veritatem rei, dixit ad eam: Ferrum nunquam ascendit super caput meum, quia Nazareus, idest consecratus Deo sum de vtero matris meæ: si rasum fuerit caput meum, recedet a me fortitudo mea, & deficiam, eroque sicut cæteri homines. Videntque illa, quod confessus ei esset omnem animum suum, misit ad principes Philisthinorum, ac mandauit: Ascendite adhuc semel, quia nunc mihi aperuit cor suum. Qui ascenderunt, assumpta pecunia, quam promiserant. At illa dormire eum fecit super genua sua, & in sinu suo reclinare caput. Vocauitque tonsorem, & rasit septem crines eius, & cepit abigere eum, & a se repellere: statim enim ab eo fortitudo discessit: dixitque Philisthiū super te Samson. Qui de somno consurgens, dixit in animo suo: Egrediar sicut ante fecit, & me executiam, nesciens quod recessisset ab eo Dominus.

*Cumque ei molesta.* Hic ponitur tertium, scilicet veritatis apertio: nam in ista vice confessus fuit Samson veritatem Dalilæ: & dicitur. *Cumque ei molesta esset.* Scilicet inquietando eum semper, vt declararet veritatē: more enim femineo importuna erat, & lachrymis, & querulosis vocibus quietem Samsonis turbabat. *Et per multos dies iugiter ei adhæreret.* Scilicet adhebat ei semper ad precandum, & sollicitandum, etiam adhebat ei fortē carnaliter, quia tam illecebris, quam querimonis suadere querebat. Magis tamen accipitur hic pro adhærere ad precandum, vt patet ex littera sequenti. *Spatium ei ad quietem non tribuens.* Idest non dabat ei spatium dormiendi, & sumendi cibum, & recreandi, sed semper vocibus querulosis apud eū intercedebat, & molestabat illum, & per istum modum necesse erat quod Samson saltem tēdio affectus, aut ab ea recederet, aut exponeret ei veritatem.

*Quare Samson non dixit aliquod mendacium ipsi Dalilæ.*  
Quest. XVI.

**Q**UÆRETUR, quare Samson non dixit aliquod mendacium ipsi Dalilæ sicut consuetus erat ei dicere, vt sic saltem defineret eum molestare, & ipse quiesceret. Respondendum quod non intendebat nunc dicere aliquid Dalilæ; quia iam non inueniebat Samson aliquid quod esset verisimile quo ipsa contentaretur: quia ea quæ verisimiliora erant iam ipso protulerat: si autem diceretur aliquid minus verisimile, cum præcedentia falsa forent, minus hoc reciperetur: & inquietaret eum magis Dalila, tanquā semper mentientem. Item si aliquid diceret quod non esset verum, illa mox experiretur illud, & falsum reperiens magis molesta esset Samsoni, quā nunc: ideo voluit nunc potius totam materiam inquisitionis auferre: quā falsa respondendo maioris inquietatis tribuere occasionem. Putauit enim quod si nunc nihil vellet respondere, quod ipsa tēdio affecta defineret respondere, & sic non inquietaretur de cætero: & sic cepit nunc agere: nam cum per multos dies ipsa sollicitaret eum, & adhæsisset illi, nihil respondere debet. *Defecit anima eius vsque ad mortem, & lassata est.* Idest præ amaritudine defecit Dalila, & lassabatur, scilicet debilitabatur vires ei, & immutabatur color, & toto corpore deficiebat, ita vt moritura videretur.

*Quare Dalila elanguerat nolente Samphone dicere veritatē.*  
Questio XVII.

**Q**UÆRETUR, quare Dalila tantum defecerat, quia sic deficere est mutatio amantis, Dalila autem non amabat, sed fallere cupiebat. Respondendum, quod Dalila deficiebat propter duo. Primum erat amaritudo animæ, & sollicitudo quotidiana, quod se videret repellere a Samphone nolente ei respondere: tristitia autem causat debilitationem corporis, & desiccationem omnium membrorum: omnia enim curarum genera sic faciunt, vt patet Prouerbiorum decimo septimo, scilicet. Animo gaudens floridam facit ætatem: spiritus tristis desiccatur ossa. Secundum erat, & precipuum elongatio spei, & privatio desiderati boni: nam Dalilæ promiserant principes quinque Philisthinorum singuli mille, & centum argenteos, vt constat supra in littera, si traderet Samsonem ligatum eis: Samphone autem non respondente, non poterat hoc facere, & quia iam per multos dies noluerat ei quicquam respondere, putauit quod nunquam lucro desiderato nimis frui posset, & ob hoc anxietabatur ad mortem: quia sicut qui ardentem amant, nisi fruantur amato desiccabuntur: ita si quis infanē moueatur desiderio alicuius honoris, vel lucri magni, si non assequatur illū tabefactus deficiet: & sic Dalila peribat, quæ iuxta modum feminarum tam laudis, quā pecuniæ cupida valde erat, & nunc videns sibi vtrūque ademptum inconsolabiliter mærens deficiebat toto corpore, & extenuabatur.

*Quomodo Samson voluit veritatem indicare Dalilæ.*  
Quest. XIII.

**Q**UÆRETUR vltius, quomodo Samson voluit veritatem indicare Dalilæ: nam satis cognoscere debebat, quod Dalila volebat eum fallere cum totiens eum ligasset, & vocasset Philisthinos super illum, quia non solum non debuisset respondere iam



iam ei: sed potius deberet eam occidere tanquam volentem eum fallere, vel saltem debuisset recedere ab illa, ne falleretur. Respondendum, quod Samson posuerat apud se non respondere, & ob hoc multis diebus tacuerat quamquam ipsa eum inquietaret: respondit tamen nunc, quia putavit, quod non intendebat eum Dalila fallere, & ob hoc etiam non nocebat ei, nec recedebat ab illa: si tamen aliquid suspicatus fuisset recessisset ab illa. Et ratio huius erat triplex. Prima, quia nunquam viderat Samson aliquid in Dalila, propter quod crederet, quod ipsa intendebat eum fallere: nam licet ipsa vocaret super eum Philisthinos, quando erat ligatus, nunquam ipse viderat illos, quia latebant in cubiculo expectantes, an Samson posset se ipsum solvere, & quia viderunt, quod in qualibet vice de tribus precedentibus Samson ruperat vincula, non exhibant ad tenendum eum: sic dicitur supra, quod infidie latebant in cubiculo expectantes finem rei, & ob hoc putabat Samson, quod nulli Philisthini ibi erant, sed quod Dalila faciebat istas experientias ex amore ad cognoscendum robur Samsonis, quem diligebat. Secundum motiuum fuit, quia vidit nunc Samson defecisse corpore, & lassatam fuisse, & per hoc credidit, quod ex amore agebat, & movebatur, eo quod isti motus sunt amantum, & tunc videns, quod irrationabiliter affligeret foeminam tam amantem prodidit ei secretum nullam fraudem suspicatus. Tertium motiuum potest addi ex misericordia. Nam Samson diligebat Dalilam saltem amore libidinoso, & quia nunc videbat eam pereuntem condolebat ei, & quia sciebat eam perire, eo quod non pandebat ei secretum suum, misertus eius, exposuit veritatem.

*Quomodo stat, quod hucusque Samson exprimere nollet veritatem, & quod nunc expresserit.*

*Quest. XVIIII.*

**Q**VAERETVR ulterius, quomodo stant ista, scilicet, quod hucusque Samson exprimere nollet veritatem, & quod nunc expresserit: nam videtur istud irrationabile factum. Nam aut Samson suspicabatur aliquid mali latere, aut non: si nihil suspicabatur, debuisset a principio exponere non contristando toties amantem: si autem suspicabatur malum aliquod, non debuisset, nec a principio, nec nunc exponere veritatem, etiam si moreretur Dalila praetadio, imo potius debebat occidere illam, vel fugere ab illa si aliquid suspicabatur. Respondendum, quod Samson non suspicabatur aliquid contra Dalilam, tanquam ipsa aliquid mali moliretur ei, sed potius credebatur esse amantem: noluit tamen a principio pandere veritatem: imo proponebat nunquam exponere, ut dictum fuit. Et hoc, quia licet non putaret, quod Dalila infidetur, tamen sciebat, quod cognita fortitudine sua, poterat fieri contra ipsum malum aliquod, quod alias non fieret, & licet nunc Dalila non moliretur, & malum contra ipsum, poterat irasci aliquando, & habere facultatem nocendi ei per se, vel per alium exponendo secretum de fortitudine eius, sicut fecerat vxor sua Thamnathara, quae exposuit problema iuvenibus Philisthinis contra Samsonem, ut apparet super decimo quarto capitulo, & ad reseruandum sibi istud secretum de Samson multis diebus tacuerat: nunc autem videns tam afflictam Dalilam misertus eius exposuit veritatem.

*Alph. Tost. super lib. Iudicum*

*Quomodo cum Dalila ligabat Samsonem dormiente, non querebat ipse Philisthinos. Quest. XX.*

**Q**VAERETVR ulterius, quo cum Dalila ligabat Samsonem dormientem, & postea clamabat: Philisthin super te Samson: non inquirebat Samson, an aliqui Philisthini essent in domo latentes. Respondendum, quod Dalila fecit hoc ter quando Samson soluit se, & iam Samson putabat istos esse ludos Dalilae, & sicut ipsa inquirebat fortitudinem eius ad gaudendum, ita etiam faciebat experientias istas ad gaudium, & quod non poterat cognoscere veritatem huius, nisi faciendo subito euigilare Samsonem, & cum timore, dicebat: Philisthin super te Samson, quia per hoc timeret, & cum iam semel vidisset eam vocantem Philisthinos, & nullum viderat in alijs vicibus, putabat iam nihil hoc esse. Sed de prima vice stat dubium, quomodo Samson non inquisiuit, an essent Philisthini in domo, quia cum illa vox esset ei insolita, debuit aliquid timere, & suspicari. Respondendum, quod nihil suspicatus est Samson, quia non vidit illos Philisthinos, & motiuum suum erat istud, quia aut illi Philisthini venirent sponte sua, siue a casu ad occidendos ad occidendum eum: si primo modo vidisset eos Samson, aut saltem audiret strepitum eorum fugientium a facie sua: sed nihil videbat, vel audiebat, sed omnia videbat pacata, ideo putabat, quod nulli venissent: si autem Dalila teneret eos absconditos credebatur Samson, quod non excitaret eum, ut se liberaret ab eis, sed potius taceret, ut venirent, & occiderent eum dormientem, & videbatur ratio ista efficacissima. Item quando Samson euigilabat ruptis vinculis, Dalila dicebat ei, quod nihil erat: sed dixerat illud ad excitandum eum de somno, & experiendum fortitudinem illius, & sic Samson nihil omnino suspicabatur, nec inquirebat.

*Quomodo Samson ausus est nunc de viribus suis dicere veritatem. Quest. XXI.*

**Q**VAERETVR ulterius, quomodo Samson ausus est nunc dicere veritatem Dalilae de viribus suis, licet nihil suspicaretur. Ad hoc non potest responderi, sicut supra dicebatur, scilicet quod non suspicabatur Samson contra Dalilam: nam dato, quod non suspicaretur malum contra eam, erat periculum magnum, ac si suspicaretur aliquid. Quod patet, quia Samson viderat, quod Dalila in omnibus tribus vicibus praecedentibus experta fuerat id, quod dixerat Samson ligando eum, & euadebat Samson, & putabat Samson, quod bono animo ista faceret Dalila, ita facere poterat, & verisimile erat, quod faceret nunc, ut experiretur dictum Samsonis, & tonderet capillos eius, & maneret ipse sine viribus, & sic dato, quod bono animo certissime ageret, tamen eum viribus priuaret, quod erat eum omnino perdere. Dicendum, quod istud dubium non potest habere rationabilem responsionem excusatiuam Samsonis, sicut caetera, quia si Samson prudenter egisset per nulla causa debebat se exponere periculo huic gravissimo, sed putavit Samson, quod Dalila nullo modo capillos eius tonderet, & hoc propter duo. Primum erat, quia tolleretur decorem illius. credebatur enim Samson, quod Dalila diligeret eum valde, & ob hoc, quod nollet deturpare eum: erat tamen valde magna deturpationis capitis virilis potissime in tempore illo, quod decalueretur, siue tonderetur, ideo nollet vllatenus radere capillos eius. Secundum erat, quod Dalila in omnibus alijs vicibus quesiuerat experimentum, eo quod non prebuerat fidem plenam dictis Samsonis tanquam non verisimilibus:

*Duplici de causa Samson putavit nullo modo Dalilam ei capillos tondere.*

*X . . . nunc*



nunc autem putabat, quod ipsa crederet eum vera dicere, ideo quod non curaret inquirere experimentum. Alia ratio fuit teneritudo passionis in Samfone, quia diligebat nimis Dalilam tanquam delicias, & nunc vidit eam sic deficientem: putauitque quod eius intuitu, & amore deficeret: ideo non passus est eam ultra grauari. Et passio vicit hic rationem, & in periculum capitis sui veritatem exposuit. Nam sicut ira animum impedit, ne verum cernere quæat: ita & amor impedit à verò iudicando, & bono eligendo. Alia causa fuit ipsa diuina permissio, vel operatio in poenam Samsonis pro peccatis suis eum excecantis, vt caderet in manus Philisthinorum: quia ipse merebatur incidere in manus illorum, & Deus efficit sic hominem inconsideratū, & facit cadere in pericula. Quidquid autem sit, nihil de superioribus fuit, in quo Samson magis insanus foret quam in hoc committendo se apertissime periculo. Tunc aperiens veritatem rei dixit ei. Id est declarauit veritatem quæstionis propositæ. *Ferrum nunquam ascendit super caput meum.* Id est nunquam tonsi fuerunt capilli mei nouacula, vel forfice, aut alio instrumento. *Quia Nazareus, id est consecratus domino sum.* Scilicet ad Nazareos pertinebat non tonderi. Et ponitur ista expositio à translato nostro, & in Hebræo non habetur. Et hoc quia Nazareus est nomen Hebræum, vt declaratum fuit supra 13. c. *De vtero matris mea.* Id est à natiuitate mea usque ad mortem factus sum Nazareus, & obseruavi semper caeremonias Nazareorum. *Si rasum fuerit caput meum, recedet à me fortitudo.* In seruando semper capillos erat vna caeremonia de præcipuis Nazareorum: ideo illa non seruata putauit Samson, quod illico recederet fortitudo eius. *Et deficiam.* Scilicet à magnitudine virium. *Eroque vt ceteri homines.* Id est non habeo maiorem fortitudinem, quam ceteri homines, & potero quocunque vinculo ligari, vt alij homines.

*Quomodo sciebat Samson, quod si tonderetur caput eius, cessaret eius fortitudo, & quomodo capilli faciebant ad vires.*  
Quest. XXII.

**Q**VAERETVR, quomodo sciebat Samson, quod si tonderetur caput eius cessaret fortitudo sua. Respondebit aliquis, quod Samson sciuit hoc per experientiam, quia aliquo tempore ante bella rasi caput suum, & inuenit se infirmum, & postea redeuntibus capillis fuit fortis, vt prius: sciuit nunc, quod si tonderetur esset sicut ceteri homines. Sed dicendum, quod hoc non stat, quia nunquam capilli Samsonis rasi fuerant à natiuitate sua, vt ipse dixit: ferrum nunquam ascendit super caput meum: ideo non poterat scire experientiam. Sed dicendum, quod Samson sciebat se habere vires supernaturaliter, & custodiebat legem Nazareorum, quia iusserat angelus: ideo credebatur, quod per illam obseruationem manerent in eo vires, & si non seruaret capillos putabat, quod deficerent in eo vires, quæ propter obseruationem istam erant in eo: & tamen nesciebat hoc certissime Samson, quia poterat contrarium accidere, cum ipse nunquam hoc expertus fuisset. Aliter potest dici, quod angelus domini, qui prænuñciauit vitam, & mores Samsonis dixit, quod obseruaret diligenter capillos, alioquin cessarent vires eius, & ex auctoritate illius credit mater, & dixit hoc Samson, & sic fiebat.

*An vires Samsonis essent in capillis.*  
Quest. XXIII.

**Q**VAERETVR vterius, an Samson haberet vires in capillis. Aliquis dicet, quod sicut ipse dixit hic, quod si tonderetur caput suum cessaret fortitudo sua,

**F** & tamen si vires non essent in capillis, illis amputatis, non tolleretur fortitudo. Item, illico vt Samson priuatus fuerit capillis redditus fuit infirmus: ergo ibi erant vires. Item capillis stantibus stabant vires, & illis pereuntibus, peribant, & illis redeuntibus redibant: ergo vires erant in capillis. Patet hoc, quia nihil aliud videtur requiri ad hoc, quod aliquis sit causa alterius. Antecedens patet, quia quocunque Samson capillos habuit, vires habuit: etiam abscisis capillis mox fuit sine viribus. Etiam quando capilli renasci ceperunt iam ligato Samfone in carcere apud Philisthinos, cepit habere vires, & potuit concutere columnas atque deicere ad terram domum, vt patet infra in litera. Respondendum, quod aliqui volunt, quod vires Samsonis secundum quosdam non manebant in capillis, aut in alia parte corporis, sed communiter ipse manebat sine viribus, & quando opus erat, Deus mittebat subito vires ei, scilicet, quando dicitur de eo, quod irruebat in eum spiritus domini, & illico expleto opere recedebant, sicut in spiritu Prophetiæ. Sic tenet Nicolaus. sed hoc improbatum est supra 14. capit. & conclusum est, quod vires erant immanentes in Samfone. Et tunc manet dubium, in qua parte corporis erant. Dicendum, quod non erant in capillis, quia vires sunt id, quod aliquis potens est aliquid efficere, & pertinent ad organum corporalem: sed capilli non sunt alicuius operationis, ideo ibi non erant, & si daremus, quod essent ibi, non posset Samson plura facere quam alij viri, quia organa sua operatiua erant manus, & pedes, & si ibi non haberet robur magnum, faceret solum ea, quæ faciebant viri infirmi. Item esse vires in capillis erat aliquid superfluum, quia capilli non proficerent ad aliquam operationem, ideo etiam vires illæ nunquam accommodarentur operationibus. Deus tamen nihil agit frustra: ergo non poneret vires in capillis Samsonis. Etiam si ibi fuissent nunquam apparuisset Samsonem habere vires, quia vires manifestantur in opere, & capilli non sunt ad aliquod opus: ergo nunquam cognosceretur eum esse robustum. Sed dicendum est, quod vires Samsonis erant in membris operatiuis, scilicet in manibus, & pedibus, & omnibus partibus motiuis, & operatiuis, in quibus naturaliter solent esse in alijs hominibus pauca, vel multæ vires, & ob hoc poterat facere, & mouere, quæ alij homines non poterant facere, aut mouere. Istæ autem vires Samsonis non erant sic in membris Samsonis, sicut vires in membris aliorum hominum, eo quod non erant tantum conditio ipsorum, quæ esset accidens ipsorum, sed magis tanquam aliquis spiritus mouens ipsa membra, alioquin non potuisset Samson destitui viribus, quin sentiret in se magnam mutationem: sicut qui mutatur ex ægritudine in sanitatem, vel è contrario: de quo declaratum est capitulo decimo quarto: in capillis autem Samsonis nullæ vires erant, imò includebat contradictionem, ibi esse vires, cum vires sint qualitates organicae, & non possint esse, nisi in organis: capilli autem non sunt organa, cum non sint partes corporis. Sed dicendum, quod dum Samson habebat capillos, habebat vires: non tanquam in capillis essent, sed quia habendo capillos obseruabat caeremonias Nazareorum, & Deus tunc dabat illi vires, & non tollebat concessas. Cum autem arguitur, quod stantibus capillis, vires stabant, & recedentibus, recedebant, & redeuntibus, redibant: non concluditur, quod in ipsis erant vires, sed quod magis ipsi erant causa, sine qua non, & hoc satis concedi potest: & tamen causa, sine qua non, nihil confert directe, ita & capilli nihil conferebant ad vires, sed accidebat, sine illis non esse vires. Sed tamen adhuc potest dici, quod nec sequatur esse causa, sine qua non; nam quando aliqua sic sunt

Nonnulli  
rum op  
nio.

Dubium de  
rum op  
Samsonis.

R. ad ar  
summa  
supra 14.



sunt secundum naturam ordinata, quod vnum stat. **A** stante altero, & illo pereunte, perit, & illo redeunte, erit vnum respectu alterius saltem causa, sine qua non, & tamen si à voluntate sit iste ordo, non vocatur causa, sine qua non. Et sic erat hic, quia quod stantibus capillis, staret robur, & pereuntibus illis periret, non erat ex habitudine aliqua eorum inter se, sed quia Deus volebat, quod habendo capillos, haberet vires. Adhuc autem, quod magis vrget est, quia quod capilli starent simul cum viribus, & pereuntibus capillis perirent vires, potest pertinere ad causam, sine qua non: sicut se habet vita humana ad esse in loco, & tamen quod redeuntibus capillis redeant vires deperditæ, non pertinet ad causam, sine qua non: sed ad directè efficientem. Respondendum, quod si virtute capillorum redeuntium redirent vires deperditæ, esset causa directè efficiens in capillis, quia tamen non erat hoc ex virtute sua, sed per accidens, scilicet quia sic Deus volebat esse connexionem, nec erat per causam directè efficientem, nec sine qua non, nisi ex voluntate, & nimis per accidens.

*Si quocunque modo capilli auferrentur Samsoni, an careret viribus. Quest. XXI. III.*

**Q**VAERETVR, si quocunque modo capilli auferrentur Samsoni si careret viribus. Respondendum, quod capilli Samsonis poterant multipliciter perire, scilicet voluntariè, aut violenter, aut per egritudinem, & quicunque modus istorum potest subdiuidi, quia cum auferretur, aut nouacula tondendo, aut forfice amputando, aut aliter euellendo. Si autem diceremus, quod vires Samsonis essent verè in capillis, quocunque modo Samson careret capillis, priuaretur viribus, nec differret, quod sua culpa, vel sine culpa illis careret: sicut cum visus sit in oculo: si quis caruerit oculo, siue egritudine, siue violenter eruto, siue sponte eradicato, carebit visu indifferenter: imò etiam si quis pro nomine Christi patiat oculos erui, carebit visu, nisi Deus ei supernaturaliter restituat, vel aliquid ei conforme, & æquiualens oculis tribuat: sicut quibusdam Episcopis, quos Arianæ perfidia linguas absciderat, Deus locutionem miraculosè tribuebat. Dicendum tamen, quod in Samson non erant realiter vires in capillis, sed in membris operatiuis, ut declaratum est: erant tamen solum vires, quando erant capilli, & hoc solum, quia dum habebat Samson capillos seruabat regulam Nazaræorum, & alias non: & frangendo regulam Nazaræorum, quæ erat in eo ex præcepto, Deus tolleretur vires eius, ideo solum ablati capillis careret Samson viribus in casu, in quo ablatio capillorum esset contra regulam Nazaræorum: si autem capilli Samsonis violenter tollerentur, non agebat Samson contra regulam Nazaræorum: ideo pereuntibus capillis non perirent vires: unde si dormiente Samson Dalila abscidisset ei capillos, dum tamen ipse non significasset ei de viribus suis, non careret viribus, etiam si quis ei viribus euelleret omnes capillos, ita ut tardius renascerentur non priuaretur robore. Etiam si egritudine caderent: est enim egritudo, quæ vocatur alopetia, siue fluor capillorum, & efficiuntur homines sic calui, & recaluastri, possunt sic cadere omnes capilli & dato quod Samson omnes capilli: sic caderent, non careret viribus: si autem Samson sponte sibi capillos auferret, agebat contra regulam Nazaræorum, & tunc careret viribus, & hoc siue nouacula illos tonderet, siue forfice amputaret, aut gladio secaret, vel igne cremaret, aut sibi illos euelleret, viribus careat, quia quocunque horum modorum agebatur contra regulam Nazaræorum, ut declaratum est supra 13.

Alph. Toft. super lb. Iudicum

capit. Sed obijcietur, quod Dalila Samsoni violenter capillos abstulit, scilicet illo nolente, & tamen caruit Samson viribus. Respondendum, quod iste actus censetur voluntarius, eo quod fuit Samson in culpa, declarando Dalilæ hosti suæ, ubi habebat vires, & qui est in culpa, licet sic nolens punitur de iure, sicut volens: licet in quibusdam poena mitigetur. Si autem Samson semper tacente à casu Dalila totondisset capillos Samsonis, non caruisset viribus ex causa supra assignata.

*An carere capillis offenderet in aliquo votum Nazaræorum.*

*Quest. XXV.*

**Q**VAERETVR vltèrius, an carere capillis offenderet in aliquo votum Nazaræorum. Respondendum, quod offendeat valde. Pro quo sciendum, quod, ut declaratum est supra 13. Nazaræi, erant duplices, quidam temporales, & alij perpetui: Nazaræi temporales offendere poterant dupliciter non habendo, vel amputando capillos: primò quia lex iubebat, quod non ascenderet nouacula super caput eorum, per quod intelligebatur omnis ablatio capillorum voluntaria, ut supra declaratum est 14. cap. & contra faciendo præiudicabat voto, & erat ac si nihil egissent, & tenebantur repetere illud. Secundò præiudicabat, quia in die, quo finiebatur votum debebant capilli Nazaræi tonderi, & cremari in altari, Numeri 6. & si non haberet capillos, non poterat in eo expleri cæremonia ista: in Nazaræis autem perpetuis erat vnum præiudicium, scilicet quia lex iubebat in illis, quod nouacula non ascenderet super caput eorum, & faciendo hoc infringebant votum, sicut temporales Nazaræi, sed differt, quia non debebant aliquando capilli Nazaræi perpetui cremari in altari, sicut capilli Nazaræi temporales, eo quod ille nunquam finiebat votum nisi in die mortis, & tamen ista cæremonia fieri debebat die, quo complebatur votum, Num. 6. vterque ergo egebat capillis.

*An non habentes capillos actualiter possunt vouere votum Nazaræorum. Quest. XXVI.*

**Q**VAERETVR vltèrius, an non habentes capillos actualiter possunt vouere votum Nazaræorum, qui rasi erant, vel qui omnino carebant capillis propter senectutem iam decaluari. Dicit aliquis, <sup>Rōnes eundem.</sup> quod non, quia Num. 6. dicitur, quod Nazaræus sanctus erit in idam, domino crescente cæsarie capitis eius, & sic videtur, <sup>1. rō.</sup> quod ad consecrationem Nazaræi requirebatur, quod inciperet crescere cæsaries: sed in istis non incipiebat crescere, ergo non sanctificabantur in voto Nazaræorum. Item eodem c. dicitur, quod si quis mortuus fuerit coram Nazaræo, subito pollueretur caput consecrationis <sup>2. rō.</sup> eius, & debet radi, & reintegrare votum: sed qui non habet capillos, non potest pollui in capillis: nec poterunt radi capilli ad reintegrationem voti: ergo deficient in eo aliqua substantialia ad votum Nazaræorum complendum. Respondendum, quod aut aliquis erat rasi, ita ut nullus haberet capillos, ut potè qui in eadem die rasi fuerat, aut erat omnino priuatus capillis, ita quod nullum iam habere poterat propter senectutem. De primo dicendum, quod poterat vouere votum Nazaræorum, siue perpetuum, siue temporale, nec deficiebat in illo aliquid de substantialibus voti. Cum autem dicitur, quod sanctus erit crescente Cæsarie: non est sensus, quod non poterat sanctificari in voto Nazaræorum quousque crederet crescere Cæsariem, ita quod nec raderet capillos, nec scinderet, aut euelleret, sicut faciebant.

*Rāfio. ad quæstionem.*

*Ad rōnem primam.*



Ad rōnem  
secundam.

alii non consecrati voto isto, & hoc sic, ita conuenit non habenti capillos, sicut habenti, cum uterque habeat propositum, & votum non radendi illos.

Cum autem dicitur, quod polluetur caput consecrationis: dicendum, quod si aliquis vouens obseruationem Nazaræorum recenter esset rasus, & eadem die, vel sequenti non habendo adhuc aliquos capillos apparentes pollueretur, scilicet quod aliquis subito moreretur coram illo, quia debebat reintegrare votum offerendo sacrificium columbarum, quod iubetur Numer. 6. & caput suum dicebatur pollutum, quia consecratio præcedentis temporis non proficiebat, & non debebant radi capilli, quia non erat hoc necesse cum nullos haberet: nam capilli Nazaræi polluti non tondentur ad aliud ad reintegrandum votum, nisi quia censentur polluti. Et quia ultimo die voti expleti capilli Nazaræi consecrabantur domino, quia cremabantur in altari, cum capilli primi fuissent polluti, si permitterentur semper crescere cremarentur coram domino capilli immundi, ut ergo mundi sint raduntur illi, qui polluti sunt, & noui recrescunt, qui mundi sunt, & illi coram domino conuenienter cremantur: si autem cum quis polluitur omnino nullos apparentes habet, non polluntur capilli, cum nulli sint, & sic capilli postea apparentes nascuntur mundi, & illi possunt coram domino cremari expleto voto. Sciendum tamen, quod si quis habeat valde paruos capillos, scilicet solum radices apparentes, utpote ex tribus, vel quatuor diebus, & emissio voto pollueretur, debebant adhuc illi parui capilli tonderi, ut renascerentur noui capilli: nam illi, ex quo apparebant, polluti fuerunt. Quod autem dicitur de raso in temporali voto, intelligendum est à fortiori in voto perpetuo: quia in illo non requiritur tanta obseruatio, sicut in voto temporali, ut declaratum est Numeri 6. & supra decimo quarto. Si autem queratur de illo, qui omnino carebat capillis propter senectutem, nec sperabat illos habere. Dicendum, quod aut iste vult emittere votum temporale Nazaræorum, aut perpetuum. Si temporale non poterat, quia die ultimo voti debebant capilli eius cremari coram domino: sed iste non habebat capillos, nec sperabat quod medio tempore nascerentur, ut possent postea tonderi, & cremari coram domino: ideo non poterat vouere istam obseruantiam, ad quam sciebat sibi particulam quandam deficere. Si autem vellet vouere perpetuum votum, dicendum quod poterat, quia in Nazaræis perpetuis nunquam erant capilli cremandi coram domino, sed ad aliud non erant directe necessarij capilli in Nazaræis. Ad rationes autem in contrarium respondetur, sicut supra.

*Quid fiet de carente capillis per alopetiam, &c.*

*Quest. XXVII.*

**Q**VAERETVR vterius, quid si aliquis vouens Nazaræorum à principio habuit capillos, postea autem per alopetiam caruit omnibus capillis, quid de illo fiet. Respondendum, quod aut emisit votum temporale, aut perpetuum, si perpetuum nihil differt, quia Nazaræi perpetui nunquam debent capillos radere, sed in Nazaræis non sunt necessarij simpliciter, nisi ad radendum: ergo non obstat, aut refert eos habere capillos, vel non habere. Pater hoc, quia si capilli essent necessarij in istis, aut hoc esset, ut raderentur quando polluantur, aut ut radantur ad cremandum domino in die expletionis voti: non ad secundum quia Nazaræi perpetui nunquam explebant vo-

tum, nisi in morte, ideo non cremabantur capilli eorum in altari. Et si dicas, quod capilli Nazaræorum perpetuorum debebant radi in die mortis eorum, & cremari. Non stat, quia homo mortuus est res immundissima secundum legem: intantum quod accedentes ad ipsum, vel ad domum eius per septem dies efficiebantur immundi. Quomodo ergo capilli hominis mortui cremari deberent in altari domini tanquam sacrificium eius? Etiam non debebant radi capilli Nazaræorum perpetuorum ad hoc, quod nascerentur capilli noui, & mundi quando polluebantur priores moriente aliquo subito coram Nazaræo. Nam in Nazaræis temporalibus fiebat istud, eo quod capilli in fine voti cremandi erant coram domino, & non cremarentur capilli immundi facti semel radebantur illi, ut nascerentur alii noui, & immundi, & tamen Nazaræus perpetuus non radebat capillos in fine voti, ideo etiam si aliquando pollueretur non faciebat caeremonias purificationis. Etiam si haberet capillos non oportebat, quod illos raderet, & sic nihil magis erat in perpetuis Nazaræis nunquam habere capillos, quam habere illos. Si autem dicatur de voto temporali, dicendum quod si contingeret istum habentem capillos perdere illos ante expletionem voti, poterat insurgere dubium de duobus. Primum erat si pollueretur aliquando moriente homine coram ipso, & ipse tunc non haberet capillos. Ad primum dicendum, quod nihil obstat, quia capilli, qui radebantur quando polluebatur Nazaræus, radebantur, ut ipsi immundi non cremarentur coram domino in die expletionis voti: si autem nullos haberet, cum pollueretur, non poterant capilli immundi cremari coram domino, licet siue renascerentur aliqui postea, siue non dubium non erat, quod qui postea essent mundi. De secundo dicendum, quod quando aliquis votum expleret, si non haberet capillos, aut expectabat, quod illos in breui posset habere, aut nunquam illos expectabat. si primo modo, debebat extendere votum suum ultra tempus promissum, ut expleretur in eo Nazaræorum caeremonia à Deo imposita: si autem nunquam postea expectarentur capilli, debebant fieri ceteræ caeremoniæ expletionis voti, omissa ista, & sic rite expleretur votum Nazaræorum.

*An amisisset vires suas Samson transgrediendo aliquam aliam de caeremonijs Nazaræorum.*

*Quest. XXVIII.*

**Q**VAERETVR vterius, sicut Samson vires perdidit carendo capillis, an perdidisset transgrediendo aliquam aliam de caeremonijs Nazaræorum. Aliquis dicet, quod non, quia Samson infringebat quasdam alias, & tamen non carebat viribus: nam caeremonia Nazaræorum erat non accedere ad mortuos: Numeri 6. & tamen Samson occidebat multos, & tangebatur eos post occisos, ut declaratum est præcedenti capitulo. Respondendum, quod si vires Samsonis verè essent in capillis, ista caeremonia violata perirent vires, & omnibus alijs caeremonijs Nazaræorum omisissis, non perirent vires: & tamen declaratum fuit supra, quod vires non erant verè in capillis, sed in organis operatiuis, & motiuis: & tamen inanebant quandiu manebant capilli, eo quod ista erat quedam caeremonia Nazaræorum, & Deus volebat istas caeremonias obseruari, & quandiu illas obseruaret manerent vires, & non obseruando perirent, & quia Samson non solum infringebat Nazaræorum



rum obseruationem istam cæremoniam capillorum violando: sed etiam omittendo quamcunque aliam. Ideo dicendum, q̄ quamcunque cæremoniam aliarū culpabiliter transgrederetur Samson careret viribus, vtpotē si biberet vinum, aut comederet vuas, & ea, quę nascuntur de vinea, quia ista erat de cæremoniis principalis Nazaræi, Numeri 6. & tamen semper obseruauit Samson, quod non biberet vinum, nec siceram, nec comederet vuas. In sola autem cæremonia abscindendi capillos fuit culpabilis, ideo propter hanc solam perdidit vires. Si tamen seruando capillos, vinum bibere voluisset, aut siceram, vel vuas degustare in terra Philisthinorum, caruisset ibi viribus. Cū autem obijcitur, q̄ Samson violabat alias ceremonias, vt patet de immunditia super mortuo. Dicendum, q̄ violatio istius non erat culpabilis in Samson, eo q̄ ad hoc Deus vires ei tradiderat, vt occideret Philisthinos, & hoc non poterat fieri nisi tangendo illos, ideo non peccabat in hoc, nec faciebat contra votum, sed potius merebatur, quia istud erat ad quod Deus eum consecrauerat: si tamen Samson vellet se polluere in mortuis eundo ad illos, & tangendo extra bella Philisthinorum, mpeccaret. Sed adhuc posset obijci, quia quando Dalila dixit, quomodo Samson posset perdere vires, quando ei Samson respondit veritatem, dixit quod erat Nazaræus, & quod si capilli sui tonderentur esset infirmus, & non dedit alium modum: ergo non erat alius modus perdendi vires. Respondendum, q̄ non sequitur, quod per omissionem, siue transgressionem aliarum cæremoniarum non careret Samson viribus, sed dixit Samson de isto, quia aliæ cæremoniæ consistebant in actu Samsonis solius, scilicet quod biberet, vel non biberet vinum, aut siceram, aut q̄ comederet vuas, & quod nascitur ex vinea, vel non, & nullus poterat Samsonem cogere ad istos actus, ideo per se solum viribus carere poterat isto modo, & non ab alijs: in capillis autem secus erat, quia si quis abscinderet capillos Samsonis ipso existente in culpa perderet vires, & sic fuit in tonsione facta per Dalilam: licet fortē Samson putabat, quod quocunque modo capilli eius abscinderentur careret viribus. Hoc tamen erat falsum: nec est mirandum, quia isti imperiti circa dubitationes legis, & ea, quæ exercebant, qualiter intelligenda forent nesciebant: sicut declaratum fuit supra 11. cap. de voto Iephte, quod nescierunt Iudæi interpretari an teneret, vel non. *Videns autem illa, quod confessus esset ei omnem animum suum.* Idest vidit, quod nunc confessus est veritatem, quam corde celabat, & quod non metiebatur nunc, sicut aliis vicibus. *Misit ad principes Philisthinorum.* Scilicet ad quinque satrapas, vel reges, qui erant domini totius terræ Philisthinorum: misit inquit ad eos, vt venirent ad se. *Atque mandauit.* Idest misit ad dicendum: nam mandare mitterelegationem est. Sic accipitur Gen. 45. cū dixit Ioseph fratribus suis: dicite patri meo: hæc mandat filius tuus Ioseph, idest hæc mittit ad dicendum. Sic etiā Num. 20. hæc mandat frater tuus Israel, idest ista mittit tibi ad dicendum. *Ascendite adhuc semel.* Idest ascendite nunc vna vice ad me vtiliter, sicut iam ter inutiliter ascendistis: ex quo patet, quod quodocunque Dalila faciebat experimenta virium Samsonis veniebant principes Philisthinorum, & latebant intra cubiculum Dalilæ ad videndum exitum rei, & cū videret, quod Samson rumpebat vincula secretē recedebant non audentes manere in domo aliquanto tempore: ne Samson arbitratus eos ibi esse efficeret illos morte: & cū rursus Dalila extorqueret a Samson, vt diceret ei de viribus suis mittebat ad principes Philisthinorum, vt venirent, & rursus latebant expectantes finem rei, vt prius: & sic fecerunt per tres vices, & decepti

Alph. Tost. super lib. Iudicum

A sunt. In quarta autem vice erant iam tardio affecti, & desperantes posse inuenire veritatem, ideo fortē ascendere nollent ad Dalilam. Et ob hoc ipsa dixit: ascendite adhuc semel, idest ascendite ista vice, quia iam nō erit amplius opus, quod ascendatis, quia in ista vice dixit veritatem, & comprehendetis eum. *Quia nunc aperuit mihi cor suum.* Idest licet in aliis vicibus me falleret, in ista vice declarauit mihi veritatem, quam corde celabat.

*Quomodo Dalila sciuit nunc, q̄ Samson declarasset ei veritatē.*

Quæst. XXXIX.

B QVAERETVR quomodo Dalila sciuit nunc, quod Samson declarauerat ei veritatem, quia in aliis omnibus vicibus fefellerat eam. Respondet Nicolaus, & Rabbi Salomon, q̄ sciuit nunc veritatem dixisse Samsonem, quia nominauit dominum dicens: Nazaræus domini sum de vtero matris meæ, & quia nunquam Samson consueuerat Deum nominare nisi verā dicendo, credidit, quod verum diceret. Sed non multum stat, qui istud est si Samson iurasset in nomine domini, quia tunc fortē propter reuerentiam Dei verū dicit, & sicut solitū est quibusdam hominibus, quod licet mali sint si iurauerint in nomine domini nequaquam mentientur, & tamen Samson non iurauit hic per Deum, sed dixit Nazaræus Dei sum. Dicendum ergo videtur, quod Dalila cognouit, quod nunc dixisset veritatem, non ex aliquo alio signo, nisi quia Samson nunc locutus est verisimilius quā aliis vicibus, vt patet considerando modum fortitudinis eius, quod patet quia fortitudo Samsonis tanta erat, q̄ non poterat dici eam esse modo naturali, sed diuino: si autem a Deo esset non poterat modo naturali superari, ideo siue septem funes neruicei, siue septem funes noui alligarentur Samsoni, cū esset iste excessus resistentiæ naturalis, vires a Deo datę non perturbarentur ex hoc, & quia munera Dei sunt saltem secundū apparentiam propter bonitatem vitæ: satis rationabile creditum erat, quod cū obseruantia Nazaræorum esset aliqua perfectio in statu veteris testamenti, quod Samsoni obseruanti hanc regulam Deus daret vires, & quod si illam infringeret subtraheret Deus munus virium: vnde Dalila illico credidit Samsoni, quod vera dixit. *Qui ascenderunt assumpta pecunia, quam promiserant.* Credendum est, quod in qualibet vice, qua veniebant isti principes ferebant pecuniam promissam, quia tamen Samson rumpebat vincula, nihil dabant Dalilæ: nunc verō credentes, quod tenerent eum confidentius pecuniam tulerunt: ista pecunia erat quinque millium quingentorum argenteorum, quia quilibet princeps promiserat mille, & centum argenteos supra in litera: Erant autem principes quinque, ideo tantam ferebant pecuniam. *Et illa dormire eum fecit super genua sua.* Sic etiam faciebat Dalila aliis vicibus, & erant Philisthini latentes intra cubiculum ad tenendum Samsonem, & maximē quia conuenientius tonderentur capilli Samsonis ibi, quā si dormiret super lectum. *Et in sinu suo reclinare caput.* Idest fecit, quod reclinaret caput super sinum Dalilæ, scilicet super brachia sua, vel super gremium, & hoc vt ipsa caput mouere posset tonsori. *Vocauitque tonsorem.* Non rasit ipsa Dalila, sed vocauit tonsorem. *Et rasit septem crines eius.* Per septem crines intelliguntur omnes capilli capitis sui, qui in septem crines distincti erant, sicut supra declaratum est.

Nicol. & Rabbi Sal. responsio ad quæst.

Doc. rñ ad quæstum.

Munera Dei sunt saltem fm apparentiā pp bonitatem vitæ.



*Quare Dalila non rasit nunc capillos per se  
Samsonis, sed vocavit tonsorem.*  
*Quest. XXX.*

**Q**VAERETVR, quare Dalila non rasit nunc capillos per se, sed vocavit tonsorem, cum alijs vicibus ipsa eum per se ligaret, vt patet supra. Aliquis dicet, qd hoc factum est quia alijs vicibus non audebat aliquis accedere propter timorem Samsonis si rumpere vincula: nunc autem non erat timor vllus. Dicendum tamen, qd Dalila vocavit nunc tonsorem ad radendum capillos, quia ipsa non poterat per se facere, eo qd recubuerat super gremium eius, & ad radendum omnes capillos capitis necesse erat, qd eleuaretur caput, & vnus teneret illud, & alius tonderet, & sic oportuit qd vocaret alium in adiutorem: cum autem ligabat eum alijs vicibus ipsa sola poterat hoc efficere, cum solum deberet ligare brachia eius, ideo tunc nemine vocabat.

*Quomodo tonsor audebat venire ad tondendum Samsonem.*  
*Quest. XXXI.*

**Q**VAERETVR vltcrius, quomodo tonsor audebat venire ad tondendum Samsonem: nam Philisthini, qui veniebant ad capiendum Samsonem, non audebant comparere, etiam si Samson esset ligatus quousque viderent, an posset rumpere vincula: ergo a fortiori debebat iste timere, ne euigilaret Samson, & occideret eum. Respondendum, qd iste ausus est venire, quia in alijs vicibus Dalila non credebatur esse, quod dicebat Samson, ideo ne euigilans rumpere vincula timentes latebant, nunc autem sciebat, vel crediderat Dalila, qd Samson dixerat verum, & qd non posset euadere, ideo quamquam euigilaret, quando tonsus esset, non posset nocere tonsori, eo qd iam careret viribus. Item confidebat Dalila, qd non esset periculum tonsori, eo quod Samson erat grauis soporis, & quamquam tonderetur non posset euigilare: hoc patet, quia postquam tonsus erat, adhuc non euigilabat, sed Dalila abiiciebat eum a se saepius quousque euigilauit.

*Quid tonsor egisset si euigilasset Samson dum tonderetur.*  
*Quest. XXXII.*

**Q**VAERETVR, quid tonsor egisset si euigilasset Samson dum tonderetur, quia irrueret in eum. Respondendum, quod Dalila putabat certissime istum casum non euenturum, cum ipsa cognosceret conditionem Samsonis, & tamen si accideret putabat, qd posset euadere dicendo, qd non vocasset eum ad malum, sed ad experiendum: nam in alijs vicibus, quando Samson dicebat Dalila, vbi haberet vires, ipsa volebat experiri, & ligabat eum, & cum Samson ab ipsa excitabatur reperiens se ligatum, & soluens vincula, non irrascebatur ei, sciens aut arbitrans, qd ipsa iocans ageret ad fortitudinem experiendam, & non ad malum illius: ita nunc putaret: nam si crederet, qd ad malum hoc faceret, potius vocasset Philisthinos, vt eum dormientem occideret. Item cum ista tonsor raderet capillos eius, poterat nouissima nouacula leuiter iugulare eum, & non fecerat, ideo non veniebat ad nocendum ei, sed solum ad cognoscendum fortitudinem eius, & sic non curaret Samson, licet inueniret tonsorem radentem caput suum: potissime, quia si Dalila malum intendere facere, ipsa nullo vocato poterat Samsonem dormientem in gremio suo iugulare.

**F** *Quare Philisthini hac tertia vice non stabant coram Samsonem dormiente, sed latebant in cubiculo.*  
*Quest. XXXIII.*

**Q**VAERETVR vltcrius, cum tonsor auderet caput Samsonis tondere, quare Philisthini hac vice non stabant coram Samsonem dormiente, sed latebant intra cubiculum, sicut alijs vicibus. Respondendum, quod periculum erat si Philisthini starent coram Samsonem dormiente, quando tonderetur, & non erat periculum, quod ibi maneret tonsor: nam si euigilaret Samson, & videret principes Philisthinorum apud se occideret illos, quia putaret manifeste, quod veniebant ad occidendum eum, & dato qd non putaret hoc moueretur ad occidendum eos, eo quod erant hostes eius. De tonsore autem non erat sic: quia dato quod euigilaret, poterat colorari factum, ita vt nihil mali suspicaretur, sicut supra declaratum est: ideo debuit tonsor accedere, & non debuerunt praesentes esse Philisthinorum principes: quoniam licet non putaretur, qd Samson euigilare deberet, tamen poterat accidere, & ad euitandum periculum non debuerunt esse praesentes, quousque Samson tonderetur, & cognosceretur, quod perdidisset vires. *Et capit abijcere eum.* Scilicet mouere caput eius: nam dum tondebatur tenebat illum suauiter, vt non euigilaret, cum vero tonsus erat mouebat caput illius, vt euigilaret, & cognosceret an careret viribus. *Et a se repellere.* Scilicet repellebat eum de gremio suo, cum prius teneret eum super genua. *Statim enim ab illo fortitudo discessit.* Non intelligitur, vt mox eum abiecit a se, sed mox, vt tonsus est, quia Deus noluit, quod vires supernaturaliter suffragarentur ei, eo quod erat in culpa declarando Dalila modum, quo ipsa faceret in eo contra regulam Nazaraeorum. *Dixitque, Philisthij super te Samson.* Idest euigila, quia Philisthini veniunt super te: erant tamen tunc Philisthini intra cubiculum finem rei expectantes.

*Quomodo Philisthini nunc sciuerunt, an deberent insurgere in Samsonem ad tenendum eum, vel non.*  
*Quest. XXXIII.*

**I** **Q**VAERETVR, quomodo Philisthini nunc sciuerunt, an deberent insurgere in Samsonem ad tenendum eum vel non: nam in alijs vicibus stabant in cubiculo expectantes finem rei, scilicet si Samson posset vincula rumpere, & manebant in insidijs, & postea secretim recedebant: si autem non potuissent soluere insurrexissent in eum: nunc tamen non habebat aliqua vincula, quae rumpere: per quorum ruptionem, vel impotentiam ad rumpendum cognoscerent, an perdidisset vires Samson. Aliquis respondebit, quod licet non fiat mentio in litera, tamen Dalila ligauit Samsonem dormientem aliqua forti ligatura, & tunc tonsus fuit: quo facto excitauit eum a somno, & tentans rumpere vincula nequiuit, quod videntes principes Philisthinorum, qui iacebant in insidijs, irruerunt super eum, & tenuerunt illum. Ista positio satis rationabilis erat, & tamen quia si fuisset videtur, quod litera descripsisset. Rationabilius videtur dicendum, quod non fuerit: sed fuit modus, quod Dalila credidit certissime, quod Samson nunc verum locutus fuerat, ideo dum Dalila eum tondebat, latuerunt ipsi in insidijs, ne dum tonderetur Samson fortassis euigilaret, & videns eos coram se insurgeret in illos, & occideret: sed postquam fuerunt tonfi capilli Samsonis securi Philisthini, qd effugere non posset, circundederunt eum, atque

*Doct. solus  
dior rñ. ad  
quæritum.*



atque tenuerunt. *Qui de somno confurgens.* Scilicet A  
 euigilans, & tamen non surgens de gremio Dalilæ.  
*Dixit in animo suo: egrediar sicut ante feci.* Idest stans  
 Samson adhuc in gremio Dalilæ dixit intra se: egre-  
 diar. Nam vidit Philisthinos in circuitu, & putauit q̃  
 posset effugere manus illorum. *Et me excutiam.* Sci-  
 licet de medio eorum: nam nondum tenebant eum,  
 sed erant in circuitu eius ad tenendum illum. *Nes-*  
*ciens q̃ dominus recessisset ab eo.* Idest ista dicebat Sam-  
 son nesciens, q̃ Deus recesserat ab eo, scilicet auferen-  
 do ei vires: nam erant istę vires supernaturales, & quā-  
 diu manebant in eo, dicebatur Deus manere cum illo:  
 cum autem vires perierunt recessit Deus ab illo: vires  
 tamen perierunt quando capilli tonsi fuerunt, ideo  
 tunc Deus verē recessit à Samfone. Ex hoc patet, q̃ B  
 istę vires non erant in Samfone, sicut qualitas quædā,  
 vel accidens membrorum suorum infixum illis, quia  
 tunc sensisset Samson corpus suum immutatum per  
 carentiam pristinarum virium: & tamen nesciebat, an  
 perdidisset illas. *Sicut ante feci.* Scilicet sicut prius se  
 excusserat ter de vinculis rumpendo illa, ita nunc ex-  
 cuteret de manu Philisthinorum, qui erant in circui-  
 tu eius.

Quem cum apprehendissent Phil-  
 isthim, statim eruerunt oculos eius, &  
 duxerunt Gazam vinctum catenis, & clau-  
 sum in carcere molere fecerunt. Iamque C  
 capilli eius renasci ceperant, & principes  
 Philisthinorum conuenerunt, in vnum,  
 vt immolarent hostias magnificas Dagon  
 Deo suo, & epularentur, dicentes: Tra-  
 didit Deus noster inimicum nostrum Sam-  
 son in manus nostras. Quod etiam po-  
 pulus videns, laudabat Deum suum, ea-  
 demque dicebat: Tradidit Deus noster  
 aduersarium nostrum in manus nostras,  
 qui deleuit terram nostram, & occidit D  
 plurimos. Latantesq; per conuiuia, sum-  
 ptis iam epulis, præceperunt vt vocaretur  
 Samson, & ante eos luderet. Qui ad-  
 ductus de carcere, ludebat ante eos.  
 Feceruntque eum stare inter duas co-  
 lumnas.

*Quem cum comprehendissent.* Hic ponitur Samsonis  
 comprehensio. Et diuiditur in tres partes. Primo  
 ponitur Samsonis incarceration: secundo eius delusio:  
 tertio eius mors, & consumatio. Secunda ibi. *Iamq;*  
*capilli.* Tertia ibi. *Qui dixit puero.* Circa primum di-  
 citur. *Quem cum comprehendissent Philisthim.* Scilicet  
 postquam detonsum eum circumdederunt iniecerunt  
 manus in eum, & tenuerunt. *Statim eruerunt oculos eius.*  
 Scilicet antequam recederent de eodem loco erue-  
 runt oculos illius, & sic duxerunt eum vinctum. *Et*  
*duxerunt Gazam.* Ad istam ciuitatem potius quàm  
 ad aliam duxerunt eum, quia fortē ista erat celebrior  
 omnibus vrbibus Philisthinorum. Vel quia ista erat  
 propinquior loco illi, in quos captus est Samson.  
 Vel quia ibi erat Deus Dagon Deus maximus Phil-  
 isthinorum, cui Philisthini attribuebant victorias suas,  
 & in honorem eius duxerunt eum ad urbem illam:  
 Alph. Tost. super lib. Iudicum

quod patet, quia postea conuenit populus magnus  
 Philisthinorum in Gazam, & omnes principes Phil-  
 isthinorum, & immolabant magnificas hostias Deo  
 Dagon suo pro captione Samsonis infra in litera. Vel  
 fortē, quia Samson deliquerat in vrbe Gaza, scilicet,  
 portas eius duxerat in montem, præcedenti cap. duxe-  
 runt eum illuc, vt ibi paniretur. *Et vinctum catenis.*  
 Idest vinxerunt eum catenis, & tenebant in carcere ad  
 gloriam victoriæ suæ, vt cum veniret dies solennitatis  
 eorum facerent eum ludere coram se. *Et clausum in*  
*carcere molere fecerunt.* Idest cum esset Samson vir for-  
 tis, faciebant quòd intra carcerem staret trahens mo-  
 lam asinariam atque seruiret sic Philisthinis. Vel for-  
 tē erat mola parua, quæ ab homine mouetur ad mo-  
 lendum. istud autem fit in terra Philisthinorum, & ter-  
 ra Chanaan, & Aegipti, quia est terra aquarum inops,  
 & non sunt artificia molendi in fluminibus, sed bra-  
 chio hominis far ad molam teritur. Vel sit artificium  
 magnarum molarum, quæ ab asinis voluntur, & con-  
 suetæ sunt istæ molæ asinariæ in terra illa. Vnde Chri-  
 stus dixit Matth. 18. Qui scandalizauerit vnum de pu-  
 fillis istis, qui in me credunt: expedit vt suspendatur  
 mola asinaria collo eius, & proiciatur in profundum  
 maris. Consuetum etiam erat, quòd captiui, qui tene-  
 bantur in carcere haberent ibi molas, & catenati mo-  
 lerent. sic patet Exo. 11. cum dicitur: Morietur omne  
 primogenitum in terra Aegipti a primogenito Pha-  
 raonis, qui sedet in solio eius, vsque ad primogenitum  
 ancillæ, quæ est ad molam. Et Exo. 12. ponitur istud,  
 & dicitur: Percussit dominus omne primogenitum  
 in terra Aegipti à primogenito Pharaonis, qui sede-  
 bat in solio eius, vsque ad primogenitum captiue quæ  
 erat in carcere, & sic ancilla, quæ erat ad molam erat  
 illa, quæ erat in carcere. Ex quo patet, q̃ captiui in  
 terra illa in carceribus cogebantur molere, & sic factū  
 est de Samfone. Rabbi Salomon, & aliqui Hebræi, &  
 & Nicolaus dicunt, quòd Philisthini ducebant vxores  
 suas, & filias ad Samsonem, vt cognosceret eas, & inde  
 proles fortissimas sicut Samson gigneretur, & hoc  
 erat molere. Sed istud non stat: primo quia dicitur,  
 quòd vinctum catenis coegerunt molere, & tamen  
 ad istud opus cognoscendi foeminas Philisthinorum,  
 non esset vinctus catenis. Item non est verisimile, q̃  
 Philisthini essent tam turpissimi, vt filias, vel vxores  
 per inhonestatem copulæ subijcere vellent hosti: po-  
 tissimè cum eum valde odissent. Item & efficacius  
 non erat hoc credibile, quia non poterant nunc cre-  
 dere Philisthini, q̃ filij nati de Samfone essent fortes,  
 sicut ipse, quia si Samson haberet vires naturaliter cre-  
 dere possent, quòd vires Samsonis deriuari possent in  
 filiis, Samson tamen habebat vires supernaturaliter,  
 & sic credebant Philisthini: sicut declaratum fuit su-  
 pra, ideo non crederent, q̃ deriuari poterant in poste-  
 ros per seminis deriuationem. Item quod maius est,  
 si Samson nunc haberet vires, siue illę naturaliter, siue  
 supernaturaliter essent, poterant Philisthini cogitare,  
 quòd deriuarentur vires eius in posteros, nunc autem  
 viribus carebat, vt ipsi videbant, & effectus erat ita in-  
 firmus, sicut alius homo, ideo non est vllatenus verifi-  
 mile, quòd darent ei aliquam foeminam ad cognos-  
 cendum, sed solum cogebant eum ad molendum.  
 sicut asinum. O admiranda calamitas Samsonis: o  
 populi Iudaici grauissima infelicitas, & opprobrium.  
 Fortissimus ille virorum, atque totū seculo stupendus  
 ipsoque nomine terribilis Samson, qui leones leuissi-  
 mos facili manu ictu domuerat, magnos hostilis exer-  
 citus cuneos fundens, inauditam omnibus sæculis stra-  
 gem egerat. & quod admirabilius est, tanta facilitate,  
 vt facilius sibi agere quàm nobis cogitare foret.  
 Omnis plangende vir, imò virorum flos, qui omnes  
 viribus

Hebræorum  
 opinio, &  
 Nicolaus  
 dicitur.

Apostro-  
 phat in Sa-  
 sonem.



Samson  
vires  
li Hebr  
rū  
ob. obriū

viribus superans sola prudentia caruisti, & miserabilis mulierculæ pulchritudine tractus, & fallacibus lachrymis deceptus in extremam decidisti sortem: ita ut cunctorum, quos legerim miserior factus, turpiter ab hostibus utroque priuatus lumine, in æternum totius populi Hebræorum opprobrium, ad molam asinariam molere cogereris. Nec satis hoc fuit in te amara infæuienti fortunæ: imò & diuinæ ultioni, nisi ut infans effectus vani, & turpissimi scurræ typum gerens, corā hostili caterua in tui delusione ludere cogereris. Quis enim sufficienter tantam calamitatem lugere queat? imò quis digne cogitare valeat? subito in te summa infimæ coæquata sunt. Arbitror autem Dei nostri ista esse prodigia, qui, & superbientium hominum in amplissimo robore maximam felicitatem ponentium, aut per hoc seipsis fruuentium positionem elidat, & ipsum qui cunctis mortalibus robore præstantior fuit, amara & ignobili calamitate confecit, ut discat quilibet domino nostro colla subicere, & soli Trinitati seruire, corporalibus dotibus non curatis. Nec huic dissimilis cæteris infelicitas. Nam & cæteros, quos aut maxima potentia, aut excellentissima pulchritudo, aut admiranda totius corporis agilitas, aut pecuniarum numerosa possessio, aut sapientiæ nimia celsitudo claros effecit, dura excidia confecerunt.

*Quare Philisthini Samsonem mox captiuum oculis priuarunt.*  
*Quæst. XXXV.*

**Q**VAERETVR, quare Philisthini Samsonem mox captiuatum oculis priuarunt. Respondendum, quod Philisthini fortè timuerunt, quod sicut perditis capillis Samson vires perdiderat, ita renascentibus illis recuperaret vires, & quia tunc posset eis nocere valde, si videret rumpens vincula, & occidens quoscunque veller in terra Philisthinorum, & rediret tunc in terram suam, abstulerunt ei oculos, quia dato quod redirent vires paucos posset ledere, etiam si veller: imò nulli nocere auderet, quia non videns non posset effugere manus eorum. Aliter & melius dicendum, quod non putauerunt Philisthini, quod renascentibus capillis, redirent vires Samsonis, quia alioquin non permisissent crescere capillos eius, & permiserunt, ut patet infra: sed putabant, quod cum Deus dedisset ei vires, & nunc iratus ei esset, quod nunquam iam ei vires donaret: quia tamen Samson manens in paucitate virium, si videret posset multa agere, & fugere: eruerunt oculos eius, ne quidquam mali agere auderet, nec effugere posset.

*Quare Deus permisit Samsonem iudicem Hebræorum cadere in Philisthinorum manus.*  
*Quæst. XXXVI.*

**Q**VAERETVR vterius, quare Deus permisit Samsonem iudicem Hebræorum, quem ipse ad istud opus consecrauerat, cadere in manus Philisthinorum. Respondendum, quod ad hoc fuerunt duplicia demerita, scilicet ipsius Samsonis, & populi Israel. De Samsonis demeritis apparet, quod aliquando in victorijs, quas habebat contra Philisthinos, non putabat Deum præsidere, sed ipse tanquam viribus suis gloria batur. Sic dicunt fuisse in victoria, quando fugauit exercitum Philisthinorum, & occidit mille viros. Et ob hoc, ut cognosceret magnitudinem Dei, & ab eo provenire omne bonum, dedit sitim magnam in eo, ita ut lassaretur ad mortem, & timeret cadere in manus Philisthinorum, & tunc vexatione coactus ad dominum conuersus est, dicens: Tu dedisti in manu serui tui salutem hanc maximam, & victoriam, & hou si-

**F**ti morior, incidamque in manus Philisthinorum. præcedenti c. Hoc tenet Iosephus quinto antiquitatum, dicens: Samson ergo plusquam oportebat exultans, non Dei operationem credebat, sed suis viribus absteri bebat, eo quod per maxillam alij hostium cæsi sunt, & alij fugati sunt, sed irruit in eum sitis dura, & tunc cognouit Dei virtutem. Alia autem fuerunt maiora Samsonis crimina, quod ardentem amabat Philisthinam mulierem, eisque fruebatur illicito cotu, nec coniugem quærebat de Israelitidis. Nec tamen dico de prima muliere Thamnatea, quam in uxorem accepit, quia ad illam Deus eum inclinauit, sed de alijs, quas meretricio amore dilexit tam in Gaza, quam in valle Thoret, ut patet supra in litera. Item peccata populi traxerunt **G** Samsonem in istam calamitatem, & hoc dupliciter, scilicet directe, & indirecte. Directe quidem quia pro malis operibus Israelitarum, qui erant subditi Samsonis vita Samsonis deprauabatur, & penæ ei à domino infligebantur: nam sicut pro peccato populi Deus facit interdum regnare hypocritam, ut patet Iob 34. capit. ita & principem bonum interdum Deus deserit, & infortunanti fiunt actus eius propter peccata populi. Sic fuit de Dauid, qui erat bonus rex, & tamen propter peccata populi ipse permixtus est cadere in peccatum numerandi populum. Sic dicitur 2. Reg. 24. scilicet. Addidit furor domini irasci contra Israel: mouitque Dauid in eis dicentem: vade numera Israel, & Iuda. Vnde Gregorius ait in moralibus, quod secundum merita subditorum disponuntur actus pastorum: peccabant autem Israelitæ nunc coram domino, quia non recedebant ab idolatria, & quia communicabant cum Chanaanæis in matrimonijs, & in alijs à lege vetitis, ideo punitus est Samson in illis, quia permixtus est peccare propter peccata eorum, & consequenter punitus propter illos. Secundo punitus est Samson propter Israelitas indirecte, scilicet ut non proficeret illis. Nam Samson breui tempore, scilicet vnius anni, vel quasi totam terram Philisthinorum pauore concusserat, & occidebat quos volebat: vnde si mansisset paulo maiori tempore apud Israelitas, deleuisset Philisthinos, nec solum liberasset Israelitas de iugo Philisthinorum, sed etiam Philisthinos Israelitarum subiecisset seruituti. Hoc autem non erat placitum coram Deo propter peccata Israelitarum, qui non merebantur talia bona, ideo tradidit Deus virum hunc fortissimum manibus hostium, ne prodesse posset populo indignissimo Iudæorum.

*Quare Deus permisit Samsonem oculis priuari.*  
*Quæst. XXXVII.*

**Q**VAERETVR vterius, quare Deus permisit Samsonem oculis priuari. Respondendum, quod Deus punire volebat Samsonem pro peccatis suis, ut supra declaratum est, & quia Deus quandoque ad ostensionem magnæ iustitiæ punit hominem per ea, per quæ peccauit, ut patet Sapientia 11. scilicet. Per quæ quis peccat, per hæc torquetur: voluit punire Samsonem, sicut peccauerat: fuit autem peccatum Samsonis graue in amore mulierum Philisthinarum: & hoc quia placebant nimis oculis eius: sicut dicitur supra 14. ideo illi oculi, quibus nimis placuerunt mulieres inordinate, Dei iustitia ordinantè eruti sunt.

*Quare Samson solus inter iudices Israel permixtus est cadere in manus hostium, & apud eos mori.*  
*Quæst. XXXVIII.*

**Q**VAERETVR vterius, quare Samson solus inter iudices Israel permixtus est cadere in manus

Samsonis  
crimina.

Peccata  
populi in  
hanc cala-  
mitatē Sa-  
sonis tradi-  
derunt du-  
pliciter.



nis hostium, & mori apud eos: nam nullus alius de iudicibus captus fuit ab hostibus, nec mortuus est in terra eorum, sed potius omnes triumphauerunt de hostibus. Respondendum, quod istud factum est propter multa. Primum quia omnes alij iudices erant viri boni, prudentes, timentes Deum, & tenentes legem illius. Samson autem erat iuuenis, & stultus: nam nondum viginti annos egerat quando mortuus est ut declaratum est præcedenti ca. & cum viribus excelleret omnes homines superbiebat, & dominabantur in eo passionibus iuueniles, in quibus Deum offendeat amando intemperatè mulieres Philistinorum. Debit ergo à Deo puniri iste, & non ceteri iudices, qui rectè vivebant. Secundum erat propter peccata Israelitarum: nam quando alij iudices veniebant super populum cessabant Israelitæ à peccatis, & colebant dominum tempore illius iudicis, ut patet supra 2. & illo mortuo conuertebantur ad idola: ideo dum viveret iudex non infligebat Deus malum iudici, nec Israelitis, sed omnes hostes tacebāt: nunc autem propter peccata Israelitarum ipsi non liberati sunt per Samsonem, sed quāquam esset fortissimus iudicum, tempore eius seruiunt Israelitæ Philistinis, & eo moriente manserunt in seruitute, quod non contigerat tempore aliorum iudicum, ita & ipse pro peccatis illorum habuit occasionem moriendi in manibus hostium, quod non contigerat aliis iudicibus. Tertium est, quia Samson erat fortissimus, & si vixisset deleuisset Philistinos, quos Deus deleri volebat: tam exigentibus demeritis Israelitarum, quā ad exercitandum Israelitas cum eis, ut patet supra 3. ca. ideo debuit hunc morte veloci consumere, ne hostes deleteret: alii autem iudicibus non fuerant data aliquæ vires specialiter, quæ essent semper manentes, ideo licet Deus semel per eos expulset hostes de terra, non audebant ipsi ulterius in hostes insurgere, nisi prius hostes à contrario insurgerent. Et sic licet multo tempore viuerent, non poterant deletere Philistinos, aut subiicere eos in seruitutem, sicut facturus erat Samson, nisi breui morte confectus foret, ideo non oportuit, quod alii iudices ita cito morerentur, aut manibus hostium traderentur.

*Quare Philistini effosis oculis Samsoni non illico eum occiderunt. Quæst. XXXIX.*

**Q**UÆRETUR ulterius, quare Philistini cum accepissent Samsonem, & eruiissent oculos eius, non occiderunt illico eum. Respondendum, quod fuit duplex causa. Vna ex parte Philistinorum. Et alia ex parte Dei. Ex parte Philistinorum fuit desiderium perfectæ vindictæ: nam cum Samson tantum illuisset eis, quod ipse solus compelleret in fugam totum exercitum Philistinorum, & inuitis eis introiisset, & exiisset de vrbe Gaza, atque in humeris portasset fores urbis vsque ad montem, non reputabant completam vindictam, si eum occiderent, vellat in bello: ideo conati sunt accipere eum viuentem ad illudendum ei in terra sua, cogendo eum molere: etiam tanquam insanum excecatum coram se ludere faciendum: & postea si vellent morte turpissima afficiendum. Et ob hoc quamquam potuissent eum occidere fraudulenter, antequam vires perderet ingulando eum dormientem sepe in gremio Dalilæ, vel ex occultis sagitta eum percutiendo, noluerunt, sed conati sunt inquirere quo modo Samson poterat carere viribus, ut eum captum tenerent. Secunda causa, & efficacior fuit ex parte Dei, qui mouit Philistinos, ut desideraret capere Samsonem viuentem: nam licet Deus velleret Samsonem mori, tamen volebat eum capi inutiliter à Philisti-

**A**nis, sed quod per captionem suam maiora damna Philistinis inferret, quā viuentem non captus intulerat. Nam postea concutiens domum occidit tria millia virorum, & ipse pariter mortuus est: & dicitur, quod plures ibi occidit quā viuentem occiderat: & quia si Philistini occidissent eum mox, ut ceperunt, non fecisset istam vltionem in Philistinos: inclinavit ergo Deus Philistinos, ut non occiderent eum, licet ipsi non putabāt, quod ad malum suum eum viuentem custodirent.

*An peccauerunt Philistini capientes per insidias Samsonem in domo Dalilæ, & orbantes eum.*

*Quæst. XL.*

**Q**UÆRETUR ulterius, an peccauerunt Philistini capientes Samsonem in domo Dalilæ, & orbantes eum. Aliquis dicet, quod sic, quia Philistini per fraudes processerunt contra Samsonem latentes intra cubiculum Dalilæ, & sic tenuerunt eum. Respondendum, quod non peccauerunt Philistini, quia ipsi habebant iustum bellum contra Samsonem, qui terram eorum iniuste vastabat, ut declaratum est c. præcedenti. Hosti autem quodcumque licet in hostem, dum tamen veritatem interpositam ex pacto non fallat. Quod autem licuerit eis orbare Samsonem oculis, & cogere ad molam, & ad quæcumque turpissima officia, notum est, cum liceat occidere eum non determinato modo: quia hostibus non est lex posita, sed quidquid volunt, & possunt hoc lex est: nam de iure gentium istud est. Sed solum est dubium, quia per insidias fecerunt. Dicendum, quod nec etiam peccauerunt in hoc, quia insidiæ vocantur respectu illius, qui se non tenetur obseruare: sicut viuentibus in eadem poliria, vel sub eodem iure istud est, quod nullus se debeat ab alio obseruare, eo quod siquid unus habet contra alium, iure diffinitur: & ob hoc si inter istos quis alium non aspicientem percuterit, ex insidiis agere dicitur. In hostibus autem non stat istud, quia lex hostis est nocere hosti quantumcunque, & qualitercunque: potuerit, & cum istud cognitum sit, non potest quis reputare insidias illas, quas scit de iure sibi posse poni, sed vtens iure suo, non peccat: ideo Philistini percutientes, & capientes Samsonem insidiosè non peccauerunt. Nam Deus iussit Israelitis ponere insidias, quando pugnant contra urbem Hai, ut patet Iosue 8. ca. Ideo diffinitum est, quod in bello iusto licitum est uti insidiis, & quibuscumque cautelis. Sed obiiciet aliquis, quod licitum est cuique uti iure suo, dum tamen bono animo vtatur. Nam uti iure suo mala intentione peccatum est. Respondendum, quod Philistini bona intentione iure suo utebantur contra Samsonem: nam agere ad occidendum non est agere mala intentione, cum hoc liceat hosti contra hostem.

*Lex hostis est hosti nocere.*

*An Dalila peccauit tradendo Samsonem manibus Philistinorum. Quæst. XLI.*

**Q**UÆRETUR ulterius, an Dalila peccauit tradendo Samsonem manibus Philistinorum. Aliquis dicet, quod non, quia erat ipsa hostis, & licebat ei agere contra Samsonem quidquid licebat fieri contra hostem. Nam ita tenentur foeminae ad procurandum patriæ incolumitatem, quantum eis possibile est, sicut viri: sed Philistinis licebat capere Samsonem per insidias, & occidere, ideo etiam liceret Dalilæ. Respondendum est, quod Dalila peccauit grauiter Samsonem tradendo manibus Philistinorum: quia ipsa tenebatur ei obseruare legem amantis: quia Samson diligebat eam valde, & confidebat illi: & ipsa ostendebat se maximè diligere Samsonem, quia alias non confessus fuisset



Amicorū  
iura.

fuiſſet Samſon ei, ſed fallere legem amoris non pronūciando Samſoni peccatum erat. Nam cū talia oſtenderet Dalila Samſoni, poterat rationabiliter conqueri Samſon de illa, ſi prauaricaretur legem amoris. Sic enim diſſinit Ariſt. 8. Ethicorum, cū agit de querelis amicorum. Quia quidam diligunt alios amore honeſto, & putant ſe ab eis ſimili amore diligi: cū autem inciderit eiſinopia rerum, amici qui putabantur diligere propter honeſtum, & diligebant propter vtile, recedunt ab amicitia, & alij conqueruntur. Reſpondet Ariſtoteles, q̄ ſi ille, qui amabat propter vtile, ſimulabat ſe amare propter honeſtum, & poſtea amicum calamitoſum relinquat, habet amicus ius querelæ. Si autem alius amans propter vtile, non fingebat ſe amare propter honeſtum, ſed apparebat q̄ amaret propter vtile, non habet ius querelæ amicus, ſed ſibi imputet, qui inſipiens erat: ita de Dalila & Samſone: nam Dalila oſtendebat valde, q̄ diligeret Samſonem toto animo, & ſic petebat ab eo diligi, cū dixit: Quomodo dicis, q̄ ames me, cū animus tuus non ſit mecum? ſupra in litera. Et tamen non diceret iſta Dalila Samſoni, niſi ipſa oſtenderet ei, q̄ ipſum æqualiter diligebat. Etiam oſtendit hoc ipſa: nam cū Samſon nollet ei indicare robur ſuum, defecit ſpiritus eius, atque laſſata eſt: & iſta erant ſigna amantis. Hæc omnia feſellit Dalila cū ſecretè moliretur inſidias contra eum, ideo peccauit. Item patet, q̄ Dalila non tradiderit Samſonem vtens iure ſuo, ſcilicet deſiderio conſeruandi patriam, ſed illeſta deſiderio pecuniarū: nam antequam Philiſthini pecuniam promitterent, Dalila, non intendit offendere Samſonem: promiſſis autem pecunijs, conata eſt hoc efficere, & ſic amore lucri egit contra fidem amantum. Sed obiicitur, q̄

Iudith, &  
Dalila in-  
uicem cō-  
parantur.

Iudith egit ſimile: nam ipſa conſugit ad Holofernem tanquam petens ſaluari, & mentita eſt in multis, vt patet Iudith 10. & 11. & 12. c. & occidit poſtea Holofernem, & tamen dicitur de ipſa, q̄ non peccauit, ſed potius in catalogo ſanctarum foeminarum collocatur. Reſpondendum, quod Iudith, & Dalila non fuerunt ſimiles. Primò quia Dalila à principio diligebat Samſonem, & ſeruabat ad eum fidem, vt amantem: poſtea autem pecunijs corrupta legem violauit. Iudith autem nūquam dilexit Holofernem, ſed abominata eſt, & iuit ad illum animo occidendi eum. Secundò diſſerebat, quia Dalila oſtendit Samſoni, quod diligeret eum, & adhærebat ei, vt amanti, tenebatque eum in gremio ſuo, & alias illecebras procurabat illi. Iudith autem non oſtendit ſe diligere Holofernem, ſed potius refugiebat ab eo, & nolebat comedere de cibis eius, nec dormire intra cameram eius, vt patet Iudith 11. & 12. ideo Holoferneſ non debebat ſuſpicari ſe diligi ab illa, nec conſidere illi cū ipſa nihil tale oſtenderet, & ſic Iudith non feſellit Holofernem, ſed potius ipſe deceptus eſt pulchritudine eius: Iudith 10. & 11. Dalila autem rebus iſtis, & obſequijs amantem Samſonem feſellit. Tertiò diſſerebant, quia Iudith venit contra Holofernem mota iuſta cauſa, ſcilicet ad deſenſionem populi ſui, & præmiſſa oratione ad Deū, & ieiunio, vt patet a c. 7. vſque ad 11. & Deus miſit ſpiritum in corde eius ad faciendum hæc: Dalila autem nō fuit mota à Deo, nec aliqua iuſta cauſa, ſed ſola lucri cupiditate amantem hoſtilibus manibus tradidit: ſolum autem fuit culpabile in Iudith mendacium: nam multa mendacia dixit coram Holoferne, ſed omnia iſta ſuſceperunt diſpenſationem à Deo, quia iuſta cauſa mouebat Iudith: & Deus eam ad faciendum hoc impulerat. Dalila autem nullo modo eſt excuſabilis, quia in opere ſuo nihil honeſtum intercudit, per quod inhoneſtas cæterorum temperetur. *Iamque capillis eius.* Hic ponitur ſecundum huius partis, ſcilicet Samſonis

Samſonis  
illuſio.

illuſio, quia ad complementum victoriæ ſue volebant vt Samſone in ludis in feſtiuitate victoriæ Samſonis, & dicitur. *Iamque capilli eius renaſci ceperant.* Scilicet quando facta ſunt, quæ ſequuntur hic ceperant renaſci capilli Samſonis. Ex hoc patet, q̄ modico tempore manſit Samſon in terra Philiſthinorum poſtquam captus eſt. Quod patet ex duobus. Primò quia quando Samſon captus eſt tonſi fuerunt capilli eius, & tūc irruerunt in eum Philiſthini, & tamen hic dicitur, q̄ facta ſunt iſta conuiuia, quæ ſequuntur in quibus mortuus eſt Samſon, quando ceperant renaſci capilli Samſonis, & tamen ad hoc q̄ renaſcerentur, modicum tēpus oportebat quod fuiſſet, fortè non vnus menſis integri. Secundum eſt, quia die illa conuenerunt Philiſthini ad faciendum ſacrificia pro victoria contra Samſonem, vt patet infra, & tamen non eſt veriſimile, q̄ multis diebus poſt captionem Samſonis diſſerrent Philiſthini immolare hoſtias pro victoria: & dicitur de capillis renaſcentibus ad ſignificandum, q̄ iam Samſon habebat fortitudinem, eo quod capilli renaſcebantur. Non eſt autem ſenſus, quod capilli conferrent vires Samſoni, vel in ipſis capillis manerēt vires, ſed Deus dabat vires, & per reſeſſum eorum Samſon carebat viribus, vt patet ſupra in litera. Sed quia Deus dabat vires Samſoni quamdiu ſeruabat regulam Nazaræorum, & perdendo capillos, regulam tranſgreſſus eſt, & Deus reſeſſit ab eo, & ceſſauerunt vires: cū autem captus à Philiſthinis manſit in carcere ceperunt creſcere capilli, & tunc veriſimile eſt, quod Samſon ad ſe reuerſus poenitentiam egerit, & ſeruauerit regulam Nazaræorum, & ſic Deus daret ei vires renaſcentibus capillis: vnde non ſit mentio de capillis, quaſi ipſi vires darent: ſed quia Deus dabat vires quando illi redibant. & iſtud erat per accidens. *Et principes Philiſtinorum conuenerunt in vnum.* Iſti erant quinque ſatrapæ, vel reges Philiſthinorum, qui dominabantur toti terræ Philiſthinorum diſtinctæ per quinque metropoles. *Vt immolarent hoſtias magnificas Dagon Deo ſuo.* Ideſt voluerunt ad reuerentiam victoriæ de Samſone immolare hoſtias magnificas, ideſt magnorum ſumptuum, quia ſic expetebat ad reges pro tanta victoria habita agere: iſti principes conuenerunt ad hoc, quia ad ipſos pertinebat diſponere de omnibus, quæ facere debebant Philiſthini, & ipſi venerunt ad urbem Gazæ, & cum eis populus ad feſtum immolationis: iſte Dagon erat vnus de diis Philiſthinorum, vt immediate dicitur. *Et epularentur.* Ideſt facerent ſacrificium, & ipſi comederent. erat iſta conſuetudo Gentilium, q̄ facerent ſacrificia diis ſuis, & de carnis ſacrificiorum comederent: imò q̄ plus erat comedeant adipem ſacrificiorum, & bibeant vinum libaminum, quorum vtrunque apud Hæbræos erat prohibitum. De hoc Deute. 32. Surgant, & opitulentur eis, & in neceſſitate eos protegant: & ante hoc. Vbi ſunt dii eorum in quibus habebant fiduciam? de quorum victimis comedeant adipem, & bibeant vinum libaminum? Sic etiam Iudæis erat conſuetudo, quod quando facerent feſtiuitates magnas, vt coronationes regum, offerrent Deo ſacrificia pacifica, & de illis comedeant ipſi, quia quædam pars erat, quæ proueniebat in ius offerrentium: ſic patet in coronatione Saulis 1. Regum 11. & in coronatione Adoniæ 3. Regum primo. Et Deus hoc iubebat fieri in feſtiuitatibus magnis, quibus conueniebant Iſraelitæ ad ſanctuarium, vt coram domino epularentur, vt patet Deuteron. decimo ſecundo, & decimo quarto, & ſextodecimo capitulis.

Gentilium  
cōſuetudo  
in ſacrificiis.

Quare



*Quare nunc Philisthini immolabant victimas diis, & epulabantur. Quæst. XLII.*

**Q**VAERETVR, quare nunc Philisthini immolabant victimas diis, & epulabantur. Respondendum, quod ad honorem victoriæ Samsonis faciebant, quia ipsum vicerant contra quem tunc iam putabant se præualituros: sed crediderant, quod ipse potius destrueret terram eorum cum faceret contra eos magnifica gesta, & inaudita à sæculis, ideo tanto nunc magis debuerunt gaudere, quanto victoria celebrior erat, & ob hoc omnes quinque reges Philisthinorum conuenerunt in vnum, & populus cum eis ad istam solennitatem. Item non solum dicitur, quod immolauerunt victimas, sed etiam quod illæ victimæ erant magnificæ, & hoc quia victoria erat magnifica. Sed aliquis dicet, quod rationabile erat Philisthinos epulari, & gaudere: sed non apparet quare deberent immolare victimas. Respondendum, quod Philisthini credebant, quod dii sui adiuuabant eos in bellis, & dabant eis istam victoriam, ideo ad laudem eorum faciebant sacrificia. Patet hoc ex verbis eorum: nam cum essent in sacrificijs, & conuiuijs, dicebant: Tradidit Deus noster inimicum nostrum Samson in manus nostras, vt patet infra. Sic etiam fuit semper opinio apud Philisthinos, quod quascunque victorias obtinerent de gentibus alijs, obtinebant fauore Deorum suorum: vnde quando pugnantes contra Israel ceperunt arcam Dei in bello, posuerunt eam in templo Dagon, quasi ipse Dagon cepisset eam 1. Regum 5. Item quando pugnantes occiderunt Saulem, & filios eius, præciderunt caput Saulis, vt ostenderetur in omnibus templis idolorum Philisthinorum, vt patet 1. Regum vltimo, & 1. Paralip. 10. ca. ita ergo nunc putauerunt, quod adiuuissent eos dii sui, & fecerunt sacrificia magnifica in gratiarum actiones pro tanto beneficio, & tamen secundum veritatem non poterant isti dii adiuuare eos, quia non erant nisi lapides mortui, & ligna: imò potius impediebant, quia Deus verus impediebat Philisthinos propter cultum idolorum, & quia victoriam, quæ à Deo vero erat, simulacris ascribebant. Ita etiam erat opinio omnium Gentilium, quod dii sui adiuuarent eos, & quod pugnarent singuli dii pro cultoribus suis: sicut declarat Aug. de Ciuit. Dei lib. 3. & Virgilius 10. Aeneidos, & Ouidius in multis locis.

*Quare potius Philisthini sacrificarunt nunc Deo Dagon, quàm alteri Deo. Quæst. XLIII.*

**Q**VAERETVR vltius, quare potius Philisthini sacrificauerunt nunc Dagon, quàm alteri Deo in gratiarum actionem pro beneficio suscepto. Aliquis dicet, quod non habebant alium Deum Philisthini, ideo huic attribuebant omnes victorias suas, & consequenter ei offerebant omnia sacrificia. Sed dicendum, quod non stat, quia Philisthini habebant multos alios Deos, vt patet 1. Regum vltimo. Cum dicitur, quod caput Saulis portatum est per templa idolorum. Vnde erant apud Philisthinos alii dii famosi, quorum vnus erat Astaroth, & huic ascripserunt victoriam, quam obtinuerunt contra Israelitas, quando occiderunt Saulem, & filios eius, vt patet allegato c. nam in templo illius posuerunt arma Saulis: in quo significabant, quod virtute illius obtenta fuerant illa arma de manu hostium: Erat etiam Deus Beelzebub famosissimus apud Philisthinos, & potissime in arte diuinandi, sicut apud Græcos, & Latinos, & quasi ceteras gentes erat Apollo Delphicus, ad quem pro reuelatione occultorum recurrebatur. Erat autem Beelzebub in vrbe Acharon, quæ erat vna de metropolibus Philisthinorum, & concurrebant Philisthini ad illum Deum pro inquisitione super dubijs. Similiter etiam Israelitæ, & aliæ gentes propinquæ mittebant ad illum Deum. Vnde Ochozias rex Israel agrotans misit ad consulendum Beelzebub Deum Acharon, an confurgeret de infirmitate sua 4. Regum primo. Erat etiam Dagon apud Philisthinos, qui erat Deus famosus, vt patet ex hoc, quod ei obtulerunt magnificas victimas.

**A**sthinorum, & concurrebant Philisthini ad illum Deum pro inquisitione super dubijs. Similiter etiam Israelitæ, & aliæ gentes propinquæ mittebant ad illum Deum. Vnde Ochozias rex Israel agrotans misit ad consulendum Beelzebub Deum Acharon, an confurgeret de infirmitate sua 4. Regum primo. Erat etiam Dagon apud Philisthinos, qui erat Deus famosus, vt patet ex hoc, quod ei obtulerunt magnificas victimas.

*Cum multi alij dii etiam famosi essent apud Philisthinos, cur potius Dagoni, quàm alteri sacrificarunt.*

*Quæst. LXIII.*

**Q**VAERETVR, ergo tunc vltius, cum inter Philisthinos essent multi dii famosi ad minus tres, scilicet Beelzebub, Astaroth, & Dagon, quare potius sacrificauerunt Dagon, quàm alteri Deo. Aliquis dicet, quod hoc fecerunt, quia alii erant dii particulares alicuius terræ Philisthinorum, & tamen Dagon erat Deus generalis omnium Philisthinorum, & hoc colligitur ex litera, quia dicitur, quod conuenerunt, vt immolarent victimas magnificas Deo suo Dagon, & sic respectu omnium quinque regum Philisthinorum vocatur Deus suus Dagon. Sed dicendum, quod istud non stat, quia potius erat Deus communis terræ Philisthinorum Astaroth quàm Dagon, vt patet primo Paralip. 10. cum dicitur, quod arma Saulis consecrauerunt in fano Dei sui, & caput effixerunt in templo Dagon, & sic alius vocatur Deus generalis respectu Philisthinorum, & non Dagon, scilicet ille, cui consecrata sunt arma, & ille erat Astaroth, vt patet 1. Regum 31. capit. Dicendum ergo, quod in terra Philisthinorum erant multi dii, sed famosi erat soli tres, scilicet Astaroth, Dagon, & Beelzebub: sed non debuerunt tunc victimæ consecrari Beelzebub, quia iste erat Deus famosus in responsione ad abscondita, sed non in operatione bellorum: sicut alii Gentiles credebant Martem potentissimum Deum bellorum, & tamen Apollinem Delphicum tenebant, vt eminentiorem in respondendo: vnde de toto orbe confluebant ad eum pro responsis, & quia nunc immolabatur pro bello, debuit immolari Dagon, vel Astaroth: non tamen obtulerunt Philisthini Astaroth, sed Dagon, quia potentiorum Deum, & honorabiliorem reputabant Dagon. Sic patet quando ducta est arca Dei capta de bello: nam posita est in templo Dagon, & non in templo Astaroth, primo Regum quinto capitulo. Item in bello contra Saulem, quando ipse occisus est, principaliter fuit honoratus Deus Dagon: nam caput Saulis præcisum fuit, & affixum templo Dagon, vt patet primo Paralip. decimo, nunc quoque tanquam honorabilissimum reputantes Dagon ei immolauerunt. Sed obiicietur, quod cum pugna contra Saulem fuerit de famosissimis, quare ascripta fuit victoria illius Deo Astaroth, cui consecrata sunt arma, & non Dagon. Respondendum, quod principaliter fuit ibi honoratus Dagon quàm Astaroth, quia in templo Dagon fuit positum caput, & in templo Astaroth arma, vt patet primo Paralip. decimo capitulo. & tamen caput magis principaliter est quàm arma, quia tamen erant multa insignia victoriæ, posuerunt quædam in templo vnus Dei, & quædam in templo alterius. Vel aliter dici posset, quod cum isti dii reputarentur apud Philisthinos potentes ad bella, aliquando commendabant vnum bellum vni Deo, & aliquando alteri. sicut nos habentes plures sanctos apud Deum, vti intercessores, aliquando commendamus vni res nostras agendas, & aliquando alteri. Et quia super facto Samsonis forte

Doc. rñsio  
ad quæstionem



fortè Philisthini deuouerant se Deo suo Dagon, cum obtinuissent, ei soli hostias celebrauerunt. *Dicentes: tradidit Deus noster inimicum nostrum Samson in manus nostras.* Idest Deus noster Dagon fecit hoc, ideo offerebant ei.

*Quomodo Philisthini poterant credere, quòd Deus suus Dagon poterat eis dare Samsonem in manus.*

*Quest. XLV.*

**Q**VAERETVR, quomodo Philisthini poterant credere, quòd Deus suus Dagon poterat eis dare Samsonem in manus: nam ipsi viderant, quòd quando arca posita fuit in templo Dagon, cecidit prima nocte Dagon ad pedes arcæ adorans eam, & cum fuisset in locum suum restitutus secunda nocte repertus est in terra fractis pedibus, & brachiis, & capite, & erat truncus, vt patet primo Regum 15. cap. & cognouerunt Philisthini istud factum esse à Deo Israel, vnde clamantes fecerunt inde arcam educi, eodem capi. & sic ducebatur per terram Philistinorum, & percutiebat omnes vrbes. Respondendum, quòd Philisthini poterant hoc intelligere dupliciter. Vno modo credentes, quòd Dagon Deus suus non poterat resistere Deo Hebræorum: nunc tamen præualuit contra Samsonem, eo quòd Deus Hebræorum erat iratus, & noluit adiuuare Samsonem, sic poterant colligere ex captione arcæ primo Regum 4. Nam arca ducta in castra non liberauit Israelitas, nec liberauit seipsam, ne caperetur in manibus Philistinorum, & tamen postquam ducta est in terram Philistinorum, & a nullo de cultoribus suis conseruabatur, aut adiuuabatur, præualuit contra Deos Philistinorum, & contra ipsos Philisthinos: nam Dagon Deum eorum truncavit, & omnes ciuitates eorum percussit plaga pessima, quousque de vrbe eiiceretur. Alio modo poterant intelligere Philisthini, sicut erat communis opinio Gentilium, quòd dii variabantur, quantum ad maiorem potentiam, & minorem per tempora: scilicet quòd Deus, qui vno tempore obtinuerat contra alium Deum alio tempore succumberet, sicut accidit in hominibus. Et istud erat, quia putabant imò asserere Deos suos etiam ipsum Iouem Deorum maximum fatali dispositioni esse subiectos, & ista fata siue ad bonum, siue ad malum de eis esse inuariabilia. Sic introducit Ouidius loquentem Iouem ad Venerem de dispositione fatali dominante sibi in 9. Metamorph. Ideo quamquam Deus Hebræorum vno tempore præualuisset contra Deos Philistinorum, putabant quòd alio tempore dii sui præualerent contra Deum Israel, & sic fortè putauerunt, quòd in captione Samsonis præualuit Dagon Deus Philistinorum contra Deum Israel.

*Quomodo poterant Philisthini arbitrari, quòd Deus suus tradiderat Samsonem in manus eorum.*

*Quest. XLVI.*

**Q**VAERETVR vltèrius, quomodo poterant Philisthini arbitrari, quòd Deus suus tradiderat Samsonem in manus eorum, quia sciebant, quòd quamdiu Samson habuit vires, non poterant ei repugnare, aut saltem stare coram eo, & cum caruit viribus tenuerunt eum: & tamen manifestum erat eis, quòd Samson non habebat vires à Deo illorum Dagon, sed à Deo Israel, quia ipse dixit, quòd erat Nazareus domini de utero matris suæ, & quamdiu haberet capillos manerent in eo vires, & cum careret capillis, simul viribus careret. Et hoc reppererunt verum Philisthini: vnde quando totondit eum Dalila cessauit

**F**runt vires illius, ideo potius debebant dicere, quòd Deus Israelitarum tradiderat eum in manus ipsorum quam Dagon. Aliquis dicet, quòd Philisthini agebant festum Dagon, quia erat Deus ipsorum, licet non dedisset eis Samsonem in manus. Sed hoc non stat, quia ipsi dicebant, quòd tradidit Deus Samsonem in manus suas, & debebant de Dagon, cum ei actualiter immolarent. Dicendum ergo, quòd non potest hic colorari factum Philistinorum, quia ipsi videbant, quòd Deus suus non dederat eis Samsonem in manus, & tamen affectus eos nimis perturbabat, vt opinarentur contra ea, quæ erant notissima. Vel aliter dici potest, quòd non dubitabant principes Philistinorum traditum Samsonem in manus eorum à Deo Israel, nec passio eos perturbabat ad contraria. Credendum tamen, quia Deus Israel non erat Deus eorum, noluerunt laudare eum, sed Deum suum Dagon. *Quod & populus videns laudabat Deum suum.* Idest istam laudem primò dederunt quinque satraphæ, deinde totus populus aspiciens quomodo laudarent illi, etiam ipsi laudabant variis laudibus Deum suum, scilicet Dagon, qui erat Deus communis Philistinorum. *Eademque dicebat.* Scilicet quæ dixerant principes, & tamen addebant aliquid, & variabant, vt patet in litera. *Tradidit Deus.* Scilicet Dagon. *In manus nostras aduersarium nostrum.* Samsonem solum vocabant aduersarium, & non Israelitas, quia in toto Israel nullus repugnabat Philisthinis, nisi Samson: imò alii adiuuabant Philisthinos contra Samsonem, quia ligauerunt eum, & vinctum duxerunt ad Philisthinos, vt præcedenti capit. & interim Israelitæ soluebant tributa Philisthinis sicut prius. *Qui deleuit terram nostram.* Scilicet cremando segetes, vineas, & oliueta, quando misit vulpes ardentes per terram Philistinorum, præcedenti capitulo. *Et occidit plurimos.* Primò occidit triginta viros apud Aschalonem, supra decimò quarto, deinde fecit plagam magnam, quando capta est vxor, & data alteri viro, nam tanta plaga fuit, quòd Philisthij stupefcentes femur cruri imponebant: deinde occidit mille, quando ligatus positus fuit coram exercitu Philistinorum à viris Iuda. *Etantesque per conuiuia.* Scilicet erant Philisthini in palatio maphi Dagon, & ibi discumbebant ad comedendum de sacrificijs: erant autem distincti per conuiuia, idest per diuersas mensas. *Sumptis iam epulis.* Scilicet dum summerent epulas laudabant Deos suos, & comedebant, & tunc non erat opus vocari Samsonem ad ludendum, quia attenti cibo non possent attendere ad ludos Samsonis. Finitis autem epulis fecerunt vocari Samsonem, quia tunc expediebat ludere: sic fecit populus quando coluit vitulum absente Moyse pro lege: nam comedebant coram vitulo, deinde surgebant ad ludendum, vt patet Exod. 32. scilicet: Sedit populus manducare, & surrexerunt ludere. *Præceperunt, vt vocaretur Samson.* Erat Samson vinctus in carcere, & molens, vt patet supra: nunc autem eductus est inde. **K** *Vt luderet ante eos.* Idest faceret infanias ad vilificandum eum.

*Ad quid Philisthini fecerunt, quòd Samson luderet ante illos.*

*Questio XLVII.*

**Q**VAERETVR ad quid Philisthini fecerunt, quòd Samson luderet ante illos. Respondendum, quòd erat ad solatium ipsorum: nam dum Samson erat liber conturbauerat totam prouinciā Philistinorum: nunc autem videntes eum coram se, ita vilificatum, ut etiam cogerebatur ludere sicut infans,



ius, delectarentur de magnitudine victoriæ. Etiam A erat istud ad satiandum iram suam in Samsonem, nam sicut hostes saturantur de hostibus quâdo eis magnas poenas infligunt, ita nunc magna opprobria infligentes hosti, qui nimis gloriari solebat, saturabantur pœna eius plusquam si eum corporaliter excruciant. Etiam gaudebant Philisthini, quia cum Samson cæcus esset, & moueretur, aliquando impingebat in vnam columnam, & aliquando in aliam, & cum perceretur ridebant Philisthini. Vnde iusserunt eum inter duas columnas poni. Item istud multum faciebat ad solennitatem, quam tunc Philisthini celebrabant, quia gratias agebant Deo suo de captione Samsonis, & cum ipse præsens esset, & luderet, esset plena lætitia: sic enim quando Romani dabant alicui triumphum venienti de bello, princeps hostium ducebatur post curram triumphantis ligatus, vt conspectu illo cerneretur magnitudo victoriæ. *Qui eductus de carcere ludebat ante eos.* Scilicet faciebat aliquos ludos, sicut infans impingendo in columnas, & potissimè cum Samson esset cæcus, & fortis ledebatur fortiter impingendo in parietibus. Sicut dicit Aristoteles Ethicorum 6. in fine, quod corpori cæco fortiter moto contingit fortius percuti, quàm infirmo. Sic habentibus naturales virtutes, si non habeant prudentiam directricem, contingit magis errare, quàm non habentes virtutem naturalem. Sciendum autem, quod grauissimum erat Samsoni ludere coram Philisthinis, quia in hoc duplicabatur dolor suus, cum videret festum istud fieri ad solennitatem captionis suæ, & ipse, vt magis illuderetur ad ludendum ducebatur. Vnde Samson, cum esset vir animosus potius sustinisset mori, quàm quod luderet coram Philisthinis, sed lussit, vt haberet locum agendi, quod volebat: scilicet, occidendi Philisthinos simul in domo, & quia si ipse non luderet putarent Philisthini, quod aliquid mali agere intenderet, & occiderent eum antequam quidquam ageret: vt ergo haberet locum vindictæ voluit sustinere istud opprobrium. *Feceruntque eum stare inter duas columnas.* Istæ duæ columnæ erant magnæ, quibus tota domus tenebatur, & erant coniunctæ, intantum quod Samson poterat eas brachijs complecti. Posuerunt autem eum ibi Philisthin, fortè vt impingeret in illas, vel vt ibi videretur ludens.

*Quare Samson ductus ad columnas non con-*  
*cusit illas priusquam luderet.*

*Quest. XLVIII.*

**Q**VAERETVR, cum Samson posset concu-  
tere columnas, & prosternere domum occidens  
Philisthinos, & quod non luderet, scilicet quod istud  
ageret mox, vt ductus est ad columnas, quare non  
egit: quia melius erat sibi, scilicet quod non vilificaretur  
ludendo, & quod haberet intentum suum. Res-  
pondendum, quod Samson voluit ludere prius ma-  
gno tempore coram Philisthinis, quàm hoc faceret,  
& hoc quia volebat ipse occidere omnes Philisthinos,  
si potuisset, & quia antequam ipse luderet Philisthini  
non erant omnes congregati in templo illo occideret  
paucos: si autem ipse luderet conuenirent omnes ad  
videndum ludos, tam vt viderent eum quàm vt vi-  
derent ludos, & tunc poterat occidere multos Philis-  
thinos, & sic fecit. Nam cum magna hora lussisset,  
tanquàm fessus petiuit à puero dirigente eum, vt du-  
ceret eum ad reclinandum super duas columnas, qui-  
bus domus imminebat, & tunc diruit domum.

Qui dixit puero regenti gressus suos :  
Dimitte me, vt tangam columnas, qui-  
bus omnis imminet domus, & recliner  
super eas, & paululum requiescam. Do-  
mus autem erat plena virorum, ac mulie-  
rum, & erant ibi omnes principes Philis-  
thinatorum, ac de tecto, & solario circi-  
ter tria millia vtriusque sexus spectantes  
ludentem Samson. At ille inuocato do-  
mino, ait: Domine Deus meus memento  
mei, & redde mihi nunc fortitudi-  
nem pristinam Deus meus, vt vlciscar me  
de hostibus meis, & pro amissione duo-  
rum luminum vnam vltionem recipiam.  
Et apprehendens ambas columnas, qui-  
bus innitebatur domus, alteramque ea-  
rum dextera, & alteram leua tenens, ait:  
Moriatur anima mea cum Philisthijs.  
Concussisque fortiter columnis, cecidit  
domus super omnes principes, & cæte-  
ram multitudinem, quæ ibi erat: multo-  
que plures interfecit moriens, quàm ante  
vix occiderat. Descendentes autem  
fratres eius, & vniuersa cognatio tulerunt  
corpus eius, & sepelierunt inter Sa-  
raa, & Esthaol in sepulchro patris sui Ma-  
nue: iudicauitque Israel viginti annis.

*supra 4. &  
15. 23. q. 5.  
c. si nō licet  
& ca. reos,  
& d. diuor.  
ca. gaude-  
mus.*

*Qui dixit puero.* Hic ponitur tertium, & vltimum  
huius partis, scilicet Samsonis mors, & consumatio, *Samsonis  
mors, &  
cōsumma-  
tio.*  
quia occidit se pariter cum Philisthinis. *Qui dixit pue-  
ro regenti gressus suos.* Erat Samson orbatus utroque  
oculo, & dirigebatur à quodam puero, cui dixit, quod  
applicaret eum ad columnas. *Dimitte me, vt tangam  
columnas, quibus omnis imminet domus.* Id est duc me ad  
columnas, quibus imminet omnis domus, id est super  
quas fundata est tota domus: nam omnis non potest  
hic accipi propriè pro partibus subiectiuis, sed pro in-  
tegralibus sumitur, sicut totus. Sciebat autem Sam-  
son, quod domus illa innitebatur super duas colum-  
nas, quia fortè hoc viderat aliquando quando erat in  
pace cum Philisthinis, quia tunc poterat sæpe introire  
in domum illam, & cernere modum ædificij: erat au-  
tem domus valde magna, & vt ibi multa gens capi  
posset, atque pulcher locus esset erat artificiosè tota  
domus posita super columnas duas, quas volebat  
Samson concutere, vt domus tota caderet. *Vt recliner  
super eas, & paululum requiescam.* Iam Samson magna  
hora luserat, & fugebat se fessum esse, petebatque  
se paululum reclinari, vt resumeret vires. *Domus au-  
tem plena erat virorum ac mulierum.* Erat domus ista  
templum Dagon, & quia die illa celebrabatur festum  
pro captione Samsonis, & magnificè victimæ: conue-  
nerat totus populus in domum, eratque plena usque  
ad summum virorum, & mulierum. *Erantque ibi om-  
nes Principes Philisthinorum.* Scilicet quinque Satra-  
pæ, vel reges, qui Samsonem ceperant, & oculis pri-  
uauerant: sit autem mentio de istis ad significandum  
ma.



magnitudinem cædis, quam nunc exercuit Samson, cum occiderit simul omnes reges Philisthinorum, qui præponderabant ad magnitudinem victoriæ plura quam decem millia popularium: sicut dixit populus ad Dauid: tu vnus pro decem millibus computaris 2. Regum 18. *Ac de tecto, & solario circiter tria millia.* Idest domus ista erat plena viris non solum in solario, sed etiam in tecto. Erat domus ista plana in parte superiori, erantque ibi ambulacra, sicut consuetudo est fieri domos in tota terra Chanaan. Et sic etiam in quibusdam partibus Hispaniæ, & super tectum est locus ad solacium potiusquam intra domum, & erant fenestree sic dispositæ, vt illi, qui erant supra domum, scilicet in tecto viderent quidquid fieret infra in solario, idest in parte infima domus, & sic erant respicientes ad ludos Samsonis viri, & mulieres tam in tecto quam in parte inferiori domus. Accipitur autem solarium dupliciter. Vno modo vocantur solaria loca discooperta, & patentia soli, cum non habeant tegumentum, & sic accipitur 1. Regum 9. cum dicitur, q̃ Samuel fecit lectum Sauli in solario. Aliquando solarium dicitur pars inferior domus, quæ est operta, & sic accipitur hic: nam cum domus immineret columnis, operta erat: etiam quia in tecto aliqui erant. Primo modo vocatur solarium à sole. Secundo vocatur solarium à solo, idest pavimento, & distinguitur cōtra tectum. *Vtriusque sexus.* Quia tam viri, quam mulieres ad videndum ludos conuenerant: imò feminae potius conueniunt ad ista spectacula, quæ non solum veniunt, vt videant, sed magis, vt videantur. Sic dicit Ouidius libro primo de arte amandi, quod.

*Ad spectaculum veniunt, vt spectentur ibidem:*

*Iste locus casti damna pudoris habet.*

*At ille inuocato Deo ait:*

*Domine Deus.* Voluit Samson nunc diruere domum ad occidendum Philisthæos, & ad hoc inuocauit Deū, vt adiuuaret eum.

*Quare Samson inuocauit hic Deū ad prosternendum domum.*

*Quæst. XLIX.*

**Q**VAERETVR, quare Samson inuocauit hic Deum ad prosternendum domum, quia quando alijs vicibus faciebat opera fortitudinis, non inuocabat Deum. Responderi posset secundum positionem Iosephi 5. lib. Antiquitatum, q̃ Samson alijs vicibus superbiebat de fortitudine sua, cum ageret gesta magnifica, & nunc fortè crederet se traditum in manus hostium pro his excessibus: ideo dolens de præterito errore, vocauit nunc dominum, cum conaretur agere opus fortitudinis. Aliter, & melius dici debet, q̃ in alijs vicibus Samson sciebat se habere vires, & ob hoc confidens de robore, non curabat Deum inuocare. nunc autem perdiderat iam robur, & licet Deus restituisset ei illud renascentibus capillis: tamen ipse nesciebat, ideo petiuit à Deo, q̃ daret ei fortitudinem pristinam. Item dato, q̃ sciret fortitudinem sibi restitutam, quia iam postquam captus fuerat, & perdidit vires non exercuerat aliquod opus magnæ fortitudinis, fuit nunc magis dubius de operatione, & inuocauit Deum. *Domine Deus memento mei.* Scilicet tu oblitus fuisti mei, quando permisisti me manibus hostium capi, & non dedisti mihi fortitudinem, & toto isto tempore, quo serui in carcere, & mola obliuisceris mei: recordare ergo iam mei. Dicitur Deus alicuius recordari, vel obliuisci improprie, quia neutrum horum in Deo est. De obliuione patet, quia qui obliuiscitur desinit scire: Deus autem non desinit aliquid scire. Etiam non recordatur, quia recordatio est de illo, quod aliquando sub obliuione fuit, sed Deus nihil vaquam sub obliuione habet, cum omnia sint presen-

**F**tia oculis eius, ergo non recordatur: sed dicitur recordari, quando bene facit, & obliuisci, quando deserit, hominem in calamitatibus. Ex hoc autem patet, q̃ Samsonem poenituit de peccatis præteritis: quia ista sunt verba hominis cognoscentis peccatum suum, & penam pro peccato, & tamen nondum de misericordia Dei diffidentis, & istud requiritur ad veram contritionem. *Et redde nunc pristinam mihi fortitudinem Deus meus.* Scilicet ego quondam habui fortitudinem magnam ad operandum fortia, & illam exigentibus peccatis perdidit. oro ergo domine Deus, vt illam mihi restituas: In hoc patet rectum iudicium Samsonis: nam non credebat fortitudinem suam à se esse, sed à Deo, ideo ad eum pro illa deprecabatur. *Vt ulciscar me de hostibus meis.* Scilicet occidendo eos nunc: nam si haberet pristinam fortitudinem, posset domum diruere, & consequeretur ultionem.

*An Samson peccauit desiderando ultionem de Philisthinis,*

*& cur potius petiuit vindictam de orbatione*

*oculorum, quam de alijs iniurijs.*

*Quæst. L.*

**Q**VAERETVR, an Samson peccauerit desiderando ultionem. Respondendum, q̃ aliqui volunt, q̃ peccauerit, eo q̃ vindicta à nullo desideranda est, cum Deus dixerit: mihi vindictam, & ego retribuam, Deut. 32. & ad Rom. 12. cap. Dicendum, q̃ non peccauit Samson, sed potius meruit desiderando istā vindictam, quia ista vindicta cedebat in honorē Dei, eo q̃ Samson videbat laudare Deos Philisthinorum de captione Samsonis, tanquam ipsi tradidissent Samsonem in manus Philisthinorum, & in hoc dedecus erat Deo Hebræorum, quia putabant Philisthini (saltem multi de illis) q̃ Deus Israelitarum non potuisset defendere Samsonem de manibus Deorum suorum, & istam iniuriam volebat Samson, vindicare simul cum iniuria sua. Item Israelitæ, qui volebant exercere vindictam in Chananæos, laudabantur valde, & potissimè contra Philisthinos, qui erant fauissimi inter hostes Hebræorum: vnde Dauid pugnans contra Philisthinos, dictus est præliari bella domini, vt patet 1. Regum 18. & 25. c. ita nunc Samson volens ultionem de Philisthinis, qui erant hostes Dei, dicebatur agere bellum Dei, & non peccabat. Cum autem obicitur, q̃ vindicta non est appetenda, respondendum, q̃ inter illos, qui communicant in eadem politia, vel in diuersis, dum tamen non sint hostes, illicitum est desiderium vindictæ, & tamen inter hostes vbi iustum bellum est, potest desiderari vindicta, & hoc potissimè quando iniuria est contra Deum, vel contra rempublicam, quia tunc non solum licet appetere vindictam, sed obligamur prosequi illam, quantum possumus. illud autem intelligitur de iniuria nobis solis illata, quæ nec ad Deum, nec ad rempublicam pertinet. In Hebræo habetur. *Redde mihi fortitudinem sola hac vice.* Vbi nos dicimus redde mihi fortitudinem pristinam, & ad idē potest reduci: tamen litera Hebraica intendit, q̃ hac vice sola daret Deus fortitudinem Samsoni, eo q̃ hac vice moriturus erat, si Philisthinos occideret. *Vt pro amissione duorum luminum unam ultionem recipiam.* Idest vt pro iniuria orbationis duorum oculorum, non dentur mihi due ultiones, sed vnica: quasi dicat, parum peto, quia non peto multas ultiones, sed vnicam, licet iniuria mihi illata multiplex sit. Rabbi Salomon, & Rabbi Dauid Kimhi exponunt, q̃ recipiam vnā ultionē pro vno oculo eruto, & pro alio oculo recipiam vitam æternam. Sed non cononat litera: Etiam ridiculum est: Tenendus est, ideo sensus, quem facit litera, scilicet pro vtroque oculo vnā haberet vindictam.

*Quare*



*Quare Samson potius petierit pro oculorum or-  
batione vindictam quam pro alijs.*

*Quest. LI.*

**Q**VAERETVR, cum Samson peteret hic vin-  
dictam in satisfactionem iniuriarum inflicta-  
rum, & haberet Samson multas alias iniurias præter  
orbationem oculorum: quare potius petiit pro orba-  
tione oculorum quam pro alijs. Respondendum,  
quod Samson susceperat alias iniurias, quæ grauiores  
deberent reputari, quam oculorum euulsio: nam vi-  
lior Samson effectus erat, cum molere ad molam asi-  
nariam coactus est, quam cum oculi ei eruti sunt: quia  
istud solum est poenale: illud autem & opprobrium,  
& dedecus immensum est. Item vilius fuit in Samso-  
ne, quod tanquam insanus coram Philisthinis ludere co-  
actus est: Samson tamen non reputabat istas iniurias ad  
aliquid, quia omnes possent remedium suscipere si o-  
culi eruti ei non fuissent: nam cum capilli eius cresce-  
re inceperunt, redierunt vires pristinae Samsoni, & po-  
terat tunc frangere vincula, & occidere Philisthinos,  
quotquot vellet, & recedere in terram suam: quia ta-  
men orbatus erat, etiam si redirent vires, non poterat  
aliquid horum agere: sola ergo oculorum effusio ei  
penalis, & iniuriosa reputata est, & de hac petebat vin-  
dictam occidendo Philisthinos, qui erant in templo  
Dagon. *Et apprehendens ambas columnas, quibus innite-  
batur domus.* Istæ columnæ erant coniunctæ, ita vt  
Samson posset illas complecti, & hoc quia tota ædifi-  
cij congeries congregabatur in locum vnum, & ibi  
erant ambæ columnæ: istud autem erat ad pulchritu-  
dinem ædificij, ne domus occuparetur præ multitu-  
dine columnarum. *Alteramque earum dextra, & alte-  
ram leua tenens.* Licet istæ columnæ essent satis con-  
iunctæ: tamen quia grossæ erant, non poterat Samson  
concludere ambas intra brachia, sed solum tangebatur  
aliqua vnam dextra, & alteram sinistra, & sic pro-  
stravit illas. In hoc autem apparuit etiam magna  
fortitudo Samsonis, quia columnæ illæ, quibus tanta  
domus innitebatur, in qua capiebantur tria millia vi-  
rorum, valde grossæ essent, & tamen leuiter tangen-  
do illas concussit, & prostravit. *Ait: moriatur anima  
mea cum Philisthim.* Istud dixit Samson clamando,  
vt terreret omnes, quia in isto verbo videbatur sibi vi-  
ctor, & dominus illorum, & in hoc saltem vindicabat  
se, qui statim cum eis moriturus erat, & dixit. *Moria-  
tur anima mea.* Id est moriar ego, quia accipitur anima  
pro persona, vt patet in multis locis scripturæ, scilicet,  
septuaginta animæ egressæ sunt de femore Iacob: *Gene.*  
quadagesimo sexto, & *Exod.* primo. Etiam  
dicitur *Leuit.* secundo, & quarto, & quinto. Anima,  
quæ peccauerit, offerat tale, vel tale sacrificium: Et ta-  
men hic necesse est accipi pro homine, & non pro spi-  
ritu, nec pro vita. Et sensus est, ego volo mori, vt mo-  
riantur Philisthini. *Concussisque fortiter columnis, cecidit  
domus.* His solis duabus columnis innitebatur. *Super  
omnes principes.* Scilicet, super quinque reges. Et  
ceteram multitudinem, quæ ibi erat. Quia ibi erant viri,  
& foeminae, & paruuli respiciendo ludentem Sam-  
sonem. *Multoque plures occidit moriens.* Id est nunc  
prostrando domum, quando & ipse mortuus est.  
*Quam ante uiuens occiderat.* Ex hoc apparet, quod Sam-  
son non occiderat tria millia virorum de Philisthinis  
in bellis, quæ contra eos egerat, quia nunc solum oc-  
cidit quali tria millia, vt patet supra in litera.

A:

*Quare Samson uoluit nunc occidere Philisthinos, & mori  
cum eis.* *Quest. LII.*

**Q**VAERETVR, quare Samson uoluit nunc  
occidere Philisthinos, & mori cum eis. Respon-  
dendum, quod si non fuerant oculi eruti Samsoni, cum  
nunc vires restitute essent, fregisset vincula, & occidi-  
set multos de Philisthinis, sicut cum viri Iuda duxe-  
runt victum Samsonem contra Philisthinos: nam  
ipse ruptis vinculis fudit exercitum, & interfecit mille,  
præcedenti capitulo: sed nunc erat orbatus, & non po-  
terat redire in terram suam: unde oportebat eum ma-  
nere semper in terra Philisthinorum: sed hoc erat gra-  
ue Samsoni, quia recordabatur vitæ suæ præteritæ,  
cum ipse effugabat solus omnes Philisthinos: nunc  
autem illis subiectus turpiter ad molam asinariam  
molere cogebatur. Vnde hæc recolens tædebat eum  
uiuere: ideo cum in seruitute amara moriturus foret,  
melius sibi erat aliquod magnificum agens mori,  
quam in seruitute ingloriam sustinere mortem.  
Item Samson iam efficiebatur fortis, & dolebat nimis  
se habere fortitudinem, qua solebat persequi Philis-  
thinos, & nunc illam fieri prorsus inutilem. Item  
succensus fuit iracundia, quia coactus est ludere, imò  
ludificari ad gloriam Philisthinorum, & audiebat lau-  
des, quas diis suis Philisthini impendebant pro captio-  
ne eius. Etiam audiebat applausus populi congratu-  
lantis de captione ipsius, & iridentis eum: hæc enim  
morte duriora erant. Vnde animosus vir potius mor-  
tem eligere debebat. Item succensus fuit maximè ad  
hoc magnitudine vindictæ, quia nunquam poterat ei  
occurrere maior vindicta quam tunc, cum sciret ibi  
adesse omnes reges Philisthinorum, & populum ma-  
gnum: satis ergo erat digna commutatio ex parte  
Samsonis, vt ipse moreretur, vt omnes reges Philisthi-  
norum, simul occiderentur ab ipso: grata ergo dies Sa-  
soni fuit ista, & mors eligibilis.

*Ad quid Deus uolebat Samsonem mori occidendo Philisthinos.*

*Quest. LIII.*

**Q**VAERETVR vltius, ad quid Deus volebat,  
quod Samson moreretur occidendo Philisthi-  
nos. Respondendum, quod Deus voluit hoc princi-  
paliter ad gloriam suam: nam Deus nolebat erueret  
Samsonem de manibus Philisthinorum, nec restituere  
ei visum, quia tunc occideret omnes Philisthinos,  
quod Deus nolebat ex causa dicta supra, & cum inter  
eos moriturus foret, voluit quod moreretur tunc,  
quando cederet ad gloriam Dei. Philisthini, enim isti,  
qui conuenerant ad templum Dagon, intulerant Deo  
iniuriam, dicentes, quod Dagon tradiderat Samso-  
nem in manus eorum, in quo detrahebant Deo debi-  
tum honorem, pro quo Deus solet irasci. Et amplius,  
quia innuebant, quod dii Philisthinorum præualue-  
rant contra Deum Israel subiiciendo Samsonem Phi-  
listhinis, & in hoc magis præiudicabatur Deo: quod  
ipse voluit vindicare faciens, quod omnes illi, qui Deum  
Philisthinorum tunc laudauerant in præiudicium Dei  
verissimi, eo vindicante interirent: sic faciebat Deus in  
Sennacherib, & Nabuchodonosor: nam Deus dedit  
istis vires ad subiiciendum sibi Iudæos, & alias gentes:  
& isti ascripserunt sibi, & putabant, quod possent præ-  
ualere contra Deum Israel: ideo contra quemlibet  
eorum pro hoc Deus exercuit vltionem. De Senna-  
cherib patet *Isaia* 10. & 4. Regum decimo nono cap.  
De Nabuchodonosor patet *Abacuc* primo capitule.  
Secundò permisit hoc Deus propter Samsonem:  
quia



quia melius erat Samsoni nunc mori, quam vivere: quia ipse erat in vita grauissima ex causis assignatis præcedenti questione: ideo preciosior ei erat mors gloriosa, quam ignobilis vita: præsertim cum hæc quantumcunque difficilis, morte miserabili conficienda foret. Item quia fortè Philisthini disposuerant, quod finito isto festo occiderent Samsonem amarissimam mortem ad gloriam festiuitatis: nam sic erat consuetudo Romanis, quando alicui dabant triumphum, quod princeps hostium ligatus ductus apud curiam triumphantis iugularetur, dum fieret illa sollemnitas apud Capitolium. Sic enim quando Tito, & Vespesiano datus est triumphus pro bello contra Iudæos, Simon, qui fuit dux Iudæorum seditioforum iugulatus est: sic ait Iosephus in libro de bello Iudaico. Melius ergo erat morte leui moriens multos hostium occidere, quam postea inultum atrociter mori. Tertium fuit propter utilitatem Israelitarum: nam licet Israelitæ in peccato permanentes indigni essent totali liberatione, tamen Deus ei aliqualem liberationem conferebat: sicut viuentem Samsonem aliqualem alleviationem per ipsum sentiebant, nunc etiam quandam liberationem partialem sentirent. Credendum est enim, quod cum nunc omnes reges Philistinorum atque optimates simul mortui fuerint, & multi de populo, quod Israelitæ videntes se pares Philistinis nollent illis totum tributum, quod solebant præstare, prompti effecti ad totaliter rebellandum, quod Philistini videntes remitterent eis partem magnam tributorum, quantam vellent Israelitæ, & sic paulisper seruitus illa ablata est. Si autem Samson sic mortuus non fuisset, non profuisset Israelitis ad aliqualem liberationem, ideo sic Deus voluit illum mori.

*An peccauit Samson occidendo se cum Philistinis.*

*Quest. LIIII.*

Cuiusdā  
rōnes in  
diuersum.  
1. rō.  
3. rō.

**Q**UÆRITUR vterius, an peccauerit Samson occidendo se cum Philistinis. Aliquis dicet, quod peccauit, quia nulli licet se occidere, cum non liceat occidere alterum: ergo Samson sponte se occidens peccauit. Item Samson videtur se occidisse, ne pateretur magnam iugulationem, & ne occideretur ab hostibus. Saul tamen occidit se sic, & iniuste egit, vt declaratur 1. Regum cap. 31. ergo etiam Samson peccauit. Respondendum, quod Samson non peccauit se occidendo. Primò patet, quia non egit Samson istud ex aliquo malo desiderio, sed inuocando Deum ad occidendum Philistinos: quia autem mala intendit agere non inuocat Deum, vt adiutorem ad illa, nisi omnino sit insipiens, quia Deus non diligit iniquitatem. Item si Samsonem occidere seipsum, malum fuisset, cum ad hoc indigeret fortitudine miraculosa, quam prius habere consueuerat, & petiuisset illam à Deo, non concessisset ei Deus, & tamen concessit, & sic alios, & seipsum occidit. ergo non peccauit. Item Deus videtur mouisse Samsonem ad hoc, quia quando Samson agebat aliqua opera roboris, prius quam viribus careret incitabatur à Deo, cum dicatur quod irruebat in eum spiritus domini: ita ergo cum egerit opus magnæ fortitudinis, credendum est, quod à Deo motus fuerit, & sic non peccaret. Item patet hoc, quia Samson inuocauit Deum, vt daret sibi fortitudinem, dubitans an haberet fortitudinem, & postea concussit columnas: ergo videtur, quod facta oratione aliquem motum senserit, alioquin non aggrediretur illud opus fortissimum, nesciens an haberet vires. Item videtur, quod Samson motus fuerit zelo

**F** Dei, quia ipse vidit, quod principes Philistinorum laudabant Dagon Deum suum, tanquam ipse tradidisset Samsonem in manus eorum, in quo erat offensa Dei veri cuius minuebatur honor, motus autem hoc zelo voluit occidere omnes Philistinos illos, & quod ipse pariter cum illis moreretur. Item Samson ad hoc dedicatus erat à Deo, vt occideret Philistinos, ideo quod illos occidendo se occideret, non erat peccatum. Item Samson non propriè est occisor suipsum, quia ille est occisor suipsum, qui sibi iniicit manus, & se occidere intendit: Samson autem non iniicit manus sibi, nec voluit se occidere, sed solum prostrauit domum super Philistinos, & illos intendebat solum occidere, & si ipse potuisset se liberare, liberasset: occidendo tamen illos, non poterat euadere, cum esset intra domum eadem, & ob hoc dixit: moriatur anima mea cum Philistinis. Velle tamen, quod ipse moreretur, vt omnes alij morerentur, licuit ei ex dispensatione Dei, quia ipse consecratus erat ad nocendum Philistinis, & iam non posset mortem euadere inter Philistinos: fuit ergo ex dispensatione Dei, quod eligeret istam mortem gloriosorem Deo, & sibi leniorem, & Israelitis vtiliorem, vt declaratum est præcedenti questione. Item omnes Sancti Doctores tenent, quod Samson non peccauerit ex dispensatione, & motu Dei: sic tenet Augustinus primo de Ciuitate Dei. Et causa huius est præcipua, quia propriè in morte egit opus magis magnificum, & admirandum quam semper, dum uiuerat, cum dicatur hic, quod multo plures moriens occidit, quam prius uiuens occiderat: & tamen non poterat facere Samson tale opus, nisi motu Dei, & illa, quæ fiunt à Deo mouente, licita sunt: ideo licuit Samsoni alijs, & sibi mortem infligere. Quod tamen talia non faceret sine Deo, apparet: quia etiam ad alia opera valde parua, vt ad occidendum triginta viros apud Aschalonem irruit in eum spiritus domini: ergo à fortiori ad hoc irrueret. De his patet supra decimo quarto, & præcedenti capitulo. Ad primam rationem in contrarium dicendum, quod regulariter nulli licet seipsum occidere, & tamen interdum licet alicui ex dispensatione, & sic fuit in Samson, vt declaratum fuit supra. Vnde dicendum, quod Samson occidendo se isto modo, non solum non peccauit, sed etiam meruit, quia ad laudem Dei, & utilitatem populi Israelis subiit istam mortem, vt occideret hostes Dei, & Israelitarum. Aliter post dici, quod non vocatur Samson propriè occisor suipsum, quia ipse non intendit directè se occidere, nec sibi manus iniicit, sed occidendo Philistinos ipse pariter interiit: sed solum videbatur increpandus Samson, si in aliquo vellemus eum increpare, quod ipse manifesto periculo, vt hostes occideret se exposuit, & istud valde minus est, quam se occidere, ideo minori excusatione tollitur: nam etiam si directè se occidere voluisset, erat opus dispensabile, sicut refert Augustinus primo de Ciuitate Dei, de quibusdam Virginibus, quæ ne virginitatis damna à barbaris paterentur sibi manus ad se occidendum intulerunt, & de illis credidit, quod spiritu Dei motæ egerint, & saluæ sint: à fortiori ergo de Samson, qui sibi manum non ingerebat. Ad secundum dicendum, quod de Samson, & Saule non est simile, quia de Samson multa habentur, per quæ patet ipsum à Deo fuisse motum ad hoc: nam orationem ad istum præmisit. De Saule autem nihil tale est. Item Samson non occidit seipsum, sed occidendo alios ipse quoque cecidit: Saul verò sibi iniicit manus: nam super gladium suum corruit, 1. Reg.

Ad rōnem  
primam  
diuersam.



primò Regum ultimo, & primò Paralipomeno decimo capit. Item Samson egit hoc ad magnam vtilitatem populi, quia moriens occidit plurimos, & si tunc non mortuus fuisset, oportebat eum mori manibus hostium, & infructuosè: ideo iuste potuit moueri: sed non fuit sic de Saule, quia siue occideretur ab hostibus, siue ipse se occideret, nihil magis vtilitatis pro populo Dei consecutus erat sic quam aliter; ideo Saul peccauit, & non Samson. Cum autem dicitur, quod Samson occidit se, vt non pateretur ignominiam ab hostibus, & ne occideretur ab illis, sicut Saul. Dicendum quod Saul voluit euitare duo per mortem, quam sibi intulit. Primum fuit quod non illuderetur a Philisthinis, si eum viuente inuenirèt: secundum fuit vt non infligerentur ei duri cruciatus: Samson autem non intendit aliquid istorum, sed solum occidere hostes congregatos. Verum est autem quod faciendo hoc euadebat illa duo, scilicet mortem ab hostibus sibi infligendam, & ludificationem quotidianam: ipse tamen non motus fuit propter hoc, sed ad occidendū hostes. In opere autem considerandum est id, quod intenditur, & non id quod accidentaliter consequitur: Samson ergo non peccauit, & Saul sic. *Descendentes autem fratres eius.* Aliqui putant, quod accipiatur hic fratres pro filiis patris sui, & matris: sed magis videtur quod accipiatur pro cognatione propinquissima: si tamen velis dicere quod erant fratres, dices quod erant minores Samsonem, scilicet quilibet minor 18. vel 19. anno, quia Samson non erat annorum 20. completorum, quando mortuus est, vt declaratum est precedenti cap. hoc patet quia ante Samsonem pater suus & mater gignere non poterant, quia erat mater sterilis, vt pater supra decimo tertio; ideo quotquot illi essent, necessariò nati essent post Samsonem. *Et vniuersa cognatio.* Scilicet tota familia vel tota tribus Dan, de qua erat Samson descendit ad honorem Samsonis, vt acciperent corpus eius de terra Philisthinorum. *Tulerunt corpus eius.* Quod erat cum alijs corporibus Philisthinorum sub domo rueret sepultum mole domus cadentis.

*Quomodo cognatio Samsonis potuit eius corpus de terra Philisthinorum ducere. Quest. LV.*

**Q**VAERETVR, quomodo cognati Samsonis potuerunt corpus eius ducere de terra Philisthinorum. Aliquis dicit, quod nunc Israelitae impetu facto in Philisthinos violenter abstraxerunt corpus Samsonis de terra eorum: & hoc est verisimile, quia mortui nunc fuerant omnes reges Philisthinorum, & alij principes per Samsonem, ideo Israelitae remiserunt cor ad repugnandum Philisthinis, & confidenter introirent in terram eorum. Sed dicendum quod istud non stat. Primò quia non est verisimile, quod ausi fuerint Israelitae sic irrupere in terrā Philisthinorum: nam ad hoc vt introirent illuc, oportebat quod congregarentur omnes Israelitae; & erat adhuc dubium, an auderent ire illuc quanto magis nunc, quia pauci iuerunt pro cadauere Samsonis, scilicet fratres eius, & cognatio sola, & isti non auderent pugnare contra Philisthinos. Secundò patet, quia si Israelitae nunc violenter introissent in terram Philisthinorum ad capiendum corpus Samsonis, oportebat, quod rebelarent omnino Philisthinis non soluētes tributum, nec manentes eis subiecti, & tamen manserunt, vt declaratum est supra 13. Anni 40. quibus seruiuerunt Israelitae Philisthinis, non consummati sunt in morte Samsonis, sed postea viuente Heli summo sacerdote: ergo tributa soluerunt mortuo Samsonem sicut prius, licet illa tributa aliquantulum fuerint diminuta, vt supra de-

Alph. Tost. super lib. Iudicum

**A**claratum fuit. Et sic non rebellarent Philisthinis Israelitae introcundo violenter in terram eorum pro cadauere Samsonis. Aliquis autem dicit quod sine bello factum est hoc, scilicet quod cognatio Samsonis secretè introiuit per noctem in urbem Gazam terrae Philisthinorum, & acceperunt inde cadauer Samsonis, sicut mortuo Saule, & filiis eius in bello, & suspensis cadaueribus eorum in muro Bethsan, viri Iabes Galaad per noctem introierunt in terram Philisthinorum, & acceperunt inde cadauera atque sepelierunt in terra sua in nemore Iabes. primo Regum trigesimo primo & primo Paral. 10. Sed dicendum quod non stat similitudo, quia corpora Saulis, & filiorum suorum erant suspensa in muro Bethsan, & Israelitae accedentes nocte non sentientibus Philisthinis caperunt illa. Nunc tamen non erat de Samsonem sic, quia corpus eius erat sub templo ruente, & ad inquirendum illud oportebat euertere totam molem cadentis, quod fortè erat opus multorum dierum: & postea debebant distinguere illud a ceteris corporibus Philisthinorum, quia erant ibi quasi tria millia, vt supra dictum est, ideo non poterat hoc fieri furando per noctem, sicut factum est de Saule, & filiis eius. Dicendum igitur, quod solum descendit in terram Philisthinorum cognatio Samsonis ad accipiendum corpus illius, & sine bello acceperunt. Sed tunc dices, quomodo stat hoc. Respondendum quod Philisthini habebant pacem cum Israelitis, quia Israelitae soluebant illis tributum, & toto hoc tempore praeterito Samson solus faciebat bellum Philisthinis. Ceteri autem Israelitae quiescebant, & soluebant tributum: vnde quantacunque mala faceret Samson Philisthinis non pugnabant Philisthini cum Israelitis, nec repetebant ea ab illis: ita nunc manebat pax, & securi potuerunt introire omnes de cognatione Samsonis in terram Philisthinorum, quia nullus illorum adiuuabat Samsonem in omnibus his: petierunt ergo corpus Samsonis, & receperunt illud a Philisthinis. Sed adhuc dices, cum tanta mala exercuisset Samson in Philisthinos quomodo volebāt corpus eius dare Israelitis, quia potius vellent in eo exercere abominanda, vt saltem sic satiarentur. Respondendum, quod fortè Philisthini putauerunt, quod Israelitae indignati nimis ob hoc insurgerent contra eos, & quia nunc erant Philisthini valde afflicti, cum omnes reges sui mortui essent, non ausi sunt contendere, & sponte donauerunt corpus Samsonis cognatis eius. *Et sepelierunt inter Sarāa, & Esthaol.* Istae sunt duae ciuitates in sorte Dan, inter quas habitabat pater Samsonis, & ibi elegit sepulturam, supra decimo tertio cap. *In sepulchro patris sui Manue.* Iam erat mortuus Manue, & in sepulchro eius Samson sepultus fuit, quia erat sic consuetudo hebreis, vt filij, & tota cognatio sepeliretur in sepulchris patrum, vt patet de Abraham, Isaac, & Iacob, & de tribus vxoribus eorum: nam omnes in eodem sepulchro in agro Hebron sepulti sunt: Gene. quadagesimo nono capitu. *Iudicauitque Israel viginti annis.* Quomodo computandi sint isti viginti anni declaratum est precedenti cap. in fine. vixit autem Samson 19. annis ferè: & ceperunt isti viginti anni computari ante natiuitatem, & conceptionem suam, scilicet a morte Abdon precedentis iudicis. De quo habetur supra duodecimo capitu. in fine.

*Chronica temporalium euentuum sub Samsonem.*

*Questio LVI.*

**C**HRONICA euentuum temporalium Samsonis. Capta fuerat Troia sub Abesā anno suo tertio,



Tempore  
Abdon re-  
gnauit Ae-  
neas in Ita-  
lia. Aeneas  
duos ha-  
buit filios.

Sylvius Ae-  
neas & Lu-  
cretius filii.

Vixit tem-  
pore Sam-  
sonis erra-  
bat per ma-  
ria.

Viribona  
ab Vlisse  
condita est,  
& in eam  
pulsus.

tertio, vt supra duodecimo, declaratum est: postea sub Abdon cepit regnare Aeneas in Italia, qui venerat de excidio Troianorum per longa marium pericula, & exactis bellis regnavit in Italia pauco tempore, scilicet annis tribus. Tempore autem Samsonis huius, de quo haec tenus dictum fuit, filius Aeneae Ascanius, quem Troie genuerat suscepit regnum: nam Aeneas duos filios habuit, vnum in vrbe Troiana ante bella Graecorum, scilicet Ascanium de Creusa vxore, quae cum secum portare vellet in ipso exitu de Troia perdidit, vt patet in secundo libro Aeneidos per Virgilium: deinde in Italia aliam suscepit vxorem nomine Launiam filiam regis Latinorum, ex qua filium suscepit nomine Syluum Postumum, qui postumus dictus est, eo quod moriente Aenea vxor habebat in vtero filium, qui postea in lucem editus est. Iste Ascanius primogenitus Aeneae suscepit regnum moriente patre. Tempore Samsonis regnavit annis triginta septem, post quem posthumus Syluius frater eius regnum suscepit: Ascanius autem ciuitatem Albanorum condidit, quae est super Tyberim, & fecit eam caput regni. Fuit autem Alba multis annis ante Romam condita, quia alba tempore Samsonis, Roma vero tempore Achaz regis Iuda, vel vt alij volunt tempore Ezechiae: quod fuit tempus quasi annorum quadringentorum quinquaginta. Hoc etiam tempore Samsonis Vlisses rediens de bello Troiano multa pericula in mari iussit: nam per viginti annos errauit. De quo Ouidius 13. & 14. Metamorpho. tunc venit ad Circe filiam solis, quae socios eius mutauit in varias species pecorum: ipse vero prudenter se a Circe abstinens mutari non potuit. Nec istud fabulosum, sed rei veritate constat, vt patet per Augustinum decimo octauo de Ciuitate dei. Nam artibus quibundam ista fiebant, quae & nunc apud quosdam fiunt: non tamen poterat mutare vere homines in pecora, sed quantum ad quasdam apparentias, & operationes. De hoc Boetius de consolatione libro 4. Metro. quod incipit. Vela Naricij ducis. Accessit etiam Vlisses ad tyrenes canoras: de quibus Ouidius decimo quarto Metamorphoseos. Tandem in Hispaniam veniens labores suos consummauit, & ibi ciuitatem fantasiam condidit, quae vsque in hodiernum diem extat incluta, quam de suo nomine Vlissibonam, vel Vlissiponam, id est positionem, vel sedem Vlissis appellauit, vt ait Isidorus decimo septimo Etymologiae. Item anno trigesimo primo, ante mortem Samsonis, scilicet anno septimo sub Ahialon secundum computationem Pauli Orosij primo de Ormesta mundi: & ante Romam conditam annis 480. facta sunt, quae sequuntur, & tamen secundum computationem aliorum debet hoc poni tempore illo, quo Israelitae fuerunt sine iudice 18. annis antequam acciperetur Iephthe in iudicem, de quo supra 10. capi. vel tempore Iair. Et ista diuersitas est, quia Paulus Orosius ponit bellum Troianum tardius quam ceteri effectum fuisse. Quicquid autem sit, istud accidit ante principium belli Troiani, & raptum Helenae annis. 50. Nam secundum quod computat Orosius, istud quod hic dicitur, fuit anno ante urbem conditam quadringentesimo octuagesimo, & bellum Troianum, & raptus Helenae fuit ante urbem conditam anno quadringentesimo tricesimo. Tunc enim Vologes rex Aegypti Meridiem, & Septentrionem diuisas pene toto orbe ac pelago plagas, aut miscere bello, aut regno iungere studens, Scythias primum bellum indixit malis prius legatis, qui hostibus parendi leges dicerent: atque Scythiae legatis responderunt: stolidum opulentissimum regem aduersus inopes sumpsisse bellum: quod timendum magis ipsi verba vice fuerit, propter incertos belli euentus nonnulla

praesentia & manifesta damna. Porro sibi non spectandum, dum ad se veniatur, sed vltro praedae obuiam ituros: nec mora: nam dicta factis consequuntur. Primum ipsum Vologem regem territum refugere in regnum cogunt: destitutum vero exercitum inuadunt: omnemque belli apparatus capescunt: vniuersam quoque Aegyptum depopulauissent, nisi Nili paludibus impediti repellerentur. Inde continuo reuersi perdomitam infinitis cedibus Asiam vectigalem, id est tributariam fecere: vbi per quindecim annos sine pace commorati tandem vxorum flagitatione reuocantur denunciantium, nisi redeant, sobolem se a finitimis que situras. Medio autem tempore apud Scythas duo regum iuuenes Plinius, & Stolopetius per factionem optimatum domo pulsi ingentem iuuentutem secum traxere, & in Cappadociae Ponticae ora iuxta amnem Termodontem confederunt campis Temisteriis siue Creuisariis sibi subiectis: ibi diu finitimam regionem depopulantes conspiratione finitimorum per insidias trucidantur. Horum vxores exilio ac viduitate permotae arma sumunt, & vt omnibus aequalis ex simili conditione animus fieret, viros, qui superfuerant interficiunt atque accensae in hostem sanguine suo, vltionem caesorum maritorum finitimorum excidio consequuntur. Tunc pace armis quaesita externos concubitus metuentes, natos masculos mox necant: foeminas autem studiosae nutriunt exustis infantularum dextris mamillis, ne sagittarum iactus impedirentur: unde Amazones Graece, id est sine mamilla dictae sunt, quia mazoin in Graeco mamillam notat. Harum duae fuerunt reginae Marpesia, & lampeto, quae agmine diuiso in duas partes curam belli, & domus custodiam vicissim fortiebantur. Igitur cum Europae maximam partem domuissent, Asiae vero aliquantis ciuitatibus captis ipsaeque Ephesum, & alias ciuitates condidissent, praecipuam exercitus sui partem onustam opulentissima praeda ad domum reuocant: reliquae ad tuendum Asiae imperium relictae. cum Marpesia regina occursum hostium trucidantur. Huius locum Sinopis filia eius caput, quae singularis virtutis gloriam perpetua virginitate cumulauit. Hac fama exteris gentes tanta admiratio, & formido inuaserat, vt Hercules quoque cum iussus esset a domino suo rege Euristeo exhibere arma reginae, quasi ad inuitabile periculum destinatus vniuersam Graeciae electam, ac nobilem iuuentutem praeparauit, nec tamen contentus examine virum, vt ex improbitate aggredi, & insperatus circumuenire maluerit. Duae tunc sorores regno praerant Antiope, & Oretia. Hercules mari aduectus incautas, inermesque, & pacis incuria desides oppressit: inter caesas captasque, quam plurimas duae sorores Antiope Menalipe ab Hercule, Hippolyte a Theseo retentae sunt: sed Theseus Hippolytem in matrimonium duxit. Hercules Menalipem sorori reddidit, & arma reginae praedae redemptionis accepit. Post Oretiam Penthasilea regno potita est, cuius Troiano bello clarissima inter viros documenta virtutis accipimus. hoc Paulus Orosius primo de Ormesta mundi. Sunt autem istae foeminae Amazonae de terra Scytharum, quae vsque hodie, vt quibusdam placet, in illo cultu, & viuendi modo manent ad extremitatem septentrionis habitantes in finibus Europae circa Graeciam, & Phrygiam, vbi Troia ciuitas fuit.

Amazoni  
imperium  
oriuntur.

Amazones  
quare sic  
venerunt.

Hercules  
Amazoni  
domitat.

Extat hoc  
tempore  
quidam vo-  
cantur Ama-  
zones.



## CAPITVLVM XVII



**F**VIT eo tempore vir quidam de monte Ephraim nomine Michas, qui dixit matri suę: Mille & centum argenteos, quos separaueras, & super quibus me audiente iuraueras, ecce ego habeo, & apud me sunt. Cui illa respondit: Benedictus filius meus Domino. Reddidit ergo eos matri suę. Quę dixerat ei: Consecraui, & voui hoc argentum Domino, vt de manu mea suscipiat filius meus, & faciat sculptile, atque conflatile: & nunc trado illud tibi. Reddidit igitur eos matri suę: quę tulit ducentos argenteos, & dedit eos argentario, vt faceret ex eis sculptile, atque conflatile. Quod fuit in domo Michę. Qui ædiculam quoque in ea Deo separauit, & fecit Ephoth, & Theraphim, idest vestem sacerdotalem, & idola.

*Fuit eo tempore.* Descripta fuit supra historia temporis iudicum, hic describitur historia quorundam illius temporis casuum. Fuerunt autem tres euentus tempore iudicum. Primus fuit de idolo Michę. Secundus fuit de concubina Leuite, & pugna contra Beniamitas. Tertius fuit casus de factis Ruth. De secundo agitur infra decimo nono capitul. & vsque ad finem huius libri. Tertius autem habetur in libro Ruth, qui est quędam pars libri huius decisa per apocrypem ab Hebręis, vt ait Ieronymus in prologo Galeato super libros Regum. Quod autem pertineat ad librum Iudicum patet, quia in diebus vnus iudicis eius facta narratur historia, vt patet in principio libri Ruth, scilicet: Fuit in diebus vnus iudicis. De primo autem casu agitur dupliciter, quia primò ponitur de ipso idolo Michę. Ad illud idolum interseritur historia de captione vrbs Laïs, quę alio nomine vocatur Lesendan. Et diuiditur in duo, quia primò ponitur idoli Michę fabricatio: secundò idoli expoliatio seq. cap. Prima in duas, quia primò ponitur idoli constructio: secundò circa illud facta abusio ibi. *Impleuitque vnus filiorum.*

*An isti tres casus, qui ponuntur hic, scilicet de idolo Michę, & vrbe Laïs, & vxore Leuite fuerunt ante tempus iudicum.*  
Quest. I.

**Q**VAERETVR circaprimum de continuatione huius ad præcedentia, an sit cõtinuus ordo, vel sit aliqua mutatio facta: & an fuerint facta ista immediate post illa. Respondendum, quòd circa hoc est Alph. Tost. super lib. Iudicum

**A** multiplex dissensio. Nicolaus dicit quòd expositores nostri communiter tenent, quòd fuit casus de idolo Michę immediate post mortem Iosue antequam iudicaret Hothoniel, qui fuit primus iudex. Et hoc probant, quia dicitur hic quòd isto tempore non erat rex in Israel, sed quilibet quod rectum sibi videbatur faciebat: & tamen postquam ceperunt esse iudice, silli casti gauissent hoc factum, si accidisset, & non faceret tunc quilibet quod vellet, quia illi exercebant potestatem super populum: ideo attribuendum est tempori, quòd mansit terra sine rectore post mortem Iosue antequam primus iudex, scilicet Hothoniel surgeret. Sed dicit Nicolaus, quòd istud non tenet, sed poterat istud accidere tempore iudicum, quia licet dicatur, quòd nō erat in Israel rex, non tollitur, quòd non esset iudex, quia potestas regum, & iudicum non erat similis, eo quòd iudices habebant potestatem solum per modum cuiusdam directionis, & non proprię vt vrentes potestate. Ideo refert opinionem quandam Hebręorum dicens, quòd accidit istud tempore Hothonielis primi iudicis. Et inducunt ad hoc rationem: quia supra secundo capitul. & Iosue ultimo dicitur, quòd seruierunt domino Israelitę cunctis diebus Iosue, & seniorum, qui longo tempore fuerunt post eum, & isti fuerunt vsque ad Hothonielē: ergo viuente Hothoniele factum est. Sed dicendum, quòd ista positio non stat: & non bene Nicolaus improbat positionem nostrorum expositorum, quasi tenendo positionem Hebręorum: nam cum dicit quòd licet non esset rex in Israel quando ista fiebant, & tamen bene poterat esse iudex, non stat. Nam si solum diceretur in litera, quòd in diebus illis non erat rex in Israel: posset quidem stare ista responsio, sed dicitur, quòd non erat rex in Israel, sed quilibet quod sibi rectum videbatur, faciebat: in quo non solum excluditur esse regem, sed etiā esse rectorem aliquem, qui posset ista corrigere: nam dato quòd esset alius, qui posset corrigere ista vitia, non oportebat, quòd esset rex, nec regem non esse, faceret aliquem defectum. Cum autem dicit Nicolaus quòd iudices non habebant potestatem corrigendi, hoc falsum est, quia potestas iudicum, & regum non differebat, nisi quantum ad ea, quę habentur primo Regum octauo, vbi ponitur ius regis in imponendo tributa, & accipiendo aliquid de bonis Israelitarum, & illud non poterant iudices: & tamen poterant conuocare populum, & corrigere vitia, alioquin daretur politia inordinatissima inter Hebręos, cum nullus esset potens prohibere malos puniendo. Etiam patet hoc, quia iudices erant principes populi, vt patet de lephthę supra vndecimo. Item patet quòd possent corrigere vitia, quia supra secundo dicitur, quòd tempore, quo mortuus erat iudex, Israelitę declinabant ad idola, & cum alius iudex surgebat, toto tempore illius Israelitę colebant dominum. Istud autem non accidisset temper, nisi iudex haberet potestatem ad corripiendum idolatras. Item patet, quòd non fuerit tempore alicuius iudicis, quia ista clausula ponitur infra ad aliquid signandum, scilicet quòd in diebus illis non erat rex: & tñ si accipiat rex p̄prie pro rege, & non generaliter ad regem, et quemcunque rectorem, erit litera omnino superflua. Quod patet, quia manifestum erat, quòd in tempore isto non erat in Israel aliquis rex, quia non fuerunt reges in Israel vsque ad Saulem, de quo habetur in libro 1. Regum, ista aut, quę habentur in libro isto fuerunt facta tempore iudicum, cum nondū reges vlli erant: ergo superflua erat dici hic, quòd nō erat rex in Israel, sed necesse est, quòd accipiat rex pro iudice, aut quocunque rectore. Item cum volunt Iudęi, quòd fuerit istud tempore



pore Hothonielis, & non tēpore medio inter mortē Iosue, & tempora Hothonielis, inconueniēs est, quia hoc volunt eo quod inter hęc tempora non coluerūt Israelitæ idola. Sed falsum est, quia antequam constitueretur Hothoniē in iudicē coluerunt Israelitæ idola, & ob hoc traditi sunt in manus Chusanrasathain regis Syriæ, de quo supra secundo, & tertio ca. ergo tunc potuerunt esse quæ narrantur de idolo Michæ. Item non stat quod dicunt, quia tempore Hothonielis acciderit: nam toto tempore suo Israelitæ coluerunt dominum: ista quippe erat regula, quod quando moriebatur aliquis iudex, declinabāt Israelitæ ad idola peius quam prius, & cum nouus iudex surgeret tempore illius colebant semper dominum, vt patet supra secundo: ergo tempore Hothonielis non fieret. Alij volūt, quod acciderit istud de idolo Michæ tēpore, quo mortuus est Samson, scilicet aliquanto tempore post: & hoc tenet Rabbi David Kimhi. Cuius motiūm esse potest ex cōtinatione literæ, quia continuatur ista litera precedenti, & nunquam recedendum est ab ordine literæ sine necessitate. Item patet, quia dicitur hic in principio literę: Fuit eo tempore in monte Ephraim vir nomine Michas. Oportet autem quod referatur istud relatiūm ad præcedentia, & debet referri ad immediata secundum regulam grammaticæ, alioquin fieret relatio incerta, sed ante hoc dictū fuit de Samsonē, ideo dicit quod fuit post Samsonem. Itē dicit Rabbi David Kimhi, quod inter Samsonem, & Heli summum sacerdotem fuerunt tempora media, in quibus accidit istud de idolo Michæ. Et ad hoc inducit, quod necesse sit computari aliquot annos intermedios, alioquin intercideret summa particularis annorum ad summam, quæ ponitur tertio Regum sexto capit. De qua sepe dictum est. Sed dicendum est quod ista positio non stat, quia necesse est, quod fuerit istud factum multo tempore ante Samsonem, quod patet primò, quia istud idolū Michæ, & captio vrbis Lais filijs Dan fuit quasi eodem tempore, eo quod filij Dan venientes per domum Michę rapuerunt inde idolum, & duxerunt illud in Lais urbem, quę ceperunt, & dicitur sequenti cap. quod posuerunt Ionothan filium Gerson filij Moyfi in sacerdotem, & filios eius: & tamen manifestum est quod nepos Moyfi non poterat esse post mortem Samsonis, quod patet quia Gerson filius Moyfi genitus fuit ante exitum de Aegypto, vt patet Exodi 2. & 3. & 4. capit. & tamen ab exitu de Aegypto vsque huc fluxerunt anni plusquam trecenti octoginta, secundum computationem, secundum quam fecit Iephthe. Nam dixit Iephthe supra 11. quod a tempore, quo Israelitæ acceperunt terram Galaad de manu Amorrhæorū vsq; ad tempus suum, erant trecenti anni, & tamen illud fuit anno quadagesimo ab exitu de Aegypto, vt declaratum est Numeri 20. & 21. Nam omnia, quæ facta sunt a cap. 20. Numeri vsque ad finem fuerunt anno 40. ab exitu de Aegypto, & sic sunt centum quadraginta anni quibus ad dantur anni sex Iephthe, & septem anni Abesān, & decem anni Ahialon, & octo anni Abdon supra 12. & 20. anni Samsonis, qui simul faciunt annos quinquaginta unum, & sic sunt anni trecenti nonaginta unus a natiuitate Gerson filij Moyfi vsque nunc. Gigneret autem ipse filium ad plus anno septuagesimo, & tunc manebunt anni trecenti viginti unus, quos iam ageret Ionatham filius Gerson quādo institueretur sacerdos. Sed istud est falsissimum: quia illo tēpore nullus homo quasi accedebat ad annum centesimum, ideo necesse est, quod fuerit ante mortē Samsonis istud plusquam per ducentos quinquaginta annos. Item patet hoc, quia istud de idolo Michæ, & quod habetur infra

F decimo nono de cōcubina Leuitæ, facta sunt eodem tempore: cum dicatur hic, quod tēpore idoli Michæ non erat rex in Israel, sed quilibet quod rectum sibi videbatur, faciebat: & infra decimo nono, & vigesimo dicitur, etiam quod non erat tunc rex in Israel, sed quilibet quod rectum sibi videbatur, faciebat: ergo eodem tempore fuerunt: & tamen quando factum est illud de concubina Leuitę non erat capta Ierusalē, vt patet infra vigesimo, quia dixit puer Leuitę ad eū, quod declinaret in Ierusalem, & ille respondit, quod non declinaret illuc, quia erat ciuitas alienorum scilicet Iebusæorum: ergo nondum erat capta, & tamen Ierusalem fuit capta paucō tempore post mortem Iosue viuente Caleb, vt patet supra primo capi. ergo ante tempus illud fuit. Item patet etiam, quia isto tempore erat sacerdos Dei in Silo Phinees filius Eleazari filij Aaron, vt patet infra vigesimo, & tunc pugnabant Israelitæ contra Gabaa pro concubina Leuitę: ergo paucō tempore erat istud post mortem Iosue. patet consequentia, quia Eleazar summus sacerdos filius Aaron mortuus est quando mortuus fuit Iosue, vt patet Iosue vltimo, & successit Phinees filius eius in summo sacerdotio, vt patet primo Paralipomē. quarto, & septimo capit. & ipse sepeliuit patrem suum Eleazar, Iosue vltimo. Si autem iste esset sacerdos tempore Samsonis, & postea quando fierent ea, quæ habentur infra decimo nono, & vigesimo, esset plurimum quam trecentorum, & octoginta annorum. Quod patet, quia in vltimo anno, quo Israelitę steterunt in deserto, scilicet 40. anno ab exitu de Aegypto, Phinees occidit Zambri principem tribus Simeon coeuntem cum Madianitide: Numeri vigesimo quinto, & Deus promisit ei summum sacerdotium in sempiternum: & sic esset vir plusquam 25. annorum ad hoc, quod esset animosus, & zelans pro Deo ad faciendum hęc. Etiam quia eodem anno ipse fuit dux cum Iosue contra Madianitas: Numeri decimo tertio, & tamen non daretur ei ducatus belli, nisi esset vir maturus, scilicet plusquam 25. annorum. subtrahuntur ergo anni quindecim ad complendum 40. dicemus, quod ad minus natus est Phinees anno 15. post introitum in desertum, vel exitum de Aegypto: sed ab exitu de Aegypto vsque ad mortem Samsonis fuerunt anni trecenti nonaginta vnus, & inductum est sequendo computationē Iephthe supra in isto dubio: ergo erant trecenti septuaginta quinque anni ad minus a natiuitate Phinees vsque nunc: sed tanto tempore non poterat viuere Phinees, cum rari viuerent vltra centum annos: ergo fuit ante hoc plusquam ducentis octoginta annis istud factum. Ex prædictis rationibus declarantur duo. Primum est, quod non fuerunt ista de idolo Michę, nec de concubina Leuitę post mortem Samsonis: & istud manifestè inducitur ex omnibus rationibus positis. Secunda est, quod fuerit factum istud paucō tempore post mortem Iosue, & ante mortem Caleb: nam ista facta sunt antequam caperetur Ierusalem de manu Iebusæorum, vt dicebatur supra, Ierusalem tamen capta est paulo post mortem Iosue viuente Caleb, vt patet supra primo capit. Et tunc nondum erat institutus iudex: nam viuente Caleb, non fuit Hothoniē iudex: quia Hothoniē erat frater minor Caleb, qui acceperat filiam Caleb in vxorem, vt patet Iosue decimo quinto, & supra primo capi. & erat tunc Caleb princeps belli, & maioris auctoritatis, vt colligitur ex allegatis capitulis, ideo tūc nequaquam esset Hothoniē iudex, sed si aliquis deberet esse iudex potissime esset Caleb. Nā Caleb existente duce belli erat Hothoniē quasi persona priuata: vnde dixit Caleb: quod percussit Cariathsepher dabo ei Axam filiā meam. Et

Rabbi David Kimhi opinio ac eius rationes in diuersum.

Prima rō.

Secūdarō.

Tertia rō.

Rabbi David repro-  
batur.

Ex illis  
rationibus  
duo con-  
clantur



Et dicitur q̄ cepit eam Hothoniel frater Caleb minor præallegatis capit. ergo mortuus erat Caleb, quando Hothoniel factus est iudex: nam dicitur supra secūdo, quod Israelitæ seruierunt domino toto tempore, quo vixit Iosue, & seniores, qui post eum longo vixerunt tempore: vnus autem, & præcipuus de illis seniorib⁹ fuit Caleb, vt eodem cap. declaratum est: & tamen ante mortē Caleb erat capta Ierusalem: ergo ante mortem eius fuit idolum Michæ, & casus de Leuita, de quo infra 19. & consequenter fuerunt hæc ante tempora Hothonielis primi iudicis, sinter mortem Iosue, & constitutionem Hothonielis in iudicem, quando nullus adhuc erat iudex. Alij probant alio modo conclusionem istam. Primò quia dicitur hic, quod non erat tunc rex in Israel, sed quilibet quod sibi rectum videbatur faciebat: & accipitur rex pro omnibus iudicibus, vt supra declaratum est: ergo non erat tunc aliquis, & ficerat ante constitutionem iudicem, & consequenter inter Iosue, & Hothonielem. Item dicitur sequenti. capi. quod fuit idolum Michæ in tribu Dan toto tempore, quo tabernaculum domini fuit in Silo: & tamē si fuit factum illud idolum postquam Hothoniel capit iudicare, non fuit toto tempore, quo mansit tabernaculum in Silo, quia ante hoc positū fuerat ibi tabernaculum: ergo inter Iosue, & Hothonielē fuit istud idolum fabricatum. Respondendum quod non concluditur. Ad primum dicendum, quod non erat, quod quando fuit factum istud idolum, non erat tunc aliquis iudex, aut rex actualiter iudicans, vel præficiens, & tamen non concludit, quod ante hoc nō fuerint aliqui iudices: imò stante illa litera poterat esse, quod accidisset istud post mortem Samsonis. Primū quod accideret istud post mortem Samsonis, ita q̄ istorum patet, quia iudices non succedebant sibi, ita q̄ mortuo vno illico succederet alius, sed erant aliqua tempora media, vt patet supra 3. & 4. & 10. & ibidem declaratum est. Et quanquam præcessissent aliqui iudices, poterat in tempore medio inter iudicem & iudicem fieri, quod hic dicitur de idolo Michæ, & de concubina Leuitæ: & tunc verum esset, quod nullus erat, qui posset illud castigare, sed quilibet faceret, q̄ sibi rectum videretur. Et hoc patet magis, quia quādocunque aliquis iudex præerat Israelitē colebant dominum, & mortuo illo declinabant ad idola, vt habetur supra secundo capitu. & sicut factum fuit istorum quodlibet, ita fieret idolum Michæ. Secundum patet, quia inter Samsonis mortem, & iudicaturā Heli fluxerunt aliqua tēpora, vt fiebat in aliis iudicibus, & in xerunt aliqua tēpora, vt fiebat in aliis iudicibus, & in illis temporibus poterant euenire hæc. Secundum ar- gumentum non tenet propter duo. Primum quia, cum dicitur, quod idolum Michæ mansit in tribu Dā toto tempore, quo mansit sanctuarium domini in Silo: non est sensus quod mansit a principio, quando mō sit sanctuarium in Silo: sed est sensus quando desijt esse sanctuarium in Silo, desijt idolum Michæ de tribu Dan: vel non prius cessauit idolum Michæ de tribu Dan, quā tabernaculum domini de Silo: ideo dato quod fuisset factum idolum Michæ tempore Samsonis, esset verum istud. Secundum inconueniens est, quia hoc dato oporteret quod poneremus fuisse positum idolum Michæ tempore Iosue in sorte Dan. Sed istud est falsum propter duo: Primò quia nullus cōcedit, quod tempore Iosue talia fierent, eo quod ipse talia asperrime corrigeret, cū voluerit pugnare contra duas tribus, & dimidiā: quia fecerunt altare apud Iordanem, Iosue vigeſimo secundo capitu. Secundum est, quia dicitur hic quod tunc nullus rex erat in Israel, sed quilibet, quod sibi rectum videbatur faciebat: & tamen tempore Iosue non faciebat quilibet quod sibi rectum videbatur, cū ipse corrigeret ad vngū peccata, & potissime idolatriam. Tertium addi potest, Alph. Toſt. super lib. Iudicum

A quia quando ista facta sunt, tribus Dan habebat sortem: & tamen nondum habebat possessionem illius, & ceteræ tribus habebant sortes, & possidebant illas, vt patet sequenti capi. in principio. & tamen quando positum est tabernaculum in Silo, nondum habebant tribus Israelis sortes, quas possiderent: imò nondum distincta erat terra per sortem, vt patet Iosue decimo octauo, vbi dicitur, quod conuenerunt israelitē in Silo, & posuerunt ibi arcam domini, & sanctuarium, & inde miserunt viros ad cōsiderandum totam terram, & describendam eam, & post paucum tempus redierunt tunc descripta terra, & tunc posite fuerunt sortes pro omnibus tribubus. Ergo nondum erant sortes tribubus singulis, quādo sanctuarium fuit positum in Silo, & consequenter non positum fuit idolum Michæ in sorte Dan in Lais: quando fuit locatū sanctuarium in Silo, sed aliquanto tempore post. Tenendum est ergo quod supra dicebatur, & rationes illæ, quæ ibi a nobis adductæ sunt. Hoc idem tenet Iosephus quinto Antiquitatum, ponens Historiam de idolo Michæ: & de vxore Leuitæ. Immediatē post mortem Iosue, & ante Hothonielem, cū plurimum peccasset Israel coram domino; & tradidisset eos dominus in manus Chananæorum, qui abstulerunt inde Aschalonem, & Acharon, & multas vrbes in campeſtribus, & ipsos Danitas ita expulsos in montes confugere compulerunt. Eo tempore fuit vir de monte Ephraim nomine Michas & cate. sicut continetur hic. ista historia tangitur supra primo capitu. vbi agitur de arctatione tribus Dan, quā Chananæi arctauerunt in montibus. Idē tenet historia scholastica, quæ Iosephum sequitur. Ad rationes in contrarium Rabbi David Kimhi respondendum est. Ad primam, cū dicebatur de continuatione literæ: dicendum quod sepe sacra scriptura vtitur anticipatione, & recapitulatione, sicut patet in multis locis, & verum est, quod nunquam est recedendum ab ordine literæ, nisi ex causa manifesta, quæ cogat: & tamen hic est talis, vt probatum fuit supra. Ad secundum dicendum, quod istud relatiuum: fuit eo tempore: non refertur ad immediata, sed refertur ad omnia, quæ continentur in toto isto libro: quasi dicitur, quod dum fiebāt ea, quæ narrata sunt in isto libro supra, accidit quod dicitur hic de idolo Michæ, & verum est quod rationabilius erat referri ad immediata de Samsonis morte si litera toleraret, & tamē non potest stare, quia vt probatum est necessario fuit ante Samsonem. Ad tertiam rationem dicendum, quod non fuit inter Samsonem & Heli, cū probatum fuerit, quod fuit ante Samsonem: & cū dicitur quod inter Samsonem & Heli fuerunt tempora intermedia, nihil differt, quia dato quod in illis esse potuerit, ita q̄ fieret in tempore, quo nullus iudex erat, tamen non fuit tunc factum, vt declaratum est.

Quare hi tres casus fuerint scripti in Iudicum libro.  
Quæstio II.

QVAERETVR vltius, cū isti tres casus, scilicet de idolo Michæ, & de concubina Leuitæ & de Ruth: non fuerint tempore Iudicum, quare fuerint scripti in Iudicū libro. Respondendum quod sacra scriptura voluit describere hos casus, quia vtile erat eos describi: nam sacra scriptura est ad instruendum hominem in moribus, vt Deum colat, & perueniat ad vitam æternam. Eruditio autem in moribus multiplex est, quia aliquando fit ponendo regulas, quas homo tenere debet in operando, sicut est in libris legalibus Moyſi, & in doctrinalibus. In libris Salomonis, in quibus documenta moralia multa traduntur.

Y 3 Aliquan-

Opi. doct.  
pēnes hoc

Ad primā  
rationē Ki  
mhi in di-  
uersum.

Ad 2. ratio-  
nem.

Ad 3. ratio-  
nem.

Conditio  
i moribu  
est multi-  
plex.

Refellan-  
tur aliorū  
argumen-  
ta

Falsum est  
idolū tem-  
pore Iosue  
positū fuisse  
in sorte  
Dan.



Aliquando autem erudimur enarrando bona gesta virorum, & malorum peccata, quibus instruimur ad bona sequendum, & mala cognita fugiendum. Aliquando autem erudimur enarrando præmia bonorum, & penas, quæ a Deo malis tribuuntur: quia homines potissime sensuales, & adhuc animales iuxta Apostolum, & ignorantes quæ Dei sunt, his maxime ad bonum, vel ad malum ducuntur, ideo scriptura sacra sicut eguit libris legalibus ad ponendum regulas morum: ita eguit libris historicis ad describendum prosperitatem Deo inhaerentium, & calamitatem peccantium: & ista est causa in generali introductionis historiarum in sacra scriptura. Particulares autem causæ sunt aliæ. Et quia peccatum

Peccatum maxime vitandum in lege Dei.

catum quod maxime vitandum erat in lege Dei, erat idolatria, & pena maxima pro hoc dabatur: ponitur hic de idolo Michæ, ut postea infra ponatur de pena, quæ secuta est occasione huius idoli: nam cedes illa magna, quæ facta est infra 20. occasione huius dicitur facta, ut declarabitur ibidem. de Ruth autem positus fuit casus propter David ad enarrandum genealogiam David, qui natus est de Ruth Moabitide. Quo dato oportuit quod isti tres casus ponerentur in libro isto Iudicum, vel in libro Regum, vel in aliquo libro per se extra istos duos: non fuerunt autem positi in libro Regum, quia liber Regum fuit post omnia hæc lōgo tempore, & non fuit conueniens interferi ibi, nec poni in principio. Etiam noluit scriptura per se facere librum de his, cum aliquo modo pertineat ad librum Iudicum, ideo posuit in libro Iudicum. Liber quoque Ruth extremitas istius libri erat, sed Hebræi ab antiquo illā particulam a cæteris secuerunt libellum per se facientes.

Quare enarratio istorum euentuum in fine huius libri fit posita.  
Quest. III.

QVAERETVR ulterius, cum isti euentus non fuerint exactis iudicibus, sed antequam inciperent, ut declaratum est: quare posita fuit enarratio istorum casuum in fine libri huius. Respondendum est, quod a principio omnes isti tres casus positi fuerunt in fine libri huius, scilicet de idolo, & concubina, & Ruth: & quia Ruth videbatur esse post mortem Samsonis, ut communiter tenetur, fuit finis libri huius conueniens: quia id quod est in fine fuit extremum omnium, quæ habentur in hoc libro secundum ordinem naturalem, & fuit conueniens principii ad id quod habetur in principio libri Regum. Respondendum quod si scriptura voluisset tenere ordinem naturalem in narrando, debbat ponere ista 5. capi. quæ habentur usque ad finem huius libri, scilicet de idolo, & concubina in principio libri huius post primum ca. quia ibi fuerunt: & enarratis eis sequeretur historia 3. cap. & de Hotoniele, & deinde esset persecutio usque ad mortem Samsonis secundum quod habetur in litera. Et post illam poneretur hic tota historia Ruth: & in illa consummaretur liber iste. Scriptura tamen noluit tenere ordinem naturalem, sed artificialem: qui magis conuenit enarrandis rebus, ut competentius, & integralius, atque manifestius quælibet res enarretur. Si autem fuisset iste ordo, perturbaretur intentio libri huius, quia liber iste erat de iudicibus, & principalis historia sua de actibus iudicum esse debebat: si autem posita fuissent omnia hæc isto ordine, prius venissemus ad medietatem libri, quam quidquam de iudicibus diceretur. Voluit ergo scriptura tenere ordinem artificialem. Posuit omnes istos casus in fine libri, & in fine omnium casuum Ruth, nisi quia hebræi de extremitate huius libri historiam Ruth absciderunt.

Scriptura non tenuit ordinem naturalem in scribendo librum Iudicum, sed ordinem artificialem.

F Cur non agitur in isto libro de omnibus iudicibus, sed de quibusdam in libris Regum, sicut de Heli, & Samuele.  
Questio IIII.

QVAERETVR ulterius, cum iste sit liber Iudicum, cum, cur non fuit hic posita historia omnium iudicum: nam post Samsonem fuerunt duo iudices, scilicet Heli summus sacerdos, de quo dicitur 1. Regum 4. quod iudicauit Israel. 40. annis, & post Heli fuit Samuel, de quo dicitur 1. Reg. 12. quod Deus misit Israelitis iudices, qui liberarent eos: & computatur ibi Samuel. Aliquis dicet, quod Samuel, qui fuit ultimus iudicum scripsit istum librum Iudicum, & quia de factis suis scribere non poterat, cum historia sit semper de rebus gestis, omisit gesta sua, quorum causa iudicum finem fecit in Samsonem. Sed dicendum, quod hoc non stat, quia staret istud si forte Samuel solum gesta sua omisisset ponere hic: omisit tamen ponere gesta Heli summi sacerdotis, ideo alia causa fuit. Item Samuel poterat scribere gesta sua, quia licet non posset describere omnia gesta vite suæ: fuit autem ipse iudex quousque filij sui fuerunt constituti iudices ab ipso in senectute sua 1. Regum 8. Vel verius quousque fuit constitutus Saul in regem 1. Reg. 10. Nam incipiente tempore regum, cessauit tempus iudicum, & postea vixit Samuel magno tempore ferè annis 20. ideo poterat scribere gesta illa. quod autem postea vixerit patet, quia de morte sua ponitur primo Reg. 25. & gesta iudicature suæ solum fuerunt usque ad 10. cap. 1. Reg. Aliquis dicet, quod omisit Samuel gesta istorum duorum, ut essent principia libri Regum: nam cum in libris Regum ponatur historia de regibus, debet poni aliquid, ut prologus, scilicet unde fuit origo regum: & quia historia Samuelis, & Heli fuit quasi quidam prologus ad historiam Regum, eo quod Samuel reges duos primos Israelitarum vnxit, debuit dimitti hic, & poni in principio libri primi Regum. Ista ratio erat multum conueniens, quia sic fit in principio huius libri. Ponuntur enim duo cap. tanquam prologus ad historiam Iudicum, & incipit historia in 3. capit. sic etiam in aliis libris fit, tamen non conuenit ista ratio ad præsens, quia istud teneret, si Samuel, qui scripsit librum Iudicum, scripsisset librum primum Regum, quia tunc, ut conuenienter ordinaretur historia omitteret aliquid de iudicibus, & poneret in principio libri primi Regum: tamen non scripsit Samuel aliquid de primo libro Regum, ut declarabitur supra tertium librum Regum in prologo auctoris, qui præmittitur operi. Dicendum ergo, quod Samuel omisit istas duas historias, scilicet suam, & Heli, quia de seipso non intendebat, quia ipse intendebat dimittere suam, cum esset ipse scriptor libri, & quia historia Heli summi sacerdotis erat simul cum historia Samuelis, cum fuerit natus Samuel sub Heli, & ministraverit coram eo, nec poterat vna enarrari sine alia, ut colligitur primo Reg. a principio usque ad finem 4. capituli in quibus ponitur historia Heli: ideo omisit utranque historiam. Ieremias autem, qui scripsit libros 4. Regum, incepit ubi omiserat Samuel in libro Iudicum, & quia hic fuit historia in Samsonem, post quem illico fuit Heli, cepit liber Regum in historia Heli, & Samuelis. Fuit eo tempore vir quidam. Non referas ad mortem Samsonis, de qua dictum est supra immediatè, sed refertur ad totum librum istum, scilicet quod dum fierent ea, quæ scripta sunt, aliqua eorum factam est hoc, quod dicitur de idolo Michæ: & debet intelligi pro illis, quæ habentur supra primo, quia dum fierent illa, scilicet viuentem Caleb, factum est hoc.



*Quomodo potuit esse hoc tempore illo, scilicet post mortem Iosue.*  
*Quest. V.*

**Q**VAERETVR, quomodo potuit esse tempo-  
 re illo, quia dicitur Iosue ultimo & supra 2. quod  
 seruauerunt Israelitæ domino toto tempore Iosue, &  
 seniorum, qui longo post vixerunt tempore: & vnus  
 de illis senioribus fuit Caleb. ergo viuente illo non fie-  
 ret. Respondebitur quod licet post mortem Iosue ser-  
 uierint Israelitæ domino, tamen inter mortem Iosue  
 & constitutionem Hothonielis in principem, Israelita  
 coluerunt idola, ideo factus est Hothonieli iudex,  
 supra 3. capi. Respondendum quod si diceremus ac-  
 cidisse istud inter mortem Iosue, & constitutionem  
 Hothonielis in iudicē, & non adderetur aliquid aliud,  
 satis staret, quod tempore illo, quo peccauerunt Israe-  
 lite paulo ante constitutionem Hothonielis, & paulo  
 post mortem Caleb: & tunc staret vtrumque, scilicet  
 quod tempore seniorum, qui fuerunt post Iosue non  
 coluerunt Israelitæ idola: & tamen oportet dicere qd  
 fuerit istud ante mortē Caleb, cum fuerit ante captam  
 Ierusalem de manu Iebuseorum, vt patet infra 19. &  
 tamen ante mortem Hothonielis capta est supra pri-  
 mo: ergo eo viuente factum est idolum. Conceden-  
 dum est: & quando dicitur, quod tempore seniorum,  
 qui longo tempore post Iosue fuerunt, coluerunt Is-  
 raelitæ semper Deum. Dicendum est tamen quod  
 hoc intelligitur publicē, scilicet quod totus populus  
 non declinabat post idola, aut faciebat publicē templa  
 sicut alijs temporibus fiebant, & tamen in secreto ali-  
 qui colebant idola: sic fuit de idolo Michæ, quia in  
 secreto tenuit ille istud in domo sua, & ibi tenebat sa-  
 cerdotem. Cum autem obijcitur, quod postea ido-  
 lum istud positū est publice in vrbe Lais, & manebat  
 ibi, colebaturque a stirpe Dan. Dicendum quod il-  
 lud quod dicitur supra 2. intelligitur, quod vt con-  
 munitur non colebantur idola, & tamen aliqui cole-  
 bant: & sic magna pars tribus Dan habitans in Lais  
 tenebat ibi idolum, & colebat illud: & istud non po-  
 tuit castigare Caleb, quia non erat iudex, nec princeps,  
 & reuerentia eius non abstinuerunt ab hoc scelere  
 filij Dan, quia cito postquam factum fuit hoc, mortu⁹  
 fuit Caleb. Vel dicendum quod hoc fiebat, quia ci-  
 uitas Lais erat separata nimis ab habitatione ceterorū  
 Israelitarum: cum dicatur sequenti capitulo, quod  
 ista ciuitas erat procul a Sidone, & cū nullo hominū  
 habebat cōicationem: ideo licet ceteri Israelitæ co-  
 lerent Deum isti colebant idola quia erant separati, &  
 censebantur omnes Israelitæ colere Deum. Item pa-  
 tet iste modus loquendi: nam supra 2. dicitur, quod  
 quando moriebatur aliquis iudex, Israelitæ declinabāt  
 ad idola, & cum alius incipiebat declinabāt ad colen-  
 dum dominum, ita quod non colerent idola, & tamē  
 manifestum est, quod toto tempore, quo iudices mā-  
 serunt, fuit idolum Michæ in terra Israel, cum dicatur  
 sequenti ca. quod fuit in Lais toto tempore, quo fuit  
 tabernaculum domini in Silo: sic autem nunc quam  
 viri de tribu Dan colerent idolum illud tem-  
 pore seniorum, qui fuerunt post Iosue, dicebatur tot⁹  
 Israel colere Deum. *Vir quidam de monte Ephraim.*  
 Idest habitans in monte Ephraim: & sic erat iste Mi-  
 chas de tribu Ephraim. *Nomine Michas.* Iste vocatur  
 Michas sine.e.& ppheta Micheas vocatur per.e. istud  
 seruat litera nostra, in Hebræo autem aliquando serua-  
 tur differentia, aliquando non: nam ille, qui est pro-  
 pheta vocatur semper Michea in Hebræo. & iste voca-  
 tur hic aliquando Michas, siue Micha: & aliquando  
 Micheas, sicut propheta. *Quid dixit matri sue.* Consi-  
 derandum est pro expositione huius, quod mater

Alpha. Tott. super lib. Iudicum

**A** Michæ nō erat bene fidelis Deo, sed adherebat idolis,  
 habebatque argenti mille, & centum siclos, siue ar-  
 genteos, quos consecrauerat ad faciendum vnum  
 idolum: Michas autem furatus est matri suæ argēteos  
 istos forte intendens eam impedire ab idolatria, vel ex  
 alia causa: tunc mater Michæ diligenter quærens ar-  
 genteos, anxiabatur, & maledixit habentem. Post  
 quod Michas ne incideret in maledictionē reuelauit  
 matri, quod ipse teneret Argenteos, & hoc totum  
 debet subintelligi, eo quod colligitur ex litera.

*An mater Michæ fuerit Dalila, quæ seduxit Samsonem.*  
*Quest. VI.*

**B** **Q**VAERETVR de ista matre Michæ, quæ erat.  
 Aliqui dicunt quod erat Dalila, cuius rationem  
 assignant, quia hic dicitur quod separauerat mille, &  
 centum argenteos, & tamen Dalilæ dari sunt mille  
 centum argentei præceden. cap. Sed dicendum quod  
 istud non stat. Primò quia, vt probatum est, istud  
 accidit ante tempora iudicum, & tamen Dalila tem-  
 pore Samsonis fuit, vt patet præcedenti cap. Secundo  
 quia fundamentum istud nullum est, quia volunt hoc  
 innuentes quod argentei Dalilæ fuerint solum mille,  
 & centum argentei. Sed falsum est, quia fuerunt  
 quinque millia, & quingenti. quod patet quia præ-  
 cedenti cap. principes Philisthinorum venientes ad Da-  
 lilam dixerunt ei: dabimus tibi singuli mille, & cen-  
 tum siclos, & principes erant quinque, scilicet quin-  
 que satrapæ Philisthinorum, siue reges vt patet Iosue  
 decimo tertio, & primo Regum sexto cap. ideo non  
 erat Dalila. Tertium est, quia ista mater Michæ erat  
 Hebræa, cum dicatur Michas esse de monte Ephraim,  
 idest de tribu Ephraim: Dalila tamen erat de stirpe  
 Philisthinorum, vt declaratum fuit præcedenti cap.  
 quia alijs non ausi fuissent venire ad eam satrapæ Phi-  
 listhinorum, quia potius credere deberent quod tra-  
 deret eos in manus Samsonis, quam Samsonem in ma-  
 nus eorum, si hebræa foret. Ideo non erat ista Dalila  
 sed aliqua alia mulier, quæ fuit prius plusquam ducentis  
 quinquaginta annis. *Mille centum argenteos quos sepa-  
 raueras tibi.* Scilicet separauerat eos mater Michæ a re-  
 liqua pecunia sua, vt de his fieret idolum. Hebræi vo-  
 lunt accipere argenteos, idest siclos, eo quod sicli  
 erant moneta argentea, & erat vsitata inter Israelitas.  
 Sed potius videtur, quod fuerit moneta maioris valo-  
 ris, & ponderis, eo quod infra dicitur, quod de du-  
 centis argenteis factum est idolum: & tamen de du-  
 centis siclis fieret valde paruum idolum: si tamen ve-  
 lis tenere, quod essent sicli non recuso. In Hebræo  
 habetur. *Argentum quod ablatum fuerat tibi.* Vbi nos  
 dicimus, quos tibi separaueras. & signat litera nostra  
 quod mater Michæ separauerat ad faciendum idolum,  
 litera Hebræa signat quod furto ablatum fuerat argē-  
 tum matri Michæ. Sed dicendum quod litera Hebræa  
 ca signat id quod nostra, quia secundum proprietate-  
 tem Hebræicā signat litera argentum, quod separa-  
 tum fuerat tibi, idest quod separatum fuerat a te, sci-  
 licet quod tu illud separaueras tibi, & reddit cum lite-  
 ra nostra. *Super quibus me audiente iuraueras.* Idest iura-  
 sti, quod volebas illud ad consecrandum Deo. Vel  
 iuraueras, idest adiuraueras dicendo, oro Deum,  
 quod quicumque habet argentum istud si mihi non  
 reddiderit amara conficiatur morte. & iste sensus  
 consonat magis cum litera Hebræica, quæ habet.  
*Super quo maledixisti, & etiam dixisti in auribus meis.*  
 Idest maledixisti habentem si non redderet tibi il-  
 lud, & dixisti in auribus meis. Idest istam maledi-  
 ctionem dixisti coram me, & istud signat litera no-  
 stra, scilicet, me audiente iuraueras, idest maledixe-  
 ras.

Quorum-  
 dam resp.  
 ad quæsitū

Doc. resp. d.  
 so ad quæ.

Hebræorū  
 opinio de  
 siclis.

Opi. doct.



*ras. Ecce ego habeo. Idest ego inueni, vel accepi. Et F*  
*apud me sunt. Idest nulli dedi, nec expendi, sed retineo*  
*apud me: istud publicauit Michas, quia timuit maledi-*  
*ctionem matris super se venturam.*

*Cum mater Michas vellet argenteos ad faciendum ido-*  
*lum, an peccaret qui abstulisset vel absconderet,*  
*ne fieret idolum: & an impediens male*  
*agere, bene agat semper.*

*Quaestio VII.*

**Q**VAERETVR, cum ista mulier vellet istos  
 argenteos ad faciendum idolum, quod ipsa  
 manifestauerat, & istud esset malum: si peccaret qui  
 acciperet, & absconderet illos, vel nollet reddere ei.  
 Prima ratio. Aliquis dicet, quod non, imò quod mereretur, quia  
 ipsa volebat malum facere, & subtrahendo istos ar-  
 genteos, tolleretur ei occasio faciendi malum: pro-  
 hibere autem a malo bonum est. Item si quis vellet  
 alium occidere, & aliquis absconderet ei gladium, &  
 nollet reddere toto tempore, quo erat iratus, non pec-  
 cabat, imò merebatur, nisi fortè subtraheret ei ar-  
 ma pro defensione sua, vel pro iusto bello: ita erat  
 hic, quia tollebatur occasio faciendi malum, ideo  
 non erat peccatum. Respondendum, quod qui ac-  
 ciperet istam pecuniam: aut acciperet pro se ad reti-  
 nendum, vel animo dandi eam domino suo aliquo  
 tempore: si primo modo, peccatum erat: quia licet  
 ista mulier iuste merebatur perdere dominium istorum  
 argenteorum, eo quod in turpi, & nefanda re expen-  
 dere volebat: tamen qui acciperet, non poterat rem  
 istam suam efficere ad hoc, quod iuste possideret: si-  
 cut in praescriptione longi temporis, quæ est cum ma-  
 la fide, ille contra quem praescribitur, meretur perde-  
 re dominium rei, eo quod longo tempore negligens  
 est: qui tamen praescribit, non meretur acquirere, nec  
 potest iuste rem suam efficere, eo quod habet malam  
 fidem, & quod est contra conscientiam ædificat ad ge-  
 hennam, ideo debet res restitui domino quamquam  
 mereatur perdere illam: ita hic licet mereretur mater  
 Michas perdere argenteos, tamen non habebat ali-  
 quis iustam causam retinendi: ideo teneretur quicun-  
 que haberet illos, restituere. Si autem qui acciperet,  
 vellet tenere aliquanto tempore, & postea restituere,  
 non sufficiebat ad id, quod ipse volebat, quia postea  
 poterat facere idolum, sicut nunc fecit mater Michas  
 redditis sibi argenteis. Insuper qui sic accipiebat rem  
 alienam, domino inuito & reclamante accipiebat,  
 & non habebat aliquam causam sufficientem ad facien-  
 dum, ideo peccabat. Nec obstat, quod sciretur,  
 quod volebat de illis pecuniis idolum facere, quia et  
 si sciam, quod aliquis vult dare pecuniam ad usuram,  
 non possum accipere illam furtim ad tempus, vel pro  
 semper ne ille det. Ad primam rationem in contra-  
 rium, cum dicitur, quod impediens male agere bene  
 agit, sed sic erat hic. Respondendum quod impedi-  
 re male agere est bene agere, quando prohibendo, vel  
 impediendo non transgreditur quis metas potestatis  
 suæ: vt puta si quis non iudex, vt mala efficaciter prohi-  
 beat, incipiat exercere auctoritatem iudicis, peccat  
 & grauiter punietur de crimine concussionis: alio-  
 quin daretur cuilibet potestas corrigendi alterum, non  
 solum monendo, sed etiam realiter aliquid agendo:  
 & istud esset introducere inextricabilia scandala, &  
 turbare totam politiam, nec esset aliquid contra le-  
 ges tam periculosum: ideo debet quilibet contentus  
 esse terminis potestatis suæ, scilicet quod cum viderit  
 aliquem velle peccare, moneat eum, vel dicat iudi-  
 ci potenti prohibere realiter, ipse tamen realiter non

*Ad respō-*  
*tionem in*  
*diuersum.*

prohibeat aliquid efficiendo, nisi in crimine, quod  
 fortassis est in damnum alterius inuentum: vt pote si  
 quis velit alium occidere, & sit propinquus actui: sub-  
 trahere autem pecuniam, ne male expendatur, perti-  
 net ad potentiam iudicis, ideo si quis alius hoc tenta-  
 uerit, peccat mortaliter, & secundum legem huma-  
 nam agatur contra eum, vt contra furem. Ad secun-  
 dum dicendum, quod si quis in furore est, & deposue-  
 rit penes me gladium, & repetat in furore, non teneor  
 illi dare, eo quod poterit se occidere, vel aliquem aliū:  
 sic etiam si quis iratus, & non insanus deposuit penes  
 me gladium & petat, quando video manifeste quod  
 est iracundus, & vult percutere aliquem iniuste, possum  
 retinere gladium. Secus autem est si ille habeat gla-  
 dium, & velit aliquem percutere, & ego clam surri-  
 piam ne aliquem percutiat, quia istud est maius, quia  
 non reddere depositum in casu, est quasi elidere pe-  
 tentem per modum exceptionis: accipere autem ab  
 eo, qui habet ne percutiat alium est directe agere, vel  
 habere iurisdictionem. Facilius autem est, q̃ com-  
 petat alicui exceptio, quàm actio: & maxime quia ista  
 non solum, vt actio, sed magis, vt iurisdicō, scilicet  
 quia propria auctoritate aliquid fit, ideo si quis alicui  
 non insano quamquam irato volenti aliquem percu-  
 tere surripiat gladium, & teneat per aliquot dies, illo  
 nolente, videtur peccare, vel vt si ei violenter excu-  
 tiant de manu. Secus autem est in furioso, quia cum  
 quis viderit furiosum insanum, siue tenentem gladiū,  
 licite potest ei accipere reclamati, nec fit ei iniuria, eo  
 quod nescit ille gladio vti: & verisimile est, quod se-  
 mel alium transuerteret: iratus autem, qui non est in-  
 sanus potest vti gladio sapienter, & quamquam videat  
 tur aliquid velle facere potest contrarium timore du-  
 ctus, vel prudentia in contrarium inclinante, ideo  
 eripere ei gladium violenter, vel clam, videtur esse pec-  
 catum. Potest tamen quilibet impedire volentē pec-  
 care, vt si quis velit alium occidere, possum, & debeo  
 adiuuare eum, qui inuaditur ad defensionem: &  
 tunc licet mihi accipere violenter gladium de manu  
 alterius, quia tunc non ago vt exercens actum iu-  
 risdictionis prohibendo, sed actum personæ priuatæ  
 defendendo.

*An mater Michas maledicendo acceptorem argenteorum*  
*suorum, peccauit. Quaest. VIII.*

**Q**VAERETVR vltius, an ista mater Michas  
 maledicendo acceptorem argenteorum suorum  
 peccauerit, & an maledictio posset ligare furē istum.  
 Respondendum, quod mater Michas peccabat dupli-  
 citer. Primo quia maledicebat pro re illicita: nam  
 qui acceperat hanc pecuniam peccauerat, vt supra  
 dictum est: & tamen aliquo modo adiuuabat eam  
 ad non peccandum disturbando ab opere, ideo po-  
 tius debuisset benedicere facienti hoc. Secundò pec-  
 cabat, quia dato quod fuisset res ita licita, vt pote gra-  
 uaretur mater Michas, & non impediretur ad peccan-  
 dum, non debebat maledicere, quia maledictio ve-  
 tita est, nisi his, qui praesunt iurisdictioni: & in aliqui-  
 bus casibus possunt maledictionem in penam inflig-  
 gere: aliis verò, scilicet personis priuatis raro licet  
 maledicere, De quo plene declaratum est supra no-  
 no capitulo. Sed casus matris Michas non ponitur inter  
 illos, in quibus licet maledicere, ergo peccabat ma-  
 ledicendo. Ad secundum dicendum, quod licet  
 mater Michas peccaret maledicendo, tamen capiens  
 pecuniam istā poterat ligari, quia capiens peccabat, vt  
 supra dictum est. Et ad inferendum penā alicui, Deus  
 non aduertit an ille, qui contra aliquem petit, dignè  
 petat: sed an contra quem petitur mereatur maledici:  
 sicut



sicut iudices non respiciunt an accusator bono animo petat, vel accuset, sed an accusatio iusta sit, quia tunc condemnabitur accusatus. Vnde si quis petat mala venire super aliquem, qui meretur illa, licet petens petendo peccet, Deus inducet mala, quia meretur iste contra quem petitur, & tamē inducet mala super petentem, quia iniuste petit. Ita hic mater Michæ iniuste maledicebat, & tamen filius eius Michas, vel quicumque alius raptor merebatur maledici, ideo Deus super utrosque maledictionem induceret, & penam. Cui illa respondit: *Benedictus filius meus Domino*. Idest benedicatur à Domino, quia timens maledictionem, & quasi obediens ei restituit pecuniam. *Reddidit ergo eos matri suæ*. Scilicet istos mille, & centum argenteos, non quidem realiter restituit, sed se ad restituendum paravit: nam infra habetur, quod restituit, quia tamen, qui præsto est cum sacculo ad restituendum, & solum dependet à receptore, an velit immediatè recipere dicitur iam restituisse. In Hebræo habetur supra. *Ecce argentum meum accepi ego*. Vbi dicit litera nostra. *Ecce ego habeo, & apud me sunt*: sed litera Hebraica signat magis, quod Michas industriose acceperit, dum dicat accepi, & nostra dicit habeo. Item Hebræus habet. *Reddidit mille, & centum argenteos matri*. Vbi litera nostra dicit: reddidit eos matri suæ, & idem est. *Quæ dixerat ei: Consecraui, & voui argentum istud Domino*. Consecrare est aliquid Deo dedicare separando ab humanis vsibus. Vouere est obligare se ad firmiter faciendum id, quod proposuit. Accipitur autem hic Deus pro dæmone: nam Deo vero non fiunt idola, cum ipse vetuerit Exo. 20. & Deuter. 4. & 5. cap. *Vt de manu mea suscipiat filius meus*. Idest volo, ut semel mihi restituat filius meus, nè cadat in maledictionem: deinde ego reddam ei ad faciendum ista, & tunc poterit licitè accipere. In Hebræo habetur. *Sanctificans sanctificauit de manu mea pro filio meo*. Scilicet ut filius meus faciat de illo idolum, & de manu mea. i. ut filius meus sumat illud de manu mea ad faciendum, & idem signat quod litera nostra. *Et faciat sculptile, atque conflatile*. Idest faciat idolum sculptile, & conflatile. Aliqui putant sculptile, & conflatile esse vnum idolum. Alij autem putant esse duo. Nam sculptile dicitur à sculpendo, quia dolatur, & cauatur, atque percutitur, & percutiendo limatur, & recipit debitam figurationem. Conflatile vocatur, quia per conflationem fit. i. opere fusorio, cum conflatur metallum, & liquidum fluit in vacuum imaginem cuius recipit similitudinem, & volūt quidam quoddam idolum istorum factum esse per conflationem solam, & aliud per solam sculpturam opere productili, vel malleatorio, sicut candelabrum, & omnia, quæ facta sunt de auro, & argento in tabernaculo Domini, fuerunt productilia, & non opere fusorio, ut patet Exo. 25. cap. Qui autem ponunt sic habent fundamentum ex litera, quæ dicit ista tanquam duo distincta. i. faciat sculptile, atque conflatile. Item sequenti capitulo viri de tribu Dan dixerunt: nostis, quod in domibus istis sit Ephod, & Theraphim, & sculptile, atque conflatile: & posuerunt illa tanquam duo. Qui autem ponunt istud fuisse vnicum idolum debent dicere, quod fuit factum dupliciter. i. quod primo argentum conflatum est in igne, & incidit opere fusorio in formam idoli, & ibi recepit figuram: postea verò, ut magis limatum esset fuit percussio sculptrum, ut aptius esset, & lucidius nullaq; rugositas, aut discōuenientia partium maneret in eo. Et istud secundum est verum: Quod paret, quia dicitur infra, quod mater Michæ dedit argentario ducentos argenteos, ut faceret ex eis sculptile, atque conflatile, quod fuit in domo Michæ: si tamen essent ista duo idola, diceretur: quæ fuerunt in domo Michæ. Item dicitur immediatè: Qui ediculam quoq; in ea Deo sepa-

Aravit: si tamen essent duo sculptile, & conflatile, diceretur: Qui ediculam eis separauit. Item patet, quia licet communiter ponatur idolum, & sculptile: solum tamen aliquando ponitur sculptile solum ad significandum, quod idem sit, ut sequenti cap. dicitur, quod posuerunt in vrbe Lais sculptile, & sacerdotes. Item dicitur ibidem, quod mansit idolum Michæ in vrbe Lais toto tempore, quo fuit tabernaculum Domini in Silo: si tamen fuissent duo, nominarentur tanquam duo distincta. Sed obiicitur, quod Michas clamauit ad viros Dan, dicens: Deos meos, quos mihi feci tulistis: ita sequenti cap. ergo erant duo. Responderi potest dupliciter. Vno modo, quod ibi accipiuntur dii non pro sculptili, atque conflatili, quæ essent duo, sed pro sculptili, & Theraphim: nam Theraphim differebat à sculptili, ut infra declarabitur. Alio modo potest dici, quod vocat omnes Deos suos vnum Deum, quia iste est modus loquendi Hebræus, quod ponatur interdum plurale pro singulari: sic patet Exo. 32. cap. f. Ecce dii tui Israel, qui te eduxerunt de Aegypto, & tamen manifestum est, quod ibi vnus erat Deus fabricatus. i. vitulus. Ita hic de vni co sculptili dicitur pluraliter dii. In Hebræo dicitur hic. *Ad faciendum idolum, & metallum*. Est enim hic quædam dictio, quam Hebræi communiter exponunt pro metallo, & tamen esset sensus iste valde inconueniens: quia nihil est dictu facere idolum, & metallum. Dicunt autem quidam, quod vocatur idolum quantum ad partes puras, & vocatur metallum quantum ad partes impuras. Sed etiam istud non stat, quia infra dicitur, quod dedit argentario ducentos argenteos, ut faceret ex eis sculptile, atque conflatile, & ponitur ibi secundum Hebræos id, quod hic. i. idolum, & metallum, & tamen argentei illi non poterant dari ad faciendum idolum purum, & impurum: quia aut erant isti argentei de argento puro, aut non. Si erant de puro argento, non poterant ipsi dari ad faciendum idolum purum, & partim impurum, quia de puro non fit nisi purum. Si autem erant argentei impuri non poterant dari ad faciendum idolum purum: ideo non stat iste modus loquendi, sed accipitur illa dictio necessariò pro aliqua liquefactione, secundum quam metalla componuntur in figuram simulachri, & similis modus loquendi est Exo. 32. cap. Nam vbi dicit litera nostra, vitulum conflatile: dicitur in Hebræo: vitulum, & metallum, & eadem dictio ponitur vbi nos dicimus opere fusorio. *Et tunc tradam illud tibi*. Istud dixit mater filio. i. redde mihi argentum, quod habes, quod ego voui ad faciendum sculptile, & cum reddideris ego tibi reddam, ut iuste de manu mea accipias. *Reddidit ergo matri suæ*. Idest tunc restituit Michas matri argenteos, quia prius licet esset paratus ad restituendum, tamen nondum restituerat. *Quæ tulit ducentos argenteos, & dedit illos argentario*. Dicitur, quod dedit argentario, & prius dicebat, quod volebat mater Michæ tradere ei ad faciendum idolum. Hoc fuit, quia fortè Michas noluit istud facere, horrendo idolatriam. Sed falsum est, quia infra ponitur, quomodo ipse coluerit istud idolum, & fecerit vnum de filiis suis sacerdotem. Sed fortè noluit sumere laborē faciendi, & tradidit argentario mater eius.

Improbatio opinio nis de idolo.

Quomodo dicit, quod dedit ducentos siclos argentario.  
Questio I X.

Q V A E R E T V R, quomodo dicit, quod dedit ducentos siclos argentario, quia supra dixerat mater Michæ, quod consecrauerat argentum istud Domino, scilicet mille, & centum siclos, & nunc solum dedit ducentos. Respondit Rabbi Dauid Kimhi, quod istos ducentos dedit mater Michæ argentario in mercedem pro fabricatione, & alios nongentos superstites tradidit ad faciendum ex eis idolum. Sed istud non stat, quia

Varie opinionones per sculptile, & conflatile.



quia dicitur in litera, quod tulit istos ducentos argenteos, & dedit argentario, ut faceret ex eis sculptile: ergo non dabantur isti pro mercede, sed in materiam operis. Dicendum ergo, quod mater Michæ consecrauerat Deo omnes istos mille, & centum argenteos: tamen non expendit omnes in idolo, sed ducentos expendit in fabricando illud: alios autem in faciendo Ephod, & Theraphim, & vestes ceteras sacerdotales, & ediculam Deo, & cetera, quæ pertinebant ad cultum idoli illius, & quocunque modo poterat expendi ista pecunia consecrata idolo, dum tamen expendere in cultu idoli.

*An peccasset mater Michæ postquam vouit istud argentum idolo, si non dedisset.*  
*Questio X.*

**Q**VAERETVR ulterius, an peccasset mater Michæ postquam vouit istud argentum idolo, si non dedisset. Respondendum, quod vota sunt triplicia: quædam sunt manifestè de bono, quædam de manifestè malo, & quædam de dubio. Prima vota sunt indistinctè tenenda, & obligamur ad illa soluenda, & citò: alioquin reputatur nobis in peccatum, Deut. 23. c. De votis dubijs. scilicet quæ possunt habere bonum, vel malum euentum, respiciendus est ipse euentus, & si benè eueniat, seruanda sunt: si autem malè, non sunt tenenda: sic patet in voto Iephthæ, qui vouit offerre domino quidquid primò egrederetur ei obuam de domo sua redeunti de bello in pacem. Poterat istud votum habere bonum euentum, si aliquid exiisset in occursum, quod esset animal immolaticium: poterat habere malum euentum, si occurreret res non immolaticia, ut homo, vel canis: si primum accideret, seruare debebat votum: si secundum, non debebat seruare illud. Et quia accidit in malam partem. scilicet quia occurrit ei filia sua, quæ non erat animal immolaticium, non debebat seruare, & quia seruauit, fuit stultus in vouendo, & impius reddendo, ut ait Ieronymus. Vota autem, quæ sunt manifestè de malis, ut colere idolum, vel fornicari, non sunt tenenda, quia nec sunt vota, cum Deus non acceptet talia, quæ sunt contra eum. Non tamen causatur obligatio ex stipulatione, nisi acceptet ille, cui aliquid stipulamur, & quia manifestum est, quod Deus non acceptat mala, quæ promittimus propter duo. Primò, quia mala sunt, & dato, quod possent mala esse in fauorem Dei, non acceptaret illa, quia mala sunt, cum ipse iustus sit, & oderit iniquitatem. Secundum est, quia nemo acceptat sponte, quod contra se est, & tamè mala directè repugnant Deo, ideo quamquam aliquis velit se obligare per votum ad aliquod malum faciendum, impossibile est, quod obligetur: tale autem erat istud votum de faciendo idolum de argento. Ideo dicendum, quod complendo votum istud, peccabat mortaliter mater Michæ, quia istud malum erat, & per votum non poterat effici licitum. Etiam peccabat vouendo, & hoc dupliciter: primò, quia ad malum se obligare volebat, disponendo se ad illud. Secundò, quia ad hoc Deo vouebat illud tamquam Deo acceptum esset, sed putare Deo acceptum esse, quod malum erat est malè de Deo opinari, quod peccatum est: si autem non putaret Deo acceptum, sed repugnare, & tamen voueret illud magis peccabat volens facere, quod Deo nolebat. Dicendum ergo, quod mater Michæ peccauerat faciendo istud votum, & tamen non debebat complere, nec peccabat, si non compleret, sed solum dolere debebat, quod malum vouisset. *Ut faceret ex eis sculptile, atque conflatile.* Id est, ut faceret vnum idolum, quod erat per conflaturam factum. scilicet opere fusorio. Deinde erat sculptum ad magis decorandum illud, ut supra decla-

**F**raturum est. *Quod fuit in domo Michæ.* Id est facto idolo suscepit illud in domo sua Michas, & tenuit illud: fecitque sibi sacerdotes, ut patet infra. *Qui ediculam quæ in ea Deo separauit.* Id est Michas separauit in domo sua ædiculam. scilicet in quadam parte domus suæ constituit locum priuatim sequestratum ab operibus coeteris, & ibi constituit Deum illum, ut locus esset sacer, & honorabilis non deditur occupationibus prophanis. *Et fecit Ephod, atque Theraphim.* Id est postquam fecit idolum fecit etiam Ephod, & Theraphim in honorem idoli. *Vestem sacerdotalem, & idola.* Ista expositio ponitur à translatores nostro, & non est in Hebræo, sed posuit noster scriptor ad interpretationem nominum Hebraicorum. Vocauit autem Ephod vestem sacerdotalem: vocauit autem Theraphim idola: est enim nomen pluralis numeri significans idola.

*Quod erat Ephod quod hic fieri iubebatur.*  
*Questio XI.*

**Q**VAERETVR, quod erat Ephod, quod iubebatur hic fieri, & quod factum est à Michas pro illo sculptili. Respondendum, quod Ephod signat vestem pertinentem ad cultum ministrorum Dei. Accipitur autem Ephod tripliciter. Primò modo per quodam ornamento summi sacerdotis, quod erat factum de filis multorum colorum. scilicet de purpura, & cocco, & hyacintho, & auro, & bysso retorta, & pendebat solum super partem anteriorem vsque ad zonam, & ad partem posteriorem vsque ad zonam: habebatque duos lapides onychinos super humeros sacerdotis, in quorum quolibet erant scripta sex nomina filiorum Israel: de cuius fabricatione patet Exo. 28. Alio modo accipitur Ephod pro quadam veste alba, in qua nihil aliud erat, & erat illa vestis de lino simplici, vocaturque Ephod, licebatque portare illam Leuitis: quod patet, quia Samuel erat Leuita, & tamen induebatur Ephod 1. Reg. 2. scilicet puer Samuel ministrabat Domino coram Heli accinctus lineo Ephod: & istud Ephod faciebat ei mater sua, ut dicitur 1. Reg. cap. 2. nam dicebatur ibidem, quod tunicam parua faciebat ei mater sua. Tertiò modo accipitur Ephod pro quadam veste linea, qua utebantur sacerdotes, siue ministrarent ante altare, siue non, & induebantur hac veste extra sanctuarium, quam aliqui putant esse eandem cum illa, qua utebantur Leuitæ, quod etiam non recuso. De hac habetur 1. Reg. 22. nam octoginta quinque viros indutos Ephod lineo occidit Doeg coram Saule, & omnes isti erant sacerdotes, ut patet ibidem: & vnus erat summus sacerdos. Hic autem dicendum, quod non accipitur Ephod pro ornamento summi sacerdotis, quia illud solum non erat ad ministracionem aliquam eo quod non erat vestis, sed quædam pars ornamenti. Et apparet magis, quia litera nostra exposuit Ephod i. vestem sacerdotalem: vestis autem denominat id, quod totum corpus ambit: ideo dicendum, quod Ephod accipitur pro Ephod summi sacerdotis: ita quod per Ephod intelliguntur omnes aliæ vestes, vel ornamenta Pontificis, vel accipitur Ephod pro aliqua alia veste Sacra, in qua ministrandum erat coram illo idolo, & indueretur illa sacerdos, siue illa esset, sicut Ephod Leuitarum, & Sacerdotum minorum, siue non.

*Quæ sunt Theraphim.* *Quest. XII.*

**Q**VAERETVR ulterius, quæ sunt Theraphim. Respondendum, quod in quodam Hebræo, & Nicolaum Theraphim erant quoddam caput pueri primogeniti occisi demoni immolati, & conditum erat pigmentis varijs, ne computresceret, sub cuius lingua

Duplici de causa Deus non acceptat mala a nobis promissa.



lingua erat lamina quædam aurea, in qua erat scriptum nomen cuiusdam idoli, & respondebatur per illud caput ad quæsitum. Sed ista positio non multum stat, quia Theraphim denominat aliquid quod fabricatur, cum dicatur hic, quod fecit sibi Ephod, & Theraphim. Sed tale caput non est aliquid de fabricatis, ideo erit aliquid aliud. Alij dicunt, quod Theraphim erat quoddam instrumentum astrologum, scilicet chilindrus, vel astrolabium ad inquirendum aliquid per planetas. Sic tangit Rabbi David Kimhi, & Aben Ezra. Sed ista positio est irrationalis, quia ponebatur hic Theraphim tanquam aliquid pertinens ad cultum idoli, cum dicatur quod fecit Theraphim, & Ephod: Chilindrus tamen, & Astrolabium pertinent ad impositionem astrologum: sic etiam dicebat Rabbi Abraham Aben Ezra, quod in rationalis plicatura ponebatur lamina facta, sicut Astrolabium, quod improbatum fuit Exo. 28. Item Theraphim pertinet ad diuinationem, ut videtur hic innui, & sequenti capitulo, & tamen Chilindrus, & Astrolabium non sunt ad aliquid inueniendum de his, sed ad inuestigationem horarum, & altitudinem, & ortus, & occasus planetarum, & similia, quæ multum differunt ab opere diuinationis. Alij volunt, quod Theraphim esset imago facta in certo tempore ad recipiendum coelestem influentiam, & hoc vult Aben Ezra. Sed istud etiam non multum applicatur proposito, cum hic agatur de cultu idoli. Etiam, quia tales imagines fiunt in longo tempore, & cum magno labore, & scientifica inuestigatione: sed de isto viro dicitur, quod fecit sibi Ephod, & Theraphim, quasi aliquid leue egisset: etiam, quia iste non erat vir peritus, sed simplex secundum conditionem temporis illius, ideo non erat talis imago Theraphim, sed aliquid aliud. Dicendum autem, quod Theraphim signat statuam quædam magnam factam de quacunque re ad humanam effigiem. Hoc patet 1. Reg. 19. cum dicitur de Michol, quod cum venirent apparitores Saulis, ut raperent David, simulauit eum languere, & dicitur in Hebræo, quod posuit in lecto Theraphim, & in litera nostra dicitur, quod posuit statuam: certum est autem, quod ibi non ponebatur Astrolabium, nec Chilindrus, quia ista non faciebant ad exprimendam imaginem David dormientis, & languentis quam volebat exprimere Michol, ut patet ibidem. Nec etiam potest accipi pro capite pueri sic occisi, ut dicebatur supra, quia non occurreret Michol habere tale caput in domo, & si haberet non oporteret, quod poneret in lecto, quia per aliquid aliud melius exprimeretur effigies David, quam per talem imaginem. Item non potest accipi ibi pro imagine facta ad recipiendam virtutem, quia talem non haberet Michol, quia istud pertinebat ad superstitionem. David autem non permetteret, quod vxor sua aliquid tale haberet, cum esset vir valde deicola. Etiam, quia dato, quod Michol vellet habere talem statuam, forte non occurreret ei, quia rari scirent imagines tales facere. Sed oportet, quod accipiat ibi Theraphim pro quacunque statua potente exprimere humanam effigiem, & sic facilliter potuit Michol habere Theraphim ad ponendum in lecto loco David. Sic autem accipit hic Ieronymus exponendo: nam cum prius dixisset, quod fecit Ephod, & Theraphim, exposuit id vestem sacerdotalem, & idola: forte autem erat istud idolum factum de ligno, vel de alia materia. Quod autem primo fecit erat de argento, & illud vocatur Michas: sic est conflatile: & sic haberet duo idola Michas: sic est accipitur Gen. 31. ubi dixit Laban: cur furatus es Deos meos? Et iterum ibidem, quod Rachel furata est idola patris sui Laban: nam ibi ponitur in Hebræo Theraphim, & accipitur manifeste pro illis idolis, quæ colebat Laban. Forte potest dici, quod erat istud aliquod idolum factum ad inquirendum per illum aliqua secreta, sed

prius dictum melius est. In Hebræo dicitur. *Viro Michæ ipsi domus Dei.* Vbi nos dicimus, qui ediculam quoque separauit in ea, & idem est. scilicet quod vir Michas habuit domum Dei, id est habebat quædam ediculam separatam in domo sua ad ponendum illum Deum.

Impleuitque vnus filiorum suorum manum, & factus est ei sacerdos. In diebus illis non erat rex in Israel, sed vnusquisque quod sibi rectum videbatur, hoc faciebat. Fuit quoque alter adolescens de Bethlehem Iuda, ex cognatione eius: eratque ipse Leuites, & habitabat ibi. Egressusque de ciuitate Bethlehem, peregrinari voluit vbiunque sibi commodum reperisset. Cumque venisset in montem Ephraim iter faciens, & declinasset parumper in domo Michæ: interrogatus est ab eo vnde venisset. Qui respondit: Leuita sum de Bethlehem Iuda, & vado, ut habitem, vbi potuero, & vtile mihi esse prospexero. Dixitque Michas: Mane apud me inquit, & esto mihi parens ac sacerdos: daboque tibi per annos singulos decem argenteos ac vestem duplicem, & quæ ad victum sunt necessaria. Acquieuit, & mansit apud hominem, fuitque illi quasi vnus de filiis. Impleuitque Michas manum eius, & habuit puerum sacerdotem apud se, nunc scio, dicens: Quod benefaciet mihi Deus habenti Leuitici generis sacerdotem.

Impleuitque. Hic ponitur secundum, scilicet circa Idolum facta abusus, & diuiditur in duas secundum quod fuit duplex abusus circa istud Idolum. Prima fuit, quod constituit Michas Sacerdotem, qui non erat de tribu Leui. Fuit secunda, quia fecit sacerdotem alium, qui fuit de tribu Leui, sed non fuit de stirpe Aaron, ibidem. Fuit quoque alter. Circa primum dicitur. Impleuitque vnus filiorum suorum manum. Id est consecrauit. Et pertinet istud ad coëremonias, quæ fiebant, ut aliquis fieret sacerdos: sic accipitur Exo. 29. & Leui. 8. nam vbi dicit litera nostra: postquam initiaueris, id est consecraueris manus eorum: dicitur in Hebræo: postquam compleueris manus eorum. Fiebat autem ista completio per hoc, quod aliquæ coëremonie fiebant in manibus alicuius, ut essent sacræ, sicut sacerdotibus nostris quando ordinantur vnguntur manus: sic etiam manus sacerdotum veteris testamenti consecrabantur, quia tangebantur sanguine: Exo. 29. & Leui. 8. ca. & vocatur ista sanctificatio impletio. scilicet quia complentur circa manus omnes coëremonie debite ad hoc, quod fieret sacerdos. Sic accipitur 3. Reg. 13. scilicet quicunque volebat, implebat manum suam, & fiebat sacerdos ex celsorum. Erat autem illa impletio, vel consecratio alterius modi. scilicet quia accipiebat, qui volebat effici sacerdos aliquod animal immolaticium, & offerebat illud idolis, & faciendo coëremonias circa istam hostiam efficiebatur sacerdos. Sic patet in 2. Paralip. cap. 13. vbi rex Abia repetiuit verba supradicta in 3. Reg. c. 13. &

Aliorum  
respō. ad  
quæsitum.  
Improba.

Aliorum  
respō. ad  
quæsitum.

Doc. resp.  
ad quæsitum.

Infra 8.  
& 21.

penes ido-  
lum facta  
abusio.



& dixit: Quicūq; venerit, & iniciauerit manum suam in tauro, & in bobus, & in arietibus septem, fit sacerdos eorum, qui non sunt dii. Ita nunc credendum est, quod Michas traderet filio suo animalia aliqua ad immolandum, & per hoc manus eius erat completa. Sciendum, quod iste filius Michæ esset primogenitus eius, quia consuetum erat apud antiquos, q̄ primogenitis darentur sacerdotia: tanquam ipsi præferrentur ceteris dignitate. *Et factus est ei sacerdos.* Id est accepit illum in sacerdotem, vt ministraret idolo illi. Et quāquam quilibet posset effici sacerdos, erat tamē maior honor idolo, quod haberet sacerdotem determinatū, qui esset ei dedicatus.

*An Michas peccauit faciendo sacerdotem non de Leuitis.*  
*Quæstio XIII.*

**Q**VAERETVR, an Michas peccauerit faciēdo sacerdotem non de Leuitis, sed de filiis suis, qui erat de stirpe Ephraim, & an puniri debebat pēna trāsgressorum illius legis, quæ est de ministratione sacerdotali Num. 3. Aliquis dicet, q̄ sic, quia Nu. 3. & 18. c. dicitur de sacerdotio, q̄ erat cōmissum solis filiis Aaron, & si quis extraneus accederet ad ministrandum, occideretur. Item patet in Core, & ducentis & quinquaginta socijs eius, qui conati sunt vsurpare sacerdotium Aaron, & cōbusti sunt à Domino coram altari, Num. 16. Item rex Ozias conatus est offerre corā dño thus, & percussus est lepra in frōte, vt patet 4. Reg. 15. & 2. Paralip. 26. cap. Respondendū est, q̄ Michas peccabat instituendo sacerdotem idolo, & pēnam mortis merebatur pro idolatria, & filius eius peccabat, & eodem modo merebatur lapidari tanq̄ idolatra, Deu. 17. tamen non peccabat ex hoc, quod non instituebat de filiis Aaron, & instituebat de stirpe sua, quia illa lex de sacrificijs, q̄ solis filiis Aaron liceret sacrificare, & exercere opera sacerdotij, intelligitur de ministratione sacerdotali, quæ fiebat coram Deo, & in sanctuario: sed ista erat ministratio sacerdotalis facta idolo, ideo non incidebant in illam legem, quia non priuabant filios Aaron iure suo. Etiam non agebant contra diuinam electionem: nam Deus elegerat sibi Aaronitas reprobando ceteros, comminando, q̄ si quis de ceteris auderet accedere ad ministerium sacerdotij irasceretur Deus, & percuteret multitudinem, vt patet Num. 1. & 18. cap. simile est, q̄ si quis vouerit Deo aliquid licitum, & non reddiderit, peccauit: & tamen si vouerit aliquid illicitum, si non reddiderit non incidet in pēnam non soluendum vota, vel si soluerit non magis peccabit soluendo in tempore promissio, quā extra illud, eo quod non erat obligatio votorum, nisi in licitis, in illicitis autem non erat obligatio: sic Deus voluit in sacerdotio suo seruari regulam, q̄ soli filij Aaron essent sacerdotes, eo q̄ istud erat licitum: sacerdotium autem idolorum erat illicitum, & quicūq; fieret sacerdos idolorum peccaret: ergo non magis si efficeretur sacerdos de filiis Aaron, quā de alijs, quia vbi nunquam contingit benè agere, contra facere non inducit obligationem aliquam: sed obligatio ad pēnam est in illo, quod in aliquo casu benè fit, & alio casu non benè fit, si non seruetur modus iile, qui impositus est, peccatum erit. *In diebus illis non erat rex in Israel.* Id est nullus erat rector, vel iudex potens punire delinquentes, & coercere reliquos ad benè agendum. Et non accipitur rex propriè hic pro rege, quod friuolum eēt hoc dici: nam manifestum est, quod tempore isto nullus adhuc fuerat rex, quia in isto libro solum describuntur gesta iudicum, & ea quæ temporibus illorum acciderunt, & tunc nondum reges fuerant. Item dicit, & quilibet quod sibi rectum videbatur faciebat, quasi

**F** dicat, quod hoc contingeret ex defectu regis, & tamen non solum existente rege, sed existente quolibet alio iudice, vel rectore non faceret quilibet qd̄ sibi rectum videbatur: ergo non solum non erat tunc rex, sed etiā nullus iudex, vel rector erat: hoc autem verum est, quia facta sunt ista inter mortem Iosue, & constitutionem Othonielis in iudicem, vt declaratum fuit supra. *Sed vnusquisque, quod rectum sibi videbatur, hoc faciebat.* Id est, qui volebat malè agere, malè agebat, & qui benè, agebat bonum, nec erat aliquis prohibens sic agere. Istud dicitur propter idolum Michæ, de quo hic recitatur: quasi dicat, si aliquis fuisset illo tempore potens corrigere delinquentes, non ausus fuisset Michas fabricare idolum, & constituere sacerdotem: quia tamen nullus erat potens hoc facere, qui volebat facere idola, faciebat, & erat impunitus.

*An peccatum erat, quod quilibet faceret quod sibi rectum videbatur tempore isto.*  
*Quæstio XIII.*

**Q**VAERETVR, an peccatum erat, quod quilibet faceret, quod sibi rectum videbatur. Aliquis dicet, quod non: quia tempore Moyfi in deserto faciebat quilibet Israelitarum, quod volebat, vt patet Deu. 13. & tamen non videbantur peccare, quia si malè agerent non permetteret eos Moyfes sic agere, qui tunc habebat ducatum populi, & durè corripiebat, puniebatque delinquentes, vt patet Exo. 32. cap. in immolatione vituli, & tū permittebat Moyfes illa fieri, & ipse dixit, q̄ quilibet faciebat quod sibi rectū videtur, ergo non erat peccatum. Respondendum, q̄ facere quilibet quod sibi rectum videtur, contingit dupliciter. Vno modo, quia non est aliqua lex obligans, & determinans ad certum modum, sed potest quilibet determinare sibi modum in actione sua. Alio modo fit quidem obligatio ad certum modum agentis: tamen ex defectu principis cogentis ad obseruationem legis, quilibet facit quod vult, non obseruans legem. De primo modo dicendum, quod non est peccatum quemlibet facere quod sibi rectum videtur, quia nulla actio vocatur peccatum, nisi in quantum est præuaricatio alicuius legis ad quam tenemur. Cum autem non est lex, nec peccatum est. Istum modum loquendi ponit Apostolus ad Rom. septimo. Secundò modo agere, quod sibi rectum videtur, peccatum est: eo quod contra legem est. De primo patet exemplum tempore Moyfi: nam licet lex data esset in deserto, non obligabat Israelitas, dum manerent in deserto, sed postquam introirent in terram Chanaan: sic patet Deuteronomij decimo secundo, cum dixit Moyfes, quod in deserto quilibet faciebat quod sibi rectum videbatur: & hoc, quia nondum venerant ad requiem, & possessionem Domini: sed postquam transirent Iordanem, & possiderent pacificè terram nō formidantes aduersarios, qui erant in circuitu, non debebant sic facere, sed obseruare ea, quæ in lege scripta erant, sicut ibi subduntur exempla: non peccabant autem Israelitæ in deserto tempore Moyfi facientes quodcūque vellent: ideo Moyfes non poterat coercere eos. De secundo patet exemplum hic, & sequenti capitulo, de idolo Michæ, & præuaricatione filiorum Dan: & infra decimonono, de abusione facta contra concubinam Leuitæ, quia in quolibet horum dicitur, quod non erat in Israel rex, id est rector aliquis tunc, qui posset coercere delinquentes ad bonum faciendum, & hoc peccatum erat, quia lex induxerat obligationem ad faciendum sic, vel sic.



*Quomodo potuit idolum Michæ fieri post mortem Iosue, dum  
vixeret Caleb. Quæstio XV.*

**Q**VAERETVR vltcrius, quomodo potuit istud de idolo Michæ fieri post mortem Iosue dum vixeret Caleb, quia dicitur Iosue vlt. & supra 2. q. seruierunt Israelitæ Domino omnibus diebus Iosue, & seniorum, qui longo post eum fuerunt tempore, sed Caleb fuit vnus de istis senioribus, & præcipuus, vt declaratum est supra 2. eo q. tempore Iosue Caleb erat valde magnæ auctoritatis, & erant ambo quasi socij, vt colligitur Iosue 14. cap. ergo tempore eius non potuit istud fieri. Aliquis fortè diceret, quod factum est post mortem Iosue, & Caleb, & ante constitutionē Othomielis in iudicem eo tempore, quo Israelitæ declinauerunt ad idola, & dominatus est eis rex Mesopotamiæ, vt patet supra 3. capit. Sed non stat, quia probatum est supra, quod ante mortem Caleb factum est istud, quia Caleb erat viuens quando capta est Ierusalem, & erat dux, vt patet supra 1. & tñ non erat capta Ierusalem qñ fiebant hæc, & ea, quæ habentur infra 19. Sed vocabatur tunc Ierusalem ciuitas alienorū, infra 19. cap. ergo nondum mortuus erat Caleb. Respondendum, quod idolum Michæ factum est viuente Caleb, & cum dñs, quod seruierunt Israelitæ dño tempore Iosue, & seniorum, qui post eum fuerunt; Dicendum, quod istud intelligitur de manifesto, & tñ occulte aliqui habebant idola, & sic habuit Michas idolum istud in domo sua, in qua separauit ei ædiculam, & tenebat ibi sacerdotem. Aliter potest dici, q. illud intelligitur de toto populo. s. q. totus populus non declinabat ad idola simul tempore Iosue, aut Caleb, sicut postea in temporibus illis, quibus non habebant iudices, omnes colebant idola, vel quasi omnes, vt colligitur supra 3. & 4. & 6. & 10. Nunc autem tempore Caleb, licet iste vir Michas declinauerit ad idola nō declinabant alij, ideo isto declinante adhuc dicebatur, quod Israelitæ seruiebant domino, quia vnus non ponebat quasi in numerum cum toto populo ad hoc, quod faceret negari propositionem vniuersalem, quæ aliàs de populo deberet affirmari.

*Quomodo dicitur, quod non erat rex in Israel, sed quilibet faciebat quod sibi rectum videbatur, & cetera.  
Quæstio XVI.*

**Q**VAERETVR vltcrius, quomodo dicitur, quod non erat rex in Israel, sed quilibet faciebat quod sibi rectum videbatur, cum esset nūc Caleb, qui poterat coercere ab idolatria. Etiam semper erant iudices illi septuaginta, qui vocabantur domus consilij, qui manserunt semper post mortem, vt declaratum est Num. 11. cap. Deut. 17. cap. & isti poterant punire de quolibet crimine. Respondendum, quod fuit factum istud peccatum, & alia, quæ infra habentur. s. de filiis Dan, & de concubina Leuitæ, quia nō erat aliquis potens punire delinquentes, sicut tangitur in his tribus cap. & si fuisset aliquis potens punire, non fuissent ita faciliter incitati ad peccandum Israelitæ, sicut nūc incitati fuerunt. De Caleb patet, quia ipse erat vir reuerendus valde in populo, qui multa posset verbo suo persuadere populo ad hoc, quod faceret ea, vel vitaret: & tamen non habebat potestatem ordinariam aliquā super populum, quia nec Deus ipsum dedit in principem, sicut dedit Iosue, vt patet Num. 27. Nec etiam populus communi consensu illum elegit, sicut erat in alijs iudicibus, vt communiter: ideo si quis vellet inne recundē peccare, non poterat eum coercere Caleb, & quia totus populus erubescere reuerendam personā Caleb cum ipse hortaretur eos ad tenendam legem,

**A** verecundabantur contrarium agere. Michas tamen, & mater sua non erubuerunt reuerentiam Caleb: ideo fecerunt istud idolū, & Caleb non potuit punire illos. Cum autem obijcitur de septuaginta iudicibus, q. erant domus consilij, dicendum, quod isti tunc erant, & tamen non poterant corrigere ista vitia, & propter eos non formidabant peccantes: nam licet isti de iure haberent potestatem ad puniendum de quolibet vitio, tamen de facto non erat potestas eorum magna, eo q. ipsi non erant homines potentes temporaliter, ita q. nolentes obedire iuri possent temporaliter coercere: reges autem erant homines potentes, quod siue iuste, siue iniuste poterant punire quos vellent. Iudices ēt potentes valde erant in populo, quia totus populus subceperat eos in principes, sicut factum est de Iephte supra 11. & poterant temporaliter super quemlibet de populo: vnde quando volebant, conuocabant totum populum, & omnes conueniebant. Hos autem timebant peccantes, & quia tunc nulli istorum erant, fiebat omnes abusiones, quæ habentur in his tribus cap. hoc autem patet infra 19. de excessu contra concubinam Leuitæ: nam dicitur tunc, quod non erat rex in Israel, & habetur ibi, quod Leuita petens emendationem, vel vindictam criminis, misit frustra duodecim carnium vxoris suæ p. omnes duodecim tribus Israel, vt omnes vellent vindicare istud: si tamē habuissent tunc Israelitæ iudicem, nō misisset Leuita partes per omnes tribus, sed ad iudicem, quia ipse congregaret populum, & faceret vindictam. Item, quia dicitur infra 19. In cōmuni decernite quid facto opus sit: istud dicebant Israelitæ inter se. s. q. ipsi sententiarent: si tamē fuisset tunc iudex ad ipsum pertineret determinatio de omnibus his, & ipse iuberet populo: non existente autem iudice non curatum est de septuaginta iudicibus domus consilij tanquam ipsi nullam potestatem haberent, sed totum factum ad populum remissum est, & populus sententiavit, & non iudices: non ergo timebant Israelitæ peccare propter septuaginta iudices domus consilij, dum nō esset rex, vel iudex, qui esset princeps populi, & sic factum est in his tribus delictis, de quibus in his tribus cap. *Fuit quoque alter.* Hic ponitur secunda abusio, quia non cōtentus Michas, q. haberet sacerdotē de filiis suis voluit habere sacerdotem de filiis Leui. Et dicit. *Fuit quoque alter adolescens de Bethlehem Iudæ.* Iste factus fuit sacerdos in domo Michæ, vt patet infra, & dicitur, q. fuit alter adolescens ad differētiā primi adolescentis: nam Michas fecit vnum de filiis suis sacerdotem: nunc autem alterum adolescentem de Bethlehem fecit sacerdotem. Et dicitur de Bethlehem Iudæ ad differētiā, quia Bethlehem alia est in sorte Zabulō, vt patet Iosue 19. ideo, vt cōmuniter ponitur Bethlehem cum determinatione, vt patet Matth. 2. & Mich. 5. In Hebræo habetur. *Fuit puer de Bethlehem.* Sed litera nostra addidit alter, vt non putaretur idem esse, de quo ante dicebatur. *Et iste ex cognatione eius.* Aliqui intelligūt ex cognatione eius, id est Michæ, & q. hoc Michas eum iuste petit gratis in sacerdotem: sic exponit Historia Scholastica. Sed ista expositio nō stat, quia fundatur super equiuocationē literę nostrę: nam potest referri dictio (eius) ad Micham, vel ad Bethlehem, & retulit Historia Scholastica ad Micham, & tamen in Hebræo dicitur aliter; scilicet de cognatione Iudæ: ideo non potest referri ad Micham, sed ad Bethlehem, vt dicatur, q. erat Leuita iste de cognatione Bethlehem, & istud idem est, q. de cognatione Iudæ, quia Bethlehem erat in tribu Iudæ, & in cognatione Bethlehem erat cognatio Iudæ. Vel possumus referre ad Iudam cū dicatur, q. erat de cognatione eius. i. Iudæ, quia dictum fuerat supra, q. iste iuuenis erat de Bethlehem Iudæ de cognatione eius. i. Iudæ.

*Quomodo*



# Iudicum

# Cap. XVII.

*Quomodo poterat esse, quod iste iuuenis esset de cognatione Iuda, & quod esset Leuita. Quæst. XVII.*

Rabbi Salomon, & Tyranus reselluntur.

Rabbi David impugnat.

**Q**VAERETVR, quomodo poterat esse, quod iste iuuenis esset de cognatione Iudæ, & qd esset Leuita, sicut infra dicitur, qd tribus Iuda, & Leui erant duæ tribus distinctæ, & incōmixtæ, Respondet Rabbi Salomon, & Nicolaus, quod iste iuuenis erat Leuita ex parte patris: ideo propriè erat de stirpe Leuitarum, quia non dicitur aliquis pertinere ad stirpem matris, sed patris: erat tamen ex parte matris de tribu Iuda, quia Leuitæ accipiebant aliquando vxores de aliis tribubus: & sic erat ista iuuenis Leuita, & de tribu, vel cognatione Iuda. Sed dicit Rabbi David Kimhi, quod iste modus ponendi non conuenit scripturæ, quia scriptura semper vocat cognationem alicuius cognationem patris, & non matris suæ. Et hoc verum est, in tantum, quod Christus, qui nullo modo pertinebat ad Ioseph, cum non esset de semine eius, non fuit computatus per stirpem, & lineam matris, ad quam totaliter pertinebat, sed per lineam Ioseph, ad quem nequaquam pertinebat: & hoc vt describendo genealogiam Saluatoris seruaretur modus describendi genealogias in lege. Dicit ergo Rabbi David Kimhi, qd vocatus est ille Leuita de tribu Iuda, non quod esset de illa tribu, sed quia fecit talia qualia Manasses, qui erat de tribu Iuda: nam Manasses filius Ezechiae fuit valde idolatra, vt patet 4. Regum 21. cap. & sic fuit iste Leuita, qui cum esset minister Dei, factus est minister idoli. Sed istud est valde alienum, qd aliquis vocetur de progenie alterius ex hoc, quod habet aliquam similitudinem ad illum, quia istud poterat consentiri, cum scriptura loquitur reprehensorie, & mortaliter, sicut in Prophetis: sicut patet Ezech. 16. vbi dominus ad Ierusalem ait: radix tua, & generatio tua de terra Chanaanæ, pater tuus Amorrhæus, & mater tua Cethæa, & tamen manifestum est, qd habitatores Ierusalem non erant de stirpe Amorrhæorum, vel Cethæorum: sed de stirpe Iacob: sed dicitur illud per imitationem: historia tamen non tenet istum modum loquendi, sed simplicem veritatem enarrat: & ob hoc quamquam sæpe in Prophetis ponantur metaphora, & parabola, tamen in historia nunquam ponuntur, nisi quando introducit aliquis loquens, quia ponerentur tunc verba illi, sicut ille dixit, siue metaphorica sint, siue parabolica, sic patet supra 9. vbi ponitur parabola de arboribus vngentibus regem. Et hoc, quia Ioathan filius Gedeonis proposuerat illam parabolam Sichimitis. Sed hic est historia, nec introducit verba alicuius: sed ipse scriptor historię loquitur à se, ideo oportet, quod intelligatur ad literam id, quod dicitur, & non secundum aliquam metaphoram. Item dato, quod vellemus ampliare historicā locutionem ad metaphoras, tamē nō erat conueniens modus loquendi, quod vocaretur de stirpe Iudæ propter Manasse, quia Manasses nondum natus fuerat quando liber iste scriptus est per Samuellem, nec fuit vsque ad magnum tempus postea. scilicet circa finem regum Iuda: ideo nō scriberet Samuel de illo, sed magis ad imitationem alicuius, qui præteriuisset. Item Samuel adhuc nesciebat, an Manasse futurus esset, & an idolatra esset, ideo non poterat dicere Leuitam istum esse de tribu Iuda propter idolatriam Manasse, cui similabatur. Item dato, quod Iseus proteruire, dicens, quod Samuel, qd erat Propheta spiritu prophetico cognouit futurum Manasse idolatram magnum, adhuc non stat, quia ipse scribebat librum istū, vt legeretur, & illi, qui legerent nescirent de Manasse, quod futurus esset idolatra, & ob hoc vocari deberet Leuita iste de tribu Iudæ, & sic cum legerent hoc putarent Samuelem falsa scripsisse: ea tamen, quæ scri-

pta sunt nō fuerūt scripta propter scriptores, sed ad vtilitatem legentium, iuxta illud: Quęcunque scripta sunt, ad nostram vtilitatem, vel cōsolationem scripta sunt. Ideo Samuel nihil tale scriberet. Si propter imitationem idolatriæ deberet vocari Leuita iste de tribu Iuda, vocaretur de tribu illa, quæ magis peccauisset in idolatria, sed nulla tribus fuerat, quæ hætenus magis peccasset in idolatria, quàm tribus Simeon, vt declaratum est Num. 25. cap. ergo debuisset vocari de tribu Simeon. Dicendum ergo, quod iste Leuita vocatus est de cognatione Iudæ, quia erat de cognatione Leuitarum, qui erant in sorte Iudæ: nam Leuitæ, & sacerdotes erant dispersi per tribus alias, habitantes in ciuitatibus aliarum tribuum, & sic habitabant multi Leuitæ in Bethlehem, & quia Leuita iste erat de cognatione Leuitarum sortis Iudæ, dicebatur de cognatione Iudæ per modum decurtatum loquendi, qui sæpe est apud Hebræos. Vel potest dici, qd iste erat de cognatione Iudæ, quia mater sua erat de tribu Iudæ. Hoc enim satis verisimile est, quia cum iste Leuita esset de Bethlehem, & Bethlehem erat ciuitas filiorum Iudæ, qd ibi pater eius acceperit vxorem de filiabus Iudæ, & genitus fuerit iste Leuita, & quamquam non sit modus loquendi scripturæ per matrem istud est verum, vt communiter: interdum tamen habet quosdā modos loquendi speciales. Aliter etiam dici potest, & melius. scilicet qd verum est, quod scriptura nūquam nominat aliquem per cognationem matris, sed patris quando nominat vnā cognationem solam: & tamen qñ vult nominare duas, nominabit eum per cognationem matris, & patris: ita est hic, quia iste Leuita nominatur per duas cognationes: nam in quantum vocatur Leuita principaliter intelligitur, qd progenies sua principalis. scilicet paterna erat de Leuitis. Cum autem postea nominatur de cognatione Iudæ, intelligitur secundaria progenies. scilicet materna. Si autem poneretur vnica progenies, vtpotē, quod diceretur: Fuit vir vnus de Bethlehem de stirpe, vel cognatione Iudæ, necessariō intelligetur de stirpe patris. Eratq; ipse Leuites. Scilicet de tribu Leui, quia suus pater erat de stirpe Leuitarum. Habitabatq; ibi. Idest habitabat in Bethlehem, scilicet pater suus ibi habitauerat, & ipse ibi habitabat: sed nūc peregrinabatur ad inquirendum vtilitatem suam.

*Quomodo poterat iste Leuita habitare in sorte Iuda in vrbe Bethlehem. Quæst. XVIIII.*

**Q**VAERETVR, quomodo poterat iste Leuita habitare in sorte Iudæ in vrbe Bethlehem. Et videtur, quod non posset, pro quo præsupponendū quod Leuitæ non acceperunt sortem aliquam per se in terra, sicut & aliæ tribus, sed tota terra diuisa est duodecim tribubus exclusis Leuitis: postea de qualibet tribu datae sunt vrbes sacerdotibus, & Leuitis, vt patet Num. 35. & Iosue 21. cap. & tamen computando vrbes, quę datae sunt de tribu Iudæ, non ponitur ibi Bethlehem: ideo non poterat ibi habitare Leuita. Patet hoc Iosue 21. & 1. Paralip. 6. vbi ponuntur ciuitates Sacerdotum, quàm Leuitarum. Item patet, quia in sorte Iudæ datae sunt ciuitates solis sacerdotibus. Leuitis autem datae sunt vrbes in alijs sortibus tribuum, vt patet Iosue 21. & 1. Paralip. 6. cap. Ista autem iuuenis erat Leuita, & non Sacerdos, ideo non poterat habitare in Bethlehem, aut in aliqua ciuitate sortis Iudæ. Respondendum, qd iste iuuenis erat Leuita, & non sacerdos, ita quod vocaretur Leuita nō solum à genere, sed etiam ab officio, & habitabat in Bethlehem, quia ita potuisset habitare in quacunq; vrbe Israel, vbi bene sibi reperiret esse, sicut patet ipso, quia dicitur, qd habitabat in Bethlehem, & tñ tunc habitabat peregrinus apud



apud Micham, & ibat ad quemcunque locum reperiret sibi bonum esse, ita licet Bethlehem non esset sibi determinatus locus ad habitandum, poterat ibi habitare. Ad primum in contrarium dicendum, quod Bethlehem non erat de ciuitatibus, quæ determinatæ erant Leuitis, aut sacerdotibus in tribu Iudæ, nec habitabat ibi iste Leuita tanquam esset ciuitas Leuitarum, sed morabatur ibi peregrinando, quia bonum sibi esse videbat in vrbe hac, & ita poterat habitare in quacunque alia vrbe totius Israel, ubi bonum sibi reperiret esse. Ad secundum dicendum, quod in tribu Iuda solum fuerant assignatæ vrbes pro Sacerdotibus, & non pro Leuitis, ideo non poterant habitare Leuitæ in sorte Iudæ tanquam in urbibus suis: poterant tamen habitare ibi, ut in aliquo loco peregrini, & sic habitabant multi Leuitæ ibi, & in alijs locis, quæ non fuerunt assignatæ Leuitis, aut Sacerdotibus: sic faciebat nunc iste Leuita, quando venit ad domum Michæ. Sic etiam quando postea venit in Lais: nam neuter locus istorum fuerat assignatus sacerdotibus, aut Leuitis. Aliter poterat dici, quod iste erat sacerdos quamquam vocetur Leuita, eo quod omnis sacerdos erat Leuita, sed non è contrario, quia Leuita interdum signat genus, & interdum officium. Primo modo omnes de stirpe Leui vocantur Leuitæ, & sic cum Aaronitæ, qui erant de stirpe Leui, essent sacerdotes, oporteret quod sacerdotes essent Leuitæ. Secundo modo accipiebantur Leuitæ pro ministro quo tam quod erat minus sacerdotio: & isto modo erant Sacerdotes, & Leuitæ distincti. Cum autem dicitur de isto, quod erat Leuita, potest intelligi, quod Leuita dicat genus, & non officium, & poterit esse sic sacerdos. Sed quia tenetur communiter, quod iste esset Leuita simplex, tenenda est solutio prior. Etiam dato, quod ponamus eum sacerdotem, non soluitur inconueniens plusquam ponendo eum Leuitam, eo quod in Bethlehem non competeat alicui, siue Sacerdoti, siue Leuitæ habitare tanquam in propria vrbe, sed peregrinando, & si teneamus pro peregrinatione non solum competet sacerdotibus, sed etiā Leuitis habitare in quocunque loco peregrinando. *Egressusque de ciuitate Bethlehem.* Forte non reperiebat ibi sufficientem victum, & volebat alibi inquirere. *Peregrinari voluit* ubique sibi commodum reperisset. Idest voluit manere in quacunque vrbe, vel loco, in quo reperiret sibi vtilius esse, quam in Bethlehem.

*An liceret isti Leuitæ peregrinari extra ciuitatem suam.*  
*Questio XIX.*

**Q**VAERETVR, an liceret isti Leuitæ peregrinari extra ciuitatem suam Bethlehem. Aliquis dicit, quod non, quia Leuitis erant assignatæ vrbes, in quibus morari deberent: Iosue 21. & 1. Paralip. 6. Si tamen liceret eis peregrinari ubique vellent, frustra assignarentur eis loca ad habitandum: ergo videtur, quod obligabantur manere in illis locis. Respondendum est, quod sacerdotibus, & Leuitis licebat peregrinari per quamcunque partem Israelis vellent: & hoc apparet in isto Leuita, qui peregrinabatur, ubi sibi vtile esse prospiceret, & tamē scriptura non vituperat eum de hoc. Aliquis dicit, quod non stat exemplum de Leuita, quia iste peccauit valde cum factus est Sacerdos Idoli, ideo sicut in illo peccauit, ita concedatur, quod peccauit manendo in peregrinatione apud Micham. Sed dicendum, quod non stat, quia quamquam Leuita iste peccauerit postea cum factus est Sacerdos Michæ, tamē quando ipse exiuit de Bethlehem non ibat cum proposito faciendi istud, sed accidit sibi hoc facere, ut patet in litera. Nam ipse faciebat iter, & intendebat transire ulterius, & veniens in domum Michæ solici-

**A**tatus est ab eo, ut maneret ibi, & tamen à principio peregrinabatur, ergo antequam malum faceret peregrinabatur, & consequenter peregrinari non erat ei peccatum. Item patet efficacius, quia Deuter. 18. dicitur: Quod quicumque Leuita vellent de vrbe patrum suorum venire ad urbem, in qua erat sanctuarium domini, poterat ibi semper manere, & debebat suscipere portionem, quam suscipiebant residentes, & ministrantes: quibus competeat sorte illo tempore ministrare, & tamen istud erat peregrinari: ergo licitum erat sacerdoti, & Leuitæ peregrinari. Item Deutero. 12. & 16. & in multis locis dicitur, quod quando Israelitæ facerent conuiuia magna de sacrificijs, vel daret partes decimarum, quæ competeabant pauperibus, deberent vocare Leuitas, qui erant intra portas suas, idest intra portas urbium suarum: si tamen non esset licitum peregrinari Leuitis, non possent habitare intra portas urbium Israelitarum, quia Israelitæ habitarent in urbibus suis, & Sacerdotes, & Leuitæ in urbibus sibi assignatis, & ibi nulli Israelitæ de alijs tribubus habitarent: ergo ad hoc, quod habitarent Leuitæ intra portas urbium Israelitarum, oportet, quod possent peregrinari manendo in urbibus, in quibus habitabant alij Israelitæ, quæ non erant assignatæ Leuitis. Item patet, quia Num. 15. dicitur, quod quando Israelitæ coquerent panes, vel facerent pulmenta, daret Leuitis primitias panum coctorum, & ciborum: si tamen manerent Leuitæ in alijs urbibus, non possent Israelitæ hoc complere, cum quolibet vice sua, qua coquerent panes, tenerentur dare primitias illorum: ideo oportet, quod in ciuitate qualibet essent Leuitæ aliqui, quibus darentur istæ primitiæ, & tamen isti necessarii habitarent peregrinando, quia ciuitates assignatæ Leuitis, & Sacerdotibus non erant illæ, in quibus habitabant Israelitæ de alijs tribubus. Item patet Deut. 14. ubi dicitur de decima tertij anni, quàm quilibet Israelita debebat facere, & tunc pupilli, & Leuitæ, & viduæ, & coeteri peregrini, qui intra portas urbium istorum essent, debebant venire ad comedendum de his, ergo in qualibet vrbe Israelis licebat habitare Leuitis. Ad rationem in contrarium dicendum, quod assignatio urbium facta Sacerdotibus, & Leuitis fuit facta in fauorem ipsorum, ideo non debebat retorqui in eorum præiudicium, quia istud est contra regulam iuris, quia id, quod ob alicuius fauorem introductum est, in eius fauorem debeat redundare: & tamen erat magnū præiudicium Sacerdotum, & Leuitarum, si interdum non potentes sustentari in locis suis, non possent declinare ad alia loca, in quibus sustentarentur: fauor autem, ad quem introducta sunt loca Leuitarum: erat quia si non darentur eis loca aliqua, nec in sortem, nec aliàs: alij Israelitæ fortè non susciperent eos in suis urbibus ad hoc, quia alerent ibi pecora sua, vel communicarent bonis, quæ pertinebant ad ciuitates suas, cum ipsi nullam partem haberent inter reliquos Israelitas: ergo non interdictum est eis, cum opus esset peregrinari, quia etiam non interdicebatur coeteris Israelitis quamquam haberent vrbes assignatas sibi secundum cognationes suas. Patet hoc de Elimelech viro Noemi, qui tempore famis peregrinatus est recedens de vrbe Bethlehem. Ruth 1. cap. Item patet Deut. 14. ubi præter Leuitas ponuntur adhuc peregrini, quibus communicandæ erant partes decimarum, quod necesse est intelligi tam de peregrinis, idest conuersis ad Iudaismum, quàm de peregrinis, idest discurrentibus per loca aliena ad sustentationem vitæ. Item patet hoc Deuter. 23. ubi dicitur, quod seruus confugiens ad aliquem poterat habitare in quocunque loco vellent, & intelligitur de seruis tam Hebræis, quàm conuersis, & potius de Hebræis: ergo licebat eis peregrinari. Item patet hoc Leuitici vigesimo quinto, scilicet: Si attenuatus fuerit



fuerit frater tuus, & susceperis eum quasi peregrinum: ergo licebat quasi peregrinum esse.

*Quare Leuita peregrinabantur per diversa loca Israel potius, quam viri de alijs tribubus.*  
Quaestio XX.

**Q**VAERETVR vterius, quare Leuitę peregrinabantur. Respondendum, quod Leuitę erant pauperes valde, & non habentes unde sustentarentur inquirebant. Pro quo considerata sunt duo. Primum est, quod Sacerdotibus, & Leuitis datę erant ciuitates ad habitandum, in quibus non habitabant aliqui Israelitę de laicis. scilicet quia de qualibet tribu dabatur eis certę vrbes, & in illis habitabant ipsi soli Leuitę habentes solas ciuitates, & suburbana ad alenda pecora, & non habebant agros, atque vineas. Secundum est, quod Leuitę, & Sacerdotes habebant determinatum victum. scilicet sacerdotes habebant omnia sacrificia, & primitias, & oblationes, & redemptiones primogenitorum tam in hominibus, quam in pecoribus, & quaedam alia iura, de quibus habetur plenę Num. 18. ca. Leuitę autem, qui non erant in gradu sacerdotali habebant solum decimas Israelitarum in victum, & diuidebant eas inter se, & de his decimam partem dabant summo sacerdoti: Num. 18. ca. summus sacerdos habebat decimam decimę Leuitarum, & insuper partem cum sacerdotibus minoribus de iuribus eorum. His visis sciendum, quod iura Leuitarum erant minora pro Leuitis, quam iura sacerdotum pro sacerdotibus, & quia Leuitę erant valde multi, & continuo multiplicabantur, efficiebantur valde pauperes, & ad releuandũ istā paupertatem non habebant agros, & vineas in quibus se exercerent, & de agricultura acquirerent aliquid ad vitam, sed cum datę sunt ciuitates sacerdotibus, & Leuitis, data sunt solum corpora urbium, & suburbana certorum passuum in circuitu, in quibus pascerent Leuitę greges suos, & tamen non dabantur eis ciuitates cum territorijs suis, vt possent ibi vineas plantare, & agros colere, sicut dabantur alijs Israelitis vrbes, vt patet Num. 35. & Iosue 13. & 21. & ob hoc cum Leuitę multiplicabantur, non poterant intra vrbes suas sustentari de redditibus suis, & ob hoc cogebantur peregrinari per vrbes aliorum Israelitarum, & ibi exercentes aliqua officia sustentabantur. scilicet erudientes pueros in literis, vel facientes alia ministeria similia, & ibi poterant aliquantulum sustentari: suscipiebant etiam ibi primitias de cibis Israelitarum, quando coquebant panes in cli-bano, Num. 15. etiam suscipiebant per modum elemosynę de decima tertij anni, quam cogebatur quilibet de Israelitis facere quolibet tertio anno, & Leuitę manentes in vrbe qualibet participabant de decima illa. Etiam quando Israelitę illarum urbium ibant ad sacrificandum domino in locum sanctuarij ducebant secum Leuitas istos, & inuitabant eos, Deut. 12. & 16. etiam impendebant eis Israelitę alia genera elemosynarum. Istam paupertatem magnam Israelitarum predixit Deus, & admonuit valde Israelitas, vt beneficerent eis, quia nullam partem possessionis habebant: Deuter. 12. & 14. & 16. & sic recedebant Leuitę de urbibus sibi assignatis a principio, & ibant ad alias vbi melius sustentarentur, & si ibi non reperiebant bene sibi esse, ibant ad alias vrbes, & sic discurrebant quocunque volebant: sic patet de isto Leuita, qui habitabat in vrbe Bethlehem, quę non erat ciuitas sibi assignata a principio, cum Bethlehem non esset de ciuitatibus assignatis sacerdotibus, & Leuitis: Iosue 21. & 1. Paral. 6. cap. Sed patres sui a multis temporibus habitabant peregrini in Bethlehem. Nunc autem ipse videns non sibi sufficere victum ibi, discurrebat ad alias vrbes vbi cunq; sibi co-

Quomodo dabantur Sacerdotibus, & Leuitis vrbes apud Israelitas.

**F** modum esse reperisset. Cumque veniret in montem Ephraim. Id est in vnam de ciuitatibus montis Ephraim, in qua morabatur Michas. Iter faciens. Scilicet ipse non veniebat cum intentione manendi in domo Michę, quia nesciebat, an posset ibi aliquid bonum acquirere sibi: sed ibat iter faciens, & cum intentione transeundi vterius. Et declinauit parumper in domum Michę. Id est declinauit ad manendum aliquot diebus ad recreandum volens vterius transire. Interrogatus est ab eo unde venis. Cum hospitaretur in domo sua, voluit scire ab eo, quis esset, & quid inquireret. Qui respondit: Leuita sum de Bethlehem Iuda. Istud non quaesierat Michas, sed Leuita volens expressius respondere ad quaestionem: proposuit id, per quod melius intelligeretur. scilicet erat Leuita de Bethlehem. i. natus in Bethlehem, & quod ibi haec tenus moratus fuerat. Et vado, vt habitem vbi potuero. Id est inquirō habitationē, in qua possim conuenienter manere. Et vtile mihi esse prospexero. Id est manebō vbi inuenero, quod est mihi vtilitas manere. In Hebreo est ista litera breuior, & dicitur solum vado vt habitem vbi inuenero. Id est vbi inuenero inesse vtile: eadem sententia est, sed litera nostra est expressior. Dixitq; Michas mane apud me. Id est in domo mea. Et esto mihi parens. Id est sis pater meus. Istud dixit Michas ad alliciendum iuuenem, vt maneret, id est dicens, quod haberet eum in patrem honorando eum, vt patrem. Ac Sacerdos. Id est sis mihi sacerdos in idolo, quod constitui. Daboq; tibi per annos singulos decem argenteos. Aliqui putant esse siclos, & tamen videtur, quod sit moneta ista maioris valoris, quia vnus aries valebat duos siclos, aut plus Leuit. 5. verisimile est ergo, quod daret ei Michas pro anno plusquam valorem quinq; arietum super alia, quę exprimuntur hic. In Hebreo dicitur. Dabo tibi pro quolibet diebus decem argenteos. Est autem modus valde improprius loquendi, & accipitur dies pro anno. Sciendum tamen, quod dies absolute apud Hebręos non accipitur pro anno, sed dies pluraliter, & quando ponitur sine determinatione aliqua numeri, vtpote, quod non dicatur pro tot diebus, nec ponatur aliud adiectiuum, significat annum, & sic accipitur hic pro anno tanquam iam in quod est pluri numeri signaret singulariter annum. Ac vestem duplicem. Scilicet duas vestes simul. scilicet tunicam, & diploidem. Alio modo accipitur duplex vestis quando datur quidquid necessarium est ad vestitum in principio anni, & deinde in medio anni datur iterum plenus vestitus. Primo modo accipitur hic. scilicet vestis duplex. vna inuestitura quolibet anno, & tamen illa inuestitura continet duas vestes simul. Sic accipitur Prouer. 31. scilicet: Non timebit domui sue a frigoribus hiemis, omnes enim domestici eius vestiti sunt duplicibus. Et tamen ibi non potest accipi vestis duplex. scilicet vna in vna parte anni, & alia in alia parte, quia istud nihil ageret ad propositum, cum ibi lignetur, quod domestici mulieris fortis non timeant frigis, quia habent multas vestes. Istud autem est, quia habent illas simul, alioquin nihil potius esset vestitus simplicibus, quam duplicibus: & hoc patet ex litera Hebraica, in qua dicitur. Et precium pannorum. Id est dabo tibi quolibet anno precium pannorum. scilicet vnam inuestituram, vel tantum quantum valent vestes pro quolibet anno necessarie, & tamen litera Chaldaica posuit vestem duplicem: ideo sic posuit litera nostra. Et quę ad victum necessaria sunt. Id est etiam dabo tibi totam sustentationē in cibo. Acquisiuit, & mansit apud hominem. Id est vidēs iuuenis esse modum conuenientem sibi ad viuendum consentit habitare cum Michas, & mansit cum illo. In Hebreo habetur. Ambulauit & mansit apud hominem. Et ponitur ambulauit pro assensit, id est, quod ambulauit Leuita ad voluntatem Michę. Finitq; illi quasi vnus de filiis. Id est dilexit



dilexit illum sicut filios suos, & ita gerebat, & curabat de illo sicut de filiis suis, quia valde concupiuerat habere sacerdotem de stirpe Leui, & putabat propter eum multa bona sibi euentura, vt patet infra. In Hebræo dicitur. *Fuitque puer quasi vnus de filiis.* Id est fuit Leuita, qui erat puer, vel adolefcens quasi vnus de filiis Michæ. *Impleuitque Michas manum eius.* Id est fecit circa eum cæremonias quasdam ad hoc, quod esset sacerdos: & istud erat implere manus, id est consecrare illas: quod fiebat dando ei aliqua animalia, quæ immolaret, & faceret in illis cæremonias sacerdotales sacrificando, vt supra dictum est. *Et habuit apud se puerum sacerdotem.* Id est tenuit Leuita illum adolefcentem apud se in sacerdotem, vt faceret cæremonias coram idolo suo. *Nunc scio dicens, quod bene mihi faciet Deus habenti Leuitici generis sacerdotem.* Id est, nunc scio certissime, quod Deus me prosperabit in omnibus, quia habeo sacerdotem apud me de Leuitis: & intelligitur quod habebat sacerdotem Leuitici generis: non quod ille esset sacerdos inter Leuitas, quia simplex Leuita erat, sed quia iste fecerat eum sacerdotem, & erat de stirpe Leui.

*Quare iste putauit quod beneficeret ei Deus nunc, cum haberet sacerdotem de genere Leui. Quest. XXI.*

**Q**VAERETVR, quare iste putauit, quod beneficeret ei Deus nunc cum haberet sacerdotem de genere Leui. Respondendum, quod erat posita lex, quod soli de tribu Leui ministrarent Deo: Leuitæ in minori ministerio, & Aaronitæ, qui erant sacerdotes in maiori ministerio, & quicumque alius ministrare contenderet moreretur, & quod Deus irasceretur contra eum: Num. 1. & 3. & 18. Nunc autem iste Michas fecerat vnum de filiis suis sacerdotem, vt patet supra, & quia ipse erat de tribu Ephraim putauit, quod Deus irasceretur ei, & infortunaret actus suos: postea suscepit Leuitam in sacerdotem, & amouit filium suum a sacerdotio: & credidit quod cum nunc haberet sacerdotem secundum legem, quod Deus beneficeret ei. Sed dicitur quid proderat Michæ, quod haberet sacerdotem de filiis Leui potius quam quod non? quia illud intelligebatur in sacerdotio, per quod Deo vero ministrabatur, quia illud debebat esse in solis filiis Aaron, ad sacrificandū tamen idolis nihil potius erat, quod esset sacerdos de Aaronitis, quam de quibuscunque: quia vtroque modo peccabatur. Item, quomodo poterat Michas intelligere, quod Deus beneficeret ei, cum ipse Deum offenderet faciendo sacrificia idolo per istum sacerdotem Leuitam. Respondendū quod Michas secundum opinionem gentium forte putauit, quod istud idolum haberet virtutem ad benefaciendum ei, vel nocendum: & quia Deus Israel elegerat sibi tribum Leui, vt illa ministraret coram eo, putauit Michas, quod isti homines essent excellentiores cæteris ad ministrandū: & quod sic acceptarent alij diis potius Leuitas in sacerdotes, quam viros aliarum tribuum: & ob hoc dixit quod sciebat nunc, quod Deus, scilicet Deus ille, cui fecerat idolum, beneficeret ei, quia habebat sacerdotem de Leuitis, scilicet quia iste Deus nunc magis placaretur, cum Leuita ei ministraret, quam cum aliquis alius ministraret. Aliter potest dici, quod Michas colebat Deum Israel, sed in hoc errabat, quia faciebat idolum sibi ad significandum Deum Israel, & coram illo faciebat sacrificia, tanquam faceret coram Deo vero: & quia Deus iusserat in lege, quod sacerdotes de genere Leuitarum ministrarent ei, putauit quod prius offenderet eum, cum filius suus ministrabat in sacerdotio, & nunc cum haberet sacerdotem de Leuitis, credidit quod obseruabat regulam legis: & ob hoc, quod

Alph. Toft. super lib. Iudicum

**A** Deus verus placeretur ei, & beneficeret sibi: & iste modus accipiendi est satis conueniens. Sed huic videtur repugnare quod habetur sequenti capitulo, cum dixit Michas: Deos meos quos mihi feci, tulistis, & sacerdotem. Si tamen haberet illud solum, vt simulachrum Dei Israelis, non diceret; Deos meos tulistis: sed simulachrum Dei mei, ideo videbitur potius dicendum, quod putaret simulachrum illud esse Deum suum, & posse sibi benefacere, & nocere, & ab illo expectabat bonum: hoc patet sequenti capitulo, cum dicitur: Deos meos, quos mihi feci tulistis, & sacerdotem, & omnia, quæ habeo. scilicet quod omnia bona tollent tollendo sacerdotem, & idolum: si tamen putaret idolum non esse Deum, sed simulachrum, non tantum doleret. In Hebræo habetur. *Nunc sciui, quia benefecit mihi Dominus.* Sed est mutatio temporis, quia benefacere de futuro erat, & non de præterito, quia tunc accipiebat nouiter sacerdotem, & nondum benefecerat ei Deus, postquam acceperat sacerdotem, quia ista dicebat quando accipiebat sacerdotem.

## CAPITVLVM XVIII.



**I**N diebus illis non erat rex in Israel, & tribus Dan quærebat possessionem sibi, vt habitaret in ea: vsque ad illum enim diem inter cæteras tribus sortem non acceperat. Miserunt ergo filij Dan stirpis & familiæ suæ quinque viros fortissimos de Saraa, & Esthaol, vt explorarent terram, & diligenter inspicerent. Dixeruntque eis: Ite & considerate terram. Qui cum pergentes venissent in montem Ephraim, & intrassent domum Michæ, requieuerunt ibi: & agnoscentes vocem adolefcentis Leuitæ, vtentesque illius diuersorio, dixerunt ad eum: Quis te huc adduxit? Quid hic agis? Quam ob causam huc venire voluisti? Qui respondit eis. Hæc, & hæc præstitit mihi Michas, & me mercede conduxit, vt sim ei sacerdos. Rogauerunt autem eum, vt consuleret Dominum, & scire possent an prospero itinere pergerent, & res haberet effectum. Qui respondit eis: Ite cum pace. Dominus respicit viam vestram, & iter quo pergitis. Euntes igitur quinque viri venerunt Laïs, videruntque populum habitantem in ea absque villo timore iuxta consuetudinem Sidoniorum, securum & quietum, nullo eis penitus resistente, magnarumque operum, & procul à Sidone, atque à cunctis hominibus separatum. Reuersique ad fratres suos in Saraa, & Esthaol, & quod egissent sciscitantibus responderunt:

Supra 17.  
infra 11.

Z



Nam. 13. derunt: Surgite & eamus ad eos: vidimus enim terram valde opulentam, & vberem. Nolite negligere, nolite cessare: eamus & possideamus eam, nullus erit labor: intrabimus ad securos in regionem latissimam: tradetq; nobis Dñs locum, in quo nullius rei est penuria eorum, quæ gignuntur in terra.

*In diebus illis.* Descripto in præcedentibus de idoli fabricatione, hic agitur de idolatrię spoliatioe. Et diuiditur in quatuor partes. Primo ponitur spoliandi occasio: secundo spoliantium occupatio, ibi. *Profecti* G *igitur.* Tertiò spoliati conquestio, ibi. *Qui cum pergerent.* Quartò idoli ablati abusio, ibi. *Posueruntq; ibi sculptile.*

*An hic sit aliqua ordinis mutatio, & an hoc: factum sit illico post præcedentia. Quæst. I.*

**Q**VAERETVR circa primum, an ea, quæ habentur hic, fuerint facta ordine continuato ad præcedentia, vel sit ordo mutatus. Et an sit factum istud mox post præcedentia, vel interiecto magno tēpore. Ad primum dicendum, quòd aut volumus cōparare istud ad omnia, quæ habentur supra in libro isto, aut solùm ad ea, quæ immediatè posita sunt capitulo præcedenti. Si primo modo, dicendum, quòd non est H ordo continuus, quia sicut declaratum est præcedenti capitulo, omnia, quæ habentur vsque ad finem libri huius, fuerunt facta post mortem Iosue, & ante constitutionem Othonielis in iudicem. Si secundo modo, dicendum, quòd ista habent continuatum ordinem ad ea, quæ sunt præcedenti capitulo, quia illa fuerunt ante hæc, cum ibi dicatur de fabricatione idoli Michæ, & conductione sacerdotis: hic autem agitur de ablatione vtriusque, ideo necesse est fuisse istud post illa. Ad secundum, dicendum, quòd non apparet quantum tempus interciderit inter hæc: sed satis apparet, quòd fuerit paucum tempus inter hæc, quia illummet sacerdotem, quem conduxit Michas abstulerunt ei viri Dan. Etiam, quia in principio capituli huius dicitur: In diebus illis, scilicet in diebus, in quibus fuit factum idolum, fuit factum quod sequitur paucò tempore intercidente. *In diebus illis non erat rex in Israel.* Scilicet in diebus, quibus factum est, quod sequitur hic de captione vrbis Lais, & de ablatione idoli Michæ, de quibus in hoc capitulo, non erat rex in Israel, idest nec erat rex, nec aliquis iudex, aut rector. In Hebræo dicitur. *Et in diebus illis.* In isto significatur maior continuatio temporis, scilicet, quòd quasi simul facta fuerint, quæ habentur præcedenti capitulo, & quæ habentur hic.

*Quare dicitur, quòd non erat rex in diebus illis. Quæstio II.*

**Q**VAERETVR, quare dicitur, quòd non erat rex in diebus illis. Respondendum, quòd aliquis dicet istud fuisse propter illa, quæ sequuntur de captione vrbis Lais, scilicet, quia tribus Dan quærebat possessionem, & ad capiendum iuit urbem Lais, & nulla tribus adiunxit eam, sed soli viri de tribu hac iuerunt illuc. Si tamen esset aliquis rex, vel princeps in Israel, ad illum principalius pertinuisset pugnare contra urbem Lais, quàm ad tribum Dan, & ille iussisset alijs viris Israel ire ad pugnandum contra illam urbem, quia tamen non erat aliquis princeps, qui posset ista facere, pugnavit tribus Dan pro seipsa.

**F** Et hoc videtur significari in litera, cum dicitur. In diebus illis non erat rex in Israel, & tribus Dan quærebat sibi possessionem. Sed dicendum, quòd istud non stat, quia dato, quòd esset rex, vel iudex in Israel, tribus Dan sola debebat pugnare ad acquirendum sibi possessionem, & non debebat adiuuari ab alijs de iure. Pro quo sciendum, quòd viuentē Iosue, cum nondum erat pars terræ Chanaan acquisita, nec esset tota terra per sortes diuisa, pertinebat pugna ad omnes Israelitas: eo quòd id quod acquirebatur tunc de manu hostium, & quod acquirendum erat, non magis erat vnius tribus, quàm alterius, sed pertinebat simulius ad omnes tribus pro indiuiso. Cum autem terra diuisa est per sortes, Iosue decimo octauo: cepit distinctè pertinere quælibet pars ad quamlibet tribu, cui assignata est, & ex eo tempore incubuit onus pugnandi cuilibet tribui contra hostes, qui erant in sorte sua, tanquam ageret iam pro re sua: & vna tribus non tenebatur adiuuare aliam ad pugnandum contra hostes, qui erant in sorte illius, sed ex conuentione adiuuabat vna tribus alteram. Sic patet supra primo, vbi post mortem Iosue tribus Iuda voluit pugnare contra hostes suos, & vocauit tribum Simeon, dicens: Ascende mecum, & pugna contra Chanaanem, vt & ego pergam tecum in sortem tuam: si tamen teneretur vna tribus adiuuare alteram, non fecisset tale pactum tribus Iuda cum tribu Simeon. Ideo sic esset de tribu Dan, quòd siue esset rex tunc, siue quicumque iudex, non teneretur alia tribus adiuuare tribum Dan, sed ipsi soli pugnarent contra Lais. Dicendum ergo, quòd ponitur hic, quòd non erat tunc rex in Israel, idest non erat aliquis, qui posset punire delicta, quæ hic enarrantur, & ob hoc erat audacia ad committendum illa. Sunt autem hic duo delicta. Primum est de violenta ablatione idoli, & aliarum rerum de domo Michæ. Secundum erat, quia idolum illud constitutum est in Lais, vt publicè adoraretur, & erat ibi peius, quàm in domo Michæ, vbi particulariter colebatur: & tamen non fuit, qui tunc ista puniret, aut prohiberet, quia non erat rex, vel iudex in Israel. Et etiam ponitur maximè pro audacia facienda, quia scientes filij Dan, quòd nemo posset eos punire, aggressi sunt hoc.

*Quando erat hoc cum dicitur, quòd non erat tunc rex in Israel. Quæstio III.*

**Q**VAERETVR vltèrius, quando erat istud, cum dicitur, quòd non erat tunc rex in Israel. Respondendū est, quòd istud factum est in eisdem diebus, in quibus id quod habetur præcedenti capitulo. Sed illud factum est inter mortē Iosue, & constitutionē Othonielis in iudicem, ideo ipso tempore factum est hoc: & rationes ad probandum hoc sumptæ fuerunt partim ex hoc capitulo: erat igitur istud viuentē Caleb non multo tempore post mortem Iosue. Sed dicitur, quòd potuit istud fieri tempore Caleb? Respondendū, sicut dictum est præcedenti cap. quòd Caleb erat vir honorabilis, & magnę auctoritatis in populo, & tñ nullam potestatem habebat ordinariā in populo ex cōmissione Dei, aut electione populi, ideo non poterat punire delicta, sed solùm propter auctoritatem suam multi arcebant à sceleribus: & quia isti viri de tribu Dan erant inuerecundi, & irreuerentes, contempta auctoritate Caleb aggressi sunt ista scelera. Sed adhuc diceretur, quomodo stat, quòd tempore Caleb istud factum fuerit, quia Iosue vltimo, & supra 2. dicitur, quòd seruierunt Israelitę domino tempore Iosue, & seniorū, qui longo post eum vixerūt tempore, & tñ de his senioribus fuit præcipuus Caleb, vt declaratum est supra secundo.

Respon-



Respondendum, quod tempore Caleb factum est, ut declaratum fuit præced. cap. tñ, quia reliqui de Israel colebant Deum, quamquam habitatores Lais colerent idola, dicebatur Israel colere Deū. Simile patet: nam tempore oīum iudicum dicitur, quod Israelitæ conuertebantur, & colebant dñm, & tñ tempore oīum iudicū mansit idolum Michæ in vrbe Lais, & colebatur, scilicet quamdiu fuit arca dñi in Silo, & istud fuit tempore Heli summi Sacerdotis, quia tunc capta est arca 1. Reg. cap. 4. Et tamen non obstante, quod isti colerent idolum, dicebatur totus Israel colere Deum. Aliter potest dici, quod isti viri Lais erant valde separati à reliquo Israel, cum dicatur infra in litera, quod viri Lais erant procul à Sidone, & cum nullo homine habebant cōmunicationem, & sic Israelitæ non poterant istos sic prōnē punire propter paruam cōmunicationē cum eis. Etiam cum viderentur quasi separati ab Israel propter eorum idolatriam, non dicebātur Israelitæ idolatrare. Aliter potest dici, & melius, quod fortē istud fuit circa mortem Caleb, cum iam Israelitæ incipiebant paulisper declinare ad idolatriam. Et tribus Dan quærebat possessionem sibi. Id est quærebat loca fortis suæ ad habitandū, quia nondum acquisierat illa. Vt habitaret in ea. Scilicet, quia nondum habebat conuenientem, & sufficientem locum ad habitandum. Vsq̃ue ad illum enim diem inter ceteras tribus sortem non acceperant. Id est vsque ad tempus istud, quo cœperunt urbem Lais, non acceperant possessionem, scilicet sufficientem, licet aliquid tenerent de sorte sua in quo habitabant.

Quomodo stet, quod filij Dan nondum acceperant possessionem inter ceteras tribus, cum alia tribus acceperant viuentē Iosue. Quæst. IIII.

**Q**VAERETVR, quomodo stet, quod filij Dā nondum acceperant possessionē inter ceteras tribus, quia viuente Iosue accepit sortem: nam posite fuerūt sortes in Silo, & cecidit vna de fortibus, scilicet vltima tribui Dan, & describuntur loca fortis suæ Iosue 19. iam tamē erat mortuus Iosue, ergo acceperant possessionem. Respondendum, quod filij Dan acceperunt sortem cum ceteris tribubus tempore Iosue, & tamen possessionem fortis nondum acceperant, quia tenebatur ab hostibus terra, & dicitur inter ceteras tribus, quasi ceteræ tribus acceperant iam possessionē, & tribus Dan non acceperat. Pro quo sciendum, quod ius fortis omnibus tribubus simul datum est, quando politæ fuerunt sortes coram Domino in Silo pro omnibus tribubus, & tamen possessio non fuit omnibus data æqualiter, & nulli quasi integraliter, quia diuisa est tota tetra Chanaan per sortes, & tamen adhuc magna pars manebat accipienda Iosue 13. & supra tertio, & accidit in quibusdam fortibus esse ferē totam terram iam captam de manu hostium: in alijs vero erat parua pars capta, & reliquum tenebatur ab illis, & sic fuit de sorte Dan, quæ pro maiori parte tenebatur ab hostibus, ideo Danitæ non poterant accipere possessionem competentem sibi. Aliæ autem tribus habebant maiores partes sortium suarum liberatas de manu hostium, ideo dicebantur habere possessionem, & tribus Dan non. Sciendum tamen, quod tribus Dan à principio habuit paruam partem possessionis suæ, & tamen postea habuit minorem, quia hostes habitantes in parte illa oppresserunt illos, & fuit istud aliquanto tempore post mortem Iosue, quando confortati fuerunt Amorrhæi super filios Dan, & hoc tangitur supra primo capitulo, scilicet: Arrestauitque Amorrhæus filios Dan in monte, nec dedit eis locum, ut ad planiora descenderent, habitauitque in monte Hares in Hailon, & Salabur.

Alph. Tost. super lib. Iudicum

**A** De hoc dicit latius Iosephus quinto Antiquitatum, quod post mortem Iosue cum Israelitæ bellicose studia reliquissent, & ad terræ opera se dedissent, Chanaanæi eos contemnentes, nec aliquid ab eis pati credentes, suum collegerunt exercitum, firmam habentes spem quasi Hebræos affligerent, & de cœtero ciuitates licenter inhabitarent: currusque faciebant, & exercitabantur armis. Quædam vrbes Israelis eis assentiebant, & de tribu Iuda Aschalonem, & Acharon abstulerunt, & multas in campestribus constitutas, & ipsos Danitas in montana fugere compulerunt; nec paululum eis locum in campestribus relinquentes, & dum illi, nec ad bellandum essent idonei, nec ad habitandum sufficientia haberent loca, miserunt quinque viros ad loca Mediterranea. Et sic introducit historia, quæ habetur hic quomodo missi sunt quinque viri ad explorandum locum habitationis: & illi transierunt per domum Michæ, & facta sunt, quæ habentur hic. Miserunt igitur filij Dan stirpis & familie suæ quinque viros. Scilicet videntes, quod non haberent locum, in quo habitarent, consiliunt inierunt quid agerent, & miserunt quinque viros ad explorandum aliquem locum, in quo possent habitare, & dicitur stirpis, & familie suæ ex superabundanti, quia stirpis signat tribum, familia autem signat diuisiones quasdam minores, quæ sunt immediatē sub tribu, ut patet Iosue septimo, & Numeri vigesimo sexto capitulis. Hic autem solum accipitur vtrumque pro tribu, quia non fuit aliqua pars specialis tribus, quæ mitteret istos exploratores, sed tota tribus. Vel aliter posset dici, quod quædam pars filiorum Dan habebat possessionem, & alia non: & illi, qui non habebant possessionem, miserunt viros quinque ad explorandum loca, in quibus possent habitare, & miserunt illos de tribu sua, & familia sua. Sed aliter, & melius dicendum est, quod tota tribus Dan accepit consilium de mittendo exploratores, & misit illos: ponitur tamen de tribu, & familia sua, quia in tribu Dan erat aliquid speciale, scilicet, quia tribus, & familia conuertebantur, eo quod in illa tribu solum erat vna familia, ut patet Numeri vigesimo sexto, & quicumque erat in tribu Dan erat in illa familia Dan: & sic erant isti quinque viri de stirpe, id est tribu, & familia Dan. In Hebreo habetur. Quia non cecidit ipsi vsque ad diem ipsum in medio tribuum Israelis hereditas. Vbi nos dicimus vsque ad illum diem inter ceteras tribus sortem non acceperat, & eadem sententia est. Viros fortissimos de Saraa, & Esthaol. Id est isti quinque viri, qui missi sunt de tribu Dan erant fortissimi, ut auderent se opponere laboribus, & periculis: & propter fortitudinem non tenerentur ab hostibus. Et dicitur, quod erant de Saraa, & Esthaol, quæ erant duæ ciuitates in sorte Dan, & istas possidebant tunc filij Dan. Patet hoc Iosue decimonono, vbi ponuntur istæ in sorte Dan. Inter istas autem ciuitates vixit, habitauit, & sepultus fuit Samson, ut patet supra decimotertio, & decimosexto capitulo. In Hebreo habetur hic plusquam in Latino, quia dicitur, quod miserunt quinque viros de tribu, & familia, & parte ipsorum: & Hieronymus non curauit trāsferre, quia superabundat quantum ad sensum. Ut explorarent terram. Scilicet, ut viderent quis locus esset, in quo possent conuenienter habitare, & contra quem possent faciliter pugnare.

Quomodo filij Dan mittebant hos viros ad explorandum terram ad habitandum. Quæst. V.

**Q**VAERETVR, quomodo filij Dan mittebant istos viros ad explorandum terram ad habitandum.

Z 2 dum,



dum, quia videtur, quod non liceret hoc eis, quia aut mittebant eos extra terram Chanaan ad aliam gentē, aut ad sortem alterius tribus: quantum ad aliquam partem, quæ tenetur ab hostibus, aut ad aliquam partem terræ sortis suæ, quæ nondum erat capta. Non primo modo, quia non licebat Israelitis pugnare contra gentes, quæ essent extra terram Chanaan ad capiendum terram ipsarum, ut in illa habitarent, quia Deus limitauerat Israelitis terram suam, quā habitarent. Numeri trigesimo quarto, scilicet, quod cum introirent in terram Chanaan terminaretur illa finibus, qui ibi distribuuntur, quasi dicat, quod non licebat eis pugnare contra gentes finitimas ad acquirendum aliquid de terra ipsarum, sed quod solum manerent intra terminos, quos Deus præfigebat, alioquin frustra erat assignari terminos terræ habitandæ ab Israelitis, sed quod ipsi acquirerent quantam possent. Etiam, quia filij Dan videntes se fouere iniustum bellum contra gentes illas, non auderent pugnare, putantes, quod Deus non adiuuaret eos. Item si auderent pugnare contra gentes extra terram Chanaan, à fortiori auderent pugnare contra Chananæos, eo quod sciebant, quod contra Chananæos Deus faueret eis, cum ipse iussisset pugnari contra illos, contra gentes autem extraneas non faueret. Secundum non stat, scilicet, quod pugnare vellent filij Dan ad accipiendum aliqua loca sortium aliarum tribuum, quæ tenerentur adhuc ab hostibus, quia istud non licebat eis: nam cum cuilibet tribui assignata esset fors sua, ad ipsam pertinebat excludere hostes de illa, & habitare in ea: si autem alia tribus conaretur usurpare hoc, poterat tribus illa iuste pugnare contra istam, quia auferebat isti ius suum: ideo non auderent hoc facere filij Dan, quia tunc ceteræ tribus Israelis pugnarent contra eos, sicut contra perturbantes pacem totius regni mouendo bella iniusta. Si autem dicatur tertio modo, non videtur stare, quia Amorrhæi arcebant filios Dan, ut patet supra primo: & audebant Danitæ pugnare contra eos, ut ait Iosephus quinto Antiquitatum. Respondendum, quod miserunt filij Dan exploratores per sortem suam per terram illam, quæ non erat capta, ut inquirerent, si erant aliqua loca, contra quæ sine magno labore pugnare possent, & obtinere illa. Et hoc apparet, quia venerunt isti viri in Lais: & postea pugnaverunt contra eam, & coeperunt. Erat autem Lais de sorte Dan, ut patet Iosue decimonono, ubi in numero ciuitatum tribus Dan ponitur Lais, vel Lesen, quæ eadem ciuitas est. Cum autem obijcitur: quare non pugnant filij Dan contra hostes, qui erant in sorte sua. Dicendum, quod fors Dan erat satis magna, & Danitæ valde parum de ea acceperant, & nesciebant, quæ loca essent in sorte sua, vel cuius conditionis, & quia hostes, qui erant in circuitu illius partis, quam ipsi tenebant, erant fortissimi, & exercitati ad bella, & cauentes vigilantiter ne Israelitæ contra eos insurgerent, ideo desperabant Danitæ se posse præualere contra istos, & ob hoc voluerunt scire, an in alijs partibus sortis suæ procul inde distantibus esset aliquis populus non tantum instructus ad bella, vel vigilans ad custodiam suam, ut contra illum pugnarent: & perrexerunt isti quinque viri lustrantes sortem Dan, & in extremitate eius ad Aquilonem inuenerunt viros urbis Lais; quæ ciuitas secunda erat non accedens ad bellum, eo quod nullus impugnabat eos, & contra hos perrexerunt, atque coeperunt urbem. Et diligenter inspicerent. Scilicet, quæ terra esset conuenientior habitationi, & facilius ad capiendum. Condixeruntque eis, ite & considerate terram. Id est omnes de tribu Dan de communi consensu dixerunt istis iuuenibus, ite ad considerandum: nam condicere est conuenire, vel simul dicere.

**F** Qui cum pergentes uenissent in montem Ephraim. Id est uenerunt isti iuuenes de sorte Dan in terram Ephraim: non enim erat illis via recta per montem Ephraim, sed ipsi intendebant ire ad extremitatem sortis suæ, & quia non poterant per eam ire impredientibus hostibus, faciebant circulum per terram aliarum tribuum Israel, unde uenerunt in montem Ephraim. Et intrassent in domum Michæ, requieuerunt ibi. Iste Michas erat vir diues valde, & habens domos magnas, ideo suscipiebat peregrinos. sic susceperat Leuitam cum peregrinaretur, ut dicitur præcedenti cap. Nunc etiam suscepit istos viros quinque; & patet quod esset diues, quia ipse habebat sacerdotem, cui dabat salarium per singulos annos, ut in sacerdotio ministraret apud eum, & talia propinare, & materia sacrificij quotidie magnorum sumptuum erat. Et agnoscentes uocem adolescentis Leuitæ. Id est viderunt iuuenem illum, & cognouerunt in uoce, quod non esset de stirpe Ephraim.

Quomodo cognouerunt isti quinque viri in uoce Leuitam.

Quest. VI.

**Q**VAERETVR, quomodo cognouerunt isti quinque viri in uoce Leuitam. Respondendum, quod apud Israelitas erat unicum idioma, & tamen aliter illud pronunciabatur in quibusdam partibus Israel, quam in alijs: sicut in regno Castellæ ferè idem idioma est, & tamen illud variè valde profertur, ita ut faciat cognoscere de qua regione Castellanorum quisque sit, cum uocem eius audierimus. Et sic isti viri videntes Leuitam non esse de tribu Ephraim, quia non loquebatur sicut Ephraitæ, quæsiuerunt unde esset, vel quid ibi ageret. Vel fortè etiam lingua Leuitarum erat cognita in Israel inter ceteros modos proferendi, & cum audiissent isti viri uocem eius cognouerunt eum esse Leuitam, ideo mirati sunt quid ibi ageret, & quæsiuerunt. Vel dicendum aliter quod cognouerunt Leuitam non esse de tribu Ephraim per hoc, quod non erat blefus sicut Ephraitæ. Ipsi enim soli inter ceteros Israelitas erant blefi, & quasdam literas non bene exprimebant, sicut patet supra 12. tempore Iephthæ, quando Ephraitæ ad Iordanem non poterant dicere schebboleth, sed sebboleth, & cogniti per hoc quod Ephraitæ essent illico iugulabantur. *Urentesque illius diuersorio.* Id est illi quinque iuuenes visi sunt diuersorio Leuitæ istius manentes in illo, & deponentes ibi sarcinulas suas. Et est sensus, quod Leuita in domo Michæ habebat quandam ediculam, in qua ipse manebat sequestratus a ceteris de familia Michæ. Et vocatur diuersorium a diuertendo, quia erat pars illa separata a reliqua domo, quæ erat communis, & quia erat Leuita iste peregrinus sicut illi quinque viri, gausi sunt uidentes eum, & accesserunt, ut manerent in edicula eius. In Hebræo dicitur. *Accesserunt illuc, uel propius recesserunt illuc.* Scilicet quod recesserunt ab una parte domus, & accesserunt ad aliam: hoc significat litera nostra ponens diuersorium, scilicet ad quod aliqui diuertunt recedentes ab alijs partibus. *Dixerunt ad eum: quis te hic adduxit?* Id est cum tu non sis Ephraitæus sed Leuita, quis te adduxit ad terram istam tam impertinentem tibi. *Quid hic agis?* Id est quod officium hic habes, quasi dicat, non potes conueniens officium tibi habere hic: nam tu es Leuita: sed hic apud Micham non poteris habere ministraciones Leuiticas. *Quam ob causam hic venire uoluisti?* Id est, quam uilitatem putabas te hic habiturum, ut moueretur ad ueniendum huc, quasi dicat, nescimus, quæ utilitas tibi hic esse possit. Istud dicebant viri quinque, quia nesciebant, quod Michas haberet sculptile, & Theraphim, & quod iste ministraret ut sacerdos ad recipiendum salarium. In Hebræo dicitur.

Quid



*Quid tibi hic. ubi nos dicimus. Quam ob causam venire voluisti? Et est sensus, quod bonum putasti esse tibi futurum hic, ut esset tibi causa ad veniendum. Qui respondit eis, hæc & hæc præstitit mihi Michas. Iam viri isti quinque cognouerant istum esse Leuitam, ideo ipse non respondit eis, quod esset Leuita, sicut responderat Michas præced. cap. Nec etiam ipsi quæsiuerunt, quis esset, quia dicitur, quod cognouerunt vocem eius, sed solum quæsiuerunt de causa manendi, & de officio, & ad hoc respondit dicens: hæc, & hæc præstitit mihi Michas, idest præstitit mihi vestem duplicem, & decem argenteos per singulos annos, & omnia ad victum necessaria. In Hebræo dicitur. Sicut hoc, & sicut hoc fecit mihi Michas. Et eadem sententia est: nam referebat eis per hæc omnia, quæ dederat ei Michas. Et me mercede conduxit, ut sum ei sacerdos. Idest dedit mihi tale, & tale in mercedem, ut essem sacerdos eius.*

*An peccauit Michas conducendo Leuitam pro officio Diuino, & contra. Et an liceat facere Diuinum officium pro mercede. Questio VII.*

**Q**VAERETVR, an peccauerit Michas conducendo mercede istum Leuitam, ut esset sacerdos, & an peccauerit Leuita. Respondendum, quod hic non est aduertendum ad hoc, quod iste Leuita conducatur ad ministrandum idolo: nam cum istud esset simpliciter illicitum, & peccabat Michas inducendo Leuitam ad ministrandum, siue cōductus ministrasset, siue gratis. Etiam Leuita peccabat ministrando quacunque intentione ministraret. Sed dicitur, quod non peccaret Leuita, nec Michas in ministratioe, utpote, si esset ministratio licita, non peccaret ex hoc, quod mercede cōductus egit. Dicendum, quod si propriè esset cōductio Leuitæ, ita ut ipse ministratioem illam venderet pro pecunia, quasi arbitrans, quod ministratio tantum, aut tantum valebat, tunc erat Symonia ex parte vtriusq; & graue peccatum. Si autem Leuita non venderet administratioem illam, sed peteret sibi prouideri, & maneret apud Micham ministrando qualiter Michas velleret, & ad hoc sub nomine pmissionis ista daret Michas, neuter peccabat, quia licitum est etiam sacerdotibus nostris, qui non sunt obligati ad officium aliàs locare operas suas. Vnde sciendū, quod si sacerdos est, & non incumbit ei cura, vel necessitas celebrandi, potest mercede cōductus manere apud aliquem, & quod ore p ipso celebrando quo tidie, vel totiens in hebdomada, & licitū est taxare precium p sustentatione totius anni, & si vnus abundationem victū, quod alius tribuerit, non acceptare conuentionem huius, & acceptare cōuentionem alterius: & tñ nō licet sacerdoti p vna missa taxare precium, aut plus petere, quod offeratur pro quatuor, vel quinq;. Secus autem cum conuenitur pro totius anni, vel dimidij anni mansionē apud aliquem, ut celebret p eo, quia in vno casu taxatur victus, & in alio taxatur precium Missæ, quod est illicitū. Itē qñ sacerdos locat operas suas, ut p aliquo celebret, vel officium dicat, potest licitè non acceptare paruam oblationē, & acceptare cōuentionē alterius, quod maiora offert: dñ tñ non habeatur intentio ad lucrum: utpote aliquis sacerdos est, cui non incumbit necessitas celebrandi, vel manendi in aliqua Ecclesia determinata, & non habet aliàs cōmode vnde viuat, potest locare operas suas annuas, & si quis dederit ei mille p anno, ut celebret: licet ei recusare, & suscipere ab alio duo millia: habendo intentionē, quod p mille non conuenienter sustentat, & p duo millia sustentabitur cōpetenter. Vel dato, quod p mille sufficienter sustentabitur, tñ sufficientius sustentabitur p duo millia: non tñ debet habere intentionē ad lucrū. I. quod suscipiendo mille haberet sufficientē victū, Alph. Tost. super lib. Iudicum

**A** & tñ non superlucraretur residuū. Habendo autē duo millia superlucrabitur residuū, & ditabitur, quia quantum ad hoc cōsideratur lucrū in spirituali, & Symonia est: cōsiderare tñ solā sustentationē in eo, cui aliàs nō incumbit ex officio hoc facere, nūquā est Symonia: si tñ aliquis sacerdos locatur operas suas p annū inueniret mille ab vno, & inde posset sufficienter sustentari, & peteret ab alio duo millia, non ut residui quid lucraretur, sed solum, ut abundatius, & delicatius sustentaret, non erit Symonia, licet esset turpe desiderium, & peccaret in alio peccato, sed non in Symonia. Et si arguatur, quod non solum in lucro causatur Symonia, sed et in rebus pertinentibus ad cibos si exigantur. Respondendū, quod hoc verū est, quod quis aliter tenetur facere non conferendo pastū, nec aliquid ad cibū, sicut ordinator ad ordinandū, & conferens beneficiū ad conferendū alicui, & ministrās sacramēta ad ministrandū: nā isti in nullo casu possunt locare operas suas. Sed casus suprapositus est de illo, qui potest locare eas ad celebrandū, siue ad dicendum diuinum officium, quia sicut licet huic locare operas: ita liceret ei quasdam conditiones locationis. In Hebræo habetur. Conduxit me, & sum ei sacerdos. Sed ad idē redit vtrumq;. Rogauerunt eum, ut cōsuleret dominū. Scilicet pro eis, quia procedebat in via, & desiderabāt cognoscere quid eis futurū esset. Et scire possent si prospero itinere pergerent. Scilicet, si isti quinq; viri haberent gaudiū in via non inueniēdo aduersantes, & quod omnia eis ad placitū seruirent. Et res haberet effectum. Idest res, quā intendebant haberet effectū. Si inuenirent terrā, de qua possent annūciare contribulibus suis, quod posset eam capere bello ad habitandū. Iste erāt duæ qñtiones distinctæ. Prima pertinebat solum ad istos quinq; viros, scilicet, an haberent prosperum iter inueniēdo omnia necessaria, & non haberent aliquem aduersantem. Secunda pertinebat ad totā tribū Dan. Iam res intēta haberet effectum, scilicet, quod terram inuenirent, quam capere possent, & super vtroque consuluerunt.

*Quomodo isti viri petierunt ab isto Leuita, ut cōsuleret pro eis Dominum. Questio VIII.*

**Q**VAERETVR, quomodo isti viri petierunt ab isto Leuita, ut cōsuleret pro eis dñm, quia ad Leuitas non pertinebat consulere dominum. Aliquis dicit, quod iste erat sacerdos, & non Leuita simplex, ideo potuit consulere dominum. Respondendū, quod non stat, quia præced. cap. declaratum est, quod erat Leuita simplex, & licet communis positio. Sed adhuc dato quod esset sacerdos, non proficiebat ad hoc, quia ipse non erat sacerdos magnus, qui vnicus erat in toto Israel, sed esset de minoribus: minores tamen non cōsulebant dominum, quia fiebat cōsultatio in vestibus Pontificalibus, quibus solus summus sacerdos induebatur. Respondendum, quod putauerunt viri isti, quod Leuita posset pro eis cōsulare dominum, eo quod habebat vestes, in quibus posset cōsultare dominum, scilicet Ephod: nam in Ephod erat Rationale, in quo erat iudicium filiorum Israel: vnde dicitur de Aaron Exo. 28. quod portaret semper iudicium filiorum Israel in pectore suo, scilicet, quia portabat semper Ephod, & Rationale, & quādo cōsulendus erat dominus, applicabatur Ephod sacerdoti, & in præsentia illius respondebat Deus. Sic patet primo Regum vigesimo tertio, cum applicito Ephod per Abiathar bis consuluit Dauid dominum de viris Ceilæ. Et iterum primo Regum trigésimo applicito Ephod consuluit de Amalechitarum latrunculis, an caperet eos: sed Leuita iste habebat Ephod, ut patet præcedenti capitulo, cum dicitur, quod fecit Michas Ephod, & Theraphim: & ista erant ad ministratioem Leuitæ.

Z. 3. Isti

Simonia  
quomodo  
committitur  
locando  
operas.

Nota de  
sacerdote  
locante o-  
peras suas.



Isti autem quinque viri sciebant, quod Leuita haberet Ephod, quia cum essent in illius diuersorio, ut patet supra, & loquerentur familiariter valde cum Leuita declarauit eis quid haberet, & quid ageret, ideo putauerunt, quod posset pro eis consulere dominum in Ephod. Vel fortè erat ibi Theraphim, quod secundum quosdam erat ad inuestigandum aliquid per illud, ideo per illud saltem petiuerunt, quod Leuita consuleret dominum pro eis. Primo tamen magis credendum est: ideo isti viri magis reputauerunt Ephod, quam cetera, quæ habebat Michas: unde quando iterum isti quinque viri cum alijs sexcētis viris de eadem tribu venerunt ad domum Miche, dixerunt isti ad ceteros: nostis quod in domibus istis sit Ephod, & Theraphim, sculptile, atque conflatile. Præposuerunt enim Ephod tanquam illud melius esset ceteris, & istud solum, quia propter consultationem domini reputabant illud vtilius. In Hebræo habetur. *Consule Dominum: sciamus an proficiat via nostra.* Sed litera nostra superaddit exponendo, quia proficere viam contingit dupliciter. Vel quantum ad ipsos, vel quantum ad illos, qui mittebant eos. Primo modo proficiebat via si nullus eis aduersaretur, & inuenirent omnia necessaria. Secundo modo proficiebat si consequerentur effectum quantum ad illud, pro quo mittebantur. De primo dixit litera nostra: si prospero itinere pergerent. De secundo dixit, an res haberet effectum. *Qui respondit eis: ite cum pace.* Id est ite securi non formidantes aliquid aduersum. *Dominus respicit viam vestram.* Id est Deus miseretur super vos, & dirigit vos. Accipitur istud ex modo loquendi communi. Pro quo sciendum, quod si accipitur respicere, id est totaliter aduerrere, Deus nihil respicit, quia incorporeus est, & oculos non habet, licet scriptura loquatur de Deo interdum, ut de habente oculos, & manus, & omnia lineamenta: si autem accipitur respicere intellectualiter, id est considerare, vel cognoscere, nihil est quod non consideret, & respiciat semper Deus, quia cum intra ipsum omnia, ut in speculo reluceant, omnia simul, & semper necessariò cognoscet: & isto modo dicitur ad Hebræos quarto, quod omnia nuda, & aperta sunt oculis eius, scilicet considerando, quia nihil effugit intellectum eius, sicut intellectum nostrum. Alio modo accipitur respicere in Deo, scilicet, quod Deus respiciat homines, siue ad puniendum, siue ad bonum conferendum. Et hoc modo omnes Deus semper respicit, quia prouidentia eius super omnia semper vigilat. De hoc dicitur Prouerb. 15. In omni loco oculi Domini contemplantur bonos, & malos, scilicet ad puniendum malos, & benefaciendum bonis. Alio modo accipitur respicere pro conuerrere vultum gratum, & placatum cum intentione benefaciendi: sic dicitur Psal. 33. Oculi Domini super iustos: & aures eius in preces eorum, scilicet: Benè respicit eos ad benefaciendum, & aduertit, ut audiat preces eorum, & compleat. Sic etiam Moyses cum laudaret terram Chanaan, quam Israelitæ suscepturi erant, ait Deuter. 11. Terra, quam ingredieris possidendam non est sicut Aegyptus, sed montuosa est, & campestris de cælo spectans pluuias, quam Dominus Deus tuus semper inuisit, & oculi illius in ea sunt à principio anni usque ad finem eius. Et intelligitur, quod Deus semper respicit eam ad benefaciendum ipsi: Leuita autem non accepit hic in aliquo de primis modis, quia de illis manifestum erat quod Deus respiceret iter istorum virorum, sed accepit vltimo modo, scilicet, quod Deus respiciebat iter suum ad prosperandum illud. *Et iter quo pergitis.* Ista duo possunt esse idem replicando sententiam, vel possunt accipi pro duobus, scilicet via pro intentione,

ad quam ibant, & iter quo pergebant pro successu rerum in itinere, & vtrumque erat prosperum, scilicet respicit viam vestram, id est complebit intentionem vestram dando vobis locum, in quo possitis habitare, & respicit iter quo pergitis, scilicet, quia dabit vobis in itinerando sufficientiam rerum, & non habebitis aliquem hostem.

*Quomodo Leuita ille potuit prædicere viris illis hæc, quæ postea visa sunt. Quæstio IX.*

**Q**VAERETVR, quomodo Leuita ille potuit prædicere viris illis ista, quæ postea vera apparuerunt. Respondendum, quod fortè iste Leuita non habuit aliquam responsionem à Deo, sed finxit, quod habuerat responsionem de prosperitate itineris eorū, quia si verum esset quod diceret, benè factum esset. Si autem non, poterat se excusare, quia propter peccata eorum Deus peruerterat bonum quod intendebat eis conferre, sicut generaliter accidit in alijs Dei promissionibus, quæ intelliguntur cum conditione. Vel fortè iste Leuita respondit sic, ut placeret illis viris in præsentia, quia dato, quod mentiretur non putabat, quod postea erubesceret, quia non credebatur, quod ultra fortè visurus esset viros illos. Vel fortè dixit eis istam responsionem, quæ poterat sumi ambigüe, scilicet Deus respicit viam vestram, quia poterat esse respicere in malum, vel in bonum ad benefaciendum, vel delendum. Sic respondebat Apollo Delphicus ambigua responsa, in quibus vtramque partem conditionis possemus interpretari, & quodcunque illorum eueniret, iudicaremus eum vera dixisse, sicut illud: Aio te Pyrrhum Romanos vincere posse, quia poterat referri ad vtrumque. De quo August. tertio de Ciuitate Dei: sic iterum respondit, Cresus Alim transgressus perdet maxima regna, & poterat accipi perdet, id est destruet, vel perdet, id est amittet. Aliter potest dici, quod iste Leuita non consuluit à Deo vero responsum, sed à dæmonibus in Theraphim, & sculptile, & per illos habuit istum responsum. Vel potest dici, quod Leuita habens Ephod summi sacerdotis applicuit sibi secundum formam, qua consulebant summi sacerdotes, & ob reuerentiā Ephod Deus sibi respondit. Sed tunc obijcietur, si consuluit iste Leuita dæmones, quomodo habuit vera responsa: nam sic res fuit postea, ut iste Leuita prænucciavit. Respondendum, quod hoc poterat esse dupliciter. Vno modo per accidens, scilicet, quod sicut poterant idola falsum dicere, ita poterant verum dicere, & accidit, quod verum dicerent. Alio modo potest dici, quod vera occulta dicunt ex præsumptione, scilicet perspicacitate ingenij, & antiquitate multa cognoscunt, quæ nobis occultata sunt, & cum de illis quærimus, sciunt respondere. De hoc ponit multa exempla Beatus Antonius Eremita loquens ad discipulos suos de fallacijs dæmonum: & habentur in vita eius, quam diligenter scripsit Beatus Hieronymus. Adhuc alius modus addi potest ex permissione Dei, scilicet, quod Deus permittat multas veritates per dæmones reuelari: sic factum est per Apollinem Delphicum, de quo miranda responsa habentur in historijs: & circa omnia ferè verum respondebat. Cessauerunt autem responsa eius paulo ante Christi Passionem, ut ait Paulus Orosius, quinto de Ormesta Mundi. Sic fortè permetteret hic, quod responderet istis dæmonia verum, & istud erat in potestatem ipsorum, quia per hoc allicerentur magis ad istas superstitiones, & sic peccarent, & consequenter magis punirentur: ideo peccata hominum interdum merentur responsa bona, & vera: & ista redundent in malum

Respicere  
Dei multi-  
plex est.

Aliar  
sponsio.



malum eorum: & sic habetur Ezech. 14. Iuxta iniquitatem interrogantis sic iniquitas Prophetæ erit, idest secundum quod interrogans meretur sibi responderi, ita Deus respondebit per Prophetam, vel diuinatorem. Si autem dicatur, quod Deus verus respondit hic per Ephod, argueretur, quod non debebat fieri responsio: eo quod iste non erat summus sacerdos, ad quem pertineret respondere, & consulere per Ephod. Item cum iste esset sacerdos idolorum, & vteretur illo Ephod ad cultum idoli, quomodo Deus responderet? Dicendum, quod Deus sæpe responder bene non ad bonum, sed ad malum nostrum, sicut supra dicebatur, ita forte hic propter iniquitatem quærentium, qui ab idolatra inquirebant, & iniquitatem Leuitæ, qui idolis seruebat, Deus responderet verum, & placēs, vt sic ipsi magis illa quærent. Vel fortè fecit Deus ex clementia, quia Deus miseretur bonis, & malis, pluens super bonos & malos, faciensq; oriri solem suum super iustos & peccatores, Matth. 5. cap. Ad primam rationem contra hanc partem, dicendum, quod quamquam indui Ephod solum pertineret ad summum Sacerdotem, tamen fortè si aliquis alius indueretur, Deus responderet per illum consulentem, sicut per summum Sacerdotem, licet induendo has vestes peccaret. Ad secundum dicendum, quod licet esset Leuita malus, quia tamen indutus fuit tunc vestibus Dei institutis ab eo ad consulendum eum respondit. *Euntes itaque quinque viri venerunt Lais.* Ista ciuitas est, quæ vocatur Lesen, & postea vocata est Lesendan, Iosue 19. capit. Dicendum, quod aliqui putant istam ciuitatem esse, quæ vocatur Lachis. Sed istud non stat, quia Lachis est in sorte Iudæ: Iosue 15: ista autem Lais est in sorte Dan, vt patet hic, & colligitur Iosue 19. Item Lachis fuit capta per Iosue, & occisus est rex eius, de quo Iosue 10. cap. Lais autem, de qua hic, post mortem Iosue capta est à filiis Dan. Item patet ex modo scribendi: nam in Hebræo scribitur Laquis pro ciuitate, quam nos vocamus Lachis, & pro ista, de qua hic scribitur Lais, & interdum Laifa, vt patet in hoc capitulo apud Hebræos. Sciendum etiam, quod ista ciuitas est ad caput Iordanis, vbi nascitur, & est ad extremitatem septentrionalem terræ Chanaan, & vocata est postea Paneas. Sic vocat eam Solinus in Polyhistor. Postea autem tempore Saluatoris vocata est Cæsarea Philippi à Cæsare, & à Philippo, qui erat vnus de Herodis progenie, & apud hanc prædicauit Christus discipulis suis. De hoc Matth. 16. de hac vrbe dictum est Iosue 19. cap. *Videruntq; populum habitantem in ea absque ullo timore.* Ingressi sunt isti viri quinque in urbem Lais fingentes se non esse Israelitas, sed de alijs gentibus, & non aduerterunt ad eos ciues vrbis, ideo poterunt isti videre ciuitatem, & conditionem ciuium. Fortè autem isti ostenderunt se operadores alicuius artificij, & ibi de eo victum quærere, & sic poterant manere in vrbe aliquot diebus, & cognosceret quidquid vellent in vrbe, & modum capiendi eam. Dicitur autem, quod viri huius vrbis non timebant, quia erant procul ab Israelitis, & nunquam illuc aliqui peruenerant ad pugnandum, nec credebant peruenturos, quia magna terra erat in medio. Cum alijs autem gentibus non pugnabant, quia nulla communicatio erat eis cum aliqua gente, ideo pauca bella eis esse poterant. *Iuxta Sidoniorum consuetudinem.* Idest viri Lais erant sine timore, sicut consuetum erat Sidonijs, qui nullos timebant hostes, & opulentissimi erant. Dicit Rabbi Dauid Kimhi, quod Sidonij, & viri Lais non erant in terram Chanaan, ideo Israelitæ non poterant pugnare contra eos, & consequenter non timebant.

An verum sit, quod Sidonij, & viri Lais non essent de terra Chanaan, quæ Israelitis ceciderat in sortem.

Questio X.

**Q**VAERETVR, an verum sit, quod Sidonij, & viri Lais non essent de terra Chanaan, quæ ceciderat Israelitis in sortes. Et an propter hoc non timerent. Respondendū, quod tam Lais, quam ciuitas Sidonis erat de terra Chanaan: de ciuitate Lais patet, quia Iosue 19. ponitur cum ciuitatibus, quæ ceciderunt in sortem filiis Dan. Item patet, quia alias non ausi fuissent Danitæ pugnare ad capiendum urbem illam ex rationibus supra assignatis in quadam quæstione hoc capitulo. Item patet, quia dicitur, quod erat Lais in terra Roob infra in litera: & tamen terra Roob erat in terra Chanaan, vt patet Num. 13. & 34. vbi Emath, quæ est in fine terræ Roob ponitur terminus terræ Chanaan. De Sidone patet, quod esset in terra Chanaan, quia Sidon, & Tyrus sunt in occidentali parte terræ Chanaan apud mare, & tamen ex parte occidentis non habebant Israelitæ aliquem terminum, nisi mare Mediterraneum, Num. 34. ergo Tyrus, & Sidon cadebant intra terram Chanaan: & sic quando ponuntur Iosue 19. in sorte Afer tanquam termini, debet intelligi, quod sint termini intrinseci, quia sic sæpe ponitur in limitatione aliarum tribuum, vt declaratum est Iosue 15. cap. & sic Tyrus, & Sidon erunt intra sortem Afer in extremitate eius apud mare Mediterraneum. Item patet hoc, quia Matth. 15. dicitur, quod Christus egressus est ad prædicandum in partes Tyri, & Sidonis, & mulier Chananæa de finibus illis egressa clamauit ad eum: ergo Chananæi erant in Tyro, & Sidone. Cum autem quæritur an ob hoc erant securi, cum dictum sit, quod isti erant Chananæi: dicendum, quod non, sed erant securi, quia erant separati à Iudæis, & non timebant eos. Etiam, quia nulla alia gens per circuitum infestabat eos: sic dicit litera Chaldaica, quod non erat aliquis, qui pugnaret contra eos: sic etiam in litera apparet, cum dicitur: *securum*, & *quietum* nullo eis poenitus resistente, & à cunctis hominibus separatum. Sciendum, quod Rabbi Salomon, dicit de ista ciuitate, quod vocabatur Lesen, non quod esset nomen ciuitatis Lesen, sed quia inuenerunt in ciuitate ista quendam lapidem nomine Lesen, in quo repperunt scriptum, quod ista ciuitas futura esset habitatio filiorum Dan. Est autem Lesen nomen lapidis: nam inter lapides duodecim, qui portabantur in rationali ponitur Lesen, & est primus in tertio ordine, vbi nos habemus ligurium: Hebræi autem nescientes nomina illorum lapidum in vulgari, nec cognoscentes eos, vocant illum lapidem linguam bouis, cum sit ligurius. Ista autem fictitia sunt. Sed dicendum, quod ista ciuitas erat Binomia, sicut aliæ ciuitates erant Multinomiæ, vt Hebron, & Ierusalem. *Securum, & quietum.* Securi dicuntur, quia nullos hostium insultus formidabant, vt contra eos se munirent. Quietum dicuntur, quia non parabant pugnam contra aliquam gentem, ita vt armarent exercitum, vel essent solliciti circa opera bellica. *Nullo eis poenitus resistente.* Idest nullo pugnante contra eos. Melius enim diceretur pugnante, vel insurgente, quam resistente, quia non esse resistantem significat, quod tanta erat potentia virorum Lais, quod nullus poterat se obijcere eis in bello, sed cedebant: non tamen significat priuationem omnium bellorum: hic tñ vult litera significare, nec Laïsenos pugnare contra aliquam gentem, nec aliquam gentem contra Laïsenos, cū dicat de eis, *erant geti, & securi.*



*Magnarum opum.* Id est populus Lais erat valde opulentus, & istud erat quod alliceret Israelitas ad pugnandum contra Laifenos, ut obtinerent diuitias eorum. Vnde Aristo. 3. Politic. dicit, quod ciuitates, quæ propria politia viuunt, non debent esse eminenter diuites, nec et valde pauperes. Nam si fuerint valde pauperes, non poterunt resistere aliquibus hostibus, quia propter inopiam non habebunt necessaria ad bellum, & peribunt. Si autem fuerint valde diuites, omnes aliæ ciuitates coniurabunt contra eas ad rapiendum tantam diuitiarum copiam. Cum autem ciuitas fuerit mediocris in opibus, utrumque istorum malorum euadet: nam non poterit quilibet ciuitas faciliter eam impugnare, cum propter mediocres diuitias possit habere apparatus bellicos. Rursus nulla ciuitas, vel gens mouebitur nimis contra eam ex desiderio, quia non est eminens lucrum capiendi urbem. Laisen autem magnitudine opum inopes Danitas mouit ad bellum. In Hebræo dicitur. *Populum quietum, & confidentem, & non habentem verecundiam in aliqua re earum, quæ sunt in terra.* Et idem significat quod litera nostra: nam confidens idem est quod securus, quia nulla mala sibi futura suspicatur, aut timet non erubescens super aliqua re earum, quæ in terra sunt, quia opulentus est in omnibus, ideo a nullo petit, quia abundat: & ob hoc non verecundatur petendo: litera autem nostra secundum consuetudinem latinam expressius posuit. *Et procul a Sidone.* Scilicet distabat a Sidonijs quamquam haberet consuetudinē Sidoniorum habitando secure, & in magna opulentia, & dicitur hoc ad significandum, quod facilius ciuitas capi posset: nam si esset iuxta Sidonem, cum esset ciuitas potentissima mitteret cito adiutorium Laifenis, & non caperentur ab Hebræis, quia tamen longe habitabant prius Israelitæ caperent urbem, quam scirent hoc Sidonij. *Atque a cunctis hominibus separatam.* Scilicet ciuitas illa distabat ab omni alia habitatione hominum, quia illa terra tunc erat adhuc male habitata, quia paucitas gentium non sufficiebat ad se diffundendum per totam terræ magnitudinem: postea autem manentibus Iudæis in terra coepit terra illa aliquantulum populari. De hoc dicit Iosephus 5. Antiquitatum, scilicet loca autem circa Sidonem, & Archæos, & Amathæos, & Arithæos tunc inculta erant, & tamen ciuitas Lais erat de terra Amathæorum, scilicet circa urbem Emath, a qua vocantur Amathæi. Quod patet, quia erant in regione Roob, ut patet infra in litera, & tamen terra Roob habebat ciuitatem Emath, ut colligitur Nu. 13. & 34. ca. & sic confinia Lais erant depopulata. Istud autem pederat Laifenis ad vnum, scilicet, quod rara bella haberent, eo quod cum paucis communicabant: bella tamen oriuntur propter iniustas communicationes, ut communiter. quia isti volunt usurpare, quæ sunt illorum, vel è contrario. Vbi autem nulla communicatio est, vix potest accidere bellum: & ob hoc erant isti quieti, & securi. Erat tamen nociuum ad alterum, quia si accideret interdum bellum insurgere contra Laifenos, non habebant aliquos adiutores. Et isto modo dicitur hic, quod erant procul ab hominibus omnibus, scilicet, quia dato, quod Israelitæ pugnarent contra eos non poterant habere adiutores: unde magis incitarentur sic Danitæ ad pugnandum contra eos, quam aliās. In Hebræo aliter habetur: nam ubi nos dicimus: Nullo poenitus resistente. Dicitur in Hebræo. *Nullo hereditante regnum.* Et significatur, quod paruus erat hæres regni, ut posuit litera Chaldaica, & ob hoc, quod possent faciliter capere terram, tanquam nullus esset defensor propter paruitatem hæredis regni, & ubi nos dicimus a cunctis hominibus separatam, in Hebræo dicitur. *Et nihil eis cum homine est.* Id est nullam communicationem habent cum aliquibus hominibus,

Litera in  
Hebræo.

Iosephus  
lib. 5. c. 1.

Et idem significat quod litera nostra, scilicet, quod propter defectum communicationis nullus posset adiuuare eos. *Reuersique ad fratres suos in Saraa, & Esthaol.* Scilicet viderunt conuenientem locum istum esse ad habitandum, & facilem ad capiendum: ideo non erant morari nimis, sed illico regressi sunt ad nunciandum fratribus suis, ut irent ad capiendum locum illud. Et dicitur, quod venerunt in Saraa, & Esthaol, quia in istis ciuitatibus, & apud illas habitabat tota tribus Dan, eo quod paucam terram habebant nunc, & tamen habebant nunc adhuc alias ciuitates, scilicet Hailon, & Salabin: nam quando plus fuerunt coarctati filij Dan ab Amorrhæis in montibus, ut non descenderent ad plana tenuerunt Hailon, & Salabin, ut patet supra 1. Sed aliquis dicit, quod Saraa, & Esthaol vocantur alijs nominibus Salabin, & Hailon, & sic tempore quo coarctati sunt tenebant istas duas ciuitates, & non plures. Sed dicendum, quod non stat, quia Saraa, & Esthaol differunt a Salabin, & Hailon: nam istæ quatuor ciuitates sunt in tribu Dan, ut patet Exodi decimonono capitulo. *Et quid egissent sciscitantibus responderunt.* Id est responderunt omnia, quæ acciderant eis in itinere in domo Michæ, & in reliquo itinere, & postea quid viderunt in urbe Lais. *Surgite, & ascendamus ad eos.* Id est ad pugnandum contra Laifenos. Postquam enarrauerunt conditionem, & laudes terræ, admonuerunt contribules suos ire ad capiendum eam, dicentes: *Surgite eamus: quasi dicat: non est nobis morandum cum tale bonum inuenerimus.* *Vidimus enim terram valde opulentam, & vberem.* Vocatur opulenta, quia ciues urbis illius erant valde diuites in possessionibus, & pecunijs. Vocatur vber, id est fertilis, quia erat terra multorum fructuum, scilicet, quod pauca seminando multi fructus proueniebant, & sic in omnibus alijs rebus, quæ fructus producunt. Vel ipsamet terra vocatur opulenta, quia latissima erat, & habebat multa genera possessionum, de quibus homines aliquid acquirere possent: vocatur vber, id est fertilis, ut dictum est, *Nolite negligere.* Scilicet ire ad eam: quasi dicat: magna negligentia esset cum tantum bonum reperimus, & faciliter possumus obtinere illud, non ire ad obtinendum. *Nolite cessare.* Scilicet ab incepto: quasi dicat: eundo ad inquirendum terram, & videndo conditionem eius iam magnam partem laboris impendimus, ideo si nunc non iremus cessaremus ab incepto opere. In Hebræo dicitur. *Et vocatentes.* ubi nos dicimus: Nolite negligere. Dicitur tacens esse ille, qui nihil agit: ita est, qui negligit, quia cum bonum videat, cessat a procurando illud, quasi non videat. Et dicitur. *Nolite pigritari, vel non pigritemini.* ubi nos dicimus: Nolite cessare: & idem est, quia piger opera incepta relinquit. *Eamus, & possideamus eam.* Id est non eamus ad pugnandum, sed ad possidendum: quasi dicat: tam paruus labor erit, quod non erit ire ad pugnandum, sed ad possidendum, sicut possidere nullius laboris est, pugnare autem est magni laboris. *Nullus erit labor.* Scilicet obtinendo terram non laborabimus, quia gens secuta est non suspiciens bellum, & a nullo hominum adiutorium expectans, & poterit faciliter capi. Istud dicebant quinq; viri ad incitandum alios, ut irent, quia ceteris videbatur durum ire ad pugnandum, & pigritabantur in hoc, & dicendo, quod nullus esset labor capiendo terram incitabant eos aliquantulum. In Hebræo dicitur. *Non pigritemini ad ambulandum ad veniendum ad hereditandum terram.* Eadem sententia est in litera nostra, & planior secundum consuetudinem Latinam. *Intrabimus ad securos.* Id est erit nobis paruus labor in pugna, quia intrabimus ad pugnandum contra hostes securos, & inopinatos, atque ignaros belli diuturnitate pacis, & sic facilius preualebimus contra eos.



*In regionem latissimam.* Istud est incitativum ad eundem scilicet quod erat regio latissima, & per hoc Danitæ capientes unam urbem non solum viderentur capisse unam urbem, sed multas, quia erat regio latissima ad habitandum, & ad colendum. Hoc autem erat op<sup>us</sup> filijs Dan, qui non habebant nunc locum habitandi. In Hebræo dicitur. *Et quando veneritis venietis ad populum confidentem, & terram amplam manibus, vel locis.* Eadem sententia est, quia venire ad populum confidentem, est venire ad securum. Terra ampla manibus idem est quod terra latissima. Nam manus vocatur locus. Sic accipitur Psalmo 103. scilicet Hoc mare magnum, & spatiosum manibus: illic reptilia quorum non est numerus. Vocatur spatiosum manibus, idest locis. *Tradet nobis dominus locum, in quo nullius rei est penuria.* Idest si iuerimus dominus tradet nobis urbem illam, in qua non est defectus alicuius rei, & ob hoc cum magna diligentia attendēdū erat, quod irent illuc. Dixerunt autem isti viri: tradet nobis dominus locum, scilicet quia Leuita consuluerat dominum pro hoc, & responderat eis: Dominus respicit viam vestram, idest prosperabit eam, & quia totum iter fuerat prosperum crediderunt isti viri, quod etiam consequeretur effectum res, quam intendebant. *Eorum quæ gignuntur in terra.* Ista est modificatio dicti, scilicet quod nullius rei inopia erat eorum, quæ gignuntur in terra, ut per hoc non innuatur, quod est ibi copia marinarum rerum, & mercationum: nam licet mare non multum inde distaret, & potuissent Laïeni exercere negotiationes: tamen nihil horum faciebant, cum dicatur supra in littera quod non habebant communicationes cum aliquo homine, habebant tamen copiam, sine penuria eorum, quæ gignuntur in terra, quia regio erat feracissima.

Profecti igitur sunt de cognatione Dan de Saraa, & Esthaol sexcenti viri accincti armis bellicis, ascendentessq; manserunt in Cariathiarim Iudæ, qui locus ex eo tempore castrorum Dan nomen accepit, & est post tergum Cariathiarim. Inde transierunt in montem Ephraim. Cumque venissent ad domum Michæ, dixerunt quinque viri, qui prius missi fuerant ad considerandam terram Laïs ceteris fratribus suis: Nostis quod in domibus istis sit Ephot, Theraphim, & sculptile, atque conflatile. Videte quid vobis placeat: & cum paululum declinassent, ingressi sunt domum adolescentis Leuitæ, qui erat in domo Michæ, saluta-  
 taueruntque cum verbis pacificis: sexcenti autem viri ita ut erant armati, stabant ante ostium. At illi qui ingressi fuerant domum iuuenis, sculptile, & Ephot, & Theraphim atque conflatile tollere nitentur, & sacerdos stabat ante ostium, sexcentis viris fortissimis haud procul expectantibus. Tulerunt igitur qui intraue-

rant sculptile, Ephot, & idola, atque conflatile. Quibus dixit sacerdos: Quid facitis? Cui responderunt: Tace, & pone digitum super os tuum, venique nobiscum, ut habeamus te patrem ac sacerdotem. Quid tibi melius est, ut sis sacerdos in domo unius viri, an in una tribu, & familia in Israel? Quod cum audisset, acquieuit sermonibus eorum, & tulit Ephot, & idola, ac sculptile, & profectus est cum eis.

*Profecti sunt.* Hic ponitur secundum huius capit. scilicet spoliantium occupatio, scilicet quomodo viri de tribu Dan, qui spoliaverunt idolatriam domus Michæ versabantur circa ipsam spoliationem: & dicitur, *Profecti igitur sunt de cognatione Dan.* Scilicet videntes filij Dan quod egerent terra ad habitandum, & viri quinque, qui iuerant in Laïs recte suaderent, consenserunt ire illuc ad pugnandū, & capiendum. *De Saraa, & Esthaol.* Alia loca habebat tunc tribus Dan licet pauca, & tamen de his solis iuerunt viri qui ceperunt Laïs. *Sexcenti viri accincti armis bellicis.* Non iuerunt plures viri, quia crediderunt, quod ad capiendam urbem sufficiebant isti, cum Laïeni essent securi, & desides, & bellorum in experti diuturnitate pacis. *Ascendentesque manserunt in Cariathiarim Iudæ.* Idest ascenderunt de Saraa, & Esthaol, ut irent in Laïs, & manserunt in Cariathiarim, non quidem quod ibi semper manerent, quia illico inde recedentes venerunt in montē Ephraim. Sed dicitur quod manserunt ibi, quia fecerunt ibi unā mansionem pernoctantes ibi, & postea recesserunt. Est autem Cariathiarim quedam ciuitas in sorte Iudæ, & interpretatur ciuitas siluarum. Est autem ista una de ciuitatibus quatuor Gabaonitarum, qui deceperunt Israelitas, ut patet Iosue 9. & postea cecidit in sorte Iudæ, Iosue 15. & non est intelligendum, quod intrauerint urbem ad manendum, sed manserunt extra circa urbem, quia forte viri urbis timentes armatam multitudinem non permisissent eos introire in urbem, & patet hoc ex littera sequenti. *Qui locus ex eo tempore castrorum Dan nomen accepit.* Idest postquam venerunt illi sexcenti viri armati apud Cariathiarim vocatus est locus ille, in quo manserunt foris apud urbem castra Dā, Idest locus castrorum. *Et est post tergum Cariathiarim.* Scilicet locus, qui vocatur castrorum Dan est post Cariathiarim, quia non introierunt in urbem ex causa dicta, sed manserunt in campo, & campus, in quo castra metati sunt, vocatur castrorum Dan. *Inde transierunt in montem Ephraim.* Scilicet ad terram montis Ephraim, quæ tota vocatur mons Ephraim: nam ubicunque fit mentio de sorte Ephraim vocatur mons Ephraim, ut patet Iosue decimo septimo, & 20. & 21. & in alijs locis.

*Quare in transitu filiorum Dan ad urbem Laïs fit mentio de his duabus mansionibus Cariathiarim, & monte Ephraim.* Quest. XI,

**Q**UÆRETUR, quare in transitu filiorum Dan ad urbem Laïs fit mentio de his duabus mansionibus, scilicet apud Cariathiarim, & in monte Ephraim. Aliquis dicet, quod fit mentio de his duabus mansionibus, quia inter Saraa, & Esthaol non fecerunt plures mansiones quam istas duas. Sed istud non stat, quia tunc

Cariathiarim quid sit.



tunc a monte Ephraim vsque Lais solū effet vna die-  
ta, sed istud est falsum, quia ciuitas Lais erat in extre-  
mitate septentrionali terræ Israel procul a communi-  
catione omnium hominum: mons autem Ephraim  
magis ad Meridiem quàm ad Septentrionem terre il-  
lius, cum inter extremitatem Meridianam terræ Cha-  
naan, & portem Ephraim solū intercideret latitudo  
fortis Iude, & Benjamin. Ceteræ autem fortes erant  
magis aquilonares quàm fors Ephraim, vt declara-  
tum est Iosue 16. & 18. Aliquis autem dicet, quòd po-  
sita sunt ista duo loca mansionū, quia fortè in his duo-  
bus locis fecerunt filij Dan aliqua notabilia, quæ non  
sunt scripta. Sed etiam istud non est rationabiliter di-  
ctum, quia non proderat dicere locum famosum, cū  
nesciatur quomodo, vel propter quid sit famosum: **G**  
potissime, quia in litera apparet contrarium. Dicendū  
igitur q̄ ponūtur ista duo loca mansionum quamquā  
alia multa fuerint: eo quòd ista duo fuerunt famosa,  
& famositas apparet ex litera: nam cū venissent apud  
urbem Cariathiarim, & fixissent ibi castra, & voca-  
tus est ille locus semper castra Dan: & quia istud no-  
men erat commune inter Israelitas, vt sciretur causa  
nominis, dictum est quòd castrametati fuerunt ibi fi-  
lij Dan, & vt sciat quòd propter hoc ponitur quòd  
filij Dan manserant ibi, subditur, quòd ille locus po-  
stea vocatus est semper castrorum Dan. De monte  
Ephraim dicendum quòd ponitur ista māsio propter  
domum Michæ, de qua rapuerunt viri isti idolum, p-  
pter quod introducit principaliter ista historia: & **H**  
quia illæ mansiones non habuerunt aliquid notabile,  
istas duas descripsit solū scriptura sacra. *Cumque venis-  
sent ad domum Michæ.* Idest apud illam: erat enim do-  
mus Michæ in monte Ephraim: & non erat in aliqua  
vrbe murata, sed in vico quodam, vbi paucæ domus  
erant, ideo non potuit congregare Michas adiutores  
contra viros, qui prædati fuerant omnia bona eius.  
*Dixerunt quinque viri.* Isti quinque viri veniebant nunc  
cum sexcentis, vt dirigerent eos in via, & instruerent  
circa captionem vrbs edocētes quando, & per quam  
partem deberent inuadere urbem. *Qui prius missi fue-  
runt ad considerandam terram Leis.* Isti venerunt per do-  
mum Michæ: & viderant ibi idolum, & Ephod, & re-  
liquos apparatus idolatriæ: & moti sunt ad rapiendū,  
ideo dixerunt aliis viris, quòd raperent illa. *Ceteris fra-  
tribus suis.* Scilicet sexcentis viris, quia isti quinque erāt  
de numero sexcentorum. *Nostis quòd in domibus istis sit  
Ephod.* Idest sciatis, quòd in domo Michæ quam de-  
monstrabant ad oculum sit Ephod. Potest accipi E-  
phod pro ornamento summi sacerdotis, dum tamen  
subintelligantur alia ornāmēta ad hoc quòd sit vestis  
completa. Vel quòd esset aliqua vestis, quæ vocaretur  
Ephod. & sic exposuit litera nostra præcedenti cap-  
it. scilicet q̄ Michas fecit Teraphim, & Ephod, idest  
idola, & vestem sacerdotale: satis tamen credendum  
est, quòd esset ibi Ephod tale, quale erat summi sa-  
cerdotis ad consulendum dominum. *Et Teraphim.*  
Quid sit Teraphim declaratum est præcedenti cap. &  
est quardam statua. *Sculptile atque conflatile.* Idest vnū  
idolum argenteum, quod erat conflatile, idest factum  
opere conflatorio in igne, & postea opere fusorio, &  
erat sculptile, quia sculpebatur: nam limabatur ad hoc  
quòd esset pulchrum, & splendens, *Videte quid vobis  
placeat.* Idest quid vobis placet agere super hoc, scili-  
cet vel accipere, vel dimittere. In Hebræo habetur. *Sci-  
tote quid faciatis.* Idest deliberate quid debeatis facere.  
*Et cum paululum declinassent.* Scilicet a via, quia ibant re-  
cto itinere non cum intentione manendi in domo  
Michæ sed transeundi: & cū deliberassent apud se  
capere idola, & omnes apparatus culturæ, declinaue-  
runt modicum a via ad domum Leuitæ, in qua erant

Desitudo  
mus Mi-  
chæ.

Ephod qd  
est

Litera He-  
bræa.

**F**idola. *Ingressi sunt domum adolescentis.* Erat domus Mi-  
chæ apud viam: & domus Leuitæ erat apud domum  
Michæ: quia dederat Michas Leuitæ domum apud  
se, quæ vocatur supra diuersorium Leuitæ: & in istud  
ingressi sunt nunc quinque viri, qui prius steterant ibi  
dem cum Leuita, manseruntque sexcenti viri foris  
expectantes quid agerent quinque qui intrauerant.  
*Qui erat in domo Michæ.* Idest Leuita erat in domo Mi-  
chæ. i. manebat cum eo in familia illius, quia comede-  
bat, & manebat apud eum. *Salutauerunt Leuitam v-  
bis pacificis.* Idest quinque viri salutauerunt Leuitam v-  
bis pacificis, idest dicentes, pax tibi sit. Vel, *Verbis pa-  
cificis.* Idest quamuis venissent ad prædandum, nō ve-  
nerunt tanquā tumultuosi, aut vim facientes, sed vul-  
tu quieto, & verbis pacificis loquebantur. In Hebræo  
dicitur. *Interrogauerunt eum pro pace.* Quod idem est.  
Vel potest intelligi, quòd interrogauerunt pro pace. i.  
an esset in pace, scilicet si erat sanus, & erant cuncta  
prospera: quod erat esse in pace. *Sexcenti autem viri, ita  
ut erant armati, stabant ante ostium.* Idest omnes sexcenti  
viri armati, qui ibant in Lais erāt cum armis suis apud  
ostium: vt si forte Leuita noller venire, & dare Ephod,  
& idola, ipsi intrarent, & raperent. Vel si aliquis ve-  
niret volens eruere ista de manu quinque virorum, qui  
ingressi fuerant domum Leuitæ: isti defenderent il-  
los, sicut postea factum est veniente Michæ ad peten-  
dum hæc. In Hebræo dicitur. *Sexcenti viri, ita ut erant  
armati, stabant ante portam portæ, uel ante portam ciuitatis,  
quæ erat filiorum Dan.* Istud superabundat in Hebræo  
quantū ad sensum, sicut multotiens ponuntur aliqua  
superflua in voce ex conditione idiomatis, & alia dimi-  
nuta: Nam si dicamus, stabant ante portam ciuitatis,  
falsa est litera, quia ibi non erat ciuitas, sed paucæ do-  
mus, quia quinque viri dixerunt ad reliquos: nostis, q̄  
in domibus istis sit Ephod. Si autem dicatur ante por-  
tam portæ est superfluum, ideo litera nostra solū di-  
xit: stabant ante portam. *At illi qui ingressi fuerant do-  
mum iuuenis.* Scilicet viri quinque, qui prius steterunt  
in domo Leuitæ, & sciebant vbi esset Ephod, & alij  
apparatus idoli. *Sculptile, & Ephod, & Theraphim, atque  
conflatile tollere nitebantur.* Scilicet nolente Leuita vo-  
lebant tollere: nam Leuita a principio dissentiebat,  
quia videbatur ei malum, quòd illi furarentur totum  
bonum domini sui Michæ. Etiam quia redundabat  
hoc in damnum suum: nam ipse habebat victum, &  
omnia necessaria ministrando idolo: si autem nunc  
tolleretur idolum, & apparatus sui non haberet Leui-  
ta unde cibos acquireret. *Et sacerdos stabat ante ostium.*  
Scilicet impediendo ne quinque viri egrederentur, &  
ducerent ista ornāmēta omnia. In Hebræo est lite-  
ra ista abundantior, scilicet. *Et ascenderunt quinque viri,  
qui iuerant ad explorandum terram uenerunt illuc, & tulerunt  
idolum, & Ephod.* Et quantum ad hæc declaratur ma-  
gis in Hebræo quàm in litera nostra, scilicet quòd isti  
viri, qui introierunt siue ascenderunt in domum Leui-  
tæ erant, qui iuerant in Lais, & deinde dicitur in He-  
bræo. *Sacerdos stabat ante portam portæ, uel portam ciuitatis.*  
Sed etiam hic litera nostra subtrahit, quia ista vi-  
debatur superfluitas literæ ex conditione idiomatis.  
*Sexcentis viris fortissimis haud procul expectantibus.* Sexcen-  
ti viri armati, qui erant fortissimi, expectabant quin-  
que viros, qui ingressi fuerant domum Leuitæ: &  
hoc haud procul, idest non procul, quia Haud est  
aduerbium negandi, sed quòd erant isti sexcenti vi-  
ri circa domum Leuitæ ne quinque viri, qui in-  
gressi fuerant aliquod malum pati possent ab aliqui-  
bus, qui adiuuarent Leuitam. *Tulerunt igitur, qui intra-  
uerant sculptile.* Scilicet quinque viri, qui intrauerunt  
ad Leuitam nihil dicēdo Leuitæ arripuerūt sculptile,  
& per hoc intelligitur Theraphim, & Ephod, & reli-  
quos



quos apparatus. *Quibus dixit sacerdos: quid facitis.* Miratus est Leuita ille, qui vocatur sacerdos Michæ, quia putauit quod isti viri nihil mali facerent cum iterum ad eum intrauissent quādo ibant in Lais, & steterunt cum eo pacifice, & consuluit tunc pro eis: nunc etiā ingredientibus salutauerunt eum verbis pacificis, & illico arripuerunt Ephod, & sculptile. *Qui responderunt: tace.* Quasi dicat non oportet te clamare, quia si clamaueris, occideris. *Pone digitum super os tuum.* Istud dixerunt ad significandum quod deberet tacere, quia signum tacendi est superponere digitum ori. Sic patet Ecclesiastici 5. c. scilicet: Si est tibi intellectus respōde proximo tuo, si autem sit manus tua super os tuum, ne capiaris in verbo indisciplinato, & confundaris. In Hebræo dicitur. *Pone manum.* Litera nostra dixit digitum, quia forte consuetudo erat ponendi digitum, & non manum: & tamen Ecclesiastici 5. dicitur. sit manus tua super os tuum: sed hoc non differt. *Veni quæ nobiscum, ut habeamus te in patrem, & sacerdotem.* Prius suaserunt ei tacere incutiendo timore: nunc autē suadebant inducendo ad amorem, scilicet veni nobiscum, id est noueris, quod vadimus in vrbe Lais, veni nobiscum, & ibi melius eris quā hic: & habebimus te in sacerdotem, & in patrem. Dicitur autem, & in patrem, quia sacerdotes erāt magnæ auctoritatis apud antiquos, & honorabantur plūquam alij homines, si cut patres a filiis: ita enim dixerat Michas isti leuitæ quando venit ad eum, s. mane apud me, & esto mihi parens atque sacerdos.

*Quomodo moti sunt viri Dan ad accipiendum Ephod & idola de domo Michæ. Quest. XII.*

**Q**UÆRETUR, quomodo, vel propter quid moti sunt viri Dan ad accipiendum Ephod, & idola de domo Michæ. Respondendum quod quinque viri, qui prius venerant in domum Michæ dixerunt cæteris sexcentis viris quando steterunt apud domum Michæ quod erat in domibus illis Ephod, & Theraphim, & quod deliberarent an vellent accipere, & deliberauerunt quod sic: Motiuum autem fuit, quia quinque viri quando steterunt in domo Michæ petierunt a Leuita quod consuleret pro eis dominum, & consuluit atque responsum est prosperam esse viam illorū, & illi quinque viri ita postea esse inuenerunt: ideo desiderauerunt valde habere illa, per quæ Deus consulebatur: & quia putauerunt quod tam Ephod, quam sculptile & Theraphim faciebant aliquid ad cōsolationem hanc, voluerunt omnia hæc rapere. Et fuit motiuum, quia ipsi indigebant valde hoc ad cōsulendum dominum super bellis, quæ eis ingruiebant & super statu patriæ & super multis alijs, cum nūc noui incolæ in terram illam venirent

*Ad quid volebant ducere secum Leuitam. Quest. XIII.*

**Q**UÆRETUR vterius, ad quid volebant ducere secum Leuitam: nam ipsi poterant habere multos alios sacerdotes, vel Leuitas qui consulerent dominum habito Ephod quod ipsi portabant. Respōdendum quod filii Dan experti fuerant, quod iste sacerdos responderat eis verum quando ibant in Lais, & dubitabant an fortē inuenire possent alium, per quem Deus respondere vellet, sicut respondebat per illum: quia putabatur a popularibus hoc pertinere ad quandam sanctitatem ipsius, per quem respondebatur, & non facilliter reperiebantur viri, per quos Deus dignaretur respondere. Vel fortē quia sacerdos ille nouerat artem inquirendi in Ephod, & Theraphim illo,

**A** atque sculptile: & putabant Danitæ quod hoc nesciebant alij, ideo voluerunt hunc habere secum. Etiam quia forte aliquid deerat ornamentis illis, quod non possent habere Danitæ nisi daret eis Leuita, & quia si nollet ire cum eis non daret eis illud, petierunt ut irent cum illis. Vel forte quia si non iret illuc Leuita, Danitæ nescirent modum portandi Ephod, & idola, & timebant quod propter ignorantiam eorum periclitarentur aliqui, eo quod tangebant sacra, vel periret virtus sacrorum: ut ergo sacerdos portaret illa, putauerunt necessarium esse ducere sacerdotem. *Quid tibi melius est, ut sis sacerdos in domo unius viri, aut in una tribu, & familia in Israel?* Quasi dicat non hortamur te facere nisi quod tibi bonum est, quia melius atque honorabilius valde tibi est, quod sis sacerdos totius vnus tribus, scilicet tribus Dan, quā quod sis sacerdos vnus viri, scilicet Michæ, quia maiorem honorem, & ampliora lucra consequeris. *Quod cum audisset acquieuit sermonibus eorum.* Vidit enim quod rationabiliter loquebantur ad vtilitatem eius, ideo assensit ire cum eis. *Et tulit Ephod.* Scilicet ipsemet Leuita tulit, quia dum ista essent sacra non decebat tangi illa, nisi sacris manibus. Erat Ephod vestis, vel ornamentum pontificis. *Et idola.* Scilicet Teraphim, quæ litera nostra exponit esse idola, & patet quia præcedenti capitu. dicitur. fecit Ephod, & Theraphim: & exponit litera nostra dicens, id est vestem sacerdotalem, & idola. *Atque sculptile.* Scilicet idolum argenteum, quod vocatur sculptile, atque conflatile. Et ex hoc patet, quod sculptile, & conflatile sit vnum idolum, quia alioquin exprimeretur, quod tulisset sculptile, & conflatile. *Et cum eis profectus est.* Scilicet recessit de domo Michæ, ut iret cum eis in Lais ad manendum ibi.

*Quomodo viri Dan voluerunt accipere idola quod est idolatrat. Quest. XIII.*

**Q**UÆRETUR, quomodo viri Dan voluerunt accipere idola ista, quia per hoc efficiebant idola trē ferendo illa secum ad colendum, & consulendum dominum per illa. Responderi potest multipliciter: vno modo, quod aliqui de viris istis simplices existentes non crederent se peccare, quia non ferebant idola damnata, sed aliquid quod pertinebat ad cultum Dei, & hoc colligebant, quia hic erat Ephod, quod erat ornamentum quod Deus iusserat fieri pro Aarō, & erat sacrum. Secundò quia Deus responderat veritatē per illud Ephod Leuitæ, ideo res sacra esset, quia idola nescirent respondere. Aliter potest dici, quod dato quod Israelitæ scirent istam esse idolatriam, non multum curarent: quia consequerentur inde vtilitatem, scilicet quod responsum habebant ad dubia per illud Ephod, & Theraphim: pro quacunque autem vtilitate, quam scirent Israelitæ se consecuturos leuiter deferrent Deum: simile patet Iere. 44. cum dixerunt vxores Israelitarum, quod non audirent verbum domini ex ore Ieremiæ ad hoc quod colerent eum, & non colerent reginam cœli, quia quando colebant Deum patiebantur famem, & gladium, & quando colebant reginam cœli, saturati erant panibus, & bene eis erat. Aliter etiam dici potest, quod dato quod Israelitæ non consequerentur aliquam vtilitatem colendo idola, inclinabantur ad colendum ea, & colebant: imò dato quod mala paterentur permanebant in cultu idolorum vsquequo peruenirent ad extremum malorū, quia tunc clamabant ad dominum, ut erueret eos de angustiis, ut patet supra 3. & 4. & 6. & decimo capitu. ideo non erat mirandum, si nunc inclinarentur Danitæ ad colendum idola, quæ viderant in domo Michæ.



*An peccauerunt Danitæ tollentes idola Michæ eo inuito.*

*Quæstio XV.*

**Q**VAERETVR vltius, an peccauerunt Danitæ tollentes idola Michæ eo inuito. Aliquis dicit quod non peccabant, quia tollebant Danitæ ipsi Michæ occasionem peccandi in cultu idolorum, ideo non peccabant, sed potius merebantur. Respondendum, quod peccauerunt Danitæ dupliciter. Primo quia abstulerunt alienum. Secundo, quia abusi sunt illo. De primo patet, quia ista idola erant Michæ, & non licebat istis auferre alienum pro se, licet alius peccaret in eo. Secundo peccabant, & grauius, quia tollebant ista idola, vt ipsi adorarent ea, & facerent in illis id quod fiebat in domo Michæ, scilicet consulere dominum, & sacrificare: nam postea posuerunt in Laish, & mansit ibi cultura istorum magno tempore. Cum autem arguitur, quod merebantur, quia impediabant Micham peccare. Dicendum, quod non agebant hac intentione, vt non peccaret Michas, sed potius, vt ipsi facerent peiora, quam faciebat Michas. si tamen abstulissent Michæ idola, & sacerdotem non intentione auferendi eis, sed tollendi Michæ occasionem peccandi, & delebant idola non peccarent. Et dicendum est, quod non est omnino de idolis istis sicut de pecunia, quam mater Michæ consecrauerat idolo, quia licet illa pecunia ad malum disponderetur, tamen adhuc poterat de ipsa fieri bonum quandiu non erat factum idolum de ea. Etiam illa pecunia, quandiu manebat pecunia, non erat materia offendendi Deum: tamen determinata idolo non poterant conuerti, nisi ad malum, & erat id in quo Deus maximè offendeatur: ideo licebat cui libet accipere idolum quod alius fabricasset, & confringere illud atque exurere. & in hoc colebatur valde Deus. Vnde si isti viri sexcenti moti zelo Dei abstulissent Ephod, & sculptile, & quicquid erat in domo Michæ pertinens ad idolatriam, & conbussissent, valde acceptauisset Deus hoc: ipsi autem acceperunt idola ista ad maiora mala, quam vteretur eis Michas.

*An licuisset his viris sexcentis Micham occidere, quia erat idolatra.* *Quæst. XVI.*

**Q**VAERETVR vltius, an licuisset istis viris sexcentis occidere Micham, quia erat idolatra, si zelo Dei accederentur. Respondendum quod pena idolatræ erat quod lapidarentur a toto populo, Deuter. 13. cap. & 19. & erat per modum sententiæ condempnatio faciendæ: nam Deuterono. 13. dicitur, quod ille, qui sciret aliquos idolatras, non debebat eos occultare, sed manus sua deberet esse prius super illos, deinde totus populus debebat lapidare eos. Semper istud intelligitur per modum testis, quia lex iubebat, quod testes de aliquo crimine eum lapidaret prius, & deinde reliqui de populo, vt patet Deutero. 19. filii tamen Dan non erant iudices ad condemnandum aliquem de idolatria, ideo videtur quod non poterant condemnare Micham.

*In contrarium videtur, quod poterant facere propria auctoritate, quia sic Phinees occidit Zambri principem tribus Simeonis coeuntem cum Madianitide, & faciebat sacrificia idolis; & Deus placatus est populo, promissitque ex hoc sacerdotium sempiternum Phinees, & semini eius, Nume. 25. Sic etiam Mathathias pater Machabæorum auctoritate propria occidit illum, qui offerebat idolo sacrificium, vt patet primo Machab.*

*secundo capi. Et etiam iste laudatus est. Respondendum est, quod in omnibus criminibus pena per iudicem imponenda erat secundum omnem legem, & etiam secundum legem Mosaicam, quia aliàs sequeretur deordinatio: crimen autem idolatriæ erat de criminibus*

**E**xceptis, in quo minus requirebatur iudiciarius ordo quam in cæteris, & tamen requirebatur: nam Deut. 17. dicitur, quod quando denunciaretur de aliquo crimine idolatriæ, vel de aliqua ciuitate, debebat inquiri diligenter an factum fuisset. Inquirere tamen est actus iudicis, & non personæ priuati. Item dicitur, quod si inuenirentur abominatiōem factam, educes virum ac mulierem ad portam ciuitatis, & lapidibus obruentur: & tamen educere ad portam ciuitatis, vt lapidaretur a populo est ordo iudiciarius. Item dicitur: In ore duorum, vel trium testium lapidabitur, id est duobus vel tribus ferentibus contra se testimonium: & tamen testes non producuntur, nisi cum exercetur forus iudicialis, ergo ad occidendum aliquem idolatram, necessarius erat iudex. Item dicitur ibidem: nemo interficietur vno contra se dicente testimonium: ergo non solum requirebatur ordo iudiciarius, sed etiam in certa forma. Item dicitur, quod manus testium lapidabit eum prius deinde reliquus populus: & tamen est ordo iudiciarius, quia persona priuata testes non recipit, nec facit quod testes lapident idolatram, deinde reliquus populus: ergo tenebatur forma iudicii in hoc. Constat autem quod isti sexcenti viri de tribu Dan non erant iudices Israel, ideo non licebat eis indistincte occidere Micham pro idolatria. Sed dicendum quod isti poterant propria auctoritate rapere idola, & cremare illa sicut iubebat dominus fieri apud hostes, Deuterono. 7. & in hoc præstabant Deo obsequium: & tamen non licebat eis occidere Micham, sed debebant denunciare iudicibus septuaginta, qui erant domus consilij & si illi non occiderent, poterant isti viri occidere Micham impune vel qui libet alius de Israel, qui istud denunciaret. Et ratio huius est, quia propter magnitudinem criminis huius cum crimen deduceretur ad iudices, & probata notorietate illi nollent procedere, aut non auderent, efficiebantur iudices illi, qui denunciabant, ne tale crimen maneret impunitum. Et istud colligitur Deuter. 13. cum dicitur, quod si vxor, aut filius, vel filia diceret aliqui, quod iret ad colendum deos alienos, quod non deberet oculus istius parcere, aut misereri ad occultandum crimen, sed statim interficeret eum, & sic videtur quod si iudices nollent condemnare idolatram, iste deberet eum interficere, quia Deus dabat isti potestatem in hoc casu propter immanitatem huius sceleris, per quod lex Dei maximè destruebatur. Et in hoc casu intelligitur factum Phinees: nam ipse non erat iudex, nec tenuit ordinem iudiciarium, quia tamē peccatum erat notorium & in oculis iudicis, scilicet Moyse fiebat, & iudex erat quasi attonitus, nec audebat punire, insurrexit Phinees in defectum, & occidit utroque fornicantes, qui etiam idolatriam exercebant prius. Sic etiam intelligitur quod inducitur de Mathathia patre Machabæorum, quia ille, qui immolauit venit publice ad immolandum idolo: & cum nullus auderet eum punire, ipse zelo commotus surrexit, & trucidauit eum. Etiam potest dici, quod in Mathathia non fuit aliquid valde speciale, quia ipse erat iudex cum esset summus sacerdos erat princeps iudicum de domo consilij, & ei attribuitur omnis potestas, Deutero. 17. ita quod qui mandato eius non obediret moreretur morte. Dicendum tamen, quod in aliis criminibus non erat sic, quia dato quod Michas adulteratus fuisset, vel occidisset, & denunciatum fuisset hoc iudici atque plene probatum, & iudex nollit punire, non licebat alicui immanitatem criminis: nam reliqua crimina licet commovent pacem publicam, non sunt ita directe contra totam legem Dei, & in offensam eius sicut idolatria. In Hebræo dicitur. *Si melius est tibi.* Vbi nos dicimus: *Si melius est tibi.* Et

*Inquirere est actus iudicis.*

*Resp. ad rationem in contrarium.*

*Ad secundum.*

*Littera in Hebræo.*



Et dicitur. *Et venit in medio populi.* Vbi nos dicimus: cū eis profectus est. Et est eadē sentētia in omnibus, quia dicere: quid melius est, vel si melius est. solum differt per modum interrogandi, & dicere, placuit cordi sacerdotis, & assensit sermonibus eorum, idem est, quia tunc aliquis assentit sermonibus alterius, quando placet cordi eius, quod dicitur. *Et profectus est cum eis.* Id est cum sexcentis viris, vel ambulauit in medio populi. idem est, quia illi sexcenti vocantur populus, quia multi erant.

Qui cū pergerent, & ante se ire fecissent paruulos ac iumenta, & omne quod erat prāciosum, iamq; a domo Michæ essent procul, viri qui habitabant in ædibus Michæ conclamantes secuti sunt, & post tergum clamare cœperunt. Qui cū respexissent, dixerunt ad Micham. Quid tibi vis? Cur clamas? Qui respondit: Deos meos, quos mihi feci, tulistis, & sacerdotem, & omnia, quæ habeo, & dicitis, quid tibi est? Dixeruntque filij Dan. Caue ne vltra loquaris ad nos, & veniant ad te viri animo concitati, & ipse cum omni domo tua pereas. Et sic cēpto itinere perrexerunt. Videns autem Michæ, quod fortiores se essent, reuersus est in domum suam. Sexcenti autem viri tulerunt sacerdotem, & quæ supra diximus: veneruntque in Lais ad populum quiescentem atque securum, & percusserunt eos in ore gladij, urbemque incendio tradiderunt, nullo pānitus ferente prēsidium, eo quod procul habitarent a Sidone, & cum nullo hominum haberent quicquam societatis ac negocij. Erat autem ciuitas sita in regione Roob. Quam rursus extruentes habitauerunt in ea: vocato nomine ciuitatis Dan, iuxta vocabulum patris sui, quem genuerat Israel, quæ prius Lais dicebatur. Posueruntque sibi sculptile, & Ionatham filium Gersan filij Moyse, ac filios eius sacerdotes in tribu Dan vsque ad diem captiuitatis suę. Mansitque apud eos idolum Michæ omni tempore, quo fuit domus Dei in Silo. In diebus illis non erat rex in Israel.

*Qui cū pergerent.* Hic ponitur tertium huius capi. scilicet spoliati conuestio: nam Michas valde clauit, & doluit pro spoliatione idolorum suorum, & dicitur. *Qui cū pergerent.* Scilicet sexcenti viri cū Leuita portantes idola Michæ. *Et ante se ire fecissent paruulos.* Scilicet antequā ipsi recederēt de domo Michæ fecerunt q̄ tota substantia eorū prēcederet eos: utud

A aut fecerunt, quia putauerunt q̄ fortē aliquis vellet pugnare contra eos pro idolis defendendo illa, & melius pugnarent expediti existentes quā habētes inter se paruulos, & greges. *Paruulos ac iumenta.* Quia portabant isti sexcenti viri secum paruulos, & iumenta: nam cū annunciatum est eis de vrbe Lais, quod erat optima tellus, & ad capiendum facillima, quasi iam securi quod possent eam obtinere, duxerunt secum omnia sua ad habitandū in ea, & ista omnia prēcedebant nunc eos ambulantes. Vel posset etiam dici, quod cōsuetudo erat antiquorum, quando pugnaturi erāt, ducere secum totam domum suam, scilicet vxorem, & filios, & quicquid melius possidebant, vt incitati amore istorum pugnarent acriter, & non putarent propter quemuis sinistrum casum fugiendum esse, quia nihil boni supererat ad qđ fugere possent relictis in bello, & captiuitate chara vxore, & dulcibus filiis: & tota domestica substantia. Sic fecit Darius, quando pugnavit contra Alexandrum: nam matrem, vxorem, & filias in bellum duxit, & omnes Gazas suas, vt ait Gualterus Alexandr. libro 2. & forte isti sic faciebant. Sed primum verisimilius est: nam sic dixerunt viri quinq; qui iuerant ad explorandum terram: Surgite eamus, & possideamus terram, quasi dicat, non pugnemus, sed possideamus. *Et omne quod prāciosum erat.* Scilicet omnes alias res alicuius prācij, quas secum ferebant ante se posuerunt, vt prēcederent in via. In Hebræo habetur. *Et respexerunt, & ambulauerunt, & posuerunt familiam, & iumenta, vel pecora & honorem coram ipsis.* Nam vbi nos dicimus: qui cū pergerent, Hebræus dicit: respexerunt, & ambulauerunt, scilicet respexerunt, ne aliquid de rebus suis retro maneret, & tunc ambulauerunt. Et dicitur, quod posuerunt familiam, & pecora, vbi nos dicimus, paruulos, & iumenta: quia paruuli sunt ipsa familia: licet videatur, quod littera Hebraica magis compleat hic sensum, quā littera nostra, quia nomine familiæ continetur vxor. Et tamen manifestū est, quod isti viri ferebant secum vxores, cū omnia sua secum portarent ad habitandū in Lais, vnde melius diceretur familia quā paruuli: & dicitur in Hebræo, & honorē, vbi nos dicimus omne quod prāciosum erat: & in hoc littera nostra valde explanauit, quia nō potest intelligi, quod ferrent honorem coram se: sed idioma istud per improprietatē, vocat honorem rem prēciosam, vel alicuius valoris. *Iamque a domo Michæ erant procul.* Scilicet recesserant aliquantulum a domo Michæ viri Dan ferentes idola Michæ, & ipse nesciebat, eo quod non audierat clamare sacerdotem pro raptu illorum, & illa non erant in domo Michæ, sed in diuersorio Leuitę. *Viri qui habitabant in domo Michæ conclamantes secuti sunt.* Id est viderunt istud aliqui viri de domo Michæ, & nunciauerunt ei, qui cum ipsis egressus est ad viros Dan, vt darent ei idola sua. In Hebræo dicitur. *Et viri, qui erant in domibus, quæ erant cum domo Michæ.* Id est viri, qui erant habitantes in quibusdam domibus, quæ erant apud domum Michæ, & de istis dixit littera nostra, qui erant in domo Michæ, id est de familia eius, quia erat Michas vir valde diues, & habebat multos vernaculos, & mercenarios, atque famulantes, & isti morabantur in domibus coniunctis domui eius, & omnes erant domus Michæ: sic dicitur de Leuita supra in littera, quod haberet quoddam diuersorium, scilicet quandam domum separatam a domo Michæ, & tamen ipse erat de familia Michæ. *Et post tergum clamare cœperunt.* Scilicet, sexcenti viri Dan prēcedebant, & Michas cum viris suis caperunt clamare post tergum illorum, quod expectarent, vel fortē quod non bene fecerant tollentes deos Michæ. *Qui cū respexissent, dixerunt ad Micham: quid tibi vis?* Scilicet, cū iam vocibus Da-

Consuetudo antiquorum, cum ad bellum pergerent.



Danitas inquietaret Michas, & prope illos esset, conuerterunt illi faciem ad Micham, dicentes: quid tibi vis? idest cur sic insane clamas? Ista fuit responsio sua, quia Danitæ videbant se superiores viribus Michas, ideo contempserunt eum quāquam iuste clamātem. *Cur clamas?* Quasi dicat, stultus es clamando fortiter pro nulla re. *Qui respondit:* deos meos quos mihi feci, tulistis. Ecce quam impudice Michas, & insipienter locutus est: nam si dii erant, non erant facti: vel si facti erant, non erant dii: cur ergo stolidè sic loqueris, nesciens quid exposcas? rectè enim frustra clamanti tibi obijce re potest turba Danitarum nullos deos suscepisse: si ergo aliquid petis, simulacra pete, & incōdicabile Dei nomen simulachro non communices. Præsertim cū in verbis tuis contradictionem apertissimam innuas, dicens, deos a te factos ablatis fuisse. Dixit autem Michas: Deos meos, quia erant plures, scilicet vnum sculptile, atque conflatile quod de argento fabricauerat, & Theraphim siue idola alia de ligno, aut alia materia fabricata. Vel potest accipi pro vno Deo, & tamen per modum loquendi Hebraicum vocatur vnus Deus, dii. Sic patet Exo. 32. cap. scilicet. Hi sunt dii tui Israel, qui te eduxerunt de Aegypto: & tamen istud dicebant de vno vitulo conflatili vnico. *Et sacerdotem.* Dolebat etiam Michas pro sacerdote, quia cū ipse esset diues, poterat facere alia idola, & Ephod: tamen dubitabat an alium talem Leuitam inueniret, per quē responsa certa a Deo haberet. Putabat autem Michas quod sacerdos violenter trahebatur, & tamen sponteibat, vt patet supra, desiderio maioris honoris, & lueri. *Et omnia, quæ habeo.* Scilicet ablatis istis non habeo alia bona: multa alia bona maioris valoris habebat Michas: reputabat tamen omnia bona sua esse in idolis illis, & sacerdote: quia credebatur illa augmentandam fore nimis substantiam suam: sic patet præcedenti capitu. cū dixit Michas: nunc scio quod bene mihi faciet Deus habenti sacerdotem Leuitici generis. Vel dicebat ista ad expressionem doloris, quia querulosi solent magnificare iniuriam ad satisfaciendum dolori. *Et dicitis, quid tibi est.* Quasi dicat, satis irrationabiliter istud dicitis, cū omnia bona tuleritis, & sciatis quod habeam causam iustissimam clamandi, & conquerendi. *Dixeruntque filij Dan.* Scilicet sexcenti viri armati. *Cave, ne ultra loquaris ad nos.* Scilicet clamando super hac re, vel inferendo contumeliosa verba. *Et ueniant viri ad te animo concitati.* Idest si locutus fueris super hac re, venient contra te viri cōcitati animo, idest irati nimis, & nō miserebuntur tibi. *Et ipse cum omni domo tua pereas.* Scilicet si irrūunt in te viri concitati, non solum occident te, sed etiā omnes qui tecum sunt: & deinde omnes, qui sunt in domo tua, & omnia tollent. In Hebræo dicitur. *Et colligas animam tuam, & animam domus tue.* Idest occideris tu, vel facies quod occideris tu, & tota familia tua. Colligere enim animam est mori. Sic autem est cōsuetū dici quod aliquis collectus est ad patres suos, idest mortuus est. Sic accipitur Num. 20. vbi litera nostra dicit: Pergat Aaron. dicitur in Hebræo: colligatur Aaron. & Numeri 27. cū dicitur de Moyse: Ibis ad populum tuum, sicut iuit Aaron frater tuus. dicitur in Hebræo: colligeris ad populum tuum, sicut collectus est Aaron. Sic etiam in multis alijs locis: vocatur aut hic aīa domus Michæ. i. anima familiæ, quia familia occidenda erat, & nō domus: sed est modus hebraicus Barbarus. *Et sic capto itinere perrexerunt.* Scilicet, postquam responderunt istud, perrexerūt itinere suo, quia Michas timens non clamauit amplius, nec ipsi plura responderunt. *Videns autem Michas, quod fortiores se essent.* Scilicet quia erant sexcenti viri armati, & ipse paucos famulos secum habebat nō ausus est pugna

Colligere  
animā qd  
fr.

Fire contra eos. *Reuersus est in domum suam.* Scilicet, timens quod si plus clamaret occideretur: ex hoc patet quod Michas non habitabat in aliqua vrbe, sed in aliquo viculo in agro, quia aliās potuisset cito de contri-  
bulibus suis congregare multos contra viros Dan, quia illi cū haberent greges, & iumēra, & paruulos ante se ferret, non poterant multum procedere, & sic cito consequerentur eos Ephraim, tamen nullos habuit adiutores, nisi paucos viros, qui erant in domo sua, ideo videtur, quod non erat ibi ciuitas. *Sexcenti autem viri tulerunt sacerdotem.* Scilicet isti sexcenti viri armati. In Hebræo dicitur: *Ipsi tulerunt sacerdotem.* Et accipitur pro sexcentis: litera autem nostra ad magis explanandum posuit, quod erant isti sexcenti, ne putaretur ad alios referri. *Et quæ supra diximus.* Scilicet tulerunt sculptile, & cōflatile, Theraphim, atque Ephod, & cetera, quæ pertinebant ad cultum idoli, & fuerunt in domo Michæ. *Veneruntque in Laish ad populum quiescentem atque securum.* Scilicet, non putabant Laisheni aliquod bellum posse contra se insurgere, quia erant procul ab omnibus hominibus constituti: vnde quāquā venissent quinq; viri alienigenæ de Danitis prius ad urbem, non suspicati fuerunt illos exploratores esse, sed securi manebant. Et dicuntur isti securi, idest non timentes aliquem contra se insurrecturum. Et vocantur quiescentes, quia ipsi contra nullum moliebantur bellum, ita vt haberent curam aliquam exercituum armorum. *Et percusserunt eos in ore gladij.* Scilicet, non se potuerunt defendere Laisheni, quia erant pauci: & quod maius erat, in exercitatu ad bellū erant, vnde faciliter potuerunt Danitæ percutere eos. *vr-  
bemque incendio tradiderunt.* Scilicet cremauerunt omnia ædificia eius. *Nullo penitus ferente presidium.* Idest quando cremabant urbem non adiuuit quisquā Laishenos cōtra Danitas: nam faciliter adiutorio habito potuissent Laisheni repellere Danitas, cū essent pauci Danitæ, scilicet solum sexcenti viri, vt patet in litera: & tamen nullus adiuuit eos. *Eo quod procul habitarent a Sidone.* Dicitur hic de Sidone specialiter, quia forte ista ciuitas erat de terra Sidoniorum. Vel erat subiecta Sidoni, & ob hoc defensio eius pertinebat ad Sidonios: quia tamen longe erat a Sidone, nō potuerunt cognoscere aduentum Israelitarum Sidonij, vt venirent in occursum eis antequam urbem caperent. *Et cum nullo hominum haberent quicquam societatis ac negotij.* Idest dato, quod aliæ gentes de finitimis cognouissent bellum insurgere contra Laishenos, non iuissent ad auxiliandum eis, quia non habebant causam faciendi hoc, scilicet, quia Laisheni non habebant societatem cum alia gente de compugnando. Habent enim ciuitates interdum compositionem inter se de compugnando, idest de adiuuando ad bella, quæ insurgunt contra illas: & per hoc est amicitia quædam largè dicta inter vrbes: de quo Arist. octauo, & nono Ethico. Etiam non habebant negocium, idest negociationem cum aliqua gente: quia si Laisheni communicarent in negociationibus cum aliquibus ciuitatibus finitimis, quia ex negociationibus ditantur vrbes, & prouidetur in alterarum necessitatibus eorum: est per hoc eis magna utilitas. Et dato quod nulla alia fœdera essent, omnes ciuitates finitimorum venissent ad auxiliandum eis, ne perderent utilitatem, quam consequerentur communicando Laishenis: sed nec societatem de compugnando, nec vllam negociationem communē exercebant Laisheni cum alijs finitimis vrbibus, ideo etiam si alie ciuitates cognouissent obsidionem Laishenorum, non tulissent eis adiutorium. Causa autem quare non communicabāt Laisheni cum aliqua ciuitate finitimorum, erat copia omnium rerum in vrbe illa, ita quod non opus esset ab extraneis quicquam petere, & sicut dixerunt



ferunt supra quinque viri, scilicet, tradet nobis dominus locum, in quo nullius rei est penuria eorum, quæ gignuntur in terra.

*Quomodo Deus adiuvit Danitas contra Laïfenos ad capiendum hanc urbem, cum essent idolatre, & qualiter Deus se vindicat de inimicis suis cum inimicis suis.*

*Quest. XVII.*

**Q**UÆRETUR, quomodo Deus adiuvit Danitas contra Laïfenos ad capiendum istam urbem, & occidendum illos, cum Danitæ essent peccatores valde, habentes secum idolum Michæ, & educentes illud ad adorandum. Respondendum est, quod filij Dan erant peccatores; & Laïfeni etiam, voluitque Deus punire peccata Laïfenorum per Danitas, quamquam isti essent peccatores: sic enim sepe fecit de Sennacherib & Nabuchodonosor, qui valde superbi erant, & peccatores: & tamen Deus adiuvit illos contra Israelitas ad occidendum, & prædandum. De Sennacherib patet Isa. 10. scilicet. Ad populum fallacem eum mittam, & de gente furoris mei mandabo illi, ut diripiat prædā, & auferat spolia: & auferat in conculcationem, & cetera: iste tamen Sennacherib erat superbus nimis contra Deum, ut patet eo. c. ergo interdum adiuvat Deus peccatores contra peccatores ad perdendum illos: sic etiam fuit de Nabuchodonosor, qui superbiebat contra Deum, ut patet Abacuc primo, & tamen Deus dabat ei fortitudinem magnam ad vastandum Hebræos, & alias gentes, ut patet ibidem: Domine in iudicium posuisti eum, & fortem, ut corripere fundasti eum. Patet etiam hoc Isa. 5. & 7. ubi ponitur quomodo Deus cor dabat Nabuchodonosor ad bellum contra Israel, & dabat ei fortitudinem, & viris suis, & equis suis. Sed tamen dicitur: cum uterque sint peccatores, & pœna digni: cur potius Deus adiuvabat unum contra alterum quàm contrario. Respondendum ad hoc, quod Deus dat penam pro malis, & non dat cito penam, ut quisque peccavit, sed limitat cuique tempus ad penitendum, ita ut non moriatur, iuxta illud Isa. 30. ideo expectat nos Deus, ut misereatur nostri. Cum autem nondum completum est tempus, quod ad penitentiam concessum est, non permittit Deus venire exterminium super peccatorem: & quamquam continuè, peccet non dicuntur completa peccata illius, id est non est impletum tempus, in quo dabatur locus ad penitendum, vel concedebatur locus ad impune pro tunc peccandum. Sic patet Gen. 15. ubi Deus promissit Abraham totam terram Amorrhæorum, & aliarum septem gentium dare in hæreditatem: & ad hoc quod realiter traderet, oporteret quod excluderent inde Amorrhæi: sed non erant excludendi illi, nisi pro peccatis, ut patet Leui. 18. & quia nondum erat completum tempus datum Amorrhæis ad penitendum, & ad impune peccandum, non tradidit Deus immediate terram Abraham, ut possideret. Et subiunxit causam huius eodem capi. scilicet. Necdum enim sunt completæ iniquitates Amorrhæorum usque ad præsens tempus. Quasi dicat: non do tibi possessionem terræ occidendo eos, quia non sunt completæ iniquitates Amorrhæorum, licet peccatores nunc sint. Considerandum ulterius, quod quando aliquis est peccator, & nondum completum est tempus eius, permittit Deus eum vivere, & non patitur eum occidi ab aliquo: & hoc tempore utitur illo tanquam instrumento suo ad puniendum peccatores quorum peccata consummata sunt, & cum consummata fuerint peccata istorum, alij rursus accipient potestatem puniendi eos: sic fuit de Amorrhæis, quorum non erant peccata completa tempore Abraham, & cō-

pleta erant tempore Iosue: ideo tunc Deus tradebat eos vulnerandos in conspectu Iosue, quasi oves: licet essent valde multi sicut arena maris. Iosue 11. capit. deinde Israelitæ peccaverunt magno tempore, & quotidie Deus monebat eos, & cum non acquiescerent, tradidit illos in manus Assyriorum, quia tunc peccata illorum completa sunt, ut patet quarto Regum 17. Iterum Sennacherib rex Assyriorum tribum Iuda, & Benjamin affligebat, & ipse erat peccator & ira Dei: quia tamen non erat completum tempus visitationis sue, dabat ei potestatem contra Israel. Sed paululum post consummata sunt peccata Assyriorum, & data est potestas Babylois contra illos, licet erant peccatores, & deleverunt eos, & civitatem nobilissimam eorum Ninivem, ut patet Naum. 2. & 3. Post hoc Babilonij peccatores acceperunt a Deo potestatem, ut captiarent tribum Iuda, & Benjamin, quorum peccata erant consummata, ut patet Isa. 5. & 7. & Abacuc primo. Et tamen post modicum completis iniquitatibus Babylo-  
**B** niorum Deus dedit Persis, & Medis potestatem contra eos, & deleverunt ipsos, ut patet Abacuc 2. & 3. & Danie. 5. & susceperunt principatum Persæ, & Medi, qui etiam peccatores erant: & completo tempore eorum Græcis data est potestas contra eos tempore Alexandri magni, & deleverunt eos. de quo Dani. 8. scilicet de hirco, qui erat rex Græcorum, ut ibi patet. Postea cum Græci valde peccatores essent, data potestate Romanis a Deo deleti sunt, ut colligitur ex statua, quem vidit Nabuchodonosor: & exposuit Daniel, ut patet Dani. 3. Ipsi quoque Romani peccatores gravissimi erant, & mutuis bellis perierunt, ut ex eadem statua colligitur: cuius pars pedum quædam erat ferrea, & quædam erat fictilis: testa tamē ferro non bene glutinatur: & sic fuit regnum Romanorum, quod propter mutuas dissensiones deletum est. Ecce summa  
**C** Dei sapientia, quæ omnibus etiam malis bene utitur, quando eos vivere permittit: & ita per eos providentia sue diffinitiones exequitur, sicut si optimi ministri essent. Istum modum loquendi assignatum sequuntur valde prophete: unde sæpe dicunt quod venit tempus earum, quæ malum prænunciant, quod venit tempus earum, completa sunt peccata ipsarum, & appropinquaverunt dies visitationis. Sic autem fuit in proposito, quia Laïfeni erant peccatores ex multis diebus, & consummata erant iam peccata eorum: & ob hoc quamquam Danitæ essent peccatores, tradidit eis Deus potestatem contra Laïfenos, imò & excitavit ipsos contra eos: peccata autem Danitarum nondum erant completa cum tunc inciperent: quia noviter acceperant statua, & reliquos apparatus idolatriæ de domo Michæ: ideo Deus non puniuit eos nunc, sed reservavit ad tempus quo punirentur peccata eorum iam consummata: & istud fuit tempore captivitatis. Aliquando autem contingit, quod Deus dans spatium penitendi multis peccatoribus adveniente tempore utrorumque commouet quosdam contra alios, & tunc simul pereunt.  
**D** Sic fuit de bello, quod fecerunt Israelitæ, scilicet undecim tribus contra tribum Benjamin, infra 20. capit. nam omnes tribus Israelitarum peccaverunt deo in idolatria, & cum esset bellum omnibus undecim tribubus contra solam tribum Benjamin, & cum fouerent undecim tribus iustum bellum, corruerunt de ipsis prima die 23. millia virorum, & secunda die ceciderunt 18. millia, infra 20. cap. & tamen non merebantur malum aliquod quantum ad istam rem, pro qua pugnant: sed quia tempus peccatorum veterum consummatum erat: deinde tertia die ceciderunt ferè omnes viri de tribu Benjamin præter sexcentos viros eo. cap. & sic utriusque partis tempus punitionis advenerat: ideo quidam ab alijs, & cō-

Regnorū  
varia mu-  
ratio.

Sūma Dei  
sapientia  
etiam malis bene  
utitur.



in Laïsenis autē, & Danitis non contingit sic, quia peccata utrorumque non fuerunt completa, ideo puniti fuerunt Laïseni per Danitas, & non ē contrario, quāquam utrique peccatores essent. Aliter potest dici, quod licet Danitæ non mīerentur, quod Deus pmitteret Laïsenos cadere in manus ipsorum, sed potius ē contrario, tamen ex benignitate fecit hoc, ut impleteret pactum suum de dando terram Israelitis, quam tenebant Chananzii: nam ipse promiserat quod traderet terram in manus eorum, Iosue 13. dicēs: Ego sum, qui delebo eos a facie Israelis. De hoc Deutero. 8. dicitur: Ne forte dicas in corde tuo, fortitudo mea & robur manus meæ hæc mihi omnia præstiterunt: sed recorderis domini dei tui, quia ipse vires tibi præbuit, ut impleteret pactum suum, quod iurauerat. Idem patet Ezechi. 20. scilicet. Et scies, quia ego dominus cum benefecero vobis propter nomen meum, & non secundum vias vestras malas, nec secundum scelera vestra pessima: Prima tamen responsio conuenientior est.

*Quare filij Dan combusserunt ciuitatem Laïs.*

*Quest. XVII.*

**Q**UÆRETUR vltius, quare filij Dan combusserunt ciuitatem Laïs. Aliquis respondebit, quia cremauerunt eam, quia subiecerunt anathematique combusta est: Iosue 6. sic etiam ciuitas Hai cremata est: & posita fuit sub anathemate, factaque est tumulus sempiternus. Sed dicendum, quod hoc non stat, quia quando aliqua ciuitas subiiciebatur anathemati, nunquam postea poterat habitari: sic pater de Iencho, de qua dictum est: Maledictus, qui ædificauerit muros Iericho: Iosue sexto. Etiam de vrbe Hai, in qua fuit tam graue anathema, dictum est, quod cremata est, factaque fuit tumulus sempiternus, scilicet ut nunquam habitaretur, sed esset semper in sepulchro. Sic etiam erat de aliis ciuitatibus suppositis anathemati pro idolatria: Deuterono. decimo tertio capit. Filij tamen Dan ibant ad pugnandum contra Laïsenos, ut acquirerent ciuitatem ad habitandum, cum non haberent alibi locum habitationis, & si cremarent eam subicientes anathemati, non haberent locum ad habitandum, ideo non cremauerunt. Et hoc potissimè, cum dicatur in litera, quod habitauerunt in ea. Alij dicunt, quod cremauerunt eam ad delendum eam omnino, & diruendum muros eius: & construendum eam in alio loco non multum distant, ubi fortè melius sita foret. Et hoc aliqui imponunt historię scholasticę, in qua dicitur: urbem succenderunt, & extruxerunt sibi ciuitatē non procul a Libano, & iuxta fontes Iordanis circa magnum campum Sidonis in regione Roob. Sed dicendum, quod non stat, quia in litera dicitur: quam rursus extruentes habitauerunt in ea: ergo in eodem loco, & eadem ciuitas mansit. Alij dicent, quod Danitæ destruxerunt urbem ad ampliandum eam, quia prius erat parua ciuitas, & cum ipsi multi essent, scilicet non solū sexcenti, qui nunc armati veniebant, sed etiam multi alij de tribu Dan, qui non habebant locum habitandi, & venirent nunc capta Laïs ad habitandum ibi, egerunt magnā ciuitate ad habitandum. Sed istud non stat propter duo. Primò quia si vellent ciuitatem diruere, ut ampliaret eam destruerent muros eius solū, & non destruerēt domos, quæ prius erant, ut haberent eas ad habitandum. Etiam, quia caperent ibi diuitias multas, quas aliter habere non poterant si cremarent urbem. Secunda est, quia dato quod ciuitatem maiorem facere vellent, non destruerent murum priorem, sed circumdarent eam alium murū exterius relicto magno spatio in medio ad ha-

bitandum: & sic non oporteret, quod ciuitatem destruerent, & postea construerent. Dicendum ergo aliter, & hoc dupliciter. Vno modo, quod Danitæ caperunt pugnare contra Laïsenos, qui fortè resistebant defendentes se intra muros, nec potuerunt capi, quousque Danitæ ruperunt aliquas partes murorum, per quas introierunt, & tunc confugerunt Laïseni ad defendendum se in domibus, & quia non poterāt sic pugnare contra eos, Danitæ succenderunt urbem, & sic cremati sunt Laïseni cum domibus suis: nec succederunt Israelitæ urbem tanquā hoc desiderarent, quia potius dolebant, cum ex hoc sequeretur, quod carent præda, sed quia aliter non poterant capere viros urbis, nisi succenderent domos eorum. Aliter potest dici, quod Laïseni pugnaverunt in campo contra Danitas, & occiderunt plurimos, & tunc illi, qui residui erant confugerunt ad urbem, & secuti sunt Danitæ eos. Ingressis autem Laïsenis domos suas non ausi sunt introire Danitæ, & tunc succenderunt domos: & cremauerunt tam domos quam habitatores. Primo modo dicitur quod extruxerunt urbem Danitæ, scilicet rupturas, quas fecerunt in muro. Secundo modo dicitur quod extruxerunt urbem, id est domos, quas combusserant, quæ vocantur vrbs. Sed contra primum modum dicitur, quod litera dicit quod percusserunt Laïsenos in ore gladij, & postea succenderunt urbem. Respondendum, quod ordo est mutatus, quia prius succenderunt urbem, deinde occiderunt viros, quia confugerunt Laïseni, & cum viderunt urbem succensam, egressi sunt obviam Danitis, & tunc fuit bellum, & occiderunt multos in ore gladij. Vel si velis, quod sit ordo rectus, dicitur quod prius pugnaverunt contra Laïsenos occidentes multos irrupta vrbe, & postea putantes multos latere in domibus, ne ab eis trucidaretur introeuntes in domos, succenderunt domos, ut eodem incendio vrbs, & incolæ finirentur. Et modus iste primus magis est verus, & tunc dicendum est, quod denuo construxerunt urbem, quia irruperant murum per multas partes: & quia ædificia domorum ceciderant, quæ etiam ipsi simul construxerunt. *Erat autem ciuitas sita in regione Roob.* Est autem Roob quædam prouincia in fine terræ Chanaan ad partem Septentrionalē, in qua erat ciuitas quædam nomine Emath: Nume. 13. & illa ponitur tanquam terminus in latere Septentrionali, ut patet Num. 34. cap. *Quam rursus extruentes habitauerunt in ea.* Id est iam destruxerant magnā partem muri bellando, & postea cremauerunt urbem, deinde, obtenta victoria, extruxerunt partes dirutas vrbs. *Votato nomine ciuitatis Dan.* Cum essent victores, noluerunt pristinum nomē manere vrbi, sed de nouo nomen imposuerunt, ut cognosceretur, quod ipsi non acceperant ciuitatem a prædecessoribus per successionem sed bello, ideo nihil illorum tenere volebant: nec etiam locorum nomē. *Iuxta vocabulum patris sui.* Nam pater istorum vocabatur Dan, & in honorē patris sui, & ipsorum, ut cognosceretur, quod illa ciuitas obtenta fuerat de manu hostium per filios Dan, vocata est Dan. *Quem genuerat Israel.* Id est Iacob genuerat illum: nam fuit vnus de duodecim filiis eius. *Sex ancilla Rachel, quæ vocabatur Balā,* ut patet Gen. 30. ca. & ponitur ista clausula, ut non putetur, quod iste erat alius vir, qui non erat de stirpe Israel. *Quæ prius Laïs dicebatur.* Id est antequam eam caperent Israelitæ vocabatur Laïs ab antiquis incolis. Considerandum, quod ista ciuitas habet multa nomina: nam aliquando vocatur Laïs, ut in isto capit. aliquando Lesen, ut patet Iosue decimo nono, aliquando Dan solū, ut primo Regum tertio, & secundo Regum decimo septimo, & 24. & aliquando Lesendan, tanquam sit vna ciuitas, ut patet Iosue 19. communiter tñ vocatur Dan. *Sciē.*

*responsio  
duplex  
ad qd.*

*Roob qd  
sit.*

*Nomina  
& situs  
ciuitatis.*



Sciendum autem, quod hec ciuitas erat vltima in omnibus ciuitatibus Israelitarum a parte aquilonari, vnde quando scriptura vult nominare duo extrema terrae Israelis, scilicet meridianum, & aquilonare nominat Dan, & Bersabee, vt patet 1. Re. 3. vbi dicitur, quod audiuit omnis Israel a Dan vsque Bersabee. & sic in multis alijs locis: nam Bersabee est quidam locus valde meridianus in ipso meridiano latere terrae Chanaan: vnde erat de Gerara, quae ponitur vnus de terminis terrae Chanaan, Gen. 10. cap. *Posueruntque ibi.* Hic ponitur quartum huius capi. scilicet idolatriae abusus: nam postquam spoliauerunt Micham idolis suis, duxerunt illa in Lais, & ibi colebant illa: & dicitur. *Posueruntque ibi sculptile.* Scilicet, posuerunt ibi sculptile argenteum, quod vocabatur conflatile, & cum eo Theraphim, & Ephod, & omnia, quae portabant pertinentia ad idolatriam posuerunt, scilicet ibi in magna veneratione, quia forte constituerunt aliquod templum venerandum, & ibi erat idolum: & totus populus confluebat illuc ad orationem, & ad sacrificia, & solennitates. *Et Ionatham filium Gersam, filij Moyfi.* Scilicet istum fecerunt esse sacerdotem, & posteros eius idola colentes: quia iste Ionathas erat Leuita, quem habebat Michas, & quem tulerant Danitae. Et satis rationabile est, quia cum duxissent eum tanquam scientem consilium dominum, & vera praedicere, non mutarent eum pro alio sacerdote, de quo nescirent, an sciret Deum consulere, sicut iste, & an Deus dignaretur respondere per eum, sicut per istum. Ex hoc autem apparet, quod istud fuit factum modico tempore post mortem Iosue: quia iste sacerdos erat nepos Moyfi, & tamen Gersam filius Moyfi cuius filius erat iste Ionathas natus fuerat ante exitum Israelitarum de Aegypto, vt colligitur Exo. 3. & 4. ca. & 18. & tamen ab exitu de Aegypto vsque ad principium principatus Hothonielis, qui fuit primus iudex post mortem Iosue fluxerunt anni quasi 80. scilicet 40. annis ab exitu de Aegypto vsque ad introitum in terram Chanaan, & alij 40. vsque ad mortem Hothonielis: nam sub 40. annis Hothonielis, qui ponuntur supra 3. comprehenduntur omnes anni, quibus praefuit Iosue, & qui fuerunt inter mortem Iosue & institutionem Hothonielis in iudicem, vt eodem cap. declaratum est: fuerunt anni, quibus praefuit Hothonielis valde pauci. Vnde apud mortem Hothonielis parum restabat ad complendum 80. annos ab exitu de Aegypto: & sic oportet, quod esset ante mortem Hothonielis istud idolum, quia alioquin non posset Ionathas nepos Moyfi esse sacerdos illius. Considerandum vltius, quod in Hebraeo ponitur litera sicut apud nos, scilicet quod Ionatham filium Gersam filij Moyfi posuerunt sacerdotem. Hebraei autem ad tollendum verecundiam Moyfi, scilicet, quod cum ipse fuerit doctor legis, & lator, & tanta seueritate vetuerit idolatriam, nepotes sui illam exercerent, mutauerunt nomen: quia, scilicet vbi dicitur Moyfi, & ponitur in Hebraeo Mose mutauerunt, & dixerunt Manasse. Mutatio autem est facilis, quia solum debet addi vna litera, scilicet Nun, quod est nostram & mutantur puncta, quae non sunt descripta scripturae, & quia non ausi fuerunt corrumpere textum posuerunt extra textum, scilicet, quod in omnibus Biblijs ponitur in loco isto intra textum Mose: & extra in margine est directo ponitur Manasse. Istud autem dicunt factum ad imitationem, scilicet quia Manasse, qui fuit de tribu Iuda filius Ezechiae regis fuit magnus idolatra, & quia iste Ionathas similis factus fuit ei, cum esset nepos Moyfi degenerans a tanta legis seueritate, & rectitudine morum, non meruit vocari filius Moyfi, sed Manasse; & tamen ex hoc non negant eum fuisse nepotem Moyfi. Ad veritatem tamen voluissent

Alph. Tost. super lib. Iudicum

A Hebraei tegere dedecus Moyfi ne de honorarent gentem suam, sed non ausi sunt corrumpere veritatem literae, & posuerunt potius Manasse quam aliquod aliud nomen idolatrae: non quidem, quod non fuerit alius maior idolatra quam Manasses, quia alij peiores fuerunt vel saltem euales, sed quia nomen Manasse magis concordabat nomini Mose, & facilius erat mutatio in Hebraeo quam ad aliud nomen aliquod. *Ac filios eius sacerdotes in tribu Dan.* Idest post mortem Ionatham fuerunt filij eius sacerdotes in tribu Dan: in Lais per successionem vsquequo ablatum est inde idolum. Sciendum autem quod Ionathas, & filij eius non erant de progenie sacerdotum, sed simplicium Leuitarum, quia soli Aaronitae erant sacerdotes: filij autem Moyfi non erant Aaronitae, ideo erant simplices Leuitae. Sic dicitur 1. Paralip. 23. ca. quod filij Moyfi hominis Dei connumerati sunt in tribu Leui, idest non habuerunt dignitatem aliquam magnam, sed solum fuerunt Leuitae. *Vsque ad diem captiuitatis suae.* Idest vsque ad diem quo captiuata est tribus Dan.

*Vsque ad quod tempus mansit idolum hoc, & sacerdotium filiorum Moyfi in tribu Dan.*

Quaestio. XIX.

QV A E R E T V R, nunc vsque ad quod tempus mansit idolum istud, & sacerdotium filiorum Moyfi in tribu Dan. Aliqui dicunt, quod mansit vsque ad captiuitatem omnium tribuum vndecim per Assyrios, quando ducti sunt in Medos inter fluium Gozan & Hailam 4. Regum 17. Istud tenet Rabbi Salomon, istud etiam aliquantulum tenet Nicolaus. In contrarium tenet Rabbi David Kimhi, quod fuerit solum idolum in tribu Dan, vsquequo mansit tabernaculum domini in Silo, & capra est arca per Philistinos. Sciendum autem quod Hieronymus tenet super Paralip. quod solum mansit idolum istud in Dan vsque ad captionem arcæ, & tunc vocatur captiuitas, quia captiuata est arca. Pro vtraque parte potest argui. Quod autem manserit solum, dum fuit arca domini in Silo, apparet sic, quia litera dicit, quod mansit idolum Michae apud eos omni tempore, quo fuit domus domini in Silo. si tamen mansisset vltius videretur ad nihil posita ista clausula. Item non est verisimile, quod posset manere tanto tempore in Dan istud idolum, quia postea venerunt viri valde deicole, sicut Samuel, qui fuit valde Zelator legis, & ipse auferret idola. Nam 1. Reg. 7. dicitur, quod ipse hortatus fuerit Israelitas, vt proijcerent idola de medio sui, ad hoc quod Deus adiuuaret eos contra Philistinos: & tunc proiecerunt omnia idola de medio sui: ergo istud idolum Michae fuit tunc proiectum de vrbe Lais, vel erat proiectum ante hoc. Etiam fuit post hoc Dauid vir valde deicola, qui reduxit omnes Israelitas ad colendum dominum Deum, & ipse redarguit praedecessores suos, quod non requisissent diligenter dominum in diebus suis, vt patet 1. Paralip. 13. capit. E iste dominabatur toti Israeli ad voluntatem suam, ideo non erat verisimile, quod permetteret manere idolum in tribu Dan. Alij autem, qui voluerint tenere contrariam opinionem, dicunt scilicet, quod non potuit esse ista duratio solum vsque ad tempus, quo mansit domus Dei in Silo. Primo quia dicitur, quod mansit vsque ad diem captiuitatis, sed inter Israelitas non vocantur nisi duae captiuitates, scilicet sub Salmanassar, & sub Nabuchodonosor: vna quantum ad tribus decem, & alia quantum ad duas: captio autem arcæ nunquam vocatur in scriptura captiuitas, nec etiam est de more scribentium aut loquentium vocare illam captiuitatem, quia nullus de Israelitis tunc captiuatus est, sed sola arca, vt colligitur primo Regum 4. capit.

Aa

Item

De Ionathā, & filiis eius.

Notandum de opinione Iero. super Paralip. de hoc questione. Prima ratio pro vna parte istius questione. Secunda.

Aliorum resp. ad questionem pro alia parte. 1. ratio.



Item secundò patet, quòd dato q̄ vellet aliquis largi-  
simè accipere captiuitatem pro captione arcæ, adhuc  
non stat, quia dicitur hic: vsque ad diem captiuitatis  
sue: & non potest hoc intelligi, nisi de tribu Dan, &  
non de captione arcæ: cùm dicatur, quòd manserunt  
isti sacerdotes in tribu Dan vsque ad diem captiuitatis  
sue, ergo nō intelligitur de captiuitate arcæ, sed de cap-  
tiuitate per Salmanasar, quia tunc captiuata est tribus  
Dan cum aliis tribubus Israel, ductaq; est in Assyrios,  
& fuit tunc idolum inde translatum, & sacerdotes.  
Item non videtur aliqua causa ad dicendum, q̄ amoto  
tabernaculo de Silo amoueretur idolum de Lais, quia  
captiuatio arcæ nihil faciebat ad tribum Dan, & tamē  
in captiuitate per Salmanasar stat ratio manifesta, sci-  
licet quòd Assyrij prædantes Israelitas, & transferen-  
tes eos de terra acciperent idolum illud, quia erat argē-  
teum, vel saltem aliqui ipsorum Dannitarum accipe-  
ret idolum, & absconditè portarent secum, quia ma-  
gni valoris erat. Respondendum, videtur quòd neu-  
tra istarum sit vera positio, quia vtraque patitur incon-  
uenientia, sicut patet arguendo contra eas. Sed dicen-  
dum, quòd illud idolum, & sacerdotes manserunt in  
ciuitate Lais solum ante mortē Samuelis, & ante prin-  
cipium regum Israel. Et patet, quia Samuel scripsit  
librum istum, & dicit quòd mansit ibi idolum vsq; ad  
diem captiuitatis solum temporibus præcedentibus  
eum, alioquin moriente Samuele adhuc maneret ido-  
lum in Lais, & non potuisset dicere Samuel, q̄ man-  
sit vsque ad diem captiuitatis. Captiuitas autem de-  
cem tribuū sub Salmanasar fuit multis annis post Sa-  
muelem, ideo non potest intelligi hoc de captiuitate  
illa, sed de captiuitate alia, quæ fuerit ante mortem Sa-  
muelis. Et dicendum, quòd fuit ista captiuitas post-  
quam arca domini capta est, & cessauit esse in Silo, sci-  
licet quòd aliquæ gentes de conuicinis pugnaverunt  
contra habitatores Lais de tribu Dan, & captiuos eos  
duxerunt, atque tulerunt inde idolum, & omnes appa-  
ratus eius, & reliquam prædam vrbs. & ex illo die ces-  
sauit esse in Dan: postea autem factis bellis recupera-  
uit tribus Dan urbem Lais: nunquam tamen postea  
habuit idolum Michæ. Sed aliquis dicet, quòd istud  
non est verisimile, quia non est scriptum. Respondē-  
dum, quòd istud motuum nullum est, quia multa fa-  
cta sunt, quæ non scribuntur: sicut sæpe dicitur in li-  
bris Regum, & Paralipo. in quibus fit remissio ad alios  
libros pro chronicis illorum temporum, & non habē-  
tur illi libri apud nos. Etiam alia gesta sunt, quæ scri-  
ptura non intendebat scribere: nam scriptura in libris  
Regum intendebat scribere bella regū: aliqua tamen  
erant tunc bella populorum vicissim, vel aliquorum  
Israelitarum contra extraneos non pugnante ibi rege  
Israel, nec Iuda: & illa non describuntur in libris Re-  
gum, quamquam essent contemporanea: & sic patet  
de quibusdam bellis particularibus, quorundam He-  
bræorum, quæ ponuntur 1. Paralipo. 4. & 5. ita esset de  
filijs Dan tempore Samuelis, quòd ipsi pugnaret con-  
tra finitimas gentes, cùm essent in fine regni Israel: &  
ille gētes prævalentes contra Danitas captiuarent eos,  
& idolum suum. postea autem intercidente tempore  
reliqui de tribu Dan expellerent alienos de vrbe Lais.  
Similiter erat in alijs tribubus, quæ erant finitimæ ho-  
stibus, scilicet in tribu Iuda, quæ erat coniuncta Philis-  
thinis: nam prius viri Iuda ceperant urbem Gazam,  
& Ascalonem, & Accarō de terra Philisthinorum, su-  
pra 1. cap. Deinde Philisthini post paucum tempus pu-  
gnātes contra Iudam acceperunt istas vrbes de Israel.  
Nam tempore Samsonis Ascalon erat de terra Philis-  
thinorum, & Samson descendit illuc ad occidendum  
triginta viros, supra 14. Etiam Gaza erat de terra Philis-  
thinorum, quia de illa duxit Samson portas, supra 16.

Doct. resp.  
ad quæsi.

Obiectio  
responsi.

Item viri Iude recuperauerunt istas vrbes de manu  
Philisthinorum tempore Samuelis 1. Reg. 7. & etiam  
iterum redierunt ad manus Philisthinorum, & sic al-  
terabant vices. Ita ergo fieret de vrbe Dan, quæ esset  
in extremis regni Israelis. Item patet, quòd non mā-  
serit illud idolum in Dan vsque ad captiuitatem per  
Salmanasar: nam rex Ieroboam posuit duos vitulos  
aureos in extremitatibus Israel, scilicet vnū in Bethel,  
& alterum in Dan. 3. Reg. 13. si tamen fuisset idolum  
Michæ in vrbe eo tempore: non oportuisset ibi poni  
vitulum aureum, sed iuberetur, quòd irēt Israelitæ ad  
adorandum in Dan. ergo non erat idolum illud ibi tē-  
pore Ieroboam, qui tamen fuit multo tempore ante  
captiuitatem per Assyrios. Ista positio est valde con-  
ueniens, & non patitur aliquid inconueniens. Quod  
patet, nam si accipiantur argumenta primæ partis pro-  
bantia, quòd fuit ista captiuitas, quando captiuata est  
arca, ista adiuvant hanc positionem. nam in argumen-  
ta, licet adducantur ad probandum hoc: non probant  
istud, sed solū, quòd non fuerit captiuitas, de qua dicit  
tēpore Salmanasar. De primo patet, scilicet quòd fue-  
rit idolum Michæ in Dan toto tempore, quò fuit do-  
mus domini in Silo, quia non est arguendum ex hoc,  
q̄ non fuerit maiori tempore: sed dicitur istud, quia  
Samuel, qui scripsit librum istum, fuit qñ domus do-  
mini desit esse in Silo, & translata est in Nobe ciuita-  
te, quia pauco tempore post hoc viuentē ipso fuit ca-  
ptiuatus populus vrbs Dan: & idolum dicitur, q̄ man-  
sit toto tempore illo in Dan, quia mansio domus do-  
mini in Silo, fuit aliquid notabile, & manente domo  
Dei in Nobe, fuit captiuitas Danitarum. Secundum  
argumentum de Dauid, & alijs viris, qui non permitte-  
rent idolatriam, valde confortat istam positionem:  
nam nullo modo verisimile est, quòd tempore suo tā-  
tum scelus mansisset publicè in Israel, potissimè cū  
ipse erat rex potētissimus, qui poterat hoc facere. Etia  
erat vir valde deicola, qui zelabat nimis cultum Dei:  
nam Deus de ipso dixit: Inueni virum secundum cor  
meum 1. Reg. 13. Etiam vixit in regno magno tempo-  
re, scilicet quadraginta annis. 2. Regum 5. & 3. Reg. 2.  
cap. in quibus poterat sufficienter eliminare omnem  
idolatriam de Israel. Ad rationes probantes, quòd fue-  
rit captiuitas ista per Salmanasar facta, respondendum.  
Ad primum dicendum, quòd verum est, quòd captio  
arcæ non vocatur captiuitas, & tamen captiuatio Da-  
nitarum a finitimis, vt declaratum fuit, supra vocatur  
captiuitas. Ad secundum eodem modò dicendum, q̄  
verum est, quòd erat captiuatio ipsorum Danitarum,  
& non arcæ, & tamen non erat captiuitas per Salma-  
nasar. Cū autem dicitur, quòd sacra scriptura vocat  
solum captiuitates duas, scilicet sub Salmanasar, & sub  
Nabuchodonosor. Dicendū, quòd intelligitur istud  
de captiuitatibus generalibus, quibus captiuabatur to-  
tum vnum regnū: ista tamen intelligitur de capti-  
uitatibus particularibus, quibus captiuabat gens vnus  
vrbs irruentibus hostibus, sicut sæpe factum est in As-  
calone, & Accaron, & Gaza, quæ aliquando capiebantur  
a Philisthinis, & aliquando ab Israelitis, vt supra de-  
claratū est. Ad tertiam rōnem qñ dicitur, q̄ non erat  
aliquid motuum ad tollendum idolum de vrbe Dā,  
quando fuit captiuatio arcæ facta per Philisthinos. Di-  
cendum, quòd ista ratio solum probat, quòd non intel-  
ligatur de captiuatione arcæ, & tamen non concludit  
q̄ intelligatur de captiuatione facta per Assyrios. Sed  
dicendum, quòd est captiuatio medijs temporis, quæ  
assignata fuit supra, & tunc magnum motuum erat  
ad tollendum idolum, quia gens, quæ prædabat urbem,  
& ducebat Danitas captiuos, acciperet idolum argen-  
teū, & quicquid preciosum in vrbe inueniret. Sed ad-  
huc aliquis poterit proteruire p̄tra istam positionem,  
dicens

Quo ar-  
gumenta  
positionis  
contrarie  
faciant  
illa.

Respō. ad  
argumen-  
ta secūda  
positionis  
Ad primū

Ad secūda-  
dam.

Ad tertiam

Defensio  
secundæ  
positionis  
& respon-  
sio p̄o ar-  
gumento  
contrarij  
sam.



dicens quòd poterit stare, quòd fuerit captiuitas ista, quæ facta est sub Salmanasar: & poterit responderi ad rōnem efficacissimam huius partis, cū dicebatur q̄ iste liber scriptus fuit a Samuele, ideo necesse est, q̄ fuerit ista captiuitas ante mortē eius: aliquis dicet, q̄ erat Samuel propheta, & poterat prænoscere captiuitatem, quæ futura erat sub Salmanasar, & describeret eam. Sed dicendum, quòd hoc non stat propter duo. Primò, quia Samuel, licet esset propheta, hic tamen non descripsisset pertinens ad prophetiam, sed ad historiā. & tamen dicere de captiuitate, quæ futura erat post multos annos, erat propheticum. Secundò patet, quia si intendisset Samuel historiæ intermiscere aliqd propheticum, saltem pronunciaisset illud modo pphético. s. de futuro, dicens: & manebit idolum Michæ, & sacerdotes in tribu Dan vsque ad captiuitatem suam: & tamen dixit: mansit, ergo historicum est, & iā transierat. Item patet, quia scriptura sacra est non propter loquentem, sed propter legētem, vel audientem: si autem scripsisset sic Samuel per modum prophetiæ, nullus intellexisset: imò putaretur esse falsum, quia crederetur esse fictitium: ideo oportet quòd intelligatur historicè. Sed adhuc obiicietur contra vnā solutionē supra datam, s. quia dato, quòd loqueretur propheticè de futuro, posset loqui de præterito, dicens: mansit. Sic patet per Isa. 53. ca. vbi de Messia prophetatur, & loquitur sæpe propheta de præterito, quasi esset iam præteritum: & tamen nemo dubitat illud fuisse futurum, quando loquebatur Isaías. Respondendū, q̄ aliquando propheta mutant tempora ex multis causis, quas describere non est præsentis speculationis, & tamē ibi non est causa erroris, quia ea, quæ propheta annūciāt, semper accipiuntur tãquam futura, nisi manifestè apparet ex narratione eorum, quòd sint præterita. In historiis autem est magna ratio dubitandi, cū putari debeant omnia ibi dicta, accipienda fore historicè: ideo si interponatur aliquid propheticum, oportet q̄ enuncietur modo prophético, s. de futuro, & tamen hic est de præterito, ideo necesse est accipi historicè pro captiuatione præterita tempore Samuelis. Sed adhuc arguetur efficacius contra istam positionem, dicendo, quòd ista verba, s. quòd mansit ibi vsque ad captiuitatem, non sint verba scripta a Samuele, sed postea Esdras quando reparauit totam Bibliotecam cōbustā à Chaldeis addiderit ipsa verba, & ipse potuit addere, cū iam tempore suo transierat captiuitas sub Salmanasar, & poterat ipse scire veritatem de præterito. Dicendum, quòd ista ratio non stat propter duo. Primò, quia non est concedendum, quòd addiderit quicquā Esdras ad libros, quos transtulit, quia tunc non vocaretur translator, sed scriptor principalis. Etiā, quia nullus auderet quicquam addere ad libros legis, vel sacros per modum textus, quia hoc vetitum est Deuterono. quarto, & Apocalip. capitu. vltimo. Secundo modo stat ista positio, quia dato quòd cōcedamus, quòd Esdras potuerit istud apponere, & quòd apposuerit aliquis in aliis libris scripturæ: tamen asserendo, quòd apposuerit istud, non poterimus soluere alia tria inconuenientia manentia. Primum est, quia dicitur, quòd mansit idolum Michæ quandiu fuit domus domini in Silo: quia hoc non videtur ad aliquid vtile, quia etiam mansisset hoc modo toto tempore, quo mansit domus domini in Nobē, & deinde in Gabaon, & postea magno tempore in templo Salomonis. Etiam non poterit responderi vllatenus ad secundum, scilicet non auferret illud Dauid. Etiam nō poterit responderi ad tertiū de vitulo aureo posito in Dan per Ieroboam, quia si ibi tunc maneret idolum, quod ab antiquo adorabatur, non oportebat poni aliud idolum: positio tamen illa, quæ soluit vnū Alph. Toft. super lib. Iudicum

A incōueniēs, & non potest soluere multa alia, falsa est: quia verò nihil dissonat, quòd verum sit, vt patet i. Eth. ideo tenenda est positio, quam nunc firmauim⁹, quia illa verissima est. *Mansitque apud eos.* Id est in ciuitate Lais apud Danitas idolum Michæ, scilicet sculptile, & cōflatile argenteū & Theraphim, & Ephod. *Omnitempore quo fuit domus domini in Silo.* Non est intelligendum quòd fuerit ibi a principio, quando caput esse domus domini in Silo, quia istud fuit tempore Iosue, quando totus Israel congregatus est cum eo in Silo, exposuerunt ibi tabernaculum domini: & tamen tunc non erat positum idolum istud in Dan. de hoc Iosue 18. & patet istud, quia quādo fuit posita domus domini in Silo, nō erant diuise sortes omnibus Israelitis, quia de Silo misit Iosue viros qui describerent terram, & facerent sortes, & redeuntibus illis positæ fuerunt sortes in Silo, & nondum erat terra possessa præallegato cap. & tamen tempore, quo iuerunt Danitæ in Lais ad capiendum eam, aliæ tribus Israelis tenebāt possessiones suas, vt patet in principio huius ca. Etiam quia dicitur, quòd isti transierunt per Cariathiarim, quæ erat ciuitas filiorum Iudæ, & quòd venerunt ad Micham, qui habitabat in monte Ephraim. Etiam dicitur præcedenti cap. quòd Leuita ille habitabat in Bethlehem, ergo prius fuit tabernaculum positum in Silo, quam filij Dan ponerent istud idolum in Lais: sed intelligitur, quòd fuit ibi omni tempore, quo fuit domus dei in Silo, scilicet quòd non prius desijt esse in Dan idolum illud, quā domus domini in Silo. Et patet hoc, quia captiuitio Danitarū de vrbe Lais fuit aliquanto tempore post captiuationem arcæ, & postquam recessit domus Dei de Silo. *In diebus illis non erat rex in Israel.* Scilicet non erat rex, nec aliquis rector. Istud non debet referri ad præcedentia, quia iam datum fuit in principio huius historiæ, q̄ non erat rex in Israel, & superabundaret repetitio ista, sed debet referri ad sequentia de Leuita, quæ sunt sequenti capi.

*Quare dicitur quòd non erat rex in Israel.*

*Quæst. XX.*

D **Q**VAERETVR, quare dicitur, quòd nō erat rex in Israel. Respondendum, quòd debet exponi, sicut supra in litera, & præcedenti capitu. scilicet quòd tempore, quo fiebant hæc, quæ habentur sequenti capitu. non erat aliquis rex aut princeps in Israel, qui corripere, aut puniret peccata, quæ facta sunt hic: nam contra Leuitam, de quo sequenti cap. fuerunt perpetrata scelestissima: nam voluerunt viri Gabaa abutiri eo sodomiticè, deinde vix quiescentes oblata concubina eius cessauerunt a petitione ipsius, quā tamen tanta libidine improbè vexauerunt, quòd eam expirare coegerunt: quod factum scelestum fuit nimis exhorrendum: nam dixerunt Israelitæ, quòd nunquam tale fuerit auditum in Israel ex die, quo patres eorum ascenderant de Aegypto, vt patet sequenti cap. & ad hoc puniendum non erat aliquis rex aut iudex in Israel.

*Cum in Israel fuerint vltiores huius criminis, quare dicitur, quòd non erat rex in Israel.*

*Quæst. XXI.*

**Q**VAERETVR vltius, cū in Israelitis fuerint aliqui vltiores huius criminis, & vlti sunt illud infra 20. c. quare dicitur, q̄ nō erat rex in Israel. Respondendū, q̄ potest dici propter multa. Primò, quia



iudex, vel rex nō erat principaliter ad puniendū scelera, sed magis, vt timore eius cauēret subditi a perpetratio-  
ne horum: & quia nunc non erat aliquis iudex, vel rex, licet fuerit, qui corrigeret: tamen nullus fuit cuius timore cessauerint: nam ausi fuerunt viri Gabaa nunc committere istud crimen: si autē fuissent aliqui principes in populo, non ausi fuissent viri Gabaa talia committere timentes punitionē. Secundō dicitur hoc, quod licet fuerit istud peccatum punitum per alias tribus, tamen non erant aliæ tribus positæ regulariter ad corripiendū peccantes, sed rex vel iudex: & nunc fuit per accidens, q̄ mouerentur omnes tribus ad vindicandū istud scelus, quia nō vindicabant alia, sicut patet de scelere Michæ fabricando idolum præcedenti cap. Item scelus Danitarum non fuit punitum, de quo in isto cap. Et hoc quia non erat tunc iudex aliquis in Israel, ideo etiā conuenienter dici debuit hic, quod non erat iudex, aut rex in Israel. Item ista non fuit poena inflicta pro peccato iudicialiter, sed magis fuit vtrorūque pena: quia illi qui voluerunt punire scelus magis puniti sunt: nam plures mortui sunt de aliis tribubus q̄ de Benjamin, de quo erant peccatores viri Gabaa, vt patet infra 20. cap. ideo debuit dici, quod non erat rex in Israel.

## CAPITVLVM. XIX.



**F**VIT quidam vir Leuitas habitans in latere mōtis Ephraim, qui accepit vxorem de Bethlehem Iuda, quæ reliquit eum, & reuerfa est in domum patris sui in Bethlehem, mansitque apud eum quatuor mensibus: secutusque est eam vir suus volens ei reconciliari, atque blandiri, & secum reducere, habēs in comitatu puerum, & duos asinos. Quæ suscepit eum, & introduxit in domum patris sui. Quod cum audisset focer eius, eumque vidisset occurrit ei lætus, & amplexatus est hominem. Mansitque gener in domo foceris tribus diebus comedens cum eo, & bibens familiariter.

*Fuit quidam.* In præcedentibus descripto casu de idolo Michæ, hic consequenter ponitur secundus casus de concubina Leuitæ. Et diuiditur in tres. Primò ponitur sceleris perpetratio. Secundò patratorum vastatio, sequenti cap. Tertiò patratorum vastatorum restitutio infra 21. Primò in tres. Prima ponitur occasio peccati. Secundò modus perpetrandi, ibi. *Epulantibus illis.* Tertiò manifestatio facti, ibi. *Mane factō.*

*Nunquid hæc fuerint facta post præcedentia, & quo tempore.*  
*Quæstio I.*

**Q**VAERETVR circa primum, an ea, quæ habentur hic, fuerint facta post præcedentia, & quo

tempore fuerint. Respondendum est, quod necesse est ista, quæ habentur hic accidisse ante mortē Caleb post mortem Iosue, & ante institutionem Hothonielis, qui fuit prius iudex Israel. Quod patet, quia quando ista facta sunt, Ierusalem nondum erat capta de manu lebusæorum: nam dicitur infra in litera, quod occumbente solē venit Leuita apud Ierusalem, sed dixit, quod nolebat introire in illam, quia erat ciuitas gentis alienæ: & tamen ciuitas ista capta fuit viuentē Caleb, vt patet supra primo capi. ergo nondum mortuus fuerat: & tamen ipso viuentē non erat institutus Hothonieli in iudicem, sed aliquanto tempore post institutus est, vt declaratum fuit præcedenti cap. & supra 19. Amplius dicendum, q̄ ista facta fuerunt quasi in eodem tempore, in quo præcedentia: nam præcedentia in duobus cap. facta sunt tempore, quo non erat iudex in Israel, vt dicitur in vtrisque cap. de isto etiam dicitur, quod non erat tunc rex in Israel: ergo oportet, q̄ facta fuerint, quasi simul: nam non est tempus, de quo dicatur, q̄ non erat rex in Israel, nisi de tempore, quod fuit inter mortem Iosue, & constitutionem Hothonielis in iudicem. Si autem aliquis dicat, quod potuit fieri alio tempore, scilicet inter quæcunque tempora duorum iudicum: nam inter iudicē & iudicē vt cōiter intercidebat tempus aliquod, vt declaratum est supra 3. cap. Dicendum, quod non stat, quia istud de Leuita fuit factū necessariō ante mortem Caleb, vt nunc declaratū est. Alia etiam duo, quæ habentur in duobus præcedentibus cap. facta sunt ante mortem Caleb, vel saltem ante cōstitutionem Hothonielis in iudicem, vt in eisdem capit. declaratum est: ideo omnia hæc quasi contemporanea sunt. Sed tunc stat dubium primum, dato q̄ sint quasi contemporanea, quod fuit prius inter hæc, nunquid istud, vel præcedentia. Dicendum, q̄ inter ea, quæ habentur supra 17. & præcedenti cap. satis patet ordo, q̄ sit continuatus, quia prius fuit fabricatio idoli in domo Michæ quā raptus eius per Danitas, & tamen de hoc non apparet ordinis ratio ex litera: Dicendum tamen, q̄ istud fuerit post præcedentia de idolo Michæ, quia nunquam recedendum est ab ordine literæ sine causā necessaria apparente. sed hic non apparet aliqua causā quare dicamus istum non fuisse ordinē literæ: ideo dicendum, quod ista fuerint post præcedentia.

*Ad quid fuit positus iste casus hic de concubina Leuitæ, & an decuit.* *Quæstio. II.*

**Q**VAERETVR vterius, ad quid fuit positus iste casus hic de concubina Leuitæ, & an decuit. Rñdendum, quod fuit conueniens poni istum casum in libro isto, quia fuit contemporaneus his, quæ in isto libro enarrantur: nam sicut casus de idolo Michæ, & de raptu per Danitas fuit tempore Caleb paulo ante institutionem primi iudicis Israel, ita casus de concubina Leuitæ fuit viuentē Caleb, vt declaratū fuit præcedenti quæst. ideo non fuit aliquis liber, ad quem ita conueniret, sicut isti. Causa autem quare descriptus est, fuit quia fuit valde famosus: nam occasione sceleris perpetrati in Gabaa oēs tribus Israel inter se pugnaverunt in acie, & occubuerunt plura, quā septuaginta millia virorū, vel quasi, vt colligitur sequenti cap. talia autem non permittuntur a scriptura. præsertim cum iste casus fuerit generalis, scilicet quia accidit istud bellum omnibus tribubus Israel. Alia causa est, quia scriptura sacra intendit enarrare poenas peccantium, & prosperitates bene operantium, vt his consideratis nos Deo per bona opera appropinquare curemus, &



& quia hic fuit magna calamitas ex parte oīum Israeli-  
tarum, quia omnes peccauerant fuit, valde conueniēs,  
quod casus iste describeretur. Alia causa est, quia iste  
casus fuit mirabilis: nam hic visum est contra consue-  
tudinē bellorum, vel saltem contra Dei iustitiam, q̄  
illi, qui fouebant iustam litem, & iusto animo pugna-  
bant, & valde plures atque potentiores erant, primò  
succubuerunt, & plures de ipsis ceciderunt quā de il-  
lis, qui peccauerant: illi tamen pauciores, & minus po-  
tentes erant: vt ergo consideremus diuinū opus Dei  
subtiliter iudicantis in his, dignum fuit, q̄ ista describe-  
rentur. Considerandum autem circa primum huius,  
quod occasio peccati fuit hic, quia vxor Leuitæ rece-  
dens ab eo reconciliata est illi, & reducens eam vir ho-  
spitatus est in Gabaa, vbi erant viri pessimi, & luxurio-  
si turpissimi, qui vxorem Leuitæ improbalibidine oc-  
ciderunt. Circa quod ponuntur tria. Primò ponitur  
vxoris recedentis reconciliatio. Secundò reconcilia-  
tē reductio ibi. Die autem quarto. Tertiò in Gabaa ho-  
spitatio ibi. Occubuit eis sol. Circa primum dicitur. Fuit  
quidam vir Leuites. Iste cui accidit casus de concubina  
Leuites fuit.

An iste fuerit Leuites de quo dictum est, quod erat cum Micha.  
Questio III.

**Q**VAERETVR, an iste fuerit Leuites, de quo  
dictum est præcedenti cap. & supra 17. Aliquis  
diceret, q̄ sic, quia eodem tempore fuit istud, & illa, quæ  
habentur in duobus cap. præcedētib: & sic potuit ei-  
dem Leuitæ contingere vtrunque. Respondendum,  
quod non fuit idem Leuita, quia Leuita, de quo dici-  
tur in duobus cap. præcedētib: fuit de origine Leui-  
tarum Bethlehem, supra 17. iste autem fuit de monte  
Ephraim, infra in litera: vxor autem sua solūm fuit de  
Bethlehem: & ipse iuit ad eam in Bethlehem, vt re-  
conciliaret eam sibi. Item non potest stare, quia  
istud accidit post ea, quæ habentur præcedenti capi-  
tu. vt supra declaratum est: & tamen post illa non  
potuit Leuitæ illi, de quo præcedēti cap. accidere istud,  
quod habetur hic, quia Leuita ille iuit in Lais cū Da-  
nitis, & mansit ibi semper, vt sacerdos eorum, & filij  
eius post eum: & tamen iste Leuita, de quo hic, habi-  
tabat in monte Ephraim eo tempore, quo accidit ei  
istud, vt colligitur hic: ergo non erat idem Leuita.  
Sed duo Leuitæ fuerunt, quorum unus fuit de stirpe  
Leuitarū Bethlechem, & alter de Leuitis, qui erant in  
sorte Ephraim. *Habitans in latere montis Ephraim.* Id est  
habitans in aliqua ciuitate, quæ erat in latere montis  
Ephraim. Vocatur autem mons Ephraim terra fortis  
Ephraim vbicunque nominetur, eo q̄ terra illa mon-  
tuosa erat, & in tribu Ephraim habebant Leuitæ assi-  
gnatas vrbes sicut in aliis tribubus, vt patet Iosue 21. &  
1. Para. 6. ca. Vel fortè habitabat peregrinus in aliquo  
loco terræ Ephraim, sicut declaratum fuit supra 17. de  
alio Leuita, qui erat de Bethlechem, & tamen peregre  
habitabat ibi ipse, & cognatio sua. *Qui cepit vxorem.* Scili-  
cet legitimo matrimonio copulatam, ideò, pro viola-  
tione pudoris eius poterat plura agere quā si esset con-  
cubina, ad quam nullum est fœdus. In Hebræo dici-  
tur. *Qui accepit fœminam concubinam.* In quo signabat  
quod erat sine fœdere matrimoniali.

An hac fœmina esset concubina Leuite, vel vxor legitima.  
Et de differentia vxorum, & concubinarum in ve-  
teritētestamento. Quest. IIII.

**Q**VAERETVR circa istam fœminam, an es-  
set concubina, vel legitima vxor. Responden-  
dum, quod hic discordat litera nostra ab Hebræa, &  
Alph. Toft. super lib. Iudicum

Aliter nostra inter seipsam, & litera Hebræa inter seipsam.  
De primo patet, quia litera nostra vocat hic istā  
vxorem, quod importat vinculum matrimoniale, aliq̄  
quin non vocabitur vxor, sed concubina, vel focaria,  
vel alio modo, & nomine. In Hebræo autem dicitur,  
quod erat fœmina concubina. Secundum patet, quia  
litera nostra vocat hic istam vxorem, & postea vocat  
eam concubinam, vt patet infra in litera, i. habeo filiā  
virginem, & iste homo habet concubinam. Tertium  
patet, quia litera Hebraica interdum vocat istam fœmi-  
nam concubinam, & interdum vxorem, & sepe appel-  
lat patrem mulieris huius focerum Leuitæ: & tamē  
non vocatur focer, nisi ad generum: gener autem est,  
qui filiam alterius matrimonialiter tenet. Vbi autem  
matrimonium non est, non vocantur ista nomina affi-  
nitatum, s. gener, & focer, nurus, & socrus. Dicen-  
dum, quod cū litera vtrouque. i. in Hebræo, & in la-  
tino interdum appellet istam vxorem, & interdū con-  
cubinam, oportet eligi alterum nomen istorum, quia  
secundum veritatem non potest stare vtrunque. Ad  
hoc dici debet, quod ista erat verè vxor, scilicet per le-  
gitimum consensum de præsentī, qui facit matrimo-  
nium inter personas ad hoc habiles etiam deficienti-  
bus omnibus aliis: ita quod Leuita iste, licet cōiunge-  
batur illi fœminæ, quod non faceret si esset cōcubina.  
Sed in modo assignandi quomodo erat vxor est diffi-  
cultas. Nicolaus dicit, quod vocatur concubina a cō-  
cubendo, & hoc modo quælibet legitima vxor con-  
cubina est. Sed iste modus non est frequentatus in  
scriptura, quia tunc indifferenter quælibet vxores vo-  
carentur concubinæ, sed non suscipitur, ideo tenēdus  
est alius modus. Aliter potest dici secundū quosdam,  
quod in scriptura vocantur vxores principales semper  
vxores, & vxores minus principales vocantur interdū  
vxores, & interdum concubinæ. Sic patet in Abrahā:  
nā habuit Sarai in vxorem, quā primò habuit, & erat  
cognata sua: ideo ista vocata est semper vxor, & non  
concubina: habuit etiā Agar, & Ceturā, & suscepit fi-  
lios de eis. De Agar autem dicitur Gen. 16. q̄ accepit il-  
lam Abraham in vxorem: & de Cetura dicitur Gene.  
25. quod accepit eam Abraham in vxorem: & rursus  
de vtraque harum dicitur, q̄ separauit Abraham, dum  
viueret filios concubinarum a filio suo Isaac, & dedit  
filio suo Isaac hēreditatem suam: filiis autem concubi-  
narum largitus est munera. Et vocantur ibi filij con-  
cubinarum filij Agar, & Ceturæ, vt colligitur ibi ma-  
nifestè in litera: sed hoc erat, quia Sara erat principalis  
vxor, aliæ autem erant minus principales. Sed ista po-  
sitiō licet vera sit, tamen non applicatur ad præsens, q̄  
istud tenet in illo, qui multas vxores habet, quarū vna  
est magis principalis, quæ vocatur vxor indistinctè, &  
aliæ vocantur interdum vxores, & interdum con-  
cubinæ: sed de isto Leuita non legitur, quod haberet  
nisi istam, & satis apparet, quia aliās non iuisset suspi-  
rans post eam in Bethlechem, potissimè cū ipsa vio-  
lasset legem tori, & tamen vocatur vxor, & concu-  
bina: ergo alius modus dandus est. Aliter ergo di-  
cendum, quod inter Hebræos ab antiquo sicut inter  
gentes cæteras, semper fuit consuetudo, quod ma-  
trimonium verum contraheretur per consensum  
de præsentī, & affectionem coniugalem, sed dif-  
ferebat, quia quædam mulieres suscipiebant cum  
consensu isto, & quibusdam donis, quæ ipsi vocant  
caduslin, id est sanctificationes, scilicet quod dan-  
do illa munera fœminæ sanctificat illam pro se,  
& traditio istorum donorum confirmat matrimo-  
nium: alię autem erant, quæ accipiebantur per con-  
sensum de præsentī, & tractabantur affectu coniugali:  
& tamen nō tradebantur eis munera illa, quæ vocantur  
caduslin: & de istis dicant, quod non erāt vxores firmi

Liranus  
impugna-  
tur.

Doc resp.



fime, sed poterant vocari concubinae: licet interdum vocarentur vxores. Considerandum autem quod Hebraei, licet moderni nunc nesciant, tamen consuetudo illius temporis erat hec, quod quando mulier, & virquam accipere debebat in matrimonium erant aequalis status, vel quasi: non accipiebatur in vxorem, nisi datis donis illis, quae vocantur caduslin & hoc quia ista munera pertinebant ad honorem quendam, & solennitatem contractus. Secundò quia faciebat matrimonium esse firmitus, quam aliàs. Tertio quia vxor sic accepta non poterat vocari concubina, sed semper vxor, quae autem aliter accipiebatur, poterat interdum vocari vxor, & interdum concubina. Quartum erat quia filij illius mulieris, quae cum donis siue caduslin accipiebantur habebant maius ius in hereditate paterna, quam filij aliarum, quae non erant sic acceptae. Omnia ista quatuor possunt apparere in Abraham respectu Sarae, & aliarum duarum vxorum: nam Sara erat aequalis Abraham in nobilitate generis. Nam erat filia fratris sui Nachor, ut tenetur cõiter, scilicet quod erat egressa filia Nachor Gen. 11. vel saltem vocabatur filia patris Abraham: nam ipse dixit, filia patris mei est, sed non matris meae: Gen. 20. cap. ideo non acciperet eam, quia non daretur ei sine omni honore nuptiali: & ad hunc honorem pertinebant dona illarum arrharum, vel caduslin, ideo acciperet eam cum illis: de Agar non fuit sic, quia ipsa erat ancilla Sarae, Gen. 16. ideo acciperet eam Abraham quomodo vellet, siue in concubinam, siue in vxorem: accepit autem in vxorem affectu matrimoniali, ut coitus esset licitus, & proles legitima: tñ non subarrhauit eam dando sibi caduslin. Et hoc ut non faceret eam aequalem Sarae, quae erat dña eius: nam semper mansit Agar ut ancilla Sarae, quamq̃ effecta esset vxor Abraham, Gen. 16. nam dixit Abraham: Ecce ancilla tua in manu tua est, utere ea, ut libet. Sic etiam fuit de Cetura, quam Abraham postremo accepit in vxorem: nam ipsa fuit de humili genere, scilicet de Chanaanis: & non subarrhauit eam Abraham, ut non aequaret primae vxori, quae erat de cognatione sua. Etiam ut non equaret filios illius filio suo Isaac, in quo extendendum, & benedicendum erat semen Abraham: & ob hoc potuerunt vocari istae concubinae, & vxores vicissim. Sara autem nunquam potuit vocari nisi vxor. Primum istorum quatuor patet, quia subarrhatio, & quaecunque aliae caeremoniae adhibeantur in contractu matrimonij, ut in alijs contractibus, faciunt illa solenniora: nam istud est generale, quod illud est solennius quod pluribus caeremoniis innitur: illud vero, quod nullam habet caeremoniam, sed qualitercūque fieri potest, non dicitur habere aliquam solennitatem. Secundum patet, quia ipsi Hebraei putabant difficilius valde fore repudiare vxorem acceptam cum subarrhatione quam sine illis. Interdum etiam dicunt quod matrimoniū, in quo non interuenerant subarrhationes, siue caduslin poterat dissolui sine repudio, scilicet volente vxore etiam non volente viro, tanquam non esset totale vinculum causatum: & sic excusant aliqui Hebraei matrimonium factum inter Dauid & Merob filiam Saulis: nam ipsa postea data est Hadrieli Molathite in vxorem antequam acciperet eam Dauid. De quo primo Regū decimo octauo, & dicunt, quod non peccauit Saul faciēdo hoc, quia non dederat Dauid caduslin ipsi Merob, vel non fuerant legitime tradita caduslin. & sic non tenuerat desponsatio. istud secundum non apparuit in Abraham respectu vxorum suarum, quia nullam earum repudiauerat, tamen facilius, & rationabilius poterat repudiare Agar, & Cetura, quam Saram. Etiam patet hoc ex verbis Sarae ad Abraham: nam dixit ei: Elice ancillam, & filium eius: Genesi vigesimo primo, & tamen si tam firmum esset matri-

monium cū Agar sicut cū Sara, non diceret Sara istud. Considerandum autem, quod istud non posset exemplificari in matrimoniis nostri temporis, eo quod illa vel simpliciter sunt rata, ita quod nullo modo patiantur diuortium, vel non sunt matrimonia: tempore Abraham autem, & in veteri testō nullum matrimonium erat totaliter ratum, quia poterat suscipere repudium, ideo poterat esse vnum matrimonium altero firmitus. Et sic erat consuetum, quod matrimonium factum cum subarrhatione esset firmitus quam sine subarrhatione: & istud tribuebat ius abundantius vni vxori ad virum, quam alteri. Tertium erat, quod vxor accepta cum subarrhatione nunquam vocabatur concubina: quod patet in Sara: nam nunquam in tota sacra scriptura vocabatur concubina Abraham. Aliae duae. i. Agar, & Cetura interdum vxores, & interdum concubinae appellantur, ut declaratum est. Quartum erat de maiori iure filiorum: nam filij mulieris subarrhatae habebant maius ius in bonis paternis tanquam haeredes: alij autem minus habebant de iure. i. quantum eis pater concessisset. Patet hoc, quia Sara dixit Gen. 21. Elice ancillam, & filium eius: non enim haeres erit filius ancillae cum filio meo Isaac. Si tñ fuissent filij Agar tanti iuris ad Abraham, sicut filij Sarae, quae vxor subarrhata, non dixisset Sara erat non haeres erit, & cetera. Item patet hoc, quia Abraham dedit hereditatem suam totam Isaac, filiis autem Agar, & Ceturae dedit solum munera quaedam: Gen. 25. ca. si tamē aequale ius haberet illi filij in bonis eius, cū essent oēs legitimi, peccaret Abraham exheredando omnes alios, potissime cum multi essent, quia de Cetura suscepit sex, Gen. 25. & instituendo heredem solum Isaac, & tamen licite fecit: ego non habebant tantum ius filij Agar, & Ceturae ad bona Abraham sicut Isaac filius Sarae: imò dato quod plus diligeret Abraham Isaac, non poterat eum constituere heredem vniuersorum, sed solum poterat ei dare duplicem partem quam cuiuslibet aliorum fratrum suorum: sic patet Deute. 21. cap. Sed aliquis respondebit ad hæc. Ad primum, quia Agar erat ancilla, ideo filius eius non erat successurus in aliqua parte hereditatis paternae. Item competebat Isaac, quod ipse esset successor Abraham in solidum, quia in eo debebat vocari semen Abraham. Et hoc ex determinatione Dei, ideo licet aliàs esset aequale ius succedendi patri Ismaheli & Isaac, ex hoc non potest succedere Ismahel quantum ad aliquam partem. Sed istud non stat. Ad primam rationem dicendum, quod licet propter conditionem seruitutis maternae non deberet succedere Ismahel sicut Isaac: & hoc voluit Sara, cum dixit: non erit haeres filius ancillae cum filio meo Isaac: tamen non tenet ista solutio quantum ad filios Ceturae, quia Cetura non erat ancilla: & tamen filij eius non successerunt Abraham sicut Isaac, sed dedit eis quaedam munera, ut patet Gen. 25. & non fuerunt melioris conditionis, quam Ismahel, qui erat filius ancillae. Secunda ratio non stat, quia quamquā Deus elegisset Isaac, ut vocaretur in eo semen, & nomē progeniei Abraham. tamē hoc nesciebat Sara, quia Deus nondum illud dixerat, sed cum contristaretur Abraham, eo quod Sara vellet eicere Agar, & filium eius, dixit Deus: omnia quae dixit tibi Sara audi vocem eius, quia in Isaac vocabitur tibi semen. Etiam Sara non mouebatur ex hac parte, sed solum quia Ismahel erat filius ancillae. Vnde dixit: Non erit haeres filius ancillae cum filio meo Isaac: Gene. 21. capitu. Sed obiicitur contra secundam probationem, i. quod Abraham non dedit aequalem hereditatem filiis omnibus: Gen. 25. Et dicitur, quia Abraham nouerat, quod posteritas sua denominanda erat per Isaac: & ob hoc volebat eum constituere heredem vniuersorum, cum aliàs non posset. Patet hoc, quia iam Deus ei dixerat in Isaac vocabitur tibi semē. Item

Responso aliquorum.

Solutio rationum.

Obiecto contra secundam probationem. i. ratio.



Item quod allegatur, scilicet, quod deberet solū Isaac accipere duplicem partem ad alios, si vellet accipi ut primogenitus ad Abraham: & dicitur, quod istud tenuit postquam data est lex Moyfi, sed ante non tenebat, cum scripta fuerit ista lex Deut. 21. ca. & Abraham fuerit plus quam 450. annis ante hoc: nam ut patet ad Gal. 3. cap. lex confirmata est annis. 430. post factam promissionem Abraham. Respondendum, quod non stant istae rationes: ad primam dicendum, quod licet Abraham haberet iustam causam ex Dei electione in stiruere Isaac heredem vniuersalem, & ceteris filiis solū largiri munera, tamen ipsis non constabat de hoc iure, & conquererentur valde, & litigarent cōtra Isaac ut preiperent ei omnia bona, & tamen non litigauerunt cum ipso: ergo apparet quod aliquod ius manifestum erat secundum consuetudinem temporis illius, propter quod putabant illi iuste Isaac constitutum heredem vniuersorum: Et istud erat, quia mater sua fuerat accepta in vxorem cum subarrhatione: & Agar & Cetura sine subarrhatione, ex quo nullum ius ipsi habebant ad bona patris sui. Ad secundum dicendum, quod confirmatio non probabat, nisi respectu filiorū Ceturae, quia Isaac non fuit primogenitus Abraham, sed potius Ismahel, ideo si ceteris paribus erant Ismahel & Isaac pares in iure succedendi, proueniret duplicitas hereditatis ipsi Ismaheli propter primogeniturā: sed falsum est, ideo ex hac parte non stat argumentum: & tamen dato quod Isaac esset primogenitus, non debebat fortiri ex iure communis duplicitem fortis in hereditate paterna. Et quando dicitur, quod illa lex non stabat tempore Abraham, dicendum, quod licet fuit data postea Moyfi in Deute. tamen ante hoc obierat a multis populis terrae: & sic fuit de multis alijs legibus iudicialibus, quas dedit Deus Hebreis: nā ante dationem seruabantur a populis terrae. Quod autem ista seruaretur, patet in Jacob: nam quando benedixit filiis suis Gene. 49. dixit Ruben: Ruben primogenitus meus, tu fortitudo mea, & principium doloris mei, prior in donis maior in imperio, id est quod ad primogenitum pertinebat esse maiorem in successione paterna. Hoc patet manifestius 1. Para. 5. scilicet, Ruben fuit primogenitus Israel, sed cum violasset Torum patris sui data sunt primogenita eius Ioseph, & filiis, & non est ille reputatus in primogenitum: & tamen filiis Ioseph non habuerunt aliquid speciale inter ceteros, nisi quod habuerunt duas sortes, cum quilibet de alijs filij Jacob haberet vnicam: ergo ius primogenitū quod habetur Deute. 21. scilicet, quod haberet primogenitus duplum ad quemlibet fratrem suum, fuit seruatum tempore Jacob, quod fuit multo tempore ante dationem legis: & sic fuit tempore Abraham. Considerandum autem quod Jacob habuit quatuor vxores, duas principales, scilicet Liam, & Rachel, & duas minus principales, scilicet Balaam & Zelpham ancillas istarum: Gen. 30. Et tamen nunquam vocatae sunt istae duae concubinae, licet essent minus principales, sed semper vxores: etiā filij earum non acceperunt minus de hereditate Jacob, scilicet de terra Chanaan ei promissa, quam ceteri filij, quia quilibet suscepit vnam sortem solam praeter Ioseph, qui suscepit duas, quia data sunt ei primogenita Ruben. Istud autem fuit, quia licet Balaam, & Zelpham essent minus principales vxores Jacob, tamē habebat subarrhationem, siue data sunt eis caduſſin in datione: & sic licet cōmuniter teneatur, quod ad hoc quod aliqua vxor in lege veteri vocetur concubina sufficiat, quod sit vxor minus principalis; tamen non sufficit solum hoc, quia quaedam accipitur cum caduſſin, & ista habet quatuor priuilegia, quae posita fuerunt supra, & ista accipitur sine subarrhatione, & illa caret illis. Considerandum autem, quod iste modus loquendi.

Alph. Toſt. super lib. Iudicum

Adi est in iure humano, & apud sanctos patres, quod illa, quae cum solennitatibus omnibus traditur voce vxor, quae autem affectu coniugali accipitur: & tamen sine datione, subarrhatione, & solennitatibus vocetur concubina, & tamen licet teneatur: sic habetur in decretis 33. dist. ca. primo cum dicitur: Concubina hic intelligitur, quae cessantibus legalibus instrumentis vnica est, & coniugali affectu asciscitur, hanc coniugem fecit affectus, concubinam lex nominat: Sic etiam in Concilio Toletano definitum est, & habetur dist. 34. cap. is qui. si quis non habuit vxorem, & pro vxore concubinam habet, ut vnus mulieris aut vxoris, aut concubinae sit communiter contentus. Ecce vbi licitam facit coniunctionem cum concubina: & tamen falsum esset, nisi esset verē vxor. Item Isidorus de distantia veteris, & noui testamenti, & habetur eadem dist. cap. Christiano. ait Christiano, non dicam plurimas, sed nec duas simul habere licitum est, nisi vnam tantum, aut vxorem aut certē loco vxoris, si vxor deest concubinam. Ecce quare licitum est habere concubinam, id est vxorem non solenniter ductam, vnde glo. ibidem dicit concubinam esse mulierem non solenniter ductam: & tamen mutus consensus interuenierit, quia aliam concubinam habere non licet, ut patet 32. quaest. 4. cap. nemo. & vocatur praecipue concubina, quae minoris status est, & non quod ad eam accipiendam fieri oporteat subarrhationem, & dationem, & solennitates magnas: & hoc modo, quod non sufficit ad ducendum vxorem sufficit ad ducendum legitimam concubinam. Et hoc est quod tenet Isido. in ca. Christiano nunc allegato, scilicet, dum vxor deest, loco vxoris potest haberi concubina: ergo defectus, vel impotentia complendi aliquid facit differentiam inter vxorem & concubinam hoc modo. Istud erat vnum quod faciebat differentiam inter Saram, & Agar, atque Ceturam, quia Sara erat aequalis in genere & diuitiis Abraham, & non poterat duci, quia ipsa non consentiret sine his solennitatibus, scilicet subarrhationum, & reliquorum. Agar autem, & Cetura erant pauperes, & quomodocunque Abraham vellet eas ducere consentirent. Iste modus quasi loquendi est in legibus humanis: nam cum vir, & vxor sunt imparis status ex parte maiore ex parte viri, lex non dicit matrimonium, sed concubinatum, & ipsam non vxorem sed concubinam vocat, nisi dotalia instrumenta interueniant, ut C. de nuptiis imparilib. §. immo. & ff. de dationibus. l. donationes. Cum autem sint pares in statu, dato quod non interueniant instrumenta dotalia, lex vocat vxorem, ut ff. de ritu nuptiarum lege. in liberg. & sic instrumenta dotalia in imparibus faciunt vocari vxorem, quibus deficientibus vocatur concubina: & apud Hebreos caduſſin siue subarrhationes erant loco huius totalis instrumenti: ideo cui non dabantur caduſſin vocari poterat concubina. Sic fuit de Agar, & Cetura. Nunc dicendum est sic de vxore Leue, quia illa vocatur vxor, quia licet tenebatur affectu coniugali, & quia non dederat ei caduſſin, sed simpliciter acceperat, quia erat fortē minoris status, quam ipse, vocatur concubina. Et fin istum modum respondendi tolles multas difficultates, quae in alijs locis reperies. De Bethlehem Iuda. Vocatur Bethlehem Iuda cum additione ad differentiam alterius Bethlehem, quae erat in sorte Zabulon, ut patet Iosue decimo nono. Quae reliquit eum. Scilicet dupliciter quantum ad legem tori, quia alteri viro copulata est adulterando: etiam quia recessit ab eo. Patet hoc ex litera Hebraica, quae dicit. Et adulterata fuit super ipsum concubina sua. Id est praeter ipsum accepit alium virum ad coitum. Et accipitur super pro praeter: ex hoc etiam patet, quod non erat concubina simpliciter, quia si esset concubina.

Modus loquendi iuris antiqui de quo latius dixit auctor 1. reg. 8. cap.

Sara erat aequalis in genere & diuitiis Abraham.



etiam si commisceretur alteri, non diceretur adultera, quia nulla lege ei tenebantur: ideo erat vxor ducta sine solennitatibus: & ista tenebatur seruare viro fidem, sicut si cum solennitatibus ducta foret. *Et reuersa est in domum patris sui in Bethlechem.* Scilicet habitabat Leuita in latere montis Ephraim, & ibi erat vxor ei cohabitans, & inde recessit in Bethlechem: causa recessus fuit timor, quia fornicata fuerat, & putauit quod occideret eam vir. *Mansitque quatuor mensibus apud eum.* Scilicet in istis 4. mensibus Leuita non requisituit eam eundo pro illa. Iosephus lib. 5. Antiqui. vult quod vxor Leuitæ non fornicata fuerit, sed propter discordias recesserit a viro suo, & hoc videtur tenere litera nostra, quia noluit dicere, quod mulier fornicata est, sicut dicit litera Hebræa: sed dicit quod reliquit eum, & reuersa est in Bethlechem. Vnde ait Iosephus. Vir Leuita de populo, qui erat sortis Ephrem, & ibidem habitabat, de Bethlechem duxit vxorem: hic autem locus est tribus Iudæ. cumque vehementer amaret coniugem, & eius pulchritudine victus afficeretur, quando ab illa non similiter amabat, & ille propterea passione amoris viretur, lites frequenter inter eos eueniebant. Ad vltimum verò mulier his grauata relinquens virum, abiit ad patrem mense quarto. Vehementerque grauè ferens vir per amorem venit ad soceros, solutisque litibus, placatus est circa eam. *Secutusque est eam vir suus.* Scilicet post quatuor menses cum ipsa non rediret, vir suus illuc iuit, quia fortè expectauit, quod ipsa pæniteret, & rediret ad eum, vel pariter illius reduceretur eam. In Hebræo dicitur. *Mansitque ibi diebus quatuor mensibus.* Vbi nos dicimus 4. mensibus solum: & fuit positum diebus ex superabundanti. Est tamen ut exponens expositum intranfitiuè. s. stetit ibi diebus aliquot, qui sunt quatuor menses. *Volens ei reconciliari.* Ista litera demonstrat intentionem Iosephi, s. quod non recesserat mulier propter adulterium, sed propter iurgia quotidiana, ideo vir volebat reconciliari ei, tanquam offenderet eam iurgiis vehementibus, & irrationabilibus. *Atque blandiri.* Scilicet loquendo ei verba blanda, qualia sunt verba amatorum. Sic dicitur Gen. 34. de Sichem, qui diligebat nimis Dinam filiam Iacob, quā deflorauerat, ipsaque tristis erat. Et dicitur: Tristem blanditiis delinuit: Essent autem istæ blanditiæ promittendo, quod nunquam amplius iurgaretur cum illa, sed diligeret ut animam suā, & alia tenera verba amantium, quæ solent generare teneros affectus, ideoque blanditiæ appellantur. Istud procedit exponendo literam ad intentionem Iosephi, & litera nostra, quæ volunt eam non fuisse fornicatam. Sed exponendo secundum literam Hebraicam: dicendum quod vir offensus fuerat adulterio vxoris, quia tamen pulchritudine vincebatur, cogeatur diligere eam: & tener affectus amoris feros iracundiæ iustissimæ compescebat, & penitus domabat motus. Sic ait Seneca tragedia quarta, cuius nomen est Hippolytus. carmine 3. in fine, quod amor omnes passiones etiam ferocissimas cessare facit, & ei obediunt: vnde cum mulier debuisset veniam petere, vir domitus magnitudine amoris tanquam bos ductus ad victimam vxorem præcabitur pro reconciliatione, blandiebaturque ei tanquam ipse illam offenderet: multa enim similia legimus, & vidimus, de quibus non oportet dilatare sermonem. Sic patet Esdræ 2. cap. 4. vbi inducitur exemplum de fortitudine mulieris, quomodo ipsa viros domet. *Et secum reducere.* Tam intense diligebat Leuita ille vxorem suā, quod sine illa difficilem putabat se sustinere vitam. *Habens in comitatu puerum.* Scilicet ad seruendum sibi, & vxori suæ cum reduceretur eam. *Et duos asinos.* Scilicet vnum ad æquituram vxoris, & alium pro se, vel ad deportationem necessariorum in via. *Quod patet,* quia quando venit in Gabaa dixit se portare omnia ne-

Intètio Iosephi pœnes literā.

cessaria, tam pro se, quàm pro asinis, & nulla re indigere nisi hospitio. *Quæ suscepit eum.* Scilicet gratis: nam licet prius recessisset ab eo irata, quia tamen videbat nunc eum ad se venientem benignum gauiſa est, & hoc quocunque modo accipiat, quod mulier recesserit: nam si dicatur, quod ipsa recesserit timore mortis propter adulterium, nunc vidit virum benigne ad se venientem & gauiſa est, quia per hoc remittebat ei mortem. Si verò dicatur, quod recesserat propter iurgia, & rigorem viri, nunc videbat eum desiderantem reconciliari ei, & blandientem, ideo recepit eum. *Et introduxit in domum patris sui.* Scilicet, quia ipsa vidit eum primo venientem, & fecit introire in domum patris sui ad manendum. *Quod cum vidisset socer eius.* Scilicet, quod filia sua introducebat virum suum Leuitam in domum. In Hebræo dicitur. *Quod cum vidisset pater puellæ.* Et sic litera nostra signat, quod ista puella erat vxor Leuitæ, quia vocat patrem puellæ socerum Leuitæ. Litera autem Hebraica significat non esse vxorem, vel saltem non significat illud licet non signet contrarium, cum dicat, quod cum vidisset pater puellæ: & tamen hoc nihil agit, quia infra postea vocat eum socerum & puellam vxorem Leuitæ: sed variat modum loquendi ex causa supra assignata. *Cumque vidisset.* Scilicet vidisset Leuitam introeuntem in domum. *Occurrit ei latus.* Istud fuit gaudium propter reconciliationem viri ad vxorem: nam siue recessisset puella propter adulterium, siue propter iurgia, cum nunc videret virum sibi reconciliari erat gaudium. *Et amplexatus est eum.* Scilicet, præ gaudio amplexatus est illum.

*An licuerit isti Leuitæ accipere vxorem de Bethlechem. Et quomodo licebat viris de vna tribu accipere vxorem de alia tribu. Quæstio V.*

**Q**VAERETVR circa hoc, an licuerit isti Leuitæ accipere vxorem de Bethlechem. Aliquis dicit, quod non: quia Deus iusserat, quod viri acciperent fæminas de tribubus suis in vxores, & mulieres acciperent viros de tribubus, & familiis suis, Num. 36. ca. et go Leuita non poterat accipere vxorem, nisi de stirpe Leui: Bethlechem tamen erat ciuitas de sorte Iudæ, hic dicitur: & sic acciperet vxorem de progenie Iudæ. Responderi posset ad hoc, quod Leuita iste accepit vxorem de stirpe sua, scilicet Leuitarum, & quando dicitur, quod erat de Bethlechem, non obstat, quia in Bethlechem habitabant Leuitæ, & alicuius illorum poterat esse ista puella filia. Pater hoc de Leuita, qui venit in domum Michæ: nam ille erat Leuita de Bethlechem, supra 17. & sic multi alij habitarent ibi. Sed ista responsio non est necessaria, quia præsupponeretur, quod Leuitæ non possent accipere vxores, nisi de tribu Leui: sed falsum est, quia Leuitæ accipiebant vxores de quibuscunque tribubus. Pro quo sciendum quod in Leuitis erat specialius, quàm in ceteris viris Israel: nam lex de accipiendis vxores de eisdem tribubus fuit data propter impermixtionem possessionum, quia si commiscerentur fæminæ & viri diuersarum tribuum, necesse erat hæreditates de vna tribu transire in alteram per successionem filiorum: sicut patet exemplum, quod posuerunt filij Manassæ contra filias Salphaad, scilicet quod ipse successerant patri suo in defectum filiorum: & si nuberent viris alterius tribus, filij illarum succederent in hæreditate maternā, & quia filius est de tribu, & cognatione patris, & non denominatur de cognatione matris, potissimè in veteri testamento, vbi seruabant valde iura primogeniture, illa pars hæreditatis matris, quæ fuerat de tribu Manassæ, transiret ad tributum



tribum illam, de qua essent viri, cum quibus contraherent: & sic permiscerentur sortes, quæ à principio distinctæ fuerant: & ob hoc data est lex dicta, Num. 36. cap. In Leuitis autem non stabat hoc, quia Leuitæ nullam hæreditatem habebant inter ceteros Israelitas: Num. 18. & Deut. 18. Et sic non essent causa perturbationis sortium: quod patet, quia aut Leuita acciperet uxorem de tribu non Leuitica, aut vir non Leuita acciperet uxorem de filiabus Leuitarum. Si secundo modo non erat aliqua confusio, quia filia Leuitæ non poterat succedere, eo quod erat foemina. Etiam dato quod in casu posset succedere, non habebant Leuitæ aliquid immobile, in quo posset eis succedere posteris suis: ideo licet filij huius mulieris pertinerent ad tribum illam, de qua erat vir suus, non fiebat confusio sortium, eo quod nihil de sorte Leuitarum transibat ad aliam tribum propter foeminam, cum Leuitæ nihil immobile haberent, quod posset transire ad alias tribus: ideo expressè erat permittum, quod filia sacerdotis, vel Leuitæ posset accipi in uxorem à quolibet de populo. Sic patet Leui. 22. scilicet: Si filia Sacerdotis cuilibet ex populo nupta fuerit, de his, quæ sanctificata sunt, & de primitiis non vescetur: quasi dicat: si nubet alicui non de populo, sed de sacerdotibus, vel Leuitis poterat comedere de sanctificatis. Rationes horum ibi declaratae sunt. Si autem Leuita acciperet in uxorem aliquam de alijs tribubus, non sequebatur aliqua confusio sortium, quia accipiebant tales mulieres, quæ non haberent speciem succedendi patribus, & tunc filij earum erant de stirpe Leuitarum, & nihil transibat de alia tribu ad tribum Leuitarum propter mulierem illam. Si autem contingeret, quod mulier accepta à Leuita aliquo modo esset succedens patri in hæreditate, vtpotè deficientibus filiis, videbatur tunc dubium, scilicet, quia filij huius mulieris accipere debebant id, quod prouenerat matri: & ipsi essent Leuitæ propter patrem, & sic Leuitæ haberent sortem. Dicendum, quod cum sic contingeret, non debebat mulier illa succedere, eo quod filij sui erant inhabiles ad aliquid possidendum immobile, ideo redibat hæreditas ad patruos, vel ad alios propinquos patris, velut si non staret filia secundum ordinem, qui ponitur Num. 27. cap. & secundum hoc multi de Leuitis, & Sacerdotibus accipiebant uxores de alijs tribubus. Nam Ioiada summus Sacerdos accepit in uxorem Iosabam filiam regis Ioram 4. Reg. cap. 11. De reliquis autem Israelitis erat alia lex: nam iubebatur, quod quilibet acciperet uxorem de tribu sua, & quælibet mulier acciperet virum de tribu, & familia sua: Num. 36. Quod Nicolaus, & quidam alij intelligunt de mulieribus, quæ succedebant in hæreditate paterna. Pro quo considerandum, quod in veteri testamento mulieres non succedebant patribus, sed soli masculi, unde dato quod quis haberet triginta filias, & vnicum filium ille erat hæres vniuersorum immobilium. Cum autem deficiebant filij succedebant filiae. De filiis autem erat generale, quod siue multi, siue pauci essent, quilibet succedebat secundum partes æquales, præter primogenitum, qui fortiebat duplum ad quemlibet aliorum fratrum. Hoc patet Num. 27. iuncto Deuter. 21. Dicunt ergo isti, quod filia quando succedere debebat patri, non poterat nubere viris aliarum tribuum, quia in illis erat casus legis, vt in filiabus Salphaad, quæ succedebant patri, & propter hoc lex data est, nè commiscerentur sortes: cum autem foemina erat non successura patri, vtpotè stantibus liberis maribus dicunt, quod poterat accipere virum de alia stirpe, quia ibi non sequebatur confusio sortium. Sed dicendum, quod ista regula erat generalis, quantum ad omnes viros, & foeminas

A aliarum tribuum, qualitercunque se haberent, sicut patet Num. 36. & ibi probatum est. Et ratio huius est, quia licet ratio legis fuerit, vt non permiscerentur sortes; tamen oportet, quod teneatur lex tam in illis, de quibus manifestum est, quod succedere debent, quam in alijs, de quibus est dubium: nam mulier erat, quæ non posset in aliquo casu dato succedere, vtpotè aliquis genuit filios, & filias, iam apparet de filiabus, quæ non debent succedere propter liberos mares. Si ergo immediatè liceret illis accipere viros de alijs tribubus, contingeret interdum, quod fratres illarum morerentur sine liberis ante mortem patris, & manebat successio filiabus, & iam essent traditæ alijs viris: ex quo sequebatur necessariò, quod permutarentur hæreditates sortium. Item dato casu fortiori, scilicet, quod quis haberet filios, & filias, & moreretur succederentque filij: deinde illi morerentur non susceptis liberis veniebat hæreditas ad sorores: vel dato quod isti succedentes patri gignerent filios, & morerentur ipsi, & patres eorum, manebat successio sororibus, tanquam si isti nunquam habuissent liberos: ergo licet mulier non videretur successura patri, semper pendebat in dubium, an succedere posset aliquo casu dato, quousque moreretur: ideo propter istud dubium fuit lex generalis ad omnes viros & foeminas, quia quælibet foemina poterat applicari ad casum legis, scilicet ne transfret hæreditas ad illam tribum. Sed aliquis obijciat, quod sicut Leuitæ accipiebant interdum coniuges, quibus eueniebat, quod succedere deberent patribus, & tunc successio conuertebatur ad proximos de familia illa, & non succedebant istæ mulieres, nec filij earum: ita fieret in viris aliarum tribuum, qui acciperent mulieres, quas contingeret succedere patribus, quia tunc conuerti potest successio ad proximos illius tribus. Dicendum, quod non est simile de Leuitis, & de alijs, quia filij Leuitarum, eo quod erant filij Leuitarum erant prohibiti succedere, & priuati omni iure possidendi rem aliquam immobilem: quamquam ergo non succederent in parte illa hereditatis, quæ aliàs proueniebat matri, non fiebat eis grauamen: filij tamen aliorum virorum poterant possidere, & succedere debebant de iure patribus, & etiam matribus si aliquid haberent. Quod ergo nunc mater haberet aliquid, in quo non posset succedere filius, qui aliàs non erat priuatus iure succedendi, videbatur valde grauatorium, ideo Leuitis licuit accipere uxores de quacunque tribu: alijs autem viris non licuit, sicut declaratum est Numeri trigesimo sexto capitulo. Cum autem contrarium aliquando reperitur, est dispensatio in quibusdam, sicut in regibus, vtpotè quando Dauid accepit Michol filiam Saulis in uxorem, & in quibusdam erat peccatum. Nam nec oportet omnia excusare, cum videamus quædam pessimè facta: & sic vir iste Leuita potuit licitè accipere uxorem de Bethlehem, licet non esset de stirpe Leuitarum.

E Si mulier alicuius in veteri testamento adulteraretur, an poterat vir suus reconciliare eam sibi, vel tenebatur subire pœnam legis.

Questio VI.

QVAERETVR vterius, si peccasset mulier istius Leuitæ adulterando, si poterat ei reconciliari vir, ita vt non occideretur. Aliquis dicit, quod non poterat, quia Numeri trigesimo quinto dicitur: Quod reus mortis pro nullo precio dimitteretur, sed statim occideretur, ita ergo precibus, vel alia occasione, non posset remitti ei mors, & tamen mortis rea

Leuitæ poterat uxorem ducere de quolibet tribu Israel, tamen non succedebant tales uxores Leuitarum patribus suis.

De successione hæreditatum secundum Nicolaum.



Cur Christi-  
flus nō cō-  
demnavit  
mulierem  
adulterā.

rea erat mulier, quæ fornicabatur; ergo non poterat ei remitti, sed tenebatur iudex eam occidere. Respondendum, quod aut erat crimen manifestum, quod probari posset, & sciebatur ab aliquibus de populo aut solus vir cognoverat hoc. Si secundo modo dicendum, quod non tenebatur eam accusare, sed poterat ei remittere, quia vindicta legis in fauorem viri erat introducta, & non peccabat remittendo peccatum, sed potius merebatur, quia lex non obligabat virum ad accusandum eam, sed dabat ei potestatem ad hoc. Potest autem quilibet renunciare iuri suo, quando in fauorem eius solius introductum est. Nec obstant ad hoc casus speciales, quia ibi in fauorem aliorum introductum est ius, & non ipsorum qui volunt renunciare, & non possunt. Si autem adulterium esset publicum, vel notorium, aut qualitercunque probabile, quilibet de populo poterat accusare, quia erat crimen publicum, ad cuius accusationem quilibet de populo admittitur. Dicendum tamen, quod si nulus accusaret adulteram, dato quod notum esset iudici per notorietatem facti aliquam adulteratam, iudex non poterat eam condemnare. Sic patet Ioann. 8. ubi præsentata est Christo mulier capta in fornicatione, & accusabatur coram eo, & cum accusatores insisterent, ipse condemnabat eam indirecte, dicens: qui sine peccator vestrum est, primum lapidem mittat in eam. Postea autem illis recedentibus, & per hoc desistentibus ab accusatione Christus eam non condemnauit, sed potius absoluit, dicens: Mulier quis te accusat? & illa: nemo domine. Tunc Christus dixit: nec ego te condemnabo, quasi dicar, si continuauissent in accusatione tui aduersarii, oportuisset te condemnari: quia tamen ipsi desisterunt, nec ego debeo contra te procedere: & tamen ibi erat peccatum notum Christo, non ut Deo, sed ut iudici, quia dixit mulieri: vade & amplius noli peccare. Etiam quia prius dixerat: Qui sine peccato vestrum est, primum lapidem mittat in eam: & tamen istam condemnationem iudicialiter non tulisset, nisi constitisset euidenter per confessionem mulieris, vel per testes adulterium perpetratum. A fortiori ergo nondum cepto negotio iudicialiter, dato quod iudex sciret mulierem adulteratam, non poterat eam condemnare. Sciendum tamen, quod si iudex volebat esse tamquam vnus de populo, cui competere accusatio, & prosecutio criminis publici, deposita auctoritate iudicis, poterat esse ut accusator, & si produceret sufficientes testes coram alio iudice, qui cognoscere posset, obtinebat condemnationem contra adulteram: sic patet de duobus senibus, qui accusauerunt Susannam. Nam illi erant iudices, & tamen ipsi processerunt ut accusatores, ut patet Dani. 13. Sciendum etiam, quod viro non accusante uxorem adulteram, quilibet de populo poterat accusare, quia erat adulterium de criminibus publicis, cuius prosecutio pertinet ad quemlibet de populo: sic patet de illa muliere, quæ ducta est ad Christum Io. 8. nam multi processerunt accusantes eam: & tamen non esset quilibet vir eius. Etiam nullus accusauit eam, ut vir suus, sed ut extraneus: nam dixerunt: Magister hæc mulier deprehensa est modo in adulterio. Etiam quia si aliquis istorum vir fuisset mulieris illius, non accusasset eam coram Christo, quia illa accusatio erat solum ad tentandum: sed coram iudicibus suis, qui poterant condemnare ad mortem. Item patet in duobus senioribus accusantibus Susannam de adulterio: quia neuter illorum erat vir Susannæ, ut patet Dani. 13. Sciendum tamen, quod prosecutio istius criminis pertinebat ad quemlibet, & tamen si vir remitteret, cessabat omnis accusatio nesciens aliorum, eo quod ei iniuria illata fuerat, sic patet in criminibus publicis, scilicet in adulterio, homicidio, & similibus. Sed obijcietur, quod etiam viro nolente accusaretur vxor de adulterio ab aliis, ut patet de Su-

fanna: nam dicitur quod vir suus Ioachim dolebat nimis, & erubescere, quod talia dicerentur de Susanna, & tamen duo seniores populi (non obstante hoc) accusabant eam. Respondendum, quod licet Ioachim non accusaret Susannam, quia ipse nesciebat crimem, & dolebat si aliquid tale factum fuisset, tamen non repugnabat senioribus accusantibus, eo quod si vxor perpetrasset adulterium, ipse ex hoc esset infamatus, & ob hoc nollet eam retinere, & sic procedebat accusatio seniorum: si tamen prohibuisset accusationem vir Susannæ, nulla accusatio suscipere posset eam. Sic erat hic de vxore Leuitæ, quod si ipse vellet ei remittere, & reconciliari, siue crimem esset notorium, siue qualecunque, non poterat quisquam eam accusare. *Mansitque gener in domo soceri diebus tribus.* istis tribus diebus mansit in gaudio reconciliationis factæ, & non petebat quod dimitteretur recedere, sed immediate post hoc petiit dimitti. In Hebræo dicitur. *Mansit vir in domo soceri.* Et non dicitur gener: sed idem est, quia si vocatur vnus istorum socer, necessario vocabitur alter gener, quia ista relatiua sunt. *Comedens enim eo, & bibens familiariter.* Scilicet, comedebant, & bibebant cum magna familiaritate, & letitia de reconciliatione facta.

Die autem quarto de nocte confurgens proficisci voluit. Quem tenuit socer, & ait ad eum: Gusta prius pusillum panis, & conforta stomachum, & sic proficisceris. Sederuntque simul ac comederunt, & biberunt. Dixitque pater puellæ ad generum suum: Quæso te, ut hodie hic maneat pariterque letemur. At ille confurgens, cepit velle proficisci. Et nihilominus obnixum eum socer tenuit, & apud se fecit manere. Mane autem facto parabat Leuites iter. Cui socer rursus: Obsecro, inquit, ut paululum cibi capias, & assumptis viribus donec increseat dies, postea proficiscaris. Comederunt ergo simul: surrexirque adolescens cum vxore sua, & puero. Cui rursus locutus est socer: Considera, quod dies ad occasum declinior sit, & propinquet ad vespertum. Mane apud me etiam hodie, & duc latum diem: & cras proficisceris, ut vadas in domum tuam. *Non* <sup>1. Reg. 11.</sup> *luit gener acquiescere sermonibus eius: sed statim perrexit, & venit contra Iebus, quæ altero nomine vocatur Ierusalem, ducens secum duos asinos onustos, & concubinam. Iamque aderant iuxta Iebus, & dies mutabatur in noctem. Dixitque puer ad dominum suum: Veni obsecro declinemus ad urbem Iebuseorum, & maneamus in ea. Cui respondit dominus: Non ingrediar oppidum gentis alienæ, quæ non est de filiis Israel, sed transibo usque Gabaa, &* cum



cum illuc peruenero, manebimus in ea, aut certe in vrbe Rama. Transferunt ergo Ie-  
bus, & cœptum carpebant iter.

*Die autem quarto.* Hic ponitur secundum huius par-  
tis, scilicet vxoris reconciliatę reductio. Et dicitur.  
*Die autem quarto de nocte consurgens.* Visum est satis fuisse  
se ad gaudium reconciliationis mansisse tribus diebus  
in domo soceri, nunc die quarto redire parabat ad pro-  
pria, & ah hoc surrexit de nocte, scilicet vt pararet ea,  
quæ ad iter eant necessaria, & diluculo recederent, ne  
demoraretur aliqua parte diei apud socerum. *Profici-*  
*sci uoluit.* Idest incepit se parare ad iter. *Quem tenuit so-*  
*cer.* Scilicet sermonibus suauioris orans, ne recederet.  
*Et ait ad eum. gusta prius paululum panis.* Nomine panis  
intelligitur quicquid comedi potest: nam & mel in-  
telligitur appellatione panis, vt patet primo Reg. deci-  
mo quarto, de Ionatha, qui comedit me, & incidit in  
periurium siue penam patris. Et tamen pater dixerat:  
Maledictus, qui comederit panem usque ad vesperum.  
Etiam est modus iste loquendi urbanus, quia aliqui  
volentes laudare res suas, dicunt se alicui daturus pa-  
nem, & aquam: & inuitant eum ad multos cibos. *Et*  
*conforta stomachum.* Scilicet, stomachus confortatur  
sumpto cibo, quia tunc habet, quid digerat: cum ve-  
rò nihil est, oportet quod humidum radicale consu-  
matur agente calore stomachi. Competit autem pa-  
ni potissimè confortare: sic habetur Psal. 103. scilicet,  
Panis cor hominis confirmet. Similiter locutus fuit  
Abraham tribus angelis venientibus ad eum: Genesi  
18. scilicet. Ponam buccellam panis, & confortate cor  
vestrum: & sic transibitis. *Et sic proficiscere.* Idest post  
quam comederis proficisceris. Vel sic proficiscere,  
scilicet, confortato stomacho, & non ieiuno. *Sederunt*  
*que simul, & comederunt atque biberunt.* Intentio soceri  
erat detinere generum aliquot diebus, quia gaud-  
bat videns eum apud filiam, & ob hoc quærebat occa-  
sionem detinendi eum, & sic sedit cum eo ad come-  
dendum. *Dixitque pater puellę ad generum suum.* Iterum  
pater hic, quod erat ista puella vxor, quia nunc voca-  
tur Leuita gener, quod non stat, nisi pater puellę sit  
socer, cum ista sint correlatiua. *Quęro, ut hodie hic ma-*  
*neatis.* Idest rogo, quod non curetis hodie recedere,  
sed quiescamus vacantes deliciis. *Pariterque latemur.*  
Scilicet, comedendo, & bibendo, & colloquendo, &  
videndo. nam amici inuicem valde gaudent de mu-  
tua visione, & collocatione: quia iste est actus eorum,  
scilicet conuiuere, vt patet 9. Ethic. conuiuere autem  
magis accipitur in collocatione quam in ciborum cõ-  
municatione: vnde ait Philosophus vbi supra, Conui-  
uere est mente, & verbo participare, & non quemad-  
modum animalia in eodem pasci. *Atque ille consur-*  
*gens cepit proficisci.* Scilicet finito cibo: nam non fede-  
rat ad cibum animo manendi die illa apud socerum,  
sed recedendi: nam sic socer dixerat: stans autem so-  
cer in mensa, orauit, vt gener maneret ibi die illa, & il-  
le non acquiescens surrexit de mensa, vt progredere-  
tur. & dicitur quod cepit velle proficisci quia cœpit  
iterum disponere sarcinulas suas ad recedendum. Vel  
cepit ostendere animum recedentis. *Et nihilominus*  
*eum obnixè tenuit socer.* Idest non obstante, quod Le-  
uita conaretur recedere tenuit eum obnixè, idest instā-  
ter, vel cum magnis precibus socer. *Et apud se fecit ma-*  
*nere.* Scilicet, vicit eum precibus, & tenuit die illo, sci-  
licet quarto. *Mane autem facto.* scilicet in die sequen-  
ti, qui erat dies quintus. In Hebræo dicitur. *Die quinto.*  
Vbi nos dicimus: mane facto: & idem est, quia istud  
mane erat diei quinti, cum pateat supra ex litera, quod

A mansisset diebus quattuor Leuita apud socerum suū.  
*Parabat Leuites iter.* Scilicet disponendo sarcinulas, vt  
pergeret. *Cui socer rursus.* Idest iterum dixit hoc, sci-  
licet, quia die quarto precedenti hoc idem fecerat.  
In Hebræo dicitur. *Cui pater puellę rursus.* Sed idem  
est, quia aliquando vocatur socer, & aliquando voca-  
tur pater puellę: erat tamen verè socer, vt declaratum  
est. *Oro, te inquit, ut paululum cibi accipias.* Verba so-  
ceri signabant, quod Leuita comederet modicum ad  
itinerandum, & tamen intendebat tenere eum, sicut  
precedenti die. *Et assumptis uiribus, donec increseat dies.*  
Idest assumendo cibum assumas vires, & recreeris,  
donec increseat dies, idest elabatur aliquanta pars diei.  
Dicitur autem dies increscere cum labitur, quia sol  
surgit, & tendit ad maiorem altitudinē usque ad me-  
ridiem. *Postea proficiscaris.* Scilicet, postquam transie-  
rit aliquanta pars diei, & modicum quieueris. *Com-*  
*ederunt ergo simul.* Intendebat eum socer allicere per si-  
multanea gaudia, ideo comedebat cum eo, & con-  
gaudebat, vt ille commanere desideraret. *Surrexit a-*  
*dolescens.* Scilicet surrexit de mensa. Vocatur Leui-  
ta adolescens, quia adhuc ætate iuuenis erat. *Vt perge-*  
*ret cum vxore sua, & puero.* Erat iam sibi molestum  
tandiu manere, quia manendo apud socerum fami-  
liaria negocia dimittebat. Et dicitur cum vxore, &  
puero, quia nullum alium comitatum habebat: vnde  
supra dictum est, quod Leuita habebat in comitatu  
suo vnum puerum, & duos asinos. *Cui rursus locutus*  
*est socer.* Volebat iterum eum detinere, quia gaude-  
bat videndo filiam. In Hebræo dicitur. *Cum concubi-*  
*na sua, & puero.* Vbi nos dicimus cum vxore: sed ali-  
quando vocatur concubina, & aliquando vxor, vt su-  
pra dictum est. *Considera quod dies ad occasum declinior est.*  
Idest considera, quod sol declinat ad occidentem, &  
modica pars diei superest ad iter: ideo inutile est pro-  
ficisci hodiē. Vocatur autem dies hoc ipse sol, qui ali-  
quando eleuatur, & aliquando deprimitur per circu-  
lum suum. Nam aliās propriè sumendo diem nō est  
verum, quod inclinatur, quia dies tempus quoddam  
est, & non mouetur ascendendo, nec descendendo.  
*Et approximat ad vesperam.* Idest ad tardam horam  
diei. Vocatur vespera propriè quedam pars tempo-  
ris ante occasum solis, & tamen largius accipiēdo vo-  
catur vespera totum tempus postquam sol incipit de-  
clinare a circulo meridiano. *Mane apud me hodie.* In  
hoc patet, quod socer superintendebat tenere Leui-  
tam: nam aliās non dixisset ei supra, quod maneret, do-  
nec incresceret dies: quia ista erat occasio non recedē-  
di. Et dicitur: etiam hodie, sicut mansisti heri, quia  
te detinui, etiam mane hodie. *Et duc latum diem.* Id-  
est habebis diem letum, quiescendo mecum in collo-  
quijs, & cibis. *Et cras proficisceris, vt vadas in domum tuā.*  
Idest, iam cras non te tenebo, & poteris liberè in do-  
mum tuam ire. In Hebræo dicitur. *Ecce descendit, uel*  
*sedit dies: dormi hic, & quiescat cor tuum, & antelucabis cras*  
*ad iter vestrum, & ambulaueris ad tentorium tuum.* Eadem  
sententia est, quæ in litera nostra, & tamen litera no-  
stra ponit eam in quibusdam verbis magis extensam,  
& politam: ecce descendit vel sedit dies: vbi nos dici-  
mus: considera quod dies ad occasum declinior sit.  
Quod autem litera nostra dixit: & propinquat ad ve-  
esperam. fuit ad explanationem, & non ad necessitatē.  
pormi hic. dicit litera nostra: mane apud me hodie,  
& est planior: quia dicendo: dormi hic. non nisi no-  
ctem signat superesse, dicendo: mane hic hodie.  
designat superesse saltem aliquam partem diei: quie-  
scat cor tuum: dicit: producat latum diem, & est lite-  
ra nostra planior. Et antelucabis ad iter vestrum. &  
etiam cum dicitur: ambulabis ad tentorium tuū, est  
turbata, & barbara locutio. Vocatur domus tento-  
rium



Vespera, q  
pars sit di-  
ei.



rium, quia multi Israelitarum illo tempore in tentoriis morabantur. *Noluit gener acquiescere sermonibus eius.* Erat enim valde sollicitus pro negocijs suis familiaribus, & putabat se sic detinendum quotidie a focero. *Sed statim perrexit.* Scilicet facto prandio, quamquam declinasset dies valde ad occasum. *Et uenit contra Iebus, quæ altero nomine vocabatur Ierusalem.* Illo tempore quando Leuita transiuit per illam Iebus vocabatur, quia tenebatur a Iebusæis. De nominibus multis huius, scilicet Solyma, Luza, Bethel, Ierosolyma, Iebus, Elia, vrbs sacra, Ierusalem, declaratum est Gen. 12. & 28. & ibi vide etiam & mutationem istorum nominum. Sciedum, quod Ierusalem distat a Bethlehem, de qua recedebat Leuita, quia Bethlehē est magis meridiana, quā Ierusalem: nam Bethlehē est in sorte Iudæ, & Ierusalem est in sorte Benjamin, & tamen fors Iudæ est in latere meridiano terræ Chanaan, Iosue 15. c. & quia ibat Leuita iste ad ciuitatem suam, quæ erat in sorte Ephraim, vt patet supra, erat iter per Ierusalem, eo quod Ierusalem erat magis meridiana, quā ciuitas Leuitæ, cum fors Ephraim eēt magis aquilonaris; quā fors Benjamin, vt declarātū est Iosue 15. & 18. & nunc Leuita procedebat a Meridie versus Septentrionem. *Ducens secum duos asinos onustos,* scilicet ducebat in asinis illis necessaria ad iter, sicut patet infra, & forte focer donauerat ei aliquid quod portaret, cū apud eum quieuisset quatuor diebus, & sic erant asini onusti. *Et concubinam.* Hic litera nostra vocat concubinam, cū communiter vocet eam vxorem: sed ratio mutationis supra assignata est. *Iamque aderant iuxta Iebus.* Idest iuxta Ierusalem, scilicet quia apud eam transiuri erant, cū esset iter rectum per illam. *Et dies mutabatur in noctem.* Scilicet, quia incipiebat sol intrare sub horizonte. Vel erat prope, & ibi sunt cōfinia diei, & noctis. Et dicitur vnum mutari in alterum: est autem modus loquendi iste vulgaris: nam dies non mutatur in noctem, cū nō possit fieri conuersio in his, quæ non habent materiam, sed fiebat nox ex die, idest post diem, quia in his quæ trāsmutantur propriē postquam fuit vnum est alterum, ita cū delineante die sit nox, dicitur mutari dies in noctem: non tamen totaliter sol occubuerat, vel erat in horizontē, sed erat prope, ita vt iam esset tempus declinandi ad hospitium. Nam infra dicitur, q̄ occubuit sol eis apud Gabaa. In Hebræo dicitur. *Dies descendit nimis.* Idest sol valde inclinatus fuit, scilicet quia erat iam apud horizontem, vel prope. Et accipitur dies pro sole, vt supra dictum est. *Dixitque puer ad dominum suum.* Accipitur puer pro conditione famulatus, & non pro ætate. Et isto modo cōfueuimus vulgariter loqui dicentes hunc esse puerum illius, licet sit senex, dum sit famulus eius. *Veni obsecro declinemus ad urbem Iebusæorum.* Idest declinemus ad manendum ista nocte in Ierusalem, quæ erat vrbs Iebusæorum, idest tunc tenebatur a Iebusæis. Ex hoc patet quod supra dicebatur, scilicet, quod factum fuerit istud antē mortem Caleb, & institutionem Hothonie lis in iudicem: nam Ierusalem capta est de manu gentium tempore Caleb, vt patet sup. 1. cap. Et maneamus in ea. Scilicet hospitemur hac nocte. *Cui respondit dominus: non ingrediar oppidum gentis aliene, quæ non est de filiis israel.* scilicet, non ingrediar oppidum Iebusæorum, quia nō sunt isti Israelitæ.

*An peccasset Leuita si introisset ad hospitandum inter Iebusæos in Ierusalem. Quæst. VII.*

**Q**VAERETVR, an peccauisset Leuita si introisset ad hospitandum inter Iebusæos in Ierusalem. Aliquis dicet, quod sic: quia vetita erat Israelitis omnis communicatio cum Chananæis, vt patet Exod.

trigesimoquarto, & Deuter. septimo, & cum manere in Ierusalem erat communicare Chananæis, quia viri loci illius erant de stirpe Iebusæorum, qui erant Chananæi. Item Leuita dixit: non ingrediar oppidum gentis alienæ: & sic vitauit illos solum ex hoc, quod erant alieni respectu Israelitarum, ideo peccatum erat manere cum illis, alioquin non vitasset illos, in quantum alienos, sed ex alia ratione. Respondendum, quod non peccasset Leuita si iuisset ad hospitandum inter Iebusæos in Ierusalem, quia Israelitis non erat vetita communicatio Chananæorum, nisi quantum ad amicitias magnas contrahendas, scilicet communicando in comedendo, & bibendo, quia tunc poterat Israelita ire ad comedendum cum amico suo Chanango, & ille daret ei cibos consecratos idolo, Exo. 34. & istud fieret in peccatum Israelitis. Item vetabatur contractio foederum matrimonialium: nam sic filij Iudeorum essent de stirpe Chananæorum, & è contrario, & filij Chananæorum accipientes filias Iudeorum conuerterēt eas ad idola, & viri Iudæi accipientes vxores Chananæas blanditijs illarum traherentur ad colendum idola, sic patet Exo. 34. & Deute. 7. etiam vetabantur federa pacis inter eos, Num. 33. quia tunc fieret hoc Israelitis in ruinam, & mala, quæ Deus cogitauerat facere Chananæis faceret Israelitis, vt patet ibidem, & Iosue 23. & supra 2. capit. quod tamen aliquando Israelitæ manerent apud Chananæos, vel trāsirent per terram eorum, vel comederent inter eos, non erat vetitum in lege, quia tunc non misisset Iosue duos exploratores in Iericho, quia illi necessariō communicaturi erant cum Chananæis. Ideo dicendum, quod si aliquo tempore esset pax inter Israelitas, & Chananæos ex aliqua causa necessaria, quod Israelitæ poterant communicare Chananæis accipiendo ab illis necessaria, & commutando, sicut fit in negotiationibus, dum tamen matrimonia, & amicitie magnæ non contraherentur ex hoc: sic autem erat de Leuita, quia ipse solum declinaturus erat ad manendum vna nocte in Ierusalem, & non intenderet ibi contrahere amicitias, nec matrimonium, nec etiam comedere de cibis Iebusæorum, quia ipse ducebat necessaria sibi, vt infra dixit hospiti suo in Gabaa: licebat ergo sibi declinare in Ierusalem. Ad primam rationem in contrarium dicendum, quod ibi non veratur omnis cōmunicatio Israelitarum ad Chananæos, sed solum in matrimonijs, & foederibus amicitiarum, & ista non erat contracturus Leuita in Ierusalem, licet ibi maneret vna nocte. Ad secundam rationem dicendum, quod non euitauit Leuita ire in Ierusalem ad manendum, quasi peccatum esset manere in Ierusalem illa nocte, sed quia timuit: nam cū esset gens aliena, timuit quod aliquid mali sibi, vel vxori suæ irrogare possent, maxime cum per noctem ad eos declinarent: de viris autē Israelitis non tantū timebat: eo quod erant omnes de eadem stirpe & lege, & ritu communicandi, ideo essent in alterutrum benigniores. *Sed transibo vsque Gabaa.* Ista est quedam ciuitas parua de sorte Benjamin, de qua fuit Saul, qui fuit primus rex israel: vnde ipse semp morabatur in Gabaa, vt patet 1. Reg. 10. & 11. & 13. atq; 14. & 22. c. Ex hoc patet, quod Gabaa est satis prope Ierusalem: nam iam erat quasi nox, cū dicat litera quod mutabatur dies in noctē, & tamen volebat recedere Leuita de Ierusalem in Gabaa. Etiam quia dicitur infra, quod occubuit eis apud Gabaa, & sic forte distat per leucam, vel minus. In Hebræo dicitur. *Transibimus in Gabaa.* Sed idem est. *Et cū illuc peruenero manebimus in ea.* Scilicet, est ciuitas Israelitarum, & ibi poterimus manere confidenter. *Aut forte in vrbe Rama.* Prope Gabaa est vrbs Rama, quam aliqui Ramatha vocant, vt patet in Libro de Situ

Ad rōnē  
i. in diuē  
sum.

Ad 2. rōnē  
nem.

De situ  
Gabaa.

Situ



Situ terre sancte, ubi ponuntur distincta: etiam distantia istarum à Ierusalem ponitur diuersa: nam Rama distat milliariis quatuor à Ierusalem, & Ramatha distat 16. milliariis: & hoc est conueniens. Nam quam sol multum declinaret, quando peruenit Leuita in Ierusalem, poterat partim per diē partim per noctem venire in Rama, quæ distabat quatuor milliariis, idest duabus Leucis: & tamen in Ramatha, quæ 16. milliariis, idest leucis octo distabat, ire non poterat ad manendum illa nocte. Sciendum etiam, quod Rama magis distabat à Ierusalem quam Gabaa, ideo dixit Leuita quod irent in Gabaa, vel saltem in Rama, idest si non reciperentur in Gabaa, quia forte essent valde vrbis seratæ, reciperentur in Rama, quæ forte non habebat muros, & poterant introire omni tempore. Sciendum, quod Samuel non erat de Rama, quæ distabat 4. milliariis à Ierusalem, sed de Ramatha, quæ distabat 16. ideo pater suus dicitur de Ramatha in 1. Regum. primo vel de Ramatha. 1. Reg. 2. & Samuel dicebatur morari in Ramatha 1. Regum 7. In Hebræo dicitur. *Et dixit puero suo: accedamus ad unum de locis, & dormiemus in eis, uel saltem in Rama.* Et est sensus, quod accederent ad Gabaa, qui vocatur vnus de locis, & dormirent in eis, idest in Gabaa, ponitur plurale pro singulari: nam poterant dormire simul in multis locis: vel saltem in Rama, idest, si non potuero dormire in Gabaa, saltem dormiam in Rama. *Transierunt igitur Iebus.* Scilicet, quia apud eam transierunt. *Et captum carpebant iter.* Idest, prosequiebantur iter, quod acceperant ad veniendum in locum suum.

Occubuitque eis sol iuxta Gabaa, quæ est in tribu Benjamin, diuerteruntque ad eam ut manerent ibi. Quò cum intrassent, sedebant in platea ciuitatis, & nullus eos recipere voluit hospitio. Et ecce apparuit homo senex reuertens de Agro, & de opere suo vesperi, qui & ipse de monte erat Ephraim, & peregrinus habitabat in Gabaa. Homines autem regionis illius erant filij Iemini. Eleuatique oculis, vidit senex sedentem hominē cum sarcinulis suis in platea ciuitatis, & dixit ad eum: Vnde venis: & quò vadis? Qui respondit ei. Profecti sumus de Bethlehem Iuda, & pergimus ad locum nostrum, qui est in latere montis Ephraim, vnde ieramus in Bethlehem. Et nunc vadimus ad domum Dei, nullusque sub tectum suum nos vult recipere, habentes paleas, & fœnum in asinorum pabulū & panem, ac vinum in meos, & ancillæ tuæ vsus, & pueri, qui mecum est: nulla re indigemus, nisi hospitio. Cui respōdit senex: Pax tecum sit, ego præbebo omnia, quæ necessaria sunt: tantum queso ne in platea maneat. Introduxitque eum in domum suam, & pabulum asinis præbuit, ac postquam lauerunt pedes suos, recepit eos in conuiuium.

**A** Occubuitque eis sol iuxta Gabaa. Hic ponitur tertium, scilicet hospitatio, sed antequam venirent in Gabaa, nam iam erat valde sero cum recesserunt de Ierusalē, & mutabatur dies in noctem. *Quæ est in tribu Benjamin.* Idest ista ciuitas Gabaa, ad quam veniebant est in tribu Benjamin. & etiam Ierusalē apud quam transierāt & Rama erant in tribu Benjamin, ut patet Iosue 18.

*Quare dicitur, quòd erat ista Gabaa in tribu Benjamin.*  
*Quæstio. VIII.*

**Q** V A E R E T V R, quare dicitur, quòd erat ista Gabaa in tribu Benjamin. Aliquis dicet, quòd dicitur ad differentiam illius: vocatur ista Gabaa Benjamin. Sic dicitur Bethlehem Iudæ cum connotatione supra 17. & supra in litera, & Matt. 2. & Michc. 5. eo quòd erat alia Bethlehem in tribu Zabulon, Iosue decimo nono. Sed dicendum, quòd non reperitur alia ciuitas, quæ vocatur Gabaa in terra tota Israel, ut patet in descriptione sortium Ios. a cap. 15. vsque ad 20. Etiam legendo alia loca sacre scripturæ non legitur, quòd fuerit alia Gabaa. Dicendum tamen, quòd est Gabaa, & Gabaa, quæ sunt duæ ciuitates, & vtræque est in sorte Benjamin, Iosue decimo octauo capi. Respondendum, quòd ista dictio potest poni hic propter duo. Primò ad significandum infamiam tribus Benjamin, quia fuit perpetratum tantum scelus in ista vrbe, quantum non fuit patratum in aliqua de vrbibus Israelitarum: & facienda sit sæpe mentio infra de Gabaa præmittitur, quæ Gabaa sit ista, vel in qua tribu: quia non solum ad distinguenda diuersa loca eiusdem nominis, oportet poni connotationem tribus, scilicet, quòd est de tali, vel tali tribu: sed ad explanandum de qua tribu sit, quia aliàs in quibusdam nō cognosceretur. Vocata est autem nunc ista ciuitas Gabaa Benjamin ad infamiam, & postea vocata est Gabaa Saulis ad honorem, ut patet secundo Regū 21. Et istud nomen mansit ei semper apud omnes posteros, ut patet per Iosephum in libro de bello Iudaico. Secunda est, quia potest vocari Gabaa Benjamin ad differentiam Gabaa aliarum tribuum, non quidē, quia in aliqua aliarum tribuum esset aliqua ciuitas aut villa, quæ vocaretur Gabaa: sed quia Gabaa in Hebræo aliquando est nomen commune, & aliquando proprium, quādo est commune significat collem, licet Hebræi moderni exponant pro valle: tamen Iosephus 6. Antiqui. exponit pro colle. Et istum modum exponendi sequitur Iero. Quando est nomen proprium accipitur pro vrbe, quæ est in tribu Benjamin, ideo fuit conueniens poni Gabaa Benjamin, ut intelligatur, quòd pro ciuitate dicitur illa, & non pro colle aliquo: nam sicut istud nomen collis apud nos accipitur, ut appellatiuum: ita Gabaa accipitur apud Hebræos: & aliquādo litera nostra ponit Gabaa sicut in Hebræo: licet non accipiat pro nomine proprio, sed pro colle. sic patet 1. Reg. 7. ubi dicitur, quod venerunt viri Cariathiarim, & reduxerunt arcā domini intuleruntque eam in domum Aminadab in Gabaa. Sic etiā ponitur 2. Reg. 6. cap. ubi sepe dicitur, quòd tulerūt arcam de domo Aminadab, qui habitabat in Cariathiarim: & ibi fuit arca: sed quia habitabat Aminadab in quodam colle illius vrbis, dicitur, quod erat arca in Gabaa, quæ signat collem. Istud patet euidenter 1. Para. 13. & ponitur ibi eadem historia, quæ dicitur 1. Reg. 7. & magis 2. Re. 6. & dicitur, quòd voluit Dauid ducere arcam Dei de Cariathiarim: & postea sequitur, quod ascendit Dauid, & omnes viri ad collem Cariathiarim, ut auferret arcam Dei inde: & ponitur, Gabaa Cariathiarim, ubi nos dicimus: collē Cariathiarim. Et postea sequitur, quòd ibi assumptum est plaustrum nouum de domo Aminadab, in quo posita

Vxoris reconciliat hospitatio.



ta est arca: & sic Aminadab morabatur in Gabaa Cariathiarim, i. colle, vt ibi dicit & exponitur in litera: ergo Gabaa non potest accipi 1. Reg. 7. & 2. Reg. 6. vbi ponitur omnino ista historia p. ciuitate, sed pro colle, quæ erat in Cariathiarim: ad differentiã ergo Gabaa, quando sumitur pro colle, dictũ est quod erat Gabaa Benjamin, quia tunc manifestum est, quod accipitur pro ciuitate quadã. *Diuerteruntque ad eum.* Scilicet, quia ipsa erat iuxta viam: hoc modo omnes, quæ sunt in itineribus iuxta viã, vocantur diuersoria, quæ facta sunt ad diuertendum, idest ad quiescendum ibi. Sic accipitur Gen. 42. scilicet, aperto vnus sacco, vt darẽt pabula iumento in diuersorio, scilicet in domo facta ad hospitandum. Sic etiam accipitur Exo. 4. scilicet, Cumque essent in diuersorio, idest in hospitio. *Vt manerẽt ibi.* Scilicet illa nocte solum, & recederent mane in viam suam. *Quo cum intraissent, sedebant in platea ciuitatis.* Iuerunt isti ad plateam, quia fortẽ hospitia erant in platea, sicut in quibusdã locis esse consuevit, quod oĩa diuersoria, vel receptacula hospitem sint in platea, eo quod ibi est locus cõior. Etiam propter venalia, quibus egent diuerterentes ad hospitia, quæ facilius ibi inueniuntur. *Et nullus eos recipere volebat hospitio.* Scilicet quæsiuerũt a multis, & nullus volebat recipere eos gratis, aut data pecunia.

*Quare nullus recipere volebat istos hospitio in Gabaa.*

*Quæst. IX.*

Nic. resp.  
ad quæst.

**Q**VAERETVR, quare nullus recipere volebat istos hospitio. Respondent quidam, vt Nicolaus, quod viri ciuitatis huius erant viri inutiles, & malefactores: tales autem non solent habere vbi recipiant hospites. Sed istud non multum stat: quia licet istud teneat de quibusdã, tamen non est verisimile quod in vrbe illa nullus esset, qui recipere posset istos, non habendo locum ad recipiendum. Et pergrinus quidam de monte Ephraim ibi hñans posset recipere eos. Dicendum ergo aliter, scilicet quod nullus recipere volebat eos, quia forte gẽs illius loci erat valde immisericors, non habens viscera charitatis: & ob hoc erant circa peregrinos valde crudeles. Et istud signatur, cum dicitur infra, quod viri ciuitatis huius erant filij Belial, scilicet sine iugo, & bonitate aliqua. Alia causa esse potest, quia forte in tempore illo erat consuetudo, quod peregrini reciperentur gratis, & nemo pecuniam pro hospitio reciperet: sed vel non reciperet peregrinos, vel eos gratis susciperet. Etiam quod peregrinis fierent magna solatia dando eis cibos & omnia necessaria: & quia viri ciuitatis illius nolebãt ista erogare circa Leuitam, & coniugem suam, nolebant eum recipere hospitio. Hoc autem significauit Leuita in verbis suis loquens ad virum, qui erat peregrinus ibi de Ephraim, dicens: nullus nos sub testũ suum vult recipere habentes paleas, & fenum i asinorũ pabulum, & panem ac vinũ in meos, & ancillẽ tuã vsus, & pueri, qui mecum est, nulla re indigemus nisi hospitio: & istud dicebat ad ostendendum, quod facilius deberet eis dare hospitium, eo quod nulla alia res eis tribuenda erat, nisi hospitium. Alioquin si dicas, quod tam hospitium quam alia necessaria debebant emere hospites, non faceret villo modo ad propositum istud: sed nulla re indigemus nisi hospitio, ergo ista dari consueuerant hospitibus, & viri loci qui erant immisericordes, & auari, vt non darent ista, noluerunt recipere illos. Ista causa videtur valde rationabilis. Aliter dici potest, quod viri loci illius erant viri Belial, & intẽdebãt abuti homine illo suscepto, & vxore sua: & ob hoc nolebãt quod introiret in domũ alicuius, sed maneret in platea, vt possent liberior abuti illo iuxta desiderũ suum.

3. respon.

**F** Sed ista causa licet aliquantulum stet considerata nequitia, quam postea exercuerunt viri isti: tamen non est satis verisimile, quod cum Leuita per singulas domos peteret hospitium, omnes declinarent in hanc finem, quod manerent in platea. Aliter potest dici, quod viri ciuitatis huius erant nequissimi circa vitium sodomiticum, & cum venirent aliqui hospites opprimebãt eos, omnes autem de ciuitate hoc nouerant, ideo putabat quilibet, quod si daret hospitium illis viris, quod veniret per noctem alij viri vrbis, & infringerent domum, facerentque multas violentias, & dãnã ad abutendum Leuita, & puero. & vt non paterentur ista, quilibet refugiebat dare hospitium istis viris. Aliter potest dici, quod faciebant hoc, quia erat consuetudo, quod quilibet præstaret securitatem hospitibus suis postquam conueniebant ad domum illius. Sic dixit Loth ad viros Sodomitãs qui conueniant ad domum suam, vt abuterentur angelis, quos putabãt viros, s. habeo duas filias virgines, quæ nondum cognouerũt viros: adducã eas ad vos, & abutimini eis, vt placet, dummodo viris istis nihil mali faciatis, qui ingressi sunt sub vmbra culminis mei: Gen. 19. & quia nullus vir de Gabaa putabat, quod posset dare securitatem Leuitæ isti, & vxori propter libidinem improbam virorum vrbis: nolebãt eos recipere, ne viderẽtur ipsi rei fracta securitate hospitij: oēs istæ causæ rōnabiles sunt, sed melior est illa, quæ supra ponebatur, s. quia non recipiebant illos, vt non darent eis gratis necessaria. *Ecce apparuit homo senex reuertens de agro.* Scilicet, expectabant Leuita, & vxor sua, si viderent aliquem, qui eos reciperet hospitio illa nocte, & tunc apparuit homo senex, qui postea eos suscepit. *De opere suo vesperi.* Idest reuertebatur ad vesperã de laborãdo in agro: nã erat istud post solis occasum. Quod patet, quia occubuit sol prius quã Leuita intraret in urbem Gabaa, vt patet supra in litera. *Qui, & ipse erat de monte Ephraim.* Idest etiam iste senex erat de monte Ephraim, scilicet de tribu Ephraim, & forte. Et dicitur etiã, quia Leuita erat de monte Ephraim, vt supra dictum fuit, & etiam iste senex: & ista fuit causa quare suscepit eos. *Et peregrinus habitabat in Gabaa.* Scilicet venerat de monte Ephraim, vbi erat origo sua, & habitabat in Gabaa, quia melius sibi ibi esse videbat.

H

I

*An licebat peregrinari Iudeis transiendo ad habitandum de sorte vnus tribus in aliam. Quæst. X.*

**Q**VAERETVR, an licebat peregrinari isti viro de monte Ephraim, nec quaritur hic de Leuita, quia ipse non peregrinabatur, licet veniret de Bethlehẽm: nam peregrinari non est pergere proficisci: sed peregrinus manere in aliquo loco, sed de viro, qui recepit istum Leuitam hospitio. Aliquis dicit, quod sic, quia declaratum est supra decimo septimo, quod licebat Leuitæ illi peregrinari: ergo etiam licebat isti viro. Sed contra hoc arguetur, quod non sit simile, quia Leuita erat permissum peregrinari propter causas assignatas ibi, scilicet quia Leuita in locis suæ originis non poterant exercere agriculturam: quia non habebant agros, aut vineas, vt patet Numeri trigesimo quinto, & ob hoc erant pauperes, & permittebatur eis discurrere per alias vrbes ad acquirendum victum: sed de laicis non erat sic: quia singuli illorum habebant possessiones, nec poterat esse inter Israelitas aliquis, qui non haberet bona immobilia, scilicet agros, & vineas, & similia: ideo non liceret eis peregrinari, sed colere sua. Dicendum est, quod verum est, quodlibet laicos de Israelitis habere bona immobilia, nec poterat esse aliquis quantumcunquæ pauper qui non haberet possessionem. Quod patet, quia a principio introitus Israelitarum in terram



terram Chanaan fuit diuisa terra per omnes, ita quòd nullus sine possessione immobili est relictus: postea autem non poterat aliquis vendere possessionem suā, nec donare, nec poterat perdere ex præscriptione, aut alio modo, vt declaratum est Leuit. 25. & si vendebatur aliquando possessio redibat ad venditorem saltem in anno Iobelæi etiam nullo pretio dato. eodem cap. ideo sic impossibile erat aliquem etiam pauperrimū manere sine possessione, nisi fortè ad tempus: nunc autem quia potest quilibet vendere possessionē suam, nisi in illis, quæ sunt iure primogenituræ fitiliter. Et sic non habebant causam peregrinandi talem laici sicut Leuitæ. Dicendum tamen, quòd etiam laicis licebat peregrinari, quod patet Deuter. 14. vbi dicitur, quòd Leuitis, & pupillis, & peregrinis, daretur decima terrijanni, & ibi necesse est accipi peregrinos pro laicis cum distinguantur contra Leuitas. Item sæpe dicimus Israelitas peregrinatos, vt Elimelech propter famem declinauit de Bethlehem in terram Moab: Ruth primo cap. Etiam Dominus dixit, quòd reciperentur adueni, & peregrini, Exo. 22. & Deut. 10. & accipitur pro illis, qui de locis suorum originum ibant ad habitandum ad alia loca, quia ibi non erant tam diuites, & potentes sicut in terra sua esse possent, vbi habebant cognatos. Dicendum etiam, quòd ratio peregrinandi erat in laicis, quia interdum efficiebantur pauperes in terra sua non habentes conuenientem oportunitatem ad acquirendum victum, & in alio loco habebant vel possent cōuenientius acquirere, & tunc peregrinabātur: sic faciebat nunc senex iste de monte Ephraim. *Homines autem regionis illius erant filij Geminij.* Id est, homines ciuitatis Gabaa, & aliarum ciuitatum finitimarum erant de stirpe Gemini, id est, Benjamin: nam Gabaa, & Rama, & Ierusalem, & alia finitima loca erāt in sorte Benjamin, vt patet Ios. 18. c. Sciendum autem, quòd non est Gemini genitiuus huius nominis Geminus, sed est nomen Hebræum, quod apud Hebræos dicitur Iemini, & interpretatur dextrarius deriuatus a dextra. Iamin significat manum: & sic vocatur Benjamin filius dextre, Gene. 35. vnde sicut in Hebræo dicitur Iamin: ita dicitur Iemini, & ambo pertinent ad Benjamin. Et cum litera nostra deberet dicere Iamin, dixit aliquando Gemini, quia non est talis modus proferendi apud latinos sicut apud Hebræos. *Elevatisque oculis vidit senex sedentem hominem cum sarcinulis suis.* Id est, vidit Leuitam sedentem in platea, & coniugem, & puerum: atque sarcinulas quas ferebat de domo soceri: nam necessaria ad victum in itinere secum ferebat. *Et dixit ad eum: vnde venis, & quò vadis?* Quia vidit eum ex habitu suo esse peregrinum, voluit quærere ista, vt fortè diceret ei aliqua nouiter gesta si acciderant in terra, de qua veniebat. *Qui respondit ei: profecti sumus de Bethlehem Iuda.* Respondit de quæstione, sicut quæsiuerat senex, & dixit, quòd veniebat de Bethlehem. In Hebræo dicitur. *Hebræi nos de Bethlehem Iuda.* Id est, nos sumus Hebræi de origine Bethlehem. Sed istud falsum erat, nisi quantum ad uxorem Leuitæ, quæ erat de ipso loco. Sed dicendum, quòd non accipitur Hebræi pro Hebræis. Nam vbi nos dicimus Hebræus, dicitur in Hebræo Heuer, & pluraliter Heurim. Et sic ponitur hic Heurim, & non significat hebræos, sed transeuntes, scilicet, transeuntes nos de Bethlehem, quod patet, quia Heuer est equiuocum: nam aliquando accipitur pro Hebræo: & aliquando pro trans: sic accipitur Ioine 24. vbi dicit littera nostra: trans fluuiū habitauerunt patres vestri, & ponitur ibi Heuer pro trans. Vnde Rabbi Abraham Abenezra super Exo. cap. 21. dicit, quòd vocantur Israelitæ Hebræi de Heuer, id est, trans, quia habitauerunt trans fluuium, & sic accipitur hic Heu-

rim de Heuer pro trans, & non pro Hebræo: & significat transeuntes. Et tunc consonat littera nostra dicens: profecti sumus de Bethlehem, vel transeuntes nos de Bethlehem. Item patet hoc ex littera: nam si acciperetur ibi Hebræi proprie, ita quòd diceretur Hebræi nos de Bethlehem, non cōsonaret responsio Leuitæ quæstioni senis, cum ipse quæreret vnde veniebat, & responderet, quòd erat Hebræus de Bethlehem. Item implicat contradictionem in verbis, quia immediate dicitur, & pergimus ad locum nostrum: quomodo autem dicerent se pergere ad locum suum si vocarent se Hebræos de Bethlehem. Ideo debet accipi, vt dictum est, & pro transeuntibus. *Et pergimus ad locum nostrum.* Id est, ad locum, de quo sumus oriundi, quia Leuita, & puer erant oriundi de loco illo, mulier autem non. Vel dicitur ad locum nostrum, id est, ad locum, in quo habitamus: & tūc verum erat tam pro ipso quàm pro muliere, quòd erat locus suus in monte Ephraim. *Qui est in latere montis Ephraim.* Scilicet, locus noster est in latere sortis Ephraim: nam terra sortis Ephraim erat montuosa, & in latere vno montis habitabat Leuita iste. *Vnde ieramus in Bethlehem.* Id est, de monte Ephraim ieramus in Bethlehem. Volebat signare Leuita, quòd ipse & vxor sua, & puer iuerant in Bethlehem, sicut nunc simul veniebant.

*Quomodo Leuita dixit hoc, quod erat mendacium, & an peccauit. Quest. XI.*

**Q**VAERETVR, quomodo Leuita dixit istud, quòd erat mendacium, & an peccauerit. Respondendum, quòd Leuita verum dicebat, & tamen falsa volebat significare, sed non peccabat. Primum probatur, quia vxor sua primò iuerat Bethlehē, quando fugit ab eo: & postea elapsis quatuor mensibus ipse, & puer iuerant illuc: ideo verum erat, quòd iuerant in Bethlehem, licet non iuerant simul sicut nūc veniebant. Secundum patet, quia Leuita dicebat istud volens significare, quod iuerant simul sicut nunc veniebant. & hoc vt non declararet suam miseriam, vel secretum, scilicet, quomodo fugerat ab eo vxor, & ipse infecutus fuerat illam. Tertium patet, quia licitum est alicui taliter loqui, quòd veritatem occultet: dum tamen non exprimat falsitatem. Etiam quòd aliquis velit facere, quòd alij falsè intelligant uerba sua, dum tamen ipse falsà non dicat. Hoc patet in Samuele, qui ibat in Bethlehem ad vngendum David: & quia timebat, quòd Saul sciret hoc, & occideret eum: tulit vitulum de mandato Dei, & cum interrogaretur a viris Bethlehem ad quid veniret dixit: ad immolandum domino veni, & manifestum est, quòd illi quærebant quæ erat intentio principalis veniendi in Bethlehē: tñ Samuel respondit occultando illam dicens quod veniebat ad sacrificandū, cum ista esset intentio minus principalis solū, vt occultaret, quod principaliter intendebat: & ita poterat respondere, quod veniebat ad comedendum, vel bibendū si intendebat comedere, vel bibere in Bethleheim. Sic Leuita iste protulit verū, & voluit, quod falsè verba sua intelligerentur, sicut voluit Samuel, quod intelligerentur falsè sua verba, scilicet, principalis intentio eius veniendi in Bethlehē erat ad sacrificandū, quia alioquin ista respōsio nulla erat, eo quod scito, quod venerat ad sacrificandū minus principaliter, adhuc semper quærerēt de principali intentione aduentus: & sic cogeretur mentiri vel declarare secretū, ideo oportuit, quod proferret illa verba cū intentione, quod Bethlehemitæ non bene intelligerent illa. De hoc patet j. Reg. 16. quod autem non peccauerit Samuel in hoc patet, quia Deus dedit ei industriā hanc, & tamen Deus non instruit hominem ad peccandū. de hoc magis declarabitur

Licitū est quicquid veritate occultare, dum falsum non dicatur.

Benjamin quare dicitur filius dextre.



bitur eodem capi. Sed dicetur quare Leuita se ponebat in hac fictione, cum non esset necessaria. Respondendum, quod Leuita volebat respondere illi seni, qui querebat ab eo de omnibus, quæ quæsiuerat, ut redderet eum sibi benignum: & fortè vellet eos colligere intra domum suam: ut ergo responderet unde veniebant necesse erat, quod diceretur de Bethlehem: & quod iuerant illuc de monte Ephraim, de quo erant, signando, quod simul iuerant, vel exponerent aliquid de facto suo. & istud recusabat Leuita, quia non expediebat extraneis secreta pandere: ideo locutus fuit sic sub ambiguo, & fictione. *Et vadimus ad domum Dei.* Scilicet in Silo: nam ibi erat tunc domus Dei, & fuerat ex tempore Iosue, quando totus Israel fixit ibi tabernaculum, Iosue 18. vsq; ad tempus Heli summi sacerdotis quâdo arca capta est 1. Reg. 4. nam pauco tempore post totum tabernaculum motum est de Silo, & positum fuit in vrbe Nob. Nam tempore Saulis, qui paulo post fuit erat ibi sanctuarium, ut patet 1. Reg. 21. & 22. cap. poterat autem iste Leuita ire ad domum Dei ad ministrandum, quia ex tempore Moyfi Leuitæ ministrabât in sanctuario certo tempore, & finito illo recedebât de loco sanctuarij ad vrbes suas, ut patet Deu. 18. cap. Vel fortè poterat ire ex deuotione, sicut cõsueuerunt homines peregrinari ad visitandas quasdam Ecclesias ex deuotione. Dixit autē Leuita, quod ibat ad domum Dei fortè, ut inclinaretur senex ille ad dandū ei hospitium, quia peregrinantibus ad Ecclesias propter causam honestam, quā prosequuntur solent fieri opera maioris charitatis. Sed dicetur, quomodo Leuita dixit supra, vadimus ad locum nostrum, qui est in latere montis Ephraim: & nunc dixit, quod ibant ad domum Dei. Dicendum, quod intelligitur, quod vltimus terminus, quem intendebant, erat locus suus in monte Ephraim: & tamen prius quā illuc irent volebant ire in domum Dei in Silo. *Nullusque nos sub tectū suū vult recipere.* Quasi dicat, tam crudeles sunt in hac vrbe, quod etiam sub tectū suū non vult aliquis nos recipere, cum nihil aliud petamus. *Habentes paleas, & fenum in asinorum pabulum.* Idest non habent excusationem aliquam ad non recipiendum nos: quia nihil nobis dare deberent nisi tectū, quia nos habem⁹ omnia necessaria tam pro nobis, quā pro asinis. Et hoc patet, quod consuetudo erat, quod quicunq; hospites reciperet peregrinos prouideret eis de necessariis, dum apud se manebant, & quia erat quibusdam difficultas prouidere in his omnibus, vel quidam ex tenacitate hoc facere nolebant, multotiens aliqui non facilliter reperiēbant hospitia: & ad istam intentionem dixit nunc Leuita, quod habebat omnia necessaria, ut nemo excusaretur ei dare hospitium occasione horū: alioquin verba sua erant impertinentia. Vbi nos dicimus fœnum. Hebræi dicunt hordeum: sed fortè illud nomen potest variè accipi. Sed melius dicendum est, quod accipiat pro hordeo. Quod patet Gen. 42. vbi dicitur de filiis Iacob ferentibus cibos de Aegypto, quod vnus aperuit sacco, ut daret pabulum asino, & ibi ponitur illud nomen quod ponit hic. Sed manifestum est, quod in sacco non portabatur fenum, sed triticum, vel hordeū. Etia quod illud, quod erat in sacco, portabant de Aegypto filij Iacob. Nam in illo sacco, quod aperuit vnus illorum, inuenit pecuniā, quā dederat pro frumento: & istam iusserat reponi Ioseph: manifestum est, quod de Aegypto non portarent fenum, sed triticum aut hordeū. *Et panem, ac vinum.* Per hoc intelligit certa victualia, quæ portari solent per viā. *In meos, & ancilla tuā vsus.* Idest quantū sufficiat mihi, & vxori meæ, quæ est ancilla tua. Istud dicebat Leuita ex magna vrbanitate, ut blandis verbis suaderet seni ad dandum sibi hospitium vocando se seruum illius: & vxorem suam ancillā eius.

**F** *Et pueri, qui mecum est.* Quia dūcebat secum in via famulum, & pro omnibus erat abundanter. *Nulla re indigemus nisi hospitio.* Quasi dicat, parua res est, qua egem⁹, s. hospitium, quod præbere paruum est. *Cui respondit senex: pax tecum sit.* Modus salutandi est. Nam sic cõiter dicitur in libris istis historicis, quod salutauit aliquis alium verbis pacificis, i. dixit ei: pax tibi, ut præcedēti cap. *Ego præbebo omnia, quæ necessaria sunt.* Scilicet, tam hospitium quā alimentum tibi, & asinis. *Tantum queso ne in platea maneas.* i. solū rogo te, ne maneas hac nocte in platea ista: ecce enim hactenus Leuita orabat, ut susciperet eum aliquis in domum suam, nunc versa vice senex precabatur eum, quod vellet ire in domum suam.

**G** *Quare senex iste voluit dare hospitium isti Leuitæ: & adeo motus fuit ex affectione, quod oraret ne maneret in platea.*

*Quest. XII.*

**Q** *VAERETVR,* quare senex iste voluit dare hospitium isti Leuitæ, & intantum motus fuit ad eū ex affectione, quod oraret, ne maneret in platea. Respondendum, quod hoc erat propter tria. Primum erat, quod iste Leuita erat peregrinus, & senex erat misericors, & cū videret eum ab omnibus derelictum, condoluit ei, voluitque pietatis opera exhibere. Secundum erat, & fortè efficacius, quia iste Leuita erat de terra illius senis: nam senex erat de monte Ephraim, & similiter Leuita, ut patet supra in litera de utroque. Solent autem cõpatriotæ cū se cognoscunt mutuò in terra aliena, inuicem sibi auxiliari valde præ desiderio originis, & naturalis patriæ. Et hoc valde moueret senem: & ad istum finem credendum est, quod litera posuerit hic, quod iste senex erat de monte Ephraim, alioquin non videretur ad aliquid pertinere. Tertium est, quia senex timuit, quod si manerent in platea, viri illius vrbis, qui erāt pessimi, venirent nocte, & abuterentur viro, & femina. Cū autē irent in domum eius, forte non scirent vbi hospitati erant: & non inuenientes eos in platea cessarent a concepta infania. Vel dato, quod scirent hospitium eorum, fortè erubescerent, aut reuererentur propter hospitium, in quo erant: quia magna pena erat inferendi vim domui alterius, vel hospitibus manentibus ibi: ut ergo euaderent hæc, voluit eos ducere in domū suam. Et dicendū, quod licet alia duæ præcedentes essent causæ, quare vellet eos recipere in domo, tñ cā quare oraret, ne manerēt in platea solū fuit, ne venientes viri vrbis abuterentur eis nocte. *Introduxitque eum in domum suam.* Scilicet Leuitam, & vxorem, & puerum. *Et pabulum asinis præbuit.* Licet vir Leuita haberet necessaria pro se, & asinis sicut supra dixerat. tñ nec permisit hospes, quod ipse aliquid expenderet, sed ipse oīa necessaria præbuit, sicut supra dixerat: ego præbebo omnia necessaria, tantum ne in platea maneas. *At postquam lauerunt pedes.* Scilicet quando introierunt in hospitium, primum quod fecerunt fuit, quod lauerunt pedes.

*Quare lauarunt pedes isti recepti in hospitium senis, & de consuetudine terræ Chanaan.* *Quest. XIII.*

**Q** *VAERETVR,* quare lauerunt pedes isti recepti in hospitium senis. Rñdendū, quod in terra Chanaan in qua istud erat cõsuetudo, erat, quod cū hospites introibāt in hospitium lauabāt pedes, deinde vacabant quiniis. Sic patet Ge. 18. cū dixit Abrahā ad tres angelos, qui venerant ad eum: Domine si inueni gratiam in oculis tuis, ne transeas seruum tuum, sed afferam pauxillum aquæ, & lauentur pedes vestri, & requiescite sub arbore: simile patet Gen. 24. de Eliezer seruo Abrahe, qui iuit in Mesopotamiam ad querendum vxorem pro Isaac: & dicitur, quod Laban frater Rebecce dedit paleas, & fœnum, & aquam ad lauandū pedes camelorū, & viro.



virorum qui venerant cum eo, scilicet cum Eliezer, & postea sequitur, q̄ fecerunt conuiuium. Etiam q̄n aliquis inuitabatur ab alio, prius abluebatur pedes eius quam comederet. Sic patet Lucā 7. vbi redarguendo Phariseum inuitantem eum Christus dixit: Introiui in domum tuam, & aquam pedibus meis non dedisti, hæc autem lachrymis rigauit pedes meos. Si tamen non esset consuetudo, q̄ omnibus inuitatis daretur aqua ad lauandum pedes, Christus nō increpuisset sic Phariseum. Item q̄n aliquis veniebat de itinere, mox lauabat pedes: sic dixit Dauid Viri: vade in domum tuam, & laua pedes tuos, s. quia tunc nouiter veniebat de bello 2. Reg. 11. c. etiam consuetudo Chanaanæorū omnium erat sæpe lauare corpora. Istud verò erat ad refrigerationem, quia terra illa calida est, cum sit partim in tertio, & partim in quarto climate, & ex hoc est puluerulenta, cum calor desiccat, & dissoluat, & puluis ille cadens in cruribus, & pedibus itinerantium exurit, & desiccat valde, ideo consuetum erat, & valde rationabiliter, q̄ venientes de itinere mox lauarent pedes: istud pertinebat ad recipientes eos in hospitio: quia illico eis aquam apponebant: utebantur etiam aliis refrigeratiuis, s. quia vnguebant capita sua oleo: sic patet de Dauid, qui vnctus est oleo, quando mortuus est filius eius 2. Reg. 12. c. Sic etiam dixit Ioab ad mulierem Thecuitem: lugere te simula, & non vngaris oleo, & induere veste lugubri, vt sis quasi mulier iam plurimo tempore lugens mortuum, quasi dicat, q̄ ad omnes competeat vngere caput oleo, nisi ad lugentes mortuum in signum meroris. Sic etiam erat consuetudo tempore Christi, q̄ qui læti erant vngerent capita sua oleo: ideo vt illi, qui ieiunabant non viderentur hominibus ieiunantes ad modum hypocritarum, iussit q̄ vngerent caput oleo, quando ieiunarent, & induerentur habitu læto: Matth. 6. Quod autem vngerentur ad lætitiā, & refrigerationē, patet Pf. 44. s. quia vnxit te Deus tuus oleo lætitiæ: cum igitur esset ista consuetudo terræ Chanaan, senex iste illico dedit aquam Leuitæ, & familiæ suæ ad lauandum pedes. *Recepit eos in conuiuium.* Scilicet apposuit mensam, & comederunt iam loti: nam ante lotionem pedum non erat solitum, quod comederent hospites.

Illis epulantibus, & post laborem itineris cibo, & potu reficientibus corpora, venerunt viri ciuitatis illius filij Belial, idest, absque iugo, & circumdantes domum senis, fores pulsare ceperunt clamantes ad dominum domus, atque dicentes: Educ virum, qui ingressus est domum tuam, vt abutamur eo. Egressusque est ad eos senex, & ait. Nolite fratres, nolite facere malum hoc: quia ingressus est homo hospitium meum, & cessate ab hac stultitia. Habeo filiam virginem, & hic homo habet concubinam, educam eas ad vos, vt humilietis eas, & vestram libidinem compleatis: tantum obsecro ne scelus hoc contranaturam operemini in virum. Nolebant acquiescere sermonibus illius. Quod cernens homo eduxit ad eos concubinam suam, & eis tradidit illudendam. Qua

Alph. Tost. super lib. Iudicum

A cum tota nocte abusi essent, dimiserunt eam mane. At mulier recedentibus tenebris, venit ad ostium domus, vbi manebat dominus suus, & ibi corruit.

*Illis autem epulantibus.* Hic ponitur secundum principale huius cap. scilicet modus perpetrandi, & continet ordinem, quo factum est, & dicitur. *Illis autem epulantibus.* Scilicet Leuita, & vxore sua cum sene hospite suo. *Et post laborem itineris.* Scilicet, quia venerant de Bethlehem illa die, & serò inde recefferant. *Cibo ac potu reficientibus corpora.* Scilicet, vacantibus recreationi, & recreatio est in cibo, & potu, vt sic restauretur, q̄ perierat de humido nutrimentali, & apponatur aliud consumendum. *Venerunt viri ciuitatis illius.* Scilicet, ad ianuam senis. obseruauerunt enim quando iam quieti vacarent, & tunc possent eos conuenientius capere. Etiam fecerunt hoc, quia voluerunt venire per tenebras, quia ista melius fiunt in tenebris, quam in luce, cum mala sint, & tamen non multum erubescabant viri Gabaa ista facere, quia publicè faciebant, cum multi venirent. Vel fortè omnes, cum dicatur absolute: viri ciuitatis. *Filij Belial, idest absque iugo.* Scilicet, isti viri, qui veniebant ad opprimendum, erant viri Belial, i. indomiti, quia non domabantur iugo rationis, nec legis: nam talia operari non pertinet ad habentes passiones humanas, sed bestiales, vt patet septimo Ethico. *& desiderium ad libidinem Sodomiticam non est malitia, sed bestialitas,* vt patet ibidem. Et ponitur hic expositio nominis, scilicet absque iugo, quæ non est in Hebræo, sed translator noster posuit, vt intelligeremus, quid significat nomen Hebræum hic positum. Multi autem nostrum non multa intelligentes putant Belial esse nomen dæmonis. Sed falsum est: nā si istud nomen, indomitus, non est nomen dæmonis, nec etiam erit istud nomen Belial, cum idem significet. Idem de Satan: quia est nomen Hebræum, & significat aduersarium. Nec valet si dicas, q̄ Christus vocauit dæmonem Satan: Matth. 4. quia ibi non vocauit eum sic, quasi nomen eius esset Satan, sed quia aduersabatur ei. Satan in Hebræo vocatur quilibet aduersarius, quod patet, quia si Satan esset nomen diaboli, non dixisset Christus Petro Satan, sed dixit vade retro me Satan, quia scandalum mihi es. *Et circumdantes domum senis.* Hoc faciebant ne fortè sentiens Leuita eos pulsantes ad portam dum frangerent ostium, ipse rupta domo per aliquam partem euaderet cū vxore sua. *Fores pulsare ceperunt.* Primò petiuerunt sine violentia, q̄ daretur eis vir ille Leuita, & non frangebant portas, quia magna pena erat, si quis frangeret portam alteri: sed si nollet senex dare Leuitam, fores fracturi erant. *Clamantes ad dominum domus.* Scilicet ad senem: non. n. erubescabant isti vilissimi verba impudica clamando proferre: quia sicut non erubescabant publicè hoc facere, nec etiam erubescabant illud dicere. *Educ virum, qui ingressus est domum tuam.* Scilicet Leuitam. Non nominauerunt puerum, nec vxorem Leuitæ.

An viri Gabaa petebant Leuitam ad abutendum eo, vel vxorem eius, & si erant Sodomitæ quare eum petebant, cum haberent alios in vrbe.

Quæst. XIII.

QVAERETVR, quid volebant nunc viri Gabaa: nunquid Leuitam ad abutendum, vel vxorem eius. Quidam dicunt, q̄ volebant vxorem eius, sed litera videtur esse in contrarium. Respondendum, quod Iosephus quinto Antiquitatum tenuit, q̄ viri isti petebant vxorem Leuitæ. Idem etiam Nicolaus videtur aliquantulum velle: nam Iosephus ait. Viri Gabaa

Bb

pete-

Belial qd significat.

Satan qd significat.

Nic. & Iosephi rñ. ad q̄stum

2. Reg. 13.

De pe. dif. 1. post ca. recusatus in ver. Belial.

Gen. 19.



petebant vxorem Leuitæ, quam nollens pro pietate dare hospes, & tenerè exhortans non valuit, sed tandè filiam suam dabat, ne pateretur vxor Leuitæ: sed non curantes arripuerunt vxorem Leuitæ, & tota nocte ludificauerunt eam: in aurora ipsa ingressa est domum, sed quia turpia passa est non audens virum aspicere, præ rubore lecto incubuit: animamque reliquit. Vir arbitratus eam graui sopore detineri, nihil mali metuens excitare eam tentabat consolari, quia raptorum nō se voluntate spontanea præbuisset iniurijs, tandem defuncta est. Item patet hoc, quia Leuita quæsitus, quid audisset in Gabaa, dixit q̄ cum esset in domo hospitis sui, venientes viri ciuitatis volebant eum interficere: ergo non volebant abuti illo. Item patet, quia si eum voluissent habere ad abutendum, quando daretur vxor Leuitæ non contentarentur, sicut viri Sodomitæ petētes duos angelos, qui erāt in domo Loth ad abutendum eis: nam quamquam Loth dixerit, quod daret eis duas filias suas virgines, non consenserunt, sed semper petiuerunt viros, & volebant frangere portas, Gen. 19. cap. & tamen data istis vxore Leuitæ quieuerunt. In contrarium tamen est litera: nam dicitur infra, q̄ dixerunt viri Gabaa: educ virum, qui ingressus est ad te, vt abutamur eo. Item patet ex verbis senis offerentis filiam suam virginem, & vxorem Leuitæ, nē viri Gabaa cognoscerent Leuitam. Si tamen vxorem Leuitæ vellent viri Gabaa, non concederet eis senex maiora, scilicet filiam suam, & vxorem Leuitæ. Item quia dixit: non operemini hoc scelus contra naturam in virum: ergo sic eum cognoscere volebant.

2. Ratio.

3. Ratio.

Rñ. ad rōnes Iosephi.

Ad primā.

Ad secundā.

Ad rationem Iosephi in contrarium dicendum, quod non multum est obediendum ei, quando ex textu scripturæ apparet contrarium sibi, sicut apparet hic. Ad secundā dicendum, q̄ vir voluit honestare verba sua, nollens dicere, q̄ volebant eum cognoscere, quia erat turpiloquium, sed q̄ volebāt eum occidere, quod erat honestius verbum. Vel aliter volebant viri Gabaa occidere istum, scilicet cognoscendo eum, & vexando: nam sicut vxorem suam incredibili libidine vexantes occiderunt, ita & ipsum vexando libidine occidissent si daretur eis locus. Item q̄ istud significetur per verbum manifestum est, quia certum est, quod viri Gabaa non veniebant ad occidendum Leuitam, cum nullam causam mortis haberent contra ipsum. Etiam quia ex verbis eorum apparebat, quod nollent occidere, sed ponitur occidere pro abuti. Si tamen aliquis vellet tenere contrarium, debet dicere ad auctoritates literæ, quod verum est viros Gabaa petiuisse Leuitā ad cognoscendum eum, tamen non intendebant cognoscere illum, sed ista dicebant, vt moueretur ad dandum vxorem suam pro se: verius tamen est, quod verè vellent abuti Leuita: alioquin cum diceret senex, q̄ daret eis duas mulieres, scilicet filiam suam, & vxorem Leuitæ assentirent, & dicerent se velle hoc. Et tamen dicitur infra, quod nolebant acquiescere sermonibus eius. Cum autem obijcitur, quod si voluissent Leuitam, non contentarentur accipiendo vxorē. Dicendum, quod intentio virorum Gabaa erat abuti Leuita, & non vxore sua, & ob hoc cum senex dixit, quod daret eis filiam suam, & vxorem Leuitæ non assenserunt, & tamen postea quando eduxit ad eos vxorem Leuitæ, fortè moti fuerunt pulchritudine eius, & tenuerunt eam non aduertentes ad Leuitam.

An in ciuitate Gabaa essent viri Sodomitæ passiuè, cum quibus viri alij turpitudinem operarentur, & si sic quare cum tanta importunitate Leuitam petebant. Quest. XV.

QVAERETVR vterius, si isti viri erant Sodomitæ, & volebant cognoscere Leuitam, quare cum tanta importunitate eum petebant? nunquid cū

exercerent ipsi omnes execrandam turpitudinem, non erant in ciuitate multi, in quo turpitudinem inuicem operarentur? Respondendum, q̄ fortè viri Gabaa erant Sodomitæ actiuè, & non passiuè. nam contingit ex influentia cœli quibusdam innasce cupidinem ad cognoscendum viros Sodomiticè, & q̄ nullo modo ipsi cognoscantur, sed detestantur hoc tanquam extremum malorum, & quasi mortem. Etiam quidam detestantur feminas, & volunt cognoscere viros, & in istis est fortis appetitus ad Sodomiticè agendum, & nullo modo subiiciendum. Alij sunt, in quibus dominatur appetitus ad se subiiciendum, & nunquam agendum in virum, sed in feminam, sicut in quibusdā foeminis etiam inest immensum desiderium ad libidinem. Aliæ autem sunt de conditione virili, quæ cognosci à viris omnino refugiunt, sed ipse fricare feminas agendo loco virorum volunt. Ista omnino ex diuersitate figuræ natiuitatis eueniunt secundum partes cœli, ad quod nimis habitudo trium planetarum confert, scilicet Saturni, Martis, Veneris. De quo fortè dicitur super primum cap. ad Romanos. Et ex hac causa fortè nullus de viris vr̄bis Gabaa pati vellet, sed peregrinos vexarent, vt paterentur. Alia causa, & rationabilior videtur, scilicet, Leuita iste erat extraneus, & insolitus, & ea quæ insolita sunt valde mouent: sic accidit habentibus coniuges, q̄ interdum pulchras habentes vxores propter assuetudinem interdum quarundam mulierum turpium petant concubitus. Sic & viri Gabaa vitium pessimum assuetum in alterutrum erat, ideo ad extraneos efficacius mouebantur. Sic fuit de viris Sodomorum: nam ipsi in alterutrum turpitudinem operabantur, vt manifestum est: tamen cum duo angeli in specie virorum intrauerūt domū Loth, omnes viri ciuitatis vallauerūt domum, vt abuterentur eis: quia insoliti erant, & mouebant insolita illos plusquam assueta: sicut dicit Salomon: aquas furtiuas dulciores esse, & cibum absconditum suauiores. Et intelligitur de cognitione carnali ad mulierem insolitā, & non licitam. Simile de viro iudicandum in illis, qui turpitudinem hanc exercent.

Quare non petierunt viri ciuitatis Gabaa etiam puerum Leuitæ ad abutendum. Quest. XVI.

QVAERETVR vterius, quare non petiuerunt viri ciuitatis Gabaa etiam puerum Leuitæ ad abutendum. Respondendum, q̄ fortè viri isti non viderāt puerum Leuitæ, quando erat Leuita in platea, vt si declinauerat puer ad aliquid emēdum pro domino suo, vel expediendum, & sic etiam nunc non videntes eū non peterent nisi Leuitam, quem viderant. Aliter potest dici, q̄ fortè fecerūt hoc ex pulchritudine Leuitæ. Nā qui hac infanda turpitudine laborant, ita feruntur insatiabili desiderio in pulchros viros, sicut viri cōiter in pulchras feminas, & fortè ista fuit vna de causis quare viri ciuitatis incitati sunt potius ad hunc Leuitam, quā in alterutrum: sic. n. viri Sodomitæ videntes duos angelos ingressos vr̄bem in specie pulchrorum viroū, instantum exarserunt in eos, q̄ tota ciuitas à sene vsq; ad puerum conuenerunt ad domū Loth, Gen. 19. c. puer autem Leuitæ fortè erat turpis forma, ideo nō incitati sunt in ipsum, nec petiuerunt ad libidinem. Vel fortè si daretur eis Leuita, etiam faciliter intendebāt habere puerum. Vt abutamur eo. Turpiter locuti sunt, sed turpius agere intendebant: ex quo patet, q̄ istud peccatum nō erat nouum in ciuitate Gabaa, quia tunc non locuti fuissent tam impudicè. Etiam non conuenissent oēs viri tam inuerecundè ad cognoscendum vnum, quia in alterū erubescerent pp̄ intandum esse, & insolitum: sed non erubescerant, clamare illud tanq̄ licitum, & con-



consensu publico approbatum, ideo frequenteratum erat. **A** Egressusque est ad eos senex. Voluit senex verbis blandis lenire infaniam viroꝝ Gabaa, sed sic libidine insaniebant, q̃ impossibile erat verbis extingui, sed dum magis prohiberetur, quod desiderabant, potius exardescerent. Intelligendum est autem, q̃ senex faceret claudi portam ipso egrediente ne irrumperent omnes viri vrbis in domum, & teneret Leuitam: sic fecit Loth, quando egressus est ad placandum viros Sodomorum insanientes in angelos, scilicet q̃ clausit post tergum suum: Gen. 19. cap. Nolite fratres, nolite facere malum hoc. Blandè loquebatur, vt aut illi misericordia, aut verecundia mouerentur, sed neutrum fuit, cū insanienti dominaretur libido. *Habeo filiam virginem*. Volebat placare senex viros istos promittendo eis dare filiam suam, & vxorem Leuitæ: non quidem intentione dandi, sed vt sic viri Gabaa mollirentur, & cessarent à petitione viri, & postea erubescerent, nec etiam vellent istas mulieres: nam in se redeuntes viderent etiā istud esse malum, & detestarentur illud. Si autem non consentirent simpliciter dimittere virum, & illas saltem, proferret eis illas duas, vt dimitterent virum: nominauit autem homo iste puellam virginem, quia harum concubitus magis allicere solent, & intensati carnis amatores earum concubitus summam felicitatem putant, de quo nihil speculandum est, an iure fulciatur eorum desiderium, vel in sola inani opinione consistat. *Et hic homo habet concubinam*. Scilicet habet vxorem, quæ concubina vocatur, & fortè senex iste vocaret eam concubinam pro nunc, quia magis licitum vocabulum erat istud, vt illi acceptarent illam pro viro accipere, quàm nominando eam vxorem. *Educam eas ad vos, vt humilietis eas*. Idest dabo eas vobis, vt libere faciatis quid vultis in eis: Humiliare foeminam est cognoscere illam illicitè, quia per hoc cadit ab honore suo, & valore, & potissimè conuenit hoc virginibus: quia si cognoscantur ab aliquibus illicitè, postea cadūt omnino ab honore, & rari eas volunt in vxores accipere: sic dicitur Exod. 21. de illo, qui cognouit famulam, q̃ non potest vendere eam, quia humiliauit. Etia Deut. 21. captiua, quæ in bello capta est poterat vendi, & tamen si cognoscat eam dominus, non poterit vendere, & subditur causa, scilicet quia humiliauit eam, & quia vna harum erat virgo dixit, vt humilietis eas. *Et vestram libidinem compleatis*. Idest, vt expleatis in eis libidinem, qua ardetis in virum. Et hoc quantum libuerit vsque ad complementum. *Tantum obsecro ne scelus istud contra naturam operemini in virum*. Idest solum rogo ne exerceatis hoc opus nefandum contra virum, & quidquid aliud vultis, siue in filia mea, siue in vxore huius viri libenter concedo.

*An peccabat vir iste offerendo filiam suam, & vxorem Leuitæ viris Gabaa ad exercendum libidinem, ne abuterentur Leuita, & an magis iste senex peccauit, quàm Loth.*  
Quest. XVII.

**Q**VAERETVR, an peccabat vir iste offerendo filiam suam, & vxorem alterius viris Gabaa ad exercendum libidinem ne abuterentur eam in virum. Aliquis dicit, q̃ nō: quia mouebatur pietate quadam, scilicet ne vir tantum dedecus pateretur. Item quia volebat euitare maius malum: nam vbi duo mala sunt pertransimus paruum permittendo, vt euitemus maius malum: sicut qui non potest merces liberare, & se ipsum: liberat seipsum proiciendo merces ad exonerandum nauem, vt patet 1. q. 7. cap. dispensationes rerum. Item patet hoc ex facto Loth: nam Loth erat vir sanctus, quem scriptura laudat, & ponitur in Catalogo Sanctorum ad Hebræos 11. & beatus Petrus in Alph. Toft. super lib. Iudicum

canonica secunda laudat eum, dicens liberatum de libidine, & violentia Sodomorum, & quod maius est Deus eum approbauit, vt iustum, & fecit exire de ciuitate peritura vocantibus eum angelis: Gen. 19. cap. ipse tamen fecit simile, dicens q̃ daret duas filias suas virgines Sodomitis, vt non cognoscerent viros, ergo etiā liceret isti viro agere, dando filiam suam, & concubinā Leuitæ. Respondendum, q̃ non licebat huic viro, & peccabat mortaliter faciendo. Nam pro nulla re debemus Deum offendere: sed cū iste homo traderet filiam suam, & concubinam Leuitæ viris Gabaa offendeat Deum, quia istud malum erat: ergo non licebat. Item non solum offendeat Deum, sed etiam proximum: nam traderet filiam suam, quæ non desiderabat illam libidinem, in quo grauabat eam, quia inducebat ad peccandum: etiam quia humiliabat eam auferendo honorem suum: etiam faciebat iniuriam vxori Leuitæ, & ponebat eam in mortis periculo, sicut postea factum est. Quod satis poterat cognosci, cū multi viri, vel omnes de ciuitate venirent, q̃ illi mulierem vnam libidine vexantes occiderent, & sic non solum peccabat in lenocinio, sed etiam in homicidio. Item quia quilibet debet diligere potius animam suam, quàm alterius, quod autem Leuita cognosceretur, non poteramus dare, nisi quod peccaret ipse, quod tamen senex daret filiam suam cognoscendam, & vxorem Leuitæ, peccabat ipsemet senex: ergo debebat potius eligere, q̃ peccaret Leuita, & moreretur quàm q̃ ipse hoc faceret. Item confirmatur hoc, quia aut faciebat hoc senex ad euitandam poenam Leuitæ, vel culpam: pena quidem duplex esse poterat, scilicet mors, quæ sequeretur ex magna vexatione, sicut secuta est in muliere, vel dedecus immensum: sed pro his non debebat senex peccare, quia quodlibet peccatum quantumcunque paruum, quod sit mortale, est peius omni poena etiam infernali: ideo potius erat pena eligenda quàm culpa. Poterat autem esse culpa in Leuita, vt si ipse sponte cognosceretur: sed adhuc potius debebat senex pati, q̃ peccaret Leuita sic, quàm q̃ ipse peccaret, cū deberet potius animam suam, quàm alterius diligere. Item malè faciebat senex, quia q̃ Leuita cognosceretur erat inuoluntarium, cū ipse hoc valde refugeret, & timeret. In hac autem penali turpitudine non erat dignum tolerare, sicut in alijs, de quo infra dicitur. Quod autem senex daret filiam suam, vel concubinā Leuitæ erat voluntarium, ideo esset peccatum, & sic ipse volebat peccare ne Leuita pateretur penam: sed ista commutatio erat valde iniusta, quia etiam pro seipso nō deberet aliquis talem commutationem facere. Peccauit ergo senex promittendo, & postea magis exequendo. Ad rationem primam in contrarium dicendum, q̃ agere aliqd ex pietate laudabile est: dum tamen prætatu pietatis turpē non committatur: nam talis, vbi turpe committitur, non est pietas, sed impietas. Istud autem est, quia quidam dicunt tenere modum in faciendo id, quod bonum est, sed cū aliud sit bonum ex genere, putant licere per omnem modum, & in hoc errant, quia non sunt bona, quæ non teneant aliquam veritatem: nam diligere parentes bonum, & secundum seipsum laudabile est: tamē in hoc contingit error, vt ponit Arist. exemplum 7. Ethic. de Niobe, quæ propter filios contra Deos locuta est. Idē dicit de Satyro Philopatore, q̃ tantum diligebat patres, q̃ dissipere videbatur. Ita hic velle per omnem modum exhibere pietatis opus Leuitæ peccatum erat. Ad secundam rationem cū dicitur, q̃ vbi sunt duo mala, licet accipere minus, vt euitemus maius. Dicēdū, q̃ illud intelligitur de malis temporalibus, in quibus prudentia est euitare maiora, tolerando minora: sed in peccatis non recipitur compensatio, & patet istud ex

Resp. ad q̃ situm.

Ad primā rationē in diuersum.

Ad secundā rationem.



Adz. rōne

exemplo dato de proijciendo merces in mare, quia si-  
 tue saluare vitam: siue merces, vel vtrunque perdere  
 præter peccatum est, sed lucra, aut damna corporalia  
 hæc sunt. Ad tertiam rationem, quando dicebatur,  
 q̄ Loth istud fecit, qui erat vir sanctus, & ponitur in  
 Catalogo Sanctorum. Responderi posset ad hoc, q̄  
 dato q̄ aliquis peccauerit, non sequitur, q̄ non sit san-  
 ctus aliquando, & è conuerso, non sequitur iste est san-  
 ctus ergo nunquàm peccauit, quia sanctus aliquis fit  
 per hoc, q̄ finit in bono, & actibus laudabilibus, sed  
 ante hoc potuit facere pessima. Sic patet de Paulo, qui  
 de persecutore factus est vas electionis. Et de Cypria-  
 no, qui de nefando hæretico factus est vir sanctus, &  
 martyr laudabilis, atque fidei zelantissimus. Idem in  
 illis quos Apostolus ponit in Catalogo Sanctorum pa-  
 tet. Nam ipse ponit Iephthe, Samsonem, Gedeonem,  
 & alios, ad Heb. 11. & tamen manifestum est, q̄ pecca-  
 uit Iephthe occidendo filiam, & Samson multoties  
 peccauit cum mulieribus Philistinis, vt declaratum  
 est supra de vtroque. De Iephthe, supra 11. & de Sam-  
 sone supra 16. c. & sic Loth potuit poni in Catalogo  
 Sanctorum, & q̄ peccauerit promittendo filias suas  
 tradere Sodomitis. Sed ista solutio licet conueniat,  
 alijs tamen videtur, non applicari ad propositum: quia  
 Loth non solum fuit aliquo tempore bonus, sed etiã  
 nunc quando fecit istud, bonus erat. Quod patet, quia  
 Deus dixerat Abraham: Gen. 18. ca. q̄ non occideret in  
 vrbe Sodomorum iustum, cum impio, sed solum im-  
 pios, & ob hoc saluatus est Loth: si tamen peccauisset  
 volendo tradere filias suas Sodomitis efficeretur iniu-  
 stus, & iam non liberaret eum Deus de deletione So-  
 domorum. Item confirmatur hoc secunda Pet. ca. 2.  
 cùm dicitur: iustum Loth oppressum à nefandorum  
 iniuria à luxuriosa conuersatione eripuit. ergo tunc  
 iustus erat. Ad hoc responderi potest dupliciter. Vno  
 modo, q̄ Loth non peccauit dicendo illud Sodomiti-  
 tis, quia dixit ad quãdam perturbationem animi, cùm  
 se videret in tanta angustia, perturbatio autem excusat  
 peccatum, quia peccatum ex deliberatione esse debet:  
 quia peccatum, ideo est peccatum, quia est voluntariũ,  
 sed indeliberata non sunt voluntaria, ergo etiam non  
 erunt peccata. Aliter potest dici, q̄ Loth diceret ista  
 sine perturbatione volens sic efficere, vt angeli libera-  
 rentur, & quod peccauerit in hoc: tamen non ob hoc  
 vocatus est iniustus, nec cessauit liberatio eius. quod  
 patet, quia Loth dicebatur iustus comparatione So-  
 domorum, & quia ipse nunquàm peccauerat in hoc  
 realiter, nec verbo impudico, nec saltem oculo, ita q̄  
 deciperetur oculus eius in aliquo: ergo iustissim⁹ erat  
 in hoc. Patet istud secunda Pet. cap. 2. scilicet. Iustum  
 Loth oppressum à nefandorum iniuria, à luxuriosa  
 conuersatione eripuit: aspectu enim, & auditu iustus  
 erat habitans apud eos, qui de die in diem animam ius-  
 tam iniquis operibus cruciabant, ergo vocauit eum  
 scriptura iustum, quamquam peccauerit in hoc, cùm  
 solum ageretur ibi de vitio Sodomitico. Item quam-  
 quam peccasset in hoc Loth, non erat iustum, quod  
 periret in vrbe Sodomorum, sed quod liberaretur,  
 quia illa poena inflata fuit pro peccato carnis, in quo  
 Loth erat mundissimus, ideo licet pro peccatis suis ali-  
 qua poena puniendus foret, non tamen illa, qua punie-  
 bantur scelerati. De Loth in hoc an peccauerit Au-  
 gustinus in libro quæstionum super Gen. & habetur  
 in Decretis dist. 14. cap. quod ait. vbi dicit: Quoniam  
 prostituere volebat duas filias hac compensatione, vt  
 viri hospites eius nihil tale à Sodomitis paterentur,  
 vtrum admittenda sit compensatio flagitiorum, vel  
 quorumcunque peccatorum, vt nos faciamus aliquid  
 mali, ne alius grauius malum faciat, an potius pertur-  
 bationi Loth, non consilio tribuendum fuerit. Siquis

1. Obiect.

Duplex re-  
sponso.

**F**uerit, qui hoc dixerit merito inquireretur, & nimi-  
 rum periculosissime admittitur hæc compensatio. Si  
 autem perturbationi humanæ tribuitur, & menti in  
 tanto malo permotæ, nullo modo imitandus est. Hic  
 autem locus erat ad quærendum si debet aliquis face-  
 re maius malum mortale, ne incidat in minus morta-  
 le. Secundo an debet aliquis pro alio peccare morta-  
 liter, vt alius non peccet in maiori peccato mortali.  
 Tertiò an aliquis debeat peccare venialiter, vt aliquis  
 euitet peccatum mortale. Quarto an posset inter-  
 dum quis esse perplexus inter duo mala ad faciendum  
 vnum, vel aliud: sed ista conuenientius tractabuntur  
 super capit. tertio: Epistolæ ad Roma. vbi est proprius  
 locus.

*Quis peccauerit magis Loth, vel iste senex, quia  
 ambo similia verba sunt locuti.*

*Quæst. XV III.*

**Q**V A E R E T V R vterius, quis peccauit magis,  
 an Loth, vel iste senex, quia ambo similia verba  
 locuti sunt. Respondendum est, quod Loth duplici-  
 ter existimare possumus: nam si dicamus, quod fecit  
 illud præ turbatione, subito loquendo verba illa præ  
 turbatione mentis nesciens quid diceret, non pecca-  
 uit saltem mortaliter. Si autem dicamus, quod egit  
 deliberatè peccauit mortaliter: tunc autem dicit ali-  
 quis de sene, quod ita poterat dici, an egit perturba-  
 tus, vel deliberatè. Sed dicendum, quod non stabit in  
 sene ista distinctio, quia manifestum est, quod egit de-  
 liberatè: nam perturbatio est in illis, quæ subito agi-  
 mus, cùm autem aliqua operatio magno tempore  
 durat, non dicitur fieri animo turbato, sed deliberato:  
 licet verum sit, quod angustia rerum euenientium in-  
 ducunt hominem ad deliberandum id, quod aliàs non  
 esset deliberaturus. Loth autem cùm solum protulit  
 verba illa, & nihil tradiderit executioni, potuit dicere  
 illa verba animo turbato, & postea ad se rediens dolo-  
 ret, quod dixisset, senex tamen exiens ad viros dixit  
 ista, & hortatus est, quod acceptarent conditionem  
 istam, & postea ingressus domum eduxit vxorem Le-  
 uitæ, & tradidit viris vrbs: ergo non agebat turbatus,  
 sed deliberatus. In quo considerandum, quod non  
 vocatur aliquis turbatus quotiescunque ira in aliquo  
 succenditur, & agit aliquid quod aliàs non esset actu-  
 rus, si non irasceretur: quia sic nunquam peccaret ali-  
 quis mortaliter per iram, cùm ira quãdiu manet, fa-  
 ciat perturbationem mentis. Sed vocatur perturbatus  
 ille, qui subitis venientibus passionibus, non solum  
 ad aliquid agendum incitatur, & disponitur, sed etiam  
 intellectus suus stupidus redditur, quasi nihil iudicans:  
 & tunc homo subito agit aliquid valde malum. Et  
 quantum ad hunc modum contingit aliquem homi-  
 nem sapientem, & prudentem subito agere aliquid  
 magnæ insipientiæ, & hoc quia pro illo modico tem-  
 pore actus intellectus ligatus est, & est homo attoni-  
 tus: sicut qui subito videt super se hostem, & ad hunc  
 ad capiendum arma, non habet animum, non qui-  
 dem solo timore, sed quia intellectus passione tanta  
 adueniente est ligatus: & tunc quidquid homo agit,  
 vitio caret: sed istud valde modicum est temporis,  
 vnde iste resumptis viribus capiat arma, & pugnet  
 ferociter contra hostes, quamquam ex grauissima ira  
 agat, non dicitur agere ex perturbatione, & istud non  
 poterat assignari in sene. In Loth autem, licet non  
 multum assignari posset tamen conuenientius, quàm  
 in sene assignabitur. Ideo concessa hæc distinctio,  
 dicendum quod peccauerit grauius senex iste quàm  
 Loth, eo q̄ ille peccauit solum venialiter ex perturba-  
 tione:



itione: iste autem peccauit mortaliter, quia deliberatè A  
egit. Si autem dicamus, q̄ Loth egerit ex deliberatio-  
ne, & peccauerit mortaliter, adhuc dicendum, q̄ pec-  
cauit grauius senex quàm Loth, quia Loth solum lo-  
cutus est, & executioni non tradidit, iste autem senex  
locutus est, & fecit. Sed dicet aliquis, q̄ Loth non exe-  
cutus est, quia non susceperunt commutationem ei⁹  
Sodomitæ, & si voluissent libenter exequeretur, & sic  
non minuebatur peccatum. Iste autem senex execu-  
tus est, quia acceptauerunt hoc viri vrbis. Sed dicen-  
dum, q̄ non stat. Primò quia dato, quòd acceptassent  
conditionem Loth Sodomitæ, nescimus quid ipse fe-  
cisset, quia fortè postea resipuisset, & non daret. De vi-  
ro autem isto sumus certi, q̄ fecerit, ideo isti maior  
culpa est ascribenda. Secundò non stat ista ratio, quia B  
senex iste non fuit executus conditionem istam, tan-  
quam consentientibus viris vrbis, sed eis nolentibus:  
nam dicitur in litera, q̄ cum diceret senex se daturum  
filiam suam virginem, & concubinam Leuitæ, nolue-  
runt viri aquiescere sermonibus eius, & tamen ipsis  
non assentientibus eduxit senex vxorem Leuitæ, &  
tunc acceperunt eam. Ad hoc ergo, q̄ tantum pec-  
caret Loth, sicut iste senex, oportebat, q̄ licet Sodo-  
mitæ non assentirent conditioni suæ, quòd ipse edu-  
xisset filias suas ad eos, vt fortè sic contenti relinque-  
rent viros, & tamen non fecit: ideo manifestè dicen-  
dum est, quòd magis peccauit senex iste.

*Quid egisset Loth, si oblati virginibus Sodomi-  
tis illi passioni consensissent.*

*Quest. XIX.*

**Q**VAERETVR vterius, incidèraliter de Loth,  
cum ipse dixit se daturum duas filias suas Sodo-  
mitis, nè agerent malum viris, si assensissent huic con-  
ditioni Sodomitæ, quid egisset Loth. Respondendum,  
q̄ licet videretur grauiusimum Loth dare filias virgi-  
nes, & præcipuè desponsatas libidini totius populi: ta-  
men ipse dare voluisset, ne viri, qui ad eum ingressi  
fuerant malum paterentur, & tamen angeli non per-  
misissent hoc, sed sicut percusserunt cecitate omnes  
Sodomitas, quando volebant effringere fores perse-  
uerantes in sua nequitia, ita tunc percussissent, vt non  
auderent ingredi, vel accedere ad domum, vel irrogas-  
sent eis aliam poenam ad placitum ipsorum, ita vt fu-  
gerent à domo Loth, & tunc ipsi angeli manifestarent  
se Loth, q̄ erant angeli, & quòd defenderent eum, &  
filias suas, & quòd non traderet eas Sodomitis.

*Cur angeli non percusserunt prius Sodomitas cecitate,  
quàm Loth coactus amaritudine cordis  
promitteret dare duas filias.*

*Quest. XX.*

**Q**VAERETVR vterius, cum angeli postea  
percusserint Sodomitas cecitate, ne accederent  
ad ostium domus: cur à principio hoc non fecerunt  
prius quàm Loth, coactus amaritudine cordis, & per-  
turbatione promitteret dare duas filias, vt dimitterent  
viros? Respondendum, q̄ fecerunt hoc angeli propter  
duo. Primum fuit, vt ostenderetur benignitas Loth  
erga hospites: nam tantum ad eos afficiebatur, quòd  
etiam filias suas præiebat, ne ipsi quidquam in-  
honestum paterentur, & licet istud non fieret ex recti-  
tudine rationis, quia tamen affectione bona, & simpli-  
ci fiebat erat quodammodo premiandum in illo, licet  
non esset in alijs ad cōtrahendum iam scientibus hoc.  
Secundum & præcipuum fuit, quia Deus volebat cō-  
demnare Sodomitas, & licet ille sciret hoc peccatum  
Alph. Tost. super lib. Iudicum

eorum manifestè, quia in omni loco oculi sui cōtēti-  
plantur bonos, & malos, Prone. 15. tamen vt daret no-  
bis formam non præcipitandi sententiam, sed agendi  
omnia secundum ordinem iuris, & cum plenissima  
probatione, misit angelos suos Sodomam, quasi in-  
quisitores de hoc crimine, vt patet Gene. 18. scilicet.  
Descendam, & videbo, an clamorem, qui venit ad me,  
opere perpetraverint, an non: vt sciant, q̄ etiam fuerit  
factum ad intentionem dandi nobis formam in iudi-  
cijs. Patet extra de accusat. c. qualiter, & quando, & in  
Decretis 2. q. 1. ca. Deus omnipotens. ergo angeli isti,  
qui veniebant tanquàm inquisitores criminis, vt patet  
Gen. 18. voluerunt habere probationem efficacissimā  
de hoc scelere, ideo non solum susceperunt, quòd to-  
ta ciuitas à senē vsque ad puerum conuenisset ad por-  
tas Loth petens educi viros, vt abuterentur eis: sed et-  
iam expectauerunt probationem aliam ad indicandū  
seuientem rabiem libidinis in viris, scilicet quòd obla-  
tis eis puellis virginibus & speciosis, contemnerent ac-  
cedere ad eas, vt iuuenibus commiscerentur, & ista  
erat efficacissima probatio: ista autem non poterat ha-  
beri, nisi Loth filias suas offerret Sodomitis ad euitan-  
dum scelus in viris: ideo angeli tamdiu tacuerunt dis-  
simulantes se esse angelos, quo istud fieret: quo facto,  
& non consentientibus Sodomitis, percusserunt eos  
cecitate, in quo se angelos ostenderunt. Et ista ratio  
est melior, & magis necessaria quàm prima.

*Qualiter peccauit iste senex dando vxorem Leuitæ  
viri Gabaa, & etiam ipsa.*  
*Quest. XXI.*

**Q**VAERETVR vterius, qualiter peccauit iste  
senex dando vxorem Leuitæ viri Gabaa. Respon-  
dendum, q̄ ipse peccauit dupliciter. Primò directè  
contra Deum, quia potius debuerat pati, q̄ violenter co-  
gnoscerentur Leuita, & vxore eius, & filia sua, & qui-  
cunque alij, quàm q̄ ipse traderet vxorem Leuitæ il-  
lis, quia cetera erant poenalia, & non culpabilia cum  
essent inuoluntaria. Istud autem erat spontaneum,  
ideo erat peccatum. Secundò peccabant contra vxo-  
rem Leuitæ. Et istud erat dupliciter. Primò indu-  
cendo eam ad peccandum: nam fortè ipsa erat libidi-  
nosa, & gauderet, q̄ daretur ei occasio explendi libidi-  
nem, sicut dicit Iuuenalis in satyra quædam de Messa-  
lina vxore Imperatoris, q̄ per noctem mutato habitu  
introibat in lupanaria, vt ibi ab hominibus cognosce-  
retur, & sic suam libidinem expleret: sed dicit conclu-  
dens, q̄ lassata viris, sed non satiata, recessit, & hoc sæpè  
faciebat. Ita ergo poterat esse de ista muliere Leuita,  
q̄ esset feruida nimis, & gauderet in hoc, & tunc datus  
ei occasionem ad peccandum peccabat. Item dato, q̄  
à principio non gauderet, postea experta delectatio-  
nē, gauderet quòd tradita fuisset illis viris, & hoc indu-  
ceret in ea senex: ego peccaret. Secundò peccabat se-  
nex, quia erat causa mortis illius: nam ex hoc mortua  
est illa, vt patet infra, nec etiam istud fuit per accidens,  
quia satis poterat credere senex iste, quòd mulier mo-  
ritura esset, aut pateretur periculum, cum libido om-  
nium virorum de Ciuitate explenda foret in ea. ideo  
peccabat, vt homicida.

*An mulier ista peccaret, cum subiecta est libidi-  
ni omnium virorum Gabaa.*  
*Quest. XII.*

**Q**VAERETVR vterius, an mulier ista pecca-  
ret, cum subiecta est libidini omnium virorum  
Gabaa. Respondendum, quia si ipsa non volens vio-  
lenter capta fuisset à viris vrbis, & cognita, atque sic  
Bb 3 more-



moreretur, non peccabat: imò erat martyr, & mereretur nimis. Et dicendum, qd si vexata fuisset libidine, & tamen non mortua, & in hoc non consensisset, esset valde laudabilis, & mereretur nimis apud ecclesiam triumphantem. Sic patet de beata Lucia, quam cum præses iuberet duci ad lupanar, vt recederet ab ea spiritus Sanctus ait: si inuitam me ad lupanar duci feceris: castitas mihi duplicabitur ad coronam, & sic suo modo in ista fœmina fieret. Si autem moreretur dicendum, quòd esset martyr, & inter martyres computanda: nam si viuens passio illa esset laudabilis in ea: necesse erat, quòd morientem martyrem efficeret: nam omnis pœna, quæ meritorie toleratur, cum in ea quisque decesserit, cum pro nomine Dei, & iustitia moriatur, martyr est.

*An indistincte mulier ista peccauerit.*

*Quest. XXIII.*

**Q**VAERETVR nunc indistincte, an mulier ista peccauerit. Respondendum, qd peccauit valde, & tamen non tantum, quantum si sponte vt adultera se tradidisset alieno viro: nam sicut culpa Loth volentis tradere filias suas Sodomitis minueretur, quia volebat eas tradere ne hospites paterentur: ita & istius mulieris culpa: nam ipsa non omnino spontanea erat, sed vt vir suus non pateretur ista, quæ in eo contra naturam essent voluit ipsa pati, quod in ea non contra naturam erat, licet inhonestum esset, & tamen non debuisset hoc facere iubente senex, aut viro mandante vel orante: quia in per se malis, nulli assentiendum est, quantecunque auctoritatis. Etiam dato, qd sciret, qd vir suus cognoscendus erat violenter, & ipsa, & omnes quotquot in domo erant, non debebat hoc pati, quia qd violenter omnes cognoscerentur erat pati, & non erat peccatum, qd autem ipsa iret, vt cognosceretur ne vir suus cognosceretur, erat agere, ideo erat peccatum. Dicendum tamen, quòd si non attenderemus Deum ultorem, & iustitiam eius positam in cordibus nostris secundum humanam rectitudinem: videbatur bonum, & laudabile, quòd mulier illa videns necesse esse, qd aut vir suus pateretur contra naturam, aut ipsa ludificaretur à viris vrbis illi, quòd ipsa ludificaretur, quamquam laudabilis erat secundum humanam legem, quòd ambo potius moreretur, quam hæc tollerent: sed dato, quòd oporteret alterum istorum fieri, melius erat, quòd ipsa permitteret se ludificari: dico semper attendendo humanam rectitudinem semota Dei lege, quia fm illam quid expediat, dictum est.

*Cur senex iste eduxit uxorem Leuitæ, si viri Gabaa volebant eam.*

*Quest. XXIII.*

**Q**VAERETVR vltius, cum dicerent viri vrbis, quòd volebant cognoscere concubinam Leuitæ, & filiam senis, sed ipsum Leuitam, cur eduxit senex uxorem Leuitæ ad eos. Respondendum, quòd licet senex peccauerit contra Deum faciendo hoc, vt supra dictum est, tamen usus est quadam prudentia humana: videbat enim, quòd viri vrbis insaniebant, & fracturi erant fores domus, nec posset ipse resistere illis, & tunc fortè cognoscerent Leuitam, & uxorem, & filiam senis, & omnes, qui in domo erant. quòd esset grauissimum, sicut dixerunt viri Sodomitæ ad Loth: te ipsum magis affligemus: Gen. 19. quia ipse volebat eis dare duos iuuenes, qui introierant in domum eius, sed filias: dixerunt qd affligerent eum, cognoscendo illū, & vexando libidine: ita nunc facerent fortè viri Gabaa isti seni, & omnibus, qui in domo eius erant, vt ergo euitaret hoc eduxit uxorem Leuitæ ad viros, putans

**F** qd licet non suscepissent conditionem, videntes eam mouerentur in illam, & cessarent ab impetitione Leuitæ. Et ratio huius erat, quia quando non consentiebant, non videbant coram se uxorem Leuitæ, nec filiam virginem senis, & ob hoc mouebantur magis ad Leuitam de quo primo conceperant, licet nullum viderent, & quia quando delectabile est in presentia nimis mouet secundum qd Arist. Ethic. 2. in fine dicit dans regulam, qd nunquam aliquis iudicet de ipso delectabili in presentia eius, an debeat illud fugere, vel prosequi: quia semper allicietur ad iudicandum, qd sequatur, & ponit exemplum de eo, quod patiebantur Troiani ad Helenam: nam petentibus Græcis, qd daretur Helena, & non pugnarent: veniebant seniores ad consilium, iudicabantque omnes illam reddendam, ne esset origo bellorum: deinde adducebatur Helena in medium, & omnes conspicientes decorem eius rursus iudicabant illam non reddendam, sed qd potius omnes bello morerentur, & quia illa in consilium sapius adducebatur, præualuit sententia, qd non redderetur, & sic bella surrexerunt, & Troia excisa est. Sic nunc viri vrbis intendebant non recipere uxorem Leuitæ, nec puellam virginem, sed Leuitam: visâ tamen uxore Leuitæ, quæ magnæ pulchritudinis erat, tanta in eam libidine insaniebant, quòd absorpti nihil amplius petierunt.

*An peccauit in hoc Leuita, quòd vxor sua adulterata fuit cum viris Gabaa.*

*Quest. XXV.*

**Q**VAERETVR vltius, an peccauit in hoc Leuita, qd vxor sua adulterata fuit cum viris Gabaa. Respondendum, qd si violenter capta fuisset, nec ipsa peccasset, nec Leuita, quia inuoluntarium non causat peccatum. Nunc tamen dicendum, qd peccauit, quia certum est, quòd vxor sua non exiret ad hoc, quòd ludificaretur, nisi ipso consentiente, cum esset in aspectu eius, imò vñ, quòd ipse precaretur, quòd ipsa toleraret hoc, ne tantum ipse dehonestaretur. Sed quòd ipse oraret, quòd ipsa peccaret, aut daret ei auctoritatem ad hoc, peccatum erat: imò magis videretur peccare ipse quam illa, cum consilio eius, & auctoritate ipsa faceret. Interdum autem consules magis puniuntur, quam operans ipsum malū: sic patet in decretis 86. dist. c. tanta nequitia. potissimè, quia hic interueniret consiliū, & auctoritas, & preces, quæ valde augerent delictum. Sed adhuc dicendum, quòd dato, quòd vir nō peccasset, nec præcepisset, nec consuluisset vxori hoc facere, sed solum non prohiberet eam volentē peccare, peccabat mortaliter, quia vir peccat mortaliter permittendo uxorem fornicari, sed potius debebat se exponere cuicunq; periculo quam quòd permitteret vxori suæ ire ad viros alios, qui ludificarent eam.

*An senex peccaret magis dando uxorem Leuitæ viris Gabaa, quam filiam suam, vel è contrario.*

*Quest. XXVI.*

**Q**VAERETVR vltius, an senex peccaret magis educendo filiam suam ad hoc, quòd cognosceretur à viris Gabaa, quam educendo uxorem Leuitæ, vel è contrario. Dicendum quòd faciendo, quòd cuiusq; istorum peccabat senex: nam siue uxorem Leuitæ, siue filiam educeret, dabat operam malo in tribus, scilicet contra Deum, & inducendo ipsam, quam educeret ad peccandum, & exponendo eam morti, vt sup. declaratum est, in quadam questione. Dicendum tñ, qd magis peccaret educendo filiam, qd vxorē Leuitæ. Et hoc in duobus. Primò quia quanto aliquis efficacius mouet alium ad peccandum, tñ magis peccat, sed senex



efficacius moueret filiam suam, quàm vxorem Leuitæ: ergo magis peccaret educendo filiam suam, quàm vxorem Leuitæ: patet minor, quia vxor Leuitæ non egrediebatur, quia iubebat ei hoc senex, cum non teneretur ei obedire de iure, aut de facto, sed egrediebatur illa, quia iubebat, aut precabatur Leuita, vel quia ipsa volebat hoc pati, vt erueret virum suum: filia autem senis non egrederetur ad mandatum Leuitæ, nec ad preces, aut consilium eius, nec ad eruumdum eum: sed si egrederetur esset hoc iussu patris, ideo ipse esset causa efficacior in filia ad peccandum quàm in vxore Leuitæ: nam in filia sua esset sicut iubens, & compellens peccare. in vxore autem Leuitæ esset, sicut fauens peccanti: sed manifestum est, qd ista nimis differunt in grauitate peccati. Secundum erat, quia ille magis peccat, qui magis agit contra ordinem charitatis, cum tota rectitudo actionis sit in ordine charitatis, & tota præuicatio est in violatione ordinis charitatis. Sed senex magis ageret contra charitatem filiam suam ducendo ad ludificandum, quàm ducendo vxorem Leuitæ: ergo magis sic quàm aliter peccabat. Istud patet, quia secundum ordinem dilectionis tenetur aliquis velle plura bona temporalia pro vno quàm pro alio, & sicut est de bonis temporalibus, ita est de æternis: nam sicut teneor alicui velle plura bona temporalia, quàm alteri: ita teneor velle potius, qd ille habeat vitam æternam, quàm alius, & velle potius, qd ille caueat peccata, quàm alius. Sed manifestum est, qd secundum ordinem charitatis magis tenetur pater filiis suis, quàm alicui alteri, nisi iste habeat patrem & matrem, quia tunc potius deberet diligere patrem & matrem quàm filios, licet natura inclinet ad contrarium. Ratio tamen, & obligatio hoc dicat, & statuit: ergo iste senex debebat magis diligere filiam suam quàm vxorem Leuitæ, & consequenter debebat conari potius ad euitandum mala illius quàm vxoris Leuitæ: poterat autem puella incurrere hic mala temporalia duo, scilicet infamiam grauissimam, & mortem, vel debilitationem maximam membrorum: malum autem spirituale erat vnum, scilicet peccare mortaliter. Quodlibet autem istorum magis tenebatur ipse cauere in filia sua, quàm in extranea, ideo exponendo eam his magis peccabat, quàm exponendo vxorem Leuitæ.

*Quare senex non eduxit vxorem Leuitæ, & eius filiam, vt abuterentur eis viri Gabaa.*

*Quæst. XXVII.*

**Q**VAERETVR vltcrius, quare senex non eduxit vxorem Leuitæ, & filiam suam, vt abuterentur eis viri Gabaa sicut dixerat, ne Leuita abuterentur. Dicendum, qd senex cognoscens insaniam virorum vrbis, timuit valde, qd omnes de domo violenter cognoscerent, nisi libidini suæ satisfaceret, & ob hoc promisit primò filiam, & vxorem Leuitæ, vt cessarent a petitione Leuitæ, voluerat tamen si potuisset eos verbis placare, vt nihil peterent, & cum vidit, qd non assentirent verbis eduxit ad eos solùm vxorem Leuitæ, vt si fortè illam solam habentes contentarentur, & non fieret tantum malum: cum autem eduxit illam, tantum exarserunt in eam omnes viri Gabaa, qd non recordati sunt aliquid vltra petere, scilicet nec filiam senis, nec Leuitam. Si tamen illa non contentarentur adhuc petentes filiam senis ipse dedisset illam, vt non irrumperent domum, & omnibus violentiam inferrent. Si autem postea Leuitam peterent, ibi senex ageret quidquid posset.

*Si senex in angustia poneretur, quòd aut filiam suam, aut Leuitam, traderet viri Gabaa, quem illorum potius tradere deberet.*  
*Quæst. XXVIII.*

**Q**VAERETVR vltcrius, si senex poneretur in angustia, qd aut filiam suam, aut Leuitam traderet viri Gabaa, quem illorum potius tradere deberet. Respondendum, qd aut quæritur de eo, quod senex facere debebat, aut de eo, quod ipse faceret. Si quæritur de secundo, dicendum qd indubitanter senex daret filiam, ne Leuita pateretur. Quod patet, quia cum peteretur Leuita, dixit senex, qd daret filiam suam, & vxorem Leuitæ ne cognoscerent Leuitam: ergo à fortiori daret filiam suam solam, ne cognosceretur Leuita. Si autem quæritur de eo, quod facere deberet. Dicendum, qd nullum facere debebat: quia siue filiam daret, siue Leuitam mortaliter peccabat: sicut supra demonstratum est, quando dicebatur, qd peccauit dando vxorem Leuitæ. vnde potius pati debebat, qd omnes violenter cognoscerentur, quàm qd ipse aliquem tribueret cognoscendum. Si tamen dicatur: ponamus quòd senex vellet dare aliquem de his duobus, ne sequeretur totalis destructio oïum, quem dando minus peccaret. Dicendum, quòd minus peccaret dando filiam, quàm dando Leuitam. Sed aliquis dicet, qd magis peccaret dando filiam ex duabus rationibus positis quæst. 26. Dicendum, qd in hoc considerandum est, qd in potestate senis esset dare, quem vellet istorum, & non acciperent viri vrbis, nisi quem senex daret. Etiam qd ipsi æqualiter obedirent ei ad se tradendum illudendos. Est sensus, qd sicut suasionem patris filia traderetur, ita suasionem eius traderetur Leuita, & non essent faciliore ad se tradendum, vel assentiendum suasioni vnus quàm alius. Et tunc dico, qd magis peccaret tradendo Leuitam, quàm filiam. Et ratio huius est, quia ipse senex peccabat inducendo quemcunq; istorum ad peccandum, & tamen magis peccaret inducendo Leuitam, quia peccatum eius maius erat, quia peccatum contra naturam: peccatum autem puellæ esset solùm stuprũ. Si autem non esset vterque ei æqualiter suafibilis, sed ad hoc, qd Leuita traderetur, modicum suadere debebat, eo qd Leuita erat in potestate sua, & ad educendũ filiam debebat multum suadere, eo qd ipsa erat in potestate patris, & si faceret, esset hoc propter eum, peccaret magis educendo filiam, quia præstabat tunc directiorem causam ad peccandum ei, quàm si educeret Leuitam. Aliàs tamen dicendum simpliciter, qd magis peccatum erat educere Leuitam. Ad rationes positas in præcedenti quæstione patet responsio. Ad primam dicendum, qd non præstabat maiorem causam peccandi filiæ quàm Leuitæ, vt patet ex casu posito, scilicet, qd ambo essent æqualiter suafibiles, & dato qd aliquo modo esset magis suafibilis Leuita, quàm puella, maius peccatum erat in Leuita, quia magnitudo peccati, quod Leuita facturus erat, præponderabat ad persuasibilitatem. Ad secundam rationem dicendum, qd quamquã magis teneatur quis filio suo, vel patri qd extraneis, & tamen casus est, in quo potius tenebor extraneo etiam infideli quàm patri, vt si pater egeat, & tamen non sit in articulo mortis, quamuis ei non statim succurratur, & extraneus egeat, ita qd nisi succurratur ei, illico morietur: dicendum quòd potius succurrendum est extraneo, si vtrique succurri nõ potest: sic determinatur auctoritatibus sanctorum, & est glo. in decretis 30. dist. c. 1. & 86. dist. c. nouitatis. similiter est de euitando malo spirituali alio temporali: nam si quis vellet occidere extraneum iniuste, quẽ ego possum defendere, & alius vult offendere patrem meum

Bb 4 leuif.



leuissima offensa, & non possum vtrique simul succurrere, potius debeo liberare eum, qui ad mortem periclitatur: ita ergo de malo spirituali. Si aliquis extraneus debet peccare mortaliter & grauissimè, nisi aliquis meus filius peccet mortaliter, & leuiter: potius debeo velle, q̄ iste peccet mortaliter, & leuiter: quàm q̄ alius grauissimè peccet, vt quidam volunt. Sed etiā nec istud ego approbo, cū quodlibet mortale peccatum quātumcunque paruum faciat reum hominem morte æterna. Nec etiam istud exemplum applicatur ad propositum, quia in isto casu ego nihil efficio, sed senex efficere debebat in casu proposito, siue ad peccatum filiae suae, siue ad peccatum Leuitae ideo: detur casus, q̄ quis debeat impellere ad peccandum proximum suum, potius peccabit impellendo aliquem extraneum ad valde magnum peccatum, quàm impellendo filium, vel patrem ad valde paruum peccatum. Et ratio est, quia hic non attenditur quantum peccet ille, quem ego ad peccandum impello, sed quantum peccem ego, qui eum impello. Cū autem impello aliquem ad malum, dupliciter pecco: primò quia ego malum intendo: secundò quia noceo ei quem impello. Et ex his duobus peccatum meum est magnum, vel paruum. Cū autem impello fratrem meum, vel patrem meum ad peccandum, pecco nimis quantum ad hoc, q̄ alicui noceo, sed non multum quantum ad hoc, quòd malum intendo. Cū autem impello extraneum ad graue peccatum pecco nimis quantum ad malum, quòd intendo, sed modicum quantum ad illum cui noceo. Et tamen dicendum, quòd adhuc in ista æquiuocatione magis peccat, qui impellit extraneum ad grauiter peccandum: quàm filium, vel patrē ad paruum peccatum. Et hoc propter duo. Primò quia malum intentum, quòd est magnum, præponderat nocuenti magnitudini. Secundò quia cū impello extraneum ad peccandum grauiter, pecco grauiter dupliciter. Primò quia ego intendo graue malum. Secundò quia ego grauiter noceo ei, quem ad tam graue malum impello. Cū autem impello filium, vel patrem ad leuiter peccandum pecco, grauiter vno modo tantum, scilicet in quantum ago contra charitatem, qua ei teneor bona velle, ideo primum peccatum maius erit: sic erat in sene, sic impellente filiam ad stuprum, vel Leuitam ad peccatum sodomiticum: ergo magis peccaret educendo Leuitam.

Qui aliquem ad malum impellit dupliciter peccat.

Qui impellit extraneum ad peccandum grauiter peccat dupliciter.

*Si filia senis educeretur, vt ludificaretur à viris Gabaa, an peccaret ipsa.*

*Quaest. XXIX.*

**Q**VAERETVR vltius, si filia senis educeretur, vt ludificaretur à viris Gabaa, an peccaret. Respondendum, q̄ si violenter abstraheretur à patre, vel Leuita, aut viris vr̄bis, non peccaret, quia non ageret, sed patiebatur: si tamen ipsa egrederetur, sicut egressa est vxor Leuitae, scilicet ad mandatum patris sui, vel preces, vel consilium, vel pietate Leuitae, ne ipse cognosceretur, peccaret, quia sponte malum agebat: vnde potius pati debebat, q̄ omnes alij paterentur, quidquid pati possent, quàm q̄ ipsa sponte traderet se ludificandam, vt illos liberaret. Sed dicitur, quid si puella sciret certissimè, q̄ non poterat euadere, quin cognosceretur sponte, vel violenter; & si ipsa traderet se nunc sponte cognoscendam, q̄ nullus vim pateretur, & q̄ si ipsa non se traderet necesse erat ipsam violari, & patrem suum, & Leuitam, & omnes, qui in domo erant, & ipsa magis sic affligeretur, quàm alijs. Dicendum, quòd adhuc in isto casu, non debebat puella sponte egredi, vt cognosceretur, quia potius debebat tolerare omnia mala, quàm malo cōsentire, quidquid

**F** autem ipsa postea pateretur, & omnes quotquot in domo erant, poenale erat. Si autem egrederetur nunc, vt cognosceretur, erat culpa, quia spontanea: ideo melius erat subijcere se omnibus poenis, quàm vni culpæ.

*Si pater iuberet huic puellae egredi, vt liberarentur omnes, qui in domo erant, an tenebatur egredi, & an perderet aureolam.*

*Quaest. XXX.*

**Q**VAERETVR vltius, si pater iuberet huic puellae egredi, vt liberarentur omnes, qui erant in domo, an tenebatur egredi. Aliquis dicit q̄ non, quia dictum fuit supra, q̄ non tenebatur vxor Leuitae egredi, vt cognosceretur Leuita iubente, vel orante: ergo consimiliter erit de patre respectu filiae. Dicitur ad hoc, q̄ non stat: nam magis tenetur obedire filia patri, quàm vxor viro: nam inter virum & vxorem est iustum politicum, sed inter patrem, & filium, vel filiam non est iustum simpliciter, quousque sit pelicon, idest emancipatus, vt patet Ethic. 5. & sic quidquid iusserit pater filio nō emancipato facere tenebitur: sed non erit sic de vxore & viro, quia non tenebitur vxor facere quid iusserit vir, etiam si illud non sit contra honestū. Dicendum tamen non obstante hoc, q̄ filia senis non tenebatur egredi, vt cognosceretur, quamquam hoc iuberet senex, quia istud erat peccatum, & in peccatis non tenetur quis alteri obedire. Nam obedire oportet Deo plusquam hominibus, Act. 4. & tamen Deus peccata odit, ideo si quis iubet cuilibet male agere non tenebitur, & non solum si iusserit pater filio, sed etiam si iusserit dominus seruo, in quo est maxima obligatio obediendi, quia nullum omnino ius est inter dominum & seruum, sed sicut homini ad possessionem suam 5. Ethic. eo q̄ seruus est ens simpliciter alterius, vt patet primo Politico: quia quantum ad ea, quae concernunt mandatum Dei, ei sumus magis subiecti quàm cuiquam, & quia in hoc vertebatur peccatum, non debebat filia obedire patri, imò si prætectu obedientiae hoc faceret, peccaret mortaliter: sed etiam si sciret, q̄ pater eam traheret inuitam ad viros ludificandam nō debebat permittere, sed resistere quantum posset. Et si ab eo, vel à quocūque robustiore se traheretur, iam non esset peccatum suum, sed trahentis, & hoc debebat potius expectare.

*An virgo raptā à viris vr̄bis, vt ludificaretur virginitatis aureolam amitteret.*

*Quaest. XXXI.*

**Q**VAERETVR vltius, dato q̄ ista puella traheretur à patre, vel raperetur à viris vr̄bis, vt ludificaretur: an perderet aureolam virginitatis. In quo considerandum aureolam esse quoddam speciale insignium, quòd in vita æterna datur specialibus modis merendi, scilicet omnes, qui iuste viuunt cum decesserint vitam æternam assequuntur, & pro hoc, q̄ benè vixerunt datur eis in retributionem visio Dei, quae eos beatos efficit replendo omnibus bonis, & in hoc non differt qualiter vixerit dum tamē benè vixerit, & quia commune bonum, & maximum est beatorum ipsa Dei visio, vocare solemus ipsam præmium essentiale, scilicet quia sicut ea, quae substantialia sunt omnibus insunt, non distinguendo conditiones indiuiduorum, ita præmium visionis Dei omnibus, qui in Christo moriuntur confertur. Præter hæc autem, quòd est benè viuere, & benè mori, est quidam modus specialis benè viuendi, scilicet q̄ quidam sic benè viuunt, & alii aliter, & tunc in istis reperiuntur aliqui modi viuendi speciales valde excellentes, & illis datur præter visio.



visionē Dei in vita æterna quoddā superadditū bonū. Sunt autem isti modi viuendi, viuere in virginitate, mori pro Christo, vinere docēdo Christi religionem, & eam scriptis elucidando; ideo his tribus, scilicet virginibus, martyribus, & doctoribus datur in vita æterna quoddam foelicitatis insignium: & istud vocatur aureola. Vocatur etiam præmium accidentale. Et hoc propter duo: primò ex ratione supra assignata. scilicet quod ea, quæ sunt communia vocantur essentialia, sicut ea, quæ sunt essentialia in generibus, vel speciebus sunt communia, quæ autem sunt accidentalia sunt propria, quia huic accidit istud, & illi alterū, ideo cum ista insignia virginum, doctorum, & martyrum eis insunt, & nulli alij communicentur, dicuntur esse accidentalia præmia. Alia ratio huius nominis est, quia ad consequendum vitam æternam quædam sunt necessaria, & quædam sunt accidentalia, vel supererogationis, & istud est ex parte meriti: ita ergo necesse est distinguere ex parte præmij, scilicet, quod illa, quæ dantur in vita æterna pro merito necessario ad salutem, dicantur pertinere ad præmium essentialia, quæ verò respondent supererogationis merito, vocantur pertinere ad præmiū accidentale, & quia viuere in charitate est necessarium ad habendum vitam æternam omnibus in charitate viventibus, & morientibus, & sic datur præmium substantiale. Est autem supererogationis, vel accidentale ad vitam æternam in virginitate manere, & martyrē, vel doctorem esse, ideo qui sic vixerint habebunt præmiū supererogationis, vel accidentale, quod vocatur aureola. Non tamen existimet aliquis, quod cuiusque facienti aliquid supererogationis detur aureola, sed solum concedimus virginibus, martyribus, & doctoribus. Nam licet verum sit, quod cuilibet supereroganti in operando supererogetur aliquid in præmio, iuxta illud Luc. 10. ca. scilicet quidquid supererogaueris ego veniens reddam tibi: tamen non vocamus omnes istos habentes aureolas, sed solum illos, qui aliquid quod speciale meruerunt supererogando, & huiusmodi sunt virgines, doctores, & martyres. Nec vocamus doctores eos, qui gradum magisterij, aut doctoratus acceperunt, quia gradus est tanquam habitus. Laus autem nostra, & meritum non est in habitibus, sed in actibus: ideo illi soli recipiunt istam aureolam, qui docuerunt ea, quæ ad rectitudinem morum pertinent, & principaliter ad veritatem fidei: & hoc siue liberos sacræ scripturæ explanando, siue actualiter verbū Dei seminando, siue legendo, & alios ad prædicandum instruendo, & principaliter, qui scribendo libros sacræ scripturæ eam elucidant. Vnde de istis dicitur Eccle. 24. Qui elucidant me, vitam æternam habebunt, scilicet speciale præmium in vita æterna. Nunc autem ad propositum accedendo dicendum, quod ista puella quomodocunque duceretur violenter, si postea sponte ab aliquo non cognosceretur, siue tunc moreretur, siue magno tempore superuivisset, non perderet aureolam, quia virtus, & ea, quæ ad virtutem sunt non sunt talia, quæ possint alicui invito auferri. Et in hoc differunt à bonis fortunæ, quæ raptorum violentia auferuntur. Virginitas autem virtus est: ergo non poterat auferri per violentiam virorū Gabaa. De aureola est eodem modo dicendum, quia aureola consequitur necessario ad virginitatem: sed in ista puella non poterat perire virginitas ex violentia illata ab istis, ergo nec Deus auferret ei aureolam. Sed aliquis dicet, quod periret virginitatis aureola, quia in virginitate est specialius, quam in alijs virtutibus, quia in ceteris virtutibus semel perditā potest recuperari, & non iustus potest effici iustus: sed qui semel virginitatem perdit non potest recuperare postea, etiam si nimis fleat: ergo ita esset hic, quod quamquam ceteræ virtutes non possint

**A** auferri inuitis, quod inferatur virginitatis aureola. Dicendum, quod in virginitate est speciale, quam in alijs, scilicet, quod postquam perit non potest redire, eo quod virginitas est voluntas incorruptionis, qui autem semel spontaneè corruptionem suscepit, non potest redire ad esse incorruptum, in perdendo tamen virginitatem non est secus, quam in alijs virtutibus, sed sicut virtus voluntariè accipitur, ita voluntariè perit, & sic cum ista puella esset virgo, & non consentiret cognosci à viris Gabaa, quamquam violenter cognosceretur, non poterat perire virginitas, & consequenter non periret aureola, quæ necessario consequitur ad virginitatem.

**B** An Leuita liceret dare uxorem suam, nè aliquis cognosceretur, vel ne ipse cognosceretur. *Quest. XXXII.*

**Q**VAERETVR vltius, dato quod Leuita videret nullo modo posse euadere, quin ipse cognosceretur, vel traderet uxorem suam cognoscendam, quid debebat agere, an liceret ei dare uxorem suam, nè aliquis cognosceretur. Aliquis dicet, quod sic, quia magis tenebatur diligere se Leuita, quam uxorem suam: ergo poterat eam tradere cognoscendam, nè ipse cognosceretur. Item maius peccatum erat, quod cognosceretur vir, quam foemina, ergo poterat ipse dare foeminam, nè ipse cognosceretur, & peccaret minus, quam aliàs. Respondendum, quod si daretur iste casus, Leuita debebat agere quantum posset, nè cognosceretur ipse, aut vxor sua. Si autem non posset, inuitus potius debebat pati, quod vterque cognosceretur, quam quod traderet uxorem, eo quod si traderet uxorem agebat aliquid sponte, & illud malum erat. Si autem cognosceretur inuitus ipse, & vxor sua erat pena, & non peccatum, cum esset violentum: omnis autem pena quantacunque sit minoris mali est, quam culpa, etiam si sit parua: ideo subire debemus quantacunque penam, etiam si sit magni doloris, ut non incidamus in aliquas culpas. Ad primam rationem in contrarium, dicendum, quod quamquam magis diligeret se, quam uxorem suam, non debebat eam sponte tradere adulterandam, quia in hoc peccabat mortaliter, & non debet aliquis peccare mortaliter, etiam pro euitanda morte temporali: vnde poterat Leuita velle potius, quod cognosceretur vxor sua, quam ipse, & tamen non debebat eam tradere cognoscendam, ut ipse non cognosceretur. Et est simile: si ego sim innocens, & sciam, quod necessario est me occidi iniuste, vel alium socium meum innocentem, ego potius debeo velle, quod ille moriatur, quam ego, & tamen non debeo tradere eum occidendum, ut ego non occidar. Sic est si dicatur mihi, tu occideris, nisi istum hominem occidas, & ego scio certissime, quod occidar nisi illum occido non possum eum occidere, quia occidere illū est agere malum, quod autem ego occidar, est pena. Si ergo proponerentur duæ pene, scilicet, quod oportebat violenter cognosci Leuitam, vel uxorem suam, debebat potius velle Leuita, quod cognosceretur vxor sua, quam ipse. Si etiam proponerentur duæ culpæ, scilicet, quod Leuita deberet peccare mortaliter, vel quod vxor sua peccaret mortaliter, potius debebat velle, quod ipsa peccaret, quam ipse, quamquam iste casus non est admittendus: & procedunt ista, quia debet se potius diligere quilibet, quam alium, & tamen in casu dato, scilicet, quod Leuita traderet uxorem suam cognoscendam, nè ipse cognosceretur, comparatur culpa pene, & semper præponderat culpa, ideo non poterat eam tradere cognoscendam quod erat culpa, ut euitaret penam, scilicet, nè ipse cognosceretur. Ad secundam rationem dicendum, quod virum cognosci, aut foeminam

Cuiusdam rationes in diuersum.

1. Ratio.

2. Ratio.

Ad primam rationem in diuersum.

Ad 2. rationem in diuersum.

nam



nam si vterque inuitus cognosceretur, nullum peccatum erat, sed pena. Si autem ambo sponte cognoscerentur, maius peccatum erat virum cognosci, quam foeminam: si autem alter eorum sponte cognosceretur, & alter inuitus, q̄ sponte cognosceretur solus peccaret: nunc autem erat vir cognoscendus inuitus, & si traderet cognoscendam vxorem, nē ipse cognosceretur, tradebat eā sponte, ideo maius peccatum erat, quod traderet eam, q̄ ipse violenter cognosceretur.

*Quid deberent agere Leuita, & senex, si viderent, quod viri Gabaa instabant, quod eis daretur Leuita, vel aliquis alius. Quest. XXXIII.*

**Q**VAERETVR vterius, quid deberent agere Leuita, & senex, si viderent, q̄ viri Gabaa instabant, quod daretur eis Leuita, vel aliquis de domo, siue aliqua mulier, & viderent, quod si non traderetur eis ille, quem peterent, q̄ oportebat omnes, qui in domo erant violenter cognosci. Respondendum, quod debebant se supponere diuinæ prouidentiae. scilicet orando confidenter, quod eos de tali periculo erueret, & certissime Deus exaudisset, quia hic non petebatur principaliter aliquod bonum temporale, sed honestas morum, quæ ad Dei cultum pertinet: & non est dubium, quin Deus misisset adiutores angelos suos, sicut quando hostes circundederunt Eliseum, & petiuit auxiliū, apparueruntque plures angeli Dei armati, & currus ignei, & equi 4 Reg. 6. cap. Vel saltem terreret omnes viros Gabaa faciens, vt recederent de domo senis, sicut Deus incutit pauorem, cui vult, vt colligitur Exo. 23. scilicet: Terrorem meum mittam in præcursum vestrum. Et magis pater hoc Leui. 26. cap. Vel fortè percuteret eos cæcitate, sicut percussit viros Sodomitas ante domum Loth, ita vt non inuenirent portam Ge. 19. multisque modis alijs poterat hoc facere. Deinde debebant se exponere ad resistendum viris vr̄bis, & si possent occidere aliquos, q̄ occiderent, & saltē quod potius se permitterent occidi, quàm quod se subijcerent eis: & si omnino violenter caperentur, & cognoscerentur erat quædam poena à Deo eis inflicta, & tamen non erat peccatum. Sed non credo, quod Deus talem penam permetteret aliquem pati, qui eum inuocaret auxiliatorem. Peccauerunt ergo omnes, scilicet tam senex, quàm Leuita, & vxor Leuitæ, qui tradiderunt vxorem Leuitæ cognoscendam, vt ipsi euaderent.

*An licuisset illis, qui erant in domo senis se occidere, ne cognoscerentur a viris vr̄bis. Quest. XXXIII.*

Cuiusdam rationes in diuersum.  
1. Ratio.

2. Ratio.

Resp. ad q̄ situm.

**Q**VAERETVR, an licuisset illis, qui erant in domo senis se occidere, nē cognoscerentur à viris vr̄bis. Aliquis dicet, q̄ sic, quia melius erat mori, quàm pati talia, quæ erant inhonestissima, & contra bonos mores: mori autem solum erat pena, ideo melius erat se occidere. Item Augustinus refert primo de Ciuitate Dei, de quibusdam sacris virginibus, quæ ne violentia barbarorum violarentur seipsas occiderunt, & dicit eas saluas fore: ita ergo isti, & à fortiori poterant seipsos occidere, quia grauius erat quod isti passuri erant, quàm quod ille, quia ille paterentur stuprum, isti autem paterentur vitium contra naturam. Respondendum, quod non licebat istis viris, & mulieribus se occidere, nē cognoscerentur ab istis viris. Et ratio sæpe supra posita est: nam quod isti violenter cognoscerentur, erat poena, & non culpa: quod autem seipsos occiderent, quia erat voluntarium erat culpa, sed culpa semper est peior, quàm pena. Et dato, quod

**F** aliquis non considerando, quod cognosci Sodomiticè esset peccatum, sed solum, quod erat quædam poena, potius eligeret mortem, quàm se cognosci: tamē q̄ ipsemet mortem pro illa causa sibi inferat, peccatū est, nec potest excusari: ideo si occidendo aduersarios volentes eos cognoscere, morentur, vel defendendo se occiderentur, erat valde licitum, cum istud esset poenam, quod tamen ipsi sibiipsis mortem inferrent culpa erat. Ad primam rationem in contrarium dicendum, quod melius est aliquem mori, quàm pati se cognosci sodomiticè, quia vtrumque pena est, & minor pena est mors: tamen quod aliquis se occidat peius est, quàm quod sodomiticè cognoscatur, cū istud sit culpa, & illud pena: ergo potius debet pati cognosci violenter, quàm se sponte occidere. Ad secundam dicendum, quod ille virgines, de quibus loquitur Augustinus, habuerunt hoc ex speciali priuilegio, scilicet, quia Deus incitauit illas ad se occidendum: quod aut sit Deo incitante, culpa caret. Sic fuit de Samsone, qui se cum alijs occidit, quia tamen Deus incitauit eū ad hoc, nullus ei culpam ascribit. Regulariter tamen non licet, q̄ aliquis seipsum occidat. Nec dicat aliquis, q̄ à Deo moueatur ad se occidendum, quia habet desiderium se occidendi, vt euadat aliquid inhonestum, quia multum debet aliquis probare de incitatione illa, an sit à Deo. Nec debet cito credere, potissime in re tam ardua, sicut est seipsum occidere: sic dicit Beatus Ioan. in Canonica prima cap. 4. scilicet: Nolite adhuc credere omni spiritui, sed probate, an ex Deo sit: qui autem leui motu se occidit, putans se moueri à Deo, nisi nimis hoc attenderit, & certissimis documentis compererit se moueri à Deo, peccat mortaliter. Ideo Ecclesia diffinit de quolibet, qui se occidit, q̄ nō sit communicandum ei in morte. scilicet q̄ non recipiatur in sepulchris fidelium, & non solum si se occidat, vt euadat aliquam inhonestatem, vt si aliqua virgo Deo dicata se occiderit, nē patiatur deflorationem. Nam hæc iudicatur damnata, & nō recipietur ad sepulchra fidelium. Sic patet extra de sepul. c. ex parte parentū. vbi dicitur de quadam puella, quæ cū super quendam pontem superaretur à gartionibus, vt traderetur cuidam viro defloranda, insiliit in flumine, & extincta est. Et respondetur, quod si sponte se de ponte deiecit, nē caperetur careat Ecclesiastica sepultura: si autem putans se euadere casu incidit in fluuium, sepeliatur: nulli ergo hominum licet se occidere, nisi specialissimo motu Dei, quod rarissime accidit: & si aliquando acciderit, adhuc Ecclesia iudicabit eum damnatum, & priuat à sepultura, quousque constet, q̄ Deo mouēte egerit. Nunc autem si alia dubia oriantur circa factū virorum Gabaa poteris illa soluere, sicut supra colligendo ex dictis. Nolebant acquiescere sermonibus eius. Scilicet, quando senex exiit extra domum, dicens, q̄ daret eis filiam virginem, & vxorem Leuitæ: nolebāt consentire verbis istis, quia nimis inclinabantur ad libidinem Sodomiticam: postea tamen eductam foeminam ad se susceperunt non petentes Leuitam ex causis supra assignatis: ita enim fecerunt Sodomitæ Gen. 19. cap. Quod cernens homo. Id est cū vidit Leuita, quod non consentiebant, eduxit ad eos concubinam suam. scilicet vxorem, vt si fortè accipientes eam contentarentur. Eduxit ad eos concubinam suam. Non intelligas, quod Leuita exierit domum ad tradendum concubinam suam viris Gabaa, quia tunc ipsi cepissent tam eū, quàm concubinam, sed intelligas, quod senex eduxit, & tradidit eis illam: dicitur tamen, quod Leuita hoc fecit, quia ipse tradidit eam seni educendam de domo, & tradendam viris vr̄bis: nam ipse nequaquam audeat exire. Et sic dicitur agere, qui iubet aliquid fieri, vel cuius nomine fit. Et eis tradidit illudendam. Scilicet, posuit

Ad primam rationem in diuersum.

Ad secundam rationem in diuersum.



posuit in potestate sua, ut abuterentur ea ad placitum suum. *Qua cum tota nocte abusi essent.* Dicuntur abuti, quia illicitè eam cognoscebant, cum esset vxor aliena. Etiam, quia ista cognitio erat potius ludificando, quàm coitus virilis. Vel magis propriè dicuntur abuti ea, quia non cognoscebant eam modo naturali, ut foeminam, sed in posterioribus extra vas debitum, & istud erat vitium Sodomiticum, sicut si virum cognosceret. Et ista fuit vna de causis, quare accipientes foeminam non petuerunt virum, quia poterant abuti illa sodomiticè, ut viro, & ad istam intentionem tradebatur mulier ludificanda. Nam aliàs diceretur, quod tradebatur cognoscenda. Sed tunc ludificatur quando extra vas cognoscitur ordinem .i. extra vas consuetum. Idem videtur intellexisse Loth quando volebat tradere duas filias suas Sodomitis, nè cognoscerent viros, scilicet adducam eas ad vos, & abutimini eis, sicut placuerit. siue modo femineo in vase naturali, siue aliàs. Et ita credendum est fuisse hic. *Dimiserunt eam mane.* Tota nocte non cessauerunt eam cognoscere, quia fortè erant ibi omnes viri vrbs: ex tanta autem fatigatione mulier cōfracta, cito mortua fuit, ut patet infra in mane autem dimiserunt eam tanquam expleta libidine sua, quia per lucem non erat tempus vacandi illi impudicitiae. Vel fortè, quia credebant mulierem iam semimortuam. *At mulier recedentibus tenebris.* Scilicet, quando viri vrbs dimiserunt eam mane facto, & recedebant tenebre nocturnae recessit de loco, in quo cognita fuerat à viris: nam ipsi accipientes eam de domo senis duxerunt ad aliquod diuersorium propinquum illi domui, & ibi cognoscebant eam, & inde rediit ad portam domus senis, & dicuntur recedere tenebrae oriente crepusculo. Sunt autem duo crepuscula. scilicet matutinum, & vespertinum, & quodlibet illorum est durationis aequalis ad alterum, scilicet per horam, & quintam partem horae secundum Ptolomeum: licet secundum quod probauit Alacè. 7. lib. Perspectiuae suo libello de Crepusculis suspenditur lumen in nubibus, & facit crepusculis plusquam per horam, & quartam partem horae, scilicet decem & nouem gradibus antequam sol perueniat ad horizontem orientis, & dū sol pertransierit 19. gradus est hora, & quarta pars, & aliquid modicum insuper: idem autem est de crepusculo vespertino .i. q̄ durat postquam sol descenderit sub horizontem per gradus 19. veniente autem isto crepusculo viri vrbs dimiserunt mulierem semimortuam. *Venit ad ostium domus ubi manebat dominus eius.* Idest venit ad portam senis in cuius domo manebat dominus huius mulieris, scilicet Leuita, q̄ erat vir eius. *Et ibi corruit.* Scilicet mortua: nam tantum erat lassata, & cōfracta membra eius, q̄ necesse habuit expirare.

Mane facto surrexit homo, & aperuit ostium, ut cœptam expleret viam. Et ecce concubina eius iacebat ante ostium sparsa in limine manibus. Cui, ille, putans eam quiescere, loquebatur: Surge, ut ambulemus. Qua nihil respondente, intelligens quod erat mortua, tulit eam, & imposuit asino, reuersusque est in domum suam. Quam cum esset ingressus arripuit gladium, & cadauer vxoris cum ossibus suis in duodecim partes ac frustra concidens misit in omnes terminos Israel. Quod cum vidissent singuli conclamabant. Nunquam res

talisis facta est in Israel, ex eo die, quo ascenderunt patres nostri de Aegypto, usque in praesens tempus. Ferre sententiam, & in commune decernite, quid facto opus sit.

*Mane facto.* Hic ponitur tertium principale huius capituli, scilicet, manifestatio facti, quia Leuita manifestauit toti Israeli hanc horrendam iniuriam sibi factam in Gabaa. Et dicitur. *Mane facto surrexit homo.* Idest oriente sole, vel pauloante surrexit Leuita, qui volebat continuare iter suum. *Et aperuit ostium, ut cœptam expleret viam.* Idest egrediebatur domum ad explendum iter suum, scilicet, ut veniret in locum suum: in aurora autem ausus fuit aperire portam, quia credit, quod iam viri vrbs non insidiarentur ei ad portam, cum dies esset, & illi exercebant per noctem istas nequitias.

*Quare Leuita non aperuit ostium concubinae suae venienti ad ostium domus in mane.* *Quest. XXXV.*

**Q**VAERETVR, quare Leuita non aperuit ostium concubinae suae venienti ad ostium domus in mane. Aliquis dicet, quod non ausus est, quia timuit, quod viri vrbs insidiarentur ad occidendum eum, vel ad tenendum, & cognoscendum: & sic permisit concubinam manere ad portam usque mane. Sed dicendum, quod non stat, quia Leuita non timeret aperire vxori venienti cum ipsa diceret recessisse omnes viros de loco illo. Item non stat, quia tunc diceretur, quod pulsasset ad ostium, sed non dicitur, sed solum, quod corruit. Ideo dicendum, quod puella Leuitae vxor redibat ad domum Leuitae, ut reciperetur ibi, & erat semimortua, & cū accessit ad portam Leuitae corruit in terram deficiens viribus, & ibi mortua est, nec potuit clamare, ut aperiretur ei, quia defecerant in ea omnes vires cum esset in limine mortis: alioquin non erat verisimile, quod ipsa non clamasset ad ostium, & non aperuisset ei Leuita, cum ipsa veniret intentione intrandi in domum, quia dicitur, quod recedentibus tenebris venit ad portam domus, & tamen dicitur, quod corruit. Et ista fuit causa, ut non clamaret: maximè, quia dicitur hic, quod iacebat ad ostium sparsa in limine manibus. Sed istud pertinet ad mortuos, qui inordinatè membra tenent, sicut accidit eos morientes tenere. Iosephus tamen 5. Antiquitatum aliter dicit. scilicet q̄ mulier Leuitae tota nocte ludificata in aurora ingressa est in domum, sed quia turpia passa est non audens virum respicere præ rubore lecto incubuit, animamque relinquit: quàm arbitratus vir graui sopore detineri, nihil mali metuens excitare eam tentabat, & consolari, quia raptorum non voluntate spontanea se prebuisset iniurijs, tandem defunctam agnouit. Sed ista litera Iosephi multum differt à veritate literae cum dicat, quod ipsa ingressa est domum in aurora, quia tam litera nostra, quàm Hebraea dicit, quod corruit ante portam. Item dicit, quod incubuit lecto præ rubore: litera tamen dicit, quod iacebat ante portam sparsa manibus in limine. Quod autem dicit, quod tentabat eam excitare, & consolari esset satis verisimile, si intrasset domum, & incubuisset lecto, sicut praesupponit Iosephus. Sed quia hoc falsum est. Etiam satis est falsum, quod sequitur in verbis eius: posuit tamen causam decorandi historiam. Vel fortè, quia putauit Iosephus sic interpretandam esse literam Hebraicam, quae interdum in modo loquendi multum aliena est à proprietate. *Et ecce concubina eius iacebat ante ostium.* Idest tunc vidit primò concubinam suam, quia fortè putauit, quod

Opinio Iosephi.

1. confuta. opi. Iosep.

Secunda.

Duo sunt crepuscula.



quod ipsi non esset ibi, nec reuerteretur ad eum, sed tenerent illam viri Gabaa ad abutendum ea: unde ipse intendebat recedere non inquirendo eam. Quod patet, quia dicitur, quod aperuit ostium, ut ceptam expleret viam: quasi dicat, quod egrediebatur iam de domo paratus ad viam, & tamen uxorem nondum receperat, nec sciebat ubi erat: ergo non intendebat inquirere eam: quia alioquin diceretur, quod aperiebat ostium, ut inquireret uxorem suam, & non ut ceptam expleret viam. *Sparsis in limine manibus.* Id est, brachia eius erant extensa per terram ante limen domus: istud autem ostendebat eam mortuam, quia alioquin corpus suum collectum haberet, sicut viuentes habent quando iacent: maxime tempore frigoris, sicut tamen erat in aurora. *Cui ille putans eam quiescere loquebatur.* Id est putabat vir, quod mulier lassata viribus nunc præ insomniatate, & lassitudine dormiret: ideo loquebatur ad eam, tamquam ad viuentem. *Surge & ambulemus.* Scilicet, non expedit hic morari: non enim increpabat eam Leuita, sed magis compatiebatur, quia sciebat, quod ipse eam tradidisset, & ipsa inquit sustinuisse hoc. *Qua non respondente, intelligens quod erat mortua.* Scilicet clamauit ad eam forti voce, & quia nihil respondit putauit eam mortuam: & forte, quia tetigit eam, & non euigilauit. *Tulit eam.* Scilicet eleuauit de terra. *Et imposuit asino.* Ut portaretur, quia iam seipsam portare, vel ferre non poterat. In Hebræo non habetur intelligens, quod esset mortua, sed solum dicitur: qua non respondente tulit eam, & imposuit asino. *Reuersusque est in domum suam.* Id est in monte Ephraim, de quo erat oriundus. Intendebat enim prius ire ad domum Dei in Silo, ut dixit seni, & deinde ire in domum suam, quia tamen accidit ei hoc, non iuit in domum Dei, sed in domum suam. *Quam cum esset ingressus arripuit gladium.* Id est, cum ingressus est in domum suam, diuisit uxorem suam, & prius noluit facere. *Et cadauer vxoris cum ossibus suis in duodecim partes concidens.* Id est, diuisit cadauer vxoris per duodecim partes ad mittendum in duodecim tribubus Israel, & ibat quolibet pars cum ossibus suis: istud autem fecit, ut viderentur membra humana, quia si tolleretur ossa à carnibus non maneret effigies humani corporis: oportebat tamen ad id quod intendebat Leuita, quod apparerent membra humana. *Misit in omnes terminos Israel.* Scilicet in duodecim tribus, quia alias non oportebat diuidi in duodecim partes.

*An Leuita diuiserit uxorem suam viuentem, vel mortuam, & quare diuisit eam in partes duodecim.*  
*Questio XXXVI.*

**Q**VAERETVR circa hoc, an Leuita diuiserit uxorem suam viuentem, vel mortuam. Respondendum, quod hoc dubium non mouetur tamquam ambiguum sit, an mortua esset, cum litera nostra manifeste dicat, quod erat mortua. Sed mouetur propter Hebræos, qui dubitant an mortua erat. Et motuum sui dubij est, quia in litera sua non dicitur intelligens, quod esset mortua, sicut in litera nostra. Respondendum, quod satis colligitur ex litera, quod erat mortua, dato quod auferatur illa particula, quæ in litera nostra ponitur. Nam supra dicitur, quod venit concubina Leuitæ ad ostium, & corruit. Si autem ipsa viuens esset non corruisset. Item si esset viuens ista mulier clamasset ad portam, ut aperiretur ei. Quod patet, quia ipsa veniebat intentione intrandi domum, cum dicat in litera, quod recedentibus tenebris, venit ad ostium domus, in qua erat dominus eius: & tamen non clamauit, sed mansit ibi usquequo exiuit Leuita, & inuenit eam iacentem: ergo erat mortua. Potissime coniungendo hoc precedenti. Quia dicitur, quod corruit: nam si

non diceretur illud, dato quod non clamaret, non concluderetur, quod mortua esset, sed veniebat intentione intrandi, & non clamauit, sed corruit. Quod autem non clamauit patet, quia alioquin Leuita aperuisset ei. Etiam dato, quod non aperuisset, saltem sciret eam iacere ad portam, & tamen etiam hoc nesciebat. Item, quia dicitur, quod in aurora erat ista mulier iacens sparsis in limine manibus, & tamen modus talis non pertinet ad viuentes, sed ad mortuos vulnere, vel aliis, quorum membra indisposita iacent, sicut accidit eos mori. Item, quia dicitur, quod Leuita locutus est ei, & non respondit, & imposuit eam asino: si tamen viuens esset euigilasset cum imponeretur asino. Item, quia dicitur, quod diuisit eam in duodecim partes: sed manifestum est, quod ipse non committeret tantum scelus, quod viuentem occideret, sed si viuere, poterat non permittere eam mori, & tunc diuideret in partes duodecim non committendo impietatem. Item patet magis sequenti capitulo, quia dicitur, quod cum interrogaretur Leuita, respondit: uxorem meam incredibili libidinis furore vexantes, tandem mortua est, quam arreptam in frustra concidi. Dicendum ergo manifeste apparere ex litera, quod mulier mortua erat, quando diuisit eam Leuita in partes, & quando accepit eam de ostio domus senis mortua erat: & ob hoc Ieronimus posuit in litera nostra intelligens, quod esset mortua, quia illa clausula colligitur ex alijs particulis literæ.

*Quare concidit Leuitam uxorem in partes, ut mitteret per tribus Israel.*  
*Questio XXXVII.*

**Q**VAERETVR ulterius, quare concidit Leuita uxorem in partes, ut mitteret per tribus Israel: nam sufficiebat, quod mitteret ad dicendum iniuriam grauissimam sibi factam. Respondendum, quod Leuita fecit hoc ad valde mouendum Israelitas ad vindictam huius sceleris, & quia si solis verbis misisset ad dicendum, forte non efficaciter moueretur, quia arduum res erat punire viros omnes vnius ciuitatis, ideo misit membra mulieris occisæ, quia illa nimis mouerent: omnes enim videntes membra secta mulieris occisæ horrerent facinus istud, & commouerentur viscera eorum. Et sic factum est, quia omnes clamauerunt, quod nunquam tantum facinus fuerat in Israel ex die, quo ascenderant de Aegypto. Est autem iste modus immutandi efficax apud quoscunque homines tam sapientes, quam insipientes, sed potissime apud insipientes: nam sapientes distinguunt magnitudinem flagitij, etiam non visis carnibus mulieris mortuæ moueretur ad ultionem sceleris: insipientes autem minus mouentur verbis, quia non tantum iudicant de magnitudine criminum, ideo ista ostensio partium mulieris occisæ fuit valde conueniens eis. Item, quia istud non solum ostendebat iniuriam grauissimam factam mulieri mortuæ, sed etiam miseriam Leuitæ, qui tantum dolebat, quod uxorem in partes duodecim secuit ad ostendendam magnitudinem doloris: & istud etiam incitatum erat ad magis vindicandum istud scelus. Simile autem fecit Saul: nam cum sciret se regem nouum, & adhuc rusticum non timeri, nec reputari ab Israelitis: velletque conuocare eos ad eundem ad bellum contra Ammonitas, diuisit boues duos in frustra, & misit per omnes terminos Israelis, dicens, qui non egressus fuerit ad bellum cum Saule, & Samuele, sic fiet bobus eius: & tunc inuasit timor omnes Israelitas, & congregati sunt quasi vir unus, ut patet i. Reg. 11. Et si non misisset frustra bouem per nuncios, non moti fuissent Israelitæ: nam non credebant regem suum esse virum animosum, & facturum ultionem in transgressores, & sic quamquam non esset idem in vtrisque, tamen



utrobique mittebantur partes animalis mortui, scilicet bouum occisorum, & mulieris occise ad magis mouendum, quam mouerent sola verba.

An peccauit Leuita diuidens uxorem suam in frusta.

Quaestio XXXVIII.

**Q**VAERETVR vltius, an peccauerit Leuita diuidens uxorem suam in frusta. Aliquis dicit, quod non, quia non faciebat ei iniuriam cum mortua esset, & mortuus non recipit honorem, nec in honorem: ergo nec peccaret Leuita, quia non faceret iniustum. Sed dicendum, quod ista ratio non stat, quia licet mortuus non sentiat mala, quae ei facimus, quia non est ens, licet anima sua & corpus suum sint entia, tamen iniuriam ei facere possumus, & dedecus inferre, & honorem. Sic patet primo Ethicorum, ubi dicitur, quod ex fortunis, & infortunis pronepotum, & amicorum prouenit aliquid mortuis, licet non tale, & tantum, quod felices possit efficere infelices, vel eis, qui non sunt felices possit afferre beatitudinem. Item 5. Ethicorum dicitur, quod quaedam inhonoratio adest seipsum corruptenti, i. occidens seipsum recipit a lege quandam poenam dehonorationis, i. non sepeliri, vel quod per terram trahatur, & similia: lex tamen non faceret ista, nisi esset poena, & sic poena dehonorationis quaedam erit. Item dato quod morientibus nihil proueniat de bonis, aut malis, quae facimus ad honorandum, vel dehonorum eos, tamen saltem cognatis mortuorum prouenit honor, vel dedecus ex his, quae circa mortuos fiunt, ideo illis saltem fiet iniuria faciendo aliquid tale circa mortuos, sed cuicumque iniuria fiat, peccatum est: ergo peccaret Leuita diuidendo in frusta cadauer uxoris suae. Item si nullum dedecus efficeretur mortuis, lex non puniret violantes sepulchra, sed magna poena est violatorum sepulchri, ut patet in legibus humanis digestis de sepulchro violato per totum. Et hoc prouenit pro tanto, quia cadauera mortuorum in honore habenda sunt: ergo peccabat Leuita. Item his celsantibus videbatur quaedam inhumanitas secari membra uxoris suae occisae: nam licet non sentiat, tamen cum adhuc cadauer illud humanam retineat effigiem, impium videtur illud violare ferro secando in partes.

Respondendum, quod Leuita iste non peccauit secando cadauer in partes. Pro quo sciendum, quod licet corpus humanum post mortem non sit pars hominis, imo nec sit corpus humanum, nec illud quod prius erat: quia non manet forma, per quam constituebatur in specie humana, ut esset pars speciei humanae: tamen quia adhuc manet in cadauere expressa humana imago, est nobis cauendum ab aliquo nocumento, & dehonoratione illius, non propter illud, sed propter honorem carnis nostrae, cum qua illa communicat in figura, & aliquando communicauit in veritate naturae. Etiam propter honorem eius, cuius illud cadauer aliquando fuit pars. Nam sicut mortuo patre si quis filius eius noceat, videtur offendere patrem quamquam ipse non sit iam pater istorum, cum non sit ens: sed solum, quia fuit aliquando pater istorum, videtur nunc offendi in illis: ita quamquam istud cadauer non sit nunc pars alicuius hominis, quia tamen aliquando fuit corpus humanum, & pars alicuius hominis, videtur offendi ille, cuius fuit, si aliquid fiat circa cadauer, quod alias in viuente fieri non liceret. Idem patet in corporibus sanctorum: nam ista corpora, quae relinquuntur, non sunt verè illa, quae fuerunt olim corpora sanctorum, quia desierunt esse eadem in specie per formam recedentem, & tamen honorem magnum exhibemus eis, quia aliquando fuerunt corpora sanctorum, licet nunc non sint propter recessum formae. Sicut ergo se habet honor sanctorum ad

**A** honorem aliorum virorum, ita se debet habere honor exhibitus corporibus sanctorum ad honorem exhibitum cadaueribus aliorum hominum. Nam sicut non sunt tantum honorandi alij homines, sicut sancti; ita nec eorum cadauera, sicut cadauera sanctorum, sed proportionalitate se habeant. Et tamen cadauera sanctorum honorantur quodam valde magno honore, ergo corpora aliorum hominum erunt honoranda quodam honore, licet paruo: secare tamen cadauera, & agere de eis, sicut ageremus de cadaueribus a sanctorum, dedecus est: ergo peccatum erit, quia fit contra honorem, quem impendere tenebamur his cadaueribus.

**B** Dicendum tamen quod cum ista cadauera secantur in partes ex causa aliqua rationali, non est dedecus morienti, aut viuus, nec peccatum, quia talia fierent interdum in viuus sine peccato, ut si quis egrotaret, poterant ei interdum quaedam partes corporis secari, & amputari a reliquo corpore, vel aperiri ad salutem corporis: ergo si subsit in mortuis aliqua causa ad hoc faciendum non erit illicitum: similiter aliqui viuientes propter scelera secantur in partes, vel aperiuntur viscera eorum, aut fiunt alia opera, quae videntur magnae crudelitatis, ita & morienti interdum fiunt aliqua similia propter scelera, ut potè si quis seipsum occidit, caret sepultura, & per terram trahitur cadauer eius. De hoc 5. Ethicorum. Inhonoratio adest seipsum corruptenti. Etiam si quis moriatur in alijs sceleribus, Ecclesia eum mortuum excommunicat, vel excommunicatum ostendit, & denegat illi sepulturam, nec pro illo orat, aut honores aliquos impedit funeri: in quo magnum dedecus est.

**C** Quod autem nunc subesset causa ad diuidendum cadauer istius mulieris apparet in duobus. Primo ex desiderio vindicandi istud scelus, quia si ipsa non fuisset diuisa, & missa per terminos Israel, non fuisset efficaciter moti Israelitae, sicut moti fuerunt ad vindicandum istud scelus, ut ante praecedenti quaestione declaratum est. Sed vindicari istud scelus erat valde bonum: ergo etiam secari in partes illam mulierem mortuam erat bonum. Secundo patet, quia ipsi met mulieri erat bonum, quia principale malum fuerat hic illatum mulieri, quod ludificata turpissime fuerat, & mortua, ideo honor erat ei, quod diuideretur, & per hoc daretur ei magna ultio delendo totam tribum Benjamin propter eam. Ad rationes in contrarium dicendum, quod bene concludunt, quod aliquod dedecus, vel honor possit exhiberi mortuis, & possit peccari contra illos: & tamen, quia hic habebat causam iustissimam Leuita ad faciendum hoc, non peccauit, alioquin peccasset.

In duobus erat causa ad diuidendum cadauer huius mulieris.

Resp. ad rationes in contrarium.

Quomodo misit Leuita partes cadaueris concisi in omnes tribus Israel. Quaestio XXXIX.

**Q**VAERETVR vltius, quomodo misit Leuita partes cadaueris concisi in omnes tribus Israel: nam si vellet mittere ad omnes tribus non oportebat, quod faceret duodecim partes, sed vndecim, quia tribus Benjamin erat rea huius sceleris, & illa nollet vindicare scelus, sed potius resisteret vindicare volentibus, sicut factum est. Aliquis dicit, quod non misit in omnes tribus Israel, quia non dicitur in litera, quod missa fuerint membra mulieris ad omnes tribus, sed solum in omnes terminos Israel. Sed dicendum, quod idem significatur per omnes terminos Israel, quod per omnes tribus. Quod magis aperitur sequenti cap. cum dicitur: Misi partes in omnes terminos possessionis vestrae. Sed termini possessionum vocantur termini sortium, & sortes erant duodecim, sicut erant tribus duodecim. Item, quia si non mitteret partes istas ad duodecim tribus, non mitteret specialiter duodecim partes,

De humano corpore post mortem.

1. Ratio.

2. Ratio.

3. Ratio. Quomodo mortui dehonori possint.



partes, sed plures, aut pauciores: sed misit duodecim: ergo attendit numerum tribuum, & hoc tenendum est, quod ad tribus duodecim miserit. Sed tunc manet dubium, quomodo miserit partes ad duodecim tribus, quia tribus Benjamin non poterat hic computari cum non esset ipsa actura contra criminosos, sed potius defensura. Respondebit aliquis, quod computantur hic Leuitae, ut una tribus. Nam licet Leuitae non essent tribus ad accipiendum possessionem: tamen in alijs, quae pertinebant ad quaedam spiritualia computabantur Leuitae, ut una tribus, ut declaratum est Deuter. 27. & ibi patet in litera, ubi ponitur Leui, ut una de tribubus. Idem patet Apoca. 7. cap. & quia vindicare crimen istud infandum erat quoddam spirituale pertinebat ad Leuitas, sicut ad alias tribus, imò plusquam ad alias. Nam quando Israelitae peccauerunt adorando vitulum, Moyses, volens vlcisci scelus, dixit: Qui domini est iungatur mihi. Et dicitur, quod conuenerunt ad eum omnes filij Leui, & illi soli occiderunt vigintitria millia peccatorum, ut patet Exod. 32. cap. ita ergo nunc ad eos pertineret vindicare istud delictum. Item pertinebat ad eos ex causa cognationis, quia ista infamia, & offensa fuerat inflicta viro Leuitae: ergo Leuitae potius, quam ceteri dolere debebant, & armari ad vindictam. Respondendum, quod ad Leuitas non fuit missa aliqua pars. Quod patet, quia Leuitae non habitabant in aliqua una parte terrae Israel congregati, sicut aliqua de tribubus, sed erant dispersi per omnes partes Israel, ut patet Num. 35. & Iosue 21. Item patet, quia dicitur in litera sequenti capitulo, quod misit iste Leuita partes per omnes terminos possessionis Israelitarum, id est pro qualibet possessione Israelitarum unam partem. Sed Leuitae non habebant aliquam possessionem, Num. 18. & Deu. 18. ergo non missa fuit pars aliqua ad eos. Item non oportebat mitti aliquid ad Leuitas, quia cum Leuitae essent dispersi per omnes tribus Israel, cum mitteretur una pars ad quamlibet tribum, illa quoque videbatur missa ad Leuitas eiusdem tribus. Dici potest ergo dupliciter in hoc: Vno modo, quod missae fuerunt duodecim partes ad duodecim tribus, & quod ad Benjamin missa est pars quaedam: & hoc propter duo. Primo, quia non erant omnes rei huius criminis in sorte Benjamin, sed soli viri vrbis Gabaa, & forte alij mouerentur immanitate sceleris ad puniendum illos, & tradendum in manus omnium Israelitarum, ut punirentur: sed postea accidit, quod nolent suos puniri contribules, & resisterunt ceteris tribubus. Secundum fuit, quia dato, quod Leuita putaret, quod viri Benjamin potius resisterent, quam adiuuarent ad puniendum scelus: tamen debuit mitti aliqua pars mulieris occisae, ne ipsi viderentur contemni, vel reputari tanquam hostes, ante quam ipsi se declararent: quia ostendendo eos esse hostes priusquam ipsi se offenderent, offendebant eos, & dabant motiuum, ut se quasi rationabiliter hostes demonstrarent. Aliter dici poterat, quod non fuit missa pars aliqua ad Benjamin, & tamen praeter illam fuerunt missae duodecim partes ad duodecim tribus, & hoc, quia tribus Manasse diuisa erat in duas partes, quarum una erat ad orientem Jordanis cum tribu Rubem & Gad in terra Galaad, & alia erat in occidentali terra ad Iordanem cum alijs nouem tribubus: & ne aliqua pars istarum contemneretur, misit duodecim partes ad duodecim tribus, scilicet, quia ista tribus Manasse diuisa erat: vtraque autem istarum duarum positionum est satis rationalis. Quod cum vidissent singuli conclamabant. Id est cum viderent membra mulieris occisae singuli Israelitae, & audirent causam quare sic fuerat diuisa, clamabant, Nunquam res talis facta est in Israel. Id est nunquam fuit

tam graue peccatum in Israel, ideo puniendum est grauissime nunc, ne alij ad similia capiant audendi exemplum. Ex die quo ascenderunt patres nostri de Aegypto usque ad praesens tempus. Paucum tempus erat, quo Israelitae ascenderant de Aegypto, scilicet nondum octuaginta anni, quia ab exitu de Aegypto usque ad introitum in terram Chanaan fuerunt anni quadraginta, & ex tunc usque nunc nondum fluxerant anni quadraginta, quia consummati fuerunt quadraginta in morte Othonielis, qui dicitur iudicasse quadraginta annis, & computatur sub eo totum tempus Iosue, ut declaratum est supra tertio, & tamen nondum erat constitutus Othoniel in iudicem, ut declaratum est in principio capituli huius: & sic nondum fluxerant octuaginta anni ab exitu de Aegypto. Et non dicitur: ex quo ascenderunt patres sui de Aegypto tanquam prius accidisset, sed aliquid grauius, vel aequae graue, quia prius Israelitae non erant ut populus, cum essent in captiuitate Aegyptiorum: sed dicitur hoc tanquam significant se dicere de exordio huius populi, ut si dicerent, nunquam tale aliquid fuit, ex quo coepit esse Israel. Sed dicet aliquis, quod fuit aliquid grauius antequam Israelitae ascenderent de Aegypto, scilicet in vrbibus Sodomorum: nam ibi Sodomitae conati sunt cognoscere duos viros, qui introierant in domum Loth, & secuta est magna plaga super omnes quatuor ciuitates Sodomorum. Dicendum, quod non referebant Israelitae ad hoc propter duo. Primum, quia dixerunt: nunquam accidit, vel factum est tale in Israel ex die, quo ascenderunt patres nostri de Aegypto: ergo prius accidit in Israel, quam ascenderent de Aegypto. Sed falsum, quia illud quod factum fuit in Sodomitis non fuit in Israel, quia Sodomitae non pertinebant ad populum Israel, sed erat populus de stirpe Amorrhæorum. Secundum est, quia non solum fuit illud antequam ascenderent Israelitae de Aegypto, sed etiam antequam intrarent in Aegyptum, imò prius quam esset aliquis de Israelitis natus praeter Abraham. Nam Isaac non erat natus, quando subuersa est Sodoma. Sed vno anno ante natiuitatem eius subuersa est. Quod patet, quia angeli, qui ibant ad subuertendum Sodomam, ipsa die, qua illuc peruenerunt, comederunt cum Abraham, & dixerunt, quod sequenti anno illo eodem tempore Sara haberet filium, & vocaretur nomen eius Isaac: Gen. decimo octauo, & sequitur ibidem in capitulo decimo nono, quomodo illi angeli iuerunt Sodomam, & destruxerunt eam; ideo debuisset dici, quod antequam esset Israel, factum fuit aliquid tale, & tamen ex eo tempore quo coepit esse populus Israel non fuit simile factum. Ferte sententiam, & in commune decernite. Istud dicebant Israelitae inter se dolentes de tali facto, & nolentes praeterire crimen inultum, scilicet ferte sententiam quid debeamus facere super tali facto, & decernite in commune, id est omnes de Israel decernite, ut omnibus consentientibus sententia feratur, & omnibus prosequentibus executioni tradatur. Quid facto opus sit. Id est quid opus sit fieri super tali facto. In Hebraeo habetur. Ponite vobis, super ipsa consiliamini, & loquimini. Scilicet, ponite vobis curam super hac re, & consiliamini mutuo, vel deliberate penes vos, & loquimini, id est proferatis sententiam, quam conceperitis. Eadem sententia est hic, & in Hebraeo, sed litera nostra est manifestior, & quasi expositio Hebraeae literae.



## CAPITVLVM XX.

A

*An hic sit ordinis mutatio: & an immediatè facta hæc fuerunt. Questio I.*



GRESSI itaque sunt omnes filij Israel, & pariter congregati, quasi vir vnus, de Dan, vsque Bersabee, & terra Galaad ad Dominum in Maspha:

omnes quoque anguli populorum, & cunctæ tribus Israel in Ecclesiam populi Dei conuenerunt quadringenta millia peditum pugnatorum. Nec latuit filios Benjamin, quod ascendissent filij Israel in Maspha. Interrogatusque Leuita, maritus mulieris interfectæ, quomodo tantum scelus perpetratum esset, respondit: Veni in Gabaa Benjamin cum vxore mea, illucque diuertere: & ecce homines ciuitatis illius circumdederunt nocte domum, in qua manebam volentes me occidere, & vxorem meam incredibili furore libidinis vexantes, denique mortua est. Quam arreptam in frustra concidi, misique partes in omnes terminos possessionis vestræ, quia nunquam tantum nefas, & tam grande piaculum factum est in Israel. Adestis omnes filij Israel, discernite quid facere debeatis. Stansque omnis populus, & quasi vnus hominis sermone respondit: Non recedemus in tabernacula nostra, nec suam quisquam intrabit domum, sed hoc contra Gabaa in commune faciemus. Decem viri eligantur è centum ex omnibus tribubus Israel, & centum de mille, & mille de decem millibus, vt comportent exercitui cibaria, & possimus pugnare contra Gabaa Benjamin, & reddere ei pro scelere, quod meretur. Conuenitque vniuersus Israel ad ciuitatem, quasi homo vnus eadem mente, vnoque consilio.

*Egressi sunt.* Descripto in præcedentibus de sceleris patratione, hic consequenter subditur de patrationum vastatione, scilicet, quia omnes, qui hoc ausi sunt perierunt. Et diuiditur in quatuor, quia primò facti veritas inquiritur. Secundò iustitiæ æquitas requiritur, ibidem. *Et miserunt nuncios.* Tertiò iniquitas defenditur, ibidem. *Qui noluerunt.* Quarto iniuste inuaditur, ibidem. *Virorum quoque Israel.*

B

QVAERETVR, an ea, quæ habentur hic, habeant continuatum ordinem ad præcedentia, & an fuerint facta immediatè post illa, vel aliquâto tempore post. Respondendum, quod ordo continuus est, quia præcedenti capitulo ponitur peccatum virorum Gabaa, hic ponitur bellum quod factum fuit hic contra illos pro hoc scelere, & quomodo perierunt: & istud necesse est esse post illa. Ad secundum dicendum, quod non fuit aliqua mora inter præcedentia & ista, sed est continuata narratio, quia præcedenti capitulo dicitur, quod omnes Israelitæ videntes mēbra mulieris mortuæ, & audientes causam, dicebant, quod nunquā tale acciderat in Israel, & quod consiliarentur super illo: hic autem dicitur, quomodo cōsiliati sunt super hoc, & quid fecerunt. *Egressi sunt itaque omnes filij Israel.* Scilicet, egressi sunt de locis suis ad veniendū in Maspha: & ibi iudicarent quid super hoc fieri deberet: & vocantur hic omnes filij Israel omnes de vndecim tribubus. Nam tribus Benjamin non venit ad istam congregationem, sed fuit obuia ad resistendum ceteris fratribus suis volentibus vlcisci istud scelus. *Et pariter congregati quasi vir vnus.* Scilicet, congregati sunt in Maspha: nam omnes desiderabāt punire istud scelus, quasi vir vnus, scilicet, quia sicut vir vnus quocunque vadit totus vadit, & non pōt vna pars eius manere hic, & alia ibi: ita totus Israel congregatus est in Maspha, scilicet, non manentibus aliquibus in locis suis. Et est hyperbolica locutio: nam non fuerunt congregati omnes viri de vndecim tribubus: multi enim manserunt in locis suis, quia tamen magna pars iuit, dicuntur omnes iuisse. Et sic sæpe loquitur scriptura, vt Gen. 41. f. Omnes prouinciæ veniebant in Aegyptum, vt emerent escas: & tamen manifestum est, quod nō veniebant omnes. Vel dicitur quasi vir vnus, id est sicut vir vnus faciliter mouetur ad eundem ad aliquem locum, ita faciliter moti fuerunt omnes Israelitæ ad veniendum in Maspha. *De Dan vsque Bersabee.* Hic signatur, quod de tota terra Israel venerunt in Maspha, & ponuntur extremitates eius. f. Dā, & Bersabee, & terra Galaad: est enim Dan ciuitas quædam in extremitate meridiana terre Israel, & est apud Gerarā, quæ est terra Philisthinorum, Gen. 21. & 26. est autem Gerara extremitas meridiana terræ Chanaan, Gen. 10. cap. ideo quā vult significare scriptura duas extremitates. f. meridianam, & aquilonarem, ponit ista duo loca. Vnde sæpe ponuntur. Terminus autem orientalis terræ Israelitarum erat mare rubrum, terminus verò occidentalis erat mare mediterraneum, quod vocatur mare Philisthinorum. Istud patet Exo. 23. c. hic autem ponuntur solum 3. termini. f. Dan, & Bersabee, & terra Galaad, quæ erat terminus orientalis. Nam terra Galaad est ad orientem Iordanis. f. in terra duorum regū Amorrhæorum: terminus autem occidentalis non ponitur hic: sed subintelligitur. *Ad Dominum in Maspha.* Id est conuenerunt omnes isti viri in Maspha coram dño, vt ibi deliberarent quid facere deberent super hoc.

*Quomodo Israelitæ congregati sunt in Maspha, cum nullus esset iudex, aut Dominus, qui vocaret eos.*

*Questio II.*

QVAERETVR, quomodo Israelitæ congregati sunt in Maspha, quia nullus iudex, aut dominus erat, qui conuocaret eos. Nam istud factum est ante mortem Caleb, & tunc nondum substitutus fuerat in iudicem Othoniel, qui fuit primus iudex, vt supra



supra præcedenti capitulo declaratum est. Etiam nõ-  
dum conuenerant inter se Israelitæ, quòd ad aliquem  
locum conuenerent, cum nondum habuissent collo-  
quium aliquod, & consilium simul: nam postquam  
steterunt simul in Maspha faciliter poterant diffinire,  
vbi postea congregarentur: nam congregati sunt in  
Silo post Maspha, sed ante Maspha nondum conue-  
rant. Dicendum, quòd ordo ad hoc faciendum fuit,  
quòd quando Leuita misit partes vxoris suæ occisæ p  
omnes tribus Israel, desiderauerunt punire istud sce-  
lus, & ad hoc volebant habere consilium simul, vt om-  
nes deliberarent, & omnes exequerentur, vt dictũ fuit  
præcedenti capitulo, scilicet ferte sententiam, & in cõ-  
mune decernite quid facto opus sit. Et credendũ est,  
quòd tũ aliqua tribus præcipua, vt tribus Iuda rescri-  
beret omnibus non tanquam imperans, sed tanquam  
exhortans, vt conuenerent omnes in vno loco, scilicet  
in Maspha: & ibi iudicaret quid facere deberent su-  
per hoc, & tunc sponte omnes tribus conuenerunt ad  
hoc, & de hoc dicitur in litera, quòd omnes filij Israel  
egressi sunt quasi vir vnus, & venerunt in Maspha.

*Quare Israelitæ venerunt in Maspha. Quest. III.*

**Q**VAERETVR vterius, quare venerunt in  
Maspha. Aliquis dicet, quòd hoc fuit, quia erat  
ibi sanctuarium, & melius istud ibi fieret, quàm alibi.

1. Ratio. Hoc autem patet, quia dicitur in litera, quòd congre-  
gati sunt ad dominum in Maspha. Congregari autẽ  
ad dominum est congregari ad sanctuarium, in quo  
erat Deus, si alibi non dicitur Deus esse specialiter.

2. Ratio. Item patet hoc, quia Samuel immolauit domino sa-  
crificium in Maspha, & conuocauit illuc populum, vt  
patet 1. Reg. 7. & tamen sacrificium non fiebat, nisi in  
loco, in quo erat sanctuarium Le. 17. ergo in Maspha  
erat sanctuariũ. Dicendum, quòd non erat sanctua-  
rium in Maspha hoc tempore quo istud factum est.  
Quod patet, quia sanctuarium fuit positum in Silo vi-  
uente Iosue, & mansit ibi vsque ad mortem Heli sum-  
mi sacerdotis, vt colligitur 1. Reg. 4. sed tempus, quo  
fiebat istud, erat post mortem Iosue, & ante principa-  
tum Heli; imò ante omnes iudices: ergo erat domus  
domini in Silo. Item patet hoc, quia infra in litera, &  
sequenti capitulo dicitur, quòd hoc tempore erat ar-  
ca domini, & domus eius in Silo, & illuc postea con-  
uenerunt Israelitæ ad sacerdotem Phinees, ergo non  
erat in Maspha.

Ad primã  
rationẽ in  
diuersum.  
Ad ratio-  
nem secũ-  
dam.

Ad primam rationem in contrariũ;  
dicendum, quòd licet dicatur Israelitæ venisse coram  
domino in Maspha, non sequitur, quòd ibi esset san-  
ctuarium domini. Nam iste modus loquendi scri-  
pturæ est, quòd quodocunque cõgregarentur Israe-  
litæ ad faciendum aliquid bonum, quod ad Deum p-  
tinebat, dicebantur esse coram domino, licet essent ex  
tralocum sanctuarij, & hoc, quia etiam si duo homi-  
nes conueniunt ad aliquod opus, in quo Deus inuoca-  
tur, vel ad Deum pertinet, dicuntur esse coram Deo.  
Sic patet 1. Reg. 23. vbi erant soli Dauid & Ionathas  
in deserto Ziph, & iniebat fœdus, & dicebantur esse  
coram dño. i. quia fœdus confirmabatur per inuocatio-  
nem Dei: similis modus loquendi est in nouo testam.  
Mat. 18. i. Vbicunque fuerint duo, vel tres in nomine  
meo, in medio eorum sum. Ad secundum cum dñ, q  
Samuel imolauit in Maspha, ergo erat sanctuariũ ibi.

Responderi potest dupliciter. Vno modo, quòd con-  
cedendo consequentiam, & concedens nihil ad ppo-  
situm: nam dato, q diceretur, q tempore quo Samuel  
obtulit sacrificium in Maspha, erat ibi sanctuariũ, non  
sequitur, quòd nunc erat: nam sanctuarium stetit in  
Silo vsq; ad mortem Heli summi sacerdotis: Samuel  
autem fecit sacrificium in Maspha multo tẽpore post

mortem Heli, & tunc poterat esse sanctuarium in Ma-  
spha: nunc tamen necesse erat, q esset in Silo. Aliter  
potest dici, q non tenet cõsequentia. i. Samuel immo-  
lauit in Maspha, ergo erat ibi sanctuariũ: nam Samuel  
immolabat vbicunq; volebat. i. in Ramatha vrbe sua,  
& in Galgala, & in Maspha, & quibuscunq; alijs vrbib-  
us: & tamẽ iẽmo dicet in omnibus his vrbibus fuisse  
sanctuarium tempore Samuelis. Item illicitum  
erat cõstitui altaria præter altare Dei, quod erat in san-  
ctuario, vt patet Ios. 22. cap. & tñ Samuel offerebat sa-  
crificium, & constituit altare in Silo Ramatha 1. Reg.  
7. cap. Dicendum autẽ, q non solum nunc, sed etiam  
nunquã fuit sanctuariũ dñi in Maspha. Sed voluerunt  
nunc congregari Israelitæ ibi, sicut congregari debe-  
bant in aliqua alia ciuitate. Est autem Maspha in ter-  
ra Galaad ciuitas ad orientale partẽ Iordanis, supra 12.  
& creditur esse in sorte dimidię tribus Manasse. In ista  
ciuitate habitauit Iephte Galaadites iudex Israel, & ibi  
sepultus est, vt patet supra 11. & 12. cap. *Omnesq; anguli  
populorum.* Idest conuenerunt in Maspha in congrega-  
tione ista omnes anguli populorum. i. viri de omnib;  
angulis populorum. i. de omnibus extremitatib; .i. de  
parte meridiana, & aquilonari, occidentali, & oriẽtali,  
licet non omnes conuenerint, qui erant in his angulis.  
Nam soli quadraginta millia virorum conuenerunt,  
vt patet in litera: & hoc de vndecim tribubus, & tñ  
manifestũ est, q non erat ista saltem quarta pars sum-  
mę illarum vndecim tribuum. Nam cum Dauid cõ-  
putauit istas tribus tempore suo, sola trib; Inda habuit  
quingẽta millia virorũ, vt patet 2. Reg. 24. Etiam, quia  
computando summam virorum bellatorum istarum  
tribuum in computatione illa, quę fuit in deserto, fue-  
runt valde plures: Num. 1. & 26. Idẽo dicendũ, q solũ  
venerunt nunc quidam de omnibus tribubus, & quã-  
quam non fuerit aliqua tribus de vndecim tribubus,  
de qua aliqui non venerint, nec fuerit aliquis locus de  
omnibus locis tribuum vndecim, de quo non venirẽt  
aliqui, pauci tñ veniebant. De Benjamin autẽ congre-  
gati sunt quotquot poterant congregari. i. 25. millia,  
vt infra patet. Sed dicendũ est, q istud procedit ex in-  
tentione quorundã putantiũ, q solum venerint qua-  
draginta millia, & tñ venerunt quadringenta millia, vt  
patet in Hebræo, & in omnibus Biblijs correctis, & sic  
modica pars de vndecim tribub; manebat in domib;  
Et cuncta tribus Israel. i. vndecim tribus. Nam tribus Be-  
niamin non venit ad istam congregationẽ, & ob hoc  
coetere tribus conuenientes miserunt nuncios ad Be-  
niamin infra in litera. *In Ecclesiam populi conuenerunt.*  
Idest, congregati sunt, & fecerunt Ecclesiã. i. congre-  
gationẽ, vel cõsiliũ. Propriẽ enim Ecclesia vocatur  
multitudo congregata. Vnde dicit Aristot. 2. Polit. c.  
de Politia Calcedoniorũ, q quædam Politia sunt, quę  
Ecclesiam non faciunt. i. non congregant multitudi-  
nem ad consiliũ. *Quadraginta millia peditum.* Noluerunt  
plures ascendere, quia nõ oportebat plures ascendere,  
quia nunc ibant ad capiendum deliberationem, & nõ  
ad pugnandũ: & ad hoc sufficiebant quadraginta mil-  
lia, sicut millies millia. Sed etiam nunc dicendum, q  
iuerunt plurimi de vndecim tribubus, sed isti pcedunt  
ex errore corruptę literę. *Peditum pugnatorum.* Idest isti  
omnes erant pedites parati ad pugnam: nam inter Is-  
raelitas non erant aliqui pugnantes pugna equestri;  
nec in curribus, sed omnes pedites erant tam ex parte  
vndecim tribuum, quàm ex parte Benjamin. *Nec latuit  
filios Benjamin, quod ascendissent filij Israel in Maspha.* Idest  
quamquam fecissent aliquo modo cõgregati sunt Israe-  
litæ de vndecim tribubus, & deliberauerũt, & paraue-  
runt se contra filios Benjamin, ita filij Benjamin para-  
uerunt se contra vndecim tribus.

*Quomodo*



Quæstio. IIII.

Alph. Toft. super lib. Iudicium

**A** & competebat ei magnum ius; quod non fieret si esset concubina, quæ tunc persona modicæ coniuncta erat. Et dicitur: Mulieris interfectæ, scilicet, in libidine, & non à Leuita. *Quomodo tantum scelus perpetratum esset.* Id est, quæsiuerunt de ordine, quæ fortè non dubitabant quin commissum esset. Nam nullatenus erat verisimile, quod Leuita uxorem diuidēs in frustra mitteret per omnes partes Israel, nisi passa fuisset istud à viris Gabaa, vel ab alijs: ordinem tamen nesciebant, ideo quæsiuerunt de illo. Nicolaus dicit, quod Leuita iste non solum nunc retulit factum, sed etiam probauit, & adhibuit in testem puerum, qui cum eo erat, & senem in cuius domo hospitatus fuerat in Gabaa, & familiam illius, qui super hoc deposuerunt: litera autem nihil tangit de hoc: sed potius videtur innuere, quod Israelitæ habebant pro constanti patratum fuisse scelus, sed solum dubitabant de ordine. Si tamen volueris tenere, quod fecit probationem per testes, non obfisto. *Respondit.* Ille maritus mulieris occisæ venit cum cæteris Israelitis in Maspha: & ibi astantibus omnibus interrogatus est. *Veni in Gabaa Benjamin cum vxore mea.* Scilicet, veni vsque Gabaa, & ducebam mecum uxorem meam. Et vocat eam iam uxorem, & nunquam concubinam ex causa iam dicta. *Illucq; diuertit.* Id est, declinaui ad eam ad manendum ibi per noctem: nam iter faciebam. Sed dices quare non facit mentionem de puero? Respondendum, quod Leuita solum voluit respondere tangens substantialia facti, & quia nihil de isto facto pertinebat ad puerum, qui tunc veniebat cum Leuita, & vxore sua, non retulit quicquam de puero. *Et ecce homines ciuitatis illius circundauerunt nocte domum.* Scilicet, per diem nihil fecerunt: nam in platea manebat cum vxore sua, & nullus eum tenuit: postea verò cum per noctem declinauit in domum senis circundederunt eam, quia per diem nolebant viri illi facere hanc turpitudinem. Sic enim Sodomorum viri fecerunt: nam ipsi insaniebant in hac libidine plusquam omnes homines, & tamen cum viderunt viros duos introeuntes urbem, illico non tenuerunt eos, sed per noctem vallauerunt domum Loth: Gen. 19. cap. *In qua manebam.* Ista erat domus senis viri Ephraita, qui erat peregrinus in Gabaa. Nam nullus alius voluit recipere in domo Leuitam, præcedenti c. *Volentes me occidere.* Istud dixit Leuita ad honestandum verba sua, quia nolebant eum viri Gabaa ad occidendum, sed ad abutendum eo: vnde ita dixerunt: Educ virum, qui ingressus est domum tuam, ut abutamur eo. Etiam, quia isti, qui astabant bene intelligebant, quod vellet Leuita significare, quod conarentur eum cognoscere, & tamen ad pulchrius loquendum sic dixit. Vel est sentus: volebant me occidere, scilicet vexantes me tanta libidine, quod morerer, sicut fecerunt vxori meæ, quæ periit libidine attrita. *Et uxorem meam incredibili libidinis furore vexantes.* Non dicit hic quomodo ipse coactus fuerit dare uxorem, ne ipse cognosceret: satis tamen credendum est, quod dixerit, licet scriptura quædam breuiter enarret; & dixit incredibili furore libidinis, quia per totam noctem non dederunt ei requiem cognoscentes eam vsque ad auroram, cum recesserunt tenebræ, ut patet præced. cap. quasi dicat: non erat credibile, quod tantus furor, id est offensio libidinis esse poterat, nisi experientia compertus fuisset. *Denique, mortua est.* Id est, tantum eam vexauerunt libidine, quod fractis membris, & deficientibus viribus mortua est: nam ante portam eam mortuam mane surgens reperit. *Quam arreptam in frustra concidi.* i. postquam vidi eam mortuam concidi eam in frustra: non tamen immediate, ut eam mortuam sciuit diuisit eam: non enim auderet hoc facere in Gabaa: nam si viri urbis hoc scirent, occidissent etiam ipsum Leuitam, ne posset conqueri de illis.



Leuita  
quare mi-  
ferit par-  
tes in om-  
ne Israel.

Piculum  
quatuor si-  
gnat.

Sed duxit eam mortuam in domum suam, & ibi con-  
cidit eam in frusta, vt dicitur præcedenti c. *Misiq, partes.*  
Id est duodecim partes, vt præcedenti cap. *In omnes ter-  
minos possessionis vestre.* Scilicet, in duodecim tribus, siue  
duodecim sortes, accipiendo istas duodecim tribus, si-  
cut declaratum est præcedenti cap. siue q sit vna illarū  
Beniamin, siue q Manasse diuisus fuerit in duas tribus,  
& habuerit duas partes. *Quia nunquam tantum nefas.* Ita  
est causa motiua quare Leuita misit partes in omnes  
tribus Israel, scilicet, quia nunquam fuerat tantum ne-  
fas in Israel. Istud potest dupliciter referri. Vno mo-  
do, quod quia nunquam fuerat tantum ac tale nefas in  
Israel, sed nunc erat nouum: ita debebat fieri noua o-  
stentio, & querela pro illo. Et istud erat, quod mulier  
quam libidinosi viri vexantes occiderant, ad indican-  
dum facinus eorum diuisa mitteretur per omnes par-  
tes Israel. Alio modo potest referri, quod misit partes  
per omnes tribus Israel, scilicet, quia nunquam fuerat  
tantum facinus in Israel, ideo quamquam nunquam  
omnes tribus Israel mortæ fuissent ad vindicandum ali-  
quod facinus, nunc moueri debebant: quia nunquam  
aliquod tantum fuerat. *Et tam grande piculum.* Eadem  
sententia est. Signat piculum quatuor. scilicet culpam, pec-  
catum, abluionē, remediū. Et dicitur à pio, pius, qd est  
mundare: & ob hoc magis conuenit abluioni, q alijs  
significationib⁹. Etiam vocatur peccatum piculū, qd  
debet piari. i. emundari. Hic autē pro peccato magno  
accipitur sicut facinus, vel flagitium. *Factum est in Israel.*  
Id est ex eo tempore, quo Israel cepit esse, non factū est  
in eo tantum peccatum. Iste dixit melius, quā illi,  
qui dixerunt, quod non fuerat tale factum in Israel ex  
quo Israelitæ ascenderant de Aegypto præcedenti ca.  
*Adestis omnes filij Israel.* Scilicet, omnes Israelitæ de vn-  
decim tribubus adestis, ideo non oportet, quod diffe-  
ratis sententiam super hoc, quasi expectantes consiliū  
aliorum, quia omnes estis hic. Et dicuntur adeste oēs  
nō personaliter, sed in plenitudine potestatis, quia isti  
gerebant vicem omnium Israelitarum, cū cōuenis-  
sent loco omnium, qui manebant in vrbibus. *Decernite  
quid facere debeatis.* Scilicet, quia non decet, quod istud  
factum relinquatis sub silentio præterire. *Stansq, omnis  
populus.* Scilicet, isti quadringēta millia stabant, qd nul-  
lus eorum sedebat, sed omnes stabant audientes Leui-  
tam enarrantem factum. *Quasi vnus hominis sermone re-  
spondit.* Scilicet, ita concorditer responderunt, quam-  
quam essent quadringenta millia, quasi si vnus vir re-  
sponderet: quasi dicat: si vnus vir responderet non pos-  
set varia respondere, quia vnus erat: ita omnes isti qua-  
dringenta millia eandem vocem protulerunt.

Quare Leuita hanc querimoniam proposuit toti Israeli, & non  
alicui iudici Israel. Quest. V.

**Q**VAERETVR, quare Leuita istam quæri-  
moniam proposuit toti Israel, & non alicui do-  
mino, vel iudici Israel. Respondendum, qd tempore,  
quo factum est hoc, non erat rex in Israel, nec Iudex:  
nam fuit istud factum post mortem Iosue, & ante cō-  
stitutionem Othonielis in iudicem, qui fuit primus  
iudex, vt declaratum fuit præcedenti cap. ideo ad nul-  
lum iudicem, vel dominum magnū in Israel recurrit,  
qui posset, aut deberet istud punire. Sed dicitur: quare  
non recurrit ad septuaginta iudices, qui erāt in domo  
consilij, ad quos spectabat iudicare de omnibus causis  
Israelitarum, tam ciuilibus, quā criminalibus, inter  
quos erat iudex potentissimus, scilicet summus sacer-  
dos, qui in omnibus diffiniebat, & nullo modo erat ab  
eo appellandum, sed quicumque non obediret senten-  
tiæ eius, moriebatur: Deut. 17. tempore autē hoc erat  
summus sacerdos Phinees, infra in litera: ergo ad ipsū

**F** tanquam ad supremum iudicem recurrere debuerat  
iste Leuita. Respondendum, quod non recurrit Le-  
uita ad domum consilij, nec ad sacerdotem magnum,  
quia licet de iure ad istos pertineret iudicare in omni-  
bus causis, & punire delinquentes: tamen de facto nō  
possent punire viros Gabaa, cū pro eis tota tribus Be-  
niamin pugnaret: sed proposuit querelam suam omni-  
bus tribubus Israel, quia iste erant, quæ poterant exhi-  
bere ei iustitiæ complementum. Dicendum autem, qd  
adhuc alia videtur intentio fuisse Leuitæ: proclamātis  
ad totum Israel, scilicet, quia licet ad iudicem procla-  
mare deberet, quia tamen fuit hic delictum speciale,  
quale nunquam fuerat in Israel, voluit ipse proclama-  
re ad totum Israel, qualis proclamatio nūquam facta  
fuerat: nec etiam de iure aliquid tale erat, sed omnes  
proclamationes fiebant ad iudices. Ista positio patet  
ex verbis Leuitæ, supra, nam dixit; quam arreptam in  
frusta concidi, misique partes in omnes terminos Is-  
rael, quia nunquam tantum nefas, & tam grande pia-  
culum factum est in Israel, scilicet ex hoc, quod nun-  
quam aliquod tale acciderat, ego feci talem procla-  
mationem, qualis nunquam fuerat.

An poterant iste vndecim tribus Israelis indicere istud bellum  
contra viros Beniamin pro vltione istius criminis  
Sodomie. Quest. VI.

**Q**VAERETVR vltius, an poterant iste om-  
nes tribus Israelis indicere bellum contra viros  
Beniamin, si non traderent viros Gabaa occidendos.  
Aliquis dicet, quod non, quia contra extraneos de alio  
regno poterant iste vndecim tribus indicere bella ius-  
ta subsistente causa, eo quod non esset istis & illis ius  
dix communis, qui ius faceret vtrique parti: inter tri-  
bus tamen vndecim & tribum Beniamin erat iudex  
communis, quia summus sacerdos erat iudex super  
totum Israel, & si quis obedire nollet, moreretur.  
Deutero. 17. ergo non poterant vndecim tribus indi-  
cere bellum tribui Beniamin. Respondendū, quod  
penes totum populum non erat iurisdictio, ita vt pos-  
set populus, vel pars populi iudicare in causis: sed istud  
expectabat ad iudicem. Et nunquam vacabat iudex,  
quia semper summus sacerdos erat maximus iudex,  
ad quem ista expectabant, & mortuo vno immediate  
erat alius cū veniret iure hereditario ad filios, vel  
alios propinquos, ita vt nunquam iurisdictio deuolue-  
retur ad plebem: ideo in hoc casu summus sacerdos  
debebat iudicare condemnando reos. Sciendum ta-  
men, quod iudice negligente, potissimē in his, quæ p-  
tinebant ad religionem fidei deuoluebatur potestas  
ad populum, ita vt posset punire delinquentes, scilicet  
colentes idola, & similes. Nunc autem in casu viro-  
rum Gabaa, dicendum, quod cū contra Leuitam  
facta fuisset magna offensa, ad iudicem pertinebat cō-  
demnatio virorum Gabaa, qui peccauerant: & iste iu-  
dex erat Phinees summ⁹ sacerdos, & si ipse posset sen-  
tentiam suam executioni tradere, mandaret eam exe-  
qui cuicumque vellet: si autem non posset mandaret  
toti populo; & si nollet illi, contra quos executio  
fieri debebat, obedire, poterat indicere bellum eis in  
modum poenæ, & istud bellum ageret populus tan-  
quam executor datus à iudice: nunc autem si populus  
non expectata sententia iudicis, nisi in casu in quo  
negligens ipse esset procederet ad condemnandum  
viros Gabaa, & sentiendum contra eos, pecca-  
ret. Dicendum tamen, quod cū nunc totus  
populus conuenit, scilicet de vndecim tribubus, &  
habebant in parte tua Phinees summum sacerdotem,  
qui erat iudex, credendum est, quod de consensu,  
& decreto illius hæc agerent, & quod maius est non  
solum



solum decretum iudicis voluerunt ad pugnandum contra viros Gabaa, sed etiam Dei sententia: nam confuserunt eum, & respondit, quod pugnare deberent, ut patet in litera: id tamen quod Deo iubente fit, licitum est. Ad rationem in contrarium dicendum, quod ratio bene concludit, quod vndecim tribus non poterant mouere bellum contra Benjamin sine auctoritate iudicis, cum haberent iudicem communem: & sic dico, quod mouerunt vndecim tribus bellum filiis Benjamin sacerdote decernente, & postea Deo iubente. Si autem velis concludere, quod ex eo, quod habebant iudicem communem, nequaquam licebat eis mouere bellum in alterutrum, sed iudex debebat condemnare, & exequi. Respondendum, quod diffinire condemnando, vel absolviendo est actus iudicis, & tamen exequi non est semper actus eius, sed illius, cui ipse mandauerit, & quia non poterat iudex hic per se exequi, demandauit executionem vndecim tribubus Israel: & quia filii Benjamin noluerunt parere sententiae, indictum fuit bellum contra eos, & hoc executus est populus.

*An vndecim tribus tenerentur congregari ad pugnandum contra tribum Benjamin pro istius sceleris patratione.*

*Questio VII.*

**Q**VAERETVR vltius, an vndecim tribus tenerentur congregari ad pugnandum contra tribum Benjamin pro istius sceleris patratione. Respondendum, quod punitio omnium peccatorum directe pertinebat ad iudicem in vet. test. sicut nunc: eo quod debebat in omnibus criminibus seruari ordo iudicialis: nam crimen idolatriae erat id, quod magis horredum erat, & in quo magis fauebatur punitoribus contra peccatores, sicut leges humanae fauent accusatoribus, & testibus contra accusatos in crimine laesae maiestatis, & in haeresi, & simonia, & quibusdam exceptis criminibus: & tamen adhuc in cultu idolorum seruandus erat ordo iudicialis contra illum, qui accusabat, vel de quo denunciabatur crimen, ut colligitur Deut. 13. & 17. c. Dicendum tamen, quod in duobus casibus deuolvebatur potestas puniendi scelera ad populum. Primus erat, quando iudex erat negligens in puniendo, vel forte fauebat peccantibus: tunc populus punire debebat peccatores. Daretur alioquin, quod manerent crimina magna impunita. scilicet idolorum, & similia: & tamen si fieret, Deus percuteret populum negligentem punire crimine. Et hoc, quia Deus volebat deuolui iurisdictionem ad illum. Secundus casus est ex mandato iudicis: nam interdum iudex non poterat executioni tradere sententiam, quia potens erat peccator, vel forte multi erant: & tunc debebat conuocare populum ad executionem sententiae. Sic autem erat in crimine cultus idolorum, scilicet, si in aliqua ciuitate essent cultores idolorum. Nam debebat ciuitas illa deleri cum omnibus, quae in ea erant: & quia istud non poterat facere iudex, pertinebat ad totum populum. Vnde in talibus executionibus Deus loquitur ad totum populum, quod exequatur, ut colligitur Deuteronomij decimo tertio: sic enim factum est quando duae tribus & dimidia fecerunt altare magnum apud Iordanem: nam tunc decem tribus, siue nouem & dimidia reliquae conuocatae sunt, & parauerunt se ad pugnandum contra duas & dimidia, ut patet Iosue vigesimo secundo, & pugnaissent, nisi quia duae tribus & dimidia legitime satisfecerunt: nunc ergo si Phinees summus sacerdos forte fauens Beniamitis nollet sententiarum contra eos, vel esset negligens in faciendo proposita quarela Leuitae, tenebatur congregari totus populus ad puniendum istud delictum. Idem etiam si iudex non potens per se punire, conuocasset eos. Quod au-

*Alph. Toft. super lib. Iudicum*

**A**tem aliquando teneretur populus peccata punire, patet Leuitici vigesimo, ubi dicitur, quod si quis de filiis Israel daret de semine suo idolo Moloch, populus terrae lapidaret eum: & deinde dicitur, quod si populus terrae negligens, & quasi paruipendens imperium meum dimiserit hominem illum, & cetera: non tamen dicitur aliquis negligere, aut contemnere imperium Dei, nisi quando tenetur ad id, quod Deus iubet: sed Deus non iubeat ibi, nisi punire dantem idolo Moloch de semine suo: ergo pertinebat ad populum punitio istius: & sicut erat in isto crimine, ita in omnibus alijs, quae militarent directe contra legem Dei, vel in magnum scandalum totius populi; quia deuolvebatur potestas puniendi ad populum, & sic erat in isto casu, quia erat nefandissimum scelus, ideo quocunque modo iudex non puniret, siue nolens, siue negligens, siue non potens, tenebatur populus punire viros Beniamin.

*Quare vndecim tribus parauerunt se ad pugnandum contra tribum Benjamin, & accesserunt ad pugnandum contra viros Gabaa priusquam admonerent eos. Quest. VIII.*

**Q**VAERETVR vltius, quare vndecim tribus parauerunt se ad pugnam contra tribum Benjamin, & iuerunt contra ciuitatem Gabaa priusquam admonerent illos, quod obedirent sententiae iudicis dando omnes viros Gabaa ad mortem: nam hic dicitur, quod pugnarent contra Gabaa, donec redderent eis, quod merebantur. Et postea sequitur, quod miserunt ad viros Benjamin nuncios, ut traderet viros Gabaa. Respondendum, quod si vndecim tribus bellum inferrent contra viros Benjamin, siue contra viros Gabaa antequam admonerent eos, ut traderentur rei ad exequendum sententiam in eis, peccarent, quia indiceret bellum iniustum: ideo vndecim tribus primo praemonuerunt Beniamitas ad dandum viros Gabaa, & nondum pugnabant: & cum noluerunt parauerunt se ad pugnam, & petiuerunt an deberent pugnare consulentes dominum: si tamen antequam praemoneretur vellent pugnare, iam deliberassent de pugnando. Sed falsum est, quia postquam Beniamitae non consenserunt tradere viros Gabaa ascenderunt vndecim tribus in domum domini in Silo, & consuluerunt dominum an deberent pugnare contra Benjamin, & responsum est, quod sic: ergo prius non solum non ibant ad pugnandum contra Gabaa, sed etiam nondum deliberauerant an deberent pugnare. Sed obijciatur, quia postquam Leuita locutus est, totus populus respondit, quod non recederent in domos suas singuli quousque pugnantes redderent viros Gabaa, quod meruerant, & tamen nondum monuerant eos. Respondendum, quod in hoc non deliberabant pugnare contra Benjamin, sed solum dicebant, quod facerent iustitiae complementum Leuitae. Hoc autem fieri poterat si viri Benjamin sine bello traderent viros Gabaa, & tunc non pugnarent vndecim tribus contra Benjamin, & si forte non daret eos Benjamin sine bello, pugnarent contra Benjamin, & sic in generali diffiniebant quid acturi essent: tamen in particulari non sententiabant quid agerent, scilicet, quod pugnarent, cum nondum scirent quid agere vellent Beniamitae. Sed adhuc obijciatur, quia dixerunt viri Israel, quod eligeretur vnus de decem, & decem de centum ad ducendum necessaria exercitui, & reliqui pugnarent contra Gabaa. Respondendum, quod etiam istud non dixerunt viri Israel, nisi sub conditione, scilicet, quod si Beniamitae tradunt nobis viros Gabaa non pugnabimus, nec oportebit poni aliquem ordinem

*Cc 2 exerci.*



exercitus: si autem noluerint pugnabimus, & ordinabimus ducentes necessaria exercitui. Sed adhuc obijcietur, quod intendebant pugnare, quia conuenerunt omnes filij Israel ad Gabaa, sicut erant, scilicet quadringenta millia: & tamen istud ad pugnam pertinebat. Respondendum, quod licet iuerunt in Gabaa, non iuerunt ad pugnandum, sed ad commouendum viros Benjamin, vt traderent eis viros Gabaa: quod patet, quia cum venerunt apud Gabaa, miserunt nuncios ad omnem tribum Benjamin, vt darent eis viros Gabaa. Sed tunc dicitur: ad quid veniebat totus exercitus quadringentorum milliū virorum ad Gabaa, quia poterant mittere aliter nuncios, & non iret frustra illuc totus exercitus. Dicendum, quod conueniens erat, quod illuc iret: nam aut viri Gabaa traderentur à toto Benjamin ad faciendum executionem in eis, aut non: si non traderentur poterat exercitus iste inchoare pugnam contra Gabaa, vel inde conscenderent reliqui in Silo ad consulendum dominum, aut deberent pugnare, & tunc pugnarent. Si autem traderentur viri Gabaa ad faciendum executionem in eis, tunc erat necessarius tantus exercitus ad faciendum executionem contra vnam urbem bellicosam, scilicet, vt occiderent omnes, qui in ea erant. Aliter potest dici, quod viri Israel intendebant in omni casu pugnare contra Gabaa, siue viri Benjamin traderent viros urbis illius ad executionem iustitiæ, siue non: nam si non traderent, manifestum erat, quod bello res agenda erat. Si autem traderent eos, adhuc viri Gabaa vellent se defendere contra totum Israel, ne omnes occiderentur, & cum alias occidendi essent, potius volebant bello perire, quam subijcere se executioni iustitiæ: nam ibi acrior esset mors, quam illa, quam quis agendo, & patiēdo tolerat. Etiam, quia pugnando contra totum Israel forte aliqui eorum poterant euadere, & subijciendo se iustitiæ nullus euaderet, & tunc pugnare debebat congregatio vndecim tribuum contra Gabaa, & sic animo pugnandi appropinquabat ad eam totus exercitus.

**Obiectio.** Sed obijcietur, quia postea admonuerunt, vt traderentur eis viri Gabaa, & tamen si deliberassent pugnare contra eos ad omnem casum, frustra esset admonitio. Item postquam non concesserunt Beniamitæ tradere viros Gabaa ad executionem iustitiæ, vndecim tribus consulerunt dominum, an deberent pugnare, ergo prius non deliberauerant, quod pugnarent. Respondendum, quod iam deliberauerant pugnare contra Gabaa ad omnem casum, & quando præmonuerunt, quod darentur eis viri Gabaa non monuerunt, vt scirent an pugnare deberent, an non: sed solum an deberent pugnare contra viros totius Benjamin, vel non: nam si consentirent tradere eis viros Gabaa, pugnare debebant contra solos viros Gabaa. Si autem nollent pugnare debebant contra Gabaa, & totam tribum Benjamin. Ad secundum dicendum, quod non consulerunt Israelitæ dominum, an deberent pugnare contra filios Benjamin: sed quis deberet esse princeps in bello contra filios Benjamin, tanquam firmum haberet, quod deberet pugnare contra filios Benjamin: postea autem cum victi fuerunt Israelitæ à filiis Benjamin, consulerunt an deberet nunc pugnare. Et istud iam, non faciebant nisi ex timore, quia putabant, quod semper eos traderet Deus in manus filiorum Benjamin: tamen à principio deliberauerant pugnare contra Benjamin. Et ista positio secunda verior est, scilicet, quod in omni casu pugnare contra Gabaa deliberassent: sed non contra Benjamin, & ob hoc descenderant in Gabaa omnes de exercitu. *Non recedemus in tabernacula nostra.* In hoc promiserunt Leuitæ exhibere iustitiæ complementum, dicentes, quod non recederent in tabernacula sua quousque vindicarent istud

**F** delictum: & sic factum est, quia licet fuerit grauitas vindicando illud, tamen non recesserunt de bello quousque deleuerunt Gabaa, & totam tribum Benjamin. *Nec sua quisquam intrabit domum.* Istud erat magis: nam quod non recederet in tabernacula, erat quod non fieret castrorum generalis dissolutio, ita vt cessaret bellum: & tamen si exteri deberet bellum aliquanto tempore forte daretur quibusdam licentia eundi, & redeundi in domos suas. Nunc tamen dicitur, quod etiam nullus iret in domum suam: in quo signatur magnus feruor explendi factum istud. Istud autem intelligitur de illis, qui pugnaturi erant, secus de illis, qui portarent necessaria exercitui, quia illi poterant ire in domos suas, non quidem intentione manendi, nec quiescendi, sed si contingeret ire pro cibariis exercitus ad locum, in quo domus sua erat, poterat cui hoc contingeret intrare domum suam. *Sed hoc contra Gabaa in commune faciemus.* Id est, non vna tribus, vel familia, sed omnes in commune, id est ad communionem aggregati de vndecim tribubus pugnabimus, & exercitui providebimus. *Decem viri eligantur de centum ex omnibus tribubus Israel.* Volebant omnes isti congregati pugnare contra Gabaa, & quia exercitus non potest manere sine magna prouisione necessariorum, oportebat, quod assignarentur aliqui, qui exercitui necessaria comportarent, ideo prius quam pugnarent, hic assignauerunt pugnatōres, & portatores necessariorum ad exercitum: & dicitur, quod eligantur decem viri de centum, scilicet, qui sint prompti, & industriosi ad faciendum istud. *Et centum de mille, & mille de decem millibus.* Scilicet, decima pars virorum separaretur ad ducendum necessaria exercitui, & vt alij, qui separati essent ad pugnandum, pugnarent.

*An portatores necessariorum ad exercitum essent de istis quadraginta millibus, qui conuenerant nunc in Maspha.*

Quæstio I X.

**Q**VAERETVR de istis, qui separabantur ad ducendum necessaria exercitui, an essent de istis quadraginta millibus, qui conuenerant nunc in Maspha, vt patet supra, vel de alijs, qui non venerant ad congregationem illā. Aliquis dicit, quod essent de illis millibus congregatis in Maspha, & sic separaretur de illis quatuor millia, cum dicat, quod decem de centum, & centum de mille. Nam si acciperent isti portatores de alijs, qui manebant in urbibus, esset valde magni numeri: nam omnes tribus vndecim haberet plusquam millies millia virorum pugnatōrum, cum tribus Iuda semel computata inuenta esset habere quingenta millia, 2. Reg. 24. Vel saltē essent in quodā magno numero, vtpotē quingentorum milliū cum acciperet decima pars istorum ad comportandos cibos essent plusquam quingenta millia comportantes necessaria, & sic essent valde plures comportatores ciborum, quam pugnatōres, quod satis videtur inordinatum. Respondendum videtur, quod isti viri non assumpti fuerunt de quadraginta millibus pugnatōrum, qui conuenerant in Maspha. Nam tunc sequerentur inconuenientia. Primum, quia diminueretur valde numerus bellatorum: nam manerent soli triginta sex millia, & nollent Israelitæ, quia tunc parum superaret exercitum Benjamin, & non auderēt sic pugnare contra Beniamitas cum pugneret amaro animo, & pauci de ipsis pugnarent, & remanerent multi de Israelitis. Item, quia istud facerent Israelitæ, si haberent paucitatem prouidentium eis, quia tollerēt aliquam partem exercitus, vt comportaret illa cibos: habebant tamen multitudinem magnam in urbibus, quare posset ducere cibos: ideo non est dicendum, quod de seipsis acciperent portatores ciborum. Secundum inconueniens est, quia est contra litteram: nam infra quā computatur bellatores de parte

Beniam.

Obiectio.  
1. Ratio.  
2. Ratio.

Responsio.  
Ad primam  
rationem in  
diuersum.

Ad rationem  
secundam.



Beniamin, & de parte aliarum tribuum: dñ, q̄ erāt de A  
 Israelitis quadraginta millia virorū pugnatorum: ergo  
 non fuerant de eis separati cōportatores necessariorū  
 pro exercitu. Cū aut̄ obijcitur, q̄ essent valde multi  
 cōportatores ciborū: dicendū, q̄ hoc non multū obe-  
 rat, quia dum plures essent melius pviderēt exercitui,  
 & possent pugnatores melius vacare bello. Aliter etiā  
 dici potest, q̄ dato, q̄ nunc dixerint Israelit̄: eligantur  
 decē de centū, & centum de mille: non sic postea fece-  
 rint, sed acceperant tot cōportatores ciborū, quot ne-  
 cessarij visi erant. Sed dicendū, q̄ isti, q̄ quērunt hoc  
 tam in arguendo, q̄ in respondendo falsū præsupto-  
 nunt. s. q̄ erant quadraginta millia: nam erant quadrin-  
 genta millia: & de illis accepta sūt quadraginta millia  
 ad cōportanda necessaria, & non sequit̄ aliqd̄ incōue-  
 niēs, q̄ se q̄batur positis solū quadraginta millibus, de  
 quibus infra dicet̄ plenius in quadā quēstione. *Vt com-  
 portent exercitui cibaria. s. ne defectu ciborum lāguescat  
 animus, & vires bellatorū, & nē cogatur dissolui exer-  
 citus urgente inopia. Et possimus pugnantes contra Gabaa  
 Beniamin reddere ei pro scelere quod meretur. i. sic habentes  
 necessaria manebimus in exercitu, & poterimus red-  
 dere viris Gabaa, q̄ merētur. s. occidere oēs illos, quia  
 hoc merebantur cū fecissent tantū scelus, & oēs cōue-  
 nissent ad illud. Conuenitq̄ vn̄uersus Israel ad ciuitatem. s.  
 oēs isti quadringenta millia pugnatorū conuenerūt ad  
 urbē Gabaa, & vocant̄ isti oēs Israel, q̄a multi erāt. Vel,  
 quia erant cōgregati de oībus tribubus. Nā licet essent  
 quadringenta millia, adhuc plures essent in vndecim  
 tribubus, & fortē plusquā millies millia. Et dñ, q̄ con-  
 uenerunt ad ciuitatē non nominando eā, quia intelli-  
 gitur de Gabaa, eo q̄ de ea dicebatur immediatē. Etiā  
 q̄a in his oībus fit sermo de ea, & venerunt ad pugnan-  
 dū, q̄a quocunq; modo eueniret pugnaturi erant con-  
 tra Gabaa, vt supra declarātū est. *Quasi vnus homo. s. q̄ ha-  
 buerunt vnā int̄tionem licet multi essent, sicut vnus  
 homo nō pōt varia velle: & declaratur mox in litera. s.  
 Eadem mente vnoq; consilio. i. oēs habebant vnā int̄tio-  
 nē. s. q̄ delerent̄ viri Gabaa, & quilibet intendebat po-  
 nere se cuiq; aduersitati, vt perirēt oēs illi: nā supra 21.  
 dñ, q̄ oēs responderūt, quasi sermone vnus hominis,  
 q̄ non recederent in tabernacula sua quousque redde-  
 rent viris Gabaa, quod pro scelere merebantur.**

Et miserunt nuncios ad omnem tribum  
 Beniamin, qui dicerent. Cur tantum nefas  
 in vobis repertum est? Tradite homines de  
 Gabaa, qui hoc flagitium perpetrarunt, vt  
 moriantur, & auferatur malum de Is-  
 rael. Qui noluerunt fratrum suorum filio-  
 rum Israel audire mandatum, sed ex cun-  
 ctis urbibus, quæ fortis suæ erant, conue-  
 nerunt in Gabaa, vt illis ferrent auxilium,  
 & contra vniuersum populum Israel dimi-  
 carent. Inuentiq; sunt vigintiquinq; millia  
 de Beniamin educentium gladium: præter  
 habitatores Gabaa, qui septingenti erant  
 viri fortissimi, ita sinistra, vt dextra prælian-  
 tes, & sic fundis lapides ad certum iacientes,  
 vt capillum quoque possent percutere, &  
 nequaquam in alteram partem ictus lapidis  
 deferretur. Virorum quoque Israel absque  
 filijs Beniamin inuenta sunt quadringenta

Alph. Toft. super lib. Iudicum

millia educentium gladios, & paratorum  
 ad pugnam. Qui surgentes venerunt in  
 domum Dei, hoc est in Silo, consuluerunt-  
 que Dominum, atque dixerunt. Quis erit  
 in exercitu nostro princeps certaminis con-  
 tra filios Beniamin? Quibus respondit Do-  
 minus: Iudas sit dux vester. Statimq; filij  
 Israel surgentes mane, castrametati sunt  
 iuxta Gabaa. Et inde procedentes ad pu-  
 gnā contra Beniamin, urbem oppugna-  
 re cœperunt. Egressiq; filij Beniamin de  
 Gabaa, occiderunt de filiis Israel die illo vi-  
 gintiduo millia virorum. Rursum filij Is-  
 rael, & fortitudine, & numero confidentes  
 in eodem loco, in quo prius certauerāt acie  
 direxerunt, ita tamen vt prius ascenderent,  
 & starent coram Domino vsq; ad noctem:  
 consulerentque eum, & dicerent: Debe-  
 mus vltra procedere ad dimicandum con-  
 tra filios Beniamin fratres nostros, an non?  
 Quibus ille respondit: Ascendite ad eos, &  
 inite certamen. Cumque filij Israel altera  
 die contra filios Beniamin ad prælium pro-  
 cessissent, eruperunt filij Beniamin de por-  
 tis Gabaa, & occurrentes eis tanta in illos cē-  
 de bachati sunt, vt decem, & octo millia vi-  
 rorum educentium gladium prosternerent.

*Et miserunt.* Hic ponitur fm huius c. in quo iustitię  
 æquitas requirit̄. s. q̄a primò miserunt nuncios ad Be-  
 niamin, vt traderent malefactores eis, q̄ pugnarent cō-  
 tra eos, vel viros Gabaa. Et dñ. *Miserunt nuncios ad omnem  
 tribum Beniamin. s. p̄ oēs ciuitates fortis Beniamin mise-  
 runt Israelit̄ nuncios. Vel dñ ad omnē tribum Benia-  
 min. i. ad totū Beniamin congregatum in vnum: nam  
 sicut conuenerāt Israelit̄ ad deliberandū quid agerēt  
 contra viros Gabaa, ita totus Beniamin cōuenit ad de-  
 liberandum an deberēt defendere viros Gabaa, & fuit  
 ordo, quod postquam viri Gabaa viderunt se peccasse  
 contra Leuitam, & sciuerunt, q̄ ille querelam propo-  
 suerat coram toto Israel, ipsi viderunt, quod cōtra eos  
 pugna ordinanda foret, ideo recurrerunt ad totā tribū  
 Beniamin, quia erant contribules eorum, vt adiuuaret̄  
 eos: & tunc illi conuenerunt ad deliberandū quid fa-  
 cerent, & Israelit̄ scientes illos congregatos miserūt  
 ad eos nuncios. Et sic dicuntur misisse ad omnem Be-  
 niamin, & diceretur melius ad totum Beniamin. .  
*Qui dicerent: cur tantum nefas in vobis repertum est?* Ista  
 erant verba reprehensoria, & inclinantia ad dandum  
 viros Gabaa, qui valde peccauerant. Et dicitur, reper-  
 tum est in vobis, idest in tribu vestra tantum nefas:  
 quasi dicat in nulla alia tribu repertum est, ideo de-  
 betis excutere de vobis talia membra putrida, vt non  
 maneat tanta labes sceleris in Israel. *Tradite homines  
 de Gabaa, qui hoc flagitium perpetrarunt.* Idest tradite  
 eos, vt moriantur. Istud poterat dupliciter in-  
 telligi. Vno modo, quod traderent eos, idest  
 ipsi Beniamit̄ pugnarent contra eos, & traderent  
 eos in manus reliqui Israelis, vt eos occideret.*

Cc 3 Vel



Vel aliter: tradite eos, idest permittite nobis pugnare contra illos, scilicet, quod non defendatis eos, & dicitur, quod perpetrarunt flagitium: quia proprie flagitium est contra naturam, sicut isti fecerunt. *Vt moriantur, & auferatur malum de Israel.* Idest, occidentur pro peccato suo: nam peccauerant dupliciter, primo in adulterio, secundo in violatione vxoris alterius: & vtrumq; eorum per se mortem merebatur. De adulterio etiam si voluntarium esset, patet Leuitic. 20. De violentia patet Deuter. 22. capit. & sic auferretur malum de Israel, idest malum culpæ, quia quamdiu manet aliquod peccatum impunitum, manet aliquid inordinatum: esse autem aliquid deordinatum contra rationem est. Etiam vocatur malum, idest nocivum, quia si relinqueretur tale facinus impunitum, Deus irasceretur contra totum Israel, quia negligentes erant in puniendo, & immitteret plagam aliquam. Nam quod non corrigitur fouetur, & approbatur, sed qui malum approbat, quod corrigere posset, peccat: vt ergo non mitteret Deus plagam aliquam super Israel debebant corrigere istud peccatum, sic patet in iniuria facta contra Gabanonitas per Saulem. Nam, quia populus non castigauit hoc, vel non instigauit, Dauid ad castigandum, misit Deus famem super totum Israel tribus annis 2. Reg. 21. & cum vindicata est iniuria, cessauit fames. Sic autem sequeretur hic fames, vel alia plaga, nisi punirentur peccantes, & quia puniendo illos tolleretur, quod Deus non percuteret Israelitas super hoc, tollebatur malum de Israel: & sic H quando Deus iubet punire aliquem delinquentem, dicit: Et auferes malum de Israel, Deuter. 13. & 17. & 21. & 22. & in multis alijs locis.

Quod nō  
corrigitur  
fouetur, &  
approbat.

*An Israelitæ poterant propria auctoritate pugnare contra viros Gabaa ad executionem iustitiæ.*

Questio X.

**Q**VAERETVR, an Israelitæ poterant propria auctoritate pugnare contra viros Gabaa ad executionem iustitiæ, vel tenebantur petere consensum Beniamitarum, sicut petierunt. Aliquis dicet, quod non tenebantur, quia vndecim tribus agebant hic auctoritate iudicis, scilicet summi sacerdotis, vt supra declaratum, & cum competeret eis iam de iure ista executio, non oportebat, quod amonerent aliquem, vt permetteret eos exequi, vel quod requirerent aliquem ad hoc, quod exequeretur. Respondendum, quod Israelitæ poterant hic auctoritate iudicis, scilicet summi sacerdotis exequi contra viros Gabaa non petendo consensum virorum Benjamin. Sed nunc petierunt, quod traderent eis viros Gabaa, non quidem quasi non liceret eis exequi, sed quia volebant scire an exequendo sententiam istam deberent pugnare contra totum Benjamin, an contra solos viros Gabaa: nam si non consentirent viri Benjamin erat pugnandum contra totum Benjamin: si autem consentirent erat pugnandum solum contra viros Gabaa. Aliter K autem erat pugnandum contra vnā tribum, quam contra vnā urbem: & vt se præmunirent, hoc inquisiuerunt. Etiam monuerunt viros Benjamin, quia intendebant vitare bellum in quantum poterat, & quia fortè viri Benjamin facerent tradi omnes viros Gabaa sine bello in manus Israelitarum, admonuerunt, vt traderent, & tunc viri Benjamin poterant dicere, quod ipsi traderent viros Gabaa sine bello, ita vt non deleteretur vrbs, sed viri. Vel saltem darent licentiam Israelitis, quod pugnarent contra viros Gabaa qualitercunq; vellent. *Qui noluerunt.* Hic ponitur tertium huius cap. in quo iniquitas defenditur. scilicet quia viri Benjamin quamquā scirēt deliquisse viros Gabaa

**F** noluerunt tradere eos Israelitis, sed opposuerunt se illis ad mortem. Et dicitur. *Qui noluerunt fratrum suorum filiorum Israel audire mandatum.* Idest noluerunt consentire iustæ monitioni illorum. Potest etiam vocari mandatum, quia iudicis sententia erat contra viros Gabaa, & auctoritate eius poterat mandari omnibus viris Benjamin, quod traderent viros Gabaa in manus Israel, vel saltem quod non impedirent Israelitas pugnatos contra Gabaa. Et dicitur: Fratrum suorum, quia filij Benjamin erant fratres aliorum Israelitarum, eo quod omnes Israelitæ descendebant ab eodem patre, scilicet à Iacob. *Sed ex cunctis urbibus, quæ suæ sortis erant, conuenerunt in Gabaa.* Scilicet, sciuerunt filij Benjamin, quod Israelitæ pugnaturi essent contra Gabaa, ideo ipsi omnes conuenerunt in Gabaa, vt ibi resisterent Israelitis venientibus. *Vt illis ferrent auxilium.* Scilicet, viri Gabaa erant fratres cæterorum Beniamitarum, ideo voluerunt eis præstare auxilium contra totum Israel. *Et contra vniuersum Israel populum dimicarent.* Scilicet, venerunt animo dimicandi contra totum Israel. Nam sciebant impossibile esse euitari bellum: nam reliqui Israelitæ non desisterent pugnare contra Gabaa propter totam tribum Benjamin adiuuantem eos, quia vndecim tribus non timerent vnā: & dicitur, contra vniuersum populum Israel: quasi dicat, non solum contra quadringenta millia pugnatorum, qui congregati erant: sed etiam si conuenirent omnes alij, qui manebant in urbibus vndecim tribuum, quia etiam hoc cognitum erat eis, scilicet, quod si non possent quadringenta millia virorum congregatorum pugnare, & præualere contra Benjamin, quod congregarentur cæteri de vndecim tribubus, qui in urbibus manebant.

*An viri Benjamin peccarunt faciendo bellum contra reliquum Israel.* Questio XI.

**Q**VAERETVR, an viri Benjamin peccauerunt faciendo bellum contra reliquum Israel. Aliquis dicet, qd nō, quia Beniamitæ adiuuabāt fratres suos viros Gabaa. Tenetur autē quilibet adiuuare aliū, qui ad mortem impetitur: maximè, si sit cognatus ei sanguine. Secundo patet, quia si Beniamitæ non fuissent iustū bellū contra Israel, nō potuissent resistere tantæ multitudini, cum essent de Israelitis quadringenta millia, & de Beniamitis solum 25. millia, vt patet in littera. scilicet qd erant sexdecim viri pro vno: & tñ non solum viri Benjamin resisterūt viris Israelis, sed etiam in duobus bellis præualuerunt, & occiderunt in duobus diebus quadraginta millia virorum de Israel, & non cecidit nec vnus saltem de Benjamin: istud autem satis apparet à Deo factum. Respondendum, quod filij Benjamin peccauerunt multipliciter. Primo, quia non corripuerunt peccantes quantum in se fuit: nam supra demonstratum est, quod ad populum pertinebat punitio peccatorum in quibusdam casibus, & nūc pertinebat potius ad Benjamin, quā ad alias tribus. Nam in tribu Benjamin acciderat istud delictum, ideo magis solliciti, quā cæteri esse debebant ad puniendum, non puniendo ergo quantum in se erat peccauerunt: apparet hoc magis, quia cæteri Israelitæ desiderio puniendi hoc scelus congregati sunt in Maspha; filij autem Benjamin illuc conuenire noluerunt. Secundo peccauerunt, quia cum cæteri Israelitæ punire vellent istud facinus, ipsi resisterunt. Nam petierunt, quod traderent eis viros Gabaa, ipsi autem noluerunt: defendere tamē peccantem æqualis culpæ est cum ipso principaliter peccate: imò interdum maius est, quia qui malefactores defendit ad plura flagitia originem tribuit, quæ nequaquam fierent nisi

Cum  
ratione  
dicitur  
1. Reg.  
2. Reg.

Respon  
quædam



nisi ab illo defenderentur, ideo saltem quantū ad hoc æqualiter peccare videbantur cum ipso populo virorum Gabaa. Tertiò peccauerunt, quia bellum contra Israelitas instruxerunt defendendo noxios: & istud erat valde culpabile super cœtera, ideo meruerunt ex hoc omnes filij Benjamin perire: & sic Deus induxit super eos cladem. Nam omnes tam magni, quàm parui, tam viri, quàm fœminæ: perierunt gladio, etiam vsque ad iumenta, & pecora, & ciuitates eorum exustæ sunt, vt patet infra in litera. Ad rationem primam in contrarium dicendum, quòd tenebantur Benjamin adiuuare fratres suos viros Gabaa, si morte iniusta premendi forent, uel si bellum iniustum moueretur contra eos: erat tamen bellum istud iustissimum, scilicet, quia peccauerunt in crimine, pro quo lex imponebat mortem. Etiam quod amplius est, quia istud bellum indicebatur auctoritate iudicis, & legis: ideo necesse erat eos esse iniustos defensores: nam non solum viri Benjamin non debebant defendere viros Gabaa, sed etiam ipsi viri Gabaa non debebant seipsos defendere contra sententiam iudicis. Ad secundam rationem dicendum, quòd viri Benjamin fouebant bellum iniustissimum, & cum dicitur, quòd præualuerunt contra viros Israel, dici potest dupliciter: vno modo, quòd non præualuerunt, quia victoria ex fine considerata est, & quia licet Beniamitæ à principio oppræsserunt quosdam de Israel, postea viri Israel occiderunt omnes de Benjamin, vsque ad pecora, præter sexcentos viros: ergo non habuerunt ipsi victoriam. Alio modo dici potest, & melius, quòd Deus dedit viris Benjamin à principio, quòd præualerent contra totum Israel, non quidem quasi Beniamitæ fouerent iustum bellum, sed quia Deus volebat percutere quosdam de Israelitis, & ministros horum voluit esse filios Benjamin: postea autem ipsos de tribu Benjamin tradidit in manus Israelitarum totaliter delendos.

*Quomodo tribus Benjamin ausa est pugnare contra omnes tribus Israel. Questio XII.*

**Q**VAERETVR vterius, quomodo tribus Benjamin ausa est pugnare contra omnes tribus Israel, cum esset tanta multitudo ex parte Israelitarum: & pauci ex parte Benjamin, scilicet, quia contra vnum de Benjamin erant de Israel decem & sex, aut plures. Respondendum, quòd viri Benjamin ausi fuerunt pugnare contra Israelitas confidentes de robore suo. Nam erant viri bellicosi, tam viribus, quàm animo potentes, & non curauerunt de multitudine magna, quæ erat ex parte Israelitarum: scientes, quòd magis consistat bellum in disciplina militari, & animositate pugnantium, quàm in multitudine. Ista autem fortitudo Beniamitarum apparuit ex effectu, quia intrepide procedebant contra viros Israel, & fecerunt magnam stragem in eis diebus duobus occidentes quadraginta millia virorum. Secunda causa erat, quia compassi fuerunt Beniamitæ viris Gabaa, qui erant contribules sui: & sciebant eos delendos pœnitens, si non adiuuarent eos, ideo cum eis pariter se morti apposuerunt. Tertia causa esse potest, quia Beniamitæ fortè putauerunt, quòd viri Israel videntes eorum animositatem desisterent ab impugnatione virorum Gabaa: nam licet Israelitæ maiores essent Beniamitis: si tamen illi se exponerent pro viris Gabaa, necesse erat multos perire de Israelitis priusquam subijcerentur filij Benjamin, & vt excularent istud malum fortè desisteret ab impugnatione virorum Gabaa, vel iniurius agerent cū eis. Quarta causa, & efficacior erat, quia Deus commouit Beniamitas ad hoc in pœnam ipsorum: nam pœ-

Alph. Tost. super lib. Iudicum

**A**cauerant Beniamitæ contra Deum in aliquibus, & volebat tradere eos in manus hostium, vt punirentur. Vt ergo nunc perirent manibus Israelitarum, mouit eos, vt pugnarent dando confidentiam, quòd præualere possent contra Israelitas: istud autem facile est, quia Deus mouet corda hominum ad confidentiam, vel timorem, aut gaudium, & alias passiones, sicut ipse vult sicut dicitur Proue. 21. Cor regis in manu dñi, & quocunq; voluerit vertet illud. Ad timorē sepe Deus conuertit corda, vt patet Exo. 23. & Leui. 26. ergo conformiter conuertere poterit ad confidentiam. Quòd autem Deus interdum det alicui confidentiam, vt audeat pugnare, & cadat in bello, patet Iosue 11. de Chananæis, contra quos pugnavit Iosue. Dñi. n. sn̄a fuerat, vt indurarentur corda eorū, vt pugnarent contra Israel, & caderent, & non mererentur vllam misericordiā: ita ergo est de multis alijs, quos Deus in bello tradit in manus hostiū, quia Deus cōcitāt eos ad pugnandū, vt moriantur: sic autē fuit de Beniamitis, q̄a si nō pugnaret non morerentur: & tñ Deus volebat eos occidere, ideo cōcitauit eos ad pugnandū. *Inuenti q̄ sunt viginti quinque millia de Benjamin educentium gladium. i. de illis Beniamitis, qui venerunt in adiutorium virorum Gabaa fuerunt 25. millia.*

*An isti pugnatores de Benjamin essent præter comportantes necessaria. Quest. XIII.*

**Q**VAERETVR, an isti pugnatores de Benjamin essent præter cōportantes necessaria exercitui, vel erant de eis cōportatores istorū. Ad hoc autē premittendum, q̄ sicut exercitus Israelitarū ordinauit cōportantes necessaria exercitui. i. decē de centū, & cētum de mille, ita viri Benjamin, qui habebāt magnum exercitū. i. 25. millium virorū egebant cōportatoribus necessariorū: non tñ legitur, q̄ aliquos ad huiusmodi necessitatē instituerint. Ideo fortè dici potest, q̄ Beniamitæ cōueniētes in Gabaa ad adiuuandū fratres suos: cōportauerunt secum oīa, q̄ potuerunt, & putauerunt sibi necessaria p bello: ita vt nō oportebat, q̄ haberēt cōportatores, q̄ continuo ducerent necessaria. Et fortè pp hoc non legit, q̄ aliquos ad istud instituerint, sicut legit de viris Israel, q̄ instituerunt cōportatores necessariorū. Si autē dicat, quòd erant aliqui cōportatores. Dicendū, q̄ non erant de istis 25. millibus, quia oēs isti pugnabant, & oēs isti occisi sunt: nam infra declarabit quō de Benjamin occisi fuerunt 25. millia, & centum: viri comportatores necessariorū tñ non pugnabāt: ideo dicendū, q̄ erāt illi viri Benjamin præter istos 25. millia, & illi portabant necessaria exercitui. Patet hoc, quia dñs infra, q̄ occisi fuerunt isti 25. millia, & deinde oēs quotquot erant in ciuitatibus, ēt vsq; ad iumenta.

*Quot erant viri Benjamin, qui venerant in adiutorium virorum Gabaa. Quest. XIII.*

**Q**VAERETVR vterius, de numero virorum Benjamin, qui venerunt in adiutorium virorum Gabaa de quibus litera nostra dicit, quòd erant 25. millia. Sed dicendum, quòd erant 26. millia: & hoc patet ex litera Hebraica, quæ tot ponit: litera tamē nostra, virio librariorum corrupta fuit. Nam dato, quòd Iero. transtulisset 26. millia, facile erat librariorum transcribere 25. millia, quia numeri, vt communiter scribuntur per literas designantes numeros: & sic facile erat perditā vna litera, vel mutata effici viginti quinque millia, vbi prius erat vigintifex millia. Sciendum tamen, quòd istud videtur factum quasi ex magnitudine ingenij à quibusdam sciolis, qui putabant corruptam esse literā, cū contineret vigintifex, & ipsi vt corrigerent corruerunt. Probabant autem ex litera numerum istū.

Cc 4 Nam



Nam Israelitæ occiderunt omnes Beniamitas, qui ierunt ad bellum, ut patet infra, & tamen summa interfectorum cōsonat cum summa vigintiquinq; milliū. Nam hic ponuntur in litera nostra 25. millia virorum venientū in adiutoriū Gabaa, & septingenti viri vrbis Gabaa, & infra in summa interfectōrū dī, q̄ erant 25. millia, & centū, & superfuērunt sexcenti viri, q̄ sederunt in petra Remon. Si autē ponātur 26. millia virorū nescietur quid factū sit de alijs mille viris, ideo correxerunt ponentes 25. millia. Dicendum tñ, q̄ erant 26. millia cum litera Hebraica ponat maiorē numerum, & semper credendū est scripturę ponenti maiorē numerum, potissimē cū veritas librorum nostrorū ex Hebræis assumēda est, ut ait Aug. & habetur in Decre. dist. 9. c. ut veterū, & Ieron. in prologo super Gen. q̄ incipit. Desiderij mei: dicit exēplaria Hebræorū veriora esse exemplaribus Græcorum, & Latinorū. Dicendum autem de mille viris, qui supersunt, q̄ illi, non pugnaverunt, sed solum 25. millia: & isti mille comportabāt exercitui necessaria, & non occisi sunt in bello cū alijs. Et tunc si obijciatur, q̄ supererunt de toto Beniamin plusquam sexcenti viri. s. mille sexcenti. Dicendum, q̄ cū isti mille viri essent cōportatores necessariorum ad exercitum Beniamin, & vidissent urbē Gabaa conflagrare, reuersi sunt in alias vrbes de tribu Beniamin, ut laterent ibi, & defenderentur, & cū Israelitæ postea intrarent vrbes cremādo omnia, occiderūt istos mille viros cū alijs, q̄ superstitēs erant de Beniamin. Nam dī infra in litera, quod reuersi filij Israel ad reliquias ciuitatis à viris vsq; ad mulieres gladio percusserunt, & sic perirent ibi isti mille, & oēs alij, q̄ relicti fuerant in vrbibus. Isti autē, qui ponuntur occisi. s. 25. millia, & centum fuerunt de pugnatoribus. Et verū est, q̄ solum 25. millia, & septingenti pugnabāt, licet de Beniamin cōuenissent 26. millia ad adiutoriū, quia mille illorū portabant necessaria exercitui, ut dictum est. *Præter habitatores Gabaa.* Id est isti 26. millia erant non computando viros Gabaa, q̄ erat cui ferebatur auxiliū, & non venerunt plures de tribu Beniamin, q̄ non fuerunt plures, qui cōuenienter possent capere arma, quia licet multi alij essent, erant senes, q̄ non poterant pugnare. *Qui septingenti erant.* Non erat magna ciuitas Gabaa: nam in ea solum reperti sunt pedites septingenti ad pugnam. *Viri fortissimi, ita sinistra, ut dextra praliantes.* Istud refertur solum ad viros Gabaa, qui erāt fortissimi inter oēs viros Israelis, & ob hoc confiderenter egrediebantur ad bellum, & utebantur vtrāq; manu, ut dextra. s. quia per usum fecerunt sibi vtrāq; manū dexterā: & istud est magnum adiutorium ad bella. Et Plato dicebat, q̄ in vrbibus debebant conari oēs ambidexteros fieri, ut ait Arist. 2. Polit. c. de politia Calcedoniorū. *Et sic fundis acertum iacentes lapides, ut capillum possent quoque percutere.* Scilicet, isti viri Gabaa erant magni fundibularij certissimē iacentes: ideo in exercitu magnam stragem isti dabant, quia fortissimi erant, & ictus eorum nūq̄ erat inanis, & potissimē tēpore illo, quando homines ferē inermes pugnabant, quia nō erant ita armati, ut nunc. Dicitur tñ hoc per hyperbolem, quia non erat verum, quod ita rectissimē iacerent, q̄ ē capillum possent percutere. Nam etiā sagittator, aut balistarius, vel quodcunque genus iaciendi, non poterat esse tam certum, quia tamen valde certē iaciebāt ascribitur hoc eis per hyperbolem. *Et nequaquam in alteram partem ictus lapidis deferretur.* Id est, tam certē iaciebant, q̄ non variaretur lapis iactus ad vnam, vel alteram partem capilli: sed recto ictu percuteret capillum. *Virorum quoque Israel.* Hic ponitur quartum huius cap. in quo contumacia in se inuaditur, & diuiditur in duo. Primò repremitur superbia: secūdō cōfunditur cōtumacia, ibi. *Quamobrem. Circa primum. Virorum quoque Israel absq; filijs Beniamin.*

Veritas librorū nostrorum ex Hebræis petēda est

Contumacia in se inuaditur.

**F** Vocantur viri Israel omnes, qui erant de tribubus vndecim, & isti fecerunt summam hāc magnam præter filios Beniamin, qui non cōuenērunt cum eis, sed erāt potius hostes. *Inuenta sunt quadringenta millia eductum gladium.* Non est intelligendū, q̄ non inuenti fuerint plures, sed q̄ non exierūt plures de ciuitatibus suis ad veniendū in Maspha. Alij autē manserunt in locis suis.

*Quot erant bellatores ex parte Israelitarum. Questio XV.*

**Q**VAERETVR, quot erant bellatores ex parte Israelitarū. Aliquis dicet, quod erant quadringenta millia, quia hic dī, q̄ inuenti sunt quadringenta millia de tribubus Israel præter Beniamin, qui erāt viri bellatores: eductes gladium. i. potētes educere gladium ad pugnam. Sed dicendū, q̄ non erant tot bellatores, quia de istis accepti sunt, qui portarent necessaria exercitui. s. decem de centum, & centū de mille, & sic de quadringentis millibus essent quadraginta millia cōportatores necessariorū ad bellum, & manerent pugnantes trecenta sexaginta millia. Sciendum autem quod aliqua Biblia habent quadraginta millia solum fuisse de tribubus Israel præter Beniamin. Sed corrupta est litera: nam debet dici quadringenta millia. Quod satis patet, quia filij Beniamin occiderunt de Israelitis primo die vigintiduo millia, & in secundo decem octo millia, qui sunt quadraginta millia, & sic nō superesset nec vnus quidem de exercitu Israel post secundum bellum, & tñ in tertio bello Israelitæ occiderunt omnes de Beniamin, & erant tunc valde multi de Israel, ut patet in litera: & sic necesse est, q̄ essent ultra quadraginta millia. s. quadringenta millia, sed vitio librorum facillime numeri corrumpuntur, potissimē vbi est similitudo. *Qui surgentes venerunt in domum Dei.* Scilicet postquā Beniamitæ responderunt, quod adiuuarent viros Gabaa contra totum Israel recesserunt viri Israel de loco, quodam apud Gabaa, & venerunt in domum Dei. Est enim sciendum, quod omnes Israelitæ, qui erant in Maspha venerunt in Gabaa, & nunc audito responso virorum boni animi recesserunt inde. De hoc patet supra in litera. *Hæc est in Silo.* Id est domus Dei erat tunc in Silo. Hoc patet, q̄ istud accidit ante Heli summū sacerdotē, & tñ toto tēpore quod fuit ex quo sanctuariū dñi fixum est, vsq; ad mortē Heli summī sacerdotis, fuit sanctuariū in Silo; ut colligitur 1. Reg. 4. iuncto Iosue 18. nam Iosue 18. collocatū est sanctuariū in Silo, & 1. Reg. 4. ablata est arca à Philisthinis, q̄ fuerat in Silo: & postea nūquam illuc redijt, sed post menses septem reducta est: & fuit posita in Cariathiarim 1. Reg. 7. cap. sed istud factū est post mortē Iosue: & ante tēpus Heli. s. tēpore Phinees summī sacerdotis: ergo erat sanctuarium in Silo.

*Quare Israelitæ nunc responso accepto à Beniamitis ascenderunt in Silo. Quest. XVI.*

**Q**VAERETVR, cū omnes Israelitæ venissent in Gabaa, quare nunc responso accepto à Beniaminis ascenderunt in Silo? Respondendū, q̄ Israelitæ ibant in Gabaa animo pugnandi. s. ut pugnarent cōtra viros vrbis, qui peccauerāt, ut si fortē Beniamitæ darēt eis licentiam pugnandi contra urbem, pugnarēt, vel si Beniamitæ vellēt tradere viros Gabaa in manus Israelitarum ad faciendum executionem, facerent eam ibi apud urbem, & ad hoc non opus erat, q̄ ascenderēt in Silo, q̄ levis pugna erat. Cū autē responderent Beniamitæ, q̄ volebāt defēdere viros Gabaa, insurgebat magna pugna Israelitis, ideo ad consulendū dominum super statu belli ascenderunt in Silo.

*Quare*



*Quare Israelitæ volentes consulere iuerunt in domum domini.  
Quest. XVII.*

**Q**VAERETVR vltcrius, cum Israelitæ vellent consulere super duce belli futuro: quare iuerunt in domum domini, quia poterat consuli vbi erant, scilicet vocando summum sacerdotem, qui in Gabaa consuleret dominum pro illis. Aliquis respondebit, qd hoc fecerunt, quia Deus non poterat consuli nisi in sanctuario, vel coram arca. Nam sic consuluit Achias tempore Saulis, vt patet 1. Regum 14. sed apud Gabaa non habebant Israelitæ sanctuarium, nec arcam, ideo oportuit qd ad consulendum dominum irent in Silo. Sed dicendum, qd non stat, quia Deus poterat consuli extra sanctuarium in quocunque loco, dum tamen esset ibi summus sacerdos, qui consuleret, & haberet Ephod, in quo consuleret, quia ista erant de substantia consultationis. Sic innuitur Exo. 28. scilicet: Portabit Aaron iudicium filiorum Israel in pectore, id est id, per quod iudicatur in omnibus dubijs filiorum Israel: & istud erat rationale, & Ephod, vt patet ibi: sed ista poterant esse extra sanctuarium: ergo potuit consuli Deus extra sanctuarium. Sic patet de Abiathar sacerdote, qui in Ceila consuluit bis dominum pro Dauid: primo Regum 23. ca. & tamen manifestum est, quod ibi non erat sanctuarium tunc, nec vnquam fuit. Etiam iterum consuluit pro eo in Siceleg, vt patet primo Regum 30. quando persecutus est latrunculos Amalecitarum, & tamen ibi non erat sanctuarium, quia Siceleg erat in terra Philistinorum: primo Reg. 27. Etiam iterum cum esset Saul in bello, consuluit pro eo dominum Achias sacerdos primo Regum 14. ergo non erat necesse consuli in sanctuario. Et dato, qd diceremus necessarium esse arcam ad hoc, qd consuleretur coram ea poterant Israelitæ mittere pro illa in Sylo, vt adduceretur in castra Gabaa. Sic factum est in diebus Heli: nam dum pugnarent Israelitæ contra Philistinos, & præualuissent vna die Philistini, miserunt Israelitæ pro arca, vt duceretur in castra, & duxerunt eam duo filij Heli, primo Regum 4. Etiam ducta fuit ad castra pugnante iterum Saule contra Philistinos 1. Regum 14. Etiam ducta cum Dauid fuit, quando ipse fugiebat à facie Absolonis de Ierusalem, & ipse fecit eam reduci nollens, qd secum iret, secundo Regum 15. capitu. poterat ergo duci in Gabaa arca, & consuleretur ibi Deus coram illa. Cum verò dicitur, quod Achias consuluit dominum in castris pro Saule coram arca. Respondendum, qd non consuluit coram illa, quasi sine hoc non responderetur, sed quia contigit, qd arca ducta fuerat in castra ex alia causa, fuit conuenientius consuli dominum coram illa quàm a libi. Dicendum igitur, qd si Israelitæ valuissent ad hoc quod consulerent dominum, non erat necesse, quod ascenderent in Silo: quia tamen ciuitas Silo erat prope Gabaa, venerunt in Silo. Quod autem prope esset, patet, quia dicitur in litera, quod Israelitæ mane surgentes posuerunt castra apud Gabaa, & tamen surgebant tunc de Silo: ergo paruum iter erat inter Silo & Gabaa, cum de Silo surgentes poterant mane locare castra apud Gabaa. Et fortè Israelitæ venerunt in Silo ex deuotione, quia volebant ibi orare dominum, vt dirigeret eos in bello isto, & in Silo erat locus orationis, cum esset sanctuarium. Etiam dicitur, quod fortè venerunt ad faciendum aliqua sacrificia. Nam non licebat fieri sacrificium extra locum sanctuarij, Leuit. 17. cap. non tamen legitur, quod nunc obtulerint sacrificium, sed obtulerunt illud postea quando iterum venerunt in Silo. Consulueruntque dominum. Scilicet, Pinnes summus sacerdos consuluit pro eis, sed dice-

**A** batur ille consulere, pro quo Deus consulebatur, scilicet ad cuius petitionem. Atque dixerunt: quis erit in exercitu nostro princeps contra filios Benjamin. Non dubitauerunt Israelitæ quin pugnandum esset contra Benjamin, sed de duce dubitauerunt, & consulerunt. Ex hoc patet, quod non erat tunc iudex aliquis, aut rex in Israel: nam si fuisset rex ipse esset dux, vel ille, quem ipse præfecisset exercitui. Si autem esset tunc aliquis iudex, ille esset princeps belli, quia potestas iudicum, de quibus agitur in hoc libro, principaliter erat ad bella, vt declaratum est in prologo huius libri: ergo non erat tunc iudex. Etiam non erat tunc Iosue, quia ipse erat dux tempore suo, & sic colligitur, qd accidit istud factum inter mortem Iosue, & institutionem Othonielis, qui fuit primus iudex.

*Quare Israelitæ consuluerunt dominum, quis esset dux in exercitu suo. Quest. XVIII.*

**Q**VAERETVR, quare Israelitæ consuluerunt dominum, quis esset dux in exercitu suo, quia ipsi poterant hunc eligere ad vota sua, & poterant scire, quis aptus esset ad suscipiendum istud onus. Respondendum, qd tres causæ ad hoc fuerunt. Prima fuit inuidia de alterna præminentia: nam nunc non præferabatur vna tribus alteri, aut altera alteri, cum nullus esset princeps in Israel: ideo de quacunque tribu nunc sumeretur princeps, illa tribus videbatur prælata cæteris, & ex hoc erat inuidia, quæ valde vitanda erat in tali actu, vbi oportebat omnes esse vnanimes. Nam si sic acciperetur dux aliquæ tribus inuidentes illi tribui, de qua esset dux, nollent benè subiici, nec pugnarent quantum poterant: sed impedirent alias, quia ex inuidia nascerentur animositates, & contentiones. Secunda causa fuit ad tollendam varietatem, & seditionem. Nam si electione populi dux constituendus foret, quilibet tribus vellet de seipsa constitui ducem, cum nulla subesset alteri, sed omnes essent æquales, & sic nunquam possent concordare in vnum ducem, & nemo erat, qui posset eos cogere ad concordandum, ideo manerent sine duce, & nunquam facerent bellum, & dato qd cõtingeret ducem ab vnum omnibus constitui, quædam tribus, aut aliqui viri de Israel dedignarentur subiici illi arbitrantibus se magis meritos ad hoc, quod præficerentur toti populo, & sic non benè administraretur exercitus per ducem. Tertia causa fuit, & fortè præcipua, scilicet, quia Israelitæ volebant scire, in cuius manu tradendi essent filij Benjamin: sciebant enim qd Deus quosdam homines diligebat, & alios non sic, & per illos quos diligebat, administraret bella optime, ita vt traderentur hostes in manus eorum, & si aliqui constituerentur duces, Deus nollit per manum eorum aliquid speciale operari. Si autem Deus constitueret ducem, ipse institueret eum, qui sibi placeret, & per quem vellet benè administrari bellum, ideo consuluerunt dominum, quis deberet esse princeps in exercitu eorum. Nam si instituissent Israelitæ ducem non consulto Deo, licet ille prudenter regeret exercitum, si aliquid durum accidisset, scilicet debellatio ipsorum à filiis Benjamin, putassent quod acciderat propter ducem, qui erat electus contra voluntatem Dei, & clamarent: ideo conueniens fuit qd Deum consulerent: Sic etiam mortuo Iosue, cum non haberent Israelitæ ducem, consuluerunt dominum, quis esset in exercitu dux, & respondit, qd Iudas esset dux, sicut nunc respondit supra 1. c. Qui respondit: Iudas sit dux vester. Id est tribus Iuda erit dux, & inde accipietis ducem.



*Quomodo Deus non determinauit, quis de tribu Iuda esset dux.*  
*Quæst. XIX.*

**Q**VÆRETUR, quomodo Deus non determinauit quis de tribu Iuda esset dux, quia determinando solum, quod tribus Iuda esset dux, non satisfacere intentioni eorum. Responderi potest dupliciter. Vno modo, quod Deus non solum responderit de tribu, sed etiam de persona, quæ accipienda erat in illa tribu, & tamen scriptura non curauit exprimere ulteriorem consultationem, & responsionem, & sic satisfaceret intentioni Israelitarum. Aliter dici potest, quod Deus solum determinauit tribum, de qua assumere tur princeps, & non determinauit principem. Et hoc quia satis istud erat. Quod patet inducendo per omnes tres causas assignatas præcedenti quæstione. Prima erat de inuidia: nam inuidia erat inter tribus, quæ illarum præcellere videretur, cum nulla esset altera superior constituta: nunc autem Deus designabat tribum Iuda debere suscipere principatum, & non inuideret aliquis de Israel: quia cum à Deo fieret ista electio, & prælatio, nemo dubitaret eam bene factam, nec repugnaret vellet: inter personas autem singulas tribuum, non erat sic inuidia, & contentio de mutua prælatione, quia erat manifestus excessus in honore, & statu, atque potentia, & habilitate ad principandum, ideo facilius cessaret contentio inter personas, quam inter tribus. Secunda causa etiam non impediabat, quia si non fuisset à Deo determinatum de tribu, qualibet tribus vellet de se ipsa eligi principem, & nulla concordaret cum alia: nunc autem iam erat per Deum concordatum de tribu, unde non poterat esse discordia in electione personæ, quia cæteræ tribus præter Iudam cum scirent, quod de ipsis non erat aliquis eligendus, curarent sibi præficere illum, qui manifestè excellere ceteros videretur, & in illo faciliter concordarent: soli autem, qui de tribu Iuda erant possent inter se discordare, cum posset quilibet illorum eligi: quia tamen electio fieri debebat solum de viro excellentissimo, contenderent de electione illi, qui essent quasi æquales, cæteri autem manifestè minores, & de quibus certum erat, quod non eligerentur in duces, non curarent, & sic contentio eorum, qui quasi de paritate altercarentur faciliter poterat sedari, quod non fieret, si de tribubus non determinaretur. Tertia ratio etiam non impedit, quia sicut si Deus determinaret personam signabat, quod per illum vellet facere salutem in Israel, & tradere Benjamin in manus eius, ita determinando tribum innuebat, quod per illam faceret salutem in Israel. Aliter potest dici, quod Israelitæ solum petebant determinari sibi de tribu, & non de persona, ideo Deus solum consultus respondebat de tribu. Unde quando dicebant, quis erit dux in exercitu nostro? intelligebatur, quæ tribus, & non quæ persona.

*Quæ istarum positionum sit conuenientior.*  
*Quæst. XX.*

**Q**VÆRETUR circa hoc, quæ istarum duarum positionum sit conuenientior, scilicet, quod Israelitæ quæsiuerunt de tribu, & persona, & Deus responderit de utroque, vel quod solum de tribu Deus responderit. Dicendum, quod vtrique positio satis poterat stare: sed rationabilior, & probabilior, quod solum Deus responderit de tribu, & Israelitæ postea elegerint personam. Et patet primò, quia si Deus responderisset de persona, verisimile est, quod persona fuisset nominata, sicut tribus: imò potius debuisset nominari persona quam tribus, quia persona certificat tri-

**F**bum, & tribus non certificat personam, & tamen Deus solum respondisse legitur de tribu, & non solum hic, sed etiam supra primo consuluerunt Israelitæ dominum, quis deberet ascendere de Israelitis ante eos, & esset dux, & respondit Deus: Iudas ascendet ante vos, & non respondit de persona, ergo videtur quod consuetum erat Deo, quando sic consulebatur respondere de tribu, & non de persona: alioquin licet hic non expressum fuisset, saltem supra primo exprimeretur, vel e contrario: quia ista est consuetudo sacre scripturæ, scilicet quod quando aliquid enarrat in multis locis, non enarret illud utrobique perfectè: sed in vno loco suppleat, quod in alio deest. Sicut patet comparando libros Regum ad libros Paralipo. & sæpe in eodem capitulo quando repetitur eadem res, magis exprimitur vna vice quam altera. Secunda ratio ad hoc est, quia si Deus deberet notificare personam, frustra erat notificare tribum, cum notificando personam notificaretur tribus: Deus tamen nihil frustra facit, & tamen hic notificauit tribum: ergo videtur quod non notificauit personam. Tertia ratio est, quia Deus solum volebat tollere contentionem, & varietatem inter Israelitas, ut concordarent in duce, & quia nominando tribum, etiam si non nominaretur persona sufficienter hoc fiebat, ut declaratum fuit præcedenti quæstio. ideo Deus solum curauit nominare tribum, & postea Israelitæ elegerunt personam de illa tribu. Sic enim quando dictum est supra primo, quod Iuda esset princeps & dux: assumptus est in ducem Caleb, qui erat vir honoratissimus in tribu illa, ut ibidem patet. *Statimque filij Israel surgentes mane.* Id est postquam certificati sunt de duce per Deum surrexerunt in aurora sequentis diei ad eundem in Gabaa, scilicet quia non venerant ad aliqd aliud in Silo, nisi ad consulendum dominum super duce belli. *Castrametati sunt iuxta Gabaa.* Scilicet, fixerunt castra apud Gabaa, in qua fuerat patratum scelus, & in qua erant congregati omnes filij Benjamin ad adiuvandum viros Gabaa, & intendeabant illico pugnare: erat autem Gabaa circa Silo, quod patet, quia Israelitæ finito bello quotidie reuertebantur in Silo. ad consulendum dominum, & mox redibant ad bellum contra Gabaa sequenti die. *Et inde procedentes ad pugnam.* Scilicet, de loco castrorum procedebant ad pugnam contra viros Benjamin. Pro quo sciendum, quod sicut consuetum est in omnibus alijs bellis, scilicet, quod castra vtriusque partis sint fixa distanter à seipsis, & bellum non fiat in castris, sed quælibet pars procedit de castris, & in medio committunt bellum, & tunc victi, vel fatigati recurrunt ad castra, & ibi habent refugium: sic nunc posuerunt castra Israelitæ longè à Gabaa, & inde processerunt ad pugnam contra urbem. *Contra Benjamin.* Id est contra totam tribum Benjamin, quæ congregata erat in Gabaa. *Urbem oppugnare ceperunt.* Scilicet, non egressi sunt viri Benjamin, quousque filij Israel steterunt iuxta urbem, & oppugnabant eam sagittis, & lapidibus. *Egressique filij Benjamin de Gabaa.* Scilicet, vigintiquinque millia virorum pugnatorum, & septingenti de viris Gabaa. Nam reliqui mille, de quibus supra dictum est, fuerant occupati circa portationem necessariorum ad exercitum, & non pugnabant. *Occiderunt de viris Israel in die illo viginti duo millia virorum.* Erant viri Benjamin valde animosi, & non curantes de multitudine Israelitarum irruerunt acies eorum, atque subito conuerterunt eos in fugam, & occiderunt viginti duo millia. *Rursum tamen filij Israel.* Scilicet, omnes vndecim tribus. *Fortitudine & numero confidentes.* Scilicet, erant Israelitæ multi, & quasi quadringenta millia. Nam dicitur supra, quod quadringenta millia virorum educunt gladium inuenta sunt de filiis Israel. De his autem quibusdam separatim



ratis ad ducendum exercitui necessaria ceteri pugnant: erant quoque viri fortes Israelitæ, præcipue viri de tribu Iuda, etiã de tribu Ephraim, & de tribu Gad, ideo confidebant, q̃ non possent euadere filij Benjamin manus eorum, quã alii haberet excellentiam loci ad pugnandum. *In eodem loco, in quo prius certauerant aciem direxerunt.* Scilicet, posuerunt aciem apud urbem: in quo innuitur, q̃ ille locus, in quo Israelitæ posuerunt aciem prima vice, non erat conueniens s̃m prudentiam bellicam ad ponendum ibi aciem, quia pauci de hostibus poterant ibi multos occidere, & tamen Israelitæ in prima vice hoc videntes, non curauerunt, & in secunda etiam vice considerantes hoc, non mutauerunt locum confidentes in numero, & robore, scilicet q̃ dato, quod filii Benjamin haberent meliorem locum ad pugnandum, ipsi præ multitudine, & robore præualerent contra eos. *Ita tamen vt prius ascenderent, & flecterent coram domino.* Scilicet, die illo quo victi sunt Israelitæ, & occisa de eis viginti duo millia, venerunt in Silo, & flecterunt ibi coram domino, q̃ traditi essent in manus hostium propter peccata sua, & tamen adhuc non desinebant confidere contra Beniamitas, quia ipsi multo plures erant. *Vsq̃ue ad noctem.* Bellum istud fuit breuissimè factum. Nam illico, vt exierunt viri Benjamin de portis urbis impetu facto irruerunt in viros Israel, & cum in malo loco essent, percusserunt multos de eis, & conuerterunt in fugam, & in ipsa fuga plurimos occiderunt, scilicet vsque ad viginti duo millia, ita q̃ in eadem die venerant de Silo, & fecerunt bellum, & redierunt in Silo multo tempore ante noctem, & perseuerauerunt in fletu vsque ad noctem. *Consulerentque dominum.* Scilicet, quia status eorum erat dubius propter euentum istum malum. *Et dicerent, debeo vltra procedere.* Loquitur totus Israel tanquam vnus vir. Et sciendum, q̃ ista verba non loquebatur aliquis de Israelitis loco Israelitarum, sed ipse summus sacerdos proferebat verba, sic formans sicut formaret Israel si esset vnus vir. *Ad dimicandum contra filios Benjamin fratres meos, an non.* Quasi dicat, nunquid egi malum pugnando, & debeo cessare, vel debeo continuare bellum.

*Quare nunc viri Israel consulebant dominum, an deberent pugnare contra Benjamin.*

*Quest. XXI.*

**Q**VAERETVR, quare nunc viri Israel consulebant dominum, an deberent pugnare contra Beniamitas. Nam videtur, q̃ non deberent consulere, quia consultatio est de dubiis, sed non erat dubium Israelitis, q̃ iustum fouerent bellum, quia Beniamitæ defendebant peccatores cōtra legem Dei, in quo manifestè ipsi rei erant, & debebat contra eos moueri bellum, sicut contra violatores legis. Aliquis dicet, quod quamquam bellum de se iustum foret, tamen erat aliqua causa, propter quam Deus nolebat pugnam esse, vt potè quia Israel pugnans contra Benjamin deleteret eum, & hoc nolebat Deus: ideo consulebant, vt scirēt, an negarent Deus bellum. Sed aliquis dicet, q̃ non stat: quia iam Israelitæ consulerant dominum, quis deberet esse dux in exercitu, & respondit q̃ Iudas: in quo videtur approbasse bellum, ideo non oportebat denuo eum consuli super statu belli. Responderi potest multipliciter. Vno modo, q̃ quamquam Deus dixisset: Iudas sit Dux vester, non approbabat bellum, quia non dixit pugnate, vel cessate. Sed Israelitæ præsupposuerunt pugnandum fore, & de hoc non consulerunt dominum, sed solum de duce. Deus autem respondit: Iudas sit dux vester, i. si volueritis pugnare acci-

**A**pite Iudam in ducē. De bello autem, an licitum esset, vel vtile non respondit: quia ipsi non interrogauerunt, ideo nunc videntes, q̃ malum euenisset eis, dubitarunt, an bellum esset a Deo volitum, & consuluerunt rursus. Alio modo potest dici, q̃ Israelitæ per primam consultationem Dei crediderunt bellum esse licitum, & tamen nesciebant, an esset licitum pro vna vice solum, aut pro semper quousq; deleteretur Benjamin, & cum semel pugnassent quæsiuerunt, an iterum liceret eis pugnare, & hoc signatur aliquammodo in litera, cum dicitur: Debeo pugnare vltra contra Benjamin: quasi dicat: non dubito de bello præterito, sed de futuris. Alio ter dici potest, q̃ fortè Israelitæ putauerunt istud bellum quamquam secundum se iustum esset, non placere

**B**Deo, eo q̃ procedebat ad destructionem totius tribus Benjamin, & fortè potius De⁹ vellēt tolerare hic quedam mala puniendā in alio sæculo, quā delere totū Benjamin, & ob hoc quamquam scirent Israelitæ bellum iustum, petiuerunt, an deberent pugnare contra Benjamin, & designatur istud inquātum dixit Israel: Debeo procedere vltra ad dimicandū contra filios Benjamin fratres meos, an non? id est nunquid est licitum mihi pugnare contra illos, cum sint fratres mei? Alio potest dici, & melius, q̃ licet putarent Israelitæ Deo placuisse istud bellum quando consuluerunt eum, & scirent certissimè illud esse iustum, quia tamen nunc eis malum euenerat, dubitarunt quid agendum foret, & consuluerunt dominum, vt declararet eis si quid agendum foret, aut si in aliquo erratum fuerat, ppter quod acciderat eis istud malum.

**C***Quibus ille respondit: ascendite ad eos, & inite certamen.* Deus voluit, q̃ puniretur iniquitas Beniamitarum, ideo noluit q̃ cessaret bellum, licet Israelitæ primò percutiendi forent: & non dixit Deus hic: ascendite tradam eos in manus vestras, sed solum dixit: ascendite, & inite certamen. *Cumque filij Israel altero die contra Benjamin ad prælum processissent.* Scilicet, recesserunt die isto de Silo, sicut prius fecerāt, & venerunt in Gabaa ad locandum aciem circa portas Gabaa, vbi prius locauerant, vt supra in litera dicitur. *Eruperunt filij Benjamin de portis Gabaa.* Iam filii Benjamin erant facti audaciores contra Israelitas: nam prima vice ambiguo animo iniuerunt certamen, quia ipsi pauci erant, & multi de tribubus Israel, quia facili-

**D**ter irrumpentes aciem illorum occiderunt de illis viginti millia, & fugauerunt eos, crediderunt q̃ sic quotidie efficerent, potissimè quia Israelitæ inciperent timere Beniamitas, quia coram eis cadere cæperant, & essent minus confidentes in bello. *Et occurrentes eis.* Scilicet, quia Israelitæ aciem locauerant apud portas Gabaa, & illi exeuntes de porta illico irruebant in aciem eorum. *Tanta in illos cade debachati sunt.* Id est, tantam stragem fecerunt in eis. Debachari enim est sæuire, vel ingrauescere, s. quando aliquis efficitur alteri valde grauis, ita vt eum tolerare non possit pignantem. *Vt decem & octo millia virorum educentium gladium prosternerent.* Hac die non occiderunt tot Beniamitæ de Israelitis, sicut præcedenti die, licet Beniamitæ audaciores essent, & fortiores effecti, quia Israelitæ aliquammodo magis se munierant hodie, quam præcedenti die propter plagam præcedentis diei.

*Quare Israelitæ cum essent plures, & fortes, & fouerent causam iustam occidebantur, & Beniamitæ, qui pauci erant, & fouebant causam iniquam, vincebant.*

*Quest. XXI.*

**Q**VAERETVR, quare Israelitæ cum essent plures, & fortes & fouerent causam iustā occidebantur, & Beniamitæ, qui pauci erant, habebātque iniustam causam, præualebant: nam si filii Benjamin fo-

uerent



nerent iustam causam, non erat admirandum, quod ipsi praevalerent, quia diceremus quod Deus pugnabat pro eis: nam non est differentia in conspectu Dei coeli saluare in multis, vel in paucis: sicut dixit Ionathas filius Saulis 1. Regum 14. & facile est concludi multos in manu paucorum, quia non in multitudine exercitus est victoria belli, sed sicut voluntas est in coelo, sic fiet, ut dixit Iudas Machabeus, & habetur primo Machab. cap. 3. Hic tamen filii Benjamin pauci erant, quia quasi sexdecim de Israelitis erant contra unum de Benjamin, ut patet comparando quadringenta millia ad viginti quinque millia, & rursus iniustissimam causam ipsi fovebant. Respondendum, quod hoc non proueniebat ex fortitudine virorum Benjamin, quia licet ipsi essent audaces, & viri fortes, tamen non ita erant excedentes alios viros de aliis tribubus, quod unus posset pugnare contra sexdecim: sed proueniebat a Deo ista commutatio victoriae. Aliqui autem dicunt, quod Israelitae praevalere deberent regulariter tam ex multitudine, quam ex fortitudine, & ex iustitia litis, & tamen Deus fecit, ut bis vincerentur, eo quod confidebant de fortitudine sua, & numero, & non multum curabant de Beniamitis, & sic recurrerent ad Deum plorantes, & precibus obtinerent victoriam, & non putarent obtentam viribus suis. Ista est positio communis doctorum nostrorum, & istud tenet Nicolaus. Hebraei dicunt, quod istud accidit, quia Israelitae fuerant valde negligentes circa punitionem idoli Michae, quia Michas habebat idolum in domo sua, & sacerdotem, & postea filii Dan transfulerunt illud in urbem suam Laish, & ibi illud colebant. Istud autem debebant punire Israelitae. Nam mox, ut audirent (etiam si occultum esset) debebant diligenter inquirere, ut reperirent veritatem, quae comperta punire debebant delinquentes. De quo Deuter. 13. & 17. Istud autem erat notorium, quod tota una tribus acceperat idolum de domo unius viri, & constituit illud publice in ciuitate Laish, ideo grauabatur magis delictum, & debebant grauius punire negligentes in puniendo illud: nam minus erat, quod tempore Iosue auditum est, scilicet quod duae tribus, & dimidia constituerent altare apud Iordanem, quod non constituerat eos certissime idolatras, sed erat signum idolatrie, & ob hoc nouem tribus, & dimidia parauerunt se ad pugnandum contra duas, & dimidiam, Iosue 22. c. ergo a fortiori hic, cum esset manifesta idolatria, & ob hoc tradidit Israelitas in manus Beniamitarum: licet illi pauci essent, & ipse Deus concitauit Beniamitas ad pugnandum contra Israelitas, ut sic de illis multi perirent. Sed obicietur contra positionem Hebraeorum: quia Beniamitae ita peccauerant cum essent negligentes in puniendo idolatriam, sicut caeterae tribus: quomodo ergo Israelitae soli punirentur pro hoc, & daretur potestas Beniamitis puniendi illos. Respondebitur, quod utrique peccauerunt, & utrique puniti sunt: tamen puniti sunt isti per illos, & illi per istos. Dicendum autem circa hoc, quod duplex causa fuit quare perirent multi de Israelitis, licet fouerent iustitiam, & essent multi. Prima erat indispositio circa pugnam, scilicet quod non se disponebant conuenienter in loco, in quo deberent secundum prudentiam militarem ad pugnandum contra Benjamin, & istud erat ex contemptu virorum Beniamin, & ex confidentia virtutis suae. Nam cum viri Israel essent multi, & fortes, confidebant quod in quocunque loco pugnarent, & qualitercunque praevalerent contra Beniamitas, qui pauci erant: ideo prima vice posuerunt exercitum ante portas Gabaa in tali loco, ubi faciliter poterant multi periclitari a paucis, & sic Beniamitae exeuntes de urbe conuerterunt eos in fugam occideruntque viginti duo millia. Tunc autem viderunt filii Israel, quod in loco inconuenienti collocauerant

faciem, & quod culpa sua ceciderant, & quod rationabile fuisset rursus in alio loco poni aciem: tamen confidentes in robore suo, & multitudine denuo ibi, ubi prius aciem direxerunt, & sic ex eadem causa percussi sunt a viris Benjamin, ut prius. Et si forte pluries, vel semper locauissent ibi aciem, semper praeualuissent Beniamitae contra Israel. Sed in tertia vice posuerunt Israelitae aciem aliter ordinatam diuidentes exercitum in tres partes, & tunc non erat promptum viris Benjamin pugnare contra Israelitas, & occiderunt Israelitae omnes Beniamitas: ita ut non superessent, nisi sexcenti, infra in litera. Quod autem ista fuerit causa mortis Israelitarum colligitur ex litera. Nam dictum fuerat supra, quod Beniamitae occiderunt viginti duo millia de Israelitis, & subditur quod Israelitae numero, & fortitudine confidentes in eodem loco aciem direxerunt: in quo innuitur, quod non direxissent ibi, nisi confiderent multitudine, & numero: ergo videtur quod locus ad pugnandum malus erat, tamen confidentia vincebat malitiam loci, vel indispositionem. Etiam patet hoc, quia tertia vice, quando Israelitae superauerunt Beniamitas, non direxerunt ibi aciem, sed in tribus locis, ut patet infra in litera. Sed aliquis dicit, quod in tertia vice (Deo dante) vicerunt Israelitae Beniamitas, & sic videtur, quod primis duabus vicibus, non vincebantur ab eis ex conditione loci, sed solum, quia Deus volebat. Respondendum, quod istud non stat: nam licet verum sit quod vincere, & vinci a voluntate Dei sit, & de quo ipse disposuerit, necessesse est, quod ille aut vincat, aut vincatur: tamen dispositiones bellicae multum ad hoc conferunt, ut infra dicitur. Et colligitur hoc, quia si sola voluntas Dei non accipiens instrumenta fecisset, quod Beniamitae vincerent primis vicibus, & in tertia vincerentur, non mutauissent Israelitae locum, sed in eodem loco, in quo direxerant aciem primis duabus vicibus, ibi direxissent. Sed falsum est: ergo videtur quod aliquid conferebat natura loci ad vincendum, vel fugiendum. Sed dicendum, quod voluntas Dei conferebat principaliter, & dispositio loci, & aliae circumstantiae conferebant, ut minus principalia, & instrumenta. Secunda causa erat, hic, quam ponebat opinio Hebraeorum, scilicet quod Israelitae peccauerant, non corrigendo peccatum idolatriae idoli Michae positi in urbe Laish, & Deus volebat eos tradere in manus Beniamitarum, ut punirentur. Pro quo considerandum, quod modus fuit iste, secundum quod tam Israelitae, quam Beniamitae peccauerunt nimis contra Deum, tam in idolatria, quam in alijs sceleribus, & ob hoc Deus volebat exercere punitionem in utroque. Et ad hoc si fieri debebat modo hostili, qui est magis modus manifestus vindictae, necesse erat, quod aut induceret Deus hostes super Israelitas de finitimis, aut moueret quosdam Israelitas contra alios. Si autem Deus induxisset hostes de finitimis ad faciendum tantam stragem, quanta facta est: necesse erat, quod non solum gens periret, sed etiam quod terra vastaretur, & esset vastatio valde magna: Deus autem hoc nolebat, quia solum volebat punire noxios. Si autem terra vastaretur non solum punirentur noxii, qui occiderentur, sed etiam punirentur innoxii, qui relinquebantur viuentes, & qui postea nascerentur, cum terra vastata esset, & ipsi non possent ex ea colligere fructus ad necessitatem, ideo voluit, quod fieret bellum inter Israelitas adinuicem, eo quod ipsi occiderent homines, & non vastarent terram, saltem possessiones, de quibus fructus colliguntur. Nam urbes crematae sunt, & quia omnes Israelitae peccauerant, oportebat omnes puniri: nunc autem acciderat casus, in quo poterant conuenienter puniri scelera omnium, scilicet in occisione uxoris Leuitae in Gabaa: ideo Deus concitauit Israelitas ad pugnandum contra

Hebraeorum  
in ad quatuor



in Gabaa: Beniamitæ autem moti fuerunt ad defendendum contribules suos, & quia Deus volebat punire peccata Israelitarum, necesse erat, q̃ prius adiuuaret Beniamitas contra Israel quàm è contrario. Nam cum Beniamitæ erant pauci, si præualuissent in primis Israelitæ contra Beniamin, non ausi fuissent postea pugnare Beniamitæ. Etiam non possent, quia manerent pauci de eis, & sic punirentur scelera Beniamitarum, sed non scelera Israelitarum. Ad hoc ergo Deus deberet adiuuare Beniamitas, quousque morerentur de Israelitis tot, quot Deus volebat mori, & postea adiuuaret Israelitas contra Beniamin, ad puniendum peccata Beniamitarum. Et ob hoc in primo bello adiuuit Deus Beniamin, & occidit de Israel vigintiduo millia, & quia nondum erat facta sufficiens punitio in Israelitis, adiuuit etiam Deus Beniamin, & occidit de illis decem octo millia, & sic fuerunt quadraginta millia de occisis Israel: voluit Deus vindicare peccata Beniamin, & tradidit Beniamitas in manus Israelitarum, vt occiderentur omnes. Considerandum autem, quòd in ista punitioe Israelitarum per Beniamitas, licet esset causa præcipua, & prima voluntas Dei, qui volebat Israelitas punire pro demeritis suis, tamen noluit hoc esse sine medio, sed voluit facere quasi modo naturali, s. q̃ posuit quasdam dispositiones, quibus Israelitæ facilius punirentur, & istud fuit q̃ Israelitæ confidentes de viribus suis, ponerent aciem in tali loco, in quo possent faciliter à Beniamitis percuti, & bis posuerunt in eodem loco, & tunc à Beniamitis victi sunt. Cum autem Deus voluit, q̃ punirentur Beniamitæ, mouit Israelitas ad constituendum aciem alibi, vbi possent pugnare faciliter contra Beniamin, scilicet disponendo in tribus locis, & sic voluntas Dei fuit causa prima, & mediata ad hoc: causa autem secundaria, & immediata fuit dispositio. Nam dato quòd Deus non intenderet adiuuare Beniamitas, aut Israelitas, sed permetteret eos viribus suis agere: si Israelitæ collocauissent aciem, vbi collocauerunt, poterant faciliter percutere Beniamitas, & constituendo aciem in tribus locis, in quibus postea Israelitæ constituerunt, dato q̃ Deus non adiuuaret Israelitas ad percutiendum Beniamitas, nec è contrario, sed permetteret eos agere viribus suis, poterant faciliter Israelitæ delere omnes Beniamitas.

*Quare Deus Beniamitas quasi funditus deleuit, & de Israelitis solum occidit quadraginta millia.*

*Quæst. XXIII.*

**Q**VAERETVR vterius, cum Deus voluerit, hic punire Israelitas, & Beniamitas, quomodo Beniamitas funditus deleuit, ita vt non dimitteret de eis senem, iuuenem, aut paruulum, nec foeminam, & vsque ad pecora, præter sexcentos viros, & de Israelitis solum occiderit quadraginta millia virorum. Respondendum, quòd peccata Beniamitarum erant plura, & grauiora quàm peccata Israelitarum, ideo deleuit istos, & illos solum aequaliter puniuit. In quo considerandum, quòd peccata Israelitarum quantum ad id, quod notum erat, & peccata Beniamitarum erant quedam præter peccata Israelitarum: erat autem in veteri testamento maximum peccatum, & pro quo Deus maxime irascebatur idolatria: vnde si qui committerent alia peccata, & ab isto omnino cauerent, Deus tolerabat illos, aut leuiter puniebat: si autem committerent idolatriam, Deus valde acriter puniebat. Erat autem idolatria in Israelitis, scilicet quia Michas fecerat idolum, & postea viri Dan tulerunt illud, & ponerunt publicè in Laish, atque colebant illud. Punitio autem huius pertinebat æqualiter ad omnes tribus Is-

**A**rael, & quia omnes tribus erant negligentes in puniendo, imputanda erat negligentia omnibus æqualiter. Si autem aliqua tribus non solum negligebat punire, sed etiam fauebat peccantibus, illa magis punienda erat. Præter hoc autem Israelitæ mortuo Iosue manserunt aliquanto tempore non declinantes ad idola, postea autem inceperunt declinare. Cum autem factum fuit istud, quia accidit paucio tempore ante institutionem Hothonielis in iudicem, declinabāt iam paulisper omnes tribus Israel ad idolatriam: istud autem poterat esse magis in vna tribu quàm in alia, & quantum ad hoc fortè Beniamin magis peccabat quàm alia tribus, & consequenter magis punirentur nunc, quando punita sunt peccata Israelitarum, & Beniamitarum. Amplius autem Beniamitæ commiserunt peccatum grauissimum, scilicet de casu Leuitæ, de quo præcedenti cap. in quo constat eos assuetos libidini Sodomiticæ, & fortè non solum erat hoc in vrbe Gabaa, sed etiam in aliquibus alijs vrbibus Beniamin. Istud autem vitium magnam punctionem meretur. Nam quatuor ciuitates Sodomorum, scilicet Sodoma, & Gomorra, Seboim, Adama igne cœlesti concrematae sunt. Gen. 19. & Deut. 29. à fortiori Deus puniret istud vitium in Israelitis, qui subditi erāt legi suæ, & ipse vetuerat nimis hoc vitium Leuit. 20. cap. Amplius peccauerunt Beniamitæ, quia ipsi sciuerunt viros Gabaa peccatores esse, & cum ipsi obligarentur punire eos, adiuuerunt illos, & pugnaverunt contra Israelitas, qui zelo Dei succensi volebant vindicare scelus, quod cōmiserant viri Gabaa: & in hoc peccata virorum Beniamin erant nimis multiplicata: peccata autem virorum Israel, quæ supra enarrata sunt, erāt valde minora: & insuper illa diminuta sunt feruore religionis, quia zelo legis opposuerunt se contra tribum Beniamin, & conuenit totus Israel ad pugnandum, nec piguit eos laborem sumere, & expensas magnas facere zelo legis. In quo nimis merebantur, & Deus diminueret partem poenarum debitarum eis pro peccato. De peccatis autem Beniamitarum nihil diminutum est, sed potius incrementum acceperunt per rebellionem magnam ad volentes punire peccata virorum Gabaa: ideo rationabile fuit, q̃ viri Gabaa, & omnes Beniamitæ perirent. De Israelitis autem non perirent, Dicendum tamen, q̃ in hac poena satis rationabiliter dici potest, q̃ de viris Gabaa nulli superfuissent, licet de Beniamin superfuissent sexcenti, eo q̃ viri Gabaa erant maximi peccatores inter omnes Israelitas, & Beniamitas. Item de Israelitis de quibus perierunt quadraginta millia, dicendum videtur, q̃ plurimi istorum fuerunt de tribu Dan, eo quòd tunc in tribu Dan manebat actualiter illud idolum, propter quod principaliter fiebat ista punitio, & mansit etiam post vsque ad tempus captiuitatis Laish, paucio tempore postquam ablatum est sanctuarium de Silo, vt patet supra 18. capitulo.

*E Cum Israelitæ zelarent nunc pro Deo, dato quòd alias peccassent, quare nunc puniebantur.*

*Quæst. XXIII.*

**Q**VAERETVR vterius, cum Israelitæ zelarent pro Deo ad puniendum viros Gabaa, quomodo Deus puniebat eos, quia dato quòd aliquando peccassent, per istud opus valde meritorium debebat eis remitti hoc. Respondendum, q̃ quando aliquis conuertitur ad Deum, necesse est ei remitti culpam, & fieri amicum Dei. Sed poenam peccatorum præteritorum non est necesse remitti. Sic autem nunc Israelitæ zelantes pro lege Dei conuertebantur ad Deum, & tollebantur culpæ præteritæ, tamen pro idolatria præ-



Pena stat  
cū charita  
te.

præterita, & pro negligentia puniendi idolatras meruerunt magnas penas: penæ autem istæ non fuerunt omnino remissæ, quia penæ satis stant cum charitate, & ob hoc volebat Deus, quod quamquam actualiter zelarent pro eo, quod punirentur pro peccatis suis, & sic pugnabant contra Beniamin ex zelo legis Dei, & tamen pugnando occidebantur. Sciendum tamen, quod propter istum zelum fuit magna pars penæ remissa Israelitis. Nam si dominus induxisset hostes ad puniendum peccata eorum, plures de eis morerentur, quam quadraginta millia, quæ mortua sunt: sed reliqua pars penæ dimissa est.

*Quomodo Israelitis euenire poterat malum, cum Deus mitteret eos ad pugnandum contra Beniamitas.*

*Quæst. XXV.*

**Q**VAERETVR ulterius, cum Deus iuberet Israelitis, quod irent ad pugnandum contra Beniamin, quomodo poterat euenire eis malum, & quid imaginabantur Israelitæ, cum videbant, quod Deus iubebat eis pugnare, & postea cadebant in bello: Respondendum, quod Israelitæ putabant, quod quando Deus iubebat illis pugnare contra Beniamin, quod intendebat tradere Beniamitas in manus eorum, & tamen postea aliqua peccata ipsorum proposita coram Deo auertebant Deum ab eis, & faciebant cadere illos in manus hostium: quia Isaias dixerat 59. cap. Peccata vestra diuiserunt inter vos & Deum vestrum. Et ob hoc redibant ad dominum, ut plangerent coram eo, & orarent se adiuuari contra Beniamin. De Deo autem dicendum, quod ipse mittebat eos ad pugnandum contra Beniamin, & intendebat eos tradere in manus Beniamitarum, & hoc ut corrigerentur, & punirentur vitia ipsorum: ipsi tamen puniebantur culpa sua, quia confidentes viribus suis ponebant se in tali loco, in quo possent faciliter a viris Beniamin percuti, ut supra declaratum est: sed adhuc ad istud Deus excecabat eos, ut punirentur: nec erat istud inconueniens: quia bene excecabat Deus aliquem ad penam, scilicet, ut nesciat se dirigere & cadat, licet non excecabat eum ad culpam, quia tunc Deus esset auctor mali, & nos nihil mali mereremur. Sciendum tamen, quod quando Deus dicebat Israelitis, quod irent ad pugnandum, non signabat, quod præualituri essent contra Beniamin, sed solum dicebat, quod pugnarent: licet Israelitæ intelligerent, quod dicebat eis, quod irent, & prosperarentur actus ipsorum: ideo in duabus primis vicibus solum dixit, quod irent: in tertia autem dixit: Ascendite, cras enim tradam eos in manus vestras.

*An Israelitæ viso, quod de illis viginti duo millia essent mortui, tenerentur prosequi bellum.*

*Quæst. XXVI.*

**Q**VAERETVR ulterius, cum Israelitæ incepissent pugnare contra Beniamin ad puniendum peccatum virorum Gabaa, & viderent quod prima vice occisa fuerint de eis 22. millia virorum, an tenerentur prosequi bellum, vel poterant cessare à bello, sine peccato, manente peccato impunito. Respondendum ad hoc, quod tunc tenetur aliquis corripere peccantes, quando putat se præualiturum contra eos. Sed in hoc aduertendum, quod punitio aliquando est spiritualis, ut excommunicatio, & alia censura Ecclesiastica, scilicet interdictum, & quæcunque aliæ penæ similes. In hoc autem dicendum, quod iudex Ecclesiasticus, siue prælatus nunquam debet cessare ab inferendo penas per censuram suam, quando consideratis omnibus circum-

**F**stantiis ratio illud exposcit: unde dato quod sint reges, & potentes, contra quos non potest viribus præualere prælatus, debet eos excommunicare, vel terras eorum subijcere interdicto, quando ratio exposcit: sic enim beatus Ambrosius excommunicauit Imperatorem, & eiecit eum de Ecclesia, quamquam ille potentissimus esset: unde si propter timorem mortis, vel priuationis præposituræ prælatus permittit ecclesiam suam periclitari in manu potentium virorum, vel perueri ecclesiasticum ordinem, & non excommunicat, vel exercet aliam censuram super eos peccat mortaliter: sic ait Gregorius in moralibus, & habetur in decretis 43. dist. cap. sic rector. sic autem sanctus Thomas Archiepiscopus Cantuarien. permisit se occidi ne ecclesiam suam laicorum seruituti subijceret. Si autem puniendus sit peccator corporaliter, & contra illum pugnandum sit: tunc aut iudex omnino scit se non posse præualere contra illum, aut est dubium. Si primò modo dicendum, quod non tenetur se exponere ad puniendum illud, quia frustra esset, & quod deterius esset diminueretur auctoritas iudicum, cum mali sibi potentiores, & superiores efficerentur. Etiam ipsi mali in peccatis suis gauderent, quia de viris bonis volentibus eos punire triumphabant, ideo cessandum est tunc à punitione eorum: simile est, quia si quis nouerit peccata aliquorum grauissima, quæ puniri esset utile Ecclesie Dei, debet tacere si illa probare non potest, ut ait Augustinus, & habetur in decre. 2. quæst. 7. c. plerique. Sciendum tamen, quod in isto casu in culpa est iudex, qui voluit effici iudex in tali populo, cuius non posset vitia corrigere. Sic patet Ecclesiastici 7. istud tamen intelligitur de illo, qui sponte factus est iudex, vel prælatus. De illo autem qui ex necessitate, & præcepto superioris cui obedire tenetur factus est, non tenetur: nam litera dicit ibidem. Noli querere fieri iudex, nisi valeas virtute irrumperè iniquitatem, ne fortè extimescas faciem potentis, & ponas scandalum in malignitate tua. Si autem dubium est, an possit aliquis præualere contra eum, quem punire vult, & est quasi æqualiter dubium, satis videtur quod debeat aggredi ad puniendum eum, quia zelus iustitiæ faciet eum triumphare: nec obstat quod se exponit quis isto modo periculo: nam tenetur aliquis se exponere periculo propter Deum. Nunc autem sic erat in viris Israel, nam ipsi tenebantur pugnare contra iniquos, sicut in casu, in quo erat aliqua ciuitas idolatrarum, Deuter. 13. & tamen manifestum est, quod in expugnatione illius poterant multi de Israelitis perire: sed hoc non obstantè obligabantur pugnare contra urbem. Ita nunc tenebantur Israelitæ à principio pugnare contra viros Gabaa, propter delictum eorum, & in expugnatione poterant aliqui perire, cum semper tenebantur: ita ergo nunc, licet de Israelitis periissent in primo bello viginti duo millia virorum, cum adhuc superessent de Israelitis tot viri, scilicet plures quam trecenta, & quadraginta millia, qui verisimiliter possent delere viginti quinque millia virorum de Beniamin, tenebantur bellum prosequi, & quod maius est, quia cum ipsi consulerunt dominum, an deberent pugnare iterum contra Beniamin, respondit Deus quod ascenderent, & pugnarent: & tamen ad mandatum Dei tenebantur pugnare, dato quod scirent, quod Beniamitæ semper erant præualituri contra eos, quia mandatum Dei expressum ad quæcunque quantuncunque dura obligare potest.

Quamobrem omnes filij Israel venerunt in domum Dei, et sedentes flebant coram Domino, ieiunaueruntque die illo usque ad

Contra p-  
latos, qui  
adulantur  
principib-  
& permit-  
tunt bona  
ecclesiarū  
pdi timo-  
re eorum.



ad vesperam; & obtulerunt ei holocausta, atque pacificas victimas, & super statu suo interrogauerunt. Eo tempore ibi erat arca fœderis Domini, & Phinees filius Eleazari filij Aaron præpositus domus. Consuluerunt igitur Dominum, atque dixerunt: Exire ultra debemus ad pugnam contra filios Benjamin fratres nostro, an quiescere? Quibus ait Dominus: Ascendite: cras enim tradam eos in manus vestras. Posueruntque filij Israel insidias per circuitum vrbis Gabaa, & tertia vice sicut semel, & bis contra Benjamin exercitum produxerunt. Sed & filij Benjamin audacter eruperunt de ciuitate, & fugientes aduersarios longius persecuti sunt, ita vt vulnerarent ex eis sicut primo die, & secundo, & cederent per duas semitas verentes terga, quarum vna ferebatur in Bethel, & altera in Gabaa, atque prosternerent triginta circiter viros. Putauerunt enim solito eos more cedere. Qui fugam arte simulantes inierunt consilium, vt abstraherent eos de ciuitate, & quasi fugientes ad supradictas semitas perducerent. Omnes itaque filij Israel surgentes de sedibus suis, retenderunt aciem in loco, qui vocabatur Baalhamar: insidiæ quoque, quæ circa urbem erant paulatim se aperire cæperunt, & ab occidentali vrbis partes procedere. Sed & alia decem millia virorum de vniuerso Israel habitatores vrbis ad certamina prouocabant, ingrauatumque est bellum contra filios Benjamin: & non intellexerunt, quod ex omni parte illis instaret interitus. Percussitque eos Dominus in conspectu filiorum Israel, & interfecerunt ex eis in illo die viginti-quinque millia, & centum viros, omnes bellatores, & educentes gladium. Filij autem Benjamin cum se inferiores esse vidissent, cæperunt fugere, Quod cernentes filij Israel, dederunt eis ad fugiendum locum, vt ad præparatas insidias deuenirent, quas iuxta urbem posuerant. Qui cum repente de latibulis surrexissent, & Benjamin terga cadentibus daret, ingressi sunt ciuitatem, & percusserunt eam in ore gladij.

Quamobrem omnes filij Israel venerunt in domum Dei, scilicet, quia viri Benjamin nunc secunda vice percusserunt decem & octo millia de eis, venerunt omnes in domum Dei, scilicet in Silo, vt peterent clementiam Dei adiutricem contra filios Benjamin. *Et sedentes flebant coram domino.* Scilicet, introierunt in domum, in qua erat sanctuarium, & sedebant ibi versis vultibus contra locum, in quo erat arca, & sic dicebantur esse coram domino flentes, vt propitiaretur peccatis eorum, & adiuuaret eos. *Ieiunaueruntque die illo vsque ad vesperam.* Id est, toto illo die ieiunauerunt: iste erat dies, quo occisa sunt decem & octo millia. Nam ipso die recesserant de Sylo, & iuerant Gabaa, & inito bello ceciderant de Israel decem & octo millia, reuersi sunt in Silo tunc, & manserunt tota illa die in fletu, & ieiunio, vsque ad vesperam, id est solis occasum, & tunc comederunt. Iste autem modus erat ieiunandi apud Hebræos, scilicet, quod die illa, qua ieiunarent nihil comederent incipiendo ab occasu solis vnius diei, vsque ad occasum solis alterius diei, & sic transiret vnus dies sine cibo, & illud est propriè ieiunare per diem totum: nobis tamen sunt ieiunia mitiora, scilicet, qd semel in die comedere licet. Et istud ordinavit Apostolus, dicens, qd debemus quotidie esurire, & quotidie prandere, & intelligitur de diebus ieiuniorum, in quibus esurimus, & tamè semel prandemus. *Obtuleruntque ei holocausta, & pacificas victimas.* Prius cum Israelitæ bis consuluerunt dominum, non obtulerunt ei sacrificia. Nunc yero, quia erant in maiori angustia obtulerunt victimas, vt placarent eum, & obtulerunt duo genera sacrificiorum, scilicet holocausta, & victimas pacificas. Vocantur autem holocausta sacrificia, quæ fiebant ad laudem Dei solùm, & carnes totius animalis, & intestina cremabantur, data sola pelle sacerdoti faciendi sacrificium, vt colligitur Leuit. 1. & 6. Victimæ pacificæ sunt sacrificia in quibus Deo solùm dantur adipēs cum renunculis, & interdum cauda animalis: reliqua autem dantur sacerdoti facienti sacrificium, & proueniunt partim offerenti animal, vt patet Leuit. 3. & 7. cap. & vocantur pacificæ, quia pro pace dantur, scilicet, quia Deus pacificatus fuit alicui dando ei, quod petebat, quod non fieret, nisi pacificaretur ei. Aliquando autem vocantur pacificæ, quia dantur pro pace obtinenda, vt si quis petit aliquid à Deo, & vult eum habere propitium, vt obtineat facit hostias pacificas: sic fuit hic in Israelitis, qui fecerunt holocausta ad laudem scilam Dei, & fecerunt victimas pacificas ad pacificandum sibi Deum, quem credebant iratum propter aliquod peccatum, & vt adiuuaret eos contra Beniamitas. *Et super statu suo interrogauerunt.* Scilicet, quid deberent agere, scilicet pugnare, vel cessare, & an prosperarentur, vel non: & fuit ista interrogatio per sacerdotem magnum, quia laicus per se non poterat consulere dominum, cum non indueretur Ephod. *Eo tempore ibi erat arca fœderis domini.* Scilicet, tempore quo factum est istud erat arca Dei in Silo, & totum sanctuarium. *Et Phinees filius Eleazari filij Aaron erat præpositus domus.* Id est, Phinees erat maior in domo domini, quia ipse erat summus sacerdos. Et ponitur istud ad declarandum, quod supra dictum fuerat, scilicet quia Israelitæ consuluerunt dominum super statu suo, & non poterant consulere sine sacerdote magno, ideo dicitur, qd illo tempore erat arca domini, & Phinees summus sacerdos. Ex hoc autem patet, quod istud fuit factum ante tempora Samsonis, licet ponatur hic post Samsonem, quia Phinees erat isto tempore, & tamen Phinees non potuit viuere magno tempore post mortem Iosue, quia Phinees erat vir magnus, scilicet triginta annorum, vel quasi anno quo Israelitæ egressi sunt de Aegypto, cum ipse occiderit principem tribus

Modus ieiunandi apud Hebræos.

Holocaustum qd sit.

Victima pacifica quid sit.



bus Simeon coeuntem cum scorto Madianitide, Numer. 25. & postea rexit Iosue Israelitas introeuntes in terram Chanaan magno tempore, ita quod inter mortem suam & institutionem Hothonielis in iudicem, non fluxerint magna tempora, & tamen ab introitu in terram Chanaan usque ad mortem Hothonielis fluxerunt anni quadraginta, qui computantur in tempore Hothonielis supra 3. capitulo: & sic necesse est istud fuisse ante primum iudicem Israel, quia Phinees non poterat vivere usque post mortem Samsonis, quia esset tunc valde multorum annorum, scilicet plusquam trecentorum quinquaginta, ut declaratum est supra 17. capitulo. *Consuluerunt igitur dominum.* Scilicet per summum sacerdotem Phinees, de quo facta est mentio. *Atque dixerunt: Exire ultra debemus ad pugnam contra Benjamin.* Idest nunquid est bonum, quod exeamus? Ecce quia Deus respondit æquiuoce Israelitis supra: nam ipsi quæsiuerunt sicut nunc, scilicet, an deberent exire ad pugnandum, idest si pugnando contra illos prosperarentur, vel non, & Deus dixit prius: ascendite ad eos, & inite certamen. Et tamen non intellexit Deus, quod ascenderent, & prosperarentur: licet Israelitæ sic intelligerent, & ob hoc decipiebantur. Nunc etiam in eodem sensu petiuerunt, & Deus respondit eis manifestè. *Fratres nostros.* Quia erant omnes tribus filii Iacob. *An quiescere.* Idest, nunquid erit nobis melius cessare à bello. *Quibus ait dominus.* Scilicet respondens per sacerdotem. De modo autem respondendi, an in scripto responderetur, vel voce, aut quomodo, declarabitur 1. Regum 23. & 30. capitu. *Ascendite.* Idest bonum est, quod ascendatis. Vel: *Ascendite.* Idest iubeo, quod ascendatis. *Cras enim tradam eos in manus vestras.* Hic respondit apertè, quia supra solum dicebat, quod ascenderent, & non declarabat de victoria, & Israelitæ intelligentes, quod vincerent fallebantur. Et dixit: tradam eos in manus vestras, idest permittam tradi in manus vestras.

*An filij Benjamin fuerunt opere Dei, vel modo communi occisi.*

*Quæst. XXVII.*

**Q**VAERETVR, an filii Benjamin fuerunt miraculosè occisi, scilicet opere Dei, vel fuerunt occisi modo communi, scilicet sicut vnus hostis solet occidere aliū nullo speciali modo ibi ostenso à Deo. Aliquis dicet, quod fuerunt miraculosè traditi, quia Deus dixit hic: cras enim tradam eos in manus vestras: istud tamen non dicitur, nisi quādo Deus agit aliquid speciale adiuuando aliquem de pugnantis. Item patet magis, quia dicitur infra percussit eos dominus in conspectu filiorum Israel: & sic percussio Deo attribuitur, quasi ipse fecisset eam, & non Israelitæ: ergo fuit miraculum tradendo eos. Respondendum, quod non fuit aliquod miraculum, quod filii Israel occiderent omnes viros Benjamin, & ponuntur circa hoc duæ conclusiones. Prima sit, quod non est necesse, quod ponatur miraculum aliquod ad hoc, quod Israelitæ occiderent filios Benjamin: nam filii Israel erant trecenta, & viginti millia, aut plures. Quod patet, quia à principio erant quadringenta millia, de quibus subtrahita fuerunt quadraginta millia, scilicet decem de centum, & centum de mille ad prouidendum exercitui de necessariis, ut supra dictum est, & sic remanserunt trecenta sexaginta millia. De his occisa fuerunt quadraginta millia in duobus diebus, scilicet viginti duo millia in primo bello, & decem octo millia in alio: manebant igitur trecenta, & viginti millia de Israelitis ad pugnandum in tertia vice contra Benia-

**F**mitas: ipsi autem Beniamitæ solum erant viginti quinque millia pugnatorum, & septingenti: quid ergo miraculi erat, quod tredecim viri occiderent vnum? Nam in trecentis, & viginti milibus collatis ad viginti quinque millia, sunt ferè tredecim pro vno: potissimè quia filii Israel erant ita robusti, & animosi sicut filii Benjamin. Sed potius dicendum est, esse miraculum, vel quasi quod viginti quinque millia de Benjamin pugnarent contra trecenta sexaginta millia virorum fortium, & quod pauci fouerent iniquam causam, & multi fouerent iustam, & paucissimi occiderent de plurimis quadraginta millia virorum ita velociter, & nullo pereunte de Beniamitis. Secunda conclusio est, quod non solum oportet poni miraculum, sed etiam nullum fuit. Nam considerando ea, quæ in litera sunt, nihil specialius fuit in isto bello, quàm in aliis communibus, scilicet, quod Israelitæ ante disponentes insidias, & collocantes aciem per tria loca ceperunt in medio viros Benjamin, & occiderunt eos. Cùm autem arguitur, quod fuit aliquid miraculi, dici potest, quod fortè Deus dixit Israelitis modum, quo pugnarent contra Beniamitas, collocando insidias, & diuidendo se in tres partes, & quia per istum modum ceperunt illos, & occiderunt, dicuntur occidisse quasi miraculosè. Ad rationem in contrarium dicendum, quod dicitur Deus tradere in manus Israelitarum, idest permittere tradi, scilicet, quia in bellis prioribus, licet fortissimè pugnassent Israelitæ contra Beniamitas, Deus non erat permittiturus, quod traderentur in manus Israel, sed potius è contrario, cùm Deus vellet, quod peccata Israelitarum punirentur per Beniamitas, & deinde Beniamitæ punirentur per Israelitas, & quia nunc permittebat tradi Beniamitas in manus Israel, dato quod nihil adiuuaret, dominus tamen non impediret, ideo dicebatur tradere in manus Israel. Et idem est, quod percussit Deus Beniamitas coram Israel, idest permiserit percuti. *Posueruntque filij Israel insidias per circuitum vrbs Gabaa.* Scilicet, Israelitæ per hostem miserunt magnam partem exercitus sui, quæ esset in insidiis in circuitu vrbs, idest circa urbem, & non in circuitu, idest in diuersas partes peregrè, quia tunc cognoscerentur insidiæ: venerunt autem istæ insidiæ secretè in locum latibuli ad posteriorem partem vrbs Gabaa, & non viderunt eas viri Gabaa, nec suspicati sunt aliquas latere insidias, sicut nec in primo, & secundo die posuerant insidias. Istæ autem manebant in latibulis, ut cùm viri Gabaa egrederentur de vrbe, & dimitterent portas apertas, isti exeuntes de latibulis introirent in urbem, & cremarent eam, & sic darent aliis Israelitis signum vrbs captæ, quo confortarentur ad pugnandum contra Beniamitas, & Beniamitæ hoc videntes deficerent animo, & caderent in manus eorum. *Et tertia vice sicut semel, & bis contra Benjamin exercitum produxerunt.* Idest, filij Israel direxerunt nunc aciem contra filios Benjamin, sicut semel, & bis, idest sicut fecerant in duabus vicibus primis, scilicet quod Israelitæ finxerunt, quod ordinauerant non alio modo exercitum nunc quàm prima, & secunda vice, & hoc ut filii Benjamin confidenter aggredierentur contra eos: ipsi tamen aliter disposuerant exercitum, quia posuerant insidias, & exercitum in multis partibus, finxerunt autem se disposuisse exercitum, sicut in prima die, ut Israelitæ putarentur fugituri sicut aliis diebus, & Beniamitæ auderent pugnare contra eos: nam si vidissent exercitum aliter dispositum, forsitan non auderent pugnare credentes latere insidias.

*Ad rōnē diuersum*



*An Deus dixerit Israelitis, quod ponerent  
has insidias vrbi Gabaa.  
Quaest. XXVIII.*

**Q**VAERETVR, an Deus direxit Israelitis, ut ponerent istas insidias vrbi Gabaa, & disponerent exercitum in multis locis, sicut posuerunt. Aliquis diceret, quod non, quia litera non exponit, quod Deus dixerit illud, sed solum quod Israelitae illud fecerunt. Item quia ponere insidias est fallere, Deus tamen non incitat ad fallendum cum in omnibus velit veritatem obseruari, ergo non iussit ipse poni insidias. Respondendum, quod non patet, an Deus iusserit poni insidias & disponi sic exercitum, ut dispositus fuit: tamen satis credi potest, quod Deus illud iusserit, quia Deus volebat nunc adiuuare Israelitas contra Beniamitas, cum dixerit: cras tradam eos in manus vestras, & tamen capti sunt Beniamitae per istas insidias: ergo videtur, quod Deus illas eis dixit ad capiendum Beniamitas, & sic tradiderit eos in manus illorum. Item Israelitae in duobus diebus praecedentibus nescierunt sic disponere exercitum, & nunc valde artificiosè collocauerunt eum, ergo videtur, quod Deus instruxerit eos. Item patet, quod Deus interdum solet sic instruere aliquos in modo pugnandi: sic fuit de pugna Iosue contra urbem Hai, ubi docuit collocare insidias, & fugam simulare, Iosue 8. Item docuit Deus Dauid pugnare contra Philistinos locare exercitum, scilicet, quod non egrederetur directe contra Philistinos: sed ex aduerso pyrorum: & quod non moueret exercitum quousque audiret sonitum gradientis in cacumine pyrorum 2. Reg. 5, & 1. Paralipo. 14. Ad primam rationem in contrarium dicendum, quod non tenet, quia multa facta sunt, quae non scripta fuerunt. Ad secundum dicendum, quod poni insidias licitum est: nam in bello iusto nihil est, quod fieri non liceat contra hostem, nisi fallere veritatem. in insidijs autem non fallitur veritas, quia quilibet hostis debet nosse, quod hostis suus debet agere contra eum quidquid poterit, siue per insidias, & simulationem, siue alias. Etiam dicendum, quod Deus iubet ponere insidias: nam Iosue 8. cap. Deus iussit Israelitis pugnare contra Hai urbem, quod ponerent insidias, & simularent fugam. Sed hic etiam erat bellum iustum, ergo licebat poni insidias, & sic Deus illud dicere posset.

*An peccabant viri Gabaa pugnando contra viros Israel,  
vel licebat eis se defendere.  
Quaest. XXIX.*

**Q**VAERETVR vltius, an peccabant viri Gabaa pugnando contra viros Israel. Aliquis diceret, quod non, quia pugnabant in defensionem suam, & non peccat, qui se defendit: cum etiam reis criminis liceat fugere, ne capiantur, & occidantur. Aliquis diceret in contrarium, quod peccabant: nam viri Benjamin, qui adiuuabant viros Gabaa peccabant, ut supra declaratum est. & tamen magis peccauerant viri Gabaa, quam viri Benjamin, ergo peccarent viri Gabaa, pugnando contra viros Israel. Sed ista ratio non stat, quia viri Gabaa pugnabant pro seipsis defendentes se a morte, viri autem Benjamin, pugnabant defendendo viros Gabaa. Multa autem licent alicui facere in defensionem sui ipsius, quae non liceret facere pro alio: ut puta si quis fugiens de manibus iudicis ut euad

Alph. Tost. super lib. Iudicum

**A**dat poenam mortis, quam sublaturus erat, non peccat: & tamen si quis adiuuat eum ad hoc, quod eruatur de manu iudicis, si malefactor est, peccat. Sic poterat licere viris Gabaa pro se, quod non liceret Beniamitis pro illis. Dicendum tamen, quod hoc non obstante, non licuit viris Gabaa pugnando defendere se a viris Israel. Pro quo sciendum, quod cum aliquis est reus criminis, & inquiritur a Iudice, licet ei se abscondere, ut non occidatur, vel fugere, & si captus fuerit a iudice, licet ei fugere de manu iudicis, vel satellitum suorum sine offensa iudicis, & suorum: scilicet neminem illorum occidendo aut percutiendo ad hoc, quod sit ei facultas fugiendi. Alia propositio sit, quod cum aliquis sit reus criminis, non licet ei se defendere a iudice pugnando: ut puta si iudex aliquem reum criminis capere vult, & ille non possit se tueri, quin capiatur, nisi percutiendo iudicem, vel pugnando contra eum, vel contra ministros suos, peccat mortaliter ista faciendo. Ratio diuersitatis est, quia cuiuslibet licet agere ad tutelam corporis quidquid potuerit, dum tamen sit sine prauiudicio alterius: cum autem malefactor inquiritur ad mortem, si fugiat, ut non inueniatur, vel occultet se non prauiudicat iudici, quia nihil tollit de iure eius, nec offendit eum. Etiam cum tenetur ab eo, & fugit non percutiendo eum, non offendit, quia agit animo se defendendi, & euadendi solum: & in hoc non resistit iudici, quia fugere a facie alicuius non est resistere illi, sed manendo coram eo facere aliquid, ne subiiciatur potestati illius. Item non prauiudicat legi, quia lex non obligat malefactorem ad hoc, quod prodat crimen suum, & petat se occidi: imò si hoc malefactor peteret, mortaliter peccaret. Eodem modo non obligat lex malefactorem, ut quando iudex eum inquisuerit, ipse se manifestet. Poterit ergo latere & fugere, & euadere de vniuersis eius, quia lex non obligat eum ad volendum subiici panis, quae determinate sunt criminosis. Si autem criminosis ut se liberet, contra iudicem pugnat, & eum percutit, aut ministros eius, vel saltem pugnat contra eos, peccat mortaliter, quia resistit potestati & legi: qui tamen resistit potestati Dei, peccat: si colligitur ad Roma. 13. lex autem obligat quemcunque ad non repugnandum iudici: qualitercunque ergo repugnauerimus ei, ne capiamur peccamus: de quo declaratum est Iosue 11. Nunc autem de viris Gabaa dicendum, quod ipsi peccabant pugnando contra Israelitas: nam ipsi erant manifestè rei criminis, & Israelitae habebant locum iudicis, quia auctoritate Dei, & summi sacerdotis, qui erat iudex, susceperant executionem faciendam contra illos: ideo pugnare contra illos erat pugnare sicut contra iudicem: sed pugnare contra iudicem est mortale peccatum: ergo etiam isti peccauerunt pugnando. Poterant tamen licite viri Gabaa, sciètes quod Israelitae erant pugnaturi contra eos, fugere de terra Israel ad aliam terram, in qua sine bello se defenderent: cum isti ergo nolent fugere de terra, tenebantur se subicere executioni, quam volebant facere Israelitae in eos, scilicet occidendo omnes pro crimine. Sed & filij Benjamin audacter eruperunt de ciuitate. Scilicet, quando Beniamitae viderunt positam aciem Israelitarum ubi prius erat, egressi sunt audacter, idest confidenter de vrbe contra illos: putantes quod sicut aliis vicibus eos fugauerant, & percusserant, ita & nunc facerent. Et fugientes aduersarios longius persecuti sunt. Idest, mox ut egressi sunt Beniamitae de vrbe, ceperunt fugere Israelitae ex industria. Et hoc propter duo, primo ut longe ducerent Beniamitas ab vrbe, & possent interim insidiae Israelitarum surgentes de latibus introire urbem apertam, atque crenare eam.

Dd

Secun.

Doct. resp.  
ad quaest.

Cuiuslibet licet agere ad tutelam corporis, quidquid potuerit dum sit sine prauiudicio alteri.

Qui resistit potestati Dei peccat.



Secunda causa erat, quia Israelitæ disposuerant alium exercitum magnum in insidiis longe ab vrbe, vt cum peruenirent viri Benjamin ad illum locum caperentur in medio Israelitarum. Benjamin autem nihil considerantes secuti sunt Israelitas procul fugientes: putantes esse sicut prius. Ita vt vulnerarent ex eis sicut primo, & secundo die. Idest, in fuga ista Beniamitæ vulnerabant aliquos de Israelitis, sicut fecerant primo, & secundo die. Est sensus, quod Israelitæ intendebant solum fugere, vt fugiendo extraherent Beniamitas longe ab vrbe, & cum in hoc non resisterent Beniamitis pugnando, sed solum fugerent, necesse erat aliquos de Israelitis percuti, & percussi sunt multi atque corruerunt aliqui interfecti. Et hoc sicut primo, & secundo die, scilicet, quia duo dies præcesserant, & in vtroque fugit Israel, & ceciderunt viginti duo millia: & secundo die decem octo millia. Et cederent per duas semitas terga vertentes. Idest, Beniamitæ cedebant, idest percutiebant Israelitas terga vertentes, scilicet fugientes per duas semitas: & est sensus, quod cum Israelitæ, qui direxerunt aciem contra Gabaa cepissent fugere a facie Beniamitarum, diuiserunt se per duas semitas, quæ erant ibi, ita vt pars exercitus fugeret ad vnum locum, & pars exercitus ad alium: & istud erat, quia istæ duæ semitæ ducebant ad locum insidiarum Israelitarum. Quarum vna ferebat in Bethel. Est Bethel alius locus, qui est in extremitate fortis Benjamin, & Ephraim: de quo Iosue decimo octauo. Ite vocatur alio nomine Luza, & est apud urbem Hai. Et ibi positus fuit vnus de vitulis aureis, quos fecit Ieroboam, vt patet tertio Regum duodecimo capitu. Et altera in Gabaa. Idest alia semita ducebat in Gabaa. Potest accipi Gabaa pro alia villa, quæ sic vocaretur. Sed magis dicendū, quod accipitur pro vrbe illa, contra quam pugnabant Israelitæ. & sic erant istæ duæ semitæ separatæ: & vna erat, quæ non perueniebat in Gabaa, sed distans ab vrbe ducebat in Bethel. Alia autem directè ducebat in Gabaa veniendo de aliis locis. Atque prosternerent triginta circiter viros. Scilicet, plures quàm triginta vulnerauerunt: sed triginta solum occubuerunt fortiter percussu. Putaueruntque eos solito more fugere. Scilicet, Israelitæ soliti erant fugere a facie Beniamitarum non simulate, sed verè, non resistere potentes, & quia nunc quoque ceciderant aliqui Israelitæ sicut prius, putabāt viri Gabaa, quod fugerent ex timore sicut prius, & non posuissent aliquas insidias. Qui fugam arte simulant. Scilicet, non fugiebant ex timore, sed fraudulentè, vt educerent longe ab vrbe Beniamitas, & facerent cadere eos in manus insidiarum. Primo autē, & secundo die non fugerant arte, sed timore. Et dicitur, quod simulauerunt fugam, non quidem, quod non fugerent, quia verè fugiebant: sed simulauerunt timorem, scilicet, vt putarent Beniamitæ timentes fugere. Iniere consilium, vt abstraherent eos de ciuitate. Scilicet, vt procul traherent. Nam etiam in alijs vicibus exibant de vrbe omnes viri Benjamin: & tamen non longe persequabantur Israelitas. Nunc autem Israelitæ incitauerunt eos ad longe persequendum, vt daretur locus latentibus in insidiis introire in urbem. Et dicitur: iniere consilium, non quidem nunc quando erant in acie, sed præcedenti die, priusquam venirent ad certamen, inierant consilium quomodo ista facerent: & apud se disposuerant. Quod satis patet, quia antequam inciperent pugnare die isto tertio, latebant insidiæ in multis locis, & Beniamitæ persequentes Israelitas inciderunt in eas. Et quasi fugientes ad supradictas semitas perducerent. Idest, quasi ex timore fugere simulabant, vt ducerent Beniamitas ad duas se-

Gabaa pro  
quo accipi  
debet.

mitas, idest ad aliqua latibula prope duas semitas, in quibus latebat exercitus magnus Israelitarum. Nam non poterant fugere Israelitæ ad duas semitas, cum fugerent per illas, vt patet supra. Vel potest dici, quod fugiebant ad duas semitas, idest ad capita duarum semitarum, quia in vno loco coniungebantur, & apud illum latebant Israelitæ: ideo fugientes conabantur ducere Beniamitas ad capita semitarum. Omnes itaque filij Israel surgentes de sedibus suis. Scilicet, cum Beniamitæ longe exirent ab vrbe, illi Israelitæ, qui sedebant in latibulis surrexerunt: & direxerunt aciem in loco, vbi possent includere Benjamin. Et quoniam litera ista est aliquantulum intricata circa exercitus varietatem, sciendum, quod Israelitæ digesto consilio diuiserunt exercitum suum in tres partes, vt possent præualere contra Benjamin, quia præcedentibus duobus diebus, quando erat totus exercitus simul non poterant præualere, eo quod si Israelitæ inciperent fortiter pugnare super Beniamitas redirent ipsi velociter in urbem, & sic non possent Israelitæ occidere eos, & posuerunt vnā partem exercitus, quæ per noctem lateret ex parte Occidentali vrbis Gabaa: & cum mane Beniamitæ egrederentur de vrbe, ipsi introirent, & caperent eam, atque succenderent. Alia pars exercitus fuit, in qua erant decem millia virorum: & ista direxit aciem contra Gabaa in loco, in quo prius soliti erant Israelitæ pugnare: & isti erant, qui postea fugerunt a facie Beniamitarum per duas semitas. Tertia pars exercitus erat valde magna, & ista fuit posita in latibulis fortè in aliquibus vallibus in capite duarum semitarum, & ob hoc illi Israelitæ, qui fugiebant conabantur ducere Beniamitas ad illas semitas, quia ibi latebat maxima pars exercitus. Tetenderunt aciem in loco, qui vocatur Baalthamar. Istud intelligitur de tertia parte exercitus, quæ erat magna, & latebat apud capita semitarum. Nam prima pars non potuit tendere exercitum cum illa iam pergeret ad ingrediendum Gabaa, & succendendum eam. Tertia pars etiam non potuit tendere aciem, quia ista erat, quæ fugiebat a facie Beniamitarum. Insidiæ quoque, quæ circa urbem erant istæ erant prima pars exercitus, quæ per noctem latuerant in loco illo ab Occidentali parte vrbis, & erant, istæ magis coniunctæ vrbi quàm reliqua pars exercitus, & contra istas insidias non fugerunt Israelitæ, qui pugnam inchoauerant contra Beniamitas: nam cum accederent ad eas, conarentur retrocedere, & possent retrocedere, quia nullus erat post tergum, qui prohibere posset. Etiam quia nondum capta fuerat vrbs, ideo fugerunt ad alias insidias, quæ latebant procul ab vrbe apud duas semitas. Paulatim se aperire ceperunt. Scilicet, exire de latibulis suis, & procedere contra urbem: & hoc quando iam erant Beniamitæ procul ab vrbe, & non poterant videre insidias illas euntes contra urbem: & dato quod videre possent, multo citius illæ accederent ad urbem, quàm Beniamitæ, & caperent eam. Et ab Occidentali vrbis plaga procedere. Scilicet, insidiæ istæ latebant ad Occidentalem partem ciuitatis, & inde ceperunt pergere contra urbem: alia autem insidiæ erant in parte opposita, vt non se impedirent, & caperent Beniamitas in medio. Sed & alia decem millia virorum de vniuerso Israel. Ista decem millia virorum erant secunda pars, quæ aciem direxerat contra Gabaa, & ista erat, quæ fugerat, & ista sola non latebat. Et dicitur de vniuerso Israel, idest quod ista decem millia virorum accepta fuerant de vniuerso Israel. Nam totus Israel diuisus fuerat in tres partes exercitus, vt supra dictum est, & de illo aggregato sumpta est illa pars decem millium virorum. Habi-



*Habitatores vr̄bis ad certamina prouocabant.* In quantum direxerunt aciē apud Gabaa in loco solito: & exierūt viri Benjamin ad pugnandum contra illos, & fugauerunt eos atque persecuti sunt per duas semitas. *Ingratumque est bellum contra filios Benjamin.* Scilicet, postquam fuerunt longē abstracti ab vr̄be: nō tunc ex omni parte surgens exercitus premebat eos. *Et non intellexerunt, quod ex omni parte eis lateret interitus.* Scilicet, ex omni parte latebant insidiæ, quæ eos ad interitum pducerent. Et dicitur, quod non intellexerunt, scilicet a principio, ideo cū se viderent premi ex vna parte, fugiebant ad aliam, & incidebant in alias insidias; sed intellexerunt postea, cū viderunt se vndique vallatos. *Percussitq; eos dominus in conspectu filiorum Israel.* Dicitur Deus percussisse eos, idest permisisse, quod percuterentur: nam aliās non erat hic miraculum, vt supra declaratum est: vel percussit eos, idest dedit modum ad percutiendum instruendo, quod disponderet exercitum in diuersis locis. *Et interfecerunt ex eis in die illo viginti quinque millia, & centum viros.* Scilicet, non durauit bellum contra Benjamin nisi vna die postquam in ceperunt cadere, & in illa die ceciderunt omnes, scilicet 25. millia, & centum viri.

*Quomodo accipienda sit summa istorum virorum.*

*Quæst. XXX.*

**QVÆRETUR**, quomodo accipienda sit summa istorum virorum. Respondendum, quod in tota terra Benjamin reperta sunt 26. millia virorum pugnatorum præter viros Gabaa, qui erant septingenti. Et de his 26. millibus separauerunt mille viros ad ducendum necessaria exercitui, & manserunt ad pugnandum 25. millia virorū & septingenti, & isti semper procedebant ad pugnam in his tribus diebus, & in tertio die occiderunt Israelitæ 25. millia & centum: & sic manebant soli sexcenti de bellatoribus, & isti euaserunt fugientes ad desertum, & sedentes in petra Remmon, infra in litera. & istis postea datæ sunt vxores de Israelitis, vt non periret de Israel vna tribus. manebāt præter hos mille viri, qui de exercitu fuerant separati, vt ducerent necessaria pugnatoribus in Gabaa: isti videntes aduersitatem Beniamitarum fugierunt in alias vr̄bes eiusdem tribus: & cū postea Israelitæ vastaret singulas vr̄bes Benjamin, occiderunt istos mille viros cum aliis senibus, & mulieribus, qui in vr̄bibus manebant.

*Quomodo computandi sunt 26. millia virorum pugnatorum de Benjamin, & 400. millia de Israel.*

*Quæst. XXXI.*

**QVÆRETUR** vltcrius, quomodo computandi sunt 26. millia virorum pugnatorum de Benjamin, & quadringenta millia de Israel, scilicet an dicendum sit, quod venerunt isti soli, quia noluerunt, q̄ plures venirent, vel non fuerint in Beniamitis, nec in Israelitis plures, qui possent procedere ad pugnam. Respondendum primò de viris Benjamin, quod credendum est non fuisse repertos in tota tribu Benjamin plures quam 26. millia, & septingentos pugnatores: & quod reliqui essent ienes, & paruuli, qui non possent capere arma conuenienter ad pugnandum. Et hoc paret: nam licet de Israelitis hoc dubitari posset, eo quod erant valde multi, & fortè nollent venire omnes ad pugnandum, quia putabant vnam partem eorum sufficere ad pugnam contra Benjamin, tamen de Beniamitis non est simile, quod congregarent solum quandam partē exercitus sui. Nam sciebant se pugnare contra totū Israel, qui erat penè innumerabilis. Quomodo ergo ipsi non congregarent quanto maiorem exercitum possent, saltem quousque haberent tantam multitudinem, vel quasi sicut Israelitæ? sed supersederunt postquam congregauerunt 26. millia pugnatorum, qui solum erant 16. pars Israelitarum: ergo videtur, quod non poterant colligere plures pugnatores de tribu sua, scilicet, quia ceteri præter hos erant impotentes ad bellū ex senectute, vel parua ætate. De Israelitis autem dicendum primò, quod fuerunt quadringenta millia, qui conuenerunt primò in Maspha. Et dicendum, quod omnes isti erant de vndecim tribubus: ita quod nulla tribus erat, de qua aliqui non venissent. Etiam venerunt hic Leuitæ & sacerdotes, quia ad eos pertinebat potissimè pugnare pro punitione sceleratorum. Etiam, quia iniuria fuerat illata cuidam Leuitæ. Quod autem essent hic de omnibus tribubus, patet supra in litera. Secundò dicendum, quod conuenerunt ad istud bellum de omnibus locis terræ Israel, ita quod non erat aliquis locus magnus, aut paruus, de quo non venirent saltem aliqui ad istū exercitum. Quod patet sequenti cap. vbi Israelitæ fecerunt inquisitionem, si erat aliquis, qui non venisset ad istum exercitum de tribubus Israel, & repertū est, quod de viris Galaad nulli venissent, & miserunt illuc decem millia virorum, & destruxerunt Galaad, & habitatores eius. Si ergo reperissent aliquem alium locum, de quo non venissent aliqui, ita fecissent ei. Sed in toto Israel non fecerunt hoc, nisi in labe Galaad: ergo videtur, quod de omnibus alijs locis iuerant viri ad exercitum. Tertium est, an omnes viri Israel de omnibus locis irēt, scilicet, quod non esset aliquis potens capere arma, qui non ireret ad bellum, vel solum de quolibet loco irent aliqui. Dicit aliquis, quod solū iuerunt de quolibet loco aliqui, quia sufficiebat ad pugnandum contra Benjamin, quod quædam pars Israelitarum ireret. Item patet, quia si omnes viri de Israel conuenissent plures essent, quàm quadringenta millia virorum: quod patet, quia in diebus David computati sunt omnes viri Israel, & in sola tribu Iuda inuenta sunt quingenta millia 2. Regū 20. & de reliquis tribubus Israel inuenta sunt mille millia, & centum millia, primo Paralipo. 21. capit. quomodo ergo nunc de omnibus tribubus præter Benjamin essent solum quadringenta millia? non est enim verisimile: ergo videtur, quod solum erat quædam pars populi conueniens ad bellum. In contrarium videtur, quod fuerint omnes viri, qui poterant pugnare hic. Nam supra in litera dicitur, quod conuenerunt omnes viri de Israel. Item patet, quia sequenti cap. dicitur. grandi enim se iuramento constrinxerāt interfici eos, qui desuissent, scilicet, qui non venissent in Maspha, ergo videtur, q̄ omnes venerant illuc. Item dicitur: quis est de vniuersis tribubus Israel, qui non ascendit ad dominū in Maspha? Et inuenti sunt habitatores labe Galaad in illo exercitu non fuisse. Item patet, quia Israelitæ dederūt filiis Benjamin vxores de filiabus virorum labe Galaad, eo quod ipsi nō fuerant in exercitu, & nō iurauerant: & non repererunt alias in toto Israel, quas traderent: ergo videtur, quod nullus alius erat in toto Israel, qui non iurasset: & consequenter omnes venerant in Maspha ad consilium, & deinde in bellum. Quod autem non essent aliæ feminæ, quæ possent tradi sine periurio, nisi feminæ labe Galaad, patet sequenti capitu. cū dicitur: venerunt filij Benjamin, & datæ sunt eis vxores de filiabus labe Galaad, alias

Dubium an  
oēs viri Is-  
raelitæ de  
oībus lo-  
cis irēt ad  
pugnandū



autem non repperunt, quas simili modo traderent.

Respondendum, quod utraque pars poterat teneri, & responderi ad rationes utriusque partis: sed probabilius valde est, quod conuenerint omnes viri bellatores de vndecim tribubus, & illi solum fuerint quadringenta millia: & de illis fuerunt quadraginta millia ad portandum necessaria exercitui, & trecenta sexaginta millia ad pugnandum. Ad primam rationem in contrarium dicendum, quod quamquam quædam pars de Israelitis sufficeret ad pugnandum contra Beniamitas, tamen ut securius pugnarent, & ut nullus a labore eximeretur, conuocati sunt omnes, posita pena, quod si quis non veniret, occideretur: & ita fuit de viris labes Galaad, qui occisi sunt, quia noluerunt venire.

Ad 1. rationem in diuersum.

Ad 2. rationem.

Ad secundum dicendum, quod non fuerunt plures in toto Israel, quā quadringenta millia pugnatorum præter viros Beniamin. Et cum dicitur, quod de sola tribu Iudæ fuerunt tempore Dauid quingenta millia: Aliquis dicet, quod ab hoc tempore vsque ad ætatem Dauid multi anni fluxerunt, in quibus valde poterat multiplicari populus, scilicet, ut quamquam nunc essent in toto Israel præter Beniamin quadringenta millia, essent postea in tribu Iuda quingenta millia, & in reliquis tribubus millies millia, & ceterum millia, primo Paralipome. vigesimo primo. Confirmatur hoc, quia a tempore isto vsque ad computationem factam per Dauid fuerunt anni ferè quadringenti, & decem, aut saltem quadringenti. quod patet, quia ab exitu de Aegypto vsque ad ædificationem templi Solomonis, fluxerunt anni quadringenti octoginta, tertio Regum sexto capitu. de quibus subtrahantur quadraginta anni ab exitu de Aegypto vsque ad introitum in terram Chanaan: subtrahantur etiam triginta anni ab introitu in terram Chanaan vsque ad mortem Hothonielis, qui fuit primus iudex, computantur anni quadringenti: nam quadraginta anni, qui ponuntur de iudicatura Hothonielis comprehendunt totum tempus, quo præfuit Iosue, & fuit sine iudice, & postea præfuit Hothoniel, ut declaratum est supra tertio, & tamen quando factum est istud, nōdum erat institutus Hothoniel in iudicem, ut declaratum fuit supra decimo septimo, & decimo nono, & sic saltem decem annis, vel quasi ante mortem Hothonielis esset hoc: & iunt isti simul septuaginta anni, quibus addantur tres anni de regno Salomonis post mortem Dauid antequam inciperet templū. nam in quarto anno regni sui inchoauit ædificationem, tertio Reg. sexto, manet totum reliquum tempus annorum quadringentorum, & septem. Nam in ultimo anno regni Dauid facta est computatio, ut multi asserunt. In istis autem 403. annis poterat valde multiplicari populus. Nam in Aegyptum solæ septuaginta animæ introierunt cum Iacob, Genesi quadregesimo sexto, & Exod. primo, & non manserunt ibi ducentis, & viginti annis, ut declaratum fuit Exod. duodecimo, & tamen in exitu de Aegypto erant sexcenta millia peditum præter paruulos, & mulieres, Exod. duodecimo: ergo a fortiori in quadringentis septem annis multiplicaretur populus, ut cum nunc in toto Israel essent quadringenta viginti sex millia pugnatorum, computando filios Beniamin, possent esse postea millies millia, & sexcenta millia, computando tribum Iuda cum aliis tribubus, secundo Regum vigesimo quarto, & primo Paralipome. vigesimo primo. Sed adhuc obiicitur, quod istud non stat, quia ante hoc in deserto erant Israelitæ plures quā nunc. Nam facta computatione præter Leuitas fuerunt sexcenta tria millia virorum quingenti, & quinquaginta: Numeri primo: & postea fluxerant septuaginta anni, in quibus debuisset fieri magna multiplicatio, cum illa

computatio, & summa inuenta fuerit, Numeri primo capitu. ergo essent nunc in tribubus omnibus Israel cum Beniamin plures quā quadringenta viginti sex millia, & tamen hic non computantur plures: ergo fuerunt plures, & non venerunt omnes ad bellum: Ad hoc responderi potest dupliciter. Vno modo, quod secundum veritatem non fuerunt plures in toto Israel, quā hic exprimantur. Et cum obiicitur, quod erant pauciores, quā prius, dicendum, quod non est inconueniens, quia progenies suas habent prosperitates, & calamitates. Nam quodam tempore augentur, & quodam tempore decrescunt. quod satis apparet, quia cum ingressi sunt Israelitæ in Aegyptum erant septuaginta computando viros, & paruulos, & in ducentis annis ferè peruenerunt ad sexcenta millia peditum præter foeminas, & paruulos: Exod. decimo secundo, & ista fuit quasi miraculosa multiplicatio: vnde dicitur Exod. primo, quod filij Israel creuerunt, & quasi germinantes multiplicati sunt, atque roborati nimis impleuerunt terram: Aegyptij autem mirabantur, & inuidentes atque timentes affligebant eos, ne tantum multiplicarentur, & dum eos plus affligerentur, plus multiplicabantur. Postea autem ingressi in desertum in quadraginta annis non multiplicati sunt, sed potius decreuerunt: nam cum primò computati sunt anno secundo ab exitu de Aegypto: fuit summa sexcenta tria millia quingenti quinquaginta: Numeri primo, quando autem quadregesimo anno ab exitu de Aegypto computati sunt, fuerunt solum sexcenta millia, & mille septingenti triginta, & defecerunt de priori summa mille octingenti, & triginta: & sic in quadraginta annis non creuerunt, sed defecerunt isti. De hoc patet Numeri vigesimo sexto capitul. ita ab ista computatione, quæ fuit vltimo anno quo Israelitæ manserunt in deserto, fortè non creuerunt Israelitæ vsque ad tempus istud quo fuit hoc: quod spatium fuit quasi triginta annorum, ut supra dictum est: sed decreuerunt, & essent pauciores quā fuerunt in prioribus computationibus. Denuo autem crescere inceperunt, & tempore Dauid quando computati sunt erant valde multiplicati. Aliter potest dici, & melius, quod plures erant nunc in Israel, quā quando exierunt de Aegypto, & quando introierunt in terram Chanaan, & non erant plures pugnatores in toto Israel quā isti, de quibus hic dicitur. Sed est diuersitas in modo numerandi, quia nūc solum computantur illi, qui erant viri fortes ad pugnandum, scilicet, nec erant senes, nec paruuli: & tamen in duabus summis computationum deserti computabantur omnes, qui erant a viginti annis, & supra, siue essent senes non potentes pugnare, siue non. Quod patet, quia Numeri primo, & vigesimo sexto capitu. dicitur. a viginti annis & supra: & non ponitur aliquis terminus supra, in quo apparet, quod omnes computabantur quantumcunque senes essent: soli autem minores vigesimo anno excludebantur, ut ibi declaratum est. Sic etiam factum est in computatione facta sub Dauid: valde multi autem essent supra viginti annos propter debilitatem, vel senectutem aut alias, qui non poterant conuenienter pugnare, & non computarentur hic, & sic quamquā computaretur hic de omnibus tribubus præter Beniamin quadringenta millia, fortè computando omnes a vigesimo anno, & supra essent plures quā octingenta millia. Potissima autem ratio, quæ concludit in hoc est, quia manifestum est quod de tribu Beniamin omnes conuenerunt ad pugnandum quotquot poterant capere arma, eo quod pugnandum sibi erat contra totū Israel, & tamen solum



lum inuenti sunt vigintifex millia, vt dictum est in li-  
tera. Sed in computatione vltimo facta in deserto  
fuerunt de Benjamin quadraginta quinque millia,  
& vltra, vt patet Numeri vigesimo sexto capitulo:  
ergo videtur, quod computabantur soli, qui pote-  
rant conuenientes pugnare. Sicut ergo in tribu Be-  
niamin non erant vltra viginti sex millia, ita con-  
uenienter dictum patet, quod in aliis vndecim iribu-  
bus non essent vltra quadringenta millia: imò ad-  
huc erat magna multiplicatio aliarum tribuum, quia  
Beniamin erat vna de tribubus duodecim, quæ regula-  
riter debebat esse tanti numeri, sicut quilibet alia tri-  
bus, & tamen nunc non erat. Sicut ergo non est du-  
bium, quod non fuerunt plures, quam vigintifex mil-  
lia pugnatorum de Benjamin, ita non debet esse dubiū  
quod non fuerint plusquam quadringenta millia pu-  
gnatorum, nec inueniri potuerunt de omnibus aliis  
tribubus. Et ista pars est satis solida, alia autem multū  
est calumniabilis. *Filij autem Benjamin cum se inferiores*  
*vidissent.* Scilicet, quando inciderunt in insidias Israe-  
litarum, quæ erant apud duas semitas, vbi valde multi  
erant de Israelitis: comperta fraude, & pugnantis  
fortiter Israelitis non potuerunt sustinere Beniamitæ:  
sed viderunt se inferiores, scilicet viribus minores,  
quia iam animositas languebat in eis. *Ceperunt fugere.*  
Scilicet, iam putantes se non posse resistere. Confide-  
randum autē quod ista litera est multum intricata pro-  
pter mutationem ordinis inconuenienter factam.

Pro quo sciendum, quod talis ordo fuit quod quidam  
viri de Israelitis iuerunt per noctem, & posuerunt se in  
latibulis prope Gabaa, & alia pars exercitus maior, lon-  
ge a Gabaa latuit apud capita duarum viarum: deinde  
decem millia virorū de Israel iuerunt vsque ad portas  
vrbs Gabaa ad locum vbi soliti erant pugnare primis  
duobus diebus: quod videntes Benjamin egressi sunt  
omnes de vrbe, scilicet vigintiquinque millia virorū  
& septingenti, pugnaturi contra decem millia virorū  
de Israel. Ceperunt autem fugere Israelitæ, & Benia-  
mitæ persequēbatur eos, & occiderunt de eis triginta  
& alios multos vulnerauerunt. fugerunt autem Israe-  
litæ ad locum duarum semitarum, vbi latebat magna  
pars exercitus. Dum autem hoc fieret insidiæ Israe-  
litarum, quæ latebant apud urbem ingressæ sunt urbē  
quæ aperta erat, & inceperunt cremare eam dantes si-  
gnum exterioribus quod ciuitas capta foret: & tunc  
Israelitæ decem millia, qui fugiebant a facie Benia-  
mitarū, vt accesserunt ad insidias apud capita duarum  
semitarum: conuertentes faciem viderunt fumum vr-  
bis Gabaa, & scientes illam captam confortati sunt, &  
tunc versa vice cæperunt fugare Beniamitas, & ipsi quo-  
que verso vultu viderunt fumum vrbs capte: & defe-  
cit animus eorum, quia fugiebant, & dederunt eis  
Israelitæ locum fugiendi contra alias insidias, quæ late-  
bant apud urbem, & illæ videntes Beniamitas fugere  
occurrerunt eis, cæperuntque eos in medio, & per-  
cusserunt occidentes vigintiquinque millia virorum,  
& centum: litera autem videtur istud turbare antici-  
pando, & recapitulando, sed non est curandum de alio  
ordine, nisi de isto qui satis necessariò concluditur ex  
litera: sed non curo inducere propter prolixitatem, &  
paucam vtilitatem. *Quod cernentes filij Israel.* Istud in-  
telligitur quando Beniamitæ inciderunt in insidias,  
quæ erant longe ab vrbe Gabaa apud capita duarum  
viarum. Nam videntes ibi tantum paratum exercitū  
defecerunt animo, & putantes se non posse resistere  
Israelitis, qui incipiebant iam pugnare contra eos con-  
uersi sunt in fugam. *Dederunt eis fugiendi locum.* Scilicet,  
potuerant ibi occidere multos de Beniamitis, sed no-  
luerunt dando eis locum fugiendi, vt postea melius  
caperent in medio vtrarum insidiarum. *Vt ad prepara-*

Alph. Tost. super lib. Iudicum

*tas insidias deuenirent.* Istæ erant primæ insidiæ, quæ do-  
cate fuerant apud urbem, quarum pars introiuerat vr-  
bem, & dederat signum captionis succendendo eam, &  
istæ erant ex opposito ad partem ad quam fugie-  
bant Beniamitæ, & cum illuc deuenirent, essent clau-  
si ex omni parte, & facilius caderentur. *Quas iuxta*  
*urbem posuerant.* Istæ insidiæ fuerunt ibi posite prop-  
ter duos. Primò vt egredientibus Beniamitis caperent  
urbem, & succenderent. Secundò vt cum Beniami-  
tæ fugientes a facie Israelitarum venirent ad urbem, ip-  
sæ insidiæ egredierentur eis obuiam, & clauderent eos  
ex omni parte. *Qui cum repente de latibulis surrexissent.*  
Refertur ad primas insidias, quæ erant apud urbem, &  
ceperant eam, & iam mutatur hic ordo. & dicitur,  
quod resurrexerunt repente de latibulis, scilicet, quādo  
sciuerunt Beniamitas procul esse ab vrbe persequen-  
do Israelitas, & fugiebant tunc Israelitæ: & sic quan-  
do surrexerunt istæ insidiæ nondum fugiebant Benia-  
mitæ, sed Israelitæ: quando tamen vrbs capta flam-  
mabat, iam incipiebant fugere Beniamitæ. *Et Benia-*  
*min terga cadentibus daret.* Scilicet, quando accesserunt  
Beniamitæ ad semitarum duarum capita videntes ibi  
magis latere insidias extimuerunt, & Israelitæ, qui pri-  
us fugiebant cæperunt versa vice conuerti contra Be-  
niamitas: tunc Beniamitæ terga verterunt, & cæde-  
bant eos fugientes Israelitæ. *Ingressi sunt ciuitatem.*  
Omnes pugnatores egressi fuerant de vrbe, & reli-  
querant eam apertam: vt si forte contingeret eos fu-  
gere a facie Israelitarum haberent locum apertum ad  
defensionem, & sic Israelitæ nullo prohibente urbē  
ingressi sunt. *Et percusserunt eam in ore gladij.* Scilicet,  
fenes, & foeminas atque pupillos gladio occiderunt:  
nam nullus vir bellator in vrbe manebat: idem fa-  
ctum fuit in omnibus aliis ciuitatibus Beniamitarum  
sequenti cap.

Insidie Is-  
rael posite  
fuerit iux-  
ta urbē Be-  
niamita-  
rum.

Signum autem dederant filij Israel his,  
quos in insidiis collocauerant, vt post-  
quam urbem cæpissent, ignem accen-  
derent, vt ascendente in altum fumo ca-  
ptam urbem demonstrarent. Quod cum  
cernerent filij Israel in ipso certamine po-  
siti (putauerunt enim filij Beniamin eos  
fugere, & instantius persequēbantur,  
cæsis de exercitu eorum triginta viris)  
& viderunt quasi columnam fumi de  
ciuitate conscendere, Benjamin quoque  
respiciens retro cum captam cernerent  
ciuitatem, & flammam in sublime fer-  
ri: qui prius simulauerant fugam, ver-  
sa facie fortius resistebant. Quod cum vi-  
dissent filij Benjamin in fugam versi sunt,  
& ad viam deserti ire cæperunt, illuc quo-  
que eos aduersarii persequentibus. Sed & hi  
qui urbem succenderant occurrerunt eis,  
atque ita factum est, vt ex vtraque parte  
ab hostibus caderentur, nec erat vlla re-  
quies morientium. Ceciderunt atque pro-  
strati sunt ad Orientalem plagam vrbs Ga-  
baa. Fuerunt autem, qui in eodem loco

Dd 3 inter.



interfecti sunt decem & octo millia virorum omnes robustissimi pugnatores. Quod cum vidissent, qui remanserant de Benjamin, fugerunt in solitudinem, & pergebant ad petram, cuius vocabulum est Remmon. In illa quoque fuga palantes, & in diuersa tendentes, occiderunt quinque millia viros. Et cum ultra tenderent persecuti sunt eos: & interfecerunt etiam alia duo millia. Et sic factum est, ut omnes, qui ceciderant de Benjamin in diuersis locis essent viginti quinque millia pugnatores ad bella promptissimi. Remanserunt itaque de omni numero Benjamin, qui euadere poterant, & fugere in solitudinem sexcenti viri, federuntque in petra Remmon mensibus quatuor. Regressi autem filij Israel omnes reliquias ciuitatis a viris usque ad iumenta gladio percusserunt, cum etasque vrbes, & viculos Benjamin vorax flamma consumpsit.

*Signum autem dederant filij Israel his, quos in insidiis collocauerant. Idest totus exercitus Israelitarum locauit quosdam in insidiis, idest iussit eis esse in insidiis, scilicet apud urbem: & dedit eis signum, idest dixit eis, quale signum facere deberent quando esset capta vrbs. Ut postquam urbem capissent ignem accenderent. Scilicet, succendentes ciuitatem. Vel forte nondum succendentes eam facerent ignem in alio loco ad dandum signum vrbs capte. Et credendum est, quod ille ignis non fuerit ad cremandum ciuitatem, quia Israelitae mox ut caperunt urbem debebant ignem accendere ad dandum signum exterioribus, & tamen ipsi postea totam urbem percusserunt in ore gladij, & manserunt in ea: ergo videtur, quod non erat ille ignis comburens ciuitatem, sed fuit ignis positus in alio loco, in quo non succenderetur vrbs. Ut ascendente in altum fumo captam urbem demonstraret. Non erat aliud signum, per quod euidentius posset cognosci an erat ciuitas capta. Nam Israelitae, quibus debebat dari signum captae vrbs, erant procul ab ea in capite duarum viarum, & forte non videbant eam: vnde non poterant habere aliud signum nisi fumum surgentem in caelum, ita ut esset ignis qualis non esset surgere consuetus. Quod cum cernerent filij Israel in ipso certamine positi. Scilicet, viderunt fumum surgentem de vrbe, & istud erat in certamine, idest quando Israelitae fugiebant, & Beniamitae persequabantur eos,*

*Quare Israelitae voluerunt habere signum urbis captae per fumum.*  
*Quest. XXXII.*

**Q**VAERETVR, quare Israelitae voluerunt habere signum vrbs capte per fumum. Respondendum, quod propter multa. Primum fuit, quia Israelitae locauerant insidias in duobus locis, scilicet quasdam apud urbem ad occidentalem partem eius, & alias longe ab vrbe in capite duarum semitarum, & volebant protrahere Beniamitas longe ab vrbe simulantes fugam, ut postea conuerterentur super eos, & caperent in me-

**F**dio suarum insidiarum, quia insidie longe posite a parte orientali surgentes conuerterent Beniamitas in fugam contra urbem, & tunc surgentes insidie quae erant apud urbem ex parte occidentali caperent Beniamitas in medio. Ad faciendum autem hoc necesse erat, quod Israelitae scirent quando erat capta vrbs, quia alioquin forte ipsi prius inciperent conuertere super Beniamitas, & compellerent eos in fugam, quae esset capta vrbs: & possent Beniamitae fugientes introire in urbem nondum captam, & euaderent. & postea nollent in campo congregari. Si autem prius caperetur vrbs, & cognoscerent hoc Israelitae, qui foris erant: tunc conuerterentur super Beniamitas ad compellendum eos in fugam, & ipsi fugerent versus urbem in quam non poterant intrare. Insuper insidiae quae succenderant urbem iam, venirent obuiam Beniamitis fugientibus ad urbem, & tunc capere possent eos in medio. Alia causa fuit ad confortandum Israelitas, quia cum scirent urbem hostilem captam, & per hoc spem refugij hostibus ademptam, confortarentur nimis contra illos. Alia causa fuit, quia Beniamitae desolarentur & consternarentur corde, scilicet, cum viderent captam urbem suam, non haberent vigorem animi ad resistendum Israelitis. *Putauerant enim eos filij Benjamin fugere. Idest putabant, quod fugiebant ex timore, & impotentia resistenti exercitui eorum sicut fecerant primo, & secundo die. Instantius sequebantur. Scilicet, cum plus fugerent Israelitae animosius persequabantur eos. Cessis de exercitu eorum triginta uiris. Istos triginta occiderunt persequendo illos fugientes. Nam licet Israelitae fugerent, & non curarent pugnare, non poterant euitare quin aliquos eorum occiderent Beniamitae: quia instantius persequabantur eos. Et viderunt quasi columnam fumum de ciuitate conscendere. Erat enim magnus ignis succensus, & fumus magnus eleuabatur in altum. Benjamin quoque retro aspiciens. Scilicet, Beniamitae nunc persequabantur Israelitas, & nondum desierant effugare eos: & cum viderent Israelitas confortari, quia retro aspexerant, ipsi quoque retro aspexerunt, & viderunt fumum surgentem de vrbe. Ex hoc patet, quod supra dicebatur, scilicet, quod sit supra mutatus ordo: nam prius vrbs capta, & succensa est quam Beniamitae inciperent fugere a facie Israelitarum. Cum captam cernerent ciuitatem. Scilicet, quia fumus, & flamma ostendebant eam captam esse. Et flammam in sublime ferri. Scilicet, quia erat magnus ignis. Forte enim nunc occisis omnibus, qui in ciuitate erant inceperunt succendere eam. Qui prius simulauerant fugam. Scilicet, Israelitae decem millia virorum, qui prius fugiebant a facie Beniamitarum: erat ista fuga simulata, quia non fugiebant ex timore, sed ad fallendum hostes. Versa fronte fortius resistebant. Scilicet, quod capta vrbe, & viso fumo caperunt Israelitae conuertere frontem ad Beniamitas, cum prius eis semper terga dedissent, & pugnabant fortiter contra eos. Quod cum viderent filij Benjamin. Scilicet, quod capta erat ciuitas per fraudem, & quod Israelitae in fraude fugientes nunc fortiter pugnarent. In fugam uersi sunt. Scilicet non putauerunt se posse resistere illis, cum iam non haberent refugium, & defecit animus in illis. Et ad uiam deserti ire ceperunt. Scilicet, Beniamitae voluerant refugere in urbem, quia tamen iam capta erat, voluerunt fugere contra desertum, ut ibi asperitate loci euaderent, & inde ad alias ciuitates sortis suae confugerent. Illuc quoque aduersarij eos persequentibus. Scilicet, licet irent ad desertum, non desierunt persequi eos Israelitae, quia sciebant, quod si nunc desinerent eos persequi, non possent postea habere ultionem de eis. Etiam, quia insidiae aliae occurrentes erant ex opposito, quae non sinerent Beniamitas intrare*



intrare in desertum. Sed, & hi, qui urbem succenderant. Iste erant primæ insidiæ, quæ latuerant apud urbem, & ceperant eam, dederantque signum in fumo, & postea occiderant gladio omnes de vrbe: deinde succenderant eam. *Occurrerunt eis.* Scilicet, exierant obtiniam Beniamitis fugientibus, ut nō possent fugere ad desertum, sed caperent eos in medio. *Atque ita factum est, ut ex utraque parte ab hostibus cederentur.* Scilicet, quia Israelitæ quidam persequiebantur Beniamitas a tergo, & alij occurrerunt eis ad faciem, & medios percutiebant extendentes alas suas in gyro, ne ad aliquod latus esset locus fugiendi Beniamitis. *Nec erat vlla morientium requies.* Id est, non erat aliqua cessatio ab occisione, sed cum quanta poterant instantia occidebant eos, quia erant nimis stomachati contra Beniamitas, cum ipsi occidissent iam de Israelitis multos, id est quadraginta millia in duobus diebus, ut supra patet. *Cecideruntque atque prostrati sunt ad orientalem plagam vrbis Gabaa.* Ista fuit prima interfectio. Nam insidiæ illæ, quæ erant longe ab vrbe ad capita duarum viarum erant ad orientalem partem vrbis, & cum accessissent ad illas Beniamitæ terga verterunt, & occurrerunt aliæ insidiæ venientes de successione vrbis, & ceperunt Beniamitas ad orientalem plagam vrbis. *Fuerunt autem, qui in eodem loco interfecti sunt decem, & octo millia.* Scilicet, antequam fugerent de medio acierum Israelitarum corruerunt 18. millia de Beniamitis, & post hoc dederunt eis modicum spatium fugiendi. *Omnes robustissimi pugnatores.* Scilicet, omnes isti qui occubuerunt. Nam Beniamitæ erant electi viri ad pugnam. *Quod cum vidissent, qui remanserant de Benjamin.* Non est intelligendum, quod isti residui de Benjamin essent aliqui, qui non fuissent in illa acie, sed fuerant in illa, & ante hoc pugnabāt fortiter contra Israelitas, sed cum vidissent cecidisse 18. millia de suis, putantes non posse resistere, irruperunt quandam partem aciei Israelitarum, & fugerunt: erant autem isti residui septem millia, & septingenti. *Fugerunt in solitudinem.* Vt ibi se defenderent melius fauente natura loci, vel inde fugerent ad alias ciuitates finitimas de sorte tribus sue. *Et pergebant ad petram cuius vocabulum est Remmon.* Ista petra est aliquis locus valde fortis, & munitus in quo poterant se defendere ab omnibus Israelitis: & ob hoc ista petra accepit nomen, quasi aliquid speciale haberet: sic enim rarō aliqui lapides nomina suscipiunt propter aliquid insigne: sic lapis apud quem latuit Dauid vocatus est Ezel 1. Reg. 20. Lapis etiam, apud quem Adonias vnctus est in regem, & fecit victimas magnas, vocatus est Zoeleth 3. Reg. primo: sic lapis, de quo Moyses Deo iubente excussit aquas, vocatus est lapis Horeb, Exod. decimo septimo. *In illa quoque fuga.* Scilicet, post hoc non potuerunt Israelitæ capere filios Benjamin in medio sicut prius: nam deleuissent eos, ita ut nec vnus maneret, sed persequiebantur a tergo, & a lateribus, & cum illi vellent fugere ad vnā partem cogebant eos diuertere ad aliam. & hoc ut non possent accedere ad petram. Nam ibi nullo modo potuissent Israelitæ nocere illis. *Palantes, & in diuersa tendentes occiderunt quinque millia.* Scilicet, cum fugerent ad petram Remmon, cogebant eos Israelitæ esse palantes, & in diuersa tendentes, ne possent intrare solitudinem, quia ibi non possent pugnare contra eos, ipsi autem Beniamitæ non diuertissent a recto itinere, nisi Israel percutientes eos a lateribus coegissent eos nunc huc, nunc illuc tēdere. Vocantur autem palantes, id est diuagantes. Sic accipitur supra 9. scilicet: Duæ autem turmæ palantes per campum aduersarios persequiebantur: & sic manebāt iam de Beniamitis solum duo millia, & septingenti viri. *Et cum ultra tenderent persecuti sunt eos.* Nunc enim directe tendebant contra solitudinem ad lapidem Rem-

Alph. Tost. super lib. Iudicum

A mon: & adhuc in ista fuga occiderunt multos. *Et interfecerunt alia duo millia.* Intelligendum quod occiderunt duo millia & centum, ut infra declaratur: amen litera non curauit de centum, & post hoc non interfecerunt aliquos, & manserunt illi sexcenti, qui introierunt in desertum. *Et sic factum est.* Hic ponitur sūma occisorum. *Vt omnes, qui ceciderant de Benjamin in diuersis locis.* In tribus enim locis ceciderunt Beniamitæ, ut nunc enarratum est in litera. *Essent 25. millia pugnatores ad bella promptissimi.* Scilicet, omnes isti de Benjamin erant electi iuuenes ad bella, & ceciderunt per manū Israelitarum.

B

Quomodo dicitur hic, quod occisi in bello de filiis Benjamin essent 25. millia.  
Quæst. XXXIII.

QV A E R E T V R, quomodo dicitur hic, quod occisi in bello de filiis Benjamin essent 25. millia: nam plures esse deberent. Aliquis dicet, quod non fuerunt plures, ut colligitur ex litera: nam primò dicuntur cecidisse 18. millia, deinde quinque millia, postea duo millia, qui efficiunt viginti quinque millia. Sed dicendum, quod necesse est plures cecidisse, scilicet viginti quinque millia, & centum: Quod patet, quia litera nostra dicit de Beniamitis, qui venerunt in Gabaa fuisse 25. millia, & de viris Gabaa fuisse septingentos, & nunc cōcluditur quod de omni Benjamin solum euadere potuerunt sexcenti viri, qui sederunt in petra Remmon: ergo occisi fuerant 25. millia & centum. Hoc idem patet supra in litera, cum dicitur, quod percussit dominus in conspectu filiorum Israel Benjamin, & interfecerunt ex eis illo die 25. millia, & centum viros bellatores. Ad computationem istam, quæ facta est nunc dicendum, quod non curauit de centum viris: & sic tam in particularibus summis, scilicet 18. & quinque, & duorum millium, quam in summa totali 25. millium omisit illa centum viros. Adhuc aliquis dicet, quod plures occisi fuerunt, quia infra dicitur, quod solum manserunt sexcenti, qui euadere potuerunt de toto Benjamin, & tamen in Beniamitis fuerunt 26. millia & septingenti, ut patet in litera Hebraica supra. Rōdēdum, quod oēs isti occisi fuerunt, sed non oēs in bello, quia mille de illis destinati fuerant ad ducendum necessaria exercitui, & illi nunquam pugnauerunt, nec potuerunt occidi in bello, sed videntes alios Beniamitas perisse, fugerunt ad aliqua municipia tribus sue: & ibi postea ab Israelitis occisi sunt. Vnde in bello solum occisi fuerunt 25. millia & centum: hoc etiam satis patet ex litera Hebraica. Nā licet ponat fuisse viros Benjamin 26. millia, & 700. tñ solum ponit corruisse in bello 25. millia, & centum sicut litera nostra: & hoc per subtractionem illorum mille, qui exercitui necessaria comportabant. *Remanserunt itaque de omni numero Benjamin.* Intelligitur de illis qui iuerunt ad bellum: secus de illis, qui comportabant necessaria exercitui: & de illis, qui manebant in urbibus propter senectutem, & paruam ætatem. *Qui euadere potuerunt, & fugere in solitudinem.* I isti soli euaserunt & fugerunt ad solitudinem, ubi erat petra Remmon, quæ non erat expugnabilis. Et ex hoc patet, quod non intelligatur de mille viris comportantibus exercitui necessaria, quia illi non dicerentur euadere, & fugere cum non essent in bello. *Sexcenti viri.* Isti non manserunt, quasi Israelitæ ex pietate mouerentur ad non occidendum ipsos, sed quia non potuerunt, cum fugissent ad locum munitissimum petre Remmon, in quam non poterant Israelitæ pugnare contra Beniamitas.

Dd 4 Sed



Sed dicet aliquis, quod ex pietate relinquebant, quia postea doluerunt valde, quod perisset vna tribus de Israel, sequenti ca. Respondendum, quod si potuissent occidissent eos tunc quando pugnaverunt contra eos & ipsi fugerunt in solitudinem: nam erant valde indignati contra eos Israelitę propter mala, quę susceperunt ab eis: quod patet, quia etiam paruulos de tribu Benjamin, qui nihil peccauerant, & mulieres, & senes occiderunt: postea autem ad se reuersi videntes, quod deleta esset tribus Benjamin doluerunt, & fecerunt vocari istos sexcentos viros vt darent eis vxores, & habitarent in terta. *Sederuntque in petra Remmon mensibus quatuor.* Scilicet, non ausi sunt toto illo tempore descendere de petra, quia quocunque irent caperentur ab Israelitis, & occiderentur: & in fine istorum quatuor mensium miserunt Israelitę eis prestare securitatem: & tunc descenderunt de petra, & venerunt ad accipiendum vxores. De istis quatuor mensibus, quid tunc comederent isti Beniamitę dubium est. Dicendum videtur, quod apud petram Remmon erant fructus arborum, & olera atque Herbę: & descendebant ad ipsa loca Beniamitę, & comedebant: ad loca autę populata nō auderent descendere, quia illa erant loca Israelitarum, & caperentur in eis. aquam autem facile in deserto ipso inuenirent. *Regressi autem filij Israel.* Scilicet, regressi de bello contra Beniamitas, cū cōpulerunt sexcentos ipsoꝝ fugere ad petram Remmon. *Omnes reliquias ciuitatis.* Scilicet Gabaa. *A viris vsque ad iumenta gladio percusserunt.* s. occiderunt oēs quotquot inuenerunt in vrbe Gabaa, siue viros, siue fēminas, siue iumenta. Supra autem dicitur, quod Israelitę ingressi ciuitatem percusserunt eam in ore gladij. Sed dicendum, quod ibi ponitur per anticipationem, quia postea factum est, cū dicatur hic: regressi filij Israel, scilicet quod post regressionem istud fecerunt. *Cursasque vrbes & viculos Beniamin vorax flamma consumpsit.* Scilicet, postquam urbem Gabaa deleuerunt occiderunt eos qui in illa erant, & comburentes eam, perrexerunt ad reliquias vrbes, & viculos Beniamin, & occiderunt omnes habitatores, & cremauerunt loca ipsa.

*Quare Beniamita non solum occisi sunt, sed etiam iumenta eorum, & pecora, quę nihil peccarunt.*

*Quest. XXXIII.*

**Q**VAERETVR, quare non solum Beniamitę occisi sunt, sed etiam iumenta eorum, & pecora occisa sunt gladio ab Israelitis. Respondendum quod istud solitum erat fieri quando ponebatur anathema in aliquo loco: nam tunc occidebantur omnes, qui ibi erant vsque ad iumenta, & pecora, & cremabatur quicquid ibi reperiebatur, ita vt nihil ad humanam proficeret vtilitatem: nam & ipse locus reddebatur inhabitabilis vsque in sempiternum: sic patet de Iericho Iosue 6. istud autem contingebat fieri ex multis causis. Aliquando ad honorem Dei, scilicet, quod occiderentur omnes, qui in loco erant, & quicquid reperiretur, quod posset proficere ibi vsui sanctuarij, applicaretur cultui Dei, vt aurum, argentum, & ferrum; reliqua autem, quę conuertenda erant ad humanos vsus cremarentur, vt nihil accederet vsibus & vtilitati humanę. Sic factum est in ciuitate Iericho, quam primam ceperunt Israelitę de tota terra Chanaan, & consecrauerunt eam sic domino, Iosue 6. capitu. Sic etiam factum est de vrbe Hai, quam ad honorem Dei posuerunt in tumultum æternum: Ios. octauo. Aliquando autem subiiciebatur ciuitas anathemati propter horrorem, & magnitudinem criminis. Sic fuit de terra Amalecitarum, quę tota cremata est iussu Dei, & homines, & iumenta occidebā-

tur 1. Reg. 15. hoc autem, quia graue peccatum cōmisit contra Israel totus Amalech: Deut. 25. cap. Sic etiā erat de ciuitatibus, quę subiiciebantur anathemati, quando erant in eis idolatra, Deutero. 13. cap. Aliquādo autem fiebat hoc ex voto: vt pote si Israelitę pugnare volebant contra aliquam gentem, vt Deus adinuaret eos, orabant quod auxiliaret eis, & quod ponerent ciuitatem, vel gentem totam sub anathemate. Sic factum est quando pugnaverunt Israelitę contra Chananeum regem Arad. Nam Numeri 21. dicitur, quod Israel voto se obligauit domino, dicens: si tradideris in manu mea Chananeum, delebo vrbes eius. Nunc autem dicendum, quod Israelitę fecerunt istud in vrbe Gabaa ad modum anathematis propter detestationem criminis, quia commiserant graue crimē viri Gabaa, scilicet, quia Sodomitico more cognoscere voluerunt Leuitā. Et videtur quod istud scelus frequentatum esset inter eos, & vxorem Leuitę tanta furiosa libidine vexauerunt, quod eam occiderunt. Etiā, quia contra totum Israel pugnauerant: quia cū totus Israel zelaret pro lege: & istud erat inhonestum: ideo durissimę pęnę subiecerunt eos, s. anathemati.

*An in omnibus alijs vrbibus Beniamin positum sūt anathema, Quest. XXXV.*

**Q**VAERETVR vterius, an in omnibus alijs vrbibus Beniamin positum fuit anathema, scilicet, quod occiderentur omnes habitatores, & etiam pecora, & cremarentur omnia, ita vt nihil prędarentur. Aliquis dicet, quod non: & primò quia tunc litera expressisset istud, sicut expressit de vrbe Gabaa, quod homines, & iumenta perierunt ibi, & etiam pecora: & tamen non expressum est de alijs vrbibus, nisi quod cremata sunt. Item non videtur eadem ratio ad faciendum hoc in alijs ciuitatibus, vt in vrbe Gabaa, quia in Gabaa repertum fuerat scelus sodomiticum. Etiam quod vxorem Leuitę nimia libidine occiderant. In alijs verò ciuitatibus terrę Beniamin non fuerat hoc repertum, ideo in detestationem criminis ista ciuitas periret cum pecoribus, & iumentis, & alię non. Nam interdum propter horrorem vitij animalia occiduntur. Sicut si homo coiret cum pecore, iubebatur pecus lapidari: Leui. 20. Respondendum, quod æqualia facta sunt in vrbibus alijs Beniamin, sicut in vrbe Gabaa, scilicet, q̄ occisi sunt homines tam viri, quā fēminę, & pecora, & omnia spolia vrbiū cremata sunt, ita quod nihil ausi sunt Israelitę accipere pro se. Primò patet, quia terra Beniamin vastabatur pro peccato. Sed cū ciuitas subiiciebatur anathemati propter peccata, non accipiebant Israelitę quicquā de vrbe: sic patet Deut. 13. scilicet: Non adhærebit in manu tua quicquam de anathemate illo, vt auertatur dominus ab ira furoris sui: sic ergo nō auderent hic Israelitę accipere pecora, aut alia spolia: ergo oīa occiderēt occidenda, & reliqua igne cremarent. Sed aliquis dicet, quod illud intelligebatur, quando subiiciebatur ciuitas anathemathi pro idolatria: nam in illo casu loquitur 13. cap. Deutero. Sed nunc non puniebantur Beniamitę pro idolatria, sed pro alio vitio. Dicendum, quod non stat ista ratio. Primò, quia tunc sequeretur, quod non solum alij Beniamitę, sed etiam nec vrbs Gabaa debuisset sic deleri, & occiderentur pecora, & cremarentur omnia spolia: & tamen in vrbe Gabaa hoc factum est, vt patet in litera: ergo non plus intelligebat illud de anathemate posito pro idolatria, quā pro alijs criminibus, licet specialiter loqueretur cap. illud de idolatria. Secundò patet hoc, quia manifestū est, q̄ anathema, quod Deus posuit super totam terram Amalec, quan-



do misit illuc Saulem, non fuit pro idolatria, sed pro iniuriis, quas Amalecitarum intulerant Israelitis. Deutero. 25. & 1. Re. 15. & tamen omnia subiecta fuerunt anathemati, ita ut non liceret Israelitis accipere aliquod pecus aut spoliū, sed omnia debebant cremare, & occidere viuentia: & quia Saul non obseruauit hoc, reprobatum est, primo Reg. 15. ergo etiam hic cum poneretur anathema pro peccato sodomitico, & vexatione uxoris Leuite, & bello iniusto non auderent Israelitæ accipere aliqua spolia de urbibus Benjamin. Item patet, quia licet urbs Gabaa habuerat speciale crimen tamen etiam tota tribus Benjamin commisit crimen magnum. Primum, quia noluerunt venire in Maspha cum aliis Israelitis ad inquirendum de modo punitio- nis virorum Gabaa, & tamen ex hac sola causa puniti fuerunt omnes viri labes Galaad, scilicet quod ipsi occisi sunt tam magni quam paruuli quam senes, & femine, quod cognouerant viros, ut patet sequenti capi. Etiam peccauerant Beniamitæ contra legem Dei, quia sciebant peccasse grauiter viros Gabaa contra Deum. Etiam sciebant, quod totus Israel mouebatur zelo legis ad puniendum viros Gabaa, & ipsi resisterunt eis pugnando, & occiderunt de Israelitis quadraginta millia supra in litera: id est pro hoc merebatur poni supra se anathema: & tamen in anathemate non licebat quicquam capi, sed omnia cremari, ideo peccora occiderunt, & cremarent spolia. Item manifestum est, quod Israelitæ occiderunt omnes viros, & feminas magnos, & paruulos: nam non reperta sunt aliqua mulieres de tota tribu Benjamin, quæ darentur in uxores sexcentis viris, qui manserant in petra Remmon: ergo omnes feminas occiderunt. Etiam vrbes cremauerunt. Tunc ergo aut fecerunt hoc opere bellico, scilicet, ut vincerent hostes: vel ad detestationem criminis: non primo modo, quia illud esset si forte Israelitæ non possent occidere viros Benjamin se defendentes, nisi vrbes eorum cremarent, & occiderent mulieres, & paruulos: & tamen nunc non factum est sic, quia iam omnes bellatores occisi fuerant, quando Israelitæ combusserunt vrbes. Si autem secundo modo: ergo etiam pecora, & iumenta occiderunt, & spolia cremarent: alioquin nulla ratio videbatur, quare ipsas vrbes cremarent, & quare paruulos innoxios occiderent, & mulieres. Sed aliquis obiciet, quod dato quod cremarent urbem, & occiderent paruulos, & mulieres, poterant capere prædam, & referuare sibi iumenta: sic factum est in urbe Hai, in qua omnes viri, & feminae gladio ceciderunt, & ciuitas cremata est atque posita in tumulum æternum, Iosue 8. Responderi potest, quod non est simile. Primum, quia ibi, dato quod non poneretur ciuitas sub anathemate, erant occidendi omnes viri, & femine magni, & paruuli, eo quod Chanaanæi erant, & de Chanaanæis nullus permittendus erat viuere, Deut. 20. capi. nunc autem mulieres, & paruuli gladio corruerunt: & non erant aliæ occidendi, nisi aliqua causa subesset: ergo videtur, quod factum sit propter magnitudinem anathematis. Item fuit ibi alia causa specialis, scilicet, quod non fuit propter peccatum positum anathema, sed solum Israelitæ posuerunt illud ad laudem Dei, quia tradiderat viros urbis Hai in manus eorum. Nunc autem in Beniamitis ponebatur anathema propter horrorem criminis, & in talibus cum vetitum esset quicquam accipi de anathema, nihil acciperent Israelitæ, quia timerent. Etiam erat differentia, quia in anathemate urbis Hai Deus dedit fornicationem illius, dicens, quod Israelitæ diuiderent prædam, scilicet: Prædam exercitui diuides, & ex hoc licebat: nunc autem Deus nihil expressit, per quod videbatur nihil relaxatum de stricto anathemate: ideo non auderet aliquid accipere de anathemate. Dicendum ergo, quod sic factum est de omnibus ciuitatibus, & viculis, id est

Aruribus Benjamin sicut de urbe Gabaa. Ad rationem primam in contrarium dicendum, quod licet non expressum sit, subintelligendum est propter rationes supra positas. Et patet per simile: nam etiam non exprimuntur hic, quod in aliis urbibus Benjamin occisi sunt paruuli, & mulieres & senes: & tamen manifestum est, quod factum fuit: quia ut patet sequenti capit. non reperta fuit aliqua mulier in tota terra Benjamin, quæ daretur alicui de sexcentis viris Beniamitis, quæ erant in petra Remmon, sed datæ sunt eis sexcentæ virgines de terra Israelitarum. Ergo sicut istud non fuit expressum, & tamen factum est: ita fieret de aliis, quæ non exprimuntur. Ad secundam rationem dicendum, quod licet magis peccauerint viri Gabaa, quam alij Beniamitæ: tamen etiam alij commiserunt grauia crimina, scilicet, quod venerunt ad conuocationem totius populi contra viros Gabaa. Secundum, & fortius fuit, quia expressè rogati, ut traderent viros Gabaa, qui erant peccatores, ut punirentur, noluerunt, sed magis ad defendendum se opposuerunt. Tertiū quia cum alij Israelitæ mouerentur zelo legis ad pugnandum contra viros Gabaa, ipsi adiuuerunt viros Gabaa, & pugnaverunt acerrimè contra Israelitas, ita ut 40. millia de illis occiderent. Ideo ista peccata erant satis grauia ad subiiciendum terram eorum anathemati: & sic factum est.

*Quomodo non fuit obseruatum in hoc anathemate id quod in alijs obseruatur. Quæst. XXXVI.*

**Q**UAE RETVR vltius, quomodo non fuit obseruatum in hoc anathemate id, quod in alijs obseruatur, quia generale est in quolibet anathemate ex quacunque causa ponatur, quod ciuitas efficiatur tumulus sempiternus, ut nunquam habitetur: sic patet Iosue 6. de anathemate Iericho. Nam maledictionem posuit Iosue si quis reedificaret Iericho. Sic etiam in urbe Hai in qua fuit minimum anathema, dicitur quod posita fuit in tumulum æternum, Iosue 8. Sic et Deuter. 12. in anathemate, quod fiebat pro idolatria dicebatur, quod ciuitas illa non habitaretur in æternū: & tamen hic ciuitates Benjamin fuerunt postea habitatae, & ipsa ciuitas Gabaa habitata fuit. Nam de ea fuit Saul postea factus primus rex Israel. Aliquis posset dicere, quod illicitum fuit fieri habitationem in urbibus postea Benjamin, & tamen facta est, & qui postea habitauerunt ibi non peccauerunt, sic patet de Iericho, de qua posuit maledictionem Iosue, quod qui reedificaret eam in primogenito suo iaceret fundamenta, & in nouissimo liberorum suorum poneret portas eius, Iosue 6. & tamen postea edificata est Iericho, ut patet 3. Reg. 16. f. Hiel de Bethel edificauit Iericho, in primogenito suo Abiram fundauit eam, & in Segub nouissimo suo posuit portas eius. Postea tamen habitauerunt ibi prophete, scilicet Elias, & Eliseus, & multi alij 4. Reg. 1. & 2. cap. & tamen si peccatum esset habitare ibi, nullus istorum virorum sanctorum habitasset: ita dicitur fuisse de urbibus Benjamin. Sed dicendum, quod non stat, quia ipsi met Israelitæ, qui comburerunt eas vrbes, fecerunt eas postea habitari. Pro quo sciendum, quod intentio Israelitarum a principio erat delere totam tribum Benjamin, quia peccauerant grauiter, & potissimè, quia erant irati nimis: cum Beniamitæ occidissent de illis quadraginta millia: & ob hoc cremabant vrbes eorum intendentes, quod in æternum non habitarentur, sed manerent in tumulos sempiternos: postea tamen dolentes Israelitæ, quod periret vna tribus in Israel, conati sunt reparare illam: & sicut contra intentionem suam primam egerunt, volentes nunc reparare tribum Benjamin, ita fecerunt contra intentionem.

Ad 2. rationem.

Cuiusda resp. ad questionem.



tentionem reducentes vrbes illas ad habitationē, quas supposuerant interdicto, & anathemati, & sic non mā sit terra subiecta sempiterno anatemathi, licet cū hac intentione vrbes crematæ fuissent.

*An Israelitæ peccarunt occidendo omnes viros Benjamin tamēnes quāmparuulos, & feminas, & pecora & vrbes. Quæst. XXXVII.*

Cuiusdam  
rōnes i di-  
uersum.  
Prima rō.  
2. ratio.

3. ratio.

4. ratio.

Vorum sp  
fieri debet  
de meliori  
bono.  
Tho. secun-  
da secūda  
q. 88. ar. 2.

5. ratio.

Respon-  
sio ad quæst.

**Q**UÆRETUR vltius, an Israelitæ peccauerunt occidendo omnes viros Benjamin tamēnes quāmparuulos, & feminas, & pecora, & vrbes. Aliquis dicet, quod non, quia crimina eorum meruerāt, vt subiicerentur interdicto, & anathemati: ergo non erat illicitum. Item in isto anathemate nihil fiebat noui, sed id quod in aliis anathematibus: sic factum est. n. in Iericho: sic in vrbe Hai: & tamen Israelitæ nō peccabant in hoc, sed potius merebantur. Etiam Deus laudabat intentionem Israelitarum: ergo nec nūc peccarent. Patet hoc, quia Aham furatus est de anathemate Iericho: & Deus iratus percussit Israelitas corā hostibus, & dixit, quod non cessaret furor suus, quousque occideretur ille, qui furatus fuerat de anathemate: ergo licitum erat, & laudabile subiici ciuitatem anathemati, alioquin non peccaret, qui acciperet aliquid de anathemate, nec Deus ob hoc irasceretur. Item patet, quia si subiici anathemati vrbes nō esset licitū, non caderet sub voto, quia votum debet fieri semper de meliori bono: & si aliquis oraret, vouens subiicere ciuitatem anathemati, Deus nō exaudiret eum, sed potius irasceretur, & penam infligeret. Sicut si aliquis voueret fornicari: & tamen Israelitæ orauerunt dominum, vt traderet Chanaanum in manus eorum, obligantes se voto, quod si traderet in manus eorum, subiicerent ciuitates eius anathemati, delendo illas Num. 21. & Deus exaudiuit eos orantes, tradiditque Chanaanum manibus eorum, vt patet ibidem: ergo videtur, quod Deus acceptat anathemata urbium. Item Deus iussit poni ciuitates quasdam sub anathemate Deut. 13. ergo Israelitæ subiiciendo nunc vrbes Beniamitarum non peccabant. In contrarium videtur, quod peccauerint, quia occiderunt filios pro peccato patrū, & tamen hoc lex verbat Deut. 20. Respondendum, quod aut queritur hic de viris Benjamin, qui mortui sunt in bello: aut de aliis, qui māserunt in urbibus. De primis dicendum, quod non peccauerint Israelitæ occidendo illos, sed potius meruerunt, quia Israelitæ zelo legis mouebantur ad puniendum viros Gabaa. In quo manifestum est, quod merebantur: sic enim Phinees, qui zelo Dei occidit principē tribus Simeon coeum, cum Madianitide placuit valde Deo, & laudauit eum Deus, promisitque ei ob hoc summum sacerdotium in sempiternum: Num. 25. & primo Machab. 2. cap. Merebantur ergo pugnando contra omnes Beniamitas defensores virorum Gabaa, cum illi essent manifesti transgressores legis, quia adiuuabant ipsos peccatores contra viros iustos, & zelantissimos Dei. Sed omnes viri, qui fuerunt in bello fuerunt huius opinionis, ergo occidendo omnes Beniamitas bellatores potius meruerunt Israelitæ quā peccauerunt. Si autem de aliis queratur, qui non fuerunt in bello, & tamē ducebant necessaria exercitui, scilicet de mille viris, qui ad hoc separati erant. Dicendum etiam, quod occidendo istos meruerunt: quia isti conuenerant ad bellum cum ceteris, & tamen postea ipsi separauerunt de se mille viros ad portandum necessaria exercitui, vt de claratum est supra, cum igitur idem intenderent isti, quod ceteri, merebantur mori, sicut illi. Etiam, quia isti censabantur pugnātes, & habituri erant spolia de bello, sicut pugnantes, cum separati fuissent ad ducen-

**F** dum necessaria exercitui, & si exercitus iniuste pugnabat, isti etiam peccarent, qui fauebant iniustam facientibus pugnare. Si autem queratur de aliis manentibus in urbibus, scilicet de senibus, qui nō n poterant ire ad bellum. Nam nulli alij manebant, nisi aut valde senes aut valde iuuenes, qui nō possent pugnare, vt dictum est. Dicendum videtur, quod non peccauerunt occidendo illos, quia isti videntur peccasse super hoc: nam consilio seniorum regebantur vrbes, & isti consulerent iuuenibus adiuuare viros Gabaa contra totū Israel: ergo eandē penam merebantur, quā facientes, imō interdum maior pena imponitur a iure consulti alicui ad malum, quā facienti: sic patet in Decre. 86. dist. capit. tanta nequitia: sed bellatores meruerunt mori, ergo & isti senes. Si autem queratur de paruulis an licuit eos occidi, hic est dubium. Pro quo sciendum, quod Israelitæ poterant moueri ad occidendum paruulos Beniamitarum pp duo, scilicet aut propter timorē aut pp grauitatē peccati. Primum est, vt fortē timerēt Israelitæ, quod quando isti paruuli crescerent ad magnam ætatem memores mortis patrum suorum occiderent Israelitas. Sed dicendum, quod istud motuum non stat, quia Israelitæ non poterant timere, quod isti pueri postea venientes ad ætatem adultam pugnarent contra totum Israel, quia manifestum erat eis, quod non possent praualeare contra tantam multitudinem, scilicet vna tribus contra vndecim. Etiam quia recorderentur, quomodo omnes sui patres occisi fuerant tentantes hanc stultitiam, ideo ipsi valde cauere illam. Item dato, quod Israelitæ verisimiliter timerēt, quod Beniamitæ possent insurgere contra eos, & inferre damna, non poterant occidere Beniamitas, vt euaderent hunc timorem. Sicut dato quod ego sciam aliquem hostem meum insidiari mihi ad mortem sepe, & quod ego non ero securus, nisi eum occidero, non possum licitē occidere illum, nisi actualiter me inuadat, & tunc me defendendo eum occidam. Secundum motuum erat, quod vellent eos occidere pro peccato patrum, scilicet quia illi grauitē offenderant Deum. Et tunc viderentur iniuste agere, quia filij non debebant occidi pro patribus. De mulieribus autem magnis, & paruulis idem dubium est. Nā isti per se nō peccauerunt circa hoc, nec pūlendo, nec pūgnando, nec aliud faciēdo: iō si occiderentur, videtur, quod solum occidebantur pro peccato patrum, aut virorum suorum. De pecoribus autem occisis, & spoliis atque urbibus crematis, non oportet per se dubitari: quia si dicatur, quod Israelitæ peccauerunt occidendo paruulos, & mulieres, dicitur, quod et peccauerunt occidendo pecora, & iumenta ipsorum, & delendo vrbes ipsorum cum rebus domesticis. Si aut non peccauerunt occidendo mulieres, & paruulos, nec etiam peccarent res eorum cremando, & destruendo, quia destruantur res aliquorum in penam ipsorum, sicut res sodomorum cum ipsis, Gen. 19. & res Dathan, & Abiron cum eis, Num. 16. & res idolatrarum cum ipsis Deut. 13. capit. Circa hoc aut considerandum, quod aliud est peccasse istos Israelitas faciendo hec: Aliud est illicitum, vel iniustum egisse, sicut distinguit Aristot. licet in alijs verbis Ethicorum 5. Nam poterant isti non peccare faciendo aliquid, quod erat illicitū, vtpote, si nesciebant se facere illicitum, & si mouebantur bono zelo ad agendum tanquam Deo obsequium prastantes. & sic fortē dato, quod occidere paruulos, & mulieres hic malum foret, isti non peccarent, quia bono zelo poterant agere, putātes quod propter magnitudinem peccati virorum Gabaa, & omnium Beniamitarum debebat tota terra ipsorum popi in solitudine. Circa hoc, quod est malū, vel illicitum facere, dicendum quod isti viri Israel malum fecerunt, quia puniuerunt hic paruulos

Israelitæ  
non peccauerunt  
occidendo senes  
Beniamitarum.

Dubium de  
occisione  
puerorum  
Beniamitarum.

De occisione  
mulierum  
Beniamitarum.

Aliud est  
peccare:  
aliud iniustum.



mulos, & mulieres, qui nihil omnino peccauerant pro peccatis aliorum, qui resisterant eis: Deus tamen dixit Deuter. 24. non occidentur patres pro filiis, nec filii pro patribus. Etiam Ezech. 18. dixit, quod quilibet moreretur pro peccato suo, & non filius pro patre, nec è contrario. Item Deus volebat, quod manerent omnes tribus Israel pro semper: isti tamen conati fuerunt delere totam vnam tribum non dimittentes reliquias: & nisi fortè Deus prouidisset faciendo euadere sexcentos Beniamitas in petra Remmō, tota tribus voluntate Israelitarum deleta foret. Item non seruauerunt Israelitæ mandatum domini, sed excefferunt formam: excedere autem est culpabile, sicut agere contra ipsum mandatum. Patet hoc, quia Deus dixit: cras tradam eos in manus vestras. Quod intelligebatur de illis, qui pugnabant, & non de illis, qui manebant in vr-bibus, ideo non licebat eis ex Dei commissione pugnare contra manentes in vr-bibus, scilicet paruulos, & feminas, & occidere illos. Circa secundum an peccauerint etiam dici potest, quod peccauerunt, licet non nimis, quia ipsi doluerunt postea, quod deleuissent tribum Beniamin. Dolor tamen, & penitere non est nisi de malo, scilicet de malo, quod nobis nolentibus accidit, aut quod nos aliquando egimus. De hoc patet sequenti cap. Item patet, quia Israelitæ egerunt hoc ex ira: nam erant nimis offensi Israelitæ a Beniamitis, cum occidissent de eis quadraginta millia, supra in littera. & feruente ira quicquid poterant agere ad vindictam, iustum videbatur, quia ira impedit animum, ne possit cernere verum: & tunc cremauerunt vrbes, & occiderunt omnes ibi manentes. Postea autem cum efferbuisset iracundia, conuersi ad se Israelitæ doluerunt de eo, quod iniuste egerant, & plorabant coram domino petentes remedium sequenti cap. Ad rationem primam in contrarium dicendum, quod quamquam crimina Beniamitarum meruerant, vt ipsi morte accerrima plecterentur, tamen non poterant mereri pro filiis suis, quod morerentur: cum Deus diffiniat, quod pro peccato patris quantumcunque graue sit, non debeat occidi filius, nec è contrario. Si tamen meretur pater per peccatum suum mori filium, deberet filius occidi, quia quod sub merito cadit iustum est.

Ad secundam rationem de vrbe Hai: dicendum, quod occisi fuerunt ibi viri vr-bis Hai, non tantum, quia subiecti anathemathi, sed quia etiam si non subiicerent anathemati licitum erat occidi illos, imò quod pl<sup>9</sup> est obligabantur Israelitæ illos occidere, quia erant Chananæi, & de his Deus dixit, quod omnes occiderent gladio tam viros, quam feminas: & nulli parcerent sub aliqua conditione: Deuter. 20. Ad tertiam rationem, scilicet quod Deus laudauit anathema positum in vrbe Iericho. Dicendum quod non est simile: nā viri vr-bis Iericho erant Chananæi, & tenebantur Israelitæ eos occidere, vt dictum est, etiam sine anathemate, ideo quantum ad hoc Deus non laudauit, nec vituperauit anathema. Sed fuit proprie anathema quātū ad spolia vr-bis, quia licebat Israelitis accipere pecora, & iumenta, & quicquid spoliōrū erat in vrbe, si se non priuassent iure isto p<sup>9</sup> anathema: sed per anathema fecerunt sibi hoc illicitum, & placuerunt Deo in duob<sup>9</sup>. Primò quia totū aurū, & argētum, & æs, & ferrū reperiunt cōsecrauerunt pro thesauris domini: & istud erat ac si Israelitæ diuiderent illud inter se, & postea quilibet de manu sua offerret Deo id, quod ei proueniebat, sicut factum est in bello contra Madian: Nume. 31. cap. Secundò placebant Deo, quia cetera spolia, quę non reponebantur in thesauris domini, ipsi Israelitæ habituri erant, & quia propter diuinum honorem voluerunt, quod illa cremarentur, & non prouenirent eis, placebant Deo. Achor autem fecit contra istud,

A quia rapuit clam regulam auream, quę in thesauris domini ponenda erat, ideo iratus est contra eum, & totum Israel, Iosue 7. quousque lapidatus est. Sed nūc non erat sic, quia paruuli, & femina de tribu Beniamin nō erant occidendi sine aliqua magna causa. Et quia nunc non fuit aliqua, cum nec ipsi aliquid mali meruissent, nec etiam lex arctasset eos ad hoc, peccatum erat subiici illos anathemati. Ad quartam rationem dicendum, quod Deus non gaudet, quod aliquis voueat ponere ciuitatem illam ei sub anathemate, sed potius est contra, nisi quando ciuitas est talis, contra quam licet fieri quicquid sit in anathemate, non supponendo eam anathemati. Et exemplum non est ad propositum, quia vouerunt ibi Israelitæ subijcere anathemati vrbes Chananej regis Arad, & illas poterant delere, non subiiciendo anathemati, eo quod gentes illarum ciuitatum erant Chananej. Sed non erat sic de Beniamitis. Etiam dici potest, quod non placuit Deo istud votum, nec ob hoc exaudiuit preces Israelitarum, sed quia Israelitæ erant afflicti cum egissent prædam de eis Chananæi: Nume. 21. Deus misertus est eorum, & tradidit Chananæū regem Arad in manus ipsorum. Si autem dicere velimus, quod placuit Deo istud anathema: dicendum, quod non placuit ex eo, quod Israelitæ occidebant gentes istas, & ciuitates diruebant, sed ex hoc quod isti habituri erant prædā de bello, & abrenunciauerunt illi propter Deum, & quicquid ad honorem Dei fiat ( dum tamen non sit de se malum ) suscipitur ad meritum. Occidendo autem beniamitas pueros innocentes, erat valde dissimilis, ideo peccabant Israelitæ: Ad quintam rationem cum dicebatur, quod Deus hoc iubet, ergo est licitum. Respondendum, quod non erat licitum, quia Deus dederat legem circa idolatriā, quod ciuitates subiicerentur anathemathi, & occiderentur omnes in eis manentes, & ex concessione legis licebat hoc Israelitis, & aliis non liceret. Ratio est, quia Deus potest occidere quę voluerit: cum respectu eius nemo innocens sit, vt colligitur Nume. 14. Exod. 34. scilicet, apud quem nemo per se innocens est: & quando aliquis agit vice illius idem est, ac si ipse agat. Cum autem aliquis est executor legi Dei agit vice Dei, ideo licitum est, & meretur. sed homini per se non licet occidere aliquem pro peccato alterius, imò Deus vetuit Deuter. 24. Non occidentur patres pro filiis, nec filii pro patribus: ergo non licebit, quod homo occidat aliquem pro peccato alterius, nisi in casu a Deo expresso: sic est de idolatria Deuter. 13. sed de peccato sodomitico, & aliis non est tale expressum, ideo non licet vrbes subijci anathemati pro his. Nec obstat, quod sint peccata graua, cum pro his non sit expressum, & penę magis sunt emolindę, quā ampliandę, cum odia restringi, & fauores conueniat ampliari, vt patet de regulis iuris libro 6. capitu. odia restringi. Cum autem obij-citur quod Amalecite non peccauerant contra Israelitas, nisi in iniuriis Deuter. 25. & primo Reg. 15. & tamen subiecti sunt grauissimo anathemati. Dicendū, quod hoc fuit, quia Deus determinauit modum anathematis 2. Regum 15. aliis autem non debuissent Israelitæ tantum læuare in eos. Nunc autem non erat a Deo positum preceptum de subiiciendo anathemati vrbes Beniamitarum, ideo peccabant Israelitæ subijciendo illas. Sed aliquis dicet, quod licet non sit scriptum, tamen Deus fortè iussit Israelitis, quod istam penam infligerent Beniamitis. Dicendum, quod non stat: quia si Deus hoc iussisset, non dolerent Israelitæ de illo, nec se culparent postquā fecissent illud, quia quę Deo iubente fiunt recta sunt, & tamē doluerunt nimis, vt patet sequenti capitu. ergo Deus non iussit, sed ipsi præpediū feruente ira istud fecerunt: & postquā effer-

Ad quartam rationem.

2. resp. ad 4. rationē.

Ad 5. rōnē

Ad obiectionem.



efferbuit, ita, redeunte ratione, doluerunt de eo, quod iniquè egerant. Dicendum ergo, quòd peccauerunt in hoc Israelitæ, sed fortè nō fuit peccatum magnum: vt si putauerunt, q̄ hoc licebat sibi trahendo comparationem de anathemate, quod ponebatur in ciuitatib⁹ idolatrarum.

## CAPITVLVM XXI.



**I**VRAVERVNT quoq; filij Israel in Maspha, & dixerunt: Nullus nostrum dabit filiis Benjamin de filiabus suis vxorem. Veneruntque omnes ad domum Dei in Silo, & in conspectu eius sedentes vsque ad vesperam, leuauerunt vocem, & magno vlulatu ceperunt flere, dicentes: Quare Domine Deus Israel factum est hoc malum in populo tuo, vt hodie vna tribus auferretur ex nobis? Altera autem die diluculo consurgentes extruxerunt altare, obtuleruntque ibi holocausta, & pacificas victimas, & dixerunt: Quis non ascendit in exercitum domini de vniuersis tribubus Israel. Grandi enim iuramento se constrinxerant, cum essent in Maspha, interfici eos, qui defuissent. Ductique penitentia filij Israel super fratre suo Benjamin, ceperunt dicere: Ablata est tribus vna de Israel. Vnde vxores accipient? Omnes enim in commune iurauimus non duros nos his filias nostras.

*Iurauerant.* In præcedentibus dicto de peccantium vastatione, hic consequenter agit de eorum reparatione. Nam tribus Benjamin penè tota deleta fuerat, manentibus solis sexcentis viris, qui non habebant vxores, & sic necesse erat in breui totam progeniem Beniamitarum perire: hic autem agitur de prouisione eorum ad hoc, ne periret successio. Et diuiditur in duo: primò ponitur affectus compassionis: secundo affectus prouisionis ibi. *Idcirco dixerunt.*

*An hic sit mutatio ordinis: & an hac fuerint immediate facta post præcedentia. Questio. I.*

**Q**VAERETVR circa primum an ea, quæ habentur hic, sint facta post præcedentia, vel sit mutatus ordo. Et an fuerint facta immediate, vel aliquanto tempore post. Ad primum dicendum, quòd sit rectus ordo. Nam supra dictum est de pugna facta contra viros Benjamin, & de interfectione eorum, scilicet, quòd non manserint nisi sexcenti viri ad petram Remmon. Hic autem inducitur Israel plorans pro eo quod fecit, & volens prouidere illis sexcentis viris de vxoribus, ne periret tota posteritas Benjamin: Sed manifestum est istud esse post præcedentia. Sciendum tamen, quòd si nos comparemus ea, quæ narrata sunt

**F** præcedēti cap. ad totum, quod narratur hic, scilicet ad principalem, quod narratur hic, scilicet ad principale historiam: verum est, quòd fuerunt ista post illa: si tamen referatur ad quaslibet particulas, non est ordo continuatus: nam in principio literæ dicitur, quòd iurauerunt Israelitæ hic in Maspha, non dare vxores filiis Benjamin: & tamen istud manifestum est, quòd fuit ante principium bellorum. Ad secundam dicendū, quòd istud, quod habetur hic fuit pauco tempore factum post præcedentia, scilicet duobus mensibus, aut parum plus. Quod patet, quia viri sexcenti de Benjamin, qui fugerunt de bello ad petram Remmon præcedenti cap. manserunt ibi, quousque Israelitæ miserunt nuncios ad eos, vt acciperēt vxores de filiabus Iabes Galaad, & tamen manserunt quatuor mensibus viri illi in petra Remmon præcedenti cap. ergo fluxerūt quatuor menses ex eo tempore, quo cessauerunt Israelitæ pugnare contra Beniamitas vsq; quo miserunt ad vocandum eos, vt darent illis vxores. In isto autem tempore medio fecerunt Israelitæ ista, quæ sequuntur, scilicet, combusserunt primo urbem Gabaa porcutientes ibi homines, & iumenta in ore gladij: de inde euntes ad omnes ciuitates, & viculos terræ Benjamin occiderunt quoscunque ibi inuenerunt vsque ad iumenta, & cremauerunt vrbes præcedenti cap. deinde venerunt ad templum domini in Silo, & ibi doluerunt, q̄ deleuissent tribum Benjamin, & inquisuerunt remedium de vxoribus, & mittentes decem millia in Iabes Galaad virorum occiderunt omnes, qui ibi erant præter 400. virgines, quas duxerunt in Silo, & miserunt ad viros Benjamin, qui erant in petra Remmon, vt venirent, & acciperent eas in vxores, & tunc completi sūt quatuor menses. Ista tamen, quæ fuerunt tempore medio, bene eguerunt duobus mensibus, aut maiori tempore ad hoc, quòd expedirentur, & sic videtur, q̄ quasi non fuerit aliqua interpollatio temporis inter præcedentia, & ea quæ habentur hic. *Iurauerant quoq; filij Israel in Maspha.* Scilicet, quando Israelitæ congregati fuerunt in Maspha antequam facerent aliquod bellum, aut venirent in Gabaa iurauerunt, quod habetur hic. *Et dixerunt: nullus nostrum dabit filiis Benjamin de filiabus suis vxorem.* Idest iuramus, quòd quamquā petierint vxores de filiabus nostris, quòd nūquam eis demus. *Veneruntque omnes in domum Dei in Silo.* Scilicet, omnes Israelitæ, qui congregati erant post destructionem tribus Benjamin venerunt in Silo, vbi erat domus Dei, idest tabernaculum domini, quod fabricauerat Moyses in deserto. Iosue quippe, & totus Israel posuerant illud ibi, & adhuc manebat ibidem. De hoc Iosue 18. capitū. *Et in conspectu eius sedentes vsque ad vesperam.* Scilicet, die illa, qua venerunt in Silo sederunt omnes Israelitæ coram domino, scilicet in domo illa coram altari, & quia ibi specialiter Deus esse signabatur quicumque ibi sederet diceretur sedere coram domino. Et dicitur vsque ad vesperam, quia toto illo die nihil aliud fecerunt, nisi sedere coram domino, & plangere. *Leuauerunt vocem, & magno vlulatu ceperunt flere dicentes.* Magna tristitia erat Israelitarū, quia perierat vna tribus de Israel, ideo non potentes continere tristitiam intra cor suum leuauerunt vocem, & clamauerunt. *Quare Domine Deus Israel factum est hoc malum.* Idest, quare permisisti vel procurasti, quòd fieret tantum malum, scilicet quòd periret vna tribus de Israel? De hoc autem conquerebantur, & non de acto re huius cædis, quia ipsimet Israelitæ occiderant omnes Beniamitas, vt patet præcedenti cap. quia Deus videbat instruxisse, vel direxisse hoc, vt sic fieret: vel saltē non prohibuit: conquerebātur aliquo modo de ipso. *In populo tuo.* Idest in Israel, quia omnes isti pugnantes tam occisores, quā occisi erant de populo Israel.

*Affectus  
compassio  
nis.*



ut hodie una tribus auferatur a nobis. Scilicet, tribus Benjamin ablata erat. Nam omnes viri, & feminae, magni, & paruuli de tribu Benjamin perierat præter sexcetos, & non videtur unde possent illi habere vxores aliquas ad suscitandum, & continuandum successionem eiusdem tribus, ut infra patet: ideo videtur omnino perisse illa tribus. Et dicitur hodie, quia in illa die finita fuerat strages facta in viris Benjamin.

*Quare moti fuerunt viri de undecim tribubus ad iurandum quod non darent de filiabus suis vxores filiis Benjamin. Quæst. II.*

**Q**VAERETVR, quare moti fuerunt viri de undecim tribubus ad iurandum quod non darent de filiabus suis vxores filiis Benjamin. Respondendum est, quod cum factum est scelus circa vxorem Leuitæ in vrbe Gabaa, quæ erat de tribu Benjamin, cæteri viri Israel congregati fuerunt in Maspha audientes querelam Leuitæ: & miserunt ad viros Benjamin, ut traderent viros Gabaa ad hoc, quod occiderentur: & illi noluerunt, præcedenti cap. tunc omnes viri Benjamin facti sunt hostes publici totius Israel: & cogitauerunt Israelitæ quomodo nocerent eis omnibus modis tanquam hostibus, & ad hoc iurauerunt, ut non redirent in domos suas quousque vindicaret istud delictum in viros Benjamin, & ut tollerent omnem possibilitatē concordie inter eos & viros Benjamin, iurauerunt quod non traderent eis de filiabus suis vxores aliquas, scilicet, dato quod viri Benjamin non habeant aliquando unde accipiant, vxores, non dabimus eis, unde accipiant vxores, sed potius faciemus quod pereat tribus illa præ defectu propagationis, & fortè cogitauerunt de tali casu, scilicet, quod accideret, quod tota tribus Benjamin deleteretur præter paucos, & illis non habentibus vxores non darent eis aliæ tribus vxores, sed quod periret tribus illa. Vel fortè non cogitauerunt de hoc casu particulari, sed fecerunt hoc, quia Israelitæ acceperunt viros Benjamin tanquam hostes publicos propter ea, quæ dicta sunt: hosti autem interdicitur omnis cōcātio, ideo est istis interdicienda erat: & ad hoc interdicta fuit eis cōcātio in dando filias in vxores, quæ est quedam communicatio amicorum. Et etiam ad causandum amicitia: nam per coniunctionem matrimonialem fit concatenatio sanguinis, & vnitas progeniei.

*An Israelitæ de undecim tribubus, qui volebant nunc dare de filiabus suis vxores filiis Benjamin, an nollent propter legem, aut propter iuramentum.*

*Quæst. III.*

**Q**VAERETVR vterius, an Israelitæ de undecim tribubus, qui volebant nunc dare de filiabus suis vxores filiis Benjamin, an nollent hoc propter legem, aut propter iuramentum. Nam lex erat Num. 36. quod quilibet vir acciperet vxorem de tribu sua, & quilibet femina maritum de tribu sua, ideo dato quod non intercederet iuramentum, obligabantur per legem ad non dandum filias suas in vxores viris de tribu Benjamin. Respondendum, quod intentio Beniamitarum fuit a principio non dare de filiabus suis vxores filiis Benjamin, & ob hoc iurauerunt: & postea dare volebant videntes, quod non possent aliunde viri Benjamin accipere vxores, & tamen credebant se non posse dare. Et hoc non propter legem, sed propter iuramentum. Et patet hoc, quia cum intentio Israelitarum esset non dare viris Benjamin vxores de filiabus suis: si putarent per legem se teneri ad non dandum, non curarēt addere aliud vinculum, & tamen iurauerunt omnes super hoc: id videtur, quod non putabāt vinculum legis sufficere ad hoc. Secundo patet, quia quando conuenerunt nunc omnes in

**A** Silo, dixerunt: unde accipient nunc vxores filii Benjamin? omnes enim in communi iurauimus non duros nos his filias nostras, quasi dicat, si non iurauissemus hoc, possemus dare eas: aliās autem si putarent se etiam lege teneri ad hoc, frustra dicerēt, omnes in commune iurauimus; quia non obstante, quod non intercidisset iuramentum, erat alia obligatio æqualis. Tertiò patet quia quæsiuerunt Israelitæ, quis de toto Israel non venisset ad bellum, & non iurasset in Maspha: & quia reperi sunt viri Iabes Galaad non interfuisse bello, nec iuramento de filiabus eorum, datæ sunt vxores filiis Benjamin, ut patet infra in litera. Quartò patet, quia postquam Israelitæ tradiderūt filias virorum Iabes Galaad viris Benjamin quadringentis in vxores: & supererant ducenti, qui non acceperant vxores, dixerūt inter se. quid faciemus de his, qui non acceperunt vxores, filias nostras eis dare non possumus: restricti iuramento, & maledictione, qua diximus: maledictus, qui dederit de filiabus suis vxorē Benjamin: ecce dixerunt se iuramento restrictos, & non dixerūt restrictos lege.

*Quomodo Israelitæ non putabant se lege teneri ad hoc, sed induxerunt iuramentum tanquam vinculum extraordinarium. Quæst. IIII.*

**Q**VAERETVR vterius, cum esset lex, qua ventarentur contrahere, qui erant de diuersis tribubus, Num. 36. quomodo Israelitæ non putabant se teneri lege ad hoc: sed induxerunt iuramentum, tanquam vinculum extraordinarium. Aliquis dicet, quod hoc fuit, quia isti, qui fecerunt istud iuramentum erant populi, & non sciebant legem, ideo credebant se non obligatos ad hoc, nisi ipsi sponte per iuramentum obligarentur. Sed dicendum, quod hoc nullo modo stat, quia totus populus Israel conuenit in Maspha de undecim tribubus: nec defuit quisquam quando factum est iuramentum istud, nisi viri Iabes Galaad, ut patet infra in litera: non est autem verisimile, quod in toto Israel non esset aliquis, qui nesciret legem. Item patet, quia ista lex de matrimoniis erat vulgatissima, eo quod quotidie erat in usu propter quotidiana matrimonia, & non poterat aliquis ignorare eam. Aliquis dicet aliter, quod Israelitæ non putauerunt se obligari lege, sed iuramento, dato quod scirent legem, quia lex illa solū intelligebatur de feminis succedentibus in hereditate patris sui: ut cum quis nullum filium masculum haberet, quia tunc succedebāt filia, & aliās minimè, ut patet Num. 27. Cæteræ autem, quæ non succedebant in hereditate, poterant accipi a viris aliarum tribuum, sicut est positum multorum: & quia quantum ad istas non obligabantur ex lege, voluerunt se obligare iuramento. Sed dicendum etiam, quod istud non stat, sed ista lex intelligitur de omnibus feminis, ut satis declaratum est Num. 36. Item patet, quia in Iabes Galaad occisi fuerunt omnes viuentes, præter quadringentas mulieres virgines, & de illis certū est, quod succedebant patribus suis, quia non habebant alios heredes, cum omnes occiderentur. Et quod plus est, istæ succedebāt in omnibus bonis mobilibus, & immobilibus, quæ erant in Iabes Galaad, eo quod non erant aliqui alij cognati defunctorum Iabes: & tamen traditæ sunt viris Benjamin non obstante lege: ergo videtur, quod lex non faciebat obligationem quantum ad istas, sicut iuramentum pro aliis, quæ non succedebāt: & tamen contra iuramentum nihil actum est, & contra legem actum est: ideo videtur quod ipsi non putabāt istam legem intelligi solū de succedentibus, & propter hoc, quod iurauerunt pro aliis. Dicendum ergo videtur, Responsum ad quod Israelitæ fortè fecerunt hoc ex quodam errore. scilicet, quia quæsiuit, licet crederent ex lege se obligatos ad hoc, tamen putabant, quod ista obligatio faciliter poterat tolli dato casu necessi-



necessitatis: sed non poterat tolli iuramentum: ut puta considerauerunt forte, quod deleteretur tribus Benjamin, ita ut pauci manerent, & occisis mulieribus de tribu sua non haberent unde acciperent uxores, & tunc necessitas faciebat legem dispensabilem. ut ergo nullo modo posset dari dispensatio, voluerunt se obligare iuramento, ut nullo modo esset dispensabile: nam iuramentum credebant indispensabile, ut declarabitur infra in quadam quaestione. isti tamen nimis errabant: quia in casu, quo peterent Beniamitum uxores de aliis tribubus, aut esset casus necessitatis aut non: si non esset casus necessitatis, non poterat dispensare in lege, sicut nec in iuramento.

Fortior lex  
quā iura-  
mentum.

Si autem esset casus necessitatis, tamen iuramentum, quod lex erant dispensabilia: imò facilius est dispensari in iuramento, quā in lege: quia iuramentum est inducens vinculum ex voluntate nostra: lex autem inducit vinculum ex voluntate dei: fortius autem est vinculum a Deo inductum, quam a nobis: & tamen putauerunt contrarium isti, ideo filias virorum Iabes Galaad tradiderunt filiis Benjamin non curando de lege, & suas dare noluerunt, quia erat contra iuramentum.

*An non obstante iuramento isto & lege poterant Israelitae dare de filiabus suis uxores filiis Benjamin, qui residui erant. Quæst. V.*

**Q**VAERETVR vterius, an non obstante iuramento isto, & lege poterant Israelitae dare de filiabus suis uxores filiis Benjamin, qui residui erant. Respondendum erat quod sic. De iuramento patet, quia iuramentum non extenditur ad ea, de quibus non extitit cogitatum: sed iste casus erat inopinatus, quia nesciebant Israelitae quod sic accideret, scilicet quod perirent omnes famine de tribu Benjamin, & quod manerent aliqui pauci viri, qui non haberent unde acciperent uxores. Ideo nunc cum accidisset, non erat iuramentum tenendum in eo. Secundò patet, quia iuramentum quando vergit in deteriorem exitum, non est tenendum sed tandiu tenendum est quandiu non vergit in præiudicium salutis æternæ: & tamen istud si seruaret tenderet in peiorem exitum, scilicet, quia isti sexcenti viri de tribu Benjamin, qui residui erant, non habebant aliquas feminas de tribu sua. Ideo oportebat vnum de tribus, scilicet, quod aut periret tota tribus Benjamin istis non accipientibus uxores, & non relinquentibus posteris: aut acciperent uxores de gentilitate, aut acciperent de aliis tribubus Israel. Primum erat inconueniens, quia erat contra voluntatem Dei, qui volebat permanere omnes duodecim tribus Israel, & nunc periret vna præ defectu coniugiorum. Secundum erat inconueniens, quia dato, quod esset contra legem communem, quod vnus vir acciperet uxorem de alia tribu, tamen magis erat contra legem, quod Hebræi acciperent uxores de Gentilitate, eo quod minus communicabant.

Iuramentum  
virgines in  
præiudicium  
salutis non  
tenet.

Gentiles & Iudæi inter se quā viri de vna tribu cum viris de alia tribu. Etiam quia sequebantur inde pericula, scilicet quod ipsi, qui contrahebant inducerentur ad idola amore vxorum, & quod proles inde genita nutrentur in cultu dæmonum. Et ista fuit causa quare Deus vetuit matrimonia inter Israelitas & Gentiles, Exo. 34. & Deutero. 7. & 3. Reg. 11. & non sequebantur aliqua istorum accipientibus viris uxores de aliis tribubus. Etiam omnibus his adhuc stantibus forte Gentiles nollent dare istis filiis Benjamin uxores de filiabus suis, ideo restabat, quod acciperent de aliis tribubus uxores non obstante isto iuramento. Quod autem lex ad hoc non obstarat, patet, quia Deus dedit legem intelligendam ciuilitate, scilicet in casu, in quo potest commode observari: quando tamen ex observatione legis sequitur magnum incommodum, noluit lator le-

Deus quare  
vetuit  
matrimo-  
nia inter  
Israelitas  
& gentiles.

gem intelligi, & sic erat hic. Nam ut communiter poterat quilibet vir inuenire uxorem in tribu sua, & è contrario, & tunc honestius erat, quod acciperet uxorem de tribu sua, quā de aliqua alia, propter causas declaratas Numeri. 36. cap. & ob hoc lex data est: cum tamen non inueniretur vxor aliqua in tribu sua, necesse erat de alia accipi, quia aliās lex vetaret alicui accipere uxorem, quod erat impium: noluit ergo intelligi in hoc casu. Item politia non est propter legem, sed lex est propter politiam: ideo quando necesse est alterum perire, melius est, quod pereat lex: & ob hoc sepe mutatur lex propter vtilitatem politiae, & tamen nunquam mutatur politia propter conseruationem legis, & tamen pereunte hic vna tribu propter defectum matrimonij, obstante lege, deficeret vna pars magna politiae: & sic poterat perire quilibet alia: & consequenter tota politia. Et istud est contra rationem, cum non sit politia propter legem, sed lex propter politiam, ideo debet hic potius mutari lex quam periret politia, non habente aliqua tribus matrimonia. Adhuc autem potest esse alia causa, quare iuramentum istud non obligaret, quia ipsi fecerunt illud ex magna iracundia: nam nimis fuerant irati contra filios Benjamin, eo quod noluerant tradere eis viros. Gabaa peccatores, ad hoc, quod de eis fieri iustitiae executio. Etiam quia ut aliqui volunt, quod quando factum fuit istud iuramentum, iam pugnatum fuerat, & perierant multi de vndecim tribubus: & præ dolore occisorum, & indignatione hostium commoti fuerunt Israelitae ad faciendum istud iuramentum, sed iuramentum factum cum ira non est plene deliberatum, & consequenter non est omnino obligatorium.

Lex est propter politiam, & non è contrarium.

*An peccauerunt Israelitae faciendo iuramentum de non dando filias suas in uxores filijs Benjamin.*

*Quæst. VI.*

**Q**VAERETVR vterius, an peccauerunt Israelitae faciendo iuramentum de non dando filias suas in uxores filijs Benjamin. Respondendum, quod satis grauiter videntur peccasse. Nam aut Israelitae iurabant se non duros filias suas filiis Benjamin in casu, in quo de lege vetabantur, aut in casu de lege propter necessitatem, vel aliās, in quo poterat esse licitum accipi illas. Primò modo non est dicendum, quod Israelitae iurarent: quia frustra erat iurare id, ad quod sine iuramento aliās obligabantur facere. Si autem secundò modo erat peccatum, quia iurabant non facere bonum: nam lex dabat locum in casu necessitatis, in quo impium erat non dare uxores illis, quorum progenies aliās peribat: iurare autem facere malum peius est, quam absolutè facere malum: eo quod peccatur primò iurando, deinde efficiendo quod iuratur: poterant tamen aliquāliter excusari Israelitae per ignorantiam, quia erant simplices: & in multis de iure errabant circa obligationem votorum, & iuramentorum, ut declarabitur sequenti quaestione.

Iurare malum peius est quā facere malum.

*Cum iuramentum Israelitarum de non dando uxores fuerit illicitum, quare noluerunt illud obseruare.*

*Quæst. VII.*

**Q**VAERETVR vterius, cum iuramentum istud Israelitarum fuisset illicitum a principio, vel saltem vergeret iam in deteriorem exitum, & non erat iam seruandum, quare Israelitae noluerunt illud relaxatum esse intelligere, vel non obligari se eo. Respondendum quod hoc proueniebat ex quadam ignorantia Israelitarum, putabant enim quod cum aliquis se obligasset iuramento, vel voto ad aliquid, in nullo casu licebat

retroce-



retrocedere, etiam si vergeret in deteriore exitum. Sic patet de voto Iephthe Galaaditę iudicis Israel: nam vouit, quod si Deus traderet Ammonitas in manus eius, quicquid occurreret ei primum de domo sua reuertenti in pace, immolaret illud domino: accidit autem quod filia sua vnica occurreret ei cum canticis, & tympanis, & ipse scidit vestimenta sua dicens: Heu filia mi, quia decepisti me, & ipsa decepta es. Quia tamen vouerat domino, putauit se teneri ad occidendum eam, & immolauit illam, vt supra 11. & tamen certum est, quod non tenebat istud votum. Nam aut intellexit Iephthe a principio de omnibus, si occurreret ei, quod immolaret primum, aut solum de immolatijs, & tamen non expressit. Si primo modo, non tenebat votum, quia erat illicitum, & peccabat vouendo. Si secundo modo, non tenebatur, quia votum, & iuramentum non extenduntur ad casus non excogitados: quia de illis non est consensus, nec voluntas se obligandi: & tamen his non obstantibus, putauit Iephthe se obligatum ad immolandum filiam suam, quia alias non immolasset. eam cum diligeret ipsam nimis, quia erat vnica. Sic etiam erat de obseruatione legis, quia putabant Israelitę se obligari ad obseruandam legem ad literam in omni casu. Sic patet de obseruatione sabbati. Nam iussum erat nullum opus fieri in sabbato: tempore Machabeorum, cum Gentiles idolatra inferrent bellum Israelitis diebus sabbatorum, fugientibus in montes, non se defenderunt, sed permiserunt se mori, vt patet primo Macha. 2. scilicet. Et concitauerunt eis praelium in diebus sabbatorum: & non responderunt eis, nec opilauerunt loca occulta, dicentes: moriamur omnes in simplicitate nostra: testes erunt super nos celum, & terram quod iniuste perditis nos: & mortui sunt ipsi, & filij eorum, & vxores eorum, & pecora eorum, usque ad mille animas. Ita nunc in isto iuramento putauerunt quod quamquam obseruatio eius induceret malum, quod tenebantur illud obseruare, ideo nullo modo dederunt eis de filiabus suis, sed inquisiuerunt modum ad satisfaciendum, qui habetur in litera. Ista simplicitas fuit a principio inter Iudeos magna, & fuit propter duo. Primum quia adhuc populus ille erat naturaliter rudis, & circa legem ineruditus. Secundum erat, quia Deus iusserat eis seruare legem ad literam, non declinando ad dexteram, nec ad sinistram: & ita putabant in iuramentis fieri debere, & votis, & quibus cunq; promissionibus. Procedere autem tempore tam per rationis usum crescentem, quam propter exercitacionem in lege, quam propter inconuenientia, quę accidebant, erudiebantur aliquantulum ad seruandum magis legem in sententia quam in verbis: & sic fuit tempore Machabeorum, quando perierunt viri quasi millescentes se defendere in sabbatis. Nam Mathathias, & alij Israelitę conuenientes dixerunt, irrationabile esse illud, quia si sic facerent omnes Iudęi cito deleberentur de terra, ideo conuenerunt in hanc sententiam, quod si quis veniret contra eos in bellum diebus sabbatorum quod responderent ei, se defendendo: ipsi tamen non mouerent bellum hostibus, primo Macha. 2. cap. postea autem adhuc magis fuerunt instructi: nam si aliquod animal cadebat in puteum, vel locum periculosum die sabbati, educebant eum inde, vt patet Lucę decimo tertio.

An Iudęi seruarent hoc iuramentum faciendo quod habetur hic in litera. Quęst. V. III.

QVÆRETUR vltius, dato quod istud iuramentum obligaret sicut credebant Iudęi: an

A ipsi seruarent illud faciendo quod habetur hic, scilicet quod darent quadringentas virgines de Iabes Galaad & ducentas virgines de filiabus suis ducentibus choros in Silo. Et dicendum quod non. Primum quia tradiderunt eis virgines Iabes Galaad. Nam si viri Iabes viuerent, potuissent licite dare filias suas in vxores Beniamitis, eo quod ipsi nihil iurauerant: & sic non putarent se teneri, & tamen alij Israelitę qui iurauerant non poterant dare licite eas, quia istę virgines iam erant in potestate ipsorum Israelitarum occisis patribus earum, & ipsi censebantur patres earum. Nam propter hoc iurauit quilibet non daturum se filiam suam Beniamitis, quia filia cuiuslibet erat in potestate sua, & iurabat quilibet de eo quod erat in potestate sua: sed istę virgines Iabes Galaad iam erant in potestate Israelitarum sicut filię sue, ideo peccabant ipsas dando Beniamitis. Secundum patet, quia si intelligatur istud iuramentum solum de filiabus, sicut erant verba iuramenti: posset quilibet dare neptem, vel proneptem, aut quamcunque inferiorem, quę esset in potestate sua: sed hoc non putauerunt se posse facere Israelitę obstante iuramento. Nam alias facile erat dari vxores Beniamitis, quia manifestum est, quod in toto Israel vbi erant plusquam mille millia, & quingenta millia virorum coniugatorum forte, sicut fuit semel in computatione facta tempore Dauid, primo Paralipome. 21. capit. essent aliquę virgines non habentes patres, & illę posset dari in vxores Beniamitis: & tamen nulla de talibus data est. Quod patet, quia solum datę sunt sexcentę virgines: quadringentę de Iabes Galaad, & ducentę de procedentibus in choris, & solennitate in Silo: ergo putabant non posse dare tales stante iuramento, & consequenter nec possent dare virgines Iabesenas. Tercio patet, quia si intelligeretur ad literam de solis filiabus, posset quilibet dare filiam alterius, & alius filiam eius: & sic nullus daret filiam suam: tamen darentur filię omnium in vxores, & faciliter darentur vxores Beniamitis: & tamen non putauerunt Israelitę, quod possent aliquam dare, sicut nec dederunt, sed quęsiuerunt alios modos: ergo etiam non poterant dare filias Iabesenorum. Quarto patet in aliquo casu adhuc magis manifesto: certum est enim, quod multę virgines erant in Israel non habentes patres, quando istud iuramentum factum est: & sic patres earum non iurauerunt: & Israelitę habebant potestatem super eas ad dandum eas cui vellent, & in istis erat poenitus sicut in virginibus Iabesenis, scilicet, quod patres earum non iurauerant, sicut nec viri Iabes, & ipse erant de progenie Israelitarum sicut virgines Iabes, & erant sub potestate Israelitarum sicut illę. Et tamen non dederunt Israelitę aliquam de talibus, cum certum esset, quod multę erant in Israel huiusmodi: ergo errabant nimis. Item non poterant euadere periurium, in quantum dederunt consilium, vt acciperent virgines ducentes choros in Silo. Et patet primo quantum ad illos, qui dederunt consilium, vt hoc fieret. Nam iuramentum secundum intentionem eorum obligabat eos ad non dandum de filiabus suis in vxores filiis Beniamin: & tamen per quandam cauillationem ipsi volebant dare modum, vt haberent filij Beniamin vxores de filiabus eorum: ergo incidebant in periurium, quia iuramentum debet seruari ad illam intentionem, ad quam factum est, & nulla ars iurantis excusat. Secundum patet quantum ad illos, quorum filias contingeret accipi inter illas ducentas virgines ducentes choros in Silo: quia cum illi repeterent filias suas, isti, qui dederant consilium, hoc dicerent eis: miseremini eorum: quia non rapuerunt eas iure bellantium, sed rogantibus, vt acciperent non dedistis: & a vestra parte peccatum est. Nam si iuramentum obliga-



obligabat, sicut ipsi putabant, non poterant mitereri Beniamitarū permittendo eis habere filias suas, quia non erat in potestate eorum iuramentum relaxare ad hoc quod possent misereri, sed tenebatur agere iuxta vires ad implendum iuramentum suum. Tertiò patet quantum ad istos, qui rogarent illos, quorum filiae acciperentur in Silo in chorizantibus, quia isti peccarēt manifeste rogando alios, vt inciderent in periurium. Quartò patet, quia poterat accidere, quod filiae istorū quidabant istud consilium caperentur a Beniamitis: & tunc nulla excusatio erat quin inciderēt in periuriū, quia ipsi dederant occasionem, vt istud fieret. Etiam quia tunc ipsi permitterent quod Beniamites haberent filias eorum: nam nullus rogaret eos, quod dimitterent illas Beniamitis, quia non rapuerant eas iure bel-  
lantium. Nam nullus alius sciebat quod sic fieri debebant nisi isti, qui tractauerant: erat ergo tanquam si isti sponte darent filias suas Beniamitis, ideo si iuramentū tenuisset, non poterant isti euitare aliquo modo periurium, sed istud proueniebat ex errore ipsorum. Nam sicut ex ignorantia putabant se teneri isto iuramento, quod falsum erat, ita putabant per istum modum faciendo euitare periuriū: sed in vtroque errabant grauissime: erant enim valde rudes Hebraei illius temporis: & nullo modo circa rationem, aut iura exercitati.

*Quare Israelitæ steterunt coram domino in Silo, & non construxerunt altare, & sequenti die construxerunt.*  
*Quest. IX.*

**Q**UARE dicitur hic, quod Israelitæ steterunt coram domino in Silo sedentes, & lugentes, & sequenti die construxerunt altare, & cur in ipsa die non construxerunt. Aliquis responsebit, q̄ Israelitæ venerunt sero in Silo ad dominum die illa: cum iam pertransisset hora sacrificiorum, ideo expectauerunt vsque ad sequentem diem ad sacrificandum. Sed dicendum, quod non stat, quia dato quod venirent sero poterant facere sacrificium. Nam sacrificium vespertinum fiebat in occasu solis, & durabat per totam noctem in altari, Leui. 6. poterat ergo quacūque hora offerri sacrificium. Item istud patet aliquantulum, quia dicitur in litera quod venerunt in Silo, & in conspectu domini sedentes vsque ad vesp̄am leuauerunt vocem suam. Hoc quod dicitur, vsque ad vesp̄am, significat quod steterunt ibi magna parte diei. Nam si venissent sero, scilicet in vesp̄a, non bene diceretur, quod steterunt vbi vsque ad vesp̄am.

**R**esponsio ad q̄situm  
**C**ontra eos qui non se disponunt ad sacrificia offerenda.  
Sed dicendum videtur, quod factum est propter duo. Primò, quia Israelitæ volebant a Deo exaudiri, vt daretur modus, ne periret tribus Benjamin: & ne ipsi inciderent in periurium, & propter hoc volebant facere sacrificia: & quia sacrificia non acceptabantur, nisi qui faciebat illa, dispositus esset, voluerant se disponere: sicut dicitur Isaie 1. Ne offeratis vltra sacrificium frustra, incensum abominatio est mihi: neomeniam & sabbatum, & festiuitates alias non feram: iniqui sunt catus vestri, Kalendas vestras & solennitates vestras odiuit anima mea: facta sunt mihi molesta, & laboraui sustinens: & cum extenditis manus vestras, auertam oculos meos a vobis, & cum multiplicaueritis orationem, non exaudiam. Et subditur causa, scilicet, manus enim vestrae sanguine plene sunt: & sequitur, quod si lauentur Deus exaudiet eos. dispositio autem, quam isti facere debebāt, erat quod contererentur corā domino: & lugerent, & tunc exaudirentur: sicut dixit Deus Ezechiae: Audiui orationem tuam, & vidi lachrymas tuas: & ex-

**F**ce addidi vitæ tuæ quindecim annos 4. Reg. 20. & Isa. 38. cap. Et ista dispositio placebat Deo magis quam omnia sacrificia. Et patet hoc Michææ 6. cum dicitur: Quid dignum offeram domino: curuabo genu Deo excelso: nunquid offeram domino holocaustomata, & vitulos anniculos? Nunquid placari potest dominus in millibus arietum, aut in multis millibus hircorum pinguium? Nunquid dabo primogenitum meū pro scelere meo, & fructum ventris mei pro peccato animæ meæ? Indicabo o homo quid sit tibi bonum, & quid Deus querat a te: vtique facere iudicium, & diligere misericordiā, & sollicitum ambulare cum Deo tuo. Sic enim fecerunt Israelitæ semel tempore Samuelis, quando conuenerunt in Maspha. Nam ibi iudicauit eos Samuel, & ieiunauerunt tota die, & postea obtulerunt agnum anniculum in holocaustum, primo Regū septimo: ita nunc Israelitæ steterunt prima die, qua venerunt in Silo semper lugentes coram domino, & per hoc disposuerunt se ad hoc, quod Deus exaudiret preces suas, & acceptaret sacrificium ipsorum, ideo sequenti die potuerunt conuenienter offerre. Secundum est, quia Israelitæ volebant placare dominum per sacrificium suum, non poterant tamē placare si illa die offerrent, ideo vsque ad sequentem diem non construxerunt altare. nec obtulerunt sacrificium. Patet hoc, quia Israelitæ veniebant tristes, & lugebant nimis: quia videbant vnam tribum periisse de Israel, & tamen quandiu aliquis tristis est de aliquo nisi de peccatis suis, non placat dominum, nec placet ei ceremoniæ ab eo factæ. Sic dixit Aaron ad Moysen quando cōbusti sunt duo filii eius a domino: & Moyses increpuit illum, cur non comedisset hircum, qui oblatu fuerat pro peccato, sed per misit eū comburi, & ille ait: oblata est victima pro peccato, mihi autem quid acciderit, vides: quomodo potui comedere, aut placere domino in ceremonijs mente lugubri? Leui. decimo. expectauerunt ergo vsque ad sequentem diē cum iam finitus esset luctus, & tunc poterant offerre mente hilari, & placare Deum in ceremonijs.

*Quare construxerunt altare ad offerendum sacrificium.*  
*Quest. X.*

**Q**UARE T V R. vltius, quare construxerūt altare ad offerendum sacrificium nunc Israelitæ: cum ipsi haberent altare holocaustorum in sanctuario, in quo poterant offerre. Aliquis dicet quod Israelitæ non erant nunc in loco vbi possent offerre in altari holocaustorum, ideo construxerunt altare. Sed dicendum, quod hoc non potest stare, quia Israelitæ erant nunc in Silo, vbi erat tabernaculum, & totum sanctuarium: vnde dicitur hic, & steterunt coram domino, & infra in litera: & etiam præcedenti cap. patet quod in Silo erat sanctuarium, & ibi erat altare holocaustorum, in quo poterant offerre holocausta. Responderi potest, quod fortè Israelitæ volebant nunc offerre tot sacrificia, quod non caperentur in altari holocaustorum, & ob hoc forte fecerunt aliud altare nouum, in quo offerrent. Sic enim fuit quando Salomon obtulit multa sacrificia: nam dicitur, quod altare non capiebat illa, tertio Regum octauo. Vel fortè cum liceret populo hoc facere, vt infra declarabitur sequenti questione, voluit nouum altare construere ad maiorem solennitatem faciendam.



*Quomodo licuit Israelitis construere altare ad offerendum in eum sacrificia.*

*Quest. XI.*

**Q**VAERETVR vterius, quomodo licuit Israelitis construere altare ad offerendum in eum sacrificia, quia hoc erat valde illicitum. Nam Leuit. 17. dicitur, quod si quis offerret sacrificium non ad ostium tabernaculi in altari holocaustorum, erat reus sanguinis, sicut si sanguinem effudisset. Item Iosue 22. dicitur, quod nefas erat offerre sacrificium in alio altari, nisi in illo, quod erat ad ostium tabernaculi. Respondendum, quod licuit Israelitis facere altare novum ad offerendum sacrificium. Pro quo sciendum, quod erat datum præceptum de faciendo sacrificium in vnico loco propter periculum idolatriæ, quia erant assueti Israelitæ ad offerendum sacrificia dæmonibus observando ceremonias illorum: si autem quilibet posset offerre vbiunque vellet, & secretè, vel publicè, posset quilibet observare in sacrificando ceremonias, quas vellet: & sic plurimi de Israelitis offerrent sacrificia dæmonibus, & observarent ceremonias cultus eorum. Iussu est ergo, quod omnes Israelitæ offerrent sacrificia in sanctuario, & non alibi, & ibi erat locus publicissimus: & quicunque vellet offerre sacrificium videretur ibi, sub quibus ceremonijs offerret: & non posset observare ceremonias dæmonum: & ob hoc ista lex fuit dispensabilis faciliter in multis, de quibus non erat præsumptio, quod vellent facere ceremonias cultus dæmonum, & sic fuit de Prophetis, sicut de Samuele, qui in multis locis extra sanctuarium construebat altaria, & faciebat sacrificia, scilicet in Ramatha, & in Maspha 1. Regum 7. & in Galgala 1. Regum 11. & in Bethleem eo. lib. cap. 16. Sic etiam fuit de Elia, qui fecit altare in monte Carmelo 3. Regum 18. & David fecit altare in area Areuna Iebusæi 2. Regum 24. & 1. Paralip. 21. sic etiam erat de toto populo congregato, quia non erat verisimile, quod observaret ceremonias dæmonum sacrificando, & sic faciliter poterat dispensari cum toto populo, quod offerret sacrificium extra locum sanctuarij: & quia nunc populus non redarguitur pro ista immolatione, satis credendum est, quod non peccaverit. Secundo modo potest dici, & melius, quod populus non peccavit nunc construendo altare, quia istud altare constructum fuit intra sanctuarium. Nam sanctuarium erat in Silo, & ibi erant nunc Israelitæ, & intra magnitudinem illius domus, in qua erat tabernaculum, factum fuit altare ab Israelitis, & sic non faciebant contra legem Leuit. 17. & Deuter. 12. quia offerebant sacrificium in vnico loco, quem Deus elegerat, & istud erat ad ostium tabernaculi. Ad id quod habetur Iosue 22. dicendum, quod licet dicatur ibi, quod nefas erat immolari sacrificia in alio loco nisi in altari holocaustorum ad ostium tabernaculi: tamen licitum erat ex dispensatione in alio altari immolari, sicut supra declaratum est. Vel potest dici, quod hoc dicitur ad significandum, quod non licebat extra locum sanctuarij, & hoc conuenit literæ ibi, quia illud dicitur ad probandum, quod non licuit duabus tribubus, & dimidiæ construere altare apud tumulos Iordanis ad faciendum sacrificia, & tamen nunc erat altare intra sanctuarium ad ostium tabernaculi, sicut altare, quod fabricauerat Moyses: ideo non peccabatur offerendo ibi. Aliquis autem obiiciet, quod supra dictum est, quod licet non liceret vni personæ construere altare ad sacrificandum, licuit tamen multitudini, eo quod non dubitabatur de multitudine, an vellet idolatrare, sicut de vna persona. Nam etiam multitudini non licuit construere altare ad faciendum sacrificia: duæ namque tribus, & dimidia construxerunt altare apud

Alph. Tost. super lib. Iudicum

**A** tumulos Iordanis, & quia reliquæ novem tribus & dimidia putabant, quod construxissent illud ad sacrificandum, mouere volebant bellum contra illas quousque se excusauerunt, dicentes, quod non fecerant altare ad sacrificium, sed in signum vnitatis populi, vt patet Iosue vigesimo secundo: & etiam ipsa multitudo duarum tribuum & dimidiæ asseruit nefas esse facere sacrificium alicubi, nisi in altari holocaustorum, quod erat ad ostium tabernaculi: non ergo liceret multitudinem construere altare ad faciendum sacrificia. Responderi potest multipliciter. Vno modo, quod non est simile hic, & ibi, quia ibi minor pars populi construxit altare, scilicet duæ tribus & dimidia. Hic autem totus populus, & de quadam parte populi poterat haberi suspitio de idolatria, sed non de toto populo. Secundo & verius dici potest, quod ibi duæ tribus & dimidia construxerunt altare extra sanctuarij locum, & per hoc significabatur, quod faciebant altare ad sacrificandum idolis, vel saltem volebant facere alium cultum differentem ab illo, qui fiebat in sanctuario, & vtrunque erat inconueniens. Primum namque vera idolatria: Secundum erat contra intentionem Dei, quia Deus voluit esse vnicum locum sacrificandi, vt significaretur vnus esse Deus, cui omnes sacrificabant. faciundo autem altaria in pluribus locis, significabatur aut significari poterat plures esse Deos, quibus sacrificaretur. Nunc autem populus fecit altare in loco sanctuarij: per quod nec erat idolatria, nec signum pluralitatis Deorum, ideo istud erat conueniens.

*Vnde habuerunt Israelitæ, quod liceret eis facere altare, quod nunc fecerunt, & de qua materia illud fecerunt.*

*Quest. XII.*

**Q**VAERETVR vterius, vnde habuerunt Israelitæ, quod liceret eis facere altare, quod nunc fecerunt: & de qua materia illud fecerunt. Respondendum, quod Israelitæ habuerunt sibi licere ex eo, quod habetur Exo. 20. f. altare de terra facietis mihi: ergo aliquando haberet locum ista lex. Sed non habebat locum in altaribus, quæ fabricarentur extra locum sanctuarij, quia non licebat talia fieri, vt probatum est præced. quæst. ideo liceret aliquando fabricari altare intra sanctuarij præter illud quod fecerat Moyses, quia illud erat de lignis setim opertum laminis æneis: Exod. 27. Istud autem erat de terra, & istud est, quod nunc fabricauerant Israelitæ. Secundo potest dici, quod fecerunt hoc nunc Israelitæ, quia alia similia facta sciebant, scilicet, faciebant altare ad sacrificandum in eo, & vt maneret in memoriam præteritæ rei: sic fuit de altari, quod fecerunt Israelitæ in introitu in terram Chanaan in confirmatione legis: nam factum est altare, & oblata sunt in eo sacrificia, scriptumque fuit Deute. legis in eo, & mansit ad memoriam, vt colligitur Deut. 27. & Iosue 8. c. ita nunc Israelitæ vellent facere sacrificia in altari isto, & quod maneret ad memoriam, quomodo pugnassent vndecim tribus contra vnā, & quid tunc acciderit. Ad secundum dubium dicendum, quod istud altare non poterat construi de lignis, ferro, aut qualibet alia materia, nisi de terra, vel lapidibus. De terra patet Exod. 20. f. altare de terra facietis mihi: poterat etiam fieri de lapidibus, & tamen lapides illi non debebant esse politī, aut quomodolibet parati ferro, sed rudes, sicut de lapidicina ducebant, vt patet ibidem, f. quod si altare lapideum feceris mihi, non ædificabis illud de sectis lapidibus, si enim leuaueris cultum tuum super eum polluetur: poterat tamen altare calce superinduci ad pulchritudinem, & firmitatem operis: nam lapides rudes non

Ee bene



benè sibi coaptarentur, nec redderent superficiem planā: cum verò calce linirentur, coniungerentur, & redderetur superficies plana, & sic factum est quando Deus iussit ædificari altare in monte Hebal in confirmatione legis, in quo scriberetur Deuter. nam erat de lapidibus grandibus, & impolitīs, quos ferrum non tetigerat, Deuter. 27. cap. Vtroque istorum modorum poterat fieri nunc altare, sed non apparet, quo modo illorum. *Altera autem die diluculo consurgentes.* Præcedenti die Israelitæ manserant coram domino lugentes, & non obtulerant aliquod sacrificium propter causas supra assignatas in quadam quæstione, & nunc surrexerunt diluculo, ut pararent cito locum in quo offerrent sacrificia, *Extruxerunt altare.* Scilicet, facientes intra sanctuarium domini altare de nouo præter illud, quod fecerat Moyses, & istud fuit nunc de terra, vel lapidibus. *Et obtulerunt ibi holocausta, & pacificas victimas.* Scilicet, populares obtulerunt animalia sacerdotibus, & ipsi fecerunt cæremonias sacrificij, quia ad eos pertinebat, & non ad laicos, & sunt ista duo genera sacrificiorum, scilicet holocausta, & victimæ pacificæ, de quibus dicitur infra in prima quæstione. *Et dixerunt: quis non ascendit in exercitum domini?* Postquam positum fuit quomodo Israelitæ pugnauerunt contra Beniamitas, ponitur hic quomodo punierunt eos, qui non venerunt in auxilium eorum. Et etiam quæritur hic remedium pro viris superstitibus de Benjamin, ut darentur eis vxores. Et dicitur: quis non ascendit? idest quis vir, vel quis populus. Nam poena infligenda erat siue viris, siue populis. Nam nunc inflicta fuit poena toti populo virorum labe Galaad, quia omnes peccauerunt: si autem aliqui viri de aliquo populo ire nolissent in bellum alijs euntibus illi occiderentur, & vocatur exercitus domini exercitus vndecim tribuum contra viros Benjamin, sicut infra declarabitur in quadam quæstione. *De vniuersis tribubus Israel.* Scilicet de vndecim: nam tribus Benjamin, non intelligitur hic nomine tribuum Israel, eo quod cæteri Israelitæ pugnauerant nunc contra viros Benjamin. Etiam quia iam deleta fuerat illa tribus. Nam non manebat in ea quisquam viuens, nisi sexcenti viri, & in istis non erat iam futura aliqua poena, sicut moliebatur nunc facere Israelitæ contra non ascendentes in bellum, sed potius dolebant de destructione istius tribus, ut patet in litera. *Graui enim se iuramento constrinxerant, cum essent in Maspha, interfici eos, qui defuissent.* Istud est reddituum causæ: quasi dicat, ideo nunc Israelitæ quæsiuerunt, an aliquis de seipsis non ascendisset in bellum, ut complerent iuramentum, quia iurauerant quod quicumque non veniret ad illud bellum occideretur: & quia viderentur rei periurij, si non exequerentur hoc, voluerunt scire, quis populus de Israel non venisset in istud bellum. Et dicitur, quod iuramentum istud factum est in Maspha, scilicet, quia prima congregatio Israelitarum super negotio vxoris Leuitæ fuit in Maspha, & ibi ordinauerunt quem modum deberent tenere pugnando contra Beniamitas, præcedenti capitu. *Ductique penitentia filij Israel super fratre suo Benjamin.* Idest vndecim tribus Israel doluerunt de fratre suo Benjamin, idest de tota tribu Benjamin. Viri enim illius tribus erant fratres virorum aliarum tribuum Israel, scilicet, quia omnes descendebant ab eodem capite, scilicet Iacob. Vel quia omnes illi, qui fuerunt capita duodecim tribuum fuerunt duodecim fratres inter se. Et penitentia ista fuit, quia dolebant Israelitæ, quod periisset tota tribus Benjamin. *Ceperunt dicere: ablata est vna tribus de Israel.* Hoc dixerunt dolendo, & conquerendo, scilicet, tribus Benjamin deleta est, quia non manebant in ea nisi sexcenti viri, & nulli paruuli, & nullæ foeminae. *Vnde vxores acci-*

*pient?* Scilicet, isti sexcenti, qui remanserunt, vnde accipient vxores, quia in tribu Benjamin nulla manet femina: nos autem omnes iurauimus, quod nullus eis daret de filiabus suis vxorem, ideo oportet, quod pereat tota tribus, cum non habeant, vnde accipiant vxores, ex quibus filios gignant, per quos continuetur progenies Benjamin. *Omnes enim in commune iurauimus non duros nos his filias nostras.* Quasi dicat, in tribu sua nullæ feminae sunt, quia omnes ceciderunt gladio. præcedenti cap. & nos propter iuramentum non possumus dare, quia omnes in commune, idest omnes communiter iurauimus, scilicet, quando erant Israelitæ in Maspha antequam inciperent bellum, ut patet supra in litera.

*Quare dixerunt Israelitæ hæc verba, scilicet, quis non ascendit in exercitu domini, &c.*

*Quæst. XIII.*

**Q**VAERETVR, quare dixerunt Israelitæ ista verba, scilicet quis non ascendit in exercitum domini de omnibus tribubus Israel? Respondendum, quod factum est propter duo. Primò ad complendum iuramentum. Nam quando Israelitæ erant in Maspha obligauerant se iuramento ad occidendum, qui non veniret ad illum exercitum. Si autem nunc vellent dissimulare, & non occidere eos, qui non venerunt ad exercitum, essent periuri, ideo ut non peccarent, inquisiuerunt qui erant, qui non ascenderant ad bellum, ut occiderentur. Secundum erat, quia Israelitæ volebant dare vxores filijs Benjamin superstitibus, qui non habebant vnde vxores acciperent, & non poterant dare de filiabus suis, eo quod iurauerant, se non duros. Et quia omnes, qui venerant ad istud bellum iurauerant hoc, non poterat aliquis eorum dare de filiabus suis: inquisiuerunt ergo quis esset, qui non venisset ad illud bellum, quia qui non venerunt non iurauerunt, & sic poterant dare filias suas. De primo patet, quia dicitur hic: *Quis non ascendit in exercitum domini de vniuersis tribubus Israel?* & subditur: *Graui enim se iuramento constrinxerant interficere eos, qui defuissent, quasi dicat, propter hoc quæsitum est, quis non ascenderat, quia iuratum fuerat, & occiderentur non ascendentes.* De secundo patet, quia dicitur in litera: *ducti penitentia filij Israel super fratre suo Benjamin ceperunt dicere, ablata est vna tribus de Israel: vnde vxores accipient?* omnes enim in commune iurauimus non duros nos his filias nostras. Et sequitur: *idcirco dixerunt, quis est de vniuersis tribubus Israel, qui non ascendit ad dominum in Maspha?*

*Quare Israel vocauit hunc exercitum congregatum contra filios Benjamin exercitum domini.*

*Quæst. XIII.*

**Q**VAERETVR vterius, quare Israelitæ vocauerunt istum exercitum congregatum contra filios Benjamin exercitum domini. Responderi potest, quod hoc fiebat propter multa. Primò quia Israelitæ pertinebant ad Deum specialius, quam cæteræ gentes, vnde vocantur peculium Dei: ut patet Exo. 19. & Deuter. 7. scilicet: *Si audieritis vocem meam, mea est omnis terra, & vos eritis mihi in peculium de cunctis populis.* & ob hoc quælibet congregatio Israelitarum vocabatur multitudo Dei, vel multitudo sanctorum, sicut dixit Core ad Moysen, & Aaron: *sufficiat vobis, quod omnis multitudo sanctorum est, & in ip-sis est*



fit est Deus: cur eleuamini super populum domini? A Nume. 16. & ob hoc exercitus Israelitarum vocari debebat exercitus Dei. Sic patet primo Regum 17. cum dixit Dauid: quis est iste Philistæus incircuncisus, qui exprobrauit agminibus Dei viuentis hodie, id est exercitui congregato. Secundum erat, quia iste exercitus fuerat congregatus zelo Dei, scilicet ad exequendum id, quod Deo placebat, scilicet, ut vindicaretur peccatum factum à viris Gabaa, & quando aliquid fit zelo Dei, dicitur illud esse Dei, & multitudo agens vocabitur multitudo Dei. Sic dixit Christus Matth. 18. quando fuerint duo, vel tres congregati in nomine meo, in medio eorum sum. Tertium erat, quia ista multitudo dirigebatur à Deo, & faciebat præceptum Dei expressum ei. Nam quando congregatus fuit iste exercitus, consuluerunt dominum in Silo, an deberent pugnare contra Benjamin, & dixit quod pugnarent, & tertia vice dedit eis modum qualiter pugnarent, & caperent viros Benjamin per insidias. præcedenti cap.

*Cur Israelitæ licitè potuerunt iurare, quòd occiderent omnes non ascendentes ad hoc bellum.*

*Quæst. XV.*

**Q**VAERETVR vltèrius, cur Israelitæ licitè potuerunt iurare, quòd occiderent omnes non ascendentes ad istud bellum: nam quando aliquis iurat facere, quod de facto, vel de iure facere non potest, & scit se facere non posse, peccat, quia iurat in vanum. Et quod amplius est voluntariè periurus est: ut si quis iuret, quòd occidet alterum, vel quòd nunquam eum diligit, quia ista sunt contra charitatem, ideo siue in iurando, siue in faciendo illicita sunt. Ita dicit aliquis fuisse hic, scilicet, quia iurabant Israelitæ facere malum, scilicet occidere proximos suos. Respondendum est, quòd Israelitæ licitè hoc iurauerunt. Ad hoc tamen considerandum, quòd non poterant isti licitè iurare, nisi id quod iurabant licitum esset, quia iurans aut vouens, quod scit illicitum esse, peccat. Ad hoc autem, quòd istud esset licitum requirebantur duo. Primum erat, quòd ipsum in se iustum esset. Secundum erat, quòd haberent Israelitæ auctoritatem ad faciendum hoc. Nam dato, quòd aliquis sit fur, vel homicida, non licet cuique occidere eum, sed soli iudici: & sicut peccat, qui sine causa occidit quemquam, ita peccat qui sine auctoritate iudiciaria occidit aliquem, nisi in casibus à lege promissis, & tunc non agit sine auctoritate. Vtrunque autem erat nunc. De primò patet, quia iustum erat, quòd occiderentur omnes, qui non conuenirent ad illud bellum: omnes autem Israelitæ tenebantur ad executionem legis Dei, quantum poterant. Et quia nunc totus populus vocatus fuerat ad vindictam istius criminis maximi, quod si non vindicaretur Deus fortè irasceretur contra totum Israel, sicut dicitur in similibus Leuit. 20. qui non veniret contemneret vocationem totius populi, & quantum in se erat faciebat contra statum totius populi, quia si sic omnes facerent, non vindicaretur delictum, & Deus requireret tunc de manu totius populi, qui negligens fuit, & disperderet eum: sed omnes tenebantur seruare vtilitatem, & salutem publicam, ideo non venientes cum manifestè agerent contra salutem publicam, mortem merebantur. Secundò patet, quia quicumque non obedit iudici imperanti superbiens mortem meretur, ut patet Deute. 17. scilicet: Qui non obediit sacerdotis imperio, & iudicis, qui illo tempore fuerit, morte moriatur. Sed totus populus vocans hic ad bellum erat nunc iudex, ut infra declarabitur

*Alph. Toft. super lib. Iudicum*

immediatè: ergo contumaces inueniendo per superbiam poterant iustè occidi. Secundum erat auctoritas, ut licitè fieret, scilicet quòd populus iurans hoc haberet iudiciariam auctoritatem. Et dicendum, quod populus habebat nunc locum iudicis, quia necesse erat dari aliquam iurisdictionem inter Israelitas, cum esset magna multitudo, quia aliàs esset quædam deordinatio: cum non posset alicui distribui iustitia: non erat, nunc ista tamen iurisdictione penes aliquam personam singularem: ideo erat penes totam multitudinem. Patet hoc, quia in fine literæ dicitur. In diebus illis non erat rex in Israel: sed unusquisque, quod rectum sibi videbatur, hoc faciebat. Etiam patet hoc ex exercitio iurisdictionis, quia multitudo ordinabat omnia, quæ fieri deberent tam in bello isto quam postea pro reparatione tribus Benjamin deperditæ, ut patet hic, & præcedenti cap. poterat ergo multitudo licitè occidere quemcumque non ascendente ad istud bellum: illud tamen quod licet alicui facere absolute, licet ei iurare, vel vouere facere. ponitur autem iuramentum, vel votum ad quandam confirmationem effectus, scilicet quòd non licet alicui resiliere à re iurata, vel quam voto promissit: quod tamen licet in illis, quæ sine voto & iuramento à nobis cogitantur. Licuit ergo Israelitis facere istud iuramentum, imò fuit virtuosum hoc iurare, ut opus bonum, quod intendebant firmitus esset: dum tamen seruaretur iuramentum in casibus convenientibus, & non extenderentur ad omnem euentum: sicut fuit de iuramento de non dando de filiabus suis vxores filijs Benjamin. Nam nunc propter casum incidentem non erat tenendum iuramentum, Israelitæ tamen tenuerunt illud quantum potuerunt, ut patet in litera, & declaratum est supra in quadam questione.

*Ad effectus confirmatione ponitur votum*

*Quomodo dicitur hic, quòd Israelitæ ducti fuerat penitentia super fratre suo Benjamin.*

*Quæst. XVI.*

**Q**VAERETVR vltèrius, quomodo dicitur hic, quòd Israelitæ ducti fuerunt penitentia super fratre suo Benjamin. Nam dolor nunquam est, nisi de malo, vel de eis, quæ nobis nolentibus accidunt, siue bona, siue mala sint: non erat autem hic aliquid istorum, quia non erat malum, quòd Israelitæ pugnauissent contra Beniamitas, & deleuissent eos: quia ex Dei consilio, vel præcepto hoc egerant, ut patet præcedenti cap. Etiam quia bono zelo fecerant, scilicet ad puniendum delinquentes. Etiam non acciderat ista destructio Beniamitarum contra voluntatem Israelitarum, sed potius eis laborantibus, ut hoc fieret: nam tria bella fecerunt propter hoc, ut patet præcedenti cap. Respondendum, quòd Israelitæ dolebant de destructione Beniamitarum. non quidem pigebat eos, quia occiderat Beniamitas: quia istud bonum erat, & ipsi desiderauerunt illud: sed dolebant pro defectu illorum, quia per mortem ipsorum deficiebat una tribus in Israel, & erat istud voluntarium mixtum ex voluntario & inuoluntario, sicut ponitur exemplum 3. Ethic. de proijciente merces in mare, in cuius potestate est applicare partes organicas ad proijciendum in mare merces, & tamen non est simpliciter voluntarium, quia iste luget, & tristatur, quando illas proijcit, magis tamen eligit illas proijcere, quam quòd nauis pereat. Sic autem est, quando iudex volens augeri, & prosperari rempublicam, occidit multos de illa propter crimina, & legum obseruationem: quia ille quodammodo vult, in quantum vult delinquentes viuere, & quodammodo non vult, sed tristatur, in quantum dolet, quod per mortem istorum minor efficiatur respublica.

*Ec 2 Aliquis*



Aliquis autem forte dicet, quod quando Israelitæ occidebant Beniamitas erant passionati, ideo gaudebant occidendo eos: cum verò occidissent illos, cessauit iracundia, quia facta erat retributio poenæ, ut ait Aristo. 4. Ethic. cap. de mansuetudine, & tunc ceperunt cogitare, quod rectum erat, & doluerunt de morte Beniamitarum. Sed istud non stat, quia istud conuenit in operantibus per passionem aliquod malum, & tamen Israelitæ nunc non fecerunt aliquod malum, nec fecerunt ex passione, sed propter virtutem, scilicet ut puniretur tantum nefas, quantum nunquā fuerat in Israel, ut patet precedenti cap.

*Quomodo dixerunt nunc Israelitæ ablata est vna tribus.*

*Quæst. XVII.*

**Q**UÆRETUR vltius, quomodo dixerunt nunc Israelitæ: ablata est vna tribus, quia non erat ablata: nam manebant adhuc sexcenti viri, in quibus conseruabatur tribus Benjamin, & poterat perpetuari per eos per propagationem. Responderi potest dupliciter. Vno modo, quod istud dicebatur dolendo, & conquerendo, & conditio lugentium est, quod semper maiora mala quam sint, dicant vrgēte tristitia, & quia isti nimis detristabantur de tanta desolatione tribus Benjamin, quamquam non esset poenitus ablata, dicebant quod erat ablata: manebat tamen pars quædam eius, scilicet sexcenti viri. Secundo modo potest dici, & melius, quod isti dixerunt, ablata est vna tribus de Israel, scilicet non in re, sed in ipe, quia licet nondum esset ablata, tamen in breui auferretur. Nam supererant adhuc sexcenti viri, quia tamen isti non habebant aliquas mulieres, ex quibus gignerent filios in quibus continuaretur successio, necesse erat quod in breui morientibus omnibus ipsis non maneret quidquam de tribu Benjamin. Quod autem non haberent vxores patet, quia de tribu sua nulla erat foemina superstes: omnes quippe gladio conciderant: de alijs autem tribubus nullam accipere poterant, quia omnes iurauerant se non duros eis filias suas in vxores, ideo necesse erat semen suum perire, & hoc est verè, quod ipsi intendebant, quando dicebant hoc. Et patet hoc, quia quando dixerunt: ablata est vna tribus de Israel: sub iunxerunt: unde vxores accipient? scilicet isti qui manserunt de Benjamin: quasi dicat, quia non est unde accipiant vxores ad continuandum progeniem necesse est, quod auferatur tribus Benjamin.

*An viri Benjamin possent accipere vxores de Gentilitate, si non possent habere vxores de Israelitis.*

*Quæst. XVIII.*

**Q**UÆRETUR vltius, dato quod isti viri Benjamin non possent habere vxores de filiabus Israel, an possent illas accipere de Gentilitate. Respondendum, quod si aliquo modo isti possent accipere vxores de Israelitis, non liceret eis accipere de Gentilitate, eo quod maior distantia est inter Iudæos, & Gentiles, quam inter Iudæos vnius tribus ad Iudæos alterius tribus. Etiam quia si Iudæi de vna tribu acciperent vxores de alia tribu, non erat periculum aliquod, & tamen si Israelitæ acciperent vxores de Gentilibus erat periculum duplex. Primum erat, quod proles inde genita efficeretur idolatra, quia in parua ætate erudiretur à matre, quæ esset assueta idolis, & tales mores induerent paruuli. Secundum erat, quod viri propter amorem foeminarum allicerentur ad colendum Deos, quos ipsæ colebant. Sicut factum est de Salomone, cuius cor

Si Israelitæ acciperent vxores de Gentilibus erat duplex periculum.

**P**eruerterunt alienigenæ mulieres, ut coleret idola, ut patet 3. Regum 11. Et ista fuit causa prohibitionis matrimonij inter Hebræos & Gentiles: Exod. 34. & Deuter. 7. cap. inter Hebræos autem si viri acciperent feminas de alijs tribubus, non erat aliquod periculum spirituale, sed solum temporale, quia transfirent possessiones de tribu in tribum, & non maneret certa distinctio familiarum & tribuum, sicut Deus eam fecerat, & ista fuit causa vetandi matrimonia in diuersis tribubus: Num. 36. Istud autem periculum minus est, quam spirituale quodcunque, ideo potius tolerandum erat: & ideo si dato isto casu, quod non possent Beniamitæ accipere vxores, nisi de alijs tribubus, vel de Gentilitate, potius acciperent de alijs tribubus vxores, & lex non obstaret in hoc, quia lex non tenet in casu necessitatis, quando obseruata lege, periret politia, vel magna pars eius: cum non sit politia propter legem, sed lex propter politiam, ut declaratum est supra in quadam quæstione. Sed dato, quod nullæ foeminae essent, quas acciperent isti Beniamitæ de alijs tribubus, est dubium, an liceret accipere vxores de Gentilitate. Et tunc dicendum, quod in aliquo casu licebat liberè accipi vxores de Gentilitate, sicut erat quando Israelitæ pugnabant contra aliquam gentem, quæ non esset de Chananæis, & capiebant mulieres captiuas, poterant accipere, quas vellent in vxores: Deuter. 21. Pro hoc autem considerandum, quod aut illæ gentes, de quibus Israelitæ accipere volebant vxores, erant de Chananæis, autem non. Si non erant de Chananæis, aut conuertebantur illæ mulieres ad Iudaismum, aut nequaquam patiebantur conuerti, sed volebant manere in ritu dæmonum. Si primo modo, licebat cuicumque Iudæo accipere vxorem de Gentilitate, etiam si posset accipere de filiabus Israel, & sic intelligitur Deuter. 21. Nam ibi foemina captiua faciebat prius quasdam cæremonias quam vir Hebræus cognosceret illam. Si autem nolebat conuerti, sed manebat in ritu Gentilico, aut erat vir Iudæus in necessitate, scilicet, quod non poterat accipere aliquam de filiabus Israel, aut non erat in necessitate. Si primo modo, poterat licitè accipere vxorem de Gentilitate. Sic fuit de duobus filijs Elimelech, & Noemi, scilicet Maalon, & Chelion. Nam cum peregrinarentur in terra Moab propter famem, quæ vrgebat terram Israel per decem annos, acceperunt duas vxores, scilicet Ruth, & Orpham, & illæ manebant adhuc in ritu Gentilitatis, & semper fuerunt in eo quandiu manserunt cum viris suis. Quod patet Ruth primo: nam mortuo Elimelech viro Noemi, & duobus filijs eius, scilicet Maalon, & Chelion redire volebat Noemi in terram Israel, & duæ nurus ire volebant cum Noemi: tandem reuersa est Orpha, & cum Ruth nollet dimittere Noemi, dixit ad eam Noemi: ecce reuersa est cognata tua ad populum suum, & ad Deos suos. Non tamen vocarentur dii illius, nisi maneret adhuc in cultu illorum. De Ruth patet, quod vsque huc coluisset

**I**dola, quia Noemi dicebat ad eam, reuere tu cum ea. Si tamen Ruth suscepisset iam cultum Dei veri, non hortaretur Noemi illam, quod reuere retur cum Orpha ad Deos suos, sed duceret eam secum in terram Israel, ne desereret cultum Dei, quem semel inchoauerat: ergo nondum deseruerat idola. Item patet, quia cum Noemi aduersaretur ipsi Ruth, ut rediret ad terram suam dixit Ruth: populus tuus populus meus, & Deus tuus Deus meus, quæ te morientem terra suscepit, in ea moriar, idest populus tuus, erit populus meus, & Deus tuus erit Deus meus, & tamen si iam Ruth suscepisset cultum Dei, non diceret hoc, quia iste erat modus promittendi, quod omnia essent communia Ruth & Noemi scilicet Deus,

Quæst. 18. cap. 21.

Poterat Israelitæ accipere vxores de Gentilitate in aliquo casu.



Deus, populus, & terra habitationis: erant autem istæ mulieres in ritu Gentilico, quandiu manserunt cum viris suis, & tamen illi non redarguuntur, quod illas susceperint manentes in ritu illo, quia non poterant accipere alias pro tunc, cum essent extra terram Israel. Ergo à fortiori liceret istis Beniamitis accipere uxores de Gentilitate, etiam manentes in ritu Gentilico, & si possent eas conuertere ad ritum Iudaicum, conuerterent: sin autem licitè viuerent cum eis: maior necessitas erat in eis, quàm in filiis Noemi: quia illi licet non possent pro tunc accipere uxores de Israelitis in terra, in qua erant: poterant tamen venire in terram Israel, & accipere ibi quasunque: isti autem non poterant accipere aliquas ex casu dato, etiam si expectarent multo tempore, ideo magis licitum erat istis accipere uxores de Gentilitate, etiam si manerent in ritu Gentilico. Si autem istæ mulieres essent de Chanaanais, dicendum, quod erat maior difficultas, quia Deus vetuerat communicationem Israelitarum cum Chanaanais magis quàm cum alijs gentibus: Exod. 34. & Num. 33. & Iudic. 2. & iusserat, quod omnes occiderentur gladio tam viri, quàm feminae, magni & paruuli: quod non iusserat de alijs gentibus, Deuter. 20. capit. Et ideo dicendum, quod si inuenirentur feminae de alijs gentibus: non licebat accipi de Chanaanais. Si tamen daretur casus, in quo non possent isti accipere uxores de alijs gentibus, liceret accipi uxores de Chanaanais, & hoc siue possent conuertere illas ad ritum Iudaicum, siue non. Et patet hoc, quia ista lex prohibens matrimonium Israelitarum, & Chanaanæorum non erat naturalis inducens secundum se peccatum, ita quod in nullo casu liceret contra eam agi. Sicut est in lege de non adulterando, & de non dicendo falsum testimonium. Dato ergo casu necessitatis dispensaretur in ista lege, vel ipsa non obligaret. Sicut est de furando, quia vetitum est furari, & furtum procedit præsupposita distinctione dominiorum. Sed in casu necessitatis, non est distinctio dominij, sed omnia sunt communia: ideo tunc non tenet illa lex. Item patet, quia ista lex erat dispensabilis, & aliquando in ea dispensatum est, sicut in Raab Ierichontina, quæ erat Chanaanæa, & tamen accepta fuit in uxorem à Salomone principe tribus Iuda filio Naafon, qui fuit princeps tribus Iuda in deserto in exitu Israel de Aegypto: Num. 1. & 2. & 7. de hoc patet Matthæi primo, & colligitur Iosue 6. Ideo cum hic esset maxima necessitas, liceret istis Beniamitis accipere uxores de quibuscunque gentibus.

Idcirco dixerunt: Quis est de vniuersis tribubus Israel, qui non ascendit ad Dominum in Maspha? Et ecce inuenti sunt habitatores Iabis Galaad, in illo exercitu non fuisse. Eo quoque tempore, cum essent in Silo, nullus ex eis ibi repertus est. Miserunt itaque decem millia viros robustissimos, & præceperunt eis: Ite & percutite habitatores Iabis Galaad in ore gladij, tam uxores, quàm paruulos eorum: & hoc erit quod obseruare debebitis: omne generis masculini, & mulieres, quæ cognouerunt viros interficite: virgines autem reseruate. Inuentæque sunt de Iabis Galaad quadrin-

Alph. Tost. super lib. Iudicum

A gente virgines, quæ nescierunt viri torum, & adduxerunt eas ad castra in Silo in terram Chanaan.

Idcirco dixerunt. Hi ponitur secundum huius cap. in quo ponitur filijs Beniamin de vxoribus facta prouisio, quia per modos duos, qui infra in litera habentur datae fuerunt eis sexcentæ uxores. Et diuiditur in duo, quia primò ponitur virorum Iabes Galaad occisio. Secundò ipsis filijs Beniamin de filiabus Iabesenorū facta prouisio. ibi. *Miseruntque*. Circa primum dicitur. *Idcirco dixerunt: quis est de vniuersis tribubus Israel, qui non ascenderit ad dominum in Maspha?* Scilicet, quia volebant prouidere Beniamitis de vxoribus, & non poterant dare de filiabus suis, eo quod omnes iurauerunt in Maspha, non daturus de filiabus suis uxores filijs Beniamin, ideo dixerunt: quis non ascendit ad dominum in Maspha? quasi dicat illi, qui ibi non fuerunt non iurauerunt, ideo poterant dare de filiabus suis, & in Maspha dicitur, quia ibi fuit primum congregatio, quam fecerunt Israelitæ ad hoc, quod pugnant contra viros Gabaa præcedenti cap. *Et ecce inuenti sunt habitatores Iabes Galaad, in illo exercitu non fuisse*. Est Iabes Galaad, quædam ciuitas in terra duarum tribuum, & dimidiæ ad orientem Iordanis in sorte Gad, de qua magis dicitur infra in secunda questione & sequentibus, & habitatores illius noluerunt venire ad istum exercitum, & scitum est, quod illi non venissent per ordinationem exercitus, quia erat dispositus exercitus sub certis ducibus, & quilibet sciebat quot viros subordinatos sibi habebat, & de qua illi erant regione, & inuentum est, quod sub nullo duce belli fuissent Iabeseni: nec etiam fuerunt de illis, qui comportabant necessaria exercitui. Nam eligebantur decem viri de centum, & centum de mille, & mille de decem millibus ex omnibus tribubus Israelitarum, & isti comportabant necessaria exercitui, vt patet præcedenti cap. *Eo quoque tempore cum essent in Silo nullus eorum ibi repertus est*. Id est non solum non venerant à principio ad iurandum in Maspha, sed etiam nullus eorum erat nunc in Silo, quando ista dicebantur. Et istud ponitur tanquam probatio ad sciendum, quod viri Iabes non fuerunt in isto exercitu, quia omnes, qui conuenerunt in Maspha ad iurandum, vel fuerunt in tribus bellis, quæ fecerunt Israelitæ contra Beniamitas, vel erant de comportantibus necessaria exercitui, & omnes isti finito bello conuenerunt in Maspha coram domino, vbi omnes nunc erant cogitando, quod non periret tribus Beniamin, & tamen non fuit ibi repertus aliquis de viris Iabes: ideo apparebat, quod ipsi non venerant in Maspha cum cæteris Israelitis. *Miserunt itaque decem millia viros robustissimos*. Videns totus populus Israel, quod viri Iabes peccassent, contra iuramentum eorum agendo, non veniendo scilicet in exercitu, condemnauerunt eos morti, & elegerunt de tota multitudine, quæ tunc erat in Silo decem millia virorum, qui irent ad occidendum Iabesenos. *Et præceperunt eis: ite & percutite habitatores Iabes Galaad*. Dederunt eis formam, qualiter agerent, & non putauerunt esse difficultatem in executione: quia non erat magna ciuitas Iabes, vt posset resistere istis decem millibus virorum. *In ore gladij*. Id est omnes occidite gladio non dates eis aliud genus mortis, scilicet non cremetis eos, nec suspendatis, aut faciat alium modum pœnæ: Et tamen nomine gladij intelliguntur omnia arma offensiva: nam poterant occidere eos lapidibus, vel baculis, aut sicut accideret, vt pote lanceis, & sagittis, & iaculis,

Ecce 3 quia

Ponitur filijs Beniaminis de vxoribus facta prouisio.



quia non esset in potestate istorum, quod omnes occiderent gladio, sed sicut occurreret eis. *Tam uxores quam paruulos eorum*. Idest, non solum occidatis viros bellatores, qui habitant in vrbe, sed etiam uxores eorum, & paruulos filios. *Et hoc erit, quod obseruare debetis*. Quia iste modus puniendi non erat vsitatus, expresserunt illum Israelitæ istis decem millibus virorum. *Omne generis masculini, & mulieres, quæ cognouerunt viros, interficite*. Iubebant occidi omnes mascululos cuiusque ætatis, scilicet, quia isti non proficiebant ad intentionem suam, sc. uxores vt darent Beniamitis: mulieres etiam à viro cognitæ miserunt occidi, quia illæ non erant tradendæ in uxores Beniamitis, sed virgines. *Virgines autem reseruate*. Scilicet, vt dentur in uxores filiis Benjamin, quia ista erat intentio principalis Israelitarum, quando faciebant hoc, scilicet prouidere Beniamitis de vxoribus. *Inuentæque sunt de Iabes Galaad quadringentæ virgines*. De modo, quo inueniebatur, quæ mulieres erant virgines, & quæ corruptæ declarabitur infra in quadam quæstione. *Quæ nescierant viri torum*. Scilicet, quæ nondum fuerant coniugatæ viris, nec ab aliquo cognitæ. *Et adduxerunt eas ad castra in Silo*. Quia iusserant Israelitæ, quod reseruantur virgines seruauerunt istas quadringentas, & duxerunt eas in Silo, vbi erant castra, idest vbi erat nunc totus Israel congregatus in sanctuario domini, & vocantur castra congregationes bellicæ. *In terra Chanaan*. Idest, Silo est in terra Chanaan, & non ponitur istud hic ex superabundantia, sed ad differentiam Iabes Galaad, quia licet terra Chanaan esset terra promissa Iudæis, tamen aliquam partem terræ tenebant Iudæi, quæ non erat de terra Chanaan: quod pater, quia terminus orientalis terræ Chanaan erat Iordanis Nume. 34. vbi ponuntur omnes termini terræ Chanaan: terra tamen duarum tribum, & dimidiæ erat ultra Iordanem ad orientem eius, & ibi erat Iabes Galaad, scilicet in Galaad, ideo virgines illæ ducebantur de extra terram Chanaan in terram Chanaan, scilicet in Silo, quæ est in terra Chanaan, & erat in sorte Benjamin (vt aliqui putant) & alij in sorte Ioseph: de quo infra dicitur in quadam quæstione.

*Quomodo dicitur in litera, quod Israelitæ ascenderunt ad dominum in Maspha.*

Quæst. XIX.

**Q**UÆRETUR, quomodo dicitur in litera, quod Israelitæ ascenderunt ad dominum in Maspha. Nam non videretur ibi fuisse coram domino, sed in Silo. Aliquis dicet, quod erat in Maspha templum, siue tabernaculum domini, quod fecerat Moyse, & quodcumque aliqui erant in sanctuario, vel in loco sanctuarij, dicebantur esse coram domino: eo quod Deus specialiter erat in sanctuario potius quam in alijs locis. Sed dicendum, quod hoc non stat, quia sanctuarium nunc erat in Silo, vt patet precedenti capit. Nam dicitur, quod venerunt Israelitæ in domum domini in Silo, & consuluerunt dominum. Etiam dicitur: eo tempore erat ibi arca fæderis domini, & Phinees filius Eleazari filij Aaron prepositus domus: non ergo erat in Maspha. Aliquis dicet, quod licet nunc non esset sanctuarium domini in Silo, fuerat tempore præterito, & manebat semper locus venerabilis tanquā adhuc esset præsentia Dei specialiter. Sed ad istud dicendum, quod non stat, quia etiam non fuerat aliquando ante hoc sanctuarium in Maspha. Nam sanctuarium à principio portabatur cum Israelitis in via, & mouebatur de loco ad locum, dum ipsi nondum

**F** haberent quietem: cum autem subiecta magna parte terræ Chananeorum Israelitis Deus dedisset eis quietem quandam tempore Iosue, voluerunt ponere sanctuarium in vno loco, vt fixum maneret, & posuerunt illud in Silo: Iosue 18. & sic ille fuit primus locus, in quo positus est: & non potuit poni in Maspha: mansit autem in loco illo vsque ad mortem Heli summi sacerdotis, quando capta est arca à Philisthinis. Nam tunc sanctuarium erat in Silo, vt patet primo Regum 1. & 2. & 4. & postea non legitur fuisse ibi, sed paulo post tempore Saulis regis legitur, quod esset in vrbe Nobæ, primo Regum 21. Dicendum ergo, quod dupliciter potest intelligi, quod Israelitæ ascenderint ad dominum in Maspha. Primo modo, quia quandoque congregantur aliqui ad faciendum aliquod, quod pertineat ad honorem Dei, dicuntur esse coram domino. Sic enim dixit Christus Matthæi 18. vbi-  
**G** cumque fuerint duo, vel tres congregati in nomine meo, in medio eorum ego sum: & tamen Israelitæ conueniebant nunc ad vindicandum nefas, quod acciderat propter reuerentiam Dei, ideo dicebantur esse coram domino. Et iste modus loquendi est frequentatus in sacra scriptura: sic dicitur primo Regum 23. quod Dauid, & Ionathas filius Saulis steterunt coram domino, & tamen ambo erant ibi in syluis, vbi non erat templum, nec locus aliquis, in quo Deus diceretur specialiter esse, sed quia iurabant, & conueniebant aliqua inter se inuocato nomine domini, dicebantur esse coram domino, tanquam haberent Deū præsentem in testem, sicut dixerunt ambo primo Regum vigesimo. Secundo modo potest intelligi, quod erant coram domino, scilicet, quia Maspha erat locus, in quo Deus specialiter erat. Nam licet non esset ibi templum, nec vnquam fuisset, erat tamen locus magnæ deuotionis in terra Israel. Pro quo sciendum, quod licet in terra Israel vnicus esset locus sanctuarij, tamen in multis locis erant synagoga Iudæorum, in quibus conueniebant ad audiendam doctrinam legis, & ad orandum, vt patet Lucæ quarto, vbi dicitur, quod consuetudo Christi erat introire in synagogas diebus Sabbatorum, & cum esset in Nazareth introiuit in synagogam, & traditus est ei liber Isaia ad legendum: ad istas synagogas conueniebant Israelitæ diebus Sabbatorum, & audiebant verbum Dei, & legem, & orabant, vt colligitur ibidem, & patet etiam Actu. 13. vbi Paulus quodam Sabbato introiuit in synagogam, & prædicauit, & rogatus est à Iudæis, vt etiam sequenti Sabbato prædicaret: ex quo patet, quod singulis Sabbatis ad hoc conueniebant. De hoc declaratum est latissimè quarto Regum quarto capitu. in quadam quæstione. Et de istis synagogis quædam erant maioris deuotionis quam aliæ, sicut est nunc de ecclesijs nostris, & ita erat de Maspha, qui erat locus maioris deuotionis, quam aliæ synagoga, & erat locus orationis in toto Israel: & hoc fuit à principio. Nam nunc cum esset tabernaculum in Silo erat locus deuotionis in Maspha, & etiam tempore Samuelis Prophetæ: post hæc fuit deuotio in Maspha: ideo erat vnus de tribus locis, in quibus Samuel indicabat Israel quolibet anno, & ibi sacrificabat sæpe. Nam ibi fuit sacrificium factum, & congregatus fuit totus Israel, quando superuenerunt Philisthini, & intonuit super eos dominus fragore magno de cælo, & fugati sunt à facie Israelitarum, primo Regum septimo, & ibi etiam congregatus est totus Israel ad eligendum primum regem, quando electus est Saul: eodem libro capitu. decimo, & ideo quando homines erant in loco illo, dicebantur esse coram Deo propter specialem deuotionem illius loci, & sic credebant Deum specialiter respicere orationes Israelitarum.

sanctuariū  
māsit i  
lo vsq; ad  
mortem  
Heli.  
Doc. rēfō  
ad quæstionē

In multis  
locis erat  
synagoga  
Iudæorum  
licet esset  
vnus locus  
sanctuarij



in illo loco quàm in alijs, & ob hoc nunc congregati fuerunt prima vice in Maspha, & ibi factum est iuramentum.

*Quæ ciuitas erat Iabes Galaad, cuius habitatores nunc occisi fuerunt.*

*Quæst. XX.*

**Q**VAERETVR vltius, quæ ciuitas erat Iabes Galaad cuius habitatores nunc occisi fuerunt. Respondendum, quod ista fuit vna ciuitas in terra duarum tribuum & dimidiæ ad orientalem partem Iordanis, & extra terminos terræ Chanaan: erat autem nomen eius Iabes. Sed vocatur Iabes Galaad, quia erat in terra Galaad. Est enim Galaad nomen cuiusdam montis ad orientem Iordanis, qui sic vocatus est à Iacob. Nam cum fugeret Iacob à Laban socero suo, inuenit eum in monte illo post septem dies, & fecerunt pacta inter se ibi, & quia in testimonium illorum, quæ promittebant posuerunt ibi quendam cumulum lapidum, vocatus est mons Galaad, quod Hebraicè interpretatur acruus testimonij, vel cumulus testis, Gene. 31. cap. Terra autem in circuitu montis illius vocatur terra Galaad, & fuit data medietas illius terræ in fortem tribui Ruben, & Gad, & alia medietas fuit data dimidiæ tribui Manasse. De Iabes in qua parte istarum fuerit, non apparet. De ista ciuitate fuit Elias Propheta, vt patet tertio Regum. 17. Contra istam ciuitatem pugnavit Naas rex Ammonitarum multo tempore post hoc, volens eam accipere in principio regni Saulis, & volebat eruere oculos dextros habitatorum vrbis, & petitis induciis miserunt ad Saulem, qui congregato exercitu pugnavit contra Ammonitas, & dispersit eos, ita vt non manerent duo pariter, primo Regum 11. deinde mortuo Saule, cum Philistini suspendissent cadauer eius, & filiorum suorum de muro vrbis Bethsan, surrexerunt viri fortissimi Iabes per noctem, & introeuntes in terram Philisthinorum tulerunt cadauera de muro Bethsan, & portantes in Iabes sepelierunt ea in nemore Iabes, & ieiunauerunt septem diebus in dolorem mortis Saulis. primo Regum vltimo, & primo Paralipo. 10. hoc fecerunt Iabeseni referentes gratiam Sauli, quia liberauerat eos de manu Ammonitarum, & quia in hoc fuerant viri laudabiles, Dauid misit eis ad regatandum, dicens: quod licet mortuus esset Saul dominus eorum: ipse faceret misericordiam cum eis, & retribueret quod posset, vt patet secundo Regum secundo capitulo: quis autem fuerit exitus istius ciuitatis, quinquam nunc destructa fuerit, declarabitur infra in quadam quæstione.

*An peccauerunt Israelitæ iubendo, quod occiderunt viri Iabes Galaad. Quæst. XXI.*

**Q**VAERETVR vltius, an peccauerunt Israelitæ iubendo, quod occiderentur viri Iabes Galaad. Respondendum, quod Israelitæ non solum non putabant peccare occidendo Iabesenos, imò potius putabant, quod peccabant si non occiderent illos, quia iurauerant occidere omnes, qui non venissent ad bellum, & tamen non venerant Iabeseni, & in hoc verum credebant, quia Israelitæ poterant imponere istam penam, & habebant iustam causam ad ponendam eam, & etiam iurisdictionem. Nam sicut declaratum est, supra in quadam quæstione, non erat aliquis rex, aut iudex in Israel, quando istud factum est, qui circa hoc posset providere, ideo iurdictio

Alph. Toft. super lib. Iudicum

**A** summa erat penes multitudinem, & ipsa poterat ponere istam penam, sicut faceret rector politiar, & sic non erat pena iniusta ex defectu iurisdictionis. Etiam non erat iniusta ex defectu causæ, quia iusta causa suberat ad imponendum eam, scilicet, quia erat totius populi negotium, quod vindicaretur & puniretur nefas, quod factum fuerat in Gabaa, & si non puniretur oriretur indignatio Dei super totum populum negligentem circa hoc. Quicunque ergo impediret punitionem virorum Gabaa, procurabat indignationem Dei, & destructionem populi, ideo poterat procedi contra eum, tanquam contra hostem publicum, tanquam esset admonitus. Sicut autem fuit de viris Iabes: nam vocati sunt, vt venirent in Maspha, sicut ceteri de Israel, & rennuerunt: ideo iuste puniebantur. Etiam non erat poena iniusta propter malam intentionem infligentis, quia non inflicta fuit ista pena ex odio, quia Israelitæ non habebant istos exosos, cum essent fratres sui, sed graui iuramento se constrinxerant ad faciendum hoc, vt patet supra in litera. Quod autem iurabant Israelitæ (etiam si esset in damnum ipsorum, & de hoc valde dolerent) obseruabant, sicut fuit de Iephthe Galaadite, qui propter votum immolauit filiam suam vnigenitam, supra 11. c. Dicendum ergo, quod non peccauerunt Israelitæ iubendo occidi viros Iabes Galaad.

*Quare Israelitæ occiderunt viros, & feminas præter virgines, & de decem modis, & gradibus punitionis, qui erant in veteri testamento pro peccato multitudinis.*

*Quæst. XXII.*

**Q**VAERETVR vltius, quomodo Israelitæ seruauerunt nunc talem modum penæ, quod occiderent viros, & feminas præter virgines. Et an iste modus consonet alicui modo punitionis de his, qui sunt in lege Dei, & sacra scriptura. Respondendum, quod causa quare Israelitæ occiderunt hic viros, fuit propter penam, & causa reseruatiōis virginum fuit, vt Beniamitæ, de quibus principaliter intendebant, possent habere vxores. Nam propter istud peccatum graue, quod fecerant Iabeseni, voluerant Israelitæ non solum occidere eos, sed etiam vxores, & filios, & omnia pertinentia ad eos, vt esset in exemplum punitiōis tanti delicti: quia tamen si occiderent omne viuens non haberent unde darent vxores Beniamitis, voluerunt reseruare virgines ex necessitate, vt prouiderent Beniamitis: quamquam alias potius occidende essent virgines adultæ, vt quibusdam videtur, quàm pueri paruuli. Cum autem quæritur, an ista modus similetur alicui modo punitionis eorum, qui sunt in sacra scriptura: Dicendum quod multi sunt, & tamen non similiatur alicui per omnia. Primus modus, & leuior est quando aliqua gens subijciebatur tributis, & non occidebatur quisquam, nec fiebat præda. Et iste erat quandocunque Israelitæ pugnant contra aliquem, qui esset alicuius gentis extra terram Chanaanorum. Nam tenebantur Israelitæ, primò offerre pacem, & si habitatores vrbis susciperent illam, & aperirent portas vrbis, subijciebant eos Israel in tributarios, & non poterant occidere eos, nec quicquam aliquid mali facere. Deuteron. 20. Secundus modus est quando pugnabatur contra aliquam gentem, & capiebatur præda, & occidebantur viri bellatores, foeminae autem, & paruuli manebant illæsi, & poterant vendi in seruos. Sic erat quandocunque pugnabant Israelitæ contra aliam gentem, quæ non erat de stirpe Chanaanorum, & cū offerebatur ei pax nōlebat aperire

Modi punitionis in sacra scriptura multi sunt.

Ec 4 portas



portas vrbs. Nam tunc Israelitæ debebant occidere vi-  
ros bellatores, reſeruatis mulieribus, & paruulis, quos  
poterant vendere in ſeruos, Deut. 20. & 21. Tertius  
modus eſt, quādo occidebantur viri bellatores ſolū,  
& nō poterant vxores eorum, & paruuli vendi, nec du-  
ci in ſeruos, & ſic erat ſi pugnarent Israelitæ inter ſe, ſ.  
viri de regno Iuda contra viros de regno Iſrael, & e  
contrario, quia ſolū illi, qui ibant ad bellum occi-  
dendi erant: filij autem, & familiæ eorum nihil pati de-  
bebant: ſic patet ſecundo Paralipo. vigefimo octauo:  
cū quidam de filiis Ephraim pugnauit contra viros  
de regno Iuda, & tradidit illos Deus in manus eius,  
occiditque plurimos, & cepit reliquos captiuos in ſer-  
uos, & ancillas, & tunc Propheta Obed egreſſus ob-  
uiam illi, monuit quōd tenerentur nemo captiuus, G  
ſed remitterentur in terram ſuam, quia Deus ſuper  
hoc grauiter iratus fuerat. Et iſte modus leuior eſt,  
quā præcedens. Quartus modus eſt, cū occide-  
bantur viri & fœminæ exceptis virginibus, & tamen  
non deſtruebantur ciuitates: nec occidebantur iu-  
menta, nec capiebatur aliqua præda. Sic fuit hic.  
Nam non fuit deleta ciuitas Iabes, nec iumenta, nec  
capta ſunt ſpolia, ſed ſolū viri, & fœminæ occiſi ſunt  
præter virgines, quia hoc ſolū mandatum eſt, vt  
patet in litera. Quintus modus erat, quando occide-  
bantur viri & fœminæ præter virgines, ſicut ſupra, &  
tamen deſtruebantur vrbes incendio, & capiebatur  
præda, & diuidebatur exercitui: ſic fuit in bello contra  
Madianitas, vt patet Num. trigefimo primo capitulo. H  
Sextus modus erat, quando occidebantur omnes viri,  
& fœminæ magni, & paruuli, nullo excepto etiam ſi  
eſſent mulieres virgines, & capiebantur vrbes, & diui-  
debantur ſpolia: tamen non occidebantur iumenta,  
nec ſuccendebantur vrbes. Sic fuit regula generalis,  
quantum ad omnes Chanaanos, quia omnes occi-  
dendi erant gladio, & nulli parcendum propter ſe-  
xum, vel ætatem, Deutero. 20. Septimus modus erat  
quando occidebantur maſculi & fœminæ vniuerſali-  
ter, & ciuitas cremabatur, & ponebatur in tumulum  
æternum, vt nullus in ea habitare poſſet, & tamen non  
occidebantur iumenta, & ſpolia diuidebantur exerci-  
tui: ſic fuit in deſtructione vrbs Hai, quæ fuit ſecunda, I  
quæ capta eſt in terra Chanaan, de qua Iſue octauo. I  
Octauus modus erat, quōd homines viri, & fœminæ  
occiderentur, & etiam iumenta, & omnia viuientia, &  
poneretur ciuitas in tumulum æternum, & non cape-  
rentur aliqua ſpolia, quæ diuiderentur exercitui, ta-  
men aurum, & argentum, ferrum & æs poſſent accipi,  
vt ponerentur in theſauris domini: ſic fuit in anathe-  
mate Iericho, quia omnia iſta facta ſunt, vt patet Iſue  
ſexto, & ſeptimo. Nonus modus erat, quōd occide-  
rentur homines, & iumenta, & omnia viuientia, &  
non caperentur aliqua ſpolia pro exercitu, nec aurum,  
& argentum, aut aliquid aliud pro theſauris Dei, ſed  
omnia deſtruerentur, & cremarentur, non tamen po-  
nerentur vrbes in tumulos æternos, ſed liceret poſtea  
in eis habitare: ſic fuit in deſtructione, quam Deus iuſ-  
ſit facere Sauli in terra Amalechitarum primo Re-  
gum 15. Decimus modus eſt, quōd occidantur viri,  
& fœminæ, & omnia viuientia, & poſtea cremantur  
ciuitates, & non accipiantur aliqua ſpolia pro exer-  
citu, nec aurum & argentum pro theſauris Dei, ſed  
omnia cremantur, & in ſuper quōd ciuitas diruatur, &  
ponatur in tumulum æternum: iſtud fiebat in ciuita-  
tibus idolatrarum in terra Iſrael, ſi Israelitæ in aliqua  
vrbe publicè colerent idola, Deutero. decimo tertio.  
Iſti modi punitionis ſunt, quādo punitur aliqua gens,  
& non perſona priuata, ſiue ſit punitiō per modum  
belli, ſiue per modum executionis ſententiæ: ſicut  
erat hic, & iſti modi ſe habent ſecundum ordinem in

F grauitatē, quia quilibet ſequens eſt grauior præceden-  
te, vt apparet inſpiciendo ſingulos, præter tertium, qui  
eſt leuior, quā ſecundus, & punitiō Iabes eorum,  
de qua hic agitur tenet quartum gradum, quia nihil in  
ea factum eſt, niſi quod hic dictum fuit, ſpolia au-  
tem nulla capta ſunt, nec occiſa ſunt iumenta, nec diruta  
eſt vrbs, ſed omnia iſta manſerunt pro virginibus,  
quæ non occiſæ fuerunt, de quo infra dicetur in qua-  
dam quæſtione.

*An peccarunt Israelitæ iubendo occidi fœminas vrbs  
Iabes, & paruulos, & quare hoc fecerunt.*

*Quæſt. XXIII.*

QVÆRETUR vltorius, an peccauerunt Iſrae-  
litæ iubendo occidi fœminas vrbs Iabes, &  
paruulos, & quare hoc iuſſerunt. Aliquis dicet, quōd Rōnes in  
diuerſum  
peccauerunt, quia iniuſtum erat fœminas occidi: nam  
iſta occiſio erat in penam, quia viri Iabes non venerant  
in Maſpha ad exercitum. Sed ad fœminas non perti-  
nebat venire ad exercitum, nec etiam ipſæ ad hoc vo-  
cate fuerunt: ergo iniuſtum erat eas occidi pro hoc.  
Item patet, quia non erat hic aliqua cauſa ad occiden-  
dum fœminas, niſi peccatum virorum ſuorum, & ta-  
men illud non eſt cauſa ſufficiens, nec colorata ad oc-  
cidendum eas, ergo iniuſtè occiſæ ſunt. patet hoc, quia  
non ſolū in iudicio hominum, ſed nec etiam in iu-  
dicio Dei hoc fit, quia ipſe ſolū punit peccata pa-  
trum in filios, vſq; in tertiam & quartam generationē,  
Exod. trigefimo quarto, & Nume. decimo quarto:  
peccata tamen virorum in vxores, vel e contrario non  
legitur De⁹ punire: ergo a fortiori iudicio hominum  
non poterit hoc fieri iuſtè. Tertiò patet quantum ad  
paruulos, quia pena debet inſligi peccato: multi tamē  
paruuli erant in Iabes, qui non peccauerant quantum  
ad Deum, nec quantum ad homines, & tamen illi oc-  
ciſi ſunt, quod iniuſtiſſimum eſt. Quartò patet, quia  
Deus iuſſit Deutero. vigefimo quarto: non occiden-  
tur filij pro patribus, nec patres pro filiis: & tamen hic  
paruuli fuerunt occiſi pro peccato patrum: ergo malè  
factum eſt. Aliquis dicet, quōd licuit hoc facere Iſ-  
raelitis, quia ſic Deus fecit in vrribus Sodomorum.  
Nam illæ petierunt pro peſſimo vitio carnis: ſed cer-  
tum eſt, quōd in illo non peccabant mulieres, nec  
paruuli, & tamen omnes ſimul perierunt, Gen. deci-  
mo nono. Dicendum tamen, quōd hoc non ſatisfa-  
cit propter duo. Primò quia iſti aliquo modo pecca-  
uerant in hoc. Nam fœminæ fortè cognoscebantur  
in vaſe indebito ſicut viri, & illud erat vitium Sodomi-  
ticum, & merebantur occidi. De paruulis etiam di-  
cendum, quōd erant infecti hoc vitio ſiue in opere, ſi-  
ue in deſiderio propter malam aſſuetudinem illarum  
vrbum: vnde quando duo angeli introeuntes Sodo-  
mam venerunt in domum Loth in ſpecie virorum,  
dicitur quōd omnes viri de vrbe vallauerunt domum  
Loth à puero vſque ad ſenem: Gene. decimo nono.  
Alij paruuli occiſi ſunt omnino à Deo ſaltem pro-  
pter originale, & tamen hic non peccauerant mulie-  
res, nec paruuli in hoc in quo peccauerunt viri Iabes,  
ideo non erat ſimile. Secundò, quia iudicium Dei ni-  
mum differt à iudicio humano, & aliquid eſt licitum  
in illo iudicio, quod non eſt licitum in iudicio huma-  
no, quod patet, quia Deus punit peccata patrum in  
filios vſque ad tertiam et quartam generationem:  
Exod. trigefimo quarto, & Nume. decimo quarto, &  
tamen in iudicio humano non licet occidere filios  
pro patribus, vt patet Deut. vigefimo quarto. Non  
occidentur filij pro patribus, nec patres pro filiis.

Et



ratio-  
in di-  
-ment.

Quæst. XIII.

D Israel: & tamen hic mulieres labes nihil peccauerant, ideo non erat simile ad hoc, quòd occiderentur nunc omnes corruptæ. Dicendum autem est quantum ad paruulos, quòd ideo occisi sunt, quamquam non peccauissent, vt non vellent postea ultores esse patrum, & turbarent Israelitas faciendo bellum, vel alias turbationes. Et ista etiam videtur fuisse causa, quare occiderunt Israelitæ paruulos Madianitarum: Num. 31. & etiam paruulos Beniamitarum, quando cremauerunt vrbes eorum præcedenti cap. De mulieribus autem non patet causa tam euidenter. Nam si iussissent omnes occidi, siue virgines, siue corruptas, præter illas, quæ sufficerent ad hæc, quæ darentur in vxores Beniamitis, siue essent virgines, siue corruptæ, posset dici quòd factum fuerat ex ira magna, & detestatione criminis labesenorum: quia tamen omnes corruptas occiderunt, & omnes virgines reseruauit, siue sufficerent pro Beniamitis, siue non: aliunde causa inquirenda est. Aliquis dicet hoc fuisse, quia nolebant Israelitæ, quòd aliquis vir de progenie labesenorum maneret, nè esset ultor sanguinis paterni, vt dictum est. Et quia de qualibet muliere corrupta poterat dubitari cū esset focunda, & conciperet masculum, iusserunt omnes occidi. Sed hoc fortè non multum stat, quia poterant seruari vique ad tempus debitum, vt viderentur, an essent prægnantes: & si essent prægnantes obseruaretur, an parerent masculos, & occiderentur illi, & matres permetterentur viuere: & si parerent femi-

Israhelitarū  
quare par-  
uulos Ma-  
dianitarū  
occiderūt.

nas



nas utrunque permetterentur viuere, scilicet mater, & foetus. Aliter ergo potest dici, quod stirps virorum Iabesenorum erat damnata, & ideo in detestationem illorum, non erat accipienda in uxorem aliqua femina, quæ ab aliquo eorum fuisse cognita: sic erat de Israelitis respectu Gentilium; quia quando Israelitæ capiebant prædam de terra Gentilium, qui non essent Chananæi, & in numero captiuorum esset aliqua pulchra virgo, poterat accipi in uxorem à viro Iudæo: si autem esset corrupta non accipiebatur, ut patet Deuterono. 21. & tamen ibi non occidebantur corruptæ, sed vendebantur. Hic autem volebant Israelitæ occidere omnes de Iabes, quæ non erant aptæ, ut essent uxores Beniamitarum, & quia corruptæ in odium corruptorum suorum erant ineptæ ad hoc, quod acciperentur in uxores à Beniamitis, sicut corruptæ à Gentilibus, reseruabantur solæ virgines, quæ erant idoneæ, ut acciperentur in uxores à Beniamitis. Secundò potest dici, quod fiebat in detestationem virorum Iabes ex alio fundamento, scilicet, quodocunque inter Hebræos aliqua accipiebatur femina à viro, pertinebat ad familiam viri: & magis gaudebat priuilegijs familiæ viri, quàm familiæ patris sui: & aliquando propter viros, à quibus cognoscebantur, priuabantur aliquibus priuilegijs, quæ prius habebant. Patet hoc, quia non licebat sacerdotibus in veteri testamento contaminari, nisi in mortibus patris, & matris, filij, & filia, fratris, & sororis, quæ non erat cognita à viro: Leui. 21. & sic si femina non erat cognita à viro retinebat adhuc priuilegia familiæ paternæ. scilicet, quod frater suus sacerdos poterat lugere, & interesse funeri eius. Si autem erat cognita à viro, non poterat interesse funeri eius, eo quod censebatur iam esse de familiæ viri illius, à quo cognita erat, & perdebat priuilegium familiæ suæ. Sic etiã patet aliquantulum quantum ad cibos consecratos. Nam quamdiu filia sacerdotis manebat in domo patris sui, licebat ei comedere de cibis consecratis, ut colligitur Leui. 10 & 22. Si autem accipiebat virum, & manebat cum eo, non licebat ei comedere de cibis sanctificatis, nisi uir suus esset sacerdos. Si autem moreretur uir, & maneret ipsa habens filios ex uiro, non licebat comedere de consecratis. Si autem manebat uidua, & sine filijs, censebatur iure uirginis, & comede-

**I** bat de consecratis, Leui. 22. & sic cognitam esse saltim aliquando faciebat mutare familiam, & perdere priuilegia: ita ergo femine cognite inter Iabesenos transibant in familiam eorum: & propter illos erant minoris dignitatis, ideo occidebantur: virgines autem non transibant in familiam illorum, quia non erant cognite ab eis, aut saltem non erant dignæ aliquo malo in odium illorum, ideo non occidebantur. Tertiò modo potest dici secundum Iosephum quinto Antiquitatum, quod factum est hoc ex magna indignatione Israelitarum propter corruptionem mulieris Leuitæ. Ait enim: Tanta ira succensi sunt propter passionem corruptæ mulieris, & armorum ab eis neglecta conditione, quod occiderunt omnes Iabesenos cum filijs & vxoribus præter quadringentas virgines, scilicet, quod totum istud malum præcedens euenerat propter corruptionem mulieris Leuitæ factam à filijs Beniamin, & quia viri Iabeseni videbantur fauisse Beniamitis nolendo ire ad pugnandum contra eos: irati sunt Israelitæ contra mulieres ab eis corruptas, & occiderunt. Et licet istud motiuum non sit necessitatem inducens, tamen est satis verisimile considerata conditione Iudæorum illius temporis, qui faciliter mouebantur in iram ad agendum aliquid satis peruersum, & durum.

In vet. test.  
sacerdoti-  
bus i mor-  
te quorū  
licebat cō-  
taminari.

Respon-  
sio  
secundum  
Iosephū.

Quales virgines erant illæ, quæ reseruabantur.  
Quæstio XXV.

**Q**UÆRERE TVR ulterius, cum dicatur hic, quod virgines reseruatae sunt, quales virgines erant istæ, quæ reseruabantur. scilicet, an reseruarentur omnes virgines cuiuscunque ætatis; etiam quæ essent vnius diei natæ, vel solum illæ, quæ erant iam in ætate nubili, vel quasi. Respondendum, quod hoc non apparet manifestè: posset autem dici, quod omnes in quacunque ætate essent reseruarentur, quia hic dicitur, quod occiderent omnes foeminas, quæ cognouerunt viros, & nullas alias de feminis iubebant occidi, sed puellæ paruulæ, utpotè vnius mensis, vel anni non cognouerant viros, ideo ex hac lege non erant occidendæ. Item, quia non stabat in his aliqua causa, quæ mouebat Israelitas ad occidendum mulieres Iabesenorum. In contrarium videtur, quia Israelitæ iusserunt reseruari virgines Iabesenorū, ut ex illis acciperentur uxores pro Beniamitis. Sed manifestum est, quod paruulæ, utpotè, quæ erant vnius mensis, vel minoris ætatis nullo modo erant aptæ ad hoc, quia si viri Benjamin deberent expectare usquequo essent istæ nubilis ætatis, multi eorum prius senescerent, & transiret tempus gignendi in eis: ergo non fuerunt tales reseruatae, sed illæ solum, quæ erant iam ætatis nubilis, vel quasi, ut illico possent accipere eas in uxores. Secundò patet, quia dicitur in litera, quod inuenta sunt virgines quadringentæ in Iabes, & ductæ in Silo: dictumque est filiis Benjamin, ut susciperent eas in pace. Et dicitur, quod venerunt filij Benjamin in illo tempore, & datae sunt illis in uxores omnes quadringentæ: & tamen si essent in paruula ætate, utpotè vnius mensis, vel anni non possent dari in uxores, ergo erant virgines adultæ. Aliquis dicet, quod erant aliquæ earū paruulæ, & istæ non potuerunt dari in uxores de præsentibus, sed sub expectatione. scilicet, quod quando venirent ad adultam ætatem, essent uxores eorum. Sed istud etiã non stat, quia si aliquæ essent tam paruulæ, nullo modo possent accipere eas filij Benjamin ad ducendum in terram suam, sicut duxerunt istas quadringentas, quia in tam paruula ætate non poterant nutriri apud viros non habentes uxores, sed apud matres, vel alias, & tamen in terra Benjamin nulla talis foemina erat adhuc, quæ posset lactare paruulos teneros. Tertiò patet, quia si omnes puellæ cuiuscunque ætatis, quæ non essent cognite à viris acciperentur hic, non erat verisimile, quod tam paucae reperirentur in Iabes Galaad, quæ erat ciuitas. Nam verisimile erat, quod reperirentur plures, quàm mille: ergo intelliguntur solæ existētes in ætate nubili. Quartò patet, quia hic dicitur, quod reseruatae fuerunt quadringentæ virgines: non tamen vocamus quamlibet mulierem virginem, quæ viro incognita est. Nam illa, quæ est incognita, quia cognosci nondum potuit natura deficiente, ut paruulæ, virgines non dicuntur, sed tunc mulieres in sacra scriptura, & in vsu vulgari virgines appellari incipiunt, quando iam corrumpi possunt, & concipere, & tamen abstinere à coitu. Quintò patet, quia dicitur in litera, quod inuenta sunt quadringentæ virgines in Iabes, quæ non cognouerunt viri torum: & tamen de paruulis, utpotè, quæ sunt infra vnum annum superfluum est dici, quod non cognouerunt viri torum, quia impossibile erat eas cognoscere: ergo intelligitur de magnis, quæ iam aptæ erant ad cognoscendum viri torum, & tamen non cognouerant. Responderi potest dupliciter. Vno modo, quod solæ virgines, quæ erant in ætate nubili, vel quasi, reseruatae sunt, & fuerunt quadringentæ: paruulæ autem multum deficientes ab ætate nubili occise sunt, quia inhabiles erant ad id, quod intendebant Israelitæ. Nec videtur hoc inconueniens, quia

Rationes  
in diuersis  
sum.



quia sic occisi sunt etiā paruuli, qui nihil peccauerant, A  
quia tamen non erant apti ad id, quod volebant Israelitæ, occisi sunt, nihil tñ magis apte erāt puellæ paruulæ, quā illi, qui longe erant à nubili ætate, cum non possent tãro tempore expectare sine vxoribus viri Beniamin. Ad rationem primam pro contrario dicendum, quod verum est, q̄ Israelitæ solū iusserunt occidi feminas, quæ cognouerant viros, & paruulæ nō cognouerant. Et tamen ipsi distinguebant feminas oēs grosso modo in duas partes. scilicet in virgines, & eas, q̄ cognouerant viri torū, & oēs istæ tam virgines, q̄ cognite erant de illis, quæ iam viro apte erant, quia de his poterat prouideri viris Beniamin; de paruulis autem nequaquam, ideo quasdam harum iusserunt referuari, & quasdam occidi. De paruulis feminis nihil locuti sunt, quia ille non pertinebat ad propositum, cum de illis non posset prouideri viris Beniamin, ideo ponebantur in numero occidendorum, sicut pueri paruuli. Ad secundum dici potest, q̄ in puellis paruulis fuit aliqua causa, quæ mouebat Israelitas ad occidendum Iabesenos. Nam illi volebant occidere omnes, & nullum omnino referuassent, nisi propter necessitatem prouidendi Beniamitis de vxoribus, & ob hoc omnes, de quibus non poterat prouideri Beniamitis occidi debebant. Sed sic erat de feminis paruulis, ideo illæ occidende erant. Secundo modo potest responderi ad quæstionem istam. scilicet q̄ referuatæ fuerunt in Iabes omnes mulieres incognite viris cuiuscunque ætatis essent, etiam si solū essent vnius diei, & tamen non fuerunt computatæ omnes inter quadringentas, sed solæ illæ, quæ erāt in ætate nubili, vel proxime pubertati. Et ista positio est valde rationalis, & concordat satis literæ, quia tenebitur nunc litera, sicut iacet. scilicet q̄ nulla femina occisa fuerit, nisi quæ cognouerit virum, & etiā nō obuiabunt quinq; rationes inducte supra pro alia parte, cum illæ solū probent, quod de illis quadringentis virginibus, nulla fuerit paruula, sed omnes puberes, vel proxime pubertati. Et ista positio videtur magis tenenda, & tunc dicetur de istis paruulis virginibus, quod referuatæ fuerint in tribu sua, & cum peruenerunt ad pubertatem, tradite sunt in vxores viris de tribu sua, & cognatione sua, quantum potuerunt propinquius reperiri.

Quomodo cognoscebatur, quæ femina erat virgo, & quæ non.

Questio. XXV.

QV AERE TV R vltius, cum dicatur hic, quod solæ virgines referuatæ sunt occisis omnibus, q̄ cognouerant viri torum, quomodo cognoscebatur, quæ erat virgo, & quæ non. Aliquis dicit, quod erat facilis cognitio. scilicet q̄ omnes coniugatæ, vel viduæ, aut repudiatæ reputabantur corruptæ, ceteræ autem reputabantur virgines. Et dicebantur virgines, quia erant in statu virginali. Sed dicendum, quod hoc non stat, quia hoc modo multæ poterant de his quadringentis accipi, quæ essent cognitæ à viris, quod erat contra intentionem Israelitarum. Secundo patet, quia non solū dicitur in litera virgines, sed et quæ non cognouerant viri torum: ideo illa additio debet hoc significare, q̄ non solū istæ femine erant in statu virginali, sed etiam erant incognitæ viris: & sic necesse erat facere aliam inquisitionem de hoc. Aliter potest dici, quod fuit ista cognitio per præsentiam arcæ, sicut asserunt Hebræi quantum ad virgines Madianitarum. Nam omnes femine Madianitarum virgines, & corruptæ ductæ fuerunt in castra Israelitarum, & iussit Moyses, quod solæ virgines seruari. Et tunc dicunt, quod faciebant Israelitæ transire omnes feminas coram arca, & illæ, q̄ non erant virgines cadebant,

nec poterant subsistere, quæ autem erant virgines, transibant liberæ. Sed dicendum, quod ista cognitio non apparet an facta fuerit aliquando, sed magis videtur aliquid fictum. Nam si fuisset sic, cum esset istud miraculum pertinens ad exaltationem nominis Dei, & honorem vasorum veteris testamenti, non subtrahisset illud scriptura. Sed potius videtur istud esse aliquid confictum, quia sic etiam Hebræi confingunt multa circa arcam, scilicet, quod volauerit sup aquas Iordanis nullo tenente eam. Et etiam quod plus est, quod ipsa fecerit volare secum sacerdotes, qui volebant portare eam: Quæ declarata sunt esse ficta Iosue capitulo tertio. Item patet, quia dato, quod hoc fuisset in cognitione virginum Madianitarum, quæ ductæ sunt in castra Israelitarum, vbi erat arca, tamen non potuit esse hac vice in cognitione virginum Iabes Galaad, quia arca domini manebat in Silo eo tempore, vt patet præcedenti capitulo, & Israelitæ manebant ibi, dum isti decem millia virorum iuerunt ad occidendum Iabesenos; & virginum cognitio facta est in Iabes, & non in Silo; quia dicitur in litera, quod sunt inuente quadringentæ virgines in Iabes Galaad, & ductæ sunt in Silo ad castra Israelitarum, ideo prius distinctæ sunt à corruptis, quā venirent coram arca. Alius modus cognoscendi est per astrologiam: licet iudicia astrorum non sint ex tanta necessitate, vt inuitabiliter debeamus eis assentire, quia interdum propter nos, qui non plenam cognitionem, & experientiam de efficacia corporum coelestium, & significatione habuimus, vt ait Ptolomæus in Almagesti, & interdum propter varietatem actuum humanorum, & libertatem, quæ tantum fugiunt à regula corporum coelestium quantum accedunt ad arbitrij libertatem, quæ nullis legibus tenetur, nisi diuinis, necesse est, vel saltem contingit nos in quibusdam astrologicis iudicijs deficere: sed quidquid sit manifestum est, quod Iudei non inquisiuerunt hoc modo de virginitate foeminarum, Iabesenarum, quia Iudei temporis illius erant valde rudes, quia istud accidit paucio tempore post mortem Iosue antequam essent iudices aliqui in Israel, vt declaratum est supra decimonono, & tunc nulla peritia erat in Iudeis: nam etiam ipsam legem planam, qua tota die dirigi debebant, non intelligebant, vt patet in obligatione iuramenti nunc facti, quod putauerunt tenere, & commiserunt multa ridicula circa hoc, vt declaratum fuit supra in quibusdam questionibus. Alius modus cognoscendi virginitatem est per quandam lapidem preciosum, qui si ponatur in aqua, & biberit mulier de illa aqua, si fuerit virgo, manebit immota: si autem cognita viro, cogetur vrinare, etiam si conetur retinere. Et ista erat cognitio satis leuis. Alius modus cognoscendi est vulgatio per aspectum, & tactum matronarum, licet in hoc interdum sit error, quia sæpe manus fallitur, & oculus obstericium, vt patet extra de probationibus cap. E causam matrimonij. Credendum est autem, quod istum modum vltimum tenuerunt Iudei, quia erat facilis, & frequentatus, & vt facilius expedirent acciperent omnes puellas paruulas, quæ erant in ætate, in qua nondum poterant cognosci à viris, & quantum ad illas nullum facerent experimentum: in ceteris autem adultis, de quibus poterat esse dubium, sicut in istis quadringentis virginibus, starent iudicio matronarum, quas isti viri ducerent secum aliunde, & non de vrbe Iabes, quia omnes Iabesenæ matrones occise sunt.

Nota quare iudicia astrologica sæpe falluntur, & multa metuentur poetæ, & astrologi.

Potest cognosci virginitas per quandam lapidem.

Alius modus cognoscendi virginitatem

Notandum



De exitu vrbis Iabes, cum nunc deleta fuerit, quid postea fuit de illa. *Questio XXVII.*

**Q**VAERETVR vltcrius, de exitu vrbis Iabes, cum nunc deleta fuerit, quid postea de illa fuit. Respondendum, quod in Iabes soli viri cuiuscunque ætatis, & femine cognite viris perierunt, ciuitas autem non fuit dirupta, nec succesa, nec præda aliqua inde capta est. Nam ciuitates, quæ destruebantur cum habitatoribus suis, erant illæ, quæ ponebantur in tumulos æternos: & istæ erant, quæ subijciebantur anathemati, sicut fuit de vrbe Iericho, in qua nulli postea licuit muros construere: Iosue 6. sic etiam de vrbe Hai, quæ licet non fuerit subiecta tali anathemati, tamen posita est in tumultum æternum, Iosue 8. in ciuitatibus autem, quæ subditæ erant semel Israelitis, & habitabantur ab eis, nulla subijciebatur anathemati, nisi propter idolatriam, vt patet Deut. 13. in Iabes autem non fuerat idolatria, ideo non erat ponendum anathema. Aliquando tamen vrbes aliquæ Israelitarum, sine anathemate perierunt, sicut fuit de vrbibus Beniamitarum nunc, quia Israelitæ succenderunt omnes vrbes eorum, & viculos, vt patet præcedenti capitulo. Sed istud non fuit propter anathema positum, sed propter magnam iram Israelitarum contra Beniamitas. Contra Iabesenos autem non erat causa tantæ iracundiæ, quia non læserant Israelitas pugnando contra eos, & occidendo multos de illis, sicut fecerant Beniamitæ, sed solû subtraxerant eis auxilium, vel non impenderant: & sic erant digni minori pœna: vnde ipsi occisi sunt, sed ciuitas non fuit deleta, & quamquam nunc non manserit in ea habitator, tamen paulopost habitata fuit. Nam tempore Saulis erant viri in Iabes Galaad, contra quos pugnabat Naas rex Ammonitarum, & liberauit eos Saul ab obsidione, 1. Reg. 11. & moriente Saule etiam erant habitatores ibi: nam illi abstulerunt cadauera Saulis, & filiorum eius de muro Bethsan, & sepelierunt ea in nemore Iabes, vt patet 1. Reg. ult. & 1. Paral. 20. cap. Potuit autem populari ista ciuitas dupliciter. Vno modo, quod propinqui virorum Iabes, scilicet, de sua tribu, & familia, qui tamen habitabant in alijs locis succederent tanquam ab intestato, & illi inciperent habitare in Iabes, & possidere relicta à Iabesenis. Alius modus erat, quod virgines Iabesenæ traderentur in vxores aliquibus viris, & filij inde nati succederent in possessione Iabesenorum: sed quid sit verum de his, dicetur seq. quæst. Quidquid autem horum fuerit, ciuitas Iabes postea fuit habitata, sicut prius.

*Quid factum est de spolijs vrbis Iabes.*  
*Questio XXVIII.*

**Q**VAERETVR vltcrius, quid factum est de spolijs vrbis Iabes, scilicet, de omnibus rebus mobilibus, quæ ibi erant. Et etiam de agris vrbis, per quem postea possessi fuerint, et quis postea urbem populauerit. Aliqui putant, quod illi, qui erant propinqui Iabesenis de tribu sua, & familia, & habitabant in alijs vrbibus succederent nunc in omnibus bonis Iabesenorum mobilibus, & immobilibus, quia ab intestatio isti videbantur succedere. Sed dicendum est, quod non stat, quia modus succedendi in veteri testamento erat, quod existentibus filiis ipsi succederent, & nulli alij, nec etiam filia, dato quod multæ essent. Si autem non exstarent filij, succedebant filie, & illis non stantibus, vertebatur hereditas ad patruos, quibus non stantibus, voluebatur ad propinquiores in gradu: nunc autem Iabeseni nullos filios habebant, quia omnes occisi fuerunt: manebant autem filia, quia omnes virgines reseruatae sunt: ideo ad illas pertinebat successio

secundum legem, quæ habetur Num. 27. Modus autem istius successione fuit, quia virorum Iabesenorum quidam qui habuerunt filias virgines nunc occisi sunt, & alij non. Qui autem habuerunt illas erant dupliciter, quia quidam habuerunt paruulas, quæ non erant puberes, nec proximæ pubertati, & istæ non poterant dari Beniamitis in vxores. Alij habuerunt filias virgines puberes, vel pubertati proximas. De illis, quæ non erant puberes, nec pubertati proximæ dicendum, quod non fuerunt datæ Beniamitis in vxores, sed fuerunt reseruatae à viris tribus suæ, & quando peruenerunt ad pubertatem datæ sunt in vxores viris de tribu sua, & familia, & ipse succedebat in bonis paternis mobilibus, & immobilibus, cum patres earum non fecissent testamenta, nec distribuissent legata: & cum acceptæ sunt in vxores à viris de tribu sua, habitauerunt ipse, & viri sui in Iabes, & sic ciuitas denuo habitata est, vel saltem aliqui filij nati de illis, in quibus reseruaretur nomen auorum venirent ad habitandum in Iabes. Et hoc verius est, sicut declarabitur infra. Virgines autem, quæ erant in ætate nubili, datæ sunt Beniamitis, quadringentæ, scilicet, & istæ habitauerunt cum viris suis in sorte Benjamin in vrbibus eius. Nam illi venerunt in Silo, & ibi datæ fuerunt eis istæ vxores, & abierunt cum eis in terram suam, vt patet infra in litera, & istæ successerunt patribus suis in hereditatem tam in bonis mobilibus, quàm immobilibus, sed non habitauerunt ipse in Iabes, sed in sorte Benjamin. Aliqui tamen de filiis earum venerunt in Iabes ad habitandum, scilicet illi, qui successerunt in bonis auorum maternorum, & in quibus reseruatum est nomē stirpis eorum. Alij erant viri Iabes, qui non habebant filias virgines quando occisi sunt, & isti non potuerunt habere successores, nisi de transuersalibus, & videtur, quod virgines illæ, quæ reseruatae sunt, successerint etiam istis, eo quod istæ essent propinquiore in gradu viris mortuis, quàm alij viri de habitantibus extra Iabes Galaad. Vel si cōtingeret, quod alij essent de cognatione occisorum propinquiore habitantes extra Iabes illi succederent. Et iste fuit modus successione in hereditate virorum Iabes occisorum, & populationis vrbis de nouo. Sed obijciat, quod viri Iabes non potuerunt habere aliquos successores de cognatione sua ab intestato, quia ipsi erant damnati pro crimine, & non poterant relinquere heredes: sic colligitur Num. 27. cum filia Salphaad petiuerunt, quod succederent patri suo in hereditate terræ Chanaan, vt non periret nomen patris earum: & ad hoc allegauerunt, dicentes: pater noster mortuus est, & non fuit in seditione Core, quæ suscitata est contra dominum, quare ergo delebitur nomen eius in progenie sua? quasi dicat, si fuisset in seditione sua, non possent ei succedere filia suæ, nec posset relinquere alios, & cum excluderunt istum casum, filia eius dixerunt: quare ergo delebitur nomen suum? quasi dicat, cum non fuerit in seditione illa, non est aliqua causa quare filia eius careant successione. Si autem crimē istud non inhabilitaret eum ad succedendum, vel successores dimittendum non allegassent hoc: ita ergo esset de alijs criminibus, quia inhabilitabunt potissimè cum istud peccatum Iabesenorum esset contra Deum, quia impediēbat correctionem, & penam criminum, quæ infligebatur propter honorem Dei. Respondendum, quod viri Iabes potuerunt habere successores, & habuerunt de iure, & necesse erat, quod haberent, quia aliàs confunderetur diuisio tribuum, & fortium, & fieret contra legem Dei, vt magis immediatè declarabitur. Et cum obijcitur, quod fuerunt damnati pro crimine, ideo quod non poterant relinquere heredes, non tenet, quia etiam damnati de crimine apud Hebræos poterant habere successores, saltem in bonis immobilibus.

Modus successione in hereditate virorum occisorum Iabes.

Iabes potuit dupliciter populari.

Nonnullorum resp. ad quæsum

Si viri Iabes non habuerunt successores, res earum darentur diuisio tribuum.



mobilibus. Et cum dicitur de Salphaad respondendum, quod si ipse fuisset in illa seditione, quae suscitata est contra dominum sub Core, non potuissent filiae suae succedere ei in hoc, quod petebant. Et tamen dato, quod peccassent Iabeseni tam grauiter, sicut Salphaad, poterant relinquere successores. Magna enim differentia est in utrisque, quia Salphaad agebat de lucro captando, & Iabeseni de non perdendo, quod tenebant: facilius tamen, & pro minori crimine quis excluditur a lucro obtinendo, quam si priuaretur bonis possessis, quia turpius eiicitur, quam non admittitur hospes: extra de iureiurando capitulo quanto: & saepe iuristae talem distinctionem faciunt: & sic facilius excluderentur filiae Salphaad, quam virgines Iabesenae. Et patet hoc, quia Israelitae exeuntes de Aegypto ibant ad possidendum terram Chanaan, quam Deus promiserat eis, & iusserat, quod diuideretur eis per sortes, Num. 26. contigit autem mori Salphaad in deserto, & sic nondum acquisierat aliquam partem hereditatis in terra Chanaan, quia nondum erat acquisita per Hebraeos, sed erat sub expectatione, & habebat ius ad rem sub conditione, scilicet, si erueretur terra de manibus Chananæorum: & quia istud ius expectationis videbatur extinctum cum ipso Salphaad, petierunt filiae eius subrogari in illo iure, & quod daretur eis possessio in terra Chanaan, quae danda erat patri suo, si acquireretur de manibus Chananæorum: & ob hoc si Salphaad peccasset, facilius erat priuari eum isto iure expectationis, & consequenter filias suas, quae petebant subrogari in locum eius, quam si iam possideret Salphaad aliquam partem terrae. In Iabesenis autem secus erat, quia illi possidebant iam actualiter partes suas in terra Chanaan, ideo quamquam peccarent, non erant excludendi ab eo quod possidebant propter crimen, sicut Salphaad posset excludi a iure expectationis, qui realiter nihil habebat: & sic etiam filiae Iabesenorum non debebant excludi a successione propter peccatum patrum suorum, si successerint in bonis omnibus eorum. Secundò patet, quia si inter Israelitas pro peccato patrum priuarentur filij successione, fieret contra legem Dei. Nam Deus iusserat Num. 36. quod manerent tribus, & familiae distinctae, sicut ipse distinxerat eas: & ad hoc fecit, quod viri non acciperent uxores de alijs tribubus, sed de suis, ne transfret hereditas de tribu in tribum, & maneret, & fieret confusio sortium: sed manerent sortes, & tribus distinctae, sicut Deus eas distinxerat eodem cap. si tamen damnati pro crimine non possent relinquere heredes, non succederent eis aliqui de cognatione, ad quos pertinebat succedere ab intestato, sed transfret possessio ad viros aliarum tribuum in poenam criminis, & fieret confusio distributionis sortium, nec manerent, sicut Deus illas distinxerat: & sic per unam legem repugnaretur alteri, quod nullo modo esse debet: potissimè, quia Deus nimis insistebat circa hoc, ne confunderentur tribus, sed sciretur de quolibet de qua tribu, & familia esset: & hoc non poterat sciri, nisi sortes hereditatis manerent semper in illis tribubus, & familijs, in quibus aliquando manserant, sicut fit in bonis, quae sunt de iure primogeniturae, quia illa nullo modo possunt transire de una familia in alteram: ideo necesse est, quod quamquam aliquis esset damnatus de crimine inter Hebraeos, maneret semper filijs, & posteris suis, vel cognatis ius succedendi: Bene tamen potest dici, quod quantum ad se priuarentur iure faciendi testamentum, & distribuendi legata de bonis mobilibus, imò poterat priuari omnibus bonis mobilibus in poenam, sed non bonis immobilibus. Et ratio est, quia licet priuaretur bonis mobilibus, non fiebat contra legem, nec sequebatur aliquod inconueniens, quia distinctio tribuum, & familiarum non fit per bona mo-

mobilia, cum illa pereant, & alterentur, sed per bona immobilia: ideo quamquam auferantur alicui in poenam omnia bona mobilia, nihilominus maneret distinctio tribuum, & familiarum: & sic virgines Iabesenae non debebant priuari successione patrum suorum saltem quantum ad immobilia. Tertiò patet, quia manifestum est, quod viri Benjamin magis peccauerunt, quam Iabeseni, quia illi fecerunt nefas contra Leuitam, & postea pugnaverunt contra Israel, & occiderunt plurimos, supra 19. & praecedenti ca. Iabeseni autem solum peccauerunt non adiuuando Israelitas, & tamè viri Benjamin, qui manserunt, scilicet sexcenti, possederunt totam terram Benjamin: & ipsi, & successores eorum repleuerunt illam postea, nec quisquam de alijs tribubus occupauit aliquid de illa. Quod patet, quia dicitur, quod isti sexcenti viri aedificauerunt ciuitates, & habitauerunt in eis: & tamen manifestum est, quod isti sexcenti ante hoc non habebant plures ciuitates: & tamen nunc aedificauerunt ciuitates: ergo videtur, quod maiorem terram habuerunt nunc, quam prius, & sic succedunt alijs mortuis. Et magis declarat Iosephus 5. Antiquitatum: ergo Iabeseni, qui minus peccauerant poterant relinquere successores in bonis suis. Quartò patet, quia dato, quod pro aliquibus peccatis grauissimis possent priuari Israelitae iure relinquendi heredes, quod falsum est, tamen non esset hoc pro quolibet peccato: quia Salphaad commiserat aliqua peccata, & pro illis non crediderunt filiae suae, quod deberent priuari iure relinquendi successores, dum non tamen fuisset in contentione illa, quae suscitata est contra dominum sub Core, ut patet Num. 27. cum dixerunt: pater noster in peccato suo mortuus est, & non fuit in seditione, quae concitata fuit contra dominum sub Core, quare ergo delebitur nomen suum? Et non obstante, quod mortuus fuisset Salphaad pro peccato suo, Deus iudicauit, quod iustum petebant filiae Salphaad, eodem capitulo: ergo non propter quodlibet crimen damnati priuantur iure relinquendi successores. Et sic cum Iabesenis non commiserint maximum crimen, quia non fuit tantum, sicut concitatio facta contra dominum in deserto ad tollendum summum sacerdotium Aarō, & alias ordinationes ministrorum, quas Deus fecerat: ideo licet mereretur Salphaad poenam pro peccato suo, non tamen priuatus est iure relinquendi successores, cum minus peccauisset. Et sic tenendum est, quod talis fuerit successio in bonis Iabesenorum, qualis supra descripta est.

Miseruntque nuncios ad filios Benjamin, qui erant in petra Remmon, & praeceperunt eis, ut eas susciperent in pace. Veneruntque filij Benjamin in illo tempore, & datae sunt eis uxores de filiabus Iabis Galaad: alias autem non repererunt, quas simili modo traderent. Vniuersusque Israel valde doluit, & egit poenitentiam super interfectione vnius tribus ex Israel. Dixeruntque maiores natu: Quid faciemus reliquis, qui non acceperunt uxores? Omnes in Benjamin foeminae conciderunt, & magna nobis cura, ingentique studio prouidendum est, ne una tribus deleatur ex Israel. Filias enim nostras eis dare non possumus, constructi iuramento, & maledictione, qua diximus:



Cap. XXI.

diximus: maledictus, qui dederit de filiabus suis uxorem Benjamin. Cœperuntq; consilium, atque dixerunt: Ecce solennitas domini est in Silo anniuersaria, quæ sita est ad Septentrionem vrbis Bethel: ad orientalem plagam viæ, quæ de Bethel tendit ad Sichimam, & ad Meridiem oppidi Lebona. Præceperuntque filijs Benjamin, atque dixerunt: Ite, & latitate in vineis. Cumq; videritis filias Silo ad ducendos Choros ex more procedere, exite repente de vineis, & rapite ex eis singuli uxores singulas, & pergite in terram Benjamin. Cumque venerint patres earum, ac fratres, & aduersum vos quæri cœperint, atque iurgari, dicemus eis: Misere mini eorum: non enim rapuerunt eas iure bellantium, atque victorum, sed rogantibus, vt acciperent non dedistis, & à vestra parte peccatum est.

Beniami-  
tis de vxoribus facta  
prouisio.

*Miseruntq̃.* Hic ponitur secundum huius partis, Beniamitis de vxoribus facta prouisio. Et diuiditur in duo, secundum quod fuerunt hic duo modi prouidendi: Vnus de filiabus Iabesenorum. Alius de filiabus Israelitarum ducentium Chnrosibi. *Vniuersuq̃, Israel.* Circa primum dicitur. *Miseruntq̃, nuncios ad filios Benjamin, qui erant in petra Remmon.* Postquam Israelitæ pugnaverunt contra Beniamitas fugerunt isti sexcenti, & steterunt in deserto in petra Remmon, & post hæc Israelitæ discurrerunt per totam terram Benjamin, & combusserunt ciuitates, occiderunt masculos, & feminas, magnos, & paruulos vsq; ad pecora, & post redierunt in Silo, vbi erat tabernaculum domini, & miserunt ad occidendum viros Iabes, & ductæ sunt virgines in Silo, & miserunt tunc viri Israel ad Beniamitas, vt acciperent istas in vxores, & erant Beniamitæ tunc in petra Remmon, fuerantq̃ ibi ex quo fugerunt de bello. *Et præceperunt eis, vt eas in pace susciperent.* Timebant isti Beniamitæ, quòd Israelitæ vellent occidere eos, sicut occiderant cœteros Beniamitas; ideo miserunt eis securitatem per nuncios, dicentes, quòd venirent in Silo, & acciperent in pace istas virgines in vxores, idest non timerent iam quidquam mali de bel-  
lis præteritis. *Veneruntq̃, filij Benjamin in illo tempore.* Postquam securitas data est de non nocendo eis venerunt illico Beniamitæ, qui erant in petra Remmon, & venerunt in Silo, quia ibi adhuc manebant castra Israelitarum, & ibi datæ sunt eis istæ virgines in vxores. *Et datae sunt illis vxores de filiabus Iabes Galaad.* Idest, quadringentæ virgines filiarum virorum Iabes datæ sunt in vxores istis viris. *Alias autem non repperunt, quas simili modo traderent.* Idest non repperunt in toto Israel, quas darent isto modo, scilicet, non faciendo contra iuramentum de non dando de filiabus suis vxores filijs Benjamin. Patres autem istarum, scilicet, viri Iabes non iurauerant, ideo putabant Israelitæ, quòd dando illas non peccabant, nec faciebant contra iuramentum, & non fuerunt aliæ huiusmodi in toto Israel, eo quòd omnes alij viri Israel ascenderant in bellum, & iurauerant in Maspha.

*Quomodo Israelita dederunt virgines Iabesen as filijs Beniamin  
in uxores, quia videtur esse contra legem.*

Quæstio XXIX.

**Q**VAERETVR ulterius, quomodo Israelitæ dederunt virgines Iabefenas filijs Benjamin in vxores, quia licet istud non videretur esse contra iuramentum, tamen erat contra legem. Respondendū, quòd Israelitæ conabantur nullo modo facere contra iuramentum, quia nomen periurij erat horrendum inter eos, vt ait Iosephus 5. Antiquitatum: & quia dare de filiabus suis erat contra iuramentum, vt ipsi putabant, non dederunt de illis. Dare autem de filiabus Iabesenorum non videbatur contra iuramentum, quia Iabefeni nihil iurauerant, ideo dederunt illas: in hoc tamen fallebantur Israelitæ, quia si iuramentum tenuisset ita vt obseruandum esset secundum vires suas, non potuissent dare Israelitæ filias Iabesenorum, vt probatum est supra in quadam quæstione. Contra legem tamen manifestum est, quòd erat ista cōiugatio, quia Deus iusserat, quòd viri acciperent vxores de tribubus suis, & mulieres viros de tribubus suis, Num. 36. hic tamen erant viri de alijs tribubus, quàm mulieres, cum Iabefenæ essent de tribu Ruben, vel Gad, vel Manasse, quia Iabes Galaad erat in terra duarum tribuum, & dimidie, quia erat in terra Galaad, Num. 32. Aliquis fortè diceret, quòd illa lex solū intelligatur de mulieribus, quæ succedebant patribus suis, & non de omnibus, nè sequeretur confusio sortium. Sed etiam hoc dato est inconueniens, quia istæ virgines succedebant patribus suis, vt declaratum est præcedenti quæstione. Dicendum est, quòd verum est, quòd illa lex erat generalis, & non ad foeminas, quæ succedebant patribus suis, sed etiam ad non succedentes, vt declaratum est Num. 36. & tamen recipiebat illa lex sæpe dispensationem: sic fuit de Dauid, quia cœpit in vxorem Michol filiam Saulis, & erat ipse de tribu Iuda, Matth. 1. & illa de tribu Benjamin, de qua erat Saul pater suus 1. Re. 9. potissimè, quia hic erat casus in quo maximè erat dispensandum, scilicet, propter necessitatem nimiam, quia aliàs periret Beniamitarum populus, cum nō haberent vxores, & sic propter obseruationem legis periret populus, cui data esset. Quod fieri non debet, quia politia non est propter legem, sed lex propter politiam: & ideo in casu in quo lex incipit perniciosa esse politiæ abroganda est, vel saltem dispensandum in ea: non ergo fuit contra legem hoc fieri, sed cessante simili necessitate non fiebat matrimoniū in diuersis tribubus.

*Quomodo observatum est, quod dicitur; Num. 36. ne confunderetur sortium distributio: in coniugio vir-  
ginum Iabesenarum in Beniamitis.*

Questio XXX.

**Q**VAERETVR vltcrius, quomodo obseruati  
est, quod dicitur Nu. 36. i. nē confunderetur for-  
tium distributio, & vt non transiret hæreditas de tribu  
in tribum, quia hic videtur necessaria ista confusio, cu  
mulieres labefene acciperentur in vxores à filijs Be-  
niamin, & ipsę successerant in hæreditate patrum suo-  
rum, vt declaratum fuit supra in quadam quæstione.  
Respondendum, quòd ad euidentiam huius confide-  
randum est, quòd virginum labefenarum quædã erāt  
adultæ quando occisi sunt patres earum, & aliæ erant  
paruulæ nondum nobiles, nec proximæ pubertati.  
Primæ datæ fuerunt in vxores filijs Beniamin, & istæ  
erant quadringentæ, & de istis videtur, quòd facta fue-  
rit confusio sortium, quia cum eis transiuit possessio  
tribus suæ ad Beniamitas. Virgines autem paruulæ  
reseruatae

Cum lex  
incipit esse  
perniciosa  
police ab  
roganda est



reſeruatz fuerunt, & datæ in vxores viris de tribu eadem, & quantum ad iſtas non erat tranſitus poſſeſſionis de tribu in tribum: poterat tamen eſſe de familia in familiam, quia fortè de familia Iabesenorum nulli manebant in toto Iſrael, & vtrumque erat prohibitum. Nam non debebat tranſire poſſeſſio de tribu in tribum, nec de familia in familiam: Num. 36. Dicendum tamen, quòd ſi fortè non potuiſſet prouideri Beniamitis de vxoribus, niſi confundendo diſtributionem ſortium, non obſtante illa confuſione prouideretur eis, quia potius permittenda erat cõfuſio ſortium, q̃ quòd periret vna tribus de Iſrael: eo quòd tribus confundi, vel non confundi erat propter quoddam bene eſſe ipſarum tribuum, ideo non erat deſtruendum eſſe populi propter bene eſſe eius, quia bene eſſe non conſeruabatur, niſi in eſſe: & tamen dicendum, quòd nō fuit hic facta aliqua confuſio ſortium hoc modo: nam virgines, quæ acceptæ ſunt à Beniamitis in vxores parent aliquos filios, qui pertinerent ad tribum ipſarum: & ſuccederent in hæreditate materna: & ſic ciuitas Iabes, & omnes poſſeſſiones eius non tranſirent ad Beniamitas, ſed ad filios eorum, qui non computarentur de tribu Benjamin, ſed de tribu, de qua erant matres: & hoc mō maneret poſſeſſio ſemp in tribu, i qua erat. Sic etiam dicendum eſt de filiis illarum virginum Iabesenarum, quæ nō traditæ ſunt Beniamitis, quia licet illæ traderentur in vxores viris de tribu ſua, poterāt illi eſſe de alia familia, & tamen aliqui filii earum nominarentur de nomine auorum maternorum, & ſuccederent in poſſeſſione, & illi eſſent de familia particulari illorum virorum, qui occiſi fuerāt: & ſic poſſeſſio Iabesenorum non tranſiret de tribu in tribum, nec de familia in familiam, licet vxores iſtorum Beniamitarum tranſirent de tribu in tribum.

*Quomodo poterat nomen virorum occiſorum in Iabes conſeruari in familijs ſuis. Quæſt. XXXI.*

**Q**VAERETVR vltorius, cū inter Iſraelitas ſemper eſſet conatus ad hoc, nè nomen alicuius deſiceret in familia ſua: quomodo poterat cõſeruari nomen virorum occiſorum in Iabes. Patet præſuppoſitum: nam filia Salphaad petiuerunt à Moyſe hæreditatem, vt non deleteretur nomen eius in familia ſua, Numeri 27. cap. & Deus reſpondit iuſtum eſſe, nè periret nomen illius. Quòd autem periret nomen iſtorum patet, quia nomen alicuius ſeruatur in poſteritate ſua, & deſerta poſteritate tollitur nomen. Sic patet 1. Reg. 24. cū rogauit Saul ipſum Dauid, nè deleteret nomē ſuum de domo patris ſui, ſcilicet, nè occideret omnes poſteros ſuos, & per hoc deletum eſſet nomen ſuum: & tamen Iabeſeni non habebant poſteritatem aliquā, niſi filiarum, & filie non poſſunt denominare familiā, eo quòd fœmina tranſit in familiā viri ſui, & non manet in familia patris ſui. Et ſic cū iſtę darentur in vxores Beniamitis, tranſibāt in tribum Benjamin, ideo non eſſent aliqui, per quos denominaretur familia Iabesenorum, & progenies particulares quorumlibet eorum: potiſſimè, quia Iabeſeni erant, quorum nonnullæ filia virgines nunc repertæ ſunt, & illi nullos poſteros relinquebant maſculos, vel fœminas, per quos continuaretur progenies eorum. Reſpondendum, q̃ nomen cuiuſlibet Iabeſeni fuit nunc ſeruatum in poſteritate ſua, nec ceſſauit familia ſua per mortē eorū. Pro quo ſciendū, q̃ continuabatur progenies alicuius non per poſteritatem, ſed per poſſeſſionem: ſi enim aliquis haberet poſteritatem, & non haberet poſſeſſionem, auferebatur nomen eius de familia ſua, & ſi quis haberet poſſeſſionem, & nō haberet poſteritatē, manebat nomen ſuum in familia ſua. Primum patet,

**A** quia mortuo Salphaad manebant filia eius, & illæ poterant gignere filios, in quibus maneret nomen Salphaad, & tamen adhuc putabant ablatum eſſe nomen patris ſui de familia ſua, ſi non daretur eis poſſeſſio: & data illa putabant, quòd in eis etiam ſi eſſent fœminæ reſeruaretur nomen patris ſui in familia, cū dixerūt Num. 36. Pater noſter mortuus eſt, & nō habuit filios maſculos, cur tollitur nomen illius de familia ſua, q̃a non habuit filium, detur nobis hæreditas inter cognatos patris noſtri in familia ſua. Aliquis fortè dicet, q̃ non tollebatur nomen Salphaad de familia ſua, quia filia ſua non habebant hæreditatem, ſed quia non habebat filiū, ſic enim ipſę dixerunt: cur tollitur nomen illius de familia ſua, quia non habuit filium? Dicendum, quòd non tollebatur nomen eius de familia, quia non habebat filium, ſed quia filia eius non habebat hæreditatem: quod patet, quia ſi hæreditas non faceret manere nomen in familia, non petiuiſſent ipſę hæreditatem, vt non tolleretur nomē patris ſui de familia ſua. Item, quia ob hoc Deus prouidit in iſto dans immediatè ibidem regulam de ſuccedendi modo, ſcilicet, quòd non ſtantibus filiis ſuccederent filia, & cū dixerunt, cur tollitur nomen eius de familia ſua, quia non habuit filium? non nominauerūt filium propter ſe, ſed propter hæreditatem, quaſi dicat, ſi Salphaad habuiſſet filios maſculos, manifeſtum eſt, quòd illi habuiſſent ius ſortis in terra Cdanaan, quod habebat pater ſuus, & per illam hæreditatem conſeruaretur nomen patris, quia cū manebant ſolæ filie, & ante hoc non erat regula, quòd filia ſuccederent, ſed ſoli filij, ideo cū nullus eſſet, qui poſſet accipere aliquam hæreditatem loco Salphaad, neceſſe erat, quòd periret nomen illius de familia ſua: ſi autem filij ſecundum ſe deberent conſeruare nomen patris, & non ratione hæreditatis, in qua ſuccederent non poſſet reparari, q̃ maneret nomen Salphaad in familia ſua, etiam ſi daretur eis hæreditas, & tamen data eis hæreditate loco patris putauerant, quòd non peribat nomē patris ſui. Etiam patet motiuum earum, ſcilicet, quòd non habebant ipſæ ius ſuccedendi ante hoc, & propter hoc neceſſe erat perire nomen patris, quia Deus dedit tunc legem, quòd filia ſuccederent non ſtantibus filiis. Si tamen ante hoc filia habuiſſent ius ſuccedendi, non fuiſſet tunc data iſta lex propter filias Salphaad, & ſic non conſeruatur nomen in familia propter poſteritatem, quamquam ſubiſtat, ſi non habebat hæreditatē. Secundum erat, quòd dato, quòd quis non haberet poſteritatem, ſi habebat hæreditatem non peribat nomen ſuum. Patet hoc, quia Deuter. 25. dicitur, quòd ſiquis haberet vxorem, & moreretur abſque liberis, frater eius minor cogebatur ſuſcipere vxorem defuncti ad ſuſcitandum nomen illius, & tunc poſſeſſio defuncti dabatur illi, qui ſuſcitabat eius ſemen, vt proueniret illi, qui naſceretur ex tali matrimonio, vt patet Ruth 4. Item patet hoc magis, quia Maalon filius Elimelech, & Noemi non habebat fratrem, & manſit vxor eius Ruth, & cognatus eius Booz accepit poſſeſſionē illius, quia accepit Ruth vxorem eius ad ſuſcitandum nomen illius, eodem capitulo: & ſic iſti verè non habebant aliquam poſteritatem, tamen manerunt nomina eorum in familijs ſuis propter hæreditates, quas habebant. Eſt enim regula in ſucceſſionibus in veteri teſtamento, quòd cū quis haberet aliquam hæreditatem, quicumque ſuccederet in illa, ſiue eſſet de familia illius, ſiue non, debebat nominari de familia illius, cuius hæreditatem ſuſceperat, vt colligitur ex locis dictis. Ex hoc poteſt apparere modus, quo nomina virorum Iabesenorum manerent in familijs ſuis. Pro quo ſciendum, quòd illorum quidam reliquerunt filias virgines quādo occiſi ſunt, alij nec filios, nec filias.

Et

Regula in ſucceſſione hæreditarū in veteri teſtamento.



Et qui reliquerunt filias, se habebant dupliciter, quia quidam reliquerunt filias adultas, scilicet patres quadringentarum virginum, quæ datæ fuerunt filiis Benjamin, alij reliquerunt filias paruulas, quæ datæ fuerunt in uxores alijs viris de tribu sua. Loquendo de virginibus, quæ datæ sunt Beniamitis in uxores, dicendū, quod illæ transferunt in familias virorum: & sic fuerunt iam de tribu Benjamin: & tamen illæ pepererunt filios, & saltē vnus de filiis succedebat in hæreditate aui materni, & ille non nominabatur de tribu Benjamin, de qua erat pater suus, nec de familia eius, sed de tribu matris suæ: & de familia aui sui materni, & sic erat de qualibet virgine istarum: & ideo omnes patres istarū quadringentarum virginum labesenarum habuerunt nepotes, in quibus manserunt nomina, & familiæ, & hereditates eorum. Et si vna istarum haberet tres, vel quatuor filios, vnus eorum succedebat in hæreditate aui materni, & nominabatur de familia illius: ceteri autem nominabatur de tribu Benjamin, & de familia patris sui, & isti non succedebant quantum ad aliquid in hæreditate matris: istud tamē non poterat fieri, nisi quælibet istarum virginum saltē haberet duos filios. Sed quid si aliquæ istarum nullos haberent filios, nec filias? Et si haberent aliquos, quid si non essent, nisi filia? Et si haberent filios, quid si esset vnicus? quomodo ille posset nominare duas familias? quia erat impossibile, cum duæ familiæ distinctæ non possint deriuari, nisi per duas personas distinctas, & multa similia difficilia circa istas successiones accidere poterant, de quibus omnibus latissimè declaratum est Num. 27. in multis quæstionibus. Si autem erant virgines paruulæ filia labesenorum, quæ traditæ sunt in uxores viris de stirpe sua: etiam illæ haberent plures filios, & vnus illorum succederet in bonis maternis, & non nominaretur de familia patris, sed aui materni, & reliqui filij nominarentur de stirpe patris eorum, & non succederunt aliquāter in bonis aui materni, quia non dicebantur pertinere ad familiam eius. Omnia dubia, quæ dicebamus supra accidere posse in alijs virginibus poterant etiam accidere in istis. Sed respondendum est, sicut ibi. Si autem aliqui viri labeseni morentur nō relinquentes filias, nec filios: dicendum, quod hæreditas istorum transiret ad propinquiores, sicut dicitur Num. 27. & qui susciperet possessionem nominaret necessariò familiam defuncti, & per eum computaretur linea progeniei eius, sicut pater de Booz accipiente hereditatem Maalon, Ruth 4. & de fratre accipiente hereditatem, & uxorem fratris ad suscitandum nomen eius, & semen, Deut. 25. & Matth. 22. & sic non poterat mori aliquis vir de labes cuius nomen periret in familia sua, cum omnes haberent possessiones. De ista materia successionum declaratum est Num. 27.

Solutio-  
nes istarū  
dubitatio-  
num vide  
Numeri  
27. cap.

*An peccassent Israelitæ, si occidissent nunc istos sexcentos viros, qui residui erant de tribu Benjamin.*

*Quæstio XXXII.*

**Q**VAERETVR. vltius, an peccauissent Israelitæ, si occidissent nunc istos viros sexcentos, qui residui erant de tribu Benjamin. Respondendum, quod aut occiderent eos in bello, quo simul pugnabant Israelitæ & Beniamitæ die, quo fugati, & percussi sunt Beniamitæ, aut postea, quando vastabant vrbes, aut postea, quando erant in petra Remmon. Si accipiatur primo modo, dicendum, quod sicut Israelitæ occiderunt omnes viros Benjamin præter istos sexcentos: ita istos occidendo non peccauissent. Quod patet primò, quia illi Beniamitæ, qui occisi fuerunt in bello, occisi fuerunt fouendo iniquum bellum, scilicet, quia volebant defendere viros Gabaa, & quoscunque tales iu-

**F**lum erat occidi. Secundo patet, quia Israelitæ fecerunt istud bellum Deo mandante: nam consuluerunt eum in Silo antequam pugnarent, & ipse dedit eis formam, qualiter agere deberent præcedenti capitulo, & per modum illum occiderunt omnes de tribu Benjamin præter istos sexcentos, quos consequi non potuerunt fugientes, ideo si tunc illos consecuti fuissent, & occidissent, non peccassent. Secundo modo accipiēdo dicendum, quod Israelitæ non putarent se peccare. Nam in omnibus vrbibus Beniamitarum nullos reliquerunt viuentes, sed occiderunt vsque ad pecora, & credebant se bene agere: & ita occidissent istos sexcentos, si ibi inuenissent eos, & tamen an peccauissent in hoc non apparet: tamen videtur, quod non peccarent, quia isti erant viri bellatores, & peccauerāt cum ceteris Beniamitis nolendo tradere peccatores Gabaa, vt fieret iustitiæ executio super illos, & insuper pugnando contra Israelitas defendendo eos: iuste ergo poterant occidi, & sicut non esset aliquod peccatum in occidendo foeminas, & paruulos in omnibus vrbibus Beniamitarum, sicut fecerunt præcedenti cap. ita peccatum non esset eos occidendo. Si autem tertio modo occiderent eos, scilicet, quando erant in petra Remmon, aut occiderent eos antequam discurrerent vrbes Beniamitarum, & occiderent omnes habitatores, aut postea. Si prius videtur, quod non peccabant, quia habebant iustam causam occidendi eos, quia erant viri bellatores: potissimè, quia tunc nesciebant an omnes de tribu Benjamin iam periissent. Si autem post deletas vrbes Benjamin occiderent eos, aut occiderēt præstita securitate, quam nunc præstiterunt, aut prius. Si præstita securitate manifestum est, quod peccarent, quia violarent fidem datam. Si autem ante datam securitatem, aut scirent totam tribum Benjamin esse deletam præter istos, aut non. Si nescirent non peccabant, quia isti merebantur mortem, cum pugnassent contra Israel. Si autem scirēt totam tribum esse iam deletam, est dubium an peccarent: & videtur dicendum, quod peccarent, quia occidendo istos non solū occidebant sexcentos viros, sed totam tribum Benjamin: hoc autem impietas erat, quod pro vno crimine deleteretur vna tribus: potissimè cum satis iam vindictum esset: & sic putauerunt Israelitæ, ideo quamquā potuissent istos sexcentos viros occidere: saltē tamen conficiendo non permittendo eos egredi de deserto, tamen noluerunt, sed potius procurauerunt, vt haberent uxores, nē periret tribus Benjamin. *Vniuersusq; Israel.* Hic ponitur secundus modus promissionis, scilicet, per quandam fraudem, aut cautelam factam. Et diuiditur in duo, quia primò prædicta cautela ponitur. Secundo executio traditur ibi. *Feceruntq; filij Benjamin.* Circa primum dicitur. *Vniuersusq; Israel valde doluit, & egit penitudinem super interfecctionem vnius tribus ex Israel.* Iste dolor, & penitudo fuit in Silo quando steterunt Israelitæ coram domino, & planxerunt dicentes, ablata est vna tribus ex Israel, vt patet supra in litera, & iterum doluerunt postquam datæ sunt quadringentæ virgines Beniamitis de labesenis: nam putauerunt Israelitæ, quod in labes inuenirentur mulieres, de quibus posset prouideri viris de Benjamin, & quia solum inueniunt quadringentæ, & deficiebant adhuc ducentæ, quas vnde habere possent nesciebant, doluerunt nimis putantes, quod perirent illi duceti viri, sine prole. Et non est intelligendum, quod doluerunt super interfecctione, quasi accusarent se, quod malè fecissent, quia benè fecerant pugnando contra Beniamitas, & occidendo illos, quia Dei consilio egerant: sed dolebant de damno, quod securum fuerat. scilicet, quia perierat ferè vna tribus, licet iuste perisset. *Dixeruntq; maiores natu.* Id est seniores, & prudentiores, qui maioris auctoritatis habebantur



in populo, & ad quos pertinebat de factis totius multitudinis curam gerere. *Quid faciemus reliquis, qui non acceperunt uxores?* Scilicet, unde dabimus eis uxores? vel quomodo faciemus, quod illi non moriantur sine prole? quia per hoc magnum detrimentum patietur tribus Benjamin. Isti erant ducenti viri, pro quibus non fuerunt virgines Iabesenæ. Omnes in Benjamin feminae coniderunt. Scilicet, omnes mortuæ sunt gladio. Nam tam fœminæ, quam paruuli, & senes gladio corruerunt in vniuersis vrbibus Benjamin. præcedenti c. Et dicitur de fœminis Benjamin, quia si de illa tribu superessent, non oportuisset quærere alia extraordinaria remedia. *Et magna nobis cura: ingentique studio prouidendum est.* Id est toto ingenio, & solitudine conandum est ad inueniendum aliquem modum honestum, per quem prouideatur, ut non pereant isti viri, sed dentur eis uxores. Videbant isti seniores, quod si propter defectum vxorum periret tribus Benjamin, esset magnus defectus, & dānum reipublicæ Hebræorum. Nam duodecima pars eius tollebatur auferendo illam tribum. *Ne vna tribus deleatur ex Israel.* Id est, ut non patiatur magnam diminutionem. Nam iam non periret vna tribus, quamquā non darentur uxores ducentis viris, qui supererāt, quia quadringenti alij acceperant uxores, per quos continuaretur successio tribus Benjamin, & tamen si darentur istis ducentis copia vxorum, augeretur magis, & breuius tribus Beniamitarum: quæ utilitas, & multiplicatio tolleretur, si nō darentur uxores istis ducentis, ideo magno studio prouidendum erat, ut darentur eis coniuges. *Filias nostras eis dare non possumus.* Loquebantur isti seniores nomine totius multitudinis Israelitarum, quia omnes videbantur obligati iuramento eodem. *Constricti iuramento, & maledictione, qua diximus.* Putabant Israelitæ se obligatos esse isto iuramento, quod fecerant in Maspha ad non dandas filias suas Beniamitis. Sed falsum est, ut declaratum fuit supra in quadam quæstione. & dicitur iuramento, & maledictione, quia hicerant duo. Nam iurauerant Israelitæ se non daturus de filiabus suis uxores Benjamin: & quantum ad hoc erat iuramentum. Etiam imprecati fuerant super se aliquod malum, si darent eas, scilicet, quod tale, vel tale malum veniret super eos, & quantum ad hoc erat maledictio. *Quia diximus: maledictus, qui dederit de filiabus suis uxorem Benjamin.* Maledictio significat diminutionem in bonis omnibus, sicut benedictio significat multiplicationem, ut patet 2. ad Corin. 9. c. Qui parçè seminat, parçè metet: qui de benedictionibus seminat, de benedictionibus metet. Et sic opponitur ibi benedictio parçitati, ideo significat largitatem, vel multiplicationem, & consequenter maledictio significat diminutionem, vel minorationem in omnibus rebus: & sic imprecati sunt, quod Deus minueret illum in omnibus bonis, qui daret de filiabus suis uxorem Benjamin. *Ceperuntque consilium, atque dixerunt.* Scilicet, inceperunt consiliari dantes diuersos modos, ut inueniretur vnus conueniens, & honestus ad prouidendum ducentis viris Benjamin. *Ecce solennitas domini est in Silo.* Id est, in breui venit celebranda vna solennitas in Silo, in qua poterat fieri, quod nunc dicitur. *Anniversaria.* Vocatur solennitas anniversaria, quia vertente anno fit, scilicet quolibet anno, redeunte anno de puncto ad punctum fit illa solennitas, & sic omnes solennitates sanctorum in Ecclesia sunt anniversariæ: quia quolibet anno fiunt: & redeunte anno iterum eodem die, que prius fiunt. *Quæ sita est ad septemtrionalem vrbis Bethel.* Hic ponitur situs vrbis Silo: erat enim ciuitas Silo, in qua erat tabernaculum domini illo tempore, & fuit ex tempore Iosue, quo primò cepit esse stabile, Iosue 18. vsque ad tempus Heli summi sacerdotis, primo Reg. 1. & 2. & 3. Nam tempore eius capta est arca per Phil. Tost. super lib. Iudicum

A Isthinos in bello primo Regum quarto, & post hoc non legitur sanctuarium fuisse in Silo, sed in Nobe 1. Regum 21. & est vsque ad Septemtrionem vrbis Bethel. Est enim Bethel ciuitas in sorte Benjamin, Iosue 18. & est in confinio Benjamin, & Ephraim, & vocatur locus iste Luza. Aliqui putant eum esse Ierusalem, sed errant, ut declaratum est Gen. 12. & 28. capit. apud istam ciuitatem Abraham posuit altare quando primum venit in terram Chanaan Gen. 12. *Et ad orientalem plagam viæ, quæ de Bethel tendit ad Sichimam.* Est Sichima ciuitas Sichem, quæ propriè vocatur Sichem, & tamen aliquando conuertitur in formam Latinam, & vocatur Sichima: sic patet Psal. 59. Partibor Sichimam, & conuallem tabernaculorum dimetiar. Et considerandum, quod Silo est magis orientalis, quàm Sichem, & tamen Sichem est magis aquilonaris, quàm Silo, & Bethel est minus Septemtrionalis, quàm Silo, ideo iter quod venit de Bethel in Sichem necessariò est ad occidentalem partem Silo, quia veniendo de Bethel in Sichem, venitura Meridie in Septemtrionem: & media istarum duarum vrbium est Silo magis orientalis aliquantulum quàm ille: & sic est orientalis ad viam, quæ ducit de vna in aliam. *Et ad Meridiem oppidi Lebona.* Ciuitas Lebona videtur esse in sorte Ephraim, sicut infra declarabitur in quadam quæstione. non est tamen ciuitas multum nominata in sacra scriptura, sicut Sichem, & Bethel. *Preceperuntque filijs Benjamin, atque dixerunt.* Scilicet, postquam seniores diffinierunt inter se quis modus tenendus esset, denunciauerunt illum filijs Benjamin, ut illi essent parati adueniente tempore ad exequendum hoc. *Ite & latitate in vineis.* Scilicet in vineis vrbis Silo. Istud dicebant seniores Beniamitis, quod facerent: non tunc, sed quando veniret solennitas dicta, in qua virgines conuenturæ erant in Silo. Et dicitur latitate in vineis, quia vineæ habebant palmites magnos, & folia, & erant excelsa, vel habebant arbores multas, ita ut ibi latere possent multi viri. *Cumque videritis filias Silo ad ducendos choros ex more procedere.* Vocabantur filiæ Silo virgines de vrbe Silo, non quidem quod omnes essent de vrbe Silo, sed quia conueniebant de omnibus partibus terræ Israel in Silo, quia erat ibi tabernaculum domini, & in quibusdam solennitatibus virgines propter gaudium exhibant de vrbe ad vineas, & agros ducendo choros, & dicitur ex more: scilicet, quod quolibet anno consuetum erat eis choros ducere illa die. *Exite repente de vineis.* Scilicet, quando ipse accesserint ad vineas. Et dicitur repente, quia subito debebant consequi eas, ne puellæ timentes viros latentes in vineis refugerent in urbem priusquam caperentur, nam tunc non possent accipere eas, nec postea esset similis opportunitas ad hoc. *Et rapite eas singuli uxores singulas.* Scilicet, quamquam plures sint virgines quàm vos: non rapiatis omnes, sed solum quilibet vnicam in uxorem: nec alijs noceatis, aut vim aliquam interatis. *Et pergite in terram Benjamin.* Scilicet, antequam patres earum persequantur vos, & capiant illas, sitque bellum inter vos, & illos pro filiabus. *Cumque venerint patres earum ac fratres.* Scilicet cognito, quod raptæ fuerint istæ virgines à vobis. *Et aduersum vos queri ceperint atque iurgari.* Hoc dicebant seniores: quia ipsi erant maioris auctoritatis in populo, & quasi iudices, & conquererentur de hoc malo eis inflicto per Beniamitas, scilicet, ut prouideatur eis faciendo bellum contra illos, cum essent raptores virginum, quod magnum crimen est. Etiam conquererentur dicentes, quod Beniamitæ retribuebant hoc malum pro bono, quod impenderant eis Israelitæ nolendo occidere eos, sed potius dando uxores quibusdam eorum, quibus potuerant. Et quia seniores fuerant causa, ut non occiderentur retorque-

Sichima, & Sichem sunt eiusdem ciuitatis noia.

De situ vrbis Lebonæ.

Rapere & virgines & magnum crimen.



queretur nunc totum malum hoc contra eos. Etiam, quia cum Beniamitæ fecissent hoc, putarent patres virginum, quod ipsi non auderent talia aggredi, nisi aliquem fauorem sensissent in Israelitis, & sic crederent, quod de consilio seniorum hoc factum fuerat, & conquererentur de eis. *Dicemus eis: misere mini eorum*. Scilicet, Beniamitæ sunt in angustia, quia ex nullo loco vxores habere possunt: ideo miserendum est eis, dato quod acceperint sic, violenter quasi. *Non enim rapuerunt eas iure bellantium, atque victorum*. Quasi dicat, licet rapuerint illas, non fuit verè violentia ista, quia non fecerunt, sicut bellatores victores, quia iure suo illi accipiunt quidquid inueniunt à nullo petendo, sed quasi suum accipiendo. Et contra tales pugnandum est ad repetitionem rerum ablatarum: tamen non factum fuit de Beniamitis sic, quia non acceperunt virgines quasi victores, sed cum magna necessitate acceperunt eas quasi petentes. *Sed petentibus, ut acciperent non dedistis*. Id est, ipsi prius petuerunt à vobis illas, ut daretis eas sibi in vxores significando necessitatem suam, & nolulistis eis dare, ideo non videntur fecisse iniustum, si istas virgines quasi in necessitate positi accepissent, ideo non est pugnandum contra eos ad redditionem illarum. Pro quo sciendum, quod aliquanto tempore ante hoc Beniamitæ petuerunt vxores à viris Silo, & illi noluerant dare, & hoc fecerunt, ut haberent colorem ad rapiendum eas, ut declarabitur in quadam quæstione. *Et à vestra parte peccatum est*. Id est, vos peccastis, non dando illis filias vestras, & illi non peccauerunt, accipiendo eas, cum iam vos nolletis dare. Si autem rapuissent, antequam peterent, illi peccauissent, & non vos.

*An seniores Israel tenebantur facere, quod non periret tribus Benjamin prouidendo de vxoribus.*

*Quæst. XXXIII.*

**Q**VAERETVR, an seniores Israel tenebantur facere, quod non periret tribus Benjamin prouidendo eis de vxoribus. Respondendum est, quod tenebantur quantum poterant hoc procurare, sicut dixerunt: magna cura ingentique studio prouidendum est, nè vna tribus deleatur ex Israel: & ista obligatio erat tripliciter. Primò tenebantur eis tanquam proximis: quilibet enim tenetur proximo existenti in quacunque necessitate succurrere, quantum honestè, & commodè facere potest: & tamen erant isti Beniamitæ in magna necessitate, scilicet, quia si nõ datæ fuissent vxores aliquæ istis sexcentis viris, periret tota tribus Benjamin non existentibus iam aliquibus, per quos successio Beniamitarum continuaretur: ideo quantum honestè poterant Israelitæ tenebantur prouidere eis: & quia dispositio populi tota pendebat ex senioribus, qui iudicabant, & disponebant de negocijs magnis populi, ad eos magis pertinebat prouidere in hoc, quam ad quoslibet de Israelitis. Secundò tenebantur ex parte Dei: nam Deus volebat, quod manerent omnes tribus, & familiæ distinctæ, sicut ipse distinxerat: Num. 36. Et non poterat manere distinctio, nisi manerent ipse tribus, cum ergo obligarentur Israelitæ procurare, nè confunderetur distinctio fortium, & tribuum, à fortiori obligarentur procurare, nè periret aliqua de tribubus, inter quas erat ista distinctio: & tamen nunc periret tribus Benjamin si non darentur vxores istis sexcentis viris: ergo obligabantur seniores hoc procurare. Tertiò erat ista obligatio ex parte politiae, quia isti seniores erant principes politiae, & tenebantur curam agere, nè minueretur: si tamen periret tribus Benjamin, periret duodecima

pars politiae: & hoc fieret, si non haberent vxores isti Beniamitæ sexcenti, ideo procurandum erat per seniores, quod illas haberent.

*An propter hos ducentos residuos, quibus non datæ fuerant vxores iuramentum Hebræorum dispensari potuisset.*

*Quæstio XXXIII.*

**Q**VAERETVR, vltèrius, si iuramentum, quod fecerunt, Israelitæ de non dando filias suas filijs Benjamin tenuisset, an propter istos ducentos viros, qui residui erant, quibus non datæ fuerant vxores, posset dispensari in eo, & in lege, ut possent accipere vxores de filiabus Israel. Respondendum est, quod hic erat duplex motiuum ad dandum vxores istis viris: vnum erat ne periret tribus Benjamin, quod necessariò fieret, si isti non gignerent prolem, per quam continuaretur successio tribus: aliud erat ad prouidendum istis viris, qui non poterant benè viuere sine vxoribus, & tamen non poterant eas habere, nisi Israelitæ darent sibi. Dicendum tamen, quod ista duo motiua non erant in vtrisque. Nam à principio antequam darentur vxores aliquæ sexcentis viris, qui manserant de tribu Benjamin, erant ista duo motiua: & tunc dicendum, quod, non obstante lege, poterant eis dari vxores de alijs tribubus, eo quod leges non obligant contra statum politiae, ut declaratum fuit supra in quadam quæstione. Etiam iuramentum non tenuit, & dato quod tenuisset, quia iam incipiebat vergere in deteriore exitum, scilicet, in destructionem vnius tribus de Israel, non erat seruandum, ut declaratum est supra in quadam quæstione: sed istud ablatum est, quando datæ sunt vxores quadringentis Beniamitis de virginibus Iabes. Nam per istos poterat propagari successio tribus Benjamin, dato quod non darentur vxores alijs ducentis viris: & sic dicendum, quod non erant Israelitæ tantum obligati ad dandum vxores istis ducentis, sicut à principio antequam darent virgines Iabes. Dicendum tamen videtur, quod etiam si istis non suscipientibus vxores conseruaretur tribus Benjamin in alijs, quod non obstante lege, poterant suscipere vxores de alijs tribubus. Nam pro alijs casibus minoris necessitatis licuit accipi vxores de alijs tribubus, sicut Dauid accepit Michol in vxorem, quæ erat de tribu Benjamin, cum esset filia Saulis, & ipse Dauid erat de tribu Iuda: magis ergo liceret in isto casu, cum non posset esse maior necessitas, quam quod nullo modo inuenire possent isti vxores. Item patet, quia licebat istis accipere vxores de Gentilibus, etiam non conuersis ad Iudaismum non inueniendo alias vxores, ut declaratum est supra in quadam quæstione: ergo à fortiori de Israelitis de alijs tribubus: nam maior similitudo erat inter Iudæos & Gentiles, quam inter Iudæos vnius tribus, & alterius. De iuramento dicendum videtur, quod licet maiorem causam haberent Israelitæ faciendi contra iuramentum in primis Beniamitis, ut non periret tribus Benjamin dando illis vxores, quam in istis secundis: tamen causa sufficiens erat non tenendi iuramentum, ut darentur istis vxores. Nam si non darent eis Israelitæ, oportet eos querere vxores de Gentilibus, quod erat magis contra legem: quidquid tamen esset, Israelitæ non putabant se posse agere contra iuramentum, ut prouiderent istis de vxoribus. Nam etiam in primis noluerunt agere contra iuramentum, in quibus erat maior necessitas: istud tamen procedebat ex errore suo circa obligationem iuramenti, ut declaratum fuit supra in quadam quæstione.

*Quomodo*



*Quomodo Israelitæ in hoc consilium inciderunt de dando virgines, quæ ducerent choros in Silo.*

*Questio XXXV.*

**Q**VAERETVR ulterius, quomodo Israelitæ inciderunt in istud consilium, scilicet de dando virgines, quæ ducerent choros in Silo. Respondendum, quod datis vxoribus quadringentis viris manebant ducenti, quibus non datæ erant, & non videbant Israelitæ modum ad prouidendum eis, quia non habebant alias virgines, quas simili modo possent eis dare, vt patet supra in litera: ideo magna sollicitudine circa hoc tenebantur omnes, vt inuenirent modum quo prouideretur: & senes, qui præcipuam populi curam gerebant, circa hoc consiliabantur: vnde dixerunt, Magna nobis cura ingentiq; studio prouidendum est, nè vna tribus deleatur ex Israel, vt patet supra in litera. Fuerunt aliqui inter seniores, qui dicebant non esse seruandum istud iuramentum, quia factum fuerat cū ira, & indeliberatè. Etiam, quia periurium non semper Deo displicet, sed solum quando ex malignitate, & sine causa quis vult non seruare iuramentum: quando tamen ex necessitate, vel propter piam causam, nõ tenetur iuramentum, non est periurium, sed acceptum Deo, quod non teneatur iuramentum. Nomen tamen periurij erat valde horribile inter Israelitas, quomodocunque esset: ideo plurimi seniorum dixerunt semper seruandum esse iuramentum, & tunc quidam incidit in istud consilium de rapiendo virgines ducentes choros, sicut refert Iosephus. Antiquitatum: Et alij quidem suadebant illud iusiurandum non debere seruari, quia per iram non voluntate, nec iudicio prouenisset, nihilq; fore Deo molestum si tribum perituram seruare possent, adiicientes, periurium non quando necessitate fit esse pessimum, sed quando fuerit malignitate commissum: cumq; seniores periurij nomen valde metuerent, quidam ait: hoc consilio, & isti habebunt vxores, & religio iurisiurandi seruabitur: ter in anno, & cetera: & sic putauerunt omnes Israelitæ consilium esse cõueniens, quia per illud credebant se euadere periuriũ. Sed in hoc valde errabant, quia si iuramentum tenuisset, incidebant in periurium illi, qui hoc consilium dabant, & etiam illi, quorum raperentur filia, si permitterent eas Beniamitis, quando possent contraire, vt declaratum supra fuit in quadam quaestione circa hoc.

*Quæ solennitas erat ista, quæ fiebat in Silo, in qua puellæ erant rapiendæ.*

*Quest. XXXVI.*

**Q**VAERETVR ulterius, quæ solennitas erat ista, quæ fiebat in Silo, in qua puellæ rapiendæ erant. Aliqui dicunt, quod erat illa solennitas, quàm faciebant quolibet anno puellæ pro filia Iephte Galaaditis; & hoc, quia dicitur hic, quod erat solennitas anniuersaria, & tamen solennitas, quæ fiebat pro filia Iephte erat anniuersaria, vt patet supra vndecimo, scilicet, exinde mos creuit in Israel, & consuetudo seruata est, vt post anni circulum conueniant in vnum filia Israel, & plangent filiam Iephte diebus quatuor. Sed dicendum, quod hoc non stat. Primò quia ista erat solennitas, & tamen conuentus pro filia Iephte non erat solennitas, sed luctus. Secundò patet, quia hic dicitur, quod virgines Silo ducere debebant choros per agros, & vineas, & ista erat magna letitia, & tamen quando conueniebant pro filia Iephte

Alph. Tost. super lib. Iudicum

**A** plangebant quatuor diebus, supra vndecimo. Tertiò 3. Ratio. patet, & efficacius, quia quando istud factum est, nondum fuerat casus de filia Iephte, nec etiam fuit postea per ducentos annos: quod patet, quia iste casus de bello contra Gabaa, fuit quasi illico post mortem Iosue antequam essent iudices in Israel, vt declaratum fuit supra decimonono, & declarabitur infra in quadam quaestione: & tamen casus de filia Iephte fuit circa finem status iudicum, quia post ipsum pauco tempore durauerunt iudices. Et patet magis, quia ab introitu in terra Chanaan vsque ad mortem Iosue solum fuerunt anni vigintiseptem, vel quasi, vt ait Iosephus. Iosephus. Antiquitatum, & probatum est supra secundo capit. & iste casus de viris Gabaa fuit pauco tempore post mortem Iosue, & sic non essent trigintaquinque anni, vel quadraginta ad plus inter ingressum in terram Chanaan, & casum istum, & tamen inter ingressum in terram Chanaan, & casum de filia Iephte fuerunt plusquam trecenti anni. Nam Iephte dixit ad regem Ammonitarum repetentem terram, quam possidebant Israelitæ: quare tanto tempore per trecentos annos super hac repetitione nihil tentasti? & probat ibi, qd p trecentos annos non fuerit interrupta præscriptio, nec perturbata possessio Israelitarum in illis locis: & fuit possessio ista in anno, quo introierunt Israelitæ in terram Chanaan: ergo inter casum Beniamitarum, & filia Iephte Galaaditæ fuerunt ad minus plusquam ducenti & quinquaginta anni: & sic non potuit ista esse solennitas pro filia Iephte. Motiuum autem, quia dicitur, scilicet, solennitas anniuersaria, satis leue est. Nam multæ aliæ solennitates erant anniuersariæ tam de solennitatibus diuinis, quàm popularium. Alio modo potest dici, quod ista erat aliqua de festiuitatibus, quas Deus posuerat obseruandas. Nam Silo erat ciuitas, in qua erat nunc templum Domini, & conuenire debebant Israelitæ quolibet anno ad certas solennitates: Exodi vigesimotertio, & trigesimoquarto, & Deuteronomij decimosexto. Et quamquam ad illas soli masculi obligarentur venire, cum dicatur omne masculinum tuum apparebit coram me: ex deuotione tamen veniebant multæ fœminæ, sicut patet de Beata Virgine, quæ ascendebat ad templum Domini ad dies festos cum Ioseph viro suo, & cum Christo paruo, & patet de illa vice, qua eum in templo perdidit, Luca tertio, ita nunc ascenderent multæ fœminæ, potissimè illæ, quæ erant de locis propinquis, & illæ propter gaudium solennitatum ducerent choros. Alio modo potest dici, quod ista solennitas erat aliquod festum quod fiebat à popularibus in Silo ad solam iucunditatem suam, & fiebat quolibet anno, & illo die omnes puellæ de vrbe Silo ibant ad agros ducentes choros. Et hoc tenet Iosephus. Antiquitatum, dicens: Ter in anno ad mercimonium in Silo fit cõuentus, se quunturq; mulieres, & virgines chorum. Et etiam iste modus est conueniens, & magis videtur consonare literæ, quàm præcedens: nam si fuisset aliqua solennitas de illis, quas Deus posuerat, aliter signaretur. Nam diceretur, quod erat tale, vel tale festum: sed solum dicitur, quod erat solennitas in Silo: ideo videtur, qd erat aliqua festiuitas particularis illius loci. Hoc potissimè patet, quia dicitur solennitas anniuersaria: & fuit adiutum istud ad determinationem: si tamen intelligeretur de solennitatibus Domini, non diceretur solennitas anniuersaria, quia solennitates Dei anniuersariæ erant, eo quod quolibet anno celebrabantur: & tamen posita fuit ista limitatio ad aliquid significandum, ideo videtur, quod non erat de solennitatibus Domini, sed de alijs solennitatibus, quas faciebant populares, de quibus dubitari poterat an essent anniuersariæ.

Doct. 2.  
responsio  
ad 3. sum.



# Iudicum

# Cap. XXI.

*Quæ solennitas esset ista, si de solennitatibus Dei esset.*  
*Quæstio XXXVII.*

**Q**VAERETVR vltcrius, dato q̄ ista solennitas esset de solennitatibus Dei, quæ solennitas esset. Respondendum, quod inter solennitates Dei quædam celebrabantur pluries in anno, & aliæ semel tantum: omnes autem simul erant septem, scilicet, sabbatum, Kalendæ, Phasæ, Pentecostes, festum Clāgoris, festum Expiationis, & Tabernaculorū, vt patet Nu. 28. & 29. Sabbatum erat qualibet hebdomada. Kalendæ erant in principijs mensium, scilicet, prima dies cuiuslibet mēsis vocabatur Kalendarum Num. 28. & ista duo festi non erant anniuerfaria, q̄a fiebant pluries in anno: alia quinque erant anniuerfaria, quia semel quolibet anno fiebant redeunte die eodem, vel quasi. Festum Phasæ erat semper die quartadecima mensis primi, scilicet, Martij. Festum Pentecostes quinquaginta diebus post. Festum Clāgoris prima dies mensis septimi, scilicet, Septembris. Festum Propitiationis decima die eiusdem mensis. Festum Tabernaculorum die quintadecima eiusdem: Leni. 23. cap. Dicendum ramen, quod nō poterat esse ista festiuitas Phasæ, quia Beniamitæ latere debebant in vineis, vt patet in litera, ideo oportebat, quod vineæ tunc haberent frondes ad latēdum: poterat autem esse in qualibet aliarum quatuor festiuitatum, eo quod in omnibus illis essent frōdes in vineis in terra illa, & à fortiori in omnibus alijs festiuitatibus, quæ erant in Septembri.

Septem  
erant festa  
apud He-  
bræos.

*In qua tribu esset ciuitas Silo. Quæst. XXXVIII.*

**Q**VAERETVR vltcrius, in qua tribu erat ciuitas Silo. Respondendum, quod non apparet ex litera, nec etiam apparet ex descriptionibus sortium: Nam Ios. 15. vsque ad vigesimū, vbi nominantur vrbes, q̄ erant in singulis tribubus, non reperitur ciuitas Silo. Aliqui autem putant, quod sit in tribu Benjamin: vnde dicunt Hebræi, quod in tribus, vel quatuor locis legitur positum tabernaculum domini, & omnia erant in sorte Benjamin, scilicet, in Silo, Gabaon, Nobe, Hierusalem. De Silo patet Iosue 18. De Nobe 1. Reg. 21. De Gabaon 1. Paralip. 26. & 2. Paralip. 1. De Hierusalem 3. Reg. 8. & 2. Paralip. 6. Quod autem ista loca essent in tribu Benjamin patet de Gabaon, & Hierusalem Ios. 18. De Nobe in terra duarum tribuū, & dimidiæ: Nu. 32. & tamen terra illa solum pertinet ad Ruben, Gad, & dimidiam tribum Manasse: eod. cap. & Iosue 13. quod autem esset in dimidiæ tribus Manasse sorte patet, q̄a Nobe filius Manasse cepit Nobe, quæ vocabatur prius Anath, & vocauit eam Nobe: Num. 32. non ergo erat in sorte Benjamin. De Silo non apparet tam manifestè hic. Et tamen dicendum est, quod Silo erat in sorte Ephraim, quod patet considerando ordinem sortiuū terræ Israel. Nam fors Ephraim erat coniuncta lateri sortis Benjamin, scilicet ad partem Aquilonarem, vt probatum est Iosue 16. & 18. & Bethel est terminus Aquilonaris sortis Benjamin: nam apud locum ipsum transit linea diuidens sortem Benjamin: Iosue 18. ideo quidquid est Aquilonare respectu Bethel, est extra sortem Benjamin, & tamen Silo est Aquilonaris respectu Bethel, quia dicitur in litera, quod Silo est ad Septentrionale plagam vrbs Bethel, ergo est extra sortem Benjamin, & consequenter est in sorte Ephraim, quia fors Ephraim est coniuncta in latere Aquilonari sorti Benjamin, vt dictum est. Nec obstat si dicas, quod poterat esse in alia sorte extra Benjamin, & Ephraim: nam Silo est circa Bethel, cum dicitur, quod est ad Aquilonarem partem vrbs Bethel, idest ex parte Aquilonari Bethel non est alia ciuitas magis propinqua ei,

**F** quam Silo: nam hic ponuntur vrbes, quæ sunt ex omnibus lateribus Silo: ideo necesse est, quod Silo sit in sorte Ephraim, cum inter Silo & Bethel nulla ciuitas media sit, & Silo est magis Aquilonaris, quam Bethel, & tñ Bethel est in latere aquilonari tribus Benjamin: ergo Silo est in sorte Ephraim, scilicet in latere meridiano eius. Nam latus meridianum Ephraim, & latus aquilonare Benjamin sunt eadem linea, eo quod in continuis vltima sunt idem. Secundò patet hoc, & clarius Psal. 77. vbi agitur de desertione tabernaculi Silo, scilicet, quod Deus dimiserit locum illum, & elegerit alium locum, vt esset sanctuarium ibi: nam dicitur: Et repulit tabernaculum Silo tentorium, quod collocauit inter homines, & proiecit tabernaculum Ioseph, & tribum Ephraim non elegit, sed elegit tribum Iuda montem Sion, quem dilexit: ergo tabernaculum Silo erat tabernaculū Ioseph, siue Ephraim, idest in sorte Ephraim, & Deus repulit illud volendo quod mutaretur ad alium locum: & elegit montem Sion, scilicet vbi postea Salomon ædificauit templum. Et sic Silo est sortis Ephraim ciuitas in fine lateris meridiani eius, & consequenter ciuitas Lebona est in sorte Ephraim: nam est ad meridiem Lebona ciuitas Silo. Item patet hoc, quia Silo ponitur hic circa Sichem, quia est ad Orientalem partem viæ, quæ ducit de Bethel in Sichimam, siue Sechem, & tamen Sichem est in sorte Ephraim, Iosue 20. & ibi sepulta fuerunt ossa Ioseph: Iosue vigesimoquarto.

**H** *Quare potius iusserunt seniores Beniamitis, quod raperent puellas vrbs Silo hoc modo, quam aliarum vrbum.*

*Quæstio XXXIX.*

**Q**VAERETVR vltcrius, quare potius iusserūt seniores Beniamitis, quod raperēt puellas vrbs Silo isto modo, q̄ puellas aliarū vrbiū. Responderi pōt multipliciter. Primò, q̄ hoc factum est ad tutelā Beniamitarū. sc. q̄a Silo est cōiuncta sorti Benjamin: nā qñ Beniamitæ raperēt virgines, nō raperēt oēs, sed solum ducentas. sc. singuli singulas in vxores, sicut dixerāt eis seniores, vt patet in litera: aliq̄ aut fugerēt p̄festim in vrbe, & annūciarēt, & patres, atq; cognati puellarū persequerentur velociter Beniamitas, q̄ non possent nimis velociter fugere cū traherēt captiuas virgines: ideo si aliquantulū distaret locus refugij Beniamitarū ab vrbe, de qua raperēt puellas cito, cōsequerentur eos patres, & cognati puellarū, & occiderēt illos tollerētq; puellas, ideo debuit eligi locus ad rapiēdas puellas, q̄ esset coniunctus terræ Benjamin, vt breuissimè possent Beniamitæ intrōire in aliq̄ vrbe terræ suæ, in qua nō possent nocere eis Israelitæ cognati virginū: istud aut non repperitum est conuenientius, quā in vrbe Silo, quia est coniuncta terræ Benjamin, scilicet, ad latus aquilonare vrbs Bethel, quæ est de terra Benjamin. Et sic non possent consequi eos fugientes viri Silo. Secundū erat, quia si dicamus, quod ista solennitas, in qua capte sunt puellæ, erat de solennitatibus Domini, non poterat fieri in alio loco, nisi in Silo, eo quod erat ibi tunc tabernaculum Domini, præcedenti capitulo. Tertium erat, quia fortè iste modus ad rapiendum virgines non inueniretur in aliqua vrbe totius Israel, nisi in Silo, scilicet, quia ibi fiebat solennitas, in qua virgines ducebant choros per vineas, & fortè non in alijs locis, ideo non possent de alijs locis rapi. Quartum erat, quia seniores Israel volebant, quod prouideretur Beniamitis de vxoribus citius, q̄ prouideri posset, & dato q̄ in alijs vrribus fierent similes solennitates, in quibus possent rapi virgines, fortè nō erat aliqua tam in breui, sicut solennitas, quæ fiebat in Silo, ideo fuit ibi potius hoc factum, quā in alio loco terræ Israel.

*Quæ*



*Ad quid posuit hic scriptura terminos vrbis Silo.*

*Questio X L.*

**Q**VAERETVR ulterius, ad quid posuit hic scriptura terminos vrbis Silo, scilicet, quod erat ad septentrionem Bethel, & meridiem Lebona, &c. quia non cōsuevit scriptura sic in alijs vrbibus, de quibus loquitur ponere terminos. Respondendum, quia hoc fuit propter duo. Primò propter excellētiā vrbis: nā ista ciuitas erat nunc notabilior alijs vrbibus Israel, eo quod erat ibi tabernaculū Domini, & propter hoc, quod cognosceretur pars terræ, in qua erat, positi fuerunt termini eius ad omne latus. Secundū, & principalius, propter quod factum fuit: est ad declarandum possibilitatem, & conuenientiam eorum, quæ narrantur hic, scilicet, quod Beniamitæ caperent virgines discurrētes per vineas Silo: nam ad hoc opus erat, quod haberent Beniamitæ aliquod refugium in propinquo: non poterāt autem ipsi habere refugium in aliqua vrbe terræ Israel extra terram Beniamin, eo quod nunc rapientes filias Israelitarum videbantur offendisse totum Israel, & antequam cognosceretur fuisse hoc de consilio seniorum, omnes Israelitæ expugnarent eos, ideo oportebat, quod confugerent ad aliquam urbem terræ Beniamin, & ad hoc oportuit esse, quod ciuitas de qua raperent puellas esset propinqua terræ Beniamin: & sic cum Silo erat de qua rapiendæ erant virgines: ponitur de vrbe Bethel, quod erat ad latus eius, quia Bethel erat ciuitas de tribu Beniamin in ipso latere Aquilonari Beniamin: Iosue 18. ideo cum ponatur, quod erat Bethel in latere apud Silo, intelligitur, quod facile erat Beniamitis hoc facere, quia raperent virgines Silo, & illico confugerent ad urbem Bethel propinquam, quæ erat in tribu Beniamin. Et ista fuit causā potissima quare potius raptæ fuerunt virgines de vrbe Silo, quā de alia vrbe: nam non poterāt rapere virgines, nisi vel de tribu Ephraim, vel Iuda, quæ tribus Ephraim coniungitur sorti Beniamin in latere Aquilonari eius: fors autem Iuda coniungitur Beniamin in suo latere Meridiano, quod est Aquilonare respectu sortis Iuda, vt colligitur Iosue 15. & 18. Et ex hoc etiam patet quod dicebatur supra penultima questione, scilicet, quod ciuitas Silo non erat de tribu Beniamin, sed de tribu Ephraim. Quod non esset de tribu Beniamin patet, quia in tota tribu Beniamin nulla mulier manserat supra in litera, & tamen in Silo manserant multe: ergo non erat de tribu Beniamin. Secundò patet, quia omnes vrbes Beniamitarum destructæ fuerunt, & igne consumptæ, præcedenti capitulo: Silo tamen illæsa mansit, vt patet hic. Tertiò patet, quia patres puellarum Silo venturi erant ad conquestum de Beniamitis, quod rapuissent filias eorum, vt patet in litera: non poterant tamen de hoc conqueri Beniamitæ, quia nullus Beniamita habebat nunc filiam, quia omnes occisæ fuerant: ergo viri Silo non erant de tribu Beniamin: & si fuisset Silo de terra Beniamin non oportuisset fieri istum raptum, quia manserent adhuc virgines in tribu Beniamin. Quartò patet, quia in Silo erat sanctuarium Domini nunc, & ad illud venerunt Israelitæ postquam combusserunt omnes vrbes Beniamitarum, vt colligitur præcedenti capitulo, & hic: ergo non erat Silo de terra Beniamin. Quintò patet, quia quando Israelitæ ibant ad pugnandum contra Beniamitas veniebant qualibet nocte in Silo: & ibi manebant coram Domino, & consulebant eum, vt patet præcedenti capitulo: & tamen si fuisset de tribu Beniamin, non potuissent hoc facere, quia non permetterent eos Beniamitæ manere in terra sua, cum essent hostes eorum.

Alph. Toft. super lib. Iudicum

**A** Quod autem Silo esset de terra Ephraim, patet, quia erat coniuncta sorti tribus Beniamin, ita vt possent Beniamitæ rapere virgines de vrbe Silo, & cito ducere eas in Bethel urbem terræ suæ: nulla tamen alia tribus erat coniuncta tribui Beniamin ex latere Aquilonari, nisi tribus Ephraim.

*De modo consilij rapiendarum virginum.*

*Questio X L I.*

**Q**VAERETVR ulterius, de modo istius consilij rapiendarum virginum. Dicendum autem, quod modus fuit, quod Beniamitæ peterent à viris Silo filias suas in vxores, & illi noluerunt dare, quia constrikti erant iuramento, illi autem tacuerunt: & post aliquos dies adueniente ista solennitate, nihil suspicantes Silonitæ permiserunt virgines ire ad ducendum choros per agros, & vineas, & cum laterent Beniamitæ rapuerunt eas: istud consilium dederunt seniores, non quidem tanquam crederent, quod Silonitæ darent filias Beniamitis, quamquam illas peterent, quia sciebant potius, quod non darent eas propter iuramentum, sed voluerunt, quod ista petitio esset color ad defendendum raptum virginum: nam sciebant seniores, quod Silonitæ conquererentur de raptu virginum, & si nullam excusationem haberent Beniamitæ, viderentur egisse tanquam bellatores iure suo accipientes virgines, cum à nullo petuissent: & videretur tunc, quod sicut ipsi iure bellico illas rapuerunt, ita iure bellico essent repetendæ ab eis, & infligenda eis maiora damna, cum tamen Silonitæ non dedissent virgines petentibus Beniamitis, & postea ipsi rapuissent ipsas: si conquererentur responderetur eis, quod ipsi peccauerant: quia cum Beniamitis positis in necessitate non dedissent illas Silonitæ, ipsi primò peccauerant, & iuste iam illas accipiebant Beniamitæ, cum non haberent quid facerent vltra hoc. Et hoc dixerunt seniores, quod dicerent patribus virginum, scilicet, petentibus non deditis: à vestra parte primò peccatū est, vt patet in litera.

**D** Ad quid erat hoc iuramentum Israelitarum de non dando Beniamitis vxores. *Quest. X L I I.*

**Q**VAERETVR ulterius, circa istud iuramentū Israelitarum de non dando Beniamitis vxores, ad quid erat: nam non est in potestate patris tradere filiā, cui voluerit, sed in potestate eius est nubere cui voluerit, cum matrimonia debeant habere in contrahendo omnimodam libertatem, & sic non debuissent magnam difficultatem circa iuramentum istud facere Israelitæ, quia licet ipsi non traderent filias suas Beniamitis, ipsæ se possent tradere illis, & suppleretur sic defectus vxorum in eis, nec oporteret fieri alios circuitus. Responderi potest dupliciter ad hoc. Vno modo, quod istud iuramentum proficiebat, quia licet non esset in potestate Israelitarum tradere filias suas huic, vel illi, erat tamen in potestate eorum suadere, & filia sequerentur suasionem patrum: & sic cum dicitur, quod isti iurabant se non daturus filias suas Beniamitis, iurabant quod quilibet eorum ageret quantum posset, vt filia sua non nuberet alicui Beniamitæ, & nunc adueniente calu suadere debebant quantum poterant, ne filia suæ nuberent illis. Alio modo dici potest, & verius, quod secus erat in veteri testamento quantum ad ritum matrimoniorum, quā nunc in Ecclesia, quia nunc constitutione Ecclesiæ introducta est magna libertas inter partes contrahentes in contrahendo, & non habet ius pater super filium,

In Ecclesia magna est libertas inter partes contrahentes matrimonium.

F f 3 aut



aut filiam in contrahendo: in veteri autem testamento, & apud omnes antiquos secus erat, quia non attendebatur voluntas puellarum, sed patrum, quia puellae erant totaliter in potestate, & dispositione patrum, & non accipiebant alios in sponfos, nisi patre iubente, nec credebatur aliquis habere posse sponsam, nisi illam à patre, vel maioribus puellae peteret, & pater tradebat puellam, cui volebat non petito consensu eius, sed potius videbatur, & tenebatur tunc, quod puella obligaretur sequi patris consensum: sic fuit de Rebecca, quando petiuit illam Eliezer seruus Abrahæ in uxorem pro Isaac filio Abrahæ à fratre suo, & matre: nam non fuit petitus consensus puellae ad contrahendum, sed ad veniendum cum Eliezer. Nam postquam concessissent eam in uxorem, & Eliezer peteret, quod illico permetteretur recedere, dixerunt parentes Rebecca, quæramus voluntatem puellae, & dixerunt ei: vis ire cum homine isto? Gen. 24. Et sic erat inter istos Israelitas, quia potestas dandi filiabus maritos erat, apud eos secundum consuetudinem temporis, & non erat in potestate filiarum accipere viros, ideo poterant iurare non duros eas Beniamitis, quia dare, vel non dare erat in potestate eorum.

*An isti seniores peccauerunt dando Beniamitis consilium de rapiendo virgines Silonitarum.*

*Quæstio XLIII.*

**Q**VAERETVR vterius, an isti seniores peccauerunt dando Beniamitis consilium de rapiendo virgines Silonitarum. Respondendum, quod Israelitæ non putabant se peccare, sed potius dixerunt, quod isto modo religio iurisiurandi seruaretur, & prouideretur Beniamitis de vxoribus, vt ait Iosephus quinto Antiquitatum. Dicendum tamen, quod iuramentum non tenuit, vt declaratum fuit supra in quadam quæstione: ideo non oportebat, quod seruaretur: & tamen si tenuisset, peccauissent isti seniores. Primò, quia isti darent consilium ad faciendum contra iuramentum suum: nam iurauerant, quod nemo daret de filiabus suis uxorem Beniamitis: & erat intentio iurantium, vt Beniamitæ nullam uxorem haberent de filiabus Israelitarum: & tamen isti seniores procurabant, quod Israelitarum filiae traderentur Beniamitis, ergo erant periuri. Secundò, quia, qui procurat, vt alius faciat contra iuramentum, incitat eum ad peccandum, ideo ipsi peccant: nam ipsi volebant, quod Silonitæ patres virginum pietate moti relinquere filias suas Beniamitis. In quo facerent contra iuramentum. Tertiò, quia ipsimet rogaturi erant Silonitas, vt misererentur Beniamitis, & dimitterent eis iam filias suas, & in hoc rogabant eos agere contra iuramentum: si autem iuramentum non teneret, adhuc peccarent seniores, quia consulerent Beniamitis raptum virginum, quod erat crimen, eo quod priuabant patres earum iure suo, & puellas renitentes acciperent, quia fortè illæ nollent esse vxores Beniamitarum. Ex ignorantia tamen putauerunt seniores se teneri iuramento, quo seruato periret, vel pateretur magnum detrimentum tribus Benjamin, quod malum erat: ideo putauerunt se nihil mali agere, quod consulerent istud, sed potius, quod erat laudabile opus.

*Cur putabant periuros Silonitas esse, quorum filias raperent Beniamitæ, permittendo illas cum eis.*

*Quæstio XLIII.*

**Q**VAERETVR vterius, cur putabant periuros Silonitas esse, quorum filias raperent Benia-

**F**mitæ permittendo illas manere cum eis. Respondendum, quod non putauerunt eos peccare: nam si credidissent eos peccare, non incitarent ad hoc, sed credebant, quod si Silonitæ sponte filias suas traderent, periuri erant: nunc autem, quia Beniamitæ rapuerunt eas nescientibus, & iam reclamantibus Silonitis, non peccabant: ipsi autem, qui dederant consilium istud non putabant se posse dare licitè filias suas, quia sponte dando incurrerent periurium, sed consulebant, quod acciperent filias, & quia hoc nesciebant non essent periuri. Sed istud non stat, quia licet non essent periuri per hoc, quod Beniamitæ raperent filias eorum, essent tamen periuri quando permetterent illas cum raptoribus, potissimè, quia secundum consuetudinem temporis illius filia non poterat contrahere nisi cum illo, quem pater assignaret, & cui illam daret, & Silonitæ consensuri erant istud: nam seniores rogaturi erant eos, quod misererentur Beniamitarum, & ad preces eorum condescenderent Silonitæ: maxime, quia de facto erat in potestate eorum, quod filiae suæ manerent cum Beniamitis, vel non, & si semper insisterent, restituerentur eis filiae: nam ob hoc seniores rogaturi erant eos. Item non putabant seniores, quod erant periuri rogando, quod Silonitæ permetterent Beniamitis tenere filias ipsorum contra iuramentum, quia alias æqualiter recusarent istud, & quod ipsi darent filias suas: sed grossè iudicabant circa istud iuramentum, putantes se nullo modo incidere in periurium, nisi darent spontè filias suas petentibus Beniamitis, vel non petentibus.

*An peccauerunt Beniamitæ rapiendo virgines Silonitas.*

*Quæstio XLV.*

**Q**VAERETVR vterius, an peccauerunt Beniamitæ rapiendo virgines Silonitas, & dato quod patres earum nollent tradere eas, an liceret eis illas accipere rapiendo. Respondendum, quod peccauerunt Beniamitæ rapiendo virgines Silonitas. Primò, quia præiudicabant patribus earum: nam ipsi habebant ius super eas ad dandum eas, quibus vellent, & tamen Beniamitæ priuabant eos isto iure rapiendo virgines, ideo peccabant. Secundò, quia Beniamitæ quantum in se erat conabantur, vt Silonitæ inciderent in periurium, scilicet, quod aliquo modo traderent eis filias suas, de quibus iurauerunt, quod non traderent eas illis, & Beniamitæ credebant Silonitas periuros esse, si darent eas, quia omnes Israelitæ putabant istud iuramentum tenere, & tamen qui incitat alium ad periurium quomodocunque, peccat, ideo peccabant isti. Tertiò patet, quia isti acceperunt puellas inuitas, quæ fortè nolebant esse coniuges illorum, & in hoc erat duplex peccatum. Primum erat stuprum, scilicet, quia deflorabatur virgo indebitè cum non esset vxor, quia illa nondum in eum vt in virum consenserat. Secundum erat violentia, quia inuitè raptæ fuerant, & cognitæ. Ad secundum dicendum, quod si patres earum nollent dare illas Beniamitis, quod non licebat illis rapere illas. Et si obijciatur, quod erant in necessitate, quia non poterant aliunde habere vxores de stirpe Hebræorum: Dicendum, quod ista non erat necessitas absoluta, in qua liceret eis rapere virgines, quia habebant alia remedia, scilicet, quod poterant accipere vxores de gentilitate, & conuerterent eas ad ritum Iudaicum, & si illæ nollent manere cum eis in ritu Iudaico, sed in Gentilico, adhuc poterant eas sic tenere: vt fecerunt duo filij Noemi, vt patet Ruth primo, & declaratum est supra in quadam quæstione.



Et tamē in maiori necessitate erant Beniamitæ quàm illi, quia illi poterant habere vxores Hebræas, si vellent de terra Moabitarum, in qua tunc manebāt, venire in terram Israel, istis autem non dabantur vxores de Israelitis: & tñ dato q̄ non possent habere isti vxores de Gentilitate, potius sustinere debebāt vitam vidualem, & castam, quàm rapere virgines: quod patet, nam si daretur, q̄ quis nullo modo posset habere vxorem, nisi vxorem alterius sibi raperet in vxorem, poti⁹ mori debebat sine vxore, imò mortem tolerare, quā hoc facere: sed hic non poterant Beniamitæ rapere virgines Silonitas nisi multa præiudicia faciendo, ideo non licebat eis accipere illas, etiam si non haberent alias vxores, & patres earum non darent eas illis: seniores tamen non putauerunt istam violentiam peccatū esse, & si aliquod erat, potius volebant committere illud, vt prouiderent tribui Benjamin, quàm detrimentum pateretur.

*An Beniamitis petentibus Silonitas in vxores, si patres earum illas dare nollent, an peccarent.*

*Quæst. XLVI.*

**Q**VAERETVR vltius, an Beniamitis petentibus Silonitas in vxores, si patres earum illas dare nollent, an peccarent. Respondendum, quòd Israelitæ non putabāt se peccare in hoc, imò potius credebant, q̄ si darent peccarent, quia faciebant contra iuramentum, quod credebant tenere: sic dixerunt Israelitæ supra: filias nostras dare non possumus constrikti maledictione, & iuramento, & tamen secundum veritatem non tenebantur, vt supra declaratum est: & quia iste error erat in eis inuincibilis, eo quòd nullus erat eo tempore, qui declararet istud iuramentum nō tenere, non peccabant, non dantes filias suas. Si tamē crederent, q̄ non tenebantur iuramento, dicendum, q̄ aut habebant aliquam causam, quare non dabant eas illis, vt potē quia erant viri feroces, & aliās mali, cum quibus grauis vita vxoribus ducenda foret, aut nullam huiusmodi causam habebant. Si haberent causam, dato q̄ tota tribus Benjamin periret, non dando vxores istis, nemo tenebatur dare filias suas talibus in vxores: si autem nulla causa subesset videbatur aliquo modo, q̄ isti peccarent, non dando eis filias suas, tum quia cogerent eos mori sine vxoribus, vel declinare ad accipiendum vxores de Gentilitate, in quo erat magnum periculum, scilicet, quia poterant peruertere corda eorum, vt colerent idola: sicut dicitur 3. Reg. 11. Certissimè auertent corda vestra, vt sequamini Deos earum. tum quia inferrēt damnum tribui Benjamin, quē non posset conuenienter multiplicari istis ducentis non habentibus vxores.

*Quomodo seniores dicturi erant Silonitis conquerentibus de raptu filiarum suarum, &c.*

*Quæst. XLVII.*

**Q**VAERETVR vltius, quomodo seniores dicturi erant Silonitis conquerentibus de raptu filiarum suarum, à vestra parte peccatum est: nam ipsi non credebant, q̄ peccarent non dando filias suas illis Beniamitis, sed potius peccarent dando, quia iurauerant non dare, & si ipsi peccarent non dando, etiam peccarent ipsi seniores, & omnes alij Israelitæ, quia omnes idem iurauerant. Dicendum, q̄ licet Silonitæ secundum veritatem possent dare filias Beniamitis, quia iuramentum non tenebat, seniores tamen credebant, q̄ non poterant, eo q̄ ipsi putabant tenere iuramentum: dicturi tamen erant istud Silonitis ad placandum eos, vt non insisterent contra Beniamitas re-

**A** petendo filias ad hoc, q̄ fieret bellum, & allegarent ad hoc aliquas rationes verisimiles, licet non veras, quibus placarentur Silonitæ aliquo modo.

Feceruntque filij Benjamin, vt sibi fuerat imperatum, & iuxta numerum suum rapuerunt sibi de his, quæ ducebant choros, vxores singulas: abieruntque in possessionem suam ædificantes vrbes, & habitantes in eis. Filij quoque Israel reuersi sunt per tribus, & familias in tabernacula sua. In diebus illis non erat rex in Israel: sed vnusquisque quod sibi rectum videbatur, hoc faciebat.

*Sup. 17. & 17.*

**Feceruntque**. Hic ponitur consilij executio, & dicitur. *Feceruntque filij Benjamin, vt sibi fuerat imperatum*. Scilicet adueniente festiuitate in Silo rapuerunt virgines Silonitas. *Et iuxta numerum suum rapuerunt sibi de his, quæ ducebant choros vxores*. Id est, susceperunt ducentas virgines in vxores de illis, quæ ducebant choros per vineas, quia ipsi erant ducenti. *Abieruntque in possessionem suam*. Id est, iuerunt in Bethel urbem terræ Benjamin, quæ erat circa Silo, vt ibi haberent pro tunc refugium, si fortē vellent Silonitæ persequi eos ad tenendas filias. *Ædificantes vrbes, & habitantes in eis*. Id est, restaurantes vrbes antiquas: nam multæ vrbes erant in tribu Benjamin, vt patet Iosue 8. tamen nunc in bello diruptæ fuerant omnes, & combustæ, ædificiaque dissipata, & ad hoc q̄ habitarent isti Beniamitæ ibi, oportebat, q̄ reficerent dirupta earum, sed nullam urbem de nouo constructuri erant: nam & ipsas veteres non poterant replere, cum essent solū sexcenti viri. *Filij quoque Israel reuersi sunt per tribus, & familias in tabernacula sua*. Scilicet, facta prouisione Beniamitis de vxoribus reuersi sunt omnes Israelitæ in tabernacula sua, & dicitur per tribus, & familias suas, scilicet, quia omnes Israelitæ conuenerant ad istud bellum, vt patet præcedenti cap. & finito illo redibant omnes in loca sua, & hoc per tribus, & familias, scilicet, omnes de vna tribu ibant simul, & omnes de vna familia simul. Est enim familia quædam specialis cognatio sub tribu, & habet quælibet tribus certas familias, quarum numerus & nomina ponuntur Nume. 26. Sed quando fuerit iste reditus Israelitarum declarabitur infra in quadam quæst. *In diebus illis*. Scilicet, quando accidit casus Leuitæ, & virorum Gabaa. *Non erat rex in Israel*. Non solū non erat rex, sed etiam nullus erat iudex, nec viuebat tunc Iosue, & sic fuit in quodam tempore in quo nullus præsidebat. *Sed vnusquisque quod rectum sibi videbatur, hoc faciebat*. Scilicet, q̄ nullus imperabat, sed poterat quilibet facere, quod volebat: quia nullus cohibebat eum per timorem poenæ. Et ponitur ad declarandum quomodo accidit istud nefas de Leuitæ vxore, & de bello postea insurgente inter omnes Israelitas contra tribum Benjamin: nam si fuisset aliquis rex eo tempore, vel iudex potens, qui per modum potentis potuisset cohibere delinquere volentes, non fecissent viri Gabaa nefas, quod fecerunt contra vxorem Leuitæ: & dato q̄ illud factum fuisset, tamen saltem non diuisum fuisset totum regnum Israelis in duas partes, & vna pugnaret contra aliam, sicut factum est nūc, scilicet, quia nō existente rege quilibet faciebat, quod sibi placebat.

*Quomodo*



*Quando Israelitæ redierunt in tabernacula sua.*

*Quest. XLVIII.*

**Q**VAERETVR de recessu Israelitarum, qui congregati erant, quando redierunt in tabernacula sua. Aliquis dicet, q̄ factum est hoc, postquam Beniamitæ acceperunt vxores sufficientes sibi, scilicet quadringentas de Iabes Galaad, & ducentas de Silonitis, & hoc videtur innuere litera: nam postquam dicitur de ducentis vxoribus, quas acceperunt Beniamitæ de Silo, dicitur q̄ redierunt Israelitæ in tabernacula sua per tribus, & familias. Dicendum tamen, q̄ hoc non stat. Primò quia non erat verisimile, q̄ totus Israel, qui erat congregatus ad pugnandum, maneret in aliquo vno loco, quousque prouideretur Beniamitis de vxoribus, quia magnum tempus in hoc fluxit, & q̄ totus Israel maneret congregatus nihil proficiebat ad hoc: ideo videtur q̄ ante hoc redierint singuli in loca sua. Secundò patet & efficacius, quia si adhuc congregatio ista esset, quando Beniamitæ rapuerunt virgines Silonitas, non essent patres, nec cognati earum in Silo, quia omnes Israelitæ potentes pugnare erant in castris, & tamen erant nunc in Silo, & isti seniores, qui dederunt istud consilium, non erant in eodem loco: nam dixerunt, q̄ quando venirent ad eos patres, & fratres virginum raptarum, responderent eis id, quod habetur in litera. Tertiò patet, quia finito bello rediit totus exercitus in Silo, vt patet in litera supra, si ergo maneret adhuc Israel congregatus, esset ista congregatio in Silo, & tamen non erant ibi, quia tunc essent ibi isti seniores, qui dederunt istud consilium cum cæteris Israelitis: tamen non erant in Silo, quia tunc quando consulerent Beniamitis, non dicerent: ecce solennitas anniuersaria est in Silo. sed dicerent, solennitas est in loco isto, ideo non erant isti seniores in Silo, & consequenter nec alii Israelitæ erant ibi congregati. Quartò patet, quia si nondum fuisset facta discessio de castris Israelitarum, manerent omnes in Silo, vbi prius erant, & tunc non consulerent seniores Beniamitis, q̄ raperent virgines de Silo, quia non possent, eo q̄ in agris essent tentoria Israelitarum, quia non poterant capi omnes intra urbem, cum essent plusquam quadringenta millia virorum, vt patet præcedenti cap. & sic impedirentur latere Beniamitæ in agris, & vineis propter præsentiam Israelitarum. Et etiam ipsæ virgines non possent discurrere cum choris per agros, & vineas propter multitudinem Israelitarum. Quintò, quia esset periculum Beniamitis velle rapere virgines Silonitas si esset ibi tota multitudo Israelitarum, quia illico caperentur clamantibus virginibus antequam ducerent eas ad terram suam. Sextò patet, quia si essent ibi omnes Israelitæ congregati, consilium seniorum de rapiendo virgines Silo esset pessimum, quia non esset aliquis locus in tota terra Israel, in quo difficilius istud fieret propter præsentiam virorum totius Israel: & in qualibet alia vrbe posset istud fieri faciliter, eo q̄ in alijs urbibus nulli erant viri potentes pugnare, cum omnes conuenissent in castra, & sic raperent quas vellent, nemine impediante: ideo si esset adhuc cōgregata multitudo Israelitarum, non suaderent seniores hoc fieri in Silo, sed in aliqua alia vrbe. Dicendum est, q̄ quando factus est iste raptus virginum, iam recesserant singuli Israelitæ de castris in tabernacula. Pro quo sciendum, q̄ Israelitæ pugnaverunt contra Beniamitas, & occisâ tota multitudine eorum fugerunt sexcenti ad petram Remmon, & manserunt ibi mensibus quatuor præcedenti cap. interim totus exercitus Israelitarum discurrit per totam terram Beniamin, & diruit vrbes atque succendit, occiditq; senes, & paruulos, & feminas vsq; ad pe-

**F**cora: præced. c. & post hoc redierunt in Silo, & planxerunt ibi coram domino, super destructione vnius tribus de Israel, vt patet supra in litera, & tunc volentes prouidere Beniamitis de vxoribus, ne penitus deleteretur tribus Beniamin, occiderunt viros Iabes, & acceperunt quadringentas virgines, & tunc miserunt Israelitæ pro Beniamitis, qui erant in petra Remmon, & ibi cōsummati fuerunt quatuor menses ex tempore, quo occisi fuerant in bellis Beniamitæ, & fugerunt isti sexcenti ad petram Remmon, & in istis omnibus erant adhuc congregati Israelitæ in Silo. Nam quando ductæ sunt virgines Iabes ena, erant adhuc omnes Israelitæ in Silo, vt patet supra in litera, scilicet inuenta sunt in Iabes quadringentæ virgines, quæ non cognouerunt viri torum, & adduxerunt eas ad castra in Silo: ergo erant tunc castra in Silo. Dicendum autem, q̄ post hoc recesserunt illico Israelitæ per loca sua, quia congregatio eorum iam non erat utilis ad aliquid: & mansit solis senioribus populi cura de prouidendo ducentis viris Beniamitis, qui nondum acceperant vxores, & inito consilio decreuerunt, quod peterent filias Silonitarum, & cum nollent eas dare patres ipsarum, q̄ laterent in vineis, & caperent illas in solennitate anniuersaria, & sic aliquantum tempus transierat postquam recesserant Israelitæ in tabernacula sua quando factus est raptus Silonitarum virginum. Cum autem obijcitur, q̄ post illum raptum fuerit recessio de castris ex ordine literæ. Dicendum q̄ est mutatio ordinis per recapitulationem, sicut sæpè fit in scriptura per anticipationem, vel recapitulationem. Et satis patet ex ipsa litera, q̄ non sit ordo seruatus: nam tenendo ordinem literæ non solum oportuisset manere congregatos omnes Israelitas in castris vsquequo raptæ essent virgines Silonitæ, sed etiã multo tempore post, quia dicitur q̄ Beniamitæ rapuerunt singulas virgines, & abierunt in possessionem suâ ædificantes vrbes, & habitantes in eis: & tamen manifestum est, q̄ non manserunt omnes Israelitæ simul non recedentes in tabernacula sua, vsquequo Beniamitæ ædificarent vrbes: ideo certum est, q̄ hic est ordo mutatus.

*Quo tempore accidit iste casus de destructione Beniamitarum.*

*Quest. XLIX.*

**Q**VAERETVR vltèrius, quo tempore accidit iste casus de destructione Beniamitarum. Respondent quidam, q̄ accidit tempore Heli summi sacerdotis, vel paulo ante, scilicet non multo tempore ante tempora regum: & mouentur ad hoc ex ordine libri: nam fuit posita supra hystoria omnium iudicum, & sic putatur, q̄ fuerit istud post omnes iudices. Dicendum tamen, q̄ hoc non stat, sed fuit istud bellum post mortem Iosue, & antequam essent aliqui iudices in Israel, & fuit quasi illico post mortem Iosue. Quod autem fuerit post mortem Iosue patet, quia istud accidit manentibus Israelitis in terra Chanaan, ergo accidit, dum viueret Iosue, vel post mortem suam. Quod patet, quia Iosue introduxit Israelitas in terram Chanaan, & erat princeps tunc, vt patet Iosue primo, & secundo, & per totum. Quod autem non fuerit istud eo viuente patet, quia ipse non permisisset talia fieri in Israel, & q̄ diuideretur populus in duas partes, & pugnaret, ideo mortuus erat. Secundò patet, quia dicitur hic, q̄ eo tempore nullus erat rex in Israel, & quilibet faciebat, quod sibi rectum videbatur. Et non accipitur rex pro rege, sed pro regente habente potestatem coercitiam super malos: & tamen tempore Iosue ipse coorcebat malos, & magis populus timebat eum, & faciebat propter eum plura, quàm propter reges: ideo videtur q̄ non fuit tempore suo. Tertiò patet quia da-



to, q̄ accidisset tempore Iosue nō fuisset sic prouisum **A**  
 Beniamitis de vxoribus, s. q̄ non prouiderent eis senio-  
 res, sed Iosue, qui erat princeps, inberet quid fieret in  
 omnibus his. Seniores tñ disposuerunt omnia hæc,  
 vt patet in litera: ergo non viuebat Iosue. Quod autem  
 fuerit factum paulo post mortem Iosue antequam ef-  
 sent iudices in Israel, patet quia quando factū est istud,  
 nullus erat regens in Israel, qui cohiberet, vel punire  
 posset istud malum, vt dicitur in litera, & tamen iudices,  
 licet minorem potestatem haberent quā reges,  
 poterant coercere peccata populi in tantum, q̄ timore  
 eorum populus non colebat idola eis uiuentibus, &  
 cum moreretur aliquis iudex declinabat populus ad  
 idolatriam, vt patet supra 2. & tamen nunc nullus po-  
 terat cohibere peccantes, cum quilibet faceret, quod **B**  
 vellet, ergo nondum ceperant iudices. Secundō patet,  
 quia quando accidit istud nōdum capta fuerat Ierusa-  
 lem de manu Iebusæorum, vt patet supra 19. nam iste  
 Leuita, cuius vxor occisa fuit, noluit intrare in Ierusa-  
 lem, quia erat ciuitas Chananæorum, & tamē fuit ista  
 ciuitas capta illico post mortē Iosue, vt colligitur supra  
 primo, vbi dicitur, q̄ post mortem Iosue cōsulerunt  
 Israelitæ Deum, quis ascenderet ante eos ad pugnan-  
 dum contra Chananæum, & respondit q̄ ascenderet  
 Iudas, & ascendit: & sequitur ibi quomodo cepit urbē  
 Ierusalem, & sic fuit modico tempore post mortem  
 Iosue, & tamen nondum erat capta Ierusalem, quan-  
 do fuit iste casus. ergo valde coniunctus mortui Iosue  
 fuit iste casus antequam esset aliquis iudex in Israel.  
 Nam si aliquis iudex tunc fuisset, qñ capta est Ierusalē,  
 non consulissent Israelitæ, quis ascenderet ante eos  
 ad pugnadum, quia certum est, q̄ ille iudex esset prin-  
 ceptus ad pugnadum, cum isti iudices vocarentur salua-  
 tores dati Israel à Deo, vt patet supra 3. Tertiō patet,  
 quia in isto bello Israelitarum cōtra Beniamitas, cum  
 ascendissent omnes in Silo, antequam pugnarent con-  
 suluerunt, quis esset dux in exercitu eorum contra fi-  
 lios Beniamin: si tamen aliquis iudex tunc esset, certū  
 est, q̄ ille esset dux, & non oporteret inquirere, quis es-  
 set dux: ergo non erat tunc aliquis iudex: patet hoc  
 præced. **C** Fuit ergo iste casus de primis, qui facti sunt  
 post mortem Iosue. vnde prius fuit iste, quā casus vi-  
 rorum tribus Dan in raptu idoli Michæ, & captione  
 vrbis Lesendan, de quo sup. 17. & 18. vt probat Ioseph.  
 5. Antiquita. ideo ipse illico post mortem Iosue enar-  
 rat istud accidēs de bello Beniamitarum, & post illud  
 enarrat accidens de captione vrbis Lesendan, & dein-  
 de incipit enarrare gesta iudicum inchoans ab Hotho-  
 niele, qui primus fuit, de quo supra 3. Scriptura tamen  
 mutauit ordinē in hoc, in quo falluntur multi, & cau-  
 sa huius fuit, quia in isto libro voluit auctor scribere ge-  
 sta iudicum, eo q̄ de iudicibus intulatur, & cum ista  
 tria accidentia, s. de idolo Michæ, & captione vrbis Le-  
 sendan, & vxore Leuitæ non fuerint historie iudicum,  
 quia non fuerunt tempore ipsorum, nec per eos gesta  
 non debuerunt præponi gestis iudicum, quia tunc ma-  
 gna pars libri ab exordio introduceret facta aliena, quæ  
 non pertinebant ad iudices: egit ergo in principio de  
 gestis iudicum: quia tñ ista accidentia dicta non erant  
 omittēda, eo q̄ fuerunt magnæ doctrinæ pro posteris,  
 debebant scribi in aliquo libro sacræ scripturæ: nō fuit  
 tamen aliquis liber, cui magis cōuenirent, quā libro  
 iudicum, eo q̄ fuerunt magis propinqua temporibus  
 iudicum, quā historijs aliorum librorum, & sic de-  
 buerunt introduci in libro iudicum: & tamē ne extra-  
 neæ historiæ maximam libri partem in principio oc-  
 cuparent, enarrata fuit primō vsque ad Samlonem to-  
 ta historia iudicum, de quibus intendebatur, & deinde  
 expleto quod erat de intentione libri, introducta fue-  
 runt ista, quæ erant quasi accidentalia.

Quare dicitur hic, q̄ non erat isto tempore rex in Israel, & c.  
 Quest. L.

**Q**VAERETVR vltius, quare dicitur hic, q̄  
 non erat isto tempore rex in Israel, sed quilibet  
 faciebat, quod sibi rectum videbatur. Et cur nō di-  
 citur, q̄ etiam non erat tunc aliquis iudex, quia eo exi-  
 stente non faceret quilibet, quod vellet. Responden-  
 dum, quod intentio auctoris fuit in istis verbis respon-  
 dere tacite quæstioni. nam legens, vel audiens ea, quæ  
 habentur hic, diceret: quomodo potuit esse tanta de-  
 ordinatio in populo, q̄ viri Gabaa tantum nefas con-  
 tra Leuitam, & vxorem eius molirētur? & dato q̄ hoc  
 fuisset: quomodo rursus populus fuit tam discors, vt  
 diuideretur in duas partes, & pugnaret vsque ad dele-  
 tionem vnius tribus Israel? Respondit auctor, q̄ istud  
 fuit ex defectu gubernatoris, nullus enim erat tunc gu-  
 bernator in Israel, quem timerent Israelitæ, ideo quili-  
 bet faciebat, quod sibi rectum videbatur, id est quod  
 desiderabat, i. siue bonum, siue malum esset: & istud  
 poterat emendari postquam factum esset per aliquē  
 principem totius Israel, si fuisset tunc: vel magis im-  
 peditum fuisset, ne tale quid accidisset: & hoc poterat  
 quilibet princeps totius Israel enitare, siue esset rex, si-  
 ue Iosue, qui non erat rex, siue aliquis de iudicibus.  
 De regibus patet, quia magna erat potestas regum in  
 ter Hebræos, scilicet, q̄ populus sibi obediebat in om-  
 nibus tam laici, quā sacerdotes. Potestas etiam Iosue  
 fuit valde magna: nam populus tenebat eum in  
 magna veneratione, sicut Moysen, de quo Num. 17.  
 & Deuter. ultimo: & Iosue primo: ita vt quicumque  
 non obediret Iosue per omnia, morte moreretur, vt  
 patet Iosue primo. Potestas etiam iudicum satis ma-  
 gna erat, quia erat super totum populum, & congre-  
 gabat omnes Israelitas ad bellum quando expediebat,  
 & faciebat quæcunque alia in populo, quæ vtilia erant  
 toti populo, & timebat populus iudicem in tantum, q̄  
 viuente quocunque iudice non audebat populus de-  
 clinare ad idolatriam, & illo mortuo mox declinabat,  
 vt patet supra secundo. Responderi potest ergo tripli-  
 citer: vno modo q̄ accipitur hic rex pro quocunque  
 regente habente potestatem super populum, etiam si  
 non esset rex: & tunc comprehenduntur reges, & iu-  
 dices, & Iosue, & quicumque princeps, qui posset toti  
 populo aliquid imperare, & patet ex adiuncto, scilicet,  
 sed quilibet, quod rectum videbatur sibi, hoc faciebat:  
 quasi dicat, si fuisset rex tunc, non faceret quilibet, qđ  
 sibi rectum videbatur: sed existentibus etiam iudici-  
 bus, non faceret quilibet quod sibi rectum videretur,  
 ergo illi intelliguntur etiam hic nomine regum.  
 Alio modo potest responderi, q̄ accipitur proprie  
 rex: & tunc verum est, quod non erat aliquis rex in Is-  
 rael, licet etiam non esset aliquis iudex, & potuisset per  
 quemlibet eorum prouideri in hoc, quia tamen me-  
 lius prouideri poterat per regem, eo quod erat maioris  
 potestatis, dixit de rege. Tertiō & adhuc melius di-  
 ctum est, quod de rege expressum est, quia iste liber  
 fuit scriptus per Samuelem tempore Saulis regis Is-  
 rael, & volebat dare causam, vel modum Samuel quo-  
 modo potuissent ista accidere: nam diceret aliquis  
 tempore illo: quomodo potuit tanta discordia accide-  
 re in populo, & nullus eam tollebat? quasi dicat, nunc  
 non posset accidere, & respondet Samuel, quod hoc  
 erat, quia quando ista acciderunt, non erat aliquis rex  
 in Israel, sicut tempore ipsorum, qui hoc quærebant,  
 qui posset prouidere ne ista fierent.

Magna e-  
 rat p̄as re-  
 gum inter  
 Hebræos.



*Quis ordo iudicum fuit in Israel à tempore Moyfi, vsque  
ad tempus Christi. Et an totus ordo iudicum erat  
destructus, quando hoc accidit.  
Quaest. LI.*

**Q**VAERETVR ulterius, an tempore, quo ista acciderunt esset destructus totus ordo iudicum in Israel, vel erant aliqui. Et si aliqui erant quomodo non impediabant istud. Respondendum est, q̄ semper fuerunt iudices aliqui in Israel, quia aliàs desisset Israel esse populus: nam in vrbe magis necessarius est distributivus iustitiæ, idest iudex, quàm panis, vt ait Arist. 3. Politicorum. Pro quo sciendum, quòd quando Moyse eduxit Israelitas de Aegypto, & ducebat eos per desertum, ipse solus erat princeps, & iudex, & cum essent tanta negocia populi, tota die sedebat iudicans, & non finiebat negocia, vnde dixit ei Iethro socer suus: Stulto labore consumeris, supra vires tuas labor iste est, solus non poteris illum sustinere. Et tunc consilio Iethro diuisit Moyse totum populum per decanos, quinquagenarios, centuriones, & tribunos, qui iudicarent populum in negocijs paruis, & ciuilibus: ipse autem Moyse iudicabat in omnib⁹ arduis, vt patet Exo. 18. Mansit autem sic aliquanto tempore Moyse, & tamen nec sic ablata est magnitudo solitudinum suarum, & petiuit vt moreretur, vel liberaretur ab his angustijs: & tunc Deus dedit ei septuaginta viros habentes spiritum propheticum, qui etiam curam gererent de rebus arduis: Num. 11. & tunc cessauit querela Moyfi. H Durauit autem iste modus iudicum in deserto semper, scilicet q̄ si aliquis istorum moreretur subrogabatur alius. Et postquam introierunt Israelitæ in terram Chanaan, durauit iste modus iudicandi, sed etiam fuit alius introductus, scilicet q̄ essent quidam iudices supremi in Israel, à quibus ratio appellaretur, & isti erant septuaginta viri, qui successerunt septuaginta senioribus, quos dedit Moyse in adiutores: Num. 11. Et princeps istorum erat summus sacerdos, & omnes isti si-

**F**mul vocabantur domus consilij, & quamquam omnes concurrerent in consilio de sententia danda, solus summus sacerdos sententiabat, de quo declaratum est Num. 11. & Deuter. 17. manserunt semper isti iudices septuaginta. Nam etiam tempore Christi erant, & vocabantur seniores, & ipsi condemnauerunt Christum ad mortem, & erant cum Caypha, qui erat summus sacerdos, quando contra Christum sententiavit, q̄ erat dignus morte: & sic dicitur sæpe in passione, q̄ principes sacerdotum, & seniores faciebant aliquid contra Christum, scilicet, septuaginta seniores. Præter istos erant alij iudices minores constituti per singula: nam erant saltem vnus, vel duo iudices in quolibet loco, & isti erant de progenie virorum illius loci, & cuilibet iudici dabatur duo Leuitæ in assessores, eo q̄ Leuitæ erant periti in lege, de quo Ioseph. quartus Antiquit. De istis iudicibus dicendum, q̄ semper fuerunt in simul, & erant quando ista acciderunt, sed ipsi non potuerunt euitare aliquid istorum, eo q̄ isti erant solum habentes iurisdictionem in diffiniendo in causis, & non habebant potestatem ad alia, vt subijcerent sibi populum. Et licet potestas eorum esset de iure, tamen de facto paruum habebant potestatem, eo q̄ erant merè iudices, & non domini nec principes: & ideo adhuc eis existentibus, poterat facere quilibet, quod volebat, & poterant accidere omnia ista mala, quæ euenerunt.

**V**ARIAS temporum mutationes, & discordias factas librum Iudicum explanando, vt nobis collatum erat, explicuimus: in quo sub breuibus multiplicibus substringuntur historiae, in quibus iuxta consuetum stylum literalem dumtaxat enucleando medullam processimus, quia de allegorijs rara, aut nulla nobis in his volluminibus cura est, cum alibi fortasse spatiosior erit dicendi locus, si contingat nobis sapientiam scribere tempore vacuitatis. Omnia autem dicta sint ad exaltationem fidei, & laudem Dei omnipotentis, & eius Sacratissimæ matris.

Ex Typographia Rampazetana.





# ALPHONSI TOSTATI Episcopi Abulensis

## IN LIBRVM RVTH COMMENTARIA

### CAPITVLVM PRIMVM.



**I**N diebus vnus iudicis, quando iudices præerant, facta est fames in terra. Abijtque homo de Bethlechem Iuda, vt peregrinaretur in regione

Moabitide cum vxore sua, ac duobus liberis. Ipse vocabatur Elimelech, & vxor eius Noemi: & duo filij, alter Mahalon, & alter Chelion: Ephraimæ de Bethlechem Iuda. Ingressique regionem Moabitidem, morabantur ibi. Et mortuus est Elimelech maritus Noemi, remansitque ipsa cum filijs. Qui acceperunt vxores Moabitidas, quarum vna vocabatur Orpha, alteraque Ruth. Manseruntque ibi decem annis, & ambo mortui sunt, Mahalon videlicet, & Chelion: remansitque mulier orbata duobus liberis, ac marito.

**A** enarrandam. Et diuiditur in quatuor partes, in prima ponitur eius ad dominum conuersio, secundo eius honesta in Iudaismo conuersatio, tertio legalis conuentio, quarto matrimonialis coniunctio. Prima pars diuiditur in duas, quia primo ponitur conuersio occasio, secundo ipsius Ruth conuersio ibi. *Et surrexit.* Circa primum dicitur. *In diebus vnus iudicis.* Ponitur tempus, quando factum fuit hoc, idest in diebus vnus iudicis, vt sciatur quando acciderit ista historia. *Quis autem fuerit iste iudex,* infra dicitur in quadam questione. *Quando iudices præerant.* Fuit quoddam tempus, quo soli iudices præerant in Israel, & fuerunt iudices quindecim, & tempore istorum non fuerunt reges, nec alij principes, vt dicitur infra in quadam questione. *Facta est fames in terra.* Scilicet in terra Israel, quia de ipsa terra solum agitur hic, quia ibi habitabat Elimelech, qui fugit tunc propter famem, vt patet in litera. Et ista fames dedit occasionem isti historię, quia alias non fuisset historia Ruth, scilicet, q̃ Maalon filius Elimelech & Noemi non accepisset in vxorem Ruth, de qua fuit progenies Dauid. Cur autem venit ista fames, & an fuerit vniuersalis, vel particularis, declarabitur infra. *Abijtque homo de Bethlechem Iuda.* Iste homo fuit Elimelech, vt patet infra in litera, & fuit de Bethlechem: in quo apparebat, q̃ erat de tribu Iuda, quia Bethlechem erat ciuitas Iuda, & Dauid fuit de ista vrbe, vt patet Ioan. 8. & dicitur de Bethlechem Iudæ ad differentiationem alterius: est enim duplex Bethlechem, quædam in sorte Iudæ, alia in sorte Zabulon, vt patet Iosue 19. & ob hoc consuevit poni Bethlechem, cum ista determinatione, scilicet, vt dicatur Bethlechem Iudæ. Patet hic, & Iudicum 17. & Matthæi 2. Et aliquando vocabatur Bethlechem Ephrata, vt patet Michæ 5. & idem est. Quare autem vocetur Ephrata, infra dicitur. *Vt peregrinaretur in regione Moabitide.* Idest, vt maneret

*In diebus.* Hic incipit liber Ruth, in quo ponit historiam Ruth, quæ subordinatur ad genealogiam Dauid  
Alph. Tost. super lib. Ruth



neret ibi peregrinando aliquo tempore, quousque cessaret fames: nam non erat intentio Elimelech manere semper in regione Moab, sed solum tempore famis, & postea redire intendebat in terram suam Bethlehem, & ideo quandiu esset in terra Moab, dicebatur ibi peregrinari. Sciendum de regione Moab, quæ est quadam terra coniuncta terre Israel, quæ nominata fuit à Moabitibus filiis Moab, qui fuit primogenitus Loth ex filia sua susceptus, quando inebriatus est, Genes. 2. c. 9. Et quia Moab, & Ammon erant filii Loth, ut patet ibidem, & Loth erat consobrinus Abraham Gen. 11. & 13. voluit dominus benedicere filiis Loth propter Abraham, dando eis regiones, in quibus morarentur: & dedit eis terras coniunctas Iordani ad orientem partem eius; & circa mare rubrum, & dedit eis robur ad pugnandum contra Gigantes, qui tenebant prius regiones illas; ut excluderent eos de illis, ut patet Deut. 2. ideo dicitur, quod Deus dedit eis possessiones, sicut filiis Israel. Ista terra fuit semper Moabitarum, etiam antequam Israelitæ exirent de Aegypto, & quando exiuerunt voluerunt transire per illam, & transierunt per quandam partem eius: Deut. 2. Et per quandam aliam partem eius non permisi sunt transire, neque voluerunt Moabitæ occurrere eis cum pane, & aqua: Deuter. 23. sed potius conduxerunt Balaam ariolum contra eos, ut malediceret ipsis, Num. 22. & 23. & 24. Et est regio ista Moab coniuncta terræ Israel, imò quadam pars regionis Moab cecidit Israelitis in partem, scilicet terra duarum tribuum & dimidiæ, quæ erat ad orientem Iordanis: nam ista terra erat prius pars regni Moab, & duo reges Amorrhæi, scilicet Sehon, & Og ceperunt eam de terra Moab, & postea Israelitæ acceperunt eam de manu istorum duorum regum Amorrhæorum: Deuter. 2. & 3. & Num. 21. cap. Et coniungitur ista terra Iordani, scilicet, quod Iordanis est terminus occidentalis terræ Moab: Deuter. 2. & 3. & ipse Iordanis est terminus orientalis terre Chanaā, in qua habitauerunt Israelitæ: Num. 34. ideo istæ duæ terræ coniunctæ erant, & sic facile erat Israelitis transire ad terram Moabitarum ad peregrinandum ibi. Cum vxore sua, & duobus liberis. Vxor sua vocabatur Noemi, & duo filii sui Mahalon, & Chelion, ut patet in litera. Ipse vocabatur Elimelech. Quia postea de istis in historia agendum est, ponuntur hic nomina eorum, & prius nomen viri, scilicet Elimelech, qui erat vnus de præcipuis viris vrbis Bethlehem. Et vxor eius Noemi. Ista superstes fuit post peregrinationem viro, & filiis mortuis, ut patet in litera. Et interpretatur Noemi pulchra, ut patet infra in litera, scilicet, ne vocetis me Noemi, idest pulchram, sed mara, idest amaram, quia valde amaritudine repleuit me omnipotens. Et duobus filiis eius alter Mahalon, & alter Chelion. Ponuntur nomina istorum, quia infra ponuntur nomina vxorum suarum, quarum vna fuit Ruth vxor Mahalon, cuius hæc historia est, & fuerunt duæ vxores eorum Orpha, & Ruth, ut patet infra in litera. Ephratai. Idest omnes isti erant Ephratai. De Bethlehem Iuda. Idem est Ephrathæi, & de Bethlehem, quia Ephrata, & Bethlehem est idem locus: sed de Ephrata infra dicetur in quadam questione. Et vocatur Bethlehem Iuda ex causa supra assignata. Ingressi itaque regionem Moabitidem morabantur ibi. Scilicet, quia in regione Moab non erat fames, sicut in terra Israel, & volebant ibi manere tempore famis, & ista peregrinatio fuit decem annorum, ut patet infra in litera. Et mortuus est Elimelech maritus Noemi. Scilicet, durante ista peregrinatione decem annorum, sed in qua parte istius temporis mortuus fuerit, non apparet. Quod autem mortuus fuerit isto tempore patet, quia quando reuersa est Noemi in terram suam, dixit quod rediret vacua viro, & filiis, infra in li-

tera: & tamen dicendum, quod aliquanto tempore ante finem istorum annorum decem mortuus fuerit, quia immediate dicitur in litera: remansit ipsa cum filiis suis in regione Moab, nisi decem annis, ut patet in litera: ergo ante finem decem annorum aliquanto tempore mortuus fuit Elimelech. Remansitque ipsa cum filiis suis. Scilicet, quia nondum cessauerat fames in terram Israel, & propter illam peregrinabatur in terra Moab ipsa Noemi. Qui acceperunt vxores Moabitidas. Erant enim in regione Moab, & non poterant accipere vxores de alijs regionibus. Quarum vna vocabatur Orpha. Ista fuit vxor Chelion, & mansit in Gentilitate eunte Ruth cum Noemi ad terram Israel. Manseruntque ibi decem annis. Scilicet Noemi, & filii sui: nam Elimelech vir Noemi multo prius mortuus est. Et ambo mortui sunt Mahalon videlicet, & Chelion. Scilicet, post patrem suum Elimelech mortui sunt, & non dicitur hic de morte patris, quia de illa supra dictum est. Remansitque mulier orbata duobus liberis, & marito. Omnino erat iam orbata Noemi post mortem mariti sui, & duorum filiorum, quia nihil aliud ad se pertinens habebat in regione illa, ideo illico habuit occasionem redeundi in terram suam Israel.

Quare hic dicitur, quod in diebus vnus iudicis accidit historia ista Ruth, cum in initijs aliorum librorum scriptura tempus ponere non consueuerit.

Quest. 1.

QVAERETVR circa primum, quare dicitur hic, quod in diebus vnus iudicis accidit historia ista Ruth: nam in principiis aliorum librorum non consueuit poni tempus, quando facta est historia illorum. Respondendum, quod sacra scriptura vult dare certitudinem de omnibus rebus, quæ in ea enarrantur, & quia scire tempora rerum gestarum multum confert ad sciendum, quid est ipsum, quod factum est ex circumstantijs temporis: scriptura vult dare cognitionem de tempore rerum gestarum, unde in omnibus libris aliquid est, per quod de historia illorum librorum cognoscitur quando fuerit. Pro quo sciendum, quod librorum sacre scripturæ quidam continent dicta, & quidam historias. In illis, qui continent dicta, non oportet poni annotationes temporum: quia per ipsam personam cuius dicta sunt cognoscuntur tempora librorum: sic patet de Prouerbijs, Ecclesiaste, & Canticis canticorum, qui sunt libri Salomonis, & non apponitur eis tempus: quia scito ex libris Regum, quo tempore fuit Salomon, scietur de doctrina eius: sic est in omnibus libris noui testamenti, scilicet quatuor Euangelijs, & Epistolis omnibus, & canonicis, & Actibus Apostolorum, & Apocalypsi: nam cognitis temporibus Christi, & Pauli, cæterorumque Apostolorum, quod idem tempus fuit, scietur tempus omnium scripturarum istarum: ideo non consueuit poni in istis scripturis aliquod tempus, nisi aliquando ad notificandum ipsum cuius fuit doctrina, vel de quo agitur, ut patet Lucæ primo, & Lucæ tertio: iste etiam modus obseruatur in omnibus Prophetijs Prophetarum maiorum, & minorum: nam in principio cuiuslibet eorum, ponitur quo tempore ille prophetauerit, cuius totus ille liber est. Alij autem sunt libri historici. Et isti se habent dupliciter. nam quidam eorum continent historiam, de qua notum est, quo tempore fuit propter continuationem librorum inter se, & in istis non annotatur tempus: in alijs autem non cognoscitur per se, de qua historia, quo tempore fuerit, & de istis ponitur, quo tempore fuerint.

Quare in quibuslibet libris sacre scripturæ tempora non annotantur.

Iordanis est terminus occidentalis terræ Moab.

Quest. 8.



De primis patet, sicut in Genesi, qui est liber historicus, non oportuit poni, quo tempore illa historia cæperit, quia seipsam notificat, cum agat de exordio sæculi. In principio Exodi, non annotatur tempus, quia ex fine Gen. patet quo tempore cæperit Exodus. Idem patet de Leuitico, & libro Numerorum, & Deuteronomij: idem de libro Iosue, quia finis libri Deuteronomij, & principium libri Iosue idem est, ut colligitur considerando utrumque. Sic etiam de libro Iudicum respectu libri Iosue, quia finis Iosue est principium libri Iudicum. Sic etiam de libris Regum, ad librum Iudicum, & de libris Paralipo. nam isti ostendunt tempora ex continuationibus suis, ideo non oportet in istis poni tempora in principiis ipsorum. Alij sunt libri historici, qui non habent continuationem ad præcedentes: unde ex hoc non potest cognosci tempus historiæ, & in his necesse est, quod in principiis librorum assignentur tempora ipsorum. Sic patet de libro Esther, & de lib. Iudith, & Tobix, & Machabæorum, nam in his omnibus præponuntur aliqua tempora, per quæ cognoscitur de ipsis historiis, quo tempore fuerint: ita fuit in isto libro Ruth: nam Ruth est persona, de qua hic agitur, & non erat persona tam famosa in scriptura, ut ex alio loco posset cognosci tempus eius. Etiam ista historia, non est dependens ex alijs historiis aliorum librorum præcedentium, vel sequentium, sicut est in libris Regum, & Paralip. & quinque libris Moyse: ideo ut sciretur, quo tempore fuerit ista historia: oportuit quod in principio eius designaretur tempus, & sic dicitur hic, quod in diebus vnus iudicis fuit, & tamen non dicitur, quis iudex fuerit iste, quia videbatur hoc sufficere ad aliqualem cognitionem de tempore huius historiæ.

*Quis fuit iste iudex, sub quo accidit historia Ruth.*

*Quest. II.*

**Q**VAERETVR vltius, quis fuit iste iudex, sub quo accidit historia Ruth. Respondet Magister in hutoria scholastica, quod iste fuit Heli summus sacerdos, qui erat de sacerdotibus de stirpe Ithamar, ad quos non pertinebat summum sacerdotium, & ipse usurpauit sibi illud, & cum eo etiam fuit iudex Israel, & tempore eius fuit Ruth, & quæ dicuntur hic. Et multi tenent istam positionem, & nos eam aliquando referimus. Sed dicendum, quod positio ista, quantum ad vnam partem, scilicet quod Heli usurpauerit sibi summum sacerdotium iudicatio principatu, falsa est: nam fuit voluntate, & iussu Dei factum: unde promissit ei Deus sacerdotium in æternum, ut patet 1. Reg. 2. 1. Loquens locutus sum, ut domus tua, & domus patris tui ministraret coram me in æternum, nunc autem dicit dominus absit hoc a me, sed quicumque glorificauerit me, honorificabo eum: & qui contemnunt me, erunt ignobiles. Quod autem esset de domo Ithamar ipse Heli, & quod non pertineret summum sacerdotium ad istam domum, verum est: nam pertinebat summum sacerdotium ad primogenitos, ut patet Leuit. 21. & primogenitus Aaron de superstitibus fuit Eleazar, ideo ad eum, & filios suos pertinebat sacerdotium summum, & ipsum iussit Deus fieri sacerdotem summum, moriente Aaron: Num. 20. c. & in ista stirpe durauit vsque ad tempora Heli in fine temporis iudicum, & tunc Deus abtulit filiis Eleazar sacerdotium, quia pessimi erant, & voluntate Dei, & populi datum est ipsi Heli, qui erat de stirpe Ithamar, & manere debebat in domo eius in æternum, nisi peccaret: & quia peccauit ipse, & filij sui translatus est sacerdotium tempore Salomonis ad filios Eleazar, qui prius illum tenebant, scilicet quando Abiathar eiectus est de summo sacerdotio 3. Reg. 2. & hoc prænuntiatus fuerat 1. Reg. 2. Quod autem iudicante

Alph. Tost. super lib. Ruth

**A** isto Heli fuerit historia Ruth est positio multorum, & sic tenet Iosephus quinto Antiquitatum. Dicendum tamen videtur, quod non fuerit Heli, sub quo accidit ista historia, sed aliquis alius iudex multo ante eum. Et patet hoc, quia Heli iudicauit solum quadraginta annis, ut patet 1. Reg. 4. & post eum iudicauit Samuel, cuius tempora, & Saulis succedentis ei fuerunt quadraginta annorum, ut patet Act. 13. & mortuo Saule successit Dauid: subtrahantur ergo de istis octoginta annis triginta, quos habebat Dauid, moriente Saule: nam mortuo Saule illico Dauid constitutus est rex super Iudam 2. Regum 2. & erat tunc annorum triginta, 2. Reg. 5. manebunt quinquaginta anni: subtrahantur ergo anni plusquam decem pro peregrinatione Elimelech, & Noemi, antequam Booz gigneret Obed ex Ruth, quia dato, quod prima die, qua cepit iudicare Heli inciperet peregrinari Elimelech subtraherentur decem anni, quibus durauit peregrinatio, & post peregrinationem dato, quod Booz illico acciperet Ruth in uxorem, adhuc transiret quasi vnus annus priusquam ex ea gigneret Obed: qui tollantur de quinquaginta, manebunt solum trigintanovem anni, qui transirent a natiuitate Obed, vsque ad natiuitatem Dauid. Sed istud non est vilo modo tenendum, nec quasi possibile. Quod patet, quia Obed fuit auus Dauid, scilicet pater Isai: & quando Obed gigneret Isai patrem Dauid esset saltem annorum viginti, vel quasi: quia illo tempore non contrahebantur matrimonia in tam parua ætate. manent ergo decem & nouem anni a natiuitate Isai, vsque ad natiuitatem filij sui Dauid. Sed hoc non stat, quia Isai erat vir magnæ ætatis, quando Dauid erat paruulus: nam habuit Isai septem filios, & octauus, & minor fuit Dauid, ut patet 1. Reg. 16. & 17. & Paralip. 2. ideo necesse erat, quod in natiuitate Dauid esset Isai plusquam decem & nouem annorum. Tenet ergo Hebræi, quod non fuerit iste iudex Heli, sed alius, scilicet Abesan. Et magis adhuc procedit ista probatio tenendo viam Iosephi, qui ponit decem & octo annis, fuisse peregrinationis Elimelech in terra Moab, ut patet 3. Antiq. Volunt ergo, quod iste iudex fuerit Abesan, & quod ille sit idem, quod Booz, de quo dicitur in libro isto, quod accepit Ruth in uxorem, & hoc quia consonat aliquantulum: nam Booz fuit de vrbe Bertheleem de tribu Iuda, ut patet seq. ca. & infra 3. & 4. & Abesan fuit etiam de stirpe eadem, & vrbe Iudi. 12. & ex tunc poterit esse conuenienter tempus progeniei Obed, & Isai, & Dauid: eo quod Abesan cepit iudicare ante Heli quadraginta, & quinque annis. Nam post Iephthe Galaadidem iudicauit Abesan septem annis, & post Abesan ipse Ahialon decem annis, & post ipsum Abdon octo annis, ut patet de omnibus Iudi. 12. qui sunt viginquique anni, & post Abdon ipse Samson viginti annis Iudi. 13. & 16. & sic poterat esse in diebus Saulis Isai pater Dauid grandæuus, scilicet quando Dauid esset paruulus vadens ad bellum contra Goliath 1. Reg. 17. Nam secundum priorem positionem dando, quod fuisset istud tempore Heli sacerdotis, sequebatur, quod Isai pater Dauid esset annorum decem & nouem, quando nasceretur Dauid: nunc verò abdēdo quadraginta quinque annos, ponendo fuisse tempore Abesani esse posset Isai in natiuitate Dauid annorum sexaginta quatuor, & istud est conuenienter dictum. Etiam istud confert ad genealogiam Saluatoris, ut declarabitur infra 4. c. in fine in quadam quæstione. Sed tunc obijciatur, quia hic dicitur, quod decem annis peregrinatus est Elimelech in terra Moab tempore vnus iudicis, & tamen Abesan non iudicauit, nisi septem annis: Iudi. 12. ideo non potuit esse tempore suo. Dicendum quod hoc non obstat, quia cum dicitur, quod in diebus vnus iudicis facta est ista peregrinatio, non refertur nisi ad inceptionem, scilicet quod tempore illius inchoata est, licet finita fuerit tempore alterius,

Cap. II.  
Doct. rñ.  
ad quæsiu

Isai septe  
habuit filios.



ferius, & sic finiretur tempore Ahialon, qui successit ei eo. cap. Quod tamen Abeslan sit id, quod Booz, quod Iudæi asserunt, non apparet aliquod motuum, sed sola voluntas.

*Quot fuerunt hi iudices, & quanto tempore præfuerunt.*

*Quæst. III.*

**Q**VAERETVR vltorius, cum dicatur hic, q̄ ista historia fuit quando iudices præerant in Israel, quot fuerunt isti iudices, & quanto tempore præfuerunt. Respondendum, quod tempus Iudicum cepit post tempora Iosue, vt patet Iudi. 1. c. & computantur sub iudicibus anni treceti, & septuaginta, & sex: quod patet: ab exitu de Aegypto vsq; ad foundationem templi Moyfi fuerunt anni quadringenti, & octoginta, 3. Regum 6. à quibus subtrahantur quadraginta anni ab exitu de Aegypto vsque ad introitum in terram Chanaan, & anni viginti quibus regnasse dicitur Saul, qui fuit illico post vltimum iudicem, scilicet Samuelem, & quadraginta anni, quibus regnavit Dauid, & anni quatuor quibus regnauerat Salomon, quando fundatum est templum, 3. Regum 6. qui sunt centum, & quatuor anni, manebunt anni trecenti septuaginta & sex, qui sub iudicibus, & Iosue continentur: non ascribuntur autem aliqui anni ipsi Iosue, sed computantur omnes sub iudicibus, vt infra magis dicetur. Et dicendum est de iudicibus, q̄ fuerunt quindecim, vel decem & sex computando Debboram, quæ fuit mulier, f. Hothoniel, Aod, Samgar, Debbora, Barac, Gedeon, Abimelech, Iair, Thola, Iephte, Abeslan, Ahialon, Abdō, Sāson, Heli, Samuel. Et Hothoniel iudicauit terrā quadraginta annis computando sub eo tempus, quo quieuit terra: Iudi. 3. Nam iste modus computandi est in omnibus iudicibus, vt ibidem declaratum est: Aod iudicauit terram octoginta annis eo. cap. tempora Samgar, qui fuit tertius iudex, non ponuntur: quia supputantur temporibus Aod, vel Barac, sub Barac, & Debbora computantur quadraginta anni, vt patet Iudic. 4. sub Gedeone alij quadraginta anni Iud. 8. sub Abimelech tres anni: Iudic. 9. sub Iair computantur viginti duo anni. Iudic. 10. & sub Thola. 23. eo. cap. sub Iephte sex anni: Iud. 12. & ante Iephte fuerunt decem, & octo anni, qui non computantur sub aliquo iudice, de quibus: Iudi. 10. & ibi patet: post Iephte iudicauit Abeslan annis septem: Iudic. 12. & post eum Ahialon annis decem, & post ipsum Abdon annis octo eo. ca. & postea Samson viginti annis: Iudic. 13. & 16. & postea Heli quadraginta annis 1. Regum 4. & postea Samuel annis viginti, vel parum plus, vt colligitur 1. Reg. 7. & post eum cepit Saul gubernare populum, qui fuit primus rex Israel, & isti anni simul sunt trecenti, septuaginta, & sex, vt patet coniungendo omnes istos annos: tanto tempore iudices præfuerunt in Israel, & postea secuti sunt reges.

*Quare fames orta est, quæ fuit hic, & an steterit sol tempore isto ostendendo famem, vt Hieronimus dicit.*

*Quæst. IIII.*

**Q**VAERETVR vltorius, de causa istius famis, propter quam Elimelech peregrinatus est in terra Moab. Respondet Hierony. vt habetur in Glo. ordi. 1. Paralip. 4. quod tempore isto fuerunt in Israel magna scelera, & Deus volens ostendere indignationem suam, vt auerterent à vijs suis pessimis, fecit stare solem, & tamen, hoc non obstante, non cessauerunt Israelitæ ab iniquitatibus, ideo Deus misit magnam famem in terra, ita vt Elimelech, qui erat de nobilioribus vrbs Bethlehem cogeretur peregrinare in terra Moab. Istud colligit Hieronimus, quia 1. Paralip. 4.

**F** dicitur, qui stare fecit solem, & intelligit hoc Hieron. de Elimelech, quia subditur ibi, securus, & incedens, qui principes fuerunt in terra Moab, & reuersi fuerunt in Bethlehem, & conuenit istud Elimelech, & filijs suis, qui fuerunt de Bethlehem, & principati sunt, vel manserunt in terra Moab, & ipsi fuerunt de stirpe Iuda, de qua ibi agitur. Sed dicendum, q̄ hoc non stat, quia si tale miraculum accidisset, cum istud esset nimis admirandum, poneretur in ista historia, & tamen nihil tale ponitur hic, ideo non est credendum, quod fuerit. Et cum dicitur 1. Paralip. 4. qui stare fecit solem: non est sensus, q̄ aliquis fecerit stare solem, sed sunt ibi in Hebræo nomina propria, quæ possunt æquiuocari, & adduci aliquid ad sensum, quem intendit litera nostra, sicut declaratum est: & dato q̄ esset verū, quod steterit sol, non conueniret illud isti Elimelech, de quo hic agitur, nec filijs eius, vt ibidem probatum est. Dicendum ergo est, quod accidit fames, sicut aliās accidere solet, non præueniente aliquo tali signo, & tunc Elimelech iuit ad peregrinandum in terra Moab. Dicunt autem Hebræi de Elimelech, q̄ erat ditissim⁹ inter viros Bethlehem, erat tamen nimis auarus, & cū in ista magnitudine famis multi conuenirent ad eum ad petendum, nolebat eis dare quidquam, & molestabant eum sæpe petendo, & vt non molestaretur recessit de Bethlehem vadens in terram Moab. Et dicunt, quod quia ex mala causa exiuit Elimelech de terra ad peregrinandum, mortuus est ipse, & duo filij eius in peregrinatione. Et hoc colligunt ex verbis Noemi, quæ dixit: non vocetis me Noemi, idest pulchram, sed mara, idest amaram, quia amaritudine repleuit me valde omnipotens, egressa sum plena, & vacuam reduxit me dominus: cur ergo vocatis me Noemi? quam humiliavit dominus, & afflixit omnipotens. Et iterum dixit: egressa est manus domini contra me. Sed istud non apparet, nec est motuum istud aliquale, quia q̄ Noemi sic humiliata erat à Deo plaga eius in eo, q̄ vir suus, & filij mortui erant, & ad hoc, q̄ ipsa puniretur ex morte eorum, non differebat, an ipsi morerentur propter peccatum, vel innocenter: non ergo significauit Noemi causam mortis Elimelech, & filiorum ei⁹, sed solum afflictionem suam ex morte ipsorum. Dicendum ergo videtur, quod ista fames fuit grauis, & Elimelech dato, q̄ esset vir diues, & nobilis coactus est exire de terra, quia fortè habebat familiam multam, & non poterat prouidere ei in terra Israel propter angustiam temporis.

*An fuerit fames vniuersalis, vel particularis.*

*Quæst. V.*

**Q**VAERETVR vltorius de ista fame, an fuerit vniuersalis, vel particularis. Nam aliquando est fames generalis in toto orbe, vt tempore Claudij Imperatoris, quæ prænunciata est per Prophetam Agabum, vt patet Actuum 11. aliquando est fames particularis, scilicet solum in aliqua regione. Respondendum circa hoc, quod fames potest dupliciter prouenire, scilicet naturaliter, aut supernaturaliter. Si primo modo, scilicet, vt solum sit ex causis naturalibus operantibus coelis, dicendum est, quod impossibile est esse famem in toto orbe. Causa est, quia fames, vel quæcunque alia passio, vel effectus naturaliter inducitur ex actione corporū celestium, fit ex certo aspectu planetarum, & radiatione: sed impossibile est, q̄ planeta nocuius habeat eundem aspectum simul ad totum orbem, ideo nullus effectus omnino idem potest simul causari naturaliter in toto orbe. Si autem supernaturaliter eueniat, non est difficilius esse in toto orbe, quam in aliqua parte eius: quia potestas Dei æqualiter se extendit ad totum orbem, & ad singulas eius partes, &

Iudices, q̄ fuerunt in Israel.

Improb. opi. Hier.

Doct. rñ. ad q̄sum.

H. brzonū opin.

Impossibile est, q̄ sit fames vñs in tota orbe naturaliter loquendo.



& quia naturaliter nō potest esse vniuersalis penuria, & fames, raro legitur, quod fuerit fames vniuersalis. De particulari autem sæpe legitur. De ista fame dicit aliquis, q̄ non constat an esset vniuersalis, vel specialis, eo q̄ scriptura non exprimit. Sed dicendum, q̄ non stat: nam necesse est, q̄ fuerit ista fames particularis, quia si esset generalis, non iretur ab vna terra in aliam ad defensionē à fame, quia in omnibus esset fames: & tamen iste Elimelech peregrinatus est in terra Moab propter famem, quæ erat in Bethlehem, ideo erat fames particularis. Dicendum etiam, q̄ erat fames nimis particularis: nam erat in terra Israel solum, & non extendebatur ad prouincias coniunctas: nā terra Moabitarum erat, in qua peregrinatus est Elimelech nunc, & ista est coniuncta terræ Israel. Nam terra Moab habet Iordanem ad partem occidentalem, vt colligitur Deuter. 3. & Iudi. 3. cum vada Iordanis transmittant ad terram Moab, & tamen Iordanis est terminus occidentalis terræ Chanaan, in qua morabantur Israelitæ: Num. 34. Etiam quia terra duarum tribuum, & dimidię, quę erat ad orientem Iordanis erat terra Moabitarum, vt patet Num. 21. & petiuerunt eam tempore Iephte Moabitidæ, & Ammonitæ. Iudic. 11. ideo solum erat ista fames in terra Israelitarum, vel saltem non extendebatur per alia regna in circuitu, cum non esset fames in terra Moab, quæ erat coniuncta terræ Israel.

*An Elimelech & eius filijs liceret in terra Moab habitare, vel semper manere.*

*Quest. VI.*

**Q**VAERETVR vltius, cum dicatur hic de Elimelech, & filijs suis, q̄ iuerunt ad peregrinandū in terra Moab, an liceret eis ibi habitare, vel semper manere. Respondendum, q̄ licuit istis manere extra terram Israel tempore isto, quia erat fames, & non poterant manere commodē in terra Israel, & si fames vrgeret terram semper dum isti viuerent, licebat eis semper manere extra terram Israel in terra Moab. Si tamen cessaret fames, non licebat manere in terra illa, & quomodocunq; se haberet non licebat istis ire in terrā Moab animo manendi ibi semper. Nam licet semper duraret fames, dum isti viuerent, adhuc non licebat istis habere intentionem manendi in terra Moab, sed intentio sua esset peregrinandi, scilicet, q̄ adueniente fertilitate redirent in terram suam. Et hoc modo nunquam dicerentur habitare in terra Moab, quia animus requiritur ad constituendum domicilium, & qui habet intentionem recedendi etiam si in æternum maneat, non constituit domicilium. Ratio prædictorum est, quia Israelitæ non poterant licet morari extra terram Israel. Primò propter periculum idolatræ: nam conuersando cum Gentilibus allicerentur per communicationem eorum ad colendum idola ipsorum: potissimè comedendo, & bibendo cum eis: nam interdū comederent de cibis consecratis dæmonibus, quod erat magnum scandalum, & ista fuit causa quare Deus vetuit Israelitis communicare cum Chanaanis, & accipere filias eorum in vxores: Exod. 34. & Deuter. 7. Secundò quia si habitarent Israelitæ extra terram Israel obliuiscerentur caeremoniarum legis propter dissuetudinem, eo quod caeremoniæ legis, s. sacrificia, & similes non fiebant nisi in terra Israel, vbi erat sanctuarium, & propter hoc non obseruant nunc Iudæi istas caeremonias, & tamen intentio Dei erat, q̄ nō obliuiscerentur mandatorū legis, sed assuefierent eis: & meditarentur semper in ipsis, vt patet Deuter. 6. ergo non licebat eis morari extra terram Israel. Tertiò quia Deus iusserat Israelitis, quod ter in anno in tri-

Alph. Tost. super lib. Ruth

**A** bus festiuitatibus ascenderent ad locum sanctuarij: Exod. 23. & 34. & Deuter. 16. & sic habendo intentionem semper manendi in terra Gentilium, peccarent, quia non possent complere legem: ita nunc dicendum: quod isti non peccauerunt manendo decem annis in terra Moab, quia vrgente fame illuc iuerunt, & solum manserunt ibi quandiu fames durauit, postea verò reuersa est Noemi audito, quod non esset fames in terra Israel, vt patet in litera.

*An tempore quo manebant isti in terra Moab obligabantur venire in sanctuarium ter in anno.*

*Quest. VII.*

**Q**VAERETVR vltius, an tempore, quo manebant isti in terra Moab obligabantur venire in sanctuarium ter in anno. nam Deus iusserat, quod ter in anno appareret apud eum omne masculinum de progenie Israelitarum: Exod. 23. & 34. & Deuter. 16. Aliquis dicit, quod istud intelligebatur de existentibus in terra Israel: existentes autem extra in terra Gentilium non obligabantur venire aliquo tempore. Dicendum, quod non solum existentes in terra Israel, sed etiam foris obligabantur venire ad templum domini ter in anno, si non erant necessariò impediti, & hoc saltem in festo Phase, vt patet Num. 9. cum dicitur, quod omnes Israelitæ celebrarent Phase quartadecima die mensis primi ad vespertum, nisi quis esset immundus, vel longè in via constitutus, quia isti tenebantur die quartadecima mensis secundi facere Phase, ergo impediti necessariò excusabantur: tamen tenebantur facere postea, quod prius non fecerant. Item patet, quia si existentes extra terram Israel quomodocunq; excusarentur venire ad sanctuarium ter in anno, posset fieri fraus legi, quia quilibet se posset tempore illarum festiuitatum transferre in terram Gentilium, & sic non posset coarctari ad veniendum, & nullus sic veniret ad solennitates. Item patet, quia manifestum est, quod existentes intra terram Israel tenebantur venire ad istas festiuitates: nec aliquis dubitat de hoc: & tamen eadem causa erat de existentibus in terra Israel, & extra, cum non haberent existentes extra aliquam excusationem necessariam, si non incurrebat eis aliquod impedimentum magnum: ergo etiam existentes extra, tenebantur venire si non essent impediti. De istis, scilicet Elimelech, & filijs suis, erat nunc dubium, an tenebantur venire, & veniebant. Et dicendum, quod non veniebant, nec fortè in toto isto tempore decem annorum illuc aliquando iuerant. Et patet, quia duo filii Elimelech acceperunt vxores Moabitidas, scilicet de terra, in qua peregrinabantur: erat tamen hoc contra legem, vt infra declarabitur in quadam quaestione: ergo accipiebant eas in defectum, scilicet, quia non poterant habere vxores de terra Israel: si tamen quolibet anno ter in festiuitatibus cōlueuissent isti venire in locum sanctuarij, posset accipere vxores de terra Israel, ideo videtur, quod non veniebant in templum in festiuitatibus istis. Tunc est dubium, an isti peccarent non veniendo, quia isti non erant viri perfecti, quos oporteat excusare à peccato. Potest dici, quod isti non peccauerunt, eo quod habebant causam iustam non veniendi, scilicet, quia erat fames valida in terra Israel, & fortè non possent habere cibos veniendo de terra Moab ad templum, & ista erat causa sufficienter excusans.



*Quomodo dicitur hic, quod Elimelech, & sui filij erant de Bethlehem Iuda; &c. Quæst. VIIII.*

**Q**VAERETVR ulterius, quomodo dicitur hic, quod Elimelech, & filij sui erant de Bethlehem Iudæ, & postea dicitur, quod erant Ephratæi. Aliqui dicunt, quod vocabantur Ephratæi, idest de tribu Ephraim: sic patet Iud. 12. ubi quærebatur in transitu cuiusdam fluminis, an transeuntes essent Ephratæi, & omnes Ephratæi occidebantur, & vocabantur ibi Ephratæi de tribu Ephraim. Sed dicendum quod non stat, quia isti erant de tribu Iudæ: nam erant de Bethlehem, quæ erat in sorte Iudæ, ut patet in litera. & sic habitatores huius urbis essent de eadem tribu. Item patet hoc, quia Elimelech, & duo filij eius erant cognati Booz, ut patet infra 3. nã G propter hoc iure propinquitatis accepit Booz Ruth uxorem Maalon, & omnia, quæ ipsius fuerant, ut patet ibidem: & tamen Booz erat de stirpe Iudæ, ut patet infra 4. & Matth. 1. ergo Elimelech erat de tribu Iudæ, & non de tribu Ephraim. Vnde non vocatur ipso modo Ephratæus. Sed vocatur Ephratæus ab urbe Ephrata: nam Bethlehem vocabatur Ephrata, & Bethlehem, ut patet Micheæ 5. & Gen. 47. Dicunt autem Iudæi, quod vocabatur ista ciuitas Ephrata ante hoc semper, & nunc cessante ista fame, tâta copia frugum fuit, quod vocata est Bethlehem, idest domus panis. Sed istud non stat, quia ante istud tempus vocabatur ista ciuitas Bethlehem, ut patet Gen. 47. ubi dicitur de Ephrata, hæc est Bethlehem, & tamen liber Gen. fuit scriptus per Moysen, cū sit primus de quinque libris Moyse, ideo tẽpore Moyse vocabatur adhuc locus ille Bethlehem, & Moyses fuit multo tempore ante istam famem, scilicet plusquam trecentis annis, ut patet computando tempora iudicum incipiendo ab exitu de Aegypto, sicut declaratum fuit supra in quadam quæstione. Non ergo cepit nunc noniter vocari Bethlehem ciuitas ista. Item patet, quia si sic fuisset, cessasset nunc nomen Ephrata, & vocaretur solum Bethlehem, & tamen vocabatur simul utroque nomine, scilicet Bethlehem Ephrata, ut patet Micheæ 5. & hic est, cum dicatur prius, quod erant isti viri de Bethlehem Iudæ: deinde dicatur, quod erant Ephratæi. Dicendum ergo, quod habuit simul hæc duo nomina ciuitas ista, ideo aliquando vocabatur vno nomine, & aliquando alio, I & aliquando utroque: interdum ponebatur vnum ad notificandum aliud, sicut istud nomen Ephrata erat quibusdam magis ignotum, & notificabatur per Bethlehem: sic patet Gen. 47. cū dicitur: in via, quæ ducit Ephratam, hæc est Bethlehem. Interdum ponitur Ephrata ad notificandum Bethlehem propter differentiam, scilicet erat duplex Bethlehem, quædam in sorte Iudæ, & alia in sorte Zabulon Iosue 19. & ut non intelligatur de Bethlehem tribus Zabulon, dicitur Bethlehem Ephrata, ut patet Micheæ 5. scilicet. Et tu Bethlehem Ephrata. Etiam patet, quod ponatur istud ad notificandum, quia Matth. 2. Et tu Bethlehem terra Iudæ, quasi eadem notificatio fiat per vtrumque. Patet, quia etiam hic ponitur primò, quod erant de Bethlehem terræ Iudæ, & postea dicitur, quod erant Ephratæi, quasi idem sit utraque. Quod autem istorum duorum nominum prius fuerit impositum isti urbi, vel an ambo simul fuerint imposita non apparet.

*Quo tempore mortui fuerunt filij Elimelech mariti Noemi.*

*Quæst. XI.*

**Q**VAERETVR ulterius, de Elimelech marito Noemi, quo tempore mortui fuerint filij eius. Dicendum quod tempus totius peregrinationis Israelitarum istorum in terra Moab fuit decem annorum, ut patet in litera, & in istis mortui sunt omnes isti. Nã cõsummatis decem annis redijt Noemi de terra Moab

**F**orbata viro, & filijs. de patre tamen, scilicet Elimelech dicendum, quod mortuus est ante filios, quia hic dicitur, quod mortuus est: & deinde dicitur, quod filij eius acceperunt uxores Moabitidas. Et dicendum, quod Elimelech mortuus est in principio istius peregrinationis: quod patet, quia totum tempus peregrinationis fuit annorum decem, ut patet in litera, & tamẽ qd, quod mortuus est Elimelech, & acceperunt filij eius uxores Moabitidas, & māsērunt ibi decem annis, & ambo mortui sunt: ergo post mortem Elimelech māsērunt filij eius decem annis in terra Moab, vel quasi: & non posset hoc stare, nisi mors Elimelech fuisset in principio peregrinationis, quia aliàs oportet, quod ista peregrinatio esset plusquam decem annorum, quod falsum esset. De filijs autẽ Elimelech dicendũ, quod mortui sunt in fine annorum decem, vel quasi. Quod patet, quia dicitur hic, quod mortuo Elimelech, duo filij eius acceperunt uxores Moabitidas, māsēruntq; ibi decem annis, & mortui sunt. Et sic dicendum, quod in fine peregrinationis mortui sunt isti duo. Quod patet quia mortui sunt post decem annos, & tamen peregrinatio solũ duravit decem annis. Item patet quia dicitur, quod reuerſa est Noemi post decem annos, scilicet quia ipsa mansit in terra Moab quandiu habuit sibi aliquos auxiliores, & charos. Mortuis tamen filijs, non habebat aliquos amicos, nec auxiliores: nam iam mortuus fuerat vir eius Elimelech: ideo verisimile est, quod immediatẽ post mortẽ istorũ filiorum suorum reuerteretur Noemi de terra Moab, & tñ non reuerſa fuit, nisi completis annis decem, ut patet in litera: ergo ante istud tempus non fuit mors filiorum eius.

Et surrexit, ut in patriam pergeret cum utraque nuru sua de regione Moabitide. Audierat enim, quod respexisset Dominus populum suum, & dedisset eis escas. Egressa est itaque de loco peregrinationis suæ cum utraque nuru, & iam in via reuertendi posita in terram Iudæ, dixit ad eas: Ite in domum matris vestræ: faciat vobiscum Dominus misericordiam, sicut fecistis cum mortuis, & mecum: det vobis inuenire requiem in domibus virorum, quos sortitura estis: & osculata est eas. Quæ eleuata voce flere cæperunt, & dicere: Tecum pergemus ad populum tuum. Quibus illa respondit: Reuertimini filia mi: cur venitis mecum? Num ultra habeo filios in utero meo, ut viros ex me sperare possitis? Reuertimini filia mi, & abite: iam enim senectute confecta sum, nec apta vinculo coniugali. Etiam, si possem hac nocte concipere, & parere filios, si eos expectare velitis, donec crescant, & annos pubertatis impleant, ante eritis vetulæ quàm nubatis? Nolite quæso filia mi facere hoc, quia vestra angustia magis me premit, & egressa est manus Domini contra me. Eleuata igitur voce rursus flere cæperunt. Orpha osculata est

*1. improb. opinionis Iudæorũ.*

*Deter. qd.*

*Duplex erat Bethlehem.*

*Deter. qd.*



est focrum, ac reuerſa eſt: Ruth adhæſit A  
focru ſuæ. Cui dixit Noemi: En reuerſa  
eſt cognata tua ad populum ſuum, & ad  
Deos ſuos, vade cum ea. Quæ Reſpon-  
dit: Ne aduerſeris mihi, vt relinquam te  
& abeam. Quocunque enim perexeris,  
pergam, & vbi morata fueris, & ego pa-  
riter morabor. Populus tuus, populus  
meus: & Deus tuus, Deus meus: quæ te  
terra ſulceperit morientem, in ea moriar,  
ibique locum accipiam ſepulturæ: hæc mi-  
hi faciat Deus, & hæc addat, ſi non ſo-  
la mors me & te ſeparauerit. Videns  
ergo Noemi, quòd obſtinato Ruth animo  
decreuiſſet ſecum pergere, aduerſari no-  
luit, nec ad ſuos vltra reditum perſuade-  
re. Proſectæque ſunt ſimul, & venerunt  
in Bethlehem. Quibus urbem ingreſſis,  
velox apud cunctos fama percrebuit, di-  
cebantque mulieres: Hæc eſt illa Noemi.  
Quibus ait: Ne vocetis me Noemi, ideſt  
pulchram, ſed vocate me mara, ideſt a-  
maram, quia amaritudine valde repleuit  
me omnipotens. Egreſſa ſum plena, &  
vacuam reduxit me dominus: cur ergo vo-  
catis me Noemi, quam Dominus humi-  
liauit, & afflixit ops? Venit ergo Noe-  
mi cum Ruth Moabitide nuru ſua de ter-  
ra peregrinationis ſuæ, ac reuerſa eſt in  
Bethlehem, quando primum hordea me-  
tebantur.

Ruth con-  
uerſio.

*Et ſurrexit.* Hic ponitur ſecundum huius ca. ſ. Ruth  
conuerſio: nam redeunte Noemi in terra Iſrael venit  
cum illa Ruth nuru ſua, & tunc conuerſa eſt ad cul-  
tum Dei, & dicitur. *Et ſurrexit, vt in patriam pergeret.*  
Scilicet, conſummata iam fame voluit redire Noemi  
in terram ſuam, ſ. in Bethlehem. *Cum vtraque nuru ſua.*  
Scilicet, cum Ruth, & Orpha, & non eſt iſta determi-  
natio illius verbi pergeret, quia tunc eſſet ſenſus Noe-  
mi voluit pergere in patriam ſuam cum vtraque nuru  
ſua. Et falſum eſt, quia potius ipſa Noemi perſuade-  
bat vtrique nurui ſue, qd redirent in terram ſuam, vt pa-  
tet in litera infra: ſed eſt determinatio illius verbi ſur-  
rexit, ſ. ſurrexit Noemi cum vtraque nuru ſua, & hoc  
verum eſt, quando Noemi incepit redire vtraque nu-  
rus ſua veniebat cum illa, vt patet in litera. *De regione*  
*Moabitide.* In qua manſerat per decem annos peregrin-  
nando tempore famis, vt patet ſupra in litera. *Audie-*  
*rat enim, quòd reſpexiſſet dominus populum ſuum.* Hic po-  
nitur cauſa, quare redijt Noemi in terram Iſrael, ſcili-  
cet, quia audierat, qd Deus reſpexerat populum ſuum,  
ſcilicet, Iſraelitas miſerendo eis. Et dicitur Deus reſpe-  
xiſſe eos per metaphoram. Nam reſpicere pertinet ad

Qd dicat,  
qd Deus re-  
ſpiciat ho-  
mines.

hominem habentem anteriora, & poſteriora: & ocu-  
los quibus reſpicit. Deus autem eſt ſubiectū ſimplex  
ſpiritualis non habens anteriora, nec poſteriora, nec  
Alph. Toſt. ſuper lib. Ruth

oculos, vel aliquas partes corporeas, ſed eſt metaphora  
ad ſimilitudinem eorum, quæ videmus in homine:  
nam quando homo eſt iucundus, & gratus erga ali-  
quos, reſpicit illos læto vultu, cum autem iratus, reſpi-  
cit eos vultu turbato. Vel potius auertit vultum ſuum  
ab eis, & cum reconciliatur eis denuo reſpicit eos: ita  
nunc Deus inſlixerat famem Iſraelitis propter pecca-  
ta, & ſic videbatur eis iratus, nec reſpicere eos, nunc  
autem cum abſtulit famem placatus fuit eis, & confe-  
quenter videbatur reſpicere eos vultu hilari. Voca-  
tur Iſrael populus Dei, quia licet tota terra eſſet Dei, Iſrael qua  
tamen Iſraelitæ ſpecialiter pertinebant ad Deum, vt re vocetur  
patet Deut. 7. & 26. & magis Exo. 19. ſ. Si audieritis vo-  
cem meā, & cuſtodieritis pactum meum, eritis mihi  
in peculium de cunctis populis: mea eſt enim omnis  
terra, & vos eritis mihi in regnum ſacerdotale, & gens  
ſancta. *Et dediſſet eis eſcas.* Iſtud fuit anno vndecimo.  
Nam in decem annis præcedentibus fuerat fames, &  
non erant eſcæ.

*Quare nunc Noemi reuerſa eſt de terra Moab in terram Iſrael.*

*Queſt. X.*

**Q**VAERETVR, quare nunc Noemi reuerſa  
eſt de terra Moab in terram Iſrael. Reſponden-  
dum, qd hoc fuit propter multa. Primò quia iam ceſ-  
ſauerat fames: nam pp famē venerat Noemi cum viro  
ſuo, & filiis in terram Moab, & quia nunc ceſſauerat  
fames redibat, & iſta cauſa innuitur in litera, cum dicitur,  
ſ. audierat enim qd reſpexiſſet dominus populum  
ſuum, & dediſſet eis eſcas. Aliqui autem dicunt, qd fuit  
iſta ſola cauſa veniendi in terram Moab, ſ. quia fames  
erat, ideo iſta ſola eſſet cauſa redeundi, ſ. quia ceſſaret  
fames. Item patet, quia litera exprimit iſtam cauſam,  
& nullā aliam. Dicendum tamen, qd aliæ fuerunt cau-  
ſæ etiam præter has. Secunda namque fuit, quia Noe-  
mi nō habebat iam auxiliatorem in terra Moab. Nam  
prius habebat filios & maritum, & mortuus eſt mari-  
tus, & manſit ipſa cū filiis in terra Moab: deinde mor-  
tui ſunt filij, & tunc ipſa ſola manſit: Vnde non pote-  
rat conuenienter manere in terra alienigenarum, ideo  
redijt. Tertia cauſa creditur eſſe, eo qd iam non mane-  
ret licitè in terra Moab. Nam non licebat Iſraelitis  
habere voluntatem habitandi ſemper in terra Genti-  
lium, vt declaratum fuit ſupra: & quando non ha-  
bebant cauſam non manebant licitè in terra aliena:  
ſed iam non habebat Noemi cauſam manendi, cum  
eſſet finita fames, ideo redibat: tempore autem famis  
licitè manebat. Cum autem dicitur, qd nulla cauſa fuit  
redeundi, niſi prima, eo qd illa ſola fuerat cauſa eundi.  
Dicendum qd non ſequitur, quia ceſſante cauſa, ceſſat  
ſemper effectus, quando effectus poteſt dependere ex  
multis cauſis. Sic patet de captiuitate Iudeorum in Ba-  
bylone: nam ſola cauſa, quare illuc ducti ſunt, & ma-  
nebant ibi, fuit violentia, & tamen ceſſante violentia  
iſta, redierunt multi in terram Iſrael, & multi alij man-  
ſerunt in terra Babylonis, nolentes venire, vt colligitur  
1. Eſdra. 1. & 2. & in alijs locis. Ita nunc quamquam  
propter famem ſolam iuerunt Elimelech, & Noemi,  
& filij eius in terram Moab, poterat eſſe qd ceſſante ſe-  
me, vellent manere ibi ex alia cauſa: cum autem dicitur,  
qd iſta ſola cauſa exprimitur in litera: dicendum qd  
non ſufficit, quia multa fuerunt, quæ non ſcribuntur,  
cum ſacra ſcriptura ſit breuiloqua. Aliter poteſt dici,  
qd iſtud hic fuit expreſſum, ſ. qd redijt etiam Noemi,  
quia non habebat iam aliquos auxiliares, nec ami-  
cos in terra Moab: nam, ponitur qd mortuus eſt vir ei⁹,  
& poſtea duo filij eius, & tunc dicitur, qd ipſa reuerſa  
eſt in terram ſuam.



*Quomodo dicitur hic, quod Deus dedit escas, quando respexit Israel populum suum.*  
*Quæst. XI.*

**Q**VAERETVR vltcrius, quomodo dicitur hic, q̄ Deus dedit escas, quando respexit Israel populum suum: nam in hoc innuitur, q̄ in decem annis famis non fuerunt escas in terra. Responderi potest dupliciter, vno modo q̄ erant aliquæ escas, vel terrænascentia in terra Israel tempore istius famis, sed erant tam pauca, q̄ non sufficiebant ad sustentandum habitatores terræ, & erant in magna caristia: nihil autem, & parum, vel inutile, & quasi nulla fuerunt terrænascentia in illis decem annis, vel in magna parte eorum: saltem vltimis diebus: & hoc quia fortè non seminabatur. Sic fuit in fame septem annorum in Aegypto, vt patet Gen. 95. s. Biennium est, quo fames cepit esse in terra, & quinque anni restant, quibus nec arari poterit, nec meti: & sic nullæ omnino escas essent. in anno autem vndecimo cum Deus auferret famem de terra, dedit escas, quia tunc caperunt esse terrænascentia. *Egressa est itaque de loco peregrinationis sue.* Id est de ciuitate, in qua peregrinando manserat annis decem: vel in qua saltem peregrinabatur hoc vltimo tempore decem annorum. *Cum vtraque nuri.* Ambæ exierunt non solum animo associandi eam, vt videtur, sed potius animo eundi cum illa in terram suam, vt patet ex verbis earum, & ex opere aliquo, saltem in Ruth. *Etiam in via posita reuertendi.* Scilicet, istæ duæ nurus, & Noemi exierunt cum ea de vrbe, in qua manserat quousq; posuerunt eam in via, per quā reuersura erat in Bethlehem. *In terram Iuda.* Scilicet, in sortem tribus Iuda. Nam erat Noemi de Bethlechem, vt patet supra in litera. Et erat Bethlechem in sorte tribus Iudæ, vt patet supra in litera, & Matth. 2. *Dixit ad eas.* Scilicet, q̄ reuerterentur: & non dixit antequam esset in via: nam quando exibat de vrbe, non prohibuit eas comitari se, quia iustum erat q̄ comitarentur eam, vsquequo exiret de vrbe ad expediendum eam. Et tamen in via non erat vtile, q̄ irent cum ea, nisi processuræ essent cum ea in terram suam, ideo locuta est tunc, q̄ manerent. *Ite in domum matris vestre.* Id est matrum vestrarum. Aliqui putant propriè accipi, s. quia ambæ erant filie eiusdem matris. Sed non est conuenienter dictum, quia Noemi dixit ad Ruth infra in litera, ecce reuersa est cognata tua ad populum suum: si tamen essent sorores non vocaretur vna cognata alterius, quia istud est nomen generale propinquitatis: potissimè quia videtur accipi hic cognata, prout est nomen affinitatis, s. quia maritus vnus erat frater maritalis alterius: sic accipitur sepe in sacra scriptura, cum dicitur, q̄ lethro erat cognatus Moyse, s. quia erat focer eius, vt patet Num. 10. & Iud. 1. ideo dicendum q̄ non erant sorores, licet fortè essent de eadem progenie. Et ponitur singulare pro plurali, sicut sæpè ponitur in Hebræo. Vel refertur hoc ad quælibet, s. quælibet eat in domum matris suæ. *Faciât dominus vobiscum misericordiam.* Scilicet, retribuât vobis bona dando prosperitatem in singulis. *Sicut fecistis cum mortuis, & mecum.* Misericordia quam fecerant cum mortuis, scilicet, cum duobus filiis Noemi viris istarum, poterat esse dupliciter, s. in vita, vel post mortem. De vita patet, quia fortè tractauerant eos gratè seruiendo eis sine offensa, & obsequiosè: quod non reperitur in qualibet vxore ad virum suum. Et potissimè erat laudabile, quia istæ feminae erant de regione Moab, in qua manebant, & habebant ibi cognatos, viri autem earum erant de terra aliena, & non habebant ibi cognatos, nec amicos, qui auxiliarentur eis: & in talibus solent feminae superbire contra viros, & volunt eos sibi subijcere: q̄ autem istæ gratè viris suis obsequerentur, erat

**F** laudabile. Et p̄t intelligi, q̄ fecerunt misericordiā cum eis, postquam mortui erant, s. q̄ non contraxerunt illi-  
 co cum alijs, vel q̄ honorauerunt eos plangendo eos, & ostendendo alia signa tristitiæ, & faciendo alia, quæ solent facere foeminae ad honorem virorum suorum defunctorum. Etiam exhibuerunt misericordiam ipsi Noemi, quia fortè benè se habuerunt ad eam in conuersatione viuientibus viris filiis Noemi, quod rarum esse solet: nā raro nurus & socrus inter se concordant, & fortè istæ concordauerant: vel fortè post mortem virorum istæ puellæ tenuerant Noemi tanquam matrem, & adhaeserant ei amore, & obedientia filiali. Quod satis apparet ex verbis, quæ habentur infra in litera: & pro ista misericordia reddit Noemi gratias nuribus suis. *Det vobis inuenire requiem in domibus virorum, quos sortitura estis.* Id est, concedat vobis Deus, q̄ habeatis viros, in quorum domibus quiescat. Istud potest dici ad significandum infelicitatem suam principalē, s. q̄ cogebatur discurrere Noemi de terra Moab in terram Iuda, sicut prius de terra Iuda in terram Moab ppter famem: & orat nunc, q̄ Deus liberet nurus suas ab hac miseria, faciendo q̄ viuant prosperè in domibus virorum suorum, & non cogantur propter famem, vel alias calamitates discurrere de regione in regionē, sed quiescant in domibus virorum. Vel per hoc orat, q̄ Deus det eis viros longo tempore viuentes, vt non cogantur denuo alios quærere: quia quandiu femina est quærendo virum non est in quiete. Et hoc dicitur cōtra calamitatem, quam nunc patiebantur. Nam pauco tempore vixerant cum viris suis, & cogebantur, nunc, illis mortuis, alios quærere. Et dicitur quos sortitura estis. Id est, habiturae. Propriè sortiri est per sortē habere, vel acquirere: & conuenit hoc rebus dubijs, in quibus sorte quadam, id est, dispositione diuina videt euenire, quod euenit. Hoc maximè est in hoc, q̄ vir fortitur bonam mulierem, & mulier bonum virum, Nam dicitur Eccles. 26. Laus magna de muliere bona, & subditur q̄ Deus dat illā timenti se. Sorte ergo euenit bona mulier viro, & è cōtrario. Sic etiam q̄ homo habeat animam inclinatam ad bonum, à Deo est, ideo per sortem euenire dicitur anima bona: sic enim dixit Salomon, Puer erant subtilis, & ingeniosus, & sortitus sum animam bonam. *Et osculata est eas.* Vtramq; osculata est, quia iste erat modus expediendi se in signum amoris. *Quæ eleuata voce flere ceperunt.* Postquam se osculatae sunt. Causa quare tunc fleuerunt fuit duplex, quæ infra ponetur in quadam quæstione. *Et dicere: tecum pergemus ad populum tuum.* Tantum diligebant istæ nurus ipsam Noemi, q̄ cum ea pergere volebant ad terram suam relinquentes natale solum, quod satis difficile est. *Quibus illa respondit: reuertimini filia, cur venitis mecum?* Id est, reuertimini in terram vestram: cur venire vultis mecum in terram meam? quasi dicat, nulla causa est quare veniatis. *Vnde vltra habeo filios in vtero, vt viros ex me sperare possitis?* Quasi dicat, si aliqua causa esset quare mecum ire deberetis, esset vt darem vobis viros de filiis meis, sicut dedi prius, & mortui sunt, & tamen ego nullos habeo filios viuentes, nec in vtero, vt possitis sperare, q̄ de illis accipiat viros. *Reuertimini filia Moabita.* Vocauit eas filias Moabitas, id est, filias regionis Moab, quia de illa regione trahebant originem. *Iam senectute confecta sum.* Id est inueterata, vel senio deperdita. *Nec apta vinculo coniugali.* Id est, non sum apta ad contrahendum matrimonium. Conatur persuadere Noemi, vtrique nurui suæ, quod redeant ad urbem, de qua erant, & non eant cum illa. Et ad hoc inducit, quod non possunt vltcrius expectare filios ex ea, vt illos acciperent in maritos. Nam non habet nunc aliquos, quos accipiant. Et quia poterat dici, quod licet nullos viuentes haberet, habe-

Sortiri qd significat.

Hosiem habere animam inclinatam ad bonum à Deo est.



habebat tamen aliquos in utero, quos accipere possent postquam nascerentur: respondit, dicens: nec ultra habeo filios in utero, ut ex me viros sperare possitis. Et quia posset dici, quod dato, quod non haberet nunc in utero, poterat contrahere matrimonium, & suscipere filios: respondit, quod iam senectute confecta est, nec est apta vinculo matrimoniali, ut filios suscipere possit: & adhuc, ut fortius arguat, dicit, quod dato, quod filios ipsa nocte posset gignere, & parere: adhuc non possent nurus suæ convenienter illos accipere in viros, quia si expectaret eos usque ad tempus pubertatis, prius senesceret, quam nuberent. *Etiam si possem hac nocte.* Scilicet nocte sequenti. Et dixit potius de nocte, quam de die, quia coitus ad generationem honestius fit per noctem, quam in die. *Concipere, & parere filios.* Istud erat impossibile, quia dato, quod illa nocte conciperet: non posset parere usque ad novem, vel septem menses, quod raro fit: & forte erat impossibilitas etiam in concipiendo, ut si erat iam in magna ætate, sicut dixit, iam senectute confecta sum. Nam si cessassent ei fieri muliebria. scilicet fieri menstrua, non posset concipere ullo modo, nisi miraculose, sicut dicitur de Sara: Gen. 18. ad ostendendum miraculum in conceptione Isaac. scilicet quod erat Sara proventæ ætatis, & desierant ei fieri muliebria, idest, fluere menstrua. In quo innuit, quod deficiente fluxu menstruum impossibilis erat conceptus, scilicet, quia menstrua erant materia ipsius concipiendi fetus; & si desierant ista fieri in Noemi, erat etiam impossibile concipere, ideo ponebat Noemi pro impossibili, quod haberent nurus suæ filios ex ea, quos acciperent in viros. *Si vos expectare velitis, donec crescant, & annos impleant pubertatis.* Hic magis confirmat, quia dato, quod omnia præcedentia essent possibilia: tamen non poterant nurus Noemi accipere viros de filiis eius, quia oportebat, quod ad accipiendum eos in viros expectarent usque ad pubertatem ipsorum. Nam puberes dicuntur viri, & feminae, quæ apti sunt ad conveniendum matrimonialem: nam puberes à pudendis dicuntur, quia hæc loca in homine primo lanuginem ferunt, ut ait Isid. 11. Etimol. & extra de sponsa. impube. c. puberes. *Ante eritis vetula, quam nubatis.* Scilicet, transibunt viginti anni, vel quasi usquequo filii mei essent potentes ad actum matrimonialem, & interim vos efficeremini vetulae, & non essetis iam aptæ ad matrimonium, cum illi esse apti inciperent. *Nolite queso filia mi.* Grammatica antiqua est, quia deberet dici filia mea: & dicit: Nolite filie mi, scilicet, reuerti mecum in terram meam. *Quare vestra angustia me magis premit.* Idest, magis doleo de vobis, quod in tam tenera ætate perdidistis viros, & expectare debeatis sic in viduitate mortem, quam quod ego viro, & filiis orbata sim: & est per contrarium, quia magis ex consortio vestro angustior: nam vestra angustia premit me magis, quam mea, ideo cum viderem vos, & considerarem angustiam vestram, dolerem nimis, quia non possem vobis providere: nunc verò si recesseritis ad terram vestram redeuntes, poteritis accipere illico viros, in quorum domibus quiescatis, sicut prius dixerat Noemi: det vobis dominus inuenire requiem in domibus virorum, quos sortitura estis.

*An peccarunt filii Elimelech & Noemi, cum acceperint in Moab uxores Gentiles.*

*Quest. XII.*

**Q**VAERETVR circa istos filios Elimelech, & Noemi, cum acceperint in terra Moab uxores Gentiles, scilicet, Moabitidas, an peccauerint. Aliquis dicet, quod peccabant, quia exponebant se periculo: nam accipiendo mulieres gentiles in uxores poterant ab eis periuaderi ad colendum idola, quod erat gravissimum. Secundum erat, quod filii eorum nati de illis

mulieribus inclinarentur ad idola: nam pueri in tenera ætate nutriuntur, & erudiuntur apud matrem, & non apud patrem, & mores quos tunc recipiunt, tenent postea firmiter. Nam omnis impressio facta in tenera ætate firmior est, quam facta in ætate procedente: eo quod magis infigitur propter teneritudinem, & passibilitatem materiam. Sic ait Oratius.

1. li. Epi. 2.

*Quo semel est imbuta recens, servabit odorem.*  
*Testa diu.*

Et recitat illud August. 1. de Ciui. Dei: dicens in c. 1. quod propter hoc Romani faciebant, quod filii sui in tenera ætate in principio omnium rudimentorum addiscerent libros Virgilij. Et adiungit: Ut quippe egregius Poetarum teneris imbibitus annis, non posset facile aboleri. Sic dicit Arist. 2. Ethic. circa principium, & est doctrina Platonis, quod non modicum refert à iuvene cōfestim sic assuesci, idest multum confert ad dispositionem bonæ morum, quam habitus est homo in ætate matura, quod cōfestim ex iuuentute assuescat ad bonum, vel ad malum, quia talis erit postea eius consuetudo, & instructio. Et quia ista instructio parue ætatis trahitur à matre, apud quam conuersantur paruuli in parua ætate, ideo mater multum confert filiis ad esse bonos viros. Sic ait Arist. 1. Polit. c. ult. in fi. quod mater est dimidium filiorum, idest, ex hoc, quod mater bona, vel mala est, pendet medietas bonitatis, vel malitiæ filiorum, quam postea facti viri habebunt; ideo dixit ibidem, quod non solum in politia danda erat lex de statu virorum, sed et de statu mulierum. scilicet, quia status virorum dependet ex statu mulierum, cum mater sit medietas filiorum. Effer ergo istud periculum, quod filii efficerentur idolatres, cum nutrentur apud matres idolatras. Quod autem aliquis se subijceret tanto discrimini, erat periculum, & peccatum, cum posset secure viuere accipiendo non mulierem gentilem: ideo videtur, quod peccaret accipiens uxorem de gentilitate. Respondendum, quod poterant Iudæi accipere uxores Gentiles licite. Ad hoc tamen requirebantur duo: primum erat, quod non essent mulieres iste de stirpe Chananæorum. scilicet de septem gentibus, quia de istis non licebat Israelitis accipere aliquam uxorem. Et causa erat multiplex. Prima, quia Israelitæ tenebantur occidere omnes Chananæos masculos, & feminas, magnos, & paruos in ore gladij; & non licebat eis parcere alicui ipsorum, ut patet Deu. 20. ideo à foriori non liceret ipsis de filiabus ipsorum accipere uxores. Secunda causa erat propter communicationem, quia Israelitæ accepturi erant terram Chananæorum in possessionem; & si accipere liceret uxores de Chananæis, manerent Israelitæ mixti Chananæis; & tunc sequeretur adhuc alia pericula præter assignata. scilicet quod propter communicationem Israelitarum cum Chananæis, qui iam erant affines sui inuitabant eos ad cenam, & darent sibi de cibis consecratis idolis, quod erat valde graue Iudæis, ut patet Exo. 34. si autem acciperent Israelitæ uxores Gentiles de alijs gentibus, & ducerent eas in terram Israel, non erat istud periculum, quia non communicarent cum foceris suis, & alijs affinibus, nec inuitari possent ab eis ad comedendum de cibis consecratis de monibus. Et et propter raritatem communicationis non possent sic peruertere Israelitæ ad colendum idola accipiendo uxores de alijs gentibus, sicut accipiendo de Chananæis. Et ista fuit causa, quare Deus solum vetuit accipere uxores Israelitis de Chananæis. De alijs autem gentibus nequaquam, ut patet Exo. 34. & Deu. 7. ubi ponitur ista prohibitio, & solum agitur ibi de Chananæis, qui erant septem populi. Si tamen aliquando accideret, quod aliquis Chananæus, vel Chananæa ex causa speciali non deberet occidi, poterat accipi illa in uxorem ab aliquo Israelita, & ipse Chananæus poterat accipere

Qua conditione poterant Iudæi accipere uxores Gentiles.

Puberes unde dicantur.



accipere uxorem de Israelitis. Sic factum est de Raab Ierichontina, quæ defendit exploratores Iudeorum in Iericho, nè occiderentur: & ob hoc iurauerunt ei exploratores, q̃ liberarēt eam, & totam suam cognationem à morte, Iosue 20. & sic factum est capta vrbe: nā tota cognatio liberata est, Iosue 6. & ipsa Raab accepta est in uxorem à Salmon principe tribus Iuda, vt patet Matth. 1. Secundum principale erat ad licitè accipiendum mulierem gentilem. s. q̃ conuerteretur ad ritum Iudaicum priusquam acciperetur, quia si manens adhuc in gentilitate acciperetur, peccatum esset. Sicut si nunc aliquis Christianus acciperet mulierem Iudeam in uxorem dum adhuc Iudæa erat. Item patet hoc, quia semper manebat aliqua ratio prohibitionis, vel saltem periculi accipiendo mulierem gentilem cuiuscunque gentis esset si nondum esset conuersa ad Iudaismum. Primò ipsa manens in cultu Dei sui inclinaret virū suū ad colendum illum Deum per blanditias: ita factū est de vxoribus Salomonis: nam multæ erant de Ammonitis, & Moabitibus, & alijs gentibus, de quibus licebat Hebræis accipere uxores, si conuersæ essent ad Iudaismū, quia tamen illæ manebant adhuc in cultu idolorū, inclinauerunt Salomonem ad faciendum eis templa pro dijs suis, & vt ipse offerret idolis thura. Nam templū fecit Chamos Deo Moabitarū, & Melchon Deo Ammonitarū, & Astarthē deæ Sidonior. 3. Re. 11. & 4. Re. 23. & tñ licebat aliàs accipere uxores de Ammonitis, & Moabitibus, cum nō essent Chananeæ, & nunc erratū est, quia acceptæ sunt uxores nondum conuersæ ad Iudaismum. Etiam tollebatur aliud periculum, quia si mulier maneret adhuc in cultu idolorum de quacūq; gēte esset, poterat filios suos erudire ad illum cultum, & esset difficile postea illos iuuenes factos reuocari ab illa intentione. Si autem mater conuersa esset nihil periculi erat. Quòd autēliceret cum his duabus qualitatibus accipere uxorem Gentilem, patet, quia Deu. 21. dicitur, quòd si in medio captiuorum appareret aliqua mulier pulchra, poterat quicumq; de Iudæis si concupisceret eam accipere ipsam in uxorem, dum tamē duobus mēsis prius lugeret patrem suum, & deponeret capillos, & vngues: per quod signabatur purgata ab immunditia ritus Gentilicij. Item patet in Ruth, quia postquam Ruth venit in Bethlehem conuersa iā ad Deum Israel, vt patet infra in litera, accepit eā Booz in uxorem, & asseruit se obligari ad accipiendum eam secundum legem, nisi renunciaret iuri propinquitatis, vt patet infra tertio: lex tamen non obligat ad illicitum: ergo erat licitum accipere uxorem Gentilem Iudæo conuersam iam ad Iudaismum.

*Abi duo filij Noemi acceperint uxores Moabitas manentes in Gentilitate, vel iam conuersas ad Iudaismum.*

*Quæstio XIII.*

**Q**VAERETVR, nunc specialiter circa istos duos viros filios Noemi, an acceperint uxores Moabitas manentes in Gentilitate, vel iam conuersas ad Iudaismum. Aliquis dicet, quòd non apparet, an acceperint eas manentes in Gentilitate, vel conuersas, quia si accepissent eas manentes in terra Israel esset præsumptio, quòd non acciperent illas, nisi iam conuersas, cum isti essent viri boni, quia tamen acceperunt eas manētes in terra Gentilitatis, fortè nollent cōuertere ad Iudaismum. Dicendum, quòd istæ duæ mulieres, scilicet, Orpha, & Ruth manebant in gentilitate, quando acceptæ sunt in uxores à duobus filijs Noemi, & toto tempore manserunt in Gentilitate, quo vixerunt cum viris suis in terra Moab. Quod patet primò, quia quando hortabatur Noemi ipsam Ruth, quòd rediret in terram suam, & non veniret cum ea in Bethlehem,

**F** dixit: Ecce reuersa est Orpha cognata tua ad populum suum, & ad Deos suos: ergo videtur, quòd adhuc Orpha manebat in cultu idolorum, & sic arguendum de Ruth: & si nunc manebat, à fortiori mansisset toto præcedēti tempore, quo erat cum viro suo antequam Ruth recedere vellet de terra Moab. Secundò patet, quia Noemi hortabatur Orpham, & Ruth, quòd redirent in terram suam: si tamen essent conuersæ ad ritum Iudaicum, peccaret hortando, quòd manerent in terra Moab, quia ibi conuerterentur ad cultum idolorum, etiam si illum reliquissent, quia non haberent iam ibi aliquem instructorem circa cultum Dei, & obseruationē legis: tamen hortata est eas, quòd redirent in terram Moab, & non putabat se peccare, quia aliàs non faceret: ergo adhuc manebant in ritu Gentilitio. **G** Tertiò patet, quia quando Noemi hortabatur ipsam Ruth, vt rediret in terram suam, dixit: Nè aduerferis mihi, vt redēam: populus meus populus tuus, & Deus meus Deus tuus: & sic accipiebat nunc Ruth Deum Israel in Deum. Et ista est ratio confirmatiua Ruth, quia cum Noemi volebat, quòd rediret Ruth in terrā suam, putabat Ruth, quòd faciebat Noemi hoc, quia erant diuersæ professionis, & Ruth promisit tunc, quòd omnia haberet communia cum Noemi, dicens: Populus meus populus tuus: Deus meus Deus tuus; vbi morata fueris, pariter morabor, quæ te morientem terra susceperit, in ea moriar. Et ista omnia nouiter proponebat Ruth; ergo etiam habere in Deū illum, quem habebat Noemi nouiter proponebat: & sic nondum erat conuersa ad ritum Iudaicum. **H** Quartò patet, quia Booz laudauit Ruth dicens, quòd beata esset, quia confugerat ad alas Dei Israel, sequenti cap. & istud fuit veniendo ad terram Israel: ergo ante hoc non erat conuersa, quia aliàs pro illa conuersione etiā esset laudabilis. Dicendum ergo, quòd non erant conuersæ ad Iudaismum Orpha, & Ruth, quando acceperunt eas in uxores duo filij Noemi, & quamdiu fuerunt cum eis viuentes, manserunt in Gentilitate.

*An filij Noemi peccarunt accipiendo in uxores manentes adhuc in ritu Gentilitio. Quæst. XIII.*

**Q**VAERETVR vltèrius, an peccauerunt filij Noemi accipiendo in uxores manentes adhuc in Gentilitate. Aliquis dicet, quòd sic, quia exponēbant se periculo, scilicet, quòd poterant ab eis peruertere ad colendum idola, & maxime esset hoc de filijs eorū natis ex istis mulieribus: nam ipse erudirent eos ad cultum Gentilitium, quem ipse semper tenuerant, & erat periculosior talis instructio in eis, quàm in viris, vt declaratum fuit supra quæstione antepœnultima. Etiam patet hoc, quia casus, in quo lex permittebat mulierem alienigenam accipi in vxorē à Iudæo, erat, quando ipsa conuersa erat ad ritum Iudaicum, & deposuerat omnia signa Gentilitatis, scilicet, capillos, & vngues: & post duos menses accipiebatur in uxorem, & prius non licebat. **K** Significabatur autem per hanc depositio totius cultus Gentilitij: ideo antequam deponeretur non erat licitum accipere Gentilem mulierem in uxorem. Respondendum, quòd verum est, quòd regulariter non licebat alicui accipere uxorem Gentilem nondum conuersam: de istis autem filijs Noemi potest dupliciter responderi: vno modo concedendo, quòd isti peccauerint accipiendo illas, quia non est necesse, quòd excusamus eos à peccato, quia scriptura non laudat eos tanquam viros sanctos. Secundò potest dici, & melius, quòd non peccauerint: nam quando aliquis defendi potest, quòd non peccauerit, non est concedendum, quòd peccauerit, quia potius debemus interpretari de re qualibet, quòd saluetur.



uetur, quàm quòd periret. Et dicetur, quòd isti fuerūt in casu necessitatis, & non potuerunt commodè excusari quin acciperent vxores non conuersas ad Iudaismum, ideo licitè acceperunt. Quod patet, quia isti manebant in terra Moab propter famem, & non audebant venire in terram Israel propter eandem famem, quæ erat nimia in terra Israel, & quia ipsi erant iam iuvenes, & fortè transiret ab eis tempus gignendi, quod erat inconueniens, & quia nesciebant, quando cessaret fames, vt possent redire ad terram Israel, & acciperent ibi vxores, acceperunt eas in terra Moab. Cum autem obijcitur, quòd isti exponebant se periculo accipientes vxores nondum conuersas ad Iudaismum, dicendum, quòd si istud periculum nō esset euitabile ab eis viribus suis, sed penderet ex sola Dei dispositione, vel fortunæ errore, vt vulgariter loquimur, **exponere** se tali periculo sine necessitate peccatum erat: & tamen istud periculum erat euitabile sola voluntate eorum, & industria, scilicet, non assentiendo blādicijs vxorum; ideo quamquam se exponerent huic difficultati, quæ potius erat difficultas, quàm periculum, non peccabant, potissimè existente causa aliqualis necessitatis. Cum autem obijcitur de filiis, qui nascerentur ex illis mulieribus nondum conuersis, quòd erudirentur à matribus in ritu Gentilitio, dicendum, quòd etiam circa hoc poterant patres providere, faciendo quòd in tempore illo, quo paruuli essent capaces disciplinæ, facerent quòd eruditio eorum non esset à matribus, sed à patribus: & licet in hoc esset aliqua difficultas, tamen tolerabilior erat ista, quàm quòd non acciperent vxores, & elaberetur eis tempus gignendi, nec relinquerent posteros, quia istud censebatur infortunium inter Hebræos. Et istud magis tenendum est, quia non videmus eos culpari in scriptura.

*Quæ Orpha erat ista, & an esset mater Goliath.*

*Quæstio X V.*

**Q**VAERETVR vltèrius, circa istas vxores filiorum Noemi, scilicet, Orpham, & Ruth, quæ essent, & primo de Orpha. Aliqui dicunt, quòd ista Orpha fuit illa, quæ fuit mater gigantum, scilicet, Goliath Gethæi, & aliorum, de quibus dicitur, 2. Reg. 21. & 1. Paralipo. 20. cap. & ista est positio Hebræorum. Et motium eorum est, quia idem est nomen vtriusque, cum vocetur vtrāq; in Hebræo Orpha: apud Latinos tamen diuersum nomen est, quia ista vocatur Orpha, & illa vocatur Arapha 2. Reg. 21. & 1. Paral. 20. sed ista mutatio magis venit à scriptoribus Latinis, quàm ex conditione nominis, cum idem nomen ponatur vtriusque apud Hebræos. Dicunt etiam, quòd ista Orpha ambulauit quadraginta passibus cum Noemi redeunte in terra Israel, & merito istius ambulationis concessit Deus filio eius Goliath, quòd quadraginta diebus exprobraret Israelitis quousque pugnavit Dauid contra ipsum 1. Regum 17. cap. Et dicunt, quòd ista Orpha fuit cognita à centum hominibus, & vno cane, & omnium illorum fuit filius Goliath. Sed ista falsa sunt: quòd autem non fuerit eadem ista Orpha, & mater Goliath patet, quia ista Orpha fuit necessariò ante illam. Nam ista fuit coætanea Ruth, quia ante fuerunt vxores duorum fratrum eodem tempore ductæ, vt patet supra in litera: & tamē Ruth fuit postea proauia Dauid, quia ex Booz, & Ruth natus est Obed, & ipse Obed genuit Isai, & Isai genuit Dauid, infra 4. & Matth. 1. & fuit Dauid minimus filiorum Isai, quando erat iam senex Isai, vt patet 1. Regum 17. & tamen Dauid, & Goliath filius Arapha fuerunt contemporanei, & quasi coætanei, quia pugnavit Dauid cum Goliath, 1. Reg. 17. ideo Ruth fuit multo tem-

**A**pore ante Arapham matrem Goliath, & tamē Ruth, & ista Orpha fuerunt coætaneæ, vt dictum est: ergo ista Orpha non est illa, de qua natus est Goliath, & alij gigantes. Secundò patet, quia ista Orpha, de qua hic dicitur, fuit de stirpe Moabitarum, quia supra in litera hic dicitur, quòd Maalon, & Chelion acceperunt vxores Moabitidas, & tamen acceperunt Ruth, & Orphā, vt patet in litera: ergo erant istæ Moabitides. Etiam patet, quia Noemi loquēs ad Ruth, & Orpham dixit: reuertimini filiæ Moabitæ: ergo erant ambæ Moabitæ: & tamen Arapha, siue Orpha mater Goliath fuit de stirpe Chananæorum, quia erat Philisthina: nam erat de vrbe Geth, quæ est vnā de quinque Metropolis Philisthinorum, Iosue 13. & 1. Reg. 6. & ob hoc vocabatur Goliath filius eius Gethæus: & Chananæi, siue Philisthini multum differunt à Moabitibus: ideo non erat eadem ista Orpha, & illa Arapha. Cum autem dicitur, quòd ista ambulauit quadraginta passibus cum Noemi redeunte, & merito horum Deus permisit, quòd Goliath filius impropere Israelitis diebus quadraginta, ridiculum est, quia istud præsupponit istam Orpham fuisse matrem Goliath gigantis: sed probatum est esse falsum. Item dato, quòd esset eadem ista Orpha, & illa Arapha, adhuc non constat, quòd ambulauerit quadraginta passibus Orpha cum Noemi redeunte, nec habent aliquid vnde Hebræi istud assumāt, sed est quædam fictio ipsorum: & cum dicunt, quòd merito istorum quadraginta passuum filius suus Goliath permissus est quadraginta diebus exprobrare Israelitis, est etiam falsum, quia præsupponit falsum, scilicet, quòd ambulauerit illa Arapha quadraginta passibus cum Noemi. Sed dato, quòd hoc esset, adhuc non conuenit, quia, quòd Orpha quadraginta passibus iret cum Noemi, non erat apud Deum meritorium alicuius boni, quia non fiebat propter Deum, sed propter quādam pietatem, & fortè debitum, quia Noemi cum esset socrus Ruth, & Orphæ, tenebantur ei ad quandam reuerentiā, quia respectu eius erant tanquam filiæ. Etiam, quia ipsa bene se habuerat ad eas, & illæ tenerentur reddere vicissitudinem. In talibus autem meritum non est, quia iam accepit homo mercedem suam: sic enim dicitur Matth 5. quòd diligendo amicos non meremur, quia hoc etiam faciunt publicani, sed diligendo inimicos. Sic etiam dicitur, quòd non innitemus diuites, qui possunt nobis reddere vicissitudinē, sed pauperes, qui non possunt: & tunc erit nobis gratia apud Deum. Et adhuc, dato quòd mereretur aliquid Orpha, non apparet quomodo mereretur, quòd filius suus Goliath pmitteretur quadraginta diebus exprobrare Israelitis: ideo dicendum, quòd istud est ridiculum. Cum autem dicunt, quòd Goliath natus est ex Orpha ex semine centum hominum, & vno cane, non solum est ridiculum, sed etiam absurdum, & impossibile, vt declaratum est, 1. Regum 17. & ibi declaratum est motium Hebræorum quātum ad hoc. Dicendum tamen, quòd ista Orpha non est Arapha mater Goliath, & aliorum gigantum Philisthinorum, sed fuit quædam mulier de progenie Moabitarum, cuius non latis apparet progenies.

*Quæ erat Ruth, & an esset filia Eglon regis Moab.*

*Quæstio X V I.*

**Q**VAERETVR vltèrius, de Ruth, quæ erat. Respondēt Hebræi, & quidam catholici, quod erat filia Eglon regis Moab, & volunt, quod iste Eglō fuit ille, qui occisus est per quēdam iudicem Israel noīe Aod: motium autem eorum est ad nobilitandum genus Dauid: nam Ruth fuit proauia Dauid cū fuerit mater Obed, & Obed fuit pater Isai, ipse autem Isai fuit pater Dauid,



David, infra 4. & vt genus suum videatur tractum de nobilibus dicunt Ruth fuisse filiam regis Moab, & dicunt eam filiam Eglon regis Moab, q̄a post Eglon nō habetur in scriptura aliud nomen regis Moab alicuius vsque ad tempus Ruth, & vt nominent regē illū cuius eam dicunt filiā nominauerūt Eglō. Sed istud nō stat, quod patet, quia Ruth nō potuit esse filia Eglon regis Moab, eo q̄ Eglō fuit multo tpe, anteq̄ posset esse nata Ruth: nam Ruth erat iuuenicula tpe Booz, q̄n ab eo accepta est in vxorē, vt patet infra seq. cap. & infra 3. & 4. Nam Booz vocauit eam filiam seq. cap. & Noemi vocauit Ruth, & Orpham filias, supra in litera: & non vocaret eas sic, nisi essent iuueniculæ: & tamē si esset filia Eglon regis, esset tpe Booz plusquam 280. annorum, vel quasi, quod nō erat naturaliter possibile, q̄a nullus hoīum ad tātam perueniebat etatē: & dato quod perueniret, non posset iam cōcipere, & tñ concepit, & peperit Obed, infra 4. Quod autem esset plusquam 240. annorum, vel quasi, patet, quia aut ponetur fuisse ista Ruth tpe Abesā, aut tēpore Heli: si tempore Abesā: patet, quia Eglō fuit tpe Aod iudicis Israel, & ab eo in principio sue iudicature occisus est: nam Aod iudicauit 80. annis Iudi. 3. & Barac 40. Iudi. 4. & Gedeon 40. Iudi. 8. Abimelech tribus Iudi. 9. Thola 23. annis, Iudi. 10. lair 22. annis, eod. cap. Postea fuerūt 18. anni sine iudice, eod. cap. & ibi probatum est. Et postea Iephte Galaadites annis sex, Iudi. 12. deinde Abesā annis 7. eod. cap. qui sunt simul anni 240. dempto vno, & addendi sunt plures anni, eo quod Ruth aliquāto tēpore ante mortem Eglon nasceretur. Etiam, quia ista peregrinatio Noemi 10. annorum inchoata est tempore Abesā, qui solum iudicauit annis 7. Iudi. 12. & peregrinatio fuit 10. annorum: ideo oportet, quod tēpore sequentis iudicis ducta fuerit Ruth à Booz: & sic esset Ruth plusquam 240. annorū. Si autem dicatur, quod fuit historia Ruth tempore Heli summi sacerdotis: adhuc patet hoc magis clarē, quia post Abesā fuit Heli multo tempore. Nam iudicauit post Abesā Ahialon annis 10. & post ipsū Abdon annis 8. Iudi. 12. & postea Samson annis 20. Iudi. 13. & 16. & postea debent accipi ad minus 10. anni de tempore Heli, cū ista peregrinatio durauerit 10. annis in litera supra, qui sunt anni 47. & sic sunt quasi 290. anni ex tempore Eglon regis Moab vsquequo Booz accepit Ruth in vxorem, & omnes istos annos haberet Ruth, si Eglon esset pater suus, & tñ hoc erat impossibile: ergo non fuit ille Eglon pater Ruth. Alij dicunt, q̄ Ruth fuit filia Eglō regis Moab, sed non fuit ille Eglon, qui occisus est per Aod: sed alius, qui fuit multo post tempore Booz: & sic potuit tempore Booz Ruth esse iuuenicula. Sed dicendum, quod hoc non stat, quia non est verisimile, q̄ Ruth esset filia regis, quia Elimelech erat vir alienigena in terra Moab, & pauper, qui propter famē recesserat de terra sua, & non erat verisimile, quod filia regis terre daretur filio eius in vxorem, sed alicui viro potentissimo. Item posito, quod daretur in vxorē filio Elimelech, tñ postea non permitteret mortuo viro recedere de regno patris sui, vt peregrinaret in alia regiōe, & cogeretur colligere spicas p̄ paupertate, & tñ venit. Ideo dicendum est, q̄ Ruth non fuit filia regis Moab, sed mulier de humili genere, cū daretur in vxorem viro pauperi, & alienigenæ, & postea peregrinata fuerit extra terram suam. Dicunt autem quidā, q̄ Ruth fuit de terra Moab de quadam vrbe, quæ vocabatur Petra: ideo intelligitur de hoc dictum Isaiæ. f. Emitte agnum dñe dominatorem terræ de Petra deserti ad montem filia Sion. Et intelligebatur de Messia, qui futurus erat de filijs David: & ipse David futurus erat de stirpe Ruth, qui venturus erat de vrbe Moab, quæ vocatur Petra deserti, de quo dicitur super Isaiam.

Aliorum  
responsio  
ad q̄situm.

Doc. resp.  
ad q̄situm.

An peccauit Noemi hortando Nurus suas, vt redirent in terram suam: & non irent cum ea.  
Quæstio XVII.

**Q**VÆRETVR vltcrius, an peccauit Noemi hortando Nurus suas, vt redirent in terram suā, & non irent cum ea. Aliquis dicet, quod sic, quia cū istæ Nurus vellent ire cum Noemi disponebant se ad bonum: nam conuerterentur ad Deum Israel si venirent cum Noemi in terram suam. Si autem redirent implicarētur cultui idolorum, & hoc sciebat Noemi: nam ipsa dixit ad Ruth ecce reuersa est cognata tua ad populum suum, & ad Deos suos, vade cum ea. Persuadere tamen ad periculum peccatum est, ideo peccaret Noemi hortando hoc. Dicendum, quod non peccauit Noemi, quia non habuit voluntatem ponendi nurus suas in periculo cultus idolorum: nam si ipse ante hoc coluissent verum Deum, & nunc suaderet eis redire in terram, in qua incitarentur ad colendum idola, peccaret: tamen istæ nurus Noemi semper fuerant in cultu idolorum ante hoc, vt probatum est supra in quadam quæstione. Ideo quod nunc redirent ad colendum idola, siue ad locum, in quo inclinarentur ad hoc, non erat periculum. Sed obijcietur, quod quamquam Noemi non poneret nurus suas in periculum, tamen dissuadebat eis facere bonū, quia ipse volebant ire ad terram Israel in qua Deum colerent, & Noemi dissuadebat hoc. Dicendum, quod etiam si Noemi dissuaderet eis istud bonum, peccaret, sed non dissuadebat: nam non suadebat redire nuribus suis, tāquam volentibus colere Deum, sed tanquā volentibus consolari, & honorari eam: nam volebant ire cum Noemi in terram suam, vt non videretur ipsa desolata: ista autem gratiam recusabat recipere Noemi, quia nolebat, quod propter eius honorem nimis laborarent nurus suæ, & affligerentur existendo extra terram suam. Sed adhuc dicitur, quod istud non conueniebat, quia cū Noemi non permitteret nurus suas redire secū, vt non laborarent propter eam, faciebat per accidens, quod non colerent verum Deum, sed manerent in cultu idolorum. Dicendum, quod nullo modo dissuasit per se, nec per accidens Noemi nuribus suis cultum Dei: nam cū dixit eis, quod redirent in terram suam, non dicebat hoc animo, vt faceret eas redire in terram suam, sed vt sciret voluntatem earum. f. si verē volebant ire cum ipsa, vel si solum dicebāt hoc verbis: & non intendebant ire, sicut multa ex vrb̄anitate dicimus nos facturos propter aliquem, quæ tamen facere non intēdimus, & cū vidit volūtātē, cessauit hortari. Quod patet in Orpha: nam cū dixit, q̄ rediret redijt. Ex quo patebat, q̄ non habebat voluntatem eundi cū Noemi, quia aliās ad primas dissuasionēs eius non cessasset: in Ruth ēt fuit sic: nam dixit ei, q̄ reuerteretur in terram suam, ipsa autem cepit circa hoc esse difficilis, dicens: Nē aduerseris mihi, vt dimittam te, & recedam: populus meus populus tuus, &c. Et tūc dicitur, quod cū vidisset Noemi animum Ruth esse obstinatum volendo redire cum ea, non ausa est vltra reditum persuadere. Sed dicet aliquis, quod manifestē persuasit Noemi ipsi Ruth redire ad cultum idolorū: nam dixit ei: Ecce cognata tua reuersa est ad populum suum, & ad Deos suos, vade & tu cum ea. Dicendum, quod persuasit Noemi redire Ruth ad populum suū, sed non ad cultum idolorum, & cū dicitur: reuersa est ad populum suum, & ad Deos suos non refertur illud verbum, vade & tu, ad totum istud, sed solum ad populum: & tamen retulit Noemi in illo veritatem negocij, licet non esset intentio sua hortari ad hoc quemquam.

Quomodo



*Quomodo dixit Noemi nuribus suis, quod redirent in terram suam, &c. Quæstio XVIII.*

**Q**VAERETVR vltius, quomodo dixit Noemi nuribus suis, quod redirent in terram suam, & quod Deus daret eis inuenire requiem in domibus virorum, quos habituræ erant, & de quo Deo intelligebat. Aliquis dicebat, quod fortè intelligebat de Deo Moabitarum: nam imprecabatur bona istis mulieribus, quæ erant Moabitides, & ipsæ manebant adhuc in cultu idolorum, ideo imprecaretur eis benedictionem per Deum earum. Patet hoc, nam istæ duæ puellæ erant Moabitides, vt patet supra in litera, & Deus Moabitarum erat Chamos, vt patet 3. Reg. 11. & 4. Reg. 23. & ab hoc Moabitæ vocantur populus Chamos Num. 21. cap. Putabat autem quælibet gens, quod Deus suus erat, qui benefaciebat sibi: sic enim erat de Philistinis, qui putauerunt, quod Deus suus Dagon tradidit in manus eorum Samsonem, ideo quādo captus est Samson, fecerunt magnam solennitatem Dagon, & dicebāt: tradidit Deus Samson inimicum nostrum in manus nostras: Iud. 16. Sic etiam quando vicerunt Saulem, & occiderunt eum, putauerunt quod Dagō, & Astaroth dii sui tradiderunt eum in manu eorum, ideo arma Saulis consecrauerunt in templo Astaroth, & caput eius posuerunt in templo Dagon 1. Reg. 31. & 1. Paralip. 10. ideo putabat quælibet gens, quod nullus Deus posset benedicere eis, aut benefacere, nisi Deus suus. Et sic istæ mulieres Orpha, & Ruth putarent, quod nullus Deus posset eis dare requiem, vel aliqua alia bona, nisi Deus suus Chamos: Noemi ergo quæ imprecabatur eis bonum, imprecaretur in nomine Chamos Dei earum. Aliquis dicit, quod Noemi imprecata est in nomine Dei sui Israel, quia cū ipsa esset Hebræa, non inuocaret alium Deum, nisi Deum Israel. Sed dicitur contra, quia interdum Israelitæ dicebant Deos gentium facere bonum, vel malum, sicut patet de Iephte Galaadite: Iud. 11. cū dixit ad regem Ammonitarū: nonne ea, quæ possedit Chamos Deus tuus tibi iure debentur? quæ nunc dominus Deus noster victor obtinuit, in nostram cedent possessionem. Et sic dicebat, quod sicut Deus Israel in bellis vicerat quādam gētes, & acceperat terras earum, ita Chamos Deus Moab obtinuit quādam regiones. Sic ergo poterat dicere Noemi, quod Chamos Deus Moab benediceret istis puellis dando eis requiem inuenire in domibus virorum suorum: nam ille Deus, qui poterat bello subicere sibi gentes, poterat dare requiem mulieribus in domibus virorum. Dicendum, quod Noemi locuta est hic de Deo Israel, quod patet primò, quia absolute locuta est, dicens: Deus det vobis inuenire requiem. Nam si intelligeret de Deo Moabitarum, exprimeret nomen eius, vel per aliquam circumlocutionem declararet, sicut dicendo, Deus vester det vobis requiem. Secundò patet, quia Noemi verè optabat, quod istæ puellæ haberent requiem in domibus virorum suorum, & tamen sciebat, quod nullus Deus poterat nocere, aut benefacere, nisi Deus Israel, quia ipse solus erat: ergo non inuocaret alium Deū ad hoc. Tertiò patet, quia Noemi erat Hebræa, & non inuocaret alium Deum, nisi Deum suum, quia nefas esset, quod nominarentur alij dii. Sic patet Exod. 23. cū dicitur, quod nomina Deorum alienorum non debant audiri ex ore Iudæorum. Ad rationem in contrarium dicendum, quod regulariter erat prohibitum Iudæis nominare Deos aliarum gentium, potissimè in rebus illis, in quibus poterat eis aliquis honor ascribi. Sic autem erat hic, quia si Noemi imprecaretur, quod Deus Moabitarum daret istis puellis requiem in domibus maritorum, designaret quod aliquam vir

**A**tutem operatiuam haberet, & hoc erat idolatrare: ideo nihil tale diceret Noemi: sic enim erat in iurando: nam licet Israelitæ iurarent Gētilibus aliquid obferuare, non iurabant per nomina Deorum Gentiliū, sed Dei sui Israel: sic patet Exo. 23. scilicet: Per nomē externorum Deorum nolite iurare, nec audientur ex ore vestro: vnde quando Gentiles, & Iudæi faciebant simul aliquem contractum, vel iniebant fœdera, iurabant Iudæi per Deum suum, & Gentiles per Deū suū: sicut fuit quando Laban, & Iacob inierunt fœdus: nam Laban iurauit per Deum Nachor, & Iacob iurauit per Deum Abraham, qui erat verus Deus: Gen. 31. capit. Cū autem obijcitur de Iephte dicendum, quod Iephte non asseruit Chamos Deum Moab obtinuisse aliquas regiones bello, sicut obtinuerat Deus Israel, sed solum recitauit id quod credebant Moabitæ, & Ammonitæ ad arguendum contra eos: fortius autem tenebant Moabitæ, quod Chamos Deus obtinuerat terram, in qua ipsi morabantur de manu priorum habitatorum: & ob hoc, quia ipsi iuste possidebant illam. Ex eodem iure arguebant Israelitæ, quod cū Deus eorum obtinisset de manu Amorrhæorum terram, quam petebant Ammonitæ, & Moabitæ, quod iuste possidebant Hebræi, & iniuste petebant Ammonitæ. Et sic sæpe arguimus contra Hēreticos ex aliquibus erroribus eorum concludendo contra alios errores: & per hoc nō asserimus illos errores, quos assumimus.

**C** Quomodo Noemi petiuit à Deo, quod daret istis puellis inuenire requiem in domibus virorum suorum.

*Quæstio XIX.*

**Q**VAERETVR vltius, cū nominauit Noemi Deum Israel, quomodo petiuit ab eo, quod daret istis puellis inuenire requiem in domibus virorum suorum. Videtur, quod ista petitio nullo modo reciperetur, quia Noemi præsupponebat, quod manerent istæ puellæ in terra sua in cultu demonum, & quod ibi benefaceret eis, Deus tñ non exaudit preces factas pro peccatoribus, sicut patet Io. 9. scimus, quia Deus peccatores non exaudit. Respōdendū, quod verum est, quod Noemi præsupponebat, quod istæ puellæ mansuræ essent in cultu demonū: & tñ credebat, quod oratio ista sua poterat exaudiri: nā existētibz in peccato mortali multa bona Deus ꝑcedit interdū, sicut patet, quia peccatores prosperantur interdū, imò magis, vt cōiter, quod viri boni, vt patet Iere. 12. & Iob 21. Et tñ certū est, quod prosperitas temporalis, vel afflictio non puenit à fortuna, sicut quidā opinant, sed à Deo oīa sunt, quia habet prouidentiam oīum rerum: & ista prosperitas euenit sine oratione, & merito sed solum ex voluntate Dei: interdum aut in existētibz in peccato sunt aliquæ prosperitates temporales ex merito quodam: nam licet peccatores nō possint mereri vitam eternam, possunt mereri bona temporalia per aliqua opera: sic patet de duabus obstetricibus Aegyptiorum, quæ in Gētilitate manebant, cū adhuc essent Aegyptiæ; & tñ, quia noluerunt occidere paruulos Hebræorū timentes magis Deū, quæ pceptū regis, edificauit Deus eis tabernaculū: Exo. 1. Ita putabatur esse de istis duabus puellis, quia per bona opera sua saltē materialiter meruerūt bona temporalia, licet essēt in peccato mortali. Et hoc innuit Noemi dicens, faciat dñs vobiscū misericordiā, sicut fecistis cū mortuis, & mecū, & det vobis inuenire requiē in domibz virorū quos sortiture estis.

*Quare Ruth osculata est Noemi cū intenderet ire cum ea in terram suam. Quæstio XX.*

**Q**VAERETVR vltius, quare Ruth osculata est Noemi, cū intenderet ire cū ea in terrā suam. Sciendum



Sciendum ad hoc, quod istud osculum fuit ad expeditionem: nam Noemi volebat recedere à nuribus suis in æternū, & in signum dilectionis voluit eas osculari. Aliquis autem dicet, quod quamquam Noemi intendebat expedire se de nuribus suis osculando eas, ipsæ non intendebant dimittere eam, quamquam oscularentur illam, sed osculabantur eam, nè viderentur repudiare ipsam volentem osculari illas. Et patet de vtraque nuru: nam Ruth osculata est ipsam Noemi, & tamen redijt cum ea: etiam Orpha osculata est, & tamen postea volebat reuerti: vnde ambæ nurus dixerunt ipsi Noemi: tecum pergemus, postquam ipsam osculatæ fuerunt, vt patet in litera. Dicendum, quod osculum erat signum expeditionis, & hoc intendebat Orpha, & Ruth; & tamen postquam osculatæ sunt ipsam Noemi causata est quædā teneritudo amoris, ita vt difficili⁹, quàm prius videretur iam recedere ab ea: vnde denuo voluerunt ire cum ea, ideo dixerunt tunc: tecum pergemus. Ista tamen teneritudo non fuit magna in Orpha, ideo cum dixit ei Noemi, quod reuerteretur, illico reuersa est: in Ruth autem causatum est magnum desiderium, cundi cum Noemi, ideo quamquam ipsa admonuit eam, quod reuerteretur ad populum suum, noluit. Sed quare dixit Noemi nuribus, non habeo filios in vtero, vt viros ex me expectare possitis? Respondendum, q̃ voluit innuere Noemi, quod nurus suæ nullam causam habebant sequendi eam: & quia vna causa, quare sequerentur eā poterat esse, vt haberent alios maritos de filiis eius, si cut habuerant primos maritos, dixit, non habeo filios in vtero, vt ex me viros expectare possitis. Causa motiua nuruum Noemi erat, quia secundum legē quando moriebatur maritus alicuius mulieris sine semine, frater illius tenebatur suscitare semen fratri suo accipiendo vxorem illius in vxorem, & non licebat illi mulieri accipere alium virum si frater defuncti vellet eam accipere in vxorem: & si ipse frater defuncti eam non accipiebat, fiebat sibi quædam contumelia discalcando sotularem eius, & spuendo in faciem illius: Deuter. 25. ideo istę nurus Noemi fortè nolebant accipere alios viros, nisi de filiis Noemi: & ob hoc volebant ire cum ea, vt postea viros acciperent de filiis eius. Et ad hoc dixit Noemi, quod non habebat filios in vtero, nec poterat iam concipere, quia erat senectute confecta. Dicendum tamen, quod istæ puellæ non sequebantur Noemi propter hoc, nec etiam Noemi istud intendebat, quia lex illa, quæ obligabat fratres defuncti ad accipiendum vxorē defuncti successiue non intelligebatur, nisi de stantibus, scilicet, quod omnes fratres alicuius, qui extarent tempore, quo moreretur frater eorum maior obligabantur ad istam legem, qui autem nondum nati erant, non obligabantur, quia incertum erat, an aliqui nascerentur; & teneretur sic mulier sub incertitudine expectare tota vita sua quousque moreretur mater defuncti, vel pater: ita vt iam nō posset ille habere fratres, quod valde inconueniens est: ideo ad solos extantes extendebatur lex, & tamen non habebat Noemi nunc alios filios, ideo non expectabāt nurus eius alios, quos pareret, vt illos acciperent tanquam essent ad hoc obligatę. Dixit tamen hoc Noemi ad ostendendum, quod nullam causam haberent nurus suæ ad redeundum cum ea: quia si haberent aliquam causam, ista esset maximè, vt haberent alios maritos de filiis eius: & tamen nullos filios viuentes habebat, nec etiam in vtero: nec poterat habere illos propter senectutem, & istud dixit ad superabundantiam, vt magis concluderet ratio sua.

Doc. resp.

*An lex de suscitando semen defuncti erat apud Gentiles, sicut apud Iudeos. Et an lex de repudio, & vsuris, & suscitatione seminis prius fuerit inter Gentiles, quàm inter Iudeos, vel e contra.*

Quæstio XXI.

**Q**VAE R E T V R vltorius, cum Noemi loqueretur ad nurus suas, præsupponendo, quod frater defuncti teneretur suscitare semen eius, an sicut erat ista lex inter Hebræos, ita etiam esset inter Gentiles: nam aliàs ista locutio Noemi non procedit. Aliquis dicet, quod dato, quod non esset ista lex de suscitatione seminis inter Gentiles, tamen locutio Noemi faciebat ad propositum, quia licet Ruth, & Orpha essent Gentiles, filij tamen Noemi erant Iudæi, & tenebantur ad legem de suscitatione seminis. Dicendum, quod non stat, quia cum Ruth, & Orpha essent Moabitæ non tenebantur ad legem Iudæorum, ideo dato, quod filij Noemi vellent eas ducere in vxores ad suscitandum semen fratrum suorum, nollent ille, & nō tenerentur subire istam legem, & sic non redirent cum Noemi tanquam obligatæ ad obseruandum istam legem, nisi data esset ista lex Iudæis, & esset etiam inter Gentiles. Respondendum etiam, quod lex de suscitatione seminis erat inter Gentiles, & Iudeos: & propter hoc fortè dedit illam Deus Israelitis, quia aliæ gentes illam habebant. Et patet hoc, quia inter Chanaanos erat ista lex multo tempore antequam daretur lex Israelitis, imò antequam descenderet Iacob in Aegyptum: nam Iudas filius Iacob accepit vxorē de stirpe Chanaan: & accepit ex ea tres filios, & primogenitus accepit vxorem de ipsismet Chananæis, quia tunc non erant Iudæi, de quibus acciperet vxorē, & mortu⁹ est ille sine liberis. Dixit ergo Iudas, quia secundus filius eius acciperet eam in vxorem, vt suscitaret semen fratri suo mortuo: & isto etiam mortuo sine liberis petiuit mulier tertium filium Iudæ in virum ad suscitandum semen fratrum suorum: Gen. 38. Ergo inter Gentiles erat lex de suscitatione seminis anteq̃ inter Iudeos: & vt non essent Iudæi minores dignitate, quàm aliæ gentes, dedit etiam Deus illis hanc legem: sic etiā fuit de multis alijs legibus, quæ licet non essent valde conuenientes, dedit illas Deus Iudæis, vt non putarent se magis grauari, quàm alias gentes, quæ habebant istas leges. Sic fuit de libello repudij: nam manifestū est, quod Gentiles habebant istam legem, quia etiam in legibus Romanorum, quæ traditæ sunt in libris digestorum, habebatur de maritis repudiatarum: sic etiam patet de lege permittente vsuras: Deut. 24. Nam inter Gentiles viuræ licitæ erant; & si non concederent Iudæis, putarent se grauari: & fortè non custodirent totam aliam legislationem, ideo permisit Deus vsuras: & tamen moderauit eas aqualiter, scilicet, quod non exigerent eas Hebræi ab Hebræis, sed ab extraneis, vt patet ibidem. Et hoc patet de libello repudij: Mat. 19. scilicet, cum dixit Christus Iudæis, quod libellus repudij ad duritiam cordis Iudæorum datus est. sc. quod nō tolerarent fortè alias leges, quæ bonæ erant, nisi pmitteretur istud: & permisit Deus quædam illis, tanquam imperfectis: erat ergo lex ista de suscitatione seminis inter Gentiles priusquam inter Hebræos, & fm hoc tã Moabitæ, quã aliæ gentes conuicinæ Iudæis seruarent illam. Vnde Orpha, & Ruth, quæ erant Moabitides obligabantur ad istam legem: ideo si Noemi haberet alios filios, qui posset suscitare semen fratrum suorum, tenebantur istæ expectare eos, donec essent adultæ ætatis, & acciperent eos, alioquin non poterant accipere alios viros: si autem isti nollent eas accipere, possent ipsæ tunc accipere, quos viros vellent.

Sciendum,



Sciendum, quod ista lex apud Gentiles seruabatur secundum easdem caeremonias, secundum quas seruabatur apud Iudeos. scilicet, quod omnes fratres defuncti minores eo successiue obligabantur accipere uxorem eius quousque; suscitaretur semine ipsi defuncto: & si esset frater defuncti paruulus, & non posset illico suscitare semine, cogebatur vxor defuncti expectare usque; ad pubertatem illius: sic patet de Iuda Gen. 38. ceteri duo filij acceperunt successiue Thamar in uxorem, & non habuerunt filios; & dixit tunc Iudas ad Thamar, quod maneret in habitu viduitatis in domo patris sui usquequo cresceret Sela, qui erat tertius filius eius, & acciperet illam in uxorem, & expectauit Thamar, & cum venisset ad pubertatem Sela, & non daretur ei in virum, ipsa videns se grauari a Iuda, decepit eum, ut patet ibi. *Et egressa est manus Domini contra me.* Id est, Deus voluit me punire occidendo virum meum, & filios. Et ponitur metaphora, quia Deus non habet manum, nec aliquas partes corporis: sed sicut in hominibus fit, quod manus in eis est organum operatiuum ad bonum, vel ad malum: ita in Deo cum nobis nocet, dicimus manum eius egredi contra nos, & cum nos adiuuat dicimus manum eius egredi pro nobis: & quamquam manus Domini directius erat hic contra Elimelech, & filios eius, qui occisi fuerant a Deo per morbum, tamen, quia ex morte eorum erat calamitas ipsi Noemi, quae sola manebat, dicebatur Deus percussisse eam. *Elenata voce igitur rursus flere coeperunt.* Quando Noemi ostendit calamitatem suam verbo, dicens se a Deo percussam, condoluerunt ei magis nurus suae, & tunc fleuerunt rursus elenata voce ad ostendendum magnitudinem doloris. *Orpha osculata est socrum, & reuersa.* Supra dicebat, quod Noemi osculata fuerat nurus suas: hic autem dicitur, quod Orpha osculata est socrum suam Noemi. Et ratio est, quia prius Noemi volebat expedire se de nurius suis, & ad expeditionem ipsa petiuit osculari eas: nunc autem Orpha volebat reuertere non petente hoc Noemi, ideo ipsa osculata est socrum. Sed tunc dicitur, quomodo Orpha volebat nunc redire cum prius nollet etiam perente hoc Noemi. Dicendum, quod Orpha non desiderabat redire cum Noemi in terram Israel, & tamen ad consolandum eam, & honorandum dixit, quod volebat ire cum ea, & ad hoc osculata est eam. & Ruth ipsa Noemi tanquam volens eas omnino dimittere, & cum oscularetur eas, natus est eis quidam amor, vel stimulus ad magis condolendum ipsi Noemi, & dixerunt, tecum pergemus: quia tamen post haec dixit Noemi, quod non irent, quia non habebat filios, quos accipere possent in maritos, putans satis esse Orpha hoc ad hoc, quod honeste iam dimittere posset ipsam Noemi, osculata est eam, & recessit. *Ruth adhaesit sociis suis.* Scilicet, firmiter nolens ab ea diuelli: nam Orpha licet ostenderet se velle ire cum ea, non firmiter hoc volebat. *Cui dixit Noemi: en reuersa est cognata tua.* Volebat persuadere Noemi ipsi Ruth, quod reuerteretur in terram suam: & dixit, iam reuersa est Orpha cognata tua, revertere ergo, & tu. Et vocauit eam cognatam suam, quia forte erant ambae de eadem progenie, vel signat cognatus affinitatem, & non consanguinitatem hic. Et dicitur Orpha cognata Ruth, quia erant uxores duorum fratrum. Sic accipitur interdum in alijs locis, ut patet de Iethro, qui vocatur cognatus Moysi: Num. 10 & Iudi. 1. & tamen erat socer eius, quod est nomen affinitatis, quia Moyses acceperat in uxorem filiam Iethro, ut patet Exo. 2. *Ad populum suum, & ad Deos suos.* Scilicet, ad cognatos suos Moabitas, ut maneret inter eos, & etiam ad Deos suos, scilicet, ut coleret illos. Ex hoc innuit Noemi, quod Orpha ante hoc coluerat idola, & nunc etiam reuertebatur ad colendum illa, cum maneret in terra illa, in qua frequen-

Abatur cultus idolorum. Si autem ante hoc cessaret aliquo tempore Orpha colere idola, non diceret nunc Noemi, quod redibat Orpha ad colendum Deos suos: istud dixit Noemi ad tentandum cor Ruth, si vellet reuerti, & dimittere eam. Nam duo erant, per quae Ruth efficaciter poterat retrahi ab eundo cum Noemi. Primum erat desiderium parentum, & cognatorum, & natalis soli. Secundum erat amor quidam Deorum terrae suae, in quorum cultu enutrita fuerat. Si autem nunciret cum Noemi, utrumque mutare debebat. Nam parentes, amicos, & cognatos, & natale solum desereret, & iret ad terram incognitam, in qua versaretur tanquam alienigena. Etiam cultus Deorum suorum priorum mutandus erat, quia in terra illa non permitteretur coli alius Deus, nisi Deus Israel. Hoc autem duo tetigit Noemi dicens, reuersa est ad populum suum, & Deos suos, ut videret si forte desiderio istarum duarum rerum moueretur; & si non moueretur, erat firma in proposito, & apta ad eundum cum ipsa in terram Israel. *Vade cum ea.* Scilicet, & non perdas delectationem patrum, & propinquorum, amicorum, & natalis soli. Et non refertur istud ad omnia praecedentia. Nam dixerat Noemi de Orpha, quod reuersa fuerat ad populum suum, & Deos suos: non tamen hortaretur Noemi ipsam Ruth, quod reuerteretur ad Deos suos, quia in hoc peccaret: solum ergo refertur ad populum. scilicet, quod reuerteretur ad populum suum. *Quae respondit, ne aduerseris mihi, ut relinquam te, & abeam.* Cum Noemi sepe instaret, quod Ruth reuerteretur, & ipsa Ruth nesciret quid responderet, haberet autem animum eundum cum Noemi, molestabatur ex verbis eius: ideo petiuit, quod amplius non loqueretur sibi de hac re, & dixit: Ne aduerseris mihi. scilicet, quia hortando, quod reuerteretur aduersabatur, cum intentio sua esset eundi super cum Noemi; & potissimum dicit aduerseris, quia ista verba erant nimis pungitiua, & motiua: nam nihil magis mouere poterat ipsam Ruth ad redeundum, quam desiderium parentum, & natalis soli, & Deorum, in quorum cultu fuerat enutrita, ideo nolebat audire ista verba saepe, quia affligebatur animus eius. *Quocunque perrexeris pergam.* Id est, non insistas persuadendo mihi, quod reuertar, quia non faciam, sed quocunque perrexeris pergam; ideo si vadis in terram tuam Israel illuc vadam, & si in regionem aliarum gentium iueris, illuc ibo. *Vbi morata fueris, & ego pariter morabor.* scilicet, et in quocunque loco habitaueris, ego habitabo: ita quod non solum ibo ad gentem, ad quam tu iueris, sed et morabor in loco, in quo tu morata fueris. *Populus tuus populus meus.* Id est, ille, qui fuerit populus tuus, volo, quod sit populus meus, & nolo aliquem alium populum. *Deus tuus Deus meus.* Scilicet, ille Deus, quem colueris erit Deus meus, & illum colam, & non curabo de alio Deo. *Quae te in praesentem terra suscepit, in ea moriar.* Id est, usque ad mortem manebo tecum, unde in terra, in qua tu obieris, etiam ego moriar. *Ibiq; locum accipiam sepulturae.* Scilicet, praeter desiderio, & amore tui manebo in ipso loco, & ibi accipiam sepulchrum, nec faciam transferri corpus meum in terram meam, ut sepeliatur cum meis progenitoribus. *Haec mihi faciat Deus, & hoc addat, si non sola mors me & te separauerit.* Id est, destruat Deus, vel faciat Deus mihi multa mala, si recessero unquam a te, nisi per mortem: nam mors nos separabit, sed prius a te ego non separabor cum mei compos fuero. Est modus iurandi iste frequentatus in sacra scriptura, ut patet 1. Reg. 20. & in multis alijs locis: & est sensus, quod iurans aliqua mala nominet dicens, Deus tradat me in manus hostium: & addat alia mala nunquam me indeliberando, si fecero tale, vel si non fecero. Et dicitur hoc faciat, & addat haec, ad demonstrandum mala, quae isti super se imprecantur, sicut etiam nunc fit. Non ponuntur determinate illa mala, sed



sed dicitur: Hæc, & hæc: & Ruth conclusit sententiam in hoc dicēs, quod sola mors eam separaret à Noemi: nā post hæc non haberet Noemi quid replicare posset. *Videns ergo Noemi, quod obstinato Ruth animo decreuisset secum pergere.* In verbis præcedentibus vidit Noemi, quod Ruth firmiter decreuerat pergere cum ea, quia non poterat hoc magis significari, quā significauit illud Ruth. Et dicitur obstinato animo, idest firmo: consuevit enim poni obstinatio semper in malum. Vnde morientes in peccato mortali dicimus obstinatos: & demones, & omnes manentes apud inferos dicimus obstinatos, sed obstinatus secundum se non significat, nisi firmum, ideo obstinati in malo dicuntur, qui in malo firmiter manent nunquā inde diuellendi. *Aduersari noluit.* Quia prius aduersabatur ei ostendendo, quod nollet, quod secum iret, vel suadendo, quod recederet ipsa, & Ruth dixerat ne aduerseris mihi, vt relinquam te, & abeam. *Et vltra ad suos reditum persuadere.* Prius suadebat ei redire: & hoc faciebat, quia nondum cognouerat intentionem eius firmiter, & nolens, quod Ruth postea poeniteret, si iret in terra Israel, suadebat ei reuertī: sed cum vidit, quod firmiter manebat in proposito, destitit persuadere ei. *Profectæq; sunt simul.* Scilicet, quia noluit Ruth dimittere Noemi locum suum. *Et venerunt in Bethlehem.* Idest, de terra Moab venerunt in Bethlehem. Est enim Bethlehem ciuitas in forte Iudæ parum distās à Ierusalem, de qua erat oriunda Noemi: & erat ibi possessio viri sui Elimelech, & filiorum suorum defunctorum. *Quibus ingressis urbem velox apud cunctos fama percrebuit.* Illico, vt Noemi venit in Bethlehem cognitum erat, quia de diuitibus magna fama habetur, vel, quia multo tempore extiterat extra Bethlehem. scilicet, decem annis in terra Moab. *Dicebantq; mulieres, hæc est illa Noemi.* Quia Noemi mulier erat, magis nota erat fama ei⁹ apud mulieres, quā apud viros: & illæ de ea magis loquebātur. Quare autem dicebant, hæc est illa Noemi, infra dicitur in quadā quæstione. *Quibus ait: Nē vocetis me Noemi.* Omnes mulieres dicebāt vulgariter, hæc est illa Noemi: & audiens ipsa Noemi respondebat: nē vocetis me Noemi. *Sed Mara.* Posuit autem illas translator noster ad significandum, quid vellet dicere Noemi. Nam Noemi interpretatur pulchra, & Mara interpretatur amara, & non oportebat, quod poneretur in Hebræo aliqua expositio, vel interpretatio, quia manifesta est significatio nominum, & tamen apud Latinos erat incognita significatio: & sic nesciretur quid volebat dicere Noemi cum ait: nolite vocare me Noemi, sed Mara: & sic translator noster exposuit, dicens Noemi, idest pulchram, & Mara, idest amarā: sic enim vocatur Mara apud nos quædam mansio Israelitarum in deserto: Exod. 13. & Num. 33. scilicet, quia ibi non inuenerunt aquam dulcem, sed puteos aquarum amarissimarum, quas Moyses à Deo instructus conuertit in dulcedinē, & vocatus est loc⁹ Mara, siue Marath apud nos. *Quia valde me amaritudine repleuit omnipotens.* Dat causam quare non est vocanda Noemi, idest pulchra, quia pulchritudo significat quandam perfectionem, & dilectionem, cum videntes rem pulchritudine delectentur; & hoc non competebat iam ipsi Noemi, quæ omni bono carebat, & valde afflictæ erat: sed propriè competebat ei, quod esset nomen suum Mara, quia Deus repleuerat eam amaritudine auferendo ei virū, & filios, & omne bonum, quod habebat. *Egressa sum plena, & vacuam reduxit me Dominus.* Declarat hic, quomodo Deus repleuerit eam amaritudine, scilicet, quia egressa plena de Bethlehem. scilicet, plena omni bono: nam habebat virū, & filios, & diuitias multas: nūc autē viro, & filijs orbata ēt paupertate confecta redibat, quia oēs diuitias suas expenderat, vel perdiderat in terra Moab.

Obstinat⁹  
fm se quid  
sibi velit.

Noemi in  
interpretat⁹  
pulchra,  
& Mara a  
mara.

**F**ur ergo vocatis me Noemi? quam humiliavit Dominus, & afflixit omnipotens. Quasi dicat, iniuste mihi hoc nomen ascribitur, cum nihil de signato illi⁹ in me reperiatur, scilicet, de pulchritudine, & iucunditate: sed potius oppositum, quia Dominus humiliavit me, & afflixit, scilicet, auferendo magnitudinem status mei, & deprimendo me, vt iam quasi nihil sim. *Venit ergo Noemi cum Ruth Moabitide sua nuru de terra peregrinationis sue.* Ista est recapitulatio, quia iam positum fuerat qualiter venerat, & etiam quid dicebatur in Bethlehem, quando venit: sed repetitur hic ad continuandum vltra historiam Ruth. Et dicitur de terra peregrinationis sue, scilicet terra Moab, in qua manserat peregrina decem annis, vt patet supra in litera. *Ac reuersa est in Bethlehem.* Quia ista erat ciuitas, in qua erat habitatio Noemi. *Quando primum hordea metebantur.* Idest, in principio messis hordeaceæ. Istud erat in terra Israel in medietate mensis primi, qui est apud nos Martius: quod patet, quia Pascha, & festum azymorum erat apud Iudæos quartadecima die mensis primi, vt patet Leui. 23. & Exod. 12. & tunc incipiebant hordea colligi. Nam die festa azymorum mittebatur primum falx in spicas hordei. Quod patet, quia Leui. 23. dicitur, quod die illa offerretur domino manipulus spicarum virentium, & ante illud tempus non licebat mittere falcem in segetem, nec facere panes, aut polentam, vel aliquid aliud ex segete, sed tunc incipiebant omnes metere hordea. Erat autem istud festum aliquando ad medietatem Martij nostri, aliquando post, eo quod mensium principia apud Hebræos mutantur, quia menses eorum computantur secundum lunam, vt declaratum est Exo. 12. & Num. 28. & venit quando primum hordea metebantur, idest in principio messis ordeaceæ: ideo esset medietas Martij nostri, vel parum plus. Istud ponitur ad continuandum, & introducendum historiam sequentem, scilicet, quomodo Ruth colligendo spicas accepit Booz in matrum, vt patet infra tertio, & quarto.

Quomodo Ruth tanta tenacitate adhaerit Noemi socri sue, vt nequaquam ab ea diuelli posset.

Quæstio XXII.

**Q**VAERETVR vterius, quomodo Ruth tanta tenacitate adhaerit Noemi socri sue, vt nequaquam ab ea diuelli posset, quamquam multa erāt, quæ eam possent disuadere: & tamen dixit, quod sola mors eam separaret ab ipsa. Respondendum, quod satis difficile fuit, quod Ruth tanto amore vniueretur ipsi Noemi: nam multa retractiua erant. Primum erat desiderium parentum, quia habebat Ruth patrem, & matrem, vel saltem matrem: nam dixerat Noemi ad Orpham, & Ruth: ite in domum matris vestræ: & amor maternus est maximus, vt declarat Arist. 8. Et ideo difficile erat, quod Ruth dimitteret matrem propter socrum. Aliud difficile erat, quod dimittebat Ruth natale solum, quod magnæ dulcedinis est propter conaturalitatem, & conuersationem à tenera ætate, & ibat ad terram alienigenarum, in qua nullum cognatum, nullum amicum habebat. Alia difficultas erat, quia enutrita erat Ruth in cultu Deorum Moab, & nunc cum transiret in terram Israel cogeretur tenere cultum Dei Israel: & istud erat satis graue, quia non erat consuetudo Gentilibus mutare Deos suos, sed eosdem Deos, quos semel colebant semper colebāt, vt patet Iere. 2. scilicet. Propterea adhuc contendam iudicio vobiscum dicit dominus filiis Iudæ: transite ad insulas Cethim, & in Cedar quoque mittite, & videte si factū est hoc, & si mutauit gens Deos suos, & ipsi non sunt dii, populus autē meus mutauit gloriam tuam in idola.

Aliud



Aliud difficile erat, quod Noemi erat pauper, nec videbatur posse sustentare se, nec Ruth. Quod pater, quia quando venerunt in Bethlehem iuit Ruth ad colligendum spicas in agrum, ut patet seq. cap. & hoc ut sustentaretur ipsa, & Noemi: omnia tamen ista libenter se dixit toleraturam Ruth, ut veniret cum Noemi inquit, quocunque perrexeris pergam, & ubi morata fueris pariter morabor, populus tuus populus meus, & Deus tuus Deus meus: quae te morientem terra susceperit in hac moriar. Dicendum tamen quod inductiua ad hoc, quod Ruth vellet tanta difficultia tolerare, non manifeste apparent, tamen potest esse vnum, quia forte ipsa Noemi se habuerat valde bene erga nuntius: & cum Ruth esset valde generosi cordis, voluit reddere vicem ipsi Noemi comitando eam quocunque iret nunc, cum opus erat vicissitudine. Secundum erat, quia nunc erat Noemi in magna calamitate: nam perdidit virum, & filios, & expederat diuitias suas in decem annis in terra Moab: & tunc cum vellet redire in terram suam, erat sola, in qua valde affligeretur. Et quia corda nobilia, & generosa mouent valde erga afflictos compatendo, mota est Ruth erga Noemi: & voluit ipsa potius affligi carento solatiis terrae suae naturalis, & parentum, cognatorum, & amicorum, quam ipsa Noemi desolatam relinquere: ista motiua aliqua sunt, & tamen ad subeundum tantam difficultatem, quam subiuit Ruth, ut patet supra non videbatur satis sufficere, quodlibet istorum inductiuorum, nec ambo. Tertium est, scilicet, quod Ruth a Deo mota fuerit, & istud est verisimilius, scilicet, Deus elegerat istam Ruth, ut de stirpe eius descenderet Dauid, & esset descenderet Messias: & ad hoc infixit cordi eius magnos stimulos, ut desideraret ire cum Noemi, quia alias non poterat istud compleri, & sic fit sepe quod Deus immittit hominibus desideria ad faciendum aliquid, & nesciunt a quo moueantur, sicut dicitur 4. Reg. 19. de Senacherib, quando volebat obsidere Ierusalem, & timeret nimis Ezechias: dixit. n. Deus, ecce ego immittam ei spiritum, & audiet nuntium, & reuertetur in terram suam: ille autem spiritus immisus erat desiderium ad redeundum in terram suam: ita nunc Deus immitteret ipsi Ruth desiderium eundi cum Noemi in terram Iuda, & dato quod maiores difficultates distractiuae essent, adhuc omnes illas subiret Ruth, & nesciret a quo moueretur ad desiderandum hoc, sed solam sentiret, quod nimis desiderabat istud.

*Quomodo dixit Noemi ad Ruth, ecce reuersa est cognata tua ad populum suum, & ad Deos suos. Quest. XXIII.*

**Q**VAERETVR vterius, quomodo dixit Noemi ad Ruth, ecce reuersa est cognata tua ad populum suum & ad Deos suos, scilicet ad deos Moabitarum, cum Moabitis vnum Deum colerent, scilicet Chamos: sic patet 3. Reg. 11. & 4. Regum 23. scilicet, quod Chamos erat Deus Moab. Etiam Moabitis vocabantur populus Chamos, id est istius dei, ut patet Num. 21. & Isa. 16. & etiam Iephthe Galaadites cum loqueretur ad regem Ammon, & Moab de his, qui obtinuerat Deus suus, solum dixit de Chamos inquit: nonne ea, quae possedit Chamos Deus tuus tibi iure debentur, quae autem Deus noster viator obtinuit in nostram cedent possessionem, Iud. 11. si tamen essent multi alij dii Moabitarum, illa vxor Salomonis, propter quam Salomon faciebat templum idolo Chamos, instigaret, quod esset fierent templa alijs diis Moabitarum: & tamen non instigauit, & solum factum est templum idolo Chamos, ergo erat iste solus deus Moab. Item cum Moabitis vocarentur populus Chamos, quia Chamos erat deus Moab, ita vocarentur populus aliorum deorum si Moabitis alios Deos haberent: & tamen non vocantur populus, nisi Chamos, ergo iste solus erat Deus Moab.

Alph. Tost. super lib. Ruth

**A** Item patet, quia si alij praeter Chamos essent et dii Moab, quando Iephthe loqueretur de his, quae obtinuerat Chamos deus eorum, loqueretur etiam de his, quae obtinuerant alij dii, & tamen solum dixit de Chamos, ergo solus Chamos erat deus Moabitarum, & sic non posset dici de Orpha, quod reuersa est ad deos suos. Respondendum, quod Moabitis, & quilibet Gentiles colebant multos deos: nam cum Iuppiter reputaretur maximus deorum, tanquam pater in omnibus gentibus coleretur: sic est de Appolline, Mercurio, Marte, & alijs diis: & tamen dicebantur Moabitis habere vnum deum, quia ille erat proprius illius terrae: alij autem erant tanquam dii ceteros multarum gentium. Vel quia forte iste deus reputabatur potentior omnibus alijs diis, & vocabatur singulariter deus Moabitarum: & sic patet de Philistinis, qui multos deos colebant, s. Dagon 1. Reg. 5. Et Astaroth 1. Paral. x. & 1. Reg. 31. & Beelzebub 4. Reg. 1. Et tamen specialiter, & per excellentiam vocabatur Dagon deus Philistinorum, & illi attribuebant Philistini omnia bona sua, sic patet quoniam obtinuerunt victoriam de Samson: nam fecerunt magnificas hostias deo suo Dagon, & dixerunt, tradidit deus noster Samson inimicum nostrum in manus nostras: Iud. 16. & victoriam, quam obtinuerunt de Israelitis, ipsi Dagon ascripserunt, quando capta est arca dei in bello, ideo ad reuerentiam magnam posita est arca Dei Israel in templo Dagon quasi ipse cepisset eam viribus. 1. Reg. 5. etiam quando occisus est Saul in bello, & filij sui fugati sunt, est populus, ascripserunt Philistini victoriam istam Dagon, ideo in templum Dagon positum est caput Saulis 1. Paral. 10. Sic ergo apud Moabitas essent multi dii quorum praecipuus esset Chamos, ideo vocabatur ille specialiter deus Moabitarum, quasi ipse solus esset. Et ob hoc Salomon ad instantiam uxoris suae Moabitis solum fecit templum Chamos idolo Moabitarum, & ipsi Moabitis solius Chamos vocabantur populus. Et Iephthe loquens ad regem Amon & Moab, de solo Chamos locutus est: quia tamen multi alij colebantur dii in terra Moab, & omnes illos colebat quilibet Moabita, recte dictum est, quod Orpha reuersa fuerat ad deos suos.

*Quare Ruth dixit tot verba Noemi. Quest. XXIIII.*

**Q**VAERETVR vterius, quare Ruth dixit tot verba ad Noemi, scilicet, quocunque perrexeris, pergam, ubi morata fueris, pariter morabor, &c. quia vnum eorum sufficiebat ad ostendendam intentionem Ruth. Respondet Rabbi Salomon, & alij Hebraei, quod iste sunt responsiones, quas faciebat Ruth ad dicta Noemi. Pro quo sciendum, quod dicunt ipsi Hebraei, quod quoniam aliquis de Gentilibus conuerti vellet ad Iudaismum, indicanda erant ei omnia difficultia legis, ut videret, an vellet conuerti, & postea non poeniteret eum se esse conuersum: sicut volentibus ingredi religionem proponenda sunt difficultates religionis, ut sciat quid petiit, & ad hoc dicunt, quod petiuit Noemi a Ruth quinque difficultates legis, an vellet tollerare illas. Prima erat, scilicet, quod non licebat Israelitis peregrinari extra terram suam sine aliqua causa necessaria, & tunc dixit Ruth, ego seruabo hoc, quia non ibo ad aliquam terram, nisi ad quam tu iueris. Secundum difficile erat, quod mulieribus Israelitis non licebat morari cum aliquo viro, nisi essent mariti illarum. Et dixit Ruth, ubi morata fueris morabor, id est, tu es vidua sicut ego, & ubi tu morata fueris, ego morabor, & sic non faciam contra legem. Tertium erat, quod Israelitis tenebantur seruare legem a Deo datam, quae continebat 613 precepta, & Ruth dixit populus tuus, populus meus, id est, ego faciam sicut populus tuus, scilicet, quod sicut illi custodiunt ista precepta, ita ego custodiam illa. Quartum erat, quia Israelitis non licebat colere alium

Hh Deum,

Hebraeorum  
respon. ad  
quasitum.  
Notandum  
Noemi a  
Ruth 5. legi  
difficultates  
petiit



Deum, nisi suum, & nunquam idola: & dixit Ruth **F**  
Deus tuus, Deus meus, s. ipsum solum colā. Quintū  
erat, q̄ pruaricantes legem inter Israelitas afficieban-  
tur morte, quē erat quadruplex, scilicet combustionis,  
iugulationis, lapidationis, & strangulationis vel suspen-  
sionis, vt patet Leui. 24. & Deutero. 13. & 21. & Nu.  
35. & quantum ad hoc respondit Ruth, & dixit quā  
te terra morientem suscepit, in hac moriar, ibique lo-  
cum accipiam, idest quacunque morte tu morieris,  
hanc ergo pariter sustinebo. Sed dicendum, quod  
hoc non multum conuenit, quia si istę essent respon-  
siones Ruth ad dicta Noemi, ponerentur etiam dicta  
Noemi, sed non ponuntur. Secundō patet, quia ali-  
qua istorum dictorum coincidunt cum aliis. Nam in  
tertio cōincidūt omnia, quia illud est de obseruatione  
generali totius legis, & vltra totam legem non sunt  
aliqua pręcepta, quę oporteret distingui inter se, nec  
distinguitur alia quatuor a tertio, & tñ distinguuntur.  
Tertio patet, quia stante hoc aliqua istorum sunt ad q̄  
nō recte responderet Ruth: nam q̄ diceret Noemi q̄  
tenebātur Israelitę ad obseruanda omnia pręcepta le-  
gis, & responderet Ruth: populus meus, populus tuus,  
non erat conueniens responsio, quia non erat ad pro-  
positum. Item cum dixit Noemi, vt isti volunt, q̄ in  
lege erat pro pruaricatoribus pena mortis quadrupli-  
cis, non erat ad propositum responsum Ruth, s. quę te  
terra morientem receperit, in ea moriar, ibique lo-  
cum accipiam sepulturę. Etiam cum diceret Noemi  
q̄ non licebat mulieri secundum legem Hebręorum  
habitare cum aliquo viro, nisi esset maritus suus, non  
erat conueniens responsio, scilicet vbi morata fueris  
pariter morabor, quia poterat esse quod Noemi non  
acciperet virū, & Ruth acciperet, & sic non deberet  
habitare in eodem loco. Sexto patet, quia si Noemi  
intendebat denunciare ipsi Ruth difficilia legis solum  
nō denunciaret ei, nisi illa quę essēt difficilia ipsi Ruth,  
& tamen primum ipsorū quod proposuisse dicunt,  
scilicet, quod nō licebat Israelitis ire extra terram Israel  
sine causa non erat difficile ipsi Ruth. Nam cum ip-  
sa pp Noemi deseruisset parentes, cognatos, amicos,  
& natale solum, vt veniret in terram Israel, non desi-  
deraret ire ad alias regiones extra terram Israel. Di-  
cendum ergo, q̄ non dixit Ruth ista ad respondendū  
ad talia dicta Noemi qualia isti dicunt inrecedisse, vt  
supra posita sunt: sed dixit hac ad ostendendum inten-  
tionem suam: nam Noemi aduersabatur ipsi Ruth p-  
suadendo ei, q̄ reuerteretur ad suos. Voluit autem  
ostendere quod voluntas sua determinata erat ad enū-  
dum cum illa, & ad hoc dixit multa, quę sufficienter  
ostenderent intentionem istam, & fuerunt aliqua ip-  
sorum ad respondendū duobus dictis Noemi, scilicet,  
en reuersa est cognata tua ad populum suum, & Deos  
suos, vade & tu cum illa. Dicendo autem ista signifi-  
cabat omnino non se diuidendam ab illa, quia iret ad  
quemcumque locum illa iret, & maneret in quo-  
cunque loco illa maneret, & moreretur in terra in  
qua illa sepeliretur. Et respondet etiam ad illa dicta  
duo. Nam cum dixit Noemi, q̄ reuersa fuerat Orpha  
ad Deos suos, videbatur innuere, quod etiam reuerte-  
retur ipsa, & ait Ruth: Deus tuus, Deus meus, scilicet  
nolo redire ad alios Deos, quos prius tenebā. Et cum  
dixit, reuersa est ad populum suum innuebat, quod re-  
uerteretur Ruth etiam ad populum suum: & ad hoc  
dixit Ruth quod nolebat, sed quocunque iret Noe-  
mi, illuc iret Ruth: vbi moraretur Noemi, ibi mo-  
raretur Ruth: & populus Noemi, esset populus Ruth,  
ideo eundo ad populum Israel, qui erat populus Noe-  
mi videbat ire Ruth ad populū suū. Et ad magis cō-  
firmandū cōclusit dicens: quā te terra morientem su-  
scepit, i ea moriar: ibique locum accipiam sepulture.

Respon-  
si.  
ad quęst.

An Ruth peccabat dicens: Deus tuus, Deus meus.  
Quęst. XXV.

**Q**UARE TVR, an Ruth peccabat dicēs, Deus  
tuus Deus meus, quia videbatur dicere, quod  
quicunque esset Deus Noemi ille esset Deus eius, &  
tamen hoc poterat esse malum, scilicet, si Noemi ac-  
ciperet aliquem Deum gentilium in Deum, q̄ Ruth  
acciperet illum eundem in Deū. Respondēdū q̄ ista  
propositio potest intelligi dupliciter: vno modo quod  
Ruth acciperet in Deum quęcunque acciperet Noe-  
mi. Alio modo q̄ acciperet illum, quem nunc habe-  
bat Noemi. Accipiendo primo modo videbatur  
esse peccatum, quia poterat Noemi accipere in Deum  
aliquem, qui non esset Deus, & non debet aliquis po-  
nere fidem suā in potestate alterius, quia ille poterat  
errare, & error periculosissimus est in fide, eo quod  
fides est fundamentum omnium virtutum meritoria-  
rum, cum sine ipsa impossibile sit placere Deo, ad Hæ-  
brę. 11. Et hoc verum est, nisi fortē Ruth certissime  
confideret, quod Noemi haberet rectam fidē: & non  
variaret illam, quia tunc poterat credere id, quod illa  
credebat: quia sic etiam est apud nos: nam simplices  
per se non possunt peruenire ad omnia, quę in fide sūt  
cognoscenda: & dependent ipsi a sapientibus, scilicet,  
quod ipsi credunt ea, quę sibi sapientes denunciant eē  
credenda. si aut accipiat fo mō. s. q̄ Ruth diceret, q̄  
ille qui nunc erat Deus Noemi, esset Deus eius, mani-  
festum est, quod non peccabat, sed recte agebat, quia  
per hoc dimittebat idolatriam, & trāsibat ad cultum  
veri Dei. Et istud intellexit Ruth. Dicendum ergo, q̄  
non peccauit in hoc Ruth, nec se exposuit periculo,  
quia mouebatur a Deo, & qui spiritu Dei aguntur, hi  
filij Dei sunt. ad Ro. 8. quod autem Ruth ad dicēdum  
hoc, & redeūdum in terram Israel moueretur a Deo  
declaratum fuit supra in quadam quęstione. Se-  
cundō patet, quia Ruth sciebat etiam vel saltem crede-  
bat, quod non mutaret illum, cum Iudęi nunquā cole-  
rent alium Deum nisi vnicum celestem, qui sine ido-  
lo, & representationē est: potissimum cum nunc re-  
uerteretur in terram Israel. ideo cum Ruth dixit ipsi  
Noemi: Deus tuus Deus meus, non posuit se sub du-  
bio, sed determinatē elegit Deum Israelitarum in  
Deum, quia sciebat quod illum colebat Noemi, & ad  
illius terram ibat: & nullus alius erat prater illum, qui  
iuste coli posset.

Quare dixit Ruth, quā terra te morientem suscepit, in ea  
moriar. Quęst. XXVI.

**Q**UARE TVR, vterius, quare dixit Ruth, q̄  
terrate morientem suscepit, in ea moriar.  
Respondendum quod Ruth, vt dictum fuit supra, in-  
tendebat ire cum Noemi: & quia Noemi insistebat  
valde, quod non iret cum ea, vt cessaret iam insistere,  
dixit sibi, quod iret cū ea, & non separetetur vllō mō  
ab ea nisi per mortē, cum ait: quā te morientem ter-  
ra suscepit, in ea moriar. Et iterum: hec mihi do-  
minus addat, si non sola mors me & te separet  
rit. Et quia post mortem adhuc poterat esse aliqua  
separatio, dixit Ruth, quod etiam tunc non separet-  
tur, quod in quacunque terra moreretur Noemi, ibi  
moreretur Ruth. Intendebat enim Ruth, quod cum  
ipsa esset iuencula, & Noemi esset senectute confē-  
cta: quod naturali via prius moreretur Noemi, & tūc  
ipsa expectaret in loco in quo moreretur Noemi, vt  
ibi moreretur, & sepeliretur cū illa. Et dixit hoc ad si-  
gnificādū q̄ post mortē suā nō faceret Ruth deportari  
ossā suā in terrā Moab vt sepeliret inter cognatos suos  
quia ista fuit cōsuetudo Gentium oīum a principio, q̄ qui  
erant



erant de eadem cognatione, sepelirentur in eodem loco, siue sepulchro: & putabant hoc esse fortunium: Et si quis non posset sepeliri in sepulchris maiorum suorum, putabatur esse infortunatum: unde Abraham emit agrum in ius sepulchri, ut sepeliretur ipse in eo, & tota cognatio sua: Gen. 23. Et ibi sepeliebantur patres, & filii, & matres. Nam in eodem sepulchro fuerunt sepulti Abraham, & uxor sua Sara, & filius suus Isaac, & uxor eius Rebecca, & nepos eius Iacob, & uxor sua Lia. Gen. 49. & tamen nondum venerat ritus iudaicus, quia non erat data lex, sed Abraham concubabat inter Chananæos: nec differebat ab eis, nisi in fide, & in quibusdam operibus, quæ sine lege essent: ergo sic etiam erat inter Chananæos, quia non haberet Abraham distinctum morem ab omnibus hominibus sui temporis. Et istud est postea observatum est apud omnes iudeos, quod quilibet sepeliebatur in sepulchro patrum suorum, ut patet 2. Reg. 17. & 19. & in multis locis. & censebatur esse magna poena, & infortunium, quod quis non sepeliri posset in sepulchro patrum suorum. Sic patet de viro, qui venit ad prophetizandum contra altare Bethel, & iusserat ei Deus quod non comederet, nec biberet in Bethel: & quia comedit & bibit, prænuntiatur ei a Deo, quod cadauer eius non inferretur in sepulchrum patrum suorum, 3. Re. 13. Si tamen non esset consuetudo omnium sic sepeliri, non iudicaretur infortunium sepeliri extra sepulchrum patris, & sic esset consuetudo apud Moabitæ, de quorum terra erat Ruth, & apud omnes gentes, ideo forte Ruth quando moreretur vellet, quod cadauer suum portaretur in terram Moab: & tamen tantum diligebat ipsam Noemi, quod felicius sibi iudicabat esse sepeliri cum illa, quam quod cadauer suum reduceretur in terram suam: ideo dixit, quæ te terra morientem susceperit, in eam moriar, ibique locum accipiam sepulture.

*Quare redeunte Noemi in Bethlehem mulieres urbis dicebant: hæc est illa Noemi. Quæst. XXVII.*

**Q**VAERETVR ulterius: quare redeunte Noemi in Bethlehem mulieres urbis dicebant: Hæc est illa Noemi. Respondendum, quod dupliciter potest responderi. Primum, quod ista litera dupliciter legitur: nam doctores nostri, ut communiter legunt deprimendo eam, & tunc est modus congaudendi, vel respondendi: Quod sit modus respondendi patet, quia cum fama magna esset in urbe de aduentu Noemi dicerent aliquæ, quæ est ista, quæ venit de qua est fama: & respondetur, hæc est Noemi illa, de qua multa referebantur, quando erat absens. Si legatur per modum congaudendi est sensus, quod veniente illa mulieres Bethlehem congaudentes de aduentu eius, dicerent: hæc est illa Noemi, scilicet cuius aduentum præstolabamur. Alio modo est sensus, quod legatur admiratiue, & sic legunt Hebræi, hæc est illa Noemi, id est, nunquid ista est illa Noemi, de qua tantæ laudes ferebantur, & quæ tam felix quondam fuit, & nunc pauper, & sola reuertitur. Et iste sensus est satis conueniens, quia cognita erat felicitas Elimelech, & Noemi in urbe Bethlehem: quia de nobilioribus eius erat. Et nunc cognoscebatur eius calamitas, de qua omnes admirabantur: sic patet 4. Reg. 9. ubi ponitur Iezabel, quod a canibus comesta est manente capite, & summitatibus manuum, & pedum, & videntes tunc stupebant, & dicebant: Hæcne est illa Iezabel, quæ ad tantam prosperitatem fuit, & ad tantam calamitatem devenit? Et hoc etiam consonat verbis Noemi dicentis, non vocetis me Noemi, id est, pulchram, sed Mara, id est, amaram, quia valde amaritudine me repleuit omnipotens.

Alph. Tost. super lib. Ruth



Rat autem viro Elimelech consanguineus homo potens, & magnarum opum nomine Booz. Dixitque Ruth Moabitæ ad socrum suam: Si iubes vadā in agrum, & colligā spicas, quæ fugerint manus metentium, ubicunque clementis in me patris familias reperero gratiam. Cui illa respondit: Vade filia mi. Abiit itaque, & colligebat spicas post terga metentium. Accidit autem ut ager ille haberet dominum nomine Booz, qui erat de cognatione Elimelech. Et ecce ipse veniebat de Bethlehem: dixitque messoribus: Dominus vobiscum. Qui responderunt ei: Benedicat tibi dominus. Dixitque Booz iuveni, qui messoribus præerat: cuius est hæc puella? Cui respondit: Hæc est Moabitæ, quæ venit cum Noemi de regione Moabiti de, & rogavit ut spicas colligeret remanentes, sequens messorum vestigia, & de mane usque nunc stat in agro, & ne ad momentum quidem domum reuersa est. Et ait Booz ad Ruth: Audi filia, ne vadas in alterum agrum ad colligendum, nec recedas ab hoc loco: sed iungere puellis meis, & ubi messuerint sequere. Mandavi enim pueris meis, ut nemo molestus sit tibi: sed etiam si sitieris vade ad farcinulas, & bibe aquas, de quibus & pueri bibunt.

De cons. dist. r. cap. hæc quoque in tex. et glo.

*Erat autem viro.* Descripta est in præcedentibus Ruth conuersio: hic describitur eius virtuosa conuersatio: & quia inter omnes virtutes humilitas tanquam fundamentum est, primo agitur de eius humilitate, & diuiditur in quatuor. Et primo ponitur ipsius Ruth humilis actio: secundo in agendis honestatio ibi. *Accidit autem.* Tertiò eius pro beneficiis gratitudo ibi. *Quæcadens.* Quartò eius in actionibus sollicitudo ibi. *Colligit ergo.*

*An ordo sit continuus. Quæst. I.*

**Q**VAERETVR circa primum, an ea, quæ habetur hic sint continuata ad præcedentia, & an sint facta immediate post illa, vel interiecto aliquanto tempore. Ad primum dicendum, quod continuus ordo est, quod supra agitur de aduentu Ruth cum Noemi in terram Israel, hic autem agit de his, quæ fecit Ruth postquam fuit in Bethlehem urbe terræ Israel. scilicet quomodo collegit spicas in agro Booz.

Hh Ad



Ad secundum dicendum, quod paucum tempus fuit inter præcedentia, & ista. s. forrè duo, vel tres dies, aut parum plus. Nam præcedenti ca. dicitur quod Noemi, & Ruth venerunt in Bethlehẽm quando primũ hordea metebant, & hic dicitur quod Ruth iuit ad colligendum spicas in agrum, & satis credendum est, quod fuerit post reditum de Moab immediatè: nã cum esset tempus messis, quando venerunt, ut patet præced. ca. tunc non erat tempus faciendi alia officia, iret Ruth ad colligendum spicas, & quia cum esset sollicita, nollet manere aliquo tempore ociosa, iret ad colligendum spicas mox, ut veniret de terra Moab: & tamẽ istud quod hic dicitur, accidit prima die, qua iuit Ruth ad colligendum spicas in agrum Booz: ergo immediatè post præcedentia factum est. Circa primum dicitur. *Erat autẽ Elimelech consanguineus homo potens.* Quia hic dicitur quomodo Ruth iuit ad colligendum spicas in agrũ Booz: ponitur quis fuerit iste Booz, & dicitur, quod erat consanguineus Elimelech, qui erat maritus Noemi, & mortuus fuerat in regione Moab præced. cap. hoc autẽ ponitur ad notandum id, quod infra sequitur, sicut declarabitur in quadam quõne: & erat hõ potens iste Booz, quia erat de magno genere. *Et magnarum opum noie Booz.* Iste erat de ditioribus totius vrbis Bethlehẽ: & ex hoc arguunt Iudei, Elimelech fuisse virum diuitem, quia erat cognatus Booz viri diuitis: & ponuntur magnæ diuitiæ istius ad ostendendum felicitatem Ruth, quæ istum in virum suscepit. *Dixitq; Ruth Moabitrix ad socrum suam.* Erat Ruth iuuenula, & sollicita circa agẽda, nec volebat esse ociosa, ideo petiuit a Noemi socru sua, an vellet, quod iret ad colligendum spicas, & est Moabitrix nominatiui casus. s. Moabitrix Moabitidis. i. mulier de terra Moab. *Si iubes vadam in agrum, & colligam spicas.* Erat Ruth valde humilis: quia non dedignata est se subicere ad istud ministeriũ. i. ut in agro alieno colligeret spicas, quæ euadebant manus metentium. Etiam erat obediens: quia sine mandato Noemi nihil facere volebat: erat etiã sollicita, quia antequam Noemi aliquid iuberet ei agere, ipsa petiuit an agere deberet aliquid, & an colligeret spicas. *Quæ metentium fugerint manus.* Fugiebant manus metentium dupliciter, vno modo cadendo in terra postquam erant abscissæ, alio modo effugiendo falcem, quia quedã erecte manebant quas falces messorum non tangebant, & omnes istas colligeret Ruth, alias autem spicas non auderet colligere, quia non erat ager aliquis suus. *Ubique clementis in me patris familias reperero gratiam.* Id est vadam ad multos agros, & uidebo in quo agro sit ipse dominus agri mihi clemens, non me molestans, quia colligo spicas, & ubi reperero talem dominum agri siue patrem familias colligam spicas: Aliqui enim tam auari sunt, quod nolunt, quod et spicas cadentes in agris ipsorum alieni colligant. Iuit autem Ruth ad agrum Booz, qui erga eam valde clemens fuit, ut patet infra in litera. *Cui illa respondit: vade filia mi.* Quia rectum dicebat Ruth, non solum concessit Noemi, sed etiam gauisa est, quod hoc vellet facere. *Abijt itaque, & collegit spicas post terga metentium.* Quia ille, quæ erant post terga metentium, erant quæ euaderant manus eorum: quæ autem erant ante vultum ipsorum cum nondum effugerant ipsorum manus, ideo non tangebant illas Ruth.

*Quare dicitur, quod erat consanguineus Elimelech, & potens magnarum opum.* Quæst. II.

**Q**UAEARETVR circa prædicta, cum hic intendat scriptura dicere, quod Ruth iuit ad colligendum spicas in agris Booz, quare dicitur, quod erat consanguineus Elimelech, & potens, & magnarum opum: quia ista non videretur esse de necessitate hi-

storiæ, & sacra scriptura non tangit aliquid quod superfluum sit, quia potius est breuiloqua quã superflua. Dicendum, quod ista non ponuntur hic sine misterio. Nam tota intentio istius libri est deducere, quomodo Ruth copulata fuit matrimonio ipsi Booz, & ex eo habuit filium nomine Obed, & quia fuit occasio quadam istius tractus matrimonialis, quod Ruth iuerit ad colligendum spicas in agro Booz, ponitur de ista collectione, & quia Booz non accepisset Ruth in uxorem, nisi quia erat vxor ante hoc cognati sui Maalon: & iure propinquitatis accepit eam, ut patet infra, & ponitur quomodo erat Booz cognatus Elimelech patris Maalon, ut per hoc sciatur, quod erat cognatus Maalon, & sic iure propinquitatis competeat ei accipere in uxorem ipsam Ruth, & oia, quæ fuerunt ipsius Maalon, & ut tota historia nota sit ex quo fundamento habeat originem, dicitur quod erat Booz cognatus Elimelech. Dicitur autem quod iste Booz erat vir potens, & magnarum opum ad significandum felicitatem Ruth, quæ nunc paupercula venerat de terra Moab, & colligebat spicas post terga metentium, & illico acciperetur in uxorem a viro potentissimo totius vrbis Bethlehẽ, & copiosarum diuitiarum. Et hoc etiam est ad ostendendum qualiter Deus retribuit sperantibus in se. Nam ista puella reliquerat terram suam, & Deos suos, ut veniret ad colendum Deum Israel, & habitaret in terra eius, ideo iustum erat quod Deus retribueret, & hoc ostendit hic, cum ipsa Ruth accepta fuerit in uxorem a viro potentissimo, & ditissimo.

*Quomodo Booz erat cognatus Elimelech, & an essent ambo fratres, & filij Salmon.* Quæst. III.

**Q**UAEARETVR ulterius, de isto Booz quomodo erat cognatus Elimelech sicut dicitur in litera. Respondent Hebrei, quod fuit Booz frater Elimelech, & ambo fuerunt filij Salmon, cuius Booz dicitur filius, ut patet inf. 4. Dicit Nicolaus, quod istud non stat. s. quod isti ambo essent filij Salmon filij Naafon. Quod probat, quia vel ponetur fuisse Ruth historia tempore Abesã, vel tempore Heli summi sacerdotis, sicut declaratum est præced. cap. si autem ponatur fuisse tempore Abesã non stat: quod patet, quia Salmon pater Booz, qui fuit filius Naafon fuit in introitu Israelitarũ in terram Chanaan: nam quã captã est Iericho erat ibi Salmon: & ipse cepit Raab Iericontinam in uxorem, & genuit ex ea Booz, ut patet inf. 4. & Mat. 1. & captio Iericho fuit in introitu in terram Chanaan, quia ante Iericho nulla ciuitas captã est, ut colligitur ex ordine libri Iosue a principio vsque ad 6. & ab illo tempore vsque ad tempus Abesã fluxerunt anni 272. s. 40. qui computantur sub Hothonielem primo iudice, & 80. sub Aod Iudi. 3. & 4. sub Barac Iudi. 4. & 40. sub Gedeone Iudi. 8. & 23. sub Thola Iudi. 10. & 22. sub Iair eo. cap. & 18. sine Iudi. eod. cap. & tres sub Abimelec Iudi. 9. & 6. sub Iephte Galaaditæ Iudi. 12. & post eum fuit Abesã eo. ca. qui simul sunt anni 272. Quomodo poterat esse ergo tantæ ætatis Booz, & Elimelech frater eius, ut tempore Abesã posset Booz accipere uxorem, & gignere ex ea: nam genuit Obed, ut patet inf. 4. cap. Si autem dicatur, quod historia Ruth accidit tempore Heli summi sacerdotis, adhuc difficilius erit, quia ille fuit annis 45. post principium iudicaturæ Abesã, quia Abesã iudicauit. 7. annis, & Ahialon decem post ipsum: & postea Abdon 8. Iudi. 12. et Samson postea 20. Iudicum decimo sexto, quibus cõiunctis ad supradictos erunt anni 314. & nullatenus poterat esse tantæ ætatis Booz ad gignendum nunc Obed, quia nullus hoĩum hoc tempore tantum vivebat, imò nec medietatẽ tpsis. Ideo dicit Nicolaus secundum catholicos doctores quod

Ruth erat humilis o bediẽs, et sollicita.



quodlibet, quod tres fuerunt Booz eiusdem nominis, aut pater, & filius, & hic subticentur duo, scilicet, & pater. Et ponitur hic tertius Booz, & duo alij subticentur: & tunc manifestum est, quod potuit esse Booz vnus filius Salmo ex Raab, & potuit alius Booz esse pater Obed, & maritus Ruth, de quo hic dicitur: & sic etiam asserit Nicolaus super Math. vbi ponitur Booz in genealogia Saluatoris. Dicendum tamen est, quod non fuerunt tres Booz, sed vnus sicut declarabitur infra 4. & tamen siue fuerit vnus, siue tres non spectat ad presens, eo quod non agitur hic quomodo Booz pater Salmon potuit accipere Ruth in uxorem, sed solum de propinquitate, quae erat inter Booz, & Elimelech: & ad hoc nihil refert quot fuerunt Booz: quia si vnus fuit, illius fuit Elimelech cognatus. Si autem tres sint, vltimus illorum fuit cognatus Elimelech, & quod fuerit frater, vel in alio gradu propinquitatis, quantum ad hoc non sequitur aliquod inconueniens: non tamen videtur quod fuerit frater, quia si fuisset frater, non diceretur quod erat Booz cognatus Elimelech, quia cognatus est nomen generale consanguinitatis, & non diceretur de fratribus, quod erant cognati solum, sed quod erant fratres, quia parua propinquitatis significatur dicendo solum cognatus: quis tamen gradus cognationis esset inter, Elimelech & Booz magis declarabitur infra sequenti cap. vel infra 4.

*Quomodo dicitur hic de Booz, quod erat uir potens.  
Quest. IIII.*

**Q**VAERETVR vltius, quomodo dicitur hic de Booz, quod erat potens. Dicunt Hebraei quidam, quod erat potens, quia erat iudex totius Israel. Iudices autem temporibus suis erant potentissimi in populo, quia nulli erant tunc reges, & licet non essent domini, nec principes, ut declaratum est in prologo super librum Iudi. & Iudi. 8. tamen ipsi erant maximi viri in toto populo, ad nutum quorum pedebat totus populus, & isti congregabant totum Israel ad bellum, & faciebant omnia alia, quae pertinebant ad totum populum: & colligunt Hebraei aliquam literam, quod Booz esset iudex, quia litera vocauit eum potentem: & dicunt eum fuisse iudicem, qui vocatur Abesfan, quia ille etiam fuit de tribu Iuda, & fuit de Bethlehem. ut patet Iudi. 12. Aliquis dicet, quod hoc non stat, quia si Booz esset iudex super totum Israel, esset vir valde excellentis apparatus, & honoris: & tamen Booz erat rusticus vir: ipse enim ibat ad messores in agrum, & ipse dormiebat in area, quando purgabatur triticum, ut patet hic, & sequenti cap. ergo non erat iudex. Dicendum, quod principes, & magni domini antiquitus non erant tam fastuosi, sicut nunc. Nam humilabant se, nec incedebant in habitu tam ornato. Vnde Saul, qui fuit primus rex Israelitarum, postquam factus est rex, sequebatur boues de agro, & custodiebat illos 1. Re. 11. reges tamen erant valde maioris potestatis & dignitatis inter Israelitas, quam iudices, ut declaratum est in prologo libri Iudicum: ideo a fortiori iudices in habitu humiliter incederent vacantes operi agriculturae: potissime, quia Booz non legitur agriculturam per se exercuisse, sed ad videndum messores, quos habebat in agro, ibat: ideo non obstante hoc poterat esse iudex. Dicendum tamen magis videtur, quod non fuerit iudex. Primo patet, quia si fuisset iudex, verisimile erat cum scriptura agat hic de illo saepe, per nosciat eum esse iudicem, praesertim cum dixerit praecedenti cap. in diebus vnus iudicis factum esse, quod hic dicitur. Secundo patet, quia inter iudices non est aliquis, qui vocetur Booz, si legantur nomina omnium per totum librum Iudicum: & dicere istum fuisse iudicem, est somnare, cum nullum motum habeamus ad hoc. Tertio patet ponendo, quod si fuerit iudex, necesse est quod po-

Alph. Tost. super lib. Ruth

**A** natur fuisse Abesfan: nam non reperitur alius, qui fuerit de tribu Iuda, & de Bethlehem inter iudices nisi Abesfan, ut patet Iudi. 12. & tamen, quod mutemus nomen, vel quod dicamus istum fuisse binomium cum non appareat, videtur non satis conuenienter: quia sic esset via ad asserendum quaecumque incerta, quod repugnat satis dignitati sacrae scripturae. Quarto patet, quia si ponatur Booz fuisse Abesfan, non est satis conueniens tempus ad id, quod ipsi asserunt, scilicet, quod fuerit vnus Booz, & ille fuerit filius Salmon, quia videtur, quod ante Abesfan esse debuerit ad hoc, quod Booz potuerit conuenienter accipere Ruth in uxorem: & non esset in aetate valde decrepita ad gignendum impotente: quod declarabitur magis sequenti cap. vel infra 4. dicitur ergo, quod

**B** iste Booz non erat iudex Israel, erat tamen vir potens, quia erat de magno genere inter omnes Israelitas. Nam tribus Iuda erat excellentior inter omnes tribus Israel, & princeps tribus istius erat honorabilior omnibus viris tribus istius, & omnium aliarum: nam quando dedicatum est tabernaculum Moyse in deserto, Naasson princeps in tribu Iuda obtulit priusquam ceteri Israelitae Num. 7. erat Booz nepos illius Naasson, ut patet infra 4. & Mat. 1. ideo ipse etiam esset princeps tribus Iuda tempore suo, & sic esset homo potens & honorabilis. Etiam esset magnarum opum, quia cum esset de magnis parentibus regulariter diues esse poterat, quia viri potentes diuites sunt, nisi ipsi destruunt diuitias, vel a casu aliter fiat. *Accidit autem.* Hic ponitur secundum huiusmodi scripturae. *Ipsi Ruth honestatio*

**C** sicut Ruth honestatio, quia honestabatur in omnibus, quae ageret, & cum istis viris alienis, inter quos nunc spicas colligebat, valde honeste se habebat, licet de honestate eius aliter sentiant Iudaei, sicut infra dicitur in quadam quaestione: & dicitur. *Accidit autem ut ager ille haberet dominum nomine Booz.* Scilicet, accidit quod ager, ad quem Ruth iuit ad colligendum spicas esset ager Booz. Et debet conuerti ista sententia. *Accidit*, quod Ruth iret ad colligendum spicas in agrum, qui erat Booz. Nam Ruth nesciebat quod ibat, sed dixit, vadam, & colligam spicas, quae metentium effugerunt manus ubicumque clementis in me patris familias reperero gratiam: & tunc a casu iuit ad agrum Booz. *Qui erat de cognatione Elimelech.* Repetit quod dixerat supra. *erat autem viri Elimelech consanguineus homo potens nomine Booz.* In quo gradu consanguinitatis attinerent sequenti cap. & infra 4. dicitur. Et repetit istud hic, quia fecerat quandam interpositionem de Ruth. & nunc redit ad enarrandum de Booz. *Et ecce ipse veniebat de Bethlehem.* Scilicet, messores erant in agro, cum quibus erat Ruth, & Booz veniebat de Bethlehem ad videndum quid facerent messores sui. nam ipse habitabat in Bethlehem, & isti agri erant apud urbem Bethlehem. Et cum dicitur hic, ecce ipse veniebat de Bethlehem, non est sensus quod illico ut enit in agrum Ruth ad colligendum spicas venit ipse Booz: nam Ruth venit in aurora ad colligendum spicas, & Booz venit inclinata iam die ad videndum messores. Quod patet ex verbis iuuenis, qui praerat messoribus ad Booz. *Hic est Moabitis, qui venit cum Noemi, & rogauit, ut spicas colligeret remanentes, et de mane usque nunc stat in agro, & ne ad momentum quidem reuertitur.* *Dixitque messoribus: dominus vobiscum.* Modus salutandi est ex hoc loco. *here feri*

*Ipsi Ruth honestatio*

*Dñs vobiscum. vad: sumptum fuerit.*



ad erudiendum in iustitia, ut perfectus sit homo Dei ad omne opus bonum instructus. Et quia Booz salutauit hic messores suos, voluit nos instruere scriptura rectum esse, quod proximos sic salutaremus, & hoc potissimum, quia dicitur: Dominus vobiscum. inuocatur Deus in adiutorium istorum. Et istud faciendum est in omnibus actionibus nostris. Nam totum esse & bonum nostrum exterius & interius pendet a Deo, ideo non possumus quicquam agere, nisi fuerit dominus nobiscum. Recte ergo salutatur nos, qui dicit, dominus vobiscum: Sic dixit Apostolus ad Corin. 1. cap. 10. quod quicquid operis faciamus, in nomine domini faciamus. Qui responderunt: benedicat tibi dominus. Conuenienter responderunt ad salutationem Booz: nam ipse optauerat actus omnes illorum a Deo dirigi, cum dixit: Dominus vobiscum: ipsi vero optauerunt, quod Deus multiplicaret eum in bonis, dicentes: Benedicat tibi dominus. Nam benedictio multiplicationem, vel abundantiam importat, ut patet 2. Corin. 9. ubi opponitur benedictio auaritiæ, vel paritati; nam dicitur. Qui parce seminat, parce & metet: qui in benedictionibus seminat, de benedictionibus, & metet. Dixit quoque Booz iuueni, qui præerat messoribus. Erat Booz vir potens, & magnarum opum, & non erat continuè in agro cum messoribus suis, ideo constituebat quendam iuuenem, qui præesset omnibus messoribus, ut dirigeret eos in agendis, & cauere ne ociarentur, & ab illo quasiuit nunc Booz de Ruth, quæ esset. Cuius est hæc puella? Erat enim adhuc Ruth tenera ætate, quia pauco tempore fuerat cum viro suo Maalon: ideo vocabatur adhuc puella, quamquam esset vidua. Qui respondit: hæc est Moabitide, quæ venit cum Noemi de regione Moabitide. Mox ut intrauit Noemi in urbem Bethlehæ, fama percrebuit apud omnes eam venisse: unde dicebant mulieres: hæc est illa Noemi. præced. cap. ideo et sciebatur de Ruth Moabitide, quæ cum illa venerat, & sic apud omnes de urbe cognita erat Ruth per famam licet nondum visa extitisset, ideo Booz cognouit eam ex nomine, sed non vultu. Et rogauit ut spicas colligeret remanentes. Istæ spicæ non habebantur pro derelictis dum messores erant in agro, ideo non poterat iure suo Ruth illas accipere, sed oportebat hoc facere ex cessione eius, qui præerat messoribus: & sic factum est. Sic enim ipsa dixerat ad Noemi, colligam spicas, quæ metentium manus effugerint, ubicumque clementis in me patris familias gratiam esse prospexero, ut patet supra in litera. Et dixit hoc iuuenis iste ad Booz, ut non putaret, quod ipse concedebat illi puellæ aliquid aliud de messe accipere, nisi spicas remanentes, quæ colligi ab eo non debebant, de quo infra dicitur in quadam questione. Sequens messorum vestigia. Nam ante messores erat messis, & spicæ stantes, quæ nondum euaserant manus metentium: illas non tangebatur Ruth: post vestigia autem ipsorum quæcumque spicæ manebant, euaserant manus metentium. Et de mane usque ad vespere stat in agro. Potest dupliciter intelligi: vno modo quod Booz veniret ad messores suos eo die, inclinata iam die. Alio modo, quod Ruth venisset aliis diebus ad agrum istum, & quotidie faceret hoc, quod non recederet de agro de mane usque ad vespere. Quicquid autem sit iste iuuenis princeps messorum dicebat hoc ad laudandum sollicitudinem Ruth, quod cum esset puella tenera tolerabat pondus diei totius, & magni ardoris estiu colligens spicas, nec reuertebatur in domum. Dicendum tamen est, quod ista erat prima dies, qua Ruth iuerat ad agrum Booz, & iuit Booz ad videndum messores suos inclinata iam die, ita ut iam esset vespere: & Ruth steterat ab ortu solis siue de mane usque nunc stetit in agro. Si autem intelligeretur, quod aliis diebus iuisset Ruth ad colligendum spicas in agro Booz, non diceretur: de mane usque; nunc non reuersa est, sed diceretur de mane usque ad vespere: aliàs esset sensus, quod

in omnibus istis diebus nunquam reuersa fuisset in domum, quod falsum est. Item non diceretur: non reuersa est, sed diceretur: non reuertitur, quia verbum presentis significat consuetudinem: verbum autem præteriti non significat ex se, nisi aliquem actum transiisse: & sic die ista, qua Ruth iuit ad colligendum spicas venit Booz ad messores. Et non ad momentum quidem reuersa est. In quo sollicitudo eius laudatur, quod tota die laborauerit, & ex hoc Booz dilexit eam, quia sollicita erat, & iussit eam, quod non iret ad alium agrum ad colligendum spicas. Et ait Booz ad Ruth, audi filia. Conspicua honestate, & sollicitudine sua, gauisus est Booz: & dixit ei hoc: vocauit autem eam filiam quamquam postea fuerit vxor eius, quia erat tam tenere ætatis, & ipse Booz prouectæ, ut eam filiam recte appellare posset. Ne vadas ad colligendum in alterum agrum. Putauit Booz, quod forte messores sui aliquo modo essent molesti ipsi Ruth, & ob hoc recederet de illo agro ad colligendum spicas in aliis agris, ideo dixit quod non iret ad alium agrum. Nec recedas ab hoc loco. Scilicet, quandiu messuerint hæc messores mei. Sed iungere puellis meis. Habebat Booz aliquos messores viros: & puellas etiam metentes, & iussit quod iungeretur puellis, quia honestius iret puella apud puellas, quam apud viros. Et ubi messuerint sequere. Scilicet, sequere illas colligendo spicas, quæ euaserint manus earum. Madaui enim pueris meis, ut nemo tibi molestus sit. Hoc dixit, quia si quis de messoribus molestus esset ipsi Ruth, recederet illa de agro: & hoc nolebat Booz contemplans honestatem illius. Sed etiam si sitieris vade ad sarcinulas, & bibe aquas. Donabat ei hoc beneficium insuper, scilicet, quod quando sitiret Ruth præ ardore ætatis, iret ad sarcinulas, & biberet de aquis, quas habebant ibi messores Booz ad bibendum. vocantur sarcinulae onera, quæ ferebant messores: nam ferebant vestes, & cibos, & alia secum, quando ibant ad metendum, & deponebant in vno loco, quoniam metebant: & ille vocatur locus sarcinularum. De quibus pueri mei bibunt. Scilicet, alij messores, & puellæ metentes.

Quomodo Ruth iuit ad agrum Booz ad colligendum spicas, & unde mora est. Quæst. V.

QVÆRERE TVR, quomodo Ruth iuit ad agrum Booz ad colligendum spicas, & unde mora est. Aliquis dicet, quod sciebat quis esset Booz, & quia ille erat vir bonus, iuit ad agrum suum, putans quod ille benignè permetteret eam colligere spicas in agro: sic enim ipsa dixit, quod iret ad colligendum spicas in agrum, ubi clementis patris familias gratiam sibi perspiceret, supra in litera. Dicendum, quod non stat, quia Ruth non cognoscebat Booz, nec sciebat agrum eius, cum esset peregrina mulier nouiter veniens ad regionem illam, ut patet ex verbis eius, & Booz. Aliquis dicit, quod Noemi instruxit ipsam Ruth, ut hoc faceret, quia volebat Noemi, quod Ruth acciperetur in vxorē a Booz, qui erat propinquus viri sui, & ut haberet occasionem misit eam ad hoc ad colligendum spicas ad agrum eius, sicut postea dixit, qualiter per noctem accederet ad eum iacentem in lecto in area, sequenti cap. Dicendum, quod non stat, quia Noemi non sciebat ad quem locum iuisset hodie Ruth ad colligendum spicas. Nam cum rediit post solis occasum ad Noemi, quasiuit ab ea, ubi collegisti hodie, & ubi fecisti opus? Si tamen ipsa instruxisset illam ad eundem in agrum Booz, non quæreretur ab ipsa, ubi collegisset spicas. Dicendum ergo, quod istud factum est a casu: nam Ruth intendebat discurrere per agros, & ubi inueniret patrem familias clementem, scilicet iuuenem principem messorum, qui permetteret eam spicas colligere. Et

Laudatio sollicitudinis Ruth



Notan.  
Quomo-  
do deus tā  
gat cor ho-  
minis.

Et sic venit ad agrū Booz, vbi inuenit iuuenem prin-  
cipem messorum Booz, qui permisit eam colligere  
spicas cadentes, & mansit vsque ad vesp̄eram cum ve-  
nit Booz: & ille magis adhuc concessit, vt patet in li-  
tera: quod tamen iret prius Ruth ad agrum Booz, quā  
ad aliquem alterum accidens fuit. Sic patet in litera,  
scilicet, accidit vt ager ille haberet dominum nomine  
Booz. Sed adhuc considerandum, quod quamquam  
fuit accidens respectu Ruth, quod iret in agrum illum  
quia ipsa nesciebat, quod ibat, nec cur potius ad illum  
quam ad alterum; tamen non absolute accidens erat,  
quia istud intentum erat a Deo. Volebat enim Deus,  
quod Ruth acciperetur in vxorem a Booz, & quod ha-  
beretur ad hoc occasio per collectionem spicarum in  
agro eius, ideo direxit pedes eius, vt ad illum agrum  
iret, nemine instruente: & inclinauit cor ipsius vt  
versus illam partem ire vellet, & in ipsum agrum in-  
troire, & ibi manere: & tamen nesciebat Ruth, cur  
potius iret illuc, quā ad alium agrum, nisi, quod si  
ibi videbatur bonum ire illuc. Etiam Deus mouit cor  
iuuenis, qui præerat messoribus, vt clemens esset ei,  
vt sic manere posset vsquequo veniret Booz ad viden-  
dū messores ad vesp̄eram, vt videns honestatem illius  
diligere eam. Ista omnia fiunt, quia cor hoīs est in  
manu domini, & potest inclinare illud quocunq; vo-  
luerit homine non aduertente: sic patet Prouer. 21.  
scilicet, Sicut diuisiones aquarum ita cor regis in ma-  
nu domini, & quocunq; voluerit verterit illud.

*An aliquis secundum legem posset prohibere ne colligeret  
quis spicas remanentes post messores.*

*Quæst. VI.*

**Q**UÆRETUR vterius, quomodo dixit Ruth,  
quod iret ad colligendum spicas in agrum, vbi pa-  
tri familias clementis gratiam sibi prospiceret: in quo  
innuit quod si permetteretur colligere, colligeret, alio  
quin declinaret in alium agrum, & tamen omnes ha-  
bentes agros obligabantur esse clementes in hoc: nā  
ea, quæ remanebant post messorem, non poterant li-  
cite colligere, sed tenebantur relinquere pauperibus,  
& non solum spicas, quæ euaderent manus messorū,  
sed etiam si manerent manipuli integri tenebantur di-  
mittere illos, vt patet Deute. 24. scilicet: Quando mes-  
sueris segetes in agro, & oblitus manipulum relique-  
ris, non reuerteris, vt tollas eum. Aliquis dicit quod  
ista lex non extendebatur ad Ruth, quæ erat Moabitis,  
sed ad Israelitas: ideo poterat prohiberi illā colligere  
spicas remanentes, licet non possent prohiberi paupe-  
res Israelitæ. Dicendū, quod hoc non stat, quia licebat  
Ruth colligere ex duplici causa, tā, scilicet, quia vidua  
erat, & quia aduena: sic enim dicitur ibidem, scilicet,  
non reuerteris, vt tollas eum, sed aduenam, & pupillū  
& viduam auferre patieris, vt benedicat tibi dominus  
in omni opere manuum tuarum: & tamen ista erant  
in Ruth, quia erat vidua mortuo viro eius Maalō: erat  
aduena, quia erat de terra Moab, & conuersa erat ad  
Iudaismum: ideo ei maximè competeabat colligere  
spicas manentes in agro. Aliquis dicit aliter, scilicet  
quod verum est, quod tenebantur Israelitæ non colli-  
gere spicas manentes in agris, & eas viduis, & pupillis  
aduensisque dimittere, tamen non obligabantur indi-  
stincte respectu cuiuslibet pupilli, viduæ, & aduene, sed  
permittebant quem volebant, dum tamen ipsi non  
colligerent, & sic adhuc erat necessaria clementia pa-  
tris familias ad hoc, quod pmitteretur colligere Ruth  
spicas in aliquo agro. Dicendum quod non stat, quia  
lex dixit, quod permetterent ipsis viduis, aduenis, &  
pupillis colligere manipulos remanentes, ideo genera-  
liter cū lex loquatur, cuiuslibet istorum concedit pote-  
Alph. Tost. super lib. Ruth

**A** statē colligendi. Item patet, quia si non pmitteretur  
cuiuslibet istorum colligere indifferēter per fauorem,  
fieret fraus legi; quidam pauperes habentes fauorem  
haberent sustentationē, & alii non habentes fauorem  
perirent fame. Deus tamen volebat, q̄ omnes pau-  
peres haberent sustentationem: ideo omnibus indif-  
ferenter permittendum erat. Item quia si in electio-  
ne dominorum ipsorum consisteret, cū magis fa-  
uerent naturalibus, quā extraneis, nunquam permit-  
terent aduenas colligere spicas, & tamen Deus dixit,  
q̄ colligerent ipsi & viduæ, & pupilli, & cum magna  
affectione Deus iubet benigne tractandos, vt patet,  
Exo. 22. & Deuter. 10. scilicet, aduenam non affli-  
ges, quia aduena fuisti in terra Aegypti. Dici potest  
tamen circa hoc, quod secus videtur de spicis caden-  
tibus, quā de manipulis relictis: nam manipuli re-  
lictī nō videbantur habiti pro derelictis quamdiu mes-  
sores erant in agro; eo quod ipsi messuerāt eos, & cō-  
posuerant spicas, & sic quamquā relictus esset mani-  
pulus per obliuionem, nō licebat alicui viduæ, pupillo,  
aduene tollere illum sine permissione patris familias.  
De spicis autem euadentibus messorum man⁹ secus  
est, quia illico, vt euadunt, habentur p derelictis, cū  
uideant eas manere, & non colligant: & istas poterāt  
colligere aduenæ, pupilli, & viduæ presentibus domi-  
nis agrorum, vel nō presentibus: nec poterant prohi-  
bere colligentes: & sic poterat Ruth colligere spicas  
euadentes manus messorum auctoritate sua, quia erat  
vidua & aduena. Dixit tñ hoc fortē pp̄ duo. Primò, q̄  
Ruth nouiter venerat in terrā Israel, & fortē nesciebat  
leges Israelitarū, ideo putaret, q̄ non liceret colligi spi-  
cas etiā remanentes, sine licentia dominorum ipso-  
rum agrorum. Secundum erat, quia dato quod lice-  
re sibi hoc sciret Ruth; tamen fortē non obseruaba-  
tur de facto: nam multæ leges erant datæ Iudæis, quæ  
non obseruabantur ab eis, scilicet lex de quiete terræ  
anno septimo, & in Iobelæo: Nam propter cupidi-  
tatem non permittebant eam quiescere, vt patet Leu.  
26. & ob hoc ipsa sabbatizauit supplendo omnia sab-  
bata quæ abstulerant ea Iudæi: & hoc quamdiu stete-  
runt Hebræi in Babylone: quia tunc sabbatizauit terra  
septuaginta annis, vt patet 2. Par. 36. ita poterat esse q̄  
istam legem de manipulis residuis, & spicis cadentibus  
nō seruaret: ideo ad hoc q̄ colligeret Ruth spicas oport-  
teret, quod precaretur patrem familias clementē,  
quod eam colligere permetteret: & sic dixit iuuenis,  
qui præerat messoribus, quod orauerat enim Ruth,  
quod permetteretur spicas cadentes colligere.

*An liceat homini salutare alterum. Et cur Christus vetuit saluta-  
re quempiam in via, cū videatur inurbanum.*

*Quæst. VII.*

**Q**UÆRETUR vterius, an benè egit Booz sa-  
lutando messores suos: & an verba salutationis  
conuenientia fuerint. Aliquis dicit quod male fecit  
salutando, quia salutatio vetita erat: sic enim dixit Eli-  
seus propheta ad Giezi puerum suum, quod nemi-  
nem in via saluaret, & si quis saluaret eum, non respō-  
deret sibi 4. Re. 4. Sic etiā Christus dixit discipulis suis:  
neminem in via salutaueritis, vt patet Luc. 10. Di-  
cendum est, quod salutatio inter homines est licita:  
imò meritoria, & valde conueniens. Primò patet,  
quia salutatio est quadam oratio, qua quis Deo sup-  
plicat pro alterius bono, vt patet ex cōibus modis sa-  
lutandi: Dominus, scilicet, sustineat vos: vel Deus vos  
adiuuet, vel Dominus sit vobiscum, sicut dixit Booz  
hic, & sic de aliis modis. & tñ orare p proximo merito-  
riū est, iō salutatio licita est. Secūdo patet, q̄ p saluta-  
tionē procuratur pax, & cōciliantē corda hoīū inter se,  
Hh 4 cū

Respō. ad  
quæsitum.





eum contineat salutatio verba boni desiderij, sed procurare pacē, & amicitiam inter hoīes expedit reipublica, & est meritorium, ideo salutatio per quam procuratur licita est. Tertiò patet, quia Christus iussit salutationem fieri, & tamen præcepta Christi pura sunt, & per ea meremur debitè exequentes illa: ergo licita est salutatio, patet hoc Mat. 10. & Luce. 10. cum dixit Christus: intrantes autem in domum salutate eam, dicentes: pax huic domui: & siquidem fuerit domus illa digna, veniet pax vestra super eam: si autem non fuerit digna, pax vestra reuertetur ad vos. Quartò patet, quia non salutare aliquem est signum inimicitiae, & talia sunt illicita: ergo salutatio erit licita, imò quasi debita, ne appareat inimicitie signum inter nos ad aliquos. Quintò patet, quia illud, quod inducitur in penam aliquorum, malum est, & contrarium illius bonum reputatur, & tamen non salutare imponitur quibusdam in penam: ergo salutare illos bonum est. Patet hoc, quia si hæretici fecerint diuisionem in fide, non debemus eis communicare, nec salutare illos, ut patet secunda Ioa. cap. vnico, scilicet: si quis venit ad vos, & hanc doctrinam non affert, nolite recipere eum in domo, nec ei aue dixeritis: qui enim dicit illi aue, cõcat operibus eius malignis. Ergo salutare, quod respectu bonorum permittitur, bonum est: & non salutare quod malis in penam imponitur malum est. Quod autem quaeritur de secundo, scilicet an verba salutationis isti conuenientia essent: dicendum quod valde sunt congrua: nam in salutatione optare debemus bonum illi quem salutamus. & tamen nullum magis bonum possumus optare alicui quam quod Deus sit cum illo in omnibus operibus, quia tunc semper prosperabitur, & sic optauit Booz dicens: Dominus vobiscum. & intantum fuerunt conuenientia ista verba salutationis, quod Ecclesia accepit illa ad frequentandum in sollemnitate missæ, & in aliis officiis diuinis. Ad primam rationem in contrarium dicendum, quod præceptum Elisei datum Giezi puero suo fuit personale, & non obligauit alios. Et dato quod esset vniuersale, fuit datum multo tempore post Booz: nam tempore regis Iorã datum est, ut patet 4. Reg. 4. & tamen nunc tempore Booz nondum erant reges, sed iudices, ut patet præcedenti c. in principio. Causa autem quare iussit illud Eliseus, fuit quia mulier Sunamitis venerat ad Eliseum ut suscicaret filium eius mortuum, & dedit Eliseus baculum suum ipsi Giezi, ut poneret illum super puerum, & reuiuisceret, & ut hoc fieret cito iussit Eliseus, quod accingeret lumbos suos Giezi & curreret, & si quis occurreret ei in via non saluaret eum, & si quis eum saluaret non responderet sibi. Et istud erat propter duo. Primum erat, quia si Giezi saluaret inuentos in via, vel responderet saluantibus interciderent aliæ colloquutiones, vel emergerent ex salutationibus, in quibus moraretur Giezi, & non iret cito ad suscitandum puerum, sicut iusserat Eliseus. Secundum erat, quia volebat Eliseus istud negocium secretum esse, quia erat opus magni miraculi, & non quærebat laudes ab hominibus, & si Giezi saluaret inuentos in via, vel responderet eis, fortè ab eis quaerere ad quid iret, & responderet quod ad suscitandum vnũ mortuũ, & per hoc diuulgaretur opus antequam fieret: ex quo sequebatur multa inconuenientia, ut declaratum est 4. Reg. 4. ideo specialiter iussum est ipsi Giezi, quod non saluaret in via, nec responderet saluantibus. Secus autem erat de aliis hominibus, in quibus nulla causa istarum erat, nec eis impositum erat istud præceptum, ideo licuit Booz salutare messorum. Ad secundam dicendum quod Christus mandauit illud Apostolis, & tamen per hoc non vetuit salutationem fieri absolute, quia solum vetuit eam fieri in via, tamen

non vetuit fieri in domo, sed potius iussit fieri, dicens intrantes autem domum salutate eam dicentes: pax vobis Mat. 10. ideo qui in via salutationem prohibuit: in domo eam fieri concessit. Sed tunc dicit aliquis: erit ergo prohibitum nobis in via salutare, licet sit permissum salutare in domo. Respondendum quod non est nobis vetitum, possumus enim licet salutare quemcunque, & vbicunque nisi excõcatus sit, cui locutio, & omnis cõcatio interdicta sit. Quod autem Christus Apostolis prohibuerit in via salutare fuit præceptum personale, & non obligat nos, quibus non datum est. Causa autem huius prohibitionis fuit duplex: prima fuit ad ostendendam celeritatem in opere: nam Apostoli debebant discurrere de loco ad locum prædicantes euangelium ad conuertendum ad fidem Christi omnes Gentes, & non debebant morari in hoc, & quia qui salutat in via, moratur loquendo cum illo, quem salutat querendo, vel respondendo, non debuerunt Apostoli salutare quosquã in via, ut celeriter transirent de loco ad locum. Secunda causa fuit, quia Christus voluit quod verba Apostolorum non essent superflua, eo quod ipse dixerat Mat. 12. quod de omni verbo ocioso reddituri erant homines rationem in die iudicii: & quia quando verbum non est efficax alicuius rei, est superfluum, noluit Christus quod Apostoli, in quibus maxima perfectio noui testamenti relucere debebat, loquerentur ociose: qui tñ salutat in via non salutat ex desiderio salutis optatæ sicut verba designant, sed ex occasione, scilicet, quia solum loquitur ei cui occurrit, quia occurrit ei etiam si salutem illius non desiderat. ex occasione autem salutare superfluum est, ideo non debebant salutare in via. Istam secundam rationem tangit beatus Gregorius in sermone ad fontes Lateranenses: & est quedam homilia sua super Luceam. In nobis autem nulla istarum causarum est, quia nec nos mitimur ad prædicandum per vniuersum orbem sicut illi, nec etiam obligamur ad tantam perfectionem, quantam illi, tenebant, ideo possumus salutare in via. Sciendum tamen, quod quando Apostolis est vetitum salutare in via, intelligitur solum de via qua discurrebant de vrbe ad urbem, secus autem quando essent in urbibus, & ambularent per vicos, nam tunc poterant. Ratio diuersitatis est, quam tangit Gregorius vbi supra, scilicet, quia quando discurrerent de vrbe ad urbem, non cognoscerent illos quos inuenirent in via, & si saluarent eos, esset ista salutatio non ex desiderio optatæ salutis, cū non cognoscerent, quos saluabant. Si autem saluarent aliquos discurrendo per urbem, poterant cognoscere aliquos ex conuersatione aliquali: & tunc ex optata salute ipsorum, non ex occasione poterant salutare, ideo esset licitum: nobis tamen qualitercunque & vbicunque salutare licet.

Quare Booz interrogauit de Ruth cuius est puella hæc.  
Quest. v l i i i.

**Q**UARE RETVR. vltius, quare Booz interrogauit de Ruth: cuius est puella hæc. Respondet Hebraei, & Nicolaus quod hoc fuit propter honestatē magnam Ruth: & ex hoc loco volunt probare quod Ruth erat magnæ honestatis: dicunt autem quod Booz erat homo magnæ etatis, & maximæ honestatis: & non est verisimile, quod de aliqua puella tenera, & pulcha quaereret quæ erat, nisi ex aliqua causa valde honesta: & tamen quæsiuit nunc de Ruth, quæ erat; ideo videtur quod aliqua magna honestas apparuerat in ea. Dicunt autem quod honestas ista fuit quod Ruth colligebat spicas stantes stando, & cadentes in terram colligebat sedendo: & hoc faciebat, quia forte si se incuruaret ad accipiendum spicas iacentes in terra.

Ad rōnem  
in diuersū

ad secundā.



eleuaretur pars posterior vestium, & appareret aliqua pars tibi-  
arum. Vt ergo honestissime se haberet, sede-  
bat, & sic nihil poterat apparere: quod vidēs Booz ad-  
miratus est, ideo quæsiuit quæ esset ista puella. Istud  
dictum satis est apocriphū: nam non est locus aliquis,  
ex quo possit tale motuum consurgere: ideo est diui-  
nare & minuere auctoritatem sacrę scripturę, cum ex  
ponendo eam dicimus aliquid quod non habet ali-  
quam firmitatem: non ergo videtur tale ponendum:  
potissime quia non est hoc verisimile. Nam si Ruth  
pro qualibet spica iacente sederet, & pro qualibet stāte  
se erigeret, esset labor intolerabilis, quia vix posset ali-  
quid facere tota die surgēdo, & sedēdo. Magis autē cre-  
dēdū est, q̄ si Ruth volebat tātam honestatem seruare  
quod pręcingeret aliquē pannum pendentem ad par-  
tem exteriorem, & licet incuruaretur non posset ap-  
parere aliqua pars tibi-  
arū. Dicendum ergo, quod ni-  
hil istorum fuit, sed Booz petiuit de Ruth, quæ esset:  
quia non cognoscebat eam. nam erat in agro suo  
spicas colligendo, & omnes alias agnoscebat, & illam  
non, ideo satis rationabilem causam habebat quærēdi,  
quæ esset illa, licet non appareret in ea aliqua aliā spā-  
lis honestas. Quare Booz tā benignus fuit erga Ruth,  
vt diceret ei quod non iret ad colligendum spicas in  
aliis agris, sed in suo, & iussit messoribus suis, ne mo-  
lesti essent ei, & quod biberet, & comederet cū puellis  
eius. Respondendum quod multa motiua potuit ha-  
bere Booz. Primum fortē esset benignitas innata ei,  
quia quidam sunt naturaliter clementes, & benigni,  
& illi quibuscunque opus habentibus miserentur.  
Sic autē erat Booz qui vir laudabilis erat testimonio  
sacrę scripturę: & forte ista virtus innata erat ei. Se-  
cundum erat quia conspexit puellam, & forte vidit  
modestiam eius, & solitudinem in agendo, & id  
quod dixit ei iuuenis princeps messorum, quod a ma-  
ne vsque ad vespertam non recesserat de agro semper  
colligēs spicas: virtus autem facit quēlibet diligibilē,  
quia quedā dignitas virtuti innata est quā illico com-  
municat eis, quibus aduenerit. Tertium potest esse,  
quia conspexit probitatem istius puellę, scilicet bona  
quæ fecerat, & misertus est ei, & ista est causā potissi-  
ma. Et patet, quia quæsiuit Booz de Ruth quæ  
esset, & rñsum est, quod esset Moabit, quæ vene-  
rat cū Noemī, & cū postea Ruth gratias ageret,  
& diceret cur Booz tantū ei clemens fuerat, respōdit  
Booz dicens, nunciata sunt mihi omnia, quæ feceris  
socrui tuę post mortē viri tui: & q̄ reliqueris parentes  
tuos, & terram, in qua nata es, & veneris ad populum  
quem ante nesciebas: reddat dominus pro opere tuo  
plenam mercedem. Quartum fuit quia Booz cogno-  
uit esse Ruth inopem, & aduenam, & misertus est eius  
libenter. Quintum fuit motus factus in corde Booz a  
Deo. Volebat enim quod contraheretur matrimo-  
nium inter Booz & Ruth, & volebat collectionem  
spicarum esse occasionem huius. Ad hoc ergo quod  
Ruth rediret rursus ad agrum Booz, & consumaretur  
hoc quod inchoabatur, oportebat q̄ Booz osten-  
deret magnum fauorem ipsi Ruth, vt sic illa redire  
desideraret: ideo mouit Deus cor Booz, vt diceret  
omnia hæc in fauorē Ruth. & ista causā & tertia fue-  
runt efficaciores alijs.

*Quomodo dixit Booz ipsi Ruth quod quando sitiret, iret ad  
sarcinulas. Quæst. IX.*

**Q**UÆRITUR vltius, quomodo dixit Booz  
quasi conferens beneficiū magnum ipsi Ruth,  
quod quando sitiret iret ad sarcinulas, & de aquis bibe-  
ret, de quibus bibebant pueri, quia hoc quasi nihil  
erat. Respondendum q̄ istud expressit Booz, quia

reputabatur magnū beneficium, & hoc propter duo.  
Primò respectu personę, & obligationis. Nam quod  
alicui cui sumus obligati, & habemus magnā proxi-  
mitatem ad eum conferamus aliquid magnum non  
est admirandum. Quod tamen alicui personę inco-  
gnitę demus aliquid, quicquid illud sit, beneficiū est: &  
magnipēdendū est. Sic erat Ruth alienigena, & inco-  
gnita Booz, quicquid ergo ille sibi daret, iudicaretur bene-  
ficiū penes Ruth: & sic q̄ daretur ei de aqua, de qua bi-  
bebant pueri, erat beneficiū. Alio modo considera-  
tur beneficium istud respectu personę: nam si alicui  
viro magno daretur aliquid etiam si ille incognitus ef-  
set, deberet dari aliquid magnum: nam parua non ap-  
preciarentur: si autem sit persona recipiens parua sub-  
sistentiæ quicquid illi detur, magnum est. Sicut pa-  
tet de cinico, qui petiuit aliquid a rege sibi dari, & rex  
dixit, quod non poterat sibi quicquam dare, quia non  
poterat vnā urbem ei dare, eo quod recipere urbem  
non pertinebat ad cinicum: nec poterat ei dare dena-  
rium, quia hoc dare non pertinebat ad regem: cinicus  
autem respondit, quod poterat ei dare urbem tanquā  
rex, vel denarium tanquam cinico. Sic refert Ber-  
nardus in gl. cap. & si quæstiones. extra de Simo. & ibi  
etiam dicitur quomodo ratione personę dantis, & cui  
datur, iudicatur munus paruum, vel magnum: ideo  
quod rex Vngarię dederit tibi vnum palefrenū cuidā  
Cardinali iudicabatur paruum munus ex persona vtri-  
usque, ideo dicitur, quod non est præsumentum q̄  
illud moueret mentē Cardinalis ad aliquid faciendū,  
nec est verisimile quod rex daret tam paruam rem in-  
tentione mouendi animum Cardinalis. Sic etiam erat  
de Ruth, quod erat paupercula, & aduenā erat, & nul-  
lius æstimationis, ideo dari sibi aquam frigidam erat  
beneficiū. Secundum erat ex parte valoris rei, & tē-  
poris, in quo dabatur: nam licet aqua frigida paucissi-  
mi valoris reputetur intantū quod Christus posuerit  
minimum mun⁹ esse dare calicem aquę frigide dicēs:  
qui dederit calicē aquę frigide in nomine meo, amen  
dico vobis, non perdet mercedem suam: & tamen  
in terra Chanaan aqua erat maioris valoris, quā in  
terra ista, eo quod ibi rati fontes sunt, & pauca flumi-  
na, vt testantur, qui terram viderunt: quod satis patet,  
quia in terra illa sunt in agris cisternę, & putei ad aquā  
dum greges, vt patet Gen. 28. si tamen terra esset mul-  
tarum aquarum, non fierent cisternę in campis. Item  
patet hoc: terra Edom, & Moab sunt coniunctę terrę Is-  
rael, Num. 34. & in istis est magna penuria aquarum:  
nam solum est in cisternis & puteis, & pręcio vēditur,  
vnde Israelitę, quando volebant transire per terram  
illam offerebant se empturos aquam pręcio: Nu. 20.  
& Deus hoc iussit, scilicet aquam pręcio haurietis,  
& biberis, Deutero. 2. cap. ideo dare aquam ad bibe-  
dum in terra illa, erat beneficium, vt fortē in alia ter-  
ra dare vinum. Etiam reputabatur hoc magnum ex  
conditione temporis: nam erat æstas quando aquę pau-  
cæ sunt, & tunc est maxima necessitas aquarum pro-  
pter ardores æstiuos potissime in illis, qui erant tota  
die in agro tolerantes calores immodicos, ideo erat  
magnum beneficium: quia cum magna delectatione  
tunc aqua frigida bibitur, & reputatur aliquod maxi-  
mum beneficium: sicut ait Virgilius in Bucolicis cō-  
parans potum aquę frigide in æstate dulcedini carmi-  
nis poetici, inquiens.

*Tale tuum carmen nobis diuine poeta.  
Qualis sopor fessis in gramine: quale per æstum,  
Dulcis aqua sa ienti riuo restinguere sitim.*

Quæ cadens in faciem suam, & ado-  
rans super terram, dixit ad eum: Vnde  
mihi



mihi hoc, vt inuenirem gratiam ante oculos tuos, & nosse me dignareris peregrinam mulierem? Cui ille respondit: Nunciata sunt mihi omnia, quæ feceris focru tuæ post mortem viri tui, & quod reliqueris parentes tuos, & terram, in qua nata es, & veneris ad populum, quem antea nesciebas. Reddat tibi Dominus pro opere tuo, & plenam mercedem recipias a domino Deo Israel, ad quem venisti, & sub cuius confugisti alas. Quæ ait. Inueni gratiam apud oculos tuos Domine mi, qui consolatus es me, & locutus es ad cor ancillæ tuæ, quæ non sum similis vnus puellarum tuarum. Dixitque ad eam Booz: Quando hora vesperti fuerit veni huc, & comede panem, & intinge buccellam tuam in aceto. Sedit itaque ad messorum latus, & congeffit polentam sibi, comeditque, & saturata est, & tulit reliquias. Atque inde surrexit, vt spicas ex more colligeret. Præcepit autem Booz pueris suis, dicens: Etiam si vobiscum metere voluerit, ne prohibeatis eam; & de vestris quoque manipulis proiciate de industria, & remanere permittite, vt absq; rubore colligat, & colligentem nemo corripiat. Collegit ergo in agro vsq; ad vespertinam, & quæ collegerat virga cedens, & excutens, inuenit hordei quasi ephi mensuram, idest tres modios. Quos portans reuersa est in ciuitatem, & ostendit focru suæ. Insuper protulit & dedit ei de reliquijs cibi sui, quo saturata fuerat. Dixitque ei socrus sua: Vbi hodie collegisti, & vbi fecisti opus? Sit benedictus qui misertus est tui. Indicauitque ei, apud quem esset operata, & nomen dixit viri quod Booz vocaretur. Cui respondit Noemi: Benedictus sit a domino, quoniam eandem gratiam, quam præbuerat viuis, seruauit & mortuis. Rursumque ait: Propinquus noster est homo. Et Ruth: hoc quoque inquit præcepit mihi, vt tandem messoribus eius iungerer, donec omnes segetes meterentur. Cui dixit socrus: Melius est filia mi, vt cum puellis eius exeam ad metendum, ne in alieno agro quispiam resistat tibi. Iuncta est itaque puellis Booz, & tandum cum eis messuit, donec hordea, & triticum in horeis conderentur.

*Quæ cadens.* Hic ponitur tertium huius cap. scilicet

F Ruth in beneficiis gratitudo: nam licet parua fuissent beneficia, quæ sponddit ei Booz absolute loquendo, tamen non fuit ingrata illis, sed gratias magnas egit, vt patet in litera: & dicitur. *Quæ cadens in faciem suam: & adorans in terram.* Ista reuerentia exhibebatur antiquitus, quod recipiens aliquod beneficium ab alio, si esset vir aliquantulum honorabilis, coram eo humiliabat se, ita vt poneret vultum in terra: nunc autem soli Deo impendimus hoc. Et in hoc rectius nos facimus, quæ antiqui hoc autem fecit Ruth pro benignitate, quæ erga eam ostendit Booz in precedentibus. *Dixit ad eam, unde mihi hoc, vt inuenirem gratiam ante oculos tuos?* Quasi dicat, ego non habeo aliquid, propter quod merear quod feceris mihi hanc gratiam, & magnum aliquid mihi est, quod inuenirem gratiam coram te. Et nosse me dignareris peregrinam mulierem. Idest solum quod tu velles cognoscere, quæ ego eram querendo de me, erat mihi magna gratia, quia quando queritur de aliquo, quis est: & volumus eum cognoscere, facimus mentionem de eo: & in hoc honoramus ipsum. Et dixit peregrina mulierem. i. cum sua mulier de regione aliena, & non habet cognatos, nec amicos in regione hac. nec sim alicui reputationis. Cui ille respondit, nunciata sunt mihi omnia, quæ feceris focru tuæ. Quia dixerat Ruth se indignam esse, vt aliqua mentio de ea fieret, dixit Booz quod causa fuerat virtus sua, scilicet quia habuerat se bene cum focru sua Noemi. Post mortem viri tui. Ante mortem et bene se habuerat Ruth cum Noemi, vt patet precedenti cap. cum dixit Noemi: faciat dominus vobiscum misericordiam, sicut fecistis cum mortuis & mecum. Quia tamen misericordia, quam fecit Ruth ipsi Noemi post mortem viri sui Maalon fuit excellentius valde, illud solum dixit Booz. Etiam quia viuentem viro habebat Ruth causam bene se habendi ad focrum propter virum: mortuo tamen illo nulla causa erat, & sine causa fecit bona magna Ruth: ideo fuit valde laudabilis. Et quod reliqueris parentes, & terram, in qua nata es. Istud fuit valde magnum. Habebat enim Ruth parentes: nam de matre constat precedenti cap. cum dixit Noemi ad Ruth, & Orpham, ite in domum matris vestræ. De patre autem constat hic, cum dicatur quod habebat parentes. Graue autem erat quod relinqueret patrem, & matrem, quia nullos magis neque equaliter naturaliter diligimus. Etiam dimisit terram, in qua nata est, quod est difficultatis magnæ, cum ipsa natalis patria magnas delectationes afferat. Et veneris ad populum, quæ ante nesciebas. Istud etiam ponitur ad augendum difficultatem: nam si Ruth antequam recederet de terra Moab cognouisset conditionem gentis Hebræorum, & mansisset in terra illa aliquanto tempore, scire posset an conueniret sibi manere potius in terra sua, quam manere peregrinando in terra Israel, vel è contrario: quia tamen nesciebat an bene, vel aduersè succederet sibi in ea, & amore Noemi non dubitauit dimittere terram suam, vt veniret in terram Israel, ideo nimis erat laudabilis. Reddat dominus pro opere tuo. Scilicet, det tibi aliquam retributionem, quia fecisti aliquod opus bonum, & laudabile propter Deum. Et plenam mercedem recipias a domino Deo Israel. Idest, non solum Deus det tibi aliquid in premium istius boni operis, quod fecisti, sed cum sit opus valde laudabile, det tibi quantum mereris, quasi dicat dando, quantum mereris, dabit tibi aliquid magnum. Ad quem venisti. Scilicet, cum venisti de terra Moab ad terram istam ad Deum Israel venisti dimittendo deos tuos priores, id est ipse tibi retribuatur pro hoc. Et sub cuius confugisti alas. Scilicet, venisti ad ponendum te sub protectione Dei Israel. Et est metaphora, quia Deus alas non habet cum non sit volucris: sed sicut volucris filios suos custodit sub alis, & super eas portat illos ad volandum: ita Deus

Quæ reuerentia exhibebatur antiquitus.



Deus sub protectione sua tenens nos dicitur tenere nos sub alis. Et ista metaphora est usitata in scriptura, ut patet Exod. 19. cum dixit Deus Israelitis: Vos ipsi scitis quod fecerim Aegyptiis, et quomodo portauerim vos super alas aquilarum, & assumpserim mihi: & sic defendendo eos in via dicebatur portare eos, sicut aquila super alas. *Qua ait, inueniam gratiam apud oculos tuos domine mi.* Scilicet, oro ut etiam ulterius inueniam gratiam coram te, ita quod continues in me gratiam istam, quam ostendere cepisti. Dicitur aliquis inuenire gratiam coram alio, quando omnia, quae ille facit, & ipsa persona faciens bona, & recta videntur ipsi: & ista est gratia gratum faciens, quam homo habet erga Deum, scilicet, quia quando est in gratia, omnia quae ille facit, sint accepta Deo. Et nihil aliud est esse in gratia dei, nisi ut, nos ipsi, & omnia quae nos facimus Deo esse videantur bona, & acceptet illa tanquam grata sibi, & promeritoria vitae aeternae. *Qui consolatus es me.* Scilicet, tu domine consolatus es nunc me: nam ante hoc cum essem in terra aliena nullum habens fauorem videbar mihi derelicta: nunc vero cum tu domine ostenderis mihi tantum fauorem, consolata sum putans prosperum esse iam statum meum. *Et locutus es ad cor ancillae tuae.* Idest, locutus es mihi ancillae tuae sicut ego in corde meo desiderabam, quasi dicat, fauor, quem ego desiderabam mihi dari, a te mihi datus est, ideo tu secundum cor meum locutus es. Vel locutus es ad cor ancillae tuae, id est ad consolandum cor meum, quae sum ancilla tua. Quasi dicat, cor meum erat in angustia, & tu illud consolatus es. *Quae non sum similis vnius puellarum tuarum.* Idest, non sum equalis in valore vni de puellis tuis feruentibus tibi: in hoc humiliabat se nimis Ruth dicens non esse aequalem vni de puellis Booz: & valde magnas gratias reddidit, dicens, quod cum ipsa non esset equalis vni de puellis Booz, ipse dignatus est ad eam sic fauorabiliter loqui. *Dixitque ei Booz.* Hic addit alia beneficia Booz super precedentia dicens. *Quando vespescendi hora fuerit.* Scilicet, quando vespescunt messorum. *Veni huc & comede panem.* Scilicet, veni ad sarcinulas, ubi est cibus messorum, & aqua, ut patet supra, & ibi comedes panem cum eis, scilicet de cibis, quos ego illis do. *Et intinge buccellam tuam in aceto.* Scilicet, buccellam panis, quam acceperis intinge in aceto. Istud faciebant messorum in terram Chanaan, & etiam faciunt in regione nostra, scilicet, quia acetum est frigidum virtualiter, & valde refrigerat: ideo in tempore ardoris aestiu messorum intingunt panem in aceto, ut sic refrigerentur: & ponitur hic panis solum pro pane: nam in alijs locis scripturae solet poni panis pro quibusdam cibis, sicut patet 4. Regu. 6. cum dixit Eliseus ad regem Ioram: pone panem coram eis, & sequitur ibi: Et apposita est magna ciborum praeparatio. hic autem dicitur quod panis buccella tingenda erat in aceto, id est pro solo pane ponitur. *Sedit itaque ad messorum latum.* Scilicet, quando fuit hora, ut comederent messorum se derunt ad sarcinulas, & Ruth sedit ad latus eorum. In quo patet magna honestas Ruth: nam licet dixisset, ei Booz quod comederet cum messoribus intingendo buccellam panis in aceto, non sedit cum eis, quia non erat valde honeste, sed sedit ad latus eorum. & hoc forte fuit, quia Ruth noluit quod messorum contemplerentur vultum eius, quia istud erat initium lasciuie cuiusdam: puellae autem honeste valde debent aspectum virorum effugere, vel declinare quantum possunt. *Et congeffit polentam sibi.* Idest congregauit cibum factum de granis. Vocatur polenta multitudo granorum excussorum de spicis, & purgatorum ad comedendum. Et vocatur polenta a poliendo, quia poliuntur, id est depurantur grana ablatis aristis ad comedendum, & fiebat ista polenta de spicis, quae non erant

**A** omnino sicce, sed medie inter viridum, & siccum. Et iste cibus erat valde vsitatus in terra Israel: & sustentabantur ex illo aliquantulum Israelitae, quando non poterant habere alium cibum: & quando erat tempus estatis, fiebat iste cibus de spicis maturis: & reseruabatur pro magna parte anni ad comedendum. Vnde quando aliqui offerebant munera rerum comestibilium, inter ceteras res comestibiles offerebant polentam, ut patet de Abigail, quae obtulit ducentos panes, & duos vases vini David, & quinque arietes coctos, & quinque lata polentae, & centum ligaturas vuae passae & ducentas massas caricarum 1. Reg. 25. Et hanc polentam Deus vetuerat comedi in quadam parte anni, scilicet, ante festum azimorum cum offerebatur Deo manipulus spicarum virentium in primitiis, ut patet Leuit. 23. scilicet: Non comedetis panes pulles, nec polentam ex segete usque ad diem, quod offeretis manipulum. istam polentam congeffit, id est congregauit nunc Ruth postquam messorum federunt ad sarcinulas, & congregauit grana multa: nam ipsa comedit sufficienter de polenta, & partem eius tulit pro Noemi socru sua, ut patet infra in litera. *Comeditque & saturata est.* Scilicet, de polenta comedit ad sufficientiam. Quod autem panem comedit aceto tinctum non apparet, & forte non comedit, quia licet Booz dixerit, quod comederet: ipsa praerubore, & honestate, ut non concicaret cum viris, potissimum cum incognitis, nec panem accepit, nec aceto intinxit. *Et tulit reliquias.* Iste sunt quas dedit socru suae cum reuersa est ad domum in vespem, ut patet infra in litera. *Atque inde surrexit, ut spicas ex more colligeret.* Scilicet, finito cibo, qui erat merenda, surrexerunt messorum ad metendum: & ipsa secundum morem ipsorum surrexit ad colligendum spicas: & ista die solum collegit spicas: nam sequenti die messuit cum puellis Booz adiuvando eas ad metendum. *Praecepit autem Booz pueris suis dicens: etiam si vobiscum metere voluerit, non prohibeatis.* Voluit Booz quod nullus molestus esset huic puellae, quia erat digna omni honore: ideo dixit quod nullus affligeret eam, sed permetteret ei quicquid vellet, & colligere quicquid vellet, intantum quod etiam si vellet metere pro se cum pueris Booz, permetteretur metere, & portare pro se quod meteret. *Et de vestris quoque manipulis projicite de industria.* Volebat Booz, quod Ruth laborans tam sollicite aliquod emolumentum consequeretur. Et quia si solum ferret spicas euadentes manus metentium, paucum consequeretur inde, voluit Booz, quod messorum dimitterent aliquos de manipulis suis, scilicet ex industria, scilicet quando colligebant manipulos, quos messuerant ad ligandum illos in magnum fascem, dimitterent aliquos ex industria fingentes se non videre illos. *Et remanere permittite.* Scilicet, transite ultra dimittendo manipulos longe a vobis. *Ut absque rubore colligat.* Scilicet, si viderit vos praesentes quamquam manipuli derelicti sint, non audebit illos tangere praerubore: ideo dimittite illos longe retro vos, ut non erubescat colligere illos nemine vidente eam colligere. *Et colligentem nemo corripiat.* Idest, nemo increpet dicens, quod non colligat de manipulis quos relinquerunt messorum, quia si aliquis increparet eam, praerubore, & angustia omnia dimitteret, & nunquam rediret in agrum illum.

*Quare Ruth cecidit in terram coram Booz nunc cum paruum beneficium sibi praestitisset.* Quasi. X.

**Q**VAERETVR, quare Ruth cecidit in terram coram Booz nunc cum paruum beneficium sibi praestitisset, & postea magna beneficia promittens non cecidit coram eo. Respondendum, quod Ruth erat mulier



lier alienigena in terra Iudaorum, & non putabat se habere aliquem fauorem in terra illa, nunc autem cū Booz locutus fuit tam benigne ei ostendens animum benefaciendi ei, fuit aliquid magnum beneficium: & maximè adhuc estimabat illud Ruth: nam Booz faciebat nunc bonum ipsi Ruth, & tamen aliquo modo obligabatur, scilicet, quia Booz erat cognatus Elimelech, & Noemi: & quia Ruth benefecerat toti illi progeniei, tenebatur ei quilibet de tot illa progenie ad antea, & potissime Booz qui erat quasi princeps in tota illa cognatione: Ruth tamen non putabat aliquā talē obligationem esse, quia nesciebat Booz esse cognatum Elimelech, & viri sui Maalō: ideo credens præstari sibi istud beneficium ab homine, qui sibi ad nihil tenebatur, reputauit esse immensum beneficium, & nesciens quid pro tanto deberet impendere inclinauit se ad terram: Et patet quod ista fuerit intentio Ruth: nam dixit, vnde mihi hoc, vt inuenirem gratiam ante oculos tuos, & nosse me dignareris mulierem peregrinam? Cum autem queritur, quare postea cum magna beneficia permitteret non se inclinauit. Dicendum quod quædam istorum nesciuit Ruth. Nam q̄ dixit Booz, scilicet quod nemo molestaret Ruth, & quod permetteretur inetere, si vellet cum messoribus, & quod dimitterent manipulos ex industria, vt colligeret eos Ruth, non audiuit istud Ruth, sed secretè locutus est Booz ad mēsores: nam si Ruth ista audiret, nihil proficerent ista verba, quia tunc non colligeret aliquos manipulos remanentes præ rubore; & tamen Booz dicebat, quod facerent taliter mēsores sui, quod illa colligeret absque rubore, ergo ea non audiente dicta sunt hæc, & sic de istis non poterat gratias agere: alia autem pauca audiuit, scilicet quod quando esset tempus comedendi intingeret buccellam suam in aceto, & ad hoc non cecidit Ruth in terram, quia forte non erat consuetum sapē cadendi in terram. Vel quia forte non reputauit Ruth istud beneficium, & sequentia tantum, sicut quod a principio fecerit de ea Booz aliquam mentionem loquendo ad eam benigne.

*Cur Booz non dixit etiam quod Ruth reliquerat deos suos.*  
*Quest. XI.*

**Q**VAERETVR vterius, cū Booz enarraret illa, quæ fecerat Ruth pro Deo Israel, & pro Noemi dicens, quod reliquerat parentes, & patriam, cur non dixit etiam quod reliquerat Deos suos: nam Noemi tetigerat istud, cum dixit ad Ruth, ecce reuerſa est cognata tua ad populum suum, & ad deos suos, vade cū ea, prædē cap. Dicendum quod Booz fecit hoc p̄ tria. Primum est, quia Booz voluit significare hic dū cultates, quas habuit Ruth p̄ Noemi, & Deum Israel, p̄ quibus erat laudabilis. Prima erat, q̄ dimisit parētes: secunda q̄ dimisit patriā: vtraq; erat magna hoībus sequentibus desiderium tenſitiū, & potissime mulieribus, quia tenerior est affectio illarum quam virorū. Quod autē dimisit Deos suos, nō erat difficile: quia nō est aliquid triste, quod tenſu percipiatur, & affligat manifestē sicut dimittere p̄m & matrē. Rō est, quia Deus est aliquod bonum spirituale, quod in tenſu nihil mouet, & talia sunt, quibus licet caream⁹, nō affligimur, potissime circa simplices, qui non multum cognoscunt de Deo, quia permutare Deos non videtur in eis aliquod malum vel defectus, cū sola bona, & mala, quæ in tenſu sunt sequantur. Secundum est, quia dimittendo Deos Moabitarū, nō faciebat Ruth aliqd ipſi nimis, q̄ ad illud obligabat, cū nō eisēt illi veri dij. Etiam quia cū Ruth dimitteret deos Moabitarum, vt coleret Deum Israel, sibi vtilitatem procurabat dimittendo Deos qui nihil boni, nec mali fa-

**F** cere poterant, & confugiendo ad Deum, qui poterat premiare colentes se, & inferre malum hostibus suis. Tertium, & præcipuum fuit, quia Booz volebat hic reddere vicissitudinē aliquam ipsi Ruth: nam Ruth fecerat multa bona Noemi nurui suæ, & viro suo Maalon, pro quibus tota cognatio eorum erat obligata ipsi Ruth. & quia Booz erat quasi princeps istius cognationis, vt patet supra in litera, vbi vocatur cognat⁹ Elimelech, ideo ad ipsum pertinebat reddere vicissitudinem pro beneficiis istis. Et quia difficultas, quā subiebat Ruth pro Noemi fuit, q̄ dimiserat parentes, & patriam, pro his debuit gratias agere Booz. Quod autē dimiserit Ruth Deos Moabitarum, non fuit directē beneficium præstitum Noemi, sed obsequium præstitū Deo Israel: ideo nō curauit nunc enarrare illud, sed retulit ad ipsum Deum dicēs: plenā mercedem recipias a Deo Israel, sub cuius alas confugisti.

*An meruerit aliquid Ruth dimittendo Deos Moabitarum, & an teneretur ad hoc. Et an in actibus necessitatis possimus mereri. Quest. XII.*

**Q**VAERETVR vterius, quō dixit hic Booz: reddat dominus pro opere tuo plenam mercedē. An meruerit erga Deum aliquid Ruth per ista, quæ fecit. Respondendum, q̄ fecit Ruth duo opera. Vnum fuit beneficium, qd̄ præstitit ipsi Noemi, & cognationi eius comitando de terra Moab in terram Israel, & dimittendo terram suam, & parentes propter illā. Aliud fuit obsequium, qd̄ Deo Israel exhibuit dimittendo Deos suos, vt veniret ad colendum ipsum. Dicendum autē, quod in his meruit, cū Booz dixerit, reddat tibi dominus pro opere tuo, & plenam mercedem recipias a Deo Israel, & non solum meruit in altero eorum, sed in ambobus. De primo tñ dicet aliquis, quod non meruit, q̄ illud factū est p̄ Noemi, & p̄ Deū, talium autē remuneratores esse dēnt illi, q̄ beneficia præstātur: sic. n. Deus dicit de illis, qui faciunt bona opera, vt videātur ab hoībus: amē dico vobis receperūt mercedē suam. Matt. 6. Dicendum, quod meruit Ruth et̄ quantum ad istud beneficium qd̄ impendit Noemi. Quod patet, q̄ Booz solū enarrauit nunc beneficium p̄stitū Noemi a Ruth, & tamen subdidit reddat tibi domin⁹ pro opere tuo, ergo meruerat, quia aliās Deus nō deberet facere retributionē. Item patet, quia iste actus erat bonus in genere suo, & laudabilis, & non constat q̄ factus sit p̄pter malum finem, ergo erat meritorius. Sed dicendum, q̄ in hoc est diuersitas: nam certum est, q̄ meruit Ruth impendendo istud beneficium Noemi, & tamen mereri stat, vel quantum ad vitā aternā, vel quantum ad bona temporalia: nam existentes ī peccato mortali merentur, si faciant aliquem actum bonū in genus suum: sicut patet de obſetricibus Aegypti, quæ erant Idolatræ, & mentiendo meruerunt tēporalia bona, quia edificauit eis Deus tabernacula Exo. i. ca. De Ruth autē dicendū, quod si aſſerāt esse in peccato mortali eo tpe, quo voluit redire cum nuru suā, & cepit redire, meruit bona temporalia sibi a Deo dari p̄ istum actum bonum materialiter: si autē esset in charitate. i. quod iam abrenunciasset cultui idolorum, mereretur vitam eternā in isto actu, quia licet vtilitas huius actus proveniret ipsi Ruth, tamen habens charitatem oēs actus suos dirigit ialtem habitualiter in Deum: & patet hoc de oībus operibus misericordiae: nam vtilitas act⁹ illius proximo præstatur, & tamen apud Deum meremur per tales actus. Si autem queratur de secundo. i. quod Ruth reliquerit cultum idolorum, & venit ad colendum Deum Israel. Dicendum est, quod meruit, quia iste actus factus est solum propter Deum. Etiam honor proveniens ex eo solum proveniebat Deo. Aliquis

*Mereri stat ad duo.*



quis autem dicet, quod non meruit Ruth in hoc, quia obligabatur ipsa dimittere Deum Moabitarum, & omnia idola, quia isti non erant dii, & venire ad cultum Dei veri: ergo non erat meritorius actus, quia meram libertatem quaerit. Respondendum quod ista ratio non stat propter duo. Primum, quia licet quis faciat id ad quod tenetur, meretur si bono animo faciat: nam nemo dubitat, quin nos mereamur observando precepta decalogi, & evangelica, & tamen certum est nos obligatos esse ad custodiendum illa, alioquin daretur, quod nullus posset mereri servando legem evangelicam, nisi consilia, quae opera supererogationis sunt, faceret: tunc non vocarentur illa opera supererogationis, sed necessitatis, eo quod necessaria sunt hominibus, sine quibus non potest pervenire ad vitam aeternam, quae est finis suus. Etiam sequeretur, quod omnes homines tenerentur observare statum religionis, in quo sunt opera consiliorum, & istud est valde inconueniens: ideo per opera necessitatis, dum tamen bono animo fiant, mereamur. Cum autem obiicitur, quod ad merendum requiritur libertas, dicendum quod verum est de libertate a coactione, sed non de libertate a necessitate finis: nam necessitas finis non est necessitas absoluta: ideo manet cum libertate: necessitas coactionis est absoluta necessitas, ideo manere non potest cum libertate requisita ad merendum. Alio modo potest responderi, quod non erat aliquo modo necessarium ipsi venire ad Deum Israel: nam ad habendam vitam aeternam erat necessarium cuiuslibet hominis dimittere cultum idolorum, cum non essent illi vere dii, & erat necessarium quod quilibet crederetur unum esse Deum, & illum coleret, & tamen ille Deus verus unicus esset Deus, quem colebant Hebraei vel Aegyptij, vel aliae gentes non patebat, quia non cognoscebat quilibet gens probationes huius rei: unde non solum Iudei colebant Deum verum, sed etiam Graeci Athenienses: nam illi fecerant aram Deo ignoto: & exhibebant ei ibi honorem, & ille Deus ignotus erat verus Deus, ut dicit Apostolus & habetur Actuum. 17. quod ergo vellet Ruth credere Deum Israel esse illum unicum Deum qui erat rector totius universi, extra quem nullus Deus erat, faciebat aliquid supererogationis. Nam non obligabatur aliquis ad hoc, nisi Iudei, qui susceperant legem eius. Et patet, quia alias omnes homines obligati fuissent tempore legis Moysei credere quod credebant Iudei: sed falsum est, quia multos philosophos dicimus fuisse saluos, quos nihil istorum dicimus credidisse, quia solum requirebatur, quod non colerent idola, & crederent unicum esse Deum punitorem, & remuneratorem: & quod cauerent a peccatis mortalibus, quae ratione naturalis dicuntur esse peccata. Aliud est erat, quia dato quod quis sciret, Deum Hebraeorum esse verum Deum, qui est unicus Deus rector orbis, tamen non obligabatur colere illum secundum modum determinatum in lege Moysei, eo quod lex ista solum obligabat Iudeos, quibus data est, ut colligitur Exo. 19. cap. quod ergo quis subiceret se legi Moysei de Gentilibus, erat opus supererogationis, & valde laudabile. Duo ergo fecit Ruth, hic ad quae non erat obligata. Primum erat, quod voluit credere Deum Israel esse verum Deum. Secundum erat, quia dato crederet voluit se subicere legi Moysei ad tenendum eam in aeternum, ideo de his Deum remunerationem tribuere debebat tanquam de operibus supererogationis: & remuneratio ista duplex tangitur hic in verbis Booz: nam in quantum dixit: reddat tibi Dominus pro opere tuo, loquitur de remuneratione debita pro misericordia, quam exhibuit ipsi Noemi; & cum dicit, et plenam mercedem recipias a Deo Israel, ad quem venisti, & sub cuius alas confugisti: potest intelligi de mercede debita pro obsequio, quod Deo impenderat in hac re: & satis patet, quia dicitur: ad quem venisti, et sub cuius confugisti alas.

Quare dicitur hic plenam mercedem recipias.  
Quaest. XIII.

**Q**VAERETVR ulterius, quare dicitur hic, & plenam mercedem recipias. Respondendum, quod Booz dixit hoc propter duo opera Ruth: nam sicut dictum est praecedenti quaestione, duo opera fecit Ruth: unum fuit beneficium impensum Noemi, alterum fuit obsequium Deo exhibitum. De primo dicebat Booz, quod reciperet Ruth plenam mercedem, quia impotens erat Noemi, & omnes cognati eius ad retribuendum sufficienter. Nam licet vellet Booz dare quandam vicissitudinem recompensando in eo, in quo poterat se cunctum aequalitatem putabat se non posse: eo quod Ruth fecerat tanta pro Noemi, ultra quae nihil erat, quod impendi posset nisi mors: nam dimiserat parentes, & patriam, & Deos suos, & totum statum vitae suae posuit in Noemi. Quod si illa prosperaret putabat se hoc solo esse beatam: quam ergo multa impenderent Booz, & Noemi, & alij de cognatione ipsorum Ruth, non poterant equiparare beneficio eius: ideo petebat Booz, quod id, quod ipsi non poterant retribuere ipsi Ruth retribuere Deus: & ista erat plena merces. Secundum erat obsequium Deo impensum, scilicet, quia dimiserat Deos suos, & venerat ad eum, de quo magis declaratum est praecedenti quaestione, & pro isto erat ei rependenda merces: & quia istud fuerat aliquid magnum, si rependeret merces aequalis, daretur sibi aliquid magnum, oravit quod ei Deus redderet plenam mercedem exaltando eam ad prosperum statum, sicut decebat exaltari.

Quomodo Ruth oravit nunc quod inveniret gratiam coram Booz.  
Quaest. XIV.

**Q**VAERETVR ulterius, quomodo Ruth oravit nunc, quod inveniret gratiam coram Booz, & videtur, quod non erat opus hoc petere. Primum, quia videbat Ruth, quod Booz tantum ei ostenderat favoris, quod non oportebat plus ostendi. Secundum, quia ipsa met Ruth dixerat quod inuenerat gratiam coram eo, scilicet, unde hoc mihi, ut invenirem gratiam ante oculos tuos, & nosse me dignareris? implicabat ergo in verbis suis petens nunc invenire gratiam. Respondendum, quod Ruth petiit nunc, quod inveniret gratiam. Primum, quia iste est modus se humiliandi: nam cum aliquis, qui iam obtinet quod vult, subiicit se alteri petendo illud tanquam non habeat, impendit ei quod iam habet in ista subiectione: ideo Ruth volens se magis subicere Booz, qui ostendebat ei tantum favorem petiit, quod inveniret gratiam coram eo. Secundum erat etiam ad ostendendum aliquam magnitudinem in eo: nam cum quis petit quod inueniat gratiam coram altero, innuit aliquid magni esse in illo, quo indigeat quod ille prestare possit: & ista est quaedam exaltatio eius, a quo petitur iste favor. Tertium est, quia Ruth viderat, quod Booz ostenderat ei favorem in praeterito, & non interciderat aliquid meriti, ideo nunc optat pro futuro. scilicet, quod semper iste favor continetur: & hoc erat conveniens, quod peteret Ruth, quia si ostendente Booz tantum favorem ei non peteret continuari istum favorem, videretur nimis confidere de favore Booz, ita quod putaret non esse necessarium, quod ultra peteret illum: & ista confidentia non erat rationalis, cum Ruth esset mulier alienigena, quae ipsi Booz quantum ad personam suam, nihil obsequi, vel beneficii praestiterat. Petiit ergo rursus favorem.



Cum Booz laudauit tantum Ruth de beneficiis collatis Noemi, & obsequio quod Deo praeftiterat, cur ipsa non respondit ad hoc. *Quest. XV.*

**Q**VAERETVR vltius, cum Booz laudauit tantum ipsam Ruth de beneficiis, quae praeftiterat Noemi, & obsequio, quod Deo praeftiterat, cur ipsa non rñdit aliqd ad hoc. Respondendum, quod ipsa nihil dixit. Prìo quia non expediebat: nā si voluisset aliqd respōdere in hoc, necessariū erat, quod multa verba diceret, ipsa tamen non iudicabat honestum esse, quod femina incognita multa loqueretur cum viris: nam signum probitatis magne in mulieribus potissimè non habentibus viros est verecundia: & quia multa loqui non pertinet ad verecundiam, potissimè cū femina verecundè debeant quantum potuerint fugere conspectus viriles, scilicet vt non aspiciant eos recto vultu, & tamen si loqueretur Ruth multa cum Booz, oportebat quod eū conspiceret, quod non multum attestabatur honestati eius. Secundum fuit propter humilitatem, & moderationem, nam ad nullum pertinet virtuosam laudes appetere: & potissimè non illas de se preferre: si tamē Ruth vellet aliqd respondere ad hoc, cum totū istud pertineret ad laudem magnam Ruth nācesse erat, quod proferret aliquas laudes de se, vel aliqua de quibus laudaretur: neutrum autē cōpetit virtuoso, sed potius dē subticere quantū subticere potuerit: ideo ad hoc non decuit respōdere Ruth, sed conuertit sermonem suū ad aliud humiliando se, & dicendo inueniam gratiam ante oculos tuos: & in omnibus humiliavit se, quanto magis eam Booz exaltabat: nam dixit non sum similis vnus puellarum tuarum.

Quare Booz gradatim ostendebat fauorem ipsi Ruth, & non totum a principio. *Quest. XVI.*

**Q**VAERETVR vltius, quare Booz gradatim ostendebat fauorem ipsi Ruth, & non totum a principio: nam a principio solū dixit ei, quod colligeret in agro suo, & nō iret ad alium, & quod quā staret ad sarcinulas & biberet: postquā vero respōdit Ruth, dixit ei, quod comederet panē intinctū aceto cū messoribus, & quod nullus molestaret eam, sed darent ei de manipulis suis, & permetterent eam colligere secum, & metere, si vellet. Dicendum, quod Booz fecit hoc, quia mouebatur contemplatione virtutis Ruth: a principio nō ostendit erga eā fauorem suū, quia audierat quod erat virtuosa mulier, & quod fecisset multa pro Noemi socrum suam: & tñ nondū viderat Booz aliquod experimentum virtutis suae: nunc verò ex rñsione Ruth collegit Booz maiores virtutes: nā collegit quod erat mulier honesta, modesta, verecunda, quia noluit rñdere aliqd ad laudes suas, ne multiplicare verba cū viris. Etia agnouit eā esse humilē, quia valde se humiliavit nunc dicēs, quod non erat similis vnus ancillarū Booz: & pro hoc dilexit eā Booz magis quā prius: & ostendit fauorem suū erga illam abundantius dicens, quod comederet, & meteret cum messoribus, & quod messorēs dimitterent ei de manipulis suis ex industria, vt patet in litera. Collegit ergo. Hic ponit quartum huius ca. s. Ruth in agendis sollicitudo, nā erat solita nimis laborando, cū tota die maneret in agro colligens spicas, ita vt miraretur iuuenis, qui praeerat messoribus: vnde dixit ad Booz, & de mane vsque ad nūc stat in agro: nec ad momentum reuerfa est, & dñ. Collegit ergo in agro vsque ad vespēram. Totum hoc intelligitur de primo die, quo Ruth iuit ad colligendū spicas in agrū Booz: nam collegit vsque ad vespēram: quando reuertebantur messorēs. Et quae colligerat virga cedens, & excutens. Postquam collegit spicas accepit baculum, & cedebat illas ad excutiendum grana de paleis, vt sola gra-

Ruth in agendis sollicitudo.

na ferret in domū. Inuenit ordeī quasi ephi mensuram. Hordium est, quod nunc colligebant messorēs Booz. nā sicut dicitur preced. cap. in fine, Noemi venit cū Ruth nuru sua in Bethlehē in principio messi hordeacei, & illico iuit ad colligendū spicas in agrū, ne esset ociosa. Erpōnuntur mensura hordei, quā collegit quasi ephi. quantitas mensurae istius apud nos est incognita. Nam mensura, & pondera, & monetae variatur per diuersa tempora & regiones, iō nullus potest determinatè nunc dicere tanti valoris erat moneta, quae olim fuit: & tantae capacitatis erat mensura alterius temporis, quia oīa tpe variantur. Erat tamen ephi apud Hebrēos quādam mensura aliquantulum magna, quae continebat decē Gomor: Exo. 16: erat autem Gomor mensura parua: nā Deus statuerat in deserto, quod cuilibet capiti siue viro, aut mulieri daretur quotidie vnū Gomor de manna: & illa quantitas sufficiebat ad saturitatē: Exo. 16. ex quo aliquantulum potest cōprehēdi, magnitudo ephi, licet nō multū determinatè. Idest tres modios. Istud nō est in Hebrāo, sed in libris Latinis cōiter reperitur. Credendū autē est, quod fuerit Glosa interlinearis cū sit expositio: & imperitia aliquorū libroriorū textui inserta est; & inde oēs libri vitiatī sunt per istā additionē: & tñ adhuc dicendū est, quod nō patet quantum sit modius, quia est mensura antiqua: & oēs istae sunt immutatae. Sed quantum sit, & an sit mensura valde magna seq. c. declarabitur. Quos portans. Ipsa humeris suis portauit istos tres modios: siue ephi: nam non erat magnum pondus, cū ipsa iterum portauerit super scapulas suas modios sex, vt patet seq. c. Reuerfa est in ciuitatem. Scilicet, in vespēra cū iam non erat honestum manere in agro, & ostendit socruī suae, quasi congratulando, quod multum portaret: & verum erat, quod non potuisset Ruth tantū collegisse, nisi quod messorēs ex industria dimittebant ei aliquos manipulos, sicut dixerat eis Booz. Insuper protulit & dedit ei de reliquijs cibi sui, quo saturata fuerat. Scilicet, dedit ei de polenta: nam cōgesserat sibi polentam ad comedendum de granis excussis de spicis & decorticatis, et reseruauit partē cibi illius postquam fuerat saturata, et illam protulit de canistro, vel pera, & dedit socruī suae. Dixitq; ei socrus. Admirata Noemi de eo quod collegerat Ruth quesiuit ab ea. Vbi collegisti hodie, & vbi fecisti opus? Vbi tantum colligere potuisti, vel quis fuit qui tā clementer se haberet ad te, vt tantum te colligere permetteret? & est replicatio sententiae, quia idē est, vbi collegisti, & vbi fecisti opus. Sit benedictus, qui misertus est tui. Aliqui intelligunt de Deo hoc. s. Deus, qui misertus est tui dando tibi gratiā in conspectu alicuius patris familias, vt tantum te colligere permetteret, sit benedictus, & laudabilis. Sed intelligendū est de domino agrorū. s. quod ille misertus est Ruth permittendo eā fauorabiliter colligere: nā si magnum fauorē ei non praeftitisset, non potuisset tantum colligere: & patet hoc, quia immediatē dicit, quod Ruth indicauit ei nomen domini agri, & quod vocaretur Booz, & tunc dixit Noemi, benedictus sit a domino, eādem gratiam, quā praeuit viuis seruauit & mortuis. Indicauitq; ei apud quem esset operata. Idest, in cuius agro collegisset spicas. Et nomen dixit viri, quod Booz vocaretur. Ne sciebat Ruth, quando iuit in agrū, cuius erat ager ille, nec ēt sciebat postea virum, quamq; vidisset eum, sed fortē a messoribus, vel puellis didicit qualiter vocaretur: nā nesciebat quis vir esset ex fama. Quod patet, quia aliās quando indicauit Ruth ipsi Noemi nomen viri, dixisset ei, quod vocabatur Booz ille vir, in cuius agro collegerat spicas, quia iste est modus loquendi nō cognoscentis personam, sed solum nomen, sed dixisset in agro Booz collegi spicas. Etiam si Ruth cognouisset Booz non diceret Noemi ad Ruth, propinquus noster est homo, quia scito quis erat Booz cognosceret cognationē suam. Cui respōdit Noemi, benedictus sit a domino. Scili-



Scilicet, Deus augeat bona eius: nā benedictio importat augmentum, vel multiplicationem, vt patet 2. Corin. 9. cum opponatur ibi benedictio paritati, vel avaritiæ. Eandem gratiam, quam præbuit vivis servavit & mortuis. Scilicet, gratia vel bona voluntas proficiendi quam habebat Booz ad virū meum Elimelech, & ad duos filios eius, manet nunc in eo: nā erat cognatus Elimelech viri Noemi: & consequenter duorum filiorum eius, quorum vnus erat Ruth vir. f. Maalon, & Booz habuit se ad istos valde amicabilem, quādiu vixerunt: nunc aut postquā mortui sunt, servavit eandem grām, quia habendo se bene ad Ruth vxorem Maalon, habebat se bene ad Maalon, & habendo se bene ad Noemi vxorem Elimelech, habebat se bene ad Elimelech: & & referebat Noemi de hoc gratias, quia faciebat Booz tanquam vir bonus, & laudabilis: solent. n. mortui tradi obliuioni: nec manent amici eorū, qui fuerant amici dū viuerent, sicut dicitur Psal. 30. f. Obliuioni traditus sum sicut mortuus a corde. Et tamen nunc mortuis seruabat Booz amicitiam. Etiam erat alia causa, quare gratias referret Noemi: nam cum vir suus uiuere, habebat Booz aliquam causam faciendi bene ipsi pp se, quia cognatus eius erat, & vxori suæ pp ipsum: nunc aut Noemi nō habebat aliquam causam quare de ea curaret Booz, cum esset mortuus vir suus; & tñ curabat seruando eandem amicitiam, q̄ prius: ideo nimis erant referendæ gratiarum actiones ipsi Booz pp hoc. *Rursumq̄*. Scilicet, finita sententia superiori cum aliquali paulatione rursus locuta est Noemi ad Ruth de eodem. *Propinquus noster ait est homo*. Scilicet, Booz propinquus noster est. In hoc incepit Noemi congratulari ipsi Ruth de Booz, dicens: propinquus noster est, scilicet viri mei, & viri tui, quasi dicat, gaude, quia magis nobis fauebit: nam noster propinquus est. Accipiebat autē Noemi psonam viri sui, & personam Maalon mariti Ruth, quorum Booz erat cognatus, vt patet supra in litera: nam istarum mulierum nō erat cognatus Booz. *Et Ruth*. Scilicet, locuta est ad Noemi. *Hoc quoque inquit præcepit mihi*. Scilicet, hoc quod sequitur: Ruth erat repleta gaudio multo de prosperitate diei illius, quia feliciter ei euenerat, & ob hoc quamq̄ Noemi loqueretur de cognatione sua ad Booz non attendebat Ruth, sed volebat enarrare quod ei cum illo acciderat, quia oīa euenerāt pspere, & subiunxit istud quod sequitur. *Ut tandiu messoribus eius iungeretur donec oēs segetes meterebantur*. Scilicet, vt semper colligerem spicas in agris suis post mēsores suos, quādiu duraret messis sua. *Cui dixit socrus: melius est filii mi, vt cum puellis eius exeas ad metendum*. f. bonum non est, vt colligas spicas, sed vt iungaris puellis Booz, & metas cum eis adiuvādo eas ad metendum. Habebat. n. Booz mēsores, & et puellas metētes, vt patet supra in litera: & voluit Noemi, q̄ Ruth iungeretur puellis Booz, quia cum eis honestius esset, & adiuvaret eas ad metendum pro ipso Booz. *Ne i alieno agro quispiā resistat tibi*. f. si iungeris puellis Booz adiuvabis eas, & nemo tibi resistet: si autē iue ris ad alienum agrum aliquis tibi resistet, ne colligas, & erit tibi rubor, vel scandalum. *Iuncta est itaque puellis Booz*. Secuta est Ruth mandatum, & cōsiliū Noemi socris suæ, quia vt matrem eam habebat. *Et tandiu cum eis messuit, donec hordea & triticum in horreis conderetur*. Scilicet, vsq; ad finē messis triticeæ, & hordaceæ fuit semper Ruth cum puellis Booz, ita vt iam nihil haberet Booz, quod meteretur: & tunc hordea & triticum condita sunt in horreis, id est conseruata, quia iam nihil manebat agēdum. Toto autem hoc tempore nulla mutatio facta est quantum ad negocia Ruth, ideo dicitur: donec hordea, & triticum in horrea mitterentur: nam expleta messe secuta est matrimonium Ruth cum Booz, vt patet sequenti cap.

A Quare cum Booz multa dixerit ipsi, per quā ostendebatur fauor suus erga Ruth: & Ruth solum aliqua eorum dixit Noemi socri suæ. *Quest. XVI.*

QVAERETVR, quare cum Booz multa dixerit Ruth ipsi, per q̄ ostēdebatur fauor suus erga ipsā Ruth, & Ruth aliqua eorū dixerit Noemi socri suæ, vt patet hic, non dixit oīa. Respondēdum, q̄ Ruth non potuit dicere ipsi Noemi oīa, quā dixerat Booz i fauorem suum: nam multa illorum secretē dixit messoribus, quæ non audiuit Ruth. f. q̄ permitterent eam secum metere si vellet. Etiam quod de manipulis suis dimitterent ex industria, vt illa caperet eos sine rubore: & ista non potuit Ruth dicere socri suæ: alia tamen ipsa audiuit. f. q̄ quando sitiret iret ad farcinulas, & biberet de aquis quas bibebant pueri Booz. Etiam q̄ quando esset hora comedendi iungeretur messoribus, & comederet cum eis panem tinctum in aceto, vt patet in litera. De istis potest dici vno modo, q̄ scriptura subticuit ista relata fuisse Noemi: & tamē Ruth illa sibi retulit. Et non est hoc inconueniens q̄ multa dimittuntur in sacra scriptura eorum, quæ facta sunt. Secundō potest dici, quod Ruth volebat ista enarrare socri suæ: & tamen non enarravit, quia ipsa Noemi interceptit, vel dimisit locutionem Ruth. f. q̄ cum Ruth dixisset, q̄ Booz præceperat, q̄ iungeretur messoribus, volebat discurre ad enarrandum alia: sed Noemi voluit respondere ad istud verbum Ruth, dicens, quod nō erat bonum, q̄ iungeretur messoribus Booz ad colligendum spicas, sed puellis ad metendum: ideo cessauit Ruth dicere cætera, quæ intendebat. Tertio potest dici & melius. f. q̄ Ruth dixit oīa, quæ Booz ei retulit, & tamen scriptura nihil ponit nisi ea, quæ faciunt ad intērum suum. Intētum at scripturæ est hic enarrare illa, per q̄ habita fuit occasio ad tractum matrimonij inter Booz & Ruth: ista at verba, quæ Ruth retulit ipsi Noemi, f. quod dixerat ei Booz, q̄ biberet de ags ad farcinulas, & quod comederet panē tinctum aceto, nō erat aliqua occasio directa, nec indirecta ad matrimonium quod sequitur, ideo scriptura nō curauit illa enarrare, quamq̄ ista relatio facta fuerit. Quod at diceret Ruth ad Noemi, quod iusserat ei Booz, q̄ iungeretur messoribus eius vsq; ad p̄summationem messis, attinebat ad propositum. Nā Noemi respondit ei, quod non erat illud bonum, sed potius q̄ ipsa Ruth iungeretur puellis Booz, & iā non colligeret spicas, sed meteret cū puellis Booz, & ex isto obsequio, qd Ruth prestitit Booz, inclinaretur ipse magis ad eam, & sic haberetur via ad contractum matrimonij illius.

Intentio la  
træ scrip-  
turæ de  
Ruth.

Quomodo dixit Noemi ad Ruth, melius est ut cum puellis exeas ad metendum. *Quest. XVII.*

QVAERETVR vterius, quomodo dixit Noemi ad Ruth, melius est, vt cum puellis eius exeas ad metendum. Respondēdū est vno mō, quod Noemi secuta est hic custodiam honestatis Ruth. Dixerat autem Booz, quod Ruth iungeretur messoribus suis quousque finirentur Messes, & quia frequentatio ista cum viris non erat tam honesta sicut cum feminis, voluit Noemi, quod Ruth non iungeretur messoribus Booz, sed puellis eius, vt honestius se haberet. Secundō potest dici, & melius, quod hoc fuit ad magis fructificandum: nam si colligeret spicas Ruth quotidie vsque ad finem messis, non congregaret inde magnum fructum, & erat labor grauis. Vtilius erat ergo, quod labor, quem impendere debebat in colligendo spicas, impenderet in metendo, & magis de lucro consequeretur. Et quia Booz dixerat, quod iungeretur Ruth messoribus suis. f. ad colligendum spicas, di-

Responso  
1. ad quest.

Responso  
2. ad quest.



xit Noemi melius est, quod iungaris puellis ei<sup>9</sup> ad me-  
tendum. Tertiò potest dici, & adhuc melius, q<sup>uod</sup> Booz  
intendebat dare lucrum ipsi Ruth, Noemi at volebat  
quod Ruth impenderet obsequium ipsi Booz, & nò  
perciperet in presenti fructum, sed expectaret aliunde:  
Booz namq; viderat honestatem Ruth, & iusserat, q<sup>uod</sup>  
veniret semper in agrum suum ad colligendum spicas  
vsque ad consummationem messis: & dixerat messoribus,  
quod dimitterent, vel proicerent de manibus  
suis ex industria, vt posset Ruth colligere illos sine  
rubore. Et hoc modo peterat Ruth quotidie multum  
congregare de hordeo, & tritico: sicut prima die con-  
gregauerat quasi mensuram Ephì, vt patet supra in li-  
tera. Et per hoc beneficium quod intendebat impen-  
dere ipsi Ruth, nolebat recipere ab ea aliq<sup>uod</sup> obsequium,  
sed quod ipsa pro se laboraret, & colligeret. Noemi  
aut intendebat alium finem: nã postquam vidit quod  
prima die Booz tantum fauorẽ impenderat ipsi Ruth,  
& dilexerat eam, vidit modum ad hoc, quod posset ac-  
cipi Ruth ab eo in vxorem: & ob hoc dixit: propinquus  
noster est homo. s. quod iure propinquitatis poterat  
matrimonium legaliter copulari: quod fieri non pos-  
set si Booz negligeret ipsam Ruth: ideo viso bono de-  
siderio eius, voluit eum magis inuitare ad hoc obse-  
quium. & ad hoc noluit quod laboraret Ruth colligendo  
spicas, in quo sibi soli proderat, & a Booz beneficium  
recipiebat, sed quod obsequium impenderet Booz non  
recipiens ab eo mercedẽ, scilicet, quod adiuuaret puel-  
las eius ad metendum vsque ad finem messis hordea-  
reæ, & triticeæ: & sic factum est. Nam cum toto hoc  
tempore Ruth messuisset cum puellis Booz, & exple-  
ta messe, misit eã Noemi ad iacendum in area apud  
Booz, & tunc contractum est matrimonium, vt patet  
sequenti cap.

*Quomodo dixit hic Noemi: melius est, ut cum puellis eius exeas  
ad metendum, ne in alieno agro quis resistat tibi.  
Quæst. XIX.*

**Q**VAERETVR vltèrius, quomodo dixit hic  
Noemi: melius est, vt eum puellis eius exeas ad  
metendum, ne in alieno agro quis resistat tibi: nam da-  
to quod non iungeretur puellis Booz ad metendum,  
non resisteret ei quisquam in agro alieno, quia Booz  
dixerat ei, quod iungeretur messoribus eius vsque ad  
consummationem messis, & nò iret ad alienum agrum,  
& ibi colligeret spicas: & præceperat etiam messoribus,  
quod nullus molestus esset ipsi Ruth ad meten-  
dum, si vellent, vel ad colligendum spicas: ideo etiam  
si non iungeretur puellis Booz, nemo ei resisteret.  
Respondendum, quod Noemi noluit in hoc expugna-  
re totaliter sententiam Booz, sed quandam partem eius:  
nam dixit Booz, quod Ruth colligeret spicas semper  
post messoribus: & quantum ad hoc dixit Ruth Noemi:  
melius est vt cum puellis eius exeas ad metendum. Cũ  
autem addidit: ne quisquam in alieno agro resistat ti-  
bi, non ponitur tamquam reddituum causæ dicti præ-  
cedentis, sed ponitur quasi consecutiue. s. quod si mes-  
sueris cum puellis Booz, nullus resistet tibi in alieno  
agro, quia non eris ibi in agro alieno. Sed adhuc di-  
cet aliquis, quod etiam si esset in agro alieno nemo  
posset ei repugnare quin colligeret spicas, quia lege ca-  
uebatur, Deu. 24. quod permetteret quilibet colligere  
spicas remanentes ipsis viduis, aduenis, & pupillis, &  
Ruth erat vidua, & aduena, vnde non poterat prohi-  
beri. Dicendum, quod non poterat probibi Ruth  
in alieno agro spicas euadentes manus messorum col-  
ligere, prohiberetur tamen metere, & tamen in agro  
Booz non probiberetur metere, sed poterat metere  
cum puellis Booz: & sic potest intelligi, q<sup>uod</sup> prohibere

tur in agro alieno. s. metere, & non cum meteret in a-  
gro Booz. Alio modo potest dici, q<sup>uod</sup> intelligatur de col-  
lectione spicarum, s. quod meteret in agro Booz, ne si  
forte iret ad colligendum spicas in agrum alienum, pro-  
hiberetur per impietatem domini agri. Et cum dici-  
tur, quod non poterat aliquis Israelita prohibere vi-  
duas in agro colligere spicas. Dicendum quod verum  
erat de iure, & tamen de facto poterat prohibere: &  
Ruth non posset resistere domino agri prohibenti de  
facto: ideo vt non pateretur hunc ruborem, melius  
erat, vt coniungeretur puellis Booz ad metendum: &  
sic factum est.

*Aliarespo-  
sio.*

### CAPITVLVM. III.



**P**OSTQVAM autem  
reuerſa est ad ſocrũ ſuã,  
audiuit ab ea: Filia mi,  
quæram tibi requiem, &  
prouidebo, vt bene ſit ti-  
bi. Booz iſte cuius puel-  
lis in agro iuncta es, propinquus noſter eſt:  
& hac nocte aream hordei ventilat. Laua  
re igitur, & vngere, & induere cultioribus  
veſtimentis, & deſcende in area. Non te  
videat homo, donec eſum potumq; finie-  
rit. Quando autem ierit ad dormiendum,  
nota locum, in quo dormiat. Veniesque, &  
diſcooperies pallium, quo operitur a parte  
pedum, & proicies te, & ibi iacebis. Ip-  
ſe autem dicet tibi, quid agere debeas. Quæ  
reſpondit: Quidquid præceperis faciam.  
Deſcenditque in aream, & fecit omnia,  
quæ ſibi imperauerat ſocrus. Cunque come-  
diſſet Booz & bibiſſet, & factus eſſet hila-  
rior, iſſetque ad dormiendum iuxta aceruũ  
manipulorum, venit abſconditè, & di-  
ſcooperto a pedibus eius pallio ſe proiecit.

*Postquam autem.* In præcedentibus dicto de Ruth  
conuerſatione, hic agitur de eius legali conuentione.  
Fuit autem iſta legalis conuentione, quod inter Booz &  
Ruth actum eſt de modo, quo ex neceſſitate legis ip-  
ſa accipienda erat in vxorem a Booz. Et diuiditur in  
tria, quia primò ponitur Noemi conſultatio. Secun-  
dò Ruth obtemperatio ibi. *Quæ reſpondit.* Tertiò Booz  
rationabilis reſponſio ibi. Et ecce nocte.

*An hic ſit ordinis mutatio, & an hæc ſint immediatè facta poſt  
præcedentia. Quæſt. I.*

**Q**VAERETVR circa primum, an ea, quæ ha-  
bentur hic, habeant ordinem continuatum  
ad præcedentia: & an ſint immediatè poſt illa facta,  
vel interiecto aliquanto tempore. Ad primum dice-  
dum, q<sup>uod</sup> eſt ordo continuus, quia præced. ca. actum eſt  
de his, quæ fecit Ruth incipiens ire ad colligendum ſpi-  
cas ad agrum Booz: hic agitur de illis, q<sup>uod</sup> ſecuta ſunt ex  
pleta meſſe. Etia q<sup>uod</sup> ſupra ponit tps, quo Ruth nodum  
Booz



Booz cognouerat, hic autem ponitur tempus, quo cū ipso de contractu matrimoniali agebat, ideo necesse est, quod illud fuerit ante istud. Item patet ex ordine literæ, quia dicitur hic: postquam autem reuersa est ad focum suum: & tamen præcedenti capitulo dicitur de collectione spicarum, quam faciebat Ruth in agro Booz antequam rediret ad focum suum. Ad secundum dicendum, quod inter istud & præcedentia ferè nullum tempus intercidit, vel valde modicum: nam præcedenti capitulo, dictum est de toto tempore, quo durauit messis Booz, quod Ruth messuit in agris Booz cum puellis eius, donec triticum, & omnia hordea in horreis conderentur: hic autem dicitur de quadam nocte, qua ventilabat Booz aream panis, in qua facta sunt omnia, quæ habentur hic: ventilatio tamen in area non poterat esse magno tempore post finitam messem: ergo istud pauco tempore fuit post præcedentia. Circa primum dicitur: *Postquam autem reuersa est ad focum suum.* Fuit ista reuersio de agro de collectione spicarum, & est illa reuersio de qua habetur præced. cap. nam vna die solū iuit Ruth ad colligendum spicas, & illa die ostendit ei Booz magnum fauorem, vt patet præc. ca. & tunc dixit illi ea, quæ habentur ibi, & illa, quæ habentur hic, vt quidam volunt. Sed istud falsum est, quia non iuit Ruth ad petendum ea, quæ hñr hic immediate post primam diem, quæ ad colligendum spicas in agrum eius iuit: nam post hoc iuit ad metendum cum puellis Booz ipsa Ruth, & messuit cum eis vsquequo omnia hordea, & triticum meterentur, & adhuc nihil petiuerat. Dicendum ergo, quod ista reuersio est, quam habuit Ruth post collectionem omnium hordeorum, & tritici. Et est intelligendum, quod fortè toto tempore, quo Ruth metebat cum puellis Booz non reuersa est ad domum Noemi socris suæ, vt si fortè meteret hordeum, & triticum in ruribus, vel locis aliquibus distantibus à Bethlehem in quibus Booz haberet possessiones, & completa messe redijt Ruth ad focum suum, & tunc dixit ei Noemi omnia, quæ hñr hic. Et patet hoc ex verbis, quæ habentur infra, nam dicitur: Booz iste cuius puellis in agro iuncta es propinquus noster est: iam ergo iuncta fuerat Ruth puellis Booz in agro, quoniam fuerunt ista: & tamen ista coniunctio fuit, quoniam iuit ad metendum cum puellis Booz, sicut dixerat ei Noemi præc. ca. scilicet melius est, vt exeas cum puellis eius ad metendum: & iterum: iuncta est igitur puellis Booz, & tamdiu cum eis messuit. *Audiuit ab ea.* Scilicet ista verba, quæ sequuntur. *Filia mea quæram tibi requiem.* Habebat Noemi intentionem querendi virum ipsi Ruth, quia non erat honestum, vt esset sine viro. Et dixit. *Quæram tibi requiem.* Scilicet, nunc es in laboribus, & angustiis querendo cibum, & non habes adhuc ad sufficientiam, volo ergo tibi querere virum, in cuius domo habebas requiem, & non indigeas aliqua re istarum. Et hoc potissimè dicebat, quia Booz erat vir diues, cui intendebat eam copulare Noemi, & ibi non indigeret aliquo. Vel dicebatur ei querere requiem: nam requies est cessante motu, cum autem quis est in motu, nullam habet requiem, & quia quamdiu quis nodum habet finem, quem intendit, nodum cessat à motu nondum habet quietem, & quia puella, quæ non habet virum, non habet finem suum, non debet habere requiem: & sic erat de Ruth, quæ erat in ætate puellari, in qua non erat honeste, sine viro: & tamen nondum habebat virum, ideo nodum habebat requiem: sic enim dixit Noemi duabus nubi- bus suis, supra 1. cap. scilicet det vobis dominus inuenire requiem in domibus virorum, quos sortituri estis. *Et prouidebo, vt bene sit tibi.* Scilicet, quantum ad honestatem, & necessitatem: ad honestatem quidem, quia Ruth erat puella, & puellæ in ætate nubili non stant conuenienter magno tempore sine viris, quia præstatur occasio in-

Alph. Toft. super lib. Ruth

famiae, & suspitioni. Quam ad necessitatem etiam, quia Ruth non habebat necessaria ad victum sine magno labore corporis, & sic fortè sufficienter non haberet: vt ergo haberet omnia necessaria, oportuit, quod traderetur viro, qui ei necessaria tribueret. Et dixit prouidebo tibi, scilicet, quia ipsa Noemi procurabat contractum matrimonij nesciente adhuc aliquid Ruth. *Booz iste cuius puellis in agro iuncta es.* Hic vult innuere Noemi, quod principium ad contractum matrimonij esset per cognationem, scilicet, quod iure cognationis deberet Booz accipere Ruth in uxorem. Et dicitur cuius puellis in agro iuncta es, scilicet ad metendum: nam cum prima die collegisset Ruth spicas in agro Booz, dixit ei Booz, quod semper colligeret ibi spicas, & non declinaret ad alios agros: Noemi autem dixit melius est, vt exeas cum puellis eius ad metendum. Et dicitur, quod iuncta fuit eis, & messuit cum illis vsquequo omnia hordea, & triticum meterentur. *Propinquus noster est.* Istud dixit, quia matrimonium inter Ruth & Booz non poterat contrahi alio modo: nam si non esset obligatio aliqua ipsius Booz ad accipiendum Ruth in uxorem, non videbatur esse verisimile, quod alio modo acciperet illam, cum illa esset pauper, & aduena. Et dixit. *Propinquus noster est.* Scilicet virorum nostrorum: nam ad eas non habebat aliquam cognationem, sed ad viros earum: nam Elimelech fuit vir Noemi, cuius cognatus fuit Booz præcedenti capitulo, & quia Mahalon maritus Ruth fuit filius Elimelech, necesse erat, quod Booz esset cognatus Mahalon viri Ruth, & sic dicebatur cognatus earum: & istud fuit exordium ad loquendum in ista materia: nam quando ipsa Ruth locuta est ad Booz, quod eam acciperet in matrimonium dixit: *expandè pallium tuum super famulam tuam, quia propinquus es.* *Et in hac nocte aream hordei ventilat.* Scilicet, in die præcedente noctem illam. Nam quando locuta est Noemi ad Ruth de hoc, erat fortè vespera, ideo dixit in hac nocte aream ventilat. Vel fortè dixit de nocte, quia venti erant necessarij ad ventilandum, & fortè in nocte illa magis flabant venti per noctem, quam per diem. *Lauare igitur, & ungere.* Scilicet: laua totum corpus tuum, & unge illud oleo: nam saltem capita ungebant: & fortè mulieres ungebant alias partes corporis. *Et induere cultioribus vestimentis.* Id est, accipe vestimenta preciosiora, & maioris apparatus, quam nunc habes, quia Ruth erat nunc induta quotidiana veste, qua utebatur ad laborandum in agro: nunc autem voluit Noemi, quod indueret Ruth vestibus maioris precij, vt formosior appareret. Et vocantur cultiores, id est honorabiliores à verbo colo, quod est amare, honorare, ornare: & sic vocatur cultus vestis, quia vestis quæcunq; sit, ornat hominem magis, quam si homo nudus sit. Et sic dicitur Exo. 33. Nullus indutus est ex more cultu suo, & luxerunt. scilicet omnes Israelitæ lugebant, quoniam Deus comminatus est eis penam pro vituli fabricatiōe: & ob hoc nullus indutus est cultu suo. id est veste sua honorabiliter in signum tristitiæ. *Et descende in aream.* Erat nunc Ruth in domo socris suæ Noemi, & area erat extra urbem. Et dixit ei, quod descenderet in aream ad hoc, quod loqueretur, & faceret ea, quæ sequuntur in litera. *Non te videat homo.* Aliqui intelligunt sic: non te videat homo. id est nullus te videat. Alio modo non te videat homo. id est Booz, & iste est sensus verus. Quod patet, quia dicitur donec potum, esumque finierit: & necesse erat intelligi de aliquo viro specialiter. scilicet de Booz. *Donec esum, potumque finierit.* id est donec finierit cenam, quam splendide faciebat in area. *Quando ierit ad dormiendum, nota locum, in quo dormiat.* Ruth debebat ire ad arcem, antequam cenaret Booz: & tamen non debebat apparere coram eo, quousque cenaret, & postea ipsa debebat respicere locum, in quo Booz dormiret, & ipsa ad pedes eius cubaret.

Veniesq;



*Veniesq; & discooperies pallium, quo operitur à parte pedum.* Cum ià dormiret Booz graui sopores de bebat Ruth ire ad pedes lecti eius, & discooperire partem pedum complicando pallium, quo opertus erat Booz. Et vocatur hic pallium stramenta ipsa lecti nomine generali: & iussit, quòd discooperiret partem pedum, quia honestius erat, quòd illam partem discooperiret, quàm superiorem: nam erat quædam humilitas. *Et proicies te, & ibi iacebis.* Scilicet, proicies te ad pedes Booz dormientis, & iacebis ibi quousque ipse euigilet, vel sentiat te. *Ipsè autem dicet tibi quid agere debeas.* Id est, facies omnia, quæ ille iusserit, & ipse indicabit tibi quid agere debeas.

*Quid est quod facere nunc intendebat Noemi circa Ruth.*

*Questio II.*

**Q**VAERETVR circa prædicta, quid est, quod intendebat facere nunc Noemi circa Ruth. Respondendum, quòd Noemi habebat secum Ruth, quæ venerat cum ea de terra Moab, & erat nimis sollicita circa eam, vt quæreretur ei statum conuenientem: nam Ruth exposuerat se nimis pro Noemi dimittens patriam, & parentes pro ea: iustumque erat, vt toto conatu Noemi prouideret ei. Et quia puella erat, voluit ei quærere virum, in quo acquirebat honestatem status, & necessariorum succursum, quæ à viro reciperet, & putauit nullum magis cōuenire ad hoc, quàm Booz, qui erat vir potens, & magnarum opum, vt patet præcedenti capitulo, & putauit Noemi, quòd hoc posset concludi propter duo. Primò, quia Booz videns Ruth dilexerat eam nimis propter virtutes eius, ostenditque ei magnum fauorem præcedenti capitulo, & facile erat ex hac parte inclinari eum ad accipiendam illam in vxorem. Secundum erat propter propinquitatē: nam obligatio legalis erat ad hoc, & istud erat potissimum, p quod Ruth exorsa est negotium, & hoc præsupposito quærebat modum, quo procuraretur iste contractus matrimonij, & tunc expectauit diem, quo ventilabatur area. Nam illa die erat opus Booz ad faciendum contractum matrimonij, potius, quàm alijs diebus, vt declarabitur sequenti quæstione: & misit illuc Ruth indutam vestibus pulchris, vt sic procuraret negotium.

*Quare potius die ventilationis area factum est hoc, quàm alijs diebus.* *Questio III.*

**Q**VAERETVR vterius, quare potius die ventilationis area factum est hoc, quàm alijs diebus. Et pro hoc primò considerandum est quid erat ista ventilatio area, ita vt dormiret Booz in area. Dicunt quidam Hebræi, quòd in die ventilationis area erat consuetudo apud antiquos, quòd facerent solennem coenam, & abundantem, & sic Booz fecit illam solenniter, & dormiuit in area. Alij dicunt, vt Rabbi Salomon, quòd Booz dormiebat in area tempore illo, eo quòd multi latrones erant in terra, & volebat custodire hordeum purgatum, & vt in præsentia sua pueri melius custodirent, voluit ipse quoque dormire in area. Dicendum, quòd vtrumque potest stare: nam fortè erant aliqua bella Israelitarum tunc cum Philisthinis, vel cum alijs gentibus vicinis, & aliqui latrunculi de illis gentibus veniebant per noctem ad rapiendum aliquid de areis, si non essent ibi custodes: sic enim Philisthini diripuerunt tempore Dauid areas vrbs Ceila, vt patet primo Regum vigesimotertio, scilicet: Ecce Philisthini oppugnant Ceilam, & diripiunt areas.

**F** Verisimilior tamen est positio prima: nam consuetudo erat apud antiquos in expletionibus operum facere aliquas solennes epulas, scilicet, in fine messis, & vindemiarum: & tamen ventilatio area erat finis hordeaceæ messis: ideo faceret Booz solennitatem aliquam tunc: hoc patet per Aristot. 8. Ethicorum, cum dicit, quòd homines in autumno expletis messibus, faciebant sacrificia, & conuiuia, & sibi quietem assūmebāt. Secundò patet, quia in litera dicitur, quòd Noemi dixit, quòd ventilabat Booz illa nocte aream, & sic aliquid speciale erat in ventilatione area, quia alias non nominasset Noemi magis ventilationem area, quàm aliquem alium diem: & tamen dixit hac nocte aream hordei ventilat, ergo aliquam specialem opportunitatem sensit ad negotium istud ex ventilatione area: istud autem non esset, nisi aliquid extraordinarium esset in die illa ventilationis area: & sic colligitur, quòd tunc erant solenniores epulæ, quàm alijs diebus. Tertiò patet, quia dixit Noemi ad Ruth non te videat homo, donec esum & potū finierit: ergo videtur, q potus, & cibus illius diei erat aliquid speciale ad immutandum ipsum Booz ad opus istud, alioquin non diceretur specialiter de esu, & potu eius.

*Cur potius Noemi voluit, quòd Ruth inciperet negotium hoc die, quo ventilabatur area, quàm alio die.*

*Questio IIII.*

**H** **Q**VAERETVR vterius, cur potius Noemi voluit, q Ruth inciperet negotiū istud die, quo ventilabatur area, quàm alia die. Dicendum, quòd hoc fuit, q Noemi vidit, q illa die essent multæ opportunitates ad faciendum hoc, q non essent alijs diebus. Prima erat, quia ad hoc, q fieret istud, debebat Ruth cubare ad pedes Booz discooperiendo eos, & tamē non poterat hoc facere, nisi in die ventilationis, quia alijs diebus dormiebat Booz in domo sua in Bethlehem, & non poterat accedere Ruth ad eum dormientem per noctem, cum non posset ingredi domum: nunc verò erat Booz in area dormiens semotus à reliquis: ad quē poterat promptè accedere Ruth, & loqui, & facere qd quid vellet, ideo hac die factum est. Secundum erat, quia die ventilationis area fecerat Booz solennes epulas, & biberat abundanter non quidem ad ebrietatem, sed ad iucunditatem, quæ est media inter sobrietatem, & ebrietatem, & est via ad ebrietatem, & qñ homines sic sunt dispositi, facilius inclinātur ad venerea, ideo poterat tunc Ruth inducere Booz ad contrahendum secum præ hilaritate vini, & quodam stimulo carnis causato ex vino: nam venter æstuans facile despumat in libidinem: alijs autem diebus non faciebat Booz tales epulas, nec bibebat ad iucunditatem, sed ad sobrietatem, ideo non moueretur ita faciliter ad contrahendum, & consummandum matrimonium, sicut tunc: putauit ergo Noemi diem ventilationis area conuenientiore esse ad istud opus, quàm alios dies.

*Quare Noemi dicebat ista, quæ habentur hic ipsi Ruth, & quid intendebat, quòd faceret Ruth.*

*Questio V.*

**Q**VAERETVR vterius, quare Noemi dicebat ista, quæ habentur hic ipsi Ruth, & quid intendebat, quòd faceret Ruth. Respondendum, quòd Noemi erat experta nimis circa virorum inclinationem, & desideria, & voluit per modum amoris venerei inducere Booz ad contrahendum cum Ruth, nam putauit, quòd si Booz inflammaretur semel in concupiscentiā Ruth conspecta illa, & cognosceret eā carnaliter, q teneret eā semp in vxorem, qā erat vir bonus,

&



& non repudiaret eam; nec desisteret à veritate promissionis sue: & ad hoc instruxit Noemi ipsam Ruth, quòd quando Booz dormiret accederet ad pedes lecti eius: & discoopiret pedes, & cubaret sub pallio Booz, & tunc Booz cognosceret mulierem ibi iacere, & quia ipse erat calefactus vino, & aliquantulum factus hilaris, motaque erat materia venerea præ calore inflammaretur illico nimium tacta carne mulieris, & desideraret cognoscere illam, & tunc Ruth non concederet ipsi Booz, quòd cognosceret eam quousque acciperet illam in vxorem, & sic faciliter matrimonium efficeretur, & ad hoc volebat Noemi, quòd Ruth prouocaret ipsum Booz, scilicet, iacendo ad pedes eius, & tangendo carnem illius, & postea quando Booz sentiret ibi adesse mulierem, & agnosceret illam, diceretque quid vis? diceret Ruth: extende pallium tuum super famulam tuam, quia propinquus es, scilicet, accipe me intra lectum tuum in confortem tori ad procreationem prolis, quia propinquus es, idest iure propinquitatis teneris ad hoc: & tunc credidit Noemi quòd Booz diceret, cuba filia mea apud me, quia non putauit, quòd vir inflammatus calore venereo ex vino tacta carne mulieris non rueret illico in amplexus eius, & ob hoc dixit, ipse autem dicet tibi quid agere debeas, scilicet, certissime ipse mandabit tibi, quòd cubes apud eum, & tu facies quod ipse iusserit: nam hoc desiderabat Noemi, quòd Booz veller cognoscere Ruth affectu maritali.

*Quare dixit Noemi ad Ruth, lauare, & ungere.*

*Questio VII.*

**Q**VAERETVR vltius, quare dixit Noemi ad Ruth: lauare, & ungere. Respondendum, quòd Noemi volebat, quòd Booz acciperet Ruth in vxorem illa nocte. Et primum motiuum ad accipiendum tunc esse volebat ex amore venereo: & quia ad istum multa stimulant, voluit adhibere Noemi circa Ruth omnia hæc, per quæ ipsa poterat allicere Booz in amorem suum, & ad hoc fecit eam vngi oleo, & lauari. Nam præcedentibus diebus erat Ruth assueta labori rustico metendo in agris cum puellis Booz, & non ornabat vultum suum, sed potius operiebat, & in compositum relinquebat, nè vreretur calore æstiuo, & sic cum apparatus eius esset rudis, non poterat multum allicere: nunc autem voluit Noemi, quòd lauaret non solum faciem suam, sed etiam totum corpus: faciem autem, vt appareret nitidior, totum autem corpus, vt tenerior sentiretur: nam volebat Noemi, quòd Ruth proijceret se ad pedes Booz discooperiendo illos, & operiret se parre pallij Booz, & sic tangeret illius carnem, & sentiret eam nimis teneram, & mollem, & sic esset maius incentiuum. Eriam, quia si Booz cognosceret illam, non inueniret eam olentem, & hispida, vt odisset eam post concubitum, nec veller postea eam retinere: iussit autem, quòd vngeret se oleo, quia consuetudo erat, quòd se vngerent mulieres, sicut patet de Bethsabee, quam vidit Dauid in solario domus suæ lauante se, & vngentem, 2. Reg. 11. & proficiebat ista vnctio, sicut lotio: nam oleum cum sit pingue, & nitens facit rem nitidam: unde facies oleo vncta nitens redditur: & sic cum videret Booz vultum Ruth solito fulgentiorem, inflammaretur in concupiscentiam illius. Eriam proficiebat vnctio reliquarum partium corporis, quia teneriores efficiuntur, & sic cum subito per noctem tangeret Booz carnem Ruth, & tam teneram sentiret illam, æstuarer incendijs venereis, & esset etiam quoddam amoris retinaculum, scilicet, vt si cognosceret eam, non odisset, sed retineret semper flammam eius, quia inuenisset obiectum delectabile.

*Alph. Toft. super lib. Ruth*

*Ad quid dixit Noemi, quòd indueretur Ruth vestimentis cultioribus. Quest. VII.*

**Q**VAERETVR vltius, ad quid dixit Noemi, quòd indueretur Ruth vestimentis cultioribus, idest maioris ornatus. Respondendum, quòd Ruth omnibus istis diebus utebatur vestibus grossis, & rudibus quales esse decebat pro labore rustico in agro, voluit ergo Noemi, quòd indueretur Ruth alijs vestimentis maioris precij. Et causa istius fuit, sicut in precedentibus de vnctione, & lotione: nam ad libidinem mouetur homo ab intra, quia habet ignem venereum clausum medullis. Mouetur etiam ab extra apprehenso obiecto. Est autem obiectum delectabile, quod ad venerem allicit: illa autem delectatio mouet sub ratione pulchritudinis, quia quod pulchrum nobis videtur, indicatur delectabile, sicut ergo ipse ornatus facile in se mouet sub ratione pulchri, ita & vestes: nam vestes debito modo adaptatæ corpori fulgorem suum corpori accomodant, ita vt iam fulgor, & pulchritudo non censeatur esse vestium, sed corporis induti, & sic magna vis immutandi est ex apparatu vestium, & similium ornamentorum. Sed dicet aliquis, quòd iste ornatus vestium non conueniebat in presenti ipsi Ruth ad incitandum Booz in amorem, sed magis impediabat, quia cum videret Booz mutatam Ruth à solito habitu, & modo, putaret, quòd causa fallendi ad aliquem finem specialem fuisset hoc factum, & inciperet eam odisse. Dicendum, quòd non putaret Booz istum ornatum insolitum esse ad aliquid mali procurandum: & hoc propter duo. Primo, quia habebat occasionem Ruth illa die ad se ornandum magis, quàm præcedentibus diebus: nam erat festum die illa, quia vt declaratum est supra in quadam questione in die, qua ventilabatur area erat magna iucunditas, & solennitas in cibis, & potibus, & ob hoc honestum erat, quòd ad istam solennitatem decorandam magis solito se ornaret Ruth. Secundum, & efficacius erat, quia Booz non poterat videre Ruth eo tempore, quo posset iudicare istum ornatum esse ad fallendum: nam dixit Noemi, quòd non appareret Ruth in conspectu Booz antequam finiret coenam, scilicet, non te videat homo donec esum potumque finierit. Ante esum, & potum poterat iudicare de hoc: nam consideraret, cur notuitatem hodie introduxisset Ruth, & potuisset aliquid inhonestum cogitare. Postquam autem bibisset, & comedisset esset iucundus factus ex vino, quod abundanter bibisset, & tunc non posset circa hoc advertere, sed solum moueretur à bono sensibili concupiscendo illud: multum ergo proderat ornatus insolitus vestium.

*Ad quid proficiebant omnia, quæ dicebat hic Noemi ipsi Ruth facere. Questio VIII.*

**Q**VAERETVR vltius, ad quid proficiebant omnia, quæ dicebat hic Noemi ipsi Ruth facere, scilicet, lauare, vngere, induere vestibus cultioribus, cum ista non imutent, nisi per visum: & Booz non erat visus ipsam Ruth, cum dixisset Noemi, non te videat homo. Respondendum est, quòd secus est de lotione, & vnctione, quàm de vestibus: nam vnctio, & lotio profuerunt, vel immutant dupliciter. Primo modo per visum: secundo modo per tactum. De visu autem manifestum est. De tactu patet, quia Noemi iusserat ipsi Ruth, quod cubaret ad pedes Booz discooperiendo illos, & sic caro Ruth tangeret carnem Booz: in tactu autem sentitur tenerum, vel durum, & tenerum est delectabile tactui, & cum per noctem Booz sentiret carnem Ruth teneram, magis æstuarer

*li 2 in*





in ea, quam si esset caro hispida, & immunda sudoribus caustis estivo calore metendo in agro. Proficiebat ergo vinctio ad teneritudinem, & lotio ad teneritudinem, & ad munditiam corporis, & ista proficiebant ad hoc, quod inflammaretur Booz in Ruth, & etiam si cognosceret illam, quod maneret ei flammam, & amoris retinaculum propter bonam dispositionem obiecti delectabilis, quam inuenisset: quamquam ergo vinctio, & lotio non immutaret quantum ad visum, satis erat, quod immutaret quantum ad tactum. De vestibus autem secus est, quod solum proficiebant ad immutationem in visu. Dicendum ergo, quod et vestes profuerunt, quia Booz vidit Ruth indutam vestibus preciosis. Cum autem dicitur, quod non debebat eam videre homo. scilicet Booz: dicendum, quod non prohibuit totaliter Noemi, quod non videret eam Booz, sed quod non videret eam antequam esum, & potum finiret: ratio huius erat, quia si Ruth videret indutam in illo modo Booz, quamquam posset putare, quod faciebat propter honestam causam. scilicet propter solennitatem conuiuii, quod faciebat Booz die illa venerationis aree: quia tamen homines proniores sunt ad presumendum malum, quam bonum: forte conciperet aliquod malum de ipsa Ruth. Causa autem quare homines sunt naturaliter inclinati potius ad iudicandum malum de alijs, quam bonum in rebus dubijs est duplex. Prima est ex parte iudicantis, quia ipsemet iudicans, prius est ad cadendum, & ad actum virtutis est difficilis: nam potest homo malum facere sine difficultate aliqua, nec indiget auxilio diuino ad illud: bonum tamen facere non potest, nisi a Deo adiutus, ut patet Ioa. 1. 5. scilicet sine me nihil potestis facere: magis ergo inclinatur homo ad id, quod de se sine adiutorio alterius facere potest, quam ad id, quod non potest facere, nisi cum aliqua difficultate. scilicet cum Dei adiutorio. Secunda causa est ex parte eius, contra quem presumitur, quia videmus, quod quilibet homo in se facile habet, quod in malum inclinatur, sicut in nobis experimur: & facere bonum est difficile, sicut dixit Apostolus ad Rom. 7. ideo potius iudicamus facere ad malum, quam ad bonum. Item causae inclinationis ad malum in nobis multae sunt. scilicet passionales affectus: nulla autem causa ad bonum incitativa in nobis est, sed potius contraria bono, cum dixit Apostolus reperio aliam legem in membris meis repugnantem legi mentis meae, & captiuam me in lege peccati, ad Rom. 7. Ideo in dubijs magis praesumimus pro eo cuius habemus causam, quam pro illo cuius non est causa naturaliter in nobis. Etiam moueri ad malum est delectabile, quia id, in quo peccamus, est delectabile nobis: actus autem virtutis sunt difficiles: iucundum est autem moueri in delectabile, & triste est moueri in difficile: fugit autem homo naturaliter ea, quae in tristitia sunt, & mouetur in delectabile, ideo potius praesumimus, quod aliquis moueat ad malum in casu dubio, quam ad bonum. Nunc ergo sic dicendum est in Booz, quod moueretur facilius in aliquod malum de Ruth propter istam nouitatem habitus, quam ad bonum: & ad hoc erant multa adminicula. scilicet quod Ruth erat puella satis tenera, & pulchra, & non habebat virum, nec habuerat iam ex multo tempore, ideo verisimile erat, quod moueretur nunc in amorem venereum, & ob hoc ornaretur insolite, quia ista est conditio amantium. scilicet quod pulchrae apperere velint, & poterat suspicari Booz, quod aliquem iuuenem diligebat Ruth, & amore eius ornabatur: & si hoc perciperet, haberet eam exotam. Vel forte putaret, quod ornabatur, ut deciperet eum, & moueret ad amorem suum: & tunc haberet eam suspectam. Sed illud minus intelligeret Booz, quam primum, quia cum Ruth esset puella, putaret, quod diligebat iuuenes, & non ipsum, qui erat senex: sic patet ex verbis Booz quando dixit Ruth extende pallium tuum super famulam tuam, quia propinquus es: respondit benedicta es a domino, quia non lecuta es iuuenes pauperes, aut diuites:

quasi dicat, verisimile erat, quod tu magis sequereris iuuenes, quam me senem, & tamen voluisti me senem, ideo benedicta sis a domino: non ergo expediuit, quod Booz videret Ruth antequam finiret esum, & potum, ne suspicaret aliquid praedictorum: & ob hoc districte inhibuit Noemi ipsi Ruth, dicens: non te videat homo antequam esum potumque finiret: vidit tamen eam postea, & sic profuit ornatus eius.

Quomodo poterat prodesse ad intentionem Ruth, quod videret eam Booz post esum, & potum.

Quaestio I X.

QV A E R E T V R. ulterius, quomodo poterat prodesse ad intentionem Ruth, quod videret eam Booz post esum, & potum: nam iusserat Noemi, quod non videret eam Booz usquequo finiret potum, & cibum, si ne posset aliquid suspicari contra illam propter ornatum insolitum, & post potum non posset suspicari aliquid praeturbatione vini, ideo etiam tunc non prodesset aliquid, quod videret eam ornata, quia de hoc nihil iudicaret praeter calore vini. Dicendum, quod dantur tres habitus in homine bibente vinum. scilicet sobrietas, iucunditas, ebrietas. Sobrietas est, quando modicum de vino bibitur, ita quod non perturbet aliquis actus intellectus in nobis, nec aliarum potentiarum, sed possit perfecte homo discernere, ac si non bibisset vinum, vel quasi ita perfecte: iucunditas est, quando vinum bibitur aliquantulum supra mensuram, & tamen non nimis, & tunc eleuatur aliquantulum sanguis praeter calore vini, & fit iucunditas, quia iucunditas est cum bonus sanguis recurrit ad cor, & tunc impeditur homo aliquantulum in actibus suis, quia ascendunt fumi a stomacho ad caput, & perturbatur cerebrum, & quia intelligere nostrum fit per contemplationem phantasmatum, iuxta Aristot. 3. de Anima: oportet intelligentem phantasmata speculari: non potest intellectus discernere conuenienter illo tempore: & sic postquam esset factus Booz hilarior ex vino, non posset cogitare ad quid Ruth ornata fuisset magis solito, quia discutere talia pertinet ad intellectum pacatum, & bene dispositum: & tamen in tali hilaritate vini non penitus confopitur intellectus, & grauantur sensus, & tunc iacent corda sepulta mero, ut ait Ouidius. Et verum est, quod si fuisset Booz omnino ebrius, quando videret Ruth ornata modo insolito, nihil iudicaret bonum, aut malum de illo ornata, nec moueretur in concupiscentiam eius, quia non cognosceret eam propter omnimodam grauationem sensuum. Erat tamen Booz non ebrius, sed hilaris, quod pertinebat ad mediam dispositionem, & sic non poterat discernere causam ornatus ipsius Ruth: cognosceret tamen illam pulchram esse, & moueretur ex pulchritudine eius ad concupiscentiam, cum non esset ablata omnis cognitio eius, & erat illud tempus aptissimum ad inclinandum se in illam, quia tunc maxime concitatur passio venerea, quia adiuuatur ex multis, scilicet, ex motu interiori, quia concitatur pruritus materis venereae propter calorem vini. Etiam, quia ibi est defectus perfectae cognitionis, scilicet, quod non potest homo iudicare malum esse, quod passio dicat, quia maior est impetus passionis, quam rationis resistentis. Vigor enim erat motus ab extra, scilicet, ex apprehensione pulchritudinis, & sic fuit nimis cauta Noemi, quia elegit mediam habitudinem in Booz, in qua poterat moueri ex pulchritudine, & ornata. Istud consilium ponit Ouidius in fine secundi libri de Remedio amoris, scilicet, quod si aliquis vult vitare incendia libidinis, non debet mediocriter bibere, sed aut valde modicum, aut valde multum: nam si valde modicum, aut nihil non mouebitur calor venereus, quia ut ait Terentius in Eunuchis, sine Cerere, & Bacco, aegrescit Venus.

Duplex causa quare homines sunt naturaliter inclinati potius ad iudicandum malum de alijs, quam bonum.

Causae inclinationis ad malum in nobis multae sunt, ad bonum vero nulla in nobis est.

Conditio amantium.

Tres in homine bibente vinum habitus dantur.

Intelligere nostrum fit per phantasmata.

Ex multis adiuuatur passio venerea.



Si autem valde multum sumatur cōsopiantur omnes sensus, & grauantur, reddenturq; in soporem, & nō fit motus aliquis ad venerem: ideo dicit Ouid. ibid. quod iacent corda sepulta mero. Ratio aut naturalis hęc est, quia materia seminalis venerea est humida, & liquida, & à frigore congelatur: ideo nō causatur pruritus aliquis in ea ad effusionē, & ob hoc si quis semper comedat res frigidas, extinguitur, vel temperatur in eo libidinis scintillatio: frigida tñ vitam extinguūt, cū autē fuerit calor in corpore, inflammatur materia illa, & fit motus quidam in ea, & tunc causatur pruritus quidam membrorū, siue desideriu ad effusionē: quod satis experitur homo postq̃ biberit vinū in aliquali quātitate, vel comederit alias res calidas virtualiter: nam motus fit in vasis seminarijs. Et quia qñ vinum sumitur aliquāliter supra mensurā, ita vt efficiatur hō hilaris insurgit calor notabilior, q̃ consuevit, qñ ad sobrietatē solū bibitur: sentit homo tunc in seipso calorem quendam venereum insurgentē, q̃ aliās non surgebat, vel non erat tantus: si autem vinum bibatur in valde magna quantitate, ita vt cōsopiantur oēs sensus, & grauetur, tunc non fit motus venereus: & causa est, quia dato, q̃ fieret aliq̃ motus, non sentiretur, eo q̃ oēs sensus sunt cōsopiti, & actus intellectus tunc nullus est propter omnimodā perturbationē phantasiæ. Alia causa est, quia non solam non sentitur motus, sed etiam non fit, quia cū multam de vino sumatur supra modum, cū vinum sit formaliter humidū calor stomachi, nō praeualet digerere sufficienter tantam humiditatem, ideo ipsemet calor cōsopitur, & non mouet materiam seminalem. Quod apparet, quia ebrii nimis, dato quod modicum comedant, non digerunt sufficienter illud, scilicet, quia calor digestiu⁹ extinguitur, vel suffocatur appposito multo vino, sicut ignis in lampade suffocatur appposito multo oleo: si ergo ille calor, qui est in stomacho, & calor epatis, qui est ad vnum latus, & calor cordis ad alterum latus non sufficiunt digerere cibum existentem in stomacho, minus poterunt mouere materiam seminalem, quia natura dirigit calorem, qui ē instrumentum suum ad id quod est magis necessarium ad cōseruationem indiuidui, & quia nihil est magis necessarium, q̃ conueniens, & sufficiens digestio, principaliter calor stomachi, cordis, & epatis sunt ad digestionem: deinde iste calor est ad alios effectus minus necessarios indiuiduo. scilicet ad mouendum materiā seminalem, q̃ dirigitur ad generationē. Et ex hoc sequitur quod multi experiuntur. scilicet ebrii nimis, dato q̃ vellēt coire non possunt: causa huius est, q̃ ad coitū requiruntur duo principaliter. scilicet calor, & spiritus. Calor requiritur ad mouendū materiā seminalem, vt defluat de seminarijs vasis. Spiritus requiritur ad inflandū venas, p̃ quas debet defluere humor venereus, & ad erigendū virgam, quia anteq̃ spiritus. i. inflatio veniat, sunt pori illi, vel venæ p̃ quas defluit ille humor clausi, & non posset humor grossus fluere pillos, & cū inflant dilatantur, & potest decurrere ille humor grossus. Etiam ante illū spiritum virga iacet, & non est p̃ tunc conueniens instrumentū ad cognoscendū seminā, cū aut inflatur, efficitur organum dispositū ad hoc: sed calor, & spiritus nō potest esse in valde ebrijs. De calore probatū est, q̃ ille extinguitur p̃ abundantiam humoris p̃ modū suffocationis, vel saltē occupatus est circa digestionē celebrādam in stomacho, & nō pōt intendere ad mouendū materiā seminalem. Et ista est vna de causis quare est hō magis potens, & dispositus ad coeundum postq̃ dormierit, q̃ immediatē post cibū, & nullū tēpus est, in quo homo minus potens sit, q̃ immediatē post sumptum cibum: eo q̃ tunc totus calor recurrit ad stomachū ad digerendum cibos: facta aut digestione. scilicet postq̃ hō dormiuit, cū non sit necessari⁹ calor stomacho, mouet tunc

Alph. Tost. super lib. Ruth

**A** materiam seminalem. De spiritu autē est manifestum, quod non sit in ebrijs, quia spiritus causatur p̃ quandā resolutionē factā à calore, cū aut durat ebrietas est calor extinctus, vel impeditus, ideo non causat spiritū inflatum, & humiditas fm se repugnat tali spiritui. Est igitur de stomacho hominis, & de motu ad libidinē, sicut de lampade ardēte per olei appositionē: nā ignis cōseruatur ibi ponendo oleum. Et dupliciter deficit ignis: vno modo p̃ defectū cōseruatiui. scilicet q̃ non est oleum, in quo cibetur ignis: alio modo p̃ supabundantiam, q̃a superabundantia humoris non sufficienter digestibilis, nec regulabilis à calore extinguit, & suffocat ignem: cū aut ponitur moderatus liquor, vel modicum vltra moderationem cōseruatur ignis. Ita est de motu ad libidinē: nā nullo existente vino, non est motus ad venerē, si nec ēt alię res calidę sumātur: si autem valde multum vinū, non erit incentiuū, sed extinguet, vel suffocabitur: si aut moderatū de vino, vel modicū supra modum sumatur, incenditur venereus æstus.

Quid proficiebat si Booz videret Ruth ornatam.

Questio X.

**Q**VAERETVR vterius, dato quod Booz hilaris factus ex vino videret Ruth indutam pulchra veste, & loram, & vinctam, quid proficiebat. Respondendum, q̃ proficiebat ad hoc, quia volebat Noemi mouere Booz in concupiscentiā Ruth, & intendebat, quod per noctem cubaret Ruth apud Booz, scilicet ad pedes eius, & peteret, q̃ operiret eam pallio suo. scilicet suscipiendo eam in consortē tori ad prolem procreādam. Ad hoc autem, q̃ esset promptior Booz ad faciendum hoc, volebat Noemi, q̃ nō solū inciperet inflamari nouiter tangendo Ruth, & audiendo verba eius, sed q̃ esset iam inflammatus ex visu, antequam iret ad dormiendum, quia sic facilius moueretur ad venerem. Ad hoc proficiebat, quod videret Booz ipsam pulchrē ornatam post cibum, & potum, quia tunc solam pulchritudinem eius consideraret, & inflammaretur ab illa, quia esset sic dispositus calore vini, & non discerneret bonum, vel malum esset ardere in illa, & maneret species pulchritudinis illius infixā menti Booz antequam iret ad dormiendum, & desiderium fruedi illa pulchritudine apprehensū, & cū postea per noctem videret apud se Ruth volentem ab eo cognosci matrimonialiter, videns quod desiderauerat sibi prius, & non impeditum, non erat dubium quin immediatē moueretur ad fruendum illo delectabili, nisi esset magna viri virtus. Si autem non vidisset Booz, antequam iret cubitā ipsam Ruth in tanta pulchritudine, non habuisset impressā speciem pulchritudinis eius in mente, nec desideriu fruendi ea: ideo non tam faciliter moueretur. Magna ergo cautela Noemi fuit, quod Booz videret Ruth ornatam antequam iret cubitū, nē putaret ipsam Ruth incōptam esse, & in habitu rudi immundam, sicut cū diebus præcedētibus

An peccauit Ruth lauando se, & vngendo, & quare vñctio olei erat vsitata inter Iudeos etiam à viris sanctis.

Questio XI.

**Q**VAERETVR vterius, an peccauit Ruth lauando se, & vngendo, & vestibis cultioribus se induendo. Respondendum, aut ista considerantur absolute, aut respectu alicuius finis: si absolute, dicendum, quod nihil istorum erat peccatum, scilicet munditia, & honestas. Patet de lauare, quia siue esset lotio faciei, siue totius corporis erat ad mūditiā, & cū esset Ruth sudoribus æstiuus metendo, hordea,

11 3 &

Duo i primis ad coitū requiruntur.

Causa ebrii hō ē magis dispositus ad coeundū postquam dormierit, q̃ immediatē post cibū.



& triticum infecta, esset deformitas, & etiā nocumen-  
tum corporis, quia per sudorem exuerāt quidā grossi  
humores, qui erant concreti in superficie cutis, & quia  
illi humores erant mali, & putridi, manendo in cute  
inficerent eam, & noceretur corpori: tollerentur au-  
tem omnia hæc per lotionem, ideo honestum erat,  
quod Ruth lauaret totum corpus. Etiam erat hone-  
stum, idest bene apparens, quia imaginem diuinæ pul-  
chritudinis, quam Deus dedit aliquammodo in corpore  
nostro, non debemus polluiere per immunditiam: nā  
contra morem rectum est immundum esse corpore,  
potissimè cum sanitas hoc exigit. De vnctione eodē  
modo dicendū est, quod non erat illicita: nam vnctio  
proficiebat ad multa. Vno modo ad teneritudinem  
corporis, scilicet quod essent partes corporis teneræ, & bene se

Vnctio  
apud anti-  
quos He-  
bræos qua  
si necessa-  
ria erat.

habentes: alio modo ad refrigerationem: nam oleum  
refrigerat. Est autem terra Chanaan valde calida, in  
qua habitabant Iudæi: ideo propter calores æstiuos erat  
conueniens fieri vnctionem, & erat vsus apud omnes  
Israelitas quātuncunq; essent viri honesti, & religiosi,  
quod vngerent capita, & pedes, & alias partes corpo-  
ris, & erat vnctio in terra Israel tanquam aliquod opus  
necessitatis, sicut comedere & bibere. Sic patet 4. Reg.  
4. de vidua paupercula, quæ timebat creditores, quod ve-  
nirent, & tollerent filium eius in seruitutem, & dixit  
Eliseo, quod prouideret ei, & dixit ei Eliseus quid ha-  
bes? illa autem respondit, quod nihil habebat, nisi pa-  
rum olei in Lecytho quo vngeretur: & sic adhuc mu-  
lier cōstituta ferē in vltima necessitate habebat oleū,

Vngere  
corp⁹ erat  
opus ho-  
nestatis.

quo vngeretur: erat tamen mulier vidua, & pauper:  
ergo vngi corpus oleo, reputabatur tanquam aliquid  
necessitatis. Item istud erat opus honestatis, quia aliās  
non auderet vidua ista dicere Eliseo prophete, qui erat  
vir sanctissimus, & honestissimus, quod erat vsus oleo  
ad vngendum se. Item patet, quia Christus iubebat,  
vel concedebat viris perfectis, quod vngerent capita sua  
oleo, quando faciebant opera sanctitatis: vnde loquēs  
contra hypocritas, qui exterminabāt facies suas, dixit,  
quod, qui ieiunaret ablueret faciem suam, & vngeret  
caput suum oleo, & nō videretur hominibus ieiunās,  
Mat. 6. Item ipsemet Christus, qui fuit totius virtutis  
exemplar, permisit vngi caput suum, & pedes: nam quā  
erant in Bethania in domo Simonis leprosi paulo ante  
passionem suam, venit mulier, & fudit super caput Je-  
su vas alabastrum plenum vnguento, vt patet Matth. 26.  
Et iterum in domum Simonis leprosi in conuersione  
sua, venit Magdalena ad Christum, & fudit super pe-  
des eius vnguentum, & osculabatur pedes eius, & la-  
chrymis lauabat, capillis extergens: Luc. 7. Erat ergo  
licitum corpus vngi: & non solum licitum, sed etiam  
consuetum viris religiosi: nam Christus opponebat  
Simoni leproso hospiti suo, quod non lauisset pedes  
eius, nec vnxisset caput ipsius, dicens: Intraui domum  
tuam, oleo caput meum non vnxisisti; hæc autem la-  
chrymis rigauit pedes meos: si tamen non esset con-  
suetum fieri, Christus nō improperebat Simoni, quod  
non fecisset hæc: ideo erat consuetum: non ergo erat  
peccatum, quod Ruth vngeret corpus suum absolu-  
tè. Si autem quæretur comparādo ad aliquem finem,  
an ista bona, vel mala essent: dicendum, quod hoc pen-  
det ex conditione finis: nam si finis bonus est, actus,  
qui dirigitur ad illum finem, est bonus: si autem sit  
malus finis, actus ordinatus ad finem malus est. Sed de  
hoc dicetur sequenti quæstione.

An Ruth fecit vnctiones, & alia ad finem bonum.

Quæstio XII.

QVAERETVR nunc dato, quod Ruth poterat  
facere istud ad bonum finem, ita vt non peccaret,

an fecit ad bonum finem, & peccauerit, vel non. Ali-  
quis dicet, quod peccauit, quia volebat inducere Booz ad  
amorem suum, & istud non est licitum. Responden-  
dum, quod Ruth fecit omnia ista non ex intentione,  
sed ex mandato Noemi, ipsa enim cogitauerat hæc, vt  
per istum modum prouideret ipsi Ruth, vt patet su-  
pra in litera. Et non solum non insurrexerunt ista de  
voluntate, sed etiam non fecit volens, sed solum obe-  
diens. Nam licet Noemi ostenderit ipsi Ruth, quod  
faciebat hæc, vt Booz acciperet eam in vxorem, non  
ostendit Ruth, quod desideraret hoc, sed solum dixit,  
quod obediret ipsi Noemi in omnibus, quæ diceret:  
& siue bonum, siue malum fecerit Ruth, imputandum  
est ipsi Noemi. Sed dicet aliquis, quod Ruth petebat  
hic aliqua, & faciebat, quæ in se mala erant, vt ornare  
se animo illaqueandi alterum in amorem suū. Etiam,  
quia petiuit ab eo, quod cognosceretur ab ipso carna-  
liter dicendo, extende pallium tuum super ancillā tuā.  
Dicendum, quod non constat adhuc an omnia mala  
ista essent: & tamen dato, quod ista mala essent, habe-  
bat Ruth instantiam ignorandi, quia erat noua in lege  
Iudæorum, & nesciebat an de iure fieri possent, & te-  
nebatur credere alicui docenti, & quia Noemi fuerat,  
quæ ipsam ad fidem Iudæorum conuerterat, credebatur  
ei: & quia ipsa iudicabat bonum esse, & debere fieri,  
iudicauit Ruth bonum esse, & disposuit se ad obediē-  
dum bona fide, non habens deprauatum desiderium  
circa hoc. Ideo de Ruth satis videtur dicendum, quod  
non peccauerit faciendo hæc.

An peccauit Noemi consulendo, & iubendo ipsi Ruth, quod  
faceret hæc. Et an peccet mulier ornando se, vt mo-  
ueat aliquem virum in libidinem.

Quæstio XIII.

QVAERETVR vltèrius, an peccauerit Noemi  
consulendo, & iubendo ipsi Ruth, quod faceret hæc.  
Aliquis dicet, quod sic, quia multa erāt inhonesta hic.  
Primum, quia mulier ornaret se animo mouendi cor  
Booz ad venerem. Secundò, quod discooperiret pe-  
des Booz, & cubaret apud illos tangendo carnem eius.  
Tertiò, quod ipsa Ruth monitu eius peteret cognosci  
carnaliter à Booz, scilicet, extēde pallium tuum super  
ancillam tuam, quod erat petere coitum: nihil autem  
potest esse inhonestius. Dicendū, quod ista in superficie vi-  
derentur inhonesta, & tamen ad veritatem non erāt,  
quia fiebant ad bonum finem: nam quod mulier or-  
net se ad mouendum aliquem virum in libidinem, qui  
licitè mulierem ipsam cognoscere non potest, illicitū  
est: & tamen, quod velit mulier inclinare virū ad actū  
venereum, si ab eo licitè cognosci potest, non peccabit  
prouocando, saltem non peccabit in omni casu: quod  
patet, quia mulieri licet clarè petere à viro suo debitū, scilicet  
coitū, & teneat vir reddere, vt patet 1. Cor. 7. ergo à for-  
tiori poterit petere per signa, vel inclinare ipsū faciēdo  
aliquas cērimonias exterius: in Ruth autē sic erat, quia  
Booz tenebat accipere eā in vxorē ex cognationis ne-  
cessitate secundum legē: ideo poterat licitè procurare,  
vt ille desideraret cognoscere illā carnaliter, vt sic pos-  
set cōtrahi matrimoniū, quod aliās fortè erat difficile.  
Et ista erat intentio Noemi, & Ruth. Nam, quia Ruth  
erat coniux Maalon, quæ erat cognatus Booz, & mortuus  
fuerat sine semine, cogeatur Booz ex lege accipere  
Ruth in vxorem, & quia Booz erat vir potens, & ma-  
gnarum opum, vt patet supra præced. c. fortè nollet ac-  
cipere ipsam Ruth in vxorē ex sola legali obligatione,  
voluit Noemi, quod Ruth procuraret quocunq; mo-  
do vellet, & posset, quod Booz vellet illam accipere  
in vxorē. Et erat modus iste, quod ornaret se, & inclinaret  
eum in desiderium venereum, ideo nō erat illicitum.

Sec.



**Obiectio.** Sed dicet aliquis, quod etiam istud erat peccatum, quia pretextu boni inclinabat ad malum ipsum Booz, scilicet, quia forte ille inclinaretur ad cognoscendum eam affectu fornicario, quod malum erat. **Responsio.** Dicendum, quod Ruth solum faciebat ad inclinandum eum affectu coniugali ad se, quod patet ex verbis ipsius Ruth: nam dixit: extende pallium tuum super ancillam tuam, quia propinquus es, scilicet, ex iure propinquitatis comperit tibi, me accipere in uxorem: si forte autem vellet Booz cognoscere ipsam Ruth affectu meretricio, ipsa non permetteret, & sic non fieret occasio mali. Sed dicitur, quod dato, quod non permetteret se Ruth illicitè cognosci, tamen ex suo ornatu forte moueret ipsum Booz ad concupiscentiam modo meretricio, qui alio modo non mouendus erat ad hoc. Dicendum, quod hoc erat per accidens: nam Ruth faceret rem in se licitam, & ad bonum finem: si autem ad malum finem illam conuerteret Booz, non erat in potestate Ruth, ideo non peccabat, & tale vocatur scandalum passiuum, & non actiuum. Ad secundum de discooperatione pedum, & quod proiecerit se Ruth ad pedes Booz, dicendum, quod fuit animo mouendi eum ad libidinem, ut sic incitatus vellet eam accipere in uxorem, & quia licitum erat ipsi Ruth petere in virum ipsum Booz, licitum erat per istum modum petere, cum non poneret se in periculo, nec ad malum finem aliquid faciebat. Ad tertium de petitione coitus dicendum, quod licet verbum videretur aliquantulum inhonestum in ore foeminae, tamen licitum erat, quia cum liceret ei petere matrimonium per se, licitum erat etiam matrimonium simul cum consummatione eius petere. Sed dicet aliquis, quod adhuc peccauit Noemi, quia licet secundum legem vellet copulare ipsam Ruth Booz, & non faceret hæc ad alium finem, tamen non tenebat ordinem legis, quia alius erat propinquior, quam Booz, sicut ipse dixit, & patet infra in litera, ideo peccabat volendo copulare Ruth isti, quia adultera erat si copularetur isti, donec alius cederet cognationis iure, sicut cessit sequenti capitulo: & tamen Noemi procurabat per omnia hæc, quod copularetur Ruth ipsi Booz, & non alteri, ideo peccabat. Ad hoc posset dici vno modo, quod verum est, quod aliquo modo peccauit Noemi, & tamen mota fuit ad faciendum hoc, quia forte non audebat proponere alteri, qui erat maiori gradu consanguineus, quia ille erat vir austerus, & nullo modo vellet capere Ruth in uxorem. Booz autem erat vir benignus, & ostenderat magnum fauorem erga Ruth, ut patet præced. cap. ideo cum illo putabat Noemi, quod poterat concludere istud negotium. Quod autem Noemi peccauerit, non est inconueniens, nec tenemur eam excusare, eo quod non computatur inter viros sanctos, de quibus nefas est confiteri, quod peccauerint. Aliter potest responderi, & melius, quod non peccauerit Ruth, nec Noemi. Quod non fecit Noemi, ut tentaretur super hoc Booz, quia cum ipso determinatè contrahendum esset matrimonium, sed ut ille declararet an cum eo, vel cum alio, & daret ordinem in facto. Et patet hoc aliquantulum ex verbis Noemi ad Ruth. f. Projicies te, & iacebis ad pedes eius: ipse autem dicit tibi, quid agere debeas, scilicet, si dixerit tibi, quod iaceas in lecto fac: & si aliud dixerit, aliud fac. Et sic fuit, quia postquam Ruth fecit omnia hæc, dixit ei Booz, quod alius propinquior erat, qui eam posset accipere, ideo quod expectaret, & tunc surrexit secretè inde Ruth, & non fuit cognita à Booz, ut patet in litera. Et sic tenendum est, quia potius debemus interpretari rem, ut valeat, quam, ut pereat. *Quæ respondit.* Hic ponitur secundum huius c. f. Ruth obtemperatio. Nam concessit Ruth facere omnia, quæ iussit ei Noemi. Et dicit. *Quæ respondit.* i. Ruth ad Noemi.

Alph. Toft. super lib. Ruth

**A** Quidquid præceperis faciam. Scilicet, qualecunque sit, siue graue, siue leue faciam: nam sicut pro te patriam, & parētes, & omnia reliqui; ita & nunc nihil grauius est, quam id quod feci, ideo quidquid iniunxeris faciam. *Descendit itaq; in aream.* Intelligendum est, quod prius lauit Ruth totum corpus suum, & vnxit se, & induit se vestibus cultioribus, & tunc descendit in aream, in qua erat Booz ventilando hordeum. *Et fecit quaecunque sibi imperauerat socrus.* f. non apparuit in conspectu Booz vsquequo ille comederat, & biberat, & tunc vidit eam: & cum iuit ad dormiendum, illa notauit locū, & cum dormiret proiecit se ad pedes eius discooperiēdo partem pedū. *Cumque comedisset Booz, & bibisset.* f. cenauit in area, quia faciebat solennes epulas illa die propter ventillationē areæ. *Et factus esset hilarior.* Istud erat ex cibo, & potu: nam comederat solenniter, & biberat abundanter, & vinum letificat cor hominis. Considerandum tamē, quod vinum bonum semper habet virtutem letificandi, sicut dicitur Psal. 103. f. Vinum letificet cor hominis: & maxime fit hoc, cum potatur aliquantulum supra modū. Sunt autem tres status circa vinum, ut supra dictum est. f. sobrietas, hilaritas, ebrietas. In omnibus istis statibus vinū letificat, vel saltem curas, & tristitias aufert: si enim bibatur quantum ad sobrietatē, causat iucunditatē quandam, & tū illa non est notabilis: quidquid tū sit homines plurimi ēt sobrii promptiores sūt ad gratā colloquutionem, & ad quodcūq; bonum faciendum postq̄ biberunt, q̄ prius, & hoc ex vino provenit. Status secundus est magne iucunditatis, quia homines biberunt aliquantulum supra modū: ideo dilatant nimis venę, & confortant cor: & rursus nō est tātus excessus, quod grauentur sensus, & fiat hō immobilis, & tunc apparet magna hilaritas. Vnde huiusmodi hilares iucunditatem suam foris ostendunt, cantando, & faciendo alios motus corporis. Tertius status ebriorum non est iucundus, quia, qui omnino ebrii sunt grauantur in suis operationibus, & in talibus non potest esse lætitia, sed sopor: & tamen dicuntur isti iucundari indirectè in quantum tristitias perdunt, scilicet, quod propter magnam turbationem capitis ex ebrietate non recordantur eorum, quæ fecerunt, nec tristitiarum, quas habebant. Et de isto vino dicitur: Prouer. 30. f. Date vinum merentibus, & sicciam his, qui amaro sunt animo, bibant & obliuiscantur egestatis suæ, & doloris non recordentur amplius: sic etiam accipitur 2. Esdræ 4. vbi agitur de viribus vini. Et dicitur: omnem mentem conuertit in securitatem, & iucunditatem, & non meminit tristitiam, & debitum, & omnia præcordia facit honesta: istud autem ad solā ebrietatem pertinet. In quocūq; statu ergo vinū letificat, & tamen magis secundo modo, q̄ alijs. Et istum secundum tenebat Booz, cum dicitur, quod erat hilarior postquam biberat. *Issetq; ad dormiendum supra aceruum manipulorum.* Designatur hic locus in quo dormiuit Booz, eo quod Noemi dixerat ipsi Ruth, quod consideraret locum, in quo dormiret Booz, ut iret ad dormiendum ad pedes eius. Et dicitur iuxta aceruum manipulorum, quia in area erant manipuli, quia nondum erant trituratæ omnes messes, cum aceruus hordei esset iste, qui nunc ventilabatur. *Venit absconditè.* Scilicet: venit Ruth ad locum, in quo dormiebat Booz absconditè, scilicet, ut illam non sentiret Booz venientem; quia non haberet tantam opportunitatem mouendi eum ad id, quod volebat, sicut alias, ut dicitur infra in quadam questione. Intelligendum ergo, quod Ruth venit ad Booz quando ipse tenebatur graui sopore, & ipse iam non sentiebat, nec sentijt viquequo vinum aliquantulum digestum est. *Et discooperit a pedibus eius pallio se proiecit.* Scilicet, discooperuit partem pedum Booz, & extendit pallium super se, iacuitque ad pedes eius.

Vinum bonum semper habet virtutem letificandi.



Quomodo iacuit Ruth ad pedes Booz.  
Questio XIII.

**Q**VAERETVR, quomodo iacuit Ruth ad pedes Booz. Aliquis dicet, quod apud pedes proiecit se indutam vestibus suis, & discooperuit, quandam partem pedum, vt operiret se pallio Booz. Sed dicendum, quod non stat, quia si Ruth induta staret, non faceret ad propositum, quod dormiret ad pedes Booz. Sed dicendum, quod Ruth exiit se, & nudam posuit se ad pedes Booz, vt sentiret Booz teneritudinem carnis foeminae, & moueretur ad libidinem, & sic facilius eam acciperet in vxorem, & ad hoc petiuit Ruth operiri pallio Booz, quasi nuda esset: si autem esset induta, non tangeret carnem Booz, & sic non haberet intentum suum. Item, quia si esset induta nihil magis proderat, quod discooperiret pedes Booz, quam si non discooperiret, cum non tangeret carnem eius, sed vestes: & tamen non sine mysterio iussit Noemi ipsi Ruth, quod discooperiret pedes Booz, & iaceret ibi sub pallio eius: ideo nuda erat. Et dicendum, quod sic mansit Ruth vsque ad auroram nuda ad pedes Booz, tamen ipse non est motus ad eam libidine, vt patet infra in litera, scilicet: Dormiuit itaque ad pedes eius vsque ad noctis abscessum.

Et ecce nocte iam media expauit homo, & conturbatus est, viditque mulierem iacentem ad pedes suos, & ait illi: Quæ es? Illaque respondit: Ego sum Ruth ancilla tua: expande pallium tuum super famulam tuam, quia propinquus es. Et ille: Benedicta, inquit, es à Domino filia, & priorem misericordiam posteriore superasti; quia non es secuta iuuenes pauperes, siue diuites. Noli ergo metuere, sed quidquid dixeris mihi, faciam tibi. Scit enim omnis populus, qui habitat intra portas urbium mearum, mulierem te esse virtutis. Nec abnuo me propinquum, sed est alius me propinquior. Quiesce hac nocte: & facto mane, si te voluerit propinquitatis iure retinere, bene res acta est: sin autem ille noluerit, ego te absque vlla dubitatione suscipiam: viuit Dominus: dormi vsque mane. Dormiuit itaque ad pedes eius vsque ad noctis abscessum. Surrexit itaque antequam homines se cognoscerent mutuo, & dixit Booz: Caue ne quis nouerit, quod huc ueneris. Et rursum expande, inquit, pallium tuum, quo operiris, & tene vtraque manu. Qua extendente, & tenente, mensus est sex modios hordei, & posuit super eam. Quæ portans ingressa est ciuitatem, & venit ad focum suum. Quæ dixit ei: Quid egisti filia? Narrauitque ei omnia, quæ sibi fecisset homo. Et ait: Ecce sex modios

hordei dedit mihi, & ait: Nolo vacuum te reuerti ad focum tuum. Dixitque Noemi: Expecta filia donec videamus quem res exitum habeat: neque enim cessabit homo, nisi compleuerit quod locutus est.

*Et ecce.* Hic ponitur tertium huius capituli, scilicet Booz rationabilis responsio: nam cum Ruth posuit ei quid intendebat faciendo omnia hæc: respondit ei valde rationabiliter, quod reciperet ducendo eam, si alius propinquus suus recusaret eam recipere. Et dicitur. *Et ecce iam nocte media.* Vsque ad mediam noctem non sensit Booz, quod iaceret ad pedes eius Ruth. Et hoc fuit, quia biberat ad abundantiam Booz nocte illa propter solennitatem ventilationis arce, & vinum non fuerat plene digestum vsque ad mediam noctem: ideo cum esset caput fumis obfuscatum, non poterat euigilare propter grauitatem: nocte autem iam media euanescentibus fumositatibus exhalatis de vino excitatus est Booz, & sensit apud se Ruth. *Expauit homo.* Scilicet, non cubuerat aliquis cum eo in principio noctis, & media nocte reperit ad pedes suos iacentem foeminam; ideo expauit nesciens quid esset. *Et conturbatus est.* Scilicet, nimis turbatus esset corde nesciens unde prouenisset hoc. In Hebræo dicitur. *Et amplexus est.* Scilicet, cum Booz euigilasset, & sensisset apud se quendam iacentem expauit, & turbatus coepit tenere illum, qui sibi præsens erat, tanquam vellens se defendere ab eo, vt à nocuo, & tenuit per caput: & tunc sensit esse mulierem. *Et vidit mulierem iacentem ad pedes suos.* Scilicet, sensit licet non vidit, quia nox obscura erat: sed cognitio quæcunque sensitiua vocatur visio. De ista cognitione infra dicetur in quadam quæstione: non enim mouerat se Ruth à pedibus Booz, sed iacebat secunda, & forte erat vigilans semper, vt quando euigilaret, Booz attente audiret quid ei diceret, & responderet. Nam si somno grauata esset non responderet proptere, nec proponeret ea, quæ iusserat ei Noemi proponere. Vel forte cum videret Ruth, quod non euigilaret Booz tanto tempore, tetigit aliquo modo pedes eius, ita vt cogeretur sentire motum, & euigilaret. *Et ait illi: quæ es?* Scilicet, sciuit mulierem esse ad pedes suos, & tamen nesciebat, quæ erat, ideo quæsiuit, quæ erat. Quomodo autem Booz potuit cognoscere prius, quod erat mulier, quam sciret, quæ mulier erat, declarabitur infra in quadam quæstione. *Illaque respondit: ego sum Ruth ancilla tua.* Erat euigilans Ruth, & attenta quando Booz euigilaret, & loqueretur ei: nam si ipsa quoque somnaretur, & euigilaret Booz antequam illa euigilaret, non posset illico respondere apte ad ea, quæ quærebant, & non contentaretur nimis de ea Booz. Nunc tamen illico respondit ad verba Booz ac si non dormiret, & attente quidē tanquam præcogitasset illa, & non, vt de sopore graui expergisceretur. Vocauit autem se ancillam eius causa humilitatis, vt sic eum magis flecteret ad id quod intendebat. *Expande pallium tuum super famulam tuam.* Scilicet, sum ad pedes tuos, & non sum bene operata pallio tuo, nec audeo operire me illo: ergo tu expande illud super me ancillam tuam. *Quia propinquus es.* Quasi dicat: iure consanguinitatis competit tibi, quod extendas pallium tuum super me accipiendo me in coniugem: erat autem propinquus. scilicet quia erat cognatus viri sui Maalon, vt patet ex confessione Booz. Quo autem propinquitas esset, vel in quo gradu, & dato quod illa esset, an teneretur Booz secundum legem accipere Ruth in vxorem, dicitur infra in quibusdam quæstionibus, & partim sequenti capitulo. *Et ille.* Scilicet, respondit iterum ad Ruth.

Benedicta



*Benedicta tu inquit filia à Domino. Idest, Deus benedicat tibi. Vocauit enim eam filiam quamquam sequenti die eam acceperit in vxorem. Quia priorem misericordiam posteriore superasti. Laudat Booz ipsam Ruth de virtute, q̄ semper se bene habuerit, & habuit se misericorditer prius, sed nunc misericordia eius vltima vicit priorem. Fuit prior misericordia, q̄ Ruth bene se habuerit ad virum suum Mahalon viuentem. Etiam q̄ bene se habuerit ad Noemi veniēdo de terra Moab cum illa, & relinquendo parentes, & patriam propter eam. Vltima misericordia fuit, q̄ voluit Ruth accipere Booz in maritum. Sed quomodo ista fuerit misericordia, & quomodo superabat primam dicitur infra in quadam quæstione. Quia non es secuta iuuenes pauperes, siue diuites. Scilicet, laudabilis in hoc es, quia non petiisti, vt acciperes in virum aliquem iuuenem diuitē, siue pauperē, quasi dicat, ex hoc laudabilis es, quia cū tu sis iuuenula, ætati tuæ competeat iuuenes sequi, & tamen virtutis desiderio petisti me in virum, qui senex sum. Noli ergo metuere. Idest non timeas, q̄ ego despiciam te, & nolim accipere te in vxorem. Sed quid dixeris mihi faciam tibi. Scilicet, si me volueris in virum accipies, vel quidquid dixeris mihi, vt ego tractem in hoc negotio de statu tuo, ego tractabo vtiliter. Scit enim omnis populus, qui habitat intra portas vr̄bis meæ, mulierem te esse virtutis. Hic ponit Booz confirmationem suam ad probandum, q̄ faciet pro Ruth quidquid posset: nam ipsa Ruth petiuerat, q̄ Booz expanderet pallium suum super eam: in quo videbatur petere, q̄ eam acciperet in vxorem, & consummaret matrimonium statim. Et quia Booz non acceptauit hoc, illico putaret se Ruth repulsam, & neglectam, & molestaretur nimis, ideo dixit Booz, q̄ non affligeretur, quia ipse faceret quidquid ipsa iuberet. Et quia fortē Ruth adhuc non crederet, q̄ vellet eam accipere posuit aliqua verba, per quæ ostendit, q̄ acciperet, dicens: scit omnis populus, qui habitat intra portas vr̄bis meæ, mulierem te esse virtutis, quasi dicat, tu es digna, q̄ te accipiam in vxorem propter virtutes tuas: quia omnis populus, qui est intra vr̄bem istam cognoscit virtutem tuam. Et dixit intra portas meæ vr̄bis, scilicet Bethlehem, quia ibi habitabat Booz. Et vocatur vr̄bs sua, non q̄ pertineret ad dominium eius, sed quia erat de illa oriund⁹. Aliter potest introduci ista litera, scilicet, q̄ Ruth putaret, q̄ Booz nollet accipere eam in vxorem saltem propter opiniones dicentium. Nam reputaretur ei humiliatio quædam status sui, q̄ vir potens, & magnarum opum in vr̄be, vt patet præcedenti cap. acciperet in vxorem mulierem pauperem, & peregrinam. Etiam quia Booz erat senex, & Ruth iuuenula, & fortē reputaretur ei ad stultitiā talem velle accipere vxorem disparem ætati suæ. Ad istud, quod tacitē mouere poterat ipsam Ruth, respondet Booz, scilicet, q̄ propter nihil istorum dimitteret, quin eam habeat in vxorem. Et dicit, q̄ nihil istorum suspicabuntur inhonestum esse, qui viderint: nam sciebant omnes, qui erant in vr̄be Ruth esse mulierem virtuosam, ideo licet opes eius nullæ essent, virtus supplebat defectum opum: & excedebat ad omnes opes. Etiam dato, q̄ esset iuuenula, non putaretur sequi inhonestum aliquod Booz senis, quia Ruth in oculis omnium erat mulier virtuosissima, & crederent, q̄ licet esset puella, seruaret honorem viri sui senis. Nec abnuo me propinquum esse. Idest, non nego me esse propinquum. Respondet in hoc ipsi Ruth: quia Ruth iure cognationis diceret, q̄ teneretur eam Booz accipere in vxorem. Et respondet, q̄ verum est, q̄ est propinquus, & tamen iure propinquitatis non competit ei accipere illam in vxorem, quia alius erat propinquior, & suscitatio seminis defuncti pertinet ad propinquiorem semper. De quo infra de-*

*clarabitur. Istius propinqui non ponitur hic nomen, nec sequenti cap. cuius causa infra dicitur in quadam quæst. Quiesce hac nocte. Scilicet, non cures amplius super hoc negotio facere hac nocte, quia nunc nihil magis fieri potest, sed cras terminabitur. Et dixit, quiesce hac nocte, scilicet, quia Ruth petiuerat consummationem matrimonij, dicens expande pallium tuum super famulam tuam, & voluerat, q̄ illa nocte consummatū fuisset matrimonium, Booz dixit, q̄ non posset consummari illa nocte, nec contrahi, quia necesse erat prius admonere consanguineum suum, si vellet accipere in vxorem ipsam Ruth: & quia illa nocte non poterat fieri, dixit: quiesce hac nocte. Et factō mane. Scilicet, incipiam tractare istud negotium. Site voluerit propinquitatis iure retinere. Scilicet, habere te in vxorē, sicut propinquus cū ipse sit maximē propinquus, cui primō competit. Bene res acta est. Idest, prospere tibi eueniet, quia ipse est vir potens, & magnarum opum, sicut ego: & cum eo feliciter viues. Sin autem ille noluerit. Scilicet, cedendo iuri propinquitatis. Ego te sine vlla dubitatione suscipiam. Quasi dicat, dato q̄ ille te non reciperet, non timeas ob hoc nec putes te esse neglectam, quia sine dubio ego te accipiam in vxorē, illo te non accipiente. Viuit dominus. Modus iurandi est, idest iuro tibi per vitam Dei, quod ego te accipiam.*

*Quare penes noctem mediam expauit Booz, & non prius. Quæst. XV.*

**Q**VAERETVR circa prædicta, cur circa noctem mediam expauit Booz, & non prius. Respondendum, quod Booz expauit quando sensit apud se ad pedes suos aliquem iacere. Nam cum ipse cubitum iuit nullus cum eo cubuit, nunc autem reperit, quendam apud se: & istud non fuit ante mediam noctem, quia non euigilauit Booz ante illud tempus: & cū primum euigilauit, expauit. Causa autem quare media nocte euigilauit fuit duplex. Prima est, quia ante illud tempus erat grauatus sopore propter indigestionem vini: nam sicut dicitur supra in litera, Booz comederat, & biberat, & factus fuerat hilarior, sumpto potu: istud autem non fit, nisi ex aliquali excessu vini: ideo cū iuit cubitum incipientibus fumis ascendere à stomacho ad caput, grauatum erat caput, & difficile erat sentire, etiam si tangeretur. sicut patet in quibusdam patientibus grauissimum, & profundum somnum. quādiu autem durauit multitudo, & grossities illa vaporum ascendentium de stomacho in digerendo nō potuit euigilare: circa mediam autem noctem maxima pars digesta erat, & tunc potuit euigilare. Secunda causa fuit fortē, quia Ruth tangeret eum aliquāliter, vt euigilaret. Et istud est verissimile: nam Ruth expectabat vigilans, quando euigilaret Booz, & quæreretur aliquid ab ea, vt promptē responderet, & nō tanquam de sopore expergefacta, & quia laborabat ipsa tandiu resistens somno, circa mediam noctem fortē tetigit pedes Booz saltem leuiter, & coegit ipsum euigilare.

*Quæst. 26  
Cap. 4. q. 4*

*Vini effectus.*

*Quare expauit Booz, & conturbatus est, & de quo. Quæst. XVI.*

**Q**VAERETVR vltcrius, quare expauit Booz, & conturbatus est, & de quo. Respondendum, q̄ expauit de subitanea re: nam Booz secretē cubuerat in nocte apud aceruum manipulorum, vt patet supra in litera. Et putauit, q̄ nullus viderat eum, & solus concubuit. Cū verō vigilauit sensit apud se quenquam late-



latere, & istud satis erat ad pauorem: nam ignorantia est causa maximi pauoris, scilicet quia malum, quod homo ignorat naturaliter maius esse iudicat, quam sit: & hoc ad cauendum de illo, quia quanto magis timuerit, magis fugiet, & fugiendo cauebit. Et ista est causa, quare homines magis timent in locis obscuris, quam in patentibus: nam in patentibus conspiciunt quid sit, & sciunt si ab aliquo cauere debeant: in obscuro autem nesciunt, an aliquod malum sit, & an ab aliquo cauere debeant: ideo valde timent. Etiam ista est causa quare homines magis timent per noctem quam per diem: quia per diem vident, quid eis nocere possit, per noctem autem non vident, ideo timent aliquid sibi appropinquare, quod noceat eis: & si tale quid appropinquet, eis, nesciunt quod fugere debeant, quia nesciunt ex qua parte malum insitit. Ex eadem autem causa maxime timet homo in periculis subito euenientibus, quia in his, quae possunt precogitari deliberamus qualiter melius euadere possimus: & si non sit facultas euadendi, saltem habita deliberatione confortamus cor nostrum ad viriliter moriendum. In repentinis autem non est locus aliquis deliberationis, ideo in talibus maxime timemus. Et sic dicit Aristoteles 3. Ethic. cap. de fortitudine, quod in repentinis probatur fortitudo, quia ibi constantia animi, quae est virtus habituata, inclinat illico ad resistendum, & non fugiendum, & pauendum. Et non oportet, quod in talibus sit deliberatio, cum intra se habeant principium, quod naturaliter inclinet eos ad faciendum id, quod facere debent. Sicut etiam qui sapientes sunt valde non oportet, quod in rebus communibus, & questionibus deliberent ad respondendum: quia habitus dirigit eos ad statim respondendum conuenienter. Qui autem non habet habitum, cum nil habeat intra se, quod eum dirigat in agendo, oportet quod deliberet. Et sic ubi non fuerit permissus locus deliberationis erit grauius timor. Sic erat hic, quia subito, cum euigilauit Booz, sensit iacere apud se quempiam, & apprehendit illud sub ratione mali, & quia erat subitaneum expauit potissime si Ruth pulsauit pedes Booz, & coegit eum euigilare: nam tunc maxime turbaretur, quod sentiret aliquid sub ratione lapsiui, antequam posset iudicare, quid esset illud. Dicit autem Rabbi Salomon, quod expauit Booz, quia putauit daemone[m] esse, qui venerat ad fallendum eum. Et hoc non est inconueniens, quia licet Iudaei circa daemones non habeant rectam fidem, quia plurimi eorum credunt nullos daemones esse: tamen alij tenent oppositum, & sic poterat Booz timere, quod daemones vellent ei nocere: & aliquis venisset in corpore assumpto ad ipsum. Quidquid sit cognouit Booz esse hominem iacentem apud se, vel quasi hominem, scilicet aliquod animal, & expauit, quia non viderat hoc, quando iuerat cubitum.

*Quomodo dicitur, quod Booz vidit mulierem iacentem ad pedes eius.*

*Quest. XVII.*

**Q**VAERETVR vltius, quomodo dicitur, quod Booz vidit mulierem iacentem ad pedes suos: nam erat nox, & non poterat eam videre. Aliquis forte dicet, quod quamquam esset nox, potuit cognoscere Booz, quod illa erat mulier, quia forte nox illa illustrabatur lumine Lunae, & poterat cognosci mulier, vel vir, potissime cum esset tam propinqua, scilicet quod ad pedes Booz iacebat. Dicendum tamen, quod hoc non stat, quia si tam clara esset nox, ut posset Booz distinguere, an esset mulier, vel vir iacens ad pedes eius, cognouisset etiam, quod illa esset Ruth, cum esset familiaris sua: nam non videbat eam a longe, ita ut ex habitu vestium iudicaret eam

**F** esse mulierem, tamen non distingueret, an esset talis mulier, vel alia, sed erat coniuncta sibi, ideo vel non videbat eam esse mulierem, vel sciebat eam esse Ruth: & tamen non sciebat, an esset Ruth, quia quae fuit ab ea, quae es? ego nec vidit eam esse mulierem. Dicendum, quod accipitur videre pro actu aliorum sensuum: nam aliquando pro intelligere, & aliquando pro audire, & pro omnibus sensationibus accipitur. sic patet Exod. 19. scilicet. Cunctus populus videbat voces, & tamen voces non videntur, sed audiuntur. Sciuit ergo Booz, quod ista erat mulier forte per tactum: quia tetigit pedibus suis carnem eius, & propter nimiam teneritudinem cognouit esse carnem mulieris, & tamen nesciuit, quae erat: Aliter ex tactu, scilicet tangendo caput eius, sicut volunt quidam Hebraei: nam in Hebraeo dicitur amplexatus est, ubi litera nostra dicit turbatus est, & volunt, quod cum subito expauit Booz, extendit manus suas ad tenendum illum, qui sibi coniunctus erat, quasi ad prohibendum ne sibi noceret, & tunc tenuit caput Ruth quasi amplexans, & in capite cognouit, quod erat foemina propter comas, vel aliam habitudinem: vel forte vidit, id est cognouit per auditum, quod esset mulier, nam locuta est Ruth ad Booz, cum ipsa quareret aliquid ab eo, & tunc in voce cognouit, quod esset mulier. Quis autem modus istorum verus sit dicetur sequenti questione.

*An Booz cognouerit prius de Ruth, esse mulierem, deinde Ruth, an vtrunque simul.*

*Quest. XVIII.*

**Q**VAERETVR vltius, quomodo dicitur hic, quod vidit mulierem iacentem ad pedes suos, & quae fuit, quae esset, & an cognouerit prius, quod erat mulier, deinde quod erat Ruth, vel vtrunque simul: vel quomodo factum fuerit. Aliqui dicunt, quod cognouit prius eam esse mulierem, & tamen nesciebat eam esse adhuc Ruth, quod litera innuit, dicens: vidit mulierem iacentem ad pedes suos, & quae fuit: quae es? Sed tunc dicetur, quomodo potuit cognoscere, quod esset mulier nesciendo, an esset Ruth? Quidam dicunt, quod sciuit hoc per tactum pedum, scilicet, quia iacebat Ruth ad pedes Booz, & tetigit eam Booz, vel tetigit ipsa eum ad faciendum, quod euigilaret, & tunc mollicie carnis eius, cum nuda esset, cognouit Booz, quod esset mulier. Dicendum tamen, quod hoc non stat. Primo quia Booz, subito sentiens aliquem ad pedes suos iacere de somno euigilans expauit, ideo quamquam tangeret carnem eius, non distingueret an esset mulier, vel vir: quia cum esset pavidus non faceret differentiam in molli, & duro, etiam in rebus nimis differentibus vix sentiret aliquam differentiam. Secundo quia dato, quod non esset pavidus, non posset adhuc sufficienter iudicare esse virum, vel foeminam per tactum carnis, quia quidam viri sunt ita molles carne sicut foeminae, & quaedam foeminae sunt habentes carnem duram sicut viri, non ergo cognosceret mulierem esse sufficienter ex hoc. Aliter dicunt alij, quod cognouit ex tactu, scilicet, quod tetigit caput eius, scilicet arripiendo illud quasi amplexans, & tunc ex differentia capitis sciuit esse foeminam. Sed istud non satis stat, quia cum Booz esset pavidus, non videtur, quod auderet extendere manus ad arripiendum caput eius, qui erat ad pedes. Item quia ut colligitur ex litera Ruth, non mutauit locum in omnibus his, sed semper stetit ad pedes Booz: & tamen si talis mutatio fieret, quod Booz teneret caput Ruth, mutaret Ruth locum suum, vel saltem ipse Booz. Item & effe-

*ficacius*



ficacius, quia si Booz expauescens extendisset manus ad arripiendum caput Ruth, exclamasset illa: nani talis iniectio manuum esset violenta ad nocendum, & non sustinueret hoc Ruth, ne noceret ei Booz, sed clamaret, dicens, ego sum Ruth ancilla tua, ne noceas mihi: & tamen non clamauit, quia alias cognouisset sic Booz, quod esset illa Ruth, & non oportuisset, quod quaereret, quae esset illa, & tamen quaesuit, dicens: quae es? & illa respondit, quod erat Ruth, ideo videtur, quod non tenuit caput eius, nec cognouit sic, quod erat mulier.

Doc. deter.

Dicendum ergo videtur, quod cognouit per vocem, quod erat mulier, & quod non prius cognouit, quod erat mulier, quam quod erat Ruth, sed vtrunq; simul, scilicet, quod fuerit ordo iste, quod Booz tetigit carnem Ruth, & euigilauit: vel Ruth tetigit eum, ut cogeret illum euigilare: & tunc ex tactu sensit Booz, quod erat vir, vel mulier, & tamen quia pauidus erat, non potuit distinguere, ideo quaesuit quis esset, qui iacebat ad pedes, & tunc respondit Ruth, ego sum Ruth ancilla tua: & in his omnibus Booz tenebat manus suas, & se continebat immobilem, nesciens quid agere deberet quousque cognosceret, quis erat qui iacebat ad pedes eius, & ex responsione ista simul sciuit Booz, quod illa erat mulier, & quod erat Ruth. Sed contra hoc obijciatur dupliciter. Primo quia dicitur in litera, quod cognouit Booz mulierem iacentem ad pedes eius, vel vidit: ideo oportet, quod tunc cognouerit, antequam quaesuerit, quae esset: & postea quaesuit, quae es? Secundo patet, quia Booz dixit, quae es? & ista est interrogatio facta ad foeminam: nam si nesciisset, an esset masculus, vel foemina potius quaesiuisset per nomen masculinum, vel femininum propter dubium, quia masculinum concipit femininum, & non e contrario. Dicendum ad primum, quod Booz vidit mulierem iacentem ad pedes suos, non quod videret ipsam esse mulierem, quae ad pedes suos iacebat, sed quod vidit, id est cognouit ad pedes suos aliquem esse iacentem, & iacens erat mulier, licet ipse nesciret eam esse mulierem, & sic est fallacia accidentis, quia cognoscebat Booz iacentem apud se in ratione iacentis, & non ut virum, vel foeminam, & in ratione iacentis accidebat sibi esse masculinum, vel foemininum: ideo non cognoscebat mulierem iacentem, nisi sophistico modo, quod est secundum accidentis, sicut dicit Arist. 1. Postea quia praedicatur, quod non conuenit per id, quod conuenit, & istud facit fallaciam accidentis. Ad secundum dicendum, quod quando quaesuit Booz, quae erat, quae iacebat ad pedes suos, nesciebat an esset vir, vel foemina, & per responsionem eius cognouit, quod esset foemina, & non quaesuit Booz, quae esset, scilicet sub foeminina terminatione, sed sub masculina propter dubium: quia tamen scriptori constabat, quod illa, ad quam fiebat locutio erat foemina, posuit quaestionem in forma foeminina, sed non formauit eam sic Booz.

*Quid Ruth petere intendebat, quando dixit ad Booz, expande pallium tuum super ancillam tuam.*

*Quest. XIX.*

**Q**VAERETVR vltius, quid intendebat petere Ruth, quando dixit ad Booz expande pallium tuum super ancillam tuam, quia propinquus es. Dicendum secundum quosdam, qui volunt honestare istud factum, quod petebat matrimonium contrahi inter eos. Et patet quia dixit, quod propinquus es, scilicet, tu es propinquus, cui de iure debeor in vxorem, ideo accipe me in vxorem, & cum dixit: expande pallium tuum super ancillam tuam, dicunt quod iste erat modus contrahendi antiquitus matrimonium, vel sponsalia de praesenti, sicut nunc contrahuntur per dationem

**A**manutum cum ipsis verbis exprimentibus consensum: & tunc nihil inhonestum petebat, nec faciebat Ruth, quia petebat se accipi in vxorem a Booz. Dicendum tamen, quod hoc non stat, quia non concordant, quae habentur in litera istius intentioni. Si enim Ruth solum matrimonij contractum petebat, ad quid ornabat se: & apparebat coram Booz postquam erat hilaris factus ex vino? Etiam ad quid veniebat Ruth ad Booz dormientem media nocte: nam tali tempore non contrahitur matrimonium, sed ipse coitus celebratur. Item quomodo ad petendum contractum matrimonij ponebat se nudam in eodem lecto cum Booz? & tangebatur carnem eius? nam non contrahuntur sic sponsalia. Ecce enim omnia praeludia coitus, & nihil deerat, nisi ipse realis coitus: nec defuit quidquam ex parte Ruth, quia ipsa posuit se nudam in lecto cum Booz, & tetigit carnem eius nuda existens maxime, per quod inflammaretur vir ad venerem. Etiam petiuit realiter, dicens: expande pallium tuum super ancillam tuam, scilicet, recipe me magis intra lectum tuum operiendo me tecum, quo nihil manifestius. Dicendum quod Ruth, dicendo haec petebat coitum, & tota sua cogitatio, & industria fuit ad hoc, quod incitaret Booz, ut illam carnaliter cognosceret, & tamen nolebat carnaliter cognosci solum, sed matrimonialiter: quia alias non permisisset se cognosci. Quod patet, quia dixit: expande pallium tuum super ancillam tuam, quia propinquus es, scilicet iure propinquitatis competit tibi me in vxorem accipere. **C**Petebat ergo duo simul Ruth, scilicet quod acciperet in coniugem, & quod carnaliter cognosceretur, licet verba sua directius sonant ad carnalem copulam quam ad matrimonium contractum. Et ratio huius est, quia Ruth, licet intenderet principaliter contractum matrimonij, & ipsum coitum absolute pro nunc non desideraret, nec eum tali modo procuraret: quia tamen putabat, quod non posset nunc inducere ipsum Booz ad accipiendum eam in vxorem, nisi inflammando eum ad venerem, actum, & quia ipsa non permetteret se aliter cognosci, oporteret quod eam acciperet in vxorem: & hoc innuebant omnia, quae ipsa praemisera, scilicet inflammare eum. Dicunt autem quidam ad honestandum hoc factum, quod alia posuerit Ruth in ista locutione sua ad Booz, de quibus dicitur sequenti quaestione.

*Resp. ad quaestum.*

*Quomodo Ruth non erubuit hac facere.*

*Quest. XX.*

**Q**VAERETVR vltius, quomodo Ruth non erubuit facere ista, quia mulier quaecunque etiam si vilis esset, erubescere debuisset talia facere, & dicere erga virum, potissime virum reuerendum. Respondent quidam, quod non fuit rubor ipsi Ruth dicere ista, quia ipsa non dixit haec tam materialiter, & impolite, sicut habentur in litera, sed posuit alia verba ad ornandum intentionem suam. Et dicunt, quod dixit: ecce focus meus, & ego constitutae sumus in necessitate, & vendere volumus aliquam de possessionibus maiorum, scilicet Elimelech, & filiorum suorum: tu autem es propinquus si vis illam accipere accipe, & si vis eam tenere accipe simul & me: nam competit iure propinquitatis, & tunc dixit: extende pallium tuum super me, scilicet, ad accipiendum me in vxorem. Dicendum tamen, quod hoc non satis conuenit, quia si talia verba proposuisset Ruth ipsi Booz, cum ista agerent ad intentionem Ruth, & ad integritatem narrationis, scriptura illa expressisset, & tamen nihil tale dixit. Item non conueniebat hoc intentioni Ruth: nam ad contrahendum matrimonium non conueniebat facere mentionem



nem de venditione rei, quia erat aliquid impertinens. **F** Item si Ruth factum suum colorare vellet præmissa tali prælocutione de venditione possessionis, non venisset per noctem ad Booz, & intraret lectum eius, sed per diem peteret ab eo illud, quia talia negotia per diem expediuntur. Item dato, quod talia verba proposuisset Ruth, per quæ colorarentur dicta sua, tamen facta sua quomodo poterant colorari? nullo inquam modo, quia nil turpius videbatur quam, quod foemina intraret lectum viri, & tangeret carnem eius. Dicendum quod facta, & dicta Ruth in se non erant honesta, sola tamen intentio honestavit omnia hæc: nam ista fiebant non propter aliquod desiderium inordinatum, sicut ut cognosceretur Ruth affectu fornicario, sed ut haberet in virum illum, qui sibi de lege competeat, & ob hoc quamquam rubor in his esset, quia turpitudine, vel illicitum nullum erat, exposuit se Ruth huic verecundiae, vel rubori: & non sine causa, quia forte putavit ipsa, & forcius sua, quod non posset alio modo habere Booz in virum, nisi illa nocte inflammaret eum ad libidinem, & sic cum ea contraheret matrimonium, & desiderio tanti boni exposuit se magno rubori. Secunda fuit mandata Noemi: nam Noemi excogitavit omnia hæc, quæ putavit istum solum modum esse convenientem, & Ruth ut obediret ei, subiit istam duritiem præcepti. Istud colligitur aliquantulum ex verbis Ruth ad Noemi, nam postquam dixit Noemi ad Ruth omnia ista, quæ facere debebat, non dixit Ruth, bonum est, vel malum, sed solum dixit: quæcunque præceperis, faciam: & sic solum, ut obediret videtur fecisse: nam si fecisset hæc ex desiderio, cum Noemi indicaret ipsi Ruth, quod per istum modum posset habere Booz in virum, gauderet ipsa nimis, & tamen non ostendit verbum aliquod gaudetis, sed solum dixit: quidquid præceperis, faciam: quod erat verbum obedientis: ideo ex sola obedientia egit, & tamen Ruth tantum diligebat Noemi, quod pro ipsa faceret quidquid posset fieri per mulierem, cum propter eam relinqueret patrem, matrem, cognatos, patriam, & Deos: & iam non habebat quid dimitteret pro ea, nisi vitam. Cum ergo ista omnia reliquisset, & fecisset à fortiori faceret quidquid aliud esset: unde nunc etiam si esset aliquid erubescendum, non dubitaret illud facere ad mandatum Noemi.

*Quomodo Booz non habuit exosam Ruth, quæ sic se ingesserat, ut cognosceretur à viro.*

*Quest. XXI.*

**Q**VAERETVR ulterius de Booz, quomodo non habuit exosam Ruth, quæ sic se ingesserat, ut cognosceretur à viro, qui non petebat eam. Respondendum, quod ista erat causa sufficiens ad hoc, quod quilibet vir haberet Ruth despectam tanquam vilissimam mulierem, & sic fecisset Booz si esset vir acris ingenij: erat tamen vir mitis, & sensatus, & appendit ista sub recta ratione, & non contempsit Ruth propter hoc: & fuerunt multa, quæ mouerunt ipsum Booz ad hoc. Primum fuit, quia credidit, quod Noemi fecisset istud, & Ruth non egisset arbitrio suo, nec iudicio, sed mandante Noemi, & sic siue malum, siue bonum esset, in hoc facto non erat aliquid ascribendum Ruth, sed Noemi: nam habebat Ruth causam credendi Noemi in his, & quibuscumque alijs: potissimè eum pertineret istud ad tractus legales, de quibus nihil nouerat Ruth, nisi quantum Noemi eam instrueret, & credere tenebatur ei in omnibus, quia ipsam habuerat ut magistratam ad conuersionem suam, & propter eam conuersa fuerat ad Iudaismum. Nunc autem petebat Ruth ipsum Booz in virum iure propinquitatis. Etiam istud erat secun-

dum conditionem legis, nesciebatque Ruth, an talis caeremonia esset in petendo hoc, ideo iuste credebatur ipsi Noemi: nec erat honestum, quod in talibus negotijs Ruth consuleret alios, & informaret se, an licitum esset talia fieri, quia periculum erat, si talia, quæ secretissima erant, diuulgarentur extraneis, quia forte impediretur factum, & ostenderetur aliqualis inhonestas ipsius Ruth, & Noemi. Quod autem Noemi erraret, non erat mirum, quia femina erat, & non poterat conuenienter in omnibus iudicare. Secundum erat, quia Booz respiciebat hic intentionem, & non factum, sicut quod omnia hæc fiebant animo contrahendi matrimonij cum illo, cum quo de lege cautum erat contrahi: ideo licet aliquid eorum, quæ erant ad finem, non esset bene ordinatum, bonitas finis suppleret totum defectum illius. Tertium erat, quia istud factum placebat ipsi Booz, scilicet, quod ipse acciperet Ruth in uxorem, ut suscitarer semen defuncto. Et quia cum Ruth acciperet totam hæreditatem Elimelech, & potissimè quia erat Ruth mulier magnæ virtutis, & accipiendo eam, plura accipiebat quam acquirendo multas diuitias, sicut dixit ipse Booz: scit omnis populus, qui intra portas urbis meæ est, te mulierem esse virtutis. Quartum erat, quia cum esset Ruth mulier honestissima, & magnæ virtutis, quidquid ageret, iudicaretur bonum, sed ad bonum finem factum, & non molestè ferret Booz quidquid faceret Ruth.

**H** Quomodo Noemi ausa est exponere ipsam Ruth tanto periculo.

*Quest. XXI.*

**Q**VAERETVR ulterius, quomodo Noemi ausa est exponere ipsam Ruth tanto periculo: nam poterat ex his tantum concipere odium, & suspicionem mali Booz, quod non solum non susciperet Ruth in uxorem, sed etiam reputaret eam vilissimam mulierem, quæ taliter sollicitauerat virum non sollicitata ab eo, & sic non faueret ei, nec Noemi: sed abijceret eas tanquam contemptibiles. Aliquis dicet, quod Booz non cognouit turpitudinem aliquam in opere isto, cum Ruth solum peteret contractum matrimonij. **I** Dicendum quod non stat, quia tam aperta erat ista res, quod nemo dubitaret de illa, scilicet, quod cum ipsa Ruth poneret se nudam in lecto viri, & tangeret carnem eius, diceretque ei, extende pallium tuum super me: ideo dicendum quod Booz manifestè vidit, quod Ruth petebat coitum matrimoniale, scilicet, ut contraheretur matrimonij, & illico consummaretur: & tamen non iratus est, nec reputavit Ruth contemptibilem propter causas signatas præcedenti quaestio. & tamen ille non mouerent Noemi, sicut mouerunt Booz, quia ad Noemi pertinebat cauere, ne istud, quod ipsa intendebat, cederet in malum euentum, nec cedere posset aliquo modo. Ad Booz pertinebat iudicare in bonum finem illud fieri, quod poterat in bonam partem interpretari, dato quod non fieret ad bonum. Dicendum ergo aliter, sicut Noemi fuit mora ad faciendum hoc putans, quod per hoc non se exponebat alicui periculo, nec etiam ipsam Ruth, sed putabat necessarium esse sic euenire, sicut ipsa cogitabat eo, quod ad hoc habebat magna adminicula: nam quod aliquis vir diligit feminam propter aliquam probitatem, quæ in ea est, vel alias, facile est quod moueatur in illam ad concupiscendum eam carnaliter, nisi sit honestissimus, vel sit aliquod impedimentum, quod tollat hæc, & tamen nunc omnia, quæ poterant mouere virum in libidinem, erant inter Booz & Ruth: primò quia ipse erat vir potens coire, cum postea ex ipsa Ruth genuerit Obed, sequenti causa. Secundò quia diligebat ipsam Ruth: nam ostenderat



ei magnum fauorem, & placuerat in oculis eius, ut patet precedenti cap. Tertiò, quia ipsa Ruth erat puella tenera, & concupiscibilis ad libidinem à quolibet viro. Quartò, quia ipse Booz erat valde promptus ad libidinem, cum esset hilarior factus bibito vino ad superabundantiam, & vinum despumat in libidinem. Quintò, quia viderat Booz ipsam Ruth, postquam erat stimulatus vino ad libidinem, & erat tunc ipsa Ruth pulchra nimis, scilicet lota, vncta, & ornata vestibus cultioribus, per quæ omnia raperet ipsum animum Booz, & innasceretur sibi desiderium fruendi illa data opportunitate. Sextò, quia ipsa Ruth proiecit se ad pedes Booz in lecto, & tetigit carnem eius nuda existēs, per quod offerebatur in promptum ipsi Booz, quod iam concupuerat: ideo non restabat nisi frui optato. Septimò erat, quia ipsa Ruth petiuit cognosci à Booz, licet per verba aliquantulum honesta, scilicet, exēde pallium tuum super ancillam tuam, quia propinquus es. His autem omnibus existentibus videbatur difficillimum, quin Booz vellet cognoscere carnaliter ipsam Ruth, quia ferreus vir esset, vel omnino virtutem heroicam habens, qui omnibus his existentibus non expleret, quod flammæ veneræ suaderent, & sic putabat Noemi de Booz, quod necesse esset, quod cognosceret carnaliter ipsam Ruth: & hoc matrimoniali affectu, quia aliter non permitteret ipsa Ruth se cognosci. Vnde non timebat, quod posset euenire aliquod periculū ex hac re, & tamen nihil factum est eorum, quæ putabat Noemi, cum Booz noluerit carnaliter cognoscere ipsam Ruth, ideo poterat eam contemnere, & etiam Noemi tanquam inuentricem huius turpitudinis, sed non fecit, quia motus fuit ex multis ad non faciendū hoc, ut patet precedenti quæstio. *Dormi vsque mane*. Cū noluisse Booz cognoscere carnaliter Ruth, quia non poterat eam accipere in uxorem, vsque quo consuleret alium cognatum suum, qui erat propinquior, nec posset illud facere per noctem, dixit ei: dormi vsque mane, scilicet, non possemus aliquid facere nunc, ideo dormi vsque mane cessans ab hac cura. Et dixit vsque mane, id est vsque ad auroram, quia ante initium diei surrexit Ruth, cum nondum se possent homines cognoscere, ut patet infra in litera. *Dormiuit itaque ad pedes eius*. Sicut proiecerat se Ruth ad pedes Booz, ut haberetur via ad hoc, quod cognosceret eam, ita mansit ibi vsque mane nolente aliquid facere Booz. Quare autem mansit ad pedes, declarabitur infra in quadam quæstione. *Vsque ad noctis abscessum*. Id est vsque quo tota nox recederet. Dicitur autem hic cessare nox incipiente crepusculo auroræ, quod est per horam, & quintam partem horæ ante solis ortum, quia aliàs accipiēdo noctem vsque ad consistentiam centri solis in horizonte, quod vocatur diei exordium secundum Astrologiam, non esset verum, quod Ruth dormiuit vsque ad noctis abscessum, quia eo tempore recessit, quo nondum homines se cognoscere poterant, ut patet in litera. *Surrexit antequam homines cognoscerent se mutuo*. Hoc fecit ad tollendam præsumptionem, scilicet ne putaretur, quod veniebat de fornicando cum Booz, vel de alio loco inhonesto, & sic rediret in urbem antequam quisquam eam videret: & si quis videret, non cognosceret illam. *Et dixit: caue, ne quis nouerit, quod huc veneris*. Hoc dixit Booz, ut non infamaretur ipse, quia si sciretur, quod veniebat de area Booz, putaretur, quod ipse dormierat cum ipsa illa nocte, & ex hoc impediretur matrimonium contrahi cum alio cognato Booz, de quo ipse dixerat, quod erat propinquior eo, & quod sibi debebatur Ruth: & alia scandala sequerentur, & ipsam Ruth infamaretur, quia putaretur fornicaria, & posset eam accusare de adulterio cognatus, sicut infra declarabitur in quadam quæstione. *Et rursus*.

**A** Id est iterum dixit ei. *Expande inquit pallium tuum, quo operiris, & tene vtraque manu*. Laborauerat Ruth disponendo se, ut placeret Booz, & ut contraheretur natiuitatem, & tota nocte manserat in area: ideo Booz noluit, quod iste labor adhuc pro tunc esset superuacuuus, & ob hoc dedit ei sex modios hordei, & dixit, quod portaret eos in pallio suo, quia fortè non occurreret sibi ibi habere aliquid aliud, in quo portare posset hæc. Et dixit, quod teneret pallium vtraque manu, scilicet, ut non effunderetur hordeum per aliquam partem. *Qua extendente, & tenente*. Scilicet, sicut iusserat Booz. *Mensus est modios sex hordei*. Quanta esset mensura modij, declarabitur infra in quadam quæstio. *Et imposuit super eam*. Quia ipsa non poterat sibi imponere super humeros, vel scapulas. *Quæ portans ingressa est ciuitatem*. Nam area erat in agro, & focrus sua Noemi ad cuius domum veniebat erat in vrbe Bethlehem. *Et venit ad socrum suam*. Nam Ruth morabatur cum focru sua, eo quod non habebat aliam domum eo tempore, quo nondum accepta erat in uxorem à Booz. *Quæ dixit ei, quid egisti filia*? Mirata est Noemi, cum vidit Ruth diluculo ad se venientem hordeo oneratam: nam non putauit, quod sic veniret: cum enim instruxisset eam ad hoc, quod incitaret Booz ad cognoscendum eam carnaliter, & contrahendum cum ea matrimonium putabat, quod sic factum esset, adeo quod Booz retineret iam apud se ipsam Ruth: nunc autem diluculo, cum vidit eam ad se venientem mirata est, quod aliquid aduersum accidisset ipsi Ruth, vel quia fortè errauisset circa aliquod eorum, quæ dixerat ei Noemi adeo, quod non esset finitum negotium, & ob hoc illico, ut vidit eam quæsiuit ab ipsa quid egisset. *Narrauitque ei omnia, quæ fecisset homo*. Scilicet, omnia quæ fecerat, & dixerat Booz narrauit, & non solum illa, sed etiam illa, quæ ipsa fecerat, non tamen oportuit, quod ita enarraret ea, quæ fecerat ipsa, sicut ea, quæ fecerat Booz, eo quod ipsa erat instructa à Noemi quid deberet facere, & sufficiebat ei dicere, quod fecerat omnia, quæ iusserat ei facere Noemi: & tamen de eis, quæ facturus erat Booz, nihil sciebat Noemi, ideo illa oportuit enarrari. *Et ait: ecce sex modios hordei dedit mihi*. Scilicet, finitis sermonibus, dedit mihi sex modios hordei, ut venirem ad te. *Et ait, nolo vacuum te reuerti ad socrum tuam*. Quasi dicat, cum tota ista nocte hic steteris, & laboraueris, nolo quod vacua redeas ad socrum tuam, cum qua moraris. *Dixitque ei Noemi: expecta filia, donec videamus, quem res exitum habeat*. Hoc dixit Noemi, ut maneret Ruth illa die in domo, & non facerent aliquid donec viderent qualiter procedebatur in negotio, eo quod dixerat Booz, quod sequenti die videretur, quid super hoc fieri deberet. *Neque enim cessabit homo, nisi cum impleuerit, quod locutus est*. Redituum causa est, quia dixerat Noemi ad Ruth, quod quiesceret in domo, donec videretur finis istius negotij. Et quia poterat dicere Ruth, quod fortè non determinaretur ante multos dies, & oporteret multo tempore manere in domo, quod non erat expediens, dixit Noemi, quod cito expediretur negotium, eo quod non cessaret homo, scilicet Booz, donec impleveret quod locutus erat. Dixerat enim, quod si suscipere eam vellet cognatus suus, quod traderet eam ei: si autem nollet, ipse eam sine dubio acciperet in uxorem, & istud in breui videri poterat.

*Quæ fuit prior misericordia, & quæ posterior.*

*Quæst. XXIII.*

**Q**VAERETVR, cum dixit hic Booz, quod superauerat priorem misericordiam posteriore misericordia,



ricordia, quæ fuit prior misericordia, & quæ fuit posterior. Dicendum, quod prior misericordia fuit, quam ostendit Ruth ad Mahalon virum suum viventem: nam cum esset vivens tractabat eum bene: licet enim esset Ruth in terra sua tunc, & Mahalon in terra aliena, & posset Ruth aliquo modo dominari viro suo propter fauores parentum, amicorum, & cognatorum, non fecit, sed habuit se valde bene ad eum obsequendo ei in omnibus, quæ erant ad honorem eius. De ista misericordia locuta est Noemi ad Ruth, & Orpham nurus suas, scilicet, faciat dominus vobiscum misericordiam sicut fecistis cum mortuis, & mecum, supra primo capit. Etiam fuit alia misericordia quam Ruth fecit cum Noemi: nam cum redire vellet Noemi in terram suam de terra Moab, sola carens viro, &, filiis miserta est eius Ruth, & voluit cum ea venire, nec voluit ipsam dimittere: & ista fuit magna valde misericordia, & computatur vtraque istarum prima misericordia, posterior minus fuit, quam fecit nunc Ruth volendo accipere Booz in virum, nam ipsi mortuo faciebat misericordiam volendo suscitare semen eius, quod magis dicitur seq. quæst.

*Quomodo posterior misericordia fuit maior quam prima.*  
Quæst. XXIIII.

**Q**VAERETVR ulterius, quomodo posterior misericordia fuit maior quam prima. Aliquis dicit, quod nulla misericordia erat ista, quam nunc vocat Booz posteriorem misericordiam: nam quod Ruth vellet accipere Booz in virum, erat quod honoraretur ipsa accipiendo virum potentem, & magnarum opum, & in hoc faciebat Ruth utilitatem suam potius quam opus misericordiae, & tamen in primis fecit opus misericordiae valde magnæ. De prima misericordia, quæ habuit Ruth erga virum suum viventem, apparet: nam poterat Ruth dominari ei, cum esset vir in terra aliena, & ipsa esset in terra sua, & tamen serviebat ei ad nutum. Secunda erat adhuc maior misericordia, quæ voluerit Ruth dimittere patriam, & parentes, & Deos suos propter Noemi: ideo non fuit maior misericordia posterior quam prima. Dicendum, quod ista misericordia consideratur dupliciter, aut in se & absolute aut respectu defuncti. Primo modo misericordia prima fuit maior quam posterior, eo quod illa erat laboriosior. Etiam quia plura ibi impendebat Ruth, quam nunc in postrema impenderat. Si autem accipitur respectu defuncti, dicendum quod erat postrema maior. Pro quo considerandum, quod misericordia ista erat, quod si Ruth non accepisset Booz in virum, nec aliquem de cognatione Mahalon viri sui, cum decessisset Mahalon sine liberis, non posset conservari nomen suum in familia, sed deleteretur, & istud reputabatur inter Hebræos magna infelicitas, quod deleteretur nomen alicuius de familia sua: unde Saul credens David fore sibi infestum, & quod confortaretur contra eum, oravit, & coegit eum iurare ne deleteretur nomen eius de familia sua, primo Regum 24. quasi maximum malum esset deleri nomen alicuius de familia sua: si autem Ruth acciperet Booz in virum, vel aliquem de familia Mahalon viri sui, suscitaretur semen viri sui, & non esset infortunatus quantum ad hoc: ista autem erat magna misericordia, scilicet facere, quod non deleteretur nomen eius, & est maior quam prima propter duo. Primo, quia cum quis benefacit homini presenti, à quo potest recipere vicissitudinem non est admirandum: cum autem benefacit mortuo, vel absenti, à quo non potest recipere retributionem, est magis admirandum: & quia misericordia prima præstita est Mahalon viventi, & etiam Noemi viventi, mi-

**F**ericordia autem ista præstatur Mahalon mortuo, & ut non deleteretur nomen eius, ideo erat maior. Secundo patet, quia maius beneficium erat ipsi Mahalon id, quod nunc ei præstatur Ruth, quam quod primo: nam prius beneficiebat ei serviendo ei tanquam vxor. Nunc autem beneficiebat faciendo, ne deleteretur nomen eius de familia sua. Et cum deleri nomen alicuius de familia sua sit maximum infortunium, erit maximum beneficium, & eufortunium conferre ei, quod nomen suum non deleatur de progenie sua. & istud præstatur Mahalon nunc ex misericordia Ruth, ideo videtur, quod misericordia ista erat maior, quam prior.

**G** Quomodo dixit Booz, quod Ruth nunc magnam misericordiam fecerat volendo accipere Booz in virum ad suscitandum nomen defuncti, & an Ruth tenebatur ad hoc, vel erat ei liberum.

Quæst. XXV.

**Q**VAERETVR ulterius, quomodo dixit Booz quod Ruth fecerat nunc magnam misericordiam volendo accipere Booz in virum ad suscitandum nomen defuncti in progenie sua: nam videtur, quod non faciebat aliquam misericordiam: quia qui facit ad quod tenetur, non facit misericordiam: & tamen Ruth tenebatur ad hoc, quia quando moriebatur aliquis habens vxorem sine semine, vxor sua tenebatur expectare cognatos viri, si esset aliquis, qui vellet eam accipere ad suscitandum nomen defuncti, & si antequam illi renuerent acciperet quemquam in virum, vel fornicaretur cum aliquo, licet esset vidua, poterat accusari de adulterio, sicut si esset coniugata, vel desponsata per verba de presenti: sic patet in Thamar nuru Iudæ, quam acceperant duo filij sui successivè in vxorem, qui ambo mortui sunt sine semine, & iussit Iudas, quod maneret in habitu viduitatis, donec crederet Sella filius eius, qui susceperet eam in vxorem ad suscitandum semen fratrum suorum, & nondum erat ei copulata, nec desponsata, & quia tunc repta est fuisse fornicata, ducatur ad incendium petente Iuda quousque; illa probavit, quod suscepisset à Iuda filios, Gen. 38. Ita fieret in Ruth, & sic non faciebat misericordiam. Aliquis dicit, quod non tenebatur Ruth accipere in vxorem virum aliquem de cognatione Mahalon viri sui: quia lex de suscitatione seminis imposita erat fratribus: Deut. 25. & tamen Mahalon non habebat aliquem fratrem, quia duo erant filij, Elimelech Chelion, & Mahalon, & ambo mortui sunt post patrem suum in peregrinatione terræ Moab, supra primo cap. ideo non erat lex de suscitatione seminis extendenda quantum ad alios: unde non teneretur Ruth expectare quemquam de tota cognatione viri sui, ut acciperet eum in virum ad suscitationem seminis defuncti, sed poterat accipere quem vellet, & ob hoc si acciperet aliquem, qui non esset de cognatione Mahalon, non suscitaretur semen eius, & periret nomen suum de cognatione sua: si autem acciperet ipsum Booz, vel alium de eadem cognatione in virum suscitaturum semen Mahalon, & non deleteretur nomen eius: ideo videtur quod faciebat misericordiam magnam viro in eo, quod noluit sequi iuvenes pauperes, vel diuites, quos poterat licite accipere in viros, sed voluit accipere ipsum Booz quamquam esset senex, & istud dixit Booz ad Ruth: benedicta tu filia à domino: quia priorem misericordiam posteriore superasti, quia non es secuta iuvenes diuites, vel pauperes. Sed dicendum, quod hoc non stat, quia Ruth obligabatur accipere virum de cognatione Mahalon viri sui, si aliquis esset: & quia Booz, & quidam alius supererant, tene-



tenebatur admonere Ruth quemlibet eorum, an vellet eam accipere in uxorem, & aliter non poterat accipere quemquam alium in virum, aliàs accusari poterat de adulterio. Et patet hoc, quia si non teneretur Ruth expectare cognatos viri sui, ut aliquis eorum acciperet eam in uxorem, non teneretur aliquis de cognatione Mahalon ad suscitandum semen eius, quia aliàs obligaretur ad impossibile, cum suscitatio seminis non posset fieri, nisi in uxore defuncti: si illa posset accipere quem vellet in virum extra cognationem defuncti, non posset suscitari semen defuncti. Quod autem isti obligarentur, patet, quia primus cognatorum Mahalon voluit accipere possessionem eius iure propinquitatis, & cum nollet accipere Ruth in uxorem, non data est ei possessio, & quia Booz voluit in uxorem accipere ipsam Ruth iure propinquitatis accepit possessionem, ergo manebat in istis obligatio ad suscitandum semen Mahalon. Secundò patet, quia si non esset in eis obligatio ad suscitandum semen Mahalon, non inferretur alicui eorum contumelia, quia non suscitabat semen Mahalon, & tamen priori eorum illata est contumelia, scilicet, quia calciamentum de pede eius solutum est, ut patet sequenti ca. & istud erat contumelia Deut. 25. ergo erat obligatio ad suscitandum semen Mahalon. Tertiò patet, quia ipsa Ruth petiuit ipsum Booz in virum iure consanguinitatis, dicens, expande pallium tuum super famulam tuam, quia propinquus es, id est iure propinquitatis potes me accipere in uxorem, & debes. Quartò patet, quia si non esset obligatio ad suscitationem seminis Mahalon, sed posset Ruth vxor eius accipere quem vellet in virum, quoniam dixit Ruth, quod acciperet Booz eam in uxorem, dixit ipse Booz, non abnuo me esse propinquum, sed est alius me propinquior, & si ipse te accipere non voluerit, sine dubio ego te accipiam: ergo non poterat liberè Booz accipere in uxorem Ruth, quousque cederet alius cognatus eius, & tamen si non esset necessitas istius suscitationis seminis, posset nubere Ruth, cui vellet, & Booz potuisset eam accipere non requisito alio, & tamen non potuit, ut colligitur supra in litera: ergo erat adhuc necessitas ad suscitationem seminis Mahalon. Responderi potest dupliciter: quidam dicunt, quod Ruth obligabatur accipere in virum aliquem de cognatione viri sui Mahalon, & non poterat accipere quemquam quousque; requireret omnes istos cognatos Mahalon: & sic probant rationes supra positae. Tunc autem respondendum est ad dictum Booz, qui laudavit Ruth, quia non esset secuta iuvenes diuites, vel pauperes: sed voluit accipere ipsum Booz ad suscitationem seminis viri sui defuncti. Dicendum, quod quamquam Ruth esset obligata ad non capiendum quemquam alienum virum, quousque requireret omnes cognatos viri sui, an eam vellent accipere, tamen si hoc ipsa non verè desideraret, haberet se remisse in eo, ita quod non reduceretur res ad effectum, sed potius indirectè impediret, quod non fieret, ut ipsa haberet in virum aliquem iuuenem: & tamen cum magna sollicitudine ipsa Ruth procurauit, quod Booz vellet esse vir eius, ideo laudanda erat, non quidem tanquam aliud facere posset, sed quia hoc bono animo fecisset. Alij dicunt, quod Ruth non erat obligata accipere Booz in virum, nec quemquam de cognatione Mahalon, sed poterat accipere quemcunque virum extraneum vellet, & illud faciendo non suscitaretur semen Mahalon: si autem vellet suscipere Booz in virum, vel alium de cognatis viri sui, suscitaretur semen viri eius: ideo laudabilis fuit, cum potuisset accipere iuuenem quempiam in virum, qui non esset de cognatione Mahalon, & noluit, ut suscitaretur semen viri sui. Etiam dicendum est tunc, quod non erant obligati cognati Mahalon suscitare se-

men eius, sed poterant si vellent, & si suscitarent gaudebant quibusdam privilegijs, scilicet, quod pertinebant ad eos bona defuncti: si autem non suscitarent semen eius, carebant illis privilegijs, & tamen non puniebantur: Quare autem sit verior istarum duarum positionum declarabitur sequenti cap. in quadam quaestio. & ibi respondebitur ad ista quatuor argumenta, quae ponuntur hic tenendo istam partem. Quidquid ergo teneatur, ipsa Ruth fecit misericordiam magnam volendo accipere Booz in virum ad suscitandum Mahalon semen viri sui iam mortui.

*Quare dixit Booz ad Ruth: nec abnuo me esse propinquum: sed est alius me propinquior.*

*Quest. XXVI.*

**Q**VAERETVR ulterius, quare dixit Booz ad Ruth: nec abnuo me esse propinquum, sed est alius me propinquior. Respondendum, quod determinatio huius dubij pendet ex determinatione praecedentis quaest. scilicet, non existentibus fratribus defuncti, an alij cognati in quocunque gradu, vel saltè in aliquo teneantur ad suscitationem seminis defuncti. Quidam dicunt, quod sic, & secundum istos dicendum est, quod Booz, & alius cognatus suus tenebantur ad suscitandum semen Mahalon, & non poterat Ruth accipere quemquam in virum, nisi ambo isti recusarent eam accipere. Et tunc dicendum, quod erat ordo in obligatione, quia magis propinquus tenebatur prius, & deinde alij per ordinem, & sic non poterat mulier petere in virum minus propinquum irrequisito magis propinquo, & minus propinquus non poterat accipere in uxorem ipsam uxorem defuncti, non cedente magis propinquo, & quia erat alius propinquior ipsi Mahalon, quam Booz non, poterat Booz accipere Ruth in uxorem, quousque ille cederet, & sic dixit, quod ipse propinquus erat, & tamen erat alius propinquior, qui prius requirendus erat, & si ille cederet, sine dubio ipse Booz acciperet Ruth in uxorem. Alij dicunt, quod nulli consanguineo in quocunque gradu teneantur secundum legem Moyse suscitare semen defuncti, nisi fratres. Et tunc dicendum est, quod Booz, & cognatus suus non obligabantur accipere Ruth in uxorem ad suscitandum nomen defuncti, poterant tamen sic suscitare, & sic Booz suscepit ipsam Ruth ad suscitandum nomen, & semen defuncto, ut patet sequenti capitu. & tunc dicendum, quod quando isti, qui non obligabantur volebant suscitare semen defunctorum, tenebantur seruare ordinem: quem seruabant illi, qui obligabantur ad hoc, scilicet prius, qui erant magis propinqui. Et quia Booz volebat nunc suscitare semen Mahalon defuncti, requiri fecit prius alium cognatum suum, qui erat propinquior Mahalon quam ipse Booz. Quare autem istarum responsionum sit vera, dependet ex determinatione praecedentis quaestionis, quae determinabitur seq. cap. in quadam quaestione.

*An per ista verba, quae dixit Booz fuerit contractum matrimonium, vel saltem sponsalia de futuro.*

*Quest. XXVII.*

**Q**VAERETVR ulterius, cum dixit hic Booz ad Ruth: si propinquus meus te accipere voluerit, res bene acta est: si autem noluerit, sine dubitatione ego te accipiam, viuit dominus: an per ista verba fuerit contractum matrimonium, vel saltem sponsalia de futuro. Respondebit aliquis, quod contractum est hic



imponere istos sex modios super scapulas Ruth. Erat **F** ergo aliqua mensura valde parua, ita vt fortè sex modij solùm facerent quantitatem vnius fauetæ nostræ, vel non tantum, quia istud erat satis graue pondus pro fœmina, vt portaret illud de agro in vrbe, sicut portauit Ruth.

*Quare dedit Booz ipsi Ruth sex modios hordei, & non plures vel pauciores. Quest. XXXII.*

**Q**VAERETVR vltius, quare dedit Booz ipsi Ruth sex modios magis quàm plures, vel pauciores. Responder Rabbi Salamon, quòd istud fuit factum ad significandum sex benedictiones venturas super Messiam, qui nasciturus erat de Dauid, & de semine Ruth & Booz, & ponuntur istæ benedictiones Isa. i. r. Sed obijcietur, quia ibi ponuntur septem benedictiones, siue Spiritus septem, quos nos vocamus dona Spiritus Sancti, & hic ponuntur sex modij. Responder Nicolaus pro Rabbi Salamon, quòd in Hebræo non ponuntur nisi sex; nam Spiritus pietatis, qui ponitur in translatione nostra nō habetur in Hebræo. De hoc non est dicendum in presenti, scilicet quomodo in litera nostra sit aliquid, quod non sit in Hebræo, sed loco suo dicetur. Et tamen dicendum, quòd hoc non obstante istud non est ad propositum: nam iste sensus est nimis alienus: scilicet, quòd darentur sex modij propter sex benedictiones Messiae. Item non consonat, quia Booz nesciebat, quòd Messias habiturus esset tot benedictiones, vel plures, vt ad hanc intentionem daret, quia istud fuit postea reuelatum à Deo per Isaiam toti seculo: Isa. i. r. Item dato, quòd sciret Messiam habiturum benedictiones sex, nesciebat, an de progenie eius futurus esset, quia adhuc nesciebat, an de semine suo venturus esset, & de semine Ruth. Aliquis dicet, quòd fortè Booz cognouit hoc propheticè: nam licet ista non possent cognosci via naturali, De reuelauit aliquid ipsi Booz, quia erat vir bonus, & Sanctus, & sic cognosceret Messiam venturum de semine suo, & sex benedictiones venturas super eum, & sic dedit sex modios hordei ad expressionem illarum. Dicendum, quòd hoc non stat, quia Booz non cognouit, an futurus erat de semine suo & Ruth Messias: nam nesciebat an eam in vxorem habiturus esset. **I** Quod patet, quia quando Ruth dixit ipsi Booz, quòd acciperet eam in vxorem, & extenderet pallium suum super illam, dixit Booz, quòd alius erat propinquior, & quousque sciretur, an ille vellet eam accipere, non acciperet illā Booz: si autem non acciperet illam confestim acciperet eam Booz, & manens sub isto dubio dedit ei sex modios hordei, ergo non dedit ad significandum sex benedictiones, quæ venturæ erant super Messiam futurum de semine Ruth, & suo. Item quia iste sensus non conueniret literæ, quia nullus intelligeret hoc factum esse ad hanc intentionem, quia nimis distans est hoc à sensu literæ, cum litera puram historiā tangat hic. Dicendum ergo q̄ causa, quare dedit Booz sex modios hordei, & non plures, fuit, quia voluit dare Booz ipsi Ruth aliquid, vt non abiret vacua, & voluit ei dare quantum ipsa posset portare, & quia poterat portare Ruth sex modios hordei, vel quasi plures putauit Booz, q̄ fortè non posset portare plus, & ideo solùm dedit ei sex modios hordei. **K**

## CAPITVLVM III.



**A**SCENDIT ergo Booz ad portam, & sedit ibi. Cumque vidisset propinquum præterire, de quo prius sermo habitus est, dixit ad eum: Declina pau-

lisper & sede hic: vocans eum nomine suo. Qui diuertit, & sedit. Tollens autem Booz decem viros de senioribus ciuitatis, dicit ad eos: Sedetæ hic. Quibus sedentibus locutus est ad propinquum: Partem agri fratris nostri Elimelech vendit Noemi, quæ reuerfa est de regione Moabitide: quod audire te volui, & tibi dicere coram cunctis sedentibus, & maioribus natu de populo meo. Si vis possidere iure propinquitatis: eme, & posside: sin autem displicet tibi, hoc ipsum indica mihi, vt sciam quid facere debeam. Nullus enim est propinquus excepto te, qui prior es, & me, qui secundus sum. At ille respondit: Ego agrum emam. Cui dixit Booz: Quando emeris agrum de manu mulieris: Ruth quoque Moabitidem, quæ vxor defuncti fuit, debes accipere, vt suscites nomen propinqui tui in hæreditate sua.

*Ascendit ergo. Descripta in præcedentibus legali conuentione, scilicet de matrimonio agendo, hic ponitur de matrimonij contractione. Et diuiditur in quatuor, quia primò ponitur propinqui citatio. Secundò vxoris acceptio ibi. At ille maioribus. Tertiò prolis susceptio ibi. Ingressus est. Quartò populi prospera annuntiatio, vel latificatio ibi. Dixeruntque mulieres.*

*An hic sit ordo continuus, & an hæc immediatè facta fuerint.*

*Quest. PRIMÆ.*

**Q**VAERETVR circa primum, an ea, quæ habentur hic sint continuata ad præcedentia: & an fuerint facta immediatè post illa, vel interiecto aliquo tempore. Ad primum dicendum, q̄ hic est ordo continuus: nam præcedenti cap. dicebatur de his, quæ præcesserunt ad hoc, q̄ contraheretur matrimonium inter Booz & Ruth: hic autem agitur de ipso contractu,



estu, ideo necesse est, q̄ fuerint ista post illa. Ad secundum dicendum, q̄ inter ista & præcedentia fuit paucū tempus, scilicet vna nox, nam Ruth venit ad Booz per noctem, vt contraheret cum eo matrimonium, & cognosceretur ab eo illico: Booz autem respondit, q̄ cessaret Ruth illa nocte vsque mane: quasi dicat, q̄ manē poneret hoc in executione, & ita factū est, quia Ruth in aurora reuersa est ad socrum suam portans sex modios hordei, & tunc Booz iuit ad cognatum suum vocans eum in porta vr̄bis, & ibi cessit iuri propinquitatis, vt patet infra in litera. & sic eadem die, qua inceptū est opus istud, finitum est. Nam præcedenti nocte inceptum est, & die sequenti conclusum, accepitque Booz ipsam Ruth in vxorem. Circa primum ponitur proximitatem, scilicet ad videndum, an vellet accipere Ruth in vxorem. Et diuiditur in duo, quia primò ponitur ipsa citatio iuris, scilicet propinquitatis cessio ibi. *Qui respondit cedo iuri.* Circa primum dicitur. *Ascendit ergo Booz ad portam ciuitatis.* In Hebræo non habetur ciuitatis, sed solum ad portam, & tamen intelligebatur de porta ciuitatis, q̄ illa est porta absolute, eo q̄ est porta communis, aliæ autem sunt priuatarum personarum, & ibi factum est istud negotium: quare autem ascenderit Booz ad portam ciuitatis declarabitur infra in quadam quæstione. *Et sedit ibi.* Scilicet, expectando ibi aliquem, vel sedendo ad iudicandum, vt aliqui volunt. *Cumque vidisset propinquum præterire, de quo prius sermo habitus est.* Scilicet, vidit præterire illum cognatum suum, de quo factus est sermo præcedenti cap. & ibi facta est mentio de isto propinquo. Nam dixit Booz ad Ruth, q̄ alius erat propinquior eo, qui poterat accipere ipsam Ruth in vxorem, & q̄ videretur de illo, an vellet eam accipere. Et nunc accidit, q̄ ille transiret ante Booz sedentem ad portam vr̄bis. *Et dixit ad eum: declina paulisper, & sede hic.* Scilicet, declina à via tua cessando paulisper, & sede hic modicum, quia volo tecum loqui, scilicet de matrimonio Ruth. *Vocans eum nomine suo.* Scilicet, Booz vocauit illum tunc nomine suo, & tamen scriptura non ponit hic nomen istius, nec præcedenti cap. cuius causa declarabitur infra in quadam quæstione. *Qui diuertit.* Scilicet, cessauit, & declinauit à via sua quam inceperat. *Et sedit.* Scilicet, ad portam vr̄bis, vbi erat Booz. *Tollens autem Booz decem viros de senioribus ciuitatis.* Volebat loq̄ Booz ad cognatum suum, & ad hoc voluit habere testes, vt firmum esset quod fiebat: ideo vocauit istos decem viros in testes, vnde postea dixit testes, vos estis hodie. Et vocauit de maioribus natu, idest senioribus totius vr̄bis, quia illi sunt maioris auctoritatis, & præsentia illorum magis auctorizaret factum. *Dixit ad eos: sedete hic.*

Cur iudices in ferendis sententijs sedeant.

Fecit q̄ sederent, vt cum maiori grauitate opus tractaretur. Nam sic etiam fit de iudicibus, q̄ iudices sedendo debent pronunciare sententias, vt teneat, quod efficiunt: & hoc est ad grauitatem, & maturitatem iudicij designandam. *Quibus sedentibus locutus est ad propinquum.* Incepit proponere negotium suum de matrimonio Ruth. *Partem agri fratris nostri Elimelech vendidit Noemi.* Principium loquendi Booz ad cognatum suum super matrimonio Ruth fuit in venditione possessionis, dicens, quòd Noemi socrus Ruth vendiderat quandam partem possessionis, quæ fuerat Elimelech: ideo dicebat ei, an vellet ipse illam partem agri tenere, quia ei competebat iure cognationis, & vocauit Elimelech fratrem suum de cognatione sua: nam non erat frater istorum duorum, sicut declarabitur in quadam quæstione: erat autem Noemi vxor Elimelech iam defuncti, & illa tenebat possessionem viri, cum non haberet filios, & de illa dicit Booz, quòd vendiderat Noemi partem possessionis illius. *Quæ reuersa est de regione Moabitide.* Scilicet, Noemi reuersa est de

Alph. Tost. super lib. Ruth

terra Moab, in qua cum viro suo, & duobus filiis peregrinata fuerat annis decem, vt patet supra primo capitulo. *Quod audire volui te.* Idest, ego volui, quòd tu audires, scilicet, quia competebat iure tibi istam possessionem emere, cum sis propinquus: ideo fuit bonum, quòd tu audires, quòd vendita erat. *Et tibi dicere.* Idest, tibi notificare, vt non solum ex cuiuscunque incerto dicto, sed ex mea denunciatione certius moneris. *Coram cunctis sedentibus, & maioribus natu de populo meo.* Idest, volui hoc tibi denunciare coram omnibus istis senioribus, & sedentibus in porta vr̄bis, vt non possis negare tibi denunciatum esse. Et in hoc innuebat Booz, quòd si ille cognatus suus, non acceptaret possessionem illum, quòd ipse acceptaret eam: ideo denunciabat sibi coram testibus, vt non posset negare postea sibi denunciatum esse, quòd venderetur ista possessio. *Si vis possidere iure propinquitatis, eme & posside.* Quasi dicat, propinquiori conuenit ius emendi possessionem alicuius cum venditur, & quia tu es propinquior Elimelech cæteris cognatis, competit tibi propinquitatis iure emere, si vis. *Si autem displicet tibi.* Idest, si non vis emere propinquitatis iure. *Hoc ipsum indica mihi, quid facere debeam.* Quasi dicat, si tu non vis emere iure propinquitatis, cum ego sim propinquior cæteris, competit mihi eodem iure, & tunc ego volo deliberare, an emere debeam. *Nullus est enim propinquus excepto te.* Declarat causam dicti sui, scilicet si non vellet cognatus suus ille emere iure propinquitatis declarare debebat, vt sciret Booz quid faceret, scilicet, an emeret: nam iure propinquitatis nullus erat, qui posset emere, nisi isti duo, scilicet, Booz, & cognatus eius. Et hoc dicit hic Booz. *Qui prior es, & me qui secundus sum.* Scilicet, ille cognatus Booz est in propinquiori gradu cognationis, & post eum erat Booz. *At ille respondit, ego agrum emam.* Scilicet, acceptauit libenter iure propinquitatis habere quantum ad emptionem agri. *Cui dixit Booz quando emeris agrum de manu mulieris.* Scilicet, quando emeris agrum de manu Noemi. Nam Noemi vendebat agrum, & ista est intentio Booz declarata: nam ipse non intendebat, quòd emeret cognatus suus agrum, sed quòd acciperet Ruth in vxorem, & vt moueret eum ad accipiendum Ruth, quòd fortè non erat concupiscibilis, proposuit de emptione agri, qui erat concupiscibilis: & cum dixit ille, quòd volebat emere agrum, dixit Booz, quòd etiam acciperet simul in vxorem ipsam Ruth, quòd ille non acceptauit. *Ruth quoque Moabitidem, quæ vxor fuit defuncti debes accipere.* Scilicet, debes accipere in vxorem, quia non habet virum: & illa fuit vxor Mahalon defuncti, cuius fuit ista possessio. *Vt suscites nomen propinqui in hæreditate sua.* Scilicet, accipiendo eam in vxorem suscitabis nomen defuncti, scilicet Mahalon in hæreditate sua, scilicet nunc est nomen illius perditum, quia nullum reliquit filium, & tamen si tu acciperes vxorem eius, suscitabis nomen eius, scilicet gignes filium ei, qui vocetur nomine illius, & hoc in hæreditate sua, scilicet, ille de te genitus succedet in hæreditate Mahalon tanquam si esset filius eius verus, & non legalis solum: de ista suscitatione seminis multa dubia ponentur in quibusdam quæstionibus.

Quare Booz ascendit nunc ad portam ciuitatis.

Quæst. I.

**Q**VAERETVR circa prædicta, quare Booz ascendit nunc ad portam ciuitatis. Aliqui dicunt, q̄ à casu factum est, q̄ Booz ascenderet ad portam ciuitatis ad faciendum aliquid aliud, & vidit ibi existens

Kk 2 tran-



transeuntem cognatum suum, & dixit ei, quod declinaret ad tractandum de matrimonio Ruth. Dicendum tamen videtur, & melius, quod istud non fuerit factum à casu, quia Booz dixerat nocte præcedente, quod quiesceret ipsa nocte Ruth, scilicet ipsa nocte solum cessaret, quia sequenti die ipse tractaret negotiū, ideo verisimile est, quod curam haberet de tractando illud, & sic ascenderet nunc ad istud. Item patet, quia quando venit Ruth ad Noemi socrum suam dixit: expecta filia quousque videamus quem res exitum habeat: nec enim cessauerit homo, nisi compleuerit, quod locutus est: ergo die ista sollicitabatur Booz circa contractum matrimonij Ruth. Vnde non ascendit à casu ad portam vr̄bis, sed dicendum, q̄ illuc ascendit ad tractandum istud negotium. Causa autem quare illuc ascendit potest esse multiplex. Prima est, quia debebat Booz cognatum suum vocare ad tractandum istud negotium, & fortè ipse sciebat, q̄ apud portam vr̄bis transiturus erat, ideo illuc ascendit. Et istud verisimile est, quia tunc erat tempus messis, & omnes Israelitæ pauperes, vel diuites egrediebantur ad opera sua ad agros: & sic iste cognatus Booz egressus erat ad agrum, vel aream, quod sciens Booz expectauit eum ad portam, quia ibi certius erat eum inuenire quàm in tota vr̄be. Secundum erat, quia volebat Booz facere hoc coram testibus multis, vt esset opus firmū, & magnæ auctoritatis. Et patet: nam decem de senioribus fecit sedere, & multi etiam alij sederunt cum eis, dum fieret hoc, & tamen in nullo loco vr̄bis plures conueniebāt, quàm ad portam vr̄bis, ideo illuc ascendit. Tertium est, volebat Booz, q̄ istud opus fieret iudicialiter, vt non posset obijci contra illud. Iudicium autem fiebat in portis ciuitatum apud antiquos, ibi autem sedebant iudices ad iudicandum, & conueniebat totus populus promptius quàm ad alia loca. Et erat causa huius, quia iudicium est actus publicus, & debet fieri in loco valde publico, non videbatur autem aliquis locus magis publicus, quàm porta vr̄bis: ideo ibi fiebat iudicium. Etiam fiebat hoc propter transeuntes, vt transeuntes per loca, & venientes vndeunque ad illa haberent iudices promptos ad sibi ius reddendum, s. in portis vr̄bium, & sic nomine portarū antiquitus in veteri testamento intelligebantur iudices. Sic patet Deut. 17. f. Si difficilè, & ambiguum iudicium esse prospexeris apud portas tuas, id est si in iudicibus, qui sunt inter portas vr̄bium fuerit repertum iudicium varium, & difficilè. Sic etiam in multis alijs locis librorum veteris testamenti fit mentio de congregationibus, quæ erant in portis vr̄bium. Etiam ad ista loca solebant homines magis cōfluere ad iucunditatem. Vnde 3. Reg. 21. & 2. Paralip. 18. dicitur de rege Iosaphat, & Achab rege Israel, q̄ erant ambo in porta Samarię in solijs suis ambo vestiti cultu regio. Illuc ideo ipsi, & populus eorum confluebat ad solatium. A principio autem fuit alia consuetudo, q̄ iudices super currus equitarent, & per totam vr̄bem discurrerēt, & quilibet exibat de domo sua, & petebat sibi de iure prouideri in eo quo putabat se læsum, & sic labor totus erat iudicium, & nullus erat litigatorum, vel populi, vt tangitur in quadam glosa super oraculum: sed iste modus visus est non cōuenire, & abolitus est, & fuit postea consistorium iudicum in portis vr̄bium, vt auferretur labor venientium ad iudices, s. q̄ quilibet haberet ibi iudicem in promptum, deinde mutatum est etiam illud, & facta sunt consistoria iudicum in alijs locis vr̄bium. Ex his autem Booz ascendit ad portam vr̄bis, quia alibi non poterat conuenienter facere istud opus.

Antiquus  
quare iudi-  
ciū fiebat  
in portis  
ciuitatum.

Quare Booz sedit in porta vr̄bis.

Quæst. III.

**Q**VAERETVR vltius, quare Booz sedit in porta vr̄bis. Respondet quidam, quod sedit vt istud opus tractaretur cum maiori maturitate, & non quasi cum celeritate, sicut fit in iudicium sententijs, quæ dantur sedendo, si cum solennitate iuris proferantur. Istud satis conuenit. Et tamen dicendum, q̄ non fuit ista prima causa motiua ad sedendum. Nam antequam tractaretur istud opus, sedebat Booz in porta. Quod patet, quia dicitur in litera, q̄ ascendit Booz ad portam ciuitatis, & sedit ibi: & postea dicitur, q̄ cum vidisset præterire cognatum suum, de quo sermo habitus fuerat, dixit ad eum: declina paulisper, & sede hic. Alij autem dicunt, q̄ Booz sedit in porta tanquam principalis iudex: nam volūt q̄ Booz fuerit ille iudex, qui vocatur Abesān, de quo Iud. 12. quia ille de Bethlehem fuit de tribu Iuda, sicut Booz, de quo declaratum est supra 1. c. in quadam quæstione. Et tamen istud nō est tenendum, quia vt tactum est ibidem, & supra 2. & magis declarabitur infra in quadam quæstione, nō fuit Booz Abesān: & consequenter nec aliquis de iudicibus Israel, eo q̄ non erat aliquis alius iudex, qui esset de Iuda, & vr̄be Bethlehem inter omnes iudices, sicut fuit Abesān. Dici tamen potest, q̄ fuit Booz iudex in Bethlehem: nam præter illum, qui erat iudex præcipuus in toto Israel, erant alij iudices maiores in singulis locis de p̄genie virorum illius loci, & cum quolibet eorum erat vnus, vel duo Leuitæ, vt ait Ioseph. 4. Antiq. & declaratum est Iud. vltimo, & 1. Paralip. 28. & de istis poterat esse vnus Booz in vr̄be Bethlehem, cum esset oriundus de vr̄be illa, & erat vir magnarum opum, & potens, vt patet supra 2. c. & sic veniret Booz ad sedendum in porta, vt iudicaret, & cum sederet ibi, vidit cognatum suum transeuntem. Aliter potest dici, q̄ non erat Booz aliquis de iudicibus Bethlehem, nec erat iudex Israel, sed venit ad portam, eo q̄ expediturus erat negotiū n. cum cognato suo, & tamen quandiu non venebat cognatus suus, sedebat ad portam ipse Booz,

Quare nomen istius cognati Booz non exprimitur hic, cum de eo fiat sermo.

Quæst. IIII.

**Q**VAERETVR vltius, quare nomen istius cognati Booz, non exprimitur hic, cum de eo fiat sermo. Aliquis dicet, q̄ fortè hoc factum est à casu, s. quia scriptura non multum curauit de nomine huius, cum posset intelligi id, quod significabatur, etiam nō expressio illius nomine, sicut si exprimeretur, & ita in quibusdam alijs fit. Dicendum, q̄ hoc non stat, quia si semel, vel bis tñ mentio fieret de isto cognato Booz, non erat mirum, q̄ non poneretur nomen eius, & tñ sæpe fit mentio de isto præcedenti ca. & hic, ergo non omittitur à casu nomen istius, sed ex aliqua causa. Itē patet hoc, quia ponuntur hic aliquę circumlocutiones ad exprimendum, quod significatur per nomen istius, & tamen non ponitur nomen eius, sicut cum dicitur: cumque vidisset propinquum illum præterire, de quo prius sermo habitus est, & non ponitur nomen eius: & tamen facilius erat ponere nomen illius, quàm totam istam suppletionem, ergo omittitur nomen ex aliqua causa. Dicendum, q̄ scriptura noluit exprimere nomen illius, quia fuit indignus: nam lex incitabat homines ad suscitandum semen propinquorum suorum defunctorum: iste autem noluit suscitare semen defuncti: ideo debuit carere nomine in scriptura, quod

Rñ si oad  
quæstium.



quod patet, quia etiam alia ignominia infligebantur talibus, ut patet Deute. 25. ei qui requisitus nolebat suscitare semen fratris sui defuncti tollebat calciamentum, expuebatque in faciem eius mulier defuncti, & vocabatur domus illius domus discalciati in Israel: & sic iam perdebat domus eius nomen suum, & vocabatur domus discalciati: ita nunc noluit iste suscitare semen cognati sui defuncti, & solutus est calceus de pedibus eius, ut patet in litera, ideo ad ignominiam non debebat nomen suum iam exprimi in scriptura, quia erat vir ignominiosus. Et recte talis poena convenit istis: nam quilibet puniri debet in illis, in quibus peccavit: sed iste peccabat nolendo suscitare nomen defuncti, quod peribat, ergo debebat nomen istius perire. Peribat enim nomen defuncti, scilicet Mahalon, quia non reliquerat filios, si aliquis non suscitaret nomen ei gignendo sibi filium: & tamen iste noluit suscitare nomen defuncto, ideo lex debuit iuste punire istum delendo nomen eius, scilicet, quod non exprimatur in scriptura, nec in aliquo loco pertinente ad honorem. Sic etiam punitur volens acquirere nomen per inhonestas ingenia, quod nomine priuetur: sic ait Franciscus Petrarcha ultimo libro Inuestiuarum contra medicum rusticum, & procacem papam, scilicet, quod quidam iuuenis Ephesinus cum desideraret magnum nomen, nec posset illud honestis artibus quærere, cogitavit templum Dianæ Ephesinæ exurere, ut tanta magnitudine mali nomen suum celebre efficeretur, scilicet, quod rem optimam, & toto orbe florentissimam deleuisset licet ex hoc ultima afficeretur sententia, quo comperito unde iuuenis iste motus fuerit, scilicet desiderio propagandæ famæ, cautum est, ne quis historiographorum libro suo illum nominare auderet, & sic nomine cauit, cum illud illicitè procurasset.

*Quomodo dixit hic Booz ad eius cognatum, partem agri Elimelech fratris nostri vendidit Noemi, & an esset verum.*

*Quæst. V.*

**Q**UÆRERETVR ulterius, quomodo dixit hic Booz ad cognatum suum, partem agri Elimelech fratris nostri vendidit Noemi, & an istud verum esset. Aliqui dicunt, quod Noemi non vendiderat, nec vendebat aliquam partem agri Elimelech, sed dicebat istud Booz, ut haberet introductionem ad id, quod volebat Booz, scilicet, ut cognatus suus acciperet in uxorem ipsam Ruth. Sed tunc obiicitur, si non erat verum, quod Noemi vendebat, vel vendiderat partem aliquam possessionis Elimelech, quomodo postea posset verificare dictum suum Booz, si fortè cognatus suus diceret, quod volebat accipere Ruth in uxorem: nam si nollet eam accipere in uxorem, & vellet emere agrum, diceret ei Booz, quod non poterat habere agrum, eo quod non accipiebat Ruth in uxorem, sicut nunc dictum est: si tamen diceret, quod volebat possessionem, & uxorem simul accipere, non esset aliqua possessio venalis, & non posset verificare dictum suum Booz, ideo videtur dicendum, quod aliqua possessio venderetur. Dicendum, quod potest stare dupliciter: vno modo, quod Noemi nullam possessionem venderet, nec vendidisset: alio modo, quod aliqua esset vendita, vel nunc venderetur. Accipiendo secundo modo concordamus literæ. Accipiendo primo modo videtur esse contra literam, & tamen dicitur, quod non est, quod licet Booz diceret hoc nulla possessio vendebatur, vel vendita erat, sed erat ad monendum cognatum suum, ut acciperet Ruth in uxorem. Et cum dicitur, quomodo posset euadere mendacium: dicendum, quod si ille cognatus Booz vellet accipere Ruth in uxorem, darentur ei omnes posses-

*Alpha. Toft. super lib. Ruth*

siones, quas habebat Noemi, quæ fuerant Elimelech, & sic non erat irritum verbum Booz. Alio modo potest dici, quod esset verè vendita aliqua possessio Elimelech, & competeret istis duobus iure propinquitatis redimere illam. Sed difficultas est, quia quædam litera habet vendit in præterito, & alij libri vendidit in præterito, in Hebræo autem est in præterito, & tamen quantum ad rem non est difficultas: nam tantum erat, quod Noemi nunc venderet possessionem illam, vel quod vendidisset iam, quia si potestatem habebat ad nunc vendendum poterat etiam vendidisse.

*An Noemi habebat potestatem vendendi hereditatem de qua hic dicitur.*

*Quæst. VI.*

**Q**UÆRERETVR ulterius, an Noemi habebat potestatem vendendi hereditatem, vel partem eius, de qua hic dicitur. Aliquis dicit, quod non, quia non potest vendere, nisi qui est dominus, vel gerit vires domini, sicut procurator eius, & tamen Noemi non erat domina, nec habebat vicem domini: nam possessiones istæ non erant suæ, sed Elimelech, sicut dicitur in litera. Etiam quia mulieres non habebant possessiones in veteri testamento, sed viri, eo quod ipsi succedebant regulariter, ut patet Num. 27. cap. Etiam non erat tanquam procurator Elimelech, cum non appareat ad hoc aliqua causa, ideo non poterat vendere: ideo dicunt isti, quod Noemi non vendebat, nec vendiderat quidquam, sed dicebat Booz istud ad monendum cognatum suum, ut acciperet Ruth in uxorem. Dicendum tamen, quod hoc non stat: nam si Noemi non potuisset de iure vendere possessiones Elimelech, & filiorum suorum defunctorum, non diceret Booz cognato suo coram toto populo, & senioribus civitatis, quia tunc dictum suum appareret ridiculum, cum de iure non posset stare, & tamen non fuit ridiculum, quia cum dixit hoc Booz, credidit illud cognatus ei, & dixit, quod volebat emere agrum illum, ideo Noemi habebat ius vendendi, & sic concedendum, quod de iure poterat vendere Noemi. Sciendum autem pro hoc, quod possessiones istæ erant Elimelech defuncti, & filiorum suorum defunctorum, & non succedebat in eis Noemi, nec Ruth cum non essent de cognatione Elimelech, nec fiebat retrocessio, sicut apud nos moriente filio, si ille non habeat filios succedit pater, & mater: nam in veteri testamento alius modus succedendi multum distinctus ab isto erat, de quo Num. 27. cap. Secundum quem non succedebat mater filio aliquando, ideo Noemi non poterat succedere viro suo Elimelech. Primò, quia vxor non succedebat viro in veteri testamento Nu. 27. Secundò, quia non habebat aliquid Elimelech, in quo posset succedere ei Noemi vxor sua: nam quando mortuus est Elimelech vivebant filij eius duo Mahalon, & Chelion, supra i. ca. & illi succedebant ei secundum legem, ideo non succedebat ei Noemi vxor sua: non poterat etiam succedere nunc Noemi filiis suis Mahalon, & Chelion: nam non succedebant parentes filijs in veteri testamento: sed alius modus erat, ut patet Num. 27. c. Etiam Ruth non poterat hic succedere viro suo Mahalon, quia non succedebat vxor viro, ideo nec erat possessio ista Noemi nec Ruth. Dicendum tamen est, quod manebat ista possessio in potestate Noemi, & Ruth, licet non esset suæ, ut postea perueniret ad illum, ad quem de iure peruenire debebat, scilicet, qui suscitaret semen defuncti in familia sua, & ideo concedebat lex potestatem istis viduis tenentibus possessiones istas dum volebant suscitare semen, quod possent alienare possessiones istas, vel partem earum ad supplendas necessitates suas:

*Kk 3*

*&c*



& sic Noemi poterat nunc vendere aliquam possessionem istarum, quæ fuerant Elimelech, & filiorum eius, dum Ruth prompta erat ad suscitandum semen viri sui, & nullus defuncti cognatus accipiebat eam. Vnde credidit cognatus Booz, quod de iure posset vendere, quia aliàs non se offerret empturum: nec Booz dixisset ei, quod vendebatur. hoc tamen non poterat fieri, nisi lex istud fieri concessisset, ergo lex concesserat istud: licet non tam expresse appareat, tamen secundum interpretationem Iudæorum, sic intelligendum est, quia sic utebantur ipsa lege. Cum autem obijcitur, quod nec Noemi, nec Ruth erat domina istarum possessionum, nec etiam procuratrix. Dicendum, quod neutra istarum erat domina possessionum, & tamen lex constimebat utramque tanquam gerentem vicem domini ad hoc, quod vendere posset possessionem aliquam, & percipere pretium eius. Et causa huius erat, quia adhuc expectabat suscitationem seminis eius, cuius erat hæreditas, & erat prompta ad illud: si autem non esset suscitatura semen defuncti, utpote quia nullus erat, qui vellet suscitare, vel quia nullus poterat, non manerent possessiones in potestate earum, sed transirent ad illos, ad quos secundum legem iure hæreditario deoluenda erant: de quo infra dicetur in quadam quæstione.

*Si possessio Elimelech iam erat vendita à Noemi, quid proficiebat, quod denunciaret hoc Booz cognato suo: & an poterat rescindi venditio legitime facta.*

*Quæst. VII.*

**Q**VAERETVR ulterius, si possessio Elimelech iam erat vendita à Noemi, quid proficiebat, quod denunciaret hoc Booz cognato suo: nam si denunciaret illud antequam fieret venditio, proficeret ad hoc, quod iure propinquitatis emeret illas possessiones: cum tamen venditio facta erat, si de iure facta erat, venditio rescindi non poterat. Aliquis dicet, quod Noemi non vendiderat possessionem aliquam, sed vendere volebat, & sic proficiebat denunciatio ista: & hoc colligitur aliquantulum ex litera secundum quosdam, quia dixit Booz ad cognatum suum, si vis possidere iure propinquitatis eme, & posside: ergo nondum erat emptum. Item quia dixit cognatus Booz, ego agrum eman: ergo vendendus erat si nondum venditus. Item patet, quia dixit Booz ad cognatum suum, quando emeris agrum de manu mulieris, Ruth quoque Moabitidem debes in uxorem accipere: ergo non erat emptus ager, sed emendus: & tunc etiam isti putant se saluare per hoc id, de quo quærebatur præcedenti quæstio. scilicet an Noemi posset vendere possessionem, & dicunt quod non, & sic non vendiderat: nunc tamen dicebat se velle vendere, & in hoc nihil faciebat adhuc contra ius, quia de facto nihil vendebat. Dicendum autem, quod istud non satis stat: & ad confirmationem istam dubij præcedentis dicetur, quod Noemi poterat vendere, & non differt quantum ad hoc, quod Noemi vendidisset, aut nunc venderet, vel diceret se vendituram, quod non magis colligitur eam habere potestatem vendendi ex uno quam ex alio: nam si volumus dicere, quod non habebat potestatem vendendi, dicemus, quod dato, quod vendidit, non licuit sibi vendere, sed fuit ista venditio solum de facto, & de iure non tenuit. Et dato quod dicatur, quod Noemi nondum vendiderat, sed proponebat vendere, probabitur ipsam ius habere ad vendendum: nam si ipsa non haberet ius aliquod ad vendendum, qui emeret ab ea, nihil faceret, quia cogeretur rem restituere, & perdere pretium, & fortè incurrere in alias penas, eo quod mala fide emebat: & tamen Booz denunciavit cognato suo coram toto populo, si vole-

**F**bat emere, & ille dixit ego eman agrum: ergo intendebat, quod de iure poterat Noemi vendere. Item patet, quia Booz dixit: si vis possidere iure propinquitatis, eme, & posside, si autem indica mihi, ut sciam quid facere debeam: quasi dicat, si tu non vis emere dic mihi, ut deliberem ego an eman: & sic Booz innuebat se velle emere, & tamen nollet ipse emere, nec indicaret hoc se velle, si de iure non poterat aliquid vendere Noemi: ergo poterat illa vendere. Cum autem dicunt, quod nondum vendiderat, sed vendere intendebat, quod conantur probare ex litera: dicendum quod non stat, quia litera dicit vendidit in præterito. Nicolaus autem tenere conatur, quod nondum vendiderat, & dicit quod in Hebræo confunduntur tempora, eo quod non sunt tempora verborum ita distincta, sicut apud Latinos, sed participium præsentis ponitur loco præsentis temporis, & cum illo potest suppleri interdum etiam ipsum præteritum. Dicendum, quod si vellemus asserere, quod Noemi nihil adhuc vendiderat, sed venditura erat pot, erat stare, & dicemus, quod Booz mutavit tempus loquens de præterito, cum non esset res facta, & sic aliquo modo mentiebatur: & tamen non est inconueniens, quod mentiretur, quia non oportet nos excusare Booz ab omni mendacio, & peccato, cum non ponatur in catalogo Sanctorum, & tamen quando res potest stare, stultum est, quod faciamus eam perire: & quia potest litera stare, quod Booz de præterito dixerit, Noemi vendidit, ideo non debemus dicere, quod mentitus est. Cum autem obijcitur, quod si res esset iam vendita, non proficeret denunciatio ista facta à Booz, & sic ipse non faceret illam: dicendum quod dato, quod res vendita esset, proficiebat denunciatio hæc: quia poterat cognatus Booz illam redimere: nam istud erat privilegium cognatorum, quod si quis venderet possessionem suam extraneis, poterat propinquus redimere illam: de quo magis dicetur sequenti quæstione. extranei autem non poterant emere rem postquam vendita erat, sed poterant cognati: unde rectè dixit Booz ad cognatum suum, si vis iure propinquitatis possidere, eme & posside: quasi dicat, non potes iam alio iure emere, nisi iure propinquitatis, eo quod res vendita est. Ad aliud cum dicitur, quod si de iure facta erat venditio, non poterat rescindi: dicendum quod licet facta esset venditio de iure, poterat rescindi, quia multa sic fiunt de iure, & postea rescinduntur: sicut condens testamentum, & nesciens se habere posthumum instituit filios suos viuentes hæredes prætereundo posthumum, & testamentum istud tenet à principio, & tenet semper quousque nascatur posthumus. si autem posthumus mortuus exiret de vtero, vel natus illico moreretur, ita ut non baptizaretur ad hoc, quod posset succedere, maneret testamentum firmum in quo præteritus est posthumus: & sic testamentum à principio tenuerat antequam nasceretur posthumus, quia aliàs non posset postea tenere, & sic erat testamentum legitime factum: si tamen posthumus natus baptizaretur, & superuivuit, rumpit testamentum, & succedit ex æquo cum fratribus exstantibus, velut si succederent ab intestato: ecce ergo qualiter legitime factum ex aliquo superuenienti rescinditur: ita nunc venditio rectè facta extraneo poterat rescindi, volente postea cognato vendentis emere, cum hoc à lege concessum sit. Sed adhuc dicetur, quod istud non satisfacit, eo quod dixit Booz ad cognatum, eme, & posside: si tamen ager venditus esset, non diceretur, eme, & posside, sed redime. Etiam quia dixit ipse cognatus Booz, ego agrum eman, & debuisset dicere redimam, si venditus iam esset. Dicendum, quod istud argumentum non multum militat, quia accipitur interdum emere pro redimere. Item quia

*¶ si ad quæstionem.*



quia propriè stare potest: eme & posside: vel, ego emam. Nam licet alius emittere agrum, & vellet cognatus redimere, ista redemptio erat verè emptio, quia dabatur pretium sicut in prima emptione, nec differt redemptio ab emptione, nisi quod una est prima emptio, & alia est secunda: ideo rectè stat, quod Noemi iam vendidisset possessionem aliquam extraneis, & Booz diceret cognato suo, an vellet illam redimere de manu extraneorum, vel non.

*Quomodo postea ista possessiones possent esse pro semine defuncti.*

*Quest. VIII.*

**Q**VAERETVR vterius, si nunc Noemi, vel Ruth venderet possessiones Elimelech, vel aliquam de eis, quomodo postea possent istae possessiones esse pro semine suscitando defuncti: nam nomen defuncti in hereditate sua suscitandum erat, sicut dixit Booz ad cognatum suum: Ruth Moabitidem uxorem Mahalon accipere debes, ut suscites nomen defuncti in hereditate sua. Dicendum, quod quamquam possessiones venderentur poterat esse duplex remedium ad illas rehabendas pro semine defuncti suscitando. Primum est, quod quilibet de cognatis Elimelech poterat redimere possessiones istas de manu emptoris, & cogebatur emptor reddere, quod emerat cuicumque cognato defuncti volenti redimere possessionem, quia lex obligabat eum ad hoc, sicut patet Leuit. 25. Scilicet, si attenuatus frater tuus vendiderit possessionem suam, & voluerit propinquus eius potest redimere, quod ille vendiderit: & sic erat in presenti, quod cognatus Booz, & ipse Booz erant cognati Elimelech, cuius possessiones venditae erant, poterat ergo quilibet illorum redimere possessiones illas: erat tamen ordo in redimendo, sicut dicitur sequenti quaestione: & nunc ille, qui redimeret possessionem acciperet simul Ruth uxorem defuncti in uxorem ad suscitandum ex ea semine defuncti, & tunc possessiones istae redemptae cederent in ius nascituri de isto, qui volebat suscitare semen defuncti, & censebatur iste natus filius defuncti, quia genitus fuerat ad suscitandum semen eius, & sic succederet in hereditate defuncti, qui reputabatur pater suus, & fieret sic ac si ille defunctus nunquam fuisset defunctus, & sic iste paruulus esset verè filius eius, & sic Booz accepit nunc in uxorem ipsam Ruth, & cum ea omnes possessiones, quae fuerant viri eius tam venditas, quam non venditas ad suscitandum semen ipsi Mahalon mortuo in hereditate sua. Secundum remedium erat, quod ipsa Noemi, quae vendiderat possessionem redimeret eam, & rediret tunc ad semen suscitatum filij sui defuncti. Patet hoc, quia Leuit. 25. ponitur lex, quod si quis vendiderat possessionem suam pro paupertate, & voluerit proximus suus quisquam illam redimere de manu emptoris poterat redimere: si autem non habuerit proximum, vel nullus proximorum noluerit eam redimere, ipsemet qui vendidit, poterit redimere computando annos usque ad Iobeleum, & secundum proportionem illorum annorum erat pretium dandum, scilicet, quod si quis ante annum Iobelei per decem annos venderet agrum pro mille, distribuendo pretium per annos secundum proportionem proveniebat cuilibet centum: si ergo vellet ille, qui vendiderat, redimere sex annis ante Iobeleum, debebant subtrahi pro quatuor annis, quibus res manebat apud emptorem quadringenta, & soluebantur sexcenta, de quo magis declarabitur sequenti quaestione. & sic Noemi posset redimere quamcunque possessionem vendidisset, si postea pos-

Alph. Toft. super lib. Ruth

**A**set habere pretium, & rediret illa possessio ad ius defuncti, & succederet in ea filius, qui suscitaretur ei. Tertium remedium erat per annum Iobelei: nam inter Iudaeos non erant venditiones aeternae, sicut inter alias gentes, sed quaecunque res vendebatur, solum vendebatur usque ad Iobeleum, qui erat annus quinquagesimus, & tunc redibat quilibet possessor ad antiquam possessionem suam, & quilibet homo ad familiam suam, ut patet Leuit. 25. ideo si ante Iobeleum non fuisset possessio redempta aliquo de duobus modis, supra positis in Iobeleo, redibat possessio ad vendentem, vel ad haeredes venditoris non soluendo pretium aliquod pro illa. Et sic dato, quod istae possessiones, quas nunc vendebat Noemi, non redimerentur modis praecedentibus, & susciperet aliquis Ruth uxorem defuncti in uxorem, redirent istae possessiones in Iobeleo ad illum, qui suscitabat semen defuncti, vel ad haeredes defuncti, ideo nullo modo perire poterant possessiones venditae a Noemi, quin redirent ad haeredes viri sui defuncti, & filiorum suorum saltem aliquo tempore.

*Quomodo fiebat hac redemptio possessionum tempore Iobelei.*

*Quest. IX.*

**Q**VAERETVR vterius, cum possessiones venditae redimi possent medio tempore ante Iobeleum, vel redirent in Iobeleo ad venditores, quomodo fiebat hoc. Respondendum, quod fundamentum huius est, quia inter Hebraeos erat aliquid speciale, quod non erat inter alias gentes, scilicet, quod nulla venditio rerum immobilium esset perpetua: in alijs enim Gentilibus quaelibet venditio tam rei mobilis, quam immobilis perpetua est: unde res semel vendita in aeternum est vendita, ita ut nullum ius venditori competat, nec successoribus eius ad repetendum, vel rehabendum eam: inter Hebraeos autem lex permittebat, quod res mobiles possent vendi in aeternum, sicut inter alias gentes, res autem immobiles non permittit sic vendi. Ratio huius fuit, quia Deus voluit, quod cum ipse diuississet populum Israel in quodecim tribus, & quamlibet tribum in familias certas, quod manerent distinctae illae progenies semper, sicut ipse distinxerat, ut patet Numeri 36. non poterat autem cognosci semper distinctio istarum familiarum, & progenierum singularum, nisi per aliquod immobile, quia res mobiles propter mutationem suam incerta sunt: fuit ergo necessarium, quod cuilibet familiae, & tribui daretur aliqua certa possessio, quae maneret semper apud viros de illa familia, vel tribu, & per talem rem cognosceretur de quolibet de qua tribu, & familia esset: istud autem non potuit fieri per res mobiles: nam res mobiles, ut communiter semper non durant, sed tempore breui consumuntur: & sic non possent dare certitudinem pro semper de qualibet progenie, & familia: ideo fuerunt ad hoc convenientes res immobiles. Et hoc propter duo, scilicet, quia semper manent, & locum non mutant: & haec semper cognoscuntur, & sic si esset aliqua cognatio, ut potè Benjamin, vel Ephraim, & daretur sibi aliquis ager, vel possessiones multae immobiles determinatae, & illae non possent vendi, nec alienari, manerent semper in illa tribu: ideo per hoc manifestum esset, quod quicumque teneret aliquam de illis possessionibus, esset de progenie Benjamin, vel Ephraim; & sic fieret de qualibet alia tribu, & familia Israelitarum. Ob hoc ergo Deus non vetuit venditionem rerum mobilium, & quod illae etiam in-

Duplici-  
ca Deus p  
hibuit ne  
venderent  
res immo-  
biles apud  
Hebraeos  
in aeternum.

Kk 4 aet-



ternum venderentur: nam non reperitur hoc prohibitum: sed vetuit solum venditionem rerum immobilium: nam si liceret vendi res immobiles, non maneret certitudo progenierum, quia illa possessio, per quam cognoscebantur modo filij Ephraim distincti ab alijs transiret forte ad filios Zabulon, vel Isachar, vel ad aliam tribum, & sic fieret confusio sortium, ideo debuit prohiberi venditio rerum immobilium. Ex eadem etiam causa veritus est contractus matrimonij inter viros & foeminas diuersarum tribuum, scilicet, ne possessiones transirent de tribu in tribum, & familia in familiam, sed manerent distincte, sicut Deus illas distinxerat Num. 36. quia tamen erat quaedam difficultas, si nullo modo Israelitis permitteretur, quod venderent possessiones suas immobiles, concessit aliquo modo, quod venderent. Difficultas autem erat, quia poterat aliquis habens possessiones deuenire in paupertatem pecuniarum, & si non liceret ei vendere aliquam de possessionibus immobilibus, sequeretur vnum damnum sibi & alterum rei publice: Sibi sequebatur damnum, quia si non posset vendere aliquam de rebus immobilibus, cogerebatur medicare, vel fame perire. Damnum alterum rei publice sequebatur, scilicet, quod iste ad paupertatem reductus non potens vendere aliquam de possessionibus suis, non posset colere aliquam, cum non haberet pecunias, & sic omnes periret inculte. Et istud non solum erat damnum personarum priuatarum, sed etiam rei publice damnum erat: ideo Deus, qui erat legislator Hebraeorum debuit providere in hoc concedendo venditionem rerum immobilium: nam in casu dato si permitteretur venienti ad paupertatem vendere aliquam de possessionibus suis, de precio illius sustentaret, & coleret alias possessiones: & sic nec ipse mendicare cogerebatur, nec possessiones cetera periret inopia culturae. Si ergo Deus concessisset simpliciter venditionem immobilium ad semper, non manebat aliqua certitudo progenierum, quae tamen erat necessaria inter Hebraeos, & Deus valde intendebat illam propter causas satis declaratas Leuit. 25. & Num. 27. & 36. in quibusdam questionibus. Si autem, ut teneretur certitudo ista prohiberet omnino venditionem rerum immobilium, sequerentur duo inconuenientia supra assignata, ideo Deus mediauit inter vtrumque, scilicet, quod concessit venditionem rerum immobilium, & tamen non ad semper, sed ad certum tempus, scilicet, usque ad annum lobelci, qui erant de quinquaginta in quinquaginta annos, ut infra dicitur, & tunc poterant sibi succurrere Hebraei vendendo possessiones istas usque ad illud tempus. Et etiam non tollebatur determinatio progeniei, eo quod possessio solum manebat apud emptorem usque ad lobelcum ad plus, & cum solum essent quinquaginta anni, non peribat memoria distinctionis stirpis.

*Quare solum mittebatur venditio manere usque ad lobelcum.* *Questio X.*

**Q**VAERETVR, circa dicta praecedenti questione, quare solum mittebatur venditio manere usque ad lobelcum, & quare non maiori, nec minori tempore: & si erant alij modi rehabendi possessionem venditam. Pro euidencia huius considerandum, quod sicut habetur Leuit. 25. annus lobelci erat annus generalis remissionis, scilicet, quod possessiones redibant ad priores possessores, & si quis erat de Hebraeis in seruitutem, illo anno efficiebatur liber. Fiebat autem lobelcus de quinquaginta in quinquaginta annos in mense Septembris, quod vocatur lobelcus ad similitudinem Hebraice dictionis, scilicet loel, sicut interdum

**F** ex dictionibus Graecis formamus Latinas manente eadem materia: & mutatione formatione casuum, & declinatione, ut est vulgare apud grammaticos. Et loel in Hebraeo significat cornu, scilicet, quia in lobelco clangebatur eum quadam buccina cornea, vel argentea, de quo declaratum est Leuit. 25. cap. Quandocumque ergo aliquis vendebat aliquid alteri, si esset immobile, non poterat durare ad plus illa venditio, nisi quinquaginta annis, scilicet de lobelco in lobelcum, & tamen interdum durabat minus: utpote si quis venderet possessionem suam decem annis ante lobelcum, solum durabat illis decem annis; & si vno anno solo ante lobelcum, illo anno solo manebat res vendita apud emptorem, & sic de quocumque tempore paruo, aut magno intra lobelcum, & lobelcum: & ideo ista non erat quasi propria venditio, sed solum locatio emphyteosis temporalis: nam non substantia rei videbatur vendita, sed usus fructus praedij pro certo tempore. Sic dicitur Leuit. 25. Tempus frugum vendet tibi, id est, non vendet agrum, sed tempus frugum, id est, usum fructum pro tempore determinato, scilicet, usque ad lobelcum. Et ob hoc fiebat, quod quanto plus distabat tempus venditionis a lobelco futuro, tanto maioris precij erat res vendita, ut si venderetur aliqua res ante lobelcum annis quadraginta, vel si venderetur annis duobus ante lobelcum solum: nam valeret viceduplo plus primo modo, quam secundo, quia tempus erat viceduplum ad colligendum fructus terrae. Sic patet Leuit. 25. f. *Qu* vendes quippiam cui tuo, vel emes ab eo, non contristes eum, sed iuxta numerum annorum lobelci emes ab eo, & iuxta supputationem frugum vendet tibi, quanto plures anni remanserint post lobelcum, crescet precium, & quanto minus temporis numeraueris tanto minoris emptio constabit: & subditur causa, scilicet, tempus enim frugum vendet tibi. Et tunc cum aliquis vendidisset possessionem suam quocumque tempore ante lobelcum erat vnum remedium, quia poterat quilibet cognatus venditoris redimere de manu emptoris, & ab illo non redimebat postea ille venditor, sed in anno lobelci reuertebatur ad ipsum, vel heredes suos, ut patet Leuit. 25. & ibi declaratum est. Aliud remedium erat, quod si nullus propinquus venditoris erat, qui redimeret, vel nullus redimere volebat: poterat ipse, qui vendiderat redimere rem dato precio quodam, licet non toto, ut postea declarabitur. Sciendum tamen, quod ista redemptio habebat locum ante lobelcum, quia in lobelco non erat necesse rem redimi, quia ipsa sine redemptione veniebat ad venditorem, vel heredes eius, Leuit. 25. Sciendum etiam, quod cum quis vendidisset possessionem suam, competebat ei ius redimendi, & cognatis suis: & tamen prius competebat cognatis, qui ipsi venditori, quia lex dicit: Leuit. 25. quod si quis vendiderit possessionem suam, poterit eam redimere quicumque cognatus eius: si autem nullus fuerit cognatus, vel nullus redimere voluerit, poterit ipse venditor redimere possessionem suam, si habuerit unde restituat precium. Idem erat si quis seipsum venderet: nam poterat eum cognatus suus, vel affinis redimere, & si nullus horum eum redimebat, ipse poterat seipsum redimere, ut patet ibidem. Quare autem competebat prius cognato, vel affini redimere, quam ipsi venditori erat causa, quia aliquando fuit in culpa forte, qui vendidit possessionem, utpote, si ex causa leui illam vendidit, ideo in poenam conceditur, potius cognatis, quod redimant, quam ipsi venditori. Sciendum ulterius, quod quando possessio redimenda erat, siue per cognatos, siue per ipsum venditorem redimeretur, non erat danda sine precio, & tunc non erat pro ea totum precium restituendum quod acceperat venditor, sed supputandi erant anni, & distribuendum erat precium per illos secundum

*Quomodo possessiones venditae poterant redimi ante annum lobelcum.*

*De anno lobelci apud Hebraeos.*



Forma redimendi possessiones ante annum lobelgi.

cundum æqualitatem, & tunc data pars precij subtrahenda erat quantum erat tēpus elapsum a venditione vsque ad redemptionem respectu totius temporis, qđ erat à venditione vsque ad lobelgum. Et erat ista forma, scilicet, quod consideraretur quot anni erant à tēpore venditionis rei vsque ad lobelgum, & consideraretur precium, & diuideretur per tot partes æquales quot erant anni à venditione vsque ad lobelgum: & daretur cuilibet anno vna pars, & tunc quandoque fieret redēptio consideraretur quot anni residui erant vsque ad lobelgum, vel quot partes anni, & tot partes illius precij restituendę erant emptori, reliquas autem retinebat sibi venditor pro fructibus annorum præteritorum, quos acceperat emptor. Vtpotē si annis viginti ante lobelgum venderetur aliqua possessio pro mille siclis, proueniebant cuilibet anno sicli quinquaginta: si ergo quatuor annis ante lobelgum redimeretur possessio, restituere debebat venditor emptori siclos ducentos, qui correspondebant annis quatuor: & reliquos sibi retinebat venditor pro fructibus, quos susceperat emptor. Et hoc modo fiebant omnes redemptiones, siue à venditore, siue à cognatis eius. Extraneorum autem nullus poterat redimere rem venditam, quia istud priuilegium concessit lex soli venditori, & cognatis eius. Aliud & tertium remediū erat per aduentum anni lobelgi: nam si ante tempus illud non fuisset possessio redempta per venditorem, vel cognatos: in ipso anno redibat possessio libere ad venditorem, vel ad heredes eius nullo precio dato, quia venditio solum extendebatur vsque ad lobelgum, & postea habebatur tanquam non vendita, & redibat ad venditorem, sicut si nunquam illam vendidisset, sicut in locatione possessionum, vel emphyteosi temporali, quia finito tempore præfixo, redit possessio ad dominum suum, sicut si nunquam illam locasset.

*Quare solum durabat venditio quinquaginta annis, scilicet vsque ad lobelaum.*

*Questio XI.*

**Q**VAERETVR vltius de eo, quod quærebatur præcedenti quæstione, scilicet, quare solum durabat veditio quinquaginta annis, scilicet, vsque ad lobelgum: & non tempore maiori, vel minori. Dicendum, quod hoc factum est ex causa: nam Deus volebat israelitis prohibere venditionem rerum immobilium, vt non auferretur certitudo progenierum, & noluit eam omnino auferre, quia sequerentur inconuenientia tam contra personas priuatas, quam contra republicam, vt declaratum est supra in quadam quæstione: ideo concessit venditionem rerum immobilium, sed non ad omne tempus: & ob hoc debuit Deus tantum tempus moderari, vt nec propter diuturnitatem suam auferret certitudinem progenierum, nec etiam propter suam breuitatem fieret venditio inutilis venditoribus. Quod patet, quia si Deus cōcederet, quod venditiones rerum immobilium durarent per ducentos annos, cum possessio vendita maneret ducentis annis penes emptorem, & heredes eius, nō esset memoria in contrarium, quod illa possessio pertinuisset aliquando, nisi ad ipsum emptorem, & heredes suos; & sic confunderetur distributio sortium, quia per possessiones istas iam transeuntes ad alias tribus, & familias non cognoscerentur tribus illæ, & familiæ, quarum à principio fuerant distinctæ esse ab alijs. Etiam non debuit concedi valde paucum tempus pro ista venditione, scilicet, solum vnius, vel duorum annorum, quia tunc sequerentur duo inconuenientia. Primum erat,

**A** quia istę venditiones fiebant propter inopiam venditorum, vt de precijs habitis de rebus venditis se sustentare possent veditores, & colere reliquas possessiones suas: si tamen tam paruo tempore solum concederetur ista venditio haberent inde veditores paruum precium, quia tantū ipsi habituri erant de fructibus vnius anni ipsorum agrorum: & sic non oportebat fieri venditionem, nec poterat subleuari inopia venditorum tā paruo precio recepto, ideo non expediebat concedi venditionem ad tam paucum tempus solum. Secundum inconueniens erat, quia emptores fortē nulli essent, qui pro tam paucio tempore emere vellent, eo qđ in paruo tempore non poterant multum lucrari, sed poterant in magno tempore, quia si aliquando esset annus sterilis aliquādo esset minus fertilis, non magnā consequerentur vtilitatem: vt ergo venditores commodum aliquod reportarent, concedi debuit maius tempus: & sic Deus statuit, quod venditio posset durare inter Hebræos quinquaginta annis. sc. de lobela o in lobelaum. Causa huius fuit, quia dato isto tempore quinquaginta annorum sufficēter prouidebatur vtrique. Nam venditio ad quinquaginta annos erat satis longa, & poterat venditor multam pecuniam colligere de rebus, quas venderet ad tam longum tempus, & sic prouideretur inopię suę. Etiam emptores promptē emerent ad tam longum tempus, quia in tot annis poterāt magnas vtilitates capere ex prædijs emptis. Item prouidebatur in hoc certitudinē progeniei, scilicet, vt per possessionem immobiles distinguerentur progenies. Nam cum solum manerent possessiones apud emptores ad plus annis quinquaginta, poterant redire ad eū, qui vendiderat eas, vel ad heredem suum proximum. Etiam in quinquaginta annis non periret memoria hominum, quia cum omnes homines ex generali cōditione, & periodo naturę possint accedere ad quinquaginta annos: & etiam excedere nō periret memoria, nec probatio de rebus gestis quinquaginta annis ante, ideo licet possessio vendita nō rediret ad emptorem vsque ad quinquaginta annos, semper sciretur, quod illa possessio, quæ manebat tunc penes emptorem nō pertinebat ad possessionem familiæ, & tribus suæ, sed aliunde sibi aduenit: fuit ergo conueniens, qđ concederetur venditio rerum immobilium solum vsque ad quinquaginta annos, scilicet, de lobela o in lobelaum.

*An ista, quæ vocatur venditio rerum immobilium vsque ad lobelaum inter Hebræos esset verē venditio, vel emphyteosis.*

*Questio XII.*

**Q**VAERETVR vltius, an ista, quæ vocabatur inter Hebræos venditio rerum immobilium, vsque ad lobelaum esset verē venditio, vel esset alius contractus vtpotē locationis, cōductionis, emphyteosis temporalis. Aliquis dicet, quod non erat venditio, sed locatio, vel emphyteosis: nam venditio est modus alienandi rem, & transit proprietates rei in æternum ad eum, cui res venditur: & tamen locatio est alienatio vsusfructus rei, & non proprietatis. Sic etiam emphyteosis: præter hoc, quod emphyteosis potest esse perpetua, vel temporalis: hic autem erat sic, quia non dabatur res in æternū, sed ad tempus, scilicet ad plus vsq; ad quinquaginta annos; ergo erat locatio, vel emphyteosis. Secundō patet, quia in venditione non solum datur vsusfructus rei, sed etiam trāsfertur dominium, & tamen in isto contractu, quem iudæi vocant venditionem, solum videtur transferri vsusfructus, vt patet *Leui. 25* scilicet: Tempus enim frugum vendet tibi, id est,



ideſt, ſolum tempus ad percipiendum fructus de fundo, & non ipſum fundum. Reſpondendum, quod aut quaeritur de iſto contractu qualiter ſit nominandus, & qualis ſecundum conditionem legis moſaicae, aut ſecundum conditionem legum humanarum, quibus nos nunc utimur. Si primo modo dicendum, quod erat emptio, & venditio, quia ſic vocatur ſaepe Leu. 25. nec eſt inconueniens, quod ſit temporalis, quia talem venditionem ſtatuit illa lex, ſicut aliae leges humanae ſtatuerunt venditionem perpetuam. Etiam lex iſta Moyſi ſtatuit duos modos venditionis: nam venditio quantum ad mobilia fiebat perpetua, venditio autem quantum ad immobilia fiebat temporalis, ſcilicet, de quinquaginta in quinquaginta annos. Si autem quaeratur, qualiter vocabitur iſte contractus ſecundum conditionem legum humanarum noſtrarum, dicendum, quod non habet nomen: nam ſi pertineret ad contractus noſtros, eſſet emptio venditio locatio emphyteofis, quia cum alijs contractibus nullam habet ſimilitudinem: non tamen eſt aliquis iſtorum, ideo non eſt aliquis de contractibus, qui ſiunt ſecundum leges humanas noſtras. Quod autem non ſit venditio patet:

Venditio  
Hebræorum  
non erat ve-  
ra venditio.

quia venditio eſt translatio domini rei venditae in æternum accepto precio: hic autem non transfertur in æternum dominium, ſed ad tempus emptor tenet rem iſtam, ideo non eſt venditio. Secundum patet, quia in venditione directius transfertur tam dominium, quam uſusfructus, quia dominium per ſe tranſfertur, uſusfructus autem in quantum pendet ex dominio. Unde poterat fieri venditio, in qua uſusfructus maneret pro aliquanto tempore penes venditorem: & tamen impoſſibile eſt in venditione manere dominium aliquanto tempore penes venditorem, celebrata venditione: & tamen in contractu iſto apud Hebræos magis videbatur transferri uſusfructus, quam dominium, cum dicitur Leu. 25. Tempus enim frugum vendet tibi. Etiam dicitur, quod quanto maius tempus erat uſque ad Iobeleum tanto erat magis de precio offerendum: & ſi modicum tempus erat uſque ad Iobeleum, modicum premium erat offerendum. In venditionibus autem noſtris nihil iſtorum reſpicitur, ſed ſolum ipſa res: ergo non erat illa venditio. Item confirmatur hoc, quia in venditione eadem res ſemper eſt eiſdem valoris, non variata conditione temporis ſi illa res in ſe æqualis perfectionis manet, eo quod tota res datur in venditione, & tamen in iſto contractu, qui fiebat ſecundum Hebræos reſpiciebatur tempus, quia eadem res non variata in ſe, ſi venderetur quadraginta annis ante Iobeleum valebat decuplo, quam ſi venderetur annis quatuor ante ipſum: ideo non erat venditio. Patet hoc

Contractus  
poſſeſſio-  
num apud  
Hebræos  
non erat lo-  
catio.

Leu. 25. Non erat etiam locatio, vel emphyteofis, quia locatio poteſt fieri ad paucum tempus, vel ad magnū, vel emphyteofis poteſt fieri ad tempus, vel ad vitam emphyteotae, ut patet Codice de Sacroſanctis Eccleſijs, lege iubemus, in fine: & tamen iſte contractus, qui fiebat ſecundum Hebræos, non poterat breuiari quantumcunque vellet venditor, nec poterat etiam prorogari quantum ipſe vellet, ita ut fieret perpetua venditio, ſicut perpetua emphyteofis, vel cenſus, nec etiam ad vitam emptoris, ſed neceſſe eſt, quod iſte contractus ex forma ſua pertingeret ad Iobeleum, niſi per remedium redemptionis breuiaretur. Etiam nullo modo poterat ex voluntate venditoris durare iſte contractus ultra Iobeleum, qui erat annus quinquageſimus: ergo non erat locatio, nec emphyteofis. Secundum patet in locatione, vel emphyteofi ipſe conductor, vel emphyteota reſpondet quolibet anno cum certa penſione, vel obſequio: & tamen in iſto contractu iudaico non fiebat ſic, ſed ſemel dabatur pro re quantum iudicabatur valere uſque ad Iobeleum, & poſtea nihil dabatur.

**F** Tertiū patet, quia in locatione, & emphyteofi non transfertur, niſi uſusfructus, & manet dati proprietas, ſive dominium rei: ideo emphyteota, & conductor vendere non poteſt, ſed fructus accipere: & tamen qui iſto modo emebat apud Hebræos, poterat vendere poſſeſſionem illam alteri cuiſcunque vellet, etiam inuito venditore primo, cum non prohiberetur, ut declaratum eſt Leu. 25. ideo non erat locatio, nec emphyteofis. Quartum patet, quia ſi eſſet locatio iſta, vel emphyteofis facta non poſſet tolli quodocunque vellet conſanguineus aliquis facientis eam: & tamen vendita ſic iſta re poterat quilibet conſanguineus venditoris redimere quodocunque vellet rem iſtam, ut patet Leuitici 25. ergo non erat locatio, nec emphyteofis. Quintum patet, quia in contractu locationis, vel emphyteofis, non eſt potentior ad diſſoluendum illum aliquis cognatus contrahentis, quam ipſe contrahens, & tamen in iſto contractu quilibet conſanguineus erat potentior, quia primo cōpetebat redemptio conſanguineo deinde ipſi venditori, cum dicatur Leu. 25. quod ſi aliquis eſſet cognatus venditoris, poſſet redimere quod ille vendidisset: & ſi nullus eſſet conſanguineus, vel ſi nullus eorum vellet redimere, poterat ipſe, qui vendiderat redimere: ergo non erat emphyteofis, nec locatio. Dicendum ergo, quod non eſt aliquis de contractibus legum noſtrarum humanarum, ſed aliquis medius inter illos, qui tamen magis imitatur venditionem, quam aliquem alium, eo quod transfertur hic proprietas, ſicut in venditione, quod non ſit in locatione, vel emphyteofi.

*Siquis venderet poſſeſſionem ſuam, & redimeret eam cognatus venditoris de manu primi emptoris, quomodo & quando poſſeſſio iſta redibat ad venditorem, vel ad eius hæredes.*

#### Quæſtio XIII.

**Q**VAERETVR ulterius, ſi aliquando quis venderet poſſeſſionem ſuam immobilem, & redimeret eam aliquis cognatus venditoris, vel non redimeret eam quiſquam, & emptor ipſe venderet ipſam alteri, quō poſtea perueniret iſta poſſeſſio ad ipſum, qui vendiderat, vel ad hæredes eius. Dicendum, quod ſi redimeret aliquis cognatus venditoris poſſeſſionem venditam, non poterat de manu eius redimere illam ipſe venditor, ſed manebat penes eum uſque ad Iobeleum. Patet hoc, quia lex voluit redemptionem fieri de manu venditoris, & non de manu alterius: ideo ſi tranſiret ad manum cognati, non haberet iam venditor actionem ad redimendum reſtituendo premium uſque ad Iobeleum. Item patet, quia lex voluit dare maiorem excellentiam cognato venditoris, quam ipſi venditori in iure redimendi, quia prius competit ius iſtud cognato venditoris, quam ipſi: nam vendita poſſeſſione non poteſt eam redimere, qui eam vendidit, ſi aliquis cognatus eius ſit, qui illam velit redimere: & non exiſtere aliquo cognato, vel nolente redimere, poteſt ipſemet venditor redimere illam, ſi pecuniam habet, Leu. 25. Si tamen poſſet venditor redimere de cognati manu poſtquam ille redemit eam, maior eſſet poteſtas venditoris, quam cognatorum ſuorum, quod falſum eſt, ideo non poterat eam redimere de manu cognati, ſed tenebat cognatus poſſeſſionem iſtam uſque ad Iobeleum, & ibi redibat libera poſſeſſio ad venditorem nullo dato precio. Cauſa autem quare lex conceſſit cognatis venditoris, quod redimere poſſent poſſeſſiones de manu emptorum fuit, quia Deus voluit prodeſſe pauperibus, qui cōgebantur vendere poſſeſſiones ſuas, & quia cognati venditorum magis procurarent bonum ſtatum poſſeſſionum venditarum, quam

Cauſa quare  
lex conceſſit  
cognatis ven-  
ditoris, quod  
poſſent re-  
dimere poſ-  
ſeſſiones de  
manu em-  
ptorum.



quàm extranei affectione cognationis concessit potius istis, quàm alijs: unde si quisquà extraneus vellet redimere possessionem de manu emptoris, non compete-  
**A**tebat ei eius ad redimendum. Causa autem quare potius permisit lex cognatis vëditorum, quòd liceret eis redimere possessiones venditas priusquam ipsis vëditoribus dando eis tantum priuilegium, & etià, quòd facta redemptione non posset venditor redimere de manu cognati, fuit, vt afficerentur valde cognati venditorum ad redimendum possessiones eorum, & procurarent eas melius, & fidelius, quàm si posset ipsi venditores redimere eas de manibus ipsorum quancumque vellent. Et quia Deus tanquam legislator intendebat vtilitatem publicam, concessit cognatis venditorum istud priuilegium.

*Quid si emptor rursus venderet possessionem alteri, quomodo recuperaret venditor de manu tertij.*

*Questio XIII.*

**Q**UÆRETUR vltèrius, quid si emptor rursus venderet possessionem alteri, quomodo recuperaret eam venditor de manu tertij. Dicendum, quòd possessio semel vëdita poterat vendi sèpius quocumque vellent illi ad quos perueniret ipsa possessio. Et causa huius est, quia cum per venditionem ista efficeretur possessio emptoris, poterat eam alienare ad quemcunque transferendo, vendendo, vel donando, vel quocumque alio titulo, dum tamen non excederet tempus lobelci, in ipso lobelco apud quemcunque reperiretur possessio ista, redire debebat ad primū venditorem. Causa huius est, quia res ista transibat ad quemcunque cum onere suo: nam ista res fuerat vendita primo emptori cum isto onere, quòd in anno lobelci rediret ad venditorem, ideo emptor iste si alicui illam donaret, vel quomodocumque in alterum transferret, non poterat tollere istud onus annexum rei à lege, scilicet, quòd rediret in anno lobelci, Leu. 25. quia dicitur ibi, quòd anno illo omnis possessio redit ad primos possessores. Sed difficultas est in duobus. Primum est, si emptor venderet rursus alteri possessionem, an illa posset tunc redimi de manu secundi, vel tertij, vel cuiuscumque emptoris, siue per cognatos venditoris, siue per ipsum venditorem. Secundum est, dato quòd redimi posset, quomodo computandum esset precium, si redimeretur. Ad primum quidam dicunt, quòd si vëderetur possessio, poterat redimi de manu emptoris per cognatos venditoris, vel per ipsū: si tamen ille alteri venderet, & deinceps ille alteri, nō posset iam redimi possessio: & dicunt simile esse, si quis voueret domino agrum suum, debebat redimere constituto precio à sacerdotibus: si autem nollet redimere, & alius emeret, non poterat postea redimere, Leu. 27. cap. Dicendum, quòd hoc non stat, quia lex concessit absolute venditori potestatem redimendi possessionem suam, & etiam cognatis eius, ideo siue de manu primi emptoris, siue quorumcunque aliorum poterat redimere. Secundò patet, quia ista lex de redemptione possessionum fuit introducta in fauorem pauperum, scilicet: fuit statutum tempus venditionis, scilicet, quòd duraret per quinquaginta annos vsque ad lobelcū: quia tamen interdum poterat vergere in damnum ipsorum, quòd non posset habere recursum ad res suas vsque ad annum lobelci, scilicet, si posset illas redimere, ideo concessit lex, quòd si posset redimere possessiones, liceret eis, vel cognatis eorum redimere illas quomodocumque vellent: Leu. 25. si tamen translata possessio ad secundum emptorem non competeret primo venditori redemptionis ius, artaretur nimis istud priuilegiū, & fieret eis quasi inu-

tile, cum posset semper fraudari: lex tamen intendit fauorem eorum, ideo non solum competet eis redemptio contra primum emptorem, sed etiam contra quoscunque alios. Tertiò patet, quia nemo potest transferre in alterum plus iuris, quàm ipse habere dignoscitur, & tamen primus emptor non habebat in re empta ius ad tenendum illam, quancumque venditor vellet illam redimere, ergo nec poterat transferre ius in emptorem secundum, scilicet, quòd repente primo venditore, nō teneretur ei restituere rem oblato precio. Quartò patet, quia quancumque aliquod onus est reale, scilicet, rei annexum, ad quemcunque transeat illa res, transit cum onere suo etiam si transeat ad personam priuilegiatam, & conditio personæ non tollit onus reale. Sicut si aliqua possessio sit obligata aliquibus muneribus prestandis, & transfertur in Ecclesiam, quæ est maximè præuilegiata, transit cum illo onere, & Ecclesia obligatur ad illa munera prestanda ratione rei. Vnde ex hoc interdum prohibet lex quasdam donationes fieri Ecclesiæ, eo quòd sunt obligatæ magnis oneribus, sicut sunt possessiones obligatæ magnis oneribus fiscalibus, vt patet Codice de Sacrosanctis Ecclesijs, in Authentica, vbi verè res inutiles, & oneribus magnis obligatas Ecclesiæ donari prohibetur: & tamen in veteri testamento cuiusque rei venditæ annexum erat istud onus reale à lege, scilicet, quòd repeti posset, & redimi quocumque tempore ante lobelcū: Leu. 25. siue per cognatos venditoris, siue per ipsum: ergo ad quemcunque proueniret ista res, transibat cum isto onere redemptionis, ergo poterat quancumque redimi. Quintò patet, quia nemo potest tollere mihi priuilegium meum, nisi me consentiente, vel faciente aliquem actum, per quem videar consentire, vel propter delictum: cum tamen aliquis vendeat possessionem alteri inter Hebræos, manebat venditori ius redemptionis contra emptorem ad redimendum quancumque vellet, Leu. 25. & cum ille emptor vendeat alteri, venditor primus non renunciabat priuilegio suo, nec faciebat aliquem actum, per quem renunciare videretur: ergo non poterat priuari priuilegio quod habebat contra primum emptorem iure redemptionis, alioquin posset iste emptor auctoritate sua, nulla existente causa priuare vëditorem primum iure suo, quod falsum est. Dicendum ergo, quòd sicut compete-  
**C**bat vëditori ius redimendi contra primum emptorem, ita compete-  
**D**bat contra quoscunque alios quicunque illi essent. Cum autem obijcitur Leuit. 27. de re, quæ non poterat repeti, scilicet, non redimeretur priusquam traderetur alteri emptori, dicendum, quòd non est simile, quia illud est in rebus, quæ vouentur loco sacro: istud autem est in rebus, quæ venduntur personis priuatis: & magna differentia est inter illa: nam quando quis vouebat agrum, vel similia sanctuario, appreciabatur per sacerdotem, & addebatur quinta pars super æstimationem: & totum hoc soluebat, qui vouerat possessionem, si vellet eam redimere, Leu. 27. & hoc fiebat, vt nullus vellet redimere possessionem quam semel vouisset sanctuario, sed maneret in æternum ipsi sanctuario. Quòd si vouens non redimeret eam tunc, postea nō poterat eam redimere: nec redibat ad eum lobelcū: sed in æternum pertinebat ad sacerdotes. Vt ergo non redimeretur, vel vt maneret sanctuario rigor erat contra vouentem, & fauor in adiutorium sanctuarij: secus autem hic: nam lex de venditione, & redemptione introducta erat in fauorem venditorum, qui pauperes erant. Quod patet, quia quando redimebatur possessio, non restituebat vëditor totum precium quod susceperat, sed dabat aliquid de eo subtrahendo secundum proportionem temporis, quo  
**E** possessio



possessio manserat penes emptorem: Leuit. 25. ergo F  
quamquam in vouente rem, si non redimeret eam,  
antequam traderetur alteri, non posset postea redime  
re, poterat ille, qui vendebat possessionem suam per  
sonæ priuatæ redimere illam quodocunque vellet,  
quocunque emptoribus tradita fuisset: ideo quan  
docunque offerret precium aliquis de suis cognatis,  
vel ipse veditor primus, tenebatur quicunque emptor  
ei restituere rem emptam. Queretur de alia difficul  
tate, scilicet, si res vendita primo emptori postea ven  
deretur alteri, & venditor primus eam redimere vel  
let, quid fieri debebat de precio restituendo. Ad cui  
dentiam huius considerandum, quod sicut dicitur  
Leuit. 25. si venditor vellet expectare vsque ad lobe  
læum redibat ad eum possessio nullo precio dato. Si G  
autem tempore intermedio illam redimere vellet,  
debebat dare precium, sed non restituebat totum pre  
cium, quod recepit ab emptore, sed solum proportio  
naliter diuidendo totum precium æqualiter per annos,  
& restituere tantum de precio quantum compete  
bat annis residuis vsque ad lobelem, sicut declaratum  
fuit supra in quadam quæstione. Si autem res ven  
dita non venderetur, iterum non erat difficultas aliqua  
in modo solutionis, sicut dictum est. Si tamen ven  
deretur rursus alteri, res illa poterat vendi maiori, vel  
minori precio, & tunc erat dubium secundum quod  
precium teneretur taxare tempus venditor primus:  
an secundum venditionem primò factam, vel secun  
dum venditionem factam isti, à quo ipse redimebat H  
nunc. Aliqui dicunt, quod deberet soluere secundum  
proportionem venditionis factæ ultimo, scilicet, illi, à  
quo ipse redimebat. Cuius causa est, quia aliàs tene  
retur iste emptor vltimus perdere: nam forrè iste em  
ptor vltimus carius emit, quàm primus: quod semper  
verisimile est, quia emens, & vendens rursus emit ad  
lucrum, & si teneretur prima taxa venditionis iste, em  
ptor multum perderet. Alij dicunt, quod debebat  
solui precium secundum primam venditionem, eo  
quod aliàs ille obligaretur plus soluere, quàm contra  
xerat, quod iniustum est. Dicendum, quod solutio  
fieri debebat secundum proportionem primæ vendi  
tionis, quia illam fecit dominus rei venditæ, & nullus  
poterat præiudicare ei inuito ipso. Patet hoc, quia I  
iste vendidit rem, & accepit precium, & ad restitu  
endum partem proportionalem illius est nunc obliga  
tus, quando voluit redimere, si iste non vendiderit al  
teri, & tamen si iste emptor vendidit alteri, non est in  
culpa venditor primus, ideo non potest obligari ad  
plus soluendum, quàm aliàs obligaretur. Secundò  
patet, quod ista lex de redemptione fuit tota introdu  
cta in fauorem venditorum, vt declaratum est præce  
denti quæstione, esset tamen grauamen eis, si teneren  
tur restituere precium secundum carissimam vendi  
tionem, quæ postea fieret, ideo non tenebantur, nisi  
secundum primam. Item non potuit venditor secun  
dus conferre secundo emptori, quod veditor primus,  
si redimeret rem, deberet eam redimere secundum  
venditionem, quæ postea fieret, sed secundum vendi  
tionem, quam iste fecit: ideo non posset conqueri iste  
emptor vltimus, si daretur ei minus de precio propor  
tionaliter, quàm ipse dederat. Ad rationem, cum di  
citur, quod grauaretur emptor vltimus, si non solue  
retur precium secundum taxationem vltimæ vendi  
tionis, dicendum, quod non grauaretur, quia ipse scie  
bat rem istam venditam esse iterum, & quod haberet  
venditor primus ius redimendi: ideo si voluit carius  
emere, quàm vendiderat primus venditor, cui com  
petebat redemptio, sibi imputer, quia in culpa fuit:  
nam non debuisset rem illam emere, vel non carius,  
quàm vendiderat eam primus venditor. Ipse autem

venditor primus non est in culpa, si emptor secundus  
rursus vendat, & carius vendat, quàm ipse vendidit:  
cum non sit in potestate sua prohibere istud: ideo ip  
se grauaretur, si cogeretur stare alteri vditioni, quàm  
illi, quam fecit, & non cogeretur ad damnum toleran  
dum vltimus emptor, licet cogatur stare alteri vendi  
tioni, quàm illi, quæ ei facta est: & sic fiet taxatio pre  
cij per primam venditionem.

*Quare non permittebatur extraneis redimere rem em  
ptam de manu alterius extranei emptoris,  
sicut permittebatur cognatis.  
Quæstio X V.*

QVÆRETUR vltius, quare non permitte  
batur extraneis redimere rem emptam ab alio  
extraneo venditore. Dicendum, quod si extraneus  
emisset possessionem, & cognatus vellet redimere  
eam, poterat, vt patet Leui. 25. fuerunt causæ huius af  
signatæ supra in quadam quæstione, scilicet, quia lex  
intendebat fauorem, & vtilitatem venditorum pau  
perum, & quia verisimilius erat, quod cognati magis  
afficerentur ad possessiones cognati sui, quàm extra  
nei, ideo lex permittebat cognatis ab extraneis redi  
mere: inter extraneos autem non subsistebat ista cau  
sa, quia non præsumebatur in generali potius pro vno  
extraneo, quàm pro altero, ideo extraneo contra ex  
traneum non concessum est competere redemptio  
nem. Secunda causa fuit, quia si competeret cui  
libet extraneo contra alterum redemptio rei: pauci  
vellent, vel nulli emere res vendendas à pauperibus,  
quia alij, vt tædio eos afficerent, vel vt lucra auferrent,  
redimerent res ipsas. Tertia causa est, quia si conce  
deretur cui libet extraneo, quod redimeret ab altero  
rem venditam, daretur processus in infinitum inutili  
ter: nam si vnus emeret rem, alius illico redimeret  
eam, & iterum alius redimeret, & inter istos duos es  
set emptio, & redemptio, quia mox, vt vnus emeret  
reliquus redimeret, & è cōtrario, quod absurdum est.  
Inter cognatos autem non erat aliquod inconueniens  
istorum: nam ipsi nō erant tot, sicut extranei, vt vnus  
posset ab alio redimere, & sic abiretur in infinitum.  
Etiam dato, quod consanguineis competeret redem  
ptio, non distraherentur extranei ab emptione rerum  
venalium, quia cognati non erant tot, sicut extranei,  
qui possent inquietare redimendo. Etiam emptores  
non haberent hoc molestum, cum viderent aliquam  
causam huius concessionis, quod non esset, si con  
cederetur cui libet extraneo, quod redimere posset  
rem venditam.

*Si vnus cognatus redimebat rem, an alius ab eo redimere  
posset. Quæst. X V I.*

QVÆRETUR vltius, si vnus cognatus re  
dimebat rem, an alius posset ab eo redimere.  
Dicendum, quod siue vnus consanguineus emeret re  
directè à cōsanguineo suo, siue illam redimeret, cum  
cognatus suus alicui extraneo vendiderat illam: nam  
cognatis venditoris licebat redimere ab extraneis em  
ptoribus in fauorem venditoris, vt declaratum est su  
pra in quadam quæstione: & tamen extraneis contra  
cognatos nihil licebat: si autem quæratur an licebat  
cognato contra cognatum redemptionis ius. Dicen  
dum, videtur, quod si erat cognatus in gradu propin  
quiori ille, qui volebat redimere, compete  
bat ei redemptio, quia propinquiori respectu minus propin  
qui iudicatur propinquius ad extraneum. Si autem  
sit in æquali gradu propinquitatis, vel minori, non  
competit ei ius repetendi.

*Quis*



*Quis modus tenendus erat in emptione rerum cognatorum.*

*Quæstio XVII.*

**Q**VAERETVR ulterius, si aliquis cognatus volebat emere rem propinqui, & erant multi cognati, quis ordo tenendus erat in emptione. Vel si quis cognatus volebat redimere ab emptore rem cognati existentibus multis, quis ordo tenendus erat. Quidam dicunt, quod ille, qui emere vellet de eis tenebatur admonere omnes alios cognatos, qui erant in gradu propinquiore an vellent emere rem venalem, & si vellent non licebat huic emere illam. Si autem nullus illorum vellet illam emere, licebat huic illam emere. Sic etiam dicendum videtur de redemptione, scilicet, quod si quis consanguineorum vellet redimere ab emptore rem cognati sui, tenebatur admonere ceteros cognatos propinquiores: & si nullus vellet, poterat ipse, qui eos admonerat, alioquin non. Sic patet in casu, qui est in isto capitulo, scilicet: Noemi vendiderat quandam possessionem, & Booz, qui erat propinquus voluit eam redimere: & tamen non redemit, quousque alius cognatus suus, qui erat propinquior cederet iuri propinquitatis, alioquin innuebat non esse sibi licitum redimere possessionem. In contrarium videtur, quod liceat cuicunque consanguineo emere rem cognati, vel redimere illam de manu emptoris, non requisito quocunque alio cognato propinquiore. Nam licet extraneis emere res venales non requisitis consanguineis venditoris, an illas emere vellent, ergo a fortiori licebit hoc cognato contra cognatum non requisito illo. Respondent quidam, quod licebat cuilibet cognato emere possessionem a cognato suo venditore non requisito altero, & tamen non licebat redimere de manu alicuius venditoris extranei non requisitis omnibus cognatis, qui erant propinquiores. Ratio diuersitatis huius est, quia redimere est introductum in fauorem ipsius venditoris, & quia fauor suus erat, quod quilibet emere posset, concedebatur tam extraneis, quam cognatis; ideo cum extraneis liceret emere a venditore, non requisitis cognatis eius, a fortiori licebit cuilibet cognato non requisito altero. Secus autem est de redemptione: quia ista introducta est in fauorem ipsius venditoris, & fauor suus est, quod soli sui consanguinei redimant, ut possessiones emptas fidelius curent: & ob hoc reperitur Leui. 25. concessum quibuslibet, siue extraneis, siue cognatis, quod possent emere a venditore: & tamen redemptio solis cognatis reperitur concessa, ibidem. Secundo patet ex eo quod habetur hic: nam hic erat casus redemptionis, scilicet, quod Noemi vendiderat quandam possessionem Elimelech, & Booz admonerat suum cognatum, qui propinquior erat, an vellet redimere possessionem, alioquin ipse deliberaret, an emeret: & non reperitur in casu emptionis cautum, quod vnus cognatus admoneret alium cognatum, qui est in gradu propinquiore; ideo dicunt, quod potest quilibet cognatus emere a venditore non requisito alio cognato propinquiore se, & tamen non potest redimere non requisitis propinquieribus. Dicendum tamen, quod ista responsio aliquo modo tangit veritatem, sed non elucidat eam omnino: ideo dicitur, quod cognati excedebant alios in iure cognationis: ideo quando iure cognationis agebant præponebantur cognati alijs, & propinquiores alijs: in eo autem quod non agebant iure propinquitatis, non præferbantur cognati extraneis: ideo nec magis propinquius minus propinquis: & quia in emendo nunquam faciebant iure propinquitatis, non præferbantur propinquiores minus propinquis: & quia in redimendo agebant aliquando iure propinquitatis, & aliquando

**A** non, interdum propinquiores præferbantur minus propinquis, & interdum non præferbantur. Prima pars patet, quia in emendo a venditore non erat differentia inter cognatos, & non cognatos, sed poterat quilibet emere, & non tenebantur extranei volentes emere admonere omnes cognatos venditoris an ipsi vellent emere, quia alijs non competeret redemptio cognatis venditoris. Nam si omnes admonerentur, & recusarent, priuarentur iure suo, & non haberent recursum ad illud, sicut patet de minus propinquo, quando admonebat propinquiorem de redemptione facienda, quia si ille iuri suo cedebat, non habebat postea recursum ad illud, sicut fuit de Booz, qui requisit cognatum suum, ut patet infra in litera. Et sic non haberent cognati recursum ad redemptionem possessionum venditarum, & tamen poterant redimere eas quandocunque erant venditæ: & poterat hoc facere quilibet cognatus, & etiam affinis, ut patet Leui. 25. ergo non requirebant extranei cognatos, an vellent emere possessiones venales, quando ipsi eas emebant: a fortiori ergo cognatus non requiret cognatum, quia minus differt cognatus a cognato, quam extraneus a cognato. Item patet hoc, quia potestas vendendi concedebatur in fauorem pauperum, ne cogerentur mendicare, & possessiones suæ perirent incultæ, ut declaratum est supra in quadam questione: & tamen fauor erat venditorum, quod cuilibet liceret emere non requisito alio: nam si non liceret extraneis emere non requisitis cognatis, si illi dicerent, quod volebant emere, non liceret venditori vendere alicui, nisi illis: & tunc illi darent modicum precium, quod esset damnum vendentibus: potissime, quia si tenerentur extranei admonere cognatos priusquam emerent, teneretur etiam cognatus minus propinquus admonere propinquiorem: & tunc si ille vellet emere non posset emere quisquam de alijs: & sic esset in potestate illius dare modicum precium quantum ipse vellet, per quod læderetur nimis venditor: quia aut oporteret ipsum non vendere, aut venderet pro modico precio quantum vellet emptor. Debit ergo concedi omnibus indistincte, quod emerent, scilicet, quod quilibet emere posset non requisito aliquo alio. Ideo dicendum quantum ad emptionem, quod si aliquis cognatus emere vellet, non tenebatur emere requirendo prius alios propinquiores, sed nullo requisito poterat emere. De redemptione secus est, quia illa fuit introducta in fauorem venditoris, scilicet, ut possessiones eius curarentur melius per cognatos, quam per extraneos, ideo cognatis concessa est redemptio ab extraneis, & non extraneis ab extraneis, nec extraneis a cognatis. Concessa autem redemptione solis cognatis, non sequitur inconueniens, quod sequeretur si eis solis concederetur emptio, vel ipsi deberent prius admoneri: nam ad illud sequebatur diminutio precij in venditione, ut supra declaratum est. Ad redemptionem autem non sequebatur ista diminutio precij: quia ius redimendi erat, quod quandocunque cognatus venditoris, vel ipse venditor vellet rehabere rem venditam, daret pro ea partem precij suscepti secundum æstimationem, & proportionem temporis manentis vsque ad Iobeleum ad tempus per transitum a venditione, ut declaratum fuit supra in quadam questione. Et tunc siue cognatus esset, siue ipse venditor, non poterat diminuere de precio quod susceperat venditor, considerata tamen proportionem, ut dictum est. Sic patet Leuitici vigesimo quinto: ideo solis cognatis debuit concedi redemptio, sed non debuit eis solis concedi emptio, nec debuerunt ipsi admoneri ab extraneis ad hoc, quod emerent ipsi, si vellent.

Dicen-



Dicendum tamen, quòd licet solis cognatis competat redemptio, non est necesse, quòd cognatus minus propinquus admonere propinquiorem, ut emat semper, sed interdum possunt minus propinqui redimere possessiones venditas non requisitis propinioribus. Pro quo sciendum, sicut supra dicebatur, quòd cognati interdum agunt iure propinquitatis, & interdum non. Accipiendo primo modo præferuntur propiniores minus propinquis: & tenentur minus propin-

Quando cognati agunt iure propinquitatis, & quando non.

pinqui admonere propiniores, ut redimant. Accipiendo secundo modo possunt minus propinqui redimere admonitis magis propinquis. Ad sciendum autem, quando cognati agunt iure propinquitatis, & quando non, considerandum est, quòd aliqua sunt, quæ non possunt fieri, nisi iure propinquitatis, eo quòd non competunt alijs, nisi propinquis, sicut est suscitare semen defuncti: nam solis eis iubetur Deuter. 25. & alij dato quòd vellent suscitare semen defuncti, non possent, quia non dicerentur suscitare semen defuncti, sed semen suum, eo quòd filius suscitatus à propinquo iudicatur filius defuncti propter propinquitatem, quæ videretur facere idem quadam naturali habitudine, & magis legali fictione. Dicuntur non agere iure propinquitatis, quando non agunt ad suscitationem seminis cognati defuncti: ideo si primo modo quis redimere vellet possessionem, scilicet, ut illam redimendo suscitaret semen defuncti, compete-

Obiectio.

bat hoc iure propinquitatis, & tunc non poterat minus propinquus redimere possessionem non admonito magis propinquo: Sic fuit in casu Booz, & cognati sui, quia agebatur de suscitando semine Maalon defuncti ex Ruth vxore sua, & qui possessionem reciperet, erat illam recepturus in vxorem; ideo magis propinquus admonendus erat, quia ad magis propinquum pertinet seminis suscitatio. Si autem consanguinei vellent redimere possessionem defuncti non animo suscitandi semen, poterat quilibet propinquus redimere illam, non requisito alio propiniori. Ista est positio, quæ videtur vera. Sed adhuc obijciatur, quòd in omni casu redemptionis teneretur minus propinquus admonere propinquiorem si volebat redimere possessionem: nam hic licet Booz ageret ista ad intentionem suscitandi semen Maalon defuncti ex Ruth: tamen non innuebat sic à principio, quando locutus est cognato suo, sed solum, quòd vendita erat quædam pars agri Noemi, an vellet eam redimere cum esset propinquior, & dixit ille, quòd redimeret eam: & tunc intulit Booz, quòd quando acciperet agrum etiam acciperet Ruth in vxorem ad suscitandum semen, ad quòd ille dixit, quòd nolebat agrum, nec vxorem, sed quòd Booz veteretur privilegio illi. Etiam dixit, cedo iuri propinquitatis. Dicendum ergo est, quòd requirebatur, quòd quandoque consanguineus aliquis vellet redimere rem cognati venditam, quòd requireret, an alij propiniores vellent redimere illam. Vel dicendum, quòd Booz egit ista ex vrbantate, scilicet, admonens consanguineum suum, ut redimeret possessionem, quam ipse redimere poterat illo irrequisito. Sed dicendum est, quòd quamquam positio præcedens videatur rationabilis satis, tamen in omni casu tenendum est, quòd in redimendo possessionem cognati semper minus propinquus teneatur admonere propiniores, an vellent redimere, quia semper agunt iure propinquitatis. Nam non competit redemptio, nisi propinquis: ideo iure propinquitatis competit: & ubicunque competit aliquid iure propinquitatis, deberet competere prius, vel perfectius propiniori iuxta illam regulam Arist. 2. Topicorum. scilicet simpliciter ad simpliciter, & magis ac maxime, id est, si propter esse bonum est aliquid appe-

Responsio ad obiectiorem.

tile, propter esse magis bonum est magis appetibile. Ita de iure competenti ratione consanguinitatis. Item patet, quia si non teneretur Booz requirere cognatum suum ad redimendam possessionem, etiam in casu, in quo non erat seminis suscitatio, non requisivisset eum: quia ipse requisivit eum, quasi teneretur requirere, ut patet ex verbis Booz ad cognatum, quæ erant magis verba necessitatem ostendentia, quam vrbantatem, cum ait, si vis possidere iure propinquitatis, eme, & posside, si autem displicet, indica mihi, ut sciam quid agere debeam: ergo innuebat, quòd illi compete-  
**G** bat primo iure cognationis redimere hereditatem, & si ipse nollet volebat eam Booz: & tamen si esset vrbantatis causa facta intimatio ista, non ex-  
**H** primeret Booz, quòd ipse vellet, vel deliberaret super ista redemptione cedente cognato suo. Item patet efficacius, quòd loquatur Booz de necessitate, & non de vrbantate, quia subiunxit: non est enim propinquus excepto te, qui prior es, & me, qui secundus sum. Ista inducebat Booz ad ostendendum, quòd compete-  
**I** bat redemptio iure propinquitatis, & designavit maiorem, & minorem propinquitatem: ergo videtur, quòd aliquid compete-  
**K** bat propiniori, quod non compete-  
**H** bat minus propinquo, quia alioquin superfluum esset assignare primum, & secundum in propinquitate: & tamen Booz non ostendebat adhuc, quòd redemptio ista possessionis fieret ad suscitationem seminis, ergo in omni casu ius redemptionis compete-  
**H** bat propiniori, & ille admonendus erat ab alijs minus propinquis. Item patet, quia cognatus Booz facta ista requisitione acceptavit redemptionem possessionis tanquam sibi competentem iure propinquitatis primo: & dixit Booz, quòd acciperet Ruth in vxorem, & tunc noluit ipse acceptare redemptionem propter onus suscitationis annexum. Item patet, quia dixit ille, cedo iuri propinquitatis, ergo videtur, quòd aliquod ius habebat cognatus Booz propter maiorem propinquitatem, quod non habebat Booz. Item iste eius cognatus dixit, tu meo utere privilegio, quo me libenter carere profiteor: ergo habebat aliquod privilegium, quod non habebat Booz. Item concessit Booz cognatus eius privilegium suum, & in signum concessionis soluit calcamentum de pedibus suis, ut patet infra in litera: ergo compete-  
**K** bat ei propter maiorem propinquitatem aliquid de iure redimendi, quod non compete-  
**H** bat Booz. Dicendum ergo, quòd quicumque unus cognatus vellet alterius cognati redimere possessiones venditas, oportebat, quòd omnes alios propiniores se admoneret.

*Quomodo lex ista de venditione possessionum immobilium ad certum tempus non fuit observata ab alijs populis, cum esset tam conveniens.*

*Questio XVIIII.*

**Q**UÆRITUR. ulterius, cum ista lex de venditione possessionum immobilium ad certum tempus, & non in perpetuum esset tam conveniens, ut declaratum est in præcedentibus, quomodo non fuit observata ab alijs populis. Dicendum, quòd ista lex non fuit observata apud alios populos: nec observatur communiter, eo quòd non est tam utilis alijs populis, sicut Iudeis. Ratio differentie est, quia Iudeis erat necessariū, quòd nunquam venderent possessiones immobiles, vel illas venderent ad tempus paucū, eo quòd debebant progenies eorum manere distinctæ, sicut fuerant ab initio: & Deus hoc volebat Num. 36. non poterant in eas distinctè conservare, nisi per aliqua immobilia bona, quæ manerent semper in ipsis progeniebus, per quæ cognoscerentur homines, quarum familiarum, & tribuum erant.



Si autem venderentur possessiones in eternum, vel ad tempus valde longum periret ista distinctio, ergo non concessa est talis venditio. Apud alias autem gentes non est necessitas istius distinctionis tribuum, & familiarum, sicut apud Iudæos, quia illud fiebat præcipue propter Messiam, ut sciretur de qua stirpe erat, de quo declaratum est Num. 27. & 36. & Leui. 25. in alijs autem gentibus nihil tale futurum erat, ideo conceditur, quod quilibet vendat possessionem suam: seruatur tamen similitudo quantum ad aliquid, quia in bonis, quæ veniunt iure primogenituræ seruatur hoc, scilicet, quod illa non possunt alienari donando, vendendo, vel qua litercunque. Inter Iudæos autem seruabatur ius primogenituræ, vel cōditio primogenituræ in omnibus quantum ad hoc. scilicet, quod bona nullius vendi possent, nec alienari in æternum. Etiam apud quosdam populos seruabatur istud quantum ad aliud. scilicet, quod nullus permittebatur vendere bona sua immobilia. Et in alijs nullus permittebatur vendere, nisi ostenderet causam necessariam, sicut fuit quondam apud Locrenses, ut recitat Arif. 2. Polit. Nunc autem nullam gentem scimus, quæ talia obseruet: quia nulla utilitas videtur sequi ex hoc, quod non permittatur, quilibet vendere possessionem suam.

*In quo gradu propinquitatis iste cognatus Booz attinebat ad Elimelech. Questio XIX.*

**Q**VAERETVR vltius, cum dixerit hic Booz ad cognatum suum, quod emeret iure propinquitatis possessionem quam vendiderat Ruth Noemi, in quo gradu propinquitatis attinebat iste ad Elimelech, & in quo gradu Booz. Pro quo præsupponendum, quod Booz, & cognatus suus, de quo hic dicitur, erant cognati Elimelech, cuius possessio vendebatur: quod patet, quia ipse dixit, quod nullus erat propinquus nisi ambo, & ideo competebat ambobus ius repetendi, & redimendi hereditatem. Aliqui autem dicunt, quod isti duo erant fratres Elimelech, quia Booz dixit hic, partem agri Elimelech fratris nostri vendit Noemi. Sed dicendum, quod non stat, quia si ambo essent fratres Elimelech ambo attinerent in eodem gradu ipsi Mahalō defuncto, cuius possessio vendebatur, & tamen cognatus Booz erat propinquior, quam ipse, sicut dixit, ut patet hic, & præced. cap. ergo non erant ambo fratres Elimelech. Alij dicunt, quod erant ambo isti fratres Mahalon defuncti. Et patet hoc, quia suscitare semen pertinet ad fratres defuncti, ut habetur Deuter. 25. sed isti suscitabant semen Mahalon, ideo erant fratres eius. Dicendum, quod non stat per rationem supra positam: nam si ambo essent fratres Mahalon attinerent ei in eodem gradu, & tamen non attinebant, quia erat vnus propinquior alio, ideo non erant fratres eius. Secundò patet, quia si essent fratres Mahalō essent filij Elimelech, & Noemi, vel saltem alterius ipsorum: & tamen hoc non stat. De Elimelech. n. quod non esset pater eorum patet, quia ipsi vocauerunt eum fratrem, dicentes: partem agri Elimelech fratris nostri. Quod autem Noemi non esset mater eorum patet, quia non locuti sunt de ea, sicut de matre, sed sicut de extranea, dicentes: partem agri vendidit Noemi, quæ reuera est de regione Moab. Item, quia Booz, quando loquebatur de Noemi, tempus habebat eam ut extraneam: nam dixit Booz ad Ruth, nolo quod reuertaris vacua ad socrum tuum. Item, quia Noemi dixit de Booz ad ipsam Ruth, propinquus noster est non. si tamen esset filius suus non vocaret eum propinquum, sed alio nomine specialioris propinquitatis, ideo non erat frater Mahalon. Item si isti duo essent fratres Mahalon, teneretur suscitare semen eius sub pena, quæ habetur Deuter. 25. & tamen cum nollet suscitare semen, non fuit hic inflicta pena, quæ habetur ibi, ut patet hic in litera, ergo non erant fratres Mahalon.

**A** Dicendum igitur, quod isti duo erant cognati Mahalō filij Elimelech, & tamen non erant fratres eius, nec erant patrui eius. scilicet, fratres Elimelech patris eius: quod apparet ex probationibus inductis: & tamen licet non essent fratres, nec patrui pertinebat ad eos redemptio possessionum Elimelech, & suscitatio seminis Mahalon. Cum autem obijciat, quod isti essent fratres Elimelech, cum dicat hic, Elimelech fratris nostri. Dicendum, quod frater accipit largè per quolibet cognato: & interdum omnes Hebrei inter se vocant fratres, ut patet Exo. 21. & Deu. 16. Cum autem dicit, quod isti duo erant fratres Mahalō, eo quod competebat eis suscitare semen illius; dicendum, quod non stat, quia et non fratribus competebat hoc, dum tamen essent cognati in aliquibus gradibus propinquitatis. Et patet, quia Booz, & cognatus suus erant cognati Mahalō, & non erant ambo in eodem gradu, & tamen competebat utrique suscitare semen Mahalō, ut patet in littera: & tamen dato, quod vnus eorum esset frater Mahalō, non poterant ambo esse fratres eius, quia non erant cognati equaliter, & tamen si essent fratres essent cognati in eodem gradu: & sic ad alios cognatos, qui non erant fratres pertinebat et suscitare semen defuncti: de quo magis declarabitur infra in quadam questione.

*Quare dixit Booz ad cognatum suum, quod Noemi vendiderat partem agri. Questio XX.*

**Q**VAERETVR vltius, quare dixit Booz ad cognatum suum, quod Noemi vendiderat partem agri. Dicendum, quod Booz volebat agere de contractu matrimonij cum Ruth, ut suscitaret semen defuncti, & quia hoc pertinebat ad propinquos, & nunc non erant, nisi duo. scilicet, Booz, & cognatus suus, sicut dicitur hic in littera. scilicet, Nullus est propinquus excepto te, qui prior es, & me, qui sum secundus: ideo volebat Booz agere, quod ipse, vel cognatus suus acciperet Ruth in uxorem: & quia ipse non poterat accipere Ruth in uxorem, nisi prius cognatus suus cederet iuri cognitionis, voluit tentare Booz cognatum suum, an vellet accipere Ruth in uxorem, vel non: & ad sciendum hoc proposuit id, in quo poterat sciri. scilicet, quod Noemi vendiderat partem agri pertinentem ad Elimelech, & ipse erat propinquus, an vellet redimere illam: istud proponebat, quia verisimiliter presummebat Booz, quod cognatus suus vellet possessionem emergere, ideo nunc diceret ei Booz, quod acciperet simul Ruth in uxorem, & si non recusaret istud onus, bene factum esset, si autem recusaret deuolueret ad ipsum. Sed tunc dicendum, quare Booz non proposuit ipsi cognato suo istud simpliciter, sine aliqua venditione possessionis, dicens, quod acciperet Ruth in uxorem ad suscitandum semen defuncti cognati sui, quia et hoc modo posset cognoscere, an ipse vellet facere hoc. Dicendum, quod Booz voluit istud preponere ad inducendum de matrimonio Ruth propter multa. Primum erat ad magis mouendum cognatum suum, ut acciperet Ruth in uxorem: nam si proponeret ei simpliciter. scilicet, an vellet ipsam in uxorem, forte illico recusaret onus, sicut postea recusauit. Cum autem proposuit ei de redemptione hereditatis motus est ad redimendum eam, dicens: ego agrum emam: ideo cum postea diceretur ei, quod acciperet Ruth in uxorem, acciperet illam forte ex rubore ne videretur mutabilis cum concessisset primum, cui istud annexum erat. Secundum erat, ut magis appareret voluntas illius ad non accipiendum Ruth in uxorem: nam presumebat Booz, quod cognatus suus nollet accipere Ruth: & tamen, ut magis appareret in eo voluntas ista fuit conueniens, quod poneret Booz aliquid, ad quod moueretur ille, & tamen illud dimitteret, ut non acciperet Ruth in uxorem. scilicet, quod diceret ei Booz si volebat hereditatem istam redimere, quod erat concupiscibilis, & ille acceptaret eam: & postea proponeret ei, quod acciperet Ruth in uxorem, quæ erat aliquid annexum, & dimitteret hereditatem, quam acceptauerat, ut non acciperet Ruth appareret, quod nullo modo eam volebat. Tertium fuit, ut



vt non præsumeretur aliquid cōtra ipsum Booz: nam si ipse proponeret cognato suo, quod acciperet Ruth in vxorem ad suscitandum semen, & non proponeret aliquid aliud, per quod alliceretur ad eam accipiendū: & non acciperet illam cognatus, sed postea illam acciperet Booz: præsumeretur cōtra illum, quod ipse desiderasset accipere Ruth in vxorem: & ob hoc præposuerat ipsi cognato suo id, quod erat graue solū. i. q̄ acciperet Ruth in vxorem, & nō proposuerat ei quod erat concupiscibile. s. redimere possessionem: vt ergo non posset contra eum præsumi, proposuit ei id, per quod allici poterat ad capiendum eam, vt cū ipse postea illam caperet non præsumeretur contra eū quidquam. Quartum erat ad declarandum, quo iure accipiebat Ruth in vxorem: nam si nō proposuisset Booz de redimenda possessione, & proposuisset de accipiēda Ruth in vxorem, & acciperet eam nolente illam accipere cognato suo, non appareret adhuc an acciperet eam ad suscitandum semen defuncti, vel aliquo modo: quia poterat eam accipere vno modo, vel altero, vt infra declarabitur in quadam quæstione: & si nō acciperet eam ad suscitandū semen, nō posset redimere possessiones venditas defuncti, sed vendicaret eas alius cognatus, qui propinquior erat. Vt ergo appareret, quod ad eum pertinebat ista redemptio, & non ad cognatum suum, voluit ostendere publicē, q̄ accipiebat Ruth ad suscitandum semen defuncti. Hoc autē non poterat indicari consequenter, nisi per istam præsumptionem de redimēda possessione, quia ille, qui vellet redimere possessionem iure propinquitatis, ostenderet se velle vti iure propinquitatis in suscitatione seminis, & cū cognatus Booz publicē refutaret istam suscitationem, succederet publicē Booz in redemptiōe possessionis, & suscitatione seminis. Quintum erat, quia non solū volebat Booz accipere Ruth in vxorem, sed etiam cum illa omnia bona, quæ fuerant Elimelech, & filiorum suorum: & quia ista bona non proueniebant ad eum, licet acciperet Ruth in vxorem, si non acciperet eam ad suscitandum semen defuncti, ideo voluit ostendere, quod accipiebat eam ad suscitationem seminis: nam si Booz accepisset Ruth non ad suscitationem seminis, non proueniebant ei bona defuncti, & si vellet illa accipere obstarēt ei cognatus suus, dicens, quod ad eum pertinebant, quia ipse erat propinquior: ideo expediens fuit ipsi Booz, quod ostenderet publicē, quod accipiebat Ruth in vxorem ad suscitationem seminis defuncti, vt per hoc publicē succederent ei omnia bona defunctorum, & renunciaret cognatus suus priuilegio. Ista autem non potuissent conuenienter fieri, si non proposuisset Booz de redemptione hæreditatis: ideo debuit proponere: quia aliās non cognosceretur, an acciperet Ruth ad suscitandum semen, vel aliās. Etiam cognatus suus non cederet iuri propinquitatis.

*Cum Booz referret Noemi possessionem vendidisse, cur addidit, eam de terra Moab reuertisse.*

*Quæstio XXI.*

**Q**VAERETVR vltius, cū Booz enarraret cognato suo casum, scilicet, quod Noemi venderet quandam possessionem, cur dixit, quæ reuerſa est de regione Moabitide? quia istud nunc non videbatur pertinere ad necessitatem historiæ. Aliquis diceret, quod istud positum fuit quasi ex accidenti, licet non multum faceret ad historiam. Dicendum, quod non stat hoc, quia sacra scriptura est nimis moderata, & in ea non debet aliqua superfluitas nominari, quia potius debet aliquid dici breue, quā superfluum: ideo cū potest assignari ratio dicti in sacra scriptura non

debet dici esse superfluum, vel ex accidenti dictum. Dicendum ergo, quod istud tetigit Booz ad significandum quasi summam dictorum suorum: nam dicebat, quod Noemi vēdiderat partem agri Elimelech viri sui: & quia ager non erat suus, sed pertinebat ad hæredes viri sui, q̄ erant isti cognati duo, scilicet Booz, & cognatus suus, non poterat vendere sine aliqua urgente necessitate, & ad significandum istam necessitatem, dixit, quæ reuerſa est de regione Moabitide, scilicet, stetit in regione illa peregrinando decem annis famis, & ibi consumpsit bona multa, & virum, & filios perdidit, & nunc reuerſa est inops: ideo eget, vt vendat aliquam possessionem ad se sustentandum: voluit etiam tangere aliud, quod postea dicturus erat: nam volebat dicere Booz de suscitatione seminis Mahalon mortui, qui fuerat vir Ruth, & ad hoc debebat significare quomodo maritus Ruth, qui erat cognatus eorum mortuus erat, & istud significauit in breui, dicens, quæ reuerſa est de regione Moabitide. Hæc autem omnia implicitē tetigit, dicendo, quæ reuerſa est de regione Moab, sicut nos in locutionibus nostris præmittimus quædam verba comprehensiuam magnæ sententiæ quantum ad ea, quæ postea sequuntur in ipsis locutionibus.

*Bona Elimelech, & Chelion, & filiorum, quo iure manebant in potestate Noemi, & quanto tempore manere debebant. Quæst. XXII.*

**Q**VAERETVR vltius, cū nunc bona Elimelech, & Chelion, & Mahalon filiorum suorum essent in potestate Noemi, & Ruth, quo iure erant, & vsque ad quantum tempus permanere debebant, apud illas. Dicendum est, quod bona Elimelech, & filiorum suorum, quæ manebant nunc apud Noemi, & Ruth non erant ipsarum, quia ipse non poterant succedere in eis: nam in veteri testamento scemina non succedebāt vnquā in bonis immobilibus, nisi cū quis moreretur nullos habens filios Nu. 27. quia tunc si haberent filias pertinebant bona ad illas: hic autem non habebat Elimelech, & filij sui filios, nec filias: ideo bona eorum deuoluebantur ad cognatos propinquiores, sed nullo iure pertinebant ad Noemi, & Ruth, vt declaratum fuit supra in quadam quæstione, qua quærebatur an Noemi poterat vendere istam possessionem, de qua hic dicitur. Sed dicendum, quod bona manebant nunc apud eas ex cōcessionem legis, eo quod istę videbantur representare virorum defunctorum personas: & quamdiu illas representarent tenerent bona ista. Cū autem desinerent representare transirent bona ad alios. Pro quo sciendum, quod ista bona erant Elimelech, Chelion, & Mahalon defunctorum: & secundū legem proueniebant filiis eorum. Non habebant tamen filios aliquos, ideo volebat lex, quod darētur filiis, qui suscitarentur eis, qui essent filij legales. i. lex iubebat, quod cognati defunctorū suscitarent semē ipsorum: & filij, qui nascerētur de vxoribus defunctorū, & cognatis ipsorum suscipientibus eas, iudicabantur filij defunctorum: & isti habituri erant bona ipsorum, ac si essent filij eorū: ideo quādiu vxor defuncti erat in potentia ad suscipiendum virum, qui suscitaret semen defuncti, representabat personam mortui, & quod de ea nasciturus erat filius ipsi mortuo, & ob hoc tamdiu tenebat ipsa bona defuncti. Si autem mulier disponeretur taliter, quod iam non suscitatura esset defuncti semen, scilicet, quia accipiebat aliquem in virum, qui non poterat suscitare semen defuncto, eo quod non erat de cognatione sua, non poterat tenere iā bona defuncti, & transibant ea ad hæredes defuncti: nunc



nunc aut sic erat in Ruth, & Noemi, quia Elimelech, A Chelion, & Mahalo mortui bona reliquerat, & Ruth volebat suscitare semen viro suo cum esset prompta suscipere in virum quemquam cognatum viri sui, qui suscitaret semen eius, ideo manere debebant adhuc bona penes Ruth. Cum autem Ruth acciperet virum ad suscitandum semen defuncto, transibant bona ad potestatem viri, eo quod principaliter illi suscitabat semen defuncto: cum autem filius natus esset loco defuncti, quia ille censebatur tanquam esset vere filius eius, ad illum bona transibant, quia propter illum facta fuerat tota ista suscitatio, & ille plene representabat personam defuncti. Si autem Ruth accepisset in virum aliquem, qui non esset de cognatione Mahalon viri sui: eo facto priuanda erat possessio bonorum.

Cum bona haec tenerentur nunc pro diuiso a Noemi, & Ruth: ad quam proprie attinebant haec bona, & eorum venditio.

Quaest. XXIII.

QVAERETVR vltius, cum bona ista praedita tenerentur nunc pro diuiso a Noemi, & Ruth, ad quam proprie pertinebant ista bona, vel ad quam expectabat venditio eorum, cum nunc vendita fuerint aliqua. Aliquis dicet, quod ad Noemi pertinebat bonorum possessio, & est venditio. Quod patet, quia ipsa vendidit partem agri Elimelech, ut patet inf. in litera. In primum, quod pertinebat ad Ruth, quia propter Ruth accepit illa Booz omnia. scilicet accepta Ruth in uxorem, & tunc non accepisset omnia cum illa nisi nunc possessio omnium pertineret ad illam. Aliquis dicet, quod non competeant ista bona in solidum ad aliquam istarum, sed ad utranque ipsarum aliquid pertinebat: quod patet, quia ista bona erant trium virorum. scilicet Elimelech, Chelion, & Mahalon, & competeant feminis propter viros defunctos, sed Noemi erat vxor Elimelech, & Ruth Mahalon: ergo ad utranque diuisim pertinebant bona. Dicendum tamen, quod hoc non stat, quia non pertinebant aliqua bona ad Noemi, sed omnia ad Ruth. quod patet, quia competeant bona ista feminis in quantum suscitaturae erant semen viris suis defunctis: sed Noemi non erat suscitatura semen, ergo non competeat ei possessio aliquorum bonorum. Patet, quia Noemi erat vetustissima non apta vinculo coniugali, ut ipsa dixit supra 1. capit. Secundum patet, quia dato quod Noemi esset aetate iuuenicula, & non repugnaret ei concipere, non competeat ei suscitare semen viro suo, eo quod secundum legem non erat suscitandum semen ipsi Elimelech: quia semen suscitatur illi soli, qui suscepit uxorem, & non genito filio mortuus est, & reliquit uxorem: vel si genuit filium mortuus est filius ante patrem priusquam acciperet uxorem, & tamen non fuit sic in Elimelech, quia ipse genuit duos filios. scilicet Chelion, & Mahalon, & mortuus est ante illos, & ipsi acceperunt uxores, ideo filiis suis, & non ei semen suscitandum erat, quia ipse semen reliquerat. Tercio patet, quia quando Booz accepit Ruth in uxorem non dixit se accipere illam, nisi ad suscitandum semen Mahalon, ut patet inf. in litera: non poterat ergo tenere Noemi aliqua bona propter suscitationem feminis. Quarto patet, quia dato quod deberet Noemi suscitare semen viro suo Elimelech non habebat aliqua bona, quod possideret: nam nulla bona ei relicta sunt de bonis viri sui, eo quod quando mortuus est Elimelech manserunt duo filii eius Chelion, & Mahalon, ut patet supra 1. & illi succedebant in bonis. Nam existentibus filiis nulli alii haeredes requiruntur Nu. 27. ideo transierunt ad eos omnia bona Elimelech, vel ius omnium bonorum, deinde mortui sunt illi non relicto semine, & vxor alterius eorum. scilicet Ruth mansit quod poterat suscitare semen saltim unum eorum, ideo ad illam transire debebant bona sub specie suscitationis feminis. Et patet hoc, quia quando data est ipsa ad suscitandum semen Booz in uxorem: omnia bona cum ea data sunt: ergo quando non erat data est ad ea omnia bona pertinebant,

Alph. Tost. super lib. Ruth

& nihil ad Noemi, ideo venditio istorum, vel alienatio quaecumque pertinebat ad ius Ruth, & non Noemi: & tamen Noemi videbat, eo quod ipsa erat socrus, & Ruth erat Nurus, & sic erat Noemi tanquam mater: ideo iustum erat, quod dispositio rerum omnium pertineret ad Noemi: potissime, quia cum Ruth tantum diligeret ipsam Noemi, permetteret ei dispositionem omnium rerum, quae sibi deberetur.

Cum Booz dixit, quod Noemi vendiderat partem agri Elimelech, & non dixit quod Ruth. Quaest. XXIII.

QVAERETVR vltius, cum ius vendendi pertineret ad Ruth, & tota administratio rerum: cur Booz dixit, quod Noemi vendiderat partem agri Elimelech, & non dixit quod Ruth. Respondendum, quod Booz voluit facere, quod cognatus suus ostenderet voluntatem suam circa Ruth accipiendam in uxorem, quod nolebat illam, & ut magis pateret ista voluntas, voluit Booz praepone aliquid, per quod alliceret cognatus eius, & acceptaret id, & tamen postea resurgeret tantum non, quod sibi imponebat de suscitatione seminis Mahalo ex Ruth: & ob hoc dereliqueret quod iam acceptauerat: ex quo apparet, quod nimis exosum habebat recipere Ruth in uxorem. Et ad hoc ut declaratum est, super in quadam. quod debuit dicere Booz cognato suo primo si vellet redimere possessionem quadam, quod vendiderat Noemi quod si vellet suscitare semen, quia si primo diceret de suscitatione seminis neutrum vellet: ex eadem causa debuit dicere, quod vendiderat possessionem istam Noemi, & non Ruth, quia dicendo, quod Noemi vendebat non significabat, quod accipiens possessionem deberet accipere Noemi ad suscitandum semen, quia ipsa non erat apta ad suscitationem seminis, cum esset senectute perfecta supra 1. ca. Si autem diceret, quod Ruth vendebat possessionem, significaret, quod etiam ea deberet suscitare semen. Nam Ruth erat iuuenicula apta ad suscitationem seminis, & vir suus decesserat sine semine, ideo accipienda erat in uxorem ad praedictam suscitationem. Voluit ergo dicere de Noemi, ut non retraheret cognatus suus ab acceptance redemptionis hereditatis timens seminis suscitationem, quod tamen timeret si diceret ei, quod Ruth vendebat possessionem. Alia causa forte potest esse. scilicet quod Booz non diceret hoc, ut cognatus suus non formidaret seminis suscitationem, sed quia administratio totius possessionis Elimelech, Chelion, & Mahalon erat penes Noemi, licet de iure competere ipsi Ruth, dicebatur ipsa Noemi vendere, & non Ruth nurus eius.

Si Ruth nollet suscitare semen viro defuncto, quid fieri deberet de istis possessionibus Elimelech, Chelion, & Mahalon.

Quaest. XXV.

QVAERETVR vltius, si Ruth nollet suscitare semen viro, vel pringeret, quod non suscitaret, quid fieri deberet de istis possessionibus Elimelech, Chelion & Mahalo. Dicendum, quod aut Ruth nolebat suscitare semen viro suo. scilicet quod nolebat accipere in virum aliquem cognatum viri sui, aut aliquo modo pringeret, quod non suscitabatur nomen, vel semen, licet ipsa vellet. Si primum diceretur, quod non permittebat mulier voluntati suae, quia mulier defuncti non relinquentis semen erat obligata secundum legem ad hoc quod acciperet in virum aliquem de cognatis viri sui, si ille vellet: & si antequam admoneret cognatos viri sui acciperet in virum alium erat adultera, & poterat accusari de adulterio: sicut si esset fornicata cum alio viro post presummatum matrimonium, vel dum erat desponsata per verba de presenti, ut declarabitur inf. in quadam. quod patet Ge. 38. de Thamar nuru Iuda, quod erat suscipienda in uxorem a Sella filio Iudae ad suscitandum semen fratrum suorum defunctorum sine semine, ideo iste casus non stat. Si autem contingeret, quod mulier volens suscitare semen viro non suscitaret illud, istud esset tripliciter. Vno modo, quia contingebat, quod mulier antequam acciperet in virum aliquem de cognatis suis, moriebatur, vel quia moriebantur omnes cognati defuncti, ita ut nullus superesset, qui posset de iure suscitare semen. Vel quia accepta est in uxorem ab aliquo de

LI

viri



virī sui cognatis, & tñ nō suscitātū est semen. Si primo mō cū mulier maneret in proposito suscitandi semen qñdocunq; vellet eam accipere i vxorē aliq̃s de cognatis viri sui cēsebat adhuc representare psonā defuncti, vt declaratum est supra in quadam quāst. ideo manebant semper bona defuncti penes ipsam mulierē. Mortua autem illa, quia nō erat spes vlla de suscitatione seminis defuncti, cū non esset mulier, de qua deuoluebantur bona ad hāredes defuncti, qui sū legem ab intestato ei succedebāt nisi fortē superessent aliæ vxores defuncti non repudiata: nam ex qualibet illarum poterat suscitari semen defuncto, vt declarabitur infra in quadam quāst. quia tunc defuncta vna vxore deuoluerentur bona ad alteram, q̃ posset, & deberet de iure suscitare semen defuncto: si tñ vnica esset vxor, mortua illa, trāsibant illico bona ad hāredes defuncti, qui succedebant sibi ab intestato. Vnde si Ruth contingeret mori antequam acciperet in vxorem a Booz ad suscitandum semen, manerēt bona defunctorum apud eā ipsa viuente, sicut nunc manserunt: & ipsa mortua trāsirent illico ad cognatos viri sui. scilicet ad Booz, & cognatū suū, vel alterum eorum. Si autē secundo modo, scilicet moriebant oēs cognati ipsius defuncti antequam quīquam eorum susciperet vxorem illius ad suscitationē seminis, deuoluebantur bona ad p̃ximos hāredes. Iste autem casus satis possibilis erat, quia licet nō posset aliquis mori in toto Israel, qui non haberet cognatos aliquos, siue modicum siue multum in gradu distantes, ita vt posset succedere ei ab intestato: tñ poterat esse, q̃ quis esset, qui nō haberet aliquē cognatū, qui suscitare posset semen eius: quia ad suscitandum semen nō admittebantur oēs cognati in quocunq; gradu essent: sed solū illi, qui erant in gradu quodam determinato. Qd̃ patet, quia Booz dixit hic ad cognatū suū, q̃ nullus erat propinquus, qui posset redimere iure propinquitatis possessionem venditā, nisi ambo. scilicet ipse & cognatus suus. si autē isti duo decessissent tpe hoc: nullus maneret, qui iure propinquitatis posset redimere possessionem Elimelech, & p̃sequenter nec suscitare semē, cū suscitatio seminis fieret iure propinquitatis. scilicet semper ab immediatiori: si autē isti duo essent mortui iā nulla esset spes suscitationis seminis defuncti, quia nullus esset qui suscitaret: ideo non manerēt bona iā penes Ruth, quia apud ipsam manebant inquantū ipsa erat apta suscitare semen defuncto, & tunc deuoluerentur ista bona ad hāredes proximos Elimelech & filiorum eius. alij tñ essent i tali gradu, q̃ non posset suscitare semē istorum. Si autē tertio modo, scilicet mulier accepta est in vxorem ab aliquo de cognatis viri sui ad suscitandum semen: & tñ non suscitatum est. Dicendum q̃ quocunq; sit, illico, vt quis de cognatis accipiebat mulierem ad suscitandum semen defuncto, deuoluebantur bona ad ipsum sub spe, q̃ inde filius nasciturus esset, qui censeretur filius defuncti, & loco ei⁹ haberetur, & succederet ei, & tunc poterat p̃tingere, q̃ isti dantes opera generationi non gignerent: & tñ hoc non obstante quandiu manerent isti duo, bona manebant penes illos: si autē decederet alter ipsorum, & non esset genitus filius vel filia, aut decederet vir aut femina, si decederet femina, auferebatur iam spes suscitandi semē cū non posset fieri suscitatio nisi ex vxore defuncti, ideo deuoluebant tunc bona ad hāredes proximos defuncti, qui ab intestato ei succedebant: nisi essent multe vxores defuncti nō repudiata, quia q̃libet illarum posset tunc suscitare semen viro suo, si nondum accepisset alium virum, & fieret de qualibet illarū sicut dictū est de prima. Si autē decederet vir, aut femina manēs esset apta ad suscitandum semen, aut non: si esset inepta ad suscitationem seminis, vtpote q̃a senectute p̃fecta, deuoluebant illico bona ad hāredes defuncti, velut si nō reliquisset vxorē, quia non esse, & inutile esse equi-

parant. Si autē esset apta ad suscitandum semen, quia adhuc erat in ætate in qua posset gignere: aut supererat aliquis de cognatis defuncti, qui vellet eā accipere in vxorem aut nō: si nullus superesset, deuoluebatur hāreditas ad proximos hāredes defuncti, qui tamen non suscitabant semē eius, vt declaratum est in secundo casu: si autē aliqui supererant, qui posset suscitare semen defuncti, manebant bona apud mulierem, & ipsa tenebatur admonere eos an quīquam eorum vellet suscitare ex ea semen defuncto. Et si quīquam vellet, accipiebat illam, & transibant bona ad eum, & manebant apud ipsum vsquequo gigneret filium ipsi defuncto succedentem. Vel moreretur alter coniugum, & tunc fiebat sicut supra dictū est. Si autem quīque de cognatis defuncti volebat mulierem accipere in vxorem, declarabitur sequenti quāst.

*Quid fieret de possessionibus Elimelech, Chelion, & Mahalon si Booz, & alij cognati nollent accipere Ruth in vxorem, & an succederet Ruth in bonis defunctorum.*

*Quaest. XXXV. I.*

**Q**VAERETVR vltius, si Booz nollet accipere Ruth in vxorē nec etiam cognat⁹ suus de quo hic dicitur, quid fieret de possessionibus Elimelech, Chelion, & Mahalon. Dicendum, q̃ vxor defuncti qñ non reliquerat defunctus semen, tenebat admonere cognatos defuncti, vt eam quīquam eorum susciperet i vxorem, & admonebat eos per ordinem, sicut cōpetebat eis ordinatim suscitatio seminis. nam propinquiōri cōpetebat immediatē, & ille admonend⁹ erat, an vellet suscitare semen fratri suo, vel cognato: & si nollet, fiebat poena, q̃ h̃r Deut. 25. si esset frater defuncti, scilicet quod mulier discalciaret eum, & spueret i faciem eius, vocareturq; domus eius domus discalciati in Israel. Si autē esset cognatus, & non frater non fiebat ista poena, vt declarabitur inf. in quadam quāst. & post hunc admonebat mulier sequentē: & si nollet, fiebat idem. Et sic discurrebat per oēs, quotquot erant illi, qui poterant de iure suscitare semen defuncto. Nam non poterat quīlibet cognatus in quocunq; gradu suscitare semen defuncto, vt dictum est p̃ced. quāst. & magis declarabitur inf. in quadam quāst. & si aliquis istorum saltem vltimus susciperet eam, ad illum transibant possessiones, sicut dictum est p̃ced. quāst. si autem nullus vellet suscipere mulierem istam, ipsa poterat accipere i virum aliquem, qui non esset de cognatione viri sui: & tamē tunc non tenebat aliquid de possessionibus ei⁹, sed deuoluebantur oēs ad cognatos p̃ximos. scilicet q̃ istimer, qui mulierem illam accipere noluerāt succederent in istis bonis, etiam si non suscitarent iam defuncti semen. Et sic si Booz noluisse accipere Ruth in vxorem, nec ē cognatus suus, ipsa quidem abfoluebatur a debito suscitandi semen: & tamen nihilominus isti succedebāt in bonis defunctorum iure propinquitatis, quia nullus erat propinquior, & hoc iure voluerat cognatus Booz redimere possessionem Elimelech. scilicet quod possessionem redimeret, & nō acciperet in vxorem ipsā Ruth. Et tñ quando aliquis de cognatione etiam si minus volebat suscitare semen defuncto, ille priuabat oēs alios cognatos iure successionis, etiam si illi essent defuncto propinquiōres: sicut fuit nunc in Booz, qui erat min⁹ propinquus q̃ alius cognatus suus. Quod patet in littera, quia tamen ille noluit suscitare semen defuncto p̃didit ius hāreditatis, & successit Booz. Sed dicetur, quod in hoc videtur esse grauamen, scilicet quod si mulier prompta est suscipere in virum de cognatione quemcunq; defuncti ad suscitandum semen eius, quod priuēt hāreditatis possessionem, & fructu: nam si aliquis eam susciperet de cognatione defuncti illa teneret bona defuncti cum uiro, qui illam accipiebat: & gauderet commodō fructuum: si autem nullus eam vellet accipere, ipsa nihil minus faciebat quā si accipe-

*Doct. sña  
penes hoc  
quāst.*



acciperetur realiter ad suscitandum semen defuncti: A ideo q̄ non gauderet fructu hæreditatis, videtur incōueniens. Aliquis fortè dicet, quòd mulieri in casu isto manebant bona, vel aliqua pars eorum, licet non appareat. Dicendum, q̄ falsum est, quia mutaretur tunc statutus legis: nam Deus dederat modum successionis hæreditariæ in veteri testamento, & s̄m illam nunquam succedebant feminae, nisi essent filie respectu patris, q̄n pater nullum filium relinquebat: Num. 27. & tamen hic non erat tale, ideo non habebat talis mulier ius succedendi in bonis viri defuncti. Secundo patet, quia Deus statuerat, q̄ nō transirēt possessiones de familia ī familiam, & de tribu ī tribū, & circa hoc magnā cautelā adhibuerat, Num. 36. Si tamen concederetur, quòd vxor defuncti in isto casu succederet in bonis defuncti, vel B in aliqua parte eorum, & non susciperetur in vxorem ab aliquo de cognatis defuncti, transirent bona de familia in familiam, & aliquando de tribu in in tribum: nam contingebat, quòd quis acciperet mulierem de alia tribu, & familia, sicut Beniamitē viri acceperunt vxores filias Iabesenorum, quæ erant de tribu Gad, vel Manasse, vt declaratum est Iud. 21. & acceperunt mulieres Silonitas, quæ erant de tribu Ephraim, vt patet ibidem, vbi declaratum est. Et poterat accidere in aliquo istorum iste casus. sc̄ quòd mortuo viro sine femine, nullus de cognatione viri vellet accipere vxorem illius ad suscitandum semen: si ergo illa tunc succederet in bonis viri, cū ipsa esset de tribu Ephraim, aut Gad, aut Manasse redirent bona istarum tribuum ad alias. sc̄ possessiones Beniamin ad Ephraim, & Gad, q̄d C erat inconueniens in veteri testamento. Dicendum ergo, q̄ non succedebat mulier in bonis viri, nec in parte aliqua bonorum, sed cedebant propinquis defuncti, licet nollent suscitare semen eius. Cū autem obiicitur, quòd grauatur mulier ista, quia cū esset prōpra suscitare semē defuncti, & non cessat ex culpa sua, sed ex culpa cognatorum defuncti, quòd priuatur hæreditatis fructu, dicendum q̄ non grauatur ista mulier, quia si deberetur ei hic aliquid, & propter culpam cognatorum defuncti nolentium suscitare semen illius ipsa priuaretur illo iure, grauabatur: & tñ nihil debebatur hic mulieri defuncti, sed solum debebatur volenti suscitare semen, & ipsa tenebat bona defuncti, quandiu D erat in potētia ad suscitandū semē defuncti, & non fuerat neglecta a cognatis eius: Si at negligebat ab oībus, non grauabatur tanq̄ aliquid perderet, sed fiebat quòd non lucraretur, cū aliàs posset lucrari, sc̄ si aliquis de cognatis defuncti vellet eam accipere in vxorem, quia tunc illa gauderet fructu bonorum simul cum viro, q̄ eam acciperet: nullus autem obligatur alteri ad faciendum, q̄ lucretur, obligatur tamen ad faciendum, quòd E cautela sui non perdat: Confirmatur hoc, quòd istud privilegium de possessione bonorum manentium apud vxorem potētem suscitare semen defuncti non introductū est gr̄ia vxoris, nec pp̄ illum, qui suscitaret semē defuncti, sed pp̄ fauorē defuncti. sc̄ vt nō deleret nomen suum de familia sua: si ergo nullus sit, qui velit suscitare semen defuncto, non priuatur mulier aliquo iure, vel privilegio introducto in fauorem suum, cū priuatur bonorum possessione, & deuoluuntur ad cognatos defuncti. Sed est adhuc dubium, quia dicet aliquis: dato quòd mulier defuncti non teneat bona eius, nullo propinquorum volente suscitare semen illius, quomodo tamen manent apud eos bona? nam videtur iniustum, quia ipsi sunt in culpa nolendo suscitare semen defuncti, & tamen de culpa commodum reportant, quod esse non debet. Potissimè, quia isti puniuntur pro culpa ista, nam frater, qui non vult fratris sui suscitare semen, punitur, eo quòd discaletur, & expuitur in faciem eius, & vocatur domus illius domus discaletur.

scalciati in Israel: Deut. 25. Quomodo ergo remunerabuntur accipiendo hæreditatem ex eo facto quo penam meruerunt & puniti sunt, ergo iniustum videtur. Dicendum, quòd peruenit hereditas ad cognatos defuncti, dato q̄ non suscitent semen eius: & patet hoc, quia si non perueniret ad eos, oporteret quòd perueniret ad extraneos, & istud esset contra legem disponentem de modo succedendi: Num. 27. quia semper propinquiore succedere debent: & non habetur alicubi, quòd isti oēs priuentur iure successionis, si noluerint suscitare semen defuncti: ideo non est dicendum, q̄ priuentur hæreditate. Secundo patet, quia si isti priuaretur hæreditate, perueniret illa ad extraneos, qui non essent de eadem familia, vel tribu. Et in hoc præiudicaretur legi, quia Deus iusserat, q̄ non transiret hæreditas de tribu in tribum: nec de familia in familiam, quia sic confunderetur distinctio sortium, & ignorarentur familiae, & tribus. Num. 36. ideo non debebat transire possessio hæreditatis ad extraneos, quamquam delinquerent cognati non suscitando semen defuncti. Cū autem obiicitur, quòd isti erant in culpa, & non debebant reportare commodum de culpa: dicendū, quòd isti non reportant commodū de culpa, ita quòd propter culpam istam præmiuntur siue accipiant remunerationem, sed accipiunt hæreditatem propter legem, ne transeat hæreditas de tribu in tribum, & de familia in familiam. Sed stat, quòd isti peccent non suscitando semen defuncti, & tñ succedat in bonis defuncti. Etiam dicendum, quòd non est incōueniens quòd interdum aliquis peccans non puniatur in eo, in quo deliquit, sc̄ si ex punitione alicuius prouenit magnum damnum reipublicæ, sc̄licet, quia magis præiudicabatur reipublicæ puniendo illum quā gratietur ille, qui punitur, non debet puniri: sicut si aliquis homo esset, ex cuius statu, vel vitā dependeret totus status, & conseruatio reipublicæ, & illo pereunte respublica periret, licet ille peccaret in aliquo, ita vt esset reus mortis, sicut adulterando, vel aliàs, non deberet occidi, nec recte leges politicæ iuberent eum occidi: ita est in proposito. iustum enim erat quantum erat ex persona sua, q̄ cognati defuncti, qui noluerunt suscitare semen defuncto, priuarentur hæreditate eius: tamen est damnum reipublicæ, & contra intentionem legis: nam vtile erat reipublicæ, quòd maneret ceteritudo progenierum, & sciretur de quolibet viro, de qua tribu & familia erat, & istud nō poterat sciri, nisi immobilia manerent semper penes viros eiusdem cognationis non transeundo ad alias familias, vel tribus per alienationem quamcumque: & istud Deus volebat Num. 36. Si tamen cognati defuncti nolentes suscitare semen eius priuarentur hæreditate, transirent possessiones ad extraneos, & transirent de familia in familiam, & patulim de tribu in tribum: ideo non debebant priuari successionem, quamquam delinquerent. Ad secundum cū dicitur, quòd isti cognati defuncti puniti sunt, quia noluerunt suscitare semen eius, quomodo ergo ex eodem actu, in quo puniti sunt consequuntur præmium. Dicendum, quòd non consequuntur præmium ex actu, in quo fuerunt culpabiles: nam fuerunt culpabiles nolendo suscitare semen defuncto, & ob hoc non acquirunt successionem, sed acquirunt eam tanquam iam sibi debitam ex lege successionis. Tertio cū dicitur in isto actu puniti sunt, ideo non debent adquirere præmium, dicens quòd iuste valde fit, nam isti puniuntur hic in quantum pena potest esse personalis, & in illa parte non puniuntur, in qua pena extenderet se ad rempublicam puniendam: quia delictum personæ non debet redundare in damnum reipublicæ: isti autem potuerunt personaliter puniri, in quantum quilibet nōs suscitare semen fratris sui defuncti, discaletur publicè, & spuebatur.



batur in faciem eius, eratque ei contumelia, quia vocabatur domus eius domus discalciati in Israel, Deut. 25. ista poena erat solum personalis, & non se extendebat ad rempublicam, ideo conueniens erat talem infligi, quia non ledebatur in hoc respublica: si tamen priuarentur cognati defuncti successione, & transiret bona ad alios extraneos lederetur respublica, quia transirent possessiones de tribu in tribum, & de familia in familiam, quod erat magnum inconueniens & contra intentionem Dei: Num. 36. Quia tolleretur certitudo progenierum, quod militabat contra statum Messia, ut declaratum est Leui. 25. & Num. 27. & 36. non ergo debuerunt puniri tali poena quantumcunque delinquerent. Si tamen vnus consanguineus, vel multi delinquebant suscitare nolendo semen defuncti, & aliquis illorum volebat suscitare, omnes alii priuabantur iure successionis, quamquam essent propinquiore: & ad illum solum deueniebant omnia bona defuncti: sicut patet hic de Booz, & cognato suo. Nam ille erat propinquior defuncto quam Booz, & tamen quia noluit suscitare semen Mahaloe defuncti transiuerunt omnia bona defunctorum ad Booz, ut patet infra in litera. Ratio huius est, quia tunc quod priuaretur oēs alij cognati iure successionis, erat poena personalis, & non extendebatur ad rempublicam, eo quod manebat possessio in eadem tribu & familia, cum vnus cognatorum acciperet illam, qui volebat suscitare semen, si priuaretur oēs successiue transiret hereditas ad extraneos, & sequeretur inconueniens quod supra ponebatur, ideo in isto casu non priuabantur cognati iure successionis propter delictum.

*Cur Booz dixit hoc ad cognatum suum. nullus enim est propinquus excepto te, qui prior es, & me qui secundus sum.*

*Quest. XXVII.*

**Q**UAE RETVR vterius, cur dixit Booz ad cognatum suum. Nullus enim est propinquus excepto te, qui primus es, & me qui secundus sum: & quomodo poterat hoc stare. Ad primum dicendum, quod Booz dixit istud ad confirmandum intentionem suam: nam dixerat ad cognatum suum, quod emerit possessionem quam vendiderat Noemi, alioquin ipse deliberaret an illam emerit iure propinquitatis: & poterat obijci, quod alius esset propinquior, cui competere iure propinquitatis redimere istam possessionem priusquam istis: dixit Booz, quod nullus erat alius propinquus, nisi ipse, & cognatus suus, scilicet cognatus suus prior, & ipse secundus, & sic nulli alij compete-  
bat ius redimendi. Vnde recte dixerat Booz, quod cognatus suus redimeret possessionem illam, alioquin ipse videret an conueniret ei redimere illam.

*Quomodo poterat stare, quod nullus alius erat in tota cognatione illa, nisi isti duo, quia videbatur impossibile: & quid sit consanguinitas, & in quo fundetur: & de diffinitione consanguinitatis naturalis, & legalis. Quest. XXVIII.*

**Q**UAE RETVR de secundo, scilicet quomodo poterat stare, quod nullus alius erat in tota cognatione illa nisi isti duo. Videtur enim impossibile, quia erat Elimelech de tribu Iuda, & familia Phares: ideo quamdiu supererant aliqui de familia Phares, erant aliqui de cognatione Elimelech, & istorum. Nicolaus dicit, quod multi alij erant de cognatione ista, quia cum isti essent potentes viri, non erat verisimile, quod ipsi soli essent in cognatione ista: sed dicuntur isti soli in co-

gnatione. scilicet principales, quia alij erant minus potentes, & minoris auctoritatis. Ista tamen responsio non est satis solida, quia dato quod essent potentes, poterant esse soli in cognatione: nam ad esse potentiorum, vel ditiorum non sequitur habere cognatos plures. Responderi potest ergo dupliciter: vno modo, quod non erant alij in cognatione praeter istas duos, scilicet quod non essent alij, quibus prius competere ius redimendi possessionem quam istis. Alio modo potest intelligi, quod plures erant in familia ista vel cognatione: & tamen illi erant extra gradum, in quo vocabantur cognati, & in quo compete-  
bat redemptionis ius, & suscitatio seminis. Primus modus videtur satis conueniens, eo quod prece-  
dit multos alios esse in progenie ista. Etiam quia conuenit intentioni Booz: nam Booz loquebatur hic de redemptione possessionis, & locuturus erat postea de suscitatio-  
ne seminis defuncti: ista autem competunt iure propinquitatis, & propin-  
quioribus prius competunt: & quia loquebatur Booz, quod cognatus suus redimeret possessionem Elimelech, vel ipse redimeret eam: satis erat sibi ostendere non esse aliquem cognatum propinquiorem eis, & sic diceret, quod nullus erat cognatus, nisi ipsi ambo, id est nullus erat prior eis ad hoc, quod posset suscitare semen defuncti, & redimere hereditatem. Dicendum tamen, quod hoc non obstante adhuc non stat iste modus, sed secundus, scilicet quod non erat alius cognatus praeter istos in tota cognatione. Et patet quia si Booz intendisset dicere, quod compete-  
bat ius redimendi ipsis prius quam aliis, licet essent multi alij in cognatione, non diceret: nullus enim propinquus est excepto te, qui prior es, & me, qui secundus sum, sed diceret, nullus est propinquior te, & ego sum secundus tibi: & tamen dixit nullus proximus est, quod excludit oēs alios de quocunque gradu cognationis: id est dicendum quod nullus alius erat cognatus Elimelech, & filiorum suorum, nisi isti duo. Secundum patet, quia si intenderet Booz dicere, quod prius redimendi primo compete-  
bat cognato suo, deinde sibi, & postea aliis: deinde peteret quod cognatus suus emerit iure propinquitatis, vel hoc ipsum denunciar-  
et ei, ut ipse deliberaret ut emerit, non oportebat, quod Booz diceret, nullus est enim proximus nisi tu, qui prior es, quia satis intelligebatur, quod loquebatur de seipso referendo illum ad se: id est illo nolente ipse volebat redimere: ergo non intendit Booz solum dicere, quod nulli erant propinquiore quam ipsi: sed quod et nulli alij essent in tota cognatione Elimelech. Et istud est valde conueniens, quia licet oēs homines inter se attrineant sibi in aliquo, quia saltem descendunt ab Adam oēs, vel a principio propin-  
quiori descendunt oēs a Noe: tamen non vocant omnes cognati. Causa est, quia cognatio est quidam hexagony plurius coicantium in sanguine, & ab eodem capite descenditium, & tenentium inter se aliquem ordinem usque ad certum gradum. Et fundatur hoc, quia cum cognatio sit nexus, & vnitas quidam, sequitur ad eam amor naturalis, ut declarat Ari. 8. Ethic. dicens maximam amorem post paternum esse inter fratres tanquam habentes omnia communia. scilicet sanguinem, & radicem: ita inter ceteros quamdiu manserit iste nexus, vel vnitas erat necessario amor quidam: & tamen experimur, quod tantum aliqui descenden-  
tes ab eodem stipite elongantur inter se, quod nullo modo se diligunt, nisi in quantum homines sunt: quia omne animal diligit sibi simile. Eccl. 13. & non in quantum descendentes ab vno principio: ideo inter illos iam nullus nexus est, nec consanguinitas naturalis nec legalis. Pro hoc autem considerandum est, quod consanguinitas est duplex, scilicet naturalis & legalis: naturalis vocatur ille nexus plurium descendentiū ab vno & coicantium sanguine: & quamdiu durat iste nexus, est naturalis consanguinitas; cessante autem isto nexu, cessat consanguinitas ista. Et aliquando ista excedit legalem consanguinitatem, & aliquando exceditur ab ea. Vocatur autem legalis consanguinitas ista metus habitudo plurium descendentiū

*Quid est cognatio seu consanguinitas.*



ab eodem stipite: sed est ista limitata certis limitibus, A  
uel gradibus, quod non habet naturalis consanguinitas.  
Ad maiorem autem horum intelligentiam confide-  
randum, quod naturaliter consanguinitas ista non est nisi  
quædam similitudo naturalis in pluribus: & ista est du-  
plex, quedam est similitudo specifica, & alia indiuidua  
lis: similitudo specifica est, quæ inest omnibus homi-  
nibus ad se inuicem ex eo, quod in eorum quolibet re-  
peritur totum, quod est de veritate naturæ humanæ si-  
ue de esse, & ideo membra, & virtutes membrorum in  
generali habent quandam similitudinem: ista tamen  
similitudo licet faciat quandam affectionem, vel amo-  
rem inter homines, non est consanguinitas. Patet hoc, quia  
omne animal diligit sibi simile: Eccle. 13. etiā probat  
illud Arist. 8. Ethic. in principio dicēs, quod omnis homo B  
naturaliter est alteri amicus, siue cognito siue incogni-  
to, ut patet in erroribus viarum: quia quilibet indicat  
alteri viam, licet ei incognitus sit: ideo etiā vocat quos-  
dam homines philantropos. scilicet quia istum amorem speci-  
ficum nimis ostendunt. & dicuntur philantropi. i. viro-  
rum vel hominum amatores. scilicet quia amant eos ex eo, quod  
homines sunt nulla alia ratione intercidente: non tamen  
vocamus homines secundum hanc similitudinem cognatos,  
quia aliās omnes homines essent inter se cognati, quod falsū  
est. Alia est similitudo indiuidualis. scilicet ex conditione in-  
diuiduorum. i. quod multa de complexione vnius hominis  
reperiuntur in alio ita, quod eadē sint illis grata, & ea-  
dem odiosa: & ad similia inclinentur, & simili modo  
se habeant quantum ad multas dispositiones natura-  
les: & ista similitudo non est specifica, sed indiuidua-  
lis. scilicet proveniens ex conditionibus indiuiduorum. Ista  
autem est duplex: quedam. n. est accidentalis purē, alia  
autem est in aliqua causa vniuoca. Prima est, ut in duobus  
hominibus, qui nati sunt in diuersis temporibus, vel in di-  
uersis regionibus: & contingit illos duos quantum ad  
omnē accidentia, vel plurima complexionis videri simi-  
les: ista similitudo non provenit ex aliqua vnitatem prin-  
cipij vniuoci. scilicet quod procedunt ab eodem patre, vel ma-  
tre: sed quia geniti sunt ex parentibus habentibus si-  
miles complexionēs. & quorum semina erant eodem  
modo disposita, vel quia contingit eos nasci celo exi-  
stante in eadem dispositione: & tamen effectus isti, qui cau-  
santur in terris sunt ex opere corporum celestium, ut  
ait Arist. 1. de Generatione, & corruptione. scilicet per acces-  
sum, & recessum solis in circulo obliquo causantur omnes  
generationes, & corruptiones in terra. Ista similitudo,  
quia purē ab accidenti est, scilicet quod esse in vno eorum non  
attinet aliquid ad esse in altero, non causat cognatio-  
nem, sed nec aliquem alium nexum. Alia est similitu-  
do indiuidualis non accidentalis. scilicet quando plura indi-  
uidua habent eandem complexionem, vel magnā si-  
militudinem in illa: & hoc quia descendunt ab eodē  
principio seminali, & idem secundum idem aptum est facere  
vnum tantum: & ista facit cognationem, scilicet quod multi  
homines descendunt ab eodem, & ille præstitit sperma  
conforme in generatione omnium seruabitur similitudo  
in complexionibus eorum. Et etiam deriuati ab istis  
seruabunt similitudinem quandam naturalem, in qua  
tum retinetur in eis virtus seminis deriuati a parente  
eorum primo, & quamdiu manserit similitudo ista,  
manet consanguinitas: quia nihil aliud est consanguini-  
tas, nisi ista conformitas: ista tamen similitudo est  
maior quanto aliqua magis propinque sunt. scilicet quanto  
magis accedunt ad vnitatem principij: quanto autem  
magis distant ab illo, minus propinqui sunt, & ob hoc  
necesse est, quod continuē descendendo ab eodem ca-  
pite tanta sit interdum distantia, quod nulla reperiatur  
similitudo apparens indiuidualis: & tunc cessabit na-  
turalis cognatio, & etiam cessabit amor. Nam amor  
fundatur super vnitatem, vel similitudine ista naturali,  
Alph. Tost. super lib. Ruth

Philantro-  
pus quid  
sit.

Duplex si-  
militudo,  
scilicet spe-  
cifica, &  
indiuidua-  
lis.

perente autem omnino similitudine ista, necesse est  
perire amorem: nisi ex alia causa reintegretur. i. ex cōi-  
catione, vel ex charitate, aut beneficio suscepto, vel aliās.  
Dicendum ē, quod ista consanguinitas non durat æquali-  
ter inter omnes descendentes ex diuersis stipitibus. Nam  
in quibusdam stipitibus longo tempore, & in aliis par-  
uo tempore durat. Patet hoc, quia cognatio ista est si-  
militudo reperta inter descendentes ex eodem capi-  
te, & ista similitudo manet propter vnitatem seminis  
in vtrisque: contingit autem hoc ex viribus seminis. scilicet  
quod quando semen patrum forte est, manet virtus eius  
in filiis, & nepotibus, & multis aliis descendentes: si-  
cut imprimitur caliditas in subiecto forti, sicut est fer-  
rum vel ligna iuniperina manet calor in eis longo tem-  
pore, & intense comburunt. In quibusdam autem homi-  
nibus cito perit similitudo ista, eo quod semen patrum  
est debile: & virtus eius minuitur in filiis, & parua vel  
nulla manet in nepotibus. & sic quoniam semen debilius est,  
& minus adiuuatur a virtute celi, est minor conformi-  
tas in genitis ab eodem principio, & pauco tempore tol-  
litur omnis similitudo, & cessat omnis consanguinitas. In  
quibus autem semen est fortius, & magis adiuuatur vir-  
tute celi, & fit similitudo maior, & diuturnius conser-  
uatur: & sic maiori tempore manet inter tales homines cō-  
sanguinitas. Dicendum etiam, quod ista consanguinitas  
non est inter bruta: nam licet inter bruta sit similitudo  
quædam complexionis per identitatem seminis in descen-  
dentibus ab eodem principio, tamen non est consanguinitas,  
quia consanguinitas non solum dicit conformitatem istam  
naturalem in genitis causatam ex semine eodem, sed  
etiā recognitionem istius habitudinis, vel possibili-  
tatem ad recognitionem cum amore reciproco natu-  
raliter insurgente ex tali nexu. In brutis autem non est  
aliqua recognitio huius conformitatis, & habitudinis:  
nec insurgit reciprocus amor propter hæc, ideo non  
est consanguinitas. Istam consanguinitatem naturalem  
non cognoscimus in nobis nisi in gradibus propinquis,  
vbi est magna conformitas seminis, quia ibi insurgit  
magnus amor. In gradibus autem aliquantulum distan-  
tibus non apparet conformitas manifesta nec amor  
tam euident. Alia autem est consanguinitas legalis,  
quæ a prima secundum essentiam non differt, sed so-  
lum in assignatione graduum. Nam in cognatione  
naturali non sunt determinati gradus: in legali autem  
assignantur. Quod patet, quia sicut declaratum fuit  
supra, non durat æqualiter consanguinitas in omnibus  
hominibus, ideo non possunt assignari gradus certi in  
omnibus: & sunt ad hoc duæ causæ. Prima est, quia  
nos non cognoscimus quandiu in nobis durat ista cō-  
formitas, ideo non possumus gradus assignare, dato  
quod essent gradus æquales in omnibus. Secunda est,  
quia gradus non sunt æquales in omnibus cognationi-  
bus naturalibus: nam in quibusdam hominibus ma-  
gno tempore durat ista cognatio, eo quod erat semen  
forte, quod conseruat similitudinem diuturnē, & in  
aliis paruo tempore propter paruam virtutem semi-  
nis: ideo non dabitur certus numerus graduum pro-  
pinqutatis. lex autem determinauit certos gradus, &  
assignati fuerunt gradus consanguinitatis ad prohibi-  
tionem matrimonij, & etiam ad successionem hæ-  
reditariam: & determinatio ista non est eadem se-  
cundum leges omnium gentium. Nam inter quas-  
dam gentes nullus gradus est veritus, quia etiam  
frater cum sorore potest contrahere, & inter bar-  
baros mater accipitur a filio sicut inter pecora: &  
illud super omnem gradum, quia primus gradus  
inter fratres est, pater autem, vel mater ad filium,  
vel filiam nullum gradum habet, sed ibi est princi-  
pium cognationis rotius: inter gentes tamen ratio-  
ne vtentes aliqui gradus prohibiti sunt, sed variē.

Consanguini-  
tas quid  
importet,  
& quare  
non est in  
ter bestias

Quare in  
consanguini-  
tate lega-  
li dantur  
gradus, &  
in alia nō.



Nam in lege Moſaica, quæ erat diuina, non erat vetitus niſi primus gradus inter deſcendentes collaterales inter ſe, ſcilicet ne contraheret frater cum ſore. patruales tamen, id eſt filii duorum fratrum contrahabant, & omnes poſteriores. In nouo autem teſtamẽto fuerunt a principio determinati gradus ſeptem cõſanguinitatis ad impediendum & dirimendum matrimonium: poſtea autem, quia ſequebantur inconuenientia multa, limitati & reſtriçti ſunt gradus ad quatuor, & ultra non eſt impedimentum. Et ultra iſtos gradus non vocamus aliquos cõſanguineos, nec dicimus nos ſibi in aliquo attinere. Ob hoc autẽ neceſſe eſt q̃ aliquando cõſanguinitas naturalis magis procedat, quàm legalis, & interdum e contratio. Quod patet, quia quando ſemen eſt forte in patre, & adiuuatur a corpore cæleſti in eo & filiis ſuis extenditur interdum confortans illa, & nexus ultra quintum & ſextum gradum: cũ verò virtus ſeminis eſt pauca, non extenditur interdũ ad gradus tres, & nec ad duos interdũ. & tamen obligatio ſecundũ legem manet, & fuit neceſſaria iſta determinatio legalis, quia aliàs non poterat patere de iſtis gradibus ſecundũ naturalẽ proportionem. Ita ergo dicendum eſt in propoſito q̃ inter Hebræos erant certi gradus determinati cognitionis, & qui erant intra illos gradus vocabantur cognati, alij autem non, & hoc erat ad ius propinquitatis quantũ ad redemptionem rerum venditarum, & ad ſuſcitationem ſeminis. Ad ſuccedendum autem in hæreditate ab inteſtato non erant gradus determinati, ſed quicunque cognosceretur inter aliquos gradus aliquis attinentiæ vel proximitatis, etiã ſi eſſet ultra gradus cognitionis ſuccedebat ille, qui erat propinquior in gradu, & iſtud obſeruat apud nos: nam ad impediendũ matrimonium ſolũ ſunt gradus quatuor, & ultra illos nec ſunt cognati, nec impedimẽtum: & tñ ad ſucceſſionem ſeruat q̃ quicunque cognoscat gradus attinentiæ ſuccedet ab inteſtato: ita nunc erat reſpectu Elimelech, & filiorum ſuorum; quia in tota cognitione ſua intra gradus, in quibus eſt conceſſio ad ſuſcitandum ſemen & redimendum hæreditatem venditam, qui vocabatur gradus cognitionis, non erant aliqui viri niſi Booz, & cognatus ſuus, ideo rectè dixit Booz, nullus eſt propinquus, ſcilicet intra gradus cognitionis excepto te, qui prior es, & me qui ſecundus ſum.

*Quid fieret de nomine & bonis defuncti, ſi nullus eſſet nunc, qui ſuſcitare poſſet de iure ſemen iſtorum defunctorum.*  
*Quæſt. XXX.*

**Q**VEARETVR vterius, quid fieret, ſi nullus eſſet nũc qui ſuſcitare poſſet de iure ſemen iſtorum defunctorum, & acciperet Ruth in vxorem. Reſpondetur, q̃ ſi nullus eſſet, deuolueretur hæreditas ad propinquiores, & deleteretur nomen iſtorum defunctorum de familia ſua: cũ enim venerunt Noemi, & Ruth de terra Moab inuenerunt poſſeſſiones, quas reliquerat Elimelech, & filij ſui in Bethlehem: & inceperunt poſſidere illas, eo quòd erat adhuc ſpes ſuſcitandi ſemen defuncti: nam Noemi procurabat quomodo Ruth traderetur in vxorẽ Booz cognato viri ſui ad ſuſcitandum ſemen: ſi tñ non fuiſſet aliquis propinquus, qui poſſet ſuſcitare ſemen defuncti venirent illi, qui erant propinquiores defuncto, qui tamen erant iam extra gradũ cognitionis, & peterent hæreditatem Elimelech, & filiorum ſuorum, & tenerentur Noemi, & Ruth reſtituere illam eis, quia ipſe non habebant iã aliquã cãm retinendi illã, cũ non eſſet ſpes ſuſcitandi ſeminis. Nomẽ tamen defuncti periret, quia non eſſet aliquis, qui ſuſcitaret ſemen eius in cognitione ſua, quia iã nõ erat aliquis, q̃ ſuccederet in loco eius, & no-

minaretur noĩe eius, eſſetque per fictionem iuris. Et ſic noĩa multorum peribant, eo q̃ non erat aliquis, qui ſuſcitaret ſemen eorũ. Et ſic fuit nunc de ſemine Chelion filij Elimelech. Nã licet nunc Booz ſuſcitauit ſemen Mahalon, non potuit ſuſcitare ſemẽ Cheliõ, eo q̃ ſuſcitaretur ſemen ex vxore defuncti: non erat tñ nũc vxor Chelion, quia illa manſerat in terra Moab. ſ. O rpha, vt patet ſuprà i. cap. ideo non ſuſcitabatur niſi ſemen Mahalon, quia eius vxor fuerat Ruth, quam nũc accipiebat in vxorem Booz: & ſic dixit ipſe Booz, q̃ ipſe accipiebat oĩa bona Elimelech, Chelion, & Mahalõ cum Ruth vxore Booz ad ſuſcitandum ſemen defuncti: & ſic ſolius defuncti cuius erat vxor Ruth ſuſcitabatur ſemen. Ita debebantur nomina multorum, qñ oēs de poſteritate ipſorum peribant. Sic dixit Saul ad Dauid: iura mihi ne deleas nomen meũ de domo patris mei. ſ. non occidas oēs filios meos, & nepotes, quia illis occiſis deletum erit nomen meum, cũ nullus mihi ſuccedat i. Reg. 24. capi. iſto modo eẽ debebatur nomen alicuius de familia ſua, quando erant aliqui propinqui, qui poſſent ſuſcitare ſemen: & tamen nullus illorum volebat: nam tunc deuoluebantur poſſeſſiones ad propinquiores, & nomen defuncti deletũ erat. Iſti autẽ reputabantur infelices, quia non reputabant viuere, ſi non relinquerent hẽres, in quibus conſeruaretur nomen patrũ. Si autẽ maneret filius verus, vel legalis, iam non penitus ſe perire exiſtimabant.

*Quid vocetur ſuſcitatio ſeminis, & quibus competeat: & quare non eſt in nouo teſtamento.*  
*Quæſt. XXX.*

**Q**VAERETVR vterius circa ſuſcitationem ſeminis, de qua habetur hic, de aliquibus dubiis. Et primum eſt quid vocetur ſuſcitatio ſeminis, vel qd proficiebat. Dicendũ eſt, q̃ ſuſcitatio ſeminis erat quã docunq; aliquis accepta vxore, & nõ relictis liberis decedebat: nã tunc aliquis de propinquis eius ſive frater ſive alius propinquus accipiebat vxorem defuncti, & gignebat ex ea filios: & primus filius vocabatur nomine defuncti: & ille non reputabatur tanquam filius eius, qui gignebat eum, ſed defuncti, & ſuccedebat defuncto in bonis ſuis, & non patri vero, & vocabatur de cognitione, vel poſteritate defuncti: & vocabatur iſta ſuſcitatio ſeminis, quia cenſetur, q̃ vxor defuncti ſuſceperat ſemen a defuncto, ex quo fieret conceptus: & cũ non poſſet perfici, venit iſte vir ſecundus ad adiuuandum ſemen defuncti viuificando illud, & faciendo inde formari conceptum, ſicut eſt in ſemine iactato in terra: nam prius putrefcit, & non ſurgeret inde ſeges, niſi virtute ſolis calefieret: & aĩaretur. Ita cenſebatur facere iſte vir ſecundus, ſed ſol dñ ſuſcitare oĩa ſemina terræ, quia ſine eius vigore non ſurgerent, ideo dicebatur iſte vir ſecundus ſuſcitare ſemen defuncti.

*Ad quid Deus iuſſit cum tanta efficacia, quòd ſuſcitaretur ſemen inter Hebræos: & cur iſta lex non obſeruatur inter alias gentes maxime inter Chriſtianos.*  
*Quæſt. XXXI.*

**Q**VAERETVR vterius, ad quid Deus iuſſit cum tanta efficacia, quòd ſuſcitaretur ſemen inter Hebræos, & cur non obſeruatur hoc inter alias gentes. Reſpondendum, q̃ ad hoc potuit eſſe multiplex cãm motiua. Prima cauſa eſt, q̃ licet nunc non obſeruetur inter nos, nec inter gentes, quas nouimus, tñ antiquitus ſeruabatur: & quia ſi De⁹ non daret legẽ ludẽis de ſuſcitatione ſeminis: putaretur ex hoc minores eſſe aliis gentibus, ideo dedit eis legem de ſuſcitatione. Sic enim fuit de multis aliis legibus: nam libellus repudij erat inter gentes, & vt non viderentur grauari Hebræi



Apud Ge-  
tiles obser-  
uabat lex  
de suscita-  
tione semi-  
nis.

Hebrei, si non prmitteretur eis libellus, permisit Deus. A Deut. 24. Sic. n. fuit de vsura, nā inter Gētiles erant vsu-  
ræ; & licet malum esset, ne Iudæi qui cupidi erant, vi-  
derentur habere in hoc legem intolerabilem, & rece-  
derent ab ea, p. misit Deus vsuras, & tamen temperauit  
eas; quia non permisit, q. darent ad vsuras aliis Iudæis,  
sed extraneis, s. Gentilibus, & p. ueris de Gentilitate.  
Deut. 23. sic ē fuit de suscitatione seminis: nā apud gē-  
tiles erat ista lex, & seruabatur cū isto rigore cum quo  
apud Hebræos seruabatur. Quod patet, quia anteq. da-  
retur lex Moyli, obseruabat ista lex de suscitatione se-  
minis: nam filij Iudæ nepotes Iacob tenuerunt istam  
legem inter mulieres Gentiles: nam accepit Iudās mu-  
herem Chananzam; & genuit tres filios, scilicet Her-  
Onam, & Sella. Etiam primogenito dedit vxorem  
Chananzam, nomine Thamar, qui mortuus est sine  
filiis: & iussit filio suo secundo, scilicet Onan, q. susci-  
taret semen fratri suo; & mortuus est etiam sine filiis;  
& postea tertius seruabatur, vt q. esset adultus, suscita-  
ret semē fratri primogeniti, Gen. 38. & tñ nō data fue-  
rat lex Moyli, nec data est vsq. multū tēpus post: quia  
quando istud fuit, nondū descendērat Iacob in Aegy-  
ptum cum filiis suis, vt patet ex processu Gen. & tamē  
lex data est post exitum Israelitarum de Aegypto, s.  
quando erant Hebrei in deserto in monte Sinai, &  
in Aegypto manserunt multo tempore, scilicet du-  
centis & quindecim annis, vt patet ex declaratis Gen.  
23. & Exod. primo, & 2. ideo erat suscitatio semi-  
nis inter Gentiles multo tempore anteq. esset inter  
Hebræos: & Hebræis data est ista lex, quia inter Gen-  
tiles erat prius. Secunda causa erat, quia per suscitatio-  
nem seminis putabāt Hebræi se felices esse: nam qui  
moritur sine filio reputabatur infelix apud antiquos;  
intantum q. moriens sine filio censebatur verē mor-  
tuum: & qui moriebatur habens filium censebatur vi-  
uere, vt patet Ecclesia. trigesimo, scilicet mortuus est  
pater eius, & non est mortuus, reliquit enim filium  
similem sibi. Et quia multos contingebat habentes  
vxores sine liberis mori, vt non censerentur omnino  
infelices procurabat lex, quod ipsi haberent filios le-  
gales, et si non haberent filios veros: & istud erat per-  
fectionem legis, scilicet q. filius natus ex vxore mortui,  
& consanguineo aliquo mortui censeretur filius mortui  
propter quandam identitatem, de qua dicitur in-  
fra in quadam questione: ideo per talem filium susci-  
tatum ipse mortuus videbatur quodam modo mane-  
re habens posteros, ideo fuit conueniens suscitatio se-  
minis. Tertia causa fuit quia Israelitæ diligebant val-  
de memoriam post se, & q. haberent posteritatem, p.  
q. deriuaretur nomen ipsorū putantes se per istā poste-  
ritatē viuere, & reputabāt maximum infortunium, q.  
quis careret posteritate: sicut Saul sentiens Dauid ad-  
uersaturum esse sibi, dixit ei, iura mihi, ne deleas no-  
men meum de domo patris mei: delictio autem no-  
minis erat quod maneret posteritas nulla ipsius: & sic  
non putauit quod Dauid posset ei maius malum infer-  
re, quā quod deleteret nomen eius: nam propter hoc  
orauit pro isto solo, scilicet ne deleteret nomen eius.  
Si autem aliud petierat hoc existimasset, potius orasset.  
ne illud sibi infligeretur. Et quia multi erant, quorum  
nomina non poterant perpetuari in familiis suis per fi-  
lios descendentes ab eis, fuit conueniens quod fieret  
suscitatio seminis, quia natus de suscitatione seminis  
censebatur filius defuncti, & posteritas ab isto descen-  
dens iudicabatur posteritas mortui: & quantum ad  
hoc ita plene conseruabatur nomen eius, sicut si verē  
filios habuisset: utilis ergo fuit inter Iudæos suscitatio se-  
minis. Ad aliud eūm queritur, scilicet, cur inter  
alias gentes non seruatur lex de suscitatione seminis.  
Dicendum quod cause istæ, quæ mouebant alias gē-  
Alph. Tost. super lib. Ruth

tes ad volendum suscitationem seminis procedebant  
ex quadam affectione; vel desiderio conseruationis  
nominis, & ex quadam opinione, quia putabant mor-  
tuos non verē mortuos, cū relinquebant hæredes:  
aliæ autem Gentes posteriores non opinatæ fuerunt  
hæc; ideo non curauerunt de suscitatione seminis.  
Inter Christianos autem non decuit istam legem ob-  
seruari. Primo quia ista aliquantulum repugnat deside-  
rio vel fidei resurrectionis: nos enim tenere debemus  
firmiter resurrectionem mortuorum, & secundum  
hanc alliciemur ad omnia bona: quicquid aut repu-  
gnat certitudini fidei resurrectionis euitandū est a no-  
bis. & ob hoc Apostolus increpat valde eos, qui nimis  
lūgent mortuos; quia per hoc videntur exclusisse spē  
de resurrectione illorum, vt patet 1. ad Thessa. quarto.  
Sic etiam est suscitatio seminis, quia suscitatio seminis  
prouenit ex desiderio semper viuendi hic: nam qui re-  
linquit filium, putat se semper viuere, quamdiu ille  
viuit: & vt semper censeatur viuens, vult quod susci-  
tetur filius ei; quando ipse non reliquerit filium. Velle  
tamen semper viuere, & dolere de memoria, quæ pe-  
rit hic, nimis obuiat spei de resurrectione, quia qui tan-  
tū afficiuntur ad ista, non videntur habere spem de  
futura vita: sed in nobis debet valde apparere spes de  
resurrectione, ideo non debuit esse tantum desiderium  
viuendi, nec suscitatio seminis, quæ ad hoc feruit. Se-  
cundum est, quia istud repugnabat honestati graduū  
affinitatis, quæ obseruatur in nouo testamento: nam  
sicut inter consanguineos vsque ad quartum gradum  
seruatur prohibitio matrimonij, ita inter affines. & tñ  
si fieret suscitatio seminis, affinis in primu gradu acci-  
peret vxorem affinem iu primo gradu, scilicet, fra-  
ter vxorem fratris, quod erat contra honestatem  
noui testamenti, ideo non debuit fieri suscitatio.  
Tertia causa est, quia fieret contra legem Euan-  
gelicam, quæ vult vnicam esse vxorem viro cuiuslibet,  
& nulli simul inesse duas: & tamen si fieret suscitatio  
seminis, contingeret quod idē vir haberet duas vxo-  
res, scilicet quia interdum frater defuncti habebat vxo-  
rem, & cogeatur accipere vxorem defuncti ad susci-  
tandum ex ea semē defuncto. Et hoc non erat in con-  
ueniens in veteri testamento, vbi quis simul plures v-  
xores habere poterat. In nouo autem testamento non  
licet, ideo non conueniebat seminis suscitatio inter  
Christianos. Inter Gentiles etiam pauco tempore an-  
te Christi natiuitatem nō obseruabatur ista lex: quod  
patet ex legibus Romanorum, quæ habentur in dige-  
stis, institutionibus, & codice. & tamen non reperitur  
ibi lex de suscitatione seminis: ergo non erat etiam in-  
ter Gentiles, quia non iudicabant istam legem sibi  
vilem esse: fuit autem ista lex apud antiquos Genti-  
les, qui opinabantur vtilem sibi esse istam suscitatio-  
nē, vt per hoc viderentur viuere post mortē, sed postea  
meliori iudicio de hac suscitatione non curatum est.

Qui & quales debebant esse illi, quorum semen suscitabatur.  
Quæst. XXXII.

Q V A E R E T V R vterius, de ista suscitatione  
seminis pro quibus fiebat, scilicet, qui vel quales  
essent illi, de quibus semen suscitaretur. Responden-  
dum, quod suscitatio seminis erat quasi viuificatio se-  
minis, quod defunctus putabatur posuisse, & non po-  
terat illud virtute defuncti viuere, & viuificabatur agē-  
tē viro alio: sicut semina putrefacta in terra non relur-  
gunt in herbam, & arborem, nisi virtute solis alantur,  
& viuificentur: illius ergo suscitandum est se-  
men, qui semen habere poterat. Ex hoc est pri-  
ma conclusio, quod pro morientibus in parua  
ætate non erat seminis viuificatio sine suscitatione.



Causa prima est, quia lex fingebat esse idem semē defuncti & istius, qui suscitabat illud: unde non dicebatur iste semen defuncto dare, sed suscitare, scilicet semen quod ille posuerat, & inutile factum fuerat: & tamen in paruulo non potest fingi hoc, eo quod ille ad hoc impotens est, cum semen non habeat, ideo illius semen non suscitabatur. Secunda causa erat, quia ad hoc, quod suscitetur semen alicuius necesse est, quod suscitaretur de vxore defuncti: & non existente illa non suscitabatur semē, Deut. 25. cap. & tamen paruuli non habent vxores, ideo non potest suscitari semen illorum. Tertia causa est, quia suscitatio seminis est, ut nomen defuncti non deleatur de progenie sua: non potest autem nomen alicuius deleri, nisi illud habeat: & tamen paruuli nondum habent nomen in populo, nec in familiis suis, ergo non poterat nomen illorum suscitari. Patet hoc, quia inter Hebræos nullus transibat ad nomen nec diues nec pauper, usquequo esset viginti annorum: & tunc soluebat quilibet dimidium siclum pro anima sua, & transibat ad nomen, & numerum. Exo. 30. & tamen paruuli nondum perueniant ad annos viginti: ideo non poterat nomen eorum deleri, nec suscitari eis semen. Secunda conclusio est, quod non suscitabatur semen omnibus potentibus generare morientibus sine filiis. Patet hoc, quia pueri ultra quartum decimum annum ut cōiter puberes sunt, & generare queunt, & tamen si quis istorum moreretur, non accepta vxore, non erat sibi suscitandum semen. Quod patet, primo, quia sicut dicebatur supra, non suscitabatur semen nisi ut non deleatur nomen defuncti, sed multi istorum erant, qui non poterant perdere nomē, eo quod non habebant illa, scilicet quod nondum attingerant annū 20. utpote inter 14. & 20. quia isti puberes sunt, & tamen nondum transierunt ad nomen, & numerum, ideo non poterat suscitari semen pro istis. Secundo patet, quia ut etiam dictum est, non poterat fieri suscitatio seminis nisi ex vxore defuncti: & tamen multi istorum non habebant vxores, ergo non poterat suscitari semen ipsorum. Conclusio tertia est, quod semen suscitabatur pro morientibus, qui acceperat vxores, & non pro aliis. Patet, quia vxor defuncti erat quidam extremū requisitum ad suscitationem seminis, Deut. 25. ideo ubi non esset vxor, sicut in illis, qui nunquam acceperunt illas, vel non habebant eas, quando moriebantur, licet prius haberet illam, non suscitabatur semen: non tamen est intelligendum in omnibus relinquētibz vxores, quia si filios relinquebant, non erat suscitatio seminis. Quod patet, quia suscitatio seminis erat data in subsidium, vel remedium. scilicet quando non poterat quis habere filios a se, haberet ab alio: & quando non poterat habere filios veros, haberet filios legales, qui erant per suscitationem. In habentibus ergo filios veros non fiebat suscitatio seminis. Quarta conclusio est, quod si quis haberet vxorem, & moreretur sine liberis: & tamen vxor moreretur ante virum, vel simul, non poterat fieri suscitatio seminis. Patet hoc, quia vxor defuncti requiritur ad suscitationem seminis, & tamen non erat vxor defuncti in istis, quia mortua erat, ideo non fiebat suscitatio: nam si vellet aliquis cognatus defuncti accipere aliam vxorem ad suscitandum inde semen defuncto, non poterat fieri, quia non censebatur natus inde filius defuncti, eo quod mulier illa nullo modo attinebat ad defunctum. Quinta conclusio est, quod si quis habens vxorem moreretur, non relictis filiis, si illa erat impotens ad concipiendum, non poterat suscitari semē defuncto. Patet ex ratione supra posita: nam suscitatio seminis fit ex vxore defuncti: si autem impotens est, utpote senio confecta, & desierunt in ea iam fieri muliebria, vel quia sterilis est, aut alia de causa, non potest suscitari semen ex illa, & tamen non potest accipi alia: ergo non fiet in hoc casu suscitatio seminis. Sexta con-

clusio est, quod si quis moriebatur relictā vxore potente gignere, & non habebat filios, quia illi iam mortui fuerant susceptis vxoribus, & non relictā posteritate, non erat semen illi suscitandum. Quod patet, quia iste habens vxorem acceperat prolem ex illa, & filij sui peruenierant ad virilem ætatem, & ipsi quoque acceperat vxores: ideo iste quomodocunque moreretur, non diceretur iam mori sine prole: filij autem sui susceptis vxoribus mortui sunt sine liberis, ideo non debet dici de patre, quod mortuus est sine semine, sed de filiis: ideo semen non est suscitandum patri, sed filiis eorum de vxoribus: sic fuit in casu huius cap. nam Elimelech mortuus est relictā vxore & filiis, & mortui sunt filij manēte vxore Elimelech, & vxoribus filiorum suorum, & tamen non fuit suscitatum semen Elimelech, sed filio suo Mahalō ex Ruth. Septima conclusio est, quod si quis moriebatur relictā vxore & filiabus, & non haberet filios vel masculos, quod non erat suscitandum illi semen: nam licet filia non conseruet directe nomen patris, quia non computatur mulier in genealogia virorum tanquam mediū, per quod deriuatur progenies: nec filij nominantur de progeniebus matrum, sed patrum: tamen filia indirecte poterat conseruare nomen patris. scilicet si quis relinqueret vnam filiam, & nullum filium, illa acciperet virum, & filius genitus inde saltem vno nominabatur de progenie aui materni, & succedebat quo materno in hæreditate, & progenie, & nomine, & non succedebat patri suo, sed alij fratres eius succedebant patri, & computabantur de familia patris. De quo declaratum est satis Nu. 27. Cum ergo filia sufficienter faceret ad conseruationem nominis patris, non erat opus, quod suscitaretur semen pro moriente sine filiis, dum tamen haberet filias. Item patet, quod non solum non erat opus, immo non debebat fieri, quia Deus iubebat, quod si quis moreretur sine maribus filiis, & relinqueret filias, quod ille succederent in hæreditate patris Num. 27. & tamen si semen huius suscitandum esset, deberet dari tota hæreditas defuncti suscitanti semen eius: sicut factum est nunc in Booz, qui accepit totā hæreditatem Mahalon, eo quod suscitaturus erat semen eius, ut patet in littera: ergo non erat suscitandum semen. Etiam, quia filius, qui nasceretur de suscitatione seminis, habiturus erat totam hæreditatem defuncti, quia ille censebatur filius eius, & tamen in casu dato filia successura erat, ideo non poterat huic semen suscitari per vxorem, quia suscitabatur per filiam. Octaua conclusio est, quod si quis moreretur non relictis liberis relictā tamen vxore, quæ repudiata esset a viro, non poterat suscitari semen illius, etiam si illa vxor vellet. Patet hoc, quia ad suscitandum semen requiritur, quod suscitetur ex vxore defuncti: & tamen vxor repudiata non est vxor, sed per repudium desinebat esse vxor, ita quod poterat eā qui libet alius impune accipere, Deut. 24. ergo de isto dicendum erat, sicut de illo, qui moriebatur non habens vxorem. Sed dicitur: ponatur quod illa vult accipi ab aliquo cognato defuncti ad suscitandum semen eius, nunquid non suscitabitur tunc? Dicendum, quod nec etiam isto modo, quia si quis moreretur, non relictā vxore, non poterat alia extranea mulier se opponere ad suscitandum semen defuncti. scilicet quod acciperet eam aliquis de cognatis defuncti: ita nec nunc ista, cum esset repudiata poterat se subicere ad suscitandum semen defuncti, quia cum semel desierit esse vxor defuncti, iam non poterat accipi, nisi sicut vxor noua: immo maior difficultas erat, quia illa, quæ nunquam fuerat ab aliquo accepta in vxorem poterat accipi, illa tamen, quæ fuerat repudiata non poterat postea accipi, Deute. 24. ideo mulier, quæ repudiata erat, non poterat assumi ad suscitandum semen defuncti. Nona conclusio est, quod si quis moreretur relictā vxore potente suscitare semē,

Ad suscitandum semē quid requiritur.



& tamē sine liberis, si nullus cognatus superesset non poterat suscitari semen illi, eo quod non erat aliquis, qui suscitaret, & ad suscitationem requirebatur aliquis cognatus, qui representaret personam defuncti. Decima conclusio est, quod si quis moreretur non relictis liberis, utpote, quia illos habuerat, & perdiderat antequam acciperet uxores, & moreretur pater post illos, quod illius suscitandum erat semen, quia ille censebatur nunquā habuisse liberos, cum illos perdidisset antequam illi relinquerent semen. Undecima conclusio est, quia cum quis moriebatur relictā uxore, & nunquā liberos habuerat, sed relinquebat fratres, isti proprie dicebatur semen suscitari: quia isti censebantur proprie mori sine semine, & posuisse semen quod nunc deberet suscitari.

*Quot modis aliquis dicitur mori sine semine, & in quibus casibus suscitabatur, & in quibus non.*  
Quaest. XXXIII.

**Q**VAERETVR ulterius, quot modis dicitur aliquis mori sine semine. Respondendū, quod multipliciter dicitur. Vno modo moritur quis sine liberis, quando moriens non relinquit illos, nec unquam habuit: & istud stat tripliciter: vno modo, quod iste nunquam habuerit uxorem, nec habere potuerit, utpote, quia mortuus est in aetate pupillari cum nondum pervenerat ad pubertatem. Alio modo, quia potuerat accipere uxorem, & non accepit, & sic non relinquit liberos. Alio modo, quia habuit uxorem, & tamen nunquam habuit liberos, & mortuus est antequam haberet. Primo modo non competit suscitatio seminis: quia non est suscitandum semen, nisi illius, qui semen habuit, vel habere potuit, quia aliā non potest fingi filius defuncti ille, qui postea per suscitationem seminis natus est, cum ille nullum filium habere potuerit, & lex non fingit quod impossibile est. Secundo modo etiam non suscitatur semen, quia licet talis habere potuisset semen sufficiente aetate ad hoc, tamen non habuit uxorem, de qua semen haberet, nec de qua nunc posset suscitari: semper tamen ad suscitationem seminis requiritur vxor defuncti, de qua suscitatur, ut patet Deute. 25. Tercio modo competit proprie suscitatio seminis, quia ille semen habuit, sed mortificatum est in uxore: sicut semina iacta in terra, quae nondum germinauerunt: & postea virtute celesti pullulant, ita semen defuncti in uxore sua mortificatum manere censetur, & vir superueniens adiuvans illud dicitur suscitare fortificando, sicut sol semina terrae nascunt. Secundus modus principalis est moriendi sine semine, vel liberis, quā quis accepit uxorem, & genuit filios, & tamen ante mortem patris mortui sunt illi in parvitate. Non dum acceptis vxoribus: & iste dicitur moriens sine liberis, id est quod moritur, & quando moritur non habet liberos: & in hoc suscitatio seminis fieri debet si uxorem habeat, & cognatum, qui posset semen suscitare, quia intentio legis competit isti: nam lex iussit fieri seminis suscitationem, ut non maneret deletum nomen alicuius defectu posteritatis: sed iste nunquam habuit posteritatem, quia isti posteri censentur non fuisse, cum nunquam pervenissent ad talem statum, ut in eis nomen paternum firmiter manere posset, ideo suscitabitur semen huic. Sed aliquis obiiciet, quod non posset ei suscitari semen: quia iam habuit posteritatem, & sic non est mortuus sine semine. Si autem dicatur, quod est mortuus sine semine, eo quod semen illud non permanfit. Dicendum videretur, quod tunc sequeretur etiam, quod si quis genuisset filios, & illi accepissent uxores, & genuissent filios, morentur filij, & nepotes ante avum, maneretque vxor avo apta ad gignendum, quod

**A** moriente avo post haec deberet ei suscitari semen, quia illud semen censebitur non fuisse cum non permanferit: nullus tamē dicit hoc, quia non est semen iam suscitandum isti, ergo nec suscitabitur illi, qui genuit filios & mortui sunt ante pubertatem, & pater post illos decessit relictā uxore. Dicendum, quod isti suscitabitur semen, & non alteri. Ratio differentiae est, quia quando quis moritur sine liberis, ita ut non possit continuari linea progeniei, in qua ille erat, oportet quod semen alicuius suscitetur, quia aliā delebitur nomen progeniei, cum nemo iam succedat in illa: ideo cum sic moritur filius ante patrem, necesse est suscitari semen patris, vel filij, ut non deleatur progenies: sed aliquis casus est, in quo semen filij suscitari non potest: ergo suscitabitur tunc semen patris: & aliquis casus est, in quo semen patris non potest suscitari, ideo suscitabitur tunc semen filij: utpote cum moritur quis, relictā uxore, ex qua habuerat filios, & tamen illi mortui sunt ante patrem in aetate pupillari, non potest hic suscitari semen filiorum, quia ad hoc requirebatur, quod illi reliquissent uxores ex quibus fieret suscitatio. Etiam quia illi potuissent habere semen, licet non habuissent, & impuberes non acceperunt uxores, ideo non poterit suscitari semen eorum, cum non sit ex qua suscitetur. Etiam, quia isti nunquam fuerunt potentes ad relinquendum semen, ideo non poterat fingi, quod semen relictum per suscitationem esset mortui: oportet ergo in hoc casu, quod suscitetur semen patris, cum filio non competat quod suscitetur ei semen: si tamen pater genuit filios, qui pervenientes ad pubertatem genuerunt filios, & mortui sunt filij, & nepotes ante mortem aui, & postea avus mortuus est relictā uxore siue liberis, non debet suscitari semen avo, nec nepotibus, sed filiis. Causa est, quia nepotibus non potest suscitari, eo quod illi mortui sunt in pupillari aetate non susceptis vxoribus, nec illi fuerunt potentes ad relinquendum semen: Avus autem non debet relinqui suscitatio seminis, eo quod filiorum semen suscitari potest cum filij acceperint uxores, & fuerint potentes ad gignendum & genuerint, & tunc maneat sine semine: non tamē possunt isti simul manere sine semine. Si pater & filius, quia si vnus manet sine semine alius non manet, ideo suscitandum est semen filij hic, & non aui. Tertius casus principalis est, quia quā quis mortuus est relictis filiis parvulis, & uxore, & illi antequam pervenirent ad pubertatem mortui sunt, tunc suscitabitur semen illi, quāquā quando decessit filios habebat: dicitur tamen mori sine liberis, quia isti liberi mox mortui sunt, postquam nati sunt vel antequam pervenirent ad statum virilem, ut acciperent uxores. Sacra autē scriptura pro eodem computat filios non esse, vel cito post natiuitatem mori suo ante complementum aetatis. Sic patet ut quidam volunt de Salomone, qui vocavit se vnigenitum coram matre sua: Prover. 4. & tamen illa habuerat alium filium, quem ex adulterio cum David concepit 2. Reg. 11. ille tamen mortuus est paucis diebus, postquam natus est 2. Reg. 12. ideo cēsetur nunquam vixisse. Sic etiam computatur in iuribus humanis non natus, qui statim moritur, ut patet extra de verbo. signifi. ca. nam & ego. Et in isto casu dicendum est, quod si vxor defuncti nondum accepit alium virum, quando moriuntur parvuli filij eius, teneretur admonere fratres viri sui, ut accipiat illam quicquam eorum ad suscitandum semen viri sui, quia aliā non satisfat intentioni legis: nam nomen istius ita delebitur, si non suscitatur aliquis sibi semen, sicut si nunquā habuisset semen, & tamen non teneretur vxor defuncti expectare parvulos filios suos an supervivant, quousque accipiant uxores: nec etiam fratres viri mortui tenentur expectare quousque videant an parvuli attingant illam aetatem, sed finito



tempore luctus fm legem, vel consuetudinem, quando iam licebat mulieri accipere alterum virum, licebit tali mulieri accipere alterum virum, si superuiuant parvuli. Et dato, quod postea moriantur, absoluta est a suscitatione seminis, nec potest accusari tãquam adultera, si non expectauit vsquequo paruuli pertingerent ad pubertatem, & acciperet uxores: & videret an moreretur prius, ita vt suscitandum esset semen viro suo: Etiam nullus fratrum viri huius mortui tenebitur poena legis. s. quod spueretur in faciem eius, & discalciaretur, vocareturque domus discalciati in Israel: si non acciperent istam uxorem defuncti in uxorem in tali casu, quia etiam ipsi non tenebantur expectare. Vel si ipsa admoneret eos, nullus illorum tenebatur accipere eam, & dato quod non acciperet non puniebatur legali poena.

*Quæ personæ ad seminis suscitationem requirebantur, & an possit fieri in quibuscunque vxoribus.*

*Quæst. XXXIIII.*

**Q**VAERETVR vltius, quæ personæ requiruntur ad suscitationem seminis. Respondendū quod duæ. s. vxor defuncti, & frater defuncti, vel aliq cognatus eius. De vxore, & consanguineo patet Deut. 24. Et causa huius est, quia in suscitatione seminis volebat Deus, q non deleteretur nomen defuncti de progenie sua, & ad hoc quod suscitaretur ei filius, qui censeretur esse suus, & succederet ei in nomine, & hæreditate, & in oibus tanquã verus filius. Istud aut non erat in veritate, sed fictione legis fiebat: lex tñ non fingit sine causa, ideo volebat habere magnam similitudinẽ

*Cur non permittatur aliis suscitare semen defuncti.*

ad hoc, q hoc fingeret. Est autem similitudo tanto maior, quanto magis accedit ad identitatem: ideo lex voluit facere quasi quandam identitatem, & ad hoc debuit iubere, quod suscitatio seminis solum fieret in vxore relicta a defuncto. Et ratio est, quia si alia mulier assumeretur ad hoc, cum nullo modo pertineret ad defunctum, filius de illa natus non fingeretur esse filius defuncti. Secundo patet, quia lex fingit, q defunctus semen iecerit, & tñ illud fuerit tãquam mortificatum, & ad hoc quod viuificetur, indiget adiutorio alterius, & ille dicitur suscitans semen defuncti: iõ non dicitur, q accipiens vxorẽ defuncti, gignit semen defuncto, vel dat ei semẽ, sed q suscitatur semen defuncti, quia suscitatio ad adiumentũ importat, & nõ ad pstationem totius operis, tanquam filius genitus postea sit de semine defuncti, & tamen illud adiutum est per semen viri assumptis vxorem eius, & sic natus est filius: sicut fit in terra, in qua semina iacta mortificata tñ in aliquanto tempore, & virtute iacentis ea non viuificantur, sed celesti adiuuantur virtute, & viuificantur: sic ex semine defuncti, quod virtute defuncti viuificari nõ potuit, fingitur viuificari virtute seminis viri superuenientis: ista tamen non possunt fieri, nisi in vxore, q relinquit defunctus, quia in illa fuit semen eius, & cõietur manere ibi, & postea viuificari. In aliis autem mulieribus non est semen defuncti, ideo de illis non potest fingi q suscitetur: & sic nimis est necessaria vxor defuncti ad istam legalem suscitationem seminis. Etiam frater defuncti vel cognatus requiritur. Verum est, q lex de suscitationem Deut. 25. de fratribus solum loquitur, & tamen etiam alij nõ fratres dum tñ essent propinqui poterant suscitare semen defuncti, si cut paret hic de Booz, & cognato eius, qui non erant fratres Mahalon, & Cheliõ, & tamen Booz dixit hic, q accipiebat Ruth ad suscitationem seminis. Quod aut non essent isti duo fratres Mahalon, & Chelion, probatur est supra in quadam quæst. & etiam Deute. 25. cap. si tñ poterat haberi frater, non licebat propinquo

**F** suscitare nisi renunciantẽ fratre, quia semper ius suscitandi semen, & succedendi in hæreditate pertinebat ad propinquiorem. De quo magis dicet infra in quadam quæst. ratio autẽ quare frater accipiebatur ad suscitandum semen, vel cognatus, erat: quia requirebatur maxima vnitas, quẽ haberi poterat: vt videretur iste filius natus per suscitationem esse vere filiũ defuncti, & ad hoc debebat suscitari semẽ per illum, qui maxime posset representare personam defuncti propter maximam propinquitatem ad esse idem, sed istud est in fratribus, qui habent oĩa cõia. s. sanguinem, & radicem, vt ait Arist. 8. Ethic. ideo per fratres suscitatio seminis fieri debebat: & non stantibus illis vel nolentibus, per alios propinquissimos suscitatio fieri debebat, dñ tñ essent intra gradus cognationis: non existentibus aut istis duobus. s. vxore, & cognato defuncti non poterat fieri suscitatio seminis, sed potius per mittebatur, quod moreretur sine femine, & deleteretur nomen defuncti, quia non poterat fieri conuenienter. s. vt esset magna similitudo filij legalis per suscitationem seminis ad filium verum defuncti.

*An ex muliere repudiata posset suscitari semen.*

*Quæst. XXXV.*

**Q**VAERETVR vltius, de quibusdam dubiis circa mulieres defunctorum, ex quibus suscitari debebat semen: & primum est an ex muliere repudiata posset semen suscitari. Aliquis dicit, quod sic, quia illa vxor defuncti erat, & lex dicit, q fiat in vxore defuncti. Dicendum, q non poterat compelli mulier repudiata ad suscitationem seminis viri sui, dato quod post repudium non accepisset alium virum; quia ille defunctus eam repudiauerat, & per hoc fecerat nõ esse vxorem: intantum quod ipsa potuisset, viuente illo, accipere alium virum: ideo cum sit iam soluta a lege eius, illo viuente, nõ poterit obligari post mortẽ eius ad suscitationem seminis ipsius: ideo dato q ipsa mortuo viro repudiante illam accipiat alium virum nõles suscitare semen viri mortui, non incidebat in poenam adulterij, etiam si admoneretur a cognatis defuncti, vt suscitaret semen illius, quia admonere repudiata erat sicut admonere mulierem extraneam: Sed dicitur, quid si ipsa mulier repudiata libenter volebat suscitare semẽ defuncti, an suscitaret, & assumeretur ad hoc. Dicit aliquis, q sic, quia licet non posset cogi, poterat tamen admitti. Dicendum, quod non stat: nam non poterat admitti ad hoc, quod lex iubeat fieri suscitationem ex vxore defuncti, sed repudiata nõ erat vxor defuncti: quia ipse viuens fecerat eam non esse vxorem suam, ideo non poterat ad hoc admitti, imò repudiata distabat magis ab hac potestate, q quælibet mulier extranea. Nam defunctus dum vivebat poterat accipere quamcũque mulierem extraneam in vxorem, dum tamen non esset cognatione, vel affinitate coniuncta: & tñ mulier repudiata si transiret ad alterum virum, & ille moreretur, vel repudiaretur ab eo, non poterat prius repudians illam recipere in vxorẽ Deut. 24. ergo erat magis, quàm mulier extranea distans ab hoc iure suscitandi semen: & tamen nulla mulier extranea, quæ non fuisset vxor defuncti reciperetur ad suscitationem seminis, etiã si illa vellent suscitare illud, ideo nec mulier repudiata recipiebatur.

*Siquis acciperet sponsam per verba de presenti, & antequam consummaret matrimonium moreretur, an sponsa illius deberet accipi ad suscitandum semen sponsi.*

*Quæst. XXXVI.*

**Q**VAERETVR vltius, si quis acciperet sponsam per verba de presenti, & antequam consummaret



maret matrimonium moreretur, an sponsa illius deberet accipi ad suscitandum semen sponsi. Dicendum, quod hoc non apparet manifeste ex lege: & est ratio dubitandi, quia lex dicit, si moriatur aliquis sine liberis, vxor eius non nubet, sed accipiet eam frater eius. Est autem dubium an secundum legem vocetur ista vxor, & si vocatur vxor tenebitur ad suscitationem seminis. Si autem non vocatur vxor non fiet suscitatio seminis. Dicendum videtur, quod non erat semen suscitandum huic, nec tenebatur vxor defuncti siue sponsa ad istam suscitationem. Et hoc colligitur ex motu legis: nam sicut supra declaratum est in quadam questione lex volebat ostendere per quamdam fictionem, quod iste filius natus per suscitationem seminis esset filius defuncti, & natus de semine eius: quia dicitur suscitari semen eius, scilicet, quod ille iecerat, & erat mortificatum: & virtute alterius seminis venientis viuificatur, & inde formatur fetus. alias non uocaretur viuificatio seminis, sed appositio seminis, uel datio, & tamen in sponsa nondum tradita ad consummationem matrimonij non est semen defuncti, ideo non accipietur ad suscitationem seminis. Secundò patet, quia mulier extranea non admittitur ad suscitationem seminis, eo quod illa non pertinet ad defunctum: sed sponsa defuncti etiam non pertinet ad eum: quia non fuit ibi commixtio seminis: ideo non erit illa ad suscitandum semen potius quam extranea. Item patet, quia in multis aliis non censetur sponsa sicut uxor, quia uxor potest repudiari, sponsa autem nondum cognita non potest repudiari, ut declaratum est Deuter. 24. cap. ideo nec ad suscitationem accipietur. Tertiò patet, quia litera manifeste uult dicere de uxore iam tradita, & cognita, quæ dicit, quod quando mortuus fuerit unus de fratribus uxor eius non nubet alteri, & ponit istud tanquam accidens, scilicet, quod moriatur unus de fratribus sine liberis: & tamen in eo, qui habet sponsam, & nunquam habuit uxorem: certum est, quod si moritur, quod sine liberis: ideo non intelligitur de hoc, sed solum quando uxor tenetur a uiro in domo, & cognita est: & contingit uirum mori non relictis liberis.

*An frater defuncti tenebitur suscitare semen eius ex alijs vxoribus relictis. Quest. XXXVII.*

**Q**VAERETVR ulterius, quid si aliquis habeat multas vxores, & ex vna relinquat liberos, & ex alia non vel ex aliis, an frater defuncti tenebitur suscitare semen eius ex aliis: iste casus erat sæpe, quia in veteri testamento licebat alicui habere multas vxores, ut patet de Helcana patre Samuelis, qui habebat duas. 1. Reg. 1. & David habebat multas. 2. Reg. 3. & 5. & 1. Paral. 3. & sic de multis aliis, & istud erat licitum, ut probatum est. 1. Reg. 1. & 2. Reg. 3. & 5. nam in nouo testamento est verita multitudo vxorum simultanea, sed non in veteri. Respondendum, quod non debet in hoc casu frater defuncti sumere vxores defuncti, ex quibus non suscepit filios ad suscitandum semen: quia lex iubebat hoc quando quis moriebatur sine liberis, & tamen iste habebat liberos, quia præsupponitur, quod ex vna vxore reliquit liberos. Secundò patet, quia suscitatio seminis fiebat, ne periret nomen defuncti in familia sua, sed relicto tantum vno filio non peribat nomen defuncti in familia sua, ideo cum genuisset ex vna, non debebat semen eius suscitari ex aliis. Tertiò patet, quia lex ista dabatur ad suscitandum semen defuncti, & nõ ad suscitandum semen vxorum. Si tamẽ defunctus relinqueret filios ex vna vxore, & deberet suscitari semen ex aliis, ex quibus non genuerat, non suscitaretur ibi semen defuncti, sed semẽ vxor-

**A**rum defuncti, ideo non debebat fieri. Quartò patet, quia quando suscitabatur semen defuncti omnes possessiones eius perueniebant ad illum, qui suscitabat semen, ut postea haberet illas, qui nasceretur inde: sicut factum est Booz hic fuit accipiente Ruth in vxorem ad suscitandum semen Mahalon: nam totam possessionem eius accepit, ut patet in litera: & tunc daretur, quod filij, quos defunctus reliquit, priuarentur successione paterna, & hoc est inconueniens, quia magis pertinent ad patrem filii veri, quam legales, vel fictitij, ideo ipsi potius succedunt. Et tamen dato hoc non succederent filij veri, sed legales, ergo non est suscitandum semen in tali casu: sed omnes defuncti vxores liberę sunt, ut nubant cui voluerint.

*Ex qua illarum frater defuncti, qui habuerat vxores sine filijs tenetur suscitare semen. Quest. XXXVII.*

**Q**VAERETVR ulterius, si quis habuit multas vxores, sicut erat in veteri testamento, & ex nulla illarum filios genuit, vel genuit & mortui sunt, ita ut pater dicatur mori sine liberis, ex qua illarum vxorũ suscitare tenetur semen defuncti frater eius. Respondendum, quod aut omnes sunt aptę ad istam suscitationem, aut non: si non sunt omnes aptę: de illis non est querendum, sed vertitur dubium ad alias, quę aptę sunt. Et dicitur hoc, quia potest esse, quod aliqua vxores defuncti sint ineptę ad hoc: utpote si aliqua est senio confecta, & per hoc impotens ad concipiendum, vel si aliqua est sterilis, quod aliquo certo experimento probatum est: vel si forte quando mortuus est vir relinquebat filios paruulos, & illi post paucum tempus mortui sunt, & tamen antequam decederent contraxerunt matrimonium quędam vxores defuncti. Istę sunt iam ineptę ad suscitandum semen defuncti, quia non possunt accipi in vxores a fratribus defuncti. Si autem omnes sunt aptę, utpote, quia nullum impedimentum interuenit, dicendum, quod aut omnes istę sunt vxores eque principales, aut non. Pro quo sciendum, quod quędam vocabantur vxores equaliter principales, & alię minus principales, & hoc fiebat multipliciter. Vno modo, quia vna vxor erat ancilla, & alia libera, quia tunc libera erat vxor principalis, & ancilla erat minus principalis. Sic fuit de Sara vxore Abraham, & Agar: nam Sara fuit principalis vxor, quia erat libera, & cognata ipsius Abraham: Agar autem erat ancilla. Gen. 16. sic etiam fuit de Iacob, qui habuit quatuor vxores, & duę erant dominę, scilicet Rachel, & Lia, & duę erant ancillę earum, scilicet, Zelpha, & Bala: Gen. 29. & 30. Sic etiam fiebat, quando Israelitę volebant aliquas ancillas de Gentilitate acceptas sumere in vxores: nam cum ibant Israelitę ad bellum, & in medio captiuorũ viderent feminam pulchram, ille cui cadebat in sortem si placeret oculis eius, poterat in vxorem eam accipere: Deut. 21. c. & ista erat minus principalis vxor respectu cuiuslibet alterius assumptę de Iudaismo. Alio modo vocabantur vxores minus principales, quando accipiebantur affectu coniugali, & tamen non interueniebant ibi pacta legalia, vel donationes propter nuptias: & istud fiebat quando aliquis diues volebat accipere in vxorem aliquam mulierem se minorem, quia placebat oculis eius, & tunc non accipiebat eam cum cęrimonis, vel solennitatibus istis legalibus, & illa erat minus principalis vxor respectu illius, quę assumpta fuerat cum istis solennitatibus. Et intantum erat ista inęqualitas, quod vxores magis principales uocabantur semper uxores, & minus principales uocabantur interdum uxores, & interdum concubinę: sicut patet de Agar, quę uocatur uxor Abraham: Gen. decimosexto. & de Cetura, quę etiam uocatur



catur vxor eius: Gen. 25. & tamen postea ambæ vocatur cōcubinæ Abrahæ. Gen. 25. sic etiam pater de vxore Leuitæ, quæ occisa est in Gaba, quæ aliquando vocatur vxor eius, & aliquando concubina. Iudi. 19. cap. & ibi latè declaratum est de uxoribus, quādo possunt vocari concubinæ, & quando non: Hoc præsupposito sciatur ex qua suscitandū erat semen, & dicendum quod ex omnibus istis poterat simul suscitari, ideo erat in optione fratris viri defuncti, an vellet accipere omnes istas vxores quas habebat frater suus, an vnicam vel quasdam illarum: si aut omnes vellet, poterat suscitare semen ex omnibus illis, & illæ tenebantur eum accipere in virum, & si aliqua istarum acciperet alterum virum vel cōmiseretur alicui non matrimonialiter, poterat accusari de adulterio, quia non licebat ei accipere aliū in virum, vel quomocunque alteri cōmiseri quousque repudiaret eam frater defuncti nolendo eam accipere in vxorem: de quo magis declarabitur infra in quadam questione. Cum autem aliquas istarum repudiaret frater defuncti nolendo illas accipere, licebat illico eis accipere alios viros. Si autem nollet frater defuncti accipere omnes ad suscitandū semen sed vnicam, videtur quibusdam distinguendum esse, quia aut erant simul vxores multæ, & quædam erant min⁹ principales, & alia quædam erat principalis; aut multæ principales, aut multæ vel vnicæ minus principalis. Si autem primo modo, dicunt quod tenebatur accipere principalem relictis minus principalibus; & tunc oēs illæ erant libere, ita quod possent accipere viros quoscunque vellet. Si autem secundo modo, dicunt quod erat in optione fratris defuncti accipere quā vellet, & de illis magis principalibus suscitare semen: sed aliis videtur quod potius relinquendum erat hoc totum in electione fratris defuncti, i. quod acciperet quamcunque vellet, siue de principalibus, siue de min⁹ principalibus. In hoc autem nō potest apparere certitudo: de quo satis dictū est Deut. 25.

*An vxor posset suscitare semen primi viri mortui.*  
*Quest. XXXIX.*

**Q**VAERETVR vltius, si quis moriebatur hñs liberos paruulos, & vxor illius nubebat alteri. & moriebantur filii istius viri, & deinde moriebatur vir secundus istius mulieris, & liberabatur mulier a lege illius, an posset suscitare semen primi viri mortui. Pro quo præsupponendum est, quod semen istius viri suscitandum erit, si esset aliquis, qui posset suscitare, & mulier de qua suscitaretur eo quod ille cēsebatur mortuus sine liberis, quia liberi sui nō peruenierunt ad pubertatem, nec acceperunt vxores, ita vt possent perpetuare patris nomen per derivationem familiæ suæ: nā secundum, quod supra probatum est, semper erat suscitandum semen patris, vel filii, quando aliqua linea progeniei interrumpēbatur, ita vt non posset continuari: ita hic non poterat suscitari semen filii, eo quod ille mortuus fuerat paruulus quando nondum hēbat vxorem, nec poterat gignere, ideo suscitandum erat semen patris, quia ille dicebatur mori sine semine & non filius. Aliquis ergo dicet quod non cogebatur mulier ista ad suscitationem seminis. Causa est, quia mulier ista semel soluta fuerat a lege viri prioris, & alligata fuerat alteri: rupto ergo illo vinculo, non poterat iterum redire obligatio ad suscitandum semen: & sic quāquam acciperet iam tertium virum nollens suscitare semen primi, vel vellet manere in viduitate, non poterat accusari a fratribus defuncti tāquam adultera, nec compelli ad suscitationē seminis, sed necesse erat quod periret sic nomen defuncti de familia sua. Sed quid si ista mulier vellet sponte suscitare semen viri primi, etiam si lex eam non cogeret? Dicendum

**E**rgo non admittēbatur ad hoc, quia lex iubet quod vxor defuncti suscitaret semen: ista tamen non est vxor defuncti, quia iam soluta fuit a lege eius per mortē ipsius, & postea cōcepit esse alterius, ideo ipsa omnino extranea est: sed mulier extranea non admittit ad suscitationē seminis defuncti, quia non pertinet vllō mō ad defunctū; ergo nec ista recipiet, quia iā est oīno extranea. Secundo patet quia lex Deut. 25. dicit, quod quando quis moreretur sine liberis, vxor eius non nuberet, sed frater defuncti acciperet eam in vxorem, & tamen ipsa iam nupserat, vt patet ex hypothesi, ergo non poterat suscitari semē ex hac. Tertiō patet, quia motuum legis erat, quod suscitaretur semen defuncti ex vxore sua & non ex alia, quia semen defuncti videbatur iactū esse in vxore, & moriente ipso non poterat viuificari nisi alterius adiuuaretur semine: & sic dicebatur semē mortui suscitari, & non apponi: & tamen si acciperetur ad suscitandum semē mortui, illa quæ fuerat vxor eius & postea fuerat alterius, non poterat fingi semen mortui primi esse in illa ad hoc quod suscitaretur, sed semen secundi, qui proxime eam habuerat: ideo non erat ista apta ad suscitandum semen viri primi, sed secundi si opus esset.

*Ad quid vxor moriente viro tenebatur secundum conditionem veteris testamenti. Quest. XL.*

**Q**VAERETVR vltius de vxore moriente viro, ad quid tenebatur secundum conditionem veteris testamenti. Dicendum quod aut vir relinquebat semē, aut non: si relinquebat semen, poterat illa nubere cui vellet, & non obligabatur ad aliquid. Si autem vir nō relinquebat semen: mulier autem erat apta ad gignendum aut non: si non erat apta vt pote senectute confecta, nihil tenebatur facere, quia non erat apta ad suscitandum semen viri sui. Si autem esset apta ad suscitationem seminis, mortuo viro, & transito tempore luctus, quo fm legem, vel cōsuetudinem mulier abstinere debebat a nuptiis, debebat admonere propinquos viri per ordinem quod aliquis eorum acciperet eā in vxorem ad suscitandum semen viri: & si quis vellet eā accipere tenebatur cum illo manere. Si autem antequam admoneret oēs contraheret cum aliquo alio, vel fornicaretur cū alio, tenebatur de adulterio tanquam si esset coniugata, vel desponsata per verba de præsenti: si autem nullus eorū vellet accipere eam in vxorē: poterat ipsa accipere quemcunque vellet in virum, & libera erat a lege prioris: nec poterat contra illam quicquam obijci: & tñ qñ admoneret mulier ista fratres viri sui, vt eam acciperent, debebat eos citare, & conqueri de quolibet eorum successiue, & coram iudicibus discalcabat mulier sotularem vnū eūlibet illorum, & spuebat in faciē cuiuslibet, & dicebat: sic fiet viro, qui non vult edificare domum fratris sui. Et vocabatur domus illius domus discalcari in Israel. Deut. 25. Et tñ si mulier acciperet ab aliquo cognato viri sui in vxorem, tenebat totam hereditatem viri pro filio inde nascituro. Si autem nullus de cognatis viri eā recipere volebat, accipiebat ipsa, quē volebat in virum, & tamen non perue niebat tunc ad eam hæreditatis viri sui possessio, sicut alias teneret, si acciperet ad suscitandū semen viri sui.

*Quomodo potest stare, quod si mulier mortuo viro sine semine acciperet alium virum prius quam repudiaretur a cognatis viri sui, quod posset de adulterio accusari.*  
*Questio. XLI.*

**Q**VAERETVR vltius, quomodo potest stare, quod si mulier mortuo viro sine semine acciperet alium virū prius quā repudiaretur a cognatis viri sui, quod



quod posset de adulterio accusari: nam non erat coniu-  
gata, ut competeret hoc contra eam. Dicendum quod  
tenebat de adulterio quocunque modo cognosceretur  
ab alio, viro siue contrahendo matrimonium cum illo  
siue fornicando, & debebat lapidari, vel cremari. Quod  
patet, quia mortuo primogenito Iudae nomine Her accepit  
eius uxorem Thamar frater suus nomine Onan, &  
ille mortuus est etiam sine semine, & postea acceptus  
erat eam tertius filius eius, scilicet Sela, & antequam il-  
le acciperet comperta est praegnans Thamar, & con-  
demnata est a ligno, Gen. 38. & combusta fuisset, nisi  
quia innocentiam suam probauit, ut pater ibidem: ita in-  
ter Hebraeos fieret: & tamen pro adulterio, quale erat  
istud in veteri testamento, lapidatio infligebatur. Le-  
20. sed in hoc non differt, cum constet, quod occidebat  
pro hoc facto. Sed obijcietur, quia dicit Apostolus ad Ro-  
7. quod mortuo viro soluta est mulier a lege viri, ita ut  
non iudicetur adultera, nec condemnetur si fuerit in-  
uenta cum alio, & tamen hic erat mortuus uir, ergo  
non accusari poterat femina de adulterio, licet contra-  
heret cum altero, vel quocunque commisceretur ei.  
Responderi potest vno modo quod dictum Apostoli  
est regula generalis, & tenet verum generaliter, nisi  
in quibusdam casibus a lege exceptis: & iste est vnus,  
vel forte vnicus, quia non reperimus alium casum, in  
quo teneatur mulier mortuo viro de adulterio, si cum  
alio inueniatur. Secundo modo potest dici quod mor-  
tuo viro uerum est, quod soluta mulier est a lege uiri:  
& tamen hic non est mortuus vir huius mulieris, quia li-  
cet mortuus est vir prior manet vir eius de cognatis vi-  
ri sui ex ordinatione legis, & si fornicatur dicitur for-  
nicari uiuente viro, ideo adulterij rea est. Tertio mo-  
do potest dici, quod verum est, quod mortuo uiro so-  
luta est mulier a lege uiri, & tamen non est soluta ab  
onere legis, & quia lex imposuit hic super mulierem  
necessitatem suscitandi seminis volente aliquo de co-  
gnatis viri sui, tenetur abstinere ab extraneo coitu quo-  
usque sciat, an aliquis de cognatis viri eam velit accipe-  
re in uxorem. Modus tamen secundus est conuenien-  
tior. Sed tunc dicitur, quomodo potest teneri mulier  
ista de adulterio, quia istud non competit, nisi contra des-  
ponsatam vel iam coniugatam. Dicendum est quod verum  
est: & tamen licet mulier ista non sit coniugata, nec  
desponsata, cesset de desponsata, eo quod lex despondet eam  
alicui cognatorum viri si ille voluerit eam: ideo ad peti-  
tionem illius tanquam sponsi sui debet talis mulier cre-  
mari, vel lapidari, si acciperet alium in uirum, vel for-  
nicaretur cum eo. Sic factum est quando Thamar  
uxor duorum filiorum Iudae mortuorum, quae danda  
erat tertio filio eius ad suscitandum semen fratrum  
suorum, inuenta est praegnans: nam accusauit eam Iu-  
das, quod produceretur ad incendium, & ibi iustifica-  
uit se: Gen. 38. cap. ita ergo poterat quilibet alius accu-  
sare mulierem talem tanquam sibi debitam, & hoc  
competebat propinquiore in cognatione, quia illi erat  
debita mulier: sic enim dicitur Deut. 25. quod ei lege  
debetur, ideo lex cauuit istum vinculum, vel obligatio-  
nem, quae obtinet vicem sponsalium de praesenti, vel  
matrimonij consummati.

*Si defunctus haberet aliquam fratrem parum aetatis quomodo  
deberet illum vxor defuncti accipere in uirum &c.*

*Quest. XLII.*

**Q**VAERETVR ulterius, si defunctus haberet  
aliquem fratrem valde parum aetatis, quomodo  
deberet illum accipere vxor defuncti in uirum, & an  
propter illum poterat accipere alium in uirum aliquem  
de cognatione illa, qui non esset tam propinquus, vel ali-  
quem, qui non esset de cognatione. Dicendum fin quos

**A**dam, & in tali casu non tenebant uxores defunctorum  
ad suscitationem seminis eorum, sed poterant accipere  
quoscunque uellent: sic colligitur supra primo, cum dicitur  
quod Ruth, & Orpha volebant venire cum Noemi de  
Moab in terram Israel, & dixit eis Noemi: reuertamini  
filiae Moabitae, cur venitis mecum? iam senectute  
confecta sum, nec apta vinculo coniugali, nec filios ha-  
beo in utero, & si ista nocte concipere possem, & pare-  
re filios: si eos expectare uelitis donec annos impleat  
pubertatis, prius eritis uetulae quam nubatis. In quo in-  
nuit quod si filij essent paruuli non tenerentur expecta-  
re eos, sed poterant nubere aliis, sicut Noemi persua-  
debat istis quod reuerterentur in terram Moab, & ibi nu-  
berent. Alij dicunt, quod deberet in tali casu mulier acci-  
pere alium de cognatione illa in uirum, ut suscitaret se-  
men defuncti, & hoc sufficiebat. Dicendum, quod si par-  
uulus erat propinquior defuncto, cui competebat pri-  
mo suscitare semen eius, aut illa mulier defuncti ex-  
pectando istum, donec perueniret ad annos puberta-  
tis excederet tempus, quo erat apta ad generandum, aut  
non: si non excederet tempus tenebatur expectare: sic  
patet de Thamar uxore primogeniti Iudae quam acce-  
pit frater eius Onan ad suscitandum semen fratris defun-  
cti. Et cum etiam iste moreretur sine semine, dixit Iu-  
das ad Thamar, mane in domo patris tui in veste uidui-  
tatis, donec crescat Sela filius meus, & dabo tibi in ui-  
rum eum, & mansit expectando quousque ueniret Sela ad  
annos pubertatis, & cum non daretur, videns se fraudari,  
cogitauit qualiter ipsa fraudaret Iudam, ut factum est:  
Gen. 38. si autem mulier tantae aetatis est, quod expectando  
paruulum usque ad pubertatem transiret tempus gignendi,  
non debet expectare, quia sequerentur duo inconuenien-  
tia. Si non fieret suscitatio seminis defuncti, & mulier ista  
perderet tempus suum gignendi, cum ab alio viro co-  
cipere posset, quem acciperet post mortem viri primi:  
dicendum, quod debet accipi ista in uxorem ab alio de co-  
gnatis defuncti pretermisso isto: nam istud satis pote-  
rat fieri, quia si vnus de cognatis cederet nolendo susci-  
tare semen defuncti transibat ius ad alium, a fortiori si  
vnus impotens esset transibat ius ad alium, quia si sola  
voluntas poterat transferre ius de vno in altero, magis  
illud transferret impotentia & necessitas, & sic transi-  
ret ius de vno in alium, si essent multi impotentes, quo-  
usque perueniretur ad illum, qui esset potentior ad fa-  
ciendum hoc.

*Quibus competeat hoc ius suscitandi seminis defunctorum: &  
an solum pertineret ad fratres, & ad alios cognatos.*

*Quest. XLIII.*

**Q**VAERETVR nunc circa illos, qui suscitandi  
erant semen defunctorum, scilicet quibus co-  
petebat hoc ius: & dicendum, quod istud erat onus, &  
ideo multi illud subterfugiebant, ut dicitur infra in  
quodam questione: & tamen impositum fuit istud  
onus fratribus, ut patet Deutero. 25. scilicet: Si mo-  
reretur vnus de fratribus non habens liberos, alius fra-  
ter eius susciperet uxorem illius: & suscitaret semen  
eius, & vocaret primogenitum nomine defuncti. Ra-  
tio autem quare iussum est hoc fratribus fuit, quia ut  
dictum est supra in quadam questione, suscitatio seminis  
erat ad hoc, quod per eam nasceretur filij legales, cum non re-  
liquisset filios ueros: & quia isti filij suscitati celebratur ef-  
se filij defuncti, debebant esse nimis propinqui ad verita-  
tem filiorum suorum. Hoc autem erat pro hoc, quod videretur  
ipse gignere illos: & ad hoc cum ipse eos non gi-  
gneret, debebat gignere eos, qui posset efficacius re-  
presentare personam eius, & iste erat frater defuncti:  
ideo fratribus defuncti impositum est istud onus, & ob  
hoc obligati fuerunt sub pena posita Deuteron. 25. &

NON



non solum fratres, sed etiam alii cognati poterant suscitare semen defunctorum, ut patet de Booz, qui suscitavit semen Mahalon defuncti accipiendo Ruth uxorem illius in uxorem, ut patet in litera; & tamen non erat Booz frater Mahalon, ut probatum est supra in quadam quaestione: & Deutero. 25. quia tamen fratres erant propinquiore ceteris lex solum locuta fuit de fratribus Deutero. 25. de hoc tamen si cognati possent suscitare semen, & an obligarentur ad hoc dicitur infra magis in quadam quaestione, ubi agitur etiam an Booz, & cognatus suus obligabantur ad accipiendum in uxorem ipsam Ruth.

*Qualiter competebat fratribus ista seminis suscitatio.*

*Quest. XLIIII.*

**Q**UAEARETVR ulterius, qualiter competebat fratribus ista suscitatio seminis: an aequaliter pro voluntate, vel erat aliquis ordo. Dicendum quod scriptura non ponit aliquem ordinem Deu. 25. ubi ponitur lex de suscitatione, sed solum quod si moreretur unus de fratribus sine semine, quod alius frater eius accipiat uxorem suam in uxorem, & suscitet ei seminem. Dicendum tamen quod aliquis ordo erat: nam si nullus ordo esset sed competeret omnibus aequaliter, cum esset opus uno rosum, & quilibet vellet illud refugere, quilibet poneret istud onus super alterum & diceret se non esse magis obligatum quam illum, & sic suscitaretur discordia, & nullus vellet suscitare semen defuncti. Ordo autem erat, quod mortuo aliquo sine liberis, frater eius qui erat sequens eum in ordine natiuitatis acciperet uxorem eius ad suscitandum semen, & si iste moreretur non suscitato semine, succedebat sequens frater finem autem quousque omnes fratres consumarentur, vel aliquis suscitaret semen. Nam si aliquis suscitaret semen, non erat accipienda mulier ab aliis fratribus istius mortui isto. Hoc patet ex ordine, qui fuit inter filios Iudae Gen. 38. Nam primogenitus, scilicet Her accepit uxorem Thamar, & illo mortuo sine liberis frater eius Onan, qui sequebatur eum in ordine natiuitatis accepit illam; & isto etiam mortuo sine semine minor omnium fratrum Sela accepturus erat eam, eod. cap. Patet etiam hoc ex ordine cognatorum. Nam cum cognati, qui non erant fratres, suscitabant semen defunctorum, qui proximior erat in gradu ille suscitabat semen, sic fuit de Booz, & cognato eius, quia cognatus Booz erat propinquior quam ipse, ideo non potuit accipere ipse in uxorem quousque ille cessit iuri cognationis, ut patet hic in litera, & praesenti cap. ita ergo inter fratres esset, quod propinquior illorum haberetur, & onus suscitandi semen, & illo cedente succedebat alius, & tamen nemo poterat cedere sine pena quae habetur Deutero. 25. Item patet hoc Mat. 22. ubi ponitur argumentum Saducaeorum contra Christum volentium probare non esse resurrectionem mortuorum per deductionem ad impossibile, vel inconueniens, scilicet sequeretur, quod quis priuaretur uxore sua, quod esset inconueniens. Et probant dando casum, quod inter eos fuerunt septem fratres: quorum primus accepit uxorem, & mortuus est non relictis filiis, & frater eius secundus accepit illam, & etiam mortuus est sine liberis, & sic factum est de omnibus usque ad septimum, & ille etiam mortuus est sine liberis, ideo quaerunt, in resurrectione illa mulier cuius istorum erit vxor: quasi dicat, inconueniens est si resurgerent omnes, quia non posset dari causa quare potius esset vxor unius quam alterius: & tamen necesse esset, quod esset vxor alicuius, si fieret resurrectio; ergo non fit resurrectio: sed relictis insipienti & inepto argumento, patet ex hypothesi, quod cum essent se-

ptem fratres omnes tenebantur successiue accipere eandem uxorem, si prior non haberet semen ex illa quousque aliquis suscitaret semen illi: & ita erat in fratribus omnibus, & cognatorum morientium sine liberis relictis vxoribus.

*An in omni casu tenebantur fratres suscitare semen fratrum mortuorum sine semine. Quest. XLV.*

**Q**UAEARETVR ulterius, si in omni casu tenebantur fratres suscitare semen fratrum mortuorum sine semine. Aliquis dicit, quod non, quia poterat esse quod moriente uno fratre ceteri fratres sui haberet uxores, & sic non possent suscitare semen defuncti. Dicit aliquis, quod verum est, quod quoniam quis habebat uxorem non poterat suscitare semen fratris, cum non posset accipere illius uxorem, & tamen in omnibus aliis casibus tenebatur suscitare semen fratris sui quilibet frater. Dicendum quod hoc non stat conuenienter, quia tunc raro contingeret, quod suscitaretur semen defunctorum. Nam contingeret ut in plurimum, quod moriente uno de fratribus reliqui siue esset unus, siue multi haberent uxores, & sic nullus suscitaret semen defuncti, & tamen Deus dabit istam legem quasi generalem. scilicet quod suscitaretur semen mortuorum ne perirent nomina eorum in cognationibus suis, ideo videtur quod in isto casu etiam suscitandum esset semen defunctorum. Dicendum tamen quod in omni casu lex ista obligabat ad suscitationem seminis defunctorum siue fratres defuncti haberent uxores siue non. Et erat dubium in duobus. Primum erat, an isti poterant suscitare semen defunctorum, quia oportebat ad hoc accipere alias uxores. Secundum est, dato quod possent an obligarentur ad hoc. Dicendum ad primum, quod istis licebat suscitare semen defunctorum. Nam non impediebat ad hoc nisi pluralitas vxorum, & tamen manifestum est, quod in veteri testamento licitum erat cuiuslibet habere multas uxores: sicut fuit de Elcana patre Samuelis viro iusto: 1. Reg. 1. & de Dauid propheta sancto 2. Reg. 3. & 5. & 1. Paral. 3. & etiam Deus dixit sibi quod daret plures uxores ei, & quod dederat uxores domini sui in sinu suo 2. Reg. 12. & tamen id, quod Deus dat homini in donum bonum est, ergo pluralitas vxorum licita erat; maxime autem esset nunc licita, cum acciperentur multae uxores pro causa honesta ad obediendum legi. De secundo dicendum, quod obligabantur ad accipiendum uxores defunctorum, dato quod alias haberent. Nam obligarentur isti ad accipiendum uxores defunctorum, si nullas haberent, ergo obligabantur isti accipere uxores defunctorum quousque alias haberent ad suscitandum semen ipsorum. Item patet hoc, quia si fratres defunctorum iam coniugati non obligarentur accipere uxores eorum ad suscitandum semen ipsorum, raro fieret seminis suscitatio: quia pluries contingeret fratres defuncti coniugatos esse quod non coniugatos; & tamen lex erat generaliter a Deo data, quasi semper observari deberet, ergo etiam in isto casu obligabantur. Tercio patet de suscitatione seminis Mahalon in Ruth, quoniam accepit eam Booz. Nam Booz erat homo antiquus, & et cognatus suus, ideo non erat satis vere simile, quod nullus eorum haberet uxorem, & tamen Booz accepit in uxorem Ruth, & cognatus eius non excusauit se quasi haberet uxorem, sed dixit quod cedebat iuri cognationis. Ergo videtur, quod non obstantibus vxoribus, quas habebant putabant isti se posse, & debere suscitare semen defuncti. Quarto in casu, quem posuerunt Saducae de septem fratribus, quod acciperent eandem uxorem successiue, & quilibet tenebat eam donec moriebatur, & postea suscipiebat eam sequens, & sic de omnibus: nam non erat verisimile quod omnes lex fratres manerent sine vxoribus, quousque moreretur primus eorum, & quinque ultimi manerent sine vxoribus: quousque



que duo primi acciperent successiue vxorem illam, & morerentur: & maxime de ultimo, quia ille nunquam acciperet vxorem, quousque sex fratres sui primi morerentur. Nam licet istud possibile esset; tamen non erat verisimile, quod sic fieret: accidit tamen quod omnes isti septem acceperunt successiue eandem vxorem, ut patet Mat. 22. ergo aliquis istorum, vel forte multi habebant alias vxores, quam istam, quae reliquebatur a prioribus assumebant: & sic dicendum quod tenebant fratres defuncti ad suscitandum defunctorum semen accipiendo vxores eorum.

*An erat generale, quod quodocunque moreretur aliquis de fratribus sine semine, quod alij fratres eius tenerentur semen suscitare. Quast. XLVI.*

**Q**VAERETVR. vterius, an erat istud generale quod quodocunque moreretur aliquis de fratribus sine semine, quod alij fratres eius tenerentur, suscitare semen eius, vel esset hoc specialiter in quibusdam ipsorum. Respondendum quod lex Deutero. 25. loquitur generaliter, scilicet quod quando fratres habitauerint simul, & vnus eorum moriatur sine fratribus, quod alius suscipiat vxorem eius ad suscitandum semen defuncti, ideo ex hoc innuitur quod quilibet tenebatur suscitare semen alterius, sicut contingeret eos mori. Quidam autem dicunt, quod istud intelligebatur in primogenitis, scilicet quod si primogenitus relicta vxore moreretur sine liberis, frater eius sequens acciperet vxorem illius, & si ille moreretur acciperet eam alius, & sic de omnibus usque ad vltimum: sic fuit in casu, quem posuerunt Saducei de septem fratribus accipientibus eandem vxorem successiue, Mat. 22. dicunt autem quod non tenebat hoc in minoribus, utpote si moreretur frater minor relicta vxore sine liberis, & maneret frater eius primogenitus, qui nondum habebat vxorem, quod non tenebatur suscitare semen minoris. Et dicunt, quod causa est quia suscitatio seminis fiebat ad conseruandum familias primogenitorum, per quos deriuabantur principaliter familiae patrum, ideo maiores pro se semen suscitare debebant, & non pro minoribus. Ista est positio multorum, quae videtur satis rationabilis; & tenuimus eam Deut. 25. & non solum hoc de primogenito, in quo videbatur speciale, sed et de aliis non primogenitis, scilicet quod maiores nunquam tenerentur suscitare semen minorum: ut in casu quem posuerunt Saducei de septem fratribus, scilicet quod si moreretur quartus etate ante secundum quod non teneretur secundus accipere illius vxorem ad suscitandum prolem defuncti: sed si moreretur quartus obligabatur quintus, sextus, & septimus ad suscitandum semen eius, aut saltem non obligabatur priores posteribus, quia maiores natiuitate respectu minorum habebant locum primogenitorum. Si autem staret determinatio ista, manebat aliud dubium, scilicet; si essent multi fratres, & aliqui de medijs morerentur: an minores illis tenerentur suscitare semen ipsorum: dato quod primogenitus non teneretur ad hoc respectu aliquorum suorum fratrum. Respondetur sub dubio tenentes istam positionem, dicentes quod forte non tenebant minores ad hoc, quia suscitatio ista seminis fiebat per continuationem familie, & nominis primogenitorum, & sic si primogenitus filios habebat, non erat necesse, quod alij minores ad inuicem semen sibiipsis suscitarent, & sic voluit restringere istam legem ad primogenitos, scilicet quod solum fieret ista suscitatio seminis moriente primogenito alicuius. Dicendum tamen hoc non obstante, quod rationabilior positio est, quod ista lex intelligatur de omnibus fratribus siue moreretur primogenitus ante alios, siue quilibet minorum fratrum: manentes tenebantur ad suscitandum semen mortui. Et pater

**A** hoc, quia lex generaliter loquitur dicens, quando habitauerint fratres simul, & vnus ex eis absque liberis mortuus fuerit: si tamen intelligeretur de solo primogenito non diceretur, & vnus ex eis sine liberis mortuus fuerit, quia hoc indeterminatè ponitur, & potest referri ad quemlibet eorum, scilicet quod si moriatur sine liberis, alius supstes suscitet semen eius. Si autem intelligeretur de solo primogenito, non loqueretur lex tam generaliter: ideo dicendum quod intelligitur de omnibus, scilicet quod cuiuslibet hominis, qui moreretur sine liberis erat suscitandum semen. Et ratio huius est, quia causa, quam isti ponunt esse motiui suscitationis seminis, non fuit praecisum motiui, sed alia fuerunt principaliora, scilicet quia Iudei putabant se viuere si relinquerent posteritatem, et si mortui essent: & si morerentur sine liberis, putabant se omnino mortuos, & ob hoc infelices, iuxta illud Ecclesia. 30. cap. 1. Mortuus est pater eius, & non est mortuus, reliquit enim filium similem sibi. Et quia istud commune erat omnibus Iudeis, siue primogenitis, siue non primogenitis, omnium erat suscitandum semen. Alij etiam causae huius assignatae fuerunt supra in quadam questione de hoc, & omnes illae competunt tam primogenitis, quam non primogenitis: ideo dicendum quod si primogenitus moriatur, omnes inferiores per ordinem tenent suscitare semen eius, & si aliquis moriatur etiam si sit minor, omnes tam superiores quam inferiores tenent ad suscitandum semen illius. Manet ergo hic vnum dubium solum de primogenito, si aliquis de minoribus fratribus moreretur: an primogenitus teneretur suscitare semen illius, cum ipse esset cui competeret ex ordine propinquitatis. Ratio autem dubitandi est, quia qui suscitaturus erat semen defuncti, vocaturus erat nomen primogeniti sui ex nomine defuncti, ut patet Deut. 25. & ille non vocabatur filius istius sed defuncti, & ipse defuncto succedebat in hereditate: & tamen per lineam primogenitorum deriuabatur semper familia, & ipsi succedebant in honore paterno: & tamen primogenitus, qui nasceretur a primogenito suscitante semen alicuius de fratribus suis, debebat succedere ei in dignitate, & nunc non poterat, quia pertinebat non ad familiam patris sui, sed ad familiam defuncti, ideo erat difficultas, quomodo accipiendi essent illi, qui suscitare debebant semen defuncti. de aliis autem minoribus primogenito non erat dubium aliquod, eo quod per istos non texebatur linea principalis progeniei. Etiam non succedebant isti in dignitatibus aliquibus, sicut filij primogenitorum, ideo dato quod primogeniti istorum, qui suscitarent semen fratrum nominarentur ex nomine defunctorum, & computarentur in familia ipsorum, non erat inconueniens. Dicendum, quod non obstantibus praedictis omnes fratres tenebantur ad suscitationem seminis fratris defuncti, et si ille esset minor, qui mortuus erat, tenebant tam primogenitus, quam omnes alij ad istam suscitationem, eo quod lex generaliter loquitur. Et cum obicitur, quod primogenitus primogeniti succederet ei in dignitate, sed computaretur de familia defuncti. Dicendum quod verum est: & tamen hoc non erat inconueniens, quia ille, qui erat nunc primogenitus primogeniti in ordine natiuitatis, non vocabatur primogenitus eius, sed aliquis quem postea gigneret esset primogenitus eius quantum ad ius primogeniturae, licet primus esset primogenitus secundum carnem: & tamen quia non succedebat in iure primogeniturae, non vocabatur primogenitus simpliciter: sic enim fuit de Ruben filio Iacob, qui fuit primogenitus eius secundum carnem, & tamen primogenita eius mutata sunt ad Iudam, & Ioseph potissimum, ut patet 1. Paral. 5. & iste, qui esset primogenitus quantum ad ius esset ille, per quem computaretur familia paterna: sic enim de multis factum est. Nam Abraham prius genuit Ismahelem quam Isaac, ut patet Gene. 17. ubi orabat Abra-

Responsio  
ad dubium.

Responsio  
ad rationem



Abraham pro vita Ismahelis, & nondum natus erat Isaac, tamen non successit Ismahel in primogenitura Abraham: nec per eum deriuata est posteritas Abraham: nam Deus dixit ad Abraham: in Isaac vocabitur tibi semen Gene. 21. cap. sic etiam fuit de Dauid qui multos filios habuit, vt patet primo Paral. 28. & minimus illorum fuit Salomon: ille tamen fuit succedens in dignitate regia patris, & per quem deriuata fuit familia Dauid, vt patet Matth. primo in genealogia Saluatoris. Dicendum ergo quod omnes fratres siue primogenitus, siue quicumque alij tenebantur ad suscitationem seminis fratris defuncti, quia lex hoc vult generaliter loquens.

*An & fratres legitimi, & etiam alij ex concubinis tenerentur ad suscitationem seminis. Quest. XLVII.*

**Q**UAE RETVR vltius, quid si essent multi fratres, & quidam essent ex legitimo matrimonio suscepti, alij autem essent ex concubinis, an oēs isti tenerentur ad suscitationem seminis. Dicendum quod lex de hoc nihil determinat, cum raro fiat mentio in veteri testamento de filiis concubinarum. Nam leges veteris testamenti non complebant legislationem aliquam: quod patet comparando illas ad leges Romanorum, & quorumcunque populorum aliorum, quae valde multae erant. Et forte factum est hoc, quia populus erat rudis, & non indigebat, quod intricaretur multitudo legum, vel quia volebat Deus reliqua relinquere arbitrio iudicum. Vel quia in ceteris sequerentur leges forales aliarum gentium vicinarum, quae forte bonae erant quantum ad id, in quo non tangebatur cultus idolorum: Ideo aliquis forte dicet, quod omnes fratres tam ex concubina quam ex vxore tenebantur ad suscitationem istam, eo quod lex generaliter loquitur. Dicendum tamen videtur, quod solum intelligitur de natis ex legitimo matrimonio: & dato quod lex generaliter loquatur, non obstat, quia lex Moisaica non solet facere mentionem de filiis concubinarum tamquam de filiis, sed subicit illos omnino, & tamen hic locuta est de fratribus, ideo intelligitur de fratribus, qui sunt omnes ex legitimo matrimonio procreati. Patet hoc, quia filij Dauid saepe enarrantur nominatim, vt patet 3. Regum 3. & 5. & primo Paral. 3. & tamen non ponuntur in aliquo istorum locorum nomina filiorum concubinarum. Nam primo Paral. 3. vbi plus exprimitur quam in alijs locis ponuntur nomina omnium filiorum Dauid ex matrimonio procreatorum cum sorore sua vnica: & quia omnes hi habuerunt sororem nomine Thamar, & subditur: absque filiis concubinarum, & illorum non ponitur aliquod nomen, tanquam si illi nihil essent. Secundum patet, quia filij concubinarum nullius dignitatis erant in veteri testamento, nec poterant habere aliquam praerogantiam in ecclesia Dei, id est in populo, sicut dicitur Deutero. 23. quod non intrabit de scorto natus ecclesiam Dei: & tamen natus ex scorto est natus de concubina, & tamen in suscitatione seminis, licet esset aliquod onus, erat etiam aliquis honor, quia qui suscitabat semen alicuius, succedebat in tota hereditate eius, vt patet de Booz, qui accepit Ruth Moabitidem ad suscitandum semen Mahalon defuncti, & cum ea accepit totam possessionem Mahalon, vt patet in litera: & illegitimi non erant capaces honoris huius, ideo non pertinebat ad eos suscitare semen. Tercium patet, quia filij concubinarum inter ceteros fratres non accipiebant partem hereditatis, nec succedebant in aliquo honore paterno, & ob hoc filij suscepti de matrimonio legitimo eiciebant a se filios susceptos de concubina: sicut patet de fratribus Iephthe Galaaditis, qui eiecerunt ipsum. Nam ipse erat filius meretricis mu-

lieris, & fratres sui eiecerunt eum de domo patris sui dicentes: haeres in domo patris nostri esse non poteris, quia de adultera matre es natus. Iud. 11. Et tamen, quod cogebatur suscitare semen fratris sui succedere ei in hereditate debebat, vt patet ex dictis: & tamen isti non poterant succedere in aliqua hereditate, ideo neque cogebantur suscitare semen fratrum: sed ista lex solum intelligitur de fratribus natis ex matrimonio, siue sint ex eadem matre & patre, siue ex altero tantum.

*An cogebantur illegitimi fratres suscitare semen illorum fratrum illegitimorum. Questio. XLVIII.*

**Q**UAE RETVR vltius, dato quod illegitimi non poterant suscitare semen suorum fratrum legitimorum: an cogebantur illegitimi fratres suscitare semen illorum fratrum illegitimorum. Aliquis dicet quod sic: nam licet non tenerentur suscitare semen fratrum suorum legitimorum, eo quod illis erant impares, & hoc erat aliquid honoris, tamen quod suscitarent semen aliorum fratrum illegitimorum non erat honor aliquis, ideo vix quod illud facere tenerentur. Respondendum quod in hoc sunt duo dubia. Primum est an semen illegitimorum suscitandum erat, & quando moriebantur. Secundum erat, dato quod suscitaretur semen an ad hoc tenerentur fratres illegitimi. Ad primum dicendum, quod hoc non apparet manifeste ex lege, quia non distinguit nimis particulariter. Et credo quod ratio huius fuerit, quod explanatio istarum legum in casibus dubiis pendebat ex usu. Nam datae fuerunt leges istae per Moysen: & postea ceperunt obseruari a Iudaeis, & eo modo, quo ceperunt obseruari intelligendo eas de istis vel de illis, ita postea obseruatae sunt: & ille usus erat obtinens vim legis. Dicendum tamen videtur, quod non suscitabatur semen illegitimorum, quando moriebantur sine liberis. Patet primo, quia suscitari semen alicuius erat ad quendam honorem defuncti: & tamen illegitimi nullum habebant honorem: ergo non erat suscitandus eis semen. Patet hoc Deut. 23. scilicet quod de scorto natus non intrabit in Ecclesiam Dei in sempiternum, id est non habebit honorem aliquem in tota multitudine populi. Secundum patet, quia suscitatio seminis erat, vt non periret nomen defuncti in hereditate sua, vt patet in litera. scilicet quod Booz accepit Ruth vxorem Mahalon in vxorem ad suscitandum semen defuncti, vt non deleatur nomen eius in hereditate sua, & tamen illegitimi non habebant hereditatem aliquam, in qua maneret nomen eorum: ergo non poterat suscitari nomen, & semen eorum. Tercium patet, quia suscitatio seminis erat, vt continuaretur familia defuncti, ne videretur non habere successorem, & iste erat quidam honor: sed scriptura non dabat honorem aliquem illegitimis, ideo non erat suscitandum semen eorum. Quartum patet, quia quando suscitabatur semen alicuius, ille, qui suscitabat illud, succedebat in hereditate defuncti, & filius genitus ex ista suscitatione habebat totam hereditatem defuncti, vt colligitur partim hic & Deut. 25. & tamen illegitimi nullam hereditatem habebant, in qua quis succedere posset, cum ipsi nulli succederent: sicut dixerunt fratres Iephthe Galaaditis ad ipsum. scilicet haeres in domo patris nostri esse non poteris, quia de adultera matre natus es: Iud. 11. Nec valet si aliquis dicat, quod illegitimi licet non succederent patribus, succedebant tamen matribus, & in hereditate illa poterant succedere, qui suscitarent semen eorum: nam non erat successio in veteri testamento sicut nunc, quia filij illegitimi possunt a patribus institui in aliqua parte hereditatis, matribus autem vniuersaliter succedunt in veteri autem testamento nullus poterat succedere: matri suae: eo quod matres nihil habebant in quo filij succederent eis, sed solum patribus succedebant.

Causa



Causa huius est, quia in veteri testamento non succedebant filiæ patribus, sed filij Num. vigesimo septimo. Sed adhuc obijcietur, quod filiæ succedebant in aliquo casu, si non stantibus filiis, & in isto casu saltem illegitimi nati de istis foeminis succederent matribus, & sic possent filios suos relinquere in hæredes. Dicendum, quod etiam hoc non stat, quia quando filiæ succedebant in hæreditate paterna non stantibus maribus, erat hoc ad hoc, quod per istas filias suscitaretur nomen patrum, scilicet, quod ipsæ acciperent viros, & gignerent filios, in quibus conservaretur nomen aui materni, ut colligitur Nu. 27. & ibi declaratum est. Si ergo contingeret istas habere filios illegitimos, non succederent illi in aliqua parte hæreditatis. Sed fortè dicit aliquis, quod hoc non constat, quia lex non determinat de hoc, ideo poterat esse, quod filij illegitimi succederent matribus. Dicendum hoc non stare, quia contingeret, quod hæreditas vnius tribus transiret in alteram: sed hoc non stat, ergo non succedebant illegitimi. Quod autem non posset transire hæreditas de tribu in tribum, patet Nu. 36. Quod autem sequeretur hoc, patet, quia Deus iussit, quod filiabus Salphaad daretur possessio, quæ danda erat patri suo, cum non haberet filios: Nu. 27. & post hoc conquesti sunt filij Manasse de cuius tribu erant filiæ Salphaad, dicentes, quod filiæ Salphaad acciperent viros, de qua tribu vellent: & sic transiret possessio ad illam tribum, & minueretur de tribu Manasse: Num. 36. & tunc dixit Deus, quod quælibet mulier acciperet virum de familia sua, & tribu sua, ut non transiret possessio de tribu in tribum, & de familia in familiam: & tamen contingeret, quod mulier cognosceretur fornicariæ à viro alterius tribus, & ab eo acciperet prolem: si ergo filij illi succederent matri cum illi essent de illius tribu, de qua erat pater eorum, cum filij sequantur familiam patris, & non matris, transiret possessio matrum in alteram tribum, quod erat inconueniens, ergo non succedebant matri filij illegitimi: & sic patet, quod cum filij illegitimi nulli succederent, non haberent hæreditatem aliquam in qua succederet eis quisquam, & consequenter non debebat suscitari semen illorum. Ad secundum dicendum, quod cum semen illegitimorum non erat suscitandum, non tenebantur aliqui, siue legitimi, siue illegitimi suscitare semen eorum. Et tamen, dato quod suscitari debuisset, manebat dubium, an illegitimi tenerentur ad hoc. Dicendum, quod non erat in hoc dubitandum. Nam illegitimi non admittuntur ad suscitandum semen legitimorum, propter inæqualitatem dignitatis, & tamen illegitimi erant æquales dignitate alijs illegitimis, ideo poterant succedere eis in suscitatione seminis. Secundò patet, quia non sequitur hic inconueniens quod supra inducebatur de succedendo in hæreditate. Nam licet succedendo legitimis in suscitatione seminis deberent succedere in hæreditate, succedendo tamen illegitimis in suscitatione, non debebant succedere in hæreditate, quia illegitimi nullam habebant hæreditatem, ideo stabat conuenienter suscitatio seminis, sine hæreditatis successionem.

*An fratres teneantur suscitare semen fratris relinquæntis filias, & non filios.*  
*Quæstio XLIX.*

**Q**VAERETVR ulterius, quid si aliquis de fratribus moriens reliquit filias, vel filiam, & non filios, an fratres eius reneantur suscitare semen illius. Quidam tenent, quod tenebantur alij fratres suscitare semen defuncti, & ad hoc allegant Alph. Toft. super lib. Ruth

**A** opinionem contrariam, ut improbant illam. Et dicunt, quod licet filiæ per se non faciant continuari lineas familiarum patrum: quia transibant ad illas tribus, de quibus viros accipiebant, tamen poterant accipere viros, ex quibus susciperent filios, qui nominarentur nomine aorum, & illi succederent in hæreditate eorum, & continuarent lineam ipsorum. Sic factum est de filiabus Salphaad, quæ acceperunt viros huiusmodi, ut colligitur Numeri vigesimo septimo, & trigesimo sexto. Istam opinionem improbant isti, dicentes, quod non stet, quia mulieres istæ accipientes viros transibant in illam tribum, aut familiam, de qua erant viri: & sic transiret etiam possessio ad aliam tribum, in qua non propriè continuaretur familia descendens à capite alterius tribus: ideo filij Manasse petierunt à Moyse, quod filiæ Salphaad, quæ successerant patri suo in hæreditate, non acciperent viros de alijs tribubus, nè ipsi aliquid perderent de possessione sua, scilicet, quod transiret ad aliam tribum, & accresceret illud alteri tribui. Et Deus sic iussit fieri Numeri trigesimo sexto: ideo dicunt isti, quod si moreretur quis, relicta filia, & non filijs, habetur ac si non genuisset: vel si moreretur sine liberis: ideo alij fratres debent suscitare semen eius. Et probant hoc, quia in litera dicitur, quod vocabitur primogenitus nomine defuncti, & tamen foemina non potest vocari nomine patris, ideo non manebit in foemina successio, sed suscitabitur semen defuncti. Dicunt tamen, quod si interdum defunctus relinqueret filiam, & nullus esset in cognatione, qui posset suscitare semen eius, per filiam suscitandum erat nomen patris defuncti. Dicendum tamen, quod licet ista positio quibusdam videatur, & sit aliquantulum rationabilis, sicut nos recitauimus eam Deuteronomij vigesimo quinto, aliorum referentes opinionem: tamen non est omnino vera: quod patet, quia nunquam est suscitandum semen defuncti, nisi quando non manet ei semen, & tamen, manente filia, manet semen patri: quia per illam potest continuari, ergo non est suscitandum. Quod autem possit per illam continuari patet, quia illa accipiet virum, qui gignat ex ea filium, qui nominetur nomine aui materni, & sic non delebitur nomine defuncti in possessione sua: sic patet Numeri vigesimo septimo, cum filiæ Salphaad conquestæ sunt, quod debebatur pater suus, scilicet, quod nomen suum debebatur de familia sua: quia non reliquerat filios mares, ideo petierunt, quod daretur eis hæreditas, & quod ipsæ facerent ne periret nomen patris sui de familia sua; & Deus iussit eis dare hæreditatem, dicens: iustam rem postulant filiæ Salphaad: & sic iubebat Deus, quod dando filiabus hæreditatem paternam, non existentibus maribus, sufficienter nomen patris in sua progenie conservaretur: & tamen non necesse erat suscitari semen alicuius, nisi quando non poterat conservari nomen alicuius in sua progenie: ideo existentibus filiabus, non erat suscitandum semen alicuius. Secundò patet, quia quando moriebatur aliquis sine filiis relictis filiabus, deuolvebatur hæreditas eius ad filias: Numeri vigesimo septimo: & tamen si aliquis suscitaret nomen defuncti, dari debebat ei tota hæreditas eius: sicut nunc data fuit Booz suscitanti semen Mahalon: ut patet in litera: ideo sic non erat suscitandum semen defuncti, si relinqueret filias. Terriò patet, quia filij nati per suscitationem seminis erant filij legales, & non veri: filij autem nati ex filiabus defuncti erant veri nepotes, ideo præferri debebant veri legalibus.

Mm Vnde



Vnde existentibus veris non oportebat introduci legales; & tamen isti erant per suscitationem seminis, ergo non erat suscitandum semen in tali casu. Cum autem obijcitur, quod necesse erat suscitari semen, etiam si starent filiae, quia per filias non poterat convenienter familia patris continuari, eo quod ille transibant in familiam virorum suorum. Dicendum, quod verum est, quod foeminae transibant semper in familiam virorum suorum: & tamen si foeminae succedebant in haereditate patribus suis, filij nati ex eis, vel saltem aliqui illorum non transibant in familiam, in quam transibant matres, sed nominabantur de familia auorum maternorum, & accipiebant illorum nomina, & sic continuabatur progenies auorum per illos, ac si essent nepotes auorum maternorum ex filiis, & non ex filiabus. Sic enim factum est in filiabus Salphaad, quia ipse innuerunt, quod conseruarent nomen patris sui, ne deleteretur, si daretur eis haereditas, quae danda erat patri suo. Numeri vigesimo-septimo: & tamen istud non erat, nisi quod acciperent viros, de quibus susciperent filios, & illi conseruarent nomen auorum, & hoc idem erat, sicut quando suscitabatur nomen alicuius: nam certum est, quod ille, qui nascebatur non erat filius, nec nepos defuncti, nec erat de progenie eius, sed de progenie alterius fratris sui: & tamen computabatur de progenie defuncti propter legalem identitatem. A fortiori ergo nepos ex filia quamquam esset natus ex patre alterius familiae, & tribus, vocaretur de familia aui materni. Cum autem dicitur, quod filij Manasse conquesti sunt, quod filiae Salphaad accipiebant haereditatem, & poterant accipere viros de alia tribu, & sic transfret ad aliam tribum possessio: dicendum, quod iam statutum erat, quod filij nati de istis computarentur de progenie Salphaad, quia loco eius succedebant: & tamen licet hoc de iure obtineret, de facto illi non videbant esse de tribu Manasse, sed de tribubus illis, quorum essent patres eorum, & sic videretur teneri possessio a viris alterius tribus, vel familiae; ideo Deus iussit, quod foeminae acciperent semper viros de eadem tribu, vt omni tempore maneret possessio vnus tribus in potestate virorum, qui de iure, & facto essent de eadem tribu.

*Ar. hac lex de suscitatione seminis intelligatur de fratribus solum, vel de cognatis etiam: sic quod consanguinei similiter tenerentur.*

*Quaestio L.*

**Q**VAERETVR vltius, an ista lex de suscitatione seminis intelligebatur de fratribus solum, vel de cognatis etiam. Respondent quidam, quod intelligebatur solum de fratribus. Et patet hoc primo, quia lex ponitur Deuteronomij vigesimo quinto de suscitatione seminis, & tamen ibi solum agitur de fratribus, cum dicatur: quando habitauerint fratres simul, & vnus eorum mortuus fuerit, vxor eius non nubet alteri, sed accipiet eam frater defuncti: & tamen alij cognati non erant fratres, ideo non tenebantur suscitare semen, quia ludaei obligati non erant ad faciendum, nisi id, quod expressum erat in lege, vt patet Deuteronomij decimo secundo, scilicet: Quod precipio tibi, hoc tantum facito domino Deo tuo, nec addas, nec minuas quicquam: potissime, quia ista lex erat poenalis, & tamen poenalia restringenda sunt, & fauorabilia amplianda. Cum autem soli fratres intelligantur, non intelligerentur cognati. Secundo patet, quia si cognati essent obligati ad suscitationem seminis defuncti, etiam si non essent fratres tenerentur vxores defunctorum admonere cognatos defun-

cti, vt eas reciperent in vxores, sicut admocebant fratres defunctorum, & non licebat eis istis non admonitis sumere in viros aliquos, qui non essent de cognatione, & tamen non obligabantur ad hoc: ergo nec cognati obligabatur ad suscitandum semen defuncti. Patet consequentia, quia si vxor non obligabatur ad hoc, liceret ei accipere quem vellet in virum, & tamen si illa acciperet quem vellet in virum, non possent cognati suscitare semen defuncti, cum suscitatio non posset fieri sine vxore defuncti, vt patet Deutero. vigesimo quinto: ideo non obligarentur cognati defuncti ad suscitationem, quia alias obligarentur ad impossibile. Quod autem non obligaretur vxor defuncti admonere cognatos, vt aliquis de eis acciperet illam in vxorem, patet de Ruth, quae erat vxor Mahalon defuncti, cuius cognatus erat Booz: & tamen non obligata erat ad accipiendum Booz in virum, nec alium cognatum suum. Nam Booz dixit ei: benedicta filia tu a domino, quia priorem misericordiam posteriore superasti: quia non es secuta iuuenes pauperes, vel diuites, scilicet: sed petiuit ipsum in virum, vt patet praecedenti capitulo. Ecce ergo dicebat Booz, quod Ruth fecerat misericordiam petendo ipsum in virum, & tamen si obligata esset ad suscitandum semen eius, non faceret misericordiam, ergo non erat obligata ad suscitationem, & consequenter non erant cognati obligati ad hoc. Tercio patet, quia si cognati essent obligati ad suscitationem seminis, daretur eis poena, quando non suscitarent: & tamen non infligebatur poena, ergo non erant obligati. Patet primum, quia quando aliquis de fratribus defuncti nolebat suscitare semen eius imponebatur poena, quae habetur Deuteronomij vigesimo quinto: sic fieret cognatis si obligati essent, & tamen non infligebatur poena cognatis non suscitantibus semen defuncti. Quod patet in cognato Booz, quia ille erat propinquior: & ad eum potius pertinebat suscitatio ista, quam ad Booz, & noluit: & tamen non fuit ei inflicta poena illa, quia non fuit ablatus calceus ei ab vxore defuncti, nec expuit in faciem eius, vt patet hic: & tamen ista erat poena, quae infligebatur nolentibus suscitare semen defunctorum: Deut. 25. ergo non obligabantur isti suscitare semen. Alij dicunt, quod cognati obligabantur suscitare semen defunctorum, & non soli fratres: quod patet primo, quia si non essent obligati cognati ad suscitandum semen, non inferretur alicui eorum priuatio iuris sui propter non suscitare semen defuncti, & tamen priuabantur multi iure suo, quia non suscitabant semen defuncti, ergo obligabantur ad hoc. Primum patet, quia non priuatur aliquis iure suo, nisi ex aliqua causa. Secundum patet, quia Booz habebat alium cognatum, cui prius, quam sibi competebar redimere possessiones venditas a Noemi: & cum dixisset, quod volebat redimere agrum, dixit ei Booz, quod acciperet simul Ruth in vxorem: & quia non accepit illam non potuit redimere possessionem, sed transiuit hoc ad Booz, vt patet in litera, ergo erat ille obligatus ad accipiendum illam. Secundo patet, quia dixit Booz ad cognatum suum, quod quando acciperet possessionem de manu Noemi, acciperet etiam Ruth in vxorem ad suscitandum semen defuncti: & posuit ista duo tanquam connexa, & inseparabilia: ergo erat obligatio ad suscitationem seminis defuncti. Tercio patet, quia si obligatus non fuisset cognatus Booz ad suscitandum semen defuncti accipiendo Ruth in vxorem, non inferretur ei aliqua contumelia pro hoc, & tamen illata fuit ei quaedam contumelia: quia calceus de pedibus eius solutus est, vt patet infra in litera: & ista erat poena non suscitantis semen: Deuterono. vigesimo quinto. Ergo obligatus erat iste ad suscitandum semen.

*Quarto*



Quartò patet, quia si non esset obligatio ad suscitacionem seminis, potuisset Ruth accipere in virum quem vellet, & tamen non potuit, ergo erat obligatio ad hoc. Patet primum, quia mortuo viro soluta erat mulier à lege eius, & poterat accipere quem vellet, & committere cui vellet, ad Roman. septimo: iste autem casus arctabat mulierem ad spectandum fratres defuncti: si ergo non obligaretur ad suscitacionem seminis mulier, manebat ei libertas ad quemcunque virum, & tamen non mansit ipsi Ruth: nam quando petiuit in virum Booz, dixit ipse, quod erat propinquus, & tamen alius erat propinquior, & si ille eam accipere nollit in vxorem, ipse sine dubio eam acciperet, vt patet præcedenti capitulo: ergo Ruth obligata erat ad suscitacionem seminis defuncti viri, & non solum non poterat accipere in virum quemcunque vellet extra cognationem defuncti, sed etiam non poterat accipere quemcunque vellet de ipsis cognatis defuncti, sed oportebat, quod admoneret omnes, & acciperet eum, qui propinquior erat, si ille eam vellet accipere, alioquin discurreret per omnes quousque omnes eam acciperent. Quintò patet, quia Ruth erat vxor defuncti, & petiuit à Booz, quod acciperet eam in vxorem ad suscitacionem seminis iure propinquitatis, dicens: extende pallium tuum super ancillam tuam, quia cognatus es. Ecce iure cognationis dixit, quod debebat eam accipere in vxorem, ergo erat ex obligatione propter cognationem ad suscitacionem seminis. Sextò patet, quia Booz suscepit ipsam Ruth ad suscitandum semen defuncti, cum esset cognatus, & inuocauit omnes in testes, quod accepisset Ruth in vxorem ad suscitandum nomen defuncti, & accepit omnes possessiones eius, vt patet in litera: ergo non erant solum obligati fratres ad suscitandum semen defuncti, sed etiam cognati eius. Respondendum autem, quod circa hoc licet quælibet istarum positionum posset habere fulcimenta colorata, & responsiones verisimiles: ad oppositum tamen veritas est, quod cognati defuncti non obligabantur ad suscitacionem seminis defuncti, sed soli fratres, sicut lex dicit Deuteronomij vigesimoquinto, & tamen poterant cognati suscitare semen defunctorum, si vellent, & gaudebant quibusdam priuilegijs. Pro quo sciendum circa hoc, quod erant tres status hominum, fratres, cognati, & extranei. Fratres tenebantur ad suscitacionem seminis defuncti, & si nolebant suscitare puniebantur, sicut habetur Deuteronomij vigesimoquinto. Extranei non obligabantur ad suscitandum semen defunctorum, nec etiam recipiebantur ad hoc, dato quod vellent. Cognati autem non obligabantur suscitare semen defunctorum, ideo non puniebantur poena legis Deuteronomij vigesimoquinto: licebat tamen eis suscitare si vellent, & si vellent suscitare gaudebant quibusdam priuilegijs, scilicet, quod succedebant in hæreditate defunctorum: si autem nollent, non succedebant in aliquo, nec gaudebant aliquo priuilegio: & tamen non puniebantur aliqua poena, nec priuabantur aliquo iure: & sic factum est nunc in Booz, & cognato suo, quia cognatus erat propinquior, cui competebar prius ius suscitandi semen, & succedendi in hæreditate, & quia non voluit suscitare semen, non potuit gaudere priuilegio successione bonorum, & redemptionis eorum, quamquam voluisset hoc, & Booz, qui erat cognatus in minori gradu suscitauit semen, & successit in bonis, vt patet in litera. Argumenta ergo tria facta in principio tenenda sunt, quia illa probant, quod soli fratres obligabantur, & verum est. Ad alia respondendum est.

Alph. Toft. super lib. Ruth

A Ad primum cum dicitur, quod non priuatur aliquis iure suo, nisi ex causa, concedendum est: & dato quod aliquis priueretur sine culpa, sicut est in tresdecim casibus, tamen non sine causa: & sic generale est neminem puniri, nec iure suo priuari sine causa. Cum autem dicitur, quod cognatus Booz priuatus est iure suo, negandum est, quia nullum ius erat quæsitum ei, quo nunc priuatus fuerit. Nam ius redimendi erat annexum suscitacioni seminis, ideo qui nollit suscitare semen, non gauderet illo priuilegio: & tamē dato, quod non suscitaret semen defuncti, non priuabatur iure: quia aliud est perdere, quam non acquirere. Iste autem non acquirebat, siue impediabatur acquirere, tamen non perdebat quicquam de eo quod acquisierat, & non acquirere non venit in penam, sed ex voluntate. scilicet ex omissione alicuius actus, quem si iste faceret acquireret. Ad secundum dicendum, quod recte concludit, & concedendum est quidquid inducit. scilicet quod annexum erat ius redimendi rem venditam suscitacioni seminis, ideo cognatus Booz obligabatur accipere Ruth in vxorē, si vellet accipere possessionē defuncti. Ista tamen obligatio erat conditionalis: ideo cum posset cognatus Booz nolle redemptionem possessionū, poterat non obligari ad accipiendum Ruth in vxorē: & sic factum est, quia cessit iuri suo, & successit in illo Booz: si tamen simpliciter obligaretur cedere iuri successionis, & redemptionis possessionum, non satisfaceret ad hoc, quod maneret à pena immunis, sed adhuc puniretur. Quod patet de fratribus nolentibus suscitare semen fratrum suorum defunctorum, quia non solum nihil habebant de possessione eorum, sed etiam defunctorum vxores spuebant in facies istorū, & discalciabant eos, dicentes: sic fiet viris, qui non suscitant semen fratrum suorum Deut. 25. & tamen cum cognatus Booz cessit iuri redemptionis, & successionis, & non fuit ei irrogata ultra aliqua poena. scilicet illa, quæ habetur Deutero. 25. ergo non erant cognati obligati simpliciter ad istam suscitacionem, sed sub cōditione. Ad tertium cum dicitur, quod si non fuisset obligatus cognatus Booz ad suscitandum semen defuncti, non inferretur ei pro hoc aliqua contumelia: concedendum. Cum autem dicitur, quod fuit ei inflicta contumelia aliqua: negandum est. Nec valet, quod dicatur, quod calceus ablati est, quæ erat poena, quæ infligitur Deutero. 25. non suscitantibus semen: nam non fuit factū, sicut ibi, quia ibi tollebat calceus in contumeliam: hic autem solum ad confirmationem cessionis. Nam consuetudo erat in Israel, quod quando aliquis cedebat alteri in iure suo, vel donabat aliquid: ad hoc, quod esset firma cessio, vel donatio, tollebat sibi calceum, ille, qui faciebat cessionē, & dabat illum proximo suo, cui faciebat cessionem, vel donationem, vt patet in litera. De hoc autem, & differentia istius discalciationis ab illa, quæ habetur Deuteronomij vigesimoquinto, declarabitur infra in quadam quæstione. Ad quartum dicendum, quod non licebat Ruth accipere in virum quem vellet de extraneis, nec etiam de cognatione viri sui, nisi illi, qui esset propinquior, si ille vellet, ideo Booz cum non esset propinquior, noluit accipere Ruth, quousque cederet cognatus suus. Pro quo sciendum, quod Ruth erat obligata ad suscitacionem seminis defuncti viri sui, & cognati eius non erant, obligati ad hoc, quia tamen licebat eis suscitare semen defuncti, si vellent, tenebatur Ruth admonere eos, an vellent suscitare semen: & si deberet fieri suscitacio seminis, erat ordo, quod inciperetur à propinquiore. Ideo nec Ruth poterat accipere in virum ipsum Booz quousque sciret an alius cognatus Booz, qui erat propinquior viro suo, vellet eam accipere.

Mm 2 Nec

Respon-  
siones.  
opio.

Ad 1. ratio-  
nem.

Ad 2. ratio-  
nem.

Ad 3. ratio-  
nem.

In Israel  
consuetu-  
do.

Ad 4. ratio-  
nem.



Nec etiam Booz poterat eam accipere gratis se offerentem quousque constaret ei de voluntate cognati sui, an vellet eam accipere, ideo non accepit quousque cessit ille: & tamen ex hoc non sequitur, quod aliquis istorum cognatorum duorum defuncti obligatus erat simpliciter ad suscitandum semen eius. Ruth autem erat obligata ad suscitandum semen viri sui, si quis istorum vellet: unde ipsa magis obligata erat, quam cognati defuncti. Sic etiam erat de respectu uxoris defuncti ad fratres eius, quando aliqui erant, qui possent suscitare semen eius. Nam uxor erat tunc obligata ad istam suscitationem volente aliquo de fratribus defuncti, alioquin accusaretur tanquam adulterij rea, si noller, aut si alicui commisceretur nondum requisitis fratribus defuncti, an vellet eam accipere in uxorem: & tamen fratres defuncti, licet essent obligati, non erant tantum obligati, quia erat eis libertas, an vellet suscitare semen defuncti, vel subire poenam legis. scilicet discalciarentur, & spueretur in faciem eorum: Deut. 25. Ad quintum dicendum, quod verum est, quod Ruth petiuit Booz in virum iure cognationis, & poterat Booz illam accipere hoc iure consentiente alio cognato suo, qui erat propinquior; tamen non erat obligatus ad hoc, sed si susciperet eam, gauderet privilegio successionis in hereditate defuncti: si autem non susciperet, non gauderet illo privilegio: & tamen non puniretur in aliquo. Ad sextum dicendum, quod verum est, quod Booz suscepit Ruth uxorem defuncti cognati sui ad suscitandum semen eius, tamen non erat obligatus ad hoc, sed licebat ei accipere, vel non accipere: & voluit gratis illam accipere desiderio suscitandi semen mortui.

Ad 5. rationem.

Ad 6. rationem.

*Quis ordo erat in suscitatione seminis defuncti inter fratres, & cognatos: & qui magis tenebantur ad hoc. Et qui puniebantur, & qui non, si non suscitarent semen.*

Quaest. L I.

**Q**UAE RETVR vterius, de obligatione suscitationis seminis, quibus competat, & qualiter. si quibus magis, & quibus minus. Dicendum sicut supra declaratum fuit in 43. & 44. quaest. & h. Deut. 25. duae personae requirebantur ad suscitationem seminis. scilicet uxor defuncti, & frater eius, siue cognatus, & inter ista duo extrema matrimonij diuisa in tres erat differentia obligationis, quia cognatus minus obligabatur, quam frater, & uxor, & frater minus obligabatur, quam uxor: & uxor super omnes obligabatur. Patet de cognatis: nam ut declaratum fuit precedenti quaest. ad cognatos pertinebat suscitare semen defunctorum, non stantibus fratribus, & tamen non obligati erant ad hoc; & tamen si vellet suscitare, gaudebant quodam privilegio. scilicet succedant in bonis, & priuabant alios priores isto iure: ut potest, si quis defunctus haberet fratres, & alios cognatos, & nemo cognatorum, nec fratrum vellet suscitare semen defuncti, nisi ille cognatus, qui attinebat in minimo gradu, ille auferret in omnibus ius successionis, quod alias pertinebat ad ipsos secundum ordinem propinquitatis, & deuoluebatur ad istum. Sic patet in Booz, & cognato eius: nam ille cognatus erat propinquior, quam Booz, & competebat ei prius succedere in possessionibus defuncti, & redimere eas, quam ipsi Booz: unde requisit Booz an redimere eas vellet iure propinquitatis, quia tamen non suscepit in uxorem transiit istud ius ad Booz, qui in minori gradu erat cognatus, & accepit Ruth in uxorem: fratres autem defuncti erant magis astricti ad suscitandum semen defuncti: quia non erat liberum eis suscitare, vel non suscitare, ita tamen, quod a poena es-

sent immunes, sicut erat in cognatis: sed si nolent suscitare, priuabantur privilegio successionis, quod transferebat ad cognatos alios, & insuper afficiebantur infamia, & contumelia: quia iudicialiter condemnabantur, scilicet, quod uxor defuncti discalciaret quemlibet horum nolentium suscitare semen defuncti fratris, & spueret in faciem eius, diceretque: sic fiet viro, qui non aedificat domum fratris sui: & sequebatur tunc infamia perpetua, scilicet, quod domus illius vocabatur in aeternum domus discalciati in Israel. Et erat ordo in hoc, quod si haberet defunctus multos fratres, ille, qui propinquior erat eis ordine natiuitatis admonendus erat suscipere defuncti uxorem; & si noller, citare debebat mulier defuncti eum, & coram iudicibus infligebatur ei poena, quae habetur Deut. 25. & deinde requirebatur sequens, & si noller, infligebatur etiam ei poena: & sic fiebat per omnes fratres defuncti, quotquot illi essent tam coniugatos, quam non coniugatos: & si nullus vellet, omnibus poena infligebatur, & demum mulier admonere debebat omnes cognatos defuncti, ut susciperent eam incipiendo secundum ordinem a propinquiioribus, si quis vellet eam accipere: quousque nullus permaneret in tota cognatione, scilicet intra cognationis gradus determinatos secundum consuetudinem Iudaeorum, in quibus vocabantur aliqui cognati, & si quis vellet eam accipere, tenebatur esse eius uxor. Et tamen dato, quod nullus eam vellet, non erat aliqua poena infligenda cuilibet istorum, sicut fratribus, ut declaratum est precedenti quaestione. De uxore autem dicendum, quod magis obligata erat ad suscitationem seminis, quam fratres, & cognati. Primo patet, quia ipsa tenebatur requirere fratres defuncti, an vellet quisquam illam in uxorem, & nullus eorum tenebatur illam admonere. Secundo patet, quia ipsa non solum respectu fratrum erat obligata, sed etiam respectu cognatorum, ita quod non licebat accipere ei in virum quemquam de extraneis quousque omnes fratres, & etiam cognati defuncti requisiti ab ea nolent eam accipere: & tamen de nullo istorum dicitur, quod teneretur admonere eam. Tertium erat, quia si mulier non admoneret cognatos, & fratres defuncti, ut quisquam acciperet eam, & ob hoc nullus eam acciperet: non erat aliqua poena infligenda cognatis, nec fratribus, etiam si acciperent alias uxores, & tamen si mulier non admoneret fratres, nec cognatos defuncti, & contraherent cum aliquo alio, vel misceretur ei, rea erat adulterij: & accusaretur ad mortem, sicut patet de Thamar, quae reperta est praegrans antequam acciperet eam in uxorem Sela, qui suscitaturus erat semen de illa fratribus suorum, & accusata est ad incendium, & ducta est, & fuisset combusta, nisi se iustificasset, ut patet Genesis trigesimo octauo. Quartum erat, quia obligatio fratrum defuncti ad suscitandum semen erat conditionalis, scilicet, si vellet, alioquin tolerarent aliam poenam legis. In muliere autem erat simpliciter necessitas suscitandi semen defuncti, ita quod si noller suscitare semen eius, accipiendo alium in virum antequam fratres, & cognati defuncti refutarent eam accipere, lapidanda erat, vel cremanda, sicut adultera, ut supra probatum est: ideo maior erat obligatio mulieris ad suscitandum semen, quam alicuius alterius.

*Quare magis erat obligata uxor ad suscitationem seminis defuncti, quam fratres.* Quaest. L I I.

**Q**UAE RETVR vterius, cur magis erat obligata mulier ad suscitationem seminis defuncti, quam fratres defuncti. Respon-

Ordo puniendi nolentis suscitare semen fratris sui apud Hebraeos.

Vxor erat magis deuincta ad suscitationem seminis, quam fratres, & cognati.



Respondendum, quod propter multa: primo, quia naturaliter erat maius debitum ad hoc: nam vir, & vxor erant effecti vna caro, quia per matrimonium efficiuntur duo in carne vna, vt patet Gen. 2. & tamen frater cum fratre non est vna caro, nec pater cum filio, ideo est maius debitum vxoris ad virum, & è contrario, quàm ad fratres, & alios: & sic apostolus iussit, & magis diligere viri vxores suas, quàm quoscunque alios, dicens: Viri diligite vxores vestras, sicut corpora vestra: ad Ephe. 6. & tamen nullus tenetur magis diligere carnem alterius, quàm carnem suam, ergo maior est obligatio dilectionis viri ad vxorem, & vxoris ad virum, quàm ad aliquem alium. Et licet non dicatur hoc de vxore respectu viri, dicendum, quod magis adhuc ex debito tenetur vxor diligere virum, quàm vir vxorem, eo quod plura recipit vxor à viro, quàm vir ab vxore, cum mulier naturaliter sit deficiens, & vir sit custos eius, & prouisor in necessarijs. Magis ergo tenebitur vxor viro ad suscitandum semen eius, quàm quisquam aliorum, cum suscitatio sit quædam utilitas viro cum per hoc conseruetur nomen eius indeletum, quia aliàs deleteretur. Secundo fit hoc propter legalem conuenientiam, scilicet, quia magis conuenit mulier ad suscitationem seminis secundum intentionem legis, quàm aliquis de fratribus, & cognatis. Quod patet, quia intentio legis erat, vt suscitaretur semen defuncti: ita quod qui non habuerat veros filios haberet filios legales, & interpretatiuos: & ad hoc, quod isti similes haberentur filiis veris, oportebat, quod esset maxima identitas, quæ esse poterat inter istos filios legales ad naturales, & veros, scilicet, quod essent ab eisdem principijs: filij tamen veri si aliqui fuissent ipsius defuncti, essent ex vxore illa, quam tenebat: ideo filij legales maximè competeabant ex parte vxoris, quàm de parte viri. Tertiò patet ex conditione suscitationis seminis. Nam suscitatio seminis conseruebatur quando gignebatur aliquis filius ipsi defuncto, eo quod fingebatur illum esse de semine defuncti, quod susceperat vxor eius in utero, & tamen illud non fuerat sufficiens ad generationem foetus, nisi viuificaretur foetus virtute seminis illius, qui accipiebat vxorem defuncti. Sed ad continendum semen defuncti respectu cuius filius genitus dicatur de semine defuncti, vel consimilis eius, nullus magis agebat, quàm vxor defuncti, ideo ipsa maximè obligari debebat ad suscitandum semen. Quarto patet, quia vir, & foemina sunt inæqualis dignitatis naturaliter, ideo circa eandem rem maiori priuilegio gaudere debuit vir, quàm foemina: & sic circa suscitationem seminis debuit minus obligari vir, quàm foemina. Quinta ratio, & potissima fuit, quia Deus debebat nimis procurare suscitationem seminis mortuorum, & ad hoc videbatur expediens, quod omnes obligarentur ad quos pertinebat, quia si relinqueretur in libertate istorum, multi eorum nollent suscitare semen defunctorum. Si autem obligarentur omnes, esset scandalum, quia si vir obligaretur ad suscipiendum foeminam aliquam in vxorem, quæ fortè non placeret oculis eius, cum essent Israelitæ duri cordis occiderent vxores. Ista enim fuit causa, quare permissum est Israelitis, quod repudiarent vxores, scilicet, quia si non liceret eis abijcere vxores repudiando cum displicerent eis, occiderent illas. Sic tetigit Christus Matth. decimonono, scilicet: Ad duritiem cordis vestri libellus repudij datus est: à principio autem non erat sic. Ista durities cordis erat, quod occiderent vxores, & sic non fuit conueniens, quod obligarentur in veteri testamento viri ad accipiendum vxores defunctorum, vt suscitarent semen ipsorum. Vxores autem obligari debuerunt, quia ex obligatione istarum non se-

quebatur istud inconueniens: debuit tamè poni quædam poena viris, vt suscitarent semen defunctorum, vt timore illius incitarentur aliquando ad suscitationem hanc.

*Si essent multi fratres mortui, & vltimus superstes suscitaret semen eorum, filius genitus de cuius illorum nomine vocaretur. Quest. LIII.*

**Q**VAERETVR vltius, si essent multi fratres, sicut in casu, quem posuerunt Saducæi Matth. vigesimo secundo, scilicet, quod septem fratres erant, & mortuo primo relicta vxore secundus voluit suscitare semen eius, & accepit vxorem illius, & consequenter omnes vsque ad septimum, & nullus suscepit ex ea prolem, nisi septimus, quis ipsorum faceret filium natum nominari de nomine suo? nam lex iubet, quod filius natus ex ista suscitatione nominetur nomine defuncti: omnes autem sex præcedentes mortui sunt, & quilibet illorum habuit mulierem illam in vxorem: est ergo dubium cuius eorum nomine fortietur. Dicendum secundum quosdam, quod non poterat sciri in tali casu cuius nomine vocaretur, sicut crediderunt Saducæi de muliere, quæ suscepta est à septem viris, cuius illorum erit in resurrectione. Si autem esset aliqua causa quare esset magis vnus, quàm alterius, non arguissent sic illi contra Christum putantes se deducere ad impossibile: nam si posset determinari cuius illorum erat vxor, argumentum suum contra resurrectionem non procederet: ita dicetur nunc, quod non constaret cuius iste erat filius. Dicendum, quod non est simile, quia si in resurrectione habituri essemus vxores, quas habueramus viuentes, esset aliqualis difficultas circa hoc, cum quilibet contraxisset cum ea æquale vinculum matrimonij, ideo manifestè non appareret, quis potius eam habiturus esset. Setus autem est de filio genito, quod aut quæreretur quantum ad veram filiationem, aut quantum ad filiationem legalem. Si primo modo, patet ex casu, quod iste erat filius septimi viri. Si autem quantum ad legalem, erit filius illius cuius nunc suscitabat semen iste septimus. Manet autem tunc dubium, cuius semen suscitabat iste. Et dicendum, quod de secundo, tertio, quarto, & quinto non est dubium, sed de primo, & sexto. Causa est, quia secundus, tertius, quartus, quintus non fuerunt primus cui successit semen suscitans. Etiam non fuerunt vltimus cui successit ille, qui suscitauit semen realiter: ideo de istis est dubium sublatum. Sed de primo est dubium, quia ille fuit propter cuius mortem accepta est vxor eius ad suscitandum semen defuncti, & postea alij continuauerunt. De sexto est dubium, quia septimus accepit vxorem per mortem sexti, & illius vxorem dicitur accepisse, & nunc ex illa genuit primogenitum, ideo ille nominandus erit nomine sexti, qui vocatur hic defunctus. Dicendum tamen est, quod verè iste filius genitus nominandus est ex nomine primi defuncti. Nam propter mortem illius secundus accepit vxorem eius, ideo tertius non accepit vxorem secundi propter secundum, sed propter primum, cum ipse secundus acceperit vxorem primi propter ipsum primum: tertius ergo propter primum accipiet, quia quidquid est causa causæ est causa causati: & sic de quarto, & quinto, & sexto, & omnibus. Vnde ipse septimus censetur successisse primo, & non alijs: quia propter primum omnes susceperunt illam vxorem: & si secundus habuisset filios, non suscepissent eam reliqui, & sic vsque ad vltimum: nominabitur ergo semper filius genitus ex tali suscitatione nomine primi.

Mm 3 Quare

Israelitis  
quare per  
missum è,  
quod re-  
pudiarent  
vxores.

Alph. Toft. super lib. Ruth



*Quare filius natus ex tali suscitatione vocabatur nomine defuncti. Questio LIIII.*

**Q**VAERETVR vltius, quare filius natus ex tali suscitatione vocabatur nomine defuncti. Dicendum, quod lex voluit quantum posset identitatem filij legalis ad naturalem: nam non habuit defunctus iste filios naturales veros, & lex vult ei fingere filios, & ad hoc, quod filij ficti videantur aliquo modo esse filij defunctorum, oportuit, quod esset magna similitudo inter filios illos ad defunctos: & ad hoc fecit lex, quod solum fieret suscitatio ista ex vxore defuncti, in qua videbatur esse semen defuncti, & a fratribus ipsius defuncti, quia illi maximè identificabantur defuncto: ita ergo ad hoc, quod ipse filius magis videretur pertinere ad defunctum, etiam in nomine debuit similari ei. Nam si vocaretur alio nomine poterat putari, quod iste ascriberetur ei, qui ipsum genuit: vt ergo pateret, quod pertineret ad defunctum, vocandus erat primogenitus in suscitatione ista nomine defuncti, & sic minus dubitaretur de qua progenie esset, & in hoc erat aliqd speciale, scilicet, quod vocaretur filius nomine patris. Nam in alijs nascantibus non imponebantur primogenitis semper nomina patrum: nam alioquin omnes descendentes directè per eandem lineam progeniei vocarentur eodem nomine, quod est falsum. Item patet, quia Ruben fuit primogenitus Iacob: Gen. 49. & sic non fuit vocatus primogenitus nomine patris. Etiam Isaac fuit primogenitus Abraham: Gen. 21. quia in illo vocatum est semen eius, & secundum carnem Ismahel fuit primogenitus: Gen. 16. & neuter vocatus est nomine patris: & ita de omnibus alijs ferè, quorum nomina scimus in veteri testamento. Et ratio est, quia cum in alijs sint filij veri secundum carnem, non oportet querere aliam similitudinem ad probandam filiationem: & tamen in suscitatione seminis, cum ipse genitus non esset filius verus defuncti, oportuit induci aliquas assimilationes legales, ad hoc, quod appareret ei similis, & filius eius qualitercunque: sed de hoc vide quod dicam Matth. 22.

*An fratres defunctorum possint eorum vxores repudiare, quas acceperant, vel priuabantur beneficio legis. Et quæ erant causa distractiua à suscitatione seminis: & cur imponebatur pœna nolenti.*

*Questio LV.*

**Q**VAERETVR vltius, de suscitatione seminis, scilicet, quare ponebatur pœna nolentibus suscitare semen. Dicendum, quod suscitatio seminis erat multum necessaria in veteri testamento, sicut fuit declaratum supra: & si relinqueretur libertati illorum, ad quos pertineret, fortè nollent, vel rarò suscitarent, ideo fuit conueniens, quod imponeretur pœna, vt timore pœne, quæ erat satis infamatiua, moueretur plurimi ad accipiendum vxores defunctorum. Sed dicit aliquis, quod hoc non proficiebat, quia si quis non desiderabat suscitare semen defuncti, poterat abijcere à se istud onus. scilicet quod cum acciperet vxorem defuncti semel ad satisfaciendum legi, repudiaret eam illico, vel post modicum tempus, & sic non fieret suscitatio seminis ex pœna, sed solum in volentibus. Aliquis dicit, quod hoc non stat, quia non poterat repudiari vxor, nisi ex aliqua causa, & cum non inueniretur, ista mulier accepta ad suscitationem seminis non poterat saltem ad placitum repudiari. Dicendum, quod falsum est, quia quando quis inter Hebræos repudiabat aliquam vxorem, non cogebatur probare causam re-

**P**udij, sed solum, quod non placebat oculis eius, vt declaratum est in quadam questione: Deuter. 24. & sic etiam posset repelli sine causa ex sola voluntate mulier suscepta ad suscitationem seminis. Dicendum, quod verum est, quod ad repudiandum vxorem, non oportebat, quod repudians probaret causam aliquam, sed solum dabat in manu mulieris libellum, in quo scriptum erat, quod repudiabat eam, & quod de coetero posset accipere quem vellet in virum: & tamè in hoc casu non liceret viro repudiare vxorem sic susceptam ex sola voluntate, saltem vsquequo ex ea gigneret filium, qui succederet loco defuncti. Nam aliàs lex illa, de suscitatione seminis esset omnino inutilis: non est tamen credendum, quod Deus aliquid inutile statuerit.

**G**Item, quia Deus cogit hic fratres defuncti ad accipiendum vxorem eius: si tamen coguntur ad accipiendum videntur cogi ad tenendum, quia aliàs si illico posset repudiare, vt acceperant, esset inutile accipere. Nec est inconueniens, quod cogantur in isto casu ad tenendum vxores defunctorum, & non possint illas repudiare quousque generarent ex eis filios loco mortuorum, & sic priuentur hic, quantum ad aliquod tempus iure repudij cum causa, cum etiam in alijs casibus interdum quidam priuabantur propter delictum, sic patet Deute. 22. scilicet. Siquis accipiens vxorem dicebat, non inueni eam virginem, & probabatur mulierem fuisse virginem, quando tradita fuit ei: flagellabatur vir, & soluebat quinquaginta siclos, & non poterat dimittere puellam aliquo tempore vitæ suæ. Item si quis inueniens puellam in agro, dormiret cum ea, accipiebat illam in vxorem, & non poterat illam dimittere villo tempore vitæ suæ, eodem capitulo, ita nunc ex causa poterant isti obligari ad non repudiandum vxores, quas susceperant ad suscitationem seminis: & si non obligarentur in æternum, sicut illi, obligarentur saltem, vsquequo ex illis suscitarent semen defunctis. Sed obijcietur, quia si negaretur sic Israelitis potestas repudiandi vxores, sequeretur vxoricidium, quod fuit causa permittendi libellum repudij. Dicendum, quod vna causa fuit permissionis timor de duricie, & occisione vxorum, & tamen causa potissima fuit, quia ista lex erat inter omnes gentes, quod poterant repudiare vxores; & si auferretur eis ista libertas putarè se minores alijs gentibus, & non posset hoc tolerare, & istud erat duricies cordis. scilicet quod indomiti erant, & non subicerentur bene rebus insolitis, sicut dixit Deus: cerno quod populus iste dure cervicis sit: Exo. 32. Ista ergo fuit causa potissima permissionis libelli repudij: vnde non timebat semper mors, si non pmitteret libellus repudij: vnde in quibusdam esse putauit dignum lex, quod priuaretur potestate repudiandi vxores, sicut supra declaratum est.

*Cur imponebatur pœna nolenti semen suscitare.*

*Questio LVI.*

**K**VAERETVR vltius, cur imponebatur pœna nolentibus suscitare semen, quia in hoc innuit, quod aliqui essent, qui nollent suscitare semen, & tamen istud non videt verisimile: nam suscitatio seminis afferebat lucrum, & non aliquid præiudicij, ideo quilibet hoc vellet. Patet hoc, quia cum quis suscitaturus esset semen alterius, accipere debebat vxorem illius: & in hoc non vetabatur accipere alias vxores, quasque vellet: cum in vet. testa. permitteretur vxorū pluritas, vt declaratum est supra in quadam questione. Erat autem lucrum ex hac suscitatione, quia qui suscitabat semen alterius, succedebat in omnibus possessionibus ei, vt patet hic in litera de Booz, qui accepit Ruth vxorem defuncti, & cum ea suscepit bona defuncti, ideo non erat verisimile, quod quis nollent suscitare semen defuncti, & opus esset ad hoc poni pœnam.

Dicen-



Causa di-  
strahentes  
a feminis  
fufcitatio-  
ne.

Causa  
quare mul-  
ti recufant  
accipere  
mulieres  
viduas in  
vxores.

Dicendum, quod poena posita est, quia multi essent, qui alias nollent fufcitare semen defunctorum. Pater de cognato Booz, qui fufcitaturus erat semen Mahalon defuncti, & noluit, sed potius carere voluit omnibus bonis, quæ habiturus erat de fufcissione eius, ut paret in litera hic. Causa autem, quæ distrahebant a fufcissione seminis erant multæ. Prima erat, & potissima, quia iste gignere debebat filios defuncto, & non sibi: & ex ista mouebantur plurimi. Patet de Onan filio secundo Iudæ, qui accepit Thamar vxorem fratris sui mortui ad fufcitandum semen, & non cognoscebat eam, sed semen fundebat in terram, quia sciebat non sibi, sed fratri suo filios nasci, Gen. 38. istud etiam innuit cognatus Booz ad fufcitandum semen Mahalon: nam dixit, quod nolebat: & subdidit: Nec enim familiæ meæ posteritatem delere debeo: quasi dicat: Nolo delere posteritatem meam gignendo filios alteri, & non mihi. Secunda causa erat, quia cogebantur accipere vxores defunctorum, & non solum hoc, sed etiam nunquam illas repudiare, ut declaratum est præcedenti quæstione. Et istud erat grauissimum, quia cogeretur quis tenere vxorē, quæ non placeret oculis eius. Tertia erat, quia multi sunt, qui recufant accipere mulieres, quas alij in vxores tenuerunt, & hoc, quia quilibet veller habere mulierem ex virginitate sua. Item, quia facilius quis colat moribus suis mulierem, quæ nulli alteri copulatæ est matrimonio, & mores tenuit eius, quam illam, quæ alterius moribus assueta est, quia difficile talia auferuntur. Item, quia quando mulier habuit alium virum, non habet integram dilectionem ad eum, quem nunc habet: potissime, si defunctus fuit ei vir bonus, & tractabilis, & consentaneus moribus eius: iste autem, quem postea habet, non sic consensit moribus illius. Ex quo sequitur, ut interdum foemina viro suo ducat in memoriam virum, quem prius habuit: quod viuenti grauissimum est: non quidem, quod mortuum zelat, sed quia zelat se non integre diligi, cum amor vxoris ad defunctum cum magno desiderio tendat, quo fit, ut foemina virum integrè non diligit, nec vir foeminam. Et hæc est causa quotidianarum querelarum, ut sepius ex-  
perimur. Durum erat ergo multis fufcitare semen defunctorum: vnde non inclinarentur promptè ad illud: & sic fuit necessaria impositio poenæ ad fufcirationem prædictam.

Quid fieret si nullus de fratribus defuncti, nec de cognatione vellet fufcitare semen defuncti.

Quæstio LVII.

**Q**VAERETVR vterius, quid si nullus de fratribus defuncti, nec de tota cognatione vellet fufcitare semen defuncti. Respondendum, quod existantibus fratribus ipsi tenebantur fufcitare semen, & si nollent, patiebantur poenam legis Deuteronomij vigesimo quinto, & deuoluebatur potestas fufcicandi, & succedendi in hæreditate ad alios cognatos: & si isti etiam nollent, non fufcitabatur semen defuncti, sed peribat nomen suum de progenie sua, & deuoluebatur ius fufcissionis ad fratres defuncti, qui noluerant fufcitare semen eius, & sic iam ipsi periderant illud ius nolendo semen fufcitare defuncti, cum cognati possent illud fufcitare, & penderet ex eis fufcitare: & tamen cum illi etiam nollent fufcitare semen defuncti carebant iure fufcissionis, & redibat ad propinquissimos, scilicet, ad fratres licet peccauissent non fufcitando semen fratris, quia alias transfiret possessio de familia in familiam, & de tribu in tribum, sicut declaratum est supra.

Alph. Toft. super lib. Ruth

Quid si nullus esset, qui posset fufcitare semen.

Quæstio LVIII.

**Q**VAERETVR vterius, quid sit nullus esset, qui posset fufcitare semen. scilicet si non esset aliquis frater, vel cognatus, quid fieret de conseruatione nominis defuncti, & de hæreditate eius? Diceret aliquis, quod hoc non stat, quia non poterat esse aliquis, qui non haberet aliquem propinquum in toto Israel, cum omnes Israelitæ inter se essent cognati, quia quilibet posset fufcitare semen defuncti. Dicendum, quod casus ille possibilis est, quia poterat esse aliquis, qui nullum haberet cognatum intra gradus illos, in quibus vocabantur cognati: quod patet de Mahalon defuncto, cuius possessio data fuit Booz fufcicanti semini eius: & dixit Booz, quod nullus erat propinquus eius, nisi quidam alius cognatus suus, qui prior erat, & ipse, qui secundus erat, ut patet supra in litera. Si autem isti duo mortui fuissent, non maneret aliquis in cognatione Mahalon: & sic nullus esset, qui fufcitaret semen eius. Dicendum, quod in hoc casu non poterat fufcitari semen defuncti, sed peribat nomen suum de familia sua, scilicet, quia intercidebatur posteritas sua: hæreditas autem eius deuoluebatur ad illos, qui propinquiiores essent in tota tribu, & familia, quamdiu posset cognosci gradus propinquitatis, licet illi essent extra gradus cognationis, in quibus consuetum erat vocari aliquos cognatos, de quo magis declaratum est supra.

Quid si quis de fratribus defuncti acciperet vxorem defuncti ad fufcitandum semen, & moreretur consanguineus ille, vel vxor.

Quæstio LIX.

**Q**VAERETVR vterius, quid si quis de fratribus defuncti acciperet vxorem defuncti ad fufcitandum semen, & moreretur consanguineus ille, vel vxor. Dicendum, quod si moriebatur vxor, siue antequam acciperetur ad fufcitandum semen, siue postmodum tamen non esset aliquis filius genitus, non poterat fufcitari semen defuncti, sed peribat nomen eius, & in hæreditate succedebant fratres, vel qui propinquiiores essent. Si autem moreretur frater defuncti, qui acceperat vxorem defuncti, aut ex ea genuerat filium, aut non. Si genuerat, non oportebat, quod illa acciperetur ab alio: quia iam fufcitatum erat semen. Si autem nondum genuerat: debebat sequens frater fufcipere eam, & si ille moreretur, debebat eam alius sequens accipere quousque aliquis ex ea gigneret: sic patet Gen. 38. de Thamar vxore Her primogeniti Iudæ: nam ille mortuus est sine liberis, & frater eius Onan accepit illam ad fufcitandum semen fratris sui, & quia ille etiam sine liberis obiit, acceptus erat eam frater eius Sela. Sic etiam fuit in casu posito a Sadduceis, cum septem fratres acceperunt fufcissionem, & vnus ad fufcitandum semen alterius: & omnes septem mortui sunt viuente eadem muliere, Matth. 22. Si autem morerentur fratres omnes non fufcitato semine, vel aliquis illorum noller, succedebant in fufcigatione ista cognati omnes, quousque nullus de cognatione maneret, & si vnus haberet filium ex eadem vxore fufcitebat ibi fufcitatio. Si autem nullus haberet filium, peribat nomen defuncti de cognatione sua, & deuoluebantur bona ad aliquem de cognatis defuncti, vel fratribus, si manserat, qui noller fufcitare semen defuncti. Si autem nullus maneret, bona pertinebant ad quemcunque propinquiorem, cum iam non esset quis de cognatione defuncti, scilicet, de gradibus illis, in quibus nominabantur cognati.

M m 4 Quid



*Quid si accipiens uxorem defuncti ad suscitandum semen eius, non gigneret filium, sed filiam.*

*Quaestio. LX.*

**Q**V A E R E T V R vltcrius, quid si accipiens uxorem defuncti ad suscitandum semen eius, non gigneret filium, sed filiam: an sequens frater, vel cognatus deberet accipere eandem uxorem ad suscitandum semen defuncti, vel sufficeret filia genita. Quidam dicunt, quod non sufficiebat filiam gigni, sed alius suscitare debebat semen defuncti, quia non censebatur adhuc semen suscitatum, nisi filius nasceretur.

1. Ratio.

Quod patet primo, quia Deut. 25. dicitur, quod suscitari debebat semen defuncti, ne periret nomen eius in progenie sua, & tamen per filiam non poterit conseruari nomen defuncti in familia sua: quia dato, quod illa esset filia vera defuncti, non posset continuare familiam patris: nam foemina transibat in progenie viri, à quo in uxorem accipiebatur, ideo non continuaretur per eam nomen paternum, & familia: sed illico transiret ad aliam familiam, & cessaret familia paterna. Secundo patet, quia Deut. 25. dicitur, quod ille, qui acciperet uxorem defuncti ad suscitandum semen eius, vocaretur primogenitum, quod ex illa uxore gigneret nomen defuncti: & tamen filius non competebat hoc, quia illa non poterat vocari nomine patris, ideo nata filia non dicebatur suscitatum semen defuncti. Dicendum, quod si quis accepta uxore defuncti gigneret ex ea filiam, deinde filium, quod filia licet esset primogenita, non gaudebat hic iure seminis suscitati, ita quod illa ascriberetur mortuo ad conseruandum familiam suam, sicut ascriberetur si esset filius.

2. Ratio.

Ratio est, quia in his faciendum erat, sicut in filiis veris. In ipsis autem existentibus filiis nihil de hereditate proueniebat ad filias: imò dato, quod esset vnicus filius, & vltimus, ante eum multae filiae, solus filius succedebat in tota hereditate patris, ut patet Num. 27. cap. ita nunc in filiis legalibus, si essent filiae, & filij, dato quod filiae essent priores, non computabantur illae in semine defuncti, sed filij. Aliquis autem perit dicens, quod hoc non apparet, quia non constat nobis, quod sit iudicandum sic de filiis legalibus, sicut de veris, & naturalibus, ideo quod filia forte possit accipi tanquam primogenitus defuncti. Dicendum, quod non stat, quia manifestum est, quod ille, qui ascribebatur defuncto in suscitatione seminis succedebat in tota hereditate eius: filia tamen non potest succedere extantibus maribus, ut patet Num. 27. ideo cum iste gigneret filios, & filias, qui suscitabat semen defuncti, non erat ascribenda filia defuncto, sed filius, dato quod filia prior esset natiuitate. Si autem suscitans semen defuncto solam filiam gigneret, manet dubium, an dicatur suscitatum esse iam semen defuncto, vel alius de fratribus, vel cognatis defuncti debebat accipere eandem uxorem defuncti, quousque gigneret ex ea filium. Dicendum, quod non oportebat amplius suscitari semen defuncto, quia in filiabus sufficienter conseruaretur semen defuncto. Quod patet, quia Num. 27. iubetur, quod cum quis moreretur sine filiis masculis, filiae succedebant in hereditate patris, & ille faciebant, quod non periret nomen patris, scilicet, quia faciebant progeniem patris sui continuari, per filios natos ab ea poterat continuari progenies defuncti, & succederet ipsa in bonis defuncti nomine filiorum, quos habitura erat. Si autem nullos filios haberet illa, debebatur rursus nomen defuncti: & redibat hereditas ad propinquos defuncti, & illi non poterant iam suscitare semen, nisi uxor defuncti superuiveret, quia si superuiveret, esset aliqua spes de suscitatione.

Ad rationem 1. idem uersum.

Ad primum argumentum in contrarium dicendum, quod fiebat suscitatio seminis, ut non deleteretur nomen defuncti: & tamen nata filia ex suscitatione seminis non

deleteretur nomen defuncti, ideo ipsa sufficiebat. Nam licet foemina transiret in familiam viri, cuius esset uxor, tamen filij inde nati poterant computari in familia defuncti, sicut fuit de filiabus Salphaad Num. 27. & declaratum est supra. Ad secundum dicendum, quod verum est, quod primogenitus acceptus ex uxore defuncti vocandus erat nomine defuncti si haberetur primogenitus, & tamen non stante primogenito sufficiebat, quod filia exstaret: nam tunc filius filiae, qui reputaretur tanquam nepos defuncti, vocaretur nomine defuncti, & ibi incipiebat proprie semen defuncti, & nomen conseruari.

Ad secundam rationem.

*Qua pena infligebantur nolentibus suscitare semen defunctorum, & quare ista potius, quam alia.*

*Quaestio. LXI.*

**Q**V A E R E T V R vltcrius, de penis non suscitantibus semen defuncto, & quare infligebantur penae istae. Dicendum, quod prima pena erat, quod tolleretur calceus de pede viri huius. Secunda erat, quod spueretur in faciem eius. Tertia erat, quod mulier diceret: sic fiet viro, qui non vult edificare domum fratris sui. Quarta erat, quod postea vocaretur in toto Israel domus istius viri domus discaicati: Deuter. 25. Causa istarum penarum fuit ad irrogandum magnam ignominiam ipsi, qui nolebat suscitare semen defuncti, & infligebantur istae, quia in his erat magna contumelia.

**H** Nam quod tolleretur alicui calceus de pedibus, erat ignominia, quia significabatur, quod priuabatur homo iste omni bono, et vltimo; ad calciam mentis, ut patet ex modo loquendi Abrahæ ad regem Sodomorum, cum dixit: viuit dominus, quia non accipiam de his, quae ad te pertinent, à filo subtegminis vltimo; ad corrigiam caligiae. i. calciam mentis: ut magis patet ex Hebreo: quasi dicat, nec minima bonorum accipiam de bonis tuis, ne dicas ego ditavi Abraham. Etiam erat hoc, ut sequeretur ex hoc alia pena. scilicet, quod vocaretur domus istius, discaicati domus in Israel. Quod autem spueretur in faciem istius hominis erat ad magnam confusionem eius: nam non potest homo magis confundi, quam quod alius expuat in faciem eius in penam, cum tota dignitas, & pulchritudo hominis sit in vultu, & deturpatur sputis. Causa autem quare mulier dicebat: sic fiet viro, qui non vult edificare domum fratris sui, erat ut significaretur omnia ista fieri ad infamiam, & iniuriam infligendam: & per hoc augebatur ignominia. Nam si mulier non diceret istud, forte poterat intelligi, quod erat istud aliqua ceremonia legis, quae non fiebat ad ignominiam, sicut multae aliae ceremoniae erant immundae in veteri testamento, quia tamen non fiebant ad ignominiam, recipiebantur ut honorabiles: cum autem mulier dicebat: sic fiet viro, qui non vult edificare domum fratris sui, significabat illa infligi in penam: & consequenter illa est ignominiosa: & sic augebatur pena ex hoc: potissimum cum fieret in portis vrbis coram toto populo. Causa autem, quare vocabatur domus discaicati in Israel, erat etiam ad ignominiam, & manebat ei istud nomen, ut in eternum esset infamatus in toto

Mulier quare dicebat sic fiet viro, qui non vult edificare domum fratris sui.

**I** Israel. Etiam sciendum, quod nomen istius supprimebatur, non enim denominabatur deinceps nomine suo, sed vocabatur discaicatus, & domus eius vocabatur domus discaicati. Sicut patet de cognato Booz, de quo sepe fit hic mentio, & prec. c. & tamen non ponitur aliquod nomen eius, sed per circumlocutionem: & hoc, quia indignum erat nominari, quod nomen alterius nolebat conseruare: à fortiori autem fieret in fratribus defuncti nolentibus suscitare semen eius; quia in illis lex ponebat penam: in cognatis autem non: & tamen cognati nolentis suscitare semen defuncti supprimebatur nomen. A fortiori ergo fratrum nolentium suscitare semen defuncti supprimeretur nomen: & iam non vocaretur nomine suo, sed discaicati, & domus vel progenies eorum denuo discaicatorum.

Domus discaicati in Israel quare vocabatur.



*An mulier sputa in viri faciem, vel in quem conijciebat.*

*Quaest. LXII.*

**Q**VAERETVR vltius circa sputa, quæ mulier conijciebat, an in faciem viri, vel in quo conijceret. Respondet Rabbi Salamon, quod mulier spuebat in faciem viri illius, idest coram eo, quasi detestans eum, sicut dicimus aliqua fieri in facie alicuius, idest eo vidente, vel præsente. Rabbi Aben Ezra dicit, quod mulier spuebat in calciamento, quod tollebat de pede viri: litera autem nostra vult, quod mulier spueret super faciem viri, quia ponitur in accusatiuo, & significat terminum. Aliqui dicunt, quod non potest stare positio Rabbi Salamon: nam ad hoc, quod intelligeretur, quod præsente viro vidente spuebat mulier: oportebat, quod poneretur in ablatiuo, & diceretur in facie, idest coram illo. & tamen ponitur in accusatiuo, & significat ad terminum, ad quem sputa terminabatur. Dicendum tamen, quod ista non est plena probatio: nam licet in Latino sermone sit iste modus arguendi conueniens, in Hebraico tamen sermone non priuatur ista differentia regiminis, vel exigentia dictionum: nam in Hebreo non sunt casus, nec determinatæ inflexiones nominum, & verborum: sed sunt quædam dictiones præpositionales, quæ additæ nominibus significant quandam habitudinem casualem: sicut sunt in vulgari nostro quædam habitudines casuales, & tamen non potest per eas tanta distinctio fieri, quod dubium totaliter tollatur, quia aliquæ propositiones apud Latinos variè significant, ideo varijs casibus deferuiunt: sicut (in) quæ aliquando signat in quo, & aliquando in quem: sic est alia apud Hebræos, scilicet be, vel ba, vel bu, siue bi: & tamen non possunt isti interdum ordinari cum accusatiuo, & aliquando cum ablatiuo, ut interdum signent in quem, & interdum in quo: ideo dicendum, quod ista ratio non conuincit Hebræos, vel simpliciter sic debere intelligi, sed solū probat, quod Beatus Hieronymus intellexerit, quod sputum debebat proijci in faciem viri, & non coram illo, quia aliàs dixit in facie, & non in faciem. Aben Ezra autem dixit, quod expui debebat in calciamento, & hoc procedit ex varietate relatiui: quia dicitur in facie eius, & particula in eius, potest referri ad virum, vel ad calciamentum: ita quod facies calciamenti vocetur pars superior eius, & posterius calciamenti sit ipsum, quod tangit pauimentum. Sed iste modus loquendi non est conueniens, quia etiam ex modo loquendi non damus faciem in calciamento, nec assignamus ante, & retro, cum non sit res animata, vel habens virtutem magis in vna parte quàm in alia. Ideo dicendum est, quod spuebat mulier in faciem viri, sicut vult scriptura, & hoc rationabilius est, quia hic agit scriptura de pena, & ignominia huius, qui nolebat suscitare semen defuncti, & maxima ignominia erat, quod spueretur in faciem eius, ideo credendum est, quod in faciem eius spuebat potissimè, quia litera, siue Hebræa, siue Latina potest hoc magis significare quàm aliquid aliud.

*Quomodo dixit cognatus Booz ad eum, cedo iuri propinquitatis.*

*Quaest. LXIII.*

**Q**VAERETVR vltius, quando dixit cognatus Booz ad eum: cedo iuri propinquitatis, quid cessit, & an cedere potuit id, quod dixit se cessisse: nam agebatur ibi de onere subeundo, & licet posset quis utilitatem suam renuere, tamen onera sua iubrer fugere non licet ei. Dicendum, quod duo erant, quæ cedebat nunc, vel cedere poterat cognatus Booz: nam

**A** dixit, cedo iuri propinquitatis: & nomine propinquitatis intelligebantur duo, scilicet ius suscitandi semen: nam competebat fratribus, & alijs cognatis hoc ius: extraneis autem non competebat, ut declaratum est supra in quadam quæstione. Secundum ius cedendi erat in hereditate defuncti, & istud competebat cognatis secundum gradum suum propinquitatis, ne transiret possessio de familia in familiam. Istis duobus iuribus cessit Booz cognatus suus: nam nullum istorum pertinebat ad Booz, si voluisset cognatus suus uti utroque: nam suscitare semē defuncti ad cognatum Booz prius, & immediatè pertinebat quàm ad ipsum Booz, ideo Booz petiuit ab eo, quod acciperet Ruth in uxorem: & etiam quando Ruth petiuit à Booz, quod acciperet illam in uxorem, dixit ei: est alius me propinquior, qui si te accipere voluerit benè actum est, sin autem ego sine dubio te accipiam, præcedenti cap. De secundo iure patet, quia quando Booz voluit redimere possessionem venditam à Noemi iure propinquitatis, prius requisit cognatum suum, an ille eam emere vellet, ut patet supra in litera: & aliàs non ausus esset loqui in hoc. cognatus autem Booz dicens, cedo iuri propinquitatis: utrique iuri cessit. Quod patet, quia utrumque accepit Booz: nam ipse accepit Ruth in uxorem ad suscitandum semen defuncti: etiam ipse accepit omnes possessiones, quæ fuerunt Elimelech, Mahalō, & Chelion defunctorum, ut patet in litera, & tamen nullum istorum poterat accipere sine permissione cognati sui, cum utrumque pertineret ad illum, ut supra declaratum est, ergo utrique iuri renunciavit: & tamē directè renunciavit soli iuri suscitationis: indirectè autem, scilicet per necessitatem annexionis renunciavit iuri successionis in hereditate: quod patet, quia quando Booz dixit cognato suo, an vellet redimere possessionem, quam vendiderat Noemi, dixit ille, ego quidem agrum emam, & tunc dixit ei Booz, quando acceperis possessionem de manu Noemi, accipies etiam Ruth Moabitidem ad suscitandum semen defuncti: hoc autem recusauit cognatus Booz dicens, quod nolebat delere posteritatem familiæ suæ, ut patet in litera. Et quia ista duo erant annexa, ut sonant verba Booz, ut patet in litera, & declaratum est supra in quadam quæstione, renunciavit ille utrique iuri propter alterum ipsorum.

**Qui respondit:** Cedo iuri propinquitatis: neque enim posteritatem familiæ meæ delere debeo. Tu meo utere privilegio, quo libenter carere profiteor. Hic autem erat mos antiquitus in Israel inter propinquos, ut si quando alter alteri suo iuri cedebat, ut esset firma concessio, solvebat homo calciamentum suum, & dabat propinquo suo. Hoc erat testimonium cessionis in Israel. Dixit ergo propinquo suo Booz: Tolle calciamentum. Quod statim soluit de pede suo.

*Qui respondit.* Hic ponitur secundum huius partis, scilicet citati responsio, in quo renunciat iuri suo, & dicitur. *Qui respondit:* cedo iuri propinquitatis. Quasi dicat, mihi competit iure propinquitatis suscitare semē defuncti, & succedere in hereditate eius, & tamen cedo tibi istud ius, quia nolo uti eo. An verò posset tali iuri



iuri cedere tacitum est præcedenti quæstione: & non fuit declaratum, sed declarabitur infra in quadam quæstione: *Nec enim posteritatem familie meæ delere debeo.* Ita est causa quare cessit iuri suo, scilicet quia nolebat suscitare semen defuncti, scilicet ne deleteret posteritatem suam: quasi dicat, quod suscitando semen alterius suam progeniem debebat. Sed quomodo hoc fiet, declarabitur in sequenti quæstione. *Tu meo vtere privilegio.* Quasi dicat, privilegium meum erat, eo quod eram propinquior, quod possem suscitare semen defuncti, & succedere in hereditate eius ante alios cognatos, tamen nolo vti isto privilegio, sed concedo tibi, quod vultis. *Quo me libenter carere profiteor.* Id est, ego confiteor coram toto populo, quod renuncio tibi istud privilegium libenter, quia ego nolo habere illud, ut firmior videatur ista cessio, nec putetur, quod violenter, vel per fraudem, vel aliâs indebitè facta sit. *Hic autem erat mos antiquitus in Israel.* Istud ponitur ad ostendendum quare calciamentum soluit de pede suo cognatus Booz, scilicet quod erat consuetudo sic in Israel, quod fieret sic quando cunque fiebat aliqua cessio. *Inter propinquos.* Scilicet, ista consuetudo solum erat inter propinquos: ideo si quis alicui extraneo cederet, aut donaret, aut vèderet, non soluebat calciamentum de pede. *Ut quando alter alteri suo iuri cedebat.* Istud est in iuribus propinquitatis sicut hic, & in similibus: nam in alijs cessionibus non fiebat. *Ut esset firma concessio.* Id est, ut significaretur esse firma, vel ut esset firma, scilicet quod fortè sic statutum erat, vel consuetum: quod dato, quod aliqua cessio fieret, non valeret si non observaretur ista caremonia discalciationis. Sicut etiam nunc in iure humano quædam solennitates observantur in quibusdam contractibus, & actibus, quæ si non seruentur, non tenet actus. *Solvebat homo calciamentum suum, & dabat proximo suo.* Scilicet ille, qui cedebat iuri, solvebat calciamentum suum de pede, & dabat illud proximo suo, scilicet ei, cui cedebat: & istud erat in possessionem, vel quasi possessionem iuris positum, sicut possessio, vel quasi possessio iurium corporalium, vel spiritualium traditur per aliquas caremonias exteriores apparentes. Et hic non solvebat aliquis alius calciamentum de pede cedentis iuri suo, sed ipse solvebat: & tamen in cessione nolentis suscitare semen fratris sui, mulier solvebat calciamentum de pede eius: Deutero vigesimo quinto. Ratio autem differentie assignabitur infra in quadam quæstione. *Hoc erat testimonium concessionis in Israel.* Id est, cessionis iuris, vel donationis, scilicet, per istud probabatur ius concessum, vel translatum in alterum, & si quis non probaret de ista datione calciamenti, non probabat sufficienter sibi donatum, vel concessum ius à cognato suo. *Dixit ergo propinquo Booz: tolle calciamentum.* Id est, dixit Booz cognato suo, tolle calciamentum de pedibus tuis. *Et da mihi.* Ad reddendum causam, quare Booz istud petiuit fuerunt introducta omnia præcedentia. Nam cognatus Booz dixerat Booz, quod nolebat gaudere privilegio propinquitatis, sed quod concedebat illud Booz, ideo Booz, ut esset concessio firma petiuit à cognato suo secundum consuetudinem regionis, quod solueret calciamentum de pede, & daret sibi ad probationem istius cessionis. *Quod statim soluit de pede suo.* Scilicet, cognatus Booz nolens vti privilegio propinquitatis, statim soluit de pede suo calciamentum, & dedit illud Booz, nec in hoc ostendit aliquam difficultatem, quia libenter carere volebat hoc privilegio, ut patet supra in litera.

Mod' cessionis iurium, propinquitatis apud Hebræos.

Quomodo est verum, quod quis suscitando semen defuncti debebat posteritatem suam.

Q. est. LXIII.

**Q**VAERETVR circa prædicta, cum cognatus defuncti, dixit: nec enim posteritatem familie meæ delere debeo. Quid intellexit per hoc. vel quomodo est verum, quod suscitando semen defuncti debebat posteritatem suam. Quidam Hebræi respondent, quod debebat posteritatem suam quantum ad filios, quos susciperet de Ruth, quam nunc acciperet in uxorem, & hoc quia Ruth erat Moabitica, & Moabitæ non debebant intrare in ecclesiam domini in æternum: Deuter. 23. Scilicet, non poterant habere aliquam dignitatem inter Israelitas, qui vocantur ecclesia domini, id est congregatio Dei: dato quod converterentur ad Iudaismum, vel quod nunquam possent accipere uxores de Israelitis. Quocumque autem modo intelligatur, videbatur deleta posteritas Moabiticæ, quæ converteretur ad Iudaismum. Sed dicunt alij Hebræi, & etiam Nicolaus, quod hoc non stat, quia non prohibentur intrare ecclesiam domini Moabitides, scilicet feminae Moabitarum, sed ipsi Moabitæ masculi: quod patet, quia aliâs Ruth non potuisset accipi in coniugem ab aliquo Israelita, & tamen legitime accepta est, de quo infra dicitur in quadam quæstione: Sed ad huc non stante hoc, melius dici potest, quod dato, quod intelligeretur de feminis, quod non intraret in ecclesiam domini, non propter hoc deleteretur posteritas Booz quantum ad illos, quos gigneret ex Ruth, quia filij non sunt de progenie matrum, sed de progenie patrum, vel avorum: ideo licet Ruth esset Moabitica, filij, quos ex ea gigneret, essent Iudæi, & non Moabitæ, & sic non extenderetur quantum ad illos prohibitio, scilicet, Ammonites, & Moabites non intrabunt in ecclesiam domini. Sed intelligitur hoc de ipsis Moabitibus, qui converterentur ad Iudaismum, vel de natis ab eis, quod non intrarent in ecclesiam domini in æternum. Nicolaus autem dicit aliter, scilicet quod dicebatur iste delere posteritatem suam, scilicet quod si susciperet filios ex Ruth, non tantum curaret de filiis, quos ex alia uxore susceperat, & sic viderentur illi deleti: sicut dicitur de aliquo si habet damnum, quod destructus est. Iste modus tamen loquendi nimis alienus est à litera, scilicet quod isto modo suscitando semen defuncti deleteretur posteritas: quia non solum deleteretur posteritas, sed etiam quodcumque, aliquis Iudæus haberet uxorem, & superinduceret aliam, ex qua posset filios gignere: vel si habuisset unam, & defuncta illa, acciperet aliam, & ex utraque filios gigneret: & tamen nullus sic dicit, quod delet posteritatem suam accipiendo secundam uxorem, ergo non intelligitur sic. Item dato, quod quis accipiendo filios ex secunda uxore, non tantum curet de primis, sicut curaret de eis si eos solos haberet, non dicitur delere posteritatem suam, quia omnes sunt filij eius, & posteritas sua per omnes illos reparatur: ideo si nihil aliud obstat non est modus, quo iste diceretur delere posteritatem suam. Dicendum, quod hoc intelligitur per talem, quia iste cognatus Booz quantum ad aliquos filios deleteret posteritatem suam: nam si susciperet filios ex Ruth, cum illi essent ad suscitationem feminis Mahalon defuncti, oporteret, quod aliquis, vel aliqui illorum ascriberentur mortuo, & non genitori eorum: & quantum ad illos periret posteritas eius, quia illi non computarentur de stirpe patris sui, sed de stirpe mortui, & ita essent illi filij tanquam deleti essent, vel nunquam geniti. Sic patet Deuter. 25. cum dicitur, quod qui suscitaret seminem defuncti vocaretur primogenitum, quæ gigneret, nomine defuncti: & sic reputabatur ille filius defuncti, & de progenie eius, & hoc vere intedit cognatus Booz. Et iste modus est proprius intelligendi posteritatem alicuius deleri.

Nicolaus refellitur.



*An omnes filij, quos gigneret suscitans semen pertinerent ad defunctum; vel solus primogenitus.*

*Quest. LXV.*

**Q**VAERETVR vltcrius circa hoc, cum aliquis suscitaret semen defuncti: an omnes filij, quos gigneret pertinerent ad defunctum, vel solus primogenitus. Aliquis dicet, qd solus primogenitus: quia Deuter. 25. dicitur, qd suscitans semen defuncti vocaret primogenitum, quem gigneret nomine defuncti: si tamen de omnibus intelligeret, non expressisset solum de primogenito. Aliqui dicunt, qd omnes filij nati a defuncto suscitante semine defuncti ascribebantur ipsi defuncto.

Prima rō  
ex aduerso

Quod patet ex eo, quod dixit scriptura de Onan filio Iudæ Gen. 38. ca. f. qd ille sciens filios non sibi nasci, sed fratri suo, semen fundebat in terram: ergo non solum de primogenito, sed etiam de omnibus intelligebatur, vel saltem de multis, quia dixit filios. Secundò patet, verbis cognati Booz hic, f. nec enim posteritatem familie meæ delere debeo, f. vt suscitem semen defuncti. In quo innuit, qd peribat posteritas sua, f. non continuabatur, si suscitaret semen defuncto, & tamen si solus primogenitus ascriberetur defuncto: poterat per alios continuari progenies ipsius suscitantis semen, & non diceret deletam esse posteritatem suam, & tamen dixit, qd ex hoc debebatur posteritas sua. ergo omnes filij eius ascribendi erant defuncto. Respondendum, qd suscitans semen defuncti, aut susceperat aliquos filios ex aliqua vxore antequam suscitaret semen defuncto, aut non. Si aliquos prius genuerat, manifestum est, qd illi non poterant pertinere ad defunctum, eo qd illi non erant nati de vxore defuncti, & tamen semen defuncti ex illa solum erat suscitandum. Item, quia tunc posset accidere, qd isti filij, quos susceperat suscitans semen ex alia vxore, nati essent viuentem ipso defuncto, & sic manifestum est, qd non poterant ei ascribi, quia suscitatio seminis defuncti fiebat quantum ad illos, qui nascebantur post mortem ipsius defuncti, ideo isti nullo modo pertinebant ad defunctum, sed ad patrem suum: & per istos continuaretur posteritas suscitantis semen defuncti, & facerent isti aliam lineam progeniei quam filij pertinentes ad suscitationem seminis. Si autem non habuisset suscitans semen alios filios, antequam inciperet suscitare semen defuncti, aut accipiebat aliquam aliam vxorem, vel tenebat iam illam præter vxorem defuncti, aut non. Si autem aliam accipiebat, dicendum qd manifestum est quantum ad filios, quos ex illa susceperet, qd illi non pertinebant ad suscitationem seminis defuncti: eo qd suscitatio solum fiebat de filiis natis ex vxore defuncti propter rationem assignatam supra in quadam quæstione, qua quærebatur, quare vxor defuncti erat necessaria ad suscitationem seminis, & per filios susceptos ab ista continuaretur linea progeniei suscitantis semen: alij autem qui susceperentur de vxore defuncti pertinerent ad suscitationem seminis, & per illos continuaretur linea defuncti, & in istis casibus non est aliquod dubium, nec debebatur progenies suscitantis semen defuncti. Si autem non habebat aliam vxorem, nisi vxorem defuncti, vel dato, qd haberet aliam, non susceperat filios ex illa: manet tunc dubium, quia si omnes filij nati de vxore defuncti pertinerent ad progeniem defuncti non essent aliqui, per quos continuaretur progenies suscitantis semen. Dicendum ergo videtur, qd non pertinebant ad defunctum omnes filij nati ex vxore sua, sed solum primogenitus, & hoc si ille perueniret ad statum, vt acciperet vxorem, ita vt defunctus non diceretur mori sine semine. Si autem non perueniret ad illud tempus, substituebatur aliquis de fratribus eius ex ipsa vxore

**A** defuncti, qui computaretur de progenie defuncti, & reliqui pertinebant ad suscitantem semen. Istud patet, quia ista suscitatio seminis non erat, nisi vt non deleteretur nomen defuncti, si maneret sine filiis: & tamē qd vnus filius, f. primogenitus ascriberetur defuncto sufficiebat ad hoc, qd non deleteretur semen eius, & nomen: ideo alij non computarentur de stirpe defuncti, sed suscitantis semen. Secundò patet, quia Deut. 25. dicitur, qd suscitabit frater defuncti semen, & primogenitum illius nomine defuncti appellabit. Si tamen scriptura voluisset ascribere defuncto omnes alios, qui nascerentur ex vxore sua, non solum disposuisset de primogenito, sed etiam de omnibus aliis: & tamen de solo primogenito disposuit: ergo videtur, qd solum primogenitum sibi ascribere voluit. Tertiò patet, quia non conueniebat intentioni legis, qd alius ascriberetur mortuo nisi primogenitus natus per suscitationem seminis, quia lex vult quasi fingere, qd iste natus ex vxore defuncti sit filius defuncti, & nascatur ex semine defuncti relicto in vtero vxoris sui, quod tamen per se non potuit viuificari, nisi ab altero adiunaretur, & ad hoc venit frater defuncti, qui dicitur suscitare semen defuncti, id est viuificare illud non tanquam nouum semen adhibens, sed antiquum viuificans, & tamen hoc non potest competere nisi primogenito per suscitationem seminis, quia primogenitus ex vxore defuncti poterat aliquo modo fingi natus ex semine defuncti: alij autem posteriores non, eo qd cum nascerentur alij, iam esset euacuata virtus seminis defuncti: primogenitus tamen ex suscitatione seminis censebatur tanquam posthumus filius defuncti: eo qd primus post mortem patris ex vxore sua nascebantur, ideo illi soli competebat hoc. Quartò patet, quia si omnes filij nati ex vxore defuncti per suscitationem seminis pertinerent ad defunctum, deleteretur progenies suscitantis semen. Et istud erat valde inconueniens pp duo: ideo non pertinebant omnes filii ad defunctum. Primum istorum est, quia dando primogenitum defuncto, & omnes alios suscitanti semen, non periret nomen alicuius, f. quia nomē defuncti conseruaretur per primogenitum, nomen autem suscitantis semen per alios filios: dando autem istos omnes defuncto, deleteretur nomen suscitantis semen, dum non haberet filium, per quem continuaretur progenies sua: & tamen quando duæ sententiæ sunt, & ad vnā sequitur aliquod inconueniens, & ad aliam nullum: tenenda est illa, ad quam non sequitur inconueniens. Secundum est, quia dato aliquo casu, in quo necesse esset, perire semen alicuius, scilicet defuncti, vel viuentis: potius deberet perire semen mortui, qui nullum semen genuerat: quam viuentis, qui gigneret filios non sibi, sed alteri: quia tunc grauarentur viuentes, vt releuarentur mortui, quod est valde inconueniens. Nam qd deleatur nomen defuncti, qui nullum semen reliquit, non grauatur, quia nullus eum grauatur, sed sibi imputandum est, quia ipse neminem genuit. Quod autem viuens cogeretur gignere filios, qui pertinerent ad stirpem defuncti, erat manifestum grauamen, quia ipse genuerat filios, per quos continuaretur linea progeniei suæ, & qd illi pertinerent ad defunctum, & per hoc ipse non haberet aliquos, per quos linea sua continuaretur, priuaret eum posteritate sua sine culpa, quod erat grauamen manifestum: ideo potius permitteretur mortuus sine semine, quam viuens, & tñ viuens maneret sine semine, & nomine, si non pertineret ad eum quisquam de filiis, sed omnes ad defunctum, ideo nō pertinebant omnes ad defunctum, sed solus primogenitus, vel vnus eorum: & tamen iste debebat esse potius primogenitus quam aliquis aliorum, eo qd ipse poterat censerī tanquam posthumus de-

Quando  
sunt duæ  
sententiæ,  
& ad vnā  
sequitur  
aliquod in-  
conueniens  
ad aliam,  
nullū, te-  
nenda est  
secunda.



Ad rōnem  
primam  
diuersum.

Ad 2. ra-  
tionem.

defuncti, quod non compete-  
bat alicui aliorum. Etiam  
illi non poterant videri sic  
pertinere ad semen defun-  
cti, sicut primogenitus. Ad  
primam rationem in con-  
trarium de Onam, de quo dicitur,  
q̄ sciebat filios non  
sibi nasci, sed fratri suo:  
dicendum q̄ non intelligitur  
per hoc, q̄ omnes filij Onan,  
qui ab eo nascerentur per-  
tinerent ad fratrem suum  
mortuum, sed solum pri-  
mogenitus, & tamē ille  
vocabatur filij pluraliter:  
quia forte nesciebat, an alios  
filios habiturus esset, & sic  
primogenitus esset omnes  
filij sui. & tunc omnes  
filij sui pertinerent ad  
defunctum. Secundò potest  
dici, q̄ primogenitus vocatur  
filij pluraliter propter  
dignitatem. Nam per  
primogenitum computabatur  
primogenies patris, & ille  
succedebat patri in maiori  
parte substantiæ quàm  
cæteri, vt patet Deut. 21.  
& multas alias prærogati-  
uas habebat super cæteros  
filios, de quibus declaratum  
est Gen. 25. & magis 1. Paralip.  
5. Ad secundam rationem  
dicendum, q̄ non erat  
necessè, q̄ si aliquis susci-  
tabat semen alterius, q̄  
deleteretur progenies sua,  
sicut supra declaratum  
est: & sic licet iste cognatus  
Booz accepisset Ruth in  
vxorem ad suscitandum  
semen defuncti, non  
deleteretur posteritas eius.  
Nam manifestum est, q̄  
si ipse haberet filios ex  
alia vxore saltē quantum  
ad illos non deleteretur  
posteritas eius, quia illi  
non pertinebant ad  
defunctum. Etiam dato,  
q̄ non habuisset aliam,  
poterat de nouo accipere  
illam, & ex illa gigneret  
filios, qui pertinerent  
ad progeniem suā. Nec  
erat aliquod dubium de  
istis, vt supra declaratum  
est. Dixit tamen, q̄  
deleteretur posteritas  
sua, quia ipse non  
habebat alios filios, &  
putabat, q̄ fortè nō  
acciperet filios nisi ex  
vxore defuncti, & tunc  
primogenitus pertineret  
ad defunctum, licet  
postea geniti pertinerent  
ad ipsum, vt supra  
declaratum est. & tamen  
primogenitus erat ille,  
per quē deriuabatur  
præcipuè progenies  
cuiuslibet, & ille  
succedebat in duplici  
parte hereditatis: Deut.  
21. & etiam succedebat  
in dignitate paterna,  
Gen. 49. & 2. Paralip.  
21. vbi constituitur  
aliquis in regem, quia  
erat primogenitus, ideo  
perdendo illum, quia  
transibat in progeniem  
defuncti, videbatur  
deleteri posteritas sua,  
i. illud, in quo  
principaliter, & dignius  
posteritas sua conseruanda  
erat. Secundò potest  
dici, q̄ debebatur  
posteritas istius, i. quædam  
pars eius: nam  
necessè erat, quod  
saltem vnus de filiis  
suscitantis semen  
ascriberetur defuncto,  
& dato, quod ille  
non esset primogenitus,  
sed quicumque alius,  
quantum ad illum  
deleteretur posteritas  
suscitantis semen:  
quia ille non  
computabatur de  
progenie sua: non  
tamen debebatur  
omnino.

Quid si suscitans semen acciperet solum vxorem defuncti,  
& gigneret ex ea vnicum filium.

Quæst. LXVI.

**Q**VAERETVR vterius, quid si  
suscitans semen acciperet  
solum vxorem defuncti, &  
gigneret ex ea vnicum  
filium: nam tunc esset  
magnum dubiū: quia  
si iste ascriberetur  
defuncto, maneret  
suscitans semen sine  
semine, & deleteretur  
nomen illius: si autem  
ascriberetur viuenti,  
maneret mortuus sine  
semine, & periret  
nomen eius. Aliqui  
dicunt, quod iste  
primogenitus, qui vnus  
erat, ascribendus erat  
defuncto: quia Deute.  
25. dicitur, quod  
primogenitum vocaret  
suscitans semen nomine  
defuncti, ideo siue  
alius nasceretur siue  
non, cum iste esset  
primogenitus, necesse  
erat ad implendam  
legem, q̄ defuncto  
ascriberetur, & sic  
maneret viuens sine  
semine. Secundò  
patet, quia si dato  
casu isto primogenitus  
pertineret ad  
suscitantem semen,  
defunctus maneret  
sine semine, & fieret  
inutiliter suscitatio  
seminis: lex tamen  
nihil iubet  
inutili-

**F**ter fieri, ideo debebat  
primogenitus iste  
pertinere ad defunctum.  
Alij dicunt in  
contrarium, q̄  
pertinebat iste  
primogenitus ad  
suscitantem semen,  
quia si pertineret ad  
defunctum, maneret  
suscitans semen sine  
semine, & deleteretur  
nomen illius, & istud  
erat valde graue, si  
q̄ haberet iste filium,  
per quem posset  
continuari progenies  
illius, & priuaretur  
illo ascribendo eum  
defuncto, vt  
continuaretur  
progenies defuncti  
per eum: nam sine  
culpa priuabatur iure  
posteritatis, & debe-  
batur nomen eius.  
Quod autem deleteretur  
nomen defuncti non  
erat grauamen, licet  
esset pēna, quia ipse  
mortuus fuerat sine  
liberis, & nemo  
priuabat eum po-  
steritate, nisi Deus,  
ideo non deberet  
viuens priuari po-  
steritate, vt  
defunctus illam  
haberet. Responden-  
dam ad istud dubium,  
quod non apparet  
determinatio huius  
satis ex lege: sed  
videtur dicendum,  
quod iste primogenitus  
vnus succedebat  
defuncto, & etiam  
viuenti. De  
defuncto patet, quia  
lex iusserat, q̄  
succederet  
primogenitus  
defuncto in  
suscitatione  
seminis: Deut. 25.  
& tamen etiam  
succedebat  
viuenti, quia  
habebat  
possessiones eius,  
cum esset  
filius, & nullum  
aliū haberet  
successorem. Sed  
tunc est dubium,  
cuius cognationem  
nominaret, an  
defuncti, vel  
viuentis, cum  
non posset  
nominare duas.  
Dici potest,  
quod poterat  
nominare duas,  
eo q̄ iste erat  
dupliciter  
filius, i. vnus  
erat filius  
legalis, & alterius  
filius verus: & sic  
nominare vnā  
cognationem  
legaliter, & aliam  
naturaliter. Sic  
patet de Obed  
filio Booz, Nā  
Booz accepit Ruth  
in vxorem ad  
suscitandum  
semen Mahalon  
defuncti, & natum  
inde vocauit  
Obed, & iste  
legaliter erat  
filius Mahalon,  
& verè filius  
Booz: scriptura  
tamen eum  
vocat filium  
Booz, vt patet  
infra in litera,  
& Matth. 1. &  
& tamen nullo  
modo vocaretur  
filius eius, nec  
poneretur in  
progenie sua,  
nisi aliquo  
modo pertineret  
secundum  
scripturam ad  
progeniem  
Booz suscitantis  
semen Mahalon.  
Credendum  
tamen est, quod  
si iste vnus  
postea gigneret  
multos, inciperent  
distingui in  
eis progenies  
duæ, i. defuncti,  
& suscitantis  
semen. Et  
rationes ex  
vtraque parte  
satis patent  
ex dictis: nam  
vtręque  
concedendæ  
sunt, i. quod  
non priuatur  
viuens  
posteritate,  
nec etiam  
defunctus  
caret illa.

Respon-  
sio ad  
quæst.

**I** Si Booz, & cognatus suus vellent accipere Ruth in vxorem,  
non ad suscitandum semen, sed alio modo, an  
possint, & quid sequeretur inde.

Quæst. LXVII.

**Q**VAERETVR vterius, quid si  
Booz noluis-  
set accipere Ruth in  
vxorem ad susci-  
tandum semen, an  
posset suscipere eam  
alio modo, & quid  
sequeretur inde.  
Dicendum, quod  
Booz, & cognatus  
suus non obligabantur  
suscipere Ruth in  
vxorem ad susci-  
tandum semen  
defuncti, quia  
obligatio ista  
solum erat in  
fratribus  
defuncti, & non  
in cognatis, vt  
declaratum est  
supra: ideo  
potuisset quilibet  
ipforum non  
accipere illam  
ad suscitationem  
seminis. Et  
tunc manet  
dubiū: si non  
acciperet eam  
aliquis eorum  
ad hoc, an  
poterat accipere  
non ad susci-  
tandum semen.  
Et dicendum  
videtur, quod  
sic generale est,  
quod quilibet  
possit accipere  
in vxorem  
quancunque  
voluerit, nisi  
lege vetitum  
sit, & tamen  
non reperitur  
vetitum, quod  
posset quis  
accipere in  
vxorem illam,  
non ad susci-  
tandum semen,  
quàm aliās  
accipere noluit  
ad istam  
suscitationem.  
Ideo dicendum  
est, quod erat  
concessum, &  
tamen tunc  
dicendum, quod  
non esset  
aliquis ordo,  
nec requisitio  
necessaria ad  
accipiendum  
Ruth in vxorem,  
scilicet, quod  
non teneretur  
Booz require-  
re cognatum  
suum, & acciperet  
Ruth priusquam  
ipse illam  
acciperet, quia  
iam non  
accipiebatur  
iure  
pro-

pinqu-



pinquiritatis, cum illud esset ad suscitandum semen: cessante autem iure propinquitatis non habebat vnus per quod alteri praeferretur, ideo non tenebatur Booz admonere cognatum suum, an vellet recipere Ruth in vxorem, cum iam essent aequales iure, sicut si ambo essent penitus extranei. Nunc autem admonuit Booz cognatum suum, quia dubium erat, an ille vellet suscipere Ruth iure propinquitatis ad suscitandum semen. Idem dicendum est de fratribus defuncti, qui coguntur suscitare semen eius, & tamen si nullus eorum voluerit suscitare semen, quilibet punietur: sic habetur Deuter. 25. & tamen non cogetur simpliciter ad accipiendum illam, & habita punitione, licebit accipere vxorem defuncti non ad suscitandum semen defuncti, & tunc cuiusque eorum licet accipere illam indifferenter, non requisito alio, sicut supra de cognatis dictum est: tamen in hoc casu non cogeatur Ruth accipere quemquam istorum in virum, nec vxor defuncti cogeretur quemquam de fratribus defuncti in hoc casu suscipere in virum, quia obligatio legis solum erat in fauorem defuncti ad suscitandum semen eius, & tamen iam cessabat istud, cum nullus de fratribus defuncti vellet suscitare semen eius, ideo non obligabatur vxor eius ad aliquid, sed erat simpliciter soluta à lege viri.

*Quid si Booz, vel cognatus accepisset Ruth in vxorem non ad suscitandum semen, quis succederet in bonis.*

*Quaest. LXVIII.*

**Q**VAERETVR vltius, quid si Booz, vel cognatus eius accepisset Ruth in vxorem non ad suscitandum semen, quis succederet in bonis defuncti, & quomodo conseruaretur nomen eius. Dicendum, quod in hoc casu non poterat nomen defuncti conseruari in progenie sua, sed necessario debeatur, cum nullus succederet ei, quia filij geniti de vxore ista defuncti non ascribebantur defuncto, sed gignenti, cum iste non suscitaret semen defuncti. De hæreditate autem defuncti dicendum, quod perueniret ad Booz, & cognatum suum, cum nulli alij essent propinqui: sicut dixit Booz supra in littera. Nam si non succederent isti, oporteret, quod transiret successio ad aliquos extraneos, & tamen Deus vetuerat istum transitum, quia nolebat, quod transirent hæreditates de tribu in tribum, vt patet Numer. 36. ideo non succederent alij: potissimè quia dato, quod isti non suscitarent semen defuncti, non incurrerant in aliquam culpam, cum lex non obligaret eos, vt declaratum est in quadam quaestione. Dicendum tamen, quod isti duo non succederent, sed alter eorum, scilicet cognatus Booz. Nam ius propinquitatis continebat duo, scilicet potestatem suscitandi semen, & ius succedendi, vt declaratum est supra, & colligitur aliquantulum ex littera: & erant ista duo iura distincta, quia poterat vnum haberi non vtendo alio, sicut voluit cognatus Booz, & tamen si vnus vellet suscitare semen, dato quod esset minus propinquus, habebat successionem in bonis, & non poterat magis propinquus gaudere tunc iure successionis non suscitando semen: sicut factum est in Booz & cognato eius, vt patet in littera. Erant tamen ista iura distincta, ita quod si nullus eorum vellet suscitare semen, manebat ius successionis in hæreditate: & contingeret ei, qui propinquior erat. Et patet hoc magis, quia quando Booz locutus est de redemptione possessionis, quam vendiderat Noemi, respondit cognatus eius, quod volebat iure propinquitatis redimere possessionem, & non fiebat tunc adhuc mentio de suscitatione seminis, & sic putabat ille, quod poterat

**A** gaudere iure redemptionis, & successionis non suscitando semen: ideo cum cognatus Booz esset propinquior, ei soli competebat ius succedendi in tota hæreditate defunctorum. Et hoc patet, quia ille volebat redimere agrum, quem vendiderat Noemi, & redemisset eum, nisi quia obiecit ei Booz, dicens: quando acceperis possessionem de manu mulieris, Ruth Moabitidem accipies in vxorem ad suscitandum semen defuncti, & tunc ille noluit vt aliquo istorum priuilegiorem, dicens, quod vteretur illo Booz. Idem dicendum de fratribus defuncti, si nollet aliquis eorum suscitare semen defuncti, etiam si esset vltimus fratrum succedebat in hæreditate defuncti alijs nolentibus suscitare, vt patet ex similitudine Booz, & cognati sui, vbi minus propinquus successit in hæreditate, eo quod ille voluit suscitare semen defuncti alio nolente, & tamen cum nullus vellet suscitare semen fratris defuncti, proueniebat ius succedendi propinquiori si aliquis esset, & tamen nullus erat in hoc casu, cum fratres sint inter se in eodem gradu attinentiæ: ideo omnes æqualiter succederent, & non obseruabatur aliqua inæqualitas in succedendo, quia secundum legem non reperitur alia inæqualitas, nisi in primogenito filio respectu minorum in hæreditate paterna, quia ille accipiebat duplum quam quilibet alius Deuter. 21. & inter fratres respectu fratris non erat istud, ideo omnes æqualiter succederent: alij autem cognati in nullo succederent, cum essent in minori gradu cognationis.

*An cognatus Booz potuit cedere iuri cognationis, & an vnus frater possit cedere alteri iuri propinquitatis ad suscitandum semen.*

*Quaest. LXIX.*

**Q**VAERETVR vltius, an cognatus Booz potuit cedere iuri cognationis: nam dixit, cedo iuri cognationis, tu meo priuilegio vtere. Aliquis dicit, quod non potuit cedere, quia potest aliquis cedere eis, quæ introducuntur in fauorem suum, sed non eis, quæ sunt in suum præiudicium, vel obligationem, quia ad illa cogitur: & tamen ius propinquitatis erat quantum ad aliquid onus, & non honor, scilicet, quia obligabatur suscitare semen defuncti, vel saltem suscitabat, in quo aliquo modo debeatur posteritas suscitantis semen: sicut dixit cognatus Booz, scilicet, nec enim posteritatem meam delere debeo: ideo non poterat cedere huic iuri. Item istud ius non erat introductum in fauorem viuientium, sed defunctorum, vt nomina eorum non perirent, & tamen non potest quis renunciare iuri, quod in fauorem alterius introductum est, cum non possit quis alteri præiudicare: ergo non licebat huic cedere isti iuri. Respondendum, quod potuit iste cognatus Booz cedere iuri propinquitatis. Nam cessit de facto, & recepta est ista cessio coram toto populo, & scriptura approbat illam, & innuit similes cessiones interdum fieri consuetum esse inter Israelitas, ideo licitum erat. Ad declarationem huius sciendum, quod duo includebantur in iure propinquitatis, scilicet potestas suscitandi semen, & ius succedendi in hæreditate defuncti. De primo dicendum, quod quilibet cognatus poterat cedere huic iuri, sed non fratres: quod patet, quia cognatis, qui non erant fratres defuncti licebat suscitare semen defuncti: sicut patet de Booz, & cognato suo. Nam Booz suscitauit semen Mahalon defuncti, & tamen non erat frater eius, sicut declaratum est supra, non tamen obligabantur cognati, qui non erant fratres ad suscitandum semen defuncti: ideo non puniebantur, si non suscitarent illud, vt patet de cognato Booz, qui non punitus est



est secundum plenam legis. Deuter. 25. licet noluerit suscitare semen defuncti, ut patet supra in litera: ideo conueniebat proprie cognatis, qui non erant fratres, cedere huic iuri, cum haberent illud, & tamen non obligarentur tenere illud suscitando semen. De fratribus defuncti secus est: nam ipsi habebant ius suscitandi semen. Etiam obligabantur ad illud, & tamen non erat obligatio simpliciter, sed sub conditione, quod si nollet subirent penam, quæ habetur Deuter. 25. & sic liberum erat cuilibet, non suscitare semen fratris subeundo penam illam, & tamen in istis non erat propria cessio iuris, cum obligarentur ipsi ad tenendum illud, & punirentur non tenendo, sed erat nolle ius. In cognato autem Booz propria cessio fuit quantum ad ius suscitandi semen: nam cum ipse non obligaretur ad suscitationem, quia non erat frater, & tamen haberet ius ad illam, liberum erat sibi cedere illi iuri. De secundo, scilicet de iure successionis, dicitur manifestius esse, quod posset cedi illi: eo quod successio erat in fauorem succedentis, & non defuncti: suscitatio autem seminis erat in fauorem defuncti, & tamen poterat cedi iuri suscitandi semen, ergo à fortiori posset cedi iuri successionis. Dicendum tamen, quod cum quis volebat cedere iuri successionis, aut volebat simul cedere iuri successionis, & suscitationi seminis, aut soli successioni. Si utrique, dicendum, quod cognati poterant inuicem cedere, cum successio esset propter suscitationem seminis, si quis renunciaret suscitationem seminis: simul renunciare poterat successioni. Si autem nollet renunciare suscitationem seminis, dicendum quod non poterat renunciare iuri successionis, quia istud cederet in præiudicium defuncti. Nam filius, qui suscitabatur defuncto habiturus erat possessionem eius, & sic dicitur hic, quod Booz volebat suscitare semen defuncti in hæreditate sua, id est, ut habeat hæreditatem defuncti, qui nasceretur ex suscitatione seminis, & istud erat, quia per hæreditatem distinguuntur progenies, sicut declaratum est in quadam questione supra: & ut sciretur, quæ esset progenies defuncti, necesse erat, quod natus de suscitatione seminis succederet in bonis defuncti: si autem posset quis suscitans semen cedere iuri successionis, tolleretur ius defuncti, scilicet, quia non posset nomen eius conservari distinctum, cum filius ei suscitatus non haberet aliquam possessionem, secundum quam faceret familiam defuncti apparere distinctam ab alijs familijs: ideo non poterat in isto casu cedere, quis iuri successionis, quia erat in præiudicium defuncti, & filij nascituri. Sic etiam non poterat quis in veteri testamento renunciare iuri de faciendo venditionem temporalem: nam dato quod quis vellet, quod res vendita immobilis nunquam rediret ad eum, non licebat ei, quia in hoc præiudicabat hæredibus suis, & legi, ut declaratum est Leuit. 25.

*Quare antiquitus, quando quis cedebat alteri iuri suo, tollebat calceum de pede, & dabat cui cedebat.*

*Quest. LXX.*

**Q**VAERETVR vltius, quare apud antiquos, quando quis cedebat alteri iuri suo, tollebat calceum de pede, & dabat illi, cui cedebat. Respondendum, quod istud fiebat in signum possessionis: Ius est nam per cessionem tradebatur quoddam ius: sunt autem iura spiritualia quamquam sint in rebus corporalibus, & non possunt tradi manifestè, quia non videntur, ideo ad ostendendum manifestè, quod tradantur, ostenditur per aliquid sensibile: & sic cum ius propinquitatis per cessionem, quod tradebatur, non pos-

set videri, ad manifestationem illius dabatur calceus: & in traditione eius dicebatur transferri ius, quod cedebatur, & erat conueniens applicatio, quia sicut iste tradens spoliabat se gratis calceo suo, & dabat illum alteri, ita significabatur, quod spoliabat se iure cui cedebat, & transferebat illud in alterum: sic etiam fit in traditione ordinum: nam in quolibet ordine datur aliquod signum sensibile ipsi ordinato, per quod significatur quæ potestas sit illa spiritualis, quæ ei traditur, & ista signa sunt de necessitate collationis ordinis tantum, quod si non obseruentur, non imprimatur character, sicut si non dicerentur verba formalia requisita in quolibet ordine, & sacramento. De istis autem signis exterioribus, quæ dantur in collatione singulorum ordinum habetur per Magistrum quarto Sententiarum distinct. 24. & in Decretis distinct. 21. cap. clericos, & distinct. 25. cap. perlectis. Sic etiam in traditione possessionis aliorum iurium incorporalium sunt aliqua signa exteriora, quæ vocantur signa possessionis accipiendæ. Dicendum, quod ista disalcatio apud Iudeos solum obseruabatur in cessionibus, unde in venditione, & alijs contractibus ad ostendendum ius, quod transferebatur, non fiebat ista disalcatio. Etiam non fiebat hoc in omnibus cessionibus, sed solum quando fiebat cessio inter cognatos alicuius iuris cognationis: sic dicitur in litera, quod in Israel erat hoc consuetum, quando quis cedebat proximo suo.

Cur ordines conferantur per signa sensibilia.

*Quare Ruth non soluit calciamentum de pede cognati Booz, & non expuit in eius faciem cum nollet suscitare semen defuncti.*

*Quest. LXXI.*

**Q**VAERETVR vltius, quare Ruth non soluit calciamentum de pede cognati Booz, & non expuit in faciem eius, cum noluerit suscitare semen defuncti. Respondendum, quod verum est, quod cognatus Booz noluit suscitare semen Mahalon defuncti accipiendo Ruth uxorem illius in coniugem, & tamen non punitus est, sicut habetur Deuter. 25. Et ratio est, quia illa lex solum intelligebatur de fratribus defuncti, ut patet ibi ex verbis. & tamen Booz, & cognatus eius non erant fratres Mahalon defuncti: sed cognati eius in alio gradu remotiori, ut probatum est supra, ideo non erant puniendi, licet nollet suscitare semen defuncti. Nam fratribus licebat suscitare semen defuncti, & cogebantur sub pena legis ad hoc: alijs autem cognatis licebat istud, tamen non obligabantur sub pena legis. Ratio fuit propter maiorem obligationem, quam habent fratres inter se quam alij cognati, cum sint magis propinqui. Etiam quia secundum intentionem legis magis conueniunt illi ad suscitandum semen quam alij cognati, cum sint magis identificati defuncto: nulla pena earum, quæ habetur Deut. 25. fuit obseruata nunc in cognato Booz nolente suscitare semen.

*Quare calceus non fuit hic solutus de pede non suscitantis semen, sicut soluebatur Deuter. vigesimo quinto. Et de differentijs duodecim, quæ erant inter istam solutionem calcei, & illam.*

*Quest. LXXII.*

**Q**VAERETVR vltius, quare calceus non fuit hic solutus de pede non suscitantis semen, sicut soluebatur Deuter. 25. nam ibi non soluitur in nolente suscitare semen, & hic etiam. Respondendum, quod non

Per hæreditatem distinguuntur progenies.



non debuit solui hic calceus de pede cognati Booz, sicut soluitur Deut. 25. & ratio est, quia ibi soluitur in poenam, hic autem non. Pro quo sciendum, quod multae differentiae sunt inter istam solutionem calcei, & illam. Prima est, quia quando soluebatur calceus in poenam non suscitantis semen: mulier, quae fuit defuncti vxor, soluebat illum de pede nolentis suscitare semen Deut. 25. hic autem non soluebat mulier, sed ipsemet vir soluit illum, & dedit cognato suo Booz. Secunda erat, quia illa solutio calcei fiebat in poenam, & obprobrium nolentis suscitare semen: hic autem fiebat ad confirmationem cessionis, sicut dicitur in litera, quod erat consuetudo ista, quod solueret homo calceum de pede suo, & daret proximo, ut ostenderetur, quod firma erat cessio: unde erat ista traditio calcei traditio iuris propinquitatis, & expoliatio calcei significabat, quod tradens calceum expoliabat se iure cognationis, & transferebat illud in cognatum suum. Et ob hoc in non suscitante semen vxor defuncti tollebat calceum, ut significaretur, quod poena erat, & inferebatur inuito, cum ab altero inferretur: nam a seipso nemo dicitur proprie iniustum pati, quia pateretur volens, ut ait Aristot. 5. Ethico. circa finem, hic autem vir tollebat sibi calceum, ut significaretur, quod sponte faciebat: nam transferebat hic ius suum, & nemo cogitur suum ius transferre, sed spontanea debet esse translatio. Tertia erat, quia solutio calcei, quae fiebat Deut. 25. fiebat ex mandato legis: ista autem solutio, de qua hic dicitur, non fiebat mandato legis, sed ex consuetudine introducta inter Israelitas. Nam ad tradendum iura spiritualia, quae incorporalia, & inuisibilia sunt, debebant aliqua visibilia signa interciedere, per quae appareret, quod tradebantur illa iura, & ad hoc de consuetudine introductum fuit ab antiquo, quod cedens iuri cognationis solueret calceum de pede suo: sic dicitur in litera: hic erat mos antiquitus in Israel, ut quando alter alteri iure suo cedebat, ut esset firma cessio soluebat calciamentum de pede suo, & dabat illud proximo suo. Quarta erat, quia solutio calciamenti, quae habetur Deut. 25. fiebat solum inter fratres defuncti, scilicet, quod vxor defuncti soluebat calciamentum de pede fratris viri sui nolentis suscitare semen eius: hic autem solutio calciamenti fiebat inter omnes cognatos, scilicet, quandoque vnus alteri suo iuri cedebat. Quinta, quia Deut. 25. quando soluebatur calceus nulli dabatur, hic autem dabatur proximo suo, cui fiebat cessio iuris. Et ratio differentiae est, quia ibi fiebat solutio calcei in poenam, & obprobrium nolentis suscitare semen, ideo satis erat, quod solueretur calceus de pede suo ad significandum istam ignominiam, & non oportebat, quod alicui daretur: & tamen hic soluebat homo calceum suum, & dabat illum proximo suo: eo quod fiebat ad tradendum ius, & quia illud ius tradebatur cognato, oportebat, quod qui sibi ipsi solueret calceum, daret illum cognato ad significandum, quod transferebat in eum ius suum. Sexta erat, quia Deut. 25. non fiebat aliqua requisitio ad soluendum calceum de pede, hic autem sic: quod patet, quia vxor defuncti proprio iure tollebat calceum nolentis suscitare semen, hic autem cognatus requisivit cognatum, ut solueret calciamentum de pede suo, & daret sibi. Ratio est, quia ibi fiebat in poenam solutio calcei, & non oportebat, quod admoneretur ille, cui soluendus erat calceus, quod solueret illum, quia non erat volenti auferendus, sed inuito: hic autem cum transferretur ius per traditionem calcei, & non transferebatur ab inuito, sed a volente, oportebat, quod admoneretur a cognato, cui cedendum erat, quod solueret calceum, & tunc ipse sponte soluere illum debebat, & tradere proximo ad

faciendum cessionem. Septima differentia erat, quod ad hoc, quod fieret solutio calcei: Deut. 25. vxor defuncti admonebat fratrem defuncti, quod eam susci- peret in vxorem, & si nollet, citabat eum coram iudicibus ad portam urbis, & querebatur a viro, an vellet suscitare semen fratris sui defuncti, & si diceret, quod nollet, mulier soluebat calciamentum de pede eius: hic autem nulla talis requisitio fiebat, sed solum si conueniretur inter cognatos, quod vnus cederet alteri iure suo: dicebat ille, cui cedendum erat cedenti, calciamentum solue de pede tuo, & da mihi, & ille faciebat hoc, ut patet in litera. Octaua erat, quia ablatio calcei Deut. 25. fiebat solum quando vnus volebat suscitare semen fratris sui: hic autem fiebat etiam si non ageretur de cessione istius iuris, sed alterius cuius- cunque, cuius cessio esset inter cognatos. Quod patet, quia quando Booz primo quae fuit a cognato suo, an vellet redimere iure propinquitatis possessionem, quam vendiderat Noemi, non agebatur adhuc de sus- citatione seminis, & dixit cognatus Booz, quod vole- bat redimere possessionem. Et sicut dixit hoc, pote- rat dicere, quod cedebat iuri in fauorem Booz, & tunc tolleretur calceum de pede suo ad faciendum, quod con- cessio firma esset. Nona erat, quia quando soluebatur calceus Deut. 25. mulier spuebat in faciem viri no- lentis suscitare semen, hic autem nullus spuebat in fa- ciem alterius. Ratio differentiae est, quia ibi fiebat dis- calciatio ad obprobrium, & conueniebat ei, quod spueretur in faciem viri, cum istud esset valde magnū obprobrium, & tamen hic fiebat discalciatio ad traden- dum ius, & istud non erat obprobrium: ideo non con- ueniebat, quod expueretur hic in faciem eius, qui di- scalciabat se ad cedendum iuri suo. Decima erat, quia Deut. 25. soluto calceo mulier clamabat, dicens: sic fiet viro, qui non vult aedificare domum fratris sui. Hic autem nihil dicebatur, cum solueretur calciamen- tum. Ratio est, quia ibi fiebat ad ignominiam discal- ciatio in poenam nolentis suscitare semen, ideo ad o- stendendum, quod in poenam fieret conueniens erat, quod mulier diceret, sic fiet viro, qui non aedificat do- mum fratris sui, scilicet talis ignominia ei inferretur. Hic autem solutio calcei non fiebat ad ignominiam cuiusquam, sed ad ius tribuendum: ideo nihil tale dici debebat. Undecima erat, quia cum aliquis discalcia- batur, sicut habetur Deut. 25. vocabatur in eternum domus eius in Israel domus discalciati: cum autem a- liquis discalciaretur, sicut habetur hic, non vocabatur domus eius domus discalciati. Ratio est, quia quod vocaretur domus alicuius domus discalciati erat igno- minia poenalis, & non debet infligi poena de iure nisi pro delicto: ille autem, qui volebat suscitare semen defuncti fratris sui, delinquebat faciens contra legem Deut. 25. ideo iuste eum sequebatur poena infamiae, & tamen tradens ius suum alteri non delinquebat, sicut hic, ideo non debebat eum consequi aliqua infamia. Duodecima differentia erat, quia qui vult suscitare se- men defuncti, non discalciatur, sicut habetur Deut. 25. cum pro hoc solo illa poena infligatur, & tamen co- gnatus Booz poterat soluere calciamentum suum, & tradere Booz, sicut nunc fecit, etiam si ipse cognatus Booz accepisset Ruth in vxorem ad suscitandum se- men defuncti. Quod patet, quia ista discalciatio fiebat ad confirmandum cessionem iuris, quae fiebat, & ta- men poterat cognatus Booz cedere ei in aliquo iure, dato quod accepisset Ruth in vxorem, & tunc solueret calciamentum de pede suo, & traderet illud Booz, quia quandoque fiebat cessio inter cognatos alicuius iuris, cedens dabat calceum ei, cui cedebat, ut pa- tet in litera, & sic etiam nunc dicendum est, quod cogna- tus Booz non soluit nunc calciamentum de pede suo, quia



quia ipse non suscitabat semen defuncti, sed quia cedebatur iuri successionis in bonis defuncti, quod prius competebar cognato Booz quàm ipsi Booz, quod non poterat prouenire Booz, nisi cedente cognato suo.

At ille maioribus natu, & vniuerso populo: testes vos, inquit, estis hodie, quòd possederim omnia, quæ fuerunt Elimelech, & Chelion, & Mahalon, tradente Noemi: & Ruth Moabitidem, uxorem Mahalon, in coniugium sumpserim, vt suscitem nomen defuncti in hæreditate sua, ne vocabulum eius de familia sua, ac fratribus, & populo deleatur. Vos, inquam, huius rei testes estis. Respondit omnis populus, qui erat in porta & maiores natu: Nos testes sumus: faciat Dominus hanc mulierem, quæ ingreditur domum tuam, sicut Rachel, & Liam, quæ ædificauerunt domum Israel, vt sit exemplum virtutis in Ephrata, & habeat celebrè nomen in Bethlehem. Fiatque domus tua, sicut domus Phares, quem Thamar peperit Iudæ, de semine, quod tibi dederit dominus ex hac puella. Tulit itaque Booz Ruth, & accepit uxorem: ingressusque est ad eam, & dedit illi Dominus, vt conciperet, & pareret filium. Dixeruntque mulieres ad Noemi: Benedictus Dominus, qui non est passus, vt deficeret successor familie tuæ: & vocaretur nomen eius in Israel. Et habes, qui consoletur animam tuam, & enutriet senectutem. De nuru enim tua natus est, qui te diligit, & multo tibi melior est quàm si septem haberes filios. Suscepitque Noemi puerum posuit in sinu suo, & nutricis ac gerulæ fungebatur officio. Vicinæ autem mulieres congratulantes ei, & dicentes: natus est filius Noemi: vocauerunt nomen eius Obed: hic est pater Isai patris Dauid. Hæ sunt generationes Phares: Phares genuit Esrom: Esrom genuit Aram, Aram genuit Aminadab, Aminadab genuit Nahasson, Nahasson genuit Salmon, Salmon genuit Booz, Booz genuit Obed, Obed genuit Isai, Isai genuit Dauid regem.

1. Paral. 2.  
Matth. 1.

At ille maioribus. Hic ponitur secundum principale huius capituli, scilicet uxoris acceptio, & dicitur.

Ille maioribus natu, & vniuerso populo. Scilicet, Booz dixit maioribus natu, scilicet senioribus, & vniuerso populo, quæ sequuntur, scilicet. Testes vos estis: Postquam enim cognatus Booz transfudit ius propinquitatis in ipsum Booz, & confirmavit hoc tradendo ei calceum suum, inuocauit Booz totum populum in testes huius cessionis, & possessionis iuris, quod transferebatur in Booz, ne posset cognatus eius postea negare, quòd transfudisset istud ius. Et dicitur specialiter de maioribus natu, quia isti erant digniores, & prudentiores, & testimonium ipsorum erat firmitus. *Testes inquit vos estis hodie.* Id est, ego voco vos hodie in testes. Vel potest aduerbium hodie determinare illud verbum possederim, & iste est verior sensus. *Quod possederim omnia, quæ fuerunt Elimelech, & Chelion, & Mahalon.* Id est, quod hodie capere possidere omnia, quæ fuerunt istorum trium, scilicet, quia hodie renunciauerat cognatus eius sibi iure suo, & transferebatur in ipsum ius illud, & illico cepit possidere, vel quasi possidere illud ius, quia possessio translata est per traditionem calcei, vt supra declaratum est, vt patet in litera. Et dicitur, quòd possedit bona Elimelech, Mahalon, & Chelion, quia isti tres erant defuncti, & proueniebant ipsi Booz bona istorum per Ruth, quam in uxorem accipiebat. Erat enim Elimelech maritus Noemi, & erat pater istorum duorum, vt patet supra primo. quomodo autem prouenirent bona omnium istorum ipsi Booz, cum solum acciperet uxorem vnus eorum ad suscitandum semen, scilicet Ruth, declarabitur infra in quadam questione. *Tradente Noemi.* Scilicet, Noemi vxor Elimelech socrus Ruth, & mater Mahalon defuncti tradit mihi hæc omnia, quia penes eam manebat possessio omnium istorum bonorum. De hoc tamen declaratum est supra in quibusdam questionibus. Nam possessio istorum bonorum competebar Ruth, & etiam venditio: dicebatur tamen Noemi tradere omnia hæc, quia cum esset Ruth, sub potestate Noemi, etiam omnia, quæ pertinebant ad Ruth erant in potestate Noemi. Etiam erat hoc propter honorem, & auctoritatem, quia Noemi erat non quasi socrus, sed quasi mater Ruth: ius tamen erat penes Ruth. *Et Ruth Moabitidem uxorem Mahalon in coniugium assumpserim.* Non sumpserat ante hoc Booz Ruth in uxorem, sed nunc illam sumebat. Nam quando petiuit Ruth à Booz, quòd acciperet eam in uxorem dixit, quod non acciperet illam vsquequo videret, an cognatus suus veller illam accipere, præcedenti cap. & tamen vsque nunc non renunciauerat iuri suo cognatus Booz ad non accipiendum Ruth in uxorem, ideo non poterat ante hoc illam accipere, sed nunc nouiter accepit. Quomodo autem dicat se accepisse illam, cum nondum appareret, an illa consentiret in eum, declarabitur infra. *Vt suscitem defuncti nomen in hæreditate sua.* Scilicet, ad hoc accipio Ruth uxorem defuncti, vt suscitem nomen defuncti: nam defunctus obierat sine prole, ideo nomen suum extinguendum erat necessario, cum nomen conseruetur in posteritate, & cum Booz acciperet uxorem defuncti ad suscitandum semen eius, suscitabat etiam nomen, quia conseruaretur nomen ipsius in posteritate sua. Et dicitur. *In hæreditate sua.* Id est, in hæreditate defuncti maneat nomen eius: si enim aliquis succederet defuncto, qui non esset filius eius, nec reputaretur tanquam filius: non diceretur nomen defuncti manere in hæreditate sua, quia alius, qui non haberet nomen defuncti, haberet hæreditatem defuncti. Si autem filius defuncti verus, vel legalis succederet ei in hæreditate sua, continuaretur progenies eius per suam hæreditatem, & sic nunc volebat Booz suscitare ipsi defuncto nomen in hæreditate sua, quia volebat filios legales ei generare.

Quæst. 78.



gnere. Cuius autem defuncti nomen suscitabat Booz, si successerit in bonis trium defunctorum, ut patet in Quæst. 74. *litera, declarabitur infra. Ne vocabulum eius de familia sua ac fratribus, & populo deleatur.* Idest suscitatio seminis fiebat, ut non deleteretur vocabulum defuncti de familia sua; erat enim quilibet Israelita in aliqua familia; quia quilibet tribus diuidebatur per familias tres, vel quatuor, aut plures, vel pauciores, quarum numerus ponitur Numeri 26. & cum quis habeat aliquem successorem, per quem continuaretur progenies sua, manebat vocabulum eius in familia sua: cum verò nullus erat successor, delebatur vocabulum cuiuscunque de familia sua; & istud erat idem deleri vocabulum de fratribus suis, scilicet, quod non maneret vocabulum nec progenies defuncti inter alios, viuentes, qui erant fratres defuncti. Etiam delebatur vocabulum eius de populo suo, idest, quod non manebat iam nomen illius, nec memoria in populo suo. *Vos, inquam, huius rei testes estis.* Recipit rationem ad magis confirmandum, scilicet, rogo, quod vos sis testes huius rei, scilicet, quomodo possedi oia pertinentia ad mortuos, & accepi Ruth in vxorem. Respondit *omnis populus, qui erat in porta, & maiores natu, nos testes sumus.* Factum fuit istud in porta ciuitatis Bethlehæ, ubi conuenerat totus populus ad iudicium, quia in portis vrbiu fiebant iudicia, ut declaratum est supra, & erat ibi totus populus, & maiores natu, idest seniores: & omnes responderunt, testes sumus. *Faciatis domui hanc mulierem, quæ ingreditur domum tuam.* Hic ponitur imprecatio bonorum facta a toto populo, nam cum viderunt, quod Booz suscepisset Ruth in vxorem ad suscitandum semen defuncti, imprecati sunt bona ei pro hoc: Causa autem infra declarabitur in quadam quæstione, & est imprecatio super mulierem, & non super virum: sic enim est in benedictionibus nubentium. Et dicitur, quæ ingreditur domum tuam. *Sicut Rachel, & Liam, quæ edificauerunt domum Israel.* Scilicet: Benedicat Dominus isti mulieri multiplicando eam in prole, & prosperando eam, sicut fecit in Rachele, & Lia, a quibus processit totus Israel. Et dicitur, quod istæ edificauerunt totam domum Israel, quia ab eis nati sunt omnes Iudei, cum fuerint matres præcipue duodecim tribuum Israel: erant enim ambæ vxores Iacob, & erant sorores, de quo patet Gen. 29. & 30. Et ut sit exemplum virtutis in Ephrata. Scilicet: Deus faciat eam tantum crescere in virtute, quod sit exemplum virtutis in vrbe Ephrata, scilicet in Bethlehem: nam idem locus est, ut patet in *litera*: & imprecabantur hoc ipsi Ruth, quia constabat iam eam esse mulierem virtuosam, & perebant, quod cresceret semper in virtute: sic patet præc. cap. cum dixit Booz ad Ruth: scit omnis populus, qui habitat intra portas vrbis meæ, te mulierem esse virtutis. Et habeat celebre nomen in Bethlehem. Idest, habeat nomen famosum in Bethlehem. Est idem Bethlehem, & Ephrata, sicut multa alia loca sunt binomia, & trinomia. Et est eadem sententia cum præcedenti, vel consequens ex illa: nam virtus est de honorabilibus, vel laudabilibus, & laudatur aliquis habens virtutem, habetque nomen famosum. *Fiatque domus tua, sicut domus Phares.* Idest domus tua multiplicetur in prole, sicut domus Phares. Iste fuit filius Iudæ, & ab eodem nominata est vna familia in tribu Iudæ: & de ista erant habitatores Bethlehem, ut infra declarabitur. *Quem peperit Thamar Iudæ.* Thamar fuit nurus Iudæ, & tamen genuit ex ea Phares, & Zaram: nam accepit eam Iudas in vxorem filio suo primogenito, quo mortuo sine liberis, tradidit eam filio alteri, scilicet Onan: & ille etiam sine liberis mortuus est: promiserat autem ei dare tertium. I. Selam in virum, & cum venisset ad pu-

*In portis vrbiu anti quitus fie bat iudicium.*  
Bethlehæ, & Ephrata idem sunt

Alph. Toft. super lib. Ruth

Abertatem, & non daretur ei, Thamar fecit se cognosci a Iudæ carnaliter, cum tamen eam non agnosceret, sed putaret esse scortum, ex vno autem conu. gemellos concepit. I. Phares, & Zaram, ut patet Gen. 38. *De semine quod dederit dominus tibi ex puella hac.* Scilicet de semine, quod dederit tibi ex hac puella multiplicetur domus tua, sicut domus Phares. *Tulit itaque Booz Ruth, & accepit vxorem.* Scilicet, postquam dicta sunt hæc, tulit Booz Ruth ducendo eam in domum suam, & accepit illam in vxorem cognouitque eam.

*Quomodo dixit Booz, testes vos estis, quod acceperim Ruth Moabitidem in vxorem, & cetera.*  
Quæstio LX XIII.

QVAERETVR circa prædicta, quomodo dixit Booz: testes vos estis, & acceperim Ruth Moabitidem in vxorem: cum ipsa nondum consentiret in eum. Aliquis dicit, quod iam fortè acceperat illam in vxorem, & nunc inuocabat testes de re præterita. Dicendum, quod non stat, quod non potuit ante hoc accipere illam, dato quod vellet: nam non poterat Booz accipere Ruth in vxorem quousque consentiret cognatus eius cedendo iuri cognationis, cum ei prius cõpeteret: sic enim dixit Booz ad Ruth, ut patet præcedenti capitulo: & tamen nunc nouiter cessit ille cognatus Booz iuri propinquitatis, dicens: cedo iuri propinquitatis: ideo nō potuerat ante hoc accepisse Booz illam in vxorem. Aliquis dicit, quod acceperat Booz Ruth in vxorem, quando venit ad eum per noctem, ut patet præcedenti capitulo. Dicendum, quod non accepit illam, sed promisit accipere, si cognatus suus, qui propinquior erat, non acciperet illam: eodem capitulo: illa autem promissio non faciebat matrimonium, ut ibi declaratum est: quia si matrimonium fecisset, non esset postea in potestate cognati Booz accipere Ruth in coniugem: non ergo contraxerat Booz cum Ruth ante hoc. Ideo dicendum, quod nunc nouiter illam acceperit in vxorem. Et tunc stat ratio, scilicet, quomodo dicebat Booz, quod accipiebat Ruth in vxorem, cum non constaret ei, an illa consentiret. Aliquis dicit, quod constabat de consensu Ruth, quia licet tunc non consentiret expressè, consenserat tamen iam cum ipsa petiuit, quod acciperetur a Booz in vxorem, cum iuit ad eum nocte, præcedenti capitulo. Dicendum, quod ille consensus non proficiebat, quia tunc licet consentiret Ruth in Booz, non consensit Booz in Ruth: ideo non fuit matrimonium, quia nō fuit consensus mutuus: nunc autem licet consentiret Booz in Ruth, non apparebat, an consentiret Ruth in Booz, quod necesse erat: quia consensus ad hoc, quod mutuus sit, in eodem tempore esse debet, & debet constare cuilibet contrahentium, quod alius consentit in eum, ut significet se consentire: & nunc non apparet, quod sic esset hic, ideo non contrahabatur per hoc matrimonium. Dicendum ergo, quod Booz dixit, testes estis, quod acceperim Ruth in vxorem, & non requisivit consensum eius: quia ad hoc, quod matrimonium contraheretur nunc inter eos nō requirebatur consensus mulieris, sed solius Booz, eo quod cogeatur mulier tenere Booz in virum si ille vellet eam tenere in vxorē: nam cum moriebat quis sine liberis, nō licebat vxori suæ nubere alteri quousque fratres defuncti, & alij, qui poterant suscitare semen defuncti recusarent eam suscipere, ut patet Deutero. 25. & si alium quemquam illa mulier prius acciperet in virum, vel fornicaretur cum eo, poterat accusari de adulterio, ut patuit in Thamar, quæ erat vxor mortui, & suscitaturus erat ex ea frater defuncti semen: & antequam illam acciperet in vxorem, reperta est prægnans, & iussa est cremari, nisi

*Responsio ad quæstum.*

N n quia



# Ruth

Cap. IIII.

quia ipsa se iustificauit, Gen. 38 ideo non oportebat, q̃  
Booz peteret consensum Ruth, sed eo ipso, q̃ ipse vo-  
lebat eam accipere in vxorem ad suscitandum semen  
defuncti, erat vxor eius.

Quomodo hic dicitur, & Booz accepit omnia, quæ fuerant Elimelech, Chelion, & Mahalon, ad suscitandum semen defuncti.

Quæst. LXXIIII.

**Q**VAERETVR vltius, quomodo dicitur hic, q̄ Booz accepit omnia, quæ fuerant Elimelech, Chelion, & Mahalon, & Ruth ad suscitandum semen defuncti. Quia videtur, q̄ solum debuisset accipere bona, quæ fuerant Mahalon: nam Booz succedebat in omnibus istis propter suscitationem seminis, & tamen non suscitabat semen nisi Mahalon, cum acciperet Ruth vxorem eius, ergo non debebat accipere bona aliorum duorum. Quod autē succederet in bonis istorum propter suscitationem seminis apparet, quia alius cognatus Booz erat, p̄pinq̄ior defunctis quàm Booz, & competeat ei prius ius redemptionis, & successionis in hæreditate, & cum ille vellet redimere possessionem, quam vendiderat Noemi, dixit Booz, q̄ oportebat, q̄ simul acciperet in vxorem Ruth, & cū ille nollet accipere Ruth in vxorem, accepit Booz eam, & cū illa totam hæreditatem istorum defunctorum, vt patet in litera. Dicendum q̄ verum est, q̄ Booz accepit solum vxorem Mahalon: nam vxor Elimelech erat Noemi, & vxor Chelion erat Orpha, vt colligitur sup. i. c. non accipiebat autem Booz Orpham in vxorem, quia illa manserat in terra Moab, vt patet supra i. non accepit Noemi etiam, quia illa non erat iam apta vinculo coniugali, quia erat senectute confecta, vt eo. cap. ideo solum accipiebat vxorem Mahalon. Dicendum tamen, q̄ successit in bonis istorum trium defunctorū, & hoc propter suscitationem seminis, quia semen suscitatum pertinebat aliquo modo ad omnes tres: nā Mahalon, & Chelion erant fratres filij Elimelech, & cum suscitaretur semen Mahalon, suscitabatur etiā patri suo Elimelech, potissimè quia Elimelech nullū aliud semen habebat, nisi duos filios, s. Mahalon, & Chelion, qui mortui fuerant, & tota hæreditas istorū trium erat hæreditas Elimelech, cum duo filij eius habuissent illam ab eo, ideo cum videretur suscitare semen Elimelech, dignum erat, q̄ succederet ei, & sic esset successio in omnibus bonis, quæ pertinerant ad eum: & ista erant bona filiorum suorum. Non tamen est intelligendum, q̄ verè Booz suscitaret semen Elimelech, & q̄ nūc succederet ei generaliter. Nam hoc non poterat esse propter tria. Primò, quia non poterat suscitari semen Elimelech ab aliquo, eo q̄ non poterat suscitari semen alicuius, nisi illius, qui sine semine moriebatur, & tamen Elimelech non mortuus est sine semine, quia reliquerat duos filios coniugatos q̄ mortuus est, vt patet sup. i. c. vnde licet illi non haberint filios, non dicebatur mori Elimelech sine semine, sed filij sui, & sic non suscitaret ei semen, sed filijs suis, sicut declaratum fuit supra in quadam quæstione, qua querebatur quibus suscitabatur semen. Secundò, quia non poterat suscitari semen, cum vxor eius non acciperetur in vxorem à Booz, & tamen ad hoc, q̄ suscitaretur semen aliquibus necesse erat, q̄ coniuges eorum acciperentur in vxores à suscitantib⁹ semen: Deut. 25 & tamen Noemi vxor Elimelech, non fuit nunc accepta in coniugem à Booz, ideo non poterat Booz suscitare semen Elimelech. Tertiò patet, quia dato, quod posset suscitari semen Elimelech, non poterat succedere Booz ei, quia ipse nihil habebat in quo ei succe-

deretur: nam ipse mortuus est ante filios suos, ut patet  
sup. 1. c. & sic successerunt ei in omnibus: cum autem  
morerentur filij sui quicumque succederet, succederet  
filijs eius, & non sibi: & tamen quando suscitabat semē  
alicuius, debebat ei succedere, ideo non suscitabat Booz  
semen Elimelech ad hoc, quod succederet ei, nec propter  
ipsum habuit ista omnia bona tamquam illius essent. Et  
cum dicitur, omnia, quę fuerunt Elimelech, &c. c. cen-  
dum, quod intelligitur mediātē, scilicet quod prius fuerant Elime-  
lech deinde filiorum suorum, & nunc cum succedebat  
Booz in istis bonis, succedebat filijs Elimelech, & tamen  
mediātibus illis succedebat Elimelech, quia bona ista  
aliquando fuerant illius. Dicendum ergo ut uno mo-  
do, quod Booz succedebat directē uni istorum trium, quia  
suscitabat semen: alteris autem succedebat secundum ratio-  
nem maxime propinquitatis, scilicet quod nullus erat magis pro-  
pinquus, qui succedere posset in istis bonis, quam ille,  
quis nasceretur per suscitationē seminis, ideo suscitans  
semen debebat in bonis istorum succedere. Aliter et  
dici potest, quod suscitans semen unius istorum succedebat  
omnibus tribus, quia in isto, qui nasceretur per suscita-  
tionem seminis seruabatur progenies omnium isto-  
rum trium, eo quod isti tres pertinebant ad eandem pro-  
geniem, scilicet pater & duo filij. Tertiō potest dici, quod suc-  
cessit istis tribus, scilicet duobus eorum propriē: nam non  
poterat succedere ipsi Elimelech, cum ille nulla bona  
nunc haberet, quia illa peruenerant ad filios suos. scilicet Ma-  
halon, & Chelion, & isti duo postea mortui sunt: sed  
forte prius mortuus est Chelion, & tunc Mahalon fra-  
ter eius uellet suscitare sibi semen accipiēdo in uxore  
eius, Orpham, & ex hoc succederet in omni-  
bus bonis eius, & sic bona omnium trium essent iam  
penes Mahalon, & nunc cum Booz acciperet uxorem  
Mahalon ad suscitandum semen, succederet in bo-  
nis istorum trium, quia ista erant iam deuoluta ad  
Mahalon.

Cuius istorum trium Booz suscitabat semen, & an omnium  
trium. Quæst. LXXV.

**Q**UAE R E T V R vltcrius, cuius istorum trium Booz suscitabat semen: nam dicitur hic q̄ successit in bonis tribu. Aliquis dicet, q̄ suscitabat semen oīum trium, eo q̄ successit tribus: nam nō poterat aliquis isto modo succedere cuiquam iure propinquitatis excludendo alium magis propinquum, nisi suscitaret semen eius, cui succedebat: & tamen Booz exclusit ab ipsa successione cognatum suū, qui erat propinquior, vt patet supra: & hoc, quia ipse Booz voluit suscitare semen defuncti, quod noluit cognatus eius: ergo propter suscitationem seminis successit his tribus: & consequenter erat suscitaturus Booz semē istorum trium. Dicendū, q̄ hoc non stat, q̄a in litera dī, q̄ Booz accepit Ruth in vxorē, vt suscitaret semen defuncti: ergo vnus tm̄ semen suscitabat. Itē patet, q̄a nō poterat suscitare semen Elimelech', quia non 'pōt suscitari semē alicuius, nisi mortuus sit sine liberis, & tm̄. Elimelech nō mortuus est sine liberis, q̄a reliquit duos filios coniugatos, quando mortuus est, vt patet supra 1. ergo semen nō poterat ei suscitari. Item patet, quia ad hoc, quod suscitaret Booz semen eius, oportebat, q̄ acciperet vxorē illius Noemi in vxorem, sed nō poterat, quia illa erat senectute confecta, nec erat apta vinculo matrimoniali, vt patet supra 1. Itē constat, q̄ nō accepit eā in vxorem, sed solū accepit Ruth, vt patet hic in litera, ideo non suscitabat semen eius. Item patet, quia non poterat suscitare semen nisi illius, cui succedebat, & tamen Booz non succedebat Elimelech, cū ille nihil haberet, quia oīa, quae ille habuerat, peruenierant ad filios, cū prius ipse mortuus fuerit: ideo semen illius



Nn 2 potens,



potens, & magnarum opum, sicut dicitur sup. 2. intantum, q Ruth dixit, quod non erat sicut vna de ancillis Booz, q ergo acciperet in vxorem illam, quæ non videbatur mereri, q esset ancilla, erat magna humiliatio Booz, & erat opus laudabile. Tertiò mouebatur populus ex consideratione differentia bonitatis Booz, & cognati sui: nam cognatus suus noluit recipere Ruth in vxorem, sed potius voluit renunciare iuri successione, vt non reciperet eam: sup. in litera. Booz autem recipit eam cum ille ipsam recusasset accipere, ideo erat laudabilis, & populus considerata tanta benignitate Booz imprecatus fuit ei prospera.

*Quare populus imprecando prospera Booz potius de Rachele, & Lia mentionem fecerat, quam de Sara, & Rebecca.*  
Quest. LXXVIII.

**Q**VAERETVR vterius, cum populus imprecaretur prospera Booz dicendo, q Deus faceret vxorem suam sicut Rachelem, & Liam, quæ edificauerunt domum Israel, cur potius dictum est de istis duabus quam de Sara, & Rebecca. Nam istæ edificauerunt domum Israel, sicut Rachel, & Lia, imò principalius dici debebat de Sara, & Rebecca: nam Sara fuit vxor Abraham, ex quo ortum habuerunt omnes Hebræi, & natus est de ea Isaac: Gen. 21. Rebecca autem fuit vxor Isaac: ex ea autem natus est Iacob pater Israelitarum, & magis istæ duæ edificauerunt domum Israel, quam Rachel, & Lia: nam ex Rachele non nati sunt omnes Israelitæ. Etia ex sola Lia non fuerunt nati omnes, quia ambæ fuerunt vxores Iacob, & ambæ pepererunt filios: Gen. 29. 30. c. etiam ambæ simul non pepererunt omnes Israelitas: quia aliæ duæ fuerunt vxores Iacob, s. Bala, & Zelpha: Gen. 20. c. & tamen Sara fuit mater omnium Hebræorum: quia ipsa fuit mater Isaac, & omnes Israelitæ descenderunt ab eo. Sic. n. dixit Deus ad Abraham, in Isaac vocabitur tibi semen: Gen. 21. & Rebecca fuit mater omnium Hebræorum, quia ipsa peperit Iacob, ex quo nati sunt duodecim principes, siue capita duodecim tribuum Israel, ideo quælibet istarum principalius quam Rachel, & Lia edificauit domum Israel, & principalius nominari debebat. Dicendum, q scriptura solum nominauit istas duas, & non Sarā, nec Rebecca, quamquam fuerint in ratione laudabiles. Et hoc ppter duo, primò, quia hic dñ de domo Israel, & Israel est ipse Iacob: nam Deus mutauit nomen Iacob dicens, non vocaberis vltra Iacob, sed Israel: Gen. 32. & 35. & sic domus Iacob erat domus Israel, sed domus Iacob non fuit edificata, nisi ab vxoribus suis, & istæ fuerunt Rachel, & Lia, & non Sara, nec Rebecca: Gen. 29. & 30. ideo non poterat dici, q Sara, & Rebecca edificauerunt domum Israel. Secundò fuit hoc, quia dato, q vocetur domus Israel congregatio omnium Iudæorum, non diceretur conuenienter, q Sara, & Rebecca edificauerunt domum Israel, sed melius, q edificauerunt eam Lia, & Rachel, eo q Sara fuit m̃r omnium Iudæorum, & tamen non solum omnium Iudæorum, sed etiam aliarum gentium, quia Rebecca peperit Esau, & Iacob: Gen. 25. de Iacob venerunt Hebræi: de Esau descenderunt duæ gentes, s. Idumæi, qui vocati sunt sic ab Edom: nam ipse Esau vocatus est Edom, vt patet Gen. 25. etiam nati sunt Amalecitar, à quodā nepote eius nomine Amalec, qui natus est de primogenito suo Eliphame: Gen. 36. Istæ autem duæ, quæ ponuntur hic, s. Rachel, & Lia fuerunt matres Hebræorum, & solum ipsorum Hebræorum: nā fuerunt vxores Iacob, & à Iacob non fuerunt aliæ gentes deriuatæ nisi Hebræi, cum ipse genuerit duodecim filios, qui fuerunt capita duodecim tribuum.

Iacob pater  
Israelitarum.

Sara, &  
Rebecca  
Hebræorum  
matres.

*Cum ponatur hic Lia, & Rachel, quare non ponuntur etiam Bala, & Zelpha.*

Quest. LXXIX.

**Q**VAERETVR vterius, cum ponantur hic Lia, & Rachel, quare non ponuntur etiam Bala, & Zelpha: nam istæ duæ etiam edificauerunt domum Israel, quia nati sunt ab eis principes quatuor tribuum Israel, s. Dan, & Neptalim, filij Bala: & Aser, & Gad filij Zelphæ: Gen. 30. c. & isti faciunt tertiam partem Israelitarum. Dicendum, q istæ solæ fuerunt nominatæ propter dignitatem suam: nam Iacob habuit quatuor vxores, s. duas dominas, & duas ancillas. Nam Lia, & Rachel erant dominæ, Bala autem, & Zelpha erant ancillæ, quia Bala erat ancilla Rachel, & Zelpha erat ancilla Lia: Gen. 30. & de dominabus debuit præcipue fieri mentio. Secunda causa est, quia etiam istæ non fuerunt æqualiter vxores cum primis. Nam Iacob accepit Rachelem, & Liam in vxores, Balam, & Zelpham ancillas earum non accepit, nisi ad magnam instantiā vxorum principalium, vt patet Gen. 30. Tertia causa fuit, quia istæ duæ minus pertinebant ad domum Iacob, quam Rachel, & Lia, eo q Rachel, & Lia genuerunt filios octo, à quibus nominatæ sunt octo tribus, & Zelpha, & Bala solum genuerunt quatuor: prima tamen causa est, quæ facit magis ad propositum.

*Quare hic primò ponitur Rachel, quam Lia.*  
Quest. LXXX.

**Q**VAERETVR vterius, quare prius ponitur Rachel, quam Lia: nam videtur, q prius debuerit nominari Lia propter multa. Primò propter multitudinem prolis, quia Lia genuit filios sex, Rachel solum duos: Gen. 29. & 30. & 35. Secundò, propter dignitatem filiorum: nam filij Liæ fuerunt digniores, tum quia primogenitus Iacob fuit de Lia, s. Ruben: Gen. 29. & tamen primogenitus erat honorabilior inter ceteros filios, vt patet Gen. 49. s. Ruben primogenitus me⁹ tu fortitudo mea prior in bonis maior ī imperio: tum quia Iudas fuit filius Liæ, & tamen Iudas reputatus est dignior fratribus suis, eo q de ipso principes orti sunt 1. Paralip. 5. Etiam dicitur Gen. 49. Iudate laudabunt fratres tui, scilicet, quia ipse esset præcipuus inter omnes. Tertiò, debuit esse hoc ex ordine temporis: nam Iacob prius accepit Liam in vxorem, et prius genuit ex ea. Et post illam accepit in vxorem ipsam Rachel, vt patet Gen. 29. Quartò debuit esse ex dignitate Messia, qui natus est de semine Iuda, et Iudas fuit filius Liæ. Dicendum, q Rachel prius nominata est, quam Lia propter multa. Primò propter dignitatem, quia illa erat verè vxor Iacob, aliæ autem erant per quandam necessitatem: nam cum illa contraxit Iacob, et cum celebraret nuptias, et deberet introduci ad eum Rachel, per fraudem Laban patris earum introducta est Lia, de quo in aurora cognita fraude grauiter conquestus est Iacob: Gen. 29. vnde non accepit Iacob Liam tanquam voluisset, vel in eam cōsensisset, sed quia iam eam deflorauerat, et si non acciperet eam inferret ei violentiam fortè Laban pater puellæ, et fortè nollet ei dare Rachelem, ideo accepit eam etiam si non gratus: ipsam autem Rachelem libenter acceperat, et pro ea longo tempore seruierat Laban: Gen. 29. ideo illa erat dignior. Secundò ex ordine temporis: nam dato, q fuerit Lia vxor vera Iacob, tñ prius accepta est Rachel: nā cum illa desponsatus est Iacob, et postea per fraudem cognouit Liam, vt dictū est:



est: & sic ista habet privilegium in quantum vxor: Tertiò, ex reputatione Iacob: nam diligebat Iacob Rachelem, sicut animam suam, & seruivit pro ea septem annis, videbanturq; sibi dies illi pauci præ amoris magnitudine Gen. 29. ipsam autem Liam contemnebat Iacob, quia non acceperat eam gratis: etiam quia non erat pulchra facie sicut Rachel, sed erat lippis oculis eo. c. & ob hoc filios Rachelis magis diligebat Iacob, quam filios Liæ, s. Ioseph & Benjamin, vt colligitur Gen. 37 de Ioseph, & Gen. 44. de Benjamin, ideo tanq; dignior Rachel præposita est. Cum autem obijcitur ex omnibus illis, quatuor rationibus: dicendum, q; illæ, & multæ aliæ similes probant dignitatem Liæ ab extrinseco, s. nō ex persona sua, sed ex filiis, vel ex alijs accidentibus: dignitas autem Rachel, sup. declarata erat ex persona eius, & illa magis considerabatur à populo, ideo ipsa præposita est. Alij autem addunt aliam rationem ad dignitatem Liæ, s. quia ipsa sepulta est in spelunca duplici cum Abraham, Isaac, & Iacob, & Rebecca, & Sara: Gen. 49. Rachel autem non fuit ibi sepulta, sed in via, quæ ducit Ephrata circa Bethlehem: Gen. 48. Dicendum, q; hoc etiam non probat maiorem dignitatem eius, quam Rachelis, quia Iacob voluerat sepelire Rachelem in spelunca duplici, & tamen non potuit, quia mortua est Rachel in via, cum esset Iacob apud Bethlehem, & erat tunc tempus vernum: distabat autē inde Hebron, vbi erat spelunca duplex, & sic non poterat portari cadaver eius illuc tam pp longinquam distantiam, quam pp calorem estiuum, quia exhalaret inde, fātor intolerabilis, tum pp curam gregium novarum in tempore illo. Istā excusationem ponit Iacob, quare non sepeliērit eam in spelunca duplici in Hebrō. Gen. 48. & sic ex hoc non excedebat Lia Rachelem, sed in omnibus attēdebat magis Iacob ad Rachelem, quam ad Liam: sic patet qñ transiit Iordanem, & veniebat ei in occursum Esau frater eius, quem nimis timebat Iacob: Gen. 32. nam diuisit greges suos in turmas, & filios, & vxores, vt si Esau percuteret vnam turmā, miseretur qñ veniret ad aliam, vel posset illa in terim fugere, & tunc posuit in extremo omnium turmarum Rachelem, & filium eius Ioseph: Gen. 32. & 33. in quo innuebat, q; desiderabat magis vitam Rachelis, quam omnium aliarum vxorum suarum, & filiorum.

*Quare dixerunt, fiat domus tua sicut domus Phares.*  
*Quæst. LXXXI.*

**Q**VAERETVR vltērius, quare dixerunt viri Bethlehem, fiat domus tua, sicut domus Phares potiusquam de altera familia, vel tribu. Respondendum, quod voluerunt laudare, & imprecari bona domui Booz, & imprecari sunt illud bonum, quod maximum, & laudabilius esse putabant, & quia non erat aliqua multiplicatio laudabilior de magnis multiplicationibus, quam multiplicatio totius domus Israel, ideo dixerunt, fiat mulier hæc, quæ ingreditur domum tuam sicut Rachel, & Lia, quæ adificauerunt domum Israel: paræ autem multiplicationes erant multitudines familiæ cuiuslibet. Erant autem in qualibet tribu, multæ familiæ, s. tres, vel quatuor, quarum numerus, & nomina ponuntur Num. 26. & quia erant viri Bethlehem de tribu Iuda, vt patet supra 1. cum dicatur Bethlehem Iudæ: laudabant potius tribum Iudæ quā alias, & ob hoc voluerunt nominare aliquam de familijs tribus Iudæ: inter istas autem nulla erat dignior quā familia Phares: erant quippe familiæ quinque in tribu Iudæ, s. familia Selaitarum, Pharesitarum, Zareitarum, Etronitarum, Amulitarum: Nu. 26. & inter istas iudicabatur apud viros Bethlehem dignior familia Phares, Alph. Toft. super lib. Ruth

**A** eo q; erant ipsi de illa: quod patet quia Booz, de quo nunc agitur, erat de Bethlehem, & tamē ipse erat de familia Phares, vt patet infra in litera: magis autē laudant homines progeniem suam quā extraneorum. *Ingressusque est.* Hic ponitur tertium huius c. s. prolis generatio, & dicitur. *Ingressusque ad eam.* Scilicet, cognouit eam carnaliter, quia p hoc accipitur ingredi ex modo veteris testamēti, s. dicit Iacob ad Laban socerum suū, da mihi vxorem meam, quia tempus est, vt ingrediar ad eam, id est, vt cognoscā illam: Gen. 29. *Et dedit illi dominus, vt conciperet.* Scilicet, Deus fecit gratiam, cum Ruth dando ei, q; conciperet ex Booz. *Et pareret filium.* Scilicet Obed, vt patet in litera.

**B** *Quomodo dicitur, q; Deus dedit Ruth, q; conciperet.*  
*Quæstio LXXXII.*

**Q**VAERETVR, quomodo dicitur hic, q; Deus dedit Ruth, q; conciperet, & an pceptio ista fuit supernaturalis. Aliquis dicit, q; fuit supernaturalis pceptio, quia dī, q; Deus dedit ei, vt pcciperet: quod tamē Deus dat, supernaturaliter fit, idē supernaturalis fuit. Secundò patet, quia Booz erat senex, vt patet pced. c. & fortē non poterat gignere, & Deus pcessit ei, q; gignere posset. Dicit aliquis, q; non stat, quia si ex hoc esset ista generatio supernaturalis, non esset miraculum ex parte mulieris, quæ puella erat, & pccipere poterat, sed ex parte Booz senis, qui non poterat sufficienter agere ad generationem, & tñ de mulier dī, q; Deus dedit ei, vt pcciperet, & pareret filium: ergo non erat miraculum istud in generatione. Sed dicendum, q; istud nō obstat, quia poterat esse miraculum in generatione ista ex parte mulieris, s. quia dato, q; Ruth erat puella, tamē fortē erat sterilis, & non poterat pccipere, nisi supernaturaliter: sicut fuit de Sara, qñ concepit Isaac, vt patet Rom. 4. & ad Hebr. 11. Aliter potest dici, q; dato, q; miraculum esset ex parte impotentie Booz, quia erat senex, tñ rectē diceretur, q; De<sup>9</sup> dedit Ruth, vt pcciperet: nam dato, q; Ruth esset apta ad pccipiendum iobolem, si Booz esset impotens non posset ipsa pccipere ex illo: si ergo pcciperet erat miraculū, & Deus hoc illi dabat.

**D** Dicendum tñ, q; hoc non obstante non vñ hic fuisse miraculum aliquod: nam non est ponendū miraculū sine necessitate, & tñ non apparet hic aliqua necessitas miraculi, quia Ruth erat puella, & in ætate puenienti ad concipiendum: Booz etiam potens erat ad gignendum. Quod colligitur primò, quia Ruth petiuit illum in virum, dicens extēde pallium tuum super me, pced. ca. si tamen ex ætatis habitudine appareret impotens, non petiuisset Ruth illum in virum, quia superfluum erat talem in virū accipi. Secundò patet ex verbis eius, quia dixit ad Ruth, q; si cognatus tuus non acciperet illam in vxorem, certissimē ipse illam acciperet, pced. c. & tamen non diceret hoc Booz, si præ senectute, vel aliās sentiret se impotentem ad gignendum, ideo non erat impotens. Tertiò patet, quia Booz coram tota multitudine accepit Ruth in vxorem, & dixit, quod accipiebat illam ad suscitandum nomen defuncti in hæreditate sua, vt patet supra in litera: si tamen non putaret se potentem ad generandum, non diceret, quod ideo accipiebat illam ad suscitandum semen defuncti, ergo potens erat Booz: ideo non est necessitas ponendi miraculum in conceptione ista. Sed dicendum, quod dicitur, quod Deus dedit Ruth, vt conciperet, & pareret non quidem modo supernaturali, sed eo modo, quo Deus cooperatur, vel facit multa, quæ naturaliter eueniunt: nam Deus dicitur dare nobis pluuiam, & etiam semen ferenti, & panem comedenti, & tamen pluuiæ naturaliter euenit,



vt in plurimum germinatio herbarum. Etiam quia Deus dicitur dare nobis omne, quod bonum est, iuxta illud Iacob. 1. f. Omne donum optimum, & omne donum perfectum defursum est descendens à patre luminum. filij autem bonum quoddam sunt: ideo à Deo dari dicuntur, & hoc potissimè, quia dato quod interdum vir & foemina sunt potentes ad gignendum, fortè non conueniunt tempore quo semen eorum sit dispositum ad gignendum, & non gignunt maximè quantum ad generationem filiorum. Nam licet contingat hominè gignere, tamen quod determinatè gignat filium non contingit, nisi ex certa habitudine seminis. Quod autem semen vtriusque sic disponatur, vel quod tali tempore coeant, quo semen sit sic dispositum non, contingit semper. Quod ergo inclinentur vir & femina ad conueniendum illo tempore, quo ad hoc dispositi sunt, sit interdum speciali Dei inclinatione, s. q. mouet illos ad hoc, & tunc Deus dare dicitur filios, & sic propriè dicitur Deus dare filios, vel tollere illos, sicut dixit Iacob ad Rachelem Gen. 30. nam petiuit Rachel filios à Iacob, dicens, da mihi liberos alioquin moriar, & dixit Iacob: nunquid pro Deo ego sum, qui priuauit te fructu ventris tui? quasi dicat, ad Deum pertinet dare filios, vel priuare illis: & ita quia concessit nunc isto modo, quod haberet Booz filium ex Ruth, dicitur quod Deus dedit Ruth, quod conciperet, & pareret filium. Quot modis autem dicitur Deus facere ad generationem, & qui illorum sint miraculosi, & qui miraculosiores, dictum est satis 4. Reg. 4. in quadam quaest. & Iud. 13. *Dixeruntque.* Hic ponitur quartum huius c. f. de prole genita congratulatio, & diuiditur in duas partes, quia primò ponitur praedicta congratulatio, secundò progenierum enarratio ibi. *Haec sunt generationes.* Circa primum dicitur. *Dixeruntque mulieres ad Noemi.* Congratulabantur mulieres Noemi viduae, & veteranæ de puero nato, quia illum haberet iam loco filiorum suorum defunctorum. *Benedictus dominus.* Idest, laudetur propter hoc. *Qui non est passus, vt deficeret successor familiae tuae.* Quasi dicat, si iste puer non fuisset natus nullus esset successor in familia tua, sed deleberetur post mortem filiorum tuorum, cum nullus illorum iam maneret. Et iste puer, qui nunc natus est, conseruaret nomen familiae viri Noemi, ne periret omnino. *Et vocaretur nomen eius in Israel.* Scilicet, quod familia tua habeat nomen in Israel: nam si iste puer non fuisset natus perisset familia Elimelech viri Noemi, & non haberet nomē in Israel: nunc autem cum natus esset successor in familia ista, haberet illa nomen in Israel. *Et habebas, qui consoletur animam tuam.* Scilicet, iste paruulus natus consolabitur animam tuam, quia ante hoc erat maesta tanquam omnino vidua, & nullum habens de progenie tua, qui te consolaretur, nunc autem iste erit de progenie tua, & consolaberis cum eo. *Et enutriet senectutem tuam.* Scilicet, sustentet te in letitia, quasi dicat, si iste non fuisset natus tu eras quasi perdita, nunc autem iste enutriet te in senectute tua consolando te, & sustentando in necessarijs. *De nuru enim tua natus est, qui diligit te.* Scilicet, de Ruth, quæ est nuru tua natus est tibi iste paruulus, qui te diligit tanquam filius, eo quod de progenie tua reputatur. *Et multo tibi est melior, quam si septem haberes filios.* Verba sunt consolatoria, & ad augmentandum lætitiæ, & tamen secundum veritatem non est sic, quia melius erat ipsi Noemi saltem vnum habere filium quam habere istum paruulum Obed, quia iste non erat filius suus, sed pertinebat solum legaliter ad cognationem suam. *Susceptumque Noemi puerum posuit in sinu suo.* Scilicet, quando natus est, & postea quando erat in parua ætate Noemi suscipiebat eum, & ponebat eum in sinu suo amplectens eum, & diligens tanquam filiū. *Et nutriticis ac gerula officio fungebatur.* Idest, nutrebat eum, & in brachijs portabat: non enim enutrieat propinando ei

lac, quia Noemi erat senio confecta, & lac non habebat, sicut patet sup. 1. sed dabat ei cibos, & portabat eum hinc, & inde. Gerula portatrix est à gerendo dicta. *Vicinae autem mulieres congratulabantur ei.* Scilicet, de natiuitate pueri istius mulieres, quæ erant vicinæ ipsi Noemi congratulabantur ei, quasi ipsa peperisset huc puerū. *Et dicentes, natus est filius Noemi.* Istud dicebant ad congratulationem, quia non erat filius eius: aliqui dicunt, quod erat filius eius legalis, de quo infra dicitur in quadam quaest. *Vocauerunt nomen eius Obed.* An mulieres congratulantes imposuerint puero istud nomen, vel pater, & mater, siue Noemi non apparet: ex modo autem literæ significatur, quod mulieres congratulantes istud nomē imposuerint. *Hic est pater Isai.* Scilicet, iste Obed postea in vrbe Bethlehem genuit Isai. Isie vocatur interdum Isai sicut patet hic, & ferè in omnibus locis veteris testi, s. 1. Reg. 16. & 17. & 2. Reg. 20. & 3. Reg. 12. & vocatur interdum Iesse, vt patet Isai. 11. f. Egredietur virga de radice Iesse, & Matth. 1. vocatur etiā Iesse. *Patris Dauid.* Nam Isai postea genuit Dauid, & non solum illum, sed etiam septem alios filios, vt patet 1. Reg. 16. & 17. illorum minimus ætate erat Dauid, quia tamen fuit dignior, eo quod postea ascendit ad regiam dignitatem, facta est de ipso solo mentio hic.

*Quare potius congratulatae sunt Noemi quam alteri.*

*Quæst. LXXXIII.*

**Q**VAERETVR circa praedicta, cum natus est paruulus Obed, & congratularētur mulieres de eius natiuitate, quare potius congratulatae sunt ipsi Noemi quam alteri, s. Ruth matri eius, vel Booz patri suo: nam omnia verba congratulationis referuntur hic ad Noemi tanquam ipsa esset mater pueri. Et vñ, quod potius congratulandum erat ipsi Booz. Primò, quia plus pertinebat ad eum iste paruulus, quam ad aliquem alium, eo quod ipse erat pater eius: & quia congratulatio est congratundum gaudenti, quia nullus erat, ad quem magis pertineret gaudere de nato puero, quam Booz, ei congratulatio fieri debebat. Secundò, quia Booz erat in senectute, quādo genuit istum puerum, sicut colligitur ex verbis suis ad Ruth, dicendo, non secuta es iuuenes pauperes, vel diuites, quasi dicat, non secuta es iuuenes, sed me senem: ideo benedicta es à domino. præced. c. Et quia senes valde diligunt paruulos sibi natos in senectute, sicut dicit Gen. 37. quod Iacob diligebat Ioseph præ alijs filijs, quia in senectute sua genuisset eum, diligeret nimis hunc Booz, & consequenter de magno eius gaudio cōgaudendum erat. Ratio autem, quare senes diligunt tenerius filios sibi natos in senectute, est, quia tunc impotentiores sunt ad gignendum, ideo difficilius gignunt: tanto autem aliqua res carior habetur, quanto difficilius attingitur. Etiam, quia in senectute est homo impotens: cum autem gignit filium adhuc ostenditur quædam potentia in eo: gaudet tamen homo de illa re, in qua manifestatur operatio, vel virtus, sicut dicit Arist. Ethic. 9. quod benefactores magis diligunt benè passos, quam ab eis diligantur, eo quod in ipsis apparet operatio eorum, & virtus: senes ergo diligunt valde filios genitos in senectute, quia per illos ostenditur adhuc fortitudo naturæ ipsorum, quam ipsi summè desiderant, vt se possint conseruare: ipsi ergo Booz maximè congratulandum erat. Tertiò, propter laudem boni operis Booz: nam Booz fecit magnam misericordiam cum defuncto volendo accipere uxorem eius ad suscitandū semen illius, quod noluerat facere cognatus suus, & ex hoc fuit laudabilis valde: nunc autem natus fuerat ei filius ex eadem uxore, quod videbatur factum ex diuina iustitia ad remunerandum bonum opus, quod ipse fecerat, ideo congratularētur ei, quod pro bono ope-

Quæ senes valde diligunt filios natos in senectute.



re eueniret ei bonum: erat etiam cōgratulandum ipsi Ruth, quę pepererat paruulum: quia nullus magis gaudet de filio quā mater, ideo cum natus esset mulieres debuerant ei cōgaudere potius quā ipsi Noemi, cuius non erat iste puer filius. Dicendum, q̄ omnibus his tribus congaudere poterant mulieres de natiuitate pueri, & congratulatio fuit facta Noemi, quia ipsa magis ex hoc confortari debebat. Nam Noemi erat in senectute, & non habebat aliquem propinquū sibi, quo consolaretur, nunc autem natus est Obed, qui censebatur nepos eius, s. filius filij sui Mahalon ex vxore sua Ruth: nam erat filius eius legalis, ideo ipsa gaudere nimis debebat: sic dixerunt ei mulieres, de nuru tua natus est tibi, qui te diligit, & senectutem tuam enutrit, meliorque tibi est; quā si haberes septem filios. Etiam magnum gaudiū erat Noemi in hoc, quia si non fuisset iste natus deleteretur tota familia Elimelech mariti Noemi: iste autem faceret illam familiam non deleri, quia per eum extenderetur: ideo summe gauderet. Noemi, quia magna afflictio erat, q̄ nomen alicuius deleteretur de familia sua: ita magnum gaudium erat, q̄ suscitaretur nomen, postquam videbatur esse deletū. Istud autem non erat in Ruth, nec in Booz, quia dato, q̄ non nasceretur iste puer, haberent aliquid quo consolarentur: etiam nō periret ex hoc nomen Booz nec Ruth, sicut peribat familia Elimelech viri Noemi, ideo magis debuerunt gaudere mulieres cum Noemi, quā cum Booz, & Ruth, quia illa consolatione ista potius indigebat.

*Quare mulieres dicebant, benedictus Deus.*  
*Quæst. LXXXIII.*

**Q**VAERETVR vltius, quare mulieres dicebant Noemi, benedictus Deus, qui nō passus est, vt deesset successor familię tuę in Israel. Respondendum, q̄ hoc fuit, quia per istum puerum extendi debebat familia defunctorum, quę deleta erat: nā iste puer natus est ex suscitatione seminis, quia Booz accepit Ruth ad suscitandum semen defuncti, & natus est inde Obed, & sic per eum cōtinuabatur familia Noemi, & si iste non fuisset natus, deficeret successor in Israel, in familia Noemi. Sed obijcietur, q̄ Obed continuabat familiam Mahalon, & nō Noemi: quia Ruth erat mater istius pueri, & fuerat vxor Mahalon defuncti sine semine, accepitque illam in vxorem Booz ad suscitandum semen Mahalon, sicut ipse dixit, supra in litera: ideo cū nunc natus fuerit Obed ex Ruth, succederet ille in familia Mahalon. Dicendum, q̄ Noemi erat mulier, & mulieres nō habebant familiam determinatam sicut viri, sed transibant in familiam virorū suorum, & quia Noemi fuerat vxor Elimelech, sup. i. cap. erat de illa familia, de qua erat vir suus, & si debebatur successio familię viri sui, debebatur successor familię eius: nunc autem nato Obed restaurabatur successio familię Elimelech viri Noemi: ergo restaurabatur successio familię Noemi. Sed obijcietur adhuc, q̄ nō restaurabatur successio familię Elimelech, sed Mahalon, cū Ruth, ex qua natus est iste puer esset vxor Mahalon. Dicendum, q̄ verum est, q̄ directē suscitabatur hic semen Mahalon, & tamen continuabatur non solum familia Mahalon, sed etiā Elimelech: quia Mahalon erat filius Elimelech, & familia Elimelech extendebatur per Mahalon: ille autem mortuus est sine semine, ideo peribat tā familia Elimelech, quā Mahalon: nunc autem cū suscitaretur semen Mahalon, per quod continuaretur progenies eius, cōtinuabatur etiam familia Elimelech, & illa erat familia Noemi, ideo rectē dixerunt mulieres, q̄ Deus non est passus, q̄ periret successor de familia Noemi.

Alph. Toft. super lib. Ruth

**A** An per Obed continuata sit progenies defuncti, vel per alium.  
*Quæst. LXXXV.*

**Q**VAERETVR vltius, an iste Obed fuit filius, per quem continuata est progenies defuncti, vel fuit alius, qui pertineret ad suscitationem seminis Mahalon. Aliquis dicet, q̄ non, quia si iste esset, per quem continuaretur progenies defuncti, vocaretur nomine defuncti, quia Deut. 25. dicitur, q̄, quando suscitabatur semen defuncti ex vxore eius, primogenitus natus ex suscitatione ista vocabatur nomine defuncti, & tamē defunctus vocabatur Mahalon, & iste Obed: ergo non erat iste, per quem continuabatur progenies defuncti. Secundō patet, quia si iste pertineret ad suscitationem seminis, vocaretur filius defuncti, & non patris sui naturalis: quia ex hoc dicebatur semen suscitatum esse defuncto, & tamen Obed non vocatur filius Mahalon, sed Booz, vt patet infra in litera, vbi computatur progenies à Phares vsque ad Dauid, & ponitur Obed filius Booz: sic etiam patet Matth. 1. & Lucæ 3. vbi ponitur genealogia Saluatoris, & ponitur Booz pater Obed. In contrarium videtur, q̄ Obed fuerit, per quem continuata est progenia Mahalon defuncti: nam supra in litera dicitur, q̄ suscepit Booz Ruth ad suscitandum semen, & non legitur de alio filio, quem genuerit ante istum, ideo videtur, q̄ iste sit, per quem progenies cōtinuata est. Secundō, & clarius patet, quando mulieres congratulabantur Noemi nato Obed dixerunt ei, benedictus dominus, qui non passus est, vt deesset successor familię tuę: ergo videtur, q̄ iste Obed erat successor in familia Elimelech viri Noemi, & Mahalon filij eius, quę erat familia Noemi. Ad rationem primam in contrarium dicunt quidam tenentes positionem contrariam, q̄ verū est, q̄ familia Mahalon cōtinuata est per natos ex suscitatione seminis Booz ex Ruth, & ille, qui fuit primogenitus ex ista suscitatione vocatus est Mahalon, sicut defunctus, iste autem Obed non fuit primogenitus ex ista suscitatione, ideo non vocatus est Mahalon, nec per eum continuata est progenies Mahalon. Sed istud non stat: primum quia necessarium est, q̄ iste Obed fuerit primogenitus, quia quando natus est iste congratulabantur mulieres ipsi Noemi de natiuitate eius, & tamen si alius natus fuisset ante eū, potius gratularentur de illo, quā de secūdo, vel de alijs. Item quia si alius fuisset primogenitus, ille pertineret ad defunctum, cū dicat lex de illo solo, q̄ deberet vocari nomine eius, & tamen iste Obed pertinebat ad progeniem defuncti, cū dixerint mulieres congratulando: benedictus dominus, qui non passus est, vt deesset successor familię tuę in Israel. Si autem alius fuisset primogenitus ex ista suscitatione, de illo diceretur hoc, ideo ille necessariō erat primogenitus. Cū autē dicunt isti, q̄ iste Obed non fuit ille, per quem cōtinuata est progenies Mahalon, non stat, vt patet ex dictis, s. quia dixerunt mulieres nato Obed benedictus Deus, qui non passus est, vt deesset successor familię tuę. Alij dicunt, q̄ iste Obed fuit primogenitus ex ista suscitatione seminis, vt probatum est hic, & ob hoc ipse fuit successor in familia defuncti, & dicunt, q̄ vocatus est nomine defuncti, & tamen Mahalon defunctus habebat multa nomina, s. vocabatur Mahalon, & Obed, sicut est de multis alijs viris, tā in nouo, quā in veteri testō, qui sunt binomij, vel ternomij, sicut Iacob vocabatur Iacob, & Israel. Gen. 32. Et Esau vocabatur Esau, & Edō, & Seir, vt patet Gen. 25. sic Beatus Petrus vocabatur Petrus, & Simon Ioānis, & Bariona, & Simon, & Cephas, vt patet Matth. 16. & Ioan. 21. & 1. Corinthi. 15. Istud erat aliquantulum tolerabile, & tamen non videtur satis stare, quia Mahalon sepe nominatur in hoc libro, & tamen nunquam vocatur, nisi Mahalon, & tamen si

Nn 4 esset

Viribino-  
mij, & ter  
monij.



esset binomius, vel multinomius interdum quodam nomine, & interdum alijs vocaretur in scriptura. Ali- ter ergo, & melius dicendum est iuxta quosdam, scilicet, qd ille Obed fuit primogenitus ex ista suscitatione seminis, & per eum continuata est progenies defun- cti, sicut in litera dicitur, & tamen non vocatus est no- mine defuncti. Et cum obijcitur, qd primogenitus vo- candus erat nomine defuncti: dicendum qd intelligitur quando frater suscitabat semen fratris, secus autem qn alij cognati. Patet hoc, quia lex Deuter. 25. de suscita- tione seminis dicit solum de fratribus, vt patet ex lite- ra ibi. & tamen Booz suscitans semen Mahalon, non erat frater eius, sed cognatus, vt probatum est supra in quadam quaestione, ideo non erat necessarium, qd hic primogenitus natus ex suscitatione seminis vocaretur nomine defuncti. Et patet hoc magis, quia suscitatio seminis in fratribus erat ordinaria, & necessaria, in alijs autem erat quasi accidentaliter, quia non obligabantur ad illam, ideo multa obseruabantur in fratribus susci- tantibus, vel suscitare volentibus semen aliorum fra- trum, quae non obseruabantur in cognatis: quod patet de pena non suscitantis, quia non suscitans semen fra- tris sui disalciabatur, & expuebatur in faciem eius: Deutero. 25. & tamen nunc cognatus Booz noluit su- scitare semen Mahalon cognati sui, & non punitus est sic, vt patet hic, & causa fuit, quia non erat frater de- functi, sed cognatus: sic ergo de primogenito vocan- do nomine defuncti intelligi potest. Ad secundum dicendum, qd ille, qui nascebatur ex suscitatione semi- nis, & continuabatur per eum progenies defuncti, vo- cabatur filius defuncti, & succedebat ei in hereditate, tanquam filius. Sciendum tamen, qd ille erat duplici- ter filius, scilicet, naturaliter, & legaliter: erat enim fi- lius naturalis illius, qui suscitabat semen defuncti, & erat filius legalis ipsius defuncti, ideo poterit vocari fi- lius vtriusque: & sic aliquando scriptura vocauit ali- quem filium legaliter, & aliquem naturaliter. Hic autem vocauit scriptura Obed filium Booz, quia erat filius illius naturaliter, & sic etiam Matth. 1. Et tamen poterat vocari filius Mahalon, & etiam hic vocatur fi- lius Mahalon: nam dicebant mulieres congratulantes Noemi, natus est filius Noemi, vt patet in litera: sed non vocatur filius Noemi, nisi in quantum pertinebat ad Mahalon filium eius, cuius semen suscitabat Booz ex Ruth: ideo filius vocatur etiam Mahalon defuncti. *Haec sunt generationes.* Hic ponitur secundum huius par- tis, scilicet progenierum descriptio: nam postquam ad finem deducta est historia libri huius ponitur genea- logia David deducta a Phares vsque ad ipsum. Et di- citur. *Haec sunt generationes Phares.* Phares est filius Iu- dae nepos Iacob, & genuit Iudas Phares, & Zaram vno adu ex nuru sua Thamar, quam putabat esse scortu: Gen. 38. & cum nascituri essent Gemelli, protulit vnus eorum manum de vtero, & dixit obstetrix iste nasce- tur prius, ligauitque in manu eius filum coccineum, & ob hoc vocatus est Zaram, idest fulgens, vel splen- dens, vel oriens, & illo retrahente manum egressus est K alius prior, vocauitque illum obstetrix Phares, idest di- uisorem, quia dixit propter te diuisa est materia, idest pellicula, eod. cap. & ibi expositum est, & de progenie Phares venerunt viri Bethlehem. *Phares genuit Efron.* Tota ista genealogia, quae hic ponitur, etiam ponitur Matth. 1. quia isti pertinent ad progeniem Saluatoris. Ille Efron natus est in terra Chanaan antequam de- scenderet Iacob in Aegyptum, vnde Efron fuit vnus de septuaginta, qui ingreffi sunt Aegyptum de femore Ia- cob, vt patet Gen. 46. Sciendum, qd Phares genuit duos, s. Efron, & Amul, Gen. 38. Et isti duo fuerunt capita dua- rum familiarum in tribu Iuda, s. familie Efronitarum, & Amulitarum: Num. 26. Hic autem nihil dicitur de

F Amul, quia ille pertinet ad aliam familiam, cum sit principium alterius, & caput, per quam non deriuatus est David: Intrauerunt autem isti duo, s. Efron, & Amul in Aegyptum cum patre eorum Phares: Gen. 46. & ibi mortui sunt: quia nemo illorum, qd cum Iacob descendit in Aegyptum redijt in terram Chanaan, sed omnes mor- tui sunt in Aegypto antequam Aegyptii inciperent opprimere Israelitas, vt patet Exod. 1. Et hoc, quia du- centis, & quindecim annis manserunt in Aegypto Is- raelitae, vt ibidem declaratum est, & Gen. 15. *Efron ge- nuit Aram.* Sic patet Matth. 1. Ille Aram natus est post descensum Iacob in Aegyptum ibi in Aegypto: cum probatum sit supra, quia Efron pater eius descendit in Aegyptum cum Iacob, & nunquam inde exiuit. A- quoque filius Efron non exiuit de Aegypto, quia non poterat vita eius tanto tempore extendi. Nam ipse gigneretur non multo tempore post introitum in Aegyptum, & fuit mansio in Aegypto ducentorum, & quindecim annorum, vt dictum est. *Aram genuit Aminadab.* Sic patet Matth. 1. Ille etiam Aminadab natus est in Aegypto, & mortuus. Quod patet, quia in exitu Israel de Aegypto in principio anni secundi, ab exitu in deserto Sinai ordinatus est totus Israel qua- tum ad castrametationes suas, & quaelibet tribus erat sub principe suo: & erant illi principes per deriuationem lineae progenitorum a capite tribus, fuitque princeps tribus Iudae Nahasson filius Aminadab, vt patet Num. 1. & 2. & 7. Si tamen Aminadab pater eius viueret, non esset princeps Nahasson filius eius, quia proueniebat principatus iste per lineam progeniei, & quandiu vi- uebat alius semper erat princeps: ideo viuentem Amina- dab nunquam esset princeps Nahasson filius eius, & tamen in exitu de Aegypto erat princeps Nahasson. ergo mortuus fuerat Aminadab in Aegypto. *Nahasson genuit Salmon.* Ille Salmon accepit in uxorem Raab Ierichontinam meretricem, Matth. 1. & ex illa genuit Booz: & hoc quia Raab absconderat exploratores Iu- daeorum in Iericho, & cum deleta est ciuitas, liberaue- runt Hebraei illam, & totam cognationem suam a mor- te, receptique sunt, vt viuerent inter Israelitas, vt patet Iosue 2. & 6. c. *Salmon genuit Booz.* An iste Booz, qui ge- nitus est ex Salmon sit ille, qui genuit Obed ex Ruth, I dubium apud multos est, sed infra declarabitur in qua- Quest. vii. dam quaestione. *Booz genuit Obed.* Ista generatio est, quae intenditur in toto isto libro: nam de nullo alio agitur, nisi quomodo Ruth assumpta fuerit in uxorem a Booz, & genuerit ex ea Obed, de quo supra. *Obed genuit Isai.* Ille vocatur aliquando Iesse, & aliquando Isai: nam communiter in veteri testamento vocatur Isai, vt pa- tet hic, & 1. Reg. 16. & 17. & 2. Reg. 20. & 3. Reg. 12. aliquando autem vocatur Iesse, vt patet Isa. 11. & Matt. 1. c. Sic multi alij viri sunt multinomij, vt supra dictu est. *Isai genuit David regem.* Genuit Isai multos filios, s. octo, vt colligitur 1. Reg. 16. & 17. & minimus illorum fuit David: quia tamen ille solus fuit assumptus in re- gem, de eo scriptura curauit.

Quare istae progenies ponuntur in fine huius libri.

Quaest. LXX XVI.

QVAERETVR circa praedicta, quare ponuntur hic progenies istae in fine libri. Dicunt aliqui, qd hoc factu est, vt sciretur ad quid tenebat iste liber, vel quae erat intentio eius. Erat. n. intentio libri dicere de Ruth Moabitide, quomodo accepta est in uxorem a Booz, & de progenie eius venit David: & quia historia Ruth non ponebatur principaliter propter aliud in sa- cra scriptura, nisi propter David, vt sciatur vnde vene- rit David, enarrata historia ponit quomodo David descendit de Ruth, & enarratur progenies eius.

Di-



Dicendum, quod verum est, quod propter David ponitur historia Ruth in sacra scriptura, & tamen ista narratio progeniei non ponitur ad indicandum, quod David descenderit de Ruth, cum hic ponatur progenies incipiendo à Phares. Item, quia supra posuerat id per quod poterat hoc cognosci, cum dictum est, quod Booz genuit Obed, qui genuit Isai patrem David. Dicendum ergo, quod ista enarratio progeniei facta est hic non propter historiam Ruth, de qua hic dicitur, sed propter David, propter quem est ista historia: nam conclusa erat ista historia in David, qui descendebat de progenie Ruth, & tamen nondum erat cognita tota eius progenies, quia ante Booz nesciebatur ordo progeniei David, ideo scriptura enarrauit eam hic incipiens à Phares capite familiæ vsque ad David: nam in nullo alio loco ante hoc erat descripta progenies David, licet aliqua pars eius poterat colligi ex varijs libris. Fuit autem conueniens istud valde, quia David fuit rex excellentissimus inter omnes reges Iudæorum, & à Deo dilectissimus: nam de eo dixit Deus: Inueni virum iuxta cor meum, primo Regum decimotertio. Et de eo est maxima pars librorum Regum, ideo conueniens fuit, vt sciretur tota eius progenies. Et quia non fuerat hucusque posita, debuit hic poni cum hic agatur de proavis eius, potissimè, quia libri Regum sequuntur post istum librum secundum ordinem historiarum, & ibi ponuntur plura de gestis David, ideo debet præmitti ad maiorem intellectionem ipsius David progenies continuata ab exordio: & ponitur hic ista progenies, & primo Paralipomenon secundo, & Matthæi primo.

*Quare progenies David incepit narrari à Phares.*  
*Quæstio LXXXVII.*

**Q**VAERETVR vterius, quare cum progenies David enarrari debebat, incepit enarrari à Phares, & non prius, scilicet à Iacob, vel ab alio. Dicendum, quod primus Patriarcha Hebræorum fuit Abraham, quia ipse fuit, qui primò electus est à Deo, & promissa est ei terra Chanaan, vt patet Genesim decimosecundo: ideo licet Thare pater Abraham, & alij priores fuerunt proavi Hebræorum, non computantur in progenie Hebræorum, sed primus eorum est Abraham, quia in eo coepit electio Dei, per quam Israelitæ fuerunt populus distinctus ab alijs populis terræ: ideo cum enarratur progenies alicuius Hebræi, potest incipere enarratio ab Abraham, non tamen est necessarium, quod incipiat ab Abraham, nec ab Isaac filio eius, quia licet Abraham, & Isaac sint patres omnium Hebræorum: non tamen sunt patres solum ipsorum Hebræorum, sed etiam multarum aliarum gentium: quia Abraham fuit pater Agarenorum cum genuit Ismahelem. Fuit etiam pater Madianitarum, & aliarum gentium per filios, quos suscepit de Cetura, de quibus Genesim vigesimoquinto. Isaac fuit etiam pater omnium Hebræorum, & tamen etiam fuit pater Idumæorum, & Amalecitarum, quia genuit Esau, à quo descenderunt Idumæi, & nepos illius fuit Amalec, à quo nominati sunt Amalecitæ, vt colligitur Genesim trigesimo sexto: ideo in enarratione progeniei alicuius Hebræi non oportuit esse deductionem, nisi ab illo, qui erat caput omnium Hebræorum, & solum ipsorum Hebræorum; & iste fuit Iacob, quia ipse genuit duodecim capita duodecim tribuum Israel. Aliquando tamen occurrit aliqua progenies enarrata alicuius Hebræi ab vteriori principio, sicut patet de Genealogia Christi, quæ secundum Matthæum in-

**A**cepit in Abraham, & Lucas deducit eam vsque ad Adam ordine conuerso, & inde ad Deum, vt patet Luca tertio. Sed istud speciale est, quia generatio Christi non enarrabatur solum Iudæis, sed etiam Gentilibus, ideo non fuit statutum principium generationis illud, à quo secundum Hebræos consuetum est incipi, scilicet ab ipso Iacob: quia tamen manifestum erat, quod Iacob erat princeps duodecim tribuum, & pater, cum sit enarratio progeniei, non oportet, quod incipiat à Iacob, vel reducat in Iacob, sed incipiat à capite tribus, scilicet à Iuda, & Leui, & sic de alijs. Hic autem dicendum, quod incepit generatio à Phares, quia ante illum nota erat generatio, scilicet, quod Phares esset filius Iudæ quem genuit ex Thamar, vt dicitur supra in litera: Iudas autem erat filius Iacob: post Phares autem ignotum erat, quomodo extenderetur progenies, ideo incepit à Phares. Alia etiam causa fuit, quia cum Phares esset caput illius familiæ, de qua erat David, satis erat, quod inciperet generationis enarratio à Phares. Alia causa est propter affectionem istorum, quorum enarrabatur progenies, quia maximè afficiebantur ad Phares, cum essent de familia illius; & patet, quia cum imprecarentur bona ipsi Booz viri Bethlehemi, dixerunt ei, fiat domus tua, sicut domus Phares, vt patet supra in litera, sed prima causa est potior.

*Quare ista progenies continuata est vsque ad David.*  
*Quæstio LXXXVIII.*

**Q**VAERETVR vterius, quare progenies ista continuata est vsque ad David, & non vltra. Respondent quidam, quod factum est propter scriptorem libri, scilicet, quia scriptor eius vidit ipsum David, quia fuit contemporaneus ei, & non vidit alios reges de stirpe eius. Et hoc patet, quia creditur scriptor fuisse Samuel: & tamen manifestum est, quod mortuus est Samuel viuentem David, vt patet 1. Reg. 25. ideo non potuit scribere hic generationem successorum David. Sed dicit aliquis, quod non fit propter scriptorem: nam scriptor libri huius non fuit Samuel: quod patet, quia hic dicitur, quod Isai genuit David regem, & tamè manifestum est, quod Samuel non vidit David quando erat rex: quia mortuus est Samuel cum esset David profugus à facie Saulis, scilicet, quando David erat in deserto Carmeli, & voluit delere domum Nabal Carmeli, vt patet 1. Reg. 25. ca. & postea mortuus est Saul, & deinde regnauit super Iudam ipse David, vt patet 2. Reg. 1. & 2. Dicendum est, quod sicut declaratum est in prologo huius libri, & est communis opinio, Samuel fuit scriptor libri huius. Et cum obijcitur, quod non potuit ipse Samuel videre David, quando regnabat ad hoc, quod scriberet eum esse regem. Dici potest vno modo, quod Samuel potuit scribere David esse regem, quia licet non vidit eum in possessione regni, tamen sciebat, quod regnaturus erat, quia ipse hoc prædixerat, vt patet 1. Reg. 15. Et postea mortuus explicuit illud, eo. li. ca. 28. Etiam vidit Samuel ipsum David esse regem, quia vidit eum vnctum in regem cum ipse illum vnxit, vt patet 1. Reg. 16. & vnctio illa conferebat ei titulum, cum præcepto Dei facta fuisset. Alio modo potest dici, quod Samuel scripsit istum librum, & ipse non vidit David esse regem, nec scripsit ipsum esse regem, sed ista particula addita est ab Elda, qui reparauit omnes libros legis combustos à Caldæis, & sic in multis alijs libris putatur scripsisse addendo aliquos versiculos. Istud autem verisimilius est, quàm præcedens: nam dato, quod Samuel vnxisset David in regem, non scriberet hic eum tanquam regem, eo quod nondum constabat



frabat eo viuentē, quod Dauid esset rex, & legentes librum istum nō intelligerent quomodo diceretur Dauid esse rex, cū non viderent eum regnare. Item, & potissimē, quia Samuel nolebat indicare istud timens Saule: nam quādo iussit Deus, quod Samuel iret ad vngēdum Dauid in Bethlehē, dixit Samuel, quod audiret hoc Saul, & interficeret eum, & ob hoc iussit Deus, quod Samuel portaret vitulum fingens, quod ibat ad immolandum domino in Bethlehē 1. Reg. 16. cap. non ergo declararet, quod Dauid erat rex, describens hoc in libro isto, sed Esdras istud addidit. Et sic satis potest stare responsio ista, scilicet, quod nō fuit continuata progenies vltra Dauid, quia non potuit vltra describere huius libri scriptor. Dicendum ergo, quod continuata fuit hic progenies vsque ad Dauid, quia tota intentio libri istius erat propter Dauid, scilicet, quod sciretur, quod de Ruth Moabitide descendisset Dauid, ideo etiam progenies hic descripta narrabatur propter Dauid, & sic necessarium erat ad ipsum perueniri. Cū autem non fuerit vltra continuata progenies ista, dici potest dupliciter: vno modo, sicut supra, scilicet, quod non potuit scriptor libri plura describere, eo quod viuentē Dauid obiit, & non vidit successores eius. Secundō potest dici, quod factum est, quia habito fine cessat motus. Erat enim intentio libri tota ostendere de Dauid quomodo descenderet de stirpe Ruth, & ob hoc etiam progenies ista descripta est, scilicet, vt sciretur tota progenies Dauid ab exordio. Cū ergo sic enarrando perueniretur ad Dauid, ibi standum erat. Nam si continuaretur vltra, putaretur, quod introducta esset propter illum, in quo concluderetur, & sic non putaretur introducta propter Dauid. Et hoc verisimilius est: nam si solum cessasset enarratio in Dauid, quia scriptor non vidit successores Dauid, poterant poni omnes alij successores Dauid vsque ad captiuitatem Babylonis, cū Esdras, qui addidit hic quandam particulam, scilicet, quod Dauid esset rex, sicut supra declaratum est, poterat ponere omnes successores Dauid vsque ad captiuitatem Babylonis, quia omnes illi fuerunt ante Esdras: & tamen neminem illorum posuit, ideo videtur dicendum, quod non fuerunt positi alij, quia generatio ista solum enarrabatur propter Dauid.

*Quomodo Dauid descendit de stirpe Phares, & Efron.*

*Quæstio LXXXIX.*

**Q**VAERETVR vltēus, circa istam enarrationem progeniei, quomodo dicitur, q̄ Phares genuit Efron, & Efron genuit Aram, & sic ponitur Dauid descendisse de stirpe Phares, & Efron, & tamē istud non est possibile, quia familia Phares est distincta à familia Efron: nam in tribu Iuda ponuntur quinque familiae Num. 26. cap. Selaitarum, Pharesitarum, Efronitarum, Zareitarum, Amulitarum, & istae familiae erant distinctae; ideo, qui erat de vna familia, non poterat esse de altera: & sic si erat Dauid de filiis Phares, non erat de filiis Efron. Aliquis dicet, quod cū Efron esset filius Phares, vt patet hic, familia denominata ab Efron esset pars quaedam familiae nominata à Phares, & sic poterat quis esse in familia Efron, & Phares. Sic est de tribu, & familia, quia in qualibet tribu sunt multae familiae, & tamen quaelibet familia est pars tribus, & qui est de aliqua familia est de tribu. Dicendum, quod hoc non stat, quia pars & totum nō connumerantur, sicut nec vniuersale & particulare, & tamen familiae, quae sunt sub qualibet tribu connumerantur, quia ponuntur in tribu Iuda esse quinque familiae, ideo oportet, quod differant inter se, quia alias non essent quinque familiae, sed vna: sicut homo, ani-

mal, corpus, & substantia sunt quatuor, sed vnum, quia non connumerantur. Et cū dicitur de tribu respectu familiae, dicendum, quod non est simile, quia verum est, quod quilibet, qui est sub familia aliqua, est sub tribu, & tamen non connumerantur inter se tribus, & familia, ita quod tribus, & familia distinguantur, & sint duo; sed sunt tanquam totum, & pars: seculus autem est de familijs eiusdem tribus inter se, quia connumerantur, & conuiuantur, sicut pars conueniens partem, ideo necessarium est dicere, quod familiae Phares, & Efron sint distinctae; ita quod illi, qui sunt de familia Efronitarum non sunt de familia Pharesitarum. Quidam dicunt aliter, sicut respondebatur Num. 26. & saepe alibi, scilicet, quomodo pater, & filij possunt constituere diuersas familias: nam familia patris continuatur per filium, & si filius nominare deberet aliam familiam, iam non esset aliquis, per quem continuaretur familia denominata à patre suo, & sic periret. Et dicunt, quod quando pater habet vnicum filium, non potest pater nominare vnam familiam, & filius alteram, quia iam non esset per quem continuaretur familia patris: si tamen pater habeat multos filios, potest pater nominare vnam familiam, & quilibet filiorum alteram præter vnum, per quem continuetur familia patris, & sic est de multis, vt patet Numeri 26. Et tamen dicendum, quod hoc non satisfacit in presenti, quia istud est ad hoc, quod familia Efron possit esse distincta à familia Phares, licet Phares sit pater Efron, & tamen deberent adhuc manere distinctae istae familiae, ita quod ille, qui esset de familia Phares, non esset de familia Efron, & è cōtrario: & tamen hic ille, qui erat de familia Phares est de familia Efron, cū Aran sit de familia Phares, & etiam est de familia Efron, cū dicatur esse filius eius. Dicendum, q̄ adhuc non concludit, quia licet quis sit filius Phares, non est de familia eius, quod patet ex casu dato: poterit enim quis habere octo filios, & nominabitur vna familia à patre, & illa continuabitur per vnum de filiis suis: à reliquis autem septem filiis nominabuntur septem familiae: & tamen manifestum est, quod quilibet descendens de quacunque istarum septem familiarum descendit à patre istorum octo virorum, à quibus nominatae sunt septem familiae; & tamen non est quilibet de familia illa, quam denominat pater omnium istorum, eo quod familia denominata ab isto non continuatur per omnes filios suos, sed solum per vnum. Istud poterat esse in presenti, scilicet, quod esset Phares pater Efron, & haberet alios filios præter eum, & familia Pharesitarum non continuaretur per Efron, sed per alios, & ab Efron deriuaretur alia familia, & sic filij Efron essent filij Phares, & tamen non essent de familia Pharesitarum, sed de familia Efronitarum. Sed adhuc obijcietur, quia Phares habuit solum duos filios, scilicet Efron, & Amul Gen. 38. & à quolibet istorum denominata est vna familia, scilicet Efronitarum, & Amulitarum: Num. 26. quomodo ergo poterit familia Pharesitarum esse distincta à qualibet istarum, quia non habebat Phares alios filios, per quos continuaretur progenies sua? Dicit potest, quod habebat alios filios præter Efron, & Amul, per quos continuaretur sua familia. Nec obstat, quod Genesis 38. isti soli ponantur, quia locus ab auctoritate negatiue non valet, potissimē, quia sacra scriptura interdum multa omittit. Sed adhuc obijcietur, quod non habuerit plures filios Phares, quia Gen. 46. ponitur numerus omnium descendantium in Aegyptum cum Iacob, & de filiis Phares non ponuntur, nisi Efron, & Amul, ideo non erant plures, quia si plures fuissent, plures exprimerentur ibi, cū possetur ibi numerus precius. Dicendum, q̄ etiam hoc non probat, quia licet Phares ante

Quis potest esse filius alicuius, & non esse de familia eius.

ante



ante introitum in Aegyptum non habuerit nisi Esrō, & Amul, poterat postea gignere alios filios, qui non computarentur inter descendentes: Et hoc potissimē, quia Phares erat valde iuuenis, quando descendit in Aegyptum cum Iacob: nondum enim erat annorum 24. vt declaratum fuit Gen. 38. Aliter potest dici, quod dato, quod Phares haberet duos filios solum, poterat nominari ab eo vna familia, & a quolibet filiorū alij. Et si dicatur, q̄ non erat ibi aliquis, per quem continuaretur familia paterna; dicendum, q̄ oportebat, quod aliquis filius istorū haberet rursus multos filios, & per vnum illorum continuaretur familia paterna, & per alium familia aui, sicut si Esron haberet multos filios, quidam de filiis eius nominarentur de familia Esron, & alij de familia Phares, & tamē omnes essent filij Phares: & sic poterat esse in præsenti.

*Quomodo fiat, quod Salmon genuit Booz, & Booz Obed cum ambo essent decrepita etatis.*  
*Questio LXXX.*

**Q**VAERETVR vltius, cum dicatur hic, q̄ Salmon genuit Booz, & Booz genuit Obed, quomodo potest stare hoc: nam tunc necessariū esset, q̄ tam Salmon, q̄ Booz, q̄n gignerēt esset glibet plus q̄ cētum annorū, imō plus q̄ cētum & viginti, quod est valde incōueniens, q̄a nullus homo in tanta etate erat potēs ad gignēdum, & non solū hoc, sed ēt rari perueniebant ad istam etatē illo tēpore, sicut & isto: consequentia patet, quia natiuitas Obed ponitur communiter fuisse tpe Heli iudicis Israel, & summi sacerdotis: sic enim vult Iose. 2. Antiq. Salmon autē accepit Raab Ierichōtinā in vxorē, ex qua natus est Booz in introitu Israel in terram Chanaan, vt patet Ios. 6. cap. quia tunc ipsa recepta est inter Israelitas, & tñ inter vtrunq; tempus fuerunt plures, q̄ ducenti & 40. anni, ideo necessariū erat, q̄ vterq; istorum q̄n gigneret esset plusq̄ centum & viginti annorum. Patet hoc, quia ab exitu de Aegypto vsq; ad foundationem templi Salomonis fuerūt anni quadringenti, & octoginta, vt patet tertio Reg. 6. à quibus subtrahantur quadraginta anni ab exitu de Aegypto vsque ad introitum in terram Chanaā: (nam illicō post introitum in terrā Chanaan capta est Iericho, quæ fuit prima ciuitas, quæ capta est in terra Chanaan, vt patet ex processu libri Iosue à principio vsque ad 7. cap.) subtrahantur etiam 30. anni ad plus de tpe Heli summi sacerdotis, & iudicis: (nam peregrinatio Elimelech facta est in diebus cuiusdā iudicis, supra 1. cap. & dicitur iste fuisse Heli, durauit autē decem annis, supra primo, & post reuersionē accepta est Ruth in vxorem à Booz, & peperit Obed, de quo hic, & sic ad minus transierunt 10. vel 11. anni de tempore Heli iudicis, & Sacerdotis: ipse autem iudicauit annis 40. vt patet 1. Reg. 4. ideo ad plus subtrahantur 30. anni de tempore eius:) deinde subtrahantur 40. anni Saulis Actu. 13. & postea 40. anni regni Dauid 2. Reg. 5. & 3. Reg. 1. & tres anni de regno Salomonis, quia in principio 4. anni regni Salomonis fuit fundatum templum: qui sunt simul anni 153. qui subtrahantur de 480. manebunt 300. & 27. diuidendo ergo istos per Salmon, & Booz, necessariū erit, q̄ quilibet istorum haberet annos plures, q̄ cētum & sexaginta tres: quod videbatur impossibile, quia nullus hominum ad tantam etatem accedebat. Et dato, quod quis attingeret eam, non esset quis potens gignere in tali etate. Dicit ergo Nicolaus, & quidam de doctoribus nostris, quod fuerūt tres viri eiusdem nominis, scilicet Booz auus, pater, & filius, & primus eorum fuit filius Salmō, & ille genuit alterū Booz, q̄ subtrahitur hic: & ille Booz, qui subtrahitur genuit Booz patrē Obed, & isti tres conuenienter

A implerent tempus istorum 327. annorum cum Salmon, & sic poterit litera stare; & sic tenet Nicolaus hic, & etiam super Matth. cap. 1. probat hoc per simile: nam sic Matth. 1. in Genealogia Saluatoris subtrahuntur alij tres, scilicet Ochozias, & Ioas, & Amasias. Nam dicitur, Ioram autem genuit Oziam. Et tamen Ioram non genuit Oziam, sed Ochoziam, & ille genuit Ioas, & Ioas genuit Amasiam, & Amasias genuit Oziam, vt patet 4. Reg. 11. & 8. & 14. & 2. Paralipo. 21. & 22. & 25. sicut ergo subtrahuntur illi tres reges, ita subtrahuntur tres viri Booz, vel duo in prima parte Genealogiæ Saluatoris: Matth. 1. & hic. Dicendum, quod licet hoc multis videatur stare, tamē falsum est: & causa est, quia ipsi nesciunt dissoluere inconueniēs, quod videtur sequi si ponatur vnicus Booz: & tamen dicendum est, quod vnicus fuerit, scilicet, qui fuit pater Obed, & filius Salmon. Modus autem, quomodo litera stet conuenienter, est iste, scilicet, quod non astringamus nos ad hoc, quod fuerit historia Ruth tēpore Heli summi sacerdotis, sed tempore alicuius iudicis multo ante eum, & dicem⁹, quod historia Ruth accidit diebus Gedeonis Iudicis Israel, & cœpit anno Barac vltimo. Et computabitur sic, quod Salmon filius Naafon natus fuerit ante exitum de deserto decem, vel viginti annis, & acceperit Raab Ierichontinam in vxorem in introitum in terram Chanaan, & fortē genuit ex ea multos, & tamē genuit ex ea Booz in fine omnium, cum iam esset annorum nonaginta duorum, vel trium: & tunc esset etiam apta ad gignendum Raab, quia fortē in introitu in terram Chanaan ipsa esset puella tenera quindecim annorum, licet dedita impudicitia, & cum esset annorum 87. conciperet Booz ex Salmon: nam Sara quando cœcepit Isaac, erat annorum nonaginta, & non fuit miraculum in conceptione propter maximam senectutem, sed quia desierant fieri Saræ muliebria. De hoc Genesis decimo septimo, & decimo octauo, & vigesimo primo. Postquam ergo Raab in anno 87. conciperet, deinde Booz filius Salmon anno 98. vitæ suæ ex Ruth, quæ erat iuencula poterat gignere Obed, & istud esset tempore Barac iudicis Israel. Quod patet computando ab introitu in terram Chanaan septuaginta duos annos, post quos gigneretur Booz ex Salmon constituto in nonaginta & duobus annis, & ex Raab, quæ esset octoginta septem annorum, & addantur illis nonaginta, & octo anni in qua etate Booz gigneret Obed ex Ruth, qui sunt simul centum & septuaginta anni, computentur totidem per tempora iudicum, scilicet quadraginta anni primi iudicis, scilicet Othonielis, iudicū tertij, sub quibus etiam comprehendit totum tempus, quo Iosue rexit populum, & tempus medium inter Iosue & iudices: sic declaratum est ibidem: & postea anni octoginta, qui computantur sub Aod secundo iudice, eodem capitulo, & quadraginta anni sub Barac: iudicū quarto. Nam sub Samgar non computantur aliqui anni, sed tempora sua colliguntur sub Barac: & sunt isti anni simul centum & sexaginta: accipiantur anni decem de diebus Gedeonis, qui etiam quadraginta annis iudicauit, vt patet iudicū octauo: & sic dicetur, quod tempore Gedeonis anno decimo, vel quasi potuerit esse generatio Obed, & principium peregrinationis eius fuit in principio dierum Gedeonis, vel in fine dierum Barac. Nam illa peregrinatio durauit decem annis, vt patet supra primo: deinde dicitur, quod Obed nonaginta octo annorum, vel quasi poterat gignere Isai patrem Dauid, & Isai gigneret. Dauid anno octuagesimo quinto, vel quasi vitæ suæ, & isti anni omnes coniungendo cum præcedentibus sunt anni trecenti quinquaginta & sex, scilicet septuaginta duo anni Salmon post



post introitum in terram Chanaan, & nonaginta octo Booz, & totidem Obed, et octogintaquinque Isai: qui subtrahantur de quadringentis octoginta, qui fuerunt ab exitu de Aegypto usque ad foundationem templi Salomonis 3. Reg. 6. manebunt 124. anni, de quibus rursus fuerunt subtrahendi quadraginta, scilicet, qui fuerunt ab exitu de Aegypto usque ad introitum in terram Chanaan, manebunt octoginta & quatuor anni; de quibus subtrahantur quatuor anni ferè, qui transierunt de regno Salomonis, quando fundatum est templum 3. Reg. 6. & quadraginta, quibus regnavit David, secundo Regum quinto, & tertio Regum 2. manebunt alij quadraginta anni: & isti fuerunt, qui ascribunt regno Saulis Act. 13. & hoc modo, quando coepit regnare Saul, vel quando coeperunt computari quadraginta anni sub eo fuit natiuitas Danid, & erit tunc totus numerus completus, & conformatus numerus generationum numero temporis: & tamen non debet dici, quod David natus fuerit primo anno regni Saulis, quia tunc anno, quo moreretur Saul esset David quadraginta annorum: & tamen falsum est, quia erat illo anno triginta annorum. Quod patet, quia illico, ut mortuus est Saul, vnctus est David in regem super Iudam, ut patet 2. Reg. 1. & 2. & tamen quando vnctus est in regem super Iudam erat annorum triginta 2. Reg. 5. ideo dicendum, quod decem anni erant transacti de regno Saul, quando natus est David, & tamen nondum regnabat Saul, sed iudicabat Samuel: & tamen tempora Samuelis, & Saulis computantur in illis quadraginta annis, qui ascribuntur Sauli: Act. 13. & de istis iudicauit Samuel amplius viginti annis, de quibus patet 1. Regum septimo. Iosephus autem sexto Antiquitatum, & septimo in principio dicit fuisse decem & octo annos regni Saulis, & sic manent viginti duo pro Samuele, quod satis conueniens est. Isti autem decem anni diuidentur per generationes præcedentes dando cuilibet duos, vel tres annos: et sic stabit numerus ex omni parte conueniens; et non oportebit dicere, quod fuerint tres Booz, quia litera non innuit, sed est diuinare. Sed dicetur, quod ista computatio generationum ad implendum numerum annorum est ficta, et à voluntate propter duo, vel tria. Primò, quia ponuntur isti generare in tanta ætate, in qua fortè non poterant gignere. Secundò, quia dato, quod possent gignere in tanta ætate, tamen non est verisimile, quod in illa gignerent, sed potius in minori ætate. Tertiò, quia dato, quod in tanta ætate gignerent, isti essent geniti in minori ætate, cum sint primogeniti, per quos textitur linea patrum, cum tam hic, quam 1. Paralipome. 2. & Matth. 1. ponantur ad enarrandum generationem patrum, & istud competit primogenitis. Dicendum, quod non sequitur aliquod istorum inconuenientiũ, nec est fictio aliqua, sed necessitas ad ponendum generationem in tanta ætate, quia aliàs non posset stare, quod isti soli, qui ponuntur hic complerent generationem istam, sed necessarium erit dicere aliquos taceri, quod non est conueniens. Ad primum inconueniens dicendum, quod isti poterant gignere in tanta ætate, quia in maiori ætate generabant alij, quia Abraham, quando genuit filios suos ex Cetura, erat annorum centum quadraginta, & plus, ut probatum est Gen. 25. Et non fuit aliquod miraculum in generatione illa, quia solum ponitur miraculum in generatione Isaac, quem concepit Sara, ut patet Gen. 18. & ad Rom 4. & ad Hebr. 11. Ideo à fortiori possent isti gignere anno octogesimo octauo; & istud posset faciliter esse accipiendo iuenculas in vxores: nam senes non possunt gignere ex veteribus; & tamen si accipiant iuenculas in vxores poterunt gignere; & sic

F dicit Augustinus, quod Abraham potuit gignere ex Cetura in magna senectute naturaliter, cum ex Sara in minori constitutus ætate gignere non potuisset, scilicet, quia Sara erat veterana, sicut Abraham, & Cetura, de qua postea genuit sex filios, quæ erat iuencula. Causa autem, quare potest gignere vir senex de iuencula, & non de veterana potest esse multiplex. Prima, quia in magna ætate desinunt mulieribus fieri menstrua, & tunc impossibilis est conceptio naturaliter: sic fuit de Sara: nam dicitur Gen. 18. quod erant Abraham, & Sara prouectæ ætatis, desierantque Saræ fieri muliebria. Secunda est, quia ad hoc, quod mulier concipiat, oportet, quod menstruum muliebri digeratur, & formetur à semine masculino. Digestio autem fit per calorem seminis masculini: ideo insurgunt tunc duo impedimenta: primum ex parte viri, quia semen senis est debilis caloris, & non valebit digere, nec formare menstruum muliebri ad organizandum inde foetum. Secundum est ex parte mulieris veteranæ. Nam menstruum muliebri est aliquantulum frigidæ naturæ, & valde humidæ, & quanto magis mulier declinat ad senectutem, tanto menstruum frigidius est, & difficilius formabitur: si autem senex accipiat iuenculam in vxorem propter calorem ætatis menstruum est calidæ complexionis, & modicus calor seminis virilis sufficit ad digerendum, & formandum menstruum muliebri in foetum: ideo senex poterit gignere ex iuencula: dum tamen non sit valde senio infrigidatus. Nam ad tantum defectum virtutum naturalium propter ætatem potest aliquis deuenire, quod ex nulla foemina quantumcunque iuencula gignere possit, etiam si possit semen emitte: nam facile est homini in quacunque ætate calefacto saltem artificialiter semen emitte, & tamen illud tam defectuosum esse poterit, quod nullo modo proficiat ad generationem. Sic etiam est de menstruo muliebri: nam licet mulier veterana non possit concipere de sene, poterit concipere de iuene, quia in illo propter ætatis calorem, & fortitudinem excessus caloris seminis masculini contemperabit semen foemininum, etiam si sit frigidum, & fiet inde conceptus: in tanta tamen frigiditate, vel indispositione potest interdum esse semen menstruum muliebri, quod à nullo semine virili quantumcunque calido possit digeri, & formari. Et in tali statu mulier concipere naturaliter non potest, & tunc vocatur corpus mulieris emortuum. Sic dixit Apostolus ad Hebr. 11. quod Abraham non cõsiderauit emortuam valnam Saræ. Poterat ergo senex gignere de iuencula, qui aliàs non poterat gignere de veterana, propter calorem nimium ætatis. Quod autem sit nimius calor iuencularum patet, quia quando David infrigidatus erat, ita ut opertis vestibus non calefieret, quæsierunt ei serui sui adolescentulam nomine Abisag, ut dormiret in sinu eius, & calefaceret eum, tertio Regum primo. Istud autem poterat esse in omnibus istis præterquam in Salmon, cuius vxor erat annorum octoginta & septem, vel ferè, quando concepit Booz, ut supra declaratum est: & tamen in alijs poterat esse. Et patet hoc de Booz: nam ipse accepit Ruth in vxorem, quæ erat iuencula, & vocatur puella supra in littera. Ad secundum inconueniens, quando dicitur, quod dato, quod possent gignere in tanta ætate, tamen non est verisimile, quod tunc gignerent. Dicendum quod non solum est satis verisimile, imò etiam est verum, quia manifestum est, quod Booz senex erat, quando accepit nunc Ruth in vxorem, & genuit ex ea Obed: unde ipse dixit: benedicta tu filia à domino, quia non es secuta iuuenes pauperes, aut diuites, sed secuta est ipsum, ergo ipse non erat iuuenis. Sic etiam patet de

Causa  
quare se-  
nex potest  
gignere à  
iuencula  
& non de  
veterana.



de Isai patre Dauid: nam in senectute sua ipse genuit Dauid, quia quando Dauid erat paruulus, & pascebat greges, erat Isai pater eius grandæuus, ut patet 1. Reg. 13. Ad tertium inconueniens, cum dicitur, quod dato, quod aliquos filios generarent isti in tanta ætate, tamen non essent isti, de quibus loquitur hic, eo quod isti erant primogeniti, sicut patet de Obed, qui fuit primogenitus, & per eum continuata est linea Mahalō de. Incti. Dicendum, quod non fuerunt isti, qui ponuntur hic, primogeniti, sed fortè ultimi filiorum istorum gignentium. Sic patet de Dauid: nam dicitur hic, quod Isai genuit Dauid, & non ponitur alius de filiis eius, & tamē Isai habebat alios filios, quorum ultimus fuit Dauid, ut patet primo Reg. 16. & primo Paralipome. vigesimoquarto, ita poterat esse de alijs. Et cum obijcitur, quod isti essent primogeniti, quia per eos enarratur progenies patrum: dicendum, quod non stat, quia si aliquando minores fuerunt digniores primogenitis, non computatur progenies patrum per primogenitos: sic etiam fuit de Dauid: nam Salomō fuit minimus filiorum eius, ut patet 1. Paralipome. 28. & tamen per ipsum computatur progenies Dauid, quia ille fuit rex, & non aliquis de fratribus eius. Cum autem rursus obijcitur, quod fuit Obed primogenitus Booz. Dicendum, quod non fuit primogenitus respectu Booz, sed fuit primogenitus eius de Ruth, quia cum suscepit illam in uxorem ad suscitandum semen defuncti in Mahalon, primus filius eius fuit Obed. Aliud, & quartum inconueniens potest allegari, scilicet, quod ponitur hoc modo historia Ruth fuisse tempore Gedeonis, & tamen communiter dicitur, quod fuerit tempore Heli summi sacerdotis, & iudicis. Dicendum, quod hoc non est inconueniens: nam non constat, quod fuerit ista historia tempore Heli ex aliquo loco sacre scripturæ: nec ex aliquo argumento probabili, sed solum ex opinione cui possumus contradicere, si voluerimus: potissimè, cum non possit hoc stare aliquo modo: nam supra 1. cap. in quadam questione de hoc declaratum est, quod erat impossibile, quod accideret tempore Heli: ideo Hebræi dicebant quod fuerit tempore Abesān iudicis Israel. Sed dicendum, quod etiam non potest stare: nam Abesān fuit multo tempore post Gedeonem, & inter annum decimum Gedeonis, vel quasi quo fuit natiuitas Booz, & principium temporis Abesān fuerunt anni centū, & duo. Quod patet, quia Gedeon 40. annis iudicauit, de quibus subtrahantur decem, quia anno decimo ei ponitur supra fuisse natiuitas Obed, manent triginta: deinde tres anni, quibus præfuit Abimelech filius ei⁹, deinde vigintitres anni Thola, & vigintiduo anni Iair, & decem & octo anni, qui fuerunt sine iudice, ut patet Iudi. 8. 9. & 10. postea sex anni Iephthe Galaaditæ: Iudi. 12. qui sunt simul centum & duo anni: quibus additis præcedenti tempori sequetur, quod tam Salmon, quam Booz quando genuerunt erant annorum centum quadraginta septem ad minus, & tamen istud non conceditur tempore istorum: quia tunc nullus hominum ad tantam perueniebat ætatem, quanto magis, quod illo tempore gignere possent. Patet hoc, quia dato, quod fuerit natiuitas Obed anno 10. Gedeonis, vel quasi, ponebatur, quod esset Salmon annorum nonaginta, & duorum, vel quasi, scilicet, quod natus esset ante introitum in terram Chanaan viginti annis, vel quasi, & postea per septuagintaduos genuisset Booz, & sic esset nonagintaduorum annorum, quando gigneret & ponebatur etiam Booz nonaginta & octo annorum, quā gigneret Obed, quia aliās non poterat perueniri usque ad tempus Gedeonis, ut supra declaratum est: si autem nunc addantur isti centum & duo anni sequetur, quod quilibet istorum ad minus erat annorum centum qua-

draginta & septem: & tamen in tali ætate non poterat quisquam illo tempore viuere, ideo si illo tempore fuisset historia Ruth, necessarium erat, quod aliquis subtriceretur in progenie ista, sicut dixerunt Latini, & Nicolaus: ideo quantum ad hoc, licet tam Iudæi, quā Latini videantur errare; tamē rationabilius locuti sunt Latini ponentes, quod fuerunt tempore Heli, & subtriceantur hic aliqui, quā Hebræi non ponentes aliquos subtriceri, & dicentes, quod fuerit hoc tempore Abesān. Et rationabilius utrisque locutus est Nicolaus, dicens, quod fuerit tempore Abesān: & tamen ponens, quod aliqui subtriceantur, scilicet, quod fuerint tres vocati Booz. Sed adhuc ipse non rectè in hoc dixit fingens aliquid quod scriptura non dixit, & tñ sine causa non ponendo plures, quā exprimantur in litera: & sic non est ponendum, quod fuerit historia Ruth tempore Heli, nec tempore Abesān, sed tempore Gedeonis, ut supra declaratum est. Causa autem, quare motium, & ratio Nicolai non tenet, est primò, quia videtur nimis absurdum, quod aliquis faciat suppletiones ad sacram scripturam, dicendo fuisse aliquid quod scriptura non ponit, nullā ostendendo ad hoc causam necessariā. Nam quando causa est necessaria, dicitur aliquid ommissum esse: & tñ Nicolaus non ostendit aliquam causam necessariam, quare debeamus dicere, quod fuerint tres Booz, & quod hic solū ponitur vnus, cum existente vnico Booz possit stare conuenienter, ut supra declaratum est: & potissimè circa enarrationem progenitorum, cum scriptura dicat fuisse Salmon patrem Booz, & Booz patrem Obed, & nos asseramus hoc non fuisse sic, sed quod Booz fuit pater alterius Booz, & ille alterius, quia videmur quodammodo dicere contra naturam scripturæ. Secundò, et efficacius patet, quia si verum esset, quod omitterentur hic duo viri nomine Booz, dato quod in aliquo loco scripturæ ommitterent, supplerentur in alijs, sicut fit de multis alijs omissionibus: & tamen cum in multis locis ponatur ista progenies, in omnibus ponitur sic: nā ponitur hic, & Matth. 1. & 1. Paralipo. 2. et vbique ponitur eodem modo: ideo nō videtur, quod aliquid ommissum fuerit hic, vel ibi: et ista est ratio, quæ maximè mouet. Item patet hoc potissimè de libro Paralip. quia ille liber est ad suppletionem eorum, quæ in alijs libris omittuntur, et ob hoc vocatur Paralipomenon, id est omissorū siue de omisissis, et tamen ibi ponitur generatio ista, sicut hic, ergo non fuerunt taciti aliqui, qui vocarentur Booz, sicut isti asserunt. Motium autem Nicolai, scilicet, quod subtriceantur hic tres viri, vel duo, sicut constat, quod omittuntur Matth. 1. in Genealogia Christi, non facit ad propositum, quia de illis habetur causa, quare omittantur, scilicet, quia fuerunt impij, et tamē de istis duobus, quos asserunt subtriceri, non apparet, quod mali fuerint, cum et non appareat, quod sint: ideo nō est sic dicendū, quod omittantur. Item patet hoc maximè, quia adhuc si omitterentur solum Matth. 1. posset habere colorem, quod fiebat ad reddendum numerū perfectum, et ad æquatum generationum quatuordecim: ita ut ter ponantur quatuordecim, ut ait Matth. vel fortè ex alia causa: et tamen non omitterentur illi in veteri testamento, sicut hic de tribus regibus, scilicet Ochozia, Ioas, et Amasia, qui sunt in generatione Christi: et tamen si omittuntur Matth. 1. ponuntur tamen in numero regum in 4. Reg. et in 2. Paralipo. et in alijs libris. Et cum de istis duobus Booz, quos dicunt subtriceri, non apparet in veteri testamento toto, ideo non est dicendum, quod omittantur hic. Patet ergo, quod Salmon fuerit filius Naafon, et pater huius Booz, qui genuit Obed. Et ita terminatur tota sententia huius libri Ruth, adiuvante Deo nostro, cui est honor, et gloria in secula seculorum. Amen.



**B**REVIS licet libellus iste in litera ex-  
titerit, cum nec per se liber sit, sed  
quædam decisio facta de libro Iudicum,  
ut Hieronymus innuit in prologo Galeato,  
difficultates tamen non paucas continet,  
cui & quandam lucubrationculam appo-  
nere necessario nobis fuit: nunc verò licet  
iuxta vota fortassis labori fructus exposi-  
tionis non responderit, deuotè tamen, ut  
id efficeretur, iuxta vires elaboratum est.

**F**In quo, ut in cæteris, assistrice nobis spiritus  
diuisoris quantacunq; portiuncula, aliquid  
saltem elucidatum est. Lectores ergo beni-  
uolos admonitos esse volo, nè pauperulam  
Ruth in agro Booz spicas metentem contē-  
pserint; nam etsi pauperula, magnæ tamē  
virtutis nobis indicium præstitit: potissimè,  
quia libelli huius explanatio multa cōtinet,  
quæ aliorum librorū tam nouorū, quàm ve-  
terū expositioni, & intellectioni coaptantur.

Ex Typographia Rampazetana.

R E G E S T V M.

A B C D E F G H I K L M N O P Q R S T V X Y Z.

Aa Bb Cc Dd Ee Ff Gg Hh Ii Kk Ll Mm Nn.

Omnes sunt Quaterniones.









In quo, ut in ceteris, etiam hic nobis spiritus  
 sanctus quatuordecim potestatem, aliquid  
 saltem elucidatum est. Lectores ergo beni-  
 gnos admonere eis volo, ne quid ex his  
 Ruth in agro Booz spicas merentem consue-  
 piciant: nam et si paupercula, magis tamen  
 virtutis nobis indicium prestat, quam  
 quod libelli huius explanatio multa continet,  
 que ad hunc librum tam in usum, quam vo-  
 luntati exponendi, & in dilectionem conueniunt.

In quo, ut in ceteris, etiam hic nobis spiritus  
 sanctus quatuordecim potestatem, aliquid  
 saltem elucidatum est. Lectores ergo beni-  
 gnos admonere eis volo, ne quid ex his  
 Ruth in agro Booz spicas merentem consue-  
 piciant: nam et si paupercula, magis tamen  
 virtutis nobis indicium prestat, quam  
 quod libelli huius explanatio multa continet,  
 que ad hunc librum tam in usum, quam vo-  
 luntati exponendi, & in dilectionem conueniunt.

C 18776346

Ex Typographia Raripazera

R A G E S T . M

A B C D E F G H I K L M N O P Q R S T U V X Y Z

A B C D E F G H I K L M N O P Q R S T U V X Y Z

R A G E S T . M



24011

ABV  
LĒSIB  
S. Lib  
IVDI  
CVN  
& RW





colorchecker CLASSIC



calibrite

mm